

# ՀԱՅԱՍՏԱՆԻ ԱԶԳԱՅԻՆ ԱՐԽԻՎ

ՀՏԴ 941 (479.25)  
ԳՄԴ 63.3 (2 Հ)  
Հ 200

Հրատարակվում է Հայաստանի  
ազգային արխիվի  
գիտական խորհրդի որոշմամբ

Հրատարակչական աշխատանքները  
իրականացրել է «Армянский  
вестник» հրատարակչությունը  
(Մոսկվա)

Տպագրվում է *Վաչագան*  
*Պետրոսյանի* հովանավորությամբ

Պատասխանատու խմբագիր՝ *Անատունի Վիրաբյան* (պատմ. գիտութ. դոկտոր)

Կազմողներ՝

*Անատունի Վիրաբյան*  
*Գոհար Ավագյան*  
*Ռոժենտ Գրիգորյան*  
*Ալբերտ Կիրիմյան*

Հ 200 Համահայկական խորհրդակցություններ (1912-1920թթ.): Փաստաթղթերի և  
նյութերի ժողովածու: Կազմ.՝ Ա.Վիրաբյան, Գ.Ավագյան, Ռ.Գրիգորյան,  
Ա.Կիրիմյան, պատ. խմբ. Ա.Վիրաբյան. - Եր.: Հայաստանի ազգային  
արխիվ, 2004թ., էջ:

Հայաստանի ազգային արխիվը առաջին անգամ ամբողջական տեսքով  
հրապարակում է 1912-1920թթ. կայացած համահայկական խորհրդակցությունների  
(համագումարների) հրավիրման վերաբերյալ փաստաթղթերը և դրանց  
արձանագրությունները, ինչպես նաև փաստաթղթեր խորհրդակցություններում  
ընտրված համազգային գարծաղի մարմինների գործունեության մասին:

ԳՄԴ-63.3 (2 Հ)

ISBN 99941-910-1-2

ԵՐԵՎԱՆ 2004

© Հայաստանի ազգային արխիվ, 2004

## ԱՌԱՋԱԲԱՆ

20-րդ դարի երկրորդ տասնամյակում, հայ ժողովրդի համար ճակատագրական պահերին հայկական հասարակական-քաղաքական ուժերը հաճախ փորձել են համախմբվել և միասնաբար ելք գտնել ճգնաժամային իրավիճակներից: Հրավիրվել են համագումարներ և խորհրդակցություններ, ընտրվել համազգային գործադիր մարմիններ:

1912թ. աշնանը՝ հոկտեմբեր-նոյեմբեր ամիսներին թիֆլիսում կայացան Ռուսական կայսրության հայաշատ վայրերի ներկայացուցիչների երկու համագումար-խորհրդակցություններ: Այդ խորհրդակցությունների նպատակն էր օգտվել 1912թ. սկսված Բալկանյան պատերազմի հետևանքով ստեղծված բարենպաստ իրադրությունից և հասել Հայկական հարցի լուծմանը: Առաջին համագումարում ընտրվեց 8 հոգուց կազմված ժամանակավոր բյուրո (Ս.Հարությունյան, Ա.Խատիսյան, Յ.Թումանյան, Կ.Խատիսյան, Ա.Քալանթարյան, Յ.Առաքելյան, Ա.Պողոսյան, Ն.Աղբալյան), որը վարելու էր ընթացիկ գործերը և նախապատրաստելու էր նոր համագումարի հրավիրումը: Նոյեմբերի 3-ին կայացավ 2-րդ համագումարը, որին ներկա էին պատգամավորներ թիֆլիսից, Բաքվից, Նոր-Բայազետից, Բաթումից, Աստրախանից, Նախիջևանից, Շուշուց և այլ վայրերից: Համագումարը ընդլայնեց ժամանակավոր բյուրոյի կազմը և անվանեց թիֆլիսի ազգային կենտրոնական բյուրո, որը պատմության մեջ մտավ Ազգային բյուրո անունով:

Բյուրոն սկզբնական շրջանում զբաղվում էր Հայկական հարցի քարոզչությամբ, եվրոպական տերությունների դիվանագիտական շրջաններում ձգտում էր Ռուսաստանի հովանավորությամբ Հայկական հարցի լուծման համար բարենպաստ հող ստեղծել: Երկար բանակցություններից ու բազմապիսի դիվանագիտական «բարդություններ» հաղթահարելուց հետո, վերջապես, 1914թ. հունվարի 26-ի Ռուսական և Օսմանյան կայսրությունների միջև կնքվեց համաձայնագիր՝ Թուրքիայի հայկական վիլայեթներում հայկական բարենորոգումների մասին, որին, սակայն, վիճակված չէր իրագործվել՝ վերահաս համաշխարհային պատերազմի և արևմտահայության նկատմամբ թուրքական ոճրագործ քաղաքականության պատճառով: Երբ սկսվեց պատերազմը, Բյուրոն, ցարական կառավարության հավանությամբ, հայ կամավորական ջոկատների կազմակերպման, պահպանման ու թվաքանակի ավելացման, արևմտահայ գաղթականների ու որբերի տեղավորման, պարենամթերքով ապահովելու խնդիրների իրականացման համար բանակցությունների մեջ մտավ ռուս զինվորական ու քաղաքացիական իշխանությունների հետ:

1916թ. գարնանը Մոսկվայի և Պետրոգրադի հայ հասարակական կազմակերպությունների նախաձեռնությամբ Պետրոգրադում հրավիրվեց հայկական համագումար, որի նպատակն էր հայ գաղթականների օգնող բոլոր ընկերությունների և կազմակերպությունների ջանքերը և ուժերը միավորել համառուսաստանյան չափերով:

Մասնակցել են Պետրոգրադի, Մոսկվայի, Աստրախանի, Դոնի Ռոստովի, Եկատերինոգրադի, Օդեսայի և Ռուսաստանի այլ քաղաքների հայ համայնքների ներկայացուցիչները, ինչպես նաև պատվիրակներ թիֆլիսից, Երևանից, Շուշիից, Բաքվից: Կովկասում գործող մի շարք կազմակերպություններ (Էջմիածնի օգնության կոմիտե, Հայոց գյուղատնտեսական ընկերություն և ուր.), չհամաձայնելով անցկացման վայրի հետ, չմասնակցեցին համագումարին: Համագումարի աշխատանքներին մասնակցեցեին ակադեմիկոս Ն.Առաք, Պետական դումայի անդամներ Մ.Պապաջանյանը, Մ.Աճեմյանը, նախկին անդամ Պ.Դուկասովը, զեն.Բաղրամյանը, Սուլթանշահը, Գ.Բաբայանը, Ա.Թամանյանը, Լ.Մանթաշյանը, Ս.Լազարևը, սենատորներ և ռազմազնական գործիչներ, ընդամենը՝ 142-150

պատվիրակ: Համագումարը որոշեց միջնորդել, որպեսզի պատերազմական գործողություններից առաջացած վնասների հատուցման օրենքը տարածվի նաև հայ փախստականների վրա, տեղեկություններ հավաքել հայերի վրա գործադրված թուրքական վայրագությունների մասին և, համաձայն դաշնակից պետությունների 1915-ի դեկլարացիայի, պատասխանատվության ենթարկել հանցավորներին, կազմակերպել տեղական հանձնախմբեր փախստականների գույքը պաշտպանելու նպատակով, միջնորդել թուրքերից ազատված հայկական շրջաններում ծանր վիճակում գտնվող հայերին օգնություն ցույց տալու համար: Որոշվեց կազմել Կենտրոնական խորհուրդ (62 հոգի) և առաջիկա համագումարը հրավիրել սեպտեմբերին՝ Երևանում կամ թիֆլիսում: Համագումարը թեև չստեղծեց ընկերությունների միություն, սակայն իր որոշումներով նպաստեց գոյություն ունեցող ընկերություններին շարունակելու իրենց գործունեությունը որոշակի համակարգված:

1917թ. փետրվարյան հեղափոխության հաղթանակը Ռուսաստանում ժողովրդավարական վերափոխումների և ազգային զարթոնքի հնարավորություններ ստեղծեց կայսրության բոլոր ժողովուրդների, այդ թվում՝ արևելահայության համար: 1917թ. սեպտեմբերի 29-ից հոկտեմբերի 13-ը թիֆլիսում հրավիրված Հայոց ազգային համախորհրդակցությունը կոչված էր լուծում տալու Ռուսաստանի ժամանակավոր կառավարության քաղաքականությանն առնչվող և հայ ժողովրդի առջև ծառայած մի շարք կարևորագույն հարցերի, որոնց հրատապությունը պայմանավորված էր տվյալ ժամանակաշրջանի բարդ իրավիճակով, ռուսական բանակի կողմից ազատագրվել էր Արևմտյան Հայաստանը, ռուսական պետական կառավարման համակարգը վերջապես մուտք էր գործել ազատագրված հայկական նահանգները և, բացի այդ, հետփետրվարյան անցած ժամանակաշրջանում երկրում խորացող ռազմական, քաղաքական ու տնտեսական ճգնաժամի պայմաններում հասունանում էր նոր հեղափոխության պոթենցիալը: Խորհրդակցությանը մասնակից հայ հասարակության գրեթե բոլոր խավերի ներկայացուցիչները (բուլձևիկները բոլորտել էին համախորհրդակցությունը) քննարկեցին քաղաքական, տնտեսական, վարչական կառավարման, պարենավորման, դպրոցաշինարարության և այլ հարցեր: Լսվեցին ու քննարկվեցին նաև Հայոց ազգային բյուրոյի հաշվետվությունը (զեկուցումներ՝ Ա.Խատիսյան, Ն.Աղբալյան), այդ մարմնի հետ կապված կամավորական շարժումը, հայկական կոտորածների շարժառիթները, դեպի տաճկահայերն ունեցած վերաբերմունքը, Հայաստանի ինքնավարության հարցում ցարական Ռուսաստանի կեղծ խոստումները, անհանջողության պատճառները և ապագա անելիքները՝ կապված փետրվարյան հեղափոխությունից հետո երկրում ստեղծված իրավիճակի հետ: Այս հարցի շուրջ քաղաքական կուսակցությունների պատգամավորներն արտահայտվեցին անկաշկանդ և անկեղծ մթնոլորտում: Բոլոր այդ ելույթները հրապարակվել են վերջին տարիներին լույս տեսած ռուսումնասիրություններում:

Համախորհրդակցության մասնակիցների տեսակետներն՝ Ազգային բյուրոյի գործունեության գնահատման հարցում, գրեթե համընկնում էին: մյուս խմբակցությունների ներկայացուցիչների համար դժգոհության առիթ էր այն հանգամանքը, որ Բյուրոյում մեծամասնություն էին կազմում դաշնակցականները և մարմինը գտնվում էր նրանց ազդեցության ներքո: Համախորհրդակցությունն այս իրողությունից ելնելով՝ դատապարտեց կամավորական շարժումը, համաժողովրդական շահերին չնպաստող Բյուրոյի գործելակերպը, Եղան նաև կամավորական շարժումն՝ արդարացնողներ: Հայոց ազգային համախորհրդակցությունը դադարեցրեց Ազգային բյուրոյի գործունեությունը և տարբեր կուսակցությունների ներկայացուցիչներից ստեղծեց Ազգային խորհուրդ՝ բաղկացած 15 հոգուց (Նախագահ՝ Ա.Ախրոնյան) և Ազգային ժողով: Վերջինը համարվում էր ռուսահայ ժողովրդի ժամանակավոր ներկայացուցչական մարմին: Մինչ այդ ստեղծվել էր Արևմտահայ ազգային խորհուրդը: Երկու ազգային

խորհուրդների ձևավորումը պայմանավորված էր հետփետրվարյան շրջանում հայ ժողովրդի ազգային-ազատագրական շարժման և Հայկական հարցի ակտիվացմամբ, հայ մտավորականության կողմից երկրի տնտեսական ու քաղաքական կյանքը ղեկավարելու ձգտումներով:

Արևմտահայերի ազգային խորհուրդը ընտրվել էր 1917թ. մայիսի 2-11-ը Երևանում կայացած արևմտահայերի առաջին համագումարում: Մասնակցել է 59 պատգամավոր, մոտ 400 հյուր (քաղաքական կուսակցությունների, հոգևորականության, արևմտահայ գաղթականներին օգնող ռուսական, անգլիական, ամերիկյան հայանպաստ կազմակերպությունների ներկայացուցիչներ): Համագումարի պատվավոր նախագահ է ընտրվել Անդրանիկը: Քննարկվել են արևմտահայերի ֆիզիկական գոյության պահպանման, տնտեսական վերականգնման, Արևմտյան Հայաստանի վերաշինման, աճող սերնդի կրթության և դաստիարակության հարցերը: Եվ այդ կապակցությամբ միջոցառումների մշակումը համագումարը համարել է Հայկական հարցի լուծման հնարավոր ուղի, քանի որ արևմտահայերի ճակատագիրը դրվում էր որպես Հայկական հարցի մաս: Համագումարն ընդունվել է, որ Հայկական հարցի արժարժույթը պետք է վստահվի եվրոպայում հայկական պատվիրակությանը, որի կազմի մեջ մտնում էին նաև արևմտահայեր: Որոշվել է հատուկ հանձնաժողովի հանձնարարել մշակել և ներկայացնել Արևմտյան Հայաստանում բարենորոգումների ծարգիր: Համագումարում ի հայտ են եկել արևմտահայ և արևելահայ կազմակերպությունների միջև եղած տարաձայնությունները: Ընտրվել է Արևմտահայ ազգային խորհուրդ (15 անդամով, որից 8-ը՝ դաշնակցական, մնացածը՝ ռամկավար, հնչակ և այլն): Խորհրդի մեջ են մտել Անդրանիկը, Ջ.Եսայանը, Ա.Թերզիբաշյանը, Գ.Հայկունին, Լ.Շանթը, Կ.Սասունցին, Սեպուհը, Ա.Բորոյանը, Արտ.Դարբինյանը, Հ.Գալիկյանը և ուրիշներ: Համագումարը ողջույնի հեռագիր է ուղարկել Ռուսաստանի ժամանակավոր կառավարությանը, քննարկել Փետրվարյան հեղափոխությունից հետո Հայաստանում ստեղծված իրավիճակը, նպաստել հայ ժողովրդի ուժերի համախմբմանը՝ գաղթականներին օգնելու հարցում, կոչ արել Հայկական հարցի լուծման գործում միասնության և ակտիվ գործողությունների, դատապարտել է թուրքական իշխանությունների կազմակերպած հայկական ցեղասպանությունը:

Երկրորդ համագումարը տեղի է ունեցել 1919-ի փետրվարի 6-13 (19-26)-ին: Մասնակցել է 55 պատգամավոր: Քննարկել են արևմտահայ գաղթականների քաղաքական ծրագրերի մշակման, նրանց հայրենիք վերադարձի, ներկայացուցչական մարմին ստեղծելու և այլն հարցեր: Համագումարի ընդունած որոշումների վրա իր ազդեցությունն է ունեցել Հայաստանի Հանրապետության կառավարության արտաքին քաղաքական կողմնորոշումը՝ կապված Հայկական հարցի լուծման գործում Անտանտի երկրների հետ հույսեր կապելու և հատկապես առաջին համաշխարհային պատերազմում Թուրքիայի պարտությունից հետո ստեղծված քաղաքական նոր պայմանների հետ: Համագումարի ելույթներում հույս է հայտնվել նաև, որ հետպատերազմյան պայմաններում Հայկական հարցը կստանա իր արդարացի լուծումը: Ընդունվել է որոշում հարց դնել Փարիզում ստեղծվող խաղաղության կոնֆերանսի առջև՝ ստեղծել մեկ միասնական հայկական պետություն, Արևմտյան Հայաստանի և Անդրկովկասում արդեն գոյություն ունեցող Հայաստանի Հանրապետության միավորման ճանապարհով: Որոշվել է մինչ այդ հարցերի լուծումը աջակցել Հայաստանի Հանրապետության կառավարության ձեռնարկած միջոցառումներին՝ գաղթականներին օգնություն կազմակերպելու գործում, խնդրել Անդրկովկասում գտնվող դաշնակիցների հրամանատարությանը օգնել հայ գաղթականներին հատկապես նրանց հայրենիք վերադառնալու հարցում: Գաղթականների հետ տարվող աշխատանքի համար ընտրվել է գործադիր մարմին:

1918թ. Թուրքական ներխուժման և Անդրկովկասի պաշտպանության հարցերը գտնվում էին հայ քաղաքական կուսակցությունների և ազգային հասարակական կազմակերպությունների ուշադրության կենտրոնում: Բաթումի անկումից հետո Հայ Հեղափոխական Դաշնակցության Սեյմում ներկայացված պատգամավորները նպատակահարմար համարեցին Թուրքիայի հետ հաշտության պայմանները քննության առարկա դարձնել ոչ թե խմբակցային, այլ ազգային չափանիշով, մի ժողովում, որի անցկացումը նախատեսվում էր Հայաստանում: Խորհրդակցության վայրը ընտրվեց Ալեքսանդրապոլը: Ապրիլի 6-8 (19-21)-ը կայացած խորհրդակցությանը մասնակցում էին Սեյմի և կառավարության հայ անդամները, կուսակցությունների ներկայացուցիչները, Երևանի և Կարսի նահանգական կոմիսարները, Հայոց ազգային խորհրդակցության Երևանի, Կարսի և Ալեքսանդրապոլի լիազորները, Ալեքսանդրապոլից քաղաքական մի շարք գործիչներ: Խորհրդակցությունը բացեց Ա.Վրացյանը, մտքերի փոխանակումից հետո հաստատվեց խորհրդակցության օրակարգը. 1. հաշտության պատվիրակության զեկուցումը, 2. կառավարության անդամների զեկուցումը, 3. զեկուցում ռազմական դրության մասին, 4. զեկուցումներ Երևանի և Կարսի շրջանների ներքին դրության մասին, 5. պատերազմի, հաշտության և երկրի պաշտպանության հարցեր:

1919թ. փետրվարի 24-ին Ազգային պատվիրակության նախաձեռնությամբ Փարիզում հրավիրվեց հայ ազգային համագումարը՝ «մշակելու համար հայ ազգի պահանջներուն ծրագիրը»:

Պատվիրակների կազմով (38 հոգի) համագումարը ներկայացնում էր հիմնականում գաղթահայությունը (Կ.Պոլիս, Եգիպտոս, Պարսկաստան, Հնդկաստան, Անգլիա, Ֆրանսիա, Հու.Ամերիկա և այլն), ինչպես նաև Կովկասում ապաստանած արևմտահայ գաղթականությունը: Խորհրդակցական ձայնով մասնակցում էին հենց նոր Փարիզ ժամանած Հայաստանի Հանրապետության պատվիրակության անդամներ Ա.Ախարոնյանն ու Յ.Օհանջանյանը: Հայ ազգային համագումարի նախագահն էր Գ.Նորատուրկյանը, փոխնախագահները՝ պրոֆ.Ա.Տեր-Հակոբյանն ու Ա.Չոպանյանը: Գումարել է 38 միստ:

Համագումարը վավերացրեց նախապես պատրաստված և 1919-20-ի Փարիզի հաշտության կոնֆերանսին ներկայացված հայկական պահանջների հուշագիրը, որտեղ համառոտ շարադրված էր Հայաստանում օսմանյան վեցդարյա տիրապետության «արյունալի պատմությունը», հայերի մասնակցությունն առաջին համաշխարհային. պատրազմին Անտանտի դաշնակիցների կողմում և սրանց խոստումները՝ Հայաստանը թուրքական բռնապետությունից ազատագրելու և նրան անկախություն տալու մասին: Ըստ հուշագրի, Հայաստանը պետք է ամփոփեր հայկական յոթ նահանգները (ներառյալ Տրապիզոնը), Կիլիկիան՝ Ալեքսանդրետ ցավահանգստով, Կովկասում՝ Հայաստանի Հանրապետությունը, ներառյալ Երևանի նահանգը, Լոռին և Ախալքալաքը, Լեռնային Ղարաբաղը և Ջանգեզուրը, Կարսի մարզը՝ առանց Հս.Արդահանի:

Համագումարը քննարկեց, վավերացրեց և հաշտության կոնֆերանսին ներկայացրեց մի հիշատակագիր՝ Թուրքիայի և Կովկասի մեջ պատերազմի ժամանակ կոտորածների, տեղահանության և այլ աղետների հետևանքով հայ ազգի կրած վնասների հատուցման մասին, որի համաձայն այդ վնասների ամբողջական գումարը կազմում էր 19 մլրդ 982 հզ. ֆրանկ. 14 մլրդ՝ Արմ. Հայաստանում, 4,5 մլրդ՝ Արլ.Հայաստանում:

Ապրիլի 2-ի միստում ընտրվեց նոր Ազգային պատվիրակություն (Պողոս Նուբար, Ա.Տեր-Հակոբյան, Ա.Չոպանյան, Գ.Փաստրմաճյան, Հ.Նևրուզ, Վ.Թեքեյան), որը Հայաստանի Հանրապետության պատվիրակության հետ կազմելու էր «Ամբողջական Հայաստանի պատվիրակություն» և նրա հետ ջանար «ձեռք բերել

Հուշագրով բանաձևված հայկական պահանջների գործադրությունը և պետք է հետապնդի ազգային դատին հարակից բոլոր հարցերի բարվոք լուծումը»:

Ի թիվս այլ հարցերի համագումարը զբաղվեց նաև հայկական հողերի ռազմական գրավման, Կիլիկիայի և Սիրիայի մեջ ապրող տպագիր հայերի ապահովության, Արևելյան Հայաստանի սովյալ ժողովրդի պարենավորման և այլ խնդիրներով, լսեց Ազգային պատվիրակության նախագահի և Հայաստանի Հանրապետության ներկայացուցչի զեկույցները հաշվետվության կոնֆերանսում իրենց գործունեության մասին: Վերջին նիստում համագումարը, ի լրումն պրեզիդենտ Վիլսոնին (ԱՄՆ) և պրեմիեր մինիստր Կլեմանտոյին (Ֆրանսիա), Լլոյդ Ջորջին (Մեծ Բրիտանիա) և Օռլանդոյին (Իտալիա) հղած ողջույնի ուղերձների, հատուկ կոչով դիմեց դաշնակից ազգերին, որով մեկ անգամ ևս հռչակում էր «հայ ազգի կամքը իր ազատ հայրենիքն ունենալու՝ անկախ պետության մեջ իր բոլոր հողերի միացմամբ», և խնդրում էր նրանցից «իրենց ձայնը միացնելու մերին՝ պահանջելու համար հաշտության վեհաժողովից, որ փութացնի Հայկական հարցի լուծումը»:

Համագումարը իր պարտքը համարեց նաև «եղբայրական ջերմ ողջույններ» ուղղել Հայաստանի Հանրապետությանը՝ ի դեմս նրան տեսնելով «վեց հարյուր տարի ի վեր առաջին անգամ վերագործնող հայ ազատության հրժվառիք պատկերը», և հոտնկայս իր խորին հարգանքն ու պաշտամունքը հայտնեց «բազմաշարժար նահատակներին և այն հազարավոր մարտիկների հիշատակին, որոնք իրենց հերոսական պայքարով նախապատրաստեցին հայկական դատի հաղթանակը»:

1920-ի մայիսի 5-հուլիսի 13-ին Փարիզում տեղի է ունեցել երկրորդ համագումարը, 24 պատգամավորների մասնակցությամբ (առանձին նիստերի ներկա են եղել նաև Փարիզի կոնֆերանսի ներկայացուցիչները), կայացել է 31 նիստ: Նստաշրջանի նախագահ է ընտրվել Պարիզի Նորատունկյանը, փոխնախագահ՝ Գրիգոր Սնապյանը: Բացման խոսքում Պարիզի Նորատունկյանը կոչ է արել միության և համերաշխության որպես Հայկական հարցի լուծման հաջողության գերագույն պայմաններ: Ողջույնի խոսք է ասել Պողոս Նուբար փաշան:

Համագումարը քննարկել է օրակարգով նախատեսված հարցերը՝ Ազգային պատվիրակության զեկուցումը, պատվիրակության բժշկական, քարոզչական, ելևնտական (ֆինանսական) և կազմակերպչական կանոնագրի համաժողովների տեղեկագիրը և Ազգային պատվիրակության վերակազմությունը:

Ազգային պատվիրակության զեկուցումն արել է Արշակ Չոպանյանը, պատվիրակությունը գործել է Հայաստանի Հանրապետության պատվիրակության հետ համատեղ. Փարիզի կոնֆերանսի մասնակից պետություններին համատեղ ներկայացրել են դիմումներ, հուշագրեր, վարել բանակցություններ, գործադրել ջանքեր «Հայոց ազգային ծրագրին իրականացման համար»: Լուսաբանվել է այն նոր իրադրությունը, որն անհուսալի է դարձրել ԱՄՆ-ի հովանավորությամբ միավորված Հայաստանի ստեղծումը (տես Հայաստանի մանդատ 1920) և ստիպել միացյալ պատվիրակությանը «ազգային պահանջները պատշաճեցնել իրերի նոր կացությանը»:

Ազգային պատվիրակությունը աշխատանք է տարել հայ-պոնտական (հունական) հարաբերություններ հաստատելու, հայ-քրդական համաձայնություն կայացնելու և այլ հարցերի ուղղությամբ: Սան Ռեմոյի կոնֆերանսում բանակցություններ են վարվել Վրաստանի և Ադրբեջանի պատվիրակությունների հետ տարածքային և այլ հարցերի շուրջը:

Մի քանի նիստեր նվիրվել են Կիլիկիայի կացությանը և ձեռնարկվելիք միջոցառումներին: Ընտրվել է հանձնաժողով թուրքիայի հետ կնքվելիք հաշտության պայմանագրի նախագիծը ուսումնասիրելու համար: Պատրաստվել է հուշագիր, որը միացյալ (ամբողջական) Հայաստանի պատվիրակությունը ներկայացրել է դաշնակից երկրների Գերագույն խորհրդին:

Հուլիսի 3-ի նիստում զաղտնի քվեարկությամբ ընտրվել է Ազգային պատվիրակության նոր կազմ (Պողոս Նուբար փաշա. Գրիգոր Սնապյան, Լևոն Սկրտյան և Հակոբ Ներսիսյան):

Համագումարն ընդունել է ուղերձներ Հայաստանի Հանրապետության կառավարությանն ու բանակին, Կիլիկիայի հայությանը, Մերձավոր Արևելքի նպաստամատույց հանձնախմբի նախագահին (հայ ժողովրդին օգնելու համար):

\* \*  
\*

Ժողովածուում փաստաթղթերը և նյութերը զետեղված են բնագրերի լեզվով, արևելահայ գրական լեզվով փաստաթղթերը տրված են նոր ուղղագրությամբ, արևմտահայ գրական լեզվով՝ դասական ուղղագրությամբ: Պահպանվել են բնագրերի առանձնահատկությունները, խմբագրական միջամտություններ չեն կատարվել, բացառությամբ աննշան կետադրական շտկումների ու բացահայտ ուղղագրական սխալների ուղղման: Համարակալվել ու փաստաթղթերը վերնագրվել են մեծ մասամբ կազմողների կողմից, այլ դեպքերում տողատակից նշում է արվել:

Ժողովածուն տպագրվում է վեց բաժնով, որոշ բաժիններ բաժանվել են մասերի:

Յուրաքանչյուր փաստաթղթի վերջում նշված են սկզբնաղբյուրները:

Հրատարակվող փաստաթղթերը պահպանվում են Հայաստանի ազգային արխիվում և Ռուսաստանի Դաշնության պետական արխիվում:

**ՀԱՅՈՑ ԱԶԳԱՅԻՆ ԲՅՈՒՐՈՅ  
(1912-1917ԹԹ.)**

N 1

**ԺԱՄԱՆԱԿԱՎՈՐ ԲՅՈՒՐՈՅԻ ՆԱՍԱԿՆ ԱՍԵՆԱՅՆ ՀԱՅՈՑ ԿԱԹՈՂԻԿՈՍԻՆ ԱԶԳԱՅԻՆ  
ԺՈՂՈՎ ՀՐԱՎԻՐԵԼՈՒ ԵՎ Ի ՆՊԱՍՏ ՀԱՅԿԱԿԱՆ ԴԱՏԻ ՈՒՒՄԱ-ՀԱՅԵՐԻ  
ՕԺԱՆԴԱԿՈՒԹՅԱՆ ԳՈՐԾԸ ԿԱԶՄԱԿԵՐՊԵԼՈՒ ՀԱՍԱՐ ԺԱՄԱՆԱԿԱՎՈՐ ԲՅՈՒՐՈ  
ԸՆՏՐԵԼՈՒ ՄԱՍԻՆ**

12 նոյեմբերի 1912թ.  
Թիֆլիս

Վեհափառ Տ'եր,

Թիֆլիսում գումարված մի բազմամարդ ժողով, որին մասնակցում էին և մի քանի ներկայացուցիչներ Կովկասի և Անդրկովկասի հայաշատ քաղաքներից, ընտրեց մի ժամանակավոր բյուրո, ստորագրող անձանցից բաղկացած, պաշտոն տալով նրանց հրավիրել մի համագումար ազգային ժողով, իսկ մինչև այդ ժողովի գումարումը վարել ռուսահայոց օժանդակության գործը տանկահայ դատին:

Այդ բյուրոն պատիվ ունի ուղարկելու Ձերո վեհափառության մոտ իր անդամներից երկուսին՝ պ.պ.Յ.Առաքելյանին և Ն.Աբեղյանին, որ մի քանի կարևոր խնդիրների մասին զեկուցում տան Ձերո ս.օժության:

Համբյուրելով Ձերո վեհափառության ս. աջը՝

Նախագահ Բյուրոյի  
Անդամներ

Սամսոն Հարությունյան  
Ալեքսանդր Խատիսյան  
Հովհաննես Թումանյան  
Կոստանտին Խատիսյան  
Ալեքսանդր Քալանթարյան  
Համբարձում Առաքելյան  
Ավետիս Պողոսյան  
Նիկոլ Աղբալյան

ՀԱԱ, ֆ.57, ց.5, գ.28, ք.7: Բնագիր: Ձեռագիր:

N 2

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՍՏԵՂՈՒՄՆ ԸՍՏ ԲՅՈՒՐՈՅԻ  
ՊԼՇՏՈՆԱԿԱՆ ԱՐՁԱՆԱԳՐՈՒԹՅՈՒՆՆԵՐԻ**

Նոյեմբեր 1912թ.

1912թ. աշնանը բալթանյան պատերազմը սկսվելուց հետո թուրքահայ ժողովրդի վիճակը նորից և բուռն կերպով հայ հասարակության զանազան խավերի մտահոգության առարկա դարձավ: Մի կողմից հնարավոր ջարդերի սպառնալիքը և մյուս կողմից՝ Թուրքիայի գործերը վերջնականապես կարգավորելու համար հրավիրվելիք միջազգային կոնֆերենցիայի վրա դրված հույսերը՝ առիթ տվին հայ մտավորականության զգալուն մասին համախմբել իրենց ջանքերը ըստ կարելույն ավելի լավ կերպով օգտագործելու հարմարավոր պատմական մոմենտը,

9

նամանավանդ, որ, կողմնակի կերպով, հաստատապես հայտնի էր դարձել ռուս կառավարության շատ նպաստավոր տրամադրությունը դեպի թուրքահայերի դատը: Միաժամանակ Բազմուն և Թիֆլիսում միտք ծագեց հրավիրել զանազան հայաբնակ վայրերի ներկայացուցիչներից մի համագումար խորհրդակցելու համար օրվա հրատապ խնդրի մասին:

Առաջին խորհրդակցական ժողովը տեղի ունեցավ Թիֆլիսում 1912թ. հոկտեմբերի վերջերին: Ժողովին ներկա էին պատգամավորներ Բազմից, Երևանից, Ախալցխայից, Նոր-Նախիջևանից, Արմավիրից, Բաթումից և այլ տեղերից, իսկ Թիֆլիսից՝ զանազան կուլտուրական հիմնարկությունների ներկայացուցիչներ: Ժողովն ունեցավ երկու նիստ և որոշեց՝ 1. հրավիրել մոտ ապագայում ավելի լայն կազմով մի նոր համագումար ըստ կարելույն բոլոր հայաբնակ կարևոր վայրերի ներկայացուցիչներից ընտրելու համար մի լիազոր մարմին հայկական հարցի շուրջ աշխատելու համար և 2. դիմել ամենայն Հայոց կաթողիկոսին և խնդրել, որ նա հանուն հայության մի դիմում անի նորին մեծության ռուսաց կայսեր՝ օգնության հասնելու թուրքահայ ժողովրդին այս տագնապալից օրերում: Ժողովը մշակեց այդ մտքով մի բանաձև և հատուկ պատգամավորության ձեռքով այն ներկայացրեց վեհափառ կաթողիկոսին:

Նույն ժողովում խնդիր եղավ նաև թուրքահայերի ինքնապաշտպանության մասին, բայց մեծամասնությունը որոշեց սահմանափակվել դիվանագիտական դիմումներով:

Ընտրվեց մի ժամանակավոր բյուրո, բաղկացած 7 հոգուց՝ Ս.Հարությունյան, Ալ.Խատիսյան, Ա.Քալանթարյան, Հ.Առաքելյան, Ա.Պողոսյան, Հովհ.Թումանյան և Ն.Աղբալյան: Բյուրոն պիտի զբաղվեր ընթացիկ գործերով և պատրաստություն տեսներ հրավիրելու Թիֆլիսում նոր, ավելի բազմամարդ համագումար:

Լեռ, Անցյալից... էջ 244-245:

N 3

**ՀԱՅՈՑ ԱԶԳԱՅԻՆ ԲՅՈՒՐՈՅԻ ԱՌԱՋԻՆ ՀԱՍԱԳՈՒՄԱՐՈՒՄ  
ԸՆԴՈՒՆՎԱԾ ՈՐՈՇՈՒՄԻՑ**

25 նոյեմբերի 1912թ.

Ձերո Սրբության.

Թիֆլիսի հայ հասարակության պատկանող անձանց մի խումբ, որ բաղկացած է Թիֆլիսի հայ կրթական և հասարակական այլևայլ խավերի ներկայացուցիչներից, քննության առնելով թուրքահայերի դրությունը, որ անտանելի է դարձել նրանց կյանքի, պատվի և գույքի վրա գործադրվող անընդհատ բռնությունների հետևանքով, և չտեսնելով Թուրքաց կառավարության կողմից ձեռք առնված իրական միջոցներ և երաշխիքներ, որոնք ուղղված կլինեին այդ երևույթները վերցնելու գործի օգտին և անկարող լինելով այլևս լուռ և անկարեկից լսել իրենց եղբայրների վրա կատարված այդ զազանությունների մասին, դիմում է Ձերո Սրբության, իբրև թե՛ Ռուսաստանի և թե՛ Թուրքիայի հայ ժողովրդի, նույնպես և բոլոր հայերի հոգևոր գլխին, խոնարհաբար խնդրելով դիմում անել թագավոր կայսրին, միջնորդելով Թուրքիայի հայ ժողովրդի պաշտպանության մասին տանջանքներից և իրավազրկությունից: Մենք հաստատապես հավատում ենք, որ իբրև Արևելքի քրիստոնյաների մշտական պաշտպան, նույնպես և իբրև մի մեծ պետություն, որ Բեռլինի դաշնագրով իր վրա է վերցրել Թուրքիայի հայաբնակ վիլայեթներում անհրաժեշտ ռեֆորմներ մտցնելու հոգսը, ռուսական պետությունը առանց

10

ուշադրության չի թողնի Ձերդ Սրբության և ի դեմս Ձեր հոտի՝ նրա հավատարիմ որդիների խնդիրքները, և իր ուժեղ հովանավորությամբ և միջամտությամբ վերջ կդնե մեր եղբայրակիցների տանջանքներին, նորից ամբողջ աշխարհի առաջ կհայտնագործե իր բարձր պատմական առաքելությունը Մերձավոր Արևելքում:

Նոյեմբերի 25-ին թիֆլիսում կայացավ երկրորդ համագումար-ժողովը, որին ներկա էին պատգամավորներ թիֆլիսից, Բազվից, Նոր-Բայազետից, Բաթումից, Հաշտարխանից, Հին Նախիջևանից, Շուշուց, թիֆլիսի հայ կաթոլիկ համայնքից, նաև «Մշակի» և «Հորիզոն» խմբագրություններից: Ժամանակավոր բյուրոյի ղեկուցումից հետո քննության դրվեցին միևնույն երկու խնդիրները, այն է՝ դիվանագիտական միջնորդություն և ինքնապաշտպանություն: Հարցերի քննությունից հետո ժողովը հրահանգներ մշակեց ընտրվելիք բյուրոյի համար, հանձնարարել նրան 1. Օժանդակել Նորին Վեհափառություն կաթողիկոսին իր գործունեության մեջ հայկական հարցի վերաբերմամբ, 2. Կապեր հաստատել Պոլսի, Փարիզի և ուրիշ վայրերի հայ մարմինների հետ, որոնք նպատակ ունեն աշխատելու հայոց հարցի համար, 3. Պրոպագանդի միջոցով նպաստավոր տրամադրություն ստեղծել ռուս հասարակության և վարիչ շրջանների մեջ դեպի հայոց հարցը: Գալով ինքնապաշտպանության խնդրին, ժողովը միաձայն ընդունեց նրա կարևորությունը և անհրաժեշտությունը, բայց պարտավորիչ որոշումներ չկայացրեց բյուրոյի համար խնդրի վերաբերմամբ, միևնույն ժամանակ համագումարը հանձն առավ կարիքի դեպքում նյութական օժանդակություն հասցնել բյուրոյին:

Դիմելով ընտրություններին, ժողովը վերընտրեց ժամանակավոր բյուրոյի եղած կազմը, երկու նոր անդամ ևս ավելացնելով նրանց՝ բժիշկ Կ.Ստեփանյանին և Ա.Ջամալյանին:

Լեո, Անցյալից... էջ 246-248:

#### N 4

### ԱԶԳԱՅԻՆ ԲՅՈՒՐՈՅԻ ԶԵԿՈՒՅՑԸ ԱՍԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ՏԱՃԿԱՀԱՅՅԵՐԻ ՎԻՃԱԿԻ ԲԱՐԵԼԱՎԱՆ ՀԱՐՑՈՎ ՄԵԾ ՏԵՐՈՒԹՅՈՒՆՆԵՐԻՆ ՆԵՐԿԱՅԱՑՎԵԼԻՔ ԾՐԱԳՐԻ ՄԱՍԻՆ

27 նոյեմբերի 1912թ.

Վեհափառ Տեր,

Թիֆլիսում, ամսիս 23-ին կայացած զխավոր հայաբնակ քաղաքների ներկայացուցիչների ժողովը հավանություն տալով Բյուրոյի կազմած այն հիշատակագրի ծրագրին, որը պետք է ներկայացվի Ձերդ վեհափառության կողմից եվրոպական մեծ պետություններին, և վերջնականապես մշակելով այդ ծրագիրը, հանձնեց Բյուրոյին անմիջապես ներկայացնելու Ձերդ վեհափառությանը:

Միաժամանակ Բյուրոն ներկայացնում է և սևագրությունը այն հուշագրի, որ Բյուրոյիս խնդիրքով կազմել է Հայկական հարցի պատմությանը ծանոթ մի անձնավորություն և որը մշակել է, ենթարկելով մի քանի հավելումների և փոփոխությունների:

Բյուրոն պատիվ ունի ամենախոնարհաբար ղեկուցել Ձերդ վեհափառությանը, որ այս հուշագիրը պետք է ներկայացվի բոլոր մեծ պետություններին, իսկ Ռուսաստանին ներկայացվելիք հուշագրի սկիզբն ու վերջը պատշաճ փոփոխության պետք է ենթարկվեն, էականը թողնելով նույնը: Նույն հուշագիրը դարձյալ պատշաճ փոփոխություններով պետք է ներկայացվի գունարվելիք կոնֆերանսին կամ կոնգրեսին:

խոնարհաբար ներկայացնելով այս ամենը և հարցի վերջնական լուծումը թողնելով Ձեր բարձր կամքին,

Մնամք Ձերդ վեհափառության խոնարհ որդիք՝

Ա.Հարությունյան  
Ա.Քալանթարյան  
Հ.Առաքելյան  
Ն.Աղբալյան  
Կ.Ստեփանյան  
Ալ.Խատիսյան

ՀԱԱ, Ֆ. 57, ց.5, գ.28, ք. 12: Բնագիր: Ձեռագիր:

#### N 5

### ԿՈՎԿԱՍԻ ՓՈՒՆԱՐՔԱՎՈՐՈՑՈՎ-ՂԱՇԿՎԻ ՊԱՏԱՍԽԱՆ ՆԱՄԱԿԸ ՀԱՅՈՑ ԳԵՎՈՐԳ 5-ՐԴ ԿԱԹՈՂԻԿՈՍԻՆ

22 դեկտեմբերի 1912թ.  
Թիֆլիս

Ձերդ Սրբությունը հայ ժողովրդի անունից իմ միջոցով դիմեցիք, խնդրելով, որ պաշտպանություն ցույց տրվի Փոքրասիական թուրքալուծ քրդերի ձեռքով հարստահարվող հայ ազգաբնակչության և որպեսզի նա ընդունվի Ռուսաստանի հովանավորության տակ: Այս միջնորդությունը ներկայացվեց ի բարեհայեցողության Նորին կայսերական մեծության, և թագավոր կայսերը բարեհաճություն ունեցավ վերաբերվել հայ ժողովրդի վիճակին կատարյալ բարյացակամությամբ:

Այժմ կայսերական կառավարությունը առաջարկություն է արել թուրքաց կառավարության, ցույց տալով նրան, որ մեր ունեցած տեղեկություններով հայերի դրությունը Փոքր Ասիայում վերջին ժամանակները վատացել է և առաջ է բերում արդարացի գանգատներ քրդերի կողմից եղած հարստահարությունների և անձնական ու կալվածական ապահովության բացակայության վրա, բաներ, որոնք առաջանում են վարչական անբարեկարգ դրությունից և վատ կողմից: Դրա հետ միասին, թուրքալուծ ցույց է տրված, որ նրա համար անհրաժեշտ է այժմից իսկ լրջորեն զբաղվել վերանորոգումներով թուրքաց Հայաստանում և լավացնել վարչության կազմը, մատնանշելով, որ քրիստոնյա հպատակների օրինավոր շահերի արհամարհումը եղել է մի շարք տարիների ընթացքում թուրքիայի համար մշտական խռովության և բարոյությունների աղբյուր նրա եվրոպական նահանգներում և, վերջիվերջո, բերել հասցրել է թուրքիայի համար դժբախտ պատերազմին Բալքաններում նրա բոլոր հետևանքներով:

Հետևելով դարավոր ավանդույթներին և խորին զգացմունքով վերաբերվելով հայ ժողովրդի տանջանքներին, կայսերական կառավարությունը մտադիր է այսուհետև էլ ամենաբարյացակամ կերպով վերաբերվել թուրքիայում կեղեքվող հայ ժողովրդի կարիքներին և ջանքեր գործադրել գոյություն ունեցող գեղձումները հեռացնելու և անհրաժեշտ բարենորոգումներ գործադրելու նպատակով:

Կայսերական կառավարությունը, սակայն, հենց իրենց, հայերի շահերին բոլորովին անհամապատասխան է համարում, որ թուրքիայի հայոց հարցը քննվի պետությունների կոնցերտի կողմից առաջիկայում, բալքանյան ճգնաժամը հարթելու համար գունարվելիք կոնֆերանսիայում, որովհետև կատարյալ հիմք ունի

կասկածելու, թե եվրոպական պետությունները միակը կլինեն հայերի համար կենսական հարցի լուծման մեջ: Եվ, սակայն, այդպիսի միակամության բացակայությունը պետությունների մեջ և, դրա հետևանքով, տարածայնությունների ծագումը կստեղծեն, ինչպես այս ապացուցել է տխուր պատմական փորձը, չափազանց բարեպատեհ միջավայր տեղական թուրք վարչության համար խուսափողական վերաբերմունք ցույց տալու դեպի հայերի դրության բարելավման գործը:

Գրավելով Ձերո՞ Սրբության ուշադրությունը մանավանդ վերջին հանգամանքի վրա, ես առանձնապես կարևոր կհամարեի, որ ներկա վճռական ռուպին հայերը ցույց տային առանձին զսպվածություն ու տակտ և առժամանակ հավաքական դիմումներով չբարդացնեն կայսերական կառավարության համար Թուրքահայրի վիճակի բարելավման խնդիրը:

Ես լիապես համոզված եմ, որ Ձերո՞ Սրբությունն իր ծերունագարդ հեղինակությամբ կկարողանաք ներգործել հայերի վրա հենց իրենց օգտի համար ցանկալի ուղղությամբ\*:

Լեո, Անցյալից... էջ 249-250:

## N 6

### ՀԱՅՈՒ ԿԱԹՈՂԻԿՈՍԻ ՆՇԱՆԱՎԱԾ ՊԱՏՊԱՄԱՎՈՐՈՒԹՅԱՆ ՆԵՐԿԱՅԱՆԿՈՒ ՄԱՍԻՆ ԶԵԿՈՒՑԱԳԻՐ ԿՈՎԿԱՍԻ ՓՈՒՍԱՐՔԱ ՎՈՐՈՆՅՈՎ-ՂԱՇՎՈՎԻՆ

27 դեկտեմբերի 1912թ.  
Թիֆլիզ

Վեհափառ կաթողիկոսի կողմից նշանակված պատգամավորության ներկայանալը Նորին պայծառափայլություն Տ.փոխարքայի 1912թ. դեկտեմբերի 26-ին և 27-ին:

Պատգամավորներ՝ Մեսրոպ Եպիսկոպոս, Բագրատ վարդապետ, Ալեքսանդր Խատիսյան և Սամսոն Հարությունյան:

Դեկտեմբերի 25-ին առավոտյան էջմիածնից հասանք Թիֆլիզ (Մեսրոպ Եպիսկոպոս, Բագրատ Վարդապետ և Սամսոն Հարությունյան): Նույն օրը նամակով Մեսրոպ Եպիսկոպոսը հայտնեց Տ.փոխարքայի վեհափառ կաթողիկոսի կողմից նշանակված պատգամավորության մասին, խնդրելով նշանակել ընդունելության ժամանակ ներկայացնելու Նորին կայսերական մեծության անունով մեմորանդում:

Ըստ որոշման Տ.փոխարքային բոլորս ներայացանք դեկտեմբերի 26-ին, երեկոյան ժամը 4-ին: Մեսրոպ Եպիսկոպոսը մի քանի խոսքով ողջունեց Վեհափառ կաթողիկոսի կողմից, ներկայացնելով թագավոր անունով մեմորանդումը: Փոխարքան բացեց իր անունով գրած նամակը և մեմորանդումը համձնեց Ս.Հարությունյանին կարդալու բարձր: Վերջացնելուց հետո փոխարքան ասաց. «Միջոցի մասին որոշ բան չի ասված»: Հայտնվեց փոխարքային, որ նպատակն ու խնդիրը տաճկահայոց կատարյալ ապահովությունն է, պատվի, կյանքի, գույքի և ազատ քաղաքացիության, իսկ այդ իրագործելու միջոցի մասին դիվանագետները ավելի լավ կիմանային: Փոխարքան այդ առթիվ հայտնեց, որ Ռուսաստանը չի կարող այժմ մտնել Տաճկաստան և տիրել, քանի որ պայմանները նպաստավոր չեն: Փոխարքան հայտնեց, որ արդեն գրել է կաթողիկոսին պատասխան Տաճկահայոց հարցի մասին: Այդ պատասխանի պատճենը գտնվելով Կանցելյարիայում, պատվիրեց հետևյալ օրը

\* Վերնագրումը փաստաթղթինն է:

կրկին ներկայանալ իրեն առավոտյան ժամը 10-ին՝ պատասխանը կարդալու: Այնուհետև խոսակցությունը հետևյալ հարցի մասին եղավ:

1. Հայերի հույսն ու սպասելիքը: Բացատրվեց, որ ամենայն կողմի հայերի հույսն ու համոզմունքն այն է, թե ռուսաց կառավարությունն այս անգամ լուրջ ուշադրություն կդարձնի և կբարելավի տաճկահայոց վիճակը, որ միանգամայն անտանելի է: Շեշտվեց առանձնապես փոխարքայի, նախարարապետ Կոկովցևի և արտաքին գործոց նախարար Սազոնովի բարյացակամ տրամադրությունը, հուսադրությունն ու խորհուրդները տաճկահայոց խնդրի վերաբերմամբ:

2.Տաճիկ պաշտոնյաների երկյուղը: Տաճկաստանի հայաբնակ զավառներում պաշտոնյաները վերջերս շարունակ երկյուղ են արտահայտում, թե միգուցե ռուսաց զորքը մտնի Տաճկաստան հայերի վերաբերմամբ գործադրվող քրդական ու թուրքական բռնությունների առաջն առնելու համար: Այս պատճառով վալիները առայժմ նախազգուշացնում են քրդերին ու թուրքերին, որպեսզի առիթ չտան և զգուշ մնան հայերին ճնշելուց: Բնական է, այս երկյուղը ժամանակավոր կլինի և կանցնի, եթե Ռուսաց կառավարությունը ձեռնպահ մնա և ոչ մի դրական քայլ չանի տաճկահայերի պատվի, գույքի և անձի ապահովության համար:

3. Պետերբուրգի նախարարապետի և արտաքին գործոց նախարարի մոտ ուղարկվելիք պատգամավորության մասին ևս խոսվեց. այս առթիվ փոխարքան ի պատասխան հայտնեց, որ պատգամավորություն ուղարկելը նպատակահարմար կլինի գործի հաջողության տեսակետից:

Այսօրվա խոսակցությունը տևեց մոտ 50 րոպե:

Դեկտեմբերի 27-ին, առավոտյան ժամը 10-ին ներկայացանք փոխարքային: Կարդացվեց իր տված պատասխանը վեհափառին: Այս հայտնեց, որ այդ նամակն ինքն է խմբագրել և կաթողիկոսին ուղարկելուց առաջ, հեռագրով ամբողջ նամակը հայտնել է Պետերբուրգ և այնտեղի հաճությունը ստանալուց հետո միայն ուղարկել է էջմիածին: Ավելացրեց, որ այդ կերպ «նախարարական ցեմզուրայի եմթարկվեց»:

Այդ նամակի մեջ երկու որոշ կետ կա տաճկահայոց հարցի վերաբերմամբ աննպաստ.

ա. Ի նկատի ունենալով, որ եվրոպական մեծ պետությունների մեջ տաճկահայոց հարցի լուծման առթիվ այժմյան պայմաններում համաձայնություն չի գոյանալու, այդ հարցը Լոնդոնի դեսպանաժողովի խորհրդակցության նյութ չի դառնալու, ուստի

բ. Կաթողիկոսը չպետք է դիմի մյուս եվրոպական պետություններին այդ խնդրով այժմ:

Նամակի ընթերցումից հետո ամենայն մանրամասնությամբ բացատրվեց փոխարքայի այն ծանր տպավորությունը, որ կունենա այդ պատասխանը ամեն կողմի հայերի, հատկապես տաճկահայերի վրա, առանձնապես այժմ, երբ հայերն առանց խտրության հանդիման են, թե Ռուսաստանն անպատճառ կմիջամտի և յուր հովանավորության տակ առնելով տաճկահայերին կիրագործել տա անհրաժեշտ ռեֆորմներն իր կոնտրոլի ներքո: Շեշտվեց և այն, որ եթե տաճիկ կառավարությունը, մանավանդ հայաբնակ վիլայեթների տաճիկ պաշտոնյաները, իմանան, թե Ռուսաստանն այժմ ձեռնպահ է մնում և չի ցանկանում միջամտել, անպայման հայերի վիճակն ավելի կվատթարանա և մինչև իսկ կարող է սուկալի հետևանքներ ունենալ: Փոխարքան մի քանի անգամ կրկնեց, որ Ռուսաստանը այժմյան ռուպեն, ներկա պայմանները միայն աննպաստ է համարում գործնական քայլեր անելու համար, և այդ երբեք չի նշանակում, թե դատարան է միջամտելուց. Ռուսական կառավարությունը իր դիպլոմատական ազդարարությունները շարունակելու է:

\* Այս և մյուս ընդգծումները բնագրինն են:

Այս խոսակցություններից հետո փոխարքան սկսեց գրել, փոխադարձ խորհրդակցությամբ ձևակերպելով այն գլխավոր կետերը, որոնց մասին մանրամասն բացատրություններ տեղի ունեցան: Խնդրեցինք փոխարքային, որ Ռուսաց կառավարությունը իր դեսպանի և հյուպատոսների միջոցով վերահսկողություն ունենա տաճկահայոց վրա, որպեսզի դրությունն ավելի չվատարանա: Փոխարքան համաձայնեց և մոտավորապես հետևյալ կերպով ձևակերպեց.

«1. ԿՊլսուն Ռուսաց դեսպանին և Տաճկահայաստանի հյուպատոսներին հրահանգ տրվի, որ շարունակեն պաշտպանել Տաճկաց կառավարության առաջ հայերին քրդական և թուրքական ճնշումներից»:

Բացատրվեց, որ նախարարապետ Կոկոլցևի և արտաքին գործոց նախարարի խորհրդի հիման վրա և բոլոր կողմերի հայերի ցանկության համաձայն կաթողիկոսը նշանակեց Պողոս փաշա Նուբարին իր կողմից ներկայացուցիչ եվրոպական պետությանց ներկայացուցիչների կոնֆերանսում աշխատելու Տաճկահայաստանի բարենորոգումների համար ռուսական կոնտրոլի տակ: Կաթողիկոսը դեռ հրահանգ չի տվել Նուբար փաշային, որը տեղի պիտի ունենար Ռուսաց կառավարությունից պատասխան ստանալուց հետո: Նուբար փաշան իր կողմից իր անհատական հեղինակավոր դիրքի շնորհիվ կատարել է մասնավոր դիմումներ: Իսկ պաշտոնական դիմումներ անելու համար հարկ է համարել խնդրելու հեռագրով կաթողիկոսից Ռուսաց կառավարության վերաբերմունքը, որը հարցումից անկախ պիտի հեռագրվեն նրան: Իսկ այժմ ստացած պատասխանը շատ ծանր և անելանելի կացություն կստեղծի, արդյոք, Նուբար փաշան պե՞տք է շարունակի վեհափառի կողմից եվրոպական պետությանց մոտ աշխատելը, թե՞ դադարի իր պաշտոնից. վերջին դեպքը ծանր կլինի կաթողիկոսի և տաճկահայոց համար և, անշուշտ, վերին աստիճանի խրախուսելի Տաճկաց կառավարության համար: Փոխարքան համաձայնելով այս հիմնավոր առարկությանց հետ, ձևակերպեց մոտավորապես հետևյալ կերպ.

«2. Պողոս փաշա Նուբարը նշանակված է կաթողիկոսի կողմից, հավանությամբ պատրիարքի և ազգային ժողովի, որ աշխատի եվրոպական կառավարությանց մոտ 61-րդ հոդվածի իրագործման համար՝ հայաբնակ նահանգներում ռեֆորմներ մտցնելու վերաբերմամբ Ռուսաց կառավարության նախաձեռնությամբ և նրա կոնտրոլի տակ»:

Բացատրվեց, որ Կ.Պլսուն Տաճկաց կառավարությունը, վախենալով օտար միջամտությունից հայկական հարցի առթիվ և ցանկանալով առաջն առնել այդպիսի միջամտության, ըստ իր նախնական սովորության, կազմել է մասնախումբ, կոչել է ներքին գործոց նախարար Ռեշիդ բեյը մի քանի հայերին՝ որպես թե հայաբնակ գավառների վերանորոգության մասին խորհրդակցելու: Բացատրվեցին այդ կեղծ քայլի շարժառիթները: Փոխարքան գրեց մոտավորապես հետևյալը.

«3. Ներքին գործոց նախարար Ռաշիդ բեյը նշանակել է այժմ Պլսուն մի մասնախումբ, որի մեջ նախարարի նշանակումով չորս հայ և մասնակցում են: Այդ մասնախումբը ոչ մի վստահություն չի վայելում հայերի կողմից. դորանով Տաճկաց կառավարությունը ցանկանում է Ռուսաց միջամտության առաջն առնել»:

Շեշտվեց հետևյալ կետը, որը և գրվեց.

«4. Բոլոր հայերը, առանց կուսակցության խտրության, համաձայն են, որ Տաճկահայաստանի ռեֆորմների նախաձեռնողը լինի Ռուսաստանը, եվրոպական պետությանց համաձայնությամբ և Ռեֆորմների իրագործման կոնտրոլը պատկանի Ռուսաստանին»:

«5. Բերլինի կոնգրեսի 61-րդ հոդվածի իրագործման ու վերահսկողության հանձնելը Ռուսաստանին հաջողեցնելու համար պետք է կաթողիկոսի կողմից եվրոպական կառավարությանց մոտ պատգամավորություններ նշանակել, որպեսզի

դիպլոմատական շրջաններում տրամադրություն ստեղծվի հօգուտ ռուսական նախաձեռնության և կոնտրոլի»:

«6. Երբ որ հարմար մոմենտ կլինի, կաթողիկոսը բախտավոր կհամարի իրեն ներկայանալ թագավոր կայսեր իր հոտի՝ տաճկահայ ժողովրդի վիճակի բարելավման համար անձամբ հայցելու»:

Քանի որ փոխարքան ցույց էր տալիս բարյացակամ տրամադրություն և մի քանի անգամ ևս հայտնեց իր անձնական կարծիքը, թե կաթողիկոսն ու հայ ժողովուրդը, ինչպես և կաթողիկոսի ներկայացուցիչ Պողոս փաշա Նուբարը պետք է աշխատեն հաջողեցնել Ռուսաստանի նախաձեռնությամբ և կոնտրոլի տակ ռեֆորմներ մտցնել տալը Տաճկահայաստանում, պատգամավորությունը խնդրեց, որ, եթե հնարավոր է մի նոր լրացուցիչ նամակով հանուն վեհափառ կաթողիկոսի հայտնի փոխարքան, թե Հայկական հարցը չի փակում, այլ ընթացքի մեջ է և կարելի է նույն ուղղությամբ աշխատանքները շարունակել:

Այս կարևոր կետի առթիվ փոխարքան հետևյալ կերպով (մոտավորապես) գրեց.

«7. Նամակի (պատասխանի) տպավորությունն այն է, որպես թե հայկական նահանգների ռեֆորմների հարցը հերթական լինելուց դադարում է: Կաթողիկոսից այս կետի առթիվ հարցապնդում (запрос) ստանալու դեպքում տալ բացատրություն, որ ոչ թե Հայկական հարցը վերացվում է, այլ ընթացքի՝ իր ուժի մեջ է և կքննվի Բալկանյան հարցերի հետ միասին»:

Փոխարքան խոստացավ վերոհիշյալ յոթ կետերի մասին փոխադարձ խորհրդակցությամբ և իր ձեռքով կազմած ձևակերպումները հեռագրով հայտնել Պետերբուրգ: Խոստացավ նաև հալկցել, որ ցանկացած պատասխան ստացվի:

Այս խոսակցությունն ու խորհրդակցությունը տեղեց մոտ երկու ժամ:

Վերջում պատգամավորության կողմից Մեսրոպ Եպիսկոպոսը մի քանի խոսքով հայտնեց շնորհակալություն փոխարքային իր բարյացակամ վերաբերմունքի համար:

Փոխարքան պատասխանեց, որ ինքը դեպի հայերը լավ է վերաբերվում, սակայն այս դեպքում գործում է որպես ռուս պետական մարդ և անցած համարեց Լոբանովի քաղաքականությունը:

Հայտնվեց ուրախություն, որ այս կարևոր խնդրում ռուսական և հայկական շահերը միացած են: Անհրաժեշտ է հիշել և այն, որ վերոհիշյալ կետերի մասին եղած խմբագրությունները կարդաց փոխարքան երեք անգամ, իսկ երրորդ ընթերցանության ժամանակ իր գիտությանը և թույլտվությանը արձանագրեց նույն կետերը Բագրատ վարդապետը պատգամավորների համար:

Պատգամավորության անդամներ

Մեսրոպ Եպիսկոպոս  
Բագրատ Վարդապետ  
Ս.Հարությունյան  
Ալ.Խատիսյան

ՀԱԱ, Ֆ.57, ց.5, գ.28, թ.38-43: Բնագիր: Չեռագիր:

N 7

**ԱԶԳԱՅԻՆ Բ-ՅՈՒՐՈՅԻ ԵՎ ԱՍԵՆԱՅՆ ՀԱՅՈՑ ԿԱԹՈՂԻԿՈՍԻ ՊԱՏԳԱՄԱՎՈՐՆԵՐԻ ՄԻԱՑՅԱԼ ԺՈՂՈՎԻ ՀԱՄԱՏԵՂ ՈՐՈՇՈՒՄԸ ՀԱՅՎԱԿԱՆ ՀԱՐՑԻ ՄԱՍԻՆ**

27 դեկտեմբերի 1912թ.  
Թիֆլիս



1. Ստանալ ս.Էջմիածնից փոխարքայի նամակի պատճենը, պատրաստել նրա պատասխանը և ուղարկել Վեհափառին: Պատասխանը երկու նպատակ պետք է ունենա. նախ՝ շտապեցնել Պետերբուրգին տված հարցումների պատասխանը և, երկրորդ, դրդել կառավարությանը ավելի որոշ կերպով արտահայտվել Ռուս[աստանի] քաղաքականության և Հայոց հարցի վիճակի մասին:

2. ա) ուղարկել անմիջապես Պողոս փաշային պատճենները առաջին կայսրին ուղարկած մեմորանդումի և, երկրորդ՝ փոխարքայից ստացված նամակի: Բացի դրանից, հաղորդել նրան մանրամասնորեն Վեհափառի պատգամավորության և փոխարքայի տեսակցության մասին:

բ) Հրահանգել Պողոս փաշային, որ նա շարունակի իր մասնավոր դիմումները դիվանագիտության ներկայացուցիչներին, իսկ պաշտոնական դիմումների համար սպասի նոր կարգադրությանը:

գ) Խնդրել Պողոս փաշային, որ նա շտապեցնի մեմորանդումի մշակումը և առաքումը կաթողիկոսին:

3. Ի նկատի ունենալով փոխարքայի դրական կարծիքը՝ Պետերբուրգի քաղաքական շրջանների հայացքներին անմիջական զծով ևս ծանոթանալու մասին, խնդրել կաթողիկոսին կազմել մի պատգամավորություն և այդ նպատակով ուղարկել Պետերբուրգ:

Պատգամավորությունը պետք է բաղկացած լինի երկու հոգևորական և երկու աշխարհական անձնավորություններից: Աշխարհական պատգամավորներին կհանձնարարի Բյուրոն, երբ այդ մասին կարգադրություն կլինի Էջմիածնից:

Որոշեց նաև խնդրել, որ Վեհափառը պատգամավորներին տալիք հանձնարարական նամակները նախապես ուղարկե Բյուրոյի քննությանը:

Պատգամավորներից և Բյուրոյի անդամներից ոմանք խնդրեցին արձանագրել, որ Պետերբուրգ ուղարկվելիք պատգամավորությունը կարիք չկա, որ չորս հոգուց բաղկացած լինի, բավական են երկու հոգի. մեկը՝ աշխարհական, իսկ մյուսը՝ հոգևորական:

Արձանագրեց՝

Բյուրոյի անդամ

Ս.Հարությունյան

ՀԱԱ, Ֆ.57, ց.5, գ.28, ք.31: Բնագիր: Չեռագիր:

**N 8**

**ՄԵՍՐՈՊ ԵՊԻՍԿՈՊՈՍԸ ՌՈՒՄԱՑ ԵՎ ԵՎՐՈՊԱՎԱՆ ՏԵՐՈՒԹՅՈՒՆՆԵՐԻ ԿԱՌԱՎԱՐԱՎԱՆ ՇՐՋԱՆՆԵՐՈՒՄ ՀԱՅՈՑ ՀԱՐՑԻ ՇՈՒՐՋԸ ԿԱՏԱՐՎՈՂ ԲԱՐՁՐ ՄԱՎԱՐԱԿԻ ՀԱՆԴԻՊՈՒՄՆԵՐԻ ՄԱՍԻՆ**

8 հունվարի 1913թ.  
Ս.Էջմիածին

«Թիֆլիսից վերադարձա և տանս գտա երկու նամակ Պետերբուրգից և Կ.Պոլսից:

Պետերբուրգից Ղուկասյանը և Սաղաթեյանը ներկայացրել են Կոկովցևին, սա ասել է, «Կայսրը հաճ է դեպի հայերը, ռուս կառավարությունը հայկական խնդիրը կպաշտպանե ոչ թե Լոնդրայի, այլ հետո կայանալիք կոնֆերենցիայում»: Պետք է

աշխատել Անգլիայում և Ֆրանսիայում տրամադրություն ստեղծել, մի խոսքով, կրկնել է մոտավորապես այն, ինչ որ ինձ էր ասել:

Սազոնովը հայտնել է, Տաճկաստանում հայեր չկան, նույնիսկ Վանում նոցա տոկոսը 16 է. ռուսները կամենում են այդտեղ ունենալ բուֆեր, և այդ նպատակի համար նոքա գերադասում են քրդերին: Սազոնովին այդ գաղափարը ներշնչել է Միլլերը, Թավրիզի մախլիհ հայատյաց կոնսուլը, որ այժմ մշանակված է Թիֆլիսում խորհրդատու փոխարքային:

Մենք մեծ աշխատանք ունենք կատարելու, Միլլերին այլ կապեր տրամադրելու, համոզելով և խնդրելով: Կաթողիկոսը եթե թույլ տա, տոներից հետո ես կգամ Թիֆլիս և այնտեղ էլ կմնամ և կաշխատեմ»:

Պոլսի նամակում պատմված է. Նուբարը յուրովի հրավիրել է Օրմանյանին, տեսակցություն է ունեցել Փարիզի տաճկաց դեսպանի հետ և խնդիր է ուղղել Քյամիլ-փաշային: Այդ բոլորը նա անում է Նորատունկյանի թելադրությամբ և խորհրդով: Նամակագրի ասելով դրությունումն այնպես է, որ նա երկուսից մեկին պիտի վաճառե, տերությունը կամ ազգը և վաճառում է ազգը. Օրմանյանը դեռ համբաստանված, դատի տակ է, Նորատունկյանի թելադրությամբ Քյամիլ-փաշան նրան հրավիրում է, իբրև «երևելի», խորհրդակցության, արհամարհելով Ազգային ժողովի որոշումը: Երկրորդ, չորս երևելիները նախքան ժողովի գնալը եղել են Նորատունկյանի տանը, լսել են նրա ցուցումները և խորհուրդները, բայց հարկ չեն համարել պատրիարքարանին մինչև անգամ տեղեկացնելու իրենց միսիայի մասին: Նորատունկյանի ցանկությունն է, նամակագրի ասելով, տապալել ներկա վարչությունը և իր ցանկացած կազմը ստեղծել տալ, որով իր ձեռքին կունենա թե՛ ազգային վարչություն և թե՛ Պողոս-փաշային: Գրողն է Վահրամ Փափազյանը:

«Պողոս-փաշան և Հ.Առաքելյան հեռագրով խնդրել են կաթողիկոսին պատգամավորներ չուղարկել Ախրոնյանին և Սահակ եպիսկոպոս Այվատյանին: Այսօր հեռագրեցին, որ լուրն անհիմն է, որ ինքն էլ ոչ ոքի չպիտի դիմե պատգամավորության համար և պիտի հրահանգ ընդունե Էջմիածնից:

Նրան և պատրիարքարանին գրվելու է երկար նամակ. 1. փոխարքայի և մեր տեսության թղթերի պատճենները պիտի ուղարկենք: 2. Նա դեռ պիտի մնա պատգամավոր, եթե քայլեր անելու լինե, համաձայնեցնե փոխարքայի յոթ կետերի սկզբունքներին, 3. Հարցնե և մեզ տեղեկացնե Արթին Յաղուբ-փաշայի համաձայնությունը:

«Իմ կարծիքն է, որ ռուսաց կառավարչական շրջաններում երկու հոսանք կա, հոգուտ և ի վնաս մեզ: Փոխարքայի տատանումները և Պետերբուրգի նամակը այդ են ապացուցում: Երագրությունը, Կոկովցևը և փոխարքան առ երևույթ մեր կողմն են: Սազոնով, Միլլեր և այլոք՝ հակառակ: Ծանր է այդ կացությունը, բայց ոչ հուսահատական. լուրջ անձնվիրաբար աշխատանքները գուցե մի օգնություն անեն:

«... Վերջին լուրերը այնքան էլ հուսահատական չեն: Նամակներ ենք ստացել Պատրիարքից, Պողոս-փաշայից, Յուսուբյան եպիսկոպոսից և մասնավոր անձերից: Ստացել ենք նաև հեռագիրներ և հարկավոր կարգադրություններն արել:

Ամսիս 2-ին Պ.Նուբարը հեռագրով խնդրեց լրացնել պատգամատրություն բացառապես Թուրքիայի հայերից. Արթին Յաղուբ փաշային, Հարություն Մաստիճյանին, Մինաս-Չերազին և Գևորգ եպիսկ. Յուսուբյանին: Ի նկատի ունենալով, որ նա այդ հեռագիրն ուղարկել էր, անկասկած, նոր տեղեկություն ստացած լինելով և մեր կողմից շատ հարմար գտնելով նրա առաջարկած անձանց և որ նա խնդրում է շտապեցնել պատգամավորների կարգումը, հեռագրով և ապա կոնդակներով կատարվեց նրա ցանկությունը:

«Նուբարի նամակը շատ բան պարզեց: Նա շնորհակալություն է հայտնում կաթողիկոսին իր վրա ունեցած վստահության համար, խոստանում է չխնայել իր աշխատանքը և անում է, ինչ որ կարող է: Նա գրում է, չստանալով իր ծանոթ հեռագրի

պատասխանը, դիմել է անձամբ Իզվոլսկուն, իսկ նա անմիջապես հեռագրով հարցրել է Պետերբուրգ իր տալիք պատասխանի համար: Այդ բանը հանդիպել է բարեբախտաբար այն ժամանակ երբ փոխարքայի հարցերն արդեն Պետերբուրգ էին հասել և մինիստրությունը գիտեր մեր տեսակետն ու հայացքը: Առ երևույթ, մեր ցանկության համաձայն հեռագրել են Իզվոլսկուն, թե թող պատգամավորությունը մնա և գործե նախանտածված ծրագրով: Ուստի և Պ[ոլոս] փաշա հեռագրով խնդրեց և ստացավ պատգամավորության լրացումը: Փաշան գրում է. Իզվոլսկուն և Պուստակարեի խորհրդով, Լոնդոնի ժողովում չպիտի դնեն Հայկական հարցը, հայերը այդ ուղղությամբ չպիտի աշխատեն, այլ այդ հարցը կդնեն և կլուծեն եռապետյան համաձայնության անդամները, անմիջապես Լոնդոնի ժողովից հետո. հայոց պատգամավորությունը պետք ջանք և աշխատանք գործ դնե հասարակական կարծիքը և որոշ չափով նաև երեքպետյան Դաշնակցության կառավարությունների տրամադրությունը նպաստավոր կացուցանել հայերի համար: Այդ նպատակին հասնելու համար նա անձամբ պիտի գնա Բեռլին և Վիեննա և աշխատի այդ ուղղությամբ:

«Յուրեղյանը գրում է, որ Գրեյը իրեն և երկու տեղացի հայերի ընդունելություն չէ հարց հարուցանել, պիտի սպասել: Պատրիարքը Կ.Պոլսից հեռագրով խնդրել էր պատգամավորություններ չուղարկել Լոնդոն, նույնը հաստատում է նամակով: Մասնավոր նամակով ինձ գրում են. Անգլիայի, Ֆրանսիայի և Ռուսաստանի Պոլսո դեսպանատներից տեղեկացրել են մոտավորապես հետևյալը. Հայոց հարցը չպիտի դնել լոնդրայում, որովհետև մյուս պետությունները այդ հարցը առևտրի առարկա կդարձնեն (ընդգծում իմն է - Լ.) իմանալով, որ տաճիկը չափազանց դեմ է, իրանք էլ կաշխատեն տապալել այդ հարցը, փոխարեն իրենց համար ստանալիք օգուտների:

«Մեզ համար ներկայումս մի բան պարզ է, որ ռուսական տեսակետը ընդունվել և պաշտպանվում է եռապետական համաձայնության կողմից, որ նրա ժամանակավորապես թողնում են մեր հարցը և խոստանում են հառաջիկայում առաջ մղել Թուրքիայի դեմ, առանց մյուս երեք տերությունների: Այդ քայլի պատմական հիմունքն է 1895թ. ծրագիրը, որ դարձյալ այդ երեք տերություններն էին նախագծել:

«Պատրիարքի և այժմ նաև Եվրոպայի կարծիքն է. ամենևին չդիմել թուրք կառավարությանը, հավատ չընծայել նրա խոստումներին և որևէ բանակցությանց մեջ չմտնել նրա հետ:

«Այդ կողմից շատ հետաքրքիր է մանավանդ նամակագրի հաղորդած տեղեկությունները: Ըստ ամենայնի, վստահելի մի անձնավորություն իր նամակի մեջ համառոտակի և փաստալի նկարագրում է հարցի զանազան ֆագերը Թուրքիայի կառավարության շրջաններում: Երևի հիշում են Սոզոնովի իմ տված պատասխանը երբ նա ինձ ասաց Պետերբուրգում, թե հայերը այժմ կարող են հանգիս լինել, քանի որ մեծ վեգիոր Քյամիլն է, ասացի, որ նախկին ջարդերի մեջ Քյամիլը մեծ բաժին ունի, որ դարավոր փորձից հետո չափազանց միանություն կլիներ որևէ տաճիկ պետական մարդու հավատ ընծայել: Նամակագիրը գալիս է մի անգամ էլ հատատելու այդ չարաբախտ ճշմարտությունը:

«Նա գրում է. երբ հայոց, ապա նաև եվրոպական լրագիրները սկսեցին հայոց հարցի մասին գրել, կառավարությունը կատաղեց, կիսապաշտոնական թերթերը սկսեցին ջարդի սպառնալիքներ կարդալ. պատրիարքը դիմեց կառավարության, անհետևանք. ապա միջամտեց ռուսաց դեսպանությունը. թերթերի լեզուն փոխվեց և մինիստրությունը ինքը սկսեց մտածել ռեֆորմների մասին: Այդտեղ հանդես է գալիս Նորատուրկյանը, որի խորհրդով հրավիրվում են հայ «երևելիները», որոնց նախապես գաղտնի խորհրդակցում է և հարկավոր հրահանգները տալիս: Ժողովուրդը իմանում է, հուզումը մեծանում է, մարդիկ են գնում Օրմանյանի և ընկերների մոտ, խնդրելով, ստիպում են ազգի իրավանց դեմ չգործեն: «Երևելիները» հրաժարվում են,

Նորատուրկյանը հրավիրում է վարչության անդամներից Պալաքյան վարդապետին և Ստ. Կարայանին, սոցա հանդուր է բավականանալ տաճիկ տվածով, չդիմել Եվրոպա: Այդ էլ անհաջող է անցնում: Հրապարակ են հրավիրում «Բյուզանդիոն» և մի քանի թերթեր, որոնք գրում են ռուսական միջամտության դեմ, ակնհայտ վիրավորական տոնով: Աշխատանք է գործ դրվում տապալել ազգային ներկա վարչությունը և ազդել Պոլոս-փաշայի վրա: Պոլոսն գիտեին այդ բոլոր մեքենայությունները, զգույշ են և համերաշխ: Երանի թե տևի:

«Հանելուկ է Նորատուրկյանի դերը»:

Լեռ, Անցյալից..., էջ 262-266:

**N 9**

**ԱԶԳԱՅԻՆ ԲՅՈՒՐՈՅԻ ԶԵԿՈՒՑԱԳԻՐԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ԿՈՎԿԱՍԻ ՓՈԽԱՐՔԱՅԻ ՀԵՏ ԲՅՈՒՐՈՅԻ ՆԱԽԱԳԱՀԻ ՏԵՍԱԿՑՈՒԹՅԱՆ ԺԱՄԱՆԱԿ ՀԱՅՎԱԿԱՆ ՀԱՐՑԻ ՇՈՒՐՁԸ ԾԱՎԱԼՎԱԾ ԽՈՍԱԿՑՈՒԹՅԱՆ ՄԱՍԻՆ**

26 փետրվարի 1913թ.  
[Թիֆլիս]

Վեհափառ Տէր,

Բյուրոյիս նախագահը ամսույս 16-ին մի տեսակցություն ունեցավ Նորին մեծություն Կովկասի փոխարքայի հետ, որի ընթացքում մտքերի փոխանակություն է եղած թրքահայոց դատի առթիվ: Պարտք ենք համարում այդ տեսակցության փոխարքայի արտահայտած կարծիքները զեկուցանել Ձերդ վեհափառության ի գիտություն:

Խոսելով այն վտանգի մասին, որ կարող է առաջ գալ Բալկանյան պատերազմից հետո, երբ թուրք կառավարությունը տաճիկ գաղթականներ բերե տեղավորելու հայաբնակ վայրերում, փոխարքան հայտնել է. հայերը միանգամայն կարող են վստահել լինել ռուս կառավարության վրա, որ նա թույլ չի տա թուրք կառավարությանն այդ քայլն անելու: Միաժամանակ հայտնել է, որ նորից գրված է Թուրքիայում գտնվող բոլոր ռուս հյուպատոսներին և Պոլսի դեսպանին՝ ամեն կերպ պաշտպանել հայ տարրը Օսմանյան կայսրության սահմաններում: Խոսելով Հայոց հարցի լուծման ժամանակի մասին, փոխարքան հայտնել է, որ այդ հարցը Ռուսաստանի համար հեթոսական հարց է ներկայումս և Բալկանյան պատերազմի վախճանից հետո անմիջապես հրապարակ կհանվի լուծվելու համար: Այնուհետև դառնալով Ձերդ վեհափառության Փարիզի պատվիրակության, փոխարքան հայտնել է, որ նրանք կարող են մնալ իրենց պաշտոնին և առայժմ աշխատել բարյացակամ տրամադրություն ստեղծելու Մեծ պետությանց շրջանում Հայոց դատին ի նպաս, աշխատելով միանգամայն այն միտքն արծարծել, որ բարենորոգմանց հսկողության իրավունքը նպատակահարմար է թողնել Ռուսաց կառավարության: Բայց պետք է առայժմ զգուշանան որևէ հուշագիր, մեմորանդում կամ ծրագիր ներկայացնելու վեց պետություններից որևէ մեկին: Հետո նա ցանկալի է համարել մշակած ունենալու երկու ծրագիր, որոնցից մեկը ներկայացնել, հայոց մեծագույն մյուսը՝ առավելագույն պահանջները:

Վերջին կետի առթիվ, ցավ ի սիրտ պիտի հայտնենք, որ մեր ունեցած տեղեկությանց համաձայն, Պոլոս փաշա Նուբարը ռուսաց Փարիզի դեսպան Իզվոլսկուն արդեն ներկայացրել է թե՛ Պոլսի պատրիարքարանի և թե՛ Ձերդ Վեհափառության պատվիրակության մշակած ծրագիրները, թեև ոչ պաշտոնապես: Լսում ենք նույնիսկ, որ Պոլսի Պատրիարքարանը իր մշակած ծրագիրը ներկայացրել է

Պոլսի ռուսաց դեսպանին, դարձյալ ոչ պաշտոնապես նրանց կարծիքն իմանալու համար:

Այս քայլերը մենք նկատում ենք վերջին աստիճանի վնասակար Հայոց դատի հաջողության համար: Ծրագիրներ, որոնք վերջնական մշակութային չեն ենթարկված, որոնք Ձերո Վեհափառության սանկցիան չեն ստացած, չպետք է ընկնեն դիվանագետների ձեռքը, որովհետև ներկայումս ամենից ավելի աչալուրջ վերաբերում պահանջող կետը Պատի գործում ծրագրի կամ, որ նույնն է, հայոց պահանջների ձևակերպումն է, որի մասին, ինչպես գիտե Ձերո Վեհափառությունը, դեռ վերջնական համաձայնության չեն եկած հայությունը ներկայացնող բոլոր մարմինները: Մենք կարծում ենք, որ թե՛ պաշտոնապես և թե՛ ոչ պաշտոնապես միմիայն մի ծրագիր կարելի է ներկայացնել դիվանագետներին, այն ծրագիրը, որի մասին տարածայնություն չի լինի հայության տարբեր խավերի մեջ և որը ստացած կլինի Ձերո Վեհափառության հավանությունը: Բոլոր մնացած ծրագիրները պիտի համարվեն նախագծեր, որոնք ոչինչ քաղաքական նշանակություն չունեն:

Ի նկատի ունենալով վերոգրյալը, մենք խնդրում ենք Ձերո Վեհափառության կտրուկ միջոցներ ձեռք առնել ինքնազուխ գործողությանց առաջն առնելու համար և միաժամանակ հասկացնել տալ ուր պետք է, թե ամեն ծրագիր, որ Ձերո Վեհափառության սանկցիան չի ստացած, պետք է նկատվի մասնավոր գործ, որ չի արտահայտում բովանդակ հայության պահանջը:

Դրա համար Բյուրոս խոնարհաբար խնդրում է Ձեզ կարգադրել հեռագրով ստուգելու, թե՛ արդյոք, Պողոս փաշա Նուբարը ներկայացրե՞լ է վերոհիշյալ երկու ծրագիրները Իզվոլսկուն, թե՛ ոչ, ինչպես նաև վարվե՞լ է նույն կերպ Պոլսի պատրիարքարանը և երբ ստուգելուց հետո հայտնվի, թե իրոք արված է այդպիսի մի քայլ, անմիջապես Կովկասի փոխարքայի միջոցով հայտնել ռուսաց արտաքին գործոց նախարարություն, որ նրանց Պարիզի և Պոլսի դեսպաններին ներկայացրած ծրագիրները մասնավոր նշանակություն ունեն և Ձերո Վեհափառության սանկցիան ստացած չլինելով՝ զուրկ են պաշտոնական արժեքից:

Միաժամանակ կխնդրենք հորդոր կարողալ պատրիարքին, պատվիրակության և նման մարմիններին, որ առանց Ձերո Վեհափառության գիտության և հրահանգի ոչ մի պաշտոնական քայլ չարվի որևէ մեկի կողմից, որքանով այդ քայլը վերաբերում է Հայոց հարցը դիվանագիտության առաջ պաշտոնապես դնելուն: Առանձին զգուշություն այս գործում պետք է ունենա մասնավոր Պարիզի պատվիրակությունը, որովհետև Դուք եք այսօր ճանաչվում Հայոց դատի պաշտոնական իրավատերը և Ձերո Վեհափառության պատվիրակի ամեն քայլը ուղղակի Ձեզանից է բխած նկատվում:

Բյուրոն ներկայումս զբաղված է Ձերո Վեհափառության ուղարկած ծրագիրների քննությամբ և minimum ու maximum ծագիրների մշակությամբ:

Ձերո Վեհափառության ամենախոնարհ որդիք՝

Նախագահ  
Քարտուղար

Ս.Հարությունյան  
Ն.Աղբալյան

ՀԱԱ, Ֆ.57, ց.5, գ.28, թ.61-62: Բնագիր: Ձեռագիր:

N 10

**ՊՈՂՈՍ ՆՈՒԲԱՐ ՓԱՇԱՅԻ ՆԱՄԱԿԸ ԹԻՖԼԻՍԻ ՀԱՅՈՑ ԱԶԳԱՅԻՆ ԽՈՐՀՐԴԻ՝  
ՆԱԽԱՉԱՂԻՆ՝ ՄԵԾ ՊԵՏՈՒԹՅՈՒՆՆԵՐԻ ՆԵՐԿԱՅԱՑՆԵԼՈՒ ՀԱՄԱՐ ՊԱՏՐԻԱՐՔԱՐԱՆԻ  
ՀԵՏ ՀԱՄԱՏԵՂ ՀԱՅՎԱԿԱՆ ՀԱՐՑԻ ՎԵՐԱԲԵՐՅԱԼ ԾՐԱԳԻՐ ՄՇԱԿԵԼՈՒ ՄԱՍԻՆ**

1 ապրիլի 1913թ.  
Փարիզ

Մեծարգո Տյար Հարությունյանց՝

ատենապետ հայկական խորհրդակցության ի Թիֆլիս,

Փարիզի հայկական ժողովը ինձ հաղորդեց Ձեր 25 փետրվար ամսաթիվ  
ցամաքը, որով կկարծեի գիտցած ըլլալ, չեմ գիտեր ինչ տեսակ տեղեկությանց վրա, թե  
ես պատվիրակությանս և պատրիարքարանի ծրագիրները տ.Իզվոլսկիի  
ներկայացուցած են:

Սա բոլորովին անստույգ է. պատվիրակությունս որևէ ծրագիր չէ  
ներկայացուցած աս պատճառով, որ ծրագիրը դեռ չի վերջացված, վասն զի, ինչպես  
որ գիտեք, պատրիարքարանն ալ իր կողմե ծրագիր մի պատրաստած էր. մենք  
համաձայնեցանք, միասին աշխատելով, երկու ծրագիրները մեկի կազմելու, որպեսզի  
բոլոր հայ անվամբ միակ ծրագիր մի միայն ունենանք պետությանց ներկայացնելու:

Այս նպատակով պատրիարքարանը իր անդամներն մին պատվիրակ  
անվանած է, որուն հետ այժմ Փարիզ կաշխատակցենք երկու ծրագիրը մեկ հատի  
կազմելու համար: Այս աշխատությունը քիչ մի երկար պիտի տևե՝ Ամենայն  
պատրիարքի հետ թղթակցելու պետքին համար, սակայն կհուսանք քիչ ժամանակեն  
լրացնել, որ անհրաժեշտ է, քանզի դեպքերը իրարու կհաջորդեն, և մենք հույս ունենք,  
որ պետությունը ի մոտո պիտի կրնան հայկական հարցով զբաղվիլ: Երբ որ  
վերջնական ծրագիրը պատրաստվի և վերջանա, զայն վեհափառ կաթողիկոսին պիտի  
ներկայացնենք՝ իր հավանությունը և վավերացունը ստանալու համար, ատկե օրինակ  
մի ձեզ ուղարկելու հաճույքն պիտի ունենամ:

Խորին հարգանքով՝

Պողոս Նուպար

ՀԱԱ, Ֆ.288, ց.1: գ.5, թ.1: Բնագիր: Ձեռագիր:

N 11

**ԹԻՖԼԻՍԻ ՀՈԳԵՎՈՐ ԹԵՄԻ ԱՌԱՋՆՈՐԴ ՄԵՍՐՈՊ ԵՊԻՍԿՈՊՈՍԻ ՆԱՄԱԿԸ ԱՄԵՆԱՅՆ  
ՀԱՅՈՑ ԿԱԹՈՂԻԿՈՍԻՆ՝ ԱԶԳԱՅԻՆ ԲՅՈՒՐՈՅԻ ԵՎ ԻՐ ԱՌԱՋՆՈՐԴԱԿԱՆ  
ԳՈՐԾՈՒՆԵՈՒԹՅԱՆ ԱՌՆՉՎՈՐ ՀԱՐՑԵՐԻ ՄԱՍԻՆ**

9 ապրիլի 1913թ.  
Թիֆլիս

Վեհափառ Տե՛ր

Այս շաբաթ կաշխատեմ ֆոնդի մասնաժողով ընտրել տալ. բավական  
ժամանակ անցավ և բնականաբար անկախ ինձանից: Ինչպես հայտնել եմ, աշխատում  
էի երկու մասնաժողովները միացնել և մեկը կազմել, նոքա պետք է առանձին-  
առանձին ժողովվեին և մի որոշման հանգեին իմ առաջարկի նկատմամբ: Նոքա զատ-

\* Նամակի հեղինակը այդպես է դիմել ազգային բյուրոյի նախագահին - Ծանոթ.կազմ.:

զատ հավաքվել են այս շաբաթ օրը և մոտենալու տրամադրություն ցույց տվել, բայց որոշ պայմաններով, հույս ունին մի հայտարարի բերել նոցա:

Բյուրոյի գործունեությունը շատ էլ փայլուն չէ: Սամսոնը վերջերս շարունակ բացակայում է գործով Բագու. ժամանակ չունին և մյուսները, անվերջ նիստեր և ժողովներ հազիվ են մարդիկ հավաքում: Մինչև այժմ նոքա զատ-զատ քննել են թե՛ Պարիզի և թե՛ Պոլսի ծրագրերը, բայց չեն միացրել ու իրենցը կազմել: Բագրատ վարդապետը գրում է, թե պիտի ծրագիրը թարգմանեն ռուսերեն և այն էլ շուտով, երբ պատրաստ չի, ինչպես կարող են թարգմանել: Հնարավոր չափով կհետամտեն: Վերադարձնում են դիվանիդ ուղարկած ծրագիրը. այստեղ արդեն առաջուց ստացվել էր մի օրինակ:

Տեր Սարգսին են հանձնարարել Վարդանյանին ինձ մոտ հրավիրելու երկու եղբայրներով բացակա էին, մեկը նոր եկել է, հետը կխոսեն:

Փոխարքայի առողջության մասին ստացված տեղեկությունները լավ են, ես անցյալ օրը հեռագրեցի, բայց պատասխան չունին:

Ես չէի կարծում, թե թույլ կտանք Սունդուկյանի կնոջը թաղել վանքի բակում, որը կորցրեց իր նշանակությունը և դարձավ հասարակաց գերեզմանատուն: Չորս մարդ էլ կան թաղված, երկի նոցա կամանց էլ պիտի թույլ տանք, օրինակ Իզմիրով, Աբ.Հովհաննիսյան, Ալիսագով և Խատիսյան: Գուրգենբեկովի և Սունդուկյանի կնոջ թաղման թույլտվությունը ինձ համար անհաճելի էր և պարտք համարեցի գրել Ձեզ:

Վեհափառ տեր, կանգնած են մի մեծ դժվարության առաջ, որ անհրաժեշտ են համարում ամենից առաջ Ձեզ գրելու: Առաջնորդի դիրքը և դրա հետ միացա գործի օգուտը, պահանջում են այցելել հայոց և պետական դպրոցները, պաշտոնատար և մասնավոր կարևոր անձանց: Ամեն մի այցելություն, եթե մի ժամից ավել է, նա մտնում է 9 ռուբլի (կարետ-5+3ռ., 1ռ. կառապան, 1-50 կոպեկ՝ ուղեկցող քահանայի կառք), որ անհնար է հոգալ առաջնորդական 250ռ. ամսական ռոճիկով, եթե ամսական առնվազն տասն անգամ տանից դուրս գալու լինի: Ստադիոր են թույլտվություն խնդրել և գնել նոր կարետ, քանի որ այստեղիցը տարվել է: Վեհափառությանդ հրամանով և (կամ) սեփական ձիր պահել և (կամ) պայմանավորվել մասնավոր կառապանի հետ և ամեն անգամ բերել տալ նրա ձիրը:

Հենց որ ֆոնդի մասնաժողովը իմ ուզած ձևով կազմակերպեմ, ամմիջապես գնալու են Հաղպատ և Սանահին վանքերը և նոցա նորոգությունը ձեռնարկեմ, հույս ունին ինձ ստանալ նաև մասնավոր օժանդակություն:

Եթե վեհափառությանդ դեռ չեն տեղեկացրել, հարկավոր են համարում գրելու, որ Պետերբուրգից գրում են, որ Ջատկական տունին վեհափառությունդ կստանանք շքանշան. շքանշանի են առաջարկված նաև Ներսես և Մխիթար եպիսկոպոսները:

Մաղթելով ի համբույր Աջոց  
հոգևոր տյարդ խոնարհ սրտե  
Մեսրոպ

ՀԱԱ, Ֆ.57, ց.5: գ.57, թ.1 հալ.: Բնագիր: Չեռագիր:

N 12

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱԽԱԳԱՀԻ ՆԱՄԱԿԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝  
ՏԱԵԿԱԳԱՅԵՐԻ ՎԻՃԱԿԻ ԲԱՐԵՆԱԿԱՆ ԿԱՊԿՑՈՒԹՅԱՄԲ ԿԱՅԱՑԱԾ ՊԱՇՏՈՆԱԿԱՆ  
ՀԱՆԴԻՊՈՒՄՆԵՐԻ ԵՎ ՆԵՐԿԱՅԱՑՎԱԾ ԲԱՐԵՓՈՒՄՆԵՐԻ ԾՐԱԳՐԵՐԻ ՄԱՍԻՆ**

1 մայիսի 1913թ.

Վեհափառ Տեր,

Այս գրաբեր. բժ. Հակոբ Ջավրիյանը, որ պատիվ կունենա ներկայացնելու Ձերդ Վեհափառության, նոր է եկել Պոլսից, շատ մոտ է տաճկահայերի խնդրի հետ, կարևոր տեղեկություններ է բերել և քո խորհուրդով է, որ անպատճառ գա, ներկայանա Ձեզ և ամձամբ զեկուցանե Ձեզ բոլոր մանրամասնություններով այն խնդրի մասին, որը այժմ դարձել է Ձերդ Վեհափառության մտահոգության առանձին առարկա: Մի քանի օր սրանից առաջ մենք տեսակցություն ունեցանք գեմ. Շատիլովի հետ ինքնապաշտպանության համար, որովհետև երկրում դրությունը հայերի շատ վտանգավոր է, երկյուղ կա մարտերի: Գեմ. Շատիլովը այսօր գնում է Բաթում փոխարքայի հետ տեսնվելու և խոսելու այդ խնդրի մասին: Երեկ Մեսրոպ Սրբազանն էլ հեռագրով հրավիրվեց Բաթում կոմսի անունից: Մեսրոպ Սրբազանը ևս այսօր գնում է Բաթում: Երբ նրանք վերադառնան և մի քանի հարցեր կան պարզելու, այդ մասին գրավոր կտեղեկացնենք Ձեզ կամ ներկայացուցիչներ կուղարկենք զեկուցանելու: Բարենորոգումների ծրագրի մասին կտեղեկանաք, Վեհափառ հայր, որ Պոլսի ռուսաց դեսպանի առաջարկությամբ պատրիարքարանը արդեն ներկայացրել է ծրագիր, որ պետք է արդեն ուղարկված լինի Պետերբուրգ ոչ պաշտոնական ձևով: Այս հանգամանքը փոքր ինչ փոխում է այն ընթացքը կամ ձևը, որ առաջ էր մտածվում: Եթե կանգնենք այն տեսակետի վրա, որ պաշտոնապես մի ծրագիր պետք է լինի և որի մասին պետք է լինի և Ձերդ Վեհափառության սանկցիան, հետևապես երբ ծրագիրը արդեն ընդունված կհամարվի, Դուք մի առանձին գրությամբ Սազոնովին փոխարքայի միջոցով կտաք Ձեր սանկցիան այդ ծրագրի մասին և Պողոս փաշային էլ կիրահանգեք պաշտպանել այդ ծրագիրը: Այսպես է Բյուրոյի կարծիքը և այս մասին Ձերդ Վեհափառության կներկայացվի զեկուցումն գրավոր, կգան ներկայացուցիչներ: Բայց նախապես պետք է ստուգվի և Ձեր ձեռքում լինի պատրիարքից պաշտոնական տեղեկություն, որ ծրագիրը ներկայացված է:

Մի քանի օր սրանից առաջ ուղարկեցի Բագրատ Հայ Սուրբին մեր մշակած ծրագիրը բարենորոգումների, որը իսկապես պատրիարքարանի ծրագիրն է՝ մասամբ փոփոխված: Այսօր ուղարկում են Բագրատ Հայր Սուրբին և ռուսերեն թարգմանությունը Ձերդ Վեհափառության ներկայացնելու համար:

Եթե ծրագիրը ներկայացված կհամարվի, ուրեմն այս աշխատանքը կժառայվի նյութ, երբ կոնֆերենցիայում հարց լինի փոփոխությունների մասին:

Մնամ Ձերդ ս.Օծության ծառա և խոնարհ որդի

Սամսոն Հարությունյան

ՀԱԱ, Ֆ.57, ց.5: գ.57, թ.7-8: Բնագիր: Չեռագիր:

N 13

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱՄԱԿԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԴԻՎԱՆԻՆ՝  
ԱՐԵՎՍՏԱՀԱՅԱՍՏԱՆԻ ԲԱՐԵՓՈՒՄՆԵՐԻ ԾՐԱԳՐԵՐՈՒՄ  
ԸՆԴՀԱՆՈՒՐ ՀԱՄԱԶԱՅՆՈՒԹՅԱՆ ՀԱՍՆԵՆՈՒ ՀԱՐՑԵՐԻ ՄԱՍԻՆ**

9 մայիսի 1913թ.

<sup>5</sup> Արևմտահայաստանում: Ծանոթ. կազմ.:

Բյուրոն ստացել է այն գրությունները, որ ուղարկել ենք ապրիլի 30-ին հմ. 704 և մայիսի 1-ին հմ- 705 և 706:

Նորին ս.Օծությունը հարկ է համարել հարցնել Բյուրոյի կարծիքը թե՛ այն տարածայնությունների մասին, որ ծագել են Կ.Պոլսի պատրիարքարանի և Պողոս փաշայի մեջ և թե՛ այն փոփոխությունների մասին, որ արել է ռուսաց դեսպան պ.Գիրսը պատրիարքարանի ծրագրի մեջ: Բյուրոն մեծ ուշադրությամբ ծանոթացավ հիշյալ գրությունների հետ և երկար խորհրդակցություններից ետոտ եկավ միաձայն հետևյալ եզրակացության:

1. Հանուն հայ ազգի՝ մեծ պետություններին ներկայացվելիք ծրագիրը պետք է մի հատ լինի:

2. Ի նկատի առնելով, որ Պոլսի պատրիարքարանի ծրագիրը արդեն ստացել է ընթացք, մատուցվել է պ.Գիրսին, և վերջինս ուղարկել է Պետերբուրգ ռուսաց կառավարությանը, և որ այդ ծրագիրը այն փոփոխություններով և ուղղումներով հանդերձ, որ արել է պ.Գիրսը, ըստ էության համանման Պողոս փաշայի պատգամավորության մշակած ծրագրին, - պատրիարքարանը և պատգամավորությունը պետք է գործեն այդ ծրագրի սահմաններում:

3. Եթե ռուսաց կառավարության կողմից նոր ուղղումներ և հավելումներ կատարվեն ծրագրի մեջ, այդ ուղղված ծրագիրը պետք է համարել միակը և վերջնական:

4. Թեև Պոլսի սրբազան պատրիարքի և Պողոս փաշայի վերջին գրություններից երևում է, որ ս.Գիրսի կատարած ուղղումներով պատրիարքարանի և Պողոս փաշայի մեջ եղած վիճելի հարցերը ծրագրի մասին սպառված պետք է համարվեն, այնուամենայնիվ, Բյուրոն անհրաժեշտ է համարում հանուն գործի վեհության, որ Նորին ս.Օծությունը՝ Ամենայն հայոց կաթողիկոսը, իր հեղինակավոր հայրապետական խոսքով հորդորի թե՛ պատրիարքին՝ և թե՛ Պողոս փաշային, որ նրանք իրենց համազգային, ծանր ու պատասխանատու գործունեությունը, որը տանում են մեծ եռանդով, կատարեն ամենայն համերաշխությամբ, որը հաջողության ամենագլխավոր պայմաններից մեկն է:

Բյուրոն խնդրում է դիվանին այս բոլորը զեկուցանել Նորին Վեհափառությանը:

Վերջին օրերս կատարված մի քանի քաղաքական անցքեր, ինչպես է Անգլիայի և Տաճկաստանի մեջ կայացած համաձայնությունը, որով Անգլիան ստանալով մի քանի շահավետ պայմանագրեր Տաճկաստանից, ապահովեցնում է նրա գոյությունը և անբողջությունը 40 տարով, որը կապել են Անգլիան և Գերմանիան նոր Տաճկաստանի մասին, որոշելով ազդեցությունների շրջաններ իրենց համար Տաճկաստանի սահմաններում, - կարող է վատ հետևանք ունենալ մեր դժբախտ ազգի խնդրի լուծման համար: Այնուամենայնիվ, չպետք է վիատվել և մեր եռանդը հենց ներկա պայմաններում պետք է կրկնապատկել, որպեսզի այս պատմական թույլ տա մեր սպասելի արդյունքը:

Հարգանքով նախագահ Բյուրոյի Ս.Հարությունյան

Հ/գ. Բյուրոն խնդրում է, որ էջմիածնում պահված տեղեկությունները, եթե արգելք չկա հաղորդելու, շուտ հաղորդել, որպեսզի Բյուրոն իրագրել լինի և իր պարտականությունը ժամանակին կատարի: Ս.Հարությունյան

ՀԱԱ, Ֆ.57, ց.5: գ.56, թ.17-18: Բնագիր: Չեռագիր:

N 14

**ԿԱԹՈՂԻԿՈՍԱԿԱՆ ՊԱՏՉԱՄԱՎՈՐՈՒԹՅԱՆ ԱՆԴԱՄ ԲԱԳՐԱՏ ՎԱՐԿՊԵՏԻ ՆԱՄԱԿԸ ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱՄԱԿԱՅԻՆ ՓՈԽԱՐՔԱՅԻՆ ՈՒՂԱՐԿԵԼԻՔ ՆԱՄԱԿՈՒՄ ԲԱԼԿԱՆՅԱՆ ՊԱՏԵՐԱԶՄԻ (1912-1913ԹԹ.) ԱՎԱՐՏԻՑ ԴԵՏՈ ՀԱՅԱՐԱՆԱԿ ԲՈՆՈՒԹՅՈՒՆՆԵՐԻ ՎԵՐԱԲԵՐՅԱԼ ՍՏԱՑՎԱԾ ԼՈՒՐԵՐԻ ՀԱՂՈՐԴՄԱՆ ԽՆԴՐԱՆՔՈՎ**

23 դեկտեմբերի 1913թ. Թիֆլիս

Հարգելի պ.Ամսոն Հարությունյան, Հեռագիր ստանալով էջմիածնից, մնացինք ևս երկու օր Թիֆլիսում, ենթադրելով, կարող է նոր կարգադրություն լինել. ստացանք Ձեր անունով նամակը, որի հետ փոխարքայի նամակի պատճենն էր: Ուղարկում ենք այդ գրության պատճենը: Խնդրում ենք գրության պատասխանը գրել հանուն տ[ի]խար] փոխարքայի, համաձայն Վեհափառի ցանկության, ինչպես և որոշվեց ժողովում: Գրելու կետերը Ձեզ լավ հայտնի են արդեն: Ցանկալի է հարմար տեղերում շեշտել հետևյալ երկու կետերը ևս:

1. Հաստատ տեղեկություններ կան, որ [Բալկանյան] պատերազմից անմիջապես հետո եվրոպական Թուրքիայից շատերն իրենց կամքով և մասամբ էլ տաճկաց կառավարության դրոճամբ ու կազմակերպված գալու են տաճիկներն ու բնակվելու են հայաբնակ մահմեդականությանը զորեղացնելու մտադրությամբ, անշուշտ, զգուշությամբ:

2. Գարնան բացվելուն պես սկսվելու են քրդական ավազակային ասպատակությունները, որոնց մասին լսվում են, թե կառավարության տաճիկ պաշտոնյաներն ու քրդական ավազակներն ու համադիե ձիավորների գլխավորները գաղտնի խորհրդակցություններ են անում: Տաճկաց կառավարությունն այսպիսի տակտիկային հետևել է միշտ, այժմ ևս նույնն է անում:

Պատասխան նամակի գլխավոր կետերն, երևի, այն կլինի, ինչ խոսակցություն որ տեղի ունեցավ փոխարքայի մոտ:

Մենք այսօր ճանապարհ ընկանք դեպի էջմիածին: Մի պատճենը հանձնեցինք պ.Ալեքսանդր Խատիսյանին:

Հաճեցե՞ք մի երկտողով հայտնել, արդյոք ե՞րբ պատրաստ կլինի պատասխանը, որպեսզի զեկուցանեն Վեհափառ կաթողիկոսին:

Ընդունեցե՞ք իմ և Մեսրոպ Սրբազանի ողջույնները:

Շնորհավոր Նոր տարի:

Խորին հարգանքով

Բագրատ վարդապետ

ՀԱԱ, Ֆ.57, ց.5, գ.28, թ.34-35: Բնագիր: Չեռագիր:

N 15

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱՄԱԿԸ ԱՍԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ՀԱՅ ԲԱՆՏԱՐԿՅԱԼՆԵՐԻ ՆԵՐՄԱՆ ՀԱՐՑՈՎ ԿՈՎԿԱՍԻ ՓՈԽԱՐՔԱՅԻ ՄԻՋՆՈՐԴՈՒԹՅՈՒՆԸ ՀԱՅՅԵԼՈՒ ՄԱՍԻՆ**

16 մարտի 1914թ.

Վեհափառ Տե՛ր,

1907 թվականից սկսած մինչև օրս շարունակվում են բազմաթիվ հայեր ենթարկվել քրեական պատասխանատվության, իբր դաշնակցություն կուսակցության պատկանյալ. շատ-շատերը դրանցից մեղադրվում և ենթարկվում են պատժի մինչև տաժանակիր աշխատանքը, թողնելով իրենց հետևից դժբախտացած ընտանիքներ, երբեմն կատարյալ քաղցածության մեջ: Այս հետևանքները սկսեցին շնորհիվ մի թյուրիմացության, որ իբր այդ կուսակցությունը հակառուսապետական ձգտումներ ունի, այնինչ կուսակցությունը կազմակերպում է [գործունեություն] թուրքահայերի հալածանքների և կոտորածների դեմ, իսկ 1900-10 թվականներին նա մասնակցեց Կովկասի հայերի ինքնապաշտպանական գործում ընդդեմ տեղական թուրքերի արյունահեղ բռնությունների: Այս բոլորը իբր ճշմարտություն պարզվեց և կառավարությանն ասվեց, երբ մոտ 160 հայեր դատվում էին իբր դաշնակցականներ Սենատի առանձին ատյանում: Կառավարության հայացքը ավելի պարզ արտահայտվեց 1913 թվին այն բարձրագույն զեկուցման մեջ, որը Կովկասի փոխարքան ներկայացրեց թագավոր կայսրին, անվանելով դաշնակցական պրոցեսը «պուլֆ», այսինքն՝ իբր մի շինծու բան: Այդ հայացքը բարձր կառավարչական շրջանում պետք է ընդհանրացած համարել և այն աստիճանի զորեղ, որ արդարադատության նախարար Շչեգլովիտովի նախարարության ժամանակ սկսվեցին հալածանքներ: Ի պատասխան Ձերդ Վեհափառության դիմումի Ձեր Պետերբուրգում գտնված ժամանակ...», այլ հայտնեց, որ հնարավոր է գտնում բարձրագույն ներումն մեադրյալների միայն մի քանի ժամանակից հետո, որովհետև Սենատի վճիռը նոր է կայացել: Այդ, ի նկատի առնելով թե՛ մեղադրյալների և թե՛ նրանց ընտանիքների ծանր դրությունը, արդյոք, ժամանակ չէ՞, որ Վեհափառ Տեր, դուք նորից մի դիմումն անեիք Կովկասի փոխարքային և արդարադատության նախարարություն, որ նրանք բարեխոսեին մեր ողորմած կայսրի մոտ և Ձեր անուցից խնդրեին ընդհանուր ներումն, դադարեցնելով ընդմիջտ բոլոր գործավարությունները դաշնակցության վերաբերյալ:

Ժամանակը շատ հարմար է թե՛ ընդհանուր քաղաքական տեսակետից և թե՛ շնորհիվ այն հանգամանքի, որ Կովկասի փոխարքա կոմս Վորոնցով-Դաշկովի բարիությունը դեպի հայերը և նրա հայացքը այդ խնդրի առթիվ միանգամայն շատ նպաստավոր են: Մոտ ապագայում հանգամանքները կարող են շատ փոխվել և դժվարացնել նույնիսկ հարցի հարցումն

Բացի գրավոր դիմումն, Վեհափառ Տեր, խնդրի հաջողության համար շատ կարևոր է, որ Դուք Պետերբուրգում ներկայացուցիչներ ունենաք, որոնք կարողանան ճշգրիտ պարզելու խնդիրը, իրերի դրությունը, և կենդանի խոսքով նպաստավոր տրամադրություն ստեղծեն:

Այս տեսակետից նպատակահարմար կլինի ուղարկել Պետերբուրգ Մեսրոպ Եպիսկոպոսին, որը նշանակելը հաճելի կլինի և փոխարքային, լիազորել նույնիսկ և պ.Ս.Պապաջանյանին, որ երկուսը միասին աշխատեն: Հոգևորականի ներկայանալը մեր կողմից բարձր կառավարչական շրջաններում շատ մեծ նշանակություն կունենա և առանց այդ միջոցի գուցե հաջողության հույսերը որոշ չափով թուլանան:

Ազգային բյուրոն, ի նկատի առնելով այս բոլորը և քաջ իմանալով, որ Ձերդ Վեհափառությունն արդեն շատ մոտ է և Ձեզ համար մտահոգության առարկա է թե՛ մեղավորների և թե՛ նրանց ընտանիքի դրությունը, դիմում է Ձեզ և որդիական համեստությամբ խոնարհաբար խնդրում է, որ Ձերդ ս.Օծությունը չմերժե ամենակարճ ժամանակաշրջանում դիմումն անել Կովկասի փոխարքային՝ կոմս Վորոնցով-Դաշկովին և արդարադատության նախարար Շչեգլովիտովին, որ նրանք թագավոր կայսրից ընդհանուր խնդրեն, և տնօրինեք ուղարկելու Մեսրոպ Սրբազանին Պետերբուրգ աշխատելու այդ խնդրի մասին պ.Պապաջանյանի հետ միասին: Ձեր ուղարկելիք խնդրագրերի սևագրությունը կստանաք միաժամանակ այս նամակի հետ:

Ավելորդ չենք համարում հայտնել Ձեզ, Վեհափառ Տեր, այս մասին փոխարքայի հետ արդեն խոսված է, երբ Մեսրոպ և Բագրատ Սրբազանները և պ.Ս.Հարությունյանը Ձեր հանձնարարությամբ վերջին ժամանակ ներկայացան փոխարքային և նա՛ փոխարքան, հայտնեց, որ եթե Ձեր կողմից դիմումն լինի, պատրաստ է Ձեր խնդիրը կատարելու:

Նախագահ Բյուրոյի

Անդամներ

ՀԱԱ, Ֆ.227, ց.1, գ.599, թ.1-2: Պատճեն: Ձեռագիր:

N 16

**ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԴԻՎԱՆԻ ՆԱՍԱԿԸ ՈՒՍԱՍՏԱՆԻ ՊԵՏՂՈՒՄԱՅԻ ՈՒՂԱՎԱԾ ԱԶԳԱՅԻՆ ԲՅՈՒՐՈՅԻ ԴԻՄՈՒՄԻ ՍԱՆԻՆ**

23 մարտի 1914թ.  
Ս.Էջմիածին

Ի նկատի ունենալով ռուսաց կառավարության այժմյան լավ տրամադրությունը, որ արտահայտվեց տաճկահայոց խնդրի առթիվ և հատկապես պ.փոխարքայի լավ վերաբերմունքը, ի նկատի ունենալով նաև այն, որ վերջերս մի քանի աքսորականներին (դաշնակցականների դատի առթիվ) ներել և թույլ են տվել վերադառնալ Կովկաս (թիֆլիս Մ.Մուրադյանին, Ս.Եղիզարյանին, Շուշվա քահանաներին), վերջերս մի քանի շրջաններու մեջ էլ դրվեց, որ պետք է աշխատել, միջնորդություն հարուցանել՝ դաշնակցության գործի առթիվ բազմաթիվ աքսորվողների ներման համար:

Այս խնդրի առթիվ խոսվել է նաև Կովկասյան փոխարքայի և նրա օգնական Պետերս(ը)նի հետ: Հունվար(ի) 26-ին, երբ վեհափառ Հայրապետի կարգադրությամբ Տեր Մեսրոպ Եպիսկոպոսը, երդվյալ հավատարմատար պ.Սամսոն Հարությունյանը և ես ներկայացանք փոխարքային եկ.-ծխական դպրոցների ուսուցիչներից բարեհուսության վկայություն պահանջելու հարցը վերացնելու առթիվ և հանձնեցինք Նորին ս.Օծության պաշտոնական գրությունն այդ հարցի մասին: Խոսակցություն եղավ նաև աքսորված, բանտարկված և փախած մարդոց մասին դաշնակցության գործի առթիվ: Փոխարքան ինքնաբերաբար իր կողմից հարց բարձրացնելն անհարմար համարեց գործի հաջողության տեսակետից և ավելի նպատակահարմար գտավ վեհափառ Հայրապետի դիմումը իրեն և արդարադատության նախարարին այդ խնդրով:

Տիֆլիսի բյուրոն Սամսոն Հարությունյանի նախագահությամբ դիմել է վեհափառ Հայրապետին, խնդրելով այդ դիմումը կատարել:

Ազգիս վեհափառ Հայրապետի հրամանով դիվանս ներփակյալ ուղարկելով Թիֆլիսից ստացած դիմումի պատճենները (փոխարքայի և արդարադատության նախարարի անունով), խնդրում են Ձեզ նախ՝ բարեհաճել խորհրդակցել այդտեղ վստահելի, ձեռնհաս, խնդրին ծանոթ անձնավորությանց հետ, արդյոք վեհափառ Հայրապետի այսպիսի դիմումը հավանաբար կարող է մի որևէ հաջողություն ունենալ, թե ոչ, երկրորդ՝ եթե հնարավոր և նպատակահարմար կհամարեք, գոչությունը տեղեկանալ արդարադատության նախարարի կամ նախարարության ազդեցիկ անդամի տրամադրության մասին (зондировать почву) և երրորդ՝ բարեհաճեցեք,

<sup>\*</sup> Մեկ բառ՝ անընթացելի (հավանաբար «չխոսեցին»):

որչափ հնարավոր է շուտով, վերախմբագրել տալ, այն էլ անհրաժեշտ կհամարեք, հայտնի փաստաբաններին:

Ներփակել գրությունները և վերադարձնել:

[Կաթողիկոսական դիվան]

ՀԱԱ, Ֆ.57, ց.5, գ.61, ք.26-27: Բնագիր: Չեռագիր:

**N 17**

**ԱՄԵՆԱՅՆ ՀԱՅՈՑ ԿԱԹՈՂԻԿՈՍԱԿԱՆ ԴԻՎԱՆԻ ՆԱՄԱԿԸ ՀԱՅՈՑ ԱԶԳԱՅԻՆ ԲՅՈՒՐՈՅԻՆ՝ ՀԱՅ ԲԱՆՏԱՐԳԱՍԼՆԵՐԻՆ ՆԵՐՈՒՄ ՇՆՈՐՀԵԼՈՒ ՀԱՄԱՐ ԿԱԹՈՂԻԿՈՍԻ ՄԻՋԱՍՏՈՒԹՅԱՆ ՄԱՍԻՆ**

31 մարտի 1914թ.  
Ս.Էջմիածին

Ազգիս Վեհափառ Հայրապետը պատվիրեց դիվանիս գրել Ձեզ հետևյալը, ի պատասխան Բյուրոյի ամսույս 16-ի գրության, որ վերաբերում է դաշնակցական գործի առթիվ մեղադրվողների և դատապարտվածների խնդրին:

Ինչպես Ձեր գրության մեջ հիշում եք, դեռ 1912 թվի հունիսին Վեհափառ Հայրապետը Պետերբուրգում արդարադատության նախարար Շչեգլովիտովին այցելելիս, ի նկատի ունենալով բազմաթիվ բանտարկյալների, աքսորվածների ընտանիքների դիմումները և նրանց թշվառ ու ծանր կացությունը, անձամբ խնդրեց նախարարին զիջողաբար վերաբերվել, ազատել որոնց կարելի է և կան թեթևացնել պատիժները, միջնորդեց նաև Շուշվա քահանաների համար, որոնք բանտարկված և կարգալույծ էին եղած և որոնց համար Թիֆլիզի Դատաստանական պալատն ևս միջնորդել էր: Նախարարը պատասխանեց Վեհափառին, որ Շուշվա քահանաների գործի հետ կծանոթանա և կարգադրություն կանի, մինչև իսկ խնդիրը հիշեցնելու համար յուր ցանկությամբ նշանակվեց երդվյալ հավատարմատար պ.Ս.Սարիբեկյանը, որը ներկա էր այդ խոսակցության ժամանակ Վեհափառ Հայրապետի շքախմբի անդամների հետ միասին: Իսկ Դաշնակցության գործում մեղադրվածների համար նախարարը վաղաժամ համարեց միջնորդություն հարուցանելը:

Այս տարվա հունվարի 16-ին Տ.Փոխարքայի և Նորա օգնական Պետերսոնի հետ ունեցած Ձեր խոսակցությունն իմ ներկայությամբ, վերադարձիս զեկուցի մանրամասնաբար Վեհափառ Հայրապետին. առանձնապես խնդրեցի ուշադրություն դարձնել փոխարքայի և նրա օգնական հայտնած այն կարծիքի վրա, թե միջնորդությունը հարուցանելու միակ նպատակահարմար միջոցը Ամենայն Հայոց կաթողիկոսի կողմից դիմում անելն է իրեն (փոխարքային) և արդարադատության նախարար Շչեգլովիտովին, որի հիման վրա ինքը կմիջնորդի ուր հարկն է: Վեհափառ Հայրապետը լսելով զեկուցումս և, ի նկատի ունենալով կառավարության այժմյան տրամադրությունն ու պայմանները, սկզբունքով ընդունեց դիմելու անհրաժեշտությունը, միայն հիշեց, որ խմբագրած գրությունները կուղարկվեն Պետերբուրգ պ.Սիքայել Պապաջանյանին՝ այնտեղ ձեռնհաս շրջանների կարծիքն և իմանալու, ինչպես Դուք հայտնեցիք ինձ Թիֆլիզում, դիմումները վերջնականապես խմբագրելու համար, որի մասին ժամանակին զեկուցել եմ Վեհափառ Հայրապետին:

Նորին Վեհափառությունը ստանալով սույն մարտ 16 թվակիր Ձեր նամակը և ի նկատի ունենալով այս գործի չափազանց ծանրակշիռ և լուրջ լինելը՝ անհրաժեշտ

<sup>\*</sup> Ընդգծումն քննարկին է:

համարեց Պետական դումայի անդամ պ.Սիքայել Պապաջանյանի միջոցով նախապես իմանալ Պետերբուրգի ձեռնհաս և գործին ու դատավարությանն ըստ ամենայնի ծանոթ անձանց կարծիքն ու տրամադրությունն ևս, որի համար ուղարկվեց Նորան նաև փոխարքայի և արդարադատության նախարարի անունով խմբագրած գրությունների պատճենները:

Այժմ Վեհափառ Հայրապետը սպասում է այդ պատասխանին, որից հետո միայն դիմելու է Տ.Փոխարքայի և նախարար Շչեգլովիտովի միջոցով՝ թագավոր կայսեր ողորմածությունը խնդրելու:

Դիվանապետ

Բագրատ Եպիսկոպոս

ՀԱԱ, Ֆ.227, ց.1, գ.595, ք.3-4: Բնագիր: Չեռագիր:

**N 18**

**ՄԱՏԹԵՈՍ ԵՊԻՍԿՈՊՈՍԻ ՆԱՄԱԿԸ ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱԽԱԳԱՐ Ա.ՀԱՐՈՒԹՅՈՒՆՅԱՆԻՆ՝ ԴԱՇՆԱԿՑԱԿԱՆՆԵՐԻ ԳՈՐԾԻ ԱՆՆՈՒԹՅԱՄԲ ԻՐ ՆԿԱՏԱՌՈՒՄՆԵՐԻ ՄԱՍԻՆ**

2 ապրիլի 1914թ.  
Տփլիս

Մեծարգո պ.Սամսոն Հարությունյանց, Երեկ կեսօրին Բագրատ Եպիսկոպոսից նամակ ստաա, որ իմիայնց գրել էր դաշնակցականների գործի առթիվ խնդրելով Ձեզ մոտ կարդալ. բայց որովհետև Դուք մեկնել եք Դիլիջան, պարտք եմ համարում նամակի այդ կտորը արտագրել և ուղարկել Ձեզ ի տեղեկություն. -

«Դաշնակցականների համար դիմումը Վեհափառն ընդունել է սկզբունքով. միայն պատվիրեց նախ գրել Պետերբուրգի պ.Սիքայել Պապաջանյանին՝ ձեռնհաս մարդկանց կարծիքն ևս իմանալու, зондировать почву, որ համարեց անհրաժեշտ: Այդտեղ խմբագրած գրությանց պատճենները ևս ուղարկվեին, որ ցույց տա հայտնի փաստաբաններին (...; Коробчевский եմ): Գիտես, որ Վեհափառը զգույշ է և մտածում է այնպիսի քայլ անել և այն ձևով, որ արդյունք ունենա: Երևի մոտ ժամանակներս այդ դիմումը կհաջողվի. այնուհետև կգրվի նաև պատրիարքին ինչ որ անհրաժեշտ է, որ այնտեղից և դեսպան Գիրսի միջոցով աշխատի: Գրելուց հետո արդեն ամեն կերպ պետք է աշխատել հաջողացնել»:

Երկրորդ նամակում հայտնում է, որ Ձեր հեռագիրը ստացել և զեկուցել է Նորին Սրբության, որն ասել է. «Խնդիրը լուրջ է, պետք չի դիմել միայն դիմած լինելու համար կամ ձևի համար այլ պետք է հաջողության մասին ևս մտածել և ամեն ինչ նախատեսել»:

Առիթից օգտվելով, հարկ եմ համարում իմ դիտողությունն անել դաշնակցականների գործի դիմումի համար. փոխարքան անշուշտ կկամենա դաշնակցականների գործը մաքրել և ներումն խնդրել, սակայն կառավարական շրջանները ինչպե՞ս կնայեն այդ խնդրի վրա. մի ազգի քաղաքական անլեզալ կուսակցության անդամներին ներումն շնորհելը առիթ չի՞ դառնալ մտածելու մյուս ազգությունների և բուն ռուս անլեզալ կուսակցությունների անդամների համար էլ ներումն պահանջել, և կառավարությունը կարո՞ղ է անտես առնել մի այդպիսի պահանջ, առանց իր դեմ գրգռելու թեաջակողմյաններին և թե՛ ձախկողմյաններին, և

<sup>\*</sup> Մեկ անուն՝ անընթեռնելի:

եթե կառավարությունը վերջին հանգամանքն ի նկատի առնի և ընդհանուր ներուճն էլ անկարելի համարի (որ շատ հավանական է), արդյոք դաշնակցականների խնդիրն էլ ջուրը չի՞ ընկնի: Ինձ թվում է, որ սա նույնպես շատ կարևոր հանգամանք է, որ աչքաթող չպետք է անել: Եվ ես կարծում եմ, որ եթե Վեհափառ կաթողիկոսը նաև Պետերբուրգի կարծիքն է հարցնում, երևի այս հանգամանքն էլ աչքի առաջ ունի, թեև Բագրատ սրբազանը յուր նամակում այդ մասին ոչինչ չի գրել:

Ըստ իս թերևս ավելի դյուրին և ավելի արագ հարգվեր Վեհափառի խնդիրը, եթե դիմումը լիներ 4-5-6 մարդու համար և ոչ թե ամբողջ գործի ликвидация-ի համար:

Սա, իհարկե, իմ անհատական կարծիքն է և ոչ մի կերպ չունի այն մտածողությունների հետ, որ կա թիֆլիսում և Եջմիածնում:

Մատուցանելով Ձեզ իմ հարգանքներս,  
Մնամ Ձեր կենաց համար աղոթարար՝

Մատթեսու Եպիսկոպոս

ՀԱԱ, Ֆ.227, ց.1, գ.595, ք.5-6: Բնագիր: Ձեռագիր:

**N 19**

**ՇՈՒՇՈՒ ՀԱՅ ՄՇԱԿՈՒԹԱՅԻՆ ՀԱՍՏԱՏՈՒԹՅՈՒՆՆԵՐԻ ՈՒ ԽՄԲԱԿՑՈՒԹՅՈՒՆՆԵՐԻ ՆԵՐՎԱՅՆՁՈՒՑԻՉՆԵՐԻ ԸՆԴՀԱՆՈՒՐ ԺՈՂՈՎԻ ԱՐՉԱՆԱԳՐՈՒԹՅՈՒՆԸ ԵՂՎԱՅՐՎԱԿԱՆ ՕԳՆՈՒԹՅԱՆ ԵՎ ՎԻՐԱՎՈՐ ԶԻՆՎՈՐՆԵՐԻ ԽՆԱՄՔԻ ԳՈՐԾԻ ԿԱԶՄԱԿԵՐՊՄԱՆ ՄԱՍԻՆ**

28 հոկտեմբերի 1914թ.  
(Շուշի)

Ղարաբաղի թեմի ժամանակավոր կառավարիչ Ջավեն վարդապետի հրավիրմամբ սույն թվականի հոկտեմբերի 28-ին տեղույս Առաջնորդարանում տեղի ունեցավ Շուշու Հայոց կուլտուրական հաստատություններից և խմբակցություններից ընտրված 28 ներկայացուցիչների ժողովը:

Ժողովականները հոտնկայս լսեցին Նորին Վեհափառության Ամենայն հայոց կաթողիկոսի կոնդակը՝ ուղղած ամեն դասակարգի հայ ժողովրդյան շուտափույթ կազմակերպելու եղբայրական օգնության և վիրավոր զինվորներին խնամելու գործը: Ի նկատի ունենալով ժամանակի պահանջներին և տեղական ժողովրդի բազմաթիվ և բազմատեսակ կարիքները՝ ժողովականները բարվոք համարեցին տասն հոգուց բաղկացած մի գործող մարմին (բյուրո) կազմել, որը պետք է միջոցներ հայթայթե վերոհիշյալ պահանջներին գոյացում տալու համար:

Գաղտնի քվեարկությամբ տեղական գործող մարմնի անդամներ ընտրվեցին.

- |           |                     |
|-----------|---------------------|
| 1. Մեծ պ. | Գ.Մելիք-Շահնագարյան |
| 2.        | Ղ.Տեր-Ղազարյան      |
| 3.        | բժ. Ս.Համբարձումյան |
| 4.        | Ս.Մանդիյան          |
| 5.        | Լ.Վարդապետյան       |
| 6.        | Ա.Շահնագարյան       |
| 7.        | Մ.Խալափյան          |
| 8.        | Զ.Մելիք-Շահնագարյան |

\* Մեծապատիվ պարոն:

- |     |              |
|-----|--------------|
| 9.  | Մ.Խաչատրյան  |
| 10. | Գ.Իսրայելյան |

Նախագահ ընդհ. ժողովի Քարտուղար	Զ.Մելիք-Շահնագարյան Ա.Շահնագարյան
-----------------------------------	--------------------------------------

ՀԱԱ, Ֆ.288, ց.1, գ.4, ք.3: Բնագիր: Ձեռագիր:

**N 20**

**ՕՂԵՍԱՅԻ ՀԱՅՎԱԿԱՆ ԵՎԵՂԵՑՈՒ ԾԽԱՏԻՐՈՋ ՆԱՄԱԿԸ ԹԻՖԼԻՍ՝ ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱԽԱԳԱՅԻՆ՝ ՏԵՂԻ ՀԱՅՈՒԹՅԱՆ ԿՈՂՄԻՑ ԶԵՆԱՐԿՎԱԾ ԺՈՂՎԱՐԱՐՈՒԹՅԱՆ, ՀԱՅ ԿԱՄԱՎՈՐՎԱԿԱՆ ԽՄԲԵՐԻ ԱՏԵՂԾՄԱՆ ԵՎ ԱՅՆ ՀԱՐՑԵՐԻ ՄԱՍԻՆ**

3 նոյեմբերի 1914թ.  
Օղեսա

Մեծապատիվ պ.Սամսոն Հարությունյան.

Ստացվեցան Ձեր բոլոր հեռագիրները և հաղորդվեցան ինձ, երկրորդ հեռագրին պատասխանեց Ձեզ իշխան Արղուբյանը: Փող հավաքելու գործը բավական խոչընդոտների հանդիպեցավ: Քաղաքապետը իրեն իրավունք չհամարեց թույլ տալ ո՛չ ժողովը և ո՛չ ժողովարարությունը. դիմեց գեներալ-նահանգապետին. նա էլ նույնպես իրեն իրավունք չհամարեց այդ. հարցրին Պետրոգրադ այնտեղից ամսիս 1-ին հեռագրով պատասխան եկավ, թե դա միմիայն գեներալ-նահանգապետի իրավասությանն է վերաբերում: Երեկ խնդիր տվի. ձևականությունները մի երկու օր կհետևեն. հույս ունեմ, թեև դժվարությամբ, կիրակի, ամսիս 9-ին ժողով գումարել և ժողովարարություն ձեռնարկել: Բյուրոյի նշանակած գումարը՝ 50000 ռուբ., Օղեսայի համար շատ-շատ է. Օղեսայի անունն է մեծ, բնակիչները՝ դալլակ, նավահանգստի տաճկահայ բանվորներ, ծառայողներ և մի քանի հարուստներ: Ամեն ջանք գործ եմ դնում թե՛ եկեղեցում և թե՛ մասնավոր խոսակցության մեջ պատրաստել հասարկությունը այդ ուժից վեր գոհողությունն անելու, թողեմ է և պատմական:

Կամավորների վերաբերյալ վերջին հեռագիրն էլ ստացա, այդպես էլ ամուն եմ: Բոլորին ասում եմ, որ իրենց գործին կենան և սպասեն իմ հրավերին: Այժմ քաղաքումս կան 100 հոգուց ավելի կամավորներ: Սիմֆերապոլից և Գրիգորիպոլից էլ դիմում են ինձ իրենց առաջարկություններով: Բուզարիայից և Ռումինիայից էլ գալիս են ամեն օր 2-3-ական հոգի չոր ճանապարհով: Ոգևորությունը շատ մեծ է և եթե ըստ կարելվույն հագուրդ չտրվի՝ աստիճանաբար կսառչի: Սինչև Թուրքիայի հարձակումը ճանապարհ էին դնում 20-30-40-ական հոգի Ռուսական ընկերության շոգենավերով: Ծանապարհները փակվեցին, վերջին խումբը՝ 135 հոգի, գնացին երկաթուղով՝ նա казенный счет: Սա իբրև բացառություն իմ խնդրով թույլ տվեց գեներալ-նահանգապետը: Դիմումներին հիման վրա մեր շտաբը հեռագրեց Կովկասյան շտաբին - Поступают многочисленные заявления армян - добровольцев, желающих паступать в армянскую дружину. Сообщите - подлижат ли они отправке по железной дороге на казенный счет? Պատասխան ստացվեցավ - Не подлижат! Իբրև կամավոր են գնում մեծ մասամբ տաճկահայ նավահանգստի բանվորները. աշխատանքը դադարել է, վաստակ չկա, և նոքա, իհարկե, իրենց հաշվով Կովկաս գնալու հնարավորություն չունին. դժվարությամբ կարողանում են հավաքել նրանց ուտելիղենի ծախսը ճանապարհին. իսկ ով կարող է յուր ծախսով գնալ, նրանք չեն սպասում, որ ես նրանց ճանապարհ դնեմ, ինքնագլուխ են գնում: Բայց այդպիսիների



թիվը քիչ է: Ուստի եթե Բյուրոյի կողմից կամավորների պահանջ լինի, խնդրում են աշխատել ուր որ հարկն է, որ նրանց թույլ տրվի ճանապարհել երկաթուղով և պետական հաշվով: Այստեղ շտաբում, փոխարքայի այդ մասին առաջարկություն, անշուշտ կընդունվի և կկատարվի: Առանց այդ թույլտվության անկարող կլինեն կամավորներ ուղարկել, եթե պահանջվի էլ:

Ի վերջո շատ ցանկալի կլինեի այդ գործի մասին Բյուրոյին որևէ հրահանգ ունենալ, այլև ստույգ տեղեկություններ Կովկասում տիրող հայկական գործունեության մասին այդ ուղղությամբ, որովհետև ամեն կողմից ինձ զանազան տեսակ հարցեր են առաջարկվում թե՛ կամավորների կողմից, թե՛ հասարակության և թե՛ նամանավանդ մամուլի կողմից: Իսկ ես որոշ, հաստատ տեղեկություններ չունենալով, ոչինչ չեմ կարողանում հաղորդել: Մինչդեռ մամուլի միջոցով հասարակական կարծիք պատրաստելն ու ղեկավարելը գործին, նույնիսկ դրամական տեսակետից, մեծ օգուտ կարող է բերել: Լրագիրները շատ են խոսում հայերի մասին, բայց լուրերի մեծ մասը հերյուրված են, անճիշտ: Ցանկալի է, որ գաղութներիս կապը մայր հայրենիքի հետ լինի ոչ միայն դրամական այլ ավելի խոր և պինդ: Ժողովուրդը ազահորեն կլանում է ամեն բան, ինչ որ գրվում է մեր հայերի մասին. պետք է այդ ձգտման գոհություն տալ՝ մատակարարելով մաքուր և առաջատար սնունդ:

Հարգանքով՝ Հովհաննես քահանա Չուբարյան

ՀԱԱ, Ֆ.288, ց.1, գ.1, ք.11: Բնագիր: Մեքենագիր:

**N N 21-22**

**ՆՈՎՈՉԵՐԿԱՍԿԻ ԴԱՏԱԿԱՆ ԱՏՅԱՆԻ ԵՐԿՅԱԼ ՀԱՎԱՍԱՐՄԱՍԱՐ  
ԳՐ.ՉԱԼԽՈՒՇՅԱՆԻ ՆԱՄԱԿՆԵՐԸ ԹԻՖԼԻՍԻ ՀԱՅՈՑ ԱԶԳԱՅԻՆ ԲՅՈՒՐՈՅԻՆ**

**N 21**

9 նոյեմբերի 1914թ.

Եղբայր Սամսոն,

Ուրախությամբ կարդում եմ և տեսնում եմ, որ բոլորս հայ դատին զինվորներ ենք դառած, երնեկ չխաբվեինք, երնեկ մինչև վերջը տանել կարողանայինք մեր սուրբ գործը: Նակագնի Ատամանը ասաց, որ ազատ զենք չկա, բայց 50 կամավորների համար խոստացավ զրել. պատասխան չկա: Բարեբախտաբար մեր Պոլիսում 137 լավ մաուզերներ կան և 6 հազար փամփուշտներ: Ոստիկանապետը խոստացավ տալ մեզ 40ռ. հատը, աշխատում ենք քաղաքապետի հետ վերջացնել 22-ով: Համենայն դեպս 40-ն էլ լավ է, մենք հրավիրեցինք հասկացող մարդ, լավ զենքեր են: Մագազիններում կարելի է գտնել փամփուշտներև ոչ շատ, ձեռք կառնենք: Թույլտվությանն ենք սպասում, գրվեց նաև նակագնի Ատամանին, Ձեզնից էլ չկա պատասխան: Մոսկվայում կան 60 հազար փամփուշտներ: Մամիկոնյանը կարող է իմանալ տեղնուտեղը: Հեռագրած ենք քանի մը տեղեր. գլխավորը՝ թրքաց փամփուշտները համապատասխան են: Դուք ունեք, շտապ չեմ համարձակվում խորհուրդներ տալու, բայց փափախները հարմար չեն, երևում են հեռվից:

Բժիշկների մասին հեռագրեցի, ոչ մի տեղ չկան, բայց այդ հասցեով կարելի է գտնել վիրաբույժներ: Կիսնդրեի նաև, որ միաբանության կապերը ամուր պահվեն, և Ձեր վրա նախագահի շատ բան ծանրանում է, օրինակի համար՝ չհավանեցի «Մշակի» ակնարկը, որ քարտուղարը «Հորիզոն»-ական լինելով, «Մշակին» տեղեկություններ չեն տրվում ես շատ ջանքեր են թափում, «Մշակի» վրա ազդելով, որ նրա գնացքը ըստ ամենայնի համապատասխան լինի ընդհանուր մեր շարժման: Մի մոռանանք, որ հայտնի ազդեցություն նա ունի, կարիք չկա առանց հարկավորության նեղել նրան և

խռովություն առաջ բերել, ես հակառակ էի Բյուրոյին գարնան, այժմ կարծեմ ավելի ջերմ հպատակող չունենաք: Ի սեր ոչ Աստծո, այլ սուրբ, մեծ, ծանր և ամենապատասխանատու գործին՝ հեռացնել Բյուրոյից ամեն ինչ, որ փոքր նշույլ անգամ կարող է տալ կուսակցության: Հայ և հայություն և արտաքո սրանց՝ ամենայն ինչ ունայնություն և սուտ...

**N 22**

29 նոյեմբերի 1914թ.

Եղբայր Սամսոն,

Սարսափելի անախորժ տպավորություն թողնում են «Մշակի» ակնարկությունները՝ վերաբերյալ գաղթականներին և փախստականներին:

Մի՞թե ճշմարիտ է, որ այդ չափ ողորմելի է Բյուրոյի ցույց տված օգնությունը, մի՞թե իսկապես սուղ են Ձեր միջոցները առաջին օրերին: Պետք է ասած, մենք այնպես էլ չիմացանք՝ ի՞նչ են անելու բազմեցիները և թիֆլիսցիները: Բարեբախտաբար 25-ը՝ մոտը, կգանք անձամբ տեսնելու: Երեկ ընդհանուր ժողով ունեինք Ռոստով-Նախիջևան փոխադարձ վարկի ընկերության և իմ առաջարկությունով որոշվեց տալ տասը հազար, հինգը՝ այժմ և հինգը՝ հունվարին: Շեշտվում էր անդադար փախստականների վրա և մատնանիշ էր արվում, որ աչքաթող են եղած և պետք էր ինձ երկար բացատրություններ տալ, որպեսզի Բյուրոյի վարկը բարձր պահել հասարակության մեջ և որոշել, որ Բյուրոյի տրամադրության տրվեին առհասարակ բոլոր գումարները: «Մշակի» արծարծած կարծիքը, թե հարկավոր է առանձին մարմին, այնքան ինձ վշտացրեց, որ երևի թիֆլիսում կորոշեմ աշխատակցել «Հորիզոնին», մանավանդ, որ իմ երեք հողվածներս ժողովարարության վերաբերյալ չեն տավում:

Մենք հեռագրել էինք Ձեզ՝ վերաբերյալ հայ գերիների, հեռագրել էի նաև Աճենյանին, ստացա պատասխան, որ բոլոր բանը կախված է փոխարքայից, այդպիսի պատասխան ստացել է նախարարությունից, անգամ չեն կարող նրանց զգեստավորել, մերկ են և պոպիկ, հիվանդ, սրտաճմլիկ տեսարան... Երկու ուսանողներ Պետրոգրադից հասան և ինձ պատմեցին, որ Միլյուքովը ասել է, թե հայկական ավտոնոմիային հակառակ պիտի խոսեին մի հայկական երեկույթի մեջ, կարծեմ, եթե չեմ սխալվում, *Вольноэкономическое общ.*

Բանից երևաց, որ Արոնցը չէ ուզում հրապարակել նել, իսկ խոսողները... վրացիներ են լինելու: Հեռագրեցի Աճենյանին՝ Արբեգյանին՝ Պետրոգրադ, և Մամիկոնյանին և Ջիվելիկյանին՝ Մոսկվա և վերջինից ստացա պատասխան, որ կանցնի Պետրոգրադ: Երևի իմացաք, որ Տոտոնյանն էլ խոսել է հակառակ: Պետք է ձեռնհաս մարդիկ ունենայինք՝ շրջելու, խոսելու համոզելու... Սաթույանի ճառի մասին ուրիշ լուր ստացվեց՝ իբր թե չի կարողացել լավ խոսել... 4-ին կան հինգին կայսրը անցնելու է այստեղից: Քաղաքազուխը ցանկանում է, որ ես ասեմ մի երկու խոսք, չգիտեմ, կթույլատրե՞ն, թե ոչ: Ձեզ [մոտ] կգա Բյուրո Ավետիս Քիստյանը, որ լավ տղա է, լավ ընդունեցեք, բայց փառասեր է և մեծ կարծիք ունի իր վրա, կարոտ, որ շոյեն: Զգուշացնում եմ նրա համար, որ գրեք ինձ, ինչ կարգադրություններ Ձեր հանձնաժողովը կհանձնի նրան (*немного фантазёр*): Նա նախագահ է մեր հանձնաժողովին և *уполномоченный санитарного поезда*.

Սիրով՝ Գր.Չալխուշյան

ՀԱԱ, Ֆ.288, ց.1, գ.2, ք.8: Բնագիր: Մեքենագիր:

**N 23**

\* Բնագրում այդպես է:

**ՊՅԱՏԻԳՈՐՍԿՈՒ ԴԱՅ ԳԱՂՈՒԹՅՆ ՆԵՐԿԱՅԱՑՈՒՑԻՉՆԵՐԻ ԴԱՎԱՔԻ ՄԱՍՆԱԿԻՑՆԵՐԻ  
ՆԱՄԱԿԸ ԴԱՅՈՑ ԱԶԳԱՅԻՆ ԲՅՈՒՐՈՅԻՆ ԳԱՂՈՒԹՈՒՄ ԲՅՈՒՐՈՅԻ ՄԱՍՆԱԳՅՈՒՂ  
ԱՏԵՂԾԵԼՈՒ ՄԱՍԻՆ**

11 նոյեմբերի 1914թ.  
Պյատիգորսկ

Ի նկատի ունենալով ներկա պատերազմական հանգամանքները, ամսվա 9-ին տեղիս հայերը, հետևելով ուրիշ քաղաքների օրինակին, ժողովվելով հայոց ուսումնարանի դահլիճում, որոշեցին կազմել մի հանձնաժողով ժողովարարություն անելու՝ փողով, տաք հագուստներով և թե ուրիշ նյութերով հայ կամավորների և նրանց ընտանիքների օգտին: Ընտրվեց 10 հոգուց բաղկացած մի հանձնաժողով:

Ժողովականների մեջ ցանկություն հայտնվեց, որ այդ ընտրված հանձնաժողովը կոչվի «Կովկասի կենտրոնական բյուրոյի Պյատիգորսկի ճյուղ»:

Հայտնելով վերոհիշյալի մասին ի գիտություն Կենտրոնական բյուրոյի, սրանով խնդրում ենք Բյուրոյի հարգելի սանկցիան և միևնույն ժամանակ հայտնել անհրաժեշտ կարգադրումներ տեղիս ճյուղի գործունեության վերաբերյալ:

Արդեն հավաքված գումար ունենք, 1500ռ.: Խնդրում ենք նաև հայտնեք, թե արդյոք կառավարության կողմից մի որևիցե արգելք չի կարող հանդիսանալ մեր այս գործելակերպը:

Նախագահ  
Քարտուղար

Գ.Սուքիսայանց  
Ն.Ռոստովանյանց

Մեր հասցեն ՝ Пятигорск, Тереской обл.  
Геворку Довлатовичу Сукиасянцу

ՀԱԱ, Ֆ.221, ց.1, գ.1, ք.8: Բնագիր: Չեռագիր:

**N 24**

**ԱՍԽԱԲԱԳԻ ԴԱՅ ԿԱՄԱՎՈՐՆԵՐԻ ՕԳՆՈՒԹՅԱՆ ԿՈՄԻՏԵԻ ՆԱՄԱԿԸ  
ԹԻՖԼԻՍԻ ԴԱՅՈՑ ԱԶԳԱՅԻՆ ԲՅՈՒՐՈՅԻՆ ԳԱՂԹՕՋԱՆԻ ԴԱՅՈՒԹՅԱՆ  
ԽԱՆԴԱՎՈՒՄԱՆ, ԿԱՄԱՎՈՐԱԿԱՆ ԽՄԲԵՐԻ ԱՏԵՂԾՄԱՆ, ԴԱՆԳԱՆԱԿՈՒԹՅԱՆ  
ԿԱԶՄԱԿԵՐՊՄԱՆ ԵՎ ԱՅԼ ԴԱՐՑԵՐԻ ՄԱՍԻՆ**

12 նոյեմբերի 1914թ.  
Ասխաբադ

Ռուս-տաճկական պատերազմի սկսելով, տեղիս գաղթավայրի հայերն ևս, իբրև հեռավոր հատված հայ ազգի, շարժվեցին, որգևորվեցին ապագայի հավատով և խոստումնալի կյանքի արշալույսին և բուռն ոգևորությամբ նետվելով ամենուրեք ծայր առած այս անօրինակ եռուն գործունեության մեջ, կամեցան մի շարք ակտիվ ձեռնարկություններով մասնակցել ընդհանուր շարժման այս համատարած պրոցեսին: Այս նպատակով կազմվեց հայ կամավորների և նրանց ընտանյաց նպաստող կոմիտեո՝ վեց անդամից բաղկացած, որի առաջին հոգան եղավ տեղական երիտասարդությունից կազմել կամավորների խումբ, հոգալով նրանց հագուստի և ճանապարհի ծախքերը, և արդեն երկու խումբ, բաղկացած քառասուն հոգուց, ուղևորվել են Կովկաս՝ մտնելու հայկական վաշտերի մեջ: Վաղորդք ներկայանալով

35

տեղական ադմինիստրացիային և երկրիս կառավարչին և հայտնելով տեղական կոմիտեոյի և կամավորների խմբերի կազմակերպության մասին, և քաջալերության ու աջակցության խոստումներ ստանալով՝ կամավորներիս ճանապարհ ձգեցինք մեծ շուքով, ցույցերով և զինվորական նվազախմբի երաժշտությամբ: Երկաթուղու կայարանում կատարվեց հանդիսավոր մաղթանք, տեղի ունեցան ճառախոսություններ և ոգևորված ցույցեր: Բացի հազարավոր հայ և ռուս հասարակությունից, հայ հոգևորականությունից, ներկա էին նաև քաղաքային և զինվորական վարչություններից ներկայացուցիչներ, որոնք նույնպես ոգևորված ճառեր խոսեցին, ցանկություններ արտահայտեցին և հայ կամավորներին օրհնելով և բարի ճանապարհ մաղթելով՝ բաժանեցին արծաթյա փոքրիկ խաչեր՝ արծաթե շղթաներով:

Ներկայումս տեղական կոմիտեոյը զբաղված է հանգանակությամբ և հույս ունի մոտ ապագայում փոխադրել Բյուրոյիդ, մի համեստ գումար: Բացի դրանից, պիտի լինի նաև ամսավճարների ժողովարարություն, որ կշարունակվի մինչև պատերազմի վերջանալը: Կոմիտեոյը կազմել է նաև տեղական կանանց հանձնաժողով, որ բանալով յուր արհեստանոցը՝ եռանդով պատրաստում է կամավորների համար տաք հագուստ և հանգանակություն անուն դրամով, իրերով և մթերքներով: Կոմիտեոս խնդրում է Բյուրոյիդ իրագրել անել մեզ, թե ու՞ր և ու՞մ հասցեով պետք է փոխադրել և ուղարկել դրամը և իրերը: Խնդրում ենք թախանձագին, եթե հնարավոր է, ժամանակ առ ժամանակ, գոնե շաբաթը մեկ անգամ, հաղորդել մեզ այն նշանավոր դեպքերի ու անցքերի մասին, որ կատարվում են հայության և հայկական խնդրի շուրջը, որովհետև հազարավոր վերստերով կտրված ու անջատված հայրենիքից և հայության կենտրոնից, միմիայն կցկտուր ու աննշան տեղեկություններ ստանում ենք լրագրերից, որոնք անզոր են լիուլի հագուրդ ու բավարարություն տալ մեր հուզված մտքերին և անհամբեր տրոփող սրտերին:

Ներկա գրության հետ ուղարկելով ռուսերեն լեզվով գրված մի պաշտոնական թուղթ, հանուն Բյուրոյի պ. նախագահի և այն պրովակացիոն նամակի հավատարիմ պատճենը, որ ստացված է տեղիս միակ լրագիր «Аксабад»-ի խմբագրի անունով: Խնդրում ենք ամենակարճ միջոցով հանգստացնել մեր վերին աստիճանի հուզված մտքերը և փարատել այն բոլոր կասկածներն ու անհանգստությունները, որ պաշարում են մեր ամբողջ գոյությունը: Խնդրում ենք պատասխանել մեզ պաշտոնապես, նույնպես ռուսաց լեզվով, որ պիտի ծառայի մեզ իբրև հատու գենք մեր տեղական թշնամիների դեմ: Սակայն մինչև պաշտոնական գրության ստանալը, խնդրում ենք անմիջապես հեռագրական մի երկու բառով համզիստ տալ մեր խռովահույզ մտքերին:

Նախագահ Կոմիտեոյի՝

ստորագրություն՝

ՀԱԱ, Ֆ.288, ց.1, գ.1, ք.36-37: Բնագիր: Չեռագիր:

**N 25**

**ՆԱՄԱԳԱՆԻ ԴԱՅ ԴԱՄԱՐԱԿՈՒԹՅԱՆ ՆԵՐԿԱՅԱՑՈՒՑԻՉՆԵՐԻ ՆԱՄԱԿԸ  
ԹԻՖԼԻՍԻ ԴԱՅՈՑ ԱԶԳԱՅԻՆ ԲՅՈՒՐՈՅԻ ՆԱԽԱԳԱԴԻՆ՝ ԴԱՅ ԿԱՄԱՎՈՐՆԵՐԻ ՕԳՏԻՆ  
ՏԵՐԻ ԴԱՅՈՒԹՅԱՆ ԿԱԶՄԱԿԵՐՊՈՒԾ ՕԳՆՈՒԹՅԱՆ ՄԱՍԻՆ**

23 նոյեմբերի 1914թ.

\* Փաստաթուղթը ստորագրված է վեց հոգու կողմից, ըստ որում մի քանի ստորագրություններ անընթեռնելի են:

36

Նամանգան

Մեծարգո պրն. Ա. Հարությունյան,  
Նամանգանի հասարակությունը, իմանալով տաճկաց դեմ կռվող հայ կամավորների կարիքը, հավաքել է իր մեջ ներքնազգեստներ, որը և ուղարկում ենք սույն նամակով: Տաք ներքնազգեստների հավաքումը շարունակվում է, որը շարունակաբար կուղարկվի: Ուղարկված հագուստեղենը ստանալուց խնդրում ենք լրագրության միջոցով հայտնել: Լրագրության միջոցով հայտնելու մեր ցանկությունը այն նպատակը աչքի առաջ ունենք, որ տեղական ժողովուրդը իմանալով, որ իր տվածը լրագրում գրված է, ապագայում ավելի առատաձեռն կլինի: Ավելի լավ կլինեք, եթե «Հորիզոնի» կամ «Արևի» միջոցով հայտնվեք ուղարկված իրերի ցուցակը: Իսկ փող հանգանակելու համար արդեն ընտրված է տեղական հասարակությունից մի հանձնաժողով՝ հինգ հոգուց բաղկացած, որոնք ընտրված են Ազգային բյուրոյի ներկայացուցիչ պրն. Կափյանցի ներկայությամբ, որոնք արդեն սկսած են հանգանակումը:

Մնամք հարգանառք ի տեղի հայ հասարակության...\*

Հ.Գ. Այստեղ հավաքած ունենք բավականին շորեր հայ գաղթականների համար: Խնդրում ենք նեղություն կրեք հայտնելու՝ ու՞մ հասցեով ուղարկենք և ու՞ր:

ՀԱԱ, Ֆ.221, ց.1, գ.1, ք.10: Բնագիր: Ձեռագիր:

N 26

**ՀԱՍԱՐԱԿԱԿԱՆ ՏԱՐԲԵՐ ԽԱՎԵՐԻ ՈՒ ՀՈՍԱՆՔՆԵՐԻ ՄԻ ԽՈՒՄԲ ՆԵՐԿԱՅԱՑՈՒՑԻՉՆԵՐԻ ԴԻՍՈՒՄԸ ԱՄԵՆԱՅՆ ՀԱՅՈՑ ԿԱԾՈՂԻԿՈՍԻՆ՝ ԻՐ ԻՐԱՎԱՍՈՒԹՅԱՆ ՇՐՋԱՆԱԿԻՑ ԴՈՒՐԱ ՀԱՅՈՑ ԱԶԳԱՅԻՆ ԲՅՈՒՐՈՅԻ ՍՏԱՆՁՆԱԾ ԴԵՐԻ ՄԱՍԻՆ**

4 դեկտեմբերի 1914թ.  
[Թիֆլիս]

Վեհափառ Տե՛ր,

Ներքո ստորագրյալներս՝ ներկայացուցիչներ և արտահայտիչներ զանազան մտավոր հոսանքների և ուղղությունների, մեր բարոյական ազգային և քաղաքացիական պարտք ենք համարում խոնարհաբար զեկուցանելու Ձերդ Վեհափառության մեր վերաբերմունքը և դիրքը դեպի այն մարմինը, որ կոչվում է Ազգային կենտրոնական բյուրո:

Թեև այդ Բյուրոն կազմված է միակողմանի, - քանի որ նրա մեջ չկան ո՛չ մամուլի, ո՛չ ուսուցչության, ո՛չ զանազան մտավոր հոսանքների, ուղղությունների և դասակարգերի ներկայացուցիչներ, այլ մասնակցում են մի որոշ հոսանքի հետևորդներ և անձինք, հրավիրյալ ըստ հայեցողության Բյուրոյի ղեկավարների, - թեև նա չի կազմված ընդունված ընտրական եղանակով, - մենք չէինք վստահանա հանձնել Ձեր ուշադրության ներկա հայտարարությունը, եթե միայն Բյուրոն չստանձներ նաև քաղաքական ֆունկցիաներ, որոնք վերապահված են միմիայն Ամենայն Հայոց կաթողիկոսին, որպես ազգընտիր պետի:

Եվ որովհետև Բյուրոն յուրացրել է նաև քաղաքական ֆունկցիաներ, գործում և խոսում է հանուն թուրքահայ ժողովրդի, որը բնավ նրան այդպիսի իրավունք չի տվել, և քանի որ նրա գործելակերպը այդ ուղղությամբ մենք գտնում ենք

\* Հետևում է երկու հոգու անընթեռնելի ստորագրություն:

անհամապատասխան մեր ազգային իրավական կացության, - ուստի մեր պարտքը ենք համարում զեկուցանել այդ մասին Ձերդ Վեհափառության:

Արդ, անշուշտ, Ձեր Սրբությանն է մնում որոշել Բյուրոյի գործունեության շրջանակը, ցույց տալով նրան իր սահմանները:

Մեր այս ամենախոնարհ հայտարարությունը, Վեհափառ Տե՛ր, արձագանք է տրտունջների և դժգոհությունների, որոնք հասնում են մեզ զանազան հայաբնակ վայրերից:

Հայտնելով այս ամենը Ձերդ Վեհափառության, վստահ ենք, որ Ձերդ Սրբությունը իր իշխանությամբ վերջ կտա այս բոլոր տարածայնություններին:

Ի դիմաց տարբեր հասարակական խավերի և հոսանքների ընտրյալ ներկայացուցիչներ՝ հանձնելու Ձերդ Վեհափառության այս հայտարարությունը:

ԲԺշկապետ  
Հ.Առաքելյան  
Հ.Համբարձումյան  
Տ.Նազարյան  
Բ.Նավասարդյան  
Ա.Չերքեզյան  
Հ.Ակունյան  
...

ՀԱԱ, Ֆ.57, ց.5, գ.78, ք.1 և հակ.: Բնագիր: Ձեռագիր:

N 27

**ՂԱՐԱՔԱՂԻ ՀԱՅՈՑ «ԵՂՔԱՅՐԱԿԱՆ ՕԳՆՈՒԹՅԱՆ» ԲՅՈՒՐՈՅԻ ՆԱՄԱԿԸ ԹԻՖԼԻՍԻ ՀԱՅՈՑ ԱԶԳԱՅԻՆ ԲՅՈՒՐՈՅԻՆ՝ ԵՐԿՐԱՄԱՍՈՒՄ ՀԱՅ ԿԱՄԱՎՈՐԱԿԱՆ ԽՄԲԵՐԻ ՍՏԵՂԾՄԱՆ ՄԱՍԻՆ**

11 դեկտեմբերի 1914թ.  
Շուշի

Ղարաքաղի Հայոց «եղբայրական օգնության» Բյուրոն սկսելով յուր գործունեությունը սույն թվականի հոկտեմբեր ամսի վերջին օրերից՝ յուր բոլոր ջանքը գործադրել է հայ կամավորների օգնության և գաղթականներին խնամելու համար միջոցներ հայթհայթել: Շուշի քաղաքի հայ ազգաբնակչությունը, չնայելով նյութական սուղ դրության, այնուամենայնիվ, ամսական կամավոր վճարներով շարունակում է օգնել մեր ձեռնարկած անհրաժեշտ գործին: Տաճկահայ գաղթականների անմխիթար դրությունը արձագանք գտավ նաև մեր շրջանում, ուստի Ղարաքաղի Հայոց ազգային բյուրոն անհրաժեշտ համարեց իր ժողոված զումարից իսկույն Լեթ 500ռ. փոխադրել Թիֆլիսի Հայոց ազգային բյուրոյին՝ տաճկահայ գաղթականներին խնամելու համար: Տեղվույս Բյուրոն մոտ օրերս կուղարկի նաև տաք հագնելիք ու այլ մթերքներ հայ կամավորների և գաղթականների համար՝ դարձյալ Թիֆլիսի ազգային բյուրոյի միջոցով:

Բայց Ղարաքաղի Հայոց ազգային բյուրոն գտնում է, որ ներկա պատմական օրերին, երբ պետք է ամեն միջոցով օգնության գալ տարագիր տաճկահայ ժողովրդի դատի պաշտպանության, Ղարաքաղի հայ ազգաբնակչությունը կարող է և պետք է ավելին անե, եթե ոչ դրամով, գոնե օգնական ուժերով: Քանի որ Ղարաքաղի հայ ժողովուրդն ևս իրապես զգում է, որ ներկայումս Տաճկահայաստանում հայ

\* Մեկ ստորագրություն՝ անընթեռնելի:

ինքնուրույն գոյության խնդիրն է ասպարեզի վրա դրած և այդ հարցի հաջող լուծման պետք է նպաստենք բոլոր հայերս, նա չի կարող անտարբեր մնալ հայի այս ճակատագրական թուլեցումը և նա պատրաստ է ամեն զոհողություն հանձն առնել և յուր մասնակցությունը ցույց տալ մեր հայրենիքի սրբազան գործին:

Պատմական նշանավոր թուլեցումներին Ղարաբաղի հայ ժողովուրդը հանդես է բերել յուր կարող ուժերը՝ հայրենիքի բարօրությանը ծառայելու: Տաճկահայ դատի պաշտպանության համար նա տվել է մի շարք ականավոր հերոսներ: Ներկայումս, երբ ամբողջ հայությունն յուր բարոյական և նյութական ուժերն է ասպարեզ հանել ազգային գործին զոհաբերելու համար, Ղարաբաղի հայերն ևս պատրաստ են կամավորների գնդով օգնության գնալ Տաճկահայաստանում գործող մեր եղբայրներին:

Ի նկատի ունենալով այն հանգամանքը, որ հայ կամավորների նոր խմբերի կարիք, անշուշտ, պիտի զգացվի մոտիկ ապագայում Ղարաբաղի Հայոց «Եղբայրական օգնության» բյուրոն որոշել է օգուտ քաղել տեղվույս հայ ազգաբնակչության այդ տրամադրությունից և ընտիր ու պատրաստված փորձառու ուժերից կազմել ձևավոր ու հատուկ կամավորների մի խումբ: Բյուրոն հույս է տածում, որ իր ձեռքով կազմած Ղարաբաղի կամավորների այդ գունդը թե՛ բարոյապես և թե՛ գործնական մասնակցությամբ մեծ նեցուկ կարող է լինել ներկայումս գործող հայ կամավորներին:

Ղարաբաղի Հայոց «Եղբայրական օգնության» բյուրոն հայտնելով Ձեզ այդ մասին՝ կարևոր է համարում յուր ձեռնարկելիք սույն անհրաժեշտ գործի նկատմամբ իմանալ Ձեր կարծիքն ու ըստ այնմ գործի անցնել:

Նախագահ բյուրոյի ստորագրություն\*  
Անդամ քարտուղար ստորագրություն\*

ՀԱԱ, Ֆ.288, ց.1, գ.4, թ.2 և հակ.: Բնագիր: Չեռագիր:

N 28

**ՍԱՐԻՈՒՊՈՒԻ ՀԱՅ ԳԱՐՈՒԹԻ ՆԵՐԿԱՅԱՑՈՒՑԻՉ Վ.ՎԱՐԴԱՆՅԱՆԻ ՆԱՄԱԿԸ ՀԱՅՈՑ ԱԶԳԱՅԻՆ ԲՅՈՒՐՈՅԻՆ ՀԱՅ ԿԱՄԱՎՈՐՆԵՐԻ ՈՒ ՓԱԽՍՏԱԿԱՆՆԵՐԻ ՀԱՄԱՐ ՏԵՂԻ ՀԱՅՈՒԹՅԱՆ ԺՈՂՈՎԱԾ ԻՐԵՐԻ ՈՒ ԴՐԱՆՑ ԲԱՇԽՄԱՆ ՄԱՍԻՆ**

12 դեկտեմբերի 1914թ.  
Մարիուպոլ

Ներկայիս ներփակյալ ուղարկում են Ձեզ տեղիս հայ գաղութի կողմից պատրաստված մեկ սնդուկ տաք հագուստեղենի և ուրիշ իրերի քվիտանցիան, որը խնդրում են ըստ Ձեր հայեցողության բաժանեցեք հայ կամավորներին և Տաճկաստանից փախստական կարոտյալներին:

Իրերի ցուցակը հետևյալ է. 59 տաք շապիկներ, 3 բրդից կոր շարֆ, 8000 պապիրոս և 20 ֆունտ ծխախոտ:

Ի դեմս Մարիուպոլի հայ գաղութի

Վ.Վարդանյան  
դուբլիկատ N 12.000

\* Ստորագրություններն՝ անընթեռնելի:

ՀԱԱ, Ֆ.221, ց.1, գ.2, թ.24: Բնագիր: Մեքենագիր:

N 29

**ԲԱՔՎԻ՝ ԱՐԵՎԱՏԱՀԱՅՅԵՐԻ ԽՆԴՐՈՎ ԶՔԱՂՎՈՂ ՀԱՆՁՆԱԺՈՂՈՎԻ ՆԱՄԱԿԸ ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱԽԱԳԻՆՆԵՐԻ՝ ԲԱՔՎԻ ԿՈՂՄԻՑ ԲՅՈՒՐՈՅԻ ՆԵՐԿԱՅԱՑՈՒՑԻՉ ԸՆՏՐԵԼՈՒ ՄԱՍԻՆ**

12 դեկտեմբերի 1914թ.

Մեծապատիվ պարոն.

Թուրքահայ գործով զբաղվող Բաքուա հանձնաժողովը պատիվ ունի հայտնելու Ձեզ, որ համաձայն Ազգային բյուրոյի առաջարկին, Բաքուա հանձնաժողովը դեկտեմբեր ամսի 6-ին կայացած նիստում ընտրել է պարոն Լևոն Դուլյանին՝ ներկայացուցիչ Բաքուա կողմից Տփլիսի ազգային բյուրոյում և աշխատակից Բյուրոյի գործադիր մարմնի մեջ:

Խորին հարգանքով  
Նախագահ ...  
Քարտուղար

ՀԱԱ, Ֆ.221, ց.1, գ.2, թ.61: Բնագիր: Չեռագիր:

N 30

**ՀԻՆ ՆԱԽԻՋԵՎԱՆԻ ՀՈԳԵՎՈՐ ԹԵՄԻ ՓՈԽԱՆՈՐԴԻ ՆԱՄԱԿԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ՀԱՅՈՑ ԱԶԳԱՅԻՆ ԲՅՈՒՐՈՅԻ ՄԱՆԱՃՅՈՒՂԵՐ ԱՏԵՂԾԵԼՈՒ, ՀՕԳՈՒՏ ՊԼՏԵՐԱԶՄԻ ՄԱՍՆԱԿԻՑ ՀԱՅ ԿԱՄԱՎՈՐԱԿԱՆՆԵՐԻ ՀԱՆԳԱՆԱԿՈՒԹՅՈՒՆՆԵՐ ԿԱՏԱՐԵԼՈՒ ԵՎ ԿԵՆՏՐՈՆԱԿԱՆ ԲՅՈՒՐՈՅԻՆ ԱՈՒՔԵԼՈՒ ՄԱՍԻՆ**

17 դեկտեմբերի 1914թ.  
Հին Նախիջևան

Ի կատարումն դիվանական պատվիրանադրության վեհափառությանը 9 հոկտեմբերի տարույս թ.1612 սրբությանը պարբերաբար զեկուցանելու խնդրով վիճակիս ներկա հայրենական պատերազմի ս.գործին ամենայն ըստ ամենայն օժանդակություն հասցնելու խնդրով վերաբերյալ:

Արդ շնորհ ունիմ ամենախոնարհաբար զեկուցանելու, որ ի ցանկալին կատարումն բարձրագույն պաշտելի կամացող՝ կազմվեցավ փոխանորդական վիճակումն երկու զխավոր բյուրո, մին՝ Ջուլֆայում, մյուսն՝ քաղաքումն, որոնք և ինքնահոժար սիրով ենթարկվեցին վեհ. սրբությանը հովանին վայելող Տփլիսի կենտրոնական բյուրոյին, և արդեն իսկ վայելում են առնչական փոխադարձ հարաբերության շնորհը:

Ջուլֆայի մասնաճյուղը ընդ անմիջական նախագահությամբ երդվյալ հավատարմատար պ.Ա.Ջանփոլադյանի՝ ի դեպ շատ հանգամանաց տեղվույն ըստ մերային փոխադարձ հաճության պատրաստվում է բանալու փոքրիկ հիվանդանոց, իսկ քաղաքիս մասնաճյուղը լավ վարկավ՝ տեղվույս անհրաժեշտ հոգսերը հոգալուց

\* Ստորագրություններն՝ անընթեռնելի:

հետո հետևյալ գումարը ուղարկելու է Տփլիսի Կենտրոնական բյուրոյի բարեհաճ տնօրինության, ըստ որում ամսի 13-ին միանվագ փոխադրեցի 200 ռուբլի և կփոխադրեմ պարբերաբար:

Տեղվույս բյուրոյի անդամներն են՝ պ.պ. Բաղդան, Խ.Մելիք-Էյնաթյան, Պ.Ա. Տեր-Գրիգորյան, Ե.Բ.Ջանփոլադյան, Կ.Պողոսյան, Մ.Մելիքսեդեկյան, Ն.Մանուչարյան, Ա.Մովսիսյան և Մ.Մխիթարյան՝ նվաստիս նախագահությամբ, ու ամեն շաբաթ հաջորդարանում տեղի են ունենում ժողովներ:

Բացի այդ, շարունակվում են ամենուրեք թույատրել հանգանակություններ և հանձնվում ըստ պատկանելույն: Քաղաքիցս՝ իմ, ռուս մահմեդական ներկայացուցիչներիս միջոցով փոխադրվեցին 430 ռուբլու սպիտակեղեն և այլ կարևոր պիտույք՝ Տեր փոխարքայի տիկնոջ անունով:

Իսկ ինքս իմն ուղարկած կարմիր խաչի գրքույկներով հանգանակել եմ և հանգանակում եմ առավել քան 200 ռուբլի:

Որպես և գավառական բյուրոյի անդամ, պ. գավառապետի և հաշտարար միջնորդների հետ տանում եմք հաջողությամբ և ընդհանուր գործը հանգանակության և այլ ինչ-ինչ կարևոր օգնություն:

Գրեցի շրջաբերական վիճակիս գործակալություններին՝ կազմելու մեծ մի գյուղում օժանդակիչ բյուրո, որոնց տրվեցավ արտոնություն՝ ստանալու կամավոր ամսավճարներ տպագրյալ անդորրագրերով:

Սահմանված է ամսավճար քահանաների և ուսուցիչների՝ 50 կոպ. - մի ռուբլի, և հաջողությամբ հանգանակվում է:

Վեհափառ Տեր, ուրախալի է քաղաքական իշխանության պատշաճին վերաբերմունքը՝ հանձին կազմակերպության բյուրոյիս: - Ստանում եմ պ.գավառապետից թղթեր, որով դիմում է ինձ որպես Տփլիսի բյուրոյի մասնաճյուղի նախագահ, մինչդեռ մեր կողմից ոչ մի տեղեկություն չի տրված: Ծառայո՞վ պայելում է հարգանք՝ որպես հոտից, այնպես և պաշտոնական մարմնից: Չմայած քաղաքիս մի անհայտ շահագրգռված խմբակի գաղտնագողի ոտնձգություն, գործն ընթանում է հաջողությամբ: Որպես չէ գանգուլ վեհափառությունդ քաղաքիս ոմանց անցյալ ամենի հակառակությունը՝ մի խեղաթյուրված ուսուցչի պատճառով, որոնք (հետո) ազնվաբար ներեղություն խնդրեցին, և իմ արդի աջակիցներն են:

Այսօրվա ծակամուտ հակառակորդ խմբակի պարագլուխը հանդիսանում է Կարապետ Եպիսկոպոսի գինեգործ եղբայրը, որը իր նանիր ճգնում է իրեն հասարակական գործի դերում տեսնել, որի համար չի խնայում վայրիվերո ջանքեր, որը և հեռացավ ժողովից՝ իր վնասակար դիտումների պատճառով, որը շատ վիրավորված է զգում իրեն ու անջատված:

Վեհափառ Տեր, հոտիս՝ Ձեզ հավատացյալ զավակները իրենց բոլորանվեր անձնագրիությամբ պատրաստ են մատուցանելու իրենց կյանքը և հոգին ի ծառայություն ռուս օգոստոսափառ կայսեր և Ձերին հանրատենչ ազգասեր հայրապետության:

Ի դեպ՝ ի հավաստին տեղեկության վեհափառությանդ՝ եղավ ներ հայտարարությանս՝ մի օրինակ պատճենն՝ ուղղել շրջաբերականիս-հանուն գործակալուս:

Ծառա ծառայիցդ  
փոխանորդ հոտին  
Յնույն Նախիջևան

Սիմոն Վարդապետ  
(Ջանփոլադյան)

ՀԱԱ, Ֆ.57, ց.5, գ.79, ք.1-2: Բնագիր: Չեռագիր:

N 31

**ԹԵԼԱՎԻ ՀԱՅ ԵՐԻՏԱՍԱՐԴՈՒԹՅԱՆ ՆԵՐԿԱՅԱՑՈՒՑԻՉ Գ.ՏԵՐ-ՍԱՐԳՍՅԱՆԻ ՆԱՍԱԿԸ  
ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱԽԱԳԱՀԻՆ՝ ԿԱՄԱՎՈՐՆԵՐԻ ՕԳՏԻՆ  
ԺՈՂՈՎԱՐԱՐՈՒԹՅԱՆ ԽՆԴՐԻ ԿԱՐԳՎՈՐՄԱՆ ՄԱՍԻՆ**

19 դեկտեմբերի 1915թ.  
Թելավի

Ստացա Ձեր դեկտեմբերի] 13 թվակիր նամակը, որով Բյուրոն հայտնում է ինձ, 1. որ կամավորների օգտին հանգանակություն կատարելու համար հարկավոր չէ ոչ մի թույլտվություն և 2. Պ.Պետերսոնը այդ մասին տեղեկացրել է նահանգապետներին մտերմական կերպով:

Առաջին կետի մասին գիտեի, որ թույլտվություն չի պահանջվում, բայց դիմել էի տեղիս գավառապետին միայն այն պատճառով, որ ոստիկանությունը խոչընդոտ չհանդիսանա մեզ հանգանակության ժամանակ:

Գավառապետը բացեիբաց մերժեց, հայտնելով, որ պ.նահանգապետից այդ առթիվ չունի ոչ մի կարգադրություն և չի կարող անել:

Ձեր գրությունը ստանալուց հետո գավառապետին մոտիկ կանգնած անձանց հետ միասին կրկին դիմեցի՞նք նրան, հայտնելով պ.Պետերսոնի կարգադրությունը նահանգապետներին, նա նորից մերժեց, հայտնելով, որ այդ կարգադրության մասին ինքը տեղեկություն չունի, ուստի եթե նահանգապետը պաշտոնապես չի թույլատրում ոչ մի տեղ հիշյալ նատակով ժողովարարություն կատարելու, գոնե երկտողով տեղեկացնեի. «He препятствовать сбору пожертвований в пользу добровольцев». - Այսպիսի կարգադրությունից հետո նա կարող է անարգել թույլատրել ժողովարարությունը:

Ցանկանալով մշտական կոմիտե ունենալ և ի նկատի ունենալով գավառապետի բռնած դիրքը դեպի այդ ժողովարարությունը, հատուկ խնդրում եմ նորից Ազգային բյուրոյիդ, միջոցներ ձեռնարկեք և գավառապետի պահանջած ձևական կարգադրությունը ուղարկել տաք նահանգապետի դիվանատնից:

Ժողովարարությունը ուզում եմք կատարել այս տոներին, ուստի խնդրում եմ ըստ հնարավորության շուտ անել այդ և տեղեկացնել ինձ նամակով:

Հասցե՝ Телав, учителю Георгию Гаспаровичу  
Тер-Саркисяну:

Ի դիմաց տեղիս հայ երիտասարդության, ուսուցիչ  
Գևորգ Տեր-Սարգսյան

ՀԱԱ, Ֆ.221, ց.1, գ.2, ք.57-58: Բնագիր: Չեռագիր:

N 32

**ԹԻՖԼԻՍԻ ՀԱՅՈՑ ԿԵՆՏՐՈՆԱԿԱՆ ԱԶԳԱՅԻՆ ԲՅՈՒՐՈՅԻ ՆԻՍՏԵՐԻ  
ԱՐՁԱՆԱԳՐՈՒԹՅՈՒՆՆԵՐԸ**

20 դեկտեմբերի 1914թ.

Նիստը բացեց թեմական սրբազան առաջնորդը, որի հրավերով հավաքված էր ժողովը և հայտնեց ժողովականներին, որ Բյուրոյի նախագահ Ա.Յարպոլյունյանը

քաղաքիցս հեռանալու պատճառով որոշեց գումարել այսօրվա ժողովը՝ անհետաձգելի հարցեր վճռելու համար:

1. Օրակարգի հարցերին անցնելուց առաջ ժողովականներից մեկը հարց բարձրացրեց Բյուրոյի նախագահի թիֆլիսից հեռանալու մասին: Սրբազան [առաջնորդ] նախագահի և ուրիշների ունեցած տեղեկություններն այդ մասին և ուրիշ ճառախոսների կարծիքները լսելուց հետո ժողովը որոշեց այդ մասին բացատրություն պահանջել Ա.Չարությունյանից, նրա վերադառնալուց հետո և ապա կայացնել այս կամ այն վճիռն այդ մասին:

2. Պ. զանձապահի ժամանակավորապես հեռանալու պատճառով զանձապահի պարտականությունները որոշվեց հանձնել Պ.Գ.Ցուրինյանին, որը հանձն առաջ այդ պաշտոնը առանց նախկին հաշիվների պատասխանատվությունն իր վրա վերցնելու պայմանով և միմիայն իբրև ժամանակավոր պաշտոնավար:

3. Թավրիզի առաջնորդից ստացած հեռագրի՝ Ալաշկերտի մեծ գաղթականության մասին տնօրինություններ անելը հանձնվեց գործադիր մարմնին:

4. Որոշվեց ցնոր տնօրինություն, անցյալ գործադիր մարմնի ամենօրյա նիստերը՝ ժամը 7-ից, երեկոյան, առաջնորդարանում: Առաջարկվում է Բյուրոյի մյուս անդամներին էլ ըստ ցանկության, մասնակցել գործադիր մարմնի նիստերին:

5. Խնդրել պարոն փոխ-նախագահին ըստ առաջնում շարունակել մշտական հարաբերությունները շտաբի հետ և պաշտոնական անձանց հետ և կարևոր դեպքերի մասին անմիջապես տեղեկացնել գործադիր մարմնին:

6. Ի նկատի ունենալով, որ քանի գնում, ավելի ու ավելի փողի կարիք է զգացվում, որ թիֆլիսի հանգանակությունը շատ անբավարար է, որ դրսի աղբյուրներն էլ սակավ առ սակավ ցամաքում են, որոշվեց հեռագրով դիմել Բյուրոյի գլխավոր բաժանմունքներին (Բաքու, Մոսկվա, Պետրոգրադ, Արմավիր, Եկատերինոդար, Նախիջևան) և խնդրել թիֆլիսի պատրաստի դրամները:

7. Ենթադրելով, որ ապագայում Բյուրոն կարող է ղեկավարանալ միջոցներ հայթայթելու՝ կամավորներ պահելու համար, ուստի որոշվեց այդ առթիվ որոշ հող պատրաստել կառավարչական շրջաններում:

8. Որոշվեց խնդրել գործադիր մարմնից Բյուրոյի գալ նիստին ներկայացնել ամփոփ հաշիվ ստացված և ծախսված գումարներ, նշանակելով, ումից և որքան և ում է վճարված որքան, այլև նախահաշիվ մեր ապագա անհրաժեշտ ծախսերի:

Պատվավոր նախագահ

Մեսրոպ Եպիսկոպոս

ՀԱԱ, Ֆ.288, ց.1, գ.3, ք.2: Բնագիր: Ձեռագիր:

**N 33**

24 դեկտեմբերի 1914թ.

1. Կարդացվեց Բյուրոյի նախագահ պ. Ա.Չարությունյանի նախագահական պաշտոնից հրաժարվելու մասին: Ժողովն ընդունեց հրաժարականը:

2. Նոր նախագահ ընտրելու հարցը հետաձգվեց հետևյալ նիստին:

3. Պարսկահայերի գաղթը խորապես հուզեց ժողովին, վշտացրեց այն հանգամանքը, որ ժողովը վաղօրոք այդ մասին ոչ մի տեղեկություն չի ստացել: Ցանկություն հայտնվեց, որ սրանից հետո Բյուրոյին այդպիսի կարևոր դեպքերի մասին առաջուց տեղեկացնեն և կամ զորքի և կամավորների խմբերով ապահովեն նրանց գաղթը

4. Բոլոր գաղթականներին օգնելու գործը որոշվեց առաջնում թողնել կենտրոնական կոմիտեին: Մեսրոպ Սրբազանը ծանոթացրեց Տատյանա

Նիկոլանյայի հովանավորության տակ գտնվող կոմիտեի գործունեության մասին և հայտնեց, որ այդ կոմիտեի օգնության է հասնելու և Կովկաս ապաստանած օտարահպատակ գաղթականներին, ուրեմն և բոլոր գաղթական հայերին:

5. Այնուհետև կարդացվեց հաշվապահ Փարմուզյանի կազմած ստացված և ծախսված գումարների ելևմտից հաշիվը:

6. Խմբեր միացնելու հարցը մնաց առայժմ առկախ:

Նախագահող՝

[Մեսրոպ սրբազան]  
Պատվավոր նախագահ

ՀԱԱ, Ֆ.288, ց.1, գ.3, ք.3: Պատճենը: Ձեռագիր:

**N 34**

27 դեկտեմբերի 1914թ.  
(առավոտյան)

Թեմիս սրբազան առաջնորդի նախագահությամբ և գավառական պատգամավորների մասնակցությամբ:

Ժողովս լսեց գավառական պատգամավորների տեղական գործունեության մասին կարճատև զեկուցումներ, որոից, ի միջի այլոց, երևաց, որ՝

ա. Ախլցխայի տեղական կոմիտեն փողի ժողովարարությունը ամսական տուրքերի միջոցով է անում: Հավաքած փողերի մի մասը ծխսում է պատերազմից բխած տեղական պետքերի վրա:

բ. Ալեքսանդրապոլի կոմիտեն՝ նույնպես: Տեղական կոմիտեի անդամների թիվը մեծ լինելու պատճառով գործունեությունը դանդաղ է ընթանում:

գ. Աստրախանի կոմիտեն ընտրված է ծխական ժողովով և բաղկացած է 20մարդուց: Մինչև այժմ հավաքված է մոտ 38 հազար ռ., որից 35 հազարը ուղարկված է թիֆլիս: Գործունեությունը սեկցիաներով է. կազմված է առանձին կանանց կոմիտե: Փողի փոքրիկ մասը գործադրում են տեղական պետքերի վրա: Մտադրություն կա հայերեն թերթ հրատարակել: Պատգամավորը զանգատվում էր, որ թիֆլիսի կերպով՝ սիստեմատիկ կերպով ամպատասխան էր թողնում Աստրախանի կոմիտեի նամակներն ու հեռագրերը, մինչև անգամ ուղարկած գումարի մասին տեղեկություն չէր ստացված: Աստրախանի հայ հասարակությունը առանձին հանգանակությամբ բաց էր արել մի հիվանդանոց:

դ. Դերբենտի կոմիտեն ցանկություն է հայտնում պաշտոնական իրավունք ստանալ գործունեության համար:

Կոմիտեին կից կազմված է կանանց կոմիտե՝ գաղթականների գործով զբաղվելու համար և մի հանձնաժողով կամավորների գործի համար: Մտադրություն կա սեփական լազարեթ բանալու. ինքնապաշտպանության հարցը նրանց էլ զբաղեցնում է:

ե. Շուշվա կոմիտեի սկիզբը դրել է պ.Կաֆյանը. հետո այդ շրջանը լայնացել է. տուրք է նշանակված քաղաքի բոլոր հասարակության վրա. մինչև այժմ հավաքվել է 2400ռ.: Թիֆլիսում դարաբաղցիների կոմիտեն նույնպես հավաքել է 2000ռ.: Փախստականներին ուղարկված է 500ռ. և շորեղեն:Առանձին հանձնաժողովներ են կազմված բարեգործական և ինքնապաշտպանողական:

զ. Ղամարլուի կոմիտեն փող հավաքում է ամբողջ գյուղացիներից. տուրքը կամավոր է. հավաքվում է ամսական 1000-1500ռ. փողը ուղարկվում է Գորիզոնի

\* Այս և մյուս ընդգծումները բնագրինն է:  
\*\* Բնագրում այդպես է:

միջոցով: Ցուցակագրված 4000 մարդ՝ իբրև կռվող ուժ. ցուցակ է կազմված գեներալ: Գաղթականներին օգնելու գործը նույնպես դրված է կանոնավոր հողի վրա:

է. Ղարսի կոմիտեն հիմնել է Բաբաջանյանը: Բյուրոն սեկցիաների է բաժանված՝ կամավորների, վիրավորների, ինքնապաշտպանության և դրամական: Մոտ 12-15 հազար ռ. ծախսված է փողով և շորով: Գոյություն ունի օժանդակիչ կանանց խումբ: Գաղթականներին օգնելու գործով և զբաղվում է կոմիտեն:

ը. Անդիժանի և Կոկանդի կոմիտեն պ.Կաֆյանի գաղվ կանոնավորվել է: Հավաքված գումարները ուղարկվելու են Թիֆլիս. այդ կողմերում հույս կա 50 հազար հավաքել: Կամավորներ ուղարկված են և կան ցանկացողներ: Ինքնապաշտպանության գործը հույս կա կազմակերպելու ռուսների և վրացիների հետ միասին, տեղական մահմեդականների, այսինքն ... մեջ անտարակույս պատում են էմիսարներ Տաճկաստանի: Տեղական կոմիտեին կից կա կանանց Կարմիր խաչի կոմիտե: Խնդիր է հարուցված հայ կամավորների ընտանիքներին ևս հատկացնել արքունական զանձարանից պայուսներ: Ուշադրության արժանի հանգամանքն այն է, որ տեղիս բարձր իշխանությունը գերմանացիներից է կազմված:

թ. Նոր-Բայազետի կոմիտեն գլխավորապես զբաղեցնում է ինքնապաշտպանական հարցը: Տեղիս գավառապետը ամվերջ արգելքներ է հանդիսացնում կոմիտեի գործունեությանը: Գործունեությանը գլխավոր առարկաներն են կամավորների և գաղթականների հարցերը: Փողը հավաքվում է թե՛ քաղաքում և թե՛ գավառում, մի մասը ուղարկվել է:

ժ. Ստավրոպոլի կոմիտեն կազմված է 18 հոգուց և ընտրված է ծխական ժողովով: Կոմիտեին կից կազմված է կանանց կոմիտե, որը գլխավորապես զբաղվում է գաղթականների զծով: Փողի հանգանակությունը սկսվել է և կարող է տալ մինչև 10000ռ. միայն Ստավրոպոլում, գյուղերը չհաշված: Թիֆլիսի բյուրոյի հետ գրեթե հարաբերություն չեն ունեցել. այդ պատճառով էլ մինչև այժմ չեն կարողացել [պարզել], ինչ բանի վրա իրավունք ունի ծախսելու և կամ ունը պետք է ուղարկել. ուղարկվել են 15 կամավոր: Հայ կամավոր խմբի մեջ ուզում են մասնակցել ռուսները:

ի. Եկատերինոդար կոմիտեն կազմված է Թիֆլիսից ստացված հեռագրի հիման վրա և կոչվում է «Комитет по организации дружины», ճանաչված և ընդունված է կառավարության կողմից: Ռուսների և իշխանության վերաբերմունքը դեպի կամավորները և դեպի հայերը շատ լավ է: Կոմիտեին կից կազմված է մասնաճյուղ հիվանդանոցի համար, հիվանդանոցն ունի 60 մահճակալ և 2500ռ. բյուջե: Ժողովարարությունն արդեն սկսվել է: Կոմիտեի նախագահն է Գեդ.Տեր-Պետրոյան, փոխնախագահը՝ Նիկ.Սաթունյան: Առանձին խմբաբով կազմվել է կամավորների խումբ, որի բոլոր պիտույքները հոգացել է տեղական կոմիտեն:

Ձեռք ստացել են զինվորական իշխանությունից. մարզվել են կազարմաներում. ճանապարհ են դրված մեծ շուքով. դրոշակը օրհնելուց հետո կամավորներին հանձնել է начальник штаба Кубанска войска: Հայկական պատգամավորություն ներկայացրել է կայսեր և արժանացել է նորին կայսեր մեծության գոհունակության: Հայ հասարակությունը շորեղեն և նվերներ ուղարկել է Կուբանի կազակներին՝ Վարչավայի կողմը և այժմ ուղարկում է երկու վագոն նվեր նույն կազակներին՝ Բայազետի և Կարսի շրջանում պ.Սաթունյանի միջոցով:

լ. Հին Նախիջևանի ներկայացուցիչը զանգատվում է, որ քաղաքում ոչ մի ոգևորություն չի նկատվում, իսկ ինքնապաշտպանության կարևորությունը չի ընդունվում: Երկու տեսակ բյուրո գոյություն ունի՝ ազգային և երիտասարդների: Առայժմ հավաքված է 300ռ.: Գյուղերից կարելի է հավաքել մոտ 1000ռ.:

խ. Մեծ Ղարաքիլիսայի կոմիտեն ներկայացնում է իբրև կենտրոնական ամբողջ Լոռու շրջանի մեջ: Շրջիկ կազմակերպիչների միջոցով կազմված են

ենթակոմիտեներ: Հավաքվում է փող, բայց չգիտեն ում վրա և ինչպես ծախսելու Առաջին գործունեությունը եղել է կամավորներ պատրաստել և ուղարկել: Ժողովուրդը շատ քիչ գեներ ունի, իսկ փամփուշտ՝ բնավ:

ծ. Գանձակի կոմիտեն կազմված է 12 մարդուց. կառավարությունը չի ճանաչում և առհասարակ վատ է վերաբերում: Հասարակությունն անտարբեր է թե՛ դեպի կամավորներ և թե՛ դեպի ինքնապաշտպանության գործը. շատերը Ազգային բյուրոյի գործունեությունը վնասակար պրովոկացիա են համարում: Տուրքեր չեն նշանակվել և ընդամենը 1000ռ. է հավաքվել կռվող ուժերի ցուցակը պատրաստվել է: Գանձակը տվել է կամավորներ: Հայ հասարակությունը լազարեթի համար վարձել է մի բնակարան և Կարմիր խաչի տրամադրության տակ է դրել: Ինքնապաշտպանության գործը վերջիվերջո, անշուշտ, պետք է զբաղեցնի տեղական հասարակությանը: Տեղական կոմիտեն կազմվել է Ազգային բյուրոյի կողմից հատուկ եկած պ.Պապույանի ջանքերով:

կ. Ատրպատականի կոմիտեն կարողացավ հավաքել 3000 թուման: Թավրիզի հայ հասարակությանը խոստացվել էր հարկավոր դեպքում գեներ բաժանել, բայց այս ռոպեիս այս բոլոր հարցերը վերացած պետք է համարել, որովհետև ռուսաց գործի Պարսկաստանից քաղվելով, սկսվել է ահազին գաղթականություն Թավրիզի, Ուրմիայի, Սալմաստի և Խոյի հայ բնակչությանը դեպի Ռուսաստանի սահմանները, իսկ մնացածներին սպառնում է մեծ վտանգ:

Բոլոր վայրերի պատգամավորները միաբերան զանգատվում են, որ Կենտրոնական բյուրոյի և տեղական կոմիտեների մեջ ոչ մի կապ չի եղել և սերտ հարաբերություններ չեն պահպանվել, որի պատճառով հասարակության ոգևորությունը թուլանում է, իսկ գործը չարաչար տուժում: Անհրաժեշտ են գտնում գրավոր հարաբերություն պահպանել և, թե կարելի է, շրջիկներ ուղարկել և համագումարներ կազմել:

ժողովի նախագահ

Մեսրոպ Եպիսկոպոս

ՀԱԱ, №.288, ց.1, գ.3, բ.4-5: Բնագիր: Ձեռագիր:

**N 35**

27 դեկտեմբերի 1914թ.  
(Երեկոյան)

1. Պ.Կարոն ժողովականների խնդրանքով տեղեկություններ հաղորդեց իր խմբի գործունեության մասին:
2. Պ.Վրացյանը կարողաց ամփոփ գրավոր զեկուցում զինվորական մարմնի գործունեության մասին: Ձեկուցումը կցված է ընդ սմին: Ժողովը շնորհակալություն հայտնեց զնվորական մարմնին և բոլոր կամավորներին՝ նրանց անձնուրաց գործունեության համար:
3. Ժողովականները ցանկություն հայտնեցին, որ ամենամոտ միջոցում պատրաստվի Բյուրոյի ամբողջ գործունեության վերաբերյալ հաշիվը և նախահաշիվ ապագայի վերաբերյալ:
4. Պ.Լեոն զեկուցեց Հայ[ական] հարցի և Տաճկահայաստանի ապագա քաղաքական կազմի մասին: Ժողովականները շնորհակալություն հայտնեցին պ.Լեոնին նրա վերին աստիճանի հետաքրքրական զեկուցման համար: Տեղի ունեցած մտքերի փոխանակության մասնակցեցին պ.պ. Բաբաջանյան, Շիրվանզադե, Հ.Տեր-Սկրտչյան, Տեր-Ղազարյան, Շախխաթունյան, Խատիսյան և այլք: Ցանկություն հայտնեց, որ առաջ զեկուցվող հարցի մասին մի տեղեկագիր պատրաստել ապագա համագումարի

\* Հաջորդ մեկ բառն անընթեռնելի է:

համար, մշակված սահմանադրությամբ հանդերձ: Մամուլի մեջ նույն այդ հարցի մասին ցանկություն հայտնեց ասպարեզ գալ խոհեմությամբ, առանց գրգռելու Հայ[ակամ] հարցի թշնամիներին:

Նախագահ [Մեսրոպ Եպիսկոպոս]

ՀԱԱ, Ֆ.288, ց.1, գ.3, թ.6: Բնագիր: Ձեռագիր:

**N 36**

28 դեկտեմբերի 1914թ.

Թեմիս առաջնորդ Մեսրոպ Եպիսկոպոսի նախագահությամբ

1. Բազվի ներկայացուցիչների՝ Եր.Թաղինոսյանի և Հ.Տեր-Միքայելյանի հարցապնդումին ի պատասխան սրբազան նախագահը բացատրեց, որ Բյուրոն որոշել է կամավորների թիվը, պահեստավորների հետ հաշված, հասցնել վեց հազարի: Նաև հավաստիացրեց, որ այդ թիվը ավելացնելու դեպքում Բյուրոն պետք կհամարի և թե՛ այլ խոշոր վայրերի ազգային բյուրոների համաձայնությունն ստանալ:

2. Բյուրոյի բոլոր ճյուղերը զանազան քաղաքներում հավասարապես հետաքրքրվում են գաղթականների հարցով, ուստի որոշվեց կամավորներ պահելու անհրաժեշտ ծախսերի նախահաշիվ կազմել և անհապաղ ուղարկել բոլոր ճյուղերին, որպեսզի տեղական բյուրոները իմանան, իրենց գումարների որ մասը պետք է տան կամավորների գործին և որ մասը՝ հոգուտ գաղթականների:

3. Ապագա համագումարի օրակարգը պատրաստել և առաջուց ուղարկել բոլոր ճյուղերին:

4. Որոշվեց համաձայն Բազվի բյուրոյի հայտնած ցանկության, պ. Լ.Ղուլյանին ճանաչել Կենտրոնական բյուրոյի անդամ և հրավիրել բոլոր ժողովներին:

Նախագահ Մեսրոպ Եպիսկոպոս

ՀԱԱ, Ֆ.288, ց.1, գ.3, թ.6: Բնագիր: Ձեռագիր:

**N 37**

29 դեկտեմբերի 1914թ.

Պ. Ս.Հարությունյանի նախագահության պաշտոնից հրաժարվելու, իսկ պ. Հ.Քոչարյանի քաղաքիցս հեռանալու պատճառով որոշվեց ընտրություններ կայացնել նախագահի և քարտուղարի, իսկ Պ. Ալ.Խատիսյանի առաջարկությամբ՝ նաև մի փոխ-նախագահ ևս, որով փոխ-նախագահների թիվը լինելու է երկու, միաժամանակ այն պայմանով, որ նոր ընտրվելիք փոխ-նախագահը լինի առաջին փոխ-նախագահ, իսկ ինքը՝ պ.Ալ.Խատիսյանը, կմնա երկրորդ փոխ-նախագահ: Փակ քվեարկությամբ՝ թերթիկներով նախագահ ընտրվեց՝ 18 ձայնով ընդդեմ 2-ի, պետական դումայի անդամ պ.Մ.Պապաջանյան, առաջին փոխ-նախագահ՝ 17 ձայնով ընդդեմ 3-ի, պ.Խունունց և քարտուղար՝ 16 ձայնով ընդդեմ 4-ի, պ. Մ.Բերբերյան:

Նախագահ Մեսրոպ Եպիսկոպոս

ՀԱԱ, Ֆ.288, ց.1, գ.3, թ.8: Բնագիր: Ձեռագիր:

**N 38**

**Ն.ԱՂԲԱԼՅԱՆԻ ՆԱՄԱԿԸ Ս.ՀԱՐՈՒԹՅՈՒՆՅԱՆԻՆ ՀԱՅ ԿԱՄԱՎՈՐՆԵՐԻ ԿՐԱԾ ԿՈՐՈՒՄՆՆԵՐԻ ԵՎ ՆՐԱՆՑ ԿԵՐԱԿԱԶՄԱՎՈՐՄԱՆ ՀԱՄԱՐ ԴՐԱՄԱԿԱՆ ՕԳՆՈՒԹՅՈՒՆ ՑՈՒՑԱԲԵՐԵԼՈՒ ՄԱՍԻՆ**

24 դեկտեմբերի 1914թ. Կարս

Վերջին նահանջի ժամանակ մեր կամավորները (Քեռու խումբ) կռվի դաշտում թողել են մեծ քանակությամբ շինելներ, պայուսակներ և այլ իրեր: Իրենց նախկին բնակավայրում գտնված իրերը երեք սայլ բարձած բերել են Նարիմանի մոտերքը և զնդացիի կրակի տակ հանդիպելով, թողել են անցել Օլթի:

Սարիղամիշի կռիվների ժամանակ ժողովուրդը փախչում է ահաբեկ. իմ օգնականը մի քանի օր պահանջում է մեր պահեստը, ուր մոտ 25.000ր. ապրանք կար ամբարած (վերջին անգամ ես էի ուղարկել երկու վագոն), այնուհետև ստիպված է լինում ինքը ևս մասնակցելու կռիվների, և մեր պահեստը անխնա թալանում են կողակներն ու զինվորները. մանավանդ տանում են մեր տաք շորերը, կիսամուշտակները, յափնջիները և այլն:

Ասում են, որ այդ թալանին մասնակցել են տեղացիները, որոնք այդ նպատակով մնացել էին Սարիղամիշում, չնայած սոսկալի ռմբակոծության և հրետանածգութային: (Վերջին կետը դեռ չեմ ստուգել):

Երեկ նամակ ստացա Վալադյանից, որ Համազասպի խումբը ևս ստիպված է եղել նահանջելու ռուսաց զորքի հետ: Նահանջի ժամանակ նրանք ևս պատահում են զնդացիի կրակի, զոհ են տալիս մոտ 17 ընտիր տղաներ և կորցնում են իրենց ամբողջ աբոզը: Այսպիսով մենք մնացել ենք առանց հագուստի, կոշիկների և այլն: Ստիպված են շուտափույթ զանազան իրեր գնելու, որ տղաների անմիջական կարիքները հոգան, դրամի շատ մեծ կարիք ունենք:

Առժամապես փոխարինաբար 1000ր. պարտք են արել Երվանդ Տեր.Մինասյանից, որ նամակս բերում է Ձեզ: Խնդրեմ նախ վճարել հիշյալ պարոնին առածս 1000ր. պարտքը և շուտով ինձ դրամ հասցնեք, որ խմբերը նորից գործի հանենք:

Վերջին կռիվների մեջ մերոնք մասնակցություն ունենալ չկարողացան, որովհետև բավարար հագուստ ու կոշիկ չուներին: Նեղ օրերին ամեն չարչարանք քաշեցին, երբ պետք էր թշնամուն հարվածել և, ջարդել անմասն մնացին, որ շատ ցավալի է: Բայց ինչ կարող էին անել առանց շինելի և պայուսակների ու կոշիկների մարդիկ ձմռան այս ցրտերին, առանց պաշարակիր սայլերի ու բավարար մթերքի:

Նորից խնդրում են շտապով ինձ փող հասցնել կամ պ.Երվանդ Տեր-Մինասյանի ձեռքով կամ հեռագրով և այն հասցնել, որ նա կտա ձեզ:

Վերջին անցուդարձի մասին շատ բան կարող եք լսել պ.Երվանդից:

Բարևներ, հարգանքով Ն.Աղբալյան

P.S. Քեռու խումբը Կարս է, Համազասպինը՝ Կաղզվան. երկու խումբն էլ վերակազմվում են:

Նույն

ՀԱԱ, Ֆ.221, ց.1, գ.3, թ.51-53: Բնագիր: Ձեռագիր:

**N 39**

**ՋՈՒՆՏԱՅԻ ԱԶԳԱՅԻՆ ԲՅՈՒՐՈՅԻ ՕԺԱՆՂԱԿԻՉ ՄԱՐՄԻՆԻ ՎԱՐՉՈՒԹ ՅԱՆ**



**ՆԱՍԱԿԸ ԹԻՖԼԻՍԻ ԳԱՅՈՑ ԱԶԳԱՅԻՆ ԲՅՈՒՐՈՅԻ ՆԱԽԱԳԱՅԻՆ՝ ՎԱՐՉՈՒԹՅԱՆ ԳԱՆՁԱՐԿՈՒՄ ԵՂԱԾ ԳՈՒՄԱՐՆԵՐԻ ՏՆՕՐԻՆՄԱՆ ՄԱՍԻՆ**

28 դեկտեմբերի 1914թ.  
Ջուլֆա

Ի նկատի ունենալով, որ տեղիս ազգաբնակչությունը գրեթե ամբողջովին զաղթեց և նմանապես օժանդակիչ մարմնիս վարչության անդամներն էլ հարկադրված են հեռանալ տեղիցս, վարչությունս պարտավորված է իրեն համարում լիկվիդացիայի ենթարկել իր գործերը, և որովհետև ընդհանուր ժողով գումարելու կարելիություն չկա, ներկայիս ներքոստորագրող վարչության անդամների ներկայությամբ քննեց իր ելևմուտը և հաստատեց, որ զանձարկղում գտնվում է...: որը որոշեց փոխադրել զանձապահ պ.Ղուկաս Առաքելյանի միջոցովԹիֆլիս՝ Ազգային բյուրոյի նախագահիդ, երկու հարյուր վաթսուներեք...

Վարչությունս իր գործունեության ընթացքում նոյեմբերի 2-ից մինչև դեկտեմբերի 27-ը ընդամենը մուտք է ունեցել անդամավճարներից երկու հարյուր տասն ռուբլի, հոգուտ մարմնիս՝ պրաժեկտորից՝ վաթսուներեք ռուբլի 52 կոպ. ծախս է եղել կամավորների վերաբերյալ և հեռագրերի՝ 19ր. 12 կոպ.: Մնացած գուտ արդյունքն փոխադրվում է Ձեզ փոստով:

Անդամներ վարչության	Ս.Ա.Ջանփոլադյան
	...
	Գալուստ Գալուստյան
	Ջուլուզուդ Աբրամյան

ՀԱԱ, Ֆ.221, ց.1, գ.1, ք.40: Բնագիր: Ձեռագիր:

**N 40**

**ԱՄԵՆԱՅՆ ԳԱՅՈՑ ԿԱԹՈՂԻԿՈՍԻ ԴԻՎԱՆԱՊԵՏԻ ՆԱՍԱԿԸ ՍԱՍՈՆ ԶԱՐԴՈՒԹՅՈՒՆՅԱՆԻՆ ԼՈՒՎԱՆԱԿԻ ԳԱՅՈՑ ԱՐԴՈՒՄՆԱՆ ԵՐԵՑՓՈՒՆԻ ԿՈՒՄԻՏԵ ԳԱՆՁԱՆԱԿԱԾ ԳՈՒՄԱՐԸ ՏՆՕՐԻՆՏԵՆՈՒ ՄԱՍԻՆ**

Դեկտեմբեր 1914թ.  
ս.Էջմիածին

Մեծարգո պ. Սամսոն Զարությունյան  
Լուգանսկի հայոց աղոթատան երեցփոխ պ. Զազարապետ Դանիելյանը նոյեմբերի 28 թվակիր նամակով նույն տեղի հայ հասարակության կողմից վեհափառ Զարապետի ամուսնով փոխադրել է երեք հազար չորս հարյուր քառասուն և հինգ ռուբլի 60կ. (3445ռ. 60կ.) գումարը, որը, ինչպես իր նամակի մեջ հիշում է, «հավաքված է Լուգանսկի հայոց ժողովրդեն Նախիջևանի-Բեսարաբիայի կոմսիտորիայից»:

Վեհափառ Զարապետի հրամանով դիվանս ներփակյալ ուղարկելով Ձեր ամուսնով 3445ռ.60կ. փոխադրական N 1188/938449 տոմար 28 նոյեմբերի 1914թ. և կոմիտեի պատճենը, խնդրում է հանձնել ըստ պատկանելույն գործադրելու ինչ նպատակով որ հավաքված է գումարը:

\* Այս և մյուս բացթողումները գումարի չափը չի նշված:  
\*\* Անընթեռնելի:

Բարեհաճեցեք ուղարկել գումարի ստացման մասին անդորրագիր դիվանին՝ վեհափառ Զարապետին ներկայացնելու և նվիրատուներին ապահովելու համար:

Դիվանապետ Բագրատ եպիսկոպոս

ՀԱԱ, Ֆ.221, ց.1, գ.3, ք.73: Պատճեն: Ձեռագիր:

**N 41**

**ՑՈՒՑԱԿ ԳԱՅ ԿԱՄԱԿՈՐՆԵՐԻ ՕԳՏԻՆ ԳԱՅՈՑ ԱԶԳԱՅԻՆ ԲՅՈՒՐՈՅԻ ԳԱՆՁԱՆԱԿԱԾ ԳՈՒՄԱՐՆԵՐԻ**

1914թ.

1. Ասխաբադի կանանց ընկերությանը նախագահ Շուշանիկ Մամիկոնյանից - 100րուբլի: Ուղարկված է Սամսոն Զարությունյանին դիվանի 1914թ. դեկտ. 15-ի հմ. 1938 գրությամբ:

2. Օրբազարի Օգեստ քահ. Զայրունուց - 542 ռուբ.: Ուղարկված է Սամսոն Զարությունյանին 1914թ. դեկտ. 15-ի հմ. 1937 գրությամբ:

3. Լուգանսկի երեսփոխան Զազարապետյանից - 3445ր.60կ.: Ուղարկված է Սամսոն Զարությունյանին 1914թ. դեկտ. 19-ի հմ. 1954 գրությամբ:

4. Նյու-Յորքից (Պետրոգրադի Ռուսաց) արտաքին առևտրի բանկի միջոցով) - 1355 ռուբ.: Ուղարկված է Տիֆլիսի [Զայոց Ազգային կենտրոնական] բյուրոյի փոխնախագահ Զովսեփ Խունուցի 1915թ. փետրվարի 4-ի հմ. 200 գրությամբ: Պետրոգրադի Ռուսաց արտաքին առևտրի բանկի միջոցով:

5. Նյու-Յորքից հեռագրով (Պետրոգրադի Ռուսաց) արտաքին առևտրի բանկի միջոցով) - 210 ռուբ.: Ուղարկված է Տիֆլիսի [Զայոց Ազգային կենտրոնական] բյուրոյի փոխնախագահ Զ.Խունուցի 1915թ. փետրվարի 9-ի հմ. 229 գրությամբ:

6. Ամերիկայի Նիշուե քաղաքից՝ Սեբաստիո Ուլաշ գյուղի հանձնախմբից - 450 ռուբ. 07 կոպ.: Ուղարկված է Տիֆլիսի [Զայոց Ազգային կենտրոն] բյուրոյի փոխնախագահ Խունուցի 1915թ. մարտի 13-ի հմ. 407 գրությամբ:

7. Ամերիկայի ազգային պաշտպանության հանձնախմբից - 3409ր. 10կ.:

Բագրատ եպիսկոպոս

ՀԱԱ, Ֆ.57, ց.5, գ.102, ք.1: Բնագիր: Ձեռագիր:

**N 42**

**ԳԱՅՈՑ ԱԶԳԱՅԻՆ ԲՅՈՒՐՈՅԻ ՈՒՂՎԱԾ ԴԵՆԱԳՐԵՆ՝ ԿԱՄԱԿՈՐԱԿԱՆ ԸՆԴՈՒՄՆԱՆ ԱՄԵՆ ԻՆՉՈՎ ՕԳՆԵՆՈՒ ՊԱՏՐԱՍՏԱԿԱՄՈՒԹՅԱՆ ՄԱՍԻՆ**

Բաքվի քաղաքային լազարեթի օրդինատոր, բժշկուհի Ելենա Զուրաբյանի նամակը Զայոց ազգային բյուրոյին՝ հայ կամավորներին բուժօգնություն ցույց տալու գործում իրեն ևս մասնակից դարձնելու խնդրանքի մասին:

[1914թ.]

\* 7-րդ հոդվածի տակ նշված գումարը՝ 3409ր.10կ. (որը ջնջված է), ուղարկվել է Թիֆլիս «Մշակ» խմբագիր Զամբարձուն Առաքելյանի միջոցով՝ վերջինիս 1915թ. ապրիլի 16-ի հմ. 650 մակագրությամբ՝ «Սյունիքին» (տե՛ս նույն փաստաթուղթը):

Բուժն ցանկություն ունենալով բժշկական օգնություն հասցնել մեր կամավորներին, խնդրում են կռվի դաշտն բժշկական խմբեր ուղարկելիս կամ ուր որ դուք հարմար կգտնեք բժիշկ ուղարկելու, ինձ ի նկատի ունեցեք:

Այժմ Բագու քաղաքային լազարեթում գործում են օրդինատորի պաշտոնում:<sup>17</sup>

Հասցեն հետևյալն է.  
Врачу Елене Ивановне Зурабовой,  
Сласская 5, кв.4, тел. 6-08,  
г.Баку

ՀԱԱ, Ֆ.28, ց.1, գ.114, ք.7: Պատճեն: Ձեռագիր:

#### N 43

Հեռագիր Բաքվից՝ Հայ կամավորական ջոկատներին անդամագրվելու երկու հայ կին բժիշկների ցանկության մասին

1914թ.

Երկու կին բժիշկներ համաձայն են մեկնելու: Տղամարդ չկա: Կամավորների վերջին խումբը մեկնել է երեկ: Դա այլևս չի լինի առանց Բյուրոյի նախնական համաձայնության:

ՀԱԱ, Ֆ.Պ-28, ց.1, գ.114, ք.42: Հեռագրական բլանկ:

#### N 44

Հեռագիր Ռոստովից՝ ռումինահայերի և օդեսահայերի կամավորագրվելու ցանկության մասին

1914թ.

Այսօր Ռումինիայից ցանկանում են մեկնել 70 դրուժինականներ: Հինգ հոգի էլ ցանկանում են Օդեսայից: Ճանապարհե՞լ նրանց թե՞ պահել:

Չալխուշյան

Նույն գործը, ք.130:

#### N 45

Նոր Նախիջևանի հայության հեռագիրը՝ Թուրքիայի դեմ սկսած պատերազմում ռուսական բանակին աջակցելու նախիջևանահայերի ցանկության մասին

1914թ.

Թուրքիայի դեմ պատերազմ սկսելու կապակցությամբ Նոր Նախիջևանի հայության շրջանում հսկայական վերելք է սկսվել: Եկեղեցու հրապարակում կայացած հավաքում հայ հոգևորականությունը աղոթքներ ու մաղթանքներ է հղել ռուսական զենքի հաջողություններին: Տեղի ունեցած բոցավառ ելույթներում հայ հռետորները ցայտուն կերպով շեշտել են Մեծ Ռուսաստանի պատմական առաքելությունը Արևելքում: Բազմահազարանոց թափորը թագավորի և թագաժառանգի պատկերներով ու նվագախմբով շարժվեց դեպի հարևան Ռոստով՝ ի ցուցադրություն քաղաքապետի, անգլիական, ֆրանսիական ու բելգիական հյուպատոսների: Եղանակը բարեհաճ էր

հանդիսությունների համար: Միապետին ուղարկվեցին հավատարիմ հպատակության զգացմունքի հեռագրեր և ողջույններ Վորոնցով-Դաշկովին, Սազոնովին ու գլխավոր հրամանատարին: Շատ հայեր ցուցակագրվեցին հայկական կամավորական ջոկատներին, հավաքեցին նվիրատվություններ:

Առաջնորդական տեղապահ, վարդապետ Գևորգ  
Հավատարմատար Չալխուշյան

Նույն գործը, ք.92:

#### ՀԱՅԵՐԻ ՕԳՆՈՒԹՅԱՆ ՄՈՍԿՎԱՅԻ ԿՈՄԻՏԵԻ ՀԵՌԱԳԻՐԸ

#### N 46

Փարիզի բժիշկը համաձայն է: Երկուշաբթի մեկնում է: Մյունխենում ավարտած մյուս բժիշկը համաձայն է հետևելու զորագնդին, եթե հարկ համարվի: Հեռագրեցեք [Մոսկվա], Հայկական նրբանցք, Հայ եկեղեցու տուն:

Մոսկվայի կոմիտե

Նույն գործը, ք.82:

#### N 47

Մոսկվայի հայ ինժեներները առաջարկում են կազմակերպել օդային ջոկատ [կամավորական] դրուժինայի համար: Հաղորդեցեք, կա՞ անհրաժեշտություն:

Մոսկվայի Հայկական կոմիտե

Նույն գործը, ք.87:

#### N 48

1914թ.

Թուրքիայի դեմ պատերազմ սկսելու կապակցությամբ [Մոսկվայի] Հայկական պաշտոնական կոմիտեն խնդրում է անդադար կապի մեջ պահել գործընթացի մասին: Հեռագրով հաղորդեցեք պաշտոնական կոչի տեքստը, եթե դրա կարիքը կզգացվի: Ուսանողները ցանկանում են մասնակցել որպես սանիտար-կամավորականներ: Եթե պետք է, հաղորդեցեք [Մոսկվա], Պոկրովկա 42, Մամիկոնյանին:

Նույն գործը, ք.93:

#### N 49

Հեռագիր Ռոստովից՝ Օդեսայից հայ կամավորների ճանապարհելու մասին  
1914թ.

հմ. 221 գնացքով Օդեսայից մեկնել են 135 հայ կամավորներ:

Չալխուշյան

Նույն գործը, ք.93:

**N 50**

Հոգևորական Նիկոլայ Ոսկանյանի հեռագիրը Նոր Նախիջևանից՝ իր 16-ամյա որդուն ռազմաճակատ մեկնելուց ետ պահելու մասին

28 դեկտեմբերի 1914թ.

16 տարեկան որդիս՝ Լևոնը, իմ կամքին հակառակ, կամավոր է մեկնել: Խնդրում եմ ետ պահել և վերադարձնել տուն:

Նույն գործը, ք.105:

**N 51**

Հեռագիր Պետրոգրադի հայկական ներկայացուցչությունից

1915թ.

Երեկ ճանապարհելով հայ կամավորների առաջին խումբը, խնդրում եմ Ձերո Սրբությանը (Մեսրոպ Եպիսկոպոսին - կազմ.) նրանց բարեմաղթել արիասիրտ ճանապարհ: Այստեղ գտնվող վիրավոր հայերը տենչում են շուտ ապաքինվել և կովկասյան զորքի շարքերում նորից մարտի նետվել թուրքերի՝ քրիստոնեաների հավերժ թշնամու դեմ: Խնդրում եմ Ձեր միջնորդությունը Նորին Սրբություն Կովկասի փոխարքայի առջև՝ նրանց ուղարկելու կովկասյան օկրուգի պահեստային գումարտակներ:

Պետրոգրադի խնամատար համայնքի  
նախագահ

Սուլթանշահ

Նույն գործը, ք.124:

**N 52**

Տագանրոգի Հայկական կոմիտեի հեռագիրը՝ հայ կամավորների համար տաք հագուստ պատրաստելու խնդրի մասին

18 նոյեմբերի 1914թ.

Տագանրոգի Հայկական կոմիտեն պատրաստում է տաք սպիտակեղենի, վերնաշապիկների, վարտիքի, բաշլուղի (գլխանոցի - կազմողներ) փորակապերի, ոտքի փաթաթանների, բամբակե բաճկոնների, անթև զգեստների 500 կոմպլեկտ: Խնդրում եմ հեռագրեցեք, պե՞տք են, արդյոք, զգեստի ինչ-որ առարկաներ:

Կոմիտեի քարտուղար, քահանա Օկսենտյանց

Նույն գործը, ք.140:

**N 53**

53

Հեռագիր Մերվի քաղաքից՝ առանց ծնողների թույլտվության երկու հայ պատանիների մեկնումը կովկասյան ռազմաճակատ արգելելու մասին

1914թ.

Առանց ծնողների թույլտվության [կամավորական] ջոկատի մեջ մտնելու համար Թիֆլիս են մեկնել Արմեն Մարտիրոսովը և Իվան Մելիք-Մկրտչյանցը: Մինչև նրանց ծնողների հասնելը Թիֆլիս պատանիների ծնողների անունից խնդրում եմ ետ պահել նրանց:

Կաֆիև

Նույն գործը, ք.59:

**N 54**

Հեռագիր Մերվի քաղաքից՝ հայ բուժքրոջը իր ցանկության համաձայն կամավորական խումբ ընդունելու մասին

1914թ.

Թիֆլիս, Եպիսկոպոս Մեսրոպին,  
Աշխեն Ղահրամանյանցը թախանձագին խնդրում է իրեն որպես գթության բուժքույր ընդունել մեր խմբում: Նրա կողմից խնդրում եմ նվազագույն հնարավորության դեպքում թույլատրել իրեն ճանապարհվելու: Հեռագրեցեք Միքայել Յուզբաշյանին: Վաղը մեկնում եմ Չարջոու:

Կաֆիև

Հեռագրի վրա կա նշում. «Չի թույլատրվում [ընդունել] գթության ոչ մի քույր: Եպիսկոպոս Մեսրոպ»:

Նույն գործը, ք.60:

**N 55**

Հեռագիր Անդիժանից՝ պատերազմի կարիքների համար Կարմիր խաչի օգնություն կազմակերպելու մասին

1914թ.

Կազմակերպված է կամավորների և պատերազմի կարիքների օգնության Կարմիր խաչ: Սպասում են ղեկավար ցուցումների: Կարգադրեցեք:

Տեր-Գրիգորյանց

Նույն գործը, ք.31:

**N 56**

Սևծովյա նահանգի Տուապսեի շրջանի Ղոյթի հայաբնակ գյուղի քահանայի նամակը՝ հայ կամավորների օգտին կատարված հանգանակության արդյունքների մասին

54

20 դեկտեմբերի 1914թ.

Հարգելի պ. Ծուրինյան,

Կենտրոնական կոմիտեիդ փոխադրելով հիսուն (50) ռուբլի Ղոյթայի շրջանից հավաքված արդյունքներից, հույս ունենք, որ կգործադրեք ըստ մեր ցանկության, այն է՝ հայ կամավորների օգտին: Ղրամիս ստացման մասին բարի եղեք հայտնելու: Շուտով կուղարկվի նվիրատուների ցուցակը, որը տպել կտաք «Մշակ» օրաթերթերի մեջ:

Հարգանք՝ Գրիգորիս քահանա Գարաբեյան

Նույն գործը, ք.54:

**N 57**

Հեռագիր Տագանռոզից՝ կամավորների համար տեղի հայության կողմից տաք հագուստ ուղարկելու մասին

1915թ.

Տագանռոզի Հայկական կոմիտեն ուղարկում է տասնյոթ տեղ տաք իրեր և սապոզներ:

Քարտուղար Օկսետյանց

Նույն գործը, ք.134:

**ԹԻՖԼԻՍԻ ՀԱՅՅՈՒ ԿԵՆՏՐՈՆԱԿԱՆ ԱԶԳԱՅԻՆ ԲՅՈՒՐՈՅԻ ՆԻՍԵՏԵՐԻ ԱՐԶԱՆԱԳՐՈՒԹՅՈՒՆՆԵՐ**

**N 58**

3 հունվարի 1915թ.

Թեմիս առաջնորդ Մեսրոպ եպիսկոպոսի նախագահությամբ

1. Ձեկուցվեց, որ պ.Պապաջանյանին՝ քաղաքիցս հեռանալու պատճառով դեռևս պաշտոնապես չի հայտնված Բյուրոյի նախագահ ընտրելու մասին, ուստի պաշտոնապես ևս տեղեկություն չկա այն մասին, թե Պապաջանյանը ընդունու՞մ է նախագահությունը, թե՞ ոչ: Նույն այդ հանգամանքը արգելք է հանդիսանում շրջաբերականներ ուղարկել Բյուրոյի պրեզիդիումի նոր ընտրության և նոր կազմի մասին:

2. Ձեկուցվեց, որ նախկին պ. Ս.Հարությունյանին գրավոր դիմում է եղել հանձնելու նոր պրեզիդիումին իր մոտ եղած և առհասարակ Բյուրոյի գործերը: Սակայն մինչև օր[ս] պ.Ս.Հարությունյանը դեռ գործերը չի հանձնած և այս առթիվ պատասխան չի տվել: Իսկ բանավոր կերպով պատասխանել է, որ իրեն ոչ ոք գործ չի տվել, ուրեմն ինքն էլ չի կարող գործ հանձնել: Որպեսզի գործերը կանգ չառնեն, փոխ-նախագահ պ. Խունունցը բարվոք է համարել Բյուրոյի գրասենյակում եղած թղթերը վերցնել և կարգավորել:

Միաժամանակ անհրաժեշտ է գտնվում արձանագրել, որ դիվանում կանոնավոր գործեր չեն գտնվել, այլ միայն զանազան թղթեր, հեռագրեր, նամակներ և հաշիվներ՝ խառնիխուռն պահված սեղանների արկղներում:

3. Ի նկատի առնելով, որ պ. Ս.Հարությունյանի մոտ պետք է լինի Բյուրոյի անցյալ տարիների արխիվը, որոշվեց խնդրել նրանից այդ արխիվն ևս:

4. Անհրաժեշտ համարելով Բյուրոյի գործավարությունը և հաշվական մասը կանոնավոր հիմքերի վրա դնել, որոշվեց պրեզիդիումին ծախսել ծառայողների ռոճիկների համար մինչև 300ռ. ամսական:

5. Ձինվորական մարմնի արած ծախսերը և գնած իրերը ոչ ոք չի ստուգում: Որոշվեց խնդրել տնտեսական հանձնաժողովին հանձն առնել ստուգության գործը. հանձնաժողովի անդամները տվին իրենց համաձայնությունը:

6. Վերստուգիչ հանձնաժողովի նոր անդամ ընտրվեց Ռ.Հովհաննիսյանը, որով հանձնաժողովը կազմվեց հետևյալ անձերից՝ պ.պ. Ա.Եզեկյանը, Գ.Կաֆյան և Ռ.Հովհաննիսյանը:

7. Գանձապահ պ. Սկրտիչ Քալանթարյանը վերադառնալով Բազվից, հայտնեց իր պատրաստակամությունը կրկին վերցնելու գանձապահի պաշտոնը: Ժամանակավոր գանձապահ պ. Գ.Ցուրինյանից հաշիվները և փողերը ստանալուց հետո կշարունակի իր պաշտոնը: Բյուրոյի գումարներն ըստ առաջնում մնում են բանկերում ոչ Բյուրոյի անունով: Բյուրոն անհրաժեշտ է գտնում, որ փողերը բանկերում մնան ոչ թե մասնավոր մարդկանց, այլ Բյուրոյի անունով և այդ որոշման համաձայն խնդրեց պ.գանձապահին անել անհրաժեշտ տնտեսությունները: Որոշվեց նույնպես թե՛ коммерческиի և թե՛ купеческии բանկերից տոկոսները բարձրացնել և այն բանկում պահել, որը ավելի տոկոս կվճարե:

8. Ձեկուցվեց և ընդունվեց գործադիր մարմնի որոշումը համագումարի մասին, միայն այն փոփոխությամբ, որ համագումարը իրավիքի ոչ թե բարիկենդանին, այլ փետրվարի 15-ին: Համագումարի զբաղմունքի առարկաներն են.

1. Հաշիվ և նախահաշիվ պրեզիդիում և զինվորակ[ան] մարմին
2. Տեղեկագիր Բյուրոյի գործունեության
  - ա. ռազմական (զինվ.մարմին)
  - բ. քաղաքական (սրբազանը)
  - գ. ինքնապաշտպանության (Ա.Սահակյան)
3. Տաճկա[հայա]ստանի ապագա կազմը (Լեո)
4. Բյուրոյի կանոնագիրը (Ա.Պապովյան)
  - Բացի դրանից, համագումարի վերջում պետք է կատարվի Բյուրոյի անդամների ընտրությունը:

9. Անհրաժեշտ համարվել մի պատգամավորություն կազմել և անհապաղ ուղարկել այցելելու Պետրոգրադի, Նախիջևանի, Մոսկվայի, Եկատերինոգրադի, Արմավիրի հայ հասարակությունները՝ Բյուրոյի գործունեության հետ ծանոթանալու և հատկապես ժողովարարության գործին ավելի լայն կերպարանք տալու համար: Շաբաթ օրը, հունվարի 10-ին, որոշվեց ընտրել այդ պատգամավորության անդամներին:

10. Բյուրոյի առաջիկա միստին պետք է ներկայացվի և քննության ենթարկվի Բյուրոյի նախահաշիվը:

11. Փոխ-նախագահ պ.Խունունցը զեկուցեց ի գիտություն Բյուրոյի գործադիր մարմնի վերջին միստի խորհրդակցության առարկաների և որոշումների մասին:

Նախագահ Մեսրոպ եպիսկոպոս

ՀԱԱ, Ֆ.288, ց.1, գ.3, ք.9-10: Բնագիր: Հեռագիր:

**N 59**

10 հունվարի 1915թ.

1. Կարդացվեց նախկին ժողովի արձանագրությունը:

2. Նախագահը զեկուցեց, որ Բյուրոյի բոլոր ճյուղերին ուղարկելու են շրջաբերականներ Բյուրոյի պրեզիդիումի, հասցեի, փոխ փոխադրելու մասին և այլն:

3. Կարդացվեց Գր.Չախուշյանի նամակը, ուղղված Մոսկվայի քաղաքագլուղ պ.Չելնակովիին: Որոշվեց մասնավոր անձանց միջոցով դիմել Ռուսաստանի գլխավոր քաղաքների և մայրաքաղաքների ճյուղերին ամեն կերպ աշխատել մամուլի և ռուս հասարակության զանազան շրջաններում նպաստավոր կարծիք և վերաբերմունք ստեղծել դեպի հայերը և Հայկական դատը:

Այս առիթով որոշվեց խնդրել Բյուրոյի նախագահին Բյուրոյի առաջիկա նիստին բերել մամուլի բյուրոյի հարցը:

4. Ի պատասխան պ.Խունունցի առաջարկության, ստանձնել նախագահության պաշտոնը տեղի ունեցած ընտրությունների համաձայն, թեպետ պ. Պապաջանյանը հայտնեց, որ այս թուպեին այդ ընտրությունը ընդունել չի կարող և իր վերջնական պատասխանը այն մասին, կընդունի, թե ոչ կտա վաղը:

5. Ջեբրահիլից ուղարկված հեռագրով պարսկահայերի մի խումբ խնդրում է կարգադրություն անարգել անցնելու սահմանը: Սրբազան առաջնորդը հեռախոսով պ.Պետերսոնից տեղեկացավ, որ այդ սահմանում ևս արգելումը հայերի համար վերացված է:

6. Կարդացվեց զինվորական մարմնի նախահաշիվը, որը որոշվեց արտագրել մի քանի օրինակ՝ Բյուրոյի անդամների ի մոտս ծանոթանալու համար և ապա դնել քննության Բյուրոյի առաջիկա նիստերից մեկում:

7. Ուսանողներից կազմված վարչական երկու խմբերն էլ առայժմ պահել, իսկ երկիր՝ ուղարկելուց առաջ նրանց գործունեության համար հրահանգ պատրաստել: Այդ խմբերը Ալեքսանդրապոլ և Կարս ուղարկելը վաղաժամ է համարվում:

8. Նախահաշիվ չլինելու պատճառով մտիչև նախահաշիվ կազմվելը և հաստատվելը որոշվեց հանձնարարել նախագահին խմբերին ամսական ուղարկել ամեն մեկին 5500ռ., իսկ Անդրանիկի խմբին՝ 9500ռ., զինվորական մարմնին տալ ավանսով մինչև 6000 ռուբլի: Մանր ծախսեր անել նախագահի հայեցողությամբ: Արտակարգ դեպքերում անհետաձգելի ծախսերի համար ստանալ գործադիր մարմնի համաձայնությունը:

9. Պ. զանձապահ Մ.Քալանթարյանը հայտնեց, որ պ. Ցուրինյանից ստացել է բոլոր գումարները և օրդերները: Ընթացիկ հաշիվները Բյուրոյի անունով բանալու հարցը հանդիպում է մի քանի օրինական դժվարությունների, ուստի այս հարցի այս կամ այն կերպ լուծումը որոշվեց հետաձգել մինչև որ բանկերը ասեն իրենց վերջնական խոսքը այդ մասին:

10. Փոխանակ առանձին պատգամավորություն ուղարկելու Ռուսաստանի զանազան քաղաքները, խնդրել պ. Պապաջանյանին, որ մոտ օրերս մեկնելու է Պետրոգրադ, այցելել նաև Մոսկվա, իսկ պ. Սպենդարյանին, որը գնալու է այցելելու Ղրիմի հայաբնակ քաղաքները, խնդրել վերադարձին այցելել նաև Նախիջևան:

11. Անհապաղ սկսել ժողովարարություն Թիֆլիսում.

ա) պ.Գյուլիմոզյանին և Խ.Աֆրիկյանին հանձնարարել ժողովարարություն Թիֆլիսի վաճառականության մեջ.

բ) պ. Գ.Խատիսյանին և Յ.Ամիրխանյանին ինտելիգենտ դասակարգի մեջ.

գ) պ. Կաֆյանին և պ. Մ.Բերբերյանին ծառայողների և գործակատարների

մեջ:

Նախագահ

Մեսրոպ Եպիսկոպոս

ՀԱԱ, Ֆ.288, ց.1, գ.3, ք.11 և հակ.: Բնագիր: Չեռագիր:

\* Արևմտահայաստան:

N 60

17 հունվարի 1915թ.

Քննության ենթարկվեց պ. Լեոյի զեկուցումը Տաճկահայաստանի ապագա քաղաքական կազմակերպության մասին: Կարդացվեց նաև Ներսես Պատրիարքի կազմած «Սահմանադրությունը»:

Ստքերի փոխարինությունից հետո բարվոք համարվեց ընդունել հետևյալ բանաձևը. «Ինքնավար Հայաստան (Ավտոնոմիա) օրենսդրական օրենքներով ռուսաց հովանավորության ներքո»:

Նախագահ

Մեսրոպ Եպիսկոպոս

ՀԱԱ, Ֆ. 288, ց.1, գ.3, ք.12: Բնագիր: Չեռագիր:

N 61

20 հունվարի 1915թ.  
(առավոտյան)

Հ.Խունունցի նախագահությամբ

1. Ի նկատի առնելով, որ բանկերում Բյուրոյի անունով ընթացիկ հաշիվ բանալը դժվարությունների է հանդիպում Բյուրոյի իրավական մարմին չլինելու պատճառով, որոշվեց Բյուրոյի բոլոր գումարները պահել բանկերում հետևյալ չորս անձանց անունով՝ Սրբազան առաջնորդ Մեսրոպ Եպիսկոպոսի, Ա.Ի.Խատիսյանի, Հ.Խունունցի և Մ.Ա.Քալանթարյանի, սակայն այն պայմանով.

ա) որ նրանցից վերցվի ստորագրություն, որ բանկերում չորսի անունով բացված ընթացիկ հաշվի բոլոր գումարները պատկանում են Ազգային բյուրոյին

բ) որ նրանք հայտարարեն բանկերին, որ նրանցից երկուսի ստորագրությունը միասին բավական է գումարները բանկից հետ վերցնելու չեկերով կամ հայտարարությամբ և

գ) որ նույն այդ անձինք հայտարարություն տան բանկերին, որ իրանցից մեկի մահից հետո նրա իրավունքներն անցնում են ոչ թե նրա ժառանգներին, այլ մնացյալ երեք անձանց, որոնց անունով բացված է ընթացիկ հաշիվը\*:

Նախագահ

Հ.Խունունց

ՀԱԱ, Ֆ.288, ց.1, գ.3, ք.13: Բնագիր: Չեռագիր:

N 62

20 հունվարի 1915թ.  
(երեկոյան)

\* Արձանագրությունը ստորագրել են նաև Բյուրոյի պատվավոր նախագահը, փոխ-նախագահը, քարտուղարը և ինն անդամներ

1. Քննության ենթարկվեց զինվորական մասի ծախսերի նախահաշիվը, որի մեջ մտնում են եղած խմբերի նորոգության և լրացված ծախսերը 175932ռ. պահեստի հազար մարդուց բաղկացած գնդի կազմության ծախսը (135564 ռ.) նոր կազմվելիք գնդի խմբերի միանվագ ծախսը՝ 2500 մարդուց բաղկացած, եղած խմբերի պահեստի գնդի և կենտրոնական շտաբի տարեկան ծախսը (866220 ռ.) և երկու նոր գնդի տարեկան ծախսը (361680 ռ.), և յոթ հազար մարդու լիկվիդացիայի և օժանդակության ծախսը (210000 ռ.), ընդհանուր գումար՝ 2098596 ռ. և որոշվեց այդ նախահաշիվը ընդունել և ներկայացնել ի հաստատություն համագումարին: Ի հաշիվ նոր կազմվելիք խմբերի, թույլ տալ մինչև համագումարը պատրաստել մինչև 500 նոր կամավոր:

2. Նախահաշիվով պահանջված անհրաժեշտ գումարները հավաքելու նպատակով որոշվեց ա) մարդիկ ուղարկել այցելելու Բյուրոյի Կովկասի և Ռուսաստանի ճյուղերը, բ) շտապեցնել տեղական ժողովարարությունը, գ) վերակենդանացնել «Մամուլի բյուրոյի» գործունեությունը, դ) հատուկ պատգամավորություն ուղարկել արտասահմանի հետևյալ վայրերը. Բուլղարիա, Ռումինիա, Ֆրանսիա, Անգլիա, Եգիպտոս և Ամերիկա: Հանձնել գործադիր մարմնի ըստ իր հայեցողության ի կատար ածելու այս որոշումները:

3. Որոշվեց գնդերի նորոգության և լրացման համար ի հաշիվ նախահաշիվի ծախսել այլևս 15.000 ռ., որով նախկին որոշած 60.000 ռ. հետ կանի 75.000 ռ.:

4. Որոշվեց Բյուրոյի բոլոր նիստերին հրավիրել արձանագրություններ կազմելու համար գործավար պ.Եփրեմ Սարգսյանին:

ստորագրություն՝

ՀԱԱ, Ֆ.288, ց.1, գ.10, ք.1: Բնագիր: Ձեռագիր:

**N 63**

**ՊԱՏԵՐԱԶՄԻՑ ՎՆԱՍՎԱԾՆԵՐԻՆ ՕԳՆՈՂ ՀԱՅՎԱԿԱՆ ԿԵՆՏՐՈՆԱԿԱՆ ԿՈՄԻՏԵԻ ՆԱՍԱԿԸ ՀԱՅՈՑ ԱԶԳԱՅԻՆ ԲՅՈՒՐՈՅԻՆ ԿՈՄԻՏԵԻ ՍՏԱՑՎԱԾ ԳՈՒՄԱՐՆԵՐԻՑ ԿԱՍՎՈՐՆԵՐԻՆ ԲԱԺԻՆ ՍԱՄՂԱՆՍԱՆ ՀԱՐՑԻ ՄԱՍԻՆ**

9 հունվարի 1915թ.  
Թիֆլիս

Ի պատասխան Ձեր գրության 4 հունվարի 1915թ. Կենտրոնական կոմիտեն հայտնում է, որ 3445ռ. 60կ. գումարի հետ ստացված են կաթողիկոսի դիվանից դեկտեմբեր 1914թ. N 1954 (զետեղված է պատճենը) և գրությունը 2) Լուգանսկի հայոց աղոթատան երեցփոխ պ. Հագարայպետ Դանիելյանի գրությունը նոյեմբերի 28-ին 1914թ. (զետեղված է պատճենը):

Հիշյալ երկու գրություններից չի երևում, որ այդ գումարից մասն նշանակված լինել կամավորների համար. երկու գրության մեջ էլ շեշտված է, որ գումարը ժողովված է կաթողիկոսի կոնդակի համաձայն և հիմամբ, իսկ զինվորների և պատերազմից վնասվածների օգնության մասին հիշված է վերոհիշյալ կոնդակի մեջ:

Սակայն կոմիտեն որոշեց դիմել նվիրատու հասարակության և իմանալ նրանց կամքը, եթե ժողովարարությունը ստեղծվել է և կամավորների համար, այդ դեպքում Կոմիտեն, ունենալով իր ձեռքի տակ գեթ մի գրավոր դոկումենտ կամքը

՝ Ստորագրությունը՝ անընթեռնելի:

պարզող, իրավունք կունենա և անմիջապես գումարի կեսը կուղարկի Բյուրոյին՝ հօգուտ կամավորների:

Փոխնախագահ

ստորագրություն՝

ՀԱԱ, Ֆ. 221, ց.1, գ.3, ք.67: Բնագիր: Ձեռագիր:

**N 64**

**ՊԱՏԵՐԱԶՄԻՑ ՎՆԱՍՎԱԾՆԵՐԻՆ ՕԳՆՈՂ ԿԵՆՏՐՈՆԱԿԱՆ ԿՈՄԻՏԵԻ ՆԱՍԱԿԸ ՀԱՅՈՑ ԱԶԳԱՅԻՆ ԲՅՈՒՐՈՅԻՆ՝ ԳԱՂԹԱԿԱՆՈՒԹՅԱՆ ՕԳՆՈՒԹՅԱՆ ՀԱՄԱՐ ՆԱԽԱՏԵՍՎԱԾ ԳՈՒՄԱՐԸ ԸՍՏ ՆՊԱՏԱԿԻ ԾԱԽՍԵԼՈՒ ՄԱՍԻՆ**

13 հունվարի 1915թ.  
Թիֆլիս

Դեկտեմբերին 1914թ. Բյուրոյի կողմից պատերազմի շրջանը ուղարկված մասնաժողովի անդամներից՝ Խորեն Եպիսկոպոսից, պ.պ. Խունունցից, Շիրվանզադեից և Թումանյանից ստացվել էր մի հեռագիր, որ ուղարկվի 2000 ռուբ.՝ «Մի անհետաձգելի կարիքի համար»:

Որովհետև մասնաժողովի անդամներին սկսած էր, որ հետամուտ լինել և գաղթականների մասին, ուստի ենթադրվեց, որ գուցե այդ գումարը հարկավոր է գաղթականների համար և փոխադրվեց նրանց 2000 ռուբ. պատերազմից վնասված Հայկ[ախան] կենտրոնական կոմիտեի միջոցներից. բայց հետո պարզվեց, որ այդ գումարը հարկավոր է եղել զինվորների համար:

Ուստի Կենտրոնական կոմիտեն խնդրում է 2000 ռ. վերադարձնել և հանձնել կոմիտեի զանձապահ պ. Գ.Ցուրիյանին:

Նախագահ [Հայկ.կենտ.կոմիտեի]  
Քարտուղար՝

Ս.Հարությունյան

ՀԱԱ, Ֆ.221, ց.1, գ.1, ք.52: Բնագիր: Ձեռագիր:

**N 65**

**ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ԱՍԵՆԱՅՆ ՀԱՅՈՑ ԿԱԹՈՂԻԿՈՍԻՆ ՀԱՅ ԿԱՍՎՈՐՆԵՐԻ ՕԳՏԻՆ ԱՍԵՐԻԿԱՐԱՅԵՐԻ ՀԱՆԳԱՆՎԱԾ ԴՐԱՍԸ ԲՅՈՒՐՈՅԻՆ ՏՐԱՄԱԴՐԵԼՈՒ ՀԱՐՑԻ ՄԱՍԻՆ**

18 հունվարի 1915թ.

Վեհափառ Տե՛ր,  
Ազգային բյուրոն Ամերիկայի Բոստոն քաղաքից ստացել է մի ծրագիր, որով հայտնում են, թե այնտեղի հանգանակիչ կոմիտեն, որ կազմված էր համերաշխաբար բոլոր կուսակցությանց ներկայացուցիչներից, վերջերս պառակտված է: Ոմանք,

՝ Ստորագրությունը՝ անընթեռնելի:

՝ Ստորագրությունը՝ անընթեռնելի:

նրանց թվում և ամերիկահայոց սրբազան առաջնորդը, չեն ուզում ճանաչել Ազգային բյուրոյի հեղինակությունը և կամավորների անունով հանգանակած դրամը պահել են իրենց մոտ:

Հայտնելով Ձերդ Վեհափառության այս մասին խոնարհաբար խնդրում ենք բարեհաճեք հաղորդելու Ամերիկայի պառակտված հայերին գալ համերաշխության և հանգանակած գումարը փոխադրել Ազգային բյուրոյին կամ անմիջապես, կամ Ձերդ Վեհափառության դիվանի միջոցով: Կամավորական շարժումը գնալով լայն ծավալ է ստանում և դրամի կարիքը օրավուր զգալի է դառնում: Հուսով, թե պիտի չզլանաք գոհացում տալու մեր խոնարհ խնդրին և հանձնելով մեզ Ձերդ սրբության աղոթքներին:

Մնամք որդիական խոնարհությամբ

Փոխնախագահ Ազգային բյուրոյի  
Քարտուղար

Հովսեփ Խունունց  
ստորագրություն

ՀԱԱ, Ֆ.57, ց.5, գ.28, թ.149: Բնագիր: Ձեռագիր:

**N 66**

**ՍԱՍԱՐԿԱՆԴԻ ՀԱՅ ԳԱՂՈՒԹԻ ՆԱՄԱԿԸ ՀԱՅՈՑ ԱԶԳԱՅԻՆ ԲՅՈՒՐՈՅԻՆ ՀԱՅ  
ԿԱՄԱՎՈՐՆԵՐԻ ՕԳՏԻՆ ՆՊԱՍՏ ՀԱՆԳԱՆԱԿԵԼՈՒ ՄԱՍԻՆ**

19 հունվարի 1915թ.  
Սամարղանդ

Հայ կամավորների համար նպաստ հանգանակելու գործը այստեղ հանդիպում է անհաղթելի արգելքների: Գլխավոր պատճառն այն է, որ կամավորների գործի կազմակերպության մասին ստույգ տեղեկություններ չկան և եղած տեղեկությունները միմյանց հակասական են: Հանգամանքից օգտվելով, գործի գոյության, ազգայնության և սրբության մասին կասկածներ հարուցանող ուժեղ աշխատանք է գործադրվում:

Անհրաժեշտ է, դրամական նպաստի հաջողության համար պաշտոնապես և հրապարակավ հայտնի դարձնել.

ա) որքան ժամանակ է, որ հայ կամավորները մասնակցում են ռուս-տաճկական պատերազմին.

բ) որքան է եղել սկզբում և որքան է այժմ հայ կամավորների թիվը.

գ) յուրաքանչյուր կամավոր որքան ծախս է նստում Բյուրոյի վրա ամսական.

դ) սկզբից մինչև այժմ հայ կամավորների համար որքան դրամ է գանձված, որքան է ծախսված մինչև այժմ և որքան կա այժմ Բյուրոյի տրամադրության տակ:

Անհրաժեշտ է շաբաթը մի անգամ պարբերաբար որևէ օրագրում հաղորդել:

1) հայ կամավորների թիվը,

2) գանձված ընդհանուր գումարը հայ կամավորների օգտին,

3) արված ծախսը և 4) մնացած գումարը:

Անհրաժեշտ է ամեն մի ստացված գումարի մասին անմիջապես հաղորդել նույն օրագրում:

<sup>1</sup> Ստորագրությունը՝ անընթեռնելի:

Կարևոր է պարզել պատճառը, թե ինչու՞ իրենց ծառայություններ առաջարկող կամավորները Բյուրոյի կողմից մերժվում են, երբ կառավարությունն առաջարկում է հայ կամավորների թիվը կրկնապատկել:

Սասնավորապես Սամարղանդի համար պետք է մասնավոր պաշտոնական ցանկով պարզել, թե ինչու ուղարկված 2500 թուրքու մասին պ. Ս.Հարությունյանը հեռագրով հայտնում է, թե ստացված է 2000 ռ., իսկ շատ հետո Պ.Գ.Կաֆյանը ցանկով հայտնում է, որ Սամարղանդից ոչ մի կուպեկ չէ ստացված:

Ստույգ տեղեկությունների ընդհանրապես չլինելու պատճառով Բյուրոյի գործունեությունը վարկաբեկող մութ գործերը աստիճանաբար հայտնի են դառնում, իսկ պաշտպանությունը մնում է անզեն: Իմ և գործի հաջողության նախանձախնդիրների համեստ կարծիքով անհրաժեշտ առաջարկությունը անելուց հետո դրության պատկերը բոլորովին կփոխվի:

Սարգսյանց

ՀԱԱ, Ֆ.221, ց.1, գ.3, թ.12 հակ.: Բնագիր: Ձեռագիր:

**N 67**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ԱՌԱՋԻՆ ՀԱՄԱՇԽԱՐՀԱՅԻՆ ՊԱՏԵՐԱԶՄԻՑ  
ՎՆԱՍՎԱԾՆԵՐԻՆ ՕԳՆՈՂ ՀԱՅԿԱԿԱՆ ԿԵՆՏՐՈՆԱԿԱՆ ԿՈՄԻՏԵԻՆ՝ ԿՈՎԱՆԴԻ ՀԱՅՈՑ  
ԿԱՆԱՆՑ ԿՈՄԻՏԵԻՑ ԹԵՄԻ ԱՌԱՋՆՈՐԴ ՄԵՍՐՈՂ ԵՊԻՍԿՈՊՈՍԻ ԱՆՈՒՆՈՎ ՀԱՅ  
ԿԱՄԱՎՈՐՆԵՐԻ ՀԱՄԱՐ ՈՒՂԱՐԿՎԱԾ ԱՊՐԱՆՔՆԵՐԸ ՍՏԱՆԱԼՈՒ ԵՎ ԲՅՈՒՐՈՅԻՆ  
ՀԱՆՁՆԵԼՈՒ ԽՆԴՐԱՆՔԻ ՄԱՍԻՆ**

20 հունվարի 1915թ.  
Թիֆլիս

Բյուրոս սույն գրությամբ ուղարկելով Ձեզ «Կոկանդի հայ կամանց կոմիտեից» թեմիս առաջնորդ գերապատիվ Հ[այր] Մեսրոպ Եպիսկոպոսի անունով ուղարկված հմ.հմ. 013753 և 013750 բեռնագիրները, խնդրում է ապրանքը ստանալ և կամավորների համար հատկացրած 4 արկղ նվերները, մեկ արկղ լուցկին և մեկ արկղ ծխախոտը հանձնել Բյուրոյիս:

[Փոխ]նախագահ Բյուրոյի

Հ.Խունունց

ՀԱԱ, Ֆ.28, ց.1, գ.116, թ.18: Բնագիր: Ձեռագիր:

**N 68**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ՊԱՏԵՐԱԶՄԻՑ ՎՆԱՍՎԱԾՆԵՐԻՆ ՕԳՆՈՂ  
ՀԱՅԿԱԿԱՆ ԿԵՆՏՐՈՆԱԿԱՆ ԿՈՄԻՏԵԻՆ՝ ՎԵՐՋԻՆԻՍ ԿՈՂՄԻՑ ՏՐԱՄԱՐԿԱԾ  
ԳՈՒՄԱՐՈՎ ԳԱՂԹԱԿԱՆՆԵՐԻ ՀԱՄԱՐ ՄԹԵՐՔ ԳՆԵԼՈՒ ՄԱՍԻՆ**

20 հունվարի 1915թ.  
Թիֆլիս

<sup>1</sup> Ընդգծումը բնագրիցն է:

Սրանով Բյուրոս հայտնում է Ձեզ, որ Ձեր Բյուրոյի կողմից պատերազմի շրջանը ուղարկված մասնաժողովին փոխադրած 2.000 ռուբլով գնված են զանազան մթերքների՝ շաքար, թեյ, սապոն և այլն: Այժմ կարգադրվում է, որ Ղարսի կոմիտեն այդ մթերքները հատկացնի գաղթականների պետքերին:

Փոխնախագահ Բյուրոյի Զ.Խունունց

ՀԱԱ, Ֆ.28, ց.1, գ.116, ք.17: Բնագիր: Ձեռագիր:

**N 69**

**ԻԳՂԻՐԻ ՔԱՂԱՔԱԿԱՆ ԽՄԲԻ ԱՆՂԱՄ Հ.ՉՈՒԱԽՅԱՆԻ ՆԱՄԱԿԸ ԲՅՈՒՐՈՅԻՆ ԽՄԲԻ ԱՆՂԱՄՆԵՐԻ ԳՈՐԾՈՒՆԵՈՒԹՅԱՆ ԵՎ ԾՐԱԳՐԱՅԻՆ ԽՆԴԻՐՆԵՐԻ ՄԱՍԻՆ**

24 հունվարի 1915թ.  
Իգղիբ

Հասնելով Իգղիբը, ծանոթացա գործերի դրության հետ, որի մասին և շտապում եմ հայտնել Բյուրոյի:

Քաղաքական խմբի անդամներից մեկը նստած Արծափում, շարունակում է իր գործը, երկուսն անցել են Մակու, իսկ մնացածները սպասում են փողի, որ անցնեն գործի վայրը: Արծափում եղած ընկերը, բացի իր սովորական աշխատանքները կատարելը, ընդունում է և ճանապարհի գցում Ալաշկերտից եկած գաղթականությանը:

Քաղաքական խմբի անդամների առաջ այժմս դրված է հետևյալ խնդիրը, հետ վերադարձնել գաղթականներին այն վայրերը, ուր հնարավոր է նորից նորմալ կյանք ստեղծել: Այս հերթական խնդրի հետ առաջ պիտի տանել և այն խնդիրը, որոնք հիմք են ծառայում քաղաքական խմբերի գործունեության:

Հույս ունեն, որ հրահանգների խնդիրը արդեն անցյալ է Ազգային բյուրոյում և հարկավոր գումարը մեկ ամսվա ժախսերի համար արդեն փոխադրված է:

Ինչ վերաբերում է ձիաներին, պիտի ասեն, որ մեր խմբի տրամադրության տակ դրված են եղել այս կողմերը եկած պատգամավորության ձիաները, որոնք ընդհանուր նահանջից հետո, քաղաքական խմբի գործունեության ժամանակավոր դադարեցման պատճառով անցել են գորախմբին: Այդպիսով այստեղ և ոչ մի ձի չի մնացել, ինչու և խնդրում եմ որքան կարելի է շուտ հասցնեք 8 ձիու արժեքը (8x150)-1200ռ.: Առանց ձիաների հեռու գնալ չենք կարող, ինչու և պիտի շտապել փոխադրել անհրաժեշտ գումարը, որ հնարավորություն ունենանք լայնացնել մեր գործունեության շրջանը:

Առաջիկայում կարիք կլինի ավելացնել մեր խմբի կազմի վերանոր անդամներ, քանի որ մեր տրամադրության տակ եղած վայրը շատ մեծ է և շատ բարդ խնդիրների առաջ պիտի կանգնենք մոտիկ ապագայում:

Ալաշկերտից երկու օր է, գալիս են գաղթականները՝ լըլկված, թալանված քողերի կողմից: Տղամարդկանցից շատերը սպանված են, հարսները և աղջիկները՝ փախցված: Ընդհանուր դրությունը սոսկալի է: Ընդամենը Ալաշկերտից եկած գաղթականության թիվը հավասարվում է 40 հազարի:

Բացի օգնության գործը, պիտի կազմակերպել մի խումբ՝ տեղացիներից ու ինտելիգենտ անձանցից, որ զման գաղթավայրերը ու տեղնուտեղը որոշեն այնտեղ մնացած ցորենի, գարու (հորերի մեջ եղած) քանակը և հնարավորություն ստեղծեն կամ ծախելու այն, տեղափոխել կամ եթե հնար[ավոր] է, ստեղծել այնպիսի պայմաններ, որ գաղթականները վերադառնան իրենց գյուղերը ու շարունակեն ապրել իրենց ծննդավայրերում: Անհրաժեշտ է շուտ կազմակերպել այս գործը, եթե ոչ, եկած

պատուհասը ավելի կծանրանա: Այդ ուղղությամբ բանակցություններ վարեք թիֆլիսում:

Քաղաքական խմբի անդամ Զ.Չուխայան

Հ.Գ. քողերը իրավունք են ստացել կազմակերպելու մի կոմիտե, որը պիտի աջակցի փախած քողերին վերադարձնել իրենց վայրը:

Հասցե՝ Игдыр, Саак Матиняну, քաղաքական խմբին:

ՀԱԱ, Ֆ. 221, ց.1, գ.3, ք.58: Բնագիր: Ձեռագիր:

**N 70**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ԱՍԵՆԱՅՆ ՀԱՅՈՑ ԿԱԹՈՂԻԿՈՍԻ ԴԻՎԱՆԻ ԿԱՌԱՎԱՐԻՉ ԲԱԳՐԱՏ ԵՊԻՍԿՈՊՈՍԻՆ՝ ԹԻՖԼԻՍՈՒՄ ԳՐԱԿԻՐԿԵԼԻՔ ՀԱՄԱԳՈՒՄԱՐԻՆ ՄԱՍՆԱԿՑԵԼՈՒ ՀԱՄԱՐ ՆԵՐԿԱՅԱՑՈՒՑԻՉ ԵՎ ԵՎԵՆԿԵԼՈՒ ՄԱՍԻՆ**

24 հունվարի 1915թ.  
Թիֆլիս

Սրբազան Հայր, Ազգային Բյուրոն գալիս է սրանով որդիաբար խնդրելու Նորին Վեհափառությունից նշանակել մի ներկայացուցիչ Մայր Աթոռի կողմից՝ մասնակցելու Թիֆլիսում կայանալիք համագումարի պարապմունքներին:

Համագումարը բացվելու է փետրվարի 15-ին:

Փոխնախագահ Զարտուղար Զ.Խունունց ստորագրություն

ՀԱԱ, Ֆ. 57, ց.5, գ.87, ք.15: Բնագիր: Ձեռագիր:

**N 71**

**ՊՅԱՏԻԳՈՐՄԱՆ ՀԱՅ ԿԱՄԱՎՈՐՆԵՐԻՆ ԵՎ ԳԱՂՁԱԿԱՆՆԵՐԻՆ ՕԳՆՈՂ ԿՈՄԻՏԵԻ ՆԱՄԱԿԸ ՀԱՅՈՑ ԱԶԳԱՅԻՆ ԲՅՈՒՐՈՅԻՆ ՀԱՅ ԿԱՄԱՎՈՐՆԵՐԻ ՈՒ ԳԱՂՈՒԹՆԵՐԻ ՀԱՄԱՐ ԲՅՈՒՐՈՅԻ ՀԱՅՑԵՆՎ ՀԱԳՈՒՄՏՆԵՐ ՈՒՂԱՐԿԵԼՈՒ ՄԱՍԻՆ**

26 հունվարի 1915թ.

Ամսույս 24-ին, դեռ Բյուրոյից ոչ մի հրահանգ չստացած, այս ներկայակա հասցեով ուղարկել ենք 8 արկղ հայ կամավորների և գաղթականների համար շորեր: Այդ արկղներից 1 և 2 N-ը նոր շորեր են կամավորների համար, իսկ մնացածը հին շորեր գաղթականների համար, մանրամասն ցուցակը ուղարկված է և որովհետև մեզ ուղարկած հասցեները այժմ ուրիշ են, ուստի հարկ ենք համարում այդ մասին ի գիտություն Բյուրոյիդ հայտնել:

\* Ստորագրությունն անընթեռնելի



Նաև պետք ենք համարում հայտնել, որ ամսույս 10-ին երեկոյք կազմակերպեցինք, որից զուտ արդյունք մնաց 921ռ. 97կ.: Այդ գումարը ուստի կանապետի կարգադրությամբ դրված է տեղիս գանձարանը «դեպոզիտ շրջանի կառավարչի»: Չնայած այդ մասին արդեն հայտնված է վեհափառի դիվանին, բայց ավելորդ չէր լինի, որ Բյուրոյ էլ հետևեր, որ փողը շուտ ստացվեր:

Նախագահ  
Քարտուղար

Գ.Սուքիասյանց  
Ն.Ռոստովանյանց

“В.Депозит начальника Терской области”

ՀԱԱ, Ֆ.221, ց.1, գ.3, ք.65: Բնագիր: Ձեռագիր:

**N 72**

**ՆՈՒՈՉԵՐԿԱՍԿԻ ԴԱՏԱԿԱՆ ԱՏՅԱՆԻ ՀԱՎԱՏԱՐԱՄԱՍԱՐ  
ԳՐ.ՉԱԼԽՈՒՇՅԱՆԻ ՆԱՄԱԿԸ ՀԱՅՈՑ ԱԶԳԱՅԻՆ ԲՅՈՒՐՈՅԻՆ**

27 հունվարի 1915թ.

Եղբայր Հովսեփ Նիկիտիչ.

1. Մենք ուղարկում ենք կամավորներին, որովհետև անկարելի է նրանց պահել այստեղ, գուցե վերջապես պատերազմի բեմի մոտ նրանք աշխատանք գտնեն ինրենց համար: Նրանք 46 հոգի են: Մենք մտադիր ենք բոլորովին փակել և անգամ չառնել կամավորներին ցուցակ, որովհետև մի տեսակ արհեստ է սկսվել և մեզանում կամավոր լինել, խաղալ կամավորություն:

2. Մենք մանրամասն հեռագրել էինք վեհափառին Բյուրոյին կարևորության մասին և... շակի՝ անտակտության վնասները և խնդրել էինք հայտնել Բյուրոյին իր վստահությունը, չզիտեմ բան արե՞ց: Նմանապես հեռագրել էինք նրան, որ Չելնոքովին ազգի շնորհակալությունը հայտնե: Պարզությունը տված է հանճարներին, Գևորգը հայրիկ չէ և գուցե միակ նրա առավելությունը նրանում է, որ իրան պահում է ամպերի մեջ, չտալով անգամ պատասխան նամակներին: Մեր խաչն է, պիտի տանենք:

3. Ցերետելին ըստ իս մի պատրվակ պիտի լիներ վրացիներին մի քիչ շոյելու: Ողջ կյանքը մեր թշնամին եղած է, մանավանդ վերջին տարիները մեր ազնիվ վերաբերմունքը դեպի այդ դիակը, ջոկելով բանաստեղծը հրապարակախոսից պետք քայլ է, ահա թե ինչու շրջաբերական հեռագիրներ տվի քանի մի տեղեր: Չզիտեմ լա՞վ դուրս եկավ, թե ոչ:

4. Մոսկվայի վրա լուրջ ուշադրություն է դարձնելու: Լսվում է, որ Մամիկոնյանը մտադիր է լրագիր հրատարակել ազգի հաշվով: Տաղանդ ունի, բայց ծույլ է, և իբրև ռուս գրող, ըստ իս, թույլ: Մինչդեռ հարուստները փող չեն տալիս, վախենալով, որ Մամիկոնյանը իր լրագիրը կսկսե: Անհրաժեշտ է ուղարկել Մոսկվա մի բարձրաստիճան հոգևորական, Մոսկվան կարող էր տալ ամենվազը կես միլիոն և տալիս է չնչին բան:

5. Թիֆլիսի մեծ սխալներից և մեղքերից մինն է շատախոսությունը: Կարևոր է միանգամայն, որ պատգամավորների մինչև գալը նյութերը և գեկուցումները պատրաստ լինեն: Հակառակ դեպքում միայն խոսակցությունները ապարդյուն կլինեն:

6. Կան հարցեր մինչև օրս չպարզված:

\* Բառը տեքստում վնասված է:

ա) Ավտոնոմիայի հարցը, օրինակի համար: Անպատճառ պետք է, որ համագումարը իրան լավ պարզե այդ հարցը և ամեն հայ միատեսակ իմանա, հասկանա, պահանջե: Եական կետերը մշակված և վճռված պիտի լինեն:

բ) Փող ժողովելու հարցը, որ այնչափ թույլ դրված է Կովկասում, պետք է որոշել վերջնականապես թե՛ Կովկասի վերաբերյալ և թե՛ ուրիշ տեղերի:

գ) Կամավորների հարցը՝ հիվանդ և անհասկանալի հարց – հայը պիտի տա արյուն և ոսկի և փոխարենը ոչինչ չստանա: Ծնողները գերադասում են պոռնիկ գավակներին և ուշադրություն չեն դարձնում լավերի վրա:

Մեր առաքինությունը ավելորդ բեռ է ազգի վզին փաթաթած:

դ) Փախստականների հարց: Հազար կոմիտեներ, հանձնաժողովներ և շատ քիչ եական օգուտ:

7. Որովհետև հարցեր շատ կան, ուստի ցանկալի էր, որ բոլոր քաղաքներն գային որչափ կարելի է շատ պատգամավորներ, որ թե Թիֆլիսը իմանար՝ ինչ է գավառների ցանկությունը: Մենք այստեղից գրում ենք այն կոմիտեներին, որ հրահանգ ստանում են մեզանից, որ ուղարկեն Թիֆլիս մի-մի պատգամավորներ: Թեոդոսիա, Սիմֆերոպոլ և այլն, որոնք ուղարկում են Ձեզ փող, ինչու գալու չեն: Վերջապես դա մի դաստիարակչական նշանակություն կունենա և նրանց համար, իսկ գործը չի վնասվի, եթե մի տասը մարդ ավելի ներկա գտնվի:

Հարգանքով և սիրով

Գր.Չալխուչյան

ՀԱԱ, Ֆ.288, ց.1, գ.2, ք.11: Բնագիր: Մեքենագիր:

**N 73**

**ՊԱՏԵՐԱԶՄԻՑ ՏՈՒԺԱՇՆԵՐԻՆ ՕԳՆՈՂ ՀԱՅԿԱԿԱՆ ԿԵՆՏՐՈՆԱԿԱՆ  
ԿՈՄԻՏԵԻ ՆԱԽԱԳԱՀ ՍԱՄՍՈՆ ՀԱՐՈՒԹՅՈՒՆՅԱՆԻ ՆԱՄԱԿԸ ԱԶԳԱՅԻՆ ԲՅՈՒՐՈՅԻՆ  
ՍԱՄԱՐՂԱՆԴԻՑ, ՋՈՒԼՅԱՅԻՑ ՍԻՐԱՍԻԻՑ ԱՏՅՎԱԾ ՊԻՍՄԱՆԵՐԻ ԲԱՇԽԱՆԱ  
ՎԵՐԱԲԵՐՅԱԼ**

3 փետրվարի 1915թ.

Պատերազմից վնասվածներին օգնող հայկական կենտրոնական կոմիտեն հայտնում է Բյուրոյիդ հետևյալը՝ ի պատասխան Ձեր գրության 27 հունվարի 1915թ.

1. Սամարղանդից 11 դեկտեմբերի 1914թ. փոխադրված է առևտրական տուն՝ «Տարոն» պետական բանկի տոմսակով N901961-2500 րուբլի: Նամակը գրված է Բյուրոյի անունով, իսկ բանկի տոմսակը՝ պ. Գ.Ս.Ցուրինյանի անունով, որը հայտարարված է Կենտրոնական կոմիտեի գանձապահ:

Նամակը և տոմսակը ստացվել են դեկտեմբերի 19-ին և տոմսակը նույն օրը հանձնվել է պ. Ցուրինյանին, որը ստացել է հետևյալ օրը, այսինքն 20-ին դեկտեմբերի, և մտցրել առժամանակ կոմիտեի՝ ի թիվս մյուս կոմիտեի գումարների միայն պահելու, մինչև որ պարզվի, թե ինչու փոխադրվել է պատերազմից վնասվածների կոմիտեի գանձապահի անունով:

Որովհետև այժմ պարզված է, որ այդ գումարը նշանակված է կամավորների համար, ուստի Կենտրոնական կոմիտեն կարգադրեց հանձնել Բյուրոյիդ և խնդրել, որ Բյուրոն Սամարղանդի նվիրատուներին տեղական կոմիտեի միջոցով հաղորդեն վերոհիշյալ մանրամասնությունները:

2. Ջուլֆայից փոխադրվել է 260ր.60կ., որը ստացել է Կենտրոնական կոմիտեն, որովհետև նամակը ուշ է ստացվել այդ գումարի մասին: Նամակից պարզվել

է, որ տեղական կոմիտեն կամավորներին օգնող կազմալուծվել է, հեռագրով՝ ոչ ուղղակի Բյուրոյի անունով: Այժմ այդ գումարը ևս կարգադրված է հանձնել Բյուրոյիդ: Կենտրոնական կոմիտեն խնդրում է առաջարկել գանձապահ Պ.Քալանթարյանին ստանալ Կոմիտեի գանձապահ պ.Ցուրինյանից վերոհիշյալ գումարները:

3. Սիրասիից նոյեմբերի 10-ին ստացված է 94 ռուբլի կամավորների և պատերազմից վնասվածների օգտին: Կենտրոնական կոմիտեն 94 ռուբլուց կեսը՝ 47ռ. հանձնել է Բյուրոյի գանձապահ պ.Քալանթարյանին նույն օրվա N 27 ընկալագրով:

Նույն Սիրասիից ստացվել է 4 դեկտեմբերի 53ռ. 60կ. և նամակի մեջ ասված է, մի մասը հատկացնել վիրավորների օգտին: Որովհետև մեկ վիրավորի պահպանումը մեկ ամսում պահանջում է 36 ռուբլի, ուստի Կոմիտեն կարգադրել է 36ր. հատկացնել, հայկական լազարեթում մեկ հիվանդ պահել մեկ ամիս Սիրասիի հայ հասարակության կողմից, իսկ մնացյալը ուղարկված է Բյուրոյին և հանձնված է ընծայագրով 18-ին դեկտեմբերի, N 12:

Օգտվելով այս դեպքերից, Կենտրոնական կոմիտեն հարկավոր է համարում հայտնել, որ Սիրասիի 53ռ. 50կ. միակ դեպքն է, երբ անհարմարություն կար կիսով բաժանելու, իսկ մյուս դեպքերում Կենտրոնական կոմիտեն ուղարկել է մեծ մասամբ 2/3 մասեր Բյուրոյին:

Ինչ վերաբերում է շորերին, Կոմիտեն հայտնում է, որ իրեն պահեստում չեն ստացված ոչ այն կվիտանցիայով N 12, որը ուղարկված է գերապատիվ Միտուշ եպիսկոպոսին անունով և ոչ էլ բույրեր Բաղդասարյաններից 12 կտոր տաք շորերը:

Նախագահ

Ս.Հարությունյան

ՀԱԱ, Ֆ.221, ց.1, գ.3, ք.62: Բնագիր: Ձեռագիր:

**N 74**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ԱՌԱՋԻՆ ՀԱՄԱՇՆԱՐՀԱՅԻՆ ՊԱՏԵՐԱԶՄԻՑ ՎՆԱՍՎԱԾՆԵՐԻՆ ՕԳՆՈՂ ՀԱՅՎԱԿԱՆ ԿԵՆՏՐՈՆԱԿԱՆ ԿՈՄԻՏԵԻՆ՝ ԺՆԵՎԻ ՀԱՄԱԼՍԱՐՎՆԻՑ ՀՐԱՎԻՐՎԱԾ ՀԱՅ ՈՒՍԱՆՈՂՆԵՐԻ ԵՎ ՏԱԵԿԱՐՊԱՏԱԿ ՀԱՅ ԲԺԻՇԿՆԵՐԻ ՎԵՐԱԲԵՐՅԱԼ ՏԵՂԵԿՈՒԹՅՈՒՆՆԵՐ ՀԱՅՏՆԵԼՈՒ ՄԱՍԻՆ**

12 փետրվարի 1915թ.  
Թիֆլիս

Բյուրոն խնդրում է պատասխանել, արդյոք, Ձեր հիմնարկության մեջ կա՞ն ժնկի համալսարանից կանչված հայ ուսանողներ և տաճկահայատակ հայ բժիշկներ: Խնդրում ենք այս գրությանը այսօր ևեթ պատասխանել, որպեսզի հնարավորություն ունենանք նահանգապետի գրասենյակից արված հարցումին շուտափույթ քավարարություն տալ:

Փոխնախագահ Բյուրոյի

Հ.Խունունց

ՀԱԱ, Ֆ.28, ց.1, գ.116, ք.45: Բնագիր: Ձեռագիր:

**N 75**

**Ք Ա Ղ Վ Ա Ծ Ք**

**ԱՌԵՎՏԱՏԱՅՅԵՐԻ ՎԻՃԱԿԻ ՀԵՏ ԿԱՊՎԱԾ ԽՆԴԻՐՆԵՐ ՔՆՆՈՂ ՊԱՏՊԱՄԱՎՈՐԱԿԱՆ ԽՄԲԻ ԺՈՂՈՎԻ ԹԻՎ 3 ԱՐՁԱՆԱԳՐՈՒԹՅՈՒՆՑ**

16-18 փետրվարի 1915թ.

Ժողովը լսելով տաճկահայերի վիճակի հետ կապված խնդիրներ քննող քառասուն պատգամավորներից կազմված սեկցիայի զեկուցումն ի տեղեկություն ընդունում է (ընդդեմ երկուսի) հետևյալ բանաձևը:

«Ընդհանուր ժողովը լսելով Ազգային բյուրոյի զեկուցումը թուրքահայ հարցի մասին, տեղեկանալով այն քայլերին, որ Բյուրոն արել է այդ տեսակետից, տալիս է իր հավանությունը նրա ընթացքին և խնդրում է շարունակել նոր ոգով, ավելի եռանդուն կերպով:

Նախագահ համագումարի\* (ստորագրել է Մեսրոպ Եպիսկոպոսը)

Քարտուղար (ստորագրել է Ղազարոս քահ.

Տեր-Գրիգորյանը)

Գիշտ է իսկականի հետ

Հակոբ Քոչարյան

ՀԱԱ, Ֆ.222, ց.1, գ.17, ք.18: Վավերացված պատճեն: Ձեռագիր:

**N 76**

**ԻՆՔՆԱՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎԻ ՆԱԽԱԳԱՀԻ ԶԵԿՈՒՑՈՒՄԸ ՀԱՅՈՑ ԱԶԳԱՅԻՆ ԲՅՈՒՐՈՅԻՆ՝ ՊՎԱՐՈՒՅԻՆ ԻՆՔՆԱՊԱՇՏՊԱՆԱԿԱՆ ՄԱՐՄԻՆՆԵՐԻ ԳՐՈՇՈՒՆԵՐՈՒԹՅԱՆ ՄԱՍԻՆ**

18 փետրվարի 1915թ.

Ինքնապաշտպանության հանձնաժողովը, որ ընտրված է Ազգային ժողովի փետրվարի 16-ի նիստում, յուր 25 անդամներով խորհրդակցության նյութ դարձնելով ռուսահայերի ինքնապաշտպանության գործը, լսելով Ազգային բյուրոյի ներկայացուցչի գրավոր զեկուցումը Բյուրոյի՝ այդ շրջանում ունեցած մասնակցության մասին, այլև նախագահին ուշադրության առնելով գավառական ինքնապաշտպանության մարմինների հանդես բերած գործունեության ու նրանց ղեկավարող մտքերը, միաձայն հանգամ հետևյալ եզրակացության:

Ի նկատի ունենալով այն արտաքո կարգի անապահով վիճակը, որի մեջ գտնվում են մեր գավառներից շատերը, անհրաժեշտ է ինքնապաշտպանության գործին շատ ավելի մեծ ուշադրություն նվիրել, քան միջև այժմ այդ եղել է թե՛ Ազգային բյուրոյի կողմից: Ինքնապաշտպանության կազմակերպման գործը հաստատուն հիմքերի վրա դնելու համար հանձնաժողովս կարևոր է համարում մատնանիշ անել մի քանի գլխավոր սկզբունքներ, որոնք իր կարծիքով առաջնորդող պետք է լինեն բոլոր գավառների ինքնապաշտպանությամբ զբաղվող մարմինների համար և որոնք բխում են գավառական պատգամավորների տված զեկուցումներից:

Այդ գլխավոր կետերը հետևյալներն են.

1. Գավառի ինքնապաշտպանության գործը վարում է գավառի ինքնապաշտպանության մարմինը, որ յուր գործունեության մեջ տեղական բյուրոյից բոլորովին անկախ է:

\* Տեքստում այդպես է:

2. Ազգային բյուրոյի մեջ լինելու է ինքնապաշտպանության մի մարմին, որը գավառների համար զենք ձեռք բերելու, զենքի զներն իմանալու և զենքի տեղափոխության եղանակների գործում տեղեկատու բյուրոյի դեր է խաղալու:

3. Տեղական ինքնապաշտպանության համար հարկավոր փողը ձեռք է բերվում գավառական բյուրոների և Ազգային բյուրոյի միջոցով:

4. Տեղական ինքնապաշտպանության մարմինները իրենց ստացած դրամի մասին հաշիվ են տալիս այն մարմիններին, որոնցից փող են ստացել:

5. Ազգային բյուրոյի ինքնապաշտպանության մարմինը հարկ եղած դեպքում հավաքումներ է կազմակերպում գավառական ինքնապաշտպանության կոմիտեների ներկայացուցիչների մասնակցությամբ՝ ավելի կանոնավոր և ներդաշնակ դարձնելու ընդհանուր ինքնապաշտպանության գործը:

6. Կամավորների ռեզերվը կենտրոնացնել այն հայաշատ վայրերում, որոնք ինքնապաշտպանության տեսակետից վտանգված են (Երևան, Նախիջևան):

7. Ի նկատի ունենալով, որ գավառներում ինքնապաշտպանության գործը կազմակերպելու համար հարկավոր են կարևոր ուժեր, որոնք ներկայումս մեծ մասամբ կամավորների շարքերում են, պարտավորեցնել Ազգային բյուրոյին, որ նա նպաստի այդ գործի կազմակերպմանը, հարկավոր դեպքերում կամավորների շարքերից հանելով այդպիսի ուժերը և գավառներ ուղարկելով:

8. Ազգային բյուրոն պետք է լրջորեն աշխատի, որ կառավարությունը գավառներում հայերին չխուզարկի:

9. Ազգային բյուրոն պետք է շարունակի բանակցությունները կառավարության հետ՝ զենք ստանալու նպատակով:

ՀԱԱ, Ֆ.288, ց.1, գ.10, ք.2 և հակ.: Պատճեն: Ձեռագիր:

**N 77**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ԱՌԱՋԻՆ ՀԱՄԱՇԽԱՐՀԱՅԻՆ ՊԱՏԵՐԱԶՄԻՑ ՎՆԱՍՎԱԾՆԵՐԻՆ՝ ՕԳՆՈՂ ՀԱՅՎԱԿԱՆ ԿԵՆՏՐՈՆԱԿԱՆ ԿՈՄԻՏԵԻՆ՝ ՀԱՅ ԿԱՄԱՎՈՐՆԵՐԻՆ ՈՒՂԱՐԿԱԾ ԻՐԵՐԸ ՍՏԱՆԱԼՈՒ ՄԱՍԻՆ**

19 փետրվարի 1915թ.  
Թիֆլիս

Բյուրոն պատիվ ունի հայտնելու հարգելի կոմիտեիդ, որ Ձեր միջոցով հայ կամավորներին ուղարկած հետևյալ իրերը ստացված են՝ Դերբենդից – 3 արկղ, Պյատիգորսկից – 2 արկղ:

Գրությանս հետ ուղարկում ենք նաև Բախմուտի հայ կանանց կոմիտեի ցամակի պատճենը:

Փոխնախագահ Բյուրոյի  
**N 78** Զ.Խունունց

**ՀԱՅՈՑ ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ԿՈՎԿԱՍԻ ՀԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹՅԱՆ ԽՈՐՀՐԴԻՆ՝ ՄԱՅԿՈՊԻՑ ՈՒ ԹԵԼԱՎԻՑ ՀԱՅ ԿԱՄԱՎՈՐՆԵՐԻ ՕԳՏԻՆ**

\* Նամակի պատճենը գործում չի պահպանվել:

**ՆՎԻՐԱԲԵՐՎԱԾ ԳՈՒՄԱՐԻ ԵՎ ԻՐԵՐԻ ՍՏԱՑՄԱՆ ՎԵՐԱԲԵՐՅԱԼ ԲՅՈՒՐՈՅԻՆ ՏԵՂԵԿՈՒԹՅՈՒՆՆԵՐ ՏԱԼՈՒ ՄԱՍԻՆ**

4 մարտի 1915թ.  
Թիֆլիս

Բյուրոն յուր փետրվարի 12-ի գրությամբ դիմել է Խորհրդիդ և խնդրել Մայկոպի շրջանի՝ նվիրատուներից ստացած գումարի մասին տեղեկություն տալ. եթե ստացել եք այդպիսի գումար, Բյուրոյին հասցնել: Սակայն միևչև այժմ պատասխան չի ստացել [Բյուրոն]:

Նաև փետրվարի 21-ի գրությամբ դիմվել է Խորհրդիդ, որպեսզի Թելավից հայ կամավորների օգտին ուղարկած 150 զույգ գուլպան հասցնեք Բյուրոյին:

Թելավից կրկին և կրկին դիմում են Բյուրոյին և տեղեկություն խնդրում այդ իրերի ստացման մասին. սակայն Ձեր լռության պատճառով Բյուրոն հնարավորություն չունի նրանց պատասխանել:

Բյուրոն խնդրում է իրեն անհարմար դրության մեջ չդնել և վերոհիշյալ գրություններին պատասխանել:

Փոխ-նախագահ Բյուրոյի Զ.Խունունց

ՀԱԱ, Ֆ.228, ց.1, գ.116, ք.63: Բնագիր: Ձեռագիր:

**N 79**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ԱՌԱՋԻՆ ՀԱՄԱՇԽԱՐՀԱՅԻՆ ՊԱՏԵՐԱԶՄԻՑ ՎՆԱՍՎԱԾՆԵՐԻՆ՝ ՕԳՆՈՂ ՀԱՅՎԱԿԱՆ ԿԵՆՏՐՈՆԱԿԱՆ ՀԱՆՁՆԱԺՈՂՈՎԻՆ՝ ՎԵՐՋԻՆԻՍ ՄԻՋՈՑՈՎ ՈՒՂԱՐԿԱԾ ԻՐԵՐԸ ՍՏԱՆԱԼՈՒ ՄԱՍԻՆ**

9 մարտի 1915թ.  
Թիֆլիս

Բյուրոն ստացավ կոմիտեիդ միջոցով մեզ ուղարկված հետևյալ իրերը:  
Ղզլարից՝ - երեք արկղ. 46 տաք շապիկ, 40 տաք ժիլետ, 54 տաք վարտիկ, 10 շարֆ և 3 զույգ գուլպա:

Կոկանդից – մեկ արկղ. 77 հատ շլեմ, 27 զույգ կտորից թևնոց և 7 պարկ նվեր:

Իրերի ստացման մասին հայտնված է նվիրատուներին:

Փոխ-նախագահ Բյուրոյի Ալ.Խատիսյան

ՀԱԱ, Ֆ.28, ց.1, գ.116, ք.68: Բնագիր: Ձեռագիր:  
**N 80**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ԱՌԱՋԻՆ ՀԱՄԱՇԽԱՐՀԱՅԻՆ ՊԱՏԵՐԱԶՄԻՑ ՎՆԱՍՎԱԾՆԵՐԻՆ՝ ՕԳՆՈՂ ԿԵՆՏՐՈՆԱԿԱՆ ԿՈՄԻՏԵԻՆ՝ ԻԳԴԻՐՈՒՄ ԳԱՂԹԱԿԱՆՆԵՐԻ**

\* Այս և մյուս ընդգծումները բնագրիցն են:  
\* Ընդգծումները բնագրիցն են:

**ՎԵՐԱՊՈՐՏԻՆ ՈՒ ՀԱՍՏԱՏՎԵԼՈՒՆ ՆՊԱՍՏՈՂ ՀԱՆՁՆԱԺՈՂՈՎ ԱՏԵՂԾԵԼՈՒ ՀԱՐՑԻ ՄԱՍԻՆ**

14 մարտի 1915թ.  
Թիֆլիս

Բյուրոն Իգդիրից պ. Մ. [իրական] Տիգրանյանից ստացել է մարտի 6-ի թվակիր մի գրություն, որի մեջ պ. Տիգրանյանը հաղորդում է հետևյալը.

«Իմ գրավոր միջնորդության համաձայն Կովկասյան զորաբանակի Դ-րդ կորպուսի հրամանատարը բարեհաճեց հաստատել Իգդիրում կազմակերպելու և գործելու գաղթականների վերադարձին նպաստող մի հանձնաժողով, որի մեջ մտնում են նույն կորպուսի շտաբի ներկայացուցիչը, գավառական բժիշկը, հողատեր-գյուղատնտես Վարդգես Քազանունին և տեր Ստեփան ք[ահանա] Տեր-Թովմասյանը: Հիշյալ հանձնաժողովը պատրաստ է կատարել գաղթականների վերադարձին, երկրում հաստատվելու ու տնտեսությունը վերականգնելուն վերաբերյալ գործառնություններ»:

Հանձնաժողովի հասցեն է՝ Игдир, Сааку Матиняну.

Փոխ-նախագահ Զ.Խունունց

ՀԱԱ, Ֆ.28, ց.1, գ.116, ք.76: Բնագիր: Ձեռագիր:

**N 81**

**ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ՍՓՅՈՒՌԱԲԱՅՈՒԹՅԱՆ ՇՐՋԱՆՈՒՄ ԾԱԳԱԾ ՆԵՐՀԱԿՈՒԹՅՈՒՆՆԵՐԻ ԵՎ ԴՐԱՆՑ ՎԵՐԱՑՄԱՆ ՀԱՄԱՐ ՎԵՐԱՓՈՒԻ ՄԻՋԱՍՏՈՒԹՅԱՆ ՄԱՍԻՆ**

1 ապրիլի 1915թ.  
Թիֆլիս

Վեհափառ Տե՛ր,

Ազգային Բյուրոն ստացավ Ձերդ վեհափառության դիվանի միջոցով Ռումանիո Կոստանցա քաղաքի թաղական խորհրդի գրությունը իրենց շրջանի կուսակցական գծողության մասին: Նման գանգատներ թե՛ բերանացի և թե՛ գրավոր ստացած է նաև Ազգային բյուրոն, որոնցից երևում է, որ այդ ներհակությունը նկատվում է ոչ միայն Ռումանիա, այլև ուրիշ վայրերում Եգիպտոս և հատկապես Ամերիկա: Ամերիկայում ծագած տարածայնության մասին Ազգային բյուրոն ևս մի գրությամբ դիմել էր Ձերդ Վեհափառության Ձեր բարձր աջակցությունը խնդրել այս աղետավոր ընթացքին վերջ տալու համար:

Ազգային բյուրոն, սկսած [1914թ.] դեկտեմբերի սկզբներից, մի քանի անգամ հայտնել էր Ռումանիա, որ կամավորներ չուղարկեն, քանի որ կարիք չկա. մեր դիմումները մնացին անհետևանք: Դիմեց թեմի սրբազան առաջնորդը. նույնպես ապարդյուն: Հատուկ գրությամբ մարդ ուղարկվեց Ռումանիա. անհետևանք մնաց այդ քայլն ևս: Մեր ստացած տեղեկությամբ այդ ներհակ հետևանք է ոմանց այն համոզման, որ Ազգային բյուրոն հանդիսանում է մի մասնավոր խմբակի և ոչ համազգային հիմնարկություն:

Նկատելով, որ ներկայումս ավելի քան երեկիցե անհրաժեշտ է, որ բովանդակ ազգը գործի միաբան և միասիրտ, որ վերանան ամեն պառակտում և ներհակություն

ազգի միջից, Ազգային բյուրոն ուրիշ ավելի ազդու հնար չի գտնում այս ծախսորդ վիճակի վերացման համար, քան Ձեր Վեհափառության հեղինակավոր խոսքը: Եթե Դուք հորդոր կարդաք ի սփյուռս աշխարհի հայության գալ համերաշխության, ճանաչել մի ղեկավար մարմին, նպաստները մի տեղ կենտրոնացնել և գործել միասնաբար ու համերաշխ – Ձեր հայրական խրատն ու հորդորը կանե իր բարերար ազդեցությունը, կմբերանե չարախոսներին, կսանձե զարտուղի ընթերցողներին և կզսպե բաժան գործելու հակումը:

Ուստի Բյուրոն խոնարհաբար խնդրում է Ձերդ վեհափառության, ի շահ ընդհանուր գործի վերոհիշյալ իմաստով հորդոր կարդալ հայության գործելու համերաշխ և միասնաբար, հոգուտ և ի փրկություն տառապյալ հայ ժողովրդի:

Ձերդ վեհափառության  
խոնարհ որդիք՝

Փոխնախագահ Ազգային բյուրոյի  
Ի տեղի քարտուղարի

Հովսեփ Խունունց  
Ա.Պապովյան

ՀԱԱ, Ֆ.57, ց.1, գ.28, ք.152-153: Բնագիր: Ձեռագիր:

**N 82**

**ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ԱՐԵՎՍՏԱԲԱՅՈՒԹՅԱՆ ԿՈՏՈՐԱԾՆԵՐԻ ԱՌԱՋ ԱՌՆԵԼՈՒ ԲՅՈՒՐՈՅԻ ԶԵՆԱՐԿՈՒՄՆԵՐԻ ՄԱՍԻՆ**

4 ապրիլի 1915թ.  
Թիֆլիս

Վեհափառ Տե՛ր,

Երեկ Տիֆլիսում ստացված հետևյալ հեռագիրը Սոֆիայից (Բուլղարիա).

«Սիստեմատիկ կոտորածներ՝ Էրզրում, Դերջան, Ձեյթուն ու շրջականներ: Արյունահեղ ընդհարումներ՝ Բաղեշ, Վան, Մուշ: Ապստամբություն՝ Կիլիկիա: Բռնություններ, թալան, սպանություններ՝ Ակն ու Փոքր Հայք: Տնեսական ավերում ամբողջ ազգաբնակչության: «Ազատամարտը»՝ դադարեցված, խմբագիրներից մեկը՝ աքսորված Անգորա: Բողոքեցե՛ք չեզոք պետությունների առաջ ընդհանուր կոտորածն արգելելու համար»:

Հեռագիրը, ձեռքից-ձեռք անցնելով, բուռն հուզում առաջ բերեց հասարակության մեջ և Ազգային բյուրոն պարտք համարեց անմիջապես դիմել Կովկասի փոխարքային երկու նպատակով. ա) տեղեկանալ, թե ո՞ր աստիճան ստույգ է հեռագրի հաղորդումը և բ) իմանալու, թե ի՞նչ օրինական միջոցների կարելի է դիմել կոտորածի առաջն առնելու համար: Պարզվեց, որ հեռագրի հաղորդած սոսկալի լուրը, դժբախտաբար, միանգամայն ճիշտ է: Ինչ վերաբերում է երկրորդ հարցին, կոմս փոխարքայի կարծիքն այն է, որ Դուք Վեհափառ Տե՛ր, իբրև միակ ներկայացուցիչ ու հոգատար ամբողջ հայ ազգի, հաճեք արտաքին գործոց նախարար պ.Ասազունովի միջոցով դիմում անել Հյուսիսային Ամերիկայի Միացյալ Նահանգների նախագահ պ.Վիլսոնին և Ն.Ս.՝ Իտալիայի Վիկտոր-Էմանուել թագավորին, որպեսզի նրանք և իրենց կառավարությունները, հանուն մարդկության և քրիստոնեության, անհապաղ և

\* Նորին մեծություն:

կտրուկ ճնշում գործ դնեն Պոլսում արդեն սկսված Մեծ աղետին վերջ դնելու և գալոք, թերևս ավելի մեծ աղետների առաջն առնելու համար:

Ապա կոմս փոխարքան հայտնեց, որ ինքը հեռագրով տեղեկացրել է արդեն պ.Սազոնովին թուրքահայաստանում կատարվող անցքերի մասին և ավելացրեց, որ եթե Դուք, Վեհափառ Տեր, պատշաճ համարեք անել վերոհիշյալ դիմումը, փոխարքան իր կողմից կմիջնորդե, որ Ձեր դիմումին անարգել ու բարեհաջող ընթացք տրվի:

Ձեկուցանելով Ձերդ վեհափառությանը այս ամենը, Ազգային բյուրոն հուսով է, որ Ձեր հեղինակավոր ձայնը անլսելի չի մնա և որ երկու Մեծ պետությունների՝ Ամերիկայի ու Իտալիայի միջնորդությունը եթե ոչ բուլղորովին, գեթ մասամբ կզսպե այն ոճրագործ ձեռք, որ այսօր կրկին ու կրկին ներկվում է մեր հարազատների անմեղ արյունով:

Ձերդ վեհափառության ամենախոնարհ որդին

Փոխնախագահ Բյուրոյի  
Քարտուղար

Հովսեփ Խունունց  
Հովհ.Սպենդիարյան

ՀԱԱ, Ֆ.57, ց.5, գ.28, թթ.156-157 հակ.: Բնագիր:Ձեռագիր:

**N 83**

**ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԴԻՎԱՆԻՆ՝ ԽԱՅ ԿԱՄԱՎՈՐՎԱԿԱՆ ԽՄԲԵՐԻ ԿԱԶՄԱԿԵՐՊՄԱՆ ՆՎԻՐԱՏՎՈՒԹՅՈՒՆՆԵՐԸ ՊԱՇՏՈՆԱԿԱՆ ՀԻՄՔԵՐԻ ՎՐԱ ԴՆԵԼՈՒ ՄԱՍԻՆ**

11 ապրիլի 1915թ.  
Թիֆլիս

Ազգային բյուրոյի վերջին ժամանակ հասնում են լուրեր, որ մի քանի անհայտ անձինք Հնչակյան կուսակցության անունից դրամական ժողովարարություն են անում հայաբնակ տեղերում իբրի հայ կամավորների խմբեր կազմակերպելու և նրանց պատերազմի դաշտն ուղարկելու համար: Այդ պատրվակով նրանց հաջողվել է մի հայկական գաղութում նշանավոր գումարներ զանձել միամիտ հայերից, որոնք հավատալով այդպիսի մուք անձանց ստահող հավաստիացումներին, առատ նվիրաբերություններ են արել այդ նպատակի համար: Դժբախտաբար եղել են նաև բռնության դեպքեր, որոնց ենթարկվել են այդ ապօրինի ժողովարարության դեմ բողոքները:

Սրանով Բյուրոն դիմելով իր տեղական մարմիններին, խնդրում է հայտնել ամեն տեղ ի գիտություն հայ հասարակության, որ հայ կամավորական խմբեր կազմակերպողը և նրանց պետքերի մասին հոգացողը է միայն Ազգային բյուրոն, որն ընտրված է Ռուսահայ ժողովրդից պատգամավորական համագումարում: Միայն նա է, որ ունի իրավունք դրամական նվիրատվություններ հայ կամավորների կազմակերպության համար ինքը, իբրև հաստատություն, կամ այդ նպատակի համար իր նշանակած լիազորների միջոցով: Բացի Բյուրոյից ոչ մի այլ կազմակերպություն կամ խմբակցություն կամ և առավել մասնավոր անձինք չունեն իրավունք այս կամ այն քաղաքական կուսակցության անունից դրամական ժողովարարություն անել վերոհիշյալ նպատակի համար:

Հ.Կ.Ազգային Բյուրո

ՀԱԱ, Ֆ.57, ց.1, գ.102, թ.7: Բնագիր: Ձեռագիր:

**N 84**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՓՈԽՆԱԽԱԳԱՀԻ ԳՐՈՒԹՅՈՒՆԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ԱՐԵՎՄՏԱՀԱՅՅԵՐԻ ԿՈՏՈՐՈՇՆԵՐԻ ԱՌԱՋՆ ԱՌՆԵԼՈՒ ԵՎ ՆՐԱՆՑ ՊԱՇՏՊԱՆՈՒԹՅԱՆ ԳՐԾԻՆ ԱՋԱԿՑԵԼՈՒ ԽՆԴՐՈՎ ՄԵԾ ՏԵՐՈՒԹՅՈՒՆՆԵՐԻՆ ԴԻՍՈՒՄՆԵՐ ԱՆԵԼՈՒ ԵՎ ԲՅՈՒՐՈՅԻ ՆԵՐԿԱՅԱՑՈՒՑԻՉՆԵՐ ԲԺ. ԶԱՎՐԻՅԱՆԻՆ ԵՎ Ա.ՂՈՒԿԱՅԱՆԻՆ ԼԻՎՁՈՐՈՒԹՅՈՒՆՆԵՐ ՏԱԼՈՒ ՄԱՍԻՆ**

16 ապրիլի 1915թ.  
Թիֆլիս

Վեհափառ Տեր,  
Ամսույս 13-ին ստացանք բժ. Զավրիյանից հետևյալ հեռագիրը:

«Անկարելի է գործել առանց կաթողիկոսի քավարար լիազորության: Ժամանակ վաստակելու համար խնդրեցեք հեռագրով նախարարության հեռագրել Լոնդոնի դեսպանին լիազորություն [տալու] Աբրահամի և ինձ համար: Ամմիջապես հեռագրեցեք ձեռք առնված միջոցների մասին: Զավրիս»:

Իսկ Տաճկահայաստանից ամեն օր նոր տեղեկություններ են գալիս այնտեղ կատարվող սոսկալի դեպքերի մասին: Դրությունն այնպես է, որ եթե արտաքին միջամտություն ուշանա, երկիրը կարող է վերջնականապես ավերվել, և ժողովուրդը բնաջինջ լինի:

Նկատի առնելով այս ճգնաժամը ու գիտակցելով այն մեծ պատասխանատվությունը, որ ընկնում է մեզ վրա հանդեպ մեր տաճկահայ եղբայրների անհրաժեշտ համարեցինք հեռագրել վսեմափայլ Պողոս Նուբար փաշային հետևյալը.

«Խնդրում ենք հեռագրեք, ե՞րբ եք մտադիր մեկնել Եվրոպա. կրիտիկական վայրկյանը պահանջում է Ձեր անհապաղ ներկայությունը: Ազգային բյուրոյի ներկայացուցիչներ Զավրիսն ու Ղուկասովը անհամբեր սպասում են Ձեզ Լոնդոնում»:

Միևնույն ժամանակ հեռագրեցինք բժ. Զավրիյանին.

«Հեռագրել ենք նուբարին, որ շտապի Եվրոպա գալ: Լիազորության համար նորից դիմում ենք կաթողիկոսին: Թուրքիայում հայկական նոր կոտորածների առթիվ աշխատեցեք կազմակերպել Եվրոպայում հասարակական շարժում՝ ազդելու կառավարությունների վրա, եռանդուն միջոցների դիմեն կոտորածը կանգնեցնելու համար»:

Ձեկուցանելով Ձերդ վեհափառության այս մասին, կրկին անգամ խոնարհաբար խնդրում ենք, որ մինչև Պողոս Նուբար փաշայի Եվրոպա հասնելը բարեհաճեք լիազորություն տալ բժ. Զավրիյանին և պ. Ղուկասյանին՝ դիմումներ անելու պետություններին և պաշտպանություն աղերսելու կոտորվող թուրքահայերի համար:

Ձեր վեհափառության ամենախոնարհ որդիք՝  
Փոխնախագահ Ազգային բյուրոյի

Փոխնախագահ Ազգային բյուրոյի  
Ի տ. Քարտուղարի

Հովսեփ Խունունց  
Հակ.Քոչարյան

ՀԱԱ, Ֆ.57, ց.5, գ.28, թթ. 161-162: Բնագիր: Ձեռագիր:

**ՀԱՍՏՈՐՈՑ ՏԵՂԵԿԱԳԻՐ ԱՁԳԱՅԻՆ ԿԵՆՏՐՈՆԱԿԿԼ ԲՅՈՒՐՈՅԻ 1914-1915ԹԹ. ԳՈՐԾՈՒՆԵՈՒԹՅԱՆ\***

20 մայիսի 1915թ.

Ազգային կետնորոնական բյուրոն վերջին համագումարում ընտրված կազմով, շարունակելով իր գործունեությունը ներկա ծանր հանգամանքներում, կենտրոնանում է իր ամբողջ ուշադրությանը հետևյալ խնդիրների վրա.

ա) Հայ կամավորական խմբերի կազմակերպությունը, պահպանությունը և նրանց քանակի ավելացումը ըստ չափու կարևորության և պահանջի.

բ) Հայ ժողովրդի ինքնապաշտպանությունը այն վայրերում, ուր նրան առավելապես վտանգ է սպառնում թշնամաբար վերաբերվող տարրերի կողմից.

գ) Բանակցություններ ռուս զինվորական և քաղաքացիական իշխանությունների հետ վերոհիշյալ խնդիրների բարեհաջող կարգավորման համար.

դ) Դրամական նվիրատվությունների հանգանակումը այլևայլ հայաբնակ քաղաքներում և վայրերում հայ կամավորական խմբերի պահպանության համար:

Բյուրոյի գլխավոր հոգատարության առարկան էր և շարունակում է մնալ մինչև այսօր հայ կամավորների գործունեությունը և նրանց պահպանությունը Հանձնահայաստանի ռազմաշրջանում:

Ռուս կառավարությունը կամավորական խմբերի համար մատակարարում է միայն զենք ու զինական պաշար, իսկ նրանց նյութական և այլ անհրաժեշտ պիտույքների գոյացումը հայթհայթվում է Բյուրոյի դրամական միջոցներից, համաձայն նախապես կազմված նախահաշվի, իսկ այդ միջոցները գումարվում են այլևայլ հայաբնակ տեղերից ստացված դրամական նվիրատվություններից հատուկ այդ կապի համար:

Հայ կամավորների թիվը հասնում է 5.000-ի. նրանք հինգ խմբերի վրա են բաժանված, յուրաքանչյուր խումբ՝ առանձին խմբապետի հրամանատարության տակ:

Բայց վերջին ժամանակ խմբերի կազմակերպության մեջ փոփոխություն տեղի ունեցավ, որով երկրորդ, երրորդ, չորրորդ և հինգերորդ խմբերը միանալով բաժանվեցին երեք հազարյակի կամ բատալյոնի՝ Դրոյի, Քեռու և Համազասպի հրամանատարության տակ:

Այդ երեք բատալյոնները միացած կազմեցին մի գունդ - Հայկական Արարատյան գունդը Վարդանի ընդհանուր հրամանատարության տակ:

Այդ գունդը ապրիլի վերջին հանդիսավոր պարադից և եկեղեցական մաղթանքից հետո երևանում, շարժվեց ռուս զորքերի հետ միասին դեպի սահմանը, ամեն տեղ ճանապարհին ոգևորված հայ ժողովրդի ողջերթը ստանալով, և ապրիլի 20-ին անցնելով ռուս-տաճկական սահմանը, դիմեց կռվի դաշտը, միշտ գտնվելով ռուս բանակի առաջավոր կարգերում: Կռվով անցնելով Ապաղայի դաշտը, գունդը ապրիլի 27-ին հասնում է Բերկրի՝ դեպի Վան ուղևորվելու համար, և ընդհարվում է շարունակ մեծաքանակ թուրք հրոսակների հետ, հաջողությամբ ետ մղելով թշնամու ուժերը:

Մայիսի 8-ին հեռագիրը ավտեց յուրաքանչյուր հայի համար անձկալի լուրը, թե Վանը վերցրել է մեր գունդը: Գե՛ն. Օգանովսկու և Նիկոլանի քաջալերիչ գովասանքները լավագույն վկայություններն են հայկական զնդի ցույց տված անձնվեր գործունեության պատերազմի դաշտում:

\* Վերնագիրը փաստաթղթին է:

Անդրանիկի գունդը (1.200 կամավոր) գործում է առանձին, Պարսկաստանում, զեն. Չեռնոգուբովի բանակում: Թավրիզ, Մարանդ, Խոյ, Դուզ-դաղ՝ ահա այն տեղերը, որ մեր կամավորները ջերմ աջակցություն են ցույց տվել ռուս զորքերին: Ապրիլ ամսի 18-ին Անդրանիկի գունդը մասնակցում է Դիլմանի հայտնի կռվում, ուր համառ դիմադրություն է ցույց տալիս թշնամուն, հնարավորություն տալով ռուս զորքի նահանջին, որը հետո փառավոր ջարդ տվեց թշնամուն: Այդ կռվից հետո գունդը շարժվեց դեպի առաջ և Խանասուրից անցնելով, պիտի ուղևորվի Վան, ուր միանալու են բոլոր հայ կամավորները:

Բյուրոն, ջանելով ավելացնել մեր ռազմիկ ուժերի քանակը, միշտ բանակցությունների մեջ է զինվորական իշխանությունների հետ՝ թե՛ կամավորների թիվն ավելացնելու համար, հասցնելով վերջինը 10 հազարի, և թե՛ ավելացրած թվի համար զենք ստանալու: Չնայելով ռուս զինվորական շտաբի ցույց տված բարյացակամության, Բյուրոն, սակայն, իր ձգտումների մեջ մինչև վերջին ժամանակ խոչընդոտների էր հանդիպում ընդհանուր զենքի պակասության պատճառով, որով առարկում էր շտաբի զինվորական վարչությունը հանդեպ մեր դիմումներին: Բայց վերջին ժամանակ ստացված է ռուս զինվորայլ ուժերի օգոստ[ոս]ափառ հրամանատարից թույլտվություն նոր չորս կամավորական խմբեր կազմելու համար և հավանական է, որ այդ թույլտվության հետ միասին կստացվի և ավելացրած խմբերի համար պատշաճավոր թվով զենք, որով հայ զինվորական կամավորությունը կկազմի մի պատկառելի ռազմական ուժ:

Արձանագրելով այս տեղեկագրում հայ կամավորական խմբերի կատարած ազգաշահ գործը, Բյուրոն չի կարող երախտագիտությամբ չհիշել և այն մեծ ծառայությունը, որ նրանք մատուցեցին հայ տառապյալ ժողովրդին, ուղեկցելով դեպի կովկասյան սահմանը Տաճկաստանի և Պարսկաստանի մեր տարաբախտ գաղթականներին: Այդ թշվառները պատերազմի սարսափներից փախչելով, կարող էին ճանապարհին թուրք և քուրդ հրոսակների հարձակումներին ենթարկվել և կոտորվել առանց խտրության սեռի և հասակի, եթե հայ կամավորների կողմից չգտնեին պաշտպանություն և հայրախնամ հոգատարություն:

Ինչ վերաբերում է հայ ժողովրդի ինքնապաշտպանության խնդրին, Ազգային բյուրոն պատիվ ունի խոնարհաբար զեկուցանելու, որ ռուս-տաճկական պատերազմը հայտարարվելուց հետո, երբ հայ երիտասարդ ուժերը հեռացան պատերազմի դաշտը, տեղական հայ ժողովրդի դրությունը ծանրացավ և տեղ-տեղ, համաձայն զանազան վայրերից հասած տեղեկությունների, նույնիսկ վտանգավոր կերպարանք ստացավ: Բյուրոն ի դեմս իր ներկայացուցիչների դիմեց Կովկասի բարձրագույն իշխանության, խնդրելով թույլ տալ որոշ տեղերում զինել հայ անպաշտպան ժողովուրդը իրեն ապահովելու համար շրջապատող ավազակաբարո տարրերից, սակայն իշխանությունը թե՛ ավելորդ զենք չունենալու պատճառով և թե՛ մյուս կողմից չկամենալով զինել հայերին, զրգռել հարևան ժողովուրդները, թողեց անկատար Բյուրոյի դիմումը:

Բյուրոն նախ փորձ արեց պատերազմի արհավիրքներից վնասված տաճկահայերի վիճակը թեթևացնելու ռուս զորքերի միջոցով նվաճված տեղերում, ուր ժողովրդի կենսական պետքերի համար ո՛չ հոգացող, ո՛չ միջնորդ ու բարեխոս կա զինվորական իշխանության առաջ: Այդ տեղերի հայերի դրությունը շատ ծանր է, եթե նկատի առնել այն, որ նրանք անգիտակ ռուս լեզվին և ռուս վարչության մեջ ընդունված կարգերին, հնարավորություն չունեին առանց հասկացող միջնորդի դիմումներ անել հարկավոր դեպքերում ռուս զինվորական իշխանության: Կարևոր նշանակություն վերընձայելով այդ խնդրին, Բյուրոն դիմեց զինվորական հրամանատարին, խնդրելով թույլ տալ գործել այդ տեղերում ինտելիգենտ անձերից կազմած քաղաքացիական խմբերին, հատկացնելով նրանց սուսկ միջնորդի և բարեխոսի դեր գյուղացիների կացության վերաբերյալ այլևայլ խնդիրները

կարգավորելու համար իշխանության գիտությանը: Ստանալով այդ թույլտվությունը, Բյուրոն կազմակերպեց այդպիսի քաղաքացիական խումբ, նշանակելով նրա կառավարիչ ըստ ամենայնի վստահելի և ինտելիգենտ անձնավորություն: Խումբը արդեն սկսել էր իր արդյունավետ գործունեությունը Ալաշկերտի, Բայազետի և Ղարաքիլիսայի շրջաններում, երբ ռուս զորքի գլխավոր հրամանատարը զինվորական տեսակետից գտավ, որ ամթույլատրելի է այդպիսի քաղաքացիական խմբերի գործունեությունը ռազմաբեմի շրջանում, որից հետո խումբը հետ կանչվեց և ժամանակավորապես կազմալուծվեց:

Բյուրոյի գործունեության ընթացքում երբեմն ծագում էին և այդպիսի խոշոր ազգային-քաղաքական խնդիրներ, որոնք կարող էին ընթացք ստանալ միայն Ձերդ օժույթի գիտությանը և հավանությանը և այդպիսի դեպքերում ազգի Վեհը իր գրավոր դիմումները ինքը իր կողմից ուղղում էր բարձրաստիճան անձանց:

Երբեմն էլ Բյուրոն, ինչպես Ձերդ օժույթանը ևս հայտնի է, որոշ դեպքերում հանձնարարություն էր տալիս պետական դումայի անդամ պ.Միքայել Պապաջանյանին ընթացիկ կարևոր խնդիրների մասին բանակցության մեջ մտնել Պետրոգրադի բարձրագույն վարչության պաշտոնյաների հետ:

Սա է ընդհանուր ուրվագիծը Ազգային բյուրոյի գործունեության 1914/15 թվականների ընթացքում, որի մասին Բյուրոն իր խոնարհ որդիական պարտքն է համարում զեկուցանել Ձերդ վեհափառության, կցելով ներկա տեղեկագրին նաև Բյուրոյի դրամարկղի մուտևեղից համառոտ հաշիվը 1914թ. սեպտեմբերի 10-ից մինչև մայիսի 1-ը 1915թ.:

Հայկական ազգային կենտրոնական  
բյուրոյի փոխնախագահ

Հ.Խունունց

ՀԱԱ, Ֆ.57, ց.5, գ.28, ք.174-176: Բնագիր: Ձեռագիր:

**N 86**

**Հ Ա Շ Ի Վ**

**ՀԱՅԿԱԿԱՆ ԿԵՆՏՐՈՆԱԿԱՆ ԱԶԳԱՅԻՆ ԲՅՈՒՐՈՅԻ ԴՐԱՄԱՐԿՂԻ 1914Թ. ՍԵՊՏԵՄԲԵՐԻ 10-ԻՑ ՄԻՆՉԵՎ 1915Թ. ՄԱՅԻՍԻ 1-Ը ԿԱՏԱՐԱԾ ԾԱՆՍԵՐԻ**

Մուտք Ստացված է	Դրամարկը	Ելք Ծախսված է
1914թ. սեպտեմբերի 10-30	30.800	1914թ.սեպտ.10-30 26.112.62
- հոկտեմբերի 1-31	95.482.20	- հոկտ.1-31 79.525.75
- նոյեմբերի 1-30	119.266.33	- նոյեմբ.1-30 134.046.43
- դեկտեմբերի 1-31	138.004.30	- դեկտ. 1-30 69.919.04
1915թ. հունվարի 1-31	230.384.25	1915թ.հունվ. 1-31 192.190.68
- փետրվարի 1-28	125.116.25	- փետր. 1-28 73.361.05
- մարտի 1-31	77.970.28	- մարտի 1-31 111.920.80
- ապրիլի 1-30	191.561.11	- ապրիլի 1-30 65.570.93
	1.008.584.72	-1.008.72752.647.30
		մնացորդ առ 1 մայիսի
	-255.937.42	

\* Տե՛ս հաջորդ՝ N 61 փաստաթուղթը:

ՀԱԱ, Ֆ.57, ց.5, գ.28, ք.177: Բնագիր: Ձեռագիր:

**N 87**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՓՈԽՆԱԽԱԿԱԿՅԻ ԳՐՈՒԹՅՈՒՆԸ  
ԱՍԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ՊՈՐՈՒՉԻԿ ՋԱՆՖՈՒՂՅԱՆԻ  
ԿԱՄԱՎՈՐԱԿԱՆ ԽՄԲԻ ԳՐՈՒԹՅՈՒՆՆԵՐԻ ԹՅԱՆ ՄԱՍԻՆ**

10 հունիսի 1915թ.  
Թիֆլիս

Ձերդ Վեհափառություն.

Երբ ես ս.Էջմիածնում պատիվ ունեցա ներկայացնելու և զեկուցանելու Ձեզ Ազգային բյուրոյի գործունեության մասին, այդ ժամանակ խոսելով պ.Ջանփոլադյանի խմբի մասին, ես իմ ունեցած տեղեկությունների հիման վրա հայտնեցի Ձեզ, որ այդ խումբը վերջերս կազմալուծված էր:

Այժմ պորուչիկ Ջանփոլադյանը անձամբ գալով ինձ մոտ, հայտնում է, որ ճիշտ է, մի ժամանակ իր խումբը մոտ էր կազմալուծվելու, բայց հետո իրեն հաջողվեց կարգավորելու խումբը, և ներկայումս այդ խմբի մի մասն արդեն գտնվում է ռազմաբեմում, իսկ մյուս մասը պատրաստվում է և շուտով նույնպես կուղևորվի այնտեղ:

Համաձայն պ.Ջանփոլադյանի խնդիրքի, պարտք եմ համարում հաղորդել Ձերդ Վեհափառության այս տեղեկությունը, հնարավորություն չունենալով անձամբ ստուգելու այն:

Մնամ որդիական խոնարհությամբ՝

Փոխնախագահ

Հովսեփ Խունունց

ՀԱԱ, Ֆ.57, ց.5, գ.28, ք.182: Բնագիր: Ձեռագիր:

**N 88**

**Ս.ԷՋՄԻԱԾՆԻ ԳԼԽԱՎՈՐ ԿԱՐԳԱԴԻՐ ՀԱՆՁՆԱԺՈՂՈՎԻ ՆԱՄԱԿ ԱՍԵՆԱՅՆ ՀԱՅՈՑ  
ԿԱԹՈՂԻԿՈՍԻՆ ԱԶԳԱՅԻՆ ԲՅՈՒՐՈՅԻ ԵԿԱՏԵՐԻՆՈՂԱՐԻ ՄԱՍՆԱՅՈՒՂԻՑ ԵՎ  
ԴԱՐԱՔԱՆԻ ՀԱՅՈՑ ԹԵՄԻՑ ՊԱՏԵՐԱԶՄԻՑ ՏՈՒՄԱԾՆԵՐԻ ԵՎ ՀԱՅ ԳԱՐԹԱԿԱՆՈՒԹՅԱՆ  
ՕԳՏԻՆ ԱՌԱՔՎԱԾ ԳՈՒՄԱՐՆԵՐԸ ՎԵՉԱՓՈՐ ՀԱՅՐԱՊԵՏԻ ՏՆՕՐԻՆՈՒԹՅԱՆԸ  
ՀԱՆՁՆԵԼՈՒ ՄԱՍԻՆ**

7 հունիսի 1915թ.  
ս.Էջմիածին

Եկատերիմոդարի Հայոց ազգային կենտրոնական բյուրոյի ճյուղի նախագահ պարոն Տարասյանը փոխադրել է հօգուտ Վանի պատերազմից վնասվածների և երկիր վերադարձող հայ փախստական-զաղթականների 1255ր.50կ., փոխադրված է նաև Ղարաբաղի թեմի կառավարիչ Տ.Ջավին վարդապետի միջոցով կրկին նույն նպատակի համար 1220ր.85կ.:

Գլխավոր կարգադիր հանձնաժողովս շնորհ ունի ներկայացնելու ընդամենը նվիրաբերած հիշյալ գումարները, ընդամենը 2476ր.35կ. Ձերդ վեհափառության տնօրինություն:

Նախագահ Հանձնաժողովի  
Անդամներ

Եփրեմ Եպիսկոպոս  
Բագրատ Եպիսկոպոս  
Բաբկեն վարդապետ  
Մատթևոս Եպիսկոպոս

ՀԱԱ Ֆ.56, ց.7, գ.2197, ք.37: Բնագիր: Ձեռագիր:

**N 89**

**ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԴԻՎԱՆԻ ԳՐՈՒԹՅՈՒՆԸ ՀԱՅՈՑ  
ԱԶԳԱՅԻՆ ԲՅՈՒՐՈՅԻՆ՝ ՊՈՂՈՍ ՆՈՒԲԱՐԻՆ ԶԱՎՐԻՅԱՆԻ  
ՆԵՐԿԱՅԱՑՐԱԾ ԾՐԱԳՐԵՐԸ ԿԱԹՈՂԻԿՈՍԻՆ ՈՒՂԱՐԿԵԼՈՒ ՄԱՍԻՆ**

15 հուլիսի 1915թ.  
ս.Էջմիածին

Ազգիս Վեհափառ Հայրապետն ամսույս 9-ին ստացավ վսեմ. Պողոս փաշայից գրություն, որի մեջ, ի միջի այլոց, հիշված է. «Իրմե (դոկտոր Ջավրիյանե) ստացա Ձերդ վեհափառության հավանությամբ պատրաստված ծրագիր, որուն վրա պարտավոր եմ հիմնել իմ բանակցությունները»: Վեհափառ Հայրապետը պատվիրեց դիվանին հայտնել Ձեզ, որ այդպիսի մի ծրագրից տեղեկություն չունի և ցարդ իրեն չէ ներկայացված: Դիվանս խնդրում է Ձեզ պարզել այդ թյուրիմացությունը և զեկուցանել Նորին Վեհափառության, արդյոք ի՞նչ ծրագիր է, ո՞վ է լիազորել բժ.Ջավրիյանին այդ ձևով հայտարարել Պողոս փաշային և միևնույն ժամանակ բարեհաճել բժ.Ջավրիյանի ներկայացրած ծրագրի պատճենը շուտով ուղարկել Վեհափառ Հայրապետին, քանի որ Պողոս փաշային անմիջապես պատասխան պիտի տրվի:

ՀԱԱ, Ֆ.57, ց.5, գ.28, ք.184-185: Բնագիր: Ձեռագիր:

**N 90**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ՊՈՂՈՍ ՆՈՒԲԱՐ ՓԱՇԱՅԻՆ ԲԺ.ԶԱՎՐԻՅԱՆԻ ՆԵՐԿԱՅԱՑՐԱԾ ԾՐԱԳՐԻ ՄԱՍԻՆ**

23 հուլիսի 1915թ.  
Թիֆլիս

Վեհափառ Տեր,  
Ձերդ Սրբության հրամանով դիվանի հուլիսի 18-ի հմ. 1107 գրությամբ անաջարկվում է Ազգային բյուրոյին բացատրել, թե ինչ ծրագիր է ներկայացրել բժ.Ջավրիյանը Պողոս փաշային, հայտնելով, թե այդ «Ձերդ Վեհափառության հավանությամբ պատրաստված ծրագիրն է, որի հիման վրա Պողոս փաշան պարտավոր է հիմնել իր բանակցությունները»:

Ազգային բյուրոյի կողմից պատիվ ունիմ հայտնելու, որ ինչպես ժամանակին բախտ է ունեցել զեկուցանելու Ձերդ սրբության Բյուրոն, բժ. Ջավրիյանը ուղարկվել է Փարիզ և Լոնդոն Հայկական խնդրի համար աշխատելու նպատակով մինչև Պողոս փաշայի այնտեղ ժամանումը, իսկ նրա գալուց հետո՝ նրան աջակցելու համար նույն խնդրում:

Ազգային բյուրոն իր պարտքն է համարել տալ բժ.Ջավրիյանին պատճենները այն գրությամբ, որ Ձերդ Վեհափառության կողմից Հայկական հարցի

վերաբերմամբ տրված են եղել կոմս փոխարքային, և նույնպես ստացված պատասխանների, որպեսզի այդ բոլորը նա ներկայացնի Պողոս փաշային՝ նրան իրազեկ կացուցանելու համար ամբողջ ունցած-դարձածի: Ուրիշ որևէ նոր ծրագիր Բյուրոն նրան չի հանձնարարել ներկայացնելու Պողոս փաշային:

Հավանորեն Պողոս փաշան ընդունել է իբրև այդպիսի ծրագիր, Ձեր հավանությամբ պատրաստված այն անաջարկը, որ արված է Ձերդ Վեհափառության վերջին գրության մեջ, այն է 1914թ. նոյեմբերի 8-ից հմ. 1720, որը մատուցված է կոմս փոխարքային Թիֆլիսում և որի մասին Ձերդ Վեհափառությունը բախտ ունեցավ անձամբ զեկուցանելու Նորին մեծության Նիկողայոս Բ կայսեր նոյեմբերի 29-ի ունկնդրության ժամանակ: Համենայն դեպս Բյուրոն իր կողմից դիվանի գրության անթիվ առանձին բացատրություն կխնդրի բժ.Ջավրիյանից:

Ձերդ ս.Օծության ամենախոնարհ որդի՝  
փոխնախագահ Ազգային բյուրոյի

Հովսեփ Խունունց

ՀԱԱ, Ֆ.57, ց.5, գ.28, ք.187: Բնագիր: Ձեռագիր:

**N 91**

**ՓԱՐԻԶԻ ԽԱՂԱՂՈՒԹՅԱՆ ԿՈՆԳՐԵՍԻ ՀԱՅՎԱԿԱՆ ՊԱՏՎՈՐԱԿՈՒԹՅԱՆ ՆԱԽԱԳԻ  
ՊՈՂՈՍ ՓԱՇԱՅԻ ՆԱՍԱԿԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ԱԶԳԱՅԻՆ ԲՅՈՒՐՈՅԻՆ՝  
ԻՐԵՆ ՈՒՂԱՐԿԱԾ ԾՐԱԳՐԻ ՎԵՐԱԲԵՐՅԱԼ ԻՐ ՆԿԱՏԱՌՈՒՄՆԵՐԻ ՄԱՍԻՆ**

22 օգոստոսի 1915թ.  
Փարիզ

Վեհափառ Տեր,  
Կփորձեմ պատասխանել Ձեր Վեհափառության 19 հուլիս անսաթիվ գրության, զոր այս վայրկյանին ստացա:

Պատասխանելով իմ 17 հունիս անսաթիվ նամակիս, որում ըսած էի, թե «Բարիզ հասնելուս պես գործը սկսա, ստանալով տոքթոր Ջավրիկի այն ծրագիրը, որ պատրաստված է Ձեր Վեհափառության հետ որում վրա պիտի հիմնեն իմ բանակցությունները», Ձեր ս.Օծությունը ինձ կհայտնե այժմ, որևէ ծրագիր չէ հանձնած և թե դեռ որևէ ծրագրի մասին իր հավանությունը չէ տված: Ձեր վեհափառությունը կհավելու, թե նկատի առնելով այս դեպքը, կխնդրեի, որ այսուհետև հավատք չընծայեմ (ի բացառյալ իր կոնդակներով կամ դիվանատան պաշտոնագրով եղածներին) բոլոր այն հայտարարությանց, որ այս կամ այն անձը կընե իր անվամբ:

Բնականաբար թյուրիմացություններ կան, որոնք պետք է ճշտել: Ձեր Վեհափառությունը կգրե, թե արդեն գրած է Թիֆլիսի Ազգային բյուրոյին բացատրություններ պահանջելու համար: Ես ալ իմ կողմես կուզամ խնդիրը ճշտել, որպեսզի Ձեր ս.Օծությունը կարենա պետք եղած լուսաբանություններ ունենալ:

Նավագույն է նախ ճշտորեն սահմանել տոքթ.Ջավրիկի դիրքը: Ձեր Վեհափառությունը 18 ապրիլին ինձ ուղղված հեռագրի մեջ, որում զիս կանվաներ իր Եվրոպիո ներկայացուցիչը, ինչպես նաև Ազգային պատվիրակության նախագահը, ինձ կըսե, որ «իմ ներկայությունս Լոնտրայի (ի նկատի ունի ք.Լոնդոն-կազմողներ) և Բարիզի մեջ անհրաժեշտ է», և կհավելուր իսկույն. «Մի քանի օր անաջ Ջավրիկը և Աբրահամ Ղուկասովը (ը) Բեթրոկրաթեն մեկնած են դեպի Բարիզ և Լոնտրա»: Այս հեռագրեն բնականաբար կհետևեր, թե Ջավրիկը և Ղուկասովը մեկնած էին իմ պաշտոնիս վերաբերյալ պատճառներով: Եվ հիրավի տոքթ. Ջավրիկ Լոնտրայեն



Բարիզ եկավ տեսնելու իմ ժամանման օրն իսկ և ինձ տեղեկություններ տվավ Ձեր Վեհափառության Կովկասի և Բեթրոկրատի մեջ կատարած բանակցություններու մասին, որոնք տեղի ունեցած էին իմ Ձեր ներկայացուցիչ անվանվելու առաջ: Պետք եմ դիմել տալ, որ 26 ապրիլին (9 մայիս) Ձեր վեհափառութենն 18 ապրիլի հեռագրեն զատ ուրիշ հաղորդագրություն մը չէր ստացած: Միայն ամիս մը վերջեն էր, որ 28 ապրիլին Ձեր 18 ապրիլ (1 մայիս) թվագիր կոնդակը ստացա:

Այդ տոքք. Ջավրիև ինձ տեղեկագիր մը հանձնեց, որ ինձ համար պատրաստած էր, որպեսզի զիս տեղյակ ընե Ռուսիո կացության վրա, ի մասին հայկական խնդրոն, ինչպես նաև խորհրդապահական նամակի մը պատճենը, որ Լոնտրայի ռուսական դեսպանին հանձնած էր, որում մանրամասնված էր Բեթրոկրատի մեջ սկզբամբ ընդունված ծրագիր մը: Այդ նամակը հետևյալ պարբերությունը կպարունակեր՝ զոր կարտատպեն, որովհետև Ձեր վեհափառության կվերաբերի. «Ան ի գիտություն հայտնելով Ձեր վստահության վերաբերյալ դեպքերը, պետք է մատնանշել, որ Բեթրոկրատի տեսակցությունը ծանոթ են միայն կաթողիկոսին և պատասխանատվության բաժին մը ունեցող հայերու կողմե նշանակված անձանց»:

Այս պայմաններու մեջ Ձեր վեհափառությունը չի պիտի զարմանա, երբ ես այդ ծրագիրը նկատեցի Ձեր հավանության արժանացած և անոր հիմնանց վրա գործի սկսա, հիմունքներ, որոնք պարզված էին Ռուսիո դեսպանին հանձնված նամակի մեջ, և որ զանոնք ընդունած էր առանց առարկության: Ի վերա այս անձնայնի կհավելեմ, որ որևէ պատճառ չունեի մերժելու այն ծրագիրը, որ պատվական կգտնեի և որում վրա հենվելով, ես ալ շատ նպաստավոր փաստեր կրցա գտնել: Այն փաստերն էին, որ իմ բանակցությանս մեջ, թե հոս և թե Լոնտրա, արժեցուցի և զորոնք պարզեցի Գաղղիո և Անգլիո արտաքին գործոց նախարարներուն ներկայացուցած հիշատակագիրներուն մեջ, որոնց պատճեններն ուղարկած են Ձեր վեհափառության: Անոնց մեջ միայն փոփոխություն մը ներմուծեցի, որ բացատրված է Լոնտրայի ռուսական դեսպանին հետ ունեցած տեսակցությանս մեջ, որուն տեղեկագրությունը ստացած է Ձեր վեհափառությունը, այն ալ թուրքիո գերիշխանության վերաբերյալ մասն է, որ ընդունված է Ջավրիևի ծրագրին մեջ: Միշտ հայտնած են, որ իբր հայ ես չեմ կրնա, նկատի առնելով բոլոր անցյալը, պահանջել կամ ընդունել Թուրքիո գերիշխանությունը, սույն խնդիրը պատերազմեն վերջ կրնա պետությանց կողմե լուծվի, մենք հարկադրված կըլլանք խոնարհիլ, եթե իրենք այնպես որոշեն:

Ահա տոքք. Ջավրիևի կողմե ինձ հանձնված ծրագրի պատկանող դեպքերուն ճշգրիտ մանրամասնությունը: Ձեր վեհափառությունը պիտի տեսնե, որ եթե այդ ծրագիրը կանխապես իր հավանության արժանացած չէ, դեռ անդամանալի դիմում մը չէ եղած, և ես կրնամ շարունակել այդ հիման վրա:

Մյուս կողմե «Մշակի» մեջ լույս տեսած հոդված մը հաղորդեցին, որ զրեթե բառացի կերպով կարտատպե Ձեր վեհափառության նամակին ծրագրի և Կենդրոնական պայտույթ պահանջած տեղեկությանց վերաբերյալ մասը: Կկարծեմ, թե այս տեսակ հրատարակություններ կվնասեն մեր դատին, ցույց տալով ազգին մեջ երկպառակություններ: Անոնք կարտատպվեն ուրիշ հայ թերթերու և երբեմն էլ եվրոպական թերթերու կողմե և կշահագործվին մեզ դեմ: Անոնք մեր աշխատությունը ոչնչության մատնելու վտանգին կենթարկվեն: Ես կկարծեմ, որ ընդհանրապես պետք ենք զգուշանալ լրագրական որևէ հրատարակութենն ի մասին մեր բանակցությանց, որոնք մինչև այսօր թուրքերը զայրացնելու բնույթ ունեցած են և զիրենք մղած են կրկնապատկելու իրենց անգթությունը և հալածանքները: Հետևաբար հանձնարարեցին իմ բարեկամներունս ետ կենալ ապագային պատվիրակության աշխատությանց վերաբերյալ որևէ ակնարկութեն կամ տեղեկութեն:

Տոքք. Ջավրիևի վերաբերյալ ուրիշ կետ մ ալ կուզեմ լուսաբանալ: Ստեպ ինձ խոսեցավ Ազգային պայտույթի և անոր սերտորեն աշխատակցելու պետքի մասին, - ինձ հասկցնել տալով նաև, թե այն Պյուրոն ընտրված էր բոլոր հայկական

կուսակցություններուն կողմե, և թե ես պետք էի ընդունել սույն Պյուրոյի ազգային գործերու վարչության մեջ մասնավոր դեր մը ունենալու իրավունքը: Միշտ մերժեցի զայն, պատասխանելով, որ ես ուղղակի կներկայացնեի Ձեր վեհափառությունը և Ձեր հետ միայն պետք էի հաղորդակցիլ պաշտոնիս վերաբերյալ ամեն գործի համար: Ավելցուցի, թե իբր ներկայացուցիչ Ձեր վեհափառության, ես չեմ պատկանիր և կամ չեմ կրնամ պատկանիլ որևէ կուսակցության, որ ես պետք եմ միշտ դուրս մնալ, բայց թե սիրահոժար կընդունին անխտիր որևէ կուսակցության աջակցությունը՝ Ազգային պատվիրակության գործին հօգուտ և ի շահ մեր ազգային դատին:

Նույնպես միևնույն իմաստով պատասխանեցի. ԿԱռաքելանի(ն), որ ինձ հեռագրած էր, թե Եգիպտոսի հնչակյանները և ռամկավարները իրեն գրած էին, թե որոշած են ինձ աջակցել և ինձ հետ համերաշխիլ, և ինձմե կխնդրեի հաստատել իմ այս մասին համաձայն ըլլալ:

Գալով տոքք. Ջավրիևի(ն), իմ պատասխանս զինքը չի գոհացուց, պնդեց, թե Ազգային պյուրոն Ձեր վեհափառության հետ սերտ աջակցությամբ, կներկայացնե Ռուսիո հայ ժողովրդի մեծամասնության միակ փափագը և միակ կամքը, և ոչ բնավ միայն դաշնակցականները, ինչպես կուզեն ենթադրել, այն կներկայացնե բոլոր կուսակցությունները: Ձիս ապահովուց, որ իրապես երկու դրոշակյան միայն անդամ են այդ Պյուրոյին: Բայց ես իմ հայտարարությանս վրա պնդեցի և կտեսնեմ Ձեր վեհափառության նամակեն, որ լավ ներշնչված էի: Օգտակար է սակայն, որ ապագային համար լավ կերպով տեղեկացած ըլլամ Ազգային պյուրոյի մասին և շնորհապարտ պիտի ըլլամ Ձեր վեհափառության, եթե բարեհաճի այդ մասին ինձ հաղորդել իր գաղափարն և հրահանգները: Կփափագիմ մանավանդ գիտնալ, թե ճիշտ է, որ Ձեր վեհափառությունը, ինչպես իմացած եմ, որ հովանավորությունը շնորհած է Պյուրոյին կամ անոր որևէ պաշտոն մը հանձնած է:

Ուրախ եմ ավելացնելու Ձեր վեհափառության, որ Եվրոպական մամուլը զանազան հոդվածներ հրատարակեց տաճկական կառավարության հայոց վրա ի գործ դրված անգթությանց դեմ: Պոլկարիո միջոցավ Պոլսո պատրիարքեն ստացած մեկ նամակս Անգլիո և Գաղղիո զանազան անձնավորությանց հաղորդեցի և բազմաթիվ կարևոր թերթեր անկե համառոտագրություններ հրատարակվեցին: Այս հրատարակությանց շնորհիվ հանրային կարծիքը օրըստօրե մեզ նպաստավոր կդառնա:

Այսօր իսկ Ազգային հիմնադրամի հանգանակութենն և Գրետի Լիոնեի միջոցով Ձեր վեհափառության ուղարկեցին 10.000 ռուբլի՝ կամավորներու համար, հետևաբար կհաստատեն հետևյալ հեռագիրը:

22 օգոստոս-Գրետի Լիոնեի միջոցավ կղրկեն Ձեզ 10.000 ռուբլի՝ կամավորներու համար՝ Ձեր վեհափառության ընտրության թողած:

Հուսամ, թե վեհափառությունը ստացած է նամակներս և հիշատակագիրներս, որ տոքք. Ջավրիևին հանձնած եմ, որ իր մեկնման առթիվ Ռուսիո դեսպանեն զանոնք դիվանագիտական պայուսակով փոխադրելու շնորհը ստացած էր: Ահա անոնց ցանկը, որպես Ձեր վեհափառությունը կարենա ստուգել:

1. Գաղղիերեն, 28 հուլիս ամսաթիվ նամակ մը և իր հայերեն թարգմանությունը
2. «29 հուլիս ամսաթիվ, երկրորդ նամակ մը և Ազգային հիմնադրամի հանգանակության հաշվոյն մի համառոտությունը, հայերեն թարգմանությամբ
3. Հիշատակագիր մը Գաղղիո և Անգլիո պետական անձանց հետ ունեցած տեսակցության համառոտությունով:

Տոքք. Ջավրիևի մեկնելեն քանի մը օր վերջը նշմարեցի, որ մոռացած էինք կցել նաև Գաղղիո և Անգլիո արտաքին գործոց նախարարներուն ներկայացուցած երկու հիշատակագրերուն պատճենները, հետևաբար փութացի զանոնք Ձեր վեհափառության ղրկել 8 օգոստոս ամսաթիվ նամակով մը:

Հուսամ, թե բոլոր այդ նամակները և զանազան գրությունները հասած են Ձեր Վեհափառության, որոնցմով այժմ պիտի տեղեկանաք ինչ որ կրցա ընել ցարդ:

Մատչելով ի համբույր

պատվական ս.աջոյր, մնամ

ամենախոնարհ որդի

23 օգոստոս 1915թ.

Պողոս Նուպար

Հ.Գ. - Այս վայրկենիս Տ.Առաքելյանն հեռագիր մը ստացա, ուրկէ կտեսնեն, որ թյուրիմացությունը «ծրագիր» բառն հառաջ կուգա: Հեռագիրը կըսէ, թե տոքթ. Զավրիկի կողմն ինձ ներկայացված բարենորոգման ծրագիրը Ձեր Վեհափառության հավանության չէ արժանացած: Այդ բնավ բարենորոգման ծրագրի խնդիր չէ եղած իմ 17 հունիս ամսաթիվ նամակիս մեջ. այն նամակով ես խոսած եմ մեր դիվանագիտական բանակցությանց ծրագրի մասին և ոչ բարենորոգման ծրագրի մը, զոր որչափ կհիշեմ, չէ պատրաստված ցարդ: Թյուրիմացությունը առաջ կուգա թարգմանութենն և մյմալ «ծրագիր» բառն, որ հայերեն կնշանակէ թե programme և թե project: Այս պատճառով հետ այսօրիկ նամակներուս հայերեն թարգմանության հետ զաղդիերեն բնագիրն ալ միասին պիտի դրկեն:

Պ.Ն

ՀԱԱ, Ֆ.57, ց.5, գ.19, ք.87-89: Բնագիր: Ձեռագիր:

N 92

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱՄԱԿԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ ՄԱՐԻՊՊՈՒԻ ՀԱՅՎԱԿԱՆ ԿՈՄԻՏԵՑԻ ՀԱՅ ՓԱԽՍԱԿԱՆՆԵՐԻ ՀԱՄԱՐ ԻՐ ՍՏԱՅԱԾ ԳՈՒՄԱՐԸ ԿԱԹՈՂԻԿՈՍԻ ՏՆՕՐԻՆՈՒԹՅԱՆՆ ԱՌԱՔԵԼՈՒ ՄԱՍԻՆ**

26 օգոստոսի 1915թ.  
Թիֆլիս

Այսու Ազգային բյուրոն տեղափոխում է Ձերդ Վեհափառությանը անունով Մարիոպոլի հայկական կոմիտեից ստացված յոթը հարյուր ռուբլին (700ր.) հօգուտ հայ փախստականների: Սրա հետ միասին ուղարկում ենք Թիֆլիսի առևտրական բանկի փոխադրատոմսը N 108582:

Փոխնախագահ Ազգային բյուրոյի

Հ.Խունունց

ՀԱԱ, Ֆ.56, ց.7, գ.2197, ք.361: Բնագիր: Ձեռագիր:

N 93

**ՀԱՅՈՑ ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ՀՆԴԿԱԴԱՅ ԳԱՐՈՒԹՈՒՄ ՀԱՆՔԱՆԱԿՈՒԹՅԱՆ ԳՈՐԾԻ ԿԱԶՄԱԿԵՐՊՄԱՆ ՄԱՍԻՆ**

2 սեպտեմբերի 1915թ.  
Թիֆլիս

Վեհափառ Տեր,

83

Աչքի առաջ ունենալով Ազգային բյուրոյի ստանձնաց գործի համար անհրաժեշտ խոշոր ծախքերը և այն հանգամանքը, որ Հնդկաստանի հայ գաղութը մինչև օրս շատ քիչ մասնակցություն է ցույց տվել Ազգային հանգանակությունների մեջ, Ազգային բյուրոն որոշել էր հրավիրել Թեհրանից դոկտոր Հարություն Տեր-Ստեփանյանին, որը լավ ծանոթ է այդ գաղութին, և հանձնարարել նրան Հնդկաստան, այնտեղի հայերի շրջանում Ազգային բյուրոյի դրած նպատակների համար հանգանակություն ձեռնարկել:

Ներկայումս, երբ մի նոր և սարսափելի աղետ եկավ ծանրանալու հայ ժողովրդի և հասարակական հիմնարկությունների վրա, Ազգային բյուրոյի նախագծած հանգանակության պահանջն ավելի ևս անհրաժեշտ է դառնում:

Ազգային բյուրոն դոկտոր Հ.Տեր-Ստեփանյանի Թիֆլիս գալուց հետո նորից խորհրդակցություն ունեցավ այդ խնդրի առթիվ և որոշեց այդ հանգանակությունից ստացված արդյունքի որոշ մասը հատկացնել գաղթականների օգտին, դնելով այն գումարը Ձերդ վեհափառության տրամադրության տակ:

Միևնույն ժամանակ Ազգային բյուրոն գտավ, որ գործի կատարյալ հաջողության համար շատ ցանկալի է, որ Բյուրոյի ներկայացուցչի հետ մի ազդեցիկ և կարող հոգևորական ևս ընկերանա՝ Ձերդ Վեհափառության կողմից նշանակված:

Ուստի սորանով Ազգային բյուրոն որդիաբար դիմում է Ձեզ և խնդրում է տալ Ձեր բարեհաճ օրհնությունը այս առաքելության հատուկ կոնդակով և նշանակել Ձեր կողմից մի հոգևորական ներկայացուցիչ՝ դոկտոր Հ.Տեր-Ստեփանյանին ընկերանալու համար:

Ձերդ ս.Օծուբյան ամենախոնարհ որդի՝  
Փոխնախագահ Բյուրոյի  
Քարտուղար

Հովսեփ Խոնունց  
Հակ.Քոչարյան

ՀԱԱ, Ֆ.57, ց.5, գ.28, ք.189: Բնագիր: Ձեռագիր:

N 94

**ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԴԻՎԱՆԻ ԳՐՈՒԹՅՈՒՆԸ ՀԱՅՈՑ ԱԶԳԱՅԻՆ ԲՅՈՒՐՈՅԻ ՓՈԽՆԱԽԱԿԱՆ ԳՐՈՒԹՅԱՆ ԿԱԶՄԱԿԵՐՊՄԱՆ ՆՊԱՏԱԿՈՎ ՀՆԴԿԱԴԱՅ ԳԱՐՈՒԹ ՊԱՏՎԱԿԵՐՊՈՒԹՅՈՒՆ ՈՒՂԱՐԿԵԼՈՒ ՀԱՐՑԻ ՄԱՍԻՆ**

6 սեպտեմբերի 1915թ.  
Ս.Էջմիածին

Ազգիս Վեհ.Հայրապետը ստացավ սեպտեմբերի 2 թվակիր Ձեր նամակը դոկտոր պ.Հարություն Ստեփանյանի ձեռքով: Հայտնում ենք, որ Ազգային բյուրոն նշանակել է դոկտոր պ. Հ.Ստեփանյանին իր կողմից ներկայացուցիչ Հնդկաստան ուղարկելու համար և խնդրում ենք Վեհափառ Հայրապետին նշանակել մի հոգևորական ներկայացուցիչ և տալ երկուսին Հայրապետական կոնդակ՝ ուղղված հնդկահայերին, որպեսզի հաջողությամբ կարողանան ժողովել նվերներ հօգուտ կամավորների ու գաղթական-փախստականների:

Վեհափառ Հայրապետը ծանոթանալով այդ գրության հետ և լսելով Ձեր ներկայացուցչի բացատրությունները, բարեհաճեց հրամայել դիվանիս գրել Ձեզ ներոհիշյալը:

Նախ՝ ինչպես Ձեզ հայտնի է, դեռ անցյալ տարի դեկտեմբերին Վեհ. Հայրապետը Թիֆլիսում Բյուրոյի անդամներին հայտնել էր, նույնը կրկնել է

84

պաշտոնական գործով ս.Էջմիածին եկող Բյուրոյի անդամներին ևս, որ մի որևէ կարևոր որոշում կամ կարգադրություն անելիս, որի համար ցանկալի է համարվում Հայրապետական կոնդակ, նախքան խնդրի վերջնական ձևակերպումը և որպես որոշում ներկայացնելը խորհրդակցություն ունենալ Վեհափառ Հայրապետի հետ, որպեսզի բազմակողմանի խորհրդակցությունից հետո գործը դրվի կանոնավոր հիմքերի վրա և թյուրիմացություն չպատահի: Այժմյան միջնորդության վերաբերմամբ ևս ցանկալի էր նույն կերպ վարվել:

Երկրորդ՝ հնդկահայերից հոգուտ գաղթականաց մինչև այժմ համեմատաբար բավական գումար է ստացվել (ավելի քան հարյուր հազար ռուբլի), և դեռ ժողովարարությունը շարունակվում է: Այսուհետև նոր պատգամավորություն ուղարկելն այդպիսի հեռավոր տեղ արդյոք զգալի արդյունք կարող է ունենալ, այս ևս երկբայելի է: Այս պատճառով Վեհափառ Հայրապետը այժմյան պայմաններում նպատակահարմար չի համարում առանձին պատգամավորություն ուղարկելը, որի մասին դիվանս պատիվ ունի հայտնելու Ձեզ:

ՀԱԱ, Ֆ.57, ց.5, գ.28, ք.190: Բնագիր: Ձեռագիր:

N 95

**ՀԱՅՈՑ ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍՈՒՆ՝ ԱՐԵՎՍՏԱՀԱՅԵՐԻՆ ՆՅՈՒԹԱԿԱՆ ՕԳՆՈՒԹՅՈՒՆ ՀԱՍՑՆԵԼՈՒ ԵՎ ՎԱՆԻ ՎԱՃԱՆԱԿԱՆՆԵՐԻ ԴՐԱՄԱԿԱՆ ՓՈԽԱՏՎՈՒԹՅԱՆ ՀԱՐՑԵՐԻ ՄԱՍԻՆ**

18 հոկտեմբերի 1915թ.  
Թիֆլիս

Վեհափառ Տեր,

Ազգային բյուրոն մեծ գոհունակությամբ ստացավ Հայրապետական դիվանի հ.1748 գրությունը հոկտեմբերի 9-ից, որից Բյուրոն տեղեկացավ այն բոլորի մասին, ինչ որ Ձերդ Վեհափառությունը կարգադրել է թուրքահայ ժողովրդին ներկա ծանր օրերին նյութական օգնություն հասցնելու համար: Նույն գրության հետ Ձեր հրամանով ուղարկված է Բյուրոյին Վանի վաճառականներին տված խնդրի պատճենը և այդ մասին Բյուրոյի կարծիքը Ձերդ Վեհափառությանը զեկուցանելու համար:

Ազգային բյուրոն առանձին խորհրդակցության նյութ դարձնելով այդ խնդիրը, եկավ հետևյալ եզրակացության.

Առաջին կետի վերաբերմամբ, այն է՝ տաճկահայ ժողովրդի Տաճիկ կառավարությունից կրած վնասների մասին որևէ դիմում անելը Ռուս կառավարությանը կամ մյուս պետություններին ներկայումս դեռ վաղաժամ պետք է համարել: Այդ մասին, անշուշտ, անհրաժեշտ կլինի դիմումներ անել, բայց միայն պատերազմը վերջացնելուց հետո, ընդհանուր հաշվեհարդարի միջոցով:

Ինչ վերաբերում է վանեցի վաճառականների այն խնդրին, որպեսզի Ձերդ Վեհափառությունը դիմե Ռուս կառավարությանը՝ նրանց դրամական փոխատվություն անելու ի հաշիվ ապագա լինելիք վնասած հատուցման-այդպիսի մի դիմում Ազգային բյուրոն գտնում է անհարմար, ի նկատի առնելով, որ ներկայումս Ռուսաստանում մի քանի միլիոն ժողովուրդ գտնվում է նույն փախստական վիճակի մեջ և ոչ ոք նույնիսկ ռուս կառավարության հպատակներից մինչև օրս այդպիսի փոխառության խնդիր չի հարուցել: Մյուս կողմից էլ՝ արդեն Ռուս կառավարությունը խոշոր գումարներ հատկացնելով գաղթականների օգնության գործին ընդհանրապես և թուրքահայ գաղթականներին մասնավորապես, աննպատակահարմար և նույնիսկ անպատշաճ

կլինի առանձնակի դիմում անել և վասպուրականցի հայերի համար հատուկ փոխառություն բանալու մասին:

Ձերդ վեհափառության ամենախոնարհ որդի  
Ազգային բյուրոյի փոխ-նախագահ  
Քարտուղար

Հովսեփ Խունունց  
Հակ.Քոչարյան

ՀԱԱ, Ֆ.57, ց.5, գ.28, ք.197-198: Բնագիր: Ձեռագիր:

N 96

**ՀԱՅՈՑ ԱԶԳԱՅԻՆ ԲՅՈՒՐՈՅԻ ԳՐՈՒԹՅՈՒՆԸ ՊԱՏԵՐԱԶՄԻՑ ՎԱՍՎԱԾՆԵՐԻՆ ՕԳՆՈՂ ՀԱՅՎԱԿԱՆ ԿԵՆՏՐՈՆԱԿԱՆ ԿՈՄԻՏԵԻՆ՝ ԼՈՒԳԱՆԱԿԻ ՀԱՅՈՒԹՅԱՆ ԿՈՂՄԻՑ ՀԱՅ ՎԱՍՎԱՌՆԵՐԻ ՈՒ ՓԱԽՍՏԱԿԱՆՆԵՐԻ ՕԳՏԻՆ ԱՌԱՔՎԱԾ ԳՈՒՄԱՐԻ ԿԵԱԸ ԲՅՈՒՐՈՅԻՆ ՀԱՍՑՆԵԼՈՒ ԽՆԴՐԻ ՄԱՍԻՆ**

[... 1915թ.]

Լուգանսկի հայ հասարակության կողմից պ. Հազարապետ Դանիելյանը երկու գրությամբ մեզ հայտնում է, որ հայ կամավորների և փախստականների համար փոխադրել է 3445 ռուբլի 60 կոպ.: Այս գումարը ուղարկված է եղել Ամենայն Հայոց Հայրապետի դիվանին, ապա նոցա միջոցով փոխադրվել է հարգելի Կոմիտեիդ:

Արդ, համաձայն փոխադրողի ցանկության, Բյուրոն խնդրում է վերոհիշյալ գումարի կեսը հասցնել իրեն:

Փոխնախագահ բյուրոյի

Հ.Խունունց

ՀԱԱ, Ֆ.Պ- 28, ց.1, գ.116, ք.39: Բնագիր: Ձեռագիր:

N 97

**«ՔԱՂՎԱԾՔ ՀԱՅՈՑ ԱԶԳԱՅԻՆ ԲՅՈՒՐՈՅԻ ՄԵՋ Պ.ՀՈՎԱՏԸ ԽՈՒՆՈՒՑԻ ԱՐԱԾ ԶԵԿՈՒՑՈՒՄԻՑ»**

23 փետրվարի 1916թ.  
[Թիֆլիս]

Տեղեկությունները հավաքել են՝ աշխատելով միշտ ճշգրտել զանազան աղբյուրներով ու ստանալ փաստացի նկարագրություն: Այդ տեսակետով շատ կարևոր են ամերիկական հյուպատոսի և միսիոներ պ. Ստեպլտոնի ցուցմունքները: Վերջինս, բոլոր անցուդարձի ակամատես, յուրաքանչյուր օր գրի է առել կատարած դեպքերն ու տեղեկությունները հանում էր իր օրագրից: Ոչ պակաս վստահելի աղբյուր էր և Երվանդ Յաղոթյանը, որը մի ժամանակ առևտրով է զբաղվելիս եղել և հետո դարձել էր տաճկական գործի զինվոր: Հալածանքների սկզբին իր անմիջական հրամանատար սպան՝ կամենալով փրկել նրան անխուսափելի մահից, համոզել էր նրան հավատափոխ լինել: Նա մնացել էր տաճկական զինվորական ծառայության մեջ մինչև Էրզրումի անկումը և հետո մի կերպ խույս է տվել նահանջող գործի միջից և անցել

\* Վերնագիրը փաստաթղթինն է:

ռուսների կողմը: Ուրիշ վկաներ էլ ունեցել են, և բոլորից ստացաթ տեղեկություններից պարզվում է դեպքերի հաջորդականության հետևյալ պատկերը:

Պատերազմի հայտարարությունից հետո կառավարությունը հայ բնակչությունից էլ վերցրել է զինվորներ և ընդհանուր կարգով բաժանել իր զնդերի մեջ: Ընդհանրապես տաճիկների վերաբերմունքը տանելի է եղել: Սակայն Սարիղամիշի կռվից հետո տաճիկների տրամադրությունը հիմնովին փոխվել է: Նրանք ասում էին, թե իրենց հաղթողը ոչ թե ռուսն է եղել, այլ հայը, և միայն հայերի ցույց տված աջակցության շնորհիվ է, որ իրենք պարտություն են կրել և իրենց հոյակապ մտածված ծրագիրը խորտակվել է: Դրանից հետո հայ զինվորներին հանում են բանակներից, հեռացնում սահմանագլխից և բանեցնում որպես սոսկ մշակներ ամրություններ կառուցելու, ճամբարներ շինելու և այլ ռազմական աշխատությունների համար: Միաժամանակ երևան են գալիս խուժանապետներ, որոնք ամեն ջանք են թափում տաճիկական ամբոխն ու վարչությունը զրգռել հայերի դեմ, ոչ մի պրովոկացիական միջոց ձեռքից բաց չթողնելով: Տեռորի ենթարկեցին Սեդրակ Բաստրմաջյանին, մի քանի հայ ինտելիգենտների մահապատժի դատապարտեցին, բայց դրանով չկարողացան հայ հասարակությունը բացարձակ ըմբոստության և դիմադրության դրդել: Այն ժամանակ մեջ բերին 1829 թվին ընկած ռուսական զինվորների եղբայրական գերեզմանի մահարձանը կործանելու հարցը - այդ գերեզմանը գտնվում է [Երզրումի] հայկական գերեզմանատանը: Պահանջեցին, որ ականավոր է հարուստ հայերը մահարձանը քանդեն անձամբ: Թեև Սմբատ Սրբազանը փորձում է ցույց տալ կառավարությանը մահարձանը քանդելու անպատեհությունը և թույլտվություն է խնդրում մշակների ձեռքով քանդել մահարձանը, բայց խնդիրը մերժվում է: Վերջը հրաման է գալիս, որ հայերը դատարկեն իրենց տները, որ պիտի զինվորական հիվանդանոցների վերածվեն: Կրկին առաջնորդը միջնորդում է հագվիվազ կարողանում է փոխել տալ հրամանը, բայց հայերը դրա փոխարեն պետք է իրենց միջոցներով շինարարություններ վարձեին, հարմարեցնեին, կահավորեին և հիվանդանոցները պահելու ծախսը հոգային: Բավականին խոշոր գումարներ այդ եղանակով կորզվեցին ազգաբնակչությունից:

Ապրիլի 5-ին տաճիկները քաղաքից դուրս հավաքում են մի միտինգ, ուր մուլլաները իրենց քարոզներով աշխատում են ամբոխի մեջ զրգռում առաջ բերել ընդդեմ հայերի, իբր թե նրանք են տաճիկական անհաջողությունների և պատուհասի պատճառը: Այդտեղ ամենից մեծ դեր է խաղում Նիշմի բեյը՝ հայտնի իթքիհատականը: Որոշում են կոտորել բոլոր հայերին: Հայերը դիմում են վալիի պաշտպանությանը, սակայն սա հայտնում է, թե ինքը անգոր է ամբոխը զսպելու, եթե հայերը իրենց միջոց կամովին մի քանիսին հանձնեն որպես խռովարարների, և դրանք աքսորվեն, զուցե ամբոխը դրանով բավականանա և հանգստանա: Եվ ճիշտ որ վալին ձերբակալում է մի քանի ինտելիգենտների և աքսորում:

Հայերից շատերը դիմում են իրենց տաճիկ հարևաններին, որոնց հետ տարիներով դրկից են եղել և իրար օգնել, ու խնդրում են նրանց պաշտպանությունը, բայց սրանք էլ ամեն կարեկցություն հայտնելով՝ պարզապես այն են խոստովանում, թե իրենք էլ անկարող են որևէ հովանավորություն ցույց տալու և իրենց տներում հայերին պատսպարելու, որովհետև միտինգի մեջ ամբոխը որոշել է չխնայել և այն տաճիկին, որը իր մոտ կպահե հային կամ որևէ կերպ կօգնի նրան: Դիմում են գերմանական հյուպատոսին, որը նույնպես իր անզորությունն է մեջ բերում և ավելացնում է, թե հայերը իրենք են մեղավոր, որ տաճիկները այդպես են վերաբերում իրենց:

Այդպես տևում է մինչև մայիս, երբ լուր է գալիս, թե Վանը ապստամբել է: Տաճիկների զայրույթը գագաթնակետին է հասնում, և նրանք պնդում են, որ պետք է ազատվել հայերից, որովհետև սրանք ամեն տեղ էլ կարող են ապստամբել: Գողերից, ավազակներից, արբեցողներից և ուրիշ սրիկաներից կազմում են առանձին

դրուժնաններ (փաթվՈՍՈՒ), որոնց ուղեկցությամբ հայերին պետք է գաղթեցնեն և առաջարկում են անմիջապես ճանապարհ ընկնել. կանանց և երեխաներին բաժանում էին տղամարդկանցից և առանձին-առանձին խմբերով ուղարկում դեպի աքսորավայրերը: Այդ միջոցին քաղաք է հասնում Բասենից և գյուղերից հավաքված հայ ժողովուրդը, որին ներս չեն թողնում, այլ մի քանի օր պահում են բաց դաշտի մեջ՝ անհաց, սոված, հիվանդություններին մատնված, մեռնողների թիվը լինում է անչափ մեծ: Մի քանի օրից այդ հայերին մաս-մաս առաջ են քշում շարունակ միևնույն ուղղությամբ, դերպի Երզնկա և Քեմախ: Վալին, Քյամալ փաշան, չկամենալով, որ կոտորածը տեղի ունենա իր աչքի առջև, իբր թե զիջանում է հայերի խնդրանքին և թույլ է տալիս քաղաքացիներին 15 օրվա ընթացքում կարգի բերել իրենց գործերը և կամովին հեռանալ քաղաքից, այդ ժամանակամիջոցում նրանք պիտի հետները առնելիքը կապուտեին, պատրաստեին և վերցնեին, մնացած զույթը ծախեին և դրամի վերածեին կամ հանձնեին որևէ մեկին պահելու մինչև իրենց վերադարձը: Հայերը սկսում են հավաքվել. ինչ կարողանում են ծախել, ծախում են, վարձում սայլեր, կառքեր, ձիեր, գոմեշներ, զույթի մի մասը վրաները բարձում, մնացածը հակեր կապելով, տանում են հայոց եկեղեցին և այնտեղ փակում, հանձնելով առաջնորդի հսկողությամբ: Դրամների մի մասը հանձնում են բանկ Օտոմանին, մյուս մասը տեղական ամերիկական հյուպատոս Ստեպլտոնին (800 հակ) կամ մի ամերիկացի բժիշկ Կեյսի (500 հակ) և սկսում են փախչել:

Գաղթը սկիզբ է առնում [1915թ.] հունիսի 4-ին: Գաղթողները ճամբին հավում են սովից, զրկանքներից, զինված տաճիկների և քրդերի հարձակումներից, որոնք առանձին խմբերից փախցնում էին գեղեցիկ ու աշխատավոր տղամարդկանց և մնացածներից այստեղ-այնտեղ կոտորում: Գեղեցիկ կանանց տանում են իրենց հարեմները, իսկ աշխատավոր տղամարդկանց բանեցնում են որպես ստրուկ, որովհետև պատերազմի պատճառով աշխատավոր ձեռքեր շատ են պակասել: Շատ քչերն են հասնում մինչև Քեմախ՝ թալանված, ամեն ինչից զրկված, գրեթե մերկ, մեծ մասը մի-մի սպիտակ շապիկ հագած: Եթե ձորերում կամ սարերում պատահել են սպիտակ շապիկ հագած առանձին կամ խումբ-խումբ մարդիկ, մահմեդականները դրանից իմացել են, որ հայեր են և կոտորել են: Այդպես է, որ ազատվողներ կամ ճամբին թաքնվողներ գրեթե չեն եղել: Մի հասակավոր կին կարողացել է ազատվել միայն այն բանի շնորհիվ, որ թաք է կացել մի քարի տակ և հետո ապավինել մի հովվի տան, որից ստացել է մի գունավոր շապիկ ու պատռոտված ցնցոտիներ և այդպես ծպտված շարունակել է փախուստը:

Քեմախ համոզությունից բոլորին էլ գետն են նետելիս եղել: Ասում են, դիակների շատությունից գետն փոխել է իր ընթացքը: Եղել են և այնպիսիներ, որոնց աջողվել է ավելի հեռու գնալ և հասնել Մուսուլ: Այդտեղից մի քանիսը դիմել են իրենց բարեկամներին և բանկի[ց] փող խնդրել: Բայց երբ փողը եկել է, հայտնած հասցեներով նրանց չեն գտել: Հավանական է, որ նրանք մեռած են քաղցից:

Այդպես է եղել ոչ միայն Երզրումում, այլ ամբողջ այն յոթը վիլայեթներում, որտեղ պետք է ռեֆորմներ մտցվին: Տեղ-տեղ հայերը խնդրել են, որ իրենց թույլ տան հավատափոխ լինելու: Սկզբում թույլ են տվել, և շատերը մահմեդականացել են, բայց վերջը նրանց էլ, որպես և՛ լուսավորչական բողոքական և՛ կաթոլիկ հայերին, տեղահան են արել և ջարդել: Հույներին էլ են գաղթեցրել, բայց չեն կոտորել: Տեղի ունեցած բարբարոսությունները, թույլ տվեք չպատմեմ, սոսկալի են: Դեպքեր են եղել, երբ մոր աչքի առջև զավակին մորթել են, արյունը ամանի մեջ հավաքել և մորը խմեցրել, պառ մորն էլ խողխողել են: Մասներ փշրել, կանանց ծոծր կտրելը – սովորական բան է եղել: Մի տեղ գաղթող հայերը դիմել են Մուֆեսարըֆին և խնդրել նրա պաշտպանությունը քրդերից և ավազակներից: Նա բարեկամ է ձևացել, ասել է, թե ինքը իր ժանդարմներով պաշտպանված կհասցնի ժողովուրդը նշանակված տեղը, և ճիշտ որ ժանդարմները սկսել են ուղեկցել այդ խմբին: Բայց երբ եկել են մի նեղ

հովիտ, հանկարծ մի բլրի վրայից սկսվել է իրենց վրա հրացանածոթություն: Խեղճերը փախել են դեպի հակառակ կողմը, այստեղ էլ գնդակների են հանդիպել, որ կողմը որ փախել են կրակ ու գնդակ: Իմանում են, որ իրենց վրա կրակողները Մուխսարըֆի ժանդարմներն են: գրեթե բոլորն էլ ոչնչանում են:

Երզրունում թողել էին մոտ 50 հայ արհեստավորներ, որպեսզի զորքի համար կոշիկ, զգեստ կարեն, և հրամայել էին, որ նրանք սովորեցնեն իրենց արհեստը տաճիկ երիտասարդներին: Նահանջի ժամանակ այդ արհեստավորներին էլ սպանել են: մի ճարպկությամբ միայն ազատվել է ծերունի Բալթադյանը: Ամբատ Սրբազանը մինչև վերջ մնացել է քաղաքում և աշխատել է մի կերպ պահպանել իր ժողովուրդը, ապա նրան էլ հայ կաթիլիկ և բողոքական հայերի հետ քաղաքից հանել են, հայտնի չէ, թե ուր: Հավանական է նա էլ է սպանված:

Սեպտեմբերի 15-ին մոր իրադեով այն թանկարժեք իրերն ու փողերը, որոնք հանձնված են եղել բանկերին, հրամայված էր գրավել կամ ծախել, գոյացած գումարից վճարել հայերի պետական տուրքերը, ապա՝ հայերի մասնավոր պարտքերը տաճիկներին, իսկ մնացածը հանձնել պետական զանձարանին: Ամերիկահաստակ դոկտոր Կրեյսի մոտ գնված իրերն էլ զոռով խլում են: Ստեպլտոնին հաջողվում է փրկել [պահ հանձնված իրերը]:

Ամերիկյան հյուպատոսի ստացած տեղեկություններին նայելով, Տրապիզոնում, Կիրասոնում, Օրդուում և այլ ծովեզրյա քաղաքներում էլ հայերը սպանված են, և կենդանի են թողնված Օրդուում երկու հայ մատնիչներ, որոնք ցույց են տվել հայերի պահեստի տեղերը: Բոլոր ամերիկական քոլեջների հայ ուսուցիչ-ուսուցչուհիները և հայերի հետ որևէ կապ ունեցող անձնավորությունները մորթված են: Բիթլիսում սպանված են գտել ամերիկական հյուպատոս Ջորջ Կնայպին՝ հայերի պաշտպանին: Փոքր Ասիայի խորքերում կոտորածը ավելի փոքր չափերով է եղել: Կ.Պոլսում ձերբակալել են գլխավորապես ինտելիգենտ հայերին: Սարիղամիշի [ճակատամարտում թուրքերի] պարտությունից հետո Տաճկաստան գաղթած ազարայցիները շատ տեղ խոտորջուր, Իսպիր, Կիսկին, եղել են [հայերի] ջարդերի ղեկավարները: Նրանք [այժմ] բնակեցված են խոտորջուր և այլ հայկական գյուղերում և տիրացել են հայերի հողերին և ունեցածին: Մի լուսանկարի վրա խմբովին միասին հանվել է իթթիհատի կոմիտեի անդամների հետ մի ազարայցի մուլլա և երեք գանձակեցի թուրքեր - բոլորն էլ ջարդարարներ: Գերի վերցված Օսման Սադրը բեյի մոտ, որ ինքը դիվիզիայի հրամանատար է եղել ու ինժեներ, և կինը ավստրուհի է, գտել են Օլթիի եկեղեցուց կողոպտած Ս.Աստվածածնի ոսկեկար պատկերը: Գերմանացի օֆիցերները ետ չեն մնացել տաճիկներից: Մխալ է, թե Երզրունում հենց սկզբից մեծ թվով են եղել գերմանացիք և մասնակցել են քաղաքի ամրացման գործին և պաշտպանությանը: Հասարակ գերմանացի զինվորներ այս կողմերը ուղարկված չեն եղել: Եկածները սպաներ են եղել, որոնց տաճիկ սպայակոյտը և ժողովուրդը շատ թշնամաբար է վերաբերվել և ամեն գործից հեռու է պահել: Այդ մարդիկ զբաղվել են կերուխոսով և արբեցողությամբ: Յուրաքանչյուրը վերցրել է իր մոտ հայոց դպրոցի բարձր դասարանի աշակերտուհիներից մեկին, երկուսին, որոնցից մի քանիսը հազիվ 13 տարեկան են եղել և հետին վավալշոտ տաճիկ պես անպատվել նրանց և իրենց մոտ պահել մինչև սեպտեմբեր՝ երբ հեռացել են քաղաքից և մի քանիսին հետները տարել են:

Այժմ կենդանի մնացած հայերի թիվը Երզրունում մի քանիսի հաշվով մոտ 80 հոգի է: Ուրիշները այս թիվը հասցնում են 130-150-ի: գրեթե բացառապես կանայք և երեխաներ են, մեջները հազիվ 5-6 տղամարդ լինի: Բոլորին խնամում է և կերակրում է ամերիկական հյուպատոսը, որի մոտ ապաստան են գտել և պաշտպանություն 17 հայ աղջիկներ՝ ամերիկական միսիոներական դպրոցի սանուհիներից: Ստեպլտոնն ասում է, որ քանի որ իր մոտ կա գաղթած հայերից իրենց հանձնված պաշարեղեն ու դրամ, դեռ կարող է մի կերպ այդ դիմողների կարիքներին հասնել, բայց այդ միջոցները

սպառվելու վրա են և շուտափույթ օգնություն է հարկավոր: ինքն էլ մոտ ապագայում պետք է մեկնի Երզրունից:

Քաղաքը տաճիկների ձեռքով չի այրված, այրել են եկեղեցուն կից հայկական դպրոցը, առաջնորդարանը, շուկայի մի մասը և մի քանի գորանոցներ: Հայերի տները չեն են մնացել, որովհետև մեջները տաճիկներ էին նստել ու տիրացել: Նահանջի ժամանակ այդ տները ոչնչացնել չէին կարողացել: Միայն ռուս զորքերի մտնելուց հետո է սկսվում հրդեհումը: Ջինվորներին արգելված էր տները քանդել և փայտը վերցնել: Բայց ամբողջ Կարնո բարձրավանդակում փայտի ահագին պակասություն է: Ձորամասերը սկսել էին տներից մեկը մյուսը կրակի տալ, որ հետո փայտեղեն մասերը հանեն, ասելով, թե դռները, պատուհանները, հատակները ոչ թե պոկել են շեն տներից, այլ վերցրել են ավերակներից: Այդ պատճառով փողոցներ կան, որ շատ են վնասվել:

Հայերի գույքի մի մասը, հակ-հակ կապած, ամբարած է եղել հայկական եկեղեցուն, որտեղ տաճիկները նրանց ձեռք չէին տվել: Ռուսաց բանակի ներս մտնելուն պես՝ եկեղեցու դուռը բաց են անում և միջի իրերը ամեն մեկ ուժ ունեցողը դուրս հանում: Ռուս իշխանավորների վերաբերմունքը դեպի տեղական տաճիկ ժողովուրդը բարեկամական է, դեպի հայերը՝ պարզ կերպով թշնամական: կասկածում են, թե հայերից կարելի է ապագայում էքսցեսների սպասել: Հայերի մուտքը արգելված է: Մի քանի կարմեցիքն Ս.խորեն եպիսկոպոսի միջոցով գեներալ Յուդենիչի հեռագրական թույլտվությամբ Երևանի քաղաքապահ, կոմենդանտ Կրիժևիչից անցաթուղթ էին ստացել ազատ Երզրուն վերադառնալու: Այդ թղթերը երբ ներկայացնում են Երզրունի կոմենդանտին, մակադրել է. “Явлен у меня. Предоставляется в трехдневный срок привести в порядок дела, а затем обязан выехать”:

Մի քանի հայեր Սարիղամիշից և հացթուխներ էին եկել Երզրուն, բերելով ապրանքներ և այլուր ու կամեցել էին խանութներ և փոքր բանալ, չէին թույլ տվել, ասել էին տվեք ապրանքները մի տաճիկ, նրա անունով խանութ բաց արեք, որտեղ դուք կարող եք լինել միայն գործակատար: Նրանք էլ ապրանքները ծախել ու վերադարձել են: Մի հույն իրավունք է ստանում փուռ բանալու, բայց նրանից պահանջում են, որ հայ ծառայող չպահի: Այն հայ խուզարկուներին և ուղեցույցներին, որոնք ռուսական զորքին ճամբարներ են ցույց տվել և տարել ամրոցների կռնակը, առաջարկվել է երեք օրվա մեջ հեռանալ: Երբ այդ մարդիկ առարկել են՝ չէ՛ որ իրենք են ճամբարները ցույց տվել և разведчик-ներ են, պատասխան են ստացել, թե իրենց թղթերի մեջ գտնված է, թե այս ինչ մասին են прикомандированы, ոչ թե խուզարկուներ և ուղեցույցներ են:

Արգելված է ռուս զորքի հայ զինվորներին կարաուլ նշանակել: Տեղական տաճիկ ժողովրդից ընտրված են մուխթարներ, որ պիտի քաղաքը պաշտպանեն: Նրանց հրամայված է ձերբակալել ամեն մի զինվոր, որ կհամարձակվի մտնել տաճիկ տուն:

Տաճկական տներում, անշուշտ հայ կանայք, որոնց արգելում են տուն գնալ՝ չլինի՞ թե փախչեն ռուսների մոտ: դրանցից մի քանիսին հաջողվել է դուրս պրծնել: Բայց ոչ մի միջոց ձեռք չի առնված, որ այդպիսիներից (տաճիկներից-կազմ.) հնարավորություն տրվի ազատվելու: հավանական է, շատերին դրանցից տաճիկները իրենց տներում սպանում են:

Արգելված է կողոպտել տաճիկների տները, մինչդեռ ինքը՝ հրամանատար Կալիտինը, Ֆուրգոններով կրելիս է եղել հայերի գույքը եկեղեցուց իր մոտ: դա ապացուցված է: Նրա օրինակից խրախուսված՝ ուրիշ հրամանատարներ էլ նույն են արել: Յուդենիչը, որ եկել է, ուզեցել է վերջ դնել այդ բանին և կարգադրել է, որ կազմվի մի հատուկ մասնաժողով, որը պիտի ցուցակագրի հայերի մնացած գույքը, հակերը բաց անեն, ինչ որ հարկավոր է ռուսական ինտենդանտության կամ հիվանդանոցների

համար՝ վերցնի ունիվիզացիայով, մնացածը ծախսի և դրանք հանձնի տերերին, եթե այդպիսիները գտնվեն: Մենք ասում ենք, թե հակերը բանալուց և իրերը խառնելուց հետո ինչպես կարող են տերերը իրենց սեփականությունը ջրկել, և, արդյոք, չեն դուրս գալ ինքնակոչ սեփականատերեր: Այդ առարկությանը ուշք դարձնող չեղավ: Մասնաժողովի նախագահ նշանակվել է գնդապետ Չիկովանին, անդամներից երկուսը նույնպես վրացի են, մեկը՝ Ցիցիանով: Հայերից նշանակվել է բժ. Տերտերյանը:

Դենց մասնաժողովի կազմելու հաջորդ օրը իշխ. Արդությանը նկատում է, որ եկեղեցու դուռը բաց է, մտնում է ներս և տեսնում, որ Չիկովանին քրքրում է իրերը, մի կողմ դարսում զանազան մետաքսեղեն և ուրիշ դուր եկած իրերը. գտել է պատարագի գինին և կարգադրում է իր տունը ուղարկել: Չիկովանին ճանաչելիս չի լինում Տերտերյանին և երբ իմացել է, որ նա էլ է մասնաժողովի անդամ, ասել է. «Դե՛, լավ, ոչինչ, ես արժեքը կվճարեմ»: Եվ իրերն ու գինին իր մոտ է փոխադրել տալիս:

Անհրաժեշտ է անմիջապես հոգ տանել կենդանի մնացած հայերի մասին և աշխատել ազատել տաճիկների ընտանիքների մեջ փակված հայերին: Այժմյան կոմենդանտ Խան Իմուտսկին, որ ազգով սարտ է, ծածուկ հայտնել է, որ իրեն հրամայված է առհասարակ հայերին հեռացնել Էրզրումից և թույլ չտալ նորերին այդտեղ հաստատվել: Հայկական տներում մատել է մի-մի տաճիկ և տիրացել: Անհրաժեշտ է նպաստել կարճեցիների վերադարձին Կարին և իրենց գույքին տեղ դառնալու:

Սանասարյան դպրոցի կահկարասիքին և գրադարանին դեռ մոտեցող չի եղել: Թեև այրն. Ռոստոմ Ջորյանը աշխատում էր, որ իրեն լիազորություն տրվի այդ շինությունը իր հսկողության տակ առնելու, բայց դեռ հարց է, թույլտվություն կստանա՞, արդյոք, Էրզրումում մնալու: Ասում են, արդեն մի քանի թղթեր կորած են դպրոցից, մինչդեռ այնտեղ շատ թանկարժեք ձեռագիրներ կան: Այս ամենը ակներև կերպով ցույց է տալիս, որ անհետաձգելիորեն անհրաժեշտ է ուղարկել մի վստահելի ներկայացուցիչ հայերի կողմից, որ բավականաչափ հեղինակություն ունենա ռուս զինվորության և ռուս պաշտոնեության աչքում: Այդպիսի մեկը կարող է լինել միմիայն Ամենայն հայոց կաթողիկոսի ներկայացուցիչը, մի եպիսկոպոս, որ գործի մի հատուկ հայկական մասնաժողովի հետ. կցուցակագրվի մնացած շարժական և անշարժ գույքը, պահպանության միջոցներ ձեռք կառնի, կխնամի այնտեղ մնացած հայերին և նոր երևացողներին և, վերջապես՝ կաշխատի դուրս բերել տաճկական տների մեջ փակված հայ կանանց: Ցանկալի է, որ այդ մասնաժողովի մեջ մտնեն Կարինի նախկին քաղաքական ժողովի հեղինակավոր անդամները, այն է՝ պ.պ. Վահան Շահինյան, Մարգար Քրմոյան և Վահան Միրքանյան:

ՀԱԱ, ֆ.57, ց.5, գ.56, թ.36-40: Պատմենը: Չեռագիր:

N 98

**ՀԱՂՈՐԴԱԳՐՈՒԹՅՈՒՆՆԵՐ, ՏՊԱԳՐՎԱԾ «ՀՈՐԻՋՈՆ» ԹԵՐԹՈՒՄ, ՍՏԱՑՎԱԾ ԴՐԱՄԱԿԱՆ ՆՎԻՐԱՏՎՈՒԹՅՈՒՆՆԵՐԻ ՄԱՍԻՆ**

23 փետրվարի 1916թ.  
Թիֆլիս

- Ազգային բյուրոն մեզ խնդրում է հայտնել, որ հունվարի 8-ից հետո ստացվել են հետևյալ նվիրատվությունները. Բագվի հայկական կոմիտեից՝ 500ռ., Սուխումի հայկական կոմիտեից՝ 600ռ., Թիֆլիսի հայկական կոմիտեից՝ 825ռ., Կահիրեի հայկական կոմիտեից՝ 5.000ռ., պ.Լալայանից (Կահիրեից)՝ 300ռ., ժնկի հայ

ուսանողներից՝ 600ռ., Ռաշտի հայ կանանց կոմիտեից՝ 120ռ., Կովկասի հայոց բարեգործական ընկերության Դերբենդի ճյուղից՝ 160ռ., Դյուսիսային Ամերիկայի Չլսի քաղաքի Վասպուրականի ուսումնական ընկերությունից՝ 175ռ., Օդեսայի հայկական կոմիտեից՝ 1.000ռ., Բախմուտի հայկական կոմիտեից՝ 800ռ., Նյու-Յորքի Երզնկացվոց ընկերությունից՝ 250ռ., Անդիժանից «Արև»-ի խմբագրության միջոցով՝ 486ռ.35կ.: Բացի դրանից, կամավորների ընտանիքների օգտին նվիրել են մի-մի օրինակ պլեյմի համար հետևյալ անձինք. Ս.Հարությունյանից՝ 25ռ., Ա.Նահապետյանից (Գրեյքոնկա կայարան)՝ 25ռ., Տաշկենտում Ոսկան Աղաջանյան՝ 15ռ., Ա.Խաչումյան՝ 10ռ., Արսեն Մելիք-Ղարազյոզյան, Ա.Միքայելյան, Ն.Թումանյան, Շամիր Գևորգյան, Ն.Ավագյան, Գովհաննես բեկ Մաղաթյան, Ս.Կարապետյան, գեներալ Լ.Ա.Պողոսյան՝ 10ռ., Անդրկասպյան երկրի Արտիկ կայարանում Ս.Մարությանց, տիկին Բ.Մարությանց, Արշակ Միրզոյան՝ 15-ականռ., Բ.Մելիք-Ալլավերդյան, Գ.Հովհաննիսյան, տիկին Ս.Ստեփանյան, Ս.Ղազարյան՝ 10-ական ռ., Ս.Սարգսյան, Ա.Պետրոսյան, Ս.Հարությունյան, Ի.Ստեփանյան՝ 8-ական ռ., Սամարղանդում՝ պ. Հ.Շավարշի միջոցով նվիրատուների անունները արդեն տպված են «Հորիզոն»-ի հմ. 35-ի մեջ:

N 99

4 մարտի 1916թ.  
Թիֆլիս

Ազգային բյուրոն մեզ խնդրում է հայտնել, որ փետրվարի 12-ից հետո ստացվել է հետևյալ նվիրատվությունները. Նյու-Յորքի Երզնկացիների միությունից՝ 243ռ., ժնկից՝ տիկին Մարի Կորբուլից՝ 100ռ., Նամանգանից Հայկական կոմիտեից՝ 268ռ.70կ.: Բացի այդ, պլեյմների համար ստացված են նվերներ կամավորների ընտանիքների օգտին՝ Խարկովից՝ Ա.Սարգսյանից՝ 10ռ., Թերմեզից, Հ.Մալխասյանից՝ 10ռ., Եդեսիայից, Մանր վարկի ընկերությունից՝ 100 ռ., Երեմյա Ծատուրյանից՝ 25ռ., պ.պ. Կար. Ղազարյանից, Գալ. Մուղղոսյանից, Գրիգ.Խաչիկյանից, Կար.Անտոնյանից՝ 10-ական ռ., Ազուլիսից, Հովհ.Ջազյանից՝ 10ռ., Կոկանդից, նվիրատուների ցուցակն արդեն տպված էր «Հորիզոն»-ի [1916թ.] հմ. 44-ի մեջ:

N 100

12 մարտի 1916թ.  
Թիֆլիս

Ազգային բյուրոն մեզ խնդրում է հայտնել, որ մարտի 1-ից հետո ստացվել են հետևյալ նվերները. Մարսելի հայ երիտասարդների միությունից՝ 600ռ., Կահիրեի Հայկական կոմիտեից՝ 5.000ռ., պ.Գալալիուսից, Ալեքսանդրապոլից՝ 26ռ., Թիֆլիսի Հայկական կոմիտեից՝ 300ռ.: Բացի դրանից, պլեյմների համար նվեր ստացվել է կամավորների ընտանիքների օգտին. Աշտարակի հայոց դպրոցից՝ 18ռ. և Երևանի Կանանց կոմիտեից՝ 100ռ.:

N 101

6 ապրիլի 1916թ.  
Թիֆլիս

Հայոց ազգային բյուրոն մեզ խնդրում է հայտնել, որ մարտի 20-ից հետո ստացվել են հետևյալ նվերները. Թեոդոսիայի Հայկական կոմիտեից՝ 500ռ., Օդեսայի Հայկական կոմիտեից՝ 1.000ռ., Մարսելից՝ Կովկասի հայ կամավորներից

նպաստող կոմիտեից – 820ռ., Վլադիկավկազի Հայկ[ական] կոմիտեից – 1.500ռ., Մարսելից՝ «Հայ երիտասարդաց միությունից» - 600ռ., Եղեսիայից մատակարարող երինջի վաճառումից՝ նվեր Գր.Սարգսյանից – 100ռ. կամավորների ընտանիքների օգտին: Բացի դրանից, ալբոմների համար նվերներ ստացվել են կամավորների ընտանիքների օգտին. Թիֆլիսում՝ պ. Ս.Կյուլպենկյանից – 50ռ., Վարոնեժից՝ բժ. Ս.Ավետիքյանից – 25ռ., Աննա Վարդ-Պարոնյանից, Ն.Տեր-Փանոսյանից, Ա.Դավթյանից և Ա.Չախմախյանից – 10-ական ռ., Եղեսիայից՝ Արեսյանից, Ի.Ղազարյանից և Մ.Գաբրիելյանից – 10-ական ռ., Հաշտարխանից՝ Երեմիայից – 10ռ.:

N 102

16 ապրիլի 1916թ.  
Թիֆլիս

- Եղեսիայից Գրիգոր Սարգսյան Ազգային բյուրոյին դրամի հետ միասին հետևյալ նամակն է ուղղել. «Տեսնելով բյուր տառապանքներ իմ ցավատանջ ազգի, ես բարվոք համարեցի մատակարարող երինջս ծախել և փողը՝ 100 ռուբլի, փոխադրել հարգո Բյուրոյիդ՝ հոգուտ այդ ցավատանջ ազգի վերծննության համար նահատակվող մեր կամավորների ընտանիքների»:

N 103

26 ապրիլի 1916թ.  
Թիֆլիս

Հ[այոց] Կ[ենտրոնական] Ազգային բյուրոն խնդրում է մեզ հայտնել, որ ապրիլի 2-ից հետո նա ստացել է հետևյալ նվիրատվությունները. Տիկին Եղիսաբեթ Միրզոյանից – 100ռ., Ռոստովի Հայկական կոմիտեից – 5.000ռ., Նոր Նախիջևանի Մեծ Սալա գյուղի վարկային ընկերությունից – 100ռ., պ. Իվ.Քամալյանից՝ նամանգանից – 54ռ. 75կ., Կահիրեի Հայկական կոմիտեից – 5.000ռ., Նոր Բայազետի Հայ կանանց կոմիտեից – 200ռ., բժ. Չալիկյանից – 50ռ., բժ. Սգարեուլյանից – 50ռ.:

N 104

17 մայիսի 1916թ.  
Թիֆլիս

Մեզ խնդրում են հայտնել, որ Ազգային բյուրոն ապրիլի 20-ից հետո ստացել է հետևյալ նվերները. Տիխորեցկի անվան Հայկական կոմիտեից – 85ռ.30կ., Բոստոնի Հայկական կենտրոնական կոմիտեից – 94.284ռ., Կահիրեի Հայկական կոմիտեից – 5.000ռ., պ. Հակոբ Պոյաճյանից, Եվաատորիայից – 80ռ., Կ[ենտրոնական] Հայոց բարեգործ[ական] ընկ[երության] Ձաքաթալայի ճյուղից – 50ռ.:

N 105

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱՄԱԿԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ԵՐԶՐՈՒՄԻ ՀԱՅ ԲՆԱԿԻՉՆԵՐԻ ՎԻՃԱԿԻ ՄԱՍԻՆ**

25 փետրվարի 1916թ.  
Թիֆլիս

Ազգային կենտրոնական բյուրոն փետրվարի 23-ի նիստին լսեց Երզրումից վերադարձած պ.Հովսեփի հուռնունցի զեկուցումը ա. Երզրումից քստրված թշվառ հայ

ազգաբնակության՝ անապատում ջարդի և այժմ քաղաքում մնացած և այլևայլ տեղերում ապաստանած հայերի անագորոյն վիճակի մասին, բ. ռուս զինվորական իշխանության անարդար և թշնամական վերաբերմունքի մասին դեպի Երզրումաբնակ հայերը, որոնք ժամանակին փախած լինելով քաղաքից, այժմ չեն կարողանում ազատ մտնել Երզրում՝ իրենց տուն-տեղին և գույքին տիրանալու համար, շնորհիվ ամեն տեսակ արհեստական և անբարյացակամ արգելքների, որոնք հարուցանվում են այլևայլ պատրվակով հայերին քաղաք չթողնելու համար, և գ. Երզրումում հայերի թողած գույքի և ստացվածքի, ինչպես և մայր Տաճարում պահված հարստության թալանի մասին, որին մասնակցել են ոչ միայն տաճիկները, այլ տարաբախտաբար և ռուս զինվորական պաշտոնյաները:

Պ.հուռնունցի զեկուցումը իր սրտածնլիկ մանրամասնություններով խոր տպավորություն թողեց լսողների վրա. առավել ևս ծանր էր լսել ռուս զինվորական պաշտոնյաների կողմից ցույց տված անարդար և թշնամական վերաբերմունքը դեպի հայերը, որոնց մատուցած ծառայությունը Ռուսաստանին և կրած թշվառությունն այսօր, ցավ է խոստովանել, ոչ մի գնահատության չի արժանացել: Ուղարկելով Բյուրոյի անդամ պ.Սիմեոն Վրացյանի հետ պ. Հովսեփի հուռնունցի վերոհիշյալ գրավոր զեկուցումը Ձերդ Վեհափառության բարձր տնօրինության, Ազգային բյուրոն պատիվ ունի ամենախոնարհաբար խնդրելու ազգի վեհափառ Հայրապետի վեհամեծ պաշտպանությունը թշվառացած հայ ժողովրդի ներկա տագնապալի օրերին:

Որդիական ամենախորհին հարգանքներով  
Ձերդ Օծության խոնարհ և պատրաստական ծառաներ

Փոխնախագահ Ազգային բյուրոյի  
Քարտուղար-անդամ

Հովհ.Սպենդիարյան  
Հակ.Քոչարյան

ՀԱԱ,Ֆ.57, ց.5, գ.56, ք.41: Բնագիր: Չեռագիր:

N 106

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱՄԱԿԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ԵՐԶՐՈՒՄ ԳՆԱՑՈՂ ՊԱՏՊԱՆԱՎՈՐՈՒԹՅԱՆ ՎԵՐԱԴԱՐՉՈՂ ԳԱՂԹԱԿԱՆՆԵՐԻՆ ՍԵՐՄԱՑՈՒ, ԳՈՒՅՔ ՀԱՄՑՆԵԼՈՒ ԵՎ ԱՅԼ ՀԱՐՑԵՐԻ ՄԱՍԻՆ**

[9] մարտի 1916թ.  
Թիֆլիս

Ազգային բյուրոն իր պատգամավորներ պ.պ. Ս.Վրացյանի, Ա.Պապովյանի և Վ.Փափազյանի միջոցով պատիվ ունեցավ ներկայացնել Ձերդ Վեհափառությանը մանրամասն զեկուցում Բյուրոյի ուշադրությունը զբաղեցնող կարևորագույն խնդիրների մասին և հայցել Ձեր բարյացակամ որոշումը դրանց վերաբերմամբ: Նրանց գրավոր և բերանացի զեկուցումներից այժմ Բյուրոն տեղեկացավ Ձերդ Վեհափառության տրամադրությունների մասին և շտապում է իր կարծիքները հաղորդել Ձեզ հետաքրքրող հարցերի մասին:

1. Երզրում գնացող պատգամավորության համար թույլտվություն ծեռք բերելու նպատակով լինելիք դիմումը փոխարքային, Բյուրոյիս կարծիքով, կարող է լինել շատ պարզ, ճիշտ այն ձևով, որ դիմում է եղել թույլտվություն ստանալու Այվատյան եպիսկոպոսին Վանի շրջանը գնալու համար: Մանրամասնությունների մեջ մտնելը այդպիսի մի պաշտոնական գրության մեջ և՛ ավելորդ է, և՛ կարող է նույնիսկ դժվարացնել խնդրի լուծումը:

2. Գալով պատգամավորության մեջ մտնող անձանց, որոնց մասին պետք է հիշատակել գրության մեջ, Ազգային բյուրոն գտնելով, որ բարձրաստիճան հոգևորական ընտրությունը միանգամայն Ձերդ Վեհափառության իրավասության ներքո է, շատ ցանկալի է համարում, որ պատգամավորության մեջ մտնեն երկու կամ երեք ձեռնհաս ինտելիգենտ անձինք, որոնցից մեկը լինելու է իրավաբան: Այդ պաշտոնի համար, Բյուրոյի կարծիքով, հարմարագույն անձինք են փաստաբան պ. Ջամոյանը և ճեմարանի կամ երևանի թեմատիկ դպրոցի ուսուցիչներից մեկը կամ երկուսը: Իր կողմից Բյուրոն թույլ է տալիս իրեն առաջարկել Ձերդ Վեհափառության իբրև թեկնածու պ. Մարտիրոս Գրուբյանյանին: Բացի այդ անձերից, ցանկալի կլիներ մտցնել պատգամավորության մեջ նաև երկու անձ տեղական հանգամանքներին լավ ծանոթ տաճկահայերից: Իբրև այդպիսիներ Բյուրոն կարող է հանձնարարել պ. պ. Վահան Շահինյանին և Զրաշյա Ջաքարյանին:

2. Վերադարձող գաղթականներին սերմացու և ինվենտար հասցնելու համար հարմարագույն է ուղղակի դիմել գաղթականական ընդհանուր լիազոր գեներալ Թամամյանին, որը իր օգնական պ. Լ. Եվանգուլյանի հետ գնացել է Ալաշկերտ և մոտ օրերումս գալու է այդ կողմերը, և որը կարող է այդ ուղղությամբ կարգադրել ամեն տեսակ օգնություն հասցնել գաղթականներին:

Իսկ եթե Ձերդ Վեհափառությունը կարևոր է համարում դիմել անմիջապես նաև մեծ իշխան փոխարքային, այդ դեպքում դիմումի այն նախագիծը, որի պատճենը մեզ ևս ուղարկված է, Բյուրոն գտնում է միանգամայն հաջող կազմված:

3. Ինչ վերաբերում է համերաշխության խնդրին, որի առթիվ Ձերդ Վեհափառության կազմած պատվիրակության նախագահ Պողոս փաշա Նուբարը հատուկ նամակներով դիմել է այսպես մի քանի անձանց, Բյուրոն պարտք է համարում զեկուցանել Ձեզ, որ այդ նպատակով այստեղ էլ ձեռնարկված է որոշ քայլերի, որոնց հետևանքի մասին անհապաղ Ձեզ կհաղորդենք:

Ուստի Բյուրոն խոնարհաբար խնդրում է Ձեզ սպասել մինչև այդ բանակցությունների ելքը, նախքան այդ նպատակով որևէ խորհրդակցություն կամ համագումար հրավիրելը էջմիածնում:

4. Ազգային բյուրոն ընդամին ուղարկում է Ձերդ Վեհափառությանը պ. Զ. Աբուլյանի նամակը, որը էրզրումից ստացել ենք Ձեզ հանձնելու համար:

Որդիական ամենախորհի ին հարգանքներով  
Ձերդ Վեհափառության խոնարհ և պատրաստական ծառաներ

Փոխնախագահ Ազգային բյուրոյի  
Քարտուղար

Հովհ. Սպենդիարյան  
Հակ. Քոչարյան

ՀԱԱ, Ֆ.57, ց.5, գ.28, ք.208-209: Բնագիր: Ձեռագիր:  
**N 107**

**ԱՄԵՆԱՅՆ ՀԱՅՈՑ ԱՌԱՋՆՈՐԴԱՐԱՆԻ ՆԱՄԱԿԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ ԱՌԱՔՎԵԼԻՔ ՆՊԱՏԱՍԱՏՈՒՅՑ ԳՈՒՄԱՐԻ ԿԵՍԸ ԱԶԳԱՅԻՆ ԲՅՈՒՐՈՅԻՆ ՀԱՆՁՆԵԼՈՒ ՄԱՍԻՆ**

20 մայիսի 1916թ.  
Ֆրեզնո

Վեհափառ Տեղ.  
Ներփակ կտտանաք (400) չորս հարյուր տոլարի գումար մը, որ է հավասար 1277 ռուբլի:

Փափագելի է, որ (200) տոլարը հատկացվի հանձնվի Ազգային այլուրոյին:  
Կհաստատենք մայիս 14 ընդարձակ մեր մեկ նամակ և կհուսանք, որ երբ ստանաք ներկայս, ևս կհաճեք հրաման տալ, որ ընդփույթ դրկվի մեզ հարկ եղած ընկալագիրը:

Երեկ ստացանք ամերիկահայ առաջնորդարանեն մեր դեկ[տեմբեր] 28 քվակաճով երկրորդ անգամ դրկված 6918 ռուբլի գումարի ստացագիրը:

Մաղթելով ի համբույր ս. աջու դ Ատենապետ  
Ատենադպիր

Մ.Նիկյան  
Հ.Սարկավազյան

ՀԱԱ, Ֆ.56, ց.5, գ.339, ք.9: Բնագիր: Ձեռագիր:

N 108

**ԼՐԱԳՐԱՅԻՆ ՀԱՂՈՐԴԱԳՐՈՒԹՅՈՒՆ ՓԱՆՍՏԱԿԱՆ ՀԱՅԵՐԻ ՀՈՍՔԻ ԵՎ ՆՐԱՆՑ ՕԳՆՈՒԹՅԱՆ ՀԱՍՆԵԼՈՒ ԱՆՀՐԱԺԵՏՈՒԹՅԱՆ ՄԱՍԻՆ**

2 հուլիսի 1916թ.  
Բաղեշ

Շնորհիվ Մուրադի և Սեպուհի բուռն աշխատությանց և դրամական զոհողությունների, փախստական հայերի մեծ հոսանք է սկսվել. գալիս են սովոր խմբերով մերկ ու սոված: Տաս օրում ազատվողների թիվը հասնում է 300 անֆի:

ժամանակն է, որ մեր ազգային բոլոր մարմինները և, մասնավորապես, արտասահմանում գտնվող մեր հայրենակիցները փութով և միահամուռ օգնության հասցնեն իրենց կույեկները:

Ազատված փախստականներին օգնում են Բաղեշի Քաղ[աքային] Միության սննդառու կայանում. նրանց հասնելուն պես սապոնով ու տաք ջրով լողացնում, մաքրում են, հագուստները փոխում և օրական երեք անգամ կարգին սնունդ են տալիս:

Կարիքը օր-օրի մեծանում է. անհրաժեշտ է ուղարկել նախ փող և ապա սնունդ ու ամեն կարգի հագուստեղեն:

«Հորիզոն», 23 հուլիսի 1916թ.  
Վաղարշակ Հոխիկյան

N 109

**ԼՐԱԳՐԱՅԻՆ ՀԱՂՈՐԴԱԳՐՈՒԹՅՈՒՆ ԱԶԳԱՅԻՆ ԲՅՈՒՐՈՅԻ ԱՆՈՒՆՈՎ ՍՏԱՑՎԱԾ ՆՎԻՐԱՏՎՈՒԹՅՈՒՆՆԵՐԻ ՄԱՍԻՆ**

12 հուլիսի 1916թ.

Ազգային բյուրոն մեզ խնդրում է հայտնել, որ մայիսի 15-ից հետո Բյուրոն ստացել է հետևյալ նվիրատվությունները. Լաքինսկայա ստանիցայից 250ռ., Ջաքաթալայի հայ տիկինների կոմիտեից՝ 136ռ. 92կ., Պարիզից՝ Պողոս փաշա Նուբարից 622ռուբ. 38 կ., Իգյուն քաղաքում ապրող մի խումբ հայերից 125ռ., Եգիպտոսի Հայկական կոմիտեից 5.000ռ. Թիֆլիսի Հայկական կոմիտեից 200ռ.,



Թեոդոսիայի Հայկական կոմիտեից 500ռ., Ցարիցիցից՝ Ա.Դոմբայանից 335ռ., Էջմիածնից՝ Վեհափառ կաթողիկոսի կարգադրությամբ 10.000ռ.:

«Հորիզոն», 12.07.16

N 110

**ԼՐԱԳՐԱՅԻՆ ՀԱՂՈՐԴԱԳՐՈՒԹՅՈՒՆ ՄԵՍՐՈՊ ԵՊԻՍԿՈՊՈՍԻ ԴՐԱՄԱԿԱՆ ՆՎԻՐԱՏՎՈՒԹՅԱՆ ՄԱՍԻՆ՝ ԹՈՒՐԹԵՐԻ ՄՈՏ ԵՂԱԾ ՀԱՅ ԳԵՐԻՆԵՐԻՆ ԱԶԱՏԵԼՈՒ ՀԱՄԱՐ**

21 հուլիսի 1916թ.

Մեսրոպ եպիսկոպոսը իր տրամադրության տակ եղած 2.891ռ., հանձնեց Թուրքիա մեկնած փախստականների զխավոր լիազոր գեներալ Թամամշկին՝ հանձնելու Մուրադին կամ Սեպուհին թուրքերի մոտ եղած հայ գերիներին ազատելու համար:

«Հորիզոն», 21.07.16

N 111

**ԼՐԱԳՐԱՅԻՆ ՀԱՂՈՐԴԱԳՐՈՒԹՅՈՒՆ ՀԱՅ ՓՈԽՍԱԿԱՆՆԵՐԻ ՀԱՄԱՐ ՈՒՂԱՐԿՎԱԾ ԳՈՒՄԱՐՆԵՐԻ ՄԱՍԻՆ**

23 հուլիսի 1916թ.  
Թիֆլիս

Փախստականների գործի զխավոր լիազոր գեներալ Թամամշկի կարգադրությամբ փախստականների պարենավորման գործի համար հուլիս ամսվա ընթացքում բաց է թողնված՝ Երևանի նահանգի համար – 498.396ռ., Գանձակի – 37.448ռ., Ստավրապոլի – 30.113ռ., Թիֆլիսի – 39.596ռ., Բազվի – 159ռ., Սև Շոփի – 10.958ռ., Ղարսի շրջանի համար – 174.378ռ., Դաղստանի – 185ռ., Թերեքի – 20.131ռ., Կուբանի – 76.635ռ., Բայազետի – 1.497ռ., Արճեշի – 2.377ռ., Խոյի ռուսաց հյուպատոսի տրամադրության տակ է դրված – 123.063ռ., իսկ Թավրիզի [ռուսաց] զխավոր հյուպատոսի – 50.121ռ., ընդամենը 985.193ռ.:

«Հորիզոն», 23 հուլիսի 1916:

N 112

**ՀԱՏՎԱԾՆԵՐ ԳԱՆՁԱԿԻ ԹԵՄԻ ՀԱՅՈՑ ԱՈՒԱՋՆՈՐԴ ԼԵՎՈՆ ԵՊԻՍԿՈՊՈՍԻ՝ ԱՆԵՆԱՅՆ ՀԱՅՈՑ ԿԱԹՈՂԻԿՈՍ ԳԵՎՈՐԳ 5-ՐԴԻՆ ՈՒՂՂՎԱԾ ՆԱՄԱԿԻՑ ՆՈՒՄՈՒ ԵՎ ԱՐԵՇԻ ԳՎԱՍՈՒ ՀԱՅ ԱՐԵՏՅԱԼՆԵՐԻ ԵՎ ԱՅԼ ՀԱՐՑԵՐԻ ՄԱՍԻՆ**

31 օգոստոսի 1916թ.  
ք.Գանձակ

...

\* Թեմային չվերաբերելու պատճառով բաց ենթ թողնում որոշ հատվածներ

1918 թվի աշնանը եկան Նուխու և Արեշի գավառի հայ աղետյալները, ես սոցա համար բերել տվի տասը հազար ռուբլի և տեղի մարդկանց օգնությամբ կերակրեցինք: Սորանից հետո էր, որ Աղդաշի մի թուրք կնոջից ազատեցի մի հայ աղջիկ հայ մարդկանց ձեռքով և բերի ինձ մոտ: Ապա հայ քահանան եկավ ամիսներից հետո և տարավ աղջկանը:

1919 թվին ես և մի քանի հոգի գանձակեցի հայեր ժողովեցինք հօգուտ Հայաստանի սովյալների 45.424 ռուբլի 15 կոպեկ. այս գումարի 42.224 ռուբլի 50 կոպեկ Հայաստանի կառավարության է ուղարկված նույն թվին, իսկ մնացյալը ծախսված է տեղական ծախքերի համար, ինչպես երևում է այս առթիվ տպված թերթերից:

1920 թվի մարտին կործանվեց Ազրբեջան[նա]կան մասամբ գործով և մասամբ ամբոխով հայ Սոլուք գյուղը, որպես թե «Ղալի Ղազարին պահպանելու համար». ժողովուրդը քաղաք փախչելու ժամանակ մասամբ կոտորվեց, մասամբ վիրավորվեցին, մի քանիսները սպանվեցին գյուղում թուրքերից:

Կոլոնիայի՝ գերմանացիք հատուկ շնորհակալության արժանի եղան իրենց բարի գործով դեպի Հայք:

Այս դեպքը առիթ տվեց, որ ժամանակի նահանգապետին բողոքվի, ապա, հանձնաժողով ընտրել տվի, որը փողը ժողովեց հիշյալներին օգնելու և նոցա համար սերմացու գնելու համար. բացի սոցա, այլ և հարևան մյուս գյուղերին [օգնելու]:

Օգնության մի մասը եկավ նաև Թիֆլիզից:

Բացի այս, ես ըստ ամենայնի աշխատել եմ որպես վարդապետ, անդադար քարոզել եմ ներքին միջոցներով յուրաքանչյուր տարի բոլոր գյուղերում, նոցա մեջ օծել եմ խոյլարի եկեղեցին, Նոր Արմավիրի եկեղեցին 1914 թվին և յուր ժողովուրդը մի պարտեզ տվեց այս եկեղեցուն. իմ դրամական մասամբ օժանդակությամբ և օժանդակ հիմնարկեցի Կորյունապատի ս.Սարգիս աղոթատունը:

Չմոռանամ ասել, որ 1913 թվին կատարեցի տեղիս մայր եկեղեցու դպրոցի հիսնամյակը: Ներկա եղող ժողովուրդը ամենայն ինչ ընդունեց ըստ ասված ճառերի. ապա, ներկայացուցի դպրոց չլինելու պատճառը. առաջարկեցի հանգանակություն, տեղում հավաքվեց. անցա Բաքու, ուր ինձ օգնեց Պավել Տեր-Ներսիսյանը, ապա, մայիսին անցա Թիֆլիզ, ուր անգնահատելի օգնություն արավ տիկին Ռոզալյա Սերգենևան: Արդյունքը եղավ մոտ 8.500 ռուբլի, քաղաքի երկու բանկերում մնացել է այժմ միայն 5.226ռ. 46 կոպեկ:

1917 թվի վերջերին ես խնդրեցի Ձերո Արթուրյունից թույլ տալու ինձ երթալու պատերազմի դաշտը: Սակայն Հայրապետական դիվանը մերժեց, [թե] ես իմ տեղումը լավ եմ: Այլ[ոց] և Ձերո Վեհափառությամբ հայտնի է, որ 1918 թվի մայիսի 28-ին տաճիկները մտան Գանձակ քաղաքի հայոց մասը, տեղացի կռվող ուժը գնաց Գետաշենի կողմերը առանց կռվի: Այս բոլորի մասին ես գրել եմ «Մշակ» լրագրի մեջ նույն թվին:

1918 թվի սեպտեմբերին ես և Ս.Տեր-Իսրայելյանը գնացինք Շուշի Նուրի փաշայի հրամանով: Ամեն տեսակի հնարներով և տանջանքներով ազատեցինք հայ ազգաբնակչությունը. [դա] այս թվին, հետևյալ 1919 թվին և 1920 թվի սկզբում չկատարվեց, այլ կատարվեց 1920 թվի մարտին. այն է՝ մեծամասնական գործի Բաքու մտնելուց մի ամիս առաջ...

Ձեր Վեհափառությամբ խոնարհ որդի և Ս.Աջոյդ մատուցող առաջնորդ հայոց Գանձակի՝

Լևոն եպիսկոպոս

\* Գանձակի գերմանական գաղութի

ՀԱԱ, Ֆ.409, ց.1, գ.2644, ք.22-23: Ձեռագիր: Բնագիր:

N 113

**ՆԻԿՈՍԻԱՅԻ ԱԶԳԱՇԱՐԱՆՊԱՍՏ ՀԻՄՆԱԴԻՐ ՀԱՆՁՆԱՍԽԱՐԻ ՆԱՄԱԿԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ՏԵՐԴԻ ՀԱՅՈՒԹՅԱՆ ԿՈՂՄԻՑ ՀԱՅ ԿԱՄԱՎՈՐԱԿԱՆՆԵՐԻ ՕԳՏԻՆ ԺՈՂՈՎԱԿԱԾ ԳՈՒՄԱՐԸ ՀԱՅՈՑ ԱԶԳԱՅԻՆ ԲՅՈՒՐՈՅԻ ՏՆՕՐԻՆՈՒԹՅԱՆ ՈՒՂԱՐԿԵԼՈՒ ՄԱՍԻՆ**

17 սեպտեմբերի 1916թ.  
ս. Էջմիածին

Վեհափառ Տեր,

Խոնարհաբար կուգանք հաստատել մեր 4/17 ապրիլ 1916 թվակիր նամակը, որում ներկայացված էր (50) հիսուն անգղիական ոսկինոց պանգայի[ն] չէք մը: Մեր հիշյալ նամակովը խնդրած էինք Ձերդ Վեհափառութենե, որ բարեհաճեք սույն գումարը Կովկասի ազգային պյուրոյին հանձնել անխտիր հայ կամավորական գործին հատկացնելու համար և ստացագիրը մեզ դրկել տալ:

Ձերդ Վեհափառութենեն մինչև ցարդ որևէ պատասխան մը չստացանք, զոր մտահոգություն կպատճառե մեզ:

Ձերմապես կխնդրենք, որ մեր նախորդ նամակը ստացած և պարունակության համաձայն Ձերդ Վեհափառության բարձր տնօրինությունը ի գործ դրած ըլլալը, մեզ իմացնելու շնորհքը ընեք:

Մատչելով ի համբույր Ձերդ ս.աջո կմնանք Ձերդ ս.օծության խոնարհ որդիքը

Ի դիմաց հանձնախմբի  
Ատենապետ Հ.Փետչիմալճյան  
Ատենադպիր Ա.Յ.Թուլումճյան

ՀԱԱ, Ֆ.57, ց.5, գ.57, ք.44: Բնագիր: Ձեռագիր:

N 114

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱՄԱԿԸ «ԻՈՐԻՉՈՆ» ԹԵՐԹԻ ԽՍԲԱԳՐՈՒԹՅԱՆԸ՝ «ՄԻ ԲԱՅԱՏՐՈՒԹՅՈՒՆ ԱԶԳԱՅԻՆ ԲՅՈՒՐՈՅԻ ԿՈՂՄԻՑ» ՎԵՐՆԱԳՐՈՎ**

21 սեպտեմբերի 1916թ.  
Թիֆլիս

«Մշակ»-ի հմ. 205-ի մեջ մի պարոն Աստվածատուր ստորագրությամբ գրում է, թե իբր Ազգային բյուրոն Ամերիկյան վերադարձող կամավորներին տալիս է ճանապարհածախք մինչև այնտեղ միայն 130ռ. և այն էլ փոխարինաբար, պարտավորացնելով նրանց վերադարձնել այդ դրամը Ամերիկայի Հ.Յ.Դաշնակցության Կենտրոնական կոմիտեն: Պարտք են համարում Ազգային բյուրոյի կողմից հայտնել, որ այդ տեղեկությունը միանգամայն չէ համապատասխանում իրականությանը:

Նախ՝ 130ռ. տրվում է յուրաքանչյուրին իբրև ճանապարհածախք ոչ թե մինչև Ամերիկա, այլ միայն մինչև Շվեդիա-Նորվեգիա: Պետք է ասել, որ սկզբներում, երբ նրանք ուղևորվում էին Արխանգելսկի վրայով, ճանապարհածախք տրվում էր մոտ 200ռ. ուղղակի մինչև Ամերիկա, բայց երբ անցյալ ապրիլ ամսից այդ գիծը փակվեց ճանապարհորդների համար, մնում էր վերադառնալ Պետրոգրադ-Շվեդիայի ճանապարհով կամ Վլադիվաստոկով և երկու դեպքերում էլ հարկավոր էր տալ ամսվազն 300ռ. յուրաքանչյուրին: Աչքի առաջ ունենալով վերադարձողների խոշոր թիվը, Բյուրոն հնարավորություն չունեի այդքան գումար տրամադրել, ուստի հենց իրենց՝ կամավորների հետ խորհրդակցելով՝ նա գտավ հետևյալ ելքը: Քանի որ վերադարձողների ահազին մեծամասնությունը, որ իրենք դրան ունեին Ամերիկայում, միայն չեն կարողանում այնտեղից ստանալ, չնայած իրենց տված հեռագրերին, բյուրոն որոշեց տալ նրանց ճանապարհածախք միայն մինչև Շվեդիա-Նորվեգիա, որտեղից արդեն նրանք հնարավորություն ունեն 2-3 օրվա ընթացքում Ամերիկայից հեռագրով դրան պահանջել և ապա շարունակել ճանապարհը:

Դրամը փոխարինաբար տալու միտքն էլ Ազգային բյուրոյին տվել են իրենք՝ կամավորները, որոնք հայտնել են, որ իրենք չեն ուզում ծանրաբեռնել ազգային սնդուկը և խնդրում են համարել ստացված դրամը իբրև պարտք, որը նրանք կվերադարձնեն Ամերիկա հասնելուն պես: Եվ քանի որ Ազգային բյուրոյի կազմած խմբերի մեջ մտած՝ Ամերիկայի կամավորները բոլորն էլ հավաքված և ուղարկված են Կովկաս Բոստոնի Կենտրոնական կոմիտեի միջոցով, որը ունի նրանց բոլորի ցուցակը, այդ պատճառով հենց իրենց ցանկությամբ նրանց պարտքը վերադարձնելու համար հարմարություն տալու նպատակով Ազգային բյուրոն նրանց առաջարկում է վերադարձնել այդ պարտքը Բոստոնի Կենտրոնական կոմիտեի միջոցով Ազգային բյուրոյին: Ուրեմն, դրամը պետք է վերադարձնեն Ազգային բյուրոյին և ոչ թե Բոստոնի Կենտրոնական կոմիտեին, որը միայն դրան ստանալու է ըստ պատկանելույն հասցնելու համար:

Դրա մի ապացույցն էլ հենց այն է, որ 6-րդ գնդի Ամերիկայի կամավորները, որոնք եկած են Կովկաս ուրիշ մարմինների միջոցով, տալիս են ստորագրություն այն մտքով, որ վերցրած դրամը նրանք վերադարձնելու են Ազգային բյուրոյին, իսկ թե ինչ մարմնի միջոցով, թե ուղղակի՝ դա թողնվում է իրենց կամքին: Միևնույն ժամանակ հարկ ենք համարում բացատրել, որ իզուր է պ.Աստվածատուրը խառնում այդ խնդրին Հ.Յ.Դաշնակցության անունը, քանի որ Բոստոնի Կենտրոնական կոմիտեն այդ խնդրում գործել է և գործում է իբրև ազգային մի մարմին, ինչպես և ինքը՝ Ազգային բյուրոն, որը համարել է այդ կոմիտեն իբրև իր հետ կապված բազմաթիվ այլ վայրերի կոմիտեներից մեկը:

Առիթից օգտվելով, երկու խոսքով էլ կպատասխանեն «Գաղափար» թերթի [1916] հմ. 72-ի մեջ տպված տասը կամավորների ստորագրությամբ բաց նամակին՝ պ.Յովի.Ապենդարյանին: Պ.Յովի.Ապենդարյանը ահա երեք շաբաթ է, ինչ բացակա է քաղաքիցս, բայց քանի որ հիշյալ 10.000ռ. դրամը Վեհափառ Կաթողիկոսը փոխադրել է Ազգային բյուրոյին, ուստի հարկ են համարում պատասխանել Բյուրոյի կողմից:

Նախ՝ միանգամայն սխալ է, որ այդ դրամը ուղարկված է հատկապես 6-րդ գնդի կամավորներին Ամերիկյան գնալու ճանապարհածախս տալու համար: Ազգային բյուրոն սկզբունքով որոշել էր ճանապարհածախս տալ Ամերիկյան գնացող կամավորներին առանց գնդերի խտրության, պահանջելով միայն, որ ներկայացող կամավորը ունենա վկայական իր խմբի հրամանատարից: Եվ միջոցների սղության պատճառով Բյուրոն դեռ անցյալ մայիսին դիմել էր Վեհափառ Հայրապետին, խնդրելով իր տրամադրության տակ եղած կամավորական դրամներից մի գումար ուղարկել Ազգային բյուրոյին՝ զոնե 6-րդ գնդի կամավորներին ճանապարհածախք տալու համար: Եվ Բյուրոյի խնդիրը հարգելով՝ Վեհափառը կարգադրել էր ուղարկել 10.000 ռուբլի, և այդ առթիվ Բյուրոյին ուղղած հայրապետական դիվանի գրության մեջ

ասված էր հետևյալը. «Դիվանն հայտնում է, որ 6-րդ գնդի կամավորների անունով հատուկ գումարներ չկան Նորին Սրբության տրամադրության տակ: ... Նորին Սրբությունը պատվիրեց Սինոդին փոխադրել Բյուրոյի իր տրամադրության տակ գտնված ընդհանուր կամավորների գումարից 10.000 ռ.: ընդհանուր կամավորների ծախքերի համար»: Պարզ է, ուրեմն, որ ուղարկված դրամը 6-րդ գնդի կամավորների համար չէր: Այս մեկ սխալ:

Գանք մյուսին: Ազգային բյուրոն մինչև սեպտեմբերի 17-ը ճանապարհածախք տվել է Ամերիկա գնալու համար 6-րդ գնդի 53 կամավորների, ընդհանուր գումարը՝ 6.760 ռուբլի: Ուրեմն, ոչ թե 2-3 հազար ռ., ինչպես առանց իրողությունն իմանալու գրում են «Գաղափար» թերթի մեջ 6-րդ գնդի 10 կամավորները, այսպիսով մոլորության մեջ ձգելով հասարակական կարծիքը:

Ազգային բյուրոյի կողմից Չակ.Քոչարյան

«Չորիզոն», հասարակական, գրական, քաղաքական օրաթերթ, Թիֆլիս, 27.09.16

N 115

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱՄԱԿԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԴԻՎԱՆԻ՝  
ԿԱՄԱՎՈՐԱԿԱՆ ԽՄԲԵՐԻՆ ՈՒ ՆՐԱՆՑ ԸՆՏԱՆԻՔԻԵՐԻՆ ՀԱՏԱՎՈՐՄԱՆ ԳՈՒՄԱՐՆԵՐԻ  
ԻՐԱՏՄԱՆ ԵՎ ԼՐԱՑՈՒԹՅՈՒ ՄԻՋՈՑՆԵՐ ԽՆԴՐԵԼՈՒ ՄԱՍԻՆ**

19 մայիսի 1916թ.

Ազգային բյուրոն ստացավ Ձեր գրությունը հոկտեմբերի 5-ից հմ. 2190: Նախ՝ Ազգային բյուրոն հայտնում է իր խորին շնորհակալությունը Նորին Վեհափառության, որը ուշադրության առնելով Բյուրոյիս հեռազրական դիմումը, բարեհաճել է պատվիրել Ս.Էջմիածնա Սինոդին փոխադրել Բյուրոյի անունով այլև 5.000 ռուբլի: Միևնույն ժամանակ պետք ենք համարում հայտնել, որ նախընթաց 5.000 ռուբլին, որի մասին ինչպես վկայում է դիվանիդ համապատասխան գրությունը, Նորին Սրբության կարգադրությունը Սինոդին եղել էր սեպտեմբերի 17-ին, Սինոդի գանձապահը մեզ ուղարկել է միայն հոկտեմբերի 6-ին, և Բյուրոն այդ գումարը ստացավ միայն հոկտեմբերի 12-ին: Հայտնելով իր խորին շնորհակալությունը Նորին Սրբությանը, Բյուրոն ներփակյալ ուղարկում է դիվանիդ համապատասխան անդորագիր հմ. 26/83:

Գալով պատկառելի դիվանիդ գրության շարունակությանը, թույլ ենք տալիս մեզ հայտնել, որ այնտեղ մի խոշոր թյուրիմացություն կա: Ինչպես երևում է, դիվանիդ հաշվեմատյաններում Ազգային բյուրոյի հաշվին անց է կացրած մեզ համար միանգամայն մի գումար, որի մասին առաջին անգամ տեղեկանում ենք Ձեր գրությունից, մի սխալ, որ խնդրում ենք Ձեզ ուղղել: Բանը նրանում է, որ Բյուրոն 1915թ. հունվարին (կամ դրանից առաջ կամ հետո) երբեք չի ստացել Պողոս փաշա Նուբարից 20.000 ռուբլի, ինչպես և երբեք չի փոխադրել Նոր Բայազետի եղբայրական օգնությանը 2000 ռուբ.: Սրա հետ միաժամանակ Բյուրոն առանձին նամակով կդիմի Պողոս փաշային և կխնդրի պարզել, թե այդ ի՞նչ գումար է, որ նա փոխադրել է Բյուրոյին, Վեհին ուղարկելու համձնարարությամբ, և Բյուրոն չի ստացել: Դիվանիդ գրության այդ սխալ կետը մեզ համար ծանր է ոչ միայն նրանով, որ մեզ վրա հաշված է մի գումար, որ մենք չենք ստացել, այլ ավելի նրանով, որ Բյուրոն կարծես թե մեղադրվում է որոշ չափով անբարեխղճության մեջ, քանի որ նա իբր թե չէ կատարել Պողոս փաշայի հեռազրական պատվերը Նորին Սրբության դրամը փոխադրելու մասին, և «մինչև այսօր իսկ, ինչպես դուք գրում եք, պահել է պետքերի համար»:

Ուրեմն, խոնարհաբար խնդրում ենք պարզել իրողությունը, զեկուցանել այդ մասին Նորին Սրբությանը և հանելով այդ գումարը մեր հաշվեց, վերցնել Բյուրոյի վրայից այդ անհիմն մեղադրանքը:

Գրության մեջ հիշված մնացած գումարները միանգամայն ճիշտ են: Սակայն 16.650 ռ. Ազգային բյուրոն ստացել է Նորին Օծության կարգադրությամբ դեռ 1915թ. սեպտեմբերին կամավորական ընդհանուր պետքերի համար, և չպետք է կապվի Բյուրոյի այժմյան խոշոր կարիքների հետ, որ առաջացել են կամավորական խմբերի լիկվիդացիայի շնորհիվ: Մնացյալ 20.000 ռուբ. միայն (այն է՝ 10.000+5.000+5.000) իրոք Բյուրոն ստացել է այդ կարիքների համար: Այստեղ պարտք ենք համարում համառոտ տեղեկություն տալ Նորին Սրբությանը զեկուցանելու համար Ազգային բյուրոյի ունեցած ծախքերի մասին: Վերջին ամիսների ընթացքում կամավորների լիկվիդացիայի վրա Բյուրոն ծախսել է ավելի քան 250.000 ռուբ., այդ թվում միայն ճանապարհածախք ավելի քան 50.000 ռուբլի: Ինչպես հայտնի է, 6-րդ գունդը կազմված էր Ազգային բյուրոյից միանգամայն անկախ և ոչ մի կապ չէր պահում Բյուրոյի հետ: Սակայն երբ այդ գնդերից սկսեցին դիմել Բյուրոյին օգնության համար, և Բյուրոն տեղեկացավ, որ այդ գնդի Կենտրոնական կոմիտեն միջոցներ չունի և անկարող է նրանց օգնել, Բյուրոն որոշեց նրանց օգնել և մինչև այժմ միայն այդ գնդի կամավորների վրա ծախսված է մոտ 14.000 ռուբլի: Ներկայումս բյուրոյի ազատ միջոցները համարյա սպառված են, կա միայն 30.000 ռուբլի, որ հատկապես կամավորների ընտանիքների համար է: Այնինչ դեռ բազմաթիվ ծախքեր կան Բյուրոյի առաջ, այն է՝ բավարարել մի խոշոր մասը հաշմանդամների և ապա օգնության գալ սպանվածների և մեռածների ընտանիքներին, իսկ վերջիններիս թիվը անցնում է 700-800-ից: Այդ նպատակի համար ունեցած 30.000 ռուբլին շատ քիչ է այդ խոշոր կարիքը հոգալու համար: Ամեն կողմից դիմումներ և աղաղակներ են հասնում Բյուրոյին այդ մասին: Աչքի առաջ ունենալով բոլոր վերոհիշյալը՝ Ազգային բյուրոն երկու անգամ հեռագրով դիմել էր դիվանիդ միջոցով Նորին Օծությանը և այժմ գրավոր կերպով երրորդ անգամ դիմում է և ամենախոնարհաբար խնդրում Նորին Վեհափառությունից կարգադրել հաղորդել բյուրոյին, թե որքան «կամավորական գումարներ» կան իր տրամադրության տակ և, եթե կարելի է, միաժամանակ պատվիրել այդ ամբողջ գումարը փոխադրել Ազգային բյուրոյին լիկվիդացիան վերջացնելու համար: Առանձին կամավորներ մի քանի անգամ խոսք են բարձրացրել, որ իրենք կերթան Էջմիածին վեհափառ կաթողիկոսին դիմելու, սակայն մինչև օրս մենք գիտե՞նալով, որ դա կարող է անախորժություն պատճառել Նորին Սրբությանը, միշտ արգելք ենք եղել դրան, հայտնելով, որ Վեհափառ կաթողիկոսը ինքը դրան չի տալիս ոչ ոքի, այլ ուղարկում է Ազգային բյուրոյին՝ բաժանելու համար:

Խոնարհաբար խնդրում ենք որքան հնար է շուտով զեկուցանել այս բոլորը Նորին Օծությանը և խնդրել նրա բարեհաճ կարգադրությունը:

Ընդունեցե՛ք մեր ամենախոնարհ հարգանքները:

Փոխնախագահ Ազգային բյուրոյի  
Անդամ-քարտուղար

Ալ.Խատիսյան  
Չակ.Քոչարյան

ՀԱԱ, Ֆ.57, ց.5, գ.56, թթ.55-56: Բնագիր: Չեռագիր:

N 116

**ԼՐԱԳՐԱՅԻՆ ՀԱՐՈՐՂԱԳՐՈՒԹՅՈՒՆ ՄՊԱՆՎԱԾ ԿԱՄԱՎՈՐՆԵՐԻ ԸՆՏԱՆԻՔՆԵՐԻՆ  
ՆՊԱՍՏ ՏԱԼՈՒ ԳՈՒՄԱՐՆԵՐԸ ՓՈՍՏՈՎ ՈՒՂԱՐԿԵԼՈՒ ԽՆԴՐԻ ՄԱՍԻՆ**

3 նոյեմբերի 1916թ.  
Թիֆլիս

Ազգային բյուրոն մեզ հաղորդում է, որ սպանված կամավորների ընտանիքները նպաստ ստանալու համար անձամբ գալիս են Թիֆլիս, որ կապված է ծախսերի ու դժվարությունների հետ, հաճախ առանց որևէ փաստաթղթի: Ի գիտություն նպաստ ստացողների հայտնվում է, որ փոխանակ անձամբ գալու, պետք է ուղարկել Բյուրոյի հասցեով (Термонтовская 12, Армянское бюро) մեկ վկայական ընտանիքի կազմի վերաբերյալ, հաստատված առաջնորդարանի կամ պրիստավի կողմից և ապա խմբից տրված մահվան վկայականը: Դիմողը պետք է հայտնի իր հասցեն, որպեսզի փոխադրվի դրանը:

«Հորիզոն», հասարակական, գրական, քաղաքական օրաթերթ, Թիֆլիս, 03.11.16:

**N 117**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱՄԱԿԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ  
ՀԱՅՐԱՊԵՏԱԿԱՆ ԴԻՎԱՆԻՆ՝ ԿԱՄԱՎՈՐՆԵՐԻ ՈՒ ՆՐԱՆՑ ԸՆՏԱՆԻՔՆԵՐԻ  
ԿԱՐԻՔՆԵՐԸ ՀՈԳԱԼՈՒ ՀԱՄԱՐ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՑ  
ԴՐԱՄԱԿԱՆ ՄԻՋՈՑՆԵՐ ԽՆԴՐԵԼՈՒ ՄԱՍԻՆ**

20 նոյեմբերի 1916թ.  
Թիֆլիս

Ազգային բյուրոն ստացել է Ձեր գրությունները հմ.2214 հոկտ[եմբերի] 10-ից և 2435 նոյեմբերի 8-ից:

Անցյալ հոկտեմբերի 27-ին Բյուրոն ստացավ Վեհափառ կաթողիկոսի կարգադրությամբ ս.Սինոդի գանձապահից փոխադրած 4987 թ. 50 կ., որի համար Բյուրոն խնդրում է հայտնել իր խորին շնորհակալությունը Վեհափառ Հայրապետի և ընդսմին ուղարկում է այդ գումարի ստացման անդորրագիրը՝ հմ. 29/83:

Ազգային բյուրոն շատ ուրախ է, որ դիվանիդ նոյեմբերի 8-ի նամակով պարզվում է Բյուրոյի վրա սխալմամբ հաշված 18.000 ռ[ուբլու] խնդիրը: Սակայն պատկառելի դիվանիդ նամակի մեջ ոչ մի պատասխան չկա Բյուրոյիս հոկտ[եմբերի] 19-ի գրության գլխավոր դիմումին, որը վերաբերում է Ազգային բյուրոյի ներկա խոշոր կարիքներին և Նորին Վեհափառության տրամադրության տակ եղած կամավորական գումարներին:

Այդ առթիվ Ազգային բյուրոն իր վերջին միտումն որոշեց կրկին անգամ դիմել Նորին Օծությանը ուղարկելով հատուկ պատգամավոր պ.Ստ.Լիսիցյանին, որը ներկայացնելով Բյուրոյի գրությունը դիվանիդ անունով Վեհափառ կաթողիկոսին զեկուցանելու համար, մինչև ժամանակ պատիվ կունենա անձամբ զեկուցանելու Նորին Վեհափառությանը Բյուրոյի ընթացիկ խոշոր կարիքների մասին:

Պատկառելի դիվանիդ անունով սեպտեմբերի 14-ին և հոկտեմբերի 19-ին գրած նամակների մեջ Ազգային բյուրոն արդեն համառոտակի զեկուցել էր, թե ինչ ծախքեր են եղած Բյուրոյի կողմից կամավորների լիկվիդացիայի վրա, այն է՝ հեռացող կամավորներին նպաստ և ճանապարհածախք տալու, հիվանդներին ու հաշմանդամներին բժշկության ծախք և միանվագ նպաստներ տալու և այլ ծախքերի վրա: Բոլոր ծախքերը կատարված են գլխավորապես հատուկ կարգադրիչ մարմնի ձեռքով Երևանում և մասամբ էլ Թիֆլիսում Ազգային բյուրոյի ձեռքով: Ձեզ գրած նամակներից հետո այդ նպատակներով ծախքերը շարունակվել են և ներկայումս հասել են մինչև 280.000 ռուբլու, և այդպիսով Բյուրոյի միջոցները միանգամայն

սպառվել են, և նա արդեն բավական խոշոր գումար նույնիսկ ծախսել է, փոխարինաբար վերցնելով այն առանձին գումարից, որը հատկացված էր սպանված կամավորների ընտանիքների համար: - Ներկայումս, ինչպես մեզ գրում է [Բյուրոյի] Երևանի կարգադրիչ մարմինը, վերոհիշյալ լիկվիդացիան վերջացնելու համար հարկավոր է էլի առնվազն 20.000 ռուբլի (դեռ չեն խոսում սպանվածների ընտանիքների օգնության մասին): Բացի դրանից, ինչպես վերև ասացինք, մինչև այժմ էլ մոտ 15.000թ. ծախսված է ընտանիքների համար հատկացված գումարներից:

Ահա այդ գումարները ծածկելու համար մենք դիմել էինք և այժմ դիմում ենք Նորին Վեհափառության օգնությանը:

Բայց դա միայն մի մասն է խնդրի: Ինչպես արդեն գրել ենք հոկտ[եմբերի] 19-ին, կան մոտ 700-800 հոգի սպանված կամավորներ, որոնց մեծ մասը ունեցել են ընտանիքներ, որ այժմ մնացած են անօգնական վիճակում և դիմում են Բյուրոյին: Բյուրոյի ունեցած գումարը այդ նպատակով (մոտ 30.000 ռուբլի) շատ քիչ է այդքան ընտանիքների համար, քանի որ եթե հաշվենք նույնիսկ 500 ընտանիք և յուրաքանչյուրին առնվազն 200 ռուբլի, դա կլինի արդեն 100.000 ռուբլի: Ահա թե ինչու Ազգային բյուրոն դիմում է Նորին Վեհափառությանը ամենախորհին խնդրանքով օգնության հասնել Բյուրոյին այս ծանր օրերին:

Բյուրոն խոնարհաբար խնդրում է Վեհափառ Հայրապետին տրամադրելի անել Բյուրոյին նախ այն հատուկ «կամավորական գումարները», որ կան նրա տրամադրության տակ: Այդ գումարների մասին հարգելի դիվանիդ հունիսի 7-ին մեզ գրած նամակի մեջ ասված էր, որ 6-րդ զեդի համար (հնչակյանների) հատուկ գումար չկա Վեհափառ կաթողիկոսի մոտ, և դրանք բոլորը ընդհանուր կամավորների համար են: Սակայն Բյուրոն ինքը ծախսել է 6-րդ զեդի կամավորների ճանապարհածախքի և այլ կարիքների համար ավելի քան 14.000 ռուբլի: Բացի դրանից, Ազգային բյուրոն թույլ է տալիս իրեն դիմել Նորին Վեհափառությանը և ավելի լայն խնդիրքով, և լիահույս է, որ Նա կմտնի կամավորների ծանր դրության մեջ և կբարեհաճի պատշաճ տնօրինությունը անել նրանց օգնության համար:

Ինչպես մեզ հայտնի է և բազմիցս տպվել է Լոնդոնի «Ararat» ամսաթերթում և ուրիշ թերթերի մեջ, Լոնդոնից և Ամերիկայից խոշոր գումարներ [են] ուղարկված Նորին Վեհափառությանը վիրավոր հայ զինվորների համար: Ահա այդ գումարների խոշորագույն մասը, եթե ոչ բոլորը, հասնելու է իրենց հիվանդ, վիրավոր և հաշմանդամ հայ կամավորներին: Եվ ահա այդ գումարներից է, որ խոնարհաբար խնդրում ենք Նորին Վեհափառությունից մի խոշոր մասը այժմ դնել Բյուրոյի տրամադրության տակ թե՛ լիկվիդացիայի գործը վերջացնելու և թե՛ սպանվածների ընտանիքներին օգնելու համար:

Ինչպես մեր հոկտ[եմբերի] 19-ի նամակում գրել ենք, կամավորներից շատերը լսելով էջմիածնում եղած գումարների մասին, ցանկություն են հայտնել գալ այդտեղ և դիմել Վեհափառ Կաթողիկոսին, բայց մենք միշտ նրանց արգելել ենք այդ անել, հատնելով, որ Նորին Օծությունը անձամբ դրամներ չի բաժանում կամավորներին, այլ ուղարկում է կամավորներին տալու համար ըստ իր բարեհայեցողության:

Այս խնդրի մասին Բյուրոյի անդամ պ.Ստ.Լիսիցյանն էլ բերանացի կզեկուցանի Նորին Օծությանը և հույսով ենք, որ Վեհափառ կաթողիկոսը կկատարի Բյուրոյի խոնարհ խնդիրը և որքան հնար է խոշոր գումար կուղարկի Բյուրոյին առաջիկա կարիքները հոգալու համար: Սպանվածների ընտանիքների խնդրի համար հատկապես կարևոր է Բյուրոյի համար իմանալ, թե ինչքան գումար կունենա Բյուրոն իր տրամադրության տակ, որ ըստ այնմ որոշի, թե ինչ նպատակներով և որքան կարող է տալ յուրաքանչյուր ընտանիքին:

Գալով պատկառելի դիվանիդ հոկտեմբերի 10-ի նամակին՝ Ազգային բյուրոն պարտք է համարում բացատրել հետևյալը՝ Նորին Վեհափառությանը զեկուցանելու համար:

Նախ՝ Ազգային բյուրոյի նամակը [իր ճյուղի] Ամերիկայի կենտրոն[ական], կոմիտեին, որից մի կտոր տպված էր «Հայրենիքում» և այնտեղից արտատպված Կոմիտեի «Հունաբեր»-ում, գրված է 1915թ. դեկտեմբերի 20-ին, ուրեմն մոտ մի տարի սրանից առաջ: Այդ նամակը, ինչպես և Բյուրոյիս գրագրությունը առհասարակ կրում է կոնֆիդենցիայի բնույթ և երբեք նշանակված չէր հրատարակության համար: Նամակից քաղվածք տպագրելը «Հայրենիքում» անտակտ քայլ էր Ամերիկայի մեր կոմիտեի կողմից, և այդ առթիվ նրան նկատողություն է գրվել Բյուրոյի կողմից: Գալով նամակի բովանդակությանը ըստ էության, պետք է ասենք, որ դա միանգամայն համապատասխանում է իրականությանը: Ազգային բյուրոն իր գոյության սկզբից միշտ վայելել է Նորին Օծության առանձին հովանավորությունը և ուշադրությունը (էլի կրկնում ենք, որ նամակը գրված է 1915թ. դեկտեմբերին): Անհարմար համարելով այդ առթիվ գրավոր կերպով մտնել մանրամասնությունների մեջ, թողնում ենք այդ անձամբ պ.Ստ.Լիսիցյանին բերանացի բացատրելու Նորին Վեհափառությանը: Երկու խոսքով միայն կհիշեցնենք, որ դեռ 1912թ. վերջերից, երբ կազմվեց Բյուրոն, և երբ հայկական ռեֆորմների հարցն էր մշակվում, և կազմակերպվեց Պողոս փաշա Նուպարի պատգամավորությունը Եվրոպայում և մանավանդ 1914թ. օգոստոսից հետո (այսինքն՝ ռուս-գերմանական պատերազմը սկսելուց) քանի-քանի անգամ հատուկ պատգամավորներ են եկել Բյուրոյի կողմից ս.էջմիածին՝ Նորին Օծության մոտ զանազան խնդիրներով, զանազան գրություններով՝ խորհրդակցելու համար Նրա հետ և ստանալու Նրա հավանությունը: Հիշենք միայն նրանց անունները, պ.պ. Ս.Հարությունյան, Բժ.Հ.Չավրիյան, Միք.Պապաջանյան, Գ.Խատիսյան, Հովս.Ամիրխանյան, Ա.Աբելյան և այլն: Քանի անգամ ինքը՝ Վեհափառ կաթողիկոսը, դիմել է Բյուրոյին այս կամ այն կարևոր խնդրի առթիվ և հարցրել նրա կարծիքը: Հիշենք հենց ամենակարևոր մոմենտներից մեկը, երբ Նոյկոլայ 2-րդ կայսեր Թիֆլիս գալու օրերին տեղի ունեցած խորհրդակցություններ, որոնց հետևանք Նորին Օծությունը գրավոր ներկայացրեց փոխարքային (1914թ. նոյեմբերի 24-ին) Հայկական ինքնօրինության վերաբերյալ պատմական դոկումենտը և ապա նույն նյութի մասին անձամբ խոսեց թագավոր կայսրի հետ...

Իհարկե, մեր նամակը գրելով Ամերիկայի կենտրոն. կոմիտեին՝ մենք երբեք չենք մտածել «գործի ամբողջ պատասխանատվությունը ձգել Նորին Վեհափառության վրա», և մանավանդ չենք ուզեցել նրա անունը «կապել Բյուրոյի գործունեության բոլոր մանրամասնությունների հետ», ինչպես գրված է պատկառելի դիվանիդ գրության մեջ: Մեր խոսքը միայն, ինչպես ասացինք, Բյուրոյի «պատասխանատու քայլերի մասին է»:

Թույլ տվեք նույնպես ասել, որ փոքր ինչ չափազանցած են դիվանիդ նամակի մեջ այն խոսքերը, թե «Նորին Օծությունը Բյուրոյի գործերից ավելի քան անտեղյակ է և չգիտե, թե ինչ է կատարվում այնտեղ»:

Իհարկե, Ազգային բյուրոն հնարավորություն չի ունեցել շատ հաճախ կանոնավոր զեկուցումներ ուղարկել Նորին Վեհափառությանը, բայց և այնպես մինչև 1915 թվի դեկտեմբեր ամիսը (երբ գրված է Բյուրոյի նամակը Ամերիկա) բավական հաճախ եկած են էջմիածին Բյուրոյի պատգամավորներ և բերանացի զեկուցել են Բյուրոյի գործերի մասին, մի քանի անգամ Բյուրոն գրավոր զեկուցումներ է ուղարկել Վեհին և, երկու անգամ էլ ինքը՝ Բյուրոն ամբողջ կազմով Թիֆլիսում ներկայացել է Նորին Վեհափառությանը և իր նախագահի բերանով զեկուցել է ընթացիկ գործերի մասին:

Ընդունում ենք, որ Բյուրոյի գործունեության մանրամասնությունները կարող էին ծանոթ չլինել Նորին Վեհափառությանը, բայց Բյուրոն գտնում է, որ պետք էլ չէր

Նորին Օծության ուշադրությունը ծանրաբեռնել զանազան մանր-մունր ընթացիկ գործերով:

Բավականանալով այսքանով, Ազգային բյուրոն նորից խնդրում է պատկառելի դիվանիդ զեկուցանել այս բոլորը Նորին Օծությանը, և Բյուրոն լիահույս է, որ Նորին Օծությունը ներողամիտ կգտնվի, եթե Ամերիկայի կոմիտեի անտակառության պատճառով Բյուրոյիս նամակի մի կտորի հրատարակությունը փոքր ինչ վշտացրել է նրան, և միևնույն ժամանակ նա կհարգի Բյուրոյիս խոնարհ խնդիրը և նյութական խոշոր օգնությամբ կթեթևացնի Բյուրոյի և նրա հետ միաժամանակ թշվառ կամավորների և նրանց ընտանիքների ծանր դրությունը:

Խնդրում ենք ընդունել մեր ամենախորին հարգանքները:

Փոխնախագահ Ազգային բյուրոյի Անդամ-քարտուղար Ալ.Խատիսյան Հակ.Քոչարյան

ՀԱԱ, Ֆ.57, ց.5, գ.56, թթ.49-53 (հակ.): Բնագիր: Ձեռագիր:

**N 118**

**ԱՄՓՈՓ ՏՎՅԱԼՆԵՐ 1915-1916ԹԹ. ԱՄԵՐԻԿԱՅՈՒ ՉԱՐՈՒԹՅՈՒՆ ԿԱՄԱՎՈՐԱԿԱՆ ԽԱՐԵՐԻ ԿԱՐԻՔՆԵՐ ՀԱՄԱՐ ԱՌԱՔՎԱԾ ԳՈՒՄԱՐՆԵՐԻ ՎԵՐԱԲԵՐՅԱԼ**

20 նոյեմբերի 1916թ. Ա.էջմիածին

1915թ. 4 փետրվարի	1500 դոլար
„ 18 „	1500 „
„ 4 մարտի	5000 „
„ 16 „	1300 „
„ 7 ապրիլի	2500 „
„ 27 հուլիսի	5000 „
„ 11 սեպտեմբերի	2500 „
1916թ. 19 հունվարի	1500 „
„ 10 հուլիսի	5000 „

Գումարը — 25.800 դոլար

Լիազոր ներկայացուցիչ Ար.գործ. հանձնախմբի Օհան Գասպարյանց

ՀԱԱ, Ֆ.57, ց.5, գ.168, թ.51: Բնագիր: Ձեռագիր:

**N 119**

**ԱՍՏՐԱԽԱՆԻ ՀԱՅՈՑ ԹԵՄԱԿԱԼ ԱՌԱՋՆՈՐԴ ՄԵՆՐՈՂ ՏԵՐ.ՄՈՎՍԻՍՅԱՆԻ ՆԱՄԱԿԸ ԲԱՐԵԳՈՐԾԱԿԱՆ ԸՆԿԵՐՈՒԹՅԱՆ ԿԵՆՏՐՈՆԱԿԱՆ ԿՈՄԻՏԵԻՆ՝ ԲԱՐԵԳՈՐԾԱԿԱՆ ՕԳՆՈՒԹՅՈՒՆ ԿԱԶՄԱԿԵՐՊԵԼՈՒ ՀԱՐՑԵՐԻ ՇՈՒՐՁ**

5 դեկտեմբերի 1916թ. ք.Աստրախան

Ամերիկայի հայկական ընկերության բժշկական վարչությունը ինձ է ուղարկել ներփակ նամակ, որով հայտնում է, որ [1916թ.] օգոստոսի 4-ին կոմիտեիդ ուղարկած

հեռագրական հարցմանը - արդյոք կարիք կա՞ր բժշկական օգնության, մենք պատրաստ ենք մեր ծախքով բժիշկ ուղարկել Ձեր տրամադրության տակ, դեղերի կարիք կա՞ր, ու՞ր է Կրեսսին – պատասխան չենք ստացել: Ապա շարունակում են հաղորդել, որ վարչությունը ունի դրամական միջոցներ և պատրաստ է օգնել: Թեև դոկտոր Կրեսսին հավանական է արդեն տեղ է հասել և ինչ որ պետքն է, անձամբ պատմել է, բայց իմ կարծիքով ցանկալի է, որ կոմիտեիդ կողմից պաշտոնապես տեղեկություն տրվի նաև այդ նամակին, մանավանդ, որ վերջին աղետից հետո, անշուշտ, կարիքը ավելի մեծ կլինի: Այդ պատճառով ուղարկում են այս նամակը և խնդրում են պատասխանել, քանի որ նամակը գրված է իմ և կոմիտեիդ անունով միաժամանակ:

Առաջնորդ թեմի Մեսրոպ

ՀԱԱ, Ֆ.28, ց.1, գ.888, թ.4: Բնագիր:

**N 120**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱՄԱԿ ԱՍԵՆԱՅՆ ՀԱՅՈՑ ԿԱԹՈՂԻԿՈՍԻ ԴԻՎԱՆԻՆ՝  
ՀՕԳՈՒՏ ՎԻՐԱՎՈՐ ՈՒ ԶՈՂՎԱԾ ԿԱՄԱՎՈՐՆԵՐԻ ԵՎ ՆՐԱՆՑ ԸՆՏԱՆԻՔՆԵՐԻ ՄԱՅՐ  
ԱԹՈՒԻՑ ՍՏԱՑՎԱԾ ՈՒ ԲԱԽՇՎԱԾ ԳՈՒՄԱՐՆԵՐԻ ՄԱՍԻՆ**

5 հունվարի 1917թ.  
Թիֆլիս

Ազգային բյուրոն ժամանակին ստացել է պատկառելի դիվանիդ հմ. 2737 գրությունը դեկտ. 12-ից և այս օրերս էլ ստացավ Մայր աթոռի գանձապահի ձեռքով փոխադրված 27.522 թուր. 85 կոպ.: Ազգային բյուրոն խնդրում է Ձեզ հայտնել Նորին Վեհափառությանը իր խորին շնորհակալությունը այդ բարեհաճ կարգադրության համար: Ստացված գումարը արձանագրվեց Բյուրոյի հաշվեմատյաններում այնպես, ինչպես մեզ գրված էր, այսինքն՝ 5275 թ. հօգուտ վիրավոր կամավորների և 22.247 թ. 85 կոպ. հօգուտ սպանված կամավորների ընտանիքների:

Ձեր նամակի մեջ հաշված գումարները բոլորն էլ ճիշտ են և ստացված են Ազգային բյուրոյի ձեռքով:

Թույլ ենք տալիս մեզ միայն մի փոքրիկ ուղղում անել: Նամակում ասված է, որ բոլոր գումարներից միայն 3.024 թ. 47 կոպ. Ազգային բյուրոյի անունով էր, իսկ մնացած ամբողջ գումարները Նորին Վեհափառության կողմից նպաստ է Ազգային բյուրոյին: Այնինչ սեպտ[եմբերի] 9 հմ. 1500 մակագրությամբ ցույց տված գումարը, 10.000 թուր. հատկապես, ուղարկված է եղել Պողոս փաշա Նուբարից Նորին Վեհափառությանը Ազգային բյուրոյին հանձնելու համար: Այդ մասին թե՛ ինքը՝ Պողոս փաշա Նուբարը, հեռագրել էր Բյուրոյին և թե՛ հիշված է ս.Էջմիածնի Սիմոնի 2-ին հոկտեմբերի 1915-ից հմ. 1493 Բյուրոյին ուղղված գրության մեջ:

Նամակիս հետ ուղարկվում է Ձեզ համապատասխան անդորրագիրը հմ. 30/83:

Ընդունեցե՞ք մեր խորին հարգանքները:

Փոխնախագահ Ազգային բյուրոյի Ալ.Խատիսյան  
Քարտուղար Հակ.Քոչարյան

ՀԱԱ, Ֆ.57, ց.5, գ.56, թ.58 (հակ.): Բնագիր: Ձեռագիր:

**N 121**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՀԱՅՏԱՐԱՐՈՒԹՅՈՒՆԸ ՄՊԱՆՎԱԾ ՀԱՅ ԶԻՆՎՈՐՆԵՐԻ  
ԴՐԱՄԱԿԱՆ ՈՒՆԵՑՎԱԾՔԸ ԳԵՐԻՆԵՐԻՆ ԱԶԱՏՈՂ ՄԱՍՆԱԺՈՂՈՎԻ ՏՐԱՄԱԴՐՈՒԹՅԱՆ  
ՏԱԿ ԴՆԵԼՈՒ ՄԱՍԻՆ**

17 հունվարի 1917թ.

Ազգային բյուրոն մեզ խնդրում է հրատարակել, որ 1-ին զնդի կամավոր Մկրտիչ Թուրունջյանի միջոցով ստացված Ազգային բյուրոյում նույն զնդի սպանված կամավոր Ավագ Ուզունյանի գրպանից հանած՝ ա. 15 հատ տաճկական ոսկի, որ հավասար է 18 և կես լիրայի և որը Բյուրոյի համաձայնությամբ հանձնվեց գերիներին ազատող մասնաժողովին և փոխարենը ստացած 370 ռուբ. ռուսական դրամ, բ. ռուսական թղթադրամով՝ 240 ռուբ., գ. ամերիկական 50 դոլլար թղթադրամով: Այսպիսով, Ազգային բյուրոյի դրամարկղում պահվում է վերոհիշված Ուզունյանին պատկանող ընդամենը ռուսական դրամ 610 ռ. և ամերիկական դրամ 50 դոլլար:

«Յորիզոն», 17.01.17:

**N 122**

**ԱՄՏՐԱՒԱՆԻ ՀԱՅՈՑ ԹԵՄԱԿԱԼ ԱՌԱՋՆՈՐԴ ՄԵՄՐՈՂ ՏԵՐ-ՄՈՎՍԻՍՅԱՆԻ ՆԱՄԱԿ  
ԲԱՐԵԳՈՐԾՎԱԿԱՆ ԸՆԿԵՐՈՒԹՅԱՆ ԹԻՖԼԻՍԻ ՀԱՅՈՑ ԿԵՆՏՐՈՆԱԿԱՆ ԿՈՄԻՏԵԻՆ՝  
ԹԻՖԼԻՍԻ ԵՎ ՄԱՆԱՂԻՆ ՈՐԲԱՆՈՑՆԵՐԻ ՀԱՄԱՐ ՉՈՐ ՄԻՐԳ  
ՈՒՐԱՐԿԵԼՈՒ ՀԱՐՑԵՐԻ ՄԱՍԻՆ**

22 հունվարի 1917թ.  
ք.Աստրախան

Անցյալ նոյեմբերի 27-ին Հաշտարախանում կարդացի մի դասախոսություն, որից արդյունք ստացա 642 ռուբլի: Քառասուներկու ռ. մի մասը ծախք եղավ, մնացորդը մվիրեցի այստեղի որբանոցի վարչությանը, իսկ 600 ռ. հատկացրի Թիֆլիսի և Սանահնի որբանոցների համար չոր միրգ գնելու և տոների ժամանակ հասցնելու: Ժամանակին չկարողացա կատարել, ուշացած են ուղարկում, խնդրում են կոմիտեիդ հնարավոր չափով բաժանել քաղաքիդ և Սանահնի որբերին հավասար չափով առաջիկա բարիկենդանի տոներին: Գնած միրգն է չամիչ, նուշ և ծիրանի չիր, 19 և կես փութ քանակությամբ, որ հանձն առավ տեղափոխելու Հաշտարախանի գավառական Ձեմետվոն, ձրիբար: Միրգը ուղարկելու համար հանձնեցի ամսիս 20-ին: Խնդրում են ստացման և բաժանման մասին շնորհ անել ինձ անպատճառ տեղեկացնելու:

Առաջնորդ թեմի՝ Մեսրոպ եպիսկոպոս

ՀԱԱ, Ֆ.28, ց.1, գ.888, թ.3: Բնագիր: Մեքենագիր:

**N 123**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ԵՎ ՈՒՄԱՍՏԱՆԻ ԺԱՄԱՆԱԿԱՎՈՐ  
ԿԱՌԱՎԱՐՈՒԹՅԱՆ ՎԵՐԱԴԱՍ ՄԱՐՄԻՆՆԵՐԻ ՀԵՌԱԳԹԵՐԸ**

Մարտի սկզբներ, 1917թ.

Հայոց ազգային կենտրոնական բյուրոն Նոր կառավարության հաստատման առթիվ հեռագիրներ է ուղարկել հետևյալ անձանց. Պետական դումայի և ժամանակավոր Գործադիր կոմիտեի նախագահ Մ.Ռոճյանկոյին, Մինիստրների խորհրդի նախագահ իշխան Լվովին, Գերագույն հրամանատար Մեծ իշխանին, զինվորական մինիստր Գուչկովին, արտաքին գործերի մինիստր Միլյուկովին, արդարադատության մինիստր Կերենսկուն, ժողովրդական լուսավորության մինիստր Մանուիլովին, երկրագործության մինիստր Շինգարյովին և բանվորական պատգամավորների խորհրդի նախագահ Չխեիձեին:

1. Պետական դումայի նախագահին ուղարկված հեռագիրը.

«Հայոց Ազգային Կենտրոնական բյուրոն խոնարհվելով ի դիմաց Ձեր ժամանակավոր Գործադիր կոմիտեի ջանքերով կատարված մեծ գործի առաջ, ողջունում է Ռուսաց պետության մուտքը ազատության նոր փայլուն ուղին, որը կվերածնի Մեծ Ռուսաստանը և նրա մեջ մտնող բոլոր ազգությունները: Ամբողջ սրտով ցանկանում ենք Նոր կառավարությանը կատարյալ հաջողություն թե՛ պատերազմը հաղթական վերջացնելուն, և թե՛ երկրի լայն ներքին բարեգործության մեջ»:

2. Իշխան Լվովին տված հեռագիրը.

«Հայոց Ազգային կենտրոնական բյուրոն ուրախությամբ ողջունելով ի դիմաց Ձեր, իբրև նոր կառավարության պետի, Ռուսաստանի մուտքը դեպի նոր մեծությանը արժանի ուղի, ամբողջ սրտով ցանկանում է կատարել հաջողություն թե՛ շուտափույթ արտաքին հաղթության գործում, և թե՛ երկրի բոլոր ներքին ուժերի լայն վերծանության գործում»:

3. Գերագույն հրամանատար Մեծ իշխան Նիկոլայ Նիկոլաևիչին.

«Հայոց Ազգային կենտրոնական բյուրոն Ռուսաստանի վերծանության ներկա պատմական օրերին հաճելի պարտականություն է համարում ողջունել Ձերդ բարձրությունը Գերագույն հրամանատարի բարձր պաշտոնը ստանձնելու առթիվ: Ազգային բյուրոն հայտնում է Ձեզ իր լավագույն ցանկությունները և հուսով է, որ Ձեզ կհաջողվի առաջնորդել քաջարի ռուս զորքերը և նավատորմը մեծ դաշնակից ուժերի հետ միասին փառավոր հաղթությունների շավղով դեպի վերջնական հաղթանակը: Հ.Ազգային բյուրոն իր կողմից միշտ և իր ուժերի չափով աշխատել է նպաստել այդ մեծ գործին կանավորական զնդերի կազմակերպությամբ, և այժմ էլ պատրաստ է Ձեր հրավերով կրկին արծագանք տալ և նոր շարքեր կազմել ընդհանուր սուրբ գործի հաղթանակի համար»:

4. Ձինվորական մինիստր Գուչկովին.

«Հ.Ազգային Կենտր. բյուրոն ներկա հանդիսավոր պատմական ռուպեին խորին ողջույնով դիմում է Ձեզ, իբրև Ռուսաստանի ցամաքային և ծովային ուժերի պետի, և լավագույն ցանկությունների հետ միասին հույս է հայտնում, որ Նոր կառավարության ամբողջ կազմի հետ և մեծ դաշնակիցների աջակցությամբ կհաջողվի ընդարձակորեն կազմակերպել և առաջ տանել հաղթության և Նոր Ռուսաստանի հաղթանակի գործը: Հ.Ազգային բյուրոն իր կողմից աշխատել է իր ուժերի չափով նպաստել այդ սուրբ գործի հաջողությանը կանավորական զնդերի կազմակերպությամբ: Նա պատրաստ է և առաջիկայում Ձեր հրավերով արծագանք տալ և կազմակերպել նոր շարքեր ընդհանուր գործի հաղթանակի համար»:

5. Արտաքին գործերի մինիստր Միլյուկովին.

«Հայոց Ազգային Կենտր. բյուրոն երկրի արմատական այս հանդիսավոր ռուպեին մանավանդ քաղցր պարտականություն է համարում ողջունել Ձեզ, իբրև Նոր Ռուսաստանի արտաքին քաղաքականության ղեկավարի և ցանկանալ Ձեզ մեծ դաշնակից ազգերի հետ կատարյալ համերաշխությամբ կատարյալ հաջողություն

Ռուսաստանի պատմական մեծության և բոլոր փոքր ազգերի երջանկության իդեալների իրականացման գործում»:

«Հորիզոն», հասարակական, գրական, քաղաքական օրաթերթ, Թիֆլիս, 11.03.17:

**N 124**

**ԳԵՐԱԳՈՒՅՆ ՀՐԱՄԱՆԱՏԱՐԻ ՊԱՏԱՍԽԱՆ ԴՆՈՒԳԻՐԸ**

Մարտի սկզբներ, 1917թ.

Թիֆլիս. Հայոց Ազգային կենտրոնական բյուրոյի նախագահ Խատիսյանին

Շատ զգացված եմ Հայոց Ազգային կենտրոնական բյուրոյի շնորհավորանքից և նրա հայտնած պատրաստակամությունից՝ ծառայելու մեր բանակի կարիքներին: Հաստատապես հավատում եմ, որ թիկունքում հանգստություն պահպանելով և աշխատանքների ընդհանուր լարումով մենք կհասնենք մեր հաղթանակին թշնամու դեմ:

Ի սրտե շնորհակալ եմ ամենքից:

Գերագույն հրամանատար

«Հորիզոն», 9 մարտի 1917թ.:

**N 125**

**ԺԱՄԱՆԱԿԱՎՈՐ ԿԱՌԱՎՈՐՈՒԹՅԱՆ ՈԱԶՄԱԿԱՆ ՄԻՆԻՍՏՐ ԳՈՒԶՎՈՎԻ ՊԱՏԱՍԽԱՆ ԴՆՈՒԳԻՐԸ ՀԱՅՈՑ ԱԶԳԱՅԻՆ ԲՅՈՒՐՈՅԻՆ**

14 մարտի 1917թ.\*

Ձինվորական մինիստր Գուչկովը Հայոց Կենտրոնական Ազգային բյուրոյի նախագահին՝ ի պատասխան իրեն ուղարկված շնորհավորական հեռագրի, ուղարկել է հետևյալ պատասխանը հեռագրով.

«Հանձին ձեր անկեղծ շնորհակալություն եմ հայտնում Հայոց Ազգային բյուրոյին իր ողջույնի և այն առաջարկի համար, որով պատրաստակամություն է հայտնում շարունակել աշխատանքը արտաքին թշնամու դեմ հաղթանակ տանելու և ազգերին ազատություն տալու մեծ գաղափարների օգտին, որոնցով ոգևորված է նոր կառավարությունը, որը ուժ և վստահություն է ստանում այդ գաղափարները իրագործելու Ռուսաստանի ամբողջ բնակչության աջակցությամբ»:

«Հորիզոն», 14.03.17:

**N 126**

**ՕՂԵՍԱՅԻ ԿԱՅԱԶՈՐԻ ՀԱՅ ԶԻՆՎՈՐՆԵՐԻ ՈՒ ՄՊԱՆԵՐԻ ԴՆՈՒԳԻՐԸ ՀԱՅՈՑ ԱԶԳԱՅԻՆ ԲՅՈՒՐՈՅԻՆ՝ ՓԵՏՐՎԱՐՅԱՆ ԴՆՈՒԳՈՒՆՈՒԹՅԱՆ ԳԱՂԱՓՈՒՆԵՐԸ ՊԱՇՏՊԱՆԵԼՈՒ ՄԱՍԻՆ**

\* Թվագրումը թերթինն է: Չի նշված ռազմական մինիստրի ուղարկած հեռագրի ժամանակը: Կազմողներ:

16 մարտի 1917թ.

Թիֆլիս: Հայոց ազգային բյուրոն ստացել է Օդեսայից հետևյալ հեռագիրը մարտի 16-ին, «Օդեսայի գարնիզոնի հայ զինվորները և սպաները՝ բախտի բերմամբ կտրված հայրենիքից՝ ողջունում են բազմաչարչար հայ ժողովուրդը այն ազատության առիթով, որ լուսավորեց Հայաստանի արյունոտ հորիզոնը: Նրանք տոգորված են ջերմ փափագով՝ մեծ ռուս ժողովրդի հետ ձեռք ձեռքի տված՝ հին բռնակալության ավերակների վրա կառուցանել ազատ Ռուսաստանի հոյակապ շենքը բոլոր ազգությունների երջանկության և բարգավաճման համար»:

Ընդհանուր ժողով

«Հորիզոն», 24.03.17:

**N 127**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՈՐՈՇՈՒՄԸ ՆՈՐ ԿԱՐԳԵՐԻ ՀԱՍՏԱՏՄԱՆ ԵՎ ՍԱՏԱՐ ԿԱՆԳՆԵԼՈՒ ՄԱՍԻՆ**

20-25 մարտի՝ 1917թ.

Հ[այոց] Ազգային կենտրոնական բյուրոն կայացրել է հետևյալ որոշումը, որը հայտնված է հեռագրով բոլոր կոմիտեներին. «Ներկա մոմենտում չպետք է դնել որևէ ազգային պահանջներ: Սոմենտի առաջին խնդիրն է ամեն կերպ նպաստել նոր կարգերի հաստատմանը, անհրաժեշտ են ամեն տեսակ զոհաբերություններ թշնամուն վերջնականապես հաղթելու համար, որովհետև մեր պատերազմական անհաջողությունը կնշանակեր հին կարգերի վերականգնումը:

«Հորիզոն», 25.03.17:

**N 128**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՆԱԽԱԳԻՏ ԼԱՍԱԿԸ ԱՍԵՆԱՅՆ ՀԱՅՈՑ ԿԱԹՈՂԻԿՈՍ ԳԵՎՈՐԳ 5-ՐԴԻՆ՝ ԱԶԳԱՅԻՆ ԽՆԴԻՐՆԵՐ ԼՈՒԾԵԼՈՒ ՀԱՍԱՐ ԳԱՐԵԳԻՆ ԲԱՍՏՐՄԱՅՁԱՆԻՆ ԱՍԵՐԻԿԱ ԳՈՐԾՈՒՂԵԼՈՒ ՀԱՐՑԻ ՄԱՍԻՆ**

9 ապրիլի 1917թ.

Նախապես խնդրելով Ձերդ Ա.Օծության թույլտվությունը և ներողամտությունը, դիմում եմ Ձեզ մի խնդիրքով, որով դիմում է միաժամանակ Ազգային բյուրոն:

Խնդիրը վերաբերում է պ.Գարեգին Բաստրմաջյանի Ամերիկա գնալուն: Արդեն Ձեզ հայտնի է, որ թե՛ Ռուսաստանի մեր բարեկամ հայտնի քաղաքական գործիչները և թե՛ Անգլիայի և Ֆրանսիայի, միշտ մեզ նախատեսել են նրանով, որ մենք հայերս, քիչ ենք պարտավոր մեր ցավոտ ազգային խնդիրներով և քիչ ենք զբաղեցնում այն շրջանները, որոնց կարծիքը վճռողական նշանակություն ունի – լինի հարցը գաղթականների մասին, թե Հայաստանի ապագա վիճակի մասին:

\* Թվագրումը թերթին է: Չի նշված որոշումն ընդունելու ժամանակը:

Այժմս մեզ լավ վերաբերվող դաշնակից պետություններին միացավ և Ամերիկան, որի համակրանքը դեպի մեզ և մեր ազգը նկատվել է բարեմետ:

Այժմս անհրաժեշտ է, որ այդ երկրում լուրջ աշխատանք կատարվի թե՛ գաղթականության և վերաշինության մասին Հայաստանում և թե՛ գաղթականության և վերաշինության մասին Հայաստանում և թե՛ քաղաքական հարցի մասին:

Այդ միսիայի համար շատ հարմար անձնավորություն է պ.Գարեգին Բաստրմաջյանը, որը եղել է Տաճկա[րտանի] պարլամենտի անդամ և ունի լավ կապեր Ամերիկայի հայտնի գործիչների հետ: Պ.Բաստրմաջյանը Պետրոգրադ է և այնտեղից արտաքին գործոց նախարարության գիտությամբ և աջակցությամբ գնալու է Ամերիկա:

Պ.Բաստրմաջյանը շատ ազնիվ, խելացի քաղաքագետ և հմուտ անձնավորություն է և ամեն շրջանում վայելում է մեծ համակրանք:

Նա իր միսիային դիմելու համար կարևորություն ունի ստանալու Ձերդ Վեհափառության օրհնությունը և հանձնարարությունը, որովհետև ազգը Ձեզ է ճանաչում իբրև իր պետը և ներկայացուցիչ և Ձեր անունից գործելը մեծ գրավական է հաջողության:

Ուստի խոնարհաբար ես էլ խնդրում եմ Ձեզ, Վեհափառ Տեր, չմերժեք և բարեհաճեք տալ պ.Գ.Բաստրմաջյանին կոնդակ, վստահ լինելով, որ նա ամենայն սրբությամբ և հմտությամբ կարդարացնի Ձեր հույսերը:

Ձեր Ա.Օծության խ[ոնարհ] որդի և ծառա

Սամսոն Հարությունյան

ՀԱԱ, ֆ.57, ց.5, գ.154, թթ.3-4 և հակ: Ինքնագիր:

**N 129**

**ԼՐԱԳՐԱՅԻՆ ՀԱՐՈՐԴԱԳՐՈՒԹՅՈՒՆ ՀԱՅԿԱԿԱՆ ՀԱՍՏԱՐՈՒՄԱՐ ՀՐԱՎԻՐԵԼՈՒ ՆՊԱՏԱԿՈՎ ԹԻՖԼԻՍՈՒՄ ԿԱՅՈՑԱԾ ԽՈՐՀՐԴԱԿՑՈՒԹՅԱՆ ՄԱՍԻՆ**

10-13 ապրիլի 1917թ.

Թիֆլիս

Ինչպես արդեն հաղորդել էինք. Հ[այոց] Կ[ենտրոնական] Ազգային բյուրոյի հրավերով ներկա ապրիլի 10-ից մինչև 13-ը Թիֆլիսում կայացավ խորհրդակցություն, որին մասնակցում էին Ազգային բյուրոյի կազմը կարգադրիչ մարմնի և նախկին խմբապետերի հետ, գավառից եկած տեղական բյուրոների և կոմիտեների ներկայացուցիչները, Թիֆլիսում կազմված միջկուսակցական մարմինը և նրա ընտրող խառն ժողովը, նաև տաճկահայերի մի քանի ներկայացուցիչներ:

Խորհրդակցությունը ունեցավ չորս նիստ, որոնց մասնակցում էին Թիֆլիսից 75 և գավառից 20 անձ: Նիստերին նախագահում էին Բյուրոյի փոխնախագահներ Ալ.Խատիսյան և Հ.Ամիրխանյան:

Առաջին և երկրորդ նիստերում խորհրդակցությունը զբաղվեց նախապատրաստական աշխատանքներով և ծանոթացավ հեղափոխությունից հետո Թիֆլիսում տեղի ունեցած գործունեության հետ, որ առաջ եկավ ժամանակավոր կառավարության ներկայացուցիչների գալուց հետո և ապա լսվեց[ին] գավառից եկած ներկայացուցիչների զեկուցումները:

Ապրիլի 12-ի և 13-ի նիստերում խորհրդակցությունը զբաղվեց համագումարի խնդրով և որոշեց հրավիրել ոչ ավելի ուշ քան երկու ամսվա ընթացքում համագումար,



որը լիազոր կլինի վճռելու ռուսահայերին վերաբերյալ խնդիրները: Ընտրությունները համագումարի համար կատարվելու են քառանդամ սիստեմով առանց սեռի խտրության: Ընտրություններին մասնակցում են միայն ռուսահայերը: Համագումարը հրավիրվում է Երևանում: Բոլոր նախապատրաստական աշխատանքները, համագումար հրավիրելու համար, հանձնվում են Թիֆլիսում կազմված միջկուսակցական մարմնին, որը եթե հարկ գտնի, կարող է ուժեղացնել իր կազմը կոոպտացիայի իրավունքով: Համագումարի կազմի վերաբերմամբ խորհրդակցությունը գտնում է, որ մոտավորապես 10.000 հայերից բաղկացած յուրաքանչյուր շրջան պետք է տա մի պատգամավոր: Առանձին դեպքերում, մասնավոր հեռավոր գաղութների վերաբերմամբ, միջկուսակցական մարմնին թողնվում է այս կամ այն զիջումը անել թվի վերաբերմամբ: Ընտրելու և ընտրվելու իրավունք ունեին 20 տարեկանից ոչ պակաս անձինք: Խորհրդակցության այս որոշումը պատգամավորների թվի և հասակի մասին տրվում է միջկուսակցական մարմնին իբրև ցուցմունքներ, բայց ոչ պարտավորեցուցիչ:

Գալով համագումարի օրակարգին խորհրդակցությունը որոշում է, որ բոլոր առաջարկությունները Օրակարգի խնդիրների մասին պետք է հանձնել միջկուսակցական մարմնին, որը և կազմելու է համագումարի օրակարգը: Այդ մարմինը մամուլի միջոցով կամ այլ ձևով իրազեկ կպահի հաստատությունը՝ իր որոշումների մասին:

Համագումարը հրավիրելուց հետո, իհարկե, նրան վերապահվում է լրացնել արդեն կազմված օրակարգը նոր խնդիրներով, եթե նա կարևոր համարի:

«Հորիզոն», 21.04.17:

**N 130**

**ՀԱՅՎԱԿԱՆ ԿԵՆՏՐՈՆԱԿԱՆ ԱԶԳԱՅԻՆ ԲՅՈՒՐՈՅԻ ՓՈԽՆԱԽԱՎԱԳՆ ԱԼ.ԽԱՏԻՍՅԱՆԻ ՆԱՄԱԿԸ ԱՍԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ՀԱՅՎԱԿԱՆ ՊԱՏԻ ՊԱՇՏՊԱՆՈՒԹՅԱՆ ԳՈՐԾԸ ԱՍԵՐԻԿԱՅՈՒՄ ԿԱԶՄԱԿԵՐՊԵԼՈՒ ՄԱՍԻՆ**

19 ապրիլի 1917թ.  
Թիֆլիս

Վեհափառ Տեր,  
Հ.Կ. ազգային բյուրոն ի նկատի առնելով այն խոշոր նյութական և բարոյական օգնությունը, որը ցույց է տվել և շարունակում է ցույց տալ թուրքահայ ժողովրդին ամերիկական ժողովուրդը և կառավարությունը և միևնույն ժամանակ աչքի առաջ ունենալով այն հանգամանքը, որ ներկայումս էլ միջամտելով համաեվրոպական պատերազմին, նա կարող է իր առանձին դիրքի շնորհիվ խոշոր դեր խաղալ թուրքահայկական հարցի վերջնական ճառագայթային խնդրում, որոշել է հատուկ առաքելությամբ ուղարկել Ամերիկա թուրքահայ գործիչ և օսմանյան պարլամենտի նախկին անդամ պ.Գարեգին Բաստրմաջյանին (Արմեն Գարո), հանձնարարելով նրան, օգտվելով իր այնտեղ ունեցած կապերով ամերիկյան ազդեցիկ թե՛ կառավարական և թե՛ հասարակական շրջաններում, պրոպագանդ մղել և կազմակերպել Հայկական դատի պաշտպանության գործը Ամերիկայում: Կայացնելով այս որոշումը՝ Ազգային բյուրոն միևնույն ժամանակ գործի հաջողությունը ապահովելու համար կարևոր նկատեց այս մասին զեկուցանել Ձերդ Վեհափառությանը և ստանալով Ձեր հավանությունը, խոնարհաբար խնդրել Ձեզ, օրհնելով պ.Գ.Բաստրմաջյանի

առաքելությունը, տալ նրա անունով մի հատուկ գրություն կամ կոմդակ, ինչպես հարմար կգտնի Ձերդ Վեհափառությունը, որի շնորհիվ նա հնարավորություն ունենա հաջողությամբ կատարել իր նպատակի համար անտրաժեշտ դիմումները:

Ներկա գրությունը պատիվ կունենա Ազգային բյուրոյի կողմից Ձեզ ներկայացնել և անհրաժեշտ բացատրություններ տալ պ.Վահան Փափագյանը:

Քանի որ պ.Գ.Բաստրմաջյանը արդեն ճանապարհվել է և հատուկ հրավեր ստանալով, կարճ ժամանակով մնալու է Պետրոգրադում, խոնարհաբար խնդրում ենք Ձերդ Վեհափառությանը որքան հնար է փութացնել վերոհիշյալ գրությունը, որպեսզի մենք հնարավորություն ունենանք շուտով ուղարկել այն Պետրոգրադ:

Ձերդ Վեհափառության ամենախոնարհ որդիք՝

Փոխնախագահ Ազգային բյուրոյի Ալ.Խատիսյան  
Քարտուղար Քակ.Քոչարյան

ՀԱԱ, Ֆ.57, ց.5, գ.154, ք.1-2: Բնագիր: Ձեռագիր:

**N 131**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՀԱՂՈՐԴՈՒՄԸ Գ.ԲԱՍՏՐՄԱՋՅԱՆԻ ԱՍԵՐԻԿԱ ՈՒՂԵՎՈՐՎԵԼՈՒ ՎԵՐԱԲԵՐՄԱՄԲ ՎԵՐԱՓԱՈՒ ՀԱՅՐԱՊԵՏԻ ԽՆԴՐԱՆՔԻ ՄԱՍԻՆ**

25 ապրիլի 1917թ.  
Թիֆլիս

Հ[այոց] Կ[ենտրոնական] ազգային բյուրոն ստացավ պատկառելի դիվանիդ հմ. 654 գրությունը 20-ից ապրիլի պ. Գ.Բաստրմաջյանի առաքելության առթիվ և հենց նույն օրը հեռագրեց Ձեզ, որ նրա Ամերիկա ուղևորվելու, այնտեղ մնալու և այլ ծախքերի մասին հոգում է Ազգային բյուրոն: Նույնը հաստատելով սույն գրությամբ, կրկին խնդրում ենք դիվանիդ զեկուցանել այդ մասին Նորին Վեհափառությանը և խնդրել շուտով կարգադրություն անել այդ խնդրի վերաբերմամբ և ցանկացած գրությունը ուղարկել մեզ՝ պ.Բաստրմաջյանին հաստատելու համար:

Խորին հարգանքներով

Փոխնախագահ Ազգային բյուրոյի Հ.Ամիրխանյան  
Քարտուղար Քակ.Քոչարյան

ՀԱԱ, Ֆ.57, ց.5, գ.154, ք.6: Բնագիր: Ձեռագիր:

**N 132**

**Գ.ԲԱՍՏՐՄԱՋՅԱՆԻ ՆԱՄԱԿԸ ՏԻՐԱՅՐ ԵՊԻՍԿՈՊՈՍԻՆ՝ ՊԵՏՐՈՂՈՐԱՊՈՒՄ ՀԱՅՎԱԿԱՆ ՀԱՐՑԻ ՈՒ ՆՐԱ ԼՈՒԾՄԱՆ ՀԵՌԱՆԿԱՐՆԵՐԻ ՇՈՒՐՋԸ ՈՒՄ ԻՇԽԱՆԱԿՈՐՆԵՐԻ ՀԵՏ ԻՐ ՎԱՐԱԾ ԲԱՆԱԿՑՈՒԹՅՈՒՆՆԵՐԻ ԵՎ ՊԵՏԱԿԱՆ ՇՐՋԱՆՆԵՐՈՒՄ ՈՒՆԵՑԱԾ ԶՐՈՒՅՑՆԵՐԻ ՄԱՍԻՆ**

29 մայիսի 1917թ.  
Պետրոգրադ

\* Թերթում այդպես է: Թերթա ճիշտը լինի՝ հասարակությանը:

Սրբազան հայր,  
Ապրիլի 27 թվակիր Ձեր գրությունը, ինչպես նաև Նորին Ա.Օծության հրամանով և Ձեր ստորագրությամբ գրված անգլերեն հանձնարարագիրը ստացա: Վաղը, ամսույս 30-ին, կմեկնեմ ասկե Սիբիրի ճանապարհով դեպի Ամերիկա, որ կհասնեմ հավանաբար հուլիսի առաջին օրերում:

Այստեղ առիթն ունեցա տեսնվել նոր պետական անձանց հետ և ի մասնավորի արտաքին գործոց նախարար պարոն Թերեշչենցովի և նրա օգնական պարոն Պետրոսյանի հետ: Նրանք երկուսն էլ շատ նպատակահարմար գտան իմ ճանփորդությունը, համաձայնելով մեզ հետ, որ Ամերիկայի կարծիքը և բռնելիք մեր հարցի նկատմամբ մեծ կշիռ է ունենալու ապագայում:

Ներկա Ռուսական կառավարության կարծիքով Հայկական հարցի նպատակահարմար և հնարավոր լուծումը հետևյալն է. «Բուն Հայաստանը (6 վիլայեթները) և Կիլիկիան միասին կազմելու են մի ավտոնոմ քաղաքական միություն, որը կդրվի բոլոր պետությանց համաձայնությամբ ռուսական պաշտպանության տակ: Հայկական հարցի այս ձևի լուծումը հնարավորություն պիտի տա Ռուսաստանին տնտեսական անմիջական կապ ստեղծել Միջերկրականին, որով Պոլսո և նեղուցներու հարցը կկորցնի իր հրամայողական նշանակությունը:

Արտաքին գործոց նախարարության կարծիքով միայն Ամերիկայի Նահանգներն են, որ պիտի կարողանան չեզոքացնել ֆինանսական ծրագիրները Կիլիկիայի նկատմամբ:

Ամերիկա հասնելուս պես Նորին վսեմություն Պողոս Նուպար փաշային կհաղորդեմ այս մասին և ստանալով նրա համաձայնությունը իմ գործելակերպի մասին, պիտի աշխատեմ իմ ուժերու չափով տեղյակ պահել ամերիկյան պետական շրջանները մեր ցանկությանց մասին:

Շեշտելն ավելորդ է, որ իմ գործունեության ընթացքում պիտի աշխատեմ համախմբել մեզ բոլորիս համար կենսական հարցի շուրջը հայ գաղութի բոլոր ակտիվ ուժերը:

Ձգալով ինձ հանձնված առաքելությանը կարևորությունն ու պատասխանատվությունը, պիտի աշխատեմ հնարավորության սահմաններում արդարացնել այն վստահությունը, որին ինձ արժանացնում է նորին ս.Օծությունը:

Խոնարհաբար համբուրելով Նորին Վեհափառության աջը, խորին հարգանքներով

Գ.Բաստրմաջյան

ՀԱԱ, Ֆ.57, ց.1, գ.154, ք.17-18: Բնագիր:Ձեռագիր:

### N 133

#### **ՀԱՅՈՑ ԱԶԳԱՅԻՆ ԲՅՈՒՐՈՅԻ ԴԵՆԱԳԻՐԸ ԱՐԵՎՍՏԱՀԱՅԵՐԻ ՀԱՄԱԳՈՒՄԱՐԻ ԿԱՐԳԱԳՐԻՉ ՄԱՐՄԻՆ՝ ԱՐԵՎՍՏԱՀԱՅԵՐԻ ԻՂՁԵՐԻ ԻՐԱՎԱՆԱՑՄԱՆԸ ՍԱՏԱՐ ԿԱՆԳՆԵԼՈՒ ԲՅՈՒՐՈՅԻ ՊԱՏՐԱՍՏԱԿԱՄՈՒԹՅԱՆ ՄԱՍԻՆ**

30 ապրիլի 1917թ.  
Թիֆլիս

Հայոց] Կ[ենտրոնական] ազգային բյուրոն ապրիլի 30-ին հետևյալ հեռագիրն է ուղղել Երևանի տաճկահայերի համագումարի<sup>25</sup> կարգադրիչ մարմնին. «Հ.Կ.Ազգային բյուրոն առանձին հաճությամբ ողջունում է բազմաչարչար թուրքահայերի ներկայացուցիչների առաջին համագումարը: Ամբողջ սրտից ցանկանալով համագումարին հաջողություն, դառն ճակատագրի հասցրած ծանր վերքերի

ուսումնասիրության և բուժման գործում՝ Բյուրոն հույս է տածում, որ հեռու չէ այն ժամանակը, երբ ազատ և հայրենի հողի վրա մեր տաճկահայ եղբայրները հնարավորություն կունենան [զբաղվել] ինքնուրույն կյանքի կարգավորման խնդրով, որպիսի նպատակների համար Ազգային բյուրոն իր կողմից իր ուժերի չափով աշխատել է մինչև օրս և պատրաստ է առաջիկայում էլ իրեն նվիրել ամբողջովին: Ազգային բյուրոյի կողմից ներկայացուցիչ նշանակված է Աղբալյանը, որը ճանապարհվում է վաղը»:

«Հորիզոն», հասարակաման, գրական, քաղաքական օրաթերթ, Թիֆլիս, 04.05.17:

### N 134

#### **ՓԱՐԻԶԻՑ «ՀԱՅ ՍՏԱՎՈՐԱԿԱՆՆԵՐԻ ՄԻՈՒԹՅԱՆ» ՆԱԽԱԳԱՀ ԱՐԵՎԱ ՉՈՊԱՆՅԱՆԻ ԴԵՆԱԳԻՐԸ ՀԱՅՈՑ ԱԶԳԱՅԻՆ ԲՅՈՒՐՈՅԻՆ՝ ՎԵՐԶԻՆԻՍ ԳՈՐԾՈՒՆԵՈՒԹՅՈՒՆԸ ՔԱՋԱԼԵՐԵԼՈՒ ԵՎ ՀԱՅՎԱԿԱՆ ՔԱՐՈՋՉՈՒԹՅԱՆԸ ՆՊԱՍՏԵԼՈՒ ՑԱՆԿՈՒԹՅՈՒՆՆԵՐՈՎ**

30 մայիսի 1917թ.

Փարզում նոր կազմված «Հայ մտավորականների միությունը» հետևյալ հեռագիրն է ուղարկել Հ.Կ.Ազգային բյուրոյի անունով. «Ողջունում ենք ազատության հաղթանակը Ռուսաստանում: Ուրախությամբ տեղեկանում ենք, որ Կովկասի ազգությունների մեջ կատարյալ համերաշխություն է տիրում և բոլոր հայկական կուսակցությունները միացել են Ազգային բյուրոն ընդլայնելու և ուժեղացնելու համար: Մեր միությունը, որ հիմնվել է հայկական պրոպագանդին նպաստելու համար, խնդրում է ուղարկել մեզ նկարներ գաղթականների, ավերված գյուղերի, հուշարձանների, հոշոտված դիակների [մասին] և ամեն տեսակ տեղեկություններ, որ ապացուցանում են Հայաստանում գործված զազանությունները: Նախագահ «Հայ մտավորականների միության» Չոպանյան»:

«Հորիզոն», 30.05.17:

### N 135

#### **ԱՐԶԱՆԱԳՐՈՒԹՅՈՒՆ ԱԶԳԱՅԻՆ ԲՅՈՒՐՈՅԻ ՀԱՇՎԵՔՆԻՉ ՍԵԿՑԻԱՅԻ**

7 հոկտեմբերի 1917թ.  
Տիֆլիսում

Սեկցիան ուներ հետևյալ կազմը. նախագահ՝ Սարուխանյան, անդամներ՝ Կրասիլնիկյան, Հ.Ղազարյան, Հ.Ստեփանյան, Հովակիմյան, Ավետիսյան, Դարբինյան և քարտուղար Լևոն Գյուլունյան (ուղարկված սոց.-հեղ. կուսակցությունից):

Ունեցավ հինգ նիստ: Բոլոր նիստերին ներկա էին և բացատրություններ էին տալիս Ազգային] բյուրոյի քարտուղար Հ.Քոչարյանը և վերաքննիչ հանձնաժողովի հաշվապահ Արմ.Հովհաննիսյանը: Լրացուցիչ բացատրություններ տվին և Ազգ.բյուրոյին կից կազմված կարգադրիչ մարմնի անդամներ Աղբալյան և Վրացյան: Մի շարք տեղեկությունների համար առանձնապես հրավիրվեց և Անդրանիկը:

Սեկցիան, ծանոթանալով ներկայացրած դոկումենտների, հաշվապահական գրքերի հետ և հիմնվելով տրված բացատրությունների ու տեղեկությունների վրա, միաձայն եկավ հետևյալ եզրակացության, որ կցվում է սորան:

Նախագահ սեկցիայի  
Քարտուղար

Սարուխանյան  
Լ.Գյուլումյան

ՀԱԱ, Ֆ.222, ց.1, գ.17, ք.15: Բնագիր: Ձեռագիր:

**N 136**

**ՀԱՅՈՑ ԱԶԳԱՅԻՆ ԲՅՈՒՐՈՅԻ ՀԱՇՎԵՔՆԻԿ ՍԵԿՑԻԱՅԻ ՈՐՈՇՈՒՄԸ ԲՅՈՒՐՈՅԻ ԵՎ  
ՀԱՐԱԿԻՑ ՄԱՐՄԻՆՆԵՐԻ ՀԱՇԻՎՆԵՐԻ ԼՈՒՍԱՔԱՆՍՄԱՆ ՀԱՄԱՐ ՀԱՏՈՒԿ ՔՆՆԻԿ  
ՀԱՆՁՆԱԺՈՂՈՎ ԸՆՏՐԵԼՈՒ ՄԱՍԻՆ**

8 հոկտեմբերի 1917թ.  
Թիֆլիս

Ի նկատի ունենալով, որ.

1. Վերստուգիչ հանձնաժողովը, ինչպես երևում է տեղեկագրում տրված նրա զեկուցումից, բազմաթիվ թերություններ է գտել հաշվապահական մասում,

2. Նույն զեկուցման 6 «դ» կետի համաձայն վերստուգիչ հանձնաժողովը հնարավորություն չի ունեցել քննելու խմբերի ու մարմինների բոլոր կատարած ծախսերը,

3. Տված տեղեկագրի մեջ Բյուրոյի հաշիվը ընդգրկում է 1914 սեպտեմբերից 31 դեկտեմբեր 1916 ելևմուտքն, որով 1917-ի 9 ամսին հաշիվը բոլորովին չէ քննված,

4. Սեկցիայի քննության միջոցին երևան եկան մի քանի թե՛ բերանացի և թե՛ գրավոր ձևի հաշվական տակ՝ հաշվական նոր հարցեր, որոնք կարոտ են ստուգության և վերջապես՝

5. Մեր հասարակության համար Ազգային բյուրոյի հաշիվների ամբողջական լուսաբանությունը պահանջ է դառել, և այնուհետև Սեկցիան միաձայն որոշեց. կողմնակի թյուրիմացությունների և կասկածների բարձունը մեծապես ցանկալի է,

Հանձնարարել խորհրդաժողովիս, որ ըստ իր հայեցողության, կամ ինքն այժմ ընտրե իր միջից և կամ հրահանգե նոր կազմվելիք կենտրոնական մարմնին, որ մի հատուկ քննիչ հանձնաժողով ընտրե Ազգային բյուրոյի և հարակից մարմինների հաշիվների ամբողջական լուսաբանության համար և արդյունքը տեղեկագրե առաջիկա համագումարին:

Նախագահ սեկցիայի՝  
Քարտուղար՝

ստորագրություն՝  
Հակ.Ստեփանյան

ՀԱԱ, Ֆ.22, ց.1, գ.17, ք.17: Բնագիր: Ձեռագիր:

**ՀԱՅԿԱԿԱՆ ՀԱՄԱԳՈՒՄԱՐ ՊԵՏՐՈԳՐԱԴՈՒՄ**

N 1

**ԱՌԱՋԻՆ ՀԱՅԿԱԿԱՆ ՀԱՄԱԳՈՒՄԱՐ ԿԱԶՄԱԿԵՐՊԻԿ  
ԿՈՄԻՏԵ ՀՐԱՎԵՐԸ**

1916թ.

Պետրոգրադի և Մոսկվայի Հայկական Կոմիտեները, 1915 թվի աշնանը Պետրոգրադում տեղի ունեցած միացյալ նիստերում, որոշեցին հրավիրել Պետրոգրադում հայ փախստականներին նպաստող կազմակերպությունների ներկայացուցիչների համագումար: Այդ նպատակով վերոհիշյալ կոմիտեները դիմեցին

\* Տե՛ս հաջորդ փաստաթուղթը:

\*\* Տեքստում այդպես է:

\* Փաստաթղթի տակ առկա են հինգ ստորագրություն, բոլորն էլ անընթեռնելի:

Պետական Դումայի անդամ պ. Մ.Պապաջանյանին, որ նա հոգա պատշաճավոր թույլտվություն ստանալու մասին: Այժմ, շնորհիվ հարուցված միջնորդությունների, ներքին գործերի պ. Նախարարից և Նորին Կայսերական Մեծության Կովկասի Մեծ Իշխան Փոքրարքայից ստացված է համագումարի թույլտվությունը: Նորին Սրբություն Ամենայն Հայոց Կաթողիկոսը տվել է այդ Համագումարին իր օրհնությունը:

Այդ միացյալ Կոմիտեների կողմից ընտրված Կազմակերպիչ Կոմիտեն խնդրում է այն ազգային հաստատություններին, որոնք նպաստել են փախստականներին, ուղարկել իրենց ներկայացուցիչներին մասնակցելու վերոհիշյալ համագումարին, որ պիտի կայանա Պետրոգրադում, 1916 թվի մայիսի տասին, տասնմեկին և տասներկուսին:

Հաղորդելով համագումարի պարապմունքների ծրագիրը, Կազմակերպիչ Կոմիտեն խոնարհաբար խնդրում է Ձեզ ուղարկել զեկուցումներ, համաձայն այդ ծրագրին, և տեղեկագրեր Ձեր գործունեության մասին:

Ձեկուցումները պիտի ուղարկել, վաղօրոք, որպեսզի նրանք ստացվեն Մոսկվայում ո՛չ ուշ, քան մայիսի 5-ը 1916 թ.:

Կազմակերպիչ Կոմիտեն իր պարտքն է համարում ավելացնել որ՝

1. Համագումարի նախընթաց օրը, այսինքն մայիսի 9-ին, ժամը 2-ին, նշանակված է նախապատրաստական ժողով՝ համագումարի անդամների փոխադարձ ծանոթության համար:

2. Համագումարի մուտքի տոմսակներ ստանալու է Պետրոգրադում, Սպասկայա, 15, բնակ. 2.

3. Ձեկուցումներ, տեղեկագիրներ և ամեն կարգի դիմումներ ու նամակներ պիտի ուղարկել մինչև մայիսի 5-ն Մոսկվայի Հայկական Կոմիտեին (I î ñèàà, Àðì ýì ñèèé 'í àð., ä. Àðì ýì ñèé é öäðèäè), իսկ մայիսի 5-ից հետո՝ Պետրոգրադի Հայկական Կոմիտեին (I' à ò ò ì à ò à à, N' i à ñ ñ è à ý ö è., ä. 15, è à. 2), Կազմակերպիչ Կոմիտեի անունով:

4. Այն կազմակերպությունները, որոնք այս կամ այն պատճառով չեն ստացել ներկա հիավիրագիրը, կարող են ուղարկել իրենց ներկայացուցիչներին, միայն անհրաժեշտ է նախօրոք հեռագրով տեղեկացնել այդ մասին Կազմակերպիչ Կոմիտեին, որպեսզի հնարավոր լինի ստուգել տվյալ հաստատության իրավունքը մասնակցելու համագումարին:

Կազմակերպիչ կոմիտե

Ծանոթ. Ցանկալի է, որ յուրաքանչյուր հաստատություն ընտրի ներկայացուցիչ իր տեղի գործիչներից, որպեսզի Համագումարի կազմը լինի համազգային: Ամեն մի ներկայացուցիչ ունի մի ձայն, թեև ընտրված լինի մի քանի հաստատություններից:

ՀԱԱ Ֆ. 50, ց. 1, գ. 140, թ. 24: Բնագիր: Մեքենագիր:

## N 2

### ՀԱՅՎԱԿԱՆ ՀԱՍՎՈՒՄԱՐԻ ՈՐՈՇՈՒՄՆԵՐԸ

5-13 մայիսի 1916թ.  
Պետրոգրադ

Համագումարի աշխատանքը կատարվում էր հետևյալ սեկցիաների մեջ.

1. ա) Գյուղատնտեսական.

բ) Ֆինանսական-Տնտեսական.

2. Բժշկասանիտարական.

3. Դպրոցական-կրթական և որբանոցների.

4. Իրավաբանական.

5. Կազմակերպչական:

Բոլոր զեկուցումներն ու որոշումները նախ քննության էին առնվում համապատասխան սեկցիաներում, և ապա ներկայացվում Համագումարի ընդհանուր ժողովի հայեցողությանը, որ կրկին քննելով առաջարկված թեզիսներն ընդունեց նրանց հետևյալ խմբագրությամբ.

## 1

### ա) ԳՅՈՒՂԱՏՆՏԵՍԱԿԱՆ

1) Հիմնվելով պ.պ. Մ.Սողոմոնյանցի և Ա.Թեղզիպաշյանի զեկուցումների տվյալների վրա և հարմարվելով Հայաստանի պայմաններին, վերադարձող փախստականների գյուղատնտեսությունը վերականգնելու համար իբրև միմիմալ-նորմա, որոշվում է ընդունել 135 ռուբլի մարդագլուխ: Փախստականների թիվը հաշվելով 200000 հոգի, ընդհանուր գումարը կստացվի 27 միլիոն ռուբլի:

2) Հայաստանի վերաշինության գործը ղեկավարող կենտրոնական մարմինը ունենալու է հատուկ գյուղատնտեսական սեկցիա:

3) Գյուղատնտեսական գիտելիքներ ժողովրդի մեջ տարածելու համար կազմակերպել ժամանակավոր և տևական դասընթացներ գյուղատնտեսական զանազան ճյուղերի և արհեստների վերաբերյալ չափահասների համար. նաև հրատարակել հանրամատչելի ձեռնարկներ, գրքեր և թերթեր:

4) Հիմնել օրինակելի ազարակներ, ցուցադաշտեր և նման ուրիշ ձեռնարկներ կենդանի օրինակներ ցոյց տալու նպատակով:

5) Անհապաղ միջոցներ ձեռք առնել գյուղատնտեսական հրահանգիչ-ինստրուկտորներ պատրաստելու համար՝ երիտասարդներ ուղարկել Ռուսաստան զանազան կալվածքներում և օրինակելի տնտեսությունների մեջ սովորելու համար համապատասխան մասնագիտություն:

6) Մանուկների համար հիմնել գյուղատնտեսական ապաստարաններ և կոլոնեաներ՝ վարժեցնելու նրանց գյուղատնտեսական պարապմունքների մեջ, միաժամանակ հնարավորություն տալով նրանց ստանալ տարրական կրթություն:

7) Հիմնել գյուղատնտեսական գործիքների և նյութեղենի պահեստներ, հացի հասարակական շտեմարաններ և առաջին հերթին օգնության հասնել երկիր վերադարձող ազգաբնակչությանը, մատակարարելով նրանց փայտեղեն, կենդանիներ, սերմացու և գործիքներ:

8) Ի նկատի ունենալով, որ Հայաստանի զանազան գավառներում կան տեղական կլիմայական և հողային պայմաններին դարերով հարմարված, իր տեսակին հատուկ, բույսեր և կենդանիներ, որոնք երկրի ամայանալու պատճառով կարող են անհայտանալ՝ շուտափույթ միջոցներով այդպիսիները հավաքել և հոգալ նրանց պահպանության և բազմացնելու մասին:

### բ) ՖԻՆԱՆՍԱԿԱՆ

1) Քանի որ Ատրպատականի ազգաբնակչությունը նույնպես պատերազմի հետևանքներից մեծապես տուժել է իր գաղթի ընթացքում, և իբրև չեզոք պետության հպատակ՝ նպաստից զուրկ է մնացել, պետք է նպաստել այդ շրջանի գյուղատնտեսական վերականգնման:

2) Հիմնել աշխատանքի բյուրոներ՝ այն պայմանով, որ աշխատանք հայթայթելով արգելք չհանդիսացվի փախստականներին հայրենիք վերադառնալու: Այս նկատմամբ աշխատանք տալ միայն այն փախստականներին, որոնք զուրկ են հայրենիք վերադառնալու հնարավորությունից, առավելություն տալով երկրագործական պարապմունքներին և աշխատանքներին:

3) Կենտրոնական մարմինը իր գյուղատնտեսական սեկցիայի միջոցով կազմակերպելու է ամեն տեսակ կոոպերատիվ հաստատություններ:

4) Որովհետև գյուղատնտեսական վերաշինությունը բացօդյա չի կարող տեղի ունենալ, և գաղթականների տները սակավ բացառությամբ հիմնահատակ կործանված են, անհրաժեշտ է նախ սկսել գաղթականների տների վերաշինությունը, որի համար որոշվեց գյուղական ազգաբնակչության մարդագլուխ 50-ական ռուբլի ծախս. որով 170,000 հոգու համար 8,500,000ռ., իսկ քաղաքների տները կարգի բերելու համար 3,000,000 ռբ. գումար՝ 11,500,000 ռբ.: Հաշվելով գյուղատնտեսական վերաշինությունը ևս 27,000,000ռբ., տների վերաշինության հետ միասին ընդհանուր գումարը կստացվի 38,500,000ռբ.:

Հայկական համագումարների Կենտրոնական Կոմիտեն հոգ տանելու է անհապաղ հիշյալ 38,500,000ռբ. գումարը հատկացնելու ներկայիս Ռուսաստանի սահմանները ապավինած 200,000 հայ փախստականների վերաշինության գործին:

Այս գումարի մեջ չեն մտնում գաղթականների ուսուցիչի համար պահանջվող ծախսերը:

5) Քանի որ 38 ու կես միլիոն գումարը վերաբերում է միայն Ռուսաստանում գտնվող 200 հազար հայ փախստականների վերաշինության միմիսլ ծախսերին, Հայկական Համագումարների Կենտրոնական Կոմիտեն ընդհանուր մնացած մեր ժողովրդի տնտեսական դրությունը, որոշելու է թիվը և կազմելու նրանց վերաշինության ծախսերի նախահաշիվը:

6) Գաղթականների վերականգնման ծախսերի համար պահանջվող գումարի մասին Հայկական Համագումարների Կենտրոնական Կոմիտեն իրավունք ունի հարուցել ուր հարկն է պատշաճավոր միջնորդություն:

7) Թեև հարկավոր գումարները պետք է ստացվեն պետական գանձարանից, բայց և այնպես ամեն մի հայի բարոյական պարտավորությունն է նյութական մասնակցություն ունենալ Հայաստանի վերաշինության գործում: Այս ուղղությամբ Հայկական Համագումարների Կենտրոնական Կոմիտեն միջոցներ ձեռք առնելու է կանոնավոր մուտքի ապահովությունը հաջողեցնելու: Այդ նպատակով՝ ուրույն կազմակերպչական սիստեմով պետք է շահկապել տեղական բոլոր կազմակերպությունները և նրանց միջոցով բոլոր անհատական ուժերը մասնակից անել գործին:

8) Հայ և օտար հաստատությունների վստահությունը ամրացնելու, տրամադրությունները վառ պահելու և գործը հաստատուն հիմքերի վրա դնելու նպատակով մտցնել բոլոր գործող մարմինների մեջ միատեսակ և կանոնավոր հաշվապահություն և պարբերական հաշվետվություն:

9) Ընդունելով գործող մարմինների ներքին գործունեության անկախությունը՝ նրանց ընդհանուր գործունեությունը կրելու է որոշ ներդաշնակություն և կենտրոնանալու է վերհիշյալ գլխավոր մարմնի ձեռքը: Այս տեսակետով բոլոր գոյություն ունեցող կազմակերպությունները, ոչ ուշ քան 3 ամսվա ժամանակամիջոցում ներկայացնելու են իրենց և ելքի մանրամասն հաշիվները Հայկական Համագումարների Կենտրոնական Կոմիտեին և ի պահանջել հարկին այդ հաշիվը տպագրել ի գիտություն հասարակության:

10) Համագումարների Կենտրոնական Կոմիտեն միջոցներ ձեռք առնելու է որոշելու պատերազմից վնասված հայ ժողովրդի նյութական վնասների քանակը, որոնք առաջացել են գործի շարժումներից և դիրքերի փոփոխման ռազմական

պահանջներից, ուր բազմաթիվ հայկական շեն գյուղերի և ճոխ քաղաքների տեղ այժմ մնացել են ռեկվիզիցիայի, ավերների, կոտորածի և թալանի խղճալի հետքեր միայն:

11) Հայկական Համագումարների Կենտրոնական Կոմիտեն հարուցելու է համապատասխան միջնորդություն ուր հարկն է, որ պետական Դումայի 251 անդամների ներկայացրած օրինագծի մեջ վնասների հատուցման վերաբերյալ կանոնները տարածվեն նաև տաճկահայատակ հայ փախստականների վրա Հայաստանի շրջանում:

12) Միջնորդություն հարուցել, որ փախստականներին վերաբերյալ փոխատու նպաստի (հոծծծ) օրենքը տարածվի նաև տաճկահայ փախստականների վրա:

13) Մշակել հետևյալ բաժիններով փոխատու նպաստների բաշխման և վերադարձի պայմանները՝ ա) Երկրի վերաշինության ձևը, բ) Փոխատվության վերադարձի ձևը, գ) Ստացող մարմնի կազմակերպությունը և այդ մասին անդամների պատշաճ ընտրությունը, դ) Կոնտրոլի կազմակերպության խնդիրը:

## 2 ԲԺՇԿԱԿԱՆ

1) Առաջարկել հայկական կազմակերպություններին համաձայնեցնել իրենց գործունեությունը քաղաքների միության գործունեության հետ, ընտրել բժշկական հանձնաժողով, որը պիտի ուղղություն տա զանազան հայկական հաստատությունների բժշկասանիտարական խմբերին:

2) Որբանոցները ենթակա լինելու են մշտական բժշկական հսկողության: Հարյուրից ավելի երեխաներ ունեցող որբանոցներն ունենալու են հատուկ հիվանդանոցներ, իսկ հարյուրից պակաս որբանոցները տեղափոխվելով պետք է միանան ուրիշ որբանոցներին. եթե այդ անկարելի է ու աննպատակահարմար, օգտվել մոտիկ գտնվող բժշկական հաստատություններից:

3) Ստատիստիկական տեղեկությունների ուսումնասիրումն ու մշակումը հանձնել բժշկական հանձնաժողովին:

4) Նկատի առնելով գաղթականների մեջ տարածված աչքի հիվանդությունները, դիմել Ռուսաստանում գործող կույրերի հոգաբարձությանն և խնդրել երեք բժշկական թռուցիկ խմբեր ուղարկել կովկասյան ճակատ (Մուշ, Վան, Սալմաստ), այդ հիվանդությանց դեմ կռվելու:

5) Նմանապես կաշվի և վեներական հիվանդությանների առաջն առնելու համար գոյություն ունեցող հիվանդանոցներին կից բաց անել բաժանմունքներ, բժշկելու մասնավորապես հիշյալ հիվանդությունները. նաև կազմել թռուցիկ խմբեր այդպիսի հիանդությունները բժշկելու նպատակով:

6) Ըստ կարելույն լայն չափով գաղթականներին պատվաստել տարափոխիկ (տիֆ, խոլերա) հիվանդությունների դեմ:

7) Հիմնել անկելանոցներ կույր և անդամալույծ գաղթականների համար և միջոցներ ձեռք առնել գաղթականների գործածած ջուրը անվնաս դարձնելու մասին:

## 3 ԳՊՐՈՑԱԿԱՆ –ԿՐԹԱԿԱՆ ԵՎ ՈՐԲԱՆՈՑՆԵՐԻ

1) Որբերի պահպանության և դաստիարակության գործը կանոնավոր կերպով վարելու համար կազմակերպել մի կենտրոնական որբախնամ մարմին:

2) Որբեր և առհասարակ անխնամ երեխաներ հավաքելու համար կազմակերպել թռուցիկ խմբեր:

3) Որբերը առայժմ պիտի պահպանվեն միմիայն Անդրկովկասի գլխավորապես հայ գյուղական միջավայրում, իսկ հետո երկրում խաղաղություն հաստատվելու առաջին պահին մաս առ մաս տեղափոխվեն այնտեղ:

4) Որբերի խնամատարության զուտ ընտանեկան բնույթ տալու նպատակով որբանոցների ցարդ ընտրված հանրակացարանային կամ կազարմային տիպը աստիճանաբար փոխարինել ընտանեկան «օջախների» ինչ չափով որ այն հնարավոր լինի:

5) Որբանոցներում մտցնել աշխատանքի սկզբունքը (ծծօձիձի օձ օձիձի) վարժելու որբերին ձեռարկեստի մեջ:

6) Կորսված երեխաների գտնելու գործը դյուրացնելու համար հիմնել մի տեղեկատու բյուրո:

7) Որբանոցների դաստիարակների վերաբերմամբ որոշվեց՝ ա) հրավիրել գործի հայոց լեզվին հմուտ անձնավորություններ. բ) հրավիրել պաշտոնի ձեռնահաս ուսուցիչներ. գ) կազմակերպել հատուկ համառոտ դասընթացներ՝ որբանոցների համար հատուկ դաստիարակներ պատրաստելու նպատակով. դ) նույն նպատակով թոշակավորներ պահել պետական կամ մասնավոր դասընթացներում:

8) Որբանոցների պահպանության հատկացված նպաստը անբավարար եղած է ցարդ բոլոր անհրաժեշտ պահանջների համար. լրացուցիչ միջոցների մասին հոգալ և դիմել ուր հարկն է՝ տրվելիք նպաստի քանակը ավելացնելու համար:

9) Առանձին որբանոցներ բանալ կաշվի և տարափոխիկ հիվանդության ենթակա որբերին կղզիացնելու համար, քանի որ նույն հիվանդությունները բժշկների վկայությամբ մեծ չափով տարածված են որբերի մեջ:

10) Հայ որբերի շահագործման և ապագայմացման առաջն առնելու համար հավաքել նրանց հայ և օտար անհատներից և հաստատություններից, ու պահպանել և դաստիարակել՝ հայկական որբանոցներում ազգային կրոնական ոգով:

11) Ցանկալի համարել բաց անել փախստականների երեխաների համար մանկապարտեզներ և դպրոցներ առավելություն տալով տաճկահայ ուսուցիչներին և տաճկահայ բարբառով կազմված դասագրքերին:

12) Ի նկատի առնելով, որ հայ գեղարվեստի հիշատակարանները ենթակա են ոչնչացման, անհապաղ հայթայթել մի որոշ գումար, կազմել մասնագետներից մի մնայուն մարմին, ժողովել և պահպանել ազգային թանկագին մնացորդները:

#### 4 ԻՐԱՎԱԲԱՆԱԿԱՆ

1) Ճշգրիտ և փաստորեն ներկայացնելու համար հայ ժողովրդի կրած տանջանքների և նրանց գլխին կատարված ոճրագործությունների պարզ պատկերը՝ անմիջապես միջոցներ ձեռք առնել ամփոփելու այն բոլոր նյութերը, որոնք վերաբերում են տեղի ունեցած ոճրագործություններին պատասխանատուության ենթարկելու համար օսմանյան բոլոր քրեական հանցավորներին և պաշտոնյաներին՝ համաձայն Դաշնակից պետությունների 1915 թվի դեկլարացիայի. նյութերը հաղորդել ի տեղեկություն սենատոր Կրիվցովի նախագահությամբ գործող քննիչ հանձնաժողովին:

2) Հայ փախստականների շարժական և անշարժ կայքերը զանազան գիշատիչներից ազատելու համար ձեռք առնել բոլոր միջոցները փախստականներին անարգել երկիր վերադարձնելու. այդ հարցերը կանոնավորելու և զանազան ոտնձգություններին վերջ տալու համար, անհրաժեշտորեն կազմակերպել տեղերում իրավաբանական կոնսուլտացիաներ:

3) Դիմումներ անել կառավարության՝ անմիջապես միջոցներ ձեռք առնել, որպեսզի տեղացի ծանոթ հայերի միջոցով ազատվեն մահմեդականների մոտ գտնված բազմաթիվ հայերը:

4) Հայ փախստականներին բավարարություն տալու համար, նոր գրավված հայկական գավառներում՝ ցանկալի համարել երկրի ժամանակավոր վարչության մեջ հրավիրված լինեն տեղական բարբերին ծանոթ հայեր:

5) Թշնամի պետությունների հպատակների վերաբերյալ այն օրենքները, որոնք դյուրություն են տալիս օտարահպատակ սլավոն ցեղերին Ռուսաստանում ազատ ապրելու, աշխատել գործադրել տալ նաև հայ գաղթականների նկատմամբ:

6) Նկատի ունենալով այն հանգամանքը, որ Տաճկահայաստանը գրավվելուց հետո շնորհիվ պատերազմական դրության գոյություն ունեցող հողային բարդ հարաբերությունները ստացել են անկայուն ու շփոթ բովանդակություն, միջոցներ գտնել շարժական և անշարժ անպաշտպան մնացած կայքերը ստուգելու և իրենց հայ տերերին հանձնելու համար:

Իսկ մինչև այդ՝ նույն կայքերը ցուցակագրել և հանձնել ի պաշտպանություն Ամենայն Հայոց Հայրապետին՝ իբրև հայ ազգի ներկայացուցիչ:

7) Աչքի առաջ ունենալով այն, որ Ռուսաստանում և Միբիրում գտնվում են մեծ թվով հայ գերիներ տաճկական բանակից, որոնք միանգամայն զուրկ են հոգատարությունից՝ քանի որ իրենց մերձավորները մասամբ կոտորված են և մասամբ բռնի տեղահան արված կամ գաղթած են, այսպիսով հայ գերիների համար ստեղծվել է անելանելի դրություն և ավելի վատթար, քան տաճիկ գերիներինը, որովհետև վերջիններիս մասին հոգատար են նրանց ընտանիքները և նույնիսկ թուրք կառավարությունը՝ իսպանիական դեսպանի միջոցով, կենտրոնական մարմինը միջոցներ ձեռք առնելու է նրանց գերությունից ազատելու:

#### 5 ԿԱԶՄԱԿԵՐՊՉԱԿԱՆ

1) Ընտրել համագումարում 9 հոգուց բաղկացած հանձնաժողով՝ շուտափույթ հրավիրելու Հայկական Համագումարների կենտրոնական Կոմիտեն: Այս ժողովի համար ընտրվեցին հետևյալ անձինք.

1. Գարեգին վարդապետ՝ Էջմիածնից՝ Եղբ. օգնութ. հանձն. կողմից.
2. Ս.Հարությունյան թիֆլիսի Կ.Կոմիտեի և Կ.Հ.Բ.Ընկ. կողմից.
3. Հ.Առաքելյան՝ Նպաստամատույցի և Հայաստ.Վերաշին. հանձնաժողովից.
4. Ա.Սահակյան՝ Հայոց գյուղատնտեսական ընկերությունից.
5. Փ.Թերլեմեզյան թիֆլիսի հայ փախստականների ընկերությունից.
6. Ս.Մամիկոնյան՝ Մոսկվայի Հայկական Կոմիտեից.
7. Հ.Տեր-Միքայելյան՝ Բաքվի Հայկ. գաղթական. հանձնաժողովից.
8. Ա.Արիբեկյան՝ Պետրոգրադի Հայկական Կոմիտեից.
9. Գ.Չալխուշյան՝ Ռոստովի և Ն.Նախիջևանի հայ Կոմիտեներից:

2) Այս մասնաժողովը լիազորված է անմիջապես գործի անցնել և անհապաղ հրավիրել Հայկական Համագումարների կենտրոնական կոմիտեն. ամենևին կանգ չառնել հրաժարված և բացակա անդամների թվի վրա:

3) Լիազորվում է պատերազմից վնասվածներին օգնող Պետրոգրադի հայկական ընկերությունը, որ շարունակի ստանալ կառավարությունից հայ փախստականների համար տրվող նպաստները. իսկ այդ նպաստների բաշխումը կատարել Համագումարից ընտրված հիշյալ 9 հոգուց բաղկացած հանձնաժողովի մասնակցությամբ և համաձայնությամբ:

4) Համագումարների Կենտրոնական Կոմիտեն ինքնավարացման (կոպտացիայի) իրավունքով իրավիրում է արտասահմանյան ազգային կազմակերպությունների ներկայացուցիչներին ձայնի իրավունքով:

5) Համերաշխության կոչ անել, որ համայն հայությունը՝ թե Ռուսաստանի և թե Եվրոպայի ու Ամերիկայի գիտակցելով թուրքի լրջությունը, միանա ընդհանուր գործի և ազգային դատի բարվոք լուծման համար:

6) Հայկական Համագումարների Կենտրոնական Կոմիտեն ղեկավարվում է իր առանձին կանոնադրությամբ, որի ռուսերեն բնագիրը բերվում է ստորև:

Համագումարի նախագահ՝ Ս.Մամիկոնյան:

ՉԱԱ Ֆ.50, ց. 1, գ. 140, քք. 15-18 շրջ.: Բնագիր: Տպագիր:

### № 3

#### ОТКРЫТИЕ АРМЯНСКОГО СЪЕЗДА

Открылся съезд армянских общественных деятелей. Съехалось около 150-ти представителей армянских колоний Петрограда, Москвы и Северного Кавказа. Представители Закавказья, занятые в краевом совещании по введению земства на Кавказе отсутствуют. Задачей съезда является организация дела помощи беженцам- армянам при возвращении их на родные пепелища и, наконец, объединение всех армянских организаций, как русских так и иностранных.

Председателем съезда был избран С.Г.Мамиконян. Его товарищами — Г.Х.Чалхушьян, профессор В.И.Вартанов и А.Б.Асрибеков.

С.Г.Мамиконян (Москва) во вступительном слове выразил глубокую благодарность от имени армянского народа России и всем державам согласия за то теплое участие, которое союзники принимают в судьбе многострадального народа. Когда Турция напала на Россию, все армяне, как один, встали на сторону России и ее союзников. Сейчас мы стоим — говорит оратор, — перед роковым моментом в жизни армянского народа. Мы почти бессильны сделать что-нибудь для наших сородичей. 270 тысяч армян ушли из Турции в Россию, 600 тысяч армян вырезано, несколько сот тысяч угнано в пустыни Месопотамии. Как им помочь? Что сделать? Вот вопросы, которыми должен заняться съезд, и я верю, что все мучения армян приведут к их воскресению. Для армянского народа после победы России и ее союзников будет светлое будущее.

Г.Х.Чалхушьян (Нахичевань) останавливается на положении армян- плененных беженцев и на положении армян.

Член Гос.Думы М.И.Пападжанов останавливается на деятельности Татианинского комитета и особого совещания о беженцах, ассигновавшего около 8-ми миллионов на помощь армянским беженцам, и указывает, что в деле помощи беженцам лучше всего оказались армянские крестьяне.

Съезд постановляет послать верноподданническую телеграмму Государю Императору и приветственную телеграмму Великому Князю Николаю Николаевичу. Кроме того, посылаются телеграммы министру иностранных дел

\* Կանոնադրությունը չի հայտնաբերվել:

С.Д.Сазонову с выражением благодарности за труды по введению реформы в Армении и за его сочувственное отношение к нуждам армянского народа и благодарственные телеграммы министрам иностранных дел Англии и Франции и заграничным организациям за оказание помощи армянам.

Съезд разделяется на ряд секций: по организационным вопросам, по вопросам школьного образования, финансово-экономическим, врачебно-санитарным, сельскохозяйственным, юридическим и по общим вопросам.

“Русские Ведомости”

Армянский Вестник №16, стр 11-12. [15 мая 1916г.\*]

### № 4

#### ЗАВЕРШЕНИЕ АРМЯНСКОГО СЪЕЗДА

22 мая 1916г.

Москва

Закончился съезд армянских организаций помощи пострадавшим от войны.

Это, в сущности говоря, был первый армянский съезд, имевший возможность открыто заявить о нуждах армянского народа, хоть и в ограниченной области. Он обнаружил много самой элементарной неопытности, крайне несовершенную подготовительную организацию, неумение президиума справиться с задачами, на него возложенными, словом все, что неизбежно сопровождает первые шаги всякого большого общественного дела. Но в то же время съезд показал нечто гораздо более важное: необычайно вдумчивое отношение делегатов армянских организаций к тем вопросам, которые стояли в программе съезда.

С самого начала пришлось считаться с одним крайне досадным фактом: делегаты некоторых крупных кавказских организаций, занимающихся вопросами помощи пострадавшим от войны армянам, не могли прибыть в Петроград по целому ряду причин; не было, напр., докладов такого общества, как тифлисское сельскохозяйственное, на плечи которого ложится огромный труд по восстановлению хозяйств армянских крестьян в оккупированных частях Турции; отсутствовали делегаты Центрального комитета в Тифлисе и общества Нпастаматуйц; не было представителей комитетов Братской Помощи. И все-таки, несмотря на все это, и в принципиальном, и в деловом отношении, съезд можно считать удавшимся.

Первым и очень важным результатом было то, что русское общество узнало о великих страданиях армянского народа, о том, что перенес он в течение войны, как в Турции, так и в России, куда бежали остатки армянского населения, спасшиеся от насилий турецких солдат и курдских шаек. Армянскому народу сочувствие русского общества необходимо, как воздух: дальнейшие судьбы Армении будут складываться при прямом воздействии русского общественного мнения и его органов, прежде всего — Государственной Думы. Дать русскому общественному мнению материал для

\* Άὰδὰ ἐϋαἰ ἐϋ ἀοδί ἀἔα.

суждений по армянскому вопросу было общественным и политическим долгом армян, и эту задачу съезд выполнил.

Другим, крайне важным результатом съезда было то, что предприняты решительные шаги для объединения дела помощи армянам, пострадавшим от войны: решено создать центральный орган, в руках которого будет сосредоточиваться отныне все дело помощи беженцам и другим категориям пострадавшим от войны. До сих пор в деятельности отдельных организаций отсутствовала согласованность, крайне неблагоприятно отзывавшаяся на деле. Теперь согласованность будет, и нужно надеяться, устранятся многие из неизбежных дефектов; люди, стоящие во главе отдельных организаций слишком любят свой народ, чтобы не поступиться некоторой долей своей самостоятельности.

Наконец, третьим крупным результатом съезда являются те постановления практического характера, которые были приняты съездом по самым животрепещущим вопросам текущей бытовой армянской действительности: сельскохозяйственной, санитарной, школьной, правовой и проч. К обсуждению резолюций этой категории, мы еще будем возвращаться неоднократно.

Но, быть может, самым большим результатом съезда было то, что в короткий срок делегаты армянского народа справились с огромной программой, лежавшей перед ними. На съезде совсем или почти совсем не чувствовались столь яркие в армянском народе партийные разногласия: все делали общее дело и чувствовали, что работают над чем-то таким, где партийная рознь будет вредной помехой, где разногласия не вытекающие из существа того или другого вопроса, могут непоправимо скомпрометировать дорогое всем достижение.

Мы твердо верим, что и в дальнейшем эта солидарность будет продолжаться, что организации, не представленные на съезде, не внесут никакого диссонанса в дальнейшую работу. Эта вера — отнюдь не утопия; всякому, кто хотя бы поверхностно знаком с тем, что происходит сейчас на Кавказе, известно, насколько мягче, насколько менее непримиримы сделались теперь отношения между партиями. Совместная работа во многих отношениях налажена: нужно лишь решительнее вступить на этот путь. Этого требуют прежде всего интересы Армении.

И, если съезд подвинет вперед это дело — повторяем: мы ни на минуту в этом не сомневаемся — одного этого будет достаточно, чтобы обеспечить за ним прочное значение в истории армянской общечеловечности.

Армянский Вестник N17, стр.1-2.[22 мая 1916г.]

N 5

**ОБСУЖДЕНИЕ ВОПРОСА О СОЗДАНИИ ЦЕНТРАЛЬНОГО  
ОРГАНА, ВЕДАЮЩЕГО ДЕЛОМ И ПОМОЩИ ПОСТРАДАВШЕМУ  
НАСЕЛЕНИЮ ТУРЕЦКОЙ АРМЕНИИ.**

29 мая 1916 г. Москва

---

\* Ասօճ եթաճի էյ յօճի ձեճ.

В тифлисском еженедельнике “Амбавабер:” напечатана подписанная инициалами видного кавказского деятеля статья, посвященная только что закончившемуся армянскому съезду, под заглавием “Кто виноват” Рассматривается в ней вопрос о том, на чьей ответственности лежит неучастие в съезде нескольких крупных кавказских армянских организаций, занятых делом помощи пострадавшему от войны населению Турецкой Армении.

Мы не будем входить в существо затронутого вопроса. Он потерял теперь всякое практическое значение, и самая постановка его post factum представляется нам глубоко академичной. Выискивать сейчас виновных-значит зажигать ненужную полемику, тратить время на разговоры о таких вещах, которые утратили всякий практический смысл, отнимать силы от той нужной и важной работы, которой предостроить сейчас так много. Мы уже указывали в прошлом номере нашего журнала, что созданием нового органа, призванного объединить и централизовать дело помощи беженцам, съезд положил начало коренной реорганизации беженского дела. Эта задача близка и дорога всем армянам одинаково: как тем, которые участвовали в съезде, так и тем, которые на нем не присутствовали. Ею и нужно заняться в ближайшую очередь. Поиски каких-то виновников будут только расхолаживать, не давая сосредоточиться, создавать острые углы, т.е. приводить к тому, что несомненно принесет вред большому национальному делу.

При установлении состава того комитета- ядра, вокруг которого должен сложиться будущий центральный орган, ведающий делом помощи пострадавшим от войны, съезд, прежде всего, заботился о том, чтобы в него вошли все наиболее энергичные действительные работники, руководители главнейших организаций, в руках которых фактически сосредоточивалась до сих пор помощь беженцам. Эти люди, следовательно, получают возможность в полной мере проявить свою энергию и накопленный за больше, чем годовую работу, практический опыт.

Главный вопрос, как известно, заключается в том, чтобы разрозненные действия различных организаций по помощи пострадавшему от войны населению, были объединены в одном центре и чтобы денежные средства, расходуемые на это, сосредоточивались в одной инстанции. До тех пор, пока это не будет осуществлено, все промахи, наблюдавшиеся до сих пор, будут неизбежно повторяться и, что еще важнее, распределение средств между нуждающимися будет по-прежнему крайне неравномерно.

Вот главная задача. Над ней нужно работать, ибо время не терпит. В такой момент заниматься академическими вопросами и выискивать каких-то виновных-дело едва ли очень своевременное. Армянский народ не может позволить себе такую роскошь, когда народ страдает от невиданных еще бедствий, когда историческая территория Армении стонет еще под игом векового врага. Пусть разговорами занимаются другие: у армян слишком много живого дела.

Армянский вестник, N18, стр. 1-2. [29 мая 1916 г.]

N 6

---

\* Ասօճ եթաճի էյ յօճի ձեճ.



## ВСЕРОССИЙСКИЙ АРМЯНСКИЙ СЪЕЗД

Телеграмма Августейшего Наместника на Кавказе армянскому съезду

Августейший Наместник на Кавказе Его императорское Высочество Великий князь Николай Николаевич вчера прислал на имя председателя всероссийского съезда Мамиконяна следующую телеграмму:

“Сердечное приветствие съезда представителей армянских организаций глубоко меня тронуло. Особенно ценю я полное любви отношение к памяти моего родителя, всей душой послужившего святому делу освобождения христианских народностей от векового угнетения Турции.

Вместе со всем русским народом я непоколебимо верю, что благословляемая милостию Всевышнего доблестная русская армия достигнет тех высоких идеалов, во имя торжества которых было поднято грозное русское оружие, и что час окончательной победы над врагами России освободит навсегда армян и другие христианские народности, от турецкого владычества. Сердечно благодаря съезд за приветствие от души желаю ему полного успеха в разработке вопроса о лучших способах помощи беженцам-армянам

Генерал-адъютант Николай”.

Телеграмма эта последовала в ответ на следующую телеграмму, посланную всероссийским армянским съездом:

“Ваше Императорское Высочество. В восточной войне 1877 года Августейшему Родителю Вашему было угодно обратить внимание на бедственное положение армян в Турции, и по Его указанию была включена в Сан-Стефанский договор статья 16-я, предусматривающая улучшение условий существования нашего народа. В сознании народа-мученика хранится и живет благодарная память о благородном почине покойного Великого князя.

Живет и крепнет убеждение и из-тайников души народной исходящая вера, что Его Сыну суждено, по неисповедимым путям Провидения, одолеть векового врага христианства и освободить родную землю, омытую кровью многих поколений.

Съезд представителей армянских организаций обеих столиц Европейской России и Кавказа, собравшийся в столице Империи, разделяя вполне эту веру народную, всеподданнейше просит Ваше Императорское Высочество принять его глубочайшую благодарность за высокое внимание к нуждам наших обездоленных братьев, армян-беженцев в Турции”.

### Петроградская печать об армянском съезде.

Закончивший 13 мая свои занятия в Петрограде всероссийский армянский съезд привлек к себе особое внимание не только всего армянского народа, но и русских слоев, интересующихся армянским вопросом,

доказательством чего могут служить статьи, появившиеся в русской прессе, которые мы приводим ниже.

### Всероссийский армянский съезд.

Армяне к делу обороны страны в текущей войне отнеслись чрезвычайно серьезно и вдумчиво, не останавливаясь ни перед какими жертвами. Помимо засвидетельствованной историей преданности армян русскому делу, на этот раз здесь играло большую роль еще другое обстоятельство. Слишком памятны были благородные усилия русской дипломатии в пользу облегчения тяжелой участи зарубежных армян.

С объявлением Германией войны России совпало и отозвание Турцией тех правительственных инспекторов, которые должны были внести законность в эту бессудную страну. На всем необъятном пространстве России армян без различия направления охватил могучий энтузиазм, и все горело одним желанием помочь государству в его борьбе с врагом. Когда затем началась турецкая кампания, воодушевление армян достигло высшего напряжения. Война, как смерч, пронеслась по Турецкой Армении, разматывая и превращая в пустыни цветущую страну трудолюбивых пахарей. В стройной системе турки и курды стали вырезывать армян поголовно с благословения и одобрения высококультурных немцев. Но вместо ужаса, отчаяния, вместо паники, упадка сил, страха и растерянности, тысячами армяне-добровольцы отзывались под русские знамена, и новые силы зарождались в усталых и измученных сердцах армян.

Так, в общем порыве сочувствия государственному делу армяне не остановились ни перед какими жертвами. Преждевременно пока подводить итоги, но со временем история сделает это и, когда она беспристрастно, внимательно пересчитает все жертвы армян, общество убедится, что армяне принесли на алтарь отечества в этой войне все, что только могли.

Работающему ныне всероссийскому съезду армянских деятелей предстоит разрешение ряда серьезных задач, выдвинутых войной. По условиям времени, места, а также из тактических соображений русской армии на турецком фронте приходилось в некоторых случаях на отдельных участках фронта отступить, и местное население не успело оставить вовремя свои насиженные места и следовать за русскими войсками. В тылу встречались часто курдские селения, причем местные курды при успехе русского оружия всегда казались покорными и мирными, при малейшей же неудаче стреляли в русские войска, грабили и убивали мирных жителей.

Армяне, которые встречали русские войска торжественно, из боязни мести должны были поспешно очищать свои очаги, причем одни не успевали это делать и являлись жертвами насилия курдов и турок, другие же за отсутствием перевозочных средств и провианта терпели невероятные лишения, и когда волны беженцев хлынули к Эчмиадзинскому монастырю, положение их оказалось ужасным. Отсутствие питьевой воды, частые перемены погоды, необходимость жить под открытым небом,- все это привело к появлению среди беженцев массовых заболеваний, и смертность среди беженцев оказалась ужасающей.

Само собой разумеется, что армянское общество широко откликнулось на призыв католикоса всех армян, но все же содержать на частную благотворительность сотни тысяч беженцев не представлялось возможным. Беженское движение вызвало к жизни ряд благотворительных учреждений в Эчмиадзине, Эривани, Тифлисе и других городах. Но бедствие оказалось настолько грандиозным, что частная благотворительность не могла помочь всем нуждающимся. Правительство, до того уже оказавшее помощь беженцам-полякам, литовцам, галичанам, широко откликнулось и на армянское бедствие, стало помогать и армянам, в сущности пострадавшим за свою преданность русскому делу.

Возникли крупные организации, как Центральные Комитеты в Тифлисе, “Братская помощь в Эчмиадзине и Нпастаматуйц:”. Наряду с вопросом об обеспечении беженцев, продовольствием возникли такие вопросы, как приют сирот, оставшихся от родителей, погибших в Турции или умерших от болезней, в особенности острым стал вопрос о восстановлении разрушенных хозяйств армян-беженцев. Да и общее направление дела призрения устройства беженцев до последнего времени оставалось неопределенным. Явилась необходимость создать авторитетный орган, который мог бы разрешить все эти сложные вопросы. Таким органом является открывшийся всероссийский съезд армянских деятелей, в котором принимают участие, представители почти от всех существующих в России армянских организаций.

Гр. Чалхушьян

### К съезду армян

Сегодня в Петрограде открывается всероссийский съезд армян.

Программа съезда охватывает широкий круг вопросов, относящихся к организации планомерной помощи беженцам-армянам. Намечены вопросы-продовольственный, жилищный, сельско хозяйственный, врачебно-санитарный, финансовый, образовательный, духовный, юридический, о расселении беженцев, обратном водворении их, восстановлении хозяйств, призрении сирот, а также о согласовании работы всех существующих организаций.

Первоначально предполагалось созвать съезд в Эривани или Эчмиадзине. Это имело разумные основания: как самим беженцам, так и местным людям, непосредственно работающим в многочисленных организациях по оказанию помощи беженцам, и легче и скорее было бы съехаться в центре коренной Армении, чем оторваться от дела и ехать за тридевять земель- в Петроград.

Участие местных деятелей из русских и турецких армян, несомненно, придало бы постановлениям съезда более жизненное значение, прибавило бы им больше веса и авторитетности. Мнение людей, работающих в самой гуще беженчества, вооруженных практическим опытом и осведомленностью, могло бы только принести пользу этому государственной важности делу, на которое правительством затрачиваются миллионы.

Но съезд так и не мог состояться в Закавказье, и поневоле пришлось его перенести в Петроград с упущением времени, с потерей целой селско-хозяйственной кампании.

Этим в значительной мере и следует объяснить нынешний состав съезда, где отсутствует представительство от тех элементов, которые могли бы особенно полно отразить действительные нужды беженцев и содействовать наиболее удовлетворительному разрешению задач, намеченных в программе организационного комитета.

При таких условиях, когда голос самих беженцев или деятелей, работающих в местных организациях коренной Армении, не может быть услышан, задачи съезда в силу необходимости должны сузиться и – надо признать откровенно – свестись лишь к обсуждению и решению вопросов об организации участия русских армян в устройстве беженцев.

Не желая отнюдь умалять значения открывающегося съезда, мы не должны, однако, закрывать глаза на создавшееся положение. Едва ли было бы справедливо и целесообразно, если бы собравшиеся представителями армянских колоний русских и заграничных городов, как бы благожелательно они ни были настроены, считали себя призванными решать судьбу армян-беженцев без их ведома и участия.

Поэтому думается, что при наличных условиях съезду надлежит ограничить свои задачи указанными пределами. Нет надобности говорить, что и в этих пределах работы съезда будут иметь огромное значение.

Приветствуя съезд, мы надеемся, что армянские общественные деятели без различия политических воззрений объединятся в предстоящем им святом деле братской помощи, и труд их, одухотворенный любовью, увенчается созданием мощной организации, обеспечивающей несчастным беженцам возможность культурного существования.

Н.Ахунов

### Армянский съезд

Сегодня в Петрограде открывается съезд представителей армянских организаций.

Армянский народ оспаривает у бельгийцев, сербов и поляков печальную славу жертвы, наиболее пострадавшей от настоящей войны, и едва ли не имеет права на первенство. Отличительная черта армян та, что война только завершила то дело, которое по отношению к ним было начато уже очень давно, по крайней мере с русско-турецкой войны 1877-78 гг. Еще тогда во время этой войны положение армян в Турции вызывало в Европе и России большое сочувствие, и Россия в числе целей войны с Турцией охотно указывала вслед за болгарями и на армян, как на народ, имеющий право на защиту и на освобождение от турецкого ига. В берлинский мирный трактат, которым закончилась война, была включена статья (61) обязывающая султана осуществить в Армении реформы, “вызываемые местными потребностями” и “обеспечить безопасность армян от курдов и черкесов:”, та же статья возлагала на европейские державы, подписавшие берлинский трактат, обязательство следить за ее исполнением. Но благожелательное по форме постановление трактата, не установившего никаких действительных мер для контроля за его осуществлением, осталось на бумаге; не успели еще высохнуть чернила, которыми дипломаты подписали от имени своих правительств обязательство следить за судьбой Армении, как и забыли о нем, и этот грех лежит в одинаковой мере на всех.

Турция же, чтобы избавиться от своего обязательства начала более или менее систематическое истребление подвластного ей народа. В пяти армянских вилайетах была образована особая конная полиция, называвшаяся гамидие, и состоявшая из курдов, т.е. как раз того полудикого горного народа, от которого Турция обязывалась обеспечить армян. Армяне были отданы на жертву этой полиции, которая грабила и при случае вырезывала армян. Наконец, в 1895г. в ответ на образование армянской революционной партии дашнакцутюн был учинен погром, известный под именем Сассунского (потому что в Сассуне он свирепствовал с особенной силою), затмивший своими ужасами все более ранние погромы, и напомнивший ужасы нашествий Атиллы и Чингисхана. Курды сжигали церкви с запершимися в них тысячами людей, целые деревни с их населением, насиловали женщин, выкалывали глаза мужчинам и т.д. Общее число жертв превышало сотню тысяч, а другие сотни тысяч разбежались в Россию, в Западную Европу и даже в другие местности Турции, где преследование не было так свирепо. Цель была достигнута, армянское население было значительно разрежено, и не более двух вилайетов сохранили его заметное преобладание.

Только теперь Европа вспомнила о принятом на себя обязательстве и сделала вежливое дипломатическое представление Турции. Из него, конечно, вышло очень мало. Турция обещала, и ничего не сделала. Положение армян в Турции, в общем, осталось прежним.

Даже революция 1908 года и переход власти к младотуркам, несмотря на помощь, оказанную им армянами, почти не изменила положение этих последних, несмотря на формальное признание их гражданского и политического равноправия, несмотря на открытие турецкого парламента сознательным числом армянских представителей в нем. Новая резня армян была произведена в Адане в 1909г., потом в Ване, в Эрзруме, в других местах.

Наконец, началась великая мировая война, и в эту войну вмешалось Турция. Она имела все основание опасаться армянского населения, как такого, на турецкий патриотизм которого было трудно рассчитывать, и по отношению к нему было применено испытанное средство, но в еще усиленных размерах.

До 1895г. число армян в Турецкой Армении определялось приблизительно в 600-700,000 (всего в Турции их было около 1.200,000, несколько больше в России). Перед войной оно не превышало уже только 400,000. В настоящее время- сколько их в настоящее время в Турецкой Армении, этого никто с достоверностью сказать не может. Вероятно не более сотни тысяч, а, может быть, и того менее. На Кавказе имеется армян, бежавших из Турции, не менее сотни тысяч.

Задача открывающегося сегодня съезда состоит в изыскании способов устройства армян-беженцев на месте временного их пребывания, возвращения (кого можно) в занятую нашими войсками часть турецкой Армении, восстановления их хозяйств и т.д. По всей вероятности, съезду придется столкнуться с целым рядом общих политических вопросов.

Между прочим, вряд ли ему удастся совершенно миновать острый вопрос грузинско-армянских отношений. Политика разжигания национальной розни на Кавказе принесла свои плоды,- и грузины смотрят на массовое переселение на Кавказ армян крайне несочувственно.

-Для вас,- говорят они русским,- армянские беженцы — только несчастные люди, принужденные покинуть родное пепелище, имеющие право

на горячее сочувствие и всякую поддержку. Для нас- то же самое, но, кроме того, для нас они- армяне, внедряющиеся в грузинское население, уменьшающие его относительную численность во многих городах, в том числе таких, как Тифлис, и облегчающие возможность нашей насильственной денационализации.

Если бы армянам, грузинам и другим народностям на Кавказе, как и повсеместно, дана была возможность самим столкнуться, то этот национальный вопрос был бы легко разрешен. Но политика противоположения государственности и общенности, политика искусственного обострения национальной розни, становится на пути.

Мы от души приветствуем настоящий съезд, в уверенности, что он со своей стороны будет не разжигать, а смягчать национальную рознь, и от души желаем, чтобы он не встретил в своей работе внешних препятствий.

В.Водовозов

„ День”

### К армянскому съезду

Ожерелье съездов, украсивших нашу скучную зиму и нынешнюю полу-весну, полу-осень, закончится еще одним съездом- армянским, ожидавшимся в апреле, но, волею судеб, ставшим майским: он откроется 10 мая. Этот съезд вызывает глубокое раздумье русской мысли, стремящейся разгадать, что даст этот съезд нашей государственности и армянским чаяниям и как примирит, разовьет и укрепит эти два основных начала своего бытия...

Армянский съезд должен быть майским в смысле бодрости настроений, свежести и яркости мысли и жизненности решений. Упаси Господи, чтобы от него повеяло октябрем или декабром! Несчастливая, многострадальная Армения уже много пережила страшных, трагических месяцев и дней: еще больше потрясений и ударов испытала она от неисполненных неудачно и легкомысленно взбудораженных в ней надежд и уверенностей. Уже много лет небольшое армянское плоскогорье было средоточием всех злых стихий, обуревающих враждующее человечество. Тяжко давило Армению иго турецкой обветшалой государственности. К нему в последние годы прибавился еще жестокий жернов беспощадной германской культуры, стремившейся приспособить армянский народ для своих эксплуататорских целей.

Наша доблестная армия освободила Армению от турецкой армии. Казалось бы, наступили чудесные времена долгожданного отдыха, и солнце Армении засияет животворящими лучами над свободно дышащей страной. Но судьбе было угодно распорядиться так сурово и загадочно, что предстоящему съезду придется задуматься над мучительными вопросами: что же такое представляет теперь Армения? В чем, прежде всего, нуждаются обломки народа, разбросанные по всем концам земного шара? Что осталось в Армении? И как эти остатки слить в одно целое с длинными ветвями распутившегося во все стороны и страны народа?

Эти вопросы представляются существенно ценными и для русской государственности, вступившей теперь в новую эру своего существования, когда России придется вступать на путь решения сложнейших мировых задач, ведущих к уяснению величайшей проблемы о мире всего мира.

При решении этой проблемы многострадальному армянскому народу, частью безжалостно выброшенному из своего гнезда, должно принадлежать одно из первых мест. Он должен получить то, что дала ему его история и на что имеет право, согласно с развитием его гражданственности.

Русская власть и общественность всегда сочувственно относились к этим запросам армян и в настоящее время, несомненно, благожелательно отнесутся к тому, что выльется из души армянского съезда, как результат глубокого и верного понимания народных нужд и широких возможностей развития и укрепления Армении. В этом отношении съезд может оказать большую услугу России, если отменит от себя сор вредного политиканства, национальной узости и своекорыстности отбросит авантюристские стремления к такому выходу из бед и затруднений, когда получается много красивых резолюций при полном отсутствии положительных и жизненных результатов. Много мы уже видели таких съездов, оставивших по себе горечь тяжелых воспоминаний и разочарований. Армянский съезд не может и не имеет права быть таким, ибо стоит перед таким глубоким, потрясающим страданием, слышит такие раздирающие вопли растерзанных семей, опозоренных женщин и брошенных, осиротевших детей, что быть бесплодным мечтателем и фабрикантом беспочвенных резолюций съезд не решится.

Несомненно, некоторая доля мечтательности или, вернее, прозорливости, касающейся будущего Армении, неизбежна и необходима. Съезду придется внимательно сосредоточиться над тем, чем может быть Армения не только в ближайшем будущем, но и через десятки лет. В этом отношении армянским “лучшим людям”, явившимся на съезд, придется проявить всю ту глубину мудрости, которая посещает избранные Богом личности в момент глубочайших народных потрясений. Такой именно момент переживает армянский народ, и такой именно высоты настроения, неподкупности и величавой чистоты мысли требует нынешняя эпоха от представителей армян, русских и турецких, собравшихся на съезд.

От того, как они посмотрят на будущее Армении, во многом зависит и решение насущных, ближайших вопросов. Здесь именно они могут оказать бесценную услугу России, помогая ей выполнить одну из самых сложных государственных задач мудрого и справедливого устройства без вины виноватого и незаслуженно обиженного народа.

Судя по тому, что уже высказала армянская печать по поводу съезда, можно предположить, что главной его задачей будет устройство беженцев в связи с вопросами: финансовым, правовым, земельным и пр. Бог в помощь!

Рядом с этими вопросами почему-то на первый и даже первейший план выдвигается чисто- партийный вопрос, чтобы половина членов съезда была из числа §представителей пребывающей у нас интеллигенции турецких армян, т.е. в значительной части из дашнакцаканов. Почему? Кому и для чего нужно озарять заседания съезда багровыми вспышками партийной потерпимости? Ясно, что, не отрицая партийности, всюду неизбежной, съезд должен собрать людей, детально знающих беженские вопросы и подготовленных к их решению. Вне этого задания, все решения съезда будут неопределенными или даже вредными.

Армяне должны приложить все свои усилия, все творческие способности, чтобы подсказать России и найти самим самое верное решение армянского вопроса. Быть может, даже очень хорошо то, что постановления

съезда будут носить название майских: в мае вся природа живет самой яркой жизнью. Дай Бог, чтобы деятельность армянского съезда была в самом лучшем смысле майской!

„Петроградские Ведомости”.  
Армянский вестник, N18, стр. 6-10. [29 мая 1916 г.]

N 7

## ВОССТАНОВЛЕНИЕ АРМЕНИИ

### Очередные задачи

Прошло уже более месяца со дня закрытия первого Всероссийского Армянского съезда и как-будто о нем забыли.

Мы считаем своим долгом напомнить тем, кому это надлежало помнить, что съезд вынес очень важные и неотложные решения — осуществление коих съезд поручил прежде всего, избранному в последнем заседании 13 мая, временному исполнительному бюро.

В состав названного бюро вошли господа: Аракелян А.Б., Арутюнов С.С., Асрибеков А.Б., архимандрит Гарегин, Мамиконян С.И., Саакян А.А., Тер-Микаелян Г.Б., Терлемезян П. и Чалхушьян Г.Х.

Бюро это пока бездействует.

Как известно, лишь недавно председатель съезда С.Г.Мамиконян разослал всем членам временного исполнительного бюро телеграфные запросы о том, где и когда желали бы собраться, и с просьбой ответы направлять в Петроград на имя А.Б.Асрибекова.

И только.

Бюро пока не собиралось, а когда соберется не известно между тем дело не ждет. Если трудно собрать сразу всех членов исполнительного бюро, то должны были собраться, по крайней мере, все его члены, кои лично участвовали в съезде и приняли на себя определенное обязательство.

Эти последние должны были взять на себя инициативу первых неотложных шагов и добиться собрания всех членов бюро.

Ведь всеми на съезде было признано главной и неотложной задачей — объединение дела помощи армянам, пострадавшим от войны.

Конечно, многое уже делается на местах армянскими общественными организациями, но разрозненно и часто случайно.

Для согласованности в деятельности отдельных организаций, работающих на местах, и требуется объединение в одном центре. Мы вынуждены повторить еще раз, что до тех пор пока это не будет осуществлено, все промахи, наблюдавшиеся до сих пор, будут неизбежно повторяться.

Вот главная задача.

Над ней нужно работать, ибо время не терпит.

Если не будут использованы в достаточной мере и не будут проведены в жизнь главные постановления первого съезда, то делу объединения грозит серьезная опасность.

---

Ἄρα ἡ ἐσῆαι ἐν ῥόβι ἀεῖα

В России объединение в национальном деле может быть осуществлено обычно через легальный съезд.

На основании же состоявшегося постановления Совета министров пока не допускаются по соображениям общегосударственного характера всякого рода съезды общественных организаций.

Насколько строго соблюдается это постановление, видно хотя бы по тому, что не допущены не только съезды правых организаций, но даже съезд археологический, который стоит вне политики партий, не говоря уже о съездах земского и городского союзов, осуществляющих поручаемые государственной властью многочисленные и разнообразные по обслуживанию нужд армии задачи.

Инициаторы армянского съезда как-будто чувствовали и это, когда настаивали на созыв съезда в мае, а не в июне.

Мы были правы, когда 1 мая спрашивали на страницах нашего журнала защитников отсрочки съезда – “где гарантия, что разрешат перенести съезд на начало июня, или в июне не помешают съезду какие-либо непредвиденные обстоятельства?”.

При таких обстоятельствах ценность постановлений первого всероссийского армянского съезда еще более усугубляется.

Вот почему участники съезда должны особенно ревниво оберегать свои постановления и принимать все зависящие от них меры к скорейшему осуществлению максимума своих пожеланий через будущий и уже признанный законом Центральный Армянский Комитет, представителям которого оставлены вакантные места в “Особом Совещании” при министре внутренних дел.

Ив.Амиров

Армянский вестник N21, стр18-19. [19 июня 1916г\*.]

## N 8

### АРМЯНСКИЕ ОБЩЕСТВЕННЫЕ ОРГАНИЗАЦИИ, ПРИНИМАВШИЕ УЧАСТИЕ НА ВСЕРОССИЙСКОМ АРМЯНСКОМ СЪЕЗДЕ, И ИХ ПРЕДСТАВИТЕЛИ

Петроград

От армянского бюро: ген.Баграмов Иван, Богданян Григорий, проф.Вартанов Вартан, Гукасян Акоп, Гянджунцян Гайк, Султан-Шах Русанна.

От петроградского отделения организационного комитета по созыву съезда: Берберян Николай, Егязарян Лазарь, проф.Каракаш, Манукян Седрак, Ростомян Ментор, Териан Ваган.

От общества по оказанию помощи беженцам и пострадавшим от войны: Гукасян Погос, г-жа Хухутян Нина.

От церковного совета: Богданян Погос, Будагян Саркис, Заврян Ованес.

От общества призрения о бедных г-жа Бабаян Татьяна.

От армянского художественного общества: Калантар Ашхар-бек, Кроян Давид.

\* Ասժա Եժաճի Եյ յօճի ձեճ.

От армянского клуба: Бабаян Эликум, Левонян Паруйр, Ордуханян Александр.

От кассы взаимопомощи учащихся армян в высших учебных заведениях г.Петрограда: Караханян Петр, Чолахян Иперик. осква

От московского отделения организационного комитета по созыву съезда: Аджемов Христофор, Амиров Иван, Балиев Иван, Дживелегов Алексей, Мамиконян Степан, Тадевосян Иосиф, Хачатуров Сергей.

От армянского комитета: Поповьян Мкртич, Соромонян Мовсес, Тотомянц Ваган, Хрмаджян Ованес.

От дамского армянского комитета: г-жи Мирзаян София, Паповьян Маргарита.

От армянского церковного совета: Гондаксазян Мкртич.

От общества инженеров армян г.Москвы Тер-Ованнисян Акоп.

От кассы взаимопомощи учащихся армян в высших учебных заведениях г.Москвы Арутюнян Ерванд.

Нахичевань н/Д и Ростов

От нахичеванского и ростовского комитета помощи беженцам: Поркшеян Хачерес, Тертерян Амбарцум, Чалхушьян Григорий, архимандрит Черекчян Геворк, Хачатрян Акоп.

От нахичеванского армянского дамского комитета, от ростовского общества любителей театра, от ростовского армянского дамского комитета, от дамского благотворительного общества Акульян Арам.

От нахичеванского армянского благотворительного общества Зохранян Александр.

От нахичеванского армянского дамского комитета Сагирян Брабион.

От нахичеванского церковного совета Шапошников Иван.

От благотворительного общества “Измирлян” Дживелегов Срапион.

От нахичеванского н/Д общества призрения о бедных Держанян Абгар.

От нахичеванского церковного попечительства о бедных и находящегося при нем комитета помощи беженцам Богданян Акоп.

Самара

От комитета по оказанию помощи беженцам Паповьян Егор.

Астрахань

От организаций и колонии Бухарцян Рафаел, Асланян Саркис, Соболян Карапет.

От комитета помощи беженцам Левханян Николай.

От общества призрения о бедных при астраханской армянской церкви Халатян Петрос.

Харьков

От школьного попечительства Юзбашян Рубен.

Царицын

От армянского дамского комитета Томбаян Саак.

Одесса

От армянского исполнительного комитета ревизионной комиссии и дамского комитета: свящ. Чубарян Ованнес.

От армянского дамского комитета: г-жа Овнанян Асанет.

От ревизионной комиссии: Овнанян Аракел.

Симферополь  
От армянского комитета свящ. Налбандян Ерванд.  
Карасубазар  
От армянского комитета: свящ. Метникянц Аствацатур, Кара Мурза Сергей.  
Евпатория  
От комитета по оказанию помощи беженцам и добровольцам: свящ. Туманян Карапет.  
Кишинев  
От комитета по оказанию помощи пострадавшим от войны и беженцам: Максудян Месроп.  
Мелитополь  
От комитета по оказанию помощи армянам, пострадавшим от войны с Турцией: Черникян Геворг.  
Ейск  
От армянского комитета помощи пострадавшим от войны: Шилтян Авдей.  
С.Хач  
От армянского комитета: свящ. Джугурян Николай.  
Феодосия  
От армянского комитета по оказанию помощи пострадавшим от войны: Кевчян Ерванд.  
Бахмут  
От армянского комитета Петросян Газарос.  
Майкоп  
От армянского комитета Мамиконян Степан Есаян.  
Севастополь  
От армянского комитета Тер-Гукасян Саркис.  
Таганрог  
От армянского комитета: свящ. Оксентянц Ованнес.  
Адлер  
От армянского комитета Черноморской губ.: Галентерян Григорий.  
Владикавказ  
От комитета по оказанию помощи беженцам и добровольцам свящ. Сарикян Акоп.  
Ставрополь  
От комитета по оказанию помощи беженцам Айвазян Геворг.  
Кисловодск  
От отделения кавказского благотворительного общества свящ. Тер-Ованнисян Саак.  
Моздок  
От отделения кавказского армянского благотворительного общества Шилтян Карапет.  
Лабинская  
От комитета помощи беженцам свящ. Эртевциан Нерсес.  
Керчь  
От армянской колонии Тер-Месропян Ованнес.  
Новочеркасск  
От комитета помощи беженцам Паповьян Ваган.

Сочи  
От армянского комитета Акопян Арам.  
Сухум  
От армянского комитета Котбашян Ованнес.  
Армавир  
От отделения кавказского армянского благотворительного общества Мхитарян Саркис.  
От дамского комитета, от попечительства и комитета по оказанию помощи добровольцам Ервелян Осеп.  
Екатеринодар  
От армянского комитета и дамского комитета по оказанию помощи добровольцам Ярвелян Мкртич.  
Пятигорск  
От отделения кавк. армянского благотворительного общества, дамского благотворительного общества, комитета по оказанию помощи пятигорским добровольцам и беженцам Муратян Минас.  
Дербент  
От отделения национального бюро, от дамского общества и отделения благотворительного общества свящ. Варданян Тигран.  
Тифлис  
От центрального комитета 6-ой армянской дружины Газарян Акоп.  
От армянского этнографического общества: Меликян Амбарцум, Лалаян Ерванд.  
От тифлисского союза турецких армян Ипекян Гаспар и Мелоян Гарегин.  
Баку  
От культурного союза: Аракелян Александр, Лазарян Геворг, д-р Аветисян Арам.  
От отделения национального бюро: Гюльханданян Абраам, Левон Шант, Шатирян Мкртич.  
От общества по оказанию помощи беженцам-сиротам г-жа Патвакянян Наталья.  
От комитета по оказанию помощи беженцам Аракелян Арам, Тероян Вараздат.  
От приходского попечительства Будагян Тигран.  
Эривань  
От эриванского союза коммерсантов-турецких армян: Арутюнян Аветис, Мирзаханян Мирзахан.  
От ванского представительства собрания и комиссии по оказанию помощи Ханджян Гевонд.  
От эриванской комиссии турецко-армянских беженцев Хорозян Гмаяк.  
От ахтамарского представительного собрания Терлемезян Панос.  
От учителей турецких армян Манукян Арам.  
От союза ванских ремесленников Овсепян Арташес.  
Нуха  
От отделения армянского благотворительного общества Бунятян Ментор.

Акулисы  
От отделения кавказского армянского благотворительного общества  
Микаэлян Карэн.  
Карс  
От национального комитета Дзамоян.  
Елисаветполь  
От отделения благотворительного общества комитета по оказанию  
помощи беженцам и учительского союза Мелик Мнацакян Левон.  
Нахичевань (Эрив.губ.)  
От комитета “Братской помощи” и общества призрения о сиротах  
Джанполадян Исаян.  
Ахалцах  
От отделения кавк. Армянского благотворительного общества Будугян  
Арменак.  
Шуша  
От общества помощи беженцам и от петроградского армянского бюро  
Асрибеков Александр.  
От епархиального училища и благотворительного общества: Гукасян  
Абрам, Тер-Акопян Меликседек.  
От дамского комитета помощи беженцам г-жа Асрибекова Елисавета.  
Ахалкалаки  
От отделения союза городов, армянского комитета и армянских  
учителей д-р Бабалян Арташес.  
Сигнах  
От комитета братской помощи Тараян Саркис.  
От отделения кавк. армянского благотворительного общества Оганян  
Геворк.  
Игдырь  
От комитета “Братской помощи” и карского отделения армянского  
благотворительного общества Агбалян Николай.

#### Из-за границы

Салмаст  
От салмастского комитета “Братской помощи” Арутюнян Аракел.  
Тавриз  
От дамского комитета по оказанию помощи салмастским беженцам г-  
жа Варданян Араксия.  
От областного комитета по оказанию помощи беженцам Тер-Акопян  
Александр.  
Египет  
От египетского общества национального вспомоществования  
Саруханян Аракел.  
Америка  
От американских армян Вращян Семен.  
Таким образом на съезде присутствовало около 150 делегатов 97  
армянских общественных организаций; по территориальному признаку на  
съезде были представлены около 60 городов и местечек.

Армянский вестник N21, стр. 19-21. [19 июня 1916г\*.]

#### N 9

### ИНФОРМАЦИЯ ПЕТРОГРАДСКОГО КОРЕСПОНДЕНТА В ГАЗЕТЕ „THE TIMES„ О ВСЕРОССИЙКОМ СЪЕЗДЕ АРМЯНСКИХ ОБЩЕСТВЕННЫХ ОРГАНИЗАЦИЙ

29 июня 1916 г.

#### Армянский вопрос

В Петрограде в течение четырех дней, начиная с 23 мая, заседал Армянский Съезд, имевший целью объединение и систематизацию мер, принимаемых для оказания помощи армянским беженцам и другим жертвам войны в Малой Азии. Участвовали в съезде представители разнообразных благотворительных организаций, местные армянские комитеты, Петроградский и Московский церковные армянские комитеты. Съезд выбрал исполнительный орган, названный Армянским Центральным Комитетом, состоящий из 62 членов, и постановил собираться четыре раза в год. Следующий съезд состоится в октябре текущего года на Кавказе, в Эчмиадзине или Эривани, а главная квартира Центрального Комитета будет в Тифлисе. Главные две черты Армянского Съезда были: первая-тот свет, который он пролил на ужасные страдания, причиненные этому несчастному народу обдуманной жестокостью турецко-германской политики; вторая-твердая уверенность армян в конечную победу союзников и решение России воскресить армянскую нацию. Русские знамена и теперь развеваются над значительной частью Турецкой Армении; но территория эта покинута своими прежними жителями, которые бежали на север, спасаясь от турецких жестокостей. Без жителей Армению нельзя воскресить из этого истекает необходимость оказания помощи тем тысячам армянских беженцев, которые обращают свои взоры к России в час своей горькой нужды.

#### Ответственность государства.

Русская пресса не поколебалась напомнить государству ее ответственность в эту минуту. Властям настойчиво советуют избежать ошибок, сделанных в Галиции, и при усилиях восстановить законность и порядок в занятых провинциях и где только возможно пользоваться существующими местными учреждениями, которые функционировали даже при турецком режиме. Надо позаботиться предупредить расовые столкновения следует обеспечить полную веротерпимость и уважение к местным обычаям мусульманским или христианским; не следует также делать попыток отменить местный язык. Россияне напоминают, что турецкий режим, при всех своих недостатках, имел два качества,-был дешев и мало вмешивался в домашнюю жизнь подвластных ему народов. Вслед за возвращением на места армянских беженцев, второй мерой, имеющей большое культурное значение, будет

\* Ասժա Եթաթի Եյ ածի աեա.

постройка жел. дороги и других путей сообщения, на которую беженцы могут дать нужные рабочие руки. Напоминают о проектированной северо-анатолийской жел. дор. сети. Концессия на них, кажется, была дана французам, она могла-бы быть возобновлена, если Россия не хочет сама взять на себя эту постройку, как государственное предприятие. Из представленных съезду докладов видно в каком печальном положении находятся крестьяне-беженцы из Турецкой Армении; этих несчастных свыше 200000 рассеяно по Закавказью, в Карсской области, Елизаветпольской и Эриванской губерниях. Восстановка разоренных их очагов потребует по расчету около 30 миллионов рублей. Болезней среди беженцев много; замечается большое число помешавшихся, вследствие перенесенных ужасов и лишений; тревогу внушает также количество глазных заболеваний.

### **Горячее обращение**

Объявив Съезд открытым, председатель его С. Г. Мамиконян, председатель Московского Армянского Комитета, произнес горячую речь, вызвавшую большое воодушевление. „Все глаза /сказал он/ обращены к Ставке Верховного Главнокомандующего русскими Армиями, где творится великое дело освобождения наций от германского ига. Армянский народ издавна был верен России, жил в добром согласии с русским народом и русское дело также армянское дело,,

Затем председатель предложил при общем одобрении послать телеграмму Государю с выражением верноподданических чувств.

„Близок нашему сердцу Кавказ и его Августейший Наместник. Великий князь Николай Николаевич покоритель древней столицы Армении. С сыновними чувствами мы обращаемся Его Святейшеству Католикосу всех армян и просим его благословения на успешные труды Съезда,,

Затем оратор сделал исторический обзор происхождения армянского вопроса, развитие которого противоречит интересам Турецкой Империи. „Целый ряд армянских генералов и офицеров /сказал он/ покрыли себя славой в сражении с турками и все армянское население Турецкой Армении смотрело на русских, как на своих кровных братьев. Остановившись более подробно на страданиях армянского народа в эту войну, Мамиконян сказал-„Мы не должны воевать. Мы должны спокойно ожидать благополучного исхода ужасной войны и глубоко верить, что державы согласия выйдут из нее полными победительницами. Этот благополучный исход несомненно гарантирует свободу армянских подданных Турции,,

### **Симпатии к России**

Горячую речь произнес Вице-Председатель Съезда Г. К. Чалхушьян.

„В течение трех дней /сказал он/ будут читать отчеты о национальном горе и национальных слезах. На нас обрушилось страшное бедствие, во-первых благодаря нашим симпатиям к державам согласия и затем благодаря прямому участию армян в настоящей войне. Французы любезно и живописно прозвали нас „наши маленькие союзники,,. Может быть общему мировому делу мы сейчас мало помогли, но пострадали мы как крупные союзники. Война захватила весь армянский народ и сначала для нас не было никаких надежд.

Русское Правительство не желало осложнений и всячески старалось избежать войны с Турцией. Эта точка зрения соответствовала и нашим желаниям, т. к. мы опасались погромов и резни. Но наши симпатии с начала войны были всецело на стороне держав согласия, т. к. во главе их стояла Россия, а о верности ей армян свидетельствует история. Вспомните преследования и турецкие войны, когда армяне встречали русские войска со звоном колоколов и духовенством в ризах. И в этой войне армянский народ всецело на стороне русского народа. Незадолго до турецкой войны между турецкими властями и армянскими почетными гражданами происходили частные совещания, на которых турки щедрыми обещаниями старались привлечь армян на свою сторону. Армянский народ, с чувством отвращения, отверг эти предложения. Началась война и начался приток добровольцев из Армении, Египта, Румынии, Болгарии, которые так хорошо знают Малую Азию, что оказали большие услуги русскому Правительству. Началась беспримерная резня и, говоря словами испанцев, нам оставалось только кричать устами наших ран. В беззаконной стране Турции уже веками раздаются стоны армян, но их душило лицемерие европейской дипломатии, Мы явились сюда в Петроград, чтобы нас услышало русское Правительство, благородное русское общество и всегда неподкупная русская пресса,,

### **Справедливость, право и свобода**

Это не крик отчаяния. Конечно, это будет крик глубокой скорби когда мы затронем вопрос беженцев, судьба которых до сих пор не определилась; когда мы будем говорить о нерешенном положении десятков тысяч сирот; когда мы будем говорить о необходимости восстановить разоренное крестьянское хозяйство, на что потребуются сотни миллионов рублей. Армянство Турецкой Армении представляет собой глубокое море крови и слез; оно выбросило на берег трупы измученных армян. Но мы верим, что эта кровь и эти слезы будут присоединены к общему делу человеческих страданий и будут печальным и постыдным наследием истории нации и веков. Мы верим, что со дна подымутся новые ключи и, да воды заполнят пространство, с помощью великодушной России и держав Согласия, они выбросят на берег три жемчужины. Имя первой пусть будет справедливость. Когда люди говорят о справедливости с турецкими армянами они не смотрят им прямо в глаза, т. к. им стыдно за человеческое достоинство. Имя второй должно быть Право, которое должно заменить слепой и глухой по отношению к армянам шариат. Последняя жемчужина самая большая, которая должна покоится на двух первых,-это Свобода. Эту свободу наши братья заслужили и они получают ее с помощью держав Согласия, дело которых мы считаем священным, справедливым и нашим делом. Преклонимся перед памятью героев всех держав Согласия, которые пали в сражениях за это великое дело.

### **Другие речи**

Эти речи и другие речи в том-же духе заслужили громкие аплодисменты. Армянский член Думы Пападжанов в конце обращения, в котором он выразил благодарность армян Татиановскому Комитету за помощь, оказанную беженцам, заметил: -„Мы переживаем такое тяжелое испытание, какого не



переживала ни одна другая нация, но мы черпаем силу и мужество из того факта, что многие элементы нам сочувствуют не только среди русских, но и среди Союзников. Армянские беженцы получили большую денежную помощь и из Англии и из Америки. Политическая конъюнктура в настоящую минуту не ясна и наш лозунг-ожидать конца войны, в которой мы будем продолжать принимать самое деятельное участие,,.

В заключительном заседании Председатель сказал: -,Армянский народ точно дерево, над которым прошла буря. Оно согнулось, но не сломалось. Как опытный садовник, мы должны подойти и перевязать его раны. Дерево поправится, зацветет и даст плоды. Но мы будем похожи на этого садовника только тогда, если будем верить в себя, в свой народ, в его будущность. Если же нами овладеет, уныние и если мы потеряем веру в свой народ, мы будем похожи на садовника, который, по глупости, тщательно собирает увядшие желтые листья и прикрепляет их к дереву в надежде, что дерево зацветет. Скорбь наша беспредельно глубока. Она часть мировой скорби и мы носим в душе часть этой скорби. Поэтому, как в начале Съезда, так и теперь, нами владеет одно чувство. Чувство это имеет одно выражение. Да здравствует Россия,,!. Громовой взрыв рукоплесканий раздался после этих слов.

В числе принятых резолюций была одна о средствах сохранения армянских памятников и учреждения специальной организации из экспертов с этой целью. Юридическая секция представила доклад и резолюцию, уполномочивающую вновь назначенный Центральный Комитет принимать меры к расследованию жестокостей, совершенных турками против армян, с целью потребовать вознаграждения от виновных после войны, соответственно декларации держав Согласия, сделанной в 1915 г. Эти материалы должны быть переданы в чрезвычайную комиссию сенатора Кривцова, тем было предложено, чтобы Центральный Комитет, через временную русскую администрацию Турецкой Армении, немедленно предпринял шаги для освобождения армян, содержащих в рабстве отдельными турецкими семействами. Было объяснено, что в начале войны турки, под предлогом спасения армян от разни, предлагали им убежище; однако в настоящее время эти армяне de facto находятся в положении домашних рабов, вынужденных исполнять всякого рода низкую работу.

#### **Банкет армянской колонии**

Съезд закончился банкетом, на котором присутствовали члены Съезда и представители армянской колонии. Среди них был член Турецкого Парламента, представитель армянского населения Малой Азии, Вагуан Папазян, который в настоящее время находится в России. Председательствовал М. С. Аджемов, член Государственной Думы; он в своей речи упомянул о тяжелых жертвах армян в этой мировой войне и высказал убеждение, что эти были не напрасны и что армянский народ дождет своих прав и свободы. „В настоящую минуту,, сказал Аджемов, „немцы действительно одержали временные успехи, но окончательная победа будет принадлежат союзным государствам России, от которых армянский народ получит свободу,,.

Шант, автор известной армянской книги „Старые Боги,, сказал: -,В течение ста лет турки и курды угнетали армян и терзали Армению. Но что

случилось. Подобно стали, армяне закалились в борьбе, укрепили свою волю, стали еще сильнее, жили, живут и будут жить,,.

Ипекиан, представитель Турецкой Армении указал на огромные военные услуги армянских женщин, которые бескорыстно и изо всех сил работали, чтобы оказать помощь своим близким. Оратор надеется, что женщины будут продолжать великое дело, помощи страдающим беженцам. Ипекиан также приветствовал армянское студенчество, которое неустанно помогает своим бедствующим братьям.

Сараньян сказал: -,В этой войне мы принесли много жертв и имеем право на свободу. Но когда мы говорим о свободе, мы не должны забывать свободу других национальностей, особенно свободу той нации, под властью которой мы живем. Судьбе угодно было связать нашу жизнь с жизнью России, с жизнью русского народа, а он теперь переживает тяжелые времена, угрожают свободе русского народа. Наша свобода будет достигнута только тогда, когда русское государство будет в безопасном положении. Приветствую Россию и одновременно с нею свободу армян,,!

#### **Неосведомленность о положении армян**

Мамиконян предложил помянуть павших на поле сражения. „Русская публика,, сказал он „мало осведомлена об армянских делах, армянских чувствах и стремлениях русская пресса должна заполнить этот пробел. В Англии организованы общественные учреждения для изучения армянского народа и его культуры. В английских церквях проводятся проповеди о страданиях армян, а в стране, где мы живем, русский народ ничего о нас не знает,,.

Армянин генерал Баграмов указал, что „победа несомненно будет на стороне России и Союзников. Немцы поставили себе задачу обойти с флангов русские войска, но русская армия осталась невредимой. Честь генералу Алексееву мудрому генералу, который сумел сохранить русскую армию. В М. Азии наши войска постепенно соединяются с британскими войсками в Мессопотамии. Новая жизнь Армении связана с победой Союзников. Будем молиться и желать этой победы,,!

#### **Победа для Союзников.**

Чалхушьян сказал: „С особым удовольствием мы слышали речь русско-армянского генерала Баграмова, который указал, что все победы германцев призрачны и в действительности составляют поражение, т. к. не достигли желательных результатов ни на одном театре войны. Баграмов указал, что русская победа будет армянской победой. Мы разделяем этот взгляд и повторяем: Да здравствует сильная Россия, которая обнажила свой меч в защиту права и справедливости! Да здравствует вечно прекрасная могущественная Франция, о могуществе которой беспомощно разбиваются тевтонские волны под Верденом.! Да здравствует Англия, владычица морей, крикнувшая Германия „Руки прочь,,! Да здравствует Италия, которая всегда поддерживала интересы маленьких, слабых народов.! Да здравствуют Бельгия, Сербия и Черногория, теперь поверженные в прах, но которые скоро восстанут и будут процветать больше прежнего.! Мы, армяне,

которые сделали и делаем для этой войны все, что можем, которые столько страдали, столько принесли нужных и ненужных жертв, благодаря жестокости наших врагов, мы не можем не выразить своего сочувствия нашим товарищам по несчастью в Польше, Литве и других местах,.

Говорили еще некоторые выдающиеся армяне, читались стихи армянских поэтов и были спеты русский и армянский национальные гимны.

#### **Телеграмма г. Сазанову**

Всероссийский Армянский Съезд отправил следующую телеграмму министру иностранных дел г. Сазанову:

„Съезд представителей армянских организаций для оказания помощи беженцам, собравшись в Петрограде при участии таких же организаций, действующих в союзных странах, выражает Вашему Превосходительству свою глубочайшую признательность, за неизменную симпатию, с которой Вы всегда изволили относиться к армянскому народу, волею судеб вовлеченному в великий исторический мальштрем. Съезд верит, что и впоследствии справедливые интересы армянского народа в Турции, встретят с Вашей стороны то-же благосклонное участие, которое он заслуживает за свои незначительные услуги христианской культуре и свои великие страдания. Съезд позволяет себе почтительно просить Ваше Превосходительство передать его горячие приветствия и главам правительств Франции, Великобритании и Соединенных-Штатов, за великодушную отзывчивость к несчастьям армян. Симпатия великой России и культурного Запада придает армянам силу переносить все испытания, и смотреть будущему в лицо со светлой надеждой,„

ГА, ф. 102, ДО, оп. 1916 г., д. 168, лл. 66-72: Типографический экз.

#### **№ 10**

### **ДОКЛАД НАЧАЛЬНИКА ОТДЕЛЕНИЯ ПО ОХРАНЕ ОБЩЕСТВЕННОЙ БЕЗОПАСНОСТИ И ПОРЯДКА В ПЕТРОГРАДЕ О ХОДЕ СЪЕЗДА ПРЕДСТАВИТЕЛЕЙ АРМЯНСКИХ ОБЩЕСТВЕННЫХ ОРГАНИЗАЦИЙ**

29 июня 1916 г.

По существу работ, состоявшихся в Петрограде, съезда представителей армянских организаций по оказанию помощи беженцам, через секретную агентуру вверенного мне Отделения, добыт нижеследующий осведомительный материал:

Для подготовки программы деятельности означенного съезда был учрежден особый „организационный комитет,„ в состав которого вошли 7 представителей Петроградского армянского комитета и столько-же представителей Московского комитета. Председателем „организационного комитета,„ являлся председатель Петроградского армянского кружка отставной действительный статский советник Григорий Фаддеев Тигранов, 56 лет, первым товарищем председателя-присяжный поверенный округа Московской Судебной

Палаты Степан Григорьев Мамиконян, 53 лет, вторым товарищем председателя-Петроградский присяжный поверенный Александр Богданов Асрибеков, 35 лет, членами Комитета: кандидат естественных наук Абрам Осипов Гукасов, 48 лет, приват-доцент Петроградского Университета Николай Григорьев Адонц, 43 лет, нахичеванский мещанин Керон Серонов Аджемов, 54 лет, потомственный почетный гражданин Ованес Аствацатуров /Иван Федоров/ Балиян-Балиев, 46 лет, окончивший Московский Университет Алексей Карапетов Дживелегов, 41 лет, житель Нахичеванского уезда, Эриванской губернии, Иосиф Иванов Тадевоянц, 42 лет, и неустановленные: Н. М. Берберов, Н. Н. Ростомян, А. Саруханян, И. Т. Амиров и Н. Р. Каронян.

Организационным комитетом по созыву армянского съезда в первых числах апреля месяца сего года был разослан во все армянские общественные организации циркуляр следующего содержания;

„Петроградский и Московский армянские комитеты в соединенных заседаниях, происходивших в Петрограде осенью 1915 года, выдвинули в соответствии с высказанными в армянской прессе соображениями, вопрос о необходимости созыва в Петрограде съезда представителей армянских организаций, оказывающих помощь беженцам-армянам. С этой целью названные комитеты просили члена Государственной Думы Михаила Ивановича Пападжанова испросить надлежащее разрешение. Вследствие возбужденных ходатайств перед господином министром внутренних дел и Великим князем наместником его Императорского Величества на Кавказе, ныне следовало разрешение на созыв съезда.

Его Светейшество Католикос всех армян дал свое благословение на этот съезд.

Избранный теми-же соединенными комитетами организационный комитет обращается ко всем армянским национальным организациям, оказывающим помощь беженцам, с просьбой прислать своих представителей на упомянутый съезд, назначенный в Петрограде на 10-12 мая 1916 года.

Вместе с тем, препровождая при сем программу занятий съезда и положение о съезде, организационный комитет покорнейше просит прислать по возможности в указанный в положении о съезде срок и применительно к программе съезда, доклады и отчеты о своей деятельности.

К сему организационный комитет считает долгом прибавить:

1/что накануне съезда, именно 9 мая, в 2 часа дня, назначено собрание г. г. членов съезда для взаимного ознакомления.

2/что за входными билетами надлежит обращаться в Петроград /Спасская 15, кв. 2/

3/ что доклады, отчеты и всякого рода заявления и письма должны быть доставляемы в Московский армянский комитет /Москва, Армянский пер. Армянской церкви/ до мая, после-же 1 мая-в Петроград на имя организационного комитета /Спасская ул., д. 15, кв. 2/

2/что организации, не получившие по какой-либо причине настоящего извещения, приглашаются прислать своих представителей, снабженных ими надлежащими полномочиями на принятие участи в съезде,„

Для занятий съезда организационным комитетом была выработана следующая программа:

1/Избрание председателя, товарища председателя и секретарей съезда; доклад организационного комитета; избрание членов совета съезда; распределение занятий по секциям.

2/Организация дела помощи беженцам с начала войны и настоящее его положение. Источники, из которых оказывается помощь: казна, комитет Его Императорского Высочества Великой княжны Татьяны Николаевны, всероссийские союзы городов и земств, армянские национальные организации и российские и иностранные общественные организации. Виды и размеры помощи: продовольственная, квартирная по передвижению, врачебная, духовная, образовательная, юридическая, одеянием, изысканием заработков, призрением сирот и инвалидов, ссудами, пособиями на восстановление хозяйств, обсеменение и пр.

3/Число беженцев по категориям: подданства, профессии, пола, возраста, религии, мест прежнего коренного жительства и нынешнего нахождения

4/Взаимоотношение между различными учреждениями и лицами, участвующими в деле помощи беженцам.

5/Расселение беженцев. Размеры убытков, понесенных ими от войны. Восстановление разоренных хозяйств. Земельные и имущественные вопросы в Армении.

6/Потребительные лавки, артели, дома трудолюбия и др. Справочное бюро по розыску беженцев. Техническая и хозяйственная помощь. Статистика. Обратное водворение беженцев на родину. Помощь армянских добровольческих дружин беженцам.

7/Отчеты национальных организаций и проекты смет.

8/Доклады, выдвигающие принципиальные вопросы.

На армянский съезд ожидалось прибытие около 300 делегатов с мест.

Заседания съезда открылись 10 мая сего года в зале гражданских инженеров/Серпуховская ул., д. 10/, а с 11 мая таковые происходили в клубе общественных деятелей /Симеоновская ул., д. 1, кв. 6/.

Несмотря на то, что точный срок созыва съезда выяснился окончательно довольно поздно, к открытию съезда прибыло значительное число делегатов, как из центральной России, так и от организаций, работающих в отдаленных районах Закавказья.

Всех участников съезда было приблизительно 175 человек. Некоторые имели мандаты не только от российских организаций, но и от армян, проживающих за границей. Парижская армянская колония вручила мандат Тигранову, Египет-Аракелян-редактору газеты „Мшак“.

Съезд был открыт председателем организационного комитета Тиграновым. От имени организационного комитета он обратился к петроградским и московским деятелям и к уполномоченным организациям на местах, отметив самоотверженную деятельность организаций, работающих в пределах Турецкой Армении, и выразив надежду, что съезд выработает более совершенный план дальнейшей помощи беженцам.

Председателем съезда был избран присяжный поверенный С. Г. Мамиконян, товарищами председателя-присяжный поверенный Степанос Григоров /Степан Григорьев/ Чалхушьян, 25 лет, профессор Вартамян и присяжный поверенный А. Б. Асрибеков.

Председатель съезда Мамиконян обратился к собранию с следующими словами: „Первою мыслью, где-бы и когда-бы мы не собирались, должна быть мысль о победе. Наши взоры быть направлены в Ставку, на Верховного Главнокомандующего. Я предлагаю отправить телеграмму Государю Императору. Мы не можем также забыть и нашего родного Кавказа, а также того, что происходит на территориях бывшей Турции, занятой русскими войсками, благодаря его высочеству наместнику на Кавказе. Не могу умолчать также о той духовной поддержке, которую оказывает беженцам и всем работающим по оказанию им помощи его святейшество Католикос всех армян,..“

Далее, переходя к задачам и целям съезда, он высказал следующее: „Нет надобности указывать, как велико бедствие, переживаемое армянским народом, и отдельные факты переживаемых населением ужасов. Эти факты не могут принести бодрости и энергии. Но нельзя не задаться вопросом-откуда пришло это бедствие. Неужели это только простое зверство турок. Не найдется-ли указаний, которые придадут этому явлению огромное историческое значение. Быть может, вы и согласитесь со мной, что это и есть армянский вопрос, вопрос постепенного освобождения армянского народа от гнета тюркизма,..“

Указав далее некоторые этапы истории армян, привлекавших к переселению в Персию и Турцию, оратор подчеркнул народный инстинкт-тяготение армян к России, постепенное освобождение от влияния азиатских народов и слияние с Россией.

После него выступил присяжный поверенный Чалхушьян, который сказал приблизительно следующее: „Много веков мы кричали от нанесенных нам незаживших ран, много лет наш голос заглушала власть и дипломатия, много лет мы кричали и кричим и эти крики не от наших ран, а для того, чтобы, наконец, нас услышало русское общество. Это крики не отчаяния и мы будем продолжать кричать, когда придется восстанавливать разоренные хозяйства здесь у нас, в пределах России. А там в Армении кошмар и ужас; одних вырезали, а другим боятся помогать. Армянское море выбрасывало множество трупов, трупы были без конца. Судьба армян будет позорной страницей истории европейских держав, а в особенности России,..“ /Поднимается шум и после долгих усилий председателю удается восстановить порядок./

По предложению председателя собрание решает послать телеграмму с выражением благодарности министру иностранных дел Сазонову, а также всем иностранным организациям.

Съезд перешел затем к деловым работам в секциях. Работы съезда в конечном результате свелись к следующему:

1/Дальнейшая организация помощи беженцам

2/Объединение всех организаций помощи с центральным комитетом, который будет находится в Петрограде или Москве

3/Финансово-экономическое положение беженцев

4/Вопросы о школах и приютах для детей беженцев

5/ Вопросы врачебно-санитарной помощи

6/сельскохозяйственные вопросы

7/юридическая помощь беженцам.

В соединенном заседании секций экономической и сельскохозяйственной были заслушаны доклады Сагомонянца и Тер-Джирбашянца.

Оба доклада касались вопроса о восстановлении экономической жизни занятой русскими части Армении, при чем доклад Сагомоянца касался исключительно сельскохозяйственного устройства, а второй-торгово-промышленной и др. экономических сторон. По этим вопросам секция пришла к следующему заключению: если принять в основу бюджет мелкого крестьянского хозяйства в Карсской области и Эриванской губернии по масштабу мирного времени, то на восстановление крестьянских хозяйств в разоренной Армении потребуется 150 руб. на душу, что по общему числу всех пострадавших составит до 30-ти миллионов рублей. Секция признала необходимым учредить особую сельскохозяйственную комиссию при „центральном комитете,, помощи беженцам-армянам. Далее секция признала нужным организовать кратковременные курсы чтений и практических демонстраций различных отраслей сельского хозяйства и ремесел для взрослого населения. Для значительного числа бесприютных детей высказано пожелание устройства сельскохозяйственных приютов колоний с обучением грамот и практическому сельскому хозяйству.

### **Школьно-образовательная секция**

В этой секции был заслушан доклад Рашмаджанова. По данным этого доклада, среди беженцев армян, находящихся в России, зарегистрировано до 100.000 детей и из них 39% в возрасте от 1 до 17-ти лет. Из 55.000 детей школьного возраста обучаются только 8.000 в школах, организуемых комитетом помощи беженцам.

Другой докладчик Тадевосянец указал, что из 100.000 детей беженцев 20.000 или сироты, или потерявшие своих родителей; из них 7.000 призываются в приютах, учрежденных организациями. По данному докладу прения носили бурный характер и секция, благодаря разделению голосов ничтожным большинством приняла следующую резолюцию: „Необходимо сконцентрировать призрение сирот в руках одного центрального органа, организовать повсеместно и особенно на территории Армении летучие отряды для собирания сирот, рассеянных повсеместно вследствие разразившейся над страной катастрофы; приюты для детей должны быть организованы в Закавказье, преимущественно, в сельских местностях, густо заселенных армянами; по окончании войны все призываемые в приютах дети должны быть немедленно переправлены группами на родину; наряду с приютами должны быть организованы мелкие очаги неказарменного типа с режимом семейного характера, по возможности,,.

Далее секция признала также необходимым, во избежание эксплуатации сирот частными лицами, установить, что дети не должны быть отдаваемы для призрения в частные руки, а содержаться исключительно в учреждениях, основанных организациями.

### **Врачебно-санитарная секция**

Во врачебно-санитарной секции заслушан доклад представителя Кавказского комитета „Союза Городов,, врача, из мешан г. Шуши Арташеса Адамова Шахназаряна-Бабальянца, 28 лет, посвященный врачебно-санитарной деятельности „Союза Городов,, на Кавказе.

В виду колоссальной работы „Союза Городов,, по оказанию врачебно-санитарной помощи беженцам, секция признала, что эта работа вполне удовлетворяет врачебно-санитарные нужды беженцев, и постановила предложить армянским организациям согласовать свою деятельность с деятельностью организаций Союза Городов на Кавказе, избрав для этого особую врачебно-санитарную комиссию.

### **Юридическая секция**

Сложные вопросы юридического характера, сопряженные с беженством привлекли в юридическую секцию много участников съезда. Наиболее путанный вопрос о восстановлении имущественного владения беженцев был затронут в докладе Чалхушьяна.

Он отметил, что в Турецкой Армении с 1905 года применяется закон о насильственной экспроприации правительством армянских земель. И применение этого закона, армяне-землевладельцы под различными предлогами часто изгонялись и земли их передавались в собственность туркам. По его-же словам, нередко армяне просто вырезывались с той-же целью. Он полагает, что на эти земли следует обратить особое внимание и вернуть их армянам, „хотя-бы путем восстания,,.

По этому вопросу выступал Аджемов, который коснулся вопроса об организации юридической помощи беженцам. Необходимость этой помощи говорит он-вызывается тем исключительным положением, в каком оказались беженцы из Армении в Закавказье и в самой Армении при сношениях с представителями русской власти. Многие беженцы-армяне, из числа не русско-подданных, оказались на русской территории, но не имея право проживать в России, попали в безвыходное положение. Положение это ухудшалось еще и тем обстоятельством, что они не владеют русским языком, вследствие чего, при сношениях с русской администрацией, часто возникали конфликты при назначении их на принудительные работы. Оратор находит необходимым для урегулирования всех вопросов, как имущественного, так и личного права, создать три юридических органа: центральный комитет для разрешения вопросов общего характера, возникающих по беженству вообще, местные юридические комитеты в Закавказье и так же комитеты в Армении.

### **Секция по организационным вопросам**

Здесь сосредоточились наиболее бурные прения, возникшие по вопросу об учреждении армянского центрального комитета помощи беженцам, расхождение произошло по вопросам о сфере компетенции и деятельности Комитета и об его местопребывании. Большинство склонялось к мысли о том, что комитет должен находиться в Петрограде, где он будет близок к центральному органам правительства и откуда наиболее удобно руководить деятельностью местных организаций путем инструкций и указаний, вытекающих из общего положения дел. Противники этого взгляда указывали, что на Кавказе, вблизи места катастрофы, представлялась-бы возможность также мобилизовать и интеллигентных работников и что финансирование организаций, производящееся через канцелярию заместника на Кавказе, не

вызовет тех осложнений, которые возникнут в случае нахождения комитета в Петрограде.

Общее собрание 11 мая, происходившее в клубе общественных деятелей, привлекло, помимо значительного числа участников съезда, также и гостей из среды петроградской армянской колонии. Собрание велось на армянском языке. Председательствовал С. Г. Мамиконян. Заслушаны были доклады двух секций: сельскохозяйственной и врачебно-санитарной.

По докладу сельскохозяйственной секции, собрание, принимая во внимание невозможность предвидеть, когда окончится война и каковы будут ее последствия, а также, имея в виду, что большинство беженцев крестьяне, постановило: признать минимальной нормой для восстановления крестьянского хозяйства 135 руб. на душу и, считая число беженцев-крестьян в 200.000 определить сумму, необходимую для восстановления крестьянских хозяйств, в 27.000.000 руб.; учредить при центральном органе армянских организаций особую сельскохозяйственную секцию: учредить образцовые хозяйства, опытные поля, организовать курсы, издать руководства по сельскому хозяйству для беженцев армян, подготовить кадр сельскохозяйственных инструкторов, организовать склады сельскохозяйственных орудий, запасов зерна и снабжение строительными материалами, живым инвентарем и т. д., а также открыть ряд сельскохозяйственных колоний и приютов для детей.

По докладу врачебно-санитарной секции, собрание приняло следующую резолюцию: принимая во внимание, что „Союз Городов,“ уже 10 месяцев ведет дело врачебно-санитарной помощи беженцам-армянам и поставил это дело на твердых началах, что правительством дело оказания по беженцам поручено „Союзу городов,“ и что на местах работают также и армяне, предложить армянским организациям согласовать свою деятельность по врачебно-санитарной помощи с деятельностью „Союза городов,“ избрав для этой цели особую комиссию, которой поручить одновременно заняться собранием и разработкой статистических данных о беженцах-армянах.

Врачебно-санитарная секция постановила, помимо сего, предложить общему собранию принять следующие постановления: так как среди беженцев сильно развиты глазные болезни, то желательно обратиться в попечительство о слепых имени Императрицы Марии с ходатайством об организации трех летучих отрядов для отправки в районы Мушский, Ванский и Сасунский, в виду наблюдающихся среди беженцев усиленных заболеваний глазами и венерическими болезнями-открыть при существующих больницах для беженцев специальные отделения по означенным болезням и организовать врачебные отряды для обследования в этом отношении беженцев в виду множества случаев психических заболеваний среди беженцев, особенно в последнее время, обратиться к главноуполномоченному на Кавказе с просьбой об открытии для беженцев больницы для душевно-больных; в виду распространения среди беженцев открытых инфекционных заболеваний, обратиться ко всем врачам, работающим в беженских организациях с приглашением по возможности усиленнее производить прививки оспы, тифа и др. инфекций. Означенные пожелания были одобрены.

В юридической секции продолжалось обсуждение вопроса об организации юридической помощи беженцам. В результате двухдневных совещаний секция постановила предложить общему собранию принять резолюцию об организации при центральном органе помощи беженцам

юридической комиссии, задачей и целью которой должна быть подготовка законодательного материала и интерпретация существующих законоположений, регулирующих положение беженцев-армян. В то-же время, в виду беззащитности армян и многочисленных нарушений личных и имущественных прав в местах скопления беженцев, высказано было пожелание организовать в местах скопления беженцев юридическую помощь в виде местных консультационных бюро, коим и поручить принять охранительные меры по отношению к имуществам беженцев.

В общих собраниях съезда, происходивших 12 мая вечером и 13 мая днем, обсуждались доклады секций юридической и соединенных сельскохозяйственной и финансово-экономической.

По докладу сельскохозяйственной секции собрание приняло следующую резолюцию:

„В виду того, что установленная в 37,5 миллионов руб. сумма, необходимая для восстановления крестьянских хозяйств беженцев, относится только к беженцам, находящимся в России, центральному органу армянских организаций надлежит выяснить и установить размеры средств, необходимым для восстановления хозяйств беженцев, оставшихся в занятой ныне русскими части Армении; поручить центральному органу ходатайствовать о распространении на беженцев-армян законодательного предположения о возмещении убытков, последовавших по обстоятельствам войны, а также распространении на них правил положения об оказании ссудной помощи,“.

По докладу юридической секции, собрание постановило поручить центральному органу собрать сведения о злоупотреблениях и зверствах турецких властей по отношению к армянам, для привлечения к ответственности участвовавших в преступных деяниях турецких должностных лиц; учредить в занятой русскими части Армении юридические консультации для ограждения имущественных интересов турецких армян и организовать юридическую помощь на местах; безотлагательно принять меры, при содействии временной русской администрации в занятой части Армении и при содействии сведущих и компетентных лиц из числа местных турецких армян, к освобождению армян, поработанных турками, оставшимися в занятой части Армении.

#### Заключительное заседание

13 мая, в 8 час. вечера, состоялось заключительное заседание съезда, почти целиком посвященное центральному вопросу-об организации постоянного центрального органа всех армянских организаций.

Секция, работавшая по этому вопросу, едва успела закончить свой доклад к открытию собрания. Конструкция этого органа, выработанная секцией, приблизительно такова: Президиум созывает обязательно 4 раз в год съезды представителей армянских организаций по оказанию помощи жертвам войны, число коих достигло сейчас цифры 60. Центральный орган находится на Кавказе, но имеет своих представителей в Петрограде. Для выработки устава центрального органа и исходатайствования его утверждения, а также для созыва первого съезда представителей организаций,-избирается комиссия в составе 8 лиц, каковая после утверждения устава, и является президиумом. Эта-же комиссия является таким образом временным центральным органом,

уполномочивается получать и распределять средства, поступающие для помощи беженцам.

В состав временного центрального органа предложены следующие кандидаты: А. Б. Асрибеков /Петроград/, С. Г. Мамиконян /Москва/, С. С. Арутюнов /Тифлис/, крестьянин села Севаках, Арцевописской волости Забукского уезда, Елисаветпольской губернии, Арам Мирзаджан Аракелян, 49 лет /Тифлис/, С. Саакян /Тифлис/, дворянин Фанос Павлов Терлемезян, 50 лет /представитель турецких армян/ и архимандрит Гарегин председатель общества братской помощи в Эчмиадзине.

Доклад организационной секции вызвал длительные и страстные прения и дебаты, главным образом, по вопросу о местонахождении центрального органа, при чем представители Петрограда и Москвы отстаивали в этом отношении г. Петроград. Большинство голосов оказалось, однако на стороне группы, отстаивавшей Кавказ.

Изложенным закончились работы съезда. Перед закрытием съезда председатель съезда Мамиконян произнес маленькую речь, в которой между прочим, указал, что будущий съезд явится уже не „съездом,, а „маленьким армянским и в то-же время великим парламентом,,.

Подводя итоги первого армянского съезда представителей организаций помощи армянам-беженцам, можно отметить нижеследующее:

Доклады в большинстве секций не отличались достаточной полнотой и продуманностью, что не помешало однако подъему настроений в среде участников съезда, старавшихся использовать заседания такового для взаимоознакомления и возможного личного сближения.

С чисто практической точки зрения некоторые резолюции, благодаря их теоретичности, вряд-ли могут рассчитывать на свое осуществление, хотя многие из участников съезда и выражали уверенность, что будущий исполнительный орган сумеет примирить эти противоречия, осуществив то, что является наиболее необходимым и важным. С их точки зрения существование центрального исполнительного органа несомненно является более удобным в районе Кавказа.

Дашнакцаканы склонны думать, что съезд, оказавшийся с точки зрения тактической не на должной высоте, в моральном отношении принес большую пользу армянскому делу.

Гнчакисты пришли к заключению, что съезд оказался буржуазным, не защищал не только классовых интересов, но даже не сделал ничего для того, чтобы мало-мальски облегчить участь беженцев. Они утверждают, что прибыли на съезд с определенной задачей-облегчить участь несчастных жертв мировой войны, но благодаря патриотическому настроению части съезда им не удалось ничего сделать.

Они-же, в своих речах о бесправном положении турецких армян, пытались понудить присутствовавших заняться обсуждением вопроса об автономии Армении, высказывая при этом надежду, что чаянием армянского народа является переустройство Турецкой и Российской Армении.

Хотя на съезде и не было высказано определенных конкретных предложений и не был предложен на обсуждение какой-либо выработанный проект будущей автономной Армении, но, во всяком случае, многие ораторы в своих речах касались вопроса об автономии Армении.

Следующий съезд предположительно решено было созвать в сентябре месяце текущего года на Кавказе, в Эчмиадзине или Эривани.

Помимо перечисленных выше лиц, в числе участников съезда были зарегистрированы и прибывшие из Тифлиса, взятые в наблюдение вследствие телеграммы Начальника Тифлисского губернского жандармского управления от 7 мая сего года за N 74, видные деятели партии „Дашнакцютюн,,: член распорядительного комитета армянских дружин Симон Лазарев Грузинян, 35 лет, /упомянутый в циркулярах департамента полиции от 29 октября 1910 года и 1 декабря 1915 года за NN 126044/115 и 156649/350/, крестьянин селения Ченанабе, Нахичеванского уезда, Эриванской губернии, Степан Крикоров Зорянц-Зорян, 49 лет, /упомянутый в циркуляре департамента полиции от 29 октября 1910 года за N 126044/115/ и выясненные по связям их: Турецкий подданный Ардахес Карапетов Оссеян, 37 лет, житель г. Шуши, Елисаветпольской губернии, Сергей Арам Аратюнов Аванесов, 41 года, Тифлиссский гражданин Никола Погоса Агбальян, 41 года, и турецкий подданный, доброволец армянской дружины Вагмар Корган, 28 лет.

Об изложенном доношу Департаменту полиции.

Генерал-Майор /подпись/

ГА РФ, Ф. 102, До, о. 1916 г., д. 14, л. 119-125 об. Подлинник. Машинопись.

## № 11

### ПРЕДПРОВОДИТЕЛЬНОЕ ПИСЬМО 4-ГО ДЕЛОПРОИЗВОДСТВО В 6-ОЕ ДЕЛОПРОИЗВОДСТВО ДЕПАРТАМЕНТА ПОЛИЦИИ К ПРОЕКТУ ПОЛОЖЕНИЯ О СЪЕЗДЕ ПРЕДСТАВИТЕЛЕЙ АРМЯНСКИХ ОБЩЕСТВЕННЫХ ОРГАНИЗАЦИЙ

1 августа 1916г.

Срочно

Уполномоченные состоявшегося в мае сего года в Петрограде Всероссийского армянского съезда, присяжный поверенный Самсон Степанов Арутюнов, дворянин Амбарцум Асатуров Аракелян, архимандрит Гарегин Овсепян, кандидат прав Григорий Христофоров Чалхушьян, личный почетный гражданин Гайк Богданов Тер-Микаелян и профессор Вартан Иванов Вартанов, избравшие своим местожительством г.Тифлис, возбудили ходатайство об утверждении положения о съездах представителей армянских общественных организации.

Препровождая при сем копию проекта положения и 7 справок центрального алфавита, относящихся к настоящему делу, 4-ое делопроизводство просит 6-ое делопроизводство сообщить с возвращением всех приложений, как сведения из указанных в справках, дел, кои не выдаются, так и заключение по существу приведенного ходатайства.

Заведывающий делопроизводством /подпись/

ГА РФ, ф.102, ДО, оп.1916 г, д.14, л.147об.: Подлинник. Машинопись.

## ПОЛОЖЕНИЕ

О съездах представителей Армянских общественных организаций оказывающих помощь жертвам войны.

### Цель и Состав Съездов

1. Целью Съездов представителей Армянских общественных организации по оказанию помощи жертвам войны является разработка и объединение мероприятий этих организаций по оказанию помощи лицам и учреждениям пострадавшим от военных действий.

2. В съездах представителей Армянских общественных организаций принимают участие в лице своих уполномоченных следующие организации:

а/Все благотворительные и культурно-просветительные армянские общества и местные армянские комитеты, оказывающие помощь жертвам войны.

б/ Учрежденные с той же целью организации, состоящие из самих беженцев.

в/Петроградский и московский Совет армянских церквей.

Примечание. Все участвующие в Съездах общества и комитеты в кругу своей деятельности руководствуются своими уставами.

3. Съезды созываются по постановлению предыдущего Съезда, а также, в случае надобности, Армянским центральным комитетом, каждый раз с разрешения подлежащих властей в сроки и на время, установленные Съездом или комитетом.

Публичные заседания Съездов подчиняются действию временных правил о собраниях, изложенных в 110 /1-110/22 ст. Уст. о предупр. И пресеч. преступлений /Св. Зак. Т. XIV по прод. 1912 г./.

### Управление делами Съезда

1. Управление делами Съездов возлагается на избираемый Съездом орган носящий название: „Армянский Центральный Комитет Съездов, организаций, оказывающих помощь жертвам войны,, на состоящее при нем исполнительное бюро.

Кроме того, Армянский Центральный Комитет может также пополняться лицами, кооптированными тремя четвертями голосов присутствующих в заседании членов Комитета.

5. В состав Армянского Центрального Комитета входят представители: 1/Главного Комитета Братской Помощи в Эчмиадзине, состоящего в ведении Его Святейшества Католикоса всех армян в количестве 5 человек.

2/Армянского Благотворительного Общества на Кавказе и состоящего при нем Армянского Центрального Кавказского Комитета помощи пострадавшим от войны в количестве 5 человек.

3/Общество Нпастаматуйца и Восстановления Хозяйства в Армении, 2.

4/ Тифлисского Армянского сельско-хозяйственного общества-2

5/ Кавказского Армянского женского комитета в количестве одного человека.

6/ Организаций армянских Петрограда, оказывающих помощь жертвам войны-3.

7/ Организаций армянских Москвы, оказывающих помощь жертвам войны-3.

8/ Организаций г. г. Нахичевани и Ростова на Дону и окружающих армянских селений-2.

9/ Организаций Екатеринодара, Ставрополя и Армавира-2.

10/ Организаций Владикавказа-1

11/ Астраханского Армянского Комитета-1

12/ Одесского и Кишиневского армянских комитетов-1.

13/ Армянских организаций Симферополя, Ялты, Феодосий и Карасубазара-1

14/ Организаций Новороссийска, Сочи и Туапсе-1

15/ Бакинских армянских организаций в количестве шести человек.

16/ Армянских организаций г.Александрополя-2.

17/ Армянских организаций г. Карса-1.

18/ Армянских организаций г. Эривани-5.

19/ Армянских организаций г. Нахичевани Эриванской. губ. и Шарурского уезда-2.

20/ Армянских организаций местечка Игдыр-1.

21/ Армянских организаций г. Шуши-1.

22/ Салмасского комитета-2.

23/Армянских организаций г. Елисаветполя-1.

24/ Армянских организаций Н. Баязета-2.

25/ Армянских организаций г. г. Ахалкалака и Ахалцыха-1.

26/ Армянских организаций турецко-подданных армян, живущих в пределах Кавказского края в количестве десяти человек.

27/ Союза Кавказского Армянского учительства-1.

28/ Этнографического Общества-1.

29/ Армянских организаций г. Батуми-1.

30/ Члены Государственной Думы и Государственного Совета армянского происхождения.

31/Армянских организаций Эчмиадзина и Вагаршапата-1.

6. Армянский Центральный Комитет избирает из своей среды председателя и двух товарищей председателя.

7. На обязанности Армянского Центрального Комитета лежит:

а/Созыв съездов представителей армянских организаций по оказанию помощи жертвам войны.

б/выработка программы и вопросов, подлежащих рассмотрению Съезда.

в/Предварительное рассмотрение докладов и отчетов.

г/разработка правил посылки представителей отдельных организаций на съезды и представление своих соображений по сему поводу съезду.

д/учреждение комиссий под председательством одного из членов Комитета по отдельным вопросам.

е/посылка уполномоченных Съезда на места для организаций помощи жертвам войны и составление инструкций для этих уполномоченных.

Примечание. Об учреждений комиссии и о ее председателях Комитет сообщает подлежащим властям.

ж/попечение о духовных и культурных нуждах жертв войны.

з/вообще заведывание всеми делами и имуществом Съездов,

Примечание. Проект программы /п.б/ представляется на утверждение подлежащих властей.

8.Армянский Центральный Комитет съездов может, в пределах необходимых для преследуемых съездами целей от своего имени приобретать, отчуждать, закладывать движимое и недвижимое имущество, заключать договоры, выдавать и принимать обязательства, искать и отвечать на Суде.

9.Армянский Центральный Комитет имеет печать с изображением своего наименования.

10. Ближайшее заведывание делами Армянского центрального комитета возлагается на исполнительное бюро, состоящее из семи лиц избираемых Армянским Центральным Комитетом из своей среды. К этим семи лицам избираются три кандидата.

11.Для ближайшего сношения с центральными учреждениями, выдающими делами жертв войны. Армянский Центральный Комитет учреждает в Петрограде отдел исполнительного бюро.

12.Заседания Центрального Армянского Комитета происходят не менее двух раз в году. Постоянное местопребывание Комитет имеет в Эчмиадзине. Исполнительное бюро заседает в г. Тифлисе.

Примечание.о лицах, входящих в состав Центрального армянского комитета, исполнительного бюро и отдела последнего в Петрограде, а также о председателях отдельных комиссий доводится до сведения подлежащих властей.

13. Средства Армянского Центрального Комитета состоят из пожертвований частных лиц и учреждений, взносов армянских общественных организаций, денежных сумм и пособий, могущих быть предоставленными правительственными и общественными учреждениями на нужды войны.

### **Закрытие Съездов**

14. В случае ликвидации дел съездов, оставшееся имущество получает назначение согласно постановления съезда.

15. При обнаружении в действиях съездов чего-либо противного государственному порядку и общественной безопасности и нравственности, Министерство внутренних дел может сделать распоряжение о закрытии съездов.

16. На изменение или дополнение настоящего положения испрашивается каждый раз разрешение в установленном порядке, причем это изменение или дополнение должно быть принято большинством, двух третей присутствующих на Съезде.

Верно: Помощник Делопроизводителя

ГА РФ, ф. 102, ДО, оп. 1916 г, д. 14, л. 148-149 об.: Заверенная копия. Машинопись.

### **СПРАВКА 6-ГО ДЕЛОПРОИЗВОДСТВА ДЕПАРТАМЕНТА ПОЛИЦИИ О ХОДЕ СЪЕЗДА АРМЯНСКИХ ОБЩЕСТВЕННЫХ ОРГАНИЗАЦИЙ**

**Срочно**

10 августа 1916 года

Для подготовки программы деятельности съезда представителей армянских организаций по оказанию помощи беженцам был учрежден особый „организационный комитет“, в состав которого вошли 7 представителей Петроградского армянского комитета и столько-же представителей Московского комитета. Организационным комитетом были разосланы во все армянские общественные организации циркуляр. что Петроградский и Московский армянские комитеты в соединенных заседаниях происходивших в Петрограде осенью 1915 г. выдвинули вопрос о необходимости созыва в Петрограде съезда представителей армянских организаций, оказывающих помощь беженцам-армянам.

С этой целью член Государственной Думы Михаил Иванов Пападжанов испросил надлежащее разрешение. Заседания съезда открылись 10 мая речью председателя съезда Мамиконяна. 13 мая вечером состоялось заключительное заседание съезда, посвященное центральному вопросу об организации постоянного центрального органа всех армянских организаций.

Подводя итоги первого армянского съезда представителей организаций помощи армянам-беженцам можно отметить нижеследующее:

Доклады в большинстве секций не отличались достаточной полнотой и продуманностью, что не помешало подъему настроений в среде участников старавшихся использовать заседания для взаимознакомления и возможного личного сближения.

„Дашнакцаканы“, склонны думать, что съезд оказавшийся с точки зрения тактической не на должной высоте, в моральном отношении принес большую пользу армянскому делу.

„Гнчакисты“, пришли к заключению, что съезда оказался буржуазным, не защищал не только клановых интересов, но даже не сделал ничего для того, чтобы мало-мальски облегчить участь беженцев.

Хотя на съезде и не было высказано определенных конкретных предложений и не был предложен на обсуждение какой-либо выработанный проэкт будущей автономной Армении но, во всяком случае многие ораторы в своих речах касались вопроса об автономии Армении.

Отставной подполковник

/Латвинов/

ГА РФ, ф. 102, ДО, описи 1916 г, д. 14, л. 141-150 об.: Подлинник: Машинопись:



**ԱԶԳԱՅԻՆ ՀԱՄԱԽՈՐՀՐԴԱԿՑՈՒԹՅԱՆ**

**N 1**

Համախորհրդակցության օրակարգը

27 սեպտեմբերի 1917թ.  
Թիֆլիս

1. Քաղաքական մոմենտը և դրա հետ կապված խնդիրները:  
 2. Նահանգների Ս.Վրացյան և Ս.Բեկզադյան (передел) և զեմստոյի հարցը:  
 2. Նահանգների և գավառների փոփոխության (передел) և զեմստոյի հարցը:  
 Ձեկուցողներ՝ Ա.Շահխաթունյան, Ղազար Տեր-Ղազարյան, Ստ.Կամսարական, Գ.Խատիսյան և Լ.Սահակյան  
 3. Պարենավորման հարցը:  
 Ձեկուցողներ՝ Մ.Ֆարությունյան և Ս.Բեկզադյան  
 4. Ազգամիջյան հարաբերությունների հարցը:  
 Ձեկուցողներ՝ Բ.Օհանջանյան, Միք.Պապաջանյան և Ար.Երզնկյան  
 5. Դեպի Անդրկովկասյան հատուկ կոմիտեի վերաբերմունքի հարցը:  
 Ձեկուցողներ՝ Ն.Աղբալյան, Զ.Առաքելյան:  
 6. Տեղական իշխանությունների կազմակերպության հարցը:  
 Ձեկուցողներ՝ Դովա. Արղության և Ա.Երզնկյան  
 7. Ճակատի պահպանության և վտանգված վայրերի ապահովության հարցը:  
 Ձեկուցողներ՝ Ռ.Տեր-Մինասյան, Արսեն Շահնազյան և Ս.Փիրումյան  
 8. Փախստականության հարցը:  
 Ձեկուցողներ՝ Վ.Փափազյան, Մ.Ֆարությունյան և Զ.Առաքելյան  
 9. Դպրոցների ազգայնացման հարցը:  
 Ձեկուցողներ՝ Ս.Տիգրանյան, Ա.Աբեղյան և Ս.Հովվեյան  
 10. Ազգային բյուրոյի հաշվետվությունը:  
 Ձեկուցողներ՝ Ալ.Խատիսյան և Ն.Աղբալյան  
 11. Ընթացիկ հարցեր:

ՀԱԱ Ֆ. 222, ց.1, գ.17, թ.1: Տպագիր թերթիկ:

Համախորհրդակցության արձանագրությունները

**N 2**

**Նիստ Ա**

29 սեպտեմբերի 1917թ.

Արտիստական ընկերության ակումբի դահլիճ:

Ժողովը բաց է անում միջկուսակցական խորհրդի հերթական նախագահ բժ. Բ.Օհանջանյանը: Միջկուսակցական խորհրդի կողմից համառոտ ակնարկ ձգելով ռուսական մեծ հեղափոխության ծագման և նրանց առաջ կած մեծամեծ հեղաշրջումների վրա, առանձին շեշտով մատնանիշ է անում ներկա ազատական պայմանները, որոնց շնորհիվ հայ ժողովուրդը առաջին անգամ հնար է ունենում մեկ տեղ համախմբվելու և տիրող հոսանքների միջոցով որոշ խնդիրների նկատմամբ յուր կարծիքները հայտնելու: Թեև, ասում է բժ. Օհանջանյանը, հարկ եղած համագումարն

անհնարին եղավ գումարել որոշ դժվարությունների պատճառով, սակայն անհրաժեշտ կարիքները հարկադրեցին մի քանի անհետաձգելի խնդիրների լուծում տալու համար զեթ սույն համախորհրդակցությունը գումարելու, իսկ ավելի պատասխանատու հարցերը վերապահելու ապագա համագումարին, երբ հնար կլինի այդպիսին հրավիրելու: Ժողովի ընթացքում ընկերը բժիշկը շեշտում է նաև հեղափոխական շրջանում ընկած հերոսների սխրագործությունները և հրավիրում է ժողովականներին հարգել նրանց հիշատակը, ոտքի կանգնելով:

Ժողովը միահամուռ կերպով հարգում է սույն առաջարկը: Այնուհետև ընկեր Օհանջանյանը ժողովականներին ծանոթացնում է նախընթաց երեկոյան նախապատրաստական ժողովի կատարած աշխատանքների հետ: Սույն ժողովում, տիրող կուսակցական ֆրակցիաների փոխադարձ համաձայնությամբ և զիջողությամբ, բացի օրակարգի խնդիրները դասավորելուց, նախագահության վերաբերմամբ հետևյալ որոշումն է եղել: Ընդունելով ժողովին մասնակցող պատգամավորների համեմատական թիվը, ընտրում են նախագահներ՝ յոթ հոգի, քարտուղարներ՝ 5, որոնցից ըստ վերոգրյալ համեմատական սիստեմի, դաշնակցականներն տրվում է 3 նախագահ, սոց. հեղափոխ [ականներն]՝ 1 հոգի, սոց. դեմ. և ս.դ. հնչակյաններն՝ 1, Հայ] ժողովրդ. կուսակցությունն՝ 1 և 1 հոգի՝ Ս.Ամիրխանյանին, իբրև անկուսակցականի: Քարտուղարության մեջ. Դաշնակցություն՝ 2 հ[ոգի], ս. հեղ[ափոխական]՝ 1, ս.դ. հնչակյան] բլոկն՝ 1, Հայ ժող. կուս.՝ 1: Ժողովը առանց առարկելու, տիրող կուսակցական ֆրակցիաների ներկայացուցիչների բերանով տալիս է յուր համաձայնությունը, որից հետո հեթոք վերաբերմունք է ֆրակցիաներն իրենց թեկնածուներին: Դաշնակցությունը նախագահներ առաջարկում է Ավ.Ահարոնյանին, Ալ.Խատիսյանին և Հովհ.Քաջազունուն, սոց. հեղափոխական] ֆրակցիան՝ բժ. Լ.Առաքելյանին: Սոց. դեմ. և Հնչ. կողմից առաջարկվում է Ղազար Տեր.Ղազարյանը, Հայ ժող. կուսակցության] կողմից՝ բժ. Հար. Այվազյանը: Քարտուղարներ. դաշնակցության կողմից՝ Հակ. Տեր-Հակոբյան և Զոհրաբյան, ս.հեղ.՝ Հակ.Ստեփանյան, ս. դ. և Հնչակ.՝ Սիմ. Հովվեյան, Հայ ժող. կուս.՝ Ստ.Մալխասյան:

Թեկնածուների վերոհիշյալ ցուցակը, ոչ մի հատվածի կողմից առարկություն չհանդիպելով, ընդունվում է միաձայն, միահամ[ուռ] ծափահարություններով:

Նոր ընտրված նախագահությունը, ըստ հրավերի ժողովը բաց անող բժ. Օհանջանյանի, բռնում է յուր տեղը: Ներհակուն նախագահի դերը մյուս պաշտոնական ընկերների ցանկությամբ ստանձնում է Ստ.Մամիկոնյան:

Նախագահին ուրախություն է հայտնում, որ հայ ժողովուրդն այսքան սովոր թվով մարդիկ է ուղարկել առաջարկված խնդիրներին լուծում տալու: Եկել է մի րոպե, երբ հայ ժողովրդի երկու հատվածները կանգնած են իրենց բախտի վճռի առաջ: Մեծ է մեր դերը և պատասխանատվությունը: Այդպիսի մի ծանր վայրկյանում պարտավոր ենք պահպանել ինքնուրույնություն, հարթել այն խոչընդոտներն ու անհարթությունները, որ կան մեր առաջ, միացնել մեր ուժերը և որոնել միջոցներ, որոնք մեր ժողովրդին հեղափոխության սույն բովով անցկացնեն և հասցնեն կուլտուրական նպաստական դրության: Մեծ է մեր պատասխանատվությունը, եթե միացյալ ուժերով չգործենք, ուստի առաջարկում են ձեզ, հնարավոր եղածին չափ, միախորհուրդ լինել և դեմ ձգելու այն անհարթությունները, որոնք կան թե մեր հետ, առհասարակ մյուս ժողովուրդների մեջ: Այս հակիրճ բացատրությունից հետո անցնենք գործի: Պետք է ընտրել մի մասնաժողով, մանդատները ստուգելու:

Սամ. Հարությունյան - Եթե չեն սխալվում, պատգամավորների թիվը 100-ից ավելի կլինի: Մեր պարապմունքները կտևեն 7 օր: Եթե մանդատներն ստուգելու համար քննություն նշանակվի, կտևի երեք օր: Ուստի մի այնպիսի եղանակ պիտի ընտրել մանդատներն ստուգող հանձնախումբ կազմելու համար, որ գործը շուտ և արագ ընթանա: Ես կարծում եմ, ընտրության եղանակը պետք է թողնել նույն, ինչ որ նախագահություն ընտրելու ժամանակ այժի առաջ ունեցանք: Եվ որովհետև

մանդատները շատ են, ուստի կառաջարկեմ նախագահությունից երկու անդամ ավելի՝ 24 հոգի:

Կարճիկյան - Նույն պատճառաբանությունն ունեն մա ես, բայց իմ կարծիքով, 24 հոգին շատ կլինի: Կառաջարկեմ ամեն մի ֆրակցիայից 2-2 հոգի, ընդամենը՝ 8 հոգի: Այս ձևով գործն առավել արագ կանցնի:

Բժ.Իսախանյան - Ինչ ձևով էլ որ մանդատները քննենք կամ մասնաժողով ընտրենք, տարածայնություն եղած դեպքում խնդիրը պիտի գա ժողովի առաջ: Նրա համար էլ որքան քիչ լինեն այդ քննիչ մասնաժողովի անդամները, այնքան՝ լավ, քեկուզ ամեն մի հատվածից 1-1 հոգի:

Ա.Յարությունյան - Միանում եմ Կարճիկյանի առաջարկին:

Խոնթարյանը ս. հեղափոխականների կողմից առաջարկում է մեկ ձայն մանդատային համաձայնության մեջ:

Բժ.Իսախանյան - Մեր ֆրակցիայի կողմից ևս առաջարկում ենք մեկ հոգի:

Նախագահ - Ըստ հայտարարության, դաշնակցությունն ուզում է ունենալ վերոհիշյալ համաձայնության մեջ երկու ձայն, Յայ ժող. կուսակցությունը՝ նույնպես 2, մյուս երկու ֆրակցիաները՝ էսեռները և միացյալ էսդեկները՝ 1-1 ձայն: Գուցե կքվեարկե՞նք:

Չայներ - համաձայն ենք:

Ա.Յարությունյան - Մեր ֆրակցիայի կողմից առաջարկում ենք Յամբ. Առաքելյանին և Խ.Յարությունյանին: Էսեռները առաջարկում են Լիպարիտ Գյուլումյանին, միացյալ էսդեկները՝ Դարբինյանին, դաշնակցականները՝ բժ. Բաբայանին և Հակ.Քոչարյանին:

Նախագահ - Երեկվա նախապատրաստական ժողովի մեջ արծարծվեց նիստերի դեմփակ, թե դեմբաց լինելու հարցը: Որոշվեց դեմբաց անել, բայց այն ձևով, որ որոշ քանակությամբ նստեն տոմսակներով՝ կողմնակի հանդիսականներ լինեն: Ո՞վ կցանկանա այժմ այդ հարցի առիթ արտահայտվել:

Խոնտկարյան - Առայժմ նիստերն անել դեմբաց, այնուհետև յուրաքանչյուր անգամ, հարկ եղած դեպքում, առանձին կարգադրություն կանենք:

Մյուս ֆրակցիաները հայտնում են իրենց համաձայնությունը:

Նախագահ - Խնդիրը վերջացած է. դեմբաց լինելու հարցն ընդունվում է միաձայն:

Յ.Առաքելյան - Դեմբաց պետք է հասկանան այն մտքով, որ մասնուկ ներկայացուցիչներն են ներկա և առանձին հրավեր ունեցողները:

Արարատյան - Պետք է դեմբաց անել և չսահմանափակել, ով ուզենա, ներս թողնել, եթե միայն տեղ լինի՝ տոմսերով:

Նախագահը հարցն սպառված և ընդունված համարելով, անցնում է սեկցիաների խնդրին:

Ա.Յարությունյան - Օրակարգի մեջ կան մոտ 11 խնդիր: Կան դրանց մեջ այնպիսի բարդ հարցեր, որ համար կլինեն մասերի բաժանել: Բացի դրանից, հակավոր չէր լինի որոշ խնդիրների նկատմամբ սեկցիաների բաժանել: Յայ ժող. կուս. ֆրակցիան գտնում է և բաժանում հետևյալ սեկցիաները:

1. Передел и земство,
2. Ազգամիջյան հարաբերություններ և տեղական իշխանության հարց,
3. Պարենավորման և գաղթականական խնդիր,
4. Ազգային դպրոցների հարց:

Մի քանի խնդիրներ կարելի է միացնել և մի ամբողջություն կազմել՝ իբրև միատեսակ խնդիրներ, ինչպես վերև ցույց տրվեց:

Արամ - որովհետև միջկուսակցական մարմինն այդ խնդիրների նկատմամբ աշխատանք կատարել է, ցանկալի է, որ մեջ բերվի այդ կատարածը:

Բժ.Օհանջանյան - Միջկուսակցական մարմինը չէ արել:

Արամը առաջարկում է սեկցիաների բաժանման մի այլ նախագիծ, որ եությամբ քիչ է տարբերվում Ա.Յարությունյանի առաջարկից:

Բժ.Իսախանյան - Ա.դ. ֆրակցիաները առանձին առաջարկ չեն դնում: Սակայն մյուս խնդիրների համար, որոնք չեն մտնում վերոհիշյալ առաջարկների մեջ, պետք է առանձին սեկցիան ընտրել, օրինակ՝ Ազգային բյուրոյի նյութական համարատվությունը:

Շահխանյանը գտնում է, որ передел-ը և ազգամիջյան հարաբերությունները չի կարելի միացնել:

Մուշեղյանը առաջարկում է սեկցիաների խնդրի որոշումը համաձայն Ավագների խորհրդին:

Արամ - Մենք դեմ չենք Ավագների խորհրդին:

Նախագահ - Մենք Ավագների խորհուրդ չունենք, բայց գուցե նախագահությունը կարողանա այդ բանն անել:

Խոնդկարյան - Ավագների խորհուրդը ֆրակցիաների միջից է ընտրվում:

Պետք է համաձայն ամեն մի ֆրակցիայի՝ ընտրություն կատարելու:

Տարբեր ֆրակցիաների ներկայացուցիչների հայտարարություններից պարզվում է, որ ավագներ ընտրելու առաջարկը չի անցնում:

Բժ.Իսախանյան - Մենք առաջարկում ենք սեկցիաներ ընտրել: Ինչքան սեկցիա ուզում է լինի, բայց Ազգային բյուրոյի խնդիրը որևէ սեկցիայի մեջ պետք է մտցնել:

Նախագահ - Եղած վիճաբանությունները ցույց են տալիս, որ 5 սեկցիաների բաժանելու առաջարկներ կան: Կա մի այլ առաջարկ ևս, այն է՝ Ազգային բյուրոյի նյութական հանձնաժողովը հանձնվի մի համաձայնաբեկ: Մնացած խնդիրները քննել պլենար-իրապարակական ժողովում: Սույն առաջարկն ընդունվում է միաձայն:

Նախագահ - Այժմ անցնենք սեկցիաների ընտրության:

Արամը խոսում է սեկցիաների կազմի մասին: Չորս ֆրակցիա կա՝

Դաշնակցություն, Էսեռներ, Էսդեկ-ինչական և Յայ ժող. կուսակցություն: Սեկցիաների այն անդամները, որոնք ընտրվում են ֆրակցիաների կողմից, վճռական ձայն ունեն: Իսկ նրանք, որոնք կկանանա աշխատել սեկցիաներում, խորհրդակցական ձայն կունենան միայն:

Ա.Յարությունյան - Չի կարելի ղեկավարվել բոլոր հարցերի վերաբերմամբ այնպես, ինչպես արինք նախագահություն ընտրելու ժամանակ: Այստեղ հարկավոր լուսաբանություններ են պետք, լուրջ աշխատանք և վերաբերմունք կպահանջվի, ուստի առաջարկում եմ սեկցիաներ ընտրել այնպես, որ նրանց կազմը համապատասխան լինի ֆրակցիաների անդամների ներկա թվին, որոնք այժմ արձանագրված և գտնվում են նիստի դահլիճում:

Բժ.Իսախանյան - Խորհրդաժողովը բաժանվում է սեկցիաների: Սեկցիաների հարցը պետք է այսպես վճռել, ովքեր որ օգտակար կարող են լինել սեկցիաներում, մտնում են նրանց մեջ և աշխատանք կկատարեն:

Արարատյան - Եթե ցանկություն հայտնողներ լինեն այս կամ այն սեկցիայի մեջ մտնելու, դեմ չենք լինի դրան: Սակայն ձևով դուրս կգա, որ մի սեկցիայի մեջ մարդ չի մտնի, իսկ մյուսները կլցվեն:

Նախագահը քվեարկում է բժ. Իսախանյանի առաջարկը, որ չի անցնում:

Վ.Փափազյանը հայտնում է, թե կան տաճկահայեր, որոնք ոչ մի կուսակցության մեջ չեն մտնում: Այնպես պետք է անել, որ դրանք էլ, մասնավոր գաղթականական խնդիրների քննության ժամանակ, սեկցիաների մեջ մտնել կարողանան:

Բժ.Օհանջանյան - Ով եղած խնդիրների մասին տեղեկություններ ունի թող մասնակցի, մենք կընդունենք: Պետք է այնպես անել, սակայն որ սեկցիայի անդամները նրանց հրավիրեն:

Ա.Յարությունյան - Մեր ֆրակցիան համաձայն է Փափագյանի առաջարկին:  
Յ.Ղազարյան - Փափագյանի ցանկությունն էր, որ իրենցից սեկցիաների մեջ մտնողներ լինեն: Այժմ այդ ձևով բացատրելով, նրանց տրվում է ձայնի իրավունք: Ընտրությունը պետք է թողնել նրանց՝ տաճկահայերին և ոչ ուրիշներին:

Փափագյան - Արևմտահայ խորհուրդը կցանկանար, որ յուր անդամները տա առանձին-առանձին սեկցիաների մեջ:

Ժողովն ընդունում է, որ գաղթականական հարցի վերաբերյալ սեկցիայի մեջ մտնեն չեզոք տաճկահայերից:

Ապա խոսք է լինում սեկցիաներ ընտրելու [մասին]:

Արամը յուրաքանչյուր սեկցիայի համար առաջարկում է 25 հոգի:

Նախագահը քվեարկում է հիշյալ առաջարկը, որ մեծամասնությամբ ընդունվում է:

Արամ - Կառաջարկեի մատ բարձրացնել, որից կերևա, թե յուրաքանչյուր ֆրակցիայից քանի՞ հոգի են ներկա:

Ղազար Տեր-Ղազարյան - Վերստին առաջարկում եմ, որ ի նկատի ունենաք մանրատի սխտեմը: Ահա մենք՝ էդեկներս և հնչակյաններս, ունենք 22 հոգի մանրատ ստացած, բայց չեն եկել շատերը, որովհետև հենց քաղաքումս պաշտոնական այս կամ այն գործով անկարող են եղել ներկա լինել:

Մուշեղյան - Պր. Արամի առաջարկած ձևն անհարմար է: Այդ նշանակում է, գիլիտիների ենթարկել փոքրամասնության կարծիքը, օգտվելով այն հանգամանքից, որ դաշնակցականները մեծամասնություն են կազմում:

ԲԺ.Օհանջանյան - Չենք կարող իմանալ, թե ով որ կուսակցության է պատկանում: Ամեն մեկը ինքը կասի այդ:

Ղազար Տեր-Ղազարյան - Եկածները հայտնեն, բայց խնդիրը չեկածների մեջն է: Պետք է նրանց էլ հաշվի առնենք, ապա թե ոչ ճնշվում է մեր կարծիքը:

Մուշեղյանը համաձայն է սույն կարծիքին:

ԲԺ.Իսախանյանը պաշտպանում է Ղազար Տեր-Ղազարյանի ևս. հեղ[ափոխականների] կարծիքը: Պետք է նայել, թե ովքեր են մանրատ ստացել և նրա համեմատ վարվել: Թող դաշնակցությունն էլ մանրատները աչքի առաջ ունենա: Համեմատությունը երկու կողմից է, այնպես որ հաշիվը նույնն է դուրս գալիս: Եթե մեր այս ձևը չնդունվի, այն ժամանակ պետք է հայտարարել, թե սեկցիաներում միմիայն դաշնակցությունն է մասնակցել և նա է պատասխանատու:

Արշ.Ղազարյան - Եթե մանրատներն ի նկատի ունենանք, պետք է զավառից եկածներին իրենց գործից հեն ձգենք: Առանց նրան էլ այս խորհրդակցությունն երկու օրով ուշ սկսվեց: Ժողովն իրավասու է, ինչպես վճռի, այնպես էլ պետք է անել:

Արարատյան - Մեր ֆրակցիայի առաջարկած ձևով ամենաանձայն ֆրակցիան իսկ ձայն է ունենում: Ուստի առաջարկում եմ ներկա եղող անդամներին ի նկատի ունենալ և ըստ այնմ ընտրություն կայացնել:

Իս.Ամիրյան - Այս հարցը պետք է լուծել: Մեր խումբն առաջարկում է ընդմիջում անել և հարցի լուծումը համձնել նախագահության:

Ղազար Տեր-Ղազարյան - Մի դիտողություն էլ եմ կամենում անել, և թող մեծամասնությունը որոշի: Մեզնից 30 տոկոսը պակասում է: Եթե Դաշնակցությունն իմանար, որ իրենից էլ նույնքան տոկոս է պակասում, չէր համաձայնիլ:

Խ.Կարճիկյան - Ընդմիջում անել, առաջուց մատ բարձրացնելով յուրաքանչյուր ֆրակցիայի անդամների թիվն իմանալու համար:

Յ.Տեր-Աստվածատրյան - Նախ ընդմիջում անել, ապա ստուգել անդամների թիվը:

Կարճիկյան - Այժմ եթե մատ բարձրացնել, ներկա եղողների քանակը ստուգելու համար: Այնուհետև թող յուրաքանչյուր ֆրակցիոնական բյուրոյում ասվի, թե որքան տոնասակ ստացել են, բայց չեն եկել:

Բերբերյան - Այդ առաջարկի առաջին մասն ընդունում ենք, երկրորդը՝ ոչ:

Մեծամասնությամբ որոշվում է բոլորին դուրս հանել ժողովի դահլիճից և ներս թողնելով ստուգել, թե յուրաքանչյուր ֆրակցիա քանի անգամ ունի նիստին մասնակցող ներկայումս:

Սույն գործողությունը, մոտ 40 ռ[ուպե] ընդմիջում անելով, կատարվում է: Արդյունքը՝ դաշնակցական - 99, Յայ ժող. կուս. - 36, ս. հեղ. - 21, էս - դեկ և հնչ. -15, չեզոք - 7, ընդամենը՝ 178 հոգի:

Ղազար Տեր-Ղազարյան - Կազմակերպիչ բյուրոյի ցուցակից երևում է, որ մանրատ ստացել են 270 հոգի: Պետք է ուրեմն սույն թվից 178 հանել և մնացորդը բացակաների թվով լրացնել:

Նախագահ - Մնում է, որ համաձայնության գանք:

Շամազյան - Ձիմվորական խորհրդից 7 հոգի պետք է գալին, բայց չեն եկել և չենք էլ կարող ասել, թե որ կուսակցության կհարեին, ուստի և չպիտի հաշվի առնել, որպես նաև նախընթաց ճառախոսների ասածները:

Բերբերյան - Նույն բանը պետք է ասեմ ես Յայ ժող. կուս. կողմից: Մեզ մոտ այսօր ցուցակագրվել էին 43 հոգի: Այժմ սակայն ներկա են 36-ը, ուրեմն կարևոր գործով բացակայում են 7 հոգի:

Վ.Տեր-Օհանյան - Էսեռներից բացակայում են երկու հոգի:

Արամ - Մեր ցուցակով արձանագրվում էին 113 հոգի, բայց ներկա են միայն 99 հոգի:

Կարճիկյանը, բոլոր հանգամանքները հաշվի առնելով, հայտարարում է, թե Դաշնակցությունը յուրաքանչյուր 25 հոգուց բաղկացած սենյակում իրեն վերապահում է 15 ձ[այն], մեկը գիջելով, սակայն էդեկներին և հնչակյաններին տալիս է երեք տեղ, էսեռներին՝ երեք, Յայ ժողովրդ[ական] կուսակցության՝ 5:

Սուրխաթյանը հայտարարում է միացյալ էդեկների կողմից, որ նրանք բավականանում են երկու ձայներով, այսպիսով հրաժարվելով զիջում արած մեկ ձայնից:

Արամ - Եթե ֆրակցիաները պատրաստ են թող այժմ եթե առաջարկեն իրենց թեկնածուներին: Բացի դրանից, առաջարկում եմ հրապարակական ժողովներն անել առավոտները, սեկցիաներինը՝ երեկոները:

ԲԺ. Աթաբեկյան - Սեկցիաների ընտրությունը այս կերպ չպետք է լինի: Սեկցիաների մեջ պետք է ընտրվեն այնպիսի մարդիկ, որոնք գործը հասկանում են: Մենք անպատճառ չպետք է ձգտենք երեք մարդ մտցնել: Թող ղեկավարվենք պրոպորցիայով, բայց գործին տեղյակ մարդոց առաջ քաշենք, պետք է ի նկատի ունենալ, այսպես ասած, մարդոց деловитост-ը:

Արամ - Ընդունում ենք, բայց թող ընտրված սեկցիաներն իրենք հրավիրեն ձեր այդ ասած գիտակ մարդկանց:

Յ.Առաքելյան - Թիֆլիսի քաղաքագլխից մի հեռագիր է եկել: Դա պետք է, իսկապես, առաջ կարդացվեր: Առաջարկում եմ գեթ այժմ կարդալ:

Նախագահը կարդում է Թիֆլիսի քաղաքագլուխ Էլիավայի շնորհավորական հեռագիրը հետևյալ բովանդակության «Թիֆլիս քաղաքի ինքնավարությունը ողջունում է հայ ժողովրդի խորհրդաժողովը: Ռուսաստանի մեծ հեղափոխությունը մեր առաջ բաց է արել լայն հորիզոններ հասարակական և ազգային ինքնորոշման: Միասին կանգնած ազատության շենքին, բոլոր ուժերով պետք է պաշտպանենք Ռուսաստանի մատուղ հասարակապետությունը համուս ընդհանուր գաղափարի:

Թիֆլիսի քաղաքագլուխ Էլիավա»: (Ծափահարություններ):

Շիրվանզադե - Մի շարք կարևոր և անհետաձգելի առաջարկ ունեն. շուտով տեղի է ունենալու վրաց կաթողիկոսի օծումը: Առաջարկում եմ, որ ժողովն զբաղվի այդ հարցով և հայտնի յուր վերաբերմունքը, շնորհավորելով:

Միք.Պապաջանյան -Ընդունված է, որ այստեղ առաջարկների առթիվ չեն վիճաբանում, այլ պահում են, հանձնում են նախագահություն, որ ինքը քննում է և հարկ եղած կարգադրությունն անում:

Ընդունվում է Միք.Պապաջանյանի առաջարկը:

Խոսք է լինում հառաչ-ը կարդալու մասին և տեղիք տալիս վիճաբանություններին:

ԲԺԻսախանյան - Մենք առաջարկում ենք հառաչ-ը հանձնել պրեզիդիումին՝ ի տնօրինություն:

Միաձայն ընդունվում է:

Չախլուշյան - Վաղը ինչո՞վ ենք պարապելու: Պետք է սեկցիաները այսօր աշխատեն և նյութ պատրաստեն:

Պետրոսյան - Պետք է որոշել սեկցիաների պարապմունքի տեղը:

Բերբերյան - Ո՞վ պետք է հրավիրի այդ սեկցիաները:

Նախագահ - Նախագահությունը կորոշի տեղը: Այստեղ չենք կարող:

ԲԺԱթաբեկյան - Ժողովը չի ...: Սեկցիաները կհավաքվեն և կընտրեն իրենց պարապմունքը և հավաքման տեղը:

Ժողովականները այս հայտարարությամբ չեն ցրվում և մնում են, որ հայտնվեն յուրաքանչյուր սեկցիային մասնակցողները:

Մելիք-Ղարաբյոզյան - ԲԺ.Օհանջանյանն առաջարկեց մի հեռագիր ուղարկել դեմոկրատական խորհրդակցություն: Մենք առաջարկում ենք քննության խնդիր դարձնել, ապա թե՛ կարգադրել:

ԲԺ.Օհանջանյան - Քանի որ այդպիսի առաջարկություն կա, ես հետ են վերցնում իմ առաջարկը:

Արամ - Մեր ֆրակցիան ցավ է հայտնում, որ երեկոները չի կարող մասնակցել այս խորհրդակցության նիստերին, որովհետև ռայոնական ժողով ունենք:

Վ.Տեր-Օհանյան - Էսեռները նույնպես զբաղված են կոնֆերենցիայով:

Ս.Հարությունյանը դահլիճի մասին ստեղծված հարմարությունները հիշատակելով, պնդում է, որ այս երեկո անպատճառ նիստ լինի:

Նախագահ - Անհնար է քվեարկել, քանի որ ժողովականների կեսից ավելին բացակա պետք է լինի:

Էսդեկ - հնչ[ալյանները] հայտնում են սեկցիաների համար հետևյալ ցուցակը.

Դպրոցների ազգայնացման հարցի համար - Սուրխաթյան և Հովվեյան, պարենավորման և գաղթականական խնդիր - Պետրոս Զաքարյան և Գաբրիելյան, ազգամիջյան հարաբերությունների և տեղական իշխանության համար - Անանյան և Բ. Իսախանյան, земство և передел - Տեր-Ղարաբյոզյան, ճակատ և ինքնապաշտպանություն - Փիրումյան և Աբր. Մալխասյան, բյուրոյի հաշվետվություն - Ղարաբեգյան և Լազո:

Նիստը փակվեց 3 1/2 ժամին:

Հետևյալ նիստը ամսիս 30-ին, առավոտյան 10 ժամին:

ՀԱԱ, Ֆ. 222, ց.1, գ. 20, ք.1-6:

**N 3**  
**Նիստ Բ**

30 սեպտեմբերի 1917թ.

\* Հաջորդ մեկ բառն անընթեռնելի:

Հերթական նախագահ՝ Ալ.Խատիսյան

Օրակարգի խնդիրը՝ մոմենտի հարց:

ՆԱխագահը բաց անելով նիստը, հայտարարում է, որ օրակարգի ներկա խնդրի մասին զեկուցում պետք է տան, համաձայն միջկուսակցական խորհրդի որոշման, Տ.Բեզգադյանը և Ս.Վրացյանը: Հեռախոսներ գրվել են երկու հոգի՝ Բեզգադյան՝ և Գ.Անանյան, 3-րդ և 4-րդ հերթին:

Ս.Հարությունյան - Մեր ֆրակցիայի կողմից առաջարկում են սահմանափակել ճառախոսների թիվը և խոսելու ժամանակը:

Նախագահի - Համաձայն քիչ առաջ կարդացված հառաչ-ի, չի սահմանափակվում ոչ ճառախոսների թիվը և ոչ ժամանակը: Սրա մասին կա առանձին հոդված հառաչ-ում, որի համաձայն սահմանափակում կլինի յուր ժամանակին:

(Ս.Վրացյանը կարդում է յուր զեկուցումը):

Ապա քաղաքական մոմենտի մասին զեկուցումը ընկ. Վրացյանը: Շեշտելով այն խանդավառ ոգևորությունը, որով ամբողջ Ռուսաստանը դիմավորեց ազատարար հեղափոխությանը, ընկերը մանրամասն կանգ է առնում այն անկերպարան վիճակի վրա, որ այսօր տիրում է երկրում - հիասթափություն թե՛ երկրի ներսում և թե՛ ռազմաճակատներում:

«Երկիրը կանգնած է ծանր ճգնաժամի հանդեպ: Պատճառները զորեղ են և մեկից ավելին: Ամենից առաջ խանգարված է պետության մեխանիզմը: Չկա իշխանություն, ճիշտ է, թեև անվանապես գոյություն ունեին պետական օրգաններ, սակայն նրանց ազդեցությունը կյանքի վրա չեն անդրադառնում: Գյուղերը, ծայրագավառները քայքայվում են անիշխանությունից: Երկիրը առաջ է գնում տարերային ընթացքով չզգալով պետական իշխանության ուժը:

Խանգարված է նաև երկրի տնտեսական կյանքը: Կանգ է առել արդյունաբերությունը: Ոչ մի ճյուղում հառաջադիմություն չի նկատվում: Ընդհակառակը, օրավուր զարգանում է հետադիմությունը, քայքայում: Սրա բնական հետևանքով թանգությունը, պարենավորման ճգնաժամը անտանելի են դարձել: Այս հողի վրա կատարվում են բազմաթիվ էքսցեսներ: Պակաս հուսահատական չէ և պետության ֆինանսական վիճակը: Պատերազմը կլանում է հսկայական միլիարդներ: Կյանքի թանգությունը զորեղ կերպով ազդում է նաև պետության բյուջեի վրա: Մի կողմից անվերջ ծախսում են ահռելի գումարներ, իսկ մյուս կողմից չկան աղբյուրներ այդ ծախսերը ծածկելու համար: Արդյունաբերություն չկա, ներմուծում չկա, արտահանություն չկա: Միակ միջոցը մնում է փոխառությունը: Արտաքին փոխառության մասին այլևս խոսք չի կարող լինել, որովհետև մեր պետությունը դուրսը վարկ չի վայելում: Ներքին փոխառությունն էլ հաջողություն չունի, որովհետև մեր բնակչության ունևոր մասը վստահություն չունի դեպի հեղափոխական կառավարությունը:

Ի՞նչ անի կառավարությունը, ի՞նչ աղբյուրներից ծածկի իր աներևակայելի ծախսերը: Նրա առաջ մնում է միայն մի ճանապարհ - թեև վտանգավոր, անհույս ճանապարհ. ուժ տալ թղթադրամին և նրանով հեղեղել երկիրը: Ահա այդ ճանապարհը, որ իր հերթին, ավելի է ծանրացնում կյանքի թանգությունը:

Նույն քայքայումն ու անմխիթարական վիճակը և ռազմաճակատներում: Այն զորքը, որ հեղափոխության առաջին օրերին հրապարակ դուրս եկավ պատերազմը մինչև վերջ տանելու լուզուհով, այսօր լքումի է մատնված: Ընկճված է նրա

\* Քանի որ արխիվային փաստաթղթերում պահպանվել է ազգանվան Բեզգադյան (ոչ թե՛ Բեկգադյան) ձևը, ուստի մենք ևս պահպանում ենք այն: Ծանոթ.կազմ.:

\*\* Ս.Վրացյանի ծառը չի արձանագրվել և չի պահպանվել արխիվային գործերում: Ծառի տեքստը բերում ենք «Հորիզոն» թերթի 1917-ի հոկտեմբերի 3-ի համարից՝ թերթի մեկնաբանություններով: Ծանոթ. կազմ.:

տրամադրությունը, ընկած՝ կարգապահությունը, խորտակված տոկոսությունը: Այդ բոլորի հետ միասին նա մերկ է, անօթի, անզեն: Չաց չկա, պարեն չկա: Արդեն ձմեռը գալու վրա է, սակայն գորքի համար անհրաժեշտ պատրաստություններ չեն տեսնված»:

Ահա մոտավորապես դրությունը, որ հանգամանորեն նկարագրեց զեկուցանողը: Չետևաբար, վտանգի մեջ է ոչ միայն հեղափոխությունը, այլև՝ բովանդակ պետությունը:

Ի՞նչ էլք գտնել, եթե ոչ չարիքն իսպառ վերացնելու, գոնե դրությունը քիչ-քիչ մեղմելու համար: Երկու միջոցի վրա կանգ առավ ընկ. Վրացյանը: «Առաջին երկրում ստեղծել մի գործել իշխանություն: Իշխանությունը պետք է լինի կոալիցիոն: Չեղափոխության հարած բոլոր տարրերը պետք է ձեռք-ձեռքի տված կազմեն մի կուռ իշխանություն ոչ միայն կենտրոններում, այլև ամենահետին գյուղերում: Դեմոկրատիան պետք է լինի այդ իշխանությանը դաս տվողը, նրա նեցուկն ու գլխավոր հիմքը: Երկրորդ՝ պիտի աշխատել լիկվիդացիայի ենթարկել պատերազմը, որ էսպես հանդիսանում է այդ բոլորի աղբյուր: Ներկա պայմաններում, երբ երկրի բոլոր ուժերը քայքայման վերջին ծայրն են հասել, կրկին պնդել այն նշանաբանի վրա, թե պատերազմը պիտի շարունակել մինչև հաղթական վախճանը, այլևս չի կարելի: Պիտի ձգտել պատերազմը վերջացնել, բայց ինչպե՞ս - ահա դժվար հարցը: Անջատ հաշտության մասին խոսք լինել չի կարող, որովհետև ամենից առաջ՝ դա միայն Ռուսաստանից չի կախված: Այսօր Ռուսաստանը կազմում է համաեվրոպական շրթայի միայն մի օղակը, հետևաբար նա միայնակ անկարող է նման մի պատասխանատու քայլ անել առանց իր դաշնակիցների թույլտվության: Նա կարող է անջատ հաշտության մասին մտածել կամ դաշնակիցների հետ միասին և կամ գոնե նրանց համաձայնությամբ: Բացի դրանից, անջատ հաշտությունը կարող է մի նոր պատերազմի պատճառ դառնալ, բայց այս անգամ ուրիշ ռազմաբեմում:

Այո՛, Ռուսաստանը պիտի ձգտի հաշտության, որովհետև եթե դրությունը այսպես շարունակվի, անկունն անխուսափելի է, բայց դեմոկրատիայի միջոցով, աշխատելով ռուսական դեմոկրատիայի հետ միասին՝ եվրոպական դեմոկրատիան ևս ոտքի հանել հօգուտ հաշտության:

Իսկ մինչ այդ անհրաժեշտ է, Ռուսաստանը վարի ոչ թե հարձակողական, այլև պաշտպանողական պատերազմ՝ ամուր պահելով իր դիրքերը, որովհետև թշնամու առաջխաղացումը ոչ միայն իր գերեզմանն է այլև՝ ազատության գերեզմանը:

Այս խնդիրը կրկնակի նշանակություն ունի մասնավորապես մեզ՝ հայերիս համար - ընդհանուր պետական և մասնավոր ազգային: Չասկանալի է, թե ինչ կլինի մեր վիճակը, երբ ֆրոնտը պարտվի և թշնամու առաջ բաց լինի ճանապարհը: Չետևաբար, մենք, ավելի քան ուրիշները, պետք է ուժ տանք ֆրոնտի ամրացումին, կռվենք դասալքության դեմ և չխնայենք հնարավոր բոլոր միջոցները՝ թե՛ ֆրոնտի կայունության և թե՛ գորքի ֆիզիկականն ու բարոյականը բարձրացնելու նպատակով»:

Նույնը նաև երկրում գործող իշխանություն հաստատելու վերաբերմամբ: Ընկերը գտնում է, որ այդ խնդրում հայերս ևս շահագրգռված ենք, եթե ոչ ուրիշներից ավելի, գոնե և ոչ պակաս: «Չայերս պետք է ողջունենք այս բոլոր քայլերը, որ ժամանակավոր կառավարությունն անում է այդ ուղղությամբ և աշխատենք ամեն կերպ նպաստել անիշխանության վերացմանը մեր երկրում: Թե՛ մեկ և թե՛ մյուս տեսակետով անհրաժեշտ է, որ նախ մեր մեջ եղած տարբեր հոսանքներն ըմբռնեն պետության ու մեր ազգային շահերը և գործեն ըստ այնմ համերաշխ ձեռք-ձեռքի տված, երկրորդ, որ հայ, թուրք, վրացի հարևանները, իրանց աշխատավոր զանգվածները նույնպես տոգորված լինեն այդ գիտակցությամբ և համերաշխ գործունեության ըմբռնողությամբ»:

Ձեկուցումից հետո խոսում են հոսանքների ներկայացուցիչները: Նրանք համաձայն են զեկուցողի հիմնական սկզբունքներին և նրանցից յուրաքանչյուրն

աշխատում է այդ հիմնական դրույթները լուսաբանել ու հիմնավորել իր տեսակետներով»:

Չ.Բեզգադյան - ես պետք է հայտնեմ, որ ես այստեղ չեի, նոր եմ եկել Բազվից և իմացել, որ զեկուցում պետք է կարդամ: Միջկուսակցական խորհուրդը բարի պետք է լիներ յուր ժամանակին հայտնելու այդ առթիվ: Դուրս գալ առանց որևէ պատրաստության, անկարելի է: Ես սկզբունքորեն խնդիր չեմ հարուցանել, այլ մեջ կբերեմ մի քանի գործնական խնդիրներ: Ռուսական հեղափոխության մասին տարբեր կարծիք ունեն: Չեղափոխությունը գտնվում է ներկայումս ճոշաբեռն-ի մեջ: Առաջ կշարունակվի ճոշաբեռն-ական ընթացքը, հետո՝ խմորում, ապա թե՛ ֆետիշացում: Մինչև այդ հայությունը կարող է ենթարկվել խոշոր վտանգների: Չայությունը պետք է որոշի, թե ի՞նչ վերաբերում ունի դեպի ռուսական հեղափոխությունը: Չայ աշխատավոր մասսան, հայ բուրժուազիան այն տարրերը չեն, որոնք կգան և խոչընդոտներ կհարուցանեն հեղափոխության դեմ: Չայոց հիմնական հենակետն է, որ բյուրեղացում առաջ գա: Եվ այն ժամանակ նա խոշոր նեցուկ կհանդիսանա ներկա պետականության: Չայությունը համերաշխ է և համերաշխ պիտի լինի յուր շրջապատող ազգությունների՝ թուրքերի, վրացիների հետ: Եթե հայությունը [անի] այս բանը, նա ոչ միայն պետական խոշոր գործ արած կլինի, այլև՝ ազգային գործ: Այսօր, երբ բնաջնջման առաջ ենք կանգնած, պետք է միջոցներ փնտրել առաջն առնելու համար, և մենք կարող ենք հասնել մեր նպատակին: Մենք ունենք երկու խնդիրներ. պարենավորում և ֆրոնտ: Դրսից սպասելիքներ ունենք պարենավորման գործը կանոնավորելու համար: Մենք մեր բոլոր նյութերը, որ մեր մեջ ամբարված են, պետք է հանդես բերենք, թուրքերի հետ պետք է համերաշխ լինենք՝ նրանց[ից] մեր ֆիզիքական գոյությունը պաշտպանելու համար: Չորոնտի նկատմամբ պետք է ամեն գործնական առաջարկներ: Չորքը կազմալուծված է: Պետք է հանդես բերենք որոշ մարմիններ քայքայված դրությունը վերականգնելու համար: Այդ ուժերը կարող ենք մենք ներկայացնել, եթե ջանքեր գործ դնենք:

Նախագահը հիշեցնում է, որ այդ խնդիրները արդեն կան օրակարգի մյուս կետերում: Խոսքը պատկանում է Գ.Անանուհին:

Գ.Անանուհի - Ընկերներ և քաղաքացիներ, խոսել ներկա մոմենտի մասին, պետք է որոշել, թե ի՞նչ տեսակ հեղափոխություն ենք ապրել: Եթե որոշեցինք հեղափոխության տեսակը, կպատասխանենք նաև ներկա մոմենտին: Այս հարցը դրված է եղել ռուս մտքի առաջ դեռ 70-ական թվական[ներ]ին: Երկու տեսակետ կա: Մեծամասնությունն ասում է, թե խորտակելով հնի խարխուլ, շենքերը, պիտի կառուցանեն բուրժուական հասարակարգ, մյուսն ասում է՝ բուրժուական հասարակարգը գոյություն չպիտի ունենա, այլ ամմիջապես թագավորե սոցիալիստական հասարակարգ: Այս տեսակետը պաշտպաններ ունի դեռ 70-ական թվականներին, թե ռուսական հեղափոխությունը կարիք չունի օրինակ վերցնելու Արևմտյան Եվրոպայից: Այս երկու տեսակետները ներկայացնողներն էին Բակունինը և Գերցենը: Վեջին տեսակետը զուտ ռուսական է Դա յուր մեջ բովանդակում է մի տեսակ միախառնություն: Ինչպես լույսը ծագում է արևելքից, այնպես էլ փրկությունը, ազատությունը՝ Ռուսաստանից: Պլեխանովն ասում է, առաջ բուրժուական, ապա սոցիալիստական հեղափոխությունն է հանդես գալիս պատմության մեջ: Այժմ նույն դրությունը հրապարակի վրա է: Եթե այժմ ամեն ինչ ջլատված է, շինարար գործ չենք կատարում, կախումն ունի հետևյալ տեսակետներից: Չայ դեմոկրատիան գերազանցապես գյուղացիական է: Նա համախմբված է գյուղերում կամ քաղաքներում: Վերջին դեպքում էլ յուր հետ բերում է գյուղացիական մտքեր: Դա դեմոկրատիայի մեղքը չէ, Ռուսաստանի մեղքն է: Մի ժողովուրդ, որ շարունակ ճնշված եղել, ուրիշ կերպ չէր կարող ապրել և մտածել: Ժողովուրդը դեմոկրատիային տալիս է

\* «Չորիզոն», 03.10.1917, N 211:

ընթացում, բայց ստորուկ ոգով: Մյուս կողմից՝ նույն արտոնյալ դասակարգը, որ ստեղծել է, ճոխացել է արսոլյուտիզմի տակ, դարձել է ջերմոցային ծագումն ունեցող: Ինքն այդ դասակարգը, դիմելով մի դիմագուրկ դասակարգ, չունի այն ամանակամոթյունը, որ երկա տախիների ընթացում ցույց է տվել դեմոկրատիան:

Եվ այժմ պրոլետարիատը գալիս կատարում է հեղափոխությունը, իսկ բուրժուազիան համառոտ ոչինչ չկարողացավ անել: Չլինելով հեղափոխության շարքերում, նա ոչինչ չունի սպասելու նրանից: Իսկ դեմոկրատիան ունի և սպասում է: Նա հիմնահատակ տապալել և տապալելու է դեռևս ֆեոդալականության կարգերն ու վերջին եղկելի մնացորդները: Բուրժուազիան, եթե կամենում է որոշ դեր ստանձնել ներկա հեղափոխական մոմենտում, պետք է անկեղծորեն ձեռք մեկնի պրոլետարիատին: Եթե անկեղծ ձեռք մեկնի պրոլետարիատին, նա թերևս կընդունի այդ ձեռքը, ընդհանուր գործի հաջողության համար: Բայց եթե մեկ կողմից ձեռք մեկնի, մյուս ձեռքովը քարը բռնի յուր ծոցում, այն ժամանակ հարցը կփոխվի հիմնովին: Չնայած նրա մասնակցության չնչին դերին այս հսկա հեղափոխության մեջ, այնուամենայնիվ առյուծի բաժին է կամենում ստանալ: Կոմունիզմի գործը գալիս և մեծ կասկածի տակ է դնում ամբողջ բուրժուազիայի գործելակերպն ու մտայնությունը: Բուրժուական բոլոր խավերում խորապես համոզված էին, թե Կոմունիզմը հաղթությունը կտանի: Եթե այժմյան դաշնակիցն այդպիսի տարր է, դեմոկրատիան ամենայն իրավունք ունի կասկածելու: Դեմոկրատիայի պահանջները բոլորիդ հայտնի են դեմոկրատական հանրապետություն, հողը աշխատավոր մասսային, 8-ժամյա բանվորական օր և այլն: Սկսած պատճառով, որի շուրջը համաձայնություն պետք է լինի: Դեմոկրատիան պիտի զգա, որ հետևում թշնամի չունի: Խոսք չի կարող լինել, որ միմիայն դեմոկրատիան պարտականություն չի կարող վերցնել: Եթե այժմ որևէ տատանում կա դեմոկրատիայի մեջ, ևս առավել նա պետք է գործը տանի ամենայն իմաստությամբ: Նա ունի ահագին տնտեսական հարցեր, ահագին հեղափոխական նորանոր նվաճումներ կատարելու, ուստի և պետք է համոզված լինել, որ ցեմգավոր դասակարգը յուր հետևից չարիք չէ նյութում, այլ իրեն զուգընթաց է գնալու: Ինչ էլ որ լինի երկրի բարքը, կենտրոնական իշխանության մեջ կռալիցիայի կողմնակից լինել կարող ենք, թեև վերապահումներով: Բայց իշխանությունը յուր վրա պարտականություն պիտի վերցնի չկասկածելու, շարունակ հսկելու դեպի աջակողը, որ խոսելու ցավով է բռնված, բայց և մեծ պահանջներ ունի: Պետք է այնպես անել, որ այդ կասկածելի տարրը հեղափոխության դեմ չարիքներ չնյութի, չարիքներ չնյութի հեղափոխական դեմոկրատիայի դեմ:

Սկսած պարտել հավաքվել ենք հայ ժողովրդի ներկայացուցիչներ շատ կարևոր խնդիրներ լուծելու: Պետք է մտածենք, թե ինչպիսի քաղաքականություն վարենք երկրի այս դառն դրության ժամանակ: Արդյո՞ք մեր պատմական անցյալը մեզ իրավունք է տալիս ասելու, թե մեր գործը չէ, մեր տունը գյուղի ծայրումն է: Հայ մտավորականությունը և նրա սխալ և թյուր դաստիարակությամբ սնված մասսան կարծում էին, թե մենք գործ ունենք կատարելու սահմանից այն կողմը, իսկ այս կողմը ոչինչ չունենք: Չլինի թե այսպիսի քաղաքականություն [ենք] վարելու: Չարիք առաջ կգա սահմանից յս կողմը գործելու ժամանակ, ասում են սխալ մտածողները: Մեր խելահասությունից է կախված, այնպես որ վտանգ չգա: Սակայն չտարվենք ֆանտազիաներով: Շատերը մտածում են, թե թող ծայրահեղ տարրերը, մեծամասնականներն անցնեն գործ գլուխ, որպեսզի վարկաբեկվեն և այնուհետև դադարեն մասսայի վրա ազդեցություն ունենալուց: Սակայն այս կերպ մտածելով, չարաչար սխալվում են: Այս գործելակերպի և մտածելակերպի հաջողության դեպքում հայությունը հոշոտված կլինի:

Ռուս ժողովրդի հարցը ուրիշ է: Նրանք այնքան բազմաթիվ են, այնպիսի հսկա ուժ և թիվ են կազմում, որ կոռոշտվեն, կջնջվեն, բայց էլի կվերականգնվեն, կվերակենդանանան, իսկ հայերը՝ ոչ: Այս ժողովուրդը մի կատայալ գերեզմանոց

կդառնա այդպիսի պարագայում: Այնպես պետք է անենք, որ վերջին հանգամանք երբեք տեղի չունենա: Եվ Ռուսաստանը իրենից ավելի լավ քաղաքացիներ ունեա հանձին մեր: Մեր երախտավոր գործիչները կարծել են, թե մեր բախտը և երջանկությունը ռուս ժողովրդի հետ կապված լինելու մեջն է և միմիայն այդ դեպքում հայ ժողովուրդը կարող է գրաստային վիճակից դուրս գալ: Դժբախտաբար անցյալն եղել ենք այնպիսի մի իշխանության իրավունքի տակ, որ մի կողմից գլխներիս բամփել է, իսկ մյուս կողմից՝ շոյել, նայած իր օգուտներին: Մենք ուզում ենք Ռուսաստանի հետ լինել, առանց մեր առանձին տնակն ունենալու: Ես գալիս եմ մի րոպե այն եզրակացության, թե կռալիցիան անհրաժեշտ է:

Դեռ 60-ական թվականներին մեր նշանավոր գործիչ Ստ.Նազարյանը քարոզում էր, թե իբրև Ռուսաստանի քաղաքացիներ՝ կազմենք նրա մի մասը: Իմ մի խումբ ընկերներն ինձ հանձնարարել են այսպես ասել, բայց կամ նաև ընկերներ, որոնք եկել են այն եզրակացության, թե փրկությունը իշխանությունը դեմոկրատիայի հանձնելու մեջն է: Համենայն դեպս, կռալիցիան եթե կազմվելու էլ լինի, եթե բուրժուազիան ու դեմոկրատիան ձեռք-ձեռքի տված գործեն, պետք է վստահ լինենք, որ դեմոկրատիայի ժամանակավոր գործակիցը քար չունի յուր թևի տակ:

Նախագահ - Մեր հառաջի հիման վրա իրավունք ունի կուրեֆերենդը նույնքան ժամանակ խոսելու: Մյուսները՝ 10 րոպե: Խոսքը պատկանում է Խ.Ամիրյանին:

Խ.Ամիրյան - Մեր ֆրակցիայի տեսակետը պետք է պաշտպանի Քր.Վերմիշյանը: Մեր համագումարը հայկական է: Ողջունում եմ Դ.Անանյանի ճառը: Ներկա ժամանակ արդյոք կարո՞ղ ենք մի ելք գտնել, կարո՞ղ ենք ասել, թե հայերը դեպի ռուսական մեծ հեղափոխությունը առանձին վերաբերմունք են ցույց տվել: Ես գտնում եմ, որ մեր ապագայի շահերի տեսակետից հայերը դասակարգային կռիվ չունեն մղելու: Եթե մենք հետ թողնենք բանվորական տեսակետը, կկանգնեք գյուղացիական տեսակետի վրա: Դաշնակցությունը գնացել է այն ճանապարհով, ուր գտել է *наименьшее сопротивление*, ուստի և յուր դեմ է ունեցել թուրք աղալարներին, որպեսզի հայ մասսայի մեջ հաջողություն գտնի: Դաշնակցությունն արհեստական կերպով գործեր է ստեղծել՝ յուր դիրքը ամրապնդելու խավար մասսայի շարքերում: Հիշենք նրա հարաբերությունը և վարած քաղաքականությունը Վորոնցով-Դաշկովի<sup>1</sup> ժամանակ: Դաշնակցությունը եղել է հայ բնագրի արտահայտիչը: Երբ կավվածները խլեցին, նա կանգնեց շարժման գլուխ: Շատ դեպքերում ձեռք-ձեռքի տված է գնացել ռուս անցյալ պետության հետ: Նա յուր ամբողջ գործունեության ընթացքում եղել է ազգայնական, թեև իրեն անվանել է սոցիալիստական: Գալով հատկապես հայերին, նրանք բնագործն ենցուկ են հանդիսացել ռուսական հեղափոխության: Ինչու՞: Որովհետև ռուսական քաղաքացի են: Հայ ժողովուրդը, ինչ կուսակցության էլ որ պատկանի, սեպարատ ձգտումներ չունի և չի կարող ունենալ: Այդ պատճառով էլ ինձ չէ վախեցնում ոչ սեպարատիզմը և ոչ էլ *большевизм*-ը: Հայի մեջ չկա Ռուսաստանին կազմալուծված տեսնելու ցանկություն: Ընդհակառակն, պատմական ամբողջ ընթացքը ցույց է տվել հայ ժողովրդի դրական վերաբերմունքը դեպի Ռուսաստանը: Մենք շատ լավ ռուս քաղաքացիներ ենք: Մի բան էլ, որ հարկավոր եմ համարում այստեղ հիշեցնել: Ոչինչ չասվեց արտաքին քաղաքականության մասին: Ռուսական դեմոկրատիան առաջ է բերել *безанкесий и контривизий* սկզբունքը: Հայ ազգն սպասում է յուր ինքնորոշման: Մենք չենք կախենա իմպերիալիզմից: Մենք պետք է համերաշխ լինենք մեր հարևան ազգերի հետ: Մենք պետք է ունենանք մեր ազգային ռեզոլյուցիան, որպեսզի վրացիները և թուրքերը չասեն, թե հայ ժողովուրդն յուր դիմակը չի պարզել:

Բժ. Աթաբեկյան - Ես տկարության պատճառով հազիվ թե կարողանամ ֆրակցիայի մտքերն արտահայտել: Քաղաքական մոմենտն ըմբռնելու համար պետք է ասել, թե ի՞նչ է սոցիալիզմը: Սոցիալիզմը մի ամբողջ կուլտուրա է: Սոցիալիզմի իրականացման վրա ահագին ժամանակ կարելի է խոսել, երբ օբյեկտիվ փաստեր կան: Ինչպես 14-15 տարում բուրժուազիան եկավ ավարտականություն[ն] ասելու, թե եկել են քո տեղը բռնելու, այսպես էլ այժմ դեմոկրատիան ասում է, թե եկել են քո տեղը բռնելու: Ով որ ասում է, թե ուղղակի կզանք կապիտալիզմ խորտակելու, նա սխալվում է, որովհետև կապիտալիզմը և բուրժուազյան թույլ են, չկա տեխնիկա: Պրոլետարական այնպիսի կենտրոնում, ինչպիսին Բագուն է, 25%, Պետրոգրադում 50%: Գրագիտությունը վերջին տեղն 40-50%: Այս կոպերատիվ շարժումները, որ սկսվել են, նոր են: Այս բոլոր հանգամանքների պատճառով չի կապելի այս շարժումը սոցիալիստական համարել: Ով ասում է հակառակը, նա սխալվում է: Ահա իրար կողքի ապրում են ժողովուրդներ, բայց ի՞նչ համերաշխությամբ: Պետերբուրգի մեջ նույնիսկ հայրենիքն ուրանում են: Բոլոր անտագոնիզմները ստեղծեցին մի քառս:

Մեր ֆրակցիայի հիմնական մտքերը հետևյալներն են.

1) դասակարգային կռիվ, 2) պետականության շուրջը համախմբումն և 3) արդյունաբերության շուրջը խմբվել: Ազատագրված դասակարգերը լարվել են: Maximal կերպով ուզում են բարվոք վիճակի մեջ դնել, բայց հասցում են այն աստիճանի, որ հասցնում են պետական քայքայման: Երկաթուղային գործադուլները, վերջին քառսային դրությունն ու անվերջ շարժումները հրապարակի վրա են իբրև փաստեր: Չեն ըմբռնում, որ ռուսական ամբողջության վտանգումն իրենց համար վտանգավոր է:

Մեր ֆրակցիան այն կարծիքի է, թե պայքարն այնպես պետք է տանել, դասակարգային շահերն այնպես վարել, որ չխախտել պետականության ամբողջությունը: Այնպես անել, որ արդյունաբերությունը չվտանգվի: Կապիտալիզմը մի մեծ կուլտուրա է, բարձր մեխանիզմ է: Աչքի առաջ չունենալ այդ կոմպլեքսը, նշանակում է աշխատավոր և պրոլետար դասակարգի շահերը մի կողմ նետել և մյուսներին հետ մղել: Օգոստ[ոսի] 14-ի դեկլարացիան է, որի շուրջը պիտի խմբվենք և մեր գործելակերպը որոշենք: Մի վայրկյան էլ խոսենք ֆրոնտի, պատերազմի մասին: Ֆրոնտի հաստատուն լինելն ահագին նշանակություն ունի: Գալով Անդրկովկասին և հայ իրականությանը, այն հավաքական շարժումներին և խլրտումներին, որ տեղի են ունենում, մեզ պեսիմիզմով են համակում: Հուսահատություն, մեկուսացում է տեղի ունենում: Հայ ինտելիգետը կարծել է, թե շրջապատված ենք վանդալներով, և միակ փրկությունը պայքարն է մեր հարևանների դեմ մղվելիք: Մեզ թվում է, թե այդ տիեզերական պատերազմի ժամանակ [կ]արվեն որոշ քայլեր: Մեզ թվում է, թե սոցիալիստական կուսակցությունները կարող են ասել, թե հայ ժողովուրդը պետք է յուր պեսիմիզմը թողնի: Երբ 905թ. դասակարգային պայքար էինք մղում, թուրք բանվորները խողխողում էր հայ բանվորին: Չպետք է խանգարել պրպագանդ անելու թուրքի և վրացու մեջ: Բուրժուազիայի կարծիքը սխալ է: Ես միայն մի կողմից եմ համաձայն, թե Ռուսաստանի հետ կապվելու ենք իբրև մի ամբողջության մեջ: Լինելով պետական, մենք մեր վիճակը չենք տալիս ռուս պետության ձեռքը: Մենք պետք է մեր շրջապատողների հետ զուգընթաց գնանք: Պետականություն և համերաշխությունը շրջապատող ժողովուրդների հետ:

Երկու խոսք գյուղացիական խնդրի մասին: Գյուղացու և բանվորության մեջ չպետք է խորխորատ բաց անել: Թուրք գյուղացին ավելի հեղափոխական է, քան թե հայը: Հողերի օգտագործման հարցը պետք է մաքսիմալ կերպով դնենք: Ոչ մի ընդհարում թուրքի և հայի միջև: Այս այն դուռն է, որ հայ գյուղացին պետք է գա մեզ հետ: Ագրարային խնդիրն է, որ մեզ կապելու է թուրք և հայ գյուղացու հետ:

\* Բնագրում քաղաքային:

Համերաշխությունն ոչ ինտելիգենտի, այլ ժողովրդի խավերում, ստորոտներում, կոռպերատիվներում: Ահա այն թեզերը, որ ես այստեղ ընդհնարեցի: Սոցիալական բանակն իրեն չէ համարում անպատասխանատու հայ ժողովրդի մեջ: Նա պետք է կենդանի գործով նպաստի գործին: Այն բանակը ոչ միայն մեր, այլև թուրքի և վրացիների մեջ պետք է գործի:

Նախագահը կարողան է վրաց ֆեդերալիստների հետևյալ շնորհավորական հեռագիրը. «Հայոց ազգային համախորհրդի պրեզիդիումին. վրաց սոց. ֆեդերալիստների հեղափոխական կուսակցության գլխավոր կոմիտեն ողջունում է հայոց համախորհրդի բացումը և ցանկանում է հաջողություն եղբայրական հայ ցեղը ազգային-քաղաքական իդեալների իրագործման: Կուսակցությունը համոզված է, որ համախորհուրդը կլինի մինի օղակներից բոլոր կովկասյան ժողովուրդների համերաշխության, որոնց ազգամիջյան համաձայնությունը գրավակա է Ռուսաստանի հեղափոխական դեմոկրատիայի հաջողության և կովկասյան ժողովուրդների քաղաքական իրավունքների ամրապնդման:

Նախագահի փոխարեն Խցկիլածե քարտուղար՝ Դադյանի»:

Ժողովը ծափահարությամբ ընդունեց այս ողջույնը և հանձնարարեց պրեզիդիումին հայտնել շնորհակալություն թե՛ քաղաքագլխին և թե՛ սոց.ֆիդերալիստներին:

Շահխաթունյան - Ըներներ և հայրենակիցներ, ձգտելով բնորոշել ներկա քաղաքական մոմենտը, պետք է, իմ կարծիքով, բնորոշել ռուսական դեմոկրատիան և սոցիալիզմը, որ յուր մտայնությամբ զգալապես զանազանվում է եվրոպականից: Տեսանք, որ հեղափոխության ընթացքում ռուսական սոցիալիստ ինտելիգենցիան շատ առաջ է գնում յուր մտավոր ձգտումներով: Եվ դա դառնում է մի ռեալ հանգամանք: Այդ տեսակետից նայելով խնդիրն, պատասխան պետք է տանք այն որոշման, որ անելու ենք: Աշխատավոր մասսան ինքը դառնալով գործոն, պիտի որոշի այն զիժը, որով գնալու ենք: Կոալիցիա այն մտքով, ինչ որ հասկանում ենք, չի կարող լինել: Այն կառավարության, որ կազմված է, կարող ենք հավանություն տալ, բայց դա կոալիցիա չէ, այլ մի համաձայնություն է, որով բուրժուազիան ընդառաջ է գնացել աշխատավոր մասսային: Եթե բուրժուազին անկեղծորեն ուզում է ընդառաջ գնալ, կամ ուզում է ապագայում յուր ձեռքն առնել իշխանությունը, կամ հայրենասիրական մի ժեստ է, մի զիջում է թույլի՝ ուժեղի դեմ: Մեր առաջն է դրված ոչ թե կոալիցիա, այլ մի ծրագիր: Ոչ թե բացասաբար ենք վերաբերվում կոալիցիային, իբրև այդպիսաց, այլ ընդհակառակը, որովպես ուժերը եկել և միասին գործում են: Այս տեսակետից կորոշենք միայն այն ծրագիրն աչքի առաջ ունենալ, և ըստ այնմ վարվել: Այդ ծրագիրն, որ ահմարին է դարձնում հողային հարցի լուծումը: Բուրժուազիան կաշկանդումներ է հարուցանում, որովհետև այդպիսի պահանջները նա չէ կարող տանել: 6 ամիս շարունակ մի կողմից դեմոկրատիայի մեջ պառակտումներ է ձգում, մյուս կողմից՝ ծրագիրը չէր իրագործում: Այժմ բուրժուազիան ստիպված է համակերպվել: Մի կողմը յուր ծրագիրն է առաջ տանում, մյուսը զիջում է անում: Պետք է ուրեմն քննել այն ծրագիրը, թե արդյոք դեմոկրատիայի շահերին համեմատ ինչու՞մ նպատակահարմար են: Դեմոկրատիայի մեջ կան քայլեր, որոնք դատապարտման արժանի են: Այժմ դրված է այնպիսի ծրագիր, որը ժխտվում է նրա կողմից: Ավելին զիջումներ չեն կարող անել նա կառավարությանը:

Ինչ որ Ռուսաստանի վերաբերմամբ ենք ասում, նույնը պիտի ասենք հայերի վերաբերմամբ: Հայ բուրժուազիան իրեն հատուկ հարցերը չի լուծել, այլ՝ հայ դեմոկրատիան: Նա կորաված է եղել հայ մասսայից: Պատմական-տնտեսական ծրագիր չէ ներկայացրել: Նա բաց է արել դպրոցներ, թատրոններ, բայց տնտեսական, ազգային խնդիր չէ առաջ բերել: Այսօր, երբ Ռուսաստանի դեմոկրատիայի լուրնագներն ընդունում է հայ դեմոկրատիան, հայ լիբերալիզմն ստիպված է ընդունել: Հայ բուրժուազիան այսպիսի վայրկյանում պարտականություն զգաց հրաժարվելու յուր

դասակարգային շահերից: Հարցը ոչ թե նրա մեջ է, որ հեղափոխությունը պահպանվի, այլ հարկավոր է ստեղծել կառավարություն, որը մեծամասնության համակրությունը գրավի: Անհնարին է մի այնպիսի իշխանություն ստեղծել, որ բոլորի պահանջներին բավարարություն տա: Կառավարության առաջարկած ծրագիրը մեր և բուրժուազիայի համար ընդունելի պիտի լինի, մանավանդ ծայրագավառների համար: Կոչ եմ անում բոլոր համախոհներին և անկախ քննադատներին: Հայ ժողովրդի մեջ այնպիսի հարցեր են առաջ եկել, որոնք տարածայնություններ չեն կարող առաջ բերել: Քննադատություն և հակադրություն տարբեր բաներ են: Դաշնակցությունը կարող է քննադատվել, բայց չի կարող հակադրության առաջ գալ: Դաշնակցության դրած հարցերին այնպես են նայում, որ նախաձեռնությունը նրան չի պատկանում, ինչ որ էլ անեն, ինչ հարցերին մոտենան հայ ժողովրդի շահերի տեսակետից:

Ք.Վերմիշյան (հայ ժող. կուսակ. ֆրակցիայի կողմից) նկատում է, որ նախորդ ճառախոսի մեղադրանքներին առիթ չի տրվել համագումարում, որ բոլորն եկել են այստեղ համերաշխ գործելու, հաշտության, համագործակցության նպատակով: Քննելով Ռուսաստանի ապրած մոմենտը զինվորական արդյունաբերական, ագրարային տեսակետներից, հռետորը գտնում է, որ այդ ընդհանուր քայքայման մեջ ամենևին մեղք չունի կաղեցական կուսակցությունը, որ սկզբից եթե նախատեսում էր սոցիալիստական, դասակարգային կռվի և հայտարարված լոզունգների այսպիսի հետևանքը: Ագրարային հարցը պետք է լուծվի օրենքով, այլպես նա կդառնա ավազակություն և կսպանի ամբողջ կուլտուրան: Մենք ևս կողմնակից ենք կոալիցիոն կառավարության, բայց դա պետք է լինի անկեղծ ու արտահայտվի գործով: Պետք է ճանաչվի բոլոր քաղաքացիների իրավունքը և ոչ թե առանձին դասակարգերի: Մենք պահանջում ենք գործել և միակ իշխանություն և ոչ թե բազմիշխանություն, որ տանում է դեպի անիշխանություն: Ուստի պետք է մերժել «այնքան-որքան» սկզբունքը: Հռետորներից ոմանք կասկածում են բուրժուազիայի անկեղծության և միևնույն ժամանակ իրավիքում են նրան գործակցել կառավարության մեջ: Ինչպե՞ս կարող է ուժեղ լինել այդպիսի կառավարությունը, երբ անդամները կասկածով են նայում մեկը մյուսին: Պետք է անկեղծ վերաբերմունք, պետք են փոխադարձ զիջումներ, համաձայնության ճանապարհ կա: Համերաշխ գործակցության կարիքը այժմ զգացվում է ամենուրեք:

Արարատյանը (դաշնակցական), առարկելով Վերմիշյանի, Ամիրյանի ինչ-ինչ տեսակետներին, գտնում է, որ իրենք ունեն գործ աշխատավորության (քանվորության և գյուղացիության) մեջ: Բայց կան խնդիրներ, որ վերաբերում են բուրժուազիային, թող նա էլ այդ գործերն ստանձնի: Ընդունում է կոալիցիայի սկզբունքը, որը հիմնված պետք է լինի ռեալ ուժերի գործակցության վրա, որը պետք է Ռուսաստանը դուրս բերի ներկա դրությունը: Գիտակից դեմոկրատիան հայրենասիրական է և պետական: Միակ կազմակերպված ուժը դեմոկրատիան է, ուստի չնայելով նրա բազմաթիվ սխալներին ու թերություններին, պետք է նրա հետ ներդաշնակ գործել, զիջումներ անելով: Դեմոկրատիային հակառակ գնացող տարրերը քայքայում են ռուսական պետականությանը հիմքը: Գալով հայ ժողովրդի վիճակին հռետորը գտնում է, որ թուրքերի և հայերի համերաշխության միակ պլատֆորմն է հանդիսանում հողային խնդիրը, որ պետք է լուծվի լայն ծրագրով:

Ժողովը որոշում է հաջորդ հռետորներին լսել մյուս նիստին, որովհետև պրոֆ. Աղաջանյանը մեկնելու էր Թիֆլիզից, նրան տրվում է հերթից դուրս խոսք:

Աղաջանյանը հայտնում է, որ այստեղ լսում է այն տեսակ մտքեր ու դատողություններ, որ լսվում են բոլոր Ռուսաստանում, բայց չի լսում ազգային խոսք: Մեր ժողովուրդը բնաջինջ է լինում, պետք է նրան փրկել: Բուրժուազիան, սոցիալիզմը չեն, որ մեզ պետք է փրկեն: Ոչ միայն հասարակական այսպիսի վիճելի հարցերում, այլ նույնիսկ գիտական հարցերում լինում են սխալներ: Մենք պետք է ձեռք վերցնենք մեր պատմական անմիաբանությունից, պետք է գործենք միաբան, կազմենք ազգային

կոալիցիոն իբրև եղբայրներ Ռուսաստանի: Մենք պետք է ձեռք մեկնենք մեր հարևան վրացիներին և թուրքերին, ոչ թե որովհետև երկյուղ ենք կրում, այլ որովհետև այլ կերպ վարվելով, բոլորն էլ կկորչեն: Այստեղ զոհաբերության հարց չի դրվում, այլ փոխադարձ զիջողության: Սրա մեջ է մեր փրկությունը:

Նիստը փակվում է 3 ժամին:

Նույն գործը, թ. 7-12:

#### N 4 Նիստ 4

1 հոկտեմբերի 1917թ.

Հերթական նախագահ՝ բժ.Այվազյան:

Նախագահ - Ընկերներ և քաղաքացիներ, այսօրվա նիստը շարունակությունն է երեկոյան նիստի: Մի շարք ճառախոսներ գրվել են: Եթե կամենում եք, ցուցակը կարդանք:

Կարդացվում է 28 հոգուց բաղկացած մի ցուցակ:

Նախագահ - Ամեն մեկ կուսակցություն պետք է յուր բանաձևը տա:

Այվազյան Ներսես - Ըստ օրակարգի ամեն մեկը ձայն է խնդրում: Նկատի ունենալով մի քանի հանգամանքներ և շատ կարևոր հարցեր, մեր պարապմունքները 10 օր կտևեն, եթե այսպես շարունակենք: Առաջարկում են, որ այդ ցուցակում գրված ֆրակցիաներից 2-2 հոգի հայտնեն ֆրակցիաների կարծիքը:

Նախագահ - Առաջարկում է, որ 1-1 հոգի թեր և դեմ խոսեն:

Մ.Ղարաբեգյան - Երեկ ս.դ. մի մասն արտահայտվեց: Թույլ տալ մյուս մասին ևս խոսել:

Բժ. Տ.Խախանյան - Ցարդ ոչ միայն ֆրակցիաներ, այլև անհատներ դեռ ոչինչ չեն ասել:

Նախագահ - Ով որ ուզում է ցանկը փակել, թող ձեռք բարձրացնի:

Ստվար մեծամասնությունը ցանկանում է շարունակել:

Նախագահ - Քվեարկության են դնում Ավազյանի առաջարկությունը՝ թույլ տալ ամեն մի ֆրակցիայից 2 հոգի խոսել, ապա փակել:

Սույն առաջարկը մեծամասնությամբ ընդունվում է: Կարդացվում է ցանկը: Ապա 5 րոպե ժամանակ է տրվում ճառախոսներ ներկայացնելու: Ընդմիջումից հետո նիստը վերաբացվում է:

Նախագահ - Ժողովը բացված է: Կա 4 ֆրակցիա: Կան նաև անկուսակցականներ: Կցանկանայինք անկուսակցականներից մեկին ձայն տալ: Որոշվում է տալ:

Մեսրոպ եպիսկոպոս - Թեև իմ անունը այսօր «Մշակ»-ում տպված է Հ.Ժ. կուսակցության ցանկի մեջ, բայց ես անկուսակցական եմ և միայն համակրող եմ այդ կուսակցության: Կիսնդրեի ինձ ձայն տալ իբրև անկուսակցականի:

Որոշվում է տալ:

Նախագահ - Տաճկահայերից կա մի խումբ, ուզում ենք, որ մեկը նրանցից խոսի:

Ոչ ոք լիազորված չի լինում խոսելու:

Կարճիկյան - Առաջարկում եմ խոսել նախկին ցուցակի կարգով:

Խ.Ամիրյան - Քանի որ ընդունեցինք կուսակցություններին ձայն տալ, առաջարկում եմ մեջընդմեջ խոսել:

Դարբինյան - Ամեն մեկը թող տա յուր ընկերների ցուցակը:

Բժ.Օհանջանյան - Մենք դեմ ենք, որ պրոֆ. Հակոբյանը իբրև անհատ խոսի:



Ֆրակցիաները տալիս են իրենց ճառախոսների ցուցակը:  
Դաշնակցության կողմից՝ Վ.Նավասարդյան և Քաջագունի, Յ.ժ.Կ. Յ.Առաքելյան և Մելիք Ղարաբոյան, ս.հեղ - Խոնդկարյան և Խ.Տեր-Ներսիսյան, ս.դ. - Ղարբեյան և Ղարաբեյան, անկուսակցական - Մեսրոպ եպիսկոպոս:  
Պրոֆ. Հակոբյան - Ես կուզեի սահմանադրական՝ ռամկավար) և այդ ուղղությամբ մտածողների կողմից խոսել:  
Խ.Տեր-Ներսիսյան - Իբրև անհատի դեմ ենք, իսկ կուսակցության կողմից՝ ոչինչ չունենք:  
Մելիք-Ղարաբոյան - Իմ ձայնը զիջում եմ պրոֆ.Հակոբյանին:  
ԲԺ.Բռնապարտյան - Տաճկահայ գաղթականության մասին մեկը կարող է խոսել:

Նախ[ագահ] - Ընկեր Նավասարդյանը բացակա է: Խոսքը Մեսրոպ եպիսկոպոսինն է:

Մեսրոպ եպիսկոպոս - Հայ ժողովրդի ներկայացուցիչներ, առաջին անգամն է, որ հնարավորություն ենք ունենում մեր մտքերը հայտնելու ազատորեն: Առանձին հաճույքով լսեցի, որ զանազան կուսակցության ներկայացուցիչներ զանազան բառերով նույն արտահայտություններն արին: Նախ՝ թե մենք կապված ենք ռուս ժողովրդի հետ, և թե մեր գործերը պետք է վարենք ժողովրդական ոգով: Սա ամենա էականն է: 2), որ բոլոր կուսակցությունները կամենում են հաշտ մտքով տանել գործը: Այս պատերազմի ընթացքում շատ շփվեցինք և ծանոթացանք միմյանց հետ կարիքից: Ես ի՞նչ կարող եմ ասել: Տունը վնասվում է, հրդեհն ընկել է, և ռուս մարդիկ, որոնց հետ կապում ենք մեր բախտը, կռվում են և սկզբունքների մասին են խոսում: Նախ տունը փրկենք, ապա սկզբունքից խոսենք: Իբրև հոգևորական, ի պաշտոնե շփվեցի բոլորի հետ: Տեսա, որ հայ ժողովուրդը պահպանեց յուր որոշ վերաբերմունքը: Ես չեմ միջամտում այս կամ այն կուսակցության ծրագրի մեջ: Իբրև հոգևոր պաշտոնյա, կցանկանամ, որ հայ ժողովրդի կամքն այդպես էլ մնա: Կարիքները շատ են: Ես վերջացնում եմ: Գործի ժամանակ է: Թող հայ ժողովուրդը մեջ բերե յուր բոլոր լրջությունը:

Պրոֆ.Հակոբյան - Պր. պատգամավորներ, ես, որպես ոչ ռուսաբաղաբացի, խնդրեմ թույլ տաք իմ տեսակետները հայտնել այն սկզբունքների մասին, որ երեկ այստեղ հայտնեցին: Բոլորդ ալ արտահատվեցաք նույն տեսակետով՝ ազգային բնազդային ողջամտություն ցույց տալով: Բոլորդ ալ հայտնեցիք այն տեսակետը, թե վրացիներու հետ համերաշխ պիտի ըլլանք, ինքնասիրության, ողջամտության հարցեր կան: Ես, իբրև ցավի, մյուս կողմե՝ կխոսեմ համաժողովին, որ նույն հեռատեսությունն ունենանք, նույն ողջամտությունը ցուցանեք սահմանի այն կողմի նկատմամբ: Անցյալը պատմություն կմնա: Անցյալը, ինչ որ գործված է, պատմության կմնա: Այժմ այնպես պիտի ընել, որ որոշ սկզբունքներ, որոշ տեսակետներ անցնեն: Բոլորդ ալ մի տեսակետի վրա կանգնած եք: Ես թուրքիացի չեմ, պարզ հայ մըն եմ: Հայերուն հանեցին Թուրքիոյ հպատակութենէ: Հոս ապաստանած հայերը թուրքահպատակ են, ռուսահպատակ ալ չեն: Մենք՝ Հայաստանի հայերս, միջազգային դատին ենք հանձնած մեր խնդիրը: Դուք օգնեցե՞ք ոչ Անգլիայի, ոչ ալ Ֆրանսիայի պես, հապա իբրև հայեր օգնեցե՞ք: Երգում են դաշնակցությունը բողոքած էր, թե իրենց ներկայացուցիչը չէ մտած կոմիտեի մեջ: Մենք՝ թուրքահայերս, կխոնարհվենք բոլոր ռուս զինվորներու գերեզմանին առջև, բայց մենք դեռ ռուսահպատակ չենք և չենք կրնար միջամտել ռուսական գործերուն: Հոս կտեսնեն զանազան հոսանքներ: Ժողովը ցրվել առաջ, որոշ տեսակետ ընդունեցեք: Իբրև միջազգային հարց, աշխատենք և բաղձանք, որ հարցը լուծվի: Յուրաքանչյուր ժողովրդի ինքնորոշման իրավունք տրված է: Այդ ուղիով էլ ընթանանք և գործենք:

Խոնդկարյան (ս.հ.) նշեց, որ բուրժուազիան, իբրև կազմակերպված կուսակցություն, չկա: Կա միայն ապադասակարգային տարրերից կազմված

խմբակցություն: Նա կանգ առնելով ներկա մոմենտի վրա, մատնանշեց մի ելք՝ թե դեմոկրատիան մի շարք սխալներ է արել, որովհետև չի գնացել այն ուղիով, որ ընդգրկել են կաղետները: - Ինձ թվում է, թե այս մտայնությունը ցույց է տալիս, թե ինչքան ասվի, թե չկա բուրժուազական մտածելակերպ, այնքան ցույց է տալիս, որ նա գոյություն ունի: Ներկա մոմենտը վերլուծելիս չի կարելի կանգնել այն տեսակետի վրա, թե դեմոկրատիան յուր ուսերի վրա պիտի առնի: Եթե փաստ գոյություն ունի, թե նա կարող է տանել դեպի կործանում, պետք է ի նկատի առնել: Դրանք՝ բուրժուազիան, նույնքան մեծամասնական են: Հայտարարությունները բավական չեն: Դուք նույնքան պետական հողի վրա եք կանգնած, որքան և նրանք: Ասում են, թե հեղափոխության սկզբում կար միահամուռ ցանկություն: Մխալ է: Մեղրամիսը մի քանի ժամ տևեց: Այն ժամանակ, երբ Միլյուկովը հայտնեց Միխայիլ Ալեքսանդրովիչի անունը, բողոքեցին, թե ցեղավորականներ են: Այդ տարբերությունը երկու հոսանքի մեջ նկատվեց: Նպատակները հետո եկան, խորացան: Երկու մոմենտ, երկու տարբեր կարծիքների բախում առաջ եկավ: Մեկն ուզում էր կառավարություն կազմել այնպես, ինչպես ինքն էր ցանկանում, դարձանք լուսնի տեղափոխում, մյուսը՝ հակառակ: Դեմոկրատիան հենվում էր այն ուժի վրա, որ ինքն ուներ: Բոլորիդ համար պարզ է, որ այժմ այն լուրջագները, ինչ որ դեմոկրատիան երևան էր, բուրժուազիան ինքն էլ ուներ: Նա պայքարը ծայրահեղ աստիճանի էր հասցրել, երբ տեսնում էր, որ յուր շահերը վտանգվում են, և այն ժամանակ նա դառնում էր *большевик*: Դեմոկրատիան նոր էր կառուցանում մի հասարակարգ: Պետությունը պետք է լիներ բուրժուազական: Մյուս կողմից՝ ուներ մի խնդիր՝ պատերազմ: Դեմոկրատիան չէր կարող բուրժուազական հասարակարգ ստեղծել, որովհետև զբաղված էր պատերազմով, որին ինքը հակառակ էր: Այս ներքին հակասությունը բուրժուազիան շահագործեց: Ես, սասց նա,՝ եթե չանեք զիջում, կանեմ իմ արածը: Մեկն ասաց, մի շատ հարգելի անձնավորություն ինձ համար, թե պետք է ղեկը *большевизм*-ին տալ, որ կործանի երկիրը: Սա ինքը *большевизация* է: Սա անհեթեթ է: Դուք ուզում եք իշխանությունը հասցնել արևուրդի, վտանգավար էք պերիմենտ է: Եթե այնուհետև ուզենք վերստին ձեռք բերել, ոչ պետություն, ոչ էլ իշխանություն կտան ձեզ: Ես խոստովանում եմ, որ պետությունը կազմակերպելուն յուր դրությունը և դերն ունի: Բայց և դեմը ունի: Դուք պետք է միջոց գտնեք, որպեսզի պետական գաղափարը մնա, բայց այն պետական, որ առաջ կար: Նա պետք է հրաժարվի պատերազմի մասին ունեցած աշխարհահայացքից: Եթե մենք ուզենանք էլ, դեմոկրատիան՝ ինքը, չի հրաժարվի: Ներկա պետությունը ոչ այն պետությունն է, որ երևաց կաղետների մեջ, այլ այն, որ դեմում է սոցիալական ռեֆորմներ: Յուրաքանչյուր սրանից դուրս արածը ոչ թե հեղափոխություն, այլ *бунт* է: Լրանից դուրս *большевизация* է, թե՛ ձախ և թե՛ աջ կողմը:

Նախ[ագահն] - Ուղղում է *большевизация*-ի մասին ասածը, որ ակնարկվում էր Տ.Բեզգադյանի հասցեին ճառախոսի կողմից:

Նավասարդյան (դաշնակ.) - Ճշմարտությունը որքան շատ կրկնվի, այնքան նա ակնհայտ կլինի: Ամեն մի օրգանիզմ շերտավորված է: Երտավորված է նաև հայ ժողովուրդը: Բ.՝ իշխան յուր վերջին մի շարադրության մեջ ասում է, թե Կովկասում ոչ մի ժողովուրդ այնպես շերտավորված չէ, որպես հայ ժողովուրդը: Բուրժուազիայի վրա դրված են եղել պարտականություններ, նա չի կատարել յուր միսիան: Այդ դերն ստանձնել է Հայ Հեղափոխական Դաշնակցությունը, այն միսիան, որ դուք պիտի կատարեք (ցույց տալով դեպի աջ՝ Յ.ժ.Կուս.): Նոյ ժողպանիան ասում էր, հայ ժողովուրդը թմական շերտավորված այն չէ տալիս, ինչ որ կարծում են: Պր.Ամիրջան ասաց, թե դաշնակցությունը հայ ժողովրդի միսիայով չէ կալ: Դուք գիտեք

\* Բուրժուազիան:  
\*\* Հավանաբար իշխան Բորիս Արղությանի մասին է խոսքը:

գերմ[անական] այն նկարը, որի տակ գրված է *где кошка?*: Այդ գրությունը ձև չէ, որ հոսանքի մեջ է գցել: Մեզ ասում են, դուք առաջարկում եք կոալիցիայի սկզբունքը: Այո՛, բայց վերապահությամբ: Ոչ մի հանցանք չկա այստեղ: Եվ այդ է պատճառը, որ ռուսական բուրժուազիան համծին կաղետների չէր կարող հանրապետությունն ընդգրկել, որ գալիս է նրանց համար գերեզմաններ փորելու: Միյուրովն ասաց, թե իշխանությունը Միխայիլ Ալեքսանդրովիչից են ստացել:

Ամիրյան (Յ.Ժ.Կ.) - Նա չի ասել, Մասյանն ինչու է ասել:

Նավասարդյան (շարունակելով) - Ես ուզում եմ, որ մի բան վերանա: Դրանով բոլորոս կշահենք: Ամեն մեկը, որ արտահայտիչ էք որոշ օրգանիզացիայի, հայտարարեցեք: Կապիտալիզմը հարազատ է հեղափոխությանը, բայց դուրս եկեք առանց տաղտուկ մտքերի, որ որոշ ցեղերի արտահայտիչ էք: Ես հայտարարում եմ որ հայ դեմոկրատիան, հայ դաշնակցությունը չի կարող այլ մտածում ունենալ, քան թե այն կարծիքը, որ սոցիալիզմը պետք է գա: Հայ ժողովուրդը և դեմոկրատիան գերեզման չպիտի փորեն Ռուսաստանի և Ռուսաստանի դեմոկրատիայի համար: Մենք ընդունում ենք, որ դեմոկրատիան յուր տունը պիտի կառուցանե և ձեռք տա այն դեմոկրատիային, որ հարևան ժողովուրդների և ռուս ժողովրդի միջև կամուրջ պիտի լինի: Գերցենի խոսքը պիտի ընդունենք, թե Ռուսաստանն ապրում է մի թուփ, որ ամեն բան պիտի մոռանանք, բոլոր մտայնությունները մի կողմ դնենք: Բուրցևն ասում է. ամբողջ 25 տարվա ընթացքում ոչինչ չեմ գրել օպոզիցիայի դեմ՝ հօգուտ ապսույուտիզմի:

Դարբինյան (большевик)\* - Քաղաքացիներ, Դ.Անանունն ասաց, որ կողմնակից է կոալիցիային: Նա պարզապես հայտարարեց, թե դեմոկրատիան պետք է բուրժուազիայի հետ զուգընթաց ընթանա, ձեռք-ձեռքի տված: Բայց ինչպես ձեռք տալ բուրժուազիային, երբ նա, համծին Կոռնիլովի, եկավ յուր հարվածը հասցնելու հեղափոխության: 6 ամիս շարունակ այդ սկզբունքը գործ դրվեց, սակայն ոչինչ դուրս եկավ, ոչ միայն դուրս չեկավ, այլև երկիրը մատնվեց անիշխանության և քայքայման: Եթե խոսք է լինում հարևան ազգերի հետ համերաշխ ընթանալու, դրա դեմ ոչինչ չի կարելի ասել, և պետք է մի ընդհանուր ուղի գտնել: Ինքս հայտարարում եմ, որ *большевик* եմ և որ ոչ մի զիջողություն դեմոկրատիայի ողմից կաղետներին և կոալիցիոն միմիստության:

Տեր-Ներսիսյան (սոց. հեղ.) - Մեզանում չկար ոչ կազմակերպված բուրժուազիա և ոչ կազմակերպված գյուղատնտեսություն: Պատերազմը մեզ գրկում է այն բարիքներից, որ տվեց հեղափոխությունը: Պետականության գաղափարի նկատմամբ ասում է, թե մեզանում հայրենասիրությունը տեղական է: Ամենքը մտածում են.-Եթե մեր նահանգն անվտանգ է, ուրեմն լավ է ամեն ինչ: Այսպես է և՛ Ռուսաստանում, և՛ մեզանում: Ինքն էլ համամիտ է այն տեսակետին, թե մենք պետք է կապված լինենք Ռուսաստանի հետ:

Քաջազունցին (դաշնակցական) գտնում է, որ մեր ժողովը չպետք է զբաղվի կառավարության ձևի, պատերազմը շարունակելու, թե ոչ և այլ այսպիսի հարցերով, որովհետև նրանք մեր որոշումներով չէ, որ պիտի որոշվեն: Մի բան կարող է կատարել մեր ժողովը, որի որոշումը նշանակություն կունենա, այն է՝ պահանջել, որ ազգերի և ծայրագավառների վերաբերյալ հարցերն չվճռվեն այժմվանից, այլ հետաձգվեն ռուսական Սահմանադիր ժողովի որոշմանը: Մեր կողմից էր չպետք է այսպիսի հարցեր բարձրացնենք՝ չղծվարացնելու համար Ռուսաստանի առանց այն էլ դժվար դրությունը: Եթե մենք կանենայինք, օգտվելով Ռուսաստանի թուլությունից, ազգային

նվաճումներ անել, դա կլիներ դավաճանություն: Պետք է զգուշանանք և զգուշացնենք թե՛ մեզ և թե՛ մեր հարևաններին:

Յ.Առաքելյանը (Հայ ժող.կուսակ.) նկատում է, որ Հայ ժող. կուսակցությունը բուրժուական չէ, այլ ապադասակարգային, թեև նա հինգ-վեց ամիս է, որ կազմված է մայց իրոք 30-40 տարվա գոյություն ունի: Դա այն «Մշակ»-ական հոսանքն է, որին մասնակցել են հայտնի հին դաշնակցականներ գավարյանը, Միքայելյանը... (բողոք, աղմուկ դաշնակցականների շարքում): Հայ ժող. կուսակցությունը համծին նախկին գործիչների միշտ պաշտպանել է հայ գյուղացիությունը, կոոպերատիվ: Ինքը ևս ողջունում է համերաշխության սկզբունքը, եթե դա նպատակ ունի պաշտպանել հայ ժողովրդի կենսական շահերը: Մենք ազգային ծրագրի պահանջ չենք դնում դժվարություններ չհարուցանելու համար: Մենք պաշտպանում ենք կոալիցիոն կառավարության սկզբունքը և միանում ենք կառավարության արած հայտարարության:

Ղարաբեգյանը (սոց.դեմոկ.), առարկելով նախկին հռետորներին, գտնում է, որ կոալիցիոն կառավարությունը չի կարող փրկել Ռուսաստանը, որովհետև բուրժուազիան շահերով կապված է Ֆրանսիայի, Անգլիայի, Ամերիկայի կապիտալիստների հետ և նրանց է ծառայել (ծայրեր՝ «Իսկ Գերմանիայի»): Այո՛, եթե կամենաք, նաև Գերմանիայի: Եթե բուրժուազիան պահանջում էր Դարդանելը, այ նրա համար էր, որ Եվրոպան ցորեն ստանա Ռուսաստանից, մինչդեռ Ռուսաստանին իրեն չի բավականացնում յուր ցորենը: Ինքը հակառակ է կոալիցիոն կառավարության սկզբունքին: Հայ ժող.կուսակցության մասին խոսելով, ասաց, թե գյուղերում շրջելով, տեսան, որ այդ կուսակցության անդամները միայն կուլակներն են, ոչ մի շիտակ գործիչ չկա այդ կուսակցության մեջ (բողոք, աղմուկ, «հետ վերցրեք ձեզ խոսքը» և այլն): Նախագահը հազիվ վերահաստատում է կարգը:

Վրացյանը (դաշնակ.), պատասխանելով ընդդիմախոսներին, նկատում է, որ Յ.Առաքելյանը, իբրև հին մշակականների, հիշեց մի քանի անուններ, որոնց միշտ հայիոյել է: Ապա հերքում է այն հայտարարությունը, թե հայ ժողովրդի մեջ բուրժուական կուսակցություն գոյություն չունի: Ինքը պնդում է հակառակը. եթե կուսակցությունը կազմակերպված չէ, այնուամենայնիվ, գոյություն ունի բուրժուական իդեոլոգիա: Հեղափոխության ժամանակի առաջին կառավարությունը չէր կարող համապատասխան լինել դեմոկրատիայի պահանջներին, այլ նպատակ ուներ հեղափոխությունը շահագործել հօգուտ իմպերիալիզմի: Կաղետների վերաբերմունքը դեպի հայկական հարցը, նեղուցները, արդյունք է բուրժուական տեսակետի: Այնտեղ գործում են գիտակցաբար, իսկ այստեղ նրանց հետևում են: Չպետք է հրաժարվել բուրժուական կուսակցություն լինելուց: Բուրժուազիան մեծ դեր է կատարել և դեռ ունի կատարելու մեր մեջ, որովհետև կյանքը գնալու է հավասարազօի ուղղությամբ: Դառնալով Լ.Աթաբեկյանի հայտարարության, որ նրանք գալիս են պատասխանատու դեր վերցնելու իրանց վրա, ողջունում է այդ հայտարարությունը, հուսալով, որ այդ կուսակցությունը դիմելու է շինարար աշխատանքի հայ իրականության մեջ: Այժմ նա պետք է գործի դաշնակցության հետ, որ այսքան տարի մեմակ է ղեկավարել հայ կյանքը, ենթարկվելով հարձակումների: Հողային խնդրի շուրջը, որտեղ ազգերի սորոտներում համերաշխություն պետք է ստեղծվի, երկու կուսակցությունն էլ նույն տեսակետի վրա են կանգնած: Կոալիցիայի վերաբերմամբ դարձյալ պնդում է, որ նա միակ միջոցն է համախմբելու հեղափոխության ուժերը երկու կողմից էլ և պաշտպանելու հեղափոխության նվաճումները: Սա կարևոր է մասնավաճ մեր իրականության մեջ, որ տարբեր և ինքնուրույն պայմանների մեջ է ապրում:

Նախագահը հայտարարում է, որ ստացվել է մի նամակ, բողոք այն անարգական խոսքերի դեմ, որ ուղղված էին Հայ ժող. կուսակցության հասցեին: Այդ խոսքերն արտասանվելիս ինքն զբաղված լինելով, չի կարողացել լսել և հարկ եղած միջոցն ձեռք առնել: Պրեզիդիումը քննության առնելով այդ խոսքերը, հայտարարում

\* Մատթեոս Դարբինյանն է (տես N N 56, 57, 58 փաստաթղթերը):

\* Այս և հաջորդ հռետորների ելույթները, որ բաց են թողնվել տվյալ արխիվային գործում, մեջբերում ենք նույն ֆոնդի մեկ այլ գործից (N 21):

են նրանց անպատեհ և անվայել: Այնուհետև այս վիճաբանությունները վերջացած հայտարարելով, [նախագահն] առաջարկում է ֆրակցիաներին ներկայացնել իրենց բանաձևերը, որ և կատարվում է: Ապա նախագահն առաջարկում է ընտրել ֆրակցիաներից ներկայացուցիչներ՝ այդ բանաձևերը ընդհանուր համաձայնության բերելու: Իսկ եթե որևէ ֆրակցիա ընդհանուր բանաձևին չի համաձայնի, ներկայացնի յուր առանձին բանաձևը:

Ֆրակցիաներն ընդունում են այս առաջարկությունը և ընտրում են երկու-երկու անձ դաշնակցականներից՝ Արարատյան և Վրացյան, Հայ ժող. կուսակցության կողմից՝ Պապաջանյան և Վերմիշյան, սոց. հեղափոխականներից՝ Աբաբեկյան և Տեր-Օհանյան, սոց. դեմոկրատներից՝ Իսախանյան և Անանուն և անկուսակցականներից՝ Մանանդյան և Տեր-Սիքայեյան:

Նիստի փակվում է 2<sup>1/2</sup> ժամին:

գ.20, ք.13-16, գ.21, ք.7-8:

## N 5 Նիստ Դ

2 հոկտեմբերի 1917թ.

Նիստը բացվեց Արտիստական ընկերության դահլիճում, ժամի 11-ին (նախագահությամբ Հ.Քաջազնունու և ներկայությամբ 149 անդամի):

Կարդացվում է Ռուսաստանի սոցիալ-դեմոկրատական բանվորական կուսակցության (բոլշևիկների) Թիֆլիսի կոմիտեի կողմից, քարտուղար Ա.Միկոյանի ստորագրությամբ և կոմիտեի կնիքով, մի հայտարարություն՝ 1-ից հոկտեմբերի, որով հայտնվում է, թե այդ կուսակցությունը, թե ինչպես նաև Թիֆլիսի կոմիտեն, նաև Շուշվա և Ալեքսանդրապոլի իրենց կազմակերպությունները բոլորտ են հայտարարել ազգային համախորհրդին և կարգադրել, որ իրենց անդամները նրան չձանակցեն, իսկ Մ.Դարբինյանը կուսակցության շարքերից դուրս է գտնվում:

Այս առիթով Մ.Դարբինյանը տվել է գրավոր հայտարարություն,<sup>\*</sup> թե ինքը խոսել է ոչ թե բոլշևիկների ֆրակցիայի կողմից, այլ որպես սոսկ մի անհատ, որ պատկանում է այդ հոսանքին:

Այդ հայտարարությունը ժողովն ընդունում է ի տեղեկություն:

Հ.Առաքելյանը հերթից դուրս հայտարարում է, թե Անդրանիկը հրավիրված է ճակատի պաշտպանության և ժող.կուսակցության ֆրակցիայի մեջ ոչ իբրև այդ կուսակցության պատկանող: Վահան Փափազյանը հայտնում է, որ Անդրանիկը հրավիրված է եղել Արևմտահայ խորհրդի կողմից: Դարձյալ հետևյալ ուղղումներն է անում Հ.Առաքելյանը յուր նախորդ օրվա ճառի մեջ.

1. Ասում են, թե ես Հայ.ժող. ֆրակցիան կոչել եմ մշակական: Դա սխալ է, որովհետև ֆրակցիայի մեջ կան և ոչ մշակականներ:

2. Հին դաշնակցականների և «Մշակ»-ի [միջև] եղած կապի մասին ասածներս իմ անձնական մտքերն էին և ոչ ֆրակցիայի:

3. Մյուս ասածներս ֆրակցիայի կողմից են:

Կարդացվում է Թիֆլիսում նոր կազմակերպված Աշխատավորական ժողովրդական սոց.կուսակցության ողջույնի հեռագիրը՝ համախորհրդին, որը ժողովն ընդունում է ծափահարությամբ և հանձնարարում է պրեզիդիումին շնորհակալություն հայտնել:

\* Տե՛ս N 56 փաստաթուղթը:

\* Տե՛ս N 71 փաստաթուղթը:

Նախագահի առաջարկությամբ Հ.Առաքելյանը մանդատների ստուգող կոմիտեի կողմից զեկուցում է տալիս մանդատների մասին, որից երևում է, որ տրված է ընդամենը 221 մանդատ: Սրանցից չեն եկել 11 մարդ: Բացակա է նույնպես դրամատիկական ընկերության ներկայացուցիչը: Այդ 221 մանդատից վեճ տարածվեց միայն 9 մանդատի մասին, և կոմիսիան պրեզիդիումի հետ խորհրդակցություն ունենալով, այդ 9 մանդատների էլ ընդունելի համարեց: Առանձին կարծիքի մնաց պր.Գյուլումյանը, որի կարծիքը լսելուց հետո ժողովը, չնչին փոքրամասնության դեմ, որոշեց բոլոր մանդատները օրինավոր ճանաչել:

Դրվում է առաջարկություն համախորհրդի իրավասության մասին, որի վերաբերմամբ Կարճիկյանը դաշնակց. ֆրակցիայի կողմից ներկայացնում է մի բանաձև, առաջարկելով, որ մյուս ֆրակցիաներն էլ ներկայացնեն իրենց բանաձևերը, որոնք քննելուց հետո ժողովը քվեարկությամբ ընտրություն անի:

Այս հարցի առիթով ծագում են երկար վիճաբանություններ, որոնց մասնակցում են Ամիրյանը, Սուրխաթյանը, Խոնդկարյանը, Լեոն, Ղազարյանը, Հ.Հարությունյանը, Ս.Իսախանյանը, Մալխասյանը, Ղազարյան-Լազոն, Մեսրոպ Եպիսկոպոսը, Անտոն Ահարոնյանը: Ա.Ղազարյանը, Սողոմոնյանը: Վիճաբանությունից պարզվում է, որ օրակարգի մեջ այդ հարցը դրված չի եղել, ֆրակցիաները պատրաստված չեն եղել պատասխանելու: Դարձյալ [առաջարկեց] համախորհրդի և նրանից ընտրվելիք գործադիր մարմնի իրավասության հարցը, որը շոշափում է կուսակցությունների ծրագրային սկզբունքներ, շատ պատասխանատու հարց է: Ուստի խոսողները գալիս են այն եզրակացության, թե պետք է այդ հարցը հանել այսօրվա օրակարգից և առաջիկա միստերից մեկում դնել, նախապես հայտարարելով: Կարճիկյանը դաշնակցության կողմից լիովին համաձայնվում է այս մտքին և հետ է վերցնում յուր առաջարկած բանաձևը:

Նախագահը հայտարարում է, որ համախորհրդի իրավասության հարցը այսօրվա օրակարգից վերացվում է: Ապա հայտնում է, որ կլինի մի փոքր ընդմիջում, որից հետո կկարդացվի միջկուսակցական խորհրդակցության բանաձևը մոմենտի մասին:

Ընդմիջումից հետո Մ.Պապաջանյանը միջկուսակցական խմբագրական հանձնաժողովի կողմից խոսելով, այն միտքն է արծարծում, թե մեր ժողովուրդը կանգնած է վտանգի առաջ: Այդպիսի բուստում մենք պետք է գտնենք գործունյա մի ճանապարհ: Մասնաժողովին հաջողվեց եղած բանաձևերից կազմել մի ընդհանուր բանաձև, որը կկարդա քարտուղար [Հակոբ] Մանանդյանը:

Մանանդյանը կարդում է հետևյալ ընդհանուր բանաձևը.

«Նկատի ունենալով, որ ժամանակավոր նոր կառավարությունը այժմ ավելի քան երբևէ կարիք ունի Ռուսաստանի բոլոր ժողովուրդների անվերապահ աջակցության և որ հեղափոխական 7 ամիսների ընթացքում տեղի ունեցած իրադարձությունները ցույց են տալիս թե անհնար է ստեղծել երկրի մեջ ուժեղ պետական իշխանություն, առանց այդպիսի աջակցության, նաև նկատի ունենալով, որ նոր կառավարության սեպտեմբերի 25-ին հրատարակած դեկլարացիան իր բովանդակությամբ համապատասխանում է ստեղծված իրական պայմաններին, ընդգրկում է իր մեջ ներկա քաղաքական պայմանի հրամայական պահանջները և իր հայտարարած սկզբունքներով գոհացուցիչ պատասխան է տալիս նաև հայ ժողովրդի մինչև Սահմանադիր ժողովն ունենալիք պահանջներին, ռուսահայ ազգային համախորհրդը, ռուսական մեծ Հեղափոխության հետևանքով առաջին անգամ գումարված ազատ պայմաններում, հայտնում է իր բացառական վստահությունը ժամանակավոր նոր կառավարության և խոստանում է իր կատարյալ աջակցությունը բոլոր տրամադրելի միջոցներով»:

Ժողովը ծափահարությամբ ընդունում է այս բանաձևը, ձեռնպահությամբ սոց.դեմոկրատ. ֆրակցիայի:

Ղ.Տեր-Ղազարյանը հայտնում է, որ սոց-դեմոկրատական ֆրակցիան առանձին բանաձև է ներկայացնում նախագահության:

Նախագահը ողջունում է բանաձևի ընդունելությունը:

Նախագահը հայտարարում է, թե ժողովն անցնում է քննելու վերաբերմունքը դեպի Անդրկովկասյան հատուկ կոմիտեն: Միջկուսակցական խորհրդակցությունը այս հարցի համար ընտրել է երկու գեկուցանող՝ Յ.Առաքելյանին և Ն.Աղբալյանին:

Յ.Առաքելյանը, հայտնելով, որ ինքը միջկուսակցական խորհրդակցության կողմից ընտրված լինելով գեկուցանող, իր ասելիքը անհատական և մասնավոր բնույթ է կրում և ոչ թե Յայ ժող.կուսակցության ֆրակցիայի կարծիքն է արտահայտում: Ապա նա ակնարկ ձգեց հայ ժողովրդի դրության մասին Անդրկովկասում ռուսաց տիրապետության օրերից մինչև հեղափոխության օրերը: Ազգաբնակչությունը ողջունեց Օզակոմի նշանակվելը ժամանակավոր] կառավարության կողմից,<sup>1</sup> որը բաղկացած էր ռուսից, մի հայից, մի թուրքից և երկու վրացուց: Շուտով հարկ եղավ Օզակոմին կից խորհրդակցական մարմին կազմել 4 ազգի ներկայացուցիչներից, բայց դա ոչ իրավական հիմք ուներ և ոչ առանձին հեղինակություն էր վայելում, ընդհակառակը, առանձին ազգեր կարծում էին, թե իրանց ներկայացուցիչները հարցը պետք է քննեն և լուծեն իրանց ազգային շահերի տեսակետից: Այդ խորհրդակցությունը վերջվեց լուծվեց: Օզակոմի դեմ ևս տրտուներ տար առաջ եկան, թե նա չի կարող բավարարել օրվա կենսական պահանջներին: Թեպետ Կովկասը Ռուսաստանի բաղադրամասն էր ավելի խաղաղ է և հանգիստ, բայց և այնպես Օզակոմի գործունեության թերությունները պետք է խոստովանել, որոնք հետևանք են կենտրոնական իշխանության թուլության և տատանվող քաղաքականության: Ինքն առաջարկում է օզակոմը վերակազմել 7 անդամից, որոնցից չորսը՝ ռուսներից, սիրող սոցիալիստական կուսակցություններից, իսկ 3 հոգի՝ տեղական երեք խոշոր ազգերից,

Ն.Աղբալյանն ասում է, թե երբ Օզակոմը Անդրկովկաս եկավ, ժողովուրդը ոգևորությամբ նրան ողջունեց, սակայն ոգևորությունը շուտով տեղի տվեց հիասթափության, որովհետև Անդրկովկասը առանձին ազգությունների երկիր է և յուրատեսակ հատկություններ ունի: Ազգերի տրամադրությունները լարված են իրար դեմ, որ պարզ երևաց, իմիջի այլոց, զեմստվոյի հարցի քննության ժամանակ: Այս պատճառով Օզակոմը ներկայացրեց Իրանից ոչ թե մի ամբողջական կառավարություն, այլ առանձին-առանձին կառավարիչներ, որոնց շուրջը խմբվում էին ազգությունները: Այս դրության մեջ իրանց ուժեղ էին զգում թուրքերը և մասնավոր վրացիները, որոնք, իբրև սոց-դեմոկրատականներ, ահագին ազդեցություն ձեռք բերին թե՛ կենտրոնում և թե՛ գավառներում: Թույլ էր հայերի դրությունը, նախ՝ որովհետև նրանց ներկայացուցիչ Միք.Պապաջանյանը չէր պատկանում այն կուսակցության, որ ամենից ուժեղն էր հայ ժողովրդի մեջ, ուրեմն և չէր կարողանում իր գործունեության և պնդումների համար հենարան գտնել հայ ժողովրդի մեջ, ինչպես էին թուրքերն ու վրացիները, և երկրորդ՝ որ հայ տարրը ինքը թույլ է Անդրկովկասում մյուս ազգությունների մեջ և գլխավորապես այս հանգամանքին պետք է վերագրել Մ.Պապաջանյանի թուլությունը և ոչ թե յուր անձնական հատկություններին: Յայ տարրի թուլության պատճառը հռետորը գտնում էր նախ այն պատմական իրողությունը, որ 11-րդ դարից ի վեր կորցնելով ազգային իշխանությունը, կորցրել են և իշխելու ունակությունը, և այսօր մեր մի հայ կոկարդավոր պաշտոնյա ժողովրդի աչքին խորթ ու կասկածելի է թվում: Երկրորդ՝ որ հայերը իրանց բնակչության դիրքերով բազմաթիվ են և շրջապատված են օտար, ոչ բարյացակամ տարրերով, որպիսի հանգամանքը սովորեցրել է նրանց զգուշավոր լինել և խիզախ քաղաքականությունից հեռու մնալ: Երրորդ պատճառը նա համարում էր

<sup>1</sup> Տե՛ս N 21 փաստաթուղթը:

թուրքահայկական դատը, որ գրավել էր հայ գործունյա տարրերի ամբողջ ուշադրությունը, այնպես որ հայ ժողովուրդը պատրաստության հոգ տարված չէր: Մասնավոր երբ վրա հասավ վերջին պատերազմը, հայերի մասսայական կոտորածով և տեղահանությամբ՝ ու մեզ բուրիս շքեցրեց և մեր բուրյ ուշադրությունը գրավեց, որից օգտվեցին վրաց սոց.դեմոկրատները և խոշոր նվաճումներ արին: Գալով Օզակոմի առաջիկա կազմին- հռետորը գտնում էր, որ նա կազմված պետք է լինի 7 անձից, որոնցից 4-ը՝ ռուս (երկու սոց-հեղ. և երկու սոց.դեմ.), իսկ երեքը՝ երեք ազգերի ներկայացուցիչներից:

Նախագահն առաջարկում է կեդր[ոնական] կառավարություն ուղարկել համախորհրդի ընդունած բանաձևը, որը ժողովն ընդունում է:

Նիստը փակվում է 2<sup>1</sup>/<sub>2</sub> ժամին:

Գ.21, ք.8ա-9 և հակ.:

**N 6  
Նիստ Ե**

3 հոկտեմբերի 1917թ.

Նիստը բացվեց Արտիստական ընկերության դահլիճում, առավոտյան 11 ժամին, նախագահությամբ Լ.Աթաբեկյանի և ներկայությամբ 140 պատգամավորի:

Ինժեներ Աղաբալյանը ներկայացնում է պերզիդիումին ինժեներների ընկերության հայտարարությունը և բանաձևերը՝ համախորհրդի օրակարգի հարցերի մասին: Ժողովը որոշեց այդ հայտարարությունն ի նկատի ունենալ ընդհիլանուր] բանաձևեր մշակելու ժամանակ:

Նախագահը հայտարարում է, որ շարունակվելու են վիճաբանությունները դեպի կովկասյան կառավարությունը վերաբերմունքի նկատմամբ:

Փիրումյանն (սոց-դեմոկր.) ասում է, որ իշխանությունը պետք է բարձրից նշանակված լինի և մի սկզբունքով: Կովկասյան իշխանությունը կազմված է ազգային հատկանիշների սկզբունքով և սրա մեջ է նրա թուլության պատճառը: Այս կամ այն ներկայացուցիչը ավելի կամ պակաս ուժեղ է, նայելով, թե որպիսի հենարան ունի յուր ազգի մասսայի մեջ: Նրանց յուրաքանչյուրի մոտ կազմված էր ազգային կաբինետ, որ ազդում էր ընդհիլանուր] գործերի վրա: Նույն դրությունը ստեղծվեց նաև գավառներում, ուր ուղարկվում էր ոչ թե մի լիազոր, այլ մի քանիսը՝ ազգային սկզբունքով: Այնպիսի մի դեպք, ինչպես Բերկրի.Կալայինն էր,<sup>1</sup> քննելու համար քննիչ հանձնաժողով ընտրվեց դարձյալ ազգային սկզբունքով: Գործերը այս կերպով քայքայվում էին և ոչ թե շինվում: Իշխանության կառքը քաշելու համար չունենք միջին ձի, այլ ունենք կողմնակիներ, որ աչ և ծախ են քաշում: Պետք է այստեղ իշխանություն կազմել զուտ դեմոկրատական սկզբունքով: Ռուսաստանում ցենզավոր տարրերի համագործակցությունը կարելի է, իսկ մեզ մոտ՝ ոչ, որովհետև այստեղ ցենզավոր տարրը ազգային է: Երկու գեկուցանողներն էլ իբրև սկզբունք ընդունեցին ռուս տարրի նոր տեսակի ...՝ մասնակցությունը կովկասյան իշխանության մեջ: Բայց ինքը զարմանում է, որ դաշնակցությունը այդ տարրի հետ միացնում է նաև ազգային տարրը: Տեղացին չէ կարող պետական հողի վրա կանգնել: Ինքը ուրախ է, որ հայերի միջից վերացել է հայ իշխանական տարրը. իշխողը պետք է լինի հայ դեմոկրատիան: Դարձյալ երկրորդ գեկուցողը (Աղբալյան) պարզ ցույց տվեց դաշնակցության հոգեբանությունը: Նա ասաց, որ իրանք ինտերնացիոնալիստ են, բայց ցույց են տալիս, որ չեն ճանաչում ինտերնացիոնալիստ կուսակցություն, չեն հավատում, որ

<sup>1</sup> Այդ փաստաթղթերը գործում չեն պահպանվել:

<sup>2</sup> Հաջորդ մեկ բառը՝ անընթեռնելի:

տեղացին կարող է նույնքան պետական լինել, որքան ռուսը: Հայտարարում են, որ հայերը պետք է կռվեն չորս ֆրոնտի վրա: Իրենք են ստեղծում այդ դրությունը և կղզիացնում հայերին և իրանց ետևից քաշում հայ դեմոկրատիան: Դրանք նացիոնալիստական գաղափարներ են: Հայտարարում են, որ հայերը թույլ են և իշխելու ունակությունը կորցրել են, բայց միևնույն ժամանակ կռիվ հայտարարեցին Թուրքիայի դեմ մի բուռը կամավորներով: Նրանք խոսում են վտանգի մասին, բայց ու՞ր է այդ վտանգը. դա վավերական քաղաքացու հոգեբանություն է և ոչ քաղաքական կուսակցության: Գողը բղավում է. «Բռնեցե՛ք գողին»: Դա բանդիտների հոգեբանությունն է... (սաստիկ աղմուկ, բողոք, զանգահարություն, բացականչություններ՝ «դուրս», ծափահարություն):

Նախագահը հռետորին զրկում է խոսքից անթույլատրելի համարելով «բանդիտ» բառի գործածությունը մի քաղաքական կազմակերպության նկատմամբ, որի պատմությունը սրբագործված է նահատակություններով:

Ժողովականներից ոմանք առաջարկեցին ընդմիջում անել, բայց նախագահը չհամաձայնեց և պրեզիդիումի հետ խորհրդակցելով՝ ժողովի համաձայնությամբ թույլ տվեց Ա.Երզնկյանին օգտագործել նախորդ հռետորին տրված ժամանակի մնացորդը՝ կուսակցության հայացքը պարզելու համար օրակարգի հարցի մասին, այն պայմանով միայն, որ նախապես պարզե սոց.դեմոկրատ. ֆրակցիայի վերաբերմունքը դեպի հռետորի գործածած խոսքը:

Երզնկյանը ասում է, թե ֆրակցիան իրենց համձնարարեց հայտարարել, որ Փիրոնյանի գործածած դարձվածքը միանգամայն անհաջող է, և որ ֆրակցիան չի ընդունում այդ կվալիֆիկացիան Դաշնակցության վերաբերմամբ: (Դաշնակցականները հայտարարում են, որ բավարարված են):

Դառնալով օրակարգի հարցին, ասաց, որ կովկասյան իշխանությունը միատարր պետական կազմ չէր ներկայացնում, այլ զանազան ազգերի ներկայացուցիչներ, որոնք վարում էին ազգայնական շովինիստ քաղաքականություն: Ներկայացուցիչների սենյակները դավադրության սենյակներ էին՝ միմյանց գործունեությունը ոչնչացնելու, չեզոքացնելու համար: Այդպիսի իշխանությունը կտանի դեպի անարխիա, ազգերի փոխադարձ անվստահությունն ու զինումը: Բոլորը համաձայն են, որ կովկասյան իշխանության թուլության պատճառը ազգային հողի վրա հիմնված լինելն է: Պետք է ուրեմն ստեղծել իշխանություն՝ ազատ ազգային ներկայացուցչությունից: Պետք է կազմվի միատարր իշխանություն՝ միջազգային տարրերից, սոց.դեմոկրատներից և սոց.հեղափոխականներից, որպիսին միայն կանգնած կլինի ընդհանուր պետական տեսակետի վրա: Ձեկուցողներից մեկը հայտնեց, թե մենք կռվելու ենք չորս ճակատի վրա: Եթե այդպես է, պետք է ուրեմն ճակատը փոքրացնել և թիկունքը ամրացնել: Այս տեսակետից ինքը վտանգավոր է համարում դաշնակցության և մասամբ Հայ.Ժող. կուսակցության վարած քաղաքականությունը, որ մեկուսացնում է հայ ժողովուրդը: Դառնալով այն մեղադրանքներին, թե սոց. դեմոկրատները իրանք մեկուսացնում են հայերին, հայտարարեց, որ այդ մեղադրանքները անհիմն են և անճիշտ և բերեց բազմաթիվ օրինակներ ու լիազորներ նշանակված են դաշնակցականներից: Ընդհակառակը, դաշնակցությունն է եղել, որ աշխատել է հայերին մեկուսացնել և ազրեսիվ քաղաքականություն վարել մյուս ազգերի նկատմամբ, օրինակ, սահմանաբաժանման, գրավված վայրերի կառավարության և նպաստների բաշխման խնդիրներում, որոնք թեպետ և, նույնիսկ դաշնակցականների համաձայնությամբ, պետք է մշակվեին և լուծվեին այստեղ, Կովկասյան կոմիտեին կից միջկուսակցական խորհրդակցության մեջ, սակայն դաշնակցականները առանձին պատգամավորների միջոցով լուծել տվեցին Պետրոգրադում: Դարձյալ անհիմն է այն մեղադրանքը, թե շնորհիվ սոց.դեմոկրատների հայերն անմասն են մնացել այն բարիքներից, որ ստացել են վրացիք և թուրքերը: Այսպես ասողները չեն կարող ցույց տալ ոչ մի փաստ, որ

սոց.դեմոկրատները դրած լինեն ազգային հարց ուղղված լինի միայն մի ազգի օգտին: Այսպիսի մեղադրանքները զրպարտություններ են և կռիվ վատ զենքերով:

Նախագահը հայտարարում է, որ գրված է 25 հոգի խոսողներ: Ժողովը որոշեց ցուցակը փակել և ցուցակագրվածներին 10 րոպե ժամանակ տալ խոսելու:

Դարաբեգյանը նույնպես համաձայնելով կովկասյան իշխանության սխալ հողի վրա դրված լինելուն, ծանրանում էր այն հետևանքի վրա, որ ունեցել է այդ իշխանությունը գավառներում: Այնտեղ ստացվում էին հայտնի ու գաղտնի հրահանգներ տարբեր բովանդակությամբ տարբեր կոմիսարների կողմից: Տեղական կոմիտեները ընտրված էին լինում հետամնաց տարրերից, սպեկուլյանտներից: Նրանք չէին հասկանում պետականության սկզբունքը: Նրանք աշխատում էին կազմալուծել դեմոկրատական ծրագիրը: Նրանք հետամուտ էին կողոպտելու զանձարանը: Հեղափոխության բերած ազատությունից գավառում օգտվում էին իշխանության ներկայացուցիչները՝ նպաստների բաշխման, նպարավորման և այլ գործերում: Այժմ ժողովուրդը բողոքում է ասելով՝ «գահունար լինի այսպիսի ազատությունը»: Այսպիսով, շնորհիվ ազգային քաղաքականության, երկիրը բաժանվեց բազմաթիվ մանր անիշխանական հանրապետությունների, որոնց մեջ տիրողները կուլակներն են ու ազնվականները՝ հեղափոխական տոգա հագած: Այս դրությունը այն ժամանակ միայն կբարվոքվի, եթե Հատուկ կոմիտեն վերակազմվի այնպես, ինչպես առաջարկեց սոց.դեմոկրատների ներկայացուցիչը: Դա միայն կարող է կռվել անիշխանության դեմ:

Ժողովը որոշում է ֆրակցիան(ներ)-ի ներկայացուցիչներից յուրաքանչյուրին 5 րոպե տալ խոսելու:

Ղ.Տեր.Ղազարյանը հրաժարվում է խոսելուց, որովհետև հինգ րոպեում չէ կարող արտահայտվել:

Ա.Հարությունյանը ասում է, թե Անդրկովկասյան հատուկ կոմիտեի կազմը պատահական չէ եղել: Դեռ հեղափոխությունից առաջ լսվում էր ազգերի ծայրը, որոնք պահանջում էին ազգային ինքնորոշում: Հեղափոխությունից հետո ժամանակավոր կառավարությունը չէր կարող անտես անել ազգերի այս ցանկությունը, ուստի և կազմեց Անդրկովկասյան [խատուկ] կոմիտեն՝ ազգային սկզբունքով: Անձերի ընտրության հարցում էլ կենտրոնական իշխանությունը ղեկավարվեց հայտնի սկզբունքով՝ ընտրել անդամներ այն տարրերից, որոնք առաջ բերեին հեղափոխությունը: Դժբախտաբար այստեղ ազգային սկզբունքը գերիշխող հանդիսացավ, չնայելով, որ կային այնտեղ պետական սկզբունքի վրա կանգնած անդամներ, ինչպես Խառլամուղը և մանվանդ Սիք.Պապաջանյանը: Հռետորը երկար կանգ է առնում, թվելով Պապաջանյանի աշխատությունները թե՛ կոմիտեում և թե՛ ազգային շրջաններում (օրինակ՝ հողային մասնաժողովի հիմնարկությունը, երդվյալների, գյուղական պահակների կազմակերպությունը, զաղթականական մարմնի ստեղծումը, զանազան պետական և ազգային խորհրդակցությունների հրավիրումը և այլն): Ավելին անել անկարելի էր, մանավանդ որ մի կողմից հեղափոխությունից հետո հին պաշտոնյաները հեռացվեցին, որոնց փոխարինել նորերով դժվար էր և մյուս կողմից՝ որովհետև հենց կոմիտեի կողքին ստեղծվեց բանվորական և զինվորական խորհուրդ, որ բոլոր գործն առել էր իր ձեռքը և առանց որի համաձայնության չէր կարելի ոչինչ անել: Այնուհետև առարկելով Աղբայանին, հռետորեն ասում էր, թե Պապաջանյանն իբրև կոմիտեի անդամ չի պատկանել որևէ կուսակցության, որպիսի հենարանի հարց ծագեր, այլ կանգնած է եղել կուսակցություններից դուրս և միշտ շփում է ունեցել բոլոր կուսակցությունների հետ և խորհրդակցել է նրանց ներկայացուցիչների հետ: Եթե Աղբայանի ասածի նման մի դաշնակցական լինել կոմիտեի անդամ, դա առաջ կբերեր փոթորիկներ հակառակորդների մեջ: Դարձյալ բողոքում է Աղբայանի այն հայացքի դեմ, որ հայ ցեղը կորցրել է իշխելու ունակությունը և վարժվել է ուրիշների իշխանության ենթարկվել: Դա հակասում է պատմության փաստերին: Նա բերում է օրինակների

դպրոցների փակման, կալվածքների գրավման, թուրքահայերի ապստամբության և այլ դեպքեր: Գալով կոմիտեի ապագա կազմին, գտնում է, որ նա պետք է ազգային լինի, ներկա օրերում ամոթալի կլինի խոստովանել մեր ապիկարությունը ինքնավարության գործում: Չիենկելին Պետրոզարադում համոզեց եկավ ոչ իբրև սոց-դեմոկրատների ներկայացուցիչ, այլ վրաց ազգի: Պետք է նշանակված լինի մի գեներալ-կոմիսար, որ կարող է ունենալ օգնականներ ազգություններից և անպատճառ խորհուրդներ, որոնք կազմված կլինեն ազգությունների մեջ տիրող կուսակցությունների ներկայացուցիչներից: Բայց ինչ էլ որ լինի կոմիտեի ապագա կազմը, եթե նա նեցուկ չունենա ժողովրդի մեջ, ոչինչ չի կարող անել:

Ամիրյանը, առարկելով Ա.Երզնկյանին, ասում է, թե դաշնակցությունը հայ բնագրի արտահայտությունն է, և նրա սխալները հայ ազգի բնագրի սխալներն են: Իրոք հայ ազգը կարիք ունի կռվելու չորս ֆրոնտի վրա: Ձեմասովայի խորհրդակցության ժամանակ մենք ագրեսիվ չէինք և հետևանքը տեսանք: Մեր թուլության պատճառը մեր ազգամիջյան հարաբերությունն է: Դաշնակցությունը յուր դեմ հակառակություն է ստեղծել օտարների մեջ նույնիսկ հայ սոցիալիստների մեջ: Մեր մեջ կառավարող տարրը բուրժուազիան է, և դաշնակցությունն ընդունել է ագրարային սոցիալիզմի տիպը, որպեսզի բուրժուազիայի հետ ընդհարում չունենա: Քաղաքներում նա օգտվել բուրժուազիայի ոչ միայն ծայրերով, այլև դրամական աջակցությամբ: Իսկ վրաց մեջ կառավարող տարրը հողատեր ազնվականությունն է, ուստի վրացիք ընդունել են բանվորական սոցիալիստական տիպը, որպեսզի չկապվի գյուղացիության հետ: Հետո սխալ է համարում Դաշնակցության ագրարային ծրագիրը: Լսեցինք, որ էսեռները պահանջում են, որ իրենց ագրարային ծրագիրը գործադրվի մաքսիմալ չափով: Բայց դուք տեսաք գյուղացիական ժողովում, որ վրացիներն ու թուրքերը հակառակ են այդ ծրագրին, որովհետև հողի սեփականության կողմնակից են նրանք: Պետք է չափավոր ագրարային ծրագիր ունենալ, չզրգռել մեր դեմ վրացի ազնվականներին և թուրք բեգերին: Թող այդ ագրարային ծրագիրը ուրիշ կուսակցություններ տանեն, բայց ոչ Դաշնակցությունը: Նա եղել է ազգային կուսակցություն, թող այդպես էլ գործի: Մեր ագրարային քաղաքականությունը պետք է լինի բուրժուական. պետք է հողային բանկ ստեղծել հայ ժողովրդին հող մատակարարելու համար:

Բաբայանը (սոց. դեմ. հնչակյան) գտնում է, որ Անդրկովկասյան հատուկ կոմիտեն թույլ էր, ազգայնական սկզբունքով կազմված լինելու պատճառով: Սովորել էին սև մուտքից ելունուտ անել և մեկը մյուսի գործողությունները դիտել: Եթե ապա զա կազմի մեջ դարձյալ ազգային սկզբունք պահպանվի, դարձյալ խաղաղություն չի լինի: Իսկ եթե դաշնակցականները մտնեն այնտեղ, կոտորածների վտանգը կավելանա: Պետք է կառավարությունը այստեղ կազմված լինի չեզոք՝ էսեռական և էսդեական տարրերից:

Ա.Չիլինգարյանը (դաշնակցական), քննելով Անդրկովկասյան հատուկ կոմիտեի թուլության պատճառները, գտնում է, որ նրա անդամները չէին պատկանում այն կուսակցություններին, որոնց ձեռքին է ռեալ ուժը: Կաղետների միմիստրության ժամանակ հասկանալի էր այդ կազմը, բայց երբ կաղետներն ընկան, այստեղ կազմը պետք է փոխվի: Երկրորդ պատճառն այն է, որ հայ ներկայացուցիչը չի պատկանում այն կուսակցության, որ յուր հետևից ունի հայ ժողովուրդը: Ինքը կողմնակից է կոալիցիոն կառավարության, ինչպես ընդունվեց և Ռուսաստանում: Կազմը պետք է ունենա ազգային տարրեր՝ տիրող կուսակցությունների ներկայացուցիչներից, և պետական չեզոք տարր, որ հաշտեցնող դեր կատարե: Դաշնակցությունը, որ մեկուկես միլիոն հետևող ունի, չի կարող առանց ներկայացուցչի մնալ: Դաշնակցությունը կանգնած է նույն ազգային հիմքի վրա, ինչպես և շատ ուրիշ սոցիալիստական կուսակցություններ:

Շահխաթունյանը գտնում է, որ տեղական իշխանության կազմության մեջ մաս պետք է ունենա Ռուսաստանի դեմոկրատիան: Ձուտ ազգային իշխանություն կարող է կազմել Սահմանադիր ժողովից հետո, երբ նորմալ պայմաններ ստեղծվեն: Խոսելով վրաց սոց. դեմոկրատների մասին, որ նրանք ազգերի մեջ խտրություն չեն դնում, հռետորը բերում է փաստեր հակառակը հաստատող, օրինակ, որ հայ սոց. դեմոկրատ ներկայացուցիչներ ազգային ժողովների մեջ ընտրվում են ոչ թե այն անձերը, որոնց հայ աշխատավոր մասսան է ընտրում, այլ վրաց սոց. դեմոկրատները: Հայերը սոց. դեմոկրատների կողմից ճնշված են. կամ պետք է նրանց առհասարակ զրկել իրավունքից իբրև հակահեղափոխական տարրի, կամ ծայր տալ հայերի ուժեղ կուսակցության ներկայացուցչին: Սինչև որ սոց. դեմոկրատները չհաշտվեն այս սկզբունքի հետ, ոչ մի կառավարություն չէ կարող յուր տեղում լինել:

Ա.Երզնկյանը (սեփական հերթում խոսելով), առարկելով այն կարծիքին, թե պետք չէ ռուսներ հրավիրել կովկասյան իշխանության մեջ, որովհետև մեր հակառակորդ ազգերը իրանց ազդեցության կենթարկեն նրանց, հիշեցրեց մի հակառակ երևույթ, երբ ռուս իշխանավորի մոտ ելունուտ էին անում հայերը, ուրեմն ամեն ազգ կարող է ազդել եկվորների վրա: Ուրեմն չպետք է զան այնպիսի անձեր, որոնք կարող են ենթարկվել այս կամ այն ազգի ազդեցության: Իշխանությունը պետք է պատկանի սոցիալիստական կուսակցություններին: Հետո որը պաշտպանում է սոց. դեմոկրատներին այն մեղադրանքի դեմ, թե նրանք վարել են ազգային քաղաքականություն Անդրկովկասյան [հատուկ] կոմիտեի մեջ: Հայերը սխալ են գործում, որ չեն գնում դեմոկրատիայի հետևից և կղզիացած են մնում: Սրանից օգտվում են թուրքերը դեմոկրատիայի դիմակի տակ: Եթե կղզիացման քաղաքականությունից ձեռք չքաշենք, կպատահենք այնպիսի անակնկալների, որ Թուրքահայաստանում տեղի ունեցան:

ԲԺ. Ղազարյանը (դաշնակցական) խոսելով սոց. դեմոկրատիայի մասին, բերեց Ալեքսանդրապոլում գումարված զինվորական խորհրդի միջադեպը, երբ սոց. դեմոկրատ Փիրունյանը ճնշումներ գործադրեց դաշնակցության վրա և նրան տեռորի ենթարկեց, հեռագրելով, թե Դաշնակցությունը չենթարկվեց դեմոկրատիային: Հայերի մեկուսանալու գլխավոր պատճառը գտնում էր այն հանգամանքը, որ հայ սոց. դեմոկրատների հայ ժողովրդի մեջ իրենց հետևից ուժ չունենալով, վրացիների մեջ այնպես են ներկայանում, իբր թե հայ մասսա ունեն իրենց հետևից: Սինչև նրանք չիրաժարվեն այդ ոչ պատշաճ դերից, հայերը կմնան կղզիացած:

Նիստի վերջում նախագահը կարդաց Վանից ստացված հեռագիրը՝ հայոց հարվածող զենի խորհրդի նախագահ Մելքունյանի ստորագրությամբ, որով ողջունում էր Ազգային խորհրդի բացումը և ցանկանում էր հաջողություն ազգային կյանքի շինարարության գործում:

Ժողովը ծափահարությամբ ընդունեց հեռագիրն ու հանձնարարեց պրեզիդիումին շնորհակալություն հայտնել:

Նիստը փակվեց ժամը 3-ին:

Գ. 21, ք. 10-13 հալ.:

N 7  
Նիստ 2

4 հոկտեմբերի 1917թ.

Նիստը բացվեց Արտիստական ընկերության դահլիճում, ցերեկվա 12 ժամին, նախագահությամբ Ղ.Տեր-Ղազարյանի և ներկայությամբ 146 անդամի:

ժողովը, գտնելով, որ վիճաբանությունները շատ ձգձգվում են, որոշեց ֆրակցիաների ներկայացուցիչներին տալ տասական ընդհանուր և զեկուցողներին՝ կես ժամ, և ֆրակցիաներից խոսի մի-մի մարդ:

Տեր-Օհանյանը (ԿԵՄ), առարկելով զեկուցանող Աղբալյանի տեսակետներին հայ ժողովրդի մեկուսացած դրության պատճառների մասին, չէր համաձայնում նրանց հետ և գտնում էր, որ հայ ժողովրդի մեկուսացման պատճառն այն է, որ նա չէ կրթվել սոցիալիստական գաղափարներով, որ Դաշնակցությունը ոչ թե սոցիալիստական կուսակցություն է, այլ մի կազմակերպություն՝ արտահայտություն հայ բնագրի հոգեբանության: Ուստի նա չի կամեցել հայ մասսան կրթել սոցիալիստական ոգով և չէր էլ կարող այդ անել: Այդ պատճառով հայ մասսան ավելի տարվել է քաղաքային խնդիրներով, քան տեղական ռեալ հարցերով:

Կարճիկյանը, առարկելով սոցիալիստ ճառախոսներին, նկատում է, որ բոլոր խոսողները միաբան են այն տեսակետի վրա, որ հայ ժողովուրդը մեկուսացած է, և սրա պատճառը սոցիալ-դեմոկրատները գտնում են նրա մեջ, որ Դաշնակցությունը վարել է թիկունքի թուրքահայկական քաղաքականություն: Ինքը՝ սակայն, գտնում է, որ հայ ժողովրդի մեկուսացման հարցում մեծ դեր է կատարել կուսակցական պայքարը: Սոցիալ-դեմոկրատները հայտարարելով թե Դաշնակցությունը ոխերիմ հակառակորդ է թուրքերին, որ թուրք-հայկական ընդհարումները Դաշնակցության գործն են և այլն, կամենում էին մեկուսացնել Դաշնակցությունը, բայց իրոք մեկուսացրին հայ ժողովուրդը: Այն մեղադրանքի դեմ, որ Դաշնակցությունը սահմանաբաժանման, գրավված վայրերի կառավարության և գաղթականների նպաստների գործում տեղական դեմոկրատիայից մեկուսացված և անջատ գործեց, հռետորը նկատեց, թե փաստերը ճշտվել չեն բերված, բայց և այնպես այս հարցերում էլ Դաշնակցությունը Պետրոգրադում գործել է՝ համառուսական դեմոկրատիայի առաջ հարցը պարպելու համար: Գալով Օզակոմի ապագա կազմին, հայտնում է, որ իրենց առաջարկած ձևը իրանք էլ իդեալական չեն համարում, բայց և այնպես լավագույնն են համարում:

Ի վերջո հռետորն առաջարկում էր պարզել կուսակցությունների մեջ տեղի ունեցած թյուրիմացությունները և գալ համաձայնության, այլապես գործերը վարելը անհնարին է:

Վերմիչյանը (Չայ ժող. կուս.) նկատեց, որ հարցի էական կետը կազմում է Անդրկովկասյան իշխանության ապագա կազմը: Մենք պետք է ի նկատի առնենք դրությունը ներքին Ռուսաստանում: Այնտեղ ներկայումս երկու ուժեղ հոսանք կա. բուլշևիզմը, որ հակառակ է կոալիցիոն կառավարության, և նրանից առաջ գտնվող մյուս բոլոր կուսակցությունները, որոնք կողմնակից են կոալիցիայի: Մենք վերջին տեսակետին պետք է հարենք, որպեսզի կարողանանք ստեղծել ուժեղ իշխանություն: Ուստի մեզ ընդունելի չէ սոցիալիստական կուսակցությունների առաջարկած միատարր սոցիալիստական կազմը:

Չովսեփ Բեզգադյանը (սոց. դեմ.), առարկելով դաշնակցական հռետորներին, ասաց, թե բանվորական և գյուղացիական օրգանները ազգային քաղաքականություն չեն վարել, այլ վարել են հեղափոխական-դեմոկրատական քաղաքականություն: Նրանք չեն վնասել հայ ժողովրդի շահերին, այլ գուցե վնասել են Դաշնակցության: Իրանք կռվում են Դաշնակցության դեմ, որովհետև նրան դասակարգային սոցիալիստական կուսակցություն չեն համարում: Եթե Դաշնակցությունն զբաղվեր միմիայն տաճկահայերի խնդրով, իրանք ամենայն համակրությամբ կվերաբերվեին նրան: Բայց դրա մեջ կան թե՛ ծայրահեղ սոցիալիստներ և թե՛ կղերականներ, դրա համար էլ իրանք կռվում են դաշնակցության դեմ:

Լ.Աթաբեկյանն ասաց, թե Դաշնակցությունը, անտարակույս, մեծ կուսակցություն է, բայց Արևելյան Անդրկովկասի մեջ կան գավառներ, որտեղ դաշնակցականներին ճրագով պետք է փնտրել: Գալով Օզակոմին՝ հռետորը գտնում է,

որ նրա թերությունը նրա մեջ է, որ նա չէ եղել հեղափոխական և դեմոկրատական: Արևելյան Անդրկովկասում հայ և թուրք մասսաները կռվում են թուրք և հայ բեզուբյան դեմ: Եթե Օզակոմը կարողանար այդ խնդիրը կանոնավորել, նա կարժանանար հայ ժողովրդի համակրանքին, թեկուզ դաշնակցական ներկայացուցիչ էլ չլիներ նրա մեջ: Գալով Օզակոմի վերակազմության հարցին, հռետորը գտնում է, որ Օզակոմը չպետք է ստեղծվի մի որևէ ժողովրդի համար, որովհետև Կովկասում ոչ մի հարց էլ կարող լուծվել անջատ մի ազգի համար: Ուրեմն Կովկասյան կոմիտետը՝ պետք է լինի Կովկասյան երկրային կոմիտետ: Ինքը հակառակ է, որ այդ իշխանությունը նշանակվի ռուսաց կենտրոնական իշխանությունից, որովհետև այդ դեպքում եկողների շուրջը կստեղծվի տեղական ինտրիգա, մամալանդ, որ ռուս ժողովուրդը, նույնիսկ ինտելիգենցիան, Անդրկովկասը չէ ճանաչում: Իրենց ֆրակցիան այն կարծիքին է, որ կովկասյան իշխանությունը պետք է ստեղծե տեղական հեղափոխական կազմակերպությունների (բանվորական, գյուղացիական և զինվորական խորհուրդների) ընդհանուր ժողովը: Կովկասյան կոմիտետը պետք է կազմվի կոալիցիայի սկզբունքով՝ երկու սոց. հեղափոխականից և մի նախագահից, որին կնշանակե Ռուս [աստանի] կենտրոնական իշխանությունը, իբրև յուր ներկայացուցիչ: Գալով մյուս տարրերի ներկայացուցչությանը, դա պետք է թողնվի այդ նոր մարմնի բարեհայեցողության և կարող է բաղկացած լինել երեք հոգուց. մի հայից, մի թուրքից և մի վրացուց: Իբրև հայ ժողովրդի ներկայացուցիչ սոց- հեղափոխական ֆրակցիան առաջարկում է Մ.Պապաջանյանին:

Տիգրան Բեզգադյանը առարկում է Օզակոմի դեմ եղած մի քանի մեղադրանքների դեմ և հայտնում, թե հայկական կաբինետում դավադրություններ չեն կազմվել, Պապաջանյանը ընդունակ չէ այդպիսի բանի: Եթե այդպիսի բան լիներ, ինքն էլ չորսուկես ամիս այնտեղ չէր կարողանա մնալ և աշխատել: Այն մասին, թե Օզակոմը թույլ է եղել, որովհետև սոցիալիստական և հեղափոխական չէ եղել, հռետորն ասում է, թե մի կողմից՝ Օզակոմի կազմն է եղել նրա թուլության պատճառը, և մյուս կողմից՝ կենտրոնական իշխանության թուլությանը: Ինքը չէ ընդունում, թե Պապաջանյանի գործունեության թուլության պատճառը եղել է այն, որ գոյություն է ունեցել կոնտակտ նրա և հայ ժողովրդի մեծամասնությունը ներկայացնող Դաշնակցության մեջ: Եթե Օզակոմի կազմի մեջ Պապաջանյանի փոխարեն մի դաշնակցական լիներ, ավելին չէր կարողանա անել: Գալով Պապաջանյանի գործունեության, հռետորը թվեց մի շարք կարևոր հարցեր, որոնց մեջ Պապաջանյանը նախածեռնող է եղել և վճռական դեր կատարել: Այսպես, օրինակ, Անդրկովկասից մի ընտրական շրջան կազմելը Չիմնադիր ժողովի ընտրությունների համար, գրավված երկրների վարչության ձևի որոշումը՝ հեղափոխական մարմինների տեսակետի համաձայն, սահմանափոխության աշխատանքը, հայ զինվորական մարմնի կազմակերպությունը, հայկական և վրացական զինվորական մասերի ուժեղացումը և այլն:

Միք-Պապաջանյանը ցավ է հայտնում, որ չէ կարողանալու լրիվ պատասխանել Օզակոմի և յուր մասին եղած քննադատություններին, նախ որ կառավարության անհետաձգելի գործերի պատճառով ստիպված է եղել հաճախ բացակայել համախորհրդի նիստերին և երկրորդ՝ որ անձնական նկատումներով չէ կարող ամեն ինչ անել՝ արդարանալու համար: Օզակոմը թույլ է, ասում են: Բայց նա չէր կարող ավելի ուժեղ լինել, քան ժամանակավոր կառավարությունը: Բայց և այնպես կյանքն այսպես ավելի լավ է, քան Պետրոգրադում և առհասարակ Ռուսաստանում: Թույլ են գտնում և յուր գործունեությունն ամբողջի մեջ: Բայց հայ ներկայացուցիչը չէր կարող ավելի ուժեղ լինել, քան նրա ներկայացրած հայ ժողովուրդը, որ «ճառախոսների վկայությամբ, հավածված է չորս կողմից»: Չայ ժողովրդի մեկուսացման իրողությունը ճիշտ է: Բայց իմ գործունեության թուլությունը

\* Օզակոմը:

վերագրում էին նաև իմ անձնական թուլության: Դժվար է սրան պատասխանել, քանի որ փաստեր չեն բերվում: Բայց եթե իմ թուլությունը գտնում են նրա մեջ, որ ես ազդեցիկ քաղաքականություն չեմ վարել, դա ճիշտ է, և ուրիշներին էլ խորհուրդ չեմ տալիս այդպիսի քաղաքականություն վարել: Կամ եթե կասեն, որ ես գնում էի համերաշխության և համաձայնության ճանապարհով, կասեմ՝ ճիշտ է, և պետք է այդ ճանապարհով էլ գնալ: Մի պատճառ էլ իմ թուլության այն է, որ այսօր առաջին անգամ հայտարարեց Դաշնակցությունը ներկայացուցիչը, որ Դաշնակցությունը չէ կամեցել ինձ աջակցել: Պարզ է, որ եթե Դաշնակցությունը հայ ժողովուրդն է, նրա ներկայացուցիչը թույլ պետք է լիներ: Բայց ինչպե՞ս հաշտեցնել այս հայտարարության հետ Դաշնակցության մի ուրիշ հայտարարությունը հունիսի 4-ի իմ հրաժարականից հետո, երբ Դաշնակցությունը Բեզգոյանի միջոցով ինձ հայտնեց, որ ինձ կաջակցե, և ես մնամ պաշտոնում: Կամ այս հայտարարությունն էր սխալ, կամ Աղբայանի հայտարարությունը: Երբ ես գալիս էի Կովկաս, ինձ ասացին, որ պետք է հենվեմ կադետների վրա: Բայց ես հարկ համարեցի, իբրև հայ ժողովրդի ներկայացուցիչ, հենվել բոլոր կուսակցությունների՝ հայ ժողովրդի վրա, և ես շարունակ հարաբերությունների մեջ էի բոլոր կուսակցությունների ներկայացուցիչների հետ, որոնք բոլորն էլ ինձ օգնել են, ինչպես և Դաշնակցության առանձին ներկայացուցիչները: Այժմ միայն պարզվում է, որ ես իմ աթոռը պետք է զիջեմ մի ուրիշին, որ մեկուկես միլիոն կուսակիցներ ունի: Ես, սակայն, երբեք պիտի չեմ կպել իմ աթոռին, այլ շարունակ իմ հրաժարականի հարցն եմ վրել զանազան հայկական խորհրդակցությունների մեջ, այստեղ և Բագու, և շարունակ խորհրդակցությունները պնդել են, որ ես մնամ պաշտոնումս: (Ամսաթվերով հիշում է հրաժարականի առաջարկության և հեռագիրների դեպքերը): Ինձ գաղմտեց Երզնկյանի մեղադրանքը, որին համաձայնեց և Դաշնակցության ներկայացուցիչը, իբր թե իմ կաբինետը, ինչպես և իմ հարևան կաբինետը, դավադրության տեղեր են եղել: Սա ոչ այնքան վիրավորական է, որքան սխալ: Ովքե՞ր էին դավադիրները, երբ իմ կաբինետը հաճախողները նույն Երզնկյանը, այլ սոցիալիստները և դաշնակցականներն էին: Ու՞մ դեմ էր ուղղված դավադրությունը, երբ իմ կաբինետը հաճախ այցելում էին պաշտոնական գործերով թուրքեր ու վրացիներ, որոնց ես գործեր էի առաջարկում և աջակցություն ցույց տալիս: Մի՞թե Հայ ժող, կուսակցության դեմ էի դավադրում: Ազգերի փոխհարաբերության մեջ ես գնացել եմ ազգամիջյան հաշտության ճանապարհով: Օգնել եմ վրացիներին եկեղեցական ավտոկեֆալիայի հարցում, կանեն այն բոլորը, ինչ որ կօգնի վրաց ժողովրդի ավտոնոմիային: Թուրքերի նկատմամբ գնացել եմ նույն ճանապարհով և համոզված եմ, որ կան միջոցներ նրանց հետ հաշտ և համաձայն ապրելու, առանց ազդեցիկ լինելու: Խիստ միջոցներ եմ ձեռք առել թուրքերի կրած վնասները փոխարինելու հարցում, և Երևանում թուրքերի կողմից ինձ ցույց տրված համակրությունը ապացուցեց, որ ես սխալված չեմ իմ քաղաքականության մեջ: Ես հետևել եմ պետական քաղաքականության, որ միակ ընդունելին է մեզ համար: Օգակոմի ապագա կազմը պետք է լինի բացահայտ ազգային ներկայացուցչություն, երբ խոշոր ազգերից մի.մի անձ: և 4 անդամ էլ ոչ թե «տիրող» տարրից, քանի որ տիրող տարր ներկայումս չկա, այլ չեզոք տարրերից, իմ անձնական կարծիքով՝ սոցիալիստական տարրերից: Համաձայն եմ Աղբայանի կարծիքին, որ պատգամավորների մոտ պետք է ազգային խորհուրդներ ստեղծվեն: Երբ հուլիսի 29-ին Հայկական խորհրդակցության մեջ ինձ առաջարկեցին, որ ես անձամբ հրավիրեմ օգնականներ, քանի որ համագումարը չկայացավ, ես հրավիրեցի օգնականներ Ա.Աբաբեկյանին, Տեր.Ղազարյանին, Երզնկյանին, Փիրույանին, Բեզգոյանին, Շահմազյանին, Օհանջանյանին և ուրիշների, և իմ խորին շնորհակալությունն եմ հայտնում այս անձերին, որ ընդունեցին իմ առաջարկությունը և ցույց տվին աջակցություն: Ի վերջո Հայ ժող, կուսակցության և իմ կողմից

հայտարարում եմ, որ մենք կօգնենք այն հայ անդամին, որ ընտրված կլինի Օգակոմի ապագա կազմի մեջ՝ ինչ կուսակցությունից էլ որ լինի:

Երզնկյանը տվեց բացատրություն յուր գործածած «դավադրություն» բառի մասին: Ինքը կամ լավ չի արտահայտվել, կամ իրեն սխալ են հասկացել: Ինքը կամեցել է ասել, որ Օգակոմի որոշ անդամներ իրար չէին հավատում և աշխատում էին միմյանց չեզոքացնել, վճռում էին գուտ ազգայնական հարցեր, և այսպիսի քաղաքականությունը թուլյալատելի չէ: Յուր միտքը միայն այս կերպ պետք է ընդունել:

Բժիշկ Ղազարյանը հայտնեց, որ ինքը երկու կաբինետները երբեք դավադրական չէ համարել, այլ ասել է, որ եթե սոցիալիստները նրանց դավադրական էին համարում, ապա Չխենկելին պետք է բողոքեր ու հեռանար:

Ձեկուցանող Հ.Առաբեկյանը պատասխանելով առարկություններին, ասաց. - Եթե Օգակոմի հայ ներկայացուցիչը դաշնակցական լիներ, գուցե ավելի վատ կլիներ, անտազոնիզմ հարուցանելով վրացիների և թուրքերի մեջ: Եթե կար մի ներկայացուցիչ, որ վարում էր պես-ական քաղաքականություն, հարթում էր սուր հարաբերությունները և կարգ էր պահպանում կուսակցությունների մեջ, դա Պապաջանյանն էր:

Ձեկուցանող Աղբայանը պատասխանելով առարկություններին, նկատեց, որ Օգակոմի շուրջը եղած վիճաբանությունները դաշնակցության գործունեության քննադատության բնույթ ստացան, և սա բնական էր, քանի որ դաշնակցությունը եղել է հայ կյանքի քաղաքական ղեկավարը, մի անպաշտոն միևնիստություն, որ պիտի հարուցաներ քննադատություն: Հենված մեր հին և նոր գործիչների վրա՝ մենք բաց ճակատով կանգնած ենք հայ ժողովրդի ներկայացուցիչների առաջ, թե՛ մեր սխալներով ու շեղումներով և թե՛ մեր անձնավիրությամբ, աշխատանքով և ուժով: Առարկելով ընդհիմախոսներին՝ ասաց, թե ինքն առաջարկում էր ոչ թե անձերի, այլ ուժերի կոմբինացիա: Գտնում էր, որ նրանք, որոնք հերքում են չորս ճակատից մեզ սպառնացող վտանգը, անտեղյակ են մեր աշխարհագրական և տեղագրական պայմաններին, մեր տենչերին ու գաղտնիքներին: Իբրև ապացույց, որ ազգերի հակամարտությունը Անդրկովկասում գոյություն ուներ նաև Օգակոմից առաջ, հիշեց տեխնոլոգիական ինստիտուտի և գեմստվոյի շուրջը հարուցված աղմուկները, երբ մեր հարևան սոցիալիստները գնում էին ազնվականների հետ (Երզնկյանը տեղից՝ «կատարելապես սուտ է», բողոք, աղմուկ, նախագահի կողմից նկատողություն): . Ես լսեցի ձեր նկատողությունը, թե սուտ է: Մեզ մեղադրում են, որ մենք կամենում ենք հրավիրել վարյագներ (Օգակոմի նոր կազմի մեջ ռուս անդամներ): Եթե մենք համոզված լինեինք, որ կարելի է հայերի գոյությունը պահպանել, չէինք հրավիրի: Հավասարակշռությունը պահպանելու համար պետք է ոչ թե կուսակցական, այլ պետական տարր մտցնել Կովկասում, ուստի հարկավոր է ռուսներ կանչել: Հայերի մեջ ազնվականության անհետանալը ինքը մեջ բերեց իբրև պատմական երևույթ և ոչ թե իբրև ցանկություն ազնվականության վերականգնման, որ Կովկասի չարիքն է, և որպիսի ցանկությունը միանգամայն հակառակ կլիներ յուր դեմոկրատական հայացքներին: Պատասխանելով այն հռետորներին, որոնք ասում էին, թե միջազգային հողի վրա կարելի է ստեղծել Կովկասում խաղաղ համակեցություն և Դաշնակցությունը յուր ազդեցիկ քայլերով խանգարել է այդպիսի համակեցությունը, հռետորը նկատեց, թե այդպես ասողները միշտ աշխատել են Դաշնակցության ամեն մի գործի մեջ տեսնել ազգային կամ ազգայնական հակումներ: Բոլոր ճնշողների համար ստրուկների ընդդիմությունը համարվել է ազդեցիկ: Հայ աշխատավորը ոչնչով պակաս չէր ուրիշ ազգերի աշխատավորներից: Հայը նույն իրավունքները պետք է ունենա, ինչ որ ուրիշները, և դաշնակցությունը կստիպի տալ այս իրավունքները: Մենք հարյուր հազարավոր զոհեր ենք տվել, էլի կտանք հարյուր հազարներ:

Հայերի մեկուսացման մասին խոսելով, հռետորը նկատեց, որ այդ մեկուսացման պատճառը Դաշնակցությունը չէ, այլ այն կուսակցությունները, որոնք



անդադար մեկուսացում բղավելով, զորացում են նրան, որոնք վարկաբեկում են այդ ուժեղ կուսակցությունը, որ հայ ժողովրդի անձնվեր ինտելիգենցիայի խոշորագույն մասն է կազմում, որոնք հայտարարում են, թե հայի փրկությունը Դաշնակցության կործանման մեջ է գտնվում: Մեզ ասում են, որ գնանք դեմոկրատիայի հետևից: Բայց մի՞թե դեմոկրատիա չէ՞ք, և ինչպե՞ս կարող է մի ուժ, որ հավասարազոր է, գնալ մյուսի հետևից. խոսք կարող է լինել միասին գնալու, գործակցելու մասին, այլ ոչ հետևից, և դաշնակցությունը այդ չի անի:

Չետորը գտնում է, որ ներկա երևույթները կրկնություն են հին պատմական վեճի, փոխված են բառերը, միջավայրը, բայց էությունը նույնն է մնացել: Միշտ գտնվել են խելոքներ, որոնք հորդորել են ձուլվել ուժեղների հետ, բայց և միշտ գտնվել են դաշնակցականներ, որոնք հակառակ են եղել ձուլվելու սկզբունքին, և այսպես քարոզողների անունները կորել են: Առարկելով այն սոցիալիստ հռետորներին, որոնք ասում էին, թե Դաշնակցության գործը պարենավորումն է, նկատեց, թե այդ տեղը հարմար է սոցիալիստներին և ոչ թե դաշնակցականներին: Դաշնակցությունը կարիք չունի ոչ ոքից հեղափոխության դասեր առնելու, նա, որ գործել է պարսկական և թուրքական հեղափոխությունների գործում, նա, որ բռնակալության ռեժիմի տակ համարձակվել է դուրս գալ այստեղ՝ իրավունքը պաշտպանելու և բռնության դեմ կռվելու:

Այնուհետև հռետորը պատասխանեց Ա.Ֆարությունյանի, Տեր-Օհանյանի, Տ.Բեզգադյանի, Լ.Աթաբեկյանի մի քանի առարկությունների, որից հետո Պապաջանյանի խոսքերին դիմելով, ցավ հայտնեց, որ Պապաջանյանը նրան և Դաշնակցության ֆրակցիային վերագրեց խոսքեր, որ իրենք չեն ասել՝ իբր թե Պապաջանյանը չէ եղել մեր ներկայացուցիչը, բայց ինքն էլ վկայեց, որ դաշնակցականները աշխատակցել են իրեն: Չենց այն փաստը, որ դաշնակցականները չեն բողոքել նրա դեմ, բավական պետք է համարվի. ավելին պահանջել անիրավություն կլիներ դեպի Դաշնակցությունը: Իրենք լավ գիտեին, որ Օզակունի հայ անդամը շանակվելու է պետական դումայի կողմից, որտեղ մի հայ ներկայացուցիչ կար, ուստի և չէին կարող պահանջել, որ այդ տեղը զիջվեր դաշնակցականներին: Ընդունում է, որ թե դաշնակցական լիներ նրա տեղ, շատ բան չէր փոխվի, միայն փոքր ինչ լավ կլիներ:

Առարկելով Յ.Առաքելյանին, իբր թե դաշնակցությունը ջանում է ամեն տեղ մեկուսացնել մյուս կուսակցությունները, հռետորը նկատեց, որ այդպես չէ, դաշնակցությունը ամենազիջող կուսակցությունն է ամեն տեղ: Չենց այս համախորհուրդը ուրիշ բան չէ, եթե ոչ Դաշնակցության կուսակցության զիջման արդյունք: Պաշտպանելով դարձյալ յուր առաջարկությունը Օզակունի առաջիկա կազմի մասին՝ կոալիցիոն սկզբունքով, ռուս սոցիալիստական տարրերի և մի կադետի մասնակցությամբ և երեք ազգերի ներկայացուցիչներով և ազգային խորհուրդներով, հռետորը վերջացրեց իր բանախոսությունը, ասելով, թե նայում է այս խորհրդակցության վրա իբրև մի դարբնոցի վրա, որի վարպետը դաշնակցությունն է՝ փոքր մուրճը ձեռին, իսկ մյուս կուսակցությունները՝ քարգահները: Դաշնակցությունը պետք է ղեկավարե ազգային խոփը կռելու գործը յուր փոքր մուրճով և այդ մուրճով խելքի բերե շեղվողներին:

Նախագահը նկատում է, թե իբրև մեկը համախորհրդի փոքր կուսակցությունների ներկայացուցիչներից ասում է, որ եթե այդ ճառը մի անգամ էլ կրկնվի, մենք այլևս չենք կարողանա ձեռք-ձեռքի տված գործել:

Լ.Աթաբեկյանը նկատում է, թե այդ մտաշարքը, որ առաջ բերեց հռետորը, ինքը աղետային է համարում հայ ժողովրդի համար: Այն կազմակերպությունը, որ այդպիսի ճառախոս է առաջ բերում, իրավունք չունի ինտերնացիոնալիստ կոչվելու: (Բողոք, աղաղակ, թույլ չեն տալիս խոսել):

Լինում է ընդմիջում:

Ընդմիջումից հետո խոսք է խնդրում Աղբալյանը և ասում. - Իմ խոսքերի մեջ երկու կետ թյուրիմացություն են ծագեցրել, և ես հարկ եմ համարում բացատրություն տալ: Երբ ես հին պատմության վրա ակնարկելով, ասացի, որ եղել են խելոքներ, որոնք առաջարկել են օտարների հետ միանալ, աչքի առաջ եմ ունեցել միացում կողմակալ հարցերում, օրինակ՝ հույների, կաթոլիկների հետ: Այնինչ, այնպես են հասկացել, իբր թե ես նրանց վերագրել եմ ցանկություն քաղաքական ձուլման: Այսպիսի ցանկությունն է չեմ վերագրում որևէ կուսակցության: Երկրորդ կետը փոքր մուրճի պատկերն էր, որն ընդունել են իբրև սպառնալիք Դաշնակցության կողմից ուրիշ կուսակցությունների դեմ: Այնինչ, ես ի նկատի ունեի փոքր մուրճի դերը, որով վարպետը քարգահներին ցույց է տալիս, թե կռվող խոփի որտեղին պետք է խփեն, իսկ եթե քարգահի մուրճի շեղվի և մեզ խփի, որ լինում է միշտ հարձակվելով Դաշնակցության վրա, այդպիսին վարպետը ցույց կտա յուր տեղը:

Տեր-Պապարյանը նկատում է. - Ես ըմբռնեցի ճառն այնպես, ինչպես որ ասվեց: Մեզ շատ անգամ են վիրավորել այդպիսի սլաքներով: Այժմ դեռ չբուժված վերքը նորից ծակեցին սլաքով: Երբեք չենք մոռանա: Վեց ամիս է, որ սոցիալիստական կուսակցություններս մի բան ենք արել՝ պաշտպանել հայությունը: Մենք չենք կարող նեթարկվել ոչ մեծ և ոչ փոքր մուրճի: Երբեմն շատ փոքրիկ արարածը կարող է մեծ ուժի պատվանդանը քանդել:

Ա.Ֆարությունյանը նկատում է. - Մենք համոզված էինք, թե այստեղ գալու ենք համերաշխության, գործակության, ազգային շահերի ըմբռնումով և ոչ թե ուժի, հեզեմոնիայի մասին հայտարարություն լսելու, որ Դաշնակցությունը փոքր մուրճով ղեկավարե մեր գործունեությունը: Ոչ մի կուսակցություն չի համաձայնի այդպիսի պայմանի հետ: Որպեսզի միաբան գործենք, այդպիսի խոսքեր չպետք է արտասանվեն: Բողոքում եմ ֆրակցիայի կողմից:

Անդրանիկը, հերթից դուրս խոսք խնդրելով, ասաց.

- Ես եկել եմ Ռուստովից, որովհետև ճակատի գործի համար ինձ օգտակար համարեցին: Դուք չեք եկել հայ ժողովրդի մասին խորհելու, այլ ձեր կուսակցական կրքերը հագեցնելու: Չորքերը ճակատից փախչում են, վաղը մեզ կոտորած է սպասվում: Պետք է գործի մասին խոսել: Չիչեցեք դաշնակցական գործիչներին: Չրամայում եմ ոտքի կանգնել Քրիստափորի, Ջավարյանի, Նիկոլների հիշատակին: (Բողոք ոտքի են կանգնում): Ժողովրդի մասին մտածեցեք: Ես իբրև դաշնակցական իմ ծառայությունները մատուցել եմ հայ ժողովրդին, բայց քանի որ Դաշնակցության մեջ մոնոպոլիստներ են մտել, քանի որ համերաշխություն չի ստեղծվում, ես այլևս դաշնակցական չեմ: Դաշնակցությունը պետք է տեղ տա մյուս կուսակցություններին:

Ժողովմ առժամանակ զբաղվում է կազմելով նախագահություն, որին հանձնում է մշակել Ազգային խորհրդի իրավասության ծրագիրը:

Ներս են մտնում սոց.դեմոկրատական և սոց.հեղափոխական ֆրակցիաների անդամները, որոնք ընդմիջումից հետո ունեին մասնավոր խորհրդակցություն:

ԲԺ.Խախատյանը սոց.հեղափոխական և սոց.դեմոկրատ կուսակցությունների կողմից հայտարարում է.

- Աղբալյանի ճառը համապատասխանում է Դաշնակցության գործելակերպին և այնքան է մեզ վրդովում, որ այսօր չենք մասնակցի ժողովին աշխատանքին և հետ ենք կոմչում մեր ներկայացուցիչներին պրեզիդիումից: Մեր վերջնական վճիռը վաղը կներկայացնենք ժողովին:

Երկու կուսակցությունների ներկայացուցիչները և նրանց նախագահներն ու քարտուղարները հեռանում են ժողովից:

Ա.Մամիկոնյանը հայտարարում է նիստը փակված ցերեկվա 4 ժամին:

\* Չոր.Անդրանիկի ելույթի լրիվ տեքստը տես այս անանագրության վերջում:

\*  
\*  
\*

**Անդրանիկ Օզանյանի հայտարարությունը Ազգային  
համախորհրդակցության 6-րդ նիստում**

7 հոկտեմբերի 1917թ.

Ես ընտրված եմ Ռոստովի և Նախիջևանի հայ համայնքին կողմ: Ես Անդրկովկասի ժողովուրդներու վերաբերյալ հարցերու մասին իրավունք չեմ զգար խառնվելու, սակայն ճակատի պահպանության և այլ ռազմական գործերում և պարենավորման խնդիրներ մեջտեղ դրվելով համախորհրդակցության մեջ, եկա այս ժողովին իմ պարտականությանս բաժինը բերելու: Բայց ցավով պիտի հայտնեմ, որ ժողովը չի զբաղիր հայ ժողովուրդի համար կենսական նշանակություն ունեցող հարցերով, այլ կուսակցական հաշիվներով և կիրքերով կառաջնորդվի. մեր վիճակն ու կացությունը իսկապես վտանգավոր դրության մեջ կգտնվի. մեր ամչն ցցված է հայ ժողովրդի ֆիզիքական կացությունը պահպանելու մեծ հարցը: Դուք այս մասին կարծես չեք նտահոգվիր և տարված եք միմիայն սոցիալիստական գաղափարներով: Դուք հավաքված եք այստեղ, իբրև մեր ժողովրդի ներկայացուցիչները, անոր իղծերուն և ակնկալություններուն թարգման հանդիսանալու համար, բայց անոր ցավերով չէ, որ կառաջնորդվիք, այլ զուտ կուսակցական հայեցողությամբ և մտահոգությամբ: Դուք կճառեք սոցիալիստության մասին, բայց որ չափ որ աշխարհի վրա դրան գոյություն ունի, գոյություն պիտի ունենա մակ գործարանատեր, բանվոր, գյուղացի և այլն դասակարգ: Չի պիտի չքանա ոչ դասակարգերը և ոչ ալ աշխարհի չարիքը:

Իմ կարծիքով Դաշնակցության ճառախոսներու արտահայտած գաղափարներն ու տեսակետները չեն, այլ մոնոփոլիստ խմբակի մը: Այստեղ շատ մը ճառախոսներ զանազան խնդիրներու մասին արտահայտվեցան, բայց մի բան չի իշեցին, որ Դաշնակցության հզորացումը ու հայ ժողովուրդը օտար ազգերու ծանոթացումն եղավ Քրիստափորներով, Չավարյաններով, Սերոբներով, Գեորգ Չավուշներով, Գուրգեններով: Անոնք և նմանները, հազարավոր մարտիկներ, չինկան հանուն էնթերմասիոնալի, այլ՝ ազգի և հայրենիքի ազատության նվիրական գաղափարին: Քանի որ մինչև հիմա ունե ճառախոս ինկող գոհերու համար խոսք մը չըսավ, ես պարտականություն կզգամ անոնց հիշատակը հարգել ոտնկայս (ժողովուրդը ոտքի կելլե):

Չեր ստանձնած գործունեությամբ և պարտականությամբ չեք կրնար ցույց տալ ուրիշներու, որ Դուք իսկապես էնթերմասիոնալ տոսիալիստներ եք:

Դուք եկած եք ոչ թե ժողովուրդին ցավերուն մասին մտածելու, այլ մեկզմեկու հոր փորելու և գոյություն ունեցող խրամատը ավելի լայնացնելու, մինչդեռ այս կրիտիքական թրակին մոռանալով կուսակցական հաշիվներ և մտահոգություններ, պետք է մտածել միմիայն հայ ժողովրդի անհետնագելի պահանջներուն մասին համերաշխ և միաբան դիմելով:<sup>1</sup>

«Հայաստան», 07.10.1917, N 126:

Նիստը բացվեց առավոտյան 11<sup>3</sup>/<sub>4</sub> ժամին, նախագահությամբ Ա.Ահարոնյանի: Նիստը բացվելուց առաջ սոց. դես. և սոց. հեղ. ֆրակցիաները բավական ժամանակ խորհրդակցում էին Ն.Աղբալյանի ճառի հարուցած խնդիրների առիթով:

Նիստը բանալով, նախագահը դիմեց ժողովականները և ունկնդիրներին, հաղորդելով պահպանել սառնասրտություն և նպաստել խնդիրների խաղաղ լուծման: Մոմենտը շատ ծանր է, հազարավոր աչքեր այս խորհրդին են նայում, ուր հայրենիքի փրկության միջոցներ պետք է որոնվեն:

Ղ.Տեր-Ղազարյան (ս.դ.) սոց. կուսակցությունների կողմից հայտարարում է.

- Երեկ դաշնակցական կուսակցության ներկայացուցիչը ճախակողմյան սոցիալիստներին համեմատեց պատմական հայտնի հուսանքների հետ, որոնք հաճախ վաճառել են հայ ժողովուրդը և նրա շահերը: Մենք միշտ պաշտպանել ենք հայ ժողովրդի շահերը և եկել ենք այստեղ օրգանական աշխատանք կատարելու: Չէր կարելի մեր վզին փաթաթել դավաճանություն: Կարծում ենք, թե ֆրակցիան հետ կվերցնի այդ խոսքերը, ինչպես մենք հետ վերցրինք Դաշնակցության հասցեին ուղղված վիրավորանքը: Այդ խոսքը այս դահլիճից դուրս կգա և կընկնի խեղճ ամբոխի բերանը, որով կդժվարանա մեր մուտքը ժողովրդի մեջ: Մի ուրիշ պատկեր մուրճ խփելու օրինակն էր, որով վարպետը փոքր մուրճով շեղվողներին խելքի պետք է հրավիրե: Այս խոսքը ժողովրդի մեջ ուրիշ իմաստ կստանա՝ մեր գլխին բամփելու. սա գիտակցված կամ չգիտակցված կոչ է ժողովրդին՝ մեր դեմ բռնություն գործ դնելու: Պահանջում ենք, որ ֆրակցիան հայտարարի, թե հետ է վերցնում այդ խոսքերը:

Ա.Հարությունյանը հայտնում է, թե Հայ ժող. կուս. կողմից բողոքել է Աղբալյանի ճառի երկու կետի դեմ և այսօր միանալով նախորդ ճառախոսին, հարցնում է՝ Աղբալյանի ասածները նրա անհատական կարծիքնե՞րն են, թե՞ ֆրակցիայի:

Ա.Սարուխանյանը անհատապես յուր կողմից հայտնում է, թե Աղբալյանի ճառից շատ անհաջող եզրակացություն կհանեն բյուրավոր հայեր: Չուլման մասին բացատրություն տալով, Աղբալյանը ասաց, թե ձուլման տակ հասկացել է կրոնական միացումներ, որից կարելի է եզրակացնել, թե կրոնով միաբանելու դեպքում հայերը իրենց ազգությունը պետք է կորցնեն: Այսպիսով, մենք՝ ուրիշ դավանության պատկանողներս, հեռացած պետք է համարվենք հայերից: Արդյոք դա Աղբալյանի՞ կարծիքն է, թե՞ Դաշնակցության:

Յ.Օհանջանյանը հայտնում է Դաշնակցության կողմից Աղբալյանի այն մտքին, թե սոցիալիստական կուսակցությունները համաձայն են այդպիսի ձուլման, մենք համաձայն չենք: Մենք էլ սոցիալիստական կուսակցություն ենք: Իսկ երկրորդ պատկերը՝ մուրճի մասին, ամբողջապես հետ ենք վերցնում:

Բժ.Լ.Աթաբեկյան - Օհանջանյանի բացատրությունը համարում ենք բավարար և մնում եք համախորհրդի մեջ այն պայմանով, որ մեր հայտարարությունը կարդացվի այստեղ: Ֆրակցիայում այդպես ենք որոշել:

Զ.Վերմիշյանը պնդում է, որ բավարարություն ստանալուց հետո այլևս հայտարարությունը չկարդացվի, միգուցե նոր բարդություններ ծագելն: Առաջարկում է անցնել գործի, իսկ հայտարարությունը հանձնել պրեզիդիումին:

Բժ.Լ.Աթաբեկյանը պնդում է յուր հայտարարության մասին, հայտնելով, որ դա ֆրակցիայի վճիռն է:

ԲԺ.Յ.Օհանջանյանը հայտնում է, թե իրենք հակառակ չեն, որ հայտարարությունը կարդացվի, բայց այս դեպքում իրենք էլ իրավունք պետք է ստանան իրենց պատասխանը տալու:

Նախագահը հայտարարում է, թե երկու ֆրակցիաներին էլ իրավունք կտրվի պատասխան հայտարարություններ անելու, բայց առանց վիճաբանության:

Բ.Ժ.Աթաբեկյանը կարդում է սոց. դեմ. և սոց. հեղ. ֆրակցիաների կողմից հետևյալ հայտարարությունը...:

ԲԺ.Յ.Օհանջանյանը խնդրում է ընդմիջում անել: Ընդմիջում լինում է 12<sup>1</sup>/<sub>4</sub> ժամին:

Նիստը վերսկսվում է ժամը 2-ին: Նախագահը խոսք է դալիս Դաշնակցության ֆրակցիային՝ յուր պատասխան հայտարարությունը կարդալու:

Ա.Զիլինգարյանը կարդում է հետևյալ հայտարարությունը...:

Ա.Յարությունյանը Յայ ժող. կուսակցության կողմից հայտարարում է, թե Դաշնակցությանը ներկայացուցչի տված բացատրությունից հետո պետք էր ինցիդենտը վերջացած համարել: Եթե, այնուամենայնիվ, թույլ տրվեցին հայտարարություններ, նրանք ավելի հեռու գնացին, քան պետք էր, փոխադարձ քննադատության հանգեցրվ. սա սխալ էր երկու կողմից էլ: Ոչ մի իրավունք չունենք մի րոպե անգամ կորցնելու: Հրավիրում ենք գործի:

Անկուսակցականների կողմից Հ.Մանանդյանը կարդաց հետևյալ հայտարարությունը...:

Նախագահը հայտարարում է ինցիդենտը վերջացած և խնդրում է արագացնել համախորհրդի աշխատանքը, որովհետև գավառի պատգամավորները չեն կարող երկար սպասել:

Ներս է մտնում Վ.Լուսկկիչը, որին ժողովն ընդունում է բուռն ծափահարություններով: Նախագահը դիմավորում է նրան ողջույնի ճառով, որին ի պատասխան Լուսկկիչը շնորհակալություն է հայտնում և հորդորում է ուժ տալ հեղափոխության, որ ազգերին ազատություն է բերում և օգնելու համերաշխության և եղբայրության գաղափարների արժարժվելուն:

Արամից հետո կարճ ընդմիջում է լինում, որպեսզի ոչ պատգամավորները հեռանան ժողովից, և նիստը դռնփակ լինի:

Մ.Պապաջանյանը հայտնում է, թե Պետրոգրադում վճռված է, որ զինվորական և քաղաքական վարչություններին կից ներկայացուցիչներ նշանակվեն բոլոր ազգերից: Այս մտքով առաջարկություն է եղած վրացիներին և մահմեդականներին: Ինքն էլ հեռագիր է ստացել Պետրոգրադից, որով հրավիրում են մեր կողմից և ներկայացուցիչներ նշանակել:

Երզնկյանի առաջարկությամբ, որին միանում են կուսակցությունները, որոշվում է հարցի նախնական քննությունը հանձնել Ավագների խորհրդին, որը յուր եզրակացությունը կբերե ժողովին:

Այնուհետև երկար վիճաբանություն է լինում որոշ հարցերի մասին դռնփակ նիստեր անելու վերաբերմամբ: Ժողովը գալիս է այն եզրակացության, որ, անհրաժեշտ համարված դեպքերում, ժողովի հատուկ որոշումով կարող է դռնփակ նիստեր տեղի ունենալ: Սահմանադրության հարցի քննությունը ժողովը որոշեց դռնբաց անել:

Այնուհետև ընտրվեց Ավագների խորհուրդ Յայ ժող. կուսակցության կողմից՝ Մ.Պապաջանյան (կանդիդատ՝ Ա.Յարությունյան), Դաշնակցությունից՝ Ա.Արարատյան (կանդիդատ՝ Խ.Կարծիկյան), Սոց. դեմոկրատների կողմից՝ Ա.Երզնկյան (կանդիդատ՝

\* Այս և մյուս հայտարարությունների մասին, որ բաց են թողված տվյալ արխիվային գործում, համապատասխանաբար տե՛ս ստղատակերում բերված մեր հղումները:

\* Տե՛ս փաստաթուղթ N 65:

\* Տե՛ս փաստաթուղթ N 64:

բԺ. Իսախանյան), Սոց. հեղափոխականների կողմից՝ Հ.Տեր-Օհանյան (կանդիդատ՝ Ա.Խոնդկարյան), թուրքահայերի կողմից՝ Վ.Փափազյան, անկուսակցականների կողմից՝ Հ.Մանանդյան (կանդիդատ՝ Հ.Տեր.Միքայելյան): Այս ընտրված անձերը նախագահության հետ պիտի կազմեն Ավագների խորհուրդը:

Նիստը փակվեց ժամը 3-ին:

Գ. 21, ք. 18-20 հակ.:

## N 9 Նիստ Ը

6 հոկտեմբերի 1917թ.

Նիստը բացվեց առավոտյան 11 ժամին, նախագահությամբ Ս.Մամիկոնյանի և ներկայությամբ 161 անդամի:

Ժողովը զբաղվեց սահմանափոխության հարցով: Հայտնվեց, որ Դաշնակցության նախագահներից մեկը՝ Ալ.Խատիսյանը, մեկնել է քաղաքից: Նրա փոխարեն Դաշնակցությունն ընտրում է Ավ.Սահակյանին:

Ի նկատի ունենալով, որ ժողովի պարապմունքները շատ են երկարում, և գավառից եկած պատգամավորների մի մասն արդեն մեկնել է, ժողովը որոշում է որքան կարելի է կրճատել խոսողների թիվը և խոսելու ժամանակը:

Սահմանադրության մասին առաջին զեկուցանող Ստ. Կամսարականը նախ պատմական ակնարկ ձգեց Անդրկովկասի գավառների այժմյան վարչական սահմանների ծագման վրա և մատնանշեց, որ սահմանների բաժանումը կատարելիս կառավարությունը աչքի առաջ չի ունեցել տեղագրական և տնտեսական պայմանները և ոչ իսկ վարչական կառավարության հարմարությունները: Երբեմն կառավարությունը, որպեսզի հայերը որևէ գավառում մեծամասնություն չկազմեն, այդ գավառից մի զուտ հայաբնակ մաս անջատել ու միացել է հարևան թուրքաբնակ մասի: Այսպիսով, պատահական կամ դիտավորյալ սահմանաբաժանման անհարմարությունները շուտով աչքի ընկան, մանավանդ, երբ ծագեց հարց Անդրկովկասում զեմատվային հիմնարկություններ մտցնելու մասին: Ուստի զանազան խորհրդակցությունների մեջ առաջ բերեց սահմանափոխության անհրաժեշտությունը: Այնուհետև զեկուցանողը բերեց վիճակագրական թվեր Անդրկովկասի թուրք և հայ ազգաբնակչության ըստ նահանգների և գավառների, ցույց տալով, թե նահանգների որ գավառներում հայերը մեծամասնություն են կազմում և որոնցում՝ փոքրամասնություն Յուր կատարած սահմանափոխության աշխատանքիմեջ, որ նա ձեռնարկել է Միք.Բաբաջանյանի առաջարկությամբ, նա ի նկատի չի ունեցել քաղաքական դիտումներ, այլ՝ լոկ տնտեսական ու էթնիկական, այն է՝ համախմբել միևնույն ցեղի և միևնույն տնտեսություն ունեցող վայրերը, որպեսզի հեշտամա ասպագա զեմատվոյի գործուներությունը: Այնուհետև զեկուցանողը մանրամասն նկարագրում է յուր առաջարկած փոփոխությունները ներկա գավառական սահմանների մեջ: Ըստ այս առաջարկության, կազմվում է մի նահանգ, որի մեջ մտնում են ամբողջ Երևանյան նահանգը, Կարսի շրջանից՝ երկու գավառ, Թիֆլիսի նահանգից՝ երկու գավառ և Գանձակի նահանգից՝ լեռնային մասը, կազմելով մոտ 60.000 քառ.վերստ տարածություն երկու միլիոն բնակիչներով, որոնցից հայերը կազմում են մեկ միլիոն երկու հարյուր հազար կամ 60%: Բացատրում է այն պատճառները, որոնցից թելադրված ինքը մի նահանգ է առաջարկում կազմել խիտ հայաբնակ մասերից: Միևնույնության ուղարկած ծրագիրը, որ միևնույն սահմանների մեջ երեք նահանգ է առաջարկում՝ Գանձակի, Երևանի և Ալեքսանդրապոլի, ինքը չի ընդունում իբրև ոչ բնական և ավելորդ ֆինանսական ծանրաբեռնության պատճառով:

Գ.Խատիսյանը (երկրորդ զեկուցանողը) հիշեցնում է Ստ.Կամսարականի ծառայությունը սահմանափոխության հարում, ասելով, որ այդ հարցի մասին բոլոր հետագա աշխատանքները հիմնված են եղել նրա աշխատանքի վրա: Ինքը հակառակ չէ մեկ նահանգ ստեղծելուն, բայց մի քանի տեխնիկական անհարմարությունների պատճառով, ինչպես են մի կենտրոնի հեռավորությունը ծայրագավառներից, հաղորդակցության դժվարությունները և, ավելի նպատակահարմար է համարում ընդունել միևնույն սահմաններում երեք նահանգ՝ Երևանի, Ալեքսանդրապոլի և Գանձակի, ըստ մինիստրական ծրագրի: Այնուհետև զեկուցանողը մանրամասն պատմում է մինիստրական ծրագրի պատրաստվելու ընթացքը, որից երևում է, որ Պետրոգրադում հատուկ խորհրդակցության մեջ հայերը և վրացիները շատ շուտով համաձայնության եկան սահմանափոխության և առաջարկված նոր սահմանների մասին, իսկ թուրքերը թեև, մյուս անդամների միաբերան համաձայնությունից ճնշվելով, սկզբունքով համաձայնեցին սահմանափոխության, բայց երբ ծանոթացան ենթադրված փոփոխություններին Գանձակի և Երևանի նահանգներում, հայտարարեցին, թե իրանք լիազորված չեն վերջնական համաձայնություն տալու: Այնուամենայնիվ ծրագիրը Պետրոգրադում ընդունվեց և ուղարկվեց Թիֆլիս՝ Օգակոմի վերջնական եզրակացության: Թիֆլիսում կազմվեց առանձին մասնաժողով և ժողովանիայի նախագահությամբ: Սահմանափոխության մասին համաձայնություն կայացավ, բայց առաջ եկավ մի նոր հանգամանա՝ նահանգների ներքին բաժանում ըստ կանտոնների, որպիսի ծրագիր պաշտպանում էին սոց.դեմոկրատները: Ինքը, ի նկատի ունենալով ներկա պայմանները և այն հանգամանքը, որ սահմանափոխության նպատակը ոչ թե քաղաքական է, այլ տնտեսական ու վարչական և քանի որ նահանգական հիմնարկությունները դեռ չեն վերացված և փոխարինված այլ տիպի հիմնարկություններով, պետք է դեռ պահպանել նահանգական բաժանման սկզբունքը:

Ղ.Տեր-Ղազարյանը զեկուցումների առիթով ասաց, որ ծրագրված սահմանափոխությունը զենստվոյի անվան տակ իսկապես լուծում է ազգային տերիտորիայի խնդիրը: Այն աշխատանքը, որ կատարել է Կամսարականը, Խատիսյանը և Շահխաթունյանը, այնքան մշակված և հաջող է, որ միայն կարելի է կատարել: Վարիանտները շատ քիչ բան կարող են փոխել նրա մեջ, և առարկությունները չնչին կլինեն: Յուր առարկությունը գլխավորապես կայանում է նահանգական և գավառական բաժանումների դեմ. ինքը կողմնակից է կանտոնային սիստեմի, որպիսի դեպքում ավելի միատարր համախմբումներ կկազմվեն և մեր հարևանների համար ավելի ընդունելի կլինեն: Այս դեպքում Թիֆլիսը՝ Անդրկովկասի մտավոր կենտրոնը, որտեղ համախմբված են չորս ազգերի գործիչները, կդառնա կանտոնների կենտրոնավայր: Կանտոնները իրանց փորձով կարող են հետզհետե միանալ և ավելի մեծ միություններ կազմել: Հայտնում է նաև, որ սահմանափոխության ծրագրի ընդունվելու գործում մեծ դեր է կատարել վրաց սոց. դեմոկրատիան, որ հանձին և ժողովանիայի հաշտարար դեր է կատարել մեր և թուրքերի մեջ: Կանտոնական դրությունը ունի և այն առավելությունը, որ առածակական է, որը կարելի կլինի ապագայում լայնացնել և խորացնել:

Խոնդկարյանն ընդունում է նույնպես, որ սահմանափոխության գործը կատարված է այնպես, որքան կարելի էր կատարել: Գալով ներքին բաժանումներին՝ ինքն էլ կողմնակից է կանտոնական սիստեմին, գտնելով հանդերձ, որ դա սկզբում դժվարությունների կհանդիպի: Սակայն պետք է նկատի ունենալ, որ սահմանաբաժանումը չի կարելի գլուխ բերել միայն հայերի ուժով, այլ հարկավոր է երեք ազգերի համաձայնությամբ, իսկ թուրքերը առաջարկված նահանգական սիստեմին հակառակ են և այսուհետև էլ կհակառակեն: Պետք է միջին ճանապարհ բռնել և գրգռումների տեղիք չտալ: Սահմանափոխության մոտիվների մեջ ինքն առավելություն է տալիս նախ տնտեսական, ապա՝ էթնիկական և վերջը միայն վարչական համարություններին և գտնում է, որ եթե չի կարելի այս երեք պայմանները

հաշտեցնել, ապա պետք է վարչական հարմարությունները զոհել տնտեսականին և էթնիկականին:

Բ.Վերմիշյանը՝ սահմանաբաժանման սեկցիայի նախագահը՝ զեկուցեց սեկցիայի եզրակացությունները սահմանափոխության մասին: Սեկցիան գտնում է, որ սահմանափոխությունը պետք է կատարվի այժմ և՛թե, առանց Սահմանադիր ժողովին սպասելու, որ աշխատելու է որքան կարելի է համաձայնության գալ հարևանների հետ և հարթել դժվարությունները, որոնք այնքան էլ մեծ չեն: Իսկ երբ համաձայնություն չի կայանա, հարցի լուծումը կհանձնվի կառավարությանը: Ընդհանուր սահմանների վերաբերմամբ սեկցիան համաձայնեց Կամսարականի գծած սահմանների վրա: Ազրարային հարցի լուծումը, թե ինչպես հայ գյուղացին հող պիտի ստանա այս սակավահող հայ տերիտորիայում, նույնպես և յայլադների հարցը, որ այնքան հուզում էր, որքան ազգաբնակչությանը, պետք է հանձնվի կենտրոնական կառավարության լուծման: Սահմանափոխության ներքին բաժանման ըստ գավառների բոլորը համաձայնեցան: Հարցը ըստ ֆրակցիաների քվեարկելով, ընդունվեց երեք նահանգի սկզբունքը, գտնելով, որ երեք նահանգից միշտ կարելի է մի նահանգ ստեղծել, իսկ հակառակն անել կարելի չէ: Սոց. դեմոկրատների առաջարկած կանտոնական սկզբունքը համակրություն գտավ սեկցիայի մեջ, բայց սեկցիան գտավ, որ ներկա պայմաններում դա անիրագործելի է: Թիֆլիսի և Բազվի հարցերը սեկցիան որոշեց չշոշափել: Սեկցիան արդարացի և անհրաժեշտ է գտնում սահմանափոխությունը և հույս է հայտնում, որ բոլոր ազգերի դեմոկրատ տարրերը պետք է աշխատեն նրան իրավործել: (Ընդմիջում ժամը 2-ին):

Ընդմիջումից հետո դաշնակցական ֆրակցիայի ներկայացուցիչ Շահխաթունյանը պատմական ակնարկ ձգեց գավառների և նահանգների բաժանման վրա գլխավորապես Արևմտյան Անդրկովկասում և ցույց տվեց, որ այս տեղերում շատ անգամ տեղի են ունեցել սահմանների փոփոխություններ: Ներկա ծրագրով ընդունված դրությունը, որով Ախալքալաքը և Լոռին միացվում են Ալեքսանդրապոլի գավառի հետ, գոյություն է ունեցել մինչև անցյալ դարի 60-ական թվականները, երբ այս մասերը մի ամբողջություն էր կազմում: Այնպես որ ծրագիրը այս կողմից ոչ մի տնտեսական կամ գործնական առարկություն չէ վերցնում: Չենստվոյի հաջողությունը պահանջում է, որ ստեղծվեն համանման միավորներ, և այս պահանջին ընդառաջ է գնում հայաբնակ երկրներից մի նահանգ ստեղծելը: Անդրկովկասը երեք մասի բաժանելն ըստ ազգային հատկանիշների՝ դարձյալ բնական է, որովհետև հիմնված է գյուղատնտեսական, ազգագրական և տեղագրական տվյալների վրա: Ժողովուրդը չէ անսկանում մեծամասնության կամ փոքրամասնություն լինելու տարբերությունները: Բայց երբ նրան բացատրվի զենստվոյի անելիքը լեզվի, դատարանի, հողաբաժանության, դպրոցների և այլ հարցերում, նա շատ լավ կզգա մեծամասնության և փոքրամասնության իրավունքների տարբերությունը և շատ որոշ կերպով կպահանջե միատարր միավորներ: Մի նահանգ ստեղծելու դեմ եղած առարկություններին պատասխանելով, նկատեց, թե ճանապարհների բացակայությունը, հարաբերությունների դժվարությունը չպետք է արգելք հանդիսանան, քանի որ դրանք ժամանակավոր են և ուղղելի. մենք պետք է առաջնորդվենք ապագայի հեռանկարով. զենստվոն այդ պակասությունները կլրացնի: Մյուս կողմից էլ՝ հարաբերությունները գավառների և քաղաքների մեջ պայմանավորվում են ոչ թե վարչական կապերով, այլ տնտեսական շահերով: Այսպես Դազախը ավելի Թիֆլիսի հետ է կապված, քան Գանձակի, նույնպես Ալեքսանդրապոլը Երևանից ավելի Թիֆլիսի հետ է կապված: Հողային հարցի լուծումը, ինչպես նաև գյուղացիների տեղափոխության հարցը պետք է թողնվեն Սահմանադիր ժողովին, որ նրանց լուծե ընդհանուր պետական ճանապարհով: Հետո որը չէ ընդունում, թե

հայաբնակ նահանգը շատ չնչին հող ունի և աչք պիտի դնե օտար հողերի վրա: Մեր ժողովուրդը բավականաչափ հող ունի հացահատիկների մշակության և ավայան...»

ՀԱԱ, ֆ. 222, ց.1, գ.21, ք.20-22 և հակ.:

Տրվում է 10 ռուպե ընդմիջում: Նիստը վերաբացվում է, խոսում է Ա.Շահխաթունյանը: Նախ տալիս է Անդրկովկասի ներկա սահմանների գոյության պատմությունը վերջին 100-ամյակում, շեշտելով, որ 60-ական թվականների սկզբում, երբ դեռ վերջին բաժանումը չէր եղած, երկիրը մոտավորապես նույն սահմաններն ուներ, ինչ որ առաջարկում էր նախագիծը՝ օրինակ, Ալեքսանդրապոլի, Լորու և Ախալքալաքի գավառները միացած էին և կազմում էին Թիֆլիսի նահանգի մի մասը:

Հետո կանգ է առնում այն հանգամանքի վրա, որ նոր բաժանումը համապատասխանում է ոչ միայն երկրի տնտեսական պայմաններին, այլև հողային, դասակարգային, տեղագրական և այլ պայմաններին, որ հին կառավարությունը սահմանները գծելիս դիտմամբ զանց է առել՝ որոշ հետին նպատակներով դեկավարվելով: Գործնականի տեսակետից դեմ է [զեկուցողը] կանտոնալ սիստեմի, որովհետև նախ պետական մտածողությունն այդ չի ընդունում, երկրորդ, պիտի մնան. այսօրվա նահանգական իշխանությունները, որովհետև չի կարելի յուրաքանչյուր գավառում, օրինակ, կազմենայա պալատ ունենալ: Դեկրետով չի վերանա այն միությունը, որի ֆունկցիաները մնում են. պետք է երկուսը միասին վերցվեն: Խաշնարածության դժվարություններին անցնելով, գտնում է, որ դրությունը ավելի կվատթարանա, եթե կանտոնալ սիստեմն ընդունվի, որովհետև միևնույն հարաբերություններն ավելի հեշտ է լուծել մեծ միությունների մեջ, քան մանր: Հարևանների դիմադրության մասին խոսք լինել չի կարող: Եթե նրանք դեմ են նահանգ կազմելուն, դեմ պիտի լինեն և երեք նահանգ կազմելուն: Առաջարկում է, որ բանաձևի մեջ մտցվի մի նահանգ կազմելու անհրաժեշտությունը, իսկ դրա իրականացումը թողնել կյանքին: Դեմ է Թիֆլիսը ամբողջ Անդրկովկասի կենտրոն դարձնելու մտքին:

Ա.Երզնկյանը կրկին ծանրանում է Դաշնակցության «թիկունքային» քաղաքականության վրա, որի համար այնքան զեղեցիկ պատասխան էր ստացել թե՛ Շահխաթունյանից, թե՛ Կարճիկյանից և թե՛ Աղբալյանից: Պնդում է, որ հայերը, ցանկանալով ազգային մեծամասնությունն ստեղծել իրենց համար, նույն սահմաններում ստեղծում են ազգային փոքրամասնություն մեր հարևանների համար, որպիսի ցանկությունը ազգայնական է: Պնդում է, որ մի նահանգ կամ երեք նահանգ առաջարկելով, հայերը ցանկանում են քաղաքական սահմաններ գծել և ոչ վարչական: Դրա համար էլ իրենք դնում են կանտոնալ սիստեմի տեսակետը: Ա.Երզնկյանին մասնավորապես Բագվի և Թիֆլիսի խնդիրն է հուզողը: Դաշնակցության առաջարկած նախագծի մեջ և ոչ մի խոսք չկա այդ երկու քաղաքների մասին, որպիսի հանգամանքը վրդովում է Երզնկյանին: Դիմելով ժողովին և մասնավորապես դաշնակցական ֆրակցիային, հուզված բացականչում է. «Ու՞ր է Բագվի և Թիֆլիսի խնդիրը: Ձեր լռությամբ ասում ենք, թե Բագուն թողնում ենք թուրքերին, իսկ Թիֆլիսը՝ Վրաստանին. Ու՞մ անունից եք այդ պահանջը դուք դնում, ո՞ր հայ ժողովուրդն է այդ իրավունքը Ձեզ տվել: Դեմնկրատիան չի կարող հանդուրժել, որ Բագուն և Թիֆլիսը լինեն այս կամ այն ազգի, նրանք պիտի լինեն միջազգային: Այդ է դեմնկրատային պահանջը, իսկ այդ անել կարող ենք, եթե կանգնենք կանտոնալ տեսակետի վրա»:

Ստ.Մամիկոնյանը հայտնում է, որ ինքը այդ խնդրի նկատմամբ տարբեր կարծիք ունի և թույլտվություն է խնդրում իր կարծիքը արձանագրության կցելու:

\* Բնագրում պակասում է այս արձանագրության վերջին մասին: Այն շարունակում ենք ըստ «Արև» թերթի:

ժողովը խնդիրը պարզված համարելով, կանենում է անցնել բանաձևերի քվեարկության: Սակայն ոմանք բողոքում են այդ շտապողականության դեմ: Հարցը համարելով խիստ կարևոր, առաջարկում են շատերին թույլ չտալ արտահայտվելու և ոչ թե ափալ-թափալ վերջացնելու (Լեո):

Շահխաթունյան, Տեր-Միքայելյան, ինչպես և ժողովի ճնշող մեծամասնությունը դեմ են բանաձևի հանելը հետաձգելու[ն] - ինչպես այդ առաջարկում է թժ. Իսախանյանը: Նրանք գտնում են, որ երեք տարի է, ինչ խոսվում է սահմանափոխման մասին, որ ժողովի համար հարցն արդեն սպառված է և կարելի է մի հանձնաժողով կազմել, որը հաներ ընդհանուր բանաձև այդ մասին:

Առաջարկն անցնում է և յուրաքանչյուր ֆրակցիայից ընտրվում են երկու հոգի՝ հաշտեցնող բանաձև կազմելու համար:

Նիստը փակվում է:

Իրազեկ

«Արև», 02.11.1917, 232:

**N 10  
Նիստ Թ**

7 հոկտեմբերի

Նիստը բացվեց առավոտյան ժամը 11<sup>1/2</sup>-ին, նախագահությամբ Ավ.Իսահակյանի և ներկայությամբ 150 անդամի:

Օրակարգի խնդիրն էր ազգամիջյան հարաբերությունների հարցը:

Խորհրդակցությունից հետո ժողովը որոշեց նիստը դադարեցնել:

Ձեկուցանող Ասատրյանն ասում է. - Կովկասի ազգամիջյան հարաբերությունը կովկասյան խոշոր ազգերի ինքնորոշման խնդիրն է:

Այս հարցի առիթով միաձայն որոշվեց, որ բոլոր ազգերին տրված է լայն ինքնորոշման իրավունք, ուրեմն և հայերը կարող են այդ հարցը դնել: Ինքնորոշման հարցի մեջ միևնույնը կազմում է զեմստվոն, իսկ մաքսիմումը տարբեր բովանդակություն կարող է ունենալ, կարող է լինել կուլտուրական էքստերիտորիալ ավտոնոմիայի կամ տերիտորիալ ավտոնոմիայի ձևով: Կուլտուրական էքստերիտորիալ ավտոնոմիայի մասին ոչ մի տարակարծություն չկար սեկցիայում: Բոլորը գտնում էին, որ այդպիսի ավտոնոմիան կարող է տարածվել Ռուսաստանի բոլոր հայերի վրա: Իսկ քաղաքական տերիտորիալ ավտոնոմիայի նկատմամբ սեկցիան գտնում է, որ դա կախում պետք է ունենա հարևանների հետ համաձայնությունից և չի կարող լուծվել սեպարատ կերպով, որ նոր գծությունների առիթ կդառնար: Բուն խնդրին անցնելով, երկու առաջարկություն է արվում. առաջինը՝ որ Ռուսաստանի ապագա կազմը կլինի ֆեդերատիվ հանրապետություն: Այս դեպքում ֆեդերացիայի անդամները կվայելեն ներքին ինքնորոշման լիակատար իրավունք և երկրորդ՝ որ Ռուսաստանի կազմը այսպիսի չի լինի, և կենտրոնական կառավարությունը լայն իրավունքներ կունենա. այս դեպքում տեղերում կարող են կազմել լայն ինքնավարություններ: Սեկցիայում տարբեր կարծիքներ հայտնվեցին: Ոմանք պահանջում էին որ Կովկասի երեք ազգային միությունները ինքնուրույն լինեն և կապված Ռուսաստանի հետ: Մյուսները ցանկանում էին տեղական իրավունքները սահմանափակել և ընդարձակել կենտրոնականը Ուրեմն սեկցիայում կար երկու տեսակետ. 1. Կովկասի երեք մասերի քաղաքական ավտոնոմիա, 2. լայն ինքնավարություն: Բացի սրանից, սեկցիան ցանկություն հայտնեց, որ համախորհուրդը մի կոչ ուղղե մեր հարևաններին, որի մեջ հայտնե, թե ցանկանում է միջոցներ գտնել հաշտ ապրելու միմյանց հետ և չհակասելու նրանց տրամադրությունների տնտեսության համար, այնինչ, թուրքական մասը բարձր

(ինտենսիվ) տնտեսության վայր է, ուստի և անասնապահությունը և վաչկային տնտեսությունը նրանց համար անցողական շրջան են կազմում: Գալով կանտոնական սիստեմին, գտնում է, որ մեր հետամնացության պատճառով անկարելի է ներկայումս իրագործել, մասնավոր դր գոյություն ունեն հիմնարկություններ, որոնք չի կարելի վերացնել և փոխարինել նորերով:

Նահանգների թվին գալով, ինքը առավելություն է տալիս մեկ նահանգին, իսկ եթե գործադրության վերաբերմամբ դժվարություններ պատահեն. կարելի է ժամանակավորապես հաշտվել երեք նահանգի հետ: Այժմ ընդունել մեկ նահանգ և չարձանագրել երեք նահանգը, թողնելով, որ կյանքը լուծի այդ հարցը:

Լ.Աթաբեկյանը նկատում է, որ զեմստվոյի հարցը կապ ունի հայկական ավտոնոմիայի, թերևս և հայ պետության հարցի հետ, որոնք կախում ունեն մի շարք ֆակտորներից՝ հեղափոխության ընթացքից, մեր հարաբերությունից հարևանների հետ, ռազմաճակատի դրությունից և դաշնակիցների վերաբերմունքից: Անգլիական բանակի այս կամ այն շարժումը Բաղդատի ճակատում ազդեցություն կունենա և մեր պայմանների վրա: Սահմանափոխության մեջ պետք է ի նկատի ունենալ էքնիկական, տնտեսական և արդյունաբերական սկզբունքները և ըստ այնմ լուծել հարցը: Գանձակի նահանգը երկու մասի բաժանվելու դեմ ունի առարկություն, քանի որ լեռնային մասերը սերտ կապ ունեն տափարակի հետ: Բայց քանի որ դրված է զուտ զեմստվոյի հարցը, ինքը չի առարկի այդպիսի բաժանման դեմ, միայն թե ընդունվի երեք նահանգի սկզբունքը և միջոց տրվի սահմանից դուրս գտնված մասերի հետ հարաբերություն պահպանելու: Ի վերջո հռետորը հայտնեց, թե սոցիալիստական ֆրակցիան ամեն կերպ կաշխատի աջակցել սահմանափոխության յուր հիշած երեք սկզբունքներով:

Ա.Երզնկյանը գտնում է, որ հարցը սպառված է, ուստի ինքը կանգ կառնի երեք կետի վրա: Նախ դժգոհություն է հայտնում, որ սահմանափոխության հարցում դաշնակցականները վարել են թիկունքի քաղաքականություն, Պետրոգրադում լուծել տալով այն հարցը, որ պետք է լուծվեր այստեղ, կովկասյան դեմոկրատիայի միջոցով, որ մեր քաղաքականության ընդհանուր գիծը պետք է լինի: Երկրորդ, որ նկատելով հայերի ճնշված դրությունը և փոքրամասնություն կազմելը, ուզում են ստեղծել այնպիսի մի դրություն, որ հայերը մեծամասնություն կազմեն, իսկ թուրքերը՝ փոքրամասնություն: Չարիքից խուսափելու մի ելք կա. ստեղծել կանտոնական սիստեմ, որով առաջ կգան թուրքական և հայկական կանտոններ, և այնուհետև կյանքը ինքն կթելադրե, թե որ կանտոնները որոնց հետ կկանոնան միասնա: Երկրորդ, նկատողությունը վերաբերում է Թիֆլիս և Բազու քաղաքներին, որոնք կանտոնական սկզբունքն ընդունվելու դեպքում կդառնան առանձին միջազգային կանտոններ, այնինչ, առաջարկված ծրագրով այդ քաղաքները, որոնց մասին ոչինչ հայտնի չէ ասվում, կհամարվեն վրացական և թուրքական միությունների քաղաքներ («Ոչ»,- բացականչում են տեղերից): Եթե «ոչ» ապա ուրեմն պարզ հայտնեցե՞ք ձեր դիտավորությունը: Ընդունեցե՞ք կանտոնական սկզբունքը, և եթե ժամանակը պահանջի, մենք կարող ենք ձեզ հետ միանալ:

Ձեկուցանող վերմիշյանը առարկություններին պատասխանելով, նկատում է, որ սեկցիան սահմանափոխության և զեմստվոյի վրա նայել է զուտ վարչական-տնտեսական տեսակետից, ուստի Թիֆլիսը և Բազուն նրա քննության առարկան չեն դարձել: Հայաբնակ վայրերից մի միություն ստեղծելու նպատակն էր ունենալ այն, ինչ որ արդեն ունեն վրացիներն ու թուրքերը: Այս դեպքում հիրավի ստեղծվում է ստվար թուրքական փոքրամասնություն հայկական միության մեջ, բայց պետք չէ մոռանալ, որ նույնպիսի ստվար հայկական փոքրամասնություն կստեղծվի և թուրքական միության մեջ: Մենք կարիք ունենք մի անկյուն ստեղծելու ազգային կուլտուրական կյանքի համար: Ձեկուցանողը այնուհետև առարկելով մի նահանգի պաշտպաններին, ցույց է տալիս դրա անհարմարությունները և երեք նահանգի առավելությունները՝

հարաբերության հեշտության և վարչական աշխատանքի տեսակետից: Թող կյանքը ապագային վճռի երեք նահանգների միացման հարցը: Պետք է ի նկատի առնել այսօրվա պահանջները: Ձեմստվոյի ռեֆորմը անհետաձգելի է, նա միայն կարող է երկիրը հանել ներկա անիշխանական դրությունից և քայքայման առաջն առնել: Մինևույն ժամանակ զեմստվոն է, որ կարող է հաշտություն և ներդաշնակություն առաջ բերել մեր և մահմեդականների մեջ, քանի որ սահմանների բաժանումով ընդհարումների առիթը կվերանա, և յուրաքանչյուր ազգ պարզ կգիտակցի յուր դրությունը:

Նախագահը հայտնեց, թե ինքն առանձին կարծիք է մնում այս հարցի մասին:

Լեոն գտնում է, որ ազգի կյանքի համար այս ամենակարևոր հարցի վայրվ շատ շտապով է անցնում ժողովը: Պետք է բազմակողմանի ուսումնասիրել, ինքն էլ անելիք ունի:

Հ.Տեր-Միքայելյանը և Շահխաթունյանը հակառակ են հետաձգելուն, նկատելով, որ հարցը երեք տարի ուսումնասիրվել է և առանձնապես քննվել սեկցիաներում, սա զեմստվոյի հարց է, որ ազգամիջյան հարաբերության հետ պետք է չէ շփոթել: Եղած առաջարկությունները միահանելու համար ժողովը նախագահի առաջարկությամբ որոշում է յուրաքանչյուր ֆրակցիայից ընտրել երկու-երկու անձ, որոնք, մշակելով առաջարկությունները, մի ընդհանուր որոշում բերեն ժողովին: Ընտրվում են սոց. հեղափոխականների կողմից՝ Աթաբեկյան և Խոնտկարյան, սոց. դեմոկրատների կողմից՝ Երզնկյան և Իսախանյան, Հայ ժող. կուսակցության կողմից՝ Վերմիշյան և Տեր-Պատրոսյան, Դաշնակցության կողմից՝ Խատիսյան և Շահխաթունյան:

Նիստը փակվում է ցերեկվա 3<sup>1</sup>/<sub>2</sub> ժամին:

Գ. 21, ք. 27-29:

## N 11 Նիստ Ժ

8 հոկտեմբերի 1917թ.  
(առավոտյան)

Նիստը բացվեց 11<sup>1</sup>/<sub>2</sub> ժամին նախագահությամբ բժ. Հ.Ալվազյան և ներկայությամբ 118 անդամի:

Օրակարգի մեջ դրված էր Ազգ[ային] խորհրդի կոմպետենցիայի հարցը:

Հայտնվում է, որ Ավագների խորհրդում այդ հարցը քննվել է, բայց վերջնական եզրակացության չէ հանգել, որովհետև սոց. հեղափոխական ֆրակցիան յուր որոշումը դեռ չէ բերել: Ոմանք առաջարկում են այժմ կեք ընդմիջում անել՝ ընդհանուր բանաձև մշակելու և ժողովին զեկուցանելու համար, քանի որ գավառցի պատգամավորներից մոտ մի քառորդ արդեն մեկնել է, և վաղը ավելի սակավամարդ կլինի ժողովը: (Այս տեսակետը պաշտպանում էին Հ.Տեր-Միքայելյանը և Ս.Հարությունյանը): Ուրիշները գտնում էին, որ վճռի հեղինակությունը ոչ թե ժողովի բազմամարդությունից է կախված, որքան բոլոր ֆրակցիաների համաձայնությունից և բանաձևի լավ մշակությունից: Չէ կարելի շտապով մի գործ կատարել և ստեղծել այնպիսի մարմին, որ գործերը վարելու և աշխատելու ընդունակություն չունենա (Քազանունի): Ժողովը որոշում է, որ Ավագների խորհուրդը երեկոյան միստին ներկայացնի համաձայնեցրած բանաձևը Ազգ[ային] խորհրդի կոմպետենցիայի մասին: Սոց.հեղափոխական ֆրակցիան խոստանում է յուր բանաձևը ժամանակին

ներկայացնել Ավագների խորհրդին: Հ.Տեր-Միքայելյանը հայտնում է, որ ինքը համաձայն չէ:

Գյուլխանդանյանը, ֆրոնտի պաշտպանության սեկցիայի նախագահը, առաջարկում է կարողալ բանաձևը, որի մասին բոլոր ֆրակցիաները եկել են համաձայնության, բայց որոշել են, բացի սոց.դեմոկրատներից, որ կարողացվի առանց վիճաբանության:

Այս մասին լինում է մտքերի փոխանակություն, որից հետո ժողովը որոշում է բանաձևը հանձնել ֆրակցիաներին, որոնց եզրակացությունները կկարողացվեն ժողովում:

Դրվում է փախստականների և պարենավորման հարցը: Սեկցիայի զեկուցանող Վ.Փափագյանը լուսաբանում է սեցիայի ընդունած բանաձևը, ասելով. - Թուրքահայերը սարսափելի հարվածից հետո, երեք տարի է, ապաստան են գտել Կովկասում, որտեղ նրանց ջերմ հյուրասիրություն ցույց տվին հայրենակիցները, և պետությունը նպաստ նշանակեց: Փախստականների դրությունը, սկզբի համեմատությամբ, երբ դիպվածի ակնկալության պատճառով շատ չարիքներ կրեցին, այժմ համեմատաբար լավ է: Բայց չէ կարելի այսպես շարունակել, այլապես փախստականները կկորցնեն բարոյական առաքիլությունը և մուրացիկներ կդառնան: Պետք է նրանց համար աշխատանք ստեղծել, որին բոլորը մասնակցեին, և պետության նպաստի ծանրությունը թեթևանար: Կանայք ևս պետք է մասնակցեն այս հանրային աշխատանքին: Չպետք է մոռանալ, որ փախստականները թուրքահայությունն են կազմում, և դրված է նրանց ֆիզիկական գոյության հարցը, որից կախումն ունի և ռուսահայոց ապագան: Պետք է պաշտպանել այս աշխատասեր, մեռնել չկամեցող, ընդունակ ժողովը, պետք է պահպանել նրա մանուկ սերունդը, որ մեր ապագա հույսն է: Դժբախտաբար ռուսաց կառավարությունը նախկին ռեժիմի ժամանակ արտաքուստ բարյացակամություն ցույց տալով, ներքուստ հայաջինջ քաղաքականության հետևում, ստեղծելով արհեստական՝ նահանջներ, սիրաշահելով քրդերին և թուրքերին և Սիբիրում տառապեցնելով հայ գերիներին, որոնք զենք էլ չէին բարձրացրել ռուս բանակի դեմ և որոնց ոչ մի միջոցով հնար չեղավ ազատել: Հեղափոխությունից հետո դրությունը այնքան էլ չփոխվեց, որովհետև ստեղծվեց երկու օրգան՝ գեներալ-կոմիսարիատ և փախստականական խորհուրդ, որոնց իրավասության սահմանները որոշված չեն, և գեներալ կոմիսարիատի շուրջը տեղի ունեցած ինտրիգների շնորհիվ տուժում են գլխավորապես հայ փախստականները: Այդ երկու օրգանների մեջ ստեղծված երկիշխանությունը կորստաբեր է ժողովրդի համար: Ապա հռետորը հիշեց, թե մի քանի ամիս առաջ գումարվեց թուրքահայերի համագումարը, որտեղ իբրև սկզբունք ընդունվեց, որ փախստականների գործը համազգային գործ է, ուրեմն հայության երկու մեծ հատվածներն էլ պետք է գործեն համերաշխությամբ: Ընտրվեց արևմտահայ խորհուրդ, որը դիմեց ռուսահայոց փախստականական կազմակերպություններին միասին գործելու կոչով, և այս կողմ ընդունելություն գտավ: Ի վերջո հռետորը դիմում է դեմոկրատական կուսակցություններին, խնդրելով, որ ավելի հետաքրքրվեն փախստականների վիճակով և հետաքրքրեն նաև սրա դեմոկրատիային: Այնուհետև հռետորը կարդում է փախստականական և պարենավորման գործի բանաձևը:

Ահարոնյանը, շոշափելով թուրքահայկական դատը, այն միտքը հայտնեց, որ այդ դատը պետք է լուծվի համաձայն հայերի պատմական իրավունքների յուր հողի վրա, թափած արյունի և անթիվ գոհաբերությունների: Հայկական հարցը ուրույն հարց է և չէ՛ մնալ այլ ազգերի հարցերին: Եվրոպական դեմոկրատիան արդեն ճանաչել է հայերի՝ իբրև ուրույն ազգության գոյության իրավունքը: Ֆրանսիայում այլև չեն ասում

թուրքահայ, այլ պարզապես՝ հայ: Պետք է, որ ռուսական դեմոկրատիան էլ նույն տեսակետը յուրացնի: Հայաստանը հայինը պետք է լինի: Այս կետում զիջում չէ կարող լինել:

Երզնկյանը, պատասխանելով Վ.Փափագյանին, ասաց, թե ռուսաց դեմոկրատական կուսակցությունները, որոնք դրել են ազգերի ինքնորոշման հարցը, չեն կարող չնպաստել, որևէ ազգի ինքնորոշման, եթե մի ազգ այդ հարցը դնում է: Գալով գեներալ-կոմիսարիատի և փախստականական խորհրդի շնորհիվ ծագած երկիշխանության, ասաց, թե դեմոկրատիան անմասն է եղել դրանց կազմակերպության մեջ: Եթե դեմոկրատիան մասնակցած լիներ, հարցը ավելի լավ լուծում կստանար:

Պապաջանյանը բացատրություն է տալիս, թե ինչպիսի պայմաններում կազմակերպվեց փախստական խորհուրդը, որ հիմնված է ազգերի իրավասության սկզբունքի վրա, որ այս սկզբունքով ամենից նպաստավորն է մեր գործերի համար, որ ընդունված է նաև ուրիշ հարցերի համար, որ խորհուրդը միայն կոնտրոլի դեր ունի և չէ կարող ճնշել ազգային կազմակերպությունների գործունեությունը, որոնք պատրաստում են նախահաշիվները, և սրանք լուծում են ստանում Պետրոգրադում:

Ա.Երզնկյանի առաջարկությամբ ժողովը որոշում է կարողացված բանաձևը հանձնել ֆրակցիաների ներկայացուցիչներին (քանի որ սեկցիայի նիստերին բոլորը մասնակցած չեն եղել), որոնք իրավիճակով գաղթականական կազմակերպությունների ներկայացուցիչներ, մի ընդհանուր բանաձև բերեն ժողովին:

Կարդացվում է գրական-գեղագիտական սալոնի ողջույնը՝ համախորհրդին, որը ժողովն ընդունում է ծափահարությամբ և առաջարկում է պրեզիդիումին շնորհակալություն հայտնել:

Հերթական հարցն էր դպրոցների ազգայնացման խնդիրը: Որովհետև զեկուցումը պատրաստ չէր, որոշվեց հետաձգել երեկոյան նիստին:

Նիստը փակվեց 1/4 ժամին:

Գ.21, թ. 29-30:

## N 12 Նիստ ժԱ

8 հոկտեմբերի (երեկոյան) 1917թ.

Նիստը բացվեց կոնսերվատորիայի դահլիճում, երեկոյան 8<sup>1/2</sup> ժամին, նախագահությամբ Հովհ.Քաջագունու և ներկայությամբ 121 անդամի:

Սիրական Տիգրանյանն, իբրև զեկուցանող դպրոցների ազգայնացման սեկցիայի, ասում է, որ ազգայնացումը պետք է շոշափե մեր ազգային-եկեղեցական դպրոցները և պետական դպրոցները: Պատմական ակնարկ ձգելով ազգային-եկեղեցական դպրոցների վրա, ցույց է տալիս, որ նրանք թեպետ ազգային բնույթ ունեն, բայց միայն լուսավորչական դավանության հայերի համար են, որոնք բարձրագույն տեսչությունը գտնվել է հայ հոգևորականության ձեռքին: Ուրեմն այս տիպի դպրոցների ազգայնացումը պետք կայանա նրանում, որ դավանական տիպը փոխվե գուտ ազգային, նրանց կառավարությունը և այն կալվածները, որոնցով պահվում են այդ դպրոցները, անցնեն ժողովրդի ձեռքը: Գալով պետական դպրոցներին, հայտնում է, որ փոխանակ նախկին հոգևաբարձուի նշանակված են չորս կոմիսարներ, ըստ ազգությունների, որոնք կոլեգիալ կերպով կառավարում են պետական դպրոցների ընդհանուր գործերը: Սրա հետ միասին, ամեն մի կոմիսար

\* Բնագրում արվեստական:

\* Տե՛ս փաստաթուղթ N 21:

\* Ողջույնի տեքստը արխիվային գործում չի պահպանվել:

պետք է զբաղվի յուր ազգի դպրոցների ազգայնացման գործում: Դպրոցական կոմիսարների կանոնադրությունը կազմված է և առաջարկված ժամանակավոր կառավարության հաստատության: Այս տիպի դպրոցների ազգայնացումը ավելի բարդ է: պետք է ընտրվի կառավարող մարմին, նոր ի նորո մշակվեն ծրագիրներ, կանոնադրություն, պատրաստվեն դասագրքեր, ուսուցիչներ և այլն: Ինքը՝ զեկուցանողը, հայտնում է, որ ինքն ընտրված է հայկական դպրոցների համար կոմիսար հայոց ուսուցչական համագումարի առաջարկությամբ: Բայց գտնում է, որ այդ պաշտոնը պետք է վարի որևէ մի ազգային մարմնի կողմից ընտրված մարդ: Առաջարկում է, որ այդ ընտրությունը կատարե համախորհուրդը: Այս զեկուցանողը համառոտ հիշատակում է, թե ինչ է արվել այս ուսումնական տարվա սկզբից պետական դպրոցների հայկական մասերի ազգայնացման խնդրում:

Երկրորդ զեկուցանող Աբեղյանը, բերելով վիճակագրական թվեր Կովկասի պետական դպրոցների քանակի և աշակերտության թվի, ըստ ազգության, գալիս է այն եզրակացության, թե պետական դպրոցները ծառայում էին ռուս ազգաբնակչության, իսկ այլ ազգիների համար ծառայում էին իբրև ուսուցման միջոց, այնքան նրանց մեջ ուժեղացած էր ռուսական տարրը և արհամարհված տեղականը: Նրանց ազգայնացումը տեղափոխությունից հետո, երբ ազգերի ինքնորոշման իրավունքը իրատարակվեց, անհրաժեշտ պահանջ է: Ազգայնացում ասելով պետք է հասկացվի միայն, որ մայրենի առարկաները պարտադիր լինեն, կամ առարկաները մայրենի լեզվով ավանդվեն, այլ որ նրանց ղեկավարությունը ևս հանձնվեց ազգից ընտրված մի մարմնի, որ ըստ յուր հասկացածի մշակե ծրագիր և դպրոցները կառավարե: Այլապես մենք կես ճանապարհին կմնանք, և մինիստրությունը հնարավորություն կունենա այս կամ այն կերպով ազդել դպրոցների ոգու և ուղղության վրա: Այնուհետև զեկուցանողը տեղեկություններ է հաղորդում, թե ինչ է կատարվել այս տարի դպրոցների ազգայնացման խնդրում: Հիշում է նաև, որ շատ անգամ հայ ծնողները հրաժարվել են իրենց որդից տալ ազգայնացած դպրոցները, գերադասելով նախկին դրության մեջ մնացած, խառն տիպի դպրոցները: Սակայն երբ նրանց բացատրվում է ազգայնացման նպատակը և այս տեսակ դպրոցների իրավահավասարությունը, նրանք համաձայնում են ազգայնացած դպրոցները տալ: Անցնելով եկեղեցական-ծխական դպրոցների, զեկուցանողը հայտնում է, որ նրանք զուտ ազգային ժողովրդական դպրոցներ են, բայց եթե եկեղեցուց անջատ չեն եղել, դա հետևանք է եղել հին կառավարության քաղաքականության: Այժմ ժամանակը հասել է, որ նրանց ղեկավարությունը անցնի ազգից ընտրված մարմնի ձեռքը: Ուրեմն նրանք ոչ թե պետք է ազգայնացան, այլ աշխարհականացան, և այս անհետաձգելի պահանջ է, քանի որ մինիստրության կարգադրությամբ ռուսաց սինոդին ենթակա դպրոցները հանձնվում են մինիստրության: Այս կարգադրությունը կարող է տարածվել մեր դպրոցների վրա, եթե մենք չկանխենք: Աշխարհականացման ստիպողականությունն ակներև է դառնում, երբ ի նկատ ունենանք մեր դպրոցների խառնակ, անկազմակերպ վիճակը, թեմական տեսուչների բացակայությունը, հոգաբարձուների քայքայումը, բազմաթիվ փակ մնացած դպրոցներ և այլն: Հեղափոխության շրջանում մեր նշանաբանը պետք է լինի՝ կառավարել մեր դպրոցները իբրև ազգ և ոչ թե իբրև եկեղեցական համայնք:

Նախագահը հայտնում է, թե Ավագների խորհուրդը դեռ չէ կարողացել պատրաստել բանաձև Ազգային խորհրդի կազմի և իրավասության մասին: Առաջարկում է, որ ֆրակցիաները ժողովի մեջ իրենց բանաձևերն առաջարկեն, և ժողովում լուծվի այդ հարցը:

Պապաջանյանը գտնում է, որ մեծ ժողովում այդպիսի հարցեր լուծելը նպատակահարմար չէ. հարցը կտապալվի: Առաջարկում է, որ Ավագների խորհուրդը դարձյալ պարապե և համաձայնության գալով մի ընդհանուր որոշում բերե:

Այս առաջարկությունն ընդունվում է, և հայտարարվում է ընդմիջում:

Ընդմիջումից հետո դպրոցական սեկցիայի փոքրամասնության կողմից զեկուցանում է Ստ.Մալխասյանը և ասում. - Ազգայնացման ենթակա երկու տիպի դպրոցներից ամենամեծ կարևորություն ունի պետական դպրոցների ազգայնացումը, որի համար ամեն ինչ նոր պետք է ստեղծվի: Սակայն դպրոցական սեկցիան և ոչ մի նիստ չէ նվիրել այս հարցին: Գալով եկեղեցական-ծխական դպրոցների աշխարհականացման, սեկցիան այս հարցին նվիրել է երեք նիստ, որոնց ընթացքում քննության է առել Ս.Տիգրանյանի կազմած թեզիսներից միայն առաջինը, որի մասին էլ համաձայնություն չի կայացել: Ուրեմն սեկցիան պատրաստ բանաձևեր չունի դպրոցների ազգայնացման հարցի առիթով: Եկեղեցական-ծխական դպրոցների վերաբերմամբ զեկուցանողը նկատում է, որ նրանք իսկապես ժողովրդական են և կառավարում են ժողովրդի ձեռքով, հանձին հոգաբարձությունների: Հոգևոր իշխանությունը միայն կոնտրոլի դեր է կատարում, և եթե այդ դպրոցներն աննախաձեռնելի վիճակի մեջ են, մեղավորը ինքը ժողովուրդն է: Մեծամասնության առաջարկած եկեղեցապատկան կալվածների գրառումը անիրագործելի է: Ուստի կալվածները համազգային սեփականություն են կազմում, և եթե համախորհուրդը վճռե գրավել, դեռ հարց է, արդյոք, կաթողիկոսը կտա՞ և մանավանդ թե ունի՞ տալու իրավունք: Ուստի փոքրամասնությունը սկզբունքով ընդունելով ծխական-եկեղեցական դպրոցների աշխարհականացումը, գտնում է, որ քանի որ դա կապված է մի շարք իրավաբանական և տնտեսական բարդ հարցերի հետ: Եվ քանի որ դեռ չկա մի ազգային իրավասու մարմին, որ իրավունք ունենա ստանձնելու այն եկեղեցական գույքերն ու հասույթները, որոնցով պահվում են դպրոցները, վաղաժամ է համարում այդ ազգայնացումը և առաջարկում է ընտրել մի մարմին, որ հոգևոր իշխանության հետ համաձայնությամբ կառավարե այդ դպրոցները և մշակե նրանց աշխարհականացման եղանակն ու պայմանները:

Մեսրոպ եպիսկոպոսը բացատրում է հոգևոր իշխանության վերաբերմունքը դպրոցների ազգայնացման հարցին: Նկարագրելով հին վանական դպրոցների կատարած դերը մեր լուսավորության գործում, անցնում է ռուսաց տիրապետության ժամանակի կարգերին և ասում, թե չնայելով կառավարության ձգտումներին՝ եկեղեցական դպրոցները որքան կարելի է կղերականացնել, հոգևոր իշխանությունը պահպանեց նրանց ժողովրդական տիպը: Սատթեսու կաթողիկոսը սկիզբ դրեց ժողովրդական հոգաբարձության: Էջմիածնում հունիսի 12-ին գումարված էր եկեղեցականների համագումար, որտեղ ի նկատի առնվեց ծխական դպրոցների հարցը: Նկատվեց, որ գոյություն ունեն մի քանի տեսակի դպրոցներ՝ մասնավոր անձերի և հիմնարկությունների պահածներ, զուտ եկեղեցական հասույթներով պահվողներ և ժողովրդի մասնաբաժնով պահվողներ: Առաջին տեսակի դպրոցների վիճակը կախված պետք է լինի պահողների կամքից, երկրորդ տեսակինը պետք է մնա հոգևոր իշխանության եկեղեցական կարիքների համար, իսկ երրորդ տեսակի դպրոցները ժողովուրդը թող կառավարե ինչպես որ կամենա: Զեկուցանողները այս տարբերությունները նկատի չունեին: Ինքը չէ հավատում, որ համախորհուրդը որոշում կայացնի, թե եկեղեցին իրավունք չունի դպրոց բանալու: Գալով մեր դպրոցների աննախաձեռնելի վիճակին, հռետորը գլխավոր պատճառը գտնում է միջոցների պակասության մեջ: Ինքը համաձայն չէ այն առաջարկության, թե եկեղեցապատկան գույքերը պետք է գրավել դպրոցների պահպանության համար: Ինքը գտնում է, որ այդ խղճուկ միջոցները պետք է գործի դրվեն մեր կուլտուրական այն կարիքների համար, որ շատ բազմաթիվ են, իսկ դպրոցների պահպանությունը պետության գործն է, պետք է պահանջել, որ պետական գանձարանը մատակարարե այս միջոցները:

Ստամբուլցյանը (սոց.-հեղ.) ակնարկ ձգելով դպրոցների այժմյան վիճակի վրա, գտնում է նրանց աննախաձեռնելի դրության մեջ: Պետական դպրոցները ծառայել են ռուսացման և այլազգիների զրկողության, ազգային դպրոցները, որոնք վայելում են ինքնավարություն, խեղճ դրության մեջ են: Վրացիք, որոնք չունենին դպրոցական



ինքնավարություն, մեզանից բարձր են կանգնած գրագիտության կողմից: Սա ցույց է տալիս, որ հայ համայնքը չէ կարողանում յուր միջոցներով կառավարել յուր դպրոցները: Մեր դպրոցները ոչ թե պետք է ազգայնացնել, որ դժվար թե բավարար արդյունք ունենան, միջոցների պակասությունը աչքի առաջ ունենալով, այլ պետք է պետականացնել: Մենք ոչ թե պետք է կանխենք, որ մեր դպրոցները մինիստրական չդառնան, այլ ինքններս պետք է հարց հարուցանենք նրանց պետական դպրոցների ցանցի մեջ մտցնելու համար: Նույն միջոցը, միայն մասամբ, պետք է գործադրել և հոգևոր դպրոցների համար: Պետականացած դպրոցները պետք է կառավարվեն ինքնավար մարմինների ձեռքով, տերիտորիալ սկզբունքով:

Խոնդկարյանը սխալ է համարում ժող. կուսակցության հայացքը, թե եկեղեցական կալվածքները, ըստ Պոլոժենիայի, պատկանում են ամբողջ հայության և ոչ միայն ռուսահայերին: Ուստի և ռուսաց պետական օրենքը չէ կարող նրանց գրավել, և ոչ ռուսահայոց համախորհուրդը իրավասու է նրանց մասին կարգադրություն անել: Յուր կարծիքով Պոլոժենիան, որ եկեղեցական կալվածքները ընդհանուր եկեղեցունն է ճանաչում, աչքի առաջ ունի միայն Ռուսաստանի սահմաններում եղած հայ եկեղեցիները: Եկեղեցական կալվածքներից մի մասը կարելի է պահպանել համայնքների ձեռքում, բայց հողային կալվածները, որքան էլ բողոքենք, ինչ միջոցների էլ որ դիմենք, այնուամենայնիվ, պետությունից կզրավվեն ժողովրդի համար՝ ընդհանուր պետական օրենքով: Իրանց ֆրակցիան հակառակ չէ, որ այդ կալվածքների կառավարությունը հանձնվի համայնքներին, եթե ստեղծվի ազգային կուլտուրական ավտոնոմիա:

Հայկ Տեր-Միքայելյանը նկատում է, որ առաջին զեկուցանողները գնում են «ամենափոքր դիմադրության» ուղղությամբ. մոմ ծախելով, աջահամբույրներով կոպեկներ են հավաքվում, և ահա աչք են դնում այդ կոպեկների վրա, բայց չեն սպասում միջոցներ ստանալ պետությունից, որի պարտականությունն է դպրոցների պահպանությունը: Մեր դպրոցները խեղճ են: Բայց ո՞վ է մեղավոր: Հոգևոր իշխանությունը սխալվել է, որ ժողովրդին է հանձնել նրանց կառավարությունը: Յոթը ամիս է, նոր կարգեր են ստեղծվել: Նախկին դպրոցական հոգաբարձուի փոխարեն կազմվել է կոմիսարիատ: Բայց ի՞նչ է արել նա մինչև այսօր: Ստանում ենք շրջաբերականներ՝ ազգայնացած դպրոցների բացումը հետաձգելու մինչև հոկտեմբերի 20-ը, որպեսզի կարգադրություն անեն: Ստեղծվել է անարխիա: Մեղադրելի չեն այն ծնողները, որոնք հրաժարվում են իրենց որդոց այդ ազգայնացած դպրոցները տալու: Ահագին գործ կա կատարելու պետական դպրոցների ազգայնացման գործում, և սակայն դեռ ոչինչ չէ արված: Ի վերջո, նկատելով, որ սեկցիայի կողմից պատրաստված ծրագիր և բանաձև չէ բերված, ինքն առաջարկում է այդ հարցը համախորհրդի գործերից հանել և պահել Ազգային համագումարին:

Սուրխաթյանը<sup>1</sup> գտնում է, որ դպրոցների գործը պետք է հանձնվի պետության, քաղաքային և զենստվային ինքնավարությունների անմիջական կառավարության տակ: Սրանք պետ է ունենան միջազգային խորհուրդներ՝ բաժանված ազգային ավտոնոմ սեկցիաների: Բոլոր դպրոցները պետք է ենթարկված լինեն լուսավորության մինիստրին, որին կից պետք է հիմնվի նույնպես միջազգային բնավորության խորհուրդ՝ ազգային սեկցաներով: Համաձայն չէ, որ ընտրվեն կրթական առանձին ազգային մարմիններ: Ծխական դպրոցները նույնպես պետք է առնվեն հոգևոր իշխանությունից և հանձնվեն պետության, մտցնելով պետական դպրոցների ցանցի մեջ: Իսկ այն եկամուտները, որոնցով պահվում են այդ դպրոցները, պետք է գործադրվեն այլ կուլտուրական կարիքների համար:

Ղազար Տեր-Ղազարյանը դիտում է այն հակասությունը, որ կա դպրոցների ազգայնացման ծրագրի և տերիտորիալ ավտոնոմիայի ծրագրի մեջ: Եթե ստեղծվի տերիտորիալ ավտոնոմիա, այլևս կարիք չի լինի դպրոցների համար ազգային խորհուրդ ստեղծելու: Ինքը համաձայն չէ, որ դպրոցների կառավարությունը հանձնվի

հետամնաց ժողովրդի ձեռքը: Անդրկովկասում կան ժողովրդական մասսաներ, որոնք անընդունակ են դպրոցներ կառավարելու: Որպեսզի դպրոցները չենթարկվեն ոչ ցանկալի տարրերի և դասակարգերի ազդեցության, պետք է նրանց ղեկավարությունը մի ուժեղ ձեռքի մեջ դնել, այն է՝ պետք է նրանց պետականացնել:

Արշ.Ջամայանը առարկելով նախկին հռետորներին, նախ կանգ է առնում Հայ ժող. կուսակցության հարուցած առարկությունների և ասում է, թե եկեղեցական-ծխական դպրոցների աշխարհականացման ոչ մի դժվարություն չկա, որովհետև համախորհրդի կողմից ընտրվելիք դպրոցական մարմինը կառավարության կողմից կհաստատվի, և նա կիրականացնի ինչ որ հարկ է: Մալխասյանի հայտնած տարակույսին, թե արդյոք, կաթողիկոսը կտա՞ կալվածները և իրավունք ունի՞ տալու, հռետորը պատասխանեց՝ մենք կստիպենք: Այա առարկելով սոց-դեմոկրատ և սոց. հեղափոխական հռետորներին, ասում է, որ դպրոցները պետք է հանձնվեն ազգի տնօրինությանը: Ոչ մի թուրք կամ վրացի, կամ ռուս իրավունք չպիտի ունենա խառնվելու մեր դպրոցական գործերին: Պետք է ստեղծվի անկախ հայկական ուսումնական խորհուրդ, որ պիտի կառավարե [միայն] դպրոցները:

Ամիրյանը առարկելով դաշնակցական հռետորներին, ասում է, որ հայ եկեղեցին ինքը հայ ժողովուրդն է, և սրա մեջ է եկեղեցու ուժը և թուլությունը: Եկեղեցին մեր մեջ եղել է ազգային իշխանության սուրբատը, ուրեմն ի՞նչ իրավունք ունեք այսպիսի եկեղեցուց պահանջելու կալվածքները, քանի որ նրանք արդեն ժողովրդինն են: Եթե հարց է ծագում կալվածների սեկուլարիզացիայի, այդ հարցը այստեղ չէ կարող լուծվել: Իսկ եթե նրանց կառավարելու և կարգավորելու հարցն է դրվում, կառավարենք, որովհետև դուք ժողովուրդն եք: Ինչ որոշում էլ որ այստեղ կայանա, նշանակություն չի ունենա, որովհետև այդ կալվածները սեփականություն են հիմնարկությունների, որոնք դատարանի միջոցով կբողոքեն և ի չիք կդարձնեն որոշումները: Դաշնակցությունը եկեղեցական կալվածների գրավման հարցը առաջ է բերում ցույց տալու համար, որ ինքը սոցիալիստական կուսակցություն է: Նա կռվում է կղերականության դեմ, որովհետև գիտե, որ ուժեղ դիմադրության չի հանդիպի: Բայց նա դուրս չի գալիս թուրք բեզի դեմ հայ գյուղացուն պաշտպանելու: Մենք կղերականություն չունենք: Եթե նա կղերական է եղել, նշանակում է, Դաշնակցությունը ինքն է եղել կղերական, որ մտել է եկեղեցու մեջ՝ նրան շահագործելու համար հոգուտ կուսակցության շահերի: Երբ Դաշնակցությունը դուրս գա եկեղեցուց, եկեղեցին կուժեղանա:

Այնուհետև դարձյալ լինում է մտքերի փոխանակություն, որից հետո առաջարկություն է դրվում հարցը հանձնել ֆրակցիաներին, քանի որ սեկցիայում բավականաչափ քննված չէ: Բայց նախագահը առաջարկությունը չէ դնում քվեարկության, որովհետև քվորում չկար, այլ ասում է, թե մյուս օրը կզեկուցանե ժողովին:

Նիստը փակվում է գիշերվա 1<sup>1/2</sup> ժամին:

Գ. 21, ք.30-34:

**N 13  
Նիստ ԺԲ**

9 հոկտեմբերի (առավոտյան) 1917թ.

Նիստը բացվեց առավոտյան 12 ժամին, նախագահությանը Ղ.Տեր-Ղազարյանի և ներկայությամբ 124 անդամի:

Նախագահը զեկուցանում է, թե երեկվա նիստում դպրոցական հարցի վերաբերմամբ որոշում չկայացավ: Կար երկու առաջարկություն:

ա. հանձնել ֆրակցիաների քննության, քանի որ հարցը սեկցիայում բավականաչափ մշակված չէ,

բ. դուրս ձգել համախորհրդի գործերից և թողնել համախորհրդի որոշման՝ մինչև նույն պատճառաբանությամբ:

Ժողովը, ի նկատի ունենալով, որ ընտրվելու է Ազգային խորհուրդ լայն ֆունկցիաներով, որոշում է Ս.Տիգրանյանի առաջարկությամբ այս հարցը և նրա իրագործումը հանձնել ընտրվելիք Ազգային խորհրդին:

Նախագահը հայտնում է, որ Ավագների խորհուրդը եկել է համաձայնության Պետրոգրադում զինվորական մինիստրի մոտ նշանակվելիք հայ զինվորական գործակալի անձնավորության մասին և, իբրև այդպիսին, առաջարկում է գեներալ Բագրատունուն: Բոլոր ֆրակցիաները հայտնում են միաձայն իրանց վստահությունը նրա մասին, և Բագրատունուն միաձայն ընտրվում է զինվորական գործակալ: Ժողովը որոշում է, որ նա կարևոր հարցերի վերաբերմամբ պետք է հրահանգներ և ցուցումներ ստանա Ազգային խորհրդից, իսկ ընթացիկ գործերը պետք է վարե, խորհրդակցելով յուր մոտ կազմվելիք մարմնի հետ:

Նախագահը զեկուցանում է, որ Ավագների խորհուրդը համաձայնության է եկել Ազգային խորհրդի ֆունկցիաների մասին: Կազմի մասին դեռ համաձայնություն չկա: Հույս ունի, թե մինչև երեկոյան նիստը համաձայնություն կկայանա:

Նախագահը զեկուցանում է, թե Պետրոգրադից ստացվել է հեռագիր, որով առաջարկվում է ընտրել հայերի կողմից մի ցենզավոր ներկայացուցիչ նախապառլամենտում՝ ի լրացումն երկու սոցիալիստական-ազգային ներկայացուցիչների:

Ժողովը խորհրդակցությունից հետո գտնում է, որ այդ ներկայացուցիչ ընտրությունը պետք է կատարե ոչ համախորհուրդը, այլ ցենզավոր որևէ մարմին, և որոշում է հանձնել այդ ընտրության գործը առևտրա-արդյունաբերական խորհրդին:

Նիստը փակվեց ժամը 3-ին:

Գ.21, ք.34 և հակ.:

## N 14 Նիստ ԺԳ

9 հոկտեմբերի 1917թ.  
(երեկոյան)

Նիստը բացվեց առաջնորդարանում, երեկոյան ժամը 9-ին, նախագահությանը Լ.Աթաբեկյանի և ներայությանը 78 անդամի:

Նախագահը զեկուցանում է, թե Ավագների խորհուրդը դեռ չէ կարողացել վերջացնել Ազգային խորհրդի կազմի հարցի որոշումը, խորհուրդը դեռ շարունակում է աշխատանքը:

Հ.Առաքելյանն ասում է, թե քանի որ ընտրվելու է Ազգային խորհուրդ և գործադիր մարմին, պետք է որոշվեն թե մեկի և թե մյուսի ֆունկցիաները: Ժողովը, գտնելով, որ բազմամարդ ժողովի մեջ դժվար է համաձայնության գալ այս հարցերի մասին, որոշում է հանձնել այդ ֆունկցիաների որոշումը Ավագների խորհրդին:

Նախագահի առաջարկությամբ ժողովը որոշում է ընտրել մասնաժողով՝ ժողովի մեջ քննված հարցերի մասին ընդհանուր բանաձևեր մշակելու համար:

Հ.Քաջազնունու առաջարկությամբ ժողովը որոշում է մասնաժողովի կազմի մեջ մտցնել նաև քարտուղարությունը:

Մասնաժողովի կազմի մեջ ժողովի որոշմամբ մտնում են երկու-երկու անձ ֆրակցիաներից և մի անձ անկուսակցականներից: Ընտրվում են Դաշնակցությունից՝ Շահխաթունյան, Աղբալյան, սոց. դեմոկրատներից՝ Տեր-Ղազարյան, սոց. հեղափոխականներից՝ Ստամբուլյան, Տեր-Օհանյան, Հայ Ժող. կուսակցությունից՝ Մխիթարյան, Ամիրյան, անկուսակցականներից՝ Մամիկոնյան: Բացի սրանցից, որոշվում է գաղթականական և պարենավորման հարցի բանաձևի համար հրավիրել գաղթականական մարմնի մասնաժողովը:

Օրակարգի հարցն էր զեկուցումը պարենավորման հարցի մասին:

Սեկցիայի կողմից զեկուցանում է Ս.Հարությունյանը: Նա վիճակագրական տվյալներ բերելով, ցույց է տալիս, որ Անդրկովկասում այս տարի հացի բերքը անբավարար է եղել: Կան գավառներ, որ սերմացուն անգամ հետ չեն ժողովել: Համեմատաբար լավ է Հյուսիսխային Կովկասում, որ շարունակ Անդրկովկասի համար ծառայել է իբրև շտեմարան: Հացի պակասությունը մեզ մոտ արդեն չարագուշակ կերպարանք է ստանում: Հացի գինը չափազանց բարձրանում է: Ձորի ճակատը հազիվ մի ամսվա պաշար ունի, և այնտեղ էլ օրական ռացիոնը պակասեցրել են կես ֆունտով: Սրա հետ միասին պարենավորման գործը շատ անկազմակերպ ու խառն վիճակի մեջ է: Վագոններով այլուր է անհետանում, չգիտեն ուր: Գաղթականների համար ստացված այլուրը բռնությամբ առել-տարել են: Պետք է այժմեն կտրուկ և նպատակահարմար միջոցներ ձեռք առնվեն ապագա սովի սպառնալիքից խուսափելու համար: Մեր հույսը դնելու ենք Հյուսիսխային Կովկասի և Պարսկաստանի վրա, որտեղ նույնպես այլուր կա, թեպետև շատ բարձր գնով: Այնուհետև կարողում է սեկցիայի ընդունած բանաձևը:

Ժողովը, նախագահի առաջարկությամբ, որոշում է, որ միայն գործնական առաջարկություններ լինեն:

Հ.Առաքելյանը գտնում է, որ կառավարության օգնության վրա հույս դնելով չի կարելի բավականանալ: Այդ օգնությունը, եթե լինի էլ, շատ կուշանա: Պետք է ինքնօգնության դիմել: Թուրքերը կարողացել են ժամանակին կազմակերպել հացի գնման գործը և ներկայումս ֆունտը 9 կոպեկով հաց են մատակարարում իրանց ազգակիցներից, այնինչ, Շուշիում հայերը հացի ֆունտին մի ռուբլի են տալիս: Պետք է մեր հարուստները և բանկերը առևտրական հողի վրա մի քանի միլիոն ռուբլու ֆոնդ կազմեն, այլուր գնեն և առքի գնով ծախեն ազգաբնակչությանը: Նույնպես առաջարկում է բանալ էժանագին ճաշարաններ և թեյարաններ:

Սերեբրյայանը հայտնում է, որ Հյուսիսխային Կովկասում ցորեն կա, դժվարությունը վագոնների իրավունք ստանալու մեջ է կայանում: Պետք է դիմել, այսպես կոչված, պոլկաչների աջակցության: Շանախիում հերկ կա, բայց սերմացու չկա. եթե շուտ չհասնի, սովը մյուս տարի անխուսափելի կլինի: Համաձայն է Հ.Առաքելյանի առաջարկած միջոցին:

Նարինան Տեր-Ղազարյանը նկատում է, թե ոչ թե հաց չկա, այլ չկա կանոնավոր կազմակերպություն: Մեր ինտելիգենցիան սովոր է ընդլուծիաներ հանել, բայց նրանց գործադրելու համար գործնական քայլեր չէ անում: Պարենավորման գործը գտնվում է սպեկուլյանտների ձեռքին, որոնք շահագրգռված են հացի թանկանալու մեջ: Ջիվանշիրի գավառում հաց գնվեց Շուշիի համար՝ փուլը 12ռ., բայց պարենավորման կոմիտեն թույլ չտվեց տանել Շուշի, և այնտեղ այժմ ցորենը ծախվում է փուլը 30-33 ռուբլով: Պետք պարենավորման գործը առնել այդպիսիների ձեռքից և հանձնել կառավարչական կոմիսարներին: Պետք է կռիվ հայտարարել վաշխառուների դեմ, և նրանք կսաստվեն: Սովի ուրվականը կանգնած է մեր առաջ. պետք է դպրոցները փակել. սոված երեխան չի կարող սովորել: Մայրերը ժամերով հերթի են սպասում մի կտոր հաց գնելու համար: Եթե հուլիսին, երբ հացի

պակասությունը հայտնի դարձավ, անմիջապես գործի ձեռնարկելիք, այժմ ապահով դրության մեջ կլինելիք Գոնե այժմ փութանք ինչ որ հնար է անել, այլապես կանգնած կլինենք բարդությունների առաջ:

Ժողովը որոշում է վիճաբանությունները փակել: Այնուհետև կարճ խորհրդակցությունից հետո որոշվում է սեկցիայի բանաձևը իբրև նյութ հանձնել Ազգային խորհրդին՝ հանձնարարելով յուր հոգսերի կարևորագույնը համարել պարենավորման գործը: Նույն խորհրդին հանձնել և Հ.Առաքելյանի առաջարկությունը [այն] իրագործելու, որքան հնար է:

Օրակարգի հաջորդ հարցն էր զեկուցումը Ազգային բյուրոյի մասին: Բայց հայտնվեց, որ զեկուցանող Աղբալյանը բացակա է:

Երզնկյանը բողոքեց այս երևույթի դեմ և հայտնեց, որ սաբոտաժ անբույլատրելի է:

Որոշվեց այդ զեկուցումը հետաձգել հաջորդ օրվան:

Նիստը փակվեց գիշերվա 10<sup>1/2</sup> ժամին:

Գ.21, ք.23-24:

### N 15 Նիստ ԺԴ

10 հոկտեմբերի 1917թ.

Նիստը բացվեց առաջնորդարանում, [առավոտյան] 8 ժամին, նախագահությանը Ա.Ահարոնյանի և ներկայությամբ 103 անդամի:

Նախագահը հայտնում է, թե խմբագրական մասնաժողովը մշակել է ընդհանուր բանաձևեր Օգակոմի ապագա կազմի և ազգամիջյան ու ինքնորոշման հարցերի մասին:

Կարդացվում են բանաձևերը:

Օգակոմի կազմի մասին- «Կովկասյան կառավարության կազմին վերաբերող հարցի լուծումը համախորհուրդը հանձնում է նորընտիր Ազգային խորհրդին՝ վարվելու համաձայն մոմենտի պահանջին»:

Ազգամիջյան և ինքնորոշման հարցերի մասին - «Ընդունելով ազգերի ինքնորոշման իրավունքը, հայ ժողովուրդը պիտի ձգտի իրականացնել իր այդ իրավունքը պետականության հիմունքներով և սկզբունքներով, անդրկովկասյան ժողովուրդների դեմոկրատիայի փոխադարձ համաձայնությամբ»:

Ժողովը երկու բանաձևերն էլ ընդունում է:

Օրակարգի հարցն էր զեկուցումը Ազգային բյուրոյի գործունեության մասին:<sup>1</sup>

Զինվորական մասի զեկուցանող Ն.Աղբալյանը ամփոփ տեղեկություններ է հաղորդում կամավորների գնդի կազմակերպության մասին,<sup>2</sup> որոնք առաջացան կառավարության ցանկությամբ: Բայց վերջը կառավարությունը սկսեց ցուցյ տալ դեպի նրանց անբարյացակամ վերաբերմունք, օրինակ՝ թույլ չէր տալիս նրանց ստվարանալ, կասկածելով, թե միզուցե ապագային չարիք դառնան յուր համար իբրև հեղափոխական տարրեր. նրանց պահանջները և կարիքները չէր հոգում, նրանց ծառայությունները և քաջագործությունները չէր հիշատակում և այլն: Այսպիսով հարաբերությունը կառավարության և մեր մեջ լարված բնույթ ստացավ: Այնուհետև հռետորը թվում է կամավորների անվիճելի ծառայությունները և քաջությունները - որ նրանք եղել են հառաջապահ դիրքերի վրա, նահանջի ժամանակ եղել են հետին

<sup>1</sup> Ճառի համեմատաբար լրիվ շարադրանքը, որ ընտրել ենք «Հորիզոն» թերթից, բերում ենք սույն արձանագրության վերջում:

դիրքերի վրա, նահանջի ժամանակ եղել են հետին գծերի վրա, կատարել են խուզարկուի պաշտոն, ճակատի կռիվներին մասնակցել են անվեհերությամբ, օրինակ՝ Սարիզամիշի, Դիլմանի, Ռևանդուզի, Բերկրի-Կալայի, Բիթլիսի, Մուշի, Խնուսի և այլ կռիվներում, որտեղ հաճախ վճռական դեր են կատարել: Հայ ժողովրդի վերաբերմամբ կամավորների կատարած ծառայությունները հռետորը գտնում է նրանում, որ Վանը ազատելու պատճառ դարձան, հակառակ ռուսաց կառավարության որոշման, գաղթի ժամանակ ապահովեցին և պաշտպանեցին գաղթողներին, հայկական հարցի լուծման գործում նշանակություն տվին հայերի մասնակցությամբ կռվող դաշնակից պետությունների աջքուն, ապացուցեցին հայերի զինվորական կազմակերպչական ոգին, ժողովրդի ոգեկան կրողը: Այս հանգամանքները հասարակական մեծ արժեք ունեն հայոց վերածնության նախօրյակին: Կամավորների պակասությունները ավելի չեն եղել, քան ռուսաց բանակինը: Այսքան ասելով կամավորների դերի մասին, հռետորը ասում է, թե մնացածը թողնում է պատմության:

Ա.Ահարոնյանը, հակիրճ ճառով արտահայտելով այն միտքը, թե կամավորական խմբերի վարիչները մեր ցեղի ազնվական կրողի արտահայտիչներն են եղել, առաջարկում է ողջունել ժողովում ներկա եղող Անդրանիկին և Դրոյին և ոտքի կանգնել ընկածների հիշատակին: (Բոլորը ոտքի են կանգնում):

Ն.Տեր-Ղազարյանը պահանջում է, որ զեկուցում տրվի Բյուրոյի վարած քաղաքականության մասին նախկին կառավարության հետ:

ԲԺ.Բոնապարտյանը նկատում է, որ Ազգային բյուրոն այդ պատասխանատու քաղաքականությունը վարելիս հարաբերության մեջ չի մտել Պոլսո Ազգային ժողովի հետ:

Ն.Աղբալյանը պատասխանում է, թե այդ հարցերը վերաբերում են Ազգային բյուրոյի քաղաքական գործունեության, որի մասին զեկուցում պետք է տա Գ.Խատիսյանը:

Երզնկյանը, որին ձայնակցում են և ուրիշ ժողովականներ, պահանջում է, որ Ազգային բյուրոյի քաղաքական գործունեության հաշիվը ներկայացվի համազումարին: Եթե զեկուցանող Գ.Խատիսյանը բացակա է, ապա պետք է մեկ ուրիշը զեկուցանե, մանավանդ, որ ներկա են բյուրոյի այդ գործունեության լավատեսիկ անդամներ: Ժողովը, մտքերի փոխանակությունից հետո, որոշում է այդ հարցը հետաձգել առաջիկա միստին, խնդրելով, որ Ա.Հարությունյանը զեկուցանե:

Ժողովն անցնում է Ազգային բյուրոյի դրամական հաշիվների քննիչ հանձնաժողովի զեկուցումը լսելու: Հանձնաժողովի նախագահ Ա.Հարությունյանի բացակայության պատճառով զեկուցումը կարդում է Ա.Դարբինյանը, որ կարդալով սեկցիայի արձանագրությունն ու որոշումը (այս արձանագրությունն ու որոշումը դրվում են այս միստի արձանագրության տակ), յուր կողմից մի քանի լրացուցիչ տեղեկություններ է հաղորդում մոտ 100.000 ռուբլի գումարի սխալի մասին, որ նկատվել է Ազգային բյուրոյի տպած հաշիվների մեջ:

Այս առիթով տրվում են փոխադարձ բացատրություններ, որոնցից երևում է, որ այդ գումարի հարցը դեռ ստուգված չէ եղել, ուստի և հանձնաժողովը որոշել է դրա մասին, իբրև դեռ չստուգված, ոչինչ չզեկուցանել համախորհրդին:

Այս հարցը այսպես պարզվելուց հետո ժողովն ընդունում է հանձնաժողովի զեկուցումը:

Նիստը փակվում է 2<sup>1/2</sup> ժամին:

Գ.21, ք.24,35:

\*

<sup>2</sup> Արձանագրությունն ու որոշումը արխիվային գործերում չեն պահպանվել:

**Պատգամավոր Նիկոլ Աղբալյանի զեկուցումը Ազգային համախորհրդակցության հոկտեմբերի 10-ի երեկոյան նիստում՝ միլիված կամավորական շարժմանը**

10 հոկտեմբերի 1917թ.

Այնուհետև կամավորական շարժման մասին Ազգային բյուրոյի կողմից զեկուցում է տալիս ընկ. Ն.Աղբալյան:

«Կամավորական շարժման մասին դատավճիռ կարծակի ապագա հայ պատմագիրը: Իսկ մենք, որպես ականատեսներ, կարող ենք մտքեր բանաձևել այդ շարժման մասին և ցույց տալ մեր վերաբերմունքը: Երբ ակնհայտ դարձավ, որ Թուրքիան էլ, որպես հակառակորդ մեր դաշնակիցներին, կռվի է դուրս գալիս, այդ ժամանակ ինքնաբերաբար շարժում սկսվեց հայկական բոլոր խավերում: Կամավորներ երևացին անգլիական և ֆրանսիական բանակներում:

Կամավորական հոսանք սկսվեց նաև դեպի ռուսական բանակը: Այդ ցրիվ, անկազմակերպ շարժմանը որոշ ձև և ուղղություն տալու համար ծնվեց համապատասխան ազգային մարմին, որ իր ձեռքն առավ հայ կամավորական շարժման ղեկավարությունը: Ռուսական բանակի մեջ հայ կամավորների պարտք է լինել օժանդակ ուժ և, որպես երկու ծանոթ տարր, զբաղվել հետախուզական գործողություններով: Կամավորական շարժումն ունի երկու շրջան. սկզբից մինչև 1915թ. ապրիլի 1-ը՝ մինչև կամավորական զնդերի լուծումը: Կամավորական զնդերը կոչվում էին խմբեր, ինչպես և ասված է ռուսական պաշտոնական հրամաններում: Խմբերը գտնվում էին փորձված մարդկանց հրամանատարության տակ: Բաղկացած էին 450 մարդուց, միայն 1-ին գունդը 1000-ից ավելի էր: Խմբերը հետագայում միացան և վերածվեցին բատալիոնների: Խմբերը նպաստ էին ստանում պետությունից և Ազգային բյուրոյից:

1915թ. սեպտեմբերի վերջում կամավորական զնդերն այլևս իբրև այդպիսին, գոյություն չունեին. նրանց մի մասը ցրվեց, զինապարտները մոծվեցին ռուսական զորքի մեջ իբրև սովորական զորամասեր: Ազգային Բյուրոյի և [ցարական] կառավարության մեջ կար բացարձակ հակադրություն, նույնիսկ թշնամանք: Մինչդեռ Ազգային բյուրոն աշխատում էր մեծացնել զնդերի թիվը՝ կառավարությունն ընդդիմանում և աշխատում էր եղածի ուժն ամեն տեսակ արգելքներով թուլացնել: Նա ընդառաջ չէր զնում զնդերի ամենատարական, նույնիսկ տեխնիքական պահանջներին: Կառավարությունը խմբերին համարում էր կանոնավոր զորամասեր և համապատասխան պահանջներ առաջադրում: Այնինչ խմբերն այդ տեսակ կոչում և պատրաստականություն չունեին: Այստեղից՝ մի շարք թյուրիմացություններ: Բռնակալությունը չէր կարող տանել մեր բարոյական կարգապահությունը, որ հարկադրված էր այն ժամանակվա մտրակի ու սարսափի ազդեցության տակ գոյություն ունեցող կարգապահության: Մեր կամավորների մեջ իշխում էր այն ձևի կարգ, որ հիմա հեղափոխական կառավարությունն աշխատում է ստեղծել ռուս զորքի մեջ: Կառավարության թշնամանքը դեպի հայ կամավորներն ուներ մի այլ հիմնական պատճառ. այդպիսի մի զինական ուժ որոշ բարոյական կշիռով՝ չէր կարող հաճել լինել բռնակալության: Այդ ուժը նկատվում էր իբրև մի վտանգ ապագայի համար: Ահա այդ էր պատճառը, որ կամավորների կատարած մի շարք փայլուն գործողություններն անտեսվում էին պաշտոնական մարմինների կողմից, չէին հրատարակվում, մի բան, որ

\* Խոսքը Ազգային բյուրոյի մասին (տե՛ս N 15 փաստաթղթի ծանոթ. N 1):  
\* Ժամանակավոր կառավարությունը:

խոր կերպով վիրավորանք էր հասցնում թե՛ մարտիկներին և թե՛ առհասարակ հայերի ազգային զկացմունքին:

Կամավորներն ունեցել են մի շարք անվիճելի ծառայություններ.

1. Նրանք թե՛ պետությանը և թե՛ դաշնակիցներին զինված աջակից են եղել: Փաստերով կարելի է ապացուցել, որ նրանք միշտ առաջնակարգ դիրքերում են եղել՝ նրա կռիվների և հարձակումների ժամանակ:

2. Նահանջի ժամանակ՝ նրանք միշտ եղել են հետնապահ, անմիջական կրակի տակ:

3. Իբրև խուզարկուներ՝ նրանք նույնիսկ առաջին գծից էլ առաջ են եղել, այսինքն՝ կռվի ամենավտանգավոր մասում:

Վճռական ճակատամարտերում նրանք մի շարք կռիվներում կարևոր ու մեծ գործոն է հանդիսացել:

1. Սարիղամիշի ճակատամարտում 4-րդ գունդը Նարիմանի կռվում իր հերոսական դիմադրությամբ ահագին նշանակություն է ունեցել ընդհանուր պայքարի հաջողության համար:

2. Դիլմանի ճակատամարտում 1-ին գունդը Խալիլ-բեյի ուժի խորտակման մեջ ունեցել է իր մեծ կշիռը:

3. Ուսանդուզի կռվում 4-րդ գունդը իր խիզախ հարձակումով փրկել է ռուսական զորամասը տաճիկների ձեռքը գերի ընկնելուց, զոհ տալով Քեռուն:

Մի քանի կարևոր տեղեր գրավել են հայ կամավորների անմիջական մասնակցությամբ կամ բացառապես նրանց ձեռքով: Դրանք են. Բերկրի-Կալայի, Վանի, Խնուսի, Մուշի, Բիթլիսի գրավումները: Մեծ դեր են կատարել նաև Երզրումի գրավման մեջ Ազգային բյուրոյի տված ուղեցույցները: Բոլոր վերև հիշվածները հաստատված են պաշտոնական փաստաթղթերով:

Հայ կամավորները մի շարք անգնահատելի և անհերքելի ծառայություններ են մատուցել հայ ժողովրդին. նրանք ազատել են Վանը վերջնական խորտակումից: Ալաշկերտի և Վանի մեծ գաղթերի ժամանակ կամավորները՝ թե՛ առջևից, թե՛ թիկունքում կռվելով՝ փրկել են գաղթող ժողովրդին: Հայ կամավորական շարժումը հայկական հարցի հրապարակ նետվելուն և դաշնակիցների կողմից պաշտպանելու գործում ունեցել է իր մեծ նշանակությունը: Նա ցույց տվեց, որ հայ ցեղը կարող է կազմակերպված պաշտպանել իր երկիրը, ցուցադրեց ռազմական ոգին և ուժեղացրեց հայ ինքնազգացումը:

Այդ շարժումով հայ ժողովուրդն ապրեց ամբողջ երեք տարի: Դա բարոյական վերածննդի տարեթիվ է հայ ազգի համար 10-հազարանոց անձնվեր բանակ հանելը մեր նոր պատմության մեջ եզակի երևույթ է: Վերջին տարում, կորովազուրկ հայ ժողովուրդը առաջին անգամն է այդքան մի մեծ կազմակերպված ուժ և կորով ցուցադրում: Նախքան կամավորական շարժումը՝ մենք ենթադրում էինք, թե կարող ենք պետականորեն կազմակերպվելու և պաշտպանվելու, իսկ հիմա մենք այդ բանի ապացույցն ունենք: Կամավորական շարժման մի շարք պակասությունները նսեմանում են այս մեծ դրական կողմերի առաջ: Իսկ մնացածը պատկանում են պատմությանը»:

Վերջացնում է իր զեկուցումը ընկ. Աղբալյանը հասարակության բուռն ծափահարություններով:

Պատգամավորները խոսք են վերցնում և պահանջում, որ Ազգային բյուրոն հաշիվ տա իր այն հարաբերությունների մասին, որ վարել է կառավարության հետ:

Նախագահ - Ընդհատելով խոսողներին, առաջարկում է ողջունել կամավորական գործի այն հերոսներին, որ հիմա նստած են մեր շարքերում (բուռն ծափեր): Անդրանիկ և Դրո ոտքի են կանգնում և շնորհակալություն հայտնում (բուռն, երկարատև ծափահարություններ):

Նախագահ - Հիշենք նաև մեծ պայքարում ընկած զոհերի, որոնք կորան մեր փրկության և վերածնության գործի համար: Հարգենք նրանց հիշատակը (բոլորը ոտքի են կանգնում):

ժողովն անցնում է հերթական հարցերին:

«Հորիզոն», 18.10.1917, N 223:

## N 16 Նիստ ԺԴ

11 հոկտեմբերի 1917թ.

Նիստը բացվեց երեկոյան 9<sup>1/2</sup> ժամին, նախագահությամբ Ա.Մամիկոնյանի և ներկայությամբ 82 անդամի:

Ա.Հարությունյանը զեկուցանում է Ազգային բյուրոյի քաղաքական գործունեության մասին հետևյալ բովանդակությամբ (արտագրել համառոտ զեկուցումը Գ, ամբողջ 8 երես):

«Ազգային բյուրոյի քաղաքականության մասին զեկուցում է Ա.Հարությունյանը: Ազգային բյուրոն կազմվեց 1912թ., նրա նպատակն էր աջակցություն ցույց տալ Ամենայն հայոց կաթողիկոսին Հայկական հարցը պաշտպանելու գործում և սերտ կապ պահպանել արտասահմանյան ազգային պատվիրակությունների, այլ և Կ.Պոլսո Պատրիարքարանի հետ: Բյուրոն հիշյալ բոլոր հիմնարկությունների հետ միասին նպաստում էր հայանպաստ պրոպագանդային՝ թե՛ Ռուսաստանում և թե՛ արտասահմանում: Բյուրոյի մոտակա նպատակն էր Կ.Պոլսո դեսպան Գիրսի մշակած Հայաստանի ռեֆորմների ծրագրի իրականացմանը նպաստել:

Երկրորդ և ամենամեծ գործունեությունը ռուս-տաճկական ներկա պատերազմի ժամանակն էր: Բյուրոն կազմակերպեց, ձև և ոգի տվեց սկսած տարերային կամավորական շարժմանը և նրա ամենաեռանդուն ղեկավարը հանդիսացավ: Շատ բնական է, որ Հայկական հարցը ուժեղ կերպով հրապարակ նետելուն ահագին չափով նպաստել է Ազգային բյուրոյի ղեկավարությամբ տարված կամավորական շարժումը:

Բոլոր պատասխանատու քայլերի համար Բյուրոն բանակցում էր կաթողիկոսի, Եվրոպայի հայ պատվիրակության հետ և ըստ այնմ գործում: Հնարավոր եղած դեպքում շատ կարևոր խնդիրների համար հրավիրվում էր կուսակցությունների և քաղաքների ներկայացուցիչների խորհրդակցություն:

Սկսվում է Ազգային բյուրոյի և կամավորական շարժման քննադատությունը: Ա.-ը և ս.-ը. գտնում են, որ կամավորական շարժումը նպաստեց տաճկահայ կոտորածների լայնացմանն ու արագացմանը, որ Բյուրոն ոչ մի հիմք չունեի հավատալու ռուս կառավարության խոստումներին Հայաստանի ապագայի վերաբերյալ և այլն:

Տաճկահայերի ներկայացուցիչներն ու դաշնակցականները շեշտում են, որ պատերազմից առաջ թուրքերն առաջարկել են նրանց միանալ, դրդել, որ Կովկասի հայերն ապստամբեն, խփեն ռուս զորքի թիկունքից, բայց միշտ նույն պատասխանն

են ստացել, թե հայերը լոյալ քաղաքացիներ են մնալու և կատարելու են իրենց պարտքը պետության առաջ՝ թե՛ Ռուսաստանում և թե՛ Տաճկաստանում:

Հայկական կոտորածների պատճառը համախլամականությունն է եղել և ռուս կառավարության առաջադրած ռեֆորմների ծրագիրը: Քանի անգամ տաճիկ պետական պաշտոնական անձինք հայերին ասել են՝ եթե դուք չհրաժարվեք ռեֆորմներից, նրանք ձեզ 300.000 զոհ կբերեն: Նույնիսկ պատերազմից առաջ էնվերն առաջարկում էր հայերին տեղափոխել Միջագետք և այդպիսով ընդմիջու ազատվել Հայկական հարցից: Նրանց պատերազմը հնարավորություն տվեց իրագործել իրենց վաղեմի դիվային քաղաքականությունը:

Թե՛ քննադատողները, և թե՛ պաշտպանողները խոսում են ծանր ու ճնշված տրամադրության տակ: Երևում է, որ նրանք խոր կերպով գիտակցում են, որ կնճռոտ ու ցավոտ հարցի վերլուծման առաջ են կանգնած: Ոչ ոք չի հերքում, որ Ազգային բյուրոն չի կատարել այն, ինչ որ հարկ էր, ոչ ոք չի ասում և այն, թե ի՞նչ պետք է աներ Բյուրոն, ի՞նչ դիրք պետք է բռներ ինքնաբերաբար սկսված կամավորական շարժման առաջ:

Լուրջ տրամադրության մեջ զավեշտական շեշտ է մտցնում Զ.Առաքելյանը, որ ընդհանուր ծիծաղի մեջ, ամենալուրջ տոնով հայտարարում էր, թե Ազգային բյուրոն Հ.Հ. Դաշնակցության գրասենյակն էր, որ ինքը հեռացել է Բյուրոյից, որովհետև համաձայն չէր նրա քաղաքականությանը, և Բյուրոյում Դաշնակցության կողքին նստած էին մնացել միայն մի քանի դիմազուրկ բուրժուաներ»:

Ձեկուցումից հետո Երզնկյանը նկատում է, որ զեկուցումը լրիվ չէ, ժողովը սպասում է լիակատար զեկուցման:

Ա.Հարությունյանը նկատում է, որ դժվար է այդպիսի ընդարձակ հարցում ամեն ինչ նախատեսել: Առաջարկում է տալ հարցեր, որոնց ինքը կպատասխանի:

Լեոն պահանջում է, որ ամեն ինչ լիովին ասվի: Ամենամեծ մեղադրանքը, որ կարող են անել Բյուրոյին, այն կլինի, թե Բյուրոն սխալ է արել:

Պրոֆ. Հակոբյանը թուրքահայերի բռնած դիրքի մասին խոսելով, հայտարարում է, որ թուրքահայերը ներկա պատերազմի ընթացքում լոյալ են եղել, և հակառակը պնդելը պրովակացիա է:

Ձանազան անձերի կողմից տրվում են հարցեր. կամավորական խմբերը կազմակերպելիս Ազգային բյուրոն ի՞նչ խոստումներով էր առաջնորդվում, արդյոք Բյուրոյի ղեկավարների վրա եղե՞լ են խոստումներ պարունակող դրկումենտներ, արդյոք կաթողիկոսը, պատրիարքարանը, Նուբար փաշան տեղա՞կ և համաձայ՞ն են եղել կամավորական խմբերի կազմակերպման, և ու՞մ վրա է ընկնում պատասխանատվությունը, ի՞նչ հարաբերության մեջ է եղել Բյուրոն դաշնակցության մեջ, ի՞նչ հիմք ունե՞ր «Հորիզոն»-ի մի պաշտոնական հոդվածը, թե հայ ժողովուրդը ուժ է ներկայացնում, բայց նա մի բան կանի, երբ իմանա, թե ինչ է կամենում մեզ տալ ռուսաց կառավարությունը, ինչպե՞ս է վերավերվել Բյուրոն Դաշնակցության [առաջարկին] 1914թ., դեռ թուրք պատերազմից առաջ, Կարինում կայացրած որոշման[ը], որով խնդրվում էր Բյուրոյից, որ կամավորական խմբեր գործին չնասնակցի, և այլն: Անդրամիկը մանրամասն պատմում է, թե ինչպես ինքը արտասահմանում գտնված ժամանակ հեռագիր է ստացել՝ անմիջապես մեկնել Կովկաս: Այստեղ տեսնվել է Մեսրոպ Եպիսկոպոսի հետ, ապա՝ Յուդենիչի հետ, որ պարզել է իրանց ռազմական ծրագիրը, հայտնել է, որ 800.000-անոց բանակ պիտի գա Կովկաս և որ կամավորական խմբերը ծառայելու են ճանապարհներ ցույց տալու և խուզարկությունների համար: Բայց կառավարությունը մեզ խաբեց և խոստումները չկատարեց: Հետևանքն եղան կոտորածները: Կախվելու արժանի են Մեսրոպ

\* Համառոտ զեկուցումը չի արձանագրվել և գործում չի պահպանվել: Ա.Հարությունյանի այդ զեկուցումը, որ բերում ենք «Հորիզոն» թերթի հոկտեմբերի 19-ի համարից, թերթի մեկնաբանություններով, վերցնում ենք չակերտների մեջ:

<sup>1</sup> Էսեռները և սոցիալ-դեմոկրատները:

\* Բնագրում՝ դժվարին: Ջարմանալի է, իսկ ինչու՞ դժվարին: Չէ՞ որ թուրքական կառավարությունը շատ հեշտությամբ իրականացրեց իր գազաճային բնույթին սովոր հայության հրեշավոր ցեղասպանությունը: Ծանոթ.կազմ.:

եպիսկոպոսն և ինքը, որ հավատացել են կառավարության խոստումներին: Ինքը չէ մեղադրում ո՛չ քուրդերին և ո՛չ թուրքերին: Ինքը մեղադրում է հայ հարուստներին, որ իրանց միջոցները խնայում են ազգի կյանքի կարևոր րոպեներին օգնության հասնելու, մամուլը հօգուտ մեզ տրամադրելու, բարձրաստիճան բարեկամներ շահելու և այլն: Ընդհակառակը, դեպքեր գիտեմ, երբ կամավորները տասը ռուբլով հրացան էին ծախում թուրքերին, և իրանք այդպիսիներին մահվան պատժի են ենթարկել:

Ս.Յարուբյունյանը տրված հարցերին պատասխանելով, ասում է. - Ճիշտ է ասում երգնկյանը, թե իրանք բողոքել են կամավորական շարժման դեմ: Բայց այդ բողոքը չէր կարող ազդել 40 հոգուց բաղկացած ժողովի մեծամասնության վճռի վրա: Գուցե մեծամասնության վճիռը սխալ է եղել, բայց մենք պետք է ենթարկվենք նրան: Այն հարցին, թե ո՞վ է վարել բանակցություն կառավարության հետ, պատասխանում է, թե կառավարությունը Ազգային բյուրո չէր ճանաչում: Նա բանակցում էր կաթողիկոսի և պատրիարքի հետ: Կամավորական շարժումը Բյուրոն չէ հարուցել: Դա եղել է ժողովրդական տարերային շարժում, որին ընդառաջ է գնացել Բյուրոն, մանավանդ, որ կառավարությունն ասում էր, թե դուք արժանի եք ստանալու ավտոնոմիա, միայն կազմակերպեցեք կամավորական խմբեր: Մեծ պատիվ կլիներ 5 անձի համար, եթե նրանց վերագրվեր կամավորական շարժումը: Այն հարցին, թե ինչպես վերաբերվեց Բյուրոն թուրքահայաստանից ուղարկված որոշումներին, որ Բյուրոն զգուշանա կամավորական խմբեր կազմելուց, պատասխանում է, թե այդ որոշումը շատ ուշ հասավ Բյուրոյին, երբ խմբերն արդեն կազմակերպված էին: Կամավորական խմբերի քանակը մեզ հուսախափեց: Մենք հույս ունեինք ոչ թե 4000, այլ 50.000 հոգուց բաղկացած խմբեր ունենալ: Բայց դրանց պակասությունը արգելք հանդիսացավ: Այն հարցին, թե ի՞նչ է կուսակցությունն առանձին դեր էր կատարում կազմավորական գործում, պատասխանում է, թե Բյուրոն ըստ էության անկուսակցական էր, բայց նրա մեջ գլխավոր դեր կատարողը, ուրեմն և պատասխանատուն, Դաշնակցությունն է: Կարելի է համաձայնել Լեոի հետ, թե սխալվել ենք, այո, բայց սխալվել ենք ազգովի:

Լեոն ասում է, որ իրան հրավիրեցին Բյուրոյի մեջ, և ինքը հանձն առավ մասնակցել պրոպագանդի համար: Ինքն սկզբից ևեթ զգուշացնում էր, որ Ռուսաստանը ավտոնոմիա չի տա հայերին և թե ավելորդ է Բյուրո կազմել, բայց իրան չլսեցին: Կառավարությունը մի խոստում միայն արել է գրավոր, թե 1913թ. ռեֆորմները կիրառործի և ավելի ոչինչ: Խոստովանում է, որ Բյուրոն կուրորեն հավատացել է Վորոնցովի խոսքերին և խափվել: Վանի գաղթից հետո ինքը հեռացել է Բյուրոյից և հայտնել է կարծիք, թե պետք է կամավորական խմբերը վերջացնեն: Իբրև եզրակացություն, ասում է. - Երբ մի տարերային շարժում առաջ է գալիս՝ չէ կարելի մեղադրել այս կամ այն անհատը, բայց և այնպես չեն կարող չքմեղ լինել շարժման նախաձեռնողները:

Սպենդիարյանը գտնում է, որ Ազգային բյուրոն արել է այն, ինչ որ պետք էր անել այն հանգամանքներում: Վորոնցովը ուղղակի ասում էր, թե դուք ավտոնոմիա կստանաք: Սխալներ եղել են, բայց չէ սխալվում նա, ով ոչինչ չէ անում: Եթե կամավորական շարժումը չլիներ, մենք ոչինչ պահանջելու իրավունք չէինք ունենա:

Դրոն այն միտքն է հայտնում, թե ռուս կառավարությունը մեզ իրան գործիք դարձրեց, և երբ մեր կարիքն անցավ, մեզ դեն շարտեց: Մենք նույնպես դժգոհ ենք Ազգային բյուրոյից, որ մեզ կառավարության գիրկը նետեց, որ վերջիվերջո մեր խմբերը լուծեց իբրև հեղափոխականների օջախներ: Պետք է միսթարվենք, որ թեկուզ ուշ, հասկացանք կառավարության քաղաքականությունը մեր վերաբերմամբ: Որ թուրքահայերի կտորած պետք է լիներ՝ այդ ինքը անկասկածելի է համարում: Թուրքահայերը չէին կարող լոյալ մնալ:

Նիստը փակվեց 12 ժամին:

Գ.21, թ.36-37:

## N 17 Նիստ ժե

12 հոկտեմբերի 1917թ.  
(առավոտյան)

Նիստը բացվեց առավոտյան 12 ժամին: Առաջնորդարանում, նախագահությամբ Ս.Մամիկոնյանի և ներկայությամբ 66 անդամի:

Օրակարգի հարցն էր. շարունակություն Ազգային բյուրոյի գործունեության քննություն:

Վ.Փափազայանը այն միտքն է հայտնում, թե թուրքահայերի կոտորածին կամավորական շարժումը պատճառ չէղավ, այլ պատրվակ: Բուն պատճառը համախլամական գաղափարն է, որի իրագործման ճանապարհի վրա կանգնած էին հայերը: Բյուրոյին մեղադրում են, որ կամավորական խմբեր կազմակերպելիս համաձայնության մեջ չմտավ պատրիարքարանի կամ Նուբար փաշայի հետ: Բայց այսպիսի քաղաքականությունն ռուսահայերը վարել են դեռ շատ առաջ էլ, օրինակ՝ ռեֆորմների չորս ծրագիրները, որոնք առաջ բերվեցին առանց պատրիարքարանի հետ բանակցելու, այնպես էլ ավտոնոմիայի մասին բանակցությունը: Ինքն էլ հաստատում է, որ կամավորական գործում թուրքահայերը բոլորովին լոյալ էին. այսպես էին թելադրում հանգամանքները: Բայց երբ այս կողմից խմբերը Թուրքահայաստանի սահմանը մտան, այնուհետև դժվար էր չեզոք դիրք պահպանել: Իբրև եզրակացություն, հռետորն ասում է, թե Բյուրոն չկարողացավ թուրքահայերի բաղձանքն իրականացնել: Բայց քանի որ դեռ հարցը չէ վերջացել, թուրքահայերը ցանկանում են, որ անտես չանցնեն նրանց բաղձանքը: Միայն խնդրում ենք այնուհետև զգուշ լինել, որ մեր բաղձանքներին անհամապատասխան կամ հակառակ գործեր չկատարվեն: Այս ասում են ոչ թե մեղադրելու նպատակով, այլ ապագայի գործունեության համար:

Մազմանյանը պատմում է մանրամասնություններ Արդանուճի հայերի կոտորածի [մասին], որին ինքը ակնատես է եղել, թե ինչպես թուրքերը խոստացան հայերին պատսպարել և ինչպես ահա հավատացողներին անխնա կոտորեցին:

Յ.Առաքելյանը յուր կողմից հայտնում է, որ Ազգային բյուրոյի գործունեության առաջին շրջանում ինքը նրա անդամն է եղել, նույնիսկ հիմնադիրը Ալ.Խատիսյանի հետ: Այս շրջանում Բյուրոյի նպատակն էր, քանի որ Բալկանյան պատերազմի ժամանակ ազգային պատվիրակություն էր կազմվել, ինչպես հայտնեց Մեսրոպ եպիսկոպոսը, որ վերադարձել էր Եվրոպայից, կազմել Յայաստանի ռեֆորմների ծրագիր: Այս գործով ինքն զբաղվել է այստեղ, գնացել է Փարիզ և Էջմիածին: Յաջող տարին, երբ Բյուրոյում մի կուսակցություն սկսեց տիրապետող դիրք զրավել, ինքը օպոզիցիա կազմեց և հեռացավ: Պատերազմի նախօրյակին քաթողիկոսի տատվիրակ Նուբար փաշայի կողմից Թիֆլիս եկավ դրկտ. Տաղավարյանը, հատուկ հանձնարարություն ունենալով հորդորել, որ Բյուրոն արկածախնդրական քայլերից զգուշանա: (Պաշտոնապես նա եկել էր Եգիպտոսի բարեգործական) ընկերության ճյուղ բանալու): Ես նրան ուղղեցի Մեսրոպ եպիսկոպոսի և Ս.Յարուբյունյանի մոտ: Սակայն երեք ամիս այստեղ մնալով, նա չկարողացավ Ազգային բյուրոյին ներկայանալ և պաշտոնապես յուր միսիան կատարել, որովհետև Բյուրոն չկամեցավ լսել պատրիարքի և թուրքահայերի կարծիքը: Դարձյալ Բյուրոյին հայտնի էր, որ Քերմանիան առաջարկում էր հայերին լոյալ մնալ, խոստանալով ավտոնոմիա, հայտնելով որ հակառակ դեպքում բնաջինջ կլինեն: Այս առաջարկությունն

\* Նկատի ունի ՀՀ Դաշնակցությանը:

ուղարկված էր Բյուրոյին, բայց պատասխանը հայտնի չէ: Բյուրոն լուրեր էր տարածում, թե ստորագրված պաշտոնական խոստում կա Ռուսաստանի կողմից՝ Հայաստանին ավտոնոմիա տալու: Սրա հետ միասին հրատարակվում էր Կորոնցովի հաճությամբ եփրատյան կազակության ծրագիրը: Ինչպե՞ս էր հաշտեցնում Բյուրոն այս երկու հակասությունները: Բյուրոն պարպում է արկածախնդրությամբ: Բյուրոն Դաշնակցությունն էր, լրացրած դիմազորի վաճառականներով:

Ամիրյանը նկատում է, որ Աթաբեկյանի բոլոր ասածները ճիշտ են: Ուրախություն է հայտնում, որ այժմ նրանք ազգային քաղաքականության մեջ են մտնում, որին սկզբունքով դեմ էին Բալկանյան պատերազմի ժամանակ: Նրանք ցիմներվալդյաններից դարձան ազգային:

Լ.Աթաբեկյանը քննության է ենթարկում դաշնակցականների վարմունքը պատերազմի ժամանակ առհասարակ և կամավորական շարժման գործում մասնավորապես, և առարկում է դաշնակցական հռետորներին: Այն մասին, թե կամավորական շարժումը տարերական էր, հռետորն ասում է, թե խորհող անհատի և կազմակերպության պարտականությունն է կռվել ամբոխային, տարերական շարժման դեմ և ոչ թե նրան հետևել: Այն մասին, թե պատերազմի ժամանակ երկրի դրությունը պահանջում էր Ռուսաստանի հետ համընթաց գործել, հռետորն ասում է, թե դեռ պատերազմից առաջ էլ Դաշնակցությունը ռուսաց կառավարության խորհրդով էր գործում: Նարնջագույն գրքից հայտնի է, որ Չավրիյանը Պոլսում ներկայացել է ռուսաց դեսպանին, և նրանից վարմունքի գիծ խնդրել: Դարձյալ նրանք տարածեցին լուր, բոլորովին անհիմն կերպով, թե ռուսները խոստացել են Հայաստանին ավտոնոմիա: Ո՛չ Սազոնովի բացասական վերաբերմունքը, ո՛չ ռուս. սոցիալիստների անտարբերությունը դեպի Հայկական հարցը խրատական չեղան Բյուրոյի համար: Կասկած չկա, որ թուրքաց կառավարությունը մտադիր էր հայերին բնաջինջ անել: Բայց եթե Գերմանիան չկամենար, այդ ծավալով կոտորած չէր լինի: Գալով իրանց կուսակցության հարաբերությանը դեպի Բյուրոն, ասում է, թե իրանք դիմեցին Բազվի բյուրոյին՝ տեղ խնդրելով, բայց իրանց այն ժամանակ մերժեցին: Իսկ երբ վրա հասավ կոտորածը, տեղի ունեցավ Բյուրոյի-Քյոյի խայտառակությունը,՝ այն ժամանակ իրանք մեզ հրավիրեցին: Հռետորը եզրակացնում է, թե Դաշնակցությունը որոշ դիրք է ունեցել Բյուրոյի մեջ և կամավորների գործում: Գոնե նա այնուհետև ավելի փափկանկատ լինի դեպի հայ ժողովուրդը և ավելի խելացի՝ իմպերիալիստական կառավարության հանդեպ:

Արամը, ակնարկ ձգելով պատմական անցուդարձի վրա, նկատում է, որ հայերը ավելի խանդավառ գտնվեցին թուրքական սահմանադրության [նկատմամբ], քան՝ թուրքերը: Դաշնակցությունը իթթիհատականների կողմից բռնեց իբրև նվազ հայատյաց կուսակցության: Բայց երբ իրանց բոլոր հույսերը իթթիհատի վրա՝ Հայաստանում քաղաքացիական ռեֆորմներ մտցնելու մասին, զուր անցան, իրանք լուծեցին կապը այդ կուսակցության հետ: Հայկական կոտորածների պատճառ ինքը համարում է ռուսաց քաղաքականությունը, որ յուր վրա հովանավորողի դեր վերցրեց և ռեֆորմների ծրագիրը առաջ քշեց թուրքերի կամքի հակառակ: Թուրքերը հենց այն ժամանակ ասում էին, թե այդ ռեֆորմները 300 հազար զոհ կնստեն հայերին: Կամավորական շարժումը կոտորածների դեպքում առանձին դեր չկատարեց, դեռ կամավորական շարժումից առաջ տեղի ունեցան մի շարք սպանություններ և հրդեհներ: Ճիշտ է, Տաճկահայաստանի կազմակերպությունները և հասարակական գործիչներ նպատակ ունեին լոյալ մնալ. նրանց նպատակն էր կոտորածները հետաձգել:

Բժ.Բոնապարտյանը գտնում է, որ հայության երկու հատվածները բաժանված են եղել չինական պարսպով: Քսան տարի է, որ մեր ողբերգությունը

կատարվում է. տեսնում ենք բոլոր ծրագիրները և դարձյալ խաբվում: Մենք՝ տեղացիներս, հասկանում էինք, որ դուք թե՛ ձեզ եք վտանգում, թե՛ մեզ: Երբ մեր անելիքը թուրքահայերի միջոցով անեինք, հետևանքը այդ չէր ստացվի: Ինքը մեղադրում է դաշնակցականներին, ասելով, թե նրանք իրավունք չունեին երկու միլիոն թուրքահայ ժողովրդի բախտը այդ ժողովրդից անկախ լուծելու: Դաշնակցությունը ձախորդ գործելակերպի հետևեց:

Բժ.Իսախանյանը ուշադրություն է դարձնում երկու կետի վրա, որոնք արմատ և աղբյուր են եղել Ազգային բյուրոյի գործունեության. ա. վերջին տասնամյակի շարժումները, բ. դիպլոմատիական հարաբերությունները ռուս կառավարության հետ: Քաղաքական շարժումների մեջ գլխավոր առանցքն է եղել թուրքահայերի հարցը: Արդ այդ հարցը ոչ թե Տաճկաստանից է այստեղ տեղափոխվել, այլ հենց այստեղ՝ Ռուսաստանում է ծնունդ առել ու ծաղկել, սրանից է առաջ գալիս և ռուսահայերի ակտիվ մասնակցությունը այդ հարցում, առանց ի նկատ առնելու թուրքահայերի տրամադրությունը: Գալով դիպլոմատիական հարաբերություններին, նկատում է, որ թուրք չէ կարող դիպլոմատիական հարաբերություն վարել, այլապես դա կդառնա կատվի ու մկան հարաբերություն: Մեր դժբախտությունն այն է եղել, որ մենք ունեցել ենք ռուսական օրինատացիա, մի կառավարություն, որ դեմ էր հայկական ավտոնոմիայի և որի միջոցով սակայն մենք հույս ունեինք ավտոնոմիա ստանալ: Մենք դրսի ուժերի վրա պետք է հույս դնեինք և ձեռք-ձեռքի տված գործեինք թուրքահայերի հետ: Անցյալ սխալներից պետք է այն փորձառությանը գանք, որ Տաճկահայաստանի քաղաքական հարցի լուծումը պետք է պատկանի տաճկահայերին: Մենք պետք է նրանց ցույց տանք մեր աջակցությունը միայն:

Ժամանակի ուշ չլինելու պատճառով միտքը ընդհատվում է: Շարունակությունը թողնվում է երեկոյան:  
Նիստը փակվում է ժամը 4-ին:

Գ.21, ք.38-39:

## N 18 Նիստ ժՁ

12 հոկտեմբերի 1917թ.  
(երեկոյան)

Նիստը բացվեց երեկոյան 8<sup>1/2</sup> ժամին, նախագահությամբ բժ. Հ.Այվազյանի և ներկայությամբ 60 պատգամավորների:

Օրակարգն էր շարունակություն վիճաբանությունների Ազգային բյուրոյի քաղաքական գործունեության մասին:

Թերզիբաշյանը, տաճկահայրեի կողմից, քննադատում է Ազգային բյուրոյի գործունեությունը և գտնում է, որ նա կատարել է մի քանի տեսակի սխալներ: Նախ՝ իրավական, քանի որ պատերազմի շնորհիվ խառնակ դրություն ստեղծվելով, Բյուրոն, իբրև Ռուսահայոց մարմին, յուր ձեռքն առավ Տաճկահայաստանի հարցի լուծումը, որ տաճկահայերի համար կյանքի ու մահի խնդիր էր և գերազանցորեն նրանց էր պատկանում լուծել: Բյուրոն մինչև անգամ չկամեցավ լսել Տաճկաստանից եկած պատգամավորներին, որոնք եկել էին զգուշացնելու արկածախնդրական քայլերից, արդարանալով նրանով, թե բանը բանից անցել էր: Երկրորդ սխալն էր քաղաքական. Բյուրոն հայկական հարցի լուծման մեջ ընդունեց ռուսական օրինատացիա, մոռանալով նրա վաղեմի քաղաքականությունը, որ էր «Հայաստանը առանց հայերի»: Երրորդ սխալն էր տակտիկական. Բյուրոն, լսելով Որոնցով-Դաշկովի խոստումը՝ իրագործել Գիրսի ծրագիրը, համաձայնեց նրա առաջարկության՝ կազմելու

\* Տե՛ս N 63 փաստաթղթի ծանոթ. NN 1-2:

կամավորական խմբեր, որ նրա գործը չէր: Հետո որը դժգոհություն է հայտնում, որ Բյուրոյի համարավորությունը լրիվ չէ, որ նույնիսկ պաշտոնական զեկուցանողը բացակա էր ժողովին, և պահանջում է, որ նոր լիակատար հաշիվ տրվի պետք եղած վավերաթղթերով:

Շահիաթունյանը, առարկելով Ազգային բյուրոյի և կամավորական շարժման քննադատողներին, ասում է, որ Ազգային բյուրոն չէ սխալվել: Նրա գործունեությունը հիմնված չէ եղել խոստումների վրա, այլ հանգամանքների իրական պահանջի վրա: Կամավորական խմբերն անհրաժեշտ էին: Նրանք կարևոր դեր կատարեցին Հայկական դատի ապագա լուծման համար: Նրանք ներկայությունը ռուսաց բանակի կողքին, հայկական հողի վրա, բարոյական և քաղաքական մեծ նշանակություն ուներ: Եթե նրանք լուծված լինեին ռուսաց զորքի մեջ (ինչպես ոմանք առաջարկում էին), ո՛չ Վանը կազատվեր և ո՛չ էլ Ալանդները: Կամավորական շարժումը ոչ մի դեր չէ կատարել հայերի կոտորածի մեջ, ոչ արագացրել և ոչ սաստկացրել: Այդ կոտորածը Թուրքիայի հիմնական ծրագիրն էր, որպեսզի մեջտեղից վերացնե իսլամությունը երկու կտոր անող հայ տարրը: Շատ սխալ կաներ Թուրքիան, եթե այդ կոտորածը չաներ: Վերջը հռետորը մեղադրում է հակառակորդներին, որ աղետների ժամանակ նրանք ցույց չտվին սրտացավություն, գորով, այլ բավականամանում էին քննադատելով և արձանագրելով դեպքերը:

Երզնկյանը, առարկելով Շահիաթունյանի մի քանի մտքերին, ասում է. թե Շահիաթունյանը հայտարարեց, իբր թե խոստումների վրա չէ եղել հիմնված կամավորական շարժումը: Այնինչ «Հորիզոնը» շարունակ հակառակն էր հայտարարում, թե մեզ խոստացված է ավտոնոմիա և դրա համար պետք է կյանավորներ տանք: Հռետորն ընդհանրապես գտնում է, որ մեծ սխալ էր դաշնակցության կողմից որևէ մասնակցություն ունենալ այս պատերազմում, որ կապիտալիստների և ինպերիալիստների հարուցած պատերազմ է: Համենայն դեպս հայերի դրությունը պահանջում էր, որ միանգամայն չեզոք մնային, ոչ ռուսական և ոչ թուրքական նպատակներին չծառայեին: Այնինչ Դաշնակցությունը շատ ավելի առաջ գնաց: Նա պարտավորվեց աջակցել Ռուսաստանին ոչ միայն Տաճկահայաստանում, այլև այստեղ՝ Կովկասում, անտեղյակ լինելով ռուս[ական] քաղաքականության բուն ծրագրին որ վերջը երևան եկավ եփրատյան կոզակության ծրագրով: Մինչ Դաշնակցությունը երազում էր ավտոնոմ կամ անկախ Հայաստան մինչ Միջերկրական ծովը, իրոք, նա պատրաստում էր հայկական կոտորած և Թուրքահայաստանի անքսիա: Որոնցովը Դաշնակցության համար բանտեր էր փնտրում նրան մեջտեղից վերացնելու համար: Բարեբախտաբար վրա եկավ հեղափոխությունը, և այս մտադրությունը չիրագործվեց: Հակառակ դեպքում դուք Սիբիրիայից կգայիք:

Դ.Անանունը, պատասխանելով Շահիաթունյանին, ասում է, որ նա պաշտպանում է ֆատալիզի կզբունքը, տարերային բնույթ վերագրելով դիպվածներին: Ինչու՞ այդ դեպքում Դաշնակցությունը չնպաստեց զաղթականական հուանքին, որ նույնպես տարերային բնույթ էր կրում: Դեռ պատերազմից առաջ թուրքահայ գործիչները հայտնում էին, որ թուրքահայոց խնդիրը ներքին պետական խնդիր է, որին չպետք է օտար տերությունները մասնակցեն: Նրանք զգուշանում էին, ուրեմն, որ օտարների գործիք չդառնան: Բայց այս զգաստ ծայրը մնաց ծայր բարբառ հանապատի: Այսպես, Ս.Տիգրանյանը գրում էր, թե մենք կամավորների փվը պետք է հասցնենք 50.000-ի, որպեսզի անակնկալների դեպքում Ալբանիայի դրության մեջ չընկնենք: Իսկ Միք.Վարանդյանը Փարիզում ասել է, որ եթե մենք կամավորներ չտայինք, ռուս կառավարությունը մեր դեմ կհաներ թաթարներին: Առաջին հայտարարությունը լավագույն զեմքն է, որ տրվեց ռուսաց դիպլոմատիային: Երկրորդ հայտարարությունից բխում է, որ թուրքահայերին քավության նոխազ դարձրին դաշնակցականները, Այսպիսի պնդումներով չէ կարելի արդարացնել վարված

քաղաքականությունը, որ թուրքահայերի դառնության բաժակը լցրեց: Այս համախորհուրդը պետք է յուր դատապարտության խոսքը ասել պատասխանատու գործիչներին. նրանք պետք է դուրս գան գործելու շրջանից: Հոգևորականը թող յուր խուցը քաշվի, աշխարհականը այլ ասպարեզ փնտրի յուր ձգտումներին:

Գ.Տեր-Օհանյանն ասում է - մենք զոհ դարձանք մեր ռոմանտիզմին. կար անձնական հերոսություն, բայց չկար մասսայական շարժում: Մենք բարձր, բայց սխալ կարծիք ունեինք մեր մասին, թե մենք հզոր և ուժեղ ազգ ենք և կարող ենք թուրքերին կոտորել: Այս սնտոի հավատից էլ ծագեց թուրքահայերի զինված ապստամբությունը: Իրականության մեջ, սակայն, արդարացավ Անդրանիկի խոսքը, թե մեզ ոչխարների պես մորթեցին: Իբրև եզրակացություն ասում է, թե կամավորական շարժման մեջ սխալ էր հոգեբանական հիմքը, և որ այդ շարժումը առաջ բերվեց հակառակ թուրքահայ գործիչների կամքի:

Ա.Ջամալյանը, պատասխանելով նախորդ հռետորներին, ասում է, թե այժմ մեր զաղափարական հակառակորդները, ենթադրելով, որ մենք հաղթված ենք, հարձակվում են մեր վրա, կենտրոն դարձնելով Դաշնակցությանը, հետևելով, «վայ հաղթվածներին» սկզբունքին, մինչդեռ, ինչպես հայտնի է, «հաղթողներին չեն դատապարտում»: Բայց մենք մեզ հաղթված չենք համարում: Խոստովանում են, որ եղել են սխալներ ու անակնկալներ, բայց դրանք բոլոր աշխարհի համար են: Շատերը համոզված էին, թե պատերազմը հազիվ երեք ամիս կտևի: Անդրանիկը կարծում էր, թե վեց ամսում կվերջանա: Նույն սխալը գործել են և եվրոպական դիպլոմատները, ինչպես անցյալ կռիվներում նույնպես և այժմ: Մի՞թե չեն սխալվել նաև Անգլիան, Գերմանիան: Դարձյալ մենք սխալվել ենք, որ ավելի հավատ ենք ընծայել ռուս մարդու հատուկությանը: Բայց ո՞վ կարող էր սպասել Սուլթանլիմովի կամ Ռասպուտինի դեպքերը: Մենք համոզված էինք, որ թուրքերը անպատճառ պետք է կոտորեն հայերին: Այս է ցույց տալիս թուրքերի պատմությունը: Հունաստանի ապստամբության ժամանակ նրա ազգաբնակչության 2/3 մասը զոհվեց, իսկ մեզ ոչ ոք պաշտպանող չկար: Գերմանիան էլ ուզում էր հայերին տեղափոխել Միջագետք, թուրքերը դրա փոխարեն հայերին կոտորեցին: Երբ դրվում էր Հայաստանի հարցը, Ազգային բյուրոն պետք է հետևեր որևէ քաղաքականության և Բյուրոն հիմք ուներ հետևելու ռուսական օրինետացիայի, քանի որ նրա շահերին համապատասխանում էր հայերին պահպանել: Ռեֆորմների գործի արձանագրությունը պարզապես այս է ցույց տալիս: Սրա վրա էր հիմնվում Ազգային բյուրոն և ոչ թե խոստումների և դոկտրինաների վրա, որոնք առանձին արժեք չունեն: Կամավորական շարժումը մասսայական բնույթ էր կրում և նրան զսպելն անմիտ բան կլիներ: Թուրքահայերին հարցնելը չէր կարելի: Նրանց մեջ տարբեր ու հակառակ կարծիքներ էին տիրում: Ասում են, որ պատերազմը ինմպերիալիստական է: Բայց ամբողջ աշխարհի սոցիալիստ լիդերները մասնակցում են պատերազմին ազատագրական նկատումներով, գտնելով, որ իրենց հայրենիքը վտանգված է: Ի վերջո, հռետորը ասում է, թե կամավորական շարժումով ստեղծվեց մի մթնոլորտ, որտեղ մեզ չեն ասի, թե մենք վախկոտ ենք, չեն կրկնի. «ТЫ ТРЪС, ТЫ РАԾ, ТЫ АРМЯНИН»: (Անանունը տեղից՝ «վա՛յ մեզ»):

Այնուհետև լինում են մանր հարց ու պատասխաններ, որոնց մեջ մասնակցում են Տեր-Չաքարյանը, Երզնկյանը, Արամը, պրոֆ. Հակոբյանը, Սպենդիարյանը, Լեոն:

Այնուհետև զեկուցանող Ա.Հարությունյանը պատասխանում է եղած առարկություններին, որոնք վերաբերում էին Բյուրոյին: Նա նկատում է, որ Բյուրոն մեղադրվում է նրանում, որ ընդունել է ռուսական օրինետացիա: Բայց 1912-ին ոչ ոք չկար այս քաղաքականության հակառակ: Բոլորն էլ համաձայն էին, որ պետք է շահել ռուս քաղաքականության սիրտը: Մենք մինչև անգամ ավելի զգույշ էինք այս հարցում, երկու կողմերով, որ թուրքերը կարող են կոտորած հառաջացնել, բայց մեզ ապահովացնում էին, որ պատերազմը 3-6 ամիս կտևե և որ 600.000-ոց ռուսական



բանակ կգա արագացրած չվով: (Բագրատ եպիսկոպոսը տեղից նկատում է. «Միշտասկիւն կաթողիկոսի մոտ ասաց, թէ գենք չունենք»): Թուրքահայերն էլ շարունակ նայել են ռուսների վրա իբրև փրկիչների: Իսկ այժմ այստեղ մեզ դատափետում են: Խոստովանենք, որ բոլորս էլ սխալված ենք եղել: Մենք գիտեինք, որ Վորոնցով-Դաշկովը խորամանկ է և քաղաքագետ, և զգույշ էինք նրա հետ: Ուզում էինք ռուսաց տրամադրությունը շահել: Դիմելով ձախակողմյաններին. հռետորն ասաց, թէ դուք էլ չկանգնեցրիք մեզ: (Ն.Տեր-Ղազարյանը տեղից. «Դուք տեռորի էիք ենթարկել այս դահլիճում ամենցին»): - Ս.Չարությունյան. «Իսկական գործիչը տեռորից չպիտի վախենա»): Առարկելով Չ.Առաքելյանին, հռետորն ասաց, թէ Տաղավարյանը եկել է Թիֆլիս՝ Եգիպտոսի բարեգործական ընկերության ճյուղ բանալու և ոչ թե ուրիշ հանձնարարությամբ, քաղաքական հարցերի վերաբերմամբ:

Չ.Առաքելյան (տեղից նկատում է) - Նրան բյուրոյում չէին ընդունում, որովհետև դաշնակցական չէր, ինչպես չընդունեցին Ամերիկայից եկած կամավորներին...

Դրո (տեղից) - Սուտ եք ասում, թողեք սրիկայությունները... (Ազունկ, աղաղակ, պահանջում են խոսքը հետ վերցնել: Դրոն ներողություն է խնդրում «սրիկա» ասելու համար):

Ս.Չարությունյան (շարունակելով) - Չափազանց սխալ ընթացք է ընդունել մեր վիճաբանությունը: Բոլորս էլ մեղավոր ենք, գուցե մեկը ավելի, մյուս նվազ չափով: Բոլորը հետևանք է Թ1-րդ հողվածին: Յոթանասունութ թվականից, երբ այդ հողվածը գրվեց, սկսվեց մեր դժբախտությունը, գուցե և բախտավորությունը: Եր հույս ունեն, որ վերջիվերջդ դա մեզ համար բախտավորության աղբյուր է լինելու:

Ն.Տեր-Ղազարյանը փաստացի ուղղում է մտքում Ս.Չարությունյանի ձախակողմյաններին ուղղած մեղադրանքի մեջ, ասելով, թէ իրանք տպել են ռեզոլյուցիա, թէ Ազգային բյուրոյի գործելակերպը կարող է բարոթղեմյան գիշերներ առաջ բերել: Դարձյալ, երբ նա Բագու էր եկել, նրանից երաշխիքներ ենք պահանջել, որ կզգուշանան ագրեսիվ գործակերպից:

Նախագահը հայտարարում է, որ վիճաբանությունները Ազգային բյուրոյի քաղաքականության վերաբերմամբ հակված են և առաջարկում է ֆրակցիաներին բանաձևեր առաջարկել:

Սոց.դեմոկրատների կողմից բժ.Իսախանյանը կարդում է հետևյալ բանաձևը. «Ի նկատի ունենալով, որ Ազգային բյուրոն իր քաղաքականությունը Տաճկահայաստանի վերաբերմամբ տարել է առանց հաշվի առնելու տաճկահայերի համաձայնությունն ու ցանկությունը, որ այդ քաղաքականությունը կրել է արկածախնդրական բնավորություն, որ այդ քաղաքականությունը վարվել է դիպլոմատիական ճանապարհով, կուլիստների հետևը, որ այդ քաղաքականությունը վարողները սերտ հարաբերություն են ունեցել միապետական ռեժիմի ներկայացուցիչների հետ և ղեկավարվել են նրանց ցանկություններով ու ցուցմունքներով, մի հանգամանք, որ չէր կարող չվտանգել տաճկահայ ժողովրդի կենսական շահերը և չնպաստել թուրք կառավարության դիվային քաղաքականության հայ ժողովրդի նկատմամբ, խորհրդածողվող գտնում է: որ այդ քաղաքականությունը եղել է հիմնովին սխալ և վտանգավոր տաճկահայ ժողովրդի համար»:

Որովհետև մյուս ֆրակցիաները բանաձև չէին ներկայացրել, ուստի ժողովը որոշում է ընդհանուր բանաձևի հարցը հետաձգել հաջորդ նիստին, մինչև բոլոր բանաձևերը ներկայացվեն:

Լինում է առաջարկություն, կաթողիկոսի մոտ եղած հաշիվները քննության ենթարկել: Ժողովը համաձայնում է:

\* Բեռլինի համաժողովում Չայկական հարցին վերաբերող հողվածն է:  
\* Բանաձևի նախագիծը տես ֆ.222, ց.1, գ.17, թ.34:

Նախագահը հայտարարում է, որ մշակված է փախստականական հարցի վերաբերյալ բանաձևը հետևյալ բովանդակությամբ.

«Անհրաժեշտ համարելով, որ փախստականական խնդիրներով զբաղվող բոլոր կազմակերպություններն ու մարմինները իրենց գործունեությունը ներդաշնակորեն առաջ տանեն, համախորհուրդը գտնում է, որ այդ գործով զբաղվող ռուսահայ և արևմտահայ մարմինները, առանց գրկվելու իրենց ինքնուրույնությունից, պիտի ձգտեն բոլոր ընդհանուր սկզբունքները փոխադարձ համաձայնությամբ վճռել: Գաղթականական գործը, լինելով հայության վերաբերող մի ընդհանուր խնդիր, ենթակա է համագումարից ընտրվող խորհրդի հսկողությանը»:

Ժողովը ընդունում է այս բանաձևը: Վ.Փափազյանը բողոքում է բանաձևի դեմ: Նախագահը հայտարարում է, որ Ավագների խորհուրդը համաձայնության է եկել ընտրվելիք մարմինների կազմի մասին:

Ս.Սամիկոնյանը գեկուցանում է Ավագների խորհրդի կողմից, որ առաջարկվում է ընտրել երկու մարմին.

ա. Ազգային խորհուրդը բաղկացած 15 անդամից, որոնցիցը վեցը՝ դաշնակցական, երկու-երկու անդամ սոց.դեմոկրատներից, սոց.հեղափոխականներից և Չայ ժող.կուսակցությունից և երեք անկուսակցական, որոնց կառաջարկեն դաշնակցականները, երկու մյուս սոցիալիստական կուսակցությունները և Չայ ժող.կուսակցությունը, յուրաքանչյուրը մի անդամ և

բ. Ազգային ժողովը, բաղկացած 35 անդամից, որոնցից 25 անդամ կընտրվեն 4 կուսակցություններից՝ համախորհրդում նրանց ներկայացրած անդամների համեմատական սկզբունքով, 5 անգամ՝ Արևմտահայ խորհրդից (թուրքահայերից) և մի-մի անդամ Վ[եհափառ] Կաթողիկոսի, Պետրոգրադի, Մոսկվայի, Նոր Նախիջևանի (և Ռոստովի) և Բազվա հայ ազգաբնակչության կողմից: Սրանք պետք է հրավիրեն առաջիկա Ազգային համագումարը:

Լեոն գտնում է, որ կարևոր էր Ազգային ժողովի մեջ էլ տեղ տալ անկուսակցություններին:

Երզնկյանը կարևոր էր գտնում, որ ժողովի և խորհրդի կոմպետենցիան միաձայն որոշվեն:

Որովհետև ծագում են տարաձայնություններ, ուստի ժողովը որոշում է հարցը վճռել հաջորդ նիստին:

Նիստը փակվում է գիշերվա 12<sup>1/2</sup> ժամին:

Գ.21, թ.40-43:

**N 19**  
**Նիստ ԺԷ և ԺԸ**

13 հոկտեմբերի 1917թ.  
(առավոտյան և երեկոյան)

Առավոտյան նիստը կայացավ Առաջնորդարանում, Ա.Սահակյանի նախագահությամբ, իսկ երեկոյան նիստը՝ Ա.Սամիկոնյանի նախագահությամբ:

Առավոտյան նիստին նախագահը հայտնեց, թէ Ազգային բյուրոյի քաղաքականության մասին ֆրակցիաները բանաձևերը դեռ չեն ներկայացրել, և որովհետև համախորհրդի պարապմունքները վերջանում են, ինքն առաջարկում է, որ այդ բանաձևերը հանձնվեն Ավագների խորհրդի և նախագահության միացյալ մարմնին, որ կամ մի ընդհանուր բանաձև մշակի նրանցից, կամ, եթե այդ չէ կարելի, ի գիտություն ընդունեն:

Ժողովը համաձայնում է այս առաջարկության:

Այնուհետև ժողովն զբաղվում է Ազգային ժողովի և Ազգային խորհրդի կազմակերպության և կոմպետենցիայի մանրամասնություններով: Երկար փոխանակություն է լինում մտքերի, բայց ժողովը որոշ եզրակացության չէ գալիս, քանի որ ֆրակցիաների մեջ դեռ համաձայնություն չէ կայացել: Ուստի ժողովը որոշում է հարցն առկա թողնել և երեկոյան վերջին անգամ հավաքվել այդ հարցը լուծելու, հանձնարարելով ֆրակցիաներին ամենայն ջանք գործ դնել համաձայնության գալու, այլապես համախորհրդի գումարումը ապարդյուն կանցնի, եթե նա ցրվի առանց մի հեղինակավոր ազգային մարմին ստեղծելու ներկա տազնապալի օրերում:

## N 20

Երեկոյանն Գիստին ֆրակցիայի ներկայացուցիչները հայտնեցին, թե ֆրակցիաները եկել են համաձայնության: Այս հիման վրա ժողովը որոշում է ֆրակցիաների համաձայնության կետերը հանձնել Ավագների խորհրդին և պրիզիդիումին վերջնական խմբագրության համար:

Այնուհետև նախագահը, բարեմաղթություններ անելով ազգային ակնկալությունների իրագործման համար, հայտարարում է Ազգային համախորհուրդը փակված:

\* \* \*

Ներկա արձանագրությունը, Համախորհրդի քարտուղարներ Ս.Սալխայանցի, Հ.Ստեփանյանի, Ս.Հովվեյանի և, մասամբ, Հ.Տեր-Հակոբյանի սևագրությունների հիման վրա, կազմեցին Ստ.Մարկոսյանցը և Սիմ.Հովվեյանը, աշխատակցությամբ Ռաֆ.Զարդարյանի:

11 հունվարի 1918թ. Թիֆլիս:

Գ.21, ք.43 հակ.:

### ՀԱՄԱԽՈՐՀՐԴԱԿՈՒԹՅԱՆ ԲԱՆԱԶԵՎԵՐՆ ՈՒ ՈՐՈՇՈՒՄՆԵՐԸ

## N 21

### Բանաձև փախստական կանգնողի մասին\*

[Հոկտեմբեր] 1917թ.

Ուստի համախորհուրդը, լսելով փախստական կանգնողի և կանգնողի մասին զեկուցումներ, նկատում է.

1. Որ անհրաժեշտ է իրականացնել սերտ համագործակցություն փախստական կանգնողի բոլոր կազմակերպությունների և արևմտահայ խորհրդների մեջ, որոնց միությունից ստեղծված կենտրոնական մարմինը պետք է ստանձնե ամբողջ

\* Այս բաժնում բերվում են այն բանաձևերն ու որոշումները, որոնք չեն հրապարակվել համախորհրդակցության արձանագրություններում:

գործի ընդհանուր ղեկավարությունը, բաշխե բյուջեն և հսկե բոլոր մարմինների գործունեության վրա, պահպանելով նրանց ներքին վարչական ինքնուրույնությունը:

2. Որ՝ Կովկասի մեջ գտնվող փախստականների պետական օժանդակությունը և հսկողությունը կվերապահվի «Կովկասի փախստականներին օգնող գլխավոր խորհրդին», որի հետ կապ և հարաբերություն պահող պիտի լինի միայն Հայ կազմակերպությունների միացյալ կենտրոնական մարմինը:

3. Որ՝ պատերազմի տևականությունը ստեղծել է տնտեսական այնպիսի ծանր պայմաններ, որ փախստականության կենտրոններում արդեն իսկ սովորական դեպքերը անսովոր չեն, մինչդեռ ապրուստը սոսկալի չափերով ավելացած է, իսկ պետական օգնության չափը նույնը մնալով, բացարձակապես չի կարող չնչին իսկ չափով բավարարություն տալ. իսկ հայ ազգաբնակչության աշխատավար խավերը, որ երեք տարիներից ի վեր եղել են գլխավոր օժանդակող փախստականներին, ներկա տնտեսական ճգնաժամի մեջ անկարող են այլևս զգալի օգնություն հասցնել:

4. Որ՝ մյուս կողմից, ցանկալի չափով հնարավոր չէ եղել կազմակերպել համայնական աշխատանքներ, որոնք նպաստեին բանակի և հանրության պահանջներին, մասնավորապես կանանց համար, որոնք մեծ տոկոս են կազմում, աշխատանքներ, որ հնարավորություն տալին քիչ շուտ բարվոքելու իրենց անտանելի վիճակը և թեթևացնելու պետական գանձարանի ծանրությունը: Մանավանդ, որ կառավարությունը, ընդունելով ներկա ծանր դրությունը, իր Մարտ 29 և Մայիս 10 հրահանգներով ավելացրել էր փախստականության օգնության նորմաները, բայց հետագայում նորից փոխել էր իր որոշումը:

5. Որ՝ թուրքահայ ժողովուրդը, քաջալերվելով կառավարության օժանդակությունից, մասամբ վերադարձել է հայրենիք և ձեռնարկել է երկրի վերաշինության, որ մեծապես կնպաստե նաև կռվող բանակի հաջողության: Եվ որ Հայրենիք վերադարձող ժողովրդի օգնության գործը, իբրև պատերազմից վնասված բնիկ ազգաբնակչության, պիտի վերաբերի բացառապես այդ վայրերի համար կազմված հատուկ իշխանության և բուն իսկ բնիկ ժողովրդին:

6. Որ՝ մոտ երեք տարի երկրի խորքերում իբր պատերազմական գերիներ, ապրուստի և կլիմայական ծանր պայմանների մեջ տառապող բազմաթիվ թուրքահայերի մեծագույն մասը, պատերազմի սկզբին, կոտորածներից խուսափող կամ թրջական բանակի մեջ պարտադիր աշխատանքի ենթակա խմբեր են, որոնց ազատման մասին բազմիցս ապարդյուն դիմումներ են եղել և որ վկայում օրերում միայն հեղափոխական կառավարությունը արտոնել է ուղարկել Կովկաս և դնել նրանց կովկասյան զինվորական պարենավորման վարչության տրամադրության տակ իբր գերի ենթարկվելու պարտադիր աշխատանքի:

Համախորհուրդը որոշում է.

1. Ողջունել Հայկական փախստական[ական] կազմակերպությունների և Արևմտահայ խորհրդի մեջ կայացած համաձայնությունը՝ փախստական[ական] բոլոր գործերի կենտրոնացման և ընդհիլանուր] ղեկավարության հիմքերի վրա և հրավիրում է միությունից դուրս մնացած մյուս մարմիններին ևս միանալու նոցա:

II. Դիմել ժամանակավոր կառավարության, առաջարկելով՝ ա. նպաստներից օգտվողների տոկոսը բարձրացնել 65-ի, բ. փախստականներին և նրա հիմնարկություններին տրվող նպաստի քանակը դարձնել զոնե կրկնակի:

III. Հօգուտ փախստականական կարիքների մշանակել հանգանակության մի օր հայաբնակ բոլոր վայրերի համար, որի կարգադրությունը հանձնարարել Փախստականական գլխավոր խորհրդի գործադիր մարմնին:

\* Բնագրում որբերի:

IV. Հայրենիքում տեղավորված պատերազմից վնասված ազգաբնակչության օգնության գործը հանձնել դեմոկրատիկ սկզբունքներով ժողովրդից ընտրված տեղական մարմիններին՝ Թուրքահայաստանի հատուկ վարչության ղեկավարություններով:

V. Առաջարկել ժամանակավոր կառավարության բաց թողնելու երկու միլիոն ռուբլի աշխատանքների կազմակերպության համար:

Կազմակերպել բանվորական խմբեր Հայաստանի երկաթուղների շինության համար, որ պատերազմական գործողությունների հաջողության և երկրի վերաշինության ամենակարևոր ազդակն է:

VI. Ցավ հայտնել, որ ժամանակավոր կառավարությունը չչտապեց արձանագրել հին ռեժիմի սխալը թուրքահայ գերիների նկատմամբ և բողոքել, որ նոքա դեռ ճանաչվելով իբր գերիներ, բացառիկ խիստ ռեժիմի տակ ուղարկվում են Կովկաս և պահանջել նոցա ազատ արձակումը:

VII. Վերաքննիչ մասն[աժողով] կազմել՝ դրամական հաշիվները քննելու:

VIII. Հնությունները պահպանելու համար:

IX. ...

Գ.17, ք.12-13 և հակ.:

## N 22

### Բանաձև իշխանության և ռազմաճակատի ամրապնդմանը նպաստելու մասին

[Հոկտեմբեր] 1917թ.

Ի նկատի ունենալով, որ հայ ժողովրդի ինքնապաշտպանության գործը ոչ այլ ինչ է, քան հեղափոխական իշխանության հաստատումը երկրում և պետության սահմանների պաշտպանություն,

համախորհուրդը գտնում է, որ բոլոր հայ կենսական ուժերը պետք է գործադրվեն՝ իշխանության հաստատման և ճակատի պաշտպանության համար, հեղափոխական կառավարության և դեմոկրատիայի միջոցով:

Գ.17, ք.9 և հակ.:

## N 23

### Բանաձև զենսովոյական կառավարում մտցնելու մասին

7 հոկտեմբերի 1917թ.

Ի նկատի ունենալով, որ զենսովո մտցնելը Անդրկովկասում անհետաձգելի անհրաժեշտություն է, համախորհուրդը գտնում է, որ զավառական զենսովոյական միավորումները պետք է կազմվեն համաձայն այն պրոեկտի, որ ներկայացրել են համախորհրդին զենկուցանողները: Ինչ վերաբերում է նահանգական զենսովոյական միավորումներին, ապա այդպիսիները կարող են կազմվել պրոեկտով կազմված

\* Բանաձևի 9-րդ կետը անընթեռնելի:

\*\* Բնագրում գործադրվի:

զավառների խմբագրությամբ՝ համաձայն պետական իշխանության և երկրի ժողովրդական-տնտեսական պահանջներին:<sup>1</sup>

Գ.17, ք.8 և հակ.:

## N 24

### Բանաձև պարենավորման գործի բարելավման վերաբերյալ

[հոկտեմբեր] 1917թ.

Հայկական համախորհուրդը ի նկատի առնելով՝

1. Որ պարենավորման գործը թե՛ ամբողջ պետության մեջ և թե՛ մանավանդ Անդրկովկասում ստացել է ճակատագրական բնույթ և սպառնում է հեղափոխության նվաճումներին,

2. Որ հին ռեժիմից ժառանգած պարենավորման քայքայումը ոչ թե նվազել և բարվոքվել է, այլ ավելի բարդացել ու խորացել է,

3. Որ կառավարության քաղաքականությունը պարենավորման գործում չի ունեցել հաստատուն ուղղություն,

4. Որ մենավաճառությունը իբրև սկզբունք՝ ապրուստի ամենակարևոր առարկաների վերաբերմամբ, կանոնավոր հսկողության հետ, պետք է մտցվի կյանքի մեջ ամենուրեք և ամենալայն չափով և

5. Որ Անդրկովկասի զորքի և ազգաբնակչության պարենավորման հոգսը պետք է կազմի կառավարության առանձին ուշադրության առարկա, որոշեց՝

1. Տարածել մենավաճառության օրենքը 30 մարտի 1917թ. Անդրկովկասի վրա:

II. Անդրկովկասի ազգաբնակչության կարիքին համապատասխան չափով հացահատիկ պահանջել հյուս[իսային] Կովկասից

III. Արտահանության և ներածության համար կանոնավորվել Վլադիկավկազի և Անդրկովկասի ճանապարհները, ներքին հարաբերությունները և օգտվել ծովային երկու ճանապարհից՝ Սև ծով-Նովորոսիյսկից և Կասպիական ծովից Պետրովսկի մինչև Բագու և Եվլախ:

IV. Արտահանությունը արագացնելու համար՝ հացահատիկի նախապատվություն տալ, Ռուսաստանից եկող մյուս ապրանքներից:

V. Հացահատիկը կանոնավոր բաժանելու և եղած բողոքներին շուտափույթ բավարարություն տալու համար՝ նշանակել կոմիսար-վերահսկիչ, պարենավորման մարմիններից անկախ:

VI. Առաջարկել կառավարության հնարավորություն ստեղծելու Պարսկաստանից և հացհատիկ բերելու Ռուսաստանի և Անդրկովկասի տարբեր ապրանքների փոխանակությամբ:

VII. Առաջարկել կառավարության Անդրկովկասի ազգաբնակչության տալու շաքարի և թեյի բավարարությունը, որը մեծամասնության համար կփոխարինե տաք կերակրին:

VIII. Միջոցներ ձեռք առնել հերկելու մեծ տարածության հողեր և դրա համար կառավարությունից պահանջել այժմյանից ապահովել ժողովուրդը անհրաժեշտ սերմացուով, իսկ աշխատանքի ժամանակ հայ զինվորների մի մաս, գլխավոր[ապես] թիկունքից, որոշ ժամանակով գյուղեր վերադարձնել աշխատանքներ կատարելու:

IX. Միջոցներ ձեռք առնել գյուղացիներին համոզելու և հասկացնելու, որ նրանք էլ խնայողաբար գործածել հացը, յուրաքանչյուր շնչին ոչ ավել մեկ ֆունտից օրական:

X. Ժողովրդյան հագուստեղեն մատակարարելու համար հիմնել և տարածել ջուլիականոցներ՝ կոոպերատիվների, հասարակական հաստատությունների և գյուղական համայնքների նախաձեռնությամբ, որի համար կառավարությունից խնդրել 1.000.000ռ.:

XI. Գյուղատնտեսական գործիքները պատրաստելու և հները նորոգելու համար հիմնել տեղական արհեստանոցներ և խնդրել 500.000ռ.:

XII. Ճանաչել գաղթականական սննդական պահեստները համահավասար նահանգական պահեստներին և ազատ թեկվիզիցիայից:

Գ.17, ք.10-11:

## N 25

### Որոշում Ռուսահայ Ազգային Ժողով ու Ազգային խորհուրդ ստեղծելու և դրանց կանոնադրությունը ընդունելու մասին

1. Ռուսահայ ազգային ժողովը գերագույն ներկայացուցչական օրգան է ռուսահայ ժողովրդի:

2. Մինչև ընտրական քառանդամ սիստեմով ազգային ներկայացուցչություն հրավիրելը խորհուրդը ունենում է իր պարբերական գումարումները և լուծում է սկզբունքային ու առանձին գործնական կարևորություն ունեցող ժողովրդական խնդիրներ:

3. Ազգային ժողովը կազմված է համախորհրդակցության մեջ ի հայտ բերված հասարակական խմբակցությունների թվական փոխհարաբերության հիման վրա և, բացի այդ, հրավիրվում են ժողովին հասարակական մի քանի խմբակցությունների ներկայացուցիչները համախորհրդակցության որոշմամբ:

4. Համագումարի մեջ հարցերը լուծվում են հասարակական խմբակցությունների փոխադարձ համաձայնությամբ:

5. Համախորհրդակցության մեջ ընտրված ռուսահայ խորհուրդը գերագույն գործադիր օրգան է ռուսահայ ժողովրդի և նա է, որ ամբողջ ժողովրդի անունից վարում է ռուսահայ քաղաքականությունը թե՛ մեր ժողովրդի և թե՛ ամբողջ պետության մեջ:

6. Ռուսահայ խորհուրդը իրականացնում է այն որոշումները, որն արել է Հայոց ազգային համախորհրդակցությունը:

7. Խորհուրդը վարում է ժողովրդական մյուս ընթացիկ խնդիրները, եթե միայն սրանք առանձնապես սկզբունքային բնույթ և գործնական կարևորություն չունեն:

8. Այս վերջին խնդիրները նախապես քննության են ենթարկվում ռուսահայ ազգային ժողովի մեջ և խորհուրդը իրականացնում է սրա որոշումները:

9. Խորհուրդին իր որոշումները սկզբունքային հարցերի մասին կայացնում է նույնպես ոչ թե պարզ քվեարկությամբ, այլ իր անդամների փոխադարձ համաձայնությամբ:

10. Ազգային համախորհրդակցության, ազգային ժողովի և ռուսահայ խորհրդի փոխհարաբերությունների և լիազորությունների ստույգ և մանրամասն մշակումը հանձնել խորհրդին, իսկ հաստատումը՝ ազգային ժողովին:

Վարձատրության հարցը:

Խորհրդի ամենից կարևոր պարտականություններից մեկն է շուտափույտ կերպով ազգային համագումար հրավիրելը քառանդամ սիստեմով:

Նույն գործը, ք.48 և հակ.:

Հ Ա Վ Ե Լ Վ Ա Ծ

**ա. ԸՆՏՐՈՒԹՅՈՒՆՆԵՐԻ ԿԱՆՈՆՆԵՐԸ: ԸՆՏՐԱԿԱՆ  
ՇՐՋԱՆՆԵՐԻ ՈՒ ՊԱՏՉԱՄԱՎՈՐՆԵՐԻ ՑՈՒՑԱԿՆԵՐԸ:  
ԿԱՆՈՆԱԴՐՈՒԹՅԱՆ ՆԱԽԱԳԻԾ: ՍԵՎՑԻԱՆԵՐԸ**

N 26

### Ռուսահայոց համախորհրդակցության պատգամավորների ընտրությունների կանոնները և ընտրական շրջանների ու պատգամավորների ցուցակը

05 հունիսի 1917թ.

1. Յուրաքանչյուր ռուսահայ՝ 20 տարին լրացած՝ առանց սեռի և դավանության խտրության, իրավունք ունի մասնակցելու պատգամավորների ընտրությանը որպես ընտրող և ընտրվող: Գարնիզոններում և առհասարակ ընտրաշրջաններում գտնվող հայ զինվորները ընտրություններին մասնակցում են ընդհանուր հիմունքներով:

Ծանոթ. 1. - Ջորաճակատներում և մոտավոր թիկունքներում գտնվող հայ զինվորների՝ ընտրություններին մասնակցելու հարցը որոշվելուց հետո առանձին կհայտարարվի:

Ծանոթ. 2. - Ընտրություններին մասնակցելու, ընտրելու և ընտրվելու իրավունք ունեն նաև ոչ ռուսախառնակ այն հայերը, որոնք ներկա պատերազմից առաջ բնակություն են հաստատել Ռուսաստանում:

2. Պատգամավորների ընտրությունը կատարվում է ընդհանուր, համեմատական (պրոպորցիոնալ), անմիջական և գաղտնի ծայնտվությամբ:

3. Ռուսահայ ժողովրդի յուրաքանչյուր 10.000 հոգուց մեկ պատգամավոր է լինելու: Ընտրական շրջաններում պատգամավորների թվի մասին տե՛ս ցուցակ ընտրական շրջանների:

4. Յուրաքանչյուր ընտրող կարող է ունենալ միայն մեկ ձայն: Յուրաքանչյուր ընտրող իր ընտրական իրավունքը կարող է գործադրել միայն մեկ ընտրական շրջանում: Ընտրվել կարող են մարդիկ անկախ այն հանգամանքից, թե որ ընտրական շրջանում են բնակվում:

5. Ընտրությունը կատարելու կարգերը որոշված են ստորև առաջ բերված ընտրական օրակարգով:

6. Ընտրությունները կազմակերպելու, կարգադրելու և վարելու համար հաստատվում են կենտրոնական հանձնաժողով թիֆլիսում, այլև 11 շրջանային ընտրական հանձնաժողովներ՝ շրջանների կենտրոններում (տե՛ս ցուցակ ընտրական շրջանների), որոնք բաղկացած են հայ քաղաքական կուսակցությունների անդամներից՝ թվով 5-7 հոգի:

\* Տեքստում հանդիպող և ընտրական շրջաններին ու ընտրական հրահանգին առնչվող այս և հաջորդ հոլումները բնագրին են: Ծանոթ. կազմ.:

Ծանոթ. – Ընտրական շրջանների ցուցակում յուրաքանչյուր շրջանակի դեմ նշանակված պատգամավորների թվերը (օրինակ, Երևան քաղաք՝ 4, Երևանի գավառ՝ 7, և այլն) չեն նշանակում, թե յուրաքանչյուր շրջանով պետք է այդքան թվով պատգամավոր ընտրե իր կողմից, այլ այդ թվերը բերված են միմիայն ցույց տալու համար, թե ինչի հիման վրա և ինչ տվյալներից է ստացվել ամբողջ շրջանի պատգամավորների թիվը (40): Ուրեմն՝ 11 ընտրական շրջաններից յուրաքանչյուրը կազմում է միայն մեկ ընտրական միություն, այսինքն՝ այդ շրջաններից յուրաքանչյուր մեկում կուսակցությունների կողմից առաջադրված անվանացուցակները, որոնք պարունակում են այդ շրջանի համար պահանջվող թեկնածուների թիվը: (Ընտրության մանրամասնությունները տես «Հրահանգում»):

7. Կենտրոնական ընտրական հանձնաժողովը թիֆլիսում.

ա. Հսկում է ընտրությունների կանոնավորության վրա ամենուրեք ընդհանրապես:

բ. Լուծում է սույն կանոնադրության և ընտրական հրահանգի գործադրման առթիվ ծագող տարակուսանքները ու բացատրություն է տալիս:

գ. Հարկավոր հրահանգներ է տալիս շրջանային հանձնաժողովներին:

դ. Շրջանային հանձնաժողովների զեկուցագրերի հիման վրա կազում և հրատարակում է պատգամավոր ընտրվածների ընդհանուր ցուցակը:

8. Յուրաքանչյուր ընտրող ինքը անձամբ պետք է տա իր ձայնը:

9. Ընտրությունների անկանոնությունների դեմ բողոքները, հարկավոր բացատրություններով հանդերձ, տրվելու են ընտրական շրջանային հանձնաժողովներին՝ ընտրությունը կատարելուց հետո երեք օրվա ընթացքում: Այդ բողոքները հիշյալ հանձնաժողովները կենտրոնական ընտրական հանձնաժողովի միջոցով ներկայացնում են Ռուսահայոց համագումարին, որից կախված է պատգամավորների քննությունը, ստուգումն ու վավերացումը:

## Ց ՈՒ Ց Ա Կ

### Ընտրական շրջանների և պատգամավորների

Առաջին անգամ արդեն հայտարարված և ցրված ցուցակում բերված էր յուրաքանչյուր շրջանակի հայ ազգաբնակչության թիվը և քանի պատգամավոր է ընկնում յուրաքանչյուր շրջանակի վրա: Ներկա ցուցակից այդ տեղեկությունները դուրս ձգեցինք, որպեսզի տեղիք չտվին կարծելու, թե յուրաքանչյուր շրջանակ նշանակված թվով պատգամավոր պիտի ընտրե իր կողմից:

1. Երևանի շրջան, կենտրոն՝ Երևան:

(Շրջանակներ. 1. Երևան քաղաք, 2. Երևանի գավառ, 3. Նոր- Բայազետ՝ գավառով, 4. Հին Նախիջևան՝ գավառով, 5. Վաղարշապատ՝ Էջմիածնի գավառով, 7. Շարուր-Ղարալագյազ) 46 պատգամավոր:

2. Ալեքսանդրապոլի շրջան, կենտրոն՝ Ալեքսանդրապոլ:

(Շրջանակներ, 1. Ալեքսանդրապոլ գավառ) 19 պատգամավոր:

3. Ղարսի շրջան, կենտրոն՝ Ղարս:

(Շրջանակներ. 1. Ղարս, Օլթի, Արդահան, 2. Ղարսի գավառ, 3. Կաղզվան քաղաք, 4. Կաղզվանի գավառ) 12 պատգամավոր:

4. Թիֆլիսի շրջան, կենտրոն՝ Թիֆլիս:

(Շրջանակներ. 1. Թիֆլիս քաղաք, 2. Թիֆլիսի գավառ, 3. Ախալցխա, 4. Գորի և Դուշեթ, 5. Գորվա գավառ, 6. Սղնախ՝ գավառով, 8. Ախալքալակ՝ գավառով, 9. Բորչալու գավառ) 40 պատգամավոր:

5. Շուշվա շրջան, կենտրոն՝ Շուշի:

(Շրջանակներ. 1. Շուշի՝ գավառով, 2. Գորիս և Զանգեզուր, 3. Կայազինի գավառ) 22 պատգամավոր:

6. Գանձակի շրջան, կենտրոն՝ Գանձակ:

(Շրջանակներ. 1. Գանձակ՝ գավառով, 2. Նուխի՝ գավառով, 3. Ղազախ՝ գավառով, 4. Արեշի գավառ, 5. Ջիվանջիրի գավառ) 20 պատգամավոր:

7. Բազվա շրջան, կենտրոն՝ Բազու:

(Շրջանակներ. 1. Բազու, Ղուբա, Լեճկորան, Սալյան, 2. Շամախի՝ գավառով, 3. Գյոքչայի գավառ) 12 պատգամավոր:

8. Բաթումի շրջան, կենտրոն՝ Բաթում:

(Շրջանակներ. 1. Բաթում իր շրջանով, 2. Քութայիս՝ գավառով, 3. Սուխումի շրջան, 4. Նովորոսիսկի շրջանով) 7 պատգամավոր:

9. Դաղստանի շրջան, կենտրոն՝ Արմավիր:

(Շրջանակներ. 1. Դերբենդ և Դաղստանի շրջան, 2. Արմավիր, Եկատերինոդար, Մայկոպ, 3. Վլադիկավկազ, Դզլար, Պյատիգորսկ, Մոզդոկ շրջանով) 7 պատգամավոր:

10. Հաշտարխանի շրջան, կենտրոն՝ Հաշտարխան:

(Շրջանակներ. 1. Հաշտարխան, Ստավրոպոլ, Սարատով, Ցարիցին (Սիբիր), 2. Ախապատ և Թուրքեստանի շրջան) 2 պատգամավոր:

11. Բեսարաբիայի շրջան, կենտրոն՝ Նոր Նախիջևան:

(Շրջանակներ, 1. Պետրոգրադ, Մոսկվա, 2. Կիև, Խարկով, Ռոստով, 3. Քիշինև, Օդեսա, Ակկերման, 4. Դրիմ, Տավրիկյան նահանգ) 8. պատգամավոր:

Ընդամենը 11 շրջանակով և 185 պատգամավոր:

«Արև», 05.07.1917:

N 27

### Ռուսահայ Ազգային ժողովի ու Խորհրդի կանոնադրության նախագիծը

1. Մինչ ընտրական քառանգամ սխտեմով ազգային համագումար հրավիրելը՝ ստորև հիշված հիմունքներով կազմակերպվում է «Ազգային ներկայացուցչական ժողով», որ համարվելու է Ռուսահայ ժողովրդի ժամանակավոր ներկայացուցչական օրգանը և ունենալու է իր պարբերական նիստերը Թիֆլիսում:

2. Նրա զբաղմունքի առարկաները պիտի լինեն՝ Ռուսահայության վերաբերող բոլոր հարցերը և Տաճկահայության վերաբերող այն խնդիրները, որ օրգանապես կապված են ռուսահայության հետ և բխում են ներկա կացությունից: Օրինակ, փախստականական վերաշինության վերաբերյալ մի շարք վարչական հարցեր (մինչ պատերազմի վերջանալը) և առհասարակ գործնական արժեք ունեցող խնդիրներ:

3. Այդ «ժողովի» կազմը miniatur չափով ներկայացնում է տեղի ունեցող համագումարը, զուսարած մի քանի հիմնարկությունների ներկայացուցիչները: Այսպես՝

1. Դաշնակցական Կուսակցությունից	16-14 հոգի
2. ժողովրդական	7-5 -,-
3. Սոցիալ-դեմոկր.	4-3 -,-
4. Սոցիալ-հեղափոխ.	3-3 -,-
5. Озакрома-ի ներկայաց.	1 -,-
6. Կաթողիկոսի ներկայաց.	1 -,-
7. Համագումարում ընտրված Պետրոգրադի ներկայացուցիչներ	2 -,-

8. Առևտրա-արդյունաբերական  
Միությունից ընտրվելիք ներկայացու-  
ցիչներ (Մոսկվա, Պետրոգրադ,  
Նախիջևան, Բագու) 4 (5) -,-,-
9. Արևմտահայ խմբակցությունից 1 -,-,-
10. Տաճկահայ համաձայնագրողներ կայացուց. 1 -,-,-

Ընդամենը 35 հոգի

4. «Ազգային ներկայացուցչական ժողովում» հարցերը լուծվում են ֆրակցիաների փոխադարձ համաձայնությամբ.

Նկատ. - Այն հարցերը, որոնց վերաբերմամբ փոխադարձ համաձայնություն չի կայանում, հանվում են օրակարգից՝ լուծելու հառաջիկա համագումարին:

5. Եթե մինչ այդ համագումարը այս կամ այն ֆրակցիան իր անունից սեպարատ կերպով քայլեր է անում օրակարգից հանված հարցերի շրջանում, դրա պատասխանատվությունը ընկնում է ամբողջովին սեպարատ գործող ֆրակցիայի վրա հերթական համագումարից առաջ:

6. Ազգային ներկայացուցչական ժողովի ամենաառաջին քայլերից մեկը պիտի լինի փութացնել հերթական համագումարի հրավիրելը, մշակելով նրա օրակարգը, պատրաստելով զեկուցումները և տեխնիկական հարմարություններ ստեղծելով:

7. Համախորհրդից ընտրված «Ռուսահայ խորհուրդը» գերագույն գործադիր օրգանն է ռուսահայ ժողովրդի, որի ամբողջական անունից վարում է ռուսահայ քաղաքականությունը թե՛ Անդրկովկասում և թե՛ ամբողջ պետության մեջ, - Համախորհրդի որոշումների և շոշափված հարցերի շրջանում:

8. Հարցերի լուծումը կարող է տեղի ունենալ կամ բացարձակ քվեարկությամբ, կամ փոխադարձ համաձայնությամբ քաղաքական ֆրակցիաների մեջ:

Նկատ. - Փոխադարձ համաձայնությամբ պիտի լուծվեն բոլոր համապետական և համաանդրկովկասյան հարցերը առհասարակ և մասնավորապես Հայկական ազգային սկզբունքային խնդիրները:

Նկատ. - Եթե «Ռուսահայ խորհուրդում» համաձայնության չզան ֆրակցիաները, անմիջապես հրավիրվում է «Ազգային ներկայացուցչական ժողովը» և հարցերը այնտեղ որոշում են 4 և 5 կետ...՝ հիման վրա:

9. «Ռուսահայ խորհրդի» անդամների թիվը՝ փոխադարձ համաձայնությամբ, որոշվել է այսպես.

Դաշնակց. կուս.-ից	6 հոգի
Ժողովրդ. -,-,-	2 -,-,-
Սոց.-դեմ. -,-,-	2 -,-,-
Սոց.-հեղ. -,-,-	2 -,-,-
և	
Ընդհանուր համաձայն[ու- թյամբ] լրացուցիչ	3 -,-,-
<hr/>	
Ընդամենը	15 հոգի

\* Մեկ բառ՝ անընթեռնելի:

10. Հիշյալ 15 հոգուց 8 հոգի պատրաստվում են ապրել Թիֆլիզում և ամբողջովին նվիրվել «Ռուսաց խորհրդի» գործին առանց կողմնակի որևէ աշխատանք ունենալու: Ուստի և Համախորհուրդը որոշում է վարձատրել դրանց աշխատանքը ամսական ... ռ.՝ վճարումով:

11. «Ռուսահայ խորհուրդը» մշակում է «խորհրդի» և «ժողովի» փոխհարաբերությունների և լիազորությունների ստատուտները նույնպես և իր ներքին աշխատանքի բաժանումը ու ներկայացնում է «Ազգային» ներկայացուցչական ժողովին» ի հաստատություն:

12. Ժամանակավորապես «Ռուսահայ խորհրդի» կազմն է.

1. Ավետիս Ահարոնյան
2. Խաչատուր Կարճիկյան
3. Աբրահամ Գյուլխանդանյան
4. Ռուբեն Տեր-Մինասյան
5. Նիկոլ Աղբալյան
6. Կորյուն Ղազարյան
7. Լևոն Աթաբեգյան
8. Հովհ.Տեր-Օհանյան
9. Ղազար Տեր-Ղազարյան
10. Արամայիս Երզնկյան
11. Սամսոն Հարությունյան
12. քժ. Հար.Այվազյան
13. Տիգրան Բեգզադյան
14. Պետրոս Զաքարյան
15. Ստեփան Մամիկոնյան

Գ.17, թ. 51-58 և հակ.:

N 28

**ԱԶԳԱՅԻՆ ՀԱՄԱԽՈՐՀՐԴԱԿՑՈՒԹՅԱՆ  
ՊԱՏՎԱՄԱՎՈՐՆԵՐԻ ՑՈՒՑԱԿԸ<sup>1</sup>**

1	Ազգանուն, անուն	քաղաքը	կուսակ- ցակ.	Հիմնարկութ. կամ այլ լիազոր.
1	2	3	4	5
1.	Սողոմոնյան Տիգրան	Թիֆլիս	ս.-դ.	Ժամանակ.հեղափոխ. կոմիտե
2.	Շանշյան	-,-,-	ս.-հ.	-,-,-
3.	Ազաբեգյան Լևոն	-,-,-	ս.-հ.	-,-,-
4.	Երզնկյան Հայկ	-,-,-	ս.-դ.	պողՖես.միության կենտրոն
5.	Փիրունյան Ս.	-,-,-	ս.-դ.	Զինվոր.երկր.
6.	Նազարյան	-,-,-	ս.-հ.	-,-,-
7.	Ժամագործյան	-,-,-	ս.-հ.	-,-,-
8.	Պետրոսյան	-,-,-	ս.-հ.	-,-,-

\* Գումարի չափը բաց է թողնված:

9.	Թումանյան Լևոն	-,-	ս.-հ.	-,-	
10.	Բեզգադյան Յուս.	-,-	ս.-դ.	-,-	
11.	Բեզգադյան Ռուբ.	-,-	ս.-հ.	-,-	
12.	Մալխասյան Ռուբ.	-,-	ս.-դ.	-,-	
13.	Զալխուշյան Ռուբ.	-,-	դաշն.	-,-	Հայ զինվոր. միութ.
14.	Կամսարական Արշ.	-,-	անկ.	-,-	
15.	Պետրոսյան Թադ.	-,-	դաշն.	-,-	
16.	Շահնազյան Արս.	-,-	դաշն.	-,-	
17.	Տեր-Օհանյան Գաբր.	-,-	ս.-հ.	-,-	
18.	Թարխանյան Ն.	-,-	ս.-հ.	-,-	Միացյալ երկր. կենտրոն
19.	Խողկարյան Արշ.	-,-	ս.-հ.	-,-	
20.	Խանդանյան Եր.	-,-	ժող.	-,-	Հայ. կաթոլ. վարչութ.
21.	Սարուխանյան Աս.	-,-	ժող.	-,-	
22.	Ռստակյան Յուս.	-,-	դաշն.	-,-	
23.	Գևորգյան Գևորգ	-,-	դաշն.	-,-	
24.	Տեր-Գևորգյան Վ.	-,-	դաշն.	-,-	Գայանյան դպրոց
25.	Բաբայան Արշ.	Թիֆլիս	ս.-դ.	-,-	Ս.-դ. Հնչակ. կուս.
26.	Հակ. Ղազարյան (Լազո)	-,-	ս.-դ.	-,-	
27.	Դեմիրճյան Դ.	-,-	դաշն.	-,-	Հայ. գրողների ընկ. Բանվոր. երկր. կենտ.
28.	Գյուլումյան Լիպ.	-,-	ս.-հ.	-,-	
29.	Դանդուրյան Ս.	-,-	ս.-դ.	-,-	
30.	Ազատյան Հայկ	-,-	ս.-դ.	-,-	
31.	Ղարաջյան Գ.	-,-	ս.-դ.	-,-	
32.	Օհանջանյան Համ.	-,-	դաշն.	-,-	
33.	Հարությունյան Իսահակ	-,-	ժող.	-,-	Փախստ. գլխավոր խորհուրդ
34.	Մխիթարյան Արշ.	-,-	ժող.	-,-	
35.	Սուրխաթյան	-,-	ս.-դ.	-,-	Ռուս. սոց. դեմ. կուս.
36.	Պիճիկյան Իվան	-,-	ս.-դ.	-,-	
37.	Դարբինյան Մարտ.	-,-	ս.-դ.	-,-	
38.	Ամիրյան Իսահակ	-,-	ժող.	-,-	Հայ կադետների կողմից
39.	Մայսուրյան Թևոդոր	-,-	դաշն.	-,-	Կոոպեր. Անդրկովկ. միությունից
40.	Արիստակեսյան	-,-	ժող.	-,-	Թիֆլիզի հայ վաճա- ռականության կողմից
41.	Մելիք-Ղարաբյուրյան Գ.	-,-	ժող.	-,-	
42.	Տեր-Դանիելյան Դ.	-,-	ս.-դ.	-,-	Ս. դեմ. հայ կազմակերպ.
43.	Հարությունյան Ս.	-,-	ժող.	-,-	Քաղաքային դումայի ֆրակցիայի
44.	Խատիսյան Գևորգ	-,-	դաշն.	-,-	
45.	Աբեղյան Արտ.	-,-	դաշն.	-,-	
46.	Կարճիկյան Խաչ.	-,-	դաշն.	-,-	
47.	Թադևոսյան տ. Դ.	-,-	դաշն.	-,-	
48.	Զուրաբյան տ. Աղավնի	-,-	ս.-դ.	-,-	
49.	Կաֆյան Գաբրիել կամ	Թիֆլիս	ս.-դ.	-,-	Քաղաքային

50.	Ջարտիշյան Գ.	-,-	ս.-հ.	-,-	դումայի ֆրակցիայի
51.	Մուշեղյան Տիգրան	-,-	ժող.	-,-	-,-
52.	Սպենդիարյան Յուս.	-,-	ժող.	-,-	Հայ ժողովրդ. կուս.
53.	Ստեփանյան բժ. Կ.	-,-	ժող.	-,-	-,-
54.	Մուշեղյան Միք.	-,-	դաշն.	-,-	Ներսիսյան դպրոց
55.	Ստամբուլյան Ան.	-,-	ս.-հ.	-,-	Սոց.-հեղափ. կուս.
56.	Տեր-Օհանյան Յուս.	-,-	ս.-հ.	-,-	-,-
57.	Աղասարյան Բախչի	-,-	ժող.	-,-	Կ[ովկասի] Հ [այոց] բարեգործ. ընկերութ. Փոստ-հեռագրակ. ժառ.
58.	Ջառաֆյան Սարգիս	-,-	դաշն.	-,-	Հ. Հ. դաշնակցություն
59.	Ահարոնյան Ավետիս	-,-	-,-	-,-	-,-
60.	Մանուկյան Արամ	-,-	-,-	-,-	-,-
61.	Տեր-Մինասյան Ռուբեն	-,-	-,-	-,-	-,-
62.	Արարատյան Ս.	-,-	-,-	-,-	-,-
63.	Շահխաթունյան Ա.	-,-	-,-	-,-	-,-
64.	Բժ. Հ. Տեր-Դավթյան	-,-	-,-	-,-	-,-
65.	Օհանջանյան	-,-	-,-	-,-	-,-
66.	տ. Ռուբինա	-,-	-,-	-,-	-,-
67.	Մանասյան Սարգիս	-,-	-,-	-,-	-,-
68.	Տեր-Աստվածատրյան Ս.	-,-	ժող.	-,-	Հայ. ավետարանա- կան
69.	Գալիկյան Հրամոտ	-,-	ս.-դ.	-,-	Արևմտահայ խորհուրդ
70.	Դարբինյան Արտ.	-,-	ժող.	-,-	-,-
71.	(սահմ.)	-,-	-,-	-,-	-,-
72.	Եսայան տիկ. Ջար.	-,-	դաշն.	-,-	-,-
73.	Թերզիբաշյան Ավ.	-,-	ժող.	-,-	-,-
74.	Հայկունի Գուրգեն	-,-	ս.-դ.	-,-	-,-
75.	Մանուկյան Հմ.	Թիֆլիս	դաշն.	-,-	Արևմտահայ խորհուրդ
76.	Շանթ Լևոն	-,-	-,-	-,-	-,-
77.	Պապիկյան Վարդան	-,-	ժող.	-,-	-,-
78.	Պասունի Կարո	-,-	դաշն.	-,-	-,-
79.	Վան Փուշ	-,-	-,-	-,-	-,-
80.	Բորոյան Ամբատ	-,-	-,-	-,-	-,-
81.	Տեր-Ջաբարյան Հակոբ	-,-	ժող.	-,-	-,-
82.	Բոնապարտյան Բժ.	-,-	դաշն.	-,-	-,-
83.	Փափազյան Վահան	-,-	-,-	-,-	-,-
84.	Արղության իշխ. Բորիս	-,-	ժող.	-,-	Հ[այոց] Ազգագր. ընկեր. Հայուհեաց Բար. [ընկ.]
85.	Մարտիրոսյան տիկ.	-,-	-,-	-,-	Ազգային բյուրո
86.	Հայկ.	-,-	-,-	-,-	-,-
87.	Խատիսյան Աղեքս.	-,-	դաշն.	-,-	-,-
88.	Ամիրխանյան Յուս.	-,-	-,-	-,-	-,-
89.	Քոչարյան Հակ.	-,-	-,-	-,-	-,-
90.	Աղբալյան Նիկ.	-,-	-,-	-,-	-,-

\* Արխիվային փաստաթղթի այդ մասերը վնասված են:

87.	Բաբախանյան Առաք[ել]	-,-	անկ.	-,-	
88.	Հակոբյան պրոֆ. Յոզի.	-,-	ժող.	Հայ.սահմ.ռամ.կազ.	
89.	Առաքելյան Համբ.	-,-	-,-	Նպաստամ[ատույց] ընկ.	
90.	Սահակյան Ավետիք	-,-	դաշն.	Հ.գյուղատնտ.ընկ.	
91.	Ղազարյան Կորյուն	-,-	-,-	Գյուղաց.երկր. [կենտ.]	
92.	Բաբայան Վարոս	-,-	-,-	-,-	
93.	Քյալայան Գառնիկ	-,-	-,-	-,-	
94.	Չոլախյան Հիպերիկ	-,-	-,-	-,-	
95.	Էլիբեգյան Հակոբ	-,-	-,-	-,-	
96.	Տեր-Իսրայելյան Հար.	-,-	-,-	-,-	
97.	Վրացյան Սիմոն	Թիֆլիս	դաշն.	Գյուղաց[իկան] երկր[ային] [կենտր.]	
98.	Ղազարյան Գևորգ	-,-	-,-	-,-	
99.	Ջամալյան Արշակ	-,-	-,-	-,-	
100.	Երզնկյան Արամայիս	-,-	ս.-դ.	-,-	
101.	Սաղաթելյան Լևոն	-,-	դաշն.	-,-	
102.	Մալխասյան Ալեքս.	-,-	ժող.	Կազմակերպիչ բյուրո	
103.	Հովվեյան Սիմ.	-,-	ս.-դ.	-,-	
104.	Տեր-Աստվածատրյան Հայկ	-,-	ժող.	Ազգ.հառաջ.կուս.	
105.	Շարբաբչյան	-,-	ժող.	Հայ Գեղարվեստ.կողմ.	
106.	Աղաբաբյան Գրիգոր	-,-	անկ.	Հայ ճարտար.կողմ.	
107.	Շահինյան Վաղարշակ	-,-	դաշն.	Սպայական դպրոցից	
108.	Զնչկյան Հարություն	-,-	անկ.	Հ.Դրամատիկ[ական] ընկ.	
109.	Պապաջանյան Միքայել	-,-	ժող.	Պետ.դումայի անդ.	
110.	Տիգրանյան Սիրական	-,-	դաշն.	-,-	
111.	Տեր-Ավետիքյան Ստեփան	-,-	-,-	-,-	
112.	Աջեմյան Մ.	-,-	ժող.	-,- չի եկել	
113.	Այվազյան Բժիշկ	-,-	-,-	-,- չի եկել	
114.	Տեր-Պետրոսյան Գ.	-,-	-,-	-,-	
115.	Թունանյան Լևոն	-,-	-,-	-,- չի եկել	
116.	Սաղաթելյան Յոզի.	-,-	դաշն.	-,- չի եկել	
117.	Համազասպ	-,-	դաշն.	Հրամանատար 3-րդ խմբի	
118.	Դրո	-,-	-,-	-,- 2-րդ -,-	
119.	Իշխան	-,-	-,-	-,- 7-րդ -,-	
120.	Վարդան	-,-	-,-	-,- 5-րդ -,-	
121.	Արզումանյան Մ.	Թիֆլիս	-,-	-,- 4-րդ -,-	
122.	Պանդուխտ	-,-	ս.-դ.	-,- 6-րդ -,-	
123.	Զուրաբյան Արշակ	-,-	-,-	Պետական դումայի անդամ	

.....

124.	Մնացականյան	Ֆրոնտ	ս.-հ.	6-րդ հայկ.գնդի կողմից
125.	Հարությունյան Բագրատ	Ֆրոնտ	դաշն.	5-րդ հայկ.գնդի կողմից
126.	Տեր-Ավազյան Գուրգեն	-,-	-,-	1-ին հայկ.գնդի կողմից
127.	Թորոսյան	Բագու	-,-	Հայ լուսերականներից
128.	Կրասիլնիկյան Կոնստ.	-,-	ժող.	Հայ վաճառականների և արդյունաբերողների կողմից
129.	Աթաբեգյան Միք.	-,-	-,-	-,-
130.	Մանանդյան Հակ.	-,-	անկ.	Հայ հասարակությունից
131.	Իսախանյան Տիգրան	-,-	ս.-դ.	-,-
132.	Ստեփանյան Հակ.	-,-	ս.-հ.	Կոռպեր.ընկերությունից
133.	Գյուլխանդանյան Աբր.	-,-	դաշն.	Հայ հասարակությունից
134.	Քաջազնունի Յովի.	-,-	-,-	-,-
135.	Վերմիշյան Քրիստ.	-,-	ժող.	Հայ ազգ.դեմ.կուս.
136.	Տեր-Ներսիսյան Իսահակ	-,-	ս.-հ.	Կոռպերատիվ միությունից
137.	Խանգաղյան Յ[ուլակ]	-,-	ս.-դ.	-,-
138.	Տերտերյան Նիկոլ.	-,-	ս.-հ.	Հայ հասարակությունից
139.	Տեր-Ղազարյան Նարինան	-,-	ս.-դ.	-,-
140.	Հովհաննիսյան Տիգրան	-,-	դաշն.	Հայ գրասիրաց ընկ.
141.	Տեր-Միքայելյան Հայկ	-,-	անկ.	Մարդասիր.ընկ.
142.	Զաքարյան բժ.Թադևոս	-,-	ժող.	Կուլտուր.միությունից
143.	Կարապետյան Ալեքսան	-,-	դաշն.	Հայ բանվորությունից
144.	Անդրեասյան Անդրեաս	-,-	-,-	-,-
145.	Տեր-Պողոսյան Հայրիկ	Նուխի	ս.-հ.	Կոռպերատիվ միություն
146.	Համբարձումյան Կոնստ.	Ղարս	դաշն.	Քաղաքային ինքնավարութ.
147.	Բաբայան Արտաշես	-,-	-,-	Գյուղացիակ.միություն
148.	Վալադյան Վ.	-,-	-,-	-,-
149.	Մինասյան Արփենիկ	-,-	ս.-հ.	Քաղաքային ինքնավարութ.
150.	Մատինյան Նիկոլայ	-,-	դաշն.	-,-
151.	Ազնաուրյան Գալուստ	-,-	-,-	Գարնիզդեհի հայ.գին.
152.	Աթանասյան Պարույր	Ղարս	ս.-հ.	Կոռպեր. միություն.
153.	Ղազարյան Արշակ	Ալեքսանդրա-	դաշն.	Քաղաքային ինքնավար.



		պոլ		
154.	Նավասարդյան Վահան	-,-	-,-	-,-
155.	Տերտերյան Իսահակ	-,-	-,-	-,-
156.	Տեր-Փասպարյան Ալեքս.	-,-	ս.-հ.	-,-
157.	Բաղդամյան Հակոբ	-,-	դաշն.	Գարնիզոնի հայ.զին.
158.	Հայրապետյան Ավագ	-,-	-,-	-,-
159.	Տեր-Աբրահամյան Մխիթար	-,-	-,-	Արղուբյան դպրոց
160.	Տեր-Հակոբյան Հակոբ	-,-	-,-	Կոոպեր.միություն
161.	Տեր-Գրիգորյան Արարատ	-,-	-,-	Գյուղացիակ.միութ.
162.	Գարեգին Նժդեհ	-,-	-,-	-,-
163.	Տեր-Հովհաննիսյան Համբ.	Վլադի-կավ-կազ	-,-	Հայ հասարակութ.
164.	Տեր-Հովհաննիսյան Պետրոս	Կիսլո-վոդակ	-,-	-,-
165.	Ավագյան Արշալույս	Պյատի գորսկ	-,-	Քաղաքային ինքնավար.
166.	Փիրուզյան Լևոն	Երևան	-,-	Գարնիզոնի զինվոր.
167.	Կանդուրազյան Պողոս	-,-	-,-	Քաղաքային ինքնավար.
168.	Թոշյան Թադևոս	Երևան	դաշն.	Քաղաք.ինքնավ.
169.	Նիկողոսյան Թորգոմ	-,-	-,-	-,-
170.	Ավետիքյան Արմենակ	-,-	ս.-հ.	-,-
171.	Գյուլայան Գառնիկ	-,-	դաշն.	Գայանյան դպրոցից
172.	Թորոսյան Սահակ	-,-	-,-	Թեմական դպրոցից
173.	Հարությունյան Հակոբ	-,-	-,-	Գյուղացիակ.միութ.
174.	Սարգսյան Հայկ	-,-	-,-	-,-
175.	Վանցյան Արտաշես	-,-	-,-	-,-
176.	Խուրոյան Գեղամ	-,-	-,-	-,-
177.	Ամիրյան Գևորգ	-,-	ժող.	Հայ վաճառականութ. Կոոպեր.միութ.
178.	Աղաջանյան Արամ	-,-	դաշն.	-,-
179.	Շահնագարյան Արշակ	-,-	-,-	-,-
180.	Մելիքյան Հովհաննես	Երևան	ժող.	Հայ վաճառականութ.
181.	Թոփչյան Բագրատ	Մոսկվա	դաշն.	Հայ.համառուս.ուսա նողական միություն
182.	Բերբերյան Մինաս	-,-	ժող.	Լազարյան ճեմարանից
183.	Սողոմոնյան Մովսես	-,-	դաշն.	Եկեղեց.խորհրդից
184.	Մամիկոնյան Ստեփան	-,-	անկ.	Մոսկվ.հայկակ.կոմի տեից
185.	Շահինյան Բագրատ	Գորի	դաշն.	Քաղաքային ինքնավար.
186.	Հովակիմյան Տիգրան	Ղազախ	ս.-հ.	Կոոպեր.միություն
187.	Մալխասյան Արշակ	Գանձակ	դաշն.	Գյուղացիությունից
188.	Ստոնիկյան Պողոս	-,-	-,-	Քաղաքային ինքնավար.

189.	Մելքոնյան Հայկ	-,-	-,-	-,-
190.	Առվանյան Գրիգոր	Ախալ-քալակ	-,-	Կոոպերատիվ. միութ.
191.	Զիլինգարյան Արտաշես	-,-	-,-	Գյուղացիակ.միութ.
192.	Դեմիրչոլյան Շավարշ	-,-	-,-	-,-
193.	Տեր-Գրիգորյան Ջալալ	-,-	-,-	Քաղաքային ինքնավար.
194.	Սերբերյայկյան Աշ.	Շամախի	ժող.	Հայկ.հիմնարկություններից
195.	Գյանջեցյան	Սիրի-րից	ս.-դ.	Հայ գաղութից
196.	Մազմանյան	Արտա-նուշ	դաշն.	Հայ հասարակությունից
197.	Ղարաբեգյան Միքայել	Շուշի	ս.-դ.	Թեմական դպրոցից
198.	Ջաքարյան Պետրոս	-,-	-,-	Քաղաքային ինքնավար
199.	Տեր-Ղազարյան Ղազար	-,-	-,-	-,-
200.	Բահաթրյան Հրանտ	-,-	անկ.	Կոոպերատիվ.
201.	Հովհաննիսյան Հայկ	-,-	դաշն.	Մարիամ.-Ղուկաս. դպր.
202.	Գարեգին Եպիսկոպոս	Էջմիա-ծին	ժող.	Գեորգ ճեմարան
203.	Գեորգ Եպիսկոպոս	-,-	-,-	Եղբայր.օգնութ.չի եկել
204.	Մեսրոպ Եպիսկոպոս	Էջմիա-ծին	անկուս.	Վեհափառ կաթողիկոսից
205.	Բագրատ Եպիսկոպոս	-,-	-,-	-,-
206.	Խորեն Եպիսկոպոս	-,-	-,-	-,-
207.	Գևորգյան Գեորգ	Ախա-բաղ	դաշն.	Հայ հասարակությունից
208.	Ավագյան Ներսես	Շամշա-դին	-,-	Կոոպերատիվ[ների] միություն
209.	Աֆրիկյան Լևոն	Նոր Բայա-զետ	-,-	-,-
210.	Ավետիսյան Մարգար	-,-	-,-	Գյուղացիակ.միու-թյուն
211.	Աֆրիկյան Վահան	Նոր Բայա-զետ	դաշն.	Քաղաքային ինքնավարութ.
212.	Աղաջանյան պրոֆ.	Ն.Նախ-իջևան	ժող.	Աղքատախնամ ընկերութ.
213.	Զալխուշյան Գրիգոր	-,-	անկ.	Հայ հասարակությունից
214.	Անդրանիկ	-,-	-,-	-,-
215.	Զոհրաբյան Ալեքս.	-,-	դաշն.	Թեմական դպրոց
216.	Տեր-Ստեփանյան Սմբատ	Սիմֆե-րոպոլ	-,-	Հայ հասարակությունից
217.	Շխյան Սիմեոն	Նուխի	-,-	Քաղաք[ային] ինքնավարութ

218.	Գաբրիելյան Եփրեմ	Տաշ-քենտ	ժող.	Հայ հասարակությունից
219.	Տեր-Ստեփանյան Գարեգին	Սղնախ	դաշն.	Քաղաք[ային] ինքնավարութ.
220.	Մարգարյան Պողոս	Եկատե-րինո-դար	-,-	Հայ հասարակությունից
221.	Այվազյան Ստեփան	Սարի-ղամիշ	-,-	Գործ.նարմնից
222.	Հովհաննիսյան Հակոբ	Արմա-վիր	-,-	Հայ հասարակությունից
223.	Ղահրամանյան Լևոն	Սուրբ խաչ	-,-	-,-
224.	Սարդարյան Կարապետ	Բաթում	ս.-դ.	Քաղաք[ային] ինքնավարութ.
225.	Արիբեգյան Ալեքս.	Պետրո-գրադ	անկ.	Եկեղեց.խորհրդից և հայկ.կոմիտեից
226.	Ահարոնյան Անտոն	Կաղզ-ման	դաշն.	Հայկ.հասարակու-թյուն
227.	Ահարոնյան Վարդգես	Թիֆլիզ	-,-	Գյուղացիակ. կենտրոն
228.	Բժ.Զավրիև Հակոբ	-,-	-,-	-,-

Հակոբ Քոչարյան

Գ.16, ք.1-4 հակ.:

N 29

**Սեկցիաների բաժանումը և կազմը**

Սեկցիաներ	Սեկցիաների անդամներ
I. Գաղթականական և պարենավորման հարցերը քննելու	<i>սոցիալիստ-հեղափոխական</i> 1. Հակ.Ստեփանյան 2. Նիկ.Տերտերյան 3. Պար.Աթանասյան
Նախագահներ Մեսրոպ եպ. Փափազյան	<i>սոցիալ-դեմոկրատ</i> 1. Պետրոսյան 2. Գալիկյան 3. Պետրոս Զաքարյան
Քարտուղարներ Խուդոյան Եսայան Զաք.	<i>դաշնակցական</i> 1.Շահնագարյան Արշ. 2.Խուդոյան Գեղամ 3. Արվանյան Գրիգոր 4.Տոշյան Թադեոս 5.Ավազյան Ներսես 6.Ղազազյան Կորյուն
8 կիրակի, Բարեգործ ընկ.[ղահլիճ]	

	7.Փափազյան Վահր. 8.Սողոմոնյան Մովս. 9.Արվանյան Գրիգ. 10.Համբարձումյան 11.Շանթ 12.Եսայան Զաքել 13.Ս.Հայրապետյան 14.Մայսուրյան Թադ.
	<i>հայ.ժող.կուսակցություն</i> 1.Մեսրոպ եպիսկոպոս 2.Հարությունյան Ս. 3.Թերզիբաշյան 4.Վերմիշյան Քրիստ. 5.Սերբերյակյան Թեկնածուներ 1.Մխիթարյան 2. 3.Հարությունյան Իս. 4.Առաքելյան Համբ. 5.Դարբինյան Ա. 6.Տեր-Զաքարյան

II. Նահանգների և գավառների սահմանագծերի փոփոխության և զենստվոյի հարցերը

*սոցիալիստ-հեղափոխական*

- 1.Լ.Աթաբեգյան
- 2.Տեր-Օհանյան Հովհ.
- 3.Խոնդկարյան

Նախագահներ  
Վերմիշյան  
Խատիսյան Գ.

*սոցիալ-դեմոկրատ*

- 1.Ղազար Ղազարյան
- 2.Ղարաբեգյան Միք.

Քատուղար՝  
Միք.Ղարաբեգյան

*դաշնակցական*

- 1.Ավազյան Արշ.
- 2.Հովհաննիսյան Տիգր.
- 3.Տեր-Գրիգորյան Արար.
- 4.Հովհաննիսյան Հակ.
- 5.Մելքոնյան Հայկ.
- 6.Նավասարդյան Վար.
7. Շահխաթունյան
- 8.Ղազարյան Գևորգ
- 9.Տեր-Իսրայելյան Հ.
- 10.Խատիսյան Գևորգ
- 11.Հարությունյան Հակ.
- 12.Սահակյան Ավետիք
- 13.Պոպովյան Ալեքս.
- 14.Բեզգադյան Տիգր.
- 15.Սպենդիարյան Հովհ.

Կյուրակի, 8 ժ.  
Գ.Տեր-Մարգարովի [շենք],  
Гол.[ОВИНСКИЙ]  
пр., 25

*հայ.ժող.կուսակցություն*

	<ol style="list-style-type: none"> <li>1. Վերմիշյան Քրիստ.</li> <li>2. Տեր-Պետրոսյան Գ.</li> <li>3. Մեսրոպ եպիսկոպ.</li> <li>4. Մխիթարյան Արշ.</li> <li>5. Սերեբրյակյան Ալ. Թեկնածուներ</li> </ol> <ol style="list-style-type: none"> <li>1. Միք. Ավդալբեգյան</li> <li>2. Բահաթրյան Լ.</li> <li>3. Հարությունյան Սամս.</li> </ol>
--	---

<p>III. Դպրոցների ազգայնացման և ազգ. ծխական ու հոգեվոր դպրոցների դրու-թյան հարցերը մշակելու համար</p> <p>Կիրակի, Ներսիսյան դպրոցի դիվարանը, եր. ժ. 7-ին</p>	<p><i>սոցիալիստ-հեղափոխական</i></p> <ol style="list-style-type: none"> <li>1. Ստամբուլցյան Արտ.</li> <li>2. Մուշեղյան Տիգր.</li> <li>3. օր. Մինասյան</li> </ol> <p><i>սոցիալ-դեմոկրատ</i></p> <ol style="list-style-type: none"> <li>1. Սուրխաթյան</li> <li>2. Հովվեյան Սիմ.</li> </ol> <p><i>դաշնակցական</i></p> <ol style="list-style-type: none"> <li>1. Տիգրանյան Սիրակ.</li> <li>2. Աբեղյան Արտաշես</li> <li>3. Շխյան Սիմոն</li> <li>4. Ղազարյան Գևորգ</li> <li>5. Մարգարյան Պողոս</li> <li>6. Տեր-Հակոբյան Հակոբ</li> <li>7. Դեմիրջօղյան Շավարշ</li> <li>8. Տեր-Գրիգորյան Արարատ</li> <li>9. Զոհրաբյան</li> <li>10. Տեր-Ստեփանյան Սմբատ</li> <li>11. Թորոսյան Սահակ</li> <li>12. Էլիբեգյան</li> <li>13. Ստոնիկյան</li> <li>14. Թադևոսյան</li> <li>15. Բաբայան Վարոս</li> </ol> <p><i>հայ. ժող. կուսակցություն</i></p> <ol style="list-style-type: none"> <li>1. Առաքելյան Համբ.</li> <li>2. Գարեգին եպիսկոպոս</li> <li>3. Մալխասյան Ստ.</li> <li>4. Հարությունյան Իսահ. Թեկնածուներ</li> </ol> <ol style="list-style-type: none"> <li>1. Բագրատ եպիսկոպոս</li> <li>2. Հակոբյան Հակոբ</li> <li>3. պրոֆ. Հակոբյան</li> </ol>
---	--

<p>IV. Ճակատի պահպանության և վտանգ-ված վայրերի ապահովության շուրջը</p> <p>Նախ.՝ Ա. Գյուլխանդանյան փ. Գ. չունինք Քարտ.՝ Գեորգյան Գեորգ</p>	<p><i>սոցիալիստ-հեղափոխական</i></p> <ol style="list-style-type: none"> <li>1. Տեր-Օհանյան Գ.</li> <li>2. Թումանյան Լ.</li> <li>3. Նաջարյան Ա.</li> </ol>
---	--

<p>Կիրակի, Ազգ. բյուրո ժ. 10-ին երեկոյան Բ նիստ</p> <p>Ա նիստը շաբաթ, ժամը 10-ին</p>	<p><i>սոցիալ-դեմոկրատ</i></p> <ol style="list-style-type: none"> <li>1. Փիրումյան</li> <li>2. Մալխասյան Աբր.</li> </ol> <p><i>դաշնակցական</i></p> <ol style="list-style-type: none"> <li>1. Գյուլխանդանյան Աբր.</li> <li>2. Դրո</li> <li>3. Շահմազյան Արսեն</li> <li>4. Արզումանյան Միշա</li> <li>5. Փիրուզյան Լևոն</li> <li>6. Կանսարական Արտ.</li> <li>7. Մանասյան Սարգիս</li> <li>8. Տեր-Դավթյան Հովս.</li> <li>9. Նժդեհ Գարեգին</li> <li>10. Պետրոսյան Թադևոս</li> <li>11. Շահինյան Վաղարշակ</li> <li>12. Այվազյան Ստեփան</li> <li>13. Աղաջանյան Ար.</li> <li>14. Տեր-Գրիգորյան Գևորգ</li> <li>15. Ռուբեն</li> </ol> <p><i>հայ. ժող. կուսակցություն</i></p> <ol style="list-style-type: none"> <li>1. Անդրանիկ</li> <li>2. Ամիրյան</li> <li>3. քժ. Այվազյան</li> <li>4. քժ. Զաքարյան</li> <li>5. Հակոբյան Հակ.</li> </ol>
<p>V. Տեղական ազգերի փոխհարաբերու-թյան և տեղական իշխանությունը կազ-մակերպելու հարցերը քննելու համար Նախ.՝ Արարատյան Իսախանյան Քարտ.՝ Գառնիկ Քալաշյան</p> <p>Կիրակի, երեկ. ժ. 6-ին</p> <p><i>անկուսակցական</i></p> <p>Մանանդյան Հ. Տեր-Միքայելյան</p>	<p><i>սոցիալիստ-հեղափոխական</i></p> <ol style="list-style-type: none"> <li>1. Տեր-Պողոսյան Հ.</li> <li>2. Հովակիմյան</li> <li>3. Բեզգադյան Ռուբեն</li> <li>4. Ստեփանյան Հակ.</li> </ol> <p><i>սոցիալ-դեմոկրատ</i></p> <ol style="list-style-type: none"> <li>1. Դավիթ Անանուն</li> <li>2. քժ. Իսախանյան</li> </ol> <p><i>դաշնակցական</i></p> <ol style="list-style-type: none"> <li>1. Արարատյան Սարգիս</li> <li>2. Աղբալյան Նիկոլ</li> <li>3. Վրացյան Սիմոն</li> <li>4. Քոչարյան Հակոբ</li> <li>5. Նավասարդյան Վահան</li> <li>6. Զիլինգարյան Արտաշ.</li> <li>7. Զուլախյան</li> <li>8. Խուդոյան Գեղամ</li> <li>9. Քալաշյան Գառնիկ</li> <li>10. Ղազարյան Ա.</li> <li>11. Աղաջանյան Ա.</li> <li>12. Դավթյան Ստ.</li> </ol>

- 13.Մալխազյան Ա.
- 14.Խատիսյան Գ.
- 15.Սարգսյան Լ.
- 16.Տերտերյան

*հայ. ժող. կուսակցություն*

- 1.Սամսոն Հարությունյան
- 2.Համբ.Առաքելյան
- 3.Մելիք-Ղարազյոզյան
- 4.Բորիս Արղունյան
- 5.Բժ.Զաքարյան
- 6.Մեսրոպ Եպիսկոպոս
- 7.Չալխուշյան
- 8.Միքայել Պապաջանյան  
թեկնածուներ

*սոցիալիստ-հեղափոխական*

- 1.Հակ.Ստեփանյան
- 2.Հովակիմյան
- 3.Ավետիքյան  
թեկնածու
- 4.Գյուլունյան

*սոցիալ-դեմոկրատ*

Ղազարյան Հակ.  
Սալունոնյան

*դաշնացական*

- 1.Սողոմոնյան Մովսես
- 2.Ավետիսյան Մարգ.
- 3.Մակարյան Արամ

*հայ. ժող. կուսակցություն*

- 1.Կրասիլնիկյան Կոստ.
- 2.Սարուխանյան Ավ.  
թեկնածուներ
- 1.Թերզիբաշյան
- 2.Աղասարյան
- 3.Գ.Մելիք-Ղարազյոզյան

Քարտուղար Հ.Ստեփանյան

**N 30**

**Սեկցիաների կազմում ընդգրկված սոցիալ-դեմոկրատներ  
և ս.դ. հնչակյաններ**

- 1. Земство и переделъ - Ղ.Տեր-Ղազարյան և Մ.Ղարաբեգյան

247

- 2. Պարենավորման և գաղթականական խնդիր - Պետրոսյան և Գալիկյան
- 3. Ազգամիջյան հարաբերությունների և տեղական իշխանությունների  
հարցեր - Դ.Անանուն և Բժ.Իսախանյան
- 4. Ճակատ և ինքնապաշտպանություն - Փիրունյան և Աբր.Մալխասյան
- 5. Դպրոցների ազգայնացում - Սուրխաթյան և Սիմ.Հովվեյան
- 6. [Ազգային] բյուրոյի հաշվետվություն - Ղարաբեգյան և Հակ.Ղազարյան

Գ.17, թ.3:

**բ. Համախորհրդական նախապատրաստական փուլը**

**N 31**

**Թղթակցություն «Արև» թերթում. «Ղրիմի ազգային համագումարը»**

30 հունիսի 1917թ.

Սիմֆերոպոլում հունիսի 11-ին, ժամը 12-ին, բացվեց Ղրիմի հայոց համագումարը: Ներկա էին 30 ներկայացուցիչներ բոլոր (12) գաղութներից, բացի Յալթայից և Կարասուբազարից:

Առաջարկվում է այդ համագումարում հայերեն խոսել և ընդունվում է առաջարկը:

Կարդացվում է օրակարգը:

Քննության է առնվում այդ օրակարգի առաջին հարցը՝ Հայաստանի ապագա վիճակը:

Տեղի է ունենում տաք, աղմկահույզ վեճ: Վիճաբանությունից հետո առաջարկվում են մի քանի բանաձևեր: Ընդունվում է բանաձևը, որ ճանաչվի ազգերի ինքնորոշումը, տերիտորիալ ավտոնոմիան: Տաճկահայերը իրենք պիտի դառնան իրենց բախտի տնօրինողները:

Կարճ ընդմիջումից հետո ժողովը, ձայների մեծամասնությամբ, որոշում է Տավրիկյան նահանգների կենտրոնում՝ Սիմֆերոպոլում, բանալ հայկական միջնակարգ դպրոց, որի ծախսերը և նախապատրաստական աշխատանքները հոգալու համար ընտրվում է հանձնաժողով: Միջոցները հայթայթելու համար ընդունվում է Ղրիմի բոլոր գաղութներում հանգանակության բացում:

Ապա քննության է դրվում Տավրիկյան նահանգի հասարակությունների միության խնդիրը: Երկար քննությունից և վիճաբանություններից հետո ընդունվում է հետևյալ բանաձևը.

1. Առաջարկել Տավրիկյան հայ համայնքներին կազմել տեղական ինքնավար մարմիններ, որոնք վարելու են տեղական ազգային գործերը, 2. Հիմնել նահանգական կենտրոնական մարմին Սիմֆերոպոլում՝ բաղկացած բոլոր համայնքների տված համեմատական թվով ներկայացուցիչներից, որ իրավասու է՝ ա. վճռել ընդհանուր նահանգային ազգային բնույթ կրող գործերը և բ. սերտ ու ներդաշնակ կապ պահպանել ինչպես Կովկասի, այնպես և ուրիշ հեռավոր հայ գաղութների համայնական մարմինների հետ:

Առաջարկվում է նախկան կենտրոնական մարմնի կազմավորվելը, ունենալ ժամանակավոր կենտրոնական մարմին, որ բաղկացած լինի Ղրիմի բոլոր հայ գաղութների տված համեմատական թվով ներկայացուցիչներից (ընդամենը 22 հոգի): Առաջարկությունն ընդունվում է և պարտականություն է դրվում համագումարի նախագահի և տիկ. Գրեկյանի վրա այդ մարմինը հրավիրել մինչև հունիսի 5-ը:

248

խորհրդակցության է դրվում կենտրոնական պատգամավորները ընտրությունները ռուսահայ համագումարի համար: Պրն. Ս.Թամրազյանն առաջարկում է պատգամավորների ընտրությունը անպայման հետաձգել, պատճառաբանելով՝ ա. ռուսահայ համագումարին պիտի մասնակցեն միայն ռուսահայերը, հետևապես և տաճկահայերը չեն կարող ընտրել կամ ընտրվել, մինչդեռ նրանք սույն ժողովին մասնակցում են, բ. դա կլինի երկաստիճանի, անուղղակի ընտրություն, մինչդեռ պետք է լինի ուղղակի: Առաջարկն ընդունվում է և ընտրությունն հետաձգվում է, միայն ընտրվում է մի միջկուսակցական մարմին՝ ղեկավարելու համար ընտրությունները:

Քննության դրվելով օրակարգի վերջին կետը, որոշվում է կազմել Ղրիմի ամբողջ հայության մանրամասն վիճակագրությունը: Պատգամավոր Յուզանյանը կարդում է իր կազմած վիճակագրության ձևը, որ ընդունվում է լրացումներով: Որոշվում է շուտով տպագրության տալ վիճակագրային թերթիկները, որի համար ընտրվում է երկու հոգի:

Օրակարգի հարցերը սպառելով, գիշերվա Ժ.11-ին, պատգամավորներից շատերը ցանկանում են հեռանալ: Որոշվում է շտապողականությամբ քննության ամենել հասարակությունների կողմից դնելիք հարցերը: Ժամանակի սղության պատճառով շատերը հրաժարվում են: Պատգամավոր Թամրազյանը բողոքում է, որ համագումարը դրվելով նեղ շրջանակի մեջ, զբաղվեց կազմակերպիչ բյուրոյի աղքատ օրակարգով, իսկ Ղրիմի բոլոր համայնքների դնելիք հարցերն արհամարհվեցին: Կերչի պատգամավորն է միայն դնում իր համայնքի հարցերը, որոնք, 2-րդական լինելով, չեն ընդունվում:

Օն.Անուխյան կարդում է իր պատրաստած բանաձևը, որով համագումարը պահանջում է, որ թուրք արյունախում կառավարությունից պահանջվի հայ ժողովրդի արյան հատուցումը. միաձայն ընդունվում է [առաջարկությունը] և մտցվում արձանագրության մեջ:

Համագումարը չունեցավ իր սպասած հաջողությունը, շնորհիվ կղերաբան, անգույն, պահպանողական, անսկզբունք և անձնական հաշիվներից ու եսաիրությունից կուրացած կղերամիտ պատգամավորների:

Ս.Ս.Թամրազյան  
Ղրիմ

«Արև», 30.06.1917:

## N 32

### Հոդված «Արև» թերթում. «Ռուսահայ համագումարի շուրջ»

1 օգոստոսի 1917թ.

Ռուսահայ համագումարի կազմակերպիչ միջկուսակցական խորհուրդը իր հուլիսի 29-ի հայտարարությամբ ծանուցանում է ի գիտություն հայ հասարակության, որ Ռուսահայ համագումարը տեղի է ունենալու Թիֆլիսում, օգոստոսի 20-ին: Ընտրությունները պիտի կատարվեն ամենուրեք՝ թե՛ քաղաքներում և թե՛ գյուղերում օգոստոսի 6-ին:

Թիֆլիսի ընտրական շրջանի համար ՀՀ Դաշնակցությունը առաջարկել է 40 պատվիրակների ցանկ:

Միջկուսակցական Թիֆլիսի խորհրդակցությունը զանազան շրջաններից հեռագիրներ և նամակներ է ստացել, համաձայն որոնց՝ ազգային համագումարի աշխատանքներն առաջ են տարվում կանոնավոր կերպով և նշանակված օրը,

օգոստոսի 6-ին, պիտի կատարվեն ընտրությունները: Երևանի շրջանի միջկուսակցական խորհրդակցությունը տպագրել է տվել և Թիֆլիս ուղարկել կուսակցությունների կողմից այդ շրջանի համար առաջարկված թեկնածուների ցանկեր:

ՀՀ Դաշնակցության ցանկը պարունակում է 46 անուն, սոց.-հեղափոխականների ցուցակը՝ վեց անուն, սոց.-դեմոկրատների և հնչակյանների միացյալ ցուցակը՝ 19 անուն:

Գանձակի, Ալեքսանդրապոլի և Բեսարաբիայի շրջաններից ևս տեղեկություններ են ստացված, որ այդ շրջաններում ևս արդեն կազմված ու ներկայացված են թեկնածուների ցուցակներ՝ կուսակցությունների կողմից:

Բուն ընտրություններն ամենուրեք (օգոստոսի 6-ին) կատարվել են ընտրաթերթիկների (բյուլետեն) հանձնումով, որը տպագրել են տվել կուսակցությունները և ցրել շրջանները:

Միջկուսակցական խորհրդի դիվանը Թիֆլիսի ընտրական շրջանի համար պատգամավորների ցուցակներ է ստացել նաև Հայ ժողովրդական կուսակցության բյուրոյի կողմից, որ ամփոփում է 25 անուն և սոց.-դեմոկրատ Հնչակյան կուսակցության կողմից, որ ամփոփում է ինն անուն:

Թիֆլիսի շրջանի ընտրական հանձնաժողովը՝ Թիֆլիսի շրջանի մեջ մտնող ընտրական գլխավոր վայրերի համար շրջանային հանձնաժողովներ կազմելով, ինչպես, օրինակ, Ախալցխայում, Գորում, Սղնախում, Թելավում, Ախալքալախում և Շուլավերում (Բորչալուի գավառ), ուղարկել է հարկավոր հրահանգներ օգոստոսի 6-ին կայանալիք ընտրությունների համար:

Իսկ ի՞նչ է արել այս տեսակետից Բազվի՝ Ազգային համագումարի ընտրությունների կազմակերպման գործը իր վրա վերցրած ժամանակավոր խորհուրդը իր գործադիր մարմնի հետ միասին: Համարյա՝ ոչինչ: Գիտենք միայն, որ շաբաթներ առաջ քաղաքը բաժանվել էր 14 ընտրական շրջանների և որոշել ընտրությունները կատարել այն ձևով, ինչ ձևով կատարված էին վերջերս քաղաքի պարենավորման մարմինների ընտրությունները: Այսպես էր վարվում այն պատճառով, որ հնարավորություն չկա առայժմ ընտրողների կանոնավոր ցուցակներ ունենալ և մյուս կողմից՝ ցանկություն կար ընտրություններին մասնակից անելու շրջանի հայ ազգաբնակչության հոծ բազմությունը, որպեսզի գումարվելիք Ազգային համագումարը հնարավորության սահմաններում արտահայտի լինի հայ հասարակության լայն խավերին:

Գիտենք նաև, որ գավառի նկատմամբ որոշել էր ընտրությունները ղեկավարելու գործը հանձնել տեղիս հայրենակցական միություններից ընտրված միջկուսակցական խմբերին: Սակայն գործնական քայլեր թե՛ քաղաքի և թե՛ գավառի նկատմամբ՝ որոշումներն իրագործելու համար, չկան հրապարակի վրա:

Մինչդեռ դրա հետ ակնհայտ է ժամանակավոր խորհրդի ձգձգման քաղաքականությունը՝ որքան կարելի է անորոշ ժամանակի թողնել իսկական համագումարի գումարումը և նրան փոխարինել առայժմ Մոսկվայի «հայտնի» առաջարկի համաձայն կուլտուրական-հասարակական խմբակցությունների և քաղաքական կուսակցությունների ներկայացուցիչների (նախկին ռեժիմին հատուկ) խորհրդակցական համագումարով, որը, ոմանց կարծիքով, կարող է վճռական ծայր ունենալ:

Այս մտքով էլ խորհուրդը իր վերջին նիստում, մեծամասնության որոշումով, երկրորդ անգամ հետաձգման առաջարկ է անում Թիֆլիսի կենտրոնական խորհրդին: Սակայն Թիֆլիսի խորհուրդը մինչև օրս ոչ մի պատասխան չի ուղարկել. նշանակում է՝ օգոստոսի 6-ին ընտրություններ կատարելու հրահանգը մնում է յուր ուժի մեջ: Այդ երևում է նաև այն տեղեկություններից, որ հառաջ բերինք մեր հոդվածի սկզբում:

Ի նկատի ունենալով այն հանգամանքը, որ հայ ժողովրդի լայն խավերի կողմից քառանդամ սիստեմով ընտրված ժողովրդական ներկայացուցչության կարիքը, ռուսահայերիս համար, և՛ այժմեական է, և՛ անհրաժեշտ, բացի այդ՝ խոշոր դեր ունի կատարելու ներկա ծանր ու մտահոգիչ վայրում:

Ի նկատի ունենալով նաև այն, որ Ռուսաստանի համարյա բոլոր հայաշատ վայրերում արդեն որոշ ընտրական աշխատանքներ են թափված և օգոստոսի 6-ին, հրամանագրի համաձայն, ամենուրեք կատարվելու են այդ ընտրությունները՝ մնում են տեղիս ժամանակավոր խորհրդին, որն իր վրա է վերցրել Բագու շրջանի ընտրություններ կազմակերպելու գործը, ընթացք տալ գործին, գործնական քայլեր անել, ընտրությունների գործը կազմակերպել և հնարավորություն տալ ընտրող հայ ազգաբնակչությանը ձայն տալու իր թեկնածուների համագումարի համար:

Ար.Մեհրաբյան

«Արև», 01.08.1917:

**N 33**

**Թղթակցություն «Արև» թերթում՝ Ազգային համախորհրդակցության նկատմամբ Ռոստով-Նախիջևանի հայության վերաբերմունքի մասին**

8 օգոստոսի 1917թ.

**Չայ գաղութներ: Ազգային համագումարը և տեղիս հայությունը:**

Ռոստով-Նախիջևան, 27 հուլիսի: Մենք գտնվում ենք Ռուսահայոց Ազգային համագումարի ընտրությունների նախօրյակին: Այդ համագումարը հայ ժողովրդի ապագա բաղդը որոշող հեղինակավոր մի մարմին է և նրա դեմոկրատիկ ընտրությունը պիտի անթերի լինի և հայ հասարակության կողմից ոչ մի ջանք չպիտի խնայվի դրա համար: Մեր հասարակական, անհատական ուժերի արտակարգ լարումով պիտի հաջողեցնել, որ այդ համաժողովը ներկայացնի հայության բովանդակ կամքը և ներկայանա Սահմանադիր ժողովին ու առաջադրե այն քաղաքական և տնտեսական պահանջները, որոնք կազմում են հայ ժողովրդի ջերմ ցանկությունը:

Ահա այս աստիճան կենսական արժեք ունեցող համագումարի ընտրությունը բախվում է Ռոստով-Նախիջևանի հայ հասարակության անհետաքրքիր և բառիս բուն նշանակությամբ, իներտ վերաբերմունքին, մի վերնաբերմունք, որ միանգամայն դատապարտելի է և անորակելի:

Ռոստովում և Նախիջևանում կազմված միջկուսակցական հանձնաժողովներն ևս իրենք թույլ և դանդաղ գործունեությամբ գալիս են ավելի ևս նպաստելու այս վատ կացության:

Բացի այդ, մինչև այժմ նախընտրական պատրաստություններ շատ քիչ տեսնված և ընտրությամբ առթիվ դեռ ոչ մի միտինգ կամ դասախոսություն տեղի չէ ունեցել, եթե սրա վրա ավելացնենք հայկական տպարանների փակումը, որով տուժում է պրոպագանդի գործը, այատկերը լրիվ կլինի:

Չայտարարություններ են տրվում ռուսերեն թերթին, սակայն ոչ ոք չի բարեհաճում անձամբ զնալ և արձանագրել: Միայն մի քանի գյուղեր են կազմակերպվել, այն էլ հապճեպ և ոչ հիմնական կերպով:

Բարեբախտաբար, հայ տպարանը վերսկսելու է շուտով իր աշխատանքը: Մեր կազմակերպությունները շարժման մեջ դնեն հասարակական ուժերը, կազմակերպեն դասախոսություններ և միտինգներ համագումարի նշանակությունը և

նրա օրակարգի խնդիրները լուսաբանելու նպատակով, միջկուսակցական հանձնաժողովներ ստեղծեն, ընտրողների ցանկը շուտով լրացնեն և որոշված օրին, շրջանների բաժանելով՝ կանոնավոր կերպով ընտրությամբ ձեռնարկեն, քանի որ ժամանակը սուղ է:

Ահա այս բոլորը անհրաժեշտորեն շուտով պետք է իրագործել, որպեսզի ընտրությունները պատահական և հապճեպ բնույթ չստանան և չչեղվեն դեմոկրատիկ սկզբունքներից:

Վ.Ավագյան

«Արև», 08.08.1917:

**N 34**

**Չաղորդագրություն «Մշակ» թերթում Միջկուսակցական խորհրդակցության հերթական նիստի մասին**

4 սեպտեմբերի 1917թ.

Միջկուսակցական խորհրդակցությունը (որ նշանակված էր կիրակի, սեպտեմբերի 3-ին, և չկայացավ) կայացավ երկուշաբթի օրը, սեպտեմբերի 4-ին, երեկոյան ժամը 6-ին, Յ.Առաքելյանի նախագահությամբ և մասնակցությամբ կուսակցությունների ներկայացուցիչների հետևյալ անձանց. Տ.Բեզգադյանի, Ա.Խատիսյանի, պրոֆ. Ադոնցի, Ստ.ՄԱմիկոնյանի, Ա.Տիգրանյանի, Մ.Բերբերյանի և Գ.Տեր-Պետրոսյանի:

Նախագահը հայտնեց, որ այս նիստում պետք է վերջնականապես լուծվի ազգային համագումար հրավիրելու հարցը ինչպես և Բագվի, Մուսկվայի կոմիտեներից և Կիսլովոդսկի հայ համայնքից ստացված առաջարկները անհապաղ զուևարել մի նախապատրաստական ժողով կամ համախորհրդակցություն մինչև Ազգային համագումար կայանալը:

Ալ.Խատիսյանը հաղորդելով տեղեկություններ Կիսլովոդսկում կայացած ժողովի որոշման մասին՝ բացատրեց, որ անհրաժեշտություն անհապաղ մի խորհրդակցություն գումարելը, որ կքննե թուպի հետ կապված հրատապ հարցերը և մի քանի անհետաձգելի որոշումներ կան և կընտրե ժամանակավոր կենտրոնական մարմին՝ ազգային գործերը վարելու մինչև իսկական հայկական հիմնադիր ժողովի կայանալը: Կարողացվեց Բագվի առաջարկը: Չաղորդաբար արտահայտվցին Ա.Երզնկյան, Բժ.Բաբայան, Ստ.Մամիկոնյան, Ա.Տիգրանյան, Ա.Մալխասյան, Ալ.Խատիսյան, Գ.Տեր-Պետրոսյան, Մ.Բերբերյան, Տ.Բեզգադյան: Ժողովը միաձայն եկավ այն զրակացության, որ անհրաժեշտ է ազգային խորհրդակցության գումարումը: Որոշվեց գումարել խորհրդակցությունը Թիֆլիսում, սեպտեմբերի 27-ին, հրավիրելով բոլոր կուսակցություններից, հոսանքներից, դասակարգերից, կուլտուրական-կրթական հասարակական հիմնարկություններից, ինչպես և գյուղացիական, բանվորական, զինվորական, երկրային կենտրոններից, ներկայացուցիչներ, թվով ընդամենը ոչ ավելի քան 120 ներկայացուցիչ: Կազմը որոշվելու համար ընտրվեց մի մասնաժողով: Ապա որոշվեց, որ խորհրդակցությունը զբաղվե թուպի հետ կապված հարցերի քննությամբ և կայացնե անհետաձգելի որոշումներ, ընտրելու և մի կենտրոնական ժամ[անակավոր] մարմին՝ իրագործելու այդ որոշումները և վարելու ազգային գործերը մինչև հիմնադիր ժողովը: Չետևաբար, ինչպես հայտնեցինք, ազգային խորհրդակցությունը կկայանա սեպտեմբերի 27-30-ին և միջկուսակցական մարմինն այսօր իսկ կուղարկե հեռագրով հրավերներ, համաձայն կազմված ցուցակի, պատգամավորներ ընտրելու և ուղարկելու:

«Մշակ», 06.09.1917:

**N 35**

**Հաղորդագրություն «Արև» թերթում Ազգային համախորհրդակցություն հրավիրելու  
անհրաժեշտության մասին**

15 սեպտեմբերի 1917թ.

**Ազգային խորհրդակցություն**

Թիֆլիսի միջկուսակցական մարմինը, մասնակցությամբ Ազգային բյուրոյի պրեզիդիումի և Պետրոգրադի ու Մոսկվայի կոմիտեների նախագահների՝ պ.պ. Ադոնցի և մամիկոնյանի՝ սեպտեմբերի 6-ի նիստում որոշեց մինչև ազգային համագումարի կայացնելը, անմիջապես հրավիրել Ազգային խորհրդակցություն սեպտեմբերի 27-ին Թիֆլիսում:

Նույն մարմինը որոշեց խորհրդակցության կազմը և ընտրեց հատուկ կազմակերպիչ մարմին, որը պիտի զբաղվի խորհրդակցության նախապատրաստական աշխատանքներով:

Խորհրդակցությանը մասնակցում են Գյուղացիական կենտրոնական խորհրդի հայ անդամները, Բանվորական կենտրոնի հայ անդամները, Ջինվորական խորհրդի հայ անդամները, Շրջանային գյուղացիական խորհուրդների ու Միությունների ներկայացուցիչները, կոոպերատիվ միությունների ներկայացուցիչները, զանազան քաղաքների համայնքների ներկայացուցիչները, հայ վճռակառնության և արդյունաբերության ներկայացուցիչները, թուրքահայերի ներկայացուցիչները, Պետական դումայի բոլոր կողմերի հայ անդամները և հայ խմբապետները Ընդհանուր թիվը բոլոր մասնակցողների հասնում է 170-ի: Մանրամասն ձայների բաշխումը պաշտոնապես կհայտնվի կազմակերպիչ բյուրոյի կողմից, թե լրագիրներում և թե առանձին հիմնարկություններին:

«Արև», 15.09.1917:

**N 36**

**Թղթակցություն «Արև» թերթում առաջիկա ազգային համագումարի նկատմամբ  
Ղզլարի հայ հասարակության վերաբերմունքի մասին**

10 օգոստոսի 1917թ.  
Ղզլար

Ղզլարի հայ հասարակության շրջանում Ազգային համագումարի ընտրությունները մեծ հետաքրքրություն առաջ բերին: Տեղիս միջկուսակցական մարմինը ամսիս 4-ին հրավիրեց ընդհանուր ժողով, որտեղ կուսակցությունների Ազգային համագումարի օրակարգի վերաբերմամբ իրենց տեսակետը պիտի պարզաբանեին: Ժողովը բազմամարդ էր: Միջկուսակցական մարմնի նախագահը՝ պ.Շարաբյանը, բաց անելով ժողովը, բացատրում է Ազգային համագումարի նշանակությունը հայ ժողովրդի համար, որից հետո նախագահ է ընտրվում պ.Մեհրաբյանը (քաղաքագլուխ): Խոսքը տրվում է կուսակցությունների ներկայացուցիչներին, բայց նրանցից և ոչ մեկն էլ դուրս չի գալիս: Հարցը պարզվում է

այն ժամանակ, երբ դաշնակցության ներկայացուցիչը ցանկություն է հայտնում լսելու նախ նորակազմ ժողովրդական կուսակցության կարծիքը համագումարի նկատմամբ և ապա երկու մնացորդ կուսակցությունները (ս[ոցիալ]-դ[եմոկրատական] և դաշնակցությունը) կպարզաբանեն իրենց համրածանոթ վաղուց արդեն մշակված տեսակետները: Այնուամենայնիվ, ժողովրդական կուսակցությունը քաջություն չի ունեցել առաջինը դուրս գալու: Այնուհետև խոսում է ս.-դեմոկր. ներկայացուցիչ Պոպովյանը (ռուսերեն լեզվով), ապա՝ դաշնակցության ներկայացուցիչը՝ Նուրիջանյանը և հետո արդեն ժողովրդական կուսակցության պրն. ատամնաբույժ Գյուրջյանը և ք[ահանա] Տեր-Վահանը:

Երկու վերջին խոսողները ժողովրդական կուսակցության կողմից ամեն բան խոսեցին, բայց համագումարի վերաբերմամբ շատ քիչ բան: Պ.Գյուրջյանը իր «սրտառուչ խոսքերը» (ոչ ճառը, որովհետև ինչպես ինքը հայտարարեց, հեռետոր չէ) ուղղեց հայ ազգային, քննադատեց նրան, պիսարակեց թե՛ նրան և թե՛ իրեն և ի վերջո, դատապարտելով դասակարգային շերտավորումը հայ ժողովրդի մեջ, հորդորեց նրան «չշերտավորվել» (\*), այլ միանալ, պաշտպանել եկեղեցին, նրա կալվածները (հակառակ դաշնակցականների) և այլ միջնադարյան մտքեր... Ույն ուղղությամբ, բայց ավելի մանրամասնորեն, խոսեց Տեր-Վահանը, կարդալով միաժամանակ Հայ ժողովրդական ծրագիրը:

Անշուշտ, ցանկալի է Ղզլարի պես մի քաղաքում որտեղ հայ ունևոր դասակարգը պատկառելի թիվ է կազմում, ժողովրդական կուսակցության ասպարեզ իջնելը: Բայց թող նա պարզե իր իսկական դեմքը, և ժողովրդական կուսակցությունը այս ժողովում ինքը իրեն մերկացրեց և հազիվ թե կարողանա նորից համադասակարգային «անկուսակցական» քողով ծածկվել: Թե՛ ծրագիրը, և թե՛ ժողովրդական կուսակցության ներկայացուցիչների կարծիքները անողոք քննադատության ենթարկվեցին: Ժողովը ցրվեց կես գիշերին բարձր տրամադրության տակ:

Հետևյալ օրը հեռագիր է ստացվում, որ ընտրությունները հետաձգված են: Այս լուրը ճնշիչ տպավորություն թողեց բոլոր քաղաքացիների և, նամանավանդ, կուսակցությունների վրա, որոնք ահագին աշխատանք և ծախք էին թափել այդ ուղղությամբ: Այնուամենայնիվ, մոտակա հայ գյուղում ընտրություններ կայացել են այդ լուրը ուշանալու պատճառով: Դաշնակցական ցուցակը ստանում է 146 ձայն, 4 դ[եմ], 1 ձ[ձեռնպահ] և կաղետներինը՝ 14 ձ[այն]:

Նույն օրը, օգոստոսի 5-ին, դաշնակցական տեղական կոմիտեն Ազգային հարցի առթիվ հրավիրված է միտինգ եկեղեցու բակում: Ներկա էին մոտ 200-300 ընկերներ և համակիրներ: Խոսեցին Նուրիջանյանը և Բաղդասարյանը: Ժողովականներից դժգոհություն հայտնեցին համագումարի ընտրությունները հետաձգելու առթիվ:

Ամսույս 8-ին, երեկոյան, բազմաթիվ դաշնակցական ընկերների ներկայությամբ կազմվում է քաղաքային Դումայի համար թեկնածուներ վեջնական ցուցակը՝ 10 հոգուց բաղկացած, որոնց թվում է մի ս[ոցիալիստ] հեղափոխական Օհանյան:

Վերջնականապես բլոկ է կազմված քաղաքի ժառայողների արհեստակցական միության հետ:

Բացի այդ բլոկից, գոյություն ունի նաև մի ուրիշ բլոկ՝ բ[անվորների], գ[ինվորների] և գյուղ[ացիների] խորհրդի և տեղույս մահմեդական կոմիտեի միջև: Բ[անվորների], գ[ինվորների] և գյուղ[ացիների] խորհուրդը քանիցս անգամ դիմել է մեզ բլոկի մեջ մտնելու, բայց մեր կարծիքը նույնն է, որ խորհուրդը իբրև այդպիսին, իրավունք չունի առանձին ցուցակով դուրս գալու և նամանավանդ բլոկի մեջ մտնելու:

Ամսույս 10-ին տեղական կոմիտեն, ի պատասխան դաշնակցական կոմիտեին բլոկի առթիվ եղած պաշտոնական դիմումին, խորհրդին ուղղեց հետևյալ

բովանդակությամբ մի գրություն.- Տեղական կոմիտեն, քննելով ձեր խորհրդի առաջարկությունը բլոկի առթիվ, որոշեց՝ Խորհուրդը, ինչպես իշխանության ներկայացուցիչը տեղում, չի կարող առանձին ցուցակով դուրս գալ ընտրություններին և բլոկ կազմել: Իսկ եթե այդ առաջարկությունը արված է Խորհրդի որոշ անդամների կողմից, որպեսզի որոշ ցանկալի թեկնածուներ մտցնել կուսակցության ցուցակի մեջ, տեղական կոմիտեն, սկզբունքով հակառակ չլինելով դրան, առաջարկում է այդ անձանց ցուցակը ներկայացնել իրեն, որպեսզի կուսակցությունը պարզե իր վերաբերմունքը դեպի այդ ցուցակը:

Պատասխանը դեռ չի ստացված:

Կիրակի օրը, առավոտյան, նշանակված է միտինգ, որտեղ մեր պլատֆորմայի մասին պիտի խոսացվի: Նույն օրը երեկոյան պիտի լինի դակլադ ռուսերեն լեզվով դաշնակցության ծրագրի մասին ուպրավայում:

Ավիս<sup>1</sup>

«Արև», 18.08.1917:

### N 37

#### Խմբագրական հոդված ՌՄԲԿ Շուշվա կոմիտեի օրգան «Նեցուկ» թերթում. «Ազգային համախորհրդակցությունը»

28 սեպտեմբերի 1917թ.  
Շուշի

Հայտնի է, որ ռուս համաձայնողականների իմաստուն քաղաքականությունը՝ ձգձգելով Հիմնադիր ժողովի գումարումը՝ շտապեց կյանքի կոչել դրա փոխարեն Մոսկվայի տիրաառչակ խորհրդակցությունը: Այժմ դրանց փայլուն օրինակից թև առած Ռուսահայոց համագումարի կազմակերպիչ մարմինը, մոռացության տալով իր գոյության նախնական նպատակը, հայոց «կենդանի ուժերի» հավաքույթ է ստեղծում, կազմակերպում «Ազգային համախորհրդակցություն»: Ամիսներ առաջ հայ քաղաքականության բերան «Հորիզոնը» գրում էր. «Եթե համագումարը հետաձգողները նպատակ ունին առհասարակ հրաժարվել դեմոկրատիկ ընտրություններից և դարձյալ հրավիրել իրանց սիրած ձևով՝ ազգային երևելիներից բաղկացած խորհրդաժողով և համագումարի սուրագատով յուրազնայ, նրանք սխալվում են: Ներկա ազատ կարգերում հայ ժողովուրդը այդպիսի քայլ թույլ չի տալ: Մեզ համար երկու կարծիք չկա, ազգային համագումարը պետք է կազմված լինի դեմոկրատիկ սկզբունքով, հակառակ դեպքում նա ավելորդ է» («Հորիզոն», N 163): Ժամանակները փոխվել են ըսի երևույթին և դրա հետ միասին նաև «Հորիզոն» կարծիքը «հայ ժողովրդի» մասին: Մեծ-մեծ խոսքերը մամր քայլերին հարմարեցնելով՝ «Հորիզոն» այսօր իր լայն էջերն է բացել Համախորհրդակցության երկարաշունչ հրավիրաթղթի առաջ: «Հորիզոն» երեկ այնքան էր դեմոկրատիկ, այսօր՝ այսքան: Չէ՞ որ խորհրդաժողովի «ազգային երևելիները» նախ և առաջ Դաշնակցության երևելիներն են լինելու:

Թե ի՞նչ հարցերի մասին կամ ու՞մ պիտի «խորհուրդներ» տա համախորհրդակցությունը՝ պարզ չէ միանգամայն: Պետք է ենթադրել, որ քննության պիտի առնվեն Ռուսահայոց համագումարի օրակարգում նշանակված հարցերը: Սակայն, եթե այդ օրակարգի սահմաններում Համագումարը դեկլարատիվ բնույթ միայն կարող էր ունենալ, ապա Համախորհրդակցությունը, զուրկ լինելով Համագումարի իրավասությունից, չի կարող նույնիսկ այդ նեղ շրջանակի մեջ լինել «ազգային կամքի» արտահայտիչ:

Համախորհրդակցության մեջ տեղ են գտնելու ազգային դասակարգերի, հիմնարկությունների, միությունների ներկայացուցիչների և հոսանքների պատվիրակները՝ համաձայն իրանց «ազգային կշռի և նշանակության»: Եվ չնայած դրան Ազգային համախորհրդակցությունը ոչ միայն կրելու է հակադեմոկրատական, այլև, ինչպես դաշնակցություններն են սիրում արտահայտվել՝ «ապազգային» բնույթ:

Այսպես, օրինակ, հայ դեմոկրատիան Համախորհրդակցության մեջ ներկայացված պիտի լինի Անդրկովկասի Բ., Զ. և Դ. երկրային կենտրոնի հայ անդամների, քաղաքային ինքնավարությունների «հայկական ֆրակցիաների» և, կազմակերպողների կարծիքով, գուցե նաև... Պետական դումայի բոլոր չորս կազմերի հայ անդամների միջոցով: Եթե ընդունելու լինենք, որ բոլոր այս պատվիրակները անխտիր դեմոկրատիայի ներկայացուցիչներ են, հարց է առաջանում, կարո՞ղ են, արդյոք, նկատվել դրանք որպես հայ դեմոկրատիայի ներկայացուցիչներ: Ո՞վ սասց, որ երկրային կենտրոնի, քաղաքային ինքնավարությունների կամ Պետական դումաների հայ անդամներն անպայման հայերից են ընտրված: Կարո՞ղ են, արդյոք, մի Աճեմյան, մի Արշ. Զուրաբյան կամ մի իշխ. Արդուբյան նկատվել ներկա դեպքում որպես հայ դեմոկրատիայի ներկայացուցիչներ: Կարող է, իհարկե, պատահել, որ քաղաքային ինքնավարությունների մեջ սոց.-հեղ. և սոց.-դեմ. ներկայացուցիչներն անցած լինեն նաև հայ դեմոկրատիայի ձայներով: Սակայն որտեղի՞ց է հայտնի, որ նրանք մտնում են այդտեղ «հայկական ֆրակցիաների» մեջ: Պարզ չէ՞, արդյոք, որ կազմակերպչական մարմնի պահանջին բավարարել կարող է միայն քաղաքային ինքնավարությունների հայ նացիոնալիստական բլոկը, այսինքն՝ հայերի հակադեմոկրատական հատվածը:

Համախորհրդակցության մեջ հայ գյուղական դեմոկրատիան ներկայացվելու է գյուղացիական միությունների պատվիրակներով: Ի՞նչ են ներկայացնում այդ միությունները: Հետաքրքրվողները թող կարդան այդ մասին մեր թերթի այսօրվա համարում գետեղված ընկ. Մ. Եսայանի հոդվածը: Բավական է այնուհետև աչքի տակով անցկացնել Համախորհրդակցությանը մասնակցող մյուս հիմնարկությունների, ընկերությունների, կուսակցությունների և անձնավորությունների ցանկը, որպեսզի պարզ լինի, որ դա այլ ինչ չէ, քան հայ կղերականության, վաճառականության և մանր բուրժուազիայի ներկայացուցչություն: Արդյո՞ք ժողովում հաղթող կլինի հայ ժխականությունը՝ հանձին իր պահպանողական և լիբերալ ներկայացուցիչների, թե հայ քաղաքականությունը՝ հանձին Դաշնակցության դեկլարների ու խմբապետների՝ մեզ համար միևնույն է: Թե՛ մեկը, թե՛ մյուսը մի մի փորձանք են այն ժողովրդի համար, որի ամունը նրանք պիտի շահագործեն Համախորհրդակցության մեջ:

Այդ մանրամասնությունները չեն, որ պետք է ետ կանգնեցնեն Համախորհրդակցությունից հետևողական սոցիալիստներին: Չենք կասկածում, որ մենչևիկները և էսերները և նրանց հետ միասին հայերի «հավաքական գործության» իդեոլոգները՝ ազգային ս.-դ.-ները՝ պիտի շտապեն օգտագործել իրենց արված շնորհը: Սակայն համոզված ենք, որ այդ շնորհը արհամարհանքով ետ պիտի մղեն մեր ընկերները՝ հայ բոլշևիկները: Հեղափոխական սոցիալ-դեմոկրատիան չի կարող ժամավաճառ լինել մի խորհրդակցության մեջ, որի նպատակն է ի մի խմբել անպատասխանատու տարրերին և համուն հայ ժողովրդի «համաձայնություն» կնքել ինչ-ինչ մութ ու պղտոր խնդիրների շուրջ: Նրանք չեն կարող և ոչ մի խնդրում համերաշխ լինել ոչ հայ կաթողիկոսի, ոչ հայ վաճառականության, ոչ հայ խմբապետների և ոչ իսկ հայ «սոցիալիստների» հետ: Մեր ընկերները պետք է բոլորով ենթարկեն Ազգային համախորհրդակցությունը և մերկացնեն հայ բանվորության առաջ ազգային այդ կատակերգության հակաժողովրդական բովանդակությունը:



«Նեցուկ», 28.09.1917:

**N 38**

**Թղթակցություն «Արև» թերթում Ալեքսանդրապոլում կայացած Ազգային համախորհրդակցության պատգամավորների ընտրության արդյունքների մասին**

28 սեպտեմբերի 1917թ.

Ալեք.-պոլ, 19 սեպտեմբերի [1917] - [Քաղաքային] դումայի նիստը փակվելուց հետո նախագահը հայտարարում է հայ ծայնավորներին չցրվել, այլ մնալ և հրահանգի համաձայն չորս ներկայացուցիչ ընտրել Ազգային խորհրդակցության համար:

Բուլշևիկ ֆրակցիայի լիդերն ասում է, որ եթե ընտրությունն որևէ կերպ կապ ունի դումայի հետ, ապա պիտի մասնակցեն դումայի բոլոր ծայնավորները՝ առանց ազգի խտրության: Նրան պատասխանում են, որ Թիֆլիսի խորհրդակցությունն ազգային է, հետևաբար ոչ հայերը չեն կարող մասնակցել նրան ընտրությունների կամ այլ միջոցով: Բուլշևիկը համառոտ է: Ստիպված կարողան են միջկուսակցական բյուրոյի գրությունը՝ ուղղված դումայի հայ ծայնավորներին ու մյուս օտարազգի ծայնավորները թողնում են դառնալով:

Տեղի է ունենում խորհրդակցություն ընտրությունների շուրջ: նկատվում է երկու հոսանք: Մի մասը, գլխավորապես էսերները, գտնում են, որ զնացող պատգամավորները պիտի լինեն դումայի կուսակցությունների արտահայտիչը:

Մյուս մասը, որ և ջախջախիչ մեծամասնություն է կազմում, պատասխանում է նրանց.- Կուսակցությունները, իբրև կուսակցություն, արդեն միջկուսակցական բյուրոյի հրավերով ունեն իրենց արտահայտիչը խորհրդակցության մեջ: Ընտրող պատգամավորները պիտի լինեն այս կամ այն հոսանքի ներկայացուցիչը: Եվ որովհետև ներկա դեպքում միայն Ալեքսանդրապոլում, բացի դաշնակցությունից մյուս քաղաքական կուսակցությունները չունեն հայ մասսա, հետևաբար և նրանք չեն կարող, իբրև այդպիսին, ներկայացված լինել խորհրդակցության մեջ: Մյուս կողմից - բյուրոյի հրահանգը չի տրամադրում ընտրությունները կատարել ըստ կուսակցությունների: Նա ուղղված է դումայի բոլոր հայ ծայնավորներին անխտիր ու նրանց բոլորից էլ պատգամավորներ է պահանջում:

Չմայած դրան, երկրորդ հոսանքը զիջում է անում առաջիններին, հավատարիմ մնալով այն սկզբունքին, որ կիրառվում է դումայում բոլոր ընտրությունների ժամանակ: Դումայի տեր-ֆրակցիան Դաշնակցությունն է, որը դումայական բոլոր ընտրությունների ժամանակ, հարգելով մյուս կուսակցությունների հետ համերաշխ գործելու սկզբունքը, տեղ է տալիս նրանց. համաձայն նրանց թվական համեմատության ներկա դեպքում էլ վարվում է նույն ձևով, Ազգային խորհրդակցության մեջ ունեցած չորս տեղերից մեկը զիջում է մյուսներին: Այսպիսով, միաձայն ընտրվում են. ընկ. Նավասարդյան, բժ. Տերտերյան և բժ. Ղազարյան՝ Դաշնակցությունից և Տեր-Գասպարյան՝ էսերներից:

Ալեքսանդրապոլը Ազգային խորհրդակցության մեջ ունի ութ ձայն, 4-ը՝ քաղաքային դումայի հայ ծայնավորներից, 1-ը՝ գավառի կոոպերատիվների միությունից, 1-ը՝ Արդուբյան օր[խորդաց] դպրոցից, երկու հոգի էլ գավառի գյուղացիական միությունից:

\* Տե՛ս N 19 ծանոթագրությունը:

Այժմ ընտրված են, բացի վերոհիշյալ չորս հոգուց, ընկ. Զ. Տեր-Յակոբյան՝ գավառի կոոպերատիվ ընկերությունների «Շիրակ» միության կողմից և ընկ. Մ.Տեր-Աբրահամյան՝ Արդուբյան դպրոցից:

Իրազեկ

«Արև», 28.09.1917:

**N 39**

**Խմբագրական հոդված «Չորիզոն» թերթում. «Ազգային խորհրդաժողովը»**

28 սեպտեմբերի 1917թ.

Թիֆլիս

Արդեն ամեն կողմից հավաքվել են պատգամավորներ Ազգային խորհրդաժողովին մասնակցելու համար: Մենք մեկից ավելին անգամներ առիթ ենք ունեցել այդ համախմբումի մասին մեր տեսակետները պարզելու - խորհրդաժողովի նախօրյակին ավելորդ չենք համարում մեկ անգամ ևս արտահայտել:

Չարկ չկա հիշեցնելու, որ ներկա խորհրդաժողովի հեղինակը ԶԶ Դաշնակցությունը չէ: Դաշնակցությունը շարունակ պնդել է և հնարավոր է համարել հրավիրել համագումար ռամկավար ընտրական սկզբունքով, որ միակ իրավատերն է բովանդակ ազգի կամքն ու բաղձանքները ձևակերպելու ու ներկայացնելու, սակայն մյուս հոսանքները՝ աջից ու ձախից, սնուտի առարկություններով, համառոտ դիմադրություն են ցույց տվել՝ համոզված, որ նման համագումարում իրենց վիճակվելու է ավելի քան համեստ տեղ: Ներկա խորհրդաժողովը կազմվում է այդ հոսանքների ջանքերով: Մենք մասնակցում ենք նրան վստահ, որ խորհրդաժողովը գործնական միջոցներ կմշակի թե՛ համագումարը փութացնելու և թե՛ մի շարք անհրաժեշտ ազգային հարցեր կարգադրելու:

Թե՛ առաջին և թե՛ երկրորդ պայմանը հնարավոր կը լինի այն ժամանակ միայն, երբ խորհրդակցության եկած պատգամավորները խորհրդաժողովի վրա չմնային լոկ իբրև մի տեղի, ուր կարելի է տաք-տաք ճառեր խոսել և ապա թեթև սրտով հեռանալ, այլ իրական քայլեր անեն հոսանքների միջև գործոն համաձայնություն առաջ բերելու, մի տեսակ կապիցիա ստեղծելու ազգային ուժերի մեջ: Այդ կապիցիայի հետևանքներից առաջինը պետք է լինի Ազգային մի մարմնի կազմակերպումը, որը մինչև համագումար կը վարե ազգային այն ընթացիկ խնդիրները, որոնք ստիպողաբար լուծում են պահանջում: Եթե հոսանքներն այսպիսի տրամադրությամբ են մասնակցում խորհրդաժողովին, արժե նրանով զբաղվել, բայց եթե գալիս են իրենց ներքին ու արտաքին հաշիվները մաքրելու և իրենց հին նյնիմները կրկնելու, զուր է այն ժամանակն ու եռանդը, որ հարյուրավոր մարդիկ վատնելու են:

Ամենից ավելի մենք ենք քննադատել ու բողոքել ազգային պոչատ ժողովի դեմ: Ամենից շատ մենք իրավունք ունենք դժգոհ լինելու այսպիսի հակադեմոկրատական կազմակերպություն ունեցող ժողովից: Եվ, սակայն, մենք չենք կարող հաշվի չառնել, որ հեղափոխության այս շրջանում երեսի վրա են մնացել սոցիալտնտեսական և ազգային կարևորագույն հարցեր, որոնց շուտափույթ լուծման մեջ մեծապես շահագրված է նաև հայ աշխատավորությունը Մենք չենք կարող անհրաժեշտ չհամարել հեղափոխության հաղթանակով շահագրգռված բոլոր ուժերի համագործակցությունը: Եվ իբրև հայ դեմոկրատիայի ճնշիչ մեծամասնության կարծիքների թարգման մենք պարտականություն ենք զգում նպատելու նման համագործակցության իրականացման և անկեղծ ու գործունակ կապիցիայի հաստատման: Ուստի այդ նպատակի համար չենք կարող լայնորեն չօգտվել

հայկական զանազան խմբակցություններից և հոսանքներից կազմվող այս խորհրդաժողովից: Եթե կուլիցիան հաջողվի, ապա, ուրեմն, խորհրդաժողովն ապարդյուն անցած չի լինի:

Համենայն դեպս ձախողության դեպքում մեր վրա չէ, որ պետք է ընկնի պատասխանատվությունը, որովհետև մենք անվերապահ ցանկացողն ենք ազգային բոլոր իրական հոսանքների համերաշխության:

«Յորիզոն», 28.09.1917:

#### N 40

### Թղթակցություն «Արև» թերթում Ազգային համախորհրդակցության իրավիճակն անվերապահ կապակցությամբ

28 սեպտեմբերի 1917թ.  
Թիֆլիս

#### Նախապատրաստական նիստ

Այսօր, երեկոյան ժամը 8-ին, Առաջնորդարանի դահլիճում տեղի ունեցավ Ազգային համախորհրդի խորհրդակցական նիստը, ներկա էին 185-ից ավելի պատգամավորներ:

Միջկուսակցական մարմնի կողմից նիստը բաց արավ ընկ.Համ.Օհանջանյանը ողջույնի խոսքերով և բարի գալուստ մաղթելով պատգամավորներին: Այնուհետև առաջարկեց ընտրել նախագահ և քարտուղար խորհրդակցության համար: Առաջին պաշտոնի համար ընտրվեց մեր հռչակավոր Ահարոնյանը, իսկ երկրորդի՝ ընկ. Գ.Քալաշյանը:

Ընկեր նախագահն իր տեղն անցնելով, երկու խոսքով հավատք հայտնեց, որ պատգամավորները չեն խնայի իրենց մտքի ողջ կարողությունը, կամքի կորուվը և սրտի համայն զգացմունքը՝ հայ կյանքի նավը այս փոթորկոտ ծովում ապահով կերպով նավահանգիստ հասցնելու:

Կազմակերպիչ բյուրոյի կողմից ընկ. Բաբայանը կարդում է Համախորհրդի օրակարգը: Ընկեր նախագահին առաջարկում է լրացնել այն կամ հարկավոր համարված փոփոխությունները մտցնել օրակարգի կետերի դասավորության մեջ:

Քաղաքացի Չալխուշյանը առաջարկում է օրակարգի մեջ մտցնել ազգային ինքնորոշման խնդիրը, որը, սակայն, մերժվում է, որովհետև այդ խնդիրը, լինելով գերազանցորեն քաղաքական, չի կարող քննության առարկա լինել նման մի խորհրդակցական ժողովում, հնչչախիսն է Ազգային համագումարը:

Դրվում են մի քանի այլ հարցեր ևս, որոնք վեր լինելով համախորհրդի իրավասությունից, մերժվում են ծայրերի ճնշող մեծամասնությամբ:

Մասնավորապես մի խնդրի վրա շատ է պնդում բժ.Իսախանյանը և պահանջում, որ անպայման օրակարգի մեջ մտցվի: Այն է՝ մեր քաղաքականությունը հանդեպ տաճկահայ դատի: Նրան բացատրում են, որ այդ խնդիրը, իբրև առանձին կետ, ավելորդ է օրակարգի մեջ մտցնել, քանի որ այդ մասին խոսք կլինի Բյուրոյի հաշվետվության ժամանակ: Բայց և այնպես նա պնդում է համառորեն, մասնավոր, որ նրան ձայնակցում է մի ուրիշը, ընկեր Տեր.Ղազարյանը, միայն մի քիչ այլ ձևով արտահայտելով նույն միտքը - որոշել գծերն ու հիմունքները այն քաղաքականության, որ ներկայումս էլ ռուսահայերը վարում են տաճկահայության վերաբերմամբ:

Անցնելով համախորհրդի գործնական մասին, նախագահի առաջարկությամբ ընկեր Բաբայանը կարդում է միջկուսակցական մարմնի որոշումներն այն մասին, որոնք են.

1. Համախորհրդի պաշտոնական բացումը լինելու է վաղը, ամսի 29-ին,
2. Չեն լինելու ողջույնի ճառեր և դեկլարացիաներ,
3. Համախորհուրդը չի ունենալու պատվո նախագահ կամ նախագահներ:

Ժողովը միաձայն ընդունում է այդ առաջարկները:

Այնուհետև բավական զբաղեցնում է այն հարցը, թե ո՞վ պիտի բաց անի վաղվա պաշտոնական նիստը: Ոմանք ասում են՝ միջկուսակցական մարմնի հերթական անդամը, Անդրանիկը, թե՞ կաթողիկոսի ներկայացուցիչը: Խնդրի լուծումը որոշվում է թողնել իրեն՝ միջկուսակցական մարմնին:

Ապա ժողովի քննությանն է դրվում նախագահության խնդիրը, արդյոք, հավասար իրավունքներով մի քանի նախագահներ պիտի ընտրել թե՞ մի նախագահ օգնականներով: Սոցիալ-հեղափոխական և դաշնակցական ֆրակցիաների կողմից հայտարարվում է, որ պիտի լինեն մի քանի նախագահներ՝ համախորհրդում ներկայացված հոսանքների թվական համեմատությամբ և մի քանի քարտուղարներ՝ կրկին նույն հիմունքներով: Առաջարկվում է ընտրել յոթ նախագահ, հինգ քարտուղար:

Ժողովը ընդունում է այդ և հայտարարում է 20 րոպե ընդմիջում, որպեսզի կուսակցությունները հնարավորություն ունենան համբելու և իմանալու իրենց պատկանող պատգամավորների թիվը:

Նիստը վերաբացվում է: Ընկեր Տեր-Ղազարյանը սոց.-դեմոկրատների և հնչակյանների կողմից հայտարարում է, որ իրենք առաջարկում են երեք տեղ տալ դաշնակցականներին, մեկը՝ իրենց միացյալ բլոկին, մեկը՝ էսերներին, մեկը՝ Հայ ժողովրդական կուսակցությանը, մեկն էլ՝ անկուսակցական խմբակին: Մտավորապես նույն ձևի հայտարարություն է անում նաև բժ.Աթաբեկյանը էսերական ֆրակցիայի անունից:

Խնդիրը արդարությամբ լուծելու համար դաշնակցական ֆրակցիան, ինչպես և Հայ ժողովրդական կուսակցությունը պահանջում են հոսանքներից հայտնել, թե յուրաքանչյուր կուսակցությունից կամ խմբակից որքան պատգամավոր կա, որպեսզի ըստ այնմ բաշխվեն տեղերը նախագահության մեջ:

Ժողովը համաձայնում է, որից հետո տրվում են համապատասխան հայտարարություններ: Պարզվում է, որ ժողովում ներկա են դաշնակցական պատգամավոր-91 հոգի, էսեր-24, Հայ ժող. կուսակցությունից-40, անկուսակցական-4, հնչակյանների և էսերների ներկայացուցիչներ: Տեր-Ղազարյանը, փոխանակ իրենց բլոկից ներկա եղող պատգամավորների թիվը տալու, տալիս է իրենց ստացած մանդատների թիվը, որ է՝ հնչակյան հինգ մանդատ, էսեր-22 մանդատ: Ժողովը ստիպված է հաշտվել այս բացառության հետ, որովհետև Տեր-Ղազարյանը պատճառաբանում է, որ այս նիստը, լինելով խորհրդակցական, պատգամավորներից շատերը կարող էին ներկա չգտնվել: Հետևապես պետք է ղեկավարվել ոչ թե ներկա գտնվող պատգամավորների, այլ՝ ստացված մանդատների թվով:

Ըստ ներկայացված թվերի, նախագահության մեջ կեսից ավելի տեղը պատկանում է դաշնակցական ֆրակցիայի, իսկ մնացածը մյուս կուսակցություններին ու խմբակցություններին: Հայ ժող.կուսակցությունը, որպես թվով երկրորդ տեղը բռնողը (40 հոգի), համախորհրդի մեջ խնդրում է երկու ձայն տալ իրեն, երեքը՝ դաշնակցության, իսկ մյուսներին մեկ-մեկ և դրանով սպառել խնդիրը:

Դաշնակցությունը չի համաձայնում առաջարկին: Առաջարկողներ կան, որ այդ ավելորդ մի ձայնի բաշխումը թողնվի վաղվա պաշտոնական նիստին, երբ կպարզվի հոսանքների ճիշտ թվական պատկերը: Դաշնակցական ֆրակցիան առաջարկում է, որ ինքը այդ մի տեղը զիջում է քաղաքացի Մանիկոնյանին:

Առաջարկին միանում են մյուս բոլոր կուսակցություններն ու խմբակցությունները և այդպիսով հարցը սպառվում է:

Շատ հեշտ, առանց վիճաբանությունների է լուծվում քարտուղարների խնդիրը: Երկու տեղ տրվում է դաշնակցության, իսկ մնացած տեղերը մեկ-մեկ յուրաքանչյուր ֆրակցիային:

Ընտրությունները մնում են վաղվա նիստին:

Այնուհետև Կազմակերպիչ բյուրոյի կողմից հայտարարվում է, որ որոշված է համախորհրի նիստերը ամել դռնբաց: Ժողովն ընդունում է այդ որոշումը, միայն իրեն վերապահելով հարկավոր դեպքում նիստը դռնփակ ամելու իրավունքը:

Նիստը փակվում է վաղվա ժողովի հայտարարումով:

Իրազեկ

«Արև», 03.10.1917:

## N 41

### Լևոն Թուրունջյանի հողվածը «Հայաստան» թերթում. «Ազգային խորհրդակցության շուրջ»

1 հոկտեմբերի 1917թ.

Բացվեցավ ազգային համախորհուրդը. ինչ ձևով և ինչ հարմարություններով ալ հրավիրված ըլլա ա իկա, ամեն տարրերե վստահություն կվայելե վերջապես, քանի որ հոն ամեն տարր ու հոսանք իր ներկայացուցիչը դրկած է:

Ինցի համար, շատ ավելի բաղձալի էր, որ օրակարգի մեջ մտնող քանի մը ծանրակշիռ հարցերը վճռված ժամանակ, համայն Ռուսիո մեջ գտնվող հայությունը, կարելիություն ունենար արտասահման գտնվող մեր ազգակիցներուն համեմատությունը ունենալու: Այստեղ, Կովկասի մեջ, Ռուսիո բաղկացուցիչ և իրավահավասար տարրերեն մեկը, ռուսահայությունը, անշուշտ, բավական ձեռնտվություն կրնա ունենալ մեր հարցին համար ռուսական տեսակետը պատրաստել տալու գործին մեջ, և այդ իսկ պատճառով, ռուսահայությունը պետք է հնարավորություն ունենա իր խողովակեն բոլոր հայերուն միահամուռ բաղձանքը պաշտպանել այն պետության մեջ, որուն մեջ իրավատերն ալ ինքն է, և ազգային կուսակցության հանգամանքով, ավելի շատ ձայն ունի, քանի Ռուսիո ունե բաղկացուցիչ մեկ ազգ:

Այդ հնարավորությունը չեղավ, չէր ալ կրնար ըլլալ, կարելիություն չկար այսքան քիչ ժամանակի մեջ արտասահմանեն հրավիրել ներկայացուցիչներ, սակայն իմ կարծիքովս կարելի էր Եվրոպա, Եգիպտոս և Ամերիկա գտնվող հայ հեղինակավոր անձերու հեռագրական հրավերներ ուղարկել և համախորհուրդիս կանչել: Ուրիշ կետ մը կա, որուն վրա «Հայաստանը» անդրադարձավ իր խմբագրականով, և խնդիրը սպալես ձևակերպեց. «Մեզի համար կարևոր կետը հոն է, որ համախորհուրդը յուրաքանչյուր հարցի համար ավելի շատ կշիռ տա այն կազմակերպության կամ հատվածի տեսակետին, որու վրա պիտի անդրադառնա տրված որոշումը և ոչ թե հենվի լոկ քվեի մեծամասնության վրա»:

Օրինակի համար: Համախորհրդի 8-րդ օրակարգը՝ «Փախստականական հարցը», ամենեն մոտ կերպով կը շահագրգռե փախստական թրքահայությունը, ուրեմն անոր ներկայացուցիչներու բաղձանքն ու կարծիքը ավելի հեղինակավոր, նույնիսկ վճռական դեր պիտի ունենա որոշման ժամանակ:

Ընդհանրապես խոսելով, մտքերու խմորումի և զանազան տեսակետներու հրապարակ գալու իսկ անհրաժեշտությամբ, այս «համախորհրդակցություն»-ը շատ շահագրգռական է, հայ հանրային կարծիքին առաջ վերջապես պիտի պարզվին

տեսակետներ և ուղղություններ, այդ տեսակետներն ու ուղղությունները գոնե կարևոր չափով պիտի միացվին հայության մեկ մեծագույն մասին իրարու քով գալովը, և այսպիսով երկրորդ ավելի լիակատար, ավելի ընդհանուր խորհրդակցության մը մեջ անոնք պիտի կռամվին և հիմնավորվին իբրև հայ ազգին գերագույն բաղձանքներն ու կետ-նպատակները:

Մեր ժողովուրդը, որ շատ մեծ, ահավոր բաներ տեսած ըլլալուն համար դարձել է սկեպտիկ բոլոր հանդիսավոր բաներու հանդեպ, պետք է, սակայն, պատկառանք և սրտի տրոփյուն զգա, տեսնելով ինքզինքը, ահավոր ցնցումներե հետո դարձյալ անընկճելի, դարձյալ կենսունակ, դարձյալ միացած մեծ և կենսական բաներու համար:

Ես նահատակ ժողովուրդի մը զավակը, ինքզինս պարտ կզգամ, որ տեսնելե հետո թրքահայության ջարդ ու փշուր բեկորներու իրարու մոտ գալն ու հավաքականության բաղձի շուրջ սեղմվելը, այսօր պիտի տեսնեմ, ավելի բարեբաղդ մնացած, հույսի և կենսունակության սեմին կանգնած, մեր սիրելի և թանկագին եղբայրներուն մեծ հավաքույթը հայրենիքի պատմական օրերու սեմին:

«Ազգային համախորհրդակցության» գացող ամեն մեկ պատգամավոր, անոր ժամանակակից ամեն մեկ հայ թող նույն զգացումով մոտենա այս պատմական օրին, մեր տարապայման դժբախտություններու վաղորդյանը թող մեզի ալ ավելի կենսունակ և ալ ավելի գիտակ գտնե պատմական արժեքներու և վայրկյաններու առջև:

Պիտի ըլլան անշուշտ բաղխումներ, վիճեր և նույնիսկ կրքեր, սակայն այդ ամեն պետք է որ ընկերական ազգային շահերու սրտացավ հոգատարության և ոչ թե անձնականության:

Լևոն Թուրունջյան<sup>1</sup>

«Հայաստան», 01.10.1917:

### գ. Բանաձևերի և որոշումների նախագծեր

## N 42

### Հայ ժողովրդական կուսակցության որոշման նախագիծը Հայոց ազգային համագումարի ու համախորհրդակցության խնդիրների, կառուցվածքի, ղեկավար մարմինների ընտրության կարգի մասին

1. Համախորհուրդը ճանաչում է, որ հայ ազգի կամքի և հայացքների հարազատ ներկայացուցիչը կարող է համարվել միայն ազգային համագումարը՝ ընտրված հնգամյա թվաբարությամբ:

2. Սակայն մինչև այդպիսի համագումարի հրավիրվելը անկարելի է, ներկա տազնապալից և անակնկալներով լի օրերում, ազգային գործերը թողնել առանց որևէ ղեկավարությամբ: Ուստի Համախորհուրդը, որ բաղկացած է հայ ժողովրդի բոլոր կուսակցությունների, կազմակերպությունների և դասակարգերի ներկայացուցիչներից՝ պարտավորություն և իրավունք ունի հայտարարել ղեկավարող սկզբունքներ և կայացնել պարտադիր որոշումներ մինչև համագումարը:

3. Համախորհուրդը ընտրում է գործադիր մարմին «Ազգային խորհուրդ» անունով, որ պետք է վարե ազգային գործերը համաձայն Համախորհրդի հայատարած սկզբունքներին ու որոշումներին և բավարարություն տա հեթոթական, անհետաձգելի և նոր ծագող հարցերին՝ նույն սկզբունքների հիման վրա: Նա է, որ պետք է միջոցներ ձեռք առնել փութացնելու Ազգային համագումարի հրավիրելը:

4. Ազգային խորհուրդը պետք է կազմվի կուսակցիոն սկզբունքով, բոլոր ֆրակցիաների ներկայացուցիչներից, փոխադարձ համաձայնությամբ:

**N 43**

**Հայ ժողովրդական կուսակցության և նրան համակրողների բանաձևի նախագիծը ժամանակավոր կառավարության պաշտպանության և այլ հարցերի վերաբերյալ**

I. Ազգային համախորհուրդը, քննելով Ռուսաստանի ներկա քաղաքական դրությունը հայ ազգի շահերի տեսակետից, գալիս է այն եզրակացության, որ Ռուսահայոց ազգային հարցի լուծումը հնարավոր է միայն ընդհանուր պետական հարցի լուծման հետ միասին, իբրև մասն Ռուսաց պետության կազմակերպության հարցի: Ուստի հայ քաղաքական կուսակցությունները, ազգային շահերի ուղիղ ըմբռնողությամբ, պետք է լարեն իրանց բոլոր ուժերը, որպեսզի Ռուսաստանը դրվի հաստատուն իրավակարգի ճանապարհի վրա այն սկզբունքներով, որ հայտարարել է Ռուսաց հեղափոխությունը:

II. Այս հիման վրա Համախորհուրդը հայտարարում է, որ

1. Անհրաժեշտ է ամեն կերպ պաշտպանել ժամանակավոր կռապետության կառավարությունը, ինչպես միակ օրգան պետական իշխանության, որ անկախ պետք է լինի որևէ ազդեցությունից, ինչ կազմակերպության կողմից էլ լինի, և կազմված պետք է լինի այն սկզբունքներով ու նպատակներով, որոնք հայտարարված են սեպտեմբերի 25-ի դեկլարացիայով: որ այն բոլոր նպատակների մեջ, որոնք հայտարարված են կառավարության դեկլարացիայում Համախորհուրդը կարևորագույն է համարում - նախ՝ բանակի ռազմական ուժի վերականգնումը, առանց որի հայրենիքը չէ կարող փրկվել կործանումից և ծանր, անփոխարինելի կորուստներից, Երկրորդ՝ կռիվը ամեն տեսակ փորձերի դեմ [որ նպատակ կունենա] ոչնչացնելու հեղափոխության հայտարարած ազատությունները (անձի, մամուլի են): Երրորդ՝ դիմադրությունը այն փորձերին, որոնք նպատակ ունեն լուծել սոցիալական և քաղաքական հարցերը բռնի, ոչ օրինական ճանապարհով: Եվ չորրորդ՝ կոչը, ուղղված բոլոր դասակարգային կուսակցություններին, որ իրանց դասակարգային շահերն ստորադասեն ընդհանուր պետական շահերին և անձնվիրաբար աշխատեն հանուն հայրենիքի փրկության:

2. Համախորհուրդը անպայման դատապարտում է ամեն տեսակ փորձերը՝ կազմելու ինքնաստեղծ կազմակերպություններ, որոնք հավակնություն ունեն իրանց վերագրելու պետական իշխանության օրգանների դեր ու նշանակություն:

3. Հանրապետության ժամանակավոր խորհուրդը (նախապարլամենտ), որ սահմանվել է ժամանակավոր կառավարության նույն դեկլարացիայի հիման վրա, պետք է ունենա միայն այնքան նշանակություն, որքան նշանակված է դեկլարացիայի մեջ, ոչ մի կերպով չձգտելով նվազեցնելու անձեռնմխելիությունը, միությունը և հաջորդականությունը այն կառավարության պետական իշխանության, որ ստեղծված է հեղափոխությամբ:

III. Ժամանակավոր կառավարության գործունեության ծրագրի նկատմամբ Համախորհուրդը կառավարության վերջին դեկլարացիան ճանաչում է համապատասխան պետության շահերին ներկա մոմենտում, այն պայմանով միմիայն, որ ժամանակավոր կառավարությունը յուր օրենսդրական գործունեության մեջ չձեռնարկե այն հարցերի լուծման, որոնց լուծումը պատկանում է Սահմանադիր ժողովին:

IV. Հաշտության պայմանների նկատմամբ Համախորհուրդը, ընդունելով այն բանաձևը, որը հայտարարել է դեմոկրատիան և արժարժեք է ժամանակավոր կառավարությունը յուր վերջին դեկլարացիայի մեջ, ենթադրում է, թե թուրքահայերը պետք է ստանան ազատություն իրանց քաղաքական ինքնորոշման և տնօրինելու

իրանց անկախ գոյությունը՝ համաձայն իրանց պահանջներին, և պետք է ստանան հատուցում այն բոլոր նյութական կորուստների, որ նրանց պատճառել է թուրքական կառավարությունը: Թուրքահայերի այս պահանջների բավարարությունը Համագումարը նկատում է իբրև լոկ մի արդարության գործ, որին թուրքահայերն իրավունք ունեն ակնկալելու այն բոլոր արյունալի, անթիվ զոհերից հետո, որ նրանք բերին հանուն Ռուսաստանի և նրա դաշնակիցների:

V. Բոլոր հայ քաղաքական կուսակցությունների նկատմամբ Համագումարը ցանկություն է հայտնում, որ պետական սկզբունքը, որ ազատ է բոլոր կուսակցության և դասակարգային շահերից, պաշտպանություն գտնելով բոլոր կուսակցությունների կողմից, կիրառվի բոլոր գործնական հարցերում: Միմիայն այս պետական սկզբունքի հետևողական կիրառությամբ հնարավոր է քաղաքական կուսակցությունների համագործակցությունը նաև հայ ժողովրդի վերաբերյալ հարցերի լուծման և նրա շահերի բավարարման գործերում:

Նույն գործը, ք.31-32 և հալ.:

**N 44**

**Հայ ժողովրդական կուսակցության և նրան համակրողների ֆրակցիայի բանաձևի նախագիծը Անդրկովկասյան իշխանության կազմի մասին**

h. նկատի ունենալով, որ

ա. Անդրկովկասյան կենտրոնական իշխանությունը լոկ գործադիր իշխանություն է, որ պետք է ղեկավարվի իր գործունեության մեջ ժամանակավոր կառավարության ցուցումներով և հրահանգներով,

բ. Գործադիր իշխանության գլուխը, ինչպես ամեն տեղ, այնպես էլ մեզանում, պետք է կանգնած լինի մի անձնավորություն, որ վայելե կենտրոնական իշխանության վստահությունը,

գ. Որ այնպես լինելով հանդերձ՝ տեղական ազգաբնակչությունը պարտք և իրավունք ունի մասնակցելու կիրառման մեջ,

դ. Որ Անդրկովկասի առանձնահատուկ ազգագրական պայմանները հրամայաբար թելադրում են մասնակից անել իշխանության գործերին չորս գլխավոր ազգություններին, որ բնակվում են նրա մեջ:

Ազգային համախորհուրդը գտնում է, որ

1. Անդրկովկասի ժամանակավոր կառավարության գլուխը կանգնած պետք է լինի մի գեներալ կոմսար, նշանակված կենտրոնական կառավարությունից յուր օգնականներով:

2. Գեներալ կոմսարի մոտ պետք է կազմվի խորհուրդ՝ Կովկասում բնակվող չորս գլխավոր ազգերի բոլոր քաղաքական կուսակցությունների ներկայացուցիչներից:

Նույն գործը, ք. 29:

**N 45**

**Սոցիալ-դեմոկրատական մեռչկների ֆրակցիայի և Հնչակյան սոցիալ-դեմոկրատական բանաձևի նախագիծը ներկա պահի մասին**

Ցենզավոր բուրժուազիայի նահանջելը հեղափոխությունից, որ սկսվեց դեռ ապրիլին, վերջացավ գեմ. Կորնիլովի ապստամբությամբ:

Այդ ապստամբության ընկճումը և տեղերում ամբողջ իշխանությունը հեղափոխական կազմակերպություններին անցնելը ցույց տվին երկրին բանվոր[ական] և զինվորական պատգամավորների խորհուրդների ամբողջ իշխանության ուժը:

Այդ խորհուրդները, իբրև հեղափոխության գլխավոր հենարան, փրկեցին հայրենիքը քաղաքացիական պատերազմի և հանրապետական խորտակումի սարսափներից:

Յեղափոխության հետագա զարգացումը հնարավոր է ամբողջ դեմոկրատական ճակատի միությանը ընդդեմ ցենզավոր Ռուսաստանի շահերի ու կամքի:

Յեղափոխական ու դեմոկրատական հանրապետությանը հավատարիմ մնացած բոլոր հասարակական խմբակցությունների միացումը և ամբողջ իշխանությունը՝ վերից մինչև վար, նրանց ձեռքը հանձնելն է միակ երաշխիքը, որ պատերազմը շուտ կվերջանա և երկիրը կփրկվի վերևից եկող հակահեղափոխությունից և ցածից բարձրացող անիշխանությունից:

Ելակետ ունենալով այս, անհրաժեշտ ենք գտնում դեմոկրատիկ ուժեղ իշխանության կազմակերպումը, ժխտելով ընդմիջ երևան եկած երկու ծայրահեղ հոսանքները, ինչպես իշխանության հանձնելը միայն խորհուրդներին, այնպես էլ բլրկը երկրի ցենզավոր տարրերի հետ: Վերջին հոսանքի հաղթանակը նշանակում է մեկուսացումն բանվոր դասակարգի և հեղափոխական կազմակերպությունների, նշանակում է հասարակական բոլոր ուժերի միացումը ցենզավոր բուրժուազիայի ղեկավարության ներքո, նշանակում է նաև ուղղել այդ ուժերը հեղափոխության հենարան խորհուրդների և նրա թիկունքում կանգնած խմբակցությունների դեմ:

Մոմենտի նշանաբանն է՝ բանվորական և զինվորական խորհուրդների հսկողության ուժեղացումը իշխանության բոլոր օրգանների, մանավանդ կառավարության գործունեության վրա, ճնշումը նախապարլամենտի վրա՝ ոչնչացնելու համար բլրկը ցենզավոր տարրերի հետ և միացնելու դեմոկրատական բոլոր տարրերին խորհուրդների հետ:

Պահել բանվորությունը ամժամանակ հրապարակ գալուց, մի հանգամանք, որը կարող է ծառայել իբրև առիթ բուրժուազիայի համար մի հարվածով տապալելու հեղափոխական դասակարգը՝ բաց անելով դրանով դուռ հեկահեղափոխության համար: Այն պիտի ճգնել մեկուսացնելու ցենզավոր բուրժուազիան, միացնելով հեղափոխական դեմոկրատիայի պրոլետարիատի հետ:

Գ. 17, ք.27-28 և հակ.:

#### N 46

### Սոցիալ-դեմոկրատական բանվորական հայ կազմակերպության (սպեցիֆիկների) բանաձևի նախագիծը ընթացիկ պահի մասին

#### Մոմենտի թեզուլյոցիա\*

Ի նակտի ունենալով, որ Ռուսաստանի ներկա հեղափոխությունն իր էական բովանդակությամբ բուրժուական է, ի նակտի ունենալով, որ դեմոկրատիան այս հեղափոխության ընթացքում միակ ընդունակ ուժն է վարելու հետևողական դեմոկրատական քաղաքականություն ներքին և արտաքին խնդիրների նկատմամբ,

\* Վերնագրումը բնագրինն է: Ծան. կազմ.:

մյուս կողմից, ի նակտի ունենալով այն հանգամանքը, որ դեմոկրատիայի պատմականորեն բաժին ընկած ծանր ու պատասխանատու գործը հնարավոր է պատվով լուծել միայն օգտագործելով ողջ երկրի բոլոր կենսունակ ուժերը, հատկապես առևտրաարդյունաբերական դասակարգը,

մենք գտնում ենք, որ երկրի կենտրոնական իշխանությունը պիտի կազմակերպված լինի համաձայնության սկզբունքով, սակայն այնպիսի կառուցվածքով, որ երաշխավորված լինի դեմոկրատիայի քաղաքական և տնտեսական պահանջների իրականացումը՝ համեմատ նրա նվազագույն ծրագրի:

Սոցիալ-դեմոկրատական բանվորական] Հայ կազմակերպության ներկայացուցչություն

Նույն գործը, ք.19-20:

#### N 47

### Սոցիալիստ-հեղափոխականների ֆրակցիայի բանաձևի նախագիծը ընթացիկ պահի մասին

#### Մոմենտի գնահատականը\*

Շրջապատված համաշխարհային պատերազմի կրակի և արյան խեղդիչ օղակով, հեղափոխական Ռուսաստանը կառուցանում է իր ժողովուրդների ապագան:

Չուրկ տնտեսապես հզոր, հասարականորեն կազմակերպ և կուլտուրապես բարձր դասակարգերը, երկիրը թաքտում է հիմա դասակարգային սուր ներհակությունների, ազգային կենտրոնախույզ խլրտումների, պետականության անկման և արդյունաբեր ուժերի ծայրահեղ քայքայման մահաբեր քաոսի մեջ:

Բուրժուազիան և նրա տնտեսական ու իդեոլոգիական ազդեցության տակ գտնվող մեշչանականությունը, որ սկզբում հարել էր երկրի քաղաքական հեղաշրջման, հիմա, վախեցած ռուսական հեղափոխության սոցիալական տարրերից, պատրաստ է նետվելու և մասամբ արդեն նետվել է հակահեղափոխությանը գիրկը:

Սովոր աշխատավորական վաստակի սանձարձակ շահագործման, դասակարգային անհակ էգրիզմով տարածված և պետականության զգացումից զուրկ բուրժուազիան չի կամենում զիջել բանվոր ու գյուղացի ժողովրդի հասունացած և արդարացի պահանջներին և այդպիսով նպաստում է մեծապես երկրի արդյունաբեր կարողության թուլացման ու քայքայման:

Աշխատավոր ժողովուրդը ևս, յուր մեծամասնությամբ տակավին անկազմակերպ ու դասակարգային ինքնագիտակցությունից զուրկ, յուր տնտեսական պայքարը տեսնում է երբեմն մինչև այն աստիճան, որ խախտվում են պետականության հիմնական շահերը և արդյունաբեր ուժերի անարգել զարգացումը:

Այս տագնապալից կացության մեջ սոցիալ-քաղաքական վարքի այն գիծը, որ կարող է դուրս բերել երկիրը արդի մահամերձ դրությունից, կարող է լինել միայն այն, որը ներդաշնակորեն համաձայնացնում է աշխատավոր դասակարգի, պետականության և արդյունաբեր ուժերի զարգացման շահերը:

Այս քաղաքականությունը իրագործելու համար անհրաժեշտ են հետևյալ նախապայմանները.

1. Պիտի կազմակերպվի թե՛ կենտրոնում և թե՛ երկրի մեջ հին ռեժիմի բոլոր մնացորդներից ազատ հեղափոխական աշխատավորության և երկրի բոլոր կենսական

\* Վերնագրումը բնագրինն է: Ծան. կազմ.:

տարրերի շիտակ կոալիցիայի հիման վրա կառուցված մի գորավոր իշխանություն, որը նպատակ կդնի իրեն իրագործելու օգոստոսի 14-ին հայտարարած դեմոկրատական ծրագիրը,

2. Դեմոկրատական և հեղափոխական իշխանության հստակ տեխնիկական օրգանների խիստ և արթուն հսկողության և կանոնավորման պիտի ենթարկվի երկրի ամբողջ արդյունաբերությունը:

3. Բանվոր և գյուղացի ժողովուրդը պիտի ստեղծի իր տնտեսական ու քաղաքական ինքնուրույնության բոլոր հիմնարկությունները և պիտի վարժվի հեղափոխական ու դասակարգային դիսցիպլինային ենթարկելու իր բոլոր գործողությունները:

Ապա արդի անարխիական դրության վերացման համար հիմնական պայման պիտի դիտվի համաշխարհային պատերազմի շուտափույթ վերջացումը, պատերազմի, որ Ռուսաստանում գոնե թե՛ օբյեկտիվորեն և թե՛ սուբյեկտիվորեն անհնար է դարձել: Հաշտությունը, սակայն, պիտի կնքվի դաշնակից ժողովուրդների կազմակերպ դեմոկրատիայի միջնորդությամբ՝ դաշնակից պետությունների հետ միասին կամ սրանց համաձայնությամբ:

Անդրկովկասի մեջ հայ սոցիալիստական ու հեղափոխական դեմոկրատիայի հիմնական նպատակները պիտի լինեն.

1. Դուրս բերել հայ ժողովուրդը, այն վտանգավոր մեկուսացումից, որի մեջ նա գտնվում է թե՛ կովկասյան ազգերի և թե՛ այն տարրերի դիմաց, որոնք արդի ռուս հեղափոխության հզոր կրողներն են հանդիսանում:

2. Նպաստել ամեն կերպ Կովկասի բոլոր ժողովուրդների օրգանական մերձացման քաղաքական, տնտեսական և կուսակցական ինտերնացիոնալ կազմակերպության հողի վրա:

3. Կյանքի հրավիրել ժողովրդական տնտեսական ինքնուրույնության բոլոր օրգանները և, չխախտելով պետականության ու արդյունաբերության շահերը, վարել դասակարգային խիստ ու կազմակերպ պայքար գյուղի և քաղաքի շահագործող դասակարգերի դեմ՝ առանց որևէ փափկանկատության դեպի նրանց ազգային պատկանելությունը:

4. Ստեղծել մի գորավոր իշխանություն, որը պիտի կանգնի ոչ թե այս կամ այն ազգի . . . ցանկությունների վրա, այլ պիտի վարի համապետական, դեմոկրատական և հեղափոխական մի քաղաքականություն:

Նույն գործը, թ.22-23 և հակ.:

#### N 48

### Սոցիալիստ-հեղափոխականների բանաձևի նախագիծը Ազգային բյուրոյի գործունեության գնահատման վերաբերյալ

Համագումարը, լսելով Ազգային բյուրոյի քաղաքական գործունեության զեկուցումները և այդ առթիվ տեղի ունեցած քննադատությունները հանգավ հետևյալ բանաձևին.

Շնորհիվ Հայաստանի պատմականորեն անբարեհաջող աշխարհագրական դիրքի ու հայության երեք հատվածների բաժանվելուն, շնորհիվ այն հանգամանքին, որ մեր հայրենիքին տիրելու տեճը ունեցել են և ունեն ոչ թե միայն հարևան, այլև շատ հեռու ապրող ազգեր, շնորհիվ մեզ կենսակից այլակրոն և մուլտեռանգ ազգերի հետ ունեցած տնտեսական ու քաղաքական շահերի բաղխման, ինչպես և պատմական

\* Բառն անընթեռնելի է:

անցյալներում, տաճկահայ ժողովրդի ազատագրման գործը ներկայացվում է քաղաքականորեն մի բարդ խնդիր, որի լուծումը կպահանջեր քաղաքագիտական ավելի հասուն հեռատեսություն, կազմակերպչորեն ավելի զորեղ ուժ ու նյութական մեծ կարողություն, քան թե ասպարեզում եղած են և հայության երեք հատվածների գիտակից գործակցությունը, որի մեջ տաճկահայությունը պիտի ունենար գերակշիռ ու առաջնակարգ տեղ: Այդ իմպուլսների ու հանգամանքների բացակայությունը տեղի է տվել սխալ հասկացված հայրենասիրության արտահայտությունների և մասնավոր անհատների անպատասխանատու գործելակերպին ի դեմս մի շարք ինքնաստեղծ քաղաքագետների Ազգային բյուրոյի ներսը և նրանից դուրս:

Գլուխ խոնարհելով մեր ժողովրդի ազատագրման ճանապարհին ընկած մարտիրոսների և զոհերի առաջ և վերջին տարիների այդ զոհերի բարոյական պատասխանատուն համարելով Ազգային բյուրոյին իր սխալ ընթացած քաղաքականությամբ, նրա գործակիցների հետ միասին, - դրանց գործելակերպի գնահատումը թողնում ենք անկողմնակալ պատմության անաչառ դատին:

Հակոբ Ստեփանյան

Նույն գործը, թ.35-37:

#### N 49

### Սոցիալիստ-հեղափոխականների և սոցիալ-դեմոկրատների բանաձևի նախագիծը ՀՀ Դաշնակցության գործունեության գնահատման վերաբերյալ՝ կապված Ն.Աղբալյանի ելույթի հետ

1. Մասնակցելով Ազգային համախորհրդին, մենք՝ սոց.-դեմ. և սոց.-հեղափոխական ֆրակցիաներս, որոշեցինք կատարել շինարար աշխատանք համանուն հայ ժողովրդի, միշտ շեշտելով այն ներհակությունները, որոնք կան փրկարար ինտերնացիոնալիզմի և կործանարար նացիոնալիզմի մեջ,

2. Մեր աշխատանքը նպատակ ունի դուրս հանել հայ աշխատավոր ժողովուրդը այն մեկուսացումից, որի մեջ գտնվում է նա այսօր: Այդ աշխատանքը պիտի մտցնի մեր ժողովուրդը Ռուսաստանի համայն հեղափոխական դեմոկրատիայի միջազգային ընտանիքը, ապահովելով նրա սոցիալ-քաղաքական ազատագրումը և ֆիզիքական անվտանգ գոյությունը,

3. Սակայն Ազգային համախորհուրդի զբաղմունքների ընթացքում պարզվեց, որ տիրող ֆրակցիան՝ հանձին Հ.Հ. Դաշնակցության, չի կամենում մազաչափ անգամ հրաժարվել իր հնավանդ մտածելակերպից ու գործելակերպից և իր տաքտիկայով այստեղ ձգտում է նորից մեկուսացնելու հայ սոցիալիստական ուժերը մեր կյանքից, առանց գիտակցելու, որ նման տաքտիկայով նա մեկուսացնում է հայ ժողովուրդը Ռուսաստանի հեղափոխությունից և Անդրկովկասի բոլոր հեղափոխական տարրերից,

4. Խտացած կերպով Հ.Հ. Դաշնակցության մտայնությունը և վարքի գիծը արտահայտվեց պ.Ն.Աղբալյանի պետական և ժողովրդական իմաստից զուրկ ճառի մեջ, որի հիմնական տրամադրություններն էին.

ա. Անվստահություն դեպի սոցիալիզմը և հեղափոխական միջազգային դեմոկրատիան

բ. Անվստահություն դեպի Անդրկովկասի դրացի ժողովուրդները  
գ. Քաղաքական նոր արկածախնդրության սպառնալիքը՝ իբրև հայ ժողովրդի իրավունքների պաշտպանության մի ձև:

5. Մեզ համար գաղտնիք չէ եղել Հ.Հ.Դաշնակցության թե՛ մտայնությունը և թե՛ գործելակերպը, սակայն գալով այս Համախորհուրդը, մենք նպատակ ենք դրել

պայքարել հայ դիմագուրկ բուրժուազիայի և հարձակողական մեշչանականության դեմ: Այժմ հայտարարում ենք, որ պատմության մեջ շատ հաճախ աշակերտի գորավոր մուրճը վանել է սոցիալական ասպարեզից անպատասխանատու և բռնավոր վարպետին: Հայտարարում ենք նաև հրապարակով Ձեզ՝ Համախորհուրդի անդամներին և Ձեր գլխի վրայով ողջ հայ ազգին, թե այսօր Ռուսաստանում կա մի վարպետ միայն և այդ վարպետը նրա հեղափոխական դեմոկրատիան է: Գիտակցե՛ք, որ սոցիալիստական բանակը այն միակ կամուրջն է, որ շարկապում է լքված և անկազմակերպ հայ ժողովուրդը Ռուսաստանի մեծ հեղափոխության հետ: Թերևս մենք կանգնած ենք աղետալի անակնկալների առջև և գիտակցելով մեր մեծ պատասխանատվությունը դեպի հայ ժողովուրդը, մենք, թեև փոքրություն, մնում ենք այստեղ մեր հեղափոխական դիրքի վրա՝ իբրև արթուն պահապան մեր ժողովրդի գիտակցված շահերի և ֆիզիքական գոյության:

Սոց[իալիստ]-հեղ[ափոխական] և սոց[իալ]-դեմո-կրատական ֆրակցիաներից՝ Լ.Աթաբեկյան

Նույն գործը, թ.24 և հակ.:

## N 50

### Պետական դպրոցների ազգայնացման և եկեղեցական-ծխական դպրոցների աշխարհականացման սեկցիայի փոքրամասնության բանաձևի նախագիծը

1. Սեկցիան սկզբունքով ընդունում է եկեղեցական-ծխական դպրոցների աշխարհականացումը:

2. Սակայն որովհետև այդ աշխարհականացման իրավորումը բարդ է իրավաբանական և տնտեսական տեսակետից, և որովհետև չկա մի իրավասու մարմին (իրավաբանական անձ), որ կարողանար ստանձնել այն եկեղեցապատկան գույքերն ու հասույթները, որոնցով պահվում են եկեղեցական-ծխական դպրոցները, սեկցիան վաղաժամ է համարում ներկայումս այդ աշխարհականացումը:

3. Եկեղեցական-ծխական դպրոցների բարեկարգության համար սեկցիան առաջարկում է ընտրել մի մարմին, որ հոգևոր իշխանության հետ համաձայնությամբ կառավարեր այդ դպրոցները և մշակեր նրանց աշխարհականացման եղանակը և պայմանները:

Նույն գործը, թ.33:

## N 51

### Թուրքահայերի բանաձևը «Ազգային» բյուրոյի մասին՝

Ռուսահայ Ազգային համախորհրդին մասնակցող ինն թուրքահայ պատգամավորներից յոթը «ազգային» բյուրոյի մասին տեղի ունեցած վիճաբանություններից հետո ներկայացրին հետևյալ բանաձևը.

<sup>\*</sup> Բանաձևը գործում չի պահպանվել: Տպագրվում է ըստ «Մշակի»: Վերնագրումը թերթինն է:

«Ռուսահայ Ազգային» համախորհրդին մասնակցող թուրքահայ պատգամավորներս, լսելով Ազգային բյուրոյի թեր և դեմ վիճաբանությունները, գտանք.

1. Որ Ազգ.բյուրոն իր նախաձեռնության որպես հիմք ոչ միայն չէ ունեցեր թուրքահայության մանդատը, այլ նաև չէ անսացեր թուրքահայության կողմե երկրեն խրկված նախազուշացումներուն:

2. Որ Ազգ. բյուրոն իր ձեռնարկած ծանրակշիռ նշանակություն ունեցող աքթերու համար չէ ունեցեր ոչ անհրաժեշտ երաշխիք և ոչ ալ համապատասխան տակտիկա:

Եվ որովհետև համարատվությունը չուներ ոչ հավաքական և ոչ դոկումենտալ բնույթ և կատարվեցան հարևանցիորեն և մանավանդ գլխավոր համարառու թուրքահայության բացակայության, կգտնենք, որ Ազգ. բյուրոն պարտավոր է տալ յուր լրիվ համարատվությունը համազգային ժողովի մը առջև, երբ իր իսկական համարառուն՝ թուրքահայությունը՝ հնարավորություն կունենա լսելու զինք»:

Գալիկյան Հրանդ, Դարբինյան Արտակ, Թերզիբաշյան Ավետիս, Հակոբյան Հովհաննես, Պապիկյան Վարդան, Պոնափարթյան դոքտ., Տեր-Չաքարյան Հակոբ

«Մշակ», 03.11.1917:

## N 52

### Հայ տնխնիկական ընկերության 26 սեպտ. 1917 թվի ընդհանուր ժողովը ընդունեց հետևյալ որոշումները և հանձնարարեց իր պատգամավորներին այդ որոշումները ներկայացնել և պաշտպանել Ազգային համախորհրդակցության մեջ՝

1. Երկրի վարչական սահմանների փոփոխության ու զեմստվային հարց:

Ձեմստվոյի ներմուծումը Անդրկովկասի մեջ կարող է ուշանալ վարչական սահմանների փոփոխության հարցի բարդ լինելու պատճառով: Ձեմստվոն անհրաժեշտ է անմիջապես մտցնել ինքնավարական փոքր միավորների կազմով (мелькая земск. единица): Վարչական սահմանների փոփոխության հարցը կարող է մանրամասն ու բազմակողմանի կերպով քննվի և լուծվել զեմստվային ռեֆորմից հետո:

2. Պաշտպանման հարց:

Այդ հարցը և տագնապը, իբրև համառուսական և ընդհանուր բնավորություն ունեցող բազմաթիվ պատճառներից կախված, կարող են կանոնավորվել ժամանակավոր կառավարության կողմից մշակվելիք ընդհանուր (планомерный) ծրագրով:

3. Ազգամիջյան հարաբերությունները:

Ազգամիջյան թյուրիմացությունների վերացման տեսակետից, դատապարտելով ազգայնամոլ, շովինիստական արտահայտությունները, ինչ կողմից և լինեն դրանք, ժողովը անհրաժեշտ է համարում ազգային խորհրդակցությունների հաճախակի գումարումները՝ լուսաբանելու և հարթելու նպատակով բարի դրացիական հարաբերությունները խանգարող բոլոր պատճառները:

4. Առանձին Անդրկովկասյան կոմիտետը:

<sup>\*</sup> Փաստաթղթի վերնագիրն է:

Ի նկատի ունենալով, որ Առ[անձին] Անդրկ[ովկասյան] կոմիտեան չէ կանգնած իր կոչման բարձրության վրա, որ նա անկարող գտնվեց համերաշխ գործելու, որ նրա անդամները միմիանցից առանձնացած և տարբեր ուղիներով էին ընթանում, որ, ընդհանրապես, կոմիտեան չէր ղեկավարվում հեղափոխական ծրագրով և որ, վերջապես, նա ցույց չտվեց վճռականություն, ուժ, եռանդ և հեղափոխական նախաձեռնություն, ժողովը գտնում է, որ իր վերաբերմունքը դեպի Կոմիտեան կարող է լինել միայն բացասական:

Ներկա Կոմիտեան, որպես գործադիր օրգան երկիրը կառավարելու համար պետք է փոխարինվի հեղափոխական օրգանով, կազմված բոլոր ազգությունների սոցիալիստական և հեղափոխական կուսակցությունների ներկայացուցիչներից:

5. Դպրոցների ազգայնացում:

Դպրոցները պետք է անհապաղ ազգայնացվեն, հայերենի դասավանդությունը պետք է դրված լինի բարձր մակերևույթի վրա:

6. Փախստականների հարց:

Ընդունելով այդ հարցի մեծ կարևորությունը Հայաստանի ապագայի տեսակետից, այժմից իսկ պետք է մշակել միջոցներ փախստականներին վերադարձնելու և վերաբնակեցնելու իրանց հայրենի երկրի մեջ: Վերջին պարագայի հետ կապ ունեցող շինարարական խնդիրների կանոնավորման և հաջող լուծման համար Հայ տեխնիկական ընկերությունը առաջարկում է իր ծառայությունը և տեխնիկական ուժերը: Փախստականներին վերաբերող գործերի լավագույն ընթացքի տեսակետից, ժողովը անհրաժեշտ է համարում նրանց ներկայացուցիչների լայն և պարտավորացուցիչ մասնակցությունը նրանց օգնություն մատուցանող բոլոր կազմակերպությունների մեջ:

7. Ճակատի ամրացումը:

Վերջին ժամանակներում գործի մեջ նկատվող կազմալուծման նկատմամբ ժողովը գտնում է անհրաժեշտ կռվել դասալքության դեմ ընդհանրապես և հայ զինվորների մեջ մասնավորապես: Ներկա քաղաքական մոմենտը անհրաժեշտ է դարձնում հայկական զորամասերի կազմակերպումը. այդ զորամասերին հայկական շրջանները պետք է ցույց տան ամեն աջակցություն: Մինևույն ժամանակ ի նկատի ունենալով սերտ կապը ճակատի և թիկունքի մեջ, վերջինում անհրաժեշտ է կազմակերպել ժողովրդական միլիցիա, խուսքի ամենալայն մտքով:

8. Տեղական իշխանության կազմակերպումը:

Այդ խնդրի լուծումը ժողովը համարում է կապված առ[անձին] Կովկասյան կոմիտեանի վերակազմության հետ:

Տեղի ունեցող պատմական անցքերը հարուցել են, մի կողմից, Կովկասի և Անդրկովկասի քաղաքական վերակազմության վերաբերյալ և, մյուս կողմից, Տաճկահայաստանի ավտոնոմիայի կարևորագույն խնդիրները: Այդ առթիվ, ի նկատի ունենալով մոտիկ ապագայում կայանալիք Հիմնադիր ժողովը, Հայ Տ[եխնիկական] ընկերության ժողովը գտնում է, որ՝

9. Առաջին, հիմնվելով ժամանակավոր կառավարության հրապարակած հասարակապետական կարգի և Ռուսաստանի առանձին ազգությունների ինքնորոշման սկզբունքի վրա, բնականաբար դրված պետք է համարել մեր երկրի քաղաքական վերակազմության հարցը դեմոկրատական հիմունքների վրա՝ որպես Համառուսական ֆեդերատիվ հասարակապետության մի մասի:

10. Երկրորդ, Դաշնակից մեծ տերություններից նախավճճված Տաճկահայաստանի ավտոնոմիան պետք է ընդունվի և անմիջապես հրատարակվի ժամանակավոր կառավարության կողմից:

Գ.17, ք.60-61 և հալ.:

## դ. Հայտարարություններ, դիմումներ, նամակներ, գրություններ

N 53

### ՌՍԴԲԿ Թիֆլիսի կոմիտեի բանաձևը Հայկական «Ազգային» խորհրդակցության առթիվ՝

19 սեպտեմբերի 1917թ.

Նկատի ունենալով՝

1) որ հայկական այսպես կոչված «ազգային» խորհրդակցությունը հանդիսանում է խոշոր բուրժուազիայի կառքին լծած ու ռեակցիոն հոգևորականներից դեռևս չխզված մանր բուրժուազիայի նացիոնալիստական հնարքը և կրում է բուրժուա-կղերական բնույթ, քանի որ նրանում հսկայական ճնշող գերակշռությամբ մասնակցում են այնպիսի հաստատություններ, որոնք միշտ էլ բուրժուազիայի և հոգևորականության ձեռքին հանդիսացել են դեմոկրատական մասսաներին խաբելու գործիք, որոնք երբեք չեն ներկայացվել այդ հաստատություններում, իսկ բանվորական կազմակերպությունները և չքավոր գյուղացիությունը բոլորովին մեկուսացված են,

2) որ հայ պրոլետարիատն ու չքավոր գյուղացիությունը ոչ մի ընդհանուր շահ չունեն հայ բուրժուազիայի և հոգևորականության հետ, հետևաբար, առանց առաջինների շահերին վնասելու ռևոլյուցիոն սոցիալիստական պրոլետարիատի և հակառևոլյուցիոն բուրժուազիայի տրամագծորեն հակադիր կամքից չի կարող մեկ ընդհանուր ազգային կամք ստեղծվել, - միակ նպատակը, որին ձգտում է խորհրդակցությունը, այն է, որ խաբեբայորեն ամրապնդի և ուժեղացնի բուրժուազիայի տիրապետությունն ու ազդեցությունը հայկական կյանքում և, այդպիսով, հայ ժողովրդին զոհաբերի համառուսական գիշատիչ-կապիտալիստների իմպերիալիստական իղծերին,

3) որ հայ բուրժուազիայի հետ հայ պրոլետարիատի և գյուղացիության չքավորության համաձայնողականությունն ու ազգային միավորումը կնշանակի դավաճանել ինտերնացիոնալիստական պրոլետարական տակտիկային և ռևոլյուցիային՝ ի հաճույս հայ իմպերիալիստական բուրժուազիայի և նացիոնալիստական մանր բուրժուազիայի՝ դաշնակցության պարտիայի գլխավորությամբ, որոնք ձգտում են հայ պրոլետարիատին և չքավոր գյուղացիությանը պարտադրել, մի կողմից՝ բուրժուազիայի իմպերիալիստական և հակառևոլյուցիոն քաղաքականությունը, իսկ մյուս կողմից՝ պաշտպանողական պարտիաների վախկոտ և դավաճանական քաղաքականությունը,

4) որ խորհրդակցության լուծմանը ենթակա հարցերը ընդհանուր քաղաքական հարցեր են պրոլետարիատին ու գյուղացիությանը զոհացնելու իմաստով դրանք լուծվել կարող են միայն Ռուսաստանի և Կովկասի բոլոր ազգությունների պրոլետարական-ռևոլյուցիոն տարրերի համատեղ պայքարում, այլ ոչ թե ազգի շրջանակներում՝ պրոլետարիատի ու բուրժուազիայի խայտառակ և դավաճանական համաձայնողականությամբ,

ՌՍԴԲԿ (բուլժևիկների) Կ Թիֆլիսի կազմակերպության կոմիտեն որոշում է հրաժարվել իր ներկայացուցիչները խորհրդակցություն ուղարկելուց և բանվորներից, զինվորներից ու գյուղացիներից կոչ է անում եռանդուն կերպով բողոքել այդ

\* Փատաթղթի վերնագիրն է:



դավաճանության դեմ, նշանակել այն որպես նացիոնալիստական հակաբանվորական և հակառուսոլոցիոն:

«Кавказский рабочий» թերթ, N 158, 25.09.1917: Թարգմանություն ռուսերենից: Տպագրվում է ըստ «Ղկտեմբերյան սոցիալիստական մեծ ռուսոլոցիան և սովետական իշխանության հաղթանակը Հայաստանում» փաստաթղթերի ու նյութերի ժողովածուի, ՀՍՍՀ ԳԱ հրատ., Երևան, 1960, էջ 73-74:

N 54

**Պետրոգրադի բնակիչ Թադեոս Տեր-Հովսեփյանցի նամակը Տիգրան Տազարյանին՝  
անկախ Հայաստան ստեղծելու մասին իր առաջարկությունը Ազգային  
համախորհրդակցությանը հանձնելու մասին**

25 սեպտեմբերի 1917թ.  
Պետրոգրադ

**Սեծապատիվ պ. Տիգրան Տազարյան**

Դիմում եմ Ձեզ խնամարհաբար խնդիրքով՝ խնդրում եմ հետևյալ հարցն առաջարկել Ազգային համախորհրդակցության ի որոշում, եթե այն գտնվի համապատասխան և օգտակար: Իսկ եթե ուշ հասնի Ձեզ նամակս, խնդրում եմ տեղվուր ազգային գործիչների քննությանն առաջարկել նորան նույն նպատակով:

Հարցը անկախ Հայաստանի հարցն է:

Ցավոք սրտի պիտի շեշտել (констатировать) այն փաստը, որ երբ հաշտության վերաբերմամբ հարց է հանվում հրապարակ, պետությունների ներկայացուցիչները իրենց գրությունների կամ ճառերից մեջ միշտ հիշելով ուրիշ փոքր ազգերի վերականգնման հարցը, խեղճ ու անճար Հայաստանի անունը երբեք չեն հիշում: Մինչդեռ Հայաստանի որդիները, թվով ոչ պակաս 400.000-500.000 զինվորներ, արյուն են թափել պատերազմների դաշտերում և իրանց բացարձակ միությունով միության պետությունների հետ (Правительства согласия) առաջացրել են իրանց համար մահաբեր կոտորածը՝ անխիղճ Գերմանո-Թուրքիայի կողմից:

Մեր զինվորների թափած արյունը գործող գործառնաբերում հոգուտ միության գործի և անթիվ անմեղ զոհերի թափած արյունը Թուրքիայի անապատներում մեզ իրավունք են տալիս բարձրաձայն կոչել և պահանջել Հայաստանի անկախությունը: Այդ չարաբախտ հարցը պատերազմի համարյա նախօրյակին արդեն սկսվել էր իրականություն դառնալ ի դիմաց նշանակված եվրոպական կոմիսարների, բայց...

Մեր ձայնը լսելի անելու մեզ հարկավոր է բոլոր պատերազմող և չեզոք պետությունների մայրաքաղաքներում ունենալ ազգային քաղաքական ներկայացուցիչներ (в роде посольства или политического агентства), որոնք օգտվելով ամեն առիթից և համգամաքից, պիտի հիշեցնեն կառավարությունների պետերին Հայաստանի վերականգնման հարցը: Մեր քաղաքական ներկայացուցիչների, ինչպես և ամեն մի հայի նշանաբանը պիտի լինի՝ «Մի կտոր չոր հող, որի անունը լինի անկախ Հայաստան»: Ամեն մի հայ ամեն մի տեղ, ամեն մի անկյունում պիտի գոռա և գոչե այդ նշանաբանը մինչև նորա իրականություն դառնալը:

\* Նկատի ունի Անտանտը:

\*\* Նկատի ունի արևմտահայության ցեղասպանությունը Առաջին աշխարհամարտի տարիներին:

Քաղաքական ներկայացուցիչներ պիտի ունենալ նաև հակառակ միության պետությունների՝ մայրաքաղաքներում, բացի Թուրքիայից և Բուլղարիայից: Խոն աշխարհիս բոլոր հայերը միաձայն կողմնակից չեն միության պետությունների հետ: Անշուշտ, կան և հակառակի կողմնակիցներ: Այդ շատ փափուկ հարց է, բայց ամեն մի հայ պիտի գործե և աշխատե ամեն տեղ հոգուտ վերոհիշյալ սուրբ նշանաբանի: Օգտվենք լեհացիների քաղաքականությունից:

Ուրեմն, պիտի աշխատել կազմակերպել քաղաքական ներկայացուցիչներ բոլոր երկրներում և այդոնք պիտի նյութապես ապահով լինեն ազգի կողմից:

Կարծում եմ, որ Արևմտյան Եվրոպայում մեր քաղաքական ներկայացուցիչները կարող էին գործել Պողոս Նուբար փաշայի փորձված ընդհանուր նախագահությամբ: Թիֆլիսում կամ Էջմիածնում պիտի ունենալ ընդհանուր քաղաքական մարմին, որը կունենա կապ բոլոր արտաքին քաղաքական ներկայացուցիչների հետ:

Ես մտադիր էի այս հարցի մասին խոսալ Պետրոգրադի ներկայացուցիչների հետ, բայց չհաջողվեց ինձ իմանալ, ովքեր պիտի լինեն: Այդու հարկադրված եմ նեղություն տալ Ձեզ իմ այս խնդրով, որի համար կհուսամ, որ ներողամիտ կլինեք:

Պ.Չարուխյան (խնդրեց Ձեզ ողջունել) ինձ ասաց, որ մի նամակ է տված Գարեգին Եպիսկոպոսին Պոլոժենիայի փոփոխման վերաբերմամբ դեռևս մայիսին, բայց մինչև օրս ոչինչ արված չէ այդ հարցում: Ամեն հարց հետաձգել Учредит. собрание-ին, իմ կարծիքով, չի կարելի: Պիտի այժմևեք վերականգնել Հայաստանի եկեղեցվո անկախությունը (автономия), եթե կարողանանք, շարժեցեք այդ հարցը և:

Նամակիս բովանդակության վերաբերմամբ կայացած որոշումը խնդրեմ չզլանալ հայտնել նվաստիս:

Խորին հարգանք՝ Թ.Տեր-Հովսեփյանց

Հասցես՝ Петроград\*, ... д.8, кв.12. Военному инженеру, полковнику Матевосу Аристакесовичу Тер-Осипианцу.

Գ.17, ք.64-65 և հակ.:

N 55

**Սոցիալ-դեմոկրատական ֆրակցիայի ներկայացուցիչ,  
պատգամավոր Ս.Դարբինյանի հայտարարությունը**

1 հոկտեմբերի 1917թ.

Քաղաքացիներ:

Երեկ այստեղ ս.-դեմ. մի մասի կողմից խոսեց ընկ. Դ.Անանունը և պաշտպանեց կոալիցիայի սկզբունքը: Հիմնական, սկզբունքային կետերում, այն, ինչ որ վերաբերում է մարքսիստական արշխարհայացքին, համաձայն լինելով ս.-դեմ.-ի մի մասը համաձայն չէ կոալիցիային:

Ընկ. Անանունը ասաց, որ բուժուագիան պետք է ձեռք մեկնի պրոլետարիատին և նրա վրա քար չպետք է նետի, որովհետև այդ պրոլետարիատը

\* Եռյակ դաշինքի (տվյալ դեպքում Գերմանիայի և Ավստրո-Հունգարիայի) մայրաքաղաքներում:

\*\* Հաջորդ բառը՝ անընթեռնելի:

ճրան (բուրժուազիային) խոշոր ծառայություն է մատուցել, այն է՝ ազատել է ճրան բռնակալությունից:

Քարտուղար՝ Ռ.Ս.Դ.Բ.Կ.(բուլշևիկների)  
Թիֆլիսի կոմիտեի Ա.Սիկոյան

Նույն գործը, ք.71:

N 57

**Մ.Դարբինյանի լրացուցիչ հայտարարությունը Համախորհրդակցության նախագահությանը**

1 հոկտեմբերի 1917թ.

Հայտնում եմ ի գիտություն նախագահության, որ ես խոսել եմ ոչ թե մեծամասնական ֆրակցայի կողմից, այլ որպես սոսկ մի անհատ, որ պատկանում է այդ հոսանքին:

Իմ հայտարարությունը այդ առթիվ եղել է հետևյալը. «Չնայելով, որ տեղիս մեծամասնական ֆրակցիան բոյկոտի է ենթարկել ներկա համախորհրդակցությունը, բայց ես անհատապես կարևոր եմ համարել մասնակցելու ճրան»:

Նախագահությունը, եթե կարևոր համարի, կարող է հայտարարել Համախորհրդակցությանը:

Մ.Դարբինյան

Նույն գործը, ք.72:

N 58

**խորհրդակցությանը հրավիրված Հայ արվեստագետների միության ներկայացուցիչների դիմումը խորհրդակցության նախագահությանը՝ պատմական արժեք ունեցող հայ մշակույթի ու գեղարվեստի հուշարձանների պահպանության խնդրի վրա պատշաճ ուշադրություն դարձնելու մասին**

7 հոկտեմբերի 1917թ.  
Թիֆլիս

**Ազգային համախորհրդակցության պատկառելի պրեզիդիումին**

Ի նկատի ունենալով, որ հայ ազգային կուլտուրական և գեղարվեստական պատմական հիշատակարանները թե՛ Արևելյան և թե՛ Արևմտյան Հայաստանում ներկայումս գտնվում են վերին աստիճանի անմխիթար դրության մեջ:

Ի նկատի ունենալով, որ մենք, ժամանակակից հայ քաղաքական-հասարակական ու մտավոր կյանքը ղեկավարողներս, մեր այս անտարբերությամբ ու ապագայի հայ կուլտուրական կյանքի հիմքը կազմող նվիրական մնացորդները կորցնելով մեծ պատասխանատվություն ենք վերցնում մեր վրա՝ հանդեպ հետագա սերունդների:

Հայ արվեստագետների միության խորհուրդը իր բարոյական պատասխանատվությունն է համարում իր պատգամավորներ պ.Շարքաբքյանի և պ.Սարյանի միջոցով և այս գրությամբ դիմել Համազգային խորհրդակցության հարգելի պրեզիդիումին, որ ի թիվս այլ կարևոր և անհետաձգելի հարցրի, նա, կամ

276

Այս 6-7 ամսվա պատմությունը ապացուցում է, որ բուրժուազիայի հետ գործակցելը միմիայն վնաս է բերում դեմոկրատիային:

Չնայելով, որ ես պատկանում եմ բուլշևիկյան հոսանքի, որը բոյկոտի է ենթարկել այս համախորհրդակցությունը, բայց թե իմ անձնական համոզմունքներով ես մասնակցում եմ: Ես գտնում եմ, որ հայ իրականության մեջ գործելու համար անհրաժեշտ է ընդգծել մի ընդհանուր պլատֆորմա: Եվ եթե այստեղ խոսք է լինում փոխադարձ զիջումների մասին, այդ զիջումները պետք է լինեն մինչև օրս տիրող դասերի՝ բուրժուազիայի և կուլակների կողմից:

Նույն գործը, ք.66-67:

N 56

**ՌԱԴԲԿ (բուլշևիկների) Թիֆլիսի կոմիտեի քարտուղար Ա.Սիկոյանի գրությունը Համախորհրդակցության նախագահությանը՝ բուլշևիկների կողմից Ազգային խորհրդակցությունը բոյկոտելու և Մաթեոս Դարբինյանի հայտարարությունը չեղյալ հայտարարելու մասին**

N 104 1 հոկտեմբերի 1917թ.

**Հայ ազգային համախորհրդակցության մեծարգո նախագահության**

Սրանով հայտնում ենք մեծարգո նախագահությանը և խնդրում ենք հայտարարել ի գիտություն Համախորհրդակցությանը, որ Ռուսաստանի Սոցիալ-Դեմոկրատական Բանվորական կուսակցությունը բոյկոտ է հայտարարել Ազգային խորհրդակցությանը և կարգադրել, որ իր բոլոր անդամները նույնպես չմասնակցեն: Համապատասխան ռեզոլուցիա ընդունել է Թիֆլիսի կոմիտեն և տպել «Кавк[азск]и[е] раб[оч]и[е]» և «Բանվորի կռիվ» թերթերում: Նույնպիսի ռեզոլուցիաներ ընդունել են նաև Շուշու և Ալեքսանդրապոլի մեր կազմակերպությունները:

Իսկ ինչ վերաբերում է քաղ.Մաթեոս Դարբինյանին, հայտնում ենք, որ նա կուսակցության շարքերից դուրս է գտնվում:

Նորից հիշեցնում ենք խորհրդակցությանը, որ մեր կողմից ոչ ոք լիազորված չէ խորհրդակցությանը մասնակցել և բուլշևիկների անունից խոսել:»

\* Տե՛ս N 54 փաստաթուղթը:

275

Համախորհրդակցության վերջում ընտրվող մնայուն մարմինը չմոռանա լուրջ կերպով զբաղվել այս հարցով:

Հայ արվեստագետների միության խորհուրդը նպատակահարմար է գտնում, որ մնայուն մարմնիս կից կազմվի մի առանձին համաժողով՝ ընտրված գործիս քաջածանոթ և հմուտ անձնավորություններից, որը, մշակելով իր գործունեության համար մի ծրագիր և կատարածել այդ ցանկալի և մեծ գործը:

Համազգային խորհրդակցության մեջ մտնող  
Հայ արվեստագետների միության ներկայացուցիչներ՝  
Մ.Սարյան

Գ.Շարբաբյան»  
Ճիշտ է՝ քարտուղար-անդամ Հայ  
արվեստագետների միության Գարեգին՝»

Նույն գործը, թ.62 և հակ.:

**N 59**

### Գեներալ-մայոր Անդրանիկ Օզանյանի հայտարարությունը

7 հոկտեմբերի 1917թ.  
Թիֆլիս

Ազգային համախորհրդի ուշադրության  
Ազգային համախորհրդին [կից] կազմված մարմինը եթե կիրամայի իմ վրա  
ինկած պարտականության և գործի բաժինը կատարել, ամենայն ուրախությամբ  
պատրաստ եմ ընդառաջ երթալ անոր կարգադրություններուն:

Անդրանիկ

«Հայաստան», 07.10.1917:

**N 60**

### Մեսրոպ և Բագրատ եպիսկոպոսների դիմումը Ազգային համախորհրդի նախագահությանը՝ գործադիր խորհրդի կազմում Հայոց կաթողիկոսի ներկայացուցիչ ունենալու խնդրանքով

12 հոկտեմբերի 1917թ.  
Թիֆլիս

#### Հայոց Ազգային համախորհրդին:

Ազգային համախորհուրդը, իբրև եզրակացություն յուր զբաղմունքների  
որոշել է կազմել մի գործադիր խորհուրդ, պատասխանատու և իրավատեր,  
կատարելու այս Համախորհրդի որոշումները և ժամանակավորապես կարգավորելու  
մեր ընթացիկ կարևոր խնդիրները մինչև ազգային օրինական ժողովի հրավիրելը:

\* Ազգանունն անընթեռնելի է:

Ամենայն Հայոց Վեհափառ կաթողիկոսի ներկայացուցիչներս, քանի որ չէինք  
մասնակցում պրեզիդիումին և Ավագների խորհրդին, Հայ ժողովրդական  
կուսակցության ներկայացուցիչ պ. Միքայել Պապաջանյանի միջոցով հայտնեցինք  
պրեզիդիումին, որ պետք է ունենալ գործադիր մարմնի մեջ Ամենայն Հայոց  
կաթողիկոսի կողմից մի ներկայացուցիչ: Պ.Միքայել Պապաջանյանը հայտնեց, որ այս  
պահանջը նույնիսկ քննության չի առնվել, այլ ուղղակի մերժվել է:

Ի նկատի ունենալով, որ Համախորհուրդն իրավատեր էր միայն համազգային  
կյանքի գործն ուժերի մեջ հառաջ բերելու համերաշխ համագործակցություն  
ազգային գործունեության ասպարեզում և որ Հայոց ժողովրդական եկեղեցին յուր  
համազգային ժողովով ընտրված Վեհափառ կաթողիկոսով ունեցել է և ունի այդ  
գործն դերը, մենք՝ Ամենայն Հայոց կաթողիկոսի ներկայացուցիչներս, գտնում ենք, որ  
ներկա վերին աստիճանի ծանր ու պատասխանատու մոմենտում Ազգային  
համախորհուրդն իրավատեր չէ այդպես վարվելու, որի դեմ ցավելով բողոքում ենք:

Մեսրոպ եպիսկոպոս  
Բագրատ եպիսկոպոս

Գ.17, թ.59 և հակ.:

**N 61**

### Տ.Ղևոյանի երկտողը համախորհրդակցության նիստի նախագահին՝ ելույթ ունենալու ցանկության մասին

[Հոկտեմբեր] 1917թ.

Պ.Նախագահ  
Որովհետև Վանի ընդհանուր նահանջի մասին պ.Անդրանիկի կողմից  
հայտարարություն եղավ, իբրև թե ես սխալ տեղեկություն եմ տվել թշնամու ուժերի  
մասին (2-րդ դիվիզիա) և հետևաբար նահանջի պատճառը ես եմ եղել, կիսնդրեի կրկին  
բարեհաճեիք ժողովի համաձայնությամբ թույլ տայիք ինձ որպես բացառություն տայի  
ին բացատրությունները այդ ընդհանուր նահանջի մասին:<sup>2</sup>

Նույն գործը, թ.68:

Տ.Ղևոյան

**N 62**

### Հայ ժողովրդական կուսակցության և Ազգային համախորհրդակցության մասնակից անկուսակցական պատգամավորների հայտարարությունը

[Հոկտեմբեր] 1917թ.  
Տիֆլիս

Հայ ժողովուրդը համաշխարհային պատերազմի ու ռուս հեղափոխության  
հետևանքով ապրում է պատմական այնպիսի մի մոմենտ, երբ վտանգ է սպառնում ոչ  
միայն նրա ազգային-կուլտուրական զարգացման, այլ անգամ նրա գոյության: Հայ  
կյանքի այսպիսի օրհասական պայմաններում, ամեն մի հայի ու յուրաքանչյուր  
կուսակցության սրբազան պարտականությունն էր լինելու, զգալով քաղաքական  
ներկա մոմենտի մեծ պատասխանատվությունը, դիմելով գործնական ու շինարար

աշխատանքի, երկրորդական տեղ տալով առժամանակ կուսակցական իդեոլոգների տարբերության:

Ռուսահայ ազգային խորհրդակցության...՝ օրվա նիստերը ցույց են տալիս, որ անհաշտ կուսակցությունը խանգարում է խորհրդակցության բեղմնավոր աշխատությունները, որոնք հայ ժողովրդի արդի կացության հրամայական պահանջն են: Կուսակցությունների գործելակերպը այս խորհրդակցություն իրական իր հետևանքներով կարող է դառնալ ստեղծագործական շինարար աշխատանքի ամենամեծ արգելքը:

Ռուսահայ Ազգային խորհրդակցության արտակուսակցական պատգամավորները հայտարարում են, որ իրանք ուղարկված են այստեղ շինարար գործ կատարելու, ուստի մատնանշելով խորհրդակցության զբաղմունքների սխալ ընթացքը, կոչ են անում անմիջապես անցնել շինարար գործունեության:

Յ.Մանանդյան  
Գրիգոր Չախուշյան  
Անդրանիկ  
Ա.Ասրիյան  
Լեո՝

Նույն գործը, թ.26:

**N 63**

**Հայ Հեղափոխական Ղազնակցության հռչակագիրը**

**Դեկլարացիա Դ.Կողմից՝**

Ղազնակցական ֆրակցիան, իր այսօրվա արած կտրուկ և որոշ բացատրություններից հետո, իրավունք ունենալով սպասելու, որ երեկվա միջադեպը սպառված պիտի համարվեր: Բայց սոցիալ-դեմոկրատական և սոցիալ-հեղափոխական ֆրակցիաների միացյալ հայտարարությունը հարկադրում է մեզ ասել հետևյալը.

1. Մասնակցելով Ազգային խորհրդակցության, ԶԳԴ-յունը, ինչպես միշտ, այսօր ևս միանգամայն գիտակցում է այն մեծ պատասխանատվությունը, որ ընկնում է իր վրա ներկա բացառիկ պայմաններում հանդես հայ աշխատավոր ժողովրդի:

2. Ձգտելով հայ աշխատավոր ժողովուրդը ավելի սերտ կերպով կապել Ռուսաստանի և Կովկասի հեղափոխական դեմոկրատիայի միջազգային ընտանիքի հետ և ապահովել նրա սոցիալ-քաղաքական ազատագրումը և ֆիզիկական անվտանգ գոյությունը, մենք պիտի շարունակենք կռվել այն բոլոր փորձերի դեմ, որոնք նպատակ ունեն մեկուսացնելու հայ ժողովուրդը:

3. Իր գործելակերպով ու մտածելակերպով ԶԳԴ-յունը կանգնած է այն միջազգային ուղիի վրա, որ իսկապես տանելու է դեպի վերոհիշյալ նպատակների իրագործումը Ռուսաստանի և, մասնավորապես, Անդրկովկասի բոլոր հեղափոխական տարրերի հետ միասին:

Մեր ընկեր Ն.Աղբալյանը իր զեկուցման մեջ, մեկնելով միջազգային սոցիալիզմի ողջամիտ և գիտական ըմբռնումից, շեշտեց այն իրական ճանապարհները, որոնք կարող են առաջ բերել կատարյալ վստահություն

\* Հաջորդ բառն անընթեռնելի է:  
\* Մեկ ստորագրություն անընթեռնելի է:  
\* Վերնագիրը փաստաթղթինն է:

Անդրկովկասի բոլոր ժողովուրդների միջև և համերաշխության հաստատուն հիմքեր ստեղծել մեր և մեր հարևանների համար: Սակայն մենք չենք կարող հրապարակով չմատնանշել, որ ձգտելով վարկաբեկել մեր հարևանների առջև հայ ժողովրդի ... հեղափոխականներից որոշ տարրեր իրենց գործելակերպով խոչընդոտ են հանդիսանում այդ մերձեցման:

Մենք հայտարարում ենք Ազգային խորհրդակցության, որ եկել ենք այստեղ ոչ թե հրաժարվելու մեր աշխարհայեցողությունից, այլ հայ ժողովրդի բոլոր գործուն տարրերի հետ համաձայնության գալու այն գործնական միջոցների վերաբերմամբ, որոնք իրապես պիտի ապահովեն ազգամիջյան համերաշխությունը Կովկասում և գործակցությունը համառուսական դեմոկրատիայի հետ՝ համուն հայ աշխատավոր ժողովրդի կենսական շահերի և ռուսական մեծ հեղափոխության հաղթանակի:

Նույն գործը, թ.25 և հակ.:

**Ե. ԱՐՉԱԳԱՆՔՆԵՐ**

**N 64**

**Հայոց ազգային համախորհրդակցության աշխատանքների վերլուծությունը ըստ վրաց «Էրթոբա» լրագրի՝ թարգմանաբար արտատպված «Հորիզոն» թերթում**

8 հոկտեմբերի 1917թ.  
Թիֆլիս

Վրաց լրագիրները շատ համառոտ տեղեկություններ են տալիս Հայոց Ազգային խորհրդաժողովի մասին: Այդ տեղեկություններն էլ, ըստ երևույթին, նրանք քաղում են տեղական ռուս լրագիրներից:

«Էրթոբա»-ն սաստիկ պախարակում է Թիֆլիսի հայտնի հայատյաց «Возрождение» լրագրի այս օրերս նորից հայերի դեմ հանդես գալը՝ հիշյալ խորհրդաժողովի առիթով: Ռուսերեն լեզվով հրատարակվող վրաց ինտելիգենցիայի մի մասի այդ օրգանը ի միջի այլոց ասել է. «Հայերը մի անգամ ընդմիջտ պետք է հրաժարվեն Վրաստանում հարծակողական քաղաքականություն վարելու սովորությունից, հրաժարվեն ամեն տեսակ նորանոր սահմաններ գծելու ձգտումից, վրացական հողն ու ջուրը ծածուկ կերպով հափշտակելու մտքից և աշխատեն իրենց հայրենիքը վերականգնել ոչ Վրաստանի ավերակների վրա, Վրաստանի, որ դեռևս կենդանի է և ապագայում էլ ապրելու մտադրություն ունի»:

Ազգայնական լրագրի այս խոսքերի առթիվ «Էրթոբա»-ն գրում է.

«Ապշեցուցիչ է: Ռ՝վ է տվել արդյոք այդ պարոններին իրավունք վրաց ժողովրդի կողմից այդպիսի պոռոտախոսություն անելու և այդ օրինակ մեղադրական ակտեր կայացնելու: Վրաց դեմոկրատիան դրանց իր շահերի պաշտպան ու միջազգային դատախազ չէ ընտրել»:

Սի ազգի կողմից մյուսի վերաբերմամբ այդպիսի մեղադրանքներ ու պահանջներ դնելը ծառայում է միայն մի նպատակի - ժողովուրդների միջև ատելություն ու թշնամություն զարգացնելուն:

Հայ ազգայնականները իրենց համագումարում ասում են, թե վրացիք իրենց դեմ են գործում և մեր խելքին զոռ տվող նացիոնալիստներն էլ կարծես հենց այդ

\* Բնագրում մեկ-երկու տող վնասված է:  
\* «Միասնություն»:

միտքը հաստատելու համար այնպիսի մեղադրական ակտեր են հորինում, որոնք վրաց ժողովրդի մտքովն էլ չեն անցել:

Հանգստացե՛ք, պարոն ազգայնականներ, աշխարհքը ձեր կտցահարելու համար չէ ստեղծվել: Դեմոկրատիան ինքը կարող է իր անելիքներն անել, իր գլխի ճարը տեսնել, ազգերի միջև հաշտություն ու համերաշխություն առաջացնել: Նա ձեր խնամակալության կարիք չունի»:

«Հորիզոն», 08.10.1917

**N 65**

**Վրաց «Սախալխո Սաքմե»՝ լրագրում տպագրված «Հայոց խորհրդաժողովը և տարօրինակ կարծիքներ» հոդվածը՝ թարգմանաբար արտատպված «Հորիզոն» թերթում**

12 հոկտեմբերի 1917թ.  
Թիֆլիս

Այդ վերնագրով «Սախալխո Սաքմե» լրագիրը իր N 71-ում տպագրել է հետևյալ առաջնորդող հոդվածը.

«Թիֆլիսում տեղի ունի Հայոց խորհրդաժողովը: Ժողովը դեպի ինքը գրավեց հայ ժողովրդի բոլոր մասերը, բոլոր կուսակցությունները, բոլշևիկների բացառությամբ, որոնք բողոքով դիմավորեցին ազգային խորհրդաժողովին: Դրանց բողոքը ոչ մի տպավորություն չգործեց խորհրդաժողովի վրա: Հայ ազգի մեջ սոցիալ-դեմոկրատական կուսակցությունը չափազանց անգոր է և չպետք է զարմանանք, որ այդ անգոր կուսակցության մի թևին ոչ ոք նշանակություն չի տալիս: Բացի կուսակցություններից, խորհրդաժողովում մասնակցություն ունեն հայոց համարյա բոլոր կուլտուրական հիմնարկությունների ներկայացուցիչները: Առհասարակ հայերն այնքան մեծ կարևորություն են տալիս այդ խորհրդաժողովին, որ նա, անկասկած, շատ մեծ նշանակություն կունենա հայկական իդեոլոգիայի մշակման համար:

Մենք, վրացիներս, հեշտությամբ կարող ենք ըմբռնել ազգային ժողովի ուժն ու հեղինակությունը: Մեր ամբողջ զգացմունքն ու միտքը ուղղված է ազգային ժողովներ հրավիրելու կողմը և մեր բարօրության համար էլ գործոն ենք համարում հարևան ազգի ժողովով հանդես գալը, որը մեր մեջ էլ արձագանք կը գտնի: Ամբողջ Ռուսաստանում համարյա միայն վրացիք են մնացել, որ իրենց ազգային ուղղությունը մաքսանենգությամբ են երևան հանում, չհամարձակվելով բաց ճակատով որևէ ազգային գործի ծեռնարկել: Այդպիսով հայոց ազգային ժողովը թանկագին մի բան է ոչ միայն իրենց՝ հայերի, այլև մեր՝ վրացիների համար. նա կը նպաստե և մեր պատրաստվելուն ու հանդես գալուն: Հավատացած ենք, որ ապագայում վրացիք էլ կը հաջողեցնեն զուտ ազգային ժողով հրավիրել, որպեսզի հետո էլ կարողամանք միջազգային ժողով գլուխ բերել, ժողով, որ միջազգային Անդրկովկասի համար վերջնականապես մի միջազգային ու ֆեդերատիվ կազմակերպության հիմքը կը ձգե:

Բացի այն փաստից, որ ազգային ժողովը գումարվեց և անգնահատելի նշանակություն ունի, նորերևույթ պետք է համարվի «Դաշնակցություն» կուսակցության այն հայտարարությունը, թե հայ ազգը Անդրկովկասում Պետական ազգ է (ընդգծումը վրաց լրագրիցն է): Դաշնակցությունը սխալ չգործեց իր այդ հայտարարությամբ և ճշմարտությամբ ներկայացրեց ազգային խորհրդաժողովի ոգին, որպեսզի միաժամանակ ներկայացնե նաև հայ ժողովրդի ամբողջությունը:

\* «Ժողովրդական գործ»:

Պետականության սկզբունքով տոգորված այդ դեկլարացիան ինքնին արդեն վճռում է ազգի քաղաքական պատկերի պրոբլեմը և մենք կարող ենք ասել, որ այսուհետև հայ ժողովրդի մեջ այլևս գոյություն չեն ունենա այն կասկածն ու կամքի թուլությունը, որ նկատվում էին ավտոմոմիա պահանջելու հարցում:

Սակայն մենք միաժամանակ պետք է անպատճառ մատնանշենք այն ստրկական հոգեբանությունը, որ չեն կարողացել ազատվել Մուլինսկայն այն անծինք, որոնք հպարտությամբ խոստովանում են, թե հայերը մի հեղինակավոր պետական երևույթ են ներկայացնում: Ն.Աղբալյանն էր հայերին պետական ազգ հայտարարելու հեղինակը, մի ճառախոս, որի յուրաքանչյուր խոսքը ոգևորություն էր պատճառում խորհրդաժողովի անազին մեծամասնության: Այդ պարունը հետևյալ ողորմելի կարծիքն է հայտնում. «Մեզ հարկավոր է այնպիսի մի տարր, որը հաշտեցնող դեր է կատարում տեղական ժողովուրդների համար: Այդպիսի չեզոք տարր կազմում են ռուսները Կովկասում»:

Չենք կարողանում հասկանալ, թե ինչպե՞ս է, որ ազգային հողի վրա կանգնած և հեղինակավոր դրդապատճառներ հայտարարող մի հասարակական գործիչ անընդունակ է հանդիսանում վերջնականապես ոտքի վրա պինդ կանգնելու և ազգի ուժն ու բարօրությունը արտաքին «չեզոք» ուժերի մեջ է տեսնում: Ցավալի է, լսել այդպիսի մի կարծիք, քանի որ դրա նման դատողություն մենք չենք տեսել ոչ ուկրաինացիների, ոչ բելուռուսների, ոչ լիտվացիների, ոչ մահմեդականների համագումարներում և ոչ էլ ուրիշ որևէ տեղ: Այդօրինակ հայտարարությունն անարգական է հենց ազգի պատվի և իրավունքի համար, որովհետև յուրաքանչյուր ազգի համար քաղաքական ձևեր պետք է որոնել հենց իրա՝ ազգի մեջ, իսկ որևէ տարրի չեզոքացումն ու մեկուսացումը պետք է կատարվի քաղաքական-ազգային հավասարության սկզբունքի և ոչ մի ուրիշ մոտիվի համեմատ, որովհետև ամեն մի ազգ հեղինակավոր կազմակերպություն է՝ սեփական շահերով օժտված:

Մենք ցավալի երևույթ ենք միայն համարում այն հանգամանքը, որ Աղբալյանի տարօրինակ կարծիքները հափշտակող ոգևորություն էին պատճառում խորհրդաժողովին: Դա հետևանք է այն իդեոլոգիայի, որ Ալ. Ի.Խատիսյանն էր արծարծում Վրաստանում: Մենք այստեղ աչքի առաջ ունեինք քաղաքական սերվելիզմը (ստրկահոգությունը): Մյուս բոլոր հանգամանքները, որ մի կողմ թողնենք, հենց միմիայն հեղափոխական ժամանակամիջոցը բավական էր հասկանալու համար, որ ռուսները ոչ մի տեղ ոչ մի չեզոք ուժ չեն ներկայացնում և որ նրանք ազգային հարցերում Կովկասումն էլ նույն սառնասրտությունն ու հին քաղաքական խստությունն են պահպանում»:

«Հորիզոն», 12.17.1917:

**N 66**

**«Մշակը» Ազգային համախորհրդակցության երեք միստերի արդյունքների մասին**

14 հոկտեմբերի 1917

\* Խոսքը վերաբերում է հոկտեմբերի 11-ի և 12-ի 15, 16 ու 17-րդ միստերին:

Այս երեք միատերում ժողովն ամբողջովին զբաղվեց Թիֆլիսի «Ազգային» բյուրոյի քաղաքական գործունեության և նրա՝ ռուսական հին ռեժիմի կառավարության հետ ունեցած հարաբերությունների ու կամավորական շարժման խնդրով:

Պետք է ասել, որ գավառական պատգամավորների մեծ մասն արդեն մեկնել էր և ժողովին մասնակցում էին զլխավորապես Թիֆլիսի պատգամավորները: Երբեմն, միտի բացման ժամանակ, նույնիսկ հարկավոր կվորումը չկար:»

Մենք չենք տա բոլոր ճառախոսների և քննադատների ճառերի բովանդակությունը, քանի որ արձարծվեցին և այնպիսի կետեր ու հարցեր, որոնց հրապարակ հանելը դեռ վաղաժամ է և որոնց լուսաբանությունը վերապահված է ապագա անաչառ պատմության:

Չայ հասարակությանը շատ լավ հայտնի է այն բանակովից և քննադատությունից, որ մի քանի տարիներ «Մշակը» մղեց «Ազգային» բյուրոյի կողմնապահ, վնասակար ու ազգակործան գործունեության դեմ, այդ խնդրի էությունը: «Ազգային» բյուրոն, ինչպես գիտեք, լույս մի դաշնակցական բյուրո էր, բայց դիմակավորված. և նա իսկապես վարում և գործադրում էր Դաշնակցության քաղաքականությունը և գիծը, բայց ազգային դիմակի ներքո, շնորհիվ այն հանգամանքի, որ հրավիրել էր գործակցության այնպիսի մարդկանց, որոնք ըստ ամենայնի համակերպվում էին նրա քաղաքականության, և մի քանի դիմազուրկ բուրժուանների, որոնք իրանց համար մեծ պատիվ էին համարում վայելել Դաշնակցության հովանին և հետևաբար անմռունչ հպատակվում էին նրա բոլոր կարգադրություններին: Իսկ եթե Բյուրոյի մեջ լինում էին այնպիսի անդամներ, որոնք անհատականություն կան ընդդիմադրական ձգտումներ էին ցույց տալիս, դրանք շուտով ստիպված էին լինում հեռանալ՝ անգոր լինելով ստեղծված պայմաններում փոփոխել իրերի դրությունը և չկամենալով մասնակից լինել ապագա պատասխանատվության: Մյուս կողմից, Բյուրոն իր պատվավոր նախագահ Մեսրոպ Եպիսկոպոսի հետ միասին ամեն ջանք գործ էր դնում, որ Բյուրոյի կազմի մեջ չմտնեն ընդդիմադիրներ: Բացի դրանից՝ գործի ամբողջ կազմակերպչական և կարգադրիչ մասը բացառապես գտնվում էր դաշնակցականների ձեռքում, և Բյուրոյի մնացած անդամները, ինչպես իր ժամանակին ասել էր նրա հեռացող անդամներից մինը, լույս աննկենների դեր էին կատարում:

Չայտնի է և այն հանգամանքը, որ ունեցավ «Ազգային» բյուրոյի քաղաքական գործունեությունը, և այսօր հայ ժողովուրդը ժխտեց ճանաչել նրան հայ ժողովրդի կամքի ներկայացուցիչ. և նա, հետզհետե կորցնելով իր ժողովրդականությունը, հյուժվեց և վերջերս միանգամայն կազմալուծվեց:

Բյուրոյի գործունեության զլխավոր մասը կամավորական շարժման կազմակերպությունը և վարումն էր: Այդ շարժման սխալ և թյուր ուղղություն տալու հետևանքով հայ ժողովուրդը, շատերի կարծիքով, ենթարկվեց բնաջնջման թուրքիայում: Եվ կամավորական շարժումը, ահագին զոհերը, որ տվեց հայ ժողովուրդը, մարտիկների հերոսական մահը և թափած արյունը ոչ միայն չտվին Չայաստանին ինքնավարություն, այլ այդ ինքնավար Չայաստանի փոխարեն ստացանք մոխրակույտերի վերածված և հայերից թափուր Չայաստան: Բացի դրանից, պարզվեց, որ Մեսրոպ Եպիսկոպոսը և այլք, վարելով Բյուրոյի կողմից բանակցություններ և հարաբերություններ ռուսական կառավարության հետ, հին ռեժիմի հետ, ի դեմս Վորոնցով-Դաշկովի, ընկել են ծուղակի մեջ, չարաչար խաբվելով սին ու անորոշ խոստումներով:

Չայ ժողովրդի համար ունեցած բոլոր աղետալի հետևանքների ամբողջ պատասխանատվությունը, բնականաբար, ծանրանում է Դաշնակցության վրա, որը, ինչպես առաջ, այժմ ևս ամեն ճիգ էր թափում իր ճառախոսների բերանով ապացուցել, թե աղետի պատճառը ոչ թե Բյուրոյի բռնած չարաբաստիկ քաղաքականությունն էր և

կամավորական շարժման ձևը, այլ այն հանգամանքը, որ թուրք կառավարությունը վաղուց որոշել էր ջնջել հայ ժողովուրդը և նրա վերացմամբ վերացնել և հայկական հարցը, ուստի և լինել կամավորական շարժում թե ոչ, այդ ծրագիրը նա իրագործելու էր:

«Ազգային» բյուրոյի գործունեության քննադատները այդ միատերում հանդիսացան մի կողմից թուրքահայ ներկայացուցիչներ, դրանց թվում նույնիսկ դաշնակցականներ (ինչպես Անդրանիկ, դոքտոր Պոնափաթյան), մյուս կողմից սոցիալիստական բլուկը և «Մշակի» խմբագիր Յ.Առաքելյանը:

Եվ այդ երեք միատերում դաշնակցականների կողմից խոսեցին Ն.Աղբալյան, Շահխաթունի, Արամ, Դրո, Վրացյան, Փափագյան, Ջամալյան՝ իբրև պաշտպաններ Բյուրոյի գործունեության: Այդ պաշտպաններից նույնիսկ երկուսը՝ Վ.Փափագյանը և Արամ, հայտնեցին այն կարծիքը, որ Բյուրոն չէ հարցրել թուրքահայերի կարծիքը, չէ ղեկավարվել նրանց կարծիքով: Մնացածները շատ սոփեստական և լուրջ կրիտիկայի չդիմացող դատողություններով, նույնիսկ իրանց հակառակորդների հասցեին փողոցային անվայել ոճեր գործածելով, աշխատում էին ցույց տալ, որ Բյուրոն և Դաշնակցությունը անսխալական են եղել, որ նրանց գործունեությունը օգտակար է եղել:

Սոցիալիստների կողմից Լ.Աթաբեկյան, բժ.Իսախանյան, Ա.Երզնկյան, Դ.Անանուն, Տեր-Օհանյան, ջախջախիչ և շքեցուցիչ փաստերով ապացուցեցին, որ 1. Բյուրոն գործել է ինքնազուլխ, առանց թուրքահայերի կամքը և ցանկությունը իմանալու, նույնիսկ հակառակ նրանց կամքի, երբ իմացել է, որ թուրքահայերը հակառակ են արկածախնդրական գործունեության, 2. որ կամավորական շարժումը հղացել, կազմակերպել և իրագործել են դաշնակցականները, չնայելով նույնիսկ այն հանգամանքին, որ իրանց թուրքահայ ընկերները դեմ են եղել, 3. որ Բյուրոն, ոգևորություն առաջ բերելու համար հայ ժողովրդի և հարուստների մոտ, ամեն տեղ տարածել է այն լուրը, թե ռուսական կառավարությունը խոստացել է Չայաստանին ավտոնոմիա, մինչ այդպիսի խոստումն իրապես չէ եղել, այլ, ընդհակառակը, ռուսական հին ռեժիմը ձգտել է ունենալ մի Չայաստան առանց հայերի, և Վորոնցով-Դաշկովը շարունակել է Լոբանովի քաղաքականությունը, 4. որ Դաշնակցությունը իր ամբողջ ռազմական ուժը դրել է ի սպաս ռուսական կառավարության, ուշադրություն չդարձնելով, որ ներկա պատերազմը ոչ թե ազատագրական է, այլ՝ իմպերիալիստական:

Ոչ դաշնակցական թուրքահայերը, ինչպես Թերզիպաշյան, պրոֆ. Չակոբյան, Տեր-Ջաքարյան, նույնպես ցույց տվեցին, որ թուրքահայերի կամքը և տրամադրությունները անտես են առնվել և կարելի է խուսափել այն սոսկալի աղետից, որ պայթեց թուրքահայ ժողովրդի գլխին:

Բյուրոյի կողմից բացատրություններ տալիս էին Ս.Չարությունյան, Ն.Աղբալյան, Յ.Ապենդիար: Անձնական բացատրություններով մի քանի անգամ հանդես եկավ Լեոն, ցույց տալու համար, որ ինքը ակտիվ մասնակցություն չէ ունեցել Բյուրոյի գործունեության մեջ, այլ միայն նպաստել է գրական աշխատությամբ:

Առանձին ճառով հանդես եկավ Յ.Առաքելյան, անելով մի քանի կարևոր հայտարարություններ, որոնք ցույց են տալիս, թե Բյուրոն, արդարև, անտես է արել թուրքահայերի կամքը, չէ լսել նրանց ներկայացուցիչին և թե գերմանական կառավարությանը, դեռ ռուս-թուրքական պատերազմը չծագած, առաջարկ է արել Թուրքիայի հայ ժողովրդին հայ ժողովրդին պահել իրան լոյալ, խոստանալով դրա փոխարեն տալ Չայաստանին ավտոնոմիա, իսկ հակառակ դեպքում սպառնալով [ու] սոսկալի վրեժխնդրություն: Այդ առաջարկի մասին գիտակ է եղել և Բյուրոն, բայց անգիտության է մատնել: Ի միջի այլոց բժ. Իսախանյան շատ պերճախոս կերպով ցույց տվեց, որ կամավորական շարժումը ոչ մի բան չէր կարող ավելացնել կամ պակասեցնել հայկական դատին ի նպաստ: Առանց այդ շարժման Եվրոպան եթե պետք

էր և հարկ դատեր, կտար հայերին ավտոնոմիա, հետևաբար շարժումն ավալորդ էր, բացի դրանից՝ նա առաջ բերեց սոսկալի վրեժխնդրություն թուրքիայի և Գերմանիայի կողմից:

Այդ ճառերը ահագին տպավորություն գործեցին ժողովրդի վրա և անհերքելի կերպով ապացուցեցին այն փաստը, որ Դաշնակցության, որի հյուսկանակատարն էր «Ազգային» բյուրոն, արկածախնդրական քաղաքականության մեջ պետք է որոնել նոր սոսկալի աղետը, որին ենթարկվեց հայ ժողովուրդը թուրքիայում:

Խնդրի քննությունը սպառվելուց հետո, որոշվեց, որ կուսակցական ֆրակցիաները ներկայացնեն իրենց բանաձևերը հաջորդ նիստին, որ նշանակվեց հոկտեմբերի 13-ին, ցերեկը, և որը լինելու է վերջինը: Այդ նիստում կքվեարկվեն և բոլոր մյուս հարցերի մասին բանաձևերը և ընդունված որոշումները:

«Մշակ», 14.10.1917:

## N 67

### Հոդված «Հայաստան» թերթում. «Ազգային խորհրդակցութենն վերջ»

17 հոկտեմբերի 1917թ.  
Թիֆլիս

Ռուսական հեղափոխությունը, ինչպես Ռուսաստանը բաղկացնող բոլոր ազգերուն, նույնպես և ռուսահայ ժողովուրդին լավագույն պատեհությունն ու ժամանակը տվավ կարգավորելու իրենց ներքին կյանքը և ձգտելու դեպի ազգային վերածնունդ և ստեղծելու ինքնուրույն կյանք: Այս տեսակետով ռուսահայ ժողովուրդը իր առջև կոչեց գործելու ընդարձակ դաշտ մը, ուր ազգային զանազան անհետաձգելի պետքեր և պահանջներ իրենց լուծումը կսպասեն անհամբեր: Այդ պատճառով էր, որ գումարվեցավ Ազգային համախորհրդակցությունը, քննելու ռուսահայ ազգային կյանքը իր բոլոր կողմերով և երևույթներով ու ընթացք տալու՝ ներդաշնակորեն քայլելու համար վերածնունդի ճամբայեն, հայ քաղաքական կուսակցություններու համերաշխությամբ:

Եվ ուրախ ենք, որ Ազգային համախորհրդակցությունը կարող եղավ ստեղծել Ազգային խորհուրդ, բաղկացած հայ ժողովրդին մեջ շերտավորված բոլոր հոսանքներն, առժամապես վարելու համար ազգային գործերը, մինչև հառաջին ընդհանուր համագումարը:

Հին ռեժիմի ռուսահայ կյանքը և ընդհանրապես հայ կյանքը կը ներկայացնեք անկերպարան վիճակ մը, շնորհիվ քաղաքական աննպաստ հանգամանքներու, այնտեղ չէր երևնար ազգը ներկայացնող օրինավոր մարմին մը, որ հեղինակություն ունենար վարելու հայ ժողովրդի գործը: Այո, ռուսահայությունը ուներ հոգևոր իշխանություն, որ իրավունք ուներ ազգային քաղաքական ներկայացուցիչը հանդիսանալ օտար և տիրող ազգերու առջև, այսու ամենայնիվ հայ քաղաքականությունը վարելու գործին մեջ շատ անգամ անտես կառնվել անոր իրավունքը, որովհետև հոգևոր իշխանությունը ռուսահայ համայնքի մեջ կորսուցուցած էր այլևս իր պատմական իրավունքն ու դերը: Այդ իսկ պատճառով զանազան կուսակցություններ և մարմիններ կստեղծվեին ռուսահայոց մեջ՝ անկախ հայ ազգը ներկայացնող կաթոլիկոսեն, և կը տանեին գործը անպատասխանատու կերպով, այսպիսով առաջ կուգար ազգային անիշխանություն մը, հայ կյանքն ու միջավայրը վերածելով իրական քաոսի մը: Շատ անգամ կուսակցության մը քաղաքականությունը կը հակադրվեք բովանդակ ազգին և ծնունդ կուտար ահագին

սրտամաշուկ վիճաբանության և քննադատության հակառակորդ կուսակցություններու կողմն և այսպիսով ազգային շարժումները շատ անգամ կստանային ապարդյուն աշխատանքի բնույթ, զուրկ ըլլալով ամբողջ ազգին կանքը ներկայացնելու անհրաժեշտ հանգամանքներեն:

Ատիկա կը վերաբերի անցյալին, անցյալ մը, երբ հայ ժողովուրդը ենթարկված էր սահմանի թե՛ այս և այն կողմը քաղաքական բացառիկ աննպատ պայմաններում, երբ խոսքի և մամուլի ամենատարրական ազատությունները բռնաբարված էին:

Այժմ պարագաները փոխված են, հետևաբար փոխվելու էր և ազգային կյանքն ու հին դրությունը: Ներկա Ազգային համախորհրդակցությունը կոչված է վերջ դնելու հին սիսթեմին և ներարկել նորը, այն է՝ որ հայ ազգի քաղաքականությունն ու գործերը վարելու խնդիրը պետք չէ մեկ կուսակցության մը կամ մարմնի մը տանք այլ ամբողջ ազգին, իր զանազան կուսակցություններու ներկայացուցիչներով:

Ազգային, խորհրդակցութենն վերջ՝ ռուսահայ հանրային կյանքը կը դրվի նոր փուլի մը մեջ, ուր ազգը համերաշխ և միաբան, այնպես կը կարծենք, հայ ժողովուրդը կտանի դեպի ապահովություն, վերածնունդ և քաղաքակրթություն:

Շնորհավորելով նոր կազմված Ազգային խորհուրդը կը մաղթենք հարատև, համերաշխ և սուղուն գործունեություն:

Թաթուլ

«Հայաստան», 17.10.1917:

## N 68

### Խմբագրական հոդված «Մշակ»-ում. «Ազգային համախորհրդակցության արդյունքը»

20 հոկտեմբերի 1917թ.

Ունեցա՞վ Համախորհրդակցությունը կամ խորհրդաժողովը որևէ գործնական շոշափելի արդյունք հայ ժողովրդի համար:

Կաշխատենք պատասխանել այս հարցին:

Խորհրդաժողովը հիմնված չէր կանոնավոր ընտրական սկզբունքի և սիստեմի վրա. հետևաբար համարել այդ ժողովը իբր օրինական արտահայտիչ Ռուսաստանի հայ ժողովրդի իսկական իղծերի և կամքի չէ՝ կարելի: Սակայն որովհետև այդ ժողովին մասնակցում էին տարբեր և զանազան հոսանքների, կուսակցությունների, դասակարգերի ներկայացուցիչներ, պետք է ասել, որ որոշ չափով նա արտահայտիչ էր հայ ժողովրդի մեջ ներկայումս տիրող տրամադրությունների և ձգտումների: Կարելի է նույնիսկ ասել, որ եթե գումարված լինեք ազգային ժողով նույնիսկ քառանդան սիստեմով, գուցե նա ավելի միակողմանի լինեք իր կազմով, քան ներկա խորհրդաժողովը:

Խորհրդաժողովի դրական կողմերից առաջինն այն է, որ հայ ժողովրդի զանազան քաղաքական հոսանքները և կուսակցությունները առաջին անգամ ազատ և լեզավ կերպով իրար հանդիպեցին, իրար դեմ կանգնեցին, իրար դեմ պայքար մղեցին, մտքերի և կարծիքների փոխանակություն կատարեցին և, վերջիվերջո, զոնե որոշ ազգային հարցերի վերաբերմամբ մի համաձայնություն հանգեցին: Երկրորդ արդյունքն այն է, որ բյուրոն կամ ազգային խորհուրդը և ազգային ժողովը, որոնք կազմվել են, այլևս չեն մամնի այն «ազգային բյուրոյին», որ դիմակավորյալ ազգային էր, լոկ մի կուսակցության օրգան՝ գործիք Դաշնակցության: Ճիշտ է, այստեղ ևս Դաշնակցությունը խոշոր ձայն ունի, բայց, համենայն դեպս, մյուս հոսանքները ի

վիճակի կլինեն չեզոքացնել նրա վնասակար գործունեությունը և արկածախնդրական քաղաքականությունը, եթե նա դարձյալ ձգտի դրանց, քանի որ միասին առած՝ մեծամասնություն են կազմում դաշնակցականների դեմ: Համենայն դեպս, այդ խորհրդի և ժողովի մեջ ոչ դաշնակցական հոսանքների ներկայացուցիչների մասնակցությունը որոշ սանձ կդնի դաշնակցական ապերականության վրա, մի հանգամանք, որ օգտակար և փրկարար կլինի նույնիսկ իրենց, դաշնակցականների համար, որոնք մինչև այսօր «ազգային» Բյուրոյի մեջ իրենց առաջ ունեին կամ Մեսրոպ Եպիսկոպոսի պես փառասերներ կամ կամազուրկ և դիմակազուրկ բուրժուաներ և կամ կամավորական ու համակերպվող ինտելիգենտներ:

Չորրորդ արդյունքն այն է, որ հայ հասարակությունը տեսավ իր աչքերով, որ հայ ժողովրդի մեջ երևան են եկել քաղաքական և հեղափոխական տարրեր, որոնք կարող են աջողությամբ և պատվով լուրջ օպոզիցիա կազմել Դաշնակցության դեմ և այսուհետև հայ գյուղին տիրող «Դաշնակը» չի լինի (այս բառի այն մտքով, որով հասկանում է գյուղացին), այլ և գիտակից, լուրջ մարդիկ, որոնք դաշնակի տեղ համոզումն, գաղափար են քարոզում և մտցնում: Հայ հասարակությունը տասավ, որ խորհրդաժողովի մեջ թեև դաշնակցականները մեծամասնություն են կազմում (շնորհիվ, խոսենք մենք, մի քանի արվեստական միջոցների, օրինակ, խմբապետների մասնակցությունը և այլն), բայց օպոզիցիան նույնպես մի պատկառելի քանակ էր կազմում: Այդ կողմից շատ մխթարական էր այն երևույթը որ «Մշակի» շնորհիվ ստեղծված նոր Հայ ժողովրդական կուսակցությունը, որ միայն 5-6 ամսվա գոյություն ունի, իբրև ուժ, այնքան զարգացել էր, որ կարողացավ Դաշնակցության 114 մանդատների դեմ տալ 44 մանդատ: Այդ փաստը ցույց տվեց, որ կուսակցությունը կարող է փառավոր ապագա ունենալ, եթե կարողանա եռանդով գործել, տոկոսություն և ստեղծագործ աշխատանք ցույց տալ: Մի այլ հանգամանք ևս, որ աչքի էր ընկնում, այն էր, որ մինչև դաշնակցականների մեծամասնությունը ամբոխ էր կազմում, օպոզիցիայի անդամները գրեթե ամենքը իտելիգենտ ուժեր էին ներկայացնում: Պետք է ասել, որ ինքը՝ Դաշնակցությունը, ևս զգուժ էր, որ հանձին օպոզիցիայի, իր դեմ ունի մի պատկառելի ուժ, որի հետ հաշիվ պետք է տեսնել. և թեև նա մի քանի անգամ փորձեր արեց ի դեմս Աղբալյանի, Դրոյի և այլոց՝ սպառնական դիրք բռնել, հոխորտալ, բայց շուտով ստիպվեց խոստովանել իր սխալը և զիջողության, համբերության ոգի ցույց տալ:

Հինգերորդ արդյունքը պետք է համարել այն խիստ քննադատությունը, որին ենթարկվեց Թիֆլիսի «Ազգային» կոչված բյուրոյի գործունեությունը, մի գործունեություն, որի դեմ երկար պայքար մղեց «Մշակը» և այժմ խորհրդաժողովը կատարեց մի արդար գործ:

Վեցերորդ, որ գլխավորն է, խորհրդաժողովը ցույց տվեց և համոզեց ամենքին, բոլոր հոսանքների և կուսակցությունների ներկայացուցիչներին, որ ներկա քաղաքական տագնապալից թուպին, երբ հայ ժողովրդի համար կյանքի և մահի խնդիրն է լուծվում, անհրաժեշտ է ամենքի միությունը, համագործակցությունը և համերաշխ գործունեությունը:

Եվ քանի որ թե՛ ազգային խորհուրդը, թե՛ մեծ խորհուրդը կազմված է ամենքի համաձայնությամբ՝ պետք է հուսալ, որ այսուհետև մեր ազգային գործերի ղեկավարությունը այլևս չի հանդիպի խռչնդոտների, ում կողմից էլ լինի, այլ ամենքը կշտապեն իրանց աջակցությունը բերել և ցույց տալ, որ կան թուպներ, երբ հայը ևս գիտե միաբանել և գործել միաբան ու համերաշխ:

Հ.Ա.\*

«Մշակ», 20.10.1917:

\* Համբարձում Առաքելյանն է, «Մշակի» խմբագիրը:



**ԱՐԵՎՍՏԱՀԱՅԵՐԻ ՀԱՄԱԳՈՒՄԱՐՆԵՐ**

**ԱՌԱՋԻՆ ՀԱՄԱԳՈՒՄԱՐ**

**Ա ՈՒՍՏ**

2 մայիսի 1917թ.

Երևանի թուրքահայ համագումարը իր հանդիսավոր բացումը ունեցավ մայիսի 2-ին, ժամը 10 1/2-ին քաղաքային ակումբի դահլիճի մեջ:

Ներկա էին Վեհափառ Հայրապետի, օտար հայանպաստ և ռուսահայ փախստականական կազմակերպությունների ներկայացուցիչները, պատգամավորներ ու խուռներամ երկսեռ բազմություն:

Հանդեսը ղեկավարում էր Համագումարի Կազմակերպիչ կոմիտեի դիվանը:

Հանդեսը բացեց պ. Անդրանիկն, ողջույնի հակիրճ ճառով, որից հետո Վեհափառ կաթողիկոսի ներկայացուցիչ Գևորգ Արքազանը կարդաց օրհնության կոնդակ, որ լսեցին հանդիսականները հոտնկայա: Ապա կազմակերպիչ կոմիտեի կողմից պ. Արամ Մանուկյանը հարգանքի խոսք ասաց ուղղված հայ մարտիկներին. ներկաները ոտքի կանգնելով հարգեցին նրանց հիշատակը: Իր ողջույնի խոսքը ասաց թուրք բռնակալության ճիրաններից ճողոպրած, այժմ Սիբիրում կամ այլուր գտնվող հայ գերիներին՝ ցանկանալով նրանց շուտափույթ ազատումը. ողջույնի խոսքեր հայ տառապանքին կարեկից և նրա դատին բարիացական դաշնակից մեծ պետությունների՝ Ազատ Ռուսիայի, Մեծն Բրիտանիայի, հեղափոխական Ֆրանսիայի, Ամերիկայի, Իտալիայի, Շվեյցարիայի և մյուս չեզոք պետությունների պետական և հասարակական կազմակերպությունների ներկայացուցիչներին, համծին Պողոս Նուպար փաշայի Եվրոպայի հայ պատգամավորության՝ մասնավորապես անհրաժեշտ համարեց իր ողջույնի խոսքերը ուղղել մարտիրոսագրված թուրքահայ փախստականությունը հյուրընկալող և հնուց ի վեր նրա դատը պաշտպանող ներկա դեմոկրատիկ, ազատ Ռուսաստանի ժողովրդական ներկայացուցիչ Ռոժենկոյին, ժամանակավոր կառավարության նախագահ իշխան Լվովին, Արտաքին գործերի նախարար Միլյուկովին, Արդարադատության մինիստր Կերենսկուն, Պետրոգրադի զինվորական և բանվորական խորհրդին, ապա Ռուսահայ եղբայրներին, գյուղացիությանը, հասարակական կազմակերպություններին, կամանց և այլն:

Ապա կազմակերպիչ կոմիտեի կողմից խոսք առավ Արտակ Դարբինյանը՝ համագումարի կազմակերպության համառոտ պատմականը անելով, որից հետո տիկին Ջապել Եսայանը մի զեղեցիկ ճառ կարդաց համերաշխության անհրաժեշտության մասին. ապա Վահան Փափազյանը պատմական տեսություն արեց թուրքահայ վերջին տասնամյակի և ներկա քաղաքական մոմենտի մասին:

Սրանցից հետո Լոնդոնի լորդ Մերի հայանպաստ ընկերության ներկայացուցիչ Մր. Պեքաուզը, Ամերիկյան հայանպաստի ներկայացուցիչ Մր. Եարոն, Կ. Հ. Բարեգործական և Կենտրոնականի ներկայացուցիչ՝ Ալեքսանդր Շարաֆյանը, Նպաստամատույցի ներկայացուցիչ Գրիգոր Վարդանյանը, Գյուղատնտեսականի ներկայացուցիչ՝ Նիկողայոս Ղարաբյուկյանը իրենց խնդակցությունը և շնորհակալությունները հայտնեցին թուրքահայ սույն անդրանիկ համագումարի առիթով: Խոսեցին նաև երկրի և Կովկասի պատգամավորներից բժ. Բոնապարտյանը, Տրդատ Ղազանչյանը, Կարո Սասունին և Գրիգոր Խլղաթյանը:

Դիվանի և այլնի ընտրությանը անցնելու համար տաս րոպեի ընդմիջում տրվեց:

Նիստը սկսելուն Կազմակերպիչ Կոմիտեի Դիվանի կողմից առաջարկվեց պ. Անդրանիկին հրավիրել որպես համագումարի պատվո նախագահ: Որոտընդոստ ժափերի մեջ խոսք առավ Անդրանիկը, որ իր շնորհակալությունը հայտնելով, համերաշխության կոչ արեց: Ապա ձեռնարկվեց գաղտնի քվեարկությամբ երեք նախագահների ընտրություն. մասնակցում էին 59 պատգամավորներ: Նախագահ ընտրվեցին.

- 1. պ. Լևոն Շանթ 55 քվեով
- 2. Վ. Փափազյան 52 քվեով
- 3. Ա. Դարբինյան 33 քվեով

Բաց քվեարկությամբ ընտրվեցին հետևյալ վեց քարտուղարներ.

- 1. Բարունակ Տ.Հարությունյան
- 2. Սուրեն Տիրատուրյան
- 3. Գրիգոր Հարությունյան
- 4. Վանփուշ
- 5. Հ. Տ. Ջաքարյան
- 6. Հրանտ Գալիկյան

Դիվանի կողմից Լևոն Շանթը շնորհակալություն հայտնեց և հույսի խոսքերով ոգեկոչեց ներկաներին համերաշխությամբ և ընդհանուր կամքով աշխատանքներին ձեռնարկելու համար:

Բաց քվեարկությամբ պատգամավորների մանդատները ստուգող կոմիսիայի անդամները հետևյալներն են.

- 1. Աղաբեգ Համբարյան
- 2. Միրզախան Միզախանյան
- 3. Հրանտ Գալիկյան
- 4. Գուրգեն Հայկունի
- 5. Կարո Սասունի

Անցնելով տեղեկատու Բյուրոյի և խմբագրական կազմի ընտրությանը՝ բաց քվեարկությամբ ընտրվեցին.

- 1. Տիկին Ջապել Եսայան
- 2. Լազո Ղազարյան
- 3. Արտակ Դարբինյան
- 4. Հովսեփ Դեփոյան
- 5. Հմայակ Մանուկյան

Ամենից վերջում խոսք առավ Երևանի փոխ-թեմակալ Խորեն Արքազանը՝ հայտնելով, որ Երևանի հայ հասարակության կողմից իր վրա պարտք է դրված ողջունելու թուրքահայերի սույն առաջին համագումարը:

Դիվանի նախագահության կողմից շնորհակալություն հայտնվեց համագումարի Կազմակերպիչ Կոմիտեին՝ իրենց զեղեցիկ ձեռնարկության համար:

Նիստը փակվեց ժամը 2 ½ –ին:

**Բ ՈՒՍՏ**

2 մայիսի, ժամը 8-ին

Նիրկա էին պատգամավորներ և խորհրդակցական ձայն ունեցողներ:

Դիվանի կողմից կաղաքվեց հետևյալ շնորհակալական հեռագիրները և նամակները.-

- 1. Ազգային Բյուրոյից
- 2. Քաղաքների Միության Կենտրոնական Կոմիտեից

3. Բաքվի թուրքահայերի վարչությունից
4. Այնթապի և Մանազկերտի հասարակությունից
5. Սև քաղաք-Լևոնիկից
6. Սամդրիտ- Օհան Շխյանից
7. Ալեքսանդրապոլից – Գյունրիի հասարակությունից
8. Տիգրան Յովհաննիսյանից
9. Բագու- Շավարշից
10. Բագու- Տանթոյանից
11. «Վան» Կոոպերատիվի Միությունից

Դիվանի կողմից կարդացվեց և առանց փոփոխության քվեարկվեց նիստերի հետևյալ ներքին կանոնագիրը, որն է.

1. Համագումարը կունենա վեց կանոնավոր նիստ՝ բացի բացման և փակման նիստերից:
2. Միևնույն նյութի մասին կարելի է խոսել միայն երկու անգամ, առաջին անգամ 10 րոպե, երկրորդը՝ 5 րոպեից ոչ ավելի:
3. Խոսողների ցանկը կարող է փակվել կամ նյութը սպառված համարվելով կրճատվել, երբ ժողովը պետք տեսնի:
4. Առաջարկված գրավոր բանաձևերը միայն կարող են քվեարկվել:
5. Բանաձևերի քվեարկության վայրկյանին անհրաժեշտ պարագայում, խոսք կտրվի միայն մեկ թեր ու մեկ դեմ խոսողներին:
6. Փակման նիստում կարողալ վերջնապես բոլոր բանաձևերը:
7. Ամեն անգամ ժողովում կկարդացվի նախորդ օրվա նիստերի արձանագրությունը:

Մանդատներ ստուգող հանձնաժողովի տեղեկաբերը զեկուցում տվեց ժողովին հետևյալ վիճելի համախոսականների մասին:

1. Ալաշկերտի երկրից մեկի փոխարեն, եկել են չորս պատգամավորներ, որոնցից՝

ա. Ռուբեն Ջրբաշխյանը տեղի համագյուղացիական Միությունից ընտրված,  
բ. Բաղդասար Ապոյան, ժողովրդական ընտրությամբ,

գ. և դ. Մկրտիչ Աբգարյան և Շավարշ Բարսեղյան՝ ժողովրդական ընտրության համախոսականներով: Տեղեկաբերը հայտնեց, որ հանձնաժողովը ի նկատի ունենալով, որ առաջինի ընտրությունը շատ մասնակի բնույթ ունի, նաև Բ-ի, որ երկրորդի ընտրությունն էլ թե մասնակի բնույթ է կրում, նաև ընտրության և նրա մասնակցող պատվիրակների լիազորության օրինակառությունը ապացուցող արձանագրություններ կպակասեն, առաջարկում է վերջին ընտրվածներին՝ այսինքն Մ. Աբգարյանի և Շ. Բարսեղյանի ընտրությունը ընդունել օրինական, քանի որ նրանց ընտրությանը մասնակցել են քսանութ գյուղերի ամբողջ ազգաբնակչությունը, նաև ի նկատի ունենալով Ալաշկերտի ժողովուրդը 15.000-ից ավելի է՝ հակառակ շրջաբերական հրահանգին՝ փոխանակ մեկի, Ալաշկերտին տալ երկու պատգամավորի իրավունք և հետևաբար Աբգարյանին և Բարսեղյանին ընդունել իսկական պատգամավորներ վճռական ձայնով, իսկ առաջին երկուսին՝ այսինքն Ռ. Ջրբաշխյանին և Պ.Ապոյանին էլ տալ խորհրդակցական ձայնի իրավունք՝ ի նկատի ունենալով, որ նրանք էլ համենայն դեպս ժողովրդական որոշ հատվածի արտահայտություններ են:

Այս հարցի քննության և թեր ու դեմ վիճաբանության ժամանակ՝ Բաղդասար Ապոյանը հայտնեց, որ Աբգարյանի և Բարսեղյանի համախոսականները կազմված են ոչ թե տեղերի վրա, այսինքն Ալաշկերտի մեջ. այլ Երևանի մեջ կեղծ կերպով: Ապոյանի

կողմից մեջ բերված սույն մեղադրանքը քննելու և եզրակացությունը ժողովին բերելու համար որոշվեց խնդիրը վերադարձնել մանդատների հանձնախմբին:

2. Ձեկուցման երկրորդ կետը վերաբերում էր Շիրակից ընտրված Սիրական Տեր-Սահակյանի մանդատի մասին. ի նկատի ունենալով, որ Ալեքսանդրապոլից արդեն երկու պատգամավորներ ընտրվել և եկել են, հանձնաժողովը առաջարկում էր այս երրորդ պատգամավորին տալ խորհրդակցական ձայն: Խնդիրը վիճաբանության դրվելով, մեծամասնությամբ որոշվեց՝ հիշյալին տալ վճռական ձայն և հետևաբար Սիրական Տ. Սահակյանը ընտրվեց պատգամավոր:

3. Խնդիրը վասպուրականի կանանց երկու Միության առաջարկն էր . որով հիշյալ միությունները պահանջում էին, որ իրենց տրվի երկու պատգամավորների իրավունք: Տեղեկաբերը հայտնեց, որ հանձնաժողովը ի նկատի ունենալով, որ կանանց վերոհիշյալ երկու միությունները իրենց պատվիրակներով մասնակցել են Երևանի հինգ պատգամավորների ընտրությանը՝ ավելորդ ստիպում է բացառաբար իրենց վճռական ձայն տալ, այլ առաջարկում է նրանց երկուսին միատեղ տալ միմիայն մի խորհրդակցական ձայն, որպեսզի նրանք հնարավորություն ունենան իրենց սեռի առանձնահատուկ կարիքները, պահանջները համագումարին տեղեկացնելու: Ժողովը մեծամասնությամբ ընդունեց և քվեարկեց հանձնաժողովի առաջարկը:

4. Բիթլիսցիները համախոսականով առաջարկում էին, որ իրենց երկրորդ պատգամավորի էլ իրավունք տրվի: Ի նկատի ունենալով, որ կազմակերպիչ կոմիտեն զանազան զավառներին մեկ մեկ ձայն տված է, անկախ նրանց հայրենակցական Միություններու ձայնեն՝ հանձնաժողովը առաջարկում է թիթլիսցիներին տալ երկրորդ պատգամավորի իրավունք և հետևաբար ընդունել համախոսականով ներկայացված Տիգրան Հազոյանին որպես պատգամավոր: Ժողովը մեծամասնությամբ ընդունեց հանձնաժողովի առաջարկը և հետևաբար Տիգրան Հազոյանը ընդունվեց պատգամավոր:

5. Յանձնաժողովը առաջարկում է նաև Կարսից ընտրված երկրորդ պատգամավոր՝ Կնյազ Մկրտչյանին ընդունել և տալ ձայնի իրավունք. ժողովը համաձայն հանձնախմբի առաջարկին՝ մեծամասնությամբ ընդունվեց Կնյազ Մկրտչյանին պատգամավոր:

6. Ի նկատի ունենալով, որ Ղուրդուղուլու շրջանը 5000-ից ավելի փախստականություն է պարունակում՝ հանձնախումբը առաջարկում էր նույն տեղից ընտրված Հովսեփ Թերլոյանին տալ վճռական ձայնի իրավունք. սույն առաջարկն էլ ընդունվեց և հետևաբար Հ. Թերլոյանի պատգամավորությունը քվեարկվեց :

7. Ապա ի նկատի ունենալով, որ կազմակերպիչ կոմիտեն որպես անհատ անձնավորություններ իր իրավիքածներին միմիայն խորհրդակցական ձայնի իրավունք ուներ տալու, հանձնաժողովը առաջարկում էր, որ ժողովը այդ հանգամանքով իրավիքված և ձայնի իրավունք ունեցող պատգամավորների ձայնի իրավունքը ժողովի կողմից օրինականացվի:

Այս վերջին հարցի և ընդհանրապես Կազմակերպիչ Կոմիտեի բաշխված վճռական և խորհրդակցական ձայնի քննության ժամանակ վիճաբանության առարկա եղավ այն խնդիրը, թե Կազմակերպիչ Կոմիտեն կուսակցություններին, օրգաններին և անհատներին ձայն տալու մեջ ինչ հիմունքներով է առաջնորդվում: Կազմակերպիչ Կոմիտեի կողմից Արամ Մանուկյանը խնդրի լուսաբանության համար բացատրեց, որ քաղաքական հոսանքներով ձայն տրված է այն պատճառով, որ նրանց համերաշխ Մախաձեռնությամբ միայն հնարավոր եղավ ներկա համագումարի գումարումը, ձայն տրված է Կովկասահայ փախստական կազմակերպություններին, քանի որ փախստական գործերի ապագա հաջողության համար նրանց գործակցության անհրաժեշտ պետք ունենք. ձայն տրված է թերթերին, որովհետև նրանք պիտի լինեն մեր համերաշխության գաղափարի ղեկավարողները և

արտահայտիչները. ձայն տրված է նաև մի քանի անհատների, որպես մտավորականների և մասնավորապես որպես հասարակական գործիչների, նրանց փորձառությունից օգտվել կարենալու համար:

Թեր ու դեմ վիճաբանություններից հետո երևան եկան հետևյալ բանաձևերը .

1. Հակոբ Տեր- Չաքարյանի բանաձևը, որի բովանդակությունն է.

«Նկատելով, որ համագումարը հրավիրուած է զբաղելու տաճկահայերու անմիջական և ապագայ կարիքներով. նկատելով, որ այդ անմիջական կարիքները սերտ կերպով կապուած են Կովկասի Ազգային հաստատութեանց հետ և յետևաբար ասկէ յիտոյ ալ կապակցութիւն պիտի ունենան. հետևաբար այդ կազմակերպութեանց ներկայացուցիչները կրնան վճռական ձայնով մասնակցիլ համագումարին, պայմանավ, որ պաճկահայերու ներքին և կազմակերպական խնդիրներու և ընտրութիւններու ժամանակ ձեռնպահ մնան»:

2. Հմայակ Մանուկյանի բանաձևն էր, «որ կառաջարկէ ընդունել կազմակերպիչ կոմիտէի մինչև այսօր ըրած բոլոր կագադրութիւնները և անցնել միւս օրակարգերուն»:

Քվեների մեծամասնությամբ անցավ վերջինը:

Ժողովի նախագահը առաջարկեց վավերացնել նախապես Կազմակերպիչ կոմիտէի կողմից հայտարարած օրակարգը. ժողովը քվեարկությամբ վավերացրեց համագումարի օրակարգը, որ հետևյալն է.

1. Ձեկուցումներ

Ա. Համագումարին մասնակցող միությունների և մարմիններ գործունեության

մասին:

Բ. Ընդհանուր փախստականների օգնության գործի մասին:

Գ. Օտար, արտասահմանյան հայ և հայանպաստ մարմինների հետ հարաբերելու մասին:

2. Ներգաղթի և նրա հետ կապված խնդիրներ:

3. Երկրի մեջ տեղական Ազգային վարչությունների կազմակերպում և իրավաբանական օգնություն:

4. Չգրավված վայրերի հայ գերիների ազատության և օգնության գործը:

5. Երկրի հայ ազգաբնակչության ապահովության հարցը.

6. Թուրքահայ փախստականների տնտեսության վերականգնումը:

Ա. Կարուցանքս /պետական և ազգային միջոցներով/:

Բ. Արհեստանոցների փոխադարձ օգնության և կոպերատիվների կազմություն:

Գ. Փոխատվության խնդիր:

Դ. Թուրքահայ վերաշինության ֆոնդի խնդիրը:

7. Նպաստի և պարենավորման գործը:

8. Փախստականների մասնակցությունը Կովկասի Հայոց Գյուղատնտեսական աշխատանքներին:

9. Թուրքահայ գերիներ Ռուսաստանի մեջ:

10. Փախստականների առողջապահության գործը /հիվանդանոցներ, բժշկական օգնություն և այլն/:

11. Որբանոցներ, որբեր և նրանց կրթությունը:

12. Դպրոցներ և նրանց կազմակերպումը:

13. Աշխատանքի և Տեղեկատու Բյուրոներ և փախստականների վիճակագրություն:

14. Նոր առաջարկներ ապագա գործունեության համար:

15. Թուրքահայ փախստականների ներքին կազմակերպություն և կանոնագրության հաստատումը:

16. Թուրքահայ Կենտրոնական Վարչության ընտրությունը:

Նիստը փակվեց ժամը 11-ին:

## Գ Նիստ

3 մայիսի 1917թ.

Ներկա են պատգամավորներ և խորհրդակցական ձայն ունեցողներ:

Նախագահում է Վահան Փափազյանը:

Նիստը բացվեց ժամը 10 1/2-ին: Կարդացվեց հայ գյուղատնտեսական ընկերության և «Հայաստան» թերթի խմբագրության կողմից համագումարին ուղղված ողջույնի հեռագիրները:

Նախագահը ժողովին ներկայացրեց Ներսես Սրբազան Մելիք – Թանգյանին, որ խոսք առնելով, պատգամավորներին զեկուցում տվեց Պետրոգրադի մեջ Ռուսաստանի բոլոր փախստականական մարմինների ժողովում եղած որոշումների մասին, որը հետևյալներն են.

1. Որոշված է միջոցներ ձեռք առնել քրդերի ազատ գործունեությանը առաջը առնիլու համար:

2. Որոշված է նպաստի քանակը բարձրացնել այն քանակությամբ, որ համապատասխան լինի ներկա տնտեսական թանգության:

3. Տարին երկու անգամ հագուստի դրամ բաշխել, յուրաքանչյուր անգամ անձ -զլխին քսան ռուբլի վճարելով:

4. Թե Թիֆլիսի և թե գավառների մեջ կկազմվեն հանձնաժողովներ փախստականական գործերը ղեկավարելու համար, և այդ հանձնաժողովներին պիտի մասնակցեն նաև փախստականներ:

5. Սմկոյին և նման ավազակներին ձերբակալել և Վան տանող երեք ճանապարհները ապահովել:

Սրբազանը հույս հայտնեց, որ այդ որոշումները հաստատուելու համար ներկայացված են ժամանակավոր կառավարության, և պիտի հաստատվեն, որով փախստականական գործերը դրված կլինեն որոշ սկզբունքների վրա և հետևաբար դրանից հետո գործերը ավելի կանոնավոր պիտի ընթանան: Ապա հայտնեց նույնպես, որ ինքը Վեհափառ կաթողիկոսի կողմից ժամանակավոր կառավարիչ է նշանակված Վանի, Ալաշկերտի, Մուշ- Բասենի շրջանի համար: Խնդրեց, որ եթե այդ շրջանի պատգամավորներն վստահություն ունեն իր գործունեության վրա՝ արտահայտեն իրենց վստահությունը: Բոլոր պատգամավորներն և մասնավորապես Երկրի պատգամավորները ծափահարությամբ իրենց վստահությունը հայտնեցին, միաժամանակ զնահատելով Սրբազանի անցյալ և ներկա գործունեությունը. Երկրի պատգամավորները փափագ հայտնեցին, որ Սրբազանը նախքան իր պաշտոնատեղին մեկնելը, ունենա իրենց հետ խորհրդակցություններ:

Ժողովը, անցնելով իր օրակարգին, այսինքն հանձնաժողովների /սեկցիա/ ընտրության ձեռնարկեց հետևյալ հանձնաժողովների ընտրության, միաձայնությամբ քվեարկվեցին.

5. Կազմական կանոնագրի հանձնաժողովին որպես անդամներ՝ հիտկյալ յոթը անձնավորությունները.

1. Գրիգոր Վարդանյան

2. Աղաբեկ Համբարյան

3. Լազո Ղազարյան

4. Արամ Մանուկյան

5. Տիկին Ջապել Եսայան

6. Ավետիս Թերզիպաշյան
7. Հմայակ Մանուկյան

**Բ. Կրթական – կուլտուրական հանձնաժողովի անդամներ.**

1. Գուրգեն Հայկունի
2. Գրիգոր Հովսեփյան
3. Վանփուշ
4. Կարապետ Կարախանյան
5. Միրզախան Միրզախանյան
6. Բարունակ Տ. Հարությունյան
7. Ղուկաս Դերենիկյան
8. Վրթանես Փափազյան
9. Արսեն Հացագործյան

**Գ. Բժշկաառողջապահական հանձնաժողովի անդամները յոթ հոգի.**

1. ԲԺ. Արտաշես Բաբայան
2. ,, Աշոտ Տ. Պողոսյան
3. ,, Խաչիկ Պարթև
4. ,, Հայկազուն Նալբանդյան
5. Բժշկուհի Ե. Զալյան
6. Բժիշկ Մինասյան
7. ,, Խոսրով Սանֆանի

**Դ. Վերաշինության հանձնաժողովի 11 անդամները.**

1. Ներսես Սրբազան
2. Մր. Էրնեսթ Եարո
3. Փանոս Թերլեմեզյան
4. Հրանտ Գալիկյան
5. Արամ Մանուկյան
6. Զավեն Կորկոտյան
7. Մուրադ
8. Շարաֆյան
9. Կարո Սասունի
10. Հակոբ Տեր-Զաքարյան
11. Սկրտիչ Աբգարյան

Ընդունեց, որ Վեհափառ Կաթողիկոսի ներկայացուցիչ Գևորգ Սրբազանը իրավունք ունենա բոլոր հանձնաժողովների նիստերին ներկա լինել:

Ապա ժողովը անցնելով իր երկրորդ օրակարգին, այսինքն պատգամավորների ամփոփված զեկուցումների ընթերցմանը հետևյալ կերպով:

ՀԱԱ, ֆ. պ. 57, ց. 5, գ. 169, թթ. 23-28: Բնագիր: Ձեռագիր:

**ԷԶՄԻՎՃՆԻ ՄԻՎՔԱՆ ԳԵՎՈՐԳ ԵՊԻՍԿՈՊՈՍԻ ԳՐՈՒԹՅՈՒՆԸ  
ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ**

11 մայիսի 1917թ.  
Էջմիածին

Ձերդ ս. Օծուբեան հրամանի համաձայն /Հայրապետական դիվանի տարվոյս Մայիսի 1 թուակիր, թ.749 գրութին/ ներկայ եղայ որպէս Հայրապետական ներկայացուցիչ, Երևանում մայիսի 2-ին բացուած տաճկահայ գաղթականական Ա համագումարին և կարդալով Հայրապետական ս.կոնդակը ողջունի խոսք ասացի:

Համագումարը տևեց տասն օր և ունեցավ... նիստ, ուր լսուեցան քննադատական զեկուցագրեր բոլոր գոյութին ունեցող գաղթականական մարմինների գործունեութեան մասին և կազմուեցան ո՛չ նպաստաւոր բանաձևեր: Լսուեցան նաև կրթական, որբանոցային, վարչական-քաղաքացիական և բժշկա-սանիտարական սեկցիաների մշակած ծրագրերը ապագայ նոր կազմուելիք մարմինների գործունեութեան ուղին գծող՝ և համապատասխան բանաձևեր կազմուեցան:

Վեջապէս ծրագրուեցան ունենալ երեսուն հոգուց բաղկացած մի խորհուրդ, որից 15 հոգին պիտի ընտրի տաճկահայերի համագումարը և 15-ը ռուսահայերինը, և կամ ներկայումս գործող գաղթականական կազմակերպութիւնները: Իսկ այդ խորհուրդը պիտի կազմէ մի կենտրոնական մարմին իւր անդամներից կամ հրավիրեալներից, որոնց թիւը ու վարձատրութեան չափը ինքը խորհուրդը պիտի որոշէ:

Ամսիս 11-ից երկույեան նիստում շատ դժուարութիւններից յետոյ՝ վերջապէս յաջողուեցավ ընտրել խորհուրդի 25 անդամներ՝ տասն և հինգը իսկական և միւսը անձնափոխանորդներ, և փակել համագումարը: Փակման խոսքը ինձ վերապահուցավ, որպէս Հայրապետի ներկայացուցիչ:

Ուրախ եմ յայտնելու, որ համագումարի որոշմամբ նախագահութիւնը պատիւ կունենայ ամսիս 12-ին լինել ս.Էջմիածնում և ներկայանալ Ձերդ Վեհափառութեան յայտնելու իր որդիական ակնածութիւնը հանդէպ Ձերդ Վեհափառութեան դէպի գաղթականութիւնը ցոյց տուած գորովի և հայրական խնամքի ու հոգատարութեան:

Ընդ սմին պատիվ ունիմ մատուցանելու նաև ժողովի բոլոր արձանագրութիւնների և համագումարի բացման և փակման առթիւ իմ արտասանաց խոսքերի պատճենները:

Խորին ակնածութեամբ  
Վեհափառութեանդ  
խոնարհ որդի՝ Գեորգ Եպիսկոպոս

ՀԱԱ, ֆ. պ. 57, ց. 8, գ. 169, թթ. 37- 38: Բնագիր: Ձեռագիր:

**ԵՐԿՐՈՐԴ ՀԱՄԱԳՈՒՄԱՐ**

N 1

**ԱՐԵՎՍԱՏԱՅԱՅ ԵՐԿՐՈՐԴ ՀԱՄԱԳՈՒՄԱՐԻ ԿԱԶՄԱԿԵՐՊԻՉ  
ԿՈՄԻՏԵԻ ԳՐՈՒԹՅՈՒՆԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ**

11 հունվարի 1919թ.  
Երևան

Վեհափառ տեր!

Արևմտահայ երկրորդ համագումարի Կազմակերպիչ կոմիտեն իր սեպուհ պարտականութունն է համարում իր գործն սկսել հայցելով նորին Ս. Օծութեան օրհնութունն իր աշխատանքների համար, և խոնարհաբար խնդրելով, որ նորին Ս. Օծութիւնը բարեհաճի իր ներկայացուցիչն ուղարկել համագումարին:

Կազմկոմիտեն հույս ունի, որ նորին Ս. Օծութիւնը իր բարձր ուշադրութեամբ արժանի կդարձնի Կոմիտեի հրատարակած «Կոչն» ու «Շրջաբերական-հրահանգը»,

որոնք համագումարի նպատակների և մանրամասնությունների մասին տեղեկություններ կարող են տալ իր բարձրապատիվ ներկայացուցչին:

խոնարհ ողջույնով՝  
դիվան կազմ. կոմիտեի

Նախագահ՝ Գր. Բուլկարացի  
Ատենապետ՝ Վ. Տերոյան  
Քարտուղար՝ Արսեն Կիտուր

ՀԱԱ, ֆ.պ. 57, ց. 5, գ. 169, ք. 40, ձեռ.բն.

N 2

**ԱՐԵՎՍՏԱՅԱՅ ԵՐԿՐՈՐԴ ՀԱՄԱԳՈՒՄԱՐԻ ԿԱԶՄԱԿԵՐՊԻՉ  
ԿՈՄԻՏԵԻ ԿՈՉԸ ԱՐԵՎՍՏՅԱՆ ՀԱՅԱՍՏԱՆԻ ՓԻՆՍԱԿԱՆ ՀԱՅՈՒԹՅԱՆ**

1 հունվարի 1919թ.  
երևան

Համաշխարհային պատերազմը վեջացավ, մեր դաշնակիցները հաղթեցին, մենք հաղթեցինք: Սակայն Արևմտյան Հայաստանի տարագիր հայությունը դեռ չի կարողանում իր նպատակների և իդեալների ամփոփված ձևակերպությունը հրապարակել և ինքն էլ մասնակից լինել նրանց իրականացմանը: Այժմ մեր անունից խոսում են ոչ միայն մեր բարեկամները, այլ, գուցե մեր թշնամիները. այժմ պարտվողները նույնիսկ խոսելու իրավունք և պատեհություն ունեն:

Ինչքան էլ որ իրավունք ունենան մեր եղբայրները, հեռավոր բարեկամներն ու ներկայացուցիչները մեր անունից խոսելու, այնուամենայնիվ, մոտավորապես չորս տարի մեր մեծ դաշնակիցների հայտարարած սկզբունքների և արդարության համար պայքարող և տանջվող հայությունը ամենից ավելի և ամենից առաջ պարտավոր է իր նպատակները, իր ցանկությունները և իր կամքը կազմակերպված ձևով հրապարակ բերել և պաշտպանել նույն արիությանը և անձնագոհությանը, որով այն պատերազմի թատերաբեմը իջավ վճռականորեն, սկզբից ևեթ, առանց երկդիմության, տատանումների և վիատության:

Շատերը մեր անունից խոսելու իրավունք ունեն, բայց, եթե որևէ ձայն պետք է լսվի մեր արդար դատի և իրավունքների պաշտպանության ի խնդիր, այդ էլ մեր ձայնը պետք է լինի: Սա հրամայական պարտականություն է, որ իր բովանդակ մեծությամբ կծանրանա ներկա սերունդի վրա: Մենք կարելիինք պիտի անենք անթերի և կատարյալ կերպով տանելու մեր այդ պարտականությունը և վերջին ճիգը գործ դնելու համար ապագայի և պատմության ահեղ դատաստանից և պատասխանատվությունից ազատվելու և իրականացնելու այն սկզբունքները, որոնց համար մենք դարերով տանջվել ենք և ահա չորս տարի է, որ արյունաբան կլինենք ու կմեռնենք:

Մեր քաղաքական իդեալների ձևակերպումն ու ներկայացությունը մեր առջև կդրվի ճիշտ այս օրերին, ճիշտ այս րոպեին: Չկա մարդ, որ չզգա մեր դատապարտելի լռությունը և խոսելու անհրաժեշտությունը:

Մեր հերթական բոլոր խնդիրները մնացին ապառիկ և այժմ ժամանակ է, որ մենք մոռանանք այդ բոլորը, որպեսզի կարողանանք տեսնել պատմության մեծ խնդիրը, որ մեր առջևն է դրված և մեզ համար պետք է լուծվի: Ամենայն հավանականության դեր կարող է խաղալ այդ լուծման մեջ փախստական հայությունը, այն չպիտի՞ կամենար իր մասնակցությունն էլ դարձնել այդ դեր խաղացող փոքրիկ հավանականություններից մեկը: Իր ժամանակի և վայրկյանի ոգին

ըմբռնողների համար պետք է կամքի և մտածողության կազմակերպությունն ստեղծել փախստական հայության բոլոր ծալքերի մէջ:

Որովհետև, այդ խնդիրներից բացի, շուտով մեր առջև պիտի դրվի նաև Արևմտյան Հայաստանի համարյա թե՛ անմարդաբնակ մեր հայրենիքը բազմամարդելու և վերաշինելու, մեկ խոսքով Ներգաղթի խնդիրը: Չորս տարիների փախստականական բոլոր տանջալից վարժությունները մեզ համար բավարար, շատ բավարար դասեր եղան, որպեսզի մենք չուզենանք օգտվել դրանցից և մեր ներգաղթը մի նոր գաղթ դարձնել, ավելի՛ ահավոր, ավելի՛ անկազմակերպ, ավելի՛ արյունոտ:

Անպտուղ անցան մեր բոլոր ճիգերը կուռ և անուր կազմակերպություն ստեղծելու համար փախստական հայության մեջ, և այսօր, երբ անոր հովիվները չկան, անգլուխ է մնացել բազմադարյան կուլտուրայի ավանդապահ ժողովուրդը, անլեզու և անխոս, այսօր մենք գուցե նկատում ենք, որ պետք է լքել մի քիչ էլ Այստրվա մասին և սակայն, բարձրագույն խոսել մեր լուսավոր Վաղվա մասին:

Այս երկու նպատակները, մեր մոտավոր ապագայի մտահոգությունը և մեր դատի սեփական պաշտպանությունը անհրաժեշտ են դարձնում կարճ ժամանակի մեջ և գուցե կարճ ժամանակի համար կազմակերպել փախստական հայության խորհուրդը կամ Կոմիտեն:

Եթե մենք ուրիշ ո՛չ մեկ նպատակ, ո՛չ մեկ ցավ կամ հոգս, ո՛չ մեկ հարց կամ խնդիր էլ չունենանք, այդ երկու խնդիրները միայն բավական են, որպեսզի մենք արդարացնենք, նույնիսկ փախստական վիճակի մեջ, մեր կազմակերպման համառ մտադրության հետ, մեր այդ հավիտենական երկու խնդիրները վերջնականապես լուծելու վճռականությունը, գիտակցությունն ու պարտականությունը:

Արևմտյան Հայաստանի փախստական հայության Համագումարի Կազմակերպիչ Կոմիտեն ներկա կոչով դիում է բոլորին, խնդրելով միանալ այդ երկու մեծ նպատակների շուրջ, մոռանալ ամեն բան, նույնիսկ մեր թշվառությունը, հավիտենական թշուառությունից ազատվելու, համերաշխ, միաբան, և աննկուն կամքով, մեր առջև դրուվծ այդ երկու խնդիրների՝ սիրուն այդ երկու խնդիրները լուծելու:

Դիվան Արևմտահայ երկրորդ Համագումարի Կազմ. Կոմիտեի  
Նախագահ՝ Գր. Բուլկարացի  
Ատենապետ՝ Վ. Տերոյան  
Քարտուղար՝ Արսեն Կիտուր

Ծանոթ.- Համագումարի տեղի, ժամանակի, ընտրական հրահանգների և ձևակերպված օրակարգի մասին կհայտարարվի առանձին:

ԱԱՀ, ֆ.պ. 57, ց. 5, գ. 169, ք. 41: Տպագիր:

N 3

**ԱՐԵՎՍՏԱՅԱՅ ԵՐԿՐՈՐԴ ՀԱՄԱԳՈՒՄԱՐԻ ՇՐՋԱԲԵՐԱԿԱՆ-ՀՐԱՅԱՆԳԸ**

2 հունվարի 1919թ.  
երևան

Ներկա 1919 թվի հունվար ամսի 25-ին երևանի մեջ գումարվելու է Արևմտյան Հայաստանի փախստական Հայության Համագումարը, որ լինելու է առավելապես Հայաստանի Հանրապետության մեջ ապաստանածների ներկայացուցչությունը:

Համագումարի կազմության համար մշակված է հետևյալ ընտրական կանոնադրությունը, որ իբրև հրահանգ կառաջարկվի Արևմտյան Հայաստանի ամբողջ փախստականությանն անխտիր.

**Արևմտահայ Երկրորդ Համագումարի  
Ընտրական Կանոնները**

Ա. Արևմտահայ Երկրորդ Համագումարը ներկայացուցչական ժողովն է լինելու Հայաստանի Հանրապետության սահմանների մեջ ապրող ամբողջ արևմտահայերի:

Բ. Համագումարի պատգամավորության ընտրություններին մասնակցելու իրավունք ունեն առանց սեռի խտրության բոլոր այն արևմտահայերը, որոնք 18 տարեկանից բարձր են:

Գ. Յուրաքանչյուր 3000 շունչ արևմտահայերը կընտրեն մեկ պատգամավոր:

Դ. Արևմտահայ Երկրորդ Համագումարի պատգամավորական ընտրությունները կկատարվեն հետևյալ ընտրական շրջանակների մեջ.

1. Երևան քաղաք և արվարձաններ	15500	անձ 5 պատգ.
2. Էջմիածին – Սարղարապատ	6800	„ 2 „
3. Աշտարակ - Ապարան Շորագյալ Եղվարդ	15885	„ 5 „
4. Սուրմալու .....	12000	„ 4 „
5. Ղրխ- Բուլաղ .....	16698	„ 5 „
6. Ախտա .....	14439	„ 5 „
7. Նոր- Բայազետ .....	12000	„ 4 „
8. Միլլի-Ղարա .....	6000	„ 2 „
9. Սիսիան .....	13000	„ 4 „
10.- Դարալագյազ .....	2000	„ 1 „
11.- Բաշգառնի .....	2500	„ 1 „
12.- Ղիլիջան .....	3519	„ 1 „
13.- Ղարաքլիսա .....	3500	„ 1 „
14.- Ալեքսանդրոպոլ .....	3000	„ 1 „
15.- Ղամարլու .....	3000	„ 1 „

Ծանոթ.- Վիճակագրական վերոհիշյալ թվերի հիմք են ծառայում Հայաստանի Հանրապետութ. 1918 թվի հոկտ.1-ի միօրյա վիճակագրությունը և կառավարական շրջանային լիազորներից ստացած տեղեկությունները:

Ե. Յուրաքանչյուր ընտրական շրջանակը կունենա իր ընտրական 5 անձից բաղկացած հանձնախումբը, որը կմշակակվի Արևմտահայ Երկրորդ Համագումարի կազմակերպիչ Կոմիտեի կողմից կամ կընտրվի նրա ներկայացուցչի նախաձեռնությամբ:

Ձ. Ընտրական շրջանային հանձնաժողովը կղեկավարի իր պատկանած շրջանի ընտրությունները, Համագումարի կազմակերպիչ Կոմիտեի հրահանգներով:

Է. Արևմտահայ Երկրորդ Համագումարի ընտրությունները տեղի կունենան ընտրական երկաստիճան սիստեմով:

Ծանոթ.-Ա.Գյուղերի կամ ըստ հնարավորության գյուղախմբերի յուրաքանչյուր 300-500 շունչ արևմտահայությունը կընտրի իր շրջանային պատվիրակները, որոնք շրջանային պատվիրակների ժողովի մեջ կընտրեն համագումարի պատգամավորությունը համաձայն սույն կանոնադրության Գ. հոդվածի:

Բ. Յուրաքանչյուր գյուղը կամ թաղամասը, եթե 300 շունչը պակաս է, կմիանա մոտիկ շրջանի գյուղին կամ թաղամասին՝ պատվիրակ ընտրելու համար:

Գ. Այն արևմտահայերը, որոնք զինվորական պարտականության մեջ են, իրենց տեղի վրա կմասնակցեն ընտրությանը

Ը. Արևմտահայ Երկրորդ Համագումարը տեղի կունենա 1919թ.Հունվարի 25-ին / մ.տ./ Երևան քաղաքի մեջ:

Ծանոթ.-Արևմտահայ Երկրորդ Համագումարին մասնակցող պատգամավորներին օրապահիկը պիտի հոգա Համագումարը հրավիրող Կազմակերպիչ Կոմիտեն:

**Համագումարի օրակարգն է.**

1. Արևմտյան Հայաստանի գաղթական հայության քաղաքական նպատակներով ձևակերպումը և արտահայտությունը:

2. Արևմտյան Հայաստանի գաղթական հայության Ներգաղթի խնդիրը և կազմակերպությունը:

3. Արևմտյան Հայաստանի գաղթական հայության ներկայացուցչական և հաշվեհարդար կոմիտեի ընտրությունը:

Պատգամավորները պետք է ունենան իրենց ընտրական լիազորության թուղթը, ստորագրված շրջանի Ընտրական Կոմիտեի կամ ժողովի կողմից:

Համագումարին հրավիրված են Ամենայն Հայոց Վեհափառ Կաթողիկոսի, Հայաստանի Հանրապետական Կառավարության և Պառլամենտի, Դաշնակիցների, Ամերիկյան Կոմիտեի, Մոսկվայի Կոմիտեի, Եղբայրական օգնության, Հայոց գյուղատնտեսական և բարեգործական ընկերության ներկայացուցիչները, ինչպես նաև Արևմտահայ հասարակական հայտնի գործիչները:

Ի վերջո, Համագումարի կազմակերպիչ Կոմիտեն հարկանհրաժեշտ կհամարի իր կազմության մասին տալ հետևյալ ծանօթությունը:

Երևանի մեջ անցնող տավա ամբողջ վերջին անսվա ընթացքում մի շարք խորհրդակցական ժողովներ գումարվեցին Արևմտահայության նախկին մարմինների և մտավորականների մասնակցությամբ, որոնք հանգեցին միաձայնությամբ Համագումարը հրավիրելու անհրաժեշտության և կանխավ հայտարարելով կազմակերպիչ Կոմիտեի ընտրվելու օրը, Դեկտեմբերի 19-ին, քաղաքային խորհրդարանի մեջ կատարեցին այդ ընտրությունը:

Կազ. Կոմիտեն համար ընտրվեցան հետևյալ անձինք՝

Գրիգոր Բուլղարացի, Արմեն Սասունի,Վարազդատ Տերոյան, Ռուբեն Դրամբյան, Արսեն Կիտուր, Սմբատ, Հովհաննես Մխիթարյան, որոնք կոպտացիոնի իրավունքով հրավիրեցին իրենց աշխատանքներին մասնակցելու պ.պ. Աղաբեկ Համբարյանին և Վաղարշակ Յոխիկյանին:

Թե ներկայացուցչական ժողովները և թե Կազմ. կոմիտեն ղեկավարվեցին սկզբից ևեթե միայն կատարելիք գործի մեծության գաղափարով և այդ պատճառով էլ փախստական Հայության գործերի տնօրինության մեջ ոչ մի արժեք տվին բոլոր մինչ այժմյան տեսակետներին:

Կազմակերպիչ Կոմիտեն կկարծի, որ իր կազմած գործն էլ այդպես պետք է լինի և այն միակ սահմանափակությունը, որ այն դրել է Հանրապետության սահմաններով՝ սոսկ ճանապարհների և հաղորդակցության հնարավորությունները նկատի առնելով արած է. այդ պատճառով էլ նա կկարծե, որ Համագումարը իր դռները լայն պիտի բացի Հանրապետության սահմաններից դուրս ընտրված պատգամավորների առջև, եթե նրանք, համապատասխան ներկա հրահանգին և իր ժամանակին փութան իրենց ծայնն էլ միացնել մերին:

Դիվան Կազմակերպիչ Կոմիտեի  
Նախագահ Գրիգոր Բուլղարացի  
Ատենապետ Վ. Տերոյան  
Քարտուղար Արսեն Կիտուր

Կազմակերպիչ Կոմիտեի հասցեն՝ Երևան « Ա Յ Ե Կ »

ՀԱԱ, Ֆ. պ. 57, ց. 5, գ. 169, ք. 42: Տպագիր:

N 4

**ԱՐԵՎՍՏԱՅԱՅ ԵՐԿՐՈՐԴ ՀԱՄԱԳՈՒՄԱՐԻ  
ԵՎ ԿԱԶՄԱԿԵՐՊԻՉ ԿՈՄԻՏԵԻ ՀԱՄԱՈՈՏ ՏԵՂԵԿՎԱԳԻՐԸ**

15 մարտի 1919թ.  
Երևան

Արևմտահայ երկրորդ Համագումարի առաջին պաշտոնական նիստը տեղի ունեցավ Երևանի մեջ 1919 թ. փետրվարի 6-ին, Արարատյան Հանրապետության խորհրդարանի դահլիճի մեջ:

Արևմտահայ Համագումարի անհրաժեշտությունը հրամայական էր դարձել գերմանո-թուրքական բանակների ընդհանուր նահանջից հետո և առավելապես փախստական հայության կատարելապես անկազմակերպ վիճակի պատճառով քաղաքական կոշտարի վերացումը կբացեր նոր հորիզոններ ամբողջ հայության առջև ընդհանրապես և արևմտահայության առջև մասնավորապես:

Դրան կզուգադիպեր փախստականության անկազմակերպությունը, որի շնորհիվ անկարելի կլիներ որևէ ձևով շարունակել ընդհատված աշխատանքները և վայրկյանին համապատասխան դիրք բռնել մեր հին և նոր դատին պաշտպանության ի խնդիր: Ահա այս ընդհանուր վիճակի մեջ տեղի ունեցան մի շարք խորհրդածություններ, որոնցից հետո հաջողվեց 1918 թ. դեկտ. 19-ին ընտրել համագումար հրավիրող կազմակերպիչ մի կոմիտե , որի վրա պարտականություն դրվեց ամենակարճ ժամանակում հրավիրել Արևմտյան Հայաստանի փախստական հայության երկրորդ համագումարը:

Համագումարի օրակարգը ամփոփվում էր հետևյալ երեք կետերով.

1/ Արևմտյան Հայաստանի գաղթական հայության քաղաքական հպատակների ձևակերպումն և արտահայտությունը:

2/ Արևմտյան Հայաստանի գաղթական հայության ներգաղթի խնդիրը և կազմակերպությունը:

3/ Արևմտյան Հայաստանի գաղթական հայության ներկայացուցչական և հաշվեհարդար կոմիտեի ընտրությունը:

Համագումարը պետք է լիներ ժողովրդական ներկայացուցչություն, այդ իսկ պատճառով կազմակերպիչ կոմիտեն որոշած էր ամել ռամկավար ընտրություն՝ երկաստիճան ձևով: Համագումարին հրավիրված էին Ամենայն Հայոց Վեհափառ Կաթողիկոսը, գեներալ Անդրանիկը, Արևելյան Հայաստանի հասարակական ու պետական հաստատությունների ներկայացուցիչները, նաև դաշնակից պետությունների թիֆլիսի ներկայացուցիչները:

Համագումարն օրակարգը, ընտրական ձևը և հրավիրված հաստատությունները անհրաժեշտորեն համագումարը դարձնելու էին քաղաքական հաստատություն, որ առանց անտես առնելու փախստականության ճգնաժամային վիճակը, ամենից ավելի և ամենից առաջ պետք է զբաղվեր Արևմտյան Հայաստանի փախստական հայության քաղաքական նպատակների և ձևակերպման խնդրով:

Կազմակերպիչ կոմիտեն մեծ ջանքեր էր թափել համագումարին հրավիրելու նաև նախկին Արևմտահայ և Ապահովության խորհուրդները, թե մասնավոր

նամակներով և սուրհանդակով և թե թիֆլիսի և Երևանի թերթերին ուղղած բաց նամակներով:

Կազմ. կոմիտեի դիմումի վրա Արարատյան Հանրապետության խորհրդարանը միաձայնությամբ քվեարկել էր 35.000 ռուբլի վարկ համագումարի ծախսերի համար:

Համագումարի բացումը նշանակված էր 1919 թվի հունվարի 25-ին, սակայն շրջաններից ստացված դիմումների համաձայն կազմակերպիչ կոմիտեն բացումը հետաձգեց տաս օրով:

Փետրվարի 4-ին արդեն Երևան էին հասել պատգամավորների մեծ մասը, այնպես որ նույն օրը երեկոյան նշանակվեց առաջին նախապատրաստական նիստը: Թե այս առաջին և թե հաջորդ օրը կայացած երկրորդ նախապատրաստական նիստի մեջ պատգամավորները ծանոթացան կազմակերպիչ կոմիտեի աշխատանքներին և կատարեցին մի շարք նախնական աշխատանքներ: Երկրորդ նախապատրաստական նիստի մեջ որոշվեցին, որ համագումարը պետք է ունենա երեք նախագահներ և գաղտնի քվեարկությամբ ընտրվեցին պ. պ. Գրիգոր Բուլղարացին, Վարազդատ Տերոյանը և Վահագն Քրմոյանը: Նույն ժողովում ընտրվեցին նաև երկու քարտուղարներ՝ Ա. Կիտուր և Յ. Վարդապետյանը, երեք հոգուց կազմված մանդատային հանձնաժողովը, ինչպես նաև համագումարի կանոնադրության համաձայն հանձնաժողովների չորս նախագահները.

1.Շրջաններից եկած գեկուցումների հանձնաժողով

2.Քաղաքական հանձնաժողով

3.Ներգաղթի հանձնաժողով

4.Հաշվեհարդարի և կազմակերպչական հանձնաժողով

Այդ ժողովի մեջ որոշվեց նաև հրավիրել խորհրդակցական ձայնով իննը հոգի, որոնք պետք է նպաստեին համագումարի աշխատանքներին:

Համագումարի բացման նիստը տեղի ունեցավ փետրվարի 6-ին, ժամը 12-ին: Համագումարի նախագահներից պ. Գր. Բուլղարացու բացման խոսքից հետո գերապատիվ Տ. Գևորգ Եպիսկոպոս Չորեքչյանը կարդաց Ամենայն Հայոց Վեհափառ Կաթողիկոսի օրհնության կոնդակը, որի պատճենը կներկայացնենք այստեղ:

**Ամենայն Հայոց Վեհ. Կաթողիկոսի  
Օրհնության Կոնդակ**

Գեվորգ ծառայ Յիսուսի Քրիստոսի և Ամհասանելի կամօքն Աստոյ Եպիսկոպոսապետ և կաթողիկոս Ամենայն Հայոց Ծայրագոյն Պատրիարք Համազգական Նախամեծար Աթոռոյ Արարատեան Առաքելական Մայր Եկեղեցվոյ Սրբոյ Կաթողիկե Էջմիածնի Մեծարոյ անդամոց Բ.Համագումարի կազմակերպութեանց Հայոց Տաճկական Հայաստանի, սիրեցեալ որդվոց Մերոց Հոգեվորաց, հարազատից մօրս մերոց լուսոյ Ս. Էջմիածնի, ողջոյն և օրհնություն Հայրապետական առատացեալ ծավալեսցի ընդ Չեզ ընդ ամենեսեանդս:

Խնդամիտ սրտով հասու եղաք ի ձեռն Ատենապետի Կազմակերպիչ Յանձնախմբի Համագումարիդ, յառանձինն ունկնդրութեան, եթե ի մօտոյ, ունի գումարել Բ.Համագումար գաղթականական ներկայացուցչաց Տաճկական Հայաստանի Երևան, առ ի խորհել զպիտոյից և զկարեաց հայրերաց, որք ասա առ մեղական պատուպարեալ յամաց հետէ և որ ըստ ներման հանգամանաց ունին կրկին դարձ առ հայրենին իրեանց առնել յարկս և ի շենս յավանս և ի քաղաքս:

Սիրտ Հայրապետիս Հայոց առլցեալ է յայդ խորհուրդ բանավոր ուրախութեամբ և յսկզբանն իսկ գումարել խորհրդակցութեանց զզմերս առաքենք Հայրական ջերմագինն խնդակցություն, ընդ օրհնութեանցս ի ձեռն առանձինն ներկայացուցչի մերոյ Գերապատիվ Տ. Գեվորգ Եպիսկոպոսի, մաղթանք սրտի

ցանկանալով տեսանել ի գումարմանդ հիմն և խարիսխ բարօրութեան ապագայի մօտավորի, յոր ամենեքեանս կամք յուսացեալ և ակնկալու:

Ուրախ եմք յայս ձեռնարկութիւն կարևոր, նա զի յուսալ յուսամք եթէ խոհական և շրջափայտեացն խորհրդակցութիւններկայացուցչաց որդվոց Սերոց, սիրելեաց անշուշտ ունի գտանիլ ելս հնարից, արդիս մշակել մօտավորն կարելիութեամբ զսահմանս լուծման խնդրոց, որք հային առ կրկին դարձ յաշխարհն ձեր և ի հայրենիս մեր անկապուտ դարևոր, ի բարվոքումն տնտեսական վիճակի, ի կրկին շինութիւն ավերեալ տանց, ի կանգնումն աշխարհին, զորս յակամայս լքիք և այլն զուրի ներքին կազմակերպութեան շայրենացո ծրել, զի մի դանդաղացիմ ընթացք կարևոր բարեկարգութեանց ի դառնալն Ձեր յերկիր և յաշխարհ, որ ծնալն և սնալն զծեզ ամենեսեանսդ:

Արդ յուշ ատենք Ձեզ ամենեցունցդ լինել պատկառ մեծի գործոյս, որ առաջի ձեր ամենեցունցդ դնէ զվերաշինութեանն խնդիր մերոց շայրենաց, լինել զգաստ և բարեխոհ մեն մի անդամոյ, յոյդ ձեռն ունի արգասավորել զլուծումն խնդրոյդ:

Օն, զաչ յուրաքանչյուր ումենքի Ձեմք ի մաճ արօրից հանրական կենցաղականին բարօրութեան, ի ծրել զակօս պիտանի առի արկանել սերմն բարի, ատօք և առատաբեր, զի և մենք յերեկոյացեալ հասակիս տեսանել տեսանենք զբարեբաստիկն վիճակ մերոց շայրենաց և ձեզ ամենեցունցդ լինել վկայք ականատեսք, եթէ Տեր փրկէ կրկին դժողովուրդ իմ ի տառապանաց և սրբէ զարտասուս վշտակրութեանցս:

Աջ Տեառն հովանի Ձեզ ամենեցուց, օրհնություն մեր շայրական առ ամենեսեանսդ: Ամեն:

ի 9/22 Յունուարի 1919 ամի	Իսկականի վրայ ստորագրած
Ըստ Տոմարիս ՌՅԿԸ	Գեորգ Ե. Կաթ.
Ի շայրապետութեան Սերուն Ը ամի	Ամենայն շայրոց
յԱրարատեան Մ. Առռ. Ս. Էջմիածնի	
Ի Վաղարշապատ	
Թ. 7	

Նրանից հետո հանրապետական կառավարության նախագահ պ. Գ. Քաջագունին հայտնեց իր կառավարության ցանկությունը վերացած տեսնել այս համագումարով հայության հատվածական բաժանումը: Խորհրդարանի ներկայացուցիչ պ. Ս. Վրացյանը խոսեց նույն մտքով: Այնուհետև խոսք առան բարձրապատիվ Տ. Կորյունը վարդ. Սահակյանը, պ. պ. Ս. Թովմայանը, Ե. Չարությունյանը, Ա. Տեր-Չակոբյանը և Ա. Խչիկյանը: Համագումարի նախագահներից պ. Վարազդատ Տերոյանը կարդաց մի ճառ համագումարի աշխատանքների մասին, իսկ պ. Վ. Քրնոյանը հարգանքի խոսքեր ուղղեց մեռնող ժողովրդի, նահատակված հասարակական գործիչների և պանծալի հերոսների հիշատակին: Որից հետո կարդացվեցին ողջույնի և շնորհակալության մի շարք գրություններ, որոնցից ահա կբերենք զեներալ Անդրանիկի, Գ. Յ. Դաշնակցության Արևմտյան շայրատանի կենտ. կոմիտեի և Չայ ռամկավար Կուսակցության Երևանի շրջանային վարչության նամակների պատճենները:

**Գեներալ Անդրանիկի նամակը**

Արևմտահայ Բ Համագումարի կազմակերպիչ կոմիտեին  
Շնորհակալութեամբ ստացայ Ձեր N.16 գրությունը:  
Ստածելով, որ չեմ կրնար այդ Համագումարին մասնակցելովս օգտակար դառնալ և թեթևացնել Ձեր աշխատանքները, ուստի հրաժարվում եմ ներկայ լինել այդ համագումարին:  
Ձեր կատարեալ յաջողություն կը ցանկանամ:

25 յունուար 1919 թ.

Անդրանիկ

**ԳՅ Դաշնակցութեան Արևմտեան շայրատանի Կենդր. Կոմիտեի նամակը**

**Արևմտահայութեան Բ Համագումարի նախագահութեան**

Սրտի անհուն բերկրանքով կողջունենք Արևմտահայութեան Բ. Համագումարը:  
Կը ցանկանայինք, որ իբրև Արևմտահայութեան Համագումարը սա վերջինը լիներ, և յառաջիկային Ազատ և Միացեալ շայրատանի մեջ բոլոր հայերը հնարավորություն ունենային միասին աշխատելու և հավաքաբար համագումարներ կազմակերպելու:

Լիայոյս եմք, որ Համագումարը իր բոլոր ջանքերը կը լարե այդ ուղղութեամբ, թէ որոշումներ կայացնելով և թէ գործնական քայլեր առնելով:

Թող վերջանան հայությունը բաժանող սահմանները:

Կեցցե Ազատ և Միացեալ շայրատանը:

ԳՅ Դաշ. Արևմտեան շայրատանի Կենդր. Կոմիտե 1919, փետր. 6, Երևան:

**ԳԱՅ ՌԱՄԿԱՎԱՐ ԿՈՒՍԱԿՑՈՒԹԵԱՆ ԵՐԵՎԱՆԻ ՇՐՋԱՆԱՅԻՆ ՎԱՐՉՈՒԹԵԱՆ ՆԱՄԱԿը**

Արևմտահայ Բ. Համագումարի  
Յարգոյ Նախագահութեան

Չայ Ռամկավար կուսակցությունը որպես մին հայ ժողովրդի ազատագրութեան համար աշխատող քաղաքական կազմակերպություններեն ներկայ պատմական վայրկեանին, երբ մարմին են առած տասնեակ տարիներու մեր իղեպները ու մենք կը գտնվենք նոր կեանքի շենքին, սրտի առանձին գոհունակությամբ կուզայ շնորհավորել ազատագրված թեև վտարանդի, զավակներու այս առաջին ազատ համագումարը և յոյս ունի, որ համագումարը կը յայտնե իր միաձայն ցանկությունը այն հարցի մասին, որ մեր կուսակցութեան գերագոյն նպատակն է եղած՝ տեսնել հայութեան չար հողմով ցիր ու ցան հատվածները՝ քով-քվի, հայրենի հողին վրայ և մեկ ու անբաժան պետական միավորի մեջ:

6 փետր. 1919, Երևան:

Չայաս. Ռամկավար Կուսակցութեան Երևանի Շրջանային  
Վարչություն

Սրանցից զատ ողջույնի գրություններ էին դրկել նաև եզդիների ցեղապետ Ջհանգիր աղան և Թեյֆուր բեկը, Արևմտահայ Ոսուցչական Միության կենտրոնական և Երևանի վարչությունները, „Աշխատանք„ և „Վան-Տոսպ„ թերթերի խմբագրությունները, Չայաստանի հրատարակչական կոոպերատիվ վարչությունը, բժ. Ջալալանը, Մանուկյանը և այլք:

Այս առաջին պաշտոնական նիստից հետո համագումարի նիստերը տեղի ունեցան Երևանի քաղաքային խորհրդարանի դահլիճի մեջ, ամեն օր ժամը 4-8-ին, կեսօրից հետո և աշխատանքները վերջացան փետրվար 13-ին: Այս ժամանակամիջոցի ընթացքում նիստ տեղի չունեցավ միայն փետր. 9-ին, որովհետև հանձնաժողովները չէին վերջացրել իրենք աշխատանքները:



Այնպես որ համագումարն ունեցավ երկու նախապատրաստական, մեկ բացման և վեց պաշտոնական նիստեր, առանց հաշվելու հանձնաժողովների բազմաթիվ նիստերը:

Համագումարի առաջին պաշտոնական նիստի մեջ մանդատային հանձնաժողովը հետևյալ ձևով ներկայացրեց համագումարի կազմը:

1. Երևան- 31.700 փախստական- 8 պատգամավոր՝ պ.պ. Հայկակ Կոստյան, Ջավեն Կորկոտյան, Հայրապետ Հայրապետյան, Հրանտ Կարինյան, Ռուբեն Շատվորյան, Եփրեմ Ալեքսանյան, Մանուել Մալոյան, Աբրահամ Ավետիսյան:
2. Եջմիածին- 42.600 փախստական- 3 պատգամավոր՝ Տեր Եզնիկ վրդ. Ներկարարյան, Հակոբ Մաղոյան և Վահան Համբարձումյան:
3. Աշտարակ- 12.800 փախստական- 2 պատգամավոր՝ Գարեգին Ոսկերչյան և Ռուբիկ Թերլեմեզյան:
4. Դարաշիչակ- 23.750 փախստական- 5 պատգամավոր՝ Տաճատ Դեմոյան, Շավարշ Բասենցյան, Տաճատ Թերլեմեզյան, Սկրտիչ Մանուկյան, Համազասպ Աբրահամյան:
5. Կըրղ. Բուլաղ- 17.570 փախստական- 5 պատգամավոր՝ Արշակ Մանուկյան, Շարան Շարանբեյան, Արծրուն Դուկասյան, Սիմեոն Գալստյան, Հովակիմ Շահբազյան:
6. Սուրմալու- 25.700 փախստական- 4 պատգամավոր՝ Արտաշես Միրզոյան, Օրման Դորդանյան, Թեյֆուր բեկ Թեմուր աղա:
7. Միլի-Ղարա- 10.670 փախստական- 1 պատգամավոր՝ Անդրանիկ Մխիթարյան:
8. Ալեքսանդրապոլ- 10.000 փախստական- 1 պատգամավոր՝ Սեդրակ Խալոյան:
9. Դիլիջան- 12.000 փախստական- 2 պատգամավոր՝ Վարդան Առաքելյան, Դեվոնդ Հովսեփյան:
10. Բաշգառնի- 5000 փախստական- 1 պատգամավոր՝ Մուշեղ Դարմանյան:
11. Նոր-Բայազետ- 27.923 փախստական- 7 պատգամավոր՝ Վահագն Քրմոյան, Բաղդասար Աբոյան, Արսեն Խաչիկյան, Միհրան Գրիգորյան, բժիշկ Մուրադյան, Արամ Խոջայան, Գառնիկ Ալալյան:
12. Կազմակերպիչ կոմիտեն- Գրիգոր Բուլղարացի, Սմբատ, Վարազդատ Տերոյան, Ռուբեն Դրամբյան, Արմեն Սասունի, Վաղարշակ Յոխիկյան, Հովհաննես Մխիթարյան, Արսեն Կիտուր, Նազարեթ Բունուկյան:
13. Արևմտահայ Խորհրդի անդամներեն- 2 հոգի՝ բժ. Պոնապարտյան, Վանվուշ:
14. Արարատեան Հանրապետության Խորհրդարանի կողմից- 1 հոգի՝ Ս. Վրացյան:
15. Եղբայրական Օգն. գլխ. կարգադրիչ կոմիտեի կողմից- 1 հոգի. Կոռյուն վրդ. Սահակյան:
16. Կովկասի Հայոց Բարեգործ. Ընկերության կողմից՝ 1 հոգի՝ Երվանդ Հարությունյան:
17. Անգլիական լորդ Մերի կոմիտեի կողմից- 1 հոգի՝ Սարգիս Թոփալյան:
18. „Աշխատանք,“ և „Վան-Տոսպ,“ թերթերի կոմիտեից- 1-ական հոգի՝ Արշավիր Դազանջյան, Հարություն Վարդապետյան:

Այսպիսով, ծայրի իրավունքով համագումարին մասնակցելու էին 55 հոգի: Հնարավորություն չէին ունեցել ընտրություններին մասնակցելու Դամարուի, Սիսիանի և Դարալագյազի մեջ ապաստանած արևմտահայերը:

Համագումարին բացակա էին Դարաքիլիսի երկու պատգամավորներն ու կազմակերպիչ կոմիտեի մեկ հիվանդ անդամը:

Համագումարն անցնելով իր բուն աշխատանքներին, ամենից առաջ լսում է շրջաններից եկած զեկուցումների զեկուցումը հանձնաժողովի նախագահ պ.Ռուբեն Շատվորյանի կողմից: Համագումարը մտքերի երկար փոխանակություն ունեցավ շրջանների մեջ ապաստանած փախստական հայության զարհուրելի կացության մասին, ի վերջո կընդունի սույի մասին հետևյալ բանաձևը:

### ԲԱՆԱԶԵԿԻ ԾՐԱՆՆԵՐԵՆ ԵՎԱԾ ԶԵԿՈՒՑՈՒՄՆԵՐԻ ՄԱՍԻՆ

Լսելով շրջաններից եկած պատգամավորների զեկուցումների ամփոփումը, որի հիման վրա Հայ և Եզդի ժողովուրդը փաստորեն սույի ճիրանների մեջ վերջնական բնաջնջման նախօրյակն է ապրում, համագումարը որոշում է, որ իրենից ընտրված մարմինը ազդու դիմումներ կատարի դաշնակիցների կովկասյան ընդհ. հրամանատարին, դաշնակից պետությունների համաեվրոպական կոնֆերանսին, այլև Փարիզի մեջ կազմված մեր նոր հայկական կառավարության և պահանջել հաց և շուտափույթ օգնություն մահացող ժողովրդի համար, ինչպես նաև հանձնարարել, որ անհրաժեշտ միջոցներ ձեռ առնվեն նպաստի և խնամատարական գործը կազմակերպելու և լավ հիմքերի վրա դնելու:

/Ընդունված Արևմտահայ Բ Համագումարի նիստի մեջ 1919 թ. փետր. 8-ին/

Համագումարի հետևյալ նիստի հաշվեհարդար Ջավեն Կորկոտյանը կանի նախկին Արևմտահայ և Ապահովության Խորհուրդների գործունեության համառոտ պատմությունը և մտքերի փոխանակություն կատարելուց հետո կընդունի հետևյալ բանաձևը:

### ՀԱՇՎԵՀԱՐՊԱՐԻ ԲԱՆԱԶԵԿԸ

Արևմտահայ Բ Համագումարը լսելով հաշվեհարդար հանձնաժողովի զեկուցումը նախկին մարմինների մասին և տեսնելով, որ նրանք կազմալուծ վիճակում են գտնվում, շնորհիվ այն հանգամանքի, որ 1918 թ. մայիս ամսից ի վեր ոչ մի տեղ չեն հաջողել մեծամասնություն կազմել, իրենց ընտրողներին հավաքել և իրենց տնտեսական-բարոյական գործունեության հաշիվը ներկայացնել, ինչպես նաև շնորհիվ այն հանգամանքի, որ ոչ միայն իրենց ընտրողների մոտ չեն վերադարձել և Բ Համագումարին չեն ներկայացել, մի բան, որ ըստ ամենայնի նրանք հնարավորություն ունեին անելու, այլև միայն 2-3 հոգու համաձայնությամբ հանձն են առել արևմտահայ փախստականության հանդեպ այնպիսի պարտականություններ կատարելու, որ երբեք իրենց վրա դրված չի եղել, նրանց գումարները անձնական պատասխանատվությամբ զանազան գործերի հատկացնելով, մի բան, որ ոչ համագումարը, ոչ կոնֆերանսը և ոչ էլ Խորհուրդները չէին թույլատրել:

Արևմտահայ Բ Համագումարը, որպես Հայաստանի Հանրապետության սահմանների մեջ ապաստանած փախստականության ներկայացուցչություն հայտարարում է նախկին Խորհուրդները լուծված, պահանջելով բարոյական և նյութական հաշվեվորություն իրենց ամբողջ գործունեության վերաբերյալ թե հավաքականորեն և թե անձնապես:

/Ընդունված Գ նիստի մեջ փետր. 10-ին/

Ներգաղթի նախագահ պ.Արմեն Սասունի զեկուցում կանի ներգաղթի մասին և համագումարը համաձայն լինելով, որ երկարապատուն ծրագիրները չեն, որ պիտի ներգաղթը հաջողեցնեն և կազմակերպեն, կընդունի հետևյալ բանաձևը:

### ԲԱՆԱԶԵԿ ՆԵՐԳԱՂԹԻ ՄԱՍԻՆ

Նկատի ունենալով մոտ ապագայում տեղի ունենալիք արևմտահայ փախստականների ներգաղթը դեպի իրենց ծննդավայրը և որ այդ ներգաղթը նպատակահարմար և արդյունավետ կլինի միայն այն ժամանակ, երբ այն կատարվի որոշ կանոնավորությամբ, ժողովրդի ֆիզիկական ապահովության անհրաժեշտ պայմաններում, Համագումարը հրահանգում է ընտրվելիք մարմինն այժմ անհրաժեշտ միջոցներ ձեռնարկել պատմական Միացեալ Հայաստանի կառավարութան մոտ և դաշնակիցներու ներգործոն միջամտությամբ և աջակցությամբ պետականորեն ապահովելու ներգաղթող ժողովրդի ֆիզիկական գոյությունը և պարենավորման անհրաժեշտ պայմանները, ինչպես նաև նրան հետևող վերաշինության գործի իրականացման անհրաժեշտ տվյալներ հավաքելը:

/Ընդունված Գ և Դ նիստերու մեջ 1919 թ. փետր 10 և 11-ին/:

Համագումարի առանցքը կազմող քաղաքական հարցը շատ երկար ժամանակ է գրավում: Քաղաքական հարցը այնքան հասունացել էր և նրա ձևակերպումն այնքան հրամայական դարձել, որ հանձնաժողովի մեջ անգամ հարցերը կառաջարկվեին պատգամավորների կողմից ինքնաբերաբար և կապահանջեին իրենց շուտափույթ պատասխանները: Հանձնաժողովի նախագահ բժ. Պոնապարտյանի զեկուցումից հետո համագումարը երկարորեն քննության և վիճաբանության կենթարկի քաղաքական բանաձևի հատկապես 1, 2 և 5 հոդվածները: Հոդված առ հոդված քննելուց և մաս-մաս քվեարկության դնելուց հետո առաջին և երկրորդ ընթերցումով ամբողջական բանաձևը քվեարկության է դրվում և միաձայնությամբ ընդունվում է Համագումարի կողմից:

Համագումարը ջերմ ծափահարություններով կընդունի Արևմտյան Հայաստանի փախստական հայության քաղաքական իդեալների ձևակերպման վերջնական հայտարարությունը և այսպիսով հրապարակի վրա դրված մեր դարավոր դատի բարոյական լուծումը կտա ամենից առաջ, իբրև ժողովրդական կամքի արտահայտություն:

### ՔԱՂԱՔԱԿԱՆ ԲԱՆԱԶԵԿԸ

Արևմտահայ Բ Համագումարը քննելով Հայ ժողովրդի ներկայ կացությունը.

1. Սրտազին կողջունի և կհայտարարի Ազատ և Միացյալ Հայաստանի անկախությունը:
2. Լիակատար վստահություն կհայտնի Ազատ և Միացյալ Հայաստանի Պողոս-Նուպար փաշայի Անդրանիկ Դահլիճին:
3. Կհայտարարի իր վճռական որոշումն ու կամքը՝ ունենալ քաղաքական և պետական մեկ միություն համազգային հատվածների և երկրամասերի միավորությամբ:
4. Կպարտադրի ընտրված „Գործադիր Մարմինն,“ նախարարական դահլիճի հետ անմիջական հարաբերության մեջ մտնել, իրականացնելու և գործնականացնելու քաղաքական և պետական այն բոլոր աշխատանքներն, որոնք հարկավոր են Ազատ և Միացյալ Հայաստանի պետական գոյությունը հիմնավորելու համար:
5. Միաժամանակ կպարտադրի ընտրված „Գործադիր Մարմինն,“ գործնական քայլեր առնել Արարատյան Հանրապետության Նախարարության և Խորհրդարանի հետ Միացեալ Ազատ Հայաստանի անկախությունը հայտարարելու և իր մասնակցությունը բերելու գոյություն

ուներգող պետական և օրենսդրական հաստատությունների մեջ համազգային միությունը իրականացնելու համար՝:

6. Կպահանջի Ազատ և Միացյալ Հայաստանի պետական գոյության երաշխավորումը, դաշնակից պետությունների քաղաքական, տնտեսական և ռազմական օժանդակությամբ և աջակցությամբ:
7. Կպահանջի Հայկական Մեծ Եղեռնի հեղինակ և պատասխանատու ճիվղներին՝ Վիլհելմի, Էնվերի, Թալեթի, Ջեմալի, Նազիմի, Բեհաեդդին Շաքիրի և ընկեր նահանգապետների, կառավարիչների և այն բոլոր ղեկավարների զիվորա-դաշտային դատարանով պատժվելը:
8. Կպահանջի Հայ ժողովրդի վնասների ամբողջական հատուցումը ի հաշիվ օսմանեան կառավարության:

/Ընդունված Դ և Ե նիստի մեջ, փետր. 11-ին և 12-ին/

Այնուհետև Համագումարին կզբաղեցնի այն հարցը, թե ինչպիսի կազմով մարմին պետք է ընտրել, իր որոշումները իրականացնելու համար: Այս հարցի առթիվ կքվեարկվի և կընդունվի պ. Ռուբեն Դրամբյանի հետևյալ բանաձևը.

### ԿԱԶՄԱԿԵՐՊՉԱԿԱՆ ԲԱՆԱԶԵԿԸ

Արևմտահայ Բ. Համագումարը կընտրի ինն հոգիանոց մեկ մարմին, որպես Արարատյան Հանրապետության մեջ ապրող Արևմտահայ հատվածի „Գործադիր Մարմին,“:

1. Նա կիրականացնի համագումարի որոշումները:
2. Կշարունակի մնալ իր ստանձնած պարտականությունների և իրավասության մեջ, մինչև Միացյալ Ազատ Հայաստանի պետական-օրենսդրական հաստատությունների իրականացումը՝ Հայության մյուս հատվածների՝ Պողոս Նուպարի կաբինետի, Արարատյան հանրապետության կառավարության և Խորհրդարանի գործակցությամբ և համաձայնությամբ:
3. Բացառիկ և համազգային արժեք ներկայացնող որևէ դեպքի առթիվ կիրավորի սույն համագումարն իր լրիվ կազմով, Գործադիր Մարմնի անդամների մեկ երրորդի կամ Համագումարի անդամների կեսից ավելի պահանջմամբ:
4. Գործադիր Մարմինը հաշվետու և պատասխանատու է Համագումարի առաջ իր գործունեության համար:
5. Համագումարի Բ նստաշրջանը կիրավորվի մայիս 1-ին, եթե մինչ այդ ներգաղթը չի կատարված և եթե հնարավոր է պատգամավորների կեսից ավելին հավաքել:
6. Գործադիր Մարմնի օրենսդրական գործունեությունը կսահմանափակվի միայն այն չափով, որ չափով որ չի հակասի համագումարի որոշումներին և բանաձևերին:
7. Գործադիր Մարմինը կաշխատի մյուս շրջաններում ևս, որոնք զանազան պատճառներով ներկա կազմից կբացակայեն, պատգամավորներ բերելով, լրացնել իր կազմը:

/Ընդունված Զ. Նիստի մեջ, փետրվար 13-ին/

\* Այս կետի ռամկավար կուսակցության հինգ անդամները լինելով, պատճառաբանված գրություն ներկայացնելով կհեռանան դահլիճից:

Փետրվար 13-ին, Համագումարի վերջին նիստի մեջ զաղտնի քվեարկությամբ կընտրվեն հետևյալ ինն անձնավորությունները, իբրև Համագումարի որոշումների „Գործադրող Մարմին“, պ. պ.Սմբատ Բորոյան, Խաչատուր Բոնապարտյան, Արմեն Սասունի, Գրիգոր Բուլղարացի, Վարազդատ Տերոյան, Ռուբեն Դրամբյան, Վահագն Քրմոյան, Վաղարշակ Յոխիկյան, Արսեն Կիտուր:

Այնուհետև նախագահության առաջարկով Համագումարը կլսի ողջույնի նամակների ընթերցումը: Այդ նամակներից այստեղ կբերենք Ամենայն Հայոց վեհափառ կաթողիկոսին, Պողոս Նուպար փաշային, Հաշտության Կոնֆերանսին, Արարատյան Հանրապետության կառավարության և Խորհրդարանին ուղղված գրությունները:

**ՆՈՐԻՆ ՍՈՒՐԲ ՕԾՈՒԹՅԱՆ Տ. Տ. ԳԵՎՈՐԳ Ե. ՎԵՅԱՓԱՌ  
ԿԱԹՈՂԻԿՈՍ ԱՄԵՆԱՅՆ ՀԱՅՈՑ**

Վեհափառ Տեր

Արևմտահայ Բ Համագումարը վերջացնելով իր աշխատանքները, սրբազան պարտականություն է համարում իր որդիական խորին շնորհակալություններն ուղարկել Նորին Ա. Օծույան, իր օրհնության Կոնդակի և բարենադրությունների առթիվ:

Համագումարը խորապես հավատացած է, որ հայ ժողովուրդը և նրա հատվածները մի նպատակ միայն կարող են ունենալ՝ տեսնել հայրենիքի անջատված մասերը մեկ քաղաքական միավորի մեջ և հայ ժողովուրդը մեկ հայրենիքի վրա, այդ իսկ պատճառով համագումարը հայտնեց իր վճռական կամքն ու որոշումը իրականացնելու համար Միացյալ Ազատ Հայաստանի գաղափարը և հրահանգեց ընտրված „Գործադիր մարմնին“, գործնական քայլեր առնել այդ ուղղությամբ:

Համագումարը չի տարակուսում, որ Նորին Ա. Օծույանը ընդառաջ կգնա համազգային այդ միահամուռ կամքին ու ցանկությանն և կընդունի մեր լիակատար վստահության հետ նաև մեր որդիական խոնարհ, անկեղծ հարգանքները:

**ՀԱՅՎԱԿԱՆ ՊԱՏԿԻՐԱԿՈՒԹՅԱՆ ՆԱԽԱԳԱՀ ՆՈՐԻՆ  
ՎԱՆԱՓՈՒՅՆՈՒԹՅԱՆ ՊՈՂՈՍ ՆՈՒՐԲԱՐ ՓՈՇԱՅԻՆ**

Արևմտահայ Բ Համագումարը, գումարված Երևանի մեջ, փետրվար 6-ին, իր սրտագին ողջույնները կուղղի Ձերդ Վսենափայլության և իր լիասիրտ վստահությունը կհայտնի, որ Ձեր կարող և արդյունավետ գործունեությամբ պետք է վերջնականապես ձևակերպվեն հայ բնաշխարհի պետական հիմքերը և հայ բազմաչարչար ժողովրդին հնարավորություն տրվի աշխատել և վերստեղծել իր հայրենի տունը:

Համագումարը տեսնելով Ձեր մեջ իր իղծերի և ցանկությունների լավագույն արտահայտիչը, Հույս ունի, որ իր քաղաքական և ազգային ձգտումները կջանաք լուծել հայ ժողովրդի արհեստականորեն անջատված հատվածների միավորությամբ և մեկ պետական-քաղաքական իրավակարգի ստեղծմամբ:

**ՓԱՐԻԶԻ ՄԻՋԱԶԳԱՅԻՆ ԽԱՂԱՐԱՐՈՐ ԿՈՆՖԵՐԱՆՍԻ  
ՆԱԽԱԳԱՀՈՒԹՅԱՆ**

Կովկաս ապաստանած 400.000 արևմտահայության համագումարը կազմված Երևանի մեջ փետր. 6-ին, իր ողջույններն ուղղելով խաղաղարար վեհաժողովին, լիահույս է, որ իր Դատը, որի համար անկարագրելի կորուստներ է տվել արևմտահայությունը, կլուծվի հայ ժողովուրդի իղծերի և ցանկությունների համաձայն

և դաշնակիցների հավանությամբ, հնարավորություն տալով արհեստականորեն անջատված հայ հատվածներին միանալ մեկ պետական կազմակերպության մեջ ազգային, տնտեսական, քաղաքական, տերրիտորիալ անհրաժեշտ պայմանների կիրառումով:

**ԱՐԱՐԱՏՅԱՆ ՀԱՆՐԱՊԵՏՈՒԹՅԱՆ Պ. ՎԱՐՉԱՊԵՏԻՆ**

Արևմտահայ Բ Համագումարը ողջունելով հայության մեկ հատվածի կառավարությունը, լիահույս է, որ այն ևս կմիացնի իր ձայնը Արևմտահայ Համագումարի վճռին-ունենալ մեկ հայրենիք և մեկ Միացյալ, Ազատ Հայաստանի պետական կազմակերպություն:

Համագումարը գտնելով սույն խնդիրը հայության համար պատմական մեկ կարևոր խնդիր, հավատացած է, որ Արարատյան Հանրապետության կառավարությունը կփութա օր առաջ հայտարարել Միացյալ Ազատ Հայաստանի անկախությունը և գործնական քայլեր առնել միացումը իրականացնելու համար կյանքի մեջ:

**ԱՐԱՐԱՏՅԱՆ ՀԱՆՐԱՊԵՏՈՒԹՅԱՆ ԽՈՐՀՐԴԱՐԱՆԻՆ**

Արևմտահայ Բ Համագումարը ողջունելով Հանրապետության անդրանիկ Խորհրդարանին, վստահ է, որ այն ևս իր հեղինակավոր ձայնը պիտի միացնի հայության ամենից շատ տանջված և զոհաբերած խռոր հատվածի ձայնին-ունենալ մեկ հայրենիք, Միացյալ Անկախ Հայաստան մեկ պետական կազմակերպությամբ:

Համագումարը հավատացած է, որ Խորհրդարանը չի ուշանա իր որոշումը տալու հայության համար խիստ կարևոր այս խնդրի մասին:

Առաջին նստաշրջանի փակման առթիվ կխոսեն պ.պ. Խ.Բոնապարտյանը, Վ.Քրմոյանն և Վ. Տերոյանն, որից հետո նստաշրջանը կհայտարարվի փակված:

Արևմտահայ Գործադիր Մարմինը հրատարակության տալով Երկրորդ Համագումարի այս համառոտ տեղեկագիր-պատմությունը, կկարծի, թե որոշ չափով նպաստած կլինի Համագումարի որոշումների ժողովրդականացման և ավելի լայն խավերի մեջ տարածման:

Արևմտահայ Գործադիր Մարմին

ՀԱԱ, ֆ. պ. 200, ց. 1, գ. 237, ք. 116-126:Տպագիր:

**ԱՐՏԱԿԱՐԳ ԽՈՐՀՐԴԱԿՑՈՒԹՅՈՒՆ**

**ԱՆԴՐԿՈՎՎԱՅԱՆ ՍԵՅՄԻ ԵՎ ԿԱՌԱՎԱՐՈՒԹՅԱՆ ՀԱՅ ԱՆՂԱՄՆԵՐԻ, ԱԶԳԱՅԻՆ ԽՈՐՀՐԴԻ, ԿՈՒՍԱԿՑՈՒԹՅՈՒՆՆԵՐԻ ՆԵՐԿԱՅԱՑՈՒՑԻՉՆԵՐԻ ԵՎ ՀՐԱՎԻՐԱԾ ԱՆՂԱՄՆԵՐԻ ԱՐՏԱԿԱՐԳ ԽՈՐՀՐԴԱԿՑՈՒԹՅԱՆ ԱՐՁԱՆԱԳՐՈՒԹՅՈՒՆ**

**Առաջին նիստ**

6/19 ապրիլի 1918թ.

Նիստը բաց է անում Ս.Վրացյան երեկոյան ժամը 7½-ին Ալեքսանդրապոլի Արտակարգ հանձնաժողովի շենքում, որից հետո նույն հանձնաժողովի նախագահ Գոլովաչովը ասում է ողջույնի խոսք: Պատասխանի համառոտակի խոսքից հետո Ս.Վրացյան պարզում է ներկա արտակարգ խորհրդակցության նպատակը և դրա կազմը: Սեյմը, ասում է նա, միայն որոշեց մերժել Տաճկաստանի պահանջը՝ ընդունել Բրեստ-Լիտովսկի դաշնագիրը անշեղ ու որոշեց Տրապիզոնից հետ կանչել իր պատվիրակներին:

Այնուհետև տեղի ունեցավ քաղաքական խոշոր դեպք՝ Բաթումի անկումը: Այդ հանգամանքի և պատվիրակության նախաձեռնության հետևանքով հարկ համարվեց նորից քննության առարկա դարձնել հաշտության պայմանները:

Սեյմի դաշնակցական ֆրակցիան նպատակահարմար համարեց այդ խնդիրը ոչ թե ֆրակցիոն, այլ ազգային չափանիշով քննության առարկա դարձնել մի ժողովում, որին մասնակցելու են հրավիրված, համաձայն նախնական խորհրդակցության և Հ.Յ.Պաշնակցության Արևելյան բյուրոի նախաձեռնության, Սեյմի և կառավարության բոլոր հայ անդամները, Ազգային խորհրդի անդամները, կուսակցությունների ներկայացուցիչները, Երևանի և Կարսի նահանգական կոմիսարները, Հայոց Ազգային խորհրդի և Երևանի, Կարսի և Ալեքսանդրապոլի լիազորները, ինչպես նաև՝ Ալեքսանդրապոլի գործիչներից մի քանիսը:

Սրանից հետո խոսք է առնում խորհրդակցության անդամ Հ. Բեկզադյանը և բողոքում է, որ Հայ Ձինվորական Միության կենտրոնական մարմնից ոչ ոք չի հրավիրված: Ս.Վրացյանը բացատրում է, որ դա հետևանք է մոռացության, բացի այդ՝ ժողովն ինքն է, իհարկե, կարող է նոր անդամներ հրավիրել: Հ.Բեկզադյանն առաջարկում է ծայրի իրավունք տալ Հայ Ձինվորական Միության նախագահ Ա.Շահմազյանին, որ գտնվում է այստեղ: Ժողովն ընդունում է այդ առաջարկը:

Ապա Ս.Վրացյան առաջարկում է ընտրել նախագահ և քարտուղարներ: Նախագահ ընտրվում է Ա.Ահարոնյանը, քարտուղարներ՝ Ա.Աբեղյանը և Ա.Ստամբուլյանը:

Խորհրդակցությանը հայտնվեց, որ մեր զորքերի գլխավոր հրամանատար Լեբեդինսկին կկամենար տեսնվել ժողովի անդամների հետ, որ նա նոր է վերադարձել ճակատից և այդ երեկո նեթ մեկնելու է Թիֆլիս: Ժողովը որոշեց ցանկություն հայտնել լսելու նրա՝ գլխավոր հրամանատարի զեկուցումը ֆրոնտի մասին: Բացի նրանից ժողովին ներկա պիտի գտնվեն նաև գեներալ Նազարբեկովը, ինչպես սույն ժողովի անդամ, ներկա կլինեն նաև կորպուսի շտաբի պետ գեներալ Վիշինսկին ու գեներալ Կորգանովը:

Ժողովի արձանագրությունների համար Ա.Երզնկյանը ցանկալի համարեց, նրանց պատմական կարևորությունը նկատի առնելով, որ լինեն ըստ կարելույն ճշգրիտ: Ս.Հարությունյանն ավելացնում է՝ որ ժողովականներից ցանկացողներն

իրենք գրի առնեն իրենց խոսքը և տան քարտուղարներին՝ մուծելու արձանագրության մեջ: Առաջարկներն ընդունվում են:

Այնուհետև նախագահ Ա.Ահարոնյանն առաջարկում է կազմել օրակարգ, որ և կազմվում է այսպես. 1. Ձեկուցումներ հաշտության պատուիրակության. 2. Ձեկուցում կառավարության անդամների. 3. Ձեկուցում զինվորական դրության մասին, 5. Ձեկուցումներ Երևանի և Կարսի շրջանների ներքին դրության մասին, 6. Պատերազմի և հաշտության խնդիրը:

Բեկզադյան և Երզնկյան- այն կարծիքն են հայտնում, որ թե՛ պատերազմը շարունակելու և թե՛ հաշտություն կնքելու դեպքում ժողովը պիտի զբաղվի երկրի պաշտպանության հարցով, որ և ավելացնում է օրակարգի վրա՝ իբրև 7-րդ կետ:

Նախագահն իբրև հարկադրական ցանկություն ժողովին հայտնում է այն, որ նրա բոլոր որոշումները մնան ըստ ամենայնի գաղտնի, մամավանդ, որ հակառակ դեպքում ոչ գաղտնապահությունը կարող է անցանկալի ազդեցություն ունենալ զորքի տրամադրության վրա: Հ.Չոլախյանն առաջարկում է՝ ժողովի նպատակների մասին հետաքրքրվող անձանց տալ միատեսակ պատասխան, այն որ խորհրդակցությունը խորհելու է ֆրոնտի պաշտպանության հնարավոր միջոցների մասին:

Ռուբեն Տեր-Մինասյան- այն կարծիքն է հայտնում, թե ինքնին այն հանգամանքը, որ պատերազմի և հաշտության խնդիրը քննվում է այս քաղաքում, ֆրոնտին մոտ, դա արդեն ֆրոնտը թուլացնող հանգամանք է, ուստի և բողոքում է այդ բանի դեմ, մնան մի հարց քննելու համար պետք էր գնալ ավելի հեռու:

Հ. Քաջազունի- բողոքում է Ռուբենի հայտարարության դեմ և չէ կարող թույլ տալ մնալ մի միտք, որ ժողովի որոշումները դուրս տարվեն և որևէ կերպ ազդեն ֆրոնտի վրա:

Ա.Երզնկյան- այն կարծիքն է, որ ժողովի որոշումներից մի քանիսը պիտի հրապարակվեն, հասարակությունը պիտի իմանա այդ մասին:

Ս.Մամիկոնյան- եթե կուսակցությանց ներկայացուցիչները իրենց ժողովներում պիտի զեկուցումներ տան քննելիք խնդիրների մասին, ապա ուրեմն ինքնախաբեություն է գաղտնապահությունը:

Հ.Քաջազունի- այն կարծիքն է, որ ժողովում քննելի խնդիրները պիտի մնան գաղտնի, հետո ժողովը ինքը կորոշի, թե ինչ որոշումներ պիտի հրատարակել: Այս կարծիքը համարվում է ընդունելի:

Ա.Ջոհրաբյան- այն կարծիքն է, որ ներկա ժողովը ոչ թե պատերազմի և հաշտության, այլ ինքնապաշտպանության և հաշտության խնդրով պիտի զբաղվի:

Ս.Վրացյան- առաջարկում է օրակարգի բուն խնդիրներին չդիմել այս նիստին, քանի որ Երևանից ու Կարսից պատգամավորները չեն եկել, քիչ հետո պիտի գա գլխավոր զորահրամանատարը, այսօր բավականանք նրա զեկուցումը լսելով:

Ս.Հարությունյան- առաջարկում է անմիջապես անցնել օրակարգի քննության, բացակայող անդամները կարող են մասնավոր կերպով ծանոթանալ արված զեկուցումներին:

Ս.Հարությունյան- պաշտպանում է Վրացյանի առաջարկը՝ մանավանդ որ շրջանների ներկայացուցիչներին հայտնվել է, որ խորհրդարանական նիստերն սկսվելու են վաղը, անսի 7-ի առավոտը: Առաջարկը ընդունվում է:

Նախագահը կարդում է Ալեքսանդրապոլի արտակարգ հանձնաժողովի անդամներ՝ Կիրակոսյանի, Բաղդամյանի, Արիբեկյանի և Մարգարյանի գրավոր հայտարարությունը, որով խնդրում են իրենց թույլ տալ ներկա լինելու ժողովի նիստերին, որ և հարգվում է: Դրանից հետո հայտարարվում է ընդմիջում:

Ժամը 10 ½-ին վերսկսվում է ժողովը՝ ներկայությամբ գլխավոր զորահրամանատար Լեբեդինսկու, կորպուսի հրամանատար գեն. Նազարբեկովի, կորպուսի շտաբի պետ գեն. Վիշենսկու և գեն. Կորգանովի: Նախագահը երկու խոսքով պարզում է ժողովականներին խորհրդակցության նպատակը: Խոսք առնելով գեն.

Լեբեդիսկին՝ ասում է հետևյալը՝ Մենք զինվորական խնդիրներում ուշացել ենք երկու ամսով. զորահավաքը փոխանակ դեկտեմբերին սկսելու, սկսվեց փետրվարին: Ես մարտին եղա Բաթում և տպավորությունս մխիթարական չէր, ունեցած ուժերով հնարավոր չպիտի լիներ պաշտպանել Բաթումը: Այժմ եղա հայկական կորպուսի ֆրոնտում, և տպավորությունս համեմատաբար մխիթարական է: Ալեքսանդրոպոլում ստացա այն տպավորությունը, որ նոր կազմակերպվող զինական ուժեր կան: Յենց այսօր գալիս եմ ֆրոնտից, ուր սկսել են կռիվները, և ուր մեր զորքերը կռվում են քաջաբար. ձախ թևում մենք մինչև իսկ ետ քշեցինք թշնամուն իր դիրքերից: Չորքի բարոյական մակարդակն ևս բարձր է, այս կռվին տվել է 80 ծանր և 200 թեթև վիրավորներ, որ ինքնին դարձյալ ապացույց է անձնվեր դիմադրության: Գալով այն հարցին, թե կարելի՞ է արդյոք կռիվները շարունակել, թե ոչ, դա շատ դժվար խնդիր է: Այժմ ունենք մենք նոր թշնամիներ ևս - դա տեղական տաճիկներն են, որոնք ներկայումս դրության տերն են Ախալցխայի շրջանում: Բաթումի դրությունը անհուսալի է: Կարսը բավարար չափով պաշտպանված է և կարող է ցույց տալ դիմադրություն: Իսկ արդյոք՝ կռիվը մենակ այս ճակատում շարունակել կարելի՞ է թե ոչ - դժվար է պատասխանել: Իրեն տրված մի քանի հարցերին պատասխանելով՝ գլխ. զորահրամանատարը ասաց, որ հարձակման դիմող թշնամու զորքերի թիվը 3-4 հազար է, չհաշված քրդերին: Հարձակում կարող է լինել և Արդահանի կողմից, համաձայն մեր ստացած տեղեկությունների՝ մասամբ դեպի Ախալցխա, մասամբ էլ՝ Կարս:

Գեմ. Նազարբեկովը տալիս է մի քանի լրացուցիչ տեղեկություններ ֆրոնտի մասին: Այժմ ամբողջ ֆրոնտում ունենք 6 հազար զինվոր, որ մեծ թիվ չէ, իհարկե, քանի որ նախաձեռնությունը պատկանում է թշնամուն, մենք չունենք հետախուզություն: Կարսի պաշտպանության համար եղած ուժերը քիչ են, մեզ հարկավոր են նոր ուժեր, եղածները քիչ են: Չորքը չունի բավարար հագուստ, սնունդն էլ զոհացուցիչ չէ, հոգնած են զորամասերը, չեն թարմացվում նոր ուժերով: Մենք մենակ դիմադրել չենք կարող թշնամուն, տաճիկայերից էլ առանձին օգնություն չպետք է սպասենք:

Նախագահը շնորհակալություն է հայտնում հրամանատարներին արած զեկուցումների համար, որից հետո և նիստը փակվում է:

Նախագահ՝ Ա.Ահարոնյան  
Քարտուղար՝ Ա.Աբեղյան

### Երկրորդ նիստ

7/20 ապրիլի 1918

Առավոտյան ժամը 10 ½-ին Ա. Ահարոնյանը բաց է անում նիստը: Երևանի դրության մասին զեկուցում է Ա.Սորոպյանը.- Հին Նախիջևանը և [Դարբալազազը] կտրված է մեզմից, տեղեկություններ չունենք, Երևանում է գտնվում 6-րդ գունդը: Նահանգի մյուս մասերը արձագանք են տվել զորակոչին: Այժմ կազմվում է Սևանի գումարտակը Նոր Բայազետում: Հայ-թրք[ական] հարաբ[երությանը] գալով՝ մինչև փետրվարի 17-ը հայերը եղել են զուսպ և կռռեկտ, այնուհետև՝ երկաթուղու և այլ ճանապարհներ թուրքերի կողմից կտրելու, զորքի տեղափոխ[ումը] խանգարելու, ինչպես նաև հայերի սպան[ությունների] հետևանքով հայերը ցույց են տվել ակտիվ դիմադրություն, շատ անգամ վնասելով մինչև իսկ թուրքերին: Սուրմալում այժմ համար[յա] թուրքերից դատարկվել է, քրդերը իրենց տեղերում են: Էջմիածնի գավառում թուրքերը լինելով փոքրամ[ասնութին] ազդեսիվ չեն եղել: Մարտի 20-ից սկսած, թրքահայ գաղթականության գալով՝ քշում են թուրքերին իրենց գյուղերից (Մարդարապատ) և Վաղարշ[ապատ]) և նստում նրանց տեղը՝ առանց կոտորած

սարքելու: Վերջերս նաև Երևանի գավառում (Ղըրխ-Բուլախ) նույնն է սկսվել: Նոր-Բայազետի շրջանում Հաջի Մուխանանի մոտ թուրք[երը] հարձակվում են մեր տրանսպորտի վրա, կողոպտում, շատ զինվորների (46հոգու) մորթել են: Բասար-գեչարում վերջերս 4 գյուղ են ավիրել թուրքերը: Այժմ թուրքերը մեծ մասով զսպված են, ճնշված: Չորքը մասնակցություն չունի դրանում, այլ զլ[խապես] ժողով[ուրդը] և մասն[ավորապես] թրքահայ գաղթականությունը: Պարզվել է, որ կազմակերպված ուժ կա, որ խանգարում է հայ զորամասերի տեղափոխությունը: Քաղաքում հարաբ[երությունները] լավ են, թուրքերը իրենց զսպված են զգում, հայերը ամեն կերպ աշխատում են որևէ ընդհար[ման] առաջն առնել, լիախույս ենք, որ քաղաքում որևէ ընդհարում չի կարող:

Այնուհետև ժողովին նոր եկած անդամների համար նախագահը պարզում է ժողովի նպատակը:

Ձեկուցման համար խոսք է տրվում պատուիր[ակության] անդամ Ա.Խատիսյանին:

Սեյմի պատվուիրակության կազմը. – 11 հոգի, բուլ[ակներից] և ետեներից չեն եղել, պաճառները: Էձձ՛ նախ վճարը 50 հազար պահանջեցին, 10 հազար տվինք, 40 հազարի թուրք՝ որ թարմ ստանան: Սպասում են 4 օր, ապա գալիս են տաճիկները, ընդունելություն: Նախագահ[ության] խնդիրը – որի հողի վրա լինում է ժողով: Մեր պատուիրակության ներքին կազմը չեղած բնավ, մեր թուրք պատվիրակությունը, բացառությամբ Հունմեթի (Շեյխ-ուլ Իսլամով) ավելի մոտ էին պարզորեն տաճիկներին, ավելի պաշտպանում էին տաճիկների տեսակետները, քան մեր, ինչ և խոսում էինք մեր մեջ – թշնամի[ին] գիտեր վաղօրոք և „մեր թուրքերից,,: Սրանք ժամերով լինում էին տաճիկների մոտ, մեր հեռագրերի և թղթերի բովանդակությունը հայտնում նրանց: Ֆրոնտից եկած ամեն մի վատ լուր ուժ էր տալիս թշնամուն: Դեպքերը - երզրումի անկումը, Սարիղամիշի անկումը, որ անմիջ[ապես] իմացանք Վեիթ փաշայից, այն ինչ նույնը միայն 3 օր հետո տեղեկացվեց մեզ Թիֆլիսից. Արևմտեան ֆրոնտի վրա հարձակումները, Նովո-Սելիմ, Արդահան, Բաթումի անկումը – մթնոլորտը վերին աստիճան աննպաստ էր մեզ համար: Տաճիկները գիտեին, որ հայկ[ական] ֆրոնտում ավելի դիմադրություն կգտնեին, քան վրացական: Լրտես[ությունը] լավ կազմակերպված է նրանց [համար]: Տաճիկները զգում էին իրենց իբրև իրենց տանը, դրության տերեր: Ունեցել ենք 6 նիստ, ատենագրած կա, մեր պատվիրակությունը ունեցել է 38 օրվա ընթացքում 46 նիստ: Բացի ընդհանուր նիստերից, ունեցել ենք մասն[առ] խորհրդակցություններ տաճիկների հետ և՛ ընդհանուր և՛ մասնավոր. խոսում էինք ժամերով: Պաշտոն[ական] թարգմանիչներ՝ Ռասուլ զադե և Պեյխով: Ունենք հաշտության պատուիրակության պաշտոնական զեկուցումն, որ պիտի Սեյմում կարդացվի: Խատիսյան կարդում է եու[թյունը]. 1. Անդրկ[ովկասի] անկախությունը, 2. Տերիտորիալ զիջումների և 3. Հայկ[ական] հարցի խնդիրները: Պաշտոն[ական] նիստերում, իսկ մասն[ավոր] խորհրդակցություններում - այս կերպ:

1. Անկախության խնդիր - ասում են դուք Ռուսաստանի մի մասն եք մինչև օրս էլ միջազգային տեսակետից, մի քանի փաստեր-ճառեր, ռուս գեներալներ են, ուրեմն Բրեստ-Լիտովսկի դաշնագիրը պետք է ընդունեք, ետ տանեք զորքերը, տերիտորիայի վերաբերյալ պիտե՞նք չունենաք, հայտարարեք անկախությունը, մենք էլ ձեզ կճանաչենք սուվերեն պետություն: Մենք մեծ ուրախությամբ կաջակցենք ձեզ սեփական պետություն կազմելու, որ մեր շահն է՝ ընդդեմ Ռուսաստանի: Դրա փոխարեն մենք ձեզ կօգնենք ինչպես կամենաք - օր[ինակ] զորքեր կուղարկենք ձեզ համար՝ ընդդեմ բուլ[ակների]: Դա պետք է նաև հայկ[ական] հարցի համար – կօգնենք հայկ[ական] տերիտորիայի կազմումին Կովկասի սահմանում: Վերաբերմունքը անկախության համար - սոցիալ-դեմոկրատները դեմ էին անկախության անմիջական հայտարարելուն, վրացի մացիոնալ-դեմոկրատները և ֆեդերալիստները,

ինչպես նաև բոլոր թուրքերն անխտիր կողմնակից էին անկախության հայտարարության, դաշնակցականները – ինչպես սոցիալ-դեմոկրատները:

2. Տերիտորիալ խնդիր- Առաջին քայլերից երևաց, որ վրացիները ամեն զնով ուզում էին Բաթումը պահել, զիջելով Կարս, Արդահան, անգամ Ախալցխան: Ուլխտիմատումը 48 ժամ իբրև պատասխան տերիտորիայի զիջման: Պատասխանեց Չխենկելին, որ ունի արտակարգ լիազորություն և կհեռագրի Ռիֆլիս, առանց մեզ ասելու բովանդակությունը հեռագրի: Թիֆլիսից պատասխանը ստանալուց հետո միայն իմացանք այդ հեռագրի բովանդակությունը: (Մաքսիմուս զիջում Կարսը՝ իր շրջանում, բացի այլ հայկական մասից, Արդահանի և Բաթումի թուրքական մասերը): Պատասխան 26-ին եղավ Սեյմի ֆրակցիաների և կառավարության ժողովը - բոլոր ֆրակցիաները ընդհանուր կողմնակից են մաքսիմալ զիջումներին, իսկ դաշնակցականները անհրաժեշտ են համարում ինձնաձեռն Կարսի և շրջանի վրա: Զ.Քաջագունու և Խատիսյանի տեսակետն է եղել, որ Բրեստ-Լիտովսկի պայմանագիրը ավելի ձեռնառու է մեզ համար, քան այդ մաքսիմալ զիջումը: Պատվիրակությունը ստանում է հեռագիրը Գեգեչկորիից, Չխենկելին թուրք է տալիս Ռուսի քեյնի, որ հեռանում են ընդունելով Բրեստ-Լիտովսկի դաշնագիրը:

3. Հայկական հարց - Մենք ունեինք մանրամասն զեկուցում – ինքնավարության պահանջ, համարիա թե անկախության է մոտենում, միայն տուրք է տալիս Տաճկաստանին: Տերիտորիան՝ մաքսիմալ՝ 6 վիլայեթ, մինիմալ՝ 4 սանջակ, սեփական միլիցիա, օրենսդրական հաստատություն: Մասնավոր խոսակցություններում մեզ ասել են տաճիկ պատվիրակները – Տաճկաստանը ներկայումս շատ է ուժեղ և պիտի խոսի կտրուկ լեզվով: Դարդանել չկարողացավ ստնել անգլիական, ֆրանսիական, իտալական մավատորմը, մենք մեր սեփական ուժերով պաշտպանեցինք նեղուցները և Կ.Պոլիսը առանց Գերմանիայի, մյուս կողմից՝ 15 տարի առնվազն Ռուսաստանը պիտի լինի թույլ, «Գարանտիա» բառը զգվել է մեզ համար: Տաճկաստանը պատերազմի սկզբում է մասնակցել, հայերի դերը Տաճկաստանում և Կովկասում, ամբողջ հայ ազգը դավաճանում է Տաճկաստանին, ամեն մի հայի մեջ նստած է եղել մի ռուս լրտես, հետևանքը՝ կոտորվեց 600 հազար հայ, 300 հարյուր մահմեդական կոտորվեցին հայերի և ռուսների ձեռքով: Թողնել անցյալը, ներկան քննենք, մենք ուզում ենք, որ հայերը վերադառնան Տաճկաստան – ոչ նրանց՝ իրենց համար ենք ասում, այլ մեր շահերի տեսակետից – լավ արհեստավոր են և լավ տուրք վճարողներ: Քրդերը էլ մեզ պետք չեն, հույների դեմ հակաթույն են հայերը՝ Միջագետքում այժմ 30 հազար հայ կա, սկզբի տեղահանված 300 հազար: Պոլսում 80 հազար հայ կա, ամբողջ Տաճկաստանում մոտ 400 հազար հայ, եթե բոլոր հայերին (և գաղթականներին) հավաքենք ձեր՝ Տաճկաստանի տերիտորիայում, կունենանք 700 հազար հայ, այդ թիվը մեզ համար վտանգավոր չէ: Մենք մեր պատմական կոչումը պիտի կատարենք: Եթե այժմ հայերը մեզ ստիպեն, որ Կովկասը կռվի մեզ դեմ, այն ժամանակ կլինենք անողորմ, վրացիները և մահմեդականները վտանգավոր չեն մեզ համար: Մյուս կողմից՝ Երևանի նահանգում քանդում եք թուրք գյուղերը: Եթե շարունակվեք կռվել – հետևանքների մասին պատասխանատու չենք: Հույս չդնեք Անգլիայի վրա, որ ջարդվում է Գերմանիայի կողմից: Բաղդատ էլ ուժեր ենք ուղարկում մենք, գերմանացիները և բոլգարները: Գերմանացիք էլ մեզ կարող են օգնել Նիկոլակից: Միջազգային վերջին կոնֆերանսի վրա էլ հայերը հույս չպիտի դնեն – Սերբիայի, Չրնոգորիայի, Ռումինիայի օրինակները: Վերջապես՝ հայ օրբակի կլինի՞ կոնֆերանսի համար: Այս բոլորը նկատի ունենալով՝ ժամանակ ենք տալիս հայերին մտածելու այս բոլորի մասին: Գարանտիաներ՝ որ Տաճկաստանը չի գա Կովկաս. 1. այժմ մենք ուրիշ կողմ պիտի երթանք, և ոչ Կովկաս, 2. [Մուսավաթը] չի ուզում այդ տնտեսական տեսակետից 3. [Ղազստանի] ներկայացուցիչները պաշտոնապես հաստատում են այդ, նույն և Դրիմից: Տաճկաստանի երիտ. թուրքերի

կուսակցությունը կողմնակից է Կովկասում 3 կանտոն կազմելու և ոչ միայն 2 (Վրաստան և Ադրբեջան): Եզրակացութուն – թուրքերը մեզ պարզորեն աւելի էին պաշտպանում, քան վրացիք, որ ամեն զնով ուզում էին պահել Բաթումը: Մուսավաթի ներկայացուցիչ Յաջինսկին և Պեպինովն, որ գնացին Կ.Պոլիս, պաշտոնապես հայտարարեցին իր թելադրությունը 1. Կ.Պոլսում կպաշտպանի հայկական հարցը - ?, 2. Բաթում չի վերադարձնի Կովկասին, 3. Կովկասը պիտի ունենա 3 կանտոն – Հայաստան, Վրաստան և Ադրբեջան (գուցե և 4-րդ՝ Աջարիան), 4. Մուսավաթը կլինի չեզոք, պայմանով 3 կետ երկաթուղի, փոքրամասնության պաշտպանություն կտորածից, 4. բուլղարների դեմ, 5. «Մուսավաթ»-ի օրինատացիան տաճկական է, թե հայերի համար դա ընդունելի չէ - թող լինի գերմանո-թուրքական օրինատացիա, 6. Մուսավաթը այժմ չի կանչի տաճկական զորքերին, 7. ինձնաձեռն: Հրաժեշտ Տրապիզոնից: Այնտեղ մնացողներ: (Վիշապելի, Յաջինսկի, Պեպինով):

Կառավարությունը ներկայացուցիչների զեկուցում:

Կ.Ղազարյան-ինչպես դեյեգացիայի, այնպես և կառավարության կազմի մեջ հայացքի միատեսակություն չկար – ոմանք, օրինակ, ընդունում էին Բրեստ-Լիտովսկի դաշնագիրը (օրինակ Չխենկելի), ոմանք՝ ոչ, ուստի և կրիզիս եղավ: Թուրքերի դիրքը – կռվի դեպքում ակտիվ աջակցություն չեն կարող ցույց տալ, լավագույն դեպքում՝ թիկունքի որոշ աշխատանքներ կարող են կատարվել: Այնպես որ ներկա կազմով կառավարելը տևական լինել չի կարող, պիտի հարթե կամ մի՞ (պաշտպանողական) և կամ մյուս (Բրեստ-Լիտովսկի) տեսակետը: Ապահովության Գերագույն խորհուրդը (Գեգեչկորի, Ռամիշվիլի, Կարճիկյան), դրանով մյուս մինիստրությունները երկրորդական նշանակություն ստացան, թուրքերը դժգոհ են դրանից, ուրեմն երկու տեսակ կրիզիս է առաջանում- հայացքների տարբերություն և թուրքերի դժգոհություն:

Զ.Քաջագունու- խոսք առնելով կարողաց իր մանրամասն գրավոր հիմնավորումը, թե ինչու մեզ համար համեմատաբար փոքրագույն չարիք է Բրեստ-Լիտովսկի դաշնագիրը և թե ինչու՝ Տաճկաստանը բնավ չի հրաժարվի այդ դաշնագրից:

## ПОЧЕМУ ПРИ СОЗДАВШИХСЯ УСЛОВИЯХ ПРИЗНАНИЕ БРЕСТСКОГО ДОГОВОРА ЕСТЬ НАИМЕНЬШЕЕ ИЗ ЗОЛ

А. Турки настойчиво требуют признания этого договора, не соглашаясь ни на что меньшее. У нас нет основания думать, что упорство их может быть сломлено нашим сопротивлением при ведении переговоров; напротив, есть полная уверенность, что они не отступят ни на один шаг, по следующим соображениям:

1. Выставленные нами возражения правового характера против обязательности для нас Брестского договора весьма слабы; аргументация же турок представляется достаточно обоснованной и убедительной.
2. Турция рядом актов торжественно манифестировала удачное заключение мира в Бресте; ему придан характер крупной победы. Сделать какие - либо уступки значило бы разочаровать армию и народ. Правительство не может пойти на это; оно не может сказать: победив в Бресте могущественную Московию, в Трапезунде мы были побеждены Закавказьем.
3. Вероятные, - а может быть и неизбежные - потери на юге /в Аравии, Сирии, Месопотамии/ делают для Турции особенно необходимым компенсацию на севере.

4. Турки откровенно заявляют, что хотят использовать в полной мере благоприятно сложившуюся конъюнктуру, называя всякое послабление недопустимой в политике сентиментальностью. В течении 200 лет Турция только теряла; теперь представился случай, что-то приобрести и она не упустит такой возможности тем более, что в текущей войне она поставила на карту все свое существование, рискнув всем, она должна получить все, что фактически окажется возможным получить.
5. Приобретения в Закавказье необходимые для упрочения положения правительства и Иттихата.
6. Они необходимы также и для национального возрождения и государственной целостности Империи. Оценивая степень этой необходимости, мы не должны помнить что имеем дело с Правительством централистическим, националистическим и империалистическим. Политика Турции, с нашей точки зрения может показаться недалевидной и пагубной для нее же самой, но это не изменяет положение вещей.
7. Турки говорят, что им нужно обеспечить себя от России. Сейчас Россия разбита и никому не страшна; но это не значит, что она останется такою навсегда. Несомненно, выделение Закавказья самостоятельное, несвязанное с Россией, государство является крупным приобретением для Турции. Но положиться всецело на этот буфер Турция не может, ибо, во - первых, она не уверена, что Закавказье не изменит своей ориентации и не соединиться вновь с Россией; во - вторых, она не уверена, что даже в случае желания отстоять свою независимость от посягательств России, Закавказье сумеет защитить себя. Поэтому Турции необходимо иметь в своих руках такие сильные стратегические пункты, как Карс, Ардаган и Батум.
8. Батум, как опорный морской пункт, нужен Турции не только против Болгарии, усиления которой Турция имеет все основания сильно бояться.
9. Аргументируя справедливость своей позиции, турки указывают на то, что огромное большинство населения, спорных областей — мусульмане, турки или отуречившиеся грузины, имеющие ярко выраженную оттаманскую ориентацию. Отторжение от Закавказья Батумской и Карсской областей есть не более, как возвращение Турции территории и народонаселения, не так давно, и при том насильственно, отнятых от нее империалистической Россией. Это осуществление требования демократии, о самоопределении народов.
10. Нет реальной силы, которая могла бы помешать Турции осуществить права, предоставленные Брестским договором. Доказательство: быстрый, беспрепятственный марш по Черноморскому побережью до фортов Батума, а в Эрзрумском направлении — до Ново-Селима. Марш этот сделан турками с самыми незначительными силами и почти без потерь. Турки своих действий не называют даже военными операциями.
11. Занимая области, турки делают огромные материальные приобретения в виде правянта, амуниции, оружия, строительных материалов и прочее. В Трапезунде и Карсе они взяли имущество миллиарда на два. Такая же добыча ожидает их в Батуме и Карсе. При той острой нужде, которую испытывают турки, с их стороны было бы безумием отказаться от богатств, которые сами лезут им в руки.

В. Изложенные данные и соображения говорят за то, что Турция не откажется добровольно от выгод предоставленн ей Брестским договором. Следовательно, не признать договора — значит объявить ей войну или вернее — продолжать войну, которую фактически ведем мы сейчас. А воевать мы не можем даже против той малочисленной, утомленной и плохо снаряженной армии которую выставляет против нас Турция.

Б. Все это, а также и отсутствие твердых гарантий в том, что даже по принятии Брестского договора Турция не будет искать случая нарушить его в ущерб Закавказья, говорит против договора, но вместе с тем, договор оставляет место некоторым возможностям, делает вероятным некоторые достижения и исключает или — по крайней мере — делает не неизбежным некоторые опасности. А именно:

1. Брестский договор, отторгая от России Карсскую и Батумскую области, не отдает их во владение Турции, как думали мы сначала на основании неправильно переданного телеграфом текста, а предоставляет населению самому определить свое государственное бытие и международное положение, ставя лишь условием согласие соседних держав в частности — Турции. Таким образом, Брестский договор устанавливает принцип против которого, как таковой — Закавказская демократия ничего не может возразить, не изменяя, так как принцип этот — ее собственный лозунг.
2. Конечно, Турция, настаивая на Брестском договоре, рассчитывает на то, что при наличных условиях самоопределение областей сведется фактически к присоединению их к Турции. В данное время, вероятно, так это и будет, тем не менее нельзя лишать области этого, хотя бы пока чисто теоретического права. Строго говоря, отвергая договор мы чиним прямое насилие над областями, предлагая же Турции войти с нами в соглашение относительно полюбовного дележа этих территорий, мы становимся на путь разбоя, ибо договор предоставляет населению право на самоопределение, мы лишаем его этого права, а затем опираясь на силу начинаем делить с Турцией земли, нам не принадлежащие.
3. Признав Брестский договор, мы фактически передаем Турции всю территорию обеих областей, ибо часть населения немедленно покинет области, а оставшиеся — вольно или невольно — выскажутся за присоединение к Турции. Но такое самоопределение, как сделанное под давлением Турции в ближайшем же будущем /например на мировом Конгрессе/ может быть опротестовано и не исключена возможность пересмотра его, причем Карский и Кагызманский округа могут вернуться и Закавказью, а Батум может быть нейтрализован.
4. Признание Брестского договора предпочтительнее безусловной отдачи спорной территории еще и потому, что уступки были бы сделаны за счет земель наиболее интересующих армян и наименее — грузин. В конечном счете дело могло бы свестись к отставанию одного лишь Батумского округа. Это отразилось бы тотчас же на армяно-грузинских отношениях, вызвало бы охлаждение, неприязнь, а может быть и открытый разрыв. Потеряв мало от сделки, грузины оставили бы нас одних домогаться возможного исправления нанесенного нам ущерба. Между тем как потеряв вместе с Карсом и Батум, мы теснее свяжем свою судьбу с судьбою грузин, будем иметь в их лице верных союзников в дальнейшей борьбе.

5. Если бы мы и не признали Брестского договора и даже заставили бы Турцию отказаться от него то в данный момент мы все равно не могли бы удержать за собой спорной территории иначе, как силой оружия подавив сепаратистическое движение аджарцев в Батумской области и турок большей части Карсской, что фактически неосуществимо и принципиально неприемлемо.
6. Какое бы положение не создалось сейчас, несомненно, что оно будет лишь временным. Закавказье — слишком большой приз, чтоб окончательное определение его судьбы было представлено одной только Турции или Турции с нами. При заключении всеобщего мира будет поставлен несомненно и вопрос о Закавказье, причем решение может быть отличное от того, какое продиктует нам Турция. Вынужденное согласие на Брестский договор, после заявленного нами и зафиксированного в протоколах Трапезундской конференции протеста, облегчить перерешение или — вернее — надлежащее применение договора; между тем как независимое от Брестского договора соглашение с Турцией или завоевание областей силою оружия, значительно затруднит наше положение.
7. Если и по принятии Брестского договора мы не гарантированы от дальнейших агрессивных шагов Турции, то при войне и последующем поражении такие шаги будут не только возможным или вероятным, но и совершенно неизбежным. Сами турки утверждают, что никаких дальнейших видов на Закавказье они не имеют и вполне удовлетворены тем, что дано им Брестским договором. Если только не будут вынуждены нами на новую ненужную и нежелательную им войну. Есть основания думать, что турки говорят это искренно; если же у них есть иные виды то пред нами остается еще открытым путь апелляции к Германии и другим союзным державам, подписавшим договор; а в случае войны и этот путь будет закрыт.
8. Быстрое прекращение войны и заключение мира даст нам возможность заняться строительством Закавказского государства с одной стороны — отмежеваться друг от друга, с другой — объединиться в федерацию, организовать местные и центральное правительство, водворить некоторый порядок, восстановить пути сообщения, предотвратить финансовый и продовольственный крах, который грозит нам еще большими потрясениями, чем само военное поражение.
9. Заключение мира, пока мы еще держим в руках такой важный пункт, как Карс, дает нам преимущества, которых лишимся, если крепость эта будет отнята у нас силою оружия.
10. Заключение мира в ближайшее время сохранит нам наши войска и оружие, что придаст нам определенный вес при решении внутренних вопросов в пределах самого Закавказья.

\*

\* \*

1. Чтобы вести войну, нужно иметь войско, а у нас его нет, ибо вооруженные, но плохо организованные, необученные и недисциплинированные массы не составляют еще войска. О том, что войска наши, в настоящем их состоянии небоеспособны, говорят все военные, осведомленные в положении дел. Это же подтверждается событиями.

2. Войскам, даже и вполне боеспособным, для ведения успешной войны, необходим обеспеченный тыл. А наш тыл не обеспечен в полном смысле слова. Весьма значительная часть населения края, по причинам вполне понятным отказывается от участия в войне; в лучшем случае и при героических усилиях руководящих кругов, эта часть населения останется пассивным зрителем.
3. Пути сообщения находятся в полном расстройстве, а с начатием крупных военных действий придут в еще большее расстройство; в результате — невозможность своевременного передвижения воинских частей, доставки провианта и оружия; в случае неудачи — отступления.
4. Продовольствие и финансы для армии и страны.
5. Продолжение войны осложнит и углубит внутреннюю анархию, кровавые бесчинства в тылу дезорганизуют и без того плохо организованный фронт; естественное побуждение быть у себя, когда собственная семья или родное село находится в опасности, разовьет массовое дезертирство.
6. Наличие двух фронтов — армянского и грузинского — может ввести в войну самые пагубные разногласия относительно распределения сил, оружия и провианта, средств сообщения, технических приспособлений и прочее; а также относительно момента окончания войны в зависимости от преследуемых целей; эти разногласия могут привести к тому, что единая война Закавказья фактически обратится в две отдельные войны — армяно-турецкую и грузино-турецкую. Это положение, само по себе пагубное, может стать совершенно невыносимым в связи с тем, какую ориентацию примет при этом третий, крупнейший элемент — Закавказское мусульманство и горцы Дагестана.

Каждое из указанных обстоятельств в отдельности вызывает серьезные сомнения и опасения. А совокупность их вселит убеждение, что война может кончиться только одним: неизбежным, быстрым и жестоким поражением.

С. В случае поражения, столь неизбежного, есть все основания опасаться следующего:

1. Брестский договор потеряет силу обязательства для Турции, а при заключении новых условий мира Турция может потребовать территории большей, чем две области, причем без всяких оговорок относительно самоопределения, а в безусловную собственность.
2. Если Турция и не заявит притязаний на новые территории, то — во всяком случае — наложит на Закавказье контрибуцию, а в обеспечение ее оккупирует временно часть наших земель. Об этом турки говорили определенно.
3. Война с Турцией будет не просто войной, а и резней. Есть надежда, что в грузинских областях крупные бесчинства не будут допущены; но несомненно, что армянское население будет вырезано везде, где только достигнут их турки. Армянское население из Карса, Кагызмана, Ахалкалака, а затем из Александрополя и Эривани будет уходить, поскольку успеет, а оставшиеся будут истреблены. Сотни тысяч людей или погибнут в беспощадной резне или станут бездомными беженцами.
4. В ответ на войну может последовать также и беспощадное истребление остатков армян в Месопотамии и вообще — в Малой Азии, за



исключением, может быть, Константинополя и нескольких других крупных пунктов. Об этом турки предупреждали нас весьма откровенно.

5. Военные неудачи и сопутствующие им осложнения вызовут полный раскол Закавказья; ни единства, ни сейма, ни краевого правительства иметь уже мы не будем. Пойдут раздоры, наступит междоусобица, край разобьется на враждующие между собой клочки, а в результате – разгромы, резня.
6. При таких обстоятельствах Турция по собственному почину или по вызову одной из сторон, придет водворять в крае порядок по примеру Германии, делающей тоже в южной России, с той только разницей, что у Турции будут уже не германские методы водворения порядка а свои собственные – турецкие.

Д. Если Турция без войны не отступит от Брестского договора, а мы не можем вести успешной войны и если война угрожает нам неисчислимыми бедствиями, то принятие Брест-литовского договора становится повелительной необходимостью. Конечно, договор в некоторых отношениях наносит нам очень тяжелый ущерб в настоящем и усиливает турецкую угрозу в будущем.

С потерей Артвинского, Ардаганского и Ольгинского округов мы могли бы примириться без труда. Экономическое положение Закавказья от этого не пострадало бы сколько-нибудь существенно; а в смысле политическом – с армянской точки зрения – это было бы даже некоторым приобретением, так как ослабило бы положение мусульман в настоящем и положило бы предел империализму грузин в будущем. Затем, с принципиальной точки зрения мы, по совести, не могли бы возразить ничего против отторжения этих округов, раз все симпатии населения их на стороне Турции. Много труднее мириться с потерей Батумского округа, хотя и здесь население обнаруживает турецкую ориентацию; – трудно, потому, что без округа нельзя будет удержать порта Батум, а он является незаменимым фактором в экономической жизни всей страны. Еще труднее – с армянской точки зрения – примириться с потерей Карса и Кагызмана. Большинство населения этих округов – христианское /армяне, греки, русские/, которому турецкое владычество не сулит ничего хорошего. Второе – с отходом этих округов существенно урезывается территория Армянского кантона в Закавказье и отрезывается путь в Басен и Алашкерт. Третье: в округах много свободных земель, которые – оставаясь в пределах Закавказья – могли бы быть использованы для заселения беженцами – армянами или избытком армянского населения других малоземельных уездов. Четвертое: укрепившись в Карсе, Турция станет постоянной угрозой над Александрополем и Эриванской равниной.

НАА, ф.200, оп.1, д. 21, лл. 113 – 120. Рукопись. Автограф. [Ов. Качазнуни]

## ԵՐՐՐՐԴ ՆԻՍ

7/20 ապրիլի

Նիստը բացվում է երեկոյան ժամը 5-ին նախագահությամբ Ա.Ահարոնյանի և քարտուղարությամբ Ա.Աբեղյանի:

Ա.Մամիկոնյան- Տրապիզոնում տաճիկ պատվիրակության նախագահը այն միտքն է հայտնել, թե հայերը չհամաձայնեցին իրենց պահանջներին, նրանք ևս, ռուսահայերը, կարող են ենթարկվել կոտորածի – նույն վիճակին, ինչ որ

տաճիկահայերը: Դա է խնդրի բուն հիմքը – որ է՝ գալլի հոգեբանություն: 1915 տաճիկները կոտորեցին տաճիկահայերին, 1918-ին կարող են կոտորել ռուսահայերին, ուրեմն մեզ ուրիշ ելք չի մնում – քան պաշտպանել և շարունակել պատերազմը: Մենք պետք է շարունակենք կազմակերպել մեր ուժերը՝ զորահավաք առաջ տանել: Վերջին երկու ամսվա փորձը ցույց է տալիս, որ հնարավոր է կազմակերպել ուժեր: Մեղադրել միայն ժողովրդին և զորքին – սխալ կլինեք. պատասխանատվության խոշոր մասն ընկնում է մեզ՝ ղեկավարներիս վրա: Երգրումի և Սարիղամիշի անկումը զորքի մեղքը չէ, մենք չնպաստեցինք նրա պաշտպանության գործին: Սարիղամիշից նահանջելն էլ հրամանատարության կարգադրության հետևանքն էր: Այժմ զորքի մեջ կարգապահությունը բավարար է, տրամադրությունը մնանապես: Սակայն զորքի պարենավորումը և հագուստը բավարար չէ: Չկա ֆրոնտում նաև պատասխանատու հրամանատար-գեներալ Արիշևը այնտեղ չէ, այլ Թիֆլիսում: Կազմում են նոր զորամասեր, եղածները լրացնում են, պիտի հաշվել 25 հազար սվին, ի բացառյալ կողմնակի ուժերը: Այս է դրությունը, այսպիսի պայմաններում հաշտության պայմանները ստորագրողի վրա պիտի ընկնի պատասխանատվությունը: Ո՞վ է իրավունք տալիս մեզ՝ առանց կռվի թշնամուն տալու մեր երկրի մի անբաժան մասը, հարազատ ժողովրդի հետ միասին: Մյուս կողմից կա տաճիկալ ժողովրդի խնդիրը, որին պատասխան պիտի տալ, իսկ դա չի լուծվում, առաջարկած դաշնագրով: Գալլով Կովկասի անկախության՝ այդտեղ ևս տաճիկները կամենում են մտցնել հեղաշրջում, ենթարկելով իրենց, զրկելով նրան այն նեցուկից, որի վրա հենվում էր մի ամբողջ դար: Պատերազմը շարունակելու համար մենք՝ ղեկավարներս համարյա ոչինչ չենք արել, կատարած բանակցությունները ավելի են թուլացրել ճակատը: Պետք չէ նաև հավատալ տաճիկական խոստումներին: Մեր պատասխանը կարող է մեկ լինել – շարունակել պատերազմը:

Ա.Ձոհրաբյան- Մենք այստեղ չպիտի քննենք պատվիրակության գործունեությունը: Ես լսեցի Դ. Քաջագունունու մանրամասն զեկուցումը և չգտա նոր հիմնավորում ի պաշտպանություն տաճիկական պահանջների կատարման: Նա՝ Քաջագունունին անտես արավ տաճիկների մյուս պահանջները, Բրեստ-Լիտովսկի պայմանների հետ նաև Անդրկովկասի անկախությունը, առանց վերջինիս նրանք չեն ընդունում Բրեստ-Լիտովսկի դաշնագիրը: Ապա՝ ինչո՞վ կարելի է երաշխավորել, որ Թուրքիան կբավականանա 1877թ. սահմաններով և ավելի առաջ չի գա: Թշնամու առաջխաղացումը ինքնին ապացույց է, որ նրանք չեն հարգի դաշնագիրը: Թշնամին բանակցությունների ժամանակ էլ ձգտել է պանիկա տարածել մեր պատվիրակության վրա: Ոչ ոք չի կարող տալ զարանտիա, որ թշնամին առաջ չի գա և մեզ չի կոտորի, հավատալ թղթաց խոստումներին - դա վատագույն ավանտյուրա է: Տաճիկստանը մեզանից ուզում է ստեղծել բուֆեր-պետություն իր և Ռուսաստանի մեջ, սակայն բուֆեր-պետությունը չի կարող լինել ինքնուրույն, նա պիտի ենթարկվի հարևան պետություններից մեկին: Տաճիկստանի նպատակն է՝ բաժանել մեզ Ռուսաստանից և ենթարկել իրեն: Բայց կարո՞ղ ենք թողնել Ռուսաստանը, հյուսիսի օրինատացիան, կարո՞ղ ենք դադարել մեր աչքերը դեպի հյուսիս հառելուց: Ո՞չ՝ Չէ՞ որ տաճիկահայերի կոտորածի պատճառներից մեկն էլ այն էր, որ նրանք իրենց աչքերը դեպի հյուսիս էին հառել: Բացի այս բոլորից՝ Տաճիկստանը ամեն մի պրովակացիա կարող է առիթ ծառայեցնել շարժվելու առաջ, օրինակ՝ հայ-թուրքական որևէ ընդհարում: Այս բոլորը նկատի առնելով՝ ես չեմ գտնում որևէ հիմք՝ փոխելու մեր մինչայժմյան պոզիցիան: Մենակ, առանց վրացիների, իհարկե չենք կարող շարունակել կռիվը, բայց հույս պիտի ունենալ, որ մեր հարևաններն ևս կշարունակեն երկրի պաշտպանությունը:

Կարգից դուրս խոսք է տրվում Կ.Ղազազյանին, որ կարողում է Խ.Կարճիկյանից ստացած հեռագիրը, թե՛ այսօր կառավարության և Մեյմի ֆրակցիաների ներկայացուցիչների ժողովում մահմեդական ներկայացուցիչներն հայտնել են, որ իրենք ամենքը հեռանում են կառավարության կազմից և հավանորեն այս օրերս

կայտարարեն Ադրբեջանի անկախությունը: Այդ հիմնավորում են նրանով, որ իրենց համար պարզվել է, որ մենշևիկները և դաշնակցականները չեն կամենում հայտարարել Անդրկովկասի անկախությունը, որ նրանք չեն ուզում մնալ Ռուսաստանի սահմաններում: Փոքրամասնականները կարծում են, որ դրությունից դուրս գալու միակ միջոցն է՝ ստեղծել միություններ՝ առանձին կառավարություններով և պաշտպանողական դաշդ կռելով կռվող երկու կողմերի մեջ: Կարծիքային կարծում է, որ պետք է ներկա խորհրդակցությունը ընտրի ժամանակ[ավոր] կառավարություն: Մենշևիկները հաստատ են մնում մարտ 31-ի տեսակետի վրա և կշարունակեն Անդրկովկասի սահմանների պաշտպանությունը:

Յեռագրի ընթերցումից հետո հայտարարվում է ընդմիջում 10 րոպե: Ժողովը վերսկսելուց հետո խոսք է տրվում Ս. Հարությունյանին: Ըստ հեռագրի, ասում է նա, ստեղծվում է նոր դրություն, որի մասին խոսելը և քննելը անկարելի է այստեղ, Ալեքսանդրոպոլում, ուստի կոնֆերանսը այս կազմով վաղն ևեթ պիտի տեղափոխել Թիֆլիս, ուր կարելի կլինի անմիջապես խոսել մեր հարևանների հետ:

Ա.Երզնկյան- հայտարարում է, որ ինքը և իր ընկերները այս գիշեր ևեթ պիտի մեկնեն Թիֆլիս, ուր ունեն ֆրակցիայի ժողով, ուստի առաջարկում է առաջին հերթին դնել անկախության և կառավարության խնդիրները, որոնք սերտ կերպով կապված են իրար հետ: Առաջարկում է նաև խոսելու ժամանակամիջոցը կրճատել 10 րոպեով: Առաջարկը պաշտպանում են Մ.Ղարաբեկյան և Յ.Բեկզադյան: Ս.Մամիկոնյանն և Ա.Ղազարյանն առաջին հերթին անհրաժեշտ են համարում պատերազմի (ինքնապաշտպանություն) և հաշտության խնդիրը քննել ու վերջացնել:

Ա.Շահխաթունյան- բնավ անհրաժեշտ չէ համարում այսօր մեկնել, դա առաջ կբերի անտեղի շփոթ:

Ընդունվում է առաջարկը՝ շարունակել արծածված խնդրի քննությունը և գիշերվա ժամը 1-ին այս կազմով մեկնել Թիֆլիս:

Լեօ – Նոր դրությունը, որ ստեղծվում է այժմ, հիմնովին փոխում է խնդրի քննությունը: Ստեղծվում է նոր՝ 2-րդ ֆրոնտ, որ մեր առջև պիտի ծառանա Ադրբեջանի անկախության հայտարարումով: Տաճկաստանը ինքը հենց այժմ չի պահում Բրեստ-Լիտովսկի դաշնագիրը, քանի որ համաձայն դրա, Կարսի, Արդահանի և Բաթումի շրջանները պիտի լինեն ինքնավար, ինքնորոշվեն, բայց ո՛չ գրավվեն Տաճկաստանի կողմից, որ անում է նա այժմ: Թուրքերը Ադրբեջանի անկախությունը հայտարարելով՝ նրանց առաջին գործերից մեկն է լինելու, իմ կարծիքով, պատերազմ հայտարարել մեզ:

Յ.Քաջազնունի- անում է հայտարարություն, որ հեռագիրը իր հիմնական տեսակետները չի փոխում, բայց այժմ, նոր դրության հետևանքով, մենք ստիպված պիտի լինենք շարունակելու պատերազմը:

Մ.Արզումանյան - Մենք լավ չենք կռվում, որովհետև հայ ժողովուրդը սովոր է, որ իրեն և իր երկիրը պաշտպանի ռուսը, այժմ ինքը պիտի պաշտպանի, և այդ ծանրությունը նա զգում է: Բացի դրանից՝ ֆրոնտի պաշտպանության գործը թուլանում է նրանով, որ ամենքն անխտիր թալանով են զբաղված, չեն մտածում կռվի մասին: Սակայն այժմ տրամադրությունը բարձրանում է: Պետք է ամեն զնով պաշտպանել ֆրոնտը: Եթե որոշենք տալ Կարսը՝ ոչ մի զինվոր և ոչ մի սպա չի մնա զորքի շարքերում և սահմանը բաց պիտի լինի թշնամու առաջ:

Ժամը 8-ին միստին եկան գեներալներ Նազարբեկյանը և Վիշինսկին, որ հայտնեցին, թե այսօր մեր զորքերը հետ են գրավել թողած դիրքերը, գնդացիները ու վերցրել են գերիներ: Դրությունը արդեն հաստատուն կարելի է համարել վերջապես: Գեներալ Տեր-Հակոբյանը հեծելազորք է տեղափոխել ձախ թևից աջ թևը: Այսօրվա կռիվների զոհերը՝ 150 հոգի սպանված և վիրավոր, 100-ը անհայտ կորած, ընդհանուր թիվը կորուստների՝ մոտ 350: Թշնամու մասին կա հետևյալ տեղեկություններ - աջ թևի

դեմ՝ 2 զունդ, ձախի՝ մեկ զունդ, ընդամենը՝ մոտ 3 հազարից ոչ ավելի կանոն[ավոր] զորք (բացի քրդերից):

Նախ[ագահ]ը խնդրում է հրամանատարության՝ թե ի՞նչ է մեզ պակասում պաշտպանությունը հաջող տանելու համար:

Նազարբեկով- Անհրաժեշտ է մարդ, հրացան, ուտելիք և այլն: Վաղվա մասին ոչ մի խոսք չեն կարող ասել, ծաճաճաճ չկա: Թուրքերը պետք է ողջ ուշադրությունը դարձնեն Կարսի վրա, արդեն կան լուրեր, որ երևացել են Մերդիմիլի մոտ, հրացան չկա, մարդ չկա, եթե լինի, կարող ենք դիմադրել: Հաջողության մասին ոչ մի խոսք, կանենք ինչ որ կարող ենք, դուք տրամադրությունը բարձրացրեք, մենք էլ մերը կանենք:

Վեշինսկին կառավարության հեռագրի մասին ասում է, որ նոր բան չի ավելացնում, դիմակը պատռվում է: Առանց վրացիների անհնար է կռվելը, գլխավորապես նրանցից է կախված:

Նազարբեկով - Անհրաժեշտ է մեծ թվով մարդիկ, ուրիշ կերպ չի կարելի, հասակավորներին թողնել ներքին ֆրոնտի համար, մյուսներին դրկել ճակատ: 2-րդ զնդում կա 800 զինվոր, 1-ինում 600, 3-րդում 1900, 4- 1600, 7- 1600, Էրզրումյան- պակաս, Երզնկայի-800, մոտ 15000, և քիչ է, հարկավոր է մարդ, մարդ, մարդ:

Վեշինսկին նույնպես պնդում է մարդ ուղարկել: Թեև Կարսում շատ բան է արած, բայց մարդ է հարկավոր: Նույնպես Ալեքսանդրոպոլում: Ժողովուրդը շատ զենք ունի, պետք է խլել, կարելի է 20000 հրացան խլել:

Նազարբեկով - Ջինամթերքի պակասություն շատ կա, պետք է հոգալ այդ պակասի մասին:

Գ.Ղազարյան-Մարդ ամենից շատ տվել է Ղարսը, բայց դեռ Ալեքսանդրոպոլն ու Երևանը չեն տվել:

Առաջարկ է լինում վիճաբանությունները ընդհատել, որոշված ցանկը փակել, լրացնելով նոր ցանկացողներին:

Բժ[իշկ] Տերտերեան- առաջարկում է ցրվել զավառները և ընդհանուր զորահավաք անել:

Բժ. Ջավրիկ- Չնայած թուրքերի դիրքին և ստեղծված դրության, պետք է օրեկտիվ լինել: Ինչպե՞ս պատերազմել, մինչև ե՞րբ, միջոցներ ձեռք առնել ապահովելու մեզ շատ կողմերից: Վախը, որ մեզ կտորներու են, հիմք ունի: Հավատ չկա, թե նրանց պայմաններն ընդունելիս մեզ չեն կտորի: Օրինակ Մարաշում, երբ զենքը տվին, կտորեցին: Նույնը այստեղ կարող է պատահել: Այստեղ ժողովուրդը ավելի լավ զինված է, դիմադրություն կլինի, թեկուզ պարտիզանական: Բայց այնուամենայնիվ պետք է փնտրել ճանապարհներ վերջ տալու այս պատերազմին: Կառավարությունը թող որոշի գերմանացիներից, թե բոլշևիկներից օգնություն ստանալ:

Ռազմավիրական ճանապարհով կստանանք զինամթերք:

Բացի այդ, պետք է փրկել Բազուն, առանց որի Ադրբեջանը ոչինչ է: Ենչու՞մ գործի դնել այդ բանի համար: Եթե ժամանակին դիմում լինեք, Սև ծովի նավատորմիդ կօգնեք Բաթումին: Իշխանության նկատմամբ՝ դժվարանում է բան ասել, պետք է այդ որոշվի Թիֆլիսում, սահմաններն հայտնի չեն: Նրանց մասին թուրքերի հետ բանակցել: Այստեղ (թիկունքում) որոշել, թե հնար կա՞ վրացիներից բաժանվել և անջատ պատերազմել:

Մ.Պապաջանյան- Մեծամասնության հետ համաձայն չէ: 3 ամիս առաջ հաշտություն էի ասում, երբ մեր դրությունը ավելի լավ էր: Ձորքի մեջ բոլշևիզմ չկար: Բրեստ-Լիտովսկի չզնացինք, սխալ էր: Հիմա նույնն է կատարվում: Այսօր վերջին անգամ դիմում են և մերժում ենք: Այդ տրամադրությունները բացարձակ վնասակար է: Առանց, իհարկե, վնասելու մեր ինքնապաշտպանության գործին, ուժը պետք է ավելացնել: Եթե մեկը կռվել չգիտե, չի կարող հաշտության մասին խոսել: Բոլշևիզմը

մտել է ժողովրդի մեջ, որ ավելանալու է: Առհասարակ ղեկավարվում ենք անտիբուլշևիզմով, անտիվրացիոնությամբ և անտիթուրքոնությամբ: Եթե բուլշևիզմը ուժ բերեր, կլիներ ընդունելի: Բուլշևիզմը պիտի կազմալուծեր մեր գործը: Բուլշևիզմից օգնություն չկա: Առանց վրացիների չենք կարող կռվել: 31-ին կային մարդիկ, որոնք ասում էին, թե ամբողջ աշխարհն էլ մեր դեմ լինի, պետք է կռվենք: Դա հիստերի կոչ է: Գերմանիան նույնիսկ դաշնակիցներ ունի: Իսկ մե՞նք... Կրացիները կռվելու՞ են... Գուրիան և Քուբայիսը չեն կռվելու, մենշևիկների նոր վճիռը անհասկանալի է: Կրացիների վրա հույս չկա: Նրանք իրավունք ունեն իրենց կաշին փրկելու: Մենք պետք է որոշենք նրանց արժեքը: Նրանք մեր ֆրոնտին այլ աչքով են նայել: Ձինվորական մինիստրի օգնական անգամ չտվին և Դ.Յ.Գ. չպնդեց, թե շատ զորքը մերն է: Նոր դրությունը ոչինչ չի փոխում: Թուրքերը մինչև հիմա խանգարել են, Ադերբեջանի անկախությունն ավելի ևս վատթարացնելու է մեր դրությունը: Զրացան և մարդ չենք կարող ստանալ շատ վայրերից: Կառավարություն չկա, ազգային խորհուրդն էլ կործանվում է: Մենք կազմակերպչական ընդունակություն չունենք: Որքան էլ որ մենք պետք է պատրաստվենք կռվելու, չպետք է դադարենք բանակցություններ վարելուց: Արշ. Ջոհրաբյանի առաջարկն ընդունելի է, բայց պետք է վերջին դեպքում: Պատերազմի համար հարկավոր է ես ու եմ, բայց չկա: Կարող է պատահել, որ դիվիզիան գա Մերդենակից, մենք չենք կարող դիմադրել: Թուրքերը կապել են Քուբայիսի հիմնական ճանապարհը: Մեր թիկունքը նեղանում և դժվարանում է: Կարսն էլ կարող է ընկնել: Եթե մարդ չգա, տրամադրությունը կընկնի: Եթե ես համոզված լինեի, որ 2 ամիս կդիմանա Կարսը, այլ կերպ կխոսեի: Եթե չենք կարող պահել, պետք է լավ գնով զիջել: Մեզ օրինակ Կիկտորիայի կորուստը, «եթ չես կարող պահել, ընձայիր»:

Երաշխավորությունը երկուսն է: Գերմանիայի ստորագրությունը և երկրորդ՝ 2 ամսվա դադարը մեր ժողովրդին ավելի կզիջեն: Դեմոքրիզիացիայի պահանջը միայն վերաբերում է Ռուսաստանին: Կարսի հետ տալը ժողովուրդը կըմբռնի, որ դա անհրաժեշտություն է: Անկախ Զայաստանը պետք է գործ ունենա: 2-3 ամսուց շատ բան կփոխվի: Եթե այդ պայմանը կապում ենք, ժողովրդի ֆիզիկական գոյությունը պահելու համար է: Առանց հետ նայելու չի կարելի կռվել: Դրսի օգնության վրա հույս դնել չի կարելի, պետք է համաձայնության գալ տեղական ժողովուրդների հետ: Խոն չի կարելի ի՞ձձաձձ-ի համար էլ նոր կռիվ անել: Թուրքերը զիջում անում են: Եվ մի՞թե համաձայնության վճարը ավելի է, քան անողոք, անհաշիվ պատերազմը: Եթե պատերազմում եք, մենք, իհարկե, կօգնենք: Բայց դա հերիք չէ: Լավ ժամանակ է, պետք է օգտվենք: Վեշապելին այնտեղ է, Զաջինսկին հեռագրով է կարգադրել, որ անկախություն հայտարարեն: Պետք է մարդ ուղարկել թեկուզ Պոլիս և այլուր և մեր պահանջներն իրագործել: Եվ որքան լավ կռվենք, այնքան մեզ հաշվի կառնեն: Բանակցություններ վարել Զայակական կառավարության միջոցով, ունենալով ներքին ու արտաքին ձաճաձաձ:

Ս.Վրացյան-Գլխավոր ուշադրությունը պետք է դարձնել պատերազմը շարունակելու վրա: Ձինական ուժերը լարել: Բայց այդ միայն բավական չէ միայն զենքը չի լուծելու: Պետք է փնտրել նաև այլ ճանապարհներ: Որոշ համաձայնության գալ դրսի հետ: Ռ.Քաջագունու առաջարկը չի վերջացած, պետք է օգտվել այդ բաց դռնից: Անկարելի չէ նաև այստեղի թուրքերի հետ համաձայնության գալ: Վարել նրանց հետ բանակցություններ: Դիմել նաև Գերմանիային, շոշափելի քայլեր անել այդ ուղղությամբ: Զույսեր կապել բուլշևիզմից, ցնորք է և վաղաժամ:

Գիգա խատիսյան – Շարունակել բանակցությունները Բրեստ-Լիտովսկի պայմանագրի հիմքով: Դիմել բուլշևիզմին- կնշանակել լարել թուրքերի դեմ: Զրդեհ երկու կողմից վերջնական բնաջնջում է նշանակում: Տրապիզոնի բանակցությունները անհուսալի չեն: Զխենկելին միայն միակողմանի է տարել Բրեստ-Լիտովսկու պայմանը այնպես, ինչպես Լեոն բացատրեց: Տաճկաստանը ուզում է հաշտություն, որովհետև

նա որոշում է գործ ուղարկել Անգլիա, որովհետև նա ավելի կարևոր է, քան մեր ֆրոնտը:

Ս.Չարությունյան -Կռվենք, կռվենք, կռվենք. կարող են ասել նրանք, որոնք կարող են հաղթել: Մերը ինքնապաշտպանություն է: Խաղաղության ճանապարհից չպետք է հեռանալ: Եթե չտապենք, դարձյալ կուշանանք և կվնասվենք: Չարունակ է, որ Ալ.Խատիսյան իր երկար զեկուցումից հետո, վերջը իր տեսակետից հրաժարվեց: Դա սպառնալիքի ազդեցության տակ կատարվեց: Առաջարկում է բանակցությունները շարունակել: Կրացիների մեջ ևս կա կուսակցություններ, որոնք նայում են իրենց կուսակցության շահերի տեսակետից: Պետք է զգաստ լինել: Իրերի դրությունը այլ է, գործ քիչ ունենք հենց իսկ Կարսում: Եթե նահանջենք, մինչ ու՞ր և ինչպե՞ս, դրությունը թելադրում է մեզ, որ եթե վրացիները կուզենան հաշտվել, մենք շարունակենք բանակցությունները: Ժողովրդական կռիվ: Բուրքը պետք է գան, բայց դա բավական չէ: Նոր դրությունը ավելի ևս ստիպում է հաշտվել: Մեր թուրքերի հետ վերսկսել բանակցությունները և համաձայնության գալ, դեռ ամեն բան կորած չէ: Կռվի ընթացքում չպետք է ջարդ լինի խաղաղ ժողովրդի, ինչպես կատարվում է մեզանում, դա վտանգավոր է իր հետևանքներով: Նուխի, Շամախի և այլն, նույնը կարող է լինել հայերի նկատմամբ:

Գ.Տեր-Օհանյան- Անպաշտպան կանանց ու երեխաների ջարդը զայրույթ է հարուցում զինվորների մեջ: Անցնելով նյութին՝ պատերազմել պետք է, բայց ի՞նչ միջոցներով: Մենք տաճիկների հետ կռվել կարող ենք այն ժամանակ միայն, երբ պատերազմը կրի ժողովրդական բնույթ, երբ կռվի ամբողջ ժողովուրդը, այդպես են կռվում այժմ տաճիկները – մեկ ասկյար և 3-4 բնակիչ, իսկ մեզ մոտ զինվորը կռվում է, իսկ ժողովուրդը փախչում է, չնայած զինված է, այս հանգամանքը շատ ճշուն է գործի տրամադրությունը, մեր կռիվը գորաշարքերի մոտից երբեմն անցնում են հազարավոր զինված մարդիկ (գաղթականներ) և բնավ մասնակցություն չեն ունենում կռիվներին: Չորքի ոգին օրեցօր բարձրանում է, ուրեմն ձեզ է մնում, թե կարող եք, կռիվը դարձնել ժողովրդական, թե ես հույս չունեմ դրա հաջողությանը:

Ա.Երզնկյան- Զամաձայն է Ս. Չարությունյանի հետ, որ պիտի դատապարտել թիկունքի ջարդերը, հիմնական խնդիրը այժմ հաշտության հարցն է Տաճկաստանի հետ: Կարծում են, որ եթե ընդունենք Բրեստ-Լիտովսկի դաշնագիրը՝ իսկույն կլինի հաշտություն, սակայն դաշնագրի խախտողն ինքը Տաճկաստանն է: Երկրորդ՝ Տաճկաստանը իբրև նախապայման ընդունում է Անդրկովկասի անկախությունը, որով հենց, դարձյալ, նրանք ժխտում են Բրեստ-Լիտովսկի դաշնագիրը: Միայն է նաև կարծել, իբր Տաճկաստանը ուզում է Անդրկովկասից բուՖեր-պետություն ստեղծել, թե այդպես լինել՝ նա չէր թուլացնի մեզ, անդամահատելով երկիրը: Տաճկաստանի նպատակն է, կռվել տալով մեզ բուլշևիկների դեմ, կռվել Ռուսաստանի դեմ: Կա նաև այն հանգամանքը, որ տաճիկները պահանջում են մեր գործերի զինաթափությունը: Այս բոլորը ցույց է տալիս, որ Բրեստ-Լիտովսկի դաշնագիրը իրագործելի չէ: Վերջապես՝ ոչ հայ և ոչ էլ վրաց ժողովուրդը չեն կարող ըմբռնել տաճկական օրինատացիան: Ժողովուրդը այդպիսի դաշնագիր ստորագրող ղեկավարներից երես կդարձնի անպայման: Այս տարտամությունը միայն և միայն վճատում է ֆրոնտի պաշտպանությունը: Պիտի մի անշեղ գիծ ընտրել, պիտի ստեղծել ուժ, ապա դիմել հաշտության: Այժմ միայն մի հարց կա – կազմակերպել երկրի ինքնապաշտպանությունը:

Առնիաթյան- Վերջին հեռագիրը փոխեց մեր վիճաբանության ընթացքը: Միայն է ասել, իբր Տաճկաստանը պահանջում է Անդրկովկասի անկախությունը Բրեստ-Լիտովսկի դաշնագիրը ընդունելու համար: Ադրբեջանի անկախության որոշումը Կովկասի թուրքերի կողմից - դա հետևանք է Տաճկաստանի ներշնչումների և թափած ջանքերի: Եթե անգամ Տաճկաստանը կանենա խախտել Բրեստ-Լիտովսկի դաշնագիրը՝ Գերմանիան թույլ չի տա: Բուլշևիկների վրա հույս դնելը ցնորք է միայն:

Քանի որ մենք ուժ չունենք Կարսը պաշտպանելու, ինչու՞ չտանք, որ ստանանք որոշ զիջումներ, օրինակ մեզ թողնելով Կարսի և Կաղզվանի գավառների արևելյան հայաբնակ մասը, որի մասին նրանք մասնավոր խոսակցությունների միջոցին հայտնել են, կա նաև տաճկահայերի հարցը, որոնց բնակության համար նրանք Վանա լճի շուրջը չորս գավառակ տալու մասին էին խոսում մասնավոր գրույցների ժամանակ:

Լեո- Շատ կարգի հայտարարություն է անում և հերքում այն՝ իբր թե տաճիկները չեն խախտում Բրեստ-Լիտովսկի դաշնագիրը:

Ա.Շահխաթունյան – Ո՛չ Գերմանիան և ո՛չ էլ Տաճկաստանը չեն խախտել Բրեստ-Լիտովսկի դաշնագիրը. տաճիկների առաջխաղացումը բխում է Բրեստ-Լիտովսկի դաշնագրից: Ադրբեջանի անկախություն հայտարարելու որոշումը ստեղծում է նոր դրություն, որ դժվար է այսօր նախատեսել Բրեստ-Լիտովսկի դաշնագրի նշանակությունը մեզ համար:

Ղարիբջանյան - Վիճում է կաղետների հայացների դեմ և պաշտպանում բուլշևիկների տեսակետը: Անդրկովկասի փրկությունը պահանջում է, որ ճանապարհ տանք բուլշևիկներին: Այսօրվա հեռագիրը ցոյց տվավ, թե ի՞նչ տարրեր են նստած եղել Անդրկովկասի կառավարության մեջ, որոնք այժմ Աբրեջանի անկախություն են հայտարարում: Ներկա կրիտիկական մոմենտում մի ելք կա – ձեռք մեկնել ժողովրդական կոմիսարների իշխանությանը, հակառակ դեպքում փրկություն չկա:

Ա.Խոնդկարյան - Բոլոր դրություններն էլ, որ առաջ բերվեցին այստեղ, քննադատելի են: Ես կողմնակից եմ բանակցությունների վերսկսելուն Բրեստ-Լիտովսկի դաշնագրի [հիմնամ] վրա, որ սխալ բացատրություն է ստանում տաճիկների կողմից: Դաշնագրի մեջ բնավ խոսք չկա, թե 3 շրջանները միացվում են Տաճկաստանին, այլ՝ որ դրանցից հեռանում են ռուս զորքերը ու ինքնորոշվում են: Ինչու՞ դաշնագրի մեջ չէ գրած պարզապես գրավման մասին. հավանորեն Գերմանիայի ազդեցության հետևանքով, դա երևում է նաև դաշնագրի մյուս կետերից: Բացի այդ՝ դաշնագրի մեջ կա և այն կետը, որ 3 շրջաններում պիտի լինի պլեբիսցիտ: Թե դա առանձին-առանձին շրջանների սահմաններում լինի, զուցե հնար լինի և փրկել Կարսի շրջանը:

Լ.Սարգսյան - Ներկայումս մեզ զբաղեցնողը մեր ժողովրդի ֆիզիկական գոյության խնդիրն է դրված, չնայած դրան՝ դարձյալ կատարվում են սխալներ: Մեր հոսանքի կարծիքով՝ անընդունելի է ազգային գործի կազմակերպումը. հետո՞ որոշ խմբեր աշխատում են այստեղ ինքնապաշտպանության գործը իրենց ձեռքում կենտրոնացնել: Ժողովուրդը բնավ չէ ուզում Ռուսաստանից բաժանվել: Ձորքի կազմակերպումն և պարենավորումը ևս շատ թերություններ ունի: Պիտի կազմակերպել ինքնապաշտպանության գործը:

Այնուհետև կարդացվում է Խ.Կարճիկյանի գրավոր կարծիքը, որ, համաձայն իր ցանկության, կցվում է այս արձանագրության:

ՀԱԱ, ֆ.222, ց. 1, գ. 123, քթ.1-14: Բնագիր: Մեքենագիր:

Խ. Կարճիկյանի կարծիքը

5 ապրիլի 1918թ. Թիֆլիս

Հնարավորություն չունենալով ներկա լինելու Ալեքսանդրապոլում ամսիս 6-8 նշանակված ազգային հաստատությունների կոնֆերանսին, անհրաժեշտություն են զգում ներկայացնելու իմ անհատական կարծիքը քննվող հարցի մասին ու խնդրել կցել կոնֆերանսի արձանագրություն:

Ես համարում եմ, որ պատմական ամենախոշոր և ճակատագրական սխալը կատարած պիտի լինենք, եթե հիմա ընդունելու լինենք Բրեստի դաշնագիրը ու այդպիսով դադարեցնենք պատերազմը:

Նախ և առաջ այդ մեզ չի ազատելու ու ապահովելու Տաճկաստանի առաջխաղացումից ու Անդրկովկասի լիովին գրավումից: Հակառակ այն բոլոր հավաստիացումներին, որ արել են տաճիկները, Կովկասի գրավումը հանդիսանում է մի քաղաքական ծրագիր և անհրաժեշտություն Տաճկաստանի համար: Բաթումի ու Կարսի գրավումն առաջին ետապն է, դյուրացնելով այդ:

Տաճկաստանը պիտի ձգտե, օգտվելով հարմար մոմենտից, միանգամից և մշտապես ապահովելու իրեն Ռուսաստանի ապագա վտանգից, որը ոչ հեռավոր ապագայում կարող է ռեալ կերպով նորից սպառնալ Տաճկաստանի սահմաններին: Այս հանգամանքը չէն թաքցնում հենց իրենք տաճիկները և դրանով էլ պատճառաբանում են Կարսի և Բաթումի գրավման անհրաժեշտությունը:

Հիշյալ բերդերի գրավմամբ Տաճկաստանը, հիրավի կապահովի իրեն միայն մի անհրաժեշտ պայմանով, այն է, եթե իր կողքին լինի անկախ, լավ է ասել, Ռուսաստանից անջատված Անդրկովկաս: Այս դեպքում Տաճկաստանը իր հավաստիացումների մեջ անկախ է, երբ պնդում է, որ Անդրկովկասը գրավելու մտադրություն չունի, որ չափով որ իր մտադրությունը կապում է անջատված Անդրկովկասի պայմանի հետ: Իսկ եթե Անդրկովկասը իրեն անկախ չհայտարարի և կամ հայտարարելուց հետո նույն Անդրկովկասը իր ծոցում ունենա այնպիսի խոչընդոտներ, որոնք խանգարեն անկախ Անդրկովկասը Տաճկաստանի վասալը դարձնելու ու անդառնալի կերպով նրան Տաճկական օրբիտի մեջ մտցնելու, այդ դեպքում Տաճկաստանը չպիտի համարի իրեն ապահովված հյուսիսից, պիտի ձգտե վերացնելու այդ խոչընդոտները:

Կարո՞ղ է արդյոք Անդրկովկասը իրեն անկախ հայտարարել և խլել իր բոլոր կապերը Ռուսաստանի հետ, և ինչ՞ու պիտի այդ անի:

Նախ և առաջ պիտի ասեմ, որ ես միանգամայն ճիշտ եմ համարում նկատառումը, որ իբր թե համաձայն Բրեստի դաշնագրի, երբ Անդրկովկասը անկախ լինի, նա իրավունք կունենա և կարող կլինի ազդել կտրվող գավառների բախտի տնօրինման վրա: Այդ գավառների ազգաբնակչության զերազանց մեծամասնությունը պարզորեն կոչված է կցվելու Տաճկաստանին: Եթե նույն իսկ թույլ տանք Կարսի տեղական ժողովուրդը ցանկություն ու վճռականություն ունենա իրեն համար ավտոնոմ կյանք ստեղծելու և կամ Կովկասին միանալու, միթե կասկած կարող է լինել, որ Տաճկաստանը այդ հանդուրժել չի կարող: Զէ՞ որ բացարձակ կերպով Տաճկաստանը հայտարարում է, որ Կարսը, Արդահանը ու Բաթումը պետք է լինեն իր ձեռքում իբրև բերդեր: Այլևս ինչ տարակույս կարող է լինել, որ այդ գավառների բախտը Տաճկաստանի համար կանխորոշված է:

Կարսի ու Բաթումի տալուց հետո, Անդրկովկասի անկախ հայտարարվելը համահավասար է հայ և վրացի ժողովուրդների ինքնասպանման: Դա ոչ միայն դարձնելու է Անդրկովկասը Տաճկաստանի վասալ մի գավառ, այլև անխուսափելիորեն պիտի տանի հայության, զուցե և վրաց ժողովրդի բնաջնջման:

Նախ և առաջ Ռուսաստանը չպիտի հաշտվի Անդրկովկասի կորստի հետ և այսօրվա անջատումը, չպիտի նկատի անկախության գաղափարի իրականացումը, այլ մի բռնության ակտ, որին ակամայից ենթարկվել է Կովկասը Տաճկաստանի ճնշման տակ: Նույնիսկ այսօրվա Ռուսաստանը առաջիկա ամիսներն իսկ պիտի ձգտե

մտնելու Կովկասի սահմանները և ազատագրելու երեկվա իր մասսաները Տաճկական ու տեղական բեզուբյան բռնակալությունից:

Եթե անգամ այդպիսի ձգտումներ չլինեն Ռուսաստանի կողմից և նա վերջնականապես հաշտվի Անդրկովկասի անջատման մտքի հետ, դրա հետ չի հաշտվելու հայությունը, որը միշտ պիտի զգա իր գլխին տեղական թրքոբյան ու Տաճկաստանի կախված թուրք ու իր հայաքցը հառելով դեպի հյուսիս, առիթներ պիտի փնտրե Ռուսաստանին ներս բերելու ու ազատագրվելու: Անգամ վրաց ժողովուրդը, որքան էլ այսօր նա զգված լինի ռուսներից և մտածի Տաճկաստանի հովանու տակ ավտոմոմիայի բարիքները վայելելու, վաղը, երբ իր կաշվի վրա կզգա Տաճկաստանի բռնանցքը, պիտի տենչա ու ձգտե Ռուսաստանի հովանավորության:

Եթե իսկապես Ռուսաստանը փորձե ներս գալու, բնական է որ Կովկասի քրիստոնեա ժողովուրդները չեն դուրս գալու ու զենքով դիմադրելու նրան: Իսկ Տաճկաստանը, իհարկե չի հանդուրժելու, որ իր «Բարեկամ դրացին» վտանգվի, նա ինքը պիտի ներս գա և բռնի այն դռները, որով Ռուսաստանը մտադիր կլինի առաջանալու: Դա կլինի փաստացի գրավում Անդրկովկասի:

Երկրորդ դեպքում, եթե Ռուսաստանը ինքը հաշտվի Կովկասի կորցնելուն հետ, ինքը Տաճկաստանը, ինչպես և տեղական թուրքությունը չի կարող չզգալ ու հասկանալ, որ քրիստոնեա ազգաբնակչությունը իր հոգեկան կապերով ու սպասելիքներով մի մշտական սպառնալիք է Ռուսաստանի առաջխաղացության և, տարակույս չկա, որ պիտի աշխատի այդ խոցը կորզելու ու իրեն մշտապես ապահովելով, ինչպես արեց նա տաճկահայոց վերաբերմամբ, ճիշտ նույն նկատումներով ու նույն պայմաններում: Եվ քանի որ տեղական թուրք ազգաբնակչությունը պիտի ունենա վերին աստիճանի ագրեսիվ տրամադրություն և դառնալու սանձարձակ, Տաճկաստանի համար խնդիրը շատ է դյուրանալու:

Հուսալ, որ Գերմանիան կամ նրա դաշնակիցները այլ կերպ կնային Կովկասի իրականությանն ու կթելադրեն այլ կերպ վարվել Կովկասի քրիստոնեա ազգաբնակչության հետ, մենք հիմք չունինք: Այդպիսի խնդիրներում գուցե Գերմանիան ինքը անկարող լինի արգելք հանդիսանալ Տաճկաստանի մտադրություններին և շատ հավանական է, որ երբ խնդիրը գա Կովկասը հյուսիսից անվտանգ դարձնելուն, ինքը՝ Գերմանիան թելադրողը ու ծրագրողը լինի վտանգավոր տարրերի վերացման, ինչպես այդ եղավ Տաճկահայաստանում:

Այսպիսով, Բրեստի դաշինքը ընդունելուց հետո, հնարավոր է երեք դրություն. 1/ կամ, չտալով ոչ մի նշանակություն կապած դաշինքին, անմիջապես Տաճկաստանը առաջանում է ու գրավում Անդրկովկասը, 2/ կամ կանգ է առնում որոշված սահմաններում ու ստիպում Անդրկովկասը անկախ հայտարարել ու փաստորեն դառնալ իր վասալ նահանգը և 3/ կամ գրավում է Կովկասը, եթե մենք հրաժարվում ենք անկախ հայտարարելուց ու մնում ենք Ռուսաստանի մի մասը: Վերջին դրությունը անխուսափելի է, քանի որ տեղական թուրք ազգաբնակչության համար դեռ հանդուրժելի է անկախ Անդրկովկասը, իսկ երբ խնդիրը գա Ռուսաստանի հետ կապված մնալուն, տարակույս չկա, որ նա ամեն միջոց ձեռք է առնելու Տաճկաստանին հրավիրելով ու կցվելով իր ազգակից պետության:

Երեք դեպքում էլ հայության, գուցե նաև վրացության բախտը կանխորոշված է, վաղ թե ուշ բնաջնջումը անխուսափելի է:

Ահա այս պատճառով էլ ես միանգամայն կորստաբեր եմ համարում Բրեստի դաշնագիրը ու Կարսը տալով, պատերազմը դադարեցնելը:

Կարող է առաքելություն լինի, որ Բրեստի դաշնագիրը ընդունելուց հետո, մենք հնարավորություն կունենանք մեր բանակը ու ռազմական ուժերը պահելու ու դրանով ապահովելու մեր հետագա անելիքների ազատությունը և շարունակելու կռիվը, եթե Տաճկաստանի կողմից տենդենցներ նկատվի առաջխաղացության:

Ինձ թվում է, որ այն ռուպեին, երբ հայտարարվեց, որ խաղաղությունը կնքված է, որ սահմանները որոշված են, տիրելու է սուկակի հոգեկան ռեակցիան, որը կհաջորդի չորս տարվա հոգնածությանը:

Ոչ միայն կչքանա ոգևորությունը, կռվելու ու պաշտպանվելու ձգտումը, որը նկատվում է այժմ և ձեռք է բերված երկար փորձություններից հետո, այլ և ամբողջ բանակը կհավի ու ոչ մի զինվոր չի մնալ զենքի տակ: Կասկածից դուրս է, որ դաշնագիրը ընդունելու օրից փաստորեն զինաթափ են լինելու ու լուծվելու են մեր զինվորական ուժերը և բացելու ենք բոլոր դռները Տաճկաստանի առաջ:

Այս վերլուծումից հետո ինձ մնում է անել միայն հնարավոր եզրակացություն: Ամեն պարագային մենք շարունակում ենք կռիվը և երբեք չպետք է կամովին ձեռքից տանք այն դիրքերն ու ամրությունները, որ կարող են ուժեղացնել մեր դիմադրական ուժը: Եթե անգամ այդ կռիվը լինի միանգամայն անհույս և հետևանքը պարզ, այնուամենայնիվ մենք չենք կարող գիտակցաբար զենքը ձեռքից վար դնել:

Ես ինձ իրավունք չեմ համարում դատելու, որքան արժեքավոր է մեր ռազմական կարողությունը և կարող ենք արդյոք մենք շարունակել պատերազմը, հույս ունենալով հաջողությամբ դիմադրելու Տաճկաստանին:

Բայց և այնպես կարիք եմ զգում հայտնելու իմ կարծիքը այդ խնդրի մասին: Ինձ թվում է, որ մեր ռազմական ուժը, Տաճկաստանի հանդեպ, հենց ներկայիս արդեն հանդիսանում է որոշ գրավական, իսկ գնալով նա զարգանալու ու ուժեղանալու է, մինչդեռ Տաճկաստանինը գնալով պակսելու ու թուլանալու է: Նախ պետք է ի նկատի ունենալ, որ մեզանում դեռ նոր է ժողովուրդը զգում վտանգի սարսափը և նոր է առաջ գալիս զոհաբերության պատրաստականության: Դիսցիպլինայի անհրաժեշտությունը սկսում է արմատ ձգել կռիվը մասսաների գիտակցության մեջ: Իսկ հակառակ կողմի գործերը հեռանալով իրենց գլխավոր հենակետերից ու զրկվելով մատակարարման դյուրություններից՝ առաջին արշավից հետո, պիտի մեծ հոգնածության ու հանգստի կարիք զգան, մանավանդ, եթե մեզ հաջողվի միառժամանակ կանգնեցնել նոցա իրենց տեղերում և հարվածների տակ պահենք:

Ինձ նույնպես թվում է, որ այնքան էլ հոռետես չպիտի լինենք վրացական ուժերի վերաբերմամբ: Նույն կազմալուծումը հիասթափությունը մենք նկատեցինք մեր խոշոր անհաջողությունից հետո, երբ տվինք Երզրումը ու Սարիղամիշը: Եվ սակայն դրանից հետո մեզ հաջողվեց ցնցել զինվորական մասսաները և նոցա կազմակերպել: Հիմք չունենք կասկածելու, որ վրացիներին ևս, երբ արդեն զգացվեց նոցա համար ևս վտանգի սարսափը, չի հաջողվի կարգի բերելու իրենց զինվորական ուժերը: Այն կազմալուծումը, որ նկատվում է այժմ վրացական գավառներում, ինձ թվում է շուտով անցնելու է և վրաց ժողովուրդը պիտի կարողանա կազմակերպել իր ռազմական ուժերը: Դրա նշանները արդեն նկատվում է և վերջին տեղեկությունները արդեն ցույց են տալիս, որ նոցա բանակը ևս սկսել է կռվել ու դասալքությունը նվազել է:

Ամենախոշոր հարցը, պատերազմը շարունակելու համար, իհարկե, զինամթերքի պակասն է: Սակայն իմ ունեցած տեղեկություններով մեր պաշարները և այն աղբյուրները, որ դեռ կարող են օգտագործվել, այնքան էլ աննշան չեն և անհնար չպիտի համարել Ռուսաստանից հետագայում ռազմամթերք ստանալը: Այդ ուղղությամբ աշխատանքներ արդեն կատարվում են և մեծ հավանականություն կա, որ հաջող էլք կունենան:

Եզրափակելով իմ կարծիքը, ես գտնում եմ, որ պատերազմը դադարեցնելը մեզ համար ինքնասպանության նշանակություն ունի: Իսկ մեր անվերջ տատանումները և հասարակական զանազան խմբակցությունների ու օրգանների ագիտացիան հօգուտ Բրեստի դաշնագրի, մեծապես թուլացնում է մեր դիմադրական ուժը, անվստահություն ներշնչում կռիվներին և կազմալուծում առաջ բերում թիկունքում: Վճռականապես պետք է որոշել ու ցուցադրել, որ կռիվը շարունակվելու է և որ անհույս մի կռիվ չէ, որը անվիճելի կերպով տանում է մեզ դեպի կորուստ:

Ֆ.222, ց.1, գ.122,թ.1-4: Ձեռագիր: Բնագիր:

**Չորրորդ միասն**

8/21 ապրիլ, 1918

Նիստը բացվեց առավոտյան ժամը 10 1/4 -ին նախագահությանը Ա.Ահարոնյանի և քարտուղարությամբ Ա.Աբեղյանի: Օրակարգի խնդիրներն էին՝ 1. իշխանության խնդիր, 2. ինքնապաշտպանության խնդիր:

Ն.Աղբալյան- Ադրբեջանի սպասվող բաժանումով հայերը և վրացիները մնում են առանձնացած: Հայերի և վրացիների ընդհանուր գործը (պատերազմ) վարելու համար պիտի ընտրել մի ընդհանուր կառավարություն, իսկ Վրաստանի և Հայաստանի համար-առանձին-առանձին կառավարություններ: Դա բնական է, այդ ուղղությամբ էլ զարգանում է ազգային կյանքը:

Ա.Երզնկյան- Վտանգավոր է համար հատուկ ազգային կառավարություններ ընտրել, այլ պիտի պահել Անդրկովկասյան կառավարությունը, չպետք է հաշտվել Ադրբեջանի անջատման գաղափարի հետ, դա կարող է լինել միայն պլեբիսցիտայի միջոցով: Մուսավաթը գնում է, առանց նրան էլ կարելի է ընդհանուր կառավարություն ունենալ:

Յ.Բեկզադյան- Համամիտ է վերոհիշյալ կարծիքին, բայց կարծում է, որ իրոք նոր կառավարությունը լինելու է հայ-վրացական կառավարություն, քանի որ հավանորեն հունմետիստներն ևս պիտի անջատման կողմնակից կլինեն: Հայկական և վրացական առանձին կառավարությունները կարող են իրար դեմ լինել չնչին խնդիրների պատճառով:

Ս.Վրացյան- Առանձին կառավարությունների խնդիրը կապ չունի Անդրկովկասի անջատման հետ: Անջատումը ամենից շատ կվնասի մեզ, հայերիս.այդ դեպքում մենք կմամք կղզիացած, կտրված արտաքին աշխարհից և ամխուսափելիորեն պիտի պարտվենք: Իսկ թե հնարավոր չլինի Անդրկովկասի մի մասը (թաթարական) պահել, պիտի միացած պահել մյուս մասերը:

Գ.Ղազարյան- Նույն կարծիքի է. պիտի աշխատել թուրք աշխատավոր մասսաների ներկայացուցիչներին պահել:

Ա.Ջոհրաբյան- Սկզբունքային տեսակետից լավ է չղնենք խնդիրը, այլ վերցնենք փաստը և քննենք: Ադրբեջանը գնում է, առանց ցանկալու մնալ Ռուսաստանի ֆեդերատիվ հասարակապետության մեջ: Գնում են- իրենց գործն է, բայց թող պլեբիսցիտ անեն:

Վ.Նավասարդյան- Կյանքը այլ ընթացք ունի, քան մեր մտածողությունները: Հարկավոր է գտնել միջին ելքը Անդրկովկասյան և ազգային կառավարությունների մեջ: Մինչև այսօր հնարավոր չէրավ անդրկովկասյան մի ճակատ ստեղծել. ապացույց- Ադրբեջանի անջատումը: Հարկավոր է ապացուցել այժմ հայ և վրաց դեմոկրատական շահերի նույնությունը: Հայ ժողովուրդը մինչև օրս չգիտե, թե որն է իր հարազատը, անդամաճան իշխանությունը մեր ժողովրդի համար: Ապացույց դրա Հայոց Ազգային խորհրդի հեղինակությունը մեր ժողովրդի մեջ, որովհետև դա մեր կյանքի պահանջն է: Պետք է ընդառաջ գնալ հայ ժողովրդի բնագրի ցանկության, որ ժողովուրդը զգա, որ կա իր հարազատ կառավարությունը: Մեծ երկյուղ կա, որ հայ-վրացական ընդհանուր կառավարության մեջ էլ չլինի համերաշխություն, առաջ գա անհամաձայնություն: Ապացույց՝ մենչևիկ կառավարությանը ամեն եղանակով աշխատում է մեր երկրի հարստությունները տանել: Առաջարկ՝ անդրկովկասյան ընդհանուր կառավարության հետ միասին նաև ազգային կառավարություն պիտի ստեղծել:

Ա. Շահխաթունյան- Ժամանակը չի համարում առանձին կառավարություններ ստեղծել: Հայ ժողովրդի ձգտումն է ոչ թե Հայաստանի, այլ հայ ժողովրդի կառավարություն ունենալ: Ներկա մոմենտին ժողովուրդները ապրում են ոչ թե քաղաքական-կուլտուրական կյանքով, այլ տարված են ինքնապաշտպանության խնդրով: Անջատ կառավարությունը փաստորեն կտանի դեպի Անդրկովկասյան 3 մասերի անջատում, և դա ձեռնառու կլինի թուրքիային, որ գործի կունենա արդեն 3 առանձին երկրների հետ: Հարցի բուն լուծումը կախված է իրերի մոտիկ ապագային դասավորվելուց: Պետք է մի բանաձև ընդունել, ավելի նպաստավոր երկրի պաշտպանության համար արտաքին թշնամու դեմ:

Ս. Մամիկոնյան- Թուրքերի քայլը մի խաղ է միայն, մի միջոց՝ հարկադրելու որ Անդրկովկասը անջատվի Ռուսաստանից և հաշտություն կնքել Տաճկաստանի հետ, մեկ էլ՝ ստեղծել անարխիա, որ չիրագործվի հողային դեկրետը և դժվարության առաջ բերեն երկրի պաշտպության համար: Պիտի թուրքերից պահանջել, որ անջատման համար դիմեն պլեբիսցիտի, մինչև այն պիտի մնան կառավարության մեջ, մանավանդ որ Անդրբեջանի սահմանները որոշ չեն: Պիտի ջանալ, որ հունմեթը գոնե մնա կառավարության մեջ: Պիտի պահել, հակառակ դեպքում ընդհանուր հայ-վրացական կառավարություն ունենալ. կան ընդհանուր շատ խնդիրներ-ֆինանսական, զինվորական և այլ խնդիրներ (օրինակ՝ տերրիտորիալ-Ախալքալակի խնդիր) և այլն:

Ա. Ստամբուլցյան- Պետք է ամեն կերպ աշխատել հեղափոխական ֆրոնտի միությունը պահպանել: Քանի որ հակահեղափոխական Մուսավաթը գնում է, պիտի դառնալ կրկին խորհուրդների իշխանությամբ: Առանձին իշխանություններ մտցնում են ջլատումն, մանավանդ որ անկախության դեմ է մեծամասնությունը: Առաջարկ՝ ընդունել կովկասյան խորհուրդների իշխանությունը:

Յ.Թումանյան- Կովկասի ոչ մի ժողովրդի համար այնչափ անհրաժեշտ չէ ընդհանուր իշխանությունը, կենտրոնը, որչափ մեզ համար: Անջատումն Անդրկովկասի մասերի- կնշանակե կռիվ առանձին մասերի դեմ, կռիվ ոչ միայն Տաճկաստանի, այլև Ադրբեջանի և Վրաստանի դեմ, թույլ չպիտի տալ առանձին կառավարություն ստեղծելը: Առանձին կառավարություն՝ կնշանակե առանձին թշնամի, բարեկամություն պիտի ստեղծել հարևանների հետ: Ժամանակ է խոստովանել, որ պարտված ենք մենք, մեր իղեալները՝ ջախջախված:

Ա.Խոնդկարյան- դեմ է առանձին կառավարություններին. պիտի բացառել „Մուսավաթի“, որոշումը: Եթե վրացիները առանձնանան, իրենց տունը մտնեն, բաժանող վեճը ավելի կխորոնա, մանավանդ որ զուտ վրացական կառավարության մեջ նացիոնալիստ տարրերը ավելի կգորանան: Համաձայն է նաև մյուս պատճառների հետ:

Ղարիբջանյան- Սա կովկասյան իշխանության 101-րդ կրիզիսն է. Անդրկովկասի և ոչ մի իշխանություն չէ եղել արտահայտիչը աշխատավոր մասսաների: „Մուսավաթը,-ը գնաց, լավ եղավ- ինչու չգնացին նաև մյուսները: Ինչպե՞ս կազմակերպել իշխանությունը- ճանաչել ժողովրդական կոմիսարներին.դա կկրկի միայն հեղափոխությունը և ժողովուրդը:

Ա.Թումանյան- Ժողովրդական կոմիսարական իշխանությունը գյուղացիների և բանվորների իշխանություն չէ, այլ՝ որոշ խմբակի: Նա հասցրեց մեզ Բրեստ-Լիտովսկին: Առանձին կառավարությունը մահ է ամբողջի հետ:

Ն.Աղբալյան- Կովկասը աշխարագրական տերմին է: Դա երեք ժողովուրդների երկիր է, շահերը մեծ մասամբ մնան չեն, երբեմն հակընդդեմ, օր.՝ թուրքերի շահը պատերազմի խնդրում հակադրվում է հայ-վրացական շահերին: Ադրբեջանը ուզում է անկախանալ-ի՞նչ իրավունքով եք դիմադրում. դրանով ավելացնում եք նոր ֆրոնտ: Եթե մենք դիմադրում ենք նրանց ձգտումին- հարել տաճկական օրենսդրության, ուրեմն և չպիտի խանգարենք նրանց- տնօրինելու իրենց գործերը: Թող Ռուսաստանի իշխանությունը միջոցներ գտնի անջատվողների դեմ: Հայերի և վրացիների միությունը

կյանքը թելադրանք է, և մենք այժմ ավելի ենք միացած, քան մեկ ամիս առաջ, իսկ դա պիտի արտահայտենք մի օրգանի մեջ:

Ա.Երզնկյան- Առարկուն է Ղարիբջանյանին: Բուլշևիկյան կառավարությունը ոչ թե ներքևի խավերից է դիմում կառավարության ստեղծելու գործում, այլ հակառակը՝ օրինակ՝ բուլշևիկները կովկասի համար նշանակում են վերևից, «փոխարքա»,- համծին Շահումյանի: Բուն նյութին անցնելով՝ դեմ է Ադրբեջանի անջատման, որովհետև դա ժողովրդի անջատում չէ, այլ տիրող դասակարգի անջատումն է, բռնի կերպով, բեկերի միջոցով, ապա ուրեմն պիտի պայքարել դրա դեմ, քանի որ դա ինքը կստեղծի նոր ֆրոնտ, թեկուզ հենց տերիտորիայի խնդրում: Առանձին կառավարությունը կունենա նորանոր ֆրոնտներ: Կառավարումը պահանջում է ահագին մեխանիզմ, ֆինանսներ և այլն: Տարբեր կառավարությունները կլինեն կործանարար:

Ռ.Քաջագունցի- Ո՞րն է լավը, լավը չկա. ո՞րն է չարիքներից փոքրագույնը, ահա խնդիրը: Չի բաժանում Արամայիսի տեսակետը: Ադրբեջանի անջատումը փաստ է, լինի դա Բեգերի թե այլ մասերի կողմից՝ միևնույն է: Սխալ կլինի, հետևելով նրան ստեղծել Կրաստան, Չայաստան: Գուցե և այլ մանրմունք ազգեր պետք է ընդհանուր կառավարություն կազմել վարչական ապակենտրոնացմամբ: Տարօրինակ է, որ Տրապիզոնում կային ազգային գրուպպաներ: Ինչ արած, մեր իրականությունն է այսպես: Ազգային ինքնազգացումը գորեղ է, պետք է կառավարել: Գուցե մենք սոցիալիստներ չենք, բայց փաստ է, որ Մուսավաթը, Յ.Յ.Դ., սոցիալիստներն ունենալիքները նույն բաներն են, բայց իրողություն նույն է: Պետք է վարչական բաժանում մտցնել, տեղերում իշխանություն ստեղծելու համար: Կաղապարել այն, ինչ որ կատարվում է անխղճորեն: Կողմնակից է Սեյմի գոյության: Դեմ է որևէ օրգանի, առանց պետական ֆունկցիաների:

Բունիթայան- Կողմնակից է ռուս օրենսդրության: Սխալ էր ապակենտրոնացումը, որի պտուղները մենք վայելում ենք: Օազիս ենք մահմեդականության մեջ: Սոցիալական հեղափոխությունը պայթեցրեց Ռուսաստանը. որից և վախենում են թուրքերը և ուզում են անջատվել: Դեմ է անջատ պետություն կազմելու, զոնե վրացիների հետ միանալ, թեև հավատ չունի, որ նրանք ևս չեն ցանկանում անջատվել: Ուժեղացնել Ազգային խորհուրդները իբրև ռազմական ապագա հնարավոր կառավարություն: Լավ հարաբերություններ պահել թուրքերի հետ. թերև հնարավոր է դեռ էլ պահել մեզ հետ:

Ս.Չարությունյան- Կտրուկ կերպով դեմ է անջատման, մեզ՝ հայերի համար մահացու հարված է: Կրացիներից և թուրքերի մեջ կան տարրեր, որոնք ուզում են անջատվել, որից հետո առանձին կապ կստեղծեն օսմանցիների հետ: Եթե մենք անջատվենք, կկորցնենք ամեն մի հենարան թե ֆրոնտի և ներքին կյանքում: Ամեն կողմից կփակվենք իբր մի պարկի մեջ: Հիմա թույլ եք, անջատվելով ավելի կթուլանանք: Կրացիների և թուրքերի մեջ հո կան տարրեր, որոնք դեմ են անջատման: Թուրք մանր բուրժուազիան, որ այժմ թույլ է, դեմ է նույնպես: Կառավարության մեջ մտցնել Չունմեթին, որպեսզի միությունը չխախտվի: Կենտրոնական կառավարություն կազմելը, մտցնելով ռուսական տարրի ներկայացուցիչը, ընդդրում, որ մենք չենք ուզում Ռուսաստանից անջատվել: Պահանջել, որ մնա կենտրոնական կառավարությունը 4 ազգի ներկայացուցիչներից:

Նախագահը վիճաբանությունները վերջացած համարելով, հիշեցնում է, որ բանաձևեր կազմելիս ի նկատի ունենան, թե թուրքերի մասնակցությունը կառավարության մեջ ինչպես է լինելու:

Տեղի է ունենում ընդմիջում:

Վերաբացելով ժողովը, նախագահը առաջարկում է քվեարկել պատերազմի ու խաղաղության մասին եղած բանաձևերը.

1) Սոցիալ- դեմոկրատների բանաձևը

2) Հայ ժողովրդական կուսակցության բանաձևը

3) Սիմոն Վրացյանի բանաձևը

4) Արշան Խոնդկարյանի բանաձևը

5) Վ. Տեր-Գևորգյանի բանաձևը

6) Վ. Նավասարդյանի բանաձևը

Այդ բանաձևերի շուրջը տեղի է ունենում երկարատև թեր ու դեմ վիճաբանություններ, գլխավորապես Բրեստ-Լիտովսկի պայմանագրի կետի և հաշտության խնդիրների այս կամ այն ձևակերպության մասին: Այդ տարածայնությունների շնորհիվ էլ առաջարկվում են 6 տարբեր բանաձևեր միևնույն խնդրի մասին: Վերջապես որոշվում է քվեարկությամբ բանաձևերից մեկը ընդունել իբրև հիմք:

Քվեարկությունը տալիս է հետևյալ արդյունքը՝

Վ.Նավասարդյանի բանաձևը - 17 ձայն, 8 դեմ

Վ.Տեր-Գևորգյանի բանաձևը - 13 ձայն, 8 դեմ

Ս. Կրացյանի բանաձևը - 11 ձայն, 9 կողմ

Ա. Խոնդկարյանի բանաձևը - 10 ձայն, 13 կողմ

Ս. Չարությունյանի բանաձևը - 3 ձայն

Ընդունվում է հիմք առաջին բանաձևը:

Սամ. Չարությունյանը առաջարկում է ոչ մի բանաձև չընդունել, այլ բոլոր բանաձևերը թողնել կառավարության հայ անդամների մոտ, որ ի նկատի ունենան: Այդ առաջարկը չի ունենում արձագանքում: Ուշ լինելու պատճառով նիստի շարունակությունը թողնվում է երեկոյան:

ՀԱԱ, ֆ.Պ-222, ց. 1, գ. 123, թթ. 15-20: Ձեռագիր: Բնագիր:

Հինգերորդ նիստ

8/21 ապրիլի, երեկոյան ժամը 6½-ին

Նիստը բացվում է երեկոյան ժամը 6 ½ նախագահությամբ Ա.Ահարոնյանի և քարտուղարությամբ Ա.Սատմբուլցյանի: Օրակարգի խնդիրն է նախորդ ժողովում հիմք ընդունված բանաձևի վերջնական խմբագրումը և Անդրկովկասյան իշխանության խնդրի վերջնական լուծումը: Նախագահը կարդում է այն բանաձևը, որ ընդունվեց իբրև հիմք: Ռ.Քաջագունցին առաջարկում է բանաձևից հանել Բրեստ-Լիտովսկի պայմանագրի մասին եղած ամբողջ հատվածը: Այդ առաջարկի առթիվ տեղի է ունենում թեր ու դեմ վիճաբանություն: Ոմանք՝ բժ.Ջավրիկը, Մ.Պապաջանյանը, Գ.Խատիսյանը այն կարծիքին են, թե պետք է այնպիսի որոշում կայացնել, որ կարելի լինի հարմարացնել հետագայի նոր առաջ եկած պայմաններին, ուստի և կողմնակից էին, որ Բրեստ-Լիտովսկի պայմանագրի հիշատակումը հանվի բանաձևից, իբրև մի կետ, որ կարող է հետագայում արգելք լինել մեր դիվանագիտական հարաբերություններին: Մյուսները /Ա.Երզնկյան/ համարում են, որ այդ առաջարկ է հիմնական ժխտումն ընդունուած բանաձևի, անպատասխան թողնելով մի շատ կարևոր խնդիր, անորոշության մեջ է դնում կառավարության հայ անդամներին: Եթե ամեն ինչ թողած է նրանց, ապա բանաձև բնավ հարկավոր չէ:

Նախագահը անվանական քվեարկության է դնում: Բրեստ-Լիտովսկի պայմանագրի հիշատակումը բանաձևից հանելուն ձայն են տալիս 20 հոգի, պահելու 18, ձեռնպահ մնում են 5 հոգի :

Ապա փոխվում է «պատերազմի» տեղ «երկրի պաշտպանություն» բառերով: Այնուհետև Ստ.Մամիկոնյան առաջարկում է խաղաղության մասին եղած կետը հանել: Պատերազմի ժամանակ խաղաղության մասին չեն մտածում, դրանք տատանումներ

են առաջացնում: Դրա մասին կարելի է խոսել իբրև հնարավորություններ, և ոչ կատեգորիկ պահանջ: Դրանք պահել իբրև հրահանգ և ոչ հայտարարություն:

Մ.Պապաջանյան առարկում է, որ չի կարելի անվերջ կռիվը շարունակել, պետք է ժողովրդին դրությունը պարզել, որ կռիվը հուսահատական չէ: Կարելի է այնպես անել, որ մի բանաձևը մնա իբրև գաղտնի հրահանգ կառավարության, մյուսը հասարակությանը հայտնելու համար:

Քվեարկությամբ որոշվում է այդ կետը /հաշտության մասին/ հրապարակ չհանել: Նույնպես քվեարկությամբ հետևյալ ուղղումն ընդունվում է, կոնֆերանսը հանձնարարում է պատշաճ մարմիններին համապատասխան քայլեր անել, ըստ կարելույն շուտով Անդրկովկասի ժողովրդների ազատությունն ապահովող պատվավորը և հաստատուն հաշտություն կնքել:

Մ.Պապաջանյան- Քանի որ այդ կետը գաղտնի է մնալու, պետք է որոշել, թե մինչև որ կետը զիջումն ենք անելու. առաջարկում է ավելացնել «հիմք ընդունելով Բրեստ-Լիտովսկի պայմանագիրը», բայց քվեարկությամբ մերժվում է:

Ա.Ղազարյան- Առաջարկում է «այնպիսի հաշտություն կնքել, որ մեր երկրի ամբողջությունը պահպանվի» քվեարկությամբ չի անցնում:

Ալ. Շարաֆյան- Առաջարկում է «առանց Կարսի, Բաթումի հաշտություն չկնքել» - չի անցնում:

Ռ.Քաջագունին, որպես դետալիզացիա ավելացնել «ձգտել պահպանել Բաթումի, Կարսի և Կաղզվանի հայկական շրջանները»: Ստ.Մամիկոնյան առաջարկում է «ապահովել Անդրկովկասի սահմանները, ինքնորոշման իրավունքը իրագործելով»: Այս առաջարկները իբրև մանրամասներ թողնվում է իբրև հրահանգ պատվիրակության, բայց ոչ թե կետ բանաձևի մեջ:

Վահ.Նավասարդյան - Չավատացած, որ վրացին Կարսի համար արյուն չի թափի /ձայներ/ հայն էլ վրացու համար չի թափի, / առաջարկում է նույնիսկ մենակ կռվել Կարսի համար, առանց Բաթումի: Քվեարկվում է և մերժվում է այդ առաջարկը /4 ձայն է ստանում/:

Ալ.Խատիսյան- Առաջարկում է մտցնել թուրքահայերի խնդրի նկատմամբ հետևյալ կետը՝ «թուրքահայերին թողնել վերադառնալու իրենց երկիրը և որոշելու իրենց կյանքը»:

Վահան Փափազյան- Նախ բողոքում է, որ թուրքահայերի ներկայացուցչական մարմնից՝ ապահովության խորհրդից մարդ չի հրավիրված և ապա գտնում է միանգամայն ավելորդ այնպիսի երկրորդական պահանջներ դնել. թողեք ոչինչ չլինի, որպեսզի ապագայում հնարավորություն լինի պահանջներ ներկայացնելու:

Թուրքահայերի վերաբերյալ կետը հետ է վերցվում: Վիճաբանությունը այդ խնդրի նկատմամբ սպառված համարելով, նախագահը քվեարկության է դնում բանաձևը վերջնական խմբագրությամբ, որն ընդունվում է:

«Ալեքսանդրապոլի կոնֆերանսը լսելով հաշտության պատգամավորության և զորահրամանատարության գեկուցումները, որոշվում է՝ որ հրամայական անհրաժեշտություն է բոլոր հնարավոր միջոցներով շարունակել երկրի պաշտպանությունը: Կոնֆերանսը հանձնարարում է պատշաճ մարմիններին համապատասխան քայլեր անել, ըստ կարելույն շուտով, Անդրկովկասյան ժողովուրդների ազատությունը ապահովող պատվավոր և հաստատուն հաշտություն կնքելու»:

Այնուհետև ժողովն անցնում է անկախության և իշխանության խնդիրներին. կարդացվում է սոցիալ-դեմոկրատների և սոցիալ-հեղափոխականների, կարդացվում է նաև Ռ.Քաջագունու և Էսենների բանաձևը իշխանության մասին: Այդ բանաձևերի շուրջը տեղի է ունենում մտքերի կարճ փոխանակություն. ոմանք գտնում են, որ այդ խնդիրների մասին պետք է խոսել Թիֆլիսում, հանգամանքների հետ ժանոթանալուց

հետո, մյուսները, ի նկատի ունենալով, որ արդեն այդ հարցերի մասին խոսված է, առաջարկում են ընդունել որևէ բանաձև: Այդ րոպեին ստացվում է հեռագիր Թիֆլիսից, որ վրաց ազգային խորհուրդը որոշել է անկախություն հայտարարել: Այս հանգամանքը ստիպում է ժողովին թողնել այդ խնդիրները, շտապել Թիֆլիս և այնտեղ այդ հարցերը որոշել: Որոշվում է անկախության և իշխանության խնդիրները քննել Թիֆլիսում, տեղի է ունենում ընդմիջում:

Ընդմիջումից հետո Ստ.Մամիկոնյան հայտնում է. քանի որ մեր վիճակը ըստ երևույթին վատթարանում է, ավելի, քան երբևիցե, մենք պետք է մնանք այստեղ, շրջենք զավառները, հրացան հավաքենք և առհասարակ նպաստենք պաշտպանության գործին: Թողնենք անկախության և այլ հարցերը առանց մեզ որոշեն, եթե մեզ կապասեն լավ, իսկ եթե չէ, մենք մեր գործը կանենք:

Այդ առաջարկը պաշտպանում են շատերը, առանձնապես գավառի ներկայացուցիչները /Գ.Ղազարյան, բժ.Տերտերյան, Լ.Սարգսյան/:

Մյուսները համաձայնվելով դրա հետ, առաջարկում են հետո գալ, երբ Թիֆլիսում այս խնդիրներից մեկնումեկը չլուծվի:

Չովի.Թումանյան առաջարկում է ստեղծել մի կամք և հեղինակություն, իսկ մեզանում երկու իշխանություն կա՝ Ազգային խորհուրդ և Յ.Յ.Ղաշնակցություն, այս հանգամանքը քայքայիչ ազդեցություն է ունենում մեր գործի վրա, ապացույց թուրք-հայկական ընդհարումները, որի հանդեպ Ազգային խորհուրդի լիազորները խաղաղար ընթացք են բռնում, իսկ խմբերը ընդհակառակը: Պետք է վերջ տալ այս բոլորին, որովհետև հետևանքները շատ վատ կլինեն: Ստ.Մամիկոնյան նորից պնդում է, որ սեյմի հայ անդամները այստեղ ներկա լինեն, որ իրենց հեղինակությամբ կարողանան գործին նպաստել:

Նախագահը ձևակերպում է /այս/ առաջարկը այն մտքով, որ երբ այս խնդիրներից մեկնումեկը կորոշվի, հետո կգան և միստը փակվում է երեկոյան ժամը 8½-ին:

Նախագահ

Քարտուղար Ա. Ստամբուլյան



**2. ՅԱՐԱԲԵՐՈՒԹԻՒՆՆԵՐ ՀԱՆՐԱՊԵՏՈՒԹԵԱՆ ՊԱՏՈՒԻՐԱԿՈՒԹԵԱՆ ՀԵՏ**

Համագումարը յետոյ անցաւ Հայկական Հանրապետութեան ներկայացուցիչներուն եւ Ազգ. Համագումարի փոխյարաբերութեանց խնդրին:

Հայկական Հանրապետութիւնը, բոլորովին անտեղեակ ծրագրուած Համագումարէն, Տիարք Ա. Ահարոնեանի նախագահութեամբ եւ Մ. Պապաջանեանի /որ տակաւին եկած չէ/ ու Հանձ. Օհանջանեանի անդամակցութեամբ Պատուիրակութիւն մը ղրկած էր Փարիզ, գործելու համար ի նպաստ ազգային դատին՝ համախորհուրդ Ազգ. Պատուիրակութեան հետ:

Այս Պատուիրակութեան անունով Տիար Ա. Ահարոնեան խօսք ամենելով յայտարարեց, որ Հանրապետութեան Պատուիրակութիւնը ինքզինքը կը դնէր Համագումարին տրամադրութեան տակ, թէ իրենք բոլոր սրտանց կ'ուզէին աշխատակցիլ Համագումարի աշխատութեանց, բայց նկատի ունենալով Հայկական Հանրապետութեան ներկայացուցիչներու թիւին նուազութիւնը /երեք հոգի/, նկատի ունենալով նաեւ, թէ երեք հոգիով կարելի չէ ներկայացնել հայութեան կէս հատուածը, ուրեմն եւ Հայ Հանրապետութեան Պատուիրակութիւնը կը մասնակցի Համագումարին՝ խորհրդակցական ձայնով միայն:

**3. ԾՐԱԳՐԻ ՄՇԱԿՈՒՄ**

Ծրագրի Մշակման Յանձնախումբը, որ նախապէս կազմուած էր, առաջարկեց որ Համագումարը բացուելուն պէս իր ծոցէն ընտրէ երեք կամ չորս անձնաւորութիւններ, առժամեայ հանգամանքով, որոնք միանալով Հայկական Հ. Պատուիրակութեան, կազմեն մէկ մարմին, վարելու համար Պատուիրակութեան առօրեայ աշխատութիւնները, քանի որ Համագումարի աշխատութեանց պահուն անկարելի է, որ ժողովը, ինչպէս եղած է մինչեւ հիմա, մէկ կողմէ Պատուիրակութեան գործերը տանի, եւ միւս կողմէ Համագումարի ժողովներ կարենան զուարթել:

Թեր ու դէմ կարծիքներէ յետոյ, որոշուեցաւ ստիպողութիւն տալ այս հարցին եւ զայն անցնել Համագումարի օրակարգը:

Դարձեալ՝ Ծրագրի Մշակման Յանձնախումբը առաջարկ բերաւ, որ Ազգ. Համագումարի բացումը կատարուի հանդիսաւոր կերպով, ի ներկայութեան Դաշնակից եւ բարեկամ պետութեանց ներկայացուցիչներուն, մանուկի ներկայացուցիչներուն, հայ ժողովուրդին, եւ այլն, կարելի եղածին չափ մեծ արծագանգ տալու համար Համագումարին, ինչ որ թէ՛ կը նպաստէ մեր դատին եւ թէ՛ մեծ ուրախութիւն կը պատճառէ ու բաւարարութիւն կու տայ մեր ժողովուրդին:

Համագումարը մեծամասնութեամբ ընդունեց այս առաջարկը եւ ընտրեց կարգադիր յանձնախումբ մը անդամակցութեամբ՝

- Տիարք Թէքեանի,
- Մալքունի,
- Մասեհեան Խանի,
- Զօպանեանի,
- Տէր-Ստեփանեանի:

**4. ԸՆՏՐՈՒԹԻՒՆ ՊԱՏՎԱՄԱԻՐԱԳՐԵՐՈՒ ՎԱԵՐԱՑՄԱՆ ՅԱՆՁՆԱԺՈՂՈՒԻՆ**

**ՀԱՅ ԱԶԳԱՅԻՆ ՀԱՄԱԳՈՒՄԱՐՆԵՐ**

**ԱՌԱՋԻՆ ՀԱՄԱԳՈՒՄԱՐ**

**Նախապատրաստական նիստ**

24 փետրվարի 1919թ.

**ՕՐԱԿԱՐԳ**

**1. ԿԱԶՄՈՒԹԻՒՆ ԱԶԳԱՅԻՆ ՀԱՄԱԳՈՒՄԱՐԻ**

Համագումարը նկատեց, որ ընտրուած պատգամաւորները եւ Ազգ. Պատուիրակութեան անդամները, 21 հոգի, արդէն հաւաքուած էին Փարիզ, ընդդէմ 10 բացակայ պատգամաւորներու, որոնց հինգը ճամբան էին եւ հինգը տակաւին ընտրուած չէին. հետեւաբար՝ Համագումարի բացման համար, նոր ընտրութեանց պաշտօնական հրաւիրագրի պարունակութեան համաձայն, բացարձակ մեծամասնութիւն արդէն իսկ կար:

Ճշդելէ յետոյ այս կէտը, հարց ծագեցաւ, թէ արդեօք համագումարը ինք իր կողմէ իր անդամներուն թիւին վրայ յաւելումներ ընելու իրաւունք ունէ՞ր, թէ՞ ոչ: Միաձայնութեամբ ընդունուեցաւ, որ Համագումարը ունէր այդ իրաւունքը եւ որոշուեցաւ, ձայնի եւ քուէի հաւասար իրաւունքով՝ իբրեւ վաղեմի ազգային գործիչներ՝ Համագումարի անդամ հրաւիրել Տիարք Միհրան Տամատեանը, Արշակ Զօպանեանը, Արտաւազդ Հանրմեանը, Դաւիթ-Բէկը եւ Բրոֆ. Թումայեանը, բնականաբար այս ընտրութեան վերջնական վաւերացումը ձգելով Համագումարին՝ իր օրինական առաջին նիստին:

Որոշուեցաւ նոյնպէս ձայնի ու քուէի հաւասար իրաւունք տալ Պոլսոյ պատգամաւորութեան խորհրդակցական անդամ Տիար Տոքթ. Արմենակ Բարսեղեանի, այս կերպով յարգած ըլլալու համար Պոլսոյ Ազգ. Մարմիններու ընտրութիւնը, որով Ազգ. Պատուիրակութեան կողմէ որոշուած երկու պատգամաւորներու տեղ երեք հոգի ղրկած էին:

Որոշուեցաւ նոյնպէս ձայնի եւ քուէի հաւասար իրաւունքով Համագումարի անդամ ճանչնալ Ազգ. Պատուիրակութեան արդի անդամ Տիար Ե. Մալքունն ու Վեհ. Կաթողիկոսի կողմէն նախապէս Ամերիկա ղրկուած Տիար Գ. Փաստրմաճեանը, որոնք որեւէ շրջանէ իբր պատգամաւոր ներկայացուած չէին Համագումարին:

Համագումարը քուևարկեց Պատգամաւորագրերու Վաւերացման Յանձնաժողովի մը ընտրութեան: Անդամ ընտրուեցան՝

Տիարը՝ Ամեն. Դուրեան Արքեպ. Տէր-Յակոբեան Տէր-Ստեփանեան

Որոշուեցաւ, որ Յանձնաժողովը անմիջապէս աշխատութեան ձեռնարկէ եւ իր տեղեկագիրը բերէ ժողովին:

Նիստը փակուեցաւ ժամը 8 1/2-ին:

**Նախագահ**

ՀԱԱ, ֆ. 430, ց. 1, գ. 18, թթ. 2-3 շրջ.: Ձեռագիր: Բնագիր:

**Նիստ 1-ին**

**ՕՐԱՎՈՐԳ**

**1. ԿԱԶՄՈՒԹԻՒՆ ԱԶԳԱՅԻՆ ՀԱՄԱԳՈՒՄԱՐԻ**

Պատգամաւորագրերու Վաւերացման Յանձնաժողովը բերաւ իր տեղեկագիրը, որուն հիման վրայ հաստատուեցաւ հետեւեալ պատգամաւորներու ընտրութիւնը.

Ամեն. Դուրեան Արքեպիսկոպոս եւ Տիարը Բրոֆ. Տէր-Յակոբեան ու Բարսեղեան՝ Պոլսէն:

Գեր. Զ. Թորոսեան՝ Վենետիկի Միաբանութենէն  
Տիար Մոստիչեան՝ Յունաստանի հայ գաղութէն  
Տիարը Թեքեան եւ Տոքթ. Նելրուզ՝ Եգիպտոսի հայ գաղութէն  
Տիարը Յակոբեան եւ Ֆնտզլեան՝ Անգլիոյ հայ գաղութէն  
Տիարը Յովհաննէս Խան Մասեհեան եւ Վարանդեան՝ Պարսկաստանի հայութեան կողմէ

Տիարը Շանթ, Փափագեան եւ Թէրզիպաշեան՝ Կովկասի թրքահայ գաղթականներուն կողմէ

Վսեն. Պօղոս Փաշա Նուպար՝ հնդկահայոց կողմէ  
Տիար Տէր-Ստեփանեան՝ Իտալիոյ հայ գաղութէն  
Տիարը Աղաթօն Պէյ, Բրոֆ. Թումայեան եւ Տամատեան՝ Ամերիկայէն, առժամանակեայ կերպով, մինչեւ ժողովրդական քուէով ընտրուելիք ներկայացուցիչներուն ժամանումը:

Տիար Տէրտրեան՝ Ռումանիոյ հայ գաղութէն  
Տիար Տոքթ. Սայեան եւ Հիմուլեան՝ Պոլկարիոյ հայ գաղութէն  
Վսեն. Տիար Գ. Նորատունկեան՝ Չուիցերիոյ հայ գաղութին կողմէ  
Հրաժարեցաւ Ամերիկայէն առժամանակեայ կերպով ընտրուած Տիար Տամատեան:

Միջագետքի հայ փախստականներու ներկայացուցիչն մասին տարակարծութիւն եղաւ, որովհետեւ երկու հակասական հեռագիրներ կային, մէկը՝ Պաղտատէն՝ Վահրամ Փափագեան ստորագրութեամբ, որ կ'իմացնէր Տիար Բրոֆ. Խաչատուրեանի ընտրուած ըլլալը, եւ միւսը Պասրայէն՝ Գեր. Մուշեղ Ս. Եպիսկոպոսի կողմէ, որ կ'իմացնէր Տիար Տէրվիշեանի ընտրութիւնը:

Որոշուեցաւ առկախ ձգել Միջագետքի պատգամաւորին ընտրութեան խնդիրը:

Որոշուեցաւ հրաւիրել նոյնպէս Ֆրանսայի հայ գաղութին կողմէ ընտրուած պատգամաւորները՝ Տիարը Ներսէսեան Խան եւ Քէլէկեան Խան:

**2. ԾՐԱԳՐԻ ՄՇԱԿՈՒՄ**

Ծրագրի Մշակման Յանձնաժողովին տեղեկատուութենէն յետոյ, Տիար Թէրզիպաշեան դիտել տուաւ, որ Համագումարի օրակարգին գլուխը պէտք է դնել պարենաւորման հարցը, որովհետեւ ամէն ինչ լաւ է այդ ծրագրին մէջ, բայց այդ գեղեցիկ ծրագիրը ո'չ մէկ արժէք կունենայ վաղը, սովէն ամայացած ու դատարկուած Հայաստանի մէջ:

Այդ մասին մասնաւոր յանձնախումբ նշանակուած ըլլալով, Յանձնախումբի կողմէն Տիար Մալքուն՝ կատարուած դիմումներուն նկատմամբ տեղեկութիւն տուաւ եւ յոյս յայտնեց, որ երկու միլիոն տոլար կարելի պիտի ըլլայ ստանալ Ամերիկայէն եւ թէ քանի մը օրէն կը հասնի ատոր պատասխանը:

Տիար Ահարոնեան, որ եկած առաջին օրէն իսկ ցոյց տուած էր Հայկական Հանրապետութեան պարենաւորման հսկայ կարիքը, կրկին յարոյց խնդիրը, ըսաւ թէ ինք ինչ դիմումներ կատարած էր Դաշնակիցներու Պոլսոյ ներկայացուցիչներուն մօտ եւ թէ կը պատրաստուէր այստեղ եւս նոյն դիմումները կրկնել: Բայց յարեց, պէտք է աւելի բուռն թափով աշխատիլ ամէն գնով եւ շուտով Քուպանէն ցորեն հասցնելու համար դէպի Երեւան, Նովոռոսիյսք-Պաթօն գծով, քանի որ Քուպանի մէջ մեծ քանակութեամբ ցորեն կար արդէն եւ Զօրավար Տենիքիին հաւանած էր պէտք եղած չափով ցորեն տրամադրել, կը բաւէ, որ վստահ ըլլար, թէ այդ ցորենէն չպիտի օգտուին վրացիք:

Թեր ու դէմ վիճաբանութենէ յետոյ, որոշուեցաւ կազմել Պարենաւորման Յանձնախումբ մը, որուն անդամ նշանակուեցան՝

Տիարը Բիրալեան /Տիար Ահարոնեանի օգնական/  
Թէրզիպաշեան  
Մալքուն  
Փաստրմաճեան

որոնք պիտի ուսումնասիրեն խնդիրը եւ պիտի խորհին պարենաւորման բոլոր կարելի միջոցներու մասին: Իսկ ինչ կը վերաբերի այս մասին ըլլալիք քաղաքական դիմումներու, այդ գործը թողուեցաւ Ազգային եւ Հանրապետութեան Պատուիրակութեանց Նախագահներուն:

Տարագիրներու եւ Որբերու Նպաստից Բաշխման Յանձնախումբը առաջարկ բերաւ անմիջապէս 60.000 ֆրանք դրկել Եգիպտոս՝ Ազգ. Միութեան նպաստամատոյցին, յատկացուելու համար Սուրիոյ /Դամասկոս, Պէյրութ, Հալէպ/ տարագիրներու եւ որբերու օգնութեան:

Համագումարը ընդունեց այս առաջարկը:

Տիար Տէր-Ստեփանեան առաջարկ բերաւ դիմում կատարել Վենետիկի Միաբանեան Միաբանութեան մօտ, որպէսզի յանձնախումբ մը դրկէ երկրի յարմարագոյն մէկ կեդրոնը, այնտեղ զբաղուելու համար որբերու հոգատարութեան գործով:

Ի պատասխան այս առաջարկին՝ Գեր. Զ. Թորոսեան ժողովին տեղեկացուց, որ ինք արդէն այդ ուղղութեամբ թելադրութիւն ըրած է իրենց Միաբանութեան եւ թէ ուրախ է յայտնելու, թէ արդէն իսկ Մուշ. Նիկոմիդիա, Տրապիզոն եւ Պարտիզակ ներկայացուցիչներ դրկած է՝ որբանոցներ հաստատելու եւ կամ իրենց դպրոցները վերաբանալու համար:

**3. ԿԱԶՄՈՒԹԻՒՆ ՕԺԱՆԴԱԿ ՅԱՆՁՆԱԺՈՂՈՎՆԵՐՈՒ ՄԱՐՄԱՆՄԱՆ ՅԱՆՁՆԱՍԽՈՒՄԻՆ**

Կազմուեցաւ Օժանդակ Յանձնաժողովներու մասին խորհրդակցելու, անոնց թիւն ու դերը ճշդելու պաշտօն ունեցող յանձնախումբ մը, որուն անդամ նշանակուեցան՝

Տիարը Մասեհեան Խան,  
Ներուզ,  
Շանթ,  
Տէրպետրեան

**4. ՏԵՂԵԿԱՏՈՒԹԻՒՆ ՏԻԱՐ ԹԵՐԶԻՊԱՇԵԱՆԻ՝ ՀԱՅԱՍՏԱՆԻ ԱՊԱՐՈՎՈՒԹԵԱՆ ԽՈՐՀՈՒՐԴԻ ՄԱՍԻՆ**

Նիստին վերջաւորութեան՝ Տիար Թերզիպաշեան ժողովին ներկայացուց հետեւեալ տեղեկագիրը.

**ՀԱՅԱՍՏԱՆԻ ԱՊԱՐՈՎՈՒԹԵԱՆ ԽՈՐՀՈՒՐԴ  
- ՏԵՂԵԿԱԳԻՐ ՏԻԱՐ ԹԵՐԶԻՊԱՇԵԱՆԻ -**

Յարական կառավարութեան օրով, Ռուսական Յեղափոխութեան նախօրեակին՝ 1917 Փետրուարի վերջերը, այս էր Թրքահայաստանի դրութիւնը:

Թրքահայերը, թուով 120.000 բացառապէս երկրագործ դասակարգից, հաստատուած էին իրենց հայրենի հողին վրայ, բռնելով Վան-Մուշ-Քիլի-Երզնկա գիծը: Թրքահայերի ներգաղթը կը քաջալերուէր հայ հասարակական կազմակերպութիւնների կողմից՝ երբէ նպատակաւ.

1. Թրքահայերին հնարաւորութիւն տալ իրենց սեպիական աշխատանքով ապրելու
2. Դիրացնել ռուսական զօրքերի պարենաւորումն ու յառաջխաղացութիւնը
3. Թոյլ չտալ, որ Հայաստան մնայ առանց հայութեան եւ քիւրտերը հնարաւորութիւն ունենան տեղաւորուելու:

Յարական կառավարութեան վերաբերումը դէպի հայերը, մանաւանդ դէպի նոցա քաղաքական ձգտումները, շատ անբարեհաճ էր: Հիմնուած 1916-ի գաղտնի դաշնագրին վրայ, նա Հայաստանը ո՛չ միայն քաղաքականապէս, այլ նաեւ տնտեսապէս ռուսացնելու ծրագիրն ուներ, ձեռնարկած էր նա Հայաստանի վարչական բաժանումներին եւ քաղաքային իշխանութեան կարգաւորման աշխատանքին, գործի կանչելով չինովիկների լեզոն մը, որոնց մէջ կը գտնուէր Ե՛ւ լեհ, Ե՛ւ վրացի, Ե՛ւ յոյն, նոյնիսկ թիւրք, եւ սակայն ո՛չ մի հայ. յատուկ հրահանգ կար, նոյնիսկ տեղացիներից գտնել թարգմաններ, պայմանաւ, որ հայկական շրջանների համար դրանք լինէին ասորի, իսկ ասորական շրջանների համար՝ միայն հայ: Իսկ լքուած հողերի սեպիականութեան եւ շահագործումի համար ունէին շարք մը թաքուն հրահանգներ, որոնց նպատակն էր դրանց վրայ հաստատել քոզաքների գաղութ մը: Ալաշկերտի հովտին մէջ նոյ իսկ այս ուղղութեամբ *actif* քայլեր արել էին:

Ռուսական Յեղափոխութեամբ յեղաշրջուեց նաեւ ցարիզմի այս ծրագիրը: Որոշ տեղեր հայ ժողովրդին յաջողուեց իր ձեռքն առնել քաղաքական իշխանութիւնը: Քիչ յետոյ, Բեթոկրատուն, Լվով-Կերենսքիի դաիլիճին քով եղած դիմումներին եւ թափուած մասնաւոր ջանքերին իբր արդիւնք, 1917-ի ամռան ռուս կառավարութիւնը վերանորոգեց գրաւուած վայրերի առանձին եւ կովկասեան իշխանութիւններից անկախ վարչութիւն մը, հայկական շրջանի համար օգնական նշանակելով Տոթթ. Չավրիեւիւն, որուն յանձնուած էր գրեթէ հայկական շրջանի ամբողջ վարչութիւնը, որոշ հրահանգով, որուն համեմատաբար նպաստաւոր տրամադրութիւնները մէկ կողմից կ'օգնէին հայերի ֆիզիքական գոյութեան պահպանման, միւս կողմից կը մօտեցնէին զինքը իւր քաղաքական ձգտումներին: Սոյն նորոգուած վարչութեան առաջին գործն

եղաւ մաքրել Հայկական շրջանը հին ռեժիմի չինովիկներից, որոնց փոխարէն նշանակեց բացառապէս հայերին, եւ հնարաւորութիւն տուաւ, որ վերադարձող ժողովուրդը իւր ներկայացուցչական մարմիններով օժանդակի վարչական գործերին. նաեւ ձեռնարկեց տեղական միլիցիայի կազմութեան, որ հետզհետէ Հայաստանի ինքնապաշտպանութեան կորիզը պիտի դառնար:

Իրերն այս դրութեան մէջ էին, երբ ծագեց Բեթոկրատի Հոկտեմբերեան Յեղափոխութիւնը: Յայտնի է որ, պուշեւիկների յաթոթեամբ յաղթեց նաեւ զօրքերի «Դէպի տուն» նշանաբանը, զինուորական տիսիբլինը խախտուեց եւ 3 1/2 տարիից ի վեր պատերազմի զրկանքներից զզուած զօրքը սկսեց, արտօնութեամբ թէ առանց արտօնութեան, վերադառնալ իւր օճախը: Հայ զօրքերից քիչեր եղան, որոնք չուզեցին օգտուել այս նպաստաւոր մթնոլորտից, այնպէս, որ Դեկտեմբերի սկիզբներին Վան, Ախլաթ, Մուշ, Խնուս, Մամախաթուն գծի վրայ կը գտնուէին ոչ աւելի քան 15.000 զօրքեր, ամենամեծ մասը հայերից բաղկացած, փոխարէն քսան անգամ աւելի ստուար բանակին, որ ամռան կը պահէր այս գիծը: Այս զօրքերին միացան միլիցիայի անուամբ եւ տեղ-տեղ կամաւորական դրութեամբ կազմակերպուած թիւրքահայերը. կը պահպանէին թէ՛ ճակատը եւ թէ՛ թիկունքը, ուր սկսեր էին՝ թիւրքերից ստացած յատուկ հրահանգներով որոշ գործունէութիւն ցոյց տալ ցարական կառավարութեան տեղաւորած քիւրտերը: Իսկ թրքական բանակը, որ չորս աչքերով կը հետեւէր ճակատի պարպուելուն գործողութեանց, կը սպասէր վերջին ոյժերի հեռանալուն՝ գործունէութեան սկսելու համար:

Ստեղծուած այս դրութեան առջեւ երկու բան կար անելու. կան պարպել Թրքահայաստանը եւ քաշուել կովկասեան սահմանը, եւ կան ստեղծել ինքնապաշտպանութեան համապատասխան ոյժ:

Ահա այս երկընտրանքի առաջ էր, որ Արեւմտահայ Խորհուրդը 1917 Դեկտ. 15-ին Հայաստանում եւ Կովկասում թրքահայերից ընտրուած շրջանային ժողովների պատուիրակներից եւ քաղ. կուսակցութիւնների ներկայացուցիչներից Թիֆլիսում գումարեց մի «քոնֆերանս» դրութեան դարման խորհելու համար: Այս քոնֆերանսի աշխատութեան ընթացքին Փարիզէն՝ Հայկական Պատուիրակութեան Նախագահ Պօղոս Փաշայից ստացուեց մի հեռագիր հետեւեալ բովանդակութեամբ. «Եթէ թրքահայերը՝ ռուսահայերի օգնութեամբ ձեռնարկեն պաշտպանել ռուսական զօրքերի պարպած ճակատը, Դաշնակիցները կը խոստանան զինուորական եւ ֆինանսական օգնութիւն»: Կ'աւելացնէր նաեւ, որ «այն օրը երբ Հայաստան հայկական ոյժերով յաջողուի պաշտպանել, Դաշնակիցները դէմ չեն՝ եթէ Հայկական օթօնումի հռչակուի»:

Աւելորդ է բացատրել սոյն հեռագրի քաղաքական նշանակութիւնը, մանաւանդ որ նա կը հասնէր Ֆրանսիայի Արտաքին Գործոց Նախարարութեան շիֆրով:

Քոնֆերանսը՝ աչքի առաջ ունենալով մէկ կողմից ձեռնային մի նահանջի սարսափները եւ 120.000 ժողովրդի տնտեսական քայքայումը, միւս կողմից հայութեան քաղաքական ձգտումները, եւ այն հանգամանքը որ, Դաշնակիցների կողմից եղած կէս պաշտօնական հրաւերի, մանաւանդ խոստումներից վերջ Հայաստանը պարպել ուրիշ բան չպիտի նշանակէր՝ եթէ ոչ Հայկական Հարցից հրաժարուել՝ միաձայն որոշեց, Ռուսահայ Ազգային Խորհուրդի հետ խորհրդակցաբար, Ազգային Հերոս Անդրանիկի հրամանատարութեան ներքոյ կազմակերպել թրքահայ տիւիզիոն մը, Թրքահայաստանի պաշտպանութեան համար, ենթարկելով զայն Ռուսահայ կորպուսի հրամանատարութեան, որ կը պաշտպանէր թրքական ֆրոնտը: Այս գործը հանձնեց նա ութ հոգիից բաղկացած մի մարմնի, որուն եւ տուեց «Հայաստանի Ապահովութեան Խորհուրդ» անունը:

Այստեղ հարկ կը համարենք շեշտել, որ մէկ նպատակի ձգտող գործունէութեան վրայ թրքահայութեան անունը եւ դրոշմը առանձին պահպանելու պէտքը, Ռուսահայ Ազգային Խորհրդի հետ համաձայնութեամբ, ճանչցուած էր երկու նկատումներով. Ա.

խուսափելու համար այն բարդություններից, որոնք կրնային ծագել իրաւական տեսակետներից ռուսահայերի համար. Բ. Անվթար տանելու համար թրքահայոց դատի միջազգային բնոյթը:

Այս օրերին մի ուրիշ քաղաքական նշանակութիւն ունեցող առիթ կու գար աւելցնել թրքահայերի ոգեւորութիւնը: Դա՝ ռուս կառավարութեան Դեկտ. 30-ի դէկրետն էր, որով նա կը յանձնարարէր քաղկեդոնի ցոյց տալ հայերին՝ «կազմելու համար Տաճկահայաստանի ժամանակաւոր ժողովրդական կառավարութիւն, հայկական ժողովրդի պատգամաւորների խորհրդի ձեւով, ընտրուած դեմոկրատական ձեւով»:

Քաղաքական այս նպատակաւոր մթնոլորտի մէջ էր, որ Հայաստանի Ապահովութեան խորհուրդը, համախորհուրդ Ռուսահայ Ազգ. խորհրդի հետ, ստանալով ֆինանսական դիւրութիւններ՝ Անգլիական Միսիսիայից եւ պարտնաւորման մոպիլիզացիայի միջոցներ ռուս հրամանատարութիւնից, նախաձեռնեց կազմակերպել թրքահայ տիւրքոնը Անդրամիկի հրամանատարութեան ներքոյ, զէնքի կանչելով 19-40 տարիք ունեցող թրքահայերին, որոնց թիւը՝ մէկ ամսուայ ընթացքին 20.000-ի հասաւ, բացաւ ենթասպայից վարժարանը, /ուրկից/ հետզհետէ ենթասպայական աստիճան ընդունելով ֆրոնտ մեկնեցին 500-ի չափ թրքահայեր: Բայց մենակ զինուորով եւ ենթասպայով կարելի չէր բանակ կազմել. բանակին պակասում էին սպաներ, եւ ռուսական սպայակոյտը չէր կրնար բաւարարել այս պակասը: Անգլիական Միսիսիան մարզիչներ խոստացել էր, որոնք սակայն կ'ուշանային եւ որոնց համար վերջին գրաւորապէս յայտնեց, որ յարաբերութիւնը կտրուած լինելով, չի կրնար հասցնել խոստացուած մարզիչները: Այս պակասներից զատ՝ հարկաւոր էր ժամանակ՝ մարզանքի համար, որ աւելի սուղ գտնուեց, ըստ որում Փետրուարի կէսից թիւրքերը ռազմական ամեն պատրաստութիւններով եւ յարմարութիւններով, չորս տիւրքայով յարձակողական սկսեցին ամբողջ ճակատի երկայնքը: Թիւրքերը այս յարձակողականին սկսած էին քաջալերուած քաղաքական այն նպատակաւոր պայմաններից. որոնք տուել էր իրենց Յունուարի վերջերին Պրեսբուրն կնքուած դաշնագիրը, որով Սովիեթների իշխանութիւնը կ'ընդունէր այն ամօթալի պայմանները որոնք իրեն կը պարտադրէին ոչ միայն պարպել 1914-ի սահմանները, ոչ միայն զիջել Պաթումի, Արտահանի, եւ Կարսի սանջակները, այլ նաեւ դադարեցնել Կովկասում հայ զինուորական ուժերի գործունէութիւնը: Թաթարների համար ոչ նուազ քաջալերանք էին փոփոխուած այս պայմանները: Նրանք եւս որոշ տակտիկայով սկսեցին թիւուրքային գործունէութեան. նախ կտրելով Գանձակի երկաթուղագիծը՝ արգելք եղան Պաքուի ռուսահայ եւ թրքահայ ոյժերի փոխադրութեան, սպա Երեսան-Ջուլֆա եւ Մակուի գծերի վրայ շարունակական յարձակողականներով ոչ միայն զօրահաւաքի գործը անլուծեան դատապարտեցին, այլ նաեւ պատճառ եղան, որ ճակատ գտնուող հայ զօրքերը, իրանց օճախը պաշտպանելու համար, բանակը լքեն եւ վերադառնան:

Պրեսբի դաշնագիրը իրաւունք կու տար թրքահային՝ գործելու նախ քաղաքական հողի վրայ. զուգընթաց իր ռազմական գործունէութեան՝ նա ձեռնարկեց Տրապիզոնի հաշտութեան բանակցութիւններին, ուր Պաթում-Կարսի հարցի պաշտօնական բանակցութեան կարգին թրքահայ հարցը Պատուիրակութեան հայ անդամների հետ անպաշտօն խոսակցութեան միւթ արել էր, եւ երբ կովկասեան Սէյմը /Երեսփ. ժողով/ Տրապիզոնի բանակցութիւնների առթիւ իր կամքն արտայայտեց, Հայկական Հարցի առթիւ նա ընդունեց մի բանաձեւ՝ որով առաջարկուելու էր Թիւրքիային «տալ թիւրքահայերին ինքնավարութիւն թիւրք պետականութեան շրջանի մէջ»: Որպէսզէն այս բանաձեւը, ինչպէս նաեւ Տրապիզոնի մէջ անցած խօսակցութիւնները որոշ թիրիմացութիւնների տեղիք չտային Դաշնակիցների շրջանակի մէջը, Հայաստանի Ապահովութեան խորհուրդը փութաց առանձին մեմորանտումով մը դիմել Դաշնակից պետութիւնների Թիֆլիսի ներկայացուցիչներին, յայտնելով, որ թիւրքահայերը մերժում են հաշտութեան ռեւէ քոմբոմիս, եւ թէ իրենց

անխախտ որոշումն է շարունակել պայքարը, բոլոր ոյժերով եւ միջոցներով, մինչեւ իրենց քաղաքական իրաւունքների յաղթանակը: Յանձնելով սոյն յիշատակագիրը, խորհուրդը խնդրել էր Դաշնակիցների ներկայացուցիչներից իրենց պետութիւններին հեռագրել թրքահայերի սոյն հաւաստիացումների մասին, ինչպէս որ ինքն էլ առաջին հեռագրով յայտնել էր Երուպայի Հայ Պատուիրակութեան:

Իր այս որոշումի մասին խորհուրդը առանձին Պատուիրակութեան միջոցաւ յայտնեց նաեւ կովկասեան ռուս զլխաւոր հրամանատարութեան, որ իրեն պարտք համարեց Փետր. 21 թիւ գրութեամբ մը դիմել Դաշնակից պետութիւնների ներկայացուցիչներին, զնահատելով եւ վեր հանելով հայերի ծառայութիւնները Դաշնակիցների օգտին:

Տրապիզոնի բանակցութիւնների օրերին էր, որ թիւրք յարձակող բանակը գրաւել էր Երզնկան, եւ որպէսզի թոյլ չտայ Երզրումի ինքնապաշտպանութիւնը որ կազմակերպուի, արագ կերպով կը յառաջանար Երզրումի վրայ: Երզրում շատ քիչ կրցաւ դիմանալ, եւ Փետրուար 26-27-ին ինկաւ թշնամիի ձեռքը:

### ԷՐԶՐՈՒՄԻ ԱՆԿՍԱՆ ՊԱՏՃԱՆՆԵՐԸ

1. Երզրումի ընդհանուր հրամանատարը մի վրացի էր, գեներալ Օտըշելիժժ, որ Ռուսական Յեղափոխութիւնից վերջ Երզրումից մեկնող թմրանօթածիզների, սպաների, թեքնիսիների եւ նոցա հետ տարած առարկաների պակասը լրացնելու համար ոչ մի բան չէր արած, եւ ինքն՝ ստեղծուած քառասային դրութիւնից օգտուելով՝ կամ յուսահատելով, քաղաքը պարպելու առաջարկ դրել էր վերին հրամանատարութեան. ինքն էլ, երեք շաբաթ առաջ, քաղաքից դուրս եկած՝ Սարըղամիշ կը գտնուէր:

2. Ռուսահայ զօրքը՝ ռուս զօրքի հետ ապրած լինելով միեւնոյն յարկի ներքեւ, չէր կրցած ինքզինքը գերծ պահել նրա մտքերի ազդեցութիւնից. երեքուկէս տարուայ զրկանքից, մանաւանդ թաթարների՝ իրենց գիւղերի վրայ գործած անվերջ արշաւանքներից մղուած, նա օր առաջ իւր օճախը դառնալ կ'ուզէր: Այս տրամադրութեան մէջ եւ տիսիպլինից զուրկ, նրան կարելի չէր զօրք համարել:

3. Յուսահատ զօրքի այս տրամադրութիւնից, Հայկական Կորպուսի հրամանատարը եւ սպայակոյտը չեն ուզեր Երզրում երթալ, եւ ռուսահայ ղեկավար շրջանների անվստահ ու տատամտ քաղաքականութիւնը հեռու էր ազդու միջամտութիւն ունենալու թէ՛ մէկի եւ թէ՛ միւսի վրայ:

4. Թիւրքահայ զինուորներին եւս կարելի չէր զօրք համարել. նրանք՝ առանց նոյնիսկ նախնական մարզանքի, հազիւ Երզրում հասել էին, երբ սկսեց թրքական արշաւանքը: Այսպէսով, Անդրամիկ Երզրումի պաշտպանութեան դուրս եկաւ գրեթէ առանց թմրանօթի եւ առանց զօրքի:

Երզրումի անկումը խիստ աղէտաբեր եղաւ եւ բարոյական, եւ ռազմական տեսակետներից, եւ առաջացրեց ընդհանուր բարոյալքում զինուորների մէջ, որի հետեանքով իրար ետեկից ետ քաշուեցին Խնուսից եւ Մալազկերտից ոյժերը, նրանց հետ՝ ազգաբնակչութիւնը: Մնում էին Վանի ոյժերը, որոնք մինչեւ Մարտի 22-ը դիմադրելուց վերջ, դիմեցին դէպի Պարսկաստան, ուր Սալմաստի շրջանի հայերի հետ Ապրիլի կռիւների հետեանքով քաշուեցան դէպի Համատան եւ անկից դէպի Պաղտատ, ուր կռուող ոյժեր անգլիական բանակի մէջ ընդունուեցան եւ որի ծառայութեան մէջ գտնուում են մինչեւ այսօր:

Անցնելով կովկասեան սահմանը, թիւրքահայ զինուորների մի մասը շարունակեց, զանազան կէտերի վրայ, ռուսահայ զուգների շարքում, իւր զինուորական ծառայութիւնը. իսկ Անդրամիկ Ռուսահայ Ազգային ու Ապահովութեան խորհուրդների համաձայնութեամբ կազմեց 2.000 հոգիից բաղկացած մի հարուածող զուգ, որ Հայկական Կորպուսի հրամանատարութեան կարգադրութեամբ միջոց մը

Ախալքալաքի որոշ սահմանները պաշտպանելուց վերջը, թրքական առաջացող զորքերի առջեւից փախչող հայերը պաշտպանելով մերթ Եւլալ Օղլի, մերթ Ալեքսանդրապոլի շրջանը եղաւ մշտական սպառնալիք ճակատից թիրքերի, իսկ թիկունքից թաթարների դէմ: Ալեքսանդրապոլի գրաւումից վերջ իր զորքերով անցաւ Նախիջեւանի շրջան, անկից Պարսկաստան, ուր իր կռիւներով հնարաւորութիւն տուեց այնտեղ գտնուող թէ՛ պարսկահայերին և թէ՛ վանեցիներին՝ ճողոպրել թիրք-քրտական ոյժերից և անցնել Համաստան: Պարսկաստանից նորից նա իր ոյժերով անցաւ Նախիջեւան, անկից Գորիսի և Ջանգեզուրի շրջան, միշտ մնալով անխոցելի և յաւիտենական սպառնալիք թիրք բանակի և թաթարների շարժումների:

Ռազմական դէպքերի սոյն աննպաստ պայմանների տակ խզուեցին Տրապիզոնի բանակցութիւնները: Սոյն բանակցութիւնների ընթացքին արդէն վրացիք իրենց մասքը վերադրել էին, և Երեւան եկել էր, որ նոքա ունեցել են և թիրքերի և գերմանացիների հետ որոշ կապեր և թաքուն բանակցութիւններ: Թաթարների հետ իրենց շահերի մօտիկութեամբ, ինչպէս նաեւ աւելի հեռատես քաղաքականութեամբ, նոքա յաջողել էին իրանց ետեւից քաշել թաթարներին, և այսպէսով պահել իրանց ձեռքին կովկասեան գործերի դէկը և նախաձեռնութիւնը: Հայեր կրաւորական դիրքի մէջ մնացել էին, այնպէս որ երբ Գերմանիա և Թիրքիա Կովկասում՝ մանաւանդ Պաքուի դէմ աւելի ազատ գործելու համար թելադրեցին Կովկասեան իշխանութեան Ռուսաստանից կտրուել և անկախութիւն յայտարարել, հայեր ոչինչ կրցան անել՝ եթէ ոչ ակամայ համակերպութիւն ցոյց տալ, ինչպէս որ ցոյց տուեր էին Կարսի չարաբախտ յանձնումի առթիւ, և Ապրիլ 9-ին միասին յայտարարեցին Կովկասեան անկախութիւն, մի առիթ, որ պատճառ պիտի դառնար, վերջէն, Ալեքսանդրապոլի և Պաքուի արշաւանքներին: Թիրքերը, որոնք այլևս ինքզինքնին կաշկանդուած չէին համարել Պրէսի դաշնագրով, արշաւեցին Ալեքսանդրապոլի վրայ: Աւելորդ է խօսել թրքական արշաւանքների բնոյթի մասին: Պատերազմի ոչ մի օրէնք չի ճանչնար նա, երբ գործը հայերի հետ է. արշաւանքները զուգընթաց իրենց հետ կը բերեն ջարդ և կողոպուտ: Ալեքսանդրապոլի բանակը գրեթէ կազմալուծուած էր. սակաւաթիւ թիրքահայ զինուորներ անցան Երեւանի շրջանը, ուր միացած Գեներալ Սիլիկովի իրամանատրութեան ներքեւ գործող ոյժերին, օգնեցին այդ շրջանի ինքնապաշտպանութեան գործին:

Իրերի այս քառասյին դրութեան մէջ, երբ մէկ կողմէն թիրքերը կը յառաջանային և միւս կողմէն ռուսահայերի ազդեցութիւնը կը պակսեր Թիֆլիսի կառավարութեան մէջ, Ապահովութեան խորհուրդը հարկ համարեց նոր քունֆերանս մը գումարել՝ դրութիւնը պարզելու և համապատասխան որոշում մը տալու համար: Մայիսի սկիզբներուն Թիֆլիզում գումարուած քունֆերանսը՝ նկատելով, որ ստեղծուած քաղաքական պայմանների մէջ Ապահովութեան խորհրդի Թիֆլիզում գոյութիւնը ձեռնտու չէ թիրքահայ քաղաքական և ֆիզիքական գոյութեան տեսակետից, և որ կրնայ բարդութիւններ ստեղծել ռուսահայերի համար, որոշեց լուծել Ապահովութեան խորհուրդը, թրքահայ տիւիզիոնի գործը յանձնելով Ռուսահայ Ազգային խորհրդին. իսկ Ապահովութեան խորհրդի լիքիտասիղոնի գործը յանձնել Արեւմտահայ խորհրդին, որուն և յանձնարարեց արծարծել և հետապնդել Հայկական Հարցը:

Արեւմտահայ խորհուրդը, որ Ալեքսանդրապոլի գրաւումով կտրուած էր Երեւանից, Վրաստանի անջատման և անկախութեան յայտարարութեան և թիրքերի Թիֆլիզի դուռների մօտիկանալու առաջադրած խուճապի օրերին /մայիս 23/, համաձայն նախապէս տրուած որոշման, 50.000 գաղթականութեան հետ անցաւ Հիւսիսային Կովկաս, ուրկից կը յուսար կապ հաստատել Եւրոպայի Հայ Պատուիրակութեան հետ: Դժբախտաբար այնտեղ նոր արգելքներ՝ պոլշեիկների կաշկանդումներ, հնարաւորութիւն չտուին ատոր:

Որպէս եզրակացութիւն ուրեմն, մեր զեկոյցից երկու բան որոշ է.

Ա. Որ Կովկասում թիրքահայերի անուամբ քաղաքական ուրոյն օրկանի մը կազմակերպութիւնը անհրաժեշտ էր, քաղաքական իրադարձութիւնների ընթացքին Հայկական Հարցը անվթար պահելու համար:

Բ. Որ գոյացնելով այս օրկանը, Կովկասի թիրքահայ փախստականութեան յաջողուեց, հակառակ շրջապատի դժնդակ պայմաններին, հաստատուն մնալ մինչեւ վերջ իրենց պայքարին մէջ, և խաղաղութեան նախօրեակին Դաշնակիցներին ներկայացնել իրենց դատը անխախտ՝ ինչպէս էր պատերազմի նախօրեակին, և կոփուած նոր զոհաբերութիւնների բովին մէջ:

/ստ./ Ա. Թեղիպաշեան

Նիստը փակուեցաւ ժամը 8 1/2-ին:

Նախագահ

ՀԱԱ, ֆ. 430, ց. 1, գ. 18, թթ. 4-9 շրջ.: Ձեռագիր: Բնագիր:

Նիստ 2-րդ

26 փետրվարի 1919թ.

ՕՐԱՎԱՐԳ

### 1. ՏԵՂԵԿԱՏՈՒԹԻՒՆ ՏՒԱՐ ՅԱԿՈՒԲԵԱՆԻ՝ ՀԱՅ ՎԵՐԱՊՐՈՂՆԵՐՈՒ ԿԱՑՈՒԹԵԱՆ ՄԱՍԻՆ

Նիստը սկսելուն՝ Տիար Յակոբեան, որ Անգլիոյ մէջ երկար ժամանակ Պատուիրակութեան քարտուղարը եղած է, և վերջին օրերս հասած էր Անգլիայէն, հետեւեալ զեկուցումը ըրաւ ժողովին՝ հայ վերապրողներու կացութեան մասին.

Տիար Յակոբեան. Անգլիոյ մէջ տրամադրութիւնները շատ աղէկ են: Իմ տպաւորութիւնս այն է, որ անգլիական կառավարութիւնը ամէն ջանք պիտի ընէ՝ մեր համազգային ծրագիրը յաջողցնելու համար, ու պարենաւորման անհրաժեշտ նկատուած հրահանգները տրուած են անգլ. ներկայացուցիչներուն, որպէսզի ամէն կարգի աջակցութիւն ընեն հայերուն, առատ պաշար տալով: Հալէպի մէջ կը գործէ յատուկ մարմին մը՝ Գնդապետ Hoche-ի նախագահութեամբ, որպէսզի ոչ միայն նպաստ բաշխէ տարագիրներուն, այլեւ օգնէ անոնց վերադարձին դէպի Հայրենիք: Գերմանիա գտնուող 15.000-ի չափ հայ գերիները ուշադրութեան առնուած են, խնամքի առարկայ պիտի ըլլան և յարմար ժամանակին պիտի դարձուին երկիր:

Հարցում եղաւ Կովկասի մասին և Տիար Յակոբեան պատասխանեց, թէ անգլիական իշխանութեանց կողմէ իրեն յայտնուած է, որ վերջերս Կովկասի վիճակը աւելի բարելաւուած է, որովհետեւ հիւսիսէն բաւական մեծ քանակութեամբ ցորեն բերուած է Երեւան:

Ժողովը մեծ զոհունակութեամբ լսեց այս յայտարարութիւնները:

### 2. ՏԵՂԵԿԱՏՈՒԹԻՒՆ ՀԱՍԱԳՈՒՄԱՐԻ ԲԱՅՄԱՆ ԿԱՐԳԱԴԻՐ ՅԱՆՁՆԱՆՈՒՄԻՆ

Խօսք առաւ՝ Համագումարի բացման հանդէպի Կարգադիր Յանձնախումբին կողմէ՝

Տիար Թեքեան. Բորբականտի տեսակետով Յանձնաժողովս անհրաժեշտ կը նկատէ հանդիսաւոր բացումը, որուն համար պէտք է վարձել մեծ սրահ մը, օրինակ Palais d'Orsay, որուն վարչութեան հետ բանակցիլ սկսած ենք: Կը խորհինք հանդէս

ընել կետեր վերջ, ժամը 3-ին, որմե ետքը թեյ տալ հիւրերուն, սրահին կից մեծ սենեակի մը մէջ, այս կերպ մտքերու աւելի մտերմական փոխանակութիւն մը հնարաւոր դարձնելու համար: Յանձնաժողովս կ'առաջարկէ հրաւիրել Հաշտութեան Վեհաժողովին մէջ մտնող միախոնները, նախարարները, հայաստր ծերակուտականներն ու երեսփոխանները, մեծ թերթերու տնօրէնները, բարեկամ հրապարակագիրները, հայ եւ օտար նամուլի ներկայացուցիչները, Փարիզի հայ գաղութը, Փարիզ գտնուող յոյն, արաբ, սուրիացի, պարսիկ եւ այլ ներկայացուցիչներ: Պէտք է հրաւիրել նաեւ տիկիներ, հայ եւ օտար: Բացումը պիտի կատարէ Ազգ. Պատուիրակութեան Նախագահը: Պիտի խօսին քանի մը անձեր:

Այս առթիւ բացուած վիճաբանութեան ընթացքին պարզուեցաւ, որ պատգամաւորները ամբողջովին անհրաժեշտ կը նկատէին հանդիսաւոր բացումը, ընդունելով անոր մեծ նշանակութիւնը բրոքակամտի, ինչպէս նաեւ հայ հասարակութեան վրայ ընելիք բարերար ազդեցութեան տեսակետով:

Կարծիքները կը տարբերէին՝ երբ խօսք կ'ըլլար հրաւիրելներու ցանկի մասին: Գլխաւորաբար երկու հոսանք կար: Մէկ կողմը կը նկատէր, որ Համագումարի բացումին պէտք է՝ հրաւիրել պաշտօնական անձեր, որպէսզի այս կերպով հայ ժողովուրդի քաղաքական կեանքի սկզբնաւորութիւնը որոշակի աչքի գարնէ: Այդ կարգի անձերու հրաւեր ուղղել չի նշանակեր անպատճառ սպասել, որ իրենք գան, կրնան իրենց մէկ ներկայացուցիչը դրկել: Միւս կողմը կը կարծէր, որ աւելի համեստ եւ նուազ յաւակնոտ ըլլալու ենք, հրաւիրելով միայն մեր օտար բարեկամները, թերթերու խմբագիրներ, Փարիզի հայ հասարակութիւնը, իսկ արտաքին գործերու նախարարութիւններուն, գէթ ֆրանսականին՝ Համագումարին բացումը նախապէս պէտք է ծանուցանել:

Ոմանք անհրաժեշտ նկատեցին հրաւիրելներու մէջ մտցնել նաեւ մեր ապագայ դրացիներու ներկայացուցիչները, յոյն, արաբ, լիբանանցի եւ այլն, բայց այս կարծիքը ընդհանուր հաւանութիւն չգտաւ:

Ընդհանուր հաւանութիւն չգտաւ նաեւ Համագումարի բացման հանդէսը տեսակ մը բողոքի միջոցով վերածելու առաջարկը, զոր ըրին պատգամաւորներէն ոմանք:

Վիճաբանութեան միջոցին արտայայտուած կարծիքները ամփոփուեցան հետեւեալ երեք բանաձեւերու մէջ.

Ա. ԲԱՆԱԶԵՒ. Հանդիսաւոր բացում՝ Յանձնաժողովոյ ըմբռնած ձեւով:

Բ. ԲԱՆԱԶԵՒ. Հանդիսաւոր բացում՝ հրաւիրելով հայ հասարակութիւնը, հայ եւ օտար նամուլը եւ օտար բարեկամներ:

Գ. ԲԱՆԱԶԵՒ. Հանդիսաւոր բացում՝ հրաւիրելով միայն հայ հասարակութիւնը եւ հայ ու օտար նամուլը:

Յաջորդաբար քուէի դրուեցան այս երեք առաջարկութիւնները: Առաջինը՝ Յանձնաժողովինը՝ ստացաւ 2 քուէ միայն ու մերժուեցաւ: Երկրորդը նոյնպէս մերժուեցաւ, միայն մէկ քուէ ստանալով: Իսկ երրորդ առաջարկութիւնը ընդունուեցաւ 10 ձայնի մեծամասնութեամբ:

Յանձնաժողովի անդամներէն Տիարը Թեքեան եւ Տէր-Ստեփանեան հրաժարեցան բողոքելով իրենց ընկերակիցներուն դէմ, որոնք ժողովին մէջ չպաշտպանեցին Յանձնաժողովին կարծիքը:

Ընտրուեցաւ նոր Կարգադիր Յանձնախումբ մը, որուն անդամ նշանակուեցան Տիարը Մալքոյմ

Զօպանեան  
Տամատեան

### 3. ՆԵՐՔԻՆ ԿԱՆՈՆԱԳԻՐ

Ներքին Կանոնագրի Պատրաստութեան Յանձնաժողովին տեղեկաբեր Տիար Հինդլեան կարդաց ամբողջ Կանոնագիրը, որ կը բաղկանար 26 յօդուածներ:

Կանոնագիրը երկրորդ ընթերցումով վիճաբանութեան ենթարկուեցաւ յօդուած առ յօդուած եւ ընդունուեցան 1-15 յօդուածները՝ ոմանք /յօդ. 5, 6, 12/ կարգ մը բարեփոխութիւններով: 12-րդ յօդուածին քուէարկութեան միջոցին Տիարը Հինդլեան եւ Տէր-Ստեփանեան ձեռնպահ մնացին, այդ խնդիրը կատարած նկատելով առժամեայ Պատուիրակութեան եւ Համագումարի փոխարաբերութեանց հարցին հետ:

Նիստը փակուեցաւ ժամը 8 1/2-ին:

Նախագահ

ՀԱԱ, ֆ. 430, ց. 1, գ. 18, թթ. 10-11 շրջ.: Ձեռագիր: Բնագիր:

Նիստ 3-րդ

27 փետրվարի 1919թ.

ՕՐԱՎԱՐԳ

### 1. ՏԵՂԵԿԱՏՈՒԹԻՒՆ ՕԺԱՆՊԱԿ ՅԱՆՁՆԱԺՊՈՎՆԵՐՈՒ ԿԱԶՄՈՒԹԵԱՆ ՅԱՆՁՆԱԽՈՒՄԲԻՆ

Տեղեկաբեր Տիար Տէրպետեան կարդաց Յանձնախումբին առաջարկութեանց գլխաւոր կէտերը, որոնց մասին հարկ եղած բացատրութիւնները տրուեցան թէ՛ Տիար տեղեկաբերին եւ թէ՛ Տիար Շանթի կողմէ: Յանձնախումբը կ'առաջարկէր ընդունիլ երկու տեսակ Յանձնաժողովներու կազմութեան անհրաժեշտութիւնը.

1. Համագումարի
2. Պատուիրակութեան

Առաջինները անմիջական կապ պիտի ունենան Համագումարին հետ, այսինքն՝ պիտի ընտրուին Համագումարին կողմէ, իր անդամներուն մէջէն, պիտի ուսումնասիրեն իրենց յանձնուած խնդիրները, եւ իրենց գործը պիտի շարունակեն մինչեւ Համագումարին փակումը:

Երկրորդ կարգի յանձնաժողովները՝ պիտի թելադրուի, որ ընտրուին Պատուիրակութեան կողմէ, պիտի ըլլան մնայուն, որքան ատեն որ Պատուիրակութիւնը շարունակէ պահել իր գոյութիւնը, եւ Պատուիրակութեան պիտի օժանդակեն՝ ամէն մէկը իրեն գծուած շրջանակին մէջ:

Ոմանք այս մասին որոշում կայացնելը կանխահաս նկատեցին, որքան ատեն, որ չէ պարզուած Պատուիրակութեան եւ Համագումարին փոխարաբերութեանց խնդիրը:

Թեր ու դէմ կարծեաց փոխանակութեան վերջ, ընդունուեցաւ այն սկզբունքը, թէ յանձնաժողովները պէտք է ըլլան երկու կարգի.

1. Համագումարի յանձնաժողովներ
2. Պատուիրակութեան յանձնաժողովներ:

Վսեմ. Պօղոս Փաշա Նուպար իմացուցած ըլլալով, թէ ինք պիտի ուշանայ, յանձնարարած էր սկսիլ ժողովը, ուր տեղի ունեցաւ Վսեմ. Յովհ. Խան Մասեհեանցի նախագահութեամբ:

Ընդհանուր քարտուղարին բացակայութեան պատճառաւ, ատենադպրի պաշտօնը առժամաբար ստանձնեց Տիար Բարսեղեան:

2. ՆԵՐՔԻՆ ԿԱՆՈՆԱԳԻՐ

Յօդուած առ յօդուած կարդացուելով եւ վիճաբանութեան ենթարկուելով, ընդունուեցան մնացեալ 16-26 յօդուածները, որոնցմէ մէկ քանին՝ կարգ մը բարեփոխութիւններով:

23-րդ յօդուածին քուէարկութեան պահուն՝ Տիար Տերպետերեան ձեռնպահ մնաց՝ ընելով հետեւեալ յայտարարութիւնը.

«Այս խնդիրը սերտ առնչութիւն ունի երեք պարագաներու հետ, որոնց եւ ոչ մին լուսաբանուած եւ որոշուած է տակաւին:

Այդ երեք պարագաներն են.

1. Պատուիրակութիւնը, ընտրութեան եղանակը եւ դուրսէն ալ անդամներ ունենալու խնդիրը.

2. Համագումարին եւ Պատուիրակութեան փոխարարբերութեանց բնոյթը.

3. Համագումարին առժամեա՞յ, թե՞ մինչեւ կառավարութեան մը կազմութիւնը մշտական ըլլալու պարագան»:

Տարակարծութեան առարկայ եղաւ նաեւ յօդուած 24-ը, որով նախատեսուած է, որ Պատուիրակութեան գործունեութեան վերաբերեալ խնդիրներու քննութեան միջոցին, Պատուիրակութեան անդամները քուէ տալու չեն:

Թեր ու դէմ վիճաբանութիւններէ վերջ՝ որոշուեցաւ այս կարգի բոլոր խնդիրները «կենսական» նկատել, հետեւաբար առնուազն 19 քուէի կեդրոնացում մը անհրաժեշտ դատուեցաւ անոնց քուէարկութեան առթիւ, որպէսզի ռեւէ առաջարկ վերածուի որոշումի:

Որոշուեցաւ նաեւ վիճելի չդարձնել Պատուիրակութեան անդամներու քուէի իրաւունքը:

Հակառակ քուէարկեցին, պահանջելով որ արձանագրուի, Տիարք Տամատեան, Տէր-Ստեփանեան եւ Հինդդեան:

3. ՏԵՂԵԿԱՏՈՒԹԻՒՆ ՎՍԵՄ ՊՕՂՈՍ ՓԱՇԱ ՆՈՒՊԱՐԻ

Նիստին փակումէն առաջ Վսեմ Պօղոս Փաշա Նուպար ժողովին հաղորդեց կարգ մը տեղեկութիւններ, մասնաւորաբար կարդաց Ֆրանսայի վարչապետ Պ. Քլեմանտոյի վրայ կատարուած մահափորձին առթիւ իր դրկած ցաւակցութեան գիրը, որով իր եւ Համագումարին անդամներուն զայրալից խռովքը կը յայտնէր կատարուած եղեռնին համար:

Նիստը փակուեցաւ ժամը 8 1/2-ին:

Նախագահ

ՀԱԱ, ֆ. 430, ց. 1, գ. 18, քթ. 12-13 շրջ.: Ձեռագիր: Բնագիր:

Նիստ 4-րդ

28 փետրվարի 1919թ.

ՕՐԱԿԱՐԳ

1. ՔՆՆՈՒԹԻՒՆ ԻՍԿԵՆՏԵՐՈՒՆԻ ԴԵՊՔԻՆ ՆԿԱՏԱՍԱԲ ՖՐԱՆՍԱՅԻ ԱՐՏԱՔԻՆ ԳՈՐԾՈՑ ՆԱԽԱՐԱՐՈՒԹԵԱՆ ԾԱՆՕԹԱԳՐԻՆ

Վսեմ Պօղոս Փաշա Նուպարի առաջարկութեան վրայ՝ նիստը բացաւ ու վարեց Վսեմ Տիար Գ. Նորատունկեան:

Տիար Հանրմեանի հիւանդութեան պատճառաւ, այս նիստին ատենագրութիւնն ալ կազմեց Տիար Տոքթ. Ա. Բարսեղեան:

Նիստը սկսելուն՝ կարդացուեցաւ Ֆրանսական Արտաքին Գործոց Նախարարութեան կողմէ եկած գրութիւն մը, որ իր նախնորութեամբ անմիջական ու երկարատեւ մտքերու փոխանակման առիթ դարձաւ: Այդ գրութեամբ կը հաղորդուէր, որ Իսկենտերունի մէջ հայ զինուորները յարձակած են թիւրք թաղի վրայ, սպանած են 1-2 թիւրք եւ այրած են երկու տուն: Ֆրանսական ծովային զինուորներ միջամտած են, որուն հետեւանքով սպանուած են 9 եւ վիրաւորուած են 7 հայ զինուորներ: Ֆրանսացի զինուորներէն վիրաւորուած են երեքը: 150 հայ զինուորներ լեռը ելած են: Ֆրանսացի զինուորներ ցամաք հանուած են եւ պաշարած են հայ գորանցը:

Շատեր խօսք առին այս առթիւ եւ ամէնքն ալ զարմանք յայտնեցին, որ զեկոյցը ոչ մէկ խօսք ըրած է այդ դժբախտ դէպքի պատճառներուն մասին: Մինչ մէկ կողմէն կը շեշտուէր շարունակ, որ անհրաժեշտ է այս կամ այն կերպ լուսաբանութիւններ ստանալ այդ մասին, միւս կողմէ ընդհանուր կարծիքն այն էր, թէ թիւրք պաշտօնեաներու եւ թիւրք տարրի կողմէ գրգռութիւն մը /provocation/ եղած ըլլալու է, հաւանօրէն որբերու եւ իսլամացած կիներու խնդիրը լուծել փորձուած միջոցին: Ամէն պարագայի տակ՝ ֆրանսացի նաւազներու այրօրինակ միջամտութիւնը ենթադրել տուաւ շատերու, որ Կիլիկիոյ մէջ գործող պաշտօնեաներ այնքան ալ լաւ տրամադրուած չեն դեպի բազմաչարչար հայ ժողովուրդը եւ անոր զինուոր զաւակները, որոնց մասին մինչեւ վերջերս ֆրանսական պաշտօնական անձեր միշտ գոհունակութեամբ կը խօսէին եւ կը գովէին անոնց կարգապահական ոգին:

Շատեր խօսեցան նաեւ դարմանի եւ հակամիջոցներու մասին: Ոմանք կ'առաջարկէին դրկել մէկը դէպքին վայրը, որպէսզի քննութիւն կատարէ եւ տեղեկագրէ, առանց պաշտօնական յարաբերութեան մտնելու տեղական վարիչներու հետ: Ուրիշներ կը նախընտրէին պաշտօնական հանգամանք ունեցող մը դրկել՝ եթէ կարելի ըլլար՝ նախապէս ապահովելով ֆրանսական կառավարութեան համաձայնութիւնը: Երրորդ մը կ'առաջարկէր խնդրել անգլիական իշխանութիւններէն որպէսզի Իսկենտերունէն մանրամասն տեղեկութիւններ ուզեն այս դէպքի մասին եւ մեզի հաղորդեն: Չորրորդ մը՝ այդ մանրամասնութիւնները կ'առաջարկէր հեռագրով ուզել Իսկենտերունի հայ հեղինակութիւններէն: Մէկ քանիներ կ'առաջարկէին պահանջել, որ թիւրք պաշտօնեաները վտարուի հայ զինուորներէն գրաւուած մասերէն, մանաւանդ որ՝ կամաւորներու մասին խօսուած ատեն ֆրանսացիք ըսած են, որ շուտով պիտի ուզուին նաեւ հայ պաշտօնատարներ, որպէսզի Կիլիկիան ամբողջովին յանձնուի հայերուն:

Ի վերջոյ կարծիք յայտնուեցաւ, որ այս կարգի խնդիրներու լուծման միջոցին անհրաժեշտ է պաղարհունը պահել եւ նկատի ունենալ, որ այս տեսակ խառնակ ժամանակներ նման գրգռութիւններն ու դէպքերը սովորական երեւոյթներ են:

Առաջարկ եղաւ եւ ընդունուեցաւ, որ այս խնդրին կարգադրութիւնը յամձնուի Վսեմ Պօղոս Փաշա Նուպարի եւ Տիար Ահարոնեանի, որոնք իրենց պատրաստելիք պատասխանին պիտի կցեն նաեւ Կիլիկիոյ Կաթողիկոսին բողոք-գրութիւնները, ինչպէս նաեւ ֆրանսացի գնդապետի մը հայ զինուորները գովող նամակին պատճէնները, հաղորդելով նոյն ատեն, որ Ազգ. Պատուիրակութիւնը չի կրնար ինքզինքը պատասխանատու նկատել այդ վայրերու անցքերուն, որքան ատեն որ անոնք հայ իշխանութեան մը ենթակայ չեն:

Յարմար դատուեցաւ, որ այս պատասխանին պատճէնները եւ դրութիւնը պարզող գրութիւնները ուղղուին նաեւ մեծ պետութիւններու ներկայացուցիչներուն:

Տիար Զօպանեան առաջարկեց Վեհ. Տ. Սահակ Կաթողիկոսին հեռագրով տեղեկութիւններ խնդրել: Տիար Տէր-Ստեփանեանի առաջարկին վրայ՝ ժողովը

յոտնկայս իր վիշտը յայտնեց 9 հայ զոհերուն համար, իսկ Ամեն. Դուրեան Արքեպիսկ. հոգևոց կարդաց անոնց համար:

2. ԵՐՈՒՄԱՂԵՍԻ ԽՆԴԻՐ

Սիջանկեալ կերպով խնդրոյ նիւթ եղաւ Երուսաղէմի Յանձնաժողովին մէկ տեղեկաբերութիւնը, որով կ'առաջարկուէր այդ վանքին գործերուն կարգադրութիւնը յանձնել մասնաւոր մարմնի մը, կազմուած Եգիպտոս գտնուող հետեւեալ անձերէն.

- Գեր. Տ. Թորգոմ Եպիսկոպոս, Նախագահ
- Տիարք՝ Կամսարական
- Ռէիզեան Պէյ
- Յ. Մութաֆօֆ
- Գ. Թօփալեան
- Մելքոնեան

ժողովն ընդունեց եւ վաւերացուց այս առաջարկը եւ յարմար դատեց, միաժամանակ, խնդրել անգլիական իշխանութեանց աջակցութիւնը: Այս կարգադրութիւնը պիտի տեսնէ այնքան ատեն, որքան որ Պոլսոյ Ազգ. Իշխանութիւնը ի վիճակի չէ Երուսաղէմի խնդրով զբաղելու:

3. ԸՆՏՐՈՒԹԻՒՆ ԴԻՒԱՆԻ

Ըստ Ներքին Կանոնագրի տրամադրութեան, որ կը նախատեսէր մէկ նախագահ, երկու դեր-նախագահ եւ երկու ատենադպիր, ձեռնարկուեցաւ Համագումարի նախագահին ընտրութեան, ի ներկայութեան 22 քուէարկուներու, որոնցմէ Տիար Տէր-Ստեփանեան յայտարարեց, թէ ձեռնպահ կը մնայ:

Մնացեալ 21 պատգամաւորներու մասնակցութեամբ քուէարկութիւն կատարուելով, գոյացաւ հետեւեալ արդիւնքը.

- Տիար Լեւոն Շանթ – 9 քուէ
- Վսեմ. Տիար Նորատունկեան – 8 քուէ
- Ամեն. Դուրեան Արք. – 1 քուէ
- Տիար Ահարոնեան – 1 քուէ
- Տիար Փաստրմաճեան – 1 քուէ
- Սպիտակ – 1 քուէ

Ոչ ոք մեծամասնութիւն ստացած ըլլալով, համեմատականի մնացին Տիարք Լեւոն Շանթ եւ Վսեմ. Տիար Գ. Նորատունկեան, որոնք հրաժարեցան քուէարկելէ: Այս անգամ ընտրութեան մասնակցեցաւ նաեւ քիչ առաջ ձեռնպահ մնացող Տիար Տէր-Ստեփանեան, որով համեմատականի քուէարկութիւնը կատարուեցաւ մասնակցութեամբ 20 պատգամաւորներու, եւ տուաւ հետեւեալ արդիւնքը.

- Վսեմ. Տիար Գ. Նորատունկեան – 11 քուէ
- Տիար Լեւոն Շանթ – 9 քուէ
- Վսեմ Տիար Գ. Նորատունկեան Ազգ. Համագումարի նախագահ ընտրուած հռչակուեցաւ:

Օրը տարաժամանած ըլլալով, Դիւանի միւս անդամներուն ընտրութիւնը ձեռնարկուեցաւ յաջորդ նիստին:

Նիստը փակուեցաւ ժամը 8 1/2-ին:

Նախագահ

ՀԱԱ, ֆ. 430, ց. 1, գ. 18, թթ. 14-16: Ձեռագիր: Բնագիր:

Նիստ 5-րդ

1 մարտի 1919թ.

ՕՐԱԿԱՐԳ

1. ԶԵԿՈՒՅՈՒՄ ՏԻԱՐ ԱՅԱՐՈՆԵԱՆԻ՝ ԿԱՐՍԻ ՄԱՍԻՆ

Դիւանի ընտրութեան անցնելէ առաջ՝ Տիար Ահարոնեան խօսք առաւ եւ կարդաց Հանրապետութեան արտաքին գործերու նախարար Տիար Տիգրանեանէ նոր ստացած մէկ գիրը, որով իրեն կը հաղորդուէր, թէ անգլիական զինուորական հրամանատար Major General Forestier Walker-ի եւ Հայ Հանրապետութեան միջեւ գոյացուած է համաձայնագիր Կարսի շրջանին վերաբերմամբ:

Ժողովը գոհունակութեամբ լսեց այս տեղեկութիւնները:

2. ԸՆՏՐՈՒԹԻՒՆ ԴԻՒԱՆԻ

Նախագահ Վսեմ. Տիար Գ. Նորատունկեան յիշեցուց, թէ նախորդ նիստին մէջ ըսած է, որ իր առողջական վիճակը չի թույլատրեր իրեն դիւանական ունէ պաշտօն ընդունիլ. սակայն Պատուիրակութեան նախագահ Վսեմ. Պօղոս Նուպար Փաշայի եւ ժողովականաց ոմանց դիմումին վրայ՝ ինքզինքը պարտաւոր կը զգայ չմերժելու իրեն վստահուած նախագահական պաշտօնը, համոզուած ըլլալով, թէ Համագումարին մասնակցող իւրաքանչիւր պատգամաւոր այս թույլիս միայն եւ միմիայն պէտք է ազգային գերագոյն շահերուն նկատումէն առաջնորդուի եւ օրինասիրութեամբ ու կարգապահութեամբ դիւրացնէ Դիւանին աշխատանքը:

Յետոյ՝ Ն. Վսեմութիւնը Համագումարին կողմէ բարի գալուստ մաղթեց Տիարք Արշակ Չօպանեանի, Տիգրան Խան Քէլէկեանի, Ներսէս Խան Ներսէսեանի եւ Ս. Դաւիթ-Բէկի:

Ապա ձեռնարկուեցաւ Համագումարի երկու դեր-նախագահներուն ընտրութեան:

Բացարձակ մեծամասնութեամբ, այն է՝ 15 ական քուէով՝ Համագումարի դեր-նախագահ ընտրուեցան՝

- Տիարք՝ Բրօֆ. Տէր-Յակոբեան
- Արշակ Չօպանեան

Ատենադպիրներու ընտրութեան համար կատարուած քուէարկութեան արդիւնքը եղաւ՝

- Տիարք՝ Ս. Հիմուլեան – 11 քուէ
- Լեւոն Շանթ – 9 քուէ
- Վ. Թէքէեան – 4 քուէ
- Տոքթ. Բարսեղեան – 5 քուէ

Ընտրութիւնը մնաց համեմատականի:

Տիար Շանթ, ինչպէս միւս քուէ ստացողները, յայտարարեցին, թէ կը հրաժարին ընտրելիութենէ:

3. ՅԱՅՏԱՐԱՐՈՒԹԻՒՆ ՏԻԱՐՔ ԿԱՐԱՆՂԵԱՆԻ ԵՒ ԱՅԱՐՈՆԵԱՆԻ՝ ՀԱՄԱԳՈՒՄԱՐԻ ԲՆՈՅԹԻՆ ՈՒ ՆՇԱՆԱԿՈՒԹԵԱՆ ՄԱՍԻՆ

Քուէարկութենէն անմիջապէս վերջ Տիար Ս. Վարանդեան յայտարարեց, թէ սա միմիայն թրջահայերու համագումար է, եւ փոքրամասնութիւնը գէթ մի ներկայացուցիչ պէտք է ունենայ այնտեղ:



Տիար Ահարոնեան. ես պարտաւոր եմ այս վայրկեանիս յայտնել, թէ սա համահայկական համաժողով չէ, այլ միայն թրքահայերու ժողով:

Այս յայտարարութիւնը տեղի տուաւ կարծիքներու թեր ու դէմ փոխանակութեան Համագումարին յաջս օտարաց Հայկական Ազգ. Համագումար, եւ յաջս մերայնոց՝ իրապէս թրքահայոց, պարսկահայոց եւ գաղութներու ներկայացուցիչներէն կազմուած համագումար նկատուելու մասին:

**Նիստը փակուեցաւ ժամը 8 1/2-ին:**

**Նախագահ**

ՀԱԱ, ֆ. 430, ց. 1, գ. 18, թթ. 17-18: Ձեռագիր: Բնագիր:

**Նիստ 6-րդ**

2 մարտի 1919թ.

**ԱՏԵՆԱԿԱՆ ԳՈՐԾՈՂՈՒԹԻՒՆՔ**

**1. ՆԵՐԿԱՅՈՒԹԻՒՆ ՏԻԱՐ ԱՂԱԹՍ ՊԷՅԻ**

Նախագահ Վսեմ. Տիար Գ. Նորատունկեան շնորհաւորեց Ամերիկայի հայ գաղութին առժամեայ պատգամաւորներէն Տիար Աղաթօն Պէյի ներկայութիւնն ու մասնակցութիւնը ժողովին:

**2. ՅԱՅՏԱՐԱՐՈՒԹԻՒՆ ՎՍԵՄ. ՊՕՂՈՍ ՓԱՇԱ ՆՈՒՊԱՐԻ՝ ԱՍԲՈՂՋԱԿԱՆ ՀԱՅԱՍՏԱՆԻ ՔԱՐՏԵՍԻՆ ՆԿԱՏԱՄԱՐ**

Պատուիրակութեան Նախագահ Վսեմ. Պօղոս Փաշա Նուպար կարդաց Ատրպատականի Առաջնորդ Տ. Ներսէս Եպիսկոպոսի մէկ հեռագիրը, որով ցաւ կը յայտնէր, թէ «Թայմզ»-ի հրատարակած ապագայ Հայաստանի քարտէսէն դուրս թողուած են Լոռիի, Սեւանի եւ այլ շրջանները: Ն. Վսեմութիւնը յայտնեց, թէ այդ քարտէսը սխալի մը արդիւնք եղած է եւ թէ խնդրոյ առարկայ շրջանները առնուած են Պատուիրակութեան յիշատակագրին կից քարտէսին մէջ, ինչպէս ծանօթ է:

**3. ՀՐԱԺԱՐԱԿԱՆ ՏԻԱՐ ՄԻՆԱՍ ՉԵՐԱՅԻ**

Նախագահ Վսեմ. Տիար Գ. Նորատունկեան կարդաց Տիար Մինաս Չերազի մէկ գիրը, որով շնորհակալութիւն կը յայտնէր Համագումարին՝ զինքը անդամակցութեան կոչող հրաւերին համար, բայց կը ծանուցանէր, թէ առողջական պատճառով ստիպուած է հրաժարիլ իրեն եղած այս պատուէն:

**ՕՐԱԿԱՐԳ**

**1. ԸՆՏՐՈՒԹԻՒՆ ԴԻՒՆՆԻ**

Դիւանի երկու ատենադպիրներուն ընտրութեան ձեռնարկելէ առաջ՝ Նախագահ Վսեմ. Գ. Նորատունկեան 10 վայրկեանի դադար մը առաջարկեց ժողովին:

Տիար Շանթ առաջարկեց թեկնածուներու անուններ տալ ժողովին՝ որպէսզի ընտրութիւնը կարենայ արդիւնաւոր կերպով կատարուիլ:

Տիար Տամատեան անյարմար գտաւ այդ ձեւը, աւելցնելով, թէ նոյնը կրնայ կատարուիլ դադարի միջոցին՝ անպաշտօն եղանակով:

Ըստ այնմ՝ դադար տրուեցաւ:

Նիստը վերսկսուելուն՝ 24 պատգամաւորներու մասնակցութեամբ քուէարկութիւն կատարուելով՝ հետեւեալ արդիւնքը տուաւ.

- Տիարը Թէքեան – 16 քուէ
- Դաւիթ-Քէլ – 11 քուէ
- Տէր-Ստեփանեան – 9 քուէ
- Հինդլեան – 9 քուէ

Սպիտակ – 5 քուէ

Տիար Վ. Թէքեան հռչակուեցաւ ընտրուած: Իսկ Տիարը Դաւիթ-Քէլ եւ Տէր-Ստեփանեան համեմատականի մնացին:

Երկրորդ քուէարկութեամբ ընտրուեցաւ

Տիար Տէր-Ստեփանեան՝ ստանալով 12 քուէ:

**2. ԿԱԶՄՈՒԹԻՒՆ ՕԺԱՆՂԱԿ ՅԱՆՁՆԱԺՈՂՈՎՆԵՐՈՒ**

Նախագահ Վսեմ. Տիար Գ. Նորատունկեան յիշեցուց, թէ Համագումարի նախապատրաստական նիստերուն մէջ կատարուած խորհրդակցութիւններէն հասկցուած է, թէ ժողովը հարկ կը տեսնէ կազմութիւնը հետեւեալ Յանձնաժողովներու.

1. Պետական կազմակերպութեան սկզբնաւորութեանը վերաբերեալ խնդիրներու քննութեան
2. Վերաշինութեան
3. Տարագրելոց եւ որբերու ի նպաստ հանգանակութեան
4. Արտաքին ֆինանսական օգնութեան եւ պարենաւորման
5. Հայկական Լեզեմի եւ զինուորական գործողութեանց

Ըստ այսմ, Ն. Վսեմութիւնը հրաւիրեց ժողովը նկատողութեան առնել այս Յանձնաժողովներու կազմութեան սկզբունքը, աւելցնել կամ պակսեցնել՝ եթէ պէտք է՝ այս Յանձնաժողովներուն թիւը, ի վերջոյ՝ Կանոնագրի տրամադրութեան համաձայն՝ ձեռամբարձ ընտրել անոնց անդամները:

Տիար Չօպանեան. Կ'առաջարկեմ ընտրել նաեւ բրոբականտի գործով զբաղելու կոչուած յանձնաժողով մը՝ որուն գոյութիւնը այստեղ, այս պահուն, անհրաժեշտ է:

Տիար Դաւիթ-Քէլ. Անկախ Հայաստանի ապագային համար դաստիարակութեան կենսական կարեւորութիւնը նկատի ունենալով, կ'առաջարկեմ կազմել նաեւ կրթական յանձնաժողով մը:

Տիար Փաստրմաճեան. Այս Յանձնաժողովներու ընտրութեան ձեռնարկելէ առաջ պէտք է գիտնանք, թէ ինչ է այս ժողովին նկարագիրը, կատարելիք գործը, ձեռնհասութիւնը եւ տեսողութիւնը: Իմ կարծիքով՝ կարգ մը այնպիսի խնդիրներով, ինչպէս կրթականն է, զբաղելու ո՛չ հնարաւորութիւն եւ ո՛չ ձեռնհասութիւն ունինք: Ատոնք գործն են ապագայ խորհրդարանին եւ կառավարութեան: Մեր միակ նպատակն ըլլալու է Հայաստանի արդէն անկախ մասին եւ միւս տակաւին ոչ-անկախ մասին միացման ձգտիլ, եւ մնացեալը թողուլ մեր նոր ընտրելիք Պատուիրակութեան:

Տիար Փաստրմաճեանի այս դիտողութեան վրայ՝ Նախագահ Վսեմ. Տիար Գ. Նորատունկեան կարդաց Պատուիրակութեան կողմէ Համագումարի գումարման համար ուղղուած հետեւեալ հրաւիրագիրը.

ՀԱՅ ԱԶԳԱՅԻՆ ՊԱՏՈՒԻՐԱԿՈՒԹԻՒՆ  
DELEGATION NATIONALE  
ARMENIENNE

Փարիզ, 15 Յոկտեմբեր 1918.

Սիրելի՛ Հայրենակիցներ

Ազգային Պատուիրակությունս եկած է այն խոր համոզման, որ պատերազմին ստեղծած ներկայ պայմաններու մէջ ազգային ներկայացուցիչ մարմնի մը գոյութիւնը անհրաժեշտութիւն դարձած է ո՛չ միայն ազգային շահերու պաշտպանութիւնը ընդհանուր ազգի կողմէն ընտրուած մարմնի մը յանձնելու, այլ եւ ամբողջ աշխարհի, եւ մասնաւորապէս Խաղաղութեան Քոնկրետին առաջ ապացուցելու համար, որ հայ ազգի՝ քաղաքական եւ այլ պատճառներով՝ իրարմէ բաժնուած եւ ցիրուցան անդամները մի՛ եւ նո՛յն անբաժանելի ազգութեան հատուածները կը կազմեն: Այդ նպատակին իրագործման համար Պատուիրակութիւնս մշակած է ներկայ նամակիս կցուած Կանոնագիրը, Փարիզի մէջ գումարելու Համագումար մը, որուն անդամները ընտրուած պիտի ըլլան ամբողջ ազգին կողմէն:

Սակայն այս հրաւիրագիրը դրկելու միջոցին՝ Դաշնակիցներու տարած փայլուն յաղթանակները այն աստիճան գահավիժեցին դէպքերը, որ Ազգ. Պատուիրակութիւնը հարկ դատեց, առանց սպասելու համագումարի կայանալուն, իր կազմին վրայ աւելցնել մի քանի անդամներ, ընտրուած ոչ շատ հեռաւոր գաղութներէն. որովհետեւ կրնայ ըլլալ, որ անակնկալ կերպով զինադադար մը կնքուի, եւ հաշտութեան բանակցութիւնները Համագումարի ժողովուելէն առաջ սկսին:

Այսուհանդերձ, Պատուիրակութիւնը անպատրաստ չի գտնուելու համար է միայն, որ այս միջոցին դիմեց, առանց հրաժարելու համագումարը հրաւիրելու իր հիմնական ծրագրէն, նոյնիսկ եթէ այն տեղի ունենայ հաշտութեան կնքումէն վերջը, որովհետեւ այդ պարագային մէջ անգամ ապագայ Հայաստանի կազմակերպութեան եւ վերաշինութեան մասին մեծ դեր կարող է կատարել եւ վճիռներ կայացնել:

Պարզ է, որ գաղութներու կողմէ ընտրուած եւ Պատուիրակութեան մաս կազմելու կոչուած տոյն անդամները պիտի կրնան անոնց կողմէն պատգամաւոր ընտրուիլ ապագայ Համագումարին մէջ:

Այս հիման վրայ է, որ Պատուիրակութիւնը ձեզ կ'ուղղէ ներփակ հրաւիրագիրը եւ կը խնդրէ, որ անյապաղ ձեռնարկէք ապագայ համագումարի պատուիրակներու ընտրութեան:

Այս նամակին կցուած Կանոնագիրը միայն իբրեւ հրահանգ պիտի ծառայէ համագումարի ժողովումին համար. Համագումարն ինքնին ըլլալով ազգի կամքին արտայայտութիւնը, լիազօր իրաւունք պիտի ունենայ խորհրդակցելու եւ մշակելու ազգային պահանջներու ծրագիրը, համաձայն օրուան պայմաններուն: Համագումարը նաեւ պիտի ընտրէ 7 անդամներէ բաղկացած Գործադիր ժողով մը, որ պաշտօն պիտի ունենայ այդ ծրագրին իրագործումը հետապնդելու:

Պատուիրակութիւնս դիտմամբ զգուշացած է Համագումարի անդամներուն ընտրութեան եղանակը ճշդելէ՝ կատարեալ ազատութիւն տալու համար իւրաքանչիւր երկրի ազգային իշխանութիւններուն, հաստատութիւններուն, Ազգային Միութիւններուն եւ քաղաքական կազմակերպութիւններուն, որ իրար հետ համաձայնելով կարենան կարելի եղածին չափ հաւատարիմ եւ կատարեալ ազգային ներկայացուցչութիւն մը իրականացնել:

Հեռաւորութիւնները եւ ճամբորդութեան դժուարութիւնները նկատի ունենալով՝ Համագումարի բացման թուականը որոշուած է 1919 Փետրուարի մէկը: Բայց այն պարագային, երբ գահավիժող քաղաքական հանգամանքները Համագումարին աւելի կանուխ բացումը հարկադրեն՝ պատշաճը ձեզ հեռագրով կը հաղորդուի:

Ազգային Պատուիրակութիւնս համոզուած է, որ դուք եւս այս Համագումարին անհրաժեշտութեան մասին համաձայն էք իր հետ, եւ թէ ձեր ամբողջ աջակցութիւնը

պիտի բերէք որպէսզի ձեր համայնքը ներկայացնող պատուիրակներու ընտրութիւնը փութով եւ օրինաւորաւորապէս գլուխ գայ:

Ընդունեցէ՛ք, սիրելի՛ հայրենակիցներ, իմ անձնուէր զգացումներուս հաւաստիքը:

Նախագահ  
Հայ Ազգային Պատուիրակութեան  
Պօղոս Նուպար

**ՀԱՅԿԱԿԱՆ ՀԱՄԱԳՈՒՄԱՐ**

**ՀՐԱԲԵՐ**

Համաշխարհային պատերազմը արմատապէս փոփոխած ըլլալով այն քաղաքական պայմանները, որոնցմէ կախուած են հայ ազգի կենսական շահերը թէ՛ Կովկասի եւ թէ՛ Թրքահայաստանի մէջ, Հայ Ազգ. Պատուիրակութիւնը անհրաժեշտ կը նկատէ, որ ներկայացուցչական մարմին մը, ընտրուած բոլոր երկիրներու հայերուն կողմէն, որոնք մի եւ նոյն ազգութիւնը կը կազմեն, գոյութեան կոչուի:

Ա. Մշակելու համար հայ ազգի պահանջներու ծրագիրը, դէպքերու ստեղծած նոր կացութեան համաձայն, եւ

Բ. Ընտրելու համար Գործադիր ժողով մը, որ պաշտօն պիտի ունենայ հետապնդելու այդ ծրագրին իրականացումը:

Այդ նպատակով, Հայ Ազգային Պատուիրակութիւնը նախաձեռնութիւնը կը ստանձնէ հրաւիրելու Ազգային Համագումար մը:

Որպէսզի այդ Համագումարը խորհրդակցելու եւ ազգին անունով վճիռներ կայացնելու իրաւասու համարուի, պէտք է կազմուած ըլլայ բոլոր երկիրներու հայոց, այսինքն՝ Թրքահայաստանի, Կովկասի եւ կարեւորագոյն գաղութներու ներկայացուցիչներէն:

**ՀԱՄԱԳՈՒՄԱՐԻ ԿԱԶՄԸ.** - Համագումարը կազմուած պիտի ըլլայ մօտաւորապէս 35 անդամներէ, որոնք հետեւեալ երկիրներու հայերէն եւ հետեւեալ համեմատութեամբ պիտի ընտրուին.

- Թրքահայերէն – 8
- Կովկասահայերէն եւ ռուսահայերէն – 8
- Ամերիկայի հայերէն – 4
- Եգիպտոսի, Կիպրոսի եւ Եթովպիոյ հայերէն – 2
- Պարսկաստանի հայերէն – 2
- Պալքանեան երկիրներու հայերէն – 1
- Յունաստանի հայերէն – 1
- Ֆրանսայի հայերէն – 2
- Անգլիայի հայերէն – 2
- Իտալիայի հայերէն – 1
- Զուիցերիայի հայերէն – 1
- Հնդկաստանի եւ Ճապոնի հայերէն – 1

**ԸՆՏՐՈՒԹԵԱՆ ԵՂԱՆԱԿ** - Ազգային Համագումարի անդամները պիտի ընտրուին հւրաքանչիւրը իր երկրին մէջ սովորական դարձած ընտրական օրէնքներուն համաձայն:

**ԹԹԱՎԱՅ ՆԵՐԿԱՅԱՅՈՒՑԻՉՆԵՐՈՒ ԸՆՏՐՈՒԹԻՒՆԸ** - Պատերազմի պատճառով ստեղծուած պայմաններուն հետեւանքով՝ Թրքահայաստանը ներկայացնող ութը անդամներուն հինգը պիտի ընտրուին թրքահայ փախստականներուն կողմէն՝ 2-ը Կովկասի, 1-ը Պարսկաստանի, 1-ը Միջագետքի եւ 1-ը Պաղեստինի ու Եգիպտոսի մէջ գտնուող փախստականներու կողմէն: Իսկ մնացեալ երեքը Ազգային Համագումարը ինքը պիտի անուանէ ի պաշտօնէ, արտասահման գտնուող թրքահայերէն ընտրելով զանոնք:

**ԱՌԱՋԻՆ ԺՈՂՈՎ** - Ժամանակ տալու համար հեռուոր շրջաններու պատգամաւորներուն, որ կարենան մինչեւ Ազգային Համագումարի բացումը Փարիզ հասնիլ՝ Համագումարը 1919 Փետրուարի մէկին իր առաջին նիստը պիտի կայացնէ:

Եթէ մինչեւ այդ թուականը հայութեան ներկայացուցիչներուն մէկ մասը տակաւին ընտրուած եւ կամ Փարիզ ժամանած չըլլան Ազգային Համագումարը օրինաւորապէս նիստ պիտի կրնայ կայացնել, պայմանով միայն, որ ներկայ գտնուին առնուազն 20 անդամներ, որոնցմէ առնուազն չորսը՝ Թրքահայաստանի ներկայացուցիչներէն, եւ չորսը՝ Կովկասի ներկայացուցիչներէն:

Միւս յապաղած անդամները պիտի կրնան զալ մասնակցիլ ժողովներուն, անմիջապէս որ հանգամանքները թոյլատրեն:

Ազգային Համագումարը առ առաւելն մէկ անսուայ ընթացքին պիտի մշակէ ազգային պահանջներու ծրագիրը մը եւ ձայներու մեծամասնութեամբ պիտի ընտրէ 7 անդամներէ բաղկացած Գործադիր Ժողով մը: Այդ աշխատանքը լրացնելէ յետոյ պիտի ցրուի եւ կրկին պիտի գումարուի ինչպէս ստորեւ նախատեսուած է:

Գործադիր Ժողովի անդամներուն առնուազն չորսը պիտի առնուին Համագումարին մասնակցող պատգամաւորներուն մէջէն, իսկ մնացեալ երեքը, եթէ Համագումարը յարմար նկատէ, պիտի կրնայ ընտրել դուրսէն՝ ձեռնհաս ազգայիններէ:

Գործադիր Ժողովը հայ ազգի ներկայացուցիչը պիտի ըլլայ պետութեանց մօտ, պիտի հետապնդէ հայկական պահանջներու իրականացումը, եւ Խաղաղութեան Քոնկրէսի բացման պահուն, կրկին ի նիստ պիտի հրաւիրէ Ազգային Համագումարը, որպէսզի այս վերջինը վերաքննէ իր ծրագիրը, պատշաճեցնէ զայն վարկեանի պահանջներուն, եւ տայ Գործադիր Ժողովին բոլոր այն ցուցումները, որոնք անհրաժեշտ կրնան դարձած ըլլալ դէպքերու ստեղծած նոր հանգամանքներուն բերումով:

Գործադիր Ժողովը իր կեդրոնը պիտի ունենայ Փարիզի մէջ եւ պիտի կրնայ իր ներկայացուցիչները նշանակել Լոնտոնի, Գոթմի, Ուաշինկթոնի մէջ, եւ ամէն տեղ, ուր անոնց պէտքը զգալի նկատէ: Այդ ներկայացուցիչները կրնան ընտրուիլ թէ՛ Համագումարին մասնակցող անդամներէն եւ թէ՛ դուրսէն:

Համագումարին անդամներուն տեղափոխութեան եւ այլ ծախքերը պէտք է զիրենք ընտրող զաղութներուն կողմէ հոգացուին:

Գործադիր Ժողովի անդամներուն, ինչպէս նաեւ դիւանատան ծախքերը պիտի հոգացուին ամբողջ ազգին կողմէ՝ համաձայն Համագումարի կողմէն կատարուելիք համեմատական բաշխումին:

Ազգային Համագումարին, ինչպէս նաեւ Գործադիր Ժողովին պաշտօնը լրացած պիտի նկատուի խաղաղութեան կնքումէն յետոյ:

Եթէ, ինչպէս կը յուսանք, այս Ազգային Համագումարը՝ հակառակ պատերազմին ստեղծած դժուարութիւններուն՝ կարենայ գումարուիլ վերոյիշեալ պայմաններուն համաձայն, եւ հետեւաբար, օրինաւորապէս իրաւասութիւն ունենայ ազգը ներկայացնելու եւ անոր անուանող որոշումներ կայացնելու, այդ պարագային Հայ

Ազգ. Պատուիրակութիւնս, վստահ ըլլալով, որ իր կատարած գործը չպիտի ընդմիջուի՝ իր հրաժարականը պիտի փոխանցէ Գործադիր Ժողովին:

Հայ Ազգային Պատուիրակութիւն

Ընթերցումէն վերջ՝ խօսք առաւ

Տիար Հանըմեան. Կ'ընդունիմ Տիար Նախագահին կողմէ առաջարկուած Յանձնաժողովներուն կազմութիւնը, պայմանաւ, որ անոնք իրենց վերաբերող խնդիրներու համար սկզբունքներ, հիմներ միայն դնեն եւ ժողովին կողմէ ընդունուելէ վերջ, գործը թողուի ընտրուելիք Պատուիրակութեան, որ անոնց համար աշխատի Հանրապետութեան Պատուիրակութեան հետ ձեռք-ձեռքի:

Տիար Ներուզ- Առաջարկուած յանձնաժողովներէն ոմանք Պատուիրակութեան հետ, ուրիշներ Համագումարի կողքին կրնան աշխատիլ. պէտք է բաժնել: Իսկ ատկէ առաջ՝ պէտք է ճշդել Համագումարին աշխատութիւններուն բնոյթը, որ բուն գործն է եւ որ տակաւին որոշ չէ, թէ ի՞նչ է:

Տիար Շանթ. Գործն է հայկական միացեալ երկրին համար կառավարութիւն ստեղծել, որմէ վերջ միայն կրնայ հասկցուիլ, թէ ի՞նչ յանձնաժողովներ պէտք են:

Տիար Թերզիպաշեան. Կառաջարկէմ նախ կարողալ Պատուիրակութեան կողմէ Խաղաղութեան Վեհաժողովին տրուած յիշատակագիրը, որ պաշտօնապէս դեռ բերուած չէ այս ժողովին: Այնուհետեւ, խնդիրները կը ճշդուին եւ կը հասկցուի թէ ինչպիսի՞ յանձնաժողովներ հարկաւոր են մեզի:

Տիար Տէր-Ստեփանեան. Ըստ իս՝ ամէն բանէ առաջ պէտք է ճշդել, թէ ի՞նչ պիտի ըլլայ այս ժողովին իրաւասութիւնը ընտրուելիք Պատուիրակութեան վրայ: Ժողովին տեւողութիւնը ատկէ կախում ունի:

Տիար Բարսեղեան. Մենք կրնանք այստեղ ամէն կարգի յանձնաժողովներ կազմել եւ որոշումներ տալ. բայց պէտք է գիտնանք, թէ որո՞ւ պիտի յանձնուի այդ որոշմանց գործադրութիւնը:

Տիար Սայեան. Մեր առաջին գործն է որոշել, թէ ի՞նչ աչքով պիտի նայինք Կովկասի մէջ կազմուած Հայ անկախ Հանրապետութեան եւ Հայաստանը ազատելու «տեխնիքական» գործին: Մենք թրքահայ բարլամենք պիտի ստեղծենք այստե՞ղ, թէ՞ ոչ՝ այնտեղ, երեւանի մէջ ստեղծուած օրինական բարլամենքին ոյժ պիտի տանք, գրկելու համար Ամբողջական Հայաստանը:

Նախագահ Վսեմ. Տիար Գ. Նորատունկեան յիշեցուց, թէ Յիշատակագիրը տպագրուած ու բաժնուած ըլլալով, պարունակութիւնը ծանօթ է ժողովի ամէն անդամներուն. եւ արդէ՞ Պատուիրակութեան կողմէ Խաղաղութեան Վեհաժողովին տրուած ըլլալով՝ անելորդ կը դառնայ անոր անդարդառնալ. պէտք է քանալ ամբողջացնելու անոր թերի մնացած մասերը, զոր օրինակ՝ վնասուց հատուցման վերաբերող խնդիրը, զոր պէտք է ժողովին անմիջական զբաղման առարկայ դարձնել:

Տիար Տամատեան. Լաւ կ'ըլլայ, որ Դիւանը կանխաւ պատրաստէ եւ ժողովին հաղորդէ յաջորդ նիստին օրակարգը, որպէսզի ամէն անգամ ժամանակ ունենայ անոր վրայ մտածելու:

Տիար Օհանջանեան. Կ'առաջարկենք քուէի դնել հետեւեալ բանաձեւը.

Ժողովը որոշում է յանձնարարել Դիւանին կազմել մի օրակարգ եւ այդ օրակարգի մէջ առաջին տեղը դնել այս ժողովի ձեռնհասութեան եւ բրոկրամի խնդիրը:

Հ. Օհանջանեան

Բանաձեւը քուէի դրուելով, ընդունուեցաւ ստուար մեծամասնութեամբ:

Տիար Հինդլեան. Կ'առաջարկենք քուէարկել նոյնպէս հետեւեալ բանաձեւը, որ առաջինը կը լրացնէ.

«ժողովը կը զբաղի օրակարգի առաջին հարցով, որ է Ազգ. Համագումարին ձեռնհասութիւնն ու բրոկրամը, Ազգ. Պատուիրակութեան մինչեւ հիմա կատարած աշխատանքին զեկուցումը լսելէ ետք:

Ս. Հինդլեան»

Այս բանաձեւն ալ քուէի դրուելով՝ ընդունուեցաւ մեծամասնութեամբ:

Նիստը փակուեցաւ ժամը 8 1/2-ին:

Նախագահ

ՀԱԱ, ֆ. 430, ց. 1, գ. 18, թթ. 19-23 շրջ.: Ձեռագիր: Բնագիր:

**Նիստ 7-րդ**

3 մարտի 1919թ.

**ԱՏԵՆԱԿԱՆ ԳՈՐԾՈՂՈՒԹԻՒՆՔ**

**1. ԱՈՒԱԶԱՐԿՈՒԹԻՒՆ ՏԻԱՐ ՀԻՆԴԼԵԱՆԻ ԹՈՒՐՔԻՈՅ ՀԵՏ ԿՆՔՈՒՄԾ ԶԻՆԱԴԱԴԱՐԻ ՊԱՅՄԱՆՆԵՐՈՒՆ ՆԿԱՏՄԱՍԲ**

Նախագահ Վսեմ. Տիար Գ. Նորատունկեան ծանոյց, թէ Տիար Հինդլեան գրութիւն մը ուղղած է Դիւանին, որով կ'առաջարկէ դիմել Դաշնակից կառավարութեանց եւ պահանջել Թուրքիոյ հետ կնքուած զինադադարի պայմաններուն փոփոխութիւնը, աւելցնելով նոր պայման մը, որուն համաձայն հայկական հողամասը կարենայ այժմէն զինուորականապէս գրաւուիլ:

Այս գիրին նկատառումը վերապահուեցաւ յառաջիկային:

**2. ՇՆՈՐՀԱԲՈՐՈՒԹԵԱՆ ՀԵՆԱԳԻՐ ՍԻՈՆԻՍԹՆԵՐՈՒ**

Նախագահ Վսեմ. Տիար Գ. Նորատունկեան, յայտնելով, թէ Լոնտոնի մէջ այս պահուն գումարուած է Սիոնիսթներու Համաժողովը, առաջարկեց Համագումարին կողմէ շնորհաւորական հեռագիր մը ուղղել:

Այս առաջարկութիւնն ընդունուեցաւ:

**3. ՀԱՄԱՐԱՏՈՒԹԻՒՆ ԱԶԳ. ՊԱՏՈՒՐԱԿՈՒԹԵԱՆ**

Նախագահ Վսեմ. Տիար Գ. Նորատունկեան յայտնեց, թէ ժողովոյ երկուան միտին որոշման համաձայն խնդրած էր Ազգ. Պատուիրակութեան Վսեմ. Նախագահէն, որ հաճի այս օրուան միտին մէջ, իրաւասութեան եւ ծրագրի խնդրին անցնելէ առաջ, Պատուիրակութեան մինչեւ այժմ ունեցած գործունէութեան վերաբերեալ զեկուցումը ընել: Սակայն Պատուիրակութեան Վսեմ. Նախագահը պատասխանած է, թէ այսօր իսկ խաղաղութեան Վեհաժողովէն կանչուած ըլլալով Տիար Ահարոնեանի հետ, անկարող պիտի ըլլայ ժամանակին ժողովին զալ. այս պատճառաւ առաջարկած է, որ ժողովը իրեն ներկայացուած նկատ Յիշատակագիրը

եւ զայն վաւերացնելու համար սկսի նախապէս կարծեաց փոխանակութիւն կատարել անոր մասին: Պատուիրակութեան Վսեմ. Նախագահը յայտնած է նաեւ, թէ Յիշատակագրին կցուած սուրիացիներու քարտէսը, Յիշատակագրին երկրորդ տպագրութեան մէջ սխալմամբ չի կրեր սուրիացոց քարտէսը ըլլալը յայտնող արծանագրութիւնը, ինչ որ պէտք է ձեռագրով աւելցնել:

Տիար Տամատեան. Կ'առաջարկեմ նախ զբաղիլ այս ժողովին իրաւասութեան եւ ծրագրի խնդրով եւ Պատուիրակութեան զեկոյցը թողուլ ասկէ վերջի: Ժողովն անցաւ օրակարգի:

**ՕՐԱԿԱՐԳ**

**1. ՆՊԱՏԱԿ ԵՒ ԶԵՆՆՀԱՍՈՒԹԻՒՆ ԱԶԳ. ՀԱՄԱԳՈՒՄԱՐԻ**

Նախագահ Վսեմ. Տիար Գ. Նորատունկեան կարդալ տուաւ Պատուիրակութեան 15 Հոկտեմբեր 1918 թուականաւ ըրած շրջաբերական հրաւիրագրին այն մասը, որուն մէջ ամփոփուած է Համագումարին նպատակը: Գալով Յիշատակագրին, Ն. Վսեմութիւնն ըսաւ, թէ արդէն իսկ Վեհաժողովին եւ տէրութեանց տրուած ըլլալով, պէտք է փութացնել անոր յաւելուածական մասը կազմող վնասուց հատուցման ծրագրին քննութիւնը:

Ն. Վսեմութիւնը, անդրադառնալով հրաւիրագրին, յարեց, թէ ինչպէս կ'երեւայ կատարուած ընթերցումէն, կովկասեան հայութիւնն ալ հրաւիրուած էր մասնակցիլ Համագումարին, բայց ատիկա իրականացած չէ դժբախտաբար՝ ծանօթ պատճառներով:

Տիար Տէր-Ստեփանեան. Այստեղ վերջերս կարդացուած է «Դրօշակ» -ի խմբագրութեան միջոցաւ ստացուած հեռագիր մը կը յայտնէր, թէ Տիարը Ահարոնեան, Պապաջանեան եւ Օհանջանեան այս Համագումարին մասնակցելու համար պատուիրակի պաշտօն ունէին. մինչդէռ նոյն պատուիրակներէն Տիարը Ահարոնեան եւ Օհանջանեան կ'ըսեն, թէ այսպիսի պաշտօն մը չունին, այլ միայն պետութեանց մօտ կը ներկայացնեն Հայ Հանրապետութիւնը: Այս հակասութեան վրայ ժողովիդ ուշադրութիւնը կը հրաւիրեն:

Տիար Փաստրմաճեան. Յայտնի է, թէ թէեւ Ազգ. Պատուիրակութիւնը անցեալ Հոկտեմբերին փափաքած է ընդհանուր հայութիւնը ներկայացնող ժողով մը գումարել, բայց պարագաներու բերմամբ ատիկա կարելի եղած չէ: Ընդունինք այս իրողութիւնը եւ տեսնենք, թէ ի՞նչ օգտակար գործ կրնանք կատարել ներկայ պայմաններով: Ըստ իս՝ այս ժողովին առաջին եւ զլխաւոր նպատակն է Հայաստանի երկու մեծ մասերուն միութիւնը առաջ բերել: Այս երկու մասերէն մէկը արդէն կազմակերպուած ըլլալով՝ այս ժողովին կը մնայ մնացեալ մասին, այսինքն՝ Արեւմտեան Հայաստանի կազմակերպութիւնը լրացնել եւ փոխադրուիլ անդին:

Տիար Թէքէեան. Նպատակի մասին ամենքս ալ համաձայն ենք. միայն իրարմէ կը տարբերինք գործադրութեան եղանակին նկատմամբ: Նախ՝ չեմ կարծեր, որ Հայաստանի կովկասեան մասը կարելի է արդէն կազմակերպուած նկատել: Եթէ այդպէս ըլլար՝ մեր գործը չափազանց կը դիւրանար, Հայաստանի մնացեալ մասն ալ աստիճանաբար կը գրաւուէր եւ մենք՝ կատարուած կամ կատարուելիք իրողութիւնը միայն վաւերացնելով կը ցրուէինք: Այստեղ մեր գործն է նախ Հայաստաններու միութիւնը իռաջակել, եւ ճիշդ այդ պատճառաւ մեծապէս փափաքելի էր, որ Կովկասահայ Պատուիրակութիւնն ալ մասնակցէր Համագումարիս, բան մը, որուն կարեւորութիւնը մեզի պէս ըմբռնած եւ ըստ այնմ որոշած ըլլալ կ'երեւայ Հանրապետութեան կառավարութիւնը, ինչպէս կը հասկցուի «Դրօշակ» -ի խմբագրութեան միջոցաւ մեզի հաղորդուած հեռագրէն: Մեր երկրորդ գործն է՝ Փարիզի մէջ այս պահուս

Խաղաղութեան Վեհաժողովին զուսարուսնեմ օգտուելով ճանչցնել տալ Միացեալ Հայաստանի անկախութիւնը, ինչ որ քաղաքական գործ մըն է, եւ այդ գործին յաջողապէս ի գլուխ հանուելուն վրայ հսկելն է մեր ամենամեծ պարտքն ու իրաւունքը:

Տիար Զօպանեան. Կատարելապէս համաձայն եմ. ամիրաժեշտ է, որ ձեւ մը գտնենք, որով Հայ Հանրապետութեան ներկայացուցիչները կարենան մասնակցիլ թէ՛ այս ժողովին եւ թէ՛ այս ժողովէն բխելիք միատարր գործադիր մարմնին:

Տիար Սայեան ընդդիմախօսելով վերեւ յայտնուած կարծիքներուն, եզրակացուց, թէ պէտք է ձգտիլ Թրքահայաստանի ազատագրման գրկելով արդէն իսկ գոյութիւն ունեցող Հայկական Հանրապետութիւնը:

Տիար Տամատեան. Ազգ. Պատուիրակութեան հրաւիրագիրը ինքնին կը բաւէ ապացուցելու համար այս ժողովին ունեցած մեծ հեղինակութիւնը: Ոմանք զայն պզտիկցնել կը ջանան: Իմ կարծիքովս՝ ժողովն իր աշխատութիւնը չի կրնար վերջացած նկատել մինչեւ որ իր հաւաքման նպատակը կազմող Ամբողջական Հայաստանի ազատագրման գործը յաջողութեամբ չպատկուի:

Նախագահ Վսեմ. Տիար Գ. Նորատունկեան կարդաց Ազգ. Պատուիրակութեան հրաւիրագրին ուրիշ մէկ պարբերութիւնը, որուն մէջ ըսուած է, թէ Ազգ. Համագումարը վերստին ի միստ պիտի կոչուի, երբ Խաղաղութեան Վեհաժողովը զուսարուի եւ Հայաստանի բախտին վերաբերեալ վճռական որոշմանց ժամը հասնի:

Տիար Թերզիպաշեան. Իրականին մէջ՝ այս ժողովը թրքահայերէ բաղկացած է, սակայն իր նպատակը համազգային է: Ժողովը կրնայ զբաղիլ առ այժմ թրքահայոց համար մասնաւոր եղող, թեպէտ ի վերջոյ դարձեալ ընդհանուր հայկական բնոյթ ունեցող խնդիրներով, որպիսիք են թրքահայ փախստականներու ու տարագրելոց ներգաղթի եւ այլ խնդիրները: Անհրաժեշտ է, որ այս ժողովին բոլոր գործերը համաձայնութեամբ տարուին. այդ պատճառաւ՝ հարկ է կովկասահայ Պատուիրակութեան մեր ժողովին մասնակցութիւնը՝ ձայնի իրաւունքով, ինչպէս որ ցման նկատումներով Արեւմտահայ Խորհուրդը մասնակցեցաւ Ազգ. Խորհուրդին:

Տրքթ. Բարսեղեան. Մխալ է թրքահայոց եւ ռուսահայոց յարաբերութեան խնդիր հանել, որ ինքնին վճռուած է արդէն: Պէտք է որոշել, թէ ի՞նչ կարգի խնդիրներ կրնան կատարուիլ այստեղ եւ յետոյ երթալ Երկիր, ուր կարելոր գործեր կան կատարուելիք:

Տիար Օհանջանեան. Հրաւիրագիրը որոշ է: Անոնք որ տարբեր կերպով կը մեկնեն զայն, կը սխալին: Սա բառւման չէ, եւ ոչ իսկ թրքահայոց ներկայացուցչական ժողով, քանի որ պատգամաւորները ընտրուած չեն օրինական ձեւով: Կովկասահայ Հանրապետութեան ներկայացուցիչները չեն կրնար իրենց մասնակցութեամբ այս ժողովը համազգային դարձնել:

Տիար Յակոբեան. Կ'առաջարկեմ, որ ի սեր համերաշխութեան եւ մեր ստեղծել ջանացած Միացեալ, Ամբողջական Հայաստանին, Հայ Հանրապետութեան ներկայացուցիչները պատիւ ընեն մասնակցելու այս ժողովին, որպէսզի այժմէն մեր միութիւնը կատարեալ իրողութիւն մը ըլլայ:

Կարծեաց փոխանակութիւնը՝ ժողովին նպատակին եւ ձեռնհասութեան խնդրին նկատմամբ՝ շարունակուեցաւ Տիարը Թէքեանի, Փաստրմաճեանի, Տրքթ. Սայեանի եւ Փափագեանի միջեւ:

**ՎՍԵՄ. ՊՕՂՈՍ ՓԱՇԱ ՆՈՒՊԱՐ ԵՒ ՏԻԱՐ ԱՒԵՏԻՍ ԱՐԱՐՈՆԵԱՆ ԽԱՂԱՂՈՒԹԵԱՆ ՎԵՂՄՈՂՈՎԻ ՍՕՏ**

Նիստին վերջերը՝ ժողովարարի մտան Խաղաղութեան Վեհաժողովէն դարձող՝ Ազգ. Պատուիրակութեան Նախագահ Վսեմ. Պօղոս Փաշա Նուպար եւ Հայ Հանրապետութեան Պատուիրակութեան Նախագահ Տիար Ահարոնեան, որոնք

մանրամասնօրէն պատմեցին այնտեղ իրենց ընծայուած ունկնդրութիւնը, եւ տեղի ունեցած յայտարարութիւններուն հետ՝ իրենց կրած գեղեցիկ տպաւորութիւնը:

Տիար Տրքթ. Սայեան շնորհաւորեց երկու Պատուիրակութեանց Նախագահները:

Նիստը փակուեցաւ ժամը 8 1/2-ին:

Նախագահ

ՀԱԱ, ֆ. 430, ց. 1, գ. 18, թթ. 24-26 շրջ.: Չեռագիր: Բնագիր:

**Նիստ 8-րդ**

4 մարտի 1919թ.

**ԱՏԵՆԱԿԱՆ ԳՈՐԾՈՂՈՒԹԻՒՆՔ**

**1. ՀՐԱՄԱՐԱԿԱՆ ՏԻԱՐ ՓՈՐԹՈՒԳԱԼԵԱՆԻ**

Կարդացուեցաւ Տիար Մ. Փորթուգալեանի մէկ նամակը, որով շնորհակալութիւն կը յայտնէր ժողովին՝ զինքը անդամակցութեան հրաւիրելուն համար, բայց կը ծանուցանէր, թէ առողջական պատճառով ստիպուած է հրաժարական տալ:

Որոշուեցաւ արձանագրել:

**2. ԴԻՍՈՒՄ ՏԻԱՐ ՍԱԱԹՃԵԱՆԻ՝ ՍԱՐՍԻԼԻՈՅ ԳԱՂՈՒԹԻՆ ՊԱՏՊԱՄԱՐ ԸՆՏՐԵՆՈՒ ԻՐԱՒԱՍՈՒԹԻՒՆ ՏԱԼՈՒ ՍԱՄԻՆ**

Նախագահ Վսեմ. Տիար Գ. Նորատունկեան ժողովին հաղորդեց նամակ մը, որով Մարսիլիոյ Ազգ. Միութեան ատենապետ Տիար Սաաթճեան, որ Փարիզ կը գտնուի, կը խնդրէր Մարսիլիոյ հայ գաղութին իրաւունք տալ /փոխան հրաժարեալ Տիար Փորթուգալեանի/ ուրիշ պատգամաւոր մը ընտրելու, ընդհանուր քուէարկութեամբ:

Ն. Վսեմութիւնը յայտնեց, թէ Համագումարի անդամներուն ընտրութեան վաւերացմամբ խնդիրը փակուած ըլլալով, Դիւանն ըստ այնմ հարկ եղած պատասխանը պիտի տայ Տիար Սաաթճեանի:

Տիարը Տրքթ. Ներուզ եւ Բարսեղեան առարկութիւն ըրին, բայց Ն. Վսեմութիւնը փակեց խնդիրը:

**3. ԿԻԼԿԻՈՅ ԽՆԴԻՐ**

Վսեմ. Տիար Գ. Նորատունկեան. Այսօրուան ֆրանսական բոլոր լրագրաց մէջ Հայկական Հարցը ճիշդ եւ նպաստաւոր կերպով չէ ներկայացուած. բոլորն ալ կը ձգտին Կիլիկիան զատել Հայաստանէն. հարկ է խորհիլ կարելորդ:

Վսեմ. Պօղոս Փաշա Նուպար. Այսօր հեռաձայնով խօսակցութիւն մը ունեցայ «Մաթէն»-ի քաղաքական բաժնին խմբագրապետ Պ. Սաօրվայնի հետ, որ հարցուց, թէ զո՞հ էի իմ շատոնց տուած մեկ «Էնթերվիու» հրատարակած ըլլալուն համար: Պատասխանեցի, թէ կարգ մը փոփոխութիւններ պիտի ընէի անոր մէջ, եթէ կանխաւ ինձի իմացուցած ըլլար: Բայց անիկա՝ խօսքը դարձնելով ըսաւ. «Մի՛ կարծէք, որ միշտ Ձեզ պիտի պաշտպանեմ»: Իմ հարցումիս վրայ թէ ինչո՞ւ, պատասխանեց. «Որովհետեւ Ալեքսանդրէն ալ ուզած էք»: Ըսի, որ մենք Քոմիսիոնին ենթարկած ենք

մեր պահանջները, որոշումը Վեհաժողովին կը վերաբերի: Որոշեցինք երկուշաբթի օր միասին ճաշել, այդ առթիւ կը յուսամ, թէ մեր հարցը հարկ եղածին չափ պարզաբանելով պիտի կարողանամ նոր եւ անելի լաւ յօդուած մը գրել տալ: Ասկէ զատ, ամէն տեղ եւ թերթերու մէջ կը կարծուի, թէ մենք մասնաւոր փափաք մը արտայայտած ենք նախընտրելու Իտալիան՝ իբրեւ «ասիսթան» պետութիւն: Ասիկա բոլորովին սխալ է, եւ ես, ինչպէս նաեւ Տիար Ահարոնեան, այս մասին ո՛չ մէկ տեղ եւ ո՛չ մէկ ժամանակ փափաք յայտնած ենք:

Տիար Ահարոնեան. «Թան»-ի խմբագիր Պ. Զեբպէն ալ նոյն բանը ըսաւ Իտալիոյ համար:

Տիար Տամատեան. Զարկ կը տեսնեմ յայտարարել, որ Իտալիոյ մէջ մեր կատարած աշխատանքներուն ընթացքին այդ կարգի ռեւէ դիմում ըրած չենք, այլ միշտ խնդրած ենք իրենց օգնութիւնը Զայաստանի անկախութեան իրականացման համար: Անշուշտ ըսած ենք, որ ապագայ անկախ Զայաստանին մէջ իտալական եւ հայկական շահերը կը համապատասխանեն իրարու, բայց ո՛չ մէկ խօսք՝ իբրեւ առաջարկ Իտալիան պաշտպան պետութիւն ունենալու համար: Զռոմի ֆրանսական դեսպան Պ. Պառեր, երբ իրեն զացած ենք բողոքելու համար նախագահ Պ. Բուանքարէի վերջին ճառին մէջ հայ անուան չիշատակուելուն դէմ, մեզի իբր մեղադրանք ըսաւ, որ հայերը Իտալիոյ եւ Անգլիոյ ապաւիճած են: Մենք հերքեցինք այդ կարծիքը եւ ըսինք, որ հայկական անկախութիւնը ձեռք բերելու համար բոլոր պետութեանց ալ դիմած ենք, քանի որ Զայկական Խնդիրը միջազգային խնդիր մըն է:

Տիար Տէր-Ստեփանեան. Մենք միշտ protection collective-ի մասին խօսք ըրած ենք:

Վսեմ. Պօղոս Փաշա Նուպար. Կը թուի, թէ Պ. Զեբպէն մեզի հակառակ պիտի գրէ «Թան»-ի մէջ, որովհետեւ անկիւս կ'ուզէ Սուրիոյ անբաժան մաս նկատել Կիլիկիան: Ան է, որ ըսած է, թէ Սուրիան ոսկորն է, իսկ Կիլիկիան միսը, եւ թէ առանց միսի ոսկորն արժէ չուրի: Գալով Իտալիոյ մասին գոյութիւն առած տարածայնութիւններուն, կը կարծեմ, թէ անոնց նպատակն է Իտալիոյ համար ուրիշ կողմէ գոհացում ձեռք բերել:

Տիար Նեւրուզ. Արդեօք ժամանակը չէ՞ թերթ մը հանելու, որուն մասին նախապէս որոշում անցած էր:

Վսեմ. Պօղոս Փաշա Նուպար. Ո՛չ մէկ ազդեցութիւն կրնայ ունենալ հիմա այդպիսի թերթ մը: Շատեր Ալեքսանտրէթը անհրաժեշտ կը նկատեն Սուրիոյ համար: Զոգ չէ, թող առնեն. Զայաստանի համար մեծ կարեւորութիւն մըն ալ չունի: Բայց Կիլիկիան թող մեզի տան:

Ն. Վսեմութիւնը նապ պատմեց Արտաքին գործոց Տնօրէն Պ. Կուրի հետ իր ունեցած տեսակցութիւնը, որու միջոցին Պ. Կուրի Տիար Ահարոնեանի Կովկասի Զայկ. Զանրապետութեան կողմէ հաղադրութեան Վեհաժողովին մասնակցիլ ուզելը այնպէս մը մեկնած էր, որ իբր թէ Ռուսահայաստանն ու Թրքահայաստանը իրարու հակառակ են: Նոյնպէս Պ. Կուրի հարցուցած էր, թէ ինչո՞ւ Պատուիրակութեան Նախագահը միասին չէր տարած Վսեմ. Տիար Գ. Նորատուրկեանը՝ հաղադրութեան Վեհաժողովի նիստին:

Տիար Թէքեան. Պետք է հերքում մը ընել միանգամայն. մեզի կը վերագրեն, թէ կը պահանջենք Զալէպը, Պաթումը, Պաքում, եւ այլն, ու կ'ըսեն, թէ Ատանա Սուրիա է:

Վսեմ. Պօղոս Փաշա Նուպար. Տարակոյս չկայ, որ յայտարարութիւն մը պիտի ընենք իմ եւ Տիար Ահարոնեանի ստորագրութեամբ, որուն մէջ պիտի ճշդենք մեր պահանջները, Իտալիոյ եւ Զայաստանի մասին գոյացած տարածայնութիւնը եւ պիտի հերքենք սխալ լուրերը:

Նախագահ Վսեմ. Տիար Գ. Նորատուրկեան փակեց այս խնդիրը՝ օրակարգի անցնելու համար:

## 1. ՆՊՄՍԱԿ ԵՒ ԶԵՆՆԱՍՈՒԹԻՒՆ ԱԶԳ. ԶԱՍԱԳՈՒՄԱՐԻ

Տիար Լ. Շանթ. Ի՞նչ է այս ժողովին իրաւասութիւնը, եւ մենք ինչո՞վ պիտի զբաղինք:

Մուշեղ. Մենք մինչեւ հիմա ազգ եղած ենք եւ ո՛չ պետութիւն: Արդ, ազգի մը խօսքը նուազ կարեւորութիւն ունի, քան պետութեան մը խօսքը: Մենք այժմ ունինք պետութիւն մը, Կովկասեան Զայկ. Զանրապետութիւնը, զոր Տիար Զօպանեան իրաւամբ կոչեց ամբողջ հայութեան փոքրիկ հանրապետութիւնը: Մենք մինչեւ հիմա խնդրող եղած ենք. ասկէ յետոյ պահանջող պիտի ըլլանք՝ խօսելով պետութեան անունով, եւ պիտի շահագործենք այդ անունը:

Երկրորդ. Պետք է իսկոյն համահայկական կառավարութիւն մը ստեղծել եւ ճանջնել տալ Եւրոպային: Եթէ այս կառավարութիւնը ստեղծենք, անելի ոյժ կ'ունենանք եւ անոր անունով կը պահանջենք ամէն ինչ: Պետութիւնները անելի կը դժուարանան բան մը ստեղծելու, քան թէ եղած մը քանդելու: Ասկէ յետոյ է, որ միայն կրնանք «ասիսթանս»-ին հակառակ չըլլալ. իսկ այլ պայմանի մէջ՝ չեն գիտեր, թէ որքա՞ն կրնայ մեզի օգտակար ըլլալ: Արդ, հիմա պետք է, որ միացնենք եղածը ու երեսն բերենք իրապէս մէկ խորհրդարան եւ մէկ կառավարութիւն: Ըստ իս՝ յանցանք է երկու կառավարութիւն ստեղծել: Երկու կառավարութիւնով ոյժերու բաժանում առաջ պիտի գայ: Յետոյ կրնայ վտանգ սպառնալ Կովկասին եւ Կիլիկիան կորսնցնելու պատճառ ըլլալ: Եթէ երկու կառավարութիւն գոյութիւն ունենայ, շուտով կրնայ երեքի, չորսի վերածուիլ եւ մեր հակառակորդները ոյժ պիտի տան Կովկասի կառավարութեան եւ պիտի ոչնչացնեն միւսը: Պետք է ստեղծենք հետեւաբար մէկ կառավարութիւն եւ մէկ խորհրդարան մեր երկրին մէջ: Արդ, ի՞նչ է մեր գործը: Զիմա Կովկասեան Զայաստանը 45 հոգինոց ներկայացուցչական մարմին մը ստեղծած է. զաղթական եւ հաստատուած բնակչութիւնն ալ իբր պետք է ընտրէ, եւ գրաւուած քաղաքի մը մէջ, օրինակի համար Երզրում, հայկական անկախ պետութեան խորհրդարանը կը ստեղծուի: Այս համազումարն է, որ գլուխ պիտի անցնի այդ գործին, մշակելով այն սկզբունքները, որոնցմով ընտրութիւնները պիտի կատարուին, եւ շատ արագ: Զամազումարին երկրորդ գործն է Պատուիրակութիւն մը ընտրել եւ տալ անոր իր «տիրէքիւ»-ները, որպէսզի վարէ տէրութեանց հետ քաղաքական յարաբերութիւնները:

Երրորդ. Զամազումարին իրաւասութիւնը: Այս ժողովը եւ կը նկատեն թրքահայ փախստականներու եւ զաղուքներու ներկայացուցչական ժողով, որուն ընտրութիւնները, իմինէս սկսեալ եւ զրեթէ ամբողջապէս տնավարի եղանակով կատարուած են: Ուրեմն, այս ժողովին հեղինակութիւնը այն ատեն կը մեծնայ, երբ մենք խնդիրները միաձայնութեամբ անցնենք: Այստեղ ձայնի մեծամասնութիւնը կարեւորութիւն չունի եւ իրաւացի չէ: Մենք ամէն ինչ պիտի ընենք փոխադարձ համաձայնութեամբ. հակառակ պարագային՝ ժողովին ապօրինութիւնը ինքնին երեսն կ'ելլէ եւ որոշումները կը դադրին պարտադիր ըլլալ:

Տիար Փափագեան. Կ'ուզէի հասկնալ, թէ օրինակ՝ Տիար Շանթ ե՞րբ կ'առաջարկէ ստեղծել այդ կառավարութիւնը:

Տիար Շանթ. Կարելի է երկու-երեք շաբաթուան մէջ պատրաստել:

Տիար Զինդեան. Տրուած հարց մը ճշդօրէն քննելու եւ իրական արդիւնքի մը հասցնելու համար՝ պետք է միշտ տրուած իրողութիւններէն մեկնիլ: Իրականութիւնը բռնաբարելը շատ անգամ կրնայ մեր իղծերուն գոհացում տալ, բայց ո՛չ երբեք կեանքի հարցերուն ճշգրիտ լուծումը: Երկու-երեք օրէ ի վեր Զամազումարիս նոր անուն մը առաջարկեցին տալ,- թրքահայոց, պարսկահայոց եւ զաղուքներու ներկայացուցչական ժողով,- մանաւանդ այն յայտարարութենէն ետք, զոր ըրաւ Տիար Ահարոնեան՝ դիւանի ընտրութեանց միջոցին, պահանջելով, որ այս ժողովը

համազգային կամ ազգային անունը չունենայ, քանի որ Կովկաս գտնուող երկու միլիոնի չափ հայերը իրենց ներկայացուցիչները չունին անոր մէջ: Շատեր, մասնաւորապէս իր գաղափարակից ընկերները, այն աստե՛նէն է, որ սկսան վերլուծումը ընել այս ժողովի կազմին, զայն թրքահայոց, եւ այլն ժողով անուանելով: Վերլուծումը ճիշդ է եւ համաձայն իրականութեան, բայց կայ եւ ուրիշ իրականութիւն մը, զոր չեմ գիտեր ինչո՞ւ գիտակցաբար կ'անգիտամք: Ժողով մը իր անունը չառնել իր կազմէն, այլ գործէն՝ որուն համար իրականութեամբ է: Այս ժողովը համազգային դատ մըն է, որ կը քննէ եւ անոր յաջողութեան ու իրականացման կը ձգտի: Ինչպէս գործը համազգային է, միջոցներն ալ՝ համազգային դատի պաշտպանութեան եւ իրականացման համար՝ անհատական, խմբակցական կամ կուսակցական չեն, այլ որոշապէս եւ ուղղակի համազգային: Համազգային դատ՝ համազգային միջոցներով: Ահա թէ ինչո՞ւ այս տեսակետով, եւ միակ հնարաւորը ներկայ պարագաներուն մէջ, այս ժողովը համազգային ըլլալու բնոյթը ունի իրաւամբ: Տրուած «թրքահայոց», եւ այլն անունը չէ նաեւ անոր համար, որ ժողովը թրքահայերու առանձնայատուկ կամ գաղութներու մասնակի շահերու պաշտպանութեան ժողով չէ: Մինչեւ այն ատեն, երբ թրքահայերը հայկական դատը կը տանէին բարենորոգումներու շրջանին մէջ՝ օսմանցի էին եւ ժողովներն ալ՝ թրքահայերու ժողովներ էին, զանազանելու համար բոլոր միջև ոչ-թրքահայատակ հայերէ: Այս սեղանին շուրջը բոլոր բոլորութեաններս անկախ հայեր ենք հայ անկախութեան հռչակման օրէն ի վեր, անկախ եւ միացեալ Հայաստանի մեծ դատին իրականացման համար եկած: Երբ յիսուն տարի առաջ թրքահայատակ հայերու Պոլսոյ ժողովին չխնայեցինք «Ազգային ժողով» անունը, եթէ այս վերջին օրերուն Կովկասի ինքնապաշտպանութեան մարմնին՝ Ազգ. Խորհուրդին՝ որուն կը նախագահէր Տիար Ահարոնեան, «Ազգային» անունը ամենայն իրաւամբ դրուեցաւ, առանց որ անոր մասնակցած ըլլային ասդին մնացած մօտ երկու միլիոն հայերը, ինչո՞ւ այս ժողովին կը զլանաք այս անունը: Կովկասեան Հանրապետութիւնը, 64.000 քառակուսի քիլոմէթր տարածութեամբ, հեռու է Հայաստանի բոլոր սահմանները պարունակելէ: Բայց Հայաստանի Հանրապետութիւն է, եւ անոր բառմանը՝ հայ ազգային բառման: Արդ, այս Համագումարը ազգային դատի համար կոչուած ըլլալով, ուրկէ պիտի բղխի նաեւ նոր Ազգային Պատուիրակութիւնը, ձեռնհասութիւն ունի վեհապետօրէն լուծելու բոլոր հարցերը, որոնք Անկախ եւ Միացեալ Հայաստանի ստեղծումը կը պայմանաւորեն: Իսկ Պատուիրակութիւնը համարատու է իր բոլոր գործերու մասին, ինչպէս նաեւ ճշգրիտ եւ անվրէպ գործադրիչը այս ժողովին ստուած որոշումներուն: Ճիշդ է, այս ժողովը բառման չէ, որովհետեւ կազմուած պետութեան մը օրէնսդիր ժողովը չէ. բայց այս ժողովը աւելի քան բառման է՝ Assemblée Generale, որովհետեւ անիկա պիտի ստեղծէ երկիրը, անիկա պիտի վերականգնէ Հայաստանը: Իրաւատու էինք Յիշատակագիրը պատրաստելու եւ ներկայացնելու, ուր ընդօժեցինք մեր բոլոր պահանջները. այժմ աւելի իրաւատու ենք, երբ անկէ պիտի փորձեն բան մը փրցնել: Հրաժարիլ այս մասին մեր ունեցած պատասխանատութենէ՝ մեր «մանդա»-յին դէմ դասալքութիւն է: Միացումի համար ամենքս համաձայն ենք, բայց թէ ե՞րբ եւ ինչպէ՞ս, հոս է, որ կը զանազանուինք:

Տիար Թեքեան. Այս ժողովին իրաւատութեանց եւ ծրագրին շփոթութիւնը Պատուիրակութենէն կը բղխի. որովհետեւ ինք իրաւորած էր զայն, ինք պիտի որոշէր անոր իրաւատութիւնն ու ընելիքը: Հրաւիրագիրը կը խօսի անոր երկրորդ անգամ,- Խաղաղութեան Վեհաժողովի պահուն,- գումարման մասին, որ այսօր է: Ճիշդ է, մենք հոս խորհրդարան կենք, բայց եկած ենք հոս իբրեւ ներկայացուցիչ ազգային զանազան մասերու կողմէ, յիշատակագրի մը մէջ մեր բաղձանքները արտայայտելու եւ նոր գործադիր մարմինը ստեղծելու: Ազգին ներկայացուցիչները, բանաձեւելէ ետք ազգին ամբողջ բաղձանքները, պէտք է հսկեն նաեւ անոնց իրագործումին: Մեր ստեղծելիքը կառավարութիւն մը չէ, եւ բանակին ոյժը դժբախտաբար այնքանի հասած չէ, որ մեր թշնամիները զսպէ եւ ի դերեւ հանէ մեր հողամասերուն վրայ մեծ

պետութիւններու յաւակնութիւնները: Ուրեմն, մենք պէտք է Պատուիրակութեան կողքին մնանք, մինչեւ որ վերջնայայտեղ կատարուելիք քաղաքական գործը: Այստեղ եւ ալ համաձայն եմ, որ զլխաւոր հարցերը մեծամասնութեամբ եւ համաձայնութեամբ անցնին: Վերցնենք կասկածները. ասիկա Հայ Ազգային ժողով ընենք, ինչպէս որ արդէն իրական է, որովհետեւ ներկայացուցիչ ունինք նոյնիսկ Պարսկաստանէն, որ ոչ մէկ կերպով մաս կը կազմէ մեր դատին:

Տիար Փափագեան. Պիտի նախընտրել իմ ծրագիրս պարզել յանձնաժողովի մը մէջ, ուր աւելի դիրքին է իրար հասկնալ եւ համաձայնութեան մը գալ:

Ժողովը, նկատելով որ վիճաբանութեան առարկան չափազանց կարեւոր հարց մըն է, որոշեց որ պատգամաւորները ժողովին մէջ իսկ արտայայտեն իրենց կարծիքները:

Այս որոշման վրայ խօսք առաւ՝

Տիար Փափագեան. Յայտնի է, որ բոլոր պատգամաւորներն ալ համաձայն են նպատակին մէջ, որ է ունենալ միացեալ կառավարութիւն եւ մէկ խորհրդարան: Խնդիրը կը ներկայանայ որոշելու մէջ, թէ ե՞րբ կրնանք իրականացնել այս փափաքը: Ոմանք առաջարկեցին երկիրը միանգամայն գրաւել եւ հռչակել միացեալ կառավարութիւն: Ես ասիկա վնասակար եւ վտանգաւոր կը գտնեմ, որովհետեւ ասիկա երուպական պետութեանց ըսել է, թէ մենք Ձեզի կարեւորութիւն չենք տար եւ մեր ուզածը կ'ընենք: Այսպիսով՝ երուպական պետութիւններէն գատ, մեր դէմը պիտի ունենանք նաեւ բարբարոս ցեղերը: Տիրել եւ հռչակելը պէտք է ժամանակին կատարուեր. այժմ շատ ուշ է: Մենք սկսած ենք խնդրել եւ կը ձգտինք տիրելու: Հակասութիւն է աս: Արդ, ասկէ յետոյ ուզենք-չուզենք պիտի սպասենք Քոնկրէի որոշման, որով մեր խնդիրը հաստատ կողի վրայ դրած կ'ըլլանք: Բայց հիմա կուց պէտք է սկսինք Միացեալ Հայաստանի նախապատրաստութիւններ տեսնել: Ինչպէ՞ս կազմել մեր պետութիւնը: Սկստի ունենանք ուրեմն այս կամ այն անձերը՝ այս կամ այն պաշտօնին համար, անոնց բացատրենք եւ տանք մեր «տիրէքքիւ»-ները, որպէսզի երբ գոյութիւն ստանայ Միացեալ Հայաստանը, անոնք անմիջապէս երթան հոն եւ գործի սկսին:

Տիար Տամատեան. Ի պատասխան Տիար Շանթի խօսքերուն՝ ըսեմ, թէ համերաշխութիւնը մեր ամենու փափաքն է, եւ ես կը կարծեմ, թէ իրաւունք ունին ըսելու, որ մանաւանդ իմ փափաքս է: Բայց պէտք չէ ժողովին հեղինակութիւնը ստորադասել համերաշխութեան: Այս ժողովը կ'արհամարհուի. ինչ ձեւով ալ եւ ինչպէս ալ ընտրուած ըլլան անոր անդամները, բոլորն ալ հաւասար իրաւունք ունին՝ անգամ մը, որ ընտրուած են:

Վսեմ. Պողոս Փաշա Նուպար. Այս օրերս իմացայ, թէ քննադատութիւններ եղեր են այն հրաւիրագրի ծրագրի մասին, զոր Ազգ. Պատուիրակութիւնը Թուրքիոյ, Կովկասի եւ կարեւորագոյն գաղութներու մեր հայրենակիցներուն ուղղած էր, Փարիզի մէջ Ազգային Համագումար մը գումարելու համար: Այս քննադատութիւնները բնաւ արդարացի չեն, քանզի պէտք է նկատի առնել, որ մենք բնաւ չխորհեցանք խորհրդարան մը ընտրել, այլ՝ որոշ նպատակով մը համագումար մը հրաւիրեցինք: Պէտք է նախ յիշել, որ թպէտ հրաւիրագիրը Հոկտեմբեր ամսուն սկիզբները դրկուեցաւ, բայց ծրագիրը այդ թուականէն շատ առաջ մշակուած էր, եւ անոր առաքումը այն ատեն յետաձգուած էր մի միայն մեր Անգլիոյ պաշտօնակիցներուն հետ կանխապէս համաձայնութիւն մը գոյացնելու համար: Հետեւաբար՝ երբ հրաւիրագիրը ցրուեցինք, ո՛չ ոք կը մտածէր, որ մօտ ժամանակէն զինադադար մը պիտի կնքուեր եւ կամ պատերազմը պիտի տեսէր ամբողջ ծմեռը: Համագումարը հրաւիրեցինք յետագայ նպատակով. 1. Մշակել ազգային պահանջներու ծրագիր մը՝ դէպքերու ստեղծած նոր կացութեան համաձայն: 2. Ընտրել գործադիր ժողով մը, որ պաշտօն պիտի ունենար գործադրութեան դնելու այդ ծրագիրը: Մասնաւոր պայման դրինք, որ Համագումարը օրինաւորապէս նիստ պիտի կրնար գումարել, պայմանաւ միայն, որ ներկայ գտնուէին

անուուազն քսան անդամներ, որոնց գեթ չորսը Թըքսիայաստանի ներկայացուցիչներն են չորսը՝ Կովկասի ներկայացուցիչներն: Վերջին պարբերութեան մէջ ալ աւելցուցած էինք, որ եթէ Համագումարը վերոյիշեալ պայմաններուն համաձայն գումարուի եւ հետեւապէս օրինաւորապէս իրաւասութիւն ունենայ ազգը ներկայացնելու եւ անոր անունով որոշումներ կայացնելու, այդ պարագային՝ վստահ ըլլալով, որ Պատուիրակութեան կատարած գործը չպիտի ընդմիջուի, իր հրաժարականը պիտի տայ Պատուիրակութիւնը եւ իր պաշտօնին շարունակութիւնը պիտի փոխանցէ նոր գործադիր ժողովի մը: Ասոնք են պայմանները, որոնց համեմատ մեր համագումարը գումարուեցաւ եւ այս է իր աշխատութեանց ծրագիրը: Կը մնայ ստուգել հիմա, թէ այս պայմանները լրացա՞ծ են: Արդարեւ՝ ոչ ի մասին ներկայ գտնուելիք անդամներուն նուազագոյն թիւին, վասնզի Հայկ. Հանրապետութեան ներկայացուցիչ Կովկասի մեր հայրենակիցները յայտնեցին, թէ Ազգ. Համագումարի նիստերուն մասնակցելու համար ոեւէ պաշտօն չունին, այլ եկած են իբր պատուիրակ խաղաղութեան Վեհաժողովին մօտ: Արդ, մեր համագումարը չի կրնար առանց անոնց ներկայութեան նիստ կայացնել եւ բոլոր ազգին անունով որոշումներ տալ: Բայց միւս կողմէ՝ Հայ Հանրապետութեան Պատուիրակութեան նախագահը, Տիար Ահարոնեան, որոշապէս յայտարարեց, թէ մեզի հետ կատարելապէս համաձայն էր ո՛չ միայն մեր ազգային ձգտումներուն, այլ նաեւ մեր պահանջներու ծրագրին մասին, որ խտացած է խաղաղութեան Վեհաժողովին ներկայացուած Յիշատակագրին մէջ եւ զոր ստորագրած է ինծի հետ: Հետեւաբար, ոեւէ պատճառ չկայ, որ իրարու հետ չհամաձայնինք՝ միասին աշխատելու եւ իրականացնելու մեր ընդհանուր ծրագիրը, որ կը կայանայ ձեռք բերելուն մէջ Հայաստանը՝ մէկ եւ անբաժանելի: Ըստ իս, գործնական լուծումի մը յանգելու միակ միջոցը կը կայանայ հրաւիրագրին երկրորդ պարբերութեան մէջ կանխատեսուած գործադիր ժողովը անյապաղ ընտրելուն մէջ, ընդունելով Հայ Հանրապետութեան երեք ներկայացուցիչները եւ ընտրելով մնացեալ չորսը՝ մեր Ազգ. Համագումարի պատգամաւորներն: Բնական է «քոմբրոմիս» մըն է ասիկա՝ անդամներու նուազագոյն թիւին կանխատեսուած պակասէն առաջ եկած դժուարութիւնները հարթելու համար: Կը խնդրեմ, տիարք, որ ընդունիք զայն եւ չմղէք մեզ՝ զայն մերժելով ո՛չ միայն անմիաբանութեան, այլ նաեւ անկարելիութեան՝ շարունակելու մեր պաշտօնը: Պէտք չեն տեսներ կրկնելու, թէ որքան փափուկ է վայրկեանը եւ որքան անհրաժեշտ է կատարել միութիւնը: Եթէ յիշուի առաջարկուած «քոմբրոմիս»-ը չընդունուի, պիտի ստիպուիմ, խորին ցաւով, յիշեցնել Ձեզի, որ Համագումարը օրինաւորապէս կազմուած չէ եւ Պատուիրակութիւնը չի կրնար հրաժարիլ իր պաշտօնէն, հրաւիրագրին վերջին պարբերութեան համեմատ, ու պիտի ստիպուի առանձինն շարունակել իր պաշտօնը, ինչ որ ամէնէն առաջ անբաղձալի է ինծի: Մեր Ազգ. Համագումարը, ինչպէս ըսի, պէտք էր նախ եւ առաջ մշակել մեր պահանջներուն ծրագիրը: Ասիկա լմնցած է, քանզի այդ ծրագրին վրայ դուք երկարօրէն վիճաբանեցաք եւ Հաշտութեան Վեհաժողովին ներկայացուած Յիշատակագիրը դուք միաձայնութեամբ շարադրեցիք: Արդ, այս առաջին կէտը լուծուած է, եւ եթէ կ'ուզէք, ինչպէս որ առաջարկեցի Ձեզի ընտրել գործադիր ժողովը, սոյն ընտրութենէն վերջ Համագումարը, ըստ հրաւիրագրի, ցրուի՝ մինչեւ որ գործադիր ժողովը կրկին գումարուելու համար զայն հրաւիրէ: Իրաւ է, որ հրաւիրագրին մէջ մասնաւորուած է, թէ Համագումարին կրկին գումարուելու խաղաղութեան Վեհաժողովին բացման օրը տեղի պիտի ունենայ, վերստին քննելու համար ծրագիրը եւ զայն պատշաճեցնելու վայրկեանին պահանջներուն, սակայն քաղաքական դէպքերը այնքան արագութեամբ իրարու յաջորդեցին, որ հաշտութեան բանակցութիւնները արդէն սկսած էին, երբ մենք հաւաքուեցանք: Այդ պայմանը ուրեմն լրացած է, քանզի դուք արդէն որոշեցիք յիշատակագիրը եւ զայն պատշաճեցուցիք ներկայ պահանջումներուն: Արդ, Համագումարին կանխատեսուած ցրումը աւելի եւս անհրաժեշտութիւն մը դարձած է:

Այսուհանդերձ, ես կը խորհիմ, որ օգտակար պիտի ըլլայ, եթէ Գործադիր ժողովը՝ հաշտութեան կնքման օրը՝ կրկին գումարէ Համագումարը, որովհետեւ այն ժամանակ պէտք պիտի ըլլայ ուսումնասիրել աւագ կարեւորութիւն ունեցող նոր խնդիրներ, ապագայ հայկական կառավարութեան վերաբերեալ, զոր պիտի ստեղծէ խաղաղութեան Վեհաժողովը, եւ նոր կարգադրութիւններ ընել՝ ընտրելու համար կանոնաւորապէս կազմուած ազգային ընդհանուր ժողով մը: Եթէ Ձեզմէ շատեր, օգտուելով իրենց Փարիզ գտնուելէն, կը փափաքին մեզի աջակցիլ, շատ օգտակար պիտի ըլլայ մասնաւոր յանձնախումբեր կազմել՝ ներգաղթի, վերաշինութեան, վնասուց հատուցման, եւ այլն, եւ այլն, որոնց մէջ ձեր գործակցութիւնը թանկագին պիտի ըլլայ: Վերջացնելու համար կրկին կոչ պիտի ընեմ, սիրելի՛ հայրենակիցներս, ձեր ամբողջ հայրենասիրութեան, օգնելու ինծի, որ կարենամ հարթել այն դժուարութիւնը, որուն առջեւ կը գտնուինք՝ անդամներու որոշեալ նուազագոյն թիւին չզոյանալուն պատճառաւ, ընդունելով ձեզի առաջարկած կարգադրութիւնս, որ միայն պիտի կրնայ պահել մեր միութիւնը եւ առանց որուն՝ խաղաղութեան Վեհաժողովին մօտ մեր ընելիք բոլոր ջանքերը ապարդիւն պիտի մնան եւ մեր դատին յաջողութիւնը մեծապէս պիտի վտանգուի:

Տիար Թէքեան. Շատ բան պարզեց Նուպար Փաշայի յայտարարութիւնը: Եիշդ է, այս ժողովը պիտի կանչուեր Հայաստանի ճակատագրին որոշուած պահուն, որ հիմա է, մինչդեռ այս յայտարարութենէն ետք մեզի ուրիշ բան չի մնար ընել՝ բայց եթէ դարձեալ նախկին Պատուիրակութեան պետին ձգել, որ իր ուզած մարդիկը առնէ եւ գործադիր մարմինը կազմէ:

Տիար Մասեհեան. Դեռ է մէկ-երկու ամիս բացարձակ լիազօրութիւն տալ գործադիր մարմնին, որ աշխատի. այլապէս բարոյութեանց տեղի կու տանք:

Տիար Թերզիպաշեան բողոքեց Հանրապետութեան պատուիրակներուն դէմ, որոնք քննադատած էին այս ժողովին ընտրական եղանակը, եւ աւելցուց, թէ Կովկասի մէջ կատարուած ընտրութիւնները, որոնք Ազգ. Խորհուրդի համար էին եւ կատարուած առհասարակ միութեանց /առեւտրական/, «քօօբերաթիւ»-ներու, ուսուցչական միութեանց, եւ այլն կողմէ, աւելի օրինական չէին, քան թէ սա: Կանոնաւորագոյն ընտրութիւն կարելի չէր հայկական այժմու իրականութեան մէջ. հետեւաբար՝ Համագումարը պէտք է օրինական նկատել:

Տիար Ահարոնեան. Տիար Թերզիպաշեան, եթէ կ'ուզէք այս ժողովը նկատեցէք թրքահայերու ժողով եւ ընտրեցէք երեք անդամ, մեզի հետ գործադիր մարմինը կազմելու համար:

Օրը տարաժամած ըլլալով, որոշուեցաւ յաջորդ նիստին թողուլ վիճաբանութեան շարունակութիւնը:

### **ՁԵԿՈՒՑՈՒՄ ՎՍԵՄ. ՊՕՂՈՍ ՓԱՇԱ ՆՈՒՊԱՐԻ ԿԻԼԻԿԻՈՅ ԽՆՊԻՆ ՆԿԱՏԱՄԱՐ**

Վսեմ. Պօղոս Փաշա Նուպար. Եգիպտոսէն հեռագիր մը ստացանք, որուն համեմատ՝ եգիպտահայերը չափազանց վրդովուած են ֆրանսացուց մեզի հանդէպ բռնած դիրքին համար: Վախ կայ, որ այս խռովութիւնը մինչեւ Կիլիկիա՝ հայկական զօրքերուն մէջ անցնի, ինչ որ վտանգաւոր դրութիւն մը կրնայ ստեղծել: Ասոր համար՝ կ'առաջարկեմ Կիլիկիա դրկել Տիար Տոթթ. Ներուզը, որ կ'ընդունի այս պաշտօնը իբրեւ Պատուիրակութեան ներկայացուցիչ, եւ որուն կարելի է առողջապահական առաքելութիւն մըն ալ վստահիլ իր բժշկի հանգամանքէն օգտուելով:

Տիար Տոթթ. Ներուզի համաձայնութեամբ, որոշուեցաւ զինքը Եգիպտոս եւ Կիլիկիա դրկել իբր Պատուիրակութեան ներկայացուցիչ:

### **ՁԵԿՈՒՑՈՒՄ ՎՍԵՄ. ՏԻԱՐ Գ. ՆՈՐԱՏՈՒՆԿԵԱՆԻ՝**



## ՄՏԱԽՈՐՈՎԿԱՆ ՄԻՈՒԹԵԱՆ ՀԱՆՂԵՍԻՆ ՆԿԱՏԱՍԱՐ

Նախագահ Կսեն. Տիար Գ. Նորատունկեան կարդաց հրաւիրագիր մը, որով յաջորդ օրը՝ Հայկական Խնդիրն համար Մտաւորական Միութեան նախաձեռնած հանդէսին կը հրաւիրուէին Համագումարին անդամները:

Որոշուեցաւ յաջորդ միտը յետաձգել Շաբաթ օրուան:

Տիար Տէրախտեան առաջարկեց յանձնարարել նոյն հանդէսին բանախօսներուն, մասնաւորաբար Պ. Ալպեր Թոնայի, որ ծանրաբան նաեւ այսօրերս ֆրանսական մամուլին մեզի հանդէպ բռնած անիրաւ դիրքին վրայ:

Նիստը փակուեցաւ ժամը 8 1/2-ին:

Նախագահ

ՀԱՍ, ֆ. 430, ց. 1, գ. 18, թթ. 27-33: Ձեռագիր: Բնագիր:

Նիստ 9-րդ

5 մարտի 1919թ.

ՕՐԱԿԱՐԳ

### 1. ՆՊԱՏԱԿ ԵՒ ՁԵՌՆՀԱՍՈՒԹԻՒՆ ԱԶԳ. ՀԱՄԱԳՈՒՄԱՐԻ

Տիար Հանըմեան. Մենք հոս չենք եկած մեծ աշխատանք մը կատարելու, այլ եկած ենք արդէն կատարուած աշխատանքի մը պտուղը քաղելու, աշխատանք՝ զոր երեւան բերած է մեր տանջուած, պայքարած, կռուած ժողովուրդը, եւ որ այժմ ողորմելի վիճակի մէջ է: Մենք միշտ այքերնուս առջեւ ունենանք ասիկա եւ համաձայնութիւնը ինքնին կու գայ կը նստի մեր մէջ: Մենք չպիտի աշխատինք անպատճառ անունով մը որակելու այս ժողովը, այլ պիտի նայինք, թէ իրականին մէջ ի՞նչ կը ներկայացնէ ան: Արդ, իրականին մէջ անիկա Արեւմտահայ ժողով մըն է, քանի որ հոս կովկասահայութենէն ներկայացուցիչներ չունինք իբր Համագումարի անդամ: Ըսողներ կան, թէ ընդարձակենք մեր Կովկասի պատգամաւորներուն ծայրի իրաւունքը եւ կոչենք այս ժողովը «Համագոյն ժողով»: Ասիկա անկարելի է, որովհետեւ ո՛չ մէկ պարագայի տակ երկու կամ երեք հոգի կրնան 35 հոգիի ծայրը ունենալ. եւ արդէն ատիկա բանաւոր այլ չէ: Իսկ եթէ նոյնիսկ այդպէս որոշենք ի սեր համերաշխութեան, ատիկա պէտք էր ընել Պիւսանը ընտրելէ առաջ եւ ո՛չ թէ յետոյ: Բայց առաջ ալ կարելի չէր, որովհետեւ երկու հոգի ինչպէ՞ս պիտի կրնայինք բազմաթիւ յանձնաժողովներու մէջ դնել՝ բազմաթիւ ծայրերով: Այս ժողովը ուրեմն Արեւմտահայ ժողով է, որուն իմ կարծիքովս՝ կրնանք թեպէտ «Ազգային ժողով» ըսել, բայց Փարիզ գումարուած ըլլալուն համար աւելի լաւ է ճշդել եւ կոչել իր բուն անունովը:

Ազգ. Պատուիրակութիւնը հռչակեց Հայաստանի միութիւնը. անկէ յետոյ՝ պէտք էր միացեալ կառավարութիւն հռչակել: Իմ կարծիքովս՝ հիմա այդ է, որ պիտի ընենք եւ այդ պիտի ըլլայ մեր մեծագոյն աշխատանքը: Մենք այժմ միայն Կովկասի մէջ ունինք անկախ հանրապետութիւն մը. պէտք է, որ իրաւունքը եւ միջոցը տանք անոր իր թեւին տակ առնելու նաեւ միւս մասերը, եւ անոնց անունով խօսելու: Թրքախայ ռեւ համագումարի պարտքն է այս: Անշուշտ կրնանք անոր կառավարութիւնը փոփոխել, նոր անդամ աւելցնել, եւ այլն: Մեր մեծագոյն աշխատանքը կը կայանայ ուրեմն, ռեւ տեղ Հայաստանի միացեալ կառավարութիւն ստեղծելու մէջ:

Ես Տիար Փափագեանի հետ համակարծիք չեմ, եւ ոչ մէկ վտանգ կը տեսնեմ Հայաստանի հողերը գրաւելուն մէջ, որովհետեւ՝ եթէ սպասենք, որ օտարը գրաւէ եւ

մեզի տայ՝ հետը անպատճառ լուծ մըն ալ կը դրուի: Խնդիրը կը կայանայ արդէն գոյութիւն ունեցող մարտական ոյժերը մեծցնելու, ուժեղցնելու եւ գործի սկսելուն մէջ: Հողը առաջին գրաւողինն է, եւ միայն դիւանագիտական աշխատանքը չի բաւեր: Պատուիրակութեան մինչեւ այսօրուան գործունէութիւնն ալ երբեք հակառակ չէ եղած ասոր: Ընդհակառակը:

Գալով այս նստաշրջանին մնայուն ըլլալու հանգամանքին, ես կը կարծեմ, որ ժողովը պէտք է մնայ մինչեւ որ իր ծրագիրը վերջացնէ, որմէ յետոյ անշուշտ աւելորդ է մնալը: Իսկ եթէ ներգաղթի, սոյն խնդիրներու համար յանձնաժողովներ ըլլան եւ գործ ըլլայ ընելիք, անոնք կրնան մնալ:

Պիտոյութիւն մըն ալ պիտի ընեմ Պիւսանին: Պէտք է ժողովը ամբողջական օրակարգ մը կազմել եւ ապա ձեռնարկել մէկիկ-մէկիկ հարցերը քննելու, որովհետեւ այս կերպ գործելով՝ արդէն մէկ հարցէն բազմաթիւ ուրիշներ յառաջ կուգան:

Տիար Զօպանեան. Մինչեւ որ ժողովը չորոշէ իր ձեռնհասութեան եւ իրաւասութեան սահմանը, չի կրնար նախապէս օրակարգ կազմել:

Տիար Հանըմեան. Կ'առաջարկեմ կազմել ժողովին ամբողջական ծրագիրը եւ մէկ քանի կարեւոր որոշումներ անմիջապէս անցնելով՝ հեռագրով հաղորդել մամուլին եւ գաղութներուն, որոնք այքերնին յառած եւ անհամբեր՝ մեծ բանի կը սպասեն մեզմէ: Պէտք է որոշել նաեւ ժողովին հանդիսաւոր բացման խնդիրը:

Տիար Տէր-Ստեփանեան. Համագումարին բնոյթը որոշելու համար սխալ պիտի ըլլար զայն նմանցնել անպատճառ խորհրդարանի՝ այս հաստատութեան սեղմ իմաստով: Ռեւէ բանի, եւ հետեւաբար՝ ռեւէ քաղաքական մարմնի դասաւորումը տէրութեան համար միայն կ'ըլլայ: Մեր ժողովը, ուրեմն, է՛ եւ պէտք է ըլլայ մարմին մը ձեւուած՝ վայրկեանին եւ իր կատարելիք դերին պահանջներուն համաձայն: Այս Համագումարը «Ազգային» է, քանի որ ան քննեց եւ վաւերացուց խաղաղութեան Վեհաժողովին ներկայացուած Յիշատակագիրը, որ համագոյնի նկարագիր ունի եւ ստորագրուած է Տիարը Պօղոս Փաշայի եւ Ահարոնեանի կողմէ: Այս Համագումարին իրաւասութիւնը՝ արեւմտահայ գործերու մէջ՝ բացարձակ է, քանի որ իրմէ աւելի հեղինակաւոր մարմին մը չկայ: Համագումարին այս բացարձակ իրաւասութիւնը հին Պատուիրակութիւնը կ'ընդունի, քանի որ կը պատրաստուի իր հրաժարականը ներկայացնել անոր, որպէսզի անկէ նոր գործադիր մարմին մը բխի: Տրուած ըլլալով այս պարագան՝ Համագումարին տեսողութիւնը չի կրնար նախապէս որոշուիլ. ան պէտք է տեւէ տրամաբանօրէն մինչեւ Հայկական Հարցին լուծումը: Եթէ մենք գիտակից ենք այն պատասխանատուութեան, զոր պիտի ստանձնենք՝ ընդունելով Կաթողիկոսէն նշանակուած Պատուիրակութեան հրաժարականը, եւ անոր տեղ նորը ընտրելով, պարտաւոր ենք նոր Պատուիրակութեան կողքին մնալ իբր համարառու եւ քննող մարմին, մինչեւ Հայ Հարցին քաղաքական վերջնական լուծումը:

Մեզմէ ոմանք Համագումարին գլխաւոր գործը կը նկատեն Միացեալ Հայ կառավարութեան մը ստեղծումը: Ասիկա շատ մեծ եւ հեռաւոր նպատակ մըն է: Ըստ իս՝ մեր առաջին եւ գլխաւոր նպատակը, որմէ ամէն բան կախում ունի, քաղաքականապէս Հայ Դատը շահիլն է: Միացեալ կառավարութիւն կազմելու անհրաժեշտութիւնը շեշտողները կը մղուին պետութիւնները կատարուած իրողութեան մը առջեւ դնելու օգտակարութեան գաղափարէն: Բայց այս կատարուած իրողութիւնը լաւագոյն ենթադրութեամբ կրնանք առաջ բերել, քանի որ կ'ուզէի, որ արեւմտահայ ներկայացուցիչներ Երթան մասնակցելու Երեւանի խորհրդարանին, ամուսնացն 3-4 ամիսէն, երբ արդէն Հայաստանի բախտը վճռուած կըլլայ: Եթէ արեւմն մենք անկեղծ ենք միութիւնը առաջ բերելու մեր փափաքին մէջ եւ չենք ընդունիր, որ գոյութիւն ունենան այլեւս տաճկահայեր եւ ռուսահայեր, ու եթէ օգտակար կը նկատենք Հայ Միացեալ կառավարութեան մը կարելիօրէն շուտ գոյութիւնը, նկատենք մեր Համագումարը Համագոյնի Համագումար, յայտարարենք, որ ամբողջ հայերը Արեւելահայ Հանրապետութեան կառավարութիւնը եւ խորհրդարանը կը նկատեն իբր

ամբողջ Հայաստանի կառավարութիւն ու խորհրդարան: Յայտարարենք, որ մեր ընտրելիք Պատուիրակութիւնը, Հանրապետութեան Պատուիրակութեան հետ լուծուելով, պիտի ներկայացնէ իր ամբողջութեամբ Հանրապետութեան կառավարութիւնը, եւ նկատենք մեր Համագումարը իբր համարառու մարմին մը Պատուիրակութեան կողքին, որ պարագաներու բերումով չի կրնար կանոնաւոր յարաբերութեան մէջ գտնուիլ, ինչպէս կ'ընեն ուրիշ պատուիրակութիւններ, իր կառավարութեան հետ: Բայց պէտք է քննել նախ հարցը, թէ քաղաքական տեսակետն միացեալ կառավարութեան ստեղծումը նպաստաւոր է մեզի, թէ ան՝ մեր հարցին կեդրոնը դեպի Կովկաս չի՞ փոխադրեր, տկարացնելով մեր պահանջը մասնաւորապէս Կիլիկիոյ վրայ:

Ամեն. Դուրեան Արքեպ. Իրաւունք մը ինչ չպիտի կը տրուի մեկու մը, այն է որ կը շինէ ամոր իրաւունքը եւ պատասխանատուութիւնը: Այս ժողովին ներքին կազմը՝ իր տարրերուն մէջ՝ տարակոյս չկայ, որ հաւասար եւ ներդաշնակ չէ: Հոս եկողներուն ամէնուն միեւնոյն իրաւունքը տրուած չէ: Ճիշդ է, բոլորն ալ կը նշմարեն հեռաւոր եւ աղօտ կէտ մը, որուն շուրջ պիտի համագործակցին: Բայց որովհետեւ որոշապէս չէին գիտեր, հետեւաբար եւ որոշ իրաւունքներ չէին առած իրենց ընտրողներէն: Ասոր համար է, որ եւ կը կարծեն, թէ ժողովը՝ մինչեւ միացեալ կառավարութիւններ ստեղծելու չափ առաջ երթալու իրաւունք չունի: Ատկէ առաջ մենք ուրիշ գործ մը ունինք ընելիք, եւ եթէ յաջողութեամբ գլուխ բերենք՝ շատ ուրախ եւ շատ գոհ ըլլալու պատճառ կ'ունենանք. այն է՝ ստեղծել Պատուիրակութիւն մը, որուն բոլորս ալ մեծ վստահութիւն ունենանք եւ որ կարողանայ Կովկասի կառավարութեան ներկայացուցիչներուն հետ ճշմարտապէս միացեալ մարմին մը կազմել: Եւ ասիկա չափազանց անհրաժեշտ է, որովհետեւ պէտք է օտարին առջեւ միացած երեսալ: Այս մարմինն մէջ եթէ մէկը մէկուն եւ միւսը միւսին անունով կը խօսի, պատճառը այն է, որ անոնցմէ իւրաքանչիւրը աւելի տեղեակ եւ ծանօթ է իր մասին, եւ որով ամբողջ Հայաստան աշխարհի ներկայացումը ճիշդ կ'ըլլայ: Եթէ այդ Պատուիրակութիւնը կազմուի՝ չեն կարծեր, որ ցրուիլը ճիշդ ըլլայ. մենք նախ պատասխան ունինք տալու, երբ բոլորս երկիր վերադառնանք: Իմ խելքս չի հասնիր, որ առանց զօրքի, առանց ոյժի, հայ ժողովուրդին այս թշուառ վիճակին մէջ, միացեալ կառավարութիւն ինչպէ՞ս կը ստեղծուի՝ առանց հողին տէր դարձած ըլլալու: Պատուիրակութեան յաջող ընտրութիւնը եւ մեծ բան մը կը նկատեն՝ իբրեւ առաջին կառավարական ձեւ:

Գեր. Յովհաննէս Վ. Թորոսեան. Այս ժողովին ձեռնհասութիւնը եւ դերն է ճշդել ըլլալիք գործին խոշոր գիծերը եւ յանձնել գործադիր մարմինն, որ իրագործէ հայկական բացարձակ ազատութիւնը: Բայց եթէ այս ժողովը այս մեծ հարցերը դնէ եւ երթայ, Պատուիրակութիւնը որո՞ւ պիտի տայ իր հաշիւը եւ որո՞ւ խորհուրդ պիտի հարցնէ իր տարակոյսներուն եւ տատանումներուն մէջ: Ես այդ Պատուիրակութիւնը, որ իր հաշուետուութիւնը ապագայի խորհրդարանին պիտի վերապահէ, «անորմալ» վիճակի մէջ կը նկատեն: Այս համագումարին դերն է մշակել նաեւ ներգաղթի, պարենաւորման եւ այլ խնդիրները եւ գործի սկսիլ, որմէ յետոյ ժողովը կրնայ ցրուիլ՝ իւրաքանչիւր անդամ իր տեղը աշխատելու համար, բան մը, որուն ժողովուրդը այնքան պէտք ունի: Կը կարծեն, թէ Հայաստանի միացման գործը առանց ոյժի կարելի չէ. օրինակ՝ իտալական Սափուայի տէրութեան կազմուիլն ու ընդարձակուիլը: Կովկասի Հանրապետութիւնն ալ պէտք է կամաց-կամաց տարածուի եւ հռչակէ Միացեալ Հանրապետութիւն:

Տիար Զօպանեան. Այն օրէն, որ շրջաբերական-հրաւիրագիրը ուղղուած է, պայմանները նոյնը չեն մնացած: Կազմակերպողները այս ուշ թուականը դրին, որպէսզի համազգային ժողով մը ըլլայ ասիկա, եւ որուն համար Պարսկաստանէն ու այլ գաղութներէ մարդիկ եկան: Այսօր եթէ վեճ կայ, յանցանքը մերը չէ. որովհետեւ դրութիւնը փոխուած է, հայկական պետութիւն մը կայ, որ առանձին իշխանութիւն եւ դիրք ունի: Եթէ այսօր կը փափաքինք, որ ասիկա համազգային ժողով ըլլայ, շատ

հասկնալի եւ բնական է, սակայն ի՞նչ կրնանք ընել, երբ Կովկասեան Հանրապետութիւնը իր ներկայացուցիչները դրկած է հաղաղութեան Վեհաժողովին, եւ որոնք չեն ուզեր մասնակցիլ այս ժողովին իբրեւ անդամ: Այս պարագային՝ այս ժողովը պիտի նկատենք, ինչպէս որ է արդէն, «Ոչ-փրկեալ Հայերու Ազգային Համաժողով»: Այս Համագումարը իսկապէս կոչուած է արեւմտահայութեամբ զբաղիլ, եւ բարեփախութիւնը է, որ Կովկասեան եկած պատգամաւորներն ալ հոս ըլլալով՝ ստորագրած են մեր պաշտօնական Յիշատակագիրը տէրութեանց ուղղեալ: Պէտք է ընտրենք ուրեմն Պատուիրակութիւն մը, որ զբաղի ոչ-փրկեալ հայերու խնդրով: Պէտք է կազմել նաեւ Յանձնաժողովներ՝ ներգաղթի, պարենաւորման, բրոքականտի եւ այլ գործերը ընելու համար: Համագումարը կրնայ թելադրութիւններ ընել Պատուիրակութեան եւ քումիսիոն մըն ալ ընտրել՝ Դիւանին հետ Պատուիրակութեան ծրագիրը մշակելու համար:

Գալով հանդիսաւոր բացման խնդրին՝ ես խելացի կը գտնեմ, որ չըրինք: Աւելի լաւ է փակուել հանդիսաւոր ընել, երբ արդէն մեր Դատն ալ լուծուած ըլլալով՝ վիճակնիս որոշուած կ'ըլլայ: Թող թոյլ տրուի ինծի նաեւ Դուրեան Սրբազանի մէկ խօսքին անդրադառնալ եւ ըսել, որ ճիշդ է, թէ արեւմտահայերս շատ չարչարուած, կարտուած ժողովուրդ ենք, բայց «Թան»-ի խմբագրին իսկ հիացում կը պատճառենք մեր գործունէութեամբը, պահանջներով եւ յամառութեամբ: Մենք ունինք Հայկական Լեզունը, որ կորիզն է արեւմտահայ բանակին. պէտք է ուժեղացնել, միջոցներ ստեղծել մեծցնելու այդ բանակը, որ յետոյ պիտի միանայ Արարատեան Հանրապետութեան բանակին՝ կազմելու Հայաստանի միացեալ բանակը:

Տիար Բարսեղեան. Անհրաժեշտ կը տեսնեմ Հայաստանի զինուորական ոյժին զօրեղացումը եւ գրաւումները: Անդրանիկը, իր յամառութեան շնորհիւ, ի վերջոյ անգլիական իշխանութիւններու կողմէ յարգուեցաւ, իր գրաւումներուն մէջ: Թրքահայաստանի դէմ չգրաւուած մասերը ո՞ր պետութեան պիտի պատկանին՝ ատիկա մենք պիտի որոշենք: Վաղը, զարման, եթէ Անդրանիկը առաջին պատեհ առիթով երթայ եւ գրաւէ Վանը ու միւս տեղերը, անոնք մերը եղած կ'ըլլան ալ: Մինչեւ այդ՝ եթէ սպասենք որ ուրիշները մեզի տան, կրնանք շատ դժուարութեանց հանդիպիլ: Պատուիրակութիւնը շատ գործ ունի ընելիք, բայց որոշ տիպի, եւ ատիկա՝ դիւանագիտական աշխատանքն է: Ըստ իս՝ մնացեալը պէտք է երկրին մէջ ըլլայ եւ կեդրոնական կառավարութեան կողմէ:

Միացեալ կառավարութիւն հռչակելը եւ անհրաժեշտ կը տեսնեմ, եւ ասիկա երբեք չի տկարացներ Կիլիկիոյ ու Թրքահայաստանի խնդիրը, այլ ընդհակառակը, որովհետեւ այն ատեն կառավարութիւնն իսկ է, որ պիտի զբաղի անոնցմով: Միւս կողմէ՝ այդ կառավարութիւնը որքան իր սահմանը ընդարձակէ, իր զօրքերը կը շատնան: Արդ, անմիջապէս պէտք է ստեղծել կեդրոնական կառավարութիւն մը, որուն երկրէն դուրս ունեցած դիւանագիտական գործերը պիտի վարէ Պատուիրակութիւնը:

Տիար Տամատեան. Ժողովին ուշադրութիւնը այն կէտին վրայ կը հրաւիրեն, որ ես կը մնամ միշտ իմ նախորդ կարծիքներուս վրայ եւ համամիտ չեմ այսօրուան խօսուածներուն: Բայց խնդիրը շատ կարեւոր կը համարեն, որովհետեւ կախում ունի ժողովին իրաւասութեան խնդրէն: Այս ժողովին երկարածուցը երբեք վնասակար չէ: Ես կ'առաջարկեմ յանձնաժողով մը ընտրել, որ խորացնէ այս հարցը եւ մեզի բանաձեւ մը բերէ, որուն շուրջ վստահ եմ, թէ բոլորս ալ համաձայն պիտի ըլլանք:

Տիար Սայեան. Քանի կը ծեծուի խնդիրը, այնքան աւելի կը մօտենանք գործին, որովհետեւ մինչեւ հիմա մենք անուններով կը զբաղինք: Իսկապէս՝ մեր ամենէն աւելի կարեւոր գործը Պատուիրակութիւն մը ընտրելն է, որ անգամ մը մեր գործը թուղթ վրայ վերջացնէ: Իսկ գալով այս ժողովին մնայուն ըլլալու խնդրին, ես կ'առաջարկեմ ընտրել Պատուիրակութիւն մը, մշակել ներգաղթի, պարենաւորման եւ այլ խնդիրները, եւ սկսիլ գործադրութեան: Այն ատեն է միայն, որ պիտի տեսնենք, թէ ժողովը պէ՞տք է ցրուի, թէ՞ ոչ. իմնակուրդն որոշել այդ՝ աւելորդ է:

Վսեմ. Տիար Գ. Նորատունկեան. Ազգ. Պատուիրակութեան ցրուած հրաւիրագրին համաձայն՝ այս ժողովը երկու բանի համար գումարուած է: Նախ՝ պատրաստել եւ վաւերացնել Խաղաղութեան Վեհաժողովին տրուելիք Յիշատակագիրը եւ ապա՝ ընտրել Պատուիրակութիւն մը, որ հետամուտ ըլլայ ձեռք բերելու այդ ծրագրին ընդունելութիւնն ու գործադրութիւնը: Բայց կը տեսնուի, որ ժողովս այսքանով չի բաւականանար եւ կ'ուզէ զբաղիլ նաեւ միացեալ կառավարութեան մը ստեղծման եւ այլ խնդիրներով: Կ'առաջարկեմ, հետեւաբար, մէկ կողմէն կատարել իր առաջին պարտականութիւնը, եւ միանգամայն ընտրել յանձնախումբ մը, որ մշակելով խնդիրները ու միացնելով ներհակ բաժինները, մեզի բանաձեւ մը ներկայացնէ:

Ն. Վսեմութեան այս առաջարկութիւնը ընդունելով՝ միաձայնութեամբ ընտրուեցաւ յանձնախումբ մը, որուն անդամ մշահականութեան՝

- Ամեն. Դուրեան Արքեպիսկոպոս
- Տիարք՝ Զօպանեան
- Հինդլեան
- Փաստրմաճեան
- Փափազեան
- Տամատեան
- Շանթ
- Թէքեան

Այս յանձնախումբին պիտի մասնակցին նաեւ Պատուիրակութեան Վսեմ. Նախագահը եւ Արարատեան Հանրապետութեան ներկայացուցիչները:

### **ՅԱՅՏԱՐԱՐՈՒԹԻՒՆ ՎՍԵՄ. ՊՕՂՈՍ ՓԱՇԱՅԻ ԱԶԳ. ՀԱՆԳԱՆԱԿՈՒԹԵԱՆ ՄԱՍԻՆ**

Ազգ. Պատուիրակութեան Նախագահ Վսեմ. Պօղոս Փաշա Նուպար ժողովին հաղորդեց Իտալիոյ Հայկական Քոմիթէին ստացած մէկ նամակը, որով կը ծանուցանէին, թէ հանգանակութիւնը սկսած է, եւ թէ արդէն իսկ 250.000 լիրա /իտալական ֆրանք/ հաւաքուած է:

### **ԱՄԵՐԻԿԵԱՆ «ՄԱՆՏԱ»Ն**

Ազգ. Պատուիրակութեան Նախագահ Վսեմ. Պօղոս Փաշա Նուպար կարդաց նաեւ երէկուան «Թայմզ»-ի հրատարակած մէկ լուրը, որուն համեմատ Մ. Նահանգներու Նախագահ Պ. Ուիլսոն յայտնած է, թէ Մ. Նահանգները կ'ուզեն իրենք ըլլալ Հայաստանի հոգատար պետութիւն:

Ասոր վրայ՝ Տիար Բրօք. Տէր-Յակոբեան մանրամասն կերպով նկարագրեց Ամեն. Դուրեան Արք.-ի եւ իր ունեցած ունկնդրութիւնը նախագահ Ուիլսոնի հետ, որ չափազանց սիրալիր եւ խոստումնալից եղած է: Բրօքէտէօրը այդ տեսակցութեան մասին պատրաստած ըլլալով գրաւոր զեկուցում մը, յանձնեց Դիւանին, խնդրելով, որ արձանագրուի Համագումարի ատենագրութեանց մէջ:

Ժողովը ընդունեց բրօքէտէօրին այս առաջարկութիւնը:  
Ահաւասիկ այդ գրաւոր զեկուցումը:

### **ԱՄԵՆ. ԵՂԻՇԷ ԱՐՔԵՊ. ԴՈՒՐԵԱՆԻ ԵՒ ԲՐՕՖ. ՏԵՐ- ՅԱԿՈԲԵԱՆԻ ՏԵՍԱԿՑՈՒԹԻՒՆԸ ՆԱԽԱԳԱՀ ՈՒՒՆՈՒՆ ԴՅՏ**

Նախագահ Ուիլսոն Դուրեան Սրբազանը եւ զիս ընդունեց Փետրուար 12-ի երեկոյեան ժամը 8 1/2-ին, Hotel Murat-ի մէջ:

Նախ եւ խօսք առնելով ներկայացուցի Սրբազանը իբր նախկին Պատրիարք եւ իբր նախագահ Սինդոզին:

Նախագահը գոհունակութիւն յայտնեց զմեզ տեսնելուն համար:

Սրբազանը ըսաւ. «Շատ շնորհակալ եմք, որ Պ. Նախագահը մեզ այս պատեհութիւնը կու տայ մեր կողմանէ, ինչպէս ամբողջ հայ ազգին անունով, իրեն նկատմամբ շնորհակալութիւն յայտնելու այն բարիքներուն համար, զորս ըրած են մեր բազմաշարժար ժողովուրդին ինքն ու այն ժողովուրդը, որուն նախագահն է: Զայս կը նկատենք ո՛չ այնքան իբր անձնական այցելութիւն մը, այլ արեւի իբր ուխտագնացութիւն մը մօտը ազատարարին գրկուած ու հարստահարուած ազգերուն, որոնց զլուխն է անտարակոյս հայ ազգը»:

Այս խօսքերը թարգմանեցի նախագահին:

Նախագահը ըսաւ. «Շնորհակալ եմ: Ես միայն մէկ օրինակն եմ Ամերիկայի ժողովրդեան: Իմ ժողովուրդիս կամքն է, որ ես ապահովեմ հայոց համար անկախութիւն եւ անոնց իրաւունքները պաշտպանեմ: Բայց Հայաստանի քարտէսին հարաւային մասին, Միջերկրականի արեւելեան եզերքի մասին, հակառակ պահանջներ կան: Վաղն իսկ պատեհութիւն պիտի ունենանք սուրիական խնդիրները քննելու եւ այդ առթիւ բնականաբար պիտի քննենք նաեւ այդ հակառակ պահանջները»:

Պատասխանեցինք, թէ երբեք մեր մտքէն իսկ անցած չէր ասկէ առաջ, թէ կարելի էր Կիլիկիան մասը նկատել Սուրիոյ. թէ աշխարհագրօրէն, պատմականօրէն, տնտեսականօրէն, մեր աւանդութիւններովը այնքան Հայաստանի անբաժան մասը կը նկատենք Կիլիկիան, որ ամբօրէն կը կառչինք անոր: Մեզ ամէն տեսակետով անհրաժեշտ կը նկատենք Միջերկրականի այդ եզերքները ունենալ եւ այդու նաեւ՝ Արեւմուտքի հետ հաղորդակցութեան դիրութիւն:

Նախագահը այս խօսքերը քանիցս ընդմիջեց՝ յայտնելու համար իր կատարեալ հաւանութիւնը այս յայտարարութեանց, եւ մեծ եռանդով ընդունեց զանոնք:

Գիտեք որ,- ըսաւ,- մեր մասնագետները կան Կսեյիօնի մէջ: Անդադար շփման մէջ գտնուեցէք անոնց հետ եւ անոնց զլուխները ձեր գաղափարներովը լեցուցէք:

Մեր շնորհակալութիւնները կրկնեցէք իր հոգածութեան մասին:

Երբ ոտքի ելանք, Սրբազանը խնդրեց, որ մեր Պատուիրակութեան Նախագահին՝ Նուպար Փաշայի պատեհութիւն տայ իրեն անձամբ ներկայանալու եւ այս խնդիրներու մասին անձամբ խօսելու:

Նախագահը ըսաւ. «Ամէն պատեհութիւն պիտի տրուի ձեզ ձեր խնդիրներու մասին ձեր տեսակետները պարզելու՝ յարմար առթիւ, յանձնախումբերու առջեւ»:

Կրկնեցինք դարձեալ, որ երբ պարագաները թոյլատրեն, բարեհաճի մեր նախագահն ալ տեսնել:

Ատոնցմէ զատ՝ քանի մը խօսքեր փոխանակուեցան նաեւ Պոլսոյ ամերիկեան վարժարաններուն նկատմամբ:

Ա. Տէր-Յակոբեան

Վսեմ. Պօղոս Փաշա Նուպար. Այժմ համոզուած եմ, որ Պ. Ուիլսոն դիտմամբ խուսափած է ինձի հետ տեսակցութիւն մը ունենալէ, որպէսզի համաձայնութեան մը մասին չկատարուի:

Տիար Տամատեան. Կ'ուզէի հարցնել Պօղոս Փաշայի, թէ արդեօք ճիշդ է այն զրոյցը, որուն համեմատ իբր թէ նոր եւ մասնաւոր համաձայնութիւններու եկած ըլլալ ֆրանսական կառավարութեան հետ:

Վսեմ. Պօղոս Փաշա Նուպար. Բացարձակապէս կը հերքեմ այդ զրոյցը:

**Նիստ 10-րդ**

6 մարտի 1919թ.

**ԱՏԵՆԱԿԱՆ ԳՈՐԾՈՂՈՒԹԻՒՆՔ**

**1. ԱՌԱՋԱՐԿՈՒԹԻՒՆՔ ՏԻԱՐՔ ՓՈՓՈՋԵԱՆԻ ԵՒ ԹԵՐԶԻՊԱՇԵԱՆԻ**

Օրակարգի անցնելէ առաջ կարդացուեցաւ Տիարք Փափագեանի եւ Թերզիպաշեանի կողմէ ստորագրուած յետագայ գիրը, որով կարգ մը կարեւոր խնդիրներու մասին անմիջական լուծում կը պահանջէին:

Ազգ. Համագումարի Պատ. Նախագահութեան

Մեր գալուն առթիւ զեկուցման մէջ, ժողովիս յատուկ ուշադրութեան յանձնած էինք մի քանի խիստ անյետաձգելի առաջարկներ, որոնք, ըստ մեզ, հիմներն էին մեր քաղաքական պահանջներուն:

Առաջարկներու գլխաւորներն էին.

1. Իսլամացուած հայերը փութով հաւաքել տալու միջոցները խորհիլ եւ իրականացնել: Հաւատացէ՛ք, որ երկրի ներկայ պայմաններուն մէջ ամէն մէկ կորսուած օրը կորուստն է թերեւս բազմաթիւ այդ դժբախտներուն, որոնց ընդհանուր թիւը 200.000-էն նուազ չէ:
2. Ամսոյս 8-ին խաղաղութեան Վեհաժողովի յատուկ Յանձնաժողովը վերջացնելու է յանցաւորներու պատասխանատուութիւնը ճշդող տեղեկագիրը: Մեր կոտորածներու յանցաւորները ճշդելու եւ անոնց ցուցադրելու խնդիրը:
3. Ներգաղթի օրերը ահա մօտեցան: Ատոր համար չպէտք է սպասել քաղաքական մեր հարցին վերջնական լուծման. հարկ կա՞յ ըսելու, թէ ներգաղթի խնդիրը կարեւորագոյնն է: Գարուն է արդէն. ուղիղ մէկ ամսէն ցանք ընելու պատրաստութիւններ պիտի տեսնուին. առաջին իսկ հերթին առնուազն 100.000 ժողովուրդ պատրաստ պիտի ըլլայ երկիր փոխադրուելու: Ձանոնք տեղաւորելն ու անոնց տնտեսութեան հիմը դնելը շատ բարդ ու ժամանակի կարօտ աշխատանք է:

Ձեկուցում ներկայացրած օրէն 15 օր է անցեր եւ ժողովս ոչինչ չէ ըրած:

Անձանօթ է նաեւ մեզ Պատուիրակութեան այս ուղղութեամբ ըրած քայլերը: Ծրագիր պատրաստա՞ծ է նա. բանակցութիւններ ունեցա՞ծ է. կամ ի՞նչ էլք ունեցած են իր դիմումները /եթէ եղած են/:

Անգամ մը յիշած դարձեալ կը կրկնենք. յիշեալ խնդիրները յաջող էլք կրնան ունենալ, եթէ մեր առաջարկները Դաշնակիցներէն ընդունուելով այստեղէն հրահանգուին Դաշնակիցներու Պոլսոյ լիազօրներուն ի գործադրութիւն:

Արեւմտահայ Խորհուրդի պատուիրակներէն  
Աւետիս Թերզիպաշեան  
Վահան Փափագեան

Ժողովը յարմար նկատեց օրակարգ անցընել այս գրութիւնը:

**1. ՎՆԱՍՈՒՑ ՀԱՏՈՒՅԱՆ ԽՆԴԻՐ**

Վնասուց Հատուցման Յանձնախումբին կողմէ Տիար Թերզիպաշեան խօսք անցնելով մանրամասն տեղեկութիւններ տուաւ: Յանձնախումբը՝ վնասները որոշելու խնդրին մէջ՝ վնասեալները երկուքի բաժնած է՝ գիւղի բնակչութիւնը եւ քաղաքի բնակչութիւնը: Պահանջները գլխաւորաբար հաստատուած են թիւք կառավարութեան դրած հարկերու համեմատութեան վրայ, որով ցոյց տրուած թիւերը արդարացի հիմքի վրայ են: Այսպիսով՝ ամբողջ Թուրքիոյ եւ Կովկասի հայ պահանջներուն գումարը կ'ըլլայ մօտ 20 միլիառ ֆրանք:

Տիար Աղաթօն Պէլ. Կ'առաջարկեմ ստացուելիք գումարին մէջ աւելցնել նաեւ 1896-ի եւ Ատանայի ջարդերուն ժամանակ մեր կրած վնասները, զորս կարելի պիտի ըլլար ճշդել Լեփսիոսի պատրաստած մէկ հին եւ մանրամասն վիճակագրութենէն:

Տիար Տամատեան. Համամիտ եմ Աղաթօն Պէլի, բայց կ'առաջարկեմ մեր պահանջած հատուցման խոշոր գումարէն դուրս հանել կարգ մը մեծ միութիւններու, օրինակ՝ Քաղաքներու Միութիւնը, եւ այլն, եւ անոնց մեզի բերած օգնութիւնը, որ արդէն վճարուած է ռուս կառավարութեան կողմէ. իսկ հայկական ընկերակցութեանց օգնութիւնները պէտք է եղբայրական օգնութիւն նկատել միայն:

Տիար Հինդլեան. Բացարձակապէս հակառակ եմ հին հաշիւներն ալ պահանջելու, որովհետեւ այսօրուան խաղաղութեան Վեհաժողովին իրաւասութիւնը կը տարածուի միայն 1914-ի պատերազմի միջոցին եւ ո՛չ անկէ առաջուան դէպքերուն. միւս կողմէ՝ մենք այս պահանջը կ'ընենք իբրեւ պետութիւն, բան մը որ չէինք արդէն հին ջարդերու թուականին:

Ամեն. Դուրեան Արքեպ. Ատանայի ջարդէն յետոյ հայկական իշխանութիւնները կերպով մը համաձայնութեան եկած են թրքական կառավարութեան հետ, հատուցման խնդրին վրայ:

Տիար Սայեան. Ես կը կարծեմ, թէ խաղաղութեան Վեհաժողովը աւելի լայն իրաւասութիւն ունի, քան ինչ որ կը կարծէ Տիար Հինդլեան, եւ ատոր ապացոյցն ալ այն է, որ Ֆրանսա կը պահանջէ նաեւ իր 1870-ին կրած վնասներուն հատուցումը: Մեզի համար ալ նոյն բանն է, քանի որ ո՛չ միայն 96-ի ջարդերուն ատեն, այլ՝ անկէ շատ առաջ ալ եղած կորուստները եւ կոտորածները միշտ միեւնոյն դրդապատճառը ունեցած են որ է մեր ազատութեան ձգտումը, եւ որ բոլորովին կը համապատասխանէ այսօրուան տրուած սկզբունքներուն: Մեր այսօրուան վնասները բնական շարունակութիւնն են հիներուն, միշտ միեւնոյն սկզբունքներուն համար: Ուրեմն, պէտք է մեր հին վնասներն ալ պահանջենք:

Տիար Թէքեան. Քանի որ մեզ կը մեղադրեն չափազանց պահանջկոտ եղած ըլլալ, մենք այս խնդրին մէջ է, որ ցոյց պիտի տանք մեր չափաւորութիւնը: Ֆրանսական հին պահանջները մերինին չեն նմանիր. անոնց այսօրուան կռիւր շարունակութիւնն է հիմին: Այն ատեն յաղթուած էին. հիմա կը յաղթեն: Մինչդէռ մեր վնասուց հատուցման պահանջը պիտի հիմնուի այս կռուի ընթացքին յաղթող կողմին հետ գտնուած ըլլալուն եւ մեր երեւան բերած ոյժին վրայ: Կրնանք հին կորուստները յիշատակել, բայց առանց աւելցնելու այսօրուան գումարին վրայ:

Տիար Չօպանեան. Մեր այսօրուան պահանջները հիմնուած են այս պատերազմի ընթացքին մեր իբր պատերազմիկ վարուած ըլլալուն վրայ, մինչդէռ 1909-ի, 1896-ի եւ աւելի հին ժամանակ մեր կրած կորուստները այդ հանգամանքը չունին. աւելի լաւ է զանոնք անցողակի յիշատակել, ինչ որ պիտի ուժեղացնէ մեր ներկայ պահանջներուն իրաւունքը, առանց աւելցնելու ընդհանուր գումարը:

Տիար Տէր-Ստեփանեան. Խաղաղութեան Վեհաժողովը միմակ պատերազմիկներուն չէ որ հատուցում պիտի ընէ, եւ ո՛չ ալ հատուցումը հիմնուած

պիտի ըլլայ իբր պետութիւն ներկայանալու հանգամանքին վրայ: Երբ Ֆրանսան իր վիճելի իրաւունքները կը պահանջէ, մեր իրաւունքը անտարակուսելի կը դառնայ: Ֆրանսայի եւ Գերմանիոյ միջեւ ամէն խնդիր վերջաւորութիւն մը գտած է 1870-ի պատերազմին յաջորդող խաղաղութեամբ, մինչդեռ մեր հարցը, բացուած 1876-ին, երբեք լուծում չէ գտած, հակառակ պետութիւններու Պերլինի Վեհաժողովին մէջ ստանձնած պարտքին ու խոստումին, եւ մենք կէս դար շարունակ բողոքողի եւ պահանջողի դերին մէջ մնացած ենք: Այսօր, ուրեմն, պէտք է պահանջենք 1896-ի եւ 1909-ի ջարդերու վերաբերող հատուցումները:

Տիար Բարսեղեան. Երբ ֆրանսացիք կը պահանջեն իրենց հին հաշիւները, մենք ալ իրաւունք ունինք, որովհետեւ մեր պայքարին ալ պատճառները միշտ միեւնոյնը եղած են: Այս պատերազմի միջոցին մեր կրած հալածանքը շարունակութիւնն է հիմներուն: Իսկ զայլով այն վախին, թէ պահանջած գումարմիս շատ մեծ կրնայ ըլլալ, տեղի չկայ, որովհետեւ այդ գումարին մեծագոյն մասը հաւանօրէն հաշուակցելով պիտի կարգադրուի: Հայաստանի մէջ մնացող թիւրք պետական եւ կրօնական կալուածները /վազըֆ/ հարկաւ չեն կրնար մնալ նոյն տերերու ձեռքը. իսկ ատոնք բաւական մեծ հարստութիւն մը կը կազմեն: Նկատի պէտք է առնել նաեւ, որ այդ կալուածներն ալ հիմա մեծ մասով ւերուած վիճակի մէջ են եւ նորոգուելու պէտք ունին, որպէսզի բանի մը ծառայեն:

Տիար Թերզիպաշեան. Մենք իբրեւ պատերազմիկ միայն իրաւունք ունինք մեր պահանջները ընելու. եթէ հիմերն ալ պահանջենք՝ իրաւական հողի վրայ չենք մնար:

Տիար Տէր-Յակոբեան. Մեր հին հաշիւները ընենք եւ անոր լուծումը ձգենք Վեհաժողովին: Բայց հիմա կրնանք արծարծել ապահովագրական ընկերութիւններու հարցը, որոնք ջարդերուն ժամանակ չվճարեցին իրենց պարտքը:

Տիար Մասեհեան Խան. Խնդիրը առաւելապէս իրաւաբանական հարց մըն է, հետեւաբար լաւ է մեծ իրաւագէտի մը խորհուրդը հարցնել:

Տիար Փափագեան. Նոյն միտքն է. յիշատակել հիմերը, առանց պահանջելու:

Տիար Հինդլեան. Տիար Աղաթօն Պէյի առաջարկը կը գտնեմ անընդունելի՝ հետեւեալ պատճառներով. 1. 1896-ի եւ միւս հին դէպքերու պատճառով հայութեան կրած վնասները չեն կրնար պահանջուիլ այսօր Թուրքիայէն, ներկայացնելով հաղաղութեան Վեհաժողովին, որովհետեւ հաղաղութեան Վեհաժողովը ունի իր որոշ եւ սեղմ սահմանները, որոնցմէ դուրս չի կրնար ելլել: Ան պէտք է ընէ հաշուեյարդարութիւնը 1914-1919-ի պատերազմին ստեղծած հողային, վնասուց, եւ այլն խնդիրներուն: 2. Հայկական պահանջները առաջին անգամ այս Վեհաժողովին կը ներկայանան պետական կազմի եւ անկախութեան ձեւին տակ, քաղաքական հիմ ունենալով Թուրքիայէն եւ Ռուսիայէն անջատուած ազգի մը դիրքը, որ դաշնակից է հաղաղութեան Վեհաժողովին մասնակցող յաղթական ազգերուն: 3. 1896-էն մինչեւ 1914՝ հայութիւնը ո՛չ միայն անջատուած չէ Թուրքիայէն, այլ՝ իբրեւ օսմանցի մասնակցած է Թուրքիոյ պետական կեանքին, թիւրք երեսփոխանական ժողովին հայ երեսփոխաններ տալով եւ այլ մասնակցութեամբ: Այս հիման վրայ է, որ 96-էն ետք 1909-ին, երբ Ատանայի ջարդը պատահեցաւ, թրքահայութիւնը՝ յամօնի ազգ. իշխանութիւններու՝ համաձայնութիւն գոյացուց թիւրք կառավարութեան հետ: Եթէ 1896-ի վնասները պիտի ուզենք, աւելի առաջ եղած ջարդերուն վնասները ինչո՞ւ չպահանջել: Ասոնք իրաւագիտական հիմերն են, որոնք որոշապէս ցոյց կու տան այս պահանջին անհիմն ըլլալը: Ասկէ գտա՞ կան քաղաքական պատճառներ, որոնք զգուշացնելու են մեզ՝ նման պահանջներ դնելէ: Կը տկարացնենք մեր այսօրուան դիրքը՝ շփոթելով ճնշուած ազգի մը, դաշնակցի մը, պետական անկախութեան հասած ազգի մը պահանջները: Զգուշանանք երեւակայական պահանջներ դնելէ, ջանալով պետական հասունութիւն ունեցող դրական ազգի մը համբաւը շահիլ, որուն այնքան պէտք ունինք այսօր:

Տիար Օհանջանեան. Ես շատ դիտողութիւններ ունիմ ընելիք, բայց կարելիութիւն չկայ մեծ փոփոխութիւններ մտցնելու, քանի որ մինչեւ ամսոյս 7-ը ամէն ինչ պատրաստ պէտք է ըլլայ: Ամենէն առաջ պէտք է պատրաստել հիմնաւոր յառաջաբան մը հատուցման խնդիրքին մէջ: Վնասներու գնահատումները տնավարի են անհիմն կերպով կատարուած են. այստեղ աւելի հիմքեր բերել հարկաւոր էր, բացատրելու համար թէ ինչո՞ւ այս այսպէս է: Ինձի կը թուի, թէ օրինակ, գիւղացիներու կայքը աւելի կ'արժէ, քան թէ քաղաքացիինը. բայց ուշ է արդէն այս բոլորը փոփոխելու համար:

Տիար Փափագեան. Իբր անդամ Յանձնախումբին քանի մը բացատրութիւններ պիտի տամ: Հատուցման յիշատակագրին սկիզբը մենք արդէն որոշած ենք, բայց որովհետեւ շատ փափուկ խնդիր մըն է, ձգած ենք, որ իրաւաբաններու հետ խմբագրենք: Իսկ պահանջումները հիմնուած են պետական տուրքերու վրայ /աշար, աղնամ, էմլաք/, որոնք քանակը ճշդած ենք եւ անկէ եզրակացուցած հայ ժողովուրդին կայքի եւ հարստութեան կորուստը: Չեմ կարծեր, թէ այսպիսով անհիմն եղած ըլլայ:

Գալով գիւղացուց կայքին երեւութապէս աւելի քիչ գնահատման քան քաղաքացիինը, անոր համար է, որ գիւղացիին անշարժ ստացուածքը հողն է, որ վնասուած չէ եւ կը մնայ, մինչդեռ քաղաքացիին անշարժ ստացուածքը զլխաւորապէս շէնքերն են, որոնք աւելի կը գնահատուին. եւ անոնք ոչնչացած են: Մխալ է նաեւ, որ ռուսահայ եւ թրքահայ պահանջները գատ-գատ պիտի ներկայացուին: Մեր վնասներու «մօթիք»-ներն են միայն, որ առանձին պիտի կազմենք, որովհետեւ անոնք իրարմէ տարբեր են, մինչդեռ հաշիւը՝ առանձին սխալակով, բայց մէկ տախտակի վրայ պիտի ըլլայ:

Տիար Տամատեան. Հատուցման խնդրի Յանձնախումբը խղճմտօրէն կատարած է իր աշխատանքը. կը մնայ խմբագրել յառաջաբանը, տալ Պատուիրակութեան՝ որ անհամաձայն կէտի մը շուրջ կրնայ Յանձնախումբը կանչել եւ կարգադրել եւ որ պէտք է զայն յանձնէ հաղաղութեան Վեհաժողովի քոմիսիոնին:

Տիար Տէր-Ստեփանեան. Կ'ուզէի գիտնալ, թէ ապահովագրական ընկերութիւնները պիտի վճարե՞ն, թէ՞ ոչ. այլապէս այդ հատուցումն ալ պէտք է այս ցուցակին մէջ աւելցնել:

Կսեմ. Տիար Գ. Նորատունկեան. Տեղեկացայ, թէ մասամբ վճարած են ապահովագրական ընկերութիւնները, որոնք իրենք իսկ պիտի ուզեն ապա տէրութիւններէն իրենց հատուցումը:

Տիար Հինդլեան. Մեր պահանջած հատուցումը ստանալու աւելի յոյս ունենալու համար՝ լաւագոյնը՝ կռիւէն ու ջարդերէն ազատուածներու կեանքը ապահովելու սկզբունքին վրայ ընել մեր պահանջները: Հաշմուածները /mutiles/ որոնք ո՛չ մէկ աշխատանքի ընդունակ են, հիմնաւոր իբրեւ մեռած նկատի առնել եւ ըստ այնմ դնել պահանջը, ինչպէս եւ խոշտանգուածներուն եւ բռնաբարուածներուն համար ո՛չ թէ իրենց վնասին կամ կորուստին փոխարէն պէտք է ուզել, այլ՝ իրենց կեանքը պահելու համար: Ես կը կարծեմ, թէ որպէսզի մեր պահանջը գործնական հողի վրայ ըլլայ պէտք է կրճատենք մեր գումարը: Եւ յետոյ՝ շատ կարեւոր խնդիր մը. եթէ այս հատուցումը իբրեւ պետութիւն կը պահանջենք, պէտք է մտածենք նաեւ միւս ցեղերու մասին, որոնք մեր պետութեան մէջ պիտի ապրին: Ես կը կարծեմ, թէ մեր պատուիրակները կազմուելիք պետութեան մը կողմէ կը ներկայանան. հետեւաբար՝ պէտք է պահանջենք նաեւ մեր երկրին մէջ ապրող ցեղերու կորուստները:

Տիար Թերզիպաշեան. Մենք դեռ պետութիւն չենք, ազգ ենք եւ նոր կազմուելիք պետութիւն: Գալով մեր պահանջած գումարին մեծութեան, պէտք չկայ վախճալու, որովհետեւ համեմատական բաշխում պիտի կատարուի, եւ մենք պէտք է ներկայացնենք մեր ճշմարիտ կորուստը՝ համեմատօրէն ստանալու համար:

Տիար Փաստրմաճեան. Բացի այն «րէկ» պահանջներէն, որ տուրքերու վրայ հիմնուած են, պէտք է պահանջենք նաեւ ապահովութիւն, որոշ տարիներու համար,

այն մէկ միլիոն թրքահայութեան, որ ayantdroit-ներն են երկու միլիոն զոհերուն: Ժողովին ուշադրութիւնը կը հրաւիրեմ նաեւ մեր պահանջած հատուցման գինին չափազանց մեծցած ըլլալուն վրայ:

Տիար Շանթ. Երկու խնդիր կայ, զորս պէտք է զատել իրարմէ. նախ՝ մեր վնասներուն հատուցումը, ապա՝ միջոցներ վերաշինութեան համար: Մենք պէտք է ներկայացնենք բոլոր հաշիւը, թէ՛ հինը, թէ՛ նորը, բայց պահանջենք միայն ներկայիցը: Յետոյ՝ ես կը կարծեմ, թէ մենք պետութիւն ենք, իբրեւ այդ կը պահանջենք, եւ միայն այդ պարագային է, որ մեզի դրամ կու տան: Տիար Յինդլեանին մէջ բերած խնդիրը շատ լուրջ ուշադրութեան արժանի է, եւ մենք այն ժամանակ պարտաւոր ենք մտածել նաեւ քիւրտերուն եւ թիւրքերուն մասին, որ մեր պետութեան մէջ պիտի ապրին. եւ եթէ մենք անոնց համար ալ ուզենք աստիկա, լաւ տպաւորութիւն կը թողու արտաքին աշխարհի վրայ: Վերջապէս, այդ մարդիկը պէտք է կարելիութիւն ունենան ապրելու:

Վսեմ. Պօղոս Փաշա Նուպար. Վտանգաւոր է պետութեան անուճով պահանջելը, որովհետեւ դեռ մեզ չեն ճանչցած եւ այդ պարագային կրնան չքննել իսկ մեր խնդիրը:

Տիար Փափազեան. Մենք իբրեւ ազգ է, որ կը պահանջենք, որ պատերազմի սկիզբէն կռուած է Դաշնակիցներու կողքին, թէւ վերջին շրջանին, նոյնիսկ երբ Կովկասեան Զանապետութիւնը կազմուած չէր, իբրեւ ազգ էր, որ 4-5 ամիս պաշտպանեցինք միայնակ Զայաստանի սահմանները՝ միջոց տալով Դաշնակիցներու Միջազգետքի բանակին իր ոյժերը ժողովելու: Իսկ այն առաջարկը, թէ մենք պիտի պահանջենք նաեւ մեր երկրին մէջ ապրող մահմետականներու վնասներն եւս, այստեղ այսպիսի խնդիր դնելը կը գտնեն ես անհեթեթ: Ասիկա կ'ըսեն ո՛չ թէ զգացումէ տարուելով, այլ՝ իրապէս անհիմն է, որովհետեւ նախ դեռ պէտք է ճշդել պատասխանատուները կոտորածին, որուն մէջ մեր երկրին մահմետական ժողովուրդներու մասնակցութեան չափը զիտենք, ու մինչդեռ անոնց մօտ կը մնան մեր տասնեակ հազարաւոր կանայք եւ երեխաներ: Սպաննուողներու համար մեր պահանջը իբր արեան գին չնկատելու համար, կրնանք իրենց ընտանիքները ապրեցնելու իբր միջոց պահանջել: Իսկ մեր բերած թիւերուն հիմնաւոր ըլլալը արդէն յայտնեցի քիչ առաջ:

Վիճաբանութեան վերջ տրուելով, Տիար Տամատեան ներկայացուց հետեւեալ բանաձեւը.

«Զանազունաբը, Յանձնաժողովին տեղեկագրին վրայ, դիտողութիւններէ ու բարեփոխութիւններէ վերջ զայն վաւերացնելով՝ կը վերցնէ իր օրակարգէն. կը յանձնարարէ Յանձնաժողովին՝ իր ներկայացուցած պատճառաբանութեանց հիման վրայ տեղեկագրին յառաջաբանն ալ պատրաստել վերջ յանձնել տեղեկագիրը Ազգ. Պատուիրակութեան. Պատուիրակութեան կողմէ դիտողութեանց պարագային, առանց անգամ մըն ալ տեղեկագիրը ժողովին բերելու, Յանձնաժողով եւ Պատուիրակութիւն խորհրդակցաբար անոր մէջ կը մտցնեն հարկ եղած բարեփոխութիւնները, նկատի առնելով նաեւ ներկայ պատերազմէն առաջուան վնասուց հատուցման պահանջին բանաւորութիւնը կամ ոչ, հիմնուելով իրաւաբաններու կարծիքին վրայ:

Ս. Տամատեան»

Ժողովը միաձայնութեամբ ընդունեց այս բանաձեւը:

**ԱՄԱՋԱՐԿՈՒԹԻՒՆ ՎՍԵՄ. ՊՕՂՈՍ ՓԱՇԱՅԻ՝  
ՀԱՅԱՍՏԱՆԻ ՕՏԱՐ ՑԵՂԵՐՈՒ ՆԿԱՏԱՄԱՐ**

Ազգ. Պատուիրակութեան Նախագահ Վսեմ. Պօղոս Փաշա Նուպար առաջարկեց կազմել յանձնաժողով մը, որ պիտի զբաղի Զայաստանի օտար ցեղերու քաղաքական կազմի եւ իրաւանց խնդրով:

Ժողովն ընդունեց այս առաջարկութիւնը եւ Ն. Վսեմութեան թելադրութեան վրայ՝ Յանձնաժողովոյ անդամ նշանակուեցան

Տիարք՝ Փափազեան  
Թէրզիպաշեան  
Տամատեան

Տիար Տէր-Ստեփանեան . Ըստ յիշատակագրի՝ Զայաստանի մէջ բնակող միւս ցեղերը պիտի նկատուին հայոց համահաւասար քաղաքացիներ: Այժմ անոնց բացառիկ իրաւունքներ տալը ճիշդ եւ արդարացի չըլլար: Զետեւաբար՝ շատ զգոյշ կենալու է այս մասին:

Նիստը փակուեցաւ ժամը 8 1/2-ին:

Նախագահ

ՀԱԱ, ֆ. 430, ց. 1, գ. 18, թթ. 40-44 շրջ.: Ձեռագիր: Բնագիր:

**Նիստ 11-րդ**

7 մարտի 1919թ.

**ԱՏԵՆԱԿԱՆ ԳՈՐԾՈՂՈՒԹԻՒՆՔ**

**1. ԺԱՄԱՆՈՒՄ ՏԻԱՐՔ ՖՆՏՂԵԱՆԻ ԵՒ ՏԵՐՎԻՇԵԱՆԻ**

Նախագահ Վսեմ. Տիար Գ. Նորատունկեան բարի գալուստ մաղթեց երկու նոր պատգամաւորներու՝ Տիարք Ֆնտղեանի եւ Տէրվիշեանի:

Ն. Վսեմութիւնը Տիար Տէրվիշեանի մասին արելցուց, թէ ասկէ առաջ Միջազգետքէն երկու հեռագիրներ եկած էին, որոնցմէ մին՝ Պաղտատի Առաջնորդ Գեր. Մուշեղ Արքեպիսկոպոսի կողմէ՝ կը յայտնէր, թէ Տիար Տէրվիշեանն է պատգամաւոր ընտրուած: Ուրիշ մը՝ Գեր. Վահրամ Վրդ.ի կողմէ՝ թէ Բրոֆ. Խաչատրեանն է ընտրուած նոյն պաշտօնին:

Այս մասին վիճաբանութենէ մը ետք ընդունուեցաւ Տիար Զօպանեանի առաջարկը՝ որ է թէ՛ Բրոֆ. Խաչատրեանը եւ թէ՛ Տիար Տէրվիշեանը նկատել ժողովի անդամ, նկատի առնելով Միջազգետքի հայերուն թիւը եւ ընտրեալ պատգամաւորներու անձնական արժանիքները:

**2. ՇԻՔԱԿՈՅԻ ՀԱՅ ՍՈՑ.-ԴԵՄՈՒԿՐԱՏՆԵՐՈՒ ԲՈՂՈՔԸ  
ԱՄԵՐԻԿԱՀԱՅ ՊԱՏՊԱՆՈՒԹԵՐՈՒ ԸՆՏՐՈՒԹԵԱՆ ԴԵՍ**

Կարդացուեցաւ Շիքակոյէ՛ն Սոց.-Դեմոկրատ Հնչակեան Կուսակցութեան կողմէ տրուած բողոքի հեռագիր մը, Ամերիկայի մէջ կատարուած Հանազունարի անդամոց ընտրութեան դէմ, ըսելով որ ժողովուրդի հարիւրին ութսունը եւ Սոց.-Դեմոկրատ Հնչակեան Կուսակցութիւնը չեն մասնակցած անոր:

Ազգ. Պատուիրակութեան Նախագահ Վսեմ. Պօղոս Փաշա Նուպար կարդաց հեռագիր մը՝ Ամերիկայի Ազգ. Միութեան Նախագահ Տիար Սվազլըի կողմէ, որ կը յայտնէր, թէ անվիճելիօրէն ընտրուած են Տիարք Համբարձումեան, Մաթիկեան եւ Միքայէլեան: Ն. Վսեմութիւնը կարդաց նաեւ ուրիշ հեռագիր մը այս վերջիններէն, որով կը պահանջէին թոյլ չտալ նիստերուն ներկայ գտնուելու՝ առժամեայ հանգամանքով նշանակուած պատուիրակներուն:

Տիար Աղաթօն Պէյ, իբր մին անոնցմէ, ուզեց հրաժարիլ:

Տիար Նելուզ այդ հեռագիրը անփափկանկատ գտաւ առժամեայ պատուիրակներուն հանդէպ:

Տիար Բարսեղեան դիտել տուաւ, որ Հնչակեանները կրնան գոհացուած նկատուիլ, քանի որ ճիշդ այն նկատումով, թէ անոնք ոչ մէկ պատգամաւոր չունին Համագումարին մէջ, իրենցմէ մէկը առնուած է Փարիզէն իբր այդ:

Տիար Տամատեան ըսաւ, որ պէտք չէ նկատի առնել Ս. Դ. Հնչակեաններու հեռագիրը, որովհետեւ Ազգ. Պատուիրակութիւնը կուսակցութեանց չէ, որ հրահանգ տուած էր ընտրութիւնները ընելու, այլ՝ Ամերիկայի Ազգ. Միութեան, որուն դէմ այդ կուսակցութիւնը «այոքօք» է ըրեր. իսկ միւս կուսակցութիւնները համաձայնած եւ մասնակցած են ընտրութիւններուն: Տիար Տամատեան յարեց. «Մենք կը սպասենք պատգամաւորներուն, եւ մինչեւ այդ՝ առժամեայ պատուիրակները կը մնան. ու երբ հասնին՝ կը քննենք իրենց պաշտօնական թուղթերը, ինչպէս կատարուեցաւ միւս պատգամաւորներուն համար»:

Այսպիսով խնդիրը փակուած նկատուեցաւ:

### **3. ՀՐԱԺԱՐԱՎԱՆ ՏԻԱՐ ՏԵՐ-ՍՏԵՓԱՆԵԱՆԻ՝ ԴԻՒՍԻ ԱՆԴԱՄԱԿՑՈՒԹԵՆԷ**

Կարդացուեցաւ Տիար Տեր-Ստեփանեանի՝ Դիւանի անդամակցութենէն հրաժարման գիրը, պատճառաբանեալ:

Այս հրաժարագրին նկատառումը յետաձգուեցաւ յառաջիկայ նիստին:

### **4. ԱՈՍՋԱՐԿՈՒԹԻՒՆ ՏԻԱՐ ԶՕՊԱՆԵԱՆԻ՝ ՀԱՄԱԳՈՒՄԱՐԻՆ ԱՆԴԱՄՆԵՐ ԱՔԵԼՑՆԵԼՈՒ ՄԱՍԻՆ**

Կարդացուեցաւ Տիար Զօպանեանի մէկ նամակը, որով կ'առաջարկէր խորհրդակցական ձայնով Համագումարի անդամ նշանակել Փարիզ գտնուող գրագետ Տիկին Ջապէլ Եսայեանը, Պաքուի «Արեւ»-ի խմբագիր Տիար Սիմոն Յակոբեանը, Գեր. Պալաքեան Վարդապետը եւ Ռուսական Տումայի նախորդ անդամ Տիար Աճեմօֆը, որոնք բոլորն ալ մարտիրոսագրուած եւ պայքարած ժողովուրդին ծոցէն զալերնուն կրնան մեծապէս օգտակար ըլլալ, ինչպէս նաեւ բանասէր Տիար Պասաճեանը:

Այս մասին թեր ու դէմ կարծեաց փոխանակութիւններ վերջ՝ մերժուեցաւ սոյն առաջարկը, նկատելով որ երբ ժողովը բացառապէս որոշում մը տուած է մէկ քանի անձերու համար, արդէն այն ժամանակ թիւը սահմանափակած է, եւ թէ ասկէ զատ նոր առաջարկուած պատգամաւորներու խորհրդակցական ձայն տալը աստիճանաւորութիւն մը դնել պիտի ըլլար պատգամաւորներու կարողութեանց միջեւ, ինչ որ վիրաւորիչ պիտի ըլլար անոնց համար:

## **ՕՐԱԿԱՐԳ**

### **1. ՆԵՐՊԱՂՈՒ, ՅԱՆՑԱՒՈՐՆԵՐՈՒ ԵՒ ԻՍԼԱՄԱՑԱԾ ՀԱՅԵՐՈՒ ԽՆԴԻՐԸ**

Ժողովը օրակարգի անցընելու նկատողութեան առաւ Տիարը Թերզիպաշեանի եւ Փափագեանի կողմէ գրուած եւ ներգաղթի, յանցաւորներու պատժուելուն ու իսլամացած հայերու վերաբերող նամակը, որ կարդացուած էր նախորդ նիստին:

Տիար Հինդլեան. Ինչպէ՞ս կարելի է այստեղ քննել խնդիր մը, երբ չենք գիտեր, թէ Պատուիրակութիւնը ի՞նչ ըրած է մինչեւ հիմա այդ խնդրին համար եւ կամ ի՞նչ տեսակէտ, ի՞նչ մտածումներ ունի անոր մասին: Պէտք է յարգենք Պատուիրակութեան իրաւունքները եւ սպասենք անոր բացատրութիւններուն, զիտնալու համար թէ ի՞նչ

ըրած է ցարդ, կամ եթէ բան մը չէ ըրած՝ ի՞նչ կը խորհի ընել այդ մասին: Անկէ յետոյ է, որ մենք պիտի քննենք եւ որոշման գանք այդ խնդրին նկատմամբ:

Տիար Փափագեան - Այդ թուղթը գրուած է Մարտ 3-ին եւ խնդիրներ կան անոր մէջ, որոնք վերջնական լուծում պիտի ստանան Խաղաղութեան Վեհաժողովին յատուկ քումիսիոնին կողմէ՝ ամսոյս 7-ին կամ 8-ին: Արդ, եթէ յետաձգելով այս խնդիրները չկարողանանք բան մը ընել, այս ժողովին վրայ ծանր պատասխանատուութիւն կ'իյնայ:

Տիար Տամատեան. Քանի որ այս խնդիրներէն ոմանք անմիջական հանգամանք ունին, կ'առաջարկեն, որ այս նամակը գրողները ներկայանան Պատուիրակութեան, անմիջապէս պատրաստեն խնդիրը եւ դիմումներ կատարեն. բայց միեւնոյն ժամանակ այս ժողովը զբաղի անով: Արդէն ես ալ շատ ընելիքներ ունիմ՝ այս ուղղութեամբ Իտալիա կատարուած մեծ աշխատանքներու մասին:

Տիար Սայեան. Շատ լաւ կը հասկնամ Տիարը Փափագեանի եւ Թերզիպաշեանի յարուցած խնդիրներուն անմիջական կարեւորութիւնը. բայց անոնք սերտօրէն կապուած են ուրիշ խնդիրներու հետ, առանց որոնց լուծման կարելի չէ գործի սկսիլ: Դուք ալ կը խօսիք ներգաղթի, ցանքի, եւ այլն մասին: Բայց ինչպէ՞ս կարելի է այս բոլորը ընել, երբ հող չկայ, երբ դեռ երկիրը գրաւուած չէ: Այսպիսով՝ մենք կը վերադառնանք լուծելու նախ կարգ մը ուրիշ խնդիրներ, որոնք սերտօրէն կապուած են իրարու:

Տիար Փափագեան. Մեր ամենէն կարեւոր խնդիրներէն մէկն ալ հատուցման խնդիրն էր, որ բարեբախտաբար պատրաստ ըլլալով՝ հազիւ կարելի եղաւ հասցնել եւ մէկ քանի օրէն պիտի քննուի: Հիմա ուրիշ շատ կարեւոր խնդիր մըն ալ կայ, որուն նկատառումը նոյնպէս քանի մը օր յետոյ կրնայ շատ ուշ ըլլալ. այդ ալ՝ յանցաւորները պատժելու խնդիրն է: Մենք Պոլսէն անցնելու ժամանակ տեսանք, թէ ի՞նչ կերպով կը կատարուին այդ յանցաւորներու վերաբերեալ դատերը: Դատական ատեանները ամբողջ թիւքերէ կազմուած են եւ մանրամասն փաստերով, ձեւականութիւններով կը ձգձգեն դատավարութիւնը, միջոց տալով չարագործներուն փախչելու կամ պահուիլու: Դաշնակիցները, անտեղեակ ըլլալով իսկական դրութեան, իրենք ալ ընդունած են այդպիսի մանրամասն եւ փաստական արարողութիւններ կատարելու դրութիւնը՝ ոճրագործ մը դատապարտելու համար: Երբ չէ, վերջերս դաւադրական ժողովի մը մէջ 30 հոգի ձերբակալուեցան, բայց չենք գիտեր, թէ ի՞նչ եղած են եւ ի՞նչ որոշում տրուեցաւ իրենց մասին: Հայկական իշխանութիւնները ձեռքբերում եկածը կ'ընեն, կը հետապնդեն զանոնք, հասցնեն կը տեղեկացնեն դատարանին, եւ այլն: Բայց ո՛չ մէկ դրական արդիւնք: Ես այս խնդիրը չափազանց կարեւոր կը նկատեմ, որովհետեւ ասիկա ունի նաեւ քաղաքական նշանակութիւն: Այսպէս՝ երբ սկիզբները Դաշնակիցները մտած են Պոլիս եւ լուր տարածուած է, որ յանցաւորները պիտի պատժուին, սարսափը տիրած է ամէն կողմ եւ շատ մը թիւքեր շտապած են վերադարձնել իսլամացած կիներ, երեխաներ, եւ այլն: Բայց հետզհետէ, տեսնելով Դաշնակիցներուն ալ դանդաղ եւ ձգձգող մեթոտը, աւելի երես առած են, ոճրագործները փախած են եւ այժմ միջոց չկայ իսլամացած հայերը ետ առնելու:

Առաջարկներս են, որ նախ Պատուիրակութիւնը տեղեկագիր մը պատրաստէ եւ ներկայացնէ Խաղաղութեան Վեհաժողովին յատուկ քումիսիոնին: Յանցաւորները երեքի կը բաժնուին. Ա. Իթքիհատ վէ Թերագզը կուսակցութիւնը, որ յղացաւ եղեւնը: Բ. Պաշտօնեանները, որոնք կազմակերպած ու վարած են ջարդերը: Գ. Ժողովուրդը, որ գործադրած է: Մենք այս բոլորի մասին ահագին փաստեր ունինք:

Այդ գիրին մէջ, գոր Պատուիրակութիւնը պէտք է ներկայացնէ, անհրաժեշտ է խստօրէն քննադատել Դաշնակիցներու ներկայ դատելու եղանակը: Այլապէս՝ եթէ այս բոլորը չկատարուին եւ այս ձեւով շարունակուի, մենք կը մնանք չափազանց դժուարին եւ վտանգաւոր դրութեան մէջ, Դաշնակիցներուն վարկը բոլորովին կ'իյնայ,

անկարելի կըլլայ հաստատել կարգ, կանոն, հեղինակութիւն, եւ այսպիսով անհնարին կը դառնայ նաեւ ներգաղթի, ցանքի բոլոր ծրագիրներուն իրագործումը:

Իսկ գալով իսլամացածներու խնդրին, այն պիտի ըսեն, որ այդ իսլամացածները որոնք կորիզը պիտի ըլլային ապագայ Յայաստանին, մօտ 200.000 կին, երեխայ, եւ այլն, են ամէնէն առողջները, գեղեցիկները եւ լաւագոյն տարրը ցեղին: Անոնց համար Պոլիս դիմումներ կ'ըլլան, բայց արդիւնքը ոչինչ է, կամ շատ քիչ. ատոնք կիսամիջոցներ են. նշանակութիւն չունին նաեւ Դաշնակիցներուն այս մասին ըրածները որոնք անպաշտօն գոյն ունին եւ պատահական են: Եւ խնդիրը այն աստիճանին հասաւ, որ կառավարութիւնը յայտարարեց, թէ բռնի իսլամացածները կրնային վերադառնալ, իբր թէ կամովին իսլամացածներ ալ եղած ըլլային: Իսկ որբերուն համար ըստած էր, թէ ազգականները միայն իրաւունք ունին երթալ թրքական որբանոցներուն մէջ փնտրել իրենց փոքրիկները, ազգականներ՝ որոնք գոյութիւն չունին: Ուրիշ շատ կարելորդ եւ բարդ խնդիր մը եւս կայ. ի՞նչ պէտք է ընել թիւրքերէ ծնած երեխաները: Այս բոլորը կ'ըսեն, որպէսզի Պատուիրակութիւնը իմանայ. բայց դժբախտաբար Պատուիրակութեան անդամները դուրս ելան մէկիկ-մէկիկ: Ճիշդ է, պատահած է, որ կիներ վերադառնան թիւրքերու որջերէն, բայց անոնք եկեղեցիներուն բակերը կամ փողոցներուն մէջ այնպիսի թշուառ վիճակի ենթարկուեցան, որ հարկադրուած վերադարձան նորէն իրենց նախկին տեղերը, ուրկէ ալ չպիտի գան: Այնտեղի մարմինները յանցաւոր չեն, որովհետեւ ահագին դրամ հարկաւոր է այս բոլորին համար. պէտք է անմիջապէս մեզի տրուելիք հատուցումէն մաս մը փոխ առնենք եւ դրկենք:

Ուրիշ կարելորդ խնդիր մըն ալ ներգաղթի խնդիրն է, որ առանց երկրին զինուորական գրաւման չի կրնար տեղի ունենալ: Պէտք է աշխատինք, անկախաբար մեր խնդրին լուծումէն, անմիջապէս ապահովութեան ոյժեր ներմուծել տալ երկիր. այլապէս՝ շատ ծանր դրութիւն կրնայ սպասել մեզի. Գերմանիոյ մէջ ծագած յեղափոխութիւնը կրնայ տարածուիլ. այն ժամանակ՝ թիւրքերը, առիթը նորէն եկած համարելով, անգամ մը եւս կը կատարեն իրենց գործը: Մինչեւ հիմա գաւառը ի՞նչ կը կատարուի՝ չենք գիտեր: Քոնթրոլ ընել անհնարին է, եւ ջարդի սպառնալիքը միշտ ներկայ է, որով բռնի իսլամացածները չեն վերադառնար՝ կրկին ջարդի չենթարկուելու համար: Եւ եթէ այս դրութիւնը երկարի՝ մեզի համար կորստաբեր է: Իթքիհատի ներկայ կառավարութիւնը, որովհետեւ ասոնք ո՛չ մէկ տարբերութիւն չունին միւսներէն, կրնայ ներգաղթ ընել տալ թիւրքերէ եւ յետոյ մեզի տեղ չի մնար երթալու: Պէտք է Պատուիրակութիւնը տեսնուի նախագահ Ուիլսոնի հետ, որպէսզի անմիջական կտրուկ միջոցներ ձեռք առնուին:

Այս գեկուցումէն յետոյ, որ ժողովին վրայ խոր տպաւորութիւն ըրաւ, այն մտքերը յայտնուեցան, թէ պէտք է, որ Յամագումարը քննէ եւ «տիրեթքի» տայ Պատուիրակութեան՝ Տիար Փափագեանի յարուցած այս խնդիրներուն մասին: Բայց անոնցմէ մէկին՝ յանցաւորները պատժելու խնդրին համար, քանի որ կ'ըսուի, թէ ամսոյս 8-էն վերջ այլեւս նոր գիրեր չպիտի ընդունուին, որոշուեցաւ, որ առաջարկութիւնը ընողները այս մէկ-երկու օրուան մէջ Պատուիրակութեան հետ պատրաստեն իրենց ունեցած փաստերով «մեմորանտում» մը եւ հասցնեն Վեհաժողովին յատուկ քոմիսիոնին:

Տիար Չօպանեան. Յանցաւորները պատժել տալու խնդիրը այնքան իմ սրտիս մօտիկ եղած է, որ երբ իմացայ, թէ Պ. Բոլիթիս կը գտնուի այդ խնդիրը քննող յատուկ քոմիսիոնին մէջ, իմ ունեցած միջոցներովս փոքրիկ «մեմորանտում» մը պատրաստած եւ դրկած եմ իրեն: Անոր մէջ շեշտած եմ, թէ ամբողջ թիւրք ժողովուրդը յանցաւոր է եւ պատասխանատու եղած կոտորածներուն, որոնց համար պէտք է պատժուի decheance politique-ով: Ես ալ կը պնդեմ, որ Տիարը Փափագեանի եւ Թերզիպաշեանի փաստերուն վրայ հիմնուելով, Պատուիրակութիւնը հարկ եղած անմիջական ձեռնարկը ընէ այս խնդրին նկատմամբ:

Նիստը փակուեցաւ ժամը 8 1/2-ին:

Նախագահ

ՀԱՍ, ֆ. 430, ց. 1, գ. 18, թթ. 45-48 շրջ.: Ձեռագիր: Բնագիր:

Նիստ 12-րդ

8 մարտի 1919թ.

**ԱՏԵՆԱԿԱՆ ԳՈՐԾՈՂՈՒԹԻՒՆ**

**1. ՕՐԱԿԱՐԳ ԱԶԳ. ՀԱՄԱԳՈՒՄԱՐԻ**

Կարդացուեցաւ Տիար Հանըմեանի մէկ նամակը, որով կ'ուզէր գիտնալ, թէ ժողովս արդեօք ունի՞ իր ամբողջական գործունեութեան օրակարգը, եւ եթէ ո՛չ կարելի չէ՞, որ անկախ այլեւս կազմուի, հիմա որ Իրաւասութեան եւ Ծրագրի Յանձնաժողովին ծրագիրը յայտնի եղած է:

Նախագահ Վսեմ. Տիար Գ. Նորատունկեան յայտնեց, թէ իւրաքանչիւր նիստի փակման պահուն յաջորդ նիստին օրակարգը կը ծանուցուի արդէն: Գալով Համագումարի ընդհանուր աշխատութեանց՝ օրակարգին՝ ընդունուած ծրագիրը ուրիշ բան չէ արդէն, բայց եթէ պահանջուած օրակարգը, որուն մէկ մասը ի ձեռքն ըլլալով, մնացեալ մասը կը մնայ գործադրելի:

**2. ՄԻՋՂԵՊ ՏԻԱՐ ՏԵՐ-ԱՏԵՓԱՆԵԱՆԻ ՀՐԱԺԱՐԱԿԱՆ ԸՈՒՂ**

Նախագահ Վսեմ. Տիար Գ. Նորատունկեան հետեւեալ յայտարարութիւնը ըրաւ Տիար Տեր-Ստեփանեանի հրաժարականին նկատմամբ.

Վսեմ. Տիար Գ. Նորատունկեան. Այսօր Պատուիրակութեան Նախագահը տեսայ. կը թուի, թէ վերջին նիստին պատգամաւոր Տիար Տեր-Ստեփանեանի հրաժարականի նամակէն նեղացած, չուզէր ժողովին ներկայ գտնուիլ: Ես աշխատեցայ զինքը համոզելու, որ գայ: Կը կարծեմ, թէ պէտք է կարգադրել այս խնդիրը: Ըստ իս՝ լաւագոյն ձեւէն է երկու անդամակից դրկել մեր մէջէն, որ բացատրեն խնդիրը եւ հասկցնեն, որ եղածը թիւրիմացութիւն մըն է:

Տիար Սայեան. ժողովս Պօղոս Փաշայի հանդէպ ո՛չ մէկ անպատշաճ դիրքի մէջ չէ գտնուած. հետեւաբար, հարկ չկայ ժողովին կողմէ երկու պատգամաւոր դրկել: Թող Դիւանը երթայ եւ բացատրէ խնդիրը:

Այս մասին խօսեցան նաեւ Տիարը Թեքեան եւ Հինդլեան: Ի վերջոյ՝ որոշուեցաւ պաշտօն յանձնել ղեր-Նախագահ Տիար Տեր-Յակոբեանի եւ Տիար Տեր-Տերպետեանի, որ Պատուիրակութեան Նախագահին երթալով հարթեն թիւրիմացութիւնը:

Տիար Ներուզ. Կ'առաջարկեմ Վսեմ. Պօղոս Փաշայի բացակայութեան քննել Տիար Տեր-Ստեփանեանի ատենադպրութենէ հրաժարելու հարցը:

Տիար Տեր-Ստեփանեան. Այդ նամակը գրած պահուս երբեք չի ենթադրած, որ կրնար ժողովին համար կնճռտութիւններ ստեղծել. պարզապէս գրած էի՝ հրաժարման պատճառաբանութիւնները յայտնելու համար: Քանի որ խնդիրը այս կերպարանքը առաւ, ետ կ'առնեն նամակս, ի սէր ազգային շահերուն, եւ կը ներկայացնեն պարզ հրաժարական մը:

Այս յայտարարութեան վրայ՝ ժողովը ցաւով ընդունեց Տիար Տեր-Ստեփանեանի՝ ատենադպրութեան պաշտօնէն հրաժարականը:



### 3. ՀԱՅԿԱԿԱՆ ԼԵԳԻՈՆԻ ՀԱՐՑԸ

Նիստին փակման միջոցին Տիար Ներուզ կարդաց Հայկական Լեգիոնի մասին ստացած մէկ ծանրակշիռ նամակը:

Տիար Հինդլեանի առաջարկութեան վրայ՝ ժողովը որոշեց յաջորդ նիստին օրակարգին անցընել այդ հարցը:

#### ՕՐԱԿԱՐԳ

##### 1. ՆՊԱՏԱԿ ԵՒ ԶԵՆՆԱՍՈՒԹԻՒՆ ԱԶԳ. ՀԱՄԱԳՈՒՄԱՐԻ

Ազգ. Համագումարի Իրաւասութեան, Ծրագրի, Անունի եւ Բացման Յանձնաժողովին կողմէ խօսք առաւ տեղեկաբեր Տիար Հինդլեան եւ ծայնեց, թէ Յանձնաժողովը մինչեւ հիմա ունեցած է չորս նիստ, որոնց ներկայ գտնուած են Վսեմ. Պօղոս Փաշա Նուպար, Տիար Օհանջանեան, եւ վերջին նիստին միայն Տիար Ահարոնեան, որ մէկ քանի դիտողութիւններ ըրած է ժողովին իրաւասութեան խնդրին նկատմամբ եւ նախընտրած է իր դիտողութիւնները ժողովին առջեւ ընել:

Յետոյ՝ տեղեկաբեր Տիար Հինդլեան, Յանձնաժողովին անունով, կարդաց հետեւեալ տեղեկագիրը.

#### ՏԵՂԵԿԱԳԻՐ

##### ԱԶԳ. ՀԱՄԱԳՈՒՄԱՐԻ ԻՐԱՎԱՍՈՒԹԵԱՆ, ԾՐԱԳՐԻ, ՏԵՆՈՂՈՒԹԵԱՆ, ԱՆՈՒՆԻ ԵՒ ԲԱՑՄԱՆ ՅԱՆԶՆԱԺՈՂՈՎԻՆ

Ազգ. Համագումարի Իրաւասութեան, Ծրագրի, Տեւողութեան, Անունի եւ Բացման Յանձնաժողովը,  
նախագահութեամբ

Ամեն. Եղիշէ Արք. Դուրեանի

եւ անդամակցութեամբ

Տիարք՝ Միհրան Տամատեանի

Գարեգին Փաստրնաճեանի

Լեւոն Շանթի

Վահան Փափազեանի

Արշակ Զօպանեանի

Վահան Թէքեանի

Ստեփան Հինդլեանի

լսելէ ետք Ազգ. Պատուիրակութեան Նախագահ

Վսեմ. Պօղոս Փաշա Նուպարը

եւ Հայաստանի Հանրապետութեան ներկայացուցիչ

Տիարք՝ Ա. Ահարոնեանը

Հ. Օհանջանեանը

որոշեց.

#### Ա. ԱՆՈՒՆ ԵՒ ԿԱԶՄ

Հայ Ազգային Համագումարը /Congrès National Arménien/, որ Ազգ. Պատուիրակութեան հրաւերով հաւաքուեցաւ 1919 Փետրուարին՝ Փարիզ, բաղկացած է թրքահայերու, պարսկահայոց եւ գաղութներու ներկայացուցիչներէն եւ կը գործէ

Կովկասի Հայ Հանրապետության Պատուիրակութեան խորհրդակցական նասնակցութեամբ:

#### Բ. ԻՐԱՎԱՍՈՒԹԻՒՆ ԵՒ ԾՐԱԳԻՐ

1. Վաւերացնել Ազգ. Պատուիրակութեան կողմէ պատրաստուած, Համագումարի անդամներու մեծամասնութեան աշխատակցութեամբ ու հաւանութեամբ, Վեհաժողովին ներկայացուած ազգ. պահանջներու յիշատակագիրը:
2. Հաստատել հայ ազգին վնասուց հատուցման հիմերը՝ ներկայացնելու համար Խաղաղութեան Վեհաժողովին:
3. Գծել՝ իրանց նոր կացութեան համաձայն ազգային քաղաքականութեան ընդհանուր ուղեգիծ մը, որ իբր հիմ պիտի ծառայէ նոր կազմուելիք Ազգ. Պատուիրակութեան գործառնութեանց:
4. Վեհափառ Կաթողիկոսէն նշանակուած Ազգ. Պատուիրակութեան մինչեւ այժմ գործունէութեան տեղեկատուութիւնը եւ հրաժարականը լսելէ ետք՝ պիտի ընտրէ իր Պատուիրակութիւնը, բաղկացած 5 անդամներէ, որ պիտի միանայ Կովկասեան Հայ Հանրապետութեան Պատուիրակութեան եւ պիտի կազմէ Միացեալ Հայաստանի Համագոյն Պատուիրակութիւնը:
5. Ընտրել Ելեւնուտքի Յանձնաժողով մը, որ տեղեկանալէ ետք հրաժարեալ Պատուիրակութեան գանձային վիճակին, պիտի պատրաստէ նորընտիր Պատուիրակութեան համար դրամական մօտաւոր նախահաշիւ մը, որոնցով հասոյթի աղբիւրները:
6. Ընտրել յանձնաժողով մը, մշակելու համար Միացեալ Հայաստանի պետական առժամանակեայ վարչական կանոնի նախագիծ /Reglement administratif provisoire/ եւ միացեալ առժամեայ կառավարութեան իրականացման նախագիծը:
7. Որոշել Համագումարի հրապարակային արտայայտութիւնները /հեռագիր, ուղերձ, հանդէս, կոչ, եւ այլն/:

#### Գ. ՏԵՆՈՂՈՒԹԻՒՆ

Համագումարը՝ իր վերեւ նշանակուած օրակարգին գործունէութիւնը վերջացնելէ ետք՝ կը դադրեցնէ իր նիստերը:

Համագումարը Պատուիրակութեան կողմէ վերստին նիստի կը հրաւիրուի անմիջապէս, երբ Խաղաղութեան Վեհաժողովը վճիռը տայ Միացեալ Հայաստանի հարցին:

Այն ժամանակ է, որ Հայաստանի առժամեայ պետական կանոնի եւ միացեալ առժամեայ կառավարութեան մը իրականացման եւ նախագիծի յանձնաժողովը կը բերէ իր ուսումնասիրութեան արդիւնքը եւ Պատուիրակութիւնը կը ներկայացնէ իր գործունէութեան համարատուութիւնը:

Բացի այդ /միջանկեալ կերպով/ Համագումարը նիստի պէտք է հրաւիրուի նաեւ Պատուիրակութեան կողմէ՝ հետեւեալ պարագաներու մէջ.

Ա. Երբ Ազգային Պատուիրակութիւնը իրեն տրուած ուղեգիծէն դուրս ելլելու հարկին մէջ գտնուի:

Բ. Երբ ոեւէ այլ ստիպողական պատճառով հարկ համարէ զայն նիստի հրաւիրել:

9. Ներկայ տեղեկագիրը Հանազումարին բերելու Յանձնաժողովի կողմից տեղեկաբեր նշանակուած է Տիար Ս. Հինդլեան՝ Յանձնաժողովի անդամներէն:

Նախագահ Յանձնաժողովի  
Եղիշէ Արքեպիսկ. Դուրեան

Պատուիրակութեան Նախագահ Վսեմ. Պօղոս Փաշա Նուպար բացակայ ըլլալով, հարց ծագեցաւ, թէ առանց Ն. Վսեմութեան ներկայութեան բանաւոր է քննել եւ վաւերացնել Յանձնաժողովին բերած եզրակացութիւնները:

Ժողովը որոշեց մի առ մի քննել խնդիրները, առանց վերջնականապէս վաւերացնելու, եւ յետագոյն որոշումը յաջորդ նիստին, որուն Պատուիրակութեան Նախագահը ներկայ ըլլայ:

Տիար Տամատեան. Դիտել կու տամ, որ Յանձնաժողովին բերած առաջարկութիւնը կատարուած է նախ այս ժողովին եւ յետոյ Յանձնաժողովին մէջ՝ երկար վիճաբանութիւններէ յետոյ: Հետեւաբար՝ խնդիրը քննելու ատեն պէտք է նկատի ունենալ, թէ փոխադարձ կարծեաց զիջողութիւնը տեղի ունեցած են:

Տիար Սայեան դիտողութիւն ըրաւ տեղեկագիրին մէջ պատգամաւորներու համար գործածուած «ներկայացուցիչ» բառին դէմ:

Տիար Հինդլեան. Այս մասին Յանձնաժողովին մէջ խնդիր եղած չէ. միւս կողմէ՝ այս ժողովին հրաւիրեալ անդամներն ալ ներկայացուցիչներ են որոշ խումբերու, մտաւորականութեան եւ այլնի:

Տիար Շանթ. Արդէն գործածուած բառը «ներկայացուցիչ» է, ոչ թէ «ընտրեալ»:

Տիար Տէր-Ստեփանեան. Ժողովի նիստերուն տեղութեան մասին ըսուած է, թէ ժողովը նոր Պատուիրակութիւնը ընտրելէ, վարչական առժամեայ կազմը եւ Վերաշինութեան Յանձնաժողովը նշանակելէ եւ իր հրապարակային արտայայտութիւնները ընելէ յետոյ պիտի ցրուի, եւ երբ Հայաստանի մասին խաղաղութեան Վեհաժողովին կողմէ եղած կարգադրութիւնը լսուի, նոր Պատուիրակութիւնը նորէն նիստի պիտի հրաւիրէ ժողովը: Ատիկա նիւթապէս անկարելի է, որովհետեւ այս ամենը մէկ-երկու ամսուան մէջ պիտի կատարուի:

Տիար Զօպանեան. Իբր տեղեկութիւն հաղորդեմ, թէ Տիարը Ահարոնեան ու Օհանջանեան փափաքած են, որ այս ժողովը չյետածոգէ իր նիստերը, այլ՝ Պատուիրակութիւնը ընտրելէ անմիջապէս յետոյ ցրուի:

Տիար Հինդլեան. Յանձնաժողովը, իր որոշումներուն առթիւ, նկատի առած է նաեւ Վսեմ. Նուպար Փաշայի տրամադրութիւնները:

Տիար Սայեան. Յանձնաժողովին բերած եզրակացութիւններուն մէջ ըսուած է, որ ժողովը պիտի լսէ հին Պատուիրակութեան տեղեկատուութիւնը եւ հրաժարականը: Ժողովը չպիտի քննադատէ, կամ իր կարծիքը չպիտի՞ յայտնէ՞ Պատուիրակութեան համարատուութիւնէն յետոյ:

Տիար Հինդլեան. Այս ժողովը չէ, որ ընտրած է Ազգ. Պատուիրակութիւնը. հետեւաբար՝ իրաւունք չունի ո՛չ հաշուետուութիւն պահանջելու անկէ, ո՛չ ալ հրաժարական. բայց որովհետեւ կարելի չէ նոր մարմին մը ընտրել, երբ դեռ հինը գոյութիւն ունի, պէտք է առաջարկենք, որ Պատուիրակութիւնը հրաժարած յայտարարուի, որպէսզի կարենանք նորը ընտրել: Իսկ հաշուետուութիւնը միմիայն պիտի լսենք առանց քննադատելու կամ վաւերացնելու, որպէսզի կարենանք անոր վրայ հիմնել նոր Պատուիրակութեան էլեմտացոյցը:

Տիար Տամատեան. Այս այն կէտերէն է, որոն մասին Յանձնաժողովը Պատուիրակութեան հետ համաձայնութեան չէ եկած: Պատուիրակութեան Նախագահը կ'ընդունի Պատուիրակութեան գործունէութեան մասին տեղեկատուութիւն ընել, բայց կ'ուզէ, որ նոր Պատուիրակութիւն ընտրուի դեռ հինը հրաժարական չտուած: Յանձնաժողովս դիտել տուաւ, որ նոր մարմին մը չընտրուի մինչեւ որ հինը ինքզինքը

հրաժարած չայտարարէ: Ն. Վսեմութիւն Փաշան կ'ուզէ, որ նախ ընտրութիւնը կատարուի. եթէ համաձայն ըլլայ՝ իր հրաժարականը կու տայ. իսկ եթէ ոչ՝ չընդունի որը:

Տիար Ներսիս. Կարելորն այն է, թէ նոր Պատուիրակութիւնը քանի հոգիէ բաղկացած պիտի ըլլայ:

Տիար Հինդլեան. Տիար Ահարոնեան եւ Վսեմ. Պօղոս Փաշա համաձայնութիւն կայացուցած են, որ այս ժողովը չորս հոգի ընտրէ: Կովկասի ներկայացուցիչներն ալ երեք հոգի ըլլալով՝ ամբողջութիւնը կ'ըլլայ եօթը: Իսկ Յանձնաժողովս աւելորդ համարեց քննել խնդիր մը, որուն մասին Փաշան ու Տիար Ահարոնեան համաձայնութիւն կայացուցած էին եւ որուն մասին վերջնական որոշում մը տալ կը մնայ ժողովիս:

Տիար Տէր-Ստեփանեան. Եթէ Կովկասեան երեք պատուիրակներուն հետ մենք չորս պիտի ընտրենք եւ Տիար Ահարոնեան ու Փաշան այս մասին համաձայնութեան եկած են, ըսել է, թէ անոնք ընտրած են նաեւ համաձայնութեամբ գործելու սկզբունքը. այն ժամանակ ինչո՞ւ եօթ հոգի չընտրել:

Տիար Շանթ. Տիար Ահարոնեան երեքի դէմ երեք կ'ուզէ. իսկ Պօղոս Նուպար Փաշան երեքի տեղ չորս կը նախընտրէ, յայտնելով որ այս կերպով համաձայնութիւնը աւելի դիւրին է:

Տիար Տամատեան. Տեսակցութեան մը մէջ Պատուիրակութեան նախագահը շեշտեց, թէ հակառակ է չորսէ մէկ հատ իսկ աւելի ընդունելու, եւ ըսաւ, թէ կովկասահայ պատուիրակներն ալ այդ կարծիքին են:

Տիար Սայեան. Մինչեւ հիմա յայտնի չեղաւ, թէ նախ Պատուիրակութիւնը պիտի ընտրենք եւ հրաժարումը յետոյ՞ տեղի պիտի ունենայ, թէ՞ նախ հին Պատուիրակութիւնը ինքզինքը հրաժարած պիտի նկատէ ու յայտարարէ եւ մենք վերջը նորը պիտի ընտրենք: Մեր ժողովը Պատուիրակութեան տեղեկատուութիւնը պիտի արձանագրէ միայն, թէ՞ պիտի քննէ զայն: Մեր ժողովին ընթացքը անբնական է. եթէ ժողովը միայն պիտի արձանագրէ, ըսել է, թէ այս ժողովը երկրորդական դիրք մը ունի, որուն տեղեկութիւն կը տրուի միայն. ըսել է, թէ Պատուիրակութիւնը կարեւորութիւն չտար ժողովին. եւ կամ հակառակն է, որ տեղի կ'ունենայ, այսինքն՝ ժողովը կարեւորութիւն չտար Պատուիրակութեան մինչեւ հիմա ունեցած գործունէութեան: Պէտք է, որ Պատուիրակութեան Նախագահը իր հաշուետուութիւնը ընէ հոս, մենք մեր տրամադրութիւնը յայտնենք եւ քննադատենք, եւ յետոյ հրաժարի: Կովկասի Պատուիրակութիւնն ալ «վէթօ» պիտի դնէ, թէ չորս անձէն աւելի չպիտի ընտրենք: Կ'առաջարկեն համոզել զիրենք, որ աւելի թիւով պատգամաւորներ ընտրուին նոր Պատուիրակութեան մէջ:

Տիար Փափագեան. Եիշդ է՝ այս ձեւի հրաժարականը աննորմալ է, բայց նկատի առէք, որ իրականութիւնը ինքն ալ արդէն աննորմալ է, իսկ Յանձնաժողովն այդ կարգադրութիւնը ըրաւ՝ այս աննորմալ վիճակէն դուրս ելլելու համար: Պատուիրակութեան առաջարկը՝ հինը չհրաժարած նորը ընտրել՝ իրեն համար արդէն վարկաբեկիչ է: Կը կարծեն, թէ կովկասեան ներկայացուցիչները պէտք է համոզուին, որ թրքահայերը աւելի ներկայացուցիչ ունենալու իրաւունք ունին, քանի որ այս ընդհանուր թրքահայաստանի հարցն է, որ պիտի վճռուի, բայց ի հարկէ միշտ ընդունելով որոշումները համաձայնութեամբ անցընելու սկզբունքը: Իսկ ես կը կարծեմ, թէ չորսը արդէն բաւական է, քանի որ դժուար է մեզի համար գտնել մեծ թիւով անձնաւորութիւններ, որոնք կատարելագործուած Պատուիրակութեան մը պայմանները լրացնեն: Յետոյ շատ մարդով համաձայնութիւնը աւելի դժուար է:

Տիար Ներսիս. Եթէ համոզենք Պատուիրակութեան Նախագահը՝ թերեւս համարատուութիւն ընէ: Բայց քանի որ տեղեկատուութիւն մըն է, որ պիտի ընէ, քննել, եւ այլն աւելորդ է: Մենք պարզապէս կը լսենք եւ կ'անցնինք, առանց շնորհակալութիւն

իսկ յայտնելու: Աւելի լաւ է, որ մենք այսօր իսկ վերջացնենք այս հարցը, որպէսզի անհիկա նորէն Փաշային առջեւ չկրկնուի:

Տիար Տէր-Ստեփանեան. Այստեղ երկու իշխանութիւն կայ, մէկը՝ այս ժողովը եւ միւսը՝ Կաթողիկոսը: Արդ, քանի որ այս երկու հեղինակութեանց միջեւ ո՛չ մէկ բաղխում կամ խնդիր տեղի չէ ունեցած, Կաթողիկոսին վեհապետական իրաւունքները կանցնին այս ժողովին, եւ այս պարագային ժողովը իրաւունք կ'ունենայ համարատուութիւն պահանջելու ու քննելու:

Տիար Ֆնտզեան. Ես համաձայն եմ, որ Պատուիրակութեանց անդամոց թիւը աւելի մեծ ըլլայ, որովհետեւ այնպիսի կարեւոր խնդիրներ պիտի լուծուին, որ բազմաթիւ միտքերու գոյութիւնը չափազանց օգտակար է: Արդէն մեծ անհամաձայնութիւն չի կրնար ծագիլ անոնց մէջ, քանի որ այս ժողովը նոր Պատուիրակութեան որոշ «տիրէքքիւ»-ներ պիտի տայ, որոնց համեմատ ան պիտի գործէ: Պէտք է նկատի առնել նաեւ հիւանդութեան պարագան, որուն համար եւս անհրաժեշտ է աւելցնել անդամներուն թիւը: Ես կը կարծեմ նաեւ, որ թրքահայերը աւելի շատ պատգամաւոր տալու իրաւունք ունին, բնակչութեան թիւի տեսակետէն, քանի որ կ'ըսենք, թէ մեռածներն ալ պիտի հաշուենք: Յետոյ՝ երկրի տարածութեան տեսակետով ալ նոյն եզրակացութեան կու գանք, քանի որ Ռուսահայաստանը Թրքահայաստանին մէկ քառորդն է միայն:

Տիար Զինդեան. Մեծ սխալ մը կ'ըլլայ այստեղ: Պատուիրակութիւնը, զոր պիտի ընտրենք, պիտի ըլլայ համազգային Պատուիրակութիւնը Միացեալ Զայաստանին, եւ անոր մէջ՝ կովկասեան երեք պատուիրակներն ալ պիտի զբաղին, միւսներուն հետ եւ միւսներուն հաւասար, Միացեալ Զայաստանի խնդրով: Զետեաքար՝ թիւի, Թրքահայաստանի, Ռուսահայաստանի, Պարսկահայաստանի հարկ չկայ, երբ համաձայն են: Երբ իրենք կը համաձայնին մեզմէ չորս ընդունիլ, մենք լիովին պէտք է զոհանանք: Մենք «Ֆետերաթիւ» Պատուիրակութիւն չէ, որ կ'ուզենք, այլ՝ Միացեալ Զայաստանի Զամազգային Պատուիրակութիւն:

Տիար Օհանջանեան. Ես կը գտնեմ, որ երկրի, բնակչութեան թիւի մեծութեան տեսակետը պատճառ չէ աւելի շատ ներկայացուցիչ ունենալու, ո՛չ ալ յարմար է այդ կարգի տեսակետներ Միացեալ Զայաստանի խնդրին մէջ մտցնել: Բայց քանի որ դուք կ'ուզէք շատ ներկայացուցիչ ունենալ, կարելի է այսպէս ընել. ընտրեցէք որքան որ կ'ուզէք, բայց անոնք թող ընտրեն իրենց մէջէն երեք հոգի, որ կովկասեան պատուիրակներուն հետ քուէարկեն եւ կարենան անոնց հետ ձուլուիլ: Այսպէս կը կատարուի ամէն տեղ: Բուն գործող անդամներէն զատ բազմաթիւ ուրիշներ կրնան ըլլալ օգնելու, խորհրդակցութեան, եւ այլնի համար: Գալով Պարսկաստանի կողմէ եւս Պատուիրակութիւն մը առաջարկելուն, կարծեմ թէ այս խնդիրը աւելորդ է:

Տիար Մասեհեան համ. Պարսկահայաստանի կողմէ առանձին պատուիրակութիւն ունենալու մասին երբեք խնդիր չեմ յարուցած ես: Ես ալ աւելորդ կը նկատեմ այդ տեսակ խնդիր մը, եւ լիովին համաձայն եմ այն յայտարարութեանց, զորս պահ մը առաջ ըրաւ Զայ Զանրապետութեան ներկայացուցիչներէն Տոթք. Օհանջանեան՝ այդ խնդրին նկատմամբ:

Տիար Տամատեան. Պատուիրակութիւնը, եթէ պէտք ունենայ, մեր ընտրած չորս անդամներէն զատ կրնայ ուրիշ «քոմբեթանա»-ներու օգնութեան դիմել: Ասիկա իր գործն է: Բայց ես կը պնդեմ, որ մենք՝ երեք անդամի տեղ անպատճառ չորս անդամ ընտրենք, ո՛չ թէ անոր համար, որ մէկ ներկայացուցիչ աւելի ունենանք Կովկասեան Զանրապետութեան ներկայացուցիչներուն վրայ, այլ անոր համար, որ նոյնիսկ չորս անդամ ընտրելով, հազիւ պիտի կրնանք մեր գլխաւոր «քոմբեթանա»-ները տալ եւ արտայայտել մեր իսկական բաղձանքները:

Տիար Բէլէկեան համ. Ես կ'առաջարկեմ չորս հոգի ընտրել եւ այս ժողովին միւս բոլոր անդամները իբրեւ խորհրդական նկատել Պատուիրակութեան:

Տիար Շանթ. Արդեօք կարելի չէ՞ Պատուիրակութեան տալիք հաշուետուութիւնը տպագրել, որպէսզի բոլոր փափաքողները կարենան տեղեկանալ իր գործունէութեան:

Նախագահ Վսեմ. Տիար Գ. Նորատունկեան դիտել տուաւ, թէ այդպիսի որոշում մը չկայ:

Նիստը փակուեցաւ ժամը 8 1/2-ին:

Նախագահ

ՀԱԱ, ֆ. 430, ց. 1, գ. 18, թթ. 49-54: Չեռագիր: Բնագիր:

Նիստ 13-րդ

9 մարտի 1919թ.

ԱՏԵՆԱԿԱՆ ԳՈՐԾՈՂՈՒԹԻՒՆԷ

### 1. ԱՆԳԼԻԱՅԻ ՊԵՏԱԿԱՆ ՄԱՐԴԻԿ ԵՒ ՀԱՅԿԱԿԱՆ ՀԱՐՑԸ

Նախապէս՝ Տիար Ֆնտզեան հրաւիրուեցաւ ժողովին ծանօթացնելու Լոնտոնի կարգ մը պետական անձնաւորութեանց խորհրդածութիւնները՝ Հայկական Հարցին նկատմամբ:

### 2. ԱՍԲՈՂՋԱՑՈՒՄ ԴԻՒՆՆԻ

Տիար Տոթք. Տէր-Ստեփանեանի հրաժարականին ընդունելութեան հետեւանքով, ատենադարի ընդունելութիւն տեղի ունեցաւ եւ 23-ի վրայ 12 ձայնով ընտրուեցաւ

Տիար Գառնիկ Ֆնտզեան:

### 3. ՀԱԼԷՊԻ ԶԱՐԴԸ

Նախագահ Վսեմ. Տիար Գ. Նորատունկեան հաղորդեց տխուր լուր մը, որուն համեմատ՝ անգլիացիները կամ ֆրանսացիները պաշտպանելու վեճի մը առթիւ Հալէպի քրիստոնէայ եւ արաբ բնակչութեանց միջեւ կռիւ տեղի կ'ունենայ, որուն հետեւանքով 50 հայ կը սպաննուին: Ն. Վսեմութիւնը աւելցուց, որ Էմիր Ֆայսալ մմանօրինակ հեռագիրներ ստացած է, որոնց պատասխանած է՝ հրամայելով վերջ տալ քրիստոնէից եւ իսլամներու միջեւ եղած վեճին եւ դատարանի միջոցաւ խստիւ պատժել յանցաւորները:

### ՕՐԱԿԱՐԳ

### 1. ՀԱՅԿԱԿԱՆ ԼԵԳԵՆՆԻ ՀԱՐՑԸ

Ժողովին նախորդ նիստին որոշման համեմատ, օրակարգի առաջին խնդիր պիտի ըլլար Տիար Ներսիսի կողմէ տեղեկատուութիւն մը՝ Հայկական Լեգեճին խնդրին նկատմամբ:

Տիար Ներսիսի այդ մասին Դիւանին յանձնած էր հետեւեալ գրաւոր զեկուցումը, որ կարդացուեցաւ.

ԶԵԿՈՒՑՈՒՄ ՏԻԱՐ ՆԵՐՍԻՍԻԻՉԻ՝  
ՀԱՅԿԱԿԱՆ ԼԵԳԵՆՆԻ ՀԱՐՑԻՆ ՆԿԱՏԱՍՐ

Վերջերս ստացուած տեղեկութիւններն ու նամակները՝ ուղղուած Ազգային Պատուիրակութեան եւ կամ անոր միջոցաւ՝ Ազգային Համագումարին, կիլիկեան հայ կամաւորական խումբերու եւ կամ Հայկական Լեզեոնի դրութիւնը կը ներկայացնեն բաւականաչափ ծանրակշիռ եւ անմիջական կարգադրութեան սպասող:

Յանձնախումբս, ծանօթանալով բոլոր գրութիւններուն, Հայկական Լեզեոնի պահանջներուն եւ եղած առաջարկներուն, եկաւ հետեւեալ եզրակացութեանց.

1. Նկատելով, որ կիլիկեան կամաւորական շարժումով մենք դեռեւս կապուած ենք ֆրանսական կառավարութեան հետ.
2. Որ առանց ֆրանսական կառավարութեան դիմելու, ներկայ քաղաքական պայմաններուն մէջ աննպատակայարմար է ռեւէ կարգադրութիւն ընել.
3. Որ հայ կամաւորներու ներկայութիւնը պէտք է նաեւ մեր ժողովուրդին եւ մեր երկրին ապահովութեան տեսակէտէն.
4. Որ կամաւորական շարժման սկզբնական օրերէն իսկ հասկացողութիւն ունինք ֆրանսական կառավարութեան հետ, թէ այդ խումբերը կորիզ պիտի հանդիսանան ապագայ հայկական բանակին.
5. Որ մենք արդէն որոշ համաձայնութիւն ունինք, թէ կամաւորները պիտի մնան մինչեւ պատերազմի վերջաւորութիւնը /խաղաղութեան պայմանագրի ստորագրում/.

Կ'առաջարկէ Հայ Ազգ. Պատուիրակութեան միջոցաւ դիմել ֆրանսական կառավարութեան՝

Ա. Որ Հայկական Լեզեոնի կարգապահութիւնը մինչեւ այսօր եղած է գոհացուցիչ, համաձայն իրենց հրամանատարներու եւ այլոց իսկ տուած վկայութիւններուն, եւ այդ հիմամբ անոնց հասցէին ուղղուած անկարգապահութեան մեղադրանքները համարել անարդար.

Բ. Որ Հայկական Լեզեոնը պահուի մինչեւ հաշտութեան վերջնական կնքումը՝ առանց նոր յանձնառագրի /ռեանկաժըման/.

Գ. Որ Հայկական Լեզեոնի զինուորներու այս պահանջներու, որոնց արդարացի ըլլալը արդէն իսկ ընդունուած է ֆրանսական զինուորական պետերու կողմէ, բաւարարութիւն տրուի:

Այդ պահանջներն են.

1. Բարելաւել Լեզեոնի նիւթական պայմանները՝ տալով լաւագոյն սնունդ եւ ֆրանսական զինուորներու հաւասար թոշակ /սոլտ/.
2. Կամաւորներու ընտանիքներու նպաստներու եւ թոշակներու յաւելումը՝ համաձայն արդի պայմաններուն.
3. Ծառայութեան ընթացքին տեղի ունեցած արկածներու հետեւանքով ազատ արձակուածներու կենսաթոշակի յատկացումը.
4. Հայկական Լեզեոնի հայ քատրի փոփոխութիւնը /Ա. Հայկական Լեզեոնի հայ քատրին աստիճանական բարձրացումը՝ համաձայն իւրաքանչիւրին ընդունակութիւններուն, Բ. Հայկական Լեզեոնի քատրին հայացումը, բացի բարձրաստիճան հրամանատարներէ, Գ. Վարչական բաժնին աստիճանական բարձրացումը, Դ. Հայ սպաներու դասընթացներու հաստատումը, Ե. Հետեւագործի եւ ժեմիի գունդերու կազմութեան ծրագրին գործադրութիւնը/.
5. Բանակի հրամանատարութեան եւ Ազգ. Պատուիրակութեան միջեւ մշտական կապ հաստատող ներկայացուցչի մը ընդունուիլը.
6. Հայկական Լեզեոնի գունդերը բացառապէս գործածել Կիլիկիոյ եւ կամ հայկական նահանգներու շրջաններու մէջ.
7. Ազգային Պատուիրակութեան կողմէ Հայկական Լեզեոնին ուղղուած կոչի մը պաշտօնական ընթերցումը.

8. Եթէ վերոհիշեալ բարելաւումի վերաբերեալ առաջարկներուն մասամբ եւ կամ ամբողջովին գոհացում չտրուի, Ազգ. Պատուիրակութիւնը ջանադիր պիտի ըլլայ պահպանել Հայկական Լեզեոնը /գոնէ մինչեւ «ռեանկաժըման»-ի հարցի լուծումը/ իր ներկայ դրութեան մէջ՝ պարբերական կոչերով, ներկայացուցիչ ուղարկելով եւ նպաստի գումարներով՝ անոնց անմիջական կարիքներուն համար.
9. Մինչեւ այդ խնդրել ֆրանսական կառավարութենէն, որ հեռագրական հրահանգով յետածգէ «ռեանկաժըման»-ի գործադրութիւնը Հայկական Լեզեոնի վերաբերմամբ:

«ՌԵԱՆԿԱԺԺՄԱՆ». Նկատելով Հայկական Լեզեոնի ցրումի հաւանականութիւնը, եւ անկէ առաջ զալիք ծանր հետեւանքներն ու վտանգները, «ռեանկաժըման»-ի առաջարկը սկզբունքով ընդունիլ, եւ այդ՝ հետեւեալ պայմաններով.

1. «Ռեանկաժըման»-ի վերաբերեալ բոլոր բանակցութիւններն ու համաձայնութիւնները պիտի ըլլան Ազգ. Պատուիրակութեան հետ, եւ անկէ վերջ միայն պիտի գործադրուին:
2. Իբրեւ հիմունք պիտի ընդունիլ հայկական գունդի ինքնավար կազմակերպութիւնը, կազմելով ատոր համար յատուկ կանոնագիր մը:
3. «Ռեանկաժըման»-ի համար Ազգ. Պատուիրակութիւնն է, որ կոչ կ'ուղղէ հայ զինուորներուն՝ նախապէս համաձայնելով ֆրանսական կառավարութեան հետ:
4. Բանակցութիւններու ատեն Ազգ. Պատուիրակութիւնը նկատի պիտի ունենայ զինուորներու վերոյիշեալ պահանջներն ու անոնց գոհացում ստանալը:
5. Կիլիկիոյ եւ Սուրիոյ, ինչպէս նաեւ ուրիշ վայրերու հայերէն զինուոր ըլլալու փափաք ունեցողները անմիջապէս արձանագրել եւ ընդունիլ՝ Հայկական Լեզեոնը ստուարացնելու համար:
6. Հայկական Լեզեոնը սահմանուած պիտի ըլլայ բացառաբար գործածուելու Կիլիկիոյ եւ հայկական նահանգներու պաշտպանութեան եւ ապահովութեան համար:
7. Խաղաղութեան Վեհաժողովին կողմէ Հայկական Հարցի լուծման եւ կամ Հայկական Լեզեոնի ցրման ատեն բոլոր խնդիրները պիտի կարգադրուին ֆրանսական կառավարութեան եւ Ազգ. Պատուիրակութեան փոխադարձ համաձայնութեամբ:

ՎԵՐՋՆԱԿԱՆ ԿԱՐԳԱԴՐՈՒԹԻՒՆ – Հակառակ պարագային, եթէ Հայկական Լեզեոնի պահպանման եւ վերաբանագրութեան խնդիրներու վերաբերմամբ համաձայնութիւն չգոյանայ, եւ եթէ ֆրանսական կառավարութիւնը վճռէ Հայկական Լեզեոնը ցրուել, Ազգ. Պատուիրակութիւնը կը դիմէ հետեւեալ միջոցներուն.

1. Անմիջապէս քուէարկել եւ կամ կազմել մէկ միլիոն ֆրանքի ֆոնտ մը՝ այդ պարագային ձեռք առնուելիք միջոցներուն յատկացնելու համար.
2. Ամէն կերպով ջանալ՝ արդէն մարզուած բանակը չցրուելու եւ օգտագործելու զայն հայկական նահանգներու գրաման եւ ապահովութեան համար՝ միացնելով Միջագետքի հայ կամաւորական խումբերուն եւ կամ դնելով Հայաստանի Հանրապետութեան տրամադրութեան տակ:

Տիար Զօպանեան. Կատարելապէս կը ձայնակցիմ Տիար Ներուզի գեկոյցին եւ իմ կողմէն կ'առաջարկեմ, որ Պատուիրակութեան հետ՝ այս ժողովէն ալ ներկայացուցչութիւն մը պէտք եղած տեղերը դիմումներ կատարելով արտայայտե՛մ ամբողջ հայութեան վրդովմունքը: Կ'ուզենք գիտնալ, թէ ի՞նչ կարգադրութիւն եղած է Ալեքսանտրոսի խնդրոյն համար, եւ ի՞նչ եղած է Սահակ Կաթողիկոսէն տեղեկութիւններ ուզելու համար հեռագիր տալու իմ առաջարկէս:

Տիար Սայեան. Ես կը կարծեմ, թէ գործնական արդիւնքի հասնելու համար պէտք է ուղղակի դիմումներ ընենք Ամերիկայի, հասկնալու համար թէ վերջապէս յանձն պիտի առնե՞մք մեր «ասիսթանս»-ը. եթէ այո՛ր՝ այն ժամանակ այս ժողովէն որոշուած պահանջներ ղնենք առջեւնին, երկիրը թիւրքերէն պարպելու, պարենաւորելու եւ այլ խնդիրներու համար, եւ վերջապէս մեզի թոյլ տրուի, որ մենք ալ մեր ընելիքը կարենանք ընել:

Տիար Տէրվիշեան. Բրիտանական բանակները, Միջագետք մոր մտած ատենէն չափազանց հոգատար եւ հետաքրքիր եղած են հայոց վիճակին հանդէպ, բայց յետոյ ստեղծուեցաւ այս կացութիւնը, որովհետեւ տեղւոյն վրայ չունեցանք անգլիացւոց հետ խօսելու եւ վարուելու ատակ հայ գլխաւորներ: Ասոր համար կ'առաջարկեմ երեքական հոգինոց երկու յանձնաժողով ընտրել, որոնց անդամները լաւ ծանօթ ըլլան անգլիական եւ ֆրանսական լեզուներուն ու մտայնութեանց, ըլլան նաեւ որոշ դիրքի տէր եւ երթան Կիլիկիա ու Միջագետք՝ յարաբերութիւն պահպանելու համար հայերուն եւ օտար իշխանութեանց միջեւ, ու միւս կողմէ ներկայացնելու համար հայկական տեղական պահանջումներն ու շահերը:

Տիար Գինդեան. Կ'առաջարկեմ պահանջել Զայաստանի գրաւումը, Յիշատակագրին մէջ ցոյց տրուած սահմաններուն մէջ, այնպիսի պետութեան մը կողմէ, որ պատասխանատու ըլլայ այս տեսական դէպքերու համար, եւ արտաքսել ի սպառ բոլոր թրքական իշխանութիւնները այդ սահմաններէն:

Տիար Թերզիպաշեան. Ես հակառակ եմ այստեղ պետութեանց պատուիրակութիւններուն դիմումներ ընելու մտածման, զայն գործնական չեմ գտներ եւ չեմ յուսար, որ անմիջական արդիւնք տայ: Այժմ միակ գործնականը բացասական արդիւնքէ խուսափիլն է: Ես ալ համամիտ եմ Պ. Տէրվիշեանին. պէտք է դրկել երեք հոգինոց յանձնաժողով մը, որ գլխաւորաբար երեք աշխատանք կատարէ. Ա. Թուրք «բոլովքապիոն»-ները չէզոքացնող միջոցներ ձեռք առնել. Բ. Նոյն միջոցները տարածել երկրին մէջ գտնուած օտար իշխանութեանց հնարքներուն դէմ, եթէ կան. Գ. Զայ գինուորներու եւ հայ գաղթականներու վրայ բարոյական ազդեցութիւն գործելով տեղի չտալ անպատեհութեանց ծագման:

Տիար Յակոբեան. Ես կը կարծեմ, թէ միմակ լեզու գիտնալ չի բաւեր, այլ հարկաւոր է նաեւ լաւ ծանօթ ըլլալ տեղին պայմաններուն եւ հոգեբանութեան. այս իսկ պատճառով, կ'առաջարկեմ, որ կարելի եղածին չափ շուտ Տիարք Ներուզ եւ Տամատեան Կիլիկիա մեկնին:

Տիար Տամատեան. Տիարք, դիւանագիտութիւնը խաղ կը խաղայ մեզի հետ. Պեռլինի Վեհաժողովէն մինչեւ այս պատերազմին սկիզբը՝ ռէֆորմներու խաղն էր. հիմա ալ անկախութեան խնդիրն է: Եթէ ի վերջոյ ստանանք ալ, Զայաստանը բաւականին հայերէ պարպուած պիտի ըլլայ, որպէսզի ապարդիւն մնայ: Մենք պէտք է այս մեծ վտանգին առաջքն առնենք, ամենախիստ դիմումները պէտք է ընենք պետութիւններու ներկայացուցիչներուն մօտ՝ վերապրող հայերը պահելու համար: Լիովին համաձայն եմ Տոքթ. Ներուզի առաջարկներուն եւ Տոքթ. Սայեանին, որ կ'ուզէր հայկական գինուորական ոյժերը զօրեղացնել: Ես համամիտ եմ, որ Պատուիրակութիւնը անձամբ ընէ այս դիմումները, ընկերակցութեամբ այս ժողովի մէկ քանի ներկայացուցիչներուն: Պատուիրակութեան Նախագահը ցոյց կու տայ, թէ ինչ դժուարութիւններ կան, որոնք մեր դէմը պիտի ելլեն՝ այս առաջարկներուն գործադրութիւնը պահանջած ատեննիս: Օրինակ՝ երկրին գրաւումը շատ

բարդութեանց տեղի կու տայ, բայց եւ այնպէս, մեր պարտքն է ընել այս դիմումները, եւ պէտք է ընենք ու պահանջենք:

Տիար Փափագեան. Տոքթ. Ներուզի ըրած առաջարկները պէտք չէ մասնաւորել, այլ՝ ամբողջ Զայաստանի համար պէտք է պահանջել: Պէտք է ճանչցնել տալ նաեւ դրկուելիք յանձնաժողովին հեղինակութիւնը՝ պետութիւններու կողմէ: Յանձնաժողովին պաշտօնը պէտք է հաստատեն անոնք, օրինակի համար՝ յարաբերութիւն պահել հայոց եւ Դաշնակից պետութեանց միջեւ, սիրաշահիլ արաբները, զբաղուիլ գաղթականական հսկայ գործերով, եւ այլն: Ես ալ այն կարծիքին եմ, որ դիմումները մեծ եւ անմիջական արդիւնք չպիտի տան, բայց Պատուիրակութիւնը հիմա շատ կարելոր է մեծ գործ ունի կատարելիք, եւ իր ըրած պահանջներուն առաջինը՝ գրաւման խնդիրը պիտի ըլլայ: Նկատի ունենալով, որ խաղաղութեան Վեհաժողովը մօտ օրերս պիտի պատրաստէ ընդհանուր հաշտութեան պայմանները, կ'առաջարկեմ, որ հայկական Պատուիրակութիւնը Վեհաժողովին ներկայացնէ այն ֆորմիւլները, զորս մենք կը բաղձանք ղնել տալ հաշտութեան պայմաններուն մէջ, մեր ապագայ ու մասնաւոր մեր անմիջական պահանջներուն նկատմամբ:

Տիար Աղաթօն Պէյ. Կ'առաջարկեմ խնդիրը յանձնել Պատուիրակութեան, որ պէտք եղածը ընէ եւ կազմէ այն յանձնաժողովը, որ Կիլիկիա պիտի մեկնի:

Տիար Զօպանեան. Անմիջապէս, որ նախագահ Ուիլսոն գայ, անոր դիմելու է եւ հասկցնելու է, թէ ինք անձամբ կրնա՞ր կարգադրել, որ հայերը իրենք գրաւեն երկիրը, միջոցներ եւ դրամ տալով:

Տիար Տամատեան. Ես պատրաստ եմ երթալու, բայց գործ մը կարենալ ընելու համար պէտք է, որ մենք տեղ մը ունենանք, որուն կոթնի կարելի ըլլայ. պէտք է որոշ հեղինակութիւն ունենանք եւ Կովկասի Զանրապետութեան ու Ազգ. Պատուիրակութեան ներկայացուցիչները ըլլալու հանգամանքով ճանչցուինք Դաշնակից պետութիւններէն: Այլապէս ի՞նչ կ'ուզէք, որ կարենանք ընել տեղ մը, ուր դեռ թրքական ժանտարմըրին գոյութիւն ունի իր ամբողջ կազմովը: Ասկէ զատ, գործ մը կարենալ ընելու համար պէտք է, որ դրկուելիք մարմինը ւաւելի բազմամոյամ ըլլայ:

Տիար Մասեհեան Խան. Ֆրանսա տակաւին չպիտի ուզէ այդ պատգամաւորութիւնը իբր հայկ. կառավարութեան դեսպանութիւն ընդունիլ: Գիշը է, որ իրենց առաջարկներու տասնէն ութը չպիտի յաջողի, բայց յաջողելիք այդ երկուքն ալ արդէն մեծ օգուտ կը նշանակէ:

Տիար Սայեան. Ես այն հաւատքը ունիմ, թէ այս առաքելութիւնը մեծ դեր պիտի ունենայ կատարելիք. անիկա պիտի դառնայ տէրը, զուխը այն շուտաւոր ու թշուառ ժողովուրդին, որ դեռ մոր մոր ելած է տարագրութեան սոսկումներէն եւ կարօտ է ամէն բանի, մասնաւորաբար ուղեցոյցի մը, որուն ցուցմունքներուն համեմատ շարժի: Առաքելութեան բարոյական քաջալերութիւնն ու խորհուրդները բարիքներ պիտի դառնան այդ թշուառներու բազմութեան համար:

Տիար Տամատեան. Իմ երթալուս մասին որոշումս կրնամ յայտնել՝ Պատուիրակութեան Նախագահին այս մասին կատարելիք դիմումներէն յետոյ:

Վսեմ. Տիար Գ. Նորատունկեան. Ուրեմն, ժողովը սկզբունքով համաձայն է, որ Պատուիրակութեան կը մնայ որոշել այդ առաքելութիւնը կազմելիք անձերը, եւ դրկել առաքելութիւնը: Ասկէ յետոյ, ուրեմն, այս խնդրին նկատմամբ ժողովին ըլլալիք դիմումները պէտք է Պատուիրակութեան յղել:

Նիստը փակուեցաւ ժամը 8-ին:

Նախագահ

ԶԱԱ, ֆ. 430, ց. 1, գ. 18, թթ. 55-59: Ձեռագիր: Բնագիր:

**ԱՏԵՆԱԿԱՆ ԳՈՐԾՈՂՈՒԹԻՒՆՔ**

**1. ԺԱՄԱՆՈՒՄ ԱՄԵՐԻԿԱՅԻ ԳԱՂՈՒԹԻՒՆ ՊԱՏՊԱՄԱԽՈՐՆԵՐՈՒՆ**

Նախագահ Վսեն. Տիար Գ. Նորատունկեան բարի գալուստ մաղթեց Ամերիկայէն հասած եւ նոյն տեղի հայ գաղութը ներկայացնող երեք պատգամաւորներուն Տիարը Գանբարձումեանի, Մաթիկեանի եւ Միքայէլեանի:

Տիար Գինդլեան հարցուց, թէ ի՞նչ պիտի ըլլայ Տիար Աղաթօն Պէյի դիրքը ժողովին մէջ, քանի որ Ամերիկայի պատգամաւորները հասած են:

Որոշուեցաւ, որ Աղաթօն Պէյ իրաւունք ունենայ ներկայ գտնուելու եւ մասնակցելու նիստերուն, մինչեւ որ Ամերիկայի չորրորդ պատգամաւորը հասնի:

**ՕՐԱԿԱՐԳ**

**1. ՆՊԱՏԱԿ ԵՒ ԶԵՆՆԱՄՈՒԹԻՒՆ ԱԶԳ. ԶԱՄԱԳՈՒՍԱՐԻ**

Իրաւասութեան, Ծրագրի, եւ այլն Յանձնաժողովին տեղեկաբեր Տիար Գինդլեան կարդաց Յանձնաժողովին պատրաստած նախագիծը, եւ աւելցուց, թէ Ազգ. Պատուիրակութեան Նախագահը, ինչպէս նաեւ Տիար Օհանջանեան համաձայն են Յանձնաժողովին բոլոր եզրակացութեանց, իսկ Տիար Ահարոնեան կարգ մը դիտողութիւններ ունի, զորս նախընտրած է ժողովին առջեւ ընել: Տիար Գինդլեան յայտնեց նաեւ, որ Յանձնաժողովը որոշած է Պատուիրակութիւնը կազմել հինգ անդամներով, եւ ասիկա առաջարկել ժողովին: Այդ հինգ անդամները, միանալով կովկասեան երեք պատուիրակներուն, համաձայնութեան սկզբունքով պիտի գործակցին հաւասար իրաւունքներով ու ձայնով:

Տիար Ահարոնեան. Տիար Գինդլեան կրնա՞յ բացատրել արդեօք, թէ ի՞նչ պատճառներ անհրաժեշտ դարձուցին, որ Պատուիրակութեան համար հինգ անդամ առաջարկուի՝ փոխանակ երեքի:

Տիար Գինդլեան. Նախ՝ Յանձնաժողովը նկատի առաւ, որ հինգ հոգիէ կազմուած Պատուիրակութիւն մը աւելի պիտի կրնայ գոհացում տալ այլազան պահանջներու, մանաւանդ որ՝ ներկայացուցչական պաշտօնէ դուրս կան նաեւ ուրիշ կազմակերպչական, ելեւնտական եւ ընդհանուր վարչական հարցեր, որոնց օրը օրին հասնելու համար երեք հոգին անբաւական պիտի ըլլայ: Երկրորդ՝ Պատուիրակութենէ դուրս ուրիշ մարմին մը չկայ, որ առժամանակեայ կառավարութեան մը պաշտօնը կատարէ, ինչպէս կ'ընէ Զայաստանի հանրապետական կառավարութիւնը, որ մի միայն ներկայացուցչական պաշտօնին համար երեք հոգի յատկացուցած է, եւ միւս բոլոր պէտքերուն համար ունի իր յատուկ նախարարները: Երրորդ՝ հինգ հոգի, վերեւ ցոյց տրուած տեսակէտներէն, աւելի ձեռնհասութիւններ պարփակելով, աւելի մեծ ապահովութիւն մը կրնան ընծայել հարցերուն բազմակողմանի քննութեան համար: Զորրորդ՝ վերջապէս այս ժողովին կողմէ նկատի առնուելով եւ ընտրական տեսակէտով հինգ հոգիէ բաղկացեալ Պատուիրակութիւն մը աւելի դիւրաւ իրագործելի է, եւ իր մասին համաձայնութեան գոյացումն ալ աւելի դիւրին, քան երեք հոգինոց Պատուիրակութեան մը համար:

Տիար Ահարոնեան. Կրնա՞մ այս բացատրություններէն եզրակացնել, թէ մինչեւ որ Միացեալ Զայաստանը չկազմուի, նոր ընտրուելիք Պատուիրակութեան երկու կողմերը առանձին-առանձին պիտի գործեն:

Տիար Գինդլեան. Մեր կարծիքով նոր Պատուիրակութեան երկու կողմերն ալ հաւասար իրաւասութիւն պիտի ունենան թէ՛ թրքական եւ թէ՛ Կովկասի Զանրապետութեան խնդիրներուն նկատմամբ, ու ռեւէ աշխատանք միշտ միասնաբար պիտի կատարուի: Երկու մասերը միասին նիստեր պիտի ունենան, հոն պիտի քննուին բոլոր հարցերը եւ պիտի որոշուին: Երբ Տիրէքիւններու Յանձնաժողովը իր եզրակացութիւնները բերէ, հոն պիտի կանխատեսուին հարկ եղած ձեւերը, որոնցմով պիտի ապահովուի Պատուիրակութեան երկու մասերուն կատարելապէս համերաշխ եւ համաձայն գործունէութիւնը: Մէկ խօսքով, հակառակ մեր նախապէս ունեցած փափաքին, միաձոյլ Պատուիրակութիւն չէ, որ կը ստեղծուի, այլ՝ միացած երկու Պատուիրակութիւններ, մինչեւ Միացեալ Զայաստանի իրականացումը:

Տիար Տամատեան. Այս երկու կողմերը այնքան սերտօրէն ձուլուած պիտի ըլլան, որ երբեք առանձին ո՛չ մէկ նախաձեռնութիւն ընելու իրաւունք չպիտի ունենան:

Տիար Ահարոնեան. Ես չկրցայ յստակ պատասխան առնել իմ հարցումներուս. կ'ուզեմ գիտնալ, թէ զոր օրինակ օտար աշխարհին առջեւ, Պատուիրակութիւնները առանձին-առանձին՞ երեւան պիտի գան իրենց նախագահներով, թէ իբրեւ միաձոյլ մէկ մարմին:

Տիար Գինդլեան. Յանձնաժողովը այս մանրամասնութեանց չէ մտած: Վերը տրուած հարցերուն պատասխաններէն դիւրին է եզրակացնել, սակայն, թէ պէտք է ամէն ջանք ի գործ դրուի՝ արտաքին աշխարհին առջեւ մէկ մարմին ներկայանալու համար: Այս մասին Յանձնաժողովը կը խորհի, թէ երկու Պատուիրակութիւնները երբ իրարու մօտ գան, իրենք իրենց պիտի ճշդեն ինչպէս նախագահութեան, նոյնպէս նաեւ բոլոր նման արտաքին արտայայտութեանց խնդիրները:

Տիար Յակոբեան. Կ'ուզեի գիտնալ, թէ Յանձնաժողովը ի՞նչ պատճառներով անդամոց թիւը չորսէն հինգի վերածեց:

Տիար Գինդլեան. Քանի որ նախապէս կը խորհուէր, թէ պիտի ստեղծուի միաձոյլ Պատուիրակութիւն մը՝ եօթ հոգիով, որուն երեքը Զանրապետութեան պատուիրակները ըլլալով, չորսն ալ ասկէ պիտի ընտրուէին, կը խորհուէր նաեւ, որ երեքին հանդէպ չորսը աւելի չըլլայ. սակայն հիմա, որ հարցերը կողմերով պիտի վճռուին, այլեւս ազատ ենք քիչ առաջ յիշուած նկատումէն, ու հինգը, ինչպէս անգամ մը բացատրեցի, աւելի համապատասխան է հարկ եղած ձեռնհասութիւնները համախմբելու համար:

Տիար Շանթ. Յանձնաժողովին մէջ երկու գլխաւոր կարծիք կար, մէկը սա՝ թէ աւելի քիչ ընտրելով, այսինքն երեքի դէմ երեք, զորոն շատ աւելի շուտ, դիւրին եւ համաձայնութեամբ կ'երթայ, իսկ միւս մասը կը կարծէր, թէ անհրաժեշտ է թիւը աւելցնել, աւելի շատ «քոմբեթանս»-ներ տալու եւ այլ նկատումներով: Բայց Յանձնաժողովին հինգի համար որոշում տալու գլխաւոր պատճառներէն մէկն ալ այն է, որ հինգը միջինը կը կազմէր երկու պահանջներուն եւ կը դիւրացնէր զորոն այն տեսակէտով, որ ժողովին մէջ գոյութիւն ունեցող հոսանքները կրնային իրենց ներկայացուցիչը ընտրել:

Տիար Ահարոնեան. Ես մեծ նշանակութիւն կու տամ երեք պատուիրակ ընտրելու խնդրին. ասիկա ցոյց պիտի տայ, որ մենք մեր մտքին մէջ ամրապէս դրած ենք, որ շուտով պիտի ունենանք Միացեալ Զայաստանի կեդրոնական միակ կառավարութիւնը, երկու կողմերէն երեքական ներկայացուցիչներու միաձոյլ Պատուիրակութեամբ: Որքան ալ որ մենք համաձայնութեամբ պիտի գործենք, այդ բաժանումը արտաքին աշխարհի համար մեծ նշանակութիւն ունի: Անշուշտ՝ երեք անդամ ընտրելէ յետոյ՝ անոնք կրնան իրենց ուզածին չափ օգնականներ, խորհրդակցանքներ առնել: Զամագործակցութիւնը աւելի կը դիւրանայ երեքով, որ թէ՛

բանաւոր է եւ թէ՛ նշանակալից՝ ապագայ ծուլումին համար: Բայց եթէ ժողովը հակառակի, ի՞նչ կարող եմ ընել, պիտի ընդունիմ:

Չորրորդ յօդուածը քուէի դրուելով, ժողովն ընդունեց զայն, միայն թիւի որոշումը դուրս ձգելով, ու վերապահելով յառաջիկային:

Յանձնաժողովոյ առաջարկին մէջ՝ Հանագումարի կազմութիւնը բանաձեւուած ըլլալով՝ «բաղկացած թրքահայերու, պարսկահայերու եւ գաղութներու ներկայացուցիչներէն» ատուքամբ, Տիար Վարանդեան առաջարկեց միայն «թրքահայոց եւ պարսկահայոց» ըսել, քանի որ գաղութներու ազգայինք ալ թրքահայ են:

Տիար Ահարոնեան. Լաւ է «պարսկահայ» բառը եւս վերցնել, քանի որ մենք Պարսկահայաստանի քաղաքական դեր չունինք: Օտարներու կողմէ կրնայ գէշ մեկնուիլ. եւ արդէն՝ ոչինչ կ'աւելցնէ իմաստին վրայ:

Տիար Տամատեան. Ես կ'առաջարկեմ ոեւէ փոփոխութիւն չմտցնել, որովհետեւ մեր ժողովը իսկապէս համազգային ժողով մըն է, ուր միայն ռուսահայերն են, որ իրենց ներկայացուցիչները չունին, շնորհիւ այն հանգամանքին, որ անոնք բարեբախտաբար ունին Կովկասի մէջ ազատ հանրապետութիւն մը: Ոեւէ սեղմում պատշաճ չէ ներմուծել մեր իսկական կազմութեանը հանդէպ:

Տիար Թէքեան. Այս ժողովը միայն թրքահայերու ժողով չէ եւ չենք կրնար «գաղութները» ու «պարսկահայ» բառերը ջնջել, զանոնք ալ նկատելով թրքահայ, որովհետեւ այդ գաղութներուն մէջ, ինչպէս Ամերիկա, Եգիպտոս, եւ այլն, ամէն կողմէ եկած հայեր կան, որոնց մէջ նաեւ ռուսահայեր: Յետոյ՝ Պատուիրակութեան իրաւորագիրը կը գործածէ այդ երեք բառերն ալ, եւ մեր պարսկահայ քաղաքական խնդիր չունենանք պատճառ չէ, որ ջնջենք այդ բառը, քանի որ ժողովի կազմութեան մէջ իսկապէս պարսկահայ ներկայացուցիչ կայ, եւ անոնք, իբր մէկ մասը ամբողջ հայութեան, իրաւունք ունին ապագայ Հայաստանի մասին իրենց բաղձանքները յայտնելու: Մնաց որ՝ այս ծրագիրը օտարներու երեւալու համար չէ եղած, եւ պիտի է ծառայէ միայն մեր ներքին գործերուն մէջ:

Տիար Թէրզիպաշեան. Լաւ է այս մասին բժախնդրութիւն ընել, որովհետեւ՝ «պարսկահայ» եւ այլն, գործածուած է պարզապէս ժողովին կազմութիւնը յստակօրէն բանաձեւելու համար:

Տիար Սայեան. Մինչեւ այս պատերազմին վերջերը, երբ բանաձեւուեցան մեր բաղձանքները՝ Յիշատակագիրն մէջ յիշուած սահմաններուն համեմատ, մենք Պարսկահայաստանը մաս կը համարէինք Ամբողջական Հայաստանին. անկէ յետոյ է, որ սկսանք աչք գոցել եւ գաղութի աչքով նայիլ անոր վրայ, ըստ որում՝ մենք քաղաքական ձգտումներ ցոյց չենք տար Պարսկահայաստանի վրայ եւ այնտեղի հայութիւնը կը նկատենք իբր պարզ գաղութ մը:

Վսեմ. Տիար Գ. Նորատունկեան. Ինչպէս յայտնի է, այս բառերը գործածուած են պարզապէս իրականութիւնը ճշդօրէն արտայայտելու համար: Քանի որ նախագիծը կը պատկանի մեր ներքին աշխատանքներուն, լաւ է որ այդ բառերը անփոփոխ մնան:

Տիար Չօպանեան. Այս վիճաբանութեանց պատճառը այն է, որ մենք սկիզբէն ի վեր ուզած ենք, եւ Պատուիրակութեան իրաւորագիրն ալ այդ նպատակով է, ընդհանուր ազգային ժողով մը կազմել. ասիկա ամբողջովին չիրականացաւ այն պատճառով, որ բարեբախտաբար Կովկասի մեր եղբայրները իրենց հանրապետութիւնը կազմեցին, հանրապետութիւն, որ սակայն իր պատուիրակներն ունի այս ժողովին մէջ: Իսկ գալով Պարսկահայաստանին, մենք երբեք զայն գաղութ մը չպիտի նկատենք, եւ մեր սրտին մէջ միշտ պիտի մնայ իբր Ամբողջական Հայաստանի մէկ մասը: Ինչպէ՞ս գաղութ նկատել Պարսկահայաստանը, ուր Աւարայրը կայ, Տղմուտը կայ: Այս պատճառաւ մեզի համար ցանկալի է, որ այդ բառը գործածուի իմն:

Քուէարկութիւն կատարելով՝ որոշուեցաւ պահել այդ յօդուածը նոյնութեամբ:

Յետոյ քննուեցան Յանձնաժողովին բերած ծրագրին երրորդ եւ չորրորդ յօդուածները, ի մասին նոր կազմուելիք Պատուիրակութեան ուղեգիծ մշակելու, Ազգ. Պատուիրակութեան հրաժարականին եւ գործունէութեան տեղեկագրին, եւ նոր Պատուիրակութիւն մը ընտրելու:

Տիար Օհանջանեան. Կ'առաջարկեմ թիւի մասին այժմ չվիճաբանիլ, այլ՝ ընտրութեան միջոցին, եւ Կովկասի պատուիրակներուն համար գործածուած «ներկայացուցիչ» բառը փոխել «պատուիրակ»ի:

Տիար Վարանդեան. Կ'առաջարկեմ Իրաւասութեան Յանձնաժողովին մէջ մէկ երկու հատ ալ Ամերիկայէն եկած պատգամաւորներն մտցնել, եւ այդ Յանձնաժողովին յանձնել նոր Պատուիրակութեան համար գործունէութեան ուղեգիծ պատրաստելու պաշտօնը:

Ժողովը համակարծիք գտնուելով, որոշուեցաւ նոյն Յանձնաժողովին անդամ նշանակել նաեւ Տիար Համբարձումեանը:

Տիար Հինդլեան. Ես կը դիւրացնեմ Տիար Վարանդեանի առաջարկը, հրաժարելով այդ Յանձնաժողովի անդամակցութենէն եւ տեղ տալով ամերիկահայ պատգամաւորներուն: Այսպիսով՝ Յանձնաժողովին աշխատանքն ալ կը դիւրանայ եւ իմ ազատութիւնս վերստացած կ'ըլլամ այս ժողովին մէջ, փոխանակ միշտ քոնքրոմիսներ ընելու Յանձնաժողովին մէջ:

Ժողովը նախ մերժեց Տիար Հինդլեանի հրաժարականը, բայց իր պնդման վրայ՝ ընդունեցաւ:

Տիար Սայեան. Ես համամիտ չեմ Պատուիրակութեան հրաժարականը եւ գործունէութեան տեղեկատուութիւնը մի միայն լսելու առաջարկին: Քանի որ Պատուիրակութիւնը իր հրաժարականը այս մարմնին կու տայ, կը հետեւի, որ մենք ալ իրաւունք ունենալու ենք զայն քննադատելու, պարսաւելու կամ շնորհաւորելու: Ես չեմ հասկնար. կամ այն է, որ ժողովին արժեքը շատ կը փոքրացնենք մենք, որուն միայն տեղեկութիւն կը տրուի, կամ այն է, որ ժողովը Պատուիրակութեան բնաւ կարելորութիւն չի տար: Ասիկա անբնական կը թուի ինծի: Վերջապէս՝ նախարարները եւ թագաւորներն իսկ կը քննադատուին:

Տիար Հինդլեան. Իրաւասութիւնը՝ երկու անկախ մարմիններու միջեւ՝ պարտականութեան եւ իրաւունքի յարաբերութիւնն է: Այս ժողովը, որ չէ ընտրած Պատուիրակութիւնը, իրաւունք չունի ո՛չ հրաժարական պահանջելու, ո՛չ ալ հաշուետուութիւն, այլ՝ իրաւորուած է եւ պարտականութիւն ունի նոր Պատուիրակութիւն մը ընտրելու: Արդ, որպէսզի այդ աշխատանքը կարենայ ընել, պէտք է, որ լսէ հին Պատուիրակութեան հրաժարումը, առանց որուն չի կրնար նորը ստեղծել: Որպէս համագումար՝ մենք ի վիճակի չենք եւ չենք ուզեր ալ Պատուիրակութեան անցեալ գործունէութիւնը քննադատելով եւ հաշուետուութիւնը լսելով՝ անոր գործունէութեան պատասխանատուութիւնը բաժնել:

Տիար Չօպանեան. Այսպիսի րոպէի մը, ուր դէպքերը կը գահավիժին, ուր այնքան գործ կայ ընելիք, եւ յարմար չեմ գտներ յամենալ քննադատելու հին գործունէութիւն մը: Ատիկա պատմութեան գործն է:

Տիար Թէրզիպաշեան. Ես կ'առաջարկեմ, առանց պատճառաբանելու առաջարկս, որ Պատուիրակութեան հրաժարականին խօսքը չըլլայ, այլ բաւականանանք ըսելով, թէ ժողովը կը լսէ Պատուիրակութեան տեղեկատուութիւնը եւ կ'ընտրէ նոր Պատուիրակութիւնը:

Նիստը փակուեցաւ ժամը 8-ին:

Նախագահ

ՀԱԱ, ֆ. 430, ց. 1, գ. 18, թթ. 60-63 շրջ.: Ձեռագիր: Բնագիր:

**ԱՏԵՆԱԿԱՆ ԳՈՐԾՈՂՈՒԹՅՈՒՆ**

**1. ԱՏԵՆԱԳՐՈՒԹՅՈՒՆ**

Կարդացուեցաւ Փետրուար 27-ի նիստին ատենագրութիւնը: Տիար Շանթ խօսք անցնելով ըսաւ, թէ ատենագրութիւնը չի պարունակեր իր ամէն ըսածները եւ շատ թերի է. ինչ որ խօսած էր՝ հաւատարմաբար չէ արձանագրուած: Տիար Շանթ աւելցուց, թէ քանի որ այս ատենագրութիւնները փոշիի տակ մնալու վիճակուած են, աւելի լաւ է, որ փոխանակ մանրամասնօրէն արձանագրելու. միայն գլխաւոր գաղափարները եւ քուէարկուած որոշումները արձանագրուին:

Տիար Գիւնդեան. Զանաձայն չեմ Տիար Շանթի յայտնած կարծիքին. եթէ ատենագրութիւն ըսելով պիտի հասկնայինք միայն տրուած որոշումներուն պարզ արձանագրութիւնը, ուրեմն ի՞նչ հարկ կար երկու արձանագրող քարտուղարներ նշանակելու: Ընդհակառակը, հնարաւորութեան բոլոր սահմաններուն մէջ պէտք է արձանագրուին այստեղ արտայայտուած բոլոր մտքերը. արձանագրութիւնը պէտք է ճշգրիտ պատկերը տայ ժողովին մտայնութեան: Խօսքերը կը թռին կ'երթան, բայց գրուածները կը մնան: Նիստերը դռնփակ ընելու որոշումը տրուելէն ետք, արձանագրութիւնները կը մնան միակ միջոցը, որով հայ ազգը եւ մեր ընտրողները պիտի կարենան գիտնալ, թէ իրենց պատուիրակները որքան մնացեր են իրենց պաշտօնին բարձրութեան վրայ, ինչքան գիտակցութիւնը ունեցեր են իրենց յանձնուած եւ վստահուած գործին մէջ: Ամէն խօսող պիտի գիտնա, թէ իր արտայայտած մտքերուն համար հոս, դուրսը, հաշիւ պիտի պահանջեն իրմէ, եւ իր այստեղ ունեցած դիրքին, ըսել կ'ուզեն ունեցած ուղղութեան համեմատ, պիտի գնահատուին ապագային մէջ, այս ժողովէն ետք, մեր հանրային կեանքի մէջ իր մասնակցութիւնը, յայտնած գաղափարները, գործունէութիւնը: Արձանագրութիւնները անհրաժեշտ են անհատական պատասխանատուութիւններու ճշդման համար, եւ ասոր համար է, որ կը խնդրեմ, թէ պէտք է ամէնուն յայտնած գաղափարները ճշգրտօրէն եւ ամբողջութեամբ արձանագրուին:

Տիար Տամատեան. Ես ալ համաձայն եմ, որ արձանագրութիւնները ժողովին հարազատ պատկերն ըլլան. կարելի է անշուշտ խօսուածները համառօտել, կրկնությունները զանց ընել. բայց իւրաքանչիւրին արտայայտած կարծիքները պէտք է ճիշդ ցոլացած ըլլան: Ընդհակառակը, արձանագրութեանց մէջ ոմանց ըսածները ամէնայն մանրամասնութեամբ գրուած են, ուրիշներունը՝ յապաւուած, որոնցմէ է նաեւ իմս: Այդ Փետրուար 27-ի նիստը շատ կարեւոր նիստ մըն էր եւ ժողովականներէ ոմանց յայտարարութիւնները ժողովին համար շատ փափուկ կացութիւն մը կը ստեղծէին. պէտք էր այդ ամէնը պատկերացուած ըլլար: Օրինակի համար, Տիար Շանթի վերոյիշեալ յայտարարութիւններուն ի պատասխան ես ըսի, թէ «այդ համերաշխութեան մեղրածորան բառերուն տակ ժողովին կարծիքի ազատութեան դէմ սպառնալիք մը պահուած է» թէ «ժողովականներու ընտրութեան կամ նշանակովի հրաւիրման մասին եղած ակնարկութիւնները յայտնապէս կը միտին ժողովին օրինաւորութիւնը կասկածի տակ դնելու, ինչ որ այս Զանազունարին դիրքը նսեմացնել եւ անոր արժանապատուութիւնը վիրաւորել կը նշանակէ»: Ես այդ նիստին մէջ ըսի նաեւ, թէ Դիւանին պարտականութիւնն էր այդպիսի արտայայտութիւններու պարագային ատենախօսը ի կարգ հրաւիրել անմիջապէս: Այս ամէնը դուրս թողուած են արձանագրութիւններէն եւ կը պահանջեմ, որ արձանագրուին:

Տիար Յակոբեան. Կ'առաջարկեմ ժողովին ոգին միայն արձանագրել, որով ժամանակ ալ կը շահուի:

Տիար Դաւիթ-Բէկ. Անոնք որ կը փափաքին, իրենց ճառերը իրենք իսկ գրեն եւ արձանագրել տան:

Տիար Տէր-Ստեփանեան. Ամէնէն աւելի յարմար կը գտնեմ Տիար Դաւիթ-Բէկի առաջարկը: Անհրաժեշտ է, որ ժողովի արձանագրութիւնները կարելիօրէն ընդարձակ ըլլան եւ պատկերացնեն ամբողջ ըսուածները: Ամէն պատգամաւոր իր արտասանած խօսքերուն պատասխանատուութիւնը պէտք է ստանձնէ: Պատգամաւորներ կրնան ըլլալ, որոնք անպատեհ խօսքեր ընեն եւ չուզեն անոնց արձանագրումը, պատասխանատուութենէ խուսափելու համար: Տիար Շանթի խօսքերուն արձանագրութիւնները ամէնէն հաւատարիմներէն են եւ կը պարունակեն անոր հիմնական գաղափարները:

Վսեմ. Տիար Գ. Նորատունկեան. Գիտէ՞ք, որ երկու տեսակ արձանագրութիւն կայ, մէկը «սթենոկրաֆիք», որ բառ առ բառ կ'առնէ իւրաքանչիւրին խօսածը, իսկ միւսը՝ «անալիթիք», որ միայն արտայայտուած գլխաւոր գաղափարները կ'ամփոփէ: Դժբախտաբար ո՛չ սղագիր, եւ ո՛չ ալ վարժ գրագիրներ չունինք ձեռքի տակ ու հարկադրուած ենք եղածով գոհանալու. այնպէս որ՝ հոս միջին ճամբայ մը բռնուած է: Ի հարկէ, կը յանձնարարենք աւելի խնամք տանիլ արձանագրութիւններուն:

**ՕՐԱԿԱՐԳ**

**1. ՆՊԱՏԱԿ ԵՒ ԶԵՆԱՎԱՍՏՈՒԹՅՈՒՆ ԱԶԳ. ԳԱՍԱԳՈՒՄԱՐԻ**

ժողովը, անցնելով Իրաւասութեան Յանձնաժողովին բերած նախագիծին այն յօդուածին, որ Պատուիրակութեան համարատուութեան եղանակին կը պատկանի, քուէի դրաւ եւ 10 ձայնով ընդունեց:

Տիար Տոքթ. Սայեան ներկայացուց հետեւեալ բանաձեւը.

«Վեհափառ Կաթողիկոսէն նշանակուած Պատուիրակութեան տեղեկատուութիւնը ժողովը կը լսէ, ու անոր վրայ արտայայտուել յետոյ կը կատարէ Պատուիրակութեան ընտրութիւնը»:

Քուէի դրուելով՝ այս բանաձեւը ստացաւ միայն երեք ձայն:

Միաձայնութեամբ ընդունուեցաւ 6-րդ յօդուածը, եւ անմիջապէս ընտրուեցաւ հինգ հոգիէ բաղկացեալ էլեւնտական Յանձնաժողով մը, այդ խնդիրը մշակելով ժողովին եզրակացութիւններ բերելու համար:

Յանձնախումբին անդամ նշանակուեցան՝

- Տիարը՝ Աղաթօն Պէյ
- Ներսէսեան Խան
- Տէրպետերեան
- Քէլէկեան Խան
- Ֆնտօղեան

ժողովը անցաւ 7-րդ յօդուածին, որ կը վերաբերի Զանազունարին հրապարակային արտայայտութեանց: Այս մասին յանձնաժողով մը ընտրելու համար թեր ու դէմ կարծիքներ յայտնուեցան, բայց ի վերջոյ որոշուեցաւ առանց նոր յանձնաժողով մը ընտրելու յանձնել այս խնդիրը Դիւանին, որ իր հարկ դատած կարգադրութիւններովը առաջարկ մը բերէ ժողովին:

Ապա քննութեան ենթարկուեցաւ ժողովի տեւողութեան եւ վերահրաւիրման հարցը:

Տիար Տէր-Ստեփանեան. Քանի որ յիշեալ ու որոշեալ պարագաներուն մէջ ժողովը նորէն պիտի կանչուի, կ'ենթադրեմ, որ ժողովականները Փարիզ պիտի մնան: Ի՞նչ պիտի ընեն այդ ժամանակամիջոցին մէջ:



Տիար Տամատեան. Պատուիրակութիւնը ինքը պիտի ընտրէ կարգ մը յանձնաժողովներ, որոնք պիտի զբաղին ներգաղթի, բրոքալանտի եւ այլ հարցերով, եւ որոնք մէջ հաւանօրէն պիտի մտնեն այս ժողովին անդամներէն շատերը:

Տիար Յակոբեան. Դիտել կու տամ, որ նախագահ Ուիլսոն շուտով պիտի գայ եւ այն ժամանակ գործերը աւելի արագ ելք պիտի գտնեն: Կ'առաջարկեմ անմիջապէս նոր Պատուիրակութեան ընտրութեան ձեռնարկել:

Տիար Զինդլեան. Ժողովը նախ Պատուիրակութեան տիրեքթիւնները պիտի գծէ եւ ապա Պատուիրակութեան ընտրութիւնը պիտի կատարէ: Եթէ նախագահ Ուիլսոն գայ, մենք Պատուիրակութիւն մը ունինք, որ պէտք եղածը կ'ընէ:

Վսեմ. Պօղոս Փաշա Նուպար. Եիշդ է, որ Պատուիրակութիւն մը կայ, բայց անհկա անդամալուծուած է: Ես ալ համաձայն եմ, որ անմիջապէս նոր ընտրութիւն կատարուի:

Տիար Փափագեան. Ես համամիտ եմ Պատուիրակութեան Նախագահին եւ Տիար Յակոբեանի: Եիշդ է, Պատուիրակութիւն մը գոյութիւն ունի, բայց անուանական է. իսկ մենք եթէ խնդիրը այսպէս ձգձգենք, մեծապէս կը վնասենք մեր դատին: Պէտք է ընտրենք Պատուիրակութիւնը, որ քիչ ժամանակի համար է: Ասոր համար կ'առաջարկեմ թուական որոշել տիրեքթիւններու ծրագիրը մշակող յանձնաժողովին, որ բերէ իր եզրակացութիւնները:

Տիար Զինդլեան. Կ'առաջարկեմ, որ շուտ ընենք ըսելով պատճառ չտանք աշխատութեանց անկատար մնալուն, ինչպէս եղաւ Իրաւասութեան Յանձնաժողովին համար:

Տիար Շանթ. Վաղը եւ միւս օրը տուէք մեզի, Ուրբաթ օրը կը բերենք ձեզի:

Ըստ այսմ, տիրեքթիւններու մշակման գործը յանձնուեցաւ ժողովին իրաւասութեան ծրագրով զբաղող յանձնաժողովին, պայմանաւ, որ իր աշխատութեանց արդիւնքը Ուրբաթ օր բերէ:

Տիար Սայեան. Ժողովականները ի՞նչ պիտի ընեն այդ դադարի միջոցին, որ պիտի տրուի ժողովին իր աշխատանքները վերջացնելէն մինչեւ վերահրաւիրման օրը:

Տիար Չօպանեան. Պատուիրակութիւնը իր շրջաբերականին մէջ արձանագրած է, որ այս Զամագումարը, դարդեցնել յետոյ իր նիստերը, նորէն պիտի հրաւիրուի, երբ յայտնի ըլլայ Զայկական Զարցին վերջնական պատասխանը: Այդ պարագային Պատուիրակութիւնն է հրաւիրել կամ ժողովը ինքն է գումարուել՝ միեւնոյնն է: Իսկ արտաքոյ կարգի պարագայի մը Զամագումարը հրաւիրելը Պատուիրակութեան ձգուած է: Կը խորհիմ, որ ասիկա կարելի էր ժողովին ալ ձգել: Իսկ դադարի միջոցին աշխատելու համար, ինչպէս արդէն որոշուած է, կ'առաջարկեմ աւելի մեծ յանձնաժողով մը կազմել, որ պիտի մշակէ Զայաստանի վարչական կազմի ծրագիր մը, եւ որուն կրնան մասնակցիլ այս ժողովին բոլոր անդամները:

Տիար Զինդլեան. Յանձնաժողովին մէջ կարծիք մը կար, որուն համաձայն այս Զամագումարը իր անդամներէն որոշ թիւի մը պահանջով նիստի պիտի հրաւիրուէր՝ անկախ Պատուիրակութեան հրաւերէն: Այս կարծիքը չընդունուեցաւ, եւ շատ բանաւոր պատճառներով: Այս ժողովը ինք պիտի ընտրէ իր Պատուիրակութիւնը, որ պիտի գործադրէ որոշումները: Արդ, Պատուիրակութիւնը, իբր համարատու մարմին մը, բեռնաւորուած պատասխանատուութիւններով, պիտի գիտնայ, թէ մարմին մը կայ, որ միշտ հաշիւ եւ համար պիտի պահանջէ իրմէ: Ահա թէ ինչու Զամագումարը պիտի մնայ միշտ, մինչեւ որ Պատուիրակութիւնը իր գործը վերջացնէ եւ գայ իր համարը տալու: Զամագումարը միշտ նիստ պիտի ունենա՞ր թէ ոչ՝ այս պարագային մէջ կարելոր չէ բնաւ. կարելորը այն է, թէ Զամագումարի իւրաքանչիւր անդամ կը պահէ իր հանգամանքը, եւ Զամագումարը կը պահէ իր գոյութիւնը իբր համարառու մարմին: Այլապէս՝ պիտի ընտրենք Պատուիրակութիւն մը, որ Զամագումարին ցրուելէն ետք չպիտի գիտնայ, թէ որու հաշիւ եւ համար պիտի տայ: Ազգի՞ն. սակայն ազգը, ժողովուրդը չի կրնար առանց որոշ ձեւի մը եւ որոշ հաստատութեան մը այդ գերագոյն

իրաւունքը կիրարկել: Զիմա Պատուիրակութիւն մը կայ, որ գէթ Կաթողիկոսին համարատու է: Եթէ Զամագումարը ցրուի՝ վերջ տալով իր գոյութեան, իր ընտրած Պատուիրակութիւնը պիտի ըլլայ անպատասխանատու իշխանութիւն մը: Այդպէս բան չենք կրնար ընել ո՛չ մէկ պարագայի մէջ. ատիկա պիտի ըլլար յանձնառութեան դասալքութիւն մեր կողմէ:

Զիմա գանք երկրորդ խնդրին: Զամագումարը չի կրնար նիստի հրաւիրուիլ, բայց եթէ միայն իր իսկ ընտրած Պատուիրակութեան եւ իր բովանդակ վստահութիւնը վայելող մարմնին հրաւերով: Ընտրել Պատուիրակութիւն մը եւ վերապահել իրաւունք մը՝ նիստի հրաւիրելու անկախ անկէ, պիտի նշանակէր վստահութեան պակաս: Ես չպիտի ուզէի եւ չպիտի կրնայի երբեք անդամ ըլլալ գործադիր իշխանութեան մը, որուն չի վստահուիր ձեզ նիստի հրաւիրելու նախաձեռնութիւնը: Գործադիր իշխանութիւնը պիտի ունենայ գործելու իր ազատութիւնը: Ասիկա այնքան անհրաժեշտութիւն է, որքան հակակշիռը Զամագումարի կողմէ: Սակայն, այդ հակակշիռը երբեք չպիտի վտանգէ ազատութիւնը, այլապէս՝ հակակշիռը կը դառնայ բռնաբարում: Եթէ առարկուի, որ կրնայ պատահիլ, որ գործադիր իշխանութիւնը ժողովին որոշումներուն հակառակ ընթացք մը ունենայ եւ գործունէութիւն մը մշակէ, ու Զամագումարը նիստի չհրաւիրէ, դուք գիտէք, թէ այդ պարագային ինչ կրնայ պատահիլ եւ ինչ միջոց ունինք մեր ձեռքը՝ հարկ չկայ հոս ըսելու: Երբ Զամագումարը ցրուած չէ եւ իւրաքանչիւր պատգամաւոր իր հանգամանքը կը պահէ, նման հաւանականութեան մը պարագային կը կատարէ իր պարտականութիւնը, զինքը արիւմտարիող եւ իրմէ ընտրուած գործադիր իշխանութեան հանդէպ, մեր իրաւունքները պի՞նդ բռնենք, բայց գործադիր իշխանութեան ալ ազատութիւնը յարգենք: Միայն այսպիսով կ'իրականանայ պահանջուած ներդաշնակութիւնը գործադիր իշխանութեան եւ Զամագումարին միջեւ:

Վսեմ. Պօղոս Փաշա Նուպար. Ես լիովին համաձայն եմ Տիար Զինդլեանի: Այս ժողովը այստեղ կանչուած է նոր Պատուիրակութիւն ընտրելու եւ անոր գործունէութեան համար ծրագիր մը շինելու: Ասիկա ընելէ ետք՝ վերջացած է իր պաշտօնը եւ պէտք է ցրուի: Յետոյ նոր Պատուիրակութիւնը պիտի վերահրաւիրէ ժողովը երբ վերջնական որոշում մը իմանանք մեր խնդրին մասին եւ կամ երբ Պատուիրակութիւնը ծանր վիճակի մը մէջ գտնուի:

Տիար Զամբարձումեան. Ինչպէս կ'երեւայ՝ Պատուիրակութիւնը իր հրաւիրագրին մէջ կարգադրութիւններ ըրած է, որոնք ո՛չ միայն այն ժամանակուան համար եղած են, այլեւ՝ ապագային: Արդ, անկէ մինչեւ հիմա պայմանները բոլորովին փոխուած են. հետեւաբար այդ կարգադրութիւնները ոչ պարտադիր են այլեւս:

Ապա Տիար Զամբարձումեան, իբրեւ նոր հասած պատգամաւոր, անդրադարձաւ ժողովի կազմութեան թերի կողմերուն, քննադատեց պատգամաւորներու թիւին զաղութներու մէջ թերի բաշխումը, հրաւիրեալ պատգամաւորներու գոյութիւնը, եւ այլն, ու պահանջեց որ վերահրաւիրուելիք Զամագումարը ունենայ պատգամաւորներ այն տեղերէն, ուր մեծ թուով հայութիւն կայ, օրինակ՝ Իզմիր եւ Զալէպ, եւ հրաւիրուած պատգամաւորները ծայր չունենան:

Տիար Թէքեան. Չեմ ընդունիր ժողովին հեղինակութեան դէմ ըսուածները: Կովկասի հայութեան այս ժողովին ձայնով չմասնակցիլ ժողովին յանցանքով չէ: Այն օրէն, որ Զամագումարը կազմեցինք, Պատուիրակութիւնը ուրիշ ռեւէ պայման չէր կրնար դնել մեր վրայ: Պատուիրակութիւնը կը գտնուի աւելի մեծ մարմնի մը առջեւ. հետեւաբար, ժողովին կը մնայ որոշել, թէ ե՞րբ կը ցրուի եւ ե՞րբ կը գումարուի վերտօն: Իսկ գալով այս ծրագիրը մշակող յանձնաժողովին, այն կրնամ ըսել, որ անոր անդամները շատ լաւ գիտակցութիւնը ունէին, որ այս ժողովը աւելի լայն իրաւունքներ ունէր. բայց Պատուիրակութիւնը, իր տեսակետները յայտնելէ յետոյ, Յանձնաժողովը, իրականութիւնը յայտնելու համար, իր իրաւունքները կտրատեց ի յարգանս Պատուիրակութեան Նախագահին, որուն կամքը շատ որոշ էր եւ գոր հաշիւի

ամենել ստիպուած ենք: Ասոր համար է, որ ժողովին վերահրաւիրումը ձգեցինք Պատուիրակութեան եւ համաձայն եղանք միւս կէտերուն՝ մէկ կողմէ Պատուիրակութեան Նախագահին եւ միւս կողմէ՝ Կովկասի ներկայացուցիչներուն կարծիքի ճնշումին տակ:

Տիար Տամատեան. Կը հաստատեն:

Տիար Թէքեան. Կը մնայ ուրեմն իրողութիւնն ընդունիլ այնպէս, ինչպէս որ է, վստահ ըլլալով, որ Պատուիրակութիւնը հարկ եղած ժամանակ պիտի կանչէ ժողովը եւ թէ ինքն իսկ արդէն ծանր պատգամաւորներու պատասխանատուութիւնը պիտի ուզէ բաժնել այս ժողովին հետ կամ անոր թողուլ: Կ'առաջարկեն, ուրեմն, Պատուիրակութիւնը դատաւոր ընել այս վերահրաւիրման. իսկ մենք, դադարի միջոցին, կրնանք անպաշտօն նիստեր գումարել՝ թելադրութիւններ ընելու համար Պատուիրակութեան եւ կամ գալիք ծանր աշխատանքները դիրացնելու համար:

Տիար Սայեան. Բոլորովին հակառակ են կրկին ժողով գումարելու Փարիզ: Երկրի թշուառ ժողովուրդին քով մեծ աշխատանք կայ ընելիք: Կ'առաջարկեն միւս նստաշրջանը գումարել Զայաստանի մէջ, քանի որ արդի նստաշրջանը իր դերը կատարած է, այսինքն որոշ տիրեթիւներով ընտրել նոր Պատուիրակութիւն եւ ձգել, որ անիկա դիւանագիտական աշխատանք կատարէ: Ուրեմն, եթէ պէտք կայ՝ մնալ տակաւին մէկ-երկու ամիս եւ անկէ վերջ, անշուշտ աշխատանքը լրացնելէ յետոյ, ցրուիլ երկիրը եւ վերածնության գործին սկսիլ:

Տիար Տամատեան. Տիար Թէքեանի յայտարարութիւններուն կատարելապէս համամիտ են: Բայց ես քիչ մըն ալ առաջ պիտի երթամ: Պատուիրակութեան Վսեն. Նախագահը յայտարարեց, որ այս ժողովը, հրաւիրագրին տրամադրութեանց համեմատ, ութ արեւելահայ պատգամաւորներ պէտք էր ունենար. թէ քանի որ այս էական պայմանը լրացած չէ, ժողովը օրինաւորապէս կազմուած չի կրնար նկատուիլ. եւ սակայն, compromiss-ի մը շնորհիւ է, որ իբրեւ Ազգ. Զամագումար ճանչուեցաւ եւ իր նիստերը կը շարունակէ: Այս հայեցակէտին համաձայն չեն եւ զայն անընդունելի կը գտնեն, միանգամայն նաեւ՝ վիրաւորիչ ժողովին արժանապատուութեան: Եթէ ժողովին մէջ արեւելահայեր չկան, այդ պակասին պատճառը մեր կամքէն բոլորովին անկախ է. անիկա առաջ եկած է Զայակական Զանրապետութեան մը կազմութեան պարագայէն, որ մեզի համար force majeure մըն է, թէւ ուրախառիթ force majeure մը: Նոյնպէս այն պարագան, թէ տաճկահայ ժողովուրդին կողմէ ութի տեղ վեց ներկայացուցիչ ունինք՝ ոչինչ կը պակսեցնէ ժողովին օրինաւորութիւնն: Արդարեւ, երբ Սեպտեմբերին Զամագումարին հրաւիրագիրը պատրաստուեցաւ, պատերազմը վերջացած չէր, եւ թէ՛ արեւելահայերուն, եւ թէ՛ Տաճկահայաստանի հայութեան հետ յարաբերութենէ զրկուած էինք: Եթէ մինչեւ Զամագումարին բացուելը պատերազմը շարունակուած ըլլար, եւ այս իսկ պատճառով ո՛չ Տաճկահայաստանէն եւ ո՛չ Կովկասէն պատգամաւորներ չունենայինք, եւ միայն արտասահմանի պատգամաւորները հասած ըլլային, Պատուիրակութիւնը ի՞նչ պիտի ըներ. ժողովը պիտի բանա՞ր, թէ՞ պատգամաւորները իրենց տեղերը պիտի դրկէր, յայտարարելով, որ ժողովը օրինաւորապէս կազմուած չէ:

Վսեն. Պօղոս Փաշա Նուպար. Պատգամաւորները իրենց տեղերը պիտի վերադարձնենք, եւ ասիկա Կովկասի ու Տաճկաստանի հայոց շահուն համար, քանի որ անոնք են, որ կը կազմեն հայութեան մեծամասնութիւնը:

Տիար Տամատեան. Այդպէս չպիտի ընենք, եւ ասիկա այնքան ճիշդ է, որ հրաւիրագրին մէջ նախատեսուած է Թուրքիոյ հայերու պատգամաւորներուն չհասնելու պարագային ժողովը ինք պիտի կարգէ պատգամաւորներ՝ Երկիրը ճանչցող անձնաւորութիւններէ: Դոս երկընտրանք մը կայ: Կամ այն է, որ այս ժողովը օրինաւոր է եւ կամ՝ ոչ: Եթէ օրինաւոր է, եւ ես կը պնդեմ, թէ օրինաւորութեամբ կը գումարուի, ուրեմն կը գործէ կատարեալ հեղինակութեամբ: Իսկ եթէ օրինաւոր չէ՝ ուրեմն կամ Պատուիրակութեան կողմէ շնորհ մը չի կրնար զայն օրինաւոր

դարձնել: Այդ պարագային ժողովը չի կրնար գումարուիլ, ազգային հարցի մասին կարեւոր որոշումներ տալ, եւ ո՛չ ալ նոր Ազգ. Պատուիրակութիւն ընտրել: Այսչափը՝ իբրեւ պատասխան Ազգ. Պատուիրակութեան:

Դիմա գանք երկրորդ կէտի մը: Ասկէ առաջ քանի-քանի անգամներ ժողովականներէ ոմանք պատգամաւորներու այս կամ այն կերպ ընտրութեան մասին ակնարկութիւններ ընելով, միտեցան այս ժողովին օրինաւորութիւնը եւ ձեռնհասութիւնը կասկածի տակ դնել. բան մը, որ նոյնպէս ժողովին արժանապատուութիւնը վիրաւորելու բնոյթը ունէր, եւ որուն դէմ ամէն անգամ բողոքեցի, վերջին անգամուն պահանջելով նաեւ, որ Դիւանը այդպիսի ակնարկութիւններ ընող պատգամաւորները իսկոյն ի կարգ հրաւիրէ: Դժբախտաբար, այդ ընթացքը տակաւին կը շարունակուի: Այսօր իսկ երկու ատենախօսներ մատնանիշ ըրին, թէ այս ժողովին մէջ նշանակովի կանչուածներ կան, թէ ժողովին կազմը հիւանդոտ է եւ այլն: Արդ, նշանակովի կանչուածներէն մէկը ես եմ: Զամագումարի նախապատրաստական նիստերէն մէկուն մէջ ես ալ գտնուեցայ: Եկած էի միամտաբար, բայց տեսայ որ քուէի իրաւունք չունիմ եղեր: Անկէ վերջ՝ ժողովին չմասնակցեցայ, անոր օրինաւորութիւնը չխանգարելու համար: Քիչ վերջը ինձի իմացուցին, թէ Ամերիկայէն առժամեայ պատգամաւոր ընտրուած են. չընդունեցի այդ առժամեայ պաշտօնը եւ չեկայ ժողովին: Յետոյ՝ ժողովը զիս իբրեւ գործիչ հրաւիրեց մասնակցելու իր նիստերուն, ընտրուած պատգամաւորներու համահաւասար ծայնով: Պարտականութիւն համարեցի ընդունիլ այս հրաւերը: Բայց անկէ ի վեր, ինչպէս ըսի, քանիցս ակնարկութիւններ եղան, թէ ժողովը օրինաւոր չէ, որովհետեւ անոր մէջ նշանակովի հրաւիրուածներ կան: Ժողովին օրինաւորութեան մասին, կ'ուզեմ ես ալ նոյնքան նախանձախնդիր ըլլալով, եւ իմ մասին՝ անոր օրինաւորութիւնը վերահաստատելու մտածմամբ, իբրեւ նշանակովի, հետեւաբար՝ ապօրէն կերպով հրաւիրուած մը՝ ահա դուրս կ'ելլեմ այս ժողովէն, դադարեցնելով իմ մասնակցութիւնս այսուհետեւ կատարուելիք աշխատութեանց եւ խորհրդակցութեանց:

Տիար Տամատեան այս յայտարարութիւնը ընելէ ետք, հակառակ ժողովականներու ընդդիմութեան եւ պնդումներուն, մեկնեցաւ ժողովասրահէն:

Տիար Տամատեանի մեկնումէն վերջ, ժողովը, նկատելով որ այս խնդիրը բացուած է ամերիկահայ պատգամաւորներէն մէկուն կողմէ, նկատելով նաեւ, որ ժողովը ո՛չ մէկ վիրաւորիչ ընթացք ունեցած է նշանակովի պատգամաւորներու հանդէպ, որոշեց, որ Դիւանը ինքը Տիար Տամատեանը վերստին ժողովի հրաւիրէ եւ կարգադրէ այս խնդիրը:

Նիստը փակուեցաւ ժամը 8-ին:

Նախագահ

ԶԱՍ, ֆ. 430, ց. 1, գ. 18, թթ. 64-69 շրջ.: Ձեռագիր: Բնագիր:

Նիստ 16-րդ

12 մարտի 1919թ.

## ԱՏԵՆԱԿԱՆ ԳՈՐԾՈՂՈՒԹԻՒՆՔ

### 1. ՆԵՐԿԱՅՈՒԹԻՒՆ ՏԻՄՐ ԲՐՕՅ. ԽԱՉԱՏՈՒՐԵԱՆԻ

Նախագահ Վսեն. Տիար Գ. Նորատունկեան ժողովին անունով բարի գալուստ մաղթեց բարբարոս ճիրաններէ ազատած եւ երկար ճամբորդութենէ մը յետոյ նոր Փարիզ հասած, Միջագետքի պատգամաւոր Տիար Բրօֆ. Խաչատուրեանի, որ փոխադարձ շնորհակալութիւն յայտնեց:

## 2. ԳՐԱԺԱՐԱԿԱՆ ՏԻԱՐ ՊԱՍՍԱՃԵԱՆԻ

Կարդացուեցաւ Ազգ. Պատուիրակութեան մասնագետ-խորհրդակալ Տիար Պասսաճեանի հրաժարագիրը:

Ժողովը որոշեց Պատուիրակութեան ղրկել զայն:

### 3. ԱՌԱՋԱՐԿՈՒԹԻՒՆ ԳՆԱԿԱԿԱՆ ԴՐՕՇԱԿԻ ՄԱՍԻՆ

Կարդացուեցաւ լոնտոնաբնակ<sup>1</sup> ազգայիններէն Տիար Միհրդատեանցի մէկ նամակը, որ ապագայ Հայաստանի ունենալիք պաշտօնական դրօշակի մասին առաջարկներ կը պարունակէր:

Որոշուեցաւ այս նամակը ղրկել Պատուիրակութեան, որ արդէն ուրիշ կողմերէ ալ հայ դրօշակի մասին գրեր ստացած ըլլալով, ամենքը միասին ուսումնասիրութեան պիտի ենթարկէ:

### 1. ԴԻՍՈՒՄ ՀԱՅ ՄԱՍԼՈՅ ՆԵՐԿԱՅԱՑՈՒՑԻՉՆԵՐՈՒՄ

Կարդացուեցաւ նամակ մը հայ մամուլի Փարիզի ներկայացուցիչներուն կողմէ, որոնք կը խնդրէին ներկայ գտնուիլ Համագումարի նիստերուն:

Նախագահ Վսեմ. Տիար Գ. Նորատունկեան յայտնեց, թէ որոշուած է արդէն դռնփակ ընել նիստերը. բայց ժողովին աշխատութեանց մեծ մասը արդէն լրացած ըլլալով, թերեւս կերպով մը կարելի է գոհացում տալ մամուլին:

Տիար Բրօֆ. Խաչատուրեան շեշտեց, թէ ժողովուրդը որքան անծկութեամբ եւ հետաքրքրութեամբ կը սպասէ Համագումարի լուրերուն, եւ առաջարկեց, որ իւրաքանչիւր նիստէ յետոյ Դիւանը հակիրճ զեկուցումներ տայ մամուլին:

Տիար Միքայէլեան առաջարկեց փոխել նախկին որոշումը եւ ընդունիլ մամուլի ներկայացուցիչները:

Տիար Թերզիպաշեան ըսաւ, թէ օրինական չէ նախկին որոշում մը փոխել. Դիւանը կրնայ մամուլին հաղորդել հարկ եղած տեղեկութիւնները:

Տիար Չօպանեան յայտնեց, թէ համակարծիք չէ, որ մամուլին առջեւ դռները գոցուին, եւ առաջարկեց Համագումարի գոնէ վերջին մէկ քանի նիստերուն ընդունիլ մամուլի ներկայացուցիչները:

Որոշուեցաւ անխախտ պահել նախապէս տրուած որոշումը եւ ի հարկին տեղեկութիւններ տալ Դիւանին կողմէ մամուլին, երբ սա դիմում ընէ:

## 5. ԵՐՈՒՄԱՂԵՍԻ ԽՆԴԻՐ

Կարդացուեցաւ Երուսաղէմէն հասած գիր մը, որ կը յայտնէր, թէ անիշխանութիւն կը տիրէ Հայոց Վանքին մէջ եւ թէ ազգ. հարստութեանց մատակարարութիւնը գոհացուցիչ չէ:

Տիար Բրօֆ. Խաչատուրեան դիտել տուաւ, թէ այս ժողովը չի կրնար այդպիսի խնդիրներով զբաղուիլ:

Տիար Հինդլեան հակառակ կարծիք յայտնեց եւ ըսաւ, որ այժմ ձեռնհաս պաշտօնական մարմին գոյութիւն չունենալով եւ հաղորդակցութիւնները դժուար ըլլալուն, մենք չենք կրնար աչքերներս գոց անցնիլ ազգ. սեփականութեանց վերաբերող խնդրի մը վրայէն:

<sup>1</sup> Պետք է ըլլայ «Լահէյաբնակ»

Ժողովը այս խնդիրն ալ ուղարկեց Պատուիրակութեան, անոր թողլով կարելորդ տնօրինել:

## 6. ԱԶԳ. ՀԱՆԳԱՆԱԿՈՒԹԻՒՆ ԻԶՄԻՐԻ ՄԵՋ

Նախագահ Վսեմ. Տիար Գ. Նորատունկեան կարդաց Իզմիրէն եկած հեռագիր մը, որ կը յայտնէր, թէ Տիար Նիքոթեանի նախաձեռնութեամբ տեղի ունեցած հանգանակութիւնը 150.000 ոսկիի յանգած է, եւ հրահանգ կը խնդրէր, թէ ո՞ր եւ ինչպէ՞ս փոխադրելու է դրամը:

Այս հեռագիրը յանձնուեցաւ պիւտճէի խնդրով զբաղող յանձնաժողովին, որ պիտի որոշէ նաեւ այդ գումարին ծախսուելու եղանակը, նկատի ունենալով Միջագետքի, Ատամայի եւ այլն բշուառ վիճակը:

Ժողովը յանձնարարեց Պատուիրակութեան Նախագահին, որ նուիրատուներուն շնորհակալութիւն յայտնէ նաեւ Համագումարին կողմէ:

## 7. ՎԵՆԵՏԻԿԻ ՄԻՒԹԱՐԵԱՆՑ ՄԱՍՆԱԿՑՈՒԹԻՒՆԸ ԱԶԳ. ՀԱՆԳԱՆԱԿՈՒԹԵԱՆ

Վենետիկի Միւթարեանց պատգամաւոր Հ. Յովհ. Վ. Թորոսեան Ս. Ղազարու վանքին կողմէ 30.000 ֆր. Պատուիրակութեան հանգանակութեան գործին յատկացուած ըլլալուն վերաբերող զեկուցում մը ըրաւ, պարզելով այն բոլոր դժուարութիւններն ու նեղութիւնները, որոնց ենթակայ եղան վանքը եւ իր հաստատութիւնները՝ աշխարհային այս մեծ պատերազմին հետեւանքով:

Տիար Տամատեան. Հայ ազգին անցուցած այս դժնդակ ժամանակամիջոցին մէջ՝ մենք Միւթարեան Միաբանութեան կողմէ մեծ ժեսք մը սպասելու իրաւունք ունէինք: Բայց երբ նկատի առնենք այն կաշկանդիչ պայմանները, որոնց մէջ գտնուեցաւ ան, այս ըրածին իսկ կարելի է ըսել հրաշք մըն է, որուն համար մենք երկիցս պէտք է շնորհակալ ըլլանք:

Ամեն. Դուրեան Արքեպիսկ. Ես ալ պարտք կը համարեմ ըսել, որ մեծ չափով կրած եմ Վենետիկի Միաբանութեան սքանչելի հանձնարներուն ազդեցութիւնը: Անոնք մեզ ամենուս տրվեցուցին մեր լեզուն, մեր մէջ վառ պահեցին ազգային զգացումը եւ զմեզ հայրենասէրներ դարձուցին: Փառաւոր ըլլան Միւթարը եւ իր մեծ յաջորդները: Մաղթենք նաեւ, որ Հայաստանի մէջ ամեն տեղ հիմնուին Վենետիկեան Միաբանութեան դպրոցները:

Նախագահ Վսեմ. Տիար Գ. Նորատունկեան յանուն Համագումարին շնորհակալութիւն յայտնեց Միւթարեան բազմարդին Միաբանութեան, անոր ղրկած այս նպաստին եւ իր դպրոցներու վերականգնումին նպատակով ձեռք առած միջոցներուն համար, եւ յարեց, թէ ազգին փափաքը այն է, որ Միւթարեանները միշտ եւ միշտ բարգաւաճին ու ընդարձակեն իրենց ազգօգուտ գործունէութիւնը եւ աւելի մեծ բաժին մը ստանձնեն մեր բազմաթիւ որբերու կրթութեան ու պահպանման կենսական գործին մէջ:

## ՕՐԱԿԱՐԳ

### 1. ՏԵՂԵԿԱՑՈՒԹԻՒՆ ՎԱՍԵ. ՊՕՂՈՍ ՆՈՒՊԱՐ ՓԱՇԱՅԻ

Ժողովը օրակարգի անցնելով, Ազգ. Պատուիրակութեան Նախագահ Վսեմ. Պօղոս Փաշա Նուպար հետեւեալ տեղեկատուութիւնը ըրաւ իր եւ Ազգ. Պատուիրակութեան նախորդ գործունէութեան մասին.

**Ամփոփ Տեսութիւն**

Ազգային Պատուիրակութեան աշխատութեանը՝  
Նախագահ Պողոս Նուպար Փաշային կողմէ ներկայացուած  
Հայ Ազգային Համագումարին

Փարիզ, 15 Մարտ 1919.

Պատերազմի չորս տարուան ընթացքին Ազգային Պատուիրակութեան կատարած աշխատութեանց տեսութեան սկսելէ առաջ, օգտակար կը դատեն նախ, մէկ քանի խօսքով, յիշեցնել ձեզի այն բանակցութիւնները, որ Պատուիրակութիւնը կատարեց Մեծ Պետութիւններուն մօտ, 1912-էն 1914, Հայաստան բարենորոգումներ ներմուծելուն համար:

Ինչպէս գիտէք, Ռուսիան էր, որ նախաձեռնարկ եղաւ յիշեցնել թուրքիոյ՝ իր ստանձնած յանձնարարութիւնները նախ՝ Սան Սթեֆանոյի եւ յետոյ՝ Պերլինի դաշնագիրներով, հայկական գաւառներու մէջ բարենորոգումներ ներմուծելու համար:

Անմիջապէս համաձայնութիւն մը գոյացաւ Դաշնակից պետութիւններուն մէջ՝ ոյժ տալու համար ռուսական կառավարութեան նախաձեռնութեան եւ որոշուեցաւ Մեծ Պետութիւններու Կ. Պոլսոյ դեսպաններուն պաշտօն յանձնել վերջնական ծրագիր մը մշակելու, հիմ ընելով Հայոց Պատրիարքարանի մշակած ծրագիրը: Այս ծրագիրը Կ. Պոլսէն ինծի բերաւ Ս. Փափագեան, որ ո՛չ միայն միջնորդի դեր կատարեց, այլ նաեւ շատ օգտակար կերպով աջակցեցաւ ինծի: Դժբախտաբար, դեսպաններուն աշխատութիւնը բացայայտ ընդդիմութեան մը բախեցաւ Բ. Դռան կողմէ, որ ուժգնապէս պաշտպանուած էր գերմանական կառավարութեան եւ յետոյ իր ցեղակիցներէն:

Այս ընդդիմութիւնը տեղի տուաւ երկայն եւ տաժանելի բանակցութիւններու, եւ Գերմանիոյ չարամտութիւնը այն աստիճան ջլատեց Ազգային Պատուիրակութեան գործը, որ ստիպուեցայ Պերլին երթալ՝ աշխատելու համար բառնալ խոչընդոտները:

Պէտք է խոստովանեմ, որ Ս. Գիմմերման, որուն դիմած էի իբր Արտաքին Գործոց Պետական Փոխ-Քարտուղար, - քանզի Ս. ժագով, Պետական Քարտուղարը, դեռ ձեռք չէր առած իր նախարարութեան գործերը,- բարեացակամօրէն վարուեցաւ, եւ ես երջանիկ եղայ զինքը համոզելու, թէ հայերու ի նպաստ պահանջուած բարենորոգումները օգտակար պիտի ըլլային նաեւ նոյնիսկ Օսմանեան կառավարութեան, քանզի անոնք պիտի բառնային խռովութիւնները եւ անկարգութիւնները՝ որոնք ուշ կամ կանուխ պետութիւններուն միջամտութեան տեղի պիտի տային: Քանզի այն ժամանակ Պալքանեան պատերազմի շրջանին մէջ կը գտնուէինք եւ բոլոր դիւանագետները կը ջանային արգիլել, որ այդ բախումը ընդհանուր պատերազմ մը առաջ բերէ, ինչ որ Գերմանիան անգամ /անշուշտ ինքզինքը բաւական պատրաստ չգտալով մեծ պատերազմի մը/, ջերմօրէն կը բաղձար խուսափիլ անկէ:

Ս. Գիմմերման, համոզուած հայկական պահանջներուն անկեղծութեան եւ արդարութեան, իմ ներկայութեանն հեռագրեց իր Պոլսոյ դեսպանին, եւ նոյն վայրկեանէն սկսեալ Համաձայնական Պետութեանց ներկայացուցիչներուն հանդիպած դիմադրութիւնը դադրեցաւ: Այս կերպով, վերջապէս, համաձայնութիւնը գոյացաւ եւ 8 Փետրուար 1914-ին Բարենորոգումներու Որոշումագիրը պարտադրուեցաւ Բ. Դռան, որ զայն ընդունեց:

Աւելորդ կը համարեմ հոս յիշեցնել ձեզի, թէ ինչ բան է կը բաղկանար, իր մանրամասնութիւններուն մէջ, այդ Բարենորոգումներու Որոշումագիրը, որ այժմ սոսկ պատմական շահեկանութիւն մ'ունի: Բայց եւ այնպէս՝ այն ժամանակ երբ հայերն իրենց կեանքին եւ ինչքին համար միմիայն արդարութիւն եւ ապահովութիւն կը պահանջէին, զոհ եղան այդ բարենորոգումներէն,- որքան ալ անկատար ըլլային անոնք,- յուսալով, որ իրենց համար այլեւս խաղաղութեան նոր դարագլուխ մը պիտի բացուէր:

Այդ միջոցներուն,- Պերլին ըրած ճամբորդութենէ վերջը,- Բեթրուկրատ գացած էի: Բնական է, թէ հող Ս. Սազոնֆի կողմէ լավագոյն ընդունելութիւն մը գտայ, որովհետեւ Ռուսիոյ նախաձեռնութեան վրայ էր, որ բարենորոգումներու ծրագիրը պատրաստուած էր: Ինծի յայտարարեց, որ կայսերական կառավարութեան հայոց համդէպ հետեւած քաղաքականութիւնը այլեւս Լոպանֆի եւ Կալիցինի քաղաքականութիւնը չէ եւ թէ ապահով կրնայի ըլլալ, որ ինքը կը նկատէր հայերը կայսրութեան անէնաուղղամիտ եւ անէնահաւատարիմ հպատակներէն մին: Կարծեմ շահեկանութենէ զուրկ չի պիտի ըլլայ յիշել, այդ օրէն ի վեր պատահած դէպքերուն պատճառաւ, որ Ս. Սազոնֆ զիս զգուշացուց գերմանական կառավարութեան խարդախութիւններուն դէմ, որուն համդէպ մեծ անվստահութիւն մը կը ցուցնէր:

Բ. Դուռը, հաւատարիմ իր աւանդական քաղաքականութեան, ջանաց կերպարանափոխել Բարենորոգումներու Որոշումագիրը, զայն գործադրութեան դնելէ առաջ իսկ: Ձայն քննելու պաշտօն յանձնեց Օսմանեան կառավարութեան իրաւագէտ խորհրդական Ս. Օսթրօրկի, որ յաջողեցաւ ընդհանուր վերահսկիչներու պաշտօնի պայմանագիրներուն եւ Բարենորոգումներու Որոշումագիրին կցուելիք կանոնագրութեան մէջ ներմուծել յօդուածներ, որոնք սահմանուած էին ջլատելու գործունէութիւնը ընդհանուր վերահսկիչներուն եւ մատնելու զանոնք գրեթէ անկարողութեան:

Ինչ որ ալ ըլլայ, նոր ձգձգումներէ վերջը երկու ընդհանուր վերահսկիչները,- որոնք պաշտօն ունէին բարենորոգումները գործադրելու,- անուանուեցան: Անոնք էին Քոլունէլ Հոֆֆ եւ Ս. Վեսթենեկ:

Դեպքերը, դժբախտաբար, ցոյց տուին, թէ որքան ընդունայն էին մեր յոյսերը: Բարենորոգումները դեռ չէին սկսած գործադրուիլ, երբ պատերազմը պայթեցաւ եւ թուրքիա, որ թեպէտ դեռ չէր մասնակցած պատերազմին, իսկոյն օգտուեցաւ առիթէն ոտնակոխ ընելու համար իր յանձնարարութիւնները եւ սկսաւ ջարդի եւ տեղահանութեան իր գործը:

Այն ժամանակ, 1915 Ապրիլին, Վեհափառ Կաթողիկոսը ինծի հեռագրեց Եգիպտոս, ուր վերադարձած էի, եւ զիս կրկին անուանեց իր լիազօր ներկայացուցիչը եւ նախագահ Երոպիոյ Ազգային Պատուիրակութեան:

Յաջորդ ամսոյն, 1915 Մայիսին, Տոքթ. Ջարիէֆ Փարիզ հասաւ եւ ինծի յանձնեց յայտագիր մը, որ Թիֆլիսի Ազգային Պիւրոն պատրաստած էր ռուսական կառավարութեան հետ համաձայնութեամբ:

Այսպէսով, տեղեկացայ, որ Ֆրանսա եւ Ռուսիա, թուրքիոյ պատերազմի մտնելէն անմիջապէս վերջը, համաձայնութիւն մը կնքած էին, որուն հետեւանքով, կանխատեսելով Օսմանեան կայսրութեան բաժանումը, Ֆրանսան ստացած էր Կիլիկիան, եւ Ռուսիան Կ. Պոլիսը, Էրզրումի, Պիլիսի եւ Վանի հայկական երեք գաւառներուն հետ: Բայց Ռուսիա, զղջալով այդ կարգադրութեան վրայ, կը մղէր հայերը պահանջել Կիլիկիան եւ մեզ կը խոստանար իր աջակցութիւնը՝ ստանալու համար ինքնավարութիւն մը միացեալ վեց գաւառներու եւ Կիլիկիոյ համար:

Արդ, Կովկասէն ինծի բերուած յայտագիրը կը պարունակէր.  
ա./ պահանջել վեց գաւառներու եւ Կիլիկիոյ համար ինքնավարութիւն մը՝ սուլթանին անուանական գերիշխանութեան տակ.

բ./ խնդրել՝ ինքնավար Հայաստանի համար ֆրանսայի, Անգլիոյ եւ Ռուսիոյ հաւաքական թելարկութիւնը.

գ./ հրաժարիլ Եունուրթալըքի եւ Իսթնտրուճի նաւահանգիստներէն Անգլիոյ եւ Ֆրանսայի կողմէ ըլլալիք ընդդիմութենէ մը խուսափելու համար:

Եիշդ այս միջոցներուն, ջարդերը, որոնց տակալի վայրագութիւնները, աւաճող, ամենքնիս գիտենք որպէսզի հարկ ըլլայ անոնց վրայ անդրադառնալ.- եթէ ոչ անգամ մալ յարգանք մատուցանելու համար մեր մարտիրոսներուն յիշատակին,- այնքան մեծ համեմատութիւններու հասան, որ ջանքերս կեդրոնացուցի նախ՝ գանոնք կասեցնելու համար ձեռք բերել Դաշնակից եւ չեզոք պետութիւններուն միջամտութիւնը: 1915 Մայիսին, Դաշնակից պետութիւնները, որ պատերազմին մէջ ըլլալով չէին կրնար, դժբախտաբար, գործնականապէս միջամտել, Բ. Դռան ուղղեցին հաւաքական յարտարարութիւն մը, որով թիւրք վարիչները անձնապէս պատասխանատու կը բռնէին հայոց վրայ կատարուած ոճիրներուն համար:

Այդ ժամանակ իմ բանակցութիւններս կը կայանային միայն պատրաստութիւններու մէջ, վասնզի Դաշնակից պետութիւնները կը մերժէին ռեւէ յանձնառութիւն մտնել մինչեւ որ պատերազմը վճռական փուլի մը մէջ չմտնէր: Այսուհանդերձ, կրցայ ներկայացնել, 1916 Յունիսին, յիշատակագիր մը Տ. Տէլքատի, որ շատ նպաստաւոր ընդունելութիւն մըրաւ անոր, եւ որովհետեւ Լոնտրայի մէջ ալ շատ համակրութիւն գտած էի մեր դատին համար, միեւնոյն յիշատակագիրը ներկայացուցի նաեւ անգլիական Արտաքին Գործոց Նախարարութեան:

Նոյն տարւոյն Հոկտեմբերին էր, որ Լոնտրա կանչուեցայ, ուր կը գտնուէր այն ժամանակ Տ. Ժորժ Փիքո, որ Սըր Մարք Սայքսի հետ Օսմանեան Կայսրութեան Փոքր Ասիոյ հողամասերուն գաղտնի համաձայնութիւնը պատրաստած էին: Այդ համաձայնութեան,- որուն ամբողջութեան տեղեակ եղանք յետոյ,- միայն Հայաստանի վերաբերեալ պայմանները ինձի հաղորդուեցան այն ժամանակ: Համաձայնութիւնը արդէն կնքուած էր: Կիլիկիան եւ հարաւային գաւառները Ֆրանսայի թողուած էին եւ Ռուսիան կը ստանար հիւսիսային գաւառները: Կատարուած իրողութեան մը առջեւ գտնուելով,- որուն վրայ այլեւս վերադառնալ անկարելի էր,- խնդրեցի, երբ տեսայ, որ, դժբախտաբար, Հայաստան երկուքի պիտի բաժնուէր, որ Կիլիկիոյ եւ վեց գաւառներուն շնորհուրէր գէթ ինքնավարութիւն մը, ամենալայն ձեւի մը տակ, եւ Ֆրանսայի թելարկութեան տակ:

Անգլիական կառավարութեան հետ համաձայն, ֆրանսական կառավարութիւնը բացայայտ կերպով յանձնառու եղաւ ատոր, բայց պահանջեց, փոխարէնը, որ Ազգային Պատուիրակութիւնը կամաւորներ տայ՝ օժանդակելու համար Հայաստանի ազատագրութեան եւ այդ կերպով նոր իրաւունքներ ձեռք բերել Դաշնակիցներու աջակցութեան համար: Հէիմք կրնար մերժել այս զինուորական օգնութիւնը, որ մեզմէ կը պահանջուէր մեր ինքնավարութեան փոխարէն: Բայց որովհետեւ ես չէի ծածկել այն մեծ վտանգները, որ Հայաստանի այս զինեալ միջամտութիւնը ապահովաբար վտանգի մէջ պիտի դնէր հայ բնակչութիւնը, զոր թիրքերը իբր ջնջարիտ պատանդներ կը պահէին, եւ որոնց վրայ ի գործ պիտի դնէին փոխվրժմներ, հաւանեցայ կամաւորներու զինուորագրութեան համար կոչ մը ընել, բացորոշ կերպով պահանջելով, որ կանխագուշակական ամենախիստ միջոցներ ձեռք պիտի առնուէին որպէսզի հայերը ուղղակի կերպով չմիջամտէին զինուորագրութեան գործին մէջ, որ պէտք էր ըլլար միմիայն ֆրանսական իշխանութեան նախաձեռնութեամբ եւ խնամքով: Իմ վախիս եւ խղճահարութեան հիմնաւոր ըլլալը ճանչցաւ կառավարութիւնը եւ մեր կամաւորներու զինուորագրութեան համար տրուած բոլոր պայմանները ընդունուեցան եւ գործադրուեցան: Այն ժամանակ միայն կոչ մըրիմք մեր Եգիպտոսի եւ Ամերիկայի հայրենակիցներուն եւ կազմուեցաւ Արեւելեան Լեգէոնը, որ վերջէն անուանուեցաւ Հայկական Լեգէոն:

Պէտք է յիշատակեն հոս, որ երկու Դաշնակից կառավարութիւններուն խորհուրդին վրայ, Ազգային Պատուիրակութիւնը հաղորդակցութեան մտաւ Սիոնական Քոմիթէի եւ արաբներուն հետ՝ համագործակցելու համար: Մեր բարի համաձայնութիւնը, մանաւանդ Սիոնականներու հետ, օգտակար եղաւ մեզի սիրաշահելու Անգլիոյ մէջ Պահպանողականներու աջակցութիւնը, որ մինչեւ այն ժամանակ զլացուած էր:

Այդ թուականէն է, որ կը սկսի այդ սկզբունքը ընդունուած թէ՛ Ֆրանսայի եւ թէ՛ Անգլիոյ կողմէ, ստեղծելու համար հայկական կառավարութիւն մը՝ կատարելապէս ինքնավար:

Այս էր կացութիւնը 1916 տարւոյն վերջերը: Այդ թուականէն սկսեալ՝ Ազգային Պատուիրակութիւնը իր աշխատութիւնները հետապնդեց վերոյիշեալ հիմներուն վրայ, աշխատակցութեամբ Վսեմ. Յովհաննէս Խան Մասեհեանի, որ այն ժամանակ միայն անպաշտօն կերպով մեզի միացած էր, Պարսկաստանի մէջ իր ունեցած դիւանագիտական դիրքը թոյլ չի տալով իրեն պաշտօնական յանձնառութիւն մընդունիլ: Քիչ յետոյ, 1917 Մայիսին, Տ. Մալքում, որ թանկագին կերպով աջակցած էր ինձի Լոնտրա գտնուած միջոցիս, Վեհ. Կաթողիկոսին կողմէ Ազգային Պատուիրակութեան անդամ անուանուեցաւ, իմ առաջարկութեանս եւ Անգլիոյ հայկական գաղութին նախաձեռնութեան վրայ:

Այսուհանդերձ, մեր բանակցութիւնները դանդաղած էին: Դաշնակիցները՝ պատերազմին իրենց տուած ծանր մտահոգութիւններով խորասուզուած, որուն ելքը այն ժամանակ շատ տարակուսելի էր, կը զգուշանային զբաղել Փոքր Ասիոյ խնդիրներով եւ ստանձնելէ զօրաւորագոյն յանձնառութիւններ Հայաստանի համար, որուն ճակատագիրը Դաշնակիցներուն յաղթանակէն կախուած էր:

Երկու դէպքեր վրայ հասան, որ այս կացութիւնը բոլորովին փոխեցին.

ա./ Ռուսական յեղափոխութիւնը (18 Մարտ 1917-ին), որ առաջին հարուած մը տուաւ 1916-ի համաձայնութեան, որուն մէկ պայմանադրող կողմը Ռուսիան էր, մինչդեռ յեղափոխական կառավարութիւնը կը հակառակէր ռեւէ կցումի.

բ./ Նախագահ Ուիլսոնի պատգամաւորներուն ազդեցութեան տակ Դաշնակիցներուն պատերազմի նպատակներուն փոխուիլը, եւ յետոյ Սիւրսեալ Նահանգներուն պատերազմի մասնակցելու հետեւանքով 14 կէտերուն որդեգրումը:

Այլեւս թելարկութեան խնդիր չէր կրնար յարուցուիլ այնպէս՝ ինչպէս որ կանխատեսուած էր 1916-ի համաձայնութեամբ. այդ համաձայնութիւնն արժէքազուրկ էր:

Եիշդ է, որ անելի վերջը, ֆրանսական եւ անգլիական երկու կառավարութիւնները, զգալով որ այլեւս չպիտի կրնային պահպանել 1916-ի համաձայնութիւնը, որոշեցին միահաղոյն յայտարարութիւն մը հրատարակել, որուն մէջ իւրաքանչիւրը, իրեն վերաբերեալ մասին համար խոստում կու տար ազատագրեալ ժողովուրդներուն՝ անոնց ապահովել ամենալայն ինքնավարութիւն մը՝ երաշխաւորելու համար անոնց ձեռքբազատումը եւ անոնց քաղաքակրթութեան զարգացումը:

Այդ յայտարարութեամբ կ'անկարկուէր միմիայն պարզ աջակցութիւն մը, բայց նոյնիսկ այդ ձեւին տակ 1916-ի համաձայնութիւնը Հաշտութեան Վեհաժողովին կողմէ այլեւս չէր կրնար ընդունուիլ:

Այս պայմաններուն մէջ, Ազգային Պատուիրակութիւնը, մեկդի դնելով Հայաստանի բաժանման ռեւէ գաղափար, չկարանցաւ կրկին պահանջել ինքնավար Հայաստանի մը կազմութիւնը, բոլոր թրջահայաստանի հողամասերէն, այսինքն՝ Կիլիկիայէն եւ վեց գաւառներէն բաղկացած:

Եւ իրաւապէս այս էր, որ պահանջեցինք իմ 24 Մայիս 1917-ի Յիշատակագիրովս, ուր վերադառնալով Դաշնակիցներու հաւաքական պաշտպանութեան մեր պահանջին, խնդրեցինք, միեւնոյն ժամանակ, Հաշտութեան

Վեհաժողովին յանձնել առժամանակեայ յանձնառութիւն մը պետութիւններէն մէկուն՝ օգնելու Յայաստանին, իր վերաշինութեան գործին մէջ: Դոս պէտք է ի վեր հանել որ հաւաքական պաշտպանութիւնը, զոր մենք կը խնդրէինք պետութիւններէն, ռեւէ կապակցութիւն չունէր քոնտրոլմիսիոնի մը հետ, զոր մենք չենք փափաքիր եւ որուն հակառակած էին նաեւ դիւանատունները, այն բազմաթիւ անպատեհութիւններուն համար, որ կը բոլխին այդ տեսակ ռեժիմէ մը, մասնաւոր այն դժբաղդ փորձէն ի վեր, որ կատարուեցաւ Եգիպտոսի մէջ: Հաւաքական պաշտպանութիւնը, զոր մենք կը խնդրէինք կը կայանար միայն երաշխաւորել Յայաստան՝ դուրսէն զալիք ամէն յարձակումներու դէմ: Ատկից գատ՝ կը պահանջէինք, որ յանձնառու պետութիւնը հարկադրուած ըլլայ նոր հայկական կառավարութեան ընելու փոխառութիւն մը, երաշխաւորել պետութիւններուն կողմէ, անկախաբար պատերազմէն վերջը Թուրքիայէն պահանջուելիք վնասուց հատուցման ֆոնտէն:

Այդ ժամանակէն ի վեր Ազգային Պատուիրակութեան յայտագիրը փոփոխութիւն մը միայն կրեց, երբ Ազգերու Դաշնակցութիւն մը ստեղծելու գաղափարը յղացուեցաւ: Դաշնակիցներու հաւաքական պաշտպանութեան տեղ-ինչպէս պահանջած էինք մինչեւ այն ժամանակ,- մենք պահանջեցինք դրուիլ Ազգերու Դաշնակցութեան երաշխաւորութեան տակ, այն պարագային երբ այդ Դաշնակցութիւնը ստեղծուեր:

Դոս պիտի յիշեմ Ազգային Պատուիրակութեան երեք կարեւոր ձեռնարկները, կատարուած վերջին Դոկտեմբեր եւ Նոյեմբեր ամիսներուն մէջ:

Երբ դէպքերուն գահալիժելուն հետեւանքով, Թուրքիան, անձնատուութեան հարկադրուած, զինադադար մը խնդրելու վրայ էր, մենք Դաշնակիցներէն խնդրեցինք, Դոկտեմբեր 8-ին, զինադադարի որոշումնագիրին մէջ մտցնել մասնաւոր պայմաններ Յայաստանի վերաբերեալ, պայմանադրելով.

ա/ ներգաղթը՝ տեղահաններու եւ գաղթականներու, Դաշնակից գորախումբերու պաշտպանութեան տակ եւ գրաւումը վեց գաւառներու եւ Կիլիկիոյ ռազմական ամէն կէտերուն.

բ/ արգելումը օսմանեան կառավարութեան կազմակերպելու այդ գաւառներուն մէջ թուրքերու գաղթականութիւնը.

գ/ միջոցներ ձեռք առնել սովամահ հայ բնակչութեան գոյութիւնը ապահովելու եւ երկիրը վարչապէս կազմակերպելու՝ Դաշնակից գորախումբերու կողմէ:

Դժբախտաբար, անզլիացի ծովակալի մը յանձնուեցաւ կնքել զինադադարը, որ ամէնէն առաջ նկատի առնելով իր նաւատորմին վերաբերեալ պայմանները, նկատառութեան չառաւ մեր պահանջները:

Յետեւաբար, երբ զինադադարի բնագրին պարունակութիւնը մեզի յայտնի եղաւ, Ազգային Պատուիրակութիւնը բողոքեց իր 7 եւ 12 Նոյեմբեր թուակիր նամակներով, ուղղուած բոլոր Դաշնակիցներուն, եւ կրկնեց այն պահանջը, որ ըրած էր 29 Դոկտեմբերին, ճանչնալու համար հայերը իբր պատերազմիկ: Այս պահանջագիրին ոյժ տուաւ Ֆրանքո-Յայկական Ընկերակցութեան Յանձնաժողովը՝ այցելութեան մը միջոցին, որ ըրինք միասին Քէ տ'Օրսէ: Կարեւոր է ծանօթացնել, որ այս տեսակցութեան միջոցին Տ. Բիշոն ճանչցաւ, որ, յիրաւի, հայերը գործնականապէս պատերազմիկներ եղած էին: Արձանագրեցինք այս յայտարարութիւնը եւ նորոգեցինք միեւնոյն ժամանակ մեր խնդիրը՝ ընդունուելու համար Յաշտութեան Վեհաժողովին մէջ (այդ խնդիրը կանխապէս ներկայացուցած էի արդէն Տ. Քլեմանտոյին եւ Նոյնիսկ Տ. Բիշոնի): Առանց բացայայտ խոստում մը ընելու, նախարարը խոստացած էր մեզի ոյժ տալ մեր խնդրանքին: Բայց նկատելով, որ ռեւէ նպաստաւոր պատասխան մը չէր հասներ եւ Յաշտութեան Վեհաժողովի բացման թուականը կը մօտենար, Ազգային Պատուիրակութիւնը որոշեց, վերջին 30 Նոյեմբերին, հաղորդել բոլոր Դաշնակից եւ ընկերակից պետութիւններուն՝ Յայաստանի անկախութիւնը:

Հիմնուելով այս հաղորդագրութեան վրայ, Ազգային Պատուիրակութիւնը կրկնեց իր խնդիրը՝ ընդունուելու համար Յաշտութեան Վեհաժողովին մէջ եւ Տ. Բիշոնէն եւ նախագահ Ուիլսոնէն ապահովութիւն ստացաւ, թէ միայն սկզբունքի խնդիր մը կ'ընդդիմանար անոր, վասնզի Յայաստան դեռ կազմուած տէրութիւն մը չէր:

Նախագահ Ուիլսոնի նամակը մասնաւորապէս բարեացակամ էր եւ մեզի կը խոստանար, թէ ո՛չ միայն մենք պիտի հրաւիրուէինք ներկայացնելու մեր պահանջները Յաշտութեան Վեհաժողովին, այլ նաեւ մեր շահերը հոն պիտի պաշտպանուէին այն հոգածութեամբ, որով պիտի կրնային պաշտպանուիլ՝ երբ մենք անոր մաս կազմած ըլլայինք:

Վերադառնալով մեր յայտագիրին, մենք կրնայինք, բնականաբար, պահանջել անոր իրագործումը միմիայն Թուրքիոյ հողամասերուն համար, որովհետեւ մենք գրեթէ պատերազմի սկիզբէն ի վեր ռեւէ հաղորդակցութիւն չունէինք Կովկասի մեր հայրենակիցներուն հետ եւ անկարելիութեան մէջ էինք գիտնալու իրենց տեսակէտները: Անոնց նկատմամբ մեր գործունէութիւնը միմիայն սահմանափակուած էր Դաշնակիցներու մօտ կատարուած ստիպողական դիմումներու մէջ, խնդրելով առաքուելու դրամական ձեռնտուութեան եւ ուտեստի, մասնաւոր զինուորական օգնութեան մը՝ Միջագետքի անզլիական բանակին կողմէ: Մեզի եղան բացայայտ խոստումներ, դժբախտաբար առանց արդիւնքի:

Ինչպէս ըսի, անոնց հետ հաղորդակցութեան մէջ չըլլալով, կ'անգիտանայինք անոնց քաղաքական յայտագիրը, հետեւաբար՝ չէինք կրնար խօսիլ անոնց անունով: Եւ մեր ուրախութիւնը մեծ եղաւ, երբ Յայկական Հանրապետութեան Պատուիրակութեան ժամանումով, իմացանք Տ. Սիարոնեանէն, որ Կովկասի մեր եղբայրները մեզի հետ կատարելապէս համաձայն էին, միեւնոյն յայտագիրը կը հետապնդէին եւ կը պահանջէին, մեզի պէս, սերտ միութիւնը Թուրքիոյ եւ Կովկասի ամբողջ հայկական հողամասերուն՝ կազմելու համար միակ Յայաստան մը, դրուած Ազգերու Դաշնակցութեան երաշխաւորութեան տակ, յանձնառու պետութեան մը աջակցութեամբ:

Ինձի համամիտ պիտի ըլլաք, որ մեր ազգին պատիւ կը բերէ հաստատելը, թէ Կովկասի հայերը՝ կղզիացած ըլլալով հանդերձ եւ առանց մեզի հետ խորհրդակցելով համաձայնութեան մը յանգելու, ազգային պահանջներուն մէջ կատարելապէս համաձայն գտնուած են իրենց Թուրքիոյ եղբայրներուն հետ:

Այս կ'ապացուցէ մեր ինքնածին ազգային զգացումը, որուն համար իրաւունք ունինք հպարտանալու, որ զմեզ ամենքիս հաւասարապէս կ'ոգեւորէ եւ զմեզ միշտ կը միացնէ, որքան ալ իրարմէ հեռու եւ բաժնուած ըլլանք:

Այսպէսով է, որ կրցանք, կատարեալ համաձայնութեամբ ստորագրել եւ ներկայացնել, Տ. Սիարոնեանի հետ միասին, մեր Յիշատակագիրը Յաշտութեան Վեհաժողովին:

Տ. Սիարոնեան բացատրեց Յայկական Հարցը Կովկասի մէջ իր մանրամասնութիւններով, մինչդեռ եւ բացատրեցի այն ամէնը, որ կը վերաբերի Թուրքիոյ հայկական հողամասերուն: Երկուքնիս ալ հաստատեցինք մեր կատարեալ համաձայնութիւնը մեր պահանջներուն մէջ ամբողջական Յայաստանի մը մասին, կազմուած ռուսական եւ թրքական երկու Յայաստաններու միացումով, եւ այն լուծումին մէջ՝ որ մեր կը խնդրենք մեր դատին համար:

Եզրակացնելու համար, պարզած այս արագ տեսութենէ կը հետեւի, որ Ազգային Պատուիրակութեան հետապնդած յայտագիրը, զոր վաւերացուցիք՝ զայն մտցնելով Յաշտութեան Վեհաժողովին ներկայացուած Յիշատակագիրին մէջ, կրնայ ամփոփուիլ այս երկու կէտերուն մէջ.

Ազատում թրքական լուծէն, Ամբողջական Յայաստան մը, դրուած Ազգերու Դաշնակցութեան երաշխաւորութեան տակ, ժամանակաւոր աջակցութեամբ յանձնառու պետութեան մը:

Եւ կը կարծեմ, Տիարք, որ Ազգային Պատուիրակութիւնը կրնայ ինքզինքը շնորհաւորել՝ հաստատելով, որ այսօր Հաշտութեան Վեհաժողովին մէջ հաւաքուած դիւանագետները,- որ մեզի պէս միեւնոյն խնդիրը լուծելու կոչուած են, ո՛չ թէ միայն Հայաստանի, այլ նաեւ Թուրքիայէն ազատագրուած բոլոր ազգերու խնդիրները,- մեզի պէս միեւնոյն լուծումին յանգած են:

Այս յայտագրին առաջին կետը՝ թրքական լուծէն ազատումը, կատարուած իրողութիւն մըն է:

Գալով երկրորդ կէտին, գիտենք, որ Հաշտութեան Վեհաժողովը մօտերս արտայայտուեցաւ այս մասին, գերմանական գաղթավայրերու եւ Օսմանեան Կայսրութեան ճակատագիրերու մասին ասած որոշումներովը:

Ան որոշեց, որ Թուրքիայէն ազատուած ազգերը Ազգերու Դաշնակցութեան երաշխատութեան տակ պիտի դրուին, յանձնառու պետութեան մը աջակցութեամբ, որ պատասխանատու պիտի ըլլայ Ազգերու Դաշնակցութեան:

Ուրեմն, մեր յայտագրին գործադրութիւնը, իր ամբողջութեան մէջ, ապահովուած է, հետեւեալը ես, իմ մասիս, պաշտօնս լրացած կը նկատեմ: Ծիշդ է, որ կը մնայ դեռ յանձնառու պետութեան անուանումը, բայց Հաշտութեան Վեհաժողովը ի մօտոյ մեզ խորհուրդ պիտի հարցնէ անոր ընտրութեան մասին եւ պիտի լուծէ այս խնդիրը մեր ամենուս տակով,- ինչ որ կը յուսանք,- կատարեալ գոհացում:

Պօղոս Նուպար

ՀԱԱ, ֆ. 430, ց. 1, գ. 26, թթ. 5-20: Ձեռագիր: Բնագիր:

**Նիստ 17-րդ**

13 մարտ 1919.

Նիստը բացուեցաւ Վսեմ. Նորատունկեանի նախագահութեան տակ, ժամը 5-ին, 30 անդամներու ներկայութիւնով:

**Օրակարգ**

Ա. Ժողովին Իրաւասութեան եւ Ծրագրի Յանձնախումբին բերած նախագծին քննութիւնն ու վաւերացումը:

Բ. Խաղաղութեան Համաժողովին ներկայացուած Յիշատակագրին վաւերացումը եւ տարբեր կարծիքներու արձանագրութիւնը:

Օրակարգին անցնելէ առաջ Պ. Միքայէլեան Ամերիկայի պատգամաւորութեան կողմէ հետեւեալ զեկուցումը կ'ընէ, այս պատերազմի ընթացքին ամերիկահայութեան կատարած դերի մասին /զեկուցումը տեսնել ստորեւ/:

**ԱՄԵՐԻԿԱՅԱՅ ՊԱՏՊԱՄԱԻՈՐՆԵՐՈՒ ՆԵՐԿԱՅԱՑՈՒՑԱԾ ԳՐԱԻՈՐ ՏԵՂԵԿԱԳԻՐԸ**

17 Փետրուար 1919.

Փարիզի Հայ Ազգային Խորհրդաժողովին.

Յարգելի՛ հայրենակիցներ,

Ամերիկահայ պատգամաւորութիւնը, ընտրուած մօտ 100 000 հայ գաղթականութեան կողմէ, իր պարտականութիւնը կը համարէ համառօտ զեկուցում մը ներկայացնել ձեզի՝ գաղութի հայութեան, անոր քաղաքական նպատակներու եւ

կատարած դիւանագիտական աշխատանքներու համար, եւ յոյս ունի, որ այս կերպ կատարած կ'ըլլայ իր պարտքն ու միաժամանակ նպաստած Խորհրդաժողովի աշխատանքներուն:

Այս աշխատանքի կարելորութիւնը կը շեշտուի նաեւ այն պատճառով, որ ամերիկահայ գաղութը եղած է եւ է ամենաբազմաարդն ու զոհաբերողը եւ, հետեւեալը, յոյս ունի, որ դուք լուրջ եւ յստուկ ուշադրութիւն կը դարձնէք իր տեղեկութիւններուն եւ անկէ բխած կարծիքներուն: Այդ հաւատքն ունիմք նաեւ այն պատճառով, որ այդ գաղութը պատրաստ պիտի ըլլայ մեր ազգային բաղձանքները իրականացնելու համար նպատակայարմար եւ ներդաշնակօրէն ընտրուած մարմնին օժանդակելու:

**Ընդհանուր տեսութիւն.**

Ըսինք արդէն, որ մեր գաղութն ունի մօտ 100 000 հայութիւն՝ ցրուած Միացեալ Նահանգներու բազմաթիւ քաղաքներու եւ շրջաններու մէջ, ինչպէս նաեւ Քանատայի: Տասնեակ տարիներու ընթացքին, հոն հաւաքուած են հազարաւոր հայեր, Հայաստանի բոլոր նահանգներէն եւ զաւառներէն եկած եւ մեծ մասով կը զբաղուին գործարանային աշխատանքներով, արհեստներով, երկրագործութեամբ եւ վաճառականութեամբ: Հակառակ անոր, որ հայերը գտնուած են օտար մթնոլորտի մէջ եւ անծանօթ եղած են տեղական լեզուին՝ կրցած են դիզել որոշ հարստութիւն, ստեղծել լաւ դիրք, ինչպէս նաեւ շարունակել ազգային կուլտուրական կեանքը:

Ամերիկահայութիւնն իր ծոցին մէջ կրցած է ստեղծել բազմաթիւ ազգային-հասարակական հիմնարկութիւններ, ունենալ հարիւրաւոր ուսանողներ, պահել Բարեգործական Ընկերութիւնն ու շատ մը ուսումնասիրաց-կրթասիրացներ, որբախնամներ եւ այլ բարենպատակ հաստատութիւններ, քաղաքական կուսակցութիւններ, լուսաւորչական եւ բողոքական եկեղեցիներ, հարիւրաւոր զիւլպներ եւ գրադարաններ, 12-էն աւելի պարբերական հրատարակութիւններ /որոնց մէջ՝ օրաթերթ մը/, կրթել հազարաւոր մանուկներ՝ մայրենի լեզուով եւ գրականութեամբ, խոշոր թիւով հայրենակցական միութիւններ եւ իր ամենօրեայ հրապարակային բացատրական ժողովներով ալ վառ պահել ազգային հայրենասիրական զգացումները:

Ան իր մէջ ունեցած է եւ ունի նշանաւոր բժիշկներու եւ բրօֆէսէօրներու խմբակ մը, որ ամերիկեան համալսարաններու մէջ իբր դասատու են եւ իրենց գործունէութեամբ ալ յարգուած՝ տեղացի եւ օտարազգի հասարակութեան կողմէ:

Քալիֆորնիոյ շրջանին մէջ ալ հայերը կարելոր դիրք կը գրանեն: Այնտեղի արտադրութեամբ: Համիչի 1/3-ը միայն հայերու ձեռքով կը պատրաստուի եւ ամենալաւ մշակուած հողերը մեր հայրենակիցներու չարքաշութեամբ եղած են: Հոն հայ գիւղաքաղաք մը կայ՝ Եդեմ անունով, որու փոսթայի կառավարիչը, դատաւորն ու ոստիկանները հայեր են եւ այդ պատիւ կրնայ բերել իրենց:

Այնտեղի հայութիւնն ունեւոր է: Միլիոնատէրերու կողքին դուք կը գտնէք տասնեակներով հայեր, որոնք հարիւր հազարներու տէր են: Աշխատաւորութիւնն ալ իր գրպանին մէջ դրած ունի եւ այդ այն պատճառով, որ վերջին չորս տարիներու ընթացքին ան հնարաւորութեան զուրկ եղած է Երկիր դրած ուղարկել: Նիւթական այդ ապահով վիճակն ունենալէ զատ՝ անոնք, յատկապէս աշխատաւորութիւնը, ունին նաեւ զոհաբերելու աննման յատկութիւն եւ այդ է գլխաւոր պատճառը, որ միշտ ալ ամերիկահայութիւնը արծազանգ տուած է ազգային բոլոր կարիքներուն եւ այն ալ լիառատ կերպով:

Պատերազմի տարիներ.

Հայ ժողովուրդի վիճակը մեզի, ինչպես նաև ուրիշ գաղութներու հայերուն, խորապես ցնցած է եւ մենք միշտ պատրաստ եղած ենք երեք գլխաւոր ուղղութեամբ աշխատելու. դրամական, մարտական եւ Հայկական Հարցի բրոքականտի:

Դրամական.

Այդ ուղղութեամբ խոշոր դեր խաղցած է ամերիկահայութիւնը: Ամենալայն չափով եւ առատ կերպով մասնակցած է ազգային բնոյթ կրող բոլոր հանգանակութիւններուն: Կովկասեան ճակատի փառաւոր եւ յիշատակելի շարժումներուն ատեն, երբ հայութեան որոշ մասն իր ուսերուն վրայ կը տանէր գործին ծանրութիւնը, մեր գաղութը Հ. Յ. Դաշնակցութեան Ամերիկայի Կեդրոնական Կոմիտէի միջոցաւ մէկ միլիոն ֆրանք տեղափոխեց Ազգային Բիւրոյին եւ Ամենայն Հայոց Կաթողիկոսին: Այդ ատենները գոյութիւն ունեցող Ազգային Պաշտպանութեան Միութիւնն ալ /բաղկացած քաղաքական միւս 3 կուսակցութիւններէ, լուսաւորչական-բողոքական եկեղեցիներէ եւ Հայ Բարեգործական Ընդհանուր Միութենէ/ մօտ 1/2 միլիոն ֆրանք փոխադրեց՝ ազգային զանազան կարիքներուն բաւարարութիւն տալու համար: Երբ Հայաստանի բազմաթիւ վայրերէն փախստականներու խումբեր լեցուեցան Կովկաս եւ հնարաւորութիւն կար դրամ փոխադրելու հոն ապաստանածներուն, Ամերիկայի անոնց ազգակիցները մէկ միլիոն ֆրանքի չափ օժանդակութիւն հասցուցին՝ թէթեւցնելով ազգային մարմիններու բեռը:

Հայ Ազգային Միութեան կազմութենէն ի վեր /երկու տարի/ երկու անգամ հանգանակութիւն տեղի ունեցաւ եւ 5 /հինգ/ միլիոն ֆրանքի գումար մը հաւաքուելով՝ Ազգային Պատուիրակութեան միջոցով յատկացուեցաւ կամաւորներուն, փախստականներուն եւ դիւանագիտական աշխատանքներուն: Եթէ աւելցնենք ասոնց վրայ բազմաթիւ ուսումնասիրացներու, հայրենակցական միութիւններու, Հ. Բ. Ը. Միութեան, կանանց միութիւններու, Հ. Յ. Դ., Կարմիր Խաչերու եւ որբախնամներու հաւաքած ու գործադրած գումարները, մենք ապահովաբար կրնանք ըսել, որ այս չորս տարուայ ընթացքին ամերիկահայութիւնը զոհաբերած է մօտ 8 միլիոն ֆրանք՝ հայ ազատագրութեան համար:

Մարտական.

Մեր գաղութը բաւականացած չէ միայն դրամական օժանդակութեամբ, այլ եւ իր կեանքն ու արիւնը տրամադրած է հայ ժողովուրդի քաղաքական կեանքի ազատութեան համար: Կովկասեան ճակատի կամաւորական շարժման ատեն մեր գաղութի ամենէն լաւ, կենսունակ ու վառվռուն երիտասարդներէն մօտ 1300 հոգի գացին, որոնցմէ ոմանք նահատակուեցան կռուի դաշտին վրայ եւ իրենց արեամբ սրբազործեցին մեր դատը: Կիլիկեան կամաւորական շարժման ատեն, որ յետոյ Արեւելեան Լեզնոն անունն ստացաւ եւ զենքերալ Ալէնպիի հրամանատարութեան տակ դրուեցաւ, 1200 հոգի ամերիկահայերէն, մոռցած ամէն ինչ, թողած ապագան եւ հարստութիւն, վազեցին կռուի դաշտ եւ Արարայի բարձունքներուն վրայ իրենց հերոսական դիմադրութեամբ մեր ցեղի մարտական հոգին երեւան բերին, եւ, այդպիսով, իրենց վրայ ինկած սրբազան պարտականութիւնը կատարեցին: Դաշնակից պետութիւններու զանազան բանակներու մէջ ալ, յատկապէս քանատական, շատ ամերիկահայեր կամաւոր արձանագրուեցան եւ 5000 չափ ալ ամերիկեան բանակի մէջ հայ զինուորներ ստան, որոնց մէկ մասը Ֆրանսայի մէջ քաջաբար դիմադրեց թշնամիին եւ կռուեցաւ Դաշնակից պետութիւններու միջոցաւ, տառապած հայութեան ազատութեան համար: Այդպիսով, մենք իրաւունք կ'ունենանք յայտարարելու, որ մեր գաղութը մօտ 2500 կամաւոր եւ 5000 ալ զինուոր տուած է այս պատերազմին ընթացքին եւ, այդպիսով, թէ՛ դիմադրած է թշնամիին եւ թէ՛ մարդուած ապագայ անկախ Հայաստանի մէջ համապատասխան պարտականութիւններ կատարելու:

Դիւանագիտական.

Տալով բաւականաչափ դրամ եւ երիտասարդութիւն՝ մեր գաղութը կրցած է նաև առաջ տանիլ Հայկական Հարցի բրոքականտը եւ այդ ուղղութեամբ ալ, մասնաւոր վերջին ժամանակներս, խոշոր աշխատանքներ կատարած է: Ամենէն առաջ հրատարակած է երկու օրկաններ՝ անգլերէն լեզուով. The New Armenia եւ Armenian Herald, որոնք կրցած են իրենց վրայ ծանրացած աշխատանքը լաւ կերպով տանիլ: Ազգային Միութեան միջոցաւ հրատարակած եւ ձրիաբար ցրած է քանի մը պրօշիրներ, Տիկ. Փափագեանի The Tragedy of Armenia, Տոքթ. Փաստրմաճեանի Why Armenia Should Be Free, ինչպէս նաև ձրիաբար ցրած է նշանաւոր հայաստներու հրատարակութիւններ՝ ճէյմս Պրայսի The Treatment of Armenians in the Ottoman Empire, Օր. Ալիս Պալաքուելի Armenian Poems եւ ուրիշներ: Հիմնած է յատուկ բրես-պիւր, որու միջոցաւ խոշոր շարժում առաջ բերած է եւ կրցած է հիմնել Հայաստանի անկախութեան համար աշխատող 75-նոց կոմիտէ մը, որու մէջ կը մտնեն ճերարտ՝ ամերիկեան նախկին դեսպան Պերլինի մէջ, Պրայսն՝ արտաքին գործոց նախկին նախարար, Հիւզը՝ Ռիփապիլըն Կուսակցութեան նախագահական նախորդ թեկնածուն, Կարտինալ Կիպպընս, Քոլումպիայի համալսարանի նախագահ Նիկոլայ Բըդլըտ, Փարիզի նախկին դեսպան Հերրիկ, 37 նահանգապետներ, Ռաբբի Ռալֆ, Տոքթ. Պարտըն, Տոքթ. Տիք. Քլիվլընտ, նաև ուրիշներ: Վերջերս նախագահ Ուիլսոնին հետաքրքրեցնելու համար հայկական անկախութեամբ, հետեւեալ քայլերն առնուած են.

Ա. 50 000-ի չափ խնդրագրեր /մօտ 2 միլիոն ստորագրութեամբ/, ամերիկեան քաղաքացիներու կողմէ եւ Հայաստանի ամբողջական անկախութիւնը շեշտող;

Բ. 25 000 եկեղեցիներու կողմէ, նոյն իմաստով, խնդրագիր տրուած է նախագահին;

Գ. Ամերիկեան 48 նահանգներէն 32-ի օրէնսդրական մարմիններն իրենց պաշտօնական նիստերուն մէջ անցուցած են համապատասխան բովանդակութեամբ բանաձեւեր;

Դ. Նոյնիմաստ գրութիւն մը ներկայացուած է նաև Ամերիկայի բոլոր համալսարաններու նախագահներէն:

Գրաւոր եւ բերանացի բրոքականտն ալ մոռցուած չէ եւ այդ ուղղութեամբ խոշոր աշխատանք կատարուած է: Հայերու նախաձեռնութեամբ եւ ամերիկացի բարեկամներու օժանդակութեամբ կազմակերպուած են նաև հայկական նպաստի օրեր՝ նախագահ Ուիլսոնի յատուկ արտօնագրի հիման վրայ:

Դիւանագիտական աշխատանքներ կատարուած են Ազգ. Պատուիրակութեան ցուցումներով եւ անոր հետ եղած սերտ կապակցութեամբ եւ Պ. Միհրան Սվազլըի միջոցաւ, որ Ազգ. Պատուիրակութեան ներկայացուցիչն է եւ Ամերիկեան Հայ ազգային Միութեան ատենապետը: Վերջին շարժումներուն նեծապէս նպաստած է նաև Կաթողիկոսի յատուկ պատուիրակ մը՝ Փաստրմաճեան, որ իր օգտաշատ գործունէութեամբ արժանի է ուշադրութեան:

Ամերիկահայութեան ապագայ դերը.

Անցեալի եւ ներկայի գործունէութենէն դուրս՝ ամերիկահայութիւնը խոշոր դեր ունի կատարելիք եւ ապագային: Իբր անմիջական անհրաժեշտութիւն, պէտք է յայտարարել, որ առաջին իսկ պատեհութեամբ՝ մօտ 15-20 000 հայեր պատրաստ են Երկիր վերադառնալ: Երկրորդ տարին ալ նոյնքան թուով կարելի է փոխադրել, եթէ միայն մեր երկիրը բոլորովին ազատ եւ ապահով ըլլայ ու մենք մեր ազգային կառավարութեան դրօշին տակ կարողանանք մնալ: Գոյութիւն ունեցող ամերիկահայութեան 80%-ը պատրաստ է Հայրենիք վերադառնալ, եթէ անձնագրային դժուարութիւններ չըլլան եւ այդ ուղղութեամբ աշխատանքը չպակսի: Այնտեղէն հնարաւոր է անմիջապէս հարիւր հազարաւոր ֆրանքներ տեղափոխել Կովկասի, Պաղտատի, Հալէպի, Պոլսոյ եւ այլ շրջաններու համար՝ իրենց ազգակիցներուն կողմէ,



եթե միայն այս հստակացումը էլ կամ Ազգ. Պատուիրակությունը յատուկ է լուրջ ուշադրություն դարձնեն փոխադրության միջոցներուն վրայ: Վերադառնալու պատրաստ հայրենակիցներուն մեծ մասը երիտասարդներ են, աշխատանքի վարժուած է պատրաստ վերաշինութեան համար: Անոնք իրենց հետ կրնան երկիր տանիլ բաւական խոշոր գումար եւ փորձառութիւն: Այդ ուժ մ'է, որու օգտագործումը մեծապէս պիտի նպաստէ Հայաստանի վերաշինութեան: Եթէ ընդունիլնք, որ վերադարձող աշխատաւորութենէն /ընդունիլնք մօտ 60 000/ ամէն մէկը 500 տոլար կը տանի, որ ըսել է՝ 30 միլիոն տոլար եւ կամ 150 միլիոն ֆրանք, այն ատեն միայն կրնանք ճշգրտօրէն պատկերացնել ամերիկահայութեան դերն ապագային:

Եթէ ատոնց հետ միատեղ վերադառնան անմիջապէս նաեւ խոշոր եւ միջին վաճառականներ, այն ատեն Հայաստանի վերաշինութեան գործը կը դիւրանայ եւ երկիրն իր առաջին օրերուն մէջ հնչուն դրամ կ'ունենայ:

Հայութեան այդ խոշոր գաղթավայրն իր վերադարձի ատեն կը տանի հարիւրաւոր արհեստաւորներ, որոնց պէտքն այնքան զգալի է մեր քանդուած եւ աւերակ դարձած երկրի համար: Մենք կ'ունենանք նաեւ բազմաթիւ ինթելիկէնթ ոյժեր՝ ճարտարապետներ, մեքենագործներ, բժիշկներ եւ իրաւաբաններ, որոնք յաջող եւ լաւ կառավարութեան ձեռքին մէջ յոյժ օգտակար կրնան ըլլալ:

Այս բոլոր տեղեկութիւններն հաղորդելէն վերջ, երբ տեսնուեցաւ որ ամերիկահայ գաղութը լիուի կատարած է իր դերը, մենք խորապէս համոզուած ենք, որ Փարիզի Հայ Ազգային Խորհրդաժողովը լրջօրէն պիտի վերաբերուի նաեւ մեր ազգային-քաղաքական առաջարկներուն եւ պիտի ջանայ, զոնէ ասկէ վերջ ըլլալիք խնդիրներուն մէջ, որոշ նպատակայարմարութեան եւ համագործակցութեան համար ընդառաջ զնալ մեր բաղձանքներուն:

Քաղաքական մեր պահանջները, որոնց մէկ մասն արդէն ընդունուած է Խորհրդաժողովի կողմէն, իր մէջ կը պարունակեն ամբողջական Հայաստանի անկախութիւնը: Ատոնց մէջ կարելի է անհրաժեշտ կէտը, որ ամերիկահայ ընտրողներուն մեծամասնութեան հաւատքն է, Հայաստանի Հանրապետութիւնն իբրեւ կորիզ ընդունիլն է Միացեալ, Անկախ Հայաստանի: Այս կարելի կէտը ժողովի կողմէն անուշադրութեան մատուած է եւ մենք այդ առթիւ առ այժմ կը յայտնենք մեր խորունկ ցաւը: Մենք բոլորս պիտի փորձենք եւ գործնական օժանդակութիւն բերենք հայկական այդ կառավարութեան, որ ունի իր բառամանքը, բանակը եւ նախարարական կազմը: Եւ արդէն մինչեւ այսօր արտասահմանի պատասխանատու մարմիններու՝ այդ ուղղութեամբ քայլեր չառնելը յոյժ քննադատելի երեւոյթ է եւ խոշոր սխալ: Աւելի անփոփ ըլլալու համար՝ պատրաստ ենք մեր փլաթֆորմն ամբողջովին ներկայացնել:

1. Ընդունիլ Հայաստանի Հանրապետութիւնը որպէս իրաւապէս /տէ ֆաքթօ եւ տէ ելիւրէ/ հայկական կառավարութիւն եւ ճանչնալ զայն որպէս կորիզ Միացեալ, Անկախ Հայաստանի:
2. Պահանջել Միացեալ Հայաստանի անկախութիւնը Պատմական Հայաստանի երեք հատուածներով /Ռուսահայաստան, Տաճկահայաստան եւ Պարսկահայաստան/, Կիլիկիայով եւ Տրապիզոնով միասին:
3. Հայաստանի անկախութիւնը պիտի ըլլայ առանց քոնթրոլի, ունենալով իր սեփական պետական կազմը, Ազգային Խորհրդարանով եւ բանակով՝ երաշխաւորուած Ազգերու Ընկերութեան կողմէ:
4. Տալ անկախ Հայկական Հանրապետութեան այնպիսի կառավարական ձեւ մը, որ հիմնուած ըլլայ աշխատաւորական-ռամկավարական սկզբունքներուն վրայ, որպէսզի դասակարգային հակընդդէմ ոյժերու սուր պայքար երեւան չզայ մեր Հայրենիքին մէջ եւ արգելք հանդիսանայ բնականոն զարգացման:
5. Պահանջել մեր ֆիզիկական եւ նիւթական կորուստներու ամբողջական հատուցումը՝ տեստոն դաշնակիցներէն, Դաշնակից պետութիւններու միջոցաւ:

6. Անմիջական եւ կտրուկ միջոցներով ազատել թրքական հարեմներէն եւ որբանոցներէն հայ կանայք եւ որբեր, եւ յանձնել զանոնք ազգային մարմիններու հոգատարութեան:

7. Պահանջել պատժումը հայկական սարսափներու բոլոր պատասխանատուներուն, իբրեւ եղեռնագործներ, յանուն մարդկային արդարութեան գաղափարին:

Այլեւայլ նպատակներուն հասնելու համար մենք պարտաւոր ենք համերաշխաբար գործելու եւ միասին, ձեռք-ձեռքի տուած, շարունակելու սկսուած գործը:

Մեր քննադատութիւնները ո՛չ մէկ նպատակ ունին քանդելու, այլ՝ շտկելու եւ իրական արդիւններու հասնելու: Եւ մենք համոզուած ենք, որ այս ժողովը, որքան ալ թերի ընտրուած ըլլայ, պարտակաւորութիւն մ'ունի կատարելու եւ այն՝ ընդհանուր համագործակցութեամբ եւ միասնաբար:

Այս յուսով է, որ մենք կը կարծենք, թէ զոնէ ասկէ վերջ, Ազգային Պատուիրակութեան ընտրութեան ատեն, մենք կարող կ'ըլլանք իրար ըմբռնել եւ ընտրել մարմին մը, որուն մէջ կը մտնեն փորձառու եւ Հայկական Դատի տեսակետէն վստահելի անձնաւորութիւններ: Այդ եւ նման համագործակցութեան ատեն է միայն, որ ամերիկահայ գաղութը կարող կ'ըլլայ ամբողջութեամբ իր ոյժերը տրամադրել նորընտիր Ազգային Պատուիրակութեան:

Մ. Համբարձումեան  
Զ. Մաթիկեան  
Ա. Միքայէլեան

ՀԱՍ, ֆ. Պ- 430, ց. 1, գ. 25, թթ. 1-32: Ձեռագիր: Բնագիր:

Պ. Նախագահը շնորհակալութիւն կը յայտնէ Ամերիկայի հայութեան, որ այնքան խղճմտօրէն իր պարտականութիւնները կատարած է Ա. Ազգային պետքերուն համար կարելի գումարներ ժողովելով, Բ. Ամենաբուն խանդավառութեամբ քանի մը հազար կամաւորներ տալով եւ Գ. Մեծ աշխատանք թափելով Հայկական Դատի բրոքականտի համար: Իսկ գալով Ամերիկայի հայութեան ներկայացուցած՝ Հայկական Հարցի գլխաւոր կէտերուն լուծման պահանջին, ամերիկահայ պատգամաւորներ ընդ բաւականին տեղեակ չըլլալով իրաց կացութեան, չեն գիտեր, թէ ի՞նչ կարգի արգելքներ կան մեր փափաքներուն ամբողջական իրականացման դէմ:

Այնուհետեւ Պ. Նախագահը կ'անդրադառնայ Համաժողովի ձեռնհասութեան մասին յայտնուած կարծիքներու եւ կը խնդրէ, որ միանգամընդմիջտ աւելորդ ակնարկութիւններ եւ խօսքեր տեղի չունենան, միշտ կէտ նպատակի ունենալով ազգին գերագոյն շահերը: Այս աշխարհաւեր պատերազմէն յետոյ ճոյն ցրուեալ եւ տարաբաղդ վիճակին մէջ՝ ուր կը գտնուի հայ ազգը, դժուար էր, եթէ ոչ անհնարին, աւելի օրինաւոր ժողով մը կազմակերպել: Այժմ ընդհանուրին աչքը հոս է եւ յոյսը մեր վրայ, հետեւաբար՝ հիմա ժողովին հեղինակութիւնը բարձր պահելու է: Տարբեր մտածումներ այս մասին կրնան մեծապէս վնասել ազգին կենսական շահերուն:

Պ. Նախագահը յետոյ ուրախութեամբ կը զեկուցանէ, որ Իզմիրի հայ գաղութը մէկ հաւաքման մէջ 150 000 հարիւր յիսուն հազար ոսկի ժողոված է:

Ի վերջոյ անդրադառնալով Պ. Տամատեանի հրաժարման, կը յայտնէ, որ շատ աշխատած է զինքը համոզելու, բայց Պ. Տամատեան անդրդուելի մնացած է: Դեռ կը յուսայ սակայն, որ Պ. Տամատեան իր որոշումը պիտի փոխէ, ըստ որուն՝ ո՛չ մէկ ժողովական ուզած է զինք վիրաւորել եւ Պ. Տամատեան ալ ըսած է բարեկամի մը, թէ ինք գոհացած պիտի ըլլայ, եթէ ժողովը որոշէ որ այլեւս չպիտի խօսի նշանակովի պատգամաւորներու մասին:

Պ. Զօպանեան անճիշդ կը գտնէ Պ. Տամատեանի՝ այս ժողովին հանդէպ բռնած դիրքը, քանի որ ժողովին կողմէ անարգական ոչինչ կատարուած է նշանակովի անդամներու դէմ եւ ժողովը ինքն իսկ է, որ որոշած է այդ անդամները: Ինքն ալ կը միանայ Պ. Նախագահի կարծիքին, որ երբեք չպէտք է մանրացնել Զամատեանին հանգամանքը եւ կը վերջացնէ այսպէս. «Ինչպէ՞ս կարելի է աշխատիլ փոքրացնել ժողովին հեղինակութիւնը, երբ նկատի առնենք, որ ամէն կողմէ եկած ներկայացուցիչներէն գատ, այս ժողովին կը մասնակցին նաեւ Կովկասեան Զանրապետութեան պատուիրակները, Կաթողիկոսին կողմէն նշանակուած Վսեմ. Պօղոս Նուպար Փաշան եւայլն»:

Պ. Շանթ. Սկզբունքի խնդիրը եւ ազգային շահու խնդիրը կը շփոթուին: Մենք ինքներս ենք կանչել այդ հրաւիրովի անդամները, որ իրենց օգնութիւնը բերեն մեզ: Բայց եւ ընդհանրապէս խօսած եմ, որ այս ժողովը չունի համազգային ժողով ըլլալու հանգամանքը, որպէսզի միացեալ կառավարութիւններ ստեղծէ եւայլն, եւ ես շեշտած եմ, որ մեր ժողովին գլխաւոր հեղինակութիւնը որոշումները համաձայնութեամբ եւ համերաշխութեամբ անցընելէն պիտի գայ: Ահա թէ ինչ է մեր ըսածը եւ ոչ թէ այս կամ այն անձին ուղղուած անարգանքներ:

Պ. Նախագահ. Եթէ աչքերնուս առջեւ բերենք, որ մէկ միլիոն զոհ տուած ենք, այն ժամանակ բոլոր խնդիրներու մէջ ալ համաձայնութիւնը կը տիրէ եւ այս ժողովը կը կարենայ օգտակարապէս գործել:

Պ. Մաթիկեան, իբրեւ բացատրութիւն, կ'ըսէ, որ ամերիկահայ պատգամաւորներ իրենց հարցերով երբեք մէկը չեն ուզած վիրաւորել: Մեր տեսակէտը եղած է միշտ, որ այնքան ատեն, որ ժողովը ծառայէ ազգային ընդհանուր շահերուն, այնքան ատեն մենք կանգնած կ'ըլլանք անոր կողքին, մեր գաղութին բոլոր միջոցներով:

Նոր եկող պատգամաւորներու ըրած զեկուցման մասին խօսք կ'ըլլայ եւ ժողովականներէն շատեր կը յայտնեն, թէ իրենք ալ իրենց տեղի զեկուցումը պիտի ընեն որպէսզի արծանագրուի:

Պ. Փափագեան կ'առաջարկէ նաեւ վաւերացուած արծանագրութիւնները տպել տալ, որպէսզի ուզողը իր ձեռքը ունենայ:

Ապա ժողովը օրակարգի կ'անցնի եւ խօսքը կը տրուի Պ. Փափագեանին, որ դեռ անցեալ միտին ձայն ուզած էր եւ որ իր ըսելիքներուն միայն գլխաւոր մէկ կէտը կը յիշէ անցեալ անգամ յարուցուած քոմբրոմիս ընելու խնդիրն շուրջ:

Պ. Փափագեան. ճիշդ է, մենք Յանձնաժողովին մէջ քոմբրոմիսներ ըրած ենք, բայց գիտակցութեամբ: Օրինակ, ես ինքս ինծի համար կրնամ ըսել, որ անձնական խղճի հանդարտութեամբ կատարած եմ ատոնք, որովհետեւ անոնք նպատակ ունեցած են միայն ժողովուրդին շահը, քոմբրոմիսներ ընդհանրապէս ըրած են Վսեմ. Նուպար Փաշա՝ ժողովին հանդէպ, ժողովը՝ Պօղոս Փաշային, հոսանքներ՝ իրարու, բայց ասիկա շեղում չէ, նոյնիսկ պատուաբեր է, որովհետեւ մեր ժողովուրդին հանդէպ ունեցած պարտականութեան գիտակցութիւնը ցոյց կու տայ:

Պ. Զօպանեան. ժողովին ձեռնհասութեան եւայլն խնդիրը շատ կարեւոր է, եւ այս առիթով է, որ քոմբրոմիս բառը երեւան եկած է: Ընտրութիւնները ինչպէս ալ կատարուած ըլլան, այս կամ այն թերութիւններն ունենան, իմ կարծիքս այն է, որ այս ժողովը օրինաւոր է, այլապէս այսքան պատասխանատու գործեր յանձն չպիտի կրնար առնել եւ կատարել: Եւ արդէն օրինաւոր չլլալը ասպացուող առարկութիւններն ալ անհիմն են, քանի որ այն երկու դէմքերը, որ ամբողջ արեւելահայութիւնը կը ներկայացնեն, լիակատարօրէն մեր գործակիցներն են, անոնցմով ամբողջ Զանրապետութիւնը կը մասնակցի այս ժողովին եւ ոեւէ խնդիր չանցնիր առանց անոնց խորհրդակցութեան:

Պ. Նախագահը հարց կու տայ, թէ արդեօք ժողովականները դիւրութիւն ունի՞ն հոս սպասելու մինչեւ Զայկական Զարցի վերջնական լուծումը եւ կամ ցուրտ յետոյ նորէն կարելիութիւն ունի՞ն վերահասարակելու:

Պ. Միքայելեան. Երկու պարագայ կայ, կամ այն է, որ խաղաղութեան Վեհաժողովը պիտի լուծէ մեր խնդիրը մեր ուզածին պէս եւ կամ այն է, որ խաղաղութեան Վեհաժողովի լուծումը մեր բաղձաքննութիւնը համեմատ չպիտի ըլլայ: Արդ, առաջին պարագային, այս ժողովը այստեղ գումարուելու բնաւ պէտք չունի, հոն է, երկիրը ահագին աշխատանք կայ ընելիք եւ մենք հոն՝ ժողովուրդին քով է, որ պիտի ըլլանք: Իսկ երկրորդ պարագային, ամերիկահայ գաղութին կարծիքը այն է, որ պէտք է այս երկրորդ ժողովը նորէն Երկիր գումարել. սկսիլ բարլամենթական ընտրութիւններուն, հռչակել միացեալ կառավարութիւն եւ անկախաբար մեզի համար տրուած որոշումէն գործել: Արդ, ես կ'առաջարկեմ՝ ալ չերկարել այս ժողովը, վերջացնել շուտով աշխատանքները եւ Երկիր փոխադրուիլ՝ ուր հաշիւ ունինք տալու մեզ ընտրողներուն:

Պ. Զօպանեան. Ոմանք կը կարծեն, որ խաղաղութեան Վեհաժողովը կրնայ ամիսներ տեսել, իսկ ես համոզուած եմ, որ առ առաւել մէկ ամիսէն կը լրանայ, այնպէս որ ես ցուրտ ոչ-գործնական կը նկատեմ: Մենք արդէն հազիւ 15 օրէն կարողանանք լրացնել ծրագիրը, որ ունինք մեր ժողովին համար, իսկ մնացած օրերուն մէջ, Զայաստանի կառավարական կազմերու եւ այլ խնդիրներ մշակելու համար կ'ընտրենք քոմիսիոններ, եւ երբ Պատուիրակութիւնը վերջնական որոշումը իմանայ ու Զամագումարը միտի հրաւիրէ, թերեւս հարկ կ'ըլլայ 2-3 միտի, որմէ յետոյ կրնանք ցրուիլ:

Պ. Բարսեղեան. Երկու կողմերը լաւ պարզաբանուած չեն: Ես կը կարծեմ, որ այս ժողովը իր միտերը պիտի գումարէ այնքան ատեն, որքան դեռ աշխատանք ունի ընելիք: Մենք մնանք թէ չէ՝ Պատուիրակութիւնը իր ընել կրցածը պիտի ընէ, իսկ որոշումը յայտնուած օրը ինչը՞ն միտ գումարենք անպատճառ. որոշումը հանդիսաւորապէ՞ս իմանալու համար միայն: Ես կ'առաջարկեմ, որ ժողովը իր աշխատութեան ծրագիրը լրացնելէ յետոյ թուական մը որոշէ, օրինակ՝ մինչեւ Ապրիլ 15, որու ընթացքին կրնայ ապագայ Զայաստանին վերաբերեալ խնդիրներուն նախապատրաստական աշխատանքները կատարել: Եթէ մինչեւ այդ թուականը որոշումը չյայտնուի, Զամագումարը կը ցրուի:

Տոքթ. Սայեան. Կամ Զամագումարը իր ունեցած ծրագիրը ամբողջովին պիտի վերջացնէ, եւ կամ դադարէ մը յետոյ պիտի շարունակէ լրացնել իր կիսատ թողուցած ծրագիրը: Ես առաջինին համամիտ եմ: Մենք եկած ենք հոս մեր ծրագիրը լրացնելու եւ յետոյ երթալու ժողովուրդին մէջը, ուրկէ ծնունդ առած են մեր աշխատանքները եւ հոն իրականացնելու հոս մեր տուած որոշումները: Եթէ օրինակ՝ ժողովը ժամանակ մը որոշէ հոս կենալու, դարձեալ կրնամ համաձայն ըլլալ, բայց ինչպէ՞ս կենանք այստեղ անորոշ ժամանակներով: Եթէ ատիկա մեր ընտրած Պատուիրակութենէն հաշիւ առնելու համար է, պէտք չկայ, թող Փաշան Երկիր գայ մեզի համարատուութիւն ընելու համար: Եթէ մեր ժողովուրդը հոն կրնայ ապրիլ, մենք ալ հոն պէտք է ապրինք եւ մեր 30 հոգիին համար ալ տեղ կայ ահագին երեւանեան Զանրապետութեան մէջ: Արդ, ես կ'առաջարկեմ վերջացնել մեր առջեւ դրուած ծրագիրը եւ վերջապէս կարելիութիւն տալ բոլորիս երթալ Երկիր եւ աշխատիլ:

Պ. Մաթիկեան. Մենք չենք կրնար կանխատեսել խաղաղութեան Վեհաժողովին որոշումը տալու օրը: Դեռեւաբար, կ'առաջարկեմ մեր աշխատանքները լրացնելէ յետոյ պայմանաժամ մը որոշել՝ որմէ յետոյ, առաջին միտին, ժողովը ինք կ'որոշէ իր դիրքը: Ես բոլորովին անելորդ կը տեսնեմ մեր կողմէ ընտրուած եւ մեր վստահութիւնը վայելող Պատուիրակութեան կողքին, վերահսկիչ մարմնի մը գոյութիւնը:

Պ. Փափագեան. Զիմա միտքս գաղափար մը եկաւ, որ ժողովին ուշադրութեան կը յանձնեն իր հոս վիճակին մէջ: Արդեօք անելի յարմար չէ՞, որ ժողովը իր ծրագիրը

վերջացնել յետոյ, քոմիսիոն մը կազմէ, որ պատրաստէ այն ծրագիրը, որով Հայաստանի մէջ ընտրութիւնները պիտի կատարուին եւ կառավարութիւնը պիտի հիմնուի: Մենք ցրուելէ առաջ կը քուէարկենք այդ կանոնները ու Պատուիրակութիւնը տալուած կը դրկէ ամէն կողմ ուր հայ կայ, եւ, որոշեալ թուականին, ընտրութիւնները կը սկսին, այնպէս որ երբ խաղաղութեան Վեհաժողովը իր վճիռը տուած կ'ըլլայ մեր մասին, մենք արդէն հոն կանոնաւոր ընտրուած մարմին մը կ'ունենանք, որ կարելի է համարել ժամանակաւոր կառավարութիւն, կամ ծրագրող մարմին, կամ կովկասեանին հետ միանալով բարլամենք եւայլն:

Պ. Շանթ կ'առաջարկէ քուէարկութեան դնել 1-2 շաբաթ առաջ իր մէկ տուած բանաձեւը, որ իր հիմնական միտքերէն մէկը կը պարունակէ, այսինքն՝ կեդրոնական կառավարութիւն ստեղծելու խնդիրը: Կը պատասխանուի, որ Պ. Շանթ ինքն էս ըլլալով անդամ այն յանձնաժողովին, որ կազմած է այս ծրագիրը, չկրնար երկու տարբեր բանաձեւեր ներկայացնել:

Պ. Տէր-Ստեփանեան դիտել կու տայ, որ Յանձնախումբին բերած բանաձեւէն յետոյ, բանաւոր չէ ուրիշ ծրագիրներ կամ բանաձեւեր ներկայացնել, քանի որ մենք արդէն վիճաբանել յետոյ այս խնդիրներուն շուրջ՝ Յանձնախումբին ձգած էինք մեր բոլորիս ալ մտքերը միացնող միջին առաջարկ մը գտնել: Այժմ մենք կրնանք փոփոխել այդ առաջարկը եւ ոչ նորեր ներկայացնել. այլպէս՝ ես ալ իմս կու տամ:

Ամեն. Դուրեան Սրբազան. Ես ոչ մէկ ամանտըման կ'ընդունիմ եւ կը ցաւիմ, որ մեր Յանձնաժողովին անդամները, փոխանակ իրենց բերած եզրակացութեան շուրջ համաձայն ըլլալու, նոր ամանտըմաններ կ'առաջարկեն: Իսկ գալով ժողովի տեւողութեան խնդրոյն, եթէ նոյնիսկ ժողովը որոշումը տայ առանց խաղաղութեան Վեհաժողովին վերջնական վճիռը իմանալու ցրուի, ինծի կը թուի, թէ ներկայացուցիչ ժողովականներ չեն կրնար ընել այդ՝ առանց զիրենք ղրկողներուն կամքն հարցնելու եւ նկատի առնելու:

Ապա քուէարկութեան կը դրուի Յանձնաժողովին բերած բանաձեւը /տես Յանձնախումբին բերած նախագծին մէջ/, որ 20 ձայնով կ'ընդունուի, ինչպէս նաեւ Տոքթ. Սայեանի հետեւեալ առաջարկը, որ միայն 5 ձայն կը շահի.

«Համագումարը կը շարունակէ իր նիստերը առանց երկարատեւ դադարի, կը վերջացնէ իւր աշխատութիւնները եւ կը փակուի: Եթէ յառաջիկային, հաշտութեան վերջնական որոշումներէն յետոյ, երբ Հայաստանի սահմանները նշանակուած կ'ըլլան եւ եկած կ'ըլլայ վարկեանը կազմակերպելու հայկական պետական վարչութիւնը եւ պէտք կ'ըլլայ նոր ժողով գումարել. այդ ժողովը պէտք չէ Փարիզ գումարել, այլ՝ Հայաստանի մէջ /Տաճկահայաստան կամ Հայկական Հանրապետութեան մէջ/»:

Քուէարկութեան կը դրուի նաեւ Պ. Հանըմեանի հետեւեալ առաջարկը, որ միաձայնութեամբ կը մերժուի.

«Համագումարը իր նիստերը դադարեցնել յետոյ կը փոխադրուի Երկիր՝ այնտեղ գործադրելու համար իր տուած որոշումները, երկրի վերակազմութեան, ներգաղթի եւայլն գործերու մասին, եւ մանաւանդ հսկելու համար ընտրական այն նոր գործողութիւններու վրայ, որոնցմէ պիտի բղխի սահմանադիր ժողով մը կամ խորհրդարան մը»:

Իրաւասութեան եւ փոքրամի ծրագրին քննութիւնը վերջացած ըլլալով՝ ժողովը կ'անցնի օրակարգի երկրորդ խնդրոյն՝ Յիշատակագրին վաւերացումը եւ տարակարծիք եղողներու դիտողութեանց արձանագրութիւնը:

Տոքթ. Սայեան. Ուեւէ ասիսթանտի հակառակ եմ:

Պ. Տէր-Ստեփանեան. Ես մեր ներկայացուցած Յիշատակագրին դէմ քուէարկեցի հետեւեալ երկու գլխաւոր պատճառներով.

Ա. Յիշատակագիրը միեւնոյն ատեն որ կը պահանջէ Հայաստանի անկախութիւնը, այդ անկախութիւնը խաբուսիկ կը դարձնէ, խնդրելով, որ Ազգերու Միութեան կողմէ խնամակալ պետութիւն մը կարգուի Հայաստանի վրայ, քսան

տարուան շրջանի մը համար: Պատուիրակութիւնը այս ձեւով ներկայացնելով Հայկական Խնդրի լուծումը՝ նկատի ունեցած է այն ահաւոր դժուարութիւնները, որոնց պէտք է յարթէ Հայաստան կազմակերպուելու համար եւ որոնց արագ ու ապահով հարթումին պայման է խնամակալութեան շրջան մը: Ըմբռնելով հանդերձ այն մեծ դժուարութիւնները, որոնք Հայաստանի առջեւ կը ցցուին, համոզուած ըլլալով հանդերձ օտար օգնութեան բացարձակ անհրաժեշտութեան, ես հակառակ եղայ մեր ազգային պահանջներու այդ կերպ բանաձեւումին շարք մը նկատումներով, որոնք ահաւասիկ իրենց գլխաւոր կէտերուն մէջ.

1. Օտար օգնութիւնը անհրաժեշտ է Հայաստանին, բայց ոչ անպատճառ այն կազմակերպուած ձեւով, զոր Պատուիրակութիւնն ընդգրկեց, կարծելով, որ առանց ինքզինք կազմակերպուած խնամակալութեան ենթարկելու Հայաստան պիտի չկարենար գտնել տնտեսական, կազմակերպական եւայլն օգնութիւններ, ազատ ընտրութեամբ եւ պարագայ առ պարագայ: Ես համոզուած եմ, որ Հայաստան կրնայ ամէն տեսակ օգնութիւն գտնել, մանաւանդ Ամերիկայի մէջ, առանց իր վրայ հրաւիրելու կազմակերպուած խնամակալութիւն մը, որ իր անկախութեան վրայ պիտի ճնշէ իբր նոր լուծ մը, որուն հետեւանքները՝ անմախատեսելի այսօր, կրնան ճակատագրական դառնալ Հայաստանի բաղդին համար, եւ որուն ժամանակաւոր ըլլալն առեղծուածային պիտի ըլլայ եթէ խնամակալութիւնն Ամերիկայի չյանձնուի:
2. Խնամակալութեան այդ ձեւը, զոր Պատուիրակութիւնն ընդգրկեց՝ ճիշդ այն է, զոր պետութիւնները յղացան քոչարկելու համար Գերմանիոյ ափրիկեան գաղութներուն եւ թուրքիոյ գանազան մասերու կցումը գաղափարական կեղծ շղարշով մը: Միայն այն պարագան, որ այդ ձեւը ստեղծուած է ափրիկեան գաղութներուն խնամակալութեան համար, եւ յետոյ՝ տարածուած Սուրիոյ, Արաբիոյ, Թուրքիոյ եւ Պաղեստինի պարագաներուն, պէտք էր մեզ խրտչեցնէր անկէ, որովհետեւ հայ ազգը եւ իր դատը դասաւորել այդ ցեղերուն եւ իրենց վիճելի դատերուն կարգին, սրբապղծում է:
3. Մեր Յիշատակագրին մէջ պէտք էր պահանջէինք միմիայն Ազգերու Միութեան հաւաքական խնամակալութիւնը եւ ինքզինքնիս հռչակէինք չէզոք ազգ, մեզի վերապահելով ապագային մասնաւոր, պարագայ առ պարագայ, համաձայնութիւններ կնքել մեր լաւագոյն դատած պետութիւններուն հետ, Հայաստանի պէտք ունեցած օգնութիւններուն համար:
4. Մէկ պետութեան մասնաւոր խնամակալութիւնը խնդրելով՝ մեր դատը դրած եղանք, Վեհաժողովի տեւողութեան միջոցին, շատ դժուար հողի մը վրայ, քանի որ անոր շուրջ մենք մեր ձեռքով ստեղծած եղանք քաղաքական նախանձներու եւ խաղերու մթնոլորտ մը, մանաւանդ որ պահանջած էինք, որ խնամակալ պետութեան ընտրութեան մէջ մենք ալ ձայն ունենանք: Մինչ մենք կրնայինք բաց ճակատ մեր իրաւունքները պաշտպանել ուեւ պետութեան դէմ, եթէ պարզապէս մեր անկախութեան հարցը դրած ըլլայինք, նոյն բանը չենք կրնար ընել խնամակալ պետութեան ընտրութեան շատ փափուկ խնդրին մէջ: Այս անտեղութեան փայլուն ապացոյցն է այն պարագան, որ Ֆրանսա մը Կիլիկիայի վրայ դրած պահանջին ընդառաջ կ'երթայ առաջարկելով մեզի լուծել այդ խնդիրը, իբր թէ հայերու ի նպաստ, ընդունելով ֆրանսական խնամակալութիւնը ամբողջ Հայաստանի վրայ:
5. Պատուիրակութիւնը խնամակալութեան այդ ձեւը իր ընդգրկելուն իբր հիմնական պատճառ կը ներկայացնէ հաւաքական տիրապետութեան յառաջ բերած անպատեհութիւնները Եգիպտոսի եւ Քոնկոյի մէջ: Այս պատճառաբանութեամբ ան ընդունած կ'ըլլայ, որ մասնաւոր խնամակալի դրութիւնը պարզապէս օտար տիրապետութիւն մը պիտի յառաջացնէ Հայաստանի վրայ, այն միակ առաւելութեամբ, որ հաւաքական տիրապետութեան անպատեհութիւններէն զերծ

պիտի ըլլայ ան: Քանի որ մեր խնդրած խնամակալութիւնը ոչինչով պէտք է նմանի տիրապետութեան սիսթէմին, ո՛չ մէկ պատճառ կայ, որ հաւաքական տիրապետութեան ներկայացուցած անպատեհութիւնները հաւաքական խնամակալութիւնն ալ ներկայացնէ, եթէ ճիշդ է որ, ինչպէս Պատուիրակութիւնը կը հաւատայ, խնամակալութիւնը չպիտի նուազեցնէ մեր ներքին անկախութիւնը:

6. Խնամակալութեան այդ կազմակերպութեամբ կերպը բանաձեւելով Յիշատակագրին մէջ, Պատուիրակութիւնն ի նկատի ունեցած է ամերիկեան խնամակալութիւնը: Բայց Յիշատակագրին խմբագրութեամբ օրերուն մէջ ո՛չ մէկ կերպով ապահովուած էր, եւ այսօր ալ չէ դեռ, ամերիկեան կառավարութիւնը: Մեր պահանջները յոյսերու վրայ բանաձեւելու իրաւունքը չէինք կրնար ունենալ: Մանաւանդ որ խնամակալութիւնը Ամերիկայի չտրուելու պարագային Ռայաստանի դատը դրուած կ'ըլլար, մեր իսկ ձեռքով, գաղթային քաղաքականութեան ճանկերուն մէջ, քանի որ Անգլիա, Ֆրանսա եւ Իտալիա խնամակալութիւնը colonization-ի քողարկուած ձեւ մը նկատած են եւ կը շարունակեն նկատել:

Երկրորդ պատճառ. Պատուիրակութիւնը էական չնկատեց Ռայաստանի ապագային համար եւ քաղաքական հողին վրայ անկարելի դատեց՝ պահանջել քիւրքերու արտաքսումը Ռայաստանէն ի փոխան նոյնիսկ հայերու արտաքսումին թուրքիայէն, եւ կամ գէթ քիւրքերու գրկունը քաղաքական իրաւունքներէ Ռայաստանի մէջ: Ես համոզուած եմ, որ մեր ամենէն աւելի սարսափելի դժուարութեան՝ ցեղային հարցի արմատական լուծումը մենք կրնայինք պահանջել եւ ընդունիլ իբր դոյզն հատուցում մեր միլիոնաւոր սիրելիներու նահատակումին: Որչափ ալ դժուար ըլլար այս հարցի լուծումը ընդունիլ տալը, մենք պէտք էր այժմէն իսկ ջանայինք անոր արմատական լուծումը ընդունիլ տալ, համոզուած ինչպէս պէտք է ըլլայինք եւ ըլլանք, որ ատիկա վաղուան Ռայաստանին կեանքի ու մահի հարցն իսկ է: Ռայաստան մը, որուն բնակչութեան երկու երրորդը օտար ցեղերէ կազմուած կ'ըլլայ, աշխարհագրական բացատրութիւն մը կ'ըլլայ եւ ո՛չ թէ հայերու հայրենիք:

Յեղային հարցին արմատական լուծումը այժմէն քաղաքական հողի վրայ մենք պէտք էր պահանջէինք, այն համոզումով, որ անոր ապագայ լուծումը ծայրայեղօրէն դժուար է, եթէ ոչ անկարելի՝ հետեւեալ պատճառներով.

1. Պալքանեան ազգերու կազմումին ատեն պատահած թրքական արտագաղթը Ռայաստանի մէջ շատ անհաւանական է, որ կրկնուի, ինչպէս Պատուիրակութիւնը կը կարծէ: Պատմական իրողութիւնը անպատճառ չկրկնուիր, մանաւանդ երբ իրողութիւնները տարբեր են: Պուլկարիոյ վերակազմելու ձեւը եւ այն ատենի քիւրքերու տրամադրութիւնը չեն համապատասխաներ Ռայաստանի վերակազմութեան ձեւին եւ այժմու քիւրքերու դրութեան: Պուլկարիա, թէեւ պարզ իշխանութիւն, բայց ռուսական հովանիին տակ ազատ եղաւ, քիւրքերու արտագաղթը յառաջ բերելու համար ուզած միջոցները ձեռք առնելով, մինչ մենք այդ ազատութիւնը պիտի չունենանք: Յետոյ՝ Պուլկարիա կը գտնուէր թուրքիոյ արեւմտեան կողմը, հետեւաբար՝ բուլղոյնի խզուած էր թրքական զանգուածէն, որ կ'երկարի Պուլսէն մինչեւ Կեղոտնական Ռուսիա, մինչդէռ Ռայաստան պիտի գտնուի վաղուան թուրքիոյ արեւելեան կողմը եւ ճիշդ մէջտեղը թրքական երկու զանգուածներուն, որոնց միացման կանուրջը միայն Սեւ Ծովէն Միջերկրական տարածուող Ռայաստանն ըլլալով, անոնք պիտի ջանան ամեն կերպով Ռայաստանը ցնջել, եւ, չկարողանալով քաղաքականօրէն հասնիլ այդ նպատակին, պիտի ջանան ինչպէս զինադադարէն ի վեր կ'ընեն, ո՛չ միայն քաջալերելու Ռայաստանի քիւրքերը մնալու իրենց տեղերը, այլ ամեն կերպ պիտի յառաջացնեն թրքական ներգաղթի դեպի Ռայաստան՝ նուաճելու համար Ռայաստանը ցեղային հողին վրայ, ցեղային նուաճում, որ միակ էականն է եւ որուն շատ դիւրաւ, առաջին առիթով, կրնայ յաջորդել եւ քաղաքական նուաճումը:

2. Լաւ է, որ մենք ազատ պիտի ըլլանք, ինչպէս եղաւ Պուլկարիա, քիւրքերուն հանդէպ վարել այնպիսի քաղաքականութիւն մը, որ գանոնք ստիպել երկիրը թողելու:

Ասոր պատճառը այն է, որ մենք մեր գլխուն վրայ պիտի ունենանք խնամակալ պետութիւնը, որ լաւագոյն պարագային Ամերիկեան պիտի ըլլայ եւ որ, ենթադրելով իսկ Ամերիկեան ըլլայ, քիւրքը, քիւրտը եւ հայը բացարձակապէս հաւասար հողի վրայ պիտի դնէ՝ դարձնելով Ռայաստանը թրքո-քրտո-հայ երկիր մը: Կոյր ըլլալու է այս վտանգը չտեսնելու համար, երբ մեր աչքերուն առջեւ է սա իրականութիւնը. եւրոպացիներ եւ ամերիկացիներ այսօր իսկ, դեռ հայ մարտիրոսագրութիւնը վերջ չգտած, քիւրքն ու քիւրտը եւ հայը կը դնեն հաւասար հողի վրայ քաղաքական իրականութեան մէջ եւ կը մտահոգուին վաղուան Ռայաստանի մէջ, քիւրքերու եւ քիւրտերու համար ստեղծուելիք դրութեան մասին, առանց սոյն մտահոգութիւնն ունենալու վաղուան թուրքիոյ մէջ գտնուելիք հայութեան համար: Դժուարութիւններու շուրջը դառնալ՝ գանոնք լուծել չի մշտնակեր, այլ՝ աւելի իսկ ծանրացնել: Մեր պարտքն էր ուրեմն, եւ է՝ դեռ, նախ՝ գտնել քիւրքերը քիւրտերէն եւ պարզապէս ըսել Եւրոպայի, թէ հայ ազգին համար նիւթապէս թէ բարոյապէս անկարելի է միեւնոյն երկրին մէջ կենակցութիւնը քիւրքերու հետ, եւ թէ հայերու եւ քիւրքերու փոխադարձ հեռացումը Ռայաստանէն ու թուրքիայէն միակ միջոցն է Մօտաւոր կրեւելքի մէջ խաղաղութիւն հաստատելու: Եւրոպա, որ Պերլինի Դաշնագրէն ի վեր իբր պատասխանատու՝ հանդիսատես եղաւ քիւրքերու կողմէ երկու միլիոն հայերու խողխողման, որուն նպատակն էր Ռայաստանը թրքացնել, չի կրնար չհամոզուիլ, որ դոյզն հատուցում մը միայն պիտի ըլլայ հայերուն՝ քիւրքերու խաղաղ հեռացումը Ռայաստանէն, որուն նպատակը պիտի ըլլայ ո՛չ թէ թուրքիան, այլ նահատակ Ռայաստանն իսկ հայացնել: Եւրոպա չկրնար այս աղաղակող ճշմարտութեան չհամոզուիլ, եթէ մենք քաջութիւն ունենանք, մեր ամենէն սուրբ պարտականութիւնը կատարելով, անկէ պահանջելու մեր այդ ամենէն տարրական իրաւունքին ճանաչումը:

Այս երկու կենսական խնդիրներուն անտեսումը կամ տարբեր ձեւով դրուիլը զիս ստիպեց հակառակ քուէ տալ: Իմ համոզումը եղած է եւ միշտ է, որ այդ երկու խնդիրներէն առնուազն մէկին իմ տեսած ձեւով լուծումը անհրաժեշտ պայման է Ռայական Ռայաստանի ստեղծման: Մեր ապագան ուրեմն, ըստ իս, բուլղոյնի վտանգած չըլլալու համար, առնուազն անհրաժեշտ է կամ բացարձակ անկախութիւն պահանջել՝ վերապահելով մեզի մեր ներքին անկախութեան շնորհիւ լուծել ցեղային հարցը, եւ կամ, եթէ խնամակալութիւնն անհրաժեշտ է՝ պահանջել ցեղային հարցին արմատական լուծումը: Բացարձակ անկախութիւնն այլեւս չենք կրնար պահանջել, Յիշատակագիրը զայն անկարելի դարձնելով, բայց դեռ մեզի կարելի է պահանջել ցեղային հարցին արմատական լուծումը՝ քիւրքերու հեռացումով Ռայաստանէն:

Պ. Միքայէլեան. Յանուն ամերիկահայ պատգամաւորներու կը ներկայացնեմ մեր երեքին կողմէ ստորագրուած հետեւեալ դիտողութիւնները, որոնք կը խնդրեն, որ ատենագրութեան մէջ արձանագրուին:

#### Փարիզի Ռայ Ազգային Խորհրդաժողովին

Ամերիկահայ պատուիրակութեան հասնելէն առաջ՝ Խորհրդաժողովն արդէն ընդունած էր Դաշնակից պետութիւններու խաղաղութեան Վեհաժողովին ներկայացնելիք Յիշատակագիրը /մեմորանտում/, որի մէջ առաջարկ բերուած էր Ռայաստանի միացեալ կառավարութեան համար հովանաւորող /մանտաթէր/ պետութիւն մը ունենալ:

Այդ որոշման դէմ մենք, ամերիկահայութեան կողմէ ընտրուած պատգամաւորներու, խստի կը բողոքենք՝ յենուած մեր ընտրողներու մեզի տուած մանտայի եւ մեր ժողովուրդի քաղաքական անկախութեան ապահովութեան վրայ:

Դարբերու տանջանքներէն եւ ստրկական դրութենէն վերջ, երբ մեր ժողովուրդը յամառօրէն պայքարեցաւ իր քաղաքական անկախութեան համար եւ վերջին չորս տարուայ ընթացքին ալ բազմաթիւ զոհեր եւ կռուողներ տուաւ, մենք անկարող ենք

ընդունիլ, որ մեր անկախութիւնը հովանաւորուած պիտի ըլլայ ռեւէ պետութեան կողմէ:

Մենք անկարող ենք համաձայնիլ այդպիսի ձեւի օժանդակութեան եւ այն պարզ պատճառով, որ մանտաթեր պետութիւնը, առաջին քսան տարուայ ընթացքին, պիտի ձգտի իր քաղաքական, տնտեսական եւ կուլտուրական կնիքը դնել եւ այդպէսով մեր ժողովուրդի բնականոն զարգացումը որոշ սահմաններու մէջ պահել, որ այդ պետութիւնն ամէն կերպ պիտի ջանայ, նախ եւ առաջ, իր իսկ պետութեան շահերն ու յարմարութիւնները ապահովել եւ այդ՝ ի վնաս հայ ժողովուրդի շահերուն, որ այդպէսով մենք կամաւոր կերպով մեզի օտար լուծի եւ տիրապետութեան /հոգ չէ թէ ժամանակաւոր/ տակ դրած կ'ըլլանք եւ ապա ուրեմն հնարաւորութեւն զրկուած պիտի ըլլանք առաջին անգամն իսկ մեր սեփական ոյժերն ու կարողութիւնները զարգացնել: Որ կարելորութիւն չկար որպէսզի մենք ինքնէնքս առաջադրէինք այդ, երբ կարելի էր յատուկ որոշում կայացնել եւ զիջման կէտ ընդունիլ, եթէ միայն խաղաղութեան Վեհաժողովին կողմէն գար նման առաջարկ՝ իբր քաղաքական անհրաժեշտութիւն: Որ այդ խնդիրն իր իրաւական փոխարարութիւններով հայկական ապագայ պետութեան հետ, դեռ եւս պարզուած չէր, ապա ուրեմն բաւականաչափ վտանգաւոր է անորոշ դրութեան մը համար որոշ յանձնառութիւն ընել:

Այդ եւ այս պատճառաբանութիւններով՝ մենք մեր բողոքը կը յայտնենք այդ կէտի վերաբերմամբ, եւ կ'առաջարկենք, որ Խորհրդաժողովը եւ կամ ընտրուելիք Ազգային Պատուիրակութիւնն ամէն կերպ ջանան այդ հովանաւորութեան ժամանակամիջոցն ու ազդեցութիւնը նուազագոյնի հասցնել:

Յարգանքներով Ա. Միքայէեան, Զ. Մաթիկեան, Մ. Զամբարձունեան»:

Պ. Փափագեան. Անշուշտ, ռեւէ պետութեան համար, ասիւթանսը վնասակար է եւ օրինակները այդ ցոյց կու տան: Բայց եթէ ասիւթանսի խնդիրը չըլլայ՝ դժուար թէ պետութիւնները մեզի բաւարարեն այն չափով, ինչ չափով որ մենք ուզած ենք մեր մեծուարի մէջ: Բայց խնդիրը հոն է, որ՝ ասիւթանսի խնդիրը մենք չպէտք է յարուցանէինք եւ չպիտի յիշատակէինք մեծորանտումին մէջ: Թող իրենք առաջարկէին մեզի: Ցանկութիւնն իսկ արդէն որոշ չափով կաշկանդում է մեր իրաւունքներուն. եւ ստիկա կը նկատեն մեր ամենամեծ սխալը:

Պ. Օհանջանեան. Այս ամբողջ խնդիրը կը կայանայ անոր մէջ, թէ ի՞նչ բովանդակութիւն կը տրուի ասիւթանս բառին: Ոչ ոք չկրնար ժխտել, որ մեր քանդուած, աւերուած երկիրը առանց արտաքին միւթական օգնութեան չկրնար վերականգնիլ: Արդ, պէտք է աշխատիլ, որ այդ արտաքին օգնութիւնը այնպիսի պայմաններով կատարուի, որ չվնասէ ոչ մէկ չափով մեր անկախութեան: Ասիկա Պատուիրակութեան ուղղութիւնն իսկ է: Պատուիրակութեան Նախագահն անշուշտ մտքէն չէր անցուցած, որ ասիւթանս խնդրելով՝ կրնար սահմանափակել մեր անկախութեան իրաւունքները, եւ այդ մեծուարը ստորագրած է, առանց որ մեր անկախութեան իրաւունքները սահմանափակուած ըլլան: Եթէ մենք այնպէս ընենք, որ իրապէս անկախ ըլլանք, միւսը ինքնին անվնաս կը դառնայ: Մենք այսպէս հասկցած ենք ասիւթանսը եւ այդպէս ալ պիտի շարունակենք հասկնալ:

Պ. Դինդեան. Կը ճանչնա՞ք այդպիսի պետութիւն մը:

Պ. Օհանջանեան. Այո՛, կը ճանչնանք, Ամերիկան է, եւ օրինակը մեր աչքին առջեւ է՝ Քուլայան, որ Ամերիկայի թեւին տակ է, դարձեալ անոնք իրենց զաղութը չեն դարձուցած: Ուրեմն, պէտք է Պատուիրակութեան հրահանգել, որ այդ կերպ հասկնալ ասիւթանսը:

Պ. Ֆնտզեան. Նախ եւս պարտք մը ունին կատարելիք, եւ պէտք է ըսեն, որ իմ համայնքս, որ զիս ընտրած է, կը պահանջէ Զայաստանի բացարձակ անկախութիւնը: Եւ այն անձնաւորութիւնը որուն հետ տեսակցութիւն ունեցայ, նոյն միտքն ունէր եւ կ'ըսէր, որ կարելի է վստահիլ Պ. Ուիլսոնին: Բայց Պ. Ուիլսոնը այսօր նախագահ է,

վաղը տեղը ուրիշ մը կու գայ: Նմանապէս, երբէք պէտք չէ վստահիլ կառավարութեանց վրայ, որոնք ամէնքն ալ, առաւել կամ նուազ չափով, կ'ազդուին մենաշնորհ ընկերութիւններէ, քաբիթախտոներէ եւայլն: Ես համամիտ չեմ նաեւ Պ. Օհանջանեանին: Մենք ո՛չ մէկ պարագայի տակ մենք զմեզ անատակ չպիտի հռչակէինք անկախ կառավարելու եւ օտար հանրային կարծիքը, ինչպէս կը գրէ ամերիկեան կարեւոր թերթ մը՝ New York Times, այդ համարումը ունի մեր վրայ: Մենք կրնայինք յետոյ զատ բերանացի ընել պաշտպան տիրութեան բանակցութիւնները, իսկ եթէ հարկ ըլլար՝ այդ ասիւթանսը: Արաբներն իսկ բացարձակ անկախութիւն պահանջած են: Զայը Անատուլի ժողովուրդներուն ամէնէն բարձրն է թէ՛ քաղաքական հասկացողութեամբ, թէ՛ տնտեսական ընդունակութեամբ, թէ՛ զարգացումով, վերջապէս՝ քաղաքակրթութեամբ, եւ արժանի է բացարձակ անկախութեան: Պէտք է, որ մենք հիմա ամէն ինչ ընենք, որ մեր իրաւունքները, պաշտպան տիրութեան կողմէ անհարուածելի մնան՝ պաշտպան տիրութեան տրուելիք charter-ին մէջ պատշաճ յօդուածներ դնել տալով:

Պ. Զանըմեան. Ես ռեւէ ասիւթանսի հակառակ եմ: Նախատեսուած ձեւով ասիւթանսը, անշուշտ, նուազագոյն չարիքն է, բայց միշտ չարիք մըն է եւ խոստումէն գործադրութիւն ահագին տարբերութիւն կայ: Օգնութիւն մը երբեք անշահախնդիր չկրնար ըլլալ, եւ մենք որքան ալ աշխատինք աւագոյն պայմաններու մէջ ընել, սեղմումներ դնել, ասիւթան պետութիւնը ամէն ինչ պիտի ընէ կնճիռներ ստեղծելու, ցեղերը իրարու դէմ հանելու եւայլն եւայլն՝ իր ասիւթանսի ժամանակը երկարածովու համար: Մեզ համար անշուշտ Միացեալ Նահանգները լաւագոյն մանտաթերն է, բայց մեծորանտումը տրուած օրը, ինչպէս այսօր, որոշապէս եւ վերջնականապէս չէինք գիտեր եւ չենք գիտեր, թէ ո՞վ է վերջապէս այդ ասիւթան պետութիւնը: Մենք այդ անձանօթին առջեւ նուազագոյն չափով իսկ մեր անկախութեան իրաւունքները չպիտի զոհէինք, որովհետեւ ես հաւատացած եմ, որ մենք միմակմիս ալ կրնայինք ոտքի ելլել, այն տարբերութեամբ, որ եթէ ասիւթան պետութիւնով 10 տարիէն պիտի ըլլար այդ, առանձինն՝ 50 տարիէն:

Թուրքը կը գտնուի չափազանց տկար վիճակի մէջ: Մեզի կը մնար միացնել մեր զինուորական ոյժերը, գրաւել երկիրը եւ հռչակել կառավարութիւնը: Մենք կարողութիւն ունէինք թէ՛ քաղաքականապէս, թէ՛ զինուորականապէս այդ ընելու: Կը մնար միայն նիւթական օգնութիւնը, որ երբ պատճառ պիտի դառնար լուծի մը, անոր ալ հակառակ եմ, նախընտրելով 50 տարուայ մէջ վերականգնիլ, քան թէ օտար լուծով մը, բայց 10 տարիէն: Ասիւթանսին ռեւէ ձեւով հակառակ եմ, որովհետեւ ան երբեք անշահախնդիր չի կրնար ըլլալ:

Պ. Տերպետրեան. Թէեւ ես անձամբ համաձայն եմ Ազգային Պատուիրակութեան, որ այլեւայլ քաղաքական հայեցակէտներ ի նկատի ունենալով, իր մեծորանտումին մէջ ռեւէ ակնարկութիւն ըրած չէ Պարսկահայքի նկատմամբ՝ իբր ամբողջացուցիչ մաս Պատմական Զայաստանի, բայց կը խնդրեմ, որ արձանագրուի, թէ Ռումանահայ Միութիւնն իր Պուքրէջի Կեդրոնական Կոմիտէի միջոցաւ պարտք դրած է ինձի պահանջել նաեւ Ատրպատականը լեցնելով Ուիլսոնեան ծանօթ սկզբունքներուն վրայ, առանց ի նկատի ունենալու, թէ Պարսկաստանը, չէզոք մնալով, պատերազմին մասնակցած չէ:

Պ. Զօպանեան. Զամաձայն եմ ասիւթանսի հակառակ եղողներուն, բայց վնասը որ եղած է՝ կարելի է դարմանել այն տիրէթիւններուն մէջ, որ պիտի տրուին նոր Պատուիրակութեան: Յետոյ՝ այդ ասիւթանսը մեր վարկին ալ դէմ է: Զայ ազգը, որ ամէնէն հիմն է, որ այնքան յանդգնօրէն մէջ մտաւ այս կռիւին մէջ եղած համաձայնականներու դրած սկզբունքներուն, եւ որ ամենամեծ զոհողութիւնները տուաւ, հիմա զինքը կ'իջեցնեն, կ'իջեցնեն, միմեջեւ սիրիւններու եւ հրեաներու կարգը կը դնեն: Մինչդեռ Զայական Պատը եղած է միշտ Զայաստանի բացարձակ անկախութեան հարցը եւ իւրաքանչիւր հայ ամէն տեղ ատոր է, որ ձգտած է:

Մեծորանտուսի այդ բանաձեւովը մենք հաւատարիմ չենք մնացած հայկական այդ ոգիին: Բայց մենք, որ եւրոպացւոց համար զոհ գացինք, ամեն զոհողութիւն ըրինք, այժմ որ երկիրնիս քար ու քանդ է, պէտք է անշուշտ հիմա մեզի նիւթական փոխարինութիւն տալ՝ մեր տունը մեր ձեռքով կանգնելու համար: Պէտք է զգոյշ ըլլալ նաեւ, երբ Ամերիկան ըլլայ մեր մանտաթերը, որովհետեւ հոն ալ կան շահախնդիր խմբակներ: Արդ, հիմա, գործադրութեան րոպէին, հայը իրաւունք ունի ճակատը բարձր եւ հպարտօրէն խօսելու: Արդ, պէտք է այս ոգին ներշնչենք Պատուիրակութեան, որ այս ոգիով գործէ:

Բրոֆ. Տէր-Յակոբեան. Հայրենասիրականօրէն՝ ես ալ հակառակ եմ ասիւթաճանսին, բայց Պատուիրակութեան խնդրած ասիւթանքը շինիչ, վերականգնիչ ասիւթանսն է, որ անխուսափելի էր Հայաստանի ամբողջութեան բաժանունը արգիլելու համար:

Պ. Հինդլեան. Փարիզ գումարուած Ազգային Համագումարին անունով խաղաղութեան Վեհաժողովին ներկայացուցած Յիշատակագրին ասիւթանսի (assistance) մասին հակառակ քուէիս գլխաւոր նկատողութիւններն են.

Ա. Հայ ժողովուրդը իր մինչեւ ցարդ տուած զոհողութիւններով եւ իր ազգային մշակոյթ (culture), ընկերային (sociale), տնտեսական (economique), մտաւորական (intellectuelle) եւ ստեղծագործական (creatrice) կարողութիւններու աստիճանով, ամբողջովին ընդունակ է քաղաքական անկախ եւ ինքնավար կեանքի մը, ինք իր ոյժերով իր բոլոր այլազան պէտքերը զոհացնելու համար:

Բ. Հայ ազգային մշակոյթի ներկայ աստիճանին հաւասար եւ նոյնիսկ աւելի ստոր աստիճանին գտնուող ազգերը ինչպէս անցեալի մէջ, այսօր ալ անկախութիւն ունեցած են եւ ունին, մերժելով ամէն ասիւթանս:

Գ. Մասնաւոր սեփականութեան (capitalisme) տնտեսական ռեժիմին տիրապետութեամբ, ներկայիս բոլոր պետութիւնները, առաւել կամ նուազ չափերով աշխարհակալական (imperialiste) ձգտումներ ունին ուղղակի համեմատութեան մէջ գտնուելով, երկրի մը, պետութեան մը քաբիթալիստական զարգացման աստիճաններուն հետ:

Դ. Ո՛չ մէկ ասիւթանք (assistant) պետութիւն չի բերեր եւ չի տար իր օժանդակութիւնը եւ քաղցութիւնը, առանց տնտեսական առաւելութիւններու եւ մենաշնորհներու ակնկալութեան, հետեւաբար եւ աշխարհակալական յարձակողական (agressive) քաղաքականութեան:

Ե. Արդիական (moderne) պետութեան իրական եւ դրական ոյժը, անոր քաղաքական անկախութիւնը, գերակայութիւնն ու վեհապետութիւնը (indépendance et souveraineté) կը հիմնուին գերազանցապէս անոր տնտեսական ոյժին եւ անկախութեան, ինչ որ էապէս կը վտանգուի ասիւթանք պետութեան տնտեսական անպարտելի ձգտումներէն եւ ակներեւ գերակշիռ դիրքէն:

Զ. Ասիւթանք պետութիւնը իր ձգտումներն իրականացնելու համար եւ իրեն համար տնտեսական գերակշիռ դիրք մը միշտ ապահովելու նպատակով կը պահանջէ եւ կ'իրականացնէ իր եսասիրական շահերուն նպաստող քաղաքական որոշ պայմաններ ու հաստատութիւններ, երկրին ընդհանուր շահերուն հակառակ, եւ յաճախ ջնջելով ու քանդելով զինքը արգիլող բոլոր քաղաքական եւ այլ ազատութիւնները:

Է. Ասիւթանք պետութիւնը իր մշտակայ ներկայութեամբ եւ քաղաքական այն բացառիկ դիրքովը, որ ան պիտի յաջողի իրեն համար ստեղծել մեր ամէն ջանքերուն եւ փորձերուն հակառակ՝ իր բերելիք քաբիթալովը, «դրամական օժանդակութեամբ» փոխանակ նպաստելու հայրենի, տեղական ազգային հարստութեան եւ քաբիթալի ստեղծման ու բարգաւաճման, ընդհակառակը, պիտի արգիլէ զայն իրեն համար վերապահելով միշտ մենաշնորհը օգտագործելու եւ շահագործելու երկրին բոլոր բնական հարստութիւնները, պետական շինութիւնները, ճարտարարուեստի

ասպարէզները, պարտադրելով մեր երկրին մաքսային բացառիկ ռեժիմ մը, հաղորդակցութեան միջոցներու՝ իր եսասիրական ձգտումներուն համապատասխանող բացառիկ ուղղութիւն, թարիճներու առանձնաշնորհեալ սիւթն, հանրային ապահովութեան իր շահերը ապահովող ձեւ եւ հաստատութիւններ, դատավարութեան եւ արդարաբաշխութեան ոտնձգութիւններով, ազդեցութիւններով, եւ, վերջապէս, մեր վարչական գործերու մէջ իր անխուսափելի միջամտութիւններով:

Ը. Օտար դրամազուլիսի բացարձակ այս տիրապետութիւնը մեր երկրին մէջ, պիտի ազդէ մեր երկրին տնտեսական ապագային երկու հնարաւոր, եւ սակայն երկուքն ալ՝ աղիտաբեր ճամբաներով. կամ պիտի ջնջէ հայ ցեղին ստեղծագործական եւ արդիւնաւորող կարողութիւններն ու ձիրքերը, անկէ ջանալով միայն պարզ մշակներ շինել, եւ կամ, ինչ որ աւելի հաւանական է, հայը, չգտնելով իր հայրենիքին մէջ իր ձգտումներուն նպաստող պայմաններ՝ պիտի զաղթէ օտար, աւելի ձեռնտու երկիրներ:

Թ. Ասիւթանք պետութեան մը քաղաքական միջամտութիւնը եւ ազդեցութիւնը, որչափ ալ սահմանափակուած ըլլայ զանազան դաշնագրերու միջոցաւ, միայն նախապէս տրուած շրջանի մը եւ ժամանակամիջոցի մը համար, անոր տնտեսական ազդեցութիւնը եւ գերակշռութիւնը անկարելի է սահմանափակել, եւ, հետեւաբար, նաեւ այն քաղաքական հզօր ազդեցութիւնը, որ ան պիտի շարունակէ դուրսէն ալ ներգործել, շնորհիւ այն դրական եւ մեծ ոյժին, որ ան պիտի ունենայ եւ պահէ երկրին մէջ իր տնտեսական տիրապետութեամբ: Այսպէս ժամանակաւոր ասիւթանքը պիտի յաւերժանայ, ցորչափ կը տիրէ քաբիթալիզմը:

Ժ. Ասիւթանք պետութեան մը ներկայութեամբ չէ՛ որ կ'ապահովուի եւ կ'երաշխաւորուի մեր հայրենիքին ամբողջականութեան անձեռնմխելիութիւնը: Այդպիսի յամեմարութիւն առնող պետութիւնը չի բաւականանար միայն ասիւթանսով, այլ՝ ասիւթէ երկիրը պարզապէս կը նկատէ իբր իր կալուածը, իր possession-ը, colonie մը պարզապէս: Մեզի համար պէտք էր պահանջել եւ կը մնայ դեռ պահանջել մեր երկրին անձեռնմխելիութեան համար օտարներու դէմ անոր չէզոքութիւնը յայտարարել, զայն դնելով ինչպէս Պելժիքան եւ Չուիցերիան, եւրոպական պետութիւններու փոխադարձ երաշխաւորութեան եւ հաւաքական պաշտպանութեան ներքոյ, առանց պէտք ըլլալու, այս առթիւ, ոեւէ մանտաբերի մը:

Նիստը փակուեցաւ ժամը 8 ու կէսին:

ՀԱՍ, ֆ. 430, ց. 1, գ. 25, թթ. 1-23: Ձեռագիր: Բնագիր:

## Նիստ 18-րդ

15 Մարտ 1919.

Նիստը բացուեցաւ Վսեմ. Գ. Նորատունկեանի նախագահութեան տակ եւ 32 անդամներու ներկայութեամբ:

## ՕՐԱԿԱՐԳ

### 1. Տեղեկատուութիւն Պատուիրակութեան Նախագահին 2. Ձեկուցումն Հայր Թորոսեանի

Պ. Նախագահը բարի գալուստի խօսք ըրաւ բարբարոս ճիրաններէ ազատած եւ երկար ճամբորդութիւնէ մը յետոյ՝ Նոր Փարիզ հասած Բրոֆ. Աստուածատուր Խաչատուրեանի, որ փոխադարձ շնորհակալութիւն յայտնեց:

Յետոյ կարդացուեցաւ Պատուիրակութեան մասնագէտ խորհրդական Պ. Փաստրմաճեանի մէկ հրաժարագիրը, որ Պատուիրակութեան ղրկել որոշուեցաւ:

Կարողացուեցաւ Լաիէլբանակ ազգայիններէն Պ. Միհրդատեանցի մէկ նամակը, որ ապագայ Հայաստանի ունենալիք պաշտօնական դրօշակի մասին առաջարկներ կը պարունակէր: Կ'որոշուի այդ նամակը դրկել Պատուիրակութեան, որ արդէն ուրիշ կողմերէ ալ հայ դրօշակի մասին գրեր ստացած ըլլալով՝ ամենքն միասին ուսումնասիրութեան պիտի ենթարկէ:

Կը կարդացուի նաեւ նամակ մը հայ մամուլի ներկայացուցիչներու կողմէն գրուած, որոնք կը խնդրեն ներկայ գտնուիլ Համագումարի նիստերուն: Պ. Նախագահը կը յայտնէ, որ որոշուած է արդէն դմնփակ ընել նիստերը, բայց ժողովիս աշխատութեանց մեծ մասը արդէն լրացած ըլլալով, թերեւս կերպով մը կարելի է գոհացում տալ մամուլին:

Բրօժ. Խաչատուրեան եւս կը շեշտէ, թէ ժողովուրդը որքան անձկութեամբ ու հետաքրքրութեամբ կը սպասէ համագումարի լուրերուն եւ կ'առաջարկէ, որ իւրաքանչիւր նիստէ յետոյ, Դիւանը փոքրիկ զեկուցումներ տայ մամուլին: Պ. Միքայէլեան կ'առաջարկէ փոխել նախկին որոշումը եւ ընդունիլ մամուլի ներկայացուցիչները: Պ. Թերզիպաշեան կ'առաջարկէ, թէ օրինակեան չէ նախկին տրուած որոշում մը փոխել, այլ՝ Դիւանը կրնայ մամուլին հաղորդել հարկ եղած տեղեկութիւնները:

Պ. Զօպանեան համակարծիք չէ մամուլին առջեւ դրները գոցելուն եւ կ'առաջարկէ Համաժողովի գոնէ վերջին մէկ-երկու նիստերուն թոյլատրել խմբագիրներուն ներկայ գտնուիլ:

Կ'որոշուի յարգել նախապէս տրուած որոշումը եւ ի հարկին տեղեկութիւններ տալ Դիւանին կողմէ մամուլին, երբ սա դիմում ընէ:

Կը կարդացուի ուրիշ գիր մը Երուսաղէմէն, որ կը յայտնէ, թէ անիշխանութիւնը կը տիրէ հայոց վանքին մէջ եւ ազգային հարստութիւնը կողոպուտի ենթարկուած է:

Բրօժ. Խաչատուրեան դիտել կու տայ, թէ այս ժողովը չի կրնար այսպիսի խնդիրներով զբաղիլ:

Պ. Զինդեան հակառակ կարծիք կը յայտնէ եւ կ'ըսէ, որ այժմ ձեռնհաս պաշտօնական մարմին չկենալուն եւ հաղորդակցութիւնը դժուար ըլլալուն չի բաւեր ըսել այստեղ, թէ եւ մենք չենք կրնար աչքերնիս գոց անցնիլ ազգային սեփականութեանց կողոպուտին վրայէն: Ժողովը այս հարցն ալ կ'ուղարկէ Ազգ. Պատուիրակութեան՝ առ ի տնօրինել կարելորդ:

Պ. Նախագահը կը կարդայ Իգմիրէն եկած հեռագիր մը, որ կը յայտնէ, թէ Պ. Նիքթեանի նախաձեռնութեամբ տեղի ունեցած հանգանակութիւնը 150 000 ոսկի հանգանակած է եւ իրահանգ կը խնդրէ թէ ո՞ր եւ ինչպէ՞ս փոխադրելու է դրամը: Սոյն հեռագիրը կը յանձնուի պիւտճէի խնդրով զբաղող յանձնաժողովին, որ պիտի որոշէ նաեւ այդ գումարին ծախսուելու եղանակը, նկատի ունենալով Միջագետքի, Ատանայի եւ այլն տեղերու թշուառ վիճակը: Ժողովը կը յանձնարարէ Պատուիրակութեան Նախագահին, որ նուիրատուներուն շնորհակալութիւն յայտնուի նաեւ ժողովի կողմէն:

Ապա Վսեմ. Պօղոս Նուպար Փաշա կ'ընէ հետեւեալ տեղեկատուութիւն:

Պ. Զինդեան կը հարցնէ, թէ Պատուիրակութեան Նախագահի յայտնութիւնները պէ՞տք է գաղտնի պահել, թէ՞ ոչ: Պօղոս Նուպար Փաշա աւելի խոհեմ կը նկատէ գաղտնի պահել:

Աղաթօն Պէյի առաջարկութեամբ՝ Դիւանը շնորհակալութիւն կը յայտնէ Նորին Վսեմութեան՝ տեղեկութեանց համար:

Յետոյ Հայր Թորոսեան Միտքարեանց վանքին կողմէ 30000 /երեսուն հազար/ ֆրանք Պատուիրակութեան հանգանակութեան գործին յատկացուած ըլլալուն վերաբերեալ զեկուցում մը կ'ընէ եւ կը պարզէ բոլոր այն դժուարութիւնները եւ նեղութիւններն, որոնց ենթակայ եղան վանքը եւ իւր հարստութիւնները աշխարհային այս մեծ պատերազմի երեսնէն:

Պ. Տամատեան. Հայ ազգի անցուցած այս դժնդակ ժամանակամիջոցին մէջ մենք Միտքարեան Միաբանութեան կողմէ մեծ ժեսթ մը սպասելու իրաւունք ունէինք, բայց երբ նկատի առնենք այն կաշկանդիչ պայմանները, որոնց մէջ գտնուեցաւ ան, այս ըրածնին իսկ, կարելի է ըսել, որ առաջ մըն է, որուն համար մենք երկիցս պէտք է շնորհակալ ըլլանք:

Պ. Նախագահը յանուն Համաժողովին շնորհակալութիւն կը յայտնէ Միտքարեան բազմարդին Միաբանութեան, անոր դրկած այս նպաստին, եւ իւր դպրոցներու վերականգնումին համար ձեռք առած միջոցներուն համար:

Կը յաւելու, թէ մեր փափաքը այն է, որ Միտքարեանները միշտ եւ միշտ բարգաւաճին եւ ընդարձակեն իրենց ազգօգուտ գործունէութիւնը եւ աւելի մեծ բաժին մը առնեն մեր բազմաթիւ որբերու կրթութեան կենսական գործին մէջ:

Պ. Մաթիկեան իր խորին ուրախութիւն կը յայտնէ, որ Պատուիրակութեան Նախագահը իր տեղեկատուութեան մէջ դրուատեց մեր կամաւորները, որոնք այնքան անձնուիրաբար կռուի մէջ նետուեցան եւ որոնց շատ բան կը պարտինք Հայկական Դատի յաջող լուծման մէջ: Այս պատճառով, կ'առաջարկէ, որ ժողովը յոտնկայս յարգէ այն բոլոր կամաւորներուն յիշատակը, որոնք ինկած են կռուին մէջ:

Ժողովականները ոտքի կը կանգնին, Դուրեան Սրբազան աղօթք կ'ընէ անոնց յիշատակին համար եւ ապա կ'ըսէ:

Ամեն. Դուրեան Սրբազան. Հայ երիտասարդները, որ կռուեցան, ինկան մեզ բարձրացնելու համար՝ այնքան մօտիկ են մեր սրտին, որ ո՛չ մէկ հետտորակաւ ճաշի պէտք կայ անոնց սէրը արծարծելու համար մեր սրտին մէջ: /Յետոյ անդրադառնալով Թորոսեան Հօր զեկուցման՝ կ'ըսէ/ Ես ալ պարտք կը համարեմ ըսել, որ մեծ չափով կրած են Վենետիկի Միաբանութեան սքանչելի համարներուն ազդեցութիւնը: Անոնք մեզի բոլորիս լեզուն հայերէնը կը սորվեցնէին, որ մեր մէջ պահեց ազգային զգացումը եւ որ զմեզ դարձուց հայրենասէրներ:

Փառաւոր ըլլան Միտքարը եւ իր մեծ յաջորդները: Մաղթենք նաեւ, որ Հայաստանի մէջ ամեն տեղ հիմնուին Վենետիկեան Միաբանութեան դպրոցները:

Ապա խօսք կ'առնէ Պ. Տէրվիշեան, որուն ճառը Պատուիրակութեան գործունէութիւնը քննադատելու միտելուն համար շարունակաբար կ'ընդմիջուի:

Պ. Տէրվիշեան կը յայտարարէ, թէ Հայկական Դատը վտանգի տակ է, եւ զանազան դէպքերով կը ջանայ իր այս տպաւորութիւնը բաժնել տալ ժողովին, իրաւիրելով Պատուիրակութիւնը աջալուրջ ըլլալ թիւրքերու ենթրիկներուն դէմ:

Նիստը փակուեցաւ ժամը 8 1/2-ին:

ՀԱՍ, ֆ. Պ-430, ց. 1, գ. 26, թթ. 1-4: Ձեռագիր: Բնագիր:

## Նիստ 19-րդ

17 Մարտ 1919.

Ժողովը բացուեցաւ ժամը 4½-ին, Վսեմ. Գ. Նորատունկեանի նախագահութեան տակ՝ 26 ժողովականներու ներկայութեամբ:

### Օրակարգ.

**Ա.- Զեկոյց Բրօժ. Խաչատուրեանի**

**Բ.- Տիրեքթիւններու Յանձնաժողովի առաջարկը**

Բրօժ. Խաչատուրեան խօսք առնելով նկարագրեց վերջին կտորածներու, Միջագետք եւ այլուր ցրուած հայ փախստականներու եւ տեղահանեալներու կացութիւնը, իբր ականատես՝ շատ մը շահեկան տեղեկութիւններ տուաւ ժողովին:

Պ. Զօպանեան. Բրօֆ. Խաչատուրեանի տուած տեղեկութիւններէն կը հետեւի, որ վեց նահանգներու մէջ գրեթէ ժողովուրդ չկայ հիմա, ուրեմն՝ դիմում ընենք գրաւելու համար:

Պ. Տամատեան. Պ. Զօպանեանի յայտնած միտքերուն հակառակ չեն, կացութիւնը օրէ օր կը փոխուի, շատ ալ լաւատես չ'ըլլանք: Զինադադարէն ասդին կացութիւնը փոխուած է, թիւրքերը գաղթականներով կը լեցընեն այժմ մեր երկիրը, կը կրկնեն Պ. Զօպանեանին առաջարկը:

Բրօֆ. Խաչատուրեան. Քիւրտերը պատերազմի միջոցին փոխադրուեցան երկաթուղիներու գիծերուն վրայ: Թիւրք կառավարութիւնը աշխատցուց զանոնք: Ժողովուրդ մը տեղէ մը ուրիշ տեղ փոխադրելու ատեն ընդհանրապէս կորուստներ կ'ունենայ: Մանաւանդ, որ քիւրտերը կոտորակուած են փոփոխութեանց, հիւանդութեանց, համաճարակի եւ կլիմայական պատճառաւ:

Պ. Զինդեան. Կ'ուզէի գիտնալ, թէ գրաւման հարցի մասին Տիրեքթիւներու Յանձնաժողովը պիտի բերէ՞ հոս իր աշխատանքը, թէ՞ ոչ, մենք պէտք է գիտնանք, թէ ի՞նչ թիւ ունին թշնամի տարրերը Հայաստանի մէջ: Հակառակ պարագային, ստիպուած են հարցնել Պ. Վ. Փափագեանին, թէ գրաւման հարցի մասին Յանձնաժողովը որոշ աշխատանք մը կատարա՞ծ է արդեօք:

Պ. Զօպանեան. Յանձնաժողովի կողմէ ըսեմ, որ տիրեքթիւներու մէջ գրաւման հարցը գոյութիւն ունի արդէն:

Պ. Գ. Յակոբեան. Գրաւման հարցը կարելոր է եւ արդէն այդ ուղղութեամբ դիմում եղած է պետութեանց մօտ՝ Վսեմ. Պօղոս Փաշայի եւ Պ. Ահարոնեանի կողմէ:

Պ. Խաչատուրեան. Շատ հարցեր կը փնտրենք, որոնց մասին որոշ տեղեկութիւններ չունինք: Պատուիրակութեան եւ մեր մէջ կապ չիկայ, կատարուած դիմումներուն պէտք է տեղեկանանք: Կ'առաջարկեմ, որ Պատուիրակութիւնը երբեմն տեղեկութիւններ տար մեզի:

Պ. Զինդեան. Նախ Յանձնաժողովը իր տեղեկագիրը թող բերէ մեզի, որպէսզի կարենանք արտայայտուիլ: Գրաւման հարցին մասին վիճաբանիլը աւելորդ կը նկատեմ: Կ'ուզէի որ Համագումարի դիրքը ճշդուի եւ ժամավաճառ չըլլանք:

Պ. Տամատեան. Թիւրքիմացութեան մէջ կը գտնուի Պ. Զինդեան, Կիլիկիայէն եկած անապահովութեան վրդովիչ լուրերէն վերջ, ուրախ են վերջապէս, որ թէւեւ ուշ՝ այդ դիմումը եղած է:

Պ. Մաթիկեան. Յոյսերնիս օտարներու վրայ դնելու չենք, մեր սեփական ոյժերու վրայ ապահովինք, ամենէն առաջ մենք պէտք է ճանջանք մեր կառավարութիւնը:

Պ. Վարանդեան. Այդ դիմումը թէւ պիտի կատարուէր, բայց կատարուած չէ տակաւին:

Պ. Տամատեան. Ցաւ կը յայտնեն դիմումը կատարուած չըլլալուն համար:

Պ. Խաչատուրեան. Միջագետք եւ Եգիպտոս ոյժեր ունինք եւ կրնանք մենք իսկ գրաւել մեր երկիրը առանց օտարներէն օգնութիւն սպասելու, պայմանով, որ անոնց տրուին զէնք եւ պաշար:

(Պ. Ֆնտզեան հեռագիր մը կարդաց այս միջոցին՝ թարգմանութիւնը Բրօֆ. Խաչատուրեանի տեղեկագրութեան մաս կազմող ծրագրի մը Սիրաքուզայի հայ կամաւորներուն խնդրին վերաբերեալ):

Պ. Նախագահ. Ժողովը կը յիշէ, որ վերջերս Սիւրիոյ եւ Կիլիկիոյ մէջ պատահած դէպքերուն առթիւ որոշուած էր, որ դիմում ըլլայ տէրութեանց մօտ՝ յիշատակելով մեր զգացած ցաւը պատահած դէպքերուն համար, եւ խնդրելով, որ միջոցներ ձեռք առնուին: Տեղեկագիրը պատրաստուեր եւ ժամադրութիւն ուզուեր է: Բայց ամերիկացիք՝ նախագահ Ուիլսոնի վերադարձին առթիւ խնդիրը փութացնելով խորհուրդ տուին, որ այս մասին պաշտօնական դիմումներ չըլլան, նկատել տալով Պատուիրակութեան, որ այդպիսի դիմում մը դիւանագիտական պիտի չըլլար այս

միջոցին: Այս մասին Վսեմ. Պօղոս Փաշան եւ Պ. Ահարոնեան համակարծիք են, որ այդ դիմումը չկատարուի:

Պ. Զօպանեան. Հակառակ դիմումը պաշտօնապէս կատարուած չըլլալուն, կը կարծեմ, որ մեր կողմէն այդպիսի դիմում մը ընելու առաջարկն արդէն իր ազդեցութիւնը ունեցած է:

Պ. Տամատեան. Արդեօք կրնա՞նք այդպէս հասկնալ, որ հակառակ պաշտօնական դիմում չըլլալուն, նորէն միջոցներ ձեռք պիտի առնուին անապահովութեան տեսակէտով:

Պ. Բարսեղեան. (Դիւանին հարցնելով) Գրաւման մասին խօսք կա՞ր այդ դիմումին մէջ:

Պ. Նախագահը կը պատասխանէ այո՛:

Պ. Բարսեղեան շարունակելով. Պատուիրակութիւնը պատրաստ էր նախապէս տրուած որոշումը գործադրել, եւ եթէ չէ գործադրած՝ պէտք էր ժողովին բացատրութիւն տար այդ մասին:

Պ. Զինդեան. Այս ժողովը վեհապետական իրաւունքներ ունի: Միանգամ ընդ միշտ պէտք է հասկցուի, որ Պատուիրակութիւնը պարտաւոր է գալ այստեղ եւ բացատրութիւններ տալ, հակառակ պարագային աւելորդ է Համագումարին գոյութիւնը:

Պ. Միքայէլեան. Աւելորդ է եւ ժամավաճառութիւն է իրաւասութեան եւ փոխարարութեան հարց ստեղծել այստեղ:

Պ. Զինդեան. Կը պնդեմ իմ առաջարկիս վրայ:

Պ. Գ. Յակոբեան. Կ'առաջարկեմ քուէի դնել Պ. Զինդեանին առաջարկը: Մեր ազգ. շահերը չեն ներեր, որ ամէն խնդիր այստեղ բերենք:

Ժամը 8 ½-ը ըլլալով, ժողովը վերջացնելու որոշում տրուեցաւ:

ՀԱԱ, ֆ. 430, ց. 1, գ. 27, թթ. 1-4: Ձեռագիր: Բնագիր:

## Նիստ 20-րդ

18 Մարտ 1919.

Նիստը բացուեցաւ Վսեմ. Գ. Նորատունկեանի նախագահութեամբ եւ 28 ժողովականներու ներկայութեամբ:

Նախքան օրակարգի անցնիլը Պ. Նախագահը տեղեկութիւն կու տայ Պոնտոսի խնդրին առթիւ: Այս առուու յունաց լօքուն թէնէնս Պատրիարքը այցելութիւն տուած ըլլալով Վսեմ. Պօղոս Նուպար Փաշայի, ի մէջ այլոց ըսած է, թէ յոյները չեն ուզեր հայերուն դրօշակին տակ մտնել, յոյները կ'ակնկալեն, որ Իզմիրի, Պոլիսի եւ այլնի հայերը հանդէպ յոյներուն նպաստաւոր դիրք մը բռնեն: Ասոր համար մեր մեծորանումին մէջ Տրապիզոնի նահանգին կէսէն աւելին ուզած ենք, ուր 3-4 հարիւր հազար յոյները չեն ուզեր հայերուն դրօշակին տակ ըլլալ եւ առամծին ինքնավար կազմակերպութիւն մը կ'ուզեն ունենալ, որուն համար նոյնիսկ իրենց կարգ մը հրոսախումբերն ասդին-անդին սկսած են գործել: Միւս կողմէ՝ Պոնտոսէն ներկայացուցիչներ եկած են եւ կ'ուզեն բանակցիլ մեզի հետ: Ուղղակի ինձի ալ դիմած են իրենց խնդրոյն միջնորդը ըլլալու իբր յունաց վաղեմի բարեկամ: Ես ցոյց տուի իրենց ծրագրին զոտարութիւնները եւ անկարելիութիւնը, առարկելով, որ Տրապիզոնի նահանգին ¼ բնակչութիւնը իսլամ է եւ իրենք հազիւ ¼-ը կը կազմեն, որով ըստ ուիլսոնեան սկզբանց՝ այդ երկիրը չը կրնար տրուիլ յունաց: Աւելի լաւ է յարմարութեան գալ հայոց հետ ու չխառնել խնդիրը: Իրենք առաջարկեցին փոխադարձաբար 5-ական հոգի ընտրել ու բանակցութեան մտնալ:



Պ. Թերզիպաշեան իբրև տեղեկութիւն կ'ըսէ, որ Տրապիզոնի նահանգին մէջ մէկ միլիոն երկու հարիւր հազար բնակչութիւն կայ, եւ հարց կու տայ, թէ յոյները ի՞նչ գետնի վրայ կ'ուզեն տանիլ բանակցութիւնները:

Նախագահ. Դեռ իրենք ալ որոշ չեն արտայայտուիր. յանձնարարեցի, որ թուղթի վրայ գրեն իրենց մտածումը:

Պ. Չօպանեան իր՝ յոյն խմբագիր Լամպետեսի հետ ունեցած տեսակցութիւնը կը պարզէ, ուրկէ կ'իմացուի, որ անոնք մեզի դէմ ցոյցեր իսկ ընելու տրամադրութիւններ ունին՝ մեզ էմբեռնալիսք եւայլն հռչակելով: Պ. Լամպետես այն կարծիքէն եղած է, որ պէտք է անուշութեամբ համոզել եւ հասկցնել այդ մարդոց, որ հայերն իրենց բոլոր իրաւունքները պիտի յարգեն իբրև ինքնավար ցեղ եւ այլն:

### Օրակարգ. Տիրքթիւներ

Տիրքթիւները մշակող Յանձնախումբին տեղեկաբեր Պ. Չօպանեան կը կարդայ իրենց աշխատութիւնը: Կ'որոշուի մէկիկ-մէկիկ կարգալ յօդուածները եւ անցընել մեծամասնութեամբ: Բայց քննութիւնը կը յետաձգուի՝ որպէսզի տպուի եւ ամէն ժողովական իր ձեռք ունենայ հաստ մը:

Պ. Յակոբեան եւ Քէլէկեան ամողջական պատճառներով մեկներ են, ու ստիպուած ըլլալով՝ ժողովը կ'ընդունի, որ անոնք իրենց քուէները յանձնեն Ամեն. Դուրեան Սրբազանին, նոր Պատուիրակութիւն ընտրելու համար որոշուած յատուկ եղանակով մը պահարաններու մէջ ձգելով իրենց ձայները:

Պ. Տամատեան կ'առաջարկէ, որ Համագումարն իր նիստերէն մէկուն մէջ նկատի առնէ ընդհանուր ազգային համերաշխութիւնը անխախտ պահելու խնդիրը եւ այդ մասին կարգադրութիւն մը ընէ:

Պ. Քէլէկեան խան կ'առաջարկէ, որ հողեր գնուին Հայաստանի մէջ եւ ձրի բաժնուին ժողովուրդին, որպէսզի տարագիրները հրապուրուին եւ երկիր դառնան:

Պ. Նախագահը կ'ըսէ, որ ժողովոյ օրակարգը տիրքթիւներու խնդիրն է միայն: Ժողովը վերջացաւ ժամը 8-ին:

ՀԱԱ, ֆ. 430, ց. 1, գ. 27, թթ. 5-6: Ձեռագիր: Բնագիր:

### Նիստ 21-րդ

19 Մարտ 1919.

Նիստը բացուեցաւ Վսեմ. Գ. Նորատունկեանի նախագահութեամբ եւ 30 ժողովականներու ներկայութեամբ:

Օրակարգ. Ելեւմտից Յանձնաժողովին բերած աշխատութեան ընթերցումը

Օրակարգին անցնելէ առաջ, Նախագահը տեղեկութիւններ կու տայ իրենց ըրած մէկ դիմումին առթիւ: Այս առաւօտ ժողովին Նախագահը, Հայկական Հանրապետութեան Պատուիրակութեան Նախագահը, Ամենապատիւ Դուրեան Սրբազան եւ Ազգային Պատուիրակութեան Նախագահը այցելութիւն մը տուին ֆրանսական արտաքին գործոց նախարար Պ. Բիշոնին, որ իրենց ներկայացուցած խնդիրներուն հանդէպ համակրութեամբ կը վերաբերի: Դիմումին գլխաւոր շարժառիթը, որ Ատանայի մէջ տեղի ունեցած ցուալի դէպքերն էին, ինքնին փակուած կը նկատուի այն երկու նամակներով, որ Պատուիրակութեան Նախագահը ստացած է ֆրանսական կառավարութեան կողմէ եւ որոնք կը յայտնեն, թէ ալ խռովութիւնները վերջ գտած են եւ կարգ-կանոն հաստատուած ըլլալով, կարելի է ապահով ըլլալ, որ

ուրիշ անգամ այսպիսի բաներ ալ չպիտի պատահին: Բաւարար բացատրութիւն կը տրուի նաեւ այն խնդիրոյն մասին, թէ ինչո՞ւ Ալճերիոյ մէջ գտնուած զինուորները աւելի շատ դրամ կը ստանան, քան թէ Ատանայի ֆրանսական հայ կամաւորները: Իբր երրորդ խնդիր, Բիշոնի այցելուները շատ կը ծանրանան Կովկասի այժմեան ճգնաժամային վիճակին վրայ, պարտաւորման հնարաւորութիւն մը ստեղծելու համար: Բիշոն կը պատասխանէ, որ այն կողմերը այդ խնդիրներով գլխաւորաբար անգլիացիք է, որ կը զբաղին, հետեւաբար անոնց է, որ աւելի պիտի դիմուի, իսկ ինք իր ձեռքէն եկածը պիտի ընէ, որուն համար նօթ մը կը խնդրէ, յայտնող այս խնդիրն առթիւ մեր պահանջները: Նախագահը կը յայտնէ նաեւ, որ անգլիական ինչպէս ամերիկեան կառավարութեանց կողմէ այս մասին միջոցներ ձեռք առնուած են, որոնց դրկած պարէնը դեռ տեղը չէ հասած: Նախագահը կը խնդրէ Պատուիրակութենէն, որ այս խնդիրը միշտ իր զբաղման առարկայ ընէ եւ ոչ մէկ ռուպլ անտեսուի այդ խնդիրը:

Պ. Փափազեան կ'առաջարկէ, որ նոյն այդ կազմով դիմում կատարուի անգլիական եւ ամերիկեան կառավարութեանց ներկայացուցիչներուն մօտ:

Պ. Ահարոնեան կը յայտնէ, որ արդէն իրենք մտադիր են այդ դիմումն ընելու: Վսեմ. Մեծապատիւ Նուպար Փաշա կը տեղեկացնէ, որ վաղն ինք ժամադրութիւն մը ունի գեներալ Ալլէնպիի հետ, որ պիտի կարողանայ, կը յուսայ, բաւական գործերը դիւրացնել, այնպէս որ կ'առաջարկէ ինք, այդ դիմումներուն մասին մտածել, իր ունենալիք տեսակցութենէն յետոյ, կը յայտնէ նաեւ որ իրենք ունկնդրութիւն խնդրած են արդէն յիշեալ կառավարութիւններէն, սակայն դեռ պատասխան չեն ստացած, դարձեալ կարելի է նոր դիմում մը ընել, - կ'աւելցնէ:

Պ. Տեր-Ստեփանեանի տեսակցութիւնը Լեօն Պուրժուային հետ

Այսօր Ligue des Nations-ի Յանձնախումբին մէջ Ֆրանսան ներկայացնող Պ. Leon Bourgeois-ի հետ տեսակցութիւն մը ունեցայ, որուն մասին օգտակար կը նկատեմ ժողովին տեղեկութիւն տալ, թէ եւ ըսեմ այս որպէսզի թիրիմացութիւն չ'ըլլայ՝ անոր ներկայացած էի իբր պարզ անհատ, Luzzatti-ի յայտարարութեամբ եւ նամակով: Իմ հարցումիս, թէ ինչպէ՞ս պէտք է մեկնել Ligue des Nationsի statut et mandat etc-սիսթէմին վերաբերող 19-րդ յօդուածը, պատասխանեց, որ այդ յօդուածը Conseil des Dix ինքն իսկ պատրաստած եւ յանձնած է Յանձնախումբին, որ հազիւ կարողացեր է տեսքի բարեփոխում մը ներմուծել: Հայաստանը բնաւ չի կրնար շփոթուիլ Ափրիկէի ցեղերուն հետ, ան nation majeure մ'է, ունենալով ինչպէս սուրիացիները, մերիմին բարձրութեան հասնող քաղաքակրթութիւն մը:

Աս բացատրութենէն իմ տպաւորութիւնս եղաւ, որ Յանձնախումբին ներմուծած բարեփոխումը կը վերաբերի mandat-ի ենթակայ ազգերու երեք դասակարգի բաժանումին: Յոյս յայտնեց, որ կարելի ըլլայ նոր բարեփոխում մը ընել: Ըստ իրեն՝ mandataire պետութեան դերը նուազացում պէտք չէ նշանակել: Հայաստանի ներքին անկախութեան տպաւորութիւն ունեցայ, ուրեմն, որ իր մաղթած բարեփոխումներն այդ նկարագիրն ունէին: Խօսեցայ Հայաստանի ցեղային խնդրին մասին, բացատրելով, թէ ինչպէս Հայաստանի ցեղային խառնուրդն արդիւնքն իսկ է Հայաստանի գլխաւորապէս այս վերջին յիսուն տարիներուն կրած ճնշումին եւ թէ ինչպէս այդ արդիւնքին վրայ կարելի չէ հիմնել պատճառին դարմանումը: Հարցուցի յետոյ, թէ ինչպէ՞ս պիտի նկատուի ինք վաղուան Հայաստանի եւ Թուրքիոյ միջեւ հայ եւ թիւրք բնակչութեան փոխանակութիւնը, ըսելով, որ այդ երկու ցեղերուն միասին ապրելուն դէմ կայ ֆիզիկական եւ բարոյական անկարելիութիւն մը, մէկը միւսին դահիճը ըլլալով: Պ. Bourgeois պատասխանեց, որ թէ եւ անմիջապէս վերջնական պատասխան մը, բնականաբար, իրեն կարելի չէր տալ, սակայն փոխանակութիւնն իրեն կը թուէր, առաջին քննութեամբ, ամենէն տրամաբանական եւ գործնական միջոցը: Ըսաւ, որ ինք կ'ուզէ զբաղիլ այդ խնդրով ու խնդրեց ինձմէ, որ իրեն note մը ներկայացնեմ ցեղային

հարցին այդօրինակ լուծումին մասին, փափաք յայտնելով, որ կրկին տեսնուի՞նք այդ խնդրին մասին խորհրդակցելու համար:

Համագումարին կը մնայ որոշել, թե այս աշխատութիւնը ինչպէ՞ս յառաջ տարուի. իմ կողմէ անհատապէս՝ լաւագոյն է, որ ան Պատուիրակութեան յանձնուի:

Պ. Վարանդեան դիտել կու տայ, թէ 3 այլ մարդիկ դիմում ըրած են տեսնուելու համար Leon Bourgeois-ի հետ. սաիկա կրնայ ծանծրագնել այդ զբաղուած մարդերը. կ'առաջարկէ խորհրդակցաբար ընել այդ տեսակցութիւնները:

Տոքթ. Օհանջանեանը ո՛չ մէկ անպատեհութիւն կը տեսնայ շատ մը հայերու մէկ բարձր անձնաւորութեան մը հետ տեսակցելուն մէջ: Միայն թէ մեր հարցի շուրջ հակասական մտքեր չյայտնուի համար լաւ է, որ իրենց խօսելիքին վրայ նախ իրենք խորհրդակցին:

Պ. Թերզիպաշեան կ'ուզէ վնասուց հատուցման խնդրոյն մասին իր մէկ պատրաստած ծրագրի յաւելուածական մասը ժողովի կարծիքին ենթարկել: Ժողովը կը մերժէ լսել, առաջարկելով, որ նման աշխատանքներ Յանձնաժողովին կողմէն գան:

Ելեւմտից Յանձնաժողովին կողմէ Պ. Տէրպետրեան կը կարդայ իրենց աշխատանքին արդիւնքը, եւ կը յայտնէ միանգամայն, թէ Պատուիրակութեան բռնած 4 տարուան տոմարները կատարեալ վիճակի մէջ գտնուած են եւ կարդաց Յանձնախումբին բերած ելեւմտացոյցի քննութեան տեղեկագիրը:

Պ. Տէրվիշեան կը գտնայ, որ նշանակուած գումարները բոլորովին անբաւական են այդ հսկայական պահանջներուն գոհացում տալու համար եւ կ'առաջարկէ, որ Վսեմ. Պօղոս Փաշաին եւ միւս նախագահներուն կողմէ հեռագիրներ տրուին ամէն կողմ՝ դրամ ժողովելու համար, եւ կը յայտնէ, որ ինք բոլորովին վստահ է, որ շատ աւելի մեծ գումարներ կարելի պիտի ըլլայ ձեռք ձգել: Կ'առաջարկէ նաեւ, զհնուորական եւ վերականգման ծախսերը բաժնելով՝ դիմում մը ըլլայ Ուիլսոնին՝ միայն վերաշինութեան համար օգնութիւն խնդրելու: Պ. Տէրվիշեան վստահ է նոյնպէս, որ Ուիլսոն երբ Պելճիբայի վերաշինութեան համար 10 միլիոն տուլար տուած է, նոյնքան մըն ալ մեզի պիտի տայ:

Պ. Ահարոնեան կը գտնայ, որ ներքին կամ արտաքին փոխառութիւնները երբեւէ պիտի ըլլան, բայց այժմ աշխատանքի կարօտ են եւ դժուար: Հայը դեռ շատ դրամ ունի իր ծոցը եւ այս գերագոյն ռոպէին իւրաքանչիւր մարդ բռնադատուած է իր գերագոյն չափովը օգնելու: Եւ այդ օգնութիւնը հանելը այս ժողովին գործն է, որ շատ բան կրնայ կատարել: Պ. Ահարոնեան ցոյց կու տայ, թէ ինչպէ՞ս հարուստները թերացած են իրենց պարտականութեան մէջ եւ ինչպէ՞ս հասարակ ժողովուրդն իր կարողութենէն շատ աւելիովը կատարած է իր պարտքը. ցոյց կու տայ նաեւ, թէ ինչպէ՞ս Կովկասի մէջ բարոյական եւ նոյնիսկ բռնի հարկադրութիւններով, ահագին գումար հանած են հարուստներէն: Արդ, կ'առաջարկէ փոխառութիւններէ առաջ, օտարներէն ուզել առաջ, որպէսզի անոնց քով երես ունենանք, այս ժողովը կոչեր ընելով, մարդիկ ղրկելով գաղութները, բարոյական բռնադատութիւններով սկսիլ մեծ հանգանականութիւն մը: Պ. Ահարոնեան վստահ է, որ այս ժողովը հսկայական գումար պիտի կարողանայ ձեռք ձգել՝ որոշելով, որ իւրաքանչիւր համայնք այսքան գումար պիտի վճարէ իբր ազգային տուրք, ո՛չ թէ փոխառութիւն եւ թէ այդ համայնքին կը մնայ բարոյական միջոցներով կամ ինչպէս որ կ'ուզեն՝ իրականացնել ժողովին կողմէ նշանակուած գումարը:

Պ. Ֆնտզեան համակիր է Պ. Ահարոնեանին եւ կը մերժէ տոկոսով դրամ փոխ ուզելու սիւսէնը եւ թէ ինքը այս մտքով տարակարծիք եղած է Յանձնաժողովին մեծամասնութեան հետ, ցոյց տալով, որ հարուստները կարծուածին չափ անտարբեր չեն, թէ անոնցմէ կարելի է ահագին գումարներ առնել եթէ հանգանակութիւնը մրցակցութեան եւ պատուոյ խնդրի դարձուի: Իւրաքանչիւր հայ գաղութի պէտք է առ այս պատգամաւորներ ղրկել, որ պէտք եղած եռանդն արծածեն:

Պ. Միքայէլեան նոյն միտքը կը յայտնէ, որ Ամերիկա ալ միշտ բանուորութիւնն է որ իր պարտքը կատարած է, թէ այնտեղի հարուստները չեն ուզած ազգային մարմիններուն տալ իրենց օգնութիւնը: Պ. Միքայէլեան ցոյց տալով, որ ինչ մեծ հարստութիւն կայ Ամերիկայի հայութեան մէջ, ինքն ալ կ'առաջարկէ մեծ կոչեր ուղղել, այս Համագումարին, Ազգային Պատուիրակութեան եւ Կովկասի Հանրապետութեան կողմէ եւ ամէն բարոյական միջոցներու դիմել հարուստներուն իրենց պարտքը կատարել տալու համար: Այսպէս կարելի է անոնց սպառնալ, որ Հայաստանի մտնելու ժամանակ սահմանազուլիսին վրայ իրենց պարտքը չվճարած թոյլ չպիտի տրուի ներս մտնալ եւ Հայաստանի քաղաքացիական իրաւունք վայելել:

Պ. Օհանջանեան. Այս ժողովը ինք պիտի սկսի գոհաբերութեան օրինակ տալ: Այն ցոյց կու տայ, թէ Յանձնաժողովին կազմած պիտու՞ն շատ խղճուկ պիտու՞ն մըն է, բարեգործական ընկերութեան յատուկ: Մինչդեռ մենք կը գտնուի՞նք փոխանցման շրջանի մը մէջ ազգութենէ դէպի պետութիւնը, հետեւաբար մեր կատարած գործն ալ պէտք է այս փոխանցման շրջանին համապատասխան ըլլայ եւ մեր պիտու՞ն ձգտի դէպի պետական պիտու՞ն համեմատութիւնները: Ցոյց կու տայ իբր օրինակ առողջապահական խնդրոյն մասին եղած ծրագրին վերին աստիճանի անբաւարար եւ խեղճ ըլլալը եւ կ'առաջարկէ որոշել վճարել իւրաքանչիւր հայու իր ունեցած կարողութեան որոշ սակը: Իսկ իբրեւ միջոց կ'առաջարկէ նոյն բարոյական պարտականութիւնները եւ հակառակ է Պ. Միքայէլեանի առաջարկին՝ յանձնել սահմանին վրայ հարուստներուն պարտքը, որովհետեւ ասիկա կրնայ պատճառ մը ըլլալ ներգաղթը նուազեցնելու եւ ատոր տեղ կ'առաջարկէ գրաւել Հայաստանի մէջ հարուստներուն ունեցած կալուածքը:

Պ. Զօպանեան կ'առաջարկէ ուրեմն ճոխացնել Յանձնաժողովը եւ քանի մը օր եւս տալ անոր, որ այս հողին վրայ կատարէ իր աշխատանքները, եւ վստահ, որ այս ժողովին, Կովկասի պատուիրակներու եւ Վսեմ. Պօղոս Նուպարի կողմէ կատարուած հանդիսաւոր կ'չ մը հայութենէն ահագին գումար պիտի հան:

Պ. Սաթիկեան կը կարծէ, որ հեռագիրները եւ կոչերը միայն բաւական չեն եւ կ'առաջարկէ երկու բան՝ նախ ճանջնալ հայկական միացեալ կառավարութիւնը եւ հռչակել ու անոր անունով ազատութեան փոխառութեան տոմսեր հանել եւ, յետոյ՝ սիրուած ազգային դէմքեր ղրկել, որ իրենք իսկ գլուխը կենան հանգանակութեան: Այսպիսով Պ. Սաթիկեան վստահ է, որ 25 միլիոնը միայն Ամերիկայէն կ'ելլէ:

Պ. Թերզիպաշեան կը գտնայ, որ Յանձնաժողովը լաւ կատարած է իր պարտքը, որովհետեւ այդ միայն յանձնարարուած էր իրեն, իսկ ինք հակառակ է այժմէն իսկ բարոյական ճնշումի միջոցներու գործադրութեան, որովհետեւ դիտել կու տայ՝ մենք դեռ մեր պարտքը բաւական չենք կատարած սովորական միջոցներով հարուստներէն դրամ առնելու համար: Կ'առաջարկէ նախ ուշադրութիւն դարձնել հարուստներէն դրամ առնելու համար բորբականտի, անոնց փառասիրութիւնը շոյելու միջոցներուն:

Պ. Փաստրմաճեան ծախսերը քանի մը մասի կը բաժնէ. այն, որ Պատուիրակութիւնը պիտի ընէ՝ անոր համար 25 միլիոնը բաւական է, իսկ մնացեալ մեծ գործերը պէտք է միացեալ կառավարութեան հռչակումէն յետոյ ընել, եւ, այդ պարագային, վստահ որ Ուիլսոն շատ սիրով վերաշինութեան համար մեծ գումար նուէր կու տայ, նկատի առնելով անտէրութիւնը, որ ես տեսայ Կովկասի հայ կամաւորներուն զէնք ղրկելու համար դրամ հայթաթել ուզած ատենս: Ներքին փոխառութիւններն ալ պէտք է կատարել միացեալ կառավարութենէն յետոյ, եւ զգացմանց խնդիրներու անունով, օրինակ՝ որբերու եւ այլնի, եւ շատ չնչին տոկոսով:

Տոքթ. Սայեան ալ այն կարծիքին է, որ ներքին փոխառութիւնը պէտք է Հայկական միացեալ կառավարութեան հռչակումէն յետոյ ընել, իսկ անմիջական ծախսերու համար պէտք է Պատուիրակութիւնը դիմէ ժողովուրդին եւ անիկա միշտ իր պարտքը կատարած է, պիտի կատարէ մեծ վստահութիւն ունենալով Պատուիրակութեան վրայ: Հարուստներուն համար նոյն բարոյական միջոցները

կ'առաջարկե, իսկ արտաքին փոխառութիւնը պէտք է ընել, կ'ըսէ, Կովկասի Զանրապետութեան անունով եւ ամերիկեան կառավարութենէն: Ատիկա պատճառ մը կ'ըլլայ միեւնոյն ատեն, որ ասիսթանսի խնդրոյն մօտենանք: Պ. Չօպանեան, որ 10 ռուպէ ի վեր Պ. Նորատունկեանի գործով մեկնած ըլլալուն ինք կը կառավարէր միտքը, կ'ամփոփէ բոլորը, ըսելով որ ժողովականները բոլորն ալ համաձայն են ընդհանուր սկզբունքին վրայ: Արդ, կ'որոշէ հին Յանձնաժողովին վրայ անլցնել նաեւ Պ. Պ. Փաստրմաճեան, Մաթիկեան որպէսզի Պ. Պ. Ահարոնեանի եւ Օհանջանեանի հետ խորհրդակցաբար խնդիրը այս հողին վրայ մշակեն եւ բերեն ժողովին:

Նիստը ժամը 8 ½-ին վերջացաւ:

ՀԱԱ, ֆ. 430, ց. 1, գ. 27, քք. 7-12: Ձեռագիր: Բնագիր:

## Նիստ 22-րդ

20 Մարտ 1919.

### Օրակարգ. Տիրէքիներու Յանձնաժողովին բերած ծրագրին վիճաբանութիւնը

Նիստը բացուեցաւ Բրօֆ. Ա. Տէր-Յակոբեանի նախագահութեամբ եւ 20 անդամներու ներկայութեամբ: Ամենապատիւ Դուրեան Սրբազան տեղեկութիւն տուաւ իր, Վսեմ. Նորատունկեանի եւ Պօղոս Փաշայի նոյն օրն իսկ Լորտ Զարտիմկի հետ ունեցած տեսակցութեան մասին: Մեր պատուիրակներն անգլիական կառավարութեան ներկայացուցիչին պարզած են Ատանայի եւ Տիարպէի մէջ կատարուած դէպքերը, Կովկասի սովաբեկ վիճակը եւ պարէնի պահանջներ ներկայացուցած են: Լորտ Զարտիմկ պատասխանած է, որ ամէն ինչ պիտի կարգադրուի, միայն թէ ժամանակի կարօտ է: Կարծիք կը յայտնուի, որ Պ. Բիշոնի տրուելիք նօթերը տրուին նաեւ անգլիական եւ ամերիկեան կառավարութեանց: Բրօֆ. Խաչատուրեան կ'առաջարկէ այդ գիրին մէջ անլցնել նաեւ հայ երիտասարդներու կամաւոր դառնալու համար դիրութիւն տալու եւ արդէն իսկ անգլիացուց ձեռքին տակ մարզուած հայ զօրքերու ընկերակցութեամբ ժողովուրդին տէր դառնալու խնդիրները: Պ. Օհանջանեան կ'առաջարկէ նաեւ անլցնել թրքական կառավարութեան Զայաստանէ հեռացման, իսկ Տրքք. Սայեան քանի մը գլխաւոր դաշտերու մէջ ցանքսի դիրութեան խնդիրները: Պ. Ֆնտգլեան կը տեղեկացնէ ժողովին Միս Ռապիմսոնէն հասած նամակի մը պարունակութիւնը, որմէ կը հասկցուի, թէ անգլիական կառավարութեան կողմէ ուղղակի արգելք դրուած է Կովկաս դրամ ղրկելու դէմ, իբրեւ թշնամիէն զրաւուած երկիր, եւ կ'առաջարկէ դիմումներով վերջ տալ այս կացութեան եւ կամ գոնէ կարգադրել, որ անգլիական կառավարութիւնը ինքը ղրկէ դրամը, քանի որ զանազան տեղերէ այնքան մարդիկ կան, որ դրամ ղրկել կ'ուզեն: Պ. Չօպանեան շատ մեծ կարեւորութիւն կու տայ այս խնդրին եւ կը պահանջէ որ նօթսի մէջ անպատճառ յիշուի նաեւ այս խնդիրը, զայն նկատելով թէ քաղաքական եւ թէ տնտեսական տեսակետներով անմիջական անհրաժեշտութիւն ունեցող գործ մը:

Պ. Տամատեան ժողովին ուշադրութիւնը կը հրաւիրէ այն կէտին վրայ, որ Պատուիրակութիւնը պատասխան ստացած է իր այն գիրին, որով տեսակցութիւն մը խնդրուած էր անգլիական եւ ամերիկեան կառավարութիւններէն, միջնորդ ասկէ շաբաթ մը առաջ մեզի կ'ըսուէր, որ այդ կառավարութիւնները անպաշտօնօրէն տեղեկանալով տեսակցութեան պատճառներուն՝ բարեկամաբար խորհուրդ տուած էին չտալ մեր տալիք նօթը եւ հիմա իրենք է, որ կ'ուզեն այդ նօթը: Ասիկա, կըսէ, հակասութիւն մըն է, գոր չեմ հասկնար, կ'երեւի բաներ մը կան, որոնք յարմար չնկատուիր մեզի ըսել: Ես ուրիշ կէտի մը շուրջ իմ խորին ցաւս պիտի յայտնեմ՝ որ Զայկական Դատի այսօրուայ վարիչները նոյն հին ստրկական լեզուն կը գործածեն

օտար կառավարութիւններու ներկայացուցիչներու հետ, մեր այնքան զոհերէն եւ զոհողութիւններէն վերջ: Կ'առաջարկէ, որ գոնէ այս նօթսը անլի արի եւ ուժեղ լեզուով գրուի:

Դրան ղրկելու արգելքի մասին ուրիշներ ալ կը խօսին եւ յոյս կը յայտնեն, որ մասնաւոր դիմումով մը կարելի պիտի ըլլայ այդ խնդիրը կարգադրել:

Պ. Փափագեան կ'առաջարկէ երկու նօթս պատրաստել, որոնցմէ մէկուն մէջ միայն գործնական միջոցներ առաջարկուին պարենաւորման եւ այլն խնդիրներու մասին, իսկ միւսը անլի խնամքով պատրաստուած, մեր պահանջները պարունակէ:

Պ. Չօպանեան եւս այն կարծիքին է, որ Կովկասի մէջ տիրող սովի խնդիրը պէտք է առանձին հարց մ'ընել, որու համար ինք առաջարկած է Պատ. Նախագահին անմիջապէս տեսակցիլ Պ. Ուիլսոնին հետ: Պ. Չօպանեան այդ մասին իր պատրաստած մէկ փոքրիկ եքսթրաէն ուր բացատրուած են Կովկասի վիճակը, վրացոց պոյքթըրը հայերուն դէմ, դրամ ղրկելու արգելքն ու դարձանները՝ կը կարողայ ժողովին, անլցնելով, որ յետոյ exposé-ն Պատ. Նախագահին պիտի յանձնուի, որպէսզի անկէ օգտուի իր տալիք նօթին մէջ:

Աղաթօն Պէյ կ'առաջարկէ գործնական միջոցներուն մէջ առաջարկել նաեւ, որ Քուպանի ցորենները Կովկաս փոխադրելու մասին միջոցներ գործադրուին:

Տրքք. Սայեան կը յիշէ, որ կառավարութիւններու անպաշտօնօրէն տրուած նօթը ժողովը չէ տեսած եւ կ'առաջակէ շատ բաներ չուզել, որովհետեւ մեզի չպիտի լսեն, իսկ եթէ պիտի լսեն, դրամի փոխադրութեան միջոցներու նման ճղճիմ բաներ չէ, որ պիտի պահանջենք, այլ դրամը, հացն է, որ պիտի ուզենք երկիրը սովէ փրկելու համար, երկիրն է, հողն է, որ կ'ուզենք՝ ժողովուրդը բնակեցնելու եւ զալ տարուայ համար ցանք սկսելու համար: Իսկ այժմ, կ'ըսէ Տրքք. Սայեան, անլի լաւ է անցնիմք օրակարգին՝ լսելով Պատուիրակութեան, որ մեր վարած կռիւն իրաւունք կու տայ մեզի անլի լաւ պայքար մղելու քաղաքական հողի վրայ:

Պ. Ահարոնեան սխալ կը գտնայ Պ. Տամատեանի այն ըսածը, որ ժողովէն կարգ մը բաներ կը պահուին: Ընդհակառակը, կ'անլցնէ, շատ բաներ կան, որ դուք գիտէք եւ ես չեմ գիտեր: Կը յայտնէ նաեւ, որ Պ. Բիշոնի հետ իրենց ունեցած տեսակցութենէն յետոյ, արդէն ինք նօթս մը պատրաստած է, որ շուտով կը տրուի եւ պէտք եղած հետապնդումն ալ կը կատարուի, այնպէս, որ ժողովը ասով զբաղուելու պէտք չունի եւ անլի լաւ է օրակարգի անցնիլ:

Տրքք. Տէր-Ստեփանեան. Այս բոլոր պէտքերը այնքան աչք ծակող են, որ Պատուիրակութիւնը եթէ կրնայ բան մը ընել, առանց մեր թելադրութիւններուն ալ կրնայ կատարել: Բայց ես մէկ բան կ'ուզէի ըսել, սա՛ որ մեր շարունակուող մարտիրոսագրութիւնը վերջերս երբեք արձագանգ չի գտնոր մանուկին մէջ, այնպէս որ թերթերու մէջ եթէ ազդու կոչ մը հրատարակել տանք, թերեւս Պատուիրակութիւնը հանրային կարծիքին վրայ հիմնուելով անլի լաւ կարողանայ ընել իր պահանջները:

Պ. Նախագահը կը փակէ այս խնդիրը՝ օգտակար նկատելով խօսուածները, որոնք պիտի յայտնուին Պատուիրակութեան:

Պ. Տամատեան իրեն լաւ ծանօթ հայ կամաւորի մը կողմէ Կիլիկիայէն գրուած նամակ մը կը կարդայ, որ կը յայտնէ Դաշնակից պետութեան մը կողմէ բռնուած թշնամական վերաբերումը հայերուն հանդէպ, եւ կը յուզէ սա գլխաւոր խնդիրը, թէ կ'ուզուի Զայկական Լեզունը ցրուել եւ նոր պայմաններով նոր արձանագրութիւններ կատարել: Նամակագիրը կ'առաջարկէ, որ այդ արձանագրութիւններու պայմանները կա՛ն Պատուիրակութեան կողմէ ընդունուած ըլլան եւ կա՛ն չփոխուի Զայկական Լեզունը: Այս նամակը երեսանց կը բերէ հին որոշում մը, որու հանձնատ՝ Պատուիրակութեան կողմէ Կիլիկիա ներկայացուցիչ մը ղրկելու անհրաժեշտութիւնը ընդունուած էր:

Մասեհեան Խան իբր բացատրութիւն կ'ըսէ, որ Տրքք. Ներուզ հիւանդացած է եւ չի կրնար երթալ եւ ուրիշ յարմար անձնաւորութիւն մը կը փնտրուի: Այդ պաշտօնին

համար կ'առաջարկուի Համագումարի անդամներին դուրսն ալ մարդ փնտրել: Միս կողմէ կը շեշտուի այն միտքը, թէ այնտեղ՝ կառավարութիւններու ներկայացուցիչներու բռնած դիրքը բացարձակապէս կախուած է պետութեանց՝ մեզի հանդէպ տրամադրութիւններէն, այնպէս որ ով որ ալ դրկուի՝ մեծ բան չպիտի կրնայ ընել, ինչպէս որ արդէն հոն մէկ քանի գործիչներ եղած են եւ ստիպուած են հեռանալ տեղեկացնելով այդ մասին Պատուիրակութեան: Արդ, Դաշնակից պետութեանց տրամադրութիւնները փոխել անհնարին է, քանի որ շահերն են, որ հակամարտ են հիմա,- կը շեշտէ գլխաւորաբար Պ. Վարանդեան: Կը մնայ յոյսերնիս դնել խաղաղութեան Վեհաժողովին վրայ եւ մինչեւ այդ (անընթեռնելի) անցնիլ եւ դրկել անմիջապէս կարելորոյ՝ որոնք տեղեկացնեն անցած դարձածը եւ ժողովուրդին տէր դառնան: Կը յայտնուի նաեւ այն միտքը,- գլխաւորաբար Պ. Հինդլեանն է,- որ ասոնք բոլորն ալ երկրորդական միջոցներ են եւ բոլորն ալ կախուած են մէկ խնդիրէ, այն է՝ փութացնել եւ իրագործել երկրին գրաւումը, որով միայն կարելի է ամեն ինչ ընել:

Ապա ժողովը կ'անցնի օրակարգի եւ կը սկսի մէկիկ-մէկիկ կարդացուիլ տիրեթիւները մշակող Յանձնախումբին բերած ծրագրին յօդուածները, որոնք, քուէարկուելէ յետոյ, ժողովէն ընտրուած Պատուիրակութեան համար պարտաւորիչ պիտի նկատուին: Մեծամասնութեամբ կ'ընդունուի Ա. յօդուածի Ա. հատուածը (միացեալ Հայաստանի կառավարութեան ստեղծումը): Բ. հատուածը շատ կարելոր խնդիր մը շօշափելուն՝ ժողովը երկար ատեն կանգ կ'առնէ վրան եւ անոր շուրջ հետեւեալ երեք գլխաւոր միտքերը կը յայտնուին եւ առաջարկները կ'ըլլան. Ա. նկատելով, որ չափազանց կարելոր է այդտեղ շօշափուած խնդիրը՝ պէտք է ժողովը ինքն իսկ որոշէ անոր գործադրութեան եղանակները եւ այդ պատճառով պէտք է բոլորովին հանել տիրեթիւներու միջէն նոյն հատուածը եւ յատուկ նիստ մը յատկացնել այդ խնդիրը քննելու համար: Բ. կ'առաջարկուի, որ ո'չ միայն ժողովը գործադրութեան եղանակները ինքը որոշէ, այլեւ՝ սկսի ինքն իսկ գործադրել զանոնք՝ շարունակութիւնը յանձնելով Պատուիրակութեան: Գ.-րդ խնդիրը յանձնել Յանձնաժողովի մը, որ Կովկասի պատգամաւորներու կարծիքն ու համաձայնութիւնը առնելէ յետոյ բերէ ժողովին վերջնական ծրագիր մը: Պ. Զօպանեան, իբրեւ Յանձնաժողովի տեղեկաբեր, կը յայտնէ, թէ այս խնդիրը արդարեւ չափազանց կարելոր ըլլալով, ինքն ալ համաձայն է, որ միեւնոյն Յանձնաժողովը մշակէ խնդիրը եւ իր եզրակացութիւնը բերէ ժողովին: Այս առիթով հինգ բանաձեւեր կ'առաջարկուին, որոնցմէ Պ. Փափազեանի բերած հետեւեալ բանաձեւը կ'ընդունուի մեծամասնութիւնով.

«Համագումարը լսելով Ա. յօդուածի Բ. հատուածը, այդ առթիւ Հայաստանի միակ կառավարութեան անմիջական կազմակերպութիւնը համարելով իր գլխաւոր նպատակներէն մէկը, կը յանձնարարէ յատուկ յանձնաժողովի մը՝ պատրաստել հրահանգներ՝ ժամ առաջ անոր իրականացումը առաջ բերելու համար, որով երկրորդ հատուածին քննութիւնը կը վերապահէ յանձնախումբին տեղեկատուութենէն վերջ»:

Կ'որոշուի նաեւ, որ այդ աշխատանքը կատարէ նոյն Յանձնաժողովը, որուն տրուի իր վրայ մէկ քանի նոր անդամներ աւելցնելու իրաւունքը:

Նիստը փակուեցաւ ժամը 8 ½ -ին:

ՀԱԱ, ֆ. 430, ց. 1, գ. 27, թթ. 13-18: Ձեռագիր: Բնագիր:

## Նիստ 23-րդ

21 Մարտ 1919.

Նիստը բացուեցաւ Վսեմ. Գ. Նորատուրկեանի նախագահութեան տակ եւ 32 անդամներու ներկայութեամբ:

### Օրակարգ. Տիրեթիւներու վաւերացման շարունակութիւնը

Օրակարգի անցնելէ առաջ՝ Նախագահը ժողովին կը տեղեկացնէ, որ Պոնտոսի յոյն ազգաբնակչութեան ներկայացուցիչները ուզած են բանակցութեան մտնալ հայերուն հետ Տրապիզոնի նահանգի մասին եւ Պատուիրակութեան Նախագահը կը փափաքի ժողովին կարծիքը ու որոշումն ունենալ այս մասին: Այդ, Պոնտոսի ներկայացուցիչները արդէն 5 հոգի ընտրած են բանակցելու համար:

Տոքթ. Օհանջանեան իբրեւ բացատրութիւն, կ'ըսէ, որ այդ մարդոցմէ երկուքը տեսակցութիւն մը ունեցած են Հայ Հանրապետութեան պատուիրակներուն հետ եւ չափազանց խիստ ու պահանջկոտ ոճով խօսած են անոնց հետ: Վեհաժողովին ոչ մէկ իրաւունք կը ճանչնան իրենց մասին խօսելու եւ բացարձակ անկախութիւն կ'ուզեն ըսելով, որ Տրապիզոնի նահանգին մէջ աւելի շատ յոյն կայ, քան թէ հայ՝ ամբողջ Հայաստանի մէջ, եւ որպէսզի հայերը ծովի վրայ ելք ունենան, առաջարկած են Տրապիզոնը ազատ նավահանգիստ դարձնել եւ Ռիզէ ու Աթենա նահանգիստներն ալ հայերուն: Երբեք չեն ուզած բաւականաճալ ներքին ինքնավարութեամբ եւ այդ պարագային սպառնացած են ըսելով «Les fusils partiront tout seuls»: Կ'ըսուի, որ այդ մարդիկը աչքերնին ամեն ինչ առած են, եւ, հակառակ պարագային, պիտի սկսին հայերուն գործել՝ զանոնք էմբերիալիսք եւայլն հռչակելով:

Ժողովը, յետ խորհրդակցութեան, կ'որոշէ, որ հինգ անդամներ՝ Պ. Պ. Զօպանեան, Խաչատուրեան, Փաստրմաճեան, ԲրօՖ. Տէր-Յակոբեան եւ Թերզիպաշեան, լոկ բարեկամական տեսակցութիւն մը ունենան մշտնակեալ պոնտացիներու հետ՝ առանց սակայն պաշտօնական հանգամանք մը տալու այդ հանդիպումին:

Պ. Խաչատուրեան կ'ըսէ, թէ Ասորական խնդիրն ալ կը մնանի Պոնտականին. ինք տեսնուած է զարգացած ասորիի մը՝ Տոքթ. Եուսուֆի հետ, որ կ'ուզէ Ասորական Դատը պաշտպանել՝ միանալով հայերուն՝ ապահովելու համար ներքին ազգային ինքնավարութիւն մը ասորիներուն համար:

Ապա Պ. Հանըմեան կը կարոյալ Ազգային Պատուիրակութեան Եգիպտոսի Ազգային Միութենէն ստացած կարգ մը տեղեկագրերն Իսկենտերունի եւ Հալէպի մէջ պատահած դէպքերուն մասին:

Պ. Զօպանեան նորէն կը պնդէ, որ անմիջապէս մարդ դրկուի հոն եւ կամ առնուազն Պոլիս գրուի՝ խորհուրդ տալու համար, որ զէք այնտեղէն ներկայացուցիչ մը դրկեն որոշ հրահանգներով: Յետոյ ամեն կողմ մեծ աղմուկ բարձրացնելու է այս խնդիրներուն շուրջ, ֆրանսերէնի թարգմանելու է գլխաւոր մասերը այդ տեղեկագիրներուն եւ ֆրանսական մամուլին մէջ հրատարակել տալու է: Ի վերջոյ Պ. Զօպանեան կ'առաջարկէ փութացնել Համագումարին աշխատանքները, որպէսզի ունենանք վերջապէս մեր իսկական Պատուիրակութիւնը, որ զլուխ կանգնի գործերուն:

Պ. Աղաթօն Պէյ կը տեղեկացնէ Էմիր Ֆէյսալի այս առթիւ տուած հեռագիրներու մասին եւ ինքն ալ կ'առաջարկէ նախ մարդ դրկել Հալէպ, ապա որոշ հատուածներ առնել այս տեղեկատուութիւններէն եւ դրկել Դաշնակից կառավարութեանց:

Պ. Ֆնտզլեան կը զգուշացնէ ժողովը Էմիր Ֆէյսալի կեղծ ազատամտութենէն, կը յայտնէ Ֆէյսալի մեծամիտ արտայայտութիւնները եւ որեւէ երուպական լուծ օգնական կամ պաշտպան պետութիւն իբր տէր չհանդուրժելու հասարակ մտայնութիւնը, եւ ասկէ յետոյ, կ'ըսէ, արաբ եւ թուրք մահմեդական տարրերը մեր դէմը պիտի միանան:

Պ. Դաւիթ-Քէկ հարց կու տայ, թէ ի՞նչ միջոց պէտք է ձեռք առնել «Մահմետական Եղբայրակցութիւն» անունով միութեան դէմ. Իթքիհատէն կը հրահանգուի ամէն տեղ եւ որը բուն իսկ կազմակերպողն է այս շարժումներուն:

Տոքթ. Սայեան կ'առաջարկէ բողոքի ձայն հանել այստեղէն եւ խնդիրը արմատէն լուծելու համար աշխատիլ երկրի գրաման:

Պ. Նախագահը կը յայտնէ, որ Պ. Պ. Բիշոն, Ալլենպի, Լորտ Զարտիկն եւ ուրիշներ մեզ վստահեցուցած են, որ ասկէ յետոյ նման դէպքեր ալ չպիտի պատահին:

Ժողովը կ'անցնի օրակարգին, քննութեան ենթարկելով Տիրէքիներու 3-րդ հատուածը:

Պ. Թերզիպաշեան աւելորդ կը համարէ զայն՝ ըսելով, որ արդէն անկախ Յիշատակագրին մէջ յիշուած է, բայց Պ. Չօպանեան կը պատասխանէ, որ հոն միայն բաղձանքի ձեւին տակ է, իսկ հոս իբր տիրէքի է, որ կը տրուի Պատուիրակութեան:

Պ. Զինդլեան կ'ըսէ, թէ այս բաղձանքը անգործադրելի դարձուցած է Զամագումարը, քանի որ օգնական պետութեան մը սկզբունքը քուէարկած է:

Մեծամասնութեամբ կը քուէարկուի 3-րդ հատուածը: Կ'ընդունուի նաեւ նպատակներու Ա. յօդուածը:

Բ.-ին մասին այն կարծիքները կը յայտնուին, որ այն կրնայ վնասել վար ու ցանքի, վերաշինութեան եւ այլն գործերու՝ պակսեցնելով երիտասարդ աշխատող ձեռքերը, բայց միեւնոյն ժամանակ, ապագային համար ալ չափազանց անհրաժեշտ կը նկատուի Զայկական Բանակը եւ կ'ընդունուի Բ. յօդուածը:

Իսկ Գ. յօդուածին շուրջ ոմանք այն կարծիքը կը յայտնեն, թէ 1895 եւ աւելի հին թուականներ եւ այլն յիշելու չէ, միայն պատերազմի ընթացքին իսլամացածներու խօսքը ընելու է: Բայց, ստոր կ'առաջարկուի, որ Զայաստան ցեղեր կան, որոնք մահմետականներ դարձած հայեր են, շատ չնչին տարբերութիւն ունենալով հայկական բարքերէ եւ սովորութիւններէ եւ որոնց համար գրուած է յօդուածին այդ մասը: Կ'առաջարկուի նաեւ, թէ այդպիսի ցեղերու քրիստոնէութեան վերադարձը հայկական պետութեան գործն է, ո՛չ թէ Պատուիրակութեան: Խմբագրական փոփոխութեամբ մը կ'ընդունուի Գ. յօդուածը:

Յետոյ կ'ընդունուին Դ. Ե. Զ. եւ Է. յօդուածները որոնցմէ վերջինին Տոքթ. Սայեան ամբողջովին հակառակ կը յայտարարէ ինքզինք:

Ը. յօդուածը բոլորովին աւելորդ կը գտնեն Պ. Պ. Մասեհեան Խան եւ Միքայէլեան, իսկ Պ. Տամատեան կ'ըսէ, որ վնաս մը չկայ այդ յօդուածը մնալէն եւ դրուելուն պատճառը այն է, որ նկատուած է, թէ Պատուիրակութիւնը մինչեւ հիմա պէտք եղածին չափ սերտ յարաբերութիւն չէ մշակած, հետեւաբար ասկէ յետոյ պիտի աւելի սերտ յարաբերութեան մէջ ըլլայ: Պ. Փափագեան եւս կ'առաջարկէ, որ մնայ այդ յօդուածը, առարկելով, որ ընդհանրապէս այդ օտար յարաբերութիւնները հիմնուած են արտաքին համակրութեան եւ արտաքին պատճառներու վրայ: Կ'ընդունուի Ը. յօդուածն ալ: Կ'ընդունուի նաեւ Թ. յօդուածը՝ աւելցնելով «ասուրի եւ այլ» մասը: Կ'ընդունուին նաեւ Ժ., ԺԱ., ԺԲ., ԺԳ. յօդուածները:

Սիստը կը փակուի ժամը 7 1/2- ին:

ՀԱԱ, ֆ. 430, ց. 1, գ. 27, թթ. 19-23: Ձեռագիր: Բնագիր:

## Սիստ 24-րդ

22 Մարտ 1919.

Սիստը բացուեցաւ ժամը 5½-ին, Վսեմ. Գ. Նորատունկեանի նախագահութեամբ եւ 29 անդամներու ներկայութեամբ:

## Օրակարգ.

### Ա. Նոր Պատուիրակութեան տրուելիք տիրէքիներուն վաւերացումը

Կը կարդացուի 14-րդ յօդուածը: Պ. Թերզիպաշեան կ'առաջարկէ փոխել այդ յօդուածը, որովհետեւ անգամ մը ասիսթանը ընդունած ենք, ասիսթան պետութիւնը իր որոշ դերը եւ իրաւունքներ ունի խնամակալուած տէրութեան վրայ: Պ. Թերզիպաշեան իր միտքը լաւ բացատրելու համար երկու այդպիսի տէրութեանց յարաբերութիւններու մասին, անչափահաս տղու մը առաջնորդելու օրինակ կը բերէ չափահաս մարդու մը կողմէ: Մինչդեռ, կ'աւելցնէ, Յանձնաժողովին մշակած յօդուածին մէջ անոր (ասիսթան պետութեան) պարզ ժանտարմերիի դերը տրուած է, որ առանց հայերու թոյլտուութեան ոչինչ ընելու իրաւունք պիտի ունենայ:

Պ. Զինդլեան գրեթէ նոյն միտքը կը շեշտէ, ըսելով, որ ասիսթանը ընդունիլը արդէն որոշ կապանք է մեր բացարձակ անկախութեան, իսկ հիմա Յանձնաժողովը անոր իրաւունքները կը սահմանափակէ: Պ. Զինդլեան եւս ինքզինքը լաւ արտայայտելու համար, կ'ըսէ որ Յանձնաժողովը ասիսթան պետութեան միայն նպաստողի դերը տուած է, որն ամէն ինչ պիտի տայ, առանց ոչինչ ստանալու: Զիմա այդպիսի պետութիւն ես չեմ ճանչնար: Կ'առաջարկէ հիմնապէս փոխել այդ յօդուածը՝ արտայայտելով պարզ եւ որոշ կերպով, ինչպէս իր առաջարկած հետեւեալ բանաձեւին մէջ.

«Յօդուած 14-րդ. Զայ Ազգ. Պատուիրակութիւնը չպիտի կրնայ ո՛չ մէկ քաղաքական, տնտեսական, ընկերային եւ այլ ուրիշ հայ ազգը եւ Զայաստանը պարտաւորող յանձնարարութիւն ստանձնել հանդէպ ասիսթան մանտաթէր պետութեան այս իրաւունքը պատկանելով միայն ազգ. սահմանադիր ժողովին»:

Բրօֆ. Թունայեան կ'առաջարկէ կարգ մը բառերու քով, աւելի որոշ ըլլալու համար, ֆրանսերէն դնելը, եւ ասիսթան պետութեան ու միւս կառավարութեանց հետ յարաբերութիւն պահելու խնդրին մասին կը հարցնէ. «Եթէ Պատուիրակութիւնը իրաւունք չ'ունենայ ասիսթան պետութեան հետ յարաբերութեան մտնելու, հապա ո՞վ պիտի կատարէ այդ դերը»:

Պ. Փափագեան Յանձնաժողովին կողմէ աս միտքը կը յայտնէ, որ մեծորանտումին մէջ մեր պահանջները առաւելագոյն չափով ներկայացնելու մեթոտին հետեւած ենք, բայց սկիզբէն արդէն խնամակալ պետութեան մեր կողմէ իրաւունքներ տրուիլը արդէն զմեզ շղթայել ըսել է, քանի որ մենք մեր քաղաքական պահանջները առաւելագոյն չափով արտայայտած ենք: Զոս ալ հետեւողական ըլլալու համար մեր պահանջները առաւելագոյն չափով դրած ենք, որուն իրականացմանը պիտի ձգտի Պատուիրակութիւնը եւ որոշ պիտի կարողանանք ապահովել մեր քաղաքական անկախութիւնը:

Տոքթ. Տէր-Ստեփանեան թէւ համոզուած է, որ «Ligue des Nations»-ը միայնականօրէն պիտի կարենայ գոյութիւն ունենալ, հետեւաբար եւ ասիսթանը պիտի ըլլայ սիսթեմ մը, լուծ մը, որ մեր վրայ պիտի դրուի, բայց եւ այնպէս՝ կը քուէարկէ այս յօդուածը, որպէսզի մեր բացարձակ անկախութեան ձգտումը հաստատուի:

Պ. Տամատեան դիտել տալէ յետոյ, որ մեր երկիրը բազմացեղ ժողովուրդ մը ունի, ուր հայերը չափազանց նուազած են, ըսաւ, թէ խառնացեղ վարչութիւն մը ստեղծել Զայաստանի մէջ վտանգաւոր է մեզի համար, որ կը փափաքինք բացարձակ անկախութեան հասնիլ մեր երկրին մէջ: Երկիրը Զայաստան պիտի ըլլայ եւ միւսները հայկական քաղաքացի ըլլալու արժանանալէ յետոյ պիտի վայելեն քաղաքական այդ իրաւունքները:

Պ. Ֆնտզեան կ'ուզէ, որ հոս որոշակի յայտարարուի, թէ հայ ազգը մաժտօր ազգ է ու չէ այն ժողովուրդներու կարգին մէջ, որոնք անկարող են ինքզինքնին կառավարելու՝ ինչ որ ֆրանսական մանուլը կը կրկնէ: Եւ այնպէս ընել, որ Ligue des

Nations-ը պարտք դնել մանտաթեր պետութեան վրայ՝ ամէն կերպով հայկական զօրեղ պետութիւն մը շուտով իրականացնելու նպատակով:

Պ. Փաստըմաճեան համաձայն է Պ. Տամատեանին, բայց այս ձեւը կ'առաջարկէ. «Չայաստանը վերակազմել իրապէս հայկական պետութեամբ»: Կ'առաջարկէ նաեւ, որ ժողովը որոշէ աւելի ճիշտ բանաձեւ մը, թէ ո՞րն է ժողովին փափաքած մանտաթեր պետութիւնը:

Պ. Թերզիպաշեան. «Չայկական բացարձակ անկախութիւն» եթէ ըսենք՝ մեր ամբողջ բաղձանքները կը բովանդակէ, որով կը գոհացուին մեր իրաւունքները: Կ'առաջարկէ հիմնական կարեւորութիւն տալ հայերէնը պաշտօնական լեզու ընդունիլ տալու հարցին:

Պ. Չօպանեան կ'առաջարկէ, որ եղածին պէս քուէարկուի յօդուածը, որովհետեւ ասով Յանձնաժողովը նպատակ չէ ունեցեր ասիսթանսի մասին եղածը փոխելու, այլ՝ մեր հասկացողութիւնը թելադրելու Պատուիրակութեան՝ այս խնդիրներու մասին, եւ պահանջմանց առաւելագոյն չափով: Միւս կողմէ՝ անփափկանկատ եւ ոչ օգտակար կը գտնայ մանտաթեր պետութեան ճշդումը:

Պ. Թէքեան կը կարդայ իր մէկ բանաձեւը, որ կրնայ գոհացում տալ բոլոր փափաքներուն:

Պ. Դամբարձունեան կ'առաջարկէ եղածը քուէարկել, որովհետեւ Թէքեանին բանաձեւը ընդհանրացումներով տկարացուցած է բուն միտքը, իսկ «Չայաստանը հայերուն»-ի սկզբունքը ամէն տեղ արտայայտուած է: Պատճառ մը չի տեսներ նմանապէս, այս ներքին մէկ տօքիւմանին մէջ մանտաթեր պետութեան անունը չճշդելու:

Պ. Փափազեան անգամ մը եւս ցոյց կու տայ, որ ասիկա «դիւանագիտական արարք» չէ եւ պէտք չէ աղօտացնել, սքօղել Պատուիրակութեան տրուած հրահանգները, որոնք պարզ եւ որոշ կերպով պէտք է ըսուած ըլլան:

Պ. Բարսեղեան կը գտնայ, որ իրահանգը որքան մանրամասն տրուի՝ այնքան լաւ է: Միսլ է նաեւ Պ. Թերզիպաշեանի օրինակը անչափահաս տղու եւ չափահաս մարդու յարաբերութիւնը նմանցնել խնամակալ պետութեան եւ մեր յարաբերութեանը: Ընդհակառակը, ասիկա կարելի է նմանցնել կարող հարուստ մարդու մը, որուն սակայն խելքը տեղն է եւ շատ լաւ գիտէ ինքզինքը կառավարել: Կ'առաջարկէ եղածին պէս քուէարկել:

14-րդ յօդուածը 21 ձայնով կ'ընդունուի:

Կը ներկայացուին նաեւ հետեւեալ բանաձեւերը.

Պ. Թերզիպաշեանինը, որ մէկ ձայն կը ստանայ.

«Պատուիրակութիւնը ջանալու է թէ՛ հաղադրութեան Քոնֆէրանսին եւ թէ՛ ասիսթան պետութեան ընդունիլ տալ հայկական բացարձակ անկախութեան գաղափարը եւ սկզբունքը: Ասիսթան պետութիւնը կ'ունենայ մեծուարին մէջ յիշատակուած պայմանաժամի շրջանի ժամանակաւորութեան իրաւունքներ եւ պարտականութիւններ, որոնք նախատեսուած են մեծուարին մէջ: Փոփոխութիւններու համար՝ Պատուիրակութիւնը պարտաւոր է առնել Զամագումարին կարծիքը»:

Պ. Ֆնտզեանի հետեւեալ ամանտըմանը, որ միայն 5 ձայն կը շահի.

«Օժանդակող պետութիւնը պէտք է յանձնառու ըլլայ իրական հայկական պետութեան մը շուտափոյթ հաստատումը նկատի առնել միշտ եւ նպատակ անոր: Այս մասին դիմումներ ընել նաեւ Ligue des Nations-ի անդամներուն մօտ, որպէսզի օգնական պետութեան տրուելիք մանտայի յօդուածներուն մէջ կատարելապէս պաշտպանուի Չայաստանը հայուն պահելու սկզբունքը»:

Կը ներկայացուի նաեւ Պ. Տամատեանի հետեւեալ բանաձեւը, որուն միացաւ Պ. Թէքեան եւ որ 4 ձայն շահեցաւ.

«Պատուիրակութիւնը պարտաւոր է ընդունիլ օգնականի դերը միայն այն պետութեան, որու մասին Զամագումարը իր հաւանութիւնը կու տայ:

Պատուիրակութիւնը պարտ է Վեհաժողովին, ինչպէս նաեւ օգնականի դեր ստանձնող պետութեան հետ իր բանակցութեանց մէջ պնդել այն հիմնական պահանջին վրայ, թէ Չայաստանի բացարձակ անկախութիւնը, իբրեւ իրապէս հայկական պետութիւն կանխաւ սկզբունքով ընդունուի եւ նուիրագործուի: Օգնական պետութեան աջակցութիւնը երբեք թելադրութեան ձեւ պէտք չէ առնել. ան պիտի ունենայ ժամանակաւոր հանգամանք:

Ս. Տամատեան»

Կը կարդացուի 15-րդ յօդուածը:

Պ. Օհանջանեան կ'առաջարկէ վերցնել ա. նախադասութիւնը, որովհետեւ ատիկա առաջուց ըսել պիտի ըլլար, թէ Չայաստանի մէջ երկու տեսակ քաղաքացի գոյութիւն պիտի ունենայ՝ հայերը՝ իշխողներ, եւ միւս ցեղերը՝ ճնշուածներ, իսկ երբ պայմանները բոլորին համար ալ միեւնոյնն ըլլան, հայերը իրենց ընդունակութիւններով, իրենց մշակոյթով բնականօրէն առաջ պիտի անցնին:

Պ. Դինդեան բոլորովին հակառակ է այս յօդուածի ա. մասին եւ կը պահանջէր ամբողջական ջնջումը՝ հետեւեալ պատճառներով. նախ՝ որ ատիկա կրնայ մեր թշնամիներուն ձեռքը հրաշալի զենք մը ըլլալ եւ Չայկական Դատին մեծապէս վնասել, բ.- ընդհակառակը՝ թիրքերը իբրեւ պատանդ պէտք է պահենք, գ.- մենք, որ շատ մը պարագաներու մէջ ընդհանուր ռամկավարութեան կարծիքին եւ օգնութեանը դիմած ենք, հիմա մենք այդ կարծիքը մեր դէմ կ'ունենանք, դ.- ատիկա Պատուիրակութեան պատկանող գործ չէ, այլ՝ երկրին մէջ միացեալ կառավարութեան ընելիք գործը: Մէկ խօսքով՝ ատիկա մտայնութիւն մըն է, որ չի կրնար մեր հրապարակային ազգային քաղաքականութիւնը ըլլալ:

15-րդ յօդուածին ա. մասը քուէարկութեան կը դրուի եւ կ'ընդունուի: Բ. մասը քննութեան կ'ենթարկուի: Նախագահը, ի գիտութիւն ժողովին, միայն կը յայտնէ, որ յոյներն ալ նմանօրինակ պահանջ մը ըրած են:

Պ. Չօպանեան կը կարդայ Լորտ Պրայսի գրած մէկ նամակը, որ այս նիւթը կը շօշափէ եւ կը հաստատէ Յանձնաժողովին կազմած յօդուածը:

Պ. Տամատեան եւս հակառակ է, որ Պատուիրակութեան տրուած իրահանգին մէջ «Չայաստան թիրքեր մը չպիտի մնայ»-ի պէս բաներ ըլլան, քանի որ արդէն մուսուլմանները ինչպէս եւ յանցաւոր թիրքերը դուրս պիտի հանենք:

Այս մասին կը ներկայացնէ իր հետեւեալ բանաձեւը.

«Թուրքեր Ա.- Թէ՛ հայոց եւ թէ՛ նոյնիսկ թրքաց շահուն համար, ինչպէս նաեւ

Արեւելքի մէջ տեւական խաղաղութեան տեսակէտով, պէտք է ջանալ ընդունիլ տալ այն սկզբունքը, թէ բացի գաղթական թիրքերէն, որոնց մասին կը խօսի այս յօդուածի 3-րդ հատուածը, Չայաստանի մէջ գտնուող թիրքերուն դիրութիւն եւ միջոց հայթաթել փոխադրուելու Փոքր Ասիոյ թիրքական հողամասերուն մէջ, անոնց կալուածքները փոխանակելով ինքնայօժար Չայաստան վերադարձող հայերու կալուածքներուն հետ, կամ վճարել անոնց արժէքը: Զակառակ տրուած այս դիրութեան՝ Չայաստան մնացող թիրքերը պիտի համակերպուին Չայաստանի Չայկական կառավարութեան ռեժիմին եւ օրէնքներուն»:

Պ. Օհանջանեան կը յայտնէ, որ ինք Յանձնաժողովին մէջ ընդհանրապէս առաջարկած է ներքին քաղաքականութեան պատկանող խնդիրներու մասին իրահանգ չտալ Պատուիրակութեան, քանի որ ան միայն արտաքին քաղաքականութիւնը վարելու կոչուած մարմին մըն է: Արդ, ինչ կը վերաբերի այս թիրքերու մասին եղած խնդրոյն, զուտ ներքին հարց մըն է, որ միացեալ կառավարութեան բառլամենթը պիտի լուծէ:

Պ. Փափազեան Յանձնախումբին կողմէ կը յայտնէ, որ Պատուիրակութեան տիրէթիւնները մշակելու ատեն Յանձնաժողովը գլխաւորաբար նկատի ունեցած է նաեւ աս կէտը՝ պատրաստել Պատուիրակութեան համար ծրագիր մը, որ Պատուիրակութիւնը գտնայ ժողովին պատասխանները բոլոր այն հարցերու մասին,

որոնք կրնան պետութեանց կողմէ արժարձուիլ: Կը բացատրէ նաեւ, թէ թիրքերը քշելու խնդիր չկայ, այլ՝ երկուստեք շահերը կը պահանջեն, որ փոխադարձ երկրափոխութեան սիսթեմով կատարուի այդ բնակութեանց խնդիրը եւ ասիկա գաղտնիք մը չէ, այլ ամէն տեղ բացայայտօրէն յայտնուած է ու կրնայ յայտնուիլ:

Այս մասին մէկ-երկու ժողովական եւս կ'արտայայտուին, նոյն միտքը շեշտելով, այսինքն պահել յօդուածը:

Տոքթ. Տէր-Ստեփանեան աւելի ուժեղ կ'արտայայտուի՝ առաջարկելով այդ մասը դնել իբրեւ բացարձակ մեր պահանջներէն մէկը, որովհետեւ կենսական նշանակութիւն ունի, քանի որ հայ ժողովուրդը այս իր յոգնած ու ուժասպառ վիճակին մէջ ա՛լ ոյժ չունի մաքառելու, ներքին պայքարը շարունակելու: Կ'առաջարկէ, որ նոյնիսկ ասիկա հատուցումին հողին վրայ դրուի:

15-րդ յօդուածին Բ. մասը 22 ձայնով կ'ընդունուի:

Բրօժ. Ա. Խաչատուրեան քիւրտերու վերաբերող յօդուածի մասին հարց կու տայ, թէ ինչպէ՞ս կ'ուզեն, որ քիւրտերուն սահմանակից չըլլանք:

Պ. Փափագեան. Քիւրտիստանի ախորժակը շատ մեծ է. անոնք իրենցը կը համարեն Վանը, մինչեւ Բաբերդի նահանգը: Այդ բրէթանսիոնները անշուշտ ոչ այդ սահմաններուն մէջ կրնան յաջողութիւն գտնել: Մենք ջանալու ենք սակայն, որ անոնք եթէ պիտի ունենան անկախութիւն, մեզի սահմանակից չըլլան. այսպէս, աջակցիլ ստեղծելու անկախ ասորիներու երկիր Զեքարի-Չապ գետ մինչեւ Սղերդ սահմաններուն մէջ, իսկ միւս կողմէ սիւրիացիներու ձգտումը մինչեւ Տիգրանակերտի սահմանները քաջակերել, որով եթէ ոչ բոլորովին, մեր բոլոր ճիգերը պիտի ուղղուին ազատուելու այն երկաթ օղակէն, որ կը կազմեն մեր շուրջը մահմետական պետութիւններ: Այս եղած է մեր պատմական դժբախտութիւնը եւ այդ օղակէն ազատիլ կամ թուլցնել զայն, պիտի ունենայ փրկարար հետեւանքներ մեր ազգային եւ պետական զարգացման համար:

Բրօժ. Ա. Խաչատուրեան. Անկարելի է Պ. Փափագեանին ըսածը. Քիւրտիստանի պաշտպանները շատ ընդարձակած են զայն: Անգլիական զինուորականներու տրուած գրքերու քարտէսներուն մէջ, նոյնիսկ Վանը, Պիթիւր եւ այլն նշանակուած են իբրեւ մաս Քիւրտիստանի: Մեւ Պէլի գրուածին մէջ Վանի թագաւորութիւնը համարուած է Քիւրտիստանի մէջ նշանակուած թագաւորութիւն: Այս պարագաներուն մէջ Քիւրտիստանը մեզի սահմանակից չընել անհնարին է:

Պ. Փափագեան. Մենք պարտաւոր ենք դնել այդ կէտը, Պատուիրակութեան քաղաքական ուղեգիծ մը տուած ըլլալու համար, ինչ որ հնարաւոր է գործադրել քիչ առաջ յիշուած ձեւով:

Պ. Թերզիպաշեան կ'առաջարկէ քիւրտերուն մասին եղածը ամբողջովին դուրս ձգել, որպէսզի թիրքերը հեռացնելու հարցին մէջ աւելի յաջողութեան կարելիութիւն ստեղծենք, ինչ որ աւելի կարեւոր է, որովհետեւ թիրքերը իրենց որոշ կուլտուրայով կրնան աւելի վնասել մեզի, քան թէ անգրագէտ քիւրտերը:

Պ. Տամատեան. Ես կ'առաջարկէի դուրս ձգել այդ մասը, որովհետեւ քիւրտերուն միշտ սահմանակից պիտի ըլլանք: Յետոյ՝ ինչո՞ւ նկատի ունենանք քիւրտ պետութեան մը կազմուելու հաւանականութիւնը:

Պ. Զանըմեան մեծ հակասութիւն մը կը գտնայ, որ թուրքերու մասին եղած յօդուածը քուէարկելէ յետոյ, ժողովը ուրիշ բան կ'անցընէ քիւրտերու նկատմամբ, որոնք հաւասարապէս մեղսակից եւ պատասխանատու են կատարուած եղեռնին: Զանաձայն է նաեւ, որ ոչ-յամցաւոր թիրքերը Զայաստանի մէջ կարենան մնալ: Կ'առաջարկէ այդ մասը նոյն կերպով խմբագրել՝ տրամաբանական ըլլալու համար:

Պ. Զօպանեան համաձայն չէ Պ. Զանըմեանին, չուզէր, որ քիւրտ տարրը ամբողջովին հեռացուի, որ գործիք եղած է թիրքերուն ձեռքը, որուն մահմետականութիւնն ալ շատ հարեւանցի է եւ որոնցմէ կրնանք օգտուիլ: Զանաձայն է

նաեւ, որ քիւրտ պետութիւն մը ստեղծելու գաղափարը մենք չէշտենք: Կ'առաջարկէ ջնջել վերջին մասը:

Պ. Փաստրմաճեան կ'առաջարկէ զգլխաշնորհներ եւ եզիտները հայ քաղաքացի ընդունիլ, իսկ վերջիններուն մասնաւորապէս օգնել:

Բրօժ. Ա. Խաչատուրեան քիւրտերու դրացի ըլլալէն վախճալու պէտք չկայ, կ'ըսէ, բայց շեշտելու չէ քիւրտ պետութեան մը գաղափարը:

3-րդ յօդուածին վերջին մասը կը ջնջուի եւ քանի մը փոփոխութիւններով ամբողջ յօդուածը կ'ընդունուի: Պ. Զինդլեան եւս այս խնդիրն մասին հետեւեալ բանաձեւը կ'առաջարկէ, որ քուէի դրուելով՝ 2 ձայն կը շահի միայն.

Յօդուածին 15-րդի Բ մասը ջնջել, այս Զանազումարը իրաւասութիւն չունենալով ճշդելու Զայաստանի քաղաքացիներու քաղաքական, քաղաքացիական եւ այլ իրաւունքները, ինչ որ ամբողջութեամբ կը պատկանի Զայ Սահմանադիր ժողովի իրաւասութեան եւ ձեռնահասութեան:

Իսկ Պ. Թերզիպաշեան, ոգույն համաձայն ըլլալով հանդերձ, քաղաքական նկատումներով նոյն յօդուածին ջնջումը կ'առաջարկէ:

Սիստը վերջացաւ ժամը 8-ին:

ԶԱԱ, Ֆ. 430, ց. 1, գ. 27, թթ. 24-31: Ձեռագիր: Բնագիր:

## Նիստ 25-րդ

24 Մարտ 1919.

Նիստը բացուեցաւ ժամը 5-ին նախագահութեամբ Վսեմ. Գ. Նորատունկեանի եւ ի ներկայութեան 32 անդամներու:

Օրակարգ. Քննութիւն եւ վաւերացում Պատուիրակութեան տրուելիք տիրէքթիւններու

Պ. Նախագահը բարի գալուստ մաղթելէ յետոյ Ազգ. Պատուիրակութեան անդամ եւ Յունաստանի հայ գաղութի ներկայացուցիչ Պ. Յ. Մոստիշեանի, որ Լոնտոնէն նոր եկած էր, կ'անցնի ընդհանուր քաղաքական կացութեան շփոթ վիճակին վրայ եւ ժողովին ուշադրութիւնը կը հրաւիրէ Զայկական Դատին ներկայիս ստացած սուր հանգամանքին վրայ: Մէկ կողմէն Աւագժողովը կ'որոշէ, ըստ լրագրաց, որ քոմիսիոն մը երթայ Զայաստան իրաց կացութիւնը մօտեն քննելու համար, որով ըսել է՝ Զայկական Զարցին վերջնական լուծումը բաւական ժամանակի համար պիտի յետաձգուի, այդ քոմիսիոնը ի՞նչ օգուտ կրնայ արտադրել տեսնելով պատերազմի, սովի, հիւանդութեանց եւ փախուստի երեսէն երկրին ամայի ու լքեալ վիճակը, շրջապատուելով հոն մնացած մահմետական այլասեռ տարրեր: Անշուշտ, աննպաստ եզրակացութեանց պիտի յանգնի:

Պիւտայ լրագրաց մէջ հրատարակուած է արդէն յիշատակագիր մը, զոր թիրքերը տուէր են եւրոպական պետութեանց եւ ուր հայկական նահանգներու մէջ ամենամեծագոյն տարրը ցոյց կու տան եւ պատրաստակամութիւն կը յայտնեն անգլիական բորթեքթորաթը ընդունելու: Միւս կողմէն, մեր բարեկամներէն ոճանք, ինչպէս Լորտ Սէիլ եւ Լորտ Զարթինկ եւ այլք, թիրքերուն հանդէպ լաւագոյն տրամադրութիւններ սկսած են ունենալ եւ չափաւորել կը յորդորեն հայոց խնդրանքը: Այս բոլորը շատ ծանր հետեւանքներ կրնան ունենալ եւ եթէ այսպէսով այս գարունն ալ կորսնցնենք առանց օգնութեան եւ վերջնական կարգադրութիւններու, յուսահատական կ'ըլլայ գործող կերպարանքը: Ուրեմն, կ'առաջարկեն անմիջապէս լրացնել Զանազումարի աշխատանքները, ժամ առաջ ընդունիլ նոր Պատուիրակութիւնը, համերաշխ ոգիով աշխատիլ օրակարգի խնդիրներու լուծմանը

եւ մինչեւ այդ տեղեկութիւն ուզել Պատուիրակութիւնէն, թէ ի՞նչ եղած է, կամ ի՞նչ պիտի ըլլայ մեր մասին:

Նախագահին այս խօսքերէն յետոյ

Տոքթ. Ներուզ շատ յուզուած կերպով կը շեշտէ, որ այս բոլորը միայն կը լսուին եւ գործնական ռիսկ տեղի կունենայ, Պատուիրակութիւն չէ մնացած, որ գործէ. ան բաղկացած է միայն մէկ հոգիէ, անոր վրայ չենք կրնար յոյսերնս դնել: Կ'առաջարկէ անմիջապէս հրաւիրել Վսեմ. Պօղոս Նուպար Փաշան, տեղեկանալ, թէ ի՞նչ եղած է մինչեւ հիմա այդ մասին, եւ յետոյ անմիջական դիմումներ ընել ամբողջ ժողովին կողմէ եւ այլեւս խիստ ոճով պահանջել, որ Հայկական Լեզունի խնդիրները քննուին, որ սովին դէմ շուտափոյթ օգնութիւն հասցնեն, ամերիկեան, անգլիական, ֆրանսական կառավարութիւնները գրաւման խնդիրը կարգադրեն, թիրք ժամտարմըրին վերցնեն եւ այլն: Այլապէս, կ'աւելցնէ, իր խղճին առջեւ համգիստ ըլլալու համար՝ պիտի ստիպուի ձգել հեռանալ ասկէ:

Նոյն նիւթին շուրջ, նոյն միտքերը շեշտելով, Պ. Զօպանեան եւս խօսք կ'առնէ եւ ինքն ալ կ'առաջարկէ, որ այսպիսի բացառիկ պարագաներու մէջ ժողովը իր ծայրը բարձրացնէ ամբողջ հայ ազգին անձկութիւնը յայտնելու համար: Կ'առաջարկէ ընտրել Պատուիրակութիւնը եւ պարտք դնել անոր վրայ, որ խնդրէ ամերիկացի ազգին անմիջապէս օգնութեան հասնիլ, առանց սպասելու մեր դատին վերջնական լուծումին. եւ յետոյ, ինչպէս բազմաթիւ անգամներ, առաջարկած է դրկել հայկական քոմիսիոն մը Պոլիս Պատուիրակութեան կողմէ:

Պ. Հինդլեանի առաջարկին վրայ՝ Հայկական Լեզունի վերաբերեալ խնդիրը օրակարգի յաջորդ նիստի նիւթ կը դառնայ:

Ապա ժողովը կ'անցնի օրակարգի եւ կ'ընդունուի 15-րորդ յօդուածին 3-րդ մասը: 4-րդ մասին համար թեր ու դէմ կարծիքներ կը յայտնուին, թէ հայկական շահերուն համար ասորական պետութեան մը ստեղծումը արդէօք օգտակար՞ է, թէ՞ ոչ: Ոմանք, ինչպէս Պ. Պ. Հինդլեան, Բրօֆ. Թումանեան, Թերզիպաշեան եւ Ղաիթ-Բէկ, վնասակար կը գտնան, առաջարկելով, որ մեր երկրին մէջ մահմետականներուն դիմաց քրիստոնէայ տարրի շատ պէտք պիտի ունենանք, թէ դեռ մերը յաջողուցած՝ ուրիշի դատին համար կարելի չէ աշխատիլ, թէ ասորիք ընդամենը 50 000 հոգի են եւ չեն կրնար նոր պետութիւն մէ կազմել, եւ թէ մեզի համար նպաստաւոր չէ ունենալ երկիր մը՝ շրջապատուած օտար մեծ պետութեանց կողմէ հովանաւորուած երկիրներով եւայլն: Գլխաւորաբար Պ. Պ. Փափազեան, Բրօֆ. Խաչատուրեան, Փաստրմաճեան եւ այլք օգտակար կը գտնեն նպաստել ասորական օթոնոմիի մը կազմութեանը, պատճառաբանելով, որ արդէն ասորական ազգային գիտակցութիւնը ուժեղ թափով սկսած է գործել եւ շատ պաշտպաններ ունին, թէ ընդհակառակը, շատ օգտակար է մեր երկրին համար շրջապատուած ըլլալ մեծ պետութիւններէ հովանաւորուած ազգութիւններով՝ բազմամիլիոն մահմետականներու ազգային զարթունմի վտանգին դէմ, թէ այդ պետութիւնը մեզի պիտի զատէ մահմետականներէ եւայլն:

Մէկ քանի փոքրիկ փոփոխութեամբ կ'ընդունուի նաեւ 15-րդ յօդուածին Դ. մասը:

Յանձնախումբերու կազմութեան վերաբերեալ յօդուածները կ'ընդունուին փոքրիկ փոփոխութիւններով, բացի Ե.էն, որուն մասին թեր եւ դէմ կարծիքներ կը յայտնուին: Թէ՛ այդ յօդուածը եւ թէ՛ անոր տեղ առաջարկուած մէկ երկու ուրիշ բանաձեւեր քուէարկելէ յետոյ, մեծամասնութիւն չշահելով, յօդուածը դուրս կը ձգուի:

Ժողովը կ'անցնի Պատուիրակութեան ներքին կազմակերպման խնդրոյն: Պ. Տամատեան այս մասին հետեւեալ բանաձեւը կ'առաջարկէ.

«Խաղաղութեան Համաժողովին ներկայացուած Յիշատակագրով սահմանազօնուած Միացեալ Հայաստանի ոեւէ նահանգը եւ ի մասնաւոր Կիլիկիան ամբողջովին կամ մասամբ Հայաստանէն բաժնելու եւ առհասարակ մեր պատմական հայրենիքին հողային ամբողջութիւնը եւ մեր ազգին անբաժանելի միութիւնը

վտանգելու ոեւէ փորձի հանդէպ Ազգային Պատուիրակութիւնը պարտի Համագումարը անմիջապէս ի նիստ հրաւիրել՝ իր բռնելիք դիրքը որոշելու համար:

Մ. Տամատեան»

Ասիկա փոքրիկ վիճաբանութեան տեղի կու տայ եւ նկատուելով, որ իր գլխաւոր գիծերուն մէջ արդէն որոշուած է, թէ Պատուիրակութեանը այդ պարագային պիտի վերստին ժողովը նիստի հրաւիրէ՝ քուէարկութեան չի դրուիր:

Վսեմ. Պօղոս Նուպար Փաշա խօսք կ'առնէ եւ կը յայտնէ, որ Յանձնաժողովին պատրաստած յօդուածները բաւական յստակ կերպով չեն որոշեր երկու Պատուիրակութեանց փոխարաբերութիւնները: Այս մասին ինք տեսնուած է Պ. Ահարոնեանի հետ եւ կ'առաջարկէ ընդունիլ բերած իր մէկ քանի գրաւոր յօդուածները: Պատուիրակութեան նախագահը երկարօրէն կը ծանրանայ միութեան եւ համաձայնութեան օգուտներուն վրայ, օտարներու առջեւ թրքահայ եւ ռուսահայ հարցը, Թրքահայերու Պատուիրակութիւն եւ Կովկասի Հանրապետութեան Պատուիրակութիւն եւ այլն ցոյց չտալու շահը կը յայտնէ եւ կ'ըսէ որ արդէն մինչեւ հիմա այդ միութիւնը եւ համաձայնութիւնը տիրած են թէ՛ այս ժողովին եւ թէ՛ երկու Պատուիրակութեանց միջեւ, որոնք ահա ամիսէ մը ի վեր արդէն միասին կ'աշխատին: Ինք վստահ է, որ այս համաձայնութիւնը ասկէ յետոյ ալ պիտի տիրէ, որով կարելի պիտի ըլլայ արդիւնաւոր կերպով աշխատիլ: Բայց Պատուիրակութեան նախագահը դիտել տալով, որ ինք մինչեւ հիմա օտար կառավարութեանց կողմէ իբրեւ Հայ Ազգային Պատուիրակութեան նախագահ ճանչցուած է, եւ փափաքած է պահել իր հիմ տիտղոսը, պատճառաբանելով, որ իսկապէս ինք ամբողջ հայ ազգի Պատուիրակութեան նախագահն է եւ ո՛չ միայն թիրքահայոց: Իսկ Պ. Ահարոնեան դիտել տալով, որ ինքը պատասխանատու է Կովկասի Հանրապետութեան առջեւ, կ'առաջարկէ, որ Վսեմ. Պօղոս Փաշան ստորագրէ՝ նախագահ Թրքահայ Ազգային Պատուիրակութեան, իսկ այս արդէն առաջ կը բերէ շատ անցանկալի երկուութիւնը:

Պ. Ահարոնեան շատ կը խնդրէ ժողովին, որ այն տպաւորութեան տակ չմնայ, որ նախագահութեան եւ այլնի կռիւ կայ մեր մէջ, ինչ որ շատ ցաւ պիտի պատճառէր իրեն եւ ցոյց կու տայ, որ, դժբախտաբար, հակառակ մեր բոլոր ջանքերուն, միշտ միացած ըլլալու եւ երեւնալու, փաստը դեռ կը մնայ փաստ, որ դեռ չունինք հայկական միացեալ կառավարութիւն եւ, անխուսափելիօրէն, այժմ գոյութիւն ունի երկու Պատուիրակութիւն: Կը մնայ միջոց մը խորհիլ, որ այս չարիքը նուազագոյնի վերածուի: Պ. Ահարոնեան կը յայտնէ, որ ինք պատրաստ է ամէն զոհողութեան, միայն թէ գտնէր հնարը, գտնուի օրինաւոր եւ բանաւոր եղանակ մը վերացնելու այս երկուութիւնը: Ինք կը կարծէր, որ Վսեմ. Պօղոս Նուպար Փաշա համաձայնած է այնօրուան իրենց տեսակցութեան միջոցին ընդունիլ միայն Թրքահայոց Պատուիրակութեան նախագահի տիտղոսը, բայց ինչպէս կ'երեւի՝ թիրիմացութիւն կայ: Պ. Ահարոնեան կանխատեսել կու տայ նաեւ այն պարագան, թէ ի՞նչ պիտի ընէ Վսեմ. Պօղոս Փաշա, եթէ իր Պատուիրակութեանը Քոնֆերանսը յանկարծ ընդունի եւ ճանչնայ պաշտօնապէս եւ կոչէ իր ներկայութեան Կովկասի Հանրապետութեան Պատուիրակութիւն:

Պ. Վարանդեան ցոյց կու տայ, որ Վսեմ. Պօղոս Նուպար Փաշայի առաջարկած տիտղոսներու կարգադրման ձեւին մէջ, մեծ հակասութիւն մը կայ: Երբ մէկը կը ստորագրէ «Նախագահ Հայ Ազգային Պատուիրակութեան», ա՛յլ աւելորդ եւ անիմաստ կը դառնայ իր քուէ ունենալը իբրեւ «Նախագահ Կովկասի Հանրապետութեան Պատուիրակութեան» մը: Պ. Վարանդեան կ'ըսէ նաեւ, որ այն անիրաւ պիտի ըլլար, քանի որ Պատուիրակութեան նախագահը չէ ուզած Կովկասի Հանրապետութեան համար գործել, ունենալով պաղ եւ կրաւորական ընթացք մը Կովկասի Հանրապետութեան հանդէպ. իսկ այժմ որ կայ Կովկասի Հանրապետութեան իսկական ներկայացուցիչը, ինչո՞ւ Վսեմ. Պօղոս Փաշան խօսի ամբողջին անունովը: Պ. Վարանդեան կը յայտարարէ նաեւ, որ թերեւս մենք ընդունուած կ'ըլլայինք



Քոնֆերանսին մեջ, եթե Վսեն. Պօղոս Փաշան այդ կրաւորական եւ պաղ վերաբերումը ցոյց տուած չըլլար Կովկասի Զանրապետութեան հանդէպ եւ սկիզբէն ուժեղ բորբականտ մղուեր ի նպաստ անոր: Անձնաւորութիւնը, ի հարկէ, խիստ թանկ բան է, կ'ըսէ Պ. Վարանդեան, իւրաքանչիւրի համար, բայց կայ մի բարձրագոյն անձնաւորութիւն, որ աւելի թանկ է բոլորիս համար եւ որի անունն է առաջին Զայկական Զանրապետութիւն: Պ. Վարանդեան կ'առաջարկէ վերջ տալ այսպիսի ճղճիմ վէճերու:

Վսեն. Պօղոս Նուպար Փաշա կը ճշդէ այն կէտը, թէ ինք սկիզբները չէ ուզած Կովկասի անունով խօսիլ, որովհետեւ հաղորդակցութեան անկանոնութեան պատճառով ինք անգիտացած է բոլորովին, թէ այնտեղ ի՞նչ ծրագրով կը գործեն: Իսկ երբ կը պնդէ, որ այն օրը իրեն ունեցած Պ. Պ. Ահարոնեանի, Վարանդեանի եւ Մասեհեան համար տեսակցութեան մէջ ըսած է, որ կը համաձայնի ստորագրել այնպէս, ինչպէս ստորագրած են Յիշատակագրին մէջ:

Պ. Մասեհեան իսկ իբր ներկայ այդ տեսակցութեան, կը յայտնէ, որ հոն ըսուած է, թէ երբ թուղթ մը միայն Վսեն. Պօղոս Նուպար Փաշան ստորագրէ, պիտի գրէ «Նախագահ Զայ Ազգային Պատուիրակութեան», իսկ եթէ երկուքը մէկ ստորագրեն, որպէսզի հակասութիւն առաջ չգայ՝ միայն «թիրքահայոց»:

Պ. Զինդեան չարիքը արմատէն վերցնելու համար միջոց մը կ'առաջարկէ, որն է մտնալ Կովկասի Զանրապետութեան հետ յարաբերութեան մէջ եւ որոշել մէկ Պատուիրակութիւն ունենալու խնդիրը: Իսկ եթէ սա կարելի չըլլար ընել կ'առաջարկէ շարունակել Յիշատակագրին մէջ ստորագրուած եղանակովը: Պ. Զինդեան հարստութիւն մը կը նկատէ արդէն, որ թրքական Զայաստանը դեռ կառավարութիւն մը չունեցած՝ ունեցած ենք Պատուիրակութիւն մը, որ ճանջցուած է պետութիւններէն եւ այժմ ասիկա ոչնչացնելու աշխատիլը այս ժողովին կողմէ՝ դեռ բան մը չտուած եղածը քանդել ըսել է, մանաւանդ որ Պ. Ահարոնեան շատ մը հանդիսաւոր պարագաներու մէջ, որպիսին է մեմուարի ստորագրումը, Քոնֆերանսին ներկայանալը, շատ մը այցելութիւնները կառավարական ներկայացուցիչներու եւայլն հետ, ընդունած է եւ տարած Պատուիրակութեան այժմեան առաջարկած փոխարաբերութեան եղանակը: Պ. Զինդեան կը յուսայ, որ վստահ ըլլալով հայրենասէր Պ. Ահարոնեանին վրայ. ան պիտի կարողանայ, յարաբերութեան մէջ մտնալով Կովկասի բառը մանին հետ, ընել բան մը, գոր մինչեւ հիմա առանց հարցնելու ըրաւ, այսինքն՝ ստեղծել միակ Պատուիրակութիւն մը:

Պ. Ահարոնեան կը յայտնէ, որ այդ եղած է պարզ փակականկատութեան արարք մը, թէ Փարիզ հասած-չհասած՝ չէին կրնար Վսեն. Պօղոս Փաշային օձիքէն բռնել, թէ փոխէ քու տիտղոսը: Միւս կողմէ դիտել կու տայ, թէ եթէ Ազգային Պատուիրակութիւնն արդէն որոշ պատուանդան մըն է օտար պետութիւններուն առջեւ, Զանրապետութեան անունը աւելի բարձր եւ նուիրական պատուանդան մըն է, որուն անունը ջնջելով, կը վախճայ թէ սխալ գործ կատարած կ'ըլլանք:

Պ. Զօպանեան նախ կը ճշդէ այն կէտը, որ Պատուիրակութիւնը միայն Վեհ. Կաթողիկոսէն նշանակուած մարմին մը չէ, այլ, նախ եւ առաջ Պոլսոյ Պատրիարքարանը եւ Ազգային ժողովը վճռած են կազմել Ազգային Պատուիրակութիւնը եւ յանձնած են Վեհ. Կաթողիկոսին, որ գործադրէ այդ որոշումը, իսկ յետոյ ամբողջ հայութիւնը ճանջած է զայն իբր ազգին պաշտօնական ներկայացուցիչ: Իսկ միւս կողմէ, մեր բոլորիս փափաքն է, որ Արեւելեան Զայաստանի Զանրապետութիւնը դառնայ ամբողջական Զայաստանի կառավարութիւն եւ իր ներկայացուցիչն ըլլայ հոս գտնուած միակ Պատուիրակութիւն մը: Ես այս չարիքին առաջքն առնելու համար, ինչպէս շատ անգամ ըսած են այս ժողովին մէջ, կ'առաջարկեն Կովկասի Զանրապետութեան կառավարութեան մէջ աւելցնել նաեւ թրքահայ անդամներ, զայն ընդունիլ եւ հռչակել համահայկական միացեալ

կառավարութիւն: Պ. Զօպանեան կ'առաջարկէ անմիջապէս յանձնաժողով մը ընտրել, որ առտու-իրիկուն այս խնդրով զբաղի եւ որոշ եզրակացութիւններ բերէ ժողովին:

Պ. Փաստրմաճեան բոլորովին համաձայն է Պ. Զօպանեանին եւ կ'երկրորդէ անոր առաջարկը, բայց հետեւեալ մանրամասնութիւնը կ'առաջարկէ: Մինչեւ որ միացման գործը կատարուի՝ 1-2 ամիս պիտի անցնի, որու ընթացքին պէտք է գործել այդ պարագային, Պ. Փաստրմաճեան անջատումը նոյնիսկ նպաստաւոր կը գտնէ օգտուելու համար, քաղաքական կացութեան համաձայն, մէկէն կամ միւսէն, եւ կ'ուզէ որ Կովկասի վերաբերեալ խնդիրներու մէջ Կովկ. ներկայացուցիչները ազատ ըլլան գործելու: Իսկ տիտղոսի խնդրին առթիւ կ'առաջարկէ, որ «փակականկատութիւնը» շարունակուի նորէն մինչեւ միացեալ կառավարութեան հռչակումը:

Պ. Թերզիպաշեան կը յայտնէ, որ մեր հարցը մէկ է եւ դէպքերն են, որ երկու ձեւ են տուեր. արդ, հարկաւոր է քննել, թէ ո՞ր ձեւին մէջն է մեր հարցին զլխաւոր ոյժը յենուիլ այդ ոյժին վրայ: Օրինակի համար, եթէ կզտանք, որ թիրքահայ դատը աւելի հիմնաւոր է՝ պէտք է ոյժ տանք, որ հարցի այդ ձեւը եւ տիտղոսը աւելի գերակշռող դերի մէջ ըլլան:

Կ'ընդունուի ապա Պ. Զօպանեանին առաջարկը, որուն համաձայն՝ միացեալ կառավարութիւն եւ միացեալ Պատուիրակութիւն խնդիրն ուսումնասիրելու եւ որոշ առաջարկներ բերելու համար պաշտօն կը յանձնուի Տիրքթիւններու Յանձնաժողովին, որուն վրայ մէկ քանի անդամներ եւս կ'աւելնան եւ Յանձնաժողովը բաղկացած կ'ըլլայ այսպէս հետեւեալներէ.

Պ. Պ. Զօպանեան, Տամատեան, Շանթ, Տոքթ. Նելրուզ, Վ. Փափագեան, Գ. Փաստրմաճեան, Զ. Զամբարձումեան, Թէքեան, Տէր-Ստեփանեան, Թերզիպաշեան:

Նիստը փակուեցաւ ժամը 8 ½ -ին:

ԶԱՍ, ֆ. 430, ց. 1, գ. 27, թթ. 32-40: Ձեռագիր: Բնագիր:

## Նիստ 26-րդ

26 Մարտ 1919.

Նիստը բացուեցաւ Վսեն. Գ. Նորատունկեանի նախագահութեան ներքոյ, 32 անդամներու ներկայութեամբ, ժամը 5½-ին:

## Օրակարգ.

Ա. Խորհրդակցութիւն Զայկական Լեզոնին վերաբերեալ խնդիրներու մասին: Նախքան զայդ՝ կը կարդացուի հեռագիր մը, Ամերիկայի Նպաստից Յանձնախումբին կողմէ գրուած, որ տեղեկութիւններ կու տայ իրենց հասցուցած եւ հասցնելիք օգնութեան մասին: Կը կարդացուի նաեւ Լորտ Ռուպրթ Սէսլիի եւ Յակոբեանի միջեւ տեղի ունեցած տեսակցութեան տեղեկագիրը:

Պ. Մոստիչեանէն կը խնդրուի, Լոնտոնէն իբր նոր հասած մէկը, տեղեկութիւններ տալ Զայկական Զարցի վերաբերմամբ հոն տիրող կարօններու մասին:

Պ. Մոստիչեան նախ կ'ըսէ, որ շատ բան մը չպիտի կրնայ ըսել, որովհետեւ այն բոլոր անձինք, որոնք դիմում եղած է, պատասխանած են Փարիզ գացէ՛ք, հոս ոչինչ կարելի է ընել, գործերու կեդրոնը Փարիզ է: Բայց անգլիական քաղաքական շրջանակի մեր դատին հանդէպ տրամադրութիւնները բացատրելու համար կը յայտնէ, թէ թիրքերուն հետ զինադադարը կնքուելէ վերջ՝ Մանչեսթրի եւ Լոնտոնի հայերը մեծ բողոք բարձրացուցած են: Զայերուն դէմ եղած անիրաւութեան հանդէպ եւ մանուկ արտայայտութիւններէն զատ, ամէն տեղ դիմումներ կատարած են՝ 24-րդ յօդուածի

հիման վրայ երկիրը գրաւել տալու համար, բացատրելով, որ հոն անկարգութիւնը շարունակական բնոյթ ունի եւ ամէն օր հազարաւոր մարդիկ կը մեռնին: Այս դիմումներուն վրայ է, որ Լորտ Պրայս Լորտերու ժողովին մէջ հարցապնդում կ'ընէ, թէ ինչո՞ւ երկիրը չեն գրաւեր: Յոն է, որ Լորտ Գարզըն կը յայտարարէ, որ չեն կրնար այդ գրաւումները ընել: Անկէ յետոյ մեծ աղմուկ կը հանուի Անկլօ-Յայկական Ընկերութեան ժողովներուն մէջ եւ իբր արդիւնք կը ստանան միայն խուսափողական պատասխաններ:

Այնպէս որ, կը յայտնէ Պ. Մոստիչեան, Լորտ Սեսիլի բռնած դիրքը արծազանգն է միայն այն տրամադրութեան, որ պաշտօնական կառավարութիւնն ունի այժմ մեր դէմ եւ այս այն Լորտ Ռոպերթ Սեսիլն է, որ Դեկ. 2-ի նշանաւոր ժողովին մէջ «Յայաստանը հայերուն համար է» պոռագած է: Պարենաւորման, սնունդի եւ այլնի համար եւս դիմումներ կատարուած են, որոնց իբր արդիւնք հրահանգներ կը տրուին ամէն կերպով հայերը սնուցանելու համար:

Պ. Նախագահը դարձեալ կը յիշեցնէ ժողովին այն յիշատակագիրը, զոր թիւրքերը ներկայացուցած են մեծ պետութեանց եւ որով կ'ընդունին Յայկական խիստ փոքր պետութեան մը գոյութիւնը, իսկ իրենց համար կ'առաջարկեն մեծ պետութեան մը քոնթրոլը:

Պ. Չօպանեան զարմանալի չգտնար անգլիական կառավարութեան բռնած դիրքը, քանի որ բոլոր պետութիւնք բոլորն ալ շահադիտական նկատումներով կ'առաջնորդուին: Բայց Պ. Չօպանեան կ'աւելցնէ, թէ պէտք չէ յուսահատիլ՝ ինչպէս ամէն նոր ազատագրուած ազգ, նախ պէտք է մեր յոյսը մեր ոյժերուն վրայ դնենք, օգտագործենք մեր ոյժերը եւ յետոյ պէտք է այս կառավարութիւններուն դէմ հանել ուժգին հանրային կարծիքը զօրեղ բրոքականտի մը միջոցով կառավարութեան դէմ, որովհետեւ բոլոր մեծ ազգերուն մէջ կան իսկական ազնուութիւն եւ մարդասիրական զգացում:

Տոքթ. Ներուզ կը կարդայ իրեն եկած նամակները Ատանայէն, կ'անդրադառնայ Լեզնինի վերաբերեալ կարեւոր եւ կնճռոտ խնդիրներուն: Բուռն խօսքերով վերստին կ'առաջարկէ, որ ժողովն անմիջապէս զբաղի այդ խնդրով եւ իր որոշումները տայ, քանի որ, կ'ըսէ, Պատուիրակութիւն գոյութիւն չունի, միայն Պատուիրակութեան Նախագահը կայ եւ Պատուիրակութիւնը 2 ամիսէն աւելի է, որ նիստ չէ գումարած:

Պ. Յանըմեան դիտել կու տայ, որ եթէ հարկ ըլլար Պատուիրակութեան ժողովները շարունակել իր զօրացեալ կազմով՝ այս Յամագումարի անդամներուն մեծագոյն մասը հոն պիտի զբաղուեր: Ինքն ալ շատ կարեւոր կը գտնայ Տոքթ. Ներուզի յարուցած հարցը եւ կ'առաջարկէ, որ այս Յամագումարը զբաղի անով:

Պ. Չօպանեան կ'ընդդիմախօսէ այս կարծիքին եւ կ'ըսէ, որ Պատուիրակութիւնը կրնար իր անդամներէն կազմել փոքրիկ գործադիր մարմին մը, միշտ գումարել իր նիստերը եւ գործերը վարել, մինչեւ որ Յամագումարը ընտրէր նոր Պատուիրակութիւնը: Ինչո՞ւ այդ նպատակով եկած անձինք Պատուիրակութեան իրենց աջակցութիւնը չտային:

Պ. Տամատեան կը յայտնէ, որ ահաւոր վայրկեան մը կ'ապրինք, թերեւս աւելի գէշ անակնկալներով յոյ, քան այն, ինչ որ տեղի ունեցաւ այս պատերազմի ընթացքին: Այդ անակնկալները կրնան պայթիլ Կիլիկիոյ մէջ, ուր Յայկական Լեզնին մը ունինք եւ որուն կազմութեան համար շատ մարմիններ աշխատած են, այնպէս որ անոր պատասխանատու անդամներէն զատ, որոնցմէ մէկն ալ ես եմ, ամբողջ ազգը պատասխանատու է: Հետեւաբար, պէտք է քննենք անմիջապէս այս խնդիրը եւ մեր տուած որոշումին գործադրութիւնը պարտադրիչ դարձնենք Պատուիրակութեան, հոգ չէ թէ մէկ անձէ բաղկացած ըլլայ ան:

Պ. Հինդլեան համամիտ չէ, որ այս խնդիրը այս ձեւով քննէ ժողովը, որովհետեւ անոր կազմութեան պատասխանատուն ինք չէ, եւ կ'առաջարկէ նախ քննել երկրի գրաւման հարցը, որմէ կախուած է սա եւ որոշելէ յետոյ երկրի գրաւումը՝ զբաղիլ այս

հարցով, որուն այս կամ այն կերպ լուծումը մեծապէս կը դիւրանայ, երբ ժողովը ճշդէ իր դիրքը առաջին հարցի մասին:

Բայց ժողովը Պ. Սիբայլեանի առաջարկին վրայ, խնդիրը օրակարգի անցուց՝ անմիջապէս անով զբաղելու համար առաջիկայ նիստին մէջ:

Տոքթ. Ներուզ պարզաբանեց, թէ ուր կը կայանար Յայկական Լեզնինի խնդիրը: Նախ կայ անոնց ներկայ դրութիւնը: Անոնք լքուած թշուառ վիճակ մը ունին: Յետոյ կայ իրենց դէմ եղած զրպարտութիւնը, թէ հայերը էնտիսիբլին էին, եւայլն, ինչ որ բացարձակ սուտ մըն է ֆրանսական զինուորականներու իսկ վկայութեամբ: Յետոյ կայ նաեւ այն, որ բազմաթիւ հայ երիտասարդներ կ'ուզեն մտնալ Յայկական Լեզնինը եւ չեն ընդունուիր, եւ վերջապէս, ամէնէն կարեւորը՝ ռըանկաժըմանի խնդիրն է: Ֆրանսացիք առաջարկած են ռըանկաժըման մը ստորագրել: Հայ կամաւորները այդ մասին Լեզնին Պատուիրակութենէն հրահանգի կը սպասեն եւ կ'ուզեն վստահ ըլլալ, թէ արդեօք ասկէ յետոյ իրենք ռըանկաժէ ըլլալով հայկական շահերո՞ւն պիտի ծառայեն, թէ ֆրանսականին: Առաջի պարագային, պատրաստ են ամէն կարգի զոհողութեան եւ վերստին արձանագրուելու, բայց ոչ երկրորդ պարագային:

Պ. Փափագեանի եւ այլոց կողմէ հարցում կ'ըլլայ, թէ ի՞նչ է Ջինուորական Քոնտրոլին տեսակէտը այս խնդիրներուն շուրջ:

Տոքթ. Ներուզ կը յայտնէ, որ իրենց տեսակէտը այն է, որ պէտք չէ ցրուել այդ բանակը, որովհետեւ այն նպատակով կազմուած է ան, որ պիտի մնայ մինչեւ Յայկական Դատի վերջնական լուծումը եւ պիտի կազմէ ապագայ Յայաստանի բանակին կորիզը:

Բրօֆ. Խաչատրեան եւս կը հաստատէ, թէ ֆրանսացիք այդ խոստացած են եւ ֆրանսական Պատերազմական Նախարարութեան կողմէ տրուած հեռագրի մը մէջ ալ ըսուած է, որ Սիբագետք, անգլիացիներու կողմէ մարզուող հայ զօրքերն ալ կորիզը պիտի կազմեն ապագայ հայկական բանակին:

Տոքթ. Սայեան դիտել կու տայ, որ Յամագումարը այսքան ատենն ի վեր հոս է եւ դեռ ոչ մէկ կարեւոր խնդրի համար իր լուծումը չէ տուած եւ եթէ այս սկզբունքով շարունակուի՝ մենք ոչ մէկ գործնական արդիւնքի պիտի հասնինք, եւայլն:

Տոքթ. Սայեանի դիտել կը տրուի, որ նիւթն դուրս են իր ըսածները:

Պ. Չօպանեան դարձեալ ցոյց կու տայ, որ բացատրելի է ֆրանսացուց բռնած դիրքը. սկիզբները երբ անոնք հայկական այդ բանակին համար այդպիսի խոստումներ ըրած են, անոնց դիտաւորութիւնը այն եղած է, որ պիտի ստեղծուի հայկական ինքնավարութիւն մը ֆրանսական բրոքէթթորայի տակ, հետեւաբար, այն ատենուան կազմուած Լեզնինն ալ այդպիսի Յայաստանի մը բանակին կորիզը կրնար կազմել: Հիմա պայմանները բոլորովին փոխուած են, փոխուած է նաեւ անոնց դիրքը: Հետեւաբար, պէտք է ժամ առաջ վերջացնել մեր գործերը, նոր Պատուիրակութիւն ընտրել, որ գլուխ կանգնի այս բոլոր գործերուն:

Պ. Մաթիկեան կը յայտնէ, թէ ռուսերը ինչ որ ըրին Կովկասի կամաւորական խումբերուն համար, հիմա ֆրանսացիք կ'ընեն Կիլիկիոյ Յայկական Լեզնինին համար, այսինքն կ'օգտագործեն օտար խումբերը այնքան ատեն, որքան իրենց շահերը կը պաշտպանուին, յետոյ կը լքեն զանոնք:

Ապա կ'ընտրուի յանձնախումբ մը հետեւեալ անձերէն. Տոքթ. Ներուզ, Պ. Տամատեան, Պ. Սիբայլեան, Պ. Փաստրմաճեան, որ խնդիրը մշակեն եւ ժողովին գործնական առաջարկներ բերեն այս մասին:

ժողովը փակուեցաւ ժամը 8-ին:

ՀԱԱ, ֆ. 430, ց. 1, գ. 27, թթ. 41-46: Ձեռագիր: Բնագիր:

Նիստը ժամը 6-ին սկսաւ Վսեմ. Նորատունկեանի նախագահութեան տակ՝ ի ներկայութեան 28 անդամներու եւ ժամը 7-էն յետոյ շարունակեց Բրօֆ. Ա. Տէր-Յակոբեանի նախագահութեամբ:

**ՕՐԱԿԱՐԳ**

Ա. Զինուորական Յանձնաժողովին Հայկ. Լեզեռնի խնդրոյն մասին կազմած աշխատանքին քննութիւնը

Յանձնաժողովին կողմէ Պ. Միքայէլեան կը կարողայ պատրաստուած ծրագիրը: Ապա վիճաբանութիւն տեղի կ'ունենայ ամբողջական խնդրին շուրջ ընդհանրապէս, որ կարելի է հետեւեալ գլխաւոր միտքերուն եւ առաջարկներուն մէջ պարփակել:

Պ. Փափագեանի կողմէ կ'առաջարկուի չխճողել առաջարկները, մէկդի ձգել երկրորդական եւ երրորդական խնդիրները եւ արկիւմանները զօրացնելով՝ աշխատիլ ընդունիլ տալ գլխաւոր սկզբունքը՝ չցրուել բանակը:

Ուրիշներ, գլխաւորաբար Պ. Թէքեան, Չօպանեան, Ֆնտօլեան, կ'առաջարկէին փոխանակ պահանջի՝ խնդիրը ներկայացնել, որովհետեւ Ֆրանսա այժմ Կիլիկիոյ վրայ նոյն շահադիտական յոյսերը չունենալով, անկարելի կը դառնայ պահանջներուն բաւարարումը: Կը յայտնուի նաեւ, որ շատ դժուար է իրականացնել այդ պահանջները, որովհետեւ նախ՝ պատերազմին սկիզբը մենք անկախութեան խօսք չենք ըրած եւ շատ սիրով ընդունած ենք Ֆրանսայի բրոթէքորայի տակ ինքնավարութիւն մը, բայց յետոյ երբ ցարիզը ինկաւ, երբ մեր զոհողութիւններով ամէն իրաւունք կը ստանայինք ամբողջական անկախ Հայաստան մը պահանջել, բնական բերումով՝ մեր քաղաքականութիւնը ֆրանսական շահերու հակառակ կ'ընթանար: Իսկ շատերը, գլխաւորաբար Պ. Հինդլեան բոլորովին անհնարին կը գտնան, որ այդ ամբողջ բանակը պահուի ֆրանսական միջոցներով եւ Ֆրանսան ոչ մէկ օգուտ չակնկալէ: Գովելի է Յանձնաժողովին դիտաւորութիւնը՝ հայացնել բոլորովին Արեւելեան Լեզեռնը, բայց անիրագործելի: Ուստի, եթէ կ'ուզենք, որ բանակը բոլորովին հայանայ, այն ժամանակ մենք պիտի պահենք զայն, եւ կամ միջոցներ գտնալ Կովկասեան Հանրապետութեան յանձնելու եւ կամ կարելիութիւն պիտի ստեղծենք, որ հոն մնան այդ զօրքերը՝ գաղթականներուն օգնելու համար: Կ'առաջարկուի նաեւ Պ. Օհանջանեանին կողմէ, որուն Մասեեան Խանն ալ համաձայն կ'ըլլայ, ձգձգել այս դրութիւնը, մինչեւ որ ստեղծուի հայկ. միացեալ կառավարութիւնը, երբ կ'որոշուի իրենց վերջնական ճակատագիրը եւ կամ անմիջապէս որ ճշդուի, նոյնիսկ ոչ-պաշտօնապէս, ասիսթան պետութիւնը՝ անոր կը յանձնուի, որ մեր երկրի պաշտպանութեան համար գործադրէ զանոնք:

Յանձնախումբին կողմէ հետզհետէ կը խօսին Տոքթ. Ներուզ եւ Պ. Տամատեան, որոնք հետեւեալ միտքերը կը յայտնեն. թէ, այս ծրագրին պատրաստութեան ատեն Յանձնաժողովը խնդիրը իր հիմքին մէջ չէ նկատի առած, այլ իբր հարց մը, որ անմիջական լուծումի կարօտ է եւ կ'առաջարկէ ցուցմունքներ, որոնցմով Պատուիրակութիւնը պիտի առաջնորդուեր իր բանակցութիւններուն մէջ եւ միանգամայն ասիկա է պատասխանը ֆրանսական կառավարութեան հայ կամաւորներուն դէմ ըրած զրպարտութեանց: Ոմանք ցոյց կու տան նաեւ, թէ ոչ մէկ հակասութիւն կայ մեր պահանջներուն եւ Լեզեռնին մեր փափաքած կատարելիք դերին միջեւ, որովհետեւ ա. անկախութեան ժամանակ ֆրանսական կառավարութիւնը ինքն իսկ ըրած է այս բոլոր խոստումները եւ այժմ իր խոստումներն է, որ կը պահանջենք, քանի որ դեռ ա. անկախութեան շրջանին մէջ կը գտնուի Հայկ. Լեզեռնը:

Պ. Հանըմեանը մօտաւորապէս նոյն միտքը կը շեշտէ, ըսելով, որ իրենք մեզմէ զօրք խնդրած են, մենք տուած ենք. իրենք մեզի խոստումներ ըրած են, եւ նոյնիսկ այնքան հայկ. շահերն ու դիտաւորութիւնները նկատի առնելով, որ ընդունած էին հայեր իսկ կարգել իբրեւ բարձրաստիճան զինուորականներ Հայկ. Լեզեռնի մէջ: Սենք

այժմ միայն կը խնդրենք, որ իրենց խոստումները յարգեն: Նոյնիսկ Réengagement-ի խնդրոյն մէջ, մենք մօտաւորապէս նոյն պարագայիս մէջ կը մնանք, որովհետեւ դարձեալ իրենք է, որ ռեանկաժէ ընել կ'ուզեն. հետեւաբար, մենք ալ կրնանք մեր պահանջները ներկայացնել: Ուրիշներու կողմէ կ'առաջարկուի նաեւ, որ յանձնարարուի Պատուիրակութեան դիմումներ ընել կառավարութեան, արգիլելու համար բանակին անմիջական ցրումը, մինչեւ պատերազմիս վերջանալը եւ մինչեւ Հայկ. Հարցին վերջնական լուծումը, եւ տեղեկանալ ռեանկաժէմանի պայմանները:

Պ. Թէրզիպաշեան կ'առաջարկէ հետեւեալ բանաձեւը, որ կ'ընդունուի ժողովին կողմէ սա յաւելուածով, որ Պատուիրակութիւնը հետզհետէ տեղեկացնէ ժողովին իր կատարած դիմումներուն մասին:

Պ. Թէրզիպաշեանի բանաձեւը.

«Համագումարը նկատելով Հայկ. Լեզեռնի Կիլիկիոյ մէջ գոյութեան եւ պահպանման քաղաքական անձնամեծ նշանակութիւնը, կ'իւրացնէ Յանձնաժողովին առաջարկները, կը յանձնարարէ Պատուիրակութեան ընդունիլ Յանձնաժողովին պատրաստած ծրագիրը եւ անմիջապէս ընել հարկաւոր դիմումները՝ ապահովելու համար Լեզեռնին գոյութիւնը, նոյն ատեն աչքի առջեւ ունենալով այն հանգամանքը, որ Լեզեռնի անկախութեան կը յայտարարէ, որ իր ստորագրութիւնը Յանձնաժողովին բերած ծրագրի տակէն ետ կ'առնէ, քանի որ ժողովը չիւրացուց այդ ծրագիրը: ժողովը փակուեցաւ ժամը 8 1/4-ին:

\*  
\* \*

**Հայկական Լեզեռնի հարցը**

Վերջերս ստացուած տեղեկութիւններն ու նամակները, ուղղուած Ազգ. Պատուիրակութեան եւ կամ անոր միջոցով Ազգ. Համագումարին, Կիլիկեան կամաւորական խումբերու եւ կամ Հայկական Լեզեռնի դրութիւնը կը ներկայացնեն բաւականաչափ ծանրակշիռ եւ անմիջական կարգադրութեան սպասող:

Յանձնախումբս ծանօթանալով բոլոր գրութիւններուն, Հայկական Լեզեռնի պահանջներուն, եկաւ հետեւեալ եզրակացութեանց.

Նկատելով

1. որ Կիլիկեան կամաւորական շարժումով մենք դեռեւս կապուած ենք ֆրանսական կառավարութեան հետ.
2. որ առանց ֆրանս. կառավարութեան դիմելու, ներկայ քաղաքական պայմաններուն մէջ անմպատակարարմար է եղել կարգադրութիւն ընելու.
3. որ հայ կամաւորներու ներկայութիւնը պէտք է նաեւ մեր ժողովուրդի եւ մեր երկրի ապահովութեան տեսակէտէն.
4. որ կամաւորական շարժման սկզբնական օրերուն իսկ հասկացողութիւն ունէինք ֆրանս. կառավարութեան հետ եւ թէ այդ խումբերը կորիզը պիտի հանդիսանան ապագայ հայկական բանակին.
5. որ մենք արդէն համաձայնութիւն ունինք, թէ կամաւորները պիտի մնան մինչեւ պատերազմի վերջաւորութիւնը՝ խաղաղութեան պայմանագրի ստորագրումը: Կ'առաջարկէ Հայ Ազգ. Պատուիրակութեան միջոցով դիմել ֆրանս. կառավարութեան.

ա. որ Հայկական Լեզեռնի կարգապահութիւնը մինչեւ այսօր զոհացուցիչ է՝ համաձայն իրենց հրամանատարներու եւ այլոց իսկ տուած վկայութեան, եւ, այդ հիմամբ, անոնց հասցէին ուղղուած անկարգապահութեան մեղադրանքները համարել անարդար:

բ. որ Հայկական Լեզունը պահուի մինչև հաշտության վերջնական կնքումը, առանց նոր յանձնառագրի /ռեանկաժըման/.

գ. որ Հայկական Լեզունի զինուորներու այն պահանջներուն, որոնց արդարացի ըլլալն արդէն իսկ ընդունուած է ֆրանս. զինուորական պետերու կողմէ, բաւարարութիւն տրուի:

Այդ պահանջներն են.

1. Բարելաւել Լեզունի նիւթական պայմանները, տալով լաւագոյն սնունդ մը եւ ֆրանսական զինուորներու հավասար սօլէր:

2. Կանաւորներու ընտանիքներու նպաստներու եւ թոշակներու յաւելումը՝ համաձայն արդի պայմաններուն:

3. Ծառայութեան ընթացքին տեղի ունեցած արկածներու հետեւանքով ազատ արձակուածներու կենսաթոշակի յատկացումը:

4. Հայկական Լեզունի հայ քատրի փոփոխութիւն ա. Հայկական Լեզունի հայ քատրի աստիճանական բարձրացումը՝ համաձայն իւրաքանչիւրի ընդունակութիւններուն. բ. Հայկական Լեզունի քատրին հայացումը՝ բացի բարձրաստիճան հրամանատարներէ. գ. Վարչական բաժնին աստիճանական բարձրացումը. դ. Հայ սպաներու դասընթացքներու հաստատումը. ե. Հծծելագորի եւ ժէնիի գումղերու կազմութեան ծրագրին գործադրութիւնը:

5. Բանակի հրամանատարութեան եւ Պատուիրակութեան միջեւ մշտական կապ հաստատող ներկայացուցչի մը ընդունուիլը:

6. Հայկական Լեզունի գումղերը բացառապէս գործածել Կիլիկիոյ եւ կամ հայկական նահանգներու շրջանին մէջ:

7. Ազգային Պատուիրակութեան կողմէ Հայկական Լեզունին ուղղուած կոչի մը պաշտօնական ընթերցումը:

8. Եթէ վերոյիշեալ, բարելաւումի վերաբերեալ առաջարկներուն մասամբ եւ կամ ամբողջովին գոհացում չտրուի, Ազգ. Պատուիրակութիւնը ջանադիր պիտի ըլլայ պահպանել Հայկական Լեզունը, զոնէ մինչև ռեանկաժըմանի հարցին լուծումը, իր ներկայ դրութեան մէջ, պարբերական կոչերով, ներկայացուցիչ ուղարկելով եւ նպաստի գումարներով՝ անոնց անմիջական կարիքներուն համար:

9. Մինչև այդ՝ խնդրել ֆրանս. կառավարութենէն, որ հեռագրական հրահանգով յետաձգէ ռեանկաժըմանի գործադրութիւնը Հայկական Լեզունի վերաբերմամբ:

**Ռեանկաժըման**

Նկատելով Հայկական Լեզունի ցրումի հաւանականութիւնը եւ անկէ առաջ գալիք ծանր հետեւանքները եւ վտանգները, ռեանկաժըմանի առաջարկը սկզբունքով ընդունիլ: Եւ այդ՝ հետեւեալ պայմաններով.

1. Ռեանկաժըմանի վերաբերեալ բոլոր բանակցութիւններն ու համաձայնութիւնները պիտի ըլլան Ազգ. Պատուիրակութեան հետ եւ անկէ վերջ միայն պիտի գործադրուին:

2. Իբրեւ հիմունք պիտի ընդունիլ հայկական գումղի ինքնավար կազմակերպութիւնը, կազմելով ատոր համար յատուկ կանոնագիր մը:

3. Ռեանկաժըմանի համար Ազգ. Պատուիրակութիւնն է, որ կոչ կ'ուղղէ հայ զինուորներուն, նախապէս համաձայնելով ֆրանս. կառավարութեան հետ:

4. Բանակցութիւններու ատեն Ազգ. Պատուիրակութիւնն ի նկատի պիտի ունենայ զինուորներու վիրոյիշեալ պահանջներն ու անոնց գոհացում ստանալը:

5. Կիլիկիոյ եւ Սիւրիոյ, ինչպէս նաեւ ուրիշ վայրերու հայերէն զինուոր ըլլալու փափաք ունիցողները անմիջապէս արձանագրել եւ ընդունիլ՝ Հայկական Լեզունը ստուարացնելու համար:

6. Հայկական Լեզունը սահմանուած պիտի ըլլայ բացառաբար գործածելու Կիլիկիոյ եւ հայկական նահանգներու պաշտպանութեան եւ ապահովութեան համար:

7. Խաղաղ. Վեհաժողովին կողմէն Հայկական Հարցին լուծման եւ կամ Հայկական Լեզունի ցրումի ատեն բոլոր խնդիրները պիտի կարգադրուին ֆրանսական կառավարութեան եւ Ազգ. Պատուիրակութեան փոխադարձ հաւանութեամբ:

**Վերջնական կարգադրութիւն**

Հակառակ պարագային, եթէ Հայկական Լեզունի պահպանման եւ վերարձանագրութեան խնդիրներու վերաբերմամբ համաձայնութիւն չկայանայ եւ եթէ ֆրանս. կառավարութիւնը վճռէ ցրել, Ազգ. Պատուիրակութիւնը կը դիմէ հետեւեալ միջոցներուն.

1. Անմիջապէս քուէարկելու եւ կամ կազմելու է մէկ միլիոն ֆրանքի ֆոնտ մը՝ այդ պարագային ձեռք առնուելիք միջոցներուն յատկացնելու համար:

2. Ամէն կերպ ջանալ արդէն մարզուած բանակը չցրուել եւ օգտագործել զանոնք հայկական նահանգներու գրաման եւ ապահովութեան համար, մեծցնելով Միջագետքի հայ կամաւորական խումբերով եւ կամ դնելով Հայաստանի Հանրապետութեան տրամադրութեան տակ:

Տոքթ. Նելրուզ  
Մ. Տամատեան  
Ա. Միքայէլեան

ՀԱԱ, ֆ. 430, ց. 1, գ. 28, թթ. 1-9: Ձեռագիր: Բնագիր:

**Նիստ 28-րդ**

28 Մարտ 1919.

Ժողովը բացուեցաւ ժամը 5 1/2-ին, Վսեմ. Նորատունկեանի նախագահութեան տակ, 30 անդամներու ներկայութեան:

**ՕՐԱԿԱՐԳ**

ա. Ելեւնտից Յանձնաժողովին բերած ծրագրին քննութիւնն ու վաւերացումը

Օրակարգին անցնելէ առաջ կը կարդացուի Ամերիկայի Ազգ. Միութեան նախագահ Պ. Սվազլըի կողմէ տրուած հեռագիր մը, որով կը յայտնէ, թէ ընտրութեանց արդիւնքին վերջին քննութեանց համաձայն, ըստ օրինի ընտրուած են Պ. Պ. Համբարձումեան, Մաթիկեան, Մասեհեան Խան, Տամատեան, իսկ անոնցմէ վերջ առաւելագոյն թուէ ստացած են Պ. Աղաթօն եւ Միքայէլեան: Այս մասին կարծիքներու փոխանակութենէ մը յետոյ, ժողովը կ'որոշէ պահել նախորդ որոշումը Ամերիկայի պատգամաւորներուն մասին եւ բացատրութիւն պահանջել Սըվազլընէ՝ եթէ տեղեկագիրը ուշանայ:

Ելեւնտից Յանձնաժողովին կողմէ Պ. Տէրպետեան կը կարդայ իրենց պատրաստած ծրագիրը եւ կը յայտարարէ, թէ Յանձնախումբին նախկին ծրագիրը կը

պարունակելի 25 միլիոնի պիտոճ է մը եւ իբր աղբիւր ցոյց տրուած էր ազգ. փոխառութիւնը: Համաժողովը ընդհանուր տրամադրութեամբ հակառակ արտայայտուելով փոխառութեան գաղափարին, Յանձնաժողովը փոխելով իր առաջարկը, այսօր կ'առաջարկէ նուիրատուութեամբ զոցել իր պիտոճէն:

Թէեւ Յանձնաժողովը անդամ՝ բայց ես միշտ կը մնամ փոխառութեան գաղափարին կուսակից. անշուշտ տգեղ եմ փոխառութեան տոկոս եւ այլն բառերը, որոնք կ'ապուած են շահախնդրական եւ սեղանատրական գաղափարներու հետ, շատ աւելի գեղեցիկ եւ վսեմ են մանաւանդ ընդհանուր զոհաբերութեանց այս շրջաններուն նուիրատուութիւն, անձնուիրութիւն, ազգասիրութիւն եւ այլն, որոնց վրայ կարելի է զգացումը տարբեր է, իրականութիւնը՝ տարբեր: Այժմ ժամանակը չէ դատապարտելու հայ հարուստը եւ ժամավաճառ ըլլալու՝ փնտրելու համար, թէ արդեօք ինչո՞ւ ան նուազ կը զոհաբերէ, քան օտար հարուստը: Մեր առջեւ ունինք անմիջապէս դրամ գտնելու կենսական հարցը:

Պէտք է նկատի ունենանք, որ այսօր միայն արտասահմանի հայութիւնը, եւ Պոլիսն ու Իզմիրն է, որ կրնան նուիրատուութեան մասնակցիլ, ըսել է միայն 300.000-է բաղկացած հայութիւն մը, որուն ալ կ'էստեն աւելին թէեւ համեմատաբար աւելի բարեկեցիկ, բայց նմանապէս զերծ մնացած չէ պատերազմի աւերներէն:

Այդ բոլոր մը հայութիւնը արդէն տուած է ոչ նուազ քան 10 միլիոն այս 3-4 տարուայ շրջանին եւ անոնցմէ զրեթէ իւրաքանչիւրը ցայժմ ալ կը շարունակէ օգնել իր մէկ կարօտ ազգականին, որբին, կամաւորին եւ այլն. սխալ է այժմ 30 միլիոնի նոր զոհաբերութիւն մը պահանջել անկէ, եւ կը վախճան, թէ բացասական արդիւնքի մը յանգեցնել կրնանք աղիտաբեր ըլլալ ազգին՝ ճակատագրական այս ժամուն:

Տուրք բառն անհասկնալի է ինձի, երբ չյեմուր sanction-ի մը վրայ: Կովկաս կարելի եղաւ հարուստներուն վրայ որոշ սակով տուրք դնել եւ մասամբ գանձել, բայց այնտեղ կառավարութեան գործօն աջակցութիւնը կար եւ մինչեւ իսկ բանտարկութեան իրաւունք տրուած էր: Ամերիկայի կամ Եւրոպայի մէջ հանգանակութեան չմասնակցողի մը անունն իսկ կարելի չէ լրագրի մէջ գրել: Բարոյական միջոցներու մասին չեմ խօսիր, որովհետեւ առաջարկուած միջոցներէն ո՛չ մէկը գործադրելի է իրականապէս եւ շատերն ալ վնասակար են եւ անիրաւ:

Երբ ոեւէ ճնշում չունի իր ետեւը օրինական յենարան՝ կը մնայ անօգուտ. աւելորդ է մենք մեզ խաբելը: Նուիրատուութիւնը կամաւոր միայն կրնայ ըլլալ եւ որովհետեւ արդիւնքը ապահով չէ, պէտք չէ իսկ փորձելու համարձակութիւնն ունենալ. եւ վերջապէս՝ պէտք չէ մոռնալ, թէ հայերու քով գտնուած դրամները յառաջիկային պիտի կազմեն ազգ. հարստութեան կորիզը:

Օրինակ մը աւելորդ չըլլար թերեւս. 1916-ին Ռումանիան ներքին փոխառութիւն մը հրապարակ հանեց 6% տոկոսով եւ բրոբականտի բոլոր ձեւերն ալ օգտագործելով հանդերձ՝ 7 միլիոն ժողովուրդէն հազիւ 300 միլիոն կարելի եղաւ հաւաքել. ինչպէ՞ս կարելի է 350 000 հայերէ, որ 20 անգամ նուազ են, 30 միլիոնի նուիրատուութիւն պահանջել: Ըստ իս՝ եթէ 30 միլիոնի փոխառութիւնն ալ յաջողիք, շնորհաւորելի կ'ըլլայ հայութեան մեծ զոհաբերութիւնը, որովհետեւ 5 կամ 6% տոկոսը ոչինչ չափ մըն է ներկայ պարագաներուն:

Ես կ'առաջարկեմ ուրեմն՝ վերադառնալ փոխառութեան ձեւին. ով որ նուիրել կ'ուզէ՝ ազատ է, բնականաբար, իր պարտատոմսերը մասամբ կամ ամբողջովին ջնջել, պատռել:

Պ. Փափագեան, ընդհակառակը, կը շեշտէ, որ այդ գումարը նուիրատուութեամբ պէտք է ձեռք բերել, ոչ թէ փոխառութեամբ, կեդրոնը կ'որոշէ իւրաքանչիւր քաղաքի կամ գաղութի վրայ ինկած բաժինը եւ մարդիկ դրկելով եւ տեղական մարմիններու միջոցով կը գանձէ գանձը: Ցոյց կու տայ նաեւ, թէ դեղերու հսկայական պէտք կայ, թէ երթալով ամէն տեղ դեղերը կը նուազին եւ կ'առաջարկէ դեղերու պահեստներ ունենալ զանազան կեդրոններու մէջ:

Երկրագործական գործիքներու եւ որբերուն յատկացուած գումարն ալ շատ քիչ կը գտնայ:

Պ. Մաթիկեան նուիրատուութեան նոյն ձեւին կողմնակից է, առարկելով, որ փոխառութիւնը կառավարութիւն մը կ'ենթադրէ եւ վստահ է, թէ լաւ արդիւնք ձեռք կը ձգուի՝ եթէ միջոցներ ձեռք առնուին, ունեւոր դասին ալ իրենց պարտականութիւնը կատարել տալու:

Պր. Թերզիպաշեան կ'առաջարկէ քննել խնդիրը այն հիման վրայ, թէ որքա՞ն գումար կարելի պիտի ըլլայ հաւաքել:

Տոքթ. Սայեան ուշադրութիւն կը հրաւիրէ Կովկասի կարօտութեան զարհուրելի վիճակին վրայ, մատնանիշ կ'ընէ, որ այս հանգանակութիւնը նաեւ Կովկասի Հանրապետութեան անունով պիտի կատարուի. ուրեմն, կ'առաջարկէ նոյնքան պիտոճ մըն ալ յատկացնել Կովկասի մեր եղբայրներուն համար, որոնք 5 տարիէ ի վեր իրենց պարտքը լիով կատարած են: Սակայն, միւս կողմէ կ'առաջարկէ դուրս ձգել հողագործական գործիքներու եւ ներգաղթի վերաբերեալ մասը, որոնք սերտօրէն կ'ապուած են գրաման, հետեւաբար՝ միացեալ կառավարութեան հետ եւ որոնք Պատուիրակութեան գործունէութեան սահմանէն դուրս կ'էլլեն:

Տոքթ. Բարսեղեան կը հակառակի ներգաղթի պիտոճէին դուրս ձգուելուն, որովհետեւ գրաւումը ամէն րոպէ կրնայ տեղի ունենալ, գոնէ մասնակիօրէն, եւ գաղթականներուն մեծ մասը կրնայ շուտով վերադառնալ: Իսկ երկրագործական գործիքները բնական բերումով կը յետաձգուին, որովհետեւ այժմ գանձը գտնելն ալ, գնելն ալ, փոխադրելն ալ զրեթէ անկարելի են: Նշանակուած գումարը հաւաքելու համար՝ Տոքթ. Բարսեղեան կ'առաջարկէ ազգ. տուրքի ձեւը, որ, իր կարծիքով, շատ աւելի մեծ արդիւնքներ կրնայ տալ: Անպարտաճանաչներուն պէտք է բարոյական ամէն ճնշում գործադրել:

Պ. Հինդլեան հակառակ է ազգ. պարտադիր տուրքին, որովհետեւ նախ անկառելի է գործադրել՝ չունենալով հարկադրիչ միջոցները, յետոյ՝ մարդոց նիւթական կարողութիւնը ճշդելը բարդ խնդիր մըն է, որով կը մնայ միայն նուիրատուութեան ձեւը: Պ. Հինդլեան հակառակ է նաեւ Տոքթ. Բարսեղեանի առաջարկած սանքսիոններուն, որոնք վտանգաւոր կրնան ըլլալ՝ յաճախ հակառակ արդիւնքը տալով: Պր. Հինդլեան կը գտնայ նաեւ, որ Յանձնաժողովը նկատի չէ առած, դրամի բաշխման մէջ, բոլոր պայմանները, ինչպէս նաեւ կը յայտնէ, որ պատուիրակի մը համար նշանակուած 2000 ֆր. ամսականը բաւարար չէ:

Պ. Թէքեան կ'առաջարկէ, որ նկատի ունենալով մեր մեծ պահանջները եւ ժողովուրդին բեռը ծանրացնելու դժուարութիւնները, առայժմ ներգաղթի պիտոճէն չջուլարկուի ինչպէս եւ Կովկասի վերաբերեալ պիտոճէն, որովհետեւ Կովկասի մէջ դրամը չէ, որ կը պակսի, այլ՝ սնունդի նիւթը: Պահանջուած գումարը հայթայթելու համար, Պ. Թէքեան կ'առաջարկէ փոխառութեան ձեւը, երաշխիք ցոյց տալով մեր էնտամնիթէն, որովհետեւ ժողովուրդը, նուիրատուութիւններով արդէն յոգնած է եւ ազգ. տուրքը ոչ մեծ արդիւնք կու տայ՝ հարկադրելու միջոցներ չունենալուն համար, ինչպէս Եգիպտոսի օրինակը շատ պարզօրէն ցոյց տուած է:

Պ. Զօպանեան մէկ քանի խօսքով դարձեալ կը նկարագրէ Կովկասի, Ատանայի եւ ամէն տեղ գտնուած հայերու ահաւոր վիճակը եւ կ'ըսէ, որ յուրաքանչիւր ոք իր գերագոյն զոհողութիւնն է, որ պիտի բերէ եւ պէտք է հասկնել հարուստներուն, որ այս ազգային հանգանակութեան մասնակցին բոլոր գումարներով: Պէտք է երթալ անձնապէս, հասկնել, ցնցել, բացատրել ամէն միջոցներով, հարկ եղած գումարները ստանալ, եւ ատոր համար օրինակը նախ Փարիզէն պիտի տրուի եւ նոյնիսկ այս Համաժողովէն եւ եթէ հարուստներէն մէկը մեծ գումարով մը մասնակցի՝ միւսներն ալ կը հետեւին անոր:

Նուիրատուութիւնը չարգիլել, կ'ըսէ Պ. Զօպանեան, որ քիչ յետոյ ներքին փոխառութիւն ալ կատարենք:

Պ. Միքայելեան Յանձնաժողովին կատարած բաշխումը արդար չի գտնար. գլխաւոր ծանրութիւնը աշխատաւոր դասակարգին վրայ ձգուած է դարձեալ, մինչդեռ մինչեւ հիմա այդ դասակարգն է, որ տարած է զոհողութեան մեծագոյն մասը, հարուստները գրեթէ ոչինչ ըրած են, եւ ինչ որ տուած են՝ ո՛չ թէ ազգ. իշխանութիւններուն, այլ օտար ընկերութիւններու վստահած են: Արդ, Պ. Միքայելեան կ'առաջարկէ գլխաւոր 3 պարագայ նկատի ունենալ հանգանակութիւններու տաճն բանուոր դասակարգ, հարուստ դասակարգ եւ երկրի ու արտասահմանի հայութիւն: Միքայելեան համաձայն չէ նաեւ, որ ներգաղթի պիտոճեն դուրս ձգուի, որովհետեւ 6 ամսուան մէջ ներգաղթը կրնայ սկսիլ, միւս կողմէ՝ հակառակ է ներքին փոխառութեան, որով հազիւ կազմուած միացեալ կառավարութեան վրայ մեծ ծանրութիւն մը դրուած պիտի ըլլար: Կ'առաջարկէ, որ հանգանակութիւնը կատարուի նախ հարուստներէն սկսելով, մեծ թափով եւ համերաշխաբար: Պ. Միքայելեան նուիրահաւաքութեան սիսթեմը կրկին կը շեշտէ, յայտնելով, որ դեռ չազատագրուած ազգերը իրենց պարտականութիւնները պիտի կատարեն զուտ գաղափարական հողի վրայ:

Նիստը փակուեցաւ ժամը 8-ին, շարունակութիւնը յաջորդին ձգուելով:

ՀԱԱ, ֆ. 430, ց. 1, գ. 28, թթ. 10-14: Չեռագիր: Բնագիր:

### Նիստ 29-րդ

29 մարտ 1919.

Նիստը բացուեցաւ ժամը 6-ին՝ Վսեմ. Գ. Նորատունիկեանի նախագահութեամբ եւ 32 անդամներու ներկայութեամբ:

### Օրակարգ

#### Ա. Նոր Պատուիրակութեան պիտոճի քուէարկութիւնը Բ. Տիրութիւններու վերջի մասին քննութիւնը

Վսեմ. Նախագահը պիտոճի խնդրոյն վրայ այն կարծիքը կը յայտնէ, թէ այդ մեծ գումարները՝ որ 30 երեսուն միլիոնի ֆրանքի կը յանգին՝ միայն նուիրատուութեամբ մեր ազգայիններէ չի կարելի ձեռք բերել եւ պէտք է մտածել ուրիշ միջոցներու վրայ: Օրինակ. կ'առաջարկէ այժմ տը թրեզորներ շրջաբերութեան հանելու եղանակ որոնել սեղանատանց հետ համաձայնութեամբ՝ որոնցմէ կարելի է նաեւ, որ օտարներ ալ գնեն, քանի որ տոկոսաբեր պիտի ըլլան եւ իբր երաշխիք կարելի է մեր ստանալիք էնտամիթէն ցոյց տալ գլխաւորաբար ու նոյնիսկ Կովկասեան Հանրապետութեան առաջարկ ընել: Ասիկա այն առաւելութիւնը կ'ունենայ նաեւ, որ օտարներուն տրուելով չժանրամար հայկական դրամագուլխներուն վրայ, եւ չարգիլէր միեւնոյն ժամանակ նուիրահաւաքութիւնն ալ կատարել: Նախագահը կը յաւելէ, թէ կարելի է նաեւ Կարմիր խաչի վիճակահանութեան տոմսեր ալ հանել: Բայց ասոնք զուտ մասնագիտական խնդիրներ են եւ առաւելապէս Պատուիրակութեան կը պատկանի զբաղիլ անոնցմով: Լաւագոյն միջոցն է հոս միայն ընդհանուր առմամբ պիտոճին սկզբունքները որոշել եւ խնդիրը դրկել Պատուիրակութեան, որ, իր, կարգին պէտք եղած ձեռնհաս անձանց հետ բանակցելով, յարմարագոյն ձեւ մը գտնայ այն մեծ գումարները հայթայթելու համար: Պ. Նախագահը կ'անդրադառնայ նաեւ հայ ունեւոր դասին ցուցած ժխտութեան նկատմամբ եղած մեղադրանքներուն եւ կը գտնայ, որ բացասական երեւոյթն է հայու մէկ դասական յատկութեան, այն է՝ խնայասիրութիւն: Հատեր իսկ տուած են յօժարութեամբ վարժարաններու, եկեղեցիներու եւ այլն:

Պ. Համբարձումեան ցոյց տալով, որ նուիրատուութեան ժողովուրդին մէկ մասն է, որ կը մասնակցի, որ նոր նուիրատուութեան մը համար դարձեալ նոյն մասն է, որ կը մասնակցի /աշխատաւոր եւ միջակ դասակարգը/ եւ որ ան չկրնար լեցնել այս մեծ

պահանջները, միւս կողմէ՝ ցոյց տալով դարձեալ, որ փոխառութիւնները, չունենալով իրենց ետեւը վստահութիւն ներշնչող երաշխիքներ եւ այլն, ազգային տուրքի սիսթեմը լաւագոյն կը գտնայ:

Պ. Համբարձումեան իւրաքանչիւր հայու վրայ միջին հաշուով գումար մը որոշելով՝ ցոյց կու տայ, որ ակնկալուած գումարը շատ դիւրաւ կը գոյանայ: Անսատներուն համար կ'առաջարկէ բարոյական պատիժներ, սեւ եւ ճերմակ գիրքերու մէջ պարտաճանաչներու եւ անպարտաճանաչներու անուններ հրատարակել, ընկերային յարաբերութիւններէ զրկում, պոյթթե եւ այլն, հասկցնել նաեւ, թէ հիմա չվճարողները վաղը հայկական կառավարութեան պիտի վճարեն յաւելեալ տուգանք:

Պ. Թերզիպաշեան. Այստեղ պէտք է պարզուի տուրքի իրաւաբանական հանգանակը: Տուրք իւրաքանչիւր քաղաքացին կը վճարէ պետութեան փոխարէն այն պաշտպանութեան եւ ծառայակութեան՝ որ ան կը գտնայ պետութեան կողմէ եւ որուն ծախքերուն մասնակցելու կը պարտաւորուի: Քանի որ հայ պետութիւն կազմուած չէ դեռ, արդար չէ տուրք գանձելու ձեռնարկել: Փոխառութեան միջոցն ալ գործնական չեն գտներ, ըստ որուն՝ կապուած է ֆինանսական եւ մասնագիտական շարք մը բարոյութիւններու հետ: Այդ բանը դիւրին կ'ըլլայ մեր քաղաքական դրութեան ճշդուելէն վերջ, որ եթէ ուշանայ, թերեւս Պատուիրակութիւնը ձեռնարկէ հիմնել հայ ազգային պանթա մը, որ աւելի դիւրին է անշուշտ, քան փոխառութիւնը: Բայց սա եւս մասնագիտական հարց է եւ մենք, փոխանակ վիճելու, լաւ կ'ընենք, որ որոշ միջոցներ առաջարկենք Պատուիրակութեան: Բայց մէկ բան, որու մասին մենք այստեղ կտրականապէս կրնանք արտայայտուիլ, ան է, որ մենք պարտաւոր ենք ընթանալ այնպէս, որ ամէն հայ վստահաբար գիտնայ, որ ինք կազմուելիք հայկական պետութեան մէջ պիտի վայելէ այն ամէն ազատութիւնները իւր սեփականութեան մասին, որ տեսած է ուրիշ սահմանադրական ազատ երկիրներու մէջ: Եթէ այս վստահութիւնը չներշնչենք, եթէ թեկուզ փոքր չափով խախտենք այս հաւատքը՝ Հայաստան կը մնայ այն անապատը, ինչ որ է այսօր: Կ'առաջարկեմ, ուրեմն, մերժել բարոյական ճնշումներու առաջարկը, որն օրէնքով արգիլուած է եւ պարտադրել Պատուիրակութեան, որ ամենալայն հիմքերու վրայ կազմակերպէ հանգանակութեան դրութեան:

Տ. Համբարձումեան այս կերպ դրամ գանձելու յաջողութեան առաջին պայման կը նկատէ կատարեալ համերաշխութիւնը եւ համաձայնութիւնը:

Պ. Մաթիկեան կը գտնայ, որ նուիրահաւաքութիւնը բաւական արդիւնք դեռ կրնայ տալ եւ կ'առաջարկէ, սակայն, ազգային տուրքին հետ միասին ընել, ինչ որ Ամերիկա եւ կարգ մը գաղութներ արդէն կ'ընեն եւ որոնք իրարու արգելք չեն:

Պ. Տամատեան ցոյց տալով, որ մեր կառավարութիւն չունենալը, նիւթապէս վստահութիւն ներշնչող հաւաստիքներ ու հարկադրիչ միջոցներ չունենալը գլխաւորաբար՝ արգելքներ են ազգային տուրքի, ներքին կամ արտաքին փոխառութիւններու, այժմ տը թրեզորի յայտնի յաջողութեան, կ'եզրակացնէ. «Ընդունելով Յանձնաժողովին բերած նախահաշուի հասոյթներուն գումարը, կ'առաջարկեն յանձնարարել Ազգային Պատուիրակութեան, որ ամիջապէս ձեռնարկէ հայ ժողովուրդին մէջ ներքին նուիրահաւաքութեան մը՝ ամենալայն եւ ամենաազդեցիկ եղանակներով ու միաժամանակ դիմում ընէ Դաշնակից պիտութեանց եւ Միացեալ Նահանգաց, որ նպաստի կարեւոր գումարներով օգնեն հայ ժողովուրդին»:

Ապա ժողովը կը զբաղի ներգաղթի մասին ներկայացուած պիտոճովը: Պ. Թէքեան, որուն կը ձայնակցին նաեւ Պ. Պ. Միքայելեան, Տոքթ. Նեւրուզ եւ այլք, կ'առաջարկէ, որ 15 միլիոնի պիտոճն Պատուիրակութեան թոյլ տրուի նաեւ գործածել ներգաղթի խնդրոյն համար, երբ անմիջական եւ անակնկալ պահանջը ներկայանայ:

Պ. Տամատեան կը գտնայ, որ այդ պարագային Պատուիրակութեան շատ քիչ չափով պիտի կրնայ օգնութեան գալ եւ եթէ կ'ուզուի, որ կարենայ գործ մը ընել այդ մասին պիտոճն աւելցնելու է:

Տոքթ. Ներուզ Գյոյն միտքը կը յայտնէ եւ կ'առաջարկէ նաեւ աշխատանոցներ եւ այլն բանալու համար դրամագլուխ յատկացնել գաղթականութեան գտնուած կեդրոններու մէջ՝ որպէսզի աշխատանք հայթայթուելով՝ ժողովրդեան ապրելու հնարաւորութիւն տրուի: Ապա քուէարկութեամբ յաջորդաբար կ'ընդունուին Յանձնաժողովի՝ հանգանակութեան մասին պատրաստած ուղեգիծը, ապա Պ. Տամատեանի յաւելածական բանաձեւը, յետոյ՝ ներգաղթի համար յատկացուած պիտուէն, ինչպէս նաեւ Պ. Համբարձումեանի հետեւեալ բանաձեւը.

«Ա. Նկատելով, որ նուիրատուութեամբ կարելի չէ վեց ամսուան միջոցին երեսուն /30/ միլիոն ֆրանքի խոշոր գումար մը ձեռք բերել՝ ինչպէս անցեալ փորձերը ցոյց տուած են.

Բ. որ հասարակութեան խոշոր մեծամասնութիւնը, ինչպէս միշտ, այս անգամ ալ պիտի խուսափի իր պարտականութենէն,

կ'առաջարկեմ կիրարկել ազատութեան տուրքի սիսթեմը, բարոյական կարելի ամէն ազդեցութիւն բանեցնելով անպարտաճանաչներուն դէմ»:

Վսեմ. Նախագահ. Ուրեմն ժողովը սկզբունքով ընդունեցաւ Յանձնաժողովին բերած ուղեգիծը, ինչպէս եւ միւս առաջարկները, Պատուիրակութեան յանձնելու համար, որ կարենայ այս բանաձեւերու մէջ իւր աշխատանքները վարել:

Պ. Փափագեան խստիւ կը բողոքէ այս որոշմանց դէմ, որ առանց մանրամասն քննութեան՝ ամբողջ պիտուէ մը կը քուէարկուի եւ հակասական բանաձեւեր միասին կ'ընդունուին:

Վսեմ. Նախագահը դիտել կու տայ, որ սկզբունքները միայն քուէարկուեցան եւ ոչ մանրամասնութիւնները:

Ժողովը կ'անցնի տիրէքիները պատրաստող Յանձնախումբին բերած նախագծին, որուն վերջին մասը Յանձնաժողովին կողմէ կը կարդայ Պ. Չօպանեան:

Պ. Ահարոնեան ժողովին կը հաղորդէ հետեւեալ Ձեռագիրը, զոր ստացած է Հայկական Հանրապետութենէն:

**Հեռագիր երեսնի կառավարութենէն /Փոխանցուած Արտաքին Գործոց Նախարարութեան կողմէ/**

25 Մարտ 1919.

Անդրկովկասեան հայ բնակչութիւնը կը գտնուի իսլամական լուրջ վտանգի առջեւ: Թաթար կարելոր ոյժեր կազմակերպուած թիրք պաշտօնեաներու կողմէ, Շարուրի, Նախիջեւանի, Սուրմալուի եւ Ղարաբաղի մէջ յայտարարած են Ատրպատականեան ընդհանուր կառավարութիւն գինաթափ ընել վերջ տեղական հայ ոյժերը: Կը սպասուի յառաջիկայ ծանր դէպքերու: Անհրաժիշտ է, որ Դաշնակիցներ, խուսափելու համար նոր արիւն թափելէ, ուժեղ եւ կտորակ միջոցներով կասեցնեն թաթարները, առաջն առնելու համար հաւանական կնճռտութիւններու, որ ճամբաները բանան թուրքիայէ տեղահանուածներու եւ հաստատեն հայ կառավարութեան համար յարաբերութիւններ:

Տիգրանեան Նախարար Արտաքին Գործերու

Պ. Ահարոնեան բացատրութիւններ տալէ յետոյ այս հեռագրի մասին, կ'անդրադառնայ նոր Պատուիրակութեան երկու կողմերուն ամենատեսիլ եւ միաձոյլ գործակցութեան անհրաժեշտութեան մասին, քանի որ մեզմէ անկախ եւ դժբախտ պարագաներու բերմամբ դեռ չենք կրցած ունենալ այդ Միացեալ Հայաստանի միացեալ կառավարութիւնը եւ ստիպուած ենք տանիլ Պատուիրակութեան այս երկու կողմերուն գոյութիւնը: Հետեւաբար, կ'առաջարկէ ընտրել նոր Պատգամաւորութեան իբրեւ անդամ այնպիսի մարդիկ, որոնցմով կարելի ըլլայ իսկապէս յառաջ բերել այդ սերտ եւ միաձոյլ գործակցութիւնը, եւ կը թելադրէ նաեւ, որ այս ժողովին ընտրուելիք

պատուիրակներուն թիւը /3/ երեք ըլլայ, հաստատելու եւ կարելի դարձնելու համար իսկ միութեան գաղափարը: Ըսելով, որ այդ Պատուիրակութիւնը կրնայ միշտ օգտուիլ ամենալայն չափով խորհրդականներէ եւ մասնագետներէ, կը հերքէ այն կարծիքը, թէ քոմբէթաններ գետեղելու համար հարկաւոր է հինգ թիւը: Կը շեշտէ, որ քիչ հոգիով աշխատանքը աւելի շատ եւ դիրին կը կատարուի, ինչպէս նաեւ համաձայնութիւն գոյացնել: Պ. Ահարոնեան կ'առաջարկէ նաեւ բոլորովին վերցնել թրքահայ-ռուսահայ խնդիրներու մէջ տեղի ունենալիք բրեթօնդէրմանի մասը, որովհետեւ այդ դժբախտ բառն արդէն անջատուող կը շեշտէ եւ բոլորովին անհեթեթ է, քանի որ բնականօրէն արդէն իւրաքանչիւր պատգամաւորի կարծիքը գերակշիռ պիտի ըլլայ այն խնդիրներու մէջ, որոնց ան աւելի ծանօթ է. յետոյ՝ ո՞ր հարցը ռուսահայ է եւ ո՞րը թրքահայ, երբ Հայկական Դատը մէկ է միայն: Իրեն իսկ Կովկասեան Հանրապետութեան կողմէ հոս դրկուելուն գլխաւոր պատճառը եղած է առաւելապէս այն հանգամանքը, որ ինք եղած է թրքահայ դատի գերագոյն պաշտպանը: Պ. Ահարոնեան կը վերջացնէ իր խօսքը, ըսելով, որ ինք համաձայն է պատրաստուած նախագծին, բայց միայն մատնանշելի ըրաւ այն կէտերը, որ իր արդէն տպած էին:

Պ. Չօպանեան ինքն ալ կը ծայրակցի, որ այս առաջարկը համապատասխան չէ նաեւ իր Յանձնաժողովի անդամներու զգացումներուն: Բայց տօքիւման մըն է, զոր դժբախտ իրականութիւնը հարկադրուած է քոմբէթաններով ընդունիլ: Պ. Չօպանեան կ'աւելցնէ նաեւ, որ սա ընդունուած է այն յոյսով, որ շատ կարճ ժամանակի մը համար է եւ թէ կը յուսայ, որ Միացեալ Հայաստանի եւ միացեալ կառավարութեան ստեղծումով պիտի ջնջուին այս անբաղձալի եւ անբնական դրութիւնը:

Պողոս Նուպար Փաշա չի ժխտեր, որ ընդունած է տիրէքիներու այդ վերջին մասը, յայտարարելով հանդերձ, որ "Mauvais arrangement" (անբաւարար կարգադրութիւն) մըն է եւ զոր ընդունուած է իբրեւ քոմբէթան:

Նախագիծին վաւերացումը յաջորդ նիստին յետաձգելով՝ նիստը փակուեցաւ ժամը 8 1/4-ին:

Վսեմ. Պողոս Նուպար Փաշա խոսք կ'առնէ անձնական մի 24-ի նիստին մէջ Պ. Վարանդեանի ըսած խօսքերուն Կովկասական Հանրապետութեան մասին:

Առ այս՝ Նորին Վսեմութիւնը Դիւանին կը ներկայացնէ հետեւեալ նամակը, որպէսզի իւր դիտողութիւնները ատենագրութեանց մէջ անցնին: Ահաւասիկ նամակին թարգմանութիւնը, որ ֆրանսերէն գրուած էր:

Փարիզ, 27 Մարտ 1919.

Վսեմափայլ Գաբրիէլ Էֆենտի Նորատունկեան  
Ատենապետ Ազգային համագումարի  
Փարիզ  
**Մեծայարգ Տիար Ատենապետ,**

Կրնայ ըլլալ, որ ներկայ չկարենամ գտնուիլ այն նիստին, որուն մէջ պիտի կարդացուի 24 Մարտի նիստին ատենագրութիւնը, հետեւաբար գրաւոր կեպով կը դրկեմ քեզի այս քանի մը տողերը՝ որոշակի կերպով սահմանելու եւ լրացնելու համար Տ. Վարանդեանի հաստատմին դէմ իմ տուած պատասխանս:

Ինչպէս որ արդէն յայտնեցի, միշտ զգուշացայ, երբ Կովկասի հետ հաղորդակցիլ անկարելի էր, ըսելու իստք, որ կրնար պարտաւորել Կովկասի Հայկական Հանրապետութեան քաղաքականութիւնը՝ այն արդար պատճառով, որով կ'անգիտանայի Հանրապետութեան տեսութիւնները: Եւ Պ. Վարանդեանը միշտ զայս կը մեղադրէր զիս, հաստատելով, թէ մեր Կովկասի հայրենակիցներուն տեսութիւնները ամբողջովին համաձայն էին մերիններուն: Իրեն միշտ պատասխանած էի, թէ այդ էր իմ անկեղծ իղծս ալ, բայց անկարելի էր ինձի համար՝ հաստատել զայն իմ յայտարարութիւններուս եւ պաշտօնական յիշատագիրներուս մէջ՝ մինչեւ որ Հայկական Հանրապետութիւնը ինձի չի հաստատեր զայն: Ես միշտ որոշակի կերպով ըսած եմ իմ յիշատակագիրներուս մէջ, թէ չկրնալով հաղորդակցիլ Կովկասի Հայ.

Հանրապետության հետ, չէի կրնար անոր անուամբ խօսիլ, թեպետ մեր սիրիլի իղձն էր իրագործուած տեսնել Կովկասեան հայ գաւառներուն միութիւնը Տաճկահայաստանի գաւառներուն հետ եւ թէ ես ապահով էի թէ մեր Կովկասի եղբայրներն ալ նոյնը կը բաղձային:

Եթէ Տ. Վարանդեանի թելադրութիւններուն տեղի տուած ըլլայի, որ իր Կովկասի հայրենակիցներուն թարգմանը կը հանդիսանար, պէտք էի առաջնորդուիլ այն իրապարակային յայտարարութիւնով, որ ըրած էր անցեալ Օգոստոսին, զինադադարէն շատ քիչ առաջ, Լոնտոն, հացկերոյթի մը մէջ արտասանած ճառին մէջ, զոր թերթերը արտատպեցին եւ որուն մէջ ըսած էր. «Հայերը միշտ անկեղծ կուսակից եղած են ամբողջական Ռուսիոյ եւ միշտ ալ պիտի աշխատին կազմութեան Ռուսիոյ Ազգերու մեծ Դաշնակցութեան՝ որուն մաս պիտի կազմեն իր զանազան ժողովուրդները, իբր անջատ եւ ինքնավար ազգութիւններ»:

Պէտք պիտի ըլլար, ուրեմն, որ յայտարարէի իրեն պէս, թէ Կովկասի Հայկական Հանրապետութիւնը, մեզի հետ միանալ չուզելէ զատ, կը փափաքէր մաս կազմել Ռուսիոյ Ազգերու Դաշնակցութեան:

Ուրախ եմ այսպէս ըրած չընելուս, որովհետեւ հաճութեամբ տեղեկացանք Տիար Ահարոնեանէն, երբ Կովկասի Հայկական Պատուիրակութիւնը Փարիզ հասաւ, թէ իրենց ծրագիրը ամբողջովին համաձայն էր մերինն եւ մեզի պէս իրենց ալ կէտ նպատակին էր իրագործուած տեսնել Ամբողջական Հայաստան մը, Ազգերու Դաշնակցութեան երաշխաւորութեան ներքոյ, աջակցող պետութեան մը, ինչպէս ամխտեմաբար յայտարարած էր Տ. Վարանդեան:

Հաճեցէք ընդունիլ, մեծայարգ Տիար Ատենապետ, խորին յարգանացս հաւաստիքը:

Պօղոս Նուպար

Պ. Վարանդեան այս մասին իւր պատասխանը գրաւոր կը յանձնէ Դիւանին, որ հետեւեալն է.

ՀԱԱ, ֆ. 430, ց. 1, գ. 28, թթ. 15-23: Ձեռագիր: Բնագիր:

### Նիստ 30-րդ

31 Մարտ 1919.

Նիստը բացուեցաւ Վսեմ. Նորատուճկեանի նախագահութեամբ, 32 անդամներու ներկայութեան, ժամը 5 1/2-ին:

### Օրակարգ

#### Ա. Տիրէքիւներու վերջին մասի քննութիւնն ու վաւերացումը

Տոքթ. Սայեան մէկ-երկու օրէն մեկնելու ստիպուած ըլլալուն համար, իր ընտրողներուն կողմէ իր վրայ պարտք դրուած հետեւեալ առաջարկը կը ներկայացնէ.

«Համագումարի Պ. Նախագահին:

Պուլկարահայ պատգամաւորական ժողովի որոշման համաձայն, պարտք կը համարեն յայտնել, որ հրամայական մանտա ունինք ներկայ ժողովին առաջարկելու հետեւեալը.

«Համագումարը կը ճանչնայ եւ կ'ընդունի Հայկական Հանրապետութիւնը իբրեւ պետութիւն ամբողջ հայութեան եւ անոր կառավարութիւնը՝ իբրեւ ժամանակաւոր համահայկական կառավարութիւն»:

Պատիւ ունեն ներկայացնելու այս բանաձեւը, խնդրելով որ քուէարկէք զայն:

Պուլկարահայոց պատգամաւոր

Տոքթ. Սայեան

31 Մարտ 1919, Փարիզ»

Պ. Հինդլեան Տոքթ. Սայեանի գրաւոր այն առաջարկին նկատմամբ, որով կը յայտարարէ, թէ պուլկարահայոց պատգ. ժողովոյ որոշմամբ imperatif mandat ունինք ճանչնալու Երեւանի Հայ Հանրապետութեան կառավարութիւնը որպէս հայկական ընդհանուր կառավարութիւն, ինձի համար պուլկարահայոց պատուիրակութեան Համագումարին մէջ պատասխանատու կը նկատեն զիս յայտարարելու, թէ ծանօթ չէ մնալ որոշում մը եւ ո'չ իսկ imperatif mandat մը:

Պ. Սայեան յանձն կ'առնու վաղը գրաւոր ապացոյց բերել ժողովին:

Պ. Չօպանեան, իբրեւ Յանձնախումբին զեկուցանողը, կը կարդայ տիրէքիւներու վերջին մասը: Խօսք կը դառնայ նոր Պատուիրակութեան մէջ ստեղծուելիք դիւանական մարմինի մը եւ «գործավար»-ի պաշտօնին շուրջ: Պ. Պ. Հինդլեանի, Բոօֆ. Թուսայեանի, Բոօֆ. Խաչատուրեանի եւ այլոց կողմէ այդ մասին այն կարծիքները կը յայտնուին, թէ գործավար Դիւանը եւ Պատուիրակութեան ներքին կազմը պարզապէս Պատուիրակութեան պատկանող խնդիրներ են, որով Համագումարը զբաղելու պէտք չունի, թէ գործավար պաշտօնը կրնայ աւելի բարդացնել եւ ծանրացնել խնդիրը, թէ դուրս ձգել պէտք է այդ մասը բոլորովին, թողնելով կարգադրութիւնը նոր Պատուիրակութեան:

Պ. Փափագեան հեղինակը այդ առաջարկին, կը բացատրէ, թէ ինչ կը հասնայ գործավար ըսելով: Դիտուած է, որ Պոլիս, Կովկաս եւ այլուր այս գործերը տնավարի կերպով կ'ըլլան, դանդաղօրէն ձգձգուելով եւ այլն: Իսկ այն պարագային մանաւանդ, երբ նոր Պատուիրակութեան մէջ երկու կողմ պիտի ըլլայ, այսպիսի մարմինի մը համար գործավարի գոյութիւնը անխուսափելի կը դառնայ՝ գործերը կանոնաւոր եւ արագ ընթանալու համար: Գործավարը պիտի ունենայ իր յատուկ սենեակը, որուն միջոցաւ մշտական հաղորդակցութիւն պիտի մշակեն Պատուիրակութեան երկու կողմերը՝ նպաստելով միացման: Ապա՝ 16 ձայնով այդ մասին դուրս հանուիլը կը քուէարկուի, իսկ Պ. Փափագեանի առաջարկը 7 քուէ կը ստանայ միայն:

Կարճ ժամանակ վիճաբանութեանց ըլլալ յետոյ Կովկասի Հանրապետութեան ներկայացուցիչներուն համար նշանակուած 3 թիւին մասին: Քուէարկութեամբ կ'որոշուի վերցնել 3 թիւը:

Յետոյ ժողովը երկար ատեն կանգ կ'առնէ տիրէքիւներու այն պարբերութեան վրայ, որ կը վերաբերի թրքահայ խնդիրներու համար թրքահայ Պատուիրակութեան, իսկ ռուսահայ խնդիրներու համար՝ Կովկասի Հանրապետութեան ներկայացուցիչներուն ունենալիք գերակշռութեան վրայ:

Երկու զխաւոր հոսանք կը տեսնուին անոնք՝ որոնք այդ մասին վերնալը կ'ուզեն եւ անոնք, որոնք՝ պահպանուիլը:

Առաջին կարծիքին կ'արտայայտուին Պ. Պ. Մաթիկեան, Միքայէլեան, Լեւոն Շանթ, Վարանդեան, Սայեան Տոքթ. Օհանջանեան, պահանջելով այդ բրէթնտերանսի մասին ամբողջական ջնջումը, պատճառաբանելով, որ այդ յօդուածը կը շեշտէ արդէն իսկ դժբախտ իրականութեան բերմամբ նոր Պատուիրակութեան ստեղծուած մէջի երկու կողմերը եւ բաժանումը, որ դէմ է այն ոգիին միութեան, որ այնքան աշխատանքով երեւան բերել կը փափաքար որ ավելորդ իսկ է. որովհետեւ ոչինչ ըսել է եւ ոչինչ կ'աւելցնէ եղածին վրայ, քանի որ կարելի չէ արդէն որոշել, թէ ո՞ր հարցը թրքահայ է, ո՞ր հարցը ռուսահայ է այլն:

Պ. Օհանջանեան այն միտքը կը յայտնէ, թէ նոր Պատուիրակութեան մէջ գոյութիւն ունեցող երկու մասերէն առաջինը՝ Կովկասի Հանրապետութեան Պատուիրակութիւնը՝ կը ներկայացնէ պետական շահերը պաշտպանող մարմինը, եւ պետական սկզբունքը, իսկ երկրորդը՝ այս Համագումարի ընտրած աւելի ազգային եւ բարոյական շահերը պաշտպանող մարմինը:

Իսկ Պ. Միքայէլեան շատ կը պնդէ, որ այս Համագումարը այսպիսի տխուր տօքիւման չձգէ, հակառակ ամբողջ հայկական միութեան ձգտելու ոգիին, եւ հետեւեալ բանաձեւը կ'առաջարկէ.



«ես կը պահանջեմ բոլորովին ջնջել Միացեալ Պատուիրակութիւններու խնդրոյն շուրջ եղած այն մասը, որու մէջ ըսուած էր, թէ Արեւմտահայ Պատուիրակութիւնը գերակշռող ծայն ունի արեւմտահայ խնդիրներու վերաբերեալ եւ ընդհակառակը: Այս կէտն իր մէջ կը պարունակէ երկու հատուածներու տարբեր գոյութեան իրաւունքը, եւ այդպիսով կը թողնէ պատմական տօքիման մը, որ իր էութեամբ հակառակ է մեր հիմնական սկզբունքին միացեալ Հայաստանի քաղաքական: Այդ կէտն առաւել եւս անտեղի է, մանաւանդ որ Պատուիրակութիւնները փոխադարձ համաձայնութեամբ պիտի գործեն եւ իբրեւ միացեալ կը հանդիսանան»:

Իսկ Բ. կարծիքէն կ'արտայայտուին Պ. Պ. Չօպանեան, Տամատեան, Թերզիպաշեան, Հինդլեան, որոնք իրենք ալ իրենց զգացումներուն համաձայն չեն գտնար այդ բաժանումը, բայց անհրաժեշտ հետեւանքը կը նկատեն ողբալի իրականութեան, այսինքն այն, որ մինչեւ հիմա դեռ կարելի չէ եղած ունենալ արդէն Միացեալ Հայաստանը, իր միացեալ կառավարութեամբը եւ մէկ պատուիրակութեամբը, որ պարագային խնդրոյ մը շուրջ անհամաձայնութեան ատեն, խնդրին լուծումը մը տալու համար անհրաժեշտ կը դառնայ այսպիսի յօդուած մը: Պ. Տամատեան կը հակառակի Տոքթ. Օհանջանեանի արտայայտած մտքին, որովհետեւ, այդ պարագային, այս ընտրուած համագումարէն պատ. պարզ խորտուկակի մը ձեւը կ'առնէ եւ որպէսզի արտայայտման յօդուածին խստութիւնը փոխուի՝ կ'առաջարկէ ակեցնել՝ «անհամաձայնութեան մը պարագային՝ իբրեւ վերջին միջոց» մասը: Պ. Չօպանեան այն յոյսը կը յայտնէ, որ այս յօդուածը շատ կարճ ժամանակի համար պիտի ըլլայ, որովհետեւ բոլորս ալ պիտի աշխատինք ժամ առաջ իրականացնել միացեալ կառավարութիւնը, բայց որ մինչեւ այդ անհրաժեշտ է այդ: Եւ նկատել տալով, որ այս վիճաբանութեամբ ակելի խրամատ կը բացուի անջատման կ'առաջարկէ անիջապէս փակել վիճաբանութիւնը:

Քուէարկութեան դրուելով 14 ծայն ստացաւ վերնալու կարծիքը, իսկ 9 ծայն պահելու այդ պարբերութիւնը, որով խնդիրը մնաց անհետեւանք:

Նիստը փակուեցաւ ժամը 8 1/2-ին:

ՀԱԱ, ֆ. 430, ց. 1, գ. 28, թթ. 24-28: Ձեռագիր: Բնագիր:

### Նիստ 31-րդ

1 Ապրիլ 1919թ.

Նիստը բացուեցաւ Վսեմ. Նորատունկեանի նախագահութեան տակ, 30 անդամներու ներկայութեան, ժամը 7-ին:

### Օրակարգ

Ա. Տիրքթիւներու վերջին մասին քննութիւնն ու վաւերացումը

Պ. Թեքեան թէ՛ իբրեւ յանձնախումբի անդամ եւ թէ՛ իբրեւ ժողովական կ'առաջարկէ պահել յօդուածը, միայն *décision-ը avis-ի փոխելով*:

Տիրքթիւներու այդ մասը, *avis* բառովը քուէարկութեան կը դրուի եւ միայն 16 ծայն կը շահի: Իսկ բոլորովին այդ մասը վերցնելու կարծիքը 11 ծայն կը ստանայ, որով անհետեւանք կը մնայ:

Պ. Հինդլեան կը տեսնայ որ ո՛չ մէկը, ո՛չ միւսը ունեցաւ 19 քուէ, ըստ Ներքին Կանոնագրի, հետեւաբար՝ միջոց մը կ'առաջարկէ, այն է՝ արմատապէս բաժանման ջնջումը, այսինքն ալ նկատի չառնել կողմերու բաժանումը եւ Պատուիրակութեան ունենալիք ոեւէ հարց անցնել տալ խառն քուէարկութեամբ:

Պ. Սհարոնեան դիտել կու տայ, որ այս այնպիսի հարց մըն է, որ կը պատկանի Պատուիրակութեան երկու մասերուն ալ, իր անցեալ անգամ այս մասին ըրած ճառէն յետոյ, քանի որ դեռ կ'ուզուի քուէարկութեամբ լուծել: Պ. Սհարոնեան կը յայտարարէ,

որ այդ յօդուածը ընդունելի եւ պարտադրիչ չէ իրեն համար, յօդուած, որ դէմ է Հանրապետութեան իրեն տուած հրահանգներուն, իր սրտին, իր գլխին եւայլն: Խնդրի բաժանում չկայ եւ միայն մէկ դուռ կայ:

Պ. Չօպանեան ցոյց կու տայ, որ ո՛չ անջատում, ո՛չ ալ խտրութիւն դնելու խնդիր կայ, այլ՝ դժբախտ իրականութիւնն է, որ մեզ հարկադրած է այդ երկու կողմերն ունենալու, եւ այդ բաժանումը հոս է, որ եղած է, այլ՝ Կովկաս իսկ, ուր, բնականաբար, կառավարութիւնը՝ առանց թրքախայերու եւ Արեւմտահայ խորհուրդը՝ առանց ռուսահայերու առանձին նիստեր կը գումարեն եւ նոյնիսկ Կովկասի Հանրապետութիւնը նիսապէս կ'օգնէ այս վերջնոյն: Հետեւաբար, հոն այդ բաժանումը, ըսել է՝ օգտակար կը տեսնեն եւ խոհեմութիւն կը համարեն պահել զայն: Հոս ալ գոյութիւն ունի այդ եւ Պատուիրակութիւնն է, որ պիտի աշխատի կարելի եղածին չափ շուտ միացնել այդ երկու խումբերը: Պ. Չօպանեան այսպէս իր կարծիքը լուսաբանել յետոյ՝ կ'առաջարկէ անմիջապէս համաձայնիլ, խնդիրը փակելով, քանի որ Կովկասի Հանրապետութեան ներկայացուցիչները իրենց վերջնական կամքը դրած են:

Ամենապատիւ Դուրեան Սրբազան կը յայտնէ, որ երկուութիւնը ճակատագրականօրէն ստեղծուած է, բայց միւս կողմէ դեռ չէ հասկցած, որ ի՞նչ է երկու Պատուիրակութեան ալ պահուած գերակշռութեան հիմը, քանի որ խնդիրները կարելի կ'ըլլար արեւելահայի կամ արեւմտահայի վերածել: Ուրիշ կէտ մըն ալ դիտել կու տայ, թէ ի՞նչ պիտի ընէ, օրինակ, Կովկասի Պատուիրակութիւնը, եթէ հոն իր կառավարութիւնը այնպիսի բան մը ընէ, որ հոս հաճոյ չթուի: Նկատել տալով, որ այս բոլոր պարագաներուն մէջ ալ այդ յօդուածը ոչինչ կրնայ փոխել կացութեան մէջ, կ'առաջարկէ ջնջել՝ քանի որ վէճի ալ տեղի կու տայ:

Պ. Թերզիպաշեան. Այս յօդուածի բանավէճը յառաջ եկաւ այն պատճառաւ, որ կրցանք համաձայնիլ միակ Պատուիրակութիւն կամ կառավարութիւն մը ստեղծելու շուրջ: Շաքաթ օրուան իւր ճառին մէջ Պ. Սհարոնեան անորոշ բառերով Դաշնակիցներուն վերագրեց այս անյաջողութեան պատճառը: Անշուշտ ըսել կ'ուզէր, թէ մեր հարցը օր առաջ չվճռուելու այն հանգամանքը արգելք եղաւ միութիւնը աքթի կերպով գլուխ բերելու, այլապէս Դաշնակիցներ ալ մէկ արգելք չէին կրնար ըլլալ, եւ մենք գիտենք, որ միակ կառավարութիւն մը չստեղծուելու արգելքը մեր միջէն էր. մենք /միտքս արագ արտայայտելու համար է որ կը գործածեմ՝ մենք, նոքա բառեր են, որք սակայն իմ ալ ականջին խորթ կը հնչեն/ ո՛չ միայն հնարաւոր զիջումներ ըրինք, այլ նաեւ վերջին պահուն առաջարկեցինք որպէս արպիթի, կանչել Պ. Աճեմեանին, որ ռուսահայ ըլլալէ զատ,- գիտէք որ ռուսահայոց ամենակարկառուն դեմքերէն է,- ըլլալով յայտնի իրաւաբան, միջազգային օրէնքներուն հմուտ, եւ միանգամայն ըլլալով երկարատեւ Տումայի անդամ եւ մէկը յայտնի կուսակցութեան մը լիտերներէն, Պ. Աճեմեան եկաւ, լսեց մեզ եւ յայտնեց եզրակացութիւն մը, որ ո՛չ միայն ընդունելի եղաւ մեզի, այլ նոյնիսկ քանի մը քայլ եւս առաջ անցանք ընդունելով Պ. Չօպանեանի առաջարկը, որ ակելի կը մօտենար ռուսահայերու միտքերուն: Եւ սակայն վերջին պահուն Պ. Օհանջանեան քաթեկորիկ կերպով յայտնեց, որ իրենք Հանրապետական կառավարութեան չունին հարկաւոր հրահանգ եւ իրաւասութիւն՝ ընել կարենալու համար այդպիսի քայլ մը: Այս յայտարարութեան վրայ էր, որ բանակցութիւնները վերջ գտան:

Արդ՝ որպէս Յանձնաժողովի մէկ անդամ ընելով այս յայտարարութիւնը այս անհամաձայնութեան առթիւ, որ մեզ բերաւ այս յօդուածին, եւ նորա շուրջ բացուած վիճաբանութեանց, եւ կ'ըսեմ, քանի որ միութիւնը մեր սիրտերուն մէջ կը մնայ, քանի որ միակ կառավարութիւն մը չկրցանք ստեղծել, քանի որ մեր յայտնած թանտանսի համար խաղաղութեան Քոնֆերանսը չէ տուած իր դրական վճիռը, տը ֆաքթօ արտաքին աշխարհի առաջ մենք կը մնանք դեռ անջատ միութիւններ: Արդէն ժողովը իւր քուէարկած բանաձեւին մէջ ըսեր է, որ մինչեւ որ հնարաւոր ըլլայ ստեղծել միակ

կառավարութիւն մը, իւրաքանչիւր կողմը կը պահէ իւր իրաւական տիտղոսը, եւ քանի որ գլխաւոր հարցերու համար նոյնպէս ընդունուած բանաձեւով պայման կը դնենք, որ կողմերը հարցերը վճռեն համաձայնութեամբ, կը հետեւի ուրեմն, որ մէկ կամ միւս կողմի համար մասնաւոր նշանակութիւն ունեցող հարցերու նկատուիլը համաձայնութիւն չգոյացած պարագային, պատկանելի կողմը իրաւական եւ բանավարական օրէնքով կու տայ իր որոշումը: Տիրէքիւններու մէջ մենք բացատրական մը եթէ չընենք իր այս բնական ընթացքով կողմերէն մէկը չկրնար բացասական դերի մէջ մնալ: Օրինակով խօսինք. եթէ վաղը հաղաղութեան Քոնֆերանսէն առաջարկուի զիջիլ հարբերդի նահանգը եւ եթէ երկու Պատուիրակութիւնները չհամաձայնին, ազգային տելեկասիոնը որուն անշուշտ պիտի ուղղուի իրաւական տոյն հարցը, չկրնար պատասխանել, թէ երկու Պատուիրակութեանց մէջ համաձայնութիւն գոյացած չըլլալու համար չեն կրնար պատասխանել: Այսպիսի պատասխան մը ապիւրտ թէզ մը կ'ըլլար, կամ եթէ Հայկ. Հանր. կառավարութեանը Շուշիի մէկ հողամասի մասին առաջարկ մը ըլլայ եւ համաձայնութիւն չգոյանայ այդ առթիւ երկու Պատուիրակութեանց մէջ: Հանրապետութեան ներկայացուցիչը դաւաճանած պիտի ըլլար իւր կառավարութեան շահերուն՝ եթէ այդօրինակ ոչ բնաթէք ընթացքով մը անցկացնէր գործին լուծումը, կամ ինքզինքը ֆոս-պոզիտիւնի մը մէջ դնէր արտաքին աշխարհի առաջ: Կարծեմ այնպիսի բնական լուծումը իմ կարծիքով կ'իյնար այն սկզբունքային հարցերու կատեգորիայի մէջ, որոնց համար նախատեսուած է պատգամաւորներու ամբողջ թիւի մեծամասնութեան քուէով լուծուելու կարգադրութիւն: Ես կ'առաջարկեմ, ուրեմն, չերկարել վիճաբանութիւնն այս հարցի առթիւ, որ իւր բնական եւ բանավարական ընթացքն ունի եւ արձանագրելով այս առթիւ եղած քուէարկութեան արդիւնքը, անցնիլ միւս օրակարգին:

Պ. Փափագեան յուզուած կը խօսի՝ յայտարարելով, որ իր խիղճը հանդարտեցնելու համար պարտաւոր է իր տպաւորութիւնները յայտնել: Մեր հարցը կը գտնուի շատ ձախող վիճակի մէջ: Կը թուի, թէ այս անգամ ալ ան չպիտի լուծուի կամ պիտի լուծուի այն ժամանակ, երբ հայ չի մնար: Ընդհանուր տիրող քաղաքական դրութիւնը, ինչպէս դուք ալ պիտի նկատեք, շատ աննպաստ է մեզի. մեծ պետութիւնները իրենց հաշիւները մաքրելու եւ առիւծի բաժին վաստկելու մէջ են, իսկ Ամերիկան կը թուի, թէ չըմբռնէր մեր ճգնաժամը, եւ վաղը միւս օրը կրնայ պայթիլ տիեզերական յեղափոխութիւնը, իսկ այն ժամանակ ոտքի տակ երթացողներու առաջինը մեր ժողովուրդն է նորէն, այսինքն վերջնական ջարդի ենթակա: Ահա՛ թէ ինչու կ'ըսեն ձեզի՝ պէտք է ճանչնալ Կովկասի Հանրապետութիւնը իբրեւ մերը եւ ոյժ տալ անոր. մեր յոյսերը մեր վրայ դնելու ենք: Ես ձեզմէ շատ աւելի գիտեմ Հայկական Հանրապետութեան թերութիւնները, բայց եւ այնպէս՝ սիրտովս եւ բանականութեամբս ըսեմ՝ եկած է վայրկեանը, որ իրական ոյժ մը ստեղծենք եւ անոր կռքնինք, մեր միակ փրկութիւնը ան պիտի ըլլար: Առաջին օրերը, երբ նոր հասած էի, բոլորովին հաւատացած էի, թէ իրար պիտի հանդիպինք իրապէս Ամբողջական Հայաստան ստեղծելու գաղափարով տողորուած: Սկիզբէն իմ ընկերներուս մէկ քանիին կողմէ տակտի պակաս նկատեցի, որով նախապաշարուն մը առաջ եկաւ, սակայն այդ իրաւունք եւ հիմք մը չպիտի ծառայէր միւս կողմին հակառակ ծայրը նետելու եւ իբր անհարազատ ընդունելու Հայկական Հանրապետութիւնը: Այս այսպէս է եւ ո՛չ որ չփորձէ արդարանալ գեղեցիկ խօսքերով կամ ժխտել ճշմարտութիւնը: Ես այսպէս, թոյլ տուիք, որ այս տգեղ եւ կորստաբեր վիճակը ստեղծուի: Մեր այս ընթացքը կը տանի մեզ դէպի անջատում, այսինքն՝ դէպի կորուստ: Եւ մէկ կողմի տիրող հոգեբանութիւնը երէկ իր արտայայտութիւնը գտաւ երէկուայ Պ. Տամատեանի ճառին մէջ, եւ ահա՛ մենք կանգնած ենք նաեւ ներքին անջատման մը, այսինքն՝ անդունդին եզրին: Անջատման թանտանքը, պարոններ, բարեբախտաբար գոյութիւն չունի ժողովուրդին մէջ, դուք միմեկ էք: Ես ժողովուրդին կողմէն կու գամ յայտարարելու այս եւ պահանջելու

ժողովուրդին անունով. մեռցնել ձեր մէջ կիրքը. ստեղծել միակ իշխանութիւն մը մէկ ժողովուրդի եւ մէկ հայրենիքի համար, որ այնքան տառապեցաւ:

Պ. Նախագահը կը յայտարարէ, թէ տիրէքիւններու խնդիրը ամբողջութեամբ վերջացած ըլլալով, յառաջիկայ միստը պիտի պատկանի Ազգային նոր Պատուիրակութեան մը ընտրութեան ըստ Համագումարի նախորդ որոշման: Ժողովը կը փակուի ժամը 8½-ին:

ՀԱԱ, ֆ. 430, ց. 1, գ. 30, ք. 1-5: Ձեռագիր: Բնագիր:

**ԳՐԱՅԱՆՈՒՄ**

Յանձնաժողովը, որուն նախագահն էր Ամեն Տ. Եղիշէ Արքեպս. Դուրեան, Անդամները՝ Պ. Պ. Վահան Փափագեան, Ս. Համբարձումեան, Վահան Թէքեան, Տոքթ. Նելուզ, Լեւոն Շանթ, Արշակ Չօպանեան /տեղեկաբեր/, խմբագրեց հետեւեալ ուղեգիրը՝ համաձայնութեամբ Ազգ. Պատուիրակութեան նախագահ Ն. Վ. Պողոս Նուպարի եւ Հայկական Հանրապետութեան Պատուիրակ Պ. Պ. Ա. Ահարոնեանի եւ Հ. Օհանջանեանի:

**Ուղեգիր**՝ կազմուած Հայ Ազգային Համագումարի կողմէն նորընտիր Ազգային Պատուիրակութեան համար:

Ազգային Պատուիրակութիւնը պաշտօն ունի. Ա. Հետապնդել Համագումարի անունով հաղաղութեան Վեհաժողովին ներկայացուցած հայկական պահանջներու Յիշատակագրին ամբողջական իրականացումը:

Բ. Նպաստել իրականացնելու Միացեալ Հայաստանի միակ կառավարութիւնը: Գ. Աշխատիլ, որ առաջին ռոպէին հայ ազգը ընդունուի Ազգերու Ընկերութեան իբր անդամ:

Այս նպատակներուն հասնելու համար Պատուիրակութիւնը ձեռք պիտի առնէ հետեւեալ միջոցները:

1. Հետապնդել ոչ-փրկեալ հայկական հողերուն հայ եւ Դաշնակից ոյժերով փութանակի գրաւումը:
2. Պահանջել Դաշնակիցներէն՝ թուրք իշխանութեանց անմիջական ու բացարձակ վտարումը բոլոր հայկական հողամասերէն:
3. Աշխատիլ հայ զինուորական ոյժերուն ստուարացման եւ զօրացման:
4. Ընել ինչ որ հարկ է ապահովելու համար ազատութիւնը մահմետականացած բոլոր հայոց՝ իրենց նախկին կրօնքին վիրադառնալու. Նոյնպէս եւ ձեռք բերելու համար շուտափոյթ ազատումը մահմետականներու մօտ գտնուող հայ կանանց եւ տղայոց:
5. Հետապնդել վնասուց հատուցման պահանջներու իրականացումը:
6. Աշխատիլ, որ հայ ժողովուրդի դէմ գործուած ոճիրին պատասխանատուներուն պատուհասման մասին Պատուիրակութեան կողմէ հաղաղութեան Վեհաժողովին եղած դիմումը դրական արդիւնքի հասնի:
7. Հետապնդել Համագումարին կողմէն վաւերացուած ելեւտացոյցին իրականացումը:
8. Նպաստաւորել ամեն կերպով հայրենիք վերադարձը բոլոր տարագիրներու եւ աշխարհի չորս կողմը ցրուած գաղթական հայոց, գտնելով միջոցներ /փոխառութեան կամ վնասուց հատուցման ի հաշիւ Դաշնակիցներէն ստանալ դուրսութիւններ ներգաղթող ժողովուրդին պարենաւորման, վար ու ցանքի, բնակութեան եւ այլնի համար/:
9. Զարկ տալ հայանպաստ լայն եւ բազմաձեւ բրոքականտի շարժման:

10. Ձեռնարկել Յայաստանի մասնագիտական ուսումնասիրության տեղագրական, վիճակագրական, արդիւնաբերական եւ այլն բաժիններով:

11. Սերտ եւ շարունակական յարաբերութեան մէջ ըլլալ Դաշնակից բոլոր ազգերու կառավարութեանց ներկայացուցիչներու, ինչպէս եւ քաղաքական առաջնորդներուն հետ:

12. Սօտ յարաբերութիւններ հաստատել ապագային մեզի սահմանակից կամ դրացի ըլլալ կոչուած ազգերու ղեկավար մարմիններն հետ /ոյրներ, սուրիացիներ, արաբներ, սիոնական հրեաներ, վրացիներ, ռուսեր, պարսիկներ, ասորիներ եւ այլն/:

13. Ազգային ընդհանուր գործունէութեան շարժում տալու, զայն կարգաւորելու եւ կապակից դարձնելու համար մշտական յարաբերութեան մէջ ըլլալ հայկական գիտուններուն հետ, երկրին մէջ ու երկրէն դուրս, թրթալցութեամբ, պատուիրակ ղրկելով: Պատուիրակութիւնը պարբերաբար տեղեկութիւն պիտի տայ ազգին իր գործունէութեան մասին լայն գծերով:

14. Պատուիրակութիւնը պարտաւոր է ի նկատի ունենալու, որ Յայ Տէրութեան օգնական նշանակուելիք պետութիւնը որոշապէս յանձնառու պէտք է ըլլայ գոհացում տալ հայ ազգին բացարձակ անկախութեան պահանջին: Օգնական պետութեան աջակցութիւնը երբեք թեւարկութեան ձեւ պէտք չէ առնէ: Միացեալ Յայաստանի միակ կառավարութիւնը իրական տնօրինող պիտի ըլլայ Յայ Տէրութեան կուլտուրական, տնտեսական եւ քաղաքական կեանքին: Օգնական պետութիւնը օժանդակողի դերը պիտի կատարէ եւ ոչինչ պիտի ընէ առանց հայ կառավարութեան հաւանութեան: Պատուիրակութիւնը պէտք է ջանայ, որ օգնական պետութեան պաշտօնավարման համար իբր maximum նշանակուած քսան տարուան ժամանակամիջոցը նուազագոյնի իջեցնէ: Պատուիրակութիւնը պէտք է խուսափի օգնական պետութեան մօտ ռեւէ յանձնառութենէ, որ կրնայ ձգտիլ տնտեսապէս լուծի տակ դնելու Յայաստանը. պէտք է վերապահէ ռեւէ տնտեսական յանձնառութիւն Միացեալ Յայաստանի միակ կառավարութեան որոշմանցը:

15. Յայաստանի սահմաններուն մէջ ապրող այլացեղ տարրերուն նկատմամբ Պատուիրակութիւնը պէտք է ընդգրկէ որոշ քաղաքականութիւն մը, զոր մեծ գիծերուն մէջ կը բանաձեւենք յայտէս:

Ա. Թուրքեր. Թէ՛ հայոց եւ թէ՛ նոյնիսկ թրքաց շահուն համար ինչպէս նաեւ ընդհանուր խաղաղութեան տեսակէտով՝ Պատուիրակութիւնը պէտք է ջանայ ընդունիլ տալ սկզբունքը, թէ Յայաստանի սահմաններուն մէջ գտնուող թուրք տարրը պէտք է փոխադրել տալ Փոքր Ասիոյ թրքական հողամասերուն մէջ, որ թուրք տէրութիւնը պիտի կազմեն, անոնց անշարժ կայքը փոխանակելով թրքական հողամասերուն մէջ գտնուող հայերուն կալուածներուն հետ կամ վճարել տալով անոնց արժէքը. պէտք է փոխադարձաբար ջանալ թրքական հողամասերուն մէջ հաստատուած հայերը տեղափոխել Յայաստան՝ նոյն պայմաններով:

Բ. Քիւրտեր. Բացարձակ թափառաշրջիկ եւ կիսաթափառաշրջիկ ցեղերը, համիտիէ գունդերուն մասնակցած քիւրտերը, կոտորածներու մէջ դեր կատարած քիւրտերը հեռացնել Յայաստանի սահմաններէն:

Երկրագործ եւ հաստատաբնակ քիւրտերը կը համարուին Յայաստանի քաղաքացիներ, պայմանաւ որ ամբողջապէս զինաթափ ըլլան. նոյն պայմանաւ Յայաստանի քաղաքացիներ կրնան ըլլալ նաեւ ղզլպաշ քիւրտերը: Եզիները պէտք է ընդունուին իբրեւ Յայաստանի քաղաքացիներ եւ բնակեցուին իրենց նախկին տեղերը:

Գ. Մուհաճիրներ. 1899-էն ի վեր մեր երկիրը բերուած ամեն ցեղէ մահմետական մուհաճիրները հեռացնել Յայաստանի սահմաններէն եւ փոխադրել տալ մահմետական հողամասերու մէջ:

Դ. Ասորիներ. Արտայայտուիլ ի նպաստ ասորիներու /Նեստորականներ, քաղդէացիներ, յակոբիկներ/ ինքնավար երկիր մը կազմելու ձգտումին իրենց բնիկ հողամասերուն մէջ:

Ե. Յոյներ. Պոնտոսի յունական շրջաններու համար ներքին կուլտուրական ինքնավարութեան մը համաձայնիլ:

### Յանձնախումբեր.

Պատուիրակութիւնը պէտք է կազմէ հետեւեալ յանձնախումբերը.

Ա. Բորբականտի Յանձնախումբ:

Բ. Ներգաղթի եւ վերաշինութեան Յանձնախումբ, որուն գործն է քաջալերել եւ կազմակերպել տարագիր եւ գաղթական հայերու վերադարձը, ապահովել դարձողներուն պարենաւորումը, երկրագործական աշխատանքը եւ այլն :

Գ. Զինուորական Յանձնախումբ, որուն գործն է նպաստել ստուարացնելու գոյութիւն ունեցող հայկական զօրագունդերը, իրականացնելու երկրին ամբողջական գրաւումը եւ այլն:

Ուղեգիծին յետագայ մասը խմբագրելու աջակցեցան Պ. Պ. Փաստրմաճեան, Տամատեան, Թէրզիպաշեան եւ Տէր-Ստեփանեան:

Ներքին Կազմակերպութիւն Ամբողջական Յայաստանի Պատուիրակութեան.

Յայ Ազգ. Պատուիրակութիւնը, զոր կը կազմեն Արեւմտեան Յայաստանի եւ Գաղութներու Ազգային Յամագումարին ընտրուած վեց /6/ անդամները, պիտի գործէ ըստ այս ուղեգիծին, ինչպէս եւ Յայկական Յանրապետութեան Պատուիրակութիւնը, որ իր կառավարութենէն հրահանգ ատացած է Յայ Ազգային Պատուիրակութեան հետ համաձայնութեամբ գործելու: Յայ Ազգային Պատուիրակութեան անդամները հաւաքաբար պատասխանատու են ազգին առջեւ: Իրենք կ'ընտրեն իրենց նախագահը: Յայ Ազգ. Պատուիրակութիւնը եւ Յայկական Յանրապետութեան Պատուիրակութիւնը, միացած, կը կազմեն Ամբողջական Յայաստանի Պատուիրակութիւնը Դաշնակից եւ ընկերակից պետութեանց մօտ:

Ամբողջական Յայաստանի Պատուիրակութիւնը պիտի ունենայ իր պարբերական նիստերը: Որոշումները պիտի տրուին երկու կողմերու համաձայնութեամբ եւ պիտի արձանագրուին: Ամբողջական Յայաստանի Պատուիրակութիւնը պիտի գործէ իբր միակ մեխանիզմ մը. ոչ մէկ յանձնառութիւն պիտի չըլլայ եւ ոչ մէկ դեպքին պիտի չկատարուի առանց երկու Պատուիրակութեանց միջեւ համաձայնութեան: Երկուքէն իւրաքանչիւրը ռեւէ անջատ դիմում պիտի չկատարէ:

Մինչեւ որ Յայաստանի մեջ կազմուի Ամբողջական Յայաստանի կառավարութիւնը, երկու Պատուիրակութիւններէն իւրաքանչիւրը պիտի պահէ իր իրական տիրուածը:

Յամահայկական դատին վերաբերեալ ամեն դիմում՝ Ամբողջական Յայաստանի Պատուիրակութեան կողմէ որոշուելէ յետոյ պիտի գործադրուի երկու Պատուիրակութեանց նախագահներուն կողմէ միասին կամ երկու խումբերուն պատկանող այլ անդամներու կողմէ, զոր պիտի նշանակէ Ամբողջական Յայաստանի Պատուիրակութիւնը:

Ամեն տօքիման կամ նամակ, որ ազգային քաղաքականութեան տեսակէտով պատասխանատու նշանակութիւն ունի, Ամբողջական Յայաստանի Պատուիրակութեան հաւանութիւնը ստանալէ յետոյ պիտի ստորագրուի երկու նախագահներէն:

Երկու Պատուիրակութեանց ընթացիկ թղթակցութիւնը պիտի ստորագրուի իւրաքանչիւր նախագահէն, ամեն մէկ կողմ միւսին տեղեկութիւն տալով այդ նամակներու միւսի մասին:

Ազգ. Համագումարի Մայր Դիւանի Ատենադպիր Գառնիկ Ֆնտզլեան	Ստորագրութիւնք՝ Առի ճշդութիւն կը ստորագրենք Անդամք Յանձնաժողովոյ՝ Ա. Չօպանեան Գ. Փաստրմաճեան Ն. Տէր-Ստեփանեան Վահան Թէքեան Վ. Փափագեան Մ. Համբարձումեան Ա. Թէրզիպաշեան
---	---

ՀԱԱ, ֆ. -430, ց. 1, գ. 28, թթ. 29-35: Ձեռագիր: Բնագիր:

**Նիստ 32-րդ**

2 Ապրիլ 1919.

Նիստը բացուեցաւ Վսեմ. Նորատունկեանի նախագահութեան տակ, 33 անդամներու ներկայութեան, ժամը 8-ին:

**Օրակարգ**

Ընտրութիւն նոր Պատուիրակութեան  
Ժողովը միաձայնութեամբ ընդունեց վեց հոգի ընտրել իբրեւ պատուիրակ:  
Ապա կատարուեցաւ գաղտնի քուէարկութիւն, 33 քուէարկուներուն կողմէ:  
Հետեւեալ անձինք ստացան հետեւեալ քուէներու թիւը.

Վսեմ. Պօղոս Փաշա Նուպար	քուէ 32
Բրօֆ. Արք. Տէր-Յակոբեան	32
Պ. Գ. Փաստրմաճեան	29
Ներսիս	26
Ա. Չօպանեան	24
Վ. Թէքեան	24
Թէրզիպաշեան	7
Մալքոյլմ	9
Վ. Փափագեան	3
Մասեհեան Խան	3
Հ. Մոստիչեան	3
Ամեն. Դուրեան Արքազան	1
Բրօֆ. Խաչատուրեան	1

Պ. Պ. Գրիգոր Յակոբեան, Տոքթ. Սայեան, Քէլէկեան Խան, Թորոսեան Հայր եւ Տէրվիշեան արդէն իսկ Փարիզէն մեկնելու ստիպուած ըլլալով, իրենց քուէները, ամէնն ալ, Դուրեան Արքազանին քով թողած էին պահարաններու մէջ, որոնք ժողովին մէջ բացուեցան:

Հետեւաբար, Հայ Ազգ. նոր Պատուիրակութեան անդամ ընտրուեցան Ա. Պօղոս Նուպար Փաշա, Բ. Բրօֆ. Ա. Տէր-Յակոբեան, Գ. Տիար Փաստրմաճեան, Դ. Տոքթ.

Ներսիս, Ե. Պ. Ա. Չօպանեան, Զ. Պ. Վ. Թէքեան: Ժողովականները ծափահարեցին նոր ընտրուած պատուիրակները:

Նախագահը թարգման կ'ըլլայ ժողովին արտայայտելով իր խնդակցութիւնը եւ շնորհաւորութիւնը նոր ընտրուած Պատուիրակութեան անդամներուն: Այսպիսի ընտրութիւն մը, որ գրեթէ միաձայնութեամբ կատարուած է, կ'ապացուցէ, թէ համաձայնութիւն, համերաշխութիւն եւ սէր, բարեբախտաբար կը շարունակեն տիրել մեր մէջ եւ այսու ապահովապէս պիտի փոխանցեն նաեւ համօրէն ազգերնուս մէջ եւ յուսանք, որ ազգային Դատը նոր Պատուիրակութեան անխնջ ջանիւք մեր յաջողութեամբ կը պսակուի ըստ կարելոյն շուտով եւ անվթար: /ծափահարութիւններ/ Պ. Ֆնտզլեան խօսք կ'առնէ եւ կ'ըսէ, թէ ըստ սովորութեան, երբ նոր մարմին մը կ'ընտրուի, նախորդին շնորհակալութիւն կը յայտնուի եւ կառաջարկէ այդ պարտքը կատարել հին Պատուիրակութեան հանդէպ: Բոլոր ժողովականները կը ձայնակցին Պ. Ֆնտզլեանին եւ ծափահարութիւններով իրենց շնորհակալութիւնները կը յայտնեն հին Պատուիրակութեան, յանձին Պօղոս Նուպար Փաշայի:

Պօղոս Նուպար Փաշա կը յայտնէ, որ զգացուած է այդ համակրական ցոյցէն, թէ ինք իր պատուական ընկերակիցներուն հետ, շատ ծանր ըրալներու մէջ, միայն պարտականութիւնն է, որ կատարած է եւ պիտի շարունակէ դարձեալ իր բոլոր կարելին ընել առաւելագոյն չափով օգտակար ըլլալու համար Հայրենիքին: Ժողովը բռուն խանդավառութեամբ ծափահարեց Պ. Վարանդեանի «Կեցցէ համերաշխութիւնը» եւ Վսեմ. Նորատունկեանի «Կեցցէ՛ Միացեալ, Անկախ Հայաստանը» կոչներուն:

Ժողովը փակուեցաւ ժամը 8½-ին:

ՀԱԱ, ֆ. 430, ց. 1, գ. 30, թթ. 6-8: Ձեռագիր: Բնագիր:

**Նիստ 33-րդ**

3 Ապրիլ 1919.

Նիստը բացուեցաւ Վսեմ. Նորատունկեանի նախագահութեամբ եւ 28 անդամներու ներկայութեան, ժամը 6-ը քառորդ անցած:

**ՕՐԱՎԱՐԳ**

Ա. Վնասուց հատուցման խնդրոյն յաւելուածական մասը  
Բ. Տրապիզոնի խնդիրը

Պ. Նախագահը ժողովին կը հաղորդէ Վնասուց Հատուցման Յանձնաժողովոյ մէկ աշխատութիւնը, ուր փաստերն ու պատճառաբանութիւնները գլխաւորաբար դասաւորուած են մեր պահանջի հատուցման համար, ու անմիջական լուծման կը կարօտին:

Կը կարդացուի նախ յաւելուածը:

Այդ մասին հետեւեալ կարծիքները կը յայտնուին:

Ա. Որ փաստերը բաւականաչափ խտացուած են, բայց խմբագրութիւնը դեռ կոկուրելու պէտք ունի, որ թէւ Գերմանիան պէտք է ուղղակի իբրեւ մեղսակից եւ պարտական բռնել մեր վնասներուն եւ հատուցման համար, բայց այդ պէտք չէ, որ թուլացնէ թիրքերուն կատարած ոճիրներն ու պատասխանատուութիւնը: Արժարժուեցաւ նաեւ այն միտքը, թէ պէ՞տք է Գերմանիայէն ու զինակիցներէն ալ հատուցում պահանջել: Ոմանք յայտնեցին, որ Գերմանիայէն պէտք է պահանջել նախ ամոր համար, որ ան իսկապէս մասնակցած է հայկական աւերներուն եւ յետոյ՝ նաեւ անոր համար, որ Թուրքիա տնտեսապէս այնպիսի խեղճ դրութեան մը մէջ է, որ մեր հատուցումէն զոնէ որոշ մաս մը առնելու յոյս ունենալու համար պէտք է Գերմանիայէն

ալ պահանջել, իսկ իր զինակիցներուն խօսքը ընելու չէ, որովհետև անոնք գրեթէ մաս չեն ունեցած մեր խնդրոյն մէջ:

Ժողովը չափազանց կարելոր է անմիջական լուծման կարօտ նկատելով խնդիրը, որոշեց յանձնել Պատուիրակութեան, որ անմիջապէս զբաղի անով, աշխատակցութեամբ՝ եթէ հարկ ըլլայ, դուրսէն կանչուած իրաւաբաններու, եւ ներկայացնէ ուր որ անկ է:

Պ. Նախագահը շնորհակալութիւն յայտնեց Յանձնախմբի անդամոց եւ մասնաւորաբար Պ. Թերզիպաշեանի՝ այս խղճի մտօք կատարուած աշխատութեան համար:

Պ. Չօպանեան տեղեկութիւն կու տայ այն տեսակցութեան վրայ, որ տեղի ունեցած էր Պոնտոսի խնդիրը պաշտպանող յոյներու ներկայացուցչութեան եւ Յամագումարին մէկ քանի անդամներուն միջեւ: Պ. Չօպանեան կ'ըսէ, որ պոնտացիները շատ մը լուծումներ առաջարկած են, բայց իրենց իսկական նպատակը եւ միտքն է ամէն ինչ ընել բացարձակ անկախութիւն ունենալու համար: Յոյները խնդիրը կը ներկայացնեն չորս ձեւի տակ եւ կը քննեն.

Ա. Ամէնէն անփափաքելին, անշուշտ, որ Պոնտոսը դեռ մնայ թիւրքերուն տիրապետութեան տակ:

Բ. Ամէնէն փափաքելի իրենց կողմէ, որ Պոնտոսը ըլլայ բոլորովին անկախ, ո՛չ մէկ կապ եւ կախում ունենալով Յայաստանի հետ:

Գ. Որ Յայաստանի մաս կազմէ, իբրեւ ներքին ամենալայն ինքնավարութիւն վայելող երկրամաս:

Դ. Իրենց միշտ կը ծանրանան իրենց բացարձակ անկախութեան ձեւին վրայ, որուն շուրջ կ'ուզեն համաձայնութեան գալ եւ որուն համար կ'առաջարկեն շատ մը գոյութիւն ունեցող ձեւեր. օրինակ՝ ունենալ այն յարաբերութիւնը, ինչ որ կայ Անգլիոյ եւ Իրլանտայի միջեւ, կամ Միացեալ Նահանգներու, կամ Զուիցերիայի գանձումներուն եւ այլն:

Պ. Չօպանեան եւ իր ընկերները միշտ կը յայտնեն, որ իրենց չեն կրնար այս խնդրոյն մասին մեծուարին մէջ արտահայտուած կարծիքներու սահմանէն դուրս ելնել: Յոյց կու տան անոնց, որ իրենց դատը շատ նոր դատ մըն է, որ կրնայ նկատի չառնուիլ, մինչդեռ հայկականին հետ միանալով՝ կրնայ լաւագոյն լուծում մը ունենալ: Կը մեղադրեն այն պայքարը, որ հայերուն դէմ Ամերիկա եւ այլուր կ'ընեն, իբր թէ հայերը էմբերիալիս ձգտումներ ունին: Կ'ըսեն, որ բարեկամութեամբ կարգադրուի այս խնդիրը, եւ վերջ տրուի այն անախորժ դիրքին, որ հայերուն դէմ բռնուած է, քանի որ Վենիզելոսին իսկ Տրապիզոնը հայերուն տրուելու համար ըրած առաջարկէն յետոյ, հայերն ալ փոխարէնը նպաստած են յոյներուն, իբրեւ ազգաբնակչութիւն յայտնելով, որ Թրակիան, Պոլիսը, Պրովանս եւ այլնը իրենց տրուի: Ի վերջոյ, կը յայտնեն, որ այս տեսակցութեան մասին պիտի հաղորդեն այս Յամագումարին:

Պ. Չօպանեան իր կողմէ կը յայտնէ, որ տեսակցութիւն մը եւս բաւ պիտի ըլլայ մեր դէմ բացուած պայքարին վերջ տալու համար:

Պ. Թերզիպաշեան կ'աւելցնէ, որ վերջին պահուն երկու առաջարկ կար. մեր առաջարկը՝ ներքին կուտուրական օթոնոմի, իսկ իրենցը՝ անկախութիւն քանթոնային դրութեամբ:

Մենք ժամանակ առինք այս երկու առաջարկները միացնել աշխատելու համար:

Բրօֆ. Խաչատուրեան ալ կ'աւելցնէ այն տեղեկութիւնը, որ ըսած են, թէ երբ առանձին էքա մը ըլլան՝ այն ժամանակ Ռիզէին վրայով անցք մը պիտի տան մեզի Սեւ Ծովու վրայ:

Իրենց միտքն է ամէն ինչ ընել անկախ ըլլալու համար, իսկ եթէ չյաջողին՝ միւս կողմէ արդէն պատրաստ ունենան Զուիցերիոյ ձեւով քանթոն մը:

Պ. Յինդլեան կ'առաջարկէ, որ ժողովը չզբաղի այս խնդրով, որովհետև փոլիթքը է այս, եւ այս ժողովը այլեւս անով զբաղելու չէ, քանի որ գրուած է Յիշատակագրին մէջ:

Պ. Մաթիկեան. Յապա կրօնակա՞ն ժողով է այս:

Պ. Յինդլեան. Սեզի համար նշանակութիւն ունեցող խնդիրն էր գիտնալ, թէ իրենք իբրեւ Պոնտոսի ազգաբնակչութիւն՝ բողոքական ի՞նչ բաղձանք ունին: Բայց քանի որ մենք արդէն նախագահ Ռիլսոնի առաջարկած սկզբունքը չենք ընդունիր՝ երկրի մը քաղաքական վիճակը որոշել տեղւոյն ազգաբնակչութեան մեծամասնութեանը արտայայտած բաղձանքին համաձայն, եւ քանի որ օթոնոմի բոլոր ցեղերուն ալ պիտի տրուի, Յամագումարը ալ դադրի բանակցութիւնները վարելէ եւ Պատուիրակութիւնը զբաղի անով:

Ժողովականներէն շատեր կը մեղադրեն տեսակցութիւն ունեցող անդամները՝ անոր կիսապաշտօնական գոյն մը տուած ըլլալուն համար, հակառակ ժողովին տուած հրահանգին, որ ան բոլորովին անպաշտօն պիտի ըլլար, եւ «Տրապիզոնը Վենիզելոսը մեզի տուաւ» ըսելու սխալը գործած ըլլալուն համար:

Պ. Թերզիպաշեան շատ կարելոր կը համարէ հարցը եւ կ'առաջարկէ Պատուիրակութեան վրայ տիրէթիւներով տրուած կաշկանդումները այս մասին քակել քիչ մը, որ ան կարելիութիւնը ունենայ գործելու եւ բանակցութիւնները վարելու: Կը գտնայ, որ Տրապիզոնը մեր կողմէ կառավարելու ձգտիլը եւթօրէի է, որովհետեւ ան առաւելապէս օտար ցեղերով բնակուած երկիր մըն է եւ պէտք չէ այդ քրիստոնեայ տարրը մեր դէմ հանել, այլ օգտագործելու է իրենց թիւրքերուն հանդէպ ունեցած ատելութիւնը: Ռիզէն եւ Աթենան մերն են, եւ այս խնդիրը բանակցութեան նիւթ չի կրնար ըլլալ:

Պ. Փափագեան կ'առաջարկէ Պատուիրակութեան տալ մտքեր, որոնցմով ան ազատութիւնը ունենայ բանակցութիւնները վարելու այնպէս մը, որ ապահովէ Սեւ Ծովն անոնց ուզած ատենը մեր առջեւ չզոցելու պայմանը: Եւ Պատուիրակութիւնը պետութեանց մօտ մտքերը մշակել յունական պահանջներու առթիւ, մասնաւոր որ Պ. Փափագեան մը կարծէ, թէ Ամերիկան ընդառաջ պիտի երթայ յունական այս պահանջներուն:

Պ. Միքայէլեան համակարծիք չէ այդ կապերը քակելու Պատուիրակութեան վրայէն, եւ կը պահանջէ, որ տրուած տիրէթիւներով մեծուարին պահանջները հետապնդէ, որովհետեւ մէկ տեղ դուռ բանալը կրնայ հետը բերել ուրիշ խնդրի առթիւ ալ դուռ բանալու հարցը:

Պ. Տէր-Ստեփանեան կ'ըսէ, որ մեծուարին մէջ այս խնդիրը ներկայացուած ձեւով՝ մենք կը ճանչնանք յոյներուն իրաւունքը Տրապիզոնի վրայ եւ ասիկա օգտակար ալ է Կիլիկիոյ խնդիրը չթուլացնելու տեսակէտէն, այնպէս որ հանգել այդ մարդիկը, որ հայկական էմբերիալիզմ գոյութիւն չունի, ձգել որ աշխատին իրենց անկախութեանը եւ եթէ չյաջողին՝ ըսել. «Ընտրեցէք մեզ կամ թիւրքերը»: Պ. Տէր-Ստեփանեան օթոնոմի եւ այլն բառերուն ալ հակառակ է, որովհետեւ եթէ մէկ ցեղին տրուի միւսներուն ալ պէտք է տրուի:

Պ. Մաթիկեան ինչպէս ամբողջ ժողովը, կ'առաջարկէ, որ Յամագումարը չզբաղի այս խնդրով, այլ՝ ձգել Պատուիրակութեան, որ Վենիզելոսին հետ բանակցութիւններ վարէ: Պ. Մաթիկեան կ'ըսէ նաեւ, որ Տրապիզոնը սերտօրէն, տնտեսապէս կախուած է մնացեալ ցամաքային մասէն, եւ եթէ անկախ պետութիւն մը հոն յաջողին ստեղծել, իրենց տնտեսական վիճակը չեն կրնար բարգաւաճել, եթէ Յայաստան չնպաստէ անոնց:

Ժողովը կ'որոշէ, որ քաղաքավարութեան համար, նոյն կողմը անգամ մը եւս տեսնուի, առաջարկելով վերցնել այդ մեր դէմի պայքարը եւ մնալով միշտ մեծուարի հողին վրայ, յայտնելով նաեւ, որ Պատուիրակութեան հետ կրնան բանակցութիւններ վարել:

ժողովը վերջացավ ժամը 8-ին:

ՀԱԱ, ֆ. 430, ց. 1, գ. 30, թթ. 9-13: Չեռագիր: Բնագիր:

**Նիստ 34-րդ**

4 Ապրիլ 1919.

Նիստը բացուեցավ Վսեմ. Նորատունկեանի նախագահութեան տակ, 28 անդամներու ներկայութեան, ժամը 5 ու կեսին:

**Օրակարգ**

Ա. Միացեալ կառավարութիւն մը ստեղծելու համար կազմուած յանձնաժողովին պատրաստած բանաձեւին ընթերցումը /բանաձեւը տես ստորեւ/

Կը կարդացուի Պ. Տամատեանի Մարտիկայէն տուած մէկ հեռագիրը, որով ցաւ կը յայտնէր յանկարծակեան մեկնումին պատճառով հրաժեշտ տալ չկրնալուն համար:

Դիւանին կողմէ կը հարցուի, թէ միստերուն արձանագրութիւնները պէ՞տք է անմիջապէս տպագրել տալ: Ժողովը յարմար չի տեսներ քաղաքական եւ ներքին ազգ. տեսակետով, այժմ հրապարակել տեղի ունեցած վիճաբանութիւնները:

Պ. Հինդլեան բռն կերպով հակառակ է անոր եւ կը պահանջէ, որ ժողովորդը մանրամասնօրէն տեղեակ ըլլար հոս արտայայտուած բոլոր միտքերուն եւ անցած դարձածին: Թէեւ խնդիրը օրակարգի նիւթ եղած չըլլար, բայց ժողովը հակառակ Պ. Հինդլեանի երկրորդ եւ այս անգամ ըստ կարգի բողոքին քուէարկութեան յանձնեց, եւ նկատի ունենալով կարգ մը անպատեհութիւնները, 18 ծայնով ընդդէմ 5-ի կ'որոշէ առայժմ շարունակել միստերուն արձանագրութիւնները եւ ժողովորդին հաշիւ տալ միայն Դիւանին ընելիք յայտարարութիւններուն սահմաններուն մէջ: Առ այս՝ Պ. Ատենադպիրը ատենագրութիւններէն քաղուած մը պիտի պատրաստէ, որ ստաշրջանի փակման օրը ժողովոյ մէջ կարդացուելով հրատարակութեան պիտի տրուի:

Յետոյ կը կարդացուի Հալեպէն եկած հետեւեալ գիրը.

«Վսեմափայլ Պօղոս Նուպար Փաշա,  
Նախագահ Հայկական Պատուիրակութեան ի Փարիզ,  
Վսեմաշուք Փաշա,

Եգիպտական «Էլ-Մագաթթան» թերթին մէջ կը հրատարակուէր Ձեր Վսեմութեան մէկ յայտարարութիւնը, որուն մէջ Կիլիկիոյ իբրեւ արեւելեան սահման կը յիշուէին Ամանոս լեռները: Այս թեթևութեամբ Մարաշի եւ Այնթապի սանճագները եւ Քիլիս դուրս կը ձգուէին Կիլիկիային:

1. Նկատելով, որ վերոյիշեալ տեղերը պատմականօրէն եւ ազգագրականօրէն կը պատկանին բուն իսկ Հայկական Կիլիկիային,

2. Նկատելով, որ այս տեղերը ռազմագիտական, առեւտրական, ուսումնական եւ երկրագործական տեսակետներով առաջնակարգ դիրք մը կը գրաւեն Կիլիկիոյ մէջ,

3. Նկատելով, որ այս վայրերու հայութիւնը վերջին քառորդ դարու ընթացքին իր հարիւր քսան հազար զոհերու արիւնովը նուիրագործած է իր սեփականութեան իրաւունքը,

4. Նկատելով, որ հակառակ թիրքի սիստեմաթիկ հալածանքներուն ու ջարդերուն, սոյն տեղերը այսօր իսկ կը պարունակեն մօտ վաթսուն հազար վերապրող հայութիւն մը,

Հետեւաբար, վերոյիշեալ վայրերուն Կիլիկիայէն անջատումը պիտի ըլլալ պատմական անէնամեծ զրկում մը եւ անդարմանելի կորուստ մը Կիլիկիային:

Ըստի, խուսափելու համար պատմական անէնամեծ անիրաւութենէ մը եւ անոր աղիտալի հետեւանքներէն, եւ խնայելու համար այսքան ստուարաթիւ հայութիւն մը նորանոր տեղափոխութիւններէն, կը խնդրենք, որ անմիջական դիմումներ ընէիք առ որ անկ է, որպէսզի Այնթապի եւ Մարաշի սանճագները եւ Քիլիս եւս մաս կազմէին նորակազմ Կիլիկիային:

Հաճեցէք ընդունիլ խորին յարգանաց հաւատստից Ձեր խոնարհ ծառաներուն:

Ի դիմաց Քիլիսի մասնախմբին, ի դիմաց Մարաշի մասնախմբին, ի դիմաց Այնթապի մասնախմբին:

Ի դիմաց Քիլիսի մասնախմբին  
Ատենադպիր Ատենապետ  
Յ. Սալեզեան Սղիկ Եւնի Գոմշեան

Ի դիմաց Մարաշի մասնախմբին  
Ատենադպիր Ատենապետ  
Յ. Քէշիշեան Սահակ Քահանայ

Ի դիմաց Այնթապի մասնախմբին  
Ատենադպիր Ատենապետ  
Սապչեան Քէնտիրճեան

Հալեպ, 2 Յունուար 1919»:

Պ. Զօպանեան կը կարդայ նոյն ուղղութեամբ ուրիշ գիր մը /տես ստորեւ գիրը/ եւ կ'առաջարկէ Յիշատակագրին յաւելուածակեան նօթով մը պատմականապէս մեզի պատկանող հայկական այս շրջանները պահանջել: Առ այս պէտք եղածն արդէն Յիշատակագրին մէջ անցած է:

Պ. Փափագեան խօսք կ'առնէ հետեւեալ յայտարարութեան համար:

Ապրիլ 1-ին նամակ մը ստացանք մեզ ընտրող մարմնէն՝ «Արեւմտահայ Խորհուրդ»-էն, զոր ստորագրած են անոր 5 անդամները. 1 անդամի կարծիքը առնուած է եւ 2 փոխանդամներ: Գրուած է Յունուար 28-ին, այսինքն՝ մեր գալէն 19 օր վերջ: Մեր մանտան, որ ներկայացուցած ենք Յանձնաժողովին, կը կրէ Արեւմտեան Բիւրոյի անդամի մը ստորագիրը, որ ստորագրած է եւ այս թուրքը, ինչ որ զարմանք կը պատճառէ մեզ:

Այս նամակով անոնք կը յայտնեն մեզ, որ մենք չենք կրնար իրենց ներկայացուցիչը ըլլալ Եւրոպայի մէջ, այսինքն՝ իրենց մանտան ետ կ'առնեն: Թողնելով ասոր դրոյապատճառներու մէջ մտնելը, որ մարդկային իսկ եւ հայկական բնոյթին մէկ գիծն է, կ'ուզեն յայտնել Ձեզ, թէ երբ մեր մանտան հոս կը քննուէր, հակառակ անոր, որ մանտան առարկութիւն չէր վերցներ, Մանտաներու Յանձնաժողովի նախագահին եւ յայտնած էի մեր ինչ պարագաներու մէջ ընտրուիլը եւ այն պայքարը, որ կովկասեան թերթերու մէջ մղուեցաւ մեր գալուն դէմ: Մենք ընտրուած ենք անցեալ Յուլիսին Հիւս. Կովկասի մէջ Արեւմտեան Խորհուրդի 6 անդամներու ժողովի մը մէջ, որ ինքն իրեն օրինաւոր յայտարարեց ժամանակի անտորմալ պայմաններուն բերմամբ: Գալով Թիֆլիս, մենք ցանկացանք Արեւմտեան Խորհուրդի մեծամասնութեամբ միստ մը գումարել՝ նոր որոշում մը տալու այս մասին, որովհետեւ այս պարզ էր, որ թրքահայերէն պէտք էր, որ ներկայացուցիչներ երթային Եւրոպա: Չյաջողեցաւ դժբախտաբար, հայ-վրացական պատերազմի պատճառով, որ փակած էր թէ՛ Երեւանի եւ թէ՛ միւս Կովկասի ճամբաները. չկրցինք գումարել, առաւել եւս, համագումար մը, ինչպէս նաեւ գոնէ քաղաքական կուսակցական ներկայացուցիչներու ժողով մը, որովհետեւ բայց կուսակցական մէ, միւսները

ներկայացուցիչ չէին կրնար տալ: Այս պայմաններու մէջ հարկադրուած եղանք բաւականաճալ նախորդ որոշումով եւ մեկնիլ:

Արդ, ժողովուրդին կը մնայ որոշում մը տալ այս մասին, քանի որ մեծ արեւմտ. կուս.-ի անդամները ըլլալով, այս վայրկեանիս անդամ ենք նաեւ այս Զամագումարին, կատարելու համար անոնց որոշումը ներկայացուցիչ չը համարուելու մասին ձեր որոշումը նախ պէտք է: Ընկերս Պ. Թերզիպաշեանը համամիտ չըր ինձի, այս նամակի մասին խօսք բանալ հոս, բայց ես ուզեցի քոնքրէք ըլլալ եւ բանալ խնդիրը:

Պ. Թերզիպաշեան. Ո՛չ մէկ օրինական նշանակութիւն չտալով այդ նամակին՝ համակարծիք չէի զայն յայտարարելու ժողովին, որովհետեւ այդ փոխանդամ ըսուածները պարզապէս քանտիտաներ են փոխանակելու համար գործող անդամներուն, որոնց ստորագրութիւնը նշանակութիւն չունի, հետեւաբար այդ նամակը օրինական չէ:

Պ. Թերզեան կ'ըսէ, որ Կովկաս ապաստանած թրքահայ փախստականներու պատգամաւորներուն կը մնայ դատել, թէ օրինակա՞ն է այդ նամակը, թէ՞ ոչ, որովհետեւ ժողովը ո՛չ մէկ դրական տեղեկութիւն ունի խնդիրը քննելու համար:

Պ. Տէր-Ստեփանեան կ'ըսէ, որ նկատի չենք կրնար առնել այդպիսի գիր մը, քանի որ Մանտաներու Յանձնաժողովը անգամ մը անոնց անդամութիւնը ժողովին վաւերացման ամառաբարկած է, եւ ժողովն ալ վաւերացուցած է:

Պ. Ֆնտուլեան յիշելով անգլիական բարլամենթին՝ նման պարագաներու մէջ դիտած աւանդական ուղղութիւնը, կ'եզրակացնէ, թէ ընտրութիւնները վաւերաճալէ ետք այս ժողովին մէջ, ո՛չ մէկ ամառաբարկութիւն ընտրողներու կողմէ չի կրնար լսուիլ:

Պ. Զօպանեան կ'ամառաբարկէ կարեւորութիւն չտալ այս նամակին, մանաւանդ որ Պ. Պ. Փափագեան եւ Թերզիպաշեան օգտակար գործակցութիւն մը ունեցած են Զամագումարի աշխատութեանց մէջ:

Ժողովը կ'որոշէ, թէ Պ. Պ. Թերզիպաշեանի եւ Փափագեանի անդամակցութեան խնդիր չկայ եւ անոնք կը մնան միշտ անդամներ:

Ժողովը կ'անցնի օրակարգին:  
Պ. Զօպանեան կը կարդայ միացեալ կառավարութիւն ստեղծելու խնդրոյն մասին պատրաստուած հետեւեալ բանաձեւը.

«Մեծարգոյ Պ. Նախագահ Ազգային Զամագումարի,  
Միացեալ Զայաստանի միակ կառավարութեան շուտափոյթ իրականացման ցանկալի գործին Զամագումարի մէկ արարքով նպաստելու մասին խորհրդակցելու համար, կը բերենք հետեւեալ ամառաբարկը.

Յանձնաժողովը նկատելով, որ ներկայ բոլորին մեծ դժուարութիւններ կան այդ իրականացնելու համար, որոշեց այդ խնդրոյն ուսումնասիրութեան շարունակումը ձգել Զամագումարին կազմելիք յանձնաժողովին, որ պիտի զբաղի Զայաստանի ապագայ կազմութեան ուսումնասիրութեամբ: Որոշեց նաեւ առ այժմ շատանալ ուղղելով կող մը հայ ժողովրդին՝ միացման անհրաժեշտութիւնը անգամ մը եւս հռչակող, եւ այդ միացումը նախապատրաստող քայլ մ'առնելով՝ այն եւ իրաւորել արեւմտահայ բոլոր հաստատները, որ ընտրեն պատգամաւորներ ապագայ համահայկական խորհրդարանին արեւմտահայ մասը կազմելու համար:

Տեղեկաբեր Ա. Զօպանեան  
Փարիզ, 3 Ապրիլ 1919»:

Պ. Զինդլեան հարց կու տայ, թէ Յանձնաժողովը գործնական ի՞նչ մտալիթէ կրնայ ցոյց տալ միացումը յայտարարելու եւ գործադրելու համար:

Պ. Փափագեան կը թուէ այն զանազան եղանակները, որոնք բերուեցան Յանձնաժողովին՝ միացեալ կառավարութիւն մը ստեղծելու համար եւ այն դժուարութիւնները, որոնք ամառաբարկ կը դժուարացնեն անոր իրագործումը: Անշուշտ լաւագոյն էր, որ թրքահայերը հոն իրենք ալ ունենային իրենց խորհրդարանը եւ

ընտրէին նախարարներ իրենց մէջէն, բայց հաղորդակցութեանց այդ դժուարին կացութեան մէջ, ամիսներու խնդիր կը դառնայ եւ միացեալ կառավարութիւնը կը ձգձգուի երկար ատեն, որուն համար Յանձնաժողովը ստիպուեցաւ բերել Պ. Զօպանեանի կարողացած այդ բանաձեւը: Եւ քանի որ ամառաբարկ չկրցանք իրականացնել միացեալ կառավարութիւնը լաւագոյն է հիմնակուրնէ պատրաստել ընտրութեանց օրինագիծը միայն. խորհրդարան ստեղծելու. ասկէ յառաջ պիտի գայ նաեւ միացեալ կառավարութիւնը:

Պ. Թերզիպաշեան կ'աւելցնէ, թէ միացեալ կառավարութիւն ստեղծելու դժուարութիւններէն մէկն ալ Զանրապետութեան ներկայացուցիչները այդ մասին մանտա չունենալու մեզի զրած յայտարարութենէն ամառաբարկ է:

Պ. Օհանջանեան Միսլ է, մենք մանտա ունինք միացեալ Զայաստան ստեղծելու աշխատելու, բայց մենք հոս կառավարութիւն կազմելու դէմ ենք:

Պ. Թերզիպաշեան. Երբ դուք սկզբունքով իրաւասութիւն ունէիք միացեալ Զայաստան ստեղծելու ուրեմն միջոցին ամառաբարկ է, որ կանգ կ'առնէք, մանտա չունիք յայտարարելով:

Պ. Օհանջանեան. Պէտք չունինք ուսում առնելու Պ. Թերզիպաշեանէն: Մենք այդպէս ենք հասկցած մեզի տրուած մանտան:

Պ. Զինդլեան կը հարցնէ, թէ Յանձնաժողովին մէջ ի՞նչ եղած է փոքրամասնութեան կարծիքը:

Պ. Փաստրամեան. Յանձնաժողովին մէջ երկու գլխաւոր կարծիք կար. ամառաբարկ անմիջապէս զոյացնել կեդրոնական կառավարութիւն, երկրորդ՝ նախ խառն խորհրդարան ստեղծել, ապա կազմել միացեալ կառավարութիւնը: Բայց որպէսզի ժամանակ չկորսուի եւ երբ վաղը միւս օր մեր հարցը լուծուի՝ մենք պատրաստ ըլլանք՝ ամառաբարկ բերուեցաւ հիմնակուրնէ պատրաստել ընտրական օրինագիծը, ցրուել ամէն տեղ եւ սկսիլ ընտրութեանց: Ասիկա է Յանձնաժողովի 5 անդամներու ընդդէմ 9-ի մեծամասնութեան ամառաբարկը:

Պ. Զօպանեան. Արդէն այս բանաձեւն իսկ ցոյց կու տայ, որ Յանձնաժողովը չէ կրցած գործնական արդիւնքի հասնիլ. այնպէս որ օգտակար չէ վէճը վերսկսիլ: Յանձնաժողովին մէջ ամառաբարկուեցաւ նաեւ այստեղէն քանի մը մարդ զրկել այնտեղի կառավարութեան մասնակցելու համար եւ որով միացեալ կառավարութիւն կազմուի: Բայց Զանրապետութեան ներկայացուցիչներուն այս մասին մանտա չունենալուն յայտարարութեան ամառաբարկ խոնարհեցանք: Ասկէ յետոյ էր, որ ընտրական ծրագիր մշակելու կարծիքը եկաւ, փոքրամասնութիւնը նկատեց, որ այժմ ատենը չէ այդպիսի ընտրութեանց սկսելու: Արդ, ձգենք խնդիրը Պատուիրակութեան, որ ան կատարէ այն, ինչ որ Յանձնաժողովը չկրցաւ ընել:

Պ. Թերզեան. Զայ ժողովուրդին ներկայ թափառական ցանուցիր ու թշուառ վիճակը, զաղութներուն ընտրութեան մասնակցելու խնդիրն անորոշութիւնը դժուարութիւններ կը նկատէ անմիջապէս միացեալ խորհրդարան մը ստեղծելու համար: Միացեալ Զայաստան ունենալու եւ միացեալ կառավարութիւն մը ստեղծելու համար, միացեալ խորհրդարան կազմելը պայման չէ: Առժամանակեայ կառավարութիւն մը, որուն մէջ արեւմտահայ եւ արեւելահայ մասերը հաւասար մասնակցութիւն մը ունենան՝ պէտք է ստեղծուի եւ կրնայ ստեղծուիլ. պատասխանատու ըլլալով ապագայ խորհրդարանին: Զիմա խորհրդարան ստեղծելու օգուտը կասկածելի է ինձի համար, բայց կառավարութեան մէջ արեւմտահայ հաւասար անդամներու ներկայութիւնը անհրաժեշտ կը նկատուի՝ ամառաբարկ միութեան գաղափարին իրականացման համար: Ներկայ օրերուն մէջ, երբ ամէն հայու գործակցութիւնը եւ համերաշխութիւնը այնքան անհրաժեշտ է, ընտրութիւնները անտեղի պայքար մը պիտի յառաջ բերեն եւ կրնան բաժնել հայութիւնը: Ասկէ զատ, երբ արեւմտահայոց մէջ նոր ընտրութիւններ պիտի ըլլան, արեւելահայերը իրենց ներկայ բարլամենթով պիտի մնան, հետեւաբար միատեսակ ընտրութեամբ չէ, որ

ընտրուած պիտի ըլլան: Իմ համոզումս այն է, որ այս պայմաններուն մէջ խորհրդարան չենք կրնար ունենալ:

Պ. Զամբարձումեան նկատել կու տայ, որ ամէն ոք համաձայն է միացեալ Հայաստան, միացեալ խորհրդարան, միացեալ կառավարութիւն ստեղծելուն եւ ոչ մէկ գլխաւոր արգելք կը տեսնէ ցոյց տրուածներուն մէջ, իրականացնելու համար այդ մեծ գործը: Ժողովուրդին ցիրուցան ըլլալը, Կովկասի խորհրդարանին եւ նոր կազմուելիքին ընտրութեանց տարբերութիւնները եւ այլնը շատ փոքր, ոչինչ արգելքներ են բաղդատմամբ այդ պատմական մեծ աքթին, որ պիտի կատարենք: Ասիկա միեւնոյն ժամանակ շատ պատասխանատու գործ մըն է, որ պէտք է Համաժողովը կատարէ, փոխանակ Պատուիրակութեան ձգելու եւ յետոյ զայն քննադատելու:

Պ. Թերզիպաշեան եւս համաձայն չէ անմիջապէս ընտրութեանց սկսելու, որովհետեւ նոր ընտրուած Պատուիրակութեան դիրքը կը խախտի եւ, յետոյ, այսպիսի քայքայուած վիճակի մէջ արդէօք որքա՞ն յարմար է ընտրական պայքար ձգել ժողովուրդին մէջ:

Պ. Շանթ հետեւեալ գլխաւոր միտքը կը շեշտէ, որ ամէն բանէ առաջ, պէտք էր որ ճանչնայինք Կովկասի հայ խորհրդարանը եւ կառավարութիւնը, յետոյ լրացնէինք, ամբողջացնէինք խորհրդարանը, ուրկէ բղխեր միացեալ կառավարութիւնը: Պ. Շանթ կը պաշտպանէ այն կարծիքը, որ զաղութներու հայութիւնն ալ պէտք է մասնակցի ընտրութեանց՝ երկու պատճառներով, նախ՝ անոր համար, որ Հայ. խորհրդարանը ընտրելու համար մասնակցած են ամբողջ Ռուսաստանի հայերը եւ, յետոյ, անոր համար, որ Հայաստան հայ չկայ եւ զաղութներու հայութեան մեծամասնութիւնն է, որ պիտի երթայ գլխաւորաբար երկրի հայութիւնը կազմելու: Պ. Շանթ կը վերջացնէ ըսելով, որ իւրաքանչիւր համագումար պատմական դեր մը ունի կատարելիք: Այս ժողովը այդ դերը կատարած չըլլար՝ եթէ միայն սահմանափակուի Վսեմ. Պօղոս Նուպար Փաշայի նախագծած աշխատանքով, այլ՝ ճանչնալ գոյութիւն ունեցող կառավարութիւնը, ամբողջացնել խորհրդարանը եւ ստեղծել միացեալ կառավարութիւնը, որով եւ ստեղծել մէկ ժողովուրդ, մէկ ազգ, մէկ պետութիւն, մէկ կառավարութիւն եւ մէկ խորհրդարան: Այս բոլորը կատարել կրնայինք, բայց չուզեցինք:

Պ. Զինդլեան. Համաձայն չեն անոնց հետ, որոնք զանազան ձեւերու տակ միացման համար կ'առաջարկեն նախարարներ նշանակել հոս՝ Փարիզի մէջ ամբողջութեամբ եւ կամ անոնցմէ մէկ քանին Երեւան ղրկելով, այնտեղի կառավարութեան մաս կազմելու համար: Յանձնաժողովի առաջարկը նոր ընտրական կանոնագիր մը նշակելու հոս թուականը ճշդուելէ ետք այս ժողովին, անմիջապէս ընտրութեանց ձեռնարկելու՝ զաղութներու եւ Թրակիոյ զանազան վայրոց մէջ գտնուած հայերու կողմէ Երեւանի բարլամենթին անդամներ տալու համար՝ նոյնպէս բանաւոր չեն նկատեր: Նոր ընտրութիւններ նշանակելով՝ այս Համագումարը կը հակասէ իր նախորդ որոշման, քանի որ Ազգ. Պատուիրակութիւն ընտրելով՝ այս Համագումարը կը մնայ համարառու անոր նկատմամբ մինչեւ Պատուիրակութեան գործունէութեան վերջը, իսկ նոր ընտրութիւններ նշանակելով՝ մենք քանդած կ'ըլլանք այս Համագումարը, անոր իրաւասութիւնն ու հեղինակութիւնը մերժած, ու ասով նորընտիր Պատուիրակութիւնը կը դառնայ անպատասխանատու մարմին մը, բան մը, որմէ ամենքս ալ ուզեցինք խուսափիլ: Եթէ ընտրութիւններ ընելով կը հասկցուի, թէ այս Համագումարն ալ կը պահէ իր գոյութիւնը, այն ատեն մենք կ'ունենանք երկու ներկայացուցչական արեւմտահայ ժողով, մին որ Փարիզ է, իսկ միւսը՝ որ Երեւան է եւ բարլամենթին մաս կը կազմէ: Ասով մենք ստեղծած կ'ըլլանք բազմաշխանութիւն մը, անիշխանութեան ամենէն սոսկալին: Չեն հասկնար նաեւ բարլամենթ մը, որուն մէկ մասը ընտրուած է Հայաստանի քաղաքացիներու կողմէ, ինչ որ է այժմեան Երեւանի բարլամենթը, իսկ միւս մասը՝ զաղութներու կողմէ, որոնք թեւ Հայ քաղաքացիներ չեն

եւ որոնք իրենց ընտրեալներէն 1000 մղոններով հեռու կը մնան: Եթէ Պ. Փաստրմաճեան կը հարցնէր շատ իրաւամբ ասկէ Երեւան ղրկուելիք նախարարներու համար, թէ որո՞ւ պիտի կոթնին անոնք հոն, ես ալ իմ կողմէս կը հարցնեմ հոս, թէ զաղութներու կողմէ ընտրեալ պատգամաւորները որո՞ւ պիտի կոթնին Երեւանի մէջ: Ասիկա բարլամենթի բարոտի պիտի ըլլայ, իրականութիւնները ֆիքսիոններով չի կարելի կառավարել, եւ ինչ որ ամենէն վտանգաւորն է, ժողովուրդէն հեռու բոլորովին անջատուած այս բարլամենթը ժողովրդապետութեան արտաքին ձեւի տակ պիտի իրականացնէ ընտրեալներու սանձարձակ համայնական տիրապետութիւնը, պարզ oligarchie մը: Հայաստանի մէկ մասին բոլորովին բացառիկ վիճակը, երբ թրքահայութիւնը ցրուած է զանազան զաղութներու եւ Թիւրքիոյ ոչ-հայկական մասերուն մէջ, այնպիսի իրականութիւն մըն է, որ մեզի ցոյց կու տայ արդէն միակ ճանապարհը, միջոցը եւ եղանակը միացեալ Հայաստանի միացեալ կառավարութեան մը ստեղծման համար: Պէտք են, հետեւաբար, արդիւնաւոր միջոցներ եւ մեթոտներ: Մինչեւ ներգաղթ կատարուիլը, մենք պէտք է առժամանակեայ կառավարութիւն մը ստեղծենք այս Համագումարին եւ Երեւանի բարլամենթին համաձայնութեամբ, հաւասար մասնակցութեամբ, որմէ ետք կը ցրուին թէ՛ այս համագումարը եւ թէ՛ Երեւանի բարլամենթը, ու մինչեւ Constituant-ի հաւաքումը, այս կառավարութիւնը, պատասխանատու ըլլալով Սահմանադիր ժողովին, կը գործէ եւ կը վարէ երկիրը վեհապետական բոլոր իրաւունքներով եւ ամբողջ ազգին վստահութեանը աջակցած ու անոր ամբողջութեանը պատասխանատու: Ասիկա, եթէ կ'ուզէ Directoire մըն է, որ Ֆրանսայի յեղափոխական շրջանին ծագում առած է եւ բոլոր նորակազմ երկիրները այս ճամփով ընթացեր են: Մենք մեր վիճակովը աւելի պէտք ունինք անոր, քան ոեւէ ազգ անցեալին մէջ եւ ներկայի մէջ:

Նիստը փակուեցաւ ժամը 8½-ին:

ՀԱԱ, ֆ. 430, ց. 1, գ. 30, թթ. 14-26: Ձեռագիր: Բնագիր:

### Նիստ 35-րդ

5 Ապրիլ 1919.

Նիստը բացուեցաւ Վսեմ. Նորատունկեանի նախագահութեան տակ, 26 անդամներու ներկայութեան, ժամը 5-ին:

### ՕՐԱԿԱՐԳ

Միացեալ կառավարութիւն ստեղծելու հարցի լուրջ վիճաբանութեան շարունակութիւնը

Տոթթ. Բարսեղեան կը շեշտէ, որ բոլորն ալ ընդունին միացեալ կառավարութիւն ստեղծելու սկզբունքը: Միջոցներուն մէջ է, որ կը տարբերինք եւ երկուք են այդ միջոցները.

Ա. Նախ ընել խորհրդարանական ընտրութիւնները եւ պապ կազմել միացեալ կառավարութիւն. Բ. Այստեղէն նախարարներ ղրկել Երեւան որպէսզի հոն կազմեն միացեալ կառավարութիւն:

Պ. Բարսեղեան բոլորովին հակառակ է Բ. ձեւին, որովհետեւ չի գիտեր, թէ նախ՝ այստեղէն ղրկուած անձերը պիտի կրնա՞ն գործակցիլ Երեւանի կառավարութեան, քանի որ այնտեղի նախարարները պատասխանատու են Երեւանի խորհրդարանին, մինչդէռ այստեղէն ղրկուածները պատասխանատու պիտի չըլլան: Հոն կայ Երեւանեան կառավարութիւնը եւ մենք այստեղէն չենք կրնար անոր ցրուիլը որոշել եւ պարտաւոր ենք մեր կարգադրութիւնները համաձայնեցնել այնտեղիներուն հետ: Պ. Բարսեղեան կ'եզրակացնէ, որ անիրաժեշտ է միակ խորհրդարան եւ կառավարութիւն ստեղծել եւ ատոր համար մենք այժմէն պէտք է Երեւանի կառավարութիւնը ճանչնանք



իբրև ընդհանուր կառավարութիւն, մշակենք ընտրական կանոնագիր եւ սկսինք, եթէ նիւթական կարելիութիւն կայ խորհրդարանական ընտրութիւններուն:

Պ. Մաթիկեան նախ ցաւով կը մեղադրէ արտասահմանի կարգ մը ղեկավար մարմիններ, որոնք ոչ միայն չճանչցան, այլեւ նախատեսին Կովկասի Զանրապետութիւնը, անոր խորհրդարանը սովետի նմանցնելով: Ապա կ'առաջարկէ անմիջապէս ընդունիլ այդ կառավարութիւնը իբրև համահայկական կառավարութիւն, ձեռնարկել նաեւ խորհրդարանի ամբողջացմանը, որմէ պիտի բխի միացեալ կառավարութիւնը, այլապէս՝ այսինքն՝ եթէ այս ժողովը չընէ այդ, կ'ըսէ Պ. Մաթիկեան, ժողովուրդը ինքը պիտի երթայ իր ձեռքովը ընելու: Պ. Մաթիկեան կը վերջացնէ իր խօսքը՝ ըսելով, որ իբր պատերազմիկ ճանչցուելու համար մենք ամէն կերպով կը շահագործենք Կովկասի կռուած ըլլալը, իսկ այժմ ոչ իսկ կ'ուզենք ճանչնալ անոր կառավարութիւնը, իբր թէ վեց դար մեր կրած թրջական կառավարութենէն ալ գէշ ըլլար:

Բրօֆ. Թումայեան դիտել տալով, որ խնդիրը արդէն առաջուց շատ ծեծուած է Յանձնաժողովին մէջ եւ թէ գրեթէ անհնարին եղած է համաձայնութեան գալ, կ'առաջարկէ վիճաբանութեան փակուս:

Պ. Միքայէեան. Պ. Մաթիկեանի կարծիքները կը պաշտպանէ, որ պէտք է, կ'ըսէ, անմիջապէս ճանչնալ Կովկասի կառավարութիւնը եւ ամէն ոչոքով օգնել փարիլ անոր: Արտասահմանի մարմինները շատ մեծ սխալ գործած են առաջին օրէն գայն չճանչնալով եւ ճանչցնելու համար ամէն ինչ չընելով: Եւ ահա առաջ եկած է տուալիզմ, տուալիզմ, որ միշտ գոյութիւն ունեցած է հայկական իրականութեան մէջ եւ որմէ թշնամիներ միշտ օգտուած են: Բայց ալ ժամանակն է, որ վերացնենք այդ, ճանչնանք Կովկասեան Զանրապետութիւնը իբրև կորիզը ապագայ միացեալ կառավարութեան եւ ամէն կերպով նպաստենք անոր: Գալով առաջացուած առարկութիւններուն՝ զանոնք կը գտնէ չափազանց երկրորդական եւ լոկ ձեւի խնդիր: Ապագային այս ժողովն ալ պատասխանատու է եւ ան ճանչնալով, ամբողջացնելով, ստեղծելով միացեալ կառավարութիւնը, պատմական մեծ գործ կատարած կ'ըլլայ:

Բրօֆ. Խաչատուրեան կը յայտնէ, որ այն բոլոր հայերը, որոնց իր ճամբորդութեան ընթացքին համդիպած է, միմիայն կը փափաքին տեսնել Միացեալ Զայաստանի միացեալ կառավարութիւն: Պ. Խաչատուրեան իր տեսակետները բանաձեւով մը դիւանին կը յանձնէ:

Պ. Օհանջանեան ցույց կու տայ, որ հայկական գաղութներու մեծամասնութեան համար Միացեալ Զայաստանի միացեալ կառավարութեան խնդիրը եական դարձած է եւ ամէնէն փափաքելին: Այդ խնդիրը երկու գործի կրնայ վերածուիլ: Ա. Գոյութիւն ունեցող Կովկասեան կառավարութիւնը իբր հիմք ընդունիլ: Բ. Այն լրացնելու, ամբողջացնելու աշխատիլ: Ի՞նչ են այս մեծ գործի կատարումին դէմ բերուած փաստերը: Այստեղի ըսուածներուն մասին ես պիտի չխօսիմ, որովհետեւ անոնց մէջ ոչ մէկ լուրջ առարկութիւն տեսայ, բոլորն ալ ձեւական խնդիրներ են: Ես պիտի խօսիմ այն քանի մը փաստերու մասին, որոնք Յանձնաժողովին մէջ արտայայտուեցան: Անոնցմէ առաջինն Պ. Աճեմօֆէ ներշնչուած է եւ որուն համաձայն թրջահայ հարցը ամբողջովին կցելով Ռուսաստանի, վտանգ կը ստեղծուի, որ երբ վաղը այդ հսկայ էմբերալիս Ռուսաստանը ինքզինքը վերագտնէ, պիտի ուզէ իր իրաւունքները վերահաստատել Կովկասի վրայ եւ եթէ թրջահայ դատը ռուսահայ դատին կցուած ըլլայ կրնայ վտանգի ենթարկուիլ:

Արդ, իմ կարծիքով, Ռուսաստանը գլխովին քայքայուած է, ան փոշիացած է եւ երբեւիցէ ապագայի Ռուսաստանը չի՝ կրնար անցեալի Ռուսաստանն ըլլալ:

Յետեւաբար, ռուսական էմբերալիզմի այդ վտանգը չկայ: Իսկ եթէ նկատի առնենք նոյնիսկ Ռուսաստանի ամբողջական վերակազմումի անկարելի պարագան, երբ եւրոպական պետութիւններուն շահերը իրեն արգելք չհանդիսանալով Ռուսաստան սկսի գրաւել Կովկասը, այն ատեն ի՞նչ կարելութիւն ունի, թէ թրջահայ

հարցը միացած է կամ ոչ Կովկասին: Ռուսիա կրնայ երթալ եւ ամբողջ Թրջահայաստանն ալ գրաւել: Այնպէս որ՝ միացումը իրաւաբանօրէն վտանգ չի ներկայացներ: Ռուսաստանը, ուրեմն, եթէ վերականգնի պաշտօնակներու ոչոքով անգամ, պոլշեիկ Ռուսաստանը այդպիսի ոչ մէկ ձգտում ունի: Իսկ գալով ռուսական միւս գլխաւոր հոսանքներուն, անոնք արդէն յայտարարած են, որ զանազան ազգերը պիտի կարենան ինքնավար կառավարութիւններ ստեղծել: Եւ յետոյ, նկատի պէտք է առնել այժմ ազգութիւններու համար գրուած սկզբունքները, Ուիլսոնի վարդապետութիւնը եւ այլն: Հին հասկացողութիւններով չէ, որ հիմա նոր աշխարհ պիտի կազմուի, նոր հասկացողութիւններով է, որ հիմն աշխարհը պիտի վերակազմուի:

Ուրիշ առարկութիւն մըն ալ այն է, որ միացումի պարագային՝ թրջահայութիւնը կը հեռացուի ռուսահայութենէն: Պ. Օհանջանեան բոլորովին անհեթեթ կը գտնէ այս առարկութիւնը եւ կ'առաջարկէ, որ ամէն հայ իր միտքէն հանէ այդ: Կը մնայ ուրեմն, կը շարունակէ Պ. Օհանջանեան, գործնականապէս եւ անմիջականօրէն միացեալ կառավարութիւն ստեղծելու դժուարութիւնը: Արդ, եթէ ճանչնանք անմիջապէս Երեւանի կառավարութիւնը ինչպէս որ է, բարոյական մեծ շահ մը ըրած կ'ըլլանք: Այդ կառավարութիւնը կրնայ, այդ պարագային, բոլոր հայութեան անունով խօսիլ: Միութիւնը Երեւան պիտի գայ, իսկ գործնական ոչ մէկ անյարմարութիւն ծնունդ պիտի չառնէ, մինչեւ որ ընտրական օրինագիծը կազմուի, միացեալ խորհրդարանը կազմուի գաղութներուն ալ ընտրութեանց մասնակցութեամբ եւ ստեղծուի միացեալ կառավարութիւն: Այն ժամանակ մասնաթէր պետութիւնն ալ երբ գայ՝ չպիտի կարողանայ նախատեսուած շահագործումները իր ուզած չափով իրականացնել:

Պ. Չօպանեան ուժգնօրէն կը շեշտէ այն միտքը, թէ ոչ ոք կրնայ կասկածիլ միացեալ կառավարութիւն մը տեսնելու համար բոլորիս ալ ունեցած անէնաջերմ փափաքին վրայ: Տարակարծութիւնը պարզապէս քաղաքական համոզումներէ յառաջ կու գայ: Յանձնաժողովին մէջ կատարուած այդ երկար վիճաբանութիւններն ու աշխատանքները ցոյց տուին, որ անկարելի էր այս մեր բերած բանաձեւէն զատ ուրիշ ելքի մը յանգիլ, ուստի կ'առաջարկեմ, քանի որ դեռ քննել կ'ուզուի այս խնդիրը, վաղը ամբողջ կազմով զբաղիլ այս խնդրով:

Պ. Չօպանեան Պոնտոսի խնդրոյն մասին Պոնտոսի յունաց ներկայացուցիչներուն հետ միասին խմբագրուած զեկոյց մը կարդաց:

Նիստը փակուեցաւ ժամը 8-ին:

ՀԱԱ, ֆ. 430, ց. 1, գ. 32, թթ. 1-5: Ձեռագիր: Բնագիր:

### Նիստ 36-րդ

7 Ապրիլ 1919.

Ժողովը բացուեցաւ Վսեմ. Նորատուրկեանի նախագահութեան տակ, 5 1/2-ին, 26 անդամներու ներկայութեան:

### ՕՐԱԿԱՐԳ

#### Ա. Միացեալ կառավարութիւն ստեղծելու խնդիրը

Օրակարգի անցնելէ առաջ, կարդացուեցաւ Պոսթոնէն՝ Դաշնակցական Կեդրոնական Կոմիտէին հասած հեռագիր մը աներկյապա պատուիրակներու ընտրութեան վերաբերմամբ, որուն, իբրև կարգադրուած խնդիր՝ ժողովը չզբաղեցաւ:

Կը կարդացուի նաեւ Պ. Մալքունի տուած հետեւեալ զեկուցումը՝ Կովկասի սովեալ դրութեան վերաբերմամբ իր կատարած դիմումներուն մասին:

Փարիզ, 31 Մարտ 1919.

/Պ. Մալքունի անգլերէն զեկույցի թարգմանութիւնը/

«Երկուք ու կես ամսոյ չափ առաջ տեղեկութիւն տրուեցաւ մեզի, թէ Յայաստան եւ մասնաւորապէս Յայ Յանրապետութեան սահմաններուն մէջ կացութիւնը խռովիչ էր: 1400000 մեր հայրենակիցներէն սովալլուկ վիճակի մէջ էին:

Երկու անապաշտօն մասնաժողովներ յաջորդաբար կարգուեցան մեր Յամագումարէն, որոնց անդամ էի, հոգ տանելու այս վիճակին, սակայն Յամագումարը այն կարծիքին էր, թէ մասնաժողովը Վսեմ. Պօղոս Նուպար Փաշայէն պէտք է ընդունի իր հրահանգները:

Այլ եւ այլ պատճառներով երկրորդ մասնաժողովին անդամներէն միայն մէկը եկած ըլլալով Նորին Վսեմութեան խորհուրդին դիմեցի, եւ արդէն քանի մը անգամներ նպաստի եւ օգնութեան համար Դաշնակիցներու Գերագոյն ժողովին ներկայացուցիչներուն մօտ գացած ըլլալով, նամակներ գրեցի այդ ժողովին թէ՛ անգլիական եւ թէ՛ ամերիկեան հատուածներուն: Նոյն ատեն՝ իրենց ղրկեցի յուշագիր մը, զոր Պ. Պ. Փաստրմաճեանի եւ Բիրալեանի տուած մանրամասնութեանց վրայ պատրաստած էի: Ասի եղաւ Փետրուար 13-ին:

Այս թուականէն առաջ, իրաւամբ աս տպաւորութիւններն ունէինք, թէ ամերիկահայերու Սուրիական Նպաստի Հիմնադրամին եղած հանգանակութիւնը շատ ակազմած էր, քան յետոյ երեսան եկածը եւ թէ D. Barton-ի նպաստի պատուիրակութիւնը շատ ակազմած խոշոր դրամական միջոցներ ունէր իր ձեռքը:

Այսուամենայնիւ, Փետր. 21-ին գրաւոր պատասխան մը առի իմ Փետր. 13-ի նամակիս, որով իմ յուշագիրին մէջ գտնուած քանի մը կէտերուն վրայ ակազմած որոշ տեղեկագիր մը կը պահանջէին: Իսկոյն հաղորդակցութեան մտայ Պ. Փաստրմաճեանի եւ Պ. Բիրալեանի հետ: Պ. Փաստրմաճեան քիչ վերջը պարտաւորուեցաւ մեկնիլ: Մարտ 5-ին /12 օր յետոյ/ կրկնակի Պ. Բիրալեանի ուղղակի ու անուղղակի դիմումներ ընելէ վերջ Պ. Ահարոնեանի ստորագրութեամբ տեղեկութիւններ առի, որոնք զգալի տարբերութիւն մը չունէին յուշագրին մէջ գտնուածներէն:

Այս նոր տեղեկութիւններէն յետոյ, նամակներն անձնապէս տարի անգլիական եւ ամերիկեան ներկայացուցիչներուն եւ վերստին նպաստի համար խնդիրք ներկայացուցի, երբ բերանացի խոստումներ ընդունեցայ նպաստաւոր նկատառման:

Երկու օր յետոյ, Մարտ 7-ին, ձեռքով ինձի բերուեցաւ նամակ մը տեղեկացնելով, թէ M. Hoover հատուածին գլխաւորը, հեռագրով հրահանգ ղրկեր էր ամիսը 5000 poco ալիւր ուտեստ ղրկելու Արեւելեան Յայաստանի, ու կարգադրութիւններ ընելու սերմնացուի համար, վերջինը Dr. Barton-ի մասնաժողովին հետ ընկերովի:

Մարտ 13-ին, Հինգշաբթի օրը, պաշտօնական յատուկ պատուիրակութիւն մը, որուն գլուխն էին Captain Tulin եւ Lieutenant Horchow մեկնեցան դէպի Յայաստան: Իրենց մեկնումէն առաջ տեսակցութիւն մը կարգադրեցի իրենց ու Պ. Ահարոնեանի միջեւ, որ ինչպէս Վսեմ. Պօղոս Նուպար Փաշա եւ Նորին Սրբ. Դուրեան հարկ եղած յանձնարարական նամակները տուին իրենց:

Նպաստի համար ծախսուած դրամի վճարումէն յետոյ պիտի որոշուի եւ կատարուի ապագայ Յայ կառավարութեան, եթէ սակայն Ամերիկա նպաստի հիմնադրամին նոր հանգանակութիւններով չդիմաւորէ այն: Հոն հասած տեղեկութիւնները ասոր նկատմամբ շատ ակազմած քաջալերական են:

Սուրիա, Միջագետք, Կիլիկիա ու շրջակայքերը եւ ուրիշ կողմեր ալ նպաստի գործին համար գոհացուցիչ տեղեկութիւններ կան: Բայց ամէնէն սուր հանգամանքը սովը կը տիրէ Յայ Յանրապետութեան երկիրներուն մէջ ինչպէս կ'երեւայ յետագայ հեռագրին պատճէնէն, զոր ընդունեցայ միջ-դաշնակցային Գերագոյն ժողովէն, Շաբաթ գիշեր, Մարտ 15-ին եւ որ արդէն կարդացուած է Յամագումարին առաջ:

«Հաց չկայ ոչ մէկ տեղ: Երեսնի մէջ 45000 հոգի առանց հացի են: Կառավարութիւնը մէկ փող մը չունի: Որբանոցներն ու զինուորները բոլոր Երեսնի մէջ

գարհուրելի վիճակի մէջ են: Ո՛չ մէկ շուն, կատու, ձի, ջորի կամ ուրիշ կենդանի կը գտնուի Իզդիրի շրջանին մէջ: Տեսանք տարագիր կիներ, որոնք իրենց մերկ ձեռքերով սատկած ձիէ մը միս կը փրցնէին ուտելու: Լուր կը տրուի, թէ օրը 30 հոգի կը մեռնի Աշտարակ, 25 հոգի՝ Էջմիածին եւ, անտարակոյս, շատ ակազմած Իզդիր ու Մարդարապատ: Երբ շաբաթ մը անցնի՝ 10000 մահ պիտի հաշուուի: Աստուծոյ սիրուն փութացէք: Պաքու ու Պաթում տեղոյն վրայ բաւական ուտեստ կայ հիմա՝ սովատանջ ժողովուրդին քիչ մը ժամանակ ողջ պահելու: Երկաթուղիները իրենց կրցածը կ'ընեն ուտեստ հասցնելու ժողովուրդին: Կը յուսանք այս փոթորիկը անցընել, բայց յոյնը մեր թշնամին է այս պահուս: Մօտ ամէնին մեզի պէտք են պաշտօնեաներ: Հաճեցէք որքան պաշտօնեայ որքան շուտ կրնաք հասցնել: Նաեւ հաճեցէք յիշել, թէ ներկայ ուտեստի ամբարնիս շատ շուտով կը հատնի, ուստի նոր վարկենական ու ստիպողական է»:

Այս հեռագիրը ստանալուս ի վեր երկու դիմումներ ըրի եւ տեսակցեցայ պաշտօնական անձերու հետ, որոնք ըսին, թէ իրենց կրցածը կ'ընեն ու մեզի պիտի տեղեկացնեն:

Մարտի 24-ին հետեւեալ նամակը ստացայ.

«Սիրելի Պ. Մալքում,

Կը յիշէք, թէ Մարտ 20-ին Պոլիս Պ. Հայնցին հեռագրեցինք՝ առաջարկելով Մօտաւոր Արեւելքի Նպաստի Մասնաժողովին միանալ Քուպանի շրջանէն հագուստ եւ ուտեստ ղրկելու փոխարէն սերմնացու ստանալու պայմանով: Կը ցաւիմք ձեզի տեղեկացնելու, թէ Պ. Հայնցն պատասխան առինք, որով կ'իմացնէ, թէ իրենց հասած լաւագոյն տեղեկութեանց համեմատ հիմա այլեւս չափազանց ուշ է այս առաջարկուածը գործադրելու, որովհետեւ հաւանօրէն այս եղանակին ցանքին համար ժամանակին չպիտի կրնայ հասնիլ ցորենը: Խորապէս ցաւելով, որ այս նպաստի միջոցին օգնելու մեր անկեղծ ջանքերը ի դերել եղան,

Մնամք՝

Ձերդ ճշմատապէս՝

Ամերիկեան Նպաստի Վարչութիւն

/ստորագրուած/ E. A. Geden

Մարտ 25-ին վերագրեալ խնդրոյն համար Mr. N. Geden-ը տեսայ եւ զիս վստահեցուց, թէ որեւէ պարագայի ամիսը 5000 poco ուտեստ պիտի ղրկուի Արեւելեան Յայաստան: Յոյս յայտնեց, թէ սերմնացու եւս պիտի ղրկուի աշնան ցանքին համար, թէպէտ կը ցաւէր, թէ անկարելի գտնուեցաւ զարմանացանքին համար ղրկել:

Գլխաւորելով պարտիմ ըսել, թէ իմ բոլոր դիմումներուն եւ ջանքերուն ընթացքին, երբ պէտք եղաւ՝ կատարեալ օժանդակութիւնը եւ գործակցութիւնը վայելեցի Mr. Arthur Curtes James-ին, Dr. Barton-ին՝ Ամերիկեան Նպաստի Մասնաժողովին Փարիզի ներկայացուցիչն եւ անկեղծ համալրուած Mr. Geden-է, Captain Tulin-է, Mr. Louis Arauss-է, Փարիզի Ամերիկեան Պատուիրակութեան ուրիշ անդամներէ:

Բոլոր նամակներն ու վաւերաթուղթերը Յամագումարի ուզած ատեն կրնանք ներկայացնել:

James Malcolm.

Ծանօթութիւն. Երկու ամիս առաջ հասած Հայ. Ազգ. Պատուիրակութեան ձեռքը գտնուած տեղեկութեան համեմատ՝ պէտք եղած ամբողջ ցորենը կրնայ ստացուիլ Քուպանի շրջանէն, եւ մաս մը արջառ՝ Վրաստանէն ու Հարաւային Ռուսաստանէ կրնայ գնուիլ: Պատրաստ գնուած ցորենը, թէպէտ փոքր է ստոր քանակը, մօտակայ ներքնաշխարհէն կրնայ դիւրաւ բերուիլ ծովեզերք /Նովոռոսիյսկ/ հոնկէ բեռնուելու Պաթում՝ տառապեալ շրջաններուն ամէնէն մօտիկ նաւահանգիստը: Բայց հարկ պիտի ըլլայ ապահովութիւններ տալ Զօրավար Տենիքինի, թէ արտահանուած ցորենը չպիտի ղրկուի Վրաստան:

Վերջերս իմացուած գինը ցորենի, որ տառապեալ շրջաններու մէջ կրնայ ձեռք բերուիլ՝ փուտը 150-էն 220 ռուպլի է:

Քուպանի շրջանին մէջ ցորենի գինն է փուտը 25-էն 30 ռուպլի: Մէկ փուտը 36 լիպրա է:

Բաշխումը ամիսը 1 1/2 փուտ կը հաշուուի մարդ գլուխ:

Այդ շրջաններուն մէջ ցորենի հունձքն է 7-9 պատիկ:

Յայ. Ազգ. Պատուիրակութիւնը պատրաստակամ է դրկել վստահելի ու ձեռնհաս անձեր, որ օգնեն պարենի գնումին ու բաշխումին մէջ:

Բազմաթիւ պարագաներու մէջ ժողովուրդը վճարմամբ պիտի ստանայ պարէն ու ո՛չ թէ ձրիաբար իբր ողորմութիւն:

Ի վերջ բանի, կրնայ ըսուիլ, թէ թեպէտ այս բանակցութիւնները բաւականաչափ հաջողութիւն գտած են, պարտականութիւն է մատնանշել, թէ Արեւելեան Յայաստանի կացութիւնը տակաւին կը մնայ շատ ծանրակշիռ: Փետր. 11-ի յուշագրին կցուած պատճէնէն կը տեսնուի, թէ Ամերիկեան Նպաստի Յանձնաժողովին վեհանձնօրէն խոստացած ամսական 5000 բոսո ալիւրը եւ ուտեստը շատ փոքր մասը կը կազմէ սնունդի համար հարկաւոր քանակութեան /դուրս ձգելով սերմնացուն/. հայ ազգին գրեթէ կէսին վրայ վերահաս ահաւոր վտանգին առաջըը առնելու համար, մինչդէռ դեռ իրօք ոչինչ եղած է մեր հայրենակիցները պաշտպանելու ժամտախտի կոտորածներէն եւ պատերազմի մշտակայ վտանգներուն դէմ: Պէտք չէ, որ հարկ ըլլայ մատնանշել, թէ մեր ժողովուրդին կեանքերը նոյնիսկ աւելի թանկագին են, քան անկախութիւնը, որուն համար կը շարունակեն դիւցազնօրէն տառապիլ: Պէտք է յիշել, թէ ամէն տեսակետով եւ ամէն բանէ աւելի ժողովուրդն է, որ կարելոր է ու էական:

Կը յուսամ, որ Յանձնաձումարին անդամները, Պատուիրակութիւնը, Յանրապետութեան ներկայացուցիչները կ'ըմբռնեն իրօք գարհուրելի կացութիւնը եւ կը ձեռնարկեն ընել անյապաղ ինչ որ հարկ է՝ մեր ցեղին գրեթէ բնաջնջման առաջն առնելու համար:

Այս օրս աս է ամէնէն կարելոր խնդիրը:

Դաշնակցաց դատին մէջ տառապած ու պատերազմած ըլլալով՝ չի կարելի ու պէտք չէ, որ ձգուիինք սովամահ ըլլալու:

Դիւանը շնորհակալութիւն կը յայտնէ Պ. Մալքոլմի եւ ապա ժողովը կ'անցնի օրակարգի:

Պ. Թէքէեան հետեւեալ պատճառները կը ներկայացնէ այժմ ընտրութիւնները անկարելի դարձնող: Գլխաւորն այն է, որ հողը չունինք, երկիրը դեռ մեզի չի պատկանիր, որն է դուրս մեծ մաս մը կայ ժողովուրդին, որ իր կամքը չպիտի կրնայ արտայայտել:

Յետոյ շատ անբնական դրութիւն մը պիտի ըլլար, որ ժողովուրդը հեռու ըլլար իր ընտրած բառըմանէն:

Երեւանի խորհրդարանին եւ մեր ընելիք ընտրութիւնները նման չպիտի ըլլան, հետեւաբար անոնց միացումը բառըման չի կրնար կազմել: Ուրիշ պատճառ մըն ալ այն է, որ ժողովուրդին այս սպառած եւ քայքայուած վիճակին մէջ օգտակար չեն տեսներ պայքարը, որ ամէն ընտրութիւն իր հետ կը բերէ: Գալով միացեալ կառավարութեան խնդրոյն, ես հետեւեալ արգելքները կը տեսնեմ: Թրքահայ կառավարութիւն մը ստեղծելու իրաւունքը չուզուցաւ մեզի ճանչնալ: Բազմաթիւ արգելքներ յարուցանուցան այդ առթիւ: Ուրեմն, երբ մենք կառավարութիւն ստեղծելու իրաւունք չունինք, ինչպէ՞ս կընանք եղած կառավարութիւն մը ճանչնալ, որ աւելի ծանրակշիռ բան մըն է եւ որով երկու իղծերէն մէկը բոլորովին ջնջած կ'ըլլանք: Եթէ այս ժողովը իրաւասու է այս խնդիրը լուծելու, այն ժամանակ առաւել եւս իրաւասու է թրքահայ կառավարութիւն ստեղծելու:

Երկու խօսք նաեւ «ապտորպէ» բառին առթիւ, որ ես արտասանած եմ առաջին անգամ եւ այնպիսի առթիւ մը, որ ան երբեք չէ ունեցած հիմա իրեն տրուած իմաստը:

Եթէ Յանձնաժողովին մէջ կ'առաջարկուէր կառավարութիւն ստեղծել, երբ ան չընդունուեցաւ եւ առաջարկուեցաւ այստեղէն մարդիկ նշանակել եւ դրկել, եւ երբ այս ալ չընդունուեցաւ եւ առաջարկուեցաւ եղածն ընդունիլ, այն ժամանակ էր, որ ես ըսի, թէ այս միութիւն չէ, այլ՝ ապտորպիսի է արդարեւ: Բայց ես չյայտնեցի, թէ ան օգտակար է, վնասակար է կամ աննպատակայարմար: Իսկ ես գլխաւոր մէկ արգելքը Կովկասի կառավարութիւնը ճանչնալուն այն կը նկատեմ, որ Յայկական Յարցը ռուսական հարց մը չէ, այլ՝ Դաշնակիցներուն գբաջած եւ միջազգային խնդիր մը: Երբ տանէինք ու զայն բոլորովին միացնէինք ռուսական հարցին՝ ան իր ծանրութենէն շատ կը կորսնցնէր ինչպէս եւ իր յատկութիւններէն ու ռեֆերանսներէն, որոնք 30 տարիներու չափազանց դաժան փորձութենէ մը յետոյ ստացուած են: Այս վախն է, որ մեզ կը վարանեցնէ միութիւնը յառաջ բերել եղածը պարզապէս ճանչնալով: Իսկ ո՞րն է այն օգուտը եթէ այդ յայտարարութիւնը կատարենք: Պարզապէս մօրալ օգուտ մըն է, որ արդէն ստացած ենք միութեան այն աքթերով, որ կատարուած են մեծորանտումին մէջ՝ երկու նախագահներուն ստորագրութեամբ, միասնաբար կատարած դիմումներովը եւ զայն մեր բաղձանքներուն ամէնէն մեծը ընելով մեծորանտումին մէջ: Իսկ պաշտօնական աքթը նոր բան մը չաւելցնէր այս օգուտին վրայ եւ սակայն կրնայ իր հետը բերել վերը յիշուած ծանրակշիռ վնասները:

Պ. Ֆնտոզեան նախ իր խորին ցաւը կը յայտնէ այն յայտարարութեանց դէմ, որոնք կարգ մը ժողովականներու՝ Կովկասի Յանրապետութեան դէմ անտարբերութիւն կը մեղադրեն: Պ. Ֆնտոզեան կ'ըսէ, թէ եթէ նոյնիսկ Յայաստան որեւէ մէկ հողամասին վրայ պատկանէր եւ անկախ ըլլար՝ պաշտամունքին առարկան պիտի դառնար: Ասոր իբրեւ փաստ կը բերէ մեր ունեցած գուրգուրանքը կիսանկախ Չէթունիին համար: Այլ տարբերութիւնը պարզապէս թաքթի պատեհակութեան եւ գնահատումի խնդրոյն մէջ կը կայանայ:

Պ. Ֆնտոզեան կը հարցնէ նաեւ՝ որ կարելի չէ՞, որ Ռուսաստանը դառնայ ֆետերաթիֆ պետութիւն մը, եւ ֆետերաթիֆը պարտադիր դառնայ ամբողջ Յայաստանին, երկու հարցերը նախապէս միացած ըլլալով: Ասկէ գատ, խնդիրը լոկ մեր ներքին կեանքին հետ կապ չունի, այլ՝ արտաքին աշխարհի, դիւանագիտական աշխարհի հետ կապ ունի: Պէտք է գիտնալ Դաշնակից պետութեանց ներքին մտաւորութիւնը, թէ ինչ վերաբերմունք պիտի ունենան մեր դատին հետ, երբ մեր թրքահայոց արդէն ճանչցուած եւ գնահատուած դատը կցուի ռուսահայոց, երբ Ռուսաստանի խնդրին առայժմ մոտենալ իսկ չեն ուզեր, կը յիշեցնէր Լորտ Քրզընի Անգլիոյ արտաքին գործոց նախարարին նամակը նաեւ միւս Եմիլի Ռօպբեսիոյ այնքան ցուրտ տպաւորութիւն ըրավ, եւ որուն մէջ բացայայտ կըսէր թէ Կովկասը դեռ Aechniguc կերպով թշնամիի գրաւուած երկիր կը նկատուի եւ չկրնար տոյլատրիլ: Թղթակցութեան կամ դրամի առաքում Կովկաս: Բայց Պ. Ֆնտոզեան կ'առաջարկէ այժմեանէ իսկ սկսիլ ընտրական օրինագիծը պատրաստել՝ ժամանակ չկորսցնելու եւ միացեալ խորհրդարան ու ապա կառավարութիւն ձեռնարկելու համար:

Պ. Մաթիկեան գլխաւորաբար Պ. Թէքէեանի առաջարկութիւնները անհիմն եւ շատ թոյլ կը գտնէ՝ չիրականացնելու համար այնքան մեծ նշանակութիւն ունեցող միացեալ կառավարութեան գործը: Ամբողջ ժողովուրդը ատոր կը փափաքի, կ'ըսէ Պ. Մաթիկեան, եւ մենք մինչեւ հիմա արդէն զայն ճանչցած չըլլալով՝ մեծ սխալ գործեցինք ու դեռ կ'ուզենք շարունակել այդ սխալին մէջ մնալ: Պ. Մաթիկեան կը վերջացնէ ըսելով, որ պէտք է ամնիջապէս ճանչնալ Կովկասեան կառավարութիւնը, ամէն ինչ ընել, որ միւս պետութիւններն ալ ճանչնան եւ դատեն, որ մեր տուած որոշումները կրնան արդիմաւորապէս իրականանալ:

Պ. Միքայէլեանը ցոյց կու տայ, որ ճանաչումը արդէն մեծորանտումէն կը բխի: Յետեւաբար, ճանչնալու կամ չճանչնալու պարագային մէջ ալ՝ մեր դատը ռուսական հարցին կցուելու վտանգը նոյնը կը մնայ: Արդ, քանի որ սկզբունքով ընդունած ենք այդ, հետեւողական ըլլալու համար, պէտք չէ վարանիմք նաեւ գործադրութեան մէջ:

Ընդհակառակը, մենք պետք է այդ կատարուած իրողութիւն դարձնենք եւ երբ վաղը Ռուսաստանը մեզ տեսնէ միացած, ուժեղ եւ կազմակերպուած, ստիպուած է նկատի առնել: Եւ այդ ամբողջական գաղափարի սկզբունքին համար երկու մասերը իրարու պաշտպան պետք է կանգնին:

Պ. Միքայելեան կը վերջացնէ ըսելով, որ աքթը միեւնոյնն է: Մեծորանտումին մէջ սկզբունքով ընդունիլ գաղափարը, ապա ընտրութեանց սկսիլ միայն: Կամ այստեղէն մարդիկ երթան միութիւնը յառաջ բերելու, կամ համամիտ ըլլալ, որ մէկ քանի ամիսէն սկսին ընտրութիւնները: Ուրեմն, այս ժողովը կիսատ ծամբաներ չի կրնար բռնել. կամ այն է, որ պիտի ժխտէ այս կամ այն ձեւով միացեալ կառավարութիւնը յառաջ բերելու գործը եւ կամ պիտի ընէ այն մեծ աքթը, որ պիտի հաստատէ ստրկութեան 6 դարերէ ի վեր մեր կորսնցուցած դիրքը:

Պ. Չօպանեան Կովկասի Զանրապետութեան պատգամաւորները կը մեղադրէ, որ իրենց հասած օրէն իսկ խնդիրը այս ձեւին մէջ չդրին, որով եւ այն ժամանակ չքննուեցաւ: Ընդհակառակը, անոնք ըսին պարզապէս, որ եկեր են Պատուիրակութեան հետ միասնաբար գործակցելու համար եւ բաժանումը մինչեւ այսօր մնաց ու նուիրագործուեցաւ մեծորանտումի երկու ստորագրութիւններովը, իրենց տեսակցութիւններովը եւ այլն, եւ այսօր այսպիսի մեծ թէզ մը կը դրուի մեջտեղ: Եթէ այս վիճաբանութիւնները պիտի ըլլար, այն օրն է որ պետք էր տեղի ունենար: Պ. Ահարոնեան կ'առաջարկէր, որ փափկանկատութեան համար է, որ առաջին օրէն իսկ խնդիրը մեջտեղ չէ դրուած այս ձեւով եւ մեծորանտումը երկուքին կողմէ ստորագրուած է: Բայց այսպիսի ծանրակշիռ խնդրոյ մը մէջ ինչպէ՞ս կարելի է փափկանկատութեան առարկութիւններ ընել: Իսկ գալով բուն խնդրին՝ եւ դարձեալ կը կարծեն, որ միակ ելքն է հաւաքուիլ նորէն այս բանաձեւին շուրջ, որ արտայայտուած բաղձանքներէն ոչ մէկուն ալ դէմ է եւ կը թոյլատրէ ոեւէ մէկուն ալ իրականացումը: Գլխաւոր երկու հակաթէզեր կային. առաջինը՝ այն, որ կը պաշտպանէր ճանջնալ Կովկասի կառավարութիւնը իբրեւ արդէն իսկ համահայկական, իսկ երկրորդը՝ որ կ'ըսէր, թէ Զայաստանին մէկ մասը կայ, որ ազատուած է ու իր կառավարութիւնն ունի, միւս մասն ալ կ'ունենայ իր կառավարութիւնը, որոնք երբ յարմար ժամանակը գայ՝ կը միանան: Արդ, երբ համաձայնութիւնը անկարելի կ'ըլլար, եւ կ'առաջարկէր այս բանաձեւին նախ ողջոյնի եւ սիրոյ խօսքը հանդէպ Կովկասի կառավարութեան եւ թելադրել անմիջապէս Երեւանի Արեւմտահայ ժողովին, որ լրացնէ Կովկասեան խորհրդարանը եւ ան ալ ընտրէ միացեալ կառավարութիւնը: Երբ ասոր դէմ ալ ուշ ըլլալու եւ այլ առարկութիւններ եղան, այն ժամանակ էր, որ Պ. Փաստրմաճեան առաջարկեց ասկէ նախարարներ դրկել, որով հոս պիտի ունենային միացեալ մէկ պատուիրակութիւն եւ հոն ալ մէկ միացեալ կառավարութիւն: Այս քոնկրէն պիտի հռչակէր, որ Երեւան ժամանակաւոր մայրաքաղաք է, որ հակառակ հայերու կամքին դեռ ամբողջական Զայաստանը ունենալ չկրնալուս համար՝ ստիպուեր ենք ժամանակաւորապէս հոն ընել մեր մայրաքաղաքը: Երբ այս ձեւն ալ չընդունուեցաւ, այն ժամանակ էր, որ բանաձեւեցինք այս գիրը եւ խնդիրը ուղեցինք ձգել Պատուիրակութեան, որ թերեւս լուծում մը յաջողէր գտնել: Խնդիրը այս վիճակին մէջ էր, երբ ընտրութեանց օրինագծի մշակման հարցը դրուեցաւ հոս եւ որ իր հետ բերաւ ամբողջ խնդիրը: Պ. Չօպանեան բուն կերպով միշտ կը հերքէ այն կարծիքները, որոնք չկանութիւն կը տեսնեն խնդրին լուծման մէջ: Անոր բուն հիմը հոն չէ, հոն որ Զայկական Զարքը հիմնուած է թրքական բարբարոսութիւններուն ու լուծին վրայ եւ որուն համար կան միջազգային աքթեր, միջազգային անցքեր, որոնք աւելորդ է յիշել: Զայկ. Զարք ըսելով, բոլոր պետութիւններն ալ զայն միացած կ'ընկատեն թրքական խնդրոյն եւ ինչ որ շատ լաւ երեւան կու գայ այն պատասխանին մէջ, որ ամերիկեան կառավարութիւնը տուած է Պ. Փաստրմաճեանի՝ Զայկական Զանրապետութիւնը ճանջնալու եւ հայերը պէլիժերան ճանջցնել տալու իր դիմումին:

Պ. Փաստրմաճեան ճշդում մը կ'ընէ՝ ըսելով, որ պետական անձնաւորութիւններ միշտ խորհուրդ տուած են, թէ պետք է Զանրապետութիւնը առաջ քշել պէլիժերան ճանջցունելու համար:

Պ. Չօպանեան կ'ըսէ, որ պէլիժերան ճանջցունելու համար պետք էր Զանրապետութեան հռչակումէն առաջ ու մանաւանդ առմիստիսէն առաջ աշխատելը՝ հիմնուելով ամբողջ հայ ժողովուրդին պատերազմին սկիզբէն իսկ Դաշնակիցներուն մատուցած ծառայութեան վրայ: Արդ, այս բոլոր մեր բաղձանքները դարձեալ կ'արտայայտուին մեր բանաձեւովը, այսպէս կամ այնպէս Թրքահայաստանի ազատագրումը եւ պիտի կատարուի, կը մնար մեզի բաղձանքը յայտնել, որ մեր բուն փափաքն է տեսնել Կովկասեան Զայաստանի միացումը Թրքահայաստանին: Թրքահայաստանը անպատճառ պիտի կազմուի իբր ազատ երկիր: Արդ՝ եւրոպական պետութեանց շահուն համար իսկ, ատոր շնորհիւ կը վերնայ ռուսական վտանգը Կովկասեան Զայաստանի համար, որովհետեւ եթէ նույնիսկ Ռուսաստանը այսպիսի մեծ գրաւումներ ընելու չափ զօրանայ, այդ շատ ուշ պիտի ըլլայ եւ մտածել Թրքահայաստանը գրաւել՝ Անգլիան երբեք թոյլ չի տար զայդ: Պ. Չօպանեան նորէն կ'առաջարկէ համախումբովի այդ բանաձեւին շուրջ:

Պ. Գինդեան. Անգամ մը եւս հոս կը շեշտուի համերաշխութեան եւ համաձայնութեան անհրաժեշտութիւնը՝ բերուած առաջարկին առթիւ: Շատ բաղձալի է, որ խնդրի նկատմամբ եւս այս ժողովը համերաշխ արտայայտութիւն մը ունենայ, սակայն երբ մերձեցման կէտեր չի գտնուին հակառակ ըմբռնումներու միջեւ, բնական է, որ համերաշխութիւն չի կրնար գոյանալ համոզումներ եւ հասկացողութիւններ գրկելով: Բռնագրօսիկ համերաշխութիւն մը չէ, որ մեզ պիտի միացնէ հոս եւ նամանաւանդ ասկէ դուրս: Բաւական է միայն գիտակցութիւնը ունենանք, սակայն ճշգրիտ եւ ամբողջական գիտակցութիւնը այն խիստ պատասխանատու շրջանին, զոր կ'ապրինք այսօր, եւ միւս կողմէ համեստ ըլլանք ամէն մէկու տրուած հարցին առթիւ մեր ունեցած ձեռնհասութեան մէջ, որպէսզի իրական համոզումներ ունենանք՝ կանխակալ կարծիքներու եւ նախասիրութիւններու տեղ: Վիճելու ատեն չէ հիմա եւ ոչ ալ քաղաքական փորձերու /էքսպերիմենթներու/:

Կ'առաջարկուի այս ժողովին մասնակցող մէկ քանի անդամներէն, - քաղաքական հոսանքի մը ներկայացուցիչներէն, - որ Զանրապետարն իր միտերը փակելէ առաջ՝ Միացեալ Զայաստանի մը ստեղծման համար՝ Երեւանի Զայ Զանրապետութիւնը հռչակէ ամբողջ հայ ազգին, իբր բոլոր հայերուն միակ կառավարութիւնը:

Այս առաջարկը պետք է քննել միակ տեսակէտէ: Նման ուղղութիւն մը, ընթացք մը այս Զանրապետարն կողմէ որքա՞ն կրնայ օժանդակել եւ ինչքա՞ն ձեռնտու է զօրացնելու մեր միջազգային դիրքը ներկայ քաղաքական պայմաններու մէջ, եւ ի՞նչ ազդեցութիւն կրնայ ներգործել մեր դատին յաջողութեան համար: Երբ այս տեսակէտէն քննելով խնդիրը հաստատ համոզում մը գոյացնենք եւ ամենքս ալ որոշապէս տեսնենք, թէ ասով մենք կը բարելաւենք մեր դիրքը, ուրեմն ուրիշ բան չի մնար, բայց եթէ ընդունիլ առաջարկը: Երկու օր է, որ առաջարկողները կը խօսին եւ սակայն ոչ մին մեզի ցոյց չտուաւ, չպարզեց այդ ուղղութեամբ եւ ոչ իսկ Պ. Օհանջանեան կրցաւ շօշափելի փաստ մը տալ այս առաջարկին անժխտելի եւ անվիճելի օգուտներուն մասին: Ո՞վ մեզնէ կրնայ հերքել, մերժել, որ նման ընթացք մը մեր ներքին կեանքին մէջ կրնայ նոր եւ մեծ ոգեւորութիւն մը /elan/ ստեղծել, աւելի մեծ գոհողութիւններու տրամադրութիւններ պարտադրել ազգին բոլոր միւսական եւ բարոյական ոյժերը համախմբելով: Եւ սակայն ասիկա չէ կարեւորը եւ կամ աւելի ճիշդ՝ այս օգուտը անբանական է եւ չարդարանար երբ ասիկա կ'ըլլայ ի գին քաղաքական սխալի մը՝ մեր միջազգային դիրքը խախտելով, սկարացնելով անոնց հանդէպ, որոնցմէ կախում ունի մեր հարցին լուծումը:

Եթէ Երեւանի հայ կառավարութիւնը ճանչցուած ըլլար Քոնֆերանսին կողմէ, եթէ անոր միջազգային դիրքը ճշդուած ըլլար, մի՞թէ կարելի էր կասկածիլ վայրկեան մը, որ այս Համագումարը իր առաջին գործը չպիտի նկատեր զայն յայտարարելու նաեւ իր կառավարութիւնը: Եթէ Երեւանը եւ ընդհանրապէս Հայ Հանրապետութեան կառավարութեան տիրած հողամասերը ըլլային՝ փոխան Ռուսիոյ՝ Թուրքիայի հողամասերը, վայրկեան մը չպիտի ուշանայինք միանալու եղած առաջարկին:

Հայկական Հարցը միջազգային հարց չէ: Միջազգային խնդիրը Թուրքիան է: Հայաստանը եւ Հայկական Հարցը այնքան ալ միջազգային է, որքանով որ մաս կը կազմէ Թուրքիոյ, եւ, հետեւաբար, ստորադասուած Թուրքիոյ ընդհանուր ճակատագրին, միջազգային ընդհանուր դրութեան: Ցաւալի իրականութիւն է ասիկա, սակայն տուեալը, դրական տուեալը այս է: Ռուսիան միջազգային հարց չէ եւ այս Քոնֆերանսը, բացի Բոլոճիայէն, ո՛չ միայն չզբաղիր Ռուսիոյ հարցով, այլ՝ մօտենալ իսկ անոր չուզեր, որովհետեւ չուզեր ուժանակով լեցուն տեղի մը մօտենալ:

Մեր ուղղութիւնը, եւ, եթէ կարելի է ըսել՝ մեր քաղաքականութիւնը պիտի ըլլայ դրական: Գոնէ այս անգամ, այս այնքան փափուկ եւ այնքան պատասխանատու շրջանին: Սկսած Պերլինի Դաշնագրէն մինչեւ 1914-ի ընդհանուր պատերազմը, Հայկական Հարցը միշտ եղեր է մաս թրքական հարցին. այդ տեսակետով մենք որոշ ստացուած իրաւունքներ ունինք՝ նոյնպէս արիւնով եւ զոհերով շահուած: Անոնց վրայ պէտք է հիմնուինք, իսկ ընդհանուր պատերազմէն մինչեւ Armistice եւ անկէ վերջ մինչեւ այսօր, նոյնպէս նոր շահուած իրաւունքներ ունինք, որոնք զխաւոր առանցքը կը կազմեն մեր այսօրուան պահանջներուն: Ընդունիլ եղած առաջարկը, որ կու գայ Պ. Բրոֆ. Խաչատուրեանէ եւ իր համախոհ ընկերներէն՝ կը նշանակէ շրջել զլիսիվայր այս ամենը եւ փոխադրել մեր իրաւունքներուն ծանրութեան կեդրոնը այլ տեղ, Հայկական Հարցէն Ռուսական Հարց չիմել: Այսքան խիզախ քայլի մը պատասխանատուութիւնը ստանձնելու քաջութիւնը կը պակսի ինձի:

Կրնայ առարկուիլ, թէ եղած առաջարկը չի փոխեր մեր ուղղութիւնը եւ Երեւանի հայ կառավարութիւնը նոյնքան կրնայ այս իրաւունքներու հիման վրայ մեր պահանջները հետապնդել, որքան Ազգ. Պատուիրակութիւնը, որ այս ժողովէն կ'ընտրուի:

Ճիշդ պիտի ըլլար թերեւս առաջարկութիւնը, եթէ նկատի չառնուէր, որ զուտ ռուսական հողամասերու մէջ հիմնուած պետութեան մը կառավարութիւնը, հիմնաւոր բոլորովին նոր քաղաքական ժողովներու վրայ, որոնք դեռ ո՛չ մէկ միջազգային sanction-ը չունին, չի՛ կրնար այլ պետութեան մը հանդէպ, Թուրքիոյ նկատմամբ այն զօրաւոր դիրքը ունենալ, ինչպէս նոյն պետութեան մինչեւ երէկ մասը կազմող եւ ասկէ վնասուած, հալածուած եւ ջարդուած ժողովուրդը, զայն ներկայացնող Ազգ. Պատուիրակութիւնը, որ /ասիկա երբեք չպէտք է սոռնանք/ 4-5 տարիներէ ի վեր անվիճելի իրաւունքը ունի խօսելու, պահանջելու եւ բանակցելու Խաղաղութեան Վեհաժողովը կազմող չորս մեծ պետութեանց հետ:

Պ. Չօպանեան կը կարծէ, թէ եթէ հարկ եղած աշխատանքը ըլլար՝ հայերը կրնային աթոռ մը ունենալ Խաղաղութեան Վեհաժողովին մէջ եւ օրինակ կու տայ չեխօ-սլովաքները: Չեն գիտեր որքան ճշգրիտ կրնար ըլլալ իր մատուցումը, սակայն, օրինակը համոզիչ չէ, որովհետեւ չեխօ-սլովաքները մաս կը կազմեն Աւստրո-Հունգարիոյ, իսկ այդ երկրին հանդէպ imperialist միտումներ չունին այն պետութիւնները, որոնք Թուրքիոյ մէջ դարձ մը ի վեր միշտ իրենց ապագայ ժառանգութիւնը տեսեր են: Որքան զգոյշ պիտի ըլլանք մենք այսօր մեր քաղաքականութեան մէջ, նկատելով որ ո՛չ միայն մեր թշնամիները այլ՝ բարեկամներն իսկ, իրենց աշխարհակալական ձգտումներէն առաջնորդուած, այնքան տրամադիր չեն կրնար ըլլալ մեր պահանջներուն նկատմամբ եւ, հետեւաբար, պիտի ուզեն մեզի դէմ գործածել մեր ամենափոքր իսկ սխալը: Ընդունիլ Երեւանի հայ կառավարութիւնը որպէս միակ ներկայացուցիչը հայութեան՝ պիտի նշանակէր մեզ հեռացնել մեր թերեւէն

/terrain, հողէն/: Ասիկա կրնան օգտագործել մեզի դէմ մեր բարեկամներն իսկ, ինքզինքնին ազատ նկատելով ամեն տրուած անկաժըմանէ:

Կը վերջացնեն:

Կ'ըսուի՝ Երեւանի հայ կառավարութիւնը ճանչնալ այս Համագումարին կողմէ: Ասիկա կատարուեցաւ քանիցս այն օրէն, երբ Պ. Ահարոնեանը հասաւ հոս, memoire-ը ստորագրուեցաւ նաեւ République-ի ներկայացուցիչէն, ասկէ ետք երկուքն ալ Համաժողովին ներկայացան եւ խօսեցան: Միեւնոյն ատեն մինչեւ այսօր դիմումներ կ'ըլլան երկուքին, երկու Նախագահներուն կողմէ: Ասկից աւելի ի՞նչ կը նշանակէ ճանչնալու խնդիր ընել հոս: Եթէ Պ. Միքայէլեան այնքան անտրամաբան illogique պարագաներ ցոյց տուաւ անոնց նկատմամբ, որոնք ասկից նախարարներ նշանակելու եւ Երեւան դրկելու առաջարկը կ'ընէին, ինքը նոյնքան անտրամաբանական չէ՞, երբ այսօր Պ. Խաչատուրեանին կը միանայ, առաջարկելով Երեւանի հայ կառավարութիւնը ընդունիլ միակ կառավարութիւնը ամբողջ հայութեան, իսկ դեռ երկու օր առաջ մասնակցեցաւ Ազգ. Պատուիրակութեան ընտրութեան այս Համագումարին կողմէ՝ հետապնդելու համար համահայկական պահանջները: Ես ամենէն բարեբախտ եւ նախախնամական կը նկատեմ այն պարագան, երբ առանց այս Համագումարին հարցնելու՝ երկու Նախագահները ստորագրեցին մեր memoire-ը: Թերեւս, եթէ հարցուէր, դժուար, թէ այս լուծումը ստանար: Այն օրէն մեր ուղղութիւնը որոշ է: Ազգ. Պատուիրակութիւնը եւ Հանրապետութիւնը մեր քաղաքական պայքարին երկու բերդերն են, երկու ամրութիւնները, որոնք համաձայնուած, ներդաշնակուած գործակցութեամբ ու աշխատակցութեամբ, մէկ ճակատ եղած, մեր պահանջները պիտի հետապնդեն: Հիմա կրնամ պատասխանել Պ. Ահարոնեանին ասկէ մէկ քանի օր առաջ ըրած հարցումին՝ թէ ի՞նչ պիտի ընենք եթէ միայն զինքը կանչեն Համաժողովին: Առաւել եւս լաւ, դուռ մը եւս ունինք Համաժողով մտնելու համար, անկէ՛ պիտի մտնենք, Պ. Ահարոնեան:

Այսօրուան համար մեր ազգային միակ հարստութիւնն են այս երկու բերդերը: Պահենք, զգոյշ ըլլանք պահելու մեր ազգային այս հարստութիւնը՝ առանց զայն բաժնելու, առանց զայն կոտորակելու եւ ասով անոր արժէքը կորսնցնելու:

Բրոֆ. Ա. Տէր-Յակոբեան կը յայտնէ իր խորին վիշտը թրքահայի եւ ռուսահայի զանազանութեան համար, ինչ որ Պոլիս չեն գիտցած այդպիսի բան: Կ'առաջարկէ վերջ տալ խնդրոյն, քանի որ այդ մասին արդէն որոշում կայացած է, թէ այդպիսի բան ընել չկրնալուս համար կ'ընտրենք միացեալ Պատուիրակութիւն: Իրեն ուղղուած հարցումին վրայ Բրոֆ. Տէր-Յակոբեան կը պատասխանէ, թէ ինք ալ այսպիսի ժամանակ մնան յայտարարութիւն մը յարմար չի տեսներ:

Նիստը վերջացաւ ժամը 8-ին:

ՀԱԱ, ֆ. 430, ց. 1, գ. 32, թթ. 6-24: Չեռագիր: Բնագիր:

### Նիստ 37-րդ

8 Ապրիլ 1919.

Նիստը բացուեցաւ ժամը 7-ին, Նորատուրկեան Էֆ.-ի նախագահութեան տակ, 23 անդամներու ներկայութեամբ:

### Օրակարգ.

### Միացեալ կառավարութիւն ստեղծելու խնդիրը

Պ. Հանըմեան նախ կը շէշտ այն կետը, թէ ժողովը պէտք չէ աշխատի խուսափիլ, որովհետեւ Պատուիրակութեան ձգուելու առաջարկներ կան, այս խնդրոյն լուծման պատասխանատուութենէն, եթէ նոյնիսկ ան շաբաթ մը եւս պահանջէ: Այս խնդրոյն շուրջ գլխաւոր չորս հոսանք կայ: Ա.- այն, որ կը պահանջէ ճանջնալ անմիջապէս Կովկասի կառավարութիւնը՝ իբրեւ կորիզ ամբողջ Հայաստանի կառավարութեան եւ միջոցներ ձեռք առնել միացեալ խորհրդարան եւ կառավարութիւն ստեղծելու համար: Բ.- այս Համագումարը զուտ արեւմտահայ նկատել եւ մեջէն նախարարներ ընտրելով՝ դրկել Կովկաս: Գ.- այն, որ շատ չարտորար եւ կ'ըսէ՝ սպասե՛ք քիչ մը նայինք ի՞նչ կ'ըլլայ եւ առ այժմ խորհրդարանի ընտրութեանց ձեռնարկենք: Դ.- որ բոլորովին աւելորդ կը նկատուի կարգ մը դժուարութեանց համար թէ՛ խորհրդարանը եւ թէ՛ կառավարութիւնը:

Պ. Հանըմեան. ճախ վերջին հոսանքին դէմ հետեւեալ հակառակ պատճառաբանութիւնները կը բերէ: Վերջին հոսանքին իբր գլխաւոր պաշտպան Պ. Թէքէեանը արտայայտուած է, որ չուզեր այս ժողովին տալ միացեալ կառավարութիւնը ճանջնալու իրաւասութիւնը: Սակայն Պ. Թէքէեանը ինքն էր, որ այնքան ջերմօրէն պաշտպանած էր այս ժողովին հեղինակութիւնը եւ նոյնիսկ կ'առաջարկէր իբրեւ քոնթրոլ ընդո՞ւմ նախնին միշտ մնայ Պատուիրակութեան վրայ, այս հակասութիւն է: Իսկ իբր պատասխան Պ. Հինդլեանին այն կ'ըսեմ, որ լաւ է թերի կազմով խորհրդարան մը ունենալ, որ քոնթրոլ ընէ կառավարութեան վրայ, քան թէ գայն ձգել անպատասխանատու եւ ինքնագլուխ: Անհիմն է նաեւ ժողովուրդին խորհրդարանէն հեռու ըլլալու պատճառաբանութիւնը, որովհետեւ քանի մը տարիէն խորհրդարանը շրջապատուած պիտի ըլլայ հայերէն եւ յետոյ Երեւանի մէջ 4-5 հարիւր հազար թրքահայ զանգուած կայ: Պայքար առաջ գալու առարկութիւնը շատ թոյլ է: Յետոյ՝ մինչեւ հիմա ո՞ր կանոնաւոր եւ լաւ կատարուած են ընտրութիւնները, ինչո՞ւ ասկէ յետոյ գէշ պիտի կատարուին: Գ.-որ հոսանքին տարբերութիւնը այն է Դ.-որդէն, որ անոնք չեն ուզեր անմիջապէս ճանջնալ Կովկասի կառավարութիւնը իբրեւ ամբողջական: Բ.-որ հոսանքին դէմ այն առարկութիւնը ունիմ, որ այստեղէն գացած նախարարները օրին մէջ պիտի մնան, խորհրդարանին պատասխանատու չեն եւ այլն:

Պ. Տէր-Ստեփանեան. Բ.-որ հոսանքին կարծիքը քոնթրոլի մըն է:

Պ. Հանըմեան. Իսկ Ա. հոսանքին դէմ եղած առարկութիւններէն գլխաւորը ռուսական հոսանքն է՝ որոն արդէն Պ. Օհանջանեան պատասխանեց: Եթէ նոյնիսկ պատահի, որ Կովկասը ապագային միանայ Ռուսաստանին, մեր Արեւմտեան Դատը դարձեալ չվնասուիր: Այսօրուընէ իսկ ճանջնալով Կովկասի Հանրապետութիւնը, այս հարցը ոչինչով կը փոխուի, մինչդէռ ճանջնալով գայն՝ քաղաքական հասունութեան առիթ մը կատարած կ'ըլլանք: Պ. Աճեմեանի առաջարկը, թէ Կովկասը յայտարարէ միացած Թրքահայաստանին, անհիմն է, որովհետեւ ինչպէ՞ս գոյութիւն չունեցողին հետ գոյութիւն ունեցողը միանայ, տրամաբանականը հակառակն է: Մեր դատը պիտի տուժէ, կ'ըսեն, եթէ գայն Կովկասին միացնենք: Ո՛չ, սխալ է, որովհետեւ մենք միշտ պիտի ունենանք մարմին մը, որ պիտի պաշտպանէ ոչ-ազատագրուած հայութեան դատը, ինչպէս որ յունական խնդրին մէջ տեղի ունեցած է:

Գալով Փաստըմաճեանի դիմումին տրուած ամերիկեան պատասխանին հոս մէջ բերուելուն, այն կ'ըսեմ, որ մեր բռնելիք ուղղութիւնն ու բաղձանքները չպէտք է ձեւենք օտարներու արտայայտած տեսակէտներուն վրայ: Յետոյ, ո՞վ յայտարարած է, որ Թրքահայաստանը անկախ պիտի ըլլայ: Մենք պէտք չէ, որ վերջինը ըլլանք Հանրապետութիւնը ճանջնալուն մէջ, եւ. եթէ ճանջնանք, բարոյական օգուտէ գատ դրական գործ մը կատարած պիտի ըլլանք: Մենք անկախութիւն կը մուրաւնք եւ մեր ձեռք բերած անկախութեան չենք փարիթ՝ գայն միւսներուն ալ ճանջնելուն համար: Այս ձեւով մեր դատը ո՛չ միայն անուր կռուանի մը վրայ դրած պիտի ըլլանք, այլ նաեւ իրաւունքներ տուած պիտի ըլլանք անոր, որ չազատագրուած երկրամասերն ալ գրաւէ եւ խօսի բոլորին անունով:

Պ. Չօպանեան. Պատուիրակութեանց երկու նախագահները արդէն խնդրած են Դաշնակից կառավարութիւններէն, որ թոյլ տրուի Հայկական Հանրապետութեան գրաւել Թրքահայաստանը:

Պ. Հանըմեան. Եթէ Հայկական կառավարութիւնը ինքնագլուխ ընէ այդ, այն ժամանակ Դաշնակիցները իրաւունք կ'ունենան բողոքելու, մինչդէռ մեր միակ միջոցը հիմա այդ կը մնայ, որ Հայկական Հանրապետութիւնը գրաւէ միւս մասը եւ որուն համար պէտք է անմիջապէս ճանջնալ գայն, ուժեղացնել եւ մեծօրէն բանակը:

Պ. Թերզիպաշեան. Ես կը փափաքէի, որ Պ. Օհանջանեան այստեղ ըլլար, վասնզի իմ խօսքերը պիտի պատասխանէին նորա Շաբաթ օրուան առաջարկներուն: Հոգ չէ, ես կը խօսիմ նորա բացակայութեան, որպէսզի Համագումարի պատմութեան մէջ անցնի:

Պ. Օհանջանեան իւր առաջարկը այսպէս բանաձեւեց, թէ թրքահայեր պէտք է ճանջնալ Երեւանի արդէն գոյութիւն ունեցող կառավարութիւնը, որպէս փաստ: Ան մէջ բերեց. Ա. Պուլկարիոյ, Ամերիկայի եւ Միջագետքի պատգամաւորներու այն յայտարարութիւնները, թէ զիրենք դրկող ժողովուրդին բուռն ցանկութիւնն է ճանջնալ Երեւանի կառավարութիւնը: Բ. որ մեր ամբողջ իրականութեան մէջ, որպէս ռեալ ոյժ հանրապետական կառավարութիւնը միայն կայ, որ ունի իր խորհրդարանը, բանակը եւ այլն եւ որին պէտք է կռքնել, ինչ որ Պուլկարիոյ, Ամերիկայի եւ Միջագետքի ժողովուրդի ցանկութեան կը վերաբերի: Ես չեմ կարծեր, որ նոքա Երեւանի կառավարութիւնը պաշտօնապէս ճանջնալու շեշտուած եւ բանաձեւուած պահանջ դրած ըլլան: Պուլկարիոյ պատգամաւոր Տոքթ. Սայեանի այս մտօք յայտարարութեան դէմ երբ իւր Պուլկարիոյ քուէլը բողոքեց, տոքթորը խստացաւ յաջորդ օրը բերել համապատասխան մանտա, իսկ յաջորդ օրը ան ոչինչ չբերաւ եւ մեկնեցաւ Պուլկարիա: Բանէն դուրս եկաւ, որ պլըՖ մըն էր իւր այդ յայտարարութիւնը:

Պ. Շանթ. Կը բողոքեմ, չվայլէր բացակայ ընկերոջ հանդէպ գործածել այդ բառը. պէտք է ետ առնէ պլըՖ բառը:

Պ. Թերզիպաշեան. Ես կը կարծեմ, որ պլըՖ բառը խորհրդարանի մէջ ետ առնուելիք բառ մը չէ, բայց քանի որ Պ. Շանթ այդպէս կը կարծէ, ես ալ կ'ուզեմ բացակայ ընկերոջ մը հանդէպ այնքան ազնիւ ըլլալ, որքան ինքն Պ. Շանթը եւ ետ կ'առնեն: Արդ, ես կը կարծեմ, որ այս յայտարարութիւնները ընողները կը շփոթեն ժողովրդեան միութիւնն հռչակելու ցանկութիւնը Երեւանի կառավարութիւնը պաշտօնապէս ճանջնալու ձեւին հետ: Հոս գտնուող ամեն պատգամաւորներս ալ զանազան առիթներով թարգման եղած ենք ժողովուրդի միութեան կամ միացեալ կառավարութիւնն հռչակելու ցանկութեան: Բայց ահա Սրբազանը, որ Պուլիսէն կամ գայ, մենք որ Կովկասէն, ուրիշներ՝ զանազան վայրերէ, այդ տեսակ բանաձեւեր չենք լսած – ցանկութեան հիմքը միութիւնն է, որուն ժողովուրդը կրնայ ձգտիլ, բայց միացեալ կառավարութեան ձեւի մասին ժողովուրդը ո՛չ մտածեր է, ո՛չ ալ կրնայ մտածել, վասնզի անոնք քաղաքականութեան գործեր էին, եւ կարելի չէ այդ մտօք մանտա տալ: Բայց պահ մը սեպենք, թէ ժողովուրդը իր ցանկութիւնը բանաձեւեր է այնպէս, ինչպէս կը յայտարարեն Պուլկարիոյ կամ Ամերիկայի պատգամաւորները: Կարելի՞ է ժողովուրդի մէկ մասի զգացումներուն վրայ շրջել կատարուած իրականութիւնը: Այստեղ քաղաքական աքթեր (acte) կան կատարուած, որոնց հիմքը թրքահայ դատն է: Ես չեմ կրկնէր այդ դատի հին պատմութիւնը, ես կը խօսիմ անիծեալ Նոյեմբերէ վերջը տեղի ունեցած քաղաքական աքթերու մասին: Դուք կը յիշէք, որ Ռիլսոնի 14 պայմաններէն մէկը կը տրամադրէր Թիւրքիոյ զանազան ազգերու համար, ֆիզիկական գոյութեան եւ ազատ զարգացումի համար՝ ապահովութիւն եւ օթոնոմիա: Արդ, Թիւրքիա, Նոյեմբերի 11-ին Ռիլսոնի տասնեւչորս պայմաններու հիման վրայ ստորագրած ըլլալով զինադադարի պայմանները, ընդունած է նաեւ հայերու օթոնոմիան: Գերմանիա եւ միւս զինակիցներն որպէս հաշտութեան հիմք ընդունած ըլլալով Ռիլսոնի զինադադարի պայմանները, ընդունած են նաեւ հայերու

օթոնոմիան: Անկից վերջ դուք կը յիշէք Դաշնակիցներու այն պաշտօնական յայտարարութիւնները, որոնց հիման վրայ հայեր թրքական լուծէն ազատուած եւ Ազգերու Միութեան պաշտպանութեան ներքեւ կը գտնուին (ծայներ.- ո՞ր են այդ պաշտօնական յայտարարութիւնները): Եթէ հետեւած էք թրքերուն, պէտք է իմացած ըլլայիք այդ բանը: Փրանքը հարցնել Պատուիրակութեան Նախագահին:

Վսեմ. Պօղոս Փաշա.- C'est juste, parfaitement.

Պ. Թերզիպաշեան (շարունակելով). Սա մեր քաղաքական շէնքի հիմքն է: Հիմա քննենք, թէ ինչպէ՞ս կառուցուած է շէնքը: Ամենքդ ալ գիտէք, թէ Պօղոս Փաշայի նախագահութեան ներքեւ գտնուած հայ Ազգային Տեւեկասիոն Նոյ. 30-ին յայտարարած եւ առանձին նոթով Դաշնակիցներուն յայտնած է միացեալ Հայաստանի անկախութիւնը հետեւեալ ֆորմուլով. «Թարգման ամբողջ ազգի ցանկութեան, որի մէկ մասը Կովկասի մէջ անկախ հանրապետութիւն կը կազմէ, կը յայտարարեմ Ամբողջական Հայաստանի անկախութիւնը եւ այլն»: Արդ ո՞չ որ չկրնար անգիտանալ, որ Հանրապետութիւնը չէ ճանչցուած, կամ նորա ռէալ ոյժեր յայտարարուած անկախութեան ոյժերը չեն: Խնդիրը դորա վրայ չէ, այլ, ինչպէս ըսի, շէնքի հիմքին եւ կառուցուածքին վրայ: Այս քաղաքական աքթն վերջ, Փետրուար 12-ին նորէն Ազգ. Պատուիրակութիւնը բոլոր հայ ազգի անունով կը դիմէ Քոնֆերանսին, եւ միշտ միեւնոյն միջնակէտէն, այսինքն թրքահայ դատէն սկսելով իւր արկիւմանքասիոնը, կը պահանջէ ուրիշ սահմաններու մէջ հայոց անկախութեան հաստատութիւնը եւ այլն: Իսկ Հանրապետութեան ներկայացուցիչը իւր ստորագրութեամբ կը հաստատէ, ոյժ կու տայ Տեւեկասիոնի պահանջներուն: Իսկ մէկ առանձին տեղ Կովկասեան բաժինը իր կողմէ կը յայտարարէ հետեւեալը. «Որովհետեւ Հայաստանի ամենամեծ մասը ազատուած է Թիւրքիոյ խորտակումով, անկարելի է այլեւս ռուսահայ ձգել Հայաստանի մի մասը»: Հիմա կը տեսնա՞ք, Պ. Հանըմեան, որ թրքահայ հարցն է, որ գոյութիւն ունի եւ ոչ թէ ռուսահայ, իսկ Ռուսահայաստանի մէջ կան ռէալ ուժեր, զորս պէտք է միացնել բուն հարցին: Ես չեմ խօսի անպաշտօն տեսակցութիւններու, հաւաստիքներու, կիսապաշտօն յայտարարութիւններու մասին, որոնց նմանները շատ լատ էնք եւ յուսախաբ եղած. նոքա խօսքեր են որք կը թողին, եւ ասացի ինչ որ չթողիր, ինչ որ թողի վրայ մնացեր է: Այսպէս գործը քննելով իր տօքիւմենթներով կը տեսնանք, որ մեր քաղաքական շէնքը 100-ին 90-ով կառուցուած է: Ես չեմ ժխտեր, որ քաղաքական աննպաստ պայմաններ չեն կրնար աննպաստ փոփոխութիւններ կամ դժուարութիւններ չառաջացնել: Բայց ներկայ ռուսիոյ դրութիւնը այն է, ինչ որ կը պատկերացնեն: Արդ, ինչո՞ւ կուզէք, որ մէկ հարուածով քանդուելու ելլենք այս կառուցուածքը: Երեսնի կառավարութեան ենթարկելով թրքահայ դատը, մենք մեզի աննքստ կ'ընենք հողամասի մը, որ միջազգային օրէնքով ռուսական է: Ձեզ յայտնի է, որ Ռուսական Յեղափոխութեան պատճառով այսօր Ռուսաստան գոյութիւն ունին զանազան կառավարութիւններ, որոնց հետ Դաշնակիցները յարաբերութիւն կը պահեն պարզ այն պատճառով, որ այդ բանը անհրաժեշտութիւն կը համարեն տեղական կարգ պահպանելու համար: Բայց դուք գիտէք նաեւ, որ ո՞չ Դաշնակիցները, ո՞չ ալ ռուսական այս կամ այն հոսանքը, Բոլոճիայէն գատ, չեն ճանչցած յիշուած կառավարութիւնները: Հիմա ինչպէ՞ս կ'ուզէք, դուք որ թրքական բովէն մեր հարցի քիչ թէ շատ կռուած, կոփուած երկաթը հանենք եւ տանիք այն բովի մէջ ձգենք, որ ռուսական մարքա կը կրէ, որուն Դաշնակիցները յայտարարած են, որ չպիտի դաչին: Մենք ամենքս ալ գիտենք, որ Դաշնակիցներուն համար շատ աւելի հեշտ է գործ ունենալ Թուրքիոյ պէս քաղաքակրթութեան առջեւ վարկաբեկ եւ քայքայուած պետութեան մը հետ, քան Ռուսիոյ պէս 170 միլիոնոց ժողովուրդի հետ: Պ. Օհանջանեան անցեալ օր փոշիացած անուանեց այդ պետութիւնը: Ես չեմ ըմբռներ, թէ հայ մը ինչպէ՞ս կրնար փոշիացած համարել պետութիւն մը, որ ամէն վեց ամիսը անգամ մը հայերու չափ ժողովուրդ կը ծնի:

Միեւնոյն մտահոգութիւնն ունինք նաեւ ասիսթան պետութեան համար: Առնենք Ամերիկան: Կը կարծե՞ք, որ ան յօժարութիւն պիտի ունենայ մեր մանտան վերցնելու, երբ տեսնայ, որ վաղ թէ ուշ գործ ունենալու է ռուս ժողովուրդին հետ: Խօսք չի կրնար ըլլալ քատեքներու մօտիկ օրերս ընելիք յայտարարութեան մասին. կարելի չէ վերսիցէ տրքիւմաններու վրայ քաղաքականութիւն հիմնել, որ եթէ կանխիկ ալ ըլլայ արժէք չունի, վասնզի այսօր ո՞չ որ Ռուսիոյ անունէն չկրնար խօսիլ: Այդ տեսակ խտտումներու կարեւորութիւն տալ՝ քաղաքական սխալ մը կ'ըլլար: Արդէն ահաւոր սխալներ:

Պ. Համբարձումեան. Ի՞նչ սխալներ են, կրնա՞նք իմանալ:

Պ. Թերզիպաշեան. Չէ՞ք կարծեր, որ սխալ էր, որ մենք 1911-ին Երրորդութեան եկեղեցին միթիւն կազմեցինք Ռուսիոյ դէմ եւ «Անկցի ցարիզմը» պոռագինք, իսկ 1914-ին միեւնոյն ցարիզմի հետ դաշնակցեցանք: Ցարը գիտէր, որ իր հետ դաշնակցողները Երրորդութիւն եկեղեցիի «Անկցի ցարիզմը» պոռագողներն էին, եւ գիտէր ի՞նչ ըրաւ ան: 1919-ին երբ ռուսական բանակը Մուշի դաշտին մօտիկացած էր, տեսնելով, որ իւր յառաջխաղացումով 100 000 հայեր կ'ազատուին, կեղծ նահանջ մը սարքեց եւ թոյլ տուաւ ամբողջ Մուշի գաւառը կոտորուի: Միեւնոյն կեղծ նահանջը ըրաւ Վասպուրականի մեծ գաղթին, որմէ ինչպէս գիտենք, 90000 հոգի ճանապարհին եւ Կովկասի մէջ մեռան հիւանդութեան: Չէ՞ք կարծեր, որ սխալ էր, որ մենք 1917-ի Ռուսական Յեղափոխութեամբ այնքան տարուեցանք, էստեքներու եւ էսէներու հետ այնպէս խիստ քոնքիւրանս մղեցինք եւ այս ռազմական ոգին internationale-ի շուկայի մէջ նուազուրդի դնելով, պատերազմի դէմ այնպիսի սոսկալի բրոքաւանտ մղեցինք, որ երբ 1917 Դեկտեմբերին Երզրումը պաշտպանելու համար 10000 զինուորի պէտք պահանջեցանք, չկրցանք դրկել, եւ կորսնցուցինք պատեհութիւն մը, որ մեր ամբողջ պատմութեան մէջ ո՞չ պատահեր է, եւ ո՞չ պատահելու է: Երզրում ինկաւ եւ նորան յաջորդեցին Կարսի եւ Ալեքսանդրապոլի անկումները, եւ այն ամբողջ դժբախտութիւններու եւ թշուառութեանց տեսարանները, որ այսօր կը պարզուին մեր առջեւ: Ըսէ՞ք, խնդրեմ, սխալ չէ՞ր միթէ ամիսթեսի կնքումն վերջ, երբ մեր ամբողջ քաղաքականութիւնը Հայաստանը գրաւել կամ Հայաստանի սահմանի վրայ ռէալ ոյժի մը գտնուիլը կը պահանջէր, հարց մը, որ շատ ճիշդ էր դիւանագիտօրէն կամ Դաշնակիցներու արպիդրածով կարգադրել, մեր ոյժերը փոխադրեցինք Երեւան եւ պատերազմ յայտարարելով վրացիներու դէմ, արիւնի վիւն մը բացինք մեր եւ մեզի միակ վստահութիւն ներշնչող դրացիի միջեւ. եւ այս այն օրերուն, երբ պաշարուած էինք: Մեր արեան վերջին կաթիլին ծարաւի արդիւնքը այն եղաւ, որ այսօր կտրուած պարենաւորման միակ ճանապարհէն, Կովկաս մատնուած է սոսկալի սովի մը թիւրջ թշնամիներով: Ես չեմ մտնէր ըրնֆլիքթի եութեան խորը, որ անշուշտ վրացիներ մեղադրելի են իրենց շովինութեան ձգտումներով, բայց հաստատապէս կը հաւատամ, որ նախքան պատերազմը շատ միջոցներ կային ըրնֆլիքթը հարթելու, եւ թէ այդ միջոցներէն է ո՞չ մէկը սպառուած չէր:

Կ'ուզե՞ք, որ թուէմ նաեւ թաքթիքային սխալները: Մենք մէկ հոսանքի, նոյնիսկ մէկ մարդու բերանով կը խօսինք ամենքի հետ. Պ. Օհանջանեան կը խօսի էմբերիալիստ Գերմանիոյ հետ, կ'անցնի Պերն, ուր կը խօսի սոսիալիստներու հետ եւ ուր կը յայտարարէ նաեւ, որ հայերու ամբողջ յոյսը սոսիալիստներու վրայ է, Դաշնակիցներէն բան մը չեն սպասեր, յետոյ Փարիզ կու գայ Դաշնակիցներէն Հայկական Հարցի լուծումը կը պահանջէ: Կը հարցնեն ձեզի. այս թաքթիքով կարելի՞ է վստահութիւն ներշնչել եւ մէկին եւ միւսին: Ո՞ր է Պապաջանեանը: Դաշնակիցներն իրենց ներկայացուած Հանրապետութեան յանձնարարագրէն գիտեն, որ Պատուիրակութիւնն ունի մի երրորդ անդամ մը, գիտեն նաեւ, որ ան ներկայացուցիչ է որոշ հոսանքի մը: Արդ, նորա բացակայութիւնը կը կարծե՞ք, որ նոքա նպաստաւոր կերպով կը մեկնեն:

(Պ. Համբարձումեան. Ինչու՞ է չէք թուեր Պատուիրակութեան սխալները): Ես չեմ ըսած, թէ Պատուիրակութիւնն անսխալ եղած է, ան ալ իր սխալներն ունի եւ պէտք է մատնանշենք թէ՛ այս թէ՛ այդ: Ծածկելը կ'առաջնորդէ մեզ նոր սխալանքներու եւ մեր ազգը, պէտք է գիտնանք, որ նոր սխալներու վտանգներուն այլեւս չի դիմանար:

Հիմա դառնանք մեր նիւսին:

Պ. Զօպանեան սխալ բացատրեց իմ տեսակէտը միացեալ կառավարութիւն մը ստեղծելու մասին: Ես բնաւ թրքահայ կառավարութիւն մը ստեղծելու տեսակէտ չեմ ունեցած (Զօպանեան. ճիշդ է, որ ես սխալած եմ): Յանձնաժողովի աշխատութեանց առաջին օրէն ես մէկ տեսակէտ եմ ունեցած եւ զայն պաշտպանած եմ մինչեւ վերջը: Իմ տեսակէտս եղած է միշտ չէզոյի որոշուած ուղղութեան, ետ չդառնալ այն ճամբէն, որի մեծ մասը կտրած ենք արդէն, եւ աշխատիլ լրացնել այն շէնքը, որ, ինչպէս ըսի, բաւական բարձրացած է: Ի՞նչ է այդ շէնքը: Տեսանք, որ հայ Ազգ. Տէրակախինը յայտարարած է անբաժան Հայաստանի անկախութիւնը: Ան պէտք էր այդ յայտարարութեան օրն իսկ կազմէր միացեալ Հայաստանի կառավարութիւն: Չէ ըրած: Լաւ է ուշ քան երբեք: Դաշնակիցներուն կատարուած իրողութեան առջեւ դնելու համար ան ընելու էր այդ բանը: Այսօր Փարիզի մէջ կառավարութեան երե՞ք անդամ կ'ունենայ, թէ՞ հինգ, տիրէթուա՞ր անուն կ'ունենայ, թէ՞ տիքթաթորա, տիրող աննորմալ պայմաններուն մէջ այդ մանրամասնութիւններու մասին հարցնող չկայ: Եականն այն է, որ հայերն իրենց դատը աւելի քոնքրէթ, աւելի ներկայանալի վիճակի մէջ կ'ըլլան հռչակելու միացեալ կառավարութիւն: Ես չեմ թուեր ուրիշ առաւելութիւններ, վասնզի միացեալ կառավարութեան սկզբունքին ամենքս համաձայն ենք. ձեւի մասին է, որ կը տարբերուինք: Արդ, ցորչակի Հայկ. Հարցը հաղադութեան Քոնֆերանսին մէջ իւր վերջնական վճիռը չի ստացեր, ի՞նչ ընելու պիտի երթան նախարարներ կամ երեսփոխաններ Երեւանի մէջ: Կառավարութիւնը Փարիզի մէջ պէտք է յայտարարուի եւ նոր գործ պիտի ըլլայ, այսինքն՝ ինքզինքը եւ անկախ Հայաստանը ճանջցնել տալ Դաշնակիցներուն, որ եթէ յաջողուի՝ արդէն կը ստեղծուի նորմալ կառավարութիւն: Առանց Դաշնակիցներուն ճանջցնելու մեր միութիւնը եւ անկախութիւնը, Երեւանի մէջ ինչ ալ որ ընենք, ներքին զուր եւ անօգուտ ասելոսներ պատճառով է զատ ոչ մէկ օգուտ չի տար. իսկ եթէ կ'ուզենք մէկ ժեպով ազդել հաղադութեան Քոնֆերանսին վրայ, հենց նոցա աչքի առջեւ պէտք է առնենք այդ յեղափոխական քայլը: Այս ձեւով կառավարութիւն ստեղծելու դէմ եղած առարկութիւնները՝ իրաւասութեան, բրտեթի պէս երկրորդական նշանակութիւն ունեցող հարցեր են, որոնց՝ այս պատմական օրերուն, երբ ազգին բաղդն է, որ կը վճռուի, մէկ կողմը պէտք է դնել: Միացեալ կառավարութեան գլուխ կ'ըլլայ միութիւնը եւ անկախութիւն յայտարարող Ազգ. Delegation-ի նախագահը կողքին կ'ըլլայ, ինչպէս եղած է մեծուարի մէջ, հանրապետութեան ներկայացուցիչը: Մնացեալը ինչպէս կ'ուզեն՝ այնպէս թող լրացնեն:

Ահա՛ իմ առաջարկը՝ ըլլալ հետեւողական, չփճացնել եղած նուաճումները եւ ձգտելով միեւնոյն նպատակներուն շարունակել բացուած ճանապարհը: Շեղիլը կամ նոր ճանապարհ բանալու փորձը հիմքէն կը խախտէ այն հարցը, որու համար՝ մէկ միլիոն հայեր իրենց կեանքը տուին:

Պ. Շանթ. Այստեղ լսուեցաւ, թէ այս խնդրին քննութիւնը շեղում մըն է, թէ այս ժողովին չպատկանիր: Ես պարտք կը զգամ յայտարարելու, որ մինչեւ հիմակուայ եղած նիստերը շեղումներ էին եւ մեր իսկական աշխատանքը, ընելիք գործը այս է: Իմ առաջարկս է՝ ճանջնալ Կովկասի Հանրապետութիւնը իբրեւ համախոսակական կառավարութիւն: Աստ իբրեւ գլխաւոր առարկութիւն ռուսական վտանգը բերուեցաւ: Պարոններ, խնդիրը պարզունի խնդիր է: Եթէ Ռուսաստանը ուժեղացաւ, եթէ միւս պետութիւններուն շահերը չարգիլեցին իր յառաջխաղացումը եւ եթէ ան վերցնէ Հայաստանը՝ կը վերցնէ ու մեծ նշանակութիւն չունի, թէ մե՞նք անոնց ենք միացեր, թէ՞ անոնք մեզի են միացեր: Ոմանք ալ կ'ըսեն, թէ օգուտ չունի այդ: Օգուտը այն է, որ

մենք ամենէն առաջ մէկ ժողովուրդ կ'ունենանք, մէկ ներկայացուցչութիւն, եւ մէկ կառավարութիւն: Ժամանակն է ալ, որ վերջանայ այս բաժանումը: Այդ միութիւնը մեզ անհրաժեշտ է դուրսիմ համար, օտարին՝ որ անոնք մեզի միացած եւ մէկ տեսնեն, ինչ որ մեծ առաւելութիւն է: Երկիրը եւ միացեալ կառավարութիւնը անհրաժեշտ են նաեւ գլխաւորաբար այն ժամանակ, երբ ասիսթան պետութիւնը պիտի սկսի մեր վրայ իր ասիսթանը գործադրել. այլապէս, շատ ծանր կ'ըլլայ անոր բեռը եւ ան կը դառնայ բրոքէթորաթ: Ան մեծ նշանակութիւն ունի նաեւ գոյութիւն ունեցող կառավարութեան համար: Անոր բարոյական կարողութիւնը անմիջապէս կը բարձրանայ եւ կը կարողանայ մեր անունով եւ մեզի համար ալ գործել: Կ'ըսուի նաեւ, որ դեռ սպասենք եւ մէկ-երկու շաբաթէն լսենք այս բոլորը, երբ ամէն ինչ որոշուած պիտի ըլլայ: Պարոններ, մարդ կը ստանայ այն, ինչ որ կրցած է առնել եւ միւսները կու գան ու կ'ըսեն՝ ամէն: Այստեղ դարձեալ երկու հին եւ մեծ հոսանքներ է, որ իրար կը բախին: Մէկը, որ միշտ կ'ըսէ՝ սխալ կ'ընենք, անխոհեմ քայլ չընենք, յարմարուինք, իրականութիւնը դժբախտ է եւսլին: Ասոր դիմաց ալ կրնայ ուրանալ, որ պետութիւններուն կամքը գերակշիռ դեր ունի մեր խնդրոյն լուծման մէջ: Բայց անմտութիւն է նաեւ յայտնել, թէ նշանակութիւն չունի մեր կամքը, երբ ան արտայայտուած է գործով, միացեալ կառավարութիւնը ճանջնալով: Կամքը ոյժ է եւ պէտք է այդ ոյժը գործածենք, պէտք է ստեղծենք այդ կառավարութիւնը եւ պէտք է ընենք այդ՝ նոյնիսկ եթէ կառավարութիւնները հակառակ ըլլան անոր: Ով որ կ'ըսէ Կովկասի խնդիրը զատել թրքահայկական խնդրէն, ան ըսած կ'ըլլայ կորսնցնել հայկական անկախութիւնը: Մենք համոզուած ըլլալու ենք, թէ առանց Կովկասի՝ չենք կրնար ապրիլ, առանց Կովկասի՝ անկախութիւն չենք կրնար ունենալ, առանց Կովկասի անապատ կ'ունենանք:

Ես կը գերադասեմ նոյնիսկ միացեալ կառավարութիւն մը Ռուսիոյ ձեռքին տակ, քան թէ անկախութիւն մը անջատուած մասերով, որովհետեւ իտէլաներու, շահերու նոյնութիւնն է, որ մեզ ոյժ պիտի տայ:

Եթէ այս առաջարկը անցնի՝ այն ժամանակ ժողովը դեր մը կատարած կ'ըլլայ:

Պ. Տէր-Ստեփանեան. (խօսքը Շանթին ուղղելով) Թուրքիոյ խնդիրը եւ Ռուսիայինը զատ են: Որոշ է նաեւ, որ Թուրքիայինը աւելի շուտ պիտի լուծուի, քան թէ ռուսականը: Արդ, եթէ միութիւնը ձեր ըսած ձեւով յայտարարենք (ներքին միութիւնը արդէն գոյութիւն ունի) քանի որ կ'ըսէք, որ Հայաստան մարդ չէ մնացած, երբ Կովկաս միայն հայ կայ, Եւրոպայի առջեւ ինչպէ՞ս պիտի դրուի մեր հարցը եւ ե՞րբ պիտի լուծուի ան:

Պ. Շանթ. Հոն կառավարութիւն գոյութիւն ունի, զայն վաղը կ'ընդունին կամ չեն ընդունիր՝ երկրորդական է: Դուք կը մտածեք, թէ Եւրոպացիք ի՞նչ պիտի ըսեն: Քիչ մըն ալ ըսենք, թէ մենք այսպէս կը մտածենք:

Պ. Տէր-Ստեփանեան. Դժբախտաբար, Հանրապետութիւնը դեռ կազմակերպուած չէ եւ այն ոյժը չունի մեր մտածածը գործադրելու համար: Հետեւաբար, մենք դեռ պէտք պիտի ունենանք միւս պետութիւններու աջակցութիւնը: Այս վերջին ռուսիկ կազմուած Հանրապետութիւնը fait accompli մը չէ, որ մէջ բերել պիտի կարենանք, մինչդեռ ան պէտք էր յայտարարել կամաւորական կռիւներու առաջին օրէն իսկ: Այսօրուան Հանրապետութիւնը իբրեւ ազգ կռուած է: Իսկ մեր միութեան բարոյական կամքը արտայայտուած է մեծուառով եւ Մարտ 31-ին:

Ապա Պ. Տէր-Ստեփանեան կ'անցնի բուն խնդրին ըսելով.

Միացեալ կառավարութիւն ստեղծելու հարցը հիւանդագին վիճակի մը մատնած է Համագումարը: Այս վիճակը արդիւնք է այն պարագային, որ հարցը գէշ դրուած է առաջին օրէն: Միացեալ Հայաստանի եւ կառավարութեան ստեղծումը Համագումարի ամէն անդամի կամքը, փափաքն ու նպատակն է: Այս մասին որեւէ կասկած ունենալ կամ յայտնել կը նկատուի նպատակաւոր եւ, հետեւաբար, յանցաւոր հոգեբանութեան արդիւնք: Մեզմէ ոմանք իրենց միայն տրուած անձնական կամ



կուսակցական մենաշնորհ մը կը համարեն Միացեալ Հայաստանի եւ կառավարութեան ստեղծման կամքը, եւ այդ կարծեցեալ առաւելութեամբ զինեալ ժողովրդին դէմ կ'արձակեն սլաքներ, որոնք դաւաճաններու դէմ ուղղուած ըլլալու հանգամանքն ունին յաճախ: Մեր այս ընկերները կ'ուզեն մոռնալ, որ խնդիրը Միացեալ Հայաստանի եւ կառավարութեան սկզբունքին վրայ չէ, այլ՝ քաղաքական այս վայրկեանին Միացեալ Հայաստանն ու կառավարութիւնը յամօնէ երեսանի կառավարութեան արուեստականօրէն իրականացած յայտարարելուն մէջ: Անոնք կ'ուզեն մոռնալ, որ Հայ Հանրապետութեան ներկայացուցիչները քանիցս յայտարարեցին, թէ իրենք միայն այդ ձեւով միացեալ կառավարութեան ստեղծումին հաւանութիւն տալու իրաւասութիւն ունին, կամ աւելի ճիշդը՝ իրենց կրնան վերագրել:

Յանձնաժողովին մէջ միացեալ կառավարութիւն ստեղծելու վեց զանազան ձեւեր առաջարկուեցան, որոնցմէ երկուսը ծայրայեղ, այսինքն մին գերազանցօրէն արեւելահայ, միւսը՝ գերազանցօրէն արեւմտահայ, երեքը միջին, եւ, հետեւաբար, ճիշդ ու արդար, իսկ մէկը՝ երեք քառորդով արեւելահայ: Հանրապետութեան ներկայացուցիչները այս հինգ առաջարկներուն մէկ հատը միայն ընդունելու իրաւասութիւնը վերագրեցին իրենց: Եւ քանի որ անոնք միացեալ կառավարութիւն ստեղծելու իրաւասութիւն ունին, չեն կրնար իրաւասութիւն չունենալ ընդունելու ռեւէ ձեւ, որուն մէջ հայութեան երկու հատուածները իբր հաւասարներ կը միանան: Ես կը ստիպուիմ հանդուրդիլ, որ այս ժողովին մէջ ոչ թէ իւրացուելու վախ կայ ոճանց կողմէ, այլ ընդհակառակը՝ Երեսանի կառավարութիւնը իբրեւ ամբողջ հայութեան կառավարութիւնն ընդունելու անհեթեթ ձեւով միացեալ կառավարութիւն ստեղծելու գաղափարը բանագովներուն կողմէ մարմնաց կայ՝ իւրացնելու:

Ֆակառակ այս ամենուն, կ'ըսեմ, ես պիտի ընդունիմ միացեալ կառավարութիւն գոյացնելու այդ անհեթեթ ձեւն իսկ, եթէ քաղաքական աչք ծակող իրականութիւններ մեր վրայ պարտք չդնէին չաճապարել միացեալ կառավարութիւն գոյացնելու, մանաւանդ Արեւմտեան Հայաստանը Արեւելեանին կցելու ձեւին տակ, որուն ընդգրկումը պիտի նշանակէր պատմական ու քաղաքական մեծ սխալ մը՝ գործուած միասնութեան դիմակին տակ եւ անոր յառաջացուցած բարոյական ճնշումին:

Ես հակառակ եմ, ուրեմն, Երեսանի կառավարութիւնն ու խորհրդարանը միացեալ ընդունելու առաջարկին, զանազան պատճառներով, որոնցմէ մին բացասական է, իսկ միւսները՝ դրական: Բացասական պատճառն այն է, որ այդ ձեւով միացումը ամէն պարագայի ռեւէ կերպով չի բարուրդեր մեր դատին քաղաքական դրութիւնը. ան կրնար յառաջ բերել միայն հայ ներքին կեանքին մէջ որոշ խանդավառութիւն, որուն կարեւորութիւնն ալ պէտք չէ չափազանցել, որովհետեւ ամէն հայու սրտին մէջ միութիւնն արդէն իսկ իրականացած է: Անձնապէս կրնամ ըսել, որ ռեւէ խտրութիւն չէի տեսած եւ դրած հայութեան այս կամ այն հատուածին մէջ մինչեւ այն օրն, որ Բարիզ գալով, արեւմտահայ Պ. Լեւոն Սեդրոսեանի ճառերը լսեցի: Ու ես կը վախճամ, որ այս կցումի ձեւով միացեալ կառավարութեան հռչակումը կրնայ մեր ներքին ճակատը տկարացնել որոշ տարրերու խանդավառութեան կողքին յառաջացնելով ուրիշ տարրերու դժգոհութիւնը արուեստականօրէն ստեղծելով շատ մը հայերու մէջ գոյութիւն չունեցող խտրական ոգի: Այս՝ բացասական պատճառն է: Գլխաւոր դրական պատճառներն են հետեւեալները.

1. Քաղաքական ու միջազգային հողին վրայ հայկական երկու Դատերուն զօրաւորագոյնը, անտարակուսելիօրէն, Արեւմտահայ Դատն է, որ մինչեւ երկէ միակ Հայ Դատն էր, հետեւաբար, կամ այս երկու Դատերը պէտք է ներկայանան խաղաղութեան ժողովին կողք-կողքի եւ կամ եթէ պիտի միացեալ մարմնի մը միջոցով ներկայացուին, այդ միացեալ մարմնին կորիզը պէտք է ըլլայ արեւմտահայ մարմինը, որուն միանալու է արեւելահայը: Այս վարկեանին միացեալ կառավարութիւն ստեղծելու միակ ոչ-վտանգաւոր ձեւն է ստեղծել արեւմտահայ կառավարութիւն մը.

որուն անմիջապէս միանայ արեւելահայ կառավարութիւնը: Այս՝ կարծիքն է արեւելահայ Պ. Աճեմեանի:

2. Յնոր կարգադրութիւն Արեւմտեան Հայաստանի Դատը կապուած է Թրքական խնդրին լուծման, իսկ Արեւելեան Հայաստանի Դատը կապուած է Ռուսական խնդրին լուծման: Այս երկու խնդիրներէն Թրքականին լուծումը մօտաւոր է եւ, ըստ ամեն հաւակնութեան, պիտի կատարուի մեր Դատին նպաստներով ձեւով, այսինքն թիւրք կառավարութեան ջնջումով, մինչ Ռուսական խնդրին լուծումը ոչ միայն նուազ մօտաւոր է, այլ՝ նոյնիսկ հարցական, եւ լուծման պարագային կարելի չէ լսել, թէ հաւանական է, որ ռուս կայսրութիւնը ջնջուի եւ կամ ան դաշնակցական պետութեան մը չվերածուի: Ընդհակառակը: Բարիզի Ռուս Համագումարը կ'աշխատի պահելու Ռուսիան ինչպէս որ է, բացի Չինաստանէն, որուն մասին, եւ որուն մասին միայն ըրած է ցարդ վերջնական իրաժարման յայտարարութիւն:

3. Հողային տարածութեան տեսակետով Արեւելահայ Դատը զօրաւոր է, քանի որ Արեւելեան Հայաստանի բնակչութեան մէջ կայ հայ բացարձակ մեծամասնութիւն, մինչ Արեւմտահայ Դատը տկար է արեւմտահայութեան բնաջնջումին հետեւանքով: Այս պայմաններու մէջ, հայութեան երկու հատուածներու միացումը կցումի ձեւով, մեծագոյն սխալը պիտի ըլլար եւ պիտի տկարացներ մեր պահանջները Արեւմտեան Հայաստանի կեդրոնախոյս մասերուն, մանաւանդ Կիլիկիոյ վրայ: Միացեալ կառավարութեան հռչակումը կցումի ձեւով՝ այն տպաւորութիւնը պիտի գործէ քաղաքական աշխարհի վրայ, որ Հայ Հարցին առանցքը հայերու իսկ գործով կը փոխադրուի դէպի Կովկաս: Անիրաժեշտ է, որ արեւմտահայ զանգուածը ճնշում գործէ դիւանագէտներու վրայ՝ կեդրոնաւարով Արեւմտեան Հայաստանի վրայ: Եւ այս տեսակետով ես շատ կը ցաւիմ, որ Ազգ. Պատուիրակութիւնը ամբողջական Հայաստանի անկախութիւնը հռչակած օրն իսկ չէ կազմած Բարիզի մէջ հայ կառավարութիւն մը, որուն յետոյ միացած հռչակեր ինքզինք Երեսանի կառավարութիւնը: Այս բանն այսօր ալ կարելի է ընել: Ասիկա երկու կառավարութիւն ստեղծել չէր կրնար նշանակել, այլ՝ մէկ կառավարութիւն, որուն մէկ մասը ազատուած երկրամասին մէջ է եւ որուն միւս մասը Բարիզ կը գտնուի, որովհետեւ երկրին մէկ մեծ մասը դեռ չէ ազատուած: Բարիզի մէջ հայ պանդուխտ կառավարութեան մը գոյութեան օգտակարութիւնը չտեսնել կուրութիւն է ըստ իս, երբ մանաւանդ այդ կառավարութիւնը հիմնուած կ'ըլլայ պանդուխտ հայութեան ներկայացուցչութեան մը վրայ, ինչպիսին է այս Համագումարը:

Ահա՛ այս գլխաւոր պատճառները, որոնց վրայ հիմնուած՝ կը հակառակին կցումի ձեւով միացեալ կառավարութիւն ստեղծելու առաջարկին: Կը կրկնեմ՝ մենք պարտք ունինք միացեալ կառավարութիւն հռչակելու խնդրին մէջ նկատի ունենալ տարամերժօրէն արտաքին քաղաքական պարագաները: Ներքին տեսակետով միացեալ Հայաստանի եւ կառավարութեան հարց չկայ: Միացեալ Հայաստանը եւ կառավարութիւնը Ռուս Կայսրութեան տապալումի օրէն ի վեր իսկ արդէն ամէն հայու սրտին մէջ կ'ապրին ու անջնջելի են: Արեւելահայ Հանրապետութիւնը ամէն հայ արդէն կը նկատի իր իսկ, ուրեմն՝ հայութեան Հանրապետութիւնը, առանց ստիպուած զգալու ինքզինք հռչակելու անոր առժամեայ կառավարութիւնն ու խորհրդարանը՝ միացեալ կառավարութիւն ու խորհրդարան: Ով որ կարդացածը հասկնալ գիտէ, այս միութիւնը իրագործուած կը գտնէ խաղաղութեան ժողովին ներկայացուած Յիշատակագրին իսկ մէջ:

Տոթք. Ալթունեան կ'ըսէ, թէ ինքը որոշ գաղափար մը չէ կրցած կազմել այս խնդրոյն շուրջը եւ թէ ժողովականներուն մեծամասնութիւնը Եւրոպա ապրած ըլլալով վերջերս ժողովուրդի իսկական կամքն է վիճակէն լուր չունի: Ժողովուրդը իր միակ յոյսը դրած է Կովկ. Հանրապետութեան վրայ եւ կը կարծէ, թէ ան պիտի փրկէ զինքը: Երբ խաղաղութիւնը վերջնականապէս հաստատուի, այն ժամանակը կանոնաւոր եւ

օրինական ընտրութեանց կարելի է ձեռնարկել. մինչեւ այդ՝ պէտք է միութիւնը գոյացնել՝ մասնաբեր պետութեան լուծը թեթեւեղելու համար:

Բրոֆ. Թումայեան ամայժմ միացման հռչակուելու մէջ մեծ օգուտ մը չի տեսներ, որովհետեւ միութիւնը թոյլ պիտի տայ Երեւանի բանակին գրաւել Թրքահայաստանը: Հայկ. բանակը այնքան թոյլ է այժմ եւ այդ բարուածը այնքան դժուար, որ ես ամայժմ դրական օգուտ մը չեմ տեսներ միացումով:

Պ. Փափազեան նախ իւր գոհունակութիւնը կը յայտնէ վիճաբանութեանց հանդարտ եւ ակադէմիք բնոյթ ունենալուն: Այդ ապացոյց է, որ ամէնքս հաւասարապէս կ'ըմբռնենք խնդիրն լրջութիւնը: Յանձնաժողովը բանածեւ մը բերած էր, որուն մէջ Հանրապետութիւնը նկատուած էր իբր «հանգրուան» մը, իսկ Բրոֆ. Խաչատուրեանի բանածեւին մէջ ան կը ճանչցուէր իբր «կորիզ»: Այս երկու բնորոշումները, փոխաբերական իմաստով, կը յատկանշեն ժողովականներու երկու գլխաւոր մտայնութիւնները. անոնցմէ մին Հայկ. Հանրապետութիւնը կորիզ կը նկատէ, այսինքն՝ հունտ մը, որ հողին մէջն է, ան պիտի բուսնի եւ ուռճանայ, եթէ ան առողջ է, որուն չեմ կասկածիր, միւսը զայն կը նկատէ հանգրուան մը, այսինքն՝ տառապանքի երկար ժամանակէ մը յետոյ հասած կ'ըլլանք կայանի մը, սակայն շունչ մ'առնելու, որպէսզի անելի հաստատուն քայլերով կարենանք դիմել դէպի նպատակը: Այս վերջինը պիտի նախընտրենք մենք: Մենք հին սահմանին երկու կողքը ապրող հայերս այո՛, կորիզ եւ կայուն պիտի նկատենք զայն, եւ անելի շատ խարիսխ մը մեր յոյսերուն եւ նպատակներուն: Երկու հատուածները ազգային վիշտը երկար տանջանքի տարիներով բաժներ են: Մէկը իր կաշիով զգացած է, միւսը՝ հոգով, որ անելի ուժեղ է, քան թէ առաջինը: Պիտի վճռապէս գիտնանք, պարոններ, որ մանաւանդ ներկայ պարագաներու մէջ, անկախութիւնն առանց հատուածներու լուծման անհնար է եւ կորստաբեր: Թրքահայ ժողովուրդը, բարեբախտաբար, ըմբռնած է այս, որուն ապացոյցը Երեւանի մէջ գումարուած Արեւմտահայ Հանագումարն է, ուր ներկայ եղած է, ի միջի այլոց, Կովկասի Հանրապետութեան վարչապետը, որ յայտարարած է, թէ ինքը կու գայ Արեւելեան Հանրապետութեան կողմէ ողջունելու Արեւմտահայ Հանագումարը, որ սակայն ալ վերջինը պիտի ըլլայ, որովհետեւ այլեւս հատուածական բաժանում չկայ: Ուրեմն, դուք ճանչնաք-չճանչնաք՝ ժողովուրդը արդէն հոն կեանքին մէջ իրականացուած է այդ միութիւնը եւ ընդառաջ չերթալ անոր՝ ինքնասպանութիւն է:

Պ. Փափազեան կը ծանրանայ նաեւ Հանրապետութիւնը «ճանչնալ» բառի վրայ, որ շատ կը գործածուի ժողովին մէջ: Ոչինչ կ'արտայայտէ այդ բառը, կ'ըսէ ան, որովհետեւ այդ դիւանագիտական բառ մըն է եւ պետութիւն մը չենք, որ ճանչնալ կամ չճանչնալու հարց կը դնենք: Հայկական Հանրապետութիւնը մեր ցեղի մէկ մասնիկն է: Կարելի՞ է օրկանիզմի մը՝ իր մէկ մասը չճանչնալ՝ իր աչքը, իւր ձեռքը, եւայլն, երբ անոնք կան եւ գոյութիւն ունին իրենց function-ներով: (Չայներ. «Անշուշտ կը ճանչնանք»): Ուրեմն, մենք պէտք է, որ ճանչնանք ան, իսկ երբ կը ճանչնանք՝ անելի՛ պիտի ընդունինք, որ հայկական պետութիւն մը ունինք, որ մերն է: Կը թուի, թէ ճանչնալու հակառակողները երկիւղ մը ունին, որ կողմը պարզել. այդ երկիւղն է, թէ ի՞նչ պիտի ըլլայ այստեղի Պատուիրակութեան իրականացումը որութիւնը այդ պարագային: Բայց կրնան զանոնք հաւատացնել, որ Հանրապետութեան ընդունիլը այժմ իսկոյն միայն քաղաքական բարոյական նշանակութիւն ունի, իսկ ներքին մեր յարաբերութիւնները պիտի մնան անփոփոխ, մինչեւ որ արեւմտահայ ներկայացուցիչները կարենան մասնակցիլ պետական կազմին:

Ընդունիլ այդ Հանրապետութիւնը անհրաժեշտ է հետեւեալ գլխաւոր երեք պատճառներով. Ա.- Պէտք է մենք պետութիւն մը ունենանք, որ ներկայացնէ մեր ազգը, որպէսզի Հանրապետութիւնը պետութեան մը հետ խօսի եւ ոչ թէ ազգի մը հետ: Կասկած չկայ, որ ազգի մը հետ իբրեւ անկազմակերպ մասսա անելի տիրաբար կը փարի ան եւ կ'ըլլայ պահանջատէր, քան պետութեան մը հետ: Բ.- Մենք ունինք արտաքին աշխարհի մէջ թշնամիներ, որոնք ամէն կերպ կ'աշխատին բաժան-բաժան

տեսնալ, տարբեր շահաստաններ ցուցնել մեզ: Օրինակներ մեր նորագոյն դիւանագիտական պատմութիւնը կը ցուցնէ եւ ծանօթ է ձեզ:

Պ. Փափազեան կը յիշատակէ այն պարագան, որ Քոնֆերանսին ներկայանալու համար միայն Պատուիրակութեան նախագահին գովելի յամառութեան կը պարտինք՝ երկուքին միասնաբար ներկայանալը: Արդ, եթէ այս ժողովը այդ միութեան խօսքը չըսէ՝ կը նպաստէ դաւադիրներու ձեռնարկներուն: Ուշ կամ կանուխ, այս կամ այն մորթին տակ երեսան պիտի գայ: Մենք պէ՞տք է մտածենք նաեւ Կովկասի հայութեան քաղաքական ապագային մասին ալ, թէ՞ ոչ, որ մերն է եւ առանց որուն մենք չենք կրնար ապրիլ: Մենք միացման աքթովը կը փրկենք զանոնք այդ վտանգէն: Եւ եթէ չկատարենք այդ աքթը՝ թրքահայ ժողովուրդը կը դատապարտէ մեզ:

Կան. Պողոս Նուպար Փաշա իր խորին զարմանքը կը յայտնէ նախ, որ հոս ճանչնալու-չճանչնալու խօսք կ'ըլլայ եւ չի կրնար երեսակայել, որ ըլլայ այնպիսի մէկը, որ չճանչնայ Կովկասի Հանրապետութիւնը եւ ամէն ինչ չընէ զայն միւսներուն ալ ճանչցնել տալու համար: Իւր առաջին գործը որ եղաւ, երբ Պ. Ահարոնեան այստեղ հասաւ, այն էր՝ Հանրապետութեան ներկայացուցիչները ճանչցնել տալ Քոնֆերանսին եւ ծայն խնդրել հոն: Ապա մեծորանտումը մեր երկուքին կողմէ ստորագրուիլը միութեան իրապարակային արտայայտութիւններ են եւ երբ առիթը գտնանք՝ գործնականապէս ալ մարմինը պիտի ընենք: Բայց, դժբախտաբար, մեր վիճակը որոշելը միայն մեզմէ կախուած չէր: Եթէ այդպէս ըլլար՝ ես պիտի ըսէի՝ թող թրքահայերը Կովկասի: Բայց, դժբախտաբար, մեզմէ կախուած չէ եւ զլխաւորապէս կախում ունի քաղաքական պարագաներէ: Այնպիսի դժուարութիւններ կան, որ ամէնէն մեծ քաղաքագետներն իսկ շուարունի մատնած են: Բայց անտարակուսելի է, որ Թրքական Հարցը պիտի լուծուի եւ անելի առաջ քան, թէ Ռուսականը եւ այն ժամանակ, ըլլա՛յ մարդկայնօրէն, ըլլա՛յ քաղաքական շահու տեսակետով անկարելի է, որ ան թրքահայով չզբաղի: Արդէն Դաշնակիցները որոշած են Հայաստանը թիրքին լուծին տակ չթողուլ...

Պ. Շանթ կ'ընդմիջէ. Ապահով էք ատոր:

Փաշան կը պատասխանէ.

Տարակուսիլը չարագուշակութիւն է:

Փաշան կը շարունակէ.

Եւրոպան ստիպուած է լուծելու Արաբական, Սիրիական հարցերու հետ նաեւ Հայկականը: Դաշնակիցները այն օրը, երբ Թիրքիոյ հաշտութեան պայմաններու բանակցութիւններ սկսին, այն ժամանակ պաշտօնապէս եւ վերջնականապէս պիտի գործադրեն իրենց խոստումը թրքահայոց ազատումը ու անկախութիւնը կնքելով: Արդ, զգացումները մէկ կողմ ձգենք եւ անելի քաղաքականօրէն վարուելով՝ օգտուինք խնդրոյն այս վիճակէն: Այլապէս, ռուսահայոց կապուելով, Եւրոպան կրնայ մեզմով չզբաղիլ ու լքանել, որպէս Վրաստանի եւ Ատրպատականի եւ այլ Կովկասի մասերն: Ասկէ գատ՝ միութիւնը եթէ այժմէն յայտարարելու ըլլանք՝ յետոյ չպիտի կարենանք պահանջել, որ Ligue des Nations զնեզ իւր պաշտպանութեան տակ առնէ:

Պ. Ահարոնեան նախ կ'ընդմեջէ մէկ-երկու թիրքիմացութիւններ ճշդել թրքահաւատութեան մասին, որ կը յայտնուի Հայկական Հանրապետութեան բարոյական եւ ֆիզիկական արժեքներու մասին: Պ. Ահարոնեան կը յայտնէ, որ Հանրապետութիւնը 90000 զօրք ունի, թէ բազմաթիւ յաջող կռիւներ մղած է վրացոց դէմ, թէ միայն քաղցն է, հացի պակասն է, որ կը նեղէ զանոնք: Պ. Ահարոնեան կը յայտնէ նաեւ, որ Երեւանի խորհրդարանը թէեւ հոսանքներ ունի, բայց իւր գործը արժանաւոր կերպով կը տանի, թէ հոս անելի վե՛կ կայ, քան թէ հոն, թէ տարածայնութիւններ կան, թէ այնտեղի կառավարութիւնը սոսիալիսթներէ բաղկացած է, որոնք էջմիածնայ կալուածները բաժներ են, թէ այդպիսի բան տեղի չէ ունեցած եւ եթէ տեղի ալ ունենայ՝ ան կատարուած պիտի ըլլայ Հայ ժողովրդական Կուսակցութեան հաւանութեամբ, որովհետեւ Դաշնակցականները, զգալով դրութեան

ծանրութիւնը, նոյնիսկ կառավարութեան մէջ մեծագոյն մասը տուած են այդ կուսակցութեան: Գալով բուն խնդիրն, Պ. Ահարոնեան կը յայտնէ, թէ ան ունեցած է բոլորիս ծանօթ միջազգային զանազան փուլեր: Բայց այժմ միեւնոյնը չէ. այդ ըսելը մեր թշնամիներուն հացին իւր քսել ըսել է: Սխալ է նաեւ, որ Թրքահայ Դատը հիմնուած է միայն թրքական բարբարոսութիւններուն վրայ. եթէ մէկ հայ իսկ ջարդուած չըլլար, հայերը պիտի ունենային այն: Ապա Պ. Ահարոնեան, ցոյց կու տայ, թէ Կովկասն ու Թրքահայաստանը որքան սերտօրէն կապուած են իրարու, թէ առանց Կովկասի Թրքահայաստան չի կրնար ունենալ, որովհետեւ ժեռն Թիւրքերը արդէն լուծած են Թրքահայկական Չարքը:

Աղաթօն Պէյ կ'ըսէ, որ Պատուիրակութեանց Նախագահները իրենց կարծիքը յայտնեցին, կը փափաքէինք իմանալ թէ Համագումարին Նախագահը ի՞նչ կը խորհի անձնապէս այս կարեւոր հարցին վրայ:

Վսեմ. Նախագահ. Պ. Ահարոնեանի տուած այս բացատրութիւններէն կը յայտնուի, որ իւր եւ Պօղոս Նուպար Փաշայի միջեւ կարծեաց հիմնական տարբերութիւններ կան: Շատ փափաքելի էր, որ այս անհամաձայնութիւնները իրենց մէջ պարզուէին եւ կարգադրուած ըլլային: Յայտնի է, որ ընդհանուր ժողովները եւ բաշխմանները կ'առաջնորդուին իրենց վարչութիւններէն կամ պատուիրակութիւններէն, որոնք իրենց պաշտօնին բերմամբ մօտէն տեղեակ ըլլալով քաղաքական եւ յարաբերական իրաց ճշգրիտ ընթացքին՝ աւելի ձեռնհաս կը գտնուին, ճանապարհ գծելու, ուղեցոյց ըլլալու: Արեւմտեան հայութիւնը, արեւելահայութեան հետ այժմէն, մեր միջոցաւ, պաշտօնապէս միացնելու բարդ եւ ուշադրութեան արժանի հարցը ներքին եւ արտաքին հանգամանքներ ունի, զորս պէտք է ի նկատի առնել: Ըստ իս՝ հարկ է այսպիսի ձեռնարկի մը մեր քաղաքական յարաբերութեանց եւ դատին վրայ ունենալիք ազդեցութիւնը լաւ քննել ու խորհրդակցիլ նախապէս որոնք հետ որ անկ է: Արդ, Պ. Ահարոնեան երկրորդական կը նկատէ այդ կէտը քանի որ կ'ըսէ, թէ Դաշնակից ու պաշտպան տերութիւնք եթէ նոյն իսկ մեզ հակառակ խորհուրդ տան ու սպասեցէք ըսեն, պէտք չէ անսալ: Արդ, չի՞ կարելի արդեօք, որ ինքը եւ մեր Պատուիրակութեան Նախագահը որ լսեցին ժողովոյս մէջ վիճաբանութիւնները, միասին վերստին խորհրդակցելով համաձայնութեան եզր մը գտնան ու այնպէս արտայայտուին որով ժողովը երկու հոսանքի բաժանուած չի մնար ու անգամ մը եւս համերաշխութեան ոգին մեր մէջ հաստատուած ըլլալու գոհունակութիւնը կ'ունենանք: Յիշենք, կ'աւելցնէ Պ. Գ. Նորատուրկեան, որ անցեալի անմիաբանութեան հետեւանքն է, որ մեր հայրենիքը անբաղդ եղած է ու ի հեճուկս մատնուած: Տոյց տանք գործով եւ բանի, որ այս հարցի առթիւ եւս զիտցանք հարթել զմեզ բաժանող հայեցակէտները: Ասոր համար կ'առաջարկեմ քուէի չղնել այս բանաձեւերը, այլ՝ Պատուիրակութեանց թողուլ, որ խորհրդակցին ձեռնհաս անձանց հետ եւ ժողովոյն հաղորդել կամ ենթարկել իրենց վերջնական որոշումը, եթէ պէտք ըլլայ՝ մինչեւ իսկ առաջիկայ երկրորդ նստաշրջանի (session) բացման առթիւ ու պահուն:

Պ. Փաստըմաճեան եւ այլք դիտել կու տան, թէ այսքան օրերէ ի վեր թէ՛ Յանձնաժողովոյ եւ թէ՛ Համաժողովի մէջ առ այս տեղի ունեցած ջանքերը ապարդիւն եղած են: Նոյնը կ'ըսէ Պօղոս Նուպար Փաշա, որ նմանապէս կը խնդրէ վերջ տալ խնդրոյն՝ քուէարկութեամբ: Հետեւաբար, բանաձեւերը քուէի կ'ենթարկուին: Առաջինը՝ որ է Յանձնաժողովի առաջարկը՝ անուանաբար կը քուէարկուի (տեսնել վարը):

Բ. Բանաձեւը (տեսնել ստորեւ) կը ստանայ 10 քուէ:  
Վսեմ. Նախագահ. Ըստ այսմ Ա. Բանաձեւը ստացած է 13 քուէ, իսկ Բ.-ը՝ 10 քուէ միայն: Չեռնապի մնացած են Դուրեան Սրբազան եւ Տոքթ. Ալթունեան. ժողովէն արդէն մեկնած ըլլալով՝ քուէարկութեան չէ կրցած մասնակցիլ Պ. Դաւիթ-Բէկ: Հետեւաբար, օրինական 19 թիւը չէ գոյացած:

Ապա Վսեմ. Նախագահը կը ծանուցանէ, թէ ատենադպիրը զբաղած ըլլալով ատենագրութեանց պատրաստութեամբ՝ ժողովոյ յառաջիկայ նիստը տեղի պիտի ունենայ երկուշաբթի միայն:

Նիստը փակուեցաւ ժամը 8-ին:

Յանձնաժողովի կողմէ Պ. Չօպանեանի առաջարկը.

Ա. Բանաձեւ  
Փարիզի մէջ հաւաքուած Հայ Ազգային Համագումարը, որուն մասնակցեցան Թրքական Հայաստանի, Պարսկահայաստանի եւ հայկական բոլոր գաղութներու պատուիրակները, անգամ մը եւս հայ ազգը եւ հայ հայրենիքը կը հռչակէ մի եւ անբաժանելի՝ Կովկասէն մինչեւ Միջերկրական:

Իր խանդաղատագին ողջոյնը կ'ուղղէ բովանդակ հայ ազգի ազատագրական պայքարէն ծնած Հայկական Հանրապետութեան, անոր մէջ հրճուանքով տեսնելով 600 տարուան գերութենէ յետոյ հայ ազգային ազատութեան վերագարթումը եւ ճանչնալով զայն իբր առաջին հանգրուանը վաղուան Ամբողջական հայ տէրութեան:

Կ'արձանագրէ Հանրապետութեան պատուիրակներու՝ Համաժողովին մէջ ըրած յայտարարութիւնը, որու համեմատ՝ Կովկասի Հայկական Հանրապետութիւնը իր ծնած օրէն իսկ որոշած է միանալ Արեւմտեան Հայաստանին, անմիջապէս որ այս վերջինը հայ եւ Դաշնակից ոյժերով ազատի թիւրք տիրապետութեան յետին մնացորդներէն եւ ըստ Դաշնակից պետութեանց որոշ յայտարարութիւններուն՝ անկախ հայ կեանքի վերածուի:

Պարտք կը դնէ Ամբողջական Հայաստանի նորակազմ Պատուիրակութեան վրայ՝ իր բոլոր ջանքերը նուիրել նպաստելու, որ իրականանայ Հայաստանի երկու մեծ մասերուն միացումը միակ հայ տէրութեան մը մէջ:

Կոչ կ'ընէ բովանդակ հայ ժողովուրդին՝ օգնութեան հասնիլ մեր Կովկասի եղբայրներուն, որ մահամերձ թուրանական բռնապետութեան նիւթած դիւային դաւին հետեւանքով, սովի եւ ժանտատենդի կրնակի չարիքին ներքեւ ահաւոր ճգնաժամ մը կ'անցընեն այս րոպէին, ու կը հրաւիրէ մեր հայրենակիցները Ամբողջական Հայաստանի Պատուիրակութեան ընձեռել բոլոր նիւթական եւ բարոյական միջոցները՝ դիւրացնելու համար Հայաստանի բոլոր հողամասերուն ազատումը թիւրք իշխանութիւններէ:

Բրօժ. Խաչատուրեանի առաջարկը

Բ. Բանաձեւ

Հայաստանի միացման համար առաջարկներ.

1. Նկատելով, որ հայ ազգին առաջին անգամն ըլլալով կ'ազատագրուի իր դարաւոր ստրկութենէն իր իսկ հերոսական ճիգերով՝ Հայաստանի մէկ մասին մէջ եւ այսպիսի պայմաններու մէջ անհնար է ամէն բան սահմանադրական կանոններով կարգադրել,

2. Նկատելով, որ փաստօրէն հաստատուած՝ Հայաստանի Հանրապետութիւնը հիմնուած է հայրենիքի այն մասին մէջ, որ միշտ պատմական աթոռանիստն է եղեր հայ քաղաքական իշխանութեան եւ դարերէ հետէ կը շարունակէ նոյնը մնալ հայ հոգեւոր նուիրապետութեան «Ամենայն Հայոց Հայրապետովը»,

3. Նկատելով, որ ընդհանրապէս նոր ազատագրուած ազգերը հազիւ անգամ կը յաջողին առաջին քայլէն իսկ՝ տէր դառնալ իրենց ամբողջ պատմական հայրենիքին, այլ մէկ կեդրոնէ հետզհետէ կը տարածեն իրենց իշխանութիւնը ամբողջ երկրի վրայ,

4. Նկատելով, որ Հայաստանի հայութեան դուրս գտնուած շատ մասեր (Միջագետք, Սիւրիա, Գոնիա, Իզմիր, Պոլիս եւ ուրիշ գաղթավայրեր) եւ երկրի մէջ ալ՝

Կիլիկիա ի վիճակի են մասնակցելու Հանրապետության խորհրդարանին անդամ ընտրելու գործողության,

5. Նկատելով, որ Հայաստանի Հանրապետության անմիջապես համազգային ճանջնալն ու յայտարարելը մեծ կարեւորություն պիտի ունենայ մեր Դատի անբողջութեան յաջողութեանը համար եւ միւս կողմէ ամբողջ հայութիւնը պիտի ոգեւորէ մեզի համար այնքան կենսական համերաշխութեան ու սիրոյ շունչով մը,

Կ'առաջարկենք, որ Համագումարն անմիջապես յայտարարէ Հայաստանի Հանրապետութիւնը իբր կորիզը համազգային պետութեան եւ անմիջապես ձեռնարկէ պատրաստել ընտրական հրահանգներ, որով ապահովուի Հայաստանի Հանրապետութեան մէջ դեռեւս բաժին չունեցող հայութեան մասնակցութիւնը:

Ա. Խաչատուրեան  
Ներկայացուցիչ Միջազգային հայ փախստականներուն

Ամերիկահայ ներկայացուցիչներ  
Պ.Պ.Միքայելեան  
Ձ.Մաթիկեան  
Մ.Համբարձումեան

Յանձնաժողովի առաջարկի քուէ տուողներ  
Բրոֆ. Խաչատուրեանի առաջարկին քուէ տուողներ

Մոստիչեան	Խաչատուրեան
Մալքոն	Փափագեան
Ֆրնտըլեան	Հանըմեան
Չօպանեան	Մաթիկեան
Աղաթօն	Փաստըրմաճեան
Թումայեան	Միքայելեան
Թէրզիպաշեան	Համբարձումեան
Տէր Ստեփանեան	Շանթ
Նորատունկեան	Բարսեղեան
Ներսէսեան	Տէրպետեան
Պօղոս Փաշա	
Տէր Յակոբեան	10 քուէ
Հինդլեան	

Ձեռնպահ  
Դուրեան Սրբազան  
Տօք. Ալթունեան  
Բացակայ Դաւիթ պէլ

ՀԱԱ Ֆ. 430 Զ. 1 Գ. 33, քթ. 1-32: Բնագիր: Ձեռագիր:

**Նիստ 38-րդ**

8 Ապրիլ, 1919

Նիստը բացուեցաւ Վսեն. Նորատունկեանի նախագահութեան տակ, 28 անդամներու ներկայութեան, ժամը 5 ու կէսին:

**ՕՐԱԿԱՐԳ**

Միացեալ կառավարութիւն մը ստեղծելու համար կազմուած յանձնաժողովին պատրաստած բանաձեւին ընթերցումը /տես ստորեւ բանաձեւը/:

Կը կարդացուի Պ. Տամատեանի՝ Մարսիլիայէն տուած մէկ հեռագիրը, որով ցաւ կը հայտներ յանկարծահաս մեկնումին պատճառով հրաժեշտ տալ չկրնալու համար:

Դիւանին կողմէ կը հարցուի, թէ միստերուն արձանագրութիւնները պէ՞տք է անմիջապէս տպագրել տալ: Ժողովը յարմար չի տեսնար քաղաքական եւ ներքին ազգ. տեսակետով. այժմ հրապարակել տեղի ունեցած վիճաբանութիւնները:

Պ. Հինդլեան. Բուռն կերպով հակառակ է անոր եւ կը պահանջէ, որ ժողովուրդը մանրամասնօրէն տեղեակ ըլլայ ինչ արտայայտուած բոլոր միտքերուն եւ անցած-դարձածէն: **Թէն խնդիրը օրակարգի միւթ եղած չըլլար, բայց ժողովը հակառակ է Հինդլեանի երկրորդ եւ այս անգամ քստ կարգի բողոքին քուէարկութեան հասցեից** եւ նկատի ունենալով կարգ մը անպատեհութիւնք, 8 ձայնով ընդդէմ 5-ի կորոշէ առայժմ շարունակել միստերուն արձանագրութիւնները եւ ժողովուրդին հաշիւ տալ միայն Դիւանին ընելիք յայտարարութիւններուն սահմաններուն մէջ: Առ այս Պ. ատենադպիրը ատենագրութիւններէն քաղուած մը պիտի պատրաստէ, որը այս նստաշրջանի բացման օրը ժողովոյ մէջ կարդացուելով հրատարակութեան պիտի դուրսի:

Յետոյ կը կարդացուի Հալեպէն եկած հետեւեալ գիրը.  
«Վսենափայլ  
Պօղոս Նուպար Փաշա.  
Նախագահ Հայկական Պատուիրակութեան  
ի Փարիզ:

Վսենաշուք Փաշա.  
Եգիպտական «Էլ.-Մոզաթթամ» թերթին մէջ մը հրատարակուէր է Ձեր Վսենութեան մէկ յայտարարութիւնը, որուն մէջ Կիլիկիոյ իբրեւ արեւելեան սահման կը հիշուին Ամանոս լեռները: Այս դիտութեամբ

- 1. Նկատելով, որ վերոյիշեալ տեղերը պատմական օրէն եւ ազգագրականօրէն կը պաթթանին բուն իսկ հայկական Կիլիկիային.
  - 2. Նկատելով, որ այն տեղերը ռազմագիտական, առեւտրական, ուսումնական եւ երկրագործական տեսակետներով առաջակարգ դիրք մը կզգրուեն Կիլիկիոյ մէջ:
  - 3. Նկատելով, որ այս վայրերու հայութիւնը վերջին քառորդ դարու ընթացքին իր հարիւր քսան հազար զոհերու արիւնովը նուիրագործած է իր սեփականութեան իրաւունքը.
  - 4. Նկատելով, որ հակառակ թուրքի սիստեմատիկ հալածանքներուն ու ջարդերուն, սոյն տեղերը այսօր իսկ կը պարունակեն մօտ վաթսուն հազար վերապրող հայութիւն մը:
- Հետեւաբար, վերոյիշեալ վայրերուն Կիլիկիայէն անջատումը պիտի ըլլայ պատմական ամենամեծ զրկում մը եւ անդարմանելի կորուստ մը Կիլիկիային:

Ուստի, խուսափելու համար պատմական ամենամեծ անիրաւութենէ մը եւ անոր աղիտալի հետեւանքներէն, եւ խնայելու համար այսքան ստուարաթիւ հայութեան մը նորանոր տեղափոխութիւններէն կիսնդրենք, որ անմիջական դիմումներ ընենք առ որ անկէ, որպէսզի Այնթապի եւ Մարաշի սահմակները եւ Քիլիս եւս մաս կազմէին նորակազմ Կիլիկիային:

Հաճեցէք ընդունիլ խորին յարգանաց հաւաստին  
Ձեր խոնարհ ծառաներն

ի դիմաց Քիլիսի մասնախումբին, ի դիմաց Մարաշի մասնախումբին, ի դիմաց Այնթապի մասնախումբին, **ի դիմաց Քիլիսի համախումբին**

Ատենադպիր՝  
Յ. Բեշիշեան»

### ԱՄՓՈՓՈՒՄ ՀԱՅ ԱԶԳԱՅԻՆ ՀԱՄԱԳՈՒՄԱՐԻ ԱՇԽԱՏՈՒԹԵԱՆՑ ԵՒ ՈՐՈՇՄԱՆՑ

Հայ Ազգային Համագումարը, հաւաքուած ի Փարիզ, ունեցաւ ընդամենը 43 նիստ, որոնց հինգը՝ նախապատրաստական:

Սոյն նախապատրաստական նիստերու զումարումէն, այն է, 1919 Փետր. 18-էն առաջ, աւելի քան մէկ ամսուան ընթացքին տեղի ունեցան զրեթէ ամենօրեայ հաւաքոյթներ, մասնակցութեամբ Ազգ. Պատուիրակութեան հին եւ նոր կազմի (ըստ հրաւիրագրի՝ զօրեղացած Պատուիրակութեան) եւ հետզհետէ հասնող Համագումարի անդամներուն, որոնք կատարեցին աշխատութիւններ, ինչպէս՝ հաղաղութեան Վեհաժողովին ներկայացուելիք Յիշատակագիրին վիճաբանութիւնը, եւ ընտրեցին Յանձնաժողովներ՝ հաւատարմագրերու ճշդման, Հայկական Լեգէոնի վերաբերեալ խնդրոց, Նպաստից եւ Համագումարի կանոնագրին պատրաստութեան համար:

Համագումարի անդամ ճանչուեցան, Ազգ. Պատուիրակութեան պաշտօնի վրայ գտնուող անդամներէն զատ, նաեւ Պատուիրակութիւնը ուժեղացնելու համար կամ Պատուիրակութեան մօտ իբրեւ ներկայացուցիչ զանազան հայ համախմբումներու կողմէ ընտրուած անձնաւորութիւնները, Վեհ. Կաթողիկոսի Ամերիկայի ներկայացուցիչը եւ Համագումարին կողմէ հրաւիրուած հինգ ծանօթ գործիչներ: Պատուիրակութեան անդամներէ, ինչպէս եւ հրաւիրեալ անդամներէ ոմանք ունեին կամ վերջէն ունեցան նաեւ Համագումարի համար ընտրուած պատգամաւորի հանգամանք: Կովկասի եւ Ռուսաստանի հայութիւնը քուէի ծայրով մասնակցելու համար պատգամաւորներ զրկած չէր Համագումարին, որովհետեւ հաղաղութեան Վեհաժողովին համար ընտրուած Պատուիրակութեան Երեւանէ մեկնած միջոցին, Հայ Հանրապետութեան կառավարութիւնը ստացած չէր Ազգային Պատուիրակութեան հրաւիրագիրը, ինչպէս յայտարարեց Նախագահը՝ Պ. Ա. Ահարոնեան, որ նոյն պատգամաւորութեան անդամ Պ. Հ. Օհանջանեանի հետ մասնակցեցաւ Համագումարին՝ միմիայն խորհրդակցական հանգամանքով: Համագումարի քուէարկու անդամներուն թիւը այսպէսով աստիճանաբար բարձրացաւ, մինչեւ իր փակումէն քիչ առաջ հասնող նոր պատգամաւորներով, երեսուն է ութ:

Ահաւասիկ Համագումարի նախապատրաստական վերոյիշեալ հինգ նիստերուն եւ պաշտօնական բացումէն մինչեւ փակումը, այն է Փետրուար 24-էն մինչեւ Ապրիլ 22, զումարուած 38 նիստերուն, ընդամենը 43 նիստի մէջ կատարուած աշխատութեանց համառօտ մէկ ամփոփումը:

1. Ընտրութիւն Համագումարի Դիւանին: Ընտրուեցան՝

Նախագահ՝ Վսեմ. Գ. Նորատուրկեան, դեր-Նախագահներ՝ Պ. Պ. Բոսֆ. Տէր-Յակոբեան եւ Ա. Չօպանեան, ատենադպիրներ՝ Պ. Պ. Վ. Թէքեան եւ Ն. Տէր-Ստեփանեան. այս վերջնոյն հրաժարելէն յետոյ՝ Պ. Գ. Ֆնտզեան:

2. Քննութիւն եւ վաւերացում Համագումարի ներքին կանոնագրին:

3. Քննութիւն եւ վաւերացում ժողովի իրաւասութեան եւ աշխատութեանց ծրագրին:

4. Վաւերացում նախապէս պատրաստուած եւ հաղաղութեան Վեհաժողովին ներկայացուած Հայկական Պահանջներու Յիշատակագիրին:

5. Ձեկուցում Ազգ. Պատուիրակութեան Նախագահ Վսեմ. Պօղոս Նուպար Փաշայի՝ Պատուիրակութեան ի սկզբանէ մինչեւ այժմ կատարած աշխատութիւններուն եւ ստացած արդիւնքներուն վերաբերմամբ:

6. Քննութիւն եւ վաւերացում հայ ազգին Թուրքիոյ եւ Կովկասի մէջ այս պատերազմի ընթացքին կոտորածներու, տեղահանութեան եւ այլ աղէտներու հետեւանօք կրած վնասներուն հատուցման վերաբերող Յիշատակագիրին, որ ներկայացուեցաւ հաղաղութեան Վեհաժողովին եւ, որուն համաձայն, վերոյիշեալ վնասուց ամբողջական զումարը կը յանգի 19 միլիառ 130 միլիոն 982 հազար ֆրանքի: Այս զումարին 14 միլիառ 598 միլիոն 510 հազարը արեւմտեան հայոց պահանջներուն եւ մնացեալ 4 միլիառ 532 միլիոն 472 հազարը արեւելեան հայոց պահանջներուն համար:

7. Քննութիւն եւ վաւերացում Ելեւմտական Յանձնաժողովին կողմէ Ազգ. Պատուիրակութեան յառաջիկայ վեց ամսուան գործունէութեան համար պատրաստուած Ելեւմտացոյցին, որուն համաձայն՝ ազգային զանազան պէտքերու համար նուազագոյն 15 եւ առաւելագոյն 30 միլիոն ֆրանքի ծախսուց զումար մը կը նախատեսուի, հասոյթի զանազան եղանակներու առաջարկութեամբ, որոնց յարմարագոյն գործադրութիւնը յանձնուած է նոր Ազգ. Պատուիրակութեան:

8. Քննութիւն եւ վաւերացում յատուկ Յանձնաժողովի մը կողմէ պատրաստուած նոր Ազգ. Պատուիրակութեան տրուելիք ուղեցոյցներու (Տիրքթիւ) ծրագրին, որուն մէջ մանրամասնուած են պետութեանց հետ բանակցութիւններու ընթացքին Պատուիրակութեան հետեւելիք ուղղութիւնն ու դնելիք պահանջները՝ հիմնուած Յիշատակագրի գլխաւոր սկզբունքներուն վրայ:

9. Քննութիւն եւ վաւերացում Հայկական Լեգէոնի ներկայ վիճակին, կամաւորներու վերստին յանձնառագրումին եւ Լեգէոնի ապագայ գործածութեան հարցերուն մասին յատուկ յանձնաժողովի մը կողմէ բերուած առաջարկներուն:

10. Քննութիւն Պատուիրակութեան տրուելիք ուղեցոյցներու առթիւ վերապահուած յաւելումական մասի մը, որով կը փափաքուէր Համագումարի ընթացքին իսկ կարելի դարձնել թրջական եւ ռուսական Հայաստաններու միացումը, միակ ներկայացուցչութեան մը եւ միակ կառավարութեան մը ստեղծմամբ: Յետ բազմաթիւ խորհրդակցութեանց՝ որոշուեցաւ սոյն խնդրոյն իրականացումը յանձնել նորընտիր Պատուիրակութեան՝ ըստ ուղեցոյցներու տրամադրութեան:

11. Ընտրութիւն Ապրիլ 2-ի նիստին մէջ Հայ Ազգային Պատուիրակութեան, բաղկացած վեց անդամէ, որ համաձայն նոր Պատուիրակութեան համար ընդունուած ուղեցոյցներուն՝ Հայ Հանրապետութեան Պատուիրակութեան հետ կը կազմէ «Ամբողջական Հայաստանի Պատուիրակութիւնը» եւ անոր հետ միասին պիտի աշխատի ձեռք բերել Յիշատակագիրով բանաձեւուած հայկական պահանջներու գործադրութիւնը եւ պիտի հետապնդէ ազգային դատին յարակից բոլոր հարցերուն բարուք լուծումը: Նորընտիր Պատուիրակութեան անդամ ընտրուեցան Վսեմ. Պօղոս Փաշա Նուպար, Պ. Պ. Բոսֆ. Տէր-Յակոբեան, Ա. Չօպանեան, Գ. Փաստրմաճեան, Տոքթ. Յ. Ներուզ, Վ. Թէքեան:

12. Քննութիւն Հայկական Վնասուց Հատուցման Յիշատակագիրին վրայ աւելցուելիք նոր յուշագրի մը՝ վնասուց պատասխանատուութեան եւ զանձնան վերաբերեալ: Սոյն յուշագրին ամբողջացումն ու առաքումը յանձնուեցաւ Պատուիրակութեան:

13. Ընտրութիւն, համաձայն Համագումարի իրաւասութիւնն ու գործունէութիւնը ճշդող ծրագրին, յանձնաժողովի մը, որուն պաշտօնն է մօտաւոր փոխանցման շրջանին համար Հայաստանի վարչական կազմը ճշդող առժամեայ ծրագիր մը կազմել եւ զայն ենթարկել Համագումարի վաւերացման երբ Համագումարը վերստին ի նիստ հրաւիրուի Պատուիրակութեան կողմէ, ինչպէս պարտաւոր է ընել այն ատեն, երբ Հայաստանի քաղաքական բախտին մասին հաղաղութեան Վեհաժողովն իր որոշումը տայ, կամ երբ Պատուիրակութիւնը հարկ տեսնէ Համագումարին դիմել ուրիշ որեւէ անակնկալ հարկեցուցիչ պարագայի առջեւ:

Օրակարգի նիւթ կազմող եւ վերեւ թուուած այս խնդիրներն գատ, Համագումարը իր նստաշրջանի միջոցին զբաղեցաւ նաեւ կարգ մը խնդիրներով, որոնցմէ յիշենք՝ հայկական հողամասերու գինուորական գրաման, Կիլիկիոյ եւ Սիւրիոյ մէջ ապրող տարագիր հայ ժողովուրդին ապահովութեան, Արեւելեան Հայաստանի սովաբեկ հայ ժողովուրդին պարենաւորման, Կիլիկիոյ համար բժշկական միսիոնի մը, հիւանդանոցի կազմածներու, դեղորէից եւ զգեստեղէնի, ինչպէս նաեւ Արեւելեան Հայաստանի համար դեղորէից առաքման խնդիրները: Ասոնցմէ վերջիններուն Համագումարը յաջողեցաւ մասամբ գոհացում տալ Պատուիրակութեան տրամադրելի միջոցներով:

Համագումարը իր նստաշրջանին միջոցին դժբախտութիւնն ունեցաւ լսելու Հալէպի մէջ հայերու վրայ գործադրուած կոտորածի մը գոյժը, ինչպէս նաեւ Իսկեններուն եւ Ատանա գոմուղը Հայկական Լեզնի վաշտներուն մէջ պատահած յոժ ցաւալի դէպքերը: Համագումարը թէ՛ Հալէպի կոտորածին եւ թէ՛ միւս պատահարներուն կրկնութեան առաջը առնելու համար հնարաւոր միջոցները խորհեցաւ եւ անոնց գործադրութիւնը յանձնարարեց Պատուիրակութեան:

Ի բաց առեալ Հայաստանի տնտեսական եւ քաղաքական կացութեան մասին Պատուիրակութեան հասած կարեւոր տեղեկագիրներու ընթերցումը, Համագումարը լսեց, իր նստաշրջանի տեւողութեան միջոցին, Ազգային Պատուիրակութեան Նախագահին եւ Հայկ. Հանրապետութեան ներկայացուցիչին Խաղաղութեան Վեհաժողովին կողմէ ունկնդրութեան զեկուցումը, Թիւրքիայէն եւ Կովկասէն հասնող պատգամաւոր եւ ոչ-պատգամաւոր ձեռնհաս հայրենակիցներու բերանացի եւ գրաւոր ընդարձակ զեկուցումները, ինչպէս նաեւ զաղութներէ եկած պատգամաւորներուն՝ գաղութներու հայկ. կենսաբան եւ գործունէութեան վերաբերմամբ ըրած մանրամասն տեղեկատուութիւնները:

Համագումարը ստիպուեցաւ նաեւ նկատի առնել Երուսաղէմի Ս. Յակովբեանց վանուց Սիւրբանութենէն հասած հեռագրական դիմումները, եւ յանձնարարեց յիշեալ վանուց համար մատակարար մարմնի մը կազմութիւնը՝ համաձայն Երուսաղէմի գինուորական կառավարիչին կատարած կարգադրութեան, նկատելով, որ Պոլսոյ Պատրիարքութիւնը այս միջոցին ի վիճակի չէր այս հարցով զբաղելու:

Այս առաջին նստաշրջանի փակման առթիւ Համագումարը պարտք համարեց իր եղբայրական ջերմ ողջոյնները ուղղել Հայկական Հանրապետութեան, անոր մէջ տեսնելով վեց հարիւր տարիէ ի վեր առաջին անգամ վերագարթնող հայ ազատութեան հրճուառիթ պաթքերը, եւ յոսնկայս իր խորին յարգանքն ու պաշտամունքը յայտնեց մեր ցեղի բազմաչարչար նահատակներուն եւ այն բիւրաւոր մարտիկներուն յիշատակին, որոնք իրենց հերոսական պայքարներով պատրաստեցին Հայկական Դատին յաղթանակը:

Համագումարը որոշեց նոյնպէս, որ Դիւանը սոյն առթիւ դրկէ Համագումարի զգացումները յայտնող ուղերձներ՝ Նախագահ Ուիլսոնի, Պ. Պ. Քլէմանտոյի, Լլոյտ ճորճի եւ Օրլանտոյի, կոչ մը Դաշնակից ազգերուն՝ լրագրաց մէջ հրատարակուելու համար, եւ հեռագիր մը Հայ Հանրապետութեան, Երեւան:

Այն պահուն երբ Համագումարը իր աշխատութեանց գլխաւոր մասը կատարելէ ետք՝ կը դադրեցնէ իր Ա. նստաշրջանը, նորընտիր Ազգ. Պատուիրակութիւնը Հայկական Հանրապետութեան հետ ձեռնարկած է արդէն իրմէ սպասուած աշխատութեան, եւ ուղեցոյցներու տրամադրութեան համաձայն շուտով ամբողջացնելով իրեն գործակցելու կոչուած Երեւոյթի, Ելեւոտական, Բորթալանտի եւ այլ գլխաւոր Յանձնաժողովներու կազմութիւնը, պիտի պսակէ ամշուշտ Համագումարին իր վրայ դրած յոյսերը:

### Դաշնակից ազգերուն ուղղուած կոչը

Փարիզ հաւաքուած Հայ Ազգային Համագումարը պարտք կը համարէ, իր աշխատութեանց աւարտին, յայտնել իր երախտագիտութիւնը կեղեքեալ ժողովուրդներու վեհամեն բարեկամ Ֆրանսային, որուն մեծաշուք մայրաքաղաքը իրեն շնորհեց ազնիւ իր ասպնջականութիւնը:

Կ'ուղղէ գործակից ողջոյն մը բոլոր Դաշնակից ազգերուն, որ բռնութեան դէմ պայքարեցին համար նիզակակցեցան եւ որոնց դիւցազնական ճիգը արդար յաղթանակով մը պսակուեցաւ:

Կը հռչակէ անգամ մը եւս հայ ազգին կամքը իր ազատ հայրենիքն ունենալու՝ անկախ տէրութեան մը մէջ իր բոլոր հողամասերուն միացմամբը կազմուած, եւ կը յուսայ, որ Հաշտութեան Վեհաժողովը, որ խորին համակրութեամբ ընդունեց իր պահանջներուն արտաբերումը, պիտի իրականացնէ ընդհուպ մեր ազգին միահաղոյն բաղձանքները:

Այդ իրականացման մինչեւ ցարդ յապաղումը ստեղծած է վտանգալից կացութիւն մը, որ կրնայ նոր աղէտներ յառաջ բերել՝ եթէ այդ յապաղումը երկարածգուի տակաւին:

Մեր հայրենիքին մէկ ամբողջ շրջանը՝ Անդրկովկասեան Հայաստանը, արդէն ազատագրուած է իր իսկ միջոցներով, եւ ձեւացուցած է Հանրապետութիւն մը, պատրաստ միանալու ամբողջական Հայաստանի անկախ տէրութեան, որ վաղը պիտի կազմուի: Ուրիշ շրջան մը՝ Կիլիկիան, գրաւուած է Դաշնակից զօրքերէ, որոնց ներկայութիւնը թոյլ կու տայ Միջագետք քսորուած մեր հայրենակիցներուն, զալ հոն կեդրոնանալ: Բայց Օսմանեան Հայաստանի նահանգները, որ թուրանական ամենէն չարաշուք խժոժութեանց թատերաբեմ եղան, կը սպասեն դեռ իրենց ազատագրմանը, եւ իրենց բնակիչները, Կովկաս ապաստանած, դեռ չեն կրնար դառնալ իրենց տունն ու տեղը եւ գարնան վարուցանքն ընել: Հազարաւոր հայ կիներ ու երեխաներ կը շարունակեն հարէմներու մէջ փակուած մնալ: Միութիւն ու Յառաջդիմութիւն քոմիթէին անդամները, բովանդակ Արեւելքի մէջ տարածուած, մահմետական ցեղերը կը զոգրեն քրիստոնէաներուն դէմ եւ կը պատրաստեն նոր դաւեր, որոնց անխուսափելի հետեւանքը պիտի ըլլան անդարմանելի աղէտներ. արդէն իսկ Հալէպի մէջ հայերու կոտորած մը տեղի ունեցաւ վերջերս. Կովկասի թաթարները, թուրք սպաներէ առաջնորդուած, գրաւած են ինչ-ինչ հայկական հողամասեր եւ կ'ուզեն զանոնք կցել Ատրպատականի կառավարութեան: Վերջապէս, մեծ սով մը եւ ժանտատենդը Անդրկովկասեան Հայաստանին մէջ կը հնձեն հազարաւոր կեանքեր այն պատճառաւ, որ թուրք զօրքերը, Անդրկովկասէն քաշուած ատեննին, իրենց հետ տարած են ամբողջ ցորենը, ուտեստները, արջառը եւ դեղօրայքը:

Մեզի համար շատ տաժանելի է տեսնել մեր ժողովուրդին տանջանքներուն երկարածգունը, Դաշնակիցներու լիակատար յաղթանակի շրջանին մէջ, Իրաւունքի դատին համար հայութեան ստանձնած այնքան ծանր գոհաբերութենէն եւ Ազատութեան պայքարին մասնակցելու համար իր ոյժէն այնքան գերիվեր ճիգէն յետոյ, զոր ան պարզեց, ու երբ գրեթէ բոլոր հարստահարեալ ժողովուրդները արդէն իսկ ազատուած են գիրենք կապկպող շղթաներէն:

Ստիպողական կոչ մը կ'ուղղենք Դաշնակից ժողովուրդներուն, խնդրելով որ իրենց ծայր մերիմին միացնեն պահանջելու համար Հաշտութեան Վեհաժողովէն, որ փութացնէ լուծումը Հայկական Հարցին:

Մենք վստահութիւն ունինք Դաշնակից կառավարութեանց արդարամիտ ոգւոյն, բայց չսպիւզանք երկարատեւ յապաղում մը կրնար մեր ժողովուրդին համար կորստաբեր ըլլալ եւ Ազատութիւնը՝ եթէ շատ ուշ գայ ճառագայթել Հայաստանին վրայ՝ կրնայ հոն լայնատարած գերեզմաննոց մը միայն գտնել:

Շա՛տ երկար ատենէ ի վեր Հայաստան կը տառապի ու կը մաքառի Ազատութեան համար. ան իրաւունք ունի յուսալ, որ յաղթական ազատասեր աշխարհը

այլևս պիտի չլինի հարկաւոր անմիջական կարգադրութիւններն ընել անոր մարտիրոսութեան վերջ դնելու եւ անոր երկար ու դժնդակ ճիգը վարձատրելու համար:

**Հայաստանի Հանրապետութեան ղրկուած հեռագիրը**

Փարիզ համախմբուած Հայ Համագումարը, իր առաջին նստաշրջանի փակման առթիւ, Հայկական Հանրապետութեան կ'ուղղէ իր եղբայրական խանդաղատագին ողջոյնը: Սրտագին կը մտաբերէ, որ ընդհուպ իրականանայ Միացեալ Հայաստանի Հանրապետութեան կազմակերպութիւնը, եւ լիայոյս ենք, որ ձեր եւ մեր ջանքերով պիտի պատկուին մեր իղձերը՝ ընդհանուր խաղաղութեան կնքման պահուն՝ Ազգային Դատին կատարեալ յաղթանակովը:

**ԱԶԳԱՅԻՆ ՀԱՄԱԳՈՒՄԱՐԻ ԱՆԴԱՄՆԵՐԸ**

Կ. Պոլիս	Ամեն. Եղիշէ Արքեպս. Դուրեան
»	Պ. Պ. Բրոֆ. Ա. Տէր-Յակոբեան
»	Տոքթ. Ա. Բարսեղեան
»	Գրիգոր Սինապեան
»	Պօղոս Պէյ Մըսրըլը
Կովկաս (արեւմտահայ փախստականներու կողմէ)	Վ. Փափազեան Ա. Թէրզիպաշեան Լ. Շանթ
Եգիպտոս	Տոքթ. Ներուզ
»	Վ. Թէքեան
Պուլկարիա	Տոքթ. Գ. Սայեան
»	Ս. Հինդլեան
Պարսկաստան	Վսեն. Յովհ. Խան Մասեհեան (անդամ Ազգ. Պատ.)
»	Պ. Պ. Ս. Վարանդեան
Անգլիա	Գ. Յակոբեան
»	Գ. Ֆնտզլեան
Հնդկաստան եւ ճավա	Վսեն. Պօղոս Փաշա Նուպար (անդամ Ազգ. Պատ.)
Զուիցերիա	Վսեն. Գ. Նորատունկեան
Իտալիա	Պ. Տոքթ. Ն. Տէր-Ստեփանեան
Վենետիկ (Մխիթարեան Միաբանութ.)	Գեր. Յովհ. Վարդ. Թորոսեան
Ռումանիա	Պ. Պ. Ս. Տէրպետրեան
Ֆրանսա	Ներսէս Խան Ներսէսեան
»	Տիգրան Խան Քէլէկեան
Ամերիկա	Ե. Աղաթօն Պէյ (առժամեայ)
»	Մ. Համբարձումեան
»	Զ. Մաթիկեան
»	Ա. Միքայէլեան
Միջագետք	Ե. Տէրվիշեան
»	Բրոֆ. Խաչատուրեան
Հալէպ եւ Այնթապ	Տոքթ. Ալթունեան
Յունաստան	Յ. Ն. Մոստիչեան (անդամ Ազգ. Պատ.)
Անդամ Ազգ. Պատուիրակութեան	Գ. Մալքուն

Ներկայացուցիչ Վեհ. Կաթողիկոսի  
յԱմերիկա  
Հրաւիրեալ անդամներ

Տոքթ. Գ. Փաստրմաճեան  
Ս. Տամատեան  
(նաեւ ընտրեալ Ամերիկայէն)  
Ա. Չօպանեան  
Ա. Հանըմեան (նաեւ ընտրեալ պարսկահայ փախստականներէ)  
Ս. Ս. Դաւիթ-Բէկ  
Բրոֆ. Կ. Թումայեան

»  
»  
»  
»

Հայկ. Հանրապետութեան Պատուիրակութեան անդամներ,  
որոնք մասնակցեցան Ազգ. Համագումարին խորհրդակցական ձայնով  
Պ. Պ. Ա. Ահարոնեան

Հ. Օհանջանեան

ՀԱԱ, ֆ. 430, ց. 1, գ. 20, թթ. 1-4: Տպագիր: Բնագիր:

**ԵՐԿՐՈՐԴ ՀԱՄԱԳՈՒՄԱՐ**

**Նիստ Ա.  
Բացման նիստ**

Հորեքշաբթի, 5 Մայիս 1920, ժամը 2 1/2-ին,  
նախագահութեամբ Գաբրիէլ Էֆ. Նորատունկեանի  
Ներկայ էին 16 պատգամաւորներ՝  
Ամեն. Դուրեան Արքեպ., Պ. Պ. Աղաթօն Պէյ, Բարսեղեան, Դաւիթ-Բէկ, Ա.  
Թէրզիպաշեան, Վ. Թէքեան, Ա. Հանըմեան, Գ. Նորատունկեան, Պօղոս Նուպար  
Փաշա, Տոքթ. Ներուզ, Ներսէսեան Խան, Ա. Չօպանեան, Պօղոս Պէյ Մըսրըլը, Զ.  
Պզտիկեան, Գ. Սինապեան, Տիգրան Խան Քէլէկեան:  
Մասնաւոր հրաւերով այս բացման նիստին ներկայ էին նաեւ Ամեն. Զաւէն Ս.  
Պատրիարք, Գերերջ. Թէրզեան Ս. Կաթողիկոս, Գերապայծառ Նազլեան, Փարիզի  
հոգեւոր հովիւ Վառնշապուհ Ծ. Վարդապետ, Պ. Պ. Էնֆիաճեան, Փիրալեան,  
Զօրավար Կորկանօֆ եւ Տիգրան Չայեան:  
Բացառաբար, եւ լոկ այս բացման նիստին ներկայ գտնուեցան նաեւ մամուլի  
ներկայացուցիչներ, մասնաւոր հրաւերով:

**ՕՐԱԿԱՐԳ**

**1. Բացում Ազգ. Համագումարի Բ. նստաշրջանին**

Նորատունկեան Գաբրիէլ Էֆենտի, Նախագահ Ազգ. Համագումարի, Ս. Հարք եւ  
Տիարք, Չեզ ամենուր յայտնի է, թէ Ազգ. Համագումարը ի՛նչ պարագաներու տակ  
անցեալ տարի հաւաքուեցաւ Փարիզ: Չեն ուզեր մի առ մի ներկայացնել այն  
աշխատութիւնները, զորս կատարեց իր առաջին նստաշրջանին մէջ: Բայց կը յիշէք  
անշուշտ, թէ այդ նստաշրջանին վերջին օրերուն, իր աշխատութիւնները ամփոփած  
միջոցին, Ազգ. Համագումարը քանի մը. կարգադրութիւններ ըրաւ, որոնց շարքին  
կազմեց յանձնաժողով մը, որ պիտի մշակէր հայկական կառավարութեան  
յառաջիկային ունենալիք կազմական կանոնագրին գլխաւոր կէտերը, ինչպէս նաեւ  
հոգատար պետութեան եւ հայկական կառավարութեան փոխադարձ  
յարաբերութիւնները ճշդող օրինագիծ մը: Այս յանձնաժողովին աշխատութիւնները  
քննութեան պիտի ենթարկուին Ազգ. Համագումարին կողմէ, իր երկրորդ

նստաշրջանին մէջ: Ազգ. Համագումարը միանգամայն որոշած էր, որ Ազգ. Պատուիրակութիւնը իրաւունք ունենայ հրաւիրելու Համագումարը, եթէ երբեք պէտք տեսնէ անոր հաղորդելու Ազգ. Դատին պաթթաճող ռեւէ խնդիր եւ այդ մասին Համագումարին հետ խորհրդակցիլը անհրաժեշտ դատէ: Նաեւ՝ Ազգ. Պատուիրակութիւնը Համագումարը հրաւիրէ՝ երբ հոգատար պետութիւնը որոշուի, որպէսզի կարելի ըլլայ քննել եւ վերջնական ձեւի մը ենթարկել այն օրինագիծը, որ պիտի սահմանէ հոգատար պետութեան եւ հայկական կառավարութեան փոխադարձ յարաբերութիւնները: Այն ատեն յոյսով էինք, թէ քիչ ատենուան մէջ կը պարզուին գլխաւոր առկախ հարցերը եւ Ազգ. Համագումարը իր երկրորդ նստաշրջանը գումարելով եւ իր գործը աւարտելով կը բաժնուի: Բայց իրերը այնպէս բերին, որ այդ առկախ խնդիրները անլոյծ մնան: Տարիէն աւելի անցաւ Համագումարին առաջին նստաշրջանին փակումէն ատիկէն, եւ տակաւին անոնց նկատմամբ վերջին խօսքը ըսուած չէ: Ի՞նչ ըրինք այդ մէկ տարուան միջոցին, ի՞նչ դրութեան մէջ ենք այսօր, ի՞նչ բախտ վիճակեցաւ մեր խնդրին, որ եթէ մեզի համար ազգային-քաղաքական խնդիր մըն է, քաղաքակիրթ աշխարհին համար ունէր ո՛չ միայն քաղաքական, այլեւ մարդասիրական մեծ նշանակութիւն: Ինքնատիպ յաթթութիւններով եւ բարձրագոյն կարողութիւններով օժտուած ազգ մըն էինք, դատապարտուած ամէնէն դժմոյակ պայմաններուն, որոնք դուն արիք, ծանրացած են ժողովուրդի մը վրայ: Մեծ չէր մեր ազգը, բայց ապրելու իրաւունքը լոկ մեծերուն չի պաթթանիր, փոքրերը նոյնքան տէր են այդ իրաւունքին: Փոքրիկ հայութիւնը մանաւանդ ամենէն աւելի ունէր այդ իրաւունքը, քանի որ միշտ կրցեր է ցոյց տալ, ինչպէս մասնաւորաբար այս պատերազմին ընթացքին, այն տեսակ բարձր յաթթութիւններ, որոնք կրնային հպարտութիւն առթել նոյնիսկ մեծ ազգերու: Քաղաքակիրթ աշխարհը յանձնառու եղած էր այս ազգը փրկելու, ազատագրելու եւ վերակենդանացնելու. ի՞նչ ըրաւ արդեօք, ի մի բան որ յանգեցաւ մեր խնդիրը: Կը յուսամ, որ Ազգ. Պատուիրակութիւնը պիտի ներկայացնէ մանրամասնաբար այս մէկ տարուան ընթացքին կատարուած գործառնութիւնները ու պիտի պարզէ իրաց արդի վիճակը: Ատոնցմով անշուշտ առիթ պիտի ունենանք զբաղելու մեր յառաջիկայ միտերուն մէջ, եւ պիտի կրնանք որոշել, թէ տակաւին ի՞նչ պէտք է ընել մեր նաւը ժամ առաջ ապահով նաւահանգիստ մը տանելու համար: Համագումարս առիթ պիտի ունենայ նաեւ քննելու քանի մը օրինակական խնդիրներ, որոնց մասին աշխատութիւններ կան կատարուած, նկատողութեան պիտի առնէ Ազգ. Պատուիրակութեան ելեւմտական գործառնութիւնները, եւ թերեւս պիտի առաջարկէ միջոցներ՝ անհրաժեշտ նոր ծախքերու մասին: Դժբախտաբար, մեր պատուարժան անդամակիցներէն ոմանք բացակայ են այսօր կամ ի ճանապարհի են եւ կամ հրաժարած են ինչ-ինչ նկատումներով: Այդ մասին Դիւանիս հասած գրութիւնները պիտի կարդացուին: Բայց ամեն բանէ առաջ սրտի խորին ցաւով կը յիշատակեմ մեր վաղանեւ անդամակցին՝ Տիար Յարութիւն Մոստիչեանի դառն կորուստը, որ տեղի ունեցաւ անցեալ տարուան ընթացքին: Ողբացեալը ծանօթ էր իր ջերմ ազգասիրութեամբ եւ այն զեղեցիկ եռանդով, որով նուիրուած էր Հայաստանի ազատագրութեան գաղափարին: Իր սիրտը կը թրթռար, երբ կը խորհէր Հայրենիքին վրայ, եւ նորածին Հանրապետութեան համար կը տածէր խանդավառ սէր մը, որուն անունով միշտ կոչում կ'ընէր ամենուս՝ գուրգուրանքով շրջապատել հայկական անկախութեան այդ անդրանիկ բոյնը: Դժբախտութիւն մըն է մեզի համար, որ այլեւս զինքը չպիտի ունենանք մեր մէջ: Անոր տեղ նոր պատգամաւոր ընտրուած է: Կան նաեւ ուրիշ նոր ընտրութիւններ, որոնց տեղեկագիրները պիտի կարդացուին մեր յաջորդ միտին, երբ անցնինք մեր օրակարգին վրայ գտնուող խնդիրներու քննութեան: Անշուշտ պէտք չունին շեշտելու, թէ երբեք չէ եղած ատեն մը, ուր այնքան կենսական պէտք ունեցած ըլլանք ազգային ներքին միութեան, որքան հիմա: Որովհետեւ չէ եղած ատեն մը, ուր այնքան չարչարանք ու թշուառութիւն վիճակուած ըլլայ մեր ազգին, որքան որ վիճակուած է

այսօր: Անձկութեան, բայց նաեւ յոյսերու, ակնկալութեան շրջան մը կ'անցընենք: Բայց յոյսերը, ակնկալութիւնները մէկ օրէն միւսը կը պակսին, երբեմն բոլորովին կ'անյայտանան, մինչդէռ անձկութիւնը միշտ կայ եւ թշուառութիւնն ու չարչարանքը, մեր ժողովուրդին համար, կարծես միշտ աւելի կը բարդուին՝ փոխանակ պակսելու: Այս պայմաններուն մէջ ի՞նչ նպատակ պէտք ենք ընտրել մեզի, եւ դէպի ո՞ր ուղիներ ենք մեր ջանքերը որպէսզի կարենանք շրջել ազգին դառն դրութիւնը: Այնպէս կը կարծեմ, թէ այս մասին առաջին գլխաւոր դարձանը եղբայրակցութեան եւ միութեան մէջն է: Մեր ամենուս համագործակցութենէն կախուած է հայ ազգին փրկութիւնը: Այդ կերպով միայն կրնանք արդարանալ մեր խղճին հանդէպ, որովհետեւ ձեռք-ձեռքի, նոյն սրտով, նոյն հոգովով աշխատելով մանաւանդ հատուցած պիտի ըլլանք զերագոյն պարտականութիւնը, որ մեզի կը վիճակուի: Ազգին մէջ գտնուած կուսակցութիւնները պէտք է միաբանեն: Անոնց տարակարծութիւնները պատճառ մը չեն, որ մէկուն օգտակարութիւնը հռչակած ատեննիս ուրիշ մը անպէտ նկատենք: Ծաղկեփունջի մը մէջ տեսակ-տեսակ ծաղիկ կայ. ոչ մէկը միւսին կը մմանի ո՛չ իր ձեւով, ո՛չ իր գոյնով: Բայց ամենը մէկ, քով-քովի, հաճելի ամբողջութիւն մը կը կազմեն: Կուսակցութիւններն ալ ծաղիկներուն պէս են, եւ քով-քովի՝ նոյն ծաղկեփունջին մէջ կրնան գոյացնել միեւնոյն հաճելի եւ օգտակար պէտք մը, ամբողջութիւնը, ոմանք իրենց եռանդով, ոմանք իրենց խոհականութեամբ, ուրիշներ իրենց ոյժով: Անշուշտ միշտ պիտի ըլլան կարծիքի տարբերութիւններ, եւ պէտք է ըլլան, բայց այդ տարակարծութիւնները, իրար սրբագրելով, իրար լրացնելով, պէտք է աւելի ազգին ընդհանրութեան բարիքին ձգտին եւ ո՛չ թէ յանգին ցաւալի շեղումներու, որոնք վնասէ զատ ուրիշ արդիւնք չեն տար, ինչպէս կ'ըլլայ այս միջոցիս մեր ժողովուրդին մէջ, Ամերիկա կամ այլուր: Պէտք է մեր ամբողջ եռանդով աշխատինք, որ վերջ գտնեն այդ տխուր բախումները: Նպատակը ամենուս համար ալ մէկ է, ազգին փրկութիւնը: Այս նուիրական նպատակին շուրջ, ամենքս ալ, ինչ կարծիքի եւ համոզումի տէր եղած ըլլանք, միշտ կրնանք միանալ: Կը կրկնեմ, որ ազգին փրկութիւնը մեր գոյացնելիք այս միութենէն կախուած է:

Ուրախ ենք այսօր մեր շուրջը տեսնելով մեր հոգեւորականութեան կարկառուն դէմքերը: Վերջին երեք-չորս տարուան շրջանին մէջ մեր հոգեւորականութիւնը Ղեւոնդեանց եւ Սուքիասեանց ճշմարիտ յաջորդ հանդիսացաւ, անոնց պէս նահատակուելով ազգին ազատութեան ու բարիքին դատին անունով: Յարգանքով ու խանդաղատանքով կը խոնարհինք իրենց յիշատակին առջեւ: Վստահ են, որ ազգը երբեք չպիտի մոռնայ զիրենք եւ միշտ երախտագիտութեամբ պիտի ոգեկոչէ իրենց նուիրական յիշատակը: Մասնաւորաբար բարեբախտութիւն ունեցանք մեր մէջ տեսնելու Ամենապատիւ Արքազան Պատրիարք Յայրը, որ ամձնապէս Միջագետքի անապատներուն մէջ կրեց այն բոլոր նեղութիւնները, որոնք վիճակուած էին ժողովուրդին, միշտ աչքի առաջ ունեցաւ անոր թշուառութիւնը, եւ կը հաւատամ, որ ժողովուրդը այդպէս դժբախտ տեսնելով, իր մէջ աւելի մեծցան իր սեփական ցաւն ու տառապանքը: Մեր մէջ ունէինք նաեւ Կիլիկիոյ Վեհաշնորհ Կաթողիկոսը, որ տակաւին անցեալ օր կը յայտնէր, թէ որքան կը ցաւի յանկարծական կերպով Իտալիա մեկնելու ստիպուած ըլլալուն, այլապէս,- կը յարէր,- ամձամբ իր օրինութիւնները պիտի բերէր մեր ջանքերուն եւ մեզի գրգիռ պիտի հանդիսանար, պարզելով ժողովուրդին ցաւերը, զորս այնքան լաւ կը ճանչնայ, քանի որ ինք ալ այդ ցաւերը կրեց տարագրութեան մէջ: Դարձեալ մեր մէջ ունեցանք Նազեան Գերապայծառը, որ այնքան անխոնջ ու եռանդուն գործակցութեան բաժին մը բերաւ Հայկական Դատին համար կատարուած աշխատութեանը: Ու նաեւ այս օրերս ալ բախտաւոր եղանք ընդունելով այցելութիւնը Գերբրջանիկ Թերզեան Ս. Կաթողիկոսի: Կը հաստատեմ այս առիթս սա պարագան, թէ մինչեւ այսօր, հոգեւորական եւ աշխարհական չղաղրեցան իրարու ձեռք տալէ եւ չտարբերեցան իրարմէ: ամենքս ալ նոյն հոգուով եւ սրտով աշխատեցան ազգին փրկութեան համար: Ասկա գրաւական մըն է, թէ նոր ճամբու մը մէջ մտած ենք: Կը հաւատամ, որ այս ընթացքը պիտի շարունակուի յառաջիկային, եւ



այս համագործակցության շնորհիվ մեր կղերը առիթ պիտի ունենայ աելի մեծ օգտակարություն մը ընծայելու ազգին եւ անոր նուիրական Դատին:

Սրբազան Զարք եւ Տիարք,

Պետք չունիմ անշուշտ յիշեցնելու, թէ քանի մը ամիս առաջ տեղի ունեցաւ երջանկաբեր իրողութիւն մը՝ Զայկական Զանրապետութեան ճանաչումը Դաշնակից տէրութեանց կողմէ: Այս մեծ իրողութիւնը ներկայ է միշտ ամենուս ալ յիշողութեան մէջ, որովհետեւ ամենքս ալ լեցուց հրճուանքով եւ յոյսով: Այն ատեն՝ զորով կամ հեռագրով մեր խնդակցութիւնը յայտնեցինք Զանրապետութեան կառավարութեան: Այսօր կրնանք նոյն հրճուանքով, նոյն յոյսով անդրադառնալ այս իրողութեան եւ խնդակցիլ իրարու, որ վերջապէս ունինք անկախ կառավարութիւն մը: Իրաւ է, որ կատարուած ճանաչումը de facto ճանաչում մըն է տակաւին, բայց մտահոգ ըլլալու տեղի չկայ: Զմոռնանք, որ Զանրապետութեան կառավարութիւնը Ռուսիոյ սահմաններուն մէջ գտնուելուն, Դաշնակից տէրութեանց համար յարմար չէր առաջին քայլերով de juris ճանաչում մը: Բայց, վերջապէս, միջազգային օրինաց մէջ de facto ճանաչումը նախաքայլն է de juris ճանաչման, եւ մեզի համար ալ նոյնը պիտի ըլլայ, ապահով եղէք ասոր: Սօտ օրէն թուրքիոյ հետ հաշտութեան դաշնագրին ստորագրութեան հարցը կը հասնի անշուշտ իր լուծման, մեր խնդիրն ալ պարզուելով կ'ունենանք կատարեալ անկախ կառավարութիւն մը, եւ վերջապէս կը մտնենք բարօրութեան ու երջանկութեան ճամբու մը մէջ: Ոյժ եւ կարողութիւն մը մաղթեմ բոլոր անոնց, որոնք ազգին համար կ'աշխատին, եւ կը հաւատան, որ անոնց համախումբ ջանքերը վերջ ի վերջոյ պիտի կրնան իրականացնել ինչ որ մեր ժողովուրդը երազեր է դարբեր ի վեր:

Այսօր չպիտի մտնենք խնդրոյ կարգին մէջ: Տախ՝ ամբողջ չենք: Ունինք անդամներ, որոնք քանի մը օրէն միայն կրնան հասնիլ եւ որոնք գործակցութիւնը անհրաժեշտ է անշուշտ մեզի: Յետոյ՝ իրաց ընթացքը պարզեցնելու ծառայող քանի մը զրեւր կան, որոնք պատրաստելու վրայ են: Կը յուսամ յաջորդ նիստին ամեն բան լրացած կ'ըլլայ եւ կը սկսինք մեր աշխատութեանց: Այսօրուան համար՝ կը խնդրեմ Ազգային Պատուիրակութեան Վսեմաշուք Նախագահէն, որ գոնէ համառօտ կերպով հաղորդէ իր մտածումները իրաց կացութեան մասին /ծափահարութիւններ/:

Պօղոս Նուպար Փաշա, Նախագահ Ազգային Պատուիրակութեան. Սրբազան Զարք, Տիար Նախագահ եւ Տիարք,

Յանուն Պատուիրակութեան՝ բարի գալուստ մաղթելով մեզի կ'ուզեմ յայտնել նաեւ, թէ որքան երջանիկ ենք տեսնելով, որ այսքան մեծ բազմութեամբ պատասխանեցիք մեր Ազգային Զամագումարի երկրորդ նստաշրջանի գումարման հրաւերին: Երկուդն ունէինք, թէ այն հպարտեալ կոչը, զոր պարագաները մեզ ստիպեցին մեզի ուղղելու հեռագրով, եւ այն երկար հեռաւորութիւնը, որ մեզմէ ոմանք ստիպուած էին կտրել, կարելիութիւն չպիտի ընծայեն իրենց որոշուած թուականին Փարիզ հասնելու: Շատ վարանեցանք որոշելէ առաջ այդ թուականը, որ կախում ունէր խաղաղութեան Վեհաժողովին աշխատութեանց յառաջացումէն, որովհետեւ ստիպուած էինք, ձեր՝ մեզի տուած ուղեգծին համաձայն, մեզ միստի հրաւիրել այն պահուն, ուր Զայկական խնդիրը լուծուելու վրայ ըլլար: Բայց խաղաղութեան Վեհաժողովը երկարածգուեցաւ ամեն նախատեսութենէ անդին: Յաջորդական յետաձգումներ տեղի ունեցան, եւ քանի դժուարութիւններ կը ծագէին, թրքական Զարցիւն լուծումն ալ օր օրի կը յետաձգուէր: Ասոր համար է, որ մեզ Փետրուար 15-ին գումարուելու հրաւիրելէ ետք, որովհետեւ կը կարծէինք թէ այդ թուականին ամեն բան անարտած կ'ըլլայ, ստիպուեցանք Մարտ 31-ին յետաձգել մեր Զամագումարին բացումը: Այսօր ալ հարկադրուած ենք սպասելու, որ Գերագոյն Խորհուրդը վերջնականապէս վճռէ թուրքիոյ հետ հաշտութեան պայմանները ու միեւնոյն ատեն որոշ կերպով մը հաղորդէ իր որոշումները Զայաստանի նկատմամբ:

Մեր Պատուիրակութիւնը իրեն պարտք պիտի նկատէ յառաջիկայ նիստի մը մէջ մեզի ներկայացնելու մանրամասն տեղեկագիր մը, մեզի ծանօթացնելու համար այն

զանազան երեւոյթները, որոնցմէ անցաւ Զայկական խնդիրը, ինչպէս նաեւ արդիւնքները այն բանակցութեանց, զորս ունեցանք Դաշնակից կառավարութեանց հետ՝ մեր վերջին նստաշրջանէն ասդին: Բայց կ'երեւակայեմ ձեր անհամբերութիւնը, եւ երկու բառով մեզի պիտի յայտնեմ, թէ ի՞նչ վիճակի մէջ կը գտնուի այսօր մեր հարցը: Ասիկա օգտակար կը նկատեմ մանաւանդ անոր համար, որ անհրաժեշտ պէտք է քիչ մը լոյս սփռել եւ ցրուել այն տեսակ մը շփոթութիւնը, որ առաջ եկաւ՝ Զայաստանի հոգատարութեան մասին Գերագոյն Խորհուրդին կողմէ նախ Ազգերու Ընկերութեան եւ յետոյ Նախագահ Ուիլսոնի յղած կրկին առաջարկներուն պատճառաւ:

Մեր բանակցութիւնները մասնաւորաբար գործօն բնոյթ մը ստացան այն երկու ամիսներուն մէջ, որոնք ընթացքին խաղաղութեան Վեհաժողովը գումարուեցաւ: Լոնտոն, ինչպէս նաեւ Սան Ռեմոյի վերջին տասնօրեայ նստաշրջանին ընթացքին: Ինչպէս զիտէք, Լոնտոնի նստաշրջանի ընթացքին է, որ Գերագոյն Խորհուրդը Զայաստանի հոգատարութիւնը առաջարկեց Ազգերու Ընկերութեան: Ընկերութիւնը, առանց մերժելու, ինչպէս յանդիւրի յայտարարուեցաւ, դիտել տուաւ Գերագոյն Խորհուրդին, թէ իր կազմական կանոնագրին համաձայն չի կրնար ուղղակի հոգատարութիւն մը ստանձնել, բայց, միւս կողմէ, պարտականութիւն մը կը նկատէ Զայաստանը առնել իր պաշտպանութեան տակ, պայմանաւ, որ պետութիւն մը ստանձնէ անոր հոգատարութիւնը յամուսն Ընկերութեան, եւ կարգադրութիւններ ըլլան ելեւմտական օժանդակութեան մը համար:

Գիտէք նաեւ, Սրբազան Զարք եւ Տիարք, թէ խաղաղութեան Վեհաժողովը Լոնտոնի մէջ գծած էր սահմանները Զայկական պետութեան, որ պիտի կազմուէր թուրքիոյ հայկական հողամասերէն մէկ մասին արդի Զայկական Զանրապետութեան կցմամբ, Սեւ Շովին վրայ ազատ ելքերով: Իրաւունք ունէինք ենթադրելու, թէ այդ սահմանները, որոնք Ազգ. Պատուիրակութեան եւ Վեհաժողովի սահմաններու գծման յանձնաժողովին միջեւ բանակցութեանց առարկայ դարձած էին, վերջնական են այլեւս: Դժբախտաբար այդպէս չեղաւ: Գերագոյն Խորհուրդը պէտք տեսաւ խնդրել վերաքննելու Սան Ռեմոյի մէջ, ուր մասնաւորաբար երգրում քաղաքը նոր խորհրդակցութեանց առարկայ դարձաւ: Լսելէ ետք Ազգ. Պատուիրակութիւնը, Գերագոյն Խորհուրդը նախ որոշ կերպով ընդունեց երգրումը Զայաստանի թողելու «թէզ»ը, բայց յաջորդ օրը զարմացանք, իմանալով, որ մասնագիտական պատճառներու բերմամբ եւ Ձինուորական Յանձնաժողովի կարծիքին վրայ՝ որոշեր է խնդիրը առկախ թողուլ եւ վերջնական որոշում մը տալէ առաջ վերջին կող մը ուղղել Միացեալ Նահանգներուն: Այս պայմաններուն մէջ է, որ Զայաստանի հոգատարութիւնը առաջարկեց Նախագահ Ուիլսոնի է, թէ առաջին անգամն է, որ այս տեսակ առաջարկութիւն մը կ'ըլլայ պաշտօնապէս: Գերագոյն Խորհուրդը նոյն ատեն խնդրեց Միացեալ Նահանգներէն, որ հոգատարութիւնը մերժելու պարագային գոնէ ելեւմտական ու զինուորական աջակցութիւն մը ընծայեն Զայաստանի: Գերագոյն Խորհուրդը, վերջապէս, առաջարկեց Նախագահ Ուիլսոնի, որ նոյնիսկ այն պարագային, երբ այս վերջին առաջարկութիւնն ալ մերժուի, ինքն իսկ, իբր իրաւարար, որոշէ Զայաստանի սահմանները:

Զամառօտակի՝ այս է արդի կացութիւնը: Անձկութեամբ կը սպասենք պատասխանին, որ անշուշտ չպիտի ուշանայ եւ որ միակ բանն է, որ կրնայ վերջ տալ մեր անհանգստութեանց: Ամեն պատճառ ունինք յուսալու, թէ այդ պատասխանը մեզի նպաստաւոր պիտի ըլլայ. որովհետեւ՝ եթէ նոյնիսկ, ինչպէս հաւանական է, Միացեալ Նահանգները ի վիճակի չըլլան հոգատարութիւնը ընդունելու, գոնէ պիտի կրնան մտնել Ազգերու Ընկերութեան կողմէ թելադրուած կարգադրութեան մէջ, հոգատար պետութեան օգնելով եւ Զայաստանի ընծայելով այն ելեւմտական ու զինուորական աջակցութիւնը, որուն պէտք ունի:

Զաւատք ունենանք ուրեմն, մտաբերելով Միացեալ Նահանգներու ժողովուրդին ու կառավարութեան կողմէ մեր մասին սնուցուած ու բազմիցս

ապացուցուած համակրութիւնը, եւ այն յայտարարութիւնները, որոնք այնքան անգամներ հանդիսաւորապէս եղած են ի նպաստ Յայաստանի՝ Ամերիկայի ամենէն նշանաւոր անձնաւորութեանց կողմէ: Չափազանց լաւատեսութիւն մը անտեղի է անշուշտ: Կագութիւնը այսօր այն չէ, ինչ որ էր զինադադարի պահուն: Այն օրէն ի վեր, ուր Միացեալ Նահանգները այլեւս չեն մասնակցիր Գերագոյն Խորհուրդին խորհրդակցութեանց, սկզբնաւորութեան շրջանին հաւանական նկատուող լուծումները անզուշտաբար եւ միշտ աւելի մեծ համեմատութիւններով փոխուած են՝ ծագած նոր դժուարութեանց հանդէպ շատ մը խոստումներ որոնք եղած էին մոռցուած կամ մէկ կողմ թողուած են. կը խուսափին անոնց խօսքը ընել, վախճալով, որ չեն կրնար զանոնք կատարել: Ինչ որ ալ ըլլայ, պէտք է շարունակենք մեր ջանքերը մինչեւ վերջին վայրկեանը եւ սպասել Ուաշինկթոնի կառավարութեան պատասխանին:

Վերջացնելէ առաջ Ազգ. Պատուիրակութեան խորին երախտագիտութիւնը կը յայտնեն մեր յարգելի Պատրիարքին Ամենապատիւ Տ. Չաւեն Ա. Արքեպիսկոպոսին, որ Պոլսէն յաքթապէս գալով, այս վճռական րոպէին եւ մեր բանակցութեանց ամենէն հրատապ միջոցին մեզի օգնեց իր խորհուրդներով, եւ իր անձին յատուկ ամբողջ հեղինակութեամբ մեր ջանքերուն զօրավիզ հանդիսացաւ: Շնորհակալութիւն կը յայտնեն նաեւ Գերերջանիկ Թերզեան Ա. Կաթողիկոսին, Նազլեան Գերապայծառն եւ Գերաշնորհ Խորհրդի Եպիսկոպոս Մուրատեկեանի, որոնք այնքան հայրենասիրաբար իրենց ջանքերը միացուցին մերիններուն: Վերջապէս՝ մեր երախտագիտութիւնը կը յայտնեն Կիլիկիոյ Տ. Տ. Սահակ Բ. Վեհափառ Կաթողիկոսին, որ Ֆրանսա եկաւ պաշտպանելու համար դատը Կիլիկիոյ մեր եղբայրներուն, որոնց տառապանքին ծանօթ էր ուրիշ ամեն անձէ աւելի: Իրաւունք ունինք յուսալու, որ այս բոլոր վեհանձն աջակցութիւնները, միացած մեր ջանքերուն, ի զուր չպիտի անցնին, եւ թէ մեր ազգը, այնքան ահռելի տառապանքներէն զոհողութիւններէ ետք, պիտի ողջունէ վերջապէս իր փրկութեան արշալոյսին ծագումը /ծափահարութիւններ/:

Պ. Արշակ Չօպանեան, Փոխ-Նախագահ Ազգ. Համագումարին. Ազգ. Համագումարի եւ Ազգ. Պատուիրակութեան Վսեմաշուք Նախագահներուն ծանրակշիռ եւ իմաստալից յայտարարութիւններէն վերջ՝ ինծի քիչ բան կը մնայ ըսելիք: Անցեալ դարը յոյսերու շրջան մըն էր մեզի համար, եւ այնքան մօտ ըլլալ կը կարծօժիք այդ յոյսերուն իրականացման: Բայց այսօր կը գտնուինք նոր մութ րոպէի մը մէջ, որ ուրիշ ամեն ատենէ աւելի մեզի կը թելադրէ միութեան պէտքը, ինչպէս զեղեցկօրէն շեշտեց Ազգային Համագումարի Վսեմաշուք Նախագահը: Այդ մասին ամենքս ալ համամիտ ենք իրեն: Բայց միութեան հետ եւ միութեան մէջ նոյնքան եւ աւելի անհրաժեշտաբար պէտք է ցոյց տանք մեր ցեղին ամենէն հիմնական ու տեսական յաքթութիւններէն մէկը՝ հաւատքը մեր փրկութեան, մեր բարօրութեան, մեր ապագային նկատմամբ: Չկարծենք, թէ դժբախտութեան մէջ գտնուող միակ ազգն ենք աշխարհի վրայ. ոչ միայն մեզի պէս պզտիկ ազգերու, այլ նոյնիսկ մեծ ու զօրեղ ազգերու համար հորիզոնը նոյնքան մութ է այս րոպէիս, որքան մեզի համար: Այն դժնդակ տարիներուն, ազգերու այն հսկայ բախումին ընթացքին, մենք ալ երագեցինք, որ եթէ ցանկալի յարթանակին օրը ծագեր վերջապէս՝ մարդկութիւնը պիտի փոխուէր: Եկաւ այդ յարթանակը, եւ եղաւ աւելի ջախջախիչ, քան ինչ որ կը յուսայինք, քան ինչ որ կը յուսային այն պետութիւնները, որոնք անոր համար կը կռուէին: Սակայն մարդկութիւնը չէ փոխուած, եւ նորէն շատ բան մութ է աշխարհի մէջ, մութ մեզի համար, մութ նաեւ մեզմէ շատ աւելի մեծ ազգերու համար: Բայց ասիկա պէտք չէ յուսահատութեան պատճառ մը ըլլայ: Պատերազմը չէ վերջացած իրապէս: Դեռ մէջ ենք ահաւոր բաղխումին, փոթորիկը դեռ կը տեսէ եւ չենք գիտեր, թէ ի՞նչ կրնայ ծնիլ: Մեր փոքր ազգը մանաւանդ այդ բախումին մէջն է, շրջապատուած անոր ամբողջ արհաւիրքէն ու վտանգներէն, եւ ուրիշ ամեն ատենէ աւելի իր վրայ պարտք կը ծանրանայ այդ արհաւիրքն ու վտանգները դիմագրաւելու այն տոկոսներէն եւ հերոսական անձնագոհութեամբ, որուն այնքան փայլուն ապացոյցները տուաւ պատերազմի

ընթացքին: Բան մը վերջապէս պիտի ծնի այս վիթխարի երկունքէն: Մեր ազգը, որ դարերէ ի վեր այն դժուարութեանց մէջ կրցեր է տոկալ, աշխատիլ եւ սպասել հաւատքով, կրնայ նոյն հաւատքին եւ նոյն աշխատութեան շնորհիւ սպասել այս կարճ միջոցն ալ, այն վստահութեամբ, թէ քանի որ ամենահզոր ազգերու ճակատագիրն իսկ կտրուիութեան կ'ենթարկուի, իր ճակատագիրն ալ պիտի սահմանուի լաւագոյն կերպով մը, քան ինչ որ էր երէկ բռնութեան ու սարսափի այն պայմաններուն մէջ: Ազգ. Պատուիրակութեան Վսեմաշուք Նախագահը յայտնեց, թէ յոյսի ի՞նչ նշոյլ մը ունինք, որ այս մթութեան մէջ պայծառօրէն կ'երեւայ, միխթարական եւ սրտապնդիչ նոյն ատեն, նշոյլ, զոր գոյացնելու համար ամբողջ տարի մը մաքառեցանք: Հայ տէրութիւն մը պիտի կազմուի Կովկասեան Հայաստանով եւ Թրքահաստանի մէկ քանի նահանգներով: Այս հայ տէրութեան կազմութեան նկատմամբ երկմտութիւն չկայ, որովհետեւ Դաշնակից պետութիւնները այդ մասին պաշտօնական յանձնարարութիւն մը ստանձնած են ամբողջ աշխարհի առջեւ: Չեն ծածկեր, որ Լոնտոնէն վերջ՝ Սան Ռեմոն հիասթափութիւն մը եղաւ: Երզրումէն աւելին կը յուսայինք, ուրիշ նոյնքան սիրական եւ մեր պետութեան զօրեղ կազմաւորման համար նոյնքան անհրաժեշտ նահանգներ, ինչպէս Երզնկան, Խարբեղը: Բայց նոյնիսկ Երզրումը վտանգուեցաւ Սան Ռեմոյի մէջ, ճիշդ այն միջոցին, ուր ամեն բան մեզի իրաւունքն եւ ապահովութիւն կու տար հաւատալու, թէ այն ահագին պետութիւնները վերջնականապէս վճռած են Երզրումի կցումը Հայկական տէրութեան: Սակայն նոյնիսկ այս հիասթափութեան մէջ ունեցանք Ամերիկայի կատարուած դիմումին միխթարութիւնը, որ յոյսի նոր հորիզոն մը կը բանայ մեզի համար: Դժուար է երեւակայել, որ Ամերիկա մերժէ այդ դիմումը. դժուար է երեւակայել, որ այդ դիմումը մերժելով Ամերիկա լքէ մեր ժողովուրդը եւ մեր յոյսերն ի դերեւ հանէ: Գոնէ իրեն եղած առաջարկներէն մէկը պիտի ընդունի անշուշտ, եւ այդ մէկը, որն ալ ըլլայ, միշտ նպաստաւոր է մեզի համար: Որովհետեւ կռուան մը պիտի ըլլայ ատիկա, որ մեզի կարելիութիւն պիտի ընծայէ խաղաղութեան եւ ապահովութեան մէջ աշխատելու եւ մեր աշխատութեամբ ձգտելու այն աղուոր ապագային, որուն ցեղը երագեց դարերու ընթացքին, եւ որուն համար այնքան սիրով ենթարկուեցանք թերեւս զոհողութեան ծանրագոյն հարկին, որ երբեք վիճակուած ըլլայ ազգի մը: Մօտ օրէն կ'իմանանք Ամերիկայի պատասխանը: Միւս կողմէ, Պ. Լլոյտ ճորճ, քանի մը օր առաջ արտասանած ճառին մէջ, քիչ մը հեզմօրէն յայտարարելէ ետք, թէ հայերը վիթխարի Հայաստանի մը կազմութեան ձգտեցան Ամբողջական Հայաստանի իրենց պահանջմամբ, ըսած, էր թէ հայերը միանակնին չունին անհրաժեշտ ոյժը, եւ եթէ նոյնիսկ իրենց բանակը զօրացուի՝ չպիտի կարենան ցոյց տալ այն զինուորական կարգապահութիւնը եւ մարտական յաքթութիւնները, որոնք պէտք են Երզրումի գրաւման համար: Բայց նոյնիսկ այս թերահաւատութեան մէջ կը տեսնենք ապահովութիւն մը, թէ մեզ երբեք միմակ չպիտի թողուն մեր հայրենիքին վերստեղծման գործին մէջ, ու մեզի պիտի ընծայեն իրենց խորհուրդներն ու աջակցութիւնը: Եւ արդէն Պ. Լլոյտ ճորճ, որ այդ զնահատութեան աւելցուցած էր նշանակելի «Ֆրագ» մը, որ եթէ նոյնիսկ Ամերիկա իրեն եղած ամեն առաջարկները մերժէ, իրենք՝ Դաշնակիցները, հաւաքական զոհողութեամբ եւ օժանդակութեամբ պիտի աջակցին Հայկական Պետութեան: Հաւատքով նայինք ուրեմն վաղուան:

Անհունապէս աւելի յուսահատեցուցիչ պարագաներու մէջ անգամ յոյսը միշտ անշէջ մնացեր է մեր ցեղին մօտ: Չքնանանք, շարունակենք աշխատիլ, շարունակենք մանաւանդ հաւատալ, այն խոր ու անյեղի հաւատքով, որ ինչպէս անցեալին մէջ մեր գոյութեան առանցքն է եղած, այնպէս ալ այսօր ու ապագային մեր մեծութեան աղբիւրը կրնայ դառնալ: Չեն ըսեր միանանք, որովհետեւ միութեան անհրաժեշտութիւնը ամենուս գիտակցութեան մէջ ներկայ է միշտ, բայց մէկդի դնենք աւելորդ վէճերը եւ մեր մէջ զօրացնենք այն, ինչ որ ունինք իւրաքանչիւրս իբր առանձին անհատ: Ամեն հայ խորապէս ազգասէր է: Հայերը հաւաքաբար իրենց ազգը կը սիրեն, բայց առանձին իրար չեն սիրեր: Շրջենք այս թերութիւնը, եւ ինչ զգացում,

որ կը սնուցանենք ազգին ընդհանրութեան մասին, փոխադարձաբար աշխատինք մշակելու անհատ անհատ: Մեկ ամիսէն կամ երկու ամիսէն հայերը կողք-կողքի պիտի հաւաքուին, երբ Հայկական Խնդիրը լուծուի եւ որոշուի վերջնականապէս մեր ամէնուս Հայրենիքը: Այս լուծումը դժբախտաբար այնքան փայլուն չպիտի ըլլայ, քան ինչ որ կը յուսայինք, եւ պիտի ունենանք շատ աւելի սահմանափակ հայրենիք մը, քան ինչ որ կը պահանջէինք անցեալ տարի: Բայց վերջապէս դրական արդիւնք մըն է, որ նոյնիսկ համեստութեան հակառակ, պիտի կրնայ ցեղին միջոց ընծայել իր գոյութիւնը պահպանելու, հաւատքով ու կամակորութեամբ աշխատելու, եւ շարունակելու այն գեղեցիկ քաղաքակրթական գործը, զոր դարերու ընթացքին կատարած է անհունապէս աւելի դժուարին պայմաններու եւ գերութեան կաշկանդիչ շրջանի մը մէջ /ծափահարութիւններ/:

Ամեն. Չաւեն Ա. Պատրիարք. Ինչ որ զիս ստիպեց Եւրոպա գալու՝ Հայկական Դատին ծառայելու կարող ամեն ոյժ այս վճռական օրերուն Եւրոպայի մէջ կեդրոնացնելու անհրաժեշտութեան մտածումն էր, զոր ունէին նաեւ Պոլսոյ մեր Ազգային ժողովները, որոնց հաւանութեամբ ճամբայ ելայ արդէն: Թէեւ հոգեւորականները մեծ ոյժ մը չունին, բայց վերջապէս կրցածին կ'ընեն, եւ ամեն քանք, որ կը ձգտի ազգային դատին յաջողութեան, որքան ալ պզտիկ ըլլայ, միշտ բարի է անշուշտ: Երկուքուկէս ամիս է, որ կը գտնուի մեր Պատուիրակութեան հետ: Կը տեսնեմ այն անդուլ աշխատութիւնը, որուն նուիրուած են՝ լաւագոյն վիճակի մը մէջ դնելու համար մեր ազգին ճակատագիրը: Կը տեսնեմ ու կը զարմանամ, թէ ինչպէ՞ս տէր կը մնան իրենց քիղերուն, ինչպէ՞ս կը պահեն իրենց առողջութիւնը: Որովհետեւ մշտատես սիրտմաշուքը, յաջորդական բուռն յուզումներու կեանք մըն է, որուն դատապարտումն են: Օր մը սեւ, օր մը ճերմակ, օր մը գէշ, օր մը ուրախառիթ լուրեր: Հազիւ սրտապնդիչ իրողութեան մը հրճուանքը, եւ ահա անմիջապէս վերջը նոր քարոզի մը զարհուրանքը իր բովանդակ ջլատիչ ազդեցութեամբ: Իրենց ցոյց տուած աննկուն հոգիի արիւթիւնը աչքի առջեւ ունենալով մանաւանդ, կը մղուիմ ըսելու, թէ այս բոլոր տխուր իրադարձութեանց եւ անպաստ պայմաններուն հանդէպ յուսահատութիւն տարուելու չենք: Իրաւ է, որ մեծ յոյսերով ճամբայ ելանք: Բայց, այդ յոյսերը մեզի իրականանալի կը թուէին անոր համար մանաւանդ, որ մեր արդար իրաւունքներուն վրայ հիմնուած էին, եւ այն մարդիկը, որոնք պիտի կոչուէին աշխարհի ճակատագիրը տնօրինելու, իրենց համոզիւսաւոր յայտարարութիւններով շարունակ մեզ կը քաջալերէին հաստատ մնալու մեր ակնկալութեանց վրայ: Ես կը մտաբերեմ ինքզինքս՝ տարագրութեան դժնդակ տարիներուն, այն հեռաւոր անպաստներուն մէջ: Կը յիշեմ այն վայրկեանները, երբ մեր ձեռքը կ'անցնէին Եւրոպացի դիւանագետներու ճառերը: Ինչ գեղունով ու սրտապնդութեամբ կը կարդայինք իրենց գնահատութիւնը հայ ժողովուրդին նկատմամբ եւ որքան բերկրութեամբ կը լսէինք այն խոստումները, զորս կ'ընէին հայ ազգին վարձատրութեան, անոր նուիրական իրաւունքներուն պսակման մասին: Եւ յոյսը օր օրի աւելի կը մեծնար ու կը զօրանար մեր մէջ: Իրերը սակայն չմնացին այնպէս, ինչպէս որ կ'ակնկալէինք: Այսօրուան օրը մէկ տարի առաջուան չի մնանիր, ոչ ալ անկէ նախորդ տարուան: Չարմուած այն եզր բաժնելու ատենը եկած էր: Անոնք, որ մեզ կը գովէին, մեր գոհողութիւններն ու մեր հերոսական ընթացքը կը պանծացնէին, չգոհացան միայն ամէնէն խոշոր պատառները առնելով, առին նաեւ այն ինչ որ մեր արդար իրաւունքն էր: Մեզի մնացածը հազիւ պզտիկ պատահ մը եղաւ, եւ այդ պատահն ալ փրկելու համար գիտեք արդէն, թէ ինչ աշխատութիւն եւ ինչ չարարանք պէտք կ'ըլլայ: Ուր մեր ակնկալութիւնները, ուր այս արդիւնքը: Ա՛յս պիտի ըլլար մեր ստանալիք վարձքը այն մեծ անձնագոհութեան փոխարէն, զոր ցոյց տուինք պատերազմին ընթացքին: Գոնէ ես արդարութիւն չտեսայ Եւրոպայի մէջ: Եւ ահա այսօր՝ կռուի մէջ ենք մենք՝ գաճաճներս՝ այն հսկաներուն հետ: Բարեբախտ պէտք է նկատենք ինքզինքնիս, եթէ կրցանք պզտիկ բան մը փրցնել անոնցմէ. պէտք է գոհ ըլլանք ատով, մտածելով, թէ ի՛նչ ահարկու առիժներու եւ վագրերու ձեռքէն խլած

ենք: Բայց որպէսզի կարենանք նոյնիսկ այդ քիչը ձեռք բերել, պէտք չէ բնաւ յուսահատինք: Եւ ժողովուրդին դատը հետապնդած ատեննիս պէտք չէ մոռնանք նոյն ինքն ժողովուրդը, որ տակաւին անօթի ու թշուառ է, մասամբ իր իսկ հայրենիքին, մասամբ նաեւ այն անապատներուն մէջ, որոնցմէ դեռ կարելի չեղաւ փրկել գինքը ծանօթ դժնդակ պայմաններուն բերումով: Պատուիրակութիւնը շատ մեծ է ամէնուս համար ալ, եւ այն որ պարտքի տակ է, յուսահատելու իրաւունք չունի: Այս բոլոր դժուարութիւնները պէտք է, ընդհակառակը, զորոք ըլլան մեզի՝ աւելի կորովով ու փրկունութեամբ աշխատելու, անշէջ պահելով մեր մէջ այն հաւատքը, թէ անպատճառ պիտի յաջողինք, ի՛նչ ալ ըլլան պայմանները. պիտի յաջողինք՝ որովհետեւ պիտի աշխատենք: Ես միշտ յոյսով եմ, որ ուշ կամ կանուխ անպատճառ պիտի ունենանք մեր հայրենիքը: Մե՞ծ պիտի ըլլայ, թէ՞ պզտիկ՝ ասոր շուրջն է կռիւն: Անշուշտ չպիտի ըլլայ այն, զոր կ'երագէինք, զոր իրաւունք ունէինք ակնկալելու, բայց եթէ նոյնիսկ ըլլայ այնքան պզտիկ, որ չկրնայ պարփակել մեր ամբողջ ժողովուրդը, ասիկա պէտք չէ մեզ մղէ յուսահատութեան յանձնուելու, պէտք չէ ջլատէ մեզ՝ մեր աշխատութեան պարտքին հատուցման մէջ: Ինչ որ մեր սերունդը չկրցաւ ընել՝ վաղուան սերունդը պիտի կրնայ ընել: Աչքի առջեւ բերենք բոլոր ազգերը. անոնց մեծութիւնը մէկ սերունդի գործ չէ, եւ անոնք ընդհանրապէս իրենց անկախութեան շրջանը մտած են ճիշդ այն հիասթափութիւններով եւ զրկանքով, որոնցմով կը մտնենք մենք ալ: Ես վստահ եմ, որ մեր ազգը պիտի կրնայ ինքզինքը բարձրացնել նոյնիսկ պզտիկ կէտի մը վրայէն: Քանի որ կրցաւ իր գոյութիւնը պահպանել այն զարհուրանքի պայմաններուն մէջ որոնք դարեւ ի վեր կը ծանրանային իր վրայ, պիտի կրնայ ապրիլ ու մեծնալ, երբ իր անկախութեան տիրանայ, եւ աւելի գեղեցկօրէն ի յայտ բերէ այն յաբթութիւնները, զորս ցոյց տուած է անցեալի մէջ: Կարողութիւն կը մտաբերեմ Ազգ. Պատուիրակութեան պատ. անդամներուն, մանաւանդ անոր Վսեմաշուք Նախագահին, որ եօթ տարիէ ի վեր կը ճգնի ազգին համար: Ձիւնը յոյսով գեղուն եւ միշտ աշխատելու տրամադիր ճանջնալուս համար մանաւանդ, վստահ եմ, որ պիտի յաջողի իր ծանր ու դժուարին պարտականութեան կատարման մէջ: Ասկէ քանի մը տարի առաջ՝ ինք Փարիզէն, մենք Պոլսէն՝ կը թղթակցէինք պզտիկ ռեֆորմի մը իրականացման համար: Այսօր երկրի մը կը տիրանանք: Փա՛ռք տանք Աստուծոյ: Ինծի համար առաջին հանդիսաւոր առիթն է ասիկա, որ կը ներկայանայ՝ Նորին Վսեմութեան յայտնելու համար իմ շնորհակալութիւններս: Ազգը անշուշտ կը գնահատէ, եւ տարակոյս չկայ, որ պիտի շարունակէ գնահատել իր տարած ջանքերը: Ծնորհակալութիւն կը յայտնեմ նաեւ Ազգային Պատուիրակութեան պատ. անդամներուն, Ազգ. Համագումարի Վսեմաշուք Նախագահին եւ բոլոր պատուարժան պատգամաւորներուն, այն վստահութեամբ, թէ իրենց ամէնուն մէկանց ջանքերը իրար պիտի լրացնեն յօգուտ Ազգային Դատին յաջողութեան: Աստուած Ձեզի հետ ըլլայ /ծափահարութիւններ/:

Գերբջ. Տ. Թերզեան Կաթողիկոս. Թէեւ ամեն բան ըսուեցաւ արդէն, բայց քանի մը խօսք ալ ես ըսել կ'ուզեմ, ամէնէն աւելի շեշտելու համար սա՛ թէ յուսահատելու չենք, որքան ալ անպաստ երեւան պայմանները: Յուսահատութիւնը շատուն կը նշանակէ, եւ մենք հիմա ուրիշ ամեն ատենէ աւելի պէտք ունինք աշխատելու: Մեծ բարեկամներ ունինք, եւ որքան ատեն, որ բարեկամութիւններ կան մեզի հետ, մեր դատը կորած չէ: Հռոմ եղած ատենս Սրբազան Քահանայապետը վերջին աստիճան հետաքրքիր գտայ Հայկական Խնդրին նկատմամբ: Կարդիմալ Կասպարի ալ յայտնեց ինծի, թէ Սրբազան Քահանայապետը, Նազլեան Գերապայծառի միջոցով հաղորդած լուրերն ընդունելով, մեծ շահագրգռութիւն ցոյց տուած է, ուրախառիթ լուրերը իմանալով ուրախ եղած է, տխուր լուրերը իմանալով տխրած է: Մեկնած ատենս ալ՝ երբ Սօսսինետ Թերթթիի միջոցաւ իր օրհնութիւնները կը հայցէի, ստացայ նաեւ բոլոր քաջալերութիւնները այն ջանքերուն համար, որոնք պիտի ըլլային իր մասնաւոր ուշադրութեան առարկան եղող մեր դատին համար: Աշխատութեան հարկը, որ կը ծանրանայ ամեն մէկերնուս վրայ՝ շատ մեծ է: Պէտք է

ամեն բան շինենք եւ երկիրը հասցնենք այն տեսակ վիճակի մը, որ մեր բազմաչարչար ժողովուրդը այլեւս շունչ առնէ, հանդարտութեան ու ապահովութեան մէջ ապրի, կարենայ աշխատիլ, շէնցնել իր հայրենիքը: Կ'աղօթեմ, որ Աստուած յաջողութեամբ պսակէ սկսուած գործը եւ արդիւնաւորէ այն ջանքերը, որոնք կ'ըլլան այդ նպատակով: Քանի որ հաւատքի վրայ հիմնուած են անոնք, ինչպէս ըսաւ յարգելի ատենախօսներէն մէկը, համոզուած եմ, որ Աստուած պիտի բեղմնաւորէ զանոնք, եւ կազմուելիք Հայաստանն ալ երկնային օրհնութեան պիտի արժանանայ: Ես վստահ եմ, որ այս անհրաժեշտ աշխատութիւնը չպիտի զլացուի ո՛չ մէկուն կողմէ, բայց որպէսզի այդ աշխատութիւնը տայ ակնկալուած արդիւնքը, պէտք է որ տեղի ունենայ կատարեալ միաբանութեամբ: Մեր գտնելիք յաջողութիւնը մեր միութենէն կախուած է: Խոստովանիմք, որ մեր ազգը այս յաջողութենէն զուրկ եղած է ընդհանրապէս: Այստեղ ալ կը տեսնենք մեր այս թերութիւնը, եւ նոյնիսկ մէկ քանի նշանաւոր անձնաւորութիւններ, որոնց հետ առիթ ունեցայ խօսակցելու, ըսին թէ հայերը ամեն յաջողութիւն ունին, բայց պէտք է միաբան ըլլան: Պարագաները իրենց աննպաստութեամբ անշուշտ առիթ պիտի դառնան, որ սրբագրենք այս թերութիւնը, ամեն բանի մէջ անձնագոհութիւն բայց մանաւանդ միաբանութիւն ցոյց տանք, յաջողութեամբ պսակելու համար կատարուած աշխատութիւնը եւ մեր ժողովուրդը հասցնելու համար ապագայի մը, որմէ թէեւ հեռու ենք տակաւին, բայց որ նոյնիսկ այս հեռաւորութեան մէջ այնքան մեծ եւ փայլուն կ'երեւայ:

Խօսքս վերջացնելէ առաջ շնորհակալութիւն կը յայտնեն Ազգային Պատուիրակութեան Նախագահ Վսեմաշուք Փաշային, որ Պ. Ահարոնեանի հետ կ'աշխատի կատարեալ անձնակազմութեամբ եւ անխոնջ եռանդով: Շնորհակալութիւն կը յայտնեն նաեւ ամեն անոնց, որոնք իրենց աշխատութեան եւ գոհողութեան բաժինը չեն զլանար ազգին դատին: Կը մարթեմ, որ իրենց ջանքերը պսակուին լիապէս, եւ բոլորն ալ գտնեն իրենց արժանի վարձատրութիւնը ոչ միայն այս, այլ նաեւ հանդերձեալ աշխարհին մէջ /ծափահարութիւններ/:

Նորատունկեան էֆէնտի. Յանուն Ազգ. Համագումարին կը փութամ շնորհակալութիւն յայտնել այն թանկագին քաջալերութեանց եւ օրհնութեանց համար, զորս մեզի ընծայեցին Ամենապատիւ Ջաւէն Սրբազան Պատրիարքն ու Գերերջանիկ Թէրզեան Սրբազան Կաթողիկոսը: Միւս կողմէ՝ ազգին միութեան անհրաժեշտութեան մասին եղած թելադրութեանց առթիւ կ'ուզեմ յայտնել սա պարագան, թէ մեր Համագումարը, անցեալ տարի միաբանութեան ու եղբայրակցութեան օրինակ մը հանդիսացաւ: Պատգամաւորները մեծ մասամբ իրար չէին ճանչնար, եկած էին աշխարհի հեռաւորագոյն կէտերէն, ընդհանրապէս տարբեր-տարբեր համոզումներ ունէին, բայց ազգին սէրն ու հայրենիքին փրկութեան իղձը ամէնուն ալ մօտ հաւասարապէս զօրեղ ըլլալով, ամէնքն ալ գիտցան նոյն սրտով գործակցիլ իրարու, եւ խորհրդակցութեան առարկայ դարձած բոլոր խնդիրներուն քննութեան առթիւ այդ սրտակից միութիւնը մանաւանդ առաջնորդեց զիրենք: Ամեն յոյս ունիմ, որ ներկայ նստաշրջանին մէջ ալ Համագումարին պատուարժան անդամները նոյն գեղեցիկ եւ օրինակելի ընթացքը ցոյց պիտի տան:

Յառաջիկայ նիստին իբր օրակարգ պիտի ունենանք 1. Ատենական գործողութիւններ /հրաժարականներ եւ ընտրութիւններ/, 2. Տեղեկագիր կազմական կանոնագրի յանձնաժողովին, 3. Տեղեկագիր եւ հաշուեցոյց Ազգ. Պատուիրակութեան Ելեւնտական գործառնութեանց, համարատուութիւն Ազգ. Պատուիրակութեան: Կ'առաջարկեմ, որ Համագումարի յաջորդ նիստը տեղի ունենայ Երկուշաբթի, 10 Մայիսին: Եթէ հակառակ կարծիք մը չըլլայ, ուրեմն կը հաւաքուինք Երկուշաբթի ժամը 3-ին:

Պ. Աւետիս Թերզիպաշեան. Կ'առաջարկեմ նոյնիսկ վաղը գումարուիլ, անմիջապէս լսելու համար Ազգ. Պատուիրակութեան համարատուութիւնը: Եզմածամային օրեր են մեր խնդրին համար: Համագումարը կարելի եղածին չափ

շուտ պէտք է տեղեկանայ իրերու դրութեան: Թերեւս կան փոքրիկ զանցառութիւններ, որոնց մասին Համագումարին թելադրութիւնները, որքան ալ համեստ, կարենան իրենց օգուտն ունենալ:

Տիգրան Խան Քէլէկեան. Կարծեմ աւելի յարմար է, որ Շաբաթ օր կատարենք մեր գումարումը:

Պ. Դաւիթ-Բէկ. Բայց եթէ նոյնիսկ Շաբաթ օրը գումարուինք, չպիտի կրնանք լսել Ազգ. Պատուիրակութեան համարատուութիւնը, որովհետեւ անոր ընթերցումն առաջ անհրաժեշտ ատենական գործողութիւններ կան կատարուելիք: Մնաց որ, համարատուութեան տեղեկագիրը պատրաստ ալ չէ տակաւին:

Պ. Արշակ Չօպանեան. Տեղեկագիրը պատրաստ կ'ըլլայ մինչեւ Երկուշաբթի, եւ կը յուսամ այդ օրը կարենանք մէջ մէկ օրինակ ցրուել Համագումարի անդամներուն:

Պօղոս Պէյ Մարութ. Լաւ կ'ըլլայ, որ Երկուշաբթի օրուան թողունք յաջորդ նիստը: Թերեւս մինչեւ այդ օրը Ամերիկայի պատասխանն ալ հասած կ'ըլլայ, եւ աւելի գիտակցութեամբ կը մօտենանք մեր օրակարգին խնդիրներուն:

Պ. Գրիգոր Սինապեան. Եթէ Պատուիրակութեան տեղեկագիրը չպիտի կարդացուի՝ աւելորդ է աճապարել:

Պ. Ա. Թէրզիպաշեան. Ես եթէ փութացնել ուզեցի նիստը, պատճառը սա է, որ կարելոր է օր առաջ տեղեկանալ Ազգ. Պատուիրակութեան գործունէութեան, որպէսզի այս վճռական օրերուն մէջ գլուխ-գլխի կարենանք որոշել, թէ ինչ կը մնայ ընելիք: Ես այնպէս կը հաւատամ, որ շատ բան պիտի ունենանք ընելիք: Հետեւաբար, որքան շուտ անցնինք մեր օրակարգին, այնքան լաւ պիտի ըլլայ: Եթէ ոչ Երկուշաբթի, գոնէ Շաբաթ օրը յարմարագոյն է:

Պ. Արտաւազը Հանրմեան. Կը մոռնանք ուրիշ բան մըն ալ. զալու վրայ եղող պատգամաւորներ կան, որոնք ճամբայ են, բայց մինչեւ Երկուշաբթի կը հասնին անշուշտ: Ինչո՞ւ զանոնք զրկենք համարատուութեան ընթերցումէն, որ մեր օրակարգին ալ ամենակարեւոր խնդիրն է ինքնին: Արդէն այսքան ուշ մնաց մեր գումարումը. կրնանք մէկ երկու օր ալ սպասել:

Պօղոս Նուպար Փաշա. Մեծ յոյս կայ, որ մինչեւ Երկուշաբթի իմանանք Ամերիկայի եղած առաջարկութեանց պատասխանը: Հետեւաբար, Երկուշաբթին նախընտրելի է:

Նորատունկեան էֆէնտի. Քանի որ առարկութիւն չկայ եւ կ'ընդունուի, ուրեմն յառաջիկայ նիստը Երկուշաբթի, 10 Մայիս, ժամը 3-ին: Պէտք կը տեսնեն յայտնելու, թէ այսօր ներկայ եղող անդամներուն հրաւիրագիր չպիտի դրկուի:

Նիստը փակուեցաւ ժամը 5:40-ին:

ՀԱԱ, ֆ. 430, ց. 1, գ. 48, թթ. 1-9: Չեռագիր: Բնագիր:

## Նիստ Բ

Ուրբաթ, 14 Մայիս 1920, ժամը 3-ին,  
Նախագահութեամբ Գաբրիէլ Էֆ. Նորատունկեանի:

Ներկայ էին 19 պատգամաւոր՝  
Եղիշէ Արքեպ. Դուրեան, Պ. Պ. Երուանդ Պէյ Աղաթօն. Տոթթ. Ա. Բարսեղեան, Դաւիթ-Բէկ, Ա. Թէրզիպաշեան, Վ. Թէրզեան, Ա. Հանրմեան, Պօղոս Պէյ Մարութ, Տոթթ. Ներուզ, Նէրսէ Խան Ներսէսեան, Գաբրիէլ Էֆ. Նորատունկեան, Պօղոս Նուպար Փաշա, Ա. Չօպանեան, Չ. Պզոյկեան, Գ. Սինապեան, Ս. Տէրպետերեան, Տ. Տեօվլէթեան, Տիգրան Խան Քէլէկեան, Գառնիկ Ֆնտօզեան:

## ՕՐԱԿԱՐԳ

**1. Ընտրութիւն Զամագումարի Դիւանին:**  
**2. Տեղեկագիր Կազմական Կանոնագրի Յանձնաժողովին:**

**ԱՏԵՆԱԿԱՆ ԳՈՐԾՈՂՈՒԹԻՒՆՆԵՐ**

**1. Ատենագրութիւն**

Նորատունկեան Գաբրիէլ Էֆէնտի. Մեր երկրորդ նստաշրջանին բացման նիստին առթիւ, Ամենապատիւ Ս. Պատրիարք Զօր, Գերերջանիկ Թերզեան Կաթողիկոսի, Ազգ. Պատուիրակութեան Նախագահ՝ Վսեմաշուք Պօղոս Նուպար Փաշայի, Պ. Զօպանեանի եւ նուաստիս կողմէ արտասանուած ճառերը արձանագրուած են ատենագրութեան մէջ: Դիւանիս բաղձանքն է, որ իւրաքանչիւր նիստի ատենագրութիւնը պատրաստուած ներկայացուի եւ կարդացուի յաջորդ նիստին, որպէսզի տեղեկութեան վրէպներ ըլլան, ուղղուին անմիջապէս: Առ այս, Դիւանս պիտի աշխատի կարելին ընելու: Նախորդ նիստին ատենագրութիւնը սակայն, որ զուտ բացման ճառերէ կը բաղկանայ, կարծեմ պէտք չկայ կարդալու: Յարգելի ճառախօսները, եթէ ուզեն, կրնան աչքէ անցընել զայն:

**2. Վերակազմութիւն Ազգ. Զամագումարի**

Նորատունկեան Էֆէնտի. Կ'անցնիմ Ազգ. Զամագումարի վերակազմութեան խնդրին: Ունիմք հրաժարած անդամներ, նաեւ նոր ընտրուած անդամներ: Ոմանք ալ ճամբան են, եւ հաւանական է, որ մեր յառաջիկայ նիստին բախտաւորութիւն ունենանք զիրենք մեր մէջ տեսնելու: Յաջորդաբար տեղեկութիւն պիտի տամ հրաժարած կամ նոր ընտրուած անդամներու մասին, որոնց վերաբերող թուղթեր կան Դիւանիս մօտ: Ինչպէս յայտնի է, նախորդ տարի, մասնաւոր յանձնախումբ մը, որ կը գտնուէր Ամենապատիւ Դուրեան Արքեպիսկոպոսի նախագահութեան տակ, կը զբաղէր այս խնդիրներու քննութեամբ: Եթէ այդ յանձնախումբին պաշտօնը մնայուն կը նկատէք, կրնանք անոր յանձնել այս թուղթերուն քննութիւնը: Եւ կամ նոր յանձնախումբ մը կ'ընտրենք, անոր քննութեան ենթարկելու համար այդ թուղթերը: Նախորդ նիստին արդէն առիթը ունեցայ յիշելու մեր ողբացեալ անդամակցին՝ Պ. Մոստիչեանի դառն կորուստը: Վաղահաս մահը զինքը խլեց մեր աշխատութիւններէն, որոնց այնքան օգտակար կը հանդիսանար իր խանդավառ ազգասիրութեամբ եւ իմաստուն խորհուրդներով: Իրեն տեղ կատարուած է նոր ընտրութիւն, ինչպէս պիտի յայտնեն քիչ մը վերջը: Նաեւ Անգլիոյ հայ գաղութին պատգամաւոր Պ. Յակոբեան, որ նոյնքան օգտակար մասնակցութիւն մը կը բերէր մեր աշխատութեանց, առողջական պատճառներու բերմամբ ստիպուեցաւ հրաժարիլ: Գիտեք արդէն, թէ նախորդ տարի ալ, երբ մեր մէջ կը գտնուէր, նոյն պատճառաւ ստիպուեցաւ ընդհատել իր աշխատութիւնը ու մեկնեցաւ Լոնտոն: Պ. Յակոբեանի տեղ ալ նոր պատգամաւոր մը ընտրուած է:

Պ. Վահան Թէքեան. Կ'առաջարկեմ, որ Զամագումարը յարգանքի ցոյց մը ընէ ողբացեալ Պ. Մոստիչեանի համար, որուն վաղահաս կորուստին առթած կակիծը այնքան բարախուն է մեր ամէնուս ալ մօտ: Այս յարգանքի ցոյցը պէտք է արձանագրուի ատենագրութեան մէջ եւ հաղորդուի հանգուցեալին ընտանիքին:

Պ. Ա. Զօպանեան. Կը ձայնակցիմ Պ. Թէքեանի: Այս յարգանքի ցոյցը, որուն ամեն կերպով արժանի էր հանգուցեալը, պէտք է ըլլայ թէ՛ Զամագումարին եւ թէ՛ Ազգային Պատուիրակութեան անունով:

Պօղոս Նուպար Փաշա. Բայց Ազգ. Պատուիրակութիւնը ըրած է արդէն ատենին, իր կակիծը յայտնելով հանգուցեալին տիկնոջ: Լոնտոն գտնուած միջոցիս նոյնը

կրկնեցի անձամբ այրի Տիկին Մոստիչեանի: Զամագումարը միայն առիթ չունեցաւ իր ցաւակցութիւնները յայտնելու, եւ անշուշտ այս անգամ կ'ընէ պէտք եղածը:

Պ. Ա. Զօպանեան. Կ'ուզէի ըսել, որ այս անգամ նոյնը կրկնէինք Զամագումարին հետ:

Պ. Թէքեանի առաջարկը ընդունուելով, Ամենապատիւ Դուրեան Եղիշէ Արքեպիսկոպոս արտասանեց հոգոցը ողբացեալ Պ. Յարութիւն Մոստիչեանի յիշատակին: Ներկաները յտընկայս ունկնդրեցին:

Նորատունկեան Էֆէնտի. Դիւանս ալ կը գրէ առանձին մեր ողբացեալ անդամակցին Տիկնոջ: Կը խօսէինք Անգլիոյ հայ գաղութին պատգամաւոր Պ. Յակոբեանի հրաժարականին վրայ: Պ. Յակոբեանի տեղ այս անգամ ընտրուած է Պ. Տիրան Տէվլէթեան, ինչպէս կը տեղեկանանք նաեւ Մանչեսթրի հայոց ընդհանուր ժողովի դիւանին կողմէ իրեն ուղղուած նամակէ մը, զոր Դիւանիս յանձնեց: Այս ընտրութեան համար կը շնորհաւորեմ Պ. Տէվլէթեանը, որ մեր մէջ կը գտնուի արդէն եւ որ անշուշտ սիրայօժար պիտի մասնակցի մեր աշխատութեանց: Իր ընտրութեան վերաբերող գիրն ալ կը յղենք պատգամաւորներու ընտրութեան խնդիրները քննող յանձնախումբին:

Ուրիշ խնդիր մը կայ, զոր պէտք է բացատրեմ: Անցեալ տարի Յունաստանի հայ գաղութը միայն մէկ պատգամաւոր դրկած էր: Այս անգամ սակայն, Զին Յունաստանի հայ գաղութը առանձին ընտրութիւն կատարած է յանձին Պ. Միքայէլ Պապաջանեանի, մինչդեռ նոր Յունաստանի հայ գաղութն ալ, ողբացեալ Պ. Մոստիչեանի տեղ ընտրած է Բրօֆ. Թունայեանը: Զին Յունաստանի հայ գաղութը իր ընտրութիւններն ըրած է կարգ մը առարկութիւններով, զորս անշուշտ մասնաւոր յանձնախումբը կը քննէ: Ուրիշ ընտրութիւն մը եղած է Պաղտատէն, Միջագետքի նախորդ պատգամաւոր Պ. Տէրվիչեանի տեղ, որ հրաժարած էր: Նախապէս՝ Տէր Նահիմ Թաճիր ստորագրութեամբ հեռագիր մը կը ծանուցանէր, թէ ընտրուած է Պ. Ահարոնեան: Երկրորդ հեռագիր մը, տրուած Պաղտատի Առաջնորդարանէն՝ ընտրական քումիթիւն անունով, կը հաստատէ Պ. Ահարոնեանի ընտրութիւնը, աւելցնելով, որ եթէ Պ. Ահարոնեան չկարենայ ընդունիլ, իրեն տեղ պիտի ընտրեն Պ. Արշակ Սաֆրաստեանը: Առիթ չեղաւ այս հեռագիրը հաղորդելու Պ. Ահարոնեանի, որ ինչպէս յայտնի է, նախորդ տարի Զամագումարին աշխատութեանց մասնակցեցաւ լոկ խորհրդակցական հանգամանքով, իբր նախագահ Զայկական Զանրապետութեան Պատուիրակութեան:

Պ. Ա. Զօպանեան. Այս մասին խօսեցայ ես Պ. Ահարոնեանի հետ. ըսաւ, թէ իրեն համար լաւագոյն պիտի ըլլայ նախորդ տարուան պէս լոկ խորհրդակցական հանգամանքով մասնակցիլ Զամագումարին աշխատութեանց:

Պ. Արտաւազը Զանըմեան. Ատիկա չի բաւեր: Պէտք է պաշտօնապէս հաղորդել իրեն իր ընտրութեան պարագաները եւ ստանալ իր պաշտօնական պատասխանը:

Նորատունկեան Էֆէնտի. Իրեն ալ, ինչպէս բոլոր անդամներուն, պաշտօնապէս հրաւեր դրկուեցաւ Զամագումարին աշխատութեանց մասնակցելու:

Տոքթ. Ա. Բարսեղեան. Այդ հրաւերը կապ չունի այս խնդրին հետ:

Պ. Աւետիս Թերզիպաշեան. Զրաւիրագրին մէջ յիշատակուած էր իր ընտրութեան վերաբերող հեռագիրը:

Նորատունկեան Էֆէնտի. Ո՛չ:

Պ. Վ. Թէքեան. Այս թուղթերուն յարակից ուրիշ թուղթ մը կար, որ պէտք է նոյնպէս կարդացուէր: Անցեալ տարի, Բողոքականաց Ազգապետարանը երկու պատգամաւոր նշանակած էր՝ Տոքթ. Սմբատ Գաբրիէլեանը, որ վախճանած է անկէ ի վեր եւ Բրօֆ. Թունայեանը: Այն ատեն՝ Զամագումարը առիթ չունեցաւ այդ ընտրութեանց տեղեկանալու, որովհետեւ գիրը չկարդացուեցաւ: Այս անգամ պէտք է կարդալ այդ գիրը, որպէսզի հասկցուի, թէ վախճանեալ Տոքթ. Սմբատ Գաբրիէլեանի տեղ ընտրուած է Բրօֆ. Լեւոնեան:

Նորատունկեան էֆէնտի. Դիւանիս քով գտնուող թուղթերուն մէջ չկայ այդ գրութիւնը. պէտք է գտնել տալ, եւ այն ատեն կը կարդացուի:

Տոքթ. Ա. Բարսեղեան. Ինծի այնպէս կը թուի, թէ ժողովը կանոնաւոր հիմքի վրայ չէ, սկսանք քննել ընտրութեան խնդիրներ, առանց անհրաժեշտ մեծամասնութիւնը ունենալու:

Նորատունկեան էֆէնտի. Այս թուղթերը կը կարդացուին առ ի տեղեկութիւն. մեծամասնութիւն ունենալու խնդիրը ապա նկատի պիտի առնուի:

Տոքթ. Ա. Բարսեղեան. Անցեալ տարի խնդիր եղաւ, թէ մինչեւ ե՞րբ պիտի շարունակուի Ազգ. Համագումարին համար նոր անդամներու ընտրութիւնը: Համագումարը այն ատեն դէմ արտայայտուեցաւ նոր անդամներ ընտրելու դրութեան: Որչափ որ կը յիշեմ, նոյն ինքն Պօղոս Փաշա հակառակեցաւ նոր ընտրութեանց: Հիմա սակայն, դարձեալ նոր ընտրութեանց վերադարձանք եւ կը խօսինք ընտրելիներու մասին: Այնպէս կը կարծեմ, որ ժողովին մեծամասնութեան կողմէ տրուած որոշման մը հակառակ կ'երթանք: Անցած տարի ներքին կանոնագրով նախատեսուած մեծամասնութեամբ միայն կրնանք որոշել, թէ պէ՞տք է նոր անդամներ ընդունինք:

Նորատունկեան էֆէնտի. Պ. Բարսեղեանի առաջարկն է, որ այս խնդիրը մեծամասնութեան ենթարկենք: Բայց կը կրկնեմ, որ հիմնական եղածը լոկ ընթերցում մըն է՝ առ ի տեղեկութիւն: Երբ այս մասին Յանձնախումբին տեղեկագիրը ստանանք, այն ատեն մեծամասնութեամբ կը քննենք խնդիրը:

Պ. Վ. Թէրեան. Անշուշտ առ ի տեղեկութիւն կը կարդացուին այս թուղթերը, եւ անհրաժեշտ չէ, որ մեծամասնութիւն ունենանք: Երբ Յանձնաժողովին տեղեկագիրը գայ, մեծամասնութեամբ կը քննենք: Կ'ուզեմ սակայն դիտել տալ, թէ Համագումարին անցեալ տարուան որոշումը կը պաքթանէր նշանակովի անդամներուն: Վախճանած անդամներու տեղ նոր անդամ ընտրելու արգելք կա՞ր իրապէս: Յետոյ, զոր օրինակ, Կիլիկիոյ պէս կարելոր շրջանի մը պատգամաւորները մերժելու միտում ունէ՞ր այդ որոշումը: Համագումարը անշուշտ այս անգամ նկատի պիտի առնէ կատարուած ընտրութիւնները, որոնց, եթէ ուզէ, կրնայ սահման մը դնել: Ամեն պարագայի մէջ, պիտի յարգուի այս հարցը մեծամասնութեամբ քննելու պահանջումը: Գալով մեծամասնութեան, անոր գոյացման համար աչքի առջեւ պիտի ունենանք այն նոր պայմանները, որոնք առաջ կու գան այս անգամուան ընտրութիւններով:

Պ. Ա. Թէրզիպաշեան. Անցեալ տարուան որոշումէն վերջ Համագումարը ընդունեց Պոլսոյ Հայ Կաթոլիկ Պատրիարքարանի ներկայացուցիչները: Տրուած որոշումը իսկապէս նշանակովի անդամներուն համար էր:

Պ. Ա. Չօպանեան. Եւ արդէն ժողովը մերժեց հաւանիլ՝ երբ անցեալ տարի առաջարկեցի հինգ անձեր իբր անդամ Համագումարի:

Կարդացուեցաւ պարսկահայոց պատգամաւոր Պ. Մ. Վարանդեանի կողմէ 1920 Մայիս 4 թուականով Փարիզի Համագումարի Դիւանին ուղղուած նամակ մը, որով կը յայտնէր, թէ իր նոր պաշտօնին բերումով եւ այդ պատճառաւ Հռոմ մեկնելու ստիպուած ըլլալով, չպիտի կրնայ մասնակցիլ Համագումարին աշխատութեանց:

Նորատունկեան էֆէնտի. Այս նամակն ալ կը ղրկենք Յանձնաժողովին:

Չայներ. Այո՛, այո՛:

Պ. Ա. Թէրզիպաշեան. Պարզ, եւ առանց պատճառաբանութեան հրաժարական մըն է. ինչո՞ւ ղրկենք Յանձնաժողովին:

Չայներ. Նամակին մէջ հրաժարականի խնդիր չկայ:

Նորատունկեան էֆէնտի. Քանի որ Պ. Վարանդեան գրած է, թէ իր պաշտօնին բերումով չպիտի կրնայ մեր աշխատութեանց մասնակցիլ, ուրեմն կը նշանակէ, թէ կը հրաժարի: Գալով Պ. Թէրզիպաշեանի առարկութեան, անպատեհութիւն մը չկայ այս նամակը Յանձնաժողովին ղրկելուն մէջ, որովհետեւ կրնայ ըլլալ, որ Յանձնաժողովը պէտք տեսնէ նոր ընտրութիւն առաջարկել հրաժարեալին տեղ:

Կարդացուեցաւ ամերիկահայոց պատգամաւորներ Պ. Պ. Մ. Համբարձումեանի եւ Չ. Մաթիկեանի 1920 Մարտ 20 թուակիր մէկ նամակը, Պոսթոնէն ուղղուած առ Պօղոս Նուպար Փաշա, որով, կարգ մը պատճառաբանութիւններով, կը հրաժարէին իրենց պատգամաւորի հանգամանքէն, նոյն ատեն բողոքելով Ազգ. Համագումարի վերստին գումարման դէմ:

Պ. Ա. Չօպանեան. Այս նամակը գոնէ փոքր պատասխանի մը կը կարօտի: Համագումարը երկրորդ անգամ նիստի հրաւիրելը ո՛չ միայն անհրաժեշտութիւն մըն էր Ազգ. Պատուիրակութեան համար, այլ՝ պարտականութիւն մը, եւ այս պարտքը իր վրայ դրած էր նոյն ինքն Համագումարը, իր նախորդ նստաշրջանին մէջ, որուն մասնակցած էին նաեւ Պ. Պ. Համբարձումեան եւ Մաթիկեան:

Պօղոս Նուպար Փաշա. Պատասխան տալու հարկը կը պաքթանի Համագումարին, պատասխանին մէջ յիշատակելով անշուշտ այն պարագան, զոր պարզեց Պ. Չօպանեան:

Նորատունկեան էֆէնտի. Այս գիրն ալ կը ղրկենք Յանձնաժողովին:

Կարդացուեցաւ Սոֆիայէն՝ Ազգ. Միութեան կողմէ Ազգ. Պատուիրակութեան ուղղուած 1920 Ապրիլ 7 թուակիր նամակ մը որով, համանման պատճառաբանութիւններով, կը յայտարարեն, թէ հրաժարած կը նկատեն պուլկարահայ գաղութին պատգամաւորները եւ չեն հաւանիր, որ անոնք մասնակցին Համագումարի ներկայ նստաշրջանին:

Կարդացուեցաւ նաեւ Հայ Սահմանադրական-Ռամկավար Կուսակցութեան Վառնայի Քոմիտէին 1920 Մարտ 30 թուակիր եւ Պօղոս Նուպար Փաշայի ուղղուած մէկ հեռագիրը, որով կը բողոքէ Սոֆիայի Ազգ. Միութեան վերոյիշեալ որոշման դէմ:

Նոյնպէս կարդացուեցաւ Պուլկարիոյ հայ գաղութին պատգամաւոր Պ. Հինդլեանի 1920 Մարտ 31 թուակիր եւ Ազգ. Պատուիրակութեան ուղղուած մէկ հեռագիրը, որով կը յայտնէր, թէ ինք պաշտօնական հրաւեր չէր ընդունած Համագումարի երկրորդ նստաշրջանին համար: Հեռագրին յարակից կարդացուեցաւ Ազգ. Պատուիրակութեան մէկ ծանօթութիւնը, որով կը յայտնէր, թէ երկու անգամ հեռագրով եւ երկու անգամ ալ նամակով հրաւեր ուղղուած է Պ. Հինդլեանի:

Ժողովը որոշեց այս գիրներն ալ ղրկել Յանձնաժողովին:

### 3. Մեծամասնութեան խնդիր

Պ. Ա. Թէրզիպաշեան. Կարծեմ աւելի ճիշդ բան մը ըրած պիտի ըլլանք՝ մեծամասնութիւնը փնտռելու առթիւ նկատի առնելով միայն թիւը այն պատգամաւորներուն, որոնք իրենց վրայ կը պահեն ներկայացուցչական հանգամանքը: Պէտք է քննենք, թէ ո՞վ անդամ է իրօք եւ ո՞վ ոչ, եւ ըստ այնմ որոշենք մեր մեծամասնութիւնը: Համագումարի առաջին նստաշրջանին բացման օրը անդամներու թիւը 38 էր: Մեր անդամակիցներէն մէկը վախճանած է եւ վեցը հրաժարած են: Քննելով իրենց հրաժարականները, բոլորս ալ համոզուեցանք, թէ անոնք այլեւս չեն կրնար մաս կազմել Համագումարին: Ուրեմն ներկայիս Համագումարը ունի 38-էն 7 անդամ պակաս, այսինքն՝ 31 անդամ: Արդ, մեծամասնութիւնը պէտք է փնտրենք Համագումարին ներկայ անդամներուն իրական թիւը, 31 թիւը հաշուելով, որով անոնց կէսէն մէկ աւելին, 16-ը կ'ըլլայ մեր մեծամասնութիւնը: Այսօր մենք ունինք 17 անդամներ, չհաշուելով գալիք անդամները, ինչպէս նաեւ Կիլիկիոյ եւ Մանչեսթրի պատգամաւորները, որոնց ընտրութիւնը չէ վաւերացուած դեռ: Կ'առաջարկեմ, ուրեմն, մեծամասնութիւնը գոյացած նկատել եւ նիստը պաշտօնապէս բացուած յայտարարել:

Պօղոս Նուպար Փաշա. Ընդհանուր դիտողութիւն մը պիտի ընեն այս առթիւ: Կայ մեծամասնութեան որոշ կանոն մը, որ կը յարգուի բոլոր խորհրդարաններու մէջ: Անոնք օրինակի համար Ֆրանսական Խորհրդարանը: Ի՞նչ է իր անդամներուն

ընդհանուր թիւը. ենթադրեմք 600. մեծամասնութիւնը բնականաբար կը գոյանայ այդ 600-ին կէտէն մէկ աւելիով, այսինքն 301 թիւով: Բայց եթէ մահուամբ կամ հրաժարմամբ այդ 600-էն պակասողներ ըլլան, մեծամասնութիւնը նոյնը չի մնար, այլ կը փոխուի նոյն համեմատութեամբ, միշտ անդամներու իրական թիւին կէտէն մէկ աւելին հաշուելով: Մենք ալ, մեր մեծամասնութիւնը որոշելու համար, պէտք է նկատի առնենք Համագումարին տրամադրելի անդամներուն իրական թիւը, եւ այդ թիւին կէտէն մէկ աւելիով կազմենք մեր մեծամասնութիւնը: Այս կերպով՝ ո՛չ նոր ընտրութեան պէտք կը մնայ, ո՛չ ալ սպասելու, եւ կրնանք առաջ տանիլ մեր աշխատութիւնները:

Նորատունկեան Է քէնտի. Փաշային դիտողութիւնը անշուշտ օրինաւոր է: Բայց թերեւս դժուարութեան կը բաղխինք գործադրութեան մէջ: Ժողովս պէտք է խորհրդակցի այս մասին եւ միանգամ ընդմիշտ որոշէ, թէ ի՞նչ պէտք է ընել ներկայացող երկու պարագաներուն համդէպ: Պարզ հրաժարականներու պարագան որոշ է. հարկ չկայ անոնց մասին վիճաբանելու: Բայց ի՞նչ ընթացք պէտք ենք բռնել միւսներուն նկատմամբ, որոնք կը հրաժարին՝ մեր աշխատութեանց մասնակցել չուզելուն համար:

Պօղոս Նուպար Փաշա. Քանի որ չեն ուզեր մեզի հետ աշխատիլ, ի՞նչ կրնանք ընել. պարզապէս կ'ընդունինք իրենց հրաժարականը:

Պ. Ա. Հանըմեան. Կրնայինք այդպէս ընել՝ եթէ զանոնք նկատելիք իբր սոսկական անհատներ. բայց անոնք անհատներ չեն ներկայացներ, այլ՝ ամերիկահայ գաղութը, որուն կողմէ ընտրուած են իբր ներկայացուցիչ: Այդ նամակները պէտք ենք հաղորդել ամերիկահայ գաղութին, հասկնալու համար, թէ ինք ի՞նչ կը խորհի անոնց մէջ յարուցուած պատճառաբանութեանց մասին: Պէտք է լսենք ամերիկահայ հանրային կարծիքը:

Պօղոս Նուպար Փաշա. Ո՛չ. ով որ հրաժարական կու տայ, հրաժարած կը նկատուի, պէտք չկայ, որ ատոր համար զինքը ընտրողներուն կարծիքը առնուի կամ անոնց հաղորդուի հրաժարականը: Եթէ նոր ընտրութիւն կատարել պէտք ըլլար, այդ պարագային կը հասկնամ, որ ամերիկահայ գաղութին դիմելու պէտք տեսնէինք:

Տիգրան Խան Քէլէկեան. Արդեօք այդ պատգամաւորները իրենց ընտրողներուն հաղորդած են այն պատճառաբանութիւնները որոնցով հրաժարած են:

Պ. Ա. Հանըմեան. Ո՛չ: Տիգրան Խան Քէլէկեան. Ուրեմն մե՞նք ինչու հաղորդենք:

Տոքթ. Ներուզ. Իմ գիտածը սա է, որ իրենց հրաժարականը պիտի տային Ազգ. Միութեան: Չեն գիտեր, թէ տուի՞ն: Չեն կարծեր, սակայն, որ պէտք ըլլայ անոնց տեղ նոր ընտրութիւն ընելու, որովհետեւ մեր այս երկրորդ նստաշրջանը առաջին նստաշրջանին շարունակութիւնն է պարզապէս: Եթէ նախորդ տարի Համագումարը վերջացած նկատելիք, կրնայինք հիմա նոր ընտրութեան ձեռնարկել: Մենք այսօր կատարուած իրողութեան մը համդէպ կը գտնուինք: Պատգամաւորներ հրաժարեր են. պէտք չունինք անոնց տեղ նոր ընտրութիւն ընելու: Վերադառնանք մեր աշխատութեանց:

Պ. Ա. Հանըմեան. Հապա մեռնողնե՞րը, ինչո՞ւ Պ. Մոստիչեանի տեղ նոր ընտրութիւն կատարուեր է:

Պ. Վ. Թէքէեան. Անշուշտ մեծամասնութեան կազմութեան խնդրին մէջ նկատի պիտի առնենք նաեւ հրաժարած պատգամաւորներու պարագան: Եթէ իրօք խորհրդարանի նման մարմին մը ըլլայինք, հրաժարածներուն տեղ նոր ընտրութիւն կը կատարուեր եւ այդ միջոցին ժողովը իր նախորդ մեծամասնութեամբ կը շարունակէր գումարուիլ: Բայց մենք այդ տեսակ մարմին մը չենք. ժամանակ չունինք նոր ընտրութիւն կատարելու: Մեզմէ շատեր հեռաւոր տեղերէ եկած են եւ չեն կրնար երկար ատեն մնալ այստեղ: Արդէն որոշ գործով մը գումարուած ենք, թերեւս մեր աշխատութիւնը քանի մը շաբաթ միայն տեւէ: Հետեւաբար, չենք կրնար հրահանգ տալ նոր ընտրութիւններու, որոնց արդիւնքը Համագումարին փակումէն վերջ միայն պիտի

կրնար իմացուիլ: Որպէսզի գործնական ելքի յանգինք, պէտք է հրաժարողները պակսեցնենք մեր ընդհանուր թիւէն, մնացածներուն վրայ աւելցնենք անոնք, որոնք անցեալ տարի մեր մէջ չէին եւ նոր ընտրուած են, ինչպէս Կիլիկիոյ պատգամաւորը եւ բողոքականներու Ազգապետարանին պատգամաւորները, եւ այսպէսով գոյացած ընդհանուր թիւին վրայ կազմենք մեծամասնութիւնը: Հակառակ պարագային, պիտի ծագին անպատեհութիւններ, որոնց մէկ օրինակը կրնանք նկատել Բոօֆ. Թումայեանի պարագան: Ինչպէս կը յիշուի, Բոօֆ. Թումայեան անցեալ տարի Համագումարին մասնակցեցաւ իբր հրաւիրեալ անդամ: Անկէ ի վեր յայտնուած է, թէ ընտրուած է իբր բողոքականներու Ազգապետարանին երկու պատգամաւորներէն մէկը, եւ հիմ Յունաստանի հայ գաղութին կողմէ՝ իբր յաջորդ հանգուցեալ Մոստիչեանի: Արդ, պէ՞տք է մեծամասնութիւնը փնտռած ատեննիս նկատի ունենանք Բոօֆ. Թումայեանի երեք պատգամաւորի հանգամանքը: Եւ եթէ ընդունինք, ասիկա մեր թիւը չի՞ պակսեցնէր:

Պօղոս Նուպար Փաշա. Պ. Թէքէեան երկու առաջարկ ըրաւ: Առաջին առաջարկով՝ ինծի համամիտ է, այսինքն՝ հրաժարողները պակսեցնել մեր ընդհանուր թիւին, մնացողներուն վրայ կազմելու համար մեծամասնութիւնը: Բայց ըրաւ նաեւ ուրիշ առաջարկութիւն մը, որուն համամիտ չեմ: Պ. Թէքէեան առաջարկեց հրաժարողները պակսեցնելով՝ տրամադրելի պատգամաւորներու թիւին վրայ աւելցնել նաեւ նոր անդամներուն թիւը, եւ անկէ վերջ միայն գոյացած ընդհանուր թիւին վրայ կազմել մեծամասնութիւնը: Այսօրուան համար, սակայն հարկ չկայ այս յաւելումին: Այսօր կրնանք մեր մեծամասնութիւն հաստատել պակասածներէն զատ տրամադրելի եղող պատգամաւորներու ընդհանուր թիւը միայն նկատի առնելով: Այս երկրորդ կազմուած մեծամասնութիւնը մը օրինակն է եւ կը բաւէ մեզի որպէս զի անմիջապէս սկսինք մեր աշխատութեանց: Եթէ նոր պատգամաւորներու ընտրութեան վաւերացումը կատարուի, այն ատեն միայն անոնց թիւը կը բարդենք մեր ընդհանուր թիւին եւ ըստ այնմ կ'որոշենք նաեւ մեր մեծամասնութիւնը:

Պ. Վ. Թէքէեան. Ուրեմն երկո՞ւ մեծամասնութիւն:

Պօղոս Նուպար Փաշա. Այո՛, մեծամասնութիւն մը այս օրուան համար, որպէսզի կարենանք անմիջապէս աշխատութեանց սկսիլ, եւ մեծամասնութիւն մը այն օրուան համար, երբ ասիկա անհրաժեշտ դառնայ մեր ընդհանուր թիւին յաւելման պատճառաւ:

Պ. Տիգրան Տօվլէքեան. Առաջին անգամն է, որ իսօք կ'առնեն ժողովին մէջ. պիտի ներք անշուշտ, եթէ պզտիկ դիտողութիւն մը ընեն: Իմ կարծիքովս՝ կարծեմ չափազանց ձեւակերպութեան կ'երթանք: Այսօր օրինակն մեծամասնութիւն չունինք. խորհրդակցական ժողով մըն է միայն եղածը, հետեւաբար՝ հարկ չկայ, որ այս բոլոր մանրամասնութեանց մտնենք այն տեսակ խնդրի մը մասին, զոր լոկ մեծամասնութեամբ կրնանք լուծել: Երբ այդ մեծամասնութիւնը ունենանք եւ նիստը դառնայ օրինական, այդ պարագային կ'որոշենք, թէ ի՞նչ պիտի ըլլայ մեծամասնութեան թիւը, պիտի պահե՞նք 20-ը, թէ՞ զայն պիտի իջեցնենք 15-ի կամ 16-ի:

Երուանդ Պէյ Աղաթօն. Բայց մեր այսօրուան նիստը օրինաւոր է, որովհետեւ ունինք մեծամասնութիւն: Անցեալ տարի 38 հոգի էինք. մեծամասնութեան թիւն էր 20. այս տարի 32 հոգի ենք, կէտէն մէկ աւելին կ'ըլլայ 17, որ մեծամասնութեան թիւն է: Եթէ ներկաները հաշուենք, պիտի տեսնենք, որ մեծամասնութիւն ունինք արդէն:

Պօղոս Նուպար Փաշա. Իմ սիսթեմն է ատիկա:

Պ. Վ. Թէքէեան. Պայմանաւ սակայն, որ Պ. Պզտիկեան, Կիլիկիոյ պատգամաւորը չհաշուուի ներկաներու թիւին մէջ:

Երուանդ Պէյ Աղաթօն. Ո՛չ ալ Պ. Տօվլէքեանը, քանի որ իրենց ընտրութիւնը չէ վաւերացուած տակաւին:

Նորատունկեան էֆէնտի. Ուրեմն կրնանք ըսել, թէ մեծամասնութիւն ունինք այսօր եւ ըստ այնմ ընթացք տալ մեր աշխատութեանց /հաւանութեան ձայներ/:

Տոթթ. Ա. Բարսեղեան. Մեծամասնութիւն կազմելու համար առաջարկուած ձեւը շատ իրաւական չէ ըստ իս: Այս Համագումարը անցեալ տարուանին շարունակութիւնն է եւ անոր մէջ պէտք է մնայ այն մեծամասնութիւնը, որուն վրայ կը հիմնուէինք: Մեր անդամակիցներէն ոմանք որոշ պատճառաբանութիւններով կը մերժեն մեզի աշխատակցիլ. կրնա՞նք զանոնք հրաժարած նկատել այն մեծամասնութեանք, զոր կ'ուզենք կազմել այսօր: Թէեւ այդ պատգամաւորները հրաւիրուած էին անձնապէս, բայց իրենց յարուցած պատճառաբանութիւնները լոկ իրենց անձին չեն պաքթանիր, կը շահագրգռեն նաեւ այն ժողովուրդը, որուն ներկայացուցիչներն էին: Արդէն պուկարահայ գաղութին պատգամաւորները չեն դրկուած նոյնիսկ գիրենք ընտրողներուն կողմէ: Ամերիկահայոց պատգամաւորներուն հրաժարագիրն ալ գաղտնի բան մը չէր, հրապարակուեցաւ այնտեղ եւ ընտրող ժողովուրդը չբողբեց: Երբ խնդիրը այսքան կարեւոր է, ինչպէ՞ս կրնանք անոր մասին որոշում տալ ձեւական մեծամասնութեամբ մը: Փոխանակ մեզ օրինաւոր խորհրդարաններու հետ բաղդատելու, լաւագոյն բան մը ըրած կ'ըլլանք հետեւելով Ներքին Կանոնագրին, որ մեր միակ առաջնորդը պէտք է մնայ: Եւ Ներքին Կանոնագիրը կը տրամադրէ 20 ձայնի մեծամասնութիւն մը: Չենք կրնար ուրեմն ձեւակերպութեան մը աստիճանին իջեցնել այս խնդիրը: Նախկին անդամներուն մեծամասնութիւնը անհրաժեշտ է այս ժողովին օրինական հանգանակ մը տալու համար: Այդ մեծամասնութեամբ պէտք է քննենք նաեւ նոր ընտրուած պատգամաւորներու պարագան: Բացառութիւն կը նկատեմ միայն Պ. Մոստիչեանի տեղ ընտրուածը, զոր կրնանք մեր մէջ ընդունիլ առանց վիճաբանութեան, իբր մահուամբ պակասած պատգամաւորի մը յաջորդը:

Ամեն. Եղիշէ Արքեպ. Դուրեան. Նախկին անդամներու թիւին հետ կապուիլը օրինական հիմն չունի: Որովհետեւ չենք կրնար ամբողջական նկատել այդ թիւը: Անցեալ տարի այս Համագումարը Կիլիկիայէն ներկայացուցիչ չունեցաւ, մինչդեռ պզտիկ գաղութներ պատգամաւորներ տուին. նոյնիսկ անոնցմէ ոմանք երբեմն իրար ալ խաչածեցին: Պակաս մըն էր անշուշտ Կիլիկիայէն պատգամաւոր չունենալը: Իզմիրի պէս մեծ գաղութ մըն ալ բացը մնաց: Ստիպուած ըլլալով անցեալ տարուան ուղղութեան վրայ քայլել, մենք մեր կողմէն չենք կրնար սրբագրել այս թերիները: Բայց կ'ընդունինք ինչ որ ինքնին սրբագրուեր է, տեղ տալով մեր մէջ նոր ընտրուողներուն: Գալով հրաժարականներու խնդրին, ի՞նչ պէտք ունինք հրաժարողներուն կապուած մնալու, երբ մանաւանդ իրենց հրաժարման գիրերը պատճառաբանութեմէ ալ անդին կ'անցնին: Չէ՞ն ուզեր մեզի հետ գործել՝ կը գործենք առանց իրենց, քանի որ ուրիշ միջոց չունինք: Եթէ շարունակենք կապուած մնալ անոնց, չպիտի կրնանք մեծամասնութիւն գոյացնել եւ մեր աշխատութեանց ձեռնարկել: Մահուամբ կամ մեզի հետ մնալու կամք չունենալուն համար պակասողները չհաշուելով ալ կրնանք կազմել մեր մեծամասնութիւնը:

Տիգրան Խան Զէլէկեան. Մեր երկու պատուական անդամակիցներուն հրաժարականին պատճառաբանութիւնները ոչինչ կ'արժեն արդէն: Եթէ մեր Համագումարը օրինաւոր չէր, ինչո՞ւ անոր մասնակցեցան անցեալ տարի, ամեն խնդրի վիճաբանութեան մասնակցեցան, պոռացին-կանչեցին: Համագումարը ինչ որ էր անցեալ տարի, նոյնն է նաեւ այս տարի: Եթէ չեն ուզեր անոր մասնակցիլ, ասիկա կը նշանակէ, որ չեն ուզեր մեզի հետ աշխատիլ:

Պ. Ա. Հանըմեան. Հրաժարականներու եութեան մասին կը վիճաբանինք, թէ՞ մեծամասնութեան խնդիրը կը քննենք: Եթէ հրաժարականներու եութեան վրայ կը խօսուի, ուրեմն ես ալ այդ մասին խօսք կ'ուզեմ:

Պ. Ա. Չօպանեան. Շատ լաւ կ'ըլլայ, որ վերջնական որոշման մը գալու համար թուէինք, թէ ի՞նչ պատճառներու բերումով այս անգամ չեն գար այն բոլոր պատգամաւորները, որոնք պիտի բացակային մեր նիստերէն: Պ. Մոստիչեանի

պարագան յայտնի է: Մեր նախկին անդամակիցներէն երկու հոգի պատճառներ գտած են հրաժարելու: Պուկարիոյ հայոց պատգամաւորները նոյնպէս: Ճանօթացանք նաեւ Պ. Վարանդեանի հրաժարման պատճառին: Կայ տակաւին Պ. Փաստրմաճեանի հրաժարականը, որուն առիթ տուող պատճառները պէտք են ծանօթ ըլլալ ամենուի: Բայց կան նաեւ ուրիշ բացականեր, որոնք շատ յարգելի պատճառներով չպիտի կրնան Համագումարի այս երկրորդ նստաշրջանին մասնակցիլ: Օրինակի համար, մեր թանկագին ընկերը՝ Պ. Տամատեան, որ ամենադժուարին, եւ ներկայ պարագաներուն բերմամբ բոլորովին տաժանելի աշխատութիւն մը ստանձնած է Կիլիկիոյ մէջ. այլապէս՝ սիրով պիտի ուզէր մեր մէջ ըլլալ այսօր: Իր կատարած գործը այնտեղ՝ ահագին կարեւորութիւն ունի, եւ ասիկա ըստ ինքեան յարգելի պատճառ մըն է իր բացակայութեան համար: Կը յիշատակեմ նաեւ Բոսֆ. Արահամ Տէր-Յակոբեանը, որ այլապէս կարեւոր պաշտօնով մը Ամերիկա կը գտնուի, եւ որ նոյնպէս եթէ այդ յարգելի պատճառը չըլլար, այստեղ ներկայ պիտի գտնուէր այսօր: Միւս կողմէ՝ Պ. Պ. Սեդրոսեան, Վահան Փափագեան, Արսէն Միքայէլեան, Բոսֆ. Ա. Խաչատուրեան չեն եկած եւ տեղեկութիւն ալ չեն տուած իրենց բացակայութեան նկատմամբ: Գիտենք, որ չորսն ալ երեւան կը գտնուին: Բայց իրենց լուրսինը թերեւս համամտութիւն մըն է Ամերիկայի պատգամաւորներուն բռնած ընթացքին:

Պ. Գառնիկ Ֆնտազեան. Չեմ կարծեր, որ այդպէս ըլլայ. գոնէ իրաւունք չունինք այդ ենթադրութիւնն ընելու:

Պ. Ա. Չօպանեան. Մեր մէջ էր նաեւ Տոթթ Ալթունեան, որ ստիպուեցաւ մեկնիլ հարկեցուցիչ պատճառներով: Յետոյ կայ Պ. Տէրվիչեանի պարագան:

Նորատունկեան էֆէնտի. Պ. Տէրվիչեանի տեղ ընտրուած է Պ. Սիարոնեան: Միջազգայն ազգայինները, Պ. Սիարոնեանի մերժման պարագային, փափաք յայտնած են իբր ներկայացուցիչ ունենալ Պ. Սաֆրաստեանը:

Պ. Ա. Չօպանեան. Վերջապէս, պէտք է յիշատակել այն պատգամաւորները, որոնք կը բացակային յարգելի պատճառներով: Համաձայն են, որ հրաժարողները եւ պակասները զեղչելով կազմուի մեծամասնութիւնը, որով այս ժողովը այսօր կրնայ ինքզինքը իրաւասու նկատել եւ անմիջապէս կազմել պատգամաւորներու «մանտա» ընդհանրապէս յանձնաժողովը, որպէսզի իր կարծիքը բերէ կատարուած ընտրութեանց եւ դրուած հրաժարականներուն նկատմամբ: Կ'ուզեմ ընել նաեւ դիտողութիւն մը յիշեալ հրաժարականներու մասին: Ինչ որ ալ ըլլան անոնց հիմն դարձած պատճառաբանութիւնները, անոնք չեն կրնար, ինչպէս Պուկարիոյ, այնպէս ալ Ամերիկայի ամբողջ հայութեան կարծիքը ներկայացնել:

Տոթթ. Նելուզ. Չշեղինք խնդրէն: Եթէ հրաժարականներու եութեան պիտի դառնանք, ես ալ կրնամ խօսք ուզել:

Նորատունկեան էֆէնտի. Ժողովը կը հաւանի ուրեմն, որ որոշ կերպով հրաժարած կամ պակասած անդամները զեղչելով պատգամաւորներու ընդհանուր թիւէն՝ կազմուի մեծամասնութիւնը: Ինչպէս յայտնի է, պակաս են 2 պատգամաւոր Ամերիկայէն, 2 պատգամաւոր Պուկարիայէն, յետոյ Պ. Վարանդեան եւ Պ. Փաստրմաճեան. նաեւ Պ. Յակոբեան եւ Պ. Մոստիչեան, որով, բոլորովին մեզմէ անջատուողներուն թիւը կը հասնի 8-ի: Նախորդ տարի 38 հոգի էինք, զեղչելով 8-ը, կ'ունենանք 30: Ուրեմն, մեծամասնութիւն կը նկատուի 16 թիւը, զոր ունինք այսօր, որով նիստը կը դառնայ օրինական եւ կրնանք ձեռնարկել պատգամաւորներու պաշտօնին վաւերացման յանձնաժողովին ընտրութեան /հաւանութեան ձայներ/:

#### 4. Ընտրութիւն Պատգամաւորներու Վաւերացման Յանձնաժողովին



Նորատունկեան էֆէնտի. Ինչպէս յայտնի է, նախորդ տարի այդ Յանձնաժողովը կազմուած էր Ամենապատիւ Դուրեան Արքեպիսկոպոսի նախագահութեամբ, անդամ ունենալով Պ. Պ. Բոֆ. Տէր-Յակոբեան եւ Ն. Տէր-Ստեփանեան: Կը հաւատամ, որ Դուրեան Արքեպիսկոպոս պիտի յօժարի այս անգամ ալ ստանձնել նոյն աշխատութիւնը, եթէ ժողովս փափաքի /հաւանութեան ձայներ/:

Դիւանին առաջարկութեան համաձայն, Համագումարը որոշեց Յանձնաժողովը կազմել Դուրեան Արքեպիսկոպոսի նախագահութեամբ եւ անդամակցութեամբ Պ. Պ. Գառնիկ Ֆնտզեանի եւ Մարտիրոս Տէրպետեանի:

Ընտրուողները ընդունեցին առանց առարկութեան:

Դուրեան Արքեպ. Կարծեմ Դիւանին կողմէ կարդացուած թուղթերուն մէջ պակասներ կան. կը խնդրեմ, որ ամբողջացուին եւ այնպէս դրկուին մեզի, որպէսզի աշխատութիւնը շուտով աւարտի: Անշուշտ կը գտնուին ու կը դրկուին Կիլիկիոյ պատգամաւորներու ընտրութեան թուղթերն ալ: Կարծեմ Պ. Պապիկեան միասին բերած է իր պաշտօնը հաստատող թուղթերը:

Պ. Չաքարիա Պատկեան. Մեզի միայն լուր տրուած է մեր ընտրութեան մասին, բայց կարծեմ պէտք եղածը գրուած է Ազգ. Պատուիրակութեան:

Պօղոս Նուպար Փաշա. Կը յիշեմ, որ այդ տեսակ թուղթ մը հասաւ. կը փնտռեմք ու կը դրկեմք:

**ՕՐԱԿԱՐԳ**

**1. Ընտրութիւն Համագումարի Դիւանին**

Նորատունկեան էֆէնտի. Քանի որ մեր այսօրուան նիստը օրինական է, եթէ ժողովը հաւանի, կրնանք անցնիլ մեր օրակարգին եւ ձեռնարկել Դիւանի ընտրութեան:

Պ. Ա. Հանըմեան. Լաւագոյն է, որ յառաջիկայ նիստին թողունք այդ գործը: Նոր ընտրուողներ կան, որոնց ընտրութիւնը պիտի վաւերացուի յառաջիկայ նիստին: Կրնայ ըլլալ, որ անոնցմէ ոմանք Դիւանի անդամ ընտրուին: Դիւանի ընտրութիւնը կրնանք կատարել անոնց վաւերացումէն ետք:

Նորատունկեան էֆէնտի. Ուրեմն յառաջիկայ նիստին օրակարգի առաջին խնդիր կ'ընենք Դիւանի ընտրութիւնը /հաւանութեան ձայներ/:

**2. Տեղեկագիր Կազմական Կանոնագրի Յանձնաժողովին**

Նորատունկեան էֆէնտի. Մեր օրակարգին վրայ կը գտնուի նաեւ անցեալ նստաշրջանին կազմուած Կազմական Կանոնագրի Յանձնաժողովին տեղեկագրին ընթերցումը: Այս տեղեկագրին յարակից կան Յանձնաժողովին կողմէ պատրաստուած երեք ծրագիրներ, որոնցմէ երկուքը հայկական կառավարութեան կազմական կանոններուն նկատմամբ եւ երրորդն ալ այն յարաբերութեանց մասին, որոնք գոյութիւն պիտի առնէին հոգատար պետութեան եւ հայկական կառավարութեան միջեւ: Պետք չունիմ անշուշտ ըսելու, թէ կանխահաս է առ այժմ զբաղիլ այս խնդիրներով: Յայտնի չէ տակաւին, թէ ի՞նչ ձեւով պիտի լուծուի Հայաստանի գոյութեան հարցը: Միւս կողմէ՝ հոգատար պետութիւն ալ չկայ: Յետոյ՝ Թուրքիոյ հետ կնքուելիք հաշտութեան դաշնագրին մէջ կը գտնուին տրամադրութիւններ, որոնք հիմնովին կը փոխեն իրերու այն դրութիւնը, որ գոյութիւն ունէր այդ տեղեկագիրը պատրաստուած միջոցին: Եթէ կը հաւանիք, կարդանք միայն Յանձնաժողովին տեղեկագիրը:

Ժողովին հաւանութեան վրայ կարդացուեցաւ Կազմական Կանոնագրի Յանձնաժողովին հետեւեալ տեղեկագիրը.

**Տեղեկագիր  
Կազմական Կանոնագրի Յանձնաժողովին**

22 Յուլիս 1919

Ազգ. Համագումարի Պատ. Նախագահութիւն,  
Փարիզ.

Ազգ. Համագումարի Կազմական Կանոնագրի Յանձնաժողովը իր աշխատութիւնները Յուլիս 10-ին աւարտած ըլլալով, պատիւ ունի Պատ. Նախագահութեանը ներկայացնելու հետեւեալ նախագծերը.

Ա. նախագիծ հիմնական կանոններու Հայաստանի Հանրապետութեան ժամանակաւոր կարգերու համար, բաղկացած 22 յօդուածներէ:

Բ. նախագիծ կազմական կանոններու Հայաստանի ժամանակաւոր վարչութեան համար, բաղկացած 45 յօդուածներէ, որոնցմէ հինգը կը վերաբերին Սահմանադիր ժողովոյ ընտրական օրէնքի հիմնական սկզբունքներուն:

Այս երկու նախագիծերը, համաձայն Համագումարի որոշման, պիտի ներկայացուին նոյն ժողովի երկրորդ նստաշրջանին, ի քննութիւն, իսկ եթէ անոր գումարունը անկարելի ըլլայ, կը կարծենք, թէ նպատակայարմար պիտի ըլլար ներկայացնել Միացիալ Հայաստանի Ազգային ժողովին, իբրեւ նիւթ, բացի առաջին նախագծի հինգերորդ /Ազգային ժողովի ընտրական մասին վերաբերող/ գլուխէն, որ Պատուիրակութեան նկատողութեան պէտք է յանձնուի:

Յիշեալ երկու նախագիծերէն զատ՝ Յանձնաժողովս քննութեան առած է խմբագրած է երրորդ աշխատութիւն մը՝ «Accord intervenu entre la République des Etats-Unis d'Amérique et l'Etat Arménien au sujet du mandat confié par la Société des Nations».

Այս երեք նախագիծերուն մէջ կան շարք մը յօդուածներ, որոնք քուէարկուած են Յանձնաժողովին անդամներուն մեծամասնութեամբ, եւ որոնց մասին փոքրամասնութիւնը վերապահած է իր կարծիքը Համագումարին մէջ արտայայտելու իրաւունքը:

Ընդունեցէ՛ք մեր յարգանքներուն ջերմ հաւաստիքը:

Ատենադպիր  
Ն. Տէր-Ստեփանեան

Ատենապետ  
Գ. Սինապեան

Նորատունկեան էֆէնտի. Յիշեալ ծրագիրներուն խնդիրը անշուշտ կը մնայ օրակարգին վրայ, եւ միւս խնդիրներուն քննութենէն վերջ, եթէ հարկ ծագի, կը զբաղիմք նաեւ այդ ծրագիրներով, որոնք տարակոյս չկայ, թէ իրենց օգտակարութիւնն ունին:

Ժողովը հաւանութիւն յայտնեց այս մասին:

Նիստը փակուեցաւ ժամը 5 1/2-ին:

ՀԱԱ, ֆ. 430, ց. 1, գ. 48, թթ. 11-18: Ձեռագիր: Բնագիր:

**Նիստ Գ**

Չորեքշաբթի, 19 Մայիս 1920, ժամը 4-ին,  
Նախագահութեամբ Գաբրիէլ Էֆ. Նորատունկեանի:

Ներկայ էին 20 պատգամաւոր՝  
Եղիշէ Արքեպ. Դուրեան, Պ. Պ. Երուանդ Պէյ Աղաթօն, Տոքթ. Ա. Բարսեղեան, Դաւիթ-Բէկ, Ա. Թէրզիպաշեան, Վ. Թէրէեան, Բոֆ. Թումայեան, Ա. Հանըմեան, Պօղոս

Պէյ Սարլըը, Տոքթ. Ներուզ, Ներսես Խան Ներսեսեան, Գաբրիէլ Էֆ. Նորատունկեան, Պօղոս Նուպար Փաշա, Ա. Զօպանեան, Զ. Պզտիկեան, Գ. Սինապեան, Մ. Տէրպետրեան, Ն. Տէր-Ստեփանեան, Տ. Տօվլէթեան, Գ. Ֆնտզեան:

**ՕՐԱԿԱՐԳ**

**1. Ընտրութիւն Զանազունարի Դիւանին**

**ԱՏԵՆԱԿԱՆ ԳՈՐԾՈՂՈՒԹԻՒՆՆԵՐ**

**1. Ընթերցում ատենագրութեան**

Կարդացուեցաւ եւ վաւերացուեցաւ Մարտ 14-ի նիստին ատենագրութիւնը:

Այս առթիւ որոշուեցաւ\* բոլորովին մանրամասն կերպով չպատրաստել ատենագրութիւնը, ինչպէս որ եղած էր նախորդ անգամուն, եւ լոկ բացառիկ կարելութիւն ունեցող վիճաբանութեանց առթիւ միայն կիրարկել այդ դրութիւնը:

**2. Վերակազմութիւն Ազգ. Զանազունարի**

Պատգամաւորներու Վաւերացման Յանձնաժողովին տեղեկաբեր Պ. Մարտիրոս Տէրպետրեան, Յանձնաժողովին անունով կարդաց հետեւեալ տեղեկագիրը.

**ՏԵՂԵԿԱԳԻՐ  
ՊԱՏՊԱՄԱԻՈՐՆԵՐՈՒ ՎԱԿԵՐԱՑՄԱՆ  
ՅԱՆՁՆԱԺՈՂՈՒԿԻՆ**

**1. Ընտրութիւն**

Ա. Սիջագետք. Պաղտատի ընտրական ժողովը, հրաժարեալ Տիար Տէրվիշեանի տեղ պատգամաւոր ընտրած է Տիար Ա. Ահարոնեանը, եւ հաղորդած է անոր այդ ընտրութիւնը: Ընդունելութեան մասին ռեւէ տեղեկութիւն ստացած չլլալով Տիար Ահարոնեանէ, ընտրական ժողովը հեռագրով կը խնդրէ Ազգ. Պատուիրակութենէն ուրիշի մը ընտրութիւնը հրահանգել, եթէ անհրաժեշտ է: Զաւանական նոր ընտրելին կը ներկայացնեն Տիար Սաֆրաստեանը: Տիար Ահարոնեան 17 Մայիս 1920 թուակիր նամակով մը կը ծանուցանէ, թէ չի կրնար ընդունիլ այդ «մանտա»: Բայց Յանձնաժողովս կը խորհի, թէ այլեւս ուշ է նոր ընտրութեան հրահանգ տալու համար:

Բ. Զին Յունաստան. Աթենքի եւ Կրետի հայերը, Մաշթօք Քահանայ Բզնունիի նախագահութեամբ ժողով գումարելով, պատգամաւոր կ'ընտրեն Պ. Պապաջանեանը եւ հեռագրով կը խնդրեն Ազգ. Պատուիրակութենէն՝ վաւերացնել իրենց ընտրողական իրաւունքը, նկատի ունենալով, թէ հին եւ նոր Յունաստանի գաղութները տակաւին ուրոյն կազմակերպութիւններ են: Զանազունարի Դիւանը հրաւիրած ըլլալով Տիար

\* Պահանջունը ըրաւ Պօղոս Նուպար Փաշա, նոյնիսկ զարմանք յայտնելով, որ այդ աստիճան ճշգրիտ, գրեթէ տղագրական կերպով մը տեղի ունեցած է արձանագրութիւնը, եւ շնորհաւորելով Դիւանը: Բայց լոկ ներկայ նիստին ատենագրութիւնը պատրաստուեցաւ ամփոփման ձեւով, որովհետեւ, յաջորդ նիստին, Պ. Զօպանեանի պահանջման վրայ, վերստին սկսաւ կիրարկուիլ մանրամասն արձանագրութեան դրութիւնը, որ շարունակուեցաւ մինչեւ նստաշրջանին փակումը:

Պաբաջանեանը իբր Աթենքի պատգամաւոր, արդէն վաւերացուցած է գաղութին ընտրողական իրաւունքը, ինչպէս նաեւ ընտրեալ պատգամաւորը:

Գ. Նոր Յունաստան. Ազգ. Պատուիրակութեան կողմէ դիմում եղած է Սելանիկի հայ գաղութին՝ հանգուցեալ Տիար Մոստիչեանի տեղ նոր ընտրութիւն մը ընելու: Այնտեղի ընտրողական յանձնաժողովը հեռագրով մը կը յայտնէ, թէ ընտրած է Տիար Ներսես Խան Քէլէկեանը, հաւանաբար Տիգրան Խան, եւ անոր մերժման պարագային՝ Տիար Գալուստ Կիւլպէնկեանը: Տիար Քէլէկեան Խան արդէն ընտրուած ըլլալով ֆրանսայի գաղութին կողմէ, իսկ Տիար Կիւլպէնկեանը մերժած ըլլալով, Սելանիկի հայ գաղութը կ'ընտրէ Տիար Բրօֆ. Թումայեանը, նախապէս անոր հաւանութիւնը առնելով:

Դ. Բողոքական ազգայինք. Կ. Պոլսոյ Զանազգային Խորհուրդը 1919 Յունիս 25-ին Զանազունարի անդամ ընտրած է Տիար Բրօֆ. Թումայեանը եւ Տիար Սմբատ Գաբրիէլեանը: Վերջինիս մահուրնէն ետք Կ. Պոլսոյ Ազգապետարանը անոր տեղ կ'ընտրէ Տիար Բրօֆ. Լ. Լեւոնեանը, որ սակայն Տիար Թէքէեանի ուղղուած երկու նամակներով կը յայտնէ, թէ հիւանդութեան պատճառաւ առ այժմ չափտի կրնայ ներկայ ըլլալ Զանազունարի նիստերուն: Յանձնաժողովս, ի նկատի առնելով, թէ Զանազունարը արդէն անցեալ տարի անուանած էր Տիար Բրօֆ. Թումայեանը իբր բողոքական ազգայնոց պատգամաւոր, կ'առաջարկէ զայն նկատել միշտ իբր այդ, ցորչափ Տիար Բրօֆ. Լեւոնեան չի կրնար մասնակցիլ Զանազունարին նիստերուն: Իսկ անոր մասնակցութեան պահուն՝ Տիար Բրօֆ. Թումայեանը ընդունիլ իբր Սելանիկի հայոց ներկայացուցիչ, քանի որ անընդունելի է միեւնոյն պատգամաւորին մէկէ աւելի ծայր ունեցալը:

Ե. Անգլիա. Սանչեսթրի ընդի. ժողովոյ դիւանին կողմէ պաշտօնական գրութիւն մը կը յայտնէ, թէ Լոնտոնի եւ Մանչեսթրի հայոց պատգամաւոր նշանակուած է Տիար Տիրան Տօվլէթեան, փոխարէն Գր. Յակոբեանի, որ հիւանդութեան պատճառաւ ստիպուած էր հրաժարիլ իր այդ պաշտօնէն:

Զ. Կիլիկիա. Կիլիկիոյ Ազգ. Միութիւնը Տիար Զաքարիա Պզտիկեանի ուղղած Յունուար 28 թուակիր հեռագրով մը կը ծանուցանէ անոր ընտրութիւնը իբր Կիլիկիոյ պատգամաւոր: Ազգ. Պատուիրակութիւնն ալ ստացած է այդ ընտրութիւնը հաստատող հեռագիր մը, բայց ցայժմ կարելի չէ եղած գտնել այդ հեռագիրը:

**2. Դրաժարականներ**

Է. Պարսկահայոց ներկայացուցիչ Տիար Ս. Վարանդեան Մայիս 4 թուակիր նամակով մը կը ծանուցանէ, թէ իր այժմու պաշտօնին բերմամբ չափտի կրնայ մասնակցիլ Զանազունարին նիստերուն: Յանձնաժողովս կը խորհի, թէ կարելի չէ սոյն նամակն ընդունիլ իբր բացարձակ հրաժարական մը եւ կը նկատէ Տիար Վարանդեանը իբր բացակայ, նկատի ունենալով, թէ եթէ պատահի, որ Զանազունարի տեւողութեան միջոցին Տիար Վարանդեան ազատ կացուցուի իր նոր պաշտօնէն, ան կատարեալ իրաւունք պիտի ունենայ մասնակցելու ժողովին, իբր պարսկահայ պատգամաւոր:

Ը. Ամերիկայի պատգամաւորներէն երկուքը՝ Տիարք Մաթիկեան եւ Զամբարձումեան՝ պատճառաբանեալ հրաժարական մը դրկած են Ազգ. Պատուիրակութեան, ինչպէս ծանուցուած է մեզ Քարտուղարութեան կողմէ: Յանձնաժողովս դրկուած էր միայն այդ հրաժարականի ֆրանսերէն թարգմանութիւնը: Զանազունարս արդէն օրինաւոր կերպով բացուած եւ իր խորհրդակցութեանց սկսած ըլլալով, Յանձնաժողովս չի կրնար վէճի տակ ձգել անոր գոյութեան իրաւունքը, զոր կը մերժեն ճանչնալ Ամերիկայի յիշեալ պատգամաւորները, եւ կ'առաջարկէ ընդունիլ անոնց հրաժարականը:

Թ. Պուլկարիոյ Զայ Ազգ. Միութեան Կեդրոնական Վարչութիւնը պաշտօնագրով մը կը հաղորդէ, թէ Սոֆիայի վերջին ժողովը կ'արգիլէ նախապէս ընտրուած երկու պատգամաւորներու մասնակցութիւնը Զանազունարի Բ. նստաշրջանին: Թէեւ

Վառճալի Ռամկավար Կուսակցութիւնը իր հեռագրով ապօրինի կը հռչակէ Ազգ. Միութեան կազմութիւնը եւ իր վստահութիւնը կը յայտնէ Վսեմ. Պօղոս Նուպար Փաշայի եւ Ազգ. Պատուիրակութեան, ինչպէս նաեւ պատուիրակներէն մին՝ Տիար Հինդլեան Մարտ 31 թուականով կը հեռագրէ, թէ հրաւեր ստացած չէ եւ հեռագրի կը սպասէ զալու համար, բայց Յանձնաժողովս կը խորհի, թէ ի նկատի ունենալով Պուլկարահայ Ազգ. Միութեան ընտրողական իրաւունքի հանգամանքը եւ անոր Կեդրոնական Քոմիթէին վերոյիշեալ մերժումը իր անուամբ ռեւէ պատգամաւորի ներկայութեան, պուլկարահայ պատգամաւորները պէտք է նկատել իբր հրաժարեցուած:

Ժ. Ազգ. Պատուիրակութեան անդամ Տիար Գ. Փաստրմաճեան Յունուար 17 թուակիր հեռագրով մը կը բողոքէ Ազգ. Պատուիրակութեան ընթացքին դէմ եւ կը հրաժարի թէ՛ Պատուիրակութենէն եւ թէ՛ Համագումարի անդամակցութենէ: Վսեմ. Պօղոս Նուպար Փաշա Յունուար 23 թուականով կը հեռագրէ Տիար Փաստրմաճեանի, թէ կ'ընդունի այդ կրկին հրաժարականները:

Տեղեկաբեր /ստ./ Ս. Տէրպետրեան.

17 Մայիս 1920.

Նախագահ Գաբրիէլ Էֆենտի Նորատունկեանի առաջարկութեան վրայ, Համագումարը որոշեց առանց օրակարգի անցնելու անմիջապէս քննել Յանձնաժողովին տեղեկագիրը, հատուած առ հատուած, եւ ներկայացուած իւրաքանչիւր խնդրի մասին եզրակացութեան մը յանգիլ փութով, որպէսզի կարելի ըլլայ, առանց ժամանակ կորուցելու, անցնիլ օրակարգի խնդիրներուն:

Ա. Միջազետք. Յանձնաժողովը զոհացած էր լոկ յիշատակելով Պ. Ահարոնեանի ընտրութիւնն ու հրաժարականը: Համագումարը, նկատի առնելով Պ. Ահարոնեանի հրաժարականին պարզ հանգամանքը, որոշեց ընդունիլ զայն, յոյս յայտնելով, որ Պ. Ահարոնեան կը շարունակէ խորհրդակցաբար մասնակցիլ ժողովին աշխատութեանց, ինչպէս ըրաւ անցեալ տարի:

Պ. Ահարոնեանի տեղ ուրիշ պատգամաւորի մը ընտրութեան մասին Յանձնաժողովը կարծիք յայտնած էր, թէ այլեւս ուշ է նոր ընտրութեան հրահանգ տալու համար: Բայց Համագումարը, նկատելով, որ մէկ շաբաթը կը բաւէ Միջազետքի հետ հեռագրով հաղորդակցելու, պաշտօն յանձնեց Դիւանին, որպէսզի հեռագրով մը Պ. Ահարոնեանի հրաժարումը ծանուցանէ Պաղտատի ընտրողներուն, քանի որ այս վերջինները նախապէս յայտնած էին իրենց բաղձանքը՝ Պ. Սաֆրաստեանը ունենալու պատգամաւոր, եթէ երբեք Պ. Ահարոնեան չընդունէր:

Այս որոշումը տրուեցաւ նկատելով նաեւ, որ Պ. Սաֆրաստեան կը գտնուի Լոնտոն, ուրկէ կրնայ շուտով Փարիզ ժամանել, պարագայ՝ զոր կ'անգիտանար Յանձնաժողովը:

Բ. եւ Գ. Հին եւ Նոր Յունաստան. Յանձնաժողովը, յիշատակելով Պ. Պապաջանեանի ընտրութիւնը հին Յունաստանի հայ գաղութին կողմէ, եզրակացուցած էր, թէ «Համագումարի Դիւանը հրաւիրած ըլլալով Տիար Պապաջանեանը իբր Աթէնքի պատգամաւոր, արդէն վաւերացուցած է գաղութին ընտրողական իրաւունքը, ինչպէս նաեւ ընտրեալ պատգամաւորը»:

Գաբրիէլ Էֆենտի Նորատունկեան տեսնել տուաւ, թէ Դիւանը ինքնին չի՛ կրնար պատգամաւորի մը ընտրութիւնը վաւերացնել, քանի որ այդ իրաւունքը կը պաթթանի լոկ ժողովին, եւ թէ իր կողմէ եղած հրաւերն ալ վաւերացում չի՛ նշանակեր: Այդ հրաւերը անհրաժեշտ ձեւակերպութիւն մըն է, որ կ'ըլլայ որոշ «մանտա»-յով մը ներկայացուած իւրաքանչիւր պատգամաւորի, որոնց ընտրութիւնը յետոյ ժողովը կրնայ վաւերացնել կամ բեկանել:

Պ. Արտաւազդ Հանրմեան ժխտեց Հին Յունաստանի գաղութին ընտրողական իրաւունքը, առարկելով, որ անցեալ տարի արդէն իսկ խնդիր կար այս մասին ու

մերժուած, եւ թէ Համագումարը չէր կրնար այս անգամ ընդունիլ իրաւունք մը, զոր մերժած էր ընդունիլ նախորդ նստաշրջանին: Պ. Հանրմեան յիշատակեց նաեւ ուրիշ գաղութներու կողմէ, ինչպէս Պէլճիքա, Հապէստան, եւ այլն, եղած համանման դիմումները, որոնք նոյնպէս մերժուեցան: Եւ արդէն, յարեց, Աթէնքի, Պերեսնի եւ Կրետի հայերը, որոնք կը կազմեն Հին Յունաստանի հայ գաղութը, անցեալ անգամ Պ. Մոստիչեանի ընտրութեան մասնակցեցան Սելանիկի մէջ, Նոր Յունաստանի հայոց հետ:

Պ. Վահան Թէքեան պատասխանելով յայտնեց, թէ Աթէնքի հայերը անցեալ տարի առանձինն ընտրութիւն կատարած էին յանձին Պ. Խանգատեանի, որ այդ ընտրութիւնը հաստատող նամակ մը բերած էր՝ հոգւետր հովիւ Տ. Մաշթօք Քահանայի ստորագրութեամբ: Հանունական է որ, յարեց, եթէ Պ. Խանգատեան կամովին չհեռանար եւ պնդէր իր ընտրեալի իրաւունքին վրայ, Համագումարը պիտի ընդունէր զինքն ալ, ինչպէս ընդունեց օրինակի համար Պ. Տէրպետրեանը, զոր Ռումանիոյ հայ գաղութը ընտրած էր առանց ընտրութեան հրահանգ ստացած ըլլալու: Հաստատելով Հին Յունաստանի հայ գաղութին իրաւունքը պատգամաւորի ընտրութեան մասին, Պ. Թէքեան առաջարկեց վաւերացնել Պ. Պապաջանեանի ընտրութիւնը:

Պ. Հանրմեան յայտարարեց, թէ ինք անձի հետ գործ չունի, այլ՝ լոկ սկզբունքին հետ: Պ. Պապաջանեանը, ըսաւ, կը յարգեմ անձնապէս, եւ համոզուած եմ, որ իր ներկայութիւնը մեր մէջ շատ ալ օգտակար պիտի ըլլայ: Պատասխանելով Ռումանիոյ մասին Պ. Թէքեանի ըրած դիտողութեան, Պ. Հանրմեան առարկեց, թէ կարելի չէ համեմատութեան դնել Ռումանիան, ուր 20.000 հայեր կը գտնուին եւ Աթէնքը, ուր հազիւ 150 հայեր կան, եւ կրկնեց, որ եթէ Աթէնքի տրուի ընտրութեան իրաւունք, պէտք պիտի ըլլայ նոյն իրաւունքը տալ նաեւ բոլոր համանման գաղութներու:

Պ. Աւետիս Թէրզիպաշեան, միջամտելով, նախ շեշտեց Պ. Պապաջանեանի ծանօթութիւնը կովկասահայ կեանքի պայմաններուն, ինչպէս նաեւ անոր փորձառութիւնն ու օրենսգիտութիւնը, որոնցմէ Համագումարը մեծապէս պիտի օգտուէր: Յետոյ, յիշատակելով այն պարագան, թէ Նոր Յունաստանի կողմէ իբր հանգուցեալ Պ. Մոստիչեանի յաջորդ ընտրուած Բրօֆ. Թումայեան պատգամաւոր ընտրուած է նաեւ Պոլսոյ բողոքականներու Ազգապետարանին կողմէ, առաջարկեց Յունաստանի ներկայացուցիչ նկատել Պ. Պապաջանեանը, եւ Բրօֆ. Թումայեանն ընդունիլ իբր բողոքական Ազգապետարանի ներկայացուցիչ, քանի որ մանաւանդ ռեւէ պատգամաւոր չի կրնար երկու ծայն միացնել իր անձին վրայ:

Պ. Թէրզիպաշեանի այս պատճառաբանութեան վրայ, Համագումարը ընդունեց Պ. Թէքեանի առաջարկը եւ վաւերացուց Պ. Պապաջանեանի ընտրութիւնը:

Ե. Անգլիա. Համագումարը վաւերացուց Պ. Տ. Տեօվլէթեանի ընտրութիւնը իբր յաջորդ Անգլիոյ հայ գաղութին պատգամաւոր Պ. Գր. Յակոբեանի, որ հրաժարած էր հիւանդութեան պատճառաւ:

Զ. Կիլիկիա. Համագումարը վաւերացուց Պ. Զաքարիա Պզտիկեանի ընտրութիւնը իբր պատգամաւոր Կիլիկիոյ: Այս առթիւ յիշատակուեցաւ, թէ Կիլիկիայէն պատգամաւոր ընտրուած է նաեւ Մուշեղ Արքեպ. Սերոբեան, իբր յաջորդ Բրօֆ. Պէզճեանի, որ նախապէս ընտրուած եւ հրաժարած էր, եւ այս կետին որոշումը վերապահուեցաւ Մուշեղ Արքեպ.-ի ներկայութեան:

Է. Հրաժարական Պ. Ս. Վարանդեանի. Յանձնաժողովը եզրակացուցած ըլլալով, թէ կարելի չէ Պ. Վարանդեանի նամակը նկատել իբր հրաժարական մը, Համագումարը, կարծիք փոխանակումէ մը վերջ, Դիւանին յանձնարարեց, որ այդ մասին գրաւոր կերպով հարցում ուղղէ Պ. Միջայել Վարանդեանի, պարզելով խնդրին բնութիւնը, ստացուելիք պատասխանին համեմատ կարգադրելու համար այս հարցը:

Ը. Հրաժարական ամերիկահայ պատգամաւորներու. Պ. Պ. Զ. Մաթիկեան եւ Ս. Համբարձումեան իրենց հրաժարագրին մէջ գրած ըլլալով, թէ «ոչ միայն չենք մասնակցիլ Համագումարին, այլեւ ուժօրէն կերպով կը բողոքենք այդպիսի ժողովի մը

գումարման դեմ, զայն համարելով բոլորովին ապօրինի եւ անպետ», Յանձնաժողովը յանգած էր հետեւեալ եզրակացութեան. «Համագումարը արդէն օրինաւոր կերպով բացուած է եւ իր խորհրդակցութիւնները սկսած ըլլալով, Յանձնաժողովս չի կրնար վեճի տակ ձգել անոր գոյութեան իրաւունքը, զոր կը մերժեն ճանչնալ Ամերիկայի յիշեալ պատգամաւորները եւ կ'առաջարկէ ընդունիլ անոնց հրաժարականը»:

Կատարուած վիճաբանութեան ընթացքին անգամ մըն ալ շեշտուեցաւ այն իրողութիւնը, թէ Համագումարի այս երկրորդ նստաշրջանին գումարումը պարտք մըն էր Ազգ. Պատուիրակութեան համար, պարտք մը, զոր իր վրայ դրած էր նոյնիմքն Համագումարը, որուն կը մասնակցէին նաեւ Պ. Պ. Համբարձումեան եւ Մաթիկեան:

Համագումարը ընդունեց Յանձնաժողովին եզրակացութիւնը, հրաժարեալ նկատելով Պ. Պ. Համբարձումեանն ու Մաթիկեանը, բայց յանձնարարեց Դիւանին, որպէսզի անոնց պարագան յստակ գրով մը առ ի տեղեկութիւն հաղորդէ Ամերիկայի Ազգ. Միութեան, որ Ազգ. Պատուիրակութենէն իր ստացած հրաւերին վրայ ընտրութեան հրահանգ տուած էր Ամերիկայի մէջ:

Ազգ. Պատուիրակութեան Նախագահ Պօղոս Նուպար Փաշայի առաջարկութեան վրայ, Համագումարը որոշեց նաեւ, որ այդ նամակին մէջ ցաւով դիտել տուի Ազգ. Միութեան, թէ այդ հրաժարականներուն պատճառաւ Համագումարը զրկուած կը մնայ ամերիկահայ գաղութը ներկայացնող պատգամաւորներու աշխատակցութենէն:

Թ. Հրաժարեցում պուկարահայ պատգամաւորներու. Յիշատակելով Սոֆիայի Ազգ. Միութեան Կեդր. Վարչութեան պաշտօնագիրը, որով կը հաղորդէր, թէ իր վերջին համաժողովին մէջ որոշած էր արգիլել նախապէս ընտրուած երկու պատգամաւորներու մասնակցութիւնը Համագումարի երկրորդ նստաշրջանին, Յանձնաժողովը եզրակացուցած էր, թէ «Նկատի ունենալով Պուկարահայ Ազգ. Միութեան ընտրողական իրաւունքի հանգամանքը, եւ անոր վերոյիշեալ մերժումը՝ իր անուամբ ոեւէ պատգամաւորի ներկայութեան, պուկարահայ պատգամաւորները պէտք է համարել իբրեւ հրաժարեցուած»:

Երկար վիճաբանութենէ մը ետք, որուն ընթացքին շեշտուեցաւ մասնաւորաբար ընտրող մարմնի մը՝ իր ընտրածը հրաժարեցնելու իրաւունք չունենալը, Համագումարը, առանց Պուկարիոյ Ազգ. Միութեան վերոյիշեալ նամակը նկատի առնելու, հիմնուելով լոկ այն իրողութեան վրայ, թէ պուկարահայ երկու պատգամաւորներն ալ չեն պատասխանած իրենց եղած հրաւերին, որոշեց վերջնականապէս բացակայ համարել զանոնք, որով երկու պատգամաւորներն ալ կը դադրին անդամակցութենէ եւ նկատողութեան չպիտի առնուին մեծամասնութեան կազմութեան առթիւ: Այս որոշումն անցաւ մեծամասնութեամբ:

Նոյն ատեն, Համագումարը յանձնարարեց Դիւանին, որ նամակով մը մերժէ Պուկարիոյ Ազգ. Միութեան յարուցած պատճառաբանութիւնները, այդ առթիւ ցաւ յայտնելով, թէ Համագումարը զրկուած կը մնայ Պուկարիոյ գաղութը ներկայացնող պատգամաւորներու աշխատակցութենէն:

Ժ. Հրաժարական Պ. Գ. Փաստրմաճեանի. Յանձնաժողովը Պ. Գարեգին Փաստրմաճեանի թէ՛ Ազգ. Պատուիրակութեան եւ թէ՛ Ազգ. Համագումարի անդամակցութենէն կրկին հրաժարականները թուելով, աւելցուցած էր, որ Պօղոս Նուպար Փաշա հեռագրած է Պ. Փաստրմաճեանի, թէ կ'ընդունի այդ հրաժարականները: Յանձնաժողովին այս տեղեկութիւնը հիմնուած էր Պ. Փաստրմաճեանի հեռագրին պատճենին աւելցուած ձեռագիր ծանօթութեան մը վրայ:

Նախագահ Նորատունկեանի էֆենտի դիտել տուաւ, թէ ատիկա սխալ ծանօթագրութեան մը արդիւնքը պէտք է ըլլայ, քանի որ Համագումարին պաթթանող հրաժարականի խնդիր մը լոկ Համագումարը կրնայ վճռել:

Համագումարը, նկատելով, որ Պ. Փաստրմաճեան, Ազգ. Համագումարի անդամակցութենէն իր հրաժարումը ոեւէ պատճառաբանութեան չէ ենթարկած, որով իր հրաժարականը կը դառնայ պարզ, առանց վիճաբանութեան ընդունեց զայն:

Նախագահ Գաբրիէլ Էֆենտի Նորատունկեան՝ Պօղոս Նուպար Փաշայի հետ պաշտօնական այցելութեան մը կոչուած ըլլալով, նախագահութիւնը թողուց Պ. Գ. Սինապեանի եւ Պօղոս Փաշայի հետ մեկնեցաւ ստիպողաբար:

## ՕՐԱԿԱՐԳ

### 1. Ընտրութիւն Դիւանի

Համագումարը, Պ. Գ. Սինապեանի նախագահութեամբ, ձեռնարկեց Դիւանի ընտրութեան:

Գաբրիէլ Էֆենտի Նորատունկեան թեւ նախապէս յայտարարած էր, որ ժողովին խորհրդակցութեանց աւելի լայն չափով մը մասնակցելու համար կը փափաքի այս անգամ Դիւանին մաս չկազմել, բայց Համագումարը ինքզինք ազատ հռչակեց իր ընտրութեան մէջ:

Ներկայ 17 պատգամաւորներու մասնակցութեամբ քուէարկութիւն կատարուելով, Նախագահի համար քուէներու արդիւնքն եղաւ՝

Գաբրիէլ Էֆենտի Նորատունկեան 16 քուէ

Եղիշէ Արքեպիսկոպոս Դուրեան 1 քուէ

Դեր-Նախագահի ընտրութեան համար, միշտ նոյն 17 անդամներուն մասնակցութեամբ կատարուած քուէարկութեան արդիւնքը եղաւ՝

Պ. Գրիգոր Սինապեան 14 քուէ

Եղիշէ Արքեպ. Դուրեան 2 քուէ

Երուանդ Պէյ Աղաթօն 1 քուէ

Որոշուեցաւ ատենադպիրներու ընտրութեան համար կատարել միակ քուէարկութիւն մը, եւ քուէներու երկու առաւելագոյն թիւերուն համաձայն ընտրուած նկատել Ա. եւ Բ. ատենադպիրները:

Քուէարկութեան արդիւնքը եղաւ՝

Պ. Գառնիկ Ֆնտզլեան 13 քուէ

Պ. Դաւիթ-Բէկ 10 քուէ

Պ. Ն. Տէր-Ստեփանեան 4 քուէ

Տոթթ. Ա. Բարսեղեան 2 քուէ

Պ. Վահան Թէքեան 1 քուէ

Բրօֆ. Թումայեան 1 քուէ

Պ. Չաքարիա Պզտիկեան 1 քուէ

Պ. Մ. Տէրպետերեան 1 քուէ

Պ. Տիրան Տօվլէթեան 1 քուէ

Որով՝ դիւանը կազմուեցաւ հետեւեալ կերպով.

Գաբրիէլ Էֆ. Նորատունկեան՝ Նախագահ

Պ. Գրիգոր Սինապեան՝ դեր-Նախագահ

Պ. Գառնիկ Ֆնտզլեան՝ Ա. ատենադպիր

Պ. Դաւիթ-Բէկ՝ Բ. ատենադպիր

Պատգամաւորները ջերմապէս շնորհաւորեցին նոր Դիւանին անդամները: Նիստը փակուեցաւ ժամը 7-ին:

ՀԱԱ, ֆ. 430, ց. 1, գ. 48, թթ. 19-24: Ձեռագիր: Բնագիր:

Շաբաթ, 22 Մայիս 1920, ժամը 3 1/2-ին,  
Նախագահությանը Վսեմ. Տիար Գ. Նորատունկեանի  
Ներկայ էին 16 պատգամաւորներ՝  
Աղաթօն Պէյ, Ամեն. Եղիշէ Արքեպ. Դուրեան, Ա. Բարսեղեան, Թերզիպաշեան,  
Թէքեան, Բրօֆ. Թումայեան, Զանըմեան, Տոքթ. Ներուզ, Մալրլը Պէյ, Վսեմ. Գ.  
Նորատունկեան, Վսեմ. Պօղոս Փաշա Նուպար, Զօպանեան, Սինապեան,  
Տերպէտրեան, Տեր-Ստեփանեան, Տօվլէթեան:

## ՕՐԱԿԱՐԳ

1. Շարունակութիւն վիճաբանութեան Ազգ. Պատուիրակութեան համարատուութեան մասին
2. Տեղեկագիր հաշուեցոյց ելեւնտական գործառնութեանց Ազգ. Պատուիրակութեան
3. Տեղեկագիր Կազմական Կանոնագրի Յանձնաժողովին

## ԱՏԵՆԱԿԱՆ ԳՈՐԾՈՂՈՒԹԻՒՆՆԵՐ

### 1. Ընթերցում եւ վաւերացում ատենագրութեան

Նախագահ Վսեմ. Տիար Գ. Նորատունկեան ծանոյց, որ նախորդ Մայիս 21-ի նիստին ատենագրութիւնը պատրաստ է: Բայց նկատելով, որ Ազգ. Պատուիրակութեան անդամները կարելոր գումարման մը համար պիտի ստիպուին բացակայիլ ժամը 5-ին եւ քիչ ժամանակ միայն կը մնայ վիճաբանութեանց, որոնք անհրաժեշտաբար պէտք է տեղի ունենան Պատուիրակութեան ներկայութեան, առաջարկեց յետաձգել ատենագրութեան ընթերցումն ու վաւերացումը: Ընդունուեցաւ:

### 2. Խնդիր հրաժարականի 3. Յովհ. Թորոսեանի

Կարդացուեցաւ Վենետիկի Միսիթարեան Միաբանութեան պատգամաւոր, Գերյարգելի 3. Յովհ. 4. Թորոսեանի կողմէ 3ռոմէն գրուած 15 Մայիս թուակիր նամակը, կը ծանուցանէ, թէ հակառակ իր ջերմ փափաքին՝ չպիտի կրնայ ներկայ գտնուիլ Զամագումարի նիստերուն, որովհետեւ Միաբանութիւնը՝ «այս կամ այն պատճառաւ՝ անհրաժեշտ հարկ մը չտեսնելով իր մէկ ներկայացուցիչը դրկելու Ազգ. Զամագումարին, ազատ կ'ընէ զինքը այդ պարտականութենէ»:

Զամագումարը պարտք դրաւ Դիւանին, նամակով մը Միաբանութեան յայտնել, թէ կը յուսայ, որ շուտով կը վերնան վերոյիշեալ նամակին մէջ ակնարկուած արգելող պատճառները, եւ վերստին բախտաւորութիւն կ'ունենայ իր մէջ տեսնելու Գեր. 3. Թորոսեանը, որուն մասնակցութիւնը իր աշխատութեանց կրնայ այնքան օգտակար դառնալ, ինչպէս եղաւ անցեալ նստաշրջանին:

Զամագումարը յանձնարարեց նաեւ Դիւանին, որ Միաբանութեան գրուած նամակին մէկ պատճէնը հաղորդէ նաեւ Գեր. 3. Յովհ. 4. Թորոսեանի:

### 3. Խնդիր հրաժարականի Տիար Միք. Վարանդեանի

Նախագահ Վսեմ. Տիար Գ. Նորատունկեան յայտնեց, թէ պատահմամբ տեսնուած ըլլալով Տիար Միք. Վարանդեանի հետ, այս վերջինը յայտարարած էր, թէ

որքան ալ Զամագումարին մասնակցելու անկարելիութիւնը յայտնող իր նամակին մէջ «հրաժարական բառը չէր գործածած, պէտք էր նաեւ այդ նամակը նկատել իբր վերջնական հրաժարական, նկատելով, որ իր նոր պաշտօնին բերումով բացարձակապէս անհնար է իրեն պահել պատգամաւորի հանգամանքը, երբ մանաւանդ իր բացակայութիւնն ալ պիտի տեսնէ շատ երկար»:

Զամագումարը այս բացատրութիւնը բաւական համարեց Տիար Մ. Վարանդեանը վերջապէս հրաժարած համարելու համար: Միւս կողմէ, նկատելով, որ Տիար Մ. Վարանդեան պարսկահայոց պատգամաւորն էր, եւ թէ հեռաւորութեան պատճառաւ ժամանակ չկայ, որոշեց չձեռնարկել անոր յաջորդի մը ընտրութեան:

### 4. Խնդիր բացակայութեան Տիար Վսեմ. Յովհ. Խան Մասեհեանի

Զամագումարը լսեց նաեւ Վսեմ. Նախագահին այն դիտողութիւնը, թէ համանման պատճառաւ մը անշուշտ պէտք է մեկնել նաեւ բացակայութիւնը պարսկահայոց միւս պատգամաւորին՝ Տիար Յովհ. Խան Մասեհեանի, որ ստիպուած է Լոնտոն մնալ իբր ներկայացուցիչ Զայկ. Զանրապետութեան:

### 5. Խնդիր ներկայութեան Տիար Ա. Ահարոնեանի

Տիար Տիրան Տօվլէթեանի առաջարկութեան վրայ, ժողովը ցանկութիւն յայտնեց իր մէջ ունենալու նաեւ Զանրապետութեան Պատուիրակութեան Նախագահ Տիար Աւետիս Ահարոնեանը, նկատելով որ Ազգ. Պատուիրակութեան համարատուութեան վիճաբանութիւնը մօտէն կը հետաքրքրէ զինքն ալ, իբր անդամ Ամբողջական Զայաստանի Պատուիրակութեան, ինչպէս մասնակցած էր անցեալ նստաշրջանի խորհրդակցութեան: Զամագումարը պարտք ըրաւ Դիւանին վրայ՝ իր այս ցանկութիւնը հաղորդելու Տիար Ա. Ահարոնեանի:

### 6. Զամարատութիւն Ազգ. Պատուիրակութեան Բորբականտի, ելեւնտական եւ Բժշկական Յանձնաժողովներուն

Ազգային Պատուիրակութեան անդամ Տիար Տոքթ. Ներուզի տուած տեղեկութեան վրայ, թէ պատրաստուելու վրայ են Պատուիրակութեան Բորբականտի, ելեւնտական եւ Բժշկական Յանձնաժողովներուն տեղեկագիրները, Զամագումարը որոշեց օրակարգ անցընել զանոնք, երբ պատրաստ ըլլան:

## ՕՐԱԿԱՐԳ

### 1. Շարունակութիւն վիճաբանութեան Ազգ. Պատուիրակութեան համարատուութեան

Տիար Թերզիպաշեան. Պատուիրակութեան համարատուութեան մասին խօսելէ առաջ կ'ուզեմ դիտողութիւն մը ընել: Տիար Թէքեանի կողմէ երկուան նիստին եղած առարկութիւնը մտքի շփոթութիւն պատճառեց: Մենք Պատուիրակութեան անդամները ընտրած ենք հաւասար իրաւունքներով: Կը փափաքիմ գիտնալ, որ եթէ Պատուիրակութեան Նախագահը ներկայ չըլլայ, միւս անդամները պիտի կրնա՞ն պատասխանել մեր յարուցած հարցերուն:

Տիար Տոքթ. Ներուզ. Բոլոր անդամներն ալ պատրաստ են միշտ պատասխան տալու:

Տիար Թերզիպաշեան. Որովհետև Տիար Թեքեանի երկուսն առարկութիւնը այն տպաւորութիւնը թողուց մեր վրայ, թէ կարելի չպիտի ըլլայ վիճաբանութիւն սկսիլ՝ երբ Պատուիրակութեան Նախագահը ներկայ չըլլայ:

Տիար Թեքեան. Սխալ է: Երկուսն նիստին մէջ որոշուած էր լոկ լուսաբանութիւններ պահանջել Պատուիրակութեան անդամներէն, եւ ժողովը ինքը փափաք յայտնած էր, որ խնդիրներու եւութեան մասին վիճաբանութիւնները տեղի ունենան Պատուիրակութեան Նախագահին ներկայութեան: Ես այն ատեն միայն միջամտեցի, երբ յուզուած խնդիրները լուսաբանութիւններէ անդին անցան: Ես արդէն յայտարարեցի, որ Պատուիրակութեան բոլոր անդամներն ալ իւրացուցած են հաշուետուութիւնը:

Տիար Թերզիպաշեան. Նախորդ նիստին ես յուզեցի երկու խնդիր: Առաջինը՝ Գերմանիայէն պահանջներու հատուցման հարցն էր: Անցեալ տարի երբ այդ մասին յանձնարարութիւն ըրինք Պատուիրակութեան, մեր տեսակէտը պարզ էր եւ հիմնաւոր: Գիտենք, որ Թուրքիա երբեք ի վիճակի չպիտի ըլլայ ռեւէ հատուցում ընելու: Հաշտութեան դաշնագիրը այսօր փաստ մըն է, թէ չենք սխալած այդ մասին: Բայց ասով չէր կորուսուեր հատուցում ստանալու մեր իրաւունքը: Պատերազմին մէջ մենք ալ արին թափեր ենք, իրապէս պատերազմիկ եւ Դաշնակից ազգ մըն ենք, ինչպէս կը հռչակէ այս մեր դաշնագիրը, եւ այդ հանգամանքով իրաւունք ունինք հատուցում ստանալու ինչպէս թուրքերէն, այնպէս նաեւ Գերմանիայէն նոյնացեալ, որոնց ռազմական եւ քաղաքական ծրագիրներուն դէմ [կռուեցանք] Դաշնակիցներու կողքին: Եթէ այս տեսակէտով թրջահայոց պահանջունը խնդրական ալ նկատուի, գոնէ ռուսահայոց համար երկնութիւն չկար: Ռուսահայերը պատերազմէն առաջ կը կազմէին Ռուսիոյ մաս. իրենց պատերազմիկ ժողովուրդի համագամանքը բնաւ տարակոյս չի վերցներ. եւ աւելի քան 180.000 էին Կովկասի այն հայերը, որոնք ռուսերուն հետ զանազան ճակատներու վրայ կռուեցան Գերմանիոյ դէմ: Իրենցմէ 6000-է աւելին ինկան պատերազմի դաշտերուն վրայ: Երբ միւս պատերազմիկ պետութիւնները իրաւունք ունեցան իրենց բոլոր մեռած կամ հաշմանդամ զինուորներուն համար հատուցում ստանալու, ինչո՞ւ նոյն իրաւունքը չունեցանք նաեւ մենք: Հատուցման խնդիրն մէջ՝ Ռուսիոյ իրաւունքը բացայայտ է, իբր Գերմանիոյ դէմ կռուած ժողովուրդը: Ռուսահայերը այս հիման վրայ նոյնքան իրաւունք ունին: Անոնք իբր մասնիկ Դաշնակից պետութիւն եղող Ռուսաստանի, իրենց յանձնառութիւնն ու դերը շարունակեցին կատարել նախ իբր բաղկացուցիչ ժողովուրդը Ռուսաստանի, յետոյ ինքզինքնին անկախ յայտարարելով, իբր քաղաքական ուրոյն միութիւն: Հանգամանք, որ իրենց իրաւունք տուաւ ներկայ դաշնագրին մէջ Դաշնակից հռչակուելու եւ հատուցում ստանալու: Տիրեթթի մը չէր, զոր պարտաւորեցինք Պատուիրակութեան, այլ՝ յանձնարարութիւն մը, եւ խնդրին ունեցած մեծ կարեւորութիւնը ինքնին պատճառ մը պէտք էր ըլլար, որ չամտեսուեր այս յանձնարարութիւնը: Երկ սակայն, Պատուիրակութեան տեղեկագրին ընթերցման միջոցին տեսանք, որ չէ յարգուեր այս յանձնարարութիւնը: Կը խնդրեն որ այս զանցառութեան պատճառը պարզեն: Այս՝ մէկ:

Երկրորդ խնդիրը կը պարթաներ Թուրքիոյ հանրային պարտքին բաժանման: Այդ բաժանումը պէտք է տեղի ունենար Թուրքիայէն անջատուելով՝ պետութեան կազմէն ժողովուրդներու հանրային հարստութեան համեմատութեամբ: Տարրական արդարութիւնն իսկ այս կը պահանջէր: Բայց դաշնագիրը ցոյց կուտայ, թէ ո՛չ միայն չէ յարգուած այդ արդարութեան տեսակէտը, այլ ընդհակառակը, բոլորովին անարդար բաժանում մըն է եղած: Իբր օրինակ մէջ կը բերեն Երզրում, Վան եւ Պիթլիս նահանգները: Երեքը մէկ՝ պատերազմէն առաջ տարեկան 750 000 ոսկի եկամուտ ունէին: Մօտաւորապէս երկու միլիոն բնակիչ կար անոնց մէջ, 5-6 միլիոն ոչխար եւ արջառ ունէին: Բայց ասիկա պատերազմին առաջի վիճակն է: Այս վիճակին վրայ հիմնուեր է հանրային պարտքի հատուցման բաժինը, մինչդեռ այսօր այդ երեք

նահանգներուն մէջ ո՛չ տուն է մնացեր, ո՛չ անասուն, ո՛չ հարստութիւն, ամեն բան քանդուեր, աւերակ դարձեր է, մարդ ալ չէ մնացեր ընդհանրապէս, որով [երեքին] ալ հանրային հարստութիւնը ոչինչ կը ներկայացնէ: Այս անարդարութիւնը դարձանելու համար ռեւէ ձեռնարկ չէ եղած, ինչպէս յայտնի եղաւ տեղեկագրին ընթերցումէն: Երբ այս անգամ երեւանէն ճամբայ ելայ, կը կասկածէի, որ այս անփութութիւնը կը գործուի, որովհետեւ տեղեկացած են, թէ Պատուիրակութիւնն իր ամբողջ գործունեութիւնը յարթացուցած է ներքին վեճերու եւ սահմաններու որոշման հարցին: Այդ նկատումով ալ Պոլսոյ մամուլին մէջ բաց նամակ մը ուղղեցի Պատուիրակութեան հասցէին, որպէսզի քանի ուշ չէ՝ զբաղին նաեւ այս հարցով: Այսպէս, կը կարծեմ, թէ շատ ալ դժուար չպիտի ըլլար այս անարդարութեան բարձումը, որովհետեւ ասիկա քաղաքական հարց չէ, անկախութեան հարց չէ, սահմանի հարց ալ չէ, այլ՝ լոկ ելեւնտական հարց մը, որու մասին ռեւէ Դաշնակից պետութիւն չպիտի ուզէր ժխտել մեր իրաւունքը, քանի որ բոլոր ալ գիտեն ու կը հռչակեն, թէ հայ ժողովուրդը կողոպտուեցաւ, աղքատացաւ, վատացաւ՝ պատերազմին մէջ բռնած դիրքին բերումով: Կը կրկնեմ՝ ասիկա սահմանի հարց չէ, որ մերժուի ...

Տիար Ա. Չօպանեան. Հայ ազգը գերութենէ ազատելու, հայ պետութիւն մը հիմնելու եւ անոր կարելի եղածին չափ ընդարձակ սահմաններ ապահովելու աշխատութիւնը նուա՞ց կարելոր էր:

Տիար Թերզիպաշեան. Չեն ըսեր, որ նուազ կարելոր էր: Բայց մէկուն կարեւորութիւնը միւսին կարեւորութիւնը չի պակսեցներ: Դաշնագրին տրամադրութեամբ՝ 3 միլիոն ոսկի պարտք է դրուեր ժողովուրդի մը վրայ, որուն տունը-տեղը քանդուած է, որ հիմնովին որբացած է, նոյնիսկ ապրուստի միջոցէն զուրկ է: Այս ժողովուրդը պիտի ստիպուի տարեկան 300 000 հնչում ոսկի տոկոսի գլխավճար տալ. հաշուեցէ՛ք, թէ քանի միլիոն կ'ընէ այս գումարը: Ես այն համոզումն ունիմ, որ զանցառութիւն մը եղեր է եւ կը փափաքիմ հասկնալ, թէ ինչո՞ւ եղաւ այդ զանցառութիւնը:

Վսեմ. Պօղոս Փաշա Նուպար. Կը պատասխանեն նախ Տիար Թերզիպաշեանի առաջին հարցման:

Գերմանիայէն հատուցում ստանալու համար ուղղակի պահանջ չդրինք. ասիկա ճիշդ է: Բայց եթէ դրած ըլլայինք այդ պահանջը, ի՞նչ պիտի ստանայինք իրմէ: Մեծ օրինակ մը ունինք այս մասին աչքերնուս առաջ՝ Ֆրանսան: Գերմանիայէն ամենէն աւելի վնաս տեսած պետութիւնն է, եւ մեր դիրքին մէջ ալ չի գտնուիր: Չէ՞ք հետեւի որ այն բանակցութեանց, որոնք ամիսներէ ի վեր տեղի կ'ունենան, ստիպելու համար Գերմանիան, որ վճարէ: Ի՞նչ արդիւնք գոյացաւ: Եւ Ֆրանսայի համար իրապէս գոյութեան խնդիր մըն է այդ հատուցման հարցը: Իրեղէն դրութիւնը մէջտեղն է. առանց Գերմանիոյ վճարելիք տուգանքին՝ կարելի չէ, որ կարգի դնէ իր ելեւնուտը: Եւ սակայն ի՞նչ կրցաւ ստանալ: Երբ Ֆրանսա չի կրնար իր խօսքը քալեցնել, մե՞նք պիտի քալեցնենք մեր խօսքը: Խնդրեմ, ինքզինքնիս չխաբենք, որովհետեւ կատարեալ ինքնախաբէութիւն մըն է հաւատալ, թէ Գերմանիա պիտի գոհացներ մեզ՝ եթէ իրմէն հատուցում պահանջած ըլլայինք:

Տիար Ա. Չօպանեան. Ճիշդ է, որ անցեալ տարի Համագումարը այդ տեսակ յանձնարարութիւն մը ըրաւ: Բայց չկարծուի, թէ զանցառու գտնուեցանք: Շատ դիմումներ ըրինք անձերու. սակայն խորհուրդ տուին մեզի, որ ետ կենանք, որովհետեւ, կ'ըսէին, բացարձակապէս անկարելի է:

Տիար Ա. Թերզիպաշեան. Ֆրանսայի պաշտօնատարները անշուշտ: Տիար Ա. Չօպանեան. Միմակ ֆրանսացիք չէին ըսողը: Բոլորն ալ այդպէս կ'ըսէին:

Վսեմ. Պօղոս Փաշա Նուպար. Ամեն անգամ, որ հատուցման խնդիր եղաւ, ըսին, թէ մի՛ պնդէք, ձեզի գոհացում պիտի տրուի: Տարտան խօսք, բայց վերջապէս խոստում մըն էր. եւ մենք չէինք կրնար զիրենք ստիպել, որ անպատճառ մանրամասնութեանց

մէջ մտնեն, ըսեն թէ ի՞նչ տեսակ գոհացում պիտի տան եւ ի՞նչ չափով: Ինչի՞ն կը մոռնաք այն Յիշատակագիրը, զոր տուիք ազգին ենթարկուած վնասներուն նկատմամբ, եւ որուն մէջ միլիարդներու պահանջ դրած ենք: Արդեօք կը հաւատա՞ք, որ մենք չէինք ուզեր մեր վնասներուն դարմանումը:

Վսեմ. Տիար Գ. Նորատունկեան. Տիար Թերզիպաշեանի յարուցած առաջին խնդիրը բաւական լուսաբանուեցաւ: Թերես աւելորդ չըլլայ ըսուած խօսքերուն աւելցնել, թէ դաշնագիրը հատուցման խնդրին մէջ զանազանութիւն մը կը դնէ Դաշնակից պետութեանց հպատակներուն եւ ոչ-հպատակներուն միջեւ: Այս մասին գոյութիւն ունեցող տրամադրութիւնները շատ որոշ են, իրաւական տեսակետով՝ առաջինները նկատուած են պատերազմիկ եւ վերջինները՝ ոչ: Ու քանի որ մենք վերջիններուն մէջ ենք, ասիկա կը նշանակէ, թէ ճշմարիտ պատերազմիկներ չենք նկատուած: Հետեւաբար աշխատիլ հարկ է հաւասար իրաւունքներ ձեռք բերելու:

Վսեմ. Պօղոս Փաշա Նուպար. Հիմա պէտք է ընել ատիկա, եւ արդէն անգործ չենք մնար, կը խորհիմք այս առիթը օգտագործելու:

Վսեմ. Տիար Գ. Նորատունկեան. Մանաւանդ որ մինակ չենք: Այդ զանազանութիւնը լոկ մեզի համար չէ տրուած. միւս բոլոր տարրերն ալ մեզի պէս ու պատերազմիկ նկատուած են: Անոնց, ինչպէս մեր շահը կը պահանջէ, որ ձեռք-ձեռքի տանք եւ աշխատինք դաշնագրին այդ կէտը սրբագրելու: Յուզուած երկրորդ խնդիրը կը պաքթանի հանրային պարտքի հարցին: Տիար Թերզիպաշեան կը զանգատի, թէ անիրաւուած ենք այդ մասին, եւ թէ Պատուիրակութեան տեղեկագրին մէջ չէ յիշուած այն տեսակ ձեռնարկ մը, որ կատարուած ըլլար այս անիրաւասութիւնը դարմանելու համար:

Տիար Ա. Չօպանեան. Տիար Թերզիպաշեան կը զանգատի, թէ մենք անիրաւուած ենք այդ հարցին մէջ: Բայց ինչո՞ւ կը մոռնայ, թէ հանրային պարտուց վճարման մասին դաշնագրին տրամադրութիւնները կը պաքթանին ընդհանուր տարրերուն եւ ոչ թէ միայն մեզի: Կարելի՞ էր բացառութիւն մը ձեռք բերել հայոց համար: Տարակոյս չկայ, որ ամենքս ալ կը փափաքինք չվճարել. բայց խնդիրը ո՛չ թէ վճարել չուզելու, այլ չվճարելու կարելիութեան վրայ էր. եւ ատիկա անհնար եղաւ բացարձակապէս: Յոյներն ալ կը վճարէին: Ինչպէ՞ս միայն մենք կրնայինք չվճարել: Գալով Գերմանիայէ ուղղակի հատուցում ստանալու խնդրին, անշուշտ պէտք չկայ ըսելու, թէ պատերազմին պատճառաւ ամէնէն ահաւոր կերպով վնասուած ազգը մենք ենք: Յոյներն ալ կան, եւ իրենց կրած վնասին համեմատութեամբ, մեզմէ անմիջապէս վերջ անոնք կու գան: Հակառակ անոր, որ Պ. Վենիզելոսի պէս ազդեցիկ մարդ մը ունէին իրենց պահանջմանց պաշտպանութեան համար, կրցա՞ն հատուցում ստանալ:

Տիար Ա. Թերզիպաշեան. Յոյները ստացած են:

Վսեմ. Պօղոս Փաշա Նուպար. Բայց սխալ, սխալ է: Հատուցում ստացողները Թուրքիոյ յոյները չեն, այլ՝ Հելլենիոյ, որոնք իբր պատերազմիկ կռուեցան Դաշնակիցներուն հետ, ոչ միայն Գերմանիոյ, այլ նաեւ Պուլկարիոյ եւ Աւստրիոյ դէմ:

Տիար Ա. Թերզիպաշեան. Մենք ալ պատերազմին մէջ էինք, մենք ալ կռուեցանք:

Վսեմ. Պօղոս Փաշա Նուպար. Շատ աշխատեցանք, որ մենք ալ մեզ պատերազմիկ հռչակել տանք: Այնքան անգամներ գրեցինք այդ մասին, բայց պատասխան իսկ չտրուեցաւ: Յետոյ մինակ մենք չէինք կռուեր: Թուրքիոյ յոյները նոյնպէս կռուեցան: Ի՞նչ կրցան ստանալ: Ի՞նչ ստացան օրինակի համար Ատրպէջանի յոյները: Ամէնքս ալ զոհուեցանք, ամէնուս ալ անարդարութիւն եղաւ: Համաձայն են այս մասին: Բայց Դաշնակից պետութեանց դէմ ըլլալիք զանգատները չեն հասկնար, թէ ինչո՞ւ մեզի կ'ուղղեն:

Տիար Ա. Թերզիպաշեան. Գոնէ պէտք էր ատիկա յիշատակել տեղեկագրին մէջ:

Վսեմ. Պօղոս Փաշա Նուպար. Տեղեկագիրը չէր կրնար ամեն մանրամասնութիւն պարունակել. նոյնիսկ երկար ալ էր, եւ ճիշդ ատիկա դիտել տուի երբ պատրաստուեցաւ: Վերջապէս, պիտի վիճաբանինք մեր գործունէութեան

կապուած բոլոր խնդիրներու մասին: Տեղեկագիրը պարզ ուղեցոյց մըն է: Կրնայ պակասներ ունենալ, որովհետեւ արդէն կարելի չէր ամեն բան յայտնել անով: Բայց մենք ինչ ենք արդ պակասները լրացնելու համար: Գալով հանրային պարտուց սահմաններուն հարցին, ատիկա այն տեսակ խնդիր մըն էր, որ լոկ հայերը չէր հետաքրքրէր, այլ բոլոր ազգերը: Չէինք կրնար յաւակնիլ, որ մեզի համար առանձին կարգադրութիւն մը ըլլար:

Վսեմ. Տիար Գ. Նորատունկեան. Որչափ որ կը յիշեմ, Միացեալ Պատուիրակութեան տուած պաշտօնական Յիշատակագրին մէջ հատուած մը կար, որ կ'ակնարկէր հանր. պարտուց հարցին եւ կ'առաջարկէր փոխարինութիւն մը: Ատոր վրայ հիմնուելով թերես կարեանք անդրադառնալ բացառիկ կարգադրութիւն մը ձեռք բերելու մտածման: Վան, Պիլիս, Էրզրում՝ քար ու քանդ վիճակի մէջ են: Արդարութիւն է, որ հատուցում ըլլայ տեղի ունեցած քանդումներուն փոխարէն, այլ նահանգները դնելու համար այն տեսակ վիճակի մը մէջ, որ անոնց վերածնութիւնը ընթանայ եւ կարեանս ի մէջ այլոց վճարել նաեւ հանր. պարտուց բաժինը: Պուլկարիոյ հետ կնքուած դաշնագրին մէջ ալ ուշադրութիւն գրաւեց տրամադրութիւն մը, որ որոշ կերպով կը նուիրագործէ *en nature* ըլլալիք հատուցման սկզբունքը. պուլկարները յանձնառու եղած են Սերպիոյ քանդուած վայրերը վերաշինել եւ յափշտակած անասունները հայթայթել: Նոյնը եղած է նաեւ Պելճիքայի համար: Նոյն նախընթացներու վրայ հիմնուելով կարելի է դիմումներ ընել պետութեանց մօտ, գոնէ որոշ չափով մը ձեռք բերելու համար այն, ինչ որ այնքան արդարօրէն կը պահանջէ Տիար Թերզիպաշեան: Որովհետեւ բացայայտ է, թէ Դաշնակիցները չոր նուիր մը կ'ընեն մեզի, Հայաստանի մաս դարձնելով լոկ այն տեսակ նահանգներ, որոնք զուրկ են բարգաւաճման ամեն միջոցէ, նոյնիսկ բաւական հարուստ ժողովուրդ ալ չունին, որուն արդիւնաբերութեան շնորհիւ կարելի ըլլայ այդ նահանգներու վրայ դրուած հարկը հատուցանել:

Տիար Ա. Թերզիպաշեան. Կը վերապահեմ իմ իրաւունքս այս խնդիրներուն վերադառնալու հետ անոնց տուած մասին վիճաբանութեան ձեռնարկելու: Այդ առթիւ աւելի որոշ կերպով պիտի պատասխանեմ Վսեմ. Պօղոս Փաշայի մէջ բերած առարկութեանց, որոնք չկրցան փոխել համոզումս: Ես միշտ այն հաւատքը ունեցեր եմ, թէ իրենք նախապաշարունով, կանխակալ եւ անվստահութեամբ մօտեցած են այս հարցին, եւ ատիկա ջլատեր է իրենց գործունէութիւնը: Նախապաշարուն, թէ անկարելի է Գերմանիայէն ռեւէ հատուցում ստանալ: Բայց բոլոր քննամի ժողովուրդներու մէջ լոկ գերմաններն են, որոնք կրնային կարճ ատենուան մը միջոցին վերականգնիլ, հետեւաբար նաեւ՝ վճարել: Եւ այդ վճարումէն բաժին ստանալու համար, կը կրկնեմ, թէ մեր իրաւունքը ճիշդ ու ճիշդ այն գիծին վրայ էր, ուր որ կը գտնուէր բոլոնիացուց եւ հէլլեններուն իրաւունքը:

Վսեմ. Պօղոս Փաշա Նուպար. Ներեցէ՛ք, որ դիտողութիւն մը ընեմ: Համոզուած եմ, որ իրաւապէս ռեւէ հիմ չունէինք Գերմանիայէն հատուցում պահանջելու: Բոլոր խօսակցութիւնները զորս ունեցած են այդ խնդրին նկատմամբ, աւելին զօրացուցած են այս համոզումս: Չեն կարծեր, որ ռեւէ օրէնսգէտ երբեք իրաւունք տայ այս մասին Տիար Թերզիպաշեանի: Բայց նորէն դիմում պիտի ընեմ կարող օրէնսգէտի մը՝ այդ մասին իր կարծիքը իմանալու համար: Գոնէ խիղճերնիս հանդարտ կ'ըլլայ: Ով գիտէ, թերես Հայ Հանրապետական կառավարութիւնը իրաւունք ունէր, բայց վստահ չեմ:

Տիար Ա. Թերզիպաշեան. Մեր յանձնարարութիւնը Ամբողջական Հայաստանի Պատուիրակութեանն եղած էր: Քանի որ այս խնդրին տուած անցման, սե մէջ պիտի բերեմ այն բոլոր փաստերը, որոնք կը հաստատեն իմ տեսակէտս: Մայնի առաջին ձախողումէն ետք, գերմանները Թուրքիան Դաշնակիցներուն դէմ հանեցին: Անշուշտ պէտք չկայ շեշտելու այն մեծ կարեւորութիւնը, զոր Դաշնակիցներուն համար ունէր եւ ունեցաւ Թուրքերուն պատերազմի մասնակցութիւնը:

Թուրքերը, առաջին թուրքերը իսկ մեծ վտանգ մըն էին Դաշնակիցներուն համար, եւ այդ վտանգին առաջ հայերը կուրծք տուին, իրենց բոլոր ռազմիկ տարրերով, ռուս բանակին մէջ կամ անջատ կամավորական խումբերով: Իրենց կատարած դերը ո՛չ թշնամիները ուրացան, ո՛չ ալ Դաշնակիցները: Սարըղամիշի [Ռեւանտուզի] մէջ՝ մեծապէս նպաստեցին յաղթանակին: Միւս կողմէ, զրաւոր անհերքելի փաստեր ունինք այսօր, թէ գերմանացիք ուղղակի մեղակից էին հայոց տեղահանութեան ու շարդերուն: Իրենց այս մեղակցութիւնը հաստատուած է նոյնիսկ գերմաններու, ինչպէս Տոքթ. Ռոյպախի եւ Տոքթ. Լեփսիուսի հրատարակութիւններով: Մենք ստացանք նոյն ինքը Պ. Բիշոնի «շիֆրէ»ով Պօղոս Փաշայի մէկ հեռագիրը, որ կ'ըսէր՝ եթէ թորքահայերը ռուսահայերու հետ իրենց սեփական ոյժերով կարենան պաշտպանել Թրքահայաստանը, Դաշնակիցները պատրաստ են զինուորական եւ ելեւնտական աջակցութիւն ընծայել անոնց եւ չպիտի հակառակին, եթէ անոնք անկախութիւն յայտարարեն: Երկրորդ անգամ՝ հայերը 1917ի վերջին մեծ դեր մը կատարեցին Կովկասի մէջ, պահելով ռուսերուն լքած ճակատը, հակառակ այն բոլոր դժուարութիւններուն, որոնցմէ շրջապատուած էին, հակառակ նոյնիսկ ամբողջովին բնաջնջուելու վտանգին: Ու տակաւին հայերն իրենց արիւնը շռայլեցին Եւրոպա, Սուրիա եւ այլուր, պատերազմի ճակատներուն վրայ: Արդեօք այս ամենը իրաւական հիմեր չէ՞ն հատուցում ստանալու համար: Բոլոնիա ճիշդ ու ճիշդ մեր դերին մէջ կը գտնուէր: Բայց անոնք աւելի իմաստութեամբ կրցան վարուիլ: Մենք չենք ըսեր, թէ աւելի յիմար, բայց աւելի անկեղծ եղանք: Չկրցանք արժեցնել մեր իրաւունքը: Մինչդեռ բոլոնիացիք, որոնց իրաւական հանգամանքը մեզի հետ նոյնն էր, կրցան զայն արժեցնել: Անոնք ստացան, որովհետեւ մեզի պէս նախապաշարուած չէին, թէ անկարելի է ստանալ: Ստացան՝ որովհետեւ կրցան կէտի մը մասին մանաւանդ մեր իրաւունքը հարիւրհինգ-հարիւր անվիճելի էր: Ռուսահայերը 180 000 զինուոր տուեր էին ռուս բանակին, զինուոր էր մեր ժողովուրդին տասն մէկը: Անոնցմէ 6-էն 7000ը ինկան պատերազմի դաշտերուն վրայ: Չեն հաշուեր տակաւին հաշմանդամները: Երբ հարուստ ժողովուրդներ իրենց յետին մեռած կամ հաշմանդամ զինուորներուն համար հատուցում ստացան, ինչո՞ւ այս իրաւունքը զլացուեր մեզի պէս կարտո ժողովուրդի մը, որուն ընծայած աջակցութիւնը Դաշնակիցներուն՝ շատ ու՛շ քան էր բաղդատմամբ իր միջոցներուն: Եւ մեր դերը չլրացաւ Ռուսիոյ կողմէ գեները վար դրուելէն վերջ: Ռուսահայերը բողոքեցին Պրես-Լիթովսքի Դաշնագրին դէմ, պահեցին իրենց ճակատը եւ շարունակեցին կռիւը, չնայելով իրենց անբաւականութեան եւ այն ահաւոր կորուստներուն, որոնց ենթարկուեր էին: Իրենց դիմադրութիւնը տեսց մինչեւ այն վայրկեանը, երբ ատիկա հնարաւոր դարձաւ: Արդեօք այս ամենը իրաւական հիմեր չէի՞ն, որպէսզի կարենար իր վճարներուն հատուցումը ստանալ: Ես իրաւաբան չեմ: Բայց մեր մէջ կան իրաւաբաններ. կը փափաքին, որ իրենց կարծիքը յայտնեն այս ամենուն նկատմամբ: Ես կ'ուզեմ մէկ բան միայն աւելցնել, սա՛ թէ ժամանակն է, որ վարժուիք պատասխանատուութիւնները փնտրելու, պատասխանատուութիւնները ճանչնալու եւ գնահատելու. այլպէս՝ չպիտի կրնանք լաւագոյն բախտի մը արժանացնել նոյնիսկ այն ափ մը ժողովուրդը, որ մեզի կը մնայ այս բոլոր կորուստներէն ետք:

Վսեմ. Պօղոս Փաշա Նուպար. Տիար Թերզիպաշեանի պարզած տեսակետներուն մէջ կը գտնուին երեք կարեւոր կէտեր: Առաջինը՝ արդարութեան տեսակետն է, երկրորդը՝ իրաւական. իսկ երրորդը՝ դժուար է սահմանել միակ բառով մը, բայց վերջապէս կրնանք մերձաւորագոյն բացատրութեամբ մը ըսել՝ կարելիութեան տեսակետ:

Առաջին կէտին նկատմամբ բոլորովին համաձայն են Տիար Թերզիպաշեանի: Թէ արդարութեան հարկ մըն էր, որ հատուցում ստանալիք մեր բոլոր վճարներուն համար, այս մասին ո՛չ ոք տարակարծիք է: Բայց արդէն առիթը ունեցայ յայտնելու, թէ լոկ բաղձանքի խնդիր չէր ասիկա:

Երկրորդ տեսակետին՝ իրաւական տեսակետին համար՝ յայտնեցի իմ կարծիքս: Բայց նաեւ պիտի հարցնեմ կարող օրէնսգետի մը, որքան ալ անխախտ մնացած ըլլայ իմ համոզումս, թէ Դաշնակից պետութիւնները երբեք մեզի համար իրաւունք մը չպիտի նկատուին Գերմանիայէ հատուցման պահանջումը:

Կը մնայ երրորդ տեսակետը, կարելիութեան տեսակետը: Կրնանք վստահ ըլլալ, թէ ինչ որ պէտք էր եւ կարող ենք ընել՝ ըրինք: Եթէ դատարանի մը առջեւ ըլլայինք որմէ արդարութիւն պիտի պահանջէինք, խնդիր կը տարբերէր: Այդ պարագային ամեն հնարաւորութիւն կ'ըլլար, որ պաշտպանենք մեր պահանջումները, եւ մաքառինք անոնց յաղթանակին համար: Բայց Դաշնակիցներուն եւ մեր դիրքը այդ չէր: Մենք հեռու կը պահուէինք դատավարութենէն, մեզի դէմ որոշումներ կը տրուէին, որոնց մասին տեղեկ չէինք, որովհետեւ մեզմէ գաղտնի կ'ըլլար այս ամենը, եւ մեր մասին կարծիք մը կը գոյացուէր առանց մեզ լսելու: Այսպէս վարուեցան Դաշնակիցները: Եւ իրենց արդարութեան վճիռը՝ դաշնագիրը, մէջտեղն է: Իմ մասին, կրնաք վստահ ըլլալ, որ միշտ առաջինը պիտի ըլլան յայտարարելու համար, թէ ոչինչ այնքան անարդար, շնական ու զայրակալական է, որքան այդ դաշնագիրը: Ինչո՞ւ սակայն այս անարդարութիւնը մեր երեսին կը տրուի հիմա այն տեսակ եղանակով մը, որ կարծես, թէ մենք ենք ատոր պատճառը:

Տիար Ա. Յանըմեան. Տիար Թերզիպաշեան զանգատներ ունի, որոնք հեռուէն հեռու կ'ակնարկեն ազգին ամբողջութեան վերագրելի սխալներու: Չեն հասկանար, թէ ինչպէ՛ս կարելի կ'ըլլայ այդ բոլոր զանգատները բերել կեդրոնացնել Ազգ. Պատուիրակութեան դէմ: Եւ յետոյ՝ խօսելու եղանակ մը ունի, որուն համար՝ կարծես ինք միայն զգացեր է ժողովուրդին ցաւը, ժողովուրդին եղած անարդարութիւնը:

Տիար Թերզիպաշեան. Ես այդպէս չըսի:

Տիար Ա. Յանըմեան. Բայց միշտ պէտք կը տեսնեք մեզի կրկնելու, թէ բացառիկ նշանակութիւն մը պէտք է տալ ձեր ամեն ըսածին, քանի որ 700 000 ժողովուրդ կը ներկայացնէք:

Տիար Թերզիպաշեան. Թուրքեր ունին սպացուցանող թէ 75 000 ժողովուրդի անունով կը խօսին, ժողովուրդ, որ իմ վրաս պարտք դրուած է իր շահերը պաշտպանելու եւ որուն հաշիւ պէտք է տամ:

Տիար Ա. Յանըմեան. Ուրիշ թուրքեր ալ կը նկատեն, թէ իրապէս ո՛չ ոք կը ներկայացնէք: Գալով ձեր փաստերուն, որոնցմով իբր թէ պիտի սպացուցենք հատուցման պահանջին օրինական հիմքը, համոզիչ չեն դժբախտաբար, արդարացնելու համար այն մեղադրանքը, զոր կ'ուղղէք Պատուիրակութեան: Եթէ ըսէիք, թէ Պատուիրակութիւնը չէ յաջողած հայ ազգը պատերազմիկ հռչակել տալու, աստիճան մը պիտի ըմբռնուի այն մեղադրանքը, որովհետեւ առանց այդ ճանաչման՝ հատուցման խօսք ընել կարելի չէր: Բայց կրնանք վստահ ըլլալ, որ Պատուիրակութիւնը ամեն բան ըրաւ, որպէսզի հայ ժողովուրդն ալ մտնէ պատերազմիկ ազգերու կարգը:

Վսեմ. Պօղոս Փաշա Նուպար. Սասնաւորաբար շատ կարեւոր նամակ մը գրած ենք Դաշնակից պետութեանց, այն նամակը, որով կը ծանուցանենք մեր անկախութեան յայտարարութիւնը: Մեր կողմէ մէջ բերուած բոլոր փաստերը այդ յայտարարութեան մասին՝ հիմնուած էին մեր պատերազմիկ ժողովուրդի հանգամանքին վրայ, եւ ըսած էինք ամեն բան, որով կարելի էր արժեցնել այդ հանգամանքը:

Տիար Ա. Յանըմեան. Այն օրը, երբ Վերսալի Վեհաժողովը չընդունեց հայերը իբր պատերազմիկ, հատուցման մեր իրաւունքը կորսնցուցած էինք: 180000 ռուսահայերու պատերազմին մասնակցիւր չէր կրնար բացառիկ իրաւունք մը ստեղծել հայոց համար որոնք, ռուս բանակին մէջ կը նկատուին ռուս զինուոր, ինչպէս ռուս զինուոր նկատուեցան լեթոնները, էսթոնացիները, ֆինլանտացիները, ուքրէները.



որոնք հայոց նման ռուսերուն հետ կռուեցան Գերմանիոյ դէմ՝ Դաշնակիցներուն հետ կողք-կողքի, եւ որոնք նույնպէս հատուցում չեղաւ:

Տիար Ա. Թերզիպաշեան. Զապա բոլոնիացիք, ինչո՞ւ անոնք հատուցում ստացան:

Տիար Ա. Զանընեան. Ներողութիւն, բոլոնիացիք զինադադարէն առաջ պատերազմիկ ազգ ճանջցուած էին Դաշնակիցներուն կողմէ, ունէին առանձին բանակ, եւ առանձին ճակատ մը կը բռնէին: Ռուսիայէն անջատուելով կազմուած միւս բոլոր պետութիւնները այդ հանգամանքը չունեցան: Լիթուանիա, Էսթոնիա, Ուքրանիա, Ֆինլանտա՝ հատուցման հարցին մէջ իրաւապէս այն դիրքը ունէին, ինչ որ ունի հայկական պետութիւնը: Եւ պէտք չէ մոռնալ, որ անոնք շատ աւելի մեծ ու կարելոր դեր մը խաղացին պատերազմին մէջ: Անշուշտ տարբեր արդիւնք կը գոյանար, եթէ երբեք յաջողած ըլլայինք հայերը իռչակել տալ իբր պատերազմիկ ազգ: Բայց կը կրկնեմ, որ այդ նպատակով ամեն դիմում ըրաւ Պատուիրակութիւնը ու չյաջողեցաւ:

Վսեմ. Պօղոս Փաշա. Շատ ճիշդ է, շատ ճիշդ:

Տիար Թերզիպաշեան. Պատերազմիկ ժողովուրդի հանգամանքն ու հատուցման հարցը կապ չունին իրարու հետ:

Տիար Տոքթ. Նելրուզ. Բայց օրինական չէ ինչ որ կը հնչէ. երբեք ազգ մը, առանց պատերազմիկ ճանջցուելու, չի կրնար հատուցում ստանալ:

Տիար Ա. Թերզիպաշեան. Ամերիկա եւ Անգլիա, Կովկասի ինչպէս Սուրիոյ ու Միջագետքի մէջ կ'օգնեն մեր ժողովուրդին, ուրեմն կը ճանջան մեր իրաւունքը, թէ պէտք է հատուցուին այն վնասները, որոնց ենթարկուեցանք՝ պատերազմին մէջ մեր կատարած քաղաքական դերին պատճառաւ:

Վսեմ. Պօղոս Փաշա Նուպար. Ասիկա գութի տեսակետ մըն է պարզապէս. վերապրողներուն եղածը հատուցում չէ, օգնութիւն է, եւ ամեն կառավարութիւն ազատ է իր ուզած օգնութիւնը ընելու՝ քաղաքական-իրաւական նկատումներէ անկախաբար: Նոյն օգնութիւնը կ'ըներ նաեւ Ֆրանսա Կիլիկիոյ մէջ:

Տիար Թերզիպաշեան. Կը կրկնեմ, թէ այն պետութիւնները, որոնք մեզի օգնութիւն կ'ընեն, պիտի ուզէին նաեւ մեզի հատուցում տալ, քանի որ իրենց ըրած օգնութիւնը ուղղակի մեր հատուցում ստանալու իրաւունքին մէկ հետեւանքն է: Մենք հատուցում չենք ստանար, որովհետեւ արժանի չեղանք ատոր, չզիտցանք պահանջել որ տային, նախընտրեցինք գութի առարկայ դառնալ եւ գութի անունով ստանալ ինչ որ կրնայինք առնել առանց ձեռք բանալու, իբր արդար իրաւունք մը:

Տիար Ա. Զօպանեան. Կը ցաւիմ, որ այս ամբողջ վիճաբանութեան մէջ կը մոռցուի այն դերը, զոր Պատուիրակութիւնը կատարեց: Ամերիկա մինակը չըրկեց ալիւրը, որ այնքան մեծ թուով ժողովուրդի փրկութեան նպաստեց: Պատուիրակութիւնը շաբաթներով աշխատեցաւ ատոր համար: Զանրապետութիւնը չէր ճանջցուած տակաւին. ոչ մէկ դրական երաշխաւորութիւն կրնայինք տալ, թէ իրենց օգնութիւնը պիտի փոխարինենք օր մը: Զակառակ ասոր՝ յաջողեցանք համոզել Ամերիկան, որ իր ծախքերը պիտի հատուցուին վերջէն: Նոյնիսկ չեմ կարծեր, որ Ամերիկա այդ հատուցման վրայ կը խորիէ այսօր, եւ հաւանական է որ, ինչպէս հորէն Եպիսկոպոս ալ կ'ենթադրէր, բնաւ փոխարինութիւն չպահանջէին:

Գալով հատուցման հարցին՝ մինչեւ այս դաշնագրին խմբագրութիւնը շատ յոյս չկար, որ այդ մասին մեր ունեցած իրաւունքը ճանջցուեր: Սակայն նորէն միշտ պահանջած ենք, բազմաթիւ գրութիւններով եւ բերանացի տեսակցութիւններու ընթացքին: Ասիկա ըրինք մինչեւ վերջը, Սան Ռեմոյի մէջ ալ, ուր նոյնպէս աշխատեցանք փրկել մեր իրաւունքը, եւ այդ առթիւ Գերագոյն հորիւորդին ղրկեցինք նախապէս եղած գրաւոր դիմումներու բոլոր պատճենները: Գալով ուղղակի Գերմանիայէն հատուցում ստանալու հարցին, ճիշդ է Տիար Թերզիպաշեանի ըսածը, թէ Զամագումարը անցեալ տարի այդ մասին աշխատելու յանձնատուութիւն մը ըրաւ Պատուիրակութեան: Բայց մինչեւ այսօր յոյս չկայ բնաւ, թէ այդ նպատակով

կատարուելիք ոեւէ աշխատութիւն կրնայ արդիւնք մը տալ: Այսօր սակայն ուրիշ դիրք մը ունինք՝ կը իռչակուինք Դաշնակից պետութիւն, եւ այդ հանգամանքով պիտի կանչուինք դաշնագիր ստորագրելու: Թերեւս ուշ չէ վերստին վերադառնալու այս հարցին, եւ մեր այս նոր հանգամանքին ոյժով նպաստաւոր կարգադրութիւն մը ձեռք բերելու:

Վսեմ. Տիար Գ. Նորատունկեան. Դաշնագրին տրամադրութիւնները պիտի քննուին Ազգ. Պատուիրակութեան կազմած յատուկ յանձնաժողովին կողմէ: Զամագումարն ալ, եթէ փափաքի, կրնայ իր մէջէն մարմին մը ընտրել՝ նոյն խնդրով զբաղելու համար, որով թանկագին աջակցութիւն մը ընծայած կ'ըլլայ յիշեալ յանձնաժողովին, աւելի կատարեալ հանգամանք մը տալով անոր աշխատութեանց:

Վսեմ. Պօղոս Փաշա Նուպար. Կը ծայնակցիմ այս առաջարկին, որ արդէն տրամաբանական ալ է: Այսօր դաշնագրի մը առջեւ չենք, այլ՝ դաշնագրի ծրագրի մը, որ պիտի փոխուի: Կատարուելիք փոփոխութիւններէ մեզի նպաստաւոր արդիւնք մը ակնկալելը մեր իրաւունքն է, եւ ատոր համար պէտք է ամեն կերպով աշխատինք: Զամագումարին լոկ իրաւունքը չէ, այլ նաեւ պարտքն է այդ տեսակ յանձնաժողով մը կազմել, եւ՝ անմիջապէս:

Վսեմ. Տիար Գ. Նորատունկեան. Այո՛, պէտք է աճապարել, որովհետեւ շատ ժամանակ չկայ: Զէ տ'Օրսէն կարելոր անձնաւորութիւն մը հաղորդեց ինձի, թէ տրուած մէկ ամսուան պայմանաժամին ընթացքին եթէ թուրքերը չստորագրեն, դրական միջոցներ ձեռք պիտի առնուին իսկոյն զիրենք ստիպելու համար, որ ստորագրեն: Դաշնակից պետութիւնները հաստատապէս որոշած են միանգամ ընդմիշտ փակել այս խնդիրը, կարելի եղածին շատ շուտ:

Տիար Տիար Տեօվէթեան առաջարկեց, որ Դիւանին անդամներով կազմուի այդ յանձնաժողովը: Նախագահ Վսեմ. Տիար Գ. Նորատունկեան դիտել տուաւ, թէ ինք արդէն կը գտնուի Ազգ. Պատուիրակութեան կողմէ կազմուած յանձնաժողովին մէջ, ինչպէս կը գտնուի նաեւ դեր-Նախագահ Տիար Գ. Սիմապեան: Ժողովը աւելի յարմար դատեց, որ իր երկու նախագահները մնան Զամագումարի յանձնաժողովին մէջ, որ կազմուեցաւ հետեւեալ կերպով.

Ամեն. Տ. Եղիշէ Արք. Դուրեան

Նախագահ՝ Վսեմ. Տիար Գ. Նորատունկեան

Դեր-Նախագահ՝ Տիար Գ. Սիմապեան

Ա. Ատենադպիր՝ Տիար Գառնիկ Ֆնտոզեան

Բ. Ատենադպիր՝ Տիար Դաւիթ-Բէկ

Տիար Ա. Թերզիպաշեան

Տիար Ն. Տէր-Աստիֆանեան

Պատգամաւորներէն ոմանք առաջարկեցին, որ երկու յանձնաժողովները միասին եւ Պատուիրակութեան հետ գումարուելով աշխատին:

Տիար Տոքթ. Նելրուզ. Յանձնաժողովներուն՝ Պատուիրակութեան հետ աշխատելու առաջարկին նկատմամբ դիտողութիւն մը ունիմ: Բայց անկէ առաջ կ'ուզեմ պատասխանել Տիար Թերզիպաշեանի կողմէ եղած այն առարկութեան, թէ իրաւական հիմեր ունինք Գերմանիայէն հատուցում պահանջելու: Ասիկա սխալ է, եւ արդէն, օրէնսգիրի մը կարծիքը պիտի առնուի այդ մասին, ինչպէս Վսեմ. Պօղոս Փաշա յայտնեց, պիտի տեսնուի որ իրաւական ո'չ մէկ հիմ կար այդ տեսակ պահանջում մը ընելու, ինչպէս ամեն կողմէ դիտել կը տրուէր մեզի, ամեն անգամ որ այդ խնդրին կ'ակնարկէինք: Զգացումի տեսակետով՝ կը հասկնամ, որ իրաւունք ունինք: Այդ տեսակետով՝ ամենքս ալ Տիար Թերզիպաշեանի հետ ենք: Բայց իրաւական հարց մը զգացումի տեսակետով մը չի լուծուիր: Գալով հանր. պարտուց մեզի սահմանուած բաժնին, դիտողութիւն եղաւ, թէ կրնայինք մեր բաժինը մեր հատուցման իրաւունքին հետ փոխարինել: Բայց զգուշացանք արթ, նախընտրեցինք անորոշ թողուլ այդ կէտը, որպէսզի այդ պատճառաւ տարբեր զրկանք մը չըլլայ մեր դատին:

Վսեմ. Տիար Գ. Նորատունկեան. Հանրային պարտուց մասին արդէն Ամբողջական Հայաստանի Պատուիրակութեան Յիշատակագրին մէջ ըսուած էր, թէ կը ստանձնենք մեզի ընկած բաժինը:

Տիար Տոքթ. Ներուզ. Կը դառնամ յանձնաժողովներու՝ Պատուիրակութեան հետ աշխատելու հարցին: Աշխատութեան այդ եղանակը անգործնական է եւ օրինական ալ չէ: Համագումարը համարառու մարմին մըն է, Պատուիրակութիւնը՝ գործադիր մարմին մը: Երկուքն ալ տարբեր իրաւասութիւններ ունին: Լաւագոյն է, որ առանձին աշխատին:

Վսեմ. Պօղոս Փաշա Նուպար. Ինձի պարտք կը նկատեն այս առթիւ յայտնելու ժողովիդ, որ Պատուիրակութիւնը երկար ատեն բախտը ունեցաւ վայելելու Վսեմ. Տիար Գաբրիէլ Նորատունկեանի թանկագին աջակցութիւնը: Իր ծանօթ ձեռնհասութիւնը սովորաբար մեզի առաջնորդ եղաւ ամենէն դժուարին պահերու մէջ: Կ'առաջարկեմ, եւ արդար ալ է, որ ժողովը Պատուիրակութեան անդամ նշանակէ Ն. Վսեմութեանը, քանի որ տեղն ալ բաց է Տիար Փաստրմաճեանի հրաժարման պատճառաւ: Մեր խնդիրը հասած է իր ամենէն ճգնաժամային շրջանին, եւ ուրիշ ամեն ատենէ աւելի հիմա մանաւանդ պէտք պիտի ունենանք Վսեմ. Տիար Գաբրիէլ Նորատունկեանի խորհուրդներուն եւ թելադրութեանց: Այս թույլին ոչինչ այնքան օգտակար կրնայ ըլլայ մեզի, որքան իր մեծ հմտութիւնն ու փորձառութիւնը:

Ժողովականներուն ստուարագոյն մեծամասնութիւնը ծափերով ձայնակցեցաւ Վսեմ. Պօղոս Փաշայի խօսքերուն:

Վսեմ. Տիար Գ. Նորատունկեան. Ընդհակառակութիւն կը յայտնեն ժողովին համակրութեան համար, բայց ներեցէ՛ք ինձի դիտել տալու, թէ այս տեսակ կարգադրութիւն մը այս վայրկեանիս չունի այն ստիպողութիւնը, զոր անոր ընծայեց Պատուիրակութեան Վսեմ. Նախագահը: Մանաւանդ որ, ինչպէս անցեալին մէջ զանազան առիթներով մասնակցեցայ, ասկէ ետքն ալ կրնամ անպաշտօն կերպով մասնակցիլ Պատուիրակութեան աշխատութեանց, եթէ ատոր պէտքը տեսնուի:

Վսեմ. Պօղոս Փաշա Նուպար. Մի՛ մոռնաք, սակայն, որ ասկէ առաջ՝ նկատում մը միշտ կաշկանդեց Ձեզ՝ ձեր աշխատակցութեան մէջ: Երբ պէտք տեսայ Ձեր ներկայութեան, Լոնտոն կամ այլուր, այդ նկատումը վարանեցուց Ձեզ: Ապահովաբար իրաւունք ունիք, որովհետեւ՝ որքան ալ Ձեր մօտ մեծ ըլլար մեր աշխատութեանց նպաստելու բաղձանքը, կրնայիք մտածել վերջապէս, թէ ի՞նչ հանգամանքով կատարէիք այդ աշխատակցութիւնը: Մինչդեռ ընդունելով Պատուիրակութեան անդամակցութիւնը, այլեւս այդ նկատումը չէք ունենար, եւ ես անձնապէս համոզուած եմ, որ ձեր աշխատակցութիւնը մեծապէս օգտակար պիտի դառնայ մեզի: Անհրաժեշտ է, որ անմիջապէս վայելենք ձեր թանկագին աջակցութիւնը:

Վսեմ. Տիար Գ. Նորատունկեան. Մտածելու հարկ կը տեսնեն, որովհետեւ անպատեհութիւն մըն ալ կայ: Չեն կրնար միեւնոյն ատեն թէ՛ Համագումարին Նախագահ եւ թէ՛ Պատուիրակութեան անդամ դառնալ:

Տիար. Տոքթ. Ա. Բարսեղեան. Յաջորդաբար երկու խնդիր յուզուեցաւ: Նախ՝ կազմուած յանձնաժողովներու միասին կամ անջատ աշխատութեան խնդիրը: Իմ կարծիքովս՝ լաւագոյն պիտի ըլլար, որ Համագումարին յանձնաժողովը եւ Պատուիրակութեան յանձնաժողովը առանձին աշխատէին, եւ իւրաքանչիւրին տեղեկագիրը բերուէր այստեղ՝ քննութեան համար: Երկրորդ խնդիրը կը պաքթանի Պատուիրակութեան Նախագահին առաջարկութեան: Չեն կարծեր, որ կարելի ըլլայ ընդունիլ այդ առաջարկութիւնը: Համագումարը սկսած է իր աշխատութեանց եւ չի կրնար զրկուիլ իր Նախագահէն: Աւելի կարելոր պատճառ մը կայ սակայն: Պատուիրակութիւնը իր գործը լրացուցած է. չենք գիտեր, թէ վաղը ի՞նչ պիտի ըլլայ, պիտի վերակազմուի, թէ՞ պիտի վերընտրուի: Անպատեհ է հիմակուց անդամ մը աւելցնել, քանի որ անդամներէ վեցին վրայ չորսը կը մնան միշտ եւ ունին անհրաժեշտ մեծամասնութիւնը: Գալով Համագումարի Նախագահին, ամէնքս ալ կը հաւատանք, որ

ինչպէս անցեալին մէջ, ասկէ վերջն ալ պիտի շարունակէ զօրավիզ ըլլալ Պատուիրակութեան:

Տիար Տոքթ. Ներուզ. Յանձնաժողովներու կազմութեան առթիւ պէտք չէ աչքէն վրիպի սա պարագան, թէ դաշնագիրը քննելու իրաւունքը լոկ Համագումարին չի պաքթանիր, այլ նաեւ Երեսնի խորհրդարանին, որ թէեւ հեռուն է, ժամանակ չպիտի ունենայ, բայց վերջապէս այստեղ է Հանրապետութեան Պատուիրակութիւնը, որ կրնայ նոյնը ընէլ փոխանորդաբար:

Վսեմ. Պօղոս Փաշա Նուպար. Այդ էր նաեւ մեր մտածումը: Յանձնաժողովը որ կազմուեցաւ՝ հրաւիրուած է Ամբողջական Հայաստանի Պատուիրակութեան անունով:

Երուանդ Պէլ Աղաթօն. Ես համամիտ չեմ Տիար Բարսեղեանի կողմէ եղած դիտողութեանց: Եթէ թողունք, որ յանձնաժողովները առանձին գործեն, պիտի պատահի այն, ինչ որ պատահեցաւ անցեալ տարի: Ամեն անդամ ճշդապահ չպիտի ըլլայ նորէն եւ շաբաթներ պիտի անցնին բոլորովին ապարդիւն կերպով: Մինչդեռ բոլորը մէկ՝ Պատուիրակութեան հետ աշխատելու ստիպողութիւնը կրնայ զրգիռ մը ըլլալ, որ աւելի ճշդապահ ըլլան այս անգամ: Գալով Վսեմ. Տիար Գ. Նորատունկեանի՝ Պատուիրակութեան անդամակցութեան, չեմ կարծեր, որ անպատեհութիւն մը ըլլայ ատոր մէջը: Կը բաւէ, որ Ն. Վսեմութիւնն ընդունի եւ ձեւ մը կը գտնուի անշուշտ ուրիշ ամեն արգելիչ պատճառ բառնալու համար:

Համագումարը մեծամասնութեամբ որոշեց, որ յանձնաժողովները միասին եւ ի հարկին Պատուիրակութեան հետ աշխատին:

Տիար Տոքթ. Ներուզ. Կը կրկնեմ, որ Համագումարին եւ Պատուիրակութեան իրաւասութիւնները կը շփոթուին, քանի որ առաջինը համարառու եւ երկրորդը՝ համարատու մարմիններ են: Կը պնդեմ դարձեալ, որ աշխատութիւնները կատարուին առանձինն եւ կը խնդրեմ, որ այս պահանջուն արձանագրուի ատենագրութեան մէջ:

Տիար Տեօվէթեան վերստին յուզեց Վսեմ. Պօղոս Փաշայի առաջարկութեան հարցը՝ անհրաժեշտ նկատելով Վսեմ. Տիար Գ. Նորատունկեանի անդամակցութիւնը Ազգ. Պատուիրակութեան, նոյնիսկ եթէ ատոր համար պէտք ըլլար Համագումարին՝ զրկուիլ իր Նախագահէն: Վսեմ. Տիար Գ. Նորատունկեան անգամ մըն ալ յայտնեց, թէ կը վերապահէ իր հաւանութիւնը: Համագումարը որոշեց օրակարգ անցընել այդ առաջարկութիւնը Ազգ. Պատուիրակութեան վերակազմութեան խնդրին հետ:

Նիստը փակուեցաւ ժամը 5 1/2 -ին:

ՀԱԱ, ֆ. 430, ց. 1, գ. 59, թթ. 1-24: Ձեռագիր: Բնագիր:

## Նիստ 2

26 Մայիս 1920, ժամը 4 1/2-ին,

Նախագահութեամբ Վսեմ. Տիար Գ. Նորատունկեանի:

Ներկայ էին 17 պատգամաւոր՝

Երուանդ Պէլ Աղաթօն, Տոքթ. Ա. Բարսեղեան, Եղիշէ Արքեպ. Դուրեան, Դաւիթ-Բէկ, Թերզիպաշեան, Թէքեան, Թումայեան, Սարըրը Պէլ, Ներսէսեան Խան, Վսեմ. Գ. Նորատունկեան, Վսեմ. Պօղոս Փաշա Նուպար, Չօպանեան, Սինապեան, Տէր-Ստեփանեան, Տեօվէթեան, Քլէկեան Խան, Ֆնտօլեան:

## Օրակարգ

1. Շարունակութիւն վիճարանութեան Ազգ. Պատուիրակութեան համարատուութեան
2. Տեղեկագիր հաշուական գործառութեանց Ազգ. Պատուիրակութեան
3. Տեղեկագիր Կազմական Կանոնագրի Յանձնաժողովին

#### 4. Վերակազմութիւն Ազգ. Պատուիրակութեան

##### ԱՏԵՆԱՎԱԼՆ ԳՈՐԾՈՂՈՒԹԻՒՆՆԵՐ

#### 1. Ընթերցում եւ վաւերացում ատենագրութեան

Նախ Վսեմ. Տիար Գաբրիէլ Նորատունկեան ծանոյց, որ թէւ Մայիս 22-ի նիստին ատենագրութիւնը պատրաստ է, բայց անոր, ինչպէս Մայիս 21-ի նիստին ատենագրութեանց ընթերցումը դարձեալ պիտի յետաձգուի, նկատելով որ ժողովականներէն մաս մը ուշ եկած ըլլալով՝ կարելի չէ եղած որոշուած ժամուն նիստը բանալ, եւ թէ բաւական ժամանակ չէ մնացած ժողովին աշխատութեանց: Ընդունուեցաւ:

#### 2. Տեղեկատուութիւն Վսեմ. Նախագահին՝ դաշնագիրը քննելու համար Համագումարին կողմէ կազմուած յանձնաժողովին աշխատութեանց նկատմամբ

Նախագահ Վսեմ. Տիար Գաբրիէլ Նորատունկեան՝ Ազգ. Համագումարի կողմէ դաշնագիրը քննելու համար կազմուած յանձնաժողովին աշխատութեանց մասին հետեւեալ տեղեկատուութիւնը ըրաւ:

Վսեմ. Տիար Գ. Նորատունկեան. Յանձնաժողովը, զոր Համագումարը կազմած էր, երկու յաջորդական նիստերու ընթացքին նկատի առաւ դաշնագիրը եւ առանձին քննեց անոր գրեթէ իւրաքանչիւր տրամադրութիւնը: Գործը ժամանակի կարօտ էր: Թուրքիոյ հետ հաշտութեան դաշնագիրը կը պարունակէ 473 յօդուած եւ այս տեսակետով՝ վերջին ատեններս կնքուած բոլոր դաշնագիրներուն մէջ կու գայ ամբիջապէս վերջ Գերմանիոյ հետ կնքուած դաշնագրին, որ մօտաւորապէս 440 յօդուած ունէր: Մեր քննութիւնը գլխաւորաբար կեդրոնացաւ դաշնագրին այն կէտերուն վրայ, որոնք հեռուէն ու մօտէն առնչութիւն ունին Հայկական Խնդրին հետ: Ուզեցինք հասկնալ նախ, թէ ի՞նչ դիրք տրուած է հայ ազգին եւ մասնաւորաբար Հայաստանի, թէ հայոց իրաւունքները նկատի առնուած են այնպէս, ինչպէս ամենքս ալ կը բաղձայինք, որ առնուին: Յանձնաժողովը դեռ վերջնական կերպով լրացուցած չէ իր գործը, եւ, միւս կողմէ, տակաւին չէ կրցած տեղեկանալ Ազգ. Պատուիրակութեան կարգած յանձնաժողովին աշխատութեանց, որովհետեւ ժամանակը կը պակսէր: Յանձնաժողովոյ վերջին նիստին ներկայ էին նաեւ Ազգ. Պատուիրակութեան Վսեմ. Նախագահը եւ Տիար Աճեմօֆ: Տիար Աճեմօֆի առաջարկութեան վրայ՝ օգտակար նկատուեցաւ դաշնագրին կարգ մը դժուարին կէտերուն քննութեան համար կարծիքը ամենէ նաեւ եւրոպացի հեղինակաւոր մասնագէտի մը, որուն հետ խորհրդակցելու համար որոշուեցաւ կազմել մասնախումբ մը, անդամակցութեամբ Պ. Մանտէլշթամի, որ ծանօթ է մեր ազգին նկատմամբ ունեցած համակրութեամբ եւ իր օրէնսգիտական հմտութեամբ, Տիար Աճեմօֆի եւ նուաստիս: Ասիկա պիտի ըլլայ ամբիջապէս եւ արդիւնքը պիտի հաղորդուի ժողովիդ: Սպասելով ատոր, անշուշտ անհամբեր էք իմանալու, թէ յանձնաժողովը ի՞նչ եզրակացութեանց յանձնեցաւ դաշնագրին նկատմամբ:

Նախ ըսեմ, որ դաշնագիրը, իր ամբողջութեան մէջ, մեզի կ'ընծայէ կարգ մը առաւելութիւններ, զորս թանկագին կը նկատենք, որովհետեւ մեկուկէ տարիէ ի վեր անհամբեր կը սպասէինք ունենալ այդ առաւելութիւնները: Միխթարական բան մըն է, որ գոնէ հիմա կը տրուին: Անոնց մէջ գլխաւորագոյնը սա է, որ Հայաստան կը հռչակուի կատարելապէս անկախ եւ ազատ պետութիւն, ձեռք կը բերէ միւս պետութեանց համահաւասար դիրք եւ նշանակութիւն: Հայերը վերջապէս կը թօթափեն ճնշուած ազգի իրենց հանգամանքը, կը դառնան անկախ ժողովուրդ, եւ յետոյ դաշնագիրը իբր

այդ իրեն իրաւունք կու տայ պայմաններ պարտադրելու Տաճկաստանի եւ անկէ պահանջներ ընելու: Ինչպէս ծանօթ է ժողովիդ, դաշնագրին սկիզբը Հայաստան հռչակուած է իբր Դաշնակից պետութիւն եւ այս պետութեանց գլուխը դասուած է այբուբենի կարգով, անմիջապէս վերջ Մեծն Բրիտանիայէն, Ֆրանսիայէն, Իտալիայէն եւ Ճապոնիայէն, որոնք կը կազմեն Դաշնակից գլխաւոր պետութիւնները: Արդ, դաշնագրին տրամադրութեանց մէջ կը տեսնենք, որ Դաշնակից պետութեանց տրուած են կարգ մը իրաւունքներ եւ առաւելութիւններ: Տարակոյս չկայ, որ հայերն ալ պիտի ունենան այդ իրաւունքները եւ պիտի վայելեն այդ առաւելութիւնները, քանի որ Հայաստան կը նկատուի Դաշնակից պետութիւն: Այդ իրաւունքներուն եւ առաւելութեանց մէջ՝ առաջին տեղը պիտի բռնէ այն դիրքը, զոր երեսանի Հանրապետութեան եւ անոր կցուելիք Տաճկաստանի հողամասերուն միացմամբ կազմուած Հայկական Պետութեան քաղաքացիները պիտի ունենան Թուրքիոյ մէջ: Դաշնագիրը իրենց բոլոր զօրութեամբ կը վերահաստատէ երբեմնի capitulation-ները, որոնց պաշտպանութիւնը պիտի վայելեն բոլոր Դաշնակից պետութեանց հպատակները, ուրեմն նաեւ Հայկական Պետութեան հպատակները: Մինչդեռ երբեմն ռայաներ էինք Տաճկաստանի մէջ, այսուհետեւ պիտի ունենանք եւրոպացի ժողովուրդներուն համահաւասար դիրքն ու առանձնաշնորհումները: Մասնաւոր կերպով ուրախ պէտք է ըլլանք այս արդիւնքին համար, որովհետեւ կան պետութիւններ, որոնց չէ տրուած այդ իրաւունքը, եւ որ անշուշտ մեզի կը տրուի այն մեծ զոհողութեանց փոխարէն, զորս կրեցինք պատերազմին մասնակցելով: Դարձեալ մեր՝ Դաշնակից պետութեան հանգամանքին շնորհիւ պիտի կրնանք վայելել Տաճկաստանի տնտեսութեան համար կազմուելիք կարգ մը յանձնաժողովներու մասնակցութեան իրաւունքը, ինչ որ անշուշտ այլապէս օգտակար պիտի ըլլայ մեր ազգին: Այդ յանձնաժողովներէն՝ մեզի գլացուած է Պոլսոյ եւ ներդններու վարչութեան յատուկ յանձնաժողովին մասնակցութեան իրաւունքը, անշուշտ անոր համար, որ ծովային պետութիւն մը չենք տակաւին, որքան ալ ելք մը պիտի ունենանք Սեւ Ծովուն վրայ: Դիտելի է, որ միեւնոյն նկատուով՝ Սեւ Ծովուն վրայ ելք ունեցող Կրաստանն ալ չի մասնակցի այդ յանձնաժողովին:

Երկրորդ խնդիրը, որ մեր մասնաւոր ուշադրութեան առարկայ դարձաւ՝ Հայաստանի սահմաններուն հարցն էր: Դաշնագիրը վերջնական կերպով չէ ճշդած այդ սահմանները: Այս զանցառութեան մասին միանգամայն բարեբախտութեան ու դժբախտութեան նկատումներ իրարու կը զուգահիշէին: Եթէ այսօր ի վիճակի ըլլայինք ամբիջապէս գրաւելու տրուելիք հողամասերը, եւ ատոնք որոշուած չըլլային, անշուշտ դժբախտ պիտի նկատէինք ինքզինքնիս: Բայց կերպով մը բարեբախտութիւն մը կը դառնայ այս զանցառութիւնը, քանի որ եթէ որոշուած ըլլային սահմանները, ատիկա պատճառ պիտի դառնար որ թուրքերը, այդ նահանգները փրկելու համար, յարձակին նոյնիսկ Հանր. կառավարութեան վրայ, ինչպէս կը յարձակին Իզմիրի եւ Կիլիկիոյ վրայ: Յետոյ, միխթարական է, որ անոնց մասին իրաւարարութիւնը կը թողուի Ամերիկայի Հանրապետութեան Նախագահին: Ծանօթ ըլլալով այն ամեն յայտարարութեանց, որոնցմով Նախագահ Ուիլսոն միշտ շեշտած է հայոց արդար ըզմանքները պսակելու անհրաժեշտութեան ու քաղաքական անկախութեան տիրացման պէտքը, կրնանք լաւատես ըլլալ իր իրաւարարութեան մասին: Ասիկա պարզ նկատողութիւն մըն է, զոր կ'ընեն:

Այս սահմաններու մասին: Դաշնագրին յօդուածներուն խմբագրութեան ձեւը բաւարար չէ, մինչդեռ ամեն իրաւունք ունինք լաւագոյն բանի մը սպասելու: Բայց կը կրկնեմ, որ միխթարական տրամադրութիւններ ալ ունի Դաշնագիրը: Մինչեւ այս դաշնագրին խմբագրութիւնը՝ մեր պետութեան դիրքը կապուած էր Տաճկաստանէն անջատուելով անկախութիւն ստանալու կոչուած միւս ժողովուրդներու դիրքին հետ, որոնց խնամակալութիւնը, Ազգերու Ընկերակցութեան անունով, պիտի յանձնուէր զարգացեալ ազգի մը հոգատարութեան: Ընկերակցութեան կանոնագրին 22-րդ

յօղուածը կը տրամադրէր. «Կարգ մը ժողովուրդներ, որոնք երբեմն Օսմ. կայսրութեան կը պաքթանէին, հասած են զարգացման աստիճանի մը, որուն համեմատ կարելի է առժամաբար ճանչնալ զիրենք իբր անկախ ազգեր, պայմանաւ, որ հոգատարի մը խորհուրդներն ու օգնութիւնը ուղղեն իրենց վարչութեանը, մինչեւ այն ատեն, ուր պիտի կրնան ինքզինքնին կառավարել»: Դաշնագիրը մեր պետութիւնը կը հանէ այս դիրքէն, արդէն իսկ անկախ պետութիւն մը նկատելով, բայց ի առ այդ՝ պէտք տեսնելով, որ Թուրքիոյ հայկական նահանգներուն կարելոր մէկ մասը անոր միացուի: Ասոր մէկ առաւելութիւնը սա է, որ Դաշնակիցները հռչակած կ'ըլլան, թէ Հայաստան արդէն իսկ կարողութիւնն ունի ինքզինքը կառավարելու, եւ այս առաւելութեան մէկ կարելորութիւնը այն ատեն միայն կրնանք ըմբռնել, երբ կը մտածենք, թէ ատոր ուղղակի հետեւանքով Հայաստան ալ կրնայ շուտով աթոռ մը ունենալ Ազգերու Ընկերակցութեան մէջ: Մինչդէռ թէ հոգատարութեան ենթարկուած ըլլալինք, ինչպէս օրինակի համար Սուրիա, Միջագետք, Պաղեստին, երկար ատեն մեզի անկարելի պիտի ըլլար ատիկա: Իմ անձնական կարծիքս է, որ Ազգերու Ընկերակցութեան մէջ աթոռ մը ունենալը շատ թանկագին առաւելութիւն մըն է մեր պետութեան համար: Ատիկա ո՛չ միայն մեծ նշանակութիւն մը կ'ընծայէ հայոց, այլ պիտի ունենայ իր անհաշուելի օգուտները մեր ժողովուրդին համար: Ասիկա կ'ըսեն՝ որովհետեւ ես թերահաւատ չեմ Ազգերու Ընկերակցութեան մասին, համոզուած եմ, որ ապագային շատ նշանաւոր դեր մը պիտի խաղայ մարդկութեան համար:

Յետոյ կայ նաեւ Կիլիկիոյ սահմաններուն հարցը: Դաշնագրին ընկերացող քարտեզ ցոյց կու տայ, որ Կիլիկիա երկու մասի կը բաժնուի: Մեծագոյն մասը կը մնայ Տաճկաստանի, բայց քանի մը զազաներ եւ թերեւս սանձազ մը, որոնք տնտեսապէս հարստագոյն մասերն են Կիլիկիոյ, կը մնան դուրս, իբր Սուրիոյ մաս: Առնց մէջ է նաեւ զուտ հայ ոստան մը, Տօրթ Եօլը, ուր մեր պատուական անդամակիցը, Տիգրան Խան Քլէկեան, իր ծանօթ առատածեռութեամբ տարիներէ ի վեր կը պահէ մասնաւոր որբանոց մը, որուն ընծայած օգուտները կարծեմ պէտք չկայ թուելու: Անշուշտ փափաքելի էր, որ ռեւէ անջատու մը չըլլայ Կիլիկիոյ եւ պահուի անոր քաղաքական ու տնտեսական ամբողջութիւնը: Այդ ուղղութեամբ կարելի է աշխատիլ նորէն:

Երրորդ խնդիրը, զոր ամենէն աւելի ուշադրութեան նկատի առինք Դաշնագրին քննութեան միջոցին՝ փոխարինութեանց եւ վնասուց հատուցման խնդիրն էր: Կը ցաւիմ ըսելու եւ անշուշտ ամենքդ ալ այստեղ կը բաժնէք այս ցաւը, որ այդ մասին մեր ունեցած ակնկալութիւնները չեն պասկուած Գերագոյն Խորհուրդին կողմէ: Իրաւ է, որ այս տեսակետով միմակ մենք չենք անիրաւուած, ուրիշ ազգերու ալ միեւնոյն զրկանքը եղած է, բայց ասիկա չի կրնար միխթարութիւն մը դառնալ մեզի: Մենք պատերազմին մէջ ամենէն աւելի տուժող ժողովուրդներէն մէկն եղանք: Անձի կորուստն է շատ նուիրական անսահման վնասներ ունեցանք: Գրեթէ կէս առ կէս փճացանք: Մասնաւոր միջոցներ պէտք էին մեր վերականգնութեան համար, եւ այս մասին իրաւունք ունեինք շատ բան ակնկալելու Գերագոյն Խորհուրդէն, մտաբերելով այն անձնուէր աջակցութիւնը, զոր ընծայեցինք իրենց յաղթանակին համար: Չեմ ըսեր, որ դաշնագիրը այդ մասին բնաւ զոհացում չի տար մեր ժողովուրդին. տրամադրութիւններ կան, որոնք որոշ հատուցումներ կ'ապահովեն: Բայց մեր իրաւունքներուն եւ այդ մասնակի հատուցմանց միջեւ խրամատը շատ լայն է: Ո՛չ մէկ տրամադրութիւն կայ նաեւ Հայաստանի կցուելիք նահանգներուն՝ Վանի, Պիթիսի, Էրզրումի արդի դրութեան բարւոքման մասին: Գիտենք, թէ ինչ խեղճ կացութեան մը մատնուած են այդ նահանգները: Այնպէս՝ ինչպէս մեզի պիտի դարձուին, բեռ են, քան շնորհ: Եւ մեր ազգին սեփական միջոցները այնքան մեծ բաներ չեն, որ միմակմիս կարենանք անոնց վերականգնումն իրականացնել: Այս մասին՝ հատուցման կամ փոխարինութեան իրաւունքնիս արդար է, եւ անշուշտ պէտք է ջանալ, որ կատարուելիք նոր աշխատութեանց ընթացքին մեր այդ իրաւունքն ալ արժեցուի: Դաշնագիրը, որ այդ տեսակետով ոչինչ կը տրամադրէ, միւս կողմէ հարկ մըն ալ դրած է

այդ նահանգներուն վրայ, այսինքն՝ Թուրքիոյ հանրային պարտուց այն բաժինը, զոր Հայաստան պիտի ստանձնէ այդ նահանգներուն տիրանալով: Թէ իրապէս ի՞նչ պիտի ըլլայ այդ գումարը՝ չենք գիտեր: Բայց կրնանք մերձաւոր հաշիւ մը ընել անոր մասին: Թուրքիոյ ընդհանուր հաշիւները, Պալքանեան պատերազմէն ետք եւ վերջին պատերազմէն առաջ, կը հասնէին տարեկան 28 միլիոն ոսկիի: Ըսենք 30 միլիոն, որպէսզի աւելի դիւրանայ մեր այս վերիվեր հաշիւը: Արդ, վերոյիշեալ երեք վիլայէթները՝ Վան, Պիթիս, Էրզրում ի՞նչ բաժին ունին այդ ընդհանուր հաշիւներու մէջ: Կը գտնենք 7-800 000 ոսկի: Աս ալ ենթադրենք մէկ միլիոն, հաշուի նոյն դիւրութեան համար: Ուրեմն՝ Թուրքիոյ ընդհանուր հատոյթներուն 30-էն մէկ բաժինը կը գոյանար յիշեալ երեք վիլայէթներէն: Դաշնագիրը 162 միլիոն ոսկի կը գնահատէր Թուրքիոյ ընդհանուր պիւտձէն: Այդ 162 միլիոնին մէկ յիսներորդ մասը պիտի իյնայ Հայաստանի, այն է՝ 5 ու կէս միլիոն ոսկիի պարտք մը, որ 5% -էն կամ 6 տոկոսով՝ կ'ենթադրէ մօտաւորապէս 300 000 ոսկիի տարեվճար մը: Բայց այս գումարէն պէտք է զեղչել գէթ 1/3-ը, քանի որ վերոյիշեալ նահանգներէն քանի մը սանձագներ, ինչպէս Ղեքիարի, Սղերդ, եւ այլն Տաճկաստանի կը մնան, որով հայկական պետութեան իրազեկ տարեվճարը, միշտ մերձաւոր հաշուով, կ'իջնէ 200 000 ոսկիի: Կան տակաւին կարգ մը նկատումներ ալ, զորս երկար կ'ըլլայ թուել իմնա, եւ որոնց շնորհիւ կարելի է դեռ զգալի զեղչ մը ընել այդ գումարին վրայ: Անշուշտ արդար պիտի ըլլար, որ Հայկ. Պետութեան ինկած այս պարտքը փոխարինուէր, ինչպէս ըսուած էր Ամբողջական Հայաստանի Պատուիրակութեան Յիշատակագրին մէջ, մեր ազգին կրած վնասուց հատուցման իրաւանց մէկ մասին հետ:

Ուրիշ խնդիր մը, որ մեր ուշադրութեան առարկայ եղաւ՝ ազգայնութեան խնդիրն էր: Ո՞ր հայերը պիտի կրնան Հայաստանի հպատակ ըլլալ. ինչպէ՞ս կարելի պիտի դառնայ պասկել օտար հպատակութեան մէջ գտնուող հայոց Հայաստանի հպատակութիւնը ընդունելու արդար բաղձանքը: Նաեւ՝ քաղաքական ի՞նչ իրաւունքներ պիտի վայելեն Թուրքիոյ մէջ հպատակութիւններն անփոփոխ մնացած հայերը: Բարդ խնդիրներ են ասոնք: Հայերը միայն ռուսական կամ թրքական հպատակութեան մէջ չէին գտնուէր. շատեր հպատակ են եւրոպական պետութեանց եւ Ամերիկայի: Կան հայեր, որոնք պարագաներու բերմով ստիպուած էին քանի մը հպատակութիւն իսկ ունենալ: Այն օրէնսգէտներու մասնախումբը, որուն կազմութիւնը ծանուցի, առանձին պիտի քննէ այս հարցերը: Այն ձեւով, ինչպէս որ կը ներկայանայ այսօր այդ խնդիրը, երկիւղի տեղի տալու հանգամանք մը չունի: Վտանգի տեսակէտէն աւելի՝ բարդութեան ու դժուարութեան տեսակէտէն են, որոնք մեզ մտահոգ կ'ընեն: Որովհետեւ ամեն պետութեան հպատակ հայոց համար՝ լուծման ձեւը նոյնը չէ: Օրինակի համար, Եգիպտոս գտնուող հայերը պիտի կրնան տեղափոխել իրենց հպատակութիւնը: Բայց տարբեր պետութեան մը հայ հպատակներուն համար պիտի ծագին դժուարութիւններ: Հայկական պետութիւնն ալ, տակաւին նոր կազմուած, միջոց չէ ունեցած այս խնդրին անդրադառնալու եւ կապ մը ստեղծելու իրեն ու աշխարհիս չորս կողմը ցրուած հայերու միջեւ: Երկէ՛ Յանձնաժողովս յարմար նկատեց առաջարկել Տիար Ախարոնեանի, որ հանրապետութեան կառավարութիւնը անմիջապէս հպատակութեան առժամեայ օրենք մը պատրաստէր, հակիրճ բայց որոշ օրէնք մը, քանի մը յօդուածով, որով հռչակուի, թէ ամեն հայ՝ ի՞նչ թեմի մէջ ալ ծնած ըլլայ եւ կամ ո՛րտեղ ալ գտնուի, իրաւունք ունի Հայկական հպատակ ըլլալու, եւ հանրապետութեան կառավարութեան կամ անոր արտասահմանի ներկայացուցիչներուն դիմելով ստանալու ազգայնութեան վաւերագիր մը: Ճիշդ է, որ իմնա ամեն հայ Հանրապետութեան ներկայացուցիչներէն կը ստանայ անցագիր՝ ճամբորդութեանց համար, բայց անցագիրը՝ հպատակութեան խնդրին մէջ այն չէ, ինչ որ կրնար ըլլալ ազգայնութեան վաւերագիրը: Անցագիրը արտօնութիւն մըն է պարզապէս եւ չի՛ բաւեր հպատակութեան բացարձակ փաստ դառնալու: Կը յուսանք, որ այդ օրէնքը երբ հաստատուի հայկական կառավարութեան կողմէ, պիտի կրնայ

միջոց մը դառնալ, որուն ոյժով ամեն հայ, որ կը բաղձայ իր ազգային պետութեան հպատակութիւնն ընդունելու, իր դիրքը ճշդէ օրինական հիման վրայ:

Տիար Քէլէկեան Խան. Միւս տերութիւնները թոյլ պիտի տա՞ն, որ իրենց հպատակ հայերը փոխեն հպատակութիւննին:

Վսեմ. Տիար Գ. Նորատունկեան. Միջազգային օրէնքով՝ իւրաքանչիւր տերութիւն *allégeance* կամոններ ունի: Պետութիւններ կան, որոնք իրենց հպատակներուն կ'արգիլեն հպատակութեան փոփոխութիւնը: Օրինակի համար, Թուրքիոյ հպատակ մը չէր կրնար օտար պետութեան մը հպատակ դառնալ ինք իր գլխուն եւ Թուրքիա դառնալով վայելել այն առանձնաշնորհումները, որոնք յատուկ էին օտար պետութեանց հպատակներու: Ուրիշ պետութիւններ բնաւ արգելք չունին այս մասին, ազատ կը թողուն իրենց հպատակները, որ իրենց յարմար թուած պետութեան հպատակութիւնն ընդունին՝ բացի եթէ զինուորական ծառայութեան մէջ են: Ոմանք ալ նոյն ազատութիւնը կու տան այն պայմանաւ, որ հպատակութիւննին փոխած իրենց հպատակները արտասահմանի մէջ միայն կարենան արժեցնել այդ նոր հանգամանքը, եւ իրենց մայր երկիրները դառնալուն պէս նորէն անոր հպատակ նկատուին:

Հայոց համար՝ անսովոր վիճակի մը բերմունքն էր մանաւանդ պատճառը, որ օտար հպատակութիւններ փնտրելու մղուեցան: Ջարդերէ եւ հարստահարութենէ նեղուող ժողովուրդը ստիպուեցաւ լքել իր հայրենիքը եւ արտասահման անցնելով ապաւինիլ ռեւէ օտար պետութեան մը պաշտպանութեան: Հանրապետութեան կառավարութիւնն անշուշտ պիտի պարզէ այս տեսակետը, անլցնելով, որ հիմա այլեւս այդ անսովոր վիճակը գոյութիւն չունի, որով պէտք չէ արգելք մը ըլլայ, որ ռեւէ հայ չդառնայ իր հայրենիքը, եւ իբր հայ չընդունի իր ազգային պետութեան հպատակութիւնը: Յուսալի է, որ ո'չ մէկ պետութիւն ուզէ հայոց գլանալ այս բնական իրաւունքը:

Ուշադրութեան առնենք նաեւ այն պայմանները, որոնց պիտի ենթարկուին իրենց նախնի կամ հպատակութեամբ Թուրքիոյ սահմաններուն մէջ մնալիք հայերը: Այդ պայմանները մանրամասնուած են դաշնագրին *Droits des Minorités* վերնագիրը կրող մասին մէջ: Կարելի է ըսել, որ դաշնագիրն ամենէն խնամով պատրաստուած մասը այդ է: Անոր մէջ՝ ապահովութիւններ կ'ընծայուին ո'չ միայն հայոց, այլ նաեւ բոլոր միւս տարրերուն: Անցողակի կը յիշեն անոնցմէ գլխաւորները. բռնի իսլամացողները ազատօրէն կը վերադառնան իրենց մայրենի տեղերը. եմվալը Մէթրուքէի Օրէնքը, որով թուրք պետութիւնը գրաւած էր տարագիր եւ տեղահան եղած Հայոց կալուածներն ու ստացուածքը, կը ջնջուի եւ այդ գրաւումները կը վերադարձուին իրենց տերերուն կամ ազգին, եթէ տէրերը մեռած են. թուրք կառավարութեան վրայ հարկ կը դրուի հայթայթել քանդուած վայրերու վերաշինութեան համար անհրաժեշտ գործաւորներ. ջարդերու եւ տեղահանութեանց դերակատարներն ու թելադիրները կը հեռացուին կամ դատի կ'ենթարկուին. ասոնց մասին ամբողջ գլուխ մը կայ դաշնագրին մէջ. Ազգ. Սահմանադրութեան ու Պատրիարքարանի առանձնաշնորհումները կը վերահաստատուին. լեզուի ազատութիւն կը հռչակուի նոյնիսկ դատարաններու առջեւ թուրք կառավարութիւնը յանձն կ'առնէ ճանչնալ ոչ-թուրք վարժարաններու բոլոր վկայականները. ընտրական օրէնքը կ'ենթարկուի այն տեսակ պայմաններու, որ փոքրամասնութիւնները կարենան օգտուիլ իրենց բոլոր իրաւունքներէն: Չեն թուեր ամեն բան՝ մտածելով, որ առիթ ունեցաք այքի անցընելու դաշնագիրը: Այս տրամադրութիւնները Թուրքիոյ դաշնագրին մէջ մեծ մասամբ նոյնն են, ինչ որ էին Գերմանիոյ եւ միւս թշնամի պետութեանց հետ կնքուած դաշնագիրներուն մէջ: Հիմնական անխախտ տրամադրութիւններ են բոլոր Եւրոպայի համար եւ իբր այդ՝ սրբագրելի լոկ Ազգերու Ընկերակցութեան կողմէ: Միւս կողմէ՝ այդ տրամադրութիւնները ենթարկուած են փոխադարձութեան տեսակետի մը, որ նոյնպէս պարտադիր պիտի ըլլայ: Օրինակի համար՝ ինչպէս որ հայեր պիտի մնան Թուրքիոյ

սահմաններուն մէջ, թուրքեր ալ պիտի մնան Հայաստանի սահմաններուն մէջ: Եւ ինչպէս որ թուրքերը պարտաւորութիւններ ստանձնած են իրենց սահմաններուն մէջ մնացած հայ փոքրամասնութեանց մասին, պարտաւորութիւններ պիտի ստանձնէ նաեւ Հանրապետութեան կառավարութիւնը՝ իր սահմաններուն մէջ մնալիք թուրք փոքրամասնութեանց մասին: Առ այս՝ Գերագոյն Խորհուրդը Ամբողջական Հայաստանի Պատուիրակութեանը տուած է օրինագծի պատճէն մը, որուն մէկ օրինակը անցեալ նիստին Դիւանիս յանձնուեցաւ եւ որ այժմ Համագումարի Յանձնաժողովին մօտն է:

Մեր պարտքն է հիմակ խորհիլ, թէ ի՞նչ միջոցներով պիտի կրնանք դաշնագրին այն պակասաւոր կէտերուն սրբագրութեան եւ մեզի համար անելի որոշ ու նպաստաւոր տրամադրութեանց հաստատման աշխատիլ: Դաշնագիրը մեզ տարօրինակ դիրքի մը մէջ դրած է: Անիկա Թուրքիոյ կը ներկայացուի նաեւ մեր անունով, իբր թէ մենք ալ Դաշնակից պետութեանց հետ գլուխ-գլխի աշխատած ըլլայինք անոր պատրաստութեան: Մինչդէռ իրականութիւնը հակառակն է, ինչպէս Պատուիրակութեան Վսեմ. Նախագահը պարզեց մեր անցեալ նիստին մէջ: Ամեն բան խմբագրուած է մեզմէ գաղտնի: Եւ միմակ մեզի չէ եղած ասիկա: Բոլոր պզտիկ ազգերն ալ այդպէս հեռու պահուած են դաշնագրին պատրաստութենէն: Նոյնիսկ Հիճազ, որ մեզի հետ Դաշնակից պետութիւն կը հռչակուի, անտեղեակ էր իր մասին տրուած որոշումներէն, ինչպէս իր ներկայացուցիչներն իսկ անձամբ յայտնեցին ինծի: Եթէ Նախագահ Ուիլսոն Հայաստանի սահմանները որոշելու առթիւ յայտնէ, թէ արդարութիւն չէ, որ Տաճկաստանէ անջատուելով Հայաստանի կցուելիք նահանգները տրուին այն վիճակով, որուն մէջ կը գտնուին այսօր, հաւանական է որ այս արդարացի դիտողութիւնը Գերագոյն Խորհուրդը մղէ մեր տեսակետին համապատասխան կարգադրութիւն մը ընելու: Արդէն օրինակները կան: Գերմանիոյ վրայ պարտք դրուեցաւ վերաշինելու Պէլճիքայի այն մասերը, որոնք քանդուած էին պատերազմին ընթացքին. նաեւ՝ հատուցելու այն արջառները, զորս գրաւած էր: Նմանօրինակ պարտք մըն ալ դրուեցաւ Պուլկարիոյ վրայ՝ Սերպիոյ հանդէպ: Եթէ Նախագահ Ուիլսոն իր պատասխանին հետ այս իմաստով պահանջ մը դնէ, թերեւս անկարելի չդառնայ մեզի ի նպաստ կարգադրութիւն մը ձեռք բերել՝ դրամով եւ կամ արջառ ստանալով, վերոյիշեալ նախընթացներուն հիման վրայ: Պատուիրակութեան Վսեմ. Նախագահն ու նուաստս, ասոր ի նախատեսութիւն՝ անցեալ օր այս գաղափարը յայտնեցինք ամերիկեան դեսպանին: Ըսելէ ետք, թէ շատ գոհ ու երջանիկ ենք, որ Նախագահ Ուիլսոն ընդունեց Գերագոյն Խորհուրդին կողմէ եղած իրաւարարութեան առաջարկն, անլցնուցիւք, թէ այն պայմաններուն մէջ, որոնցմով մեզի կը տրուին այդ նահանգները, շնորհ մը ըլլալէ անելի բեռ պիտի դառնան նորակազմ հայկական պետութեան, քանի որ անոնց մէջ ամեն բան աներակ ըլլալով, հնարաւոր չէ ռեւէ արդիւնաբերութիւն, պարագայ, զոր հաւանականապէս Գերագոյն Խորհուրդը մոռացմամբ նկատի չէ առած: Դեսպանը ամենայն սիրով պատրաստակամութիւն յայտնեց իր կողմէ ամեն ոյժ տալու մեր առաջարկութեան եւ փափաք յայտնեց, որ այդ մասին ծանօթագիր մը տանք իրեն, որպէսզի ամմիջապէս հաղորդէ Ռուշիակթոնի կառավարութեան, ստիպողական կարգադրութիւն մը յանձնարարելով:

Դաշնագրին պակասաւոր կէտերուն նկատառման համար ուրիշ պատեհութիւն մըն ալ կրնան դառնալ այն հակառաջարկները, զորս հաւանական է, որ ընէ Տաճկաստան՝ եթէ առանց բոլորովին մերժելու դաշնագիրը, անոր վերաքննութիւնը պահանջէ: Այդ պարագային հարկաւ մեզի ալ դիւրութիւն կ'ըլլայ մեր տեսակետով գոհացումներ ձեռք բերելու: Միւս կողմէ, դաշնագրին 90-րդ յօդուածը կը տրամադրէ, որ յետագայ դաշնագրութիւններով կարգադրուին այն բոլոր խնդիրները, որոնք կարգադրուած չեն ներկայ դաշնագրով: Աս ալ անշուշտ առիթ կ'ընծայէ թերի խնդիրներու լուծման: Կան նաեւ ինչ-ինչ խնդիրներ, որոնց լուսաբանութեան համար

Գերագոյն Խորհուրդին մեկնաբանութեան դիմելով՝ կրնանք թերեւս լուծել տալ մեր տեսակետներուն համաձայն եղանակով մը:

Ահա՛, Տիար՝ք, ընդհանուր գիծերուն մէջ այս է դաշնագիրը: Անոր մէջ կան բարեփոխման կարեւոր կէտեր, եւ ինչպէս քիչ առաջ ըսի, բարեփոխելու եղանակներ չեն պակսիր: Նոր ջանքեր պէտք են անշուշտ, ջանքեր, որոնք պէտք է ըլլան շուտով: Եւ տարակոյս չկայ, որ ո՛չ ոք սասնկ թոպի մը պիտի թերանայ իր պատուաւորութեանց մէջ: Մարթենք միայն եւ ջանանք, որ հաշտութեան խնդիրը շուտով հասնի իր վախճանին, որովհետեւ, եթէ երկարի՝ հետեւանք լաւ չպիտի ըլլայ մեր եղբայրներուն համար, որոնք անդին, մեծ մասամբ անօթի ու անապաւէն կը մնան, ոմանք տակաւին անապատները, վրաններու տակ, ուրիշներ նոյնիսկ վրանէ ալ զուրկ, ձեռքերին բաց, եւ որոնք մեծ ակնկալութիւններով կը նային Եւրոպայի, թերեւս կը նային նաեւ Ազգ. Պատուիրակութեան եւ Համագումարիս ալ, վայրկեան մը առաջ դարման մը սպասելով իրենց ողբալի դրութեան: Պէտք է, ուրեմն, որ երկրորդական պատճառներով չյամենայ այս խնդիրն կարգադրութիւնը, դաշնագիրը ստանայ վերջնական հանգամանք, Հայաստան օժտուի բնականոն վիճակով մը եւ կարելի ըլլայ փրկել կեանքերը, որոնք վտանգի մէջ են: Ներկայիս՝ ամենէն անհրաժեշտ բանը այս է: Դժբախտաբար, զինադադարէն ի վեր մէկ ու կէս տարի անցաւ ապարդիւն եւ այս մէկ ու կէս տարիները քանի մը հարիւր հազար անձի կորուստ արժեցին մեզի, ինչպէս տխուր առիթը ունեցան ստուգելու ամեն անոնք, որոնք Հայաստան այցելեցին: Եւ այս կորուստը միշտ պիտի բազմապաքթուի, քանի յամենայ դաշնագրին վաւերացումն ու գործադրութիւնը:

Տիար Ա. Թերզիպաշեան. Ըստ իս՝ դաշնագրին Հայաստանի վերաբերեալ յօդուածներու թերութիւնները ձեւական բնոյթ չունին լոկ: Ընդհակառակը, կը պնդեն, որ այդ յօդուածներուն մէջ թողուած է Թրքահայաստանի հարցը: Ի՞նչ կ'ըսէ 88-րդ յօդուածը. «Թուրքիա յանձն կ'առնէ ճանչնալ Հայաստանը իբր ազատ եւ անկախ պետութիւն, ինչպէս ճանչցած են Դաշնակից պետութիւնները»: Արդ, Դաշնակից պետութիւնները հետեւեալ ֆորմուլով ճանչցած էին Հայաստանի անկախութիւնը. «Հայկական պետութեան կառավարութիւնը գոյապէս ճանչցուած է: Այս ճանաչումը չի կանխորոշեր այս պետութեան ապագայ սահմաններու խնդիրը»: Հետեւաբար, Թուրքիա, ստորագրելով դաշնագիրը, ճանչցած պիտի ըլլայ միայն այն Հայաստանը, զոր Դաշնակիցները իրենք ճանչցած էին, այսինքն՝ Երեւանի Հանրապետութիւնը իր արդի սահմաններուն մէջ: 89-րդ յօդուածին մէջ ուր, կը կարծենք, թէ Թրքահայաստանի հարցը վճռուած է, մենք ոչինչ կը տեսնենք որոշ. այնտեղ վճռուած սկզբունք մը գոյութիւն չունի. հիմ մը չէ դրուած. յօդուածը լոկ սահմանագծութեան վերաբերող անորոշ տրամադրութիւն մը ունի: Քննենք, թէ ի՞նչ կըսէ այդ յօդուածը. «Թուրքիա եւ Հայաստան, ինչպէս նաեւ ստորագրող միւս կողմերը, կը համաձայնին Ամերիկայի Նախագահին իրաւարարութեան ենթարկել Թուրքիոյ եւ Հայաստանի սահմաններուն գծունը, Երզրումի, Վանի, Պիթլիսի եւ Տրապիզոնի վիլայեթներուն մէջ»: Եթէ դաշնագիրը ուզած ըլլար Թրքահայաստանի մասին վճռական բան մը ըսել, պէտք է ըսեր, թէ Թուրքիա կ'ընդունի վերոյիշեալ չորս վիլայեթներու մէջ անկախ Հայաստանի մը գոյութիւնը, որուն կը միանայ Ռուսական Հայաստանը, կամ որ կը միանայ Ռուսական Հայաստանին: Այս վերջին զանազանութիւնը հիմա չենք փնտռեր, որովհետեւ դաշնագրին մէջ հարցին եւութիւն իսկ ուրացուած է: Սկզբունքային այսպիսի որոշում մը արձանագրել վերջ էր, որ սահմանագծունը կարելի էր ենթարկել նեւ իրաւարարութեան: Այդպիսի բան մը եղած չէ դաշնագրին մէջ: Այն հարցը, որ միջազգային իրադարձութեանց մէջ յաջորդաբար նուիրագործուած էր 61-րդ յօդուածով, Մայիսեան ծրագրով, Յունուարի ռեֆորմներով եւ որուն համար միլիոնաւոր կեանքեր զոհուեցան, թողուած է դաշնագրին մէջ: Դաշնագրին 89-րդ յօդուածին մէջ սահմանագծման պայման կայ միայն, ուրիշ ոչինչ. եւ այդ պայմանը դրուած է շատ աղօտ կերպով, առանց վերապահումներու, այնպէս որ եթէ Նախագահ

Ուիլսոն չընդունի իրաւարարութեան առաջարկը, կամ հիւանդանայ, հրաժարի, եւ կամ եթէ քաղաքական անցքեր անհնար դարձնեն այդ իրաւարարութիւնը, ո՛չ մէկ միջոց չի մնար, ո՛չ մէկ ուրիշ ճանապարհ չի ստեղծուիր, քանի որ դաշնագրին մէջ էութիւն մը չէ վճռուած, այլ լոկ՝ մանրամասնութիւն մը: 89-րդ յօդուածին մէջ չկայ նաեւ այն տեսակ տրամադրութիւն մը, որ պարտաւորութիւնը դնէր իրաւարարութեան վրայ յիշեալ չորս վիլայեթներէն անպատճառ հողամասեր միացնելու համար Հայաստանի:

Միւս կողմէ՝ 90-րդ յօդուածին սկիզբը ըսուած է. «Այն պարագային, եթէ այդ վիլայեթներուն մէկ մասը կամ ամբողջութիւնը [փոխուի]» նաեւ՝ 91-րդ յօդուածին սկիզբը՝ «Եթէ ռեւէ հողամաս մը Հայաստանի կցուի». ինչ որ կ'ենթադրէ, թէ չկցուելու պարագան ալ նախատեսուած է: Եթէ հարցը վճռուած ըլլար ըստ էութեան, այնպէս ինչպէս վերը բացատրեցի, ո՛չ միայն փրկուած կ'ըլլար, այլ նաեւ իրաւարարութեան անպայման կերպով յապաղման կամ ըստ կամս մեկնուելուն վտանգներն ալ գոյութիւն չէին ունենար: Մինչդէռ հիմա, հարցը ուրացուած է, եւ այդ չորս յօդուածներուն մէջ մէկ որոշ բան միայն ըսուած է, այն՝ թէ կը ճանչնան Ռուսահայաստանի անկախութիւնը. գոյապէ՛ս թէ իրաւապէ՛ս խնդիր չէ, որովհետեւ մէկ կամ միւս ձեւով այդ Հայաստանը կապուած է Ռուսաստանի պայմաններուն հետ եւ ենթակայ կը մնայ անոր կոտորածներէն: Մենք ուրախ ենք անշուշտ, որ ճանչցուած են Հայկ. Հանրապետութեան շատ մը իրաւունքներ, բայց չենք կրնար անտեսել, թէ Դաշնակիցները չեն վճռած Հայկական Հարցին այն մասը, որուն բախտը լրիւ կախուած կը մնար իրենց որոշումէն, թէ անոնց կողմէ տրուած որոշումը այդ մասին աղօտ է եւ անբաւարար: Կ'առաջարկենք, ուրեմն, անմիջապէս դիմում կատարել, եւ եթէ, ինչպէս ոմանք կը կարծեն, եղածը խմբագրութեան ձեւական թերութիւն մըն է, աշխատիլ, որ այդ թերութիւնը սրբագրուի: Ամեն պարագայի մէջ, ըլլա՛յ խմբագրութեան թերութիւն, ըլլա՛յ նպատակաւոր անտեսում, անհրաժեշտ է կատարել բոլոր ջանքերը որպէսզի մասնաւոր յօդուածի մը մէջ յիշատակուի եւ վճռուի Թրքահայաստանի անկախութեան հարցը:

Տիար Թերզիպաշեանի այս յայտարարութեան վրայ տեղի ունեցաւ կարծեաց փոխանակութիւն մը՝ մասնաւորաբար Թրքահայաստանի հարցին եւ անոր էութեան սպառնացող վտանգին նկատմամբ: Տիարք Տեր-Ստեփանեան եւ Արտուազդ Հանրմեան այդ մասին համակարծիք ըլլալով Տիար Թերզիպաշեանի, միեւնոյն կերպով շեշտեցին ազդու եւ անմիջական դիմումներ ընելու անհրաժեշտութիւնը: Փակաք յայտնուեցաւ այս առթիւ, որ աշխատուի Նախագահ Ուիլսոնի իրաւարարութեան վճիռը ունենալ դաշնագրին ստորագրութեան թուականէն առաջ: Ազգ. Պատուիրակութեան Նախագահ Վսեմ. Պօղոս Փաշա Նուպար յայտարարեց, թէ նախապէս այն վստահութիւնն ունէին, որ մինչեւ դաշնագրին ստորագրութեան թուականը Նախագահին վճիռը հասած կ'ըլլայ, բայց երկու օրէ ի վեր միայն յայտնի եղաւ, որ պիտի հասնի աւելի ուշ, դաշնագրին ստորագրութենէն տեք, ինչ որ, յարեց, նոր վտանգ մը կը ստեղծէ մեր դատին համար: Ն. Վսեմութիւնը յայտնեց, թէ ջանք չի խնայուիր նաեւ այս վտանգը հեռացնելու համար, ո՛չ միայն այստեղ, այլ նաեւ Ամերիկայի մէջ, դիւանագիտական եւ զինուորական առաքելութեանց կողմէ:

Համագումարը որոշեց, որ պատգամաւորներն աճուրդ, որ կը փակաքին, կարենան ներկայ գտնուիլ այն աշխատութեանց, զորս պիտի կատարէ օրէնսդէտներու մասնախումբը, որուն կազմութիւնը ժամուցած էր Վսեմ. Նախագահը: Համագումարը որոշեց նաեւ, որ այդ մասնախումբին խորհրդակցութեանց արդիւնքը, Ազգ. Պատուիրակութեան կարծիքին հետ, ներկայացուի ժողովին քննութեան:

Նիստը փակուեցաւ ժամը 7 1/2-ին:

ՀԱԱ, ֆ. 430, ց. 1, գ. 59, թթ. 25-44: Ձեռագիր: Բնագիր:

28 Մայիս 1920, ժամը 4-ին,  
նախագահութեամբ Տիար Գ. Սինապեանի:

Ներկայ էին 18 պատգամաւոր՝

Տիարը՝ Աղաթօն Պէյ, Տոքթ. Ա. Բարսեղեան, Անն. Դուրեան Արքեպիսկոպոս, Դաւիթ-Բէկ, Թերզիպաշեան, Վահան Թէքեան, Բրօժ. Թումայեան, Արտաւազդ Զանըմեան, Սաըրը Պէյ, Տոքթ. Նելսոն, Վսեն. Պօղոս Փաշա Նուպար, Զօպանեան, Սինապեան, Տէրպետրեան, Ն. Տէր-Ստեփանեան, Տեօվլէթեան, Ֆնտօլեան Գառնիկ:

## ՕՐԱԿԱՐԳ

1. Շարունակութիւն վիճաբանութեան Ազգ. Պատուիրակութեան համարատուութեան

2. Տեղեկագիր հաշուական գործառնութեան Ազգ. Պատուիրակութեան

3. Տեղեկագիր Կազմական Կանոնագրի Յանձնախումբին

4. Վերակազմութիւն Ազգ. Պատուիրակութեան

## ԱՏԵՆԱԿԱՆ ԳՈՐԾՈՂՈՒԹԻՒՆՆԵՐ

### 1. Ընթերցում ատենագրութեան

Կարդացուեցան եւ վաւերացուեցան Մայիս 21-ի, Մայիս 22-ի, Մայիս 26-ի ճիստերուն ատենագրութիւնները:

### 2. Խնդիր մանտայի հարցին նկատմամբ Ամերիկայի մէջ եղած յայտարարութեան

Ազգ. Պատուիրակութեան անդամները, ինչպէս Զամագումարի Նախագահ Վսեն. Տիար Գաբրիէլ Նորատունկեան, կարեւոր խորհրդակցութեան մը համար ստիպուած ըլլալով բացակայիլ, որոշուեցաւ օրակարգի չանցնիլ:

Տիար Աւետիս Թերզիպաշեան ժողովին ուշադրութիւնը հրաւիրեց Ուաշինկթօնէն «Նիւ Եորք Զերալտ»-ի ուղղուած Մայիս 27 թուակիր հետեւեալ հեռագրին վրայ.

«Ուաշինկթօն, 27 Մայիս. 4-ի դէմ 11 քուէով Ծերակոյտի Արտաքին Գործոց Յանձնախումբը ընդունեց Քոնցրէսի իր ծերակուտական Մր. Պրենճիի որոշումնագիրը, որով Յանձնաժողովը յարգալից կերպով կը մերժէ Միացեալ Նահանգները արտօնել՝ ընդունելու Զայաստանի մանտան:

Առտու կանուխ՝ երզրումի Եպիսկոպոսը տեսակցութիւն մը ունեցաւ ծերակուտական Լօճի հետ եւ թարգմանի մը միջոցաւ անոր տեղեկացուց, թէ հայերը չեն ուզեր, որ Միացեալ Նահանգները մանտան ընդունին, զգալով որ մանտային ընդունելութիւնը զիրենք հպատակները պիտի դարձնէ այդ երկրին, մինչդեռ իրենք կատարեալ անկախութիւն կը պահանջեն»:

Պ. Թերզիպաշեան՝ յայտնելէ ետք, թէ հեռագրին մէջ յիշատակուած «երզրումի Եպիսկոպոս» բառերը սխալի մը արդիւնք են, եւ պէտք է ըլլան «Երեւանի Եպիսկոպոս», աւելցուց, որ խնդիրը կը դառնայ Երեւանի Առաջնորդ Մուրատբէկեան խորէն Եպիսկոպոսի վրայ եւ թէ անոր կողմէ Մր. Լօճի մօտ կատարուած այդ դիմումը կը ստեղծէ նոր ու շատ ծանր բարդութիւն մը, որու մասին անհրաժեշտ է, որ Զամագումարը խորհրդակցի Ազգ. Պատուիրակութեան հետ:

Ժողովականներէն ոմանք կասկած յայտնեցին հեռագրին ճշդութեան մասին եւ պէտք տեսան, որ ստուգուի: Անն. Դուրեան Արքեպիսկոպոս, յայտնելով, թէ այդ

տեսակ յայտարարութիւն մը կը հակասէ ազգին հետեւած ուղղութեան, եւ կրնայ ծանր անպատեհութեանց ծնունդ տալ, առաջարկեց անմիջապէս հերքում մը տալ:

Խնդիր եղաւ նաեւ, թէ խորէն Եպիսկոպոս ի՞նչ հանգամանք ունի: Տիար Թերզիպաշեան ըսաւ, որ մինակ Վեհ. Կաթողիկոսին ներկայացուցիչը չէ, ինչպէս կ'ըսէր Տիար Ա. Բարսեղեան, այլ նաեւ Երեւանի կառավարութեան: Նոյնը հաստատեցին նաեւ Տիարը Բրօժ. Թումայեան եւ Գառնիկ Ֆնտօլեան, յայտնելով, որ խորէն Եպիսկոպոս Լոնտոնի մէջ անծանր իրենց ըսած է այդպէս ըլլալը:

Ազգ. Պատուիրակութեան Նախագահը՝ Վսեն. Պօղոս Փաշա ժողովարահ մտնելով, իսկոյն յայտարարեց, թէ Պատուիրակութիւնը նոյնպէս յուզուած էր կարողալով այդ անհաւատալի լուրը, զոր կը հաստատէր Պատուիրակութեան Ամերիկայի ներկայացուցիչ Տիար Միհրան Սվազըի կողմէ Ուաշինկթօնի նոյն օրուան թուակազմով տրուած հետեւեալ հեռագիրը.

«Ուաշինկթօն, 27 Մայիս. Ն. Վսենութիւն Պօղոս Փաշա, Բարիզ.

«Փաստրմաճեան, Գարտաշեան եւ Երեւանի Արքեպիսկոպոսը այսօր իմացուցին Լօճին եւ ուրիշ ծերակուտականներու, որ հայերը չեն ուզեր Ամերիկայի «մանտա»ն: Խնդրեն, հեռագրեցէ՛ք Պատուիրակութեան հրահանգները այս ստիպողական հարցի մասին»:

/ստորագրութեամբ / Միհրան Սվազը

Այս հեռագիրը կարդալէ վերջ, Վսեն. Պօղոս Փաշա յայտնեց, թէ պարագան ծանր էր եւ ամեն իրաւունք ունեին վողովուելու, նկատի առնելով մանաւանդ Տիար Փաստրմաճեանի պաշտօնական դիրքը: Տիար Փաստրմաճեան Զանրապետութեան ներկայացուցիչը ըլլալով Ամերիկայի մէջ, իր կողմէ եղած մանօրինակ յայտարարութիւն մը շատ փափուկ ու վտանգաւոր կացութեան մը կը մատնէր հայ ազգը թէ՛ Գերագոյն խորհուրդին հանդէպ, որ ազգին ներկայացուցիչներու խնդրանքին վրայ՝ ծանօթ նոր դիմումը ըրած էր Նախագահ Ուիլսոնի, որպէսզի Ամերիկա ընդունի Զայաստանի «մանտա»ն, եւ թէ՛ Նախագահ Ուիլսոնի հանդէպ, որ դեռ նոր-նոր, այնքան գեղեցիկ եւ յուզիչ կերպով մը արտայայտուած էր ի նպաստ Զայաստանի «մանտա»-յին ընդունելութեան:

Տիար Թերզիպաշեանի այն դիտողութեան վրայ, թէ չի՞ կարծեր, որ Տիար Փաստրմաճեան այդ յայտարարութիւնը ըրած ըլլայ առանց իր կառավարութենէն հրահանգ ունենալու, Վսեն. Պօղոս Փաշա ըսաւ, թէ այդ մասին ապահովուելու համար իր դիրքը շեշտեց, որ Ամբողջական Զայաստանի Պատուիրակութիւնը իսկոյն գումարում մը ունենայ: «Ե՛րբ այդ գումարումն կ'ելլենք», - յարեց Ն. Վսենութիւնը, աւելցնելով, որ Զանրապետութեան Պատուիրակութեան Նախագահ Տիար Ահարոնեան, յայտնելով, թէ բնաւ տեղեկութիւն չունի Տիար Փաստրմաճեանի կողմէ եղած դիմումին, ինչպէս նաեւ այդ մասին Երեւանի կառավարութենէն տրուած հրահանգի մը նկատմամբ, փութաց ստորագրել հետեւեալ հիմնագիրը, զոր պէտք տեսանք Ամբողջական Զայաստանի Պատուիրակութեան անունով դրկել Ամերիկեան Մամուլի Ընկերակցութեան.

«Փարիզ, 28 Մայիս 1920. Մամուլի Ընկերակցութեան /Association of Press/, Նիւ Եորք.

Ձարմացմամբ կարդացինք «Նիւ Եորք Զերալտ»ի այն լուրը, թէ հայ Եպիսկոպոս մը յայտարարած է, որ հայերը չեն ուզեր Ամերիկայի «մանտա»ն: Ամբողջական Զայաստանի Պատուիրակութիւնը ո՛չ մէկ անձի իրաւասութիւն տուած է ընելու այդ տեսակ յայտարարութիւնը մը, որ կը հակասէ մեր ժողովուրդին միահամուռ իղձերուն: Մեր ժողովուրդը վստահութեամբ կը սպասէ Ամերիկեան Ծերակոյտին նպատաւոր պատասխանին՝ ի մասին խաղաղութեան Վեհաժողովին կողմէ Զայաստանի «մանտա»յին կամ Զայաստանի օգնելու համար եղած առաջարկութեան»:

Ամբողջական Զայաստանի Պատուիրակութեան կողմէ

Ահարոնեան Նուպար  
Համագումարը համամտութիւն յայտնեց այս հիմնագրին անհրաժեշտութեան  
նկատմամբ: Վսեմ. Պօղոս Փաշա ծանուցած ըլլալով, թէ Տիար Ահարոնեան հեռագրով  
տեղեկութիւն պիտի խնդրէ Տիար Փաստրմաճեանէն՝ Համագումարը, Տիար Գառնիկ  
Ֆնտզլեանի առաջարկութեան վրայ, որոշեց Տիար Փաստրմաճեանի պատասխանին  
սպասել, այս խնդրին անդրադարձնալու համար:  
Նիստը փակուեցաւ ժամը 6-ին:

ՀԱԱ, ֆ. 430, ց. 1, գ. 59, թթ. 45-50: Ձեռագիր: Բնագիր:

### Նիստ Ը

1 Յունիս 1920, ժամը 3 ½-ին,  
նախագահութեամբ Վսեմ. Տիար Գ. Նորատունկեանի:

Ներկայ էին 19 պատգամաւոր՝  
Ամեն. Դուրեան Արքեպիսկոպոս, Տիարք Աղաթօն Պէյ, Բարսեղեան, Դաւիթ-Բէկ,  
Թէրզիպաշեան, Թէրքեան, Թումայեան, Հանրմեան, Սաըրլը Պէյ, Տոքթ. Ներուզ,  
Ներսէսեան Խան, Վսեմ. Նորատունկեան, Վսեմ. Պօղոս Նուպար Փաշա, Զօպանեան,  
Սինապեան, Տէրպտերեան, Տէր-Ստեփանեան, Ֆնտզլեան:

### Օրակարգ

1. Տեղեկագիր Ազգ. Պատուիրակութեան Բժշկական Յանձնաժողովին:
2. Տեղեկագիր Ազգ. Պատուիրակութեան Բրոքականի Յանձնաժողովին:
3. Շարունակութիւն վիճաբանութեան Ազգ. Պատուիրակութեան  
համարատուութեան:
4. Տեղեկագիր հաշուական գործառնութեանց Ազգ. Պատուիրակութեան:
5. Տեղեկագիր Ազգ. Պատուիրակութեան Կազմական Կանոնագրի  
Յանձնաժողովին:
6. Վերակազմութիւն Ազգ. Պատուիրակութեան:

### ԱՍԵՆԱԿԱՆ ԳՈՐԾՈՂՈՒԹԻՒՆՆԵՐ

1. Ընթերցում եւ վաւերացում ատենագրութեան  
Կարդացուեցաւ եւ վաւերացուեցաւ Մայիս 28-ի նիստին ատենագրութիւնը:
2. Խնդիր մանտայի հարցին նկատմամբ Ամերիկայի մեջ եղած  
յայտարարութեան  
Ազգ. Պատուիրակութեան Նախագահ Վսեմ. Պօղոս Փաշա Նուպար  
Համագումարին Մայիսի 28-ի նիստին որոշման համաձայն, հաղորդեց հետեւեալ  
հեռագիրը, զոր Պատուիրակութեան Ամերիկայի ներկայացուցիչ Տիար Սիիրան  
Սվազլը դրկած էր ի պատասխան Ն. Վսեմութեան հեռագրին:  
«Ուաշինկթոն, անթուական (հեռագիրը ստացուած է Մայիս 30-ին), Պօղոս  
Նուպար, Փարիզ.  
«Տիար Փաստրմաճեան այսօր հաղորդեց ինձի, թէ սխալ տեղեկութիւն  
ստացած եմ եւ անջատ կէտը բացատրեց հետեւեալ կերպով: Կաթողիկոսին  
կոնդակները Լօճ եւ Գիլքըք ծերակուտականներուն մատուցած միջոցին՝  
Արքեպիսկոպոսը յոյս յայտնած է, թէ Ամերիկա պիտի շարունակէ իր օգնութիւնը  
Հայաստանի: Ամերիկեան Քոմիթէին անունով Գարտաշեան յայտարարած է  
ծերակուտականներուն, թէ Նախագահին պատգամագրին մերժումը աղիտաբեր պիտի

ըլլայ Հայաստանի, եւ եթէ ատ մանտան մերժուի, պէտք է ձեռք առնեն միջոցներ,  
որպէսզի Նախագահը իրաւունք ունենայ Հայաստանի օգնելու»:

Սիիրան Սվազլը

Համագումարու խնդիրներին վրայ՝ Վսեմ. Պօղոս Փաշա բերանացի հաղորդեց  
նաեւ Տիար Փաստրմաճեանի կողմէ Հանր. Պատուիրակութեան Նախագահ Տիար  
Ահարոնեանի հասած հետեւեալ հեռագիրը.

«Ո՛չ մէկ յայտարարութիւն եղած է մանտայի դէմ, բրովոքասիոն մըն է»:

Մէկ քանի պատգամաւորներ դիտողութիւն ըրին, թէ «բրովոքասիոն» բառը  
ճիշդ չէ եւ թէ եղածը սխալում մըն է: Դարձեալ ուրիշ պատգամաւորներ դիտել տուին,  
թէ Տիար Սվազլը պէտք էր նախապէս խնդիրը ստուգել վերջ հեռագրեր:

Պատուիրակութեան Նախագահ Վսեմ. Պօղոս Փաշա կարդաց նաեւ հետեւեալ  
հեռագիրը, զոր ուղղած էր Տիար Մ. Սվազլի, վերոյիշեալ հեռագրին ի պատասխան.

«1 Յունիս 920. Սվազլը, Ուաշինկթոն.

Ստացայ ձեր հեռագիրը, որով կը հաղորդէ Փաստրմաճեանի գոհացուցիչ  
բացատրութիւնները, բայց չէք բացատրեր, թէ ինչպէ՞ս կրցաք առանց կանխաւ քննելու  
հեռագրել այդ աստիճան խորապէս անճիշդ լուր մը, որ կրնար ծանր հետեւանքներու  
ծնունդ տալ մեր միջեւ:

Նուպար»

Համագումարը գոհացուցիչ գտաւ Ն. Վսեմութեան այս հեռագիրը եւ միջադէպը  
փակուած նկատեց:

### Օրակարգ

1. Տեղեկագիր համարատուութեան Ազգ. Պատուիրակութեան Բժշկական  
Յանձնաժողովի:  
Ազգ. Պատուիրակութեան համարատուութեան վիճաբանութեան անցնելէ  
առաջ, կարդացուեցաւ Պատուիրակութեան Բժշկական Յանձնաժողովի  
գործունէութեան մասին հետեւեալ տեղեկագիրը, որուն տեղեկաբերն էր Տիար Տոքթ.  
Ներուզ:

### Տեղեկագիր

Տեղեկագրին ընթերցումէն ետք, Տիար Տոքթ. Ներուզ բերանացի  
տեղեկութիւններ տուաւ Համագումարին կարգ մը կէտերու մասին որոնք չէին  
յիշատակուած տեղեկագրին մէջ: Նախ յայտնեց, թէ Տիար Տոքթ. Արթինեան, որ իբր  
պետ Կիլիկիոյ Բժշկական Առաքելութեան Կիլիկիա պիտի երթար եւ այդ պատճառաւ  
Պոլսոյ մէջ ունեցած պաշտօնէն հրաժարելով եկած էր Փարիզ՝ Պատուիրակութեան  
հրահանգները ստանալու, վերջին պահուն անձնական հարկեցուցիչ պատճառով մը  
ետ կեցած էր երթալէ, որով Ազգ. Պատուիրակութիւնը անոր տեղ նշանակած էր  
վիրաբույժ-մանկաբարձ Տիար Տոքթ. Զաւուշեանը: Տիար Տոքթ. Ներուզ այդ առթիւ  
յայտնեց, թէ Տոքթ. Զաւուշեան Ատանայի հիւանդանոցին մէջ պիտի ստանձնէ  
վիրաբուժական ճիւղը, Տոքթ. Տամլամանեան ներքին հիւանդութեանց ճիւղը, իսկ իբր  
վարիչ-տեսուչ պիտի նշանակուի տեղացի ձեռնահաս անձնաւորութիւն մը, որուն  
ընտրութիւնը Պատուիրակութիւնը թողած է Ամբողջական Հայաստանի  
Պատուիրակութեան Կիլիկիոյ ներկայացուցիչ Տիար Մ. Տամատեանի, որ անշուշտ  
տեղական ազգ. մարմիններու գործակցութեամբ պիտի յաջողի յարմար անձ մը կոչել  
այդ պաշտօնին: Գալով Առաքելութեան Կիլիկիա գտնուող անդամներուն, անոնք, ըստ  
առաջնոյն, կը մնան իրենց պաշտօնին գլուխը: Տիար Տոքթ. Ներուզ այս առթիւ  
մասնաւոր շնորհակալութեամբ մը յիշատակեց ծանօթ դեղագործ Տիար Լաքրուան,  
որ միշտ նամակագրութեամբ գործակցած էր Բժշկական Յանձնաժողովին, Բարիզի



Service Sanitaire-ի տնօրէն Տիար Կօթիէն, որ ամենամասնատուր պայմաններով դեղեր տրամադրած էր Կիլիկիոյ Ազգ. Առաքելութեան համար, Մարսիլիոյ Ազգ. Միութեան Նախագահ Տիար Սաաթեանը, որ թէ՛ Առաքելութեան անդամներուն եւ թէ՛ դեղերու առաքման առթիւ ամեն տեսակ դիւրութիւն ընծայած էր, ինչպէս նաեւ Տիար Արտաւազդ Գանըմեանը, որ անձնուիրաբար ստանձնած էր Բժշկական Յանձնաժողովին քարտուղարութեան ամբողջ աշխատութիւնը: Տիար Տոքթ. Ներուզ ի վերջոյ շնորհակալութիւն յայտնեց նաեւ Ֆրանսական կառավարութեան որ ո՛չ միայն իր շնորհակալութեամբ վրայ մասնաւոր տեղ տրամադրած էր Առաքելութեան անդամներուն համար, այլ նաեւ առաջին անգամ մեկնող անդամներէ վարձք ալ չէր առած Կիլիկիա փոխադրելու համար:

Տիար Աղաթօն Պէյ. Արդեօք ֆրանսական կառավարութիւնը ինք իր ծախսերով Ատանայի մէջ կամ այլուր հիւանդանոց կամ դարմանատուն հաստատե՞ց:

Տիար Տոքթ. Ներուզ. Ո՛չ: Ատանայի մէջ կար արդէն թաղապետական հիւանդանոց մը, զոր ֆրանսական իշխանութիւնները կը տնտեսեն: Աւելի շատ կայ նաեւ ամերիկեան հիւանդանոցը, որ սակայն մատչելի չէ կարօտ ժողովուրդին:

Տիար Աղաթօն Պէյ. Տեղեկագրին նշած դարմանատուներուն մէջ Բժշկական Առաքելութեան անդամներէն ոչ ոք պաշտօնի չանցա՞ւ:

Տիար Տոքթ. Ներուզ. Ամենին ալ իրենց պաշտօնն ունեին: Ատանայէ դուրս՝ պէտք եղաւ Առաքելութեան աւելցնել [հեռու] տեղացի բժիշկներ:

Տիար Աղաթօն Պէյ. Շարունակ կը լսենք, թէ դեղի անմիջական կարօտութիւն կայ Կիլիկիոյ մէջ: Կը փափաքէի գիտնալ, թէ այստեղ հայթայթուած դեղերը ատենին հասա՞ն Կիլիկիա:

Տիար Տոքթ. Ներուզ. Գոնէ կրնամ ըսել, թէ այդ մասին ոեւէ ջանք չխնայուեցաւ: Դեղերը միշտ յարմար ատենին ղրկուեցան, բայց, հակառակ նոյնիսկ Տիար Սաաթեանի կողմէ Մարսիլիոյ մէջ շրայուած անխոնջ աշխատութեանց, երբեմն սնտուկներու առաքումը յապաղեցաւ:

Տիար Աղաթօն Պէյ. Դրկուած բժիշկները պէտք եղած արդիւնքը տուի՞ն:

Տիար Տոքթ. Ներուզ. Ամենքն ալ իրենց կարողութեան չափով աշխատած են: Թեւեւ եղան պզտիկ զանցառութիւններ, բայց կարելի դարձաւ շուտով դարմանել: Ասոր հետ մէկտեղ՝ միշտ պէտք կայ վարիչ բժշկապետի մը:

Տիար Վահան Թէքեան. Առաքելութեան բոլոր անդամներն ալ կը շարունակե՞ն իրենց պաշտօնը:

Տիար Տոքթ. Ներուզ. Տիարք Տոքթ. Սանկրեան եւ Վարդանեան մեկնած են, իսկ ժնեւէն գացողները կը փափաքին հեռանալ, բայց բժշկապետին ժամանման կը սպասեն, որպէսզի իրենց տեղ ուրիշներ նշանակէ եւ սպասարկութիւնը չկասի:

Տիար Վահան Թէքեան. Այդ պարագաները պէտք էին յիշատակուած ըլլալ տեղեկագրին մէջ:

Ամեն. Դուրեան Արքեպիսկ. Կարդացուած տեղեկագիրը Բժշկական Առաքելութեան գործունէութիւնը կը պարթերացնէր մինչեւ այն թուականը, որ Տոքթ. Ղազարոսեան մեկնած էր Կիլիկիայէն: Անկէ ի վեր ամիսներ անցած են եւ այս վերջին շրջանին մէջ Առաքելութեան ունեցած գործունէութեան նկատմամբ ո՛չ մէկ յիշատակութիւն կայ: Տեղեկագիրը միւս կողմէ պէտք ցոյց կու տայ Առաքելութեան յարթացուած ամսավճարը բարձրացնելու, բայց լաւագոյն չէ՞ր, որ արթ առաջ տեղեկութիւն առնուէր, թէ ի՞նչ է Առաքելութեան արդի գործունէութիւնը: Ո՞վ կ'երաշխաւորէ, թէ անիկա լիապէս կը կատարէ իրեն վստահուած գործը:

Տիար Տոքթ. Ներուզ. Ճիշդ է, որ տեղեկագրին մէջ յիշատակուած է միայն Առաքելութեան մինչեւ Օգոստոսի վերջ ունեցած գործունէութիւնը, բայց եթէ անկէ ասդին եղածին նկատմամբ մանրամասնութիւն չկայ, պատճառը սա է, որ տեղեկութիւն չէ հասած մեզի: Մեզ հասած նամակներէ իմացած ենք, որ գործը իր առջի վիճակով կը շարունակուի Կիլիկիոյ ամեն կողմը, բացի Մարաշէ, ուր վերջին դէպքերուն եւ

կտորածին պատճառաւ ամեն բան տակն ու վրայ եղաւ: Ի բացակայութեան բժշկապետին՝ Տոքթ. Տանլամանեան, Տոքթ. Գրիգորեան եւ Տոքթ. Սնացականեան ձեռք-ձեռքի կ'աշխատին Առաքելութեան գործը արդիւնաւետելու համար: Միակ մեղադրանքը, զոր կարելի է ընել իրենց՝ տեղեկագիր չըրկելն է: Տոքթ. Սնացականեանի կողմէ վերջերս ստացած ենք նամակ մը, որով կը ծանուցանէր, թէ ընդարձակ եւ մանրամասն տեղեկագիր մը դրկած է, բայց դժբախտաբար չէ հասած մեր ձեռքը: Ապահովաբար կորուած պէտք է ըլլայ:

Վսեմ. Տիար Գ. Նորատունկեան. Կիլիկիոյ Վեհ. Կաթողիկոսը տեղեկագիր չբերա՞ւ իրեն հետ Բժշկական Առաքելութեան կողմէ:

Տիար Տոքթ. Ներուզ. Կը սպասէինք, բայց յուսախաբ եղանք:

Վսեմ. Տիար Գ. Նորատունկեան. Այս գործը 14 ամէ ի վեր սկսած է, բայց միայն երեք ամսուան գործունէութեան հաշուետուութիւն մըն է եղածը: Անիկա անբաւական է անշուշտ Առաքելութեան մասին լիակատար կարծիք մը կազմելու համար:

Տիար Վահան Թէքեան. Տեղեկագրին մէջ շատ մանրամասնութիւններ կան հիւանդանոցներու, դարմանատուներու, դեղատուներու, նոյնիսկ դեղատուներու կողմէ պատրաստուած դեղագիրներու թիւին նկատմամբ, բայց չէ յիշուած, թէ ասոնցմէ իւրաքանչիւրին համար ի՞նչ ծախսուած է, ի՞նչ ծախք կ'ըլլայ բժիշկներուն համար: Չեն յիշատակուած տակաւին ասոնց նման կարգ մը անհրաժեշտ մանրամասնութիւններ, որոնցմով կարելի պիտի ըլլար լիովին գաղափար մը կազմել Առաքելութեան ձեռնարկին նկատմամբ:

Տիար Տոքթ. Ներուզ. Յիշատակուած են այն տեղեկութիւնները, որոնք մեզի հասած էին մինչեւ Օգոստ. 31, անկէ ասդին՝ մանրամասնութիւն չունինք: Առաքելութեան ամսական ծախքը՝ 25000 ֆրանք, կանոնադրապէս ղրկուած է միշտ: Ապրիլին՝ Տիկին Եսայեան եւ Տոքթ. Սնացականեան գրած էին, թէ մէկ կողմէ տիրող սղութեան եւ միւս կողմէ ֆրանքի արժէքին անկման պատճառաւ չի բաւեր այդ գումարը, եւ խնդրած էին, որ գոյացած բացը զոցելու համար 30000 ֆրանքի բարձրացուի:

Վսեմ. Տիար Գ. Նորատունկեան. Քանի որ Տիկին Եսայեանի եւ միւսներուն նամակները կը հասնին, ինչպէ՞ս կ'ըլլայ, որ տեղեկագիրը չի հասնիր: Ուրեմն, անփութութիւն մը կայ Առաքելութեան կողմէ:

Տիար Տոքթ. Ներուզ. Ճիշդ այդ մտածումով խիստ նամակ մը գրեցինք, պահանջելով, որ կարելի եղած արագութեամբ եւ ամեն մանրամասնութեամբ տեղեկութիւն տան Առաքելութեան գործունէութեան մասին: Բայց պէտք չէ այս առթիւ ուշադրութենէ վրիպեցնել այն քաղաքական պայմանները, որոնց ենթակայ է այս միջոցին Կիլիկիա եւ որոնք հաւասարապէս կրնան արտակարգ մտահոգութեանց եւ զբաղման աղբիւր մը դարձած ըլլալ նաեւ Առաքելութեան անդամներուն համար:

Տիար Տէր-Ստեփանեան. Անցեալ տարի՝ Գամազումարն էր, որ կազմեց Բժշկական Յանձնաժողովը: Այսօր կը տեսնենք, որ Յանձնաժողովը բոլորովին փոխուէր եւ Պատուիրակութեան իրաւասութեան ենթարկուէր է: Կը փափաքէի գիտնալ, թէ Պատուիրակութեան իմաց տրուած է նոր անդամներ նշանակուած միջոցին եւ թէ, միւս կողմէ, Պատուիրակութիւնը կանոնադրապէս տեղեկութիւն ստացա՞ծ է Յանձնաժողովին գործունէութեան նկատմամբ:

Տիար Տոքթ. Ներուզ. Նոր անդամները առաջարկուած են Յանձնաժողովին կողմէ եւ պաշտօնի իրահանգուած են Պատուիրակութեան կողմէ: Յանձնաժողովն իր գործունէութեան մասին միշտ տեղեկագիր տուած է Պատուիրակութեան:

Տիար Բրոֆ. Թուսայեան. Արդեօք Յանձնաժողովը Բժշկական Առաքելութեան մասին ուղղակի տեղացիներէ քննադատութիւն կամ գնահատականներ ստացա՞ծ է:

Տիար Տոքթ. Ներուզ. Տեղացիներէն ուղղակի բան մը չէ հասած: Բայց անկէ եկողներն ընդհանրապէս լաւ վկայութիւններ տուած են:

Տիար Արշակ Չօպանեան. Այս կետին նկատմամբ կ'ուզեմ տալ տեղեկութիւն մը, զոր տեղեկագիրը մոռցած էր յիշատակել եւ ասիկա այն շատ պատուաբեր գնահատութիւնն էր, զոր Կիլիկիոյ վարիչ Գնդապետ Պրեմնոն Ազգ. Պատուիրակութեան Վեմ. Նախագահին ուղղուած նամակով մը ըրած էր, թէ՛ Բժշկական Առաքելութեան գաղափարին յղացման եւ թէ՛ անոր գործադրութեան նկատմամբ, մասնաւորաբար յիշատակելով Տոքթ. Ղազարոսեանի եւ ընկերներուն օգտակար ու փայլուն գործունէութիւնը:

Տիար Դաւիթ-Բէկ ալ յիշատակեց ամերիկացիի մը կողմէ եղած նոյնքան խանդավառ վկայութիւնը Առաքելութեան գաղափարին եւ անոր գործառութեան եղանակներուն նկատմամբ:

Ամեն. Դուրեան Արքեպիսկ. Գործին առաջին քայլերուն կը պաքթանին այդ բոլոր գնահատութիւնները, եւ մենք ալ այդ մասին ամեն շնորհակալութիւն կը յայտնենք Տոքթ. Ղազարոսեանի: Բայց կը կրկնեմ, որ անհրաժեշտ էր գիտնալ, թէ այդ 3-4 ամսուան շրջանէն ետք, երբ բժշկապետը մեկնեցաւ, Առաքելութեան գործունէութիւնը կը շարունակե՞ր պահել այն գովելի ընթացքը, զոր ունէր իր սկզբնաւորութեան օրերուն:

Տիար Տոքթ. Ներուզ. Գէշ լուրը շուտ կը հասնի, Սրբազան, եւ մինչեւ այսօր վրդովման տեղի տուող լուր մը չառինք այդ մասին: Այդ հիմնարկութիւնը կը շարունակուի այն պայմաններով, որոնք գոյութիւն ունէին Տոքթ. Ղազարոսեանի մեկնած միջոցին: Նոյնիսկ անոր մեկնումէն առիւթն Առաքելութեան անդամներուն մէջ կը տիրէ աւելի համերաշխ ոգի մը, քան ինչ որ գոյութիւն ունէր իր գտնուած ատենը: Ամեն կողմէ հասած լուրերը ասիկա կը վկայեն: Տարակոյս չկայ, որ իրենց կողմէ թերացում մըն է տեղեկագիր չդրկելը, կամ եթէ դրկուած էր կորսուած ըլլալը իմանալէ ետք նոր օրինակ մը չհասցնելը: Թէեւ ասիկա աստիճան մը կ'արդարանայ այնտեղ գոյութիւն առած քաղաքական արտակարգ պայմաններուն պատճառաւ, բայց նորէն բնաւ իրաւունք չեմ տար իրենց այդ թերացման համար: Մէկ անգամ մըն ալ կը կրկնեմ, որ Առաքելութեան գործունէութիւնը այսօր աւելի գոհացուցիչ ընթացք մը ունի, քան ինչ որ ունէր Տոքթ. Ղազարոսեանի բժշկապետութեան շրջանին: Եթէ եղած են զանցառութիւններ Առաքելութեան այս կամ այն անդամին կողմէ, անպատիժ չեն թողուած: Վերջապէս, ամեն բան եղած է Առաքելութիւնը իր կոչման պատշաճ կացութեան մը մէջ պահելու համար, եւ մեզի հասած կողմնակի տեղեկութիւնները կը հաստատեն, թէ արդիւնքը լաւ է բոլորովին եւ տեղի չկայ վրդովուելու:

Ամեն. Դուրեան Արքեպիսկ. Բայց քանի որ տեղեկագիր չէ տուած, յայտնի չէ, թէ իրապէս ի՞նչ վիճակ ունի այսօր Առաքելութեան գործը, ինչպէս որ կողմնակի տեղեկութիւններու վրայ կարելի է վճռել, որ այդ գործը լաւագոյն դրութեան մը մէջ կը գտնուի այս միջոցին:

Վեմ. Տիար Գ. Նորատուկեան. Կիլիկիայէն եկած անձ մը աննպաստ տեղեկութիւններ տուաւ ինձի Բժշկական Առաքելութեան մասին: Եղածը լոյս խօսք էր, լուսաբանուելու համար՝ ուզեցի գիտնալ, թէ Յանձնաժողովը ի՞նչ կերպով կը ներկայացնէր Առաքելութեան գործունէութիւնը: Դժբախտաբար, իր տեղեկագրին մէջ ոչինչ կար այդ մասին: Անշուշտ լաւ պիտի ըլլայ, որ փութով դրկուի բժշկապետը եւ ստացուին բոլոր անհրաժեշտ տեղեկութիւնները Առաքելութեան գործունէութեան վերջին շրջանին նկատմամբ: Երբ մէկ կողմէ նոր յաւելում մը կ'առաջարկեն տրուած ամսավճարին վրայ, պարտք մըն է գիտնալ, թէ ի՞նչ վիճակի մէջ է գործը:

Տիար Ներուզ. Յանձնախումբին բաղձանքն ալ ատ է, եւ ատոր պիտի աշխատի: Եթէ մինչեւ այսօր այդպէս չեղաւ՝ յայտնեցի պատճառը: Տեղը մօտ չէ, որպէսզի կարելի ըլլայ օրը օրին տեղեկութիւն առնել: Մեկնողներ ալ միշտ գոյութիւն չունին: Այլապէս՝ Յանձնախումբն այսքան ատեն առանց լուրի չէր մնար Առաքելութեան մասին: Ապահովաբար, փափաքը չէր, որ կը պակսէր իր մօտ:

Տիար Չօպանեան դրուատեց այս առթիւ Տոքթ. Տամլամանեանը, իբրեւ եռանդուն, ազգասէր եւ լուրջ հայ մը, փափաք յայտնեց, որ Յանձնազումարը պէտք է պիտմե՛ն խնդրով զբաղած միջոցին մասնաւոր ուշադրութեան առարկայ դարձնէր Բժշկական Առաքելութեան այս ձեռնարկը:

Տիար Աղաթօն Պէյ. Ամէնքս ալ անշուշտ կը ծայնակցինք Տոքթ. Ղազարոսեանի մասին եղած գնահատութեանց: Բայց գործադիրը դրուատած ատեննիս պէտք չէ մոռնա՞նք նաեւ բուն գործը ստեղծողը՝ Տիար Տոքթ.Ներուզը եւ պէտք է անոր ալ յայտնենք մեր շնորհակալութիւններն այս առթիւ:

Տիար Բրօֆ. Թումայեան. Կրնա՞մ արդեօք գիտնալ, թէ ինչո՞ւ մեկնած է Տոքթ. Մանկրեան:

Տիար Տոքթ. Ներուզ. Չարժէր ծանրանալ այդ մասին. բժշկապետին հետ պարզ անհամաձայնութիւն մըն էր պատճառը:

2. Տեղեկագիր համարատուութեան Ազգ. Պատուիրակութեան Բրոբականոյ Յանձնաժողովին

Տիար Արշակ Չօպանեան կարողաց Ազգ. Պատուիրակութեան Բրոբականոյ Յանձնաժողովին գործունէութիւնը պաքթերացնող հետեւեալ տեղեկագիրը.

### Տեղեկագիր

Տիար Աղաթօն Պէյ. Տեղեկագրին մէջ յիշատակուած էր նաեւ Տիար Խաչատուրեանի քարտէսներու ալպոմը: Արդեօք ինչո՞ւ գոնէ Յանձնազումարին անդամներուն մէկ-մէկ օրինակ չտրուեցաւ այդ աշխատութիւնը:

Վեմ. Պօղոս Փաշա Նուպար. Պատուիրակութիւնը դրամը վճարեց, բայց գրեթէ քարտէսի երես չտեսաւ:

Տիար Աղաթօն Պէյ. Ի՞նչ վճարուեցաւ:

Վեմ. Պօղոս Փաշա Նուպար. 7000 ֆրանք, ինչպէս ինքն իսկ պահանջած էր նախապէս: Վերջէն նորէն դրամ ուզեց, բայց մերժեցի, որովհետեւ հազիւ 20 օրինակ դրկած էր Պատուիրակութեան: Պէտք է ընդունիլ, որ վճարուած դրամը չէ կորած, որովհետեւ գիրքը շարելով տարածուեցաւ հեղինակին իսկ ձեռքով:

Տիար Տիրան Տեօվլեթեան. Բրոբականոյ Յանձնաժողովին կատարած գործը ունի կարգ մը կէտեր, որոնք գովելի են անշուշտ, բայց անոր գործունէութեան մէջ կան նաեւ պակասներ, որոնց մասին ցաւս կը յայտնեն: Կարողացուած տեղեկագրին մէջ ամէնէն աւելի կ'ուզէի տեսնել, թէ ի՞նչ եղած է Յանձնաժողովին գործունէութիւնը ազդելու համար ֆրանսական մամուլին վրայ, որուն բռնած ուղղութիւնը մեր հարցին նկատմամբ՝ շատ հեռու է գոհացուցիչ ըլլալէ: Մենք երբեք չկրցանք մեր դատին արդարութեան համապատասխան ընթացք մը տալ ֆրանսական թերթերու հրատարակութեանց, մինչդեռ թուրքերը եւ յոյները լիապէս յաջողեցան իրենց դատին ծառայեցնել զանոնք:

Տիար Տոքթ. Բարսեղեան. Անոնք դեղին ոսկի ունէին:

Տիար Տ. Տեօվլեթեան. Կարծեմ մենք ալ դեղին ոսկի ունեցանք, մենք ալ դեղին ոսկի ծախսեցինք: Խնդիրը հոն է, որ մեր ծախսած դրամին համապատասխան արդիւնք մը ձեռք չէ բերուած: Չեմ ըսեր, թէ դժուարութիւններ չկային, կ'ընդունիմ, որ մեծ աշխատութիւն պէտք էր ասոր համար, բայց ֆրանսական մամուլին այսօրուան ուղղութիւնն իսկ ցոյց կու տայ, թէ պէտք եղածին պէս չէ աշխատուած: Այս դիտողութիւնը կ'ընեն, որպէսզի գէթ ասկէ վերջ ֆրանսական մամուլին, մտաւորականներուն եւ հոգեւորականներուն մօտ լաւագոյն մղում մը տրուի բրոբականոյ գործին, ինչպէս եղած է, եւ կ'ըլլայ Անգլիոյ մէջ, որովհետեւ դեռ ուշ չէ, դեռ կարելի է աշխատիլ, եւ պէտք է աշխատուի:

Վսեմ. Պօղոս Փաշա Նուպար. Կ'ընդունիմ, որ մեր կողմէ կատարուած բրոքականտը անբաւական էր: Անշուշտ կարելի էր աւելին ընել: Բայց ատոր համար պէտք էր ունենայինք աւելի լայն միջոցներ, զորս չունեցանք: Բրոքականտի գումարը պիտի հոգացուէր ազգ. հանգանակութեամբ, բայց անոր հասոյթը լրկ բրոքականտի չէր յաքթացուած, շատ աւելի մեծ պահանջներ կային, որոնք այդ հանգանակութեամբ պիտի հոգացուէին: Երբ այդ հանգանակութեան կոչը ըրի, խնդրեցի նուիրուներէն, որ որոշ կերպով սահմանեն, թէ իրենց նուէրը ի՞նչ նպատակի կ'ուզեն, որ յաքթացուի: 80-90 առ հարիւրը սովորաբար նպաստի գործին կը սահմանէին, եւ ասիկա բնական էր, նկատի առնելով այն մեծ կարօտութիւնը որուն մատնուած էր մեր ժողովուրդը, Կովկասի, ինչպէս Տաճկաստանի եւ Կիլիկիոյ մէջ: Այդ կարօտութեան դարմանունը ամենուս ալ մտահոգութեան մեծագոյն առարկան էր: Իսկ բրոքականտի համար շատ քիչ բան միայն տրամադրուեցաւ, եւ այդ քիչով եղաւ այն բոլորը, զորս յիշատակած էր տեղեկագիրը: Մենք ստիպուած էինք մեր միջոցներուն ներած չափով միայն աշխատիլ եւ տարակոյս չկայ, որ մեր ձեռք բերած արդիւնքն ալ այդ չափով կրնար ըլլալ: Մինչդէռ՝ յոյները եւ թուրքերը չէին հաշուեր իրենց տուածը, որովհետեւ իրենց կառավարութիւններն էին տուողը: Վերջին անգամ երբ անձնապէս մասնակցեցայ հանգանակութեան, ստիպուած եղայ իմ տուած բաժինն ամբողջովին յաքթացնել բրոքականտի գործին, նկատի առնելով անոր անհրաժեշտութիւնը եւ կարեւորութիւնը: Համամիտ եմ Տիար Տօվլէթեանի, թէ միշտ ատենն է շարունակելու բրոքականտը եւ հիմա, այս վճռական պահուն մանաւանդ պէտք է ոյժ տրուի անոր:

Տիար Գառնիկ Ֆնտզեան շատ համակրալիկ կերպով մը դրուատիքը ըրաւ «Տեպա»-ի քաղաքական բաժնի խմբագիր Պ. Օկիւսթ Կովէնի, որ սկիզբէն ի վեր բոլորովին անշահախմբի կերպով մը պաշտպանած է եւ կը շարունակէ պաշտպանել Հայկական Հարցը:

Տիար Ա. Զօպանեան. Չեմ գիտեր, թէ Տիար Տօվլէթեան, մօտէն տեղեկ չըլլալով, կրնա՞յ լիակատար գաղափար մը կազմած ըլլալ ֆրանսական մամուլին նկատմամբ, եւ չեմ հասկնար, թէ ինչպէ՞ս առանց այդ անհրաժեշտ ծանօթութեան՝ կը քննադատէ Բրոքականտի Յանձնաժողովին այդ ուղղութեամբ ունեցած գործունէութիւնը:

Տարակոյս չկայ, որ ֆրանսական մամուլը մեր խնդրին նկատմամբ չըրաւ այն ամենն, ինչ որ կրնար ընել: Բայց մեր դատին արդարութիւնը միմակը չէր բաւեր ատոր համար, որպէսզի կարելի ըլլար մեզ մեղադրել, թէ չըրինք՝ ինչ որ հնարաւոր էր ընել: Դրան եւ մեծ դրամ պէտք էր այդ արդիւնքին հասնելու համար, եւ այդ դրամը չունեցանք: Բայց նորէն կը կարծեմ իրաւունք ունենալ յայտարարելու, թէ մեր բրոքականտը Ֆրանսայի մէջ, ամենափայլուն արդիւնք մը տուաւ: Ասիկա նոյնիսկ օտարները գնահատեցին: Ռումանական դեսպանատան մէջ անձամբ առիթ ունեցայ լսելու ռումէն դիւանագետներու շնորհատրութիւնները մեր Բրոքականտի Յանձնաժողովին եւ Տեղեկատու Պիւրոյին նկատմամբ. գովեստով կը յիշատակէին անոնց գործունէութիւնը, յայտնելով, թէ կը յաջողինք բոլոր տեղերը ողողել Հայկական Հարցին պաքթանող լուրերով, այնքա՞ն որ կարելի չէ ուշադրութենէ վրիպեցնել զանոնք: Չեմ հասկնար նաեւ, թէ Տիար Տօվլէթեան ինչո՞ւ անպէտ կը նկատէ հրատարակուած գիրքերը: Յոյներն եւ թուրքերը նոյնպէս բրոքականտի այդ եղանակին ալ դիմեցին: Բայց անոնք լայն միջոցներ ունէին եւ աւելի մեծ ծաւալ կրնային տալ հենց հրատարակութեանց: Օրինակի համար, թուրքերը 100 000 օրինակներով տպած էին ցրուած էին հայկական պահանջմանը դէմ իրենց հրատարակած գիրքերը: Այդքան մեծ ծաւալ տուին նաեւ այն գրքոյկին, որուն դէմ Պ. Թահմազեան շատ արժեքաւոր գիրք մը գրեց: Բայց մենք հազիւ 3000 օրինակ միայն կրցանք տպել, որովհետեւ միջոց չկար աւելի տպելու, եւ այդքանը միայն տպուեցաւ: Յետոյ՝ պզտիկ ազդեցութիւն կրնանք ընել, զոր օրինակ, Քամել Սօէլերի եւ Տիկին Կարպիել [Սիվաշի] պէս մեծ գրագետներու – Հայկական Դատին նուիրուած

աշխատութիւնները: Մեծ թերթերը ձեռք առնելու համար անհրաժեշտ միջոցները չունէինք, բայց որքան ալ պայմանները նեղ էին, նորէն Բրոքականտի Յանձնաժողովը կրցածը ըրաւ: Նոյն իսկ Պ. Կովէն, զոր Տիար Ֆնտզեան այնքան արդարօրէն դրուատեց պահ մը առաջ, միմակը չըրաւ, մենք զացինք, խօսեցանք, գիտնալով որ կը հետաքրքրուի՝ շարունակ իրեն դրկեցինք մեր դատին ծառայող ամեն տեսակ գրուածքներ: Միջոց մը ընդունելութիւններ կը սարքէինք մեզի բարեկամ անձնատրութիւններ հրաւիրելով. լաւ եղանակ մըն էր ասիկա եւ միշտ իր օգուտն ունեցաւ: Գերապայծառ Նազլեան Եպիկոպոսի ի պատիւ սարքուած թշնամեղանին մասնակցեցան 15 նշանաւոր անձնատրութիւններ, եւ անոնց համախմբունը միեւնոյն սեղանին շուրջը, առիթ մը դարձաւ, որ բոլորն ալ տեղեկանան Հայկական Հարցին ստացած նոր երեւոյթներուն: Պէտք էր աւելի ընդարձակ սահմանի մը մէջ եւ աւելի յաճախ ընել այդ ընդունելութիւնները եւ միշտ ատենն է այս կերպով շարունակելու:

Տիար Գ. Ֆնտզեան. Համամիտ եմ:  
Տիար Ա. Զօպանեան. Եթէ չեղաւ՝ պատճառը դրամի պակասն էր: Պատուիրակութիւնը այն աստիճան ծանր դրամական անձկութեան մը մատնուած էր վերջերս, որ նոյնիսկ մէկ քանի գիրքեր, որոնց տպագրութիւն սկսուած էր երկար ատենէ ի վեր, կարելի չեղաւ մինչեւ այսօր հրատարակ հանել:

Տիար Գ. Ֆնտզեան. Տիար Գալենտերեան կ'ըսէր, թէ Փարիզի ամերիկեան շրջանակներուն մէջ ըլլալիք բրոքականտը պէտք եղած կերպով չէ կատարուեր:

Տիար Ա. Զօպանեան. Ինք սակայն դարմանեց: Նախապէս շատ լայն յարաբերութիւններ չունէինք, իր միջոցաւ հաղորդակցութեան մէջ մտանք Նիւ Եորքի Մամուլ Ընկերակցութեան ներկայացուցչին հետ եւ հիմա այդ պակասն ալ լրացած է:

Տիար Տ. Տօվլէթեան. Տիար Զօպանեանի ի պատասխան, պիտի ըսեմ, թէ ֆրանս. խնդիրներու հրատարակութեանց անտեղեկ չեմ, բայց երբեք չեմ տեսած անոնց մէջ մեր դատին ի նպաստ պատճառ մը այն ձեւով ինչ ձեւով որ կ'ընեն, օրինակի համար, «Մանչեսթր Կարտիան», «Թայմզ», նոյն իսկ «Տէլի Քրոնիքլ» եւ ուրիշ անգլերէն թերթեր:

Տիար Ա. Հանըմեան. «Մանչեսթր Կարտիան»-ի այդ հրատարակութեանց արդիւնքն ի՞նչ եղաւ:

Տիար Տօվլէթեան յայտնեց, թէ Անգլիայի մէջ, իրենք քանի մը հոգի, անգլիական 3000 ոսկով յաջողեցան խոշոր շարժում մը առաջ բերել ի նպաստ Հայկական Դատին:

Տիար Դաւիթ Բէկ յայտնեց, թէ Բրոքականտի Յանձնաժողովն ալ շատ մեծ ծրագիրներ ունէր, բայց միւսական միջոցներու պակասը միշտ արգելք եղաւ այդ ծրագիրներու գործադրութեան, թէ Յանձնաժողովը նոյնիսկ իր անձուկ միջոցներով կրցաւ սարքել տալ շատ մը հրատարակային ժողովներ, զորս մոռցած էր յիշատակել Տիար Զօպանեան, եւ այդ ժողովները մեծապէս նպաստեցին Հայկական Հարցին ծանօթացման: Ի վերջոյ յիշատակելով թէ Բրոքականտի Յանձնաժողովը, Image պաքթերագարո՞ թերթին Հայաստանի նուիրուած թիւին գտած ընդունելութենէն քաջալերուած՝ որոշեց Armenia Illustré անունով պաքթերագարո՞ թերթ մը հրատարակել, բայց միջոց չունեցաւ այդ մտածումը գործադրելու: Տիար Դաւիթ-Բէկ ալ կրկնեց, որ եթէ կը փափաքուի մեծ արդիւնք ստանալ բրոքականտէն, պէտք է անոր համար մասնաւոր գումարներ հայթայթել: Տիար Ա. Հանըմեան ալ դիտել տուաւ, թէ Յանձնաժողովը ամբողջ տարին 3000 ոսկի չունեցաւ իր տրամադրութեան տակ, ու՝-ն մնաց մէկ անգամի համար: Միւս կողմէ, հրաւիրեց Տիար Տօվլէթեանը որպէսզի եթէ ուզէ ներկայանալ իր պիւրոն, տեսնելու համար այն ահագին թուով հրատարակութիւնները, որոնք ֆրանս. մամուլին մէջ եղած են ի նպաստ Հայկական Դատին: Տիար Տիար Տօվլէթեան Տիար Դաւիթ-Բէկի պատասխանելով ըսաւ, թէ Փարիզի հայերն իրենք պէտք էին հոգալ բրոքականտի ծախքերը, առանց ատոր

համար դուրսէն աջակցութիւն սպասելու, ինչպէս չէին սպասէր բնաւ Անգլիոյ հայերը, որոնք իրենք իրենց մէջ կը գոյացնէն միշտ բրոքականտի անհրաժեշտ գումարները:

Տիար Տոքթ. Բարսեղեան վերստին արժարձեց Տիար Խանգատեանի քարտէսներու ալպոմին հարցը եւ ուզեց գիտնալ, թէ արդեօք Բրոքականտի Յանձնաժողովը ի՞նչ տպեց այդ գործը, ինչպէս կրնայ հասկնուիլ կարողացուած տեղեկագրէն, մինչդեռ յարեց, ինք լաւ գիտէ, որ Յանր. Պատուիրակութեան տրուած օրինակներուն փոխարէն ալ դրան կը պահանջուի հեղինակին կողմէ: Եթէ Բրոքականտի Յանձնաժողովը կամ Պատուիրակութիւնն են հրատարակողը, ինչպէ՞ս կ'ըլլայ, որ չեն կրցեր հեղինակէն ստանալ պէտք եղած օրինակները:

Տիար Չօպանեան պատասխանեց, թէ Պատուիրակութիւնը Տիար Խանգատեանը օգնած է իր գործին հրատարակութեան համար: Անշուշտ Տիար Խանգատեան իրաւունք ունէր իբր հեղինակ իր գործին կէտը իրեն պահելու, բայց գոնէ կարելու մաս մը պէտք է տար Պատուիրակութեան, իր ստացած գումարին փոխարէն, ինչ որ չըրաւ:

Վսեմ. Պօղոս Փաշա Նուպար. Տիար Խանգատեան այդ գործին խօսքը ըրաւ ինձի, հարցուցի թէ որքա՞ն դրամ պէտք է, 7000 ֆրանքի պէտք մը ցոյց տուաւ, եւ որովհետեւ գործը օգտակար էր՝ իսկոյն վճարեցինք այդ դրամը, մտածելով, որ անոր փոխառնէն գոնէ մաս մը գիրք պիտի դնէ Պատուիրակութեան տրամադրութեան տակ, բրոքականտի ծառայելու համար: Վերջէն սակայն՝ հազիւ 20 օրինակ տպեց, եւ ա՛լ գրքի երես չտեսանք: Եթէ տրամադրելի օրինակներ ունենայինք, պիտի փութայինք տպագրել զանոնք, որով ալլապէս մեծ պիտի ըլլար գրքին ընծայելիք օգուտը: Առջի օր՝ շատ ուրախ եղայ, Պ. Պէռատի գրասեղանին վրայ տեսնելով օրինակ մը: Պէտք էր Արեւելքի խնդիրներով հետաքրքրուող բոլոր անձնաւորութեանց գրասեղանին վրայ ալ գտնուէր:

Տիար Թերզիպաշեան. Եթէ Բրոքականտի Յանձնաժողովին տեղեկագիրը նոյնութեամբ պիտի անցնի ատենագրութեան մէջ, ըստ իս, լաւ կ'ըլլայ, որ վերցուին անոր այն մասերը, որոնք երաժշտական կտորներու նկատմամբ կը խօսին, եւ որոնք յիշատակութիւնը շատ ալ պատշաճ չէ մեր այսօրուան կացութեանը:

Տիար Չօպանեան. Սկզբունքով համաձայն չեմ, որովհետեւ ասոնք նոյնքան բրոքականտի միջոցներ են: Արդեօ՞ք տեղը բան մը չի շահիր, երբ իր գեղարուեստական յաթոթիւնները կը ծանօթացուին եւ զնայանք կը յարուցանեն:

Տիար Գառնիկ Ֆնտզեան վերստին անդրադարձաւ Պ. Օկիւսթ Կովէնի պարագային եւ առաջարկեց, որ Յանգումարին անդամները նախաձեռնարկ ըլլան արժեքաւոր նուէր մը ընելու անոր, աստիճան մը փոխարինած ըլլալու համար այն մեծ ու անշահախնդիր աջակցութիւնը, զոր Պ. Կովէն միշտ ընծայած է մեր դատին:

Տիար Չօպանեան յայտնեց, թէ Ազգ. Պատուիրակութիւնը արդէն իսկ խորհած է այդ մասին եւ թէ մօտ օրէն այս մտածումը գործադրութեան պիտի դնէ, թանկարժեք նուէր մը ընելով Պ. Կովէնին, բոլոր կարելի փափկութեամբ:

Վսեմ. Տիար Գ. Նորատունկեան. Բրոքականտի ձեւերը մեծ զանազանութիւն ունին, ուստի բրոքականտը գիտութիւն մըն է: Տեղ կայ, որ քիչ ծախքով մեծ արդիւնք ձեռք կը բերուի, տեղ ալ կայ, որ նոյնիսկ մեծ ծախքերով նշանակալի արդիւնք մը չի գոյանար: Ասոր համար սերտել պէտք է այն զանազան եղանակները, որոնք անհրաժեշտ են բրոքականտը արդիւնաւոր դարձնելու համար, եւ միշտ պէտք է խորհրդակցիլ ձեռնհաս եւ փորձառու անձնաւորութեանց հետ: Օգտակար կ'ըլլայ կարծեմ, որ Բրոքականտի Յանձնաժողովը խորհրդակցի այս մասին Տիար Տեօվլէթեանի հետ՝ որպէսզի կարելի ըլլայ այստեղ ալ կիրարկել բրոքականտի այն ձեւերը, որոնք յաջողութեամբ կիրառուած են Անգլիոյ մէջ:

Յանգումարը յաջողաբար լսեց Ազգ. Պատուիրակութեան համարատուութիւնը, նաեւ անոր յարակից տեղեկագիրներէն երկուքը: Կը մնայ

տակաւին ելեւմտական գործառնութեանց տեղեկագիրը, որ պիտի կարդացուի յառաջիկայ նիստին:

Որպէսզի այս բոլոր համարատուութեանց մասին կարելի ըլլայ որոշման մը յանգիլ առանց զանոնք տարտղնելու, լաւագոյն է անշուշտ, որ Յանգումարն իր մէջէն մասնախումբ մը կազմէ, որ ամփոփէ եղած դիտողութիւնները եւ գանձը խտացնելով բանաձեւով մը ներկայացնէ ժողովին՝ ինչ որ անհրաժեշտ է խնդրոյն եզրակացութեան համար: Չմոռնանք, որ ժամանակներս սուղ է, պէտք է շուտով վերջ տանք այս ժողովին աշխատութեանց, եւ առ այս՝ առաջին կարելու բանը սա է, որ պէտք է մեթոտով աշխատինք:

Տիար Տեօվլէթեան. Կը ձայնակցիմ Վսեմ. Նախագահին խօսքերուն, եւ կը կարծեմ, որ ժողովն ամբողջ համամիտ է այս մասին հետ: Ինչպէս այնքան լաւ կերպով ըսաւ Ն. Վսեմութիւնը՝ ժամանակնիս սուղ է, մեր գործերը լքեր եկեր ենք, չենք կրնար հետ ատեն մնալ այստեղ, պէտք է օր առաջ վերջացնենք մեր աշխատութիւնը:

Տիար Ֆնտզեան. Բնական է՝ ամենքս ալ համամիտ ենք այս մասին: Եթէ Յանգումարին աշխատութիւնները չափազանց յետաձգուին՝ վերջ ի վերջոյ դժուար պիտի ըլլայ մեծամասնութիւն գոյացնել, որովհետեւ մեզմէ շատեր, որոշ ժամանակ մը վերջ պիտի ստիպուին ելլել:

Տիար Տեօվլէթեան. Արդէն դրուած աւելի հրատապ հարցեր կան: Անցեալէն աւելի ներկայի խնդիրները պէտք է մեզ զբաղեցնեն: Նախնական խորհրդակցութիւններով կրնանք հարթել թէ՛ անհամաձայնութիւնները եւ թէ՛, մանաւանդ, մեր դիտողութիւնները ժողովին բերել իրենց վերջնական ձեւով, որով աւելորդ վիճաբանութեանց պէտք չի մնար եւ ամեն խնդիր կը լրանայ շուտով:

Վսեմ. Տիար Գ. Նորատունկեան. Ինչպէս յայտնի է Յանգումարիդ, որոշուած էր թրքական դաշնագրին մեզի աննպաստ մասերուն սրբագրութեան համար երոպացի ձեռնահաս իրաւաբանի մը կարծիքն իմանալ: Այս որոշման համեմատ, Ազգային Պատուիրակութեան Վսեմ. Նախագահին հետ դիմեցինք յայտնի ֆրանսացի իրաւաբանի մը՝ Պ. ժոզէֆ Պարթէլունէի, որ Փարիզու համալսարանի դասատուներէն է եւ միանգամայն երեսփոխանական ժողովոյ անդամ: Պ. Պարթէլունէ քանի մը օրէն պիտի պատասխանէ մեր կողմէ իր կարծիքին ենթարկուած հարցումներուն: Երբ այդ պատասխանը ստանանք, իսկոյն պիտի հաղորդուի այն յանձնաժողովին զոր Յանգումարը կազմեց դաշնագրին քննութեան համար եւ բանաձեւ մը կազմուելով պիտի ենթարկուի ժողովիդ: Միւս կողմէ, Ազգ. Պատուիրակութիւնն ալ անշուշտ իր նկատողութիւնները պիտի յայտնէ ստացուած պատասխանին նկատմամբ, եւ այդ առթիւ ժողովին պիտի հաղորդէ այն մտածումները, զորս ունի յառաջիկային ընելիք ձեռնարկներու մասին: Որպէսզի այս բոլորը շուտով քննուին ժողովիդ կողմէ, անհրաժեշտ է, որ ինչպէս Տիար Տեօվլէթեան զիս կանխելով ըսաւ՝ աշխատութեան մեթոտ մը հաստատենք: Յետեւաբար, պիտի առաջարկեմ, որ պատգամաւորներէն անոնք, որոնք դաշնագիրը քննեցին եւ անոր նկատմամբ դիտողութիւններ ունին, իրարու հետ խորհրդակցելով գրաւոր կերպով ձեւաբանեն իրենց թելադրութիւնները եւ յանձնեն Պիւսանիս, որպէսզի կարելի ըլլայ որոշ դասաւորման մը ենթարկել բոլոր վիճելի կէտերը եւ ապահովել անոնց արագ ու կանոնաւոր քննութիւնը:

Յանգումարը միաձայնութեամբ համամտութիւն յայտնեց այդ առաջարկութեանը:

Վսեմ. Տիար Գ. Նորատունկեան. Միւս կողմէ՝ պէտք է ուղեգիծ մը հաստատենք նաեւ Յանգումարին ընդհանուր աշխատութեանց համար, որպէսզի կարենանք սահմանել անոր տեւողութեան միջոցը եւ այդ սահմանուած ժամանակին մէջ լրացնել բոլոր աշխատութիւնները: Անոնց մէջ մեծագոյն տեղը կը բռնէ անշուշտ Ազգ. Պատ.-թեան միամետայ գործունէութեան համարատուութեան մասին կատարուելիք վիճաբանութիւնը: Այս գործը եւ Պատ.-թեան բոլոր գործերը պէտք չէ ուշանան: Յանգումարը չի կրնար յաւերժանալ: Տարակոյս չկայ, որ չենք կրնար երրորդ

նստաշրջան մը ունենալ. ասիկա ո՛չ պատշաճ է, ո՛չ ալ գործնական: Այս մասին անշուշտ բոլորդ ալ համակարծիք էք ինձի: Որպէսզի կարելի ըլլայ հաստատել այս ձեւ ուղեգիծ մը, կարծեմ լաւ պիտի ըլլայ, որ պատգամաւորներն իրենք իրենց միջեւ խորհրդակցելով հասունցեն վիճելի հարցերը եւ առանձինն կամ հաւաքաբար բանաձեւէն զանոնք ու բերեն ժողովին: Որոշ գործի մը համար եւ որոշ նպատակով մը հաւաքուած ենք, պէտք է որ կարելի եղածին չափ շուտով լրացնենք այդ գործը ու ցրուինք: Ինչպէս ըսուեցաւ՝ հեռաւոր տեղերէ եկածներ կան, որոնք արդէն մեծ զոհողութիւն մը ըրած են իրենց գործերը լքելով եւ մինչեւ Փարիզ գալով: Խղճի խնդիր է անոնց կացութիւնը նկատի առնելը, աշխատելու ենք որ այդ զոհողութիւնը որքան կարելի է նուազ սուղի նստի իրենց, եւ արդէն մեր խնդիրն, այսօրուան դրութիւնն ամեն բանէ աւելի աշխատութեան արագութիւն կը պահանջէ:

Համագումարը նոյնպէս ընդունեց այս առաջարկութիւնը:

Տիար Արշակ Զօպանեան յայտնեց, թէ Բրոքսկանտի Յանձնաժողովին տեղեկագրին առթիւ սկսուած վիճաբանութիւնը չէ փակուած եւ պատգամաւորները ազատ են Պատուիրակութեան պիտոճէի վիճաբանութեան առթիւ վերադառնալ նաեւ Բրոքսկանտի Յանձնաժողովին տեղեկագրին քննութեան: Համագումարը համամտութիւն յայտնեց, նոյն նկատման ենթարկելով նաեւ Բժշկական Յանձնաժողովին տեղեկագիրը:

Նիստը փակուեցաւ ժամը 6 ½ -ին:

ՀԱԱ, ֆ. 430, ց. 1, գ. 60, թթ. 1-23: Ձեռագիր: Բնագիր:

### Նիստ Թ

2 Յունիս 1920, ժամը 4-ին,

նախագահութեամբ Վսեմ. Տիար Գ. Նորատունկեանի:

Ներկայ էին 17 պատգամաւոր

Ամեն. Եղիշէ Արքեպիսկոպոս Դուրեան, Տիարք Աղաթօն Պէյ, Տոքթ. Բարսեղեան, Դաւիթ-Բէկ, Թէրզիպաշեան, Թէքեան, Թումայեան, Հանրմեան, Մսրըլը Պէյ, Վսեմ. Գ. Նորատունկեան, Վսեմ. Պօղոս Փաշա Նուպար, Զօպանեան, Սինապեան, Տէրպետրեան, Տէր-Ստեփանեան, Տօվլէթեան, Ֆնտզեան:

### Օրակարգ

1. Տեղեկագիր ելեւնտական գործառնութեանց Ազգ. Պատուիրակութեան
2. Շարունակութիւն վիճաբանութեան Ազգ. Պատուիրակութեան համարատուութեան
3. Տեղեկագիր Ազգ. Պատուիրակութեան Կազմական Կանոնագրի Յանձնաժողովին
4. Վերակազմութիւն Ազգ. Պատուիրակութեան

### ԱՏԵՆԱԿԱՆ ԳՈՐԾՈՂՈՒԹԻՒՆՆԵՐ

1. Ընթերցում ատենագրութեան

Կարդացուեցաւ եւ վաւերացուեցաւ Յունիս 1-ի նիստին ատենագրութիւնը:

2. Նամակ այրի Տիկին Մոստիչեանի

Նախագահ Վսեմ. Տիար Գաբրիէլ Նորատունկեան հաղորդեց, թէ այրի Տիկին Մոստիչեան նամակով մը շնորհակալութիւն յայտնած է այն յարգանքի ցոյցին համար,

որ Համագումարին կողմէ կատարուած էր իր ողբացեալ ամուսնին՝ Տիար Յարութիւն Մոստիչեանի ի յիշատակ, եւ որոյ մասին Դիւանը տեղեկութիւն տուած էր իրեն՝ ինչպէս յանձնարարած էր Համագումարը:

Ընթերցուեցաւ ատենագիրը:

### Օրակարգ

### Տեղեկագիր ելեւնտական գործառնութեանց Ազգ. Պատուիրակութեան

Ազգ. Պատուիրակութեան ելեւնտական գործառնութեանց քննութեան համար Համագումարին կողմէ կազմուած յանձնաժողովին տեղեկաբեր Տիար Գառնիկ Ֆնտզեան կարդաց Պատուիրակութեան ելեւնտական հաշուեցոյցին նկատմամբ պատրաստուած տեղեկագիր մը: Տիար Ֆնտզեան դիտել տուաւ, թէ Ազգ. Պատուիրակութեան կողմէ դրկուած հաշուեցոյցը զուարմանքով ներկայացուած մըն է եւ անոր մէջ չկան իւրաքանչիւր գործառնութեան մանրամասնութիւնները:

Պատուիրակութեան Նախագահ Վսեմ. Պօղոս Փաշա ըսաւ, որ իր Դիւանը միշտ պատրաստ է ուզուած մանրամասնութիւնը տալու, ըլլա՛յ Յանձնաժողովին, ըլլա՛յ Համագումարի անդամներուն, կը բաւէ որ պահանջուած մանրամասնութեանց մասին որոշ հարցում մը ուղղուի:

Համագումարին անդամներէն ոմանք փափաք յայտնեցին, որ յետաձգուի տեղեկագրին նկատառումը, եւ Յանձնաժողովը Պատուիրակութեան Վսեմ. Նախագահին Դիւանէն պէտք եղած մանրամասնութիւնները ստանալէ վերջ բերէ նոր տեղեկագիր մը:

Տիար Տիրան Տօվլէթեան առաջարկեց չյետաձգել տեղեկագրին նկատառումը, քանի որ Համագումարը միշտ ազատ է վիճաբանութեան ընթացքին պէտք տեսնուած մանրամասնութիւններն ստանալու Պատուիրակութեան Վսեմ. Նախագահին Դիւանէն:

Համագումարը այդ մասին հաւանութիւն յայտնած ըլլալով, Տիար Տոքթ. Ա. Բարսեղեան տեղեկութիւն հարցուց հետեւեալ երեք կէտերու նկատմամբ.

ա.- Ներգաղթի համար կատարուած ծախքերու յիշատակութիւն մը կար տեղեկագրին մէջ, ծախքեր, որոնք եղեր էին Ֆրանսայի, Իտալիոյ ու Չուիցերիոյ մէջ գտնուող հայեր հայրենիք դրկելու համար. կարելի չէ՞ գիտնալ, թէ ուրկէ՞ կու գային այդ հայերը եւ ո՞ր կ'երթային:

բ.- Ամբողջական Հայաստանի Պատուիրակութեան ծախքերուն համար ընդհանուր գումար մը յիշատակուած էր: Կարելի չէ՞ գիտնալ, որ այդ ծախքերէն ո՞րքանը եղած է Ազգ. Պատուիրակութեան եւ ո՞րքանը Ամբողջական Հայաստանի Պատուիրակութեան կողմէ:

գ.- Ազգ. Համագումարի համար 36000 ֆրանքի ծախք մը նշանակուած էր. ի՞նչ բանի գործածուած կրնայ ըլլալ այդ կարելոր գումարը:

Առաջին հարցման յաջորդաբար պատասխանեցին Պատուիրակութեան անդամները, ինչպէս նաեւ Տիարք Աղաթօն Պէյ ու Հանրմեան եւ յայտնի եղաւ, թէ զինադադարէն ասդին Չուիցերիայէն, Իտալիայէն ու Ֆրանսայէն դիմում ընող կարգ մը հայերու, ինչպէս նաեւ ուսանողներու, որոնք կը փափաքէին Երկիր դառնալ եւ ատոր համար ո՛չ մէկ միջոց ունէին, ծամբու ծախք տրուած էր:

Երկրորդ հարցման ի պատասխան Պատուիրակութեան Վսեմ. Նախագահը յայտնեց, թէ Համագումարին կողմէ Ամբողջական Հայաստանի Պատուիրակութեան կազմութեան առաջ, Ազգ. Պատուիրակութիւնը կը զուարուրէր իր բնակարանին մէջ, որով ո՛չ առանձին պաշտօնատուն վարձելու, ո՛չ ալ առանձին գրագրութիւն կազմելու պէտք կար. իր անձնական քարտուղարները կը կատարէին ամեն աշխատութիւն: Մինչդեռ արդի շէնքը, ինչպէս նաեւ հաստատուած դիւաններուն, անոնց պաշտօնեաներուն ու ծառայողներուն պէտք տեսնուած է լոկ Ամբողջական

Հայաստանի Պատուիրակության համար, այս է պատճառը որ անոր անունով ատենագրուած են այդ ծախքերը: Այս առթիւ Պատուիրակութեան Վսեմ. Նախագահը յայտնեց, որ թէն նախապէս որոշուած էր որ Ազգ. Պատուիրակութիւնն ու Հանրապետութեան Պատուիրակութիւնը կէս առ կէս ընեն այդ ծախքերը, բայց Հանր. Պատուիրակութիւնը իր բաժինը չվճարեց եւ ամբողջ ծախքերը վճարուեցան Ազգ. Պատուիրակութեան կողմէ:

Դարձեալ, ի պատասխան Տիար Ա. Բարսեղեանի երրորդ հարցման, Ազգ. Պատուիրակութեան Վսեմ. Նախագահը յայտնեց, որ Համագումարին համար եղած ծախքերուն մէջ կայ նախ շէնքի վարձքը, յետոյ կան գրագրութեան եւ սպասարկութեան ծախքերը եւ այն բացառիկ ծախքերը, որոնք եղան մէկ քանի պատգամաւորներու համար, ինչպէս զոր օրինակ Տիարը Բրոֆ. Խաչատուրեան եւ Լեւոն Շանթ, որոնց թէ՛ գալու եւ թէ՛ մեկնելու ծախքերը, ինչպէս նաեւ Փարիզ մնացած ատեննին որոշ անսական մը Պատուիրակութիւնը վճարեց:

Ամեն. Դուրեան Արքեպիսկոպոս հարցուց, թէ ինչո՞ւ Եգիպտոսի մէջ պատասպարուած որբերուն եւ վերապրողներուն համար դրամ դրկուած էր, մինչդեռ Եգիպտոսի գաղութը կրնար ինք հոգալ անոնց ծախքերը: Պատուիրակութեան Վսեմ. Նախագահը յայտնեց, որ այդ գումարը դրկուած էր ո՛չ թէ Եգիպտոս գտնուող որբերու եւ վերապրողներու համար, այլ՝ Հայաստանի զանազան կողմերէն հետզհետէ Եգիպտոս հասնողներուն համար, որոնց օգնութեան հասնելու անմիջական պէտք կար: Տիար Վահան Թէքեան ալ աւելցուց, թէ Եգիպտոսի գաղութը միշտ իր կարելին ըրած է իր շրջանակին մէջ գտնուող կարօտութիւնները դարմանելու համար:

Տիար Տիրան Տեօվլէթեանի առաջարկութեան վրայ՝ Համագումարը պէտք չտեսաւ, որ Յանձնաժողովը, Պատուիրակութեան Վսեմ. Նախագահին Դիւանէն մանրամասնութիւնները ստանալէ վերջ նոր տեղեկագիր մը բերէ, այլ՝ ինք իր կողմէ անհրաժեշտ հակակշիռը ընելով՝ լոկ եզրակացութիւնը հաղորդէ Համագումարին: Յանձնարարեց նաեւ, որ եթէ սխալ մը տեսնէ, այդ սխալն ալ հաղորդէ իր եզրակացութեանց հետ:

Ամեն. Դուրեան Արքեպիսկոպոս այս որոշման առթիւ ըսաւ, թէ լաւագոյն հակակշիռ մը կար ընելիք, գիտնալու համար, որ Պատուիրակութեան կողմէ զանազան տեղեր դրկուած գումարները իրապէս յաքթացուած են իրենց նպատակին: Այս դիտողութեան ձայնակցեցան ուրիշ պատգամաւորներ ալ: Նախագահ Վսեմ. Տիար Գ. Նորատունկեանի առաջարկութեան վրայ Համագումարը որոշեց յանձնարարել Ազգ. Պատուիրակութեան, որ դրկուած գումարներու տեղւոյն վրայ գործածութեան եղանակին նկատմամբ իրեն հասած տեղեկութիւններն առանձին տեղեկագրով մը հաղորդէ Համագումարին:

Տեղեկաբեր Տիար Գառնիկ Ֆնտզեան կարդաց նաեւ անցեալ տարի Համագումարին կողմէ կազմուած պիւտճէի նախագիծին վերաբերող հետեւեալ տեղեկագիրը: Տեղեկաբեր Տիար Գառնիկ Ֆնտզեան բացատրութիւններ տուաւ այս տեղեկագրին նկատմամբ եւ պատասխանեց ազգ. հանգանակութեան մասին պատգամաւորներու կողմէ եղած հարցումներուն: Համագումարը պէտք տեսաւ, որ այդ մասին ալ, մանաւանդ Ազգ. հանգանակութեան նկատմամբ Յանձնաժողովը անհրաժեշտ մանրամասնութիւններն ստանայ Պատուիրակութեան Վսեմ. Նախագահին Դիւանէն եւ անջատ տեղեկագիր մը բերէ, որպէսզի քննուի Պատուիրակութեան ելեւնտական գործառնութեանց վերաբերող եզրակացութեանց հետ:

Ազգ. հանգանակութեան վերաբերեալ տեղեկատուութեան առթիւ Տիար Աղաթօն Պէյ ցաւ յայտնեց կարգ մը թերթերու մասին, որոնք այդ հանգանակութեան դէմ արտայայտուած էին եւ պատճառ դարձած, որ պէտք եղած արդիւնքը չգոյանայ, ինչ որ այնքան վնասաբեր եղած էր ազգին, մանաւանդ կարօտ ժողովուրդին, որ իր յոյսը դրած էր Ազգ. Պատուիրակութեան վրայ:

Դարձեալ այդ տեղեկատուութեան ընթացքին Համագումարը գովեստով եւ շնորհակալութեամբ յիշատակեց մասնաւորաբար Անգլիոյ հայ գաղութը, որ իրմէ ակնկալուածէն աւելին ըրած էր ազգ. հանգանակութեան համար, ինչպէս հակիրճ կերպով տեղեկացուց Տիար Տիրան Տեօվլէթեան, պարզելով մանաւանդ այն խիստ հակակշիռը, որ դրամին գործածութեան միջոցներն կը կատարուի թէ՛ գաղութներուն եւ թէ՛ հանգանակուած գումարն կրկնապաթթուելով Անգլ. կառավարութեան կողմէ: Նախագահ Վսեմ. Տիար Գ. Նորատունկեան փափաք յայտնեց, որ Տիար Տիրան Տեօվլէթեան վերադարձին Համագումարին շնորհակալութիւնները հաղորդէ Անգլիոյ գաղութին: Ժողովը ձայնակցեցաւ այս առաջարկութեան: Շնորհակալութեամբ յիշատակուեցան նաեւ այն գաղութները, որոնք պակաս էին ազգ. հանգանակութեան մասին իրենց վրայ դրուած ակնկալութիւնները:

Տիար Տիրան Տեօվլէթեան ակնարկեց նաեւ կարգ մը ծախքի չափազանցութեանց եւ իբր օրինակ ցոյց տուաւ Կիլիկիոյ Բժշկական Առաքելութիւնը: Այդ առթիւ յայտնելով, թէ Տիար Տոքթ. Ղազարոսեան բողոքագիր մըն ալ տուած է Ազգ. Պատուիրակութեան, առաջարկեց, որ Համագումարը իր ներկայութեան ընդունի Տոքթ. Ղազարոսեանը եւ անկէ անձամբ բացատրութիւն ստանայ:

Նախագահ Վսեմ. Տիար Գ. Նորատունկեան դիտել տուաւ, որ յարմար ատենին կարելի է վերադառնալ այդ խնդրին՝ երբ Յանձնաժողովը իր տեղեկագիրը բերէ:

Նիստը փակուեցաւ ժամը 6-ին:

ՀԱԱ, ֆ. 430, ց. 1, գ. 60, թթ. 24-30: Բնագիր: Ձեռագիր:

**Նիստ Ժ**

3 Յունիս 1920, ժամը 4-ին,  
Նախագահութեամբ Վսեմ. Տիար Գ. Նորատունկեանի:

Ներկայ էին 16 պատգամաւոր՝

Ամեն. Եղիշէ Արքեպիսկոպոս Դուրեան, Տոքթ. Բարսեղեան, Դաւիթ-Բէկ, Թէրզիպաշեան, Թէքեան, Թումայեան, Հանըմեան, Սարըլը Պէյ, Վսեմ. Գ. Նորատունկեան, Վսեմ. Պօղոս Փաշա Նուպար, Չօպանեան, Սինապեան, Տէրպետրեան, Տէր-Ստեփանեան, Տեօվլէթեան, Ֆնտզեան:

**Օրակարգ**

1. Շարունակութիւն վիճաբանութեան Ազգ. Պատուիրակութեան համարատուութեան
2. Շարունակութիւն վիճաբանութեան Ազգ. Պատուիրակութեան հաշուական գործառնութեանց տեղեկագիրներուն
3. Տեղեկագիր Կազմական Կանոնագրի Յանձնաժողովին
4. Վերակազմութիւն Ազգ. Պատուիրակութեան

**ԱՍԵՆԱԿԱՆ ԳՈՐԾՈՂՈՒԹԻՒՆՆԵՐ**

Ընթերցում ատենագրութեան

Կարդացուեցաւ Յունիս 2-ի նիստին ատենագրութիւնը:

Ատենագրութեան ընթերցման վրայ Տիար Ա. Բարսեղեան ըսաւ, թէ նախորդ նիստին մէջ Համագումարի ծախքերուն նկատմամբ տրուած բացատրութեան ընթացքին երբ Պատուիրակութեան Նախագահը Տիարը Շանթի եւ Բրոֆ.

հաջատուրեանի ճամբու ծախքը եւ անսական վճարուած ըլլալը յայտնեց միջանկեալ կերպով, ինք այնպէս կարծեց, թէ այդ պարագան չպիտի արձանագրուի ատենագրութեան մէջ: Այլապէս՝ պիտի պատասխանէր, թէ անոնց համար եղած ծախքերը պէտք էին մնալ Պատուիրակութեան ընդհանուր ծախքերուն մէջ, քանի որ Տիար Շանթ եւ Բոֆ. Խաչատուրեան Յամագումարին սկսելէն առաջ նախորդ Պատուիրակութեան կողմէ հրաւիրուած էին, առաջինը՝ Պատուիրակութիւնը զօրացնելու համար, եւ երկրորդը՝ իբր մօտէն տեղեակ Միջագետք գտնուող վերապրողներու դրութեան: Տիար Բարսեղեան յայտնելէ ետք, թէ Պատուիրակութեան Նախագահը մինակ Տիարը Շանթի եւ Բոֆ. Խաչատուրեանի չէր ակնարկած, այլ նաեւ ուրիշներու, որոնց անունը չէ տրուած, պահանջեց, որ կա'մ ամէնուն ալ անունը արձանագրուի եւ կա'մ ատենագրութեան այդ մասը ջնջուի:

Յամագումարը մեծամասնութեամբ իրաւացի գտաւ Տիար Բարսեղեանի դիտողութիւնը, եւ հարկ չդատեց նախորդ նիստի ատենագրութեան ակնարկուած մասը ջնջելու, այլ յանձնարարեց Յաշուեքննիչ Յանձնաժողովին՝ ստանալ ծախուց մանրամասնութիւններ եւ ժողովոյ տեղեկագրել ընդ փոյթ նաեւ այդ կէտին նկատմամբ եւ իր տեղեկագրով ներկայացնել ժողովին:

Տիար Արշակ Չօպանեան դիտել տուաւ, որ թպէտ նախկին Պատուիրակութիւնը Ն. Վսեմութիւն Պօղոս Փաշայի տունը կ'ունենար իր նիստերը, բայց Յամագումարին ընտրած Պատուիրակութեան համար արդէն իսկ մասնաւոր պաշտօնատեղի մը անհրաժեշտ պիտի ըլլար:

**Օրակարգ**

<b>Շարունակութիւն համարատուութեան</b>	<b>վիճաբանութեան</b>	<b>Ազգ.</b>	<b>Պատուիրակութեան</b>
---	----------------------	-------------	------------------------

Տիար Տոքթ. Բարսեղեան. Օրակարգի խնդրին անցնելէ առաջ՝ կ'ուզէի լուսաբանուիլ երկու կէտերու մասին, որոնք չէին արձանագրուած Պատուիրակութեան տեղեկագրին մէջ:

Առաջին կէտը սա է: Անցեալ աշնան կամ ամռան վերջերը, մամուլին մէջ հրատարակուեցան կարգ մը տեղեկութիւններ, որոնց համեմատ՝ Ազգ. Պատուիրակութիւնը էջմիածնայ Կաթողիկոսին նամակ կամ հեռագիր մը ուղարկելով խորհուրդ տուած էր, որ արեւմտահայերը չմասնակցին Յայաստանի խորհրդարանական ընտրութեանց, առարկելով թէ կրնան քաղաքական ծանր անպատեհութիւններ ծագիլ: Կը փափաքիմ գիտնալ, թէ Ազգ. Պատուիրակութիւնը, որ Յամագումարէն ընտրուած է, ի՞նչ իրաւունքով կրնար Կաթողիկոսին այդ տեսակ քաղաքական դիմում մը ընել:

Երկրորդ կէտը, որուն նկատմամբ լուսաբանուիլ կ'ուզեմ, սա է: Ազգ. Պատուիրակութիւնը՝ դաշնագրին յանձնման միջոցին ռեւէ հրաւեր ստացա՞ծ էր Գերագոյն խորհուրդին կամ անոր Ընդհ. Քարտուղարութեան կողմէ՝ իբր պաշտօնական մարմին մը, որ դեր մը պիտի կատարէ դաշնագրին ստորագրութեան միջոցին:

Պատուիրակութեան Նախագահ Վսեմ. Պօղոս Փաշա Նուպար դիտել տուաւ, թէ այս տեսակ հարցումներ պէտք է նախապէս զրաւոր տեղի ունենան, որպէսզի Պատուիրակութիւնը կարենայ ակնարկուած խնդիրներուն վերաբերող պաշտօնագրերը միասին բերել ու կարդալ: Յետոյ, պատասխանելով Տիար Բարսեղեանի առաջին հարցման, բացատրութիւններ տուաւ այն պարագաներուն նկատմամբ, որոնք անհրաժեշտ դարձուցին վերոյիշեալ հեռագրին առաքումը: Այդ պարագաները արեւմտահայոց համար մանաւանդ կը ներկայացնեն տեսակէտ մը, զոր

չէին կրնար աչքէ վրիպիլ, եւ արդէն արեւմտահայերն իրենք ալ բողոքի ծայր բարձրացուցած էին այդ մասին: Բողոքը Կաթողիկոսին ղրկուած էր, որովհետեւ արեւմտահայոց քաղաքական դերը որոշ չէր այդ միջոցին, եւ Կաթողիկոսը մանաւանդ իբր ընդհանուր հոգեւոր պետ՝ կը զբաղէր անոնց ճակատագրով: Եւ արդէն բողոքը զաղտնի բան մը չէր: Միեւնոյն առթիւ՝ Պատուիրակութիւնը բողոքած էր նաեւ Երեւանի կառավարութեան, մոյն պատճառաբանութիւններով:

Յամագումարը բաւական նկատեց Պատուիրակութեան Նախագահին այդ մասին տուած բացատրութիւնները եւ անցաւ Տիար Բարսեղեանի երկրորդ հարցման, որ երկար վիճաբանութեան մը դուռ բացաւ:

Վսեմ. Պօղոս Փաշա Նուպար. Բնական է, թէ հրաւիրուած էի դաշնագրին յանձնման արարողութեան, այլապէս՝ ինչպէ՞ս կրնայի երթալ բազմիլ դաշնակից կառավարութեանց ներկայացուցիչներու կարգին: Դաշնագրին յանձնուելէն օր մը առաջ, բոլորովին անակնկալ կերպով մը ստիպողաբար հրաւիրուեցայ Արտաքին Գործոց պաշտօնատունը. այնտեղ հարցուցին, թէ ստացա՞ծ եմ հրաւիրագիրը: Պատասխանեցի, թէ ոչ: Զարմացան եւ փնտրելով հասկցան, թէ հրաւիրագիրը ղրկուած էր Տիար Ահարոնեանի, իբր ներկայացուցիչ Յանրապետութեան կառավարութեան: Այն ատեն բացատրեցի թուրքոյ հայոց ալ ունեցած իրաւունքը հաշտութեան դաշնագիրը ստորագրելու մասին: Խորհրդակցութիւն մը կատարուեցաւ, որմէ վերջ, իմ պարզած տեսակէտս ընդունելով, իսկոյն հրաւիրագիրը տուին:

Տիար Բարսեղեան. Տիար Ահարոնեանէն հրաւիրագիրը տրուած միջոցին, պահանջուած էին լիազօրութեան թուղթեր, անշուշտ մոյն պահանջումը ըրած են նաեւ Պատուիրակութեան Նախագահին: Ինձի ըսուեցան, թէ Կաթողիկոսէն կոնդակ մը եւ Պոլսոյ Յամագոյնի խորհուրդէն լիազօրութեան թուղթ մը ներկայացուած է, ճի՞շդ է:

Վսեմ. Պօղոս Փաշա Նուպար. Այո՛, ճիշդ է:

Տիար Տոքթ. Բարսեղեան. Եթէ ասիկա ճիշդ է, Ազգ. Պատուիրակութեան միւս անդամները տեղեկութիւն ունի՞ն այդ մասին:

Վսեմ. Պօղոս Փաշա Նուպար. Երբ իմ լիազօրութեան թուղթերս պահանջեցին, յիշեցուցի, թէ վեց տարիէ ի վեր Երուպայի մէջ կը ներկայացնեմ արեւմտահայերը, էջմիածնայ Կաթողիկոսին կողմէ տրուած լիազօրութեան մը, որ ճանչցուած է բոլոր դաշնակից կառավարութիւններէն, եւ անոր հիման վրայ կատարուած են իմ դիմումներս իրենց մօտ: Իրաւունք տուին ինձի: Ուրիշ բան, թէ պէտք էր նաեւ Յամագումարին կողմէ տրուած լիազօրութիւն մը: Ասիկա կրնաք ընել հիմա, բայց չմոռնանք, որ շատ անկանոն, գրեթէ աննախըմբաց կացութեան մը մէջ ենք, դուք՝ իբր արեւմտահայերը ներկայացնող մարմին, մենք՝ իբր ձեզմէ բխած գործադիր տարր: Ո՛չ դուք կառավարութիւն մը կը ներկայացնէք, ո՛չ ալ մենք: Բայց անդին կայ սկզբունք մը, զոր պէտք է փրկենք, եւ ասիկա դաշնագրին ստորագրութեան մէջ թուրքոյ հայոց մասնակցութեան սկզբունքն է: Ամբողջ խնդիրն ատոր մէջ է: Եթէ պէտք է, որ ստորագրեն՝ անհրաժեշտ է, որ ներկայացուցիչ մը ունենան: Այս մասին ո՛չ այնքան ձեւական տեսակէտներուն, որքան սկզբունքին փրկութեան պէտք է աշխատէինք: Դիտել կու տամ այս առթիւ, որ եթէ դաշնագրին տակ չգտնուէր նաեւ թուրքոյ հայոց մէկ ներկայացուցիչ ստորագրութիւնը, ասիկա ամէնէն առաջ գոհունակութիւն պիտի պատճառէր թուրքերուն: Ես կը զարմանամ, որ հայեր խնդիր կ'ընեն ասիկա:

Տիար Տոքթ. Բարսեղեան. Դաշնագրին մէջ արեւմտահայութիւնը շատ տեղ չունի: Պէտք չէ առնենք անանկ քայլ մը, որ վերջէն ծիծաղելի դառնանք եւ ներքին խնդիրներու մոր դուռ բացուի:

Վսեմ. Տիար Գ. Նորատուցեան. Չենք գիտեր, թէ դաշնագրին մէջ գործածուած «Arménie» բառը Գերագոյն խորհուրդին մտածմանց մէջ ի՞նչ կերպով ըմբռնուած է. լոկ Յանրապետութիւնը կ'ըմբռնեն, թէ Յանրապետութեան հետ նաեւ թրքական Յայաստանի այն մասերը, որոնք յիշատակուած են: Այս կէտը չճշդուած՝ չենք կրնար վճռել, թէ դաշնագրին մէջ թուրքոյ հայերը շատ տեղ չունին:

Տիար Վ. Թեքեան. Քանի որ Տիար Բարսեղեան հարցուց, թե Պատ.-թեան անդամները տեղեկութիւն ունին՞ Նախագահին ներկայացուցած իրաւասութեան գիրերուն նկատմամբ, կ'ուզեմ պատասխանել թէ այո, եւ թէ այո՞ մասին Պատուիրակութեան մէկ նիստին մէջ խորհրդակցութիւն կատարուած է: Երբ Նախագահը յայտնեց, թէ անմիջական պետքին առջեւ ներկայացուցած է Կաթողիկոսէն ստացած իրաւասութեան գիրը, յայտնեցինք, որ դաշնագրին ստորագրութեան համար պէտք է հիմնուիլ Զամագումարին իշխանութեան վրայ, որ իբր թուրքիոյ հայոց ներկայացուցիչ մարմին, իրաւունք ունի այս լիազօրութիւնը տալու իրեն: Նոյն նիստին մէջ դաշնագրին ստորագրութիւնը նախատեսելով, Տիար Ահարոնեան առաջարկեց հեռագրել Կովկաս, որպէսզի Զանր. կառավարութիւնը արտօնէ Փաշան եւս իր կողմէ դաշնագիրը ստորագրելու: Խնդիր է, թէ երկու Նախագահներն ալ պէտք է Զանրապետութեան՝ անուճով ստորագրեն, թէ՞ մէկը ստորագրէ յանուն Զանրապետութեան եւ միւսը յանուն թուրքիոյ հայոց: Որովհետեւ կը կարծեն, թէ այս խնդիրն մէջ պէտք է նկատողութեան առնենք այն բոլոր քաղաքական հաւանականութիւնները, որոնք կրնան ծագիլ Կովկասի մէջ՝ օրինակի համար պոլշեւիզմի վտանգը, որ կրնայ այդ պարագային խախտել ո՛չ միայն Փաշային, այլ նոյն ինքն Զանրապետութեան ներկայացուցչին դիրքը՝ դաշնագրի ստորագրութեան միջոցին:

Վսեմ. Տիար Գ. Նորատունկեան. Տիար Ահարոնեան այդ մտածումը ունեցաւ այն կանխատեսութեամբ, որ եթէ յառաջիկային թուրքերու կողմէ առարկութիւն ըլլայ Վսեմ. Փաշային ներկայացուցած լիազօրութեան գիրերուն համար, պահեստի թուղթ մը գտնուի, որուն շնորհիւ Ն. Վսեմութիւնը կարենայ ստորագրել դաշնագիրը: Չինքը շնորհաւորեցի այս մտածման համար: Կը կարծեն, թէ այդ հեռագիրը դրկուած է անշուշտ: Այդ օրը խօսեցանք նաեւ այն քաղաքական երկիւղներու մասին, որոնց ակնարկեց Տիար Թեքեան: Յարմար դատուեցաւ, որ առանց նկատի առնելու հաւանական ձեւափոխութիւնները, որոնք կրնային առաջ գալ Կովկասի մէջ, այդ լիազօրութեան գիրերը ուզուին եւ պատրաստ ըլլան:

Տիար Գառնիկ Ֆնտզեան. Բուն խնդիրը սա է, թէ Փաշան թրքահայոց, թէ՞ Զանրապետութեան անուճով պէտք է ստորագրէ: Կը կարծեն, թէ պէտք է թրքահայոց կողմէ ստորագրէ, եւ ասոր համար ամեն ջանք պէտք է խնայուի: Դաշնագիրը քննած ատենմիս մենք գանգատ յայտնեցինք, թէ թրքահայոց խօսք է եղած, ինչո՞ւ չաշխատինք ուրեմն կարելի եղածին չափ լայն մեկնութիւն մը տալու դաշնագրին մէջ գործածուած «Arménie» բառին:

Տիար Ա. Չօպանեան. Այս հարցը շատ կարեւոր է ո՛չ միայն իրաւաբանական տեսակետով, որ մասնագիտական հանգամանք մը ունի, այլ՝ մասնաւե՛ր մեր ազգ. պատմութեան տեսակետով, որ աւելի կարեւոր է: Փաշան իրաւունք ունէր յիշեցնելու, որ ինք վեց տարի է վեր թուրքիոյ հայոց ներկայացուցիչն է, ինչպէս արդէն ծանօթ է Դաշնակից պետութեանց: Խնդիր եղաւ, թէ պէտք է կոթնէր Զամագումարին կողմէ տրուած մանտայի մը: Բայց արդէն Զամագումարը ո՛չ միայն զինքը հռչակած է իբր թրքահայոց ներկայացուցիչ, այլ՝ իւր տիրէթիւններէն մէկն ալ կը տրամադրէ, որ երկու Պատուիրակութիւնները միասին պիտի գործեն եւ տրուած թուղթերը պիտի կրեն երկու Նախագահներուն ստորագրութիւնները: Այսպէս ալ եղած է միշտ, այսպէս եղաւ նաեւ Լոնտոնի ու Սան Ռեմոյի մէջ: Տիար Ահարոնեան մտածումը ունեցեր է իր կառավարութեան լիազօրութեան թուղթ մը բերել տալու Ն. Վսեմութեան համար: Պատուիրակութեան այդ նիստին ներկայ չէի, այլպէս պիտի ընէի մտաշարկ մը, գոր հիմա այստեղ կ'ընեն: Ես կ'առաջարկեմ, որ ինչպէս Զանրապետութեան կառավարութիւնը Ն. Վսեմութիւնը պիտի հռչակէ նաեւ Զանրապետութեան կողմէ լիազօր, այնպէս ալ Զամագումարը թուրքիոյ հայոց անուճով լիազօրութեան թուղթ մը տայ Տիար Ահարոնեանի, որով երկու Նախագահները անգամ մըն ալ լիազօր կը

դառնան ամբողջ Զայկական Խնդրին համար եւ այդ հանգամանքով Դաշնագիրը ստորագրելու իրաւունք կը ստանան:

Վսեմ. Տիար Գ. Նորատունկեան. Լիազօրութեան գիր մը օրինական հանգամանք ունենալու համար պէտք է, որ այդ գիրը տուողը արդէն իսկ օրինական գոյութիւն մը ունեցած ըլլայ: Թուրքիոյ հայոց կողմէ՛ իբր օրինական առանձին մարմին մէկ գործողութիւն մը միայն կատարուած է, այն գիրը, որ 1918 Նոյեմբեր 30-ին ուղղուեցաւ Դաշնակից պետութեանց եւ որով թրքահայոց անկախութիւնը կը հռչակուէր: Բայց Դաշնակից պետութիւնները ո՛չ կը ճանչնանք ըսին, ո՛չ ալ չենք ճանչնար ըսին: Իրաւ է, Պատուիրակութիւնը գործողութիւններ ըրաւ, որոնց մէջ իր ստորագրութիւնը ճանչցուեցաւ իբր թուրքիոյ հայոց ներկայացուցչի ստորագրութիւն, բայց աստիկա բաւական չէ դաշնագիր մը ստորագրելու համար: Որպէսզի թրքահայերն օրինական մարմին մը նկատուին, անհրաժեշտ էր, որ Դաշնակից պետութիւնները ճանչցած ըլլային անոնց անկախութիւնը, եւ այս տեսակ բան մը չէղաւ: Պէտք է աշխատինք նախ այդ օրինական հիմը ստեղծելու:

Վսեմ. Պօղոս Փաշա Նուպար. Պ. Զլեմանսօ չպատասխանեց մեր անկախութեան յայտարարութեան, բայց անգլիական կառավարութիւնը ստացած ըլլալն ծանոյց, աւելցնելով, որ արծանագրած է գայն: Կրնանք ասոր վրայ հիմնուիլ նոր դիմումի մը համար: Թէ՛ մեր ապագային եւ թէ՛ մեր պատմութեան տեսակետով, անհրաժեշտ է, որ թուրքիոյ հայերը ստորագրեն դաշնագիրը: Կը կրկնեն դարձեալ, որ անձերը նկատի չառնենք, այլ՝ լոկ սկզբունքը:

Տիար Ա. Զանըմեան. Խնդրին անցնելէ առաջ կ'ուզեմ դիտել տալ, թէ տեսակ մը անբաղձալի խտրական ոգի գոյութիւն առած է մեր վիճաբանութեանց մէջ, եւ մասնաւորաբար մեզի՞ Դաշնակցականներուս նկատմամբ կանխակալ համոզում մը ունին ո՞մանք, թէ անպատճառ յետին միտք մը կայ մեր խօսքերուն տակ: Ասիկա ճիշդ չէ: Ամենքս ալ կը փափաքինք, որ Փաշան ստորագրէ դաշնագիրը: Ես անձամբ ներկայ գտնուեցայ դաշնագրին յանձնման, չեմ կրնար նկարագրել, թէ ի՞նչ հպարտութիւն զգացի, երբ զինքը տեսայ նստած թուրք լիազօրներու հետ դէմ առ դէմ, անոնց դատապարտութիւնը վճռող այդ հանդիսաւոր հաւաքման մէջ, ինք՝ դատաւորի աթոռին, անոնք՝ յանցաւորներու աթոռին վրայ: Եւ սակայն, ինձի անկարելի կը թուի, որ մենք յաջողինք սոսկ թրքահայոց անուճով դաշնագիրը ստորագրելու իրաւունք մը ձեռք բերել, որովհետեւ թուրքիոյ լուծէն ազատագրուող, բայց անկախութեան չտիրացած ուրիշ ժողովուրդներու ալ, ինչպէս Սուրիոյ, Պաղեստինի, այդ իրաւունքը չտրուեցաւ: Դեճագ եւ Զնդուստան միայն ստացան այդ իրաւունքը, բայց անոնք հռչակուած էին անկախ պետութիւն: Ամեն անգամ, որ Պատուիրակութիւնը դիմում ըրաւ Վեհաժողովին աշխատութեանց մասնակցելու համար, մերժում միայն գտաւ: Նախագահ Ուիլսոն իսկ, որ այնքան համակիր էր մեզի, իր պատասխանին մէջ ըսաւ, թէ քանի որ հայ ազգը տակաւին չի մտած Ազգերու մեծ Ընկերակցութեան մէջ, իրաւունք չունի մասնակցելու Վեհաժողովին աշխատութեանց: Դիմաւ ալ, նոյն հիման վրայ պիտի մերժեն, թէ թրքահայոց անուճով դաշնագիրը ստորագրելու մասին դժուարութիւններ ծագին: Անշուշտ պիտի աշխատինք, որ Փաշան ստորագրէ դաշնագիրը իբր թուրքիոյ հայոց ներկայացուցիչ: Բայց եթէ չկարենանք՝ վերջին պահուն նոր թուղթ մը ցոյց տալով ծիծաղելի չափով՝ ըլլանք յետոյ, բանի մը պիտի ծառայէ՞ իրօք:

Վսեմ. Տիար Գ. Նորատունկեան. Ո՛չ, անպատեհութիւն մը չկայ: Ատիկա պարզ chancellerie-ի գործ մըն է: Գերագոյն խորհուրդը չէ, որ անով պիտի զբաղի, այլ՝ դիւան մը, եւ եթէ իւր եզրակացութիւններն ընդունուին Գերագոյն խորհուրդին կողմէ, թուրքերը ստիպուած են նոյնպէս ընդունիլ:

Տիար Ա. Զանըմեան. Կարելի չէ՞, որ Զանր. կառավարութիւնը լիազօրէ Փաշան՝ դաշնագիրը ստորագրելու, նկատի առնելով անոր՝ թուրքիոյ հայոց ներկայացուցչի հանգամանքը, եւ այդ պարագան շեշտելով իւր տալիք լիազօրութեան գիրին մէջ:



Վսեմ. Տիար Գ. Նորատունկեան. Տերութիւնները եթէ նկատի առնեն, որ Թրքահայաստան ինքզինքը անկախ հռչակած է, թէ Վսեմ. Փաշան յանուն թրքահայոց կատարած է դիմումներ եւ գործողութիւններ, որոնք de facto ընդունուած են իրենց կողմէ, եւ եթէ այսքանը բաւական նկատեն իբր օրինական հիմն ու խնդիրը վճռեն առանց թուրքերուն կարծիքը հարցնելու, այն ատեն ամեն բան կը կարգադրուի: Բայց եթէ թուրքերուն հարցնեն, բնականաբար ո՛չ պիտի ըսեն, եւ խնդիրը պիտի վտանգուի: Պէտք է աշխատիլ նախապէս, որ տէրութեանց համամտութիւնը ձեռք բերուի:

Տիար Ն. Տէր-Ստեփանեան. Ես համամիտ չեմ, որովհետեւ կը կարծեմ, թէ թուրքերը իրենք պիտի փափաքին, որ թրքահայոց կողմէ ստորագրուի դաշնագիրը: Որովհետեւ այն ձեւով ինչպէս որ պատրաստուած է այդ դաշնագիրը, մեր պահանջումները ենթարկուած են շատ մեծ կրճատումներու, եւ անտեսուած են մեր ամենն հիմնական իրաւունքները, ինչպէս, օրինակի համար, հատուցման իրաւունքը: Եթէ դաշնագիրը թրքահայոց կողմէ ստորագրուի այդ ձեւով, ասիկա պիտի նշանակէ, թէ թրքահայերը կը հրաժարին իրենց բոլոր անտեսուած պահանջումներէն եւ իրաւունքներէն, ինչ որ թուրքերու աչքին բաղձալի կը դարձնէ դաշնագրին թրքահայոց կողմէ ստորագրելը: Ես կը կարծեմ, որ այս պայմաններուն մէջ լաւագոյն է չստորագրել դաշնագիրը թրքահայոց անունով, եւ անոնց դատը չմեղցնել բոլորովին:

Ամեն. Դուրեան Արքեպ. Կ'ուզէի գիտնալ, թէ Զանրապետութեան կառավարութեան անունով դաշնագիրը պիտի ստորագրուի մէ՞կ Զայաստանի, թէ՞ Միացեալ Զայաստանի համար:

Տիար Վ. Թեքեան. Մինչեւ դաշնագրի ստորագրութեան վայրկեանը, բնական է, թէ երկու Զայաստանի գոյութիւնը նկատի կ'առնուէր: Դաշնագիրը ստորագրուած վայրկեանին է, որ մէկ Զայաստան կը կազմուի: Ես փափաքեցայ, որ երկու Զայաստանի անունով ստորագրուի, եւ այս տեսակէտով, հակառակ եմ Տիար Տէր-Ստեփանեանի քիչ մը paradoxal կարծիքներուն: Տիար Զանըմեան յիշեց, որ անցեալ տարուքն է ի վեր շատ անգամներ դիմումներ ըրինք Գերագոյն Խորհուրդին մօտ՝ Վեհաժողովին աշխատութեանց մասնակցելու համար ու մերժուեցանք: Բայց այս անգամ հրաւիրուեցանք դաշնագրին յանձնման արարողութեան: Ուրկէ՞ առաջ եկաւ այս նոր կացութիւնը: Տիար Զանըմեան ըսաւ, թէ Զանը. ճանաչումէն: Կը կարծեմ որ ո՛չ, որովհետեւ մենք չկոչուեցանք մասնակցելու դաշնագրին խմբագրութեան, հակառակ անոր մէջ միւս Դաշնակիցներու կարգին յիշուած ըլլալուն: Այսուհետեւ՝ դաշնագրին սրբագրութեան վերաբերող մեր դիտողութիւններով եւ ստորագրութեան մէջ մեր մասնակցութիւնով է, որ պիտի կրնանք Դաշնակից ըլլալ, եւ ասոր մէջ ալ թրքահայութեան ներկայացուցչի համագանքը պէտք է առանձին պահել: Արդէն դաշնագրին մէջ իրենց պայմանները Թուրքիայի ներկայացնող տէրութեանց կարգին Զայաստանի յիշատակութիւնը փաստ մըն է, թէ այդ Զայաստանը Թուրքիայէն անջատուող հայ հողամասերուն կը վերաբերի: Ռուսական Զայաստանի յիշատակութիւնը Թուրքիոյ հետ կնքուելիք դաշնագրի մը մէջ բոլորովին անիմաստ պիտի ըլլար:

Տիար Թերզիպաշեան. Կ'առաջարկուի, որ դաշնագրին ստորագրութեան համար դիմում ըլլայ Գերագոյն Խորհուրդին, բայց ասոր համար իրական հիմը կը պակսի մեզի: Տորչափ դաշնագիրը չէ ստորագրուած, մենք պէտք է մեր խորհրդակցութեան ընթացք տանք մեր ձեռքը եղած դաշնագրին վրայ հիմնուելով: Դաշնագիրը կը յիշատակէ լոկ Զանրապետութիւնը, որպէս ստորագրելու իրաւունք ունեցող կողմ: Իսկ Թրքահայաստանի հարցին մասին ոչինչ չենք տեսներ անոր մէջ: Եղածը լոկ սահմաններու ճշդման յիշատակութիւն մըն է: Իմ կարծիքով՝ փոխանակ ստորագրութեան համար դիմում ընելու, նախապէս պէտք է դիմում ընել դաշնագրին ստորագրութեան համար, ուրմէ կրնայ բոլորիլ ինքնին յանուն Թրքահայաստանի ստորագրելու իրաւունքը: Ներկայ վիճակին մէջ դաշնագիրը թաղած է Թրքահայաստանի հարցը, եւ եթէ այդ վիճակին մէջ նոյնիսկ Թրքահայաստանի

ներկայացուցչի մը կողմէ ստորագրուի, ո՛չ մէկ դրական արդիւնք առաջ չի գար: Թերեւս ատով Տիար Տէր-Ստեփանեանի ակնարկած վտանգն ալ առաջ կու գայ: Կ'առաջարկեմ յետաձգել այս հարցին վիճաբանութիւնը, որովհետեւ քաղաքական իրադարձութիւնները մեծ փոփոխութեան կրնան ենթարկուիլ եւ մեր այսօրուան վիճաբանութիւնը ապարդիւն կը մնայ: Լաւագոյն է անշուշտ, որ այս հարցն ալ Զանագումարի Վսեմ. Նախագահը պարզէ իր ձեռնհասութեամբ, եւ եթէ պէտք տեսնէ՝ մասնագէտներու խորհրդակցութեամբ լուսաբանէ, որովհետեւ եթէ առանց հիմքը շտկելու լոկ ստորագրութեամբ բաւականանանք, կրնան ապագային վնասներու ենթարկել մեր ձգտումները: Եւ ես կը կարծեմ, որ Զանագումարը այդ հաւանականութիւնը բառնալու համար, յանուն գերագոյն շահերու, սիրով պիտի ուզէ զոհել իր նախանձախնդրութիւնները:

Վսեմ. Տիար Գ. Նորատունկեան. Բրօքստըր Պարթլեմէի յղուած հարցումներուն մէջ այդ կէտն ալ մօտեմ շօշափող խնդիրներ կան, որոնք կրնան լոյս սփռել այդ մասին: Երբ իր գրաւոր պատասխանը ստանանք, աւելի գիտակցութեամբ կ'անդրադառնանք այդ կէտին:

Տիար Ա. Չօպանեան. Տիար Ա. Ահարոնեանի կողմէ ծանօթ հեռագիրը դրկուած ըլլալուն նկատմամբ կասկածներ յայտնուեցան:

Տիար Տոքթ. Բարսեղեան. Կարծեմ, թէ վերջնական պատասխան մը կը սպասուէր դրկելու համար:

Տիար Ա. Չօպանեան. Ես կը պնդեմ իմ առաջարկիս վրայ: Պէտք է, որ Փաշան լիազօր նշանակուի ո՛չ միայն թրքահայերու, այլ եւ Զանրապետութեան կողմէ ստորագրելու եւ Զանագումարն ալ լիազօրութիւն տայ Տիար Ահարոնեանի՝ յանուն թրքահայոց ալ ստորագրելու: Միւս կողմէ, համամիտ չեմ Տիար Թերզիպաշեանի, որ Թրքահայաստանի խնդիրը թաղուած կը նկատէ: Եթէ Զանրապետութեան կառավարութեան չպիտի կցուին Թրքական Զայաստանի հողամասեր, ուրեմն ինչո՞ւ Թուրքիան ստիպելին դաշնագիր կնքելու Ռուսական Զայաստանի հետ: Այդ ստիպումը ինքնին փաստ մըն է, որ Օսմ. Կայսրութենէ մասեր պիտի կցուին Զայական Զանրապետութեան: Պէտք է նոր դիմումներ ընենք դաշնագրին հիման վրայ, որպէսզի այդ կցուելիք չորս նահանգներուն ներկայացուցիչն ստորագրէ դաշնագիրը:

Վսեմ. Տիար Գ. Նորատունկեան. Տիար Ահարոնեանին պիտի հարցնեմ, թէ դրկե՞ց հեռագիրը, եւ եթէ ժողովը չի հակառակիր, պիտի յայտնեմ, թէ Զանագումարը կը բաղձայ, որ ամեն կանխատեսութեան համար այդ լիազօրութեան թուղթը պատրաստ ըլլայ: Կրնայ ըլլալ, որ թուրքը ատենին չիասնի, եւ կամ Զանրապետութեան կառավարութիւնը մերժէ: Ասիկա պատճառ մը չէ որ մենք մեր պարտքը չկատարենք: Միւս կողմէ, որովհետեւ ամենուս բաղձանքն է, որ թրքահայերն առանձին ներկայացուցիչ մը ունենան դաշնագրին ստորագրութեան միջոցին, ասոր համար ալ այստեղ կատարուիլը հնարաւոր եղող ամեն բան ընել Պ. Պարթլեմէի գրաւոր կարծիքն ալ լսել վերջ:

Զանագումարը համամտութիւն յայտնեց Տիար Ահարոնեանի մօտ կատարուելիք դիմումին համար եւ այդ առթիւ միաձայնութեամբ ցաւ յայտնեց Փարիզ հրատարակուող թերթի մը կողմէ Պատուիրակութեան Վսեմ. Նախագահին նկատմամբ եղած անվայել հրատարակութեանց մասին:

Ամեն. Դուրեան Արքեպիսկոպոսի մէկ հարցման վրայ՝ Վսեմ. Պօղոս Փաշա յայտնեց, թէ դաշնագրին ստորագրուել վերջ Թրքահայաստանի դատը կրնայ փակուիլ եւ Պատուիրակութեան դերը կը լրանայ: Այս առթիւ՝ Տիար Վահան Թեքեան դիտել տուաւ, թէ այդ հարցը արդէն իսկ օրակարգին վրայ է եւ պիտի քննուի իր կարգին:

Իբր Ազգ. Պատուիրակութեան վերակազմութեան խնդիր Զանագումարը Ազգ. Պատուիրակութեան համարատուութեան վիճաբանութեան անցնելով, խօսք առաւ:

Տիար Ն. Տէր Ստեփանեան. Ազգ. Պատուիրակութեան տեղեկագրէն այն տպաւորութիւնը կրեցինք, թէ Պատուիրակութիւնը չէ ունեցած գործունէութեան որոշ ծրագիր եւ որոշ մեթոտ, թէ այդ գործունէութեան միշտ պակսէր է աշխատանքի լուրջ բաժանում մը, եւ ընդհանրապէս մեր Դատին հետապնդութիւնը կատարուէր է թուլութեամբ, տեսակ մը կանխակալ վիստումով: Տեղեկագիրը չի յիշեր գործնական արդիւնք մը, որ ձեռք բերուած ըլլայ տարուան մը գործունէութեան ընթացքին: Միակ արդիւնքը, որ կը յիշուի, Պ. Զուլփիի հետ ստորագրուած ալիբի պայմանագրութիւնն է: Այս անկազմակերպ գործունէութիւնը դիտուած է նաեւ Պատուիրակութեան երկու յանձնաժողովներուն մէջ: Փաստերը չեն պակսիր այս մասին: Բժշկական Յանձնաժողովը գործեր է առանց Պատուիրակութեան քունթրոլին, նոյնիսկ իր տեղեկագիրը չէ անցած Պատուիրակութեան բովէն: Գալով Բորբականտի Յանձնաժողովին, իր գործունէութիւնը, միեւնոյն թերութեանց բերմամբ, չէ տուած երբեք այն արդիւնքը, որ կը սպասուէր: Նոր Պատուիրակութեան կազմութենէն առաջ անհոգութիւն մը կար այդ մասին, եւ այդ անհոգութիւնը շարունակուեցաւ նաեւ Պատուիրակութեան վերակազմութենէն ետք: Ես ալ, իբր անդամ, սկիզբները մասնակցեցայ այդ Յանձնաժողովին եւ առաջին քայլէն իսկ համոզուի գոյացուցի, թէ կարելի չպիտի ըլլայ դարմանել այդ անփութութիւնը: Ամենակենսական անհրաժեշտութիւն մը կար մեծ tirage-ով օրկանի մը, որ եւրոպական աշխարհին առջեւ մեր պահանջմանց թարգմանն ըլլար յարատեւ եւ ազդու կերպով մը: Բորբականտի համար ամենէն էական միջոցներէն մէկն էր ասիկա, եւ առաջին վայրկեանէն իսկ այդ տեսակ օրկանի մը ստեղծման պէտքը շեշտեցի: Պատուիրակութիւնը պատասխանեց, թէ դրամական միջոցներ չկան: Մինչդեռ, միւս կողմէ, նուազ կարեւոր, նուազ անհրաժեշտ, երբեմն նաեւ անպէտ բաներու համար, որոնք կ'ըլլային բորբականտի անունով, Պատուիրակութիւնը երբեք չդադրեցաւ նոյնիսկ կարեւոր գումարներ ծախսել: Այն բորբականտը, որ կատարուեցաւ, ուղղուած էր սահմանափակ շրջանակի մը: Bulletin-ը գոր սկսան հրատարակել, քաղաքական նպատակի մը չէր ծառայէր, որովհետեւ պարզ տեղեկատու թերթ մըն էր: Երբեք անոր մէջ չպաշտպանուեցաւ մեր ազգային դատին վերաբերող ո'չ մէկ տեսակէտ: Նոյնիսկ այդ վիճակին մէջ՝ կը տպուէր հազիւ 1500 օրինակ, որոնց մեծ մասը կը դրկուէր հայերու, հազիւ 3-400 օրինակ միայն կը տարածուէր օտար շրջանակներու մէջ, այն տեսակ անձերու, որոնք ճանչցուած են իբր մեզի բարեկամ: Մինչդեռ մենք անելի պէտք է աշխատինք մեր բորբականտը կատարել ոչ-բարեկամ կամ անտարբեր տարրերու մէջ՝ նոր բարեկամներ շահելու համար: Միւս կողմէ՝ ո'չ ոք մտածեց զոնէ Ծերակոյտի եւ Երեսփոխանական Ժողովի 1500-ի մօտ անդամներուն դրկել այդ թերթը. անոնցմէ թերեւս հազիւ 50, շատ-շատ հարիւր հոգի կը ստանային զայն:

Անցնելով Պատուիրակութեան գործունէութեան, դիտելի է, որ ո'չ միայն թոյլ եղած է, այլ նաեւ՝ պակասաւոր: Տեղեկագիրը, որ կարդացուեցաւ, հատուցման հարցին նկատմամբ կատարուած ձեռնարկի մը յիշատակութիւն անգամ չունէր: Պատուիրակութեան անդամները այս մասին ինքզինքնին պաշտպանեցին, ըսելով, որ դիմումներ ըրինք եւ պատասխան չստացանք: Բայց կարծեմ սխալ մը չպիտի ըլլայ ըսել, թէ այդ մասին չեն աշխատած պէտք եղածին պէս: Համեմատաբար անձնա հարցերուն շուրջ երկար յօդուածներ գրուէր են, ճառեր խօսուէր են, միթիմներ սարքուէր են, բայց հատուցման կենսական խնդրին համար, որ մեր պահանջմանց մէջ պէտք էր առաջին տեղերէն մէկը զուարէր, ցոյց տրուէր է անփութութիւն մը, զոր ոչինչ կ'արդարացնէ: Ո'չ մէկ լուրջ ու բազմակողմանի ուսումնասիրութիւն այդ հարցին նկատմամբ՝ ոեւէ թերթի մէջ ես զոնէ չտեսայ: Նոյնը կարելի է ըսել նաեւ հայկական ջարդերու հեղինակները պատժելու հարցին նկատմամբ: Ամերիկայի մէջ պէտք էր ամենէն անելի աշխատութիւն շալլուէր մեր Դատին համար, նկատի առնելով մանաւանդ այն սերտ առնչութիւնը, որ հաստատուած էր Հայկական խնդրին եւ

Ամերիկայի քաղաքականութեան միջեւ: Պատուիրակութեան ամբողջ ըրածը այս մասին Յովի. Խան Մասեհեանցը Ամերիկա դրկելու որոշումն էր: Յովի. Խան նախ չդժկամեցաւ, ընդունեց Պատուիրակութեան առաջարկը, նոյնիսկ իրեն քարտուղար նշանակեց Պ. Լեւոն Շանթը, որ բնաւ յարմարութիւն չունէր այդ պաշտօնին: Մասեհեան Խան չզգնաց սակայն, եւ ցաւալի է լսել, որ իր մերժումէն ետք, անբողջ վեց ամիս, Պատուիրակութիւնը այլեւ չանդադարեցաւ այս հարցին, իբր թէ խնդիրը լոկ Յովի. Խանը դրկելու վրայ ըլլար: Մինչդեռ այդպէս չէր, Յովի. Խանը դրկել մտածուեցաւ, որովհետեւ պէտք մը կար Ամերիկա մարդ դրկելու, եւ այդ պէտքը չվերցաւ՝ երբ Յովի. Խան չզգնաց: Ապացոյցը սա է, որ վեց ամիս վերջ դարձեալ այդ պէտքին վրայ խորհուեցաւ եւ մէկի տեղ դրկուեցաւ երկու անձ, ինչպէս մէկ առաքելութեան տեղ ալ երկու առաքելութիւն, ինչ որ սխալ էր, որովհետեւ անձերուն եւ առաքելութեանց հետ՝ հետապնդուած քաղաքականութիւնն ալ կրկնուեցաւ այնտեղ:

Կ'անցնիմ մանտայի հարցին: Տեղեկագիրը չի պարզեր, թէ երբ Ամերիկայի մանտան բոլորովին անհաւանական դարձաւ, Պատուիրակութիւնը ի՞նչ տեսակէտ ունեցաւ: Խօսքեր կան Մր. Ճերալտի առաջարկած ուղղութեան մասին, որուն Ազգ. Պատուիրակութիւնը պէտք չէր որ փարեր, քանի որ Ամերիկեան Քոմիթէն յայտնապէս Ուիլսոնի հակառակորդներու քաղաքական հայեացքները ապացուցած էր: Քանի որ մեզի ծանօթ էին այն հակառակութիւնները, որոնք պիտի յարուցուէին մանտային ընդունելութեան դէմ, իբր Ազգերու Ընկերակցութեան դաշինքէն բխող կարգադրութիւն մը, եւ որոնք վերջ ի վերջոյ անհնարին պիտի դարձնէին ասիկա, ու միւս կողմէ՝ քանի որ Նախագահ Ուիլսոն միշտ լաւ տրամադրուած էր հայոց մասին, պէտք էր ամեն միջոցներով աշխատինք, որ Նախագահը Ամերիկայի կողմէ մեզի ընծայուելիք պաշտպանութիւնը դնէ տարբեր եւ անելի ապահով հիման մը վրայ: Եթէ Հայաստանի պաշտպանութեան առաջարկը ըրած ատենը Նախագահը բացորոշ կերպով մը յայտնած ըլլար, թէ Հայաստանի ընծայուելիք պաշտպանութիւնը Ազգերու Ընկերակցութենէն եւ միջազգային ուրիշ խնդիրներէ անջատ բան մըն է, կարելի էր, որ ընդունուէր իր տեսակէտը: Անտեղի կը գտնեմ նաեւ Անգլիոյ եւ Ֆրանսայի եղած «մանտա»-յի առաջարկը: Որովհետեւ մանտա ընդունիլն այնքան թեթեւ խնդիր մը չէ, որ պետութիւն մը մէկ օրէն միւսը կարենայ ըսել թէ կ'ընդունի: Ատկէ առաջ անհրաժեշտ են նախապատրաստական աշխատութիւններ եւ լուրջ ուսումնասիրութիւններ: Եթէ այսպէս յանկարծ, բոլորովին անակնկալ կերպով մը մանտայի առաջարկ կ'ըլլայ, բնականաբար՝ մերժումէ զատ ուրիշ պատասխան չի ստացուիր: Այս առթիւ կ'ուզէի գիտնալ նաեւ, թէ ինչո՞ւ այդ առաջարկը եղեր է լոկ Անգլիոյ եւ Ֆրանսայի ու Իտալիոյ վրայ չէ խորհուէր:

Կարեւոր հարց մըն ալ Կիլիկիոյ աղէտն է: Այս խնդրին քննութիւնը մեզ կը բերէ սա համոզման, որ ատոր մէջ ալ Ազգ. Պատուիրակութիւնը որոշ եւ հաստատ քաղաքականութիւն մը չէ ունեցեր: Կիլիկիոյ մէջ՝ մեր ժողովուրդը բնաջնջման սպառնալիքի մը ենթարկուած էր: Կատարուած դիմումներուն Գերագոյն Խորհուրդը կ'պատասխանէր, թէ այդ մասին պէտք է խօսելիք Ֆրանսայի հետ: Քանի որ յոյսերնիս կտրած էինք Ֆրանսայէն, պէտք էր իրողութիւնը հասկնել Պ. Տամատեանի, եւ յայտնելով, թէ Դաշնակից պետութիւններէն ոեւէ յոյս չկայ, զինքը ազատ թողուլ, որ տարամերժօրէն ժողովուրդի ֆիզիքական գոյութեան ապահովութիւնը ի նկատի ունենալով, ճշդէ իր քաղաքականութիւնը՝ նոյնիսկ թուրքերուն հետ որոշ համաձայնութեան զալով: Այնպէս ցոյց տրուեցաւ, թէ աշխատուած է Պոլսոյ գրաւման խնդիրը արժարծելու, որովհետեւ՝ այդ կերպով կարելի պիտի ըլլար թուրքերը բնաջնջելու, որ դադրեցնէ իրենց գործունէութիւնը Կիլիկիոյ մէջ: Բայց ատով Ազգ. Պատուիրակութեանը Կիլիկիոյ մէջ պէտք եղաւ անզլ. քաղաքականութեան, որուն անկեղծ ջրլալուռն ապացոյցն ան է, որ արդէն Կիլիկիոյ ջարդերուն լուրերը սկսած էին հասնիլ, երբ Գեր. Խորհուրդը որոշեց Պոլիսը թուրքերուն թողուլ:

Երեւանի հետ միացման հարցին շուրջ կատարուած բանակցութեանց մասին տեղեկագրին ըսածները ճիշդ են, բայց ինչո՞ւ այդ խնդիրը չէ ներկայացուել իւր ամբողջութեամբ: Օրինակի համար՝ տեղեկագիրը չըսէր, թէ երբ Ազգ. Պատուիրակութիւնը Պ. Խատիսեանի հեռագրեց, որ պարագաներուն փափկութիւնը նկատի առնելով կ'ընդունի իր փոխ-առաջարկները, Պ.Խատիսեան չպատասխանեց: Մինչդեռ ասիկա վե՛տ մըն էր, պէտք է արծանագրուած մնար, եւ պատճառն ալ ցոյց տրուէր: Ես վստահ եմ, որ Պ. Խատիսեան չպատասխանեց հակառակ իր կամքին, եւ այն ազդեցութիւնը, որ այս մասին զինքը այդ ընթացքին մղեց, կատարուած էր Փարիզէն:

Այս քննադատութիւնները ընել է վերջ, քննադատութիւններ, որոնք թերեւ ծանր նկատուին, չեն ուզեր խօսքս ւաւորտել առանց թուելու այն պարագաները, որոնք կերպով մը արդարացումներ կրնան նկատուիլ Պատուիրակութեան թերացման համար: Նախ որ Ազգ. Պատուիրակութիւնը շատ դառն ժառանգութիւն մը ունեցաւ: Նախ՝ պատերազմի սկիզբը Կովկասի մէջ ազգային քաղաքականութեան դրած ուղղութիւնը: Երկրորդ՝ հին Ազգ. Պատուիրակութեան գործունէութիւնը եւ յետոյ՝ զինադադարէն սկսեալ Երեւանի Զանրապետութեան քաղաքականութիւնը: Ուրիշ մեծ դժուարութիւն մը սա էր, որ Ազգ. Պատուիրակութիւնը, Զամագումարին անցեալ նստաշրջանին մէջ տուած որոշման համաձայն, ստիպուած էր գործել Զանրապետութեան Պատուիրակութեան հետ: Պէտք էր արտակարգ զգուշաւորութիւն մը, որովհետեւ երկու Պատուիրակութեանց միջեւ բաղխումներ միշտ կրնային տեղի ունենալ, եւ տեղի ունեցան, յայտնի է, թէ ինչո՞ւ: Այդ բաղխումներուն պատճառաւ երկու Պատուիրակութեանց գործունէութեան երեք չորրորդ մասը գրաւեցին ներքին վեճերը: Ատր մէջ՝ յանցանքի մեծագոյն բաժինը վերագրելի է Զանր. Պատուիրակութեան: Ան մանաւանդ պատճառ եղաւ, որ համերաշխ գործունէութիւն մը չստեղծուի: Իբր ապացոյց յիշեմ, որ անցեալ տարի, ամբողջական Զայաստանի Պատուիրակութեան կազմութեան միջոցին, Պ. Ահարոնեան հանդիսաւորապէս յանձնառու եղաւ, որ միասին պիտի գործէ Ազգ. Պատուիրակութեան հետ. ամիս ու կէս տեք: Երեւանի մէջ հռչակուեցաւ Մայիս 28-ի աքտը, առանց Ազգ. Պատուիրակութեան գիտութեան, ինչ որ արդէն հակասութիւն մըն էր իր յանձնառութեան հետ: Բայց ասով չբաւականացան: Այստեղ ձեռք առաւ թերթ մը, անոր խմբագիրը կարգեց Զանրապետութեան Պատուիրակութեան քարտուղարը, եւ անոր միջոցով ամենաբուռն եւ ամենախայտառակ պայքար մը սկսաւ Ազգ. Պատուիրակութեան եւ իր Նախագահին դէմ: Այս տեսակ մթնոլորտի մը եւ այս տեսակ պայմաններու մէջ ու այդ տեսակ մարդոց հետ աշխատելու բռնադատուած ըլլալով, կ'ըմբռնեմ, որ Ազգ. Պատուիրակութիւնը մեծ արդիւնք չտար: Եթէ պէտք կայ ուրիշ ապացոյցի՝ կարելի է յիշել նաեւ Ամերիկայի կրկին ներկայացուցիչներուն եւ կրկին առաքելութեանց պառաքելուն: Բայց դեռ շատ կարեւոր աշխատութիւն մը կայ կատարուելիք Եւրոպայի մէջ: Պէտք է ջանամք, որ այս ներքին հիւանդագին վիճակին դարման մը գտնենք, որպէսզի վերջապէս կարելի ըլլայ առողջ եւ բեղմնաւոր հիման մը վրայ դնել մեր արտաքին գործունէութիւնը:

Տիար Թերզիպաշեան. Առանց մտնելու տեղեկագրին շօշափած հարցերու ելութեան մէջ, առ այժմ պիտի խօսիմ տեղեկագրին կազմութեան, կառուցութեան մասին: Մենք կը սպասենք, որ տեղեկագիրը՝ միլիոնաւոր զոհերու եւ միլիառներու հասնող նիւթական կորուստներու զինք, եւ անոնց իրաւունքներուն liquidation-ի տղքիւմանը ըլլալով, իր լրջութեան համապատասխան արժէք մը ունենար գոնէ: Զայ պատմութեան մէջ չկայ էջ մը, որ պարունակէ զոհողութեան, կորուստի եւ ճակատագրական փոփոխութիւններու այդքան խոշոր անցքեր, որքան այս տղքիւմանը պիտի փոխանցէ հայ ապագայ սերունդներուն: Ամբողջ դարեր հայ սերունդները պիտի կարդան այս տղքիւմանը, որ, ինչպէս ըսի, իր կառուցութեան չի ներկայացներ համապատասխան արժէք մը, եւ որուն մէջ թուական վիճակագրութեան անճշդութիւններ, հակասութիւններ ու քաղաքական անըմբռնողութիւն զիրար կը

խաչաձեւէն: Պատուիրակութիւնը պէտք է սկսեր իր գործունէութեան ծագումէն, Զայկական Զարցի գոյալիճակը բացատրելով պարզաբաներ հետզհետէ ստացած փոփոխութիւնները, որոշ պատճառաբանութիւններով: Եւ որովհետեւ տեղեկագիրը պատրաստած օրը ի ձեռին ունէր դաշնագիրը, Զամագումարին պէտք է ներկայացներ իր գործունէութեան արդիւնքը, հիմնուելով դաշնագրին տրամադրութեանց վրայ, որոնց մասին բերելու էր իր տեսակետներն ու կարծիքները: Մենք տեղեկագրին մէջ չենք տեսներ այս բանը: Չենք տեսներ յիշատակութիւնը Յունիս 28-ի Վերսալի Դաշնագրի 22-րդ յօդուածին պատմութեան, որ մեր Զարցին առաջին հաստատուն հանգրուանը եղաւ, չենք տեսներ ռուս քաղաքականութեան դիրքը ճշդող այն մօթը, որով կը ճանչնային 22-րդ յօդուածով Զայկական Զարցին ստացած քաղաքական դիրքը, այն Ռուսիոյ, որ 40 տարիէ ի վեր իր քաղաքականութեան խրտուիլակ ըրած էր Զայկական Զարցը, չենք տեսներ գործունէութեան որոշ ծրագիր մը եւ հետեւողականութիւն: Ընդհակառակը, մենք կը տեսնենք ընդհակառակը այդ տեղեկագրին մէջ՝ յեղեղուկ քաղաքականութիւն մը, որ յանկարծ կը փոխուի օտար թելադրութեան մը վրայ: Տեղեկագրին հետ կապ չունեցող մէքերումներ, թուական եւ վիճակագրական սխալներ, եւ, ինչ որ աւելի ուշադրութիւն կը գրաւէ, խնդրին ելութիւնը վերլուծելու աշխատութեան խուսափելու եւ ընդհակառակը, գանազան յուսատու, սակայն անհետեւանք խաբուսիկ երեւոյթներու պատմութիւններով տպաւորութիւն թողելու ջանք մը:

Պարտաւոր կը զգամ ինքզինքս՝ այս ամենը ապացուցելու՝ կարգ մը դրուագներ յիշատակելով տեղեկագրին պարունակութեան:

1. Պատուիրակութիւնը գանազան որոշումներու կարգին յիշատակած է Տիար Տեր-Ստեփանեանի՝ Դռոմի ներկայացուցիչ կարգուած ըլլալը: Ամենքս ալ գիտենք սակայն, որ Տիար Տեր-Ստեփանեան այդ պաշտօնին չէ կոչուած, հակառակ անոր, որ Պատուիրակութիւնը պատրաստ էր առաջին օրէն Իտալիոյ մէջ ներկայացուցիչ մը ունենալ, քանի որ Իտալիա մէկն էր այն երեք կամ չորս պետութիւններէն, որոնց ձեռքին մէջ էր Զայկ. Զարցին լուծումը: Բայց ասիկա ուրիշ խնդիր մըն է, որուն թերեւ անդրադառնանք երբ հարցը քննենք ըստ ելութեան: Կը հարցնեմ, թէ ինչո՞ւ տեղեկագրին մէջ յիշատակուել է որոշում մը, որ չէ գործադրուել եւ կամ գոնէ ինչո՞ւ բացատրութիւն չէ տրուել, թէ ինչո՞ւ չէ գործադրուել:

2. 1919 Ապրիլ 11-ին Ամերիկայի եղած մանտայի առաջարկին առթիւ տեղեկագիրը կ'ըսէ, թէ Ամերիկեան Պատուիրակութեան անդամ Պ. Ուիլեամս պատասխանած է. «խաղաղութեան Դաշնագրին՝ Ամերիկայի Ծերակոյտին կողմէ վաւերացուելէն ետք միայն կարելի է անցնիլ այդ հարցին, եւ այլն»: Արդ, Ապրիլ 11-ին Պ. Ուիլեամս չէր կրնար խաղաղութեան Դաշնագրին մասին խօսիլ, քանի որ այդ Դաշնագիրը Յունիս 28-ին միայն երեւան եկաւ: Այստեղ՝ վրան բաց հակասութիւն մը կայ:

3. Տեղեկագիրը կը յայտնէ, թէ Նախագահ Ուիլսոն Դուրեան Սրբազանին բերանացի եւ Պատուիրակութեանց Նախագահներուն բերանացի ու գրաւոր յայտնած է իր փափաքը Զայաստանի մանտայ ընդունելու մասին: Մենք լաւ կը յիշենք թէ՛ Դուրեան Սրբազանի եւ թէ՛ Պատուիրակութեանց Նախագահներուն՝ Զամագումարին մէջ ըրած յայտարարութիւնները, որոնց համաձայն՝ Նախագահ Ուիլսոն ըսած է համակրական խօսքեր, ըսած է նաեւ, որ եթէ Ամերիկա ռեւէ մանտա ստանձնէ, ատիկա Զայաստանի մանտան պիտի ըլլայ, բայց չէ ըսած բնաւ, թէ ինք կը փափաքի ստանձնել Զայաստանի մանտան:

4. Տեղեկագրին մէջ պատմութիւններ կան, որոնց համաձայն՝ անցեալ տարի՝ Թուրքիոյ բաժանման մասին վճռական կարգադրութիւններ եղած են, եւ սակայն վերջէն հնդիկ պատգամաւորութեան դիմումին վրայ, անգործադրելի մնացած են: Աւելորդ է ըսել, թէ ո՛չ այս տեսակ որոշում մը եղած է, ո՛չ ալ հնդիկ պատգամաւորութիւնը այդ մասին ռեւէ դեր կատարած է:

5. Տեղեկագիրը նույնութամբ արտագրեր է Քլեմանտյի կողմէ Ֆերիտ Փաշայի ուղղուած հռչակաւոր նամակին զանազան մասերը, իբր թէ Պատուիրակութիւնը դեր մը կատարած ըլլար այդ նամակին խմբագրութեան մէջ, կամ ինք ալ բան մը թելադրած ըլլար այդ առթիւ: Եթէ այդ նամակը գրող ֆրանսացի դիւանագետները հայանպաստ քաղաքականութեամբ մը Հայկական Հարցին յաջող մէկ ուղման ջանային, անշուշտ այդ նամակին յիշատակութիւնը կ'արժէր: Բայց այսօր, երբ որբալի յուսախաբութիւններու մատնուած ենք, եւ ասոր մէջ, դժբախտաբար, ֆրանսացի դիւանագետներ իրենց տխուր դերի բաժինը ունեցած են, աւելորդ հեզանք մը չէ՞ արդեօք այդ նամակին յիշատակութիւնը:

6. Տեղեկագիրն մէկ հատուածը այն տպաւորութիւնը կը թողու, թէ թրքաւերներու գործն էր հակաուխլտնեան շարժումը: Թերեւս այսպէս ըսել չէ ուզուած, որովհետեւ հաւանական չէ այս տեսակ բան մը, բայց ես իմ ֆրանսերէնի անբաւական ծանօթութեամբս այդ տպաւորութիւնը կրեցի:

7. Ամերիկայի մէջ՝ Պ. Ճերարտի քաղաքականութեան պատմութիւնը ընելով, տեղեկագիրը կ'ըսէ, թէ Պատուիրակութիւնն ալ հակուած էր դէպի այդ քաղաքականութիւնը: Արդ, մեր Հարցին հիմքը 22-րդ յօդուածը եւ մեր Պատին պայտեանն ալ Ուիլսոն ըլլալով, ու միւս կողմէ՝ հայերու ձգտումը Ուիլսոնի քաղաքականութեան հետ նոյնացած ըլլալով, ինչպէ՞ս կ'ըլլայ, որ Պատուիրակութիւնը կը թողու այն հաստատ գետինը, որուն վրայ կեցած էր եւ կ'ընդգրկէ քաղաքականութիւնը մի ոմն Ճերարտի, որ ո'չ մեր ազգային ձգտումներուն ծանօթ է, ո'չ ալ մեր շրջապատին, որուն Հայկական Հարցի շուրջ ունեցած գործունէութիւնը լեցուն է հակասութիւններով, եւ որուն համար կը պատմեն, թէ շատ անգամ առանց կարողալու կը ստորագրէ Պ. Գարտաշեանի կողմէ իրեն ներկայացուած հեռագիրները: Կը հարցնեն դարձեալ, ինչպէ՞ս Պատուիրակութիւնը կ'իլրացնէ այս տեսակ մարդու մը քաղաքականութիւնը եւ անոր հետ ալ՝ զանազան զաղութներու հեռագիրներ ղրկելով՝ կը պաշտպանէ Պ. Ուիլսոնի առաջարկը, որ շարունակութիւնն է Ճերարտի թէզին: Ասոնք հակասութեան եւ անհետեւողականութեան մէջ մեծ գլուխգործոցներ են, որոնց եւրօսիւնը պիտի քննադատենք անշուշտ: Անոնց յիշատակութիւնը տեղեկագրին մէջ կ'ապացուցէ Պատուիրակութեան քաղաքական անըմբռնողութիւնը:

8. Տեղեկագիրը կը յիշատակէր Մասեհեան Խանի Ամերիկայի ներկայացուցչութեան պաշտօնէն հրաժարելու իրողութիւնը եւ կ'աւելցնէ, թէ «քիչ ետքը» ղրկուեցաւ Բրոֆ. Տէր-Յակոբեան: Արդ, Մասեհեան Խան հրաժարած է Յունիսի սկիզբը, իսկ Բրոֆ. Տէր-Յակոբեան մեկնած է Նոյեմբերին: Արդեօք «քիչ ետքը» ասութիւնը կը բացատրէ՞ այն հինգ ամսուան անջրպետը, որ կայ այդ թուականներուն միջեւ: Մենք դեռ չենք խօսիր այդ երկար շրջանին Ամերիկայի մէջ ներկայացուցիչ չունենալու սխալին նկատմամբ:

9. Տեղեկագրին մէջ Քըրզընի առաջարկին առթիւ՝ երկու անգամ աղօտ բացատրութիւններով իրարու հակասող տեղեկութիւններ կան, որոնց համաձայն՝ նախ կը համակերպին Քըրզընի առաջարկին, եւ սակայն կ'որոշեն շարունակել իրենց նախորդ քաղաքականութիւնը, յայտարարելով, որ չեն հրաժարիր իրենց ձգտումներէն եւ յետոյ՝ նորէն կ'ուզեն, որ Հայաստան կազմուի Վանայ, Պիլիսի, Էրզրումի նահանգներով, իսկ մնացեալ մասին համար օթօնօմի կը պահանջեն:

10. Տեղեկագիրը կ'ըսէ, թէ Լոնտոնի Վեհաժողովը վերջնականապէս որոշեց հայ միացեալ պետութեան մը կազմութիւնը եւ մօտաւորապէս գծեց անոր սահմանները: Մեզմէ ո'չ ոք չի կասկածիր, թէ Լոնտոնի մէջ այդ տեսակ վերջնական կարգադրութիւնները չեն եղած: Արդեօք՝ զարմանալի չէ՞ գտներ, որ վերջնական կարգադրութեան ծանօթանալէ ետք, Պատուիրակութիւնը դեռ կը խօսի ուրիշ հին կարգադրութիւններու մասին, զանոնք վերջնական անուանելով:

11. Տեղեկագիրը կը խօսի Անգլիոյ կողմէ հայոց ռազմամիջ տալու խոստումի մասին, եւ կ'աւելցնէ. «Այս խոստումները իրականանալու ճամբուն մէջն են»: Մենք որ

անգլ. քաղաքականութեան ծանօթ ենք, որ գիտենք թէ քանի ամիսէ ի վեր պահումի մէջ վար դրած է հայկական օդանաւեր, անգլիական խոստումներու իրականութեան ճամբուն մէջ տեսնելու համար գէթ ռազմամիջերու բեռնուած ըլլալուն լուրը ունենալու էինք: Ունի՞նք այդ լուրը, վստահ եմ, թէ ո'չ:

12. Անգլիոյ եւ Ֆրանսայի մանտան ստանալու համար՝ Պատուիրակութիւնը իր ջանքերը հետեւեալ կերպով կը նկարագրէ: Հարցուցեր է, թէ կ'ուզէ՞ն արդեօք իրենք ստանձնել Հայաստանի մանտան: Մենք կը յուսանք, թէ Պատուիրակութիւնը ջանքեր ըրեր է ստանալու համար Անգլիոյ կամ Ֆրանսայի մանտան, բայց այն ձեւով, որ պարզուած է տեղեկագրին մէջ, մանտա չուզուիր:

Վսեմ. Պօղոս Փաշա Նուպար. Բայց այդ ձեւով չէ, որ ուզուեցաւ իրենց մանտան: Բնականաբար, չէինք կրնար մէկ կողմը լուր չունեցած՝ միւս կողմին դիմել: Եւ ճիշդ այսպէս ըրինք, որպէսզի երկու կողմերէն ո'չ մէկը նեղանայ: Պէտք է ըսեմ, սակայն, թէ այս ամենը եղան խօսակցութիւններով:

Տիար Թերզիպաշեան. Պէտք էր այդպէս գրուեր տեղեկագրին մէջ, մինչդեռ՝ այն ձեւով, ինչպէս որ ներկայացուած է այս խնդիրը տեղեկագրին մէջ, սա տպաւորութիւնը կը թողու, թէ գէշ կերպով դիմուեր է եւ գէշ կերպով ալ մերժուեր է:

13. Տեղեկագրին մէկ հատուածը ի մէջ այլոց կ'ըսէ. «Գերագոյն Խորհուրդը Լոնտոնի մէջ Հայաստանի սահմանները գծելէ վերջ, եւ այլն»: Այս տեսակ հաւաստում մը ընելու համար անհրաժեշտ էր իրականութիւն մը, որ սակայն կը պակսի: Ի գուր պիտի փնտռենք փաստ մը Լոնտոնի այդ սահմանագծման ստուգութեան մասին:

14. Տեղեկագիրը կ'ըսէ, թէ «Ազգերու Ընկերակցութիւնը գումարուեցաւ մասնաւորապէս Հայաստանի համար»: Այս պարբերութիւնը հայերու համար ողորջ բացատրութիւն մը ունի, բայց իրականութեան հակառակ է: Ազգերու Ընկերակցութեան Ապրիլ 11-ի հաւաքումը իր օրակարգին վրայ ունէր չորս հարցեր, որոնցմէ մէկն էր միայն Հայաստանի մանտային հարցը:

Տիար Չօպանեան. Երբ մենք Լոնտոն էինք, որոշուած էր լոյս Հայաստանի հարցին համար գումարել, վերջէն օրակարգին աւելցուցին նաեւ միւս խնդիրները:

Վսեմ. Պօղոս Փաշա Նուպար. Լոնտոնի մէջ էր, որ Գերագոյն Խորհուրդը անակնկալ կերպով մը որոշում տուաւ այդ մասին եւ անմիջապէս հաղորդեց հեռագրով Պ. Լէոն Պուրժուայի, հարցնելով, թէ արդեօք Ազգերու Ընկերակցութիւնը կը հաւանի՞ Հայաստանի մանտան ընդունիլ: Պ. Պուրժուա, պատասխանելով, խնդրեց, որ աւելի բացորոշ տեղեկութիւն եւ լուսաբանութիւն տրուի խնդրին նկատմամբ, եւ այդ առթիւ յայտնեց, թէ Ապրիլ 11-ին, Ընկերակցութեան Գործադիր Խորհուրդը մասնաւոր միտ մը գումարելով պիտի քննէ Հայաստանի մանտային հարցը: Գումարման որոշումը տրուած էր Հայաստանի հարցին համար, բայց վերջէն, գումարումէն օգտուեցան քննելու համար նաեւ ուրիշ հարցեր: Չմոռնա՞մ այս առթիւ ըսելու, որ Գործադիր Խորհուրդին քննութիւնը խորհրդակցական հանգամանք մը միայն ունէր, վերջնական որոշումը պիտի տար Ազգերու Ընկերակցութեան Ընդհ. ժողովը:

Տիար Ա. Թերզիպաշեան. Տեղեկագիրը կ'աւելցնէ. «Ազգերու Ընկերակցութիւնը որոշեց ստանձնել Հայաստանի մանտան»: Բայց Ընկերակցութեան այդ օրուան որոշումը չի պարունակեր շատ համակրալից նախադասութիւններ: Այդ որոշումը, իւր ամբողջութեան մէջ՝ չունէր ո'չ նպաստաւոր, ո'չ ալ որոշ կարգադրութեան մը հանգամանքը: Ընդհակառակը՝ իր պաշտպանութիւնը կը կապեր շատ մը բարդ ու դժուարին պայմաններու հետ, ինչպէս զինուորական եւ ֆինանսական օգնութիւն, եւ այլն: Գալով «Protection» բառին, այդ բառը մենք աւելի առաջ լսած էինք՝ Խաղաղութեան Ղաշնագրին մէջ, որով հայերը կը մտնէին Ազգերու Ընկերակցութեան խնամակալութեան տակ:

15. Տեղեկագիրը կը յայտնէ, թէ «Լոնտոնի մէջ եղած դիմումներու վրայ՝ բրիտանական կառավարութիւնը որոշեց գրաւել Պոլիսը»: Չեմ գիտեր, թէ ի՞նչ ըսել կ'ուզուի. Պատուիրակութիւնը դեր մը կատարե՞ր էր ատոր մէջ, թէ՞ ո'չ: Բայց գիտեմ, թէ

Մարաշի ջարդին հետեւանքով էր, որ Մարտի սկիզբը անգլ. նաւատորմը Պոլիս եկաւ: Իսկ թէ Պոլսոյ գրաւման պէս վերին աստիճանի քաղաքական նշանակութիւն ունեցող քայլ մը ամռան տեւոյն էր Պատուիրակութեան դիմումին վրայ, ներեցէ՛ք, որ կասկածս յայտնեմ այս մասին: Նոյնիսկ եթէ Պատուիրակութիւնը ապահով ըլլար այս մասին, գէթ ուրիշ մտածումով դնելու չէր ասիկա իր տեղեկագրին մէջ, նկատելով որ թուրքերուն համար դէպի հայերը թշնամութեան եւ գրգռութեան մեծ պատճառ մը կրնար դառնալ իրենց մայրաքաղաքին գրաւումը: Բարեբախտաբար, թուրքերն ալ չեն հաւատար այդ բանին:

16. Դարձեալ, ՍանՌեմոյի իրադարձութեանց առթիւ, տեղեկագիրը յիշատակած է Ամերիկայի ներկայացուցիչ Պ. ճոնսոնի հետեւեալ խօսքերը, թէ «Յայկական Հարցը բարեկամ ձեռքերու մէջ է»:

Վսեմ. Պօղոս Փաշա Նուպար. Դեսպանը ըսաւ, որ «սահմաններու իրաւարարութիւնը ենթարկուած է Նախագահ Ուիլսոնի, կրնաք ապահով ըլլալ թէ ձեր դատը լաւ ձեռքերու մէջ է»:

Տիար Գ. Ֆնտզեան. Համանման յայտարարութիւն մըն ալ Պ. Լլոյտ ճորճ ըրաւ: Տիար Ա. Թերզիպաշեան. Սան Ռեմոյի իրադարձութիւնները եւ դաշնագրին մեզի պարգեւած արդիւնքը տեսնելէ վերջ՝ Ամերիկայի ներկայացուցչին խօսքերը հեզմակամ իմաստ մը կը ստանան եւ այդ տպաւորութիւնը կը թողուն: Մինչդեռ տեղեկագիրը կը յիշէ այդ խօսքը դրական իմաստով մը՝ որպէս յուսատու դրուագ մը:

17. Խօսելով վնասուց հատուցման հարցի մասին, տեղեկագիրը փոխանակ վեր հանելու դաշնագրին այն տրամադրութիւնները, որոնցով հայերը զրկուած են վնասուց հատուցման իրաւունքէն, փոխանակ ցոյց տալու արդիւնքը, որ, դժբախտաբար, շատ բացասական է, կը յիշատակէ եղած շատ մը խոստումներէն մէկը՝ ըսելով. «Մեր դիմումներն ընդունուեցան շատ նպաստաւոր կերպով»:

18. Տեղեկագիրը կը խօսի նաեւ այն սերտ յարաբերութեանց մասին, զորս Պատուիրակութիւնը պահած է գաղութներու եւ Պատրիարքարանի հետ: Ուրիշ առիթի կը թողուն անդրադառնալ, թէ Պատուիրակութիւնը հայութեան կեդրոնին՝ Երեւանի հետ յարաբերութիւն չէ ունեցած ուղղակի ներկայացուցչի մը միջոցով: Հիմա կը բաւականանան յիշատակելով, որ վերջին հինգ ամիսներուն ընթացքին Պատրիարքարանը ստացած է միայն մէկ նամակ՝ Լորտ Քըրզընի տեսակցութեան առթիւ, եւ մէկ հեռագիր՝ Պատրիարքին ուղեւորութեան համար: Եթէ այս է ամբողջ յարաբերութիւնը, կը կարծեմ, որ սերտ ըլլալէ հեռու է:

19. Տեղեկագիրը կ'ըսէ. «Յունաստան միշտ պաշտպանեց Հայկական Հարցը»: Ո՞ր Յունաստանը, Վենիզելոսի՞նը, որ մէկ կողմէն Տրապիզոնը հայերուն տուաւ, միւս կողմէն պոնտոսացիները հայերուն դէմ հանեց: Ա՞յն Վենիզելոսը, որ քանի մը օր առաջ խորհրդարանին մէջ ըսած է. «Կը յուսամ, որ Նախագահ Ուիլսոն կը բաւականանայ հայերուն Սեւ Ծովու վրայ տնտեսական ելք մը տալով, եւ ո՛չ թէ երկրամաս մը»: Ա՞յն Վենիզելոսը, որ նախապէս ամբողջ Տրապիզոնի նահանգը կու տար: Եւ յետոյ, ինչպէ՞ս կարելի է Յունաստանի պաշտպանութեան խօսքը ընել, այդ աստիճան դրական բառ մը գործածել, երբ արդիւնքը բացասական է:

20. Տեղեկագիրը կ'ըսէ, որ ասորիներու եւ քաղղէացիներու հետ հաւաքական դիմումներ ըրած ենք, իսկ դիմումներուն առարկայ եղող հարցերու մասին ո՛չ մէկ խօսք կ'ընէ: Եթէ այդ դիմումներուն առարկաները հետաքրքրական բաներ չէին, ուրեմն դիմումներն ալ պէտք չէին յիշատակուեր: Նոյնքան անիմաստ է նաեւ այն «հիմնական յաջողութիւններ» անուանումը, որոնք Պատ. -թիւնը կու տայ դաշնագրին՝ հայոց պաթթանող յօդուածներուն, որոնք արտագրուած են տեղեկագրին վերջը: Այդ յօդուածները, որոնց մէջ անտեսուած են հայոց վնասուց հատուցման եւ վերաշինութեան իրաւունքը, որոնց մէջ Թրքահայաստանի հարցին անունն անգամ չկայ, հարցը դրուած է լոկ սահմանագծած ձեւով եւ ենթարկուած իրաւարարութեան մը՝ լի հազար տեսակ արգելիչ անակնկալներու հաւանականութեամբ, վերջապէս՝ այն

յօդուածները, որոնց մէջ թաղուած է Թրքական Հայաստանի հարցը՝ «հիմնական յաջողութիւն» անուանել, անգամ մըն ալ կ'ապացուցէ քաղաքական ըմբռնողութեան աստիճանը: Տիար Զօպանեան անկախ Հայաստանի խօսքը կ'ընէ: Այդ անկախ Հայաստանը ստեղծուած է Ռուսական Յեղափոխութեան բերմամբ եւ կապուած է անոր պայմաններուն հետ: Դաշնակիցները ճանջցան այդ Հանրապետութիւնը ո՛չ թէ այս կամ այն Պատուիրակութեան ջանքերով, այլ՝ այն օրը միայն, երբ իրենց քաղաքական հաշիւներուն համար ռումբ մը պէտք էր պոլշեիկներու դէմ: Եւ այդ օրը ամոնք առաջին անգամ ճանջցան Կովկասեան այն պետութիւնները, որոնք աւելի մօտ ըլլալով պոլշեիկներուն, աւելի արագ դեր մը կրնային կատարել: Մի՞ մոռնաք, որ անոնք ճանջցան նախ վրացոց եւ թաթարներու անկախութիւնը, յետոյ հայերունը, իւր կարգին գայն համարելով բնական ռումբ թէ՛ պոլշեիկներու եւ թէ՛ համիլանականներու դէմ: Թողով այս հարցը, որուն մենք ըստ էութեան քննութեան առթիւ պիտի անդրադառնանք անշուշտ, եւ կ'եզրակացնեմ, թէ տեղեկագիրը ոստոսած է հարցի մասին ձեռք բերած արդիւնքին վրայէն, արդիւնք, որ, դժբախտաբար, շատ բացասական է, թէ մասնաւոր ջանք թափուած է միայն յետահայեաց կարեւորութիւն ունեցող գոյ կամ անգոյ, լուսատու բայց խաբուսիկ երեւոյթներով շարեւելու եւ ծածկելու հարցին այսօրուան դժբախտ մերկութիւնը:

Տիար Թերզիպաշեան պատրաստակամութիւն յայտնեց նաեւ խօսելու հայ-քրտական համաձայնութեան մասին՝ եթէ ժողովը փափաքէր: Համագումարը հաւանութիւն յայտնելով, խօսք առաւ.

Առաջին անգամ, անցեալ տարի, երբ Համագումարին մէջ անցաւ քրտական անկախութեան խօսքը, ո՛չ ոք տարակարծիք մնաց, որ քրտական անկախութիւն մը ամենաիրական սպառնալիք մը կրնար դառնալ Հայաստանի անկախութեան գոյութեան եւ տեսականութեան դէմ: Համագումարը որոշ տիրէքթիւ տուաւ Պատուիրակութեան՝ Քիւրտիստանի մասին: Այդ տիրէքթիւ կը կարծեմ տրամագծապէս խտտոր չի համեմատիր անկախ Քիւրտիստանի մը կազմութեան գաղափարին, որուն սակայն նպաստած է Ամբողջական Հայաստանի Պատուիրակութիւնը: Ես կ'ուզէի անձնական ծանօթութիւններով քիչ մը աւելի լուսաբանել այս հարցը: Եթէ Վանի, Էրզրումի եւ Պիթլիսի վիլայէթները ստանանք որպէս մեր կրճատուած յոյսերու «մաքսիմում»ը, ատոնցմէ Վանայ վիլայէթին մէջ պատերազմէն առաջ գտնուած են 250000 քիւրտի դէմ 160000 հայ, իսկ Պիթլիսի վիլայէթին մէջ՝ 300000 քիւրտի դէմ 200000 հայ: Եթէ գեղջեք քրտաբնակ Յէքիարիի եւ Սղերդի շրջանները, նորէն քիւրտերը մեծամասնութիւն կը կազմեն: Արդ, մեր թեզը սկիզբէն ի վեր այն եղած էր, թէ քիւրտ տարրը, որպէս կիսավայրենի ժողովուրդ, որ չունի ո՛չ գրականութիւն, ո՛չ ալ քաղաքակրթութիւն, Հայաստանի մէջ հայկական արդար ռեժիմի մը համակերպող ժողովուրդ մը պիտի ըլլայ: Այսօր, ջարդերու հետեւանքով, մեծամասնութեան համեմատութիւնը մեծապէս խախտած է այդ շրջանին մէջ ի նպաստ քիւրտերու: Երբ Վանի շրջանին մէջ ներկայիս բնակող 100000 քիւրտի դէմ մենք լաւագոյն պայմաններու մէջ հազիւ պիտի կրնանք փոխադրել 60000 հայ, Պիթլիսի մէջ ներկայիս ապրող նոյնքան քիւրտերու դէմ մենք հազիւ պիտի կրնանք փոխադրել 20000 հոգի: Անշուշտ, մեզի աւելի դիւրին պիտի ըլլար կառավարել քիւրտերը որպէս հպատակութեան վարժուած ժողովուրդ, բայց այսօր երբ Անգլիոյ քաղաքականութեան եւ Ազգ. Պատուիրակութեան սխալ քայլին շնորհիւ քիւրտերու մէջ անկախութեան գաղափարը մտաւ, եւ չէմ գիտեր, թէ ինչպէ՞ս պիտի յաղթահարենք այն դժուարութիւնները, զորս պիտի կրենք որպէս փորձաքննութիւն կառավարելու համար մեզմէ բազմաթիւ ցեղ մը, կիսավայրենի եւ զինուած, որ մեր սահմաններուն մօտ պիտի ունենայ անկախ Քիւրտիստան մը: Դեռ Քիւրտիստան չստեղծուած անոնք արդէն սկսած են Վանայ եւ Պիթլիսի մասին խօսիլ իբր Քիւրտիստանի յատուկ շրջաններ: Գիշդ է, որ Անգլիոյ շահը կը պահանջէր Քիւրտիստանի մը ստեղծումը, նախ իբր ապառնալիք հանդէպ Թիւրքիոյ, յետոյ՝ որպէս միջոց գայն տկարացնելու, բայց

Անգլիա պիտի դժուարանար այդ հարցը մէջտեղ դնել, տրուած ըլլալով, որ քիւրտերը անկախութեան ո՛չ մէկ ստորագելի չունենալէ զատ, մինչեւ վերջ թուրքերու հետ կռուած էին Դաշնակիցներու դէմ եւ անոնց ձեռքով կատարուած էին հայկական ջարդերը մեծ մասամբ: Յայ եւ քիւրտ համաձայնութիւնը միայն Անգլիոյ շահերուն կը յարմարէր, այն Անգլիոյ, որուն քաղաքականութեան ջրաղացքի քարը դարձնելու համար հայ արիւն չէ մնացած այլեւս, եւ որ առ այդ պէտք ունի քիւրտերու արիւնհին: Ազգերու պատմութիւնը ամենուս յայտնի է. անկախութեան գաղափարը անգամ մը սերմանուելէն վերջ՝ այլեւս կարելի չէ արմատախիլ ընել ազգի մը մէջէն: Քիւրտերուն մէջ անկախութեան մասին խորհող չկար. պատահաբար դպրոց տեսած խել մը քիւրտ մտաւորականներ քանի մը ամիսէ ի վեր Պոլսոյ մէջ քլիւպ մը հաստատած էին եւ օրկանով մը անկախութեան բրոքականտը կը մղէին: Այս էր ահա՝ անոնց ամբողջ գործունեութիւնը: Իրենք իսկ չէին հաւատար իրենց երազներուն, բայց այդ երազը այսօր իրականութիւն է՝ շնորհիւ մեր անհեռատես քաղաքականութեան: Շերիֆ Փաշայի հետ կնքուած համաձայնութեամբ, նախ քիւրտերը մաքրուած են իրենց՝ ջարդերու մէջ ունեցած մասնակցութեան արատէն քաղաքակիրթ աշխարհի առջ: Ասիկա առաջին պայմանն էր անոնց յաջողութեան: Շերիֆ Փաշայի հետ կնքուած համաձայնութեամբ, հայերը ճանչցած են քիւրտերու անկախութեան իրաւունքը՝ ազգայնութեան իրաւունքի սկզբունքով: Անգլիոյ համար անշուշտ որոշ նշանակութիւն ունէր այդ աքթը, որով հայերը, որոնք իբր դատախազներ եւ իբր դրացիներ բնական հակառակորդ դուրս պիտի գային Քիւրտիստանի անկախութեան դէմ, ընդհակառակը, իրենց իսկ ձեռքով ալ կը դիւրացնեն այդ գործը: Եւ հիմա, երբ ինքնորոշման եւս-ն է որ կը փչէ ամեն կողմ համաձայնութեան մէջ ընդունուած ազգայնութեան սկզբունքին համեմատ, քիւրտերը իրենցը պիտի համարեն այն ամեն շրջանները, ուր իրենք մեծամասնութիւն կը կազմեն: Պատուիրակութիւնը ամեն ճիգ թափելու էր, ամեն զոհողութիւն ընելու էր, որպէսզի քիւրտ ժողովուրդի մէջ՝ թուով երեք միլիոն, որ կը շրջապատէ Հայաստանի հարաւային եւ արեւելեան շրջանները, որ այնքան հոծ թիւ կը կազմէ Հայաստանի մէջ, որ կարգ մը շրջաններու մէջ մեծամասնութիւն է այժմ, չհստորուէր անկախութեան գաղափարը: Ամբողջական Հայաստանի Պատուիրակութիւնը իր այդ քայլով մեծապէս դժուարացուց, վտանգեց Հայաստանի կառավարութեան գործը: Պատուիրակութիւնները ո՛չ մէկ օգուտ չէին կրնար ակնկալել այդ համաձայնագրէն: Քիւրտերը արդէն դժգոհ էին թուրք վարչութեան: Իրենք արդէն անկախութիւն պահանջած էին, եւ այսպէս՝ իրենց դիրքը որոշած էին հանդէպ թուրքիոյ: Եթէ Դաշնակիցները պէտք զգային նման արտայայտութեան մը, արդէն ունէին այդ ի. ձեռնը: Հայ եւ քիւրտ համաձայնագիրը ոչինչ կ'աւելցնէր ատոր վրայ, մանաւանդ որ ստորագրող կողմերը չունէին հաւասար դիրքեր: Հայոց կողմէն ստորագրողները Հայ Հանրապետութեան պաշտօնական ներկայացուցիչը, ինչպէս նաեւ եօթ տարիէ ի վեր Թրքահայութեան ամենուր ճանչցուած ներկայացուցիչ Պօղոս Փաշա Նուպարն էին, որոնք չէին կրնար ուրանալ իրենց յանձնառութիւնները, ինչպէս ըրաւ Շերիֆ Փաշան, որ արկածախնդիրի մը համբաւ ունէր Դաշնակիցներու մօտ, որ իր մանտան ստորագրած էր միայն Պոլսոյ մէջ հաւաքուած քանի մը ինքնակոչ մտաւորականներէ, եւ որ, ինչպէս տեսանք, հայերուն հաստատել տալէ վերջ քիւրտերու ձգտումները եւ ատոր առաւելութիւնը ապահովելէ վերջ՝ մէկ հարուածով ջնջեց այն առաւելութիւնը, զոր Ամբողջական Հայաստանի Պատուիրակութիւնը կարծած էր ձեռք բերել: Այդ հարուածը Շերիֆ Փաշայի այն յայտարարութիւնն էր, որով քիւրտերը հաւատարիմ կը հռչակէր թիւրք իշխանութեան:

Եզրակացնելով, անգամ մը ալ կը յայտարարեն, որ հայ եւ քիւրտ համաձայնագրով գործուած է ամենամեծ սխալ մը, որուն հետեւանքները շատ ծանր պիտի կշռեն հայ ապագայ պատմութեան մէջ:

Որոշ պատգամաւորներ ալ խօսք ուզած էին Ազգ. Պատուիրակութեան համարատուութեան մասին, բայց օրը տարածամած ըլլալով, որոշուեցաւ յառաջիկային շարունակել վիճաբանութիւնը:

Նիստը փակուեցաւ ժամը 7-ին:

ՀԱՍ, ֆ. 430, ց. 1, գ. 60, թթ. 31-63: Ձեռագիր: Բնագիր:

### Նիստ ժԱ

4 Յունիս 1920, ժամը 3 ու կեսին,  
նախագահութեամբ Վսեմ Տիար Գաբրիէլ Նորատուկեանի:

Ներկայ էին 16 պատգամաւոր՝  
Ամեն. Դուրեան Արքեպիսկ., Տոքթ. Ա. Բարսեղեան, Թերզիպաշեան, Թէքեան, Թումայեան, Հանըմեան, Սըրըր Պէյ, Տոքթ. Նեւրուզ Վսեմ. Գ. Նորատուկեան, Սինապեան, Վսեմ. Պօղոս Փաշա Նուպար, Չօպանեան, Տէրպետերեան, Տէրվիշեան, Տէր-Ստեփանեան, Տեօվլէթեան, Ֆնտօլեան:

### Օրակարգ

1. Շարունակութիւն վիճաբանութեանց Ազգ. Պատուիրակութեան համարատուութեան
2. Տեղեկագիր եւ հաշուետուութիւն ելեւմտական գործունեութեանց Ազգ. Պատուիրակութեան
3. Տեղեկագիր Կազմակերպչական Կանոնագրի Յանձնաժողովին
4. Վերակազմութիւն Ազգ. Պատուիրակութեան

### ԱՍԵՆԱԿԱՆ ԳՈՐԾՈՂՈՒԹԻՒՆՆԵՐ

#### 1. Ընթերցում ատենագրութեան

Կարդացուեցաւ Յունիս 3-ի նիստին ատենագրութիւնը:

Տիար Վահան Թէքեան դիտել տուաւ, որ ատենագրութեան մէջ ատենագրած չէին դաշնագրին յանձնման առթիւ Փարիզ հրատարակուող «Վերածնունդ» թերթին կողմէ Պատուիրակութեան Նախագահ Վսեմ. Պօղոս Նուպարի համար եղած յերիւրանքին նկատմամբ բոլոր ըստածները, մասնաւորաբար Տիարը Բարսեղեանի եւ Հանըմեանի այն յայտարարութիւնները, թէ «Վերածնունդ» բոլորովին անպատասխանատու թերթ մըն է եւ թէ իրենք բնաւ համամիտ չեն անոր հրատարակութեանց:

Համագումարը բաւականացաւ այս դիտողութեան արձանագրութեամբ եւ վաւերացուց ատենագրութիւնը:

#### 2. Նամակ Վենետիկի Մխիթարեանց Ընդհ. Աթոռակալէն Գեր. Հ. Յովհ.

Թորոսեանի բացակայութեան մասին  
Նախագահ Վսեմ. Տիար Գ. Նորատուկեան ժողովին հաղորդեց Վենետիկի Մխիթարեան Միաբանութեան Ընդհանուր Աթոռակալ Գեր. Հ. Քերովթէ Ա. Չաքրեանի կողմէ 1920 Մայիս 31 թուով Դիւանին ուղղուած նամակ մը, որով կը ծանուցանէ, թէ Միաբանութիւնը յակամայս ստիպուած էր հրաժարիլ իր մէկ ներկայացուցիչը /Գեր. Յով. Վ. Թորոսեանը/ Համագումարին ղրկելու պատուէն, իբր պատճառ ցոյց տալով վանական ընդհ. ժողովի գումարումը, որ անհրաժեշտ կը դարձնէր Հ. Թորոսեանի աշխատակցութիւնը:

Համագումարը այս նամակին վրայ որոշեց իբր վերջնականապես բացակայ, հետեւաբար՝ հրաժարեալ նկատել Պեր. Յ. Յովհ. Վ. Թորոսեանը:

3. Խնդիր «մանտայի» հարցին նկատմամբ Ամերիկայի մեջ եղած յայտարարութեան

Նախագահ Վսեն. Տիար Գ. Նորատունկեան այս խնդիրը յիշեցնելով ժողովին, ծանուցեց, որ Ազգ. Պատուիրակութեան Վսեն. Նախագահը Դիւանին հաղորդած է հետեւեալ հեռագիրը, զոր Տիար Սիիրան Սվազը ղրկած էր ի պատասխան Ն. Վսենութեան այն հարցման, թէ ինչպէ՞ս առանց հաստատ տեղեկութիւն ստացած ըլլալու՝ Ամերիկայի մանտայի մերժման յայտարարութեան վերաբերուող ծանօթ լուրը տրուած էր.

«Ն. Վսենութիւն Պօղոս Փաշա Նուպար, Փարիզ. Ուաշինկթոն, Յունիս. Ինծի պարտականութիւն նկատեցի Ձեզի հեռագրել՝ երբ այդ մասին տեղեկութիւն ստացայ Ուոլթըր ճորճ Սմիթի նման վստահութեան արժանի բարեկամներու կողմէ: Անոնք ինծի յայտարարեցին, թէ նոյն օրը «մանտայի» խնդրին նկատմամբ տեսնուած են ծերակուտականներու հետ, որոնք իրենց ըսած են, թէ հայերը, ըստ Գարտաշեանի, Եպիսկոպոսին եւ Հանրապետութեան ներկայացուցիչին յայտարարութեանց, չեն ուզեր ամերիկեան մանտան: Ամերիկայի բարեկամներն իսկոյն այս լուրը հեռագրեցին Տէր-Յովսէփեանի: Գարտաշեան յայտարարութիւն մը հրապարակեց մամուլին մէջ, որուն համեմատ Հայաստան միայն բարոյական եւ ելեւնտական օգնութիւն կ'ուզէր:

/ստորագ./ Սիիրան Սվազը»

Որոշուեցաւ ատենագրել:

Օրակարգ

Համարատուութիւն Ազգ. Պատուիրակութեան

Համագումարն անցաւ Ազգ. Պատուիրակութեան համարատուութեան: Պատուիրակութեան գործունէութեան էութեան մասին խօսք առաւ՝

Տիար. Ա. Թերզիպաշեան. Անցնելով Ազգ. Պատուիրակութեան տեղեկագրին էութեան, նախ կ'ուզեմ վերլուծել այն պատճառները, որոնց բերումով վիժեցաւ Թրքահայաստանի հարցը: Մենք ֆաթալիստներ չենք եւ, հետեւաբար, չենք կրնար ճակատագրականութեան վերագրել այս վիժումը: Եթէ այս վիժումը տեղի ունեցաւ, ուրեմն կայ պատճառ մը եւ մենք պիտի փնտռենք, թէ ի՞նչ է այդ պատճառը:

Հարցին էութեան անցնելէ առաջ կ'ուզեմ մէկ-երկու խօսք ըսել Պատուիրակութեան իրաւասութեան վերաբերմամբ: Յայտնի է, որ անցեալ տարի ի սփիւռս աշխարհի ցրուած հայեր իրենց ներկայացուցիչները Փարիզ ղրկեցին Հայկական Հարցի մասին վճռելու իրենց ձգտումները: Այս ներկայացուցիչներուն միացմամբ կազմուած Համագումարը սահմանեց որոշ տիրէքթիւներ Հայկ. Դատին հետապնդութեան համար, եւ այդ տիրէքթիւները վստահեցաւ իր ընտրած յատուկ Պատուիրակութեան: Արդ, տեղեկագրին կը հասկնանք, թէ շատ մը կէտերու մէջ Պատուիրակութիւնը շեղած է իրեն տրուած տիրէքթիւները, կամ բոլորովին անտեսած է զանոնք: Արդ, ես, որպէս մէկ անդամը այդ ներկայացուցչական ժողովին, հարց կը դնեմ, թէ Պատուիրակութիւնը ինչպէ՞ս կրնար զիջել Հայաստանի մէկ մասը, առանց հարցնելու զինքը ընտրող եւ իր վրայ որոշ պայմաններով վստահութիւն դրած Համագումարին:

Անցնելով բուն հարցին, ես կ'ուզեմ յետահայեաց պզտիկ ակնարկ մը ձգել Համագումարի անցեալ տարուան աշխատութեանց վրայ, ցոյց տալու համար, թէ

Համագումարի մեծամասնութեան հիմնական տեսակետը այն էր, որ Խաղաղութեան Վեհաժողովի սեղանին վրայ կար միայն Թրքահայաստանի հարց, թէ այդ հարցն էր միայն, որ յիշեալ Վեհաժողովին վճռով պէտք է լուծուէր, եւ թէ Ռուսահայաստանի հարցը՝ ստեղծուած Ռուսական Յեղափոխութեամբ եւ սերտօրէն կապուած ռուսական պայմաններուն, որով նաեւ ապագային զուգէ ենթակայ անոր միջամտութեանց, խառնելով Թրքահայաստանի հարցին՝ մենք կը դժուարացնենք Թրքահայաստանի հարցը, կը բարդացնենք անոր լուծումը, որովհետեւ երկու հարցերը ունենալով երկու տարբեր քաղաքական պայմաններ, պէտք էին ունենալ նաեւ իրենց սեփական դժուարութիւնները: Օրինակով խօսելով, ըստ որուն՝ մեր հարցին բախտը կապուած էր «մանտաթէր» մը գտնելու կարելիութեան հետ, կասկածէ դուրս էր, որ ռեւ տէրութիւն ուզէր իր պաշտպանելիք ժողովրդեան գործերուն մէջ ապագային իր դէմը ունենալ Ռուսաստանը, իր բազմազան սպառնական հաւանականութիւններով: Հետեւաբար, միացեալ կառավարութիւն ստեղծելու հարցը չորս անգամ Համագումարին ներկայացաւ եւ չորս անգամ մերժուեցաւ մեծամասնութեան այն տիրապետող կարծիքին բերումով, թէ Հայկական Հարցին ծանրութեան կեղրոնը փոխադրելով Ռուսահայաստանի մէջ, մենք կը տկարացնենք Թրքահայաստանի հարցը, որ, ինչպէս ըսի, մէկ կողմէ կը գտնուէր Խաղաղութեան Վեհաժողովի սեղանին վրայ, եւ միւս կողմէ՝ իբր կապար կը ծանրանար Դաշնակից պետութեանց խղճին վրայ: Եիշող է, որ իր տիրէքթիւներուն մէջ Համագումարը արտօնած էր Պատուիրակութեանը՝ միացեալ կառավարութիւն ստեղծել, բայց մեծամասնութեան անդամները կը յիշեն անշուշտ, որ իրենք այս որոշումը տուին չորս անգամ ներկայացուած հարցի ճնշումին ներքոյ, պարտադրելով Պատուիրակութեան, որ գործադրութեան պահուն աչքի առջեւ ունենայ մեծամասնութեան՝ վիճարանութեանց ընթացքին հետապնդած տեսակետը: Այսպէս ալ որոշուած էր մեծամասնութեան մասնակի գումարմանց մէջ:

Տոքթ. Ա. Բարսեղեան. Ուրեմն, մեծամասնութիւնն իր գաղտնիքնէ՞րն ունէր:

Տիար. Թերզիպաշեան. Այո՛, ամեն «ֆրաքսիոն» իր առանձին որոշումները ունի, ինչպէս ունի Դաշնակցութիւնը: Դէպքերը շուտով ապացուցեցին, թէ մեծամասնութիւնը իր այս տեսակետին մէջ որքան իրաւացի էր: Մէկ ամիս վերջ, Մայիս 7-ին հրատարակուած Խաղաղութեան Դաշնագրին 22-րդ յօդուածին մէջ տեսանք եւ Դաշնակից պետութիւնները, թուով 22, ընդամենը Թրքահայաստանի անկախութեան սկզբունքը, անոր առաջին քայլերը «մանտաթէր»-ի մը օգնութեամբ Ազգերու Ընկերակցութեան պաշտպանութեան ենթարկած են: Այս աքթը, որ Թրքահայաստանի հարցին լուծման հիմքը եւ առաջին հանգրուանը կը կազմէր եւ կը նուիրաբարձէր Համագումարի մեծամասնութեան տեսակետը, պէտք էր ըլլար նաեւ հիմքը Ազգ. Պատուիրակութեան քաղաքականութեան, որովհետեւ ատիկա համաշխարհային աքթ մըն էր, զոր ջնջելու համար պէտք էր, որ զայն կազմող 22 պետութիւնները իրենց լեզուով սրբէին իրենց ստորագրութիւնը: Կը հարցնեմ, թէ ի՞նչ ստիպողութիւն ունէինք Թրքահայաստանի դատը կապելու ռուսական Հայաստանի դատին: Ապահովաբար՝ ո՛չ մէկ Դաշնակից պետութիւն այդ միակ բանը պիտի պահանջէր մեզմէ: Անէնուս ալ յայտնի էր, որ մենք կողք-կողքի, բայց քաղաքական տարբեր պայմաններով, սակայն մէկ ձգտումով տոգորուած ժողովուրդ մըն էինք: Մեր միութեան ցանկութիւնը չէր, որ պիտի կրնար վճռել մեր առանձին դատերուն յաջողութիւնը: Ինչպէս ըսի, Ռուսական Հայաստանի ճակատագիրը բացարձակապէս կապուած կը մնար ռուսական պայմաններու հետ, Թրքահայաստանի հարցն էր միայն, որ Թուրքոյ յաղթող Դաշնակից պետութեանց վճռին ենթարկուած էր եւ մասամբ վճռուած Յունիս 28-ին: Ազգ. Պատուիրակութիւնը, փոխանակ այս հիմնական քաղաքականութիւնը հետապնդելու, չկրնալով ինքզինքը զերծ պահել Հայաստանի Հանրապետութեան Պատուիրակութեան բրբբականտներէն եւ ճնշումին ազդեցութենէն, հետզհետէ

կորսնցուց իր նախածեռնութիւնը եւ ականայ գործիք ու հետեւորդ դարձաւ ռուսահայերու քաղաքականութեան:

Տիար Ա. Դանըմեան. Պիտի խնդրենք Տիար Թերզիպաշեանէն, որ ամեն անգամ երբ ամբաստանութիւն մը ընէ՝ փաստերով պայացուցէ:

Տիար Թերզիպաշեան. Ես ամբաստանութիւն մը չէ, որ կ'ընեմ, այլ հարցը կը վերլուծեմ ու կը քննադատեմ:

Տիար Տոքթ. Ներուզ. «Գործիք» բառը ինքնին կը բաւէ իբր ամբաստանութիւն, եւ կը զարմանամ, որ երբ այդ բառը գործածուեցաւ, Դիւանը չբողոքեց այդ մասին:

Վսեմ. Կէր Գ. Նորատունկեան. Ըսուածներուն մէջ հակասահմանադրական բան մը չկայ:

Տիար Թերզիպաշեան. Զիմա արդէն փաստերով պիտի խօսիմ: Մայիս 28-ին Զայ Զանրապետութիւնը ինքզինքը հռչակեց նաեւ Թրքահայաստանի կառավարութիւն: Չեմ ծանրանար այն պատճառներուն վրայ, որոնք Զանր. կառավարութիւնը մղեցին այս պետական հարուածը ստեղծելու: Մեր մէջ ո'չ ոք կը գտնուէր միութեան գաղափարին հակառակորդ: Ընդհակառակը, ամենքս ալ կը ձգտէինք այդ միութիւնը դնելու հաստատուն հիմքերու վրայ, յաւերժացնելու համար զայն, եւ ո'չ թէ անտեղի աճապարանքով մը զայն վիժեցնելու: Կարելի չէ ուրանալ, որ տեղական պայմանները որոշ թելադրութիւններ կը ներշնչեն: Այստեղ ո'չ տեղն է, ո'չ ալ ժամանակը երկարօրէն խօսելու այս մասին, բայց որպէսզի ես մտածումս լրիւ արտայայտած ըլլամ, սա չափ կ'ընեմ, որ ո'չ թէ երկու տարբեր երկրամասերու, այլ նոյնիսկ երկու գիւղերու մէջ տեղական շահերու տարբեր ըմբռնումներ գոյութիւն ունին: Ո'չ ոքի գաղտնիք չէ, որ ռուսահայերուն քաղաքականութիւնը առաջին օրէն եղած էր ունենալ ո'չ թէ մեր ծրագրական ամբողջական Զայաստանը, այլ՝ վեց վիլայեթներուն որոշ մասերը, եւ դժուարութեան պարագային՝ միայն երեք վիլայեթներ, որոնք պէտք է միանային Երեւանի Զանրապետութեան: Նոյնիսկ կրնամ ըսել, թէ որոշ հրահանգ կար ոյժ տալ անելի ծովու վրայ ելք մը ունենալու, քան ընդարձակ հողամասեր: Ես մտքես չեմ անցըներ քննադատել այս ծրագիրը, որ ամփոփ ոյժ մը գոյացնելու քաղաքականութեան տեսակետով կրնայ արդարանալ: Բայց չէինք կրնար նոյն քաղաքականութիւնը պարտադրել խարբերոցիի մը կամ կիլիկեցիի մը: Արդ, խարբերոցիներէ, կիլիկեցիներէ եւ ընդհանուր կերպով ամբողջ Թրքահայաստանի ներկայացուցիչներուն կողմէ Պատուիրակութեան պարտադրուած տիրեթիւները կը պարտաւորեցնէին զայն, որ այն թուրքներէ երբ առաւ Մայիս 28-ի աքթին, այդ պետական հարուածին լուրը, աքթ մը, որ կը քանդէր Մայիս 7-ին Զայական Զարցին դրուած նախնական հիմքը, եւ զայն կը ձգէր ռուսական քառսին մէջ, պէտք էր թուրքապետ բողոքել: Պատուիրակութիւնն այդ քայլը չառաւ եւ թոյլ տուաւ, որ Դաշնակիցներու աչքին առջեւ այդ կատարուած աքթը մնայ իր քաղաքական նշանակութեան մէջ: Մէկ-երկու քոմբոմիսային հեռագիրները զորս տուաւ՝ ո'չ մէկ նշանակութիւն ունեցան, եւ արդէն՝ առաքելութիւն մը դրկելու ձեռնարկը մասամբ նուիրագործեց այդ աքթը: Այն օրէն ի վեր Պատուիրակութիւնը կորսնցուց իր ինքնուրոյն քաղաքականութեան դէկը եւ նախածեռնութիւնը ու կամաց-կամաց իյնալով Զանր. Պատուիրակութեան ազդեցութեան տակ, այնպիսի գործունէութիւն մը ունեցաւ, որ Դաշնակիցները աստիճանաբար մոռցան Թրքահայաստանի հարցին կարեւորութիւնը, եւ եկաւ թուրք մը, ուր Զայկ. Զարց ըսելով սկսան ճանչնալ լոյս Ռուսական Զայաստանի հարցը: Այս քաղաքականութիւնը շատ լաւ կը յարմարէր Դաշնակիցներու «էկոիս» քաղաքականութեան, որոնք Մայիս 7-ի դաշնագրով բոլորովին որոշ բարոյական եւ նիւթական յանձնարարութիւններ ստանձնած էին Զայաստանի վերաբերմամբ: Կասկած չկայ որ այսօր ո'չ մէկ տէրութիւն իր քայքայուած ֆինանսին եւ զինուորական պայմաններուն մէջ տրամադիր չէ զինուորական եւ ֆինանսական օգնութիւններ ընել Զայաստանի: Միակ հանգամանքը, որ կրնար հրապուրել այդ պետութիւններէն մէկը կամ միւսը, աստիկա Զայաստանի աշխարհագրական եւ տնտեսական

առաւելութիւնները ներկայացնող մասերը կը կազմեն, ինչպէս Կիլիկիա ու Տիարպէքիի եւ հարբերդի շրջանները, զորս Ազգ. Պատուիրակութիւնը երկրորդ խոշոր սխալով մը, հակառակ Զանազումարի տիրեթիւներուն, զիջեց: Անցեալ տարի, քննելով մեր դրութիւնը, մենք գտած էինք, որ Զայաստանի միայն Կիլիկիոյ մասին մէջ է, որ կը գտնուի 200 000-ի չափ հայութիւն: Զաշուած էինք, որ Կիլիկիոյ աշխարհագրական դիրքը եւ երկրային հարստութիւնն է, որ կրնան հրապուրել եւ ներգաղթի մղել ցրուած հայութիւնը: Զաշուած էինք նաեւ մեր տեղային յաքթութիւնները, որոնք բերումով մեր ժողովուրդը միշտ լեռնոտ վայրերէն հեռանալով գացեր կուտակուէր է ծովեզերեայ վաճառաշահ քաղաքներ: Զաշուած էինք տակաւին, որ Երզրումի եւ Վանի լեռները ո'չ մէկ պարագայի մէջ չպիտի կրնային դէպի իրենց քաշել հայ սեփականատէր ժողովուրդը: Այս ամէնուն հետ հաշուած էինք նոյնպէս, որ առանց Կիլիկիոյ, մնացեալ անբաւ եւ լեռնոտ մասով մենք չէինք կրնար հրապուրել նաեւ «մանտաքէր» մը: Այստեղ է, որ կը շեշտուի Պատուիրակութեան սխալը: Անիկա, առանց նոյնիսկ սպասելու, որ Ամերիկայի պատասխանը յայտնուի, կամովին զիջեց Զայաստանի չէն եւ հարուստ մարը:

Տիար Ա. Զօպանեան. Եղածը իսկապէս զիջում չէ, այլ՝ հարկադրացուցիչ համակերպութիւն մը:

Տիար Ա. Թերզիպաշեան. Չեզի կը յիշեցնեն Պ. Ահարոնեանի՝ Զնչակեան թղթակցի մը ըրած յայտարարութիւնները, թէ Տաւրոս շատ հեռու է, մեր աչքերը պէտք է դարձնենք դէպի Արարատ: Կը յիշեցնեն նաեւ այն յայտարարութիւնը, զոր Պ. Ահարոնեան ըրած էր Կաղանդի առթիւ սարքուած երեկոյթի մէջ, ըսելով, որ Զայաստանի սահմաններ գծող յանձնաժողովը կու գայ:

Տիար Ա. Զօպանեան. Զերքուեցաւ աստիկա:

Տիար Ա. Դանըմեան. Միւս յայտարարութիւնն ալ հերքուեցաւ: Այս առթիւ պարզ լուսաբանութիւն մը պիտի ընեն: Տիար Թերզիպաշեան կը մեղադրէ Ազգ. Պատուիրակութիւնը, թէ զիջումներ ըրեր է: Կը կարծեմ, թէ այս յայտարարութեամբ՝ Ազգ. Պատուիրակութեան զխումն վրայէն կ'ուզէ հարուածել Զանր. Պատուիրակութիւնը, եւ անոր ալ զլխուն վրայէն՝ Դաշնակցութիւնը:

Վսեմ. Տիար Գ. Նորատունկեան. Կը խնդրեն պատուարժան ատենախօսներէն, որ անպատեհ ակնարկութիւններ չընեն Զանրապետութեան Պատուիրակութեան Նախագահին անձին նկատմամբ: Անիկա անշուշտ նոյնքան ազատ է իր նկատումները ունենալու: Տիար Թերզիպաշեան կը կարծէ, որ Զայական խնդրին ծանրութեան կեղորոնը Թրքահայաստանի մէջ էր. Տիար Ահարոնեան ալ կրնար կարծել, թէ Ռուսահայաստանի մէջ էր, ինչպէս ուրիշներ ալ կրնան կարծել, թէ երկու Զայաստաններու միացման մէջն էր:

Տիար Ա. Դանըմեան. Տիար Թերզիպաշեան կը պնդէ, թէ Պատուիրակութեան ըրած զիջումներուն հետեւանքով Թրքահայաստանի հարցը թաղուած է, եւ կը դատապարտէ Պատուիրակութիւնը՝ այդ զիջումներուն համար: Միւս կողմէ, սակայն, անիկա, առանց որոշապէս արտայայտելու, սարդուկներով եւ կողմնակի ճամբաներով այն տպաւորութիւնը կը ձգէ լսողին վրայ, որ Ազգ. Պատուիրակութիւնը այդ զիջումները կատարած է Զանր. Պատուիրակութեան պնդումներուն վրայ, եւ անոր ձեռքը իբր գործիք ծառայելով: Խնդիրը՝ այս ձեւով դրուելով՝ հաւանօրէն Պատուիրակութեան կողմէ իր քննադատութեանց մէջ եղած պատասխանին մէջ այս կէտը լուսաբանող պատասխան մը չտրուի: Նկատի ունենալով սակայն խնդրին չափազանց մեծ կարեւորութիւնը, ես կը խնդրէի, որ Պ. Թերզիպաշեան որոշ կերպով ըսեր, թէ ինքը կ'ամբաստանէ՝ արդեօք Զանր. Պատուիրակութեանը՝ իր պնդումներով պատճառ դարձած ըլլալուն համար, որ Ազգ. Պատուիրակութիւնը զիջումներ կատարէ:

Տիար Թերզիպաշեան. Ամբաստանութեան հարց չկայ, այլ՝ տեսակետներու տարբերութեան: Այլեւս թուրքներէն եկած է, որ մենք որպէս մէկ ընտանիքի անդամներ, անկեղծօրէն արտայայտուինք: Եթէ մենք շարունակենք այնպէս, ինչպէս եղեր ենք



մինչև հիմա, մեր ազգին մնացածն ալ կը կորսցնենք: Ճշմարտութիւնը այս է, որ տեղական պայմանները տեղական տեսակետներ առաջ կը բերեն, ո՛չ միայն հեռաւոր երկրամասերու, այլ նաեւ՝ գիւղերու միջեւ: Եւ Տիար Ահարոնեան, ուզէ՛ չուզէ, պէտք է հետեւի ռուսահայերու տեղական պայմաններու քաղաքական պահանջներուն: Ո՛չ միայն ռուսահայերուն, այլ նաեւ՝ թրքահայերուն մէջ ալ կան մարդիկ, որոնք ամփոփ եւ ուժեղ Յայաստանի մը գոյութիւնը կը նախընտրեն: Ասոնք տեսակետներու տարբերութիւններ են եւ ամբաստանութիւն չեն ենթադրեր: Կ'անցնիմ տեղեկագրին: Անոր մէջ կ'ըսուի, թէ Լորտ Բըրզընի յայտարարութեան վրայ, որով Յայաստանի կազմութիւնը կարելի կը դատեր միայն երեք վիլայէթներու կցումով, Պատուիրակութիւնը համակերպած է: Եւ սակայն պարտաւոր էր չչեղիլ տիրեթքիւններն եւ անմիջապէս նիստի հրահրել Յամագումարը: Բայց Պատուիրակութիւնը, հաշտուելով Յանր. Պատուիրակութեան հետեւած քաղաքականութեանը, բռնադատուած է այդ համակերպութեան: Ես չեմ կրնար ուրանալ, որ Յայկական Յարցը 1915-ի ահաւոր ջարդով արդէն կրած էր իր առաջին հարուածը. չեմ կրնար ուրանալ նաեւ, թէ Յանր. կառավարութեան տարբեր քաղաքականութիւնը, իր բուռն ու ազդեցիկ գործունէութեամբ, կը ջլատէր Ազգ. Պատուիրակութեան գործունէութիւնը: Բայց դարձեալ մետաղին միւս երեսը, ես չեմ կրնար արդարացնել Ազգ. Պատուիրակութիւնը, որ Յամագումարի տիրեթքիւններու սահմանին մէջ աննկուն եւ հաստատուն քաղաքականութեան կարելիութիւն ունէր փրկելու Թրքահայաստանի հարցը: Ասիկա չէ ըրած եւ դուրս գալով իր որոշ տիրեթքիւններու սահմանէն՝ գիջած է այն Յայաստանը, որ միայն իրը չէր, եւ գոր ինք չէր տեսած մօտէն:

Տոքթ. Ա. Բարսեղեան. Եթէ Յայաստանը չէին տեսած, ուրեմն ինչո՞ւ ընտրեցիք:

Տիար Ա. Թերզիպաշեան. Ընտրեցիք, որովհետեւ վստահութիւն ունեցանք: Այսպէս, մեր անհեռատես քաղաքականութեան պատճառաւ Յայկական Յարցը ստացաւ այն տեսակ վիճակ մը, որ Դաշնակից «էկոիսթ» կառավարութիւններուն պատեհութիւն տուինք դաշնագիրը խմբագրելու այնպէս, որ ինչպէս քանիցս կրկնեցի ու կը կրկնեմ, Թրքահայաստանի դատը թաղուած կը մնայ անոր մէջ: Արդ դաշնագրին մէջ՝ անոնք իբր Յայաստան կը ծանչնան միայն Ռուսական Յայաստանը, իսկ Թրքահայաստանի հարցի ո՛չ իսկ յիշատակութիւն կայ, այլ միայն սահմանագծումի յիշատակութիւն մը՝ ենթարկուած Նախագահ Ուիլսոնի աւելի կամ նուազ ամբողջութեամբ իրաւատուներուն: Եթէ նոյնիսկ այդ իրաւարարութիւնը տեղի ալ ունենայ նշանակուած սահմաններով, առանց «մանտաթըր»-ի, լոկ մեր միջոցներով գրաւելու եւ պահպանելու համար մեզի պէտք է առնուազն 150 000 հոգիանոց բանակ մը, գոր չեմ գիտեր թէ ո՞ր տեղէն պիտի ճարենք: Որովհետեւ ով որ ծանոթ է այդ շրջաններուն, գիտէ, որ ցանցացաւ հայութեամբ եւ շատ աւելի հոծ քիւրտերէ բնակուած այդ անմերձեմալի լեռներն ու ձորերը մի միայն աւազակի որջեր են, որոնց մէջ չորս քիւրտ կրնայ հեշտիւ ամբողջ զօրախումբ մը զբաղեցնել: Շիտակ չէ յուսալ, որ ռուսահայաստանցիները, ինչպէս օրինակ ախալքալաքցի մը, ուզէ երթալ Վանը կամ Էրզրումը գրաւելու, մանաւանդ այս պայմաններուն մէջ, երբ անդին իրենց օճախները թաթարներու սպառնալիքին տակ են: Մենք այս բանը փորձով գիտենք: 1917-ի դրութենէն ես ինքս իբր Արեւմտահայ Խորհուրդի ներկայացուցիչ, անձամբ Պ. Ահարոնեանի զացի եւ Էրզրումի ճգնաժամային դրութիւնը պարզելով, խնդրեցի որ 5000 զօրք դրկէ Անդրամիկի օգնութեան: «Չեն գնում, չեն ուզում գնալ»,- պատասխանեց, աւելցնելով, որ ժողովուրդը չուզէր հեռանալ իր օճախներէն, որոնք վտանգի տակ էին: Ես այս քննադատութիւնները կ'ընեմ ո՛չ թէ այսօր, երբ աչքի առջեւ ունինք մեր հարցի ստացած յուսահատ վիճակը, այլ ըրի նաեւ Յունաստանի, նոյն այս տեսակետները յատուկ նամակով հաղորդելով Յամագումարի Նախագահին, ինչպէս նաեւ Փետրուարի մէջ՝ Պատուիրակութեան Նախագահին: Այս ամենը եզրակացնելով, ես կը յայտնեմ, որ Ազգ. Պատուիրակութիւնը, անտեսելով Յամագումարի տիրեթքիւնները, եւ չկարենալով զերծ մնալ Յանր. Պատուիրակութեան ազդեցութենէն,

առանց որոշ քաղաքականութեան եւ առանց նախաձեռնութեան, յեղեղուկ գործունէութեամբ մը պատճառ դարձած է, որ մենք այսօր չունենանք «մանտաթըր» մը, չունենանք ցանկացուած ամբողջական Յայաստանը: Մենք այսօր իբր արդիւնք այն անօրինակ զոհողութեանց, զորս մեծ պատերազմիկներն իսկ չկրեցին, ուրիշ բան չենք ստանար, եթէ ոչ դաշնագրին մէջ գտնուող այն առեղծուածային եւ անստոյգ յիշատակութիւնը, որուն մէջ «Թրքահայաստան» բառն իսկ գործածուած չէ, որուն մէջ ըստ եւութեան ռեւէ վճիռ չկայ, այլ լոկ սահմանագծման իրաւադատութեան պատմութիւն մը:

Տիար Ա. Բարսեղեան. Տիար Թերզիպաշեանի այն դիտողութիւնը, թէ մենք այսօր չունինք մեր բաղձացած Յայաստանը, իրականութիւն է, բայց թէ այդ արդիւնքը գոյացեր է մի միայն Ազգ. Պատուիրակութեան բռնած քաղաքականութեամբ՝ համաձայն չեն: Ամեն պարագայի մէջ Պատուիրակութեան պաշտպանողականը չէ, որ պիտի ընեմ. անիկա լսեց եղած քննադատութիւնները եւ անշուշտ կը պատասխանէ: Ես միայն դիտողութիւն պիտի ընեմ կարգ մը հարցերու մասին, զորս յուզեց Տիար Թերզիպաշեան, եւ որոնք կապ ունին Պատուիրակութեան համարատուութեան հետ: Յամագումարը անցեալ տարի որոշեց, որ Պատուիրակութիւնը աշխատի Սիացեալ Ամբողջական Յայաստանի մը կազմութեան: Կը զարմանամ, որ Տիար Թերզիպաշեան հիմա կ'ըսէ, թէ Ազգ. Պատուիրակութեան իրաւասութեանց մէջ էր նաեւ, անկախաբար Յանրապետութեան Պատուիրակութենէն կազմել Թրքահայաստան մը, եթէ ոչ անկախ, գոնէ ինքնավար, Թրքահայաստան մը՝ կազմուած այն տեսակ հողամասերով, որ կարենար հրապուրել զանազան գաղութներու մէջ ապրող հայերը եւ զանոնք իր մէջ հաւաքեր: Ասիկա Յամագումարին մեծամասնութեան ալ որոշումը չէր: Գալով Ազգ. Պատուիրակութեան գործունէութեան, որոշ անհարթութիւններ ունի անշուշտ, բայց բոլորովին հակառակ տեսակետէն: Պէտք է շրջել այն ամեն ինչ, որ Տիար Թերզիպաշեան յիշատակեց իբր Պատուիրակութեան թերութիւնները: Որովհետեւ Պատուիրակութիւնը որքան ատեն, որ համաձայնութեամբ գործեր է Յանր. Պատ.-թեան հետ, մնացեր է հաւատարիմ իրեն տրուած տիրեթքիւններու գլխաւոր մէկ կէտին. ընդհակառակը, քննադատելի են անոր այն քայլերը, որոնք առնուած են ինքնագալուխ: Յետեւելով Յանր. Պատ.-թեան Նախագահին յանձնառութեանը, թէ միշտ համաձայնօրէն պիտի գործէ Ազգ. Պատ.-թեան հետ, Պ. Տէր-Ստեփանեան ըսաւ, թէ Յանր. Պատուիրակութեան Նախագահը շուտով այդ յանձնառութիւնը ոտնակոխ ըրաւ՝ Մայիս 28-ի աքթով: Ասիկա սխալ է: Երկու Պատուիրակութեանց գործակցութիւնը ամենքս ալ ուզեցինք, եւ ամենքս ալ աշխատեցանք ատոր համար: Տիար Տէր-Ստեփանեան կը մոռնար սակայն, որ իր գործակցութիւնը այստեղի աշխատութեանց համար էր: Անկախաբար Յանր. Պատուիրակութենէն, անդին կար Յանր. կառավարութիւն մը, որ չէր կրնար ամեն վայրկեան այստեղէն հրահանգ ստանալ: Ասիկա ո՛չ միայն անկարելի էր, այլ նաեւ՝ անտեղի, որովհետեւ Յանր. Պատ.-թիւնը կառավարութեան հրահանգ տալու իրաւասութիւն չունէր, ընդհակառակը, ինք անկէ հրահանգ կը ստանար: Յետեւաբար, չեմ հասկնար թէ ինչպէ՞ս Մայիս 28-ի աքթին պատճառաւ կարելի կ'ըլլայ մեղադրել Յանրապետութեան Պատուիրակութիւնը, թէ իր յանձնառութեան հակառակ վարուած է: Անիրաւ կը նկատեմ նաեւ այն դիտողութիւնը, թէ Յանր. կառավարութիւնը այդ աքթը հրատարակած է առանց Ազգ. Պատուիրակութեան ինաց տալու եւ խորհուրդ հարցնելու: Բայց կառավարութիւնը ազատ էր ազգին ընդհանուր շահերուն կապուած կարգադրութիւն մը ընելու այն կատարելա անկախութեամբ, որ իրաւունքն է ամեն կառավարութեան: Երբ Ազգ. Պատուիրակութիւնը 1918 Նոյեմբերին այստեղէն հռչակեց Ամբողջական Յայաստանի անկախութիւնը, Յանր. կառավարութիւնը դիտողութիւն անգամ չըրաւ, որովհետեւ ատիկա իր բաղձանքներուն համապատասխան յայտարարութիւն մըն էր: Ես կը ցաւիմ, որ Ազգ. Պատուիրակութիւնը բողոքեց Մայիս 28-ի աքթին դէմ: Չեմ հասկնար, թէ ի՞նչ բան կրնար դրդել Պատուիրակութեան վարիչները իր երկրի մէջ ամբողջական

Չայաստանի մը գաղափարին նուիրագործման համար կատարուած այդ անկախութեան հռչակման հակառակը: Անոր համար արդեօք, որ իր անդամներուն մէջ չկային միացեալ հռչակուած երկու Չայաստաններուն ալ պաքթանող անձեր: Բայց ինչ վնաս կու գար աքթ: Կառավարութիւն մը փոփոխութեան ենթակայ է միշտ. այդ կառավարութիւնն ալ կրնար փոխուիլ: Ազգ. Պատուիրակութիւնը կամ անոր Նախագահը սխալ քաղաքականութեան հետեւեցաւ այդ մասին, եւ գիտենք, թէ ինչ եղաւ հետեւանքը. ծագեցան խոր վէճեր, որոնք պառաքթում առաջ բերին եւ այնքան վնասակար եղան ազգին՝ Չայաստանի, ինչպէս առ հասարակ բոլոր գաղութներու մէջ: Եթէ Պատուիրակութիւնը իրեն տրուած տիրէթիւներուն հետեւեր հաւատարմաբար, այդպիսի ընթացք մը չպիտի ունենար, եւ կամ ատոր համար պէտք պիտի տեսներ նաեւ Չանրապետութեան Պատուիրակութեան գործակցութեան: Ես այնպէս կը կարծեմ, թէ Մայիս 28-ի աքթին նկատմամբ Ազգ. Պատուիրակութիւնը ուղիղ եւ քորեքք չեղաւ, եւ ատիկա մանաւանդ շեշտեց այն երկուութիւնը, որ այսօր գոյութիւն առած է ազգին մէջ: Այսպէս, օրինակ՝ Չայաստան գտնուող արեւմտահայերու՝ խորհրդարանի ընտրութիւններուն մասնակցելու առթիւ Կաթողիկոսին տրուած հեռագիրը ո՛չ միայն Ազգ. Պատ. -թեան իրաւասութեան սահմաններէն դուրս էր, այլեւ՝ Չայաստանի ներքին խնդիրներուն միջամտելու փորձ մը: Մանաւանդ որ, որքան գիտեմ, այդ հեռագրի մասին ո՛չ միայն չէ խօսուած Ամբողջական Չայաստանի Պատ.-թեան միտին մէջ, այլեւ Ազգ. Պատուիրակութեան անդամներուն ալ Նախագահին կողմէ հաղորդուած է հեռագրուելէն վերջ:

Ուրիշ խնդիր մը, որ պատճառ դարձաւ այդ երկուութիւնը գորացնելու, Ամերիկայի զինուորական առաքելութիւնն էր: Բայց ատոր անցնելէ առաջ կ'ուզեմ յիշատակել նաեւ երկու Պատուիրակութեանց կողմէ Ամերիկա ղրկուած ներկայացուցիչներու հարցը: Չանրապետութեան Պատուիրակութիւնը, որ իր կառավարութեան իրաւունք ստացած էր ներկայացուցիչներ կարգելու այն բոլոր երկիրներուն մէջ, ուր պէտք կար, անցեալ տարի՝ աշնան ատենները խորհեցաւ ներկայացուցիչ մը ղրկել նաեւ Ամերիկա, եւ / ° / համերաշխութեան մտքով ընտրեց այն տեսակ անձ մը, որ միեւնոյն ատեն անդամ էր Ազգ. Պատուիրակութեան, որով կրնար Ամերիկայի մէջ ներկայացնել նաեւ Ազգ. Պատուիրակութիւնը: Բայց Ազգ. Պատուիրակութիւնը պէտք տեսաւ ուրիշ անձ մըն ալ ղրկելու, իբր թէ տրամադրելի շատ մարդ ունենայինք արդէն: Ատոր ալ հետեւանքը գիտեմք. հարկ չկայ, որ ծանրանանք այս մասին եւ թուենք այն վնասները, որոնք առաջ եկան: Ասիկա չէր բաւեր, ղրկուեցաւ նաեւ Զինուորական Առաքելութիւն մը՝ բաղկացած Զօր. Բագրատունիէ եւ Զօր. Անդրանիկէ: Նկատի առնելով Առաքելութեան անդամներուն խառնուածքը, կարելի էր հասկնալ, թէ երբեք իրարու հետ համերաշխ չպիտի մնային եւ իր գործունէութիւնը Ամերիկայի մէջ, հակամարտ ուղղութիւն մը պիտի առնէր շուտով: Հակառակ անոր, որ այս պարագան յայտնի էր, միայն գործակցութեան կրչ մը ընելով բաւականացան եւ առաքելութիւնը ճամբու դրուեցաւ: Բայց հազիւ Ամերիկա ոտք կոխած էին՝ հակամարտութիւնն սկսաւ: Զօրավար Անդրանիկ ո՛չ միայն սկսաւ ինքնագլուխ գործել, այլ նոյնիսկ ո՛չ հաշիւ, ո՛չ ալ տեղեկութիւն տուաւ Ազգ. Պատուիրակութեան, այնպէս որ հիմա յայտնի չէ նոյնիսկ, թէ Զօրավարը Ազգ. Պատուիրակութեան ներկայացուցիչն է իրօք: Եթէ այո, ինչպէ՞ս կ'ըլլայ, որ բան մը չի գրեր, բան մը չըսեր, թէ ինչ կ'ընէ այնտեղ:

Տիար Տոքթ. Ներուզ. Միեւնոյն լռութիւնը կը պահէ նաեւ Զօրավար Բագրատունին:

Տիար Տոքթ. Բարսեղեան. Այսպիսով՝ զրկուեցանք թէ՛ լաւ ոյժերէ, որոնցմէ կրնայինք այլապէս օգտուիլ, եւ թէ՛ անոնց ներկայութիւնը Ամերիկայի մէջ ո՛չ միայն օգտակար արդիւնք մը չուներ, այլ, ընդհակառակը, վնասակար ալ դարձաւ:

Տիար Վ. Թէքեան. Իրականութիւնը ձեր ըսածին բոլորովին հակառակն է: Ազգ. Պատուիրակութիւնը Չանրապետութեան Պատուիրակութեան կողմէ Ամերիկա

ներկայացուցիչ ղրկելու որոշումէն ետքը չէր, որ մտածեց ինք ալ մարդ ղրկել. ընդհակառակը, Հանր. Պատուիրակութիւնն էր, որ այդ բանն ըրաւ: Յովհաննէս Խան Մասեհեանցի մերժումէն ետք, Ազգ. Պատուիրակութիւնը մտածեց Տիար Բոֆ. Տէր-Յակոբեանը ղրկել. ասիկա որոշուելէն ետքն է, որ Հանր. Պատուիրակութիւնը մտածեց Տիար Փաստրմաճեանը ղրկել իր կողմէ: Գալով Զօր. Անդրանիկի եւ Զօր. Բագրատունիի, երկու Պատուիրակութիւնները համաձայնած էին թէ՛ մէկին եւ թէ՛ միւսին համար:

Տիար Տոքթ. Բարսեղեան. Բոֆեստօրը ղրկելու առթիւ համաձայնութիւնը առա՞ծ էիք Հանր. Պատուիրակութեան:

Տիար Վ. Թէքեան. Զեր մտքին մէջ՝ համաձայնութիւնը ամեն ատեն Հանր. Պատուիրակութեան տեսակէտը ընդունի՞լ կը նշանակէ: Մնաց որ վերջ ի վերջոյ համաձայնութիւն գոյացաւ, որ երկու ներկայացուցիչները միաժամանակ երթան, այն պայմանով, որ այնտեղ համերաշխ գործեն:

Տիար Տոքթ. Բարսեղեան. Եզրակացնելով՝ կ'ըսեմ, թէ Ազգ. Պատուիրակութիւնը պէտք եղածը չէ ըրած, որ այդ խորհուրդութիւնները վերնան. ընդհակառակը, առած է այն տեսակ քայլեր, որոնց պատճառաւ ասելի՞ գորացած են:

Տիար Ա. Զօպանեան. Ատենին պատասխան պիտի տրուի յուզուած բոլոր խնդիրներուն: Բայց կայ կէտ մը, որուն կ'ուզեմ այսօր իսկ պատասխանել: Տիար Թէրզիպաշեան ըսաւ, թէ Ազգ. Պատուիրակութիւնը այն միացեալ Չայաստանին տեղ, զոր ամբողջ ազգը կ'ուզէր, վերացեալ Չայաստանի մը գաղափարին համակերպուեցաւ՝ ենթակուելով Հանր. Պատուիրակութեան, այսինքն՝ թէ Ազգ. Պատուիրակութիւնը Հանր. Պատուիրակութեան գործը հստակուց: Ասիկա սխալ է: Թեւ Հանր. կառավարութիւնը իր պատուիրակներուն հրահանգ տուած էր, որ գոհանան վեց նահանգներով եւ Կիլիկիոյ մասին ալ Ֆրանսայի հետ համաձայնին, բայց այստեղ գալով՝ Տիար Ահարոնեան փոխեց այդ որոշումը, եւ, ընդհակառակը, ինք էր, որ ենթարկուեցաւ Ազգ. Պատուիրակութեան տեսակէտին, անոր հետ պահանջելով Միացեալ Ամբողջական Չայաստանը: Ամեն պարագայի մէջ՝ Ազգ. Պատուիրակութիւնը այդ պահանջին վրայ հաստատ մնաց մինչեւ այն տխուր վայրկեանը, երբ այլեւս անկարելի դարձաւ Ամբողջական Չայաստանի կազմութիւնը: Մինակ Լորտ Քըրզընի յայտարարութիւնները չէին, որ ատոր մէջ դէր խաղցան, այլ նաեւ՝ Փարիզի ու Լոնտոնի ամերիկեան դեսպաններուն յայտարարութիւնները: Եւ երկու Պատուիրակութիւնները, երկար խորհրդակցութիւններէ ետք, նաեւ որոնց մասնակցեցաւ Ազգ. Համագումարին Նախագահ Վսեմ. Նորատունկեան, նոյնիսկ Տիար Աճեմօֆի եւ ուրիշ ձեռնհաս անձներու կարծիքը առնելէ վերջ միայն համախորհուրդ որոշեցին այդ համակերպութիւնը ընել: Այս է իրողութիւնը:

Տիար Տէրպետեան. Հակիրճ կերպով մը քանի մը դիտողութիւններ պիտի ընեն Պատուիրակութեան տեղեկագրին մէկ քանի կէտերուն նկատմամբ: Առաջին. Ազգ. Պատուիրակութիւնը պատրաստ էր անմիջապէս Համագումարը միտի հրաւիրել, երբ իրեն տրուած տիրէթիւներէն շեղելու ստիպուեր: Պատուիրակութիւնը շատ մեծ շեղումներ ընելու ստիպուած է եւ ամեն բան լմնալէ վերջն է միայն, որ կը գումարէ Համագումարը, առանց սակայն բացատրելու պատճառները, թէ ինչ ո՞ւ ժամանակին չէ հրաւիրած Համագումարը: Կա՛մ պէտք է բացատրուի այդ պատճառները եւ կա՛մ պէտք է ջնջել այդ տիրէթիւը, որպէսզի հեզմանք մը չըլլայ Համագումարին նկատմամբ:

Տիար Վահան Թէքեան. Պատուիրակութիւնը այդքան ալ ծիծաղելի դիրքի մէջ չընենք: Ամեն պարագայի մէջ՝ մեր տեղեկագիրը տրուած է, չենք կրնար անկէ բան ջնջել:

Տիար Տէրպետեան. Ես ալ կը պնդեմ, որ այդ հատուածը Համագումարին արժանապատուութեան հակառակ է:

Տիար Թէքեան. Լաւ, կը պատասխանուի իր կարգին:

Տիար Տերպետերեան. Կիլիկիոյ մասին տեղեկագիրը կը յիշատակէ, թէ ֆրանս. կառավարութիւնը յայտարարած է, որ պատրաստ էր Կիլիկիոյ վրայ իր ունեցած իրաւունքներէն հրաժարիլ, եթէ Ամերիկա ընդունի Յայաստանի մանանա:

Տեղեկագրին մէջ չէ ըսուած սակայն, թէ գրաւո՞ր կամ բերանացի՞ եղած է այս յայտարարութիւնը, ինչ որ կրնայ թուրքի մտայնութեան տեղի տալ. պէտք է որոշ կերպով յիշուէր ինչ ձեւով եղած ըլլալը:

Տիար Ֆնտզլեան. Լլոյտ ճորճին հարցնելու է:

Տիար Տերպետերեան. Լլոյտ ճորճի՞ն հարցնելու է, թէ Պատ.-ութեան: Երրորդ դիտողութիւն մը պիտի ընեն բրոքականտի մասին: Կը կարծեն, որ ծախսուած գումարը իրեն համապատասխան արդիւնք չէ տուած: Եթէ այդ գումարին մէկ մասը յաքթացուեր շաքթը գոնէ երկու անգամ լոյս տեսնող նպատակայարմար ֆրանսերէն թերթի մը հրատարակութեան, անգլերէն բաժինով մը, տարակոյս չկայ, որ մեծ օգտակարութիւն պիտի ունենար: Ուրիշ նկատումներով, կարելի եղաւ «Յայաստան» թերթը հիմնել: Ապահովաբար բրոքականտի թերթ մը հիմնելու ո՛չ միջոցները, ո՛չ ալ ոյժերը կը պակսէին:

Դիտողութեան արժանի չորրորդ կէտ մը՝ Պատուիրակութեան Ամերիկայի, Իտալիոյ, եւ Անգլիոյ ներկայացուցիչներուն խնդիրն է: Այս ներկայացուցիչները շատ ծանր կը կշռեն Պատուիրակութեան պիւտճէին վրայ. լսածիս համեմատ՝ ամիսը 10 000 ֆրանք ծախք կ'երթայ երեքին: Ամերիկայինը մնայուն էր, եւ կը հասկցուի անոր համար եղած ծախքերը: Արդեօք Լոնտոնի եւ Իտալիոյ ներկայացուցիչներն ալ նոյնպէս խոշոր ծախքեր կը պատճառեն:

Չայներ. Իտալիա ներկայացուցիչ չկայ:

Տիար Տեր-Ստեփանեան. Երեկուրն է վեր երկու անգամ է, որ ակնարկութիւն կ'ըլլայ այս մասին: Քանի որ խնդիրը իմ անձիս շուրջ կը դառնայ, պարտաւոր եմ երկու բառով բացատրութիւն մը տալու: Անցեալ տարի, Մայիսին, Պատուիրակութեան Նախագահէն նամակ մը ստացայ, որով յայտնելէ ետք, թէ մտադրած են զիս Իտալիոյ ներկայացուցիչ կարգել, կը հարցնէր, թէ կ'ընդունի՞մ: Գրեցի թէ կ'ընդունին, բայց ալ բնաւ պատասխան չստացայ:

Տիար Տերպետերեան. Տեղեկագրին մէջ գրուած չէ նաեւ, թէ այդ ներկայացուցիչներուն կողմէ ինչէ՞ր եղան: Անգլիոյ ներկայացուցիչը ի՞նչ կ'ընէ, քանի որ, կ'ենթադրեն, թէ անսական կը ստանայ:

Վսեմ. Պօղոս Փաշա Նուպար. Տիար Մալքումի նոյնքան կը տրուի, որքան Պատուիրակութեան անդամներուն: Քանի որ խնդիր եղաւ, ըսեմ, թէ այսօր իսկ իրմէ ստացայ նամակ մը, որով 20 000 ֆրանքի չէք մը կը դրկէ Պատուիրակութեան ծախքերուն համար: Գրեթէ իրեն վճարուած գումարն է, որ կը վերադարձնէ:

Տիար Տերպետերեան. Կ'անցնին ուրիշ կէտի մը: Պատգամաւորներէն ոմանք պախարակեցին Պատուիրակութիւնը, թէ գործիք եղաւ Յանր. Պատուիրակութեան ձեռքը: Ես հակառակը կը խորհիմ: Տեղեկագրին ընթերցումէն իսկ կ'երեւայ՝ գրեթէ մինչեւ այսօր կարելի չէ եղեր իրականացնել միացեալ Պատուիրակութեան մը եւ միացեալ կառավարութեան մը կազմութիւնը. պատճառը Ազգ. Պատուիրակութիւնն է, որ իր դիտումներով, իր ձգձգումներով անկարելի դարձուցեր է այդ միութիւնը, հակառակ անոր, որ Յանագումարը՝ նախորդ նստաշրջանին մէջ՝ այդ մասին որոշ տիրեքիւ տուած էր իրեն: Ես կը կարծեմ նաեւ, որ Պատուիրակութիւնը թերացած է Յանրապետութեան նկատմամբ իր ունեցած պարտաւորութեանց մէջ: Պատմական Յայաստանը աչքի առջեւ բերենք: Գիտենք, որ անոր զանազան մասերը այլեւայլ ժամանակներ նուաճուած էին: Պէ՛տք էր, որ այս նուաճուած մասերը անկախ մասին հեղինակութիւնն ուրանային: Ներկայ ժամանակին մէջ ալ, բոլոր հայերու պարտականութիւնն էր խոնարհիլ այն դրօշին առջեւ, որ առաջին անգամ բարձրացած էր Արարատի՝ մեր հին պետութեան ոստանին մէջ: Ամէնուս ալ պարտականութիւնն էր, որ այդ դրօշակին շուրջը բոլորուէինք, Պատմական Յայաստանի ո՛ր մասին մեջ ալ որ

պարզուած ըլլար: Եթէ Թրքահայ Դատը զոհերու արեան յենած էր, Ռուսահայ Դատն ալ մարտիկներու արիւնին յենած էր: Երկուքն ալ հայու արիւն էին եւ հաւասարապէս նուիրական: Յունաստանի անկախութեան եւ մեծութեան օրինակը աչքերնուս առջեւն է: Նախապէս ափ մը հող անկախ դարձաւ: Բայց եթէ այդ ափ մը հողը կարելի եղաւ հետզհետէ ընդարձակել եւ այսօրուան մեծ Յունաստանը գոյացնել, պատճառը սա է, որ մնացեալ նուաճուած յոյները հաւատարմութեամբ կը նայէին այդ ափով անկախ մասին եւ գիտցան անոր շուրջը բոլորուիլ, զայն զօրացնել: Չեմ կարծեր, որ Թրքահայաստանի դատը Յանր. կառավարութեան ձեռքը անցնելով, կը կորսնցնէ իր ոյժը եւ առանձնաշնորհումները: Կը փափաքին, որ Ն. Վսեմութիւն Փաշան դաշնագիրը ստորագրէ, բայց ստորագրէ իբր ներկայացուցիչը այն պետութեան, որ կազմուած է արդէն եւ որ իրական տերն է բոլոր Յայաստաններուն, կազմուածի՛ն ալ, չկազմուածի՛ն՝ եւ եւ բոլոր՝ հայերուն ալ, ըլլա՛յ՝ ռուսահայ թէ թրքահայ, պարսկահայ թէ եզիպտահայ: Կը փափաքին նաեւ, որ դաշնագիրը ստորագրուելէ առաջ, այստեղի ու Կովկասի մէջ գոյանայ այն միութիւնը, որուն կը փափաքէինք անցեալ տարի, եւ որ, ներկայ պարագաներուն մէջ, բոլորովին անհրաժեշտ դարձած է:

Տիար Տիրան Տեօվէթեան. Տիար Տերպետերեանի մէկ դիտողութեան պատասխանելէ առաջ՝ պէտք կը տեսնեմ ըսելու, թէ ամբողջ հայութիւնը նկատի կ'առնեն առանց խտրութեան, եւ չեն ուզեր, որ իմ խօսքերը մեկնուին իբր այս կամ այն կուսակցութեան կողմնակալութիւն: Որովհետեւ ես ինքս ո՛չ մէկ կուսակցութեան կը պաքթանիմ եւ իմ հաւատամքս հայութիւնն է: Տիար Տերպետերեան ըսաւ, թէ Ազգ. Պատուիրակութիւնը միայն մեղապարտ է, եթէ մինչեւ այսօր միութիւն չէ եղած: Կը կարծեմ, թէ ճշմարտութեան շատ աւելի մօտեցած պիտի ըլլանք, եթէ երկու կողմերը մէկանց մեղադրենք: Քանի օր է մէկ-երկու անգամ ես անձամբ փափաք յայտնեցի Տիար Ահարոնեանի, որ իր ներկայութեամբ պատուէ մեր Յանագումարը: Եւ սակայն չեկաւ: Ասկա ապացոյց մըն է, թէ միութիւնն անկարելի դարձնող պատճառները միայն մէկ կողմէն չեն, որովհետեւ միայն մէկ կողմին ուզելով միութիւն չըլլար: Սենք, Անգլիոյ պատգամաւորներս, եկած չենք անցեալ անցքերով զբաղելու: Նիստի խնդիրները անհունապէս աւելի կարեւոր են, եւ անոնք մասնաւոր պէտք է առարկայ դառնան մեր մտահոգութեանց: Պէտք է խորհինք, թէ մեր այսօրուան սա աննպաստ դրութեան մէջ ի՞նչ կրնանք ընել դէպքերուն տալու համար այն տեսակ ընթացք մը, որ նպաստեն մեր դատին: Ազգը, անդին, ողբալի դրութեան մը մէջ է: Կարօտութիւնն ու տառապանքը վերջ չեն գտած: Թշուառներու անհամար բազմութիւն մը օգնութեան կը սպասէ: Փոխանակ այստեղ անցած-գացած իրողութիւններու վերադառնալով իրար վերադառնելու, պէտք է խորհինք, թէ ի՞նչ կրնանք ընել ազգին այս տխուր դրութեան վերջ մը տալու համար:

Տիար Գառնիկ Ֆնտզլեան. Ես Ազգ. Պատուիրակութեան համարատուութեան մէկ մասին միայն պիտի ակնարկեմ, այսինքն, Ամերիկայի Առաքելութեան: Այն միջոցին, ուր այդ Առաքելութիւնը ճամբայ կ'ելլէր, մասնաւորաբար Անգլիոյ մեջ մեծ յոյսեր դրուած էին անոր վրայ: Բայց մեր մասին մեծապէս յուսախաբ եղանք: Ազգը մեծ անկախութիւններ ունէր Ամերիկայէն, եւ իրաւամբ կը սպասէր, որ զոնէ այնտեղ անհրաժեշտ օւնքերը կը կատարուին: Դժբախտաբար ո՛չ մէկ արդյունք գոյացաւ: Անշուշտ հետաքրքրական էր գիտնալ, թէ Ազգ. Պատուիրակութիւնը ի՞նչ ըրաւ այդ բացասական արդիւնքը տեսնելով: Եւ սակայն, տեղեկագրին մէջ ոչինչ կայ այդ մասին: Ամբողջ գիտցածս սա է, որ Ամերիկայէն եկող անձեր միշտ զանգատած են դրկուած Առաքելութեան դէմ՝ մատմանիշ ընելով անոր չափազանց գէշ կազմակերպութիւնը: Առաքելութիւնը չկրցաւ անհետացնել այնտեղ ծագած հակասութիւնները. ընդհակառակը, կարծես պատճառ դարձաւ, որ բոլորովին աւելնան: Նոյնիսկ Զօրավար Անդրանիկ գերծ չննաց այդ հակասութիւններէն: Կը յիշեմ, որ երբ զինքը Ամերիկա դրկելու առաջարկն եղաւ, վարանցեալ, յայտնելով, որ մասնաւորաբար անկարելի պիտի ըլլայ գործել Զօրավար Բագրատունիի հետ:

Վերջապէս, ստիպեցին զինքը, որ մեկնի, առանց մտածելու, թէ այդ պայմաններուն եւ այդ տրամադրութեան մէջ գտնուող Ձիմուորական Առաքելութիւն մը չպիտի տար այն արդիւնքը, որ կը սպասուէր իրմէ: Ես անձամբ ընդունեցի Ձօրավար Անդրանիկի մէկ նամակը, որուն մէջ դառնութեամբ կը յայտնէ, թէ զղջացած է երթալուն, թէ Ձօրավար Բագրատունի մինակը կը գործէ եւ մինակը ստորագրած է կարեւոր պաշտօնագիր մը, որ սերտ առնչութիւն ունէր Առաքելութեան նպատակին հետ:

Տիար Տոքթ. Նելուզ. Ձիմուորական Առաքելութիւնը դրկուեցաւ Ամբողջական Հայաստանի Պատուիրակութեան կողմէ: Ձօրավար Բագրատունի անոր պետ անուանուած էր եւ Անդրանիկ ընդունած էր ասիկա: Շատ բնական է, որ Առաքելութեան անունով տրուած պաշտօնագիր մը կրէ նոյն ինքն Առաքելութեան պետին ստորագրութիւնը:

Տիար Վ. Թէքեան. Թոյլ տուեք, որ ճշդեմ այդ կետը: Ձօրավար Բագրատունի արդարացուցած է մինակ ստորագրած ըլլալը, առարկելով որ Անդրանիկ մեկնած էր հանգանակութեան համար: Ուրեմն, Ձօր. Բագրատունի կ'ընդունի, որ երկուէն մէկը պէտք էր ստորագրել:

Տիար Գ. Ֆնտուզեան. Ես մանրամասնութեան մէջ մտնել չեմ ուզեր, ես միայն կը յիշատակեմ Ձօր. Անդրանիկի նամակը, այն դառնութիւնը, որ կ'երեւայ անոր մէջ՝ ցոյց կու տայ ինքնին, թէ երբեք չպիտի կրնայ սրտով աշխատիլ այնտեղ, հետեւաբար կարելի չպիտի ըլլայ ստանալ այն արդիւնքը, որ կ'ակնկալուէր: Ազգ. Պատուիրակութիւնը պէտք էր նախատեսեր ասիկա, եւ պէտք չէր, որ Անդրանիկի պէս անկախ մարդ մը Ձօրավար Բագրատունիի հրամանին ենթարկեր:

Տիար Տէրպետրեան. Թող ինք չընդունէր:

Տիար Տեօվէթեան. Չընդունեց ու պնդեց իր մերժումին վրայ, բայց ստիպուեցաւ համակերպիլ՝ երբ իրեն վերստին կոչոււմ եղաւ յանուն ազգային գերագոյն շահերուն:

Տիար Գ. Ֆնտուզեան. Բացայայտ է, որ վեց թանկագին ամիսներ կորսնցուցինք, մինչեւ որ Ամերիկա մարդ դրկուեցաւ: Չեմ ուզեր այս յետաձգման պատճառը փնտռել: Չպիտի փնտռեմ նաեւ, թէ ինչո՞ւ նոյն վնասակար երկուութիւնն առաջ եկաւ թէ՛ Պատուիրակութեանց ներկայացուցիչներուն եւ թէ՛ Ձիմուորական Առաքելութեան միջեւ: Բայց կ'ուզեմ շեշտել, թէ քանի որ ամենէն անելի Ամերիկայէն կը սպասէինք մեր դատին յաջողութիւնը, պէտք էր, որ մեր ամենէն կարող ոյժերը դրկէինք հոն, այն տեսակ մարդիկ, որոնք կարենային որոշ ազդեցութիւն մը ձեռք բերել վարիչ շրջանակներուն մօտ եւ այդ ազդեցութեան շնորհիւ փրկել մեր դատը:

Տիար Վ. Թէքեան. Ստեղծէի՞նք այդ մարդիկը:

Տիար Գ. Ֆնտուզեան. Եւ կամ գացողները եթէ չեն կրցեր ազդել այնտեղի քաղաքականութեան վրայ, զոնէ պէտք էր, որ տեղեկութիւն տային իրենց գործունէութեան եւ առհասարակ բոլոր քաղաքական իրադարձութեանց մասին: Այսօր թերթերէն միայն կ'իմանանք, թէ ո՛չ միայն մանտան անկարելի դարձած է, այլ նոյնիսկ Հայաստանի ըլլալիքը ելեւմտական օժանդակութեան մասին Հիջքոքի առաջարկն ալ մերժուեր է 34-ի դէմ 42 ձայնի մեծամասնութեամբ: Չափազանց մեծ բան էր սպասել իրենցմէ, որ այս փոքր տարբերութիւնը կարենային մեծամասնութեան փոխել, քանի մը զաւառական ալ համոզելով: Չարմանալի չէ՞, որ Պատուիրակութեան ներկայացուցիչները, որոնք այնտեղ կը գտնուին, ո՛չ միայն չկրցան ընել սա պզտիկ ճիգը, այլ բան մըն ալ չգրեցին այս անցքերուն նկատմամբ, որոնք այնքան կենսական նշանակութիւն ունէին մեզի համար: Ես կը կրկնեմ, որ պէտք էր մեր ամենէն կարող մարդիկը դրկէինք Ամերիկա: Այս մասին, կը յիշատակեմ այն խօսքը, զոր Գնդապետ Կուրո՝ Ազգ. զիմուորական իշխանութեան ներկայացուցիչը Կովկասի մէջ, հայոց մասին խիստ համակիր անձ մը, անցեալներս ըսաւ ինձի. «Դո՛ւք, հայերը, մեծ սխալ մը կը գործէք, միշտ տեսնելով եւ դիմելով կրօնասէր, մարդասէր փոքրամասնութեան եւ անոնց համակրութիւնը շահիլը բաւական կը նկատէք: Մինչդեռ պէտք էր հետաքրքրել

եւ համոզել կառավարող դասը: Ապահով եղէք, որ այն համեմատութենէն, որով առաջին դասակարգին համակրութիւնը կը շահիք, կը կորսնցնէք երկրորդ դասակարգին համակրութիւնը»: Ցաւալի է ըսել, որ մեր ներկայացուցիչները չեն կրցած այս այլեւայլ հոսանքներուն համեմատական ոյժը, կարեւորութիւնն ու ազդեցութիւնը կշռել եւ ճշգրիտ տեղեկութիւն տալ այդ մասին, որպէսզի Պատուիրակութիւնը կարենար ըստ այնմ ուղղել իր գործունէութիւնը:

Բրօժ. Թունայեան. Իմ ընելիքն Ազգ. Պատուիրակութեան տեղեկագրին քննադատութիւն մը չէ, որովհետեւ կարդալու եւ քննելու պատեհութիւն ունեցած չեմ: Ես Պատուիրակութեան ընդհանուր գործունէութեան վրայ է, որ քանի մը դիտողութիւններ ընել կ'ուզեմ:

Պատուիրակութիւնը չափազանց կղզիացած կը գործէր, առանց մտահոգուելու, որ հայ հասարակութեան հետ շփման մտնելը կարեւոր եւ եական պայման մըն էր թէ՛ հայ հասարակութեան համակրանքը շահելու եւ թէ՛ ընդհանուր գիծերով հաջողելու համար: Հայ հասարակութենէն անդին զանազան գաղութներու մէջ հաստատուած եւ ազգային գործով զբաղող քոմիթներն անգամ անտեղեակ մնացած են անցուդարձերէն, ինչպէս նաեւ Պատուիրակութեան գործերէն ու իր հետեւած քաղաքականութեան ընդհանուր գիծերէն: Առ հասարակ՝ գաղտնիքի հով մը կը փչէր իր ամբողջ գործունէութեան վրայ: Եւ ասիկա միայն անցեալ տարի ընտրուած Պատուիրակութեան համար չեմ ըսեր, այլ՝ նախորդ Պատուիրակութեան ալ սկիզբէն ի վեր հետեւած մեթոտը այս էր: Սենք, զոր օրինակ Լոնտոնի կամ Մանչեսթրի հայերս, շատ անգամ չէինք գիտեր, թէ ի՞նչ կ'անցնի կը դառնայ: Մտահոգուող հասարակութիւնը՝ քանի իրաց ընթացքը աննպաստ հանգամանք ստանար, յուզուած կը հարցնէր, թէ ո՞ր կ'երթանք, ի՞նչ է իրաց կացութիւնը: Եւ որովհետեւ միակ տեղեկութիւնը լրագրողներուն հաղորդածն էր, եւ ան ալ թերի, չափազանցուած կամ սխալ, ժողովուրդին ամեն մէկը իր ուզած կերպով կը հասկնար կամ կը մեկնէր: Անոր հետեւանքով՝ շատ արտառոց զրոյցներ կը շրջագայէին, ինչ որ տեսակ-տեսակ տարածայնութիւններու, քննադատութիւններու եւ անտեղի վէճերու ծնունդ կու տար, եւ շատ կը տկարացնէր Պատուիրակութեան վարկն ու ազդեցութիւնը: Ազգ. Պատուիրակութիւնը, փոխանակ այդ գաղտնապահութեան, եթէ կերպ մը գտնէր հայ հասարակութեան եւ քոմիթներուն հետ մնայուն սերտ յարաբերութիւն մշակելու, եւ գոյութիւն ունեցող քոմիթները իրեն թեւ ու թիկուք, իրեն ներկայացուցիչ ու գործակից նկատէր, այն ատեն հո՞ծ, միացեալ ու կազմակերպեալ, զինքը ա՛լ անելի գուրգուրանքով շրջապատող, պաշտպանող ու քաջալերող մարմին մը կ'ունենար կմնակը: Դժբախտաբար, Պատուիրակութիւնը անտես ըրաւ ասիկա եւ կորսնցուց թէ՛ գաղութներու եւ թէ՛ Թուրքիոյ մէջ գտնուող հայ համայնքը կազմակերպելու պատեհութիւնը: Այսպիսով՝ ազգին ահագին մեծ զանգուածը կը դառնար կազմակերպուած ոյժ մը, իրեն գլուխ ունենալով Պատուիրակութիւնը: Պէտք էր նախաձեռնութիւն ստանձնել քոմիթներ կազմելու քիչ-շատ ամեն տեղ, եւ անոնց հետ յարաբերութեան մէջ մնալ: Պէտք էր, ի պահանջել հարկին, հրաւիրակներ դրկել հոս ու հոն, ժողովուրդը լուսատրելու համար, քոմիթներուն տարբեր պետութեանց մօտ նոյն ծրագրով աշխատելու հրահանգ եւ ուղղութիւն տալ, անոնց դիտողութիւններէն ու թելադրութիւններէն ալ օգտուելով:

Նպատակ չունիմ կուսակցութեանց ակնարկութիւն ընել, բայց չենք ալ կրնար աչք գոցել եւ չտեսնել իրողութիւն մը, որ ակներեւ է: Հանրապետութեան Պատուիրակութիւնը մեծ առաւելութիւն մը ունի այս մասին. անկեալ կը յենու լայն ու լաւ կազմակերպութեան մը, յանձնաժողովներու հո՞ծ ցանցով մը շրջապատուած է եւ մեծապէս կ'օգտուի աքթէ, իբրեւ թէ անոնց թեւերուն վրայ կը թռչի: Մինչդեռ Ազգ. Պատուիրակութիւնը թեւ գուցէ նոյնչափ եւ անելի համակրողներու բազմութիւն մը ունի, բայց անկազմակերպ ըլլալով եւ անոնց հետ սերտ շփում չունենալով, պէտք եղած ժամանակ չկրցաւ անոնցմէ օգտուիլ: Իբր օրինակ կը յիշեմ Համագումարի

ներկայացուցիչներու ընտրութեանց եւ գումարմանց առթիւ տեղի ունեցած դանդաղութիւններն ու անկանոնութիւնները: Որպէսզի միտքս ա'լ աւելի բացատրեմ, հարկ կը տեսնեմ քանի մը օրինակներ ալ տալ: Պատուիրակութիւնը կամ իր Վսեմ. Նախագահը պետական մարդոց հետ այստեղ կամ Անգլիա տեսակցութիւն կ'ունենային կամ դիմում կը կատարէին անոնց մօտ: Ատոնք պէտք էր յայտնուէին հայ հասարակութեան, որպէսզի ժողովուրդը իրականութեամբ զբաղէր եւ ո'չ թէ երեւակայական տուեալներու յեճած չափազանց յռետեսութեան կամ չափազանց լաւատեսութեան մղուէր: Լորտ Քըրզընի կողմէ Վսեմ. Փաշային յղած յայտարարութեան իսկութիւնը, իր իսկ գործածած բառերով, ի՞նչ էր՝ ո'չ ոք գիտէ: Գաղղիոյ պետական մարդոց հետ մշակուած բանակցութեանց ուղղութիւնը ի՞նչ էր, ի՞նչ ըսին, ի՞նչ կ'ըսեմ՝ ասոնք ո'չ ոք գիտէ: Տեղեկագրին մէջ ալ յիշուած չեն: Վերջին անգամ Լոնտոն, Լորտ Քըրզընի հետ տեսակցութեան մը համար չորս անձանց մասին դիմում եւ կարգադրութիւն եղած ըլլալով հանդերձ, ինչո՞ւ անոնցմէ հորէն եպիսկոպոս չգնաց, եւ ընդունելութենէն քանի մը ժամ առաջ, առանց լուր տալու, ձգեց Մանչեսթը մեկնեցաւ. ո'չ ոք գիտէ պատճառը: Ո'չ մէկ պաշտօնական յայտարարութիւն եղաւ, որով ամեն ոք ըստ իր քմաց մեկնութիւն տուաւ, ինչ որ մեծ գայթակղութիւն յարոյց Լոնտոնի հասարակութեան մէջ: Յետոյ՝ մասնաւորաբար Լորտ Քըրզընի յայտարարութեանց մասին խոշոր տարակարծութիւններ ծնունդ առին, իբր թէ Լորտը պահանջած էր, որ Երեւանի դախիճին անդամները հեռացուին իշխանութենէ: Երեւան տրուած հեռագրին ստորագրութեան մասին ալ կարգ մը բաներ ըսուեցան, առ ի չգոյ՛տ ստոյգ, վաւերական եւ պաշտօնական տուեալներու: Նոյն տեսակ տարածայնութիւններ ծնունդ առեր են նաեւ, ըստ ոմանց, Սան Ռեմոյի մէջ ալ: Միեւնոյն բանը տեսանք անցեալ օր՝ Թուրքիոյ դաշնագրին յանձնման ժողովին ներկայ գտնուելու հրաւիրագրին շուրջ: Վսեմ. Փաշային հրաւեր դրկուելու կերպին նկատմամբ տարածայնութիւն կամ սխալ հասկացողութիւն գոյացած է, ասոր ալ պատճառը դարձեալ ստոյգ տեղեկութեան պակասն է: Եթէ ինչպէս կը խորհուէր ճախապէս՝ մասնաւոր օրկան մը հրատարակուէր, այս բոլոր պահանջներուն գոհացում կու տար: Եւ այն ծախքերով որոնք եղած են կարելի էր այն տեսակ թերթ մը հրատարակել: Թէեւ գուցէ տեղեկագրին քննութեան ներկայ խնդրին չի վերաբերիր, բայց այս ըսածներս շատ մօտ են շօշափելուն համար ներեցէ՛ք, որ, ըստ իս՝ կարելոր սա մէկ կէտն ալ յիշեմ: Պատուիրակութեան Վսեմ. Նախագահը շատ կարելոր տեսակցութիւններ ունեցած է պետական անձնաւորութեանց հետ: Պիտի խնդրէի իրմէ, որ օրը օրին գրի անցընէ եւ զգուշութեամբ պահէ անոնց արտայայտած գաղափարները կամ տուած յոյսերն ու խոստումները, քանի որ ասոնք մեզի համար վերին աստիճանի կարելոր ու թանկագին document-ներ են, պատմական եւ քաղաքական տեսակետով, ապագայ սերունդներուն առջեւ ինքզինքնիս անհատապէս կամ իբր Համագումար այդ ստանձնելու համար: Պիտի խնդրէի նաեւ Պատուիրակութենէն, որ իր տալիք պատասխաններու կարգին նշանակէ եւ մեզ լուսաբանէ, թէ ինչո՞ւ Քլեմանսօ Հայկական Դատին աննպաստ արտայայտուեցաւ, քանի որ սկիզբէն ի վեր հայոց բարեկամ ճանցուած էր: Նաեւ՝ ի՞նչ անցաւ դարձաւ, որ Յովհ. Խան Ասետեանց չորկուեցաւ Ամերիկա, ինչպէս որոշուած էր: Հարկաւ Երեւանէն դրկուած Առաքելութեան մասին ալ բաւարար լրացուցիչ տեղեկութիւններ պիտի տրուին:

Տիար Թերզիպաշեան. Վիճաբանութեան փակումէն առաջ կ'ուզեմ քանի մը խօսք ընել Պատուիրակութեան ներքին քաղաքականութեան մասին: Այն օրը երբ կազմուեցաւ, Պատուիրակութիւնը դարձաւ թրքահայ քաղաքականութեան առաջնորդ, ինք պէտք է վարէր այդ քաղաքականութիւնը եւ «թոն» տար զանազան շրջանակներու մէջ գտնուող հայերու գործունէութեան: Այս վերին աստիճանի կարելոր դերը իրականացնելու համար պատրաստ էր կապ հաստատել զանազան տեղեր գտնուած հոծ հայութեանց հետ: Պէտք էր, օրինակի համար, Երեւանի մէջ ունենար իր ներկայացուցիչը, ո'չ միայն կապ պահելու համար հոն գտնուող թրքահայ

փախստականներու հետ, այլ նաեւ մօտէն ծանօթանալու համար Կովկասի մէջ կատարուած անցքերու հետ, որոնցմէ շատեր ուղղակի կամ անուղղակի կերպով կապ ունէին իր վարած քաղաքականութեան յաջողութեան հետ: Հայերու իմնական քաղաքականութիւնը Պատ.-թեան միջոցաւ յայտնի պէտք է ըլլար ամեն կողմի հայ մամուլին, որովհետեւ մեքք տեսանք, թէ Կովկասի, ինչպէս Պոլսոյ մէջ, հայ մամուլի հրատարակութիւններ խիստ վնասակար ազդեցութիւն կը գործէին ո'չ միայն Հայկական Հարցի վերաբերմամբ, այլ նաեւ՝ անոր ֆիզիկական գոյութեան տեսակետով: Պատուիրակութիւնը թէեւ Կիլիկիոյ մէջ ունի իր ներկայացուցիչը, բայց տեղւոյն քաղաքականութիւնը կը վարուի Ազգ. Միութեան կողմէ: Նոյնիսկ դէպքեր կան, որոնց մէջ Պատուիրակութիւնը, որոշ հրահանգներ չտալով, անստուգութեան մատնած է իր ներկայացուցիչը: Ասկէ առաջ Պ. Տամատեան խորհուրդ հարցուցած է Պատուիրակութեան եւ «բառույ»-ով պատասխան խնդրած ֆրանսական կամ թրքական քաղաքականութիւն մշակելու մասին: Բայց Պատ.-թիւր անպատասխանի թողած է:

Տիար. Ա. Չօպանեան. Չէ թողած, ինչո՞ւ կը պնդէ չզիտցած բաներնու վրայ. եթէ չէր գիտեր՝ կրնաք հարցնել:

Տիար Տոքք. Նելուզ. Ես ալ կը բողոքեմ: Հայհոյութիւններ են ասոնք եւ դարձեալ զարմանք կը յայտնեմ, որ Դիւանը չարգիլէր ատենախօսը:

Վսեմ. Տիար Գ. Նորատուկեան. Տիար Թերզիպաշեանի ըսած խօսքերուն մէջ հայհոյութիւն չկար: Ամէնպարզ կերպով մը ըսաւ, թէ դիմում մը անպատասխանի թողուած է: Կարելի է հերքել եթէ ճիշդ չէ ըսածը:

Տիար Ա. Թերզիպաշեան. Ես հաւաստում մը ըրի. կրնաք ժխտել, երբ ձեր պատասխանը տալու ըլլաք: Ազգ. Պատ.-թիւր յարաբերութիւն չէ պահած նաեւ Պոլսոյ Պատրիարքարանին եւ Երեսփոխանական ժողովին հետ, եւ ասիկա անանկ ատեն մը, ուր ասդին Քըրզընի ծանօթ յայտարարութեան կը համակերպէր, մինչդեռ ի բացակայութեան Համագումարին, զոր կարելի չէր գումարել մէկ օրէն միւսը, պէտք էր գոնէ Պատրիարքարանին եւ Երեսփոխանական ժողովին տեղեկութիւն տար այն տեսակ զիջումներու մասին, որոնք ուղղակի կը հետաքրքրէին զանոնք:

Վսեմ. Դուրեան Արքեպիսկոպոս. Քըրզընի խնդրին համար նամակ հասաւ Պատրիարքարան:

Տիար Վ. Թէքեան. Կը հաստատեն ասիկա: Այդ միջոցին Պոլիս էի. Պատուիրակութեան նամակին վրայ, Պատրիարքին Նախագահութեամբ գումարուեցաւ մասնաւոր ժողով մը, որուն ես ալ հրաւիրուեցայ իբր Պատուիրակութեան անդամ: Ո'չ միայն խնդիրը ծանուցուած էր մանրամասնութեամբ, այլ նոյնիսկ հարցում եղած էր, թէ ի՞նչ կը խորհին այդ նոր կացութեան առթիւ բռնուելիք ուղղութեան մասին:

Տիար Ա. Թերզիպաշեան. Ատիկա Կիլիկիան զիջելու համար էր. անկէ ետք տեղեկութիւն չէկաւ Պատրիարքարան:

Վսեմ. Դուրեան Արքեպ. Զգացուցինք, թէ գործերուն ընթացք տուողը Պատուիրակութիւնն է եւ թէ լաւագոյն կերպով մը կրնայ կացութեան համապատասխան ուղղութիւն մը բռնել: Եւ արդէն Ս. Պատրիարքը պիտի գար:

Տիար Ա. Թերզիպաշեան. Երկու խօսք ալ պիտի ընեմ հատուցման խնդրի մասին, որուն նկատմամբ արդէն խօսեցաւ Տիար Տըր-Ստեփանեան: Իրեն հետ ես ալ կը կրկնեմ, թէ ո'չ մէկ լուրջ ձեռնարկ եղեր է այդ խնդրին համար, ո'չ միթիւն, ո'չ ատենախօսութիւն, ո'չ հրատարակութիւն, եւ թէ Պատուիրակութիւնն առհասարակ անհոգ գտնուէր է մեր ժողովուրդին միութեան վնասներուն դարմանման մասին, խնդիր՝ որուն անդրադառնալու իրաւունքս կը վերապահեմ:

Պատուիրակութեան համարատուութեան մասին այլեւս խօսք ուզող չըլլալով, վիճաբանութիւնը փակուած նկատուեցաւ: /Տիար Արտաւազը Հանըմեան

վիճաբանութեան փակման առթիւ հետեւեալ երկու հարցումներն ուղղեց այդ առթիւ Պատուիրակութեան/:

Տիար Ա. Զանըմեան. Ազգ. Պատուիրակութենէն, զորս պիտի տայ պատգամաւորներու կողմէ եղած քննադատութեանց, պիտի խնդրեմ, որ իր միւս բացատրութեանց կարգին հաճի կարգ մը լուսաբանութիւններ տալ մեզի հետեւեալ երկու հարցերու մասին:

Առաջին. շատերու համար երկար ամիսներէ ի վեր որոշ էր, որ Ֆրանսա համաձայնութեան գալով կամ ստիպումի տակ՝ պիտի պարտաւորուէր հրաժարիլ Կիլիկիայէն: Այդ պարագան կանխատեսելով՝ Ազգ. Պատուիրակութիւնը գործունէութեան ի՞նչ ուղղութիւն հրահանգած է Կիլիկիոյ ազգ. իշխանութիւններուն: Թրքական դաշնագրին հիման վրայ բուն Կիլիկիոյ մեծագոյն մասը թուրքերուն ձգուելով, յայտնի էր, թէ ֆրանսացիք չպիտի ուզէին պատերազմը շարունակել այդ շրջաններուն համար եւ այդ շրջաններուն մէջ: Մօտ ամիսուկէսէ ի վեր եւրոպական մամուլը արծագանգ կ'ըլլար այն լուրերուն, թէ Ջօրավար Կուրօ բանակցութեան մէջ է թուրք ազգայնականներու հետ: Այդ լուրերը այսօր կը ստուգուին: Պ. Ռոպէտ տը Քէ ֆրանսական կառ.-թեան քաղաքային գործակալը Ջօր. Կուրոյի մօտ, Էնկիլիի մէջ յաջողէր է զինադադար կնքել Մուսթաֆա Քեմալի հետ, եւ, ապահովաբար մեր շահերը ոտքի տակ տալով: Նկատի ունենալով, որ Ջէթունի, Զաճընի, Սիսի եւ ուրիշ շատ մը շրջաններու մէջ հայերը կռիւի մէջ են թուրքերուն դէմ, այդ զինադադարը մեզի համար կը ստեղծէ չափազանց դժուարին կացութիւն մը: Այդ մասին Ազգ. Պատուիրակութիւնը կանխատեսութիւն մը ըրա՞ծ է արդեօք, եւ կամ գէթ ի՞նչ կը խորհի ընել այսօր:

Վսեմ. Տիար Գ. Նորատունկեան. Այս խնդիրը Պատ.-թեան համարատուութեան հետ կապ չունի, յառաջիկային Պատուիրակութեան տրուելիք տիրէթիւններուն կը պաքթանի: Այն ատեն անյապաղ ժողովը նկատի կ'առնէ:

Վսեմ. Պօղոս Փաշա Նուպար. Շատ կարեւոր խնդիր մըն է, կ'ընդունիմ, բայց ներկայ վիճաբանութեան հետ կապ չունի: Եթէ Պատուիրակութիւնը պիտի մնայ, կը խորհինք, թէ ի՞նչ պիտի ընենք այդ մասին:

Տիար Ա. Զանըմեան. Կ'անցնիմ երկրորդ հարցումին. Սան Ռենոյի Վեհաժողովին առջեւ, երբ Զայաստանը գրաւելու դժուարութեանց մասին խօսք եղած է, Ազգ.Պատ.-թեան Նախագահը յայտարարած է, թէ հայերը կարող են 40 000 հոգի ունոց բանակ մը կազմել եւ իրենք իրենց միջոցներով գրաւել երկիրը, եթէ երբեք Պաշնակիցները անոնց աջակցին նիւթապէս, տրամադրելով գէնք, ռազմամթերք, եւ այլն: Ես պիտի խնդրեմ, որ Ազգ. Պատ.-թիւնը որ մեզի հաղորդէ, թէ այդպիսի յայտարարութիւն մը ընելու համար արդեօք այս վերջին տարուան ընթացքին առա՞ծ էր որոշ քայլեր եւ կատարա՞ծ էր որոշ աշխատանք մեր բանակին զօրացման համար: Եւ եթէ մինչեւ այդ՝ չէր կատարած որոշ աշխատանք այս ուղղութեամբ, Սան Ռենոյի Վեհաժողովէն ասդին ի՞նչ քայլեր առնուած են եւ որքա՞ն յաջողութեամբ:

Նիստը փակուեցաւ ժամը 6 եւ կէսին:

ՀԱԱ, ֆ. 430, ց. 1, գ. 61, ք.1-32: Ձեռագիր: Բնագիր:

**Նիստ ժԲ**

7 Յունիս 1920, ժամը, 3-ին,

Նախագահութեամբ Վսեմ. Տիար Գ. Նորատունկեանի:

Ներկայ էին 15 պատգամաւոր՝

Ամեն. Դուրեան Արքեպիսկոպոս, Տոքթ. Բարսեղեան, Թերզիպաշեան, Թէքեան, Թումայեան, Զանըմեան, Մարըր Պէյ, Վսեմ. Գ. Նորատունկեան, Վսեմ. Պօղոս Փաշա Նուպար, Չօպանեան, Սինապեան, Տէրպետեան, Տէր-Ստեփանեան, Տեովլէթեան, Ֆնտզեան:

**Օրակարգ**

1. Տեղեկագիր եւ հաշուեցոյց հաշուական գործունէութեանց Ազգ. Պատուիրակութեան
2. Զամարատութիւն Ազգ. Պատուիրակութեան
3. Տեղեկագիր Կազմական Կանոնագրի Յանձնաժողովին
4. Վերակազմութիւն Ազգ. Պատուիրակութեան

**ԱՏԵՆԱԿԱՆ ԳՈՐԾՈՂՈՒԹԻՒՆՆԵՐ**

1. Ընթերցում ատենագրութեան

Կարդացուեցաւ եւ վաւերացուեցաւ Յունիս 4-ի նիստին ատենագրութիւնը:

2. Յայտարարութիւն Տիար Գ. Սինապեանի՝ Զանր. Պատուիրակութեան խորհրդականներու մասին

Տիար Գ. Սինապեան տեղեկութիւն տուաւ Զամագումարին, թէ Գերագոյն Խորհուրդի Զարտուղարութիւնը Զանր. Պատուիրակութենէն խնդրած ըլլալով Պատուիրակութեան անդամներուն, ինչպէս նաեւ անոր օժանդակող խորհրդականներու եւ մասնագէտներու մէկ պաշտօնական ցուցակը, Տիար Ահարոնեան արտօնութիւն խնդրած է իրմէ՝ իր անունն ալ դնելու վերոյիշեալ ցուցակին մէջ, որուն վրայ նշանակուած անձերը հաւանական է, որ պէտք եղած ատեն հրաւիրուին մասնակցելու դաշնագրին վերաբերող խորհրդակցութեանց:

Տիար Տեովլէթեան փափաք յայտնեց այս առթիւ, որ Զամագումարին Նախագահ Վսեմ. Տիար Գ. Նորատունկեան ընդունի Ազգ. Պատուիրակութեան անդամակցութիւնը, քանի որ այս վճռական օրերուն կատարուելիք բանակցութեանց եւ խորհրդակցութեանց համար մեծապէս կրնան օգտակար դառնալ իր ծանօթ ձեռնհասութիւնն ու փորձառութիւնը:

Վսեմ. Տիար Գ. Նորատունկեան յայտնեց այս առթիւ, թէ Տիար Ահարոնեան նոյն դիմումը ըրած է նաեւ իրեն, բայց ինք պատասխանած է, թէ մինչեւ Զամագումարին աշխատութեանց լրանալը՝ կ'ընդունի միայն, ի պահանջել հարկին, ոչ-պաշտօնապէս մասնակցիլ տեղի ունենալիք խորհրդակցութեանց եւ կատարուելիք ձեռնարկներուն բերել իր օժանդակութիւնը, ինչպէս սիրով կատարած է ցարդ:

Գալով Տիար Տիար Տեովլէթեանի առաջարկութեան, Վսեմ. Նախագահը դիտել տուաւ, որ այդ խնդիրն արդէն իսկ անցած է օրակարգին մէջ, եւ Զամագումարը իր կարգին պիտի զբաղի անով:

**Օրակարգ**

1. Տեղեկագիր եւ հաշուեցոյց ելեւմտական գործունէութեանց Ազգ. Պատուիրակութեան

Ազգ. Պատուիրակութեան ելեւմտական Գործառնութեանց Զաշուեքնիչ Յանձնաժողովին տեղեկաբեր Տիար Գառնիկ Ֆնտզեան, յայտնել էտք, թէ Զամագումարին յանձնարարութեան համեմատ վերոյիշեալ հաշիւներուն բոլոր մանրամասնութիւնները ստացած էր Պատուիրակութեան Վսեմ. Նախագահին անձնական Դիւանէն, կարդաց հետեւեալ տեղեկագիրը.

**Տեղեկագիր Զաշուեքնիչ Յանձնաժողովոյ՝ Ազգ. Պատուիրակութեան ելեւմտական գործունէութեանց մասին**

Տիար Գառնիկ Ֆնտզեան քե՛ տեղեկագրին ընթերցման միջոցին եւ քե՛ անկէ վերջ, անհրաժեշտ բացատրութիւնները տուաւ Պատուիրակութեան հաշուական գործունէութեանց մանրամասնութեանց նկատմամբ:

Տեղեկագրին ընթերցման առթիւ պատգամաւորներէ ոմանք դարձեալ շեշտեցին դրկուած գումարներու գործածութիւնը հակակշռի ենթարկելու անհրաժեշտութիւնը: Պատուիրակութեան անդամ Տիար Վահան Թէքեան յայտնեց, թէ Պատուիրակութիւնը, Համագումարին կողմէ յայտնուած փափաքին համաձայն, որոշեց այսուհետեւ դրամ դրկուած ատեն՝ տեղեկութիւն պահանջել նաեւ դրամին գործածութեան եղանակին նկատմամբ: Անշուշտ, ըսաւ, Պատուիրակութիւնը նոյնիսկ այս կերպով չի կրնար հակակշռի ենթարկել դրկուած գումարներու գործածութիւնը, բայց, վերջապէս, անոնց ընդունուած եւ նպատակին յաքթացուած ըլլալուն նկատմամբ յայտարարութիւն կ'ունենայ ձեռքը: Այս առթիւ Տիար Վահան Թէքեան դիտել տուաւ, թէ ամենէն աւելի մեծ գումարները, մասնաւոր պատերազմի շրջանին, դրկուած էին Ն. Ս. Օծութիւն Էջմիածնայ Կաթողիկոսէն եւ ամենէն աւելի Էջմիածին լռութիւն պահած է քե՛ այդ գումարները ստացած ըլլալուն եւ քե՛ անոնց գործածութեան եղանակին նկատմամբ: Երբ երեւան մեկնեցանք, յարեց Տիար Թէքեան, Վսեմ. Պօղոս Փաշա ընդարձակ հաշուեցոյց մը յանձնեց մեզի՝ Էջմիածին դրկուած գումարներու մասին: Այդ հաշուեցոյցը տուի Կաթողիկոսին՝ որպէսզի ստուգել տայ, թէ իրօք հասած են դրկուած գումարները: Բաւական ժամանակ մնացինք Կովկաս, եւ մինչեւ մեր մեկնումը դիտողութիւն մը չըրին, ինչ որ կ'ենթադրէ, թէ հաշուեցոյցին մէջ սխալ չկար:

Տիար Տէրպետերեան ուզեց գիտնալ, թէ իրեն տրուած խնդրանք մը կ'ըլլայ՝ Պատուիրակութեան անդամներուն խորհրդակցութեամբ կ'որոշուի առաքումը: Տիար Վահան Թէքեան պատասխանեց, թէ քանի որ Պատուիրակութեան անդամներէն մէկը կամ միւսը առարկութիւն չընէր ներկայացուած հաշիւներուն նկատմամբ, ուրեմն պէտք է ընդունիլ, թէ համամտութիւն գոյութիւն ունի իրենց միջեւ:

Տիար Տոքթ. Բարսեղեան դիտողութիւն ըրաւ մէկ քանի գումարներու մասին, որոնք տրուած էին զանազան անձերու, իբր ճամբու ծախք: Յիշեց մասնաւորաբար Տոքթ. Ռուբէն Տէր-Ստեփանեանը եւ իր կինը, որոնց Կովկաս վերադարձին ծախքերը հոգացած էր Պատուիրակութիւնը: Դարձեալ Տիար Բարսեղեան դիտողութիւն ըրաւ Զօրավար Թորգոմի վճարուած գումարի մը համար: Տիար Արշակ Զօպանեան ի պատասխան ըսաւ, թէ իբր Զօրավարը քաջութեամբ մասնակցած էր թրքօ-հայ կռիւներուն. ինչպէս երբեմն Բիւռ Լոթիի միջադէպին առթիւ, մենամարտած էր Ֆրանսայի առաջնակարգ սուսերամարտիկներէն Պ. Պրկերմայերի հետ արիւթեամբ մը, որ նոյնիսկ իր հակառակորդին զմայլանքը շարժած էր: Պատուիրակութիւնը օգնութիւն մը ըրած է պարզապէս իրեն, այնքան ատեն մը, որ նեղութեան մէջ կը գտնուէր: Այլապէս օգտակար գործունէութիւն ունեցած էին նաեւ Տոքթ. Ռուբէնը եւ իր կինը՝ թրքօ-հայ կռիւներուն ընթացքին:

Հաշուեքննիչ Յանձնաժողովոյ տեղեկաբեր Տիար Գառնիկ Ֆնտզեան կարդաց նաեւ Ֆինանսական Յանձնաժողովին կողմէ պատրաստուած եւ (նախորդ միստին ատենագրութեան մէջ ստորագրուած) պիւտճէի նախագահին քննութեան վերաբերող հետեւեալ տեղեկագիրը, զոր Համագումարին յանձնարարութեան համեմատ լրացուցած էր Պատ. Վսեմ. Նախագահին անձնական դիւանէն ստացուած մանրամասնութիւններով:

**Տեղեկագիր Հաշուեքննիչ Յանձնաժողովոյ Ազգ. Պատուիրակութեան՝ պիւտճէի ծրագրին նկատմամբ**

Տիար Տօվլէթեան ցաւ յայտնեց, որ Պատուիրակութեան եւ Ֆինանսական Յանձնաժողովի անդամներէն Տիար Տոքթ. Ներուզ դարձեալ ներկայ չէ, մինչդեռ գիտեր, որ այս տեղեկագիրները պիտի կարդացուէին եւ անհրաժեշտ էր իր

ներկայութիւնը՝ բացատրութիւններ տալու համար: Տիար Տօվլէթեան ըսաւ, թէ հաշիւներու մէջ 80% շռայլութիւն կայ, եւ թէ Բժշկական Առաքելութեան, ինչպէս նաեւ Կովկասի, Կիլիկիոյ ու Ամերիկայի Առաքելութեանց համար եղած ծախքերը պարզապէս աւելորդ վատնումներ եղած են: Ասկէ վերջ, յարեց, մեզի դժուար պիտի ըլլայ նոր դրամ գտնել, որովհետեւ երբ այս տեսակ հաշիւներ ներկայացնենք մինչեւ հիմա դրկուած գումարներուն գործածութեան եղանակին նկատմամբ, պարզապէս մեր վրայ պիտի խնդան: Տիար Տօվլէթեան քննադատեց մասնաւորաբար այն պարագան, թէ Կիլիկիոյ Բժշկական Առաքելութեան 17 ամսուան գործունէութեան լոյ առաջին երեք ամիսներուն հաշիւները միայն ստացուած են, բայց նորէն շարունակելու են դրամ դրկել ամեն ամիս:

Տիար Վահան Թէքեան. Բայց եթէ հաշիւ չէ եկեր, հիւանդանոցը միշտ գոյութիւն ունեցեր է եւ ունի, եթէ դրամ չըրկուի՝ հիւանդները ի՞նչ կ'ըլլան: Յետոյ, տեղեկագիր չկայ ըսելով պէտք չէ հասկնալ, թէ տեղեկութիւն չէ եկած բնաւ:

Տիար Տօվլէթեան. Ամերիկայի Առաքելութիւնը դրկուեցաւ որպէսզի մանտայի ընդունելութիւնը դիւրացնէ: Ասիկա չեղաւ, չենք գիտեր, թէ ի՞նչ բրին այնտեղ: Բայց յայտնի է, թէ աւելորդ ու վնասակար վէճերու եւ հակառակութեանց ծնունդ տուին: Կիլիկիոյ Առաքելութեան տուած արդիւնքն ալ լաւագոյն բան մը չէ: Կ'առաջարկեմ, որ երկու Առաքելութիւններն ալ ետ կանչուին:

Տիար Ա. Հանըմեան. Տոքթ. Ներուզ այսօր չկրցաւ գալ, որովհետեւ կարելոր ժամադրութիւն մը ունէր Կիլիկիա դրկուելիք դեղերու համար: Տիար Տօվլէթեան եղած ծախքերու շռայլութիւն մը կը գտնէ եւ ատոր մեղքը կը բեռնէ Ֆինանսական Յանձնախումբին վրայ: Բայց Յանձնախումբը կոչուած էր լոյ միջոցներ խորհելու՝ որոշուած 15 միլիոնի հանգանակութեան յաջողութեան համար: Այդ միջոցներուն գործադրութիւնն անգամ իր ձեռքը չէր: Հետեւաբար՝ Տոքթ. Ներուզ անձնապէս պատասխանատու չէ, կամ այնքան միայն պատասխանատու է, որքան Պատուիրակութեան միւս անդամները: Կիլիկիոյ Բժշկական Առաքելութեան համար ալ աւելորդ ծախք չէ եղած, շռայլութիւն չկայ, Առաքելութիւնը իրեն սահմանուած պիւտճէին չափով գործ բացած է: Ինչպէս Տիար Թէքեան դիտել տուաւ, միշտ կանոնաւոր տեղեկութիւն առնուած է Կիլիկիայէն: Լոկ տեղեկագիր մը կորսուած է, դրկուած ու չէ հասած: Եթէ դրամ չըրկուէր՝ պէտք պիտի ըլլար փակել հիւանդանոցը, որ սակայն շատ մեծ օգտակարութիւն ունեցած է: Տիկին Եսայեան քանիցս շեշտեց այդ հաստատութեան ընծայած բարիքը: Դեռ նոր-նոր կը գրէր, թէ այն վերջին օրերու մէջ, որ ամեն կողմէ փախստականներ՝ ամենաողբալի դրութեան մը մէջ կը հասնին Ատանա, մասնաւորաբար Մարաշի փախստականները, որոնք ընդհանրապէս կիսովին սառած էին ճամբաները, հիւանդանոցը պարզապէս նախախնամական դեր մը կը կատարէ:

Տիար Տօվլէթեան. Ես չըսի, թէ Պատուիրակութիւնը պատասխանատու չէ, ընդհակառակը, Պատուիրակութեան ամեն անդամ պատասխանատու է: Ես այնպէս կարծեցի, թէ Տիար Թէքեան կ'ըսէր, որ միակ Տոքթ. Ներուզ տեղեկութիւն ունի վերոյիշեալ հաշիւներուն նկատմամբ: Մենք ալ, Կաթողիկոսին դիմումին վրայ, Մանչեսթըր դրամ դրկեցինք եւ ստացագիր ուզեցինք: Չեկաւ, բայց երբ նորէն դրամ ուզեցին, մերժեցինք դրկել, յայտնելով, թէ ինչո՞ւ չենք դրկել: Միւսնոյն բանը տեղի ունեցաւ նաեւ Տիար Սամսոն Յարութիւնեանի հետ: Այսպէս պէտք էր վարուէիք նաեւ դուք:

Տիար Ա. Հանըմեան. Քիչ մը շատ վաճառականական ըմբռնում է ատիկա:

Տիար Տօվլէթեան. Եւ սակայն պէտք է:

Տիար Ա. Հանըմեան. Երբ Տոքթ. Ղազարոսեան Կիլիկիայէն դարձաւ, շատ աւելի վեր ի վերոյ հաշիւներ բերաւ: Երբ մանրամասնութիւն խնդրուեցաւ՝ ըսաւ թէ Տիար Տամատեանի քովն են: Խնդրեցինք այդ հաշիւները, բայց չեկան: Հիւանդանոցը գոցէինք ատոր համար:

Տիար Թումայեան. Հաշի տալու պարտաւորութիւն ունեցողներն շատեր հեռուն են: Կը հասկնամ, որ ժամանակ չկայ իրենցմէ տեղեկութիւն ստանալու: Բայց կան ուրիշներ, որոնք այստեղ են, օրինակի համար՝ Բրոքականտի Պիւրօն: Կարելի չէ՞, որ անոնցմէ գոնէ տեղեկութիւն ուզուի:

Վսեմ. Տիար Գ. Նորատունկեան. Երբ Պատուիրակութիւնն իր համարատուութեան մասին պատասխաններ տայ, այն ատեն կրնաք հարցումներ ուղղել նաեւ այս խնդիրներուն նկատմամբ:

Տիար Գ. Ֆնտզլեան. Կը ձայնակցիմ Տիար Տօվլէթեանի այն խօսքերուն, թէ մենք չպիտի կրնանք ասկէ ետքը ռեւէ կարելոր գումար հաւաքել՝ եթէ Պատուիրակութիւնը շարունակէ իր գործունէութիւնը այս պայմաններով, եթէ տեղեկութիւն չտայ իր Առաքելութեանց գործունէութեան եւ դրամներու գործածութեան եղանակին նկատմամբ:

Տիար Վ. Թէքեան. Այնպէս կը կարօժեմ, թէ Տիար Տօվլէթեան կը շփոթ Պատուիրակութեան գործունէութիւնը՝ Մանչեսթրի գաղութին գործունէութեան հետ: Մանչեսթրի հայերը հանգանակութուն կատարած են որոշ նպատակի մը, օրինակ՝ բարեգործութեան համար. եթէ բրոքականտի մաս մըն ալ կայ իրենց գործունէութեան մէջ, այն ալ տեղական հանգամանք ունի, կը կատարուի շատ որոշ սահմանի մը մէջ եւ կարելի է դիւրաւ քննարկել եմթարկել: Մինչդեռ Պատուիրակութիւնն ունի շատ ընդարձակ գործունէութիւն, եւ իր ըրած ծախքերէն մէկ քանին կերպով մը կը սնանին այն ծախքերուն, որոնք կառավարութեան մը ելեւմտացոյցին մէջ նշանակուած են «գաղտնի վարկեր» անունով: Ծախքեր կան, որոնք չեն կրնար յայտնուիլ, մանրամասնուիլ, թերեւս կարելի նկատուի անորոշ կերպով մը ծանուցանել զանոնք, բայց այդ ձեւով ծանուցուիլը ճշգրիտ հաշուետուութեան մը դերը չի կրնար խաղալ եւ սպասուածին բոլորովին հակառակ արդիւնք մը կու տայ: Այս մասին կարելի է քիչ մը վստահութիւն ընել Պատուիրակութեան: Պէտք չէ մոռնալ, որ Պատուիրակութեան Նախագահը կէս առ կէս իր կողմէ ըրած է բրոքականտի ծախքերը: Գալով դրամի համար եղած դիմումներուն, միանգամայն ամեն կողմէ այդ կարգի դիմումներ կը հասնին Պատուիրակութեան: Կարելի չէ անմիջապէս ստուգել, թէ ի՞նչ է իրական պէտքը՝ ըստ այնմ դրամ դրկելու համար: Երբ ցոյց տրուած պէտքը անմիջապէս օգնութիւն պահանջող բան մըն է, ստիպուած՝ կը դրկէ դրամը: Տիար Տօվլէթեան մասնաւորաբար Կիլիկիոյ պարագային վրայ ծանրացաւ, եւ ըսաւ, թէ քանի որ տեղեկութիւն չէին տար իրենց գործունէութեան մասին, պէտք էինք դադրեցնել դրամի առաքումը, բայց անդին պահանջը կար, տեղեկութիւն հասնել կամ ոչ՝ դրամը պէտք էր: Դադրեցնելով դրամի առաքումը, պարզապէս աղէտ մը պիտի ըլլար: Միջոց մը՝ մեր կամքէն անկախ պատճառներով, չկրցանք դրամ դրկել: Հեռագիր հեռագրի վրայ հասաւ, շեշտելով պահանջը որ կար: Տոքթ. Ղազարոսեան նոյնիսկ Պոլիս դիմած էր, եւ այնտեղէն ալ, զգալով անհրաժեշտութիւնը, դրամ դրկած էին:

Դիտողութիւններ եղան նաեւ այլ եւ այլ անձերու ճամբու ծախքին համար վճարուած գումարներու մասին: Այդ մարդիկը կը փափաքէին Հայրենիք վերադառնալ, բայց միջոց չունէին: Փոխանակ այստեղ տանելու եւ բեռ աւելցնելու, լրանալով չէ՞ր, որ երթային իրենց Հայրենիքը, ուր կրնային օգտակար դառնալ: Պատ.-թիւնն այս մտածումով վճարեց անոնց ճամբու ծախքերը: Տոքթ. Բարսեղեան յիշեց մասնաւորաբար Տոքթ. Ռուբէնի պարագան: Տոքթ. Ռուբէն եկած էր Զօրավար Անդրանիկի հետ: Անդրանիկի դիրքը ունեցող անձ մը չէր կրնար անշուշտ մինակը ճամբորդել, եւ այն միջոցին որ Տոքթ. Ռուբէն Հայրենիք պիտի վերադառնար, Զօրավարը միջոց չունէր անոր ճամբու ծախքը հոգալու:

Տոքթ. Բարսեղեան. Կը կրկնեմ, որ Պատուիրակութիւնը աւելի բարեգործական ընկերութեան մը դերը կատարել է:

Տիար Տօվլէթեան, պատասխանելով Տիար Թէքեանի ակնարկութեան, թէ կարելի է քիչ մը վստահութիւն ունենալ Պատուիրակութեան մասին, ըսաւ, թէ ինք

երբեք չէ ուզած Պատուիրակութիւնը կասկածի ենթարկել եւ թէ միշտ առաջինը պիտի ըլլայ Վսեմ. Պօղոս Փաշայի առատածէնութիւնը հռչակող:

Նիստը փակուեցաւ ժամը 5-ին:

ՀԱՍ, ֆ. 430, ց. 1, գ. 61, թթ. 33-42: Ձեռագիր: Բնագիր:

### Նիստ ԺԳ

8 Յունիս 1920, ժամը 3 ու կեսին,

Նախագահութեամբ Վսեմ. Տիար Գ. Նորատունկեանի:

Ներկայ էին 15 պատգամաւոր՝

Ամեն.Դուրեան Սրբազան, Տոքթ. Բարսեղեան, Թերզիպաշեան, Թէքեան, Թումայեան, Հանըմեան, Սըրըրը Պէյ, Տոքթ. Նելուզ, Վսեմ. Գ. Նորատունկեան, Սինապեան, Տէրպետերեան, Տէր-Ստեփանեան, Տօվլէթեան, Ֆնտզլեան:

#### Օրակարգ

1. Շարունակութիւն վիճաբանութեան Ազգ. Պատուիրակութեան համարատուութեան
2. Տեղեկագիր Ազգ. Պատուիրակութեան Կազմական Կանոնների 3անձնաժողովին
3. Վերակազմութիւն Ազգ. Պատուիրակութեան

#### Օրակարգ

1. Համարատուութիւն Ազգ. Պատուիրակութեան

Պատասխանելու համար Ազգ. Պատուիրակութեան տեղեկագրին կազմութեան եւ յարակից խնդիրներու մասին եղած քննադատութեանց, խօսք առաւ Ազգ. Պատ.-թեան անդամ եւ տեղեկաբեր՝

Տիար Արշակ Զօպանեան. Տիար Թերզիպաշեանի կողմէ՝ մեր տեղեկագրին ձեւին նկատմամբ եղած քննադատութեանց պիտի պատասխանեմ այսօր, յանուն Պատուիրակութեան: Կրնայ ըլլալ որ, ինչպէս ինք ըրաւ, ես ալ ստիպուիմ մերթ Պատուիրակութեան գործունէութեան եւութեան նկատմամբ քանի մը խօսք ընել: Բայց ամբողջական պատասխանը այդ մասին՝ Պատուիրակութեան Նախագահը պիտի տայ անձամբ: Տիար Թերզիպաշեան իր քննադատութեանց մէջ գլխաւորաբար սա եզրակացութեան հասաւ, թէ Պատուիրակութիւնը իրեն յանձնուած գործին մէջ ծախողած է, թէ Թրքահայաստանի դատը վերջնականապէս կորած է հաշտութեան դաշնագրին մէջ եւ թէ այս ամբողջ ծախողութիւնը առաջ եկած է անոր համար, որ Պատուիրակութիւնը հարկ եղած կորովը չէ ունեցած, բոլոր անհրաժեշտ դիմումները չէ ըրած ու միւս կողմէ՝ չափազանց ենթարկուած է Հանրապետութեան Պատուիրակութեան ազդեցութեան՝ անոր տեսակետները ընդունելու, անոր քաղաքականութիւնը իւրացնելու, անոր ձեռքը գործիք դառնալու աստիճան: Տիար Թերզիպաշեան այս ամենուն ցոյքը տեսնել կարծեց տեղեկագրին մէջ, ըսելով, որ այնտեղ յիշատակութիւնը չկայ շատ մը դիմումներու որոնք պէտք էին կատարուած ըլլալ, թէ ընդհակառակը՝ ջանք մը կայ եղածները աւելի փայլուն եւ արդիւնաւոր ցոյց տալու, եւ թէ, ընդհանուր առմամբ, Պատուիրակութիւնը իրեն վերագրել է արժանիքներ, որոնք իրեն չեն վերաբերիր:

Ես ալ իմ մասին դիտողութիւն մը պիտի ընեմ եղած քննադատութեանց սիսթեմին նկատմամբ: Այդ քննադատութեանց մէջ պակաս մը կայ: Յարգելի քննադատներէն շատերը մեզի չուղղեցին այն բոլոր հարցումները, զորս կը սպասէինք: Դիտողութիւնները ընդհանրապէս եղան շատ սահմանափակ հարցումներէ ետք: Սենք



սակայն աւելիին կը սպասէինք, եւ ատոր համար էր, որ տեղեկագրին մէջ դրուած էր հետեւեալ հատուածը. «Երկար պիտի ըլլար թուել այն բոլոր դիմումները, որոնք կատարուեցան, այն բոլոր յուշագիրներն ու յիշատակագիրները, որոնք ներկայացուեցան Ամբողջական Հայաստանի Պատուիրակութեան կողմէ, այս պաշտօնը գործադրելու համար: Պիտի տանք միայն մէկ ամփոփումը Պատուիրակութեան գործունէութեան լայն գիծերուն, պատրաստ ըլլալով լրացուցիչ տեղեկութիւններ հայթայթելու Համագումարի այն անդամներուն, որոնք հարցումներ պիտի ուղղեն մեզ»: Այս տողերը վրիպած են նաեւ Տիար Թերզիպաշեանի ուշադրութենէն, այլապէս՝ զոնէ այս մասին պիտի զգուշանար Պատուիրակութիւնը մեղադրելէ:

Այս դիտողութիւնը ընելէ վերջ՝ կ'անցնիմ Տիար Թերզիպաշեանի քննադատութեանց.

1. Տեղեկագրոյն մէջ յիշատակուած էր այն նամակը, զոր Պատուիրակութիւնը 1919 Ապրիլ 11-ին, մանտայի խնդրին համար ուղղած էր Պ. Լանսինկի: Տեղեկագրին մէջ այդ մասին ըսուած էր, թէ որոշ պատասխան մը չտրուեցաւ ամերիկեան կառավարութեան կողմէ, որ չէր կրնար Հայաստանի հոգատարութեան ընդունուիլ որոշել Ծերակոյտին կողմէ Ազգերու Ընկ.-թեան դաշնաթուղթին վաւերացումէն առաջ: Տիար Թերզիպաշեան դիտողութիւն ըրաւ, թէ քանի որ այդ միջոցին տակաւին Ազգերու Ընկերակցութեան դաշնաթուղթը դեռ չէր ստորագրուած, Պատուիրակութիւնը ինչպէ՞ս կրնար այդ ենթադրութեամբ արդարացնել իր նամակին պատասխան տրուած չըլլալը: Դարձեալ Տիար Թերզիպաշեան դիտողութիւն ըրաւ, որ Պատուիրակութիւնը իրաւունք չունէր ըսելու, թէ Նախ. Ուիլսոնը եւ ամերիկեան Պատուիրակութիւնը յայտնի փափաք ցոյց կու տային մանտան ընդունելու, քանի որ Նախ. Ուիլսոնի հետ տեսնուող Գուրեան Արք.-ի եւ Պատուիրակութեանց Նախագահներուն՝ Համագումարին մէջ ըրած յայտարարութիւններէն տեսնուեցաւ, որ Նախ. Ուիլսոնը բացորոշ բան մը չէր ըսած այդ մասին, այլ միայն ըսած էր, թէ եթէ Ամերիկա ռեւէ մանտա ընդունի, ատիկա պիտի ըլլայ Հայաստանի մանտան: Տեղեկագրին այդ պարբերութիւնը կը պաքթանի բոլոր գրաւոր եւ բերանացի յայտարարութեանց, զորս Նախ. Ուիլսոնը եւ Ամերիկեան Պատուիրակութեան զանազան անդամները ըրած են Հայկ. Պատուիրակութեան ներկայացուցիչներուն՝ ո՛չ միայն Համագումարի ատեն, այլ մանաւանդ՝ Ապրիլ 11-ի նամակին ղրկուելէն յետոյ: Այդ նամակը ղրկուելու միջոցին՝ Ազգերու Ընկ.-թեան դաշնաթուղթը ճիշդ է, որ դեռ չէր ստորագրուած, բայց անոր գաղափարը մէջտեղն էր, եւ ամեն ոք գիտէր, որ Ամերիկեան Պատուիրակութիւնը մանտա ըսելով՝ Ազգերու Ընկերակցութեան անունով կատարուելիք հոգատարութիւն կը հասկնար:

2. Տեղեկագրին մէջ ըսուած էր, թէ 1919-ի գարնան վերջերը եղաւ վայրկեան մը, ուր Ամբողջական Հայաստանի մը ծրագիրը, այնպէս ինչպէս Համագումարը սահմանագծած էր, եւ որ առաջին օրէն իսկ Ամերիկեան Պատուիրակութեան հաւանութիւնը գտած էր, սկզբունքով ընդունուեցաւ Դաշնակիցներէն, ինչպէս յայտնի կ'ըլլար Թուրքիոյ բաժանման մասին թերթերու մէջ տեսնուող կէս-պաշտօնական ճօթերէն: Տեղեկագիրն այս առթիւ յիշատակած էր նաեւ, թէ ֆրանսական կառավարութիւնը ինքզինքը պատրաստ ցոյց տուած էր հրաժարելու Կիլիկիոյ վրայ ունեցած յաւակնութիւններէն, բացի Ալեքսանտրէթէն, եթէ Ամերիկա ստանձնէր Հայաստանի մանտան: Տիար Թերզիպաշեան ըսաւ, որ այսպիսի հաւաստում մը կարելի չէ ընել, լրագիրները կրնան զրած ըլլալ, եւ սակայն, թերթերու այդ հրատարակութիւնները հաստատ քաղաքական բանակցութեանց վրայ իյնումուած եւ պետութիւններէն ներշնչուած էին: Մեզի ծանօթ էր ամենահաստատ աղբիւրներէ, թէ այդ օրերուն իրապէս խօսակցութիւններ տեղի ունեցան Նախ. Ուիլսոնի, Պ. Լոյտ ճորճի եւ Պ. Քլեմանտոյի միջեւ, որ եթէ Ամերիկա ընդունի Հայաստանի մանտան, Ֆրանսա պիտի զիջի Կիլիկիան, բացի Ալեքսանտրէթէն: Եւ Զէ տ'Օրսէի հետ ուղղակի շփման մէջ գտնուող անձնաւորութիւններէ իմացած ենք, թէ Արտաքին Գործոց

նախարարութեան պիւրոները քննադատեցին Պ. Քլեմանտոն, որ Կիլիկիայէն հրաժարած է՝ անոր արժէքը չճանչնալուն համար, ինչպէս աւելի վերջը նոյն քննադատութիւնն ըրին Մոսուլի լքման մասին:

Տիար Բրօֆ. Թունայեան. Պ. Լոյտ ճորճ ալ յայտարարեց, որ եթէ Ամերիկա ընդունի Հայաստանի մանտան, Ֆրանսա պիտի լքէ Կիլիկիան:

Յայտ Արշակ Չօպանեան. Խնդիրը ամեն կողմ ծանօթ էր արդէն իբր Ֆրանսայի կողմէ բացայայտ յանձնառութիւն մը:

3. Տիար Թերզիպաշեան հեզնութեամբ հարցուցած էր, թէ քանի մը հնդիկներու Փարիզ եկած ըլլալը ի՞նչ փոփոխութեան կրնայ ենթարկուած ըլլալ քաղաքական դրութիւնը:

Ամենուն յայտնի է արդէն, թէ նոյնիսկ Անգլիոյ մէջ երկու տեսակ քաղաքականութիւն կայ մահմետականներու նկատմամբ, քաղաքականութիւն մը, որ մահմետականներուն երես կու տայ, եւ ուրիշ քաղաքականութիւն մը, կը մղուի զանոնք սանձելու, զանոնք եւրոպական քաղաքակրթութեան պայմաններուն ենթարկելու: Այն միջոցին, ուր բրիտանական դաշինքին մէջ Հնդկաստանի նախարար Պ. Մոնթակին Փարիզ առաջնորդեց հնդիկ պատուիրակութիւնը, մահմետականները զսպելու ձգտող քաղաքական հոսանքը զօրաւոր էր թէւ, բայց Պ. Մոնթակին եւ հնդիկները, միանալով Թուրքիոյ բաժանման հակառակորդներուն, յաջողեցան քաղաքական նոր հոսանք մը առաջ բերել, եւ այդ հոսանքը վնասեց մեր դատին: Միեւնոյն ատեն՝ Ամերիկայի մէջ հասարակութեան հոսանք մը կը գոյանար Նախ. Ուիլսոնի եւ անոր կողմէ պաշտպանուած Ազգերու Ընկերակցութեան գաղափարին դէմ: Տեղեկագիրը չէ ըսած, թէ այս հոսանքն ալ թրքասիրական շարժումի մը արդիւնք է, եւ զայն չէր նոյնացուցած հնդիկ պատուիրակութեան գործունէութեան հետ, ինչպէս ենթադրեց Տիար Թերզիպաշեան: Ամերիկայի մէջ առաջ եկած հոսանքը, ինչպէս ամբողջ աշխարհը գիտէ, թրքասիրութեան հետ կապ չունէր, յիշատակած էինք զայն իբր մէկը այն արգելքներէն, որոնց բաղխեցաւ Պատուիրակութեան գործունէութիւնը:

4. Տիար Թերզիպաշեան աւելորդ նկատեց Պ. Քլեմանտոյի ստորագրութեամբ թուրք պատուիրակներուն տրուած պատասխանին յիշատակումը, առարկելով, որ Պատուիրակութիւնը ռեւէ դէր չէ ունեցած անոր խմբագրութեան մէջ: Կ'արժէ յիշել այս մասին, որ այդ նամակը թէւ Պ. Քլեմանտոյի ստորագրութիւնը կը կրէ, բայց լոկ անոր անձնական կարծիքը չի ներկայացներ, այլ կը ներկայացնէ ամբողջ Դաշնակից պետութեանց կարծիքը՝ այդ ըսելով, եւ նոյնիսկ հաստատուեցաւ, թէ անոր խմբագրութեան մէջ կարեւորագոյն դերը ունեցած է ո՛չ թէ Պ. Քլեմանտո, այլ՝ Պ. Պալժուր: Համամիտ չեն Տիար Թերզիպաշեանի առարկութեան: Մեր դատին համար այնքան նպաստաւոր այդ փաստաթուղթը, իբր որոշ ըսելով մը երեսուն եկու յուսալից երեւոյթ մը, պէտք է յիշատակուեր տեղեկութեան մէջ, ինչպէս յիշատակուած էին աննպաստ երեւոյթները: Մարդ երբ Պատուիրակութեան ինչպէս ռեւէ մարմնի գործունէութեան զխաւոր գիծերը ցոյց կու տայ, պարտական է նկատի առնել եւ մատնանիշ ընել նաեւ անոր շուրջ երեսան եկող քաղաքական մեծ երեւոյթները նպաստաւորներն ալ, աննպաստաւորներն ալ, որոնք իրենց անխտապիւլի ազդեցութիւնը կ'ունենան անոնց գործունէութեան վրայ: Միւս կողմէ՝ իրաւունք ունինք ենթադրելու, թէ Հայ Պատուիրակութեան ճիգերն ալ, ինչպէս միւս բոլոր ճնշուած ազգերու ճիգերը, որոշ բաժին մը ունեցան, որ այդ տրջիւմանը այդ ձեւով խմբագրուի:

Տիար Թերզիպաշեան մեղադրեց Ազգ. Պատուիրակութիւնը, թէ միմիայն Պ. ճերարտի մէկ հեռագրին վրայ մեծապէս յուսահատեր է ամերիկեան մանտայէն եւ ճերարտի տեսակէտը ընդունելով, այլեւս ետ կեցեր է Ամերիկայի մանտան պահանջելէ: Բոլորովին սխալ է ասիկա: Տեղեկագրին մէջ ճերարտի հեռագրի խօսք չկայ, այլ՝ ակնարկուած է ընդարձակ յիշատակագրի մը, որ ճերարտի ստորագրութեամբ Ամերիկայի կառավարութիւնը ղրկուած է ամբողջ Ամերիկեան Հայասիրական Քոմիթէին կողմէ: Ասկէ գատ, այդ յիշատակագրին տրուելէն առաջ

տեղի ունեցած էին կարգ մը իրողութիւններ, որոնք մանրամասնաբար յիշատակուած են տեղեկագրին մէջ, ինչպէս Պ. Լոթի եւ Յանրապետական Կուսակցութեան միւս անդամներուն յայտարարութիւնները, որոնցմով խորհուրդ կու տային չպնդել մանտայի մասին, ինչպէս մանաւանդ նոյն հաւանականութիւնը թէ Նախ. Ուիլսըն չպիտի յաջողի մեծամասնութիւն ձեռք բերել Ծերակոյտին մէջ, հաւանականութիւն, որ հաստատուեցաւ անկէ ի վեր, զոր նախատեսելով Ամերիկայի մեր ամենէն ակամաւոր բարեկամները խորհուրդ տուին մեզի մանտայի հարցը լքելու: Ասոնցմէ Պ. Տեւիսը, փոխ-նախագահը Յայաստանի Անկախութեան Քոնիթիին, մեզի գրեց, թէ ձեր շահուն համար մի՛ պնդէք մանտային վրայ, այլ՝ ընդհանուր կերպով Ամերիկայի օգնութիւնը ուզեցէք: Կը յիշեմ նաեւ Պ. Կիպընսը, որուն անունը կարծես ծանօթ է ամեն հայու: Պ. Կիպընս, որ գործակցած էր նախորդ Պատուիրակութեան եւ անոր կողմէ մասնաւոր պաշտօնով Ամերիկա գացած էր, ջերմապէս կը հաւատար, թէ Ամերիկա պիտի ընդունի Յայաստանի մանտան, իր այս հաւատքը նոյնիսկ երկու անգամ հրապարակաւ յայտնած էր միթինկներու մէջ: Եւ սակայն ինքն իսկ, Պատուիրակութեան կողմէ մանտայի պահանջման լքումէն 4-5 ամիս առաջ գրեց մեզի, թէ այլեւս բնաւ յոյս չկայ, որ Ամերիկա ընդունի Յայաստանի մանտան:

6. Տեղեկագրին մէջ յիշուած է նաեւ ծերակուտական Պ. Ուիլեամսի այն բանաձեւը, որով կը խնդրէր ամերիկեան կառավարութենէն՝ օգնել հայ պետութեան, առանց սպասելու Ազգերու Ընկերակցութեան վեճին լուծման, 50 միլիոն տոլարի փոխատուութիւն մը ընելով եւ 10 000 զինուոր ղրկելով Յայաստան:

Տիար Թերզիպաշեան կը մեղադրէր Պատ.-թիւնը, թէ այս բանաձեւին ընդունելութեան համար գաղութներուն յանձնարարած է դիմումներ կատարել ամերիկեան Ծերակոյտին: Չենք հասկնար, թէ ինչո՞ւ այսպիսի թելադրանք մը ըրած ըլլալուն համար մեղադրելի է Պատ.-թիւնը: Առանց երբեք մանտայի գաղափարէն հրաժարած ըլլալու, Պատ.-թիւնը, նկատի առնելով Յայաստանի անմիջական օգնութեան անհրաժեշտութիւնը, գաղութներուն թելադրած է որպէսզի ծայնակցին Պ. Ուիլեամսի բանաձեւին եւ խնդրեն, որ ընդունուի:

7. Տիար Թերզիպաշեան հարցուց, թէ ինչո՞ւ Մասեհեան խան Ամերիկա չգնաց, եւ ինչո՞ւ անոր մերժումէն վերջ ամբողջ ամիսներ Պատուիրակութիւնը ուրիշ ներկայացուցիչ մը չըրկեց: Հարցուց նաեւ, թէ ինչո՞ւ վերջէն երկու հոգի ղրկուեցաւ, հակառակ անոր, որ Մասեհեան խան պիտի երթար Ամբողջական Յայաստանի Պատուիրակութեան անունով: Մասեհեան խանի մերժումը բացատրելու համար ըսեմ, որ ինք, մեկնելէ առաջ, պէտք տեսաւ հաւանութիւնը ստանալու պարսիկ կառավարութեան, որուն պաշտօնատարներէն էր, եւ որուն ծառայած էր երկար տարիներ: Այդ միջոցին անցագրի մեծ դժուարութիւններ ալ կային, որով Մասեհեան խան չէր կրնար մեկնիլ անմիջապէս: Տակաւին այդ դժուարութիւնները չհարթեցուած, պարսիկ կառավարութեան կողմէ հասաւ պատասխանը, որ մերժում մըն էր: Մասեհեան խան ստիպուեցաւ խորին ցաւով հրաժարիլ: Այստեղ կը յիշեմ, որ Մասեհեան խան նախորդ Պատուիրակութեան ամենալայն աջակցութիւն մը նուիրած էր միշտ, բայց նոյն նկատումը զինքը ստիպած էր ոչ-պաշտօնական կերպով մը կատարելու այդ աջակցութիւնը, եւ այդ նկատումով է, որ իր անունը երբեք մեջտեղ չէ դրուած: Երբ իր մերժումը տեղի ունեցաւ, իսկոյն որոշուեցաւ ուրիշ անձնաւորութիւն մը ղրկել: Բացարձակապէս համաձայն եմ, թէ պէտք էր կարողագոյն մարդը ղրկել Ամերիկա: Բայց շնորհակալ պիտի ըլլայի՝ եթէ այս դիտողութիւնն ընող քննադատները նոյն ատեն անուններ տային: Եթէ մինչեւ Տիար Բրոֆ. Տեր-Յակոբեանի առաքումը՝ երկու-երեք ամիսներ անցան, պատճառը սա էր, որ կարելի չէրաւ մարդ գտնել: Եւ ապացոյց, թէ Պատուիրակութիւնը ջերմապէս կը փափաքէր փութացնելու ներկայացուցիչի մը առաքումը, վերջ ի վերջոյ իր անդամներէն մէկը ղրկեց, եւ ճիշդ այն, որ ամենէն աւելի մօտիկ յարաբերութիւններ ունէր ամերիկեան շրջանակներու հետ:

Ինծի կը մնայ յայտնել, թէ ինչո՞ւ Տիար Փաստրմաճեան ալ գնաց: Նախ՝ ինչպէս մեր ընկերներէն Տիար Թեքեան ըսաւ, սխալ է, թէ Բրոֆ. Տեր-Յակոբեանը որոշեցինք ղրկել: Տիար Փաստրմաճեանի մեկնումը որոշուելէն ետք: Երբ Մասեհեան խանը ղրկել որոշած էին, Ազգ. Պատուիրակութիւնը բնաւ առարկութիւն չըրաւ: Դիտողութիւն չըրաւ նաեւ՝ երբ Մասեհեան խան իրեն քարտուղար նշանակեց Տիար Լեւոն Շանթը, որ ո՛չ իսկ անգլերէնի հմուտ էր եւ որուն տեղ կարելի էր յարմարագոյն անձ մը նշանակել: Բայց երբ Ազգ. Պատուիրակութիւնը որոշեց Բրոֆեստորը ղրկել, Հանր. Պատուիրակութիւնը ըսաւ, թէ Բրոֆեստորը մի՞նակը չի բաւեր, եւ թէ պէտք է անոր հետ ուրիշ անձնաւորութիւն մը ղրկել: Ապացոյց թէ Ազգ. Պատուիրակութիւնը կոյր հետեւող չէ եղած Հանր. Պատուիրակութեան տեսակետներուն, եւ չէ գործած անոր ճշման տակ՝ բացարձակ կերպով մերժեց այդ պահանջումը, մատնանիշ ընելով, թէ դատողութեան այդ եղանակը վիրաւորիչ էր Բրոֆ. Տեր-Յակոբեանի համար, որ թէ՛ ամերիկեան շրջանակներու հետ իր ունեցած յարաբերութիւններով եւ թէ՛ իր լուրջ ու շրջահայեաց գործունէութեամբ մեծ օգտակարութիւն ունեցած էր եւ կրնար ունենալ: Հանր. Պատուիրակութիւնը պնդեց իր տեսակետին վրայ, որմէ ետք՝ Բրոֆեստորը ճամբայ ելաւ: Իրենք ալ Տիար Փաստրմաճեանը ղրկեցին ո՛չ թէ Հանր. Պատուիրակութեան կողմէ, այլ՝ իբր Հանր. կառավարութեան Ամերիկայի դիւանագիտական ներկայացուցիչ: Հանր. Պատուիրակութեան՝ այս խնդրին մէջ բռնած ընթացքը մեկնելու համար ըսեմ, թէ իրենք կը կասկածէին, որ Ազգ. Պատուիրակութիւնը եւ իր ներկայացուցիչը Ամերիկայի մէջ պիտի աշխատէին արգելք ըլլալ Հանր. կառավարութեան de facto ճանաչման: Տիար Փաստրմաճեան Ջօր. Բագրատունիի տանը անձամբ այս կասկածը յայտնեց Բրոֆեստորին: Ես հոն էի, բողոքեցի ամենաուժեղ կերպով, նոյնիսկ Բրոֆեստորը այնքան յուզուած էր այդ առթիւ, որ քիչ մնաց նուաղեր: Բողոքեցինք, որովհետեւ Ազգ. Պատուիրակութիւնը ո՛չ միայն այդ տեսակ մտադրութիւն մը չունէր, այլ ինք մանաւանդ կը փափաքէր, որ Հանր. կառավարութիւնը պաշտօնապէս ճանչցուի օր առաջ:

Եւ արդէն Բրոֆ.-ը նոյն մտքով եւ մեծ եռանդով աշխատեցաւ Ամերիկայի մէջ, ինչպէս Տիար Փաստրմաճեան ալ՝ իր կողմէ:

8. Տիար Թերզիպաշեան ըսաւ, թէ Պատուիրակութիւնը ինչպէ՞ս կրնար Լորտ Քըրզընի մեկ բառով փոխել իր գործունէութեան ուղեգիծը: Ինչպէս արդէն անգամ մը ըսի, վերստին դիտել կու տամ, թէ լոկ Լորտ Քըրզընի յայտարարութեան վրայ չէր, որ այդ որոշման յանգեցանք: Ամերիկայի թէ՛ Փարիզի եւ թէ՛ Լոնտոնի դեսպանները նոյնպէս բացորոշ կերպով յայտարարեցին, թէ այլեւս ռեւէ յոյս չկայ, որ Ամերիկա ընդունի Յայաստանի մանտան: Ասկէ զատ կային ուրիշ բազմաթիւ իրողութիւններ եւ հանգամանքներ, զորս յիշած ենք տեղեկագրին մէջ:

9. Տիար Թերզիպաշեան հեզմութեամբ ակնարկեց տեղեկագրին այն տողերուն, որոնց մէջ ըսած էինք, թէ Պատուիրակութիւնը ռեւէ իրաւալքուն չընդունեց հայկական պահանջմանց մասին: Բացատրելէ ետք այն պատճառները, որոնց բերումով ստիպուած էինք ազգ. ծրագիրը պատշաճեցնել ստեղծուած նոր կացութեան, տեղեկագրին մէջ որոշապէս յայտնած էինք, թէ Յայաստանի այն մասին համար, զոր կարելի չէր ըլլար կցել Հանրապետութեան, պահանջեցինք, որ գոնէ ազատեն թուրք տիրապետութենէն եւ Ազգերու Ընկերակցութեան անունով դրուին պետութեան մը մանտային տակ, ինքնավար ռեժիմով մը: Ի՞նչ կրնար ընել Պատուիրակութիւնը, երբ բացորոշ կերպով կ'ըսէին, թէ շատ տեղ կը պահանջենք եւ թէ անկարելի է մեր բոլոր պահանջներուն գոհացումը: Աշխատեցանք կարելիս փրկել: Ինչ որ ըրինք այդ հարկեցուցիչ պատճառներուն ստիպման տակ՝ իրաւալքուն մը չէ:

Տիար Գ. Ֆնտզեան. Գրաւոր ըրիք այդ պահանջը:

Տիար Ա. Չօպանեան. Այո՛, նոյնիսկ Ջօրավար Կորկանեանի մէկ քարտեզով: Տակաւին անկէ ետք ալ, Սան Ռեմոյի մէջ, շատ որոշ կերպով յայտարարեցինք, թէ չենք հրաժարիր մեր պահանջումներէն եւ նորէն կրկնեցինք, որ Յայաստանի չկցուած

հայկական հողամասերը ազատուին թրքական վարչութենեն եւ օտուուին ինքնավար ռեժիմով մը:

Տիար Թերզիպաշեան. Չեր տիրեթիւներուն մէջ ինքնավարութեան խօսք չկար, այլ՝ անկախութեան: Պէտք էր ամբողջին անկախութիւնը պահանջել:

Տիար Չօպանեան. Գոնէ կարելի եղած մասին անկախութիւնը պահանջեցինք, եւ մնացեալ մասն ալ աշխատեցանք փրկել այն ձեւով, որով կարելի էր: Տիար Թերզիպաշեան կը մեղադրէ Պատուիրակութիւնը, թէ այսպիսի փոփոխութիւն մը ընդունելէ առաջ ինչո՞ւ Յամագումարը չիրաւիրեց: Կարելի չէր Յամագումարը հրաւիրել անմիջապէս: Դէպքերը գահավիժման մէջ էին, չէինք կրնար սպասել: Կրնայի՞նք Գերագոյն խորհուրդին ըսել, որ մենք Ազգ. Յամագումարէն որոշ տիրեթիւներ ունինք, չենք կրնար անոնցմէ շեղիլ, սպասեցէ՛ք, որ Յամագումարը հաւաքուի, անոր որոշման համեմատ պատասխանը կու տանք: Պարզապէս մեր վրայ պիտի խնդային:

Տիար Տիրան Տէօվլէթեան. Ո՞ր քոնֆերանսին մէջ պահանջուեցաւ չկցուած հողամասերու ինքնավարութիւնը:

Տիար Չօպանեան. Թէ՛ Փարիզ, թէ՛ Լոնտոն եւ թէ՛ Սան Ռեմո, միշտ գրաւոր:

10. Տիար Թերզիպաշեան ըսաւ նաեւ, թէ Ազգերու Ընկերակցութիւնը մերժած է Յայաստանի մանտան, եւ թէ այդ մերժումը հաւատարմաբար չէ արձանագրուած տեղեկագրին մէջ: Բայց Ազգերու Ընկերակցութիւնը չէ մերժած, այլ միայն ըսած է, թէ ինք իր դաշնաթուղթին տրամադրութիւններով, չի՛ կրնար ուղղակի մանտա ստանձնել, թէ պէտք է մանտաթէր պետութիւն մը, որ իր անունով ստանձնէ այդ մանտան եւ որուն ելեւնտական ու զինուորական աջակցութիւնը ըլլայ, եւ թէ յանձն կ'առնէ գտնել այդ պետութիւնը, յանձնառութիւն, որմէ չի հրաժարած մինչեւ այսօր: Նոյնիսկ Լորտ Ռուպէր Սէսիլ, որ անդամ է Ազգերու Ընկերակցութեան խորհուրդին, պատասխանելով անզւ. կարեւոր լրագրի մը այն հրատարակութեան, թէ Ընկերակցութեան պատասխանը մերժողական եղած էր, հաստատեց, թէ Ազգերու Ընկերակցութիւնը երբեք չէ մերժած Գերագոյն խորհուրդին առաջարկը:

11. Տիար Թերզիպաշեան բոլորովին անճիշդ գտաւ, թէ Պոլսոյ գրաւումը կապ ունեցած ըլլար Յայկական խնդրին հետ: Ճիշդ է, որ այդ գրաւումէն ետք նորէն հայկական ջարդեր տեղի ունեցան, բայց անուրանալի է որ անզւ. կառ.-թիւնն այդ գրաւումը որոշեց Մարաշի ջարդերէն յետոյ, Պատուիրակութեան ըրած դիմումներուն հետեւանքով, մասնաւորապէս Կիլիկիոյ հարցին նուիրուած Գերագոյն խորհուրդի երկու նիստերուն մէջ, իբր միջոց մը քրիստոնէից դէմ թուրք ազգայնականներու յարձակումները դադրեցնելու: Միեւնոյն ժամանակ, Անզլիոյ մէջ սկսաւ ամենաբուռն հակաթուրք պայքար մը, որուն զուլով անցան Լորտ Ռուպէր Սէսիլ եւ Լորտ Պրայս, եւ որ Կիլիկիոյ խժոժութեանց վրայ յենելով մանաւանդ, կը պահանջէր նոյնիսկ սուլթանին վտարումը Պոլսէն: Անզւ. շատ մը կարեւոր թերթեր հայկական ջարդերը եւ Պոլսոյ գրաւման որոշումը կը կապէին իրարու հետ, թէպէտ եւ Պատուիրակութիւնը իր դիմումներուն մէջ այդպիսի թելադրանք մը չէր ըրած, այլ պահանջած էր պարզապէս խիստ միջոցներ ձեռք առնել՝ Կիլիկիոյ մէջ հայոց կեանքը ապահովելու համար:

12. Հռոմի ամերիկեան դեսպան Պ. Շոնսընի յայտարարութեան մասին եղած ակնարկութեան պատասխանեց արդէն Պատ.-թեան Նախագահը. «Հայկական խնդիրը բարեկամ ձեռքերու մէջ է» խօսքը, զոր Պ. Շոնսըն ըրած էր, կ'ակնարկէր լոկ Ամերիկայի եւ ոչ թէ ուրիշ Դաշնակից ազգերու, ինչպէս ենթադրեց Տիար Թերզիպաշեան, հակառակ եւ տեղեկագրին խմբագրութիւնը այդպիսի շփոթութիւն մը չտար: Պ. Շոնսընի այդ խօսքը կ'արժէր յիշատակել, որովհետեւ ինք իր կառավարութեան հրահանգով ներկայ գտնուած էր Սան Ռեմոյի մէջ Գեր. խորհուրդի այն նիստին, ուր Հայոց Հարցը նկատի առնուեցաւ:

13. Տիար Թերզիպաշեան ըսաւ, թէ տեղեկագիրը չի յիշատակեր այն տեսակ դիմումներ եւ աշխատութիւններ, որոնք կատարուած ըլլան հատուցման հարցին,

ինչպէս նաեւ հայկական ջարդերու հեղինակներուն պատժուելուն համար: Նախ՝ տեղեկագրին մէջ, թէպէտ համառօտակի, յիշատակուած է, թէ այդ դիմումներն եղած են: Ճիշդ է, որ անոնք իրենց ամբողջութեան մէջ չեն ընդունուած, բայց որոշ մաս մը ընդունուած եւ դաշնագրին մէջ անցած է: Ջարդերու հեղինակներուն նկատմամբ դաշնագրին մէջ ամբողջ գլուխ մը կայ:

Տիար Թերզիպաշեան. Լոնտոնի մէջ Գերագոյն խորհուրդին ներկայացուեր էր այնքան լաւատես պիւտճէ մը, որ հատուցման պէտք չէն տեսեր:

Տիար Չօպանեան. Հատուցում չէ եղած նաեւ յոյներուն, որոնք եթէ ոչ մեզի չափ, գոնէ մեզի պէս իրաւունք ունէին: Եւ յոյներուն դիւանագիտական դիրքը անհունապէս անելի նպաստաւոր էր, քան մերինը: Անոնք ունեցան չափազանց շարժուն պատուիրակութիւն մը, որ կրցաւ ամեն տեղ ներկայանալ: Բայց նոյն իրաւունքը չբացուեցաւ նաեւ իրենց:

14. Տիար Թերզիպաշեան բացատրութիւն ուզեց ասորացիներու եւ քաղղեացիներու հետ մշակուած յարաբերութեանց յիշատակութեան մասին: Երբոր իրենք մեզի դիմեցին, մենք շատ սիրալիւր ընդունելութիւն ըրինք իրենց եւ միասին գրաւոր ու բերանացի դիմումներ կատարեցինք հայ եւ ասորի խառն բնակչութիւն պարունակող շրջանակներու սպառնացող ջարդերուն առաջքն առնելու համար: Դժբախտաբար, այդ յարաբերութիւնները չյարատեւեցին, որովհետեւ իրենք նեղն էին դրամապէս, եւ Ազգ. Պատուիրակութիւնը չէր կրնար ընել խոշոր նիւթական օժանդակութիւն մը՝ զոր կ'ակնկալէին մեզմէ:

15. Տիար Թերզիպաշեան այնպէս ցոյց տուաւ, թէ տեղեկագրին մէջ ոսկեզօծած ենք մեր աշխատութեանց արդիւնքը եւ կարծած ենք «հիմնական յաջողութիւն» մը ձեռք բերած ըլլալ, մինչդեռ Թրքահայաստանի խնդիրը կորած է ետպէս: Տեղեկագրին մէջ դաշնագրին Հայաստանի վերաբերող յօդուածները յիշատակուած են ո՛չ թէ իրենց ամբողջութեանը մէջ իբրեւ լիակատար յաջողութիւն, այլ նախ յիշատակուած են իբր կարեւոր փաստաթուղթ մը, զոր պէտք էր ծանօթացնել, իբր արդիւնքը թափուած բոլոր աշխատութեանց: Այդ յօդուածներուն յիշատակութենէն ետքն է, որ տեղեկագիրը «հիմնական յաջողութիւն» բացատրութիւնը կը գործածէ, որոշապէս ակնարկելով յօդուածներէն առաջինին, ուր ամենապայծառ եւ ամենահանդիսաւոր կերպով իրաւապէս կը ճանչցուի եւ կը նուիրագործուի հայ ազգին անկախութիւնը եւ Դաշնակից պետութեան հանգամանքը: Մի՞թէ ասիկա էական յաջողութիւն մը չէ եւ արդէն իսկ չի կրնար նկատուիլ այնքան զոհաբերութեանց եւ պայքարներու եթէ ոչ համեմատական, զէթ լուրջ ու դրական պատկուծ: Գալով յաջորդ յօդուածներու, ճիշդ է, որ անոնց մէջ կան խմբագրական անորոշութիւններ, որոնք ամենուս ալ մտահոգութիւն կը պատճառեն եւ զորս պարզելու ու ճշդելու համար պարտաւոր ենք աշխատիլ: Անոնք սակայն չունին այն բացարձակապէս ժխտական բնոյթը, զոր կը կարծէ տեսնել Տիար Թերզիպաշեան: Մենք այնտեղ կը տեսնենք Դաշնակիցներու կողմէ որոշ խոստում Թրքական Հայաստանի կարեւոր մէկ մասը Հայկական Պետութեան միացնելու: Եւ Մ. Նահանգաց Նախագահին մօտ եղած դիմումը այդ միացուելիք մասին որոշման ու Հայաստանի եւ Թուրքիոյ սահմանագրութիւններուն համար է միայն: Միւս կողմէ՝ երբ Տիար Թերզիպաշեան կը յայտարարէ, թէ դաշնագիրը ուրիշ բան չընէր, բայց եթէ անկախութիւնը ճանչնալ Ռուսական Հայաստանին, որուն գոյացումը պարզ հետեւանք մըն է Ռուս Յեղափոխութեան եւ թէ ատոր մէջ ո՛չ Դաշնակիցները դեր ունին, ո՛չ ալ Ազգ. Պատուիրակութիւնը, խորապէս կը սխալի: Առանց Դաշնակիցներու կողմէ այս վճռական ճանաչման, Երեւանի Հանրապետութիւնը պիտի ըլլար տեղական վաղանցուկ վարչութիւն մը, մինչդեռ այս ճանաչմամբ, Դաշնակիցներն արդէն ընդունած կ'ըլլան որ հայկական այդ հողամասը զատուած է ռուս պետութենէն: Թողունք որ այդ ճանաչումը թէպէտ կը վերաբերի գլխաւորաբար Ռուսական Հայաստանին, որ արդէն իսկ ազատ է, բայց իր մէջ կը

պարունակել նաեւ անկախութեան ճանաչումը Թրքահայաստանի այն մասերուն, որոնց միացումը առաջարկուած է դաշնագրին այդ յօդուածներուն մէջ:

16. Քանի մը բառ ալ պիտի ըսեմ Բրոքականտի Յանձնախումբին գործունէութեան նկատմամբ եղած քննադատութեանց մասին: Տիար Տէր-Ստեփանեան ըսաւ, թէ պէտք էր մեծ օրկան մը հիմնել Հայկական Դատին պաշտպանութեան համար, ի հարկն էրկու-երեք լեզուով, եւ ամեն կողմ տարածել այս օրկանը: Ասիկա, ըստ Տիար Տէր-Ստեփանեանի, աւելի կարելոր էր, քան միփնկներու գումարումը, պրոշիւրներու հրատարակութիւնը, եւայլն: Յիշեցնեմ, որ Բրոքականտի Յանձնախումբին մէջ երկու առաջարկ եղաւ այդ մասին: Տիարը Թահնագեան եւ Դաւիթ-Բէկ առաջարկեցին պաքթերազարդ հանդէս մը հրատարակել, անոր միջոցաւ ծանօթացնելու համար մասնաւորաբար հայկական գեղարուեստն ու գրականութիւնը: Հանդէսը պիտի ունենար նաեւ քաղաքական բաժին մը, եւ անշուշտ պէտք չկայ ըսելու, թէ այդ քաղաքական բաժինը պիտի յաքթանար Հայկական Հարցին: Տիար Տէր-Ստեփանեան պաշտպանեց քաղաքական օրկանի մը հրատարակութեան տեսակետը, օրկան մը, որ պիտի հրատարակուէր քանի մը լեզուներով, պիտի տպուէր մեծ քանակութեամբ, որպէսզի կարելի ըլլար ամեն տեղ ցրուել: Ինք այնպէս կը կարծէր, թէ 50 000 ֆրանքի գումար մը կը բաւէ այս ձեռնարկին համար: Բայց այդ գումարով հազիւ թէ կարելի պիտի ըլլար երեւան բերել երբեմնի «Pro-Armenia»-ին կամ Տիար Տէր-Ստեփանեանի կողմէ Իտալիոյ մէջ հրատարակուած պատուական «Armenia»-ին նման թերթ մը, որ սահմանափակ ծաւալում մը պիտի ունենար եւ մասնաւոր դատերու նուիրուած հարիւրաւոր փոքրիկ պաշտօնաթերթերու նման շատ քիչ պիտի կարդացուէր երոպական հասարակութենէն: Մինչդեռ այն մեծ օրկանին համար, որուն հրատարակութիւնը կը փափաքէր Տիար Տէր-Ստեփանեան, շատ խոշոր գումար մը պէտք էր:

Տիար Տէր-Ստեփանեան. Ես 50 000 ֆրանք առաջարկեցի քանի մը ամսուան համար. յետոյ՝ մեր հարուստները սովորաբար լայնօրէն կը նպաստեն՝ եթէ բրոքականտի համար իրենց կը դիմուի: Կարելի էր կարելոր գումար մը հաւաքել այդ նպատակին համար:

Տիար Տոքթ. Ներուզ. Գիշոյ այսօր նամակ մը ստացայ Ջուիցերիայէն, որուն մէջ կը ծանուցանեն, թէ տեղւոյն հայ հարուստները որոշած են այլեւս սանթիմ մը անգամ չտալ բրոքականտի համար:

Տիար Չօպանեան. Լոնտոնի մէջ բրոքականտի ամենամահիրաժեշտ պէտք մը ծագեցաւ, երբ այնտեղ էինք: Տեղւոյն հարուստները խոստացան 2000 ոսկի տալ այդ նպատակին, բայց մինչեւ այսօր բան մըն ալ չըրին: Միայն Մանչեսթրի հայերն էին, որ իրենց խոստումը կատարեցին:

Տիար Ֆնտզեան. Մանչեսթրը 4000 ոսկի խոստացաւ, եւ 3700-ը տուած է արդէն:

Տիար Չօպանեան. Բրոքականտի Յանձնախումբը միջոց չունէր ուրեմն ընելու այն մեծատարած եւ փայլուն բրոքականտը, որ պէտք էր ըլլար: Յանձնախումբը գիտէր, թէ ի՞նչ պէտք է ընել, բայց դրամը միշտ պակսեցաւ, եւ ըրաւ այն, ինչ որ կարելի էր ընել: Bulletin-ը բազմաթիւ յօդուածներ չէր կրնար հրատարակել, տեղեկատու թերթ մըն էր, որ նոյնպէս իր օգտակարութիւնն ունեցաւ: Տիար Տէր-Ստեփանեան մեղադրեց, թէ Ծերակոյտի եւ Երեսփոխանական ժողովին անդամներուն չէր կրկուած պէտք եղածին չափ: Բայց կրնայ վստահ ըլլալ, որ բոլոր կարելոր անձնաւորութեանց ղրկուեցաւ, օրինակի համար՝ Արտաքին Գործոց Յանձնաժողովին բոլոր անդամները կը ստանային զայն: Յետոյ՝ սխալ է, թէ մեծ մասամբ հայոց կը ղրկուէր: Շատ քիչ հայեր միայն կը ստանային Bulletin-ը:

Տիար Տէր-Ստեփանեան. Կարելի էր շատ աւելի տպել եւ տարածել:

Տիար Հանըմեան. Կարգ մը պրոշիւրներ տպուած են աւելի քան 3000 օրինակ եւ ղրկուած են բոլոր կարելոր անձերու: Իսկ հայերու՝ չեն ղրկուած գրեթէ բնաւ:

Տիար Չօպանեան. Մեղադրեցին նաեւ Բրոքականտի Յանձնախումբը, թէ պէտք եղած յօդուածները չէր կրցած հրատարակել տալ տեղական թերթերու մէջ: Հայկական Դատին նկատմամբ: Սակայն ճիշդ չէ ասիկա: Ահազին թուով յօդուածներ հրատարակուած են, ինչպէս հետաքրքիրները կրնան տեսնել Տիար Հանըմեանի մօտ, որ կը հաւաքէ այդ հրատարակութիւնները: Լայն միջոցներ չունէինք քաղաքական մեծ թերթեր ձեռք առնելու համար, բայց շատ լուրջ եւ տարածուած թերթեր շարունակ ամենամաստաւոր հրատարակութիւններ ըրին մեր դատին համար, ինչպէս օրինակի համար՝ L'Homme Libre, որ Պ. Զլէմանսոյի օրկանն է, Radical, Figaro, Democratie Nouvelle, La Croix, L'Ere Nouvelle, եւ այլն, եւ այլն: Կը յիշեմ նաեւ մեծ օրաթերթ մը՝ «Journal des Debats»-ն, որուն քաղաքական բաժինն խմբագրող Պ. Օկիւսթ Կովէն, առաջին օրէն այնքան փայլուն կերպով մը պաշտպանեց մեր խնդիրը, ինչպէս կը շարունակէ ընել: Նմանապէս մեր վաղեմի բարեկամ Պ. Տընի Եռչէն, մէկէ աւելի անգամներ ուժեղ յօդուածներ հրատարակեց մեր դատը պաշտպանելու համար: Նոյնպէս՝ Ռընէ Բինոն, Վիքթոր Պէշար եւ այլն:

Եւ յետոյ, պարագայ մը կայ, որ մոռցուեցաւ: Մենք կը գտնուինք Ֆրանսայի մէջ եւ ստիպուած ենք գործել ֆրանսական շրջանակներու մօտ: Մեր քաղաքական պահանջումները հիմնովին հակառակ էին սակայն ֆրանսական տեսակետներուն: Օրինակի համար՝ ամերիկեան մանտան կը խնդրէինք: Ինչպէ՞ս կարելի էր բռնադատել ֆրանսական օրկանները, որ իրենց տեսակետներուն հակառակող մեր այս կարգի պահանջումները իւրացնեն ու պաշտպանեն:

Տիար Ֆնտզեան. Շատ ճիշդ է, ասիկա տեսակէտ մըն է, որ վրիպեցաւ բոլոր քննադատներու ուշադրութենէն:

Տիար Թումայեան. Ես ալ կը ծայնակցիմ Տիար Ֆնտզեանին:

Տիար Չօպանեան. Բռնադատուած էինք ուրեմն մեր բրոքականտը սահմանափակել: Մեզի՞ իբր բրոքականտի միջոց կը մնար ծանօթացնել պատերազմի միջոցին մեր շքայլած հեղոսութիւնը եւ մեր կրած հսկայ տառապանքը, մեր դատին արդարութեան համոզումը տարածել եւ համակիրներ ու պաշտպաններ շահիլ: Չեզմէ ո՞վ պիտի կրնայ երբեք ըսել, թէ այս տեսակետով մեծ յաջողութիւն մը ձեռք չենք բերած: Անշուշտ այնքան միամիտ չենք ըլլար ենթադրելու, թէ մեր դատին պաշտպանութեան նուիրուած այն բոլոր մարդիկը, որոնք կը գործեն այս երկրին մէջ, ինքնաբերաբար մղուած են այդ գործին: Օտարներու կողմէ մեզի ի նպաստ եղած ամեն ձեռնարկի տակ քիչ մը մեր մատը փնտռել պէտք է, գոնէ ի սեր տարրական արդարութեան: Ո՞ր կը մնան, ուրեմն, եղած մեղադրանքները: Լաւագոյն պաշտպանութիւնը, որ այս վերջին ատեններս Ֆրանսայի Երեսփոխանական ժողովին մէջ եղաւ Հայկական Հարցին նկատմամբ՝ Պ. Պելլէի նշանաւոր ճառն էր: Կ'արժէ յիշել, որ Պ. Պելլէ իր բոլոր տեղեկութիւնները ստացած էր Բրոքականտի Յանձնախումբէն:

Տիար Հանըմեան. Եւ պէտք է ընդունիլ, որ Պ. Պելլէ հայու մը պէս իւրացուցած էր ամբողջ Հայկական խնդրին երկրինը, եւ գիտցաւ հայու մը պէս ալ պաշտպանել զայն: Շաքաթներ ամբողջ յարաբերութեան մէջ մնացած էր մեզի հետ, օրը օրին տեղեկութիւն, տոքիմաններ, հրատարակութիւններ խնդրելով: Բնականաբար՝ սիրով տրամադրեցինք իրեն ամեն բան, ինչպէս ըրած ենք նաեւ ուրիշներու, խնդրած ըլլան կամ ոչ:

Տիար Հանըմեան. Անցողակի պատասխանեմ նաեւ Տիար Տէր-Ստեփանեանի այն դիտողութեան, թէ Պատուիրակութիւնը սխալ ըրած է որոշ որպէ մը յետոյ Նախ. Ուիլսընի չիմնելով՝ խնդրելու համար, որ ի սեր մարդկութեան, Հայկական Հարցը դէն Ծերակոյտին առջեւ, առանց կապելու Ազգերու Ընկերակցութեան զադափարին հետ: Ամեն ոք գիտէր, սակայն, թէ Ազգերու Ընկերակցութեան զադափարը Նախ. Ուիլսընի ամբողջ քաղաքականութեան առանցքն էր, թէ Հայկական Հարցով իր հետաքրքրուելուն զխաւոր շարժառիթն ալ աքթէ կը բղխէր եւ թէ այդպիսի դիմում մը Նախ. Ուիլսընի, իրեն անախորժ ըլլալէն զատ ուրիշ հետեւանք չպիտի ունենար:

Կը պատասխանեմ նաեւ Տիար Թերզիպաշեանի այն հեզնական դիտողութեան, թէ տեղեկագիրը, ըսելով, թէ յոյն կառավարութիւնը պաշտպանած է Հայկական Դատը Գեր. Խորհուրդին մօտ, միանալու անհամաձայն ասացոյց է տուած: Այս հեզնութիւնը անհիմն է, եւ զայն ընդունելը մինչեւ իսկ ապերախտութիւն մը պիտի ըլլար: Մենք որոշ փաստերու վրայ հիմնուելով է, որ այդ հաստատումը ըրած ենք: Թէ՛ պատերազմի ընթացքին եւ թէ՛ մանաւանդ յաղթանակէն ի վեր ամեն առթիւ յոյն կառավարութիւնը եւ յոյն պատուիրակութիւնը իրենց ամեն կրցածը ըրած են աջակցելու համար Հայ Պատուիրակութեան: Պ. Վենիզելոս ինքն էր, որ առաջին անգամ, Յունական Հարցը Գեր. Խորհուրդին առջեւ պարզած օրը, պարզեց ու ջերմօրէն պաշտպանեց հայկական պահանջները իրենց ամբողջութեանը մէջ, այնպէս որ՝ կերպով մը ինքն էր, որ հանդիսաւորապէս եւ հեղինակաւոր եղանակով մեր հարցը դրաւ Գեր. Խորհուրդին առջեւ եւ զայն այնպէս պաշտպանեց, որպէս թէ հայութեան ներկայացուցիչ մը ըլլար:

Տիար Գ. Ֆնտզլեան. Ուրեմն ինչո՞ւ Լորտ Պրայս հարցուց, թէ արդեօք Պ. Վենիզելոսը ձեզի բարեկամ կը նկատէ: Լորտ Պրայս ռեւէ մեկը չէր, որ այսպէս կասկած մը յայտնեց, պէտք էր ունենար շատ էական պատճառ մը:

Տիար Տերպետերեան. Ե՞րբ ըսաւ այդ խօսքը եւ ի՞նչ առթիւ:

Տիար Ֆնտզլեան. Այս վերջերս էր, թուականը որոշ չեմ յիշեր, բայց անշուշտ Պատուիրակութիւնը գիտէ:

Տիար Զօպանեան. Լորտ Պրայս կրնայ այդպիսի կարծիք մը ունենալ, բայց մենք մեր տեսութիւնը կը հիմնենք մեզի ծանօթ բազմաթիւ իրողութեանց վրայ: Արդէն յոյն կառավարութեան այս շրջանին մէջ մեզի ցոյց տուած աջակցութիւնը բացատրելի ալ կը գտնենք, որովհետեւ երկու ազգերու շահերը կը զուգահիւսուին:

Ես ստը փակուեցաւ ժամը 5 ու կէսին:

ՀԱԱ, ֆ. 430, ց. 1, գ. 61, թթ. 43-64: Ձեռագիր: Բնագիր:

**Նիստ ԺԴ**

11 Յունիս 1920, ժամը 4 ին.   
 Գալաթիական հասարակութեան Կենտ. Տիար Գ. Նորատունկեանի:   
 Ներկայ էին 18 պատգամաւոր՝   
 Ամեն. Դուրեան Արքեպիսկ., Տոքթ. Բարսեղեան, Դաւիթ-Բէկ, Թերզիպաշեան, Թէքեան, Թումայեան, Հանըմեան, Սսըրլը Պէյ, Տոքթ. Նելուզ, Վսեն. Գ. Նորատունկեան, Վսեն. Պօղոս Փաշա Նուպար, Զօպանեան, Պզտիկեան, Սինապեան, Տերպետերեան, Տէր-Ստեփանեան, Տեօվլեթեան, Ֆնտզլեան:

**Օրակարգ**

- 1. Շարունակութիւն վիճարանութեան Ազգ. Պատուիրակութեան համարատուութեան
- 2. Տեղեկագիր Ազգ. Պատ. Կազմական Կանոնագրի Յանձնաժողովին
- 3. Վերակազմութիւն Ազգ. Պատուիրակութեան

**ԱՏԵՆԱԿԱՆ ԳՈՐԾՈՂՈՒԹԻՒՆՆԵՐ**

**1. Ընթերցում ատենագրութեան**

Կարդացուեցան եւ վաւերացուեցան Յունիս 7-ի եւ Յունիս 8-ի նիստերուն ատենագրութիւնները:

**2. Կիլիկիոյ դրութիւնը**

Նախագահ Վսեն. Տիար Գ. Նորատունկեան ժողովին հաղորդեց հետեւեալ հեռագիրը, զոր ստացած էր Դիւանը.

«Ն. Վսենութիւն Գաբրիէլ Նորատունկեան, Նախագահ Ազգ. Համագումարի, 12 Avenue de Président Wilson,

Փարիզ.

«Պոսքըն, 9 Յունիս 1920. Վերակազմեալ Հնչակեան եւ Ազգ. Ռանկավար Կուսակցութեանց Ամերիկայի Կեդր. Քոմիթէները, նկատի ունենալով Կիլիկիոյ խնդիրը, իրենց հաւաքական ժողովին մէջ որոշեցին ստիպողաբար խնդրել Համագումարէն՝ հաստատ մնալ Կիլիկիոյ իր նախկին բռնաւորին յանձնելու քաղաքականութեան դէմ: Հայերը չեն կրնար ընդունիլ ո՛չ մէկ որոշում, որ կ'անտեսէ հայոց իրաւունքը Կիլիկիոյ մէջ: Ի գործ դրէք ամեն ոյժ՝ Դաշնակից պետութեանց մօտ, ապահովելու համար հայ կամաւորներու Կիլիկիա երթը:

Օովկեան, Տեքիճեան».

Վսեն. Տիար Գ. Նորատունկեան. Այս խնդիրը կապ ունի յառաջիկային Պատուիրակութեան տրուելիք տիրէքիներուն հետ, եւ պէտք է անցնի օրակարգին: Բայց եթէ Համագումարը փափաքի, կրնանք այսօր իսկ կարծիքի փոխանակութիւններ ընել անոր մասին:

Տիար Գառնիկ Ֆնտզլեան. Այս հեռագրին յարուցած խնդիրը շատ ծանրակշիռ է եւ մասնաւոր այժմութիւն մը կը ստանայ այսօրուան թերթերու այն հրատարակութեանց վրայ, որոնց համեմատ՝ Պ. Միլլըրան ծանուցեր է, թէ Ֆրանսա պիտի պարպէ Կիլիկիան, վերապահելով լոկ տնտեսական իրաւասութիւններ եւ երկրին վարչութեան ու կարգապահութեան հոգը թողլով Թուրքիոյ, այն Թուրքիային, որուն կարգապահութիւնը շատ լաւ գիտենք, թէ ջարդերու յանգած է սովորաբար: Ասիկա պարզապէս լքումն է հայոց պաշտպանութեան, մինչդէռ Ֆրանսա դեռ վերջերս յայտարարած էր, թէ ինք ձեռնթափ չի կրնար ըլլալ Կիլիկիայէն, քանի որ ինք քրիստոնէայ տարրերը պաշտպանելու պարտականութիւնը ստանձնած է: Պէտք է այժմէն, առանց ժամանակ կորսնցնելու, ամեն կարգի դիմումներ կատարել եւ պահանջել, որ ետ առնուի այդ որոշումը, եւ կամ ըլլայ այն տեսակ կարգադրութիւն մը, որուն մէջ նկատի առնուի նաեւ հայոց կեանքին ապահովութեան կենսական հարցը:

Տիար Ա. Զօպանեան. Կը փութամ յայտնել, թէ Ազգ. Պատուիրակութիւնը, նոյնիսկ այդ հրատարակութիւններէն առաջ որոշած էր դիմում ընել: Ասիկա պարտականութիւն մըն է, զոր այսօրուան թերթերու լուրերը բոլորովին հարկեցուցիչ կը դարձնեն: Կրնաք վստահ ըլլալ, որ Պատուիրակութիւնը չպիտի թերանայ այդ մասին: Կը կարծեմ նոյնիսկ, թէ այդ դիմումը պէտք է ընել ո՛չ միայն ֆրանսական կառավարութեան, այլ միւս բոլոր Դաշնակից պետութեանց ալ, քանի որ անոնք՝ վերջին անցքերուն առթիւ, երբ իրենց պաշտպանութիւնը հայցեցին Կիլիկիոյ հայոց համար, մեզի ըսին, թէ պէտք է Ֆրանսայի դիմենք: Միչդէռ այսօր ֆրանսացիք՝ ահա կը լքեն Կիլիկիան: Բայց կը կարծեմ, որ այս մասին պարտք կը ծանրանայ նաեւ Համագումարին վրայ. ինք ալ պէտք է խորհրդակցի այս խնդրին նկատմամբ, եւ հանդիսաւորապէս արտայայտուի տէրութեանց մօտ:

Տիար Վահան Թէքեան. Տիար Զօպանեան գիտ կանխեց. պիտի ըսէի այն, ինչ որ ըսաւ: Ֆրանսական կառավարութեան այս որոշումը կը ստեղծէ նոր կացութիւն մը, չափազանց վրդովիչ ու վտանգաւոր եւ նոր հարց մը կը դնէ Պատ.-թեան առջեւ: Ասիկա Կիլիկիոյ ապագային հարցն է: Ֆրանսացուց քաշուելուն հետեւանքով՝ Կիլիկիա կը վերադառնայ իր նախկին դրութեան: Եթէ այս կացութեան հանդէպ դիմում մը ընելով պիտի բաւականանք, չեմ կարծեր, որ մեր պարտքը կատարած ըլլանք:

Չամամիտ են, որ Համագումարը նույնպես զբաղեր այս խնդրով, եւ որոշ ուղղութիւն մը տար Պատուիրակութեան: Այս աշխատակցութիւնը կ'ըմբռնեմ շատ լայն առումով մը: Տրուելիք նոր տիրէքթիւններու կարգին հապճեպ որոշում մը տալով՝ Համագումարը ոչինչ ըրած պիտի ըլլայ: Պէտք է ամբողջ նիստեր յաքթացուին այս խնդրին, բոլորովին տարբեր ոգիով մը: Պէտք է, որ ամէնքս ալ բացարձակապէս սերտ ազգ. միութեամբ եւ համերաշխութեամբ խմբուկմբ այս հարցին շուրջ: Եակեցիւ սա է, որ որոշ քաղաքականութիւն մը ունենանք Կիլիկիոյ մասին: Ի՞նչ պիտի ըլլայ այդ քաղաքականութիւնը: Դաշնակիցներու կողմէ այսպէս լքուել վերջ, թերեւս հարկ ըլլայ սոսկ մեր ոյժերուն վրայ հիմնուած քաղաքականութեան մը հետեւիլ: Այնտեղ ոյժեր կան արդէն: Կրնայ պէտք տեսնուիլ գէնքի, ռազմամթերքի հայթայթումով այդ ոյժերը զօրացնելու եւ այդ մպատակով դրամ հաւաքելու, ո՛չ թէ այսօրունէ իսկ Կիլիկիան ապստամբութեան մղելու համար, այլ՝ պատրաստելու համար այն տեսակ վիճակ մը, որպէսզի թուրքին առջեւ խոնարհելու եւ թրքական ծանօթ պայմաններուն ենթարկուելու դառն հարկը վերնայ մեր ազգակիցներուն վրայէն: Եթէ Կիլիկիան Հայաստանի թրքն է, ինչպէս ըսի, անհրաժեշտ է, որ այդ թրքը ազատ մնայ ռեւ սպանիչ ճնշումէ:

Տիար Զաքարիա Պատիկեան. Կիլիկիոյ հարցը երկու որոշ երեւոյթ ունի: Նախ՝ որ Կիլիկիա, ինչպէս ցոյց կու տայ դաշնագրին ընկերացող քարտէսը, երկու մասի կը բաժնուի. մէկ մասը կը մնայ Թուրքիոյ եւ միւս մասը կ'ենթարկուի Ֆրանսայի հոգատարութեան՝ կցուելով Սուրիոյ: Միւս երեւոյթը այս օրուան թերթերու կողմէ տրուած լուրերուն հետեւանքով անհրաժեշտ դարձած գրաւման խնդիրն է: Դաշնակից պետութիւնները յանձն առած էին հայ ժողովուրդին պաշտպանութեան համար Կիլիկիան գրաւել մինչեւ դաշնագրին ստորագրութիւնը: Այսօր կը տեսնենք, թէ Ֆրանսա, որ այդ յանձնառութիւնը ստանձնած էր Կիլիկիոյ մէջ, կը հեռանայ այնտեղէն՝ առանց սպասելու դաշնագրին ստորագրութեանը եւ գործադրութեանը: Երբ մենք բողոքեցինք Կիլիկիոյ անապահովութեան եւ կոտորածներուն դէմ, պարզելով այն վտանգաւոր դրութիւնը, որուն մատնուած է այնտեղի հայութիւնը, մեզի միշտ ըսին, որ եթէ նոյնիսկ ստիպուին պարպել Կիլիկիան, զոնէ մինչեւ դաշնագրին ստորագրութիւնը պիտի շարունակեն գրաւումը, եւ պարպելէ առաջ ալ՝ անհրաժեշտ ամեն միջոց ձեռք պիտի առնեն հայ ժողովուրդին ապահովութեան համար: Տակաւին դաշնագիրը չէ ստորագրուած, բայց ամեն բան ցոյց կու տայ, թէ Ֆրանսացիք պիտի պարպեն Կիլիկիան: Եթէ իրօք տեղի ունենայ ասիկա, ի՞նչ պիտի ըլլայ մեր ժողովուրդին դրութիւնը: Թուրքերը մեծապէս լարուած են հայոց դէմ: Ամիսներէ ի վեր տեսակ մը պատերազմական վիճակ գոյութիւն ունի իրենց եւ հայոց միջեւ: Բնականաբար, իրենք ալ զոհեր տուած են եւ վրէժխնդրութեան զգացումով կրնան լեցուած ըլլալ: Եթէ Ֆրանսական զինուորները մեկնին, հաւանաբար տեղի պիտի ունենան շատ անախորժ դէպքեր: Ի՞նչ պիտի ընենք այս կացութեան հանդէպ: Դաշնակիցներէն լքուած ըլլալով, թերեւս մեզի համար իմաստութիւն մը ըլլայ ուղղակի թուրքերուն հետ համաձայնութեան մը գալու, թէ՛ հայ ժողովուրդը փրկելու եւ թէ՛ Կիլիկիոյ համար տեղական ինքնավարութեան հիման վրայ մասնաւոր ռեժիմ մը հաստատել տալու համար: Ասիկա ծանր խնդիր մըն է անշուշտ ամէնուս ալ համար, բայց այս վրդովիչ կացութիւնը հարկեցուցիչ կը դարձնեն զայն: Միւս կողմէ՝ պէտք է, որ Պատուիրակութիւնը բողոքէ Կիլիկիոյ երկու մասի բաժնուելուն, ինչպէս պարպուելուն դէմ: Ժամանակ կորսնցնելու չէ ասոր համար, որովհետեւ թուրքերը առ հասարակ թշնամական զգացումներով լեցուած են հայոց դէմ. արդէն միշտ գէշ աչքով կը տեսնէին թէ՛ Ազգ. Միութեան եւ թէ՛ կուսակցութեանց գործունէութիւնը: Հագիւ ֆրանսացիք մեկնած, կրնան ջարդեր տեղի ունենալ: Եւ յետոյ, միջոց մը պէտք է խորհիլ այս անգամուան դիմումները արդիւնաւոր դարձնելու համար: Լոնտոն ալ դիմումներ եղան, բայց վատաի են, որ արձանագրուեցան լոյ, առանց ոչինչ ընելու: Աշխատելու է, որ այս բախտը չվիճակուի նաեւ կատարուելիք նոր դիմումներուն:

Տիար Ա. Զօպանեան. Եղածը իսկապէս վրդովիչ, զայրացուցիչ է, դժօնմ է այն բոլոր խոստումներուն, որոնք եղան մեր դիմումներուն: Կիլիկիան պարպելու այս որոշումը նոր չէ: Պատուիրակութիւնը շատ անգամներ ֆրանսական կառավարութեան դիմելով պարզեց այն բոլոր վտանգները, որոնց կրնային ենթարկուիլ Կիլիկիոյ հայերը՝ եթէ ֆրանսական զինուորները քաշուէին: Միշտ ապահովուցուցին մեզ, թէ Կիլիկիա Թուրքիոյ կատարեալ տիրապետութեան չպիտի վերադարձուի, պիտի օժտուի մասնաւոր ռեժիմով մը եւ գրաւումը պիտի տեսնէ մինչեւ դաշնագրին ստորագրութիւնը: Այսօր, անակնկալ կերպով կը լսենք, թէ արդէն իսկ սկսած են պարպել, ստեղծելով կացութիւն մը, որ կրնայ աղիտաբեր դառնալ մեր ազգակիցներուն: Այնպէս կը կարծեմ, թէ Պատուիրակութեան եւ Համագումարի Նախագահները, ինչպէս նաեւ Պ. Ահարոնեան անմիջապէս պէտք է դիմեն ֆրանսական կառավարութեան, եւ եթէ երեւի շատ անկէ կարելի ըլլայ զոհացում ստանալ, դիմեն նաեւ միւս Դաշնակից պետութեանց, պարզելով վաղուան հաւանականութիւնները եւ պահանջելով, որ հայ ժողովուրդի կեանքի ապահովութեան համար Դաշնակից զօրքերով գրաւուի Կիլիկիան:

Տիար Թերզիպաշեան. Յոյս ունի՞ք, թէ կ'ընեն:

Տիար Թերզիպաշեան. Ինչպէ՞ս կարելի է հաստատ յոյս ունենալ: Կրնայ ըլլալ, որ նորէն յուսախաբ ըլլանք: Բայց այս մասին դրական ապահովութիւն մը չունենալը պատճառ մը չէ, որ մենք մեր պարտքը չկատարենք: Գալով Համագումարին, պէտք է իսկոյն զբաղի այս հարցով, ի հարկին մէկ քանի նիստերու մէջ, նկատողութեան առնելով նաեւ այն երկու առաջարկութիւնները, որոնք եղան Տիար Թէքեանի եւ Տիար Պատիկեանի կողմէ:

Տիար Թէքեան. Երկուքն ալ իրարու կը մօտեան արդէն: Պ. Պատիկեանի կողմէ եղած առաջարկութիւնը կը պատշաճի այսօրուան կացութեան. իմ ըսածս կրնայ պատշաճեցուիլ վաղուան քաղաքականութեան:

Տիար Տօպլէթեան. Երկու Պատուիրակութեանց Նախագահներն ալ զբաղած են այս հարցով:

Տիար Զօպանեան. Դեռ այսօր յայտնուած խնդիր մըն է:

Տիար Տօպլէթեան. Կը ցաւիմ, որ Տիար Ահարոնեան այսօր ալ չէ եկած՝ երբ այս աստիճան կենսական խնդիր մը կայ մէջտեղ: Չհաճեցաւ պատասխանել իրեն եղած հրաւերներուն, մինչդեռ զոնէ այս հարցին համար, որ միութիւն եւ գործակցութիւն կը պարտադրէ ամէնուս, պէտք է ինք իր կողմէ փութար գալ: Կ'առաջարկեմ նաեւ, որ անմիջապէս Նախագահ Ուիլսոնի հեռագրուի Ֆրանսայի խոստումնադրժումը, յայտնելով նաեւ, թէ Ֆրանսա գաղտնի դաշնագրութիւն կը կնքէ թուրքերուն հետ եւ իր այս ընթացքով կը ստեղծէ կացութիւն մը, որ ամէնամեծ վտանգներու կրնայ ենթարկել Կիլիկիոյ հայերը:

Տիար Տէր-Ստեփանեան. Կը կարծեմ, թէ այս վիճաբանութիւնը կանխահաս է: Պէտք է օրակարգ անցընել այդ հեռագրին ու անոր յարուցած հարցը եւ խնդրել Պատուիրակութենէն՝ այդ մասին Ֆրանսայի ղեկավար շրջանակներուն մէջ տիրող ուղղութիւնը բուն իսկ աղբիւրներէն իմանալով հաղորդել Համագումարին, որպէսզի կարելի ըլլայ կատարեալ գիտակցութեամբ քննել զայն: Պէտք է նախ գիտնանք, թէ իրապէս պիտի քաշուի՞նք ֆրանսացիք:

Տիար Վ. Թէքեան. Դժբախտաբար՝ «պիտի»-էն աւելի բան մըն է այսօր:

Տիար Բրօֆ. Թունայեան. Անշուշտ միայն դիմումով եւ բողոքով չի բաւականացուիր: Պէտք է ձեռք առնել շատ դրական միջոցներ, բայց զգուշանալութեամբ, աշխատելով չվիրաւորել ֆրանսական կառավարութիւնը: Որովհետեւ թշնամին աւելցնելու վիճակին մէջ չենք: Եւ ուրիշ խնդիր մը կայ: Պ. Ալպեր Թոմա յայտարարած է Տիար Վարանդեանի, թէ հնարաւորութիւն մը կայ Ֆրանսայի հետ համաձայնութեան մը գալու՝ պետական մատուցող նկատմամբ: Պատուիրակութեան Նախագահը այն կարծիքը յայտնած էր, թէ դիմումի մը համար

գետին կայ այդ առաջարկին մէջ: Արդեօք կարելի չէ՞ այդ հիման վրայ դիմում ընել ֆրանսական կառավարութեան՝ բարեկամական կերպով:

Տիար Վահան Թէքեան. Տիար Ահարոնեան այդ խնդրին կարելութիւնը նուազագոյնս իջեցուց: Պ. Ալպեր Թոմա Տիար Վարանդեանի նամակ մը գրելով, հարցուցած էր, թէ ինչո՞ւ Ֆրանսայի մաստան չենք ուզեր: Տիար Վարանդեան առանց այն համոզումը ունենալու, թէ Պ. Ալպեր Թոմայի խօսքերը կրնան կառավարական տրամադրութեան մը արծագանգը ըլլալ, պատասխանած է, թէ այդ հարցին նկատմամբ կ'արժէ խորհրդակցութիւն մը ունենալ: Պ. Ալպեր Թոմա Փարիզէն չէր գրած այս նամակը. վերադարձին համար ժամադրութիւն մը կու տայ Տիար Վարանդեանի, բայց Պ. Թոմա Փարիզ դարձին հագիւ օր մը կը կենայ եւ առանց Տիար Վարանդեանը տեսնել կարենալու՝ կը ստիպուի մեկնիլ: Կրկին ժամադրութիւն մը որոշուած է մօտաւոր օրուան մը համար: Ասոր յարակից՝ Պատուիրակութեան Նախագահն ալ նոյն օրը ըսաւ, թէ իր ընտանիքին անդամներէն մէկէն ստացած նամակին համաձայն, Պեյճիքայի ֆրանսական դեսպանն ալ համիմաստ բան մը ըսած էր Պրիւքսէլի մէջ, խօսակցութեան մը ընթացքին:

Այն տեսակ դրութեան մը մէջ ենք, որ ստիպուած ենք կառչիլ այն բոլոր յոյսի նշոյլներուն, որոնք կը ներկայանան: Եւ արդէն Պատուիրակութիւնը անտարբեր չէ անցած-դարձածէն. դիմումներ ըլլալու վրայ են:

Տիար Չօպանեան. Պիտի լրացնեն Տիար Թէքեանի տեղեկութիւնները, աւելցնելով, թէ Պատ.-թեան Նախագահը խնդրեց մեր դատին բարեկամ ֆրանսացի երեսփոխանէ մը, որ յաքթապէս տեսնուի Պ. Միլըրանի հետ եւ ստոյգ տեղեկութիւն մը ստանայ:

Վսեմ. Պօղոս Փաշա Նուպար. Յոյս ունիմ, որ այս իրիկուն իսկ կը ստանամ այս տեղեկութիւնը:

Տիար Վսեմ. Պօղոս Փաշա Համագումարին հաղորդեց հետեւեալ հեռագիրը, զոր ստացած էր Ազգ. Պատուիրակութիւնը.

«Վսեմ. Պօղոս Փաշա Նուպար,  
Նախագահ Ազգ. Պատուիրակութեան,  
12, Avenue de Président Wilson  
Paris.

Լարնաքա, 11 Յունիս 1920. Չապել Եսայեանէ, Հերեանէ, Խանգաւտեանէ բաղկացած երեք անդամներով մասնաւոր պատուիրակութիւն մը Կիլիկիայէն մեկնեցաւ Պոլիս: Ստիպողական դիմումներ անհրաժեշտ են քրիստոնէից պապահովութեան համար:

Եսայեան»:

Տիար Տոքթ. Բարսեղեան. Չեմ կարծեր, որ այդ պատուիրակութիւնը դրական արդիւնք մը ձեռք բերէ Պոլսոյ մէջ: Նախ՝ ի՞նչ է Պոլիս երթալուն նպատակը. կա՛մ այն է, որ Դաշնակից պետութեանց քոմիտերներուն պիտի դիմէ, եւ կա՛մ ուղղակի թուրք կառավարութեան՝ հայ եւ թուրք համաձայնութիւն մը գտնելու համար: Քոմիտերներէն կարելի չէ բան մը յուսալ, որովհետեւ, վերջին անցքերուն առջիւ ամեն անգամ, որ Պոլսէ դիմում եղաւ իրենց՝ կ'ըսէին, թէ Կիլիկիա Սուրիոյ Բարձր Քոմիտերներուն ենթակայ է, իրենց ձեռնհասութենէն դուրս է, եւ թէ շատ-շատ իրենք խողովակ մը կրնան ըլլալ՝ մեր դիմումները հաղորդելու համար Փարիզի: Չեմ կարծեր, որ տարբեր պատասխան մը տան այսօր: Գալով թուրքերու հետ բանակցելու տեսակետին, չեմ կարծեր, որ Պոլիս գացող այդ Պատուիրակութեան անդամները յարմարութիւն ունին նմանօրինակ գործի մը, մանաւանդ որ Պոլսոյ այժմու թուրք կառավարութիւնը ռեւ ազդեցութիւն չունի Կիլիկիոյ վրայ: Կիլիկիոյ համար կը կարծեմ, թէ լաւագոյն բան մը ըրած պիտի ըլլանք՝ աշխատելով այնտեղ վերահաստատել տալու այն դրութիւնը, որ գոյութիւն ունէր ֆրանսացոց երթալէն առաջ: Այն ատեն՝ անգլիացիք գրաւած էին երկիրը: Ֆրանսացիք գացին եւ անգլիացիք մեկնեցան: Քանի որ Կիլիկիոյ՝

Դաշնակիցներու կողմէ գրաւումը անհրաժեշտ նկատուած էր ու քանի որ ֆրանսացիք կը մեկնին այսօր, պէտք է նորէն դիմել Անգլիոյ, որպէսզի վերահաստատէ նախորդ դրութիւնը, եւ Կիլիկիան գրաւման ենթարկէ զոնէ մինչեւ դաշնագրին ստորագրութիւնը: Այս մասին՝ ամենէն ետի պէտք է դիմել Ֆրանսայի: Այս միջոցիս՝ կարելորագոյն բանը, զոր կրնանք ընել, Անգլիոյ մօտ կատարուելիք դիմումն է:

Տիար Գ. Ֆնտզեան. Կը ծայնակցիմ: Պէտք է դիմել Անգլիոյ ո՛չ այնքան մեծ յոյսեր դնելով անոր կողմէ ուղղակի գրաւման մը մասին, քանի որ, ինչպէս յայտնի է, բազմաթիւ անգամներ մերժեց արդէն, այլ՝ աշխատելով, որ զոնէ Դաշնակից ոյժերու կողմէ տեղի ունենայ այդ գրաւումը: Այս դիմումին հիմ կրնայ դառնալ այն իրողութիւնը, որ զինադադարէն ետք, երբ տարագիր հայերը կ'ուզէին իրենց ծննդավայրը վերադառնալ, անգլիացիք եւ ֆրանսացիք արգիլեցին, ըսելով, որ լոկ Կիլիկիոյ մէջ կրնան պաշտպանել զիրենք: Այսպիսով՝ տեղի ներքին հայկական գաւառները ըլլալիք ներգաղթեցու հոսանքը ամբողջովին Կիլիկիա ուղղուեցաւ: Մարաշի ջարդերու վաղորդայնին, Մանչեսթրի եւ Լոնտոնի հայերս երբ բողոքի մեծ միթիւն մը սարքեցինք, այս իմաստով որոշում տուինք եւ յանձնեցինք Պ. Լլոյս ճորճի: Միւս կողմէ, բարլամենթին մէջ, ծանօթ հայասէր Մր. Աիլեանս երբ հարցուց կառավարութեան, թէ արդեօք տեղեկութիւն ունի՞, որ Մարաշի մէջ 20 000 հոգի ջարդուած են, Պ. Լլոյս ճորճ պատասխանեց, թէ այդպիսի հսկայ թիւի մը մասին տեղեկութիւն չէ ստացած, բայց եթէ այդ թիւը ստուգուի, յարեց, Գեր. Խորհուրդը տուժել պիտի տայ Թուրքիոյ՝ այս նոր բարբարոսութիւնը: Պէտք է յիշեցնել այս պաշտօնական յանձնառութիւնը որպէսզի անհրաժեշտ ճնշումը ընեն թուրքերուն վրայ, եւ սպառնան: Ես վստահ եմ, որ եթէ հայոց կեանքի անապահովութիւնը շարունակուի ծանր միջոցներ ձեռք պիտի առնուին թուրքերուն դէմ:

Տիար Թէքեան. Այո՛, շատ-շատ պիտի ծանրացնեն դաշնագրին պայմանները, ի նպաստ իրենց:

Տիար Գ. Ֆնտզեան. Ամեն պարագայի մէջ՝ սպառնալիք մը պիտի ընեն: Եթէ, օրինակի համար, Գերագոյն Խորհուրդը հաւաքական սպառնալից ծանուցագիր մը տայ թուրքերուն, կը կարծեմ, որ ան որոշ ազդեցութիւն կ'ունենայ:

Վսեմ. Պօղոս Փաշա Նուպար. Ամենքս ալ մեծ վրդովման մէջ ենք, եւ այս վրդովումը հասկնալի է: Կիլիկիոյ մասին ստեղծուած է նոր կացութիւն մը, որ շատ աղիտաբեր հաւանականութեանց առջեւ կը դնէ մեզ: Ահաւասիկ հեռագիր մը, որ դրկուած է Ազգ. Պատուիրակութեան, եւ որ աղէտի մը բօթին համարժեք է ինչնիս.

«Վսեմ. Պօղոս Փաշա Նուպար,  
Նախագահ Ազգ. Պատուիրակութեան,  
12, Avenue de Président Wilson  
Paris

«Գահիրէ, 8 Յունիս 1920. Վերջին տեղեկագիրները կը հերքեն ֆրանսական պաշտօնական յայտարարութիւնները, թէ յաղթական կերպով վերագրուած են Այնթապը: Թուրքերը Այնթապի մէջ կացութեան տերն են: Ֆրանսացիք կը պարպեն: 5000 հայերու առաջին քարաւան մը, որուն 1000-ը որբեր, դէպի Պոլիս ուղղուած են ողբալի պայմաններու մէջ: Կիլիկիոյ կացութիւնը յուսահատական է: Ո՛չ մէկ լուր կայ Հաճընէն:

Սալէզեան»:

Վսեմ Պօղոս Փաշա Նուպար. Սարսափելի կացութիւն մըն է ասիկա: Ինչ որ կ'ըլլայ՝ անհաւատալի է պարզապէս: Ֆրանսացիք կատարեալ փախուստի մը մէջ են: Պէտք է ամմիջապէս խորհրդակցինք այս խնդրին նկատմամբ, եւ անհրաժեշտ է, որ Համագումարը այս մասին աշխատակցի Պատուիրակութեան, որ նոր տիրեթիւներ տայ անոր: Նախորդ տիրեթիւնները, որոնց համեմատ շարժեցաւ Պատ.-թիւնը մինչեւ այսօր, արդի կացութեան չեն պատշաճիր: Բախտաւոր ենք զոնէ, որ այս իրողութիւնը տեղի կ'ունենայ Համագումարին հաւաքուած միջոցին: Պէտք է ըսէք մեզի, թէ ի՞նչ

պէտք է ընենք: Որովհետեւ շատ մութ, շատ կնճռոտ կացութիւն մըն է եւ Պատ.-քիւնը անդամներն ալ ձեր ամենուդ պէս շփոթած են: Անշուշտ պիտի խորհիմք, թէ որո՞նք են ամենէն դրական միջոցները այս աղիտալի դրութիւնը դարձանելու համար: Անձնապէս՝ յոյս չունիմ, որ Անգլիա օգնէ մեզի, քանի որ չի կրնար Դաշնակից պետութիւններէն անկախաբար գործել. եւ Ֆրանսա ու Իտալիա թուրքերուն կողմն են, կը բանակցին քեմալիստներու հետ: Ֆրանսացւոց Կիլիկիա երթալուն նպատակներէն մէկն ալ այնտեղի հայոց պաշտպանութիւնն էր: Այդ մտքով է, որ վերապրող հայերը տակաւ քաշեցին Կիլիկիա, խոստանալով պաշտպանութիւն եւ ապահովութիւն: Իսկ այսօր, կը քաշուին Կիլիկիայէն, ինչպէս յայտնի եղաւ Պ. Միլըրանի վերջին յայտարարութիւններէն: Այդ մասին անշուշտ պէտք էինք ստոյգ եւ հիմնական տեղեկութիւններ ունենալ եւ ճիշդ այդ տեղեկութիւնները կը յուսամ ստանալ Պ. Վիքթոր Պեռարէն, որուն հետ այսօր իսկ ժամադրութիւն մը տուած ենք Տիար Ահարոնեան ու ես: Պիտի տեսնուինք նաեւ Երեսփոխան Պ. Պեռէի հետ՝ խորհրդարանի Արտաքին Գործոց Յանձնաժողովին մտածումն իմանալու համար: Կ'առաջարկեմ, ուրեմն, որ վաղն իսկ Զամագումարը հաւաքուի յաքթապէս այս խնդրով զբաղելու համար. կը յուսամ մինչեւ վաղը անհրաժեշտ տեղեկութիւններ ստացած ըլլալ: Թերեւս յաջողիմք այս անստոյգ կացութեան մասին որոշ բան մը իմանալու եւ ըստ այնմ ուղղելու մեր գործունէութիւնը: Որովհետեւ եղածը անըմբռնելի է պարզապէս: Երեք ամիս առաջ, ձգենք Կիլիկիան, նոյնիսկ Դամասկոսը, Զալէպը Ֆայսալի թողնելու մտածումն անգամ կ'ընդվզեցներ զիրենք: Այսօր ո՛չ միայն անոնց խօսքը չեն ըներ, այլ նաեւ կը թողուն Կիլիկիան: Ի՞նչ քաղաքականութիւն է ասիկա, ի՞նչ ազդեցութիւն պիտի կրնանք ունենալ այս քաղաքականութիւնը փոխել տալու եւ մեր ժողովուրդին փրկութեան ամենաուրախ կողմը իրականացնելու համար: Յառաջիկայ միատին պիտի խորհիմք այս ամենուն նկատմամբ: Բայց մինչեւ այն ատեն՝ պէտք է պարզուած ըլլայ նոյն ինքն Պատուիրակութեան դիրքը: Զամագումարը անցեալ տարի տիրէքիւններ տուած էր Պատուիրակութեան: Մեր գործունէութեան համարատուութիւնն ըրինք: Այդ մասին պէտք է գիտնանք, թէ ի՞նչ պիտի ըլլայ Զամագումարին մտածումը, որպէսզի մեր յանձնառութիւններ ստանձնենք եւ մեր աշխատանքի ձեռնարկենք:

Զամագումարը առ այժմ բաւական գտաւ այս կարծեաց փոխանակութիւնը եւ որոշեց Կիլիկիոյ դրութեան խնդիրը անցընել օրակարգ:

## Օրակարգ

### 1. Եարունակութիւն վիճաբանութեան Ազգ. Պատ. համարատուութեան

Ազգ. Պատուիրակութեան գործունէութեան նկատմամբ եղած քննադատութեանց մասին խոսք առաւ Նախագահ Վսեմ. Պօղոս Փաշա Նուպար եւ կարդաց հետեւեալ պատասխանը.

Պատասխան Ազգ. Պատուիրակութեան Նախագահ Վսեմ. Պօղոս Փաշա Նուպարի

Ընթերցման աւարտելէն վերջ, Նախագահ Վսեմ. Տիար Գաբրիէլ Նորատուկեան շնորհակալութիւն յայտնեց Վսեմ. Պօղոս Փաշայի, որ այնքան երկար խօսեցաւ այդ խնդիրներու նկատմամբ, որոնց մասին, յարեց, որքան աւելի մանրամասնութիւն տրուի՝ անշուշտ նոյնքան զոհունակութեամբ պիտի լսուի Զամագումարէն: Վսեմ. Նախագահը յետոյ հրաւիրեց պատգամաւորները, որ եթէ դիտողութիւն մը ունին Պատուիրակութեան պատասխանին նկատմամբ՝ ընեն:

Տիար Տիրան Տօվլէթեան. Կենթադրեմ, որ մեր առաջին պարտականութիւնն է Զամագումարիս խորին շնորհակալութիւնը յայտնել Պատուիրակութեան Վսեմ.

Նախագահին եւ անդամներուն, իրենց գործունէութեան մասին: Եթէ եղան քննադատութիւններ, ինչպէս ես ալ ըրի, կը պաքթանին ո՛չ թէ իրենց հիմնական գործունէութեան, այլ՝ վարչական թերութեանց: Նկատի առնելով պարագաներուն փափկութիւնը, պէտք է փակենք այլեւս անցեալը, եւ օրուան կենսական պահանջներուն դարմանը խորհիմք:

Տիար Տոքթ. Բարսեղեան. Կը ձայնակցիմ Տիար Տօվլէթեանի այն խօսքերուն, որոնցմով կ'առաջարկէ փակել վիճաբանութիւնը: Իմ կարգիս՝ կ'առաջարկեմ, որ դադար մը տանք ժողովին՝ բանաձեւ մը քուէարկելու համար:

Տիար Ա. Թերզիպաշեան. Պատուիրակութեան Նախագահը իր ճաշին մէջ ակնարկներ ըրաւ եղած քննադատութեանց մասին եւ անոնցմէ մէկ քանին *passionné* անուանեց: Ես, որ ամենէն աւելի քննադատողը եղայ, կը կարծեմ, թէ չեմ գործածած բառեր, որոնք խորհրդարանական ըլլալով հանդերձ՝ անհամապասխան են եղած այն մեծ յարգանքին, զոր կը տածեն Պատուիրակութեան Նախագահին հանդէպ: Գուցէ գործածեցի այս տեսակ բառեր: Այս հաւանականութեան համար ես ներողութիւն կը խնդրեմ եւ կը ջանամ այսօր *modéré* ըլլալ իրեն պէս, շատ աւելի *modéré*, որպէսզի կարենամ անհետացնել իմ առաջին ճաշիս մէջ սարդած ենթադրական *passionné*-ը: Պ. Նախագահը անկեղծութիւն եւ համեստութիւն ունեցաւ խոստովանելու, թէ սխալներ տեղի ունեցած են. այս խոստովանութիւնը ինքնին վստահութիւն կը ներշնչէ, վասնզի ով սխալը կը ճանչնայ, որոշ հաւաստիք կը ներշնչէ, թէ չպիտի կրկնէ: Սխալներ վեր հանելը, քննադատելը պարտականութիւն մըն էր, զոր կատարեցիմք. գուցէ անոնցմէ շատերը մեր միջավայրի ծնունդն են: Բայց պէտք է օգտուին անոնց դասերէն: Մեր ազգին մէջ մեծ սխալներ կատարուած են եւ հայ ազգը անհաշուելի տուրք տուեր է անոնց: Պէտք է զգուշանանք, որ ուրիշներ ալ չգործուին, որովհետեւ այս ազգին մօտ այլեւս մեր տուրքի ոյժ չէ մնացած:

Այս մէկ քանի խօսքը ընելէ զատ, ես պզտիկ քննադատութիւն մը պիտի ընեմ միայն Պ. Նախագահի այն թէգին դէմ, որով կը կարծեմ, թէ տիրէքիւնը *mandat impératif* չէ, այլ, ինչպէս ինք կը մեկնէ՝ Լառուսի բացատրութեամբ, յանձնարարութիւն մը, զոր ստանձնողը պարտաւոր չէր լրիւ գործադրել:

Վսեմ. Պօղոս Փաշա Նուպար. Մեզի տիրէքիւն տուած էիք. տիրէքիւնը ինչ նշանակութիւն որ ունի, անոր համեմատ պիտի վարուինք: Եթէ *mandat impératif* տուած ըլլայիք, ո՛չ միայն ես, այլ ո՛չ ոք պիտի ընդունէր:

Տիար Ա. Թերզիպաշեան. Պ. Նախագահը թող ներողամիտ գտնուի, եթէ համաձայն չենք այդ թէգին: Զամագումարը իր տիրէքիւնները տուած օրը Լառուսի մեկնաբանութիւնը չունէր ի մտի. այլ ան տիրէքիւն բառին մէջ կը գտնէր *direction*, ուղղութիւն իմաստը: Օրինակ՝ ան կը յանձնարարէր բանել ուղղութիւն մը, որ դէպի արեւելք կը տանէր. Պատուիրակութիւնը անշուշտ կրնար ճամբէն քիչ մը աջ, քիչ մը ձախ շեղել, սակայն միշտ դէպի արեւելք երթալով: Բայց կը կարծեմ, որ չէր կրնար կռնակը դարձնել եւ դէպի արեւմուտք երթալ: Ահա՛ թէ ինչպէս կը հասկնամ ես տիրէքիւն բառը:

Պատուիրակութեան գործերէն օրինակ բերենք: Զամագումարը, քննելով Քրտական Զարցը, իր տիրէքիւններուն մէջ ըսած էր, որ Պատուիրակութիւնը պէտք է դէմ կենայ Քրտական Զարցին:

Չայներ. Տիրէքիւններուն մէջ այդպէս բան չկայ:

Տիար Թերզիպաշեան. Պատուիրակութիւնը, ընդիակառակը, ինքը խնդրած է քրտական անկախութիւնը: Պ. Նախագահը առաւելութիւններ կը տեսնէ այդ դիմումին մէջ, բայց ես կը պնդեմ, որ Թըքահայաստանի հարցին վիժելուն պատճառներէն մէկը այդ դիմումն եղաւ, վասնզի մենք մեր ձեռքով պզտիկցուցիմք, նուաստացուցիմք մեր դատը: Մենք մեր 40 տարուան միջազգային կերպարանք ունեցող, միլիոնաւոր զոհերու եւ միլիառներու զոհողութեանց գինը եղող դատը հողին հաւասարեցուցիմք. մէկ գիծի վրայ դրինք գիր-գրականութիւն չունեցող կիսավայրենի եւ հայկական



ջարդերու մէջ ամենամեծ դերը կատարող ու Ղաշնակից պետութեանց դէմ կռուող քիւրտերու դատին հետ, խնդրեցինք, որ ազգայնական սկզբունքով ստեղծուի Հայաստան մը եւ Քիւրտիստան մը: Արդ, եթէ ազգայնական սկզբունքով քիւրտերը պահանջեն Վանը եւ Պիթիլիքը, Պատուիրակութիւնները ինչպէ՛ս պիտի կրնան ետ դառնալ իրենց առած քայլերէն:

Տիար Տոքթ. Բարսեղեան. Այդ ամենը արդէն ըսիք քանի մը անգամ: Եթէ այս ձեւով պիտի խօսուի, ամենքս ալ խօսք պիտի ուզենք:

Տիար Թերզիպաշեան. Եւ ուրիշ օրինակ մը: Մայիս 7-ին հրատարակուած Խաղաղութեան Ղաշնագրին 22-րդ յօդուածին մէջ, Ղաշնակիցները Թրքահայաստանի անկախութեան սկզբունքը ճանչցած եւ նոյն Ազգերուն Ընկերակցութեան կաշտպանութեան ներքեւ առած էին: Այս փաստը՝ Համագումարին մէջ տիրապետող կարծիքին հետ միասին՝ Պատուիրակութեան տիրեքթին էր Հայկական Հարցին հետապնդութեան գործին մէջ: Մայիս 28-ի այն աքթը, որով Հայ Հանրապետական կառավարութիւնը ինքզինքը կը հռչակէր նաեւ Թրքահայաստանի կառավարութիւն, բոլորովին հակառակ ուղղութիւն մը կ'ընդգրկէր, Թրքահայաստանի հարցին թրքական դրոշմը կը խափանէր եւ ռուսական քառսին մէջ կը ձգէր զայն: Այս երկու աքթերը իրար խաչածեալ, իրար չէզոքացնող իրողութիւններ էին: Արդ, Պատ.թիւնը չէր կրնար 22-րդ յօդուածով իր առջեւ բացուած ճամբան թողուլ եւ հետեւիլ դէպի հակառակ կողմը տանող ճամբուն, որպիսին կը բանար Մայիս 28-ի աքթը:

Չեմ կրնար նաեւ անպատասխան թողուլ Պ. Նախագահին indemnité-ի եւ réparation-ի մասին ըրած առարկութիւնները...

Տիար Տոքթ. Բարսեղեան. Բայց Պ. Նախագահ, ամբողջ իր նախորդ ճառերն են, որ կը կրկնէ Տիար Թերզիպաշեան:

Տիար Թերզիպաշեան. Տիար Բարսեղեան, ես indemnité-ի հարցին վրայ կը խօսիմ եւ դուք կ'արգիլք զիս: Թող այս պարագան արձանագրուի...

Տիար Տոքթ. Բարսեղեան. Նոր բան չկայ իր ըսածներուն մէջ. լսեցինք արդէն: Բանաձեւերուն անցնինք:

Տիար Թերզիպաշեան. Պատուիրակութեան Նախագահը գերմանական տուգանքէն բաժին պահանջելու մէջ իրաւունք չունենալնիս կը հաստատէ ժիւրիսք Պ. Պարթոլէմիի վկայութիւնով: Այդ վկայութենէն, զոր իմ ձեռքս ունիմ, երկու բան բացայայտ կ'երեւայ: Առաջին՝ որ Պատուիրակութիւնը հարցը թրքահայերու անունով առաջադրած է Պ. Պարթոլէմիին. մինչդեռ մեզի ծանօթ է, որ այս հարցը ես յուզած եմ թէ՛ ռուսահայոց եւ թէ՛ թրքահայոց անունով միանգամայն: Ասկէ կ'երեւայ արդէն, որ Պատուիրակութիւնը դեռ չուզէր ըմբռնել արծարծուած հարցը: Երկրորդ՝ որ Պ. Պարթոլէմի՝ քննելով թրքահայերու անունով, կը գտնէ, որ թէեւ խղճի տեսակետով իրաւունք ունին, բայց իրենց թրքահայատակութեան հանգամանքը օրինական իրաւունք չի տար իրենց: Այս թէզն իսկ յայտնի կ'ըլլայ, որ այն պահանջը, զոր թրքահայերու անուամբ կարելի չէ ընել, կարելի է ընել ռուսահայերու անուամբ:

Պ. Նախագահը indemnité-ի եւ réparation-ի գործին մէջ անհրաժեշտ դիմումները կատարած ըլլալը կը յայտնէ: Մենք ցարդ՝ բրոքբակնտի աշխատութեանց, ինչպէս նաեւ մեզի տրամադրուած տեղեկագրին մէջ չհանդիպեցանք ռեւէ փաստի, որ մեզի կարծել տար, թէ այս ուղղութեամբ աշխատանք տարուած է. մենք տեսած ենք մէկ աշխատանք միայն, Լոնտոնի մէջ ներկայացուած պիւտճէն, ուր ցոյց տրուած է, թէ ուք տարիէն Հայաստան ի վիճակի պիտի ըլլայ 650 000 ոսկիի հասոյթի առաւելութիւն մը ունենալ: Վարդագոյն պիւտճէ մը, որ անշուշտ ներշնչողը եղած է այն դաշնագրին, որուն մէջ պէտք չեն տեսած ո՛չ réparation-ի, ո՛չ ալ indemnité-ի իրաւունք ճանչնալ մեզի:

Ես համաձայն չեմ նաեւ Պ. Նախագահի այն տեսակետին, որ իրենք պարտաւոր էին զիջիլ Հայաստանի մասերը: Պատուիրակութիւնները աւելորդ անհամբերութիւն ցոյց տուած են, եւ պետական մարդոց զանազան յայտարարութիւնները վերջնական

համարելով՝ զանազան զիջումներ ըրած են: Պատուիրակութիւնը մէկ պատասխան միայն ունէր, սա՛ թէ Համագումարէն ստացած իրաւասութիւնը թոյլ չէր տար իրեն կամովին զիջումներ ընելու: Փոխանակ այս պատասխանը տալու, ինչ որ արդէն իր վրայ դրուած պարտականութիւնը կը պահանջէր, զիջումներու փոփոխակի քաղաքականութիւն մը ձեռք առած է, մինչդեռ տեսնուեցաւ Սան Ռեմոյի որոշումներէն, որ Ղաշնակիցներու միջեւ վերջնական ոչինչ չէ եղած: Նոյնիսկ յայտարարուեցաւ, թէ Ֆրանսա պիտի զիջէր Կիլիկիան՝ եթէ Ամերիկա ընդունէր Հայաստանի մանտան: Բայց մենք տեսանք նոյնպէս, որ 15 օր առաջ միայն Ամերիկա մերժեց Հայաստանի մանտան:

Պատուիրակութիւնը թող բարի ըլլայ ուրեմն խոստովանելու, որ Խաղաղութեան Ղաշնագրի 22-րդ յօդուածէն շեղումը, Կիլիկիային կամովին ու անժամանակ զիջումը սխալներ էին, որոնք իրենց բաժինը եւ դերը ունին այս դաշնագրին մէջ, ուր թաղուած են թրքահայերու ամեն իրաւունքները:

Տիար Բրօֆ. Թունայեան. Թէեւ իմ մէկ քանի հարցումներուն պատասխան չտրուեցաւ, բայց հոգ չէ: Պէտք կը տեսնեմ միայն կրկնելու, թէ այսուհետեւ պէտք է աւելի սերտ շփում մը Պատուիրակութեան եւ ժողովուրդին միջեւ: Բացատրեցի արդէն, թէ ի՛նչ անպահետութիւններ կրնան ծագիլ ժողովուրդին անտեղեկ մնալէն: Ինչպէս գիտենք, անցեալ տարի Համագումարի նիստերը դռնփակ եղան: Անշուշտ լաւ էր, որ դռնփակ ըլլային: Բայց ասիկա շատ մը զանգատներու տեղի տուաւ: Սակայն, զոնէ պէտք էր տեղեկութիւն տրուէր անոր գործունէութեան մասին:

Տիար Թէրէեան. Տրուեցաւ:

Տիար Չօպանեան. Նոյնիսկ տպուեցաւ եւ հրատարակուեցաւ:

Տիար Բրօֆ. Թունայեան. Ես պիտի խնդրէի, որ Վսեմ. Փաշային պատասխանը նոյնպէս հրատարակութեան տրուէր:

Վսեմ. Տիար Գ. Նորատունկեան. Խնդրէն կը շեղինք:

Վսեմ. Պօղոս Փաշա Նուպար. Ատիկա վերջի խնդիր է:

Նիստը դադրեցաւ պահ մը, եւ դադարի միջոցին Դիւանին յանձնուեցան հետեւեալ չորս բանաձեւերը, որոնք կարդացուեցան երբ նիստը վերսկսաւ.

Ա. բանաձեւ.

Ազգ. Համագումարը՝ լսելով Ազգ. Պատուիրակութեան համարատուութիւնը մէկ տարուան իր գործունէութեան մասին, ինչպէս նաեւ անոր թեր ու դէմ քննադատութիւններն ու գնահատումները, լսելով նաեւ Ազգ. Պատուիրակութեան Նախագահին եւ անդամներուն պատասխան-բացատրութիւնները, վերջացած կը յայտարարէ այս հարցը եւ կ'անցնի օրակարգի յաջորդ խնդրին:

Տոքթ. Ա. Բարսեղեան

Մ. Ս. Դաւիթ-Բէկ

Զ. Յ. Պզտիկեան

Տէրպետեան

Ա. Հանըմեան

Բ. բանաձեւ.

Համագումարս՝ լսելով Ազգ. Պատուիրակութեան համարատուութիւնը, ինչպէս նաեւ անոր թեր ու դէմ եղած քննադատութիւնները, նաեւ Ազգ. Պատուիրակութեան Վսեմ. Նախագահին պատասխան-բացատրութիւնները, իր շնորհակալութիւնները յայտնելով, վերջացած կը յայտարարէ այս հարցը եւ կ'անցնի օրակարգի յաջորդ խնդրին:

Տիւրան Տօվլէթեան

Գ. բանաձեւ.

Համագումարս, լսելով Ազգ. Պատուիրակութեան միամտեայ գործունէութեան համարատուութիւնը եւ անոր շուրջ տեղի ունեցած վիճաբանութիւնները, նկատի

առնելով այն դժուարին պայմանները ու Դաշնակից մեծ պետութեանց քաղաքականութեան մէջ յառաջ եկած այն յեղակարծ շրջումները, որոնց արդիւնք եղած է փոքր ազգութեանց իրաւանց լքումը, նկատի ունենալով այս պայմաններուն դէմ հակազդելու համար Ազգ. Պատուիրակութեան ունեցած խիստ փոքր միջոցները բարոյական թէ նիւթական, կ'արծանագրէ Ազգ. Պատուիրակութեան տեղեկատուութիւնը եւ կ'անցնի օրակարգին, յամենարարելով, որ ամեն կարելի ազդու միջոցները եւ արթուն հետամուտութիւն գործադրէ, ապահովելու համար ազգին կենսական պահանջները, զորս նոր տիրէքթիւներու մէջ Համագումարը պիտի բանաձեւէ:

Գ. Ֆնտզլեան

Դ. բանաձեւ.

Համագումարը, լսելով Ազգ. Պատուիրակութեան համարատուութիւնը եւ անոր շուրջ փոխանակուած քննադատութիւններն ու պատասխանները, կ'անցնի օրակարգին:

Ն.Տէր-Ստեփանեան

Օրը տարածամած ըլլալով, Համագումարը որոշեց յառաջիկայ միստի մը յետաձգել բանաձեւերու քուէարկութիւնը:

Նիստը փակուեցաւ ժամը 7-ին:

ՀԱԱ, ֆ. 430, ց. 1, գ. 63, թթ. 1-22: Ձեռագիր: Բնագիր:

### Նիստ ժե

12 Յունիս 1920, ժամը 4 ին,

Նախագահութեամբ Վսեմ. Տիար Գ. Նորատունկեանի

Ներկայ էին 16 պատգամաւորներ՝

Անն. Դուրեան Արքեպիսկ., Տոքթ. Բարսեղեան, Դակիթ-Բէկ, Թերզիպաշեան, Թէքեան, ԲրօՖ. Թունայեան, Հանրմեան, Մսրըլը Պէյ, Գ. Նորատունկեան, Չօպանեան, Պզտիկեան, Սինապեան, Տէրպետերեան, Տէր-Ստեփանեան, Տօվլէթեան, Ֆնտզլեան:

Մասնաւոր հրաւերով՝ այս միստին ներկայ գտնուեցաւ նաեւ Կիլիկիոյ Վեհ. Տ. Սահակ Կաթողիկոսը, իւր հետեւորդ Գիւտ Վ. Խուպետերեանի հետ միասին:

### Օրակարգ

#### 1. Կիլիկիոյ կացութիւնը

#### 2. Շարունակութիւն վիճարանութեան Ազգ. Պատ. համարատուութեան

#### 3. Տեղեկագիր Ազգ. Պատ. Կազմական Կանոնագրի Յանձնաժողովին

#### 4. Վերակազմութիւն Ազգ. Պատուիրակութեան

### Օրակարգ

#### Կիլիկիոյ կացութիւնը

Վսեմ. Տիար Գ. Նորատունկեան. Համագումարիս անունով շնորհակալութիւն կը յայտնեմ Կիլիկիոյ Վեհ. Կաթողիկոսին, որ կը բարեհաճի իր ներկայութեամբ պատուել մեր այսօրուան միստը: Վեհափառը անշուշտ իր իմաստուն խորհուրդներով ու թելադրանքներով պիտի մասնակցի մեր խորհրդակցութեանց, որոնց առարկան իր հօտն է եւ իբր մօտէն տեղեկակ տեղւոյն անցքերուն, պիտի տայ անհրաժեշտ լուսաբանութիւնները մեզ ամէնքս վրդովող այս ծանրակշիռ խնդրին նկատմամբ :

Պօղոս Նուպար Փաշա թեւ ներկայ պիտի ըլլայ մեր այսօրուան խորհրդակցութեանց, բայց փոքր ինչ հիւանդ ըլլալուն՝ դժբախտաբար չպիտի կրնայ գալ:

Կրնանք ուրեմն սկսիլ Կիլիկիոյ կացութեան քննութեան, որոշելու համար այն միջոցները, որոնք անհրաժեշտ են այդ կացութիւնը դարմանելու: Պատուիրակութեան անդամները, որոնք ներկայ են, բնական է, ի բացակայութեան Վսեմ. Նախագահին, կու տան հարկ եղած բացատրութիւնները: Վերջերս հրատարակուած լուրեր ծանուցած էին, թէ ֆրանսացիք փայլուն յաղթանակ մը տարած են Այնթապի մէջ եւ թէ կացութիւնը բարուրած է այն կողմերը: Կ'երեւայ, սակայն, թէ այս լուրերը շատ ճիշդ ըլլալու չեն, որովհետեւ մէկ կողմէ կը ծանուցանեն, թէ Այնթապ պաշարեալ եւ վերին աստիճան անձկութեան մէջ է տակաւին, եւ միւս կողմէ կ'ըսուի, թէ ֆրանսական կառավարութեան զանազան պաշտօնակերպ շրջանակներուն մէջ տեղի կ'ունենան կարգ մը խորհրդակցութիւններ, որոնք կապ ունին Կիլիկիա գտնուող ֆրանսական զինուորները ետ կանչելու մտադրութեան մը հետ: Ոմանք՝ նուազ լաւատես են եւ չեն հաւատար, որ ֆրանսացիք ամբողջովին պարպեն Կիլիկիան. նաեւ իմացուեցաւ, որ 20 օրուան զինադադար մը կնքուեր է թուրքերուն հետ, իբր հետեւանք այն բանակցութեանց, զորս ֆրանսացիք կատարած էին Մուսթաֆա Քեմալ Փաշայի հետ: Այս եւ նմանօրինակ լուրերը անշուշտ տարածուած են նաեւ Կիլիկիա, եւ մեծ վրդովման մատնած են տեղւոյն թէ՛ հայ եւ թէ՛ առհասարակ բոլոր քրիստոնեայ ժողովուրդները, ինչպէս կ'երեւայ հաւաքական հեռագրէ մը, զոր Իզմիրի ճամբով դրկած են Դաշնակից ու չէզոք պետութեանց նախարարապետներուն, եւ որուն մէկ օրինակն ալ Փարիզի հելլէնական դեսպանատան միջոցով հաղորդուած է Ազգ. Պատուիրակութեան եւ յանձնուած Դիւանիս: Լաւ կ'ըլլայ, որ խորհրդակցութեանց սկսելէ առաջ Համագումարը տեղեկանայ այդ հեռագրին:

Կարդացուեցաւ յիշեալ հեռագիրը, որուն պատճէնը Իզմիրէն դրկուած էր Յունիս 7-ին:

Ատանա, 15 Մայիս 1920.

Կիլիկիոյ ամբողջ քրիստոնեայ բնակչութիւնը, այսինքն՝ Հայ Կաթոլիկ եւ Հայ Բողոքական յարանուանութիւններով, Յոյն Օրթոտոքսները, Սուրիանի Կաթոլիկները, Ասորիները, Նեստորականները, Քաղղեացի Կաթոլիկները, իտալական գաղութը, ինչպէս նաեւ Կիլիկիոյ Մասօնական Օթեակներու Համաժողովը, որոնք իրենց կենսական շահերը սերտիւ միացուցած են համանման ըմբռնումով մը, որոնք անբաժանելի կերպով համերաշխ կը մնան իրենց ամէնուն մէկանց գոյութեան սպառնացող վտանգներուն դէմ, նոյն ատեն՝ խորապէս յուզուած եւ ահաբեկուած կարգ մը տարածայնութեանց հանդէպ, որոնց համաձայն՝ Դաշնակից պետութիւնները, հակառակ այն հաւաքական բողոքին, զոր իրենք նախապէս վերջին Մարտ 31-ին, միշտ տրամադրութիւն ցոյց կու տան, նոյնիսկ որոշեր են եղեր Կիլիկիոյ մէջ պահել թրքական զերիշխանութիւնն ու անօրինական վարչութիւնը, պարզ ելլեմտական վարչութեան քոնթրոլով մը անգամ մըն ալ, ամենաբաւոյն կերպով բողոքելով այս իրեշային անիրաւութեան դէմ, որ կը համապատասխանէ անտեղին բոլոր զուլումին յաւերժացման եւ 275.000 քրիստոնեայ բնակչութեան մը մահուան դատապարտութեան: Յիշեցնելով 1895-ի եւ 1909-ի ջարդերը, ինչպէս նաեւ տեղահանութիւնները եւ անլուր վայրագութիւնները, որոնք գործուեցան վերջին պատերազմին ընթացքին, մասնաւորաբար արդի դժուարին կացութիւնը, որուն մէջ քեմալիստ աւազակները տեղական եւ կեդրոնական թուրք իշխանութեանց բացայայտ մեղակցութեամբ, նոյնիսկ ֆրանսական քոնթրոլին ու գրաւման հակառակ, 20 000 քրիստոնեաներուն ջարդեցին Մարաշի եւ շրջականերուն մէջ եւ կը շարունակեն հուրի ու սուրի մատնել ամբողջ երկիրը, գերագոյն կոչ մը կ'ուղղենք իւրաքանչիւր Դաշնակից եւ ընկերակից պետութեան, բոլոր չէզոք պետութեանց, Ն. Սրբութիւն Պապին, ինչպէս նաեւ ամբողջ քաղաքակիրթ աշխարհի հանրութեան կարծիքին,

1. Որպեսզի ազդու կերպով միջամտեն, որ զինուորական դրական միջոցներ ձեռք առնուին զսպելու համար այդ ապստամբական եւ բարբարոս արարքները, ինչպէս նաեւ պաշարուած քաղաքները ազատելու եւ քրիստոնեայ արիւնի հեղունը դադրեցնելու համար.

2. Կը պահանջենք, որ այսուհետեւ ջնջուի թրքական վարչութեան եւ գերիշխանութեան ամեն հետք Կիլիկիոյ մէջ, եւ քրիստոնեայ վարչութիւն հաստատուի՝ արդարութեան, մարդասիրութեան ու եւրոպական քաղաքակրթութեան սկզբունքներու հիման վրայ, մեծ պետութեան մը հոգատարութեան տակ: Երջանիկ պիտի ըլլայինք, եթէ այս մանտան վստահուեր Ֆրանսայի, որ դարաւոր ականդութեամբ պաշտպան բարեկամն է Արեւելքի քրիստոնեաներուն, պայմանաւ, որ ամուր երաշխաւորութիւններ տրուին, թէ ֆրանսական քաղաքականութիւնս այս դերին մէջ պիտի ըլլայ եւ մնայ միշտ համաձայն իր փառաւոր ականդութեանց եւ վերոյիշեալ սկզբունքներուն ու պահանջմանց, առանց բնաւ ազդուելու նկատումներէն բուռ մը անխիղճ դրամասերներու, որոնք անկարող թափանցելու Ֆրանսայի ճշմարիտ բարոյական, նոյնիսկ նիւթական շահերուն, կը շարունակեն պաշտպանել թրքական յաւակնութիւնները այս քրիստոնեայ երկրին մէջ: Եթէ, հակառակ մեր կրկնակի բողոքներուն, պետութիւնները պնդեն իրենց որոշման վրայ՝ մեզ կրկին մեր դահիճներուն յանձնելով՝ Կիլիկիոյ քրիստոնեաները կը նախընտրեն խմբովին մեկնիլ երկրէն, քան ենթարկուիլ ռեժիմի մը, որուն տակ մեր կեանքը, ինչքը եւ պատիւը մշտապէս ենթակայ պիտի մնան թուրքերու քմահաճոյքին, ինչ որ ըլլան հաստատուած քննթրուլը ու թուղթի վրայ դրուած ապահովութիւնները:

Այս դժբախտ հաւանականութեան պարագային, կը խնդրենք շահակից պետութիւններէն, որ միջոցներ ձեռք առնեն բոլոր քրիստոնեայ ժողովուրդները ապահով տեղ մը փոխադրելու համար:

15 Մայիս 1920

Ատանայի Յայոց Առաջնորդ Գեորգ Վրդ. Ասլանեան  
Ամբողջ Յայաստանի Պատուիրակութեան ներկայացուցիչ՝  
Մ. Տամատեան  
Ատանայի բողոքական հայոց երէց՝  
Կ. Յ. Յարութիւնեան  
Արդի Կաթոլիկ Յայոց Առաջնորդ՝  
Բասգալ Զեքիկեան  
Ատանայի Ազգ. Միութեան Նախագահ՝  
Տոքթ. Մնացականեան  
Ատանայի Քաղ. ժողովոյ ատենապետ՝  
Կ. Զեչիշեան  
Ատանայի Յոյն Օրթոտոքս հասարակութեան  
ներկայացուցիչ՝ Ա. Գարաեւուսուֆօլլու  
Ա. Կ. Սիմէօն օղլու  
Տոքթ. Ժ. Ռանիէլիտս  
Կ. Կրիկորիատս  
Կաթոլիկ Սուրիանիներու Պատր. Փոխանորդ՝  
Էլ-խուրի Փիլիպպոս  
Կիլիկիոյ Քաղղէացւոց ընդհ. հովիւ՝  
Յ. Ժոզէֆ Թիւֆէնկճի  
Ատանայի Ատրիներու Պատրիարքական Փոխանորդ՝  
Յ. Ժան  
Ատանայի Մասօնական Օթեակին կողմէ  
Աւետիս Աւետիսեան  
Ատանայի Սուրիական Ազգ. Միութեան Դեր-Նախագահ՝

Ժան  
Իսկականի համաձայն է

գործակալ՝ Յայ ապաստանեալներու

/Լորդ Մայլրս Օֆ Լոնտօն օգնութեան քոմիթեմ/ w.a Kenndu M.D.

Մերձար Արեւելքի Տոքթ. Վ.Ա. Քեննէդի օգնական քոմիթի մասնաճյուղին  
Տոքթ. Ուիլիամ Մ. Տաթթ./S. Dodd M.D./

Վսեմ. Տիար Գ. Նորատունկեան. Կիլիկիոյ հայ եւ քրիստոնեայ ժողովուրդները անցեալներս ալ նմանօրինակ հաւաքական գիր մը դրկած էին, որու, անշուշտ, Պատուիրակութեան կողմէ ընթացք տրուած է:

Տիար Արշակ Չօպանեան. Ինչ որ կը դրկուի, իսկոյն կը հաղորդուի պաքթանեալ պաշտօնատան:

Տիար Տիրան Տեօվլէթեան. Կը փափաքինք, որ Ն. Վ. Կաթողիկոսը, իբր մօտէն տեղեակ Կիլիկիոյ անցքերուն, մեզի պարզեր ճշգրիտ կացութիւնը, եւ յայտներ, թէ ի՞նչ դիմումներ ըրաւ Անգլիոյ մէջ, ուրկէ կը վերադառնայ:

Վեհ. Տ. Սահակ Կաթողիկոս. Կիլիկիայէն մեկնելուս երեք ամիսը անցաւ, եւ ես ալ հեռուէն ստացուած լուրերով միայն տեղեակ եմ կացութեան: Այս վերջին հեռագիրը պէտք է դրկած ըլլան ազդուելով դաշնագրին նկատմամբ ստացուած տեղեկութիւններէ, որոնք կը յայտնէին, թէ Կիլիկիա երկու մասի պիտի բաժնուի: Երբ մեկնեցայ Կիլիկիայէն՝ կացութիւնը շփոթ էր ու ծանր: Եկայ այստեղ՝ ֆրանսական կառավարութեան պարզելու իրերու դրութիւնը, մասնաւորաբար յայտնելու, թէ այնտեղ գտնուող ֆրանսական ոյժերը անբաւական են Կիլիկիոյ խաղաղութիւնն ու հանգստութիւնը ապահովելու համար: Միւս կողմէ, աշխատեցայ, որ հայերն ու թուրքերը նոյն աստիճանին վրայ ըլլան, ինչպէս կ'ըլլայ Կիլիկիոյ մէջ, պարզեցի հայոց սերը Ֆրանսայի մասին աւելցնելով, թէ անոնք իրենց շահերը կը նկատեն ֆրանսական շահերը: Այդ առթիւ ըսի, որ եթէ դժուարութիւններ կան նոր զօրք դրկելու, տեղւոյն հայ ժողովուրդը պատրաստ է բոլորուելու ֆրանսական իշխանութեանց շուրջը, պաշտպանելու համար թէ՛ իր կեանքը եւ թէ՛ ֆրանսական դրօշին պատիւը, կը բաւէ որ ֆրանսական կառավարութիւնը զինէ եւ իր սպաներով կազմակերպէ զանոնք: Եղած հարցումի մը պատասխանելով, ըսի տակաւին, թէ 8-10 000 զէնք բաժնելով հայոց, կարելի պիտի ըլլայ ստեղծել բաւարար ոյժ մը այդ նպատակին իրականացման համար: Խոստացան, յայտնելով նաեւ, թէ նոր զօրք պիտի դրկուի կամ արդէն իսկ դրկուած է: Վերջին լսածիս համեմատ, մաս մը զօրք դրկուեր է իրապէս: Ասկէ վերջ ի՞նչ անցաւ-դարձաւ, որ նոյնիսկ իրենց գրաւման ենթակայ քաղաքներն ալ կը պարպեն: Ասիկա չենք գիտեր:

Անգլիոյ մէջ՝ չէի կրնար անշուշտ այստեղ կատարած դիմումներու հակառակ ուղղութեան մը հետեւիլ: Քանի որ անգամ մը դիմեր էի Ֆրանսայի, կրնայի վիրաւորել զայն՝ դիմում կատարելով նաեւ Անգլիոյ: Ստիպուած էի չափազանց զգուշաւոր ըլլալ նոյն ինքն Կիլիկիոյ ժողովուրդին բարիքին համար: Միայն, Կիլիկիոյ բաժանման մասին բողոքագիր մը ներկայացուցի անգլիական կառավարութեան, ինչպէս արդէն ամեն Դաշնակից պետութեանց:

Վսեմ. Տիար Գ. Նորատունկեան. Պատասխան մը ստացա՞ք անգլիական կառավարութեան կողմէ:

Վեհ. Տ. Սահակ Կաթող. Լորտ Քըրզըն պատասխանեց, թէ ստացած է եւ Պ. Լլոյտ ճորճի յանձնած է:

Վսեմ. Տիար Գ. Նորատունկեան. Ֆրանսական կառավարութիւնը զէնք յանձնե՞ց Կիլիկիոյ հայոց:

Վեհ. Տ. Սահակ Կաթող. Մաս մը տուին: Եթէ տուած չըլլային, օրինակի համար Յաճըն ինչպէ՞ս կրնար սոսկ իր միջոցներով այսքան ամիսներ դիմադրել զինքը ամեն կողմէ շրջապատող այն բարբարոս խուժաններուն:

Տիար Ջաքարիա Պզտիկեան. Երեւցածին նայելով, յայտնի չկամութիւն մը կայ ֆրանսացւոց կողմէ, ո՛չ միայն թուրքերու, այլ նաեւ հայոց մասին: Որովհետեւ չեն կարծեր, թէ իրենց ունեցած ոյժերը իրօք անբաւական ըլլալին թուրքերուն դէմ: Օրինակի համար՝ Պոզանքի մէջ 5000 զինուոր ունէին, ինչպէս գրուեցաւ վերջերս: Ջարմանալի է, որ այդքան զինուորով կրցած չըլլան պահել Պոզանքին, որ պզտիկ տեղ մըն է եւ պաշտպանուած է շատ անառիկ դիրքերով: Թուրքերը, ինչպէս կը տեղեկացնեն վերջին նամակները զորս ստացած են, կանոնաւոր բանակ չեն հանած ֆրանսացւոց դէմ: Խմբական մեծ յարձակումներ չեն ըրած: Աւելի՛ չեթէներ են, որոնք կը գործեն զանազան տեղերու մէջ, նոյնիսկ Ատանայի մօտերը: Ատանայէն դուրս բերելը անհնար է հայոց: Բայց միւս կողմէ, հասած նամակները կ'ըսեն, թէ Կիլիկիոյ ամենէն լաւ պաշտպանուած քաղաքն Ատանան է: Քաղաքին հայերը շատ վախ չունին բնիկ իսլամներէն: Շրջակայները գործող չեթէներն են, որ մտահոգութիւն կը պատճառեն իրենց:

Այդ բոլոր խումբերը շատ լաւ զինուած են, նոյնիսկ միթրայեօզներ, երբեմն նաեւ բնդանօթ ունին իրենց հետ:

Կսեմ. Տիար Գ. Նորատունկեան. Թալան, եւ այլն կը կատարե՞ն այդ խումբերը: Տիար Ջաքարիա Պզտիկեան. Ո՛չ, իրենց նպատակը քաղաքական է: Խնդիր է, սակայն, թէ Ատանա հիմնական պէս ապահով պիտի մնա՞)՝ եթէ ֆրանսացիք քաշուին: Մինչեւ վերջերս՝ լուրերը շատ լաւ էին. հասած նամակներէն կ'երեւար, թէ առատ գործ կայ քաղաքին մէջ: Բայց Յունիս մէկ թուակիր նամակ մը, որ Պէյրութէն դրկուած է, կը ծանուցանէ, թէ քանի ատենի է վեր այլեւս բնաւ լուր չեն ստանար Ատանայէն:

Տիար Բրօֆ. Թունայեան. Ինչպէս կ'ըլլայ, որ ֆրանսացիք հայերուն ու թուրքերուն միեւնոյն կասկածով կը նային Կիլիկիոյ մէջ. պատճառ մը կա՞:

Տիար Ջաքարիա Պզտիկեան. Կիլիկիոյ հայերն ալ այդ հարցումը կ'ընեն: Կսեմ. Տիար Գ. Նորատունկեան. Յայտնի է արդէն, թէ մերինները անհրաժեշտ զգուշաւորութիւնը չկրցան ունենալ, շրջապատեց չեղան եւ ֆրանսացւոց կասկածը հրակիրեցին իրենց վրայ: Միւս կողմէ, այնտեղ գտնուող ֆրանսացի զօրքերն ալ մեծ մասամբ գաղթավայրերէ եկած ըլլալով, կ'երեւայ թէ շատ բարեկիրք եւ լաւ տարրեր ըլլալու չեն, որով չեն կրցեր պէտք եղածին պէս զնահատել մեր ժողովուրդը: Այս երկու գլխաւոր պատճառներով, խնդիրը արծարծուեր է: Հիմա, ինչպէս ծանօթ է, ֆրանսական կառավարութիւնը կամ այնտեղի ֆրանսական իշխանութիւնները Մուսթաֆա Քեմալ Փաշայի հետ բանակցութիւն կատարելու եւ համաձայնութիւն մը կնքելու են: Չենք գիտեր, թէ ի՞նչ պայմաններով: Պատուիրակութեան Կսեմ. Նախագահէն խնդրած ենք, որ Քէ տ'Օրսէն տեղեկութիւն առնէ կնքուած համաձայնութեան մասին: Արդեօ՞ք Պատուիրակութեան ներկայ անդամները տեղեկութիւն մը ունին: Համագումարը անշուշտ գոհութեամբ պիտի լսէ զիրենք:

Տիար Արշակ Չօպանեան. Ինչ որ պիտի ըսեմ՝ կապ չունի Պատուիրակութեան Նախագահին ունենալիք տեսակցութեան եւ այդ մասին տալիք տեղեկութեանց հետ: Աւելի անձնական տեսակցութեան մը արդիւնքն է, զոր պիտի հաղորդեն: Այսօր տեսնուեցայ Արտաքին Գործոց Նախարարութեան Արեւելեան Ծիւղի Դեր-տնօրէն Պ. Պարժըթոնի հետ, եւ երբ հաղորդեցի Կիլիկիոյ պարպումին նկատմամբ մեր ունեցած բոլոր տեղեկութիւնները, Պ. Պարժըթոն զարմանք յայտնեց: Մասնաւորաբար Այնթապի պարպուած ըլլալը ծանուցանող տեղեկութեանց ակնարկելով, ըսաւ թէ այդպէս բան չկայ: Հարցունալ կրկնեցի, աւելցնելով, թէ լոկ թերթերու հրատարակութիւնները չեն, այլ՝ ուրիշ աղբիւրներ ստացուած տեղեկութիւններ ալ կը ծանուցանեն, թէ ֆրանսական զինուորները իրօք կը քաշուին Կիլիկիայէն: Բացատրեցի նաեւ այն յուզումը, որուն մատնուած էինք այս վրդովիչ լուրերը առնելով: Պ. Պարժըթոն ըսաւ դարձեալ, թէ ինք գոնէ բան մը չի գիտեր այս մասին եւ թէ ամբողջ գիտցածը սա է, որ զինադուլ մը կնքուած է թուրքերուն հետ: Հարցուցի, թէ ինչպէ՞ս կ'ըլլայ, որ զինադադարի մէջ զինադադար մը կը կնքուի, քանի որ անհերքելի է, թէ Պ. Ռուպեր տը Քէ գացեր է այդ

մասին բանակցելու Մուսթաֆա Քեմալի հետ: Պ. Պարժըթոն յայտնեց, թէ կնքուած զինադուլը լոկ զինուորական բան մըն է, քաղաքական նշանակութիւն մը չունի բնաւ: Համագումարիդ կը հաղորդեն նաեւ, թէ Պ. Ռուպեր տը Քէ, որ Պոլիս անցած էր, Փարիզ եկեր է: Պէտք է անշուշտ զինքը տեսնել եւ անձամբ տեղեկութիւն ստանալ իրմէ: Ասիկա ալ պիտի ընէ Պատուիրակութիւնը:

Տիար Տիրա Տօվլէթեան. Պ. Վենիզելոս ալ Փարիզ կը գտնուի: Պատուիրակութիւնը մտադի՞ր է զայն ալ տեսնել:

Տիար Ա. Չօպանեան. Պատուիրակութիւնը շատ մը կարելոր առիթներու մէջ տեսնուած է Պ. Վենիզելոսի հետ եւ այս անգամ ալ պիտի տեսնուի: Բայց չեն կարծեր, որ ինք ալ հիմա որոշ բան մը զիտնայ Մուսթաֆա Քեմալի եւ ֆրանսացւոց միջեւ կնքուած համաձայնութեան մասին: Կ'ենթադրեն, սակայն, թէ ինք ալ մեզի պէս վրդովուած պէտք է ըլլայ այդ համաձայնութեան պատճառաւ, քանի որ տարակոյս չկայ, թէ ֆրանսացւոց հետ կռիւր դադարեցնելով, թուրքերը Կիլիկիոյ մէջ իրենց ունեցած ոյժերուն մեծ մասը պիտի բերեն կեդրոնացնեն յունական ճակատներուն դէմ:

Կսեմ. Տիար Գ. Նորատունկեան. Պէտք է խորիկի հիմա, թէ ի՞նչ կրնանք ընել թէ՛ տեղին վրայ եւ թէ՛ այստեղ: Փարիզի մէջ ըլլալիք ձեռնարկներու մասին վերջնական եզրակացութեան մը յանգելու համար անհրաժեշտ եղած տեղեկութիւնները տակաւին չառնուեցան: Պ. Պալէոլոկի հետ տեսակցութիւն մը պէտք տեսնուած էր. դեռ հնարաւոր չեղաւ: Պ. Պէլլէ տեղեկութիւններ պիտի տար Արտաքին Գործոց Յանձնաժողովին մէջ տիրող կարծիքին նկատմամբ. այս ալ դեռ կարելի չէ եղած: Միւս կողմէ, պէտք կայ Պ. Ռուպեր տը Քէն Պ. Վենիզելոսի տեսնելու: Բան մը չենք գիտեր տակաւին, թէ հելլեն վարչապետը, նոր կացութեան բերմամբ ի՞նչ ուղղութեան պիտի հետեւի: Արդեօք պիտի յարատե՞ն՝ դաշնագիրը զինու զօրութեամբ եւ անգլիական աջակցումը թուրքերուն պարտադրելու մտածման մէջ, թէ ոչ՞՝ ինք ալ պիտի յարի Ֆրանսայի եւ Իտալիոյ քաղաքականութեան ու պիտի նախընտրէ համաձայնութեան մը գալ թուրքերուն հետ: Գալով տեղույն վրայ ըլլալիք գործողութեանց, պէտք է այժմէն եւ շուտով կարգադրութիւն մը ընել: Կիլիկիոյ հետ հաղորդակցիլը դիւրին գործ չէ. դէպքերը կրնան անակնկալի բերել զմեզ: Մինչեւ այսօր՝ Կիլիկիոյ մէջ երկու ուղղութիւն կար. թուրքերուն դէմ բացարձակ ատելութիւն եւ ֆրանսացւոց դէմ յայտնի անսիրելութիւն մը: Այս երկու ուղղութիւններն ալ սխալ էին, ինչպէս կ'ապացուցուի այսօր: Հայերը, ընդհակառակը, պէտք էին սիրաշահիլ երկու տարրերն ալ, զգուշանալով մէկուն ու միւսին մօտ կասկածի առարկայ դառնալէ: Մասնաւորաբար, թուրքերուն հետ վեհամձնութեամբ վարուիլը անշուշտ ծանր էր իրենց համար, բայց լաւագոյն միջոցն այդ էր. կը տեսնենք ահա Պ. Լլոյտ Գորժը, որ Պ. Քրասիմի հետ կը բանակցի. կը տեսնենք նաեւ Պ. Միլլըրանը, որ Պ. Ռուպեր տը Քէի միջոցաւ Մուսթաֆա Քեմալի հետ համաձայնութիւն կը կնքէ: Տարակոյս չկայ, որ յանձնարարելի մեծ օրինակներ չեն ասոնք, բայց վերջապէս աշխարհք այսպէս է: Երբ հզօր պետութիւններ շրջապատեցութեամբ վարուելու պէտք կը տեսնեն, ինչո՞ւ մեզի պէս պզտիկ ու ականաւոր մը մը այդպէս չընեն: Հետեւաբար, հայերն ալ կրնան խնդիր ընել համաձայնութեան եզր մը Մուսթաֆա Քեմալ Փաշայի հետ: Չմոռնանք, որ ժամանակը սուղ է: Ֆրանսացիք տակաւին Կիլիկիոյ մէջ են, բայց եթէ յանկարծ պարպեն զայն, շատ մեծ անպատեհութիւններ կրնան ծագիլ: Ժողովուրդին տեղափոխութիւնը լուծում մը չէ: Տեղափոխութիւնը կէս մը մահ ըսել է: Աւելի քան 150 000 ժողովուրդ ունինք Կիլիկիոյ մէջ. ո՞ր պիտի երթան, ինչպէ՞ս պիտի երթան: Փոխադրութեան միջոցները սպառուած դժուարին են. յետոյ՝ ամեն կողմ կեանքը սուղ է. ուր որ ալ երթան՝ թշուար պիտի ըլլան: Ազգերու գթութեան դիմելէն ալ մեծ օգուտ մը չպիտի կրնան ձեռք բերել, որովհետեւ աշխարհք այլեւս ծանծրագաւ նպաստելէ: Այս պայմաններուն մէջ՝ ժողովուրդը տեղափոխել՝ մեռցնել ըսել է: Անշուշտ, ունեւորներ կան, որոնք ասանկ թուակի մը կրնան ուրիշ աւելի ապահով տեղ մը բնակելու որոշում տալ. բան մը չենք կրնար ըսել անոնց. բայց միւսներուն համար ո՛չ մեր սիրտը, ո՛չ մեր զգացումները թոյլ

կու տան, որ խորհիմք, թե պետք է ելլեն երթան իրենց երկրեն: Ուրեմն, անհրաժեշտ է, որ ժողովուրդը մնայ: Բայց միւս կողմէ, վտանգը կայ: Երբ ֆրանսացիք մեկնին եւ թուրքերը իրենք իրենց գլխուն մնան, կարելի է, որ վրիժառուութեան դիմել ուզեն եւ երկուստեք արիւն թափի: Երանակ մը գտնել պետք է ուրեմն՝ մէկ կամ միւս անպատեհութենէն խուսափելու համար: Մեր նախահայրերը աւելի նեղ, աւելի վտանգաւոր պարագաներու մէջ գտնուած են, բայց, ինչպէս յայտնի է, միշտ կրցած են պարագային յարմար մարդիկը գտնել եւ անոնց խոհեմութեամբ ու խելքով ազատել ինքզինքնին: Չեմ հաւատար, որ մեր ազգը հիմա զուրկ ըլլայ իմաստութենէ, ունի լաւ տարրեր, որոնց խոհեմութեան կրնայ թողուլ այս վտանգաւոր դրութեան լուծումը: Կը կարծեմ, թէ թուրքերուն հետ համաձայնութեան մը հիմերը չեն պակսիր: Կրնանք, օրինակի համար, անոնց ըսել. թէ ահա, դաշնագրին համաձայն, Կիլիկիոյ մէկ ստուար մասը Սուրիոյ կը կցուի. այդ տեղերը՝ Կիլիկիոյ ամենէն արգաւանդ եւ հարուստ մասերն են. մենք միջնորդ կ'ըլլանք պետութեանց մօտ, որ անոնք Կիլիկիոյ վերադարձուին, պայմանաւ, որ ատոր փոխարէն, մեզի տրուին նախ հանգստութիւն, ապահովութիւն, յետոյ՝ վարչական ձեռնտու կազմակերպութիւն մը: Կարելի է գտնել բանակցութեան ուրիշ հիմեր ալ, բայց նախ պետք է համաձայնիք սկզբունքին վրայ: Կը հասկնամ, դժուար է կիլիկեցւոց այս տեսակ կարգադրութեան մը վրայ խորհիլն իսկ, բայց լաւագոյն միջոցն է: Ֆրանսական կառավարութեան ընթացքը Կիլիկիոյ մէջ աննախընթաց բան մըն է պատմութեան մէջ, եւ այդ պատճառաւ հայք ալ գրեթէ աննախընթաց կացութեան մը ենթարկուած են:

Տիար Բրոֆ. Թումայեան. Կիլիկիոյ հայերը տրամադի՞ր են այս տեսակ կարգադրութիւն մը ընդունելու: Շնորհակալ պիտի ըլլայինք՝ եթէ Վեհ. Կաթողիկոսը այս մասին լուսաբաներ մեզ:

Վեհ. Սահակ Կաթողիկոս. Կը կարծեմ, թէ ուշ մնացած ենք: Անոնք այնտեղ անմիջական օգնութիւն կը սպասեն, մենք այստեղ տակաւին պիտի համաձայնիք թէ ի՞նչ ընենք: Կիլիկիոյ մէջ՝ ժողովուրդը շատ մեծ հաւատք ունի Պատուիրակութեան վրայ. անանկ կը կարծէ, որ երբ Պատուիրակութիւնը ուզէ, կրնայ ամեն բան ոտքի հանել: Ան գիտէր, որ Պատուիրակութիւնը պահանջած է Կիլիկիան իբր ամբողջական Յայաստանի մաս եւ ըստ այնմ ձեւած էր իր ընթացքը: Եթէ Պատուիրակութիւնը ատենին ըսեր, թէ Դաշնակիցներէն յոյս չկայ այլեւս, թերեւս կարելի ըլլար միջոց մը գտնել տեղին վրայ համաձայնութեան մը գալու համար:

Տիար Արշակ Չօպանեան. Բայց Պատուիրակութիւնը կացութիւնը չէ ծածկած բնաւ: Այն օրն իսկ երբ Կիլիկիոյ վիճակուելիք բախտը պարզուեցաւ, իսկոյն հաղորդեցինք Պ. Տամատեանի, մանրամասն նամակով մը, զոր մօտաւորապէս երկու ամիս առաջ տարաւ Տոքթ. Ալթունեան, եւ որ ապահով ենք, թէ հասած է Պ. Տամատեանի ձեռքը: Ապացուցելու համար, թէ Պատուիրակութիւնը իրական վիճակը չէ ծածկած, կը կարդամ այդ նամակէն մաս մը.

«...Կիլիկիոյ ինչպէս եւ հայ տէրութենէն դուրս մնալիք բոլոր հայ հողամասերուն քաղաքական բախտը դեռ չէ որոշուած: Տիկին Եսայեանի՝ այստեղէն մեկնած պահուն այնպէս կը կարծուէր, թէ այդ բոլոր հողամասերը պիտի դուրսին Ֆրանսայի հովանավորութեան տակ՝ Ազգերու Ընկերակցութեան կողմէ mandat-ով, եւ մենք անմիջապէս «Ամբողջական Յայաստանի մը կազմաւորման անկարելիութիւնը եւ Կիլիկիոյ մասին Ֆրանսայի հետ համաձայնեցե՛ք» խորհուրդով, Լորդ Քըրզոնի բերնէն իսկ լսելէ յետոյ, ցաւ ի սիրտ, ստիպուած եղանք մեր քաղաքականութիւնը յարմարցնել այս նոր կացութեան, ընդունելով որ հայ տէրութենէն դուրս մնալիք հողամասերը դուրսին Ֆրանսայի պաշտպանութեան տակ, միշտ այն հասկացողութեամբ, թէ անոնց հայկական հանգամանքը պիտի ճանչցուի Գերագոյն Խորհուրդէն եւ անոնց պիտի տրուի ինքնավար ռեժիմ մը, թուրք տիրապետութենէն բոլորովին ազատ: Ինչ պիտի ըլլայ Գերագոյն Խորհուրդին վերջնական որոշումը, դեռ չենք գիտեր, եւ կը յուսանք որ Սան Ռեմոյի մէջ, քիչ օրէն, այդ որոշումը՝ կը տրուի: Շատ հզօր պատճառներ կան, որ

մեզի վախճալ կու տան, թէ թուրք վեհապետութիւնը եւ նոյնիսկ թուրք վարչութիւնը պիտի պահպանուին Կիլիկիոյ եւ հայ տէրութեան չկցուելիք միւս հայ հողամասերուն վրայ: Ֆրանսական խորհրդարանի Commission des Affaires Extérieures-ին կարեւոր անդամներէն ոմանք մեզի յայտնեցին, թէ Ֆրանսայի փափաքն է, որ ֆրանսական Չձոն-ը սահմանակից ըլլայ հայ տէրութեան, եւ այդ ամբողջ Չձոն-ին մէջ Սուլթանին գերիշխանութիւնը լոկ անուանակար ըլլայ, վարչութեան ղեկը գտնուելով ֆրանս իշխանութեանց ձեռքը: Բայց երբ Կիլիկիոյ եւ Սուրիոյ պաշտպանութեան գործին մէջ այնքան թոյլ կը յայտնուի Ֆրանսա, ինչպէ՞ս պիտի հաստատէ իր իշխանութիւնը մինչեւ Խարբերդ, Տիարպէթի ու Սվազ: Միւս կողմէ, Լորդ Քըրզոն, Լլոյտ ճորճ եւ Պ. Էսքուիթ խորհրդարանին մէջ վերջերս արտասանած իրենց ճառերով յայտարարեցին, թէ Կիլիկիա մահմետական երկիր է, թէ հոն մահմետականները խոշոր մեծամասնութիւն կը կազմեն եւ թէ հայերը ազգաբնակչութեան հազիւ մեկ երրորդը կը ներկայացնեն, եւ ասիկա՝ հակառակ այն բոլոր նօթերուն, զոր Պատուիրակութիւնս իրենց ղրկած էր: Վերջին պահուն կ'իմանանք, թէ ֆրանսական կառավարութեան եւ խորհրդարանին մէջ կայ երկու հոսանք, մին կ'ուզէ հրաժարիլ Կիլիկիայէն եւ Սուրիայէն՝ ուրիշ տեղ փոխարինութիւն ստանալով. միւսը կ'ուզէ, որ Ֆրանսա մնայ հոն: Ֆրանսայի հոն մնալու պարագային՝ ի՞նչ ռեժիմ պիտի հաստատուի՞ որոշ չեն ըսեր, եւ «հայկական ինքնավար ռեժիմի» մը խօսքն անգամ չկայ: «Կիլիկիոյ բոլոր ազգայնութեանց իրաւունքները պիտի յարգուին». այս է բանաձեւը, զոր կը լսենք Քէ տ'Օրսէի մէջ: Չափազանց մեծ հաւանականութիւն կայ, որ թուրք գերիշխանութիւնը եւ վարչութիւնը պահպանուին ուրեմն Կիլիկիոյ եւ միւս հայ հողամասերուն մէջ: Մենք կը վախճանք նոյնիսկ, որ այդ գերիշխանութեան պահպանումը անխուսափելի ըլլայ ֆրանսական բռնբռոյլի տակ՝ եթէ ֆրանսացիք հոն մնան: Մենք մինչեւ վերջը պիտի պնդենք հայ տէրութեան չկցուելիք հայ շրջանները թուրք տիրապետութեան տակ չձգուին եւ Ազգերու Ընկերակցութեան հոգատարութեան տակ դուրսին:

Այն ըլլալով կացութիւնը, նոր ուրեմն մեզի կը մնայ անոր պատշաճեցնել ձեր դիրքը: Ֆրանսական իշխանութեանց հանդէպ բռնուած լեզուն ըլլալու է համեստ եւ ճապակ, քանի որ անոնց ձեռքն է առ այժմ Կիլիկիոյ պաշտպանութիւնը: Մահմետականաց հանդէպ պետք է զգուշանալ յարձակողական ռեւէ քայլէ, շատանալ ինքնապաշտպանութեամբ՝ յարձակմանց դէմ, մնալ չէզոք ամեն անգամ, որ կարելի է՝ զուր արիւնահեղութեան տեղի չտալու համար: Մէկ խօսքով, ամեն ջանք ընելու է, որպէսզի յարաբերութիւնները լաւ ըլլան ֆրանսական իշխանութեանց հետ եւ մահմետականաց հետ ալ modus vivendi մը գտնենք...»:

Ա. Չօպանեան

Տիար Ա. Չօպանեան. Ինչպէս ըսի, ապահով ենք, որ այդ նամակը ստացուած է այնտեղ մէկուկէս ամսէ ի վեր, բայց ահա այսօր կը ղրկեն հեռագիր մը, որ նամակին թելադրութեանց բոլորովին հակառակ տրամադրութենէ մը ներշնչուած է: Ուրիշ խնդիր, թէ պետք է նորէն դառնալ թուրքերուն հետ համաձայնութեան մը գալու տեսակետին: Ամեն պարագայի մէջ, Պատուիրակութիւնը չի կրնար ուղղակի կերպով այս տեսակ բանակցութեան մը ձեռնարկել, որովհետեւ եթէ Դաշնակիցները յանկարծ մասնաւոր կարգադրութիւն մը ընել որոշեն Կիլիկիոյ համար, Պատուիրակութեան կողմէ հակառակ ուղղութեամբ առնուած ռեւէ քայլ կրնայ վնասել այդ կարգադրութեան, նոյնիսկ քանդել գայն: Բայց այնտեղ մարդ կը ղրկուի, եւ Պատուիրակութիւնը կրնայ բերանացի թելադրութիւններ ընել:

Վեհ. Տ. Սահակ Կաթող. Կը կրկնեմ, որ շատ ուշ մնացինք ատոր համար: Որովհետեւ արդէն իսկ փորձ մը եղած է առանց արդիւնքի, նոյնիսկ թուրքերուն կողմէ: Ատանայի վալին՝ ճելալ Պէյ ուղղակի ինձի ըսաւ, թէ այս երկիրը ո՛չ մերն է, ո՛չ ձերն է, ո՛չ ալ Ֆրանսայի: Պէտք է, որ մենք՝ թուրքերս եւ դուք՝ հայերդ համաձայնիք: Խնդիր եղաւ, ժողովներ գումարուեցան, խորհրդակցութիւններ եղան, բայց, ինչպէս ըսի, ապարդիւն:

Չայներ. Ո՞վ արգելք եղաւ:

Վեհ. Տ. Սահակ Կաթող. Չէ՞ք հասկնար, թե ով: Ամեն պարագայի մէջ՝ ոչ գլուխը, այլ՝ ոտքերը:

Տիար Տրպետրեան. ժողով՞որդը...

Վեհ. Տ. Սահակ Կաթ. Ո՞չ: Ինչո՞ւ միշտ ժողովուրդը կը մեղադրէք: Վերջէն՝ թուրքերը անգամ մըն ալ այդ առաջարկը ըրին՝ յոյները միջնորդ դարձնելով, բայց դարձեալ կարելի չեղաւ: Ըլլալիքը ոչ այնքան քաղաքական կարգադրութիւն մը, որքան համերաշխութեան, փոխադարձ բարեացակամ յարաբերութիւններ հաստատելու պիտի ձգտէր: Եւ առիթը յարմար էր այդ միջոցին, որովհետեւ թուրքերը կը կարծէին, թէ ֆրանսացիք գաղտնի կերպով կը զինեն հայերը ու կը վախճային: Ատանայի հայերը իրօք չափազանց սպառնալից դիրք մը ունին, բայց զենքը առատ չէր իրենց մօտ: Գնդապետ Պրեմոնէն հազիւ 200 կտոր զէնք կրցանք առնել Ատանայի համար, մինչդեռ թուրքերը այն հաւատքն ունէին, թէ հայերուն մօտ այնքան շատ քանակութեամբ զէնք կայ, որ եթէ ուզեն, կրնան մէկ օրուան մէջ ջարդել բոլոր թուրքերը:

Տիար Վ. Թէքեան. Կացութիւնը բաւական պարզուեցաւ կարծեմ: Վեհափառին խօսքերէն կը հասկցուի, թէ շատ ուշ է Կիլիկիոյ հայ ժողովուրդն ու թուրքերը համաձայնութեան բերելու համար: Եթէ տակաւին կարելիութիւն մը կայ, անշուշտ կ'աշխատի նաեւ այդ ուղղութեամբ: Պետութեանց մօտ կատարուելիք դիմումներէն մեծ բան չենք կրնար սպասել, քանի որ յայտնի չկանութիւն մը կայ ամոնց մօտ: Միւս կողմէ, քանի որ չենք փափաքիր ժողովուրդէն հեռանալը, եւ արդէն անկարելի է վարժուիլ այդ տեսակ գաղափարի մը, պէտք է աշխատինք այդ ժողովուրդը զօրացնելու, որպէսզի միմեկը կարենայ դիմադրել իրեն սպառնացող վտանգներուն: Ասիկա պէտք է ընել գաղտնի միջոցներով: Պէտք է նախ հրահանգ տալ ժողովուրդին, որ իր մորթը ապահովելու համար ամեն կարելի բան ընէ, համաձայնի թուրքերուն հետ, սիրաշահի գտնուի, եւ մինչեւ այդ՝ գաղտնաբար զօրացնել զայն: Դիւր գործ մը չէ անշուշտ, բայց անկարելի ալ չէ, քանի որ թուրք տիրապետութեան ամենէն զօրեղ, ամեն տեղ կարելի կ'ըլլար զէնք անցընել Կիլիկիա, եւ յետոյ, արտասահմանի մէջ՝ պէտք է օգնութեան բռնող հոսանք մը գոյացնել Կիլիկիոյ համար: Այնտեղի ժողովուրդը ուրիշ ամեն ատենէ աւելի պէտք ունի հիմա գիտնալու, թէ այդ արտասահմանի հայերը զինքը չեն մոռցած ու չեն լքեր: Այստեղ, Անգլիա, Ամերիկա, վերջապէս ամեն կողմ պէտք է հիմակուրէն խոշոր գումարներ հաւաքուիմ, ո'չ թէ լոկ որբերու եւ այրիներու օգնութեան ամուսնով, ինչպէս կ'ըլլայ սովորաբար, այլ՝ Կիլիկիոյ ժողովուրդը ուժովցնելու այս նպատակին համար:

Ամեն. Դուրեան Արքեպ. Իբր տեղեկութիւն հաղորդեմ, որ Պոլսոյ մէջ ատոր մէկ փորձը եղաւ անցեալներս: Մասնաւորաբար Մարաշի կոտորածին հետեւանքով ահագին յուզում առաջ եկած էր. թէ՛ պաշտօնական շրջանակները եւ թէ՛ ժողովուրդը իրար անցած էին. գումարումներ, խորհրդակցութիւններ եղան օրերով. եկեղեցիները փակելու որոշումն ալ այդ վրդովման արդիւնքն էր: Պէտք տեսնուեցաւ զօրացնել Կիլիկիոյ ժողովուրդը, եւ սկսան ձեռնարկներ ըլլալ՝ ազգին զգացնելու համար, թէ պէտք է առատօրէն նպաստել Կիլիկիոյ ինքնապաշտպանութեան: Թերթեր հրատարակութիւններ ըրին այդ նպատակով, եւ մասնաւոր դրամահաւաք յանձնաժողովով մը կրցան գոյացնել 60000 ոսկի գումար մը: Ապահովութիւն տուած էին մեզի, թէ պիտի կրնան զէնք դրկել Կիլիկիա, բայց յայտնի չէ, թէ ի՞նչ եղաւ: Ժողովուրդը զինելու մտածումը գէշ չէ. դրամ հաւաքենք ատոր համար. բայց նախ պէտք է ապահով ըլլանք, թէ ժողովուրդը պիտի կրնա՞յ ստանալ այդ զէնքերը:

Տիար Գ. Ֆնտզեան. Այնպէս կը կարծեմ, որ հակառակ բոլոր անցեալ հիասթափութեանց, իրաւունք չունինք թերահաւատ ըլլալու Անգլիոյ կատարուելիք դիմումի մը մասին: Կրնայ ըլլալ, որ դարձեալ յուսախաբ ըլլանք, բայց այդ հաւանականութիւնը պէտք չէ պատճառ դառնայ, որ նորէն չփորձենք: Երբ վերջին

անգամ Անգլիոյ մէջ հաղորդուեցաւ Կիլիկիոյ պաշտպանութեան հարցը, Լորդ Քըրզոն յայտարարեց Լորդերու ժողովին մէջ, թէ իր կառավարութիւնը ամեն ջանք թափելու վրայ է, որ Ֆրանսա չհեռանայ Կիլիկիայէն եւ իր գտնուող քրիստոնեաները պաշտպանելու ծանր պաշտօնը ստանձնէ: Ասիկա կ'ենթադրէ, թէ խորհրդակցութիւն մը տեղի կ'ունենար Անգլիոյ եւ Ֆրանսիոյ միջեւ այդ մասին, եւ թէ սկզբունքը ընդունուած էր: Անգլիա չի՛ կրնար հանդուրժել, որ աշխարհի, մասնաւոր Ամերիկայի հանրային կարծիքին առջեւ պատասխանատու մնայ, թէ ֆրանսացուց մեկնելէն ետքը հայ ժողովուրդը բոլորովին անպաշտպան ձգած է թուրքերուն ձեռքը: Միւս կողմէ՝ ուրիշ կէտ մըն ալ կայ, որ յուսատու կը դառնայ այս պարագային: Դաշնակիցները որոշեցին թուրքերը պահել Պոլսոյ մէջ, այն մտածմամբ, թէ Պոլսէն աւելի հեշտ կրնան ճնշում բանեցնել թուրքերուն վրայ, մինչդեռ եթէ Անատոլու գտնուէին, դժուար պիտի ըլլար այդ ճնշումը ընել: Յայտնեցին նաեւ, որ եթէ Թուրքիա չգործադրէ դաշնագրին պայմանները, պիտի խստացնեն զանոնք, եւ այդ խստութիւններէն առաջինը պիտի ըլլայ թուրքերը վերջնականապէս Պոլսէն վտարելը: Քանի որ թուրքերուն վրայ ճնշում բանեցնելու միջոցներ չեն պակսիր, չեն կարծեր, թէ երբ Կիլիկիոյ ժողովուրդին պաշտպանութեան համար դիմում ընենք Անգլիոյ, ըստ թէ կարելիութիւն չկայ: Կը կրկնեմ, որ պէտք չէ յոյսերմիս կարենք Անգլիայէն:

Տիար Տիար Տեովէթեան. Ինքզինքնիս չխաբենք: Մարաշի դէպքերէն ետքն ալ դիմումներ ըրինք Անգլիոյ: Պատասխանեցին, թէ Ֆրանսայի գացէ՛ք: Չեմ յուսար, որ դրական բան մը ընեն հիմա: Ինչ որ պէտք է ընել՝ ատիկա մեր ընելիքն է: Պէտք է որոշենք, թէ ի՞նչ կրնանք ընել: Կ'առաջարկեմ, որ Պատուիրակութիւնը կարելոր մէկը դրկէ Կիլիկիա, որպէսզի երթայ անձամբ տեսնէ, քննէ եւ հաղորդէ իրեն բուն կացութիւնը:

Տիար Չօպանեան. Մարդ դրկելու մասին Պատուիրակութիւնը երբեք չէ թերացած: Դեռ վերջերս՝ շատ լուրջ, շատ արժանի անձ մը դրկել որոշած էինք՝ Տոթթ. Արթինեանը, բայց դժբախտաբար, անձնական հարկեցուցիչ պատճառներ զինքը արգիլեցին: Անկէ ի վեր՝ ուրիշ մը կը փնտռենք: Քանի որ Կիլիկիոյ ինքնապաշտպանութեան մասին ակնարկութիւններ եղան, ըսեմ որ Պատուիրակութիւնը այդ մասին ալ չթերացաւ: Երբ Լոնտոն էինք, երկու Պատուիրակութեանց Նախագահները եւ Չաւէն Պատրիարք համախումբ հեռագրեցին Ամերիկա, որ Կիլիկիային կարելոր գումար մը դրկեն բացարձակապէս ինքնապաշտպանութեան նպատակին համար: Գիտենք, որ շատ մեծ գումարներ դրկուեցան, եւ պէտք է հասած ըլլան Կիլիկիա, որովհետեւ վերջերս Պ. Տամատեան մեզի ծանուցած էր, թէ դրամական անձկութեան մը միջոցին ստիպուել էին ինքնապաշտպանութեան դրամէն փոխառութիւն մը ընել հիւանդանոցին համար:

Ամեն. Դուրեան Արքեպ. Գիւանդանոցը կ'ուտէ արդէն մեր կեանքը:

Տիար Տէր-Ստեփանեան. Ինձի կը թուի, թէ ո'չ այսօրուան քաղաքական դրութեան կատարելապէս տեղեակ ենք, հետեւաբար՝ ո'չ ալ ապագայ հաւանականութիւններուն: Դաշնագիր մը կայ, որ դեռ չէ ստորագրուած եւ որուն բախտը ի՞նչ պիտի ըլլայ՝ չենք գիտեր: Դրութիւնը կրնայ հիմնապէս փոխուիլ եւ կրնան ստեղծուիլ նոր վտանգներ, եւ կան նպաստաւոր կարելիութիւններ: Տրուած ըլլալով ասիկա, մենք պէտք է հրաժարինք մեր աղանձի քաղաքականութենէն: Պէտք է չվարանինք զանագամ ուղղութեանց միտող ձեռնարկներ միանգամայն ընել, պատրաստ ըլլալու համար ամեն տեսակ պատահականութեանց: Քաղաքականութիւնը եապէս անպարկեշտութիւն է եւ մենք չէ, որ պիտի կրնայինք անոր օրէնքներէն խուսափիլ: Գիտենք, որ պէտք է առաջարկուած երեք ուղղութեամբ ալ գործենք միեւնոյն ատեն, տուեալ վայրկեանին ելից հնար մը ունենալու համար: Քեանախտներու հետ պէտք է բոլորովին անպաշտօն կերպով բանակցութեան մտնենք: Այդ բանակցութեանց թերեւս յարմարագոյն կերպով կրնայ ըլլալ Պոլիս, որուն հետ, ինչպէս եւ Կիլիկիոյ հետ, սուրհանդակներու միջոցաւ պէտք է

հաղորդակցութիւն հաստատել: Այս բանակցութիւնները կատարուելու են այն տեսակ եղանակով մը, որ յառաջիկային՝ եթէ քաղաքական դրութիւնը նպաստաւոր դառնայ, մեզի վնասակար չըլլան: Այս տեսակ քաղաքականութենէ մը խրտչելու չենք, քանի որ ամեն տերութիւն նոյն ճամբով կը գործէ: Պէտք է միեւնոյն ատեն զաղտնի կերպով զօրացնենք Կիլիկիոյ հայութիւնը, ինքնապաշտպանութեան կարելիութիւնը ընծայելով անոր: Իսկ այստեղ եւ Լոնտոն շարունակել մեր սովորական դիմումնային քաղաքականութիւնը: Այս ամբողջ ձեռնարկներուն մանրամասնութիւնները եւ գործադրութեան եղանակները պէտք չէ, որ Համագումարը որոշէ, այլ՝ գործադիր պատասխանատու մարմինը: Իմ կարծիքս է, որ Արեւելքի բարդ քաղաքականութիւնը նոյնպէս բարդ քաղաքականութիւն մը կը պարտադրէ մեզի, եւ թէ այդ է միակ ելքի միջոցը:

Տիար Ա. Թերզիպաշեան. Դրութիւնը մեզի համար պարզ է, Դաշնագիրը Կիլիկիան տուեր է թուրքերուն: Կը կարծեն, որ պէտք է այժմէն հաշտուիմք այս իրականութեան հետ: Անգլիա, ինչպէս նաեւ Դաշնակիցները, փոքրամասնութեանց պաշտպանութիւնը ստանձնած են արդէն: Կը հետեւի, ուրեմն, որ անոնց պաշտպանութեան կրնանք դիմել, ինչպէս նաեւ ինքնապաշտպանութեան բնական միջոցին: Իսկ մեր քաղաքականութեան առանցքն ըլլալու է դաշնագրին հիմնական վճիռը, որ արդէն տրուեր է՝ Կիլիկիան թուրքերուն թողլով: Մեզի երկու ճամբայ կը մնայ ուրեմն. կա՛մ հաշտուիլ այս իրականութեան հետ՝ եթէ երբեք մեր վերջին յոյսերը անէաճան եւ կա՛մ թէ հեռանալ Կիլիկիայէն:

Ամեն. Դուրեան Արքեպիս. Ի՞նչ իրաւունքով կրնանք ստիպել ժողովուրդը, որ ելլէ իր հայրենիքէն: Թող իրենք *modus vivendi* մը գտնեն թուրքերուն հետ մնալու համար:

Տիար Թերզիպաշեան. Ես չեմ ըսեր, թէ որոշենք որ ժողովուրդը ելլէ, այլ՝ մեզի ներկայացուած հարցին երկու երեւոյթներն են, որ կը պարզեն: Ես կը կարծեն, որ այսօրուրէն պէտք է Պատուիրակութիւնը սկսի նախապատրաստական աշխատանքը, անակնկալի չգալու համար, ըստ որուն՝ դաշնագրին ստորագրութիւնը շաբաթներու հարց է, մինչդէռ մենք Կիլիկիա մարդ դրկելու համար շատ անգամ ամիսներ սպասելու կը հարկադրուինք:

Տիար Զ. Պատիկեան. Կիլիկիոյ ժողովուրդին ելլելը կամ չելլելը աւելի ապագայի հարց է: Կիլիկիոյ ժողովուրդը չէ ընդունած դաշնագիրը, միշտ բողոքող պիտի մնայ անոր դէմ: Հիմա ամիջականը սա է, որ ժողովուրդը վտանգի տակ է: Պէտք է խորհիլ, թէ ինչ միջոցներ ձեռք առնելու է, որ երբ ֆրանսացիք քաշուին, ջարդեր տեղի չունենան: Տէրութեանց պիտի դիմենք ասոր համար եւ թէ՛ Մուսթաֆա Քեմալի հետ պիտի բանակցինք: Կարծեն, թէ երկուքն ալ կրնանք ընել: Եթէ ժողովդ համամիտ գտնուի, կրնանք փորձել Տիար Ֆետուլեանի առաջարկած միջոցը: Միւս կողմէ, կրնանք նաեւ սկսիլ թուրքերուն հետ բանակցելու: Կան թուրքեր, որոնք լաւ դեր մը խաղցան տարագրութեան ընթացքին, ինչպէս **Պեթի Համիթ**, Ալի Հայտար Պէյ, ու նաեւ Ատանայի արդի վալի Ճելալ Պէյը: Ասոնք սերտ յարաբերութեան մէջ են Մուսթաֆա Քեմալի հետ: Խնդիր է, թէ ինչպէ՞ս բանակցութեան պիտի մտնուի անոնց հետ: Բայց անգամ մը, որ սկզբունքը ընդունուի, անշուշտ միջոց մը կը գտնուի, եւ պէտք է գտնուի՝ նկատի առնելով վերահաս վտանգը, որ կը սպառնայ Կիլիկիոյ ժողովուրդին:

Տիար Տոքթ. Բարսեղեան. Կասկած չկայ, որ առաջարկուած երեք միջոցներու ուղղութեամբ ալ պէտք է աշխատիլ: Սակայն, պէտք է նկատի առնել կարգ մը պարագաներ:

Առաջին: Միլլիճիներու հետ բանակցութեանց միջոցին պէտք է նկատի ունենանք, որ մենք երբ բան մը կը պահանջենք, անոնք ալ փոխադարձաբար մեզմէ բան մը կը սպասեն: Անոնց գլխաւոր ուղղութիւնը այն է, որ Կիլիկիոյ, ինչպէս միւս թրքական նահանգներուն մէջ հայերը՝ ներկային եւ մօտիկ ապագային՝ իրենց վտանգ սպառնացող մեծամասնութիւն մը չունենան: Եւ եթէ մենք նոյնիսկ յաջողինք այժմ

համաձայնութեան մը զալ անոնց հետ, ֆրանսացուց մեկնելէն ետքը ամեն մէկ առիթին պիտի օգտուին այդ մեծամասնութիւնը յանձնառացնելու զանազան պատրուակներով: Համաձայն եմ Համագումարի Նախագահին, որ զանգուածային գաղթ մը կրնայ աղիտաբեր ըլլալ: Բայց արդեօք կարելի չէ՞ թելադրել, որ միջոց ունեցողները, որոնց գաղթը կրնայ տեղի ունենալ սովորական ճամբորդութեան մը պայմաններով, առանց իրենց թիւը նուազեցնելու, առ այժմ մեկնին Կիլիկիայէն եւ, այս կերպով, միլլիճիները վտանգաւոր նկատուող մեծամասնութիւն մը չտեսնեն: Այս պարագային, թէ՛ բանակցութիւնները կը դիւրանան եւ թէ՛ գործադրութիւնը կ'ապահովուի: Պայման կը նկատեն միայն, որ այս բանակցութիւնը վարողներն ըլլան տեղական ժողովուրդի ներկայացուցիչները:

Երկրորդ միջոցը՝ ինքնապաշտպանութիւնը՝ պէտք է շատ զգուշաւոր ըլլայ, եւ Կիլիկիա մնալիք փոքրամասնութիւնը բաղդադաբար ապահովելու նպատակին ծառայէ: Այս ալ պիտի ըլլայ միմիայն տեղական ոյժերու միջոցով: Հասկնալի է հարկաւ, որ դուրսէն այդ նպատակով անհրաժեշտ նիւթական միջոցները պէտք է հայթայթուին:

Այս երկու խնդիրներուն համար, որոնց գործադրութիւնը այնտեղի ոյժերուն կը մնայ, նոր մարդ մը դրկելու ալ պէտք չկայ, քանի որ Վեհ. Կաթողիկոսը առաջին առթիւ պիտի մեկնի, եւ այս բոլոր տեսակետները, ինչպէս քիչ մը աւելի խոհեմութեամբ վարուելու անհրաժեշտութիւնը լաւագոյն կերպով մը կրնայ բացատրել:

Գալով երրորդ տեսակետին, ի հարկէ պէտք է ամեն հնարաւոր դիմումներն ընել Դաշնակից պետութեանց մօտ եւ ատ ալ կ'ընեն անշուշտ այստեղի պաշտօնական մարմինները:

Վսեմ. Տիար Գ. Նորատունկեան. Պիտի խնդրեմ, որ Պատուիրակութիւնն իր յառաջիկայ նիստին մէջ նկատողութեան առնելով խնդրոյն բազմակողմանի հանգամանքները, որոշ առաջարկութիւն մը բերէ Համագումարին:

Տիար Ա. Զօպանեան. Պատուիրակութիւնը պիտի ընէ պէտք եղածը: Բոլոր անհրաժեշտ դիմումները պիտի կատարուին պետութեանց մօտ, հարկ եղած ամբողջ կորովով ու աշխրջութեամբ: Միւս կողմէ՝ կը մտածենք դարձեալ մեծ միթինկ մը սարքել ո՛չ թէ մենք անձամբ, այլ՝ ֆրանսական քաղաքական խմբակցութեան մը կողմէ, ինչպէս անցեալներս ըրինք՝ Մարդկային Դաշնակցութեան միջոցով, եւ այս շատ մեծ յաջողութիւն մը գտաւ:

Տիար Վ. Թէքեան. Պէտք է Անգլիոյ մէջ սարքել տալ այդ տեսակ միթինկ մը, քանի որ տեսանք արդէն, թէ Ֆրանսայի մէջ եղածները մեծ արդիւնք մը չեն տար:

Տիար Ա. Զօպանեան. Միւս կողմէ՝ ինչպէս անցեալ նիստին ալ ըսի, արդեօք լաւ չըլլա՞ր, որ Համագումարը ինք ալ հանդիսաւոր բողոքագրով մը արտայայտուի Կիլիկիոյ մասին՝ տէրութեանց մօտ:

Վսեմ. Տիար Գ. Նորատունկեան. Երբ այդ տեղեկութիւնները բերէք, Համագումարս նկատողութեան կ'առնու կարելորդ:

Նիստը փակուեցաւ ժամը 7-ին:

ՀԱԱ, ֆ. 430, ց. 1, գ. 63, թթ. 23-49: Ձեռագիր: Բնագիր:

## Նիստ ժՁ

14 Յունիս 1920, ժամը 5-ին,  
Նախագահութեամբ Վսեմ. Տիար Գ. Նորատունկեանի:

Ներկայ էին 16 պատգամաւոր՝

Ամեն. Դուրեան Արքեպ., Տոքթ. Բարսեղեան, Դաւիթ-Քէլ, Թերզիպաշեան, Թէքեան, Հանըմեան, Մարըլը, Տոքթ. Նելուզ, Վսեմ. Գ. Նորատունկեան, Զօպանեան, Պոտիկեան, Սինապեան, Տէրպետերեան, Տէր-Ստեփանեան, Տէօվլէթեան, Ֆնտզեան:

**Օրակարգ**

- 1. Շարունակութիւն վիճարանութեան Ազգ. Պատ. համարատուութեան
- 2. Տեղեկագիր Ազգ. Պատ. Կազմական Կանոնագրի Յանձնաժողովին
- 3. Վերակազմութիւն Ազգ. Պատուիրակութեան

**Օրակարգ**

- 1. Շարունակութիւն վիճարանութեան Ազգ. Պատ. Համարատուութեան.

Վսեմ. Տիար Գ. Նորատունկեան. ժողովին բացումէն քանի մը վայրկեան առաջ ստացայ Ազգ. Պատուիրակութեան Վսեմ. Նախագահին եւ Պատուիրակութեան անդամներուն կողմէ ուղղուած նամակներ, որոնք պիտի կարդացուին:

Կարդացուեցան Պատուիրակութեան Նախագահ Վսեմ. Պօղոս Փաշա Նուպարի եւ Պատուիրակութեան անդամ Տիարը Արշակ Զօպանեանի եւ Վահան Թէքեանի հետեւեալ նամակները.

**Ա. Նամակ Վսեմ. Պօղոս Փաշա Նուպարի**

Փարիզ, 12 Յունիս 1920.

Տիար Նախագահ  
Հայկական Ազգ. Համագումարին,  
Փարիզ.

Տիար Նախագահ,  
Այն եօթ տարիները, որոնց հինգը պատերազմին սկզբնաւորութենէն ասդին, զորս նուիրեցի մեր ազգային դատին պաշտպանութեան, այն աստիճան յոգնութիւն պատճառած են ինծի եւ այնքան ուժեղ կերպով խախտած են առողջութիւնս, որ կը հարկադրուիմ հրաժարիլ Ազգ. Պատուիրակութեան Նախագահի պաշտօնէն, զոր ինծի վստահելու շատ մեծ պատիւը ըրած էին նախ՝ Ն. Ա. Օծութիւն Կաթողիկոսը եւ յետոյ՝ մեր Ազգ. Համագումարը:

Քանի ատեն է ի վեր արդէն որոշած էի հրաժարիլ եւ յետաձգած էի այն յոյսով, թէ ոյժերս պիտի ներեն դիմանալ մինչեւ Թրքական Խնդրին լուծումը: Այս մասին տեղեկութիւն տուած էր մեր Ամեն. Չաւէն Պատրիարքին, Փարիզէն մեկնելէն առաջ, տեղեկութիւն տուած էի նաեւ Չեզի, մեր վերջին տեսակցութիւններէն մէկուն ընթացքին: Բայց երկու պատճառներ զիս կը հարկադրէին հրաժարիլ անմիջապէս:

Նախ՝ որ այսօր այլեւս տարակոյս չկայ, թէ թուրքերը չպիտի ընդունին դաշնագիրը, եւ Հայկական Խնդիրը տակաւին ժամանակ մը անլոյծ պիտի մնայ: Զպիտի կրնամ մինչեւ այն ատեն յարատեւել այն յոգնած վիճակին մէջ ուր կը գտնուիմ, եւ որ այս մեծ տարիքիս մէջ զիս անկարող կը դարձնէ տալու ամբողջ աշխատութիւնը, զոր մեր ազգը իրաւունք ունի ինձմէ սպասելու, ինչպէս սպասած է անցեալին մէջ:

Միւս կողմէ՝ իմ պաշտօնս ստացած ըլլալով Ազգ. Համագումարէն, որ քիչ օրէն պիտի աւարտուի, եւ իմ յաջորդը ընտրելու ձեռնհասութիւնս ալ Համագումարին միայն պաքթանելուն, անհրաժեշտ է, որ հրաժարիմ իր աւարտուելէն առաջ, որպէսզի կարելիութիւն ունենայ, տակաւին իր աշխատութիւնները չլրացուցած, նոր նախագահ մը ընտրելու եւ նոր տիրեքիւններ տալու անոր:

Պատիւն ունիմ, ուրեմն, նոր Ազգ. Համագումարին ներկայացնելու իմ հրաժարականս՝ Ազգ. Պատուիրակութեան նախագահութեան պաշտօնէն եւ իրեն յայտնելու այն ցաւը, զոր կը զգամ իրմէ բաժնուելով:

Կ'ուզեմ աւելցնել, թէ խոր յուզումով մը կը թողում այս պաշտօնը, որուն նուիրուած էի ամբողջ էութեամբս. որովհետեւ՝ բնաւ չպիտի մոռնամ այն բազմաթիւ քաջալերութիւնները եւ վեհանձն զգացումները, որոնց այնքան սրտայոյզ ու հայրենասիրական ապացոյցները տուին ինծի բոլոր երկրներուն մէջ գտնուող հայրենակիցներս, այս տկար ու ցաւազին տարիներուն ընթացքին, եւ ամեն առթիւ: Մինչեւ իմ վերջին շունչս՝ խանդաղատալից երախտագիտութիւն մը պիտի պահեմ այն վստահութեան համար, զոր դրին իմ վրաս, եւ որ, ամենէն միջն օրերուն մէջ, միմակը ինծի զօրավիզ եղաւ եւ զիս սրտապնդեց:

Բայց, որքան ալ տակաւին անձկութեան պահեր ունենամք անցընելիք, կը մօտենայ այն ժամը, որ մեր արի ազգը, որուն տառապանքները այս պատերազմին ընթացքին իրենց տոսկունով գերազանցեցին ինչ որ պատմութիւնը արժանագրած էր մինչեւ այդ ատեն, պիտի ողջունէ իր վերածնութեան արշաւոյսը. այս յոյսն է, որ կը մխիթարէ զիս՝ տակաւին ատեն մըն ալ Հայաստանի համար աշխատելու այս անկարողութեան մէջ:

Հաճեցէ՛ք ընդունիլ, Տիար Նախագահ, իմ շատ բարձր մեծարանաց հաւաստիքը:

/ստորագրուած/ Պօղոս Նուպար

Հ. Գ. ինչպէս իմ պարտականութիւնս է, այս նամակը, ձեզի դրկելէ առաջ, հաղորդեցի Ազգ. Պատուիրակութեան իմ պաշտօնակիցներուն, որոնք, համերաշխութեան ոգիով մը, ինծի պաշտօն կը յանձնեն յայտնելու, թէ իրենք ալ կը հրաժարին, որպէսզի Համագումարը կարենայ նոր Ազգ. Պատուիրակութիւն մը ընտրել:

Պ. Ն.

**Բ. Նամակ Տիար Ա. Զօպանեանի**

Փարիզ, 14 Յունիս 1920.

Վսեմ. Պ. Գաբրիէլ Նորատունկեան,  
Նախագահ Հայ Ազգ. Համագումարի,

Պարոն Նախագահ,  
Ազգային Պատուիրակութեան Նախագահը որոշած ըլլալով տալ իր հրաժարականը, պատիւ ունիմ յայտնել Ձեզ, որ կը միացնեմ իմ հրաժարականս իրենին:

Ընդունեցէ՛ք, Պարոն Նախագահ, մեծարանաց հաւաստիքը:

Ա. Զօպանեան

**Գ. Նամակ Տիար Վ. Թէքեանի**

Փարիզ, 14 Յունիս 1920.

Վսեմաշուք Տիար Գ. Նորատունկեան, Նախագահ Ազգ. Համագումարի,  
Տէր Նախագահ,

Ազգ. Պատուիրակութեան մեծանուն Նախագահին կողմէ պաքթանելի ժողովի մատուցուած անձնական հրաժարագրին յարակից՝ պատիւ ունիմ Ձեզ ներկայացնելու նոյն Պատուիրակութեան անդամակցութենէ հրաժարականս:

Երբ տասնէւչորս ամիս առաջ Պատուիրակութիւնը ընտրուեցաւ Համագումարէն, ո՛չ ընտրեալները եւ ո՛չ ալ ընտրողները կը խորհէին, թէ անոր պաշտօնավարութիւնը այսքան երկարատեւ պիտի ըլլայ: Հայկական Խնդիրը դեռ այսօր իր վերջնական լուծումին յանգած չէ, բայց Համագումարին երկրորդ



նստաշրջանին ներկայիս հաւաքուճը՝ իմ մասիս հնարաւոր եւ հարկ կ'ընծայէր վերադարձնել անոր ինծի վստահած պաշտօնը՝ մեր պաշտօնավարութեան վերաբերմամբ իր դատաստանը լսելէ անմիջապէս ետք: Պատուիրակութեան Նախագահին հրաժարականը թեւ զիս կը ստիպէ մի քանի օրով կանխել այդ որոշումն, բայց աւելորդ չէմ համարեր յայտնել, թէ կը նկատեմ ինքզինքս միշտ ենթակայ այդ դատաստանին, ըստ որում՝ կ'ընդունիմ լիակատար պատասխանատուութիւնը Ազգ. Պատուիրակութեան բովանդակ գործունէութեան:

Մնամ ամենախորին յարգանք  
Անդամ Յայ Ազգ. Պատուիրակութեան

Վահան Թէքեան

Տիար Տոքթ. Ներուզ. Ես առանձին նամակով իմ հրաժարականն չէի ծանուցած, նկատելով, որ Պատուիրակութեան Նախագահը Պատուիրակութեան անդամներուն ալ հրաժարած ըլլալը ծանուցած է իր նամակին մէջ, բայց քանի որ միւս ընկերներս պէտք տեսեր են առանձին նամակ գրելու, կը ծայնակցիմ Տիար Վահան Թէքեանի նկատմաններուն, եւ կը խնդրեմ Յամագումարին, որ իմ կողմէ ալ ստորագրուած նկատէ իր նամակը:

Տիար Արշակ Չօպանեան. Ես ալ կը ծայնակցիմ այդ նկատմաններուն:

Վսեմ Տիար Գ. Նորատունկեան. Տարակոյս չկայ, որ Յամագումարը համամիտ պիտի գտնուի ինծի, թէ պէտք է մերժուիմ այս հրաժարականները: Այսպիսի ճգնաժամային տեսնուան մը մէջ պէտք չէ, որ հրաժարականի խնդիր գոյութիւն ունենայ մեր օրակարգին վրայ: Որքան ալ յարգելի ըլլան Պատուիրակութեան Վսեմ. Նախագահին մէջ բերած պատճառները, կը յուսամ որ կոչոււմ ընելով թէ՛ իր եւ թէ՛ Պատուիրակութեան յարգելի անդամներուն հայրենասիրութեան, պիտի յաջողինք զիրենք ետ կեցընել այս մտադրութենէն:

Տիար Տէրպետեան. Կ'առաջարկեմ, որ Յամագումարս, սակայն, մասնաւոր պատգամաւորութիւն մը դրկէ Ն. Վսեմութեան մօտ, խնդրելով որ ետ առնէ իր հրաժարականը:

Տիար Վահան Թէքեան. Այս առաջարկութեան առթիւ ինծի պարտք կը նկատեմ յայտնել, թէ Պատուիրակութեան Նախագահը երբ իր որոշումը ծանոյց մեզի, ըսաւ թէ անդառնալի է. այս կերպ կրկնեց ու շեշտեց, աւելցնելով, որ իրեն համար այլեւս բացարձակապէս անկարելի է շարունակել իր աշխատութիւնը եւ թէ իր հրաժարականը ձեւականութիւն մը չէ: Գալով մեր հրաժարականներուն, այսօրուան համար անոնք կը բղխին այդ հրաժարականէ: Վաղուան համար ալ վերջնական է զոնէ իմս, քանի որ միայն իմ անունովս կրնամ խօսիլ:

Տիար Չօպանեան. Երբ Փաշան հրաժարելու որոշումը յայտնեց, բնականաբար խնդրեցինք, պնդեցինք զոնէ տակաւին ատեն մը, զոնէ մինչեւ դաշնագրին ստորագրութիւնը շարունակէ իր աշխատութիւնը: Մերժեց, առարկելով, թէ իր առողջական վիճակը չի ներեր, յիշեցուցինք իրեն թէ շատ անգամներ զինքը տկար տեսած էինք արդէն եւ թէ հակառակ ստոր, միշտ աշխատած էր իր սովորական ախնոով եւ կորովով: Յիշեցուցինք նաեւ, թէ ինք տրամադրութիւն յայտնած էր Յամագումարին մէջ՝ մինչեւ դաշնագրին ստորագրութիւնը մնալու իր պաշտօնին գլուխը, եւ նոյնիսկ այստեղ առաջարկ բերաւ, առաջարկ, որուն Պատուիրակութեան բոլոր անդամներս ալ համաձայն էինք, որ Յամագումարի Նախագահն ալ այսուհետեւ անդամակցի Պատուիրակութեան: Այս ամենը ըսինք, կրկնեցինք, աւելցնելով, որ ինք պիտի պատճառէ ընդհանուր հետապնդութեան համար եւ թէ իր մեկնումը մեծ ցաւ պիտի ապտճառէ ընդհանուր հայութեան: Բայց օգուտ չըրաւ: Պէտք է աւելցնեմ, որ ես ինքս ալ, բացի Նախագահին հրաժարման միանալու որոշումէս, արդէն իսկ չափազանց յոգնած եւ ուժասպառ կը գտնեմ զիս: Իմ հեռացումս արդէն մեծ նշանակութիւն մը չունի: Լաւագոյն կը նկատեմ, որ աւելի թարմ ոյժեր գան լծուին այս ծանր գործին:

Տիար Տէր-Ստեփանեան. Պիտի խնդրի Պատուիրակութեան անդամներէն, որ անկեղծօրէն ըսէին, թէ արդեօք նախորդ նիստին մէջ ներկայացուած բանաձեւերը ոեւէ ազդեցութիւն ունեցա՞ն այս որոշման վրայ:

Տիար Տէրպետեան. Այդպէս բան չէ յիշատակուած հրաժարականներուն մէջ:

Տիար Տէր-Ստեփանեան. Գիշդ է, պաշտօնապէս չէ յիշուած, բայց այդ չէ իմ հասկնալ ուզածս:

Տիար Տոքթ. Ներուզ. Պատուիրակութեան Նախագահին նամակէն իսկ կը հասկցուի, թէ շատ աւելի առաջ որոշած էր հրաժարիլ: Այս որոշումը իր մօտ անխախտ էր, բայց չէր յայտնած, այն յոյսով, թէ մօտ է Յայկական Յարցին լուծումը, եւ պիտի կրնայ իր աշխատութիւնը շարունակել տակաւին ատեն մը: Նոյնիսկ այս մտադրութիւնը Ս. Պատուիրակին յայտնեց ճիշդ այն օրը միայն, որ Ն. Ամենապատուութիւնը Փարիզէն կը մեկնէր, որպէսզի լուրը չտարածուի: Այդ օրը ըսաւ նաեւ Ն. Ամենապատուութեան, որ եթէ Պոլիս իմանան, թէ հրաժարած է իր պաշտօնէն, ուրիշ պատճառի չվերագրեն եւ աւելորդ վրդովում չունենան: Մենք ալ կը հրաժարինք՝ խտրաբիւրով Ն. Վսեմութեան նկատմաններուն առջեւ եւ իրեն հետ Պատուիրակութեան գործունէութեան մասին ամեն պատասխանատուութիւն կը ստանձնենք Յամագումարին հանդէպ:

Վսեմ. Տիար Գ. Նորատունկեան. Վսեմ. Փաշային նամակին մէջ իմ անունս ալ յիշուած ըլլալուն, ու միւս կողմէ՝ տրուած տեղեկութիւններն ամբողջացնելու համար պէտք կը տեսնեմ ըսելու, թէ, արդարեւ, ասկէ քանի մը օր առաջ Վսեմ. Փաշան ինծի յայտնեց իր հրաժարելու մտադրութիւնը, առարկելով, որ յոգնած է: Այդ առթիւ աւելորդ է նաեւ այս՝ թէ երբ Յամագումարին անցեալ միստերէն մեկուն մէջ պնդեց, որ անմիջապէս, առանց ապագայ տիրէթիւններու հարցին անցած ըլլալու, զիս ալ իրեն աշխատակից ունենայ, պատճառը սա էր, որ կը փափաքէր յաջորդութիւն մը պատրաստել, որպէսզի իր հրաժարման միջոցին Պատուիրակութիւնը միշտ ամբողջ մնայ: Պատասխանեցի շատ որոշ կերպով եւ շատ ալ անկեղծութեամբ, թէ ինծի համար բացարձակապէս անկարելի է Պատուիրակութեան մէջ պաշտօն ստանձնել. եւ թէ նոյնիսկ հրաժարելու պարագային, պէտք է ընտրուի այն տեսակ անձ մը, որ կարենայ շարունակաբար մնալ Պատուիրակութեան հետ: Ինչպէս Տիար Տոքթ. Ներուզ ըսաւ, Ն. Վսեմութեան հրաժարելու մտադրութիւնը այսօրուան խնդիր չէ. այս խնդիրը երեւան գալէն շատ առաջ արդէն յայտնած էր այդ մտադրութիւնը:

Տիար Տիրան Տեովլէթեան. Ինչ որ ալ ըլլան շարժառիթները, այս միջոցիս բացարձակապէս սխալ է Պատուիրակութեան հրաժարումը, որ պարզապէս մեր թշնամիները պիտի ուրախացնէ: Յամարատուութեան միջոցին քննադատութիւններ եղան, նոյնիսկ շատ կծու քննադատութիւններ, բայց չեմ կարծեր, որ անոնք ուղղուած ըլլային Պատուիրակութեան դէմ: Եղած քննադատութիւնները՝ Պատուիրակութեան գործունէութեան մեթոտին դէմ էին միայն, եւ ատոնք ալ եղան որպէսզի գործուած սխալները չկրկնուին: Յայտնի կ'երեւայ, թէ Վսեմ. Փաշան ազդուած է այդ քննադատութիւններէն: Ռովիտեմէ՝ նստաշրջանին սկիզբը չունէր այս տեսակ մտադրութիւն մը. նոյնիսկ ատոր բոլորովին հակառակ տրամադրութիւն մը ցոյց տուաւ՝ ակնարկելով Պատուիրակութեան ապագայ գործունէութեան եւ փափաքելով, որ Յամագումարին Վսեմ. Նախագահն ալ գործակցի իրեն: Կը ծայնակցիմ, ուրեմն Տիար Տէրպետեանի, եւ ես ալ կ'առաջարկեմ, որ մասնաւոր պատգամաւորութիւն մը, եթէ ժողովը փափաքի՝ Դիւանը երթայ Ն. Վսեմութեան մօտ եւ ժողովիս անունով խնդրէ ետ առնել իր հրաժարականը: Ողբալի պիտի ըլլար ասանկ ատեն մը հրաժարած տեսնել Ազգին դէկը ձեռքերնին ունեցող մարդիկը:

Ամեն. Դուրեան Արքեպիսկոպոս. Այս հրաժարականներուն շարժառիթը, որքան ալ ծածկել ուզեն, շատ որոշ կ'երեւայ: Վսեմ. Փաշան դեռ քանի մը օր առաջ՝ ինչ տիրէթիւններու մասին խօսելու առթիւ, խօսք ըրաւ ապագայ տիրէթիւններու, ինչ որ կ'ենթադրէ, թէ մտադիր էր իր աշխատութիւնը շարունակելու: Տարակոյս չկայ, որ եղած

քննադատութիւնները ազդեցին թե՛ Փաշային եւ թե՛ իր պատուական ընկերներուն վրայ: Յայտնի է, սակայն, թէ աշխատանքին մէջ չէ որ բան մը պակասած է, այլ այն տեսակ պատճառներ, որոնք դիւանագիտական էին ու անպատմելի, թոյլ չեն տուած, որ այդ աշխատանքը պատկուի: Մենք, սակայն, այդ պատճառները իրած ըրինք բերինք Պատ.-թեան վիզը պլլեցինք: Անյաջողութեան պարագային սովորութիւն ունինք արդէն միշտ յանցարար մը փնտրելու: Հիներուն մէջ, երբ քրմապետը եզը մորթէր, դատաստան կ'ըլլար, թէ ո՞վ մորթեց եզը, եւ քրմապետը յանցարար հանել ուզելով հանդերձ, վերջապէս դանակը յանցարար կը գտնէին: Հիներուն մօտ արարողութիւն մըն էր ասիկա. իսկ մեր մէջ՝ սովորութիւն դարձած է: Պէտք էինք մտածել, որ մեր գլխարկը կարելու որ յետը ասոնք էին, բայց չկրցանք դիմադրել այն բոլոր արգելքներուն, որոնց գիտենք, թէ պիտի բաղխէին: Գիտէինք նաեւ, որ ամբողջական այն մեծ Հայաստանին նկատմամբ մեր սնուցած երազները կրնային ձախողիլ: Խելքի դէմ է ատոր համար պատասխանատու նկատել Պատ.-ը: Ամենքս ալ պէտք է փութանք դարմանել եղածը, խմբուելով միակ բանածելի մը շուրջը, եւ շնորհակալութիւն յայտնելով տարուած աշխատութեան համար, ընդունելով, որ իրենք բոլոր կարելին ըրած են, բայց բաղխած են մեծ դժուարութեանց: Պէտք չէ, որ Պատ.-ը դնենք այն տեսակ վիճակի մը մէջ, որ չիկնած, շառագճած ելլէ այս գործին մէջն:

Վսեմ. Տիար Գ. Նորատունկեան. Երկու առաջարկ կայ ուրեմն: Առաջին՝ մասնաւոր պատգամաւորութիւն մը երթայ Վսեմ. Փաշային եւ յանուն Համագումարին խնդրէ, որ ետ առնէ իր հրաժարականը: Երկրորդ՝ բարեփոխուի տրուած բանաձեւերը եւ խմբագրուի նոր բանաձեւ մը, որուն շուրջ խմբուի ամբողջ Համագումարը ու Վսեմ. Փաշային երթալիք պատգամաւորութիւնը այդ բանաձեւն ալ տանի միասին: Խօսք ուզող կա՞յ այս առաջարկներու մասին:

Տիար Ա. Հանրմեան. Որքան որ ալ ըսուեցաւ, թէ եղած քննադատութիւնները բաժին չունեցան Պատուիրակութեան հրաժարականին մէջ, կրնանք վստահ ըլլալ, որ հրաժարականներուն բուն պատճառը անոնք են: Չեմ կարծեր, որ քննադատները այս արդիւնքը գոյացնելու համար ըրին իրենց քննադատութիւնները: Այս պատճառաւ, կը յուսամ, որ անոնցմէ մէկը կամ միւսը սիրով պիտի ուզեն ընկերանալ այն պատգամաւորութեան, որ պիտի երթայ Փաշային մօտ:

Տիար Ա. Թերզիպաշեան. Ես, որ քննադատողներէն մէկը եղած եմ, կը կարծեմ, որ քննադատութիւնը չի կրնար պատճառ դառնալ այս տեսակ վարմունքի մը: Մենք անպատճառ եղած գործերը հաստատելու համար չէր, որ հրաւիրուեցանք այստեղ: Ամեն ոք պարտաւոր էր իր խօսքին ու մտքին թելադրութեանց համաձայն արտայայտելու: Ես կը կարծեմ, որ իմ պատգամաւորի պարտքս կատարած եմ եւ չեմ սպասեր, որ իմ ազատ արտայայտութիւնս ոեւէ մեկու մը վիրաւորանք համարուի. մանաւանդ, որ ես իմ վերլուծմանս մէջ գլխարկը պատասխանատուութիւնը կը վերագրէի ուրիշ գործոններու: Կը կարծեմ, որ քննադատութիւններէ աւելի բանաձեւերը կրնան դեր խաղցած ըլլալ այս խնդիրներուն մէջ, վասնզի քննադատողները փորձամասնութիւն էին: Իսկ բանաձեւը, եթէ անբաւական համարուած է, պատճառը սա է անշուշտ, որ նկատուած է իբր մեծամասնութեան արտայայտութիւն. այնպէս որ, կարծեմ թէ բանաձեւը ստորագրողներուն երթալը աւելի նպատակայարմար է:

Տիար Գ. Ֆնտզլեան. Բանաձեւերուն ակնարկութիւն եղաւ: Ես ալ բանաձեւ մը ներկայացուցած եմ եւ պարտք կը զգամ քանի մը բացատրութիւններ տալու: Բանաձեւերը կազմելու առջիկ ստիպուած էինք նկատի առնել երկու բան. նախ՝ ձեռք բերուած արդիւնքը, եւ յետոյ՝ գործողներուն աշխատանքը: Շատ կարելի էր չգովել արդիւնքը, եւ սակայն, չդատապարտել նաեւ գործողները, որովհետեւ իրենք առանձին չեն եղած կացութեան հանդէպ. իրենցմէ շատ աւելի ուժեղ ազդակներ եղած են որոնք, ըստ կամս շրջած են պայմանները: Այս վարանման առջեւ էր, որ դժուարութիւն

ունեցայ որոշ բանաձեւ մը տալու եւ վերջ ի վերջոյ, ստիպուեցայ երկու կտերն ալ նկատի առնելով խմբագրել իմ բանաձեւս:

Նախագահին՝ Վսեմ. Տիար Գ. Նորատունկեանի առաջարկութեան վրայ, Համագումարը որոշեց պահ մը դադար տալ միտին՝ Ամեն. Դուրեան Արքեպիսկոպոսի առաջարկած ձեւով բանաձեւ մը մասին խորհրդակցելու համար:

Նիստը վերսկսելուն, Դիւանին յանձնուած էր Տիար Գառնիկ Ֆնտզլեանի եւ Տիար Տօվլէթեանի կողմէ ստորագրուած հետեւեալ բանաձեւը.

Համագումարս, մեծ ցաւով լսելով Պատուիրակութեան Վսեմ. Նախագահին հրաժարականը, պարտք կը համարի բացարձակապէս անընդունելի նկատել զայն, ներկայ բախտորոշ, ճգնաժամային ռուպին, ուր իր հեռացումը մեծ հարուած մը պիտի ըլլայ մեր դատին եւ ազգին պիտի պատճառէ դառն յուսալքում: Համագումարս, միաձայն յայտնելով խորին շնորհակալութիւն եւ զնահատում անցելոց մէջ ազգին մատուցած անզին ծառայութեանց համար, կը խնդրէ եւ վստահ է, որ Ն. Վսեմութիւնը պիտի հաճի, հակառակ իր առողջական վիճակին, այս գերագոյն զոհողութիւնն ալ յանձն առնել ի սեր ազգին, ետ առնելով իր հրաժարականը:

Գառնիկ Ֆնտզլեան  
Տիար Տօվլէթեան

Տիար Ն. Տէր-Ստեփանեան. Կը կարծեմ, որ պէտք չէ քաղաքական բանաձեւի խնդիրը միացնել Պատուիրակութեան Նախագահին յարուցած հրաժարականի հարցին հետ, քանի որ հրաժարականը տարամերժօրէն առողջական նկատումներով պատճառաբանուած է: Քննադատողները, որոնցմէ մէկն ալ ես եղայ, բնաւ նպատակ չունին Պատուիրակութեան Նախագահին հրաժարականը յառաջ բերել: Այն բանաձեւը, զոր ես ներկայացուցած էի, իմ մտքիս մէջ վստահութեան քու մըն էր, թէ եւ ոչ մեծ վստահութեան: Այնքան ճիշդ է այս, որ միտնէն առաջ, երբ բացարձակապէս անտեղեակ էի Նախագահին հրաժարականէն, խմբագրած էի բանաձեւ մը, զոր ստորագրեց նաեւ Տիար Թերզիպաշեան, որով Համագումարին կ'առաջարկուէր հայութեան կողմէ իր զնահատումը արտայայտել Պատուիրակութեան Նախագահին, անոր եօք տարուան անձնուէր գործունէութեան համար: Ես կ'առաջարկեմ, որ մեր այս բանաձեւը կարողացուի, քուէարկուի միաձայնութեամբ, եւ պատգամաւորութիւն մը զայն տանելով Նախագահին, խնդրէ որ ետ առնէ իր հրաժարականը: Տիար Զաքարիա Պզտիկեան նոյնպէս առաջարկեց, որ հրաժարականի խնդիրը չկապուի բանաձեւերուն, քանի որ անոնց ակնարկութիւն չէ եղած հրաժարականներուն մէջ եւ առաջարկեց, որ Համագումարը, առանց նոր բանաձեւ մը կազմելու, պատգամաւորութիւն մը ղրկելով խնդրէ Փաշային, որ իր հրաժարականը ետ առնէ:

Համագումարը որոշեց միաձայնութեամբ խմբուի Տիար Ֆնտզլեանի եւ Տօվլէթեանի բանաձեւին շուրջը: Տիար Տոքթ. Բարսեղեան առաջարկեց, որ անոր վերջի նախադասութեան աւելցուի «եւ շարունակէ իր գործունէութիւնը մինչեւ թուրքիոյ հետ դաշնագրին կնքումը» պարբերութիւնը: Ժողովին մերժման վրայ՝ Տիար Բարսեղեան չբողոքեց միաձայնութեան բառին դէմ եւ պայման դնելով, որ իր առաջարկութիւնը չարձանագրուի ստեղծագրութեան մէջ, համամութիւն յայտնեց Համագումարի միւս անդամներուն՝ միանալու Տիար Ֆնտզլեանի եւ Տօվլէթեանի բանաձեւին շուրջը:

Տիար Ֆնտզլեանի եւ Տօվլէթեանի բանաձեւը քուի դրուելով, ընդունուեցաւ միաձայնութեամբ:

Համագումարը պաշտօն յանձնեց Դիւանին, որ Ամեն. Դուրեան Արքեպիսկոպոսի ընկերակցութեամբ Պատ.-թեան Նախագահին ներկայացնեն այդ բանաձեւը եւ խնդրեն, որ ետ առնէ իր հրաժարականը:

Նիստը փակուեցաւ ժամը 7 1/2-ին:

ՀԱԱ, ֆ. 430, ց. 1, գ. 63, ք. 50-63: Ձեռագիր: Բնագիր:

**Նիստ ժե**

15 Յունիս 1920, ժամը 5-ին,  
Մախազահուքեանք Վսեմ. Տիար Գ. Նորատունկեանի:

Ներկայ էին 15 պատգամաւոր՝  
Ամեն. Դուրեան Արքեպիսկոպոս, Տոքթ. Բարսեղեան, Դաւիթ-Բէկ,  
Թերզիպաշեան, Թէքէեան, Մսրըլը Պէյ, Ներսէսեան Խան, Վսեմ. Գ. Նորատունկեան,  
Զօպանեան, Ղօտիկեան, Սինապեան, Տէրպետերեան, Տէր-Ստեփանեան, Տեօվլէքեան,  
Ֆնտօլեան:

**ՕՐԱԿԱՐԳ**

- 1. Շարունակութիւն վիճաբանութեան Ազգ. Պատ. համարատուութեան
- 2. Տեղեկագիր Ազգ. Պատուիրակութեան Կազմական Կանոնագրի Յանձնաժողովին
- 3. Վերակազմութիւն Ազգ. Պատուիրակութեան

**1. Շարունակութիւն վիճաբանութեան Ազգ. Պատ. համարատուութեան**

Վսեմ. Տիար Գ. Նորատունկեան. Մեր օրակարգին առաջին խնդիրն էր Պատ. Վսեմ. Նախագահին հրաժարականի հարցը: Երեկուան նիստին մէջ՝ միաձայնութեամբ բանաձեւ մը քուէարկեցինք եւ յանձնեցինք Դիւանին, որ Ամեն. Դուրեան Արքեպիսկոպոսի հետ տանի Պատուիրակութեան Նախագահին ներկայացնէ, որպէսզի ետ առնէ իր հրաժարականը եւ մեր վարչական գործերը իրենց բնական ընթացքին մէջ մտնեն: Պատգամաւորութիւնը գնաց եւ ներկայացուց այդ բանաձեւը: Ն. Վսեմութիւնը, գոհունակութիւն յայտնելով հանդերձ տրուած բանաձեւին համար, կարգ մը բացատրութիւններ տուաւ իր հրաժարականին նկատմամբ: Կը խնդրէմ Դուրեան Սրբազանէն ժողովիդ հաղորդէ, թէ ինչպէ՞ս եղաւ մեր տեսակցութիւնը:

Ամեն. Դուրեան Արքեպիսկոպոս. Գրեթէ մեկուկէս ժամուան տեսակցութիւն մը ունեցանք Վսեմ. Փաշային հետ: Չեմ կարծեր, որ տեսակցութեան առարկայ դարձած ամեն բան մանրամասնութեամբ պատմել պէտք ըլլայ: Պիտի յայտնեն միայն ինչ որ էական է: Ն. Վսեմութիւնը ցաւ յայտնեց այն չորս բանաձեւերուն համար, որոնք ներկայացուած էին իր պատասխանէն ետք. չորսն ալ՝ իր, եւ առհասարակ, Պատ.- թեան գործունէութեան ու ձեռք բերած արդիւնքին համապատասխան ոգունով բանաձեւեր չէին, իր իսկ բառով՝ «նախատինք կը պարունակէին» կամ «պարսուանքի բանաձեւեր էին»: Ն. Վսեմութիւնը յիշեց թէ՛ Տիար Թերզիպաշեանի եւ թէ՛ ուրիշներու կողմէ եղած քննադատութիւնները, յիշեց նաեւ իր տուած պատասխանը, աւելցնելով, որ կը կարծեր, թէ իր պատասխանին մէջ ցոյց տրուած պատճառները չափազանց զօրաւոր պէտք էին ըլլալ ժողովը համոզելու համար: Եւ սակայն, յարեց, Զամագումարի անդամներէն մէկը միայն շնորհակալութիւն յայտնեց մեր գործունէութեան մասին. ուրիշ մը չէր կրողոյց այդ շնորհակալութիւնը: Այս պարագաները քիչ մը ցաւ իրեն **կրնար իր իրաւունքին** մէջ ըլլալ: Պատասխանելով Ն. Վսեմութեան, ըսինք, թէ այդ բանաձեւերէն ո՛չ մէկը քուէարկուած էր, թէ իր անձին նկատմամբ ո՛չ նախատինք, պարսուանք ոեւէ պատգամաւորի մտքէն իսկ անցած չէր: Աւելի համոզիչ դառնալու համար յիշատակեցինք նաեւ սա պարագան, թէ իրեն ներկայացուած նոր բանաձեւը ընդունուած էր տասնչորս ներկայներու միաձայնութեամբ, եւ խնդրեցինք իրմէ, որ ուրիշ ամեն նկատում մէկ կողմ թողլով՝ բարեհաճի ետ առնել իր հրաժարականը եւ վերստանձնել իր պաշտօնը այս փափուկ վարկեանին: Փաշան, սակայն, բոլորովին գոհ չմնաց այդ բանաձեւէն. իր կարծիքով՝ ասիկա միջոց մըն էր, զոր ստիպուեցանք ընել իր հրաժարականին վրայ միայն, զայն

եւ առնել տալու համար: Բնականաբար՝ ժխտեցինք ասիկա: Այս մասին տարակարծիք ըլլալով մեզի հետ, Ն. Վսեմութիւնը պայման դրաւ, որ ժողովը, նոյնիսկ այն պարագային, ուր մեծամասնութիւն չպիտի ունենայ, վստահութեան քուէով մը որոշապէս արտայայտուի իր եւ Պատուիրակութեան գործունէութեան նկատմամբ: Եթէ այս վստահութեան քուէն տրուի նոյնիսկ պարզ մեծամասնութենէն, ինքզինքը գոհացած պիտի նկատէ, պայմանաւ, որ այլեւս փակուի համարատուութեան հարցը: Այս պահանջը ընելուն պատճառը սա էր, որ միայն մէկ ժողովական շնորհակալութիւն յայտնած ըլլալով Պատուիրակութեան գործունէութեան մասին, իրաւունք ունենալ կը կարծէր ենթադրելու, թէ միւսները բոլորն ալ դժգոհ էին: Ունէ մեծամասնութեամբ դրուած վստահութեան քուէ մը պիտի փարատէր անշուշտ այս տարակոյսը: Միւս կողմէ, Փաշան, իր ընկերներուն նկատմամբ փափկանկատութեան զգացումով մը չուզեց լքել զանոնք, եւ համերաշխութեան ոգունով մը պահանջեց, որ այդ վստահութեան արտայայտութիւնն ըլլայ ո՛չ միայն իր, այլ՝ ամբողջ Պատուիրակութեան գործունէութեան մասին:

Տիար Գ. Ֆնտօլեան. Փաշան զանգատեցաւ նաեւ, որ ժողովը կարծիք չյայտնեց հաշիւներու մասին:

Չայներ. Անոնք կապ ունէին ընդի. համարատուութեան հետ:

Տիար Տէր-Ստեփանեան. Փաշան պէտք չէր, որ ժողովին բուն տրամադրութեան պարթերը նկատէր այդ բանաձեւերը, քանի որ անոնցմէ ո՛չ մէկը քուէարկուած է:

Տիար Գ. Ֆնտօլեան. Բացատրեցի այդ պարագան, յիշեցի նաեւ իմ ներկայացուցած բանաձեւ, աւելցնելով, որ ես ինքս յաջորդ օրը պէտք տեսայ զայն փոխելու: Բայց Ն. Վսեմութիւնը այնպէս կը նկատէ, թէ ներկայացուած չորս բանաձեւերուն մէջ տիրող ոգին իրական ցուցումն է ժողովին բուն տրամադրութեան:

Ամեն. Դուրեան Արքեպիսկոպոս. Յայտնեցինք նաեւ, թէ իր հրաժարականին տեղեկանալէ առաջ իսկ իր ընդհանուր գործունէութեան մասին գոհունակութիւն յայտնելու պէտք տեսնուած է բանաձեւ մըն ալ խմբագրուած էր:

Տիար Դաւիթ-Բէկ. Տեսակցութեան ես ալ ներկայ էի, եւ կրնամ ըսել, որ Փաշան՝ երկու կէտի վրայ ծանրացաւ: Առաջին՝ կ'ուզէ, որ շնորհակալութեան կամ վստահութեան քուէ մը տրուի Պատուիրակութեան: Երկրորդ՝ կ'ուզէ, որ անցեալը բոլորովին փակուի եւ այլեւս նոր գործունէութեան պայմաններով զբաղի Զամագումարը:

Տիար Տոքթ. Բարսեղեան. Ի՞նչ կը նշանակէ «անցեալը բոլորովին փակուի» խօսքը:

Ամեն. Դուրեան Արքեպիսկոպոս. Այսինքն թէ Զամագումարը եկաւ, տեսաւ Պատուիրակութեան գործունէութիւնը, պատճառ մը չունեցաւ անկէ դժգոհ մնալու, քանի որ գիտեց, թէ արդիւնքը որքան ալ անբաւական ըլլայ՝ պատճառը Պատուիրակութիւնը չէ, եւ այլեւս խնդիրը վերջացած նկատուի, անդադարձումներ չըլլան անոր մասին:

Տիար Տոքթ. Բարսեղեան. Օրինակի համար՝ միացման խնդրի մասին չխօսեցանք համարատուութեան վիճաբանութեան ընթացքին. վերջի վերապահուեցաւ այդ հարցը. ուրեմն այլեւս չպիտի՞ վերադառնանք անոր:

Տիար Զօպանեան. Այդ խնդիրը օրակարգին վրայ է եւ պիտի քննուի նոր տիրեթիւններու հարցին հետ: Պատուիրակութիւնը ո՛չ թէ չուզէր, այլ, ընդհակառակը, ինք կը փափաքի, որ ժողովը զբաղի անով: Գալով համարատուութեան միւս կէտերուն, որքան ալ վիճաբանութիւնը փակուած ըլլայ, տարակոյս չկայ, որ միշտ ազատ ենք եւ պիտի ստիպուինք արդէն անոնց ակնարկելու, քանի որ պիտի որոշենք, թէ վաղուան համար ի՞նչ կրնանք ընել այդ հարցերուն մասին:

Վսեմ. Տիար Գ. Նորատունկեան. Արդեօք կարելի չէ՞, որ Պատուիրակութեան ներկայ եղող անդամները խորհրդակցին իրենց միջեւ եւ ձեւ մը որոշեն ըլլալիք նոր կարգադրութեան համար:

Ամեն. Դուրեան Արքեպիսկոպոս. Արդար ըլլալու համար՝ պէտք է, որ անոնց հրաժարականներն ալ մերժենք:

Վսեմ. Տիար Գ. Նորատունկեան. Կարծեմ լաւ կ'ըլլայ, որ իրենք յայտնեն, թէ ի՞նչ ձեւով ըլլալու է մեր եզրակացութիւնը, որպէսզի կարելի դառնայ երկու կողմէ քիւրիմացութիւնները բաժնալ եւ այս խնդրին վերջ տալ ու շարունակել ընդհատուած գործունէութիւնը: Անոր համար լաւ չէ՞, որ խորհրդակցին իրենց միջոց:

Տիար Ա. Զօպանեան. Մենք չենք կրնայ հիմա կարծիք մը յայտնել. ատոր համար՝ անհրաժեշտ է, որ խորհրդակցինք Պատուիրակութեան Նախագահին հետ: Բնական է՝ ամեն ազատութիւն ունիք ուզածնուդ պէս խմբագրելու բանաձեւը. անկէ պիտի երեւայ, թէ կրնա՞նք մնալ: Պէտք է որոշապէս ըսել մեզի՝ կա՛մ գացէ՛ք, կա՛մ մնացէ՛ք: Ո՛չ Փաշան, ո՛չ ալ մենք գովեստ կը սպասենք. բայց որպէսզի մնանք, պէտք է այն տեսակ բանաձեւ մը, որ կարենանք արժանապատուութեամբ շարունակել մեր պաշտօնավարութիւնը:

Տիար Տէր-Ստեփանեան. Պատուիրակութեան Նախագահը ուզած էր ժողովին իւրաքանչիւր անդամին անհատական կարծիքը ունենալ: Լաւ չէ՞, որ ամեն անդամ իր իսկ բանաձեւը յայտնէ, որպէսզի կարելի ըլլայ գնահատել ժողովին ընդհանուր տրամադրութիւնը:

Տիար Վահան Թեքեան. Քանի որ խնդիրը կեդրոնացաւ ամբողջ Պատ.-թեան հրաժարականին շուրջ, կը յիշեցնեն իմ հրաժարագրիս խօսքերը: Չեր ընելիք կարգադրութիւնը ինծի չի վերաբերիր: Մէջտեղը գործունէութիւն մը կայ, որուն համարատուութիւնը եղաւ, որու մասինք քննադատութիւններ եղան եւ պատասխաններ տրուեցան: Իբր համագումարի անդամ, կ'ըսեն, որ պէտք է ժողովը այսօր իր վճիռը արտասանէ այդ գործունէութեան մասին: Վերջը Պատ.-թիւնը պիտի շարունակէ՞, թէ՞ ոչ՞ ուրիշ խնդիր է. արդէն օրակարգի վրայ է այդ խնդիրը: Որովհետեւ կարելի չէ վստահաբար ըսել, թէ Պատ.-ը անպատճառ պիտի շարունակէ պաշտօնավարել: Կրնայ ըլլալ որ տրուելիք նոր տիրէթիւններուն մէջ գտնուի անանկ բան մը, զոր չընդունի եւ հրաժարի: Պատ.-ը այսօր կը սպասէ միայն ժողովիդ արտայայտութեան, որպէսզի ընելիքը գիտնայ: Իմ մասին, ընելիքս պարզած են արդէն հրաժարագրիս մէջ:

Տիար Տ. Տօվլէթեան. Յայտնի կ'ըլլայ, թէ Պատ.-թեան Վսեմ. Նախագահը պարզ վստահութեան քուէ կ'ուզէ մեզմէ, հետեւաբար նաեւ՝ գնահատում իր գործունէութեան: Մեր ընելիքը, ուրեմն, պէտք է որոշ ըլլայ. կա՛մ գնահատում, կա՛մ անվստահութիւն: Կարծեմ դժգոհ չենք թէ՛ Պատուիրակութեան Նախագահին եւ թէ՛ Պատուիրակութեան: Անշուշտ եղան քննադատութիւններ, եւ ես ալ քննադատողներուն մէջ էի, բայց արդար քննադատութիւններ էին կարգ մը սխալներու մասին, որոնք Պատուիրակութեան հիմնական գործունէութեան չէին պաշտօններ, եւ երբեք պարսաւանք չէին նշանակեր: Երէկ այն որոշման յանգեցանք, որ այս վճռական օրերուն, երբ այնքան կենսական խնդիրներ կան մէջտեղ, երբ կը խորհուի երկու Պատուիրակութիւնները միացնել, ո՛չ իսկ պէտք է խորհիմք հրաժարականի մասին: Պէտք չէ խաղանք բառերուն վրայ, ու քանի որ մեր նախկին բանաձեւերը գոհացուցիչ չգտնուեցան, կ'առաջարկեն, որ նոր բանաձեւի մը շուրջ միանանք իսկոյն եւ վերջացնենք այս խնդիրը:

Տիար Տոքթ. Բարսեղեան. Այսօրուան տեսակցութեան մասին եղած յայտնութիւնները կը պարզեն, թէ Փաշան իր հրաժարականը գրեր է անցեալ օրուան բանաձեւերուն տպաւորութեան տակ եւ թէ հիւանդութեան առարկութիւնը զոր ըրած էր իր հրաժարագրին մէջ, բուն պատճառը չէ:

Վսեմ. Տիար Գ. Նորատունկեան. Ն. Վսեմութեան հիւանդութեան տեսակէտը միշտ կայ. մեր տեսակցութեան միջոցին ատոր խօսքն ալ եղաւ եւ նոյնիսկ Վիշի երթալու մտադրութիւն յայտնեց:

Ամեն. Դուրեան Արքեպիսկոպոս. Բայց եւ անլցուց, որ իր ոյժերը պիտի կրնան դիմանալ տակաւին քանի մը ամիս շարունակելու:

Տիար Բարսեղեան. Տրուած բացատրութիւններէն կ'երեւայ, թէ Փաշան կը փափաքի, որ հրաժարագիրն ետ առնելու համար Յամագումարը պէտք է ո՛չ միայն իր, այլ ամբողջ Պատուիրակութեան մասին գոհանակութիւն յայտնէ: Ընդունելէ առաջ այդ պահանջումը, պէտք է քննենք, թէ որքա՞ն իրաւացի է: Եթէ խնդիրը իր անձին շուրջ միայն մնացած ըլլար, մեր երէկուան բանաձեւը պէտք է գոհացնէր զինքը: Ես ալ ձայնակցեցայ այդ բանաձեւին, բայց ձայնակցեցայ այն մտածումով, որ անոր առարկան լոկ իր անձն էր: Մի՞նչդեռ, ձեռքս խղճիս վրայ, չպիտի կրնայի եւ չպիտի կրնամ նոյն ձեւով արտայայտութիւն մը ընել ամբողջ Պատուիրակութեան համար: Բացատրեմ թէ ինչո՞ւ: Ես այն համոզումն ունիմ, որ Պատուիրակութիւնը, այս մէկ տարուան ընթացքին, իր ներքին քաղաքականութիւնը վարած է շատ ձախաւեր, շատ անյաջող կերպով մը: Արտաքին քաղաքականութեան մասին համոզուած են, որ Ազգ. Պատ.-ը ըրած է այն, ինչ որ կրնար ընել: Գիտեն, որ անելին ընել կարելի չէր եւ թէ ձախողութիւնը վերագրելի է անելի արտաքին ազդակներու, քան իրեն: Միակ վերապահութիւն մը ունիմ այս տեսակէտով, եւ այդ ալ հայ-քրտական բանակցութեան հարցն է: Բայց այս մէկ հատիկ վերապահումը ինծի իրաւունք չի տար անոր արտաքին քաղաքականութիւնը դատապարտելու: Իրեն տեղ ով որ ալ ըլլար, ուրիշ արդիւնք մը չպիտի առաջ գար: Գալով ներքին քաղաքականութեան, ամենքս ալ գիտենք, որ Փաշան հայկական իրականութեան ծանօթ մը չէ եղած եւ, դժբախտաբար, չէ ալ մինչեւ այսօր: Ըսի թէ Պատուիրակութիւնը այս տեսակէտով շատ ձախաւեր, շատ անյաջող քաղաքականութիւն մը ունեցած է: Ես ասիկա կը վերագրեմ լոկ Փաշային ընկերներուն, որոնք շատ անելի լաւ տեղեակ էին ազգ. պայմաններուն, որով՝ այդ քաղաքականութեան ձախողութեան ամբողջ պատասխանատուութիւնը կ'իյնայ իրենց վրայ:

Տիար Ա. Թեղդիպաշեան. Անձնական պատասխանատուութեան խնդիր կը հանէք, բայց սխալ է: Մէջտեղը համերաշխ Պատուիրակութիւն մը կայ, համերաշխ ծրագրով մը: Մեր աչքին՝ Փաշան նոյնն է, ինչ որ են իր միւս ընկերները:

Տիար Տոքթ. Բարսեղեան. Քննելով Պատ.-թեան ներքին քաղաքականութիւնը, մենք կը տեսնենք մասնաւորաբար կարգ մը խնդիրներ, որոնք շատ գէշ արդիւնք մը տուած են եւ որոնց պատճառաւ առաջ եկած է շատ ալ անբաղձալի դրութիւն մը: Այսպէս, օրինակի համար, արեւմտահայոց՝ Յայաստանի խորհրդարանին մասնակցութիւնը արգիլելու ձգտող հեռագիրը, Մայիս 28-ի աքթին դէմ եղած բողոքը, եւ Ամերիկա զոյգ առաքելութիւն դրկելու ձեռնարկը: Այս երեք խնդիրներն ալ, ինչպէս յայտնի է, տեղի տուին ծանր վէճերու, որոնք կը տեսնուէին տակաւին մինչեւ այսօր, եւ որոնց վնասներուն նկատմամբ կարծեմ հարկ չկայ խօսիլ: Եւ իմ համոզումս է, որ այդ երեք խնդիրներուն մէջ ալ պատասխանատուն Փաշան չէ, այլ՝ իր ընկերներն են, որոնք շատ անելի ծանօթ էին մեր ներքին պայմաններուն եւ մեր հասարակական ոյժերու փոխ-յարաբերութեանց եւ որուն հետեւանքով, այս խնդիրներուն նկատմամբ տոն տուողը, բնականաբար իրենք պիտի ըլլան: Այս տեսակէտով, ներքին քաղաքականութեան մէջ ալ այնքան չեն մեղադրեր Փաշան, որով կրնամ իր մասին եղած գոհունակութեան արտայայտութեան մը մասնակցիլ: Բայց ինչ որ կրնամ ընել իրեն համար, իմ խիղճս երբեք չպիտի թոյլատրեր, որ ընեն նաեւ Պատուիրակութեան միւս անդամներուն համար. եւ բացատրեցի թէ ինչո՞ւ: Նոյնիսկ այս տեսակէտով բացառութիւն չեն նկատեր Պատ.-թեան անդամներէն Տիար Տոքթ. Ներսիսը, որքան ալ վստահ ըլլամ, թէ այդ խնդիրներուն մէջ աշխատած է իր ընկերներէն տարբեր ուղղութեամբ:

Տիար Տօվլէթեան. Պէտք չէ միշտ քննադատենք, պէտք չէ միշտ մեղադրենք: Յետոյ այլեւս այս խնդիրները յուզելու պէտք չունինք այսօր, քանի որ որոշապէս ըսուեցաւ, թէ Պատ.-թեան գործունէութիւնը չէր այս օրուան արդիւնքին պատճառը:

Տիար Բարսեղեան. Իմ խօսքս ներքին քաղաքականութեան համար էր:

Տիար Տեօվէթեան. Ազգ. Պատուիրակութիւնը շատ անգամ սխալ ճամբու մէջ գացած է՝ պարզապէս միւս Պատուիրակութեան համաձայն մնալ ուզելուն համար: Այս մասին երկուքն ալ հաւասարապէս մեղադրելի են: Ինչո՞ւ կը մոռնաք միւս Պատուիրակութեան ունեցած դերը:

Տիար Բարսեղեան. Անոնց հաշիւը ուրիշ տեղ պիտի տեսնուի:

Տիար Տէր-Ստեփանեան. Եթէ տեսնուի:

Տիար Ա. Չօպանեան. Տիար Բարսեղեանի դիտել պիտի տամ, որ Ազգ. Պատուիրակութիւնը ներքին գործունէութեան մասին ալ համերաշխ եղած է այնքան, որքան արտաքին գործունէութեան մէջ: Եթէ այսօր Պատուիրակութեան Նախագահը հոս ըլլար, ամենէն առաջ ինք պիտի փութար ասիկա հաստատելու: Մայիս 28-ի աքթին առթիւ եղած բողոքը դրդուած էր մեծ վտանգի մը՝ ռուսական վտանգին հաւանականութեան գիտակցութեան: Եւ այս գիտակցութիւնը Փաշան ինք ունեցաւ ամենէն առաջ, այնքան, որ երբ անոր ակնարկութիւն կ'ըլլար, կը յիշեցնէր, որ ինք տեսաւ նախ այդ վտանգը. եւ անկեղծօրէն համոզուած էր, ինչպէս համոզուած էինք մենք ալ, որ եթէ Պատուիրակութիւնը այդ ուղղութիւնը չբռնէր, հետեւանքը վնասակար պիտի ըլլար ազգին: Ամեն պարագայի մէջ, մտածուելով նախ իրն էր, եւ ինքն իսկ կ'ըսէր անոր ակնարկելով, ամեն անգամ որ առիթը ծագեր՝ «C'est ma thèse!»

Տիար Տէրպետեան. «Թե՛զ» մը, որ «Ֆայիթ» ըրաւ:

Տիար Գ. Ֆնտզեան. Կը ցաւիմ, որ Տիար Բարսեղեան ներքին քաղաքականութեան խնդիր յարոյց, որով արտաքին քաղաքականութեան համար ստեղծուած կացութիւնը, զոր պարզելու միջոց մը կը խորհիմք հեռու միտել ի վեր, բոլորովին կնճռոտեցաւ: Փաշան ներքին քաղաքականութեան մէջ ալ ինքզինքը չանջատեր իր պաշտօնակիցներէն: Քանի որ գոհունակութիւն պիտի յայտնենք իր մասին, չենք կրնար իր պաշտօնակիցները անջատել:

Տիար Վահան Թէքեան. Եթէ Տոքթ. Բարսեղեանի խօսքերը Պատուիրակութեան ներքին քաղաքականութեան վերաբերեալ պատասխանատուութեան մասին՝ վիրաւորիչ չըլլային Փաշային համար զայն ցոյց տալու իբր մեզի պարզ հետեւորդ՝ ես իմ հաշուիս պիտի ուզէի սիրով համամիտ ըլլալ իրեն եւ ստանձնել այդ քաղաքականութեան առաջնակարգ պատասխանատուութիւնը, որովհետեւ չեմ կարծեր, որ սխալ գործեցինք այդ ուղղութիւնը բռնելով:

Տիար Տոքթ. Բարսեղեան. Իմ ըսածներս վիրաւորիչ չեն Փաշային համար: Ես պարզապէս բացատրեցի, թէ ինչո՞ւ չեմ կրնար Պատուիրակութեան անդամներուն համար ալ ընդունիլ այս բանաձեւը, որ երկէ առաջարկուեցաւ Փաշային համար:

Տիար Տէր-Ստեփանեան. Տիար Բարսեղեան կարծիք մը չիներ է առանց գիտնալու, թէ ի՞նչ անցած-դարձած է Պատուիրակութեան մէջ: Միակ օրինակ մը շատ բան կրնայ յայտնել այս մասին: Արեւմտահայոց՝ Հայաստանի խորհրդարանին մասնակցութեան վերաբերող այն հեռագրին նկատմամբ, որուն ակնարկեց, լուր տարածուեցաւ իրեն համախոհներու կողմէ, որ Փաշան հեռագիրը դրկեր էր լոկ իր նախաձեռնութեամբ, եւ թէ Պատուիրակութեան միւս անդամները խնդիրը ինացած են հեռագրին դրկուելէն ետք միայն:

Նախագահ Վսեմ. Տիար Գ. Նորատունկեանի առաջարկութեան վրայ, ժողովը որոշեց պահ մը դադարեցնել միտքը եւ խորհրդակցիլ նոր բանաձեւի մը մասին:

Նիստը վերսկսելուն՝ Ամեն. Դուրեան Արքեպիսկոպոս եւ Տիար Ֆնտզեան ու Տեօվէթեան ներկայացուցին նոր բանաձեւ մը: Միւս կողմէ՝ Տիար Տէր-Ստեփանեան յայտարարեց, թէ ինչպէս քանի մը անգամներ ըսած է արդէն, նախորդ օրը շատ ածապարանքով ներկայացուեցան բանաձեւերը, եւ բաւարար ատեն չունեցան անոր համար, մինչդեռ պէտք էր գոնէ օր մը ժամանակ տալու, այլապէս թերեւս կարելի ըլլար փոխել զանոնք, եւ այս անպատեհութիւններէն խուսափիլ: Տիար Տէր-Ստեփանեան յարեց, թէ իր բանաձեւն ալ այդ պայմաններուն մէջ դրուած ըլլալով, ետ կ'առնէ զայն եւ անոր տեղ կը ներկայացնէ նոր բանաձեւ մը:

Տիար Տոքթ. Բարսեղեան ալ յայտարարեց, թէ քանի որ երկուսն բանաձեւէն տարբեր նոր բանաձեւեր կը ներկայացուին, ինք կը պնդէ իր առաջին բանաձեւին վրայ:

Որով՝ Դիւանին յանձնուեցան հետեւեալ երեք բանաձեւերը, եւ որոշուեցաւ կարող զանոնք կարգաւ, ու կարգաւ ալ քուէարկել՝ ժամ առաջ խնդիրը փակելու եւ օրակարգի միւս հարցերուն անցնելու համար:

Ա. բանաձեւ.

Համագումարս, լսելով Ազգ. Պատուիրակութեան անցեալ պաշտօնավարութեան համարատուութիւնը, անոր նկատմամբ եղած քննադատութիւնները, Պատուիրակութեան Նախագահին տուած բացատրութիւնները, գնահատելով Ն. Վսեմութեան եւ իր պաշտօնակիցներուն անխնց ջանքերն ու գործունէութիւնը եւ յայտնելով իր վստահութիւնը, կ'անցնի օրակարգին:

Եղիշէ Արքեպիսկոպոս Դուրեան  
Գառնիկ Ֆնտզեան  
Ա. Տեօվէթեան

Բ. բանաձեւ.

Համագումարը, լսելով Ազգ. Պատուիրակութեան համարատուութիւնը, անոր շուրջ փոխանակուած քննադատութիւններն ու պատասխանները, եւ նկատելով, որ Ազգ. Պատուիրակութիւնը ներքին ու մանաւանդ արտաքին շատ դժուար կացութեան մը առջեւ գտնուած է իր գործունէութեան ընթացքին, կը գնահատէ ընդհանրապէս անոր աշխատանքն ու ջանքերը, ու կ'անցնի օրակարգին:

Ն. Տէր-Ստեփանեան

Գ. բանաձեւ.

Ազգ. Համագումարը, լսելով Ազգ. Պատուիրակութեան համարատուութիւնը մէկ տարուան իր գործունէութեան մասին, ինչպէս նաեւ անոր թեր ու դէմ քննադատութիւններն ու գնահատումները, լսելով նաեւ Ազգ. Պատուիրակութեան Նախագահին եւ անդամներուն պատասխան-բացատրութիւնները, վերջացած կը յայտարարէ այս հարցը եւ կ'անցնի օրակարգի յաջորդ խնդրին:

Տոքթ. Տ. Բարսեղեան  
Չ. Պզտիկեան  
Ա. Հանրմեան

Այս վերջին բանաձեւը նախապէս ստորագրած էին նաեւ Տիարը Դաւիթ-Բէկ եւ Տէրպետեան: Տիար Դաւիթ-Դէկ յայտարարեց, թէ կը վերապահէ իր որոշումը, իսկ Տիար Տէրպետեան նախապէս հարցուց, թէ Տիար Տէր-Ստեփանեան ի՞նչ կը հասկնայ իր բանաձեւին մէջ գործածուած «կը գնահատէ ընդհանրապէս» խօսքէն: Տիար Տէր-Ստեփանեանի բացատրութեան վրայ, թէ կը նշանակէ «գնահատել ընդհանուր առումով», Տիար Տէրպետեան յայտարարեց, թէ ինք ալ այլեւս պէտք չի տեսներ Տիար Բարսեղեանի բանաձեւին միանալու, նախապատիւ նկատելով Տիար Տէր-Ստեփանեանի բանաձեւը:

Տիարը Չաքարիա Պզտիկեան եւ Դաւիթ-Բէկ առաջարկեցին, որ այս բանաձեւերուն քուէարկութիւնը յետաձգուի յաջորդ միտքին, որպէսզի հապճեպ գործողութիւն մը չըլլայ:

Այս առաջարկը քուէարկութեան դրուելով, Համագումարը որոշեց յետաձգել բանաձեւին քուէարկութիւնը: Քուէարկութեան տեղ, սակայն, Տիար Տէր-Ստեփանեան ուզեց գիտնալ, թէ ի՞նչ է Պատ. -ութեան մտածումը:

Տիար Արշակ Չօպանեան յայտարարեց, որ եթէ բանաձեւը քուէարկուի ալ՝ Պատուիրակութեան ներկայ եղող անդամները չպիտի կրնան, առանց Նախագահին հետ խորհրդակցելու, ընդունիլ կամ մերժել քուէարկուած բանաձեւը, եւ առաջարկեց,

որ նոր կայացուած բանաձեւերը նախապէս հաղորդուին Պատուիրակութեան Նախագահին:

Համագումարը համամիտ գտնուեցաւ այս առաջարկին, չեղեալ նկատեց բանաձեւն անմիջապէս քուէի դնելու մասին տրուած որոշումը, եւ յաջորդ նիստին թողուց բանաձեւերու քուէարկութիւնը, որոշելով որ անոնք նախապէս ներկայացուին Պատուիրակութեան Նախագահ Վսեմ. Պօղոս Փաշա Նուպարի:

Նիստը փակուեցաւ ժամը 7 1/2-ին:

ՀԱԱ, ֆ. 430, ց. 1, գ. 64, թթ. 1-13: Ձեռագիր: Բնագիր:

## Նիստ ժՐ

16 Յունիս 1920 ժամը 5-ին,

նախագահութեամբ Վսեմ. Տիար Գ. Նորատունկեանի:

Ներկայ էին 15 պատգամաւոր՝

Ամեն. Դուրեան Արքեպիսկ., Տոքթ. Բարսեղեան, Դաւիթ-Բէկ, Թերզիպաշեան, Թէքեան, Համըմեան, Սարըրը Պէյ, Վսեմ. Գ. Նորատունկեան, Չօպանեան, Պզտիկեան, Սինապեան, Տէրպետրեան, Տէր-Ստեփանեան, Տեօվլէթեան, Ֆնտզլեան:

## Օրակարգ

1. Շարունակութիւն վիճաբանութեան Ազգ. Պատ. համարատուութեան
2. Տեղեկագիր Ազգ. Պատուիրակութեան Կազմական Կանոնագրի Յանձնաժողովին
3. Վերակազմութիւն Ազգ. Պատուիրակութեան

## ԱՏԵՆԱՎԱՆ ԳՈՐԾՈՂՈՒԹԻՒՆՆԵՐ

### 1. Ատենագրութիւն

Կարդացուեցան եւ վաւերացուեցան Յունիս 11-ի, 12-ի եւ 15-ի նիստերուն ատենագրութիւնները:

## Օրակարգ

### 1. Շարունակութիւն վիճաբանութեան Ազգ. Պատ. համարատուութեան

Նախագահ Վսեմ. Տիար Գ. Նորատունկեան հարցուց Պատուիրակութեան ներկայ անդամներուն, թէ արդեօք ներկայացուած բանաձեւերուն նկատմամբ խորհրդակցեցա՞ն Պատուիրակութեան Նախագահին հետ, եւ խնդրեց, որ յայտնեն, թէ այդ բանաձեւերէն ո՞րը ընդունելի է իրենց, որպէսզի անմիջապէս քուէարկութեան ձեռնարկուի եւ փակուի այս խնդիրը:

Տիար Արշակ Չօպանեան, յանուն Պատուիրակութեան, պատասխանեց, թէ Պատուիրակութիւնը ազատ կը թողու շարունակուող, բանաձեւերուն քուէարկութեան մասին:

Վսեմ. Տիար Գ. Նորատունկեան. Արդեօք Պատուիրակութիւնը բոլոր բանաձեւերն ալ հաւասար կը նկատ:

Տիար Չօպանեան. Անշուշտ Պատուիրակութիւնն ունի իր նախասիրութիւնը, բայց միաձայնութեամբ որոշեց չյայտնել, որպէսզի ժողովը իր ազատ կամքով քուէարկէ իրեն յարմարագոյն թուած բանաձեւը: Քուէարկուելիք բանաձեւէն կախուած է Պատուիրակութեան մնալը կամ չմնալը:

Տիար Տէր-Ստեփանեան. Դիտել կուտամ, թէ Պատուիրակութեան անունով եղած այս յայտարարութիւնը լուծում մը չէ, ընդհակառակը՝ Համագումարը կը մատնէ այն անորոշութիւնը, որուն մէջ կը գտնուէր նախորդ նիստին:

Տիար Տոքթ. Բարսեղեան. Յայտնի է, կ'երեւայ, որ Պատ.-ը այսօր ժողով ունեցեր եւ որոշէր է, թէ բանաձեւերէն ո՞րը կը նախընտրէ. բայց չեն ուզեր ըսել որպէսզի չկարծուի, թէ ճնշում կը բանեցնեն ժողովին վրայ: Բայց այս ճնշումը երկնուրէն եղած է արդէն:

Տիար Հանըմեան. Քանի որ Պատուիրակութիւնը կը փափաքի վստահութեան արտայայտութիւն մը ունենալ, պէտք էր, որ ինք ըսեր, թէ ներկայացուած բանաձեւերէն ո՞րը կը նախընտրէ՝ նկատելով զայն իբր վստահութեան արտայայտութիւն, ինչպէս կ'ըլլայ բոլոր խորհրդարաններու մէջ:

Վիճաբանութիւնը շարունակուեցաւ այս կէտին շուրջ, եւ Պատուիրակութեան անդամները հաստատ մնացին իրենց պահանջման վրայ: Ի վերջոյ, Տիար Տեօվլէթեան ըսաւ, թէ նոյն առտուն իսկ տեսնուած էր Վսեմ. Փաշային հետ, եւ Փաշան չէր ծածկած իրմէ, թէ Պատուիրակութիւնը պիտի գոհանայ՝ եթէ երբեք Համագումարը քուէարկէ այն բանաձեւը, որ ստորագրուած էր Ամեն. Դուրեան Արքեպիսկոպոսի, Տիար Գառնիկ Ֆնտզլեանի եւ իր կողմէ:

Տիար Վահան Թէքեան. Եթէ չեն կրնար լիակատար կերպով մը, զոնէ կրնամ չափով մը լուսաբանել ժողովը: Ձեր բանաձեւերը կրկնակ նշանակութիւն ունին, մէկը Պատուիրակութեան անցեալ գործունէութեան կը վերաբերի, միւսը՝ անոր յառաջիկայ պաշտօնավարութեան: Ինծի համար ապագայի խնդիր չկայ, որովհետեւ ըսած եմ արդէն, թէ հրաժարականս վերջնական պիտի ըլլայ, երբ Համագումարը արտասանէ անցեալի գործունէութեան մասին իր վճիռը, ինչ ալ ըլլայ անիկա: Պատ.-ֆիւնը ընտրուած է մինչեւ Համագումարի նոր նստաշրջանը գործելու եւ իր համարատուութիւնը ներկայացնելու համար: Այդ է որ կատարեցինք, եւ Համագումարին կը մնայ այժմ յառաջիկային համար նոր ուղեգիծ տալով՝ ընտրել՝ նաեւ նոր Պատուիրակութիւն մը, որուն մէջ նախորդ անդամներն ալ կրնան մտնել՝ անոնք, որոնց մասնակցութիւնը կը փափաքէի եւ որոնք կը յօժարին: Իսկ թէ ներկայացուած բանաձեւերէն ո՞րը կրնայ Պատ.-թեան անդամներուն թոյլ տալ նոր Պատ.-թեան մէջ կրկին մտնելու, անշուշտ այն բանաձեւն է, որ Պատ.-թեան գործունէութեան հաւանութիւն կը յայտնէր: Պէտք չէ ասկէ հետեւեցնել, սակայն, թէ այդ հաւանութիւնը ամբողջ Պատ.-թեան համար իր պաշտօնը շարունակելու պարտադրութիւն մը կ'ենթադրէ:

Համագումարը որոշեց յաջորդաբար անուանական քուէարկութեան ենթարկել ներկայացուած երեք բանաձեւերն ալ, սկսելով այն բանաձեւէն, զոր ստորագրած էին Տիարը Տոքթ. Բարսեղեան, Պզտիկեան եւ Հանըմեան: Խնդիր եղաւ, թէ Պատուիրակութեան անդամները կրնա՞ն մասնակցիլ քուէարկութեան: Որքան ալ ըսուեցաւ, թէ խորհրդարանական օրէնքներու հիման վրայ՝ Պատուիրակութեան անդամները կրնան քուէ տալ, թէ՛ Տիար Արշակ Չօպանեան եւ թէ՛ Տիար Վահան Թէքեան յայտարարեցին, որ չպիտի մասնակցին քուէարկութեան: Միւս կողմէ, եղած հարցումներու վրայ, ըսին, թէ Պատուիրակութեան փափաքն է, որ քուէարկութեան հիմ բռնուի ո՛չ թէ քուէներու առաւելագոյն թիւը, այլ՝ ներկայ եղող պատգամաւորներու մեծամասնութիւնը: Եւ այդ հիմամբ 13 պատգամաւորներու մասնակցութեամբ քուէի դրուեցաւ Տիարը Տոքթ. Բարսեղեանի, Պզտիկեանի եւ Հանըմեանի բանաձեւը:

«Ազգ. Համագումարը, լսելով Ազգ. Պատուիրակութեան համարատուութիւնը մէկ տարուան իր գործունէութեան մասին, ինչպէս նաեւ անոր թեր ու դէմ քննադատութիւններն ու գնահատումները, լսելով նաեւ Ազգ. Պատուիրակութեան Նախագահին եւ անդամներուն պատասխան-բացատրութիւնները, վերջացած կը նկատուի այս հարցը եւ կ'անցնի օրակարգի յաջորդ խնդրին»:

Այս բանաձեւը քուէարկութեան դրուելով՝ ստացաւ միայն երեք քուէ /Տիարք Բարսեղեան, Զանըմեան, Պզտիկեան/:

Յետոյ քուէի դրուեցաւ Տիար Տէր-Ստեփանեանի բանաձեւը.

«Համագումարը, լսելով Ազգ. Պատուիրակութեան համարատուութիւնը, անոր շուրջ փոխանակուած քննադատութիւններն ու պատասխանները, եւ նկատելով, որ Ազգ. Պատուիրակութիւնը ներքին ու մանաւանդ արտաքին շատ դժուար կացութեան մը առջեւ գտնուած է իր գործունէութեան ընթացքին, կը գնահատէ ընդհանրապէս անոր աշխատանքն ու ջանքերը եւ կ'անցնի օրակարգին»:

Այս բանաձեւն ալ ստացաւ միայն երկու քուէ /Տէրպետրեան եւ Տիար Տէր-Ստեփանեան/:

Ի վերջոյ քուէի դրուեցաւ փոփոխում տրուելով Ամեն. Դուրեան Արքեպ.ի եւ Տիարք Ֆնտզլեանի եւ Տօվլէթեանի բանաձեւը.

«Համագումարը՝ լսելով Ազգ. Պատուիրակութեան անցեալ պաշտօնավարութեան համարատուութիւնը, անոր նկատմամբ եղած քննադատութիւնները եւ Պատուիրակութեան Նախագահին տուած բացատրութիւնները, գնահատելով Ն. Վսեմութեան եւ իր պաշտօնակիցներուն անխոնջ ջանքերը ու գործունէութիւնը եւ յայտնելով իր վստահութիւնը՝ կ'անցնի օրակարգին»:

Այս բանաձեւը ստացաւ եօթ քուէ, /Ամեն. Դուրեան Արքեպ., Տիարք Թէրզիպաշեան, Մարըլը Պօղոս Պէյ, Վսեմ. Գ. Նորատունկեան, Սինապեան, Տօվլէթեան, Ֆնտզլեան՝ մեծամասնութիւնը ներկայ տասներեք պատգամաւորներուն:

Տիար Դաւիթ-Բէկ ձեռնպահ մնաց երեք քուէարկութեանց ալ ընթացքին: Նախ. Վսեմ. Տիար Գ. Նորատունկեան յոյս յայտնեց, որ այս քուէարկութեամբ այլեւս կը փակուի Պատուիրակութեան հրաժարականի խնդիրը, եւ հակիրճ ամփոփումը ըրաւ այն աշխատութեանց, որոնք կը մնան Համագումարին:

Ատոնց մէջ առաջինն է թրքական դաշնագրին քննութիւնը, որ առաջ կը տարուի թէ՛ Ազգ. Պատուիրակութեան եւ թէ՛ Համագումարին կողմէ՝ նշանակուած յանձնաժողովներուն միջոցաւ:

Երկրորդ խնդիր մը՝ Ազգ. Պատուիրակութեան վերակազմութեան կամ անոր տրուելիք նոր տիրէքիւններու հարցն է: Վսեմ. Նախագահը ժողովին յանձնարարեց, որ մասնաւոր յանձնաժողով մը գումարուի այդ տիրէքիւնները ուսումնասիրելու համար:

Երրորդ խնդիր մը՝ Կիլիկիոյ կացութեան հարցն է, որու մասին Վսեմ. Նախագահը յոյս յայտնեց, որ Պատուիրակութիւնը շուտով կը ներկայացնէ իր առաջարկները Համագումարին:

Ուրիշ գլխաւոր խնդիր մը՝ մանտայի հարցն է, որուն նկատմամբ, Համագումարի նախորդ նստաշրջանին որոշման համաձայն, պատրաստուած էին կարգ մը օրինագիծեր, որոնց այլեւս պէտք չէ մնացած, քանի որ պայմանները փոխուած են անկէ ի վեր եւ Հայաստան մանտաթր չպիտի ունենայ այն ձեւով, ինչպէս որ կ'ենթադրուէր անցեալ տարի Ազգերու Ընկերակցութեան Դաշնակցութեան 22-րդ յօդուածին հիման վրայ: Բայց եւ այնպէս, ըսաւ Ն. Վսեմութիւնը, կրնանք այդ օրինագիծերը իբր նախագիծ ներկայացնել հայկական կառավարութեան նկատմամբ: Իսկ մանտայի հարցին նկատմամբ վերջնական որոշման մը յանգելու համար, Ն. Վսեմութիւնը այն յայտնեց, որ Պատուիրակութեան առաջարկին պէտք է սպասել: Ն. Վսեմութիւն ժողովը հաւանութիւն յայտնեց այս առաջարկին, որով կազմական կանոնագրեր տեղեկագրին խնդիրը վերցաւ օրակարգին:

Տիար Տէր-Ստեփանեանի առաջարկին վրայ, որոշուեցաւ Պատուիրակութեան ապագայ տիրէքիւններու մասին նախ ընդհանուր խորհրդակցութիւն մը կատարել եւ վերջէն կազմել անոնց ուսումնասիրութեան համար յանձնաժողով մը, որպէսզի այս վերջինը Համագումարին տրամադրութեանց տեղեկանայ եւ որոշ ուղղութիւն մը ունենայ իր աշխատութեան նկատմամբ:

Նախագահ Վսեմ. Տիար Գ. Նորատունկեան ի վերջոյ շեշտեց այս բոլոր աշխատութիւնները կարելի եղածին չափ շուտով լրացնելու անհրաժեշտութիւնը, նկատելով, որ պատգամաւորներէն շատերը եկած են հեռաւոր տեղերէ, եւ անհամբեր են վայրկեան մը առաջ իրենց գործին գլուխը դառնալու:

Տիար Տիարն Տօվլէթեան. Վսեմ, Նախագահին ակնարկած պատգամաւորներէն մէկն ալ ես եմ: Կը ցաւիմ, որ ստիպուած եմ վաղն իսկ մեկնիլ Անգլիա, որով այլեւս չպիտի կրնամ մասնակցիլ Համագումարիդ աշխատութեանց: Շատոնց պիտի մեկնէի արդէն, բռնադատուած հարկեցուցիչ պատճառներէ, բայց եղած պնդումներու վրայ՝ մնացի, ինչ որ սակայն դժբախտաբար, այլեւս անկարելի է այսօր: Չեմ կարծեր, որ իմ մեկնիլս զգալի դառնայ ժողովիդ, որովհետեւ կը յուսամ, որ իմ թանկագին ընկերս՝ Տիար Գառնիկ Ֆնտզլեան, սիրով պիտի փոխանորդէ ինձի, ամեն անգամ, որ Անգլիոյ հայոց անուճով յայտարարութիւն մը ընելու պէտք ծագի:

Չբաժնուած՝ կ'ուզեմ քանի մը խօսք ընել պաքթ. ժողովիդ, այն յոյսով, որ ձեր ամենուր զգացմանց թարգմանը եղած պիտի ըլլամ:

Մենք հաւատացած ենք ու կը հաւատանք մէկ եւ անբաժանելի Հայաստանի մը ... անկաշկանդ ու անկախ, եւ եթէ կարելի ըլլայ՝ բացարձակ տէր իր իրաւանց: Մենք կը հաւատանք ունենալ այնքան իրաւունք Երեսնի Հանրապետութեան ստեղծման եւ պահպանման գործին մէջ, որքան իր այսօրուան ներկայացուցիչները: Առանց ամբողջական հայութեան ջանքերուն ու օգնութեան, առանց մանաւանդ համերաշխ գործակցութեան, կարելի չէ, որ մեր ճակատագրին տէր դառնանք: Ասոնք կ'ըսեն ամենախոր համոզումով, մտաբերելով ազգիս զարգացման ու բարգաւաճման պատմութիւնը, որ է՛ն առաջ այս ճշմարտութիւնը կը սորվեցնէ մեզի: Երկու Պատուիրակութիւնները պէտք է միանգամ ընդ միշտ հասկնան, որ եթէ եղբայրական սէր, ներող ոգի, փոխադարձ զիջողութիւն չըլլայ, բացարձակապէս անկարելի կը դառնայ համերաշխ գործակցութիւնը, եւ մեր ազգին արդար դատը, որուն յաջողութեան ակնդէտ կը սպասէ ամբողջ հայութիւնը, որ ցրուած է աշխարհի բոլոր մասերուն մէջ, վերջնականապէս կորստեան կը մատնուի: Արդէն իսկ շատ բան տուժեցինք անհամերաշխութեան, անմիաբանութեան ձեռէն, ինչպէս մեր նախնիքը տուժած են անցեալի մէջ: Մեր ձախողութիւններէն շատերուն բուն պատճառը ատ է: Ի զուր այդ ձախողութեանց պատասխանատուներ կը փնտռենք: Յանցանքը գլխաւորաբար մեր անմիաբանութեան վերագրելի է: Յանուն Անգլիոյ հայ գաղութին, որու ներկայացուցիչներէն մէկն ըլլալու պատիւն ունիմ Համագումարիս մէջ խոնարհաբար ու թախանձանօք կոչ կ'ընեմ Պատուիրակութեանց իւրաքանչիւր անդամին հայրենասիրական զգացմանց, որպէսզի մոռնալով անցեալը, սուրբ գործին փարին նոր ոգուով ու ջերմեռանդութեամբ, յիշելով անմահ Պէշիկթաշլեանի՝ մեզի կտակած խօսքերը.

«Տո՛ւր ինձ քո ձեռքը, եղբայր եմք մենք,

Որ մըրըրկաւ էինք գատուած,

Բախտին ամեն ռիս չարանենց

Ի մի համբոյր դրուիմ ի բաց:

Ընդ աստեղօք ի՞նչ կայ սիրուն

Քան զանձկալի եղբայր անուն»:

Համագումարը հաւանութեան ձայներով իր համամտութիւնը յայտնեց Տիար Տօվլէթեանի:

Նախագահ Վսեմ. Տիար Գ. Նորատունկեան արտասուաթոր ծայնակցեցաւ Տիար Տիարն Տօվլէթեանի, մաղթելով, որ բանաստեղծին ըղձանքը իրականանայ ազգին մէջ այս դժուարին թուփին, երբ այնքան անհրաժեշտ է ընդհանուրին համագործակցութիւնը ընդհանուր ազգին դատին փրկութեան համար:

Նիստը փակուեցաւ ժամը 6 1/2-ին:

ՀԱԱ, ֆ. 430, ց. 1, գ. 64, թթ. 14-23: Ձեռագիր: Բնագիր:

**Նխտ ժՅ**

18 Յունիս 1920, ժամը 4-ին,  
Նախագահութամբ Վսեն. Տիար Գ. Նորատունկեանի:

Ներկայ էին 16 պատգամաւոր՝  
Ամեն. Դուրեան Արքեպիսկ., Տոքթ. Բարսեղեան, Դաւիթ-Բէկ, Թերզիպաշեան,  
Թէքեան, Տամատեան, Հանրմեան, Սարըլը Պէյ, Տոքթ. Ներուզ, Վսեն. Գ.  
Նորատունկեան, Վսեն. Պօղոս Փաշա Նուպար, Զօպանեան, Սինապեան,  
Տէրպետերեան, Տէր-Ստեփանեան, Ֆնտզեան:

**ՕՐԱՎԱՐԳ**

**1. Վերակազմութիւն Ազգ. Պատուիրակութեան  
2. Տեղեկագիր Դաշնագրի Քննութեան Յանձնաժողովին**

**ԱՏԵՆԱՎԱՆ ԳՈՐԾՈՂՈՒԹԻՒՆՆԵՐ**

Ատենագրութիւն

Կարդացուեցաւ Յունիս 16-ի նիստին ատենագրութիւնը եւ վաւերացուեցաւ:

1. Ձեկուցում Ազգ. Պատուիրակութեան Նախագահ Վսեն. Պօղոս Փաշան  
Նուպարի, հատուցման խնդրին նկատմամբ:

Ազգ. Պատուիրակութեան Նախագահ Վսեն. Պօղոս Փաշա Նուպար յիշեցուց  
ժողովին Տիար Թերզիպաշեանի այն քննադատութիւնը, թէ հայերը կրնային  
հատուցում ստանալ Գերմանիայէն, բայց Պատուիրակութեան անփութութեամբ չէ  
ստացուեր. յիշեցուց նաեւ իր խոստումը, թէ այս խնդիրը, որուն նկատմամբ ինք  
անձնապէս բոլորովին հակառակ կարծիք մը ունէր, պիտի ենթարկէր յայտնի  
իրաւագետի մը խորհրդակցութեան: Ն. Վսենութիւնը ըսաւ, թէ երկու յայտնի  
իրաւէրներ՝ Բրօֆ. Պարթէլէնի եւ Պ. Սանտէլշթամ, որոնց խորհրդակցութեան  
դիմուեցաւ այդ մասին, Տիար Թերզիպաշեանի թէգին հակառակ կարծիք  
յայտնած էին արդէն, եւ թէ այս անգամ ալ՝ դիմած էր երրորդ  
իրաւագետի մը՝ Պ. տը լա Բրատէլի, անոր ուշադրութեան  
ներկայացնելով նաեւ նոյն ինքն Տիար Թերզիպաշեանի կողմէ  
այս խնդրին նկատմամբ եղած առարկութիւնները պարունակող  
հետեւեալ հարցարանը.

Հարցարան Տիար Ա. Թերզիպաշեանի՝ Գերմանիայէն  
տուգանք ստացուելու խնդրին նկատմամբ

Հայկական Հանրապետութիւնն ու Թուրքիոյ հայերը իրաւունք ունի՞ն  
հատուցում պահանջելու Թուրքիայէն ու Գերմանիայէն:

Հայկական Հանրապետութիւնը իրաւունք ունի՞ մաս մը  
պահանջելու այն հատուցումէն, զոր Գերմանիա, Վերսալի Դաշնագրին  
տրամադրութեան համաձայն, պիտի ընէ Դաշնակից պետութեանց:

Տիար Թերզիպաշեան հետեւեալ առարկութեանց վրայ կը  
հիմնուի՝ հաստատական պատասխան տալու համար այս երկու  
հարցումներուն.

Առաջին հարցման մասին.

1. Թուրքիոյ հայերը, 1914-ին, Դաշնակից պետութիւններէն  
մէկուն գրաւոր յանձնառութեանց հետեւանքով՝ հայ պետերու  
իրամանին տակ գտնուող վաշտեր կազմած են ռուսական  
հողին վրայ եւ կռուած են թուրքերուն դէմ:
2. Պ. Բիշոնի՝ այն ատեն արտաքին գործոց նախարար՝  
մէկ շիֆրէ հեռագրին վրայ՝ Թուրքիոյ հայերը Թուրքիոյ  
մէջ կազմած են զինեալ ոյժեր, որոնք Դաշնակիցներու  
եւեմտական ու զինուորական աջակցութեան շնորհիւ,  
կռուած են թուրքերու դէմ:
3. Թուրքիոյ հայերը, հակառակ թուրքերու կողմէ  
եղած շլացուցիչ խոստումներու, մերժած են անոնց հետ  
ձեռք-ձեռքի տալ, եւ ինչպէս ըսուեցաւ,  
արդէն զինուորական օգնութիւն ընծայած են  
Դաշնակիցներուն:
4. Թուրքիոյ հայերը, հենց այս ընթացքին  
պատճառաւ, ենթարկուած են խմբական  
կոտորածներու, տեղահանութեանց եւ ամենէն  
զարհուրելի վայրագութեանց, զորս պատմութիւնը  
արձանագրած ըլլայ երբեք:

Երկրորդ հարցման մասին

1. Ռուսական Կայսրութիւնը մաս կը կազմէր  
Համաձայնական Դաշնակից պետութեանց,  
եւ այդպէս ալ մնաց մինչեւ Լենինի Յեղափոխութիւնը:  
Առանց այս յեղափոխութեան, Ռուսիա ալ  
պիտի մասնակցէր հաշտութեան դաշնագրին  
եւ իր բաժինը պիտի ստանար գերմանական  
հատուցումէն: Հայաստան չհետեւեցաւ  
պոլշեիկ շարժման, այլ՝ շարունակեց կռուիլ  
Համաձայնութեան կողքին. այս վերջինին  
կողմէ զէնքով եւ ռազմամթերքով օժանդակութիւն  
եղաւ իրեն: Հայաստան պահած է ուրեմն  
իր պատերազմիկ դաշնակցի հանգամանքը.  
Հայաստան 20000 հոգի կորսնցուց,  
առանց հաշուելու վիրաւորները եւ  
հաշմուածները: Այս իրողութիւնները  
ինքնին կը հաստատեն, թէ Հայաստան  
իրաւունք ունի արդար հատուցում մը  
ստանալու:

2. Պէտք է մտաբերել, որ Գերմանիոյ  
հետ զինադադար կնքուելէն առաջ իսկ  
Հայաստան ինքզինքը անկախ  
հռչակած էր 1918 Մայիս 28-ին, եւ այս  
անկախութիւնը ճանչցուած է Թուրքիոյ  
կողմէ՝ այս վերջինին եւ Հայաստանի  
միջեւ կնքուած դաշնագրով:

3. Դաշնակիցներու եւ Թուրքիոյ միջեւ  
կնքուելիք դաշնագրին ծրագիրը կը  
հաստատէ այն սկզբունքը, թէ Դաշնակից  
պետութիւնները իրաւունք ունին Թուրքիայէն  
փոխարինութիւններ պահանջելու, այդ  
ծրագիրը նոյն ատեն կը հռչակէ  
Հայկական Հանրապետութեան՝ Դաշնակից  
պետութեան հանգամանքը: Փոխարինութեան  
սկզբունքը հիմնուած է այն իրողութեան  
վրայ, թէ Թուրքիա՝ Գերմանիոյ եւ Աւստրիա-  
Հունգարիոյ հետ ընկերակցած է այս  
պետութեանց կողմէ յայտարարուած  
պատերազմին մէջ. այս երեք  
պետութիւնները համերաշխաբար  
պատասխանատու նկատուած են:

Արդ, այն միեւնոյն սկզբունքը, որ կը  
հռչակէ Հայկական Հանրապետութեան  
իրաւունքը Թուրքիայէն փոխարինութիւններ  
պահանջելու, պէտք է ընդունի նաեւ  
Հանրապետութեան իրաւունքը՝ Գերմանիայէն  
փոխարինութիւն պահանջելու եւ իր  
բաժինը ստանալու այն հաւաքական  
հատուցումէն, զոր այս վերջին պետութիւնը  
պիտի վճարէ:

4. Հայկական Հանրապետութիւնը միջոց  
մը հաշտութեան կնքեց Թուրքիոյ հետ,  
բայց ամեն մարդ գիտէ, թէ բռնադատուած  
եւ ստիպուած էր այդպէս ընելու: Ինչպէս  
Ռումանիոյ հարկադրուած հաշտութիւնը  
արգելք մը չեղաւ, որ այս պետութիւնը  
Դաշնակից չհռչակուի եւ չմասնակցի  
հաղադրութեան Դաշնագրին, այնպէս  
ալ այն հաշտութիւնը, զոր Հայկական  
Հանրապետութիւնը ստիպուած էր կնքելու,  
պէտք չէ որ փաստ դառնայ իրեն դէմ:



Այս բոլոր պատճառներով՝ Տիար Թերզիպաշեան կը կարօժ, թէ Թուրքիոյ հայերն ու հայկական պետութիւնը, իրաւունքի եւ արդարութեան տեսակետով, կրնան պահանջել եւ ստանալ պատերազմական հատուցում մը, ինչպէս Վերսալի Դաշնագրին մասնակցած պետութիւնները, ինչպէս արդէն՝ Համաձայնութեան պետական մարմինները հռչակած են բազմիցս իրենց յայտարարութիւններով:

Այս հարցարանին ընդունումէն ետք, Ազգ. Պատուիրակութեան Նախագահ Վսեմ. Պօղոս Փաշա Նուպար ժողովին հաղորդեց հարցարանին նկատմամբ Պ. տը լա Բրատլի հետ փոխանակուած նամակները, որոնք կարդացուեցան:

Ա. Նամակ Վսեմ. Պօղոս Փաշա Նուպարի՝ առ Պ. տը լա Բրատլի.  
Փարիզ, 12 Յունիս 1920

Պ. տը լա Բրատլի,  
2, Rue Lacourbe, 2  
Paris.

Սիրելի Պ. տը լա Բրատլի,  
Ձեզի կը դրկեմ ստորեւ նշանակուած գիրերը, որոնց մասին խօսած էինք մեր երէկուան տեսակցութեան ընթացքին.

1. Պատճեն այն նամակին, որով Դաշնակից կառավարութեանց ծանուցին Հայաստանի անկախութիւնը.
2. Պատճեն բրիտանական կառավարութեան պատասխանին: Միւս կառավարութիւնները չեն պատասխանած:
3. Պատճեն Խաղաղութեան Վեհաժողովի այն նամակին, որ կը վերաբերի Հայկական Հանրապետութեան ճանաչման:
4. Պատճեն Ֆօրէյն Օֆիսի մեկ նամակին, որ կը պաքթանի այդ միւսնայն ճանաչման:

Անոնց կը կցեմ պզտիկ ծանօթագիր մը՝ պատրաստուած մեր Համագումարին անդամներէն մէկուն կողմէ, որ այն կարծիքն ունի, թէ իրաւունք ունէինք բաժին մը ստանալու գերմանական հատուցումէն եւ որ խնդրեց ձեզի ներկայացնել այն առարկութիւնները, որոնք պարզուած են այդ ծանօթագրին մէջ:

Ընդունեցէ՛ք, սիրելի՛ Պ. տը լա Բրատլի, իմ ամենէն անձնուէր զգացմանցս ու մեծարանացս հաւաստիքը:

Պօղոս Նուպար

Վսեմ. Պօղոս Փաշա Նուպար. Պ. տը լա Բրատլի պատասխանին մէջ, զոր ստացայ, բնաւ ակնարկութիւն չէր եղած Տիար Թերզիպաշեանի հարցումին նկատմամբ: Կարծելով, որ մոռցած է զայն նկատողութեան առնելու, իրեն գրած երկրորդ նամակիս մէջ անգամ մըն ալ իր ուշադրութեան ներկայացուցի Տիար Թերզիպաշեանի հարցարանը, ինչպէս արդէն պիտի տեսնուի նամակիս ընթերցումէն:

Բ. Նամակ Վսեմ. Պօղոս Փաշա Նուպարի՝ առ Պ. տը լա Բրատլի.  
Փարիզ, 15 Յունիս, 1920

Պ. տը լա Բրատլի,  
2, Rue Lacourbe, 2  
Paris.

Սիրելի՛ վարպետ,

Կը փութամ ձեզի դրկելու երկու մատնագրուած օրինակները ձեր նոյնքան նշանաւոր խորհրդակցութեան գրին, որուն համար կը խնդրեմ, որ ընդունեք իմ ամենաբուռն շնորհակալութիւններս:

Կը վախճամ, որ սխալներ սպրդած ըլլան մատնագրութեան մէջ. այս պատճառաւ՝ երկու օրինակ կը դրկեմ ձեզի, եւ կը խնդրեմ, որ անոնցմէ մէկը՝ եթէ պէտք կայ՝ արտագրել վերջ ստորագրեք եւ ինձի դարձնեք ու միւսն ալ պահեք ձեր մօտ:

Շնորհապարտ պիտի մնամ ձեզի, եթէ նոյն ատեն յայտնեք, թէ արդեօք ձեր խորհրդատուութեան գիրը խմբագրած ատեննիդ նկատողութեան առի՞ք այն հարցարանը, զոր ձեզի դրկեցի Շաբաթ օր, եւ որուն մէջ, ինչպէս ըսած էր Ազգ. Համագումարի մեր պաշտօնակիցներէն մէկը՝ Տիար Թերզիպաշեան, Հայաստանի իրաւունք կու տար բաժին մը ստանալու գերմանական հատուցումէն:

Որովհետեւ այդ հարցարանը չէ յիշատակուած Ձեր խորհրդատուութեան մէջ, պիտի ուզէի ամեն կասկած բառնալ այդ մասին. հետեւաբար՝ շատ շնորհապարտ պիտի մնամ Ձեզի, եթէ զայն յիշատակեք կա՛մ ձեր խորհրդատուութեան գրին մէջ եւ կա՛մ այն գրաւոր պատասխանին մէջ, զոր պիտի Դուք ինձի տաք նամակով, որպէսզի կարենամ անոր նկատմամբ տեղեկութիւն տալ Համագումարին:

Ընդունեցէ՛ք, սիրելի՛ վարպետ, իմ ամենամեծնուէր զգացմանցս հաւաստիքը:

Պօղոս Նուպար

Վսեմ Պօղոս Փաշա Նուպար. Պ. տը լա Բրատլի, ստիպուած ըլլալով նոյն իրիկունն իսկ մեկնիլ, հետեւեալ նամակը դրկեց ինձի, նամակ, որուն մէջ, ինչպէս փափաք յայտնած էի, բացորոշ կերպով ըսած է, թէ ինչո՞ւ իր խորհրդատուութեան մէջ չէ յիշատակած Տիար Թերզիպաշեանի հարցարանը:

Գ. Նամակ Պ. տը լա Բրատլի առ Վսեմ. Պօղոս Փաշա Նուպար.  
Փարիզ, 15 Յունիս 1920.

Վսեմ. Պօղոս Փաշա Նուպար,  
Նախագահ Հայ Ազգ. Պատուիրակութեան  
12 Avenue de Président Wilson,  
Paris.

Վսեմափայլ Տիար,

Այն միջոցին, ուր կը խմբագրէի խորհրդատուութեան գիրը, որ ձեր մօտն է եւ որուն սրբագրուած ու ստորագրուած մէկ օրինակը շուտով պիտի դրկեմ Ձեզի, աչքի առջեւ ունէի Տիար Թերզիպաշեանի պատճառաբանութիւնը. ո՛չ ոք պիտի տարակուսի այս մասին, կարդալով խորհրդատուութեան գիրը: Ամենամեծ խնամքով քննեցի իր կողմէ ներկայացուած պատճառները եւ անոնցմէ ո՛չ մէկը համոզեց զիս:

Հաճեցէ՛ք ընդունիլ, Վսեմ. Տիար, իմ ամենամեծնուէր զգացմանցս հաւաստիքը:  
տը լա Բրատլի

Վսեմ. Պօղոս Փաշա Նուպար. Այսպէս ուրեմն՝ երեք նշանաւոր իրաւագետներ՝ նախ Պ. Պարթէլէմի, յետոյ Պ. Մանտելշթամ եւ ի վերջոյ Պ. տը լա Բրատլի, որոնց խորհրդակցութեան դիմեցիք, կը հերքեն Տիար Թերզիպաշեանի թեզը, թէ կրնայինք հատուցում ստանալ Գերմանիայէն եւ փոյթ չենք ըրած ստանալու:

Այս է այն խնդիրներէն մէկը, որուն համար անձնապէս յարձակմանց նշաւակ եղայ:

Տիար Ա. Թերզիպաշեան. Ես նախ պէտք է յայտնեմ, որ անձի հետ գործ չեմ ունեցած. ես քննադատած եմ Պատուիրակութիւնը, առանց անձի խօսք ընելու. չեմ փափաքիր, որ իմ ընթացքս սխալ մեկնուի: Յետոյ, որպէսզի Պ. Նախագահին խօսքերը առանց պատասխանի մնալով որոշ տպաւորութիւն չթողուն, հակառակ որ այդ հարցը օրակարգի վրայ չէ, կ'ըսեմ, որ ես սկիզբին Գերմանական տուգանքին բաժին պահանջելու թեզը դրած եմ ո՛չ թէ օրէնքի ձեւականութեան վրայ, այլ՝ օրէնքի ոգիին, բարոյականին վրայ: Մեր մէջ կարծեմ չկայ մէկը, որ ստանայ մեր բարոյական իրաւունքը. չկայ մէկը, որ մոռցած ըլլայ, թէ Դաշնակիցները պաշտօնապէս եւ տասնեակ անգամներ ի լուր աշխարհի հռչակած են, թէ Պելճիբայի, Սերպիոյ եւ

Հայաստանի վերականգնումը իրենց յաղթանակին նպատակներեն մեկն է: Անոնք չդադրեցան Պերմանիան վարկաբեկել հայկական ջարդերուն համար: Այսօր՝ երբ Հայաստան աւերակներու կոյտ մը դարձած է, Դաշնակիցները կը ստանան 100 միլիառ, Պելճիքայի բաժին կու տան, Սերպիոյ բաժին կու տան, իսկ Հայաստանին՝ ոչ: Ո՛չ, որովհետեւ չե՛նք ուզեր ստանալ: Դաշնակիցները մեր վիճակը գիտեն, մեզմէ պիտու՞ն ուզած են մեզի օգնելու համար: Մենք՝ օգնութեան անունով կ'ուզենք, բայց իրաւունքով ոչ: Խորհրդատուութիւն կատարող իրաւագէտներէն Պ. Պարթէլէնի իսկ հաստատած է մեր բնական իրաւունքը: Քանի որ Պերմանիա՝ Վերսայլի Դաշնագրին 231-րդ յօդուածով խոստովանած է, թէ ինք է պատճառը պատերազմին աղետներուն զորս, յանձն կ'առնէ դարմանել. ես դարձեալ կը պնդեմ, որ մենք պէտք է պահանջենք մեր հատուցման բաժինը, մեր իրաւունքին ամբողջ բարոյական ոյժովը:

### 3. Խնդիր Մեծամասնութեան Ազգ. Համագումարի

Տիար Տոքթ. Ա. Բարսեղեան. Պատգամաւորներու ներկայութեան տոմարին մէջ անդամներու թիւը իջած է 26-ի, մինչդէռ Համագումարին կողմէ տրուած որոշումներով հրաժարած նկատուողները 12-ի չհասան, որպէսզի լրանայ անցեալ տարուան 38 թիւը: Պատահմամբ այժմս զարկաւ, որ Համագումարի հրաւերը անպատասխան ձգողներէն մէկ քանին հանուած են այդ ցանկէն, մինչդէռ ուրիշներ կը մնան: Այս իրողութեան հետեւանքով ալ մեծամասնութեան խնդիրը անորոշ ձեւ մը առած է: Առաջին անգամ հրաժարականները նկատի առնուելէ ետքը, 17-ը ընդունուեցաւ իբր մեծամասնութեան թիւ. յետոյ՝ թէև նոր հրաժարողներ եղան, բայց նոր ընտրութիւններն ալ վաւերացուեցան եւ նոր ճշդում մը չեղած՝ վերջին օրերս մենք սկսանք մեծամասնութիւն փնտռել ցանկին մէջ նշանակուած 26 անուններուն վրայ: Ասիկա, իմ կարծիքովս անկանոնութիւն մըն է, որու մասին ուշադրութիւնը կը հրաւիրեմ թէ՛ Դիւանին եւ թէ՛ ժողովին:

Տիար Տէր-Ստեփանեան. Կ'առաջարկեմ Համագումարի հրաւերը անպատասխանի թողողները պահել ցանկին մէջ, բայց քուէարկութեանը ընթացքին նկատի չառնել զանոնք, ինչպէս նկատի չենք առներ հրաժարեալները: Իսկ անոնք, որ այս Համագումարին կամքէն անկախ բոլոր պատճառով մը բացակայ են, բնական է՝ կը մնան անդամ:

Տիար Վահան Թէքեան. Կան կարգ մը անդամներ, որոնք իրենց կամքով չեն մասնակցած Համագումարին. իրենք միակ դատաւորը եղած են իրենց բացակայութեան: Եթէ անոնք թիւը կէսէն աւելի ըլլար, Համագումարը պիտի դատապարտուէր անշարժութեան: Նոյնիսկ չպիտի կրնար գումարուիլ: Բոլորովին տարբեր է, օրինակի համար, Պուկարիոյ եւ Ամերիկայի պատգամաւորներու պարագան. անոնք կա՛մ հրաժարած են որոշ պատճառաբանութիւններով եւ կա՛մ հրաժարեցուած են զիրենք ընտրող մարմիններու կողմէ: Բայց միւսները բնաւ բան մը չեն ըսած իրենց բացակայութեան մասին: Բարեբախտաբար՝ ասոնց թիւը կէսէն աւելի չէ: Ասոնք երբեք իրաւունք չունին առանց լուր տալու, առանց պատճառաբանելու բացակայիլ, քանի որ անցեալ տարի՝ իրենց հաւանութեամբ տրուեցաւ Համագումարի երկրորդ նստաշրջանը գումարելու որոշումը: Իրենց կողմէ սխալ մը, յանցանք մըն է ասիկա: Ուրիշ պատգամաւորներ եկեր են ու կը մասնակցին այս Համաժողովին. պէ՛տք է, որ իրենց գործունէութիւնը խափանուի մնացեալներուն յանցանքին պատճառաւ: Ոչ անշուշտ: Ուրեմն, պէտք է, որ նկատի չառնենք առանց պատասխան տալու բացակայ եղողները եւ մեր գործը շարունակենք: Սանաւանդ որ ընդհանուր պատգամաւորներու կէսին մէկ աւելին ներկայ է: Եթէ զանոնք հաշուի առնէինք եւ մեր մեծամասնութիւնը ըստ այնմ որոշէինք, պարզապէս անկարգութեան պարզեւ մը տուած պիտի ըլլայինք:

Տիար Ա. Հանըմեան. Չենք անդրադառնար սակայն, որ հետզհետէ կը նուազեցնէինք մեծամասնութեան թիւը: Պէտք է վերջնականապէս որոշենք, թէ մինչեւ ո՞ւր կրնանք առաջ տանիլ այդ նուազեցումը: Եթէ օր մը այստեղ միայն չորս հոգի մնան, քանի որ շարունակ մեկնողներ կ'ըլլան, պիտի կրնանք այդ չորս հոգիով որոշում տալ:

Տիար Վահան Թէքեան. Բնականաբար, ամեն անոնք, որոնք անգամ մը ներկայ գտնուած են, կը հաշուէին մեծամասնութեան որոշման առթիւ:

Տիար Ա. Բարսեղեան. Համագումարին իրական թիւը 38 էր, ուրեմն՝ մեծամասնութիւնը պէտք է ըլլայ 20 թիւը: Անկէ պակասով եղած ամեն գործողութիւն, ըստ իս, կամայականութիւն է:

Հաշուուեցաւ, թէ Համագումարին այս նստաշրջանին մասնակցած են նախորդ անդամներէն 19 հոգի՝

1. Ամեն. Դուրեան Արքեպիսկոպոս Տիարք՝
2. Աղաթօն Պէյ
3. Տոքթ. Բարսեղեան
4. Դաւիթ-Բէկ
5. Թէրզիպաշեան
6. Թէքեան
7. Թումայեան
8. Հանըմեան
9. Սսըրը Պէյ
10. Տոքթ. Նելուզ
11. Ներսիսեան Խան
12. Վսեմ. Գ. Նորատունկեան
13. Վսեմ. Նուպար Պողոս Փաշա
14. Չօպանեան
15. Սինապեան
16. Տէրպետեան
17. Տէր-Ստեփանեան
18. Քէլէկեան Խան
19. Ֆնտզլեան

Հրաժարուած են 9 պատգամաւոր՝

1. Հ. Յովհ. Վ. Թորոսեան

Տիարք՝

2. Համբարձումեան
3. Հինդլեան
4. Սաթիկեան
5. Յակոբեան
6. Տոքթ. Սայեան
7. Վարանդեան
8. Տէրվիշեան
9. Փաստրմաճեան

Վախճանած է մէկ պատգամաւոր

1. Տիար Յ. Մոստիշեան

Համագումարի հրաւերը անպատասխանի թողած են 9 պատգամաւոր՝

- Տեարք՝ 1. Տոքթ. Ալթունեան
2. Խաչատուրեան Բրօֆ.
3. Մալքոլմ
4. Մասեհեան Խան

5. Միքայելեան
6. Շանթ
7. Տամատեան
8. Տէր-Յակոբեան Բրօժ.
9. Փափագեան

որոնցմէ երեքը՝ Տիարք Մալքուն, Տամատեան եւ Բրօժ. Տէր-Յակոբեան՝ մասնաւոր պաշտօնով կը գտնուին այլ եւ այլ տեղեր, իսկ նոր ընտրուած են 5 պատգամաւոր՝

1. Գեր. Մուշեղ Արքեպիսկոպոս Տիարք՝
2. Լեւոնեան Բրօժ.
3. Պապաջանեան
4. Պզտիկեան
5. Տօվլէթեան

Առաջարկուեցաւ քուէարկութեանց պահուն հրաժարեալներուն հետ բոլորովին մէկ կողմ թողլու 9 պատգամաւորները, որոնք անպատասխանի թողած են Համագումարի հրաւերը, ինչպէս նաեւ նոր ընտրուողներէն երկուքը՝ Գեր. Մուշեղ Արքեպիսկ. եւ Բրօժ. Լեւոնեան, որոնք բնաւ չեն ներկայացած, եւ որոնց գալուն յոյս ալ չկայ այլեւս, եւ նկատի առնել, քուէարկութեանց պահ, նախորդ պատգամաւորներէն լոկ 19 ներկաներն ու նոր ընտրուող պատգամաւորներէն մնացեալ երեքը. Այս առաջարկութեան համեմատ՝ Համագումարի երկրորդ նստաշրջանին անդամներու ընդհանուր թիւը կը հասներ 22-ի եւ մեծամասնութեան թիւն ալ կ'ըլլար 12-ը: Կարճատեւ վիճաբանութենէ մը ետք, 16 պատգամաւորներու ներկայութեան, ընդունուեցաւ 12 ձայնի մեծամասնութեամբ:

### ՕՐԱԿԱՐԳ

#### 1. Վերակազմութիւն Ազգ. Պատուիրակութեան

Համագումարը անցաւ Ազգ. Պատուիրակութեան վերակազմումի խնդրին եւ կարողացուեցաւ Պատուիրակութեան Նախագահ Վսեն. Պօղոս Փաշա Նուպարի կողմէ Դիւանին ուղղուած հետեւեալ նամակը.

Փարիզ, 17 Յունիս 1920.

Տիար Նախագահ  
Հայ Ազգ. Համագումարին,  
Տիար Նախագահ,

Ինձի հաղորդուեցաւ այն վստահութեան բանաձեւը, զոր Համագումարը քուէարկած էր երկ:

Իմ եւ ինձի պէս հրաժարած իմ պաշտօնակիցներուն անունով պատիւ ունին Համագումարին ներկայացնելու մեր ամենախոր շնորհակալութիւնները՝ Պատուիրակութեան գործունէութեան մասին յայտնուած այս հաւանութեան արտայայտութեան համար:

Ամեն բանէ աւելի կ'ուզեմ իմ ամենաբուռն երախտագիտութիւնս յայտնել անձնապէս ինձի համար միաձայնութեամբ քուէարկուած այն բանաձեւին համար զոր Ամեն. Դուրեան մերժեց, եւ Համագումարի Դիւանը հաճեցաւ ինձի յանձնել եւ որուն մէջ իմ ծառայութեանցս մասին եղած գնահատութիւնը, որ այնքան բարձր է բաղդատմամբ իմ տկար արժանիքիս, խորապէս յուզեց զիս:

Համագումարին կը մնայ իմնա նոր Ազգ. Պատուիրակութիւն մը անուանել եւ անոր տիրէքիւններ տալ: Ասիկա պէտք է ընել կացութիւնն ու թուրքիոյ տրուած խաղաղութեան Դաշնագիրը խորապէս քննելէ վերջ միայն, քննութիւն որուն մասնակցիլը՝ իբր անդամ Համագումարի, ինձի պարտականութիւն մը պիտի նկատեն,

նոյնիսկ առաջին նիստէն, որ անոր պիտի նուիրուի, եւ որ կարծեմ պիտի գումարուի վաղը՝ Ուրբաթ:

Բայց անհրաժեշտ կը նկատեն նախապէս տեսակցութիւն մը ունենալ Ձեզի եւ այն միւս անդամներուն հետ, որոնց ընկերակցութեամբ Երեքշաբթի ինձի այցելելու պատիւը ըրիք: Շնորհապարտ պիտի մնամ, ուրեմն, Ձեզի եթէ հաճիք իմացնել, թէ ո՞ր ժամուն, կարելիութեան պարագային՝ այսօր եւ կամ վաղը առտուն, պիտի կրնամ պատիւը ունենալ Ձեզ գտնելու մեր պաշտօնատեղին՝ Պօքատոր փողոց:

Ընդունեցէ՛ք, Տիար Նախագահ, իմ անձնուր զգացմանցս հաւաստիքը:

Պօղոս Նուպար

Նախ. Վսեն. Գ. Նորատունկեան յայտնեց, թէ այս նամակը ստացած էր երկ, բայց անկարելի ըլլալով անոր մէջ յիշուած անդամներուն լուր տալ նոյն օրն իսկ, տեսակցութիւնը տեղի ունեցած էր այս առտու: Ն. Վսենութիւնը հրաւիրեց Պատուիրակութեան Վսեն. Նախագահը, որ հաճի անձամբ բացատրել այդ տեսակցութեան շարժառիթը:

Վսեն. Պօղոս Փաշա Նուպար. Ինչպէս պատիւ ունեցայ յայտնելու այս առտուան մեր տեսակցութեան միջոցին, կը կրկնեմ նաեւ այստեղ, թէ իմ հրաժարականիս ամենէն էական պատճառը անձնական առողջական վիճակս էր: Այն դժուարին գործը, որ իմ վրաս կը ծանրանար տարիներէ ի վեր, կը պահանջէր տաժանագին աշխատութիւն մը, զոր սիրով տարի, որքան ատեն որ ոյժերս ներեցին: Բայց կը վստահեցնեմ ձեզ, որ բացարձակապէս յոգնած կը զգամ ինքզինքս, եւ թէ բացարձակապէս անկարելի է, որ ասկէ ետքը կարենամ աշխատիլ այն կորովով ու աւելնով որով կ'աշխատէի եօթ տարիէ ի վեր: Կը վստահեցնեմ ձեզ նոյնպէս, թէ շատոնց մտադիր էի հրաժարիլ այդ միւսնոյն պատճառաւ, եւ արդէն իսկ հրաժարած կ'ըլլայի մինչեւ այսօր, եթէ այն յոյսը, թէ մեր հետապնդած դատը իր լուծման կը յանգի շուտով, ինձի գրգիռ մը չըլլար, տակաւին ատեն մըն ալ տոկալու: Գիտէք արդէն, թէ բախտ չունեցանք այդ յոյսն իրականացած տեսնելու: Նպատակը, որուն կը ձգտինք, շարունակ խուսափեցաւ քանի եռանդով կ'աշխատէինք անոր հասնելու: Մինչդէռ կը կարծէինք, թէ երկու-երեք ամսուան խնդիր մըն է, ահա տարի ու կէս անցաւ եւ չհասաւ իր լուծման: Դժբախտաբար, նոյնիսկ այսօր հաւանականութիւն չկայ, թէ մօտաւոր լուծում մը կը գտնէ թրքական հարցը որուն կապուած է մեր դատը: Այդ լուծումը օրերու խնդիր մը չէ, այլ՝ ամիսներու: Եւ ես չեմ կրնար տոկալ այլեւս. ոյժերս չեն ներեր, բացարձակապէս յոգնած եմ ու հիւանդ, հետեւաբար՝ ինքզինքս անկարող կը զգամ տակաւին երկար միջոց մըն ալ տանելու այն սպառնիչ աշխատութիւնը, որուն լծուած էի տարիներէ ի վեր: Թերեւս կարենամ նոր ճիգ մը ընել, եւ տակաւին ատեն մըն ալ մնալ պատնէշին վրայ, բայց վստահ եմ, որ այդ ճիգը բաւարար չպիտի ըլլայ եւ չպիտի կրնամ խղճի հանդարտութեամբ ըսել, թէ աշխատեցայ այնպէս, ինչպէս պարտաւոր էի, ինչպէս աշխատած էի մինչեւ այսօր: Պիտի խնդրեմ ձեզմէ, որ անձնական տեսակետները մէկ կողմ թողուք, նկատի առնէք լոկ մեր դատը եւ անոր փրկութեան մեծ պարտականութիւնը: Եւ այդ պարտականութեան հատուցման համար անհրաժեշտ է, որ այս դժուարին գործը ստանձնէ այն տեսակ անձնաւորութիւն մը, որ ո՛չ միայն կարող ըլլայ, այլ մանաւանդ՝ ի վիճակի ըլլայ իր բովանդակ էութեամբ անոր նուիրուելու: Կը կրկնեմ դարձեալ, թէ իմ առողջական վիճակս չի ներեր ինձի այդ բանը ընելու: Կրնաք վստահ ըլլալ, որ ձեւի համար չեմ ըսեր ասիկա. ինչ աշխատութիւն, որ երբեմն մէկ ժամուան մէջ կ'ընէի, հիմա հազու կրնամ գլուխ հանել երկու, երբեմն նոյնիսկ երեք ժամուան մէջ: Եւ մեր դատը այսօր մատնուած է այն տեսակ դրութեան մը, որ ուրիշ ատենէ աւելի եռանդ, ուրիշ ամեն ատենէ աւելի աշխատութիւն ու կորով կը պահանջէ: Ասիկա ըսելէ վերջ՝ իմ ամենախոր երախտագիտութիւնս կը յայտնեմ այն վստահութեան արտայայտութեան համար, զոր միաձայնութեամբ քուէարկէր էիք իմ եօթ տարուան գործունէութեան մասին, ինչպէս նաեւ այն պատուին համար, որուն

առարկայ դարձուցիք զիս՝ Ամեն. Դուրեան Արքեպիսկոպոստ եւ Դիւանէն կազմուած մասնաւոր պատգամաւորութեամբ մը այդ բանաձեւը ինձի դրկելով: Կրնաք վստահ ըլլալ, որ գնահատութեան այս արտայայտութիւնները խորապէս յուզած են զիս: Անգամ մըն ալ շնորհակալութիւն կը յայտնեմ այդ մասին եւ կը խնդրեմ, որ Զամագումարը նկատի առնելով իմ առողջական վիճակս, նկատի առնելով մանաւանդ պարագաներուն բազմապահանջ դրութիւնը, փութայ իսկոյն իմ տեղս ընտրելու ուրիշ անձնաւորութիւն մը, նորանոր դժուարութիւններով եւ անելի ծանրացած այս աշխատութիւնը տանելու համար: Զամագումարը այս գործը պէտք է լրացնէ ցրուելէ առաջ, պէտք է ընտրէ նոր Պատուիրակութիւն մը եւ նոր տիրէքթիւներ տայ անոր: Որովհետեւ նոր կացութեան մը դէմն ենք, պէտք է նոր ծրագիր եւ նոր գործունէութիւն, պէտք են նաեւ նոր դիմումներ, եւ անոնց ամէնուն համար պէտք են նոր մարդիկ, որոնք յոգնած չըլլան ու կարենան եռանդով փարիլ պահանջուած դժուարին աշխատութեան:

Տիար Վ. Թէքեան. Պատիկ ճշդում մը պիտի ընեն Պատուիրակութեան Նախագահին խօսքերէն ետք: Ոչ թէ պէտք է նախ Պատուիրակութիւնը ընտրել եւ յետոյ տիրէքթիւները կազմել, այլ՝ նախ տիրէքթիւները սահմանել եւ յետոյ Պատուիրակութիւնը ընտրել:

Վսեմ. Պօղոս Մուկար. Ես ալ այդ կարծիքին էի նախապէս, եւ, ըստ իս՝ տրամաբանական Փա կը թուէր ատիկա, որովհետեւ տիրէքթիւները պէտք է ուսումնասիրել անձնական նկատումներէ անկախաբար: Բայց այս առտուն մեր տեսակցութեան ընթացքին Զամագումարին Վսեմ. Նախագահը հակառակ տեսակէտը պաշտպանեց եւ իր մէջ բերած նկատումները համոզիչ երեւցան ինձի:

Տիար Ա. Թերզիպաշեան. Մեզի համար արդէն Պատուիրակութեան ընտրութեան հարց չկայ, այլ՝ տիրէքթիւ հարց: Պատուիրակութեան հարցը վճռուած է, քանի որ վստահութեան քուէ տուիւնք իր մասին: Այդ վստահութիւնը լոկ անցեալին համար չէր, այլ՝ նաեւ ապագայի համար:

Տիար Ա. Չօպանեան. Գիշդ է, որ այդ վստահութիւնը կրնայ նկատուիլ նաեւ ապագայի համար տրուած, բայց ինչպէս Վսեմ. Նախագահը, ես ալ յոգնած եմ շատ, անհնար է, որ կարենամ անցեալին պէս աշխատիլ: Զամագումարին եւ Պատուիրակութեան Նախագահին, որ այս ահաւոր թուիւն, որ այնքան մեծ ճիգեր եւ որքան անդուլ ու սպառիչ աշխատութիւն մը պէտք է մեր դատին համար, անհրաժեշտ է, որ ուժեղ տարրերով Պատուիրակութիւն մը կազմուի. Պատուիրակութիւն՝ որուն անշուշտ նախագահ կը մնայ դարձեալ Փաշան:

Տիար Ա. Թերզիպաշեան. Պատուիրակութեան լրացման հարց կրնայ ըլլալ, բայց ոչ ընտրութեան: Կարծեմ Զամագումարը կրնայ իր կողմէ խնդրել Վսեմ. Տիար Նորատունկեանի, որ իբր Զամագումարի Նախագահ՝ գործակցի Փաշային, որովհետեւ հասած ենք անանկ թուի մը ուր ամէնքս ալ, ոեւէ նկատում մէկ կողմ թողելով, պէտք է կատարենք գերագոյն հայրենասիրական պարտք մը:

Վսեմ. Պօղոս Փաշա Նուկար. Բայց Զամագումարը, այս որոշումը տալէն քիչ ետքը պիտի բաժնուի: Այն ատեն ի՞նչ պիտի ըլլայ իր նախագահին դիրքը: Անշուշտ չի կրնար պահել գոյութիւն չունեցող Զամագումարի մը նախագահութիւնը: Ես շնորհակալ պիտի ըլլամ, եթէ Վսեմ. Նորատունկեան էֆենտի, ինչպէս արդէն այստեղ ըսի, ինչպէս իրեն ալ ըսած եմ անձնապէս փոխանակ իբր Զամագումարի Նախագահ մասնակցելու Պատուիրակութեան, ուղղակի իբր անդամ մտնէ անոր մէջ: Եթէ պէտք ըլլայ, որ անպատճառ մնամ Պատուիրակութեան մէջ, կը մնամ, բայց ըսի արդէն, թէ մնալով հանդերձ, չպիտի կրնամ տալ անհրաժեշտ աշխատութիւնը, որն այլեւս անհնար է ինձի՝ առողջական վիճակիս բերումով: Որպէսզի կարենամ մնալ, աշխատակից մը պէտք է ինձի, աշխատակից մը որ, ստանձնէ գործնական նախագահութիւնը, մինչդէռ ես անուանապէս կը պահեմ նախագահի տիտղոսը: Անանկ որ՝ եթէ յանկարծ ոյժերս չենրեն եւ ստիպուիմ հրաժարիլ, յաջորդս պատրաստ կ'ըլլայ եւ պէտք չի մնար նոր համագումար հրաւիրելու: Այս մտածմամբ միայն

փափաքեցայ, որ Ն. Վսեմութիւնը Պատուիրակութեան մէջ մտնէ, առանց նոյնիսկ Պատուիրակութեան վերակազմութեան այս խնդրին քննութեան սպասելու:

Տիար Սըրըլը Պէյ. Եթէ Նորատունկեան էֆ. հաւանի Պատուիրակութեան մէջ մտնել, պիտի ուզէի՞ք պահել Պատուիրակութեան նախագահութիւնը:

Վսեմ. Պօղոս Փաշա. Կը պահեմ, քանի որ այդ է ամէնուս փափաքը, կը պահեմ եւ ոչ թէ սոսկ etiqvete-ի համար: Կ'աշխատիմ որքան աւտն որ ներեն ոյժերս, այն մտքի հանդարտութեամբ, որ եթէ յանկարծ չկարենամ այլեւս տոկալ, յաջորդս պատրաստ է եւ, իմ քաշուելով, Պատուիրակութիւնը չի քայքայուիր:

Վսեմ. Տիար Գ. Նորատունկեան. Քանի որ խնդիրը իմ անձիս շուրջ կը դառնայ, պէտք է այս մասին լուսաբանեմ Զամագումարը:

Խորապէս ազդուած եմ այն պատուաբեր առաջարկէն, զոր թէ՛ Ն. Վսեմութիւնը եւ թէ՛ Զամագումարը ըրիք զանազան առիթներով: Բայց քանի-քանի անգամ որոշապէս ըսի, թէ՛ այստեղ եւ թէ՛ մասնաւոր տեսակցութեանց մէջ, Ն. Վսեմութեան ալ կրկնեցի մեր տեսակցութեանց ընթացքին, որ ինձի համար բացարձակապէս անկարելի է մասնակցիլ Պատուիրակութեան ու գործուն դեր ստանձնել: Ասիկա իմ կողմէն Պատուիրակութեան տրուելիք ռեւէ օժանդակութեան մերժում մը չէ: Գիտէք, թէ ինչ-ինչ առիթներու մէջ երբ կոչում եղաւ ինձի, կրցածս ըրի նոյն իսկ Լոզանէն գալով Փարիզ եւ Սան Ռեմո: Բայց այդ Պատուիրակութեան մէջ մտնելու այս առաջարկը չեմ կրնար ընդունիլ, որովհետեւ քիչ օրէն պիտի ստիպուիմ բացակայիլ Փարիզէն: Կը խնդրեմ, հետեւաբար, որ այդ մասին յոյս չդնէք իմ վրաս: Աշխատիմք ուրիշ լուծում մը գտնելու: Կրնամք այդ աշխատակցութիւնը խնդրել Զամագումարիդ մէկ ուրիշ անդամէն:

Տիար Տոթթ. Բարսեղեան. Անցեալ տարի՝ Զամագումարին փափաքն էր կարելի եղածին չափ շուտ վերջ տալ այն երկուութեան, որ գոյութիւն առեր էր ազգային դատին հետապնդման գործին մէջ. նոյնիսկ տիրէքթիւներ տրուեցան այս մասին: Ցաւալի է սակայն, որ երկուութիւնը մնաց: Չեմ մտնէր պատճառներուն մէջ, բայց յայտնի է, թէ ինչո՞ւ չիրականացաւ Զամագումարին այդ փափաքը: Մէջտեղը հիմա Փաշային հրաժարականի հարցը կայ եւ անով պիտի զբաղիմ: Հարցը պարզ է ինձի համար: Եօթ-ութ տարիէ ի վեր Ազգ. Պատուիրակութիւնը վարող անձը, որ տակաւին մինչեւ տարիուկէս առաջ գրեթէ միմակը կը կատարէր այդ գործը եւ որուն անունը անբաժանելի կերպով կապուած է Ազգ. Պատուիրակութեան հետ, անձնական տկարութեան պատճառաւ կը հրաժարի եւ կը պնդէ իր հրաժարականին վրայ: Խնդիր է, թէ Փաշային հրաժարելէն վերջ, ի՞նչ պիտի ըլլայ Պատուիրակութիւնը: Պատուիրակութեան ղեկը պէտք է տեսան նախ Պատուիրակութիւն մը կազմելու եւ յետոյ նոր տիրէքթիւներ սահմանելու: Ես կը կարծեմ, թէ սխալ է ասիկա: Մենք նախապէս պէտք է խորհիմք տիրէքթիւներուն վրայ, որովհետեւ սահմանուելիք տիրէքթիւներէն յայտնի պիտի ըլլայ Պատուիրակութեան դիրքը եւ անհրաժեշտութիւնը: Պիտի առաջարկեմ հետեւաբար, որ նախ խորհրդակցիմք, թէ այն միջոցին երբ կը հրաժարի Փաշան, պէտք կա՞յ իրապէս՝ նոր ընտրութեան: Ամէնքս ալ գիտենք, որ Փաշային անունը շարախուած է Ազգ. Պատուիրակութեան հետ, այնքան որ Ազգ. Պատուիրակութիւնը իր նախագահով մեծ ծանօթ է աշխարհի: Եթէ նախագահ մը ընտրենք անոր տեղ, պիտի ստիպուիմք ծանօթացնելու եւրոպական դիւանագիտութեան, որը մինչեւ այսօր Փաշան միայն ճանչցած է այդ հանգամանքով: Ասոր համար երկար-բարակ աշխատութիւն պէտք պիտի ըլլայ: Քննենք նաեւ, թէ իրապէս անհրաժեշտ է այդ աշխատութիւնը: Ուրիշ կերպ ընելով արդեօք Ազգ. Պատուիրակութեան մը համար պէտք եղած հողը կա՞յ, որպէսզի այսպէս նոր ընտրութեան եւ ընտրուելիք անձին ծանօթացման համար անհրաժեշտ աշխատութեանց ձեռնարկենք: Ինձի այնպէս կը թուի, թէ Զանապետութեան ճանչցուելէն ի վեր, Ազգ. Պատուիրակութեան շարունակութիւնը տեսակ մը արդիւնք է:

Հանրապետության ճանաչումն ենք, այս կամ այն ձևով, երկու Պատուիրակություն պետք չէ մնար, այլ պետք էր ձուլել զանոնք:

Տիար Տեր-Ստեփանեան. Առաջարկեցին ատիկա, ընդունուեցաւ, բայց ետ առին իրենց խօսքը:

Տոքթ. Ա. Բարսեղեան. Գիտեմ, որ ջանքեր թափուեր են, բայց վերջնական արդիւնք մը չէ գոյացեր: Այդ մասին երկու կողմն ալ ունեցած են իրենց արեւի կամ նուազ դերը եւ պատասխանատուութեան պզտիկ բաժինն ալ: Ամեն պարագայի մէջ՝ այն կողմինը չէ, որ Համագումարը կը ներկայացնէ: Եթէ չյաջողեցաւ այդ մտածումը, պատճառը նախ սա էր, որ տարիներէ ի վեր ազգ. դատը հետապնդող անձին գործունէութեան եւ *prestige*-ին համապատասխան դիրք մը ապահովելու մտածումը դիտեց բանակցութեան մէջ: Միւս կողմէ՝ այս կամ այն կուսակցութեան կառավարութեան ու Պատուիրակութեան մէջ մտնելու փութկոտութիւնն ալ պատճառ մը արեւի եղաւ այդ բանակցութեանց անյաջողութեան: Կը վերադառնամ բուն խնդրին: Այսպէս թէ այնպէս՝ այն անձը, որ Ազգ. Պատուիրակութիւնը կը մարմնացնէր, կ'ուզէ քաշուիլ, եւ կ'ըսէ, թէ անդառնալի է իր հրաժարականը: Համակարծիք չեմ, որ նոր Պատուիրակութիւն մը ընտրուի:

/բողոքի ձայներ/

Տիար Ա. Թերզիպաշեան. Դուք այնպէս կը խօսիք, թէ Պատուիրակութեան Նախագահը հրաժարեր է, բայց օրակարգի վրայ ատանկ հարց չկայ:

Տոքթ. Ա. Բարսեղեան. Իմ հասկացածս սա է, որ Փաշան կ'ըսէ, թէ ինք այլեւս չի կրնար գործօն մասնակցութիւն մը ունենալ Ազգ. Պատուիրակութեան մէջ:

Վսեմ. Պօղոս Փաշա Նուպար. Ծիշոյ է:

Տոքթ. Ա. Բարսեղեան. Բայց ինք պատրաստ է իր անունը տալու Պատուիրակութեան, եթէ նոր ոյժեր արեւցուին:

Վսեմ. Պօղոս Փաշա Նուպար. Խնդրեմ կէտ մը կայ, որ պետք է ճշդուի: Ես՝ պատրաստ եմ, ըսի, որովհետեւ խնդրեցին: Երբ ինձի յայտնեցին, որ իմ քաշուիլս շատ գէշ տպաւորութիւն պիտի ընէ, վիատութեան պիտի մատնէ ազգը, եւ նոյնիսկ հեռաւոր վայրերու մէջ տեղի պիտի տայ այն տեսակ մեկնութեանց, որոնք կրնան վնասել մեր դատին, այս բոլոր անպատեհութիւններէն խուսափելու համար հաւանեցայ պահել անուանական նախագահութիւնը, պայմանաւ որ գոյութիւն ունենայ գործօն նախագահութիւն մը:

Տիար Տեր-Ստեփանեան. Անշուշտ որոշ չափով պիտի գործենք:

Վսեմ. Պօղոս Փաշա Նուպար. Բնականաբար. եւ արդէն պահ մը առաջ ըսի, թէ ինձի համար *etiquette*-ի խնդիր մը չպիտի ըլլայ ասիկա. միշտ պիտի աշխատիմ, բայց պետք է ապահով ըլլայ, որ այն պարագային, երբ ոյժերս չեներեն եւ ստիպուիմ քաշուիլ, ինչ որ կրնայ պատահիլ, Պատուիրակութեան գործը մէջտեղը չմնայ:

Տիար Տեր-Ստեփանեան. Ուրեմն, անուանական մասնակցութիւն մը չէ, ոչ ալ՝ հրաժարական մը:

Վսեմ. Տիար Գ. Նորատունկեան. Այսինքն՝ Վսեմ. Փաշան կը մնայ նախագահ եւ այս խնդիրը կը փակուի՝ եթէ կարելի ըլլայ ընտրել դեր-նախագահ մը, որ տանի գործին գլխաւոր ծանրութիւնը:

Տոքթ. Ա. Բարսեղեան. Ուրեմն՝ խնդիրը կը փոխուի:

Տիար Գ. Սինապեան. Բայց անձի խնդիր մը կայ, զոր կը մոռնաք: Փաշան պայման դրաւ, որ մեր Նախագահը պետք է ըլլայ իր աջակիցը, մինչդեռ մեր Նախագահը կը մերժէ:

Չայներ. Ո՛չ անպատճառ:

Վսեմ. Պօղոս Փաշա Նուպար. Եթէ նոյնիսկ Ն. Վսեմութիւնը չըլլայ, թեւ լաւագոյն է, որ ինքը ըլլայ, պետք է վերջապէս նոր արիւն ներարկուի Պատուիրակութեան: Կը կրկնեմ նորէն, որ ձեւի համար չեմ ընէր այս պահանջումը: Միշտ նկատի պետք է ունենաք այն յոգնութիւնը, որուն ենթարկուած ենք: Քիչ մը առաջ

կ'ըսէի, թէ պատնէշին վրա էինք, բայց իսկապէս՝ խրամներու մէջ էինք ամբողջ տարիուկէ:

Տիար Տեր-Ստեփանեան. Տիար Բարսեղեանի խօսքերուն մէջ հիմնական վիրաւորանք մը եւ արհամարհանք մը կը տեսնեմ Համագումարին հանդէպ, եւ ասոր համար կը բողոքեմ ոյժով: Տիար Բարսեղեանի խօսքերուն համաձայն՝ անցեալ տարի Համագումարը գոյութիւն առեր է, Պատուիրակութիւն ընտրեր է, յետոյ այս տարի նորէն զունարուեր է ո՛չ թէ անոր համար, որ տաճկահայ դատ մը կայ, այլ՝ Պօղոս Փաշա մը կայ, որուն պետք էր դիրք մը տալ: Քիչ մը առաջ, երբ կը կարծէր, թէ Փաշան կը հրաժարիր, Պատուիրակութեան պետք չէր տեսներ, մինչդեռ երբ յայտնուեցաւ, որ Փաշան չի հրաժարի, կ'ըսէ, թէ խնդիրը կը փոխուի:

Տիար Արշակ Չօպանեան. Կը ձայնակցիմ: Քանի որ դեռ թրքահայ դատ մը կայ՝ պետք է մնայ թրքահայ Պատուիրակութիւն մը եւ ասիկա՝ անկախաբար անձերու խնդրէն:

Ամեն. Դուրեան Արքեպիսկ. Կարծեմ, թէ Տիար Բարսեղեանի տեսակէտը չբացատրուեցաւ պետք եղածին պէս: Այն պատգամաւորները, որոնք զանազան կողմերէ եկան Պատուիրակութեան շուրջը խմբուեցան, եկան մանաւանդ Փաշային անձին համար: Եթէ իրեն մեզ սովորական մահկանացու մը այդ մասին հրաւեր ուղղած ըլլար, անշուշտ ո՛չ ոք տեղէն պիտի շարժէր: Փաշան ծանօթ էր իր անձով ու գործունէութեամբ: Գիտէինք, որ նախապէս Կաթողիկոսին կողմէ կոչուած էր բարենորոգմանց գործին համար, եւ թէ նոր պայմաններու բերումով՝ կ'աշխատէր արեւի լայն ծրագրով մը, ազգին ընդհանրութեան դատին համար: Մենք եկանք ո՛չ թէ նոր բան մը ստեղծելու, այլ՝ արդէն իսկ եղածը զօրացնելու մտածմամբ:

Տիար Վ. Թէքեան. Տաճկահայ դատը պաշտպանելու համար չպիտի՞ գայիք:

Ամեն. Դուրեան Արքեպիսկոպոս. Անշուշտ պիտի գայինք, բայց ատիկա կախուած էր հրաւերը ընողէն: Այդ հրաւերը պետք էր բղիսեր մեծ հեղինակութեան մը: Եկանք՝ որովհետեւ Փաշային 5-6 տարուան գործունէութիւնը, անձնական հեղինակութիւնը, Կաթողիկոսին ստացած պաշտօնը մեզի ծանօթ էին երբ մեզ հրաւիրեց: Բայց կը կրկնեմ, որ մենք եկանք զինքը զօրացնելու համար, այդ մասին թելադրութիւններ բերինք միասին: Ուրախ ենք, որ աշխատուեցաւ, եւ արդիւնքն ալ, զոնէ ինչ որ կարելի էր ձեռք բերել, ստացանք: Իմ մասիս, ձեռքս խղճիս վրայ կը յայտարարեմ, թէ այսօր՝ ուեւ Պատուիրակութիւն, որուն զուլխը Փաշան չէ, ոչ եւս է Պատուիրակութիւն:

Տիար Թերզիպաշեան. Ատիկա ձեր անձնական կարծիքն է: Դատ մը կայ մէջտեղը, որ Փաշայինը չէ լոկ. ընդհակառակը՝ Փաշային պաշտօնն է, որ այդ դատն է կը բղխի:

Ամեն. Դուրեան Արքեպիսկոպոս. Տաճկահայ դատին, ըստ ինձի, գոյութեան հերքում մը չէր ըսածս:

Տիար Գ. Ֆնտզեան. Տիար Տոքթ. Բարսեղեանի հետ համաձայն եմ մինչեւ կէտ մը: Թէ առանց Փաշային Պատուիրակութիւն մը անհասկնալի է՝ ասիկա կ'ընդունիմ. եւ այս է նաեւ համոզումը Անգլիոյ հայոց, զորս ներկայացնելու պատիւն ունիմ: Բայց համաձայն չեմ Տիար Բարսեղեանի, երբ աճապարանք մը ցոյց կու տայ Փաշային հրաժարականը ընդունելու, մէկ անգամով վերջ տալու համար Պատուիրակութեան գոյութեան: Ասիկա սխալ է: Պետք չէ աճապարենք. ընդհակառակը, պետք է միջոց մը գտնենք, որպէսզի Փաշան ետ առնէ իր հրաժարականը եւ տակաւին քանի մը ամիս շարունակէ իր պաշտօնը:

Տոքթ. Ա. Բարսեղեան. Աճապարենք չըսի:

Տիար Գ. Ֆնտզեան. Կը կրկնեմ, որ անհասկնալի է Պատուիրակութեան գոյութիւնը առանց Փաշային:

Տիար Վահան Թէքեան. Համաձայն եմ, որ առանց Փաշային՝ Պատուիրակութիւն մը անհասկնալի պիտի մնայ, որովհետեւ Փաշան մեր մէջն է եւ

կրնայ Պատուիրակութեան գլուխը գտնուիլ միշտ: Բայց եթէ Փաշան ռեւէ անձնական նկատումով հեռանայ, օրինակի համար՝ հարկեցուցիչ պատճառի մը բերումով ստիպուի Եգիպտոս մեկնիլ, Պատուիրակութիւնը պէտք չէ՞ գոյութիւն ունենայ: Ասիկա կը հարցնեն անշուշտ իբր Զամագումարի անդամ: Փաշան դուրս ձգելով Պատուիրակութիւնը ընտրելը թէ՛ մեր դատին պիտի վնասէր եւ թէ՛ կազմուած Պատուիրակութեան հեղինակութիւնը պիտի նուազեցնէր: Բայց այս տեսակ հաւանականութիւն մը չկայ մէջտեղը: Փաշան կը պատասխանէ, որ տակաւին աշխատելու տրամադիր է, պայմանաւ, որ օգնական մը տրուի իրեն: Զամագումարիս նախագահը, զոր Փաշան ուզեց իրեն օգնական ունենալ՝ մերժեց: Խնդիր է, թէ Զամագումարը պիտի ընդունի՞ այս մերժումը եւ կամ նոյնիսկ նախագահը՝ երբ ամեն կողմէ կոչում ըլլայ իր հայրենասիրութեան, չպիտի՞ փոխէ իր որոշումը: Միւս կողմէ՝ Փաշան բացարձակապէս չըսու, թէ քանի որ Զամագումարին նախագահը չընդունի, կը հրաժարի: Անկախաբար այս տեսակետները՝ պէտք է նախ որոշել, թէ Պատուիրակութեան պէտք կա՞: Այն ատեն է, որ Փաշան պիտի պահենք. պէտք ըլլալուն համար է, որ կը խորհինք կոր զինքը համոզել, որ ամիս մը, երկու ամիս, մինչեւ կէտ մը շարունակ տակաւին: Եթէ պէտք չկայ, թողէ՛ք խեղճ մարդը որ ելլէ երթայ, քանի որ բացորոշապէս ըսու, թէ հիւանդ է, չի կրնար: Այդ պէտքը սակայն կայ: Զանրապետութեան ճանաչումով ամեն ինչ իր վերջնական լուծումին ջանգեցու: Դեռ չէ եկած այն վայրկեանը, որ կարելի է թրքահայ դատին բախտը միացնել ռուսահայ դատին: Մանաւանդ, որ ծանր կնճռոտութիւններ ծագած են Կովկասի մէջ, եւ չենք գիտեր, թէ ո՞ր կրնան յանգիլ: Երեք ամիս առաջ կարելի էր ըսել, թէ ես միշտ հակառակ կարծիքին եղած եմ, թէ հոգ չէ, եթէ Պատուիրակութիւն չըլլայ, գործերը կրնանք Զանրապետութեան կառավարութեան թողուլ: Բայց նոր կնճռոտութեանց վրայ որոնք ծագեցան, այլեւ չենք կրնար այսպէս խորհիլ: Եթէ թրքահայ դատին համար Պատուիրակութիւն մը գոյութիւն ունեցած ալ չըլլար, այսօր թերեւս պէտք էր ստեղծել: Պատուիրակութեան անհրաժեշտութեան խնդիրը զատ է, անձի խնդիրը՝ զատ: Անշուշտ, պէտք է հեղինակաւոր անձ մը Պատուիրակութեան գլուխը, եւ բարեբախտ ենք, որ կայ անձ մը, անձ մը, որ եօթ տարիէ ի վեր կ'աշխատի թրքահայ դատին անունով եւ որ յօժար է տակաւին այսօր ալ գործել: Պէտք է օգտուիլ իր այս տրամադրութենէն: Ասկէ զատ ալ, պէտք է վերակազմել Պատուիրակութիւնը՝ նախագահին իբր օժանդակ տալով աշխատելու ընդունակ կարող ոյժեր, որպէսզի տակաւին երկու-երեք ամիս շարունակ գործը: Իմ մասիս, զրաւոր ալ ըսի, բերանացի ալ ըսի, որ այլեւ չեն մասնակցիր Պատուիրակութեան: Ասիկա կը կրկնեն դարձեալ, որպէսզի Զամագումարը ազատօրէն կարենայ կազմել նոր Պատուիրակութիւնը, ընտրելով այն ուժեր մարդիկը, որոնց պէտք պիտի տեսնէ՝ այս կարեւոր գործը այսպիսի վճռական ու փափուկ ժամանակի մը մէջ շարունակելու համար:

Վսեմ. Տիար Գ. Նորատունկեան. Յայտնի եղաւ կարծեմ, թէ Փաշան բացարձակապէս չէ հրաժարած, այլ՝ իրաց ծանր վիճակին տեղեակ ըլլալով, յօժարութիւն ունի շարունակելու: Միայն թէ կը փափաքի զորավիճ մը ունենալ, եւ ճիշդ ատոր վրայ է, որ պէտք է խորհինք: Երկու միջոց կայ մեր առջեւ: Կա՛մ նախորդ Պատուիրակութիւնը ամբողջութեամբ կը վերահաստատուի եւ Զամագումարս կը խնդրէ, որ, ինչպէս մեկուկէս տարիէ ի վեր կ'ընէին, նորէն շարունակեն իրենց վստահուած գործը, եւ կա՛մ ընտրուի նոր Պատուիրակութիւն մը: Պէտք է որոշենք, ուրեմն, թէ այս երկու միջոցներէն ո՞րը պիտի ընտրենք, որպէսզի փակուի այս խնդիրը: Նոր Պատուիրակութիւն մը կազմել ուզողները կը կարծեն, թէ անկէ վերջ՝ կատարուելիք շատ կարեւոր, շատ ընդարձակ աշխատութիւններ կան. բայց եթէ պահ մը մտածելու ըլլանք, պիտի տեսնենք, որ մնացած աշխատութիւնը պիտի բռնադատուի սահմանափակուած մնալու զխաւորաբար մէկ քանի կէտերու շուրջ: Որովհետեւ դաշնագիրը, զոր Գերագոյն Խորհուրդը պատրաստեց, ընդհանուր պահանջմանց maximum-ը կը պարունակէ եւ, դժբախտաբար, այլեւ անհնար է այդ

լուծուած հարցերը վերստին սեղանի վրայ դնել տալ: Այս մասին՝ պէտք չէ յոյս դնել թուրքերու պահանջմամբ դաշնագրին ենթարկուելիք փոփոխութեանց վրայ, որոնք աւելի անոնց գոհացումը տալու բնոյթ պիտի ունենան, հաշտութեան կնքումը դիւրացնելու համար, ըստ նախընթաց օրինակներու:

Տիար Վ. Թէքեան. Ուրեմն ինչո՞ւ երկու յանձնաժողովներ կ'աշխատին, ինչո՞ւ ձեռնարկներ կ'ըլլան դաշնագրին մեզի աննպաստ մասերուն փոփոխութեան համար:

Վսեմ. Տիար Գ. Նորատունկեան. Բայց անշուշտ պիտի ըլլան, որքան ալ անյուսալի երեւայ արդիւնքը: Պարտականութիւն մըն է ատիկա, որուն մէջ չենք կրնար թերանալ՝ եթէ կ'ուզենք որ խիղճերնիս մեզ չմեղադրէ: Եւ յետոյ, ինչպէս ըսի, քանի մը կէտեր կան որոնց մասին կարելի է յոյս ունենալ նոր առաւելութիւններ ձեռք բերելու, ինչպէս հանր. պարտուց եւ հատուցման խնդիրները, ինչպէս նաեւ Կիլիկիոյ մէջ մեր ժողովուրդին համար նպաստաւոր դրութեան մը ստեղծումը, եւ այլն: Բաներ ալ կան, զորս տիրութիւնները, թուրքերէն անկախաբար, ուղղակի կրնան տալ մեզի, եւ զորս պիտի աշխատուի ստանալու: Այս մասին Վսեմ. Փաշային եւ իր ընկերներուն ընելիք աշխատութիւնը իր կշիռը ունի, եւ կը կարծեմ, թէ Զանրապետութեան կառավարութիւնը եւ իր այստեղի ներկայացուցիչը իրենք իսկ պիտի փափաքին, որ այդ կէտերուն հետապնդման համար ոյժ մը աւելի գոյութիւն ունենայ: Ազգ. Պատուիրակութիւնը ծնունդ առաւ թրքահայաստանի դատին հետապնդութեան համար: Իր գոյութեան աղբիւրը այդ է եւ պէտք է մնայ մինչեւ որ այդ դատը յանգի իր վախճանին: Կայ նաեւ ուրիշ տեսակէտ մը, որ իր մնալը անհրաժեշտ կը դարձնէ: Ազգը մեծ յոյսեր դրած էր Պատուիրակութեան վրայ: Ի՞նչ պիտի մտածեն, եթէ յանկարծ իմացուի որ Պատուիրակութիւնը վերցաւ, Զամագումարը ցրուեցաւ: Անշուշտ ծանր հետեւանքներ կրնայ ունենալ ասիկա: Բայց թէ տակաւին միմչեւ ե՞րբ պէտք է մնայ Պատուիրակութիւնը՝ ատիկա խնդիր մըն է, զոր պիտի քննէ Զամագումարը՝ նոր տիրեթիւններու խնդիրը ձեռք առած միջոցին: Ուրեմն՝ մեր ընելիքը պէտք է ըլլայ պահել արդի Պատուիրակութիւնը, լրացնելով զայն, հրաժարեալ Տիար Փաստրմաճեանի տեղ նոր ոյժի մը յաւելմամբ:

Տիար Վ. Թէքեան. Զարցը պէտք չէ այդպէս դնել. Փաշան կը մնայ, կրնայ մնալ. իսկ ես արդէն ըսի ու կրկնեցի, թէ չեմ մնար:

Վսեմ. Տիար Գ. Նորատունկեան. Պէտք է դուք ալ նոր գոհողութիւն մը ընէք:

Տիար Վ. Թէքեան. Փաշային եական պէտքը կայ, բայց ոչ մեր. հետեւաբար՝ գոհողութիւն մը չպիտի ըլլայ մեր քաշուիլը: Կը խնդրեն, որ չկրկնէք այդ առաջարկը:

Ամեն. Դուրեան Արքեպիսկ. Պատուիրակութեան անդամներուն նկատմամբ անձնապէս ռեւէ կասկած չունինք եւ Փաշային ինչ որ ըսինք՝ մեզի ալ ըսած կ'ըլլանք:

Տիար Թէրզիպաշեան. Արդէն հակասութիւն ալ կ'ըլլայ, քանի որ վստահութեան քուէ տուեր ենք:

Տոթթ. Ա. Բարսեղեան. Անգամ մըն ալ կը շեշտեն, որ նախ պէտք է որոշենք, թէ ի՞նչ ունի դեռ ընելիք Պատուիրակութիւնը, որպէսզի անոր համեմատ խորհինք մեր ընելիքը: Թերեւս ասկէ վերջ ըլլալիք գործերը այնքան բազմապահանջ չեն եւ քիչ մարդ պէտք է անոնց համար: Նախ պէտք է գիտնանք, թէ ի՞նչ կրնայ ընել Պատուիրակութիւնը, ի՞նչ կրնանք պահանջել իրմէ: Ազգ. Պատուիրակութիւնը մինչեւ հիմա նկատուեր է արեւմտահայոց ներկայացուցիչ: Բայց ամենուս ալ ծանօթ է, որ ոչ մեծ Կովկասի, այլ նոյնիսկ Եգիպտոսի, Պուլկարիոյ, Ամերիկայի նման հեռաւոր գաղութներու մէջ արեւմտահայերու կողմէ եղան այն տեսակ արտայայտութիւններ դէպի Զանրապետութեան կառավարութիւնը, որ կը տկարացնեն Ազգ. Պատուիրակութեան բացարձակ դիրքը իբր արեւմտահայերը ներկայացնող մարմին:

Տիար Տէր-Ստեփանեան. Այո, արտայայտութիւններ եղան հաւատարմութիւն եւ հպատակութիւն յայտնելով, իբր թէ քիւրտ աշիրէներ ըլլային եւ ոչ թէ հայ քաղաքացիներ:

Տիար Ա. Բարսեղեան. Հայաստանի Հանրապետության ղեկավարը անոնք քաղաքացիություն կ'ընթացնեն:

Տիար Տեր-Ստեփանեան. Ֆորմիւլները գրողները գիտեն ըսածնին:

Տոթթ. Ա. Բարսեղեան. Անցեալ տարի, հաւանական նկատուող անպատեհութիւններէ խուսափելու համար, որոշեցինք Միացեալ Պատուիրակութիւն մը կազմել: Ես ասոր ալ պէտք չեմ տեսներ հիմա, որովհետեւ այնպէս կը կարծեմ, թէ արեւմտահայոց կողմէ եղած արտայայտութիւնները դէպի Հանր. կառավարութիւնը, բաւական են, որով երկու զատ Պատուիրակութեան պէտք չի մնար այլեւս: Մինակ Պոլսը չէր արտայայտուած, բայց մեր մեկնած միջոցին՝ ազգային պաշտօնական շրջանակներն ալ այդ իմաստով արտայայտուեցան:

Տիար Տեր-Ստեփանեան. Շատ զարմանալի է:

Տոթթ. Ա. Բարսեղեան. Ապացուցանելու համար ասիկա, կը կարդամ հետեւեալ որոշումը, որ ցոյց կու տայ Պոլսոյ պաշտօնական մարմիններու տրամադրութիւնը այդ մասին:

«Փարիզի Ազգ. Պատուիրակութեան եւ Հայկ. Հանրապետութեան իրարու հանդէպ ունենալիք դիրքը եւ փոխ-յարաբերութիւնները ճշդելու ժամանակը եկած հասած է այլեւս: Կարգ մը խնդիրներ ատկէ կախում պիտի ունենան: Վաղը ներգաղթի հարցը կրնայ ներկայանալ. ո՞վ պիտի վարէ այդ գործը: Պիտե՞՞ր գործը ինչպէ՞ս պէտք է կարգադրուի: Պոլսոյ ժողովուրդը չի կրնար երկար ատեն ամսական 60000 ոսկիի ծախք մը ընել: Հայրենիքի տուրքը առ այժմ ամսական 20000 ոսկի արդիւնք կու տայ, բայց կասկածելի է, որ այսպէս շարունակուի: Հետեւաբար՝ որբերու եւ տարագրեալներու պատսպարման հարցը պէտք է տարբեր կերպով լուծուի, հայ պետական պիտո՞՞ւն մասը կազմէ մտաւոր ապագայի մէջ, երբ պետութիւնն ալ իր կազմակերպութեան համար տարբեր աղբիւրներէ փոխառութիւն մը պիտի ստանայ, ինչ որ շատ հաւանական է: Պոլիս պիտի ընէ ինչ որ կրնայ. բայց երբեք չի կրնար պետական պիտո՞՞ւն կազմել. հավաքուածը տուրք մը չէ, այլ՝ նուր, որ կրնայ դադրիլ եւ նուազիլ: Պետութեան եւ Պատուիրակութեան փոխ-յարաբերութեանք բարուքումը օգտակար պիտի ըլլայ նաեւ Պոլսոյ գործերուն. Հանրապետութեան ներկայացուցիչը աւելի գործօն դեր մը կը ստանձնէ խնամատարական եւ այլ գործերու մէջ»:

Տիար Վ. Թեքեան. Ո՞ր մարմինն է բոլորած է այդ թշուառութիւնը:

Տոթթ. Ա. Բարսեղեան. Քաղաքական ժողովն է:

Տիար Վ. Թեքեան. Ի՞նչ կը հետեւցնէք ատկէ:

Տոթթ. Ա. Բարսեղեան. Ասկէ կը հետեւցնեն, որ նոյնիսկ Պոլսոյ մէջ՝ որուն Ազգ. ժողովին փոխանցել կը մտածէին երբեմն Պատուիրակութեան համարատուութիւնը, թրքահայ դատին եւ ռուսահայ դատին ընթացումը նոյնացած է: Ասիկա եղեր է մանաւանդ Հանրապետութեան ճանաչումն է ետք: Այսօր ամեն տեղ, հայութեան փափաքն է, որ երկուքիւնը վերնայ ազգին մէջնէ. եւ ասոր համար՝ անհրաժեշտ է, որ ինչպէս է երկրին մէջ, այնպէս ալ արտասահմանի մէջ միակ մարմին մը գոյութիւն ունենայ: Հասկնալի է, որ մինչեւ դաշնագրին ստորագրութիւնը կրնայ տեսլ Ազգ. Պատուիրակութիւնը, այն պայմանաւ, որ Փաշան մնայ անոր գլուխը: Բայց եթէ պիտի հրաժարի քանի որ կ'ըսէ թէ հիւանդ է, այլեւս Պատուիրակութեան պէտք չկայ, որովհետեւ՝ ասկէ ետք՝ կարելի չէ արեւմտահայոց անունով դիմում ընել ունէ տեղ: Այս տեսակ դիմում մը կրնայ Հանրապետութեան Պատուիրակութիւնն ալ ընել եւ կ'ընդունուի: Փոքրամասնութեան խնդրին համար ըլլայ, Կիլիկիոյ դրութեան համար ըլլայ՝ Ազգ. Պատուիրակութիւնը ի՞նչ կրնայ ընել, զոր չկարենայ ընել Հանրապետութեան Պատուիրակութիւնը:

Տիար Գ. Ֆնտզեան. Հապա հատուցման խնդիր՞ը:

Տոթթ. Բարսեղեան. Հատուցման խնդրին համար նոյն ինքն Տիար Թերզիպաշեան ըսաւ, որ աւելի ռուսահայոց անունով պէտք է հետապնդել:

Տիար Տեր-Ստեփանեան. Մէկ մասը միայն:

Տոթթ. Բարսեղեան. Ինչ որ ալ ըլլայ, այլեւս պէտք է վերջ տալ այս երկուութեան: Կը կրկնեն դարձեալ, որ եթէ Փաշան պիտի ուզէ մնալ՝ Պատուիրակութիւնը կը մնայ մինչեւ դաշնագրին ստորագրութիւնը, պայմանաւ, որ ո՛չ մէկ առանձին ձեռնարկ կամ դիմում ընէ, այլ միշտ գործէ Հանր. Պատուիրակութեան հետ: Փաշային անձին նկատմամբ յարգանք մը ունեցողները կը հասկնան անշուշտ, որ պէտք է այդ բաւարարութիւնը տալ իրեն: Եթէ պիտի ուզէ մնալ՝ կը խորհինք, թէ մինչեւ դաշնագրին ստորագրութիւնը ի՞նչ պայմաններով պիտի պահենք Պատուիրակութիւնը: Ասոր համար՝ նախ պէտք է տիրէթիւններու հարցը քննենք, գիտնանք, թէ իրապէս ի՞նչ կայ ընելիք:

Տիար Ա. Թերզիպաշեան. Այնտեղ ուր դաշնագիրը կը պոռայ, անհատական ենթադրութիւններ արժեք չունին: Դաշնագիրը կ'ըսէ, թէ Թուրքիա կը ճանչնայ Հայաստանը այնպէս ինչպէս ճանչցած են զայն Դաշնակիցները, ճիշդ բառով՝ Ռուսահայաստանը: Թրքահայաստանի հարցը դրուած է հոն սահմանագծումի մը, ձեւով, եւ այնպիսի եղանակով մը որ կրնայ շերտ մը հող անգամ չմիանալ Ռուսահայաստանի: Արդ, մինչեւ իրաւարարութիւնը, մինչեւ հաշտութեան ստորագրութիւնը՝ այդ կցուելիք հողերու բնակչութիւնն է, որ պիտի արտայայտուի ու հետապնդէ իր ցանկութիւնը, եւ ոչ թէ Ռուսահայաստանի կառավարութիւնը, որուն պիտի կցուի: Իմ կարծիքովս՝ դեռ շատ բան կայ ընելիք այս տեսակետով:

Տիար Տերպետեան. Հանրապետութեան Պատուիրակութիւնը չի՞ կրնար այդ բաները ընել:

Տիար Թերզիպաշեան. Չի կրնար, որովհետեւ մենք մեր Թուրքիոյ հպատակի հանգամանքը չենք կրնար թօթափել մինչեւ այն օրը, որ հայկական հպատակ դառնանք: Եւ յետոյ, այս Համագումարը միայն վաճեցիներու, էրզրումցիներու, պիթլիսցիներու համագումար չէ, այլ՝ ամբողջ թրքահայութեան ներկայացուցչական օրկանն է, որուն մէջ գտնուող կիլիկեցիներ, խարբերոցիներ դեռ յոյսեր ունին, յոյսերէն վերջ՝ շահեր ունին, réparation-ի, indemnité-ի եւ փոքրամասնութեանց իրաւունքներու պաշտպանութեան գործերը ունին զայս: Ինչպէս ըսի, Հանրապետութեան կառավարութիւնը չի կրնար ստանձնել ինքը, ժողովուրդը, իր ներկայացուցիչներուն ժողովով պիտի պաշտպանէ իր շահերը: Անոնք, որ դաշնագրին ստորագրութենէ ետք պիտի ընդունին Հայ Հանրապետութեան հպատակութիւնը, իրենք շահերու պաշտպանութեան հոգն ալ պիտի փոխանցեն Հանրապետութեան. բայց դեռ ասոր ալ ժամանակ պէտք է. կարելի չէ ամեն բան մէկանց իրար խառնել, իրաւական դիրքերը իրարու հետ շփոթել, մանաւանդ, որ դաշնագրին մէջ ունէ actif քայլ առնուած չէ թրքահայկական հարցի մասին: Դաշնագրին ստորագրուելէն վերջն ալ, Հայ կառավարութիւն մը ունինք ըսելով չենք կրնար թրքահայոց բոլոր գործերը անոր յանձնել: Թրքահայերու մէկ մասը, բնականաբար, կը մնայ թրքահպատակ. այս մասը՝ ինք իր ձեռքով պիտի հետապնդէ իր շահերը:

Ամեն. Դուրեան Արքեպիսկ. Մեր հիմնական ընելիքը՝ Թրքահայաստանի Հանրապետութեան տեղի մասերուն, անոնց սահմաններուն որոշման կը վերաբերի: Եւ այդ կցելի մասերուն ժողովուրդը արդէն իսկ Կովկաս է: Անդին Թուրքիա մնալիք ժողովուրդը կայ, որ անշուշտ վաղը միւս օր իր գլխուն ճարտ պիտի նայի՝ իր շահերուն փրկութեան համար միջոցներ խորհելով: Մենք ալ մեր կողմէ այդ նպատակով կրնանք ուղեգիծներ տալ անոր: Սա պահուն՝ կա՞յ այն տեսակ թրքահայ հարց մը, որ նոր Պատուիրակութեան մը կազմութիւնը անհրաժեշտութիւն դարձնէ:

Տիար Տերպետեան. Եւ ամսական ալ 18-20.000 ֆրանք ծախքերու դուռ բանայ:

Տիար Թերզիպաշեան. Չենք կրնար ըսել, թէ տաճկահայ դատը փակուած է, որովհետեւ տաճկահայ հարցը լոկ այն կցելի նահանգներուն կապուած չէ: Indemnité-

ի, réparation-ի, փոքրամասնութեանց իրաւունքներու հարցերը միայն Վանայ, Պիթլիսի, Երզրումի նահանգներու հայերը չեն հետաքրքրեր, կը հետաքրքրեն նաեւ Թուրքիոյ բոլոր մասերուն եւ Կիլիկիոյ մէջ ալ գտնուող հայ ժողովուրդը: Ի՞նչ պատճառ կայ, որ այդ ամենը չկատարուած՝ աճապարենք վերջ տալ այն մարմնին, որ անոնց հետապնդման սահմանուած է: Ես կ'եզրակացնեմ: Այս յուսահատ անորոշութեան մէջ չփորձենք փայլուն ֆրագմերով շփոթել դրութիւնը: Պատուիրակութեան գործունէութեան առաջին հանգրուանը դաշնագրին ստորագրութիւնն է. անկէ վերջ՝ տիրեթիւներու պատրաստութեան ընթացքին է, որ պիտի որոշենք, թէ ի՞նչ հաւանականութիւններ պիտի ունենանք աչքի առջեւ, եթէ երբեք միութեան գործը գլուխ չելլէ:

Տիար Ա. Չօպանեան. Իբր նախկին Պատուիրակութեան հրաժարեալ անդամ՝ Համագումարի ուշադրութիւնը կը հրաւիրեմ շատ կարեւոր եւ շատ ծանրակշիռ կէտի մը վրայ: Հրատապ գործունէութեան օրեր են. շատ ծանր, շատ բազմապահանջ գործեր, դիմումներ կան ընելիք, ատենք պէտք են կատարուիլ, եւ շուտով. բայց մենք ահա նստեր ժամանակ կ'անցնենք այս վիճաբանութիւններով: Համամիտ չեմ անոնց, որոնք կ'ըսեն թէ պէտք չկայ Ազգ. Պատուիրակութեան մը: Հիմա, այս վճռական օրերուն, անելի քան երբեք պէտք է Ազգ. Պատուիրակութիւն մը: Անհրաժեշտ է, ուրեմն, որ ձեւ մը գտնէ Համագումարը եւ լուծէ այս խնդիրը, բայց շուտով, որովհետեւ ամենաթանկագին ժամանակ մըն է, որ կ'անցնի, երբ մենք այսպէս կը վիճինք եւ ասիկա ծանր պատասխանատուութիւն մըն է Համագումարին համար: Այսօրուան պահանջները այնքան մեծ են եւ այնքան դժուարին, որ եթէ նոյնիսկ այս վիճաբանութիւնները եղած չլլային ու Պատուիրակութիւնը մնացած ըլլար, ինք պիտի ըսէր ձեզի, որ աջակիցներ տայիք իրեն: Այն սպառնչ աշխատութիւնը, գոր կը տանհինք, տարիուկէտ ի վեր, յոգնեցուցած է մեզ: Աչքի առջեւ բերեք անգամ մը օտար Պատուիրակութիւնները: Անոնցմէ իւրաքանչիւրը օժտուած է օժանդակ յանձնաժողովներով, մասնագէտներով, խորհրդակազմներով. բոլորն ալ բազմաթիւ գործակիցներ ունին. իսկ դուք՝ երեսակայուելիք ամէնէն ահաւոր խնդիրը բերեք տուեր էք չորս հոգիի ուսերուն վրայ: Պէտք է անպատճառ գործնական լուծում մը գտնել, որովհետեւ այս գործը այլեւս չի քալեր այսպէս: Ես եւ Տիար Թեքէեան վերջնականապէս հրաժարած ենք: Պէտք է նոր Պատուիրակութիւն մը, որուն գլուխը միշտ Փաշան մնայ եւ որ սկսուած գործը պիտի տանի մինչեւ իր բնական լրումը: Դաշնագրին ստորագրութեան օրը Պատուիրակութիւն մը պէտք է մնայ եւ Փաշան պէտք է ստորագրէ դաշնագիրը թրքահայոց անունով, որպէսզի թրքահայերը այդ կերպով հռչակած ըլլան, թէ իրենք կը միանան իրենց ռուսահայ եղբայրներուն եւ ոչ թէ ռուսահայերն են, որ զիրենք իրենց կը միացնեն:

Ներեցէ՛ք, որ այս առթիւ ցաւ յայտնեմ ուրիշ տեսակէտի մը մասին, որուն դէմ բողոքելու իրաւունքը չեմ կարծեր, որ գլացուի ինծի: Խորապէս կը յարգեմ Փաշան, բայց անձնուիրութեան մարմնացում եղող այդ մարդուն համար ունեցած յարգանքիս հակառակ, չեմ կրնար ընդունիլ, որ ըսուի թէ առանց Փաշայի Պատուիրակութիւն չկայ: Կը ցաւիմ անոր համար, որ մտաւորականներու կողմէ մանաւանդ յայտնուեցաւ այս տեսակ մը արհամարհանքը Պատուիրակութեան անդամներուն համար, որոնք մտաւորականներ են իրենց պէս, իբր թէ կարօտուած աշխատութեան մէջ բան մը ըրած չըլլային անոնք: Արդեօ՞ք մեր ռուսահայ եղբայրներն մեզմէ նուազ փեւցի են, որ գրագէտի մը յանձնած են Հանրապետութեան Պատուիրակութեան նախագահութիւնը: Կը կրկնեմ, որ պիտի շուտով գործնական լուծում մը գտնենք այս խնդրին համար, եւ չեմ կարծեր, որ դժուար ըլլայ ասիկա: Ն. Վսեմութիւնը ըսաւ, որ եթէ Պ. Նորատունկեանը իրեն գործակից տրուի՝ կը մնայ, եւ գիտենք որ եթէ մնաց, չի կրնար անտարբեր կենալ, ինք ալ պիտի աշխատի նորէն: Տիար Նորատունկեան չընդունիր. պէտք է ուրեմն ուրիշ անձ մը: Խնդիրը այդ անձը գտնելուն վրայ է. գտն՝ք այդ երկուքին

շուրջը ուրիշներն ալ, ազգային կեանքին ծանօթ, աշխատելու ընդունակ հայրենասէր անձեր, եւ ամեն բան կը կարգադրուի: Պատուիրակութիւնը պէտք չէ մեռնի այսպէս. պէտք է պատուով քաշուի այս գործէն, եւ թրքահայութիւնը պատուաւորապէս ներկայացուի ազգերու դատին ամբողջական լուծման առթիւ:

Տիար Գ. Ֆնտուլեան. Ելեր խնդիր կ'ընենք, որ Պատուիրակութեան պէտք կա՞, թէ ոչ, մինչդեռ օրերով գումարուեցանք դաշնագիրը սրբագրել տալու համար ձեռք ամուռելիք միջնորդագիր գրելու համար: Եթէ Պատուիրակութեան պէտք չկար, ուրեմն ինչո՞ւ ըրինք այդ աշխատութիւնը: Թշնամին եկեր է մեր դուռը եւ մենք տակաւին այդ բաներուն վրայ կը խորհինք:

Տիար Ա. Հանըմեան. Որովհետեւ երկու Պատուիրակութեանց ցաւը կայ: Տիար Գ. Ֆնտուլեան. Այդ դատը կը վերնայ երբ դաշնագիրը ստորագրուի, ոչ անկէ առաջ:

Տիար Տէր-Ստեփանեան. Գացէ՛ք այդ ցաւը ուրիշ տեղ յայտնեցէ՛ք. մենք չենք պատասխանատուն՝ եթէ այսօր տակաւին երկու Պատուիրակութիւն գոյութիւն ունին:

Տիար Ա. Չօպանեան. Միմակ մեր ազգը չէ, որ Խաղաղութեան Վեհաժողովին մօտ երկու Պատուիրակութիւն ունի: Պեսարապիան Ռումանիոյ կը մնայ դաշնագրին համեմատ: Բայց մինչեւ վերջը ռումանական են անկախ առանձին պատուիրակութիւն մը ունեցաւ. եւ նոյն ինքն ռումանական կառավարութիւնը փափաքեցաւ ասոր, համոզուած ըլլալով, թէ Պեսարապիոյ համար անջատ պատուիրակութիւն մը մեծ վնաս մը չէ ռումանական պահանջմանց համար, այլ ընդհակառակը՝ զօրակից մը անելի:

Տիար Ա. Հանըմեան. Կ'ըսուի, թէ քանի որ թրքահայ դատ մը կայ, այս դատը պէտք է հետապնդէ թրքահայ պատուիրակութիւն մը: Ես ձեզի Թրակիոյ եւ Իգմիրի օրինակը տամ: Անոնց դատը կապուած էր Թուրքիոյ յոյներուն, բայց Թուրքիոյ յոյները առանձին պատուիրակութիւն ունեցա՞ն Վեհաժողովին մոտ:

Տիար Գ. Ֆնտուլեան. Հապա Պոնտոսը, որ մասնաւոր Պատուիրակութիւն մը ունի:

Տիար Տէր-Ստեփանեան. Թրքահայոց դատը Թրակիոյ յոյներուն դատի՞ն կը նմանցնէք:

Տիար Գ. Ֆնտուլեան. Մեր դատը յիսուն տարուան քաղաքական գոյութիւն ունեցող դատ մըն է: Արդեօ՞ք թրակիացիք մեզի պէս մէկ միլիոնէ անելի զոհ տուին:

Վսեմ Տիար Գ. Նորատունկեան. Կարծեմ, թէ բաւական լուսաբանուեցաւ այս խնդիրը: Պէտք է այլեւս միանանք մէկ կէտի մը վրայ եւ վերջ տանք այս կնճռատութեան: Այս կէտը, ըստ իս, սա է: Թէեւ Տիար Չօպանեան եւ Թեքէեան կը պնդեն, թէ իրենք հաստատ կը մնան իրենց հրաժարականին վրայ, բայց լաւագոյն է, որ վերստանձնեն իրենց գործը, գոր սկսեր ու շարունակեր են մէկուկէս տարի եւ որ տակաւին քանի մը ամիս պէտք է շարունակուի: Անշուշտ իրենք ալ կ'ընդունին, որ Պատուիրակութեան գործը տակաւին քանի մը ամիս ալ շարունակելու պէտք կայ:

Տիար Վահան Թեքէեան. Ոչ այն հասկացողութեամբ, թէ մէջտեղը դաշնագիր մը կայ, գոր կարելի չէ փոփոխութեան ենթարկել, ինչպէս ըսիք պահ մը առաջ: Որովհետեւ՝ եթէ այդպէս ըլլայ, իրօք, այլեւս ի՞նչ պէտք կը մնայ Պատուիրակութեան:

Վսեմ. Տիար Գ. Նորատունկեան. Բայց շատ սխալ հասկցեր էք իմ խօսքերս: Ես ըսել չուզեցի, որ ասկէ վերջ ըլլալիք ոչինչ կայ, ըսել չուզեցի, որ ասկէ վերջ ըլլալիք գործողութիւնները կարեւորութիւն չունին: Ընդհակառակը, թուեցի այն խնդիրները, որոնք տակաւին կարօտ են աշխատութեան: Իմ հասկնելու ուզածը սա էր, որ պէտք չէ մեծ յոյսեր դնենք դաշնագրին փոփոխութեան առթիւ մեր ձեռք բերելիք առաւելութեանց վրայ, որպէսզի վերջէն յուսախաբ չըլլանք: Կատարուելիք գործողութիւնները, որքան ալ կարեւոր, պիտի ըլլան չափաւոր սահմանի մը մէջ, եւ վաղը եթէ ամենագորաւոր Պատուիրակութիւն մըն ալ բերեք, ան ալ ստիպուած պիտի մնայ այս անձուկ սահմանին մէջ գործելու: Համագումարը՝ Պատուիրակութեան



համար վստահութեան քուեով մը արտայայտուեցաւ: Որքան ալ Վսեմ. Փաշան նորէն իր հիւանդութեան առարկութիւնը դրաւ մէջտեղ, կը կարծեն, որ պէտք է հաստատենք մեր նախորդ որոշումը, նոր անդամ մը ընտրելով նախապէս հրաժարած անդամին տեղ, որպէսզի Պատուիրակութիւնն իր գործը շարունակէ մինչեւ դաշնագրին ստորագրութիւնը:

Տիար Ա. Չօպանեան. Ատիկա լուծում մը չէ: Փաշան ալ, Պատուիրակութեան անդամներն ալ յոգնած էին տարիուկետուան չարաչար աշխատութենէն: Ասկէ անկախաբար՝ եղած քննադատութիւնները այն աստիճան վիատութեան մատնեցին մասնաւորաբար Փաշան, որ հիմա ինք ալ կը հաւատայ, թէ չպիտի կրնայ այլեւս շարունակել այս գործը մինակը: Մի՛ կարծէք, որ Պատուիրակութեան անդամներուն մնալովը՝ Փաշան ալ կրնայ մնալ: Ինք կարող դեր-նախագահ մը ունենալ ուզեց իրեն աջակից եւ անունն ալ տուաւ: Մինչեւ որ ասիկա չըլլայ՝ չպիտի ուզէ Պատուիրակութեան մէջ մնալ:

Տիար Ֆնտզեան. Բայց Փաշային անձի եւ կամ կարողութեան մասին ոչինչ ըսուեցաւ որպէսզի այդ վիատութիւնն արդարանար: Եղած քննադատութեանց արժէքը յայտնի եղաւ տրուած բանաձեւերէն: Կարծեն Փաշան ստացաւ ամեն գոհացում, եւ պէտք չէ պատճառ մը ունենայ վիատելու: Ինձի այնպէս կը թուի, թէ Վսեմ. Նախագահին առաջարկած լուծումը լաւագոյն բանն է, որ կրնանք ընել այս դժբախտ խնդիրը պատուաւորապէս փակելու եւ ընդհատուած աշխատութեանց ընթացք տալու համար: Ատենը թանկագին է ինչպէս երբեք չէ եղած. աշխատինք ժամ առաջ հարթելու այս կնճռոտութիւնները:

Տիար Տէր-Ստեփանեան. Մենք խնդիրները շփոթելու վրայ ենք, որով վիճաբանութիւնը անօգուտ կը դառնայ եւ իրար չենք հասկնար: Փաշան ինձի հարց դրաւ, թէ երկու գործ կայ ընելիք: Մէյ մը՝ տիրեթիւնները գծել, մէյ մըն ալ՝ Պատուիրակութիւն մը ընտրել, եւ ինք ալ ըսաւ, որ տրամաբանական է նախ տիրեթիւնները գծել եւ յետոյ Պատուիրակութեան կազմութեան վրայ խորհիլ՝ հետապնդուելիք գործերու կարելորութեան համեմատ: Հետեւաբար, կ'առաջարկեն, որ անձերու հարցը մէկ կողմ թողունք եւ զբաղինք տիրեթիւններով: Ասիկա նոյն ատեն մեզի միջոց կ'ընծայէ առանձին տեսակցութիւններով խորհրդակցելու եւ Պատուիրակութեան կազմութեան մասին գոյութիւն ունեցող դժուարութիւնները դիւրութեամբ հարթելու:

Անեն. Դուրեան Արքեպիսկ. Մինչեւ տիրեթիւններու պատրաստութիւնը՝ Պատուիրակութիւն չպիտի՞ ըլլայ:

Տիար Տէր-Ստեփանեան. Պատուիրակութիւնը, բնականաբար, կը մնայ եւ իր աշխատութիւնը կը շարունակէ:

Անեն. Դուրեան Արքեպիսկ. Այն ատեն կրնայ երկու ամիս տեւել այս խնդիրը:

Տիար Ֆնտզեան. Եթէ ոչ աւելի:

Տիար Տէր-Ստեփանեան. Չեն կարծեր, որ այդքան երկար տեւէ եւ չեն կարծեր, որ աւելի չըսեն գործնական՝ զոնէ տրամաբանական միջոց մը գտնել կարելի ըլլայ:

Տիար Ա. Չօպանեան. Քանի մը խօսք ալ պիտի ըսեն տիրեթիւններու մասին: Առաջին խնդիր մը սա է, թէ Պատուիրակութիւն մը պիտի մնա՞, թէ՞ ոչ: Երկրորդ՝ մինչեւ ե՞րբ պիտի մնայ: Երրորդ՝ ի՞նչ ունի ընելիք այդ տեսողութեան միջոցին: Չորրորդ՝ ի՞նչ ջանք տակաւին կայ ընելիք՝ միւս Պատուիրակութեան հետ միացումը իրականացնելու համար: Հիմնադրող՝ Ազգ. Պատուիրակութեան ջնջուելէն ետք՝ Հայաստանի չկցուած հայկական հողամասերու խնդրով ո՞վ պիտի զբաղի Վեհաժողովին առջեւ: Վեցերորդ՝ Ազգ. Պատուիրակութեան կողմէ պիտի ստորագրուի՞ դաշնագիրը: Կան տակաւին հատուցման խնդիրը եւ մանտայի խնդիրը, որ կարելորդներէն մէկն է անտարակոյս:

Տիար Գ. Ֆնտզեան. Ես կ'առաջարկեմ այսօր իսկ, անմիջապէս քուեի դնենք Պատուիրակութեան մնալու կամ չմնալու խնդիրը:

Տիար Ֆնտզեանի այս առաջարկութեան մասին թեր ու դեմ խօսեցան մէկ քանի պատգամաւորներ:

Ի վերջոյ, Համագումարը պէտք տեսաւ յաջորդ նիստին յետաձգելու այդ առաջարկութեան քուեարկութիւնը:

Նիստը փակուեցաւ ժամը 7-ին:

ՀԱԱ, ֆ. - 430, ց. 1, գ. 65, թթ. 1-39: Ձեռագիր: Բնագիր:

## Նիստ Ի

19 Յունիս, 1920, ժամը 4 1/2 –ին,  
Ճախագահութեամբ Վսեմ. Տիար Գ. Նորատունկեանի.

Ներկայ էին 13 պատգամաւոր՝

Անեն. Դուրեան Արքեպիսկ., Տոթթ. Բարսեղեան, Դաւիթ-Բէկ, Թերզիպաշեան, Թեքեան, Թումայեան, Սարըրը Պէյ, Վսեմ. Գ. Նորատունկեան, Չօպանեան, Սինապեան, Տէրպետերեան, Տէր-Ստեփանեան, Ֆնտզեան:

## Օրակարգ

1. Վերկազմութիւն Ազգ. Պատուիրակութեան
2. Տեղեկագիր Դաշնագրի Քննութեան Յանձնաժողովին

## Օրակարգ

1. Վերակազմութիւն Ազգ. Պատուիրակութեան

Վսեմ. Տիար Գ. Նորատունկեան. Երկու խնդիր ունինք, որոնց մասին պիտի խօսինք այսօր: Առաջին՝ Դաշնագրին Քննութեան Յանձնաժողովին եզրակացութիւնները, եւ երկրորդ՝ այն խնդիրը, որով երկէ զբաղեցանք, այսինքն՝ Պատուիրակութեան ամբողջացման խնդիրը: Դաշնագրին Քննութեան Յանձնաժողովին տեղեկաբեր Տիար Չօպանեան խնդրեց, որ նախապատուութիւնը տրուի երկրորդ խնդրին, որովհետեւ յիշատակագրի նախագիծը տակաւին օրինակուելու վրայ է: Ուրեմն, կը շարունակենք զբաղիլ երկրորդ հարցով:

Տիար Գ. Սինապեան. Խորհրդակցութեան չնկատ՝ յայտարարութիւն մը պիտի ընեն: Այս առտու տեսնուեցայ Փաշային հետ. ինք դարձեալ կը պնդէ, որ եթէ Նորատունկեան էֆենտի չհաւանի Պատուիրակութեան մէջ մտնել՝ պիտի հրաժարի: Փաշան խնդրեց, որ այս պարագան ժողովիդ հաղորդեն. արդէն ինք ալ պիտի գայ եւ անշուշտ նոյնը պիտի կրկնէ:

Վսեմ. Տիար Գ. Նորատունկեան. Բայց ատիկա անել մըն է եւ ոչ մէկ բանի կրնանք յանգիլ՝ եթէ այդ անել ճամբուն մէջ մնանք: Անգամ մըն ալ կը խնդրեն, որ այլեւս իմ անձին շուրջը խնդիր չըլլայ այս առթիւ:

Տիար Արշակ Չօպանեան. Բայց այս խնդիրներէն առաջ՝ երբ Փաշան առաջին անգամ այս ժողովին մէջ բաղձանք յայտնեց, որ մասնակցիք Պատուիրակութեան, այսքան վճռական կերպով մը չմերժեցիք, ինչ որ յուսադրեց Փաշան ալ, մեզ ալ:

Վսեմ. Տիար Գ. Նորատունկեան. Միշտ վճռական էի: Ես մեղմ կերպով մը ըսի, որովհետեւ խառնուածքով ալ մեղմ են արդէն, բայց չհասկցուեցաւ, որով՝ կրկնուելով կրկնուելով՝ հետզհետէ խստացաւ իմ մերժման ձեւը: Եւ արդէն այն համոզումն ունիմ, որ Պատուիրակութենէն դուրս մնալով՝ ի պահանջել հարկին ծառայութիւն մը կրնամ մատուցանել: Իմ չէզոք դիրքս՝ օրինակի համար՝ ինձի կը թոյլատրէ, որ երբ պէտք

ծագի, միացման գիծ մը դառնան երկու Պատուիրակութեանց միջեւ, երբ իրենց տեսակետները համաձայն չըլլան իրարու հետ: Յետոյ կան խնդիրներ, որոնց Պատուիրակութիւնը չուզէր անձամբ միջամտել, եւ որոնց համար անհրաժեշտ է կէս մը չէզոք անձի մը միջամտութիւնը: Այդ պարագաներուն մէջ ալ իմ դերս օգտակար կրնայ դառնալ: Պատուիրակութիւնը, երբ որ ուզէ, միշտ պատրաստ են ամբողջ օժանդակութիւնս բերել իրեն, ինչպէս ըրած են արդէն անցեալին մէջ անպաշտօն կերպով:

Տիար Գ. Սինապեան. Բայց խնդիրը պէտք է լուծել:

Տիար Ա. Թերզիպաշեան. Փաշան երեկ չպահանջեց, որ անպատճառ Նորատունկեան էֆենտին ըլլայ իրեն տրուելիք գորավիզը:

Տիար Գ. Սինապեան. Այո, բայց այսօր այդ պայմանը դրաւ:

Վսեմ. Տիար Գ. Նորատունկեան. Մենք այն հաւատքն ունինք, թէ Համագումարին տուած վստահութեան քուեով այս հրաժարականի խնդիրը վերջապէս փակուած է այլեւս:

Տիար Արշակ Չօպանեան. Կ'առաջարկեմ, որ ժողովը նախ իր որոշումը տայ այն հարցին նկատմամբ, որ մէջտեղ դրուեցաւ երէկ. թրքահայ Պատուիրակութիւն մը պէ՞տք է մնայ, թէ՞ ոչ: Նախ պէտք է լուծել այս հարցը: Ասկէ ետքը կը մնայ գտնել ուրիշ յարմար անձ մը իբր փոխ-նախագահ, որպէսզի թրքահայ Պատուիրակութիւն մը միշտ իրեն նախագահ ունենալով Փաշան, թրքահայոց դատը շարունակէ հետապնդել գոնէ մինչեւ դաշնագրին ստորագրութիւնը:

Տիար Ա. Թերզիպաշեան. Կ'առաջարկեմ, որ անմիջապէս քուէի դնենք այս հարցը, որովհետեւ կասկած չկայ, որ դաշնագրին եզական հանգամանքին բերումով՝ թրքահայոց խնդիրը բաց եւ անլոյծ կը մնայ, ինչ որ անհրաժեշտ կը դարձնէ այդ խնդրին անունով առանձին Պատուիրակութեան մը գոյութիւնը:

Տիար Ա. Չօպանեան. Երէկ ըսուեցաւ, թէ այլեւս անյարմար է, որ երկու Պատուիրակութեանց կողմէ՝ ըլլան նոր դիմումները. ըսուեցաւ նաեւ, որ նոր Պատուիրակութիւնը ի՞նչ ունի այսուհետեւ ընելիք: Որպէսզի Ազգ. Պատուիրակութեան մը գոյութեան ամենէն անհաշտ հակառակորդներն իսկ համոզուին՝ պիտի ըսեն: Երկու Պատուիրակութիւնները դաշնակից պետութեանց մօտ կողք-կողքի գործեցին սկիզբէն ի վեր, եւ մատուցուած պաշտօնագրերը կրեցին երկու Պատուիրակութեանց ալ նախագահներուն ստորագրութիւնը: Եւ պետութիւնները երբեք առարկութիւն չըրին ասոր դէմ: Մինչեւ Սան Ռեմօ այսպէս եղաւ, եւ Սան Ռեմոյի մէջ ալ մեր պահանջումները ներկայացուցեցան թէ՛ Պ. Ահարոնեանի եւ թէ՛ Փաշային ստորագրութեամբ, մէկը իբր Հանրապետական կառավարութեան եւ միւսն ալ իբր irredimable Հայոց ներկայացուցիչ: Ինչո՞ւ յանկարծ փոխուի այս դրութիւնը, որ նուիրագործուած է այլեւս պետութեանց մօտ, քանի որ Պատուիրակութեանց ձուլումը կարելի չէրաւ: Մինչեւ դաշնագրին ստորագրութիւնը՝ պէտք է գործերը վարուին այդ կերպով, եւ Փաշան ալ պէտք է ստորագրէ դաշնագիրը՝ հռչակելու համար թրքահայոց միացումը Հանրապետութեան: Անկէ ետքը, ի հարկէ, այն հայերը, որոնք Հանրապետութենէն դուրս պիտի մնան, պէտք պիտի ունենան իրենց ճակատագրով զբաղող մարմնի մը: Ո՞վ պիտի ըլլայ այս մարմինը, ո՞վ պիտի ընտրէ զայն, նոր համագումար՝ պիտի հրաւիրուի ասոր համար: Ասոնք վերջի խնդիրներ են: Հիմա անհրաժեշտը սա է, որ Պատուիրակութիւնը պէտք է մնայ գոնէ մինչեւ դաշնագրին ստորագրութիւնը: Շատ խնդիրներ կան, որոնք իրեն կապուած էին. կը յիշեմ մեր մանտայի ամենակարեւոր հարցը: Այս խնդիրները պէտք է իրնով լուծուան գտնեն:

Տիար Տոքթ. Բարսեղեան. Տիար Չօպանեանի ըսած փաստերը, որոնք իբր թէ պիտի համոզէին նոյնիսկ ամենէն անհաւատները, որոնցմէ մէկն ալ ես եմ, կ'երեւայ՝ իր աչքին, ո՛չ միայն համոզիչ չեն, այլ՝ հակառակը կ'ապացուցանեն: Համագումարը անցեալ տարի Պատուիրակութեան կազմութիւնը ո՛չ թէ անհրաժեշտ նկատեց, այլ՝ համակերպեցաւ եղած դրութեան: Բայց այն պայմանները, որոնք կային անցեալ

տարի, գոյութիւն չունին այսօր: Անցեալ տարի երեք գլխաւոր առարկութիւններ կ'ընէին զուտ Ազգային Պատուիրակութեան մը գոյութիւնը հիմնաւորելու համար: Առաջին՝ Հանրապետութեան ճանջուած չըլլալը: Երկրորդ՝ ռուսական վտանգը: Երրորդ՝ կը շեշտուէր, որ Հայկական Խնդրին ծանրութեան կեդրոնը թրքահայկական դատը կը կազմէ: Ասոնցմէ ո՛չ մէկն այլեւս գոյութիւն ունի: Հիմա, ըսել, թէ թրքահայ դատը պաշտպանելուն համար յատուկ Պատուիրակութիւն մը պէտք կայ՝ սխալ է: Կ'ըսուի, թէ մանտայի հարցին մէջ Ազգ. Պատուիրակութիւնը մեծ դեր ունի կատարելիք: Բայց այս ալ անընդունելի է, որովհետեւ այս ուղղութեամբ ամեն գործ կ'իյնայ Հանր. կառավարութեան: Ասկէ զատ կայ նաեւ այն պարագան, որ Ազգ. Պատուիրակութիւնը ինքզինքը կը նկատէ ամբողջ արեւմտահայութեան ներկայացուցչութիւն, հետեւաբար՝ ո՛չ միայն Հայաստանի կցուելիք հողամասերէն դուրս մնացած հայկական նահանգներուն եւ Կիլիկիոյ, այլեւ երոպական մյուս գաղութներուն: Արդ, ինչպէ՞ս կ'ըլլայ, որ այսպիսի մարմին մը իրեն մեծ դեր վերագրէ մանտայի խնդրին նկատմամբ, որ կը վերաբերի կցուելիք հողամասերուն, որոնք ո՛չ մէկ պարագայի տակ երկու տարիէ ի վեր գոյութիւն ունեցող հողամասերէն աւելի ընդարձակ ըլլալ չեն ենթադրուիր: Այս տեսակ յակակութիւն մը իրական եւ իրաւական ո՛չ մէկ հիմ ունի: Հետեւաբար, պէտք չեն տեսներ թրքահայ դատին համար առանձին Պատուիրակութեան մը անհրաժեշտութեան: Մինչեւ դաշնագրին ստորագրութիւնը անոր գոյութեան հետ կրնան հաշտուիլ: Բայց այն պայմաններուն տակ միայն, որոնց մասին քանի անգամ առիթ ունեցայ արդէն խօսելու:

Կը խնդրեմ, որ Ազգ. Պատուիրակութիւնը անհրաժեշտ նկատողներ տան հետեւեալ հարցումին պատասխանը: Եթէ միացման մասին Երեսանի բանակցութիւնները յաջող ելքի մը յանգած ըլլային, ամիսներ առաջ արդէն այլեւս չէինք ունենար Ազգ. Պատուիրակութիւնը մը: Հետաքրքրական է գիտնալ, թէ այժմ նորէն Ազգ. Պատուիրակութիւն մը ստեղծելու մասին պիտի խորհէի՞նք, եւ ինչո՞ւ: Եւ եթէ այդ միացմամբ Ազգ. Պատուիրակութեան մը նորէն կեանք չտայինք, թրքահայ դատը ստացա՞ծ պիտի ըլլայինք: Ընդունինք ուրեմն, որ Ազգ. Պատուիրակութեան մը գոյութիւնը անհրաժեշտութիւն մը չէ: Երբ յաճախ ակնարկուած դժուարութիւնը այժմ ինքնին կը վերնայ, մեզի կը մնայ միայն խորհիլ այն միջոցներուն մասին, որոնք հնարաւոր կը դարձնեն կառավարութեան միջոցով Հանր/ապետութեան/ Պատ/ուիրակութեան/ մէջ մտցնել երկու կամ երեք արեւմտահայեր, որոնք թրքահայոց պայմաններուն աւելի ծանօթ կրնան ըլլալ: Մեծ պետութիւններն ալ այս երկուութեան համակերպած են ինչպէս մենք, եւ ո՛չ թէ անհրաժեշտ նկատած են զայն, եւ յաճախ ալ զգացուած են այս դրութեան վնասակարութիւնը մեր դատին համար: Այնպէս չէ՞, Տիար Չօպանեան:

Տիար Չօպանեան. Այո՛, որովհետեւ երկուքին միջեւ վէճեր առաջ եկած են:

Տոքթ. Բարսեղեան. Գիշո՛ր ասոր համար ալ պէտք է ժամ առաջ վերջ տալ այդ երկուութեան: Պէտք է նկատի ունենալ նաեւ, որ եթէ այս տեսակ պատասխանատու որոշում մը տան եւ նոր Պատ/ուիրակութիւն/ մը ընտրենք, անկա պիտի ունենա՞յ պէտք եղած հեղինակութիւնը իր ետին, երբ այսպէս նուազած Համագումարի մը քանի մը քուէներով ընտրուի:

Տիար Ա. Թերզիպաշեան. Հարցը դրուած է այն ձեւով, որ Պատուիրակութիւնը պէ՞տք է մնայ, թէ՞ ոչ: Ես կը կարծեմ, որ Պատուիրակութեան գոյութիւնը մինչեւ դաշնագրին ստորագրութիւնը պահելու առաջարկը այն դրական իմաստով է, որ դաշնագիրը կը ստորագրէ մեր յոյսերու minimum պատկումով: Հակառակ պարագային՝ կարելի չէ ըսել, որ Պատուիրակութեան դերը կը լրանայ. ան իր դերը եւ իր համարատուութիւնը ունի յանձնելիք կա՛մ նոր համագումարի մը, որու մասին պէտք է խօսինք, կա՛մ Պոլսոյ Ազգ. Երեսփ. Ժողովին եւ կա՛մ համաձայնութիւն գոյացած պարագային՝ Հայաստանի խորհրդարանին:

Վիճաբանութիւնը վերջ գտած ըլլալով, Վսեմ. Նախագահը քուէի դրաւ նախ Պատուիրակութեան Նախագահ Վսեմ. Պօղոս Փաշայի հրաժարականին մերժումը:

14 ներկաներու 13-ին քուէով՝ մերժուեցաւ Պատուիրակութեան Նախագահին հրաժարականը:

Տիար Տիար Տոթթ. Բարսեղեան հակառակ քուէ տուաւ, պատճառաբանելով, թէ քանի որ Փաշան կը պնդէր իր հրաժարականին վրայ, ինք պէտք չի տեսներ, որ Համագումարը պատրաստ է անկարելիին:

Յետոյ քուէի դրուեցաւ Պատուիրակութեան միւս անդամներուն հրաժարականին մերժումը:

Տիար Տերպետեան. Պատուիրակութեան միւս անդամներուն ալ հրաժարականին մերժման ես ալ համամիտ եմ, պայմանաւ, որ որոշ ըլլայ, թէ առանց Ն. Վսեմութեան Փաշային՝ Ազգ. Պատուիրակութիւն չի կրնար գոյութիւն ունենալ. միայն Փաշային համար է, որ կը համակերպիմ մինչեւ դաշնագրի ստորագրութիւնը Ազգ. անջատ Պատուիրակութեան մը գոյութեան:

14 ներկաներու 13-ին քուէով՝ մերժուեցաւ Պատուիրակութեան միւս անդամներուն հրաժարականը:

Տիար Տոթթ. Բարսեղեան դարձեալ հակառակ քուէ տուաւ:

Տիար Տէր-Ստեփանեան. Մենք կը մերժենք իրենց հրաժարականը, բայց ասիկա չի բառնար Պատուիրակութեան վերակազմութեան խնդիրը, որ կայ մեր օրակարգին վրայ:

Վսեմ. Տիար Գ. Նորատունկեան. Եթէ ժողովը փափաքի՝ կրնայ որոշել նաեւ, թէ Պատուիրակութիւնը մինչեւ ե՞րբ պիտի շարունակէ իր պաշտօնը:

Տիար Տէր-Ստեփանեան. Ինձի կը թուի, թէ այդ հարցը չենք կրնար որոշել մինչեւ որ տիրէքթիւնները չսահմանենք: Ընդհակառակը՝ պէտք է քուէարկենք, թէ Պատուիրակութիւն մը պէ՞տք է մնայ կամ ոչ, առանց որոշելու թէ մինչեւ ե՞րբ պիտի շարունակէ իր պաշտօնը, որուն տեսողութեան սահմանումը տիրէքթիւններէն պիտի բղխի:

Վսեմ. Տիար Գ. Նորատունկեան. Բայց արդէն մեր քուէարկութեան նպատակը ատ եր:

Ամեն. Դուրեան Արքեպիսկ. Արդէն իրենց հրաժարականը մերժելուս նպատակն էր, որ մնան ու շարունակեն իրենց պաշտօնը:

Տիար Ա. Թերզիպաշեան. Կարծեմ սա ձեւով բանաձեւ մը կրնանք անցընել, թէ Պատուիրակութիւնը պէտք է շարունակէ իր գործունէութիւնը մինչեւ դաշնագրին նպաստաւոր կերպով ստորագրութիւնը:

Տիար Դաւիթ-Բէկ. Ո՛չ միայն պէտք է սպասենք մինչեւ դաշնագրին ստորագրութիւնը, այլ նաեւ մինչեւ անոր վաւերացումն ու գործադրութիւնը: Ըստ իս՝ մեր Պատուիրակութիւնը պէտք է գոյութիւն ունենայ մինչեւ դաշնագրին գործադրութիւնը, որպէսզի երբ Թրքահայաստանէն մասեր կցուին Հանրապետութեան, կարենայ հռչակել թրքահայոց միացումը իրենց ռուսահայ եղբայրներուն:

Տիար Տէր-Ստեփանեան. Կ'առաջարկեմ, որ այժմ սկսինք տիրէքթիւններու մասին խորհրդակցութեան:

Համագումարն անցաւ տիրէքթիւններու հարցին քննութեան:

Վսեմ. Տիար Գ. Նորատունկեան. Պատուիրակութեան վիճարկած գործերուն մէջ կայ նախ դաշնագրին սրբագրութեան համար կատարուելիք ձեռնարկը: Ամէնքս ալ կարծեմ համամիտ ենք այդ մասին: Եւ արդէն՝ քիչ մը վերջ պիտի կարդացուի այն յիշատակագիրը, որ այդ նպատակով պիտի մատուցուի Գերագոյն Խորհուրդին: Երկրորդ՝ Պատուիրակութիւնը պիտի խորհի, թէ ի՞նչ պայմաններու մէջ եւ ինչպէ՞ս կարելի պիտի ըլլայ Թրքահայաստանի մէկ մասին կցումը Հայկական Պետութեան: Կրնայ ըլլալ, որ դաշնագրին ստորագրութենէն առաջ ալ հնարաւոր դառնայ այդ հողամասերուն Հայաստանի կցումը, օրինակի համար՝ Ենթադրենք՝ թուրքերուն հետ

գոյացած ուղղակի համաձայնութեամբ մը, եթէ կարելի ըլլայ: Երրորդ՝ տակաւին ատեն մը պիտի մնանք այն տեսակ դրութեան մը մէջ, որ եթէ երկու Հայաստանները միանան, պէտք պիտի ըլլայ կիրարկել ռուսական օրէնքները՝ Ռուսահայաստանի եւ թրքական օրէնքները՝ Թրքահայաստանէն կցուած մասերուն մէջ: Այս վիճակը պիտի տեսէ՝ մինչեւ որ նոր օրինագիրք մը ունենայ Հայկական Պետութիւնը: Պատուիրակութիւնը կրնայ օրէնագէտ անձերու աջակցութեամբ, հիմակուրնէ՛ աշխատիլ այդ նպատակով: Չորրորդ՝ կան տրութեանց մօտ Եւրոպայի մէջ ըլլալիք դիմումները: Բնական է՝ անհրաժեշտ է, որ այդ դիմումները կատարուին մեր Հանրապետութեան ներկայացուցչին հետ համախորհուրդ, սերտ գործակցութեամբ մը, որ դժբախտաբար, կարելի չէրաւ մինչեւ այսօր: Անցեալ տարի թէւ Ամբողջական Հայաստանի Պատուիրակութիւն ըսինք, բայց ամեն կէտերու մէջ կարելի չէրաւ համերաշխ ու եսպէս միացեալ գործունէութիւն մը: Անշուշտ այլեւս ատենն է, որ հակամարտութիւնները վերանան եւ աշխատութիւնները կատարուին ձեռք-ձեռքի: Հինգերորդ՝ կայ մանտայի հարցը: Եւ տակաւին անոր նման ուրիշ շատ խնդիրներ կը գտնուին Պատուիրակութեան օրակարգին վրայ: Այս բոլորը, զորս կը յիշատակեմ անցողակի կերպով մը, կրնան նկատողութեան առնուիլ տիրէքթիւններու պատրաստութեան միջոցին:

Տիար Ա. Չօպանեան. Մանտայի խնդիրը մանաւանդ Ազգ. Պատուիրակութեան վերաբերող ամենէն հրատապ հարցերէն մէկն է: Եւ արդէն՝ թրքահայերը մասնաւորապէս շահագրգռող խնդիր մըն է, քանի որ հիմնուած է Ազգերու Ընկերակցութեան դաշնագրութեան 22-րդ յօդուածին վրայ, որ սոսկ թրքահայոց կը վերաբերի: Ես պիտի փափաքեի, որ այսօր իսկ Համագումարը զբաղէր այդ խնդրով:

Տիար Ա. Թերզիպաշեան. Ես կը կարծեմ, որ Պատուիրակութեան պարտականութիւններէն ամենէն կարելորդ մոռցանք: Պատուիրակութեան պարտքն է նաեւ ուշադիր հետեւիլ քաղաքական իրադարձութիւններուն, որոնք այսօր առաւել քան երբեք սպառնալից են հայ ժողովուրդին ֆիզիքական գոյութեան: Կայ պոլշեիկութեան ստեղծած դրութեան վտանգը, կայ թուրք միլիներու վտանգը, կայ տակաւին Կիլիկիոյ օրհասական վիճակը: Ասոնց ամենը՝ հայ ժողովուրդին աչքերը կը դարձնեն դէպի Ազգ. Պատուիրակութիւնը, եւ Պատուիրակութիւնը չի կրնար իր գործունէութիւնը սահմանափակել միայն քանի մը շրջաններու Ռուսահայաստանի կցման աշխատանքին մէջ: Այդ շրջաններէն դուրս կը մնան ուրիշ շատ մը հայ շրջանակներ, որոնց ֆիզիքական գոյութեան, ինչպէս նաեւ քաղաքական իրաւանց պաշտպանութեան, նոյնպէս նաեւ Կիլիկիոյ նման կարգ մը շրջանակներու մասնաւոր առանձնաշնորհեալ ռեժիմ մը ապահովելու հոգերը Ազգ. Պատուիրակութեան կը պատկանին: Պատուիրակութիւնը պէտք է անդուլ խորհի, թէ ի՞նչ կրնանք փրկել, թէ այն մեր այն խեղճ ազգակիցները, որոնք պիտի մնան Հայաստանի սահմաններէն դուրս, ի՞նչ կերպով կրնանք փրկել:

Տիար Ա. Բարսեղեան. Այդ գործով ո՛չ Համագումարը, ո՛չ ալ տիրէքթիւններու պատրաստութեան համար կազմուելիք յանձնաժողովը կրնան զբաղիլ: Այս առաջարկը կ'ուզէ շեշտել Եւրոպայի մէջ տեսականապէս գոյութիւն ունենալիք մարմնի մը կամ Պատուիրակութեան անհրաժեշտութիւնը: Կ'ընդունին, որ չկցուած հայկական հողամասերու մէջ գտնուող հայերը իրենց շահերուն պաշտպանութեան նուիրուած մարմին մը ունենան: Բայց ասիկա ո՛չ այս Պատուիրակութիւնը, ո՛չ ալ Համագումարը կրնան որոշել: Ատիկա Եւրոպայի դրկուելիք հրահանգներով չըլլար, այլ՝ տեղին ժողովուրդը եւ պայմանները պիտի ընեն: Մենք հիմա չենք կրնար ատով զբաղիլ: Եւ յետոյ, դաշնագրի ստորագրութենէն եւ գործադրուելէն տեք պէտք է սպասել ժամանակ մը, որպէսզի տեսնենք, թէ ի՞նչ տեսակ պայմաններ կը ստեղծուին:

Տիար Թերզիպաշեան. Պիտի լրացնեմ առաջարկութիւնս, ըսելով որ Հանրապետութեան կառավարութիւնը, դաշնագրին ստորագրութենէն վերջ, իրաւական տեսակետով չի՛ կրնար Հայաստանի սահմաններէն դուրս մնացած

մասերու ժողովուրդներուն, օրինակ՝ կիլիկեցիի մը կամ խարբերոցիի մը ձգտումներուն արտայայտիչը ըլլալ: Ատիկա այդ ժողովուրդներուն իրաւունքն է, որ ներկայացուցիչներու միջոցաւ՝ առանձին օրկանով մը պէտք է արտայայտէ իր ձգտումները: Եւ այդ ներկայացուցիչները խտացած են այս Համագումարին մէջ եւ ունին իրենց գործադիր, օրկանը որ Ազգ. Պատուիրակութիւնն է:

Տիար Տէր-Ստեփանեան. Տիրէքիներու մասին խօսուած ատեն մենք պէտք է նկատի ունենանք, մեր արտաքին քաղաքականութենէն վերջ, ներքին քաղաքականութիւնը, քանի որ այս վերջին տեսակետով ալ Պատուիրակութիւնը որոշ դեր կատարէր է անցեալին մէջ, եւ հետեւաբար՝ ապագային նկատմամբ ալ ունի որոշ դեր, պարտականութիւն ու պատասխանատուութիւն: Պատուիրակութեան տեւողութեան մասին, ըստ իս, պէտք է նկատի ունենալ զանազան պատահականութիւններ: Չի բաւեր ըսել, որ Պատուիրակութիւնը պէտք է գոյութիւն ունենայ մինչեւ դաշնագրին ստորագրութիւնը, եւ յետոյ լուծուի. որովհետեւ՝ մինչեւ այդ՝ դրութիւնը կրնայ բոլորովին փոխուած ըլլալ եւ նոր գործեր թելադրել: Պէտք է նախատեսենք երկու գլխաւոր կարելիութիւն: Առաջին՝ կը ստորագրուի դաշնագիր մը, որուն մէջ Տաճկահայաստանի իրաւունքները գէթ նուազագոյն չափով մը յարգուած են: Երկրորդ՝ կը ստորագրուի դաշնագիր մը, որուն մէջ բոլորովին ուսնակոխ եղած է Տաճկահայաստանը եւ անկէ ո՛չ մէկ հողամաս կամ փոքր հողամաս մը կը միացուի Հանրապետութեան: Առաջին պարագային՝ Պատուիրակութեան արտաքին գործը վերջացած պէտք է համարել, երբ Տաճկահայաստանի ազատագրեալ մասը գրաւուի ու միացուած ըլլայ Հանրապետութեան: Երկրորդ պարագային՝ Պատուիրակութեան գործը վերջացած չէ, եւ ըստ իս, պէտք է որ, համաձայն Պոլսոյ Ազգ. Երեսի. ժողովին հետ, իրաւիքն նոր Արեւմտահայ Համագումար մը, որ որոշում տայ ապագայի մասին: Իմ համեստ կարծիքովս, այս երկրորդ պարագային, որ կը համապատասխանէ տաճկահայ դատին ամբողջական կամ գրեթէ ամբողջական վիժման, Ազգ. Պատուիրակութիւնը պէտք է փոխադրուի Ամերիկա եւ հոն ու անկէ շարունակէ պայքարիլ նոր թափով, հայութեան ոտնակոխ եղած իրաւունքներուն համար, մասնաւորապէս կոչ ընելով Ամերիկայի, որ վերջին տարուան ընթացքին մեծագոյն պատասխանատուութիւնը ստանձնեց մեզի հանդէպ: Առաջին՝ այսինքն մեր նուազագոյն գոհացում ստանալու պարագային, Ազգ. Պատուիրակութիւնը, որ մինչեւ դաշնագրին ստորագրութիւնը պիտի շարունակէ պաշտպանել ամբողջ Հայաստանի եւ արեւմտահայութեան շահերը, պէտք է վերջ գտնէ եւ պէտք չէ, որ զբաղի ոչ-փրկեալ Հայաստանով ու հայութեամբ: Հայութեան այդ մասին պէտք է թողուլ որոշել իր դիրքը, համակերպիլ կամ ոչ: Պատուիրակութիւնը շատ-շատ կրնայ գաղտնի թելադրութիւններ ընել ոչ-փրկեալ հայութեան, Պոլսոյ Ազգ. ժողովին միջոցով: Գալով ներքին քաղաքականութեան եւ մասնաւորապէս միացման հարցին, որ չլուծուեցաւ ցարդ, ամեն ոք գիտէ, թէ որո՞ւ յանցանքով:

Ես կ'առաջարկեմ հետեւիլ սա ծրագրին: 1. Պատուիրակութիւնը կ'առաջարկէ Երեսի կառավարութեան՝ միացումը կատարել նուազագոյն ծրագրի մը հիման վրայ, որ կը կազմէ կառավարութեան առաջարկներն իսկ, պատշաճեցուած ներկայ դրութեան: Ընելով այս առաջարկը, Պատուիրակութիւնը կը յայտարարէ, որ անոր մերժման պարագային՝ ստիպուած պիտի ըլլայ խնդիրը ենթարկելու նոր Արեւմտահայ Համագումարի մը: 2. Սերժումի պարագային՝ Պատուիրակութիւնը պէտք է ձեռնարկէ նոր Արեւմտահայ Համագումարի մը ընտրութեան: Ընտրութիւնը կը կատարուի ընդհանուր ժողովրդակալան քուէարկութեամբ: Համագումարը բաղկացած պէտք է ըլլայ շուրջ 50 անդամէ, ամբողջովին ընտրուած տաճկահայատակ արեւմտահայութենէ: Ընտրելու ակտը պիտի նկատուի՝ ամեն ընտրողի համար՝ համազօր հայկական քաղաքացիութեան խնդրանքի: Համագումարը կը հաւաքուի Երեսան, կը քննէ Ազգ. Պատուիրակութեան համարատուութիւնը, ու յետոյ, ինք ըլլալով արեւմտահայութեան զերագոյն ներկայացուցչութիւնը, կը բանակցի ուղղակի Երեսանի խորհրդարանին

հետ, միացման հարցին շուրջ: Համագումարին իշխանութիւնը բացարձակ է, ան, համաձայնութեան պարագային, կրնայ ինքզինքը նկատել միացեալ խորհրդարանի արեւմտահայ կէտը, եւ իբր այդ մտնել Երեսանի խորհրդարանին մէջ, այդպէսով առաջ բերելով հայութեան երկու հատուածներուն վերջնական ձուլումը:

Տիար Գ. Ֆնտուլեան. Կ'ուզէի որոշապէս գիտնալ, թէ Ազգ. Պատուիրակութիւնը իրեն պարտք պիտի նկատուի՞ դիւանագիտական դիմումներ ընել եւ աշխատիլ, որ Հայաստանէն դուրս մնալիք հայոց համար՝ դաշնագրին փոքրամասնութեանց պաշտպանութեան տրամադրութիւններուն վտիտ արդիւնքէն աւելի բան մը ձեռք բերուի:

Տիար Չօպանեան. Բայց անշուշտ. իր ամենէն եական պարտականութիւններէն մին է այդ բանը:

Համագումարը տակաւին պահ մըն ալ շարունակեց վիճաբանութիւնը այն հարցին շուրջ, թէ Պատուիրակութիւնը մինչեւ ե՞րբ պէտք է մնայ:

Նախագահ Վսեմ. Տիար Գ. Նորատունկեան դիտել տուաւ, թէ օրինական տեսակետով՝ դաշնագրին ստորագրութենէն վերջ Ազգ. Պատուիրակութիւնը չի՞ կրնար մնալ, ինչպէս չի՞ կրնար մնալ նաեւ Հանր. Պատուիրակութիւնը, որուն մէջ՝ Հանր./ապետութեան/ նկատուի՞ դիւանագիտական կրնայ դիւանագիտական ներկայացուցիչ մը դրկել: Գալով Թուրքիոյ մէջ մնալիք հայ ժողովուրդին, Ն. Վսեմութիւնը ըսաւ, թէ անոնք արդէն իրենց պաշտօնական ներկայացուցիչներն ունին Ազգ. Երեսի. ժողովին մէջ. եւ դաշնագրին մէջ կայ յօդուած մը, որ կապահովէ Ասիանադրութեան, հետեւաբար նաեւ Ազգ. ժողովին տեսականութիւնը: Եթէ ժողովուրդը պէտք տեսնէ նոր մարդ կամ նոր մարմին մը դրկելու Եւրոպա, ինք իր պաշտօնական օրկաններով կորոշէ ատիկա, ինչպէս ըրեր է արդէն անցեալին մէջ: Կարելի է, որ նորէն Վսեմ. Պօղոս Փաշային կը յանձնէ լոյս գործը: Ն. Վսեմութիւնը եզրակացուց, թէ Պատուիրակութիւնը պէտք է մնայ մինչեւ դաշնագրին ստորագրութիւնը:

Պատուիրակութեան անդամ Տիար Արշակ Չօպանեան յայտարարեց, թէ այդ ամենուն համաձայն է, ինչպէս արդէն յայտնած ալ է:

Պատուիրակութեան տեւողութեան խնդիրը քուէարկութեան տրուելով, Համագումարը մեծամասնութեամբ որոշեց, որ Պատուիրակութիւնը իր պաշտօնը շարունակէ մինչեւ դաշնագրին ստորագրութիւնը:

Տիար Տէր-Ստեփանեանը հակառակ արտայայտուեցաւ այս որոշման եւ ուզեց, որ ատենագրուի: Յետոյ կազմուեցաւ հինգ անդամէ բաղկացեալ յանձնաժողով մը, նոր տիրէքիներու մասին ծրագիր մը պատրաստելու համար: Յանձնաժողովին անդամ նշանակուեցան՝

Տիարը՝

Բարսեղեան

Թէրզիպաշեան

Չօպանեան

Սիմապեան

Տէր-Ստեփանեան

Համագումարը թելադրեց Յանձնաժողովին, որ կարելի եղածին չափ շուտով բերէ իր եզրակացութիւնները:

## 2. Տեղեկագիր Դաշնագրին Քննութեան Յանձնաժողովին

Համագումարը անցնելով Դաշնագրի Յանձնաժողովի տեղեկագրին քննութեան, խօսք առաւ տեղեկաբեր Տիար Արշակ Չօպանեան.

Ինչպես գիտեք՝ թրքական դաշնագրի՝ հայոց վերաբերող յօդուածներու մասին Հայկական Պատուիրակութեան դիտողութիւնները Գերագոյն Խորհուրդին ներկայացնող յիշատակագիր մը խմբագրելու համար, Ազգ. Պատուիրակութիւնն իր կողմէ՝ Պ. Պ. Աճեմեանի եւ Չայեանի աջակցութեամբ, եւ Համագումարի՝ այդ նպատակաւ կազմած յանձնախումբը, քանի մը խառն միատերէ յետոյ, օգտուելով նաեւ Պ. Պ. Պարթըլէմիի, տը լա Բրատելի եւ Մանտէլշքամի յայտնած կարծիքներէն, երկուստեք եղած աշխատութիւնները միացնելով յօդուած յիշատակագրի նախագիծը, զոր պիտի կարդան ձեզի հիմա: Անոր մասին ձեր հաւանութիւնը ստանալէ յետոյ, պիտի ներկայացնենք զայն Պօղոս Փաշայի եւ Պ. Ահարոնեանի, եւ յետոյ պիտի յանձնենք Պ. Մանտէլշքամի, որ հաճի խմբագրութեան վերջնական ձեւը տալ անոր:

Տիար Արշակ Չօպանեան կարդաց յիշատակագրին նախագիծը:

Ընթերցումէն վերջ, Դաշնագրի Քննութեան Յանձնաժողովին անդամներէն Տիար Տէր-Ստեփանեան Համագումարին ներկայացուց հետեւեալ երկու առաջարկները, զորս ըրած էր Յանձնաժողովին մէջ, առանց մեծամասնութիւն գտնելու եւ պահանջ դրաւ, որ Համագումարը արտայայտուի անոնց մասին:

Ա. պահանջել, որ իրաւարարութեան ենթարկուած չորս վիլայէթներու առնուազն կէսը, դաշնագրին ստորագրութենէն վերջ, մինչեւ որ իրաւարարութիւնը յայտնուի, թուրքերու կողմէ պարպուի եւ յանձնուի Հայ Հանրապետութեան կառավարութեան:

Բ. պահանջել, որ իրաւարարութեան ենթակայ չորս վիլայէթները, դաշնագրին ստորագրութենէն անմիջապէս վերջ, պարպուին թուրք զօրքերէն եւ իշխանութենէն եւ յանձնուին միջդաշնակցային յանձնաժողովի մը վարչութեան, մինչեւ իրաւարարութեան վախճանը:

Ն. Տէր-Ստեփանեան

Քուէի տրուեցաւ այս առաջարկները յիշատակագրին կցելու հարցը, զոր յարոյց Տիար Տէր-Ստեփանեան: Երկու առաջարկներն ալ մերժուեցան առանձին քուէարկութեամբ: Առաջին առաջարկն ստացաւ մէկ եւ երկրորդը՝ հինգ քուէ: Համագումարը, սակայն, միաձայնութեամբ որոշեց Պատուիրակութեան հրահանգ տալ, որ երկրորդ առաջարկին իմաստով գրաւոր կամ բերանացի դիմում ընէ պետութեանց:

Յետոյ քուէի տրուեցաւ յիշատակագրի նախագիծը եւ ընդունուեցաւ տասնչորս ներկաներու 13-ին քուէով:

Ձեռնպահ մնաց Տիար Տէր-Ստեփանեան, պատճառաբանելով, թէ յիշատակագրի նախագիծը դաշնագրին 89-րդ եւ 90-րդ յօդուածներուն մէջ Տաճկահայաստանի հարցը լուծուած չըլլալուն նկատմամբ պէտք եղած բողոքը եւ անկից հետեւող պահանջներ չի պարունակեր:

Նիստը փակուեցաւ ժամը 6-ին:

ՀԱԱ, ֆ. -430, ց. 1, գ. 65, թթ. 40-55: Ձեռագիր: Բնագիր:

## Նիստ ԻԱ

22 Յունիս 1920, ժամը 4-ին,  
Նախագահութեամբ Վսեմ. Տիար Գ. Նորատունկեանի.

Ներկայ էին 16 պատգամաւոր՝

Ամեն. Դուրեան Արքեպիսկոպոս, Տոքթ. Բարսեղեան, Դաւիթ-Բէկ, Թէրզիպաշեան, Թէքէեան, Թումայեան, Մսրըլը Պէյ, Վսեմ. Գ. Նորատունկեան, Չօպանեան, Պզտիկեան, Սիմապեան, Տէրպետեան, Տէր-Ստեփանեան:

## Օրակարգ

1. Վերակազմութիւն Ազգ. Պատուիրակութեան

### ԱՏԵՆԱԿԱՆ ԳՈՐԾՈՂՈՒԹԻՒՆՆԵՐ

1. Ատենագրութիւն

Կարդացուեցաւ եւ վաւերացուեցաւ Յունիս 18-ի եւ 19-ի նիստերու ատենագրութիւնը:

2. Մեկնում Անգլիոյ հայ գաղութի պատգամաւոր Տիար Գառնիկ Ֆնտզեանի:

Նախագահ Վսեմ. Տիար Գաբրիէլ Նորատունկեան ժողովին ծանոյց, թէ Անգլիոյ հայ գաղութի պատգամաւոր եւ Համագումարի Ա. ատենադպիր Տիար Գառնիկ Ֆնտզեան, անձնական հարկեցուցիչ պատճառով մը ստիպուած էր մեկնիլ Անգլիա:

3. Նամակ Վսեմ. Պօղոս Փաշա Նուպարի, իւր հրաժարականի խնդրին նկատմամբ:

Նախագահ Վսեմ. Տիար Գաբրիէլ Նորատունկեան ժողովին հաղորդեց Ազգ. Պատուիրակութեան Նախագահ Վսեմ. Պօղոս Փաշա Նուպարի հետեւեալ նամակը, զոր ստացած էր նիստին բացման պահուն իսկ.

Ճարիգ, 20 Յունիս 1920

Վսեմափայլ

Գաբրիէլ Նորատունկեանին

Նախագահ Ազգ. Համագումարին.

Տիար Նախագահ,

Երախտապարտ պիտի մնամ Ձեզի, եթէ բարեհաճիք այս նամակը հաղորդել Համագումարին, իւր վաղուան նիստին սկսած միջոցին, որովհետեւ կ'իմանամ, թէ մերժած ըլլալով ընդունիլ հրաժարականս, մտադիր է ցրուիլ առանց ինձի յաջորդ մը ծանուցանելու, մինչդէռ ես, կատարեալ անկեղծութեամբ եւ խոնարհութեամբ՝ Ուրբաթի նիստին մէջ յայտարարած էի, թէ ֆիզիկապէս ի վիճակի չեմ այլեւս այսքան ծանր բեռ մը տանելու: Մնալով պարտականութեանս հակառակ վարուած պիտի ըլլամ, եւ չպիտի կրնամ մեր ազգային դատին ի սպաս դնել այն ամբողջ գործունէութիւնն ու կորովը, որոնք անհրաժեշտ են իրեն: Ասիկա էր, որ պատիւը ունեցայ բացատրելու Համագումարին, երբ վստահութեան զգացմամբ մը, որու մասին իմ շնորհակալութիւնս յայտնեցի սրտանց, որ ինձմէ խնդրեց, որ ետ առնեմ հրաժարականս: Ինչպէս ըսած եմ արդէն, ո՛չ մէկ քուէ, որքան ալ բարեացակամ ըլլայ, չպիտի կրնայ վերահաստատել առողջութիւնս եւ ինձի վերադարձնել իմ ոյժերս:

Իր պնդումներուն վրայ, որոնց պատճառ ցոյց կու տար Պատուիրակութեան գլուխը իմ անունս պահելու անհրաժեշտութիւնը, հաւանեցայ ատոր, լաւ մը ապացուցանելու համար իմ բարիկամեցողութիւնս եւ իմ անձնփրկութիւնս, ու միւս կողմէ՝ որպէսզի իմ քաշուելուս նկատմամբ ցոյց չտան այն տեսակ պատճառներ, որոնց չպիտի ուզէի, որ վերագրեն, բայց ատոր հաւանեցայ այն պայմանաւ, որ բոլորովին պատուակալ պիտի ըլլար իմ մասնակցութիւնս եւ թէ Պատուիրակութեան գործօն նախագահութիւնը պիտի ստանձնէիք Դուք, որ ազգին մէջ ունեցած Ձեր դիրքով եւ ձեր քաղաքական ասպարէզով բոլորովին յարմար անձն էք այդ տեսակ պաշտօնի մը համար:

Խորապես կը ցաւիմ, որ ընդունելու պատրաստ չզգացիք ինքզինքնիդ, եւ այսօր կ'իմանամ, որ Համագումարը կը կարծէ, թէ հրաժարականս ընդունելու իւր մերժումը պէտք է բաւէ իրերը իրենց արդի կացութեան մէջ ձգելու համար, եւ թէ մօտ օրէն պիտի ցրուի պարզապէս նախկին Պատուիրակութեան մէկ կամ երկու անդամ աւելցնելէ ետք:

Կը պաղատիմ Համագումարին, որ չյանգի այս լուծման, որ լուծում մը չէ ինքնին, եւ որ ինձի պիտի թողու ամբողջ պատասխանատուութիւնը աշխատութեան մը, զոր ոյժերս, կը կրկնեմ վերջին անգամ ըլլալով, չեն թոյլատրեր կատարել:

Ինչպէս բացարձակ կերպով յայտնեցի նիստի պահուն իսկ, մէկդի թողլով անձի ամեն նկատում, միակ ելք մը միայն կը տեսնեմ. այսինքն թէ՛ Դուք ստանձնեք նախագահութիւնը նոր Պատուիրակութեան մը, զոր Համագումարը, տարակոյս չունիմ, թէ պիտի կարենայ ընտրել, իմ կողմէս ես ալ տրամադիր ըլլալով իմ ամուսն տալու պատուակալ կերպով, եթէ երբեք, ինչպէս բարեացակամութիւնը ունեցաք յայտարարելու, օգտակար դատեք ատիկա:

Կը յուսամ, ուրեմն, որ Համագումարը ցրուելէ առաջ պիտի բարեհաճի ընդունիլ առաջարկութիւնս եւ անուանել նոր Պատուիրակութիւն մը: Թող ներուի ինձի աւելցնել, թէ Համագումարը, լոկ ինք ունենալով այս տեսակ որոշում մը տալու իրաւունքը, ծանր պատասխանատուութիւն մը պիտի ստանձնէ եթէ չտայ այդ որոշումը:

Կոչում կ'ընեմ իւր հայրենասիրութեան, եւ անգամ մըն ալ իրեն յայտնելով իմ ամբողջ երախտագիտութիւնս այն վստահութեան համար, զոր այնքան սրտագորով կերպով մը քանիցս կը յայտնէ իմ մասին, կը խնդրեմ, որ ընդունիք, Տիար Նախագահ, իմ անձնաանձնուէր զգացմանքս նոր հաւաստիքը:

Պօղոս Նուպար

Նամակին ընթերցումէն վերջ Տիար Գ. Սինապեան յայտնեց, թէ Փաշան նոյն առտուն իրեն տեղեկութիւն տուած էր այդ նամակին նկատմամբ եւ խնդրած էր, որ Համագումարը այսօր իսկ լուծէ այս հարցը: Տիար Սինապեան յարեց, որ եթէ նոյնիսկ Համագումարը Պատուիրակութեան աւելցնել ուզէր անոր գործունէութիւնը քննադատողներէն մէկն ալ, Փաշան պիտի ընդունէր, պայմանաւ, որ Նորատունկեան էֆենտի հաւանէր անդամակցիլ Պատուիրակութեան:

Վսեմ. Տիար Գաբրիէլ Նորատունկեան կրկնեց այն պատճառները, զորս քանիցս յայտնած էր արդէն, եւ որոնք անհնար կը դարձնէին իր պաշտօնապէս մասնակցութիւնը Պատուիրակութեան: Ն. Վսեմութիւնը այս անգամ աւելի խոր մտաւ այդ պատճառներուն, բացատրեց թէ ինչո՞ւ Պատուիրակութեանն ղուրս մնալով պիտի կրնայ աւելի դրական, հետեւաբար նաեւ՝ աւելի օգտակար աջակցութիւն մը բերել Պատուիրակութեան եւ ազգային դատին: Բացի այդ նկատումներէն, Ն. Վսեմութիւնը դարձեալ ըսաւ, թէ պիտի ստիպուի բացակայիլ մօտ ատենէն, բայց Եւրոպայի մէջ ըլլալով, ամեն անգամ, որ Պատուիրակութիւնը պէտք տեսնէ իւր աշխատակցութեան, պիտի կրնայ գալ, ինչպէս արդէն ըրած է անցեալին մէջ: «Իմ մերժումս, յարեց Ն. Վսեմութիւնը, -աջակցութեան, օժանդակութեան մերժում մը չէ: Այստեղ գտնուիմ, թէ այլուր, միշտ պարտաւոր եմ ստանձնելու ամեն աշխատութիւն, որ կը ձգտի մեր դատին փրկութեան»:

Ամեն. Դուրեան Արքեպիսկոպոս, յանուն ամբողջ Համագումարին, անգամ մըն ալ կոչում ըրաւ. Ն. Վսեմութեան, որպէսզի ի բաց թողու իւր հաւանութեան արգելք դարձող նկատումներն, որքան ալ յարգելի ըլլան անոնք, եւ յիշեցուց այս առթիւ, թէ Վսեմ. Նորատունկեան էֆենտի իր ամբողջ կեանքին ընթացքին գործած է միշտ անձնական պատասխանատուութեամբ, թէ՛ ազգ. հարցերու մէջ եւ թէ՛ այն պետական բարձր պաշտօններուն մէջ, որոնք վստահուած են իր մեծ ձեռնհասութեան եւ հմտութեան: Եթէ այս խնդիրը չլուծուի, յարեց Ն. Ամենապատուութիւնը,

Պատուիրակութիւնը պիտի քայքայուի, եւ ասիկա շատ գէշ տպաւորութիւն մը առաջ պիտի բերէ ամբողջ ազգին մէջ եւ շատ ալ ծանրակշիռ հետեւանքներ պիտի ունենայ: Ազգը մեծ յոյսեր դրած էր Պատուիրակութեան վրայ: Պատուիրակութեան քայքայումը այս պայմաններուն մէջ՝ տեսակ մը անպատիւ վերջաւորութիւն է, եւ նոյնքան անպատիւ կերպով մը քանդումը՝ ազգին սնուցած յոյսերուն: Այլեւս հայրենասիրութեան խնդիր չէ ասիկա, այլ՝ պատուոյ խնդիր: Այսօր՝ ազգին պատիւը փրկելու պիտի աշխատինք եւ ասիկա կարծեմ մեծագոյն հայրենասիրութիւնն է: Ով որ կրնայ իր աշխատութեան բաժինը բերել այս փրկութեան գործին, պէտք է ի բաց թողու ուրիշ ամեն նկատում, որքան ալ հարկեցուցիչ ըլլան: Ն. Ամենապատուութիւնը յոյս յայտնեց, թէ այս տեսակետը ինքնին պիտի բաւէ համոզելու Վսեմ. Նորատունկեան էֆենտին, որուն անդամակցութիւնը ո՛չ միայն շատ կենսական ու անհրաժեշտ ոյժ մը պիտի աւելցնէ Պատուիրակութեան, այլ նաեւ պիտի կազդուրէ Փաշան՝ որպէսզի նոր կորովով մը փարի իր գործին:

Տիար Բրօֆ. Թումայեան համիմաստ բաղձանք մը յայտնեց, աւելցնելով, թէ Համագումարի նախագահութիւնը աւելի անձնական պատասխանատուութիւն կ'ենթադրէ, քան Պատուիրակութեան անդամակցութիւնը, քանի որ Պատուիրակութիւնը բղիթած է Համագումարէն:

Տիար Տէր-Ստեփանեան. Մեր Նախագահին տուած բացատրութիւնները իւր մերժման մասին շատ յարգելի էին եւ կրնան ժողովին վրայ տպաւորութիւն գործել: Կը հաւատամ, որ Պատուիրակութեանն ղուրս մնալով՝ որոշ խնդիր մը մէջ կարենայ աւելի օգտակարապէս աշխատակցիլ: Սակայն, Պատուիրակութիւնը ուրիշ կարելորդ գործեր ունի կատարելիք, որոնց համար իր ուղղակի մասնակցութիւնը աւելի օգտակար կրնայ դառնալ անշուշտ: Միւս կողմէ, այսօր այն տեսակ կացութեան մը դէմ կը գտնուինք, որ ստիպուած ենք ընդունիլ նուազագոյն վնաս բերող կարգադրութիւնը: Նորատունկեան էֆենտիի՝ Պատուիրակութեան մէջ մտնելը ո՛չ միայն ինքիրով մեծ կարելորդութիւն ունի, այլ՝ եթէ այդ պաշտօնը չընդունի, Պատուիրակութիւնը կրնայ քանդուիլ եւ ասիկա մեծագոյն վնաս մը պիտի պատճառէ: Կը յուսամ, հետեւաբար, որ Ն. Վսեմութիւնը տեղի պէտք է տայ Համագումարի միահամուռ բաղձանքին առջեւ, որ անշուշտ ազգին ալ միահամուռ բաղձանքն է:

Տիար Թէրզիպաշեան. Անցեալ օր Տիար Տօվլէթեանի ոտանաւորէն փղծկող իր սիրտը կը յուսանք, որ այս գերագոյն ըրալին ալ պիտի բարբախէ հայրենիքին համար:

Վսեմ. Տիար Գաբրիէլ Նորատունկեան շնորհակալութիւն յայտնելով իր մասին եղած գնահատութեանց նկատմամբ, աւելցուց, թէ իւր որոշումը բացարձակ համոզման մը արդիւնքն է:

Համագումարը վերստին պնդեց իր տեսակետին վրայ: Ն. Վսեմութիւնը ի վերջոյ միջոց խնդրեց խորհելու եւ առաջարկեց օրակարգի անցնիլ:

Ամեն. Դուրեան Արքեպիսկոպոս. Ձեր ամբողջ կեանքը աչքի առջեւ բերէք եւ պատասխանը անկէ կ'առնէք:

Տիար Թէրզիպաշեան. Որովհետեւ մանաւանդ դժուար պիտի ըլլայ ուրիշ ռեւէ ձեռով լուծում մը տալ այս խնդրին, որ այսքան ճգնաժամային ըրալին մը կը կաշկանդէ ազգային ճակատագրով զբաղելու կոչուած անձնաւորութիւնները, կը յուսամ ես ալ, որ յաջորդ նիստին նպաստաւոր պատասխան մը ստանալու բախտաւորութեան կ'արժանացնէք մեզ:

Ամեն. Դուրեան Արքեպիսկոպոս. Եւ մենք ամէնքս կը բաժնենք այդ յոյսը: Վսեմ. Տիար Գ. Նորատունկեան. Ներեցէ՛ք, որ դիտել տամ, թէ կարծիքի հիմնական տարբերութիւններ կան Ձեր եւ իմ միջեւ այս մասին:

## Օրակարգ

1. Վերակազմութիւն Ազգ. Պատուիրակութեան

Համագումարը նոր Տիրքթիներու խնդրին անցնելով, այդ մասին կազմուած մասնաւոր յանձնաժողովին տեղեկաբեր Տիար Տեր-Ստեփանեան կարդաց Յանձնաժողովին եզրակացութիւնները պարունակող հետեւեալ տեղեկագիրը.

Տեղեկագիր նոր Տիրքթիներու Սահմանման Յանձնաժողովին.

### **Արտաքին քաղաքականութիւն**

1. Տելոզութիւն. Ազգ. Պատուիրակութեան տելոզութեան մասին Յանձնաժողովին մէջ յայտնուեցան հետեւեալ կարծիքները.

Տիարք Թէրզիպաշեան եւ Տեր-Ստեփանեան կը կարծեն, որ Պատուիրակութեան տելոզութեան խնդիրը որոշելու ատեն պէտք է նկատի ունենալ երկու գլխաւոր կարելիութիւն. 1. Դաշնագիրը նուազագոյն գոհացում կու տայ արեւմտահայերուն՝ Տաճկահայաստանի կարեւոր մէկ մասին միացումով Հանրապետութեան, 2. Դաշնագիրը ոտնակոխ կ'ընէ տաճկահայ դատը, Տաճկահայաստանէն ոչինչ կամ անկարելոր մաս մը միայն միացնելով Հանրապետութեան: Առաջին պարագային, Պատուիրակութիւնը վերջ կը գտնէ, այսուհետ գործունէութեան համար, դաշնագրին ստորագրութեամբ: Երկրորդ պարագային, Պատուիրակութիւնը կը շարունակէ իր գործը եւ, միեւնոյն ատեն, կը հրաւիրէ նոր Արեւմտահայ Համագումար մը, որուն միայն կը մնայ որոշումներ առնել ապագայի մասին:

Բ. Տիար Զօպանեան կը կարծէ, որ Ազգ. Պատուիրակութիւնը վերջ պէտք է գտնէ դաշնագրին ստորագրութեամբ: Համագումարը իր այս որոշումը կը հաղորդէ Ազգ. ժողովին՝ անոր թողլով ռեւէ որոշում ապագայի մասին:

Գ. Տիար Սիմապեան կը կարծէ, որ Ազգ. Պատուիրակութիւնը վերջ պէտք է գտնէ դաշնագրին ստորագրութեամբ: Համագումարը իր այս որոշումը կը հաղորդէ իր մէջ ներկայացուցիչ ունեցող մարմիններուն, անոնց թողլով ռեւէ որոշում ապագայի մասին:

Դ. Տիար Բարսեղեան կը կարծէ, որ Ազգ. Պատուիրակութիւնը պարզապէս վերջ պէտք է գտնէ դաշնագրի ստորագրութեամբ, առանց ռեւէ նախաձեռնութիւն առնելու ապագային համար:

2. Դաշնագրի ստորագրութիւն. Յանձնաժողովը կը կարծէ, որ Ազգ. Պատուիրակութեան համար ստորագրութեան հարց չկայ եւ չի կրնար ծագիլ: Պ. Տեր-Ստեփանեան չի բաժնէր այս կարծիքը եւ կ'առաջարկէ, որ նախատեսուին զանազան կարելիութեան եւ ըստ այնմ ստորագրելու կամ չստորագրելու հրահանգ տրուի: Գալով Ազգ. Պատուիրակութեան Նախագահին՝ Հանրապետութեան կառավարութեան կողմէ ստորագրելու խնդրին, Յանձնաժողովը կը կարծէ, որ այդ Պօղոս Նուպար Փաշայի գործն է: Պ. Թէրզիպաշեան կը կարծէ, որ ստորագրութեան հարց պէտք չէ ըլլայ ուղեգծին մէջ:

3. Դաշնագիր. Յանձնաժողովը կը կարծէ, որ դաշնագրի ստորագրութեան համար կազմուած յանձնաժողովին կողմէ Համագումարին բերուած եւ անկէ վաւերացուած յիշատակագրին տրամադրութիւնները պէտք է նկատուին ուղեգրի մաս:

4. Կիլիկիա. Յանձնաժողովը կը կարծէ, որ Պատուիրակութիւնը պէտք է հետապնդէ, օգտագործելով ամեն միջոց եւ ամեն նոր կարելիութիւն, ինքնավար ռեժիմ մը Կիլիկիոյ եւ Խարբերդի հայկական շրջաններուն համար:

5. Վնասուց հատուցում. Յանձնաժողովը կը կարծէ, որ Պատուիրակութիւնը պէտք է հետապնդէ ամեն միջոցով, մասնաւորապէս զօրաւոր բրոքականտ մղելով, վնասուց հատուցման գործը, հիմնուելով մեր բարոյական իրաւունքին վրայ հանդէպ Թուրքիոյ, Գերմանիոյ եւ Դաշնակիցներուն:

6. Mandat.- Յ.-ը կը կարծէ, որ Պատուիրակութիւնը պէտք է շարունակէ, mandataire պետութիւն մը գտնելու իր ցայդ ըրած քաղաքականութիւնը, ջանալով որ mandat -ն Հայաստանի անկախութեանը վտանգելու բնոյթ չունենայ:

7. Թուրքերու հետ համաձայնութեան հարց. Յանձնաժողովը կը կարծէ, որ Պատուիրակութիւնը իրաւասութիւն պէտք է ունենայ ի հարկին, եւ եթէ կարելի ըլլայ, թուրքերու հետ համաձայնութեամբ ապահովել Տաճկահայաստանին գէթ մէկ մասին ազատագրումը:

8. Propagande.- Յանձնաժողովը կը կարծէ, որ Ազգ. Պատուիրակութիւնը պէտք է շարունակէ propagande-ի գործը նախապատուութիւն տալով հետեւեալ երկու միջոցներուն եւ ապա գործելով անոնցմէ առնուազն մէկը. 1. հրատարակել մեծ tirage-ով թերթ մը, շաբաթաթերթ կամ առ առաւելն կեսամսեայ, ուր ուժգին կերպով պաշտպանուին հայութեան շահերը եւ մասնաւորապէս անոր անկախութեան ու վնասուց հատուցման իրաւունքները: 2. Նոյն նպատակով յօդուածներ հրատարակել տալ անգլերէն եւ ֆրանսերէն առնուազն մէկ մէկ թերթերու մէջ՝ դրամական օժանդակութեան փոխարէն:

### **Ներքին քաղաքականութիւն**

9. Միացեալ կառավարութիւն. Այս հարցի մասին Յանձնաժողովի մէջ յայտնուեցան հետեւեալ կարծիքները.

Ա. Պ. Պ. Թէրզիպաշեան եւ Տեր-Ստեփանեան կը կարծեն, որ Պատուիրակութիւնը պէտք է դիմէ Երեւանի կառավարութեան, առաջարկելով անոր միացումը կատարել դաշնագրին ստորագրութենէն անմիջապէս վերջ, եւ եթէ դաշնագիրը նուազագոյն գոհացում մը տայ արեւմտահայերուն, Պ. Խատիսեանի առաջարկներու հիման վրայ: Մերժումի պարագային Պատուիրակութիւնը պէտք է շուրջ 50 անդամէ բաղկացած Արեւմտահայ Համագումարի մը ընտրութիւն ձեռնարկէ, զայն գումարելով Երեւան եւ անոր յանձնելով միացման եւ ուրիշ արեւմտահայ հարցերը: Այդ Համագումարը կրնայ, համաձայնութեան պարագային, ինքզինք արեւմտահայ խորհրդարան նկատել եւ ձուլուելով Երեւանի խորհրդարանին հետ՝ կազմել Միացեալ խորհրդարան:

Բ. Պ. Սիմապեան կը կարծէ, որ այս մասին Համագումարը ռեւէ որոշում չառնելով պէտք է միայն հաղորդէ դրութիւնը իւր մէն ներկայացուցիչ ունեցող ամեն մարմիններուն՝ անոնց թողելով ռեւէ որոշում:

Գ. Պ. Բարսեղեան կը կարծէ, որ Պատուիրակութիւնը պէտք է անմիջապէս առաջարկէ Երեւանի կառավարութեան միացումը գոյացնել Պ. Խատիսեանի նամակին՝ խորհրդարանի ու կառավարութեան վերաբերող մասերու հիման վրայ: Գալով Պատուիրակութիւններու հարցին, կը կարծէ, որ Համագումարը պէտք է ընտրէ չորս անձնաւորութիւններ, որոնցմէ երկուքը Երեւանի կառավարութեան կողմէ հանրապետութեան Պատուիրակութեան անդամ նշանակուին, ու այդպէսով կազմուի միացեալ Պատուիրակութիւնը:

Կամաւորական բանակ. Յանձնաժողովը կը կարծէ, որ Պատուիրակութիւնը պէտք է դիմէ Դաշնակից կառավարութիւններուն կամ անոնցմէ միայն խնդրելով, որ իրեն օժանդակեն արեւմտահայ կամաւորական բանակ մը կազմելու՝ Տաճկահայաստանի գրաւման գործունէութեան համար: Բանակը կը հաւաքուի եւ կը մարզուի ռեւէ baze-ի մը մէջ, ու երբ պատրաստ ըլլայ՝ կը գործածուի ըստ հանրապետութեան գրաւման բանակի սպայակոյտի կրահանգներուն: Այս առաջարկին ամբողջութեամբ համաձայն չէ գտնուած Պ. Բարսեղեան:

Ամերիկահայ գաղութ. Պատուիրակութիւնը, կարելիօրէն Հանրապետութեան Պատուիրակութեան գործակցութեամբ, պէտք է ջանալ վերջ մը տալու Ամերիկայի հայ գաղութին եւ հոն ուղարկուած առաքելութիւններու միջեւ պառակտման,

վերականգնելով ամերիկահայ ազգային միութիւնը: Ներկայ առաջարկին այս ձեւով գրուելուն համաձայն չէ Պ. Բարսեղեան:

Տեղեկաբեր Ն. Տէր-Ստեփանեան

Տեղեկագրին ընթերցումին վերջ, Տիար Տէր-Ստեփանեան, յայտնել է ետք, թէ Յանձնաժողովը բաւարար ժամանակ չունեցաւ ամեն խնդրով զբաղելու, իր անունով առաջարկ դրաւ նաեւ, որ Կիլիկիոյ Բժշկական Առաքելութեան գործէն ձեռնբախ ըլլայ Ազգ. Պատուիրակութիւնը, այդ գործը յանձնելով Պոլսոյ Պատրիարքարանին: Տիար Տէր-Ստեփանեան պահանջեց, որ Համագումարը արտայայտուի նաեւ այս մասին տիրեքիւններու քննութեան ընթացքին:

Տիար Ա. Զօպանեան. Արդէն Պատուիրակութիւնը որոշած էր այդպէս ընել:

Տիար Վահան Թէքեան. Պահ մը առաջ Դուրեան Սրբազան ըսաւ, թէ Պատուիրակութեան՝ այս միջոցին քայքայումը անպատիւ բան մը պիտի ըլլայ: Ես պիտի ըսեմ, որ նոյնքան անպատիւ բան մը պիտի ըլլայ, եթէ Պատուիրակութիւնը դաշնագրին ստորագրութեան յաջորդ օրը, առանց ոեւէ կանխատեսութեան վերջ տայ իր գործունէութեան, ինչպէս այդպէս կ'առաջարկուի: Այստեղ նախատեսուեցաւ երկու պարագայ, մէկը այն՝ որ դաշնագիրը գոհացում կու տայ մեր պահանջներուն, եւ միւսը այն՝ որ դաշնագիրը բնաւ գոհացում չտար: Երկու պարագային ալ Պատուիրակութեան համար տակաւին գործ կայ կատարելիք, եթէ կ'ուզենք, որ իրեն վստահուած շահերը չվտանգուին: Եթէ դաշնագրով նուազագոյն գոհացում մը գտան մեր պահանջները, եւ այդ նուազագոյն չափն ալ կարելի է այժմէն ճշդել Համագումարին մէջ, պէտք է ձեռնարկուի Երեւանի հետ: Ո՞վ պիտի կատարէ այդ միացումը: Բնականաբար՝ այն մարմինը, որ մինչեւ հիմա տաճկահայոց ամունով գործած է: Եւ այդ բանը չի կրնար անշուշտ մէկ օրուան մէջ իրականացնել որպէսզի դաշնագրին ստորագրութեան օրն իսկ յանկարծ վերջ տար իր գործունէութեան: Իսկ այն պարագային, որ դաշնագիրը կրնար գոհացում չտայ մեզի, Պատուիրակութիւնը դարձեալ բան մը ունի ընելիք, այն է՝ գումարել տաճկահայերու ներկայացուցչական ժողով մը եւ առիթ տալ անոր, որպէսզի անկէ վերջ ազգին հետեւելիք ուղղութիւնը գծէ:

Քանի որ Համագումարը նոր տիրեքիւններ կու տայ նոր Պատուիրակութեան, ասիկա ինքնին կը նշանակէ, թէ Պատուիրակութեան համար գործունէութեան որոշ ժամանակ մը կը նախատեսէ, որ չի վերջանար դաշնագրին ստորագրութեան հետ: Այդ օրը՝ որոնք ալ որ ըլլան Պատուիրակութեան անդամները, եթէ ամենադոյզն հայրենասիրութիւն մը ունենան, պէտք չէ, որ մէկ վայրկեանէն միւսը յանկարծ լքեն իրենց գործը: Եթէ ասոր հակառակողները չեն ուզեր, որ այդ անխուսափելի գործունէութեան շրջանին Ազգ. Պատուիրակութիւնը իրենց ուզածէն աւելի բան մը չընէ, թող իրենք փութան որոշ կերպով սահմանելու թէ ի՞նչ պէտք է ընէ: Որովհետեւ գործունէութեան այդ շրջանը անհրաժեշտ է: Օրինակի համար՝ մանդաթէրի խնդիր մը կայ, որուն կապուած է մեր դատն այսօր: Թրքահայերը՝ որոնք այսքան տարի կը տառապին, կը չարչարուին, որոնք այնքան ահաւոր զոհողութեանց ենթարկուեցան, պէտք է, որ իրենց ծայրը ունենան այդ խնդրին մէջ: Ես, իբր թրքահայ, համամիտ եւչեմ անոնց, որոնք կ'ըսեն թէ Հանր. կառավարութիւնը միայն իրաւունք ունի այս խնդրով զբաղելու: Ինչպէ՞ս կրնաք այդ խնդիրը վստահիլ մարդու մը կամ մարդերու, որոնք մեզի չափ ծանօթ չեն մեր վիճակին, եւ որոնք պատասխանատուութիւն մը ունին մեր այսօրուան դրութեան մէջ, պատասխանատուութիւն մը, որ անպատճառ պիտի փնտրուի ասպագային:

Տիար Ա. Բարսեղեան. Յանձնաժողովին երկու անդամները որոնք կը փափաքին Ազգ. Պատուիրակութեան գոյութիւնը մշտնջենաւորելու եւ նոր Համագումար մը ընտրելու իրաւասութիւն տալ անոր, կը նախատեսեն երկու պարագայ, որոնք վրայ կը հիմնեն իրենց պատճառաբանութիւնները: Առաջին՝ երբ դաշնագիրը բաւարար չափով գոհացում չտայ մեզի, երկրորդ՝ երբ բնաւ գոհացում

չտայ: Իմ կարծիքով՝ ո՛չ Յանձնաժողովը, ո՛չ ալ այս ժողովը իրաւասութիւն ունին այդ տեսակ հաւանականութիւններէ մը ետքը ազգին բռնելիք ուղղութեան մասին որոշում տալու: Նոյն իրաւասութիւնը չունի նաեւ Ազգ. Պատուիրակութիւնը, քանի որ անիկա կազմուած է արտաքին յարաբերութեանց համար, որոնք ամբողջովին վերջ կը գտնեն դաշնագրին ստորագրութեամբ: Թրքահայաստանի ոեւէ հողամաս Հանրապետութեանը չկցելու պարագային նոր Համագումար մը ընտրելու իրաւունքը կը պատկանի թրքահայ ժողովուրդին: Եւ մինչեւ որ կեանքը ցոյց չտայ, թէ նոր պայմանները ի՞նչ են, թրքահայ ժողովուրդը չի կրնար այդ տեսակ որոշում մը տալ: Պէտք է ենթադրել առնուազն տարի մը պէտք պիտի ըլլայ մինչեւ այդ նոր պայմաններուն յայտնութիւնը: Ուրեմն, մինչեւ այդ ատե՞ն պիտի տեւեր Պատուիրակութիւնը: Հետեւաբար, համամիտ չեմ այս առաջարկին: Եւ արդէն եթէ այդ առաջարկը ընդունուի, նոր ներքին վէճերու դուռն պիտի բացուի ազգին մէջ:

Տիար Ա. Զօպանեան. Իմ տեսակէտս այս մասին քանիցս յայտնեցի եւ չեմ փոխած: Պատուիրակութիւնը կրնայ, իրաւունք ունի, եւ պէտք է մնայ մինչեւ դաշնագրին ստորագրութիւնը: Անշուշտ ասիկա չի նշանակեր, թէ ստորագրութեան օրն իսկ պիտի քաշուի: Սկսուած խնդիրներ կրնան ըլլալ, զորս պէտք է վերջացնել, եւ ինք միայն կրնայ ընել ատիկա: Պատուիրակութիւնը ստեղծուած է վեհաժողովի մը մօտ աշխատելու համար, ինչպէս ժամանակին Պատուիրակութիւն մը աշխատեցաւ Բեռլինի Վեհաժողովին մօտ, ինչպէս ուրիշ Պատուիրակութիւն մը աշխատեցաւ Պալքանեան պատերազմէն ետք: Այդ վեհաժողովին լրանալով՝ կը լրանայ նաեւ Պատուիրակութեան գործը, բայց Պատուիրակութիւնը չի կրնար ի հարկէ մէկ վայրկեանէն միւսը անհետանալ, առանց որ իր գործը չվերադարձնէ եւ իր վաշտետուութիւնը ընէ [հանդէպ] գերագոյն ներկայացուցչութեան, այսինքն՝ ներկայ պարագային Պոլսոյ Պատրիարքարանին եւ անոր աջակից Համագոյնին խորհուրդին: Այս գերագոյն ներկայացուցչութիւնը անկէ վերջ կը խորհի, թէ ի՞նչ պէտք է ընել, պէ՞տք է նոր Համագումար իրաւորել եւ թէ ոչ պիտի ստանձնէ՞ այդ Համագումարին կազմութեան նախաձեռնութիւնը, նո՞ր պատուիրակութիւն մը, թէ այն Պատուիրակութիւնը, որ իր գործը լրացուց:

Դիտողութիւն պիտի ընեմ նաեւ ուրիշ կէտի մը մասին: Կ'ըսեմ թէ բնաւ արդիւնք մը չունեցանք, թէ Դաշնագրին մէջ ոչինչ կայ մեզ գոհացնող: Ասիկա սխալ է:

Տիար Տէր-Ստեփանեան. Տաճկահայաստան չունեցանք:

Տիար Զօպանեան. Ինչպէ՞ս կրնանք ըսել, որ բնաւ արդիւնք չունեցանք:

Արդեօք հայկական անկախ պետութեան մը կազմութիւնը արժէք չունի՞ ինքնին: Ընդհակառակը, ես կը կարծեմ, որ նոյնիսկ այն դժբախտ պարագային, որ անկարելի ըլլայ թիզ մը հող անգամ միացնել Հանրապետութեան, մենք իրաւունք չունինք ըսելու, թէ բան մըն ալ ձեռք չբերուեցաւ, քանի որ հայկական անկախ պետութիւն մը հիմնուեցաւ:

Տիար Զ. Պզտիկեան. Կ'ուզէի գիտնալ, թէ արդեօք Պատուիրակութիւնը ե՞րբ բաւարար պիտի նկատէ մեզի տրուած գոհացումները, որպէսզի կարենայ ստորագրել դաշնագիրը: Միւս կողմէ՞ քանի որ Կիլիկիան դուրս կը մնայ Հայաստանէն, պիտի կրնա՞նք ինքզինքնիս գոհացած նկատել որպէսզի Պատուիրակութիւնները կարենան ստորագրել դաշնագիրը: Եւ եթէ Պատուիրակութիւնները ստորագրեն՝ Կիլիկիոյ ժողովուրդը պիտի ընդունի՞ ասիկա:

Ամեն. Դուրեան Արքեպիսկոպոս. Կիլիկիոյ հարցը վճռած է արդէն դաշնագիրը, քանի որ իրաւարարութեան ենթարկուած ենթակուած հողամասերուն մէջ Կիլիկիոյ խօսքը չկայ:

Տիար Զ. Պզտիկեան. Պատուիրակութիւնը պէտք է անանկ ձեւ մը գտնէ, որ Կիլիկիոյ խնդիրը ուրացած չըլլայ: Եթէ դաշնագիրը ընդունինք՝ ընդունած պիտի ըլլանք նաեւ Կիլիկիոյ բաժանումը ինչպէս նաեւ Կիլիկիոյ մեծագոյն մասին թուրք տիրապետութեան վերադարձուիլը: Ասիկա շատ ծանր պատասխանատուութիւն մըն է,



եւ կը կարծեն, թէ Ազգ. Պատուիրակութիւնը չի կրնար այս պայմաններուն մէջ ստորագրել դաշնագիրը:

Վսեմ. Տիար Գ. Նորատունկեան. Ազգ. Պատուիրակութիւնը չէ որ պիտի ստորագրէ դաշնագիրը, այլ՝ Զանրապետութեան ներկայացուցիչը: Եթէ նոյնիսկ մեր Պատուիրակութեան մէկ անդամն ալ մասնակցի ստորագրութեան, պիտի կարենայ ստորագրել հանրապետութեան կառավարութեան լիազօրութեան թուղթով եւ անունով եւ ո՛չ թէ իբր ներկայացուցիչ թուրքոյն հայոց, որոնք լիազօրութեան թուղթ չեն կրնար տալ, այդ տեսակ իրաւունք մը լոկ պետութիւններու պատկանելուն:

Տիար Զ. Պզտիկեան. Երբ որ Զանրապետութեան ներկայացուցիչը դաշնագիրն ստորագրէ, ատիկա պիտի նշանակէ, թէ վիճի կը դադրի հայոց եւ թուրքերու միջեւ, մինչդեռ իրականին մէջ՝ վեճը դադրած պիտի ըլլայ միմիայն Զայկ. Զանրապետութեան եւ թուրքերու միջեւ, իսկ Զանրապետութենէն դուրս մնացող հայերուն եւ թուրքերուն մէջ՝ վեճը միշտ պիտի մնայ: Պէտք է հիմնաւորնէ ճշդենք, թէ ի՞նչ հանգամանքներու մէջ Զանրապետութեան ներկայացուցիչը պէտք է ստորագրէ եւ ի՞նչ հանգամանքներու մէջ պէտք չէ ստորագրէ: Որովհետեւ կրնան գոյութիւն ունենալ այն տեսակ հանգամանքներ, որոնց մէջ դաշնագրին ստորագրութիւնը մեզի համար աւելի վնասակար կ'ըլլայ, քան օգտակար: Կը խնդրեն, որ նկատի առնուի այս պարագան:

Վսեմ. Տիար Գ. Նորատունկեան. Որքան ալ փափաքելի ըլլայ, որ Զանրապետութեան ներկայացուցիչը այս կամ այն պայմանով միայն ստորագրէ դաշնագիրը, պէտք է խորհիմք, որ այդ մասին բոլորովին հիմնական անկարելիութիւն մը կայ: Զայկական պետութիւնը առաջին անգամն է, որ կը ճանչցուի: Նախապէս գոյութիւն ունեցող պետութիւն մը չէր, որ իր պահանջմանց գոհացում չտրուած պարագային կարենար մերժել դաշնագրին ստորագրութիւնը, ինչպէս ըրաւ Ռումանիա, առանց ատոր համար իր անկախ պետութեան հանգամանքէն զրկուելու: Մենք չենք կրնար ըսել Զանրապետութեան, որ դաշնագիրը չստորագրէ, որովհետեւ այդ ստորագրութիւնը պիտի ըլլայ՝ իր անկախ պետութեան հանգամանքին անդրանկի հաստատութիւնը: Մեր ուզածն է, որ տղայ մը ծնի, եւ պէտք է աշխատիմք այդ տղան լաւ մեծցնելու, բարգաւաճ վիճակի մը հասցնելու: Առաջին օրէն չենք կրնար ըսել, որ տղան վտիտ է եւ զայն Մովսէսի պէս ցուրը ձգել: Զետեւաբար՝ դաշնագրին ո՛րէն ձեռով ստորագրութիւնը անհրաժեշտ է:

Տիար Տէր-Ստեփանեան. Պէտք կը զգամ բացատրելու, թէ ինչո՞ւ դաշնագիրն մեզի նուազագոյն գոհացում մը չտալու պարագային անոր հետեւող նոր գործունէութիւն մը նախատեսած ենք: Անոնք, որ կը կարծեն, թէ դաշնագրի ստորագրութենէն վերջ, նոյնիսկ եթէ անոր մէջ բոլորովին անտեսուած ըլլայ, տաճկահայ դատը, Ազգ. Պատուիրակութիւնը ո՛չ միայն պէտք է դադրի, այլ եւ ռեւէ նախաձեռնութիւն ալ պէտք չէ առնէ, կը մոռնան, որ տաճկական դաշնագիրն ալ, ինչպէս իւր նախորդները, ուրիշ ոչինչ պիտի ըլլայ, եթէ ոչ թուրքի կտոր մը, որ այն չափով միայն իրական արժէք պիտի ունենայ, որչափով որ գործադրուի: Մնաց որ այս տեսակէտը պիտի հենց աչքի առջեւ ունենալ նոյն իսկ այն պարագային, երբ դաշնագիրը մեզի գոհացում տուած ըլլար: Անոնք կը մոռնան աւելի կարեւոր բան մը. մեր հարցին նկատմամբ ամենէն աւելի հետաքրքրութիւն ցոյց տուող եւ անոր այսօրուան դրութեան մէջ մեծագոյն պատասխանատուութիւն ունեցող պետութիւնը Ամերիկան, ռեւէ կերպով գործակցած չպիտի ըլլայ, տաճկահայ դատի վիժման պարագային, այդ դաշնագրին կազմութեան: Զետեւաբար, իր խօսքը պիտի ունենայ ըսելիք՝ ապագային: Եւ այդ խօսքը՝ անհկա պիտի կարենայ ըսել միայն նախագահական ընտրութիւններէն վերջը, որով պիտի յայտնուի ամերիկեան ժողովուրդին կամքը: Պարզ է, ուրեմն, որ այն շրջանին, երբ մեծագոյն Դաշնակից պետութիւնը իւր դիրքը պիտի որոշէ, եթէ տաճկահայ դատը վիժած ըլլայ դաշնագրին մէջ, տաճկահայոց ներկայացուցչութիւնը ո՛չ միայն պէտք չէ լուծուի, այլ՝ իմ

կարծիքովս, պէտք է փոխադրուի Ամերիկա եւ իոն հաւաքէ նոր Արեւմտահայ Զամագումարը:

Տիար Թերզիպաշեան ալ շեշտեց հաշտութեան ստորագրութենէն վերջ Պատուիրակութեան տակաւին իր գործը շարունակելու անհրաժեշտութիւնը, ըսելով որ Ազգ. Պատուիրակութիւնը մեր դատին հետապնդութեան համար կազմուած մարմին մը չէ, այլ, տրուած ըլլալով, որ Զայկական Զարցը հետապնդելու առթիւ ամբողջ հայ ժողովրդի ներկայացուցչական հանգամանքը ունի միայն Զամագումարը, այս վերջինին կը պատկանի այդ հետապնդութեան գործը, որով՝ անոր մասին ռեւէ նախաձեռնութիւն պէտք է բղխի այն գործադիր մարմնէն, զոր Զամագումարը ընտրած է, այսինքն՝ Ազգ. Պատուիրակութիւնը: Վիճաբանութեան գործնական արդիւնքն փութացնելու համար, Նախագահ Վսեմ. Տիար Գ. Նորատունկեան առաջարկեց, որ Դիւանը բանաձեւ մը բերէ այս խնդրին նկատմամբ, երկու կողմին ալ առարկութիւնները նկատի առնելով: Զամագումարը ընտրեց այս առաջարկը:

Նիստը փակուեցաւ ժամը 6-ին:

ԶԱԱ, ֆ. -430, ց. 1, գ. 66, թթ. 1-21: Բնագիր: Չեռագիր:

**Նիստ ԻԲ**

24 Յունիս 1920, ժամը 4-ին, նախագահութեամբ Վսեմ. Տիար Գ. Նորատունկեանի.

Ներկայ էին 15 պատգամաւոր  
Ամեն. Եղիշէ Արքեպիսկոպոս Դուրեան, Տոքթ. Բարսեղեան, Դաւիթ-Բէկ, Թերզիպաշեան, Թէքէեան, Թումայեան, Զանըմեան, Սարկը Պէյ, Վսեմ. Գ. Նորատունկեան, Զօպանեան, Պապաջանեան, Պզտիկեան, Սինապեան, Տէրպետրեան, Տէր-Ստեփանեան:

**Օրակարգ**

1. Վերակազմութիւն Ազգ. Պատուիրակութեան

**ԱՏԵԱՆԱՎԱՆ ԳՈՐԾՈՂՈՒԹԻՒՆՆԵՐ**

1. Ատենագրութիւն

Կարդացուեցաւ եւ վաւերացուեցաւ Յունիս 22-ի նիստին ատենագրութիւնը:

2. Ներկայութիւն Տիար Մ. Պապաջանեանի

Նիստին բացման պահուն Նախագահ Վսեմ. Տիար Գաբրիէլ Նորատունկեան շնորհակալութեամբ հաստատեց ներկայութիւնը Տիար Մ. Պապաջանեանի: «Շատ ուրախ եմ որ, ըսաւ, Տիար Պապաջանեանի պէս ազգին պարծանք բերող անձնաւորութիւն մը եւ մեր կարողագոյն ու արժանաւոր անդամներէն մէկը, Լոնտոնի մէջ ունեցած զբաղումները լքելով եկաւ մասնակցելու մեր աշխատութեանց, որոնց անշուշտ պիտի բերէ իւր իմաստուն խորհուրդներուն աջակցութիւնը»:

3. Նամակ Զապէշիսթանի հայ գաղութին պատգամաւոր Տիար Ռուբէն Որբերեանի

Կարդացուեցաւ Զապէշիսթանի հայ գաղութն նախորդ տարի պատգամաւոր ընտրուած Տիար Ռուբէն Որբերեանի կողմէ Դիւանին ուղղուած հետեւեալ նամակը.

Փարիզ, 24 Յունիս 1920.

Վսենաշուք Տիար Գաբրիել Նորատունկեան՝ Նախագահ Փարիզի երկրորդ Յանազունարին

Ի. Ք.

Սիրելի Տեր,

Եթովպիոյ փոքրիկ, այլ շատ մը ուրիշներէ աւելի հայրենասեր ու մանաւանդ ազգասիրութիւնը ապացուցած գաղութին պատգամաւոր՝ թէ՛ հեռագրով եւ թէ՛ նամակով պատրաստակամութիւն յայտնած էի զալ մասնակցիլ առաջին Յանազունարին, եւ սակայն, մեզի անձանօթ պատճառներով պատասխան չտրուեցաւ:

Ներկայիս կու գամ ո՛չ թէ վերստին արծարծել ընտրութեան մը կամ ընտրութեանց խնդիրներ, այլ պարզապէս խնդրել Ձեր Վսենութիւնէն, որ բարեհաճիք հաղորդել Յանազունարի պատ. անդամներուն, Եթովպիոյ հայ գաղութին հետեւեալ տեսութիւններն ու բաղձանքները:

Գաղութս խորապէս կը գնահատէ Ազգ. Պատուիրակութեան մեծանուն Նախագահ Պօղոս Նուպար Փաշայի գործունէութիւնը Յայ Դատին ի նպաստ, եւ իր հիացումը կը յայտնէ, խնդրելով միեւնոյն ատեն, որ ընդհանուր գծերով Պատուիրակութեան կատարած գործերուն տեղեակ պահուին մերինին պէս հեռաւոր գաղութները:

Եթովպահայ գաղութը Յայաստանի Յանրապետութեան ճանաչումէն եւ վաւերացումէն վերջ՝ իր անվերապահ բաղձանքը կը ներկայացնէ, որ վերջ մը տրուի հայ Պատուիրակութիւններու երկուութեան, եւ ատկէ ծնունդ առած անհասկացողութիւններու ու մանաւանդ լրագրական պայքարներու, որ արծագանգ գտնելով մինչեւ հեռաւոր երկիրներ, հայութիւնը չորս հատուածներու կը բաժնեն, ժողովուրդը կը պառակտեն, ու կը վնասեն մեր նուիրական Դատին: Ներքին միութիւն եւ արտաքին թշնամիին դէմ մէկ ճակատ:

Մնամ ամենախորին յարգանքը՝

Պատգամաւոր Եթովպիոյ հայոց

Ռ. Որբերեան

Նախագահ Վսեն. Տիար Գ. Նորատունկեան ըսաւ, որ թէեւ Տիար Որբերեան խնդիր չընէր իր ընտրութեան վաւերացման համար, որ տեղի չունեցաւ նախորդ տարի, բայց եթէ Յանազունարը պիտի տեսնէ, կարելի է զինքը հրաւիրել յառաջիկայ նիստին՝ իբր պատգամաւոր Եթովպիոյ հայ գաղութին:

Տիար Վ. Թեքեան. Անշուշտ թերութիւն մըն է՝ եթէ չէ պատասխանուեր նախորդ տարի: Բայց կարծեմ որ ան պատճառը սա է, որ Յապէշիսթանի հայոց հրաւեր չէր ուղղուած Յանազունարի համար, ու միւս կողմէ ալ Տիար Որբերեան ներկայ չէր Փարիզ, հեռուէն կատարած էր իւր դիմումը: Եթէ ներկայացած ըլլար, շատ հաւանաբար պիտի ընդունուէր, ինչպէս ընդունուեցան նոյն պայմաններուն մէջ գտնուող ուրիշ պատգամաւորներ: Հիմա որ Փարիզ է եւ կը յիշեցնէ մեզի իւր ընտրութիւնը, Յանազունարը չի կրնար անշուշտ անտարբեր մնալ: Կ'առաջարկեմ, որ իբր յարգանքի արտայայտութիւն մը իր ներկայացուցած գաղութին նկատմամբ, Տիար Որբերեան հրաւիրուի Դիւանին կողմէ, մասնակցելու Յանազունարի աշխատութեանց:

Յանազունարը միաձայնութեամբ ընդունեց այս առաջարկը:

4. Նամակ Նախագահ Վսեն. Տիար Գ. Նորատունկեանի առ Վսեն. Պօղոս Փաշա Նուպար, Պատուիրակութեան հրաժարականի խնդրին նկատմամբ.

Վսեն. Տիար Վ. Նորատունկեան. Օրակարգին անցնելէ առջեւ, քանի մը բառով տեղեկութիւն կու տամ այն թղթակցութեան մասին, որ փոխանակուեցաւ Պատուիրակութեան Վսեն. Նախագահին եւ նուաստիս միջեւ, հրաժարականի ծանօթ խնդրին նկատմամբ: Ինչպէս յայտնի է ժողովիդ, Ն. Վսենութիւնը իր վերջին նամակով, որ կարդացուեցաւ այստեղ, կը ծանօթացնէր, թէ Պատուիրակութեան գործնական նախագահութիւնը կը թողու եւ դարձեալ պայման կը դնէր, որ ես ստանձնեմ այդ

գործը: Յանազունարդ ալ վերստին համանման փափաք մը յայտնեց նախորդ նստին: Արդէն բազմիցս պարզած եմ այն պատճառները, որոնք կը ստիպէին զիս մերժել այս պատուաբեր առաջարկը: Նախորդ նիստին աւելի խորը մտայ այդ պատճառներուն եւ ժողովիդ պնդման վրայ խնդրեցի, որ միջոց տաք խորհելու: Իմ մերժումս բացարձակ համոզման մը արդիւնքն ըլլալով, կ'ուզէի միայն վերջին փորձ մը ընել Ն. Վսենութեան մօտ, եւ այդ մտքով՝ ժողովին փակումէն վերջ խնդրեցի մեր յարգելի անդամակից Տիար Սինապեանէ, որ անգամ մըն ալ տեսնէ Վսեն. Փաշան եւ յայտնելով շնորհակալութիւններս իմ մասիս ունեցած համարման մասին, պարզէ այն պատճառներն, որոնք ինձի անկարելի կը դարձնեն Պատուիրակութեան ի պաշտօնէ մասնակցութիւնը: Խնդրեցի նաեւ Տիար Սինապեանէ, որ այդ առթիւ, յանուն ժողովին, վերստին կոչում ընէ Ն. Վսենութեան հայրենասիրութեան՝ որպէսզի այս վճռական ռոպէին չլքէ այն ամենակարեւոր եւ ամենափափուկ գործը, զոր կը վարէր այսքան տարիէ ի վեր: Տիար Սինապեան երէկ յայտնեց ինձի, թէ Վսեն. Փաշան նորէն պնդեց իր պահանջման վրայ, առարկելով որ մեր Դատին յաջողութեան համար աւելի օգտակար կը նկատէ իմ անդամակցութիւնս Պատուիրակութեան: Կը փափաքէի անձամբ տեսնել Ն. Վսենութիւնը, բայց, դժբախտաբար կարելի չէղաւ, եւ այս առտու իրեն գրեցի հետեւեալ նամակը զոր Յանազունարիդ հաղորդելն ինձի պարտք մը կը նկատեմ.

Փարիզ, 24 Յունիս 1920.

Վսենափայլ Պօղոս Փաշա Նուպար, Նախագահ Ազգ. Պատուիրակութեան, Ձերդ Նախագահ, Յանազունարին նիստին հաղորդեցի Ձերդ Վսենութեան ընթացիկ 20 թուակիր նամակս:

Կը փութամ ամեն բանէ առաջ շնորհակալութիւնս յայտնել Ձերդ Վսենութեան, ինչպէս մեր բոլոր պաշտօնակիցներուն, իմ մասիս ցոյց տուած համարման հաւաստիքին համար, հաւաստիք, որ անհունապէս կը յուզէ զիս: Բայց ինչպէս յայտնի է Ձեզի, Տիար Նախագահ, խաղաղութեանց բանակցութեանց սկզբնաւորութեան ատենին իսկ որոշած էի մաս չկազմել Պատուիրակութեան, եւ արդի պարագաներուն մէջ չէ որ, մանաւանդ այս վայրկեանին, ուր թուրքիոյ հետ խաղաղութեան դաշնագիրը կ'ընթուելու վրայ է, եւ ուր համոզուած եմ, թէ իմ անպաշտօն աջակցութիւնս աւելի դրական կերպով օգտակար պիտի ըլլայ ձեզի, պիտի փոխէի որոշումս:

Մեր պաշտօնակիցը, Տիար Սինապեան, որմէ խնդրած էի այս մասին խօսիլ Ձեր Վսենութեան հետ, երէկ յայտնեց ինձի, թէ կը պնդէր ձեր տեսակետին վրայ՝ Պատուիրակութեան նախագահութեան խնդրին նկատմամբ: Ներեցէք ինձի ձեզի ըսել, թէ ըստ իս՝ Ազգ. Պատուիրակութիւնը գոյութեան իրաւունք չունի եւ չի՝ կրնար մնալ առանց ձեր գործնական նախագահութեան: Կ'աւելցնեմ, որ չեմ գիտեր, թէ ի՞նչ բան Ձեզ մղեց մտածելու, թէ Ձեր պատուակալ մասնակցութիւնը բաւական կը նկատեմ, ինչպէս կը յայտարարէք Ձեր վերոբերեալ նամակին մէջ: Երբեք այս իմաստով չեմ արտայայտուած, ինչպէս կրնան վկայել Յանազունարի բոլոր անդամներն ալ:

Այս պարագաներուն մէջ՝ Ձեր Վսենութեան կը մնայ մեզի տեղեկացնել, որ կ'ուզե՞ տանիլ իր արդի աշխատութիւնները, թէ՛ կը փափաքի որ նոր ընտրութեան մը ձեռնարկուի:

Յանազունարը այսօր կ'եսօրէ վերջ ժամը 4-ին նիստ պիտի գումարէ, եւ երջանիկ պիտի ըլլամ, եթէ անձամբ գալով, փափաքուած լուծումը տաք այսօր իսկ, որովհետեւ պատգամաւորները հետզհետէ կը մեկնին եւ մեր վերջին նիստին հազիւ կարելի եղաւ գոյացնել համեմատական մեծամասնութիւն մը:

Յանազունարը ընդունիլ, Տիար Նախագահ, իմ ամենամանկուր զգացմանս հաւաստիքը:

Գաբրիել Նորատունկեան:

Վսեն. Տիար Գ. Նորատունկեան. Կը յուսամ, որ այս նամակին վրայ Ն. Վսենութիւնը կը բարեհաճի անձամբ գալ այս նիստին, եւ իր ներկայութեան կը

մտածենք, թե ի՞նչ ձեռով կրճարեմք ելլել այս կացութենէն: Ինք պետք է խորհուրդ տայ մեզի եւ մեզ առաջնորդէ, վասնզի ազգին վստահութեան առարկայ դարձած անձնաւորութիւնը ինքն է: Միայն թէ, ժողովէր դարձեալ կը թախանձեն, որ այդ առթիւ իմ անձիս շուրջ խնդիր չըլլայ:

## Օրակարգ

### 1. Վերակազմութիւն Ազգ. Պատուիրակութեան

Համագումարին նախորդ նիստին որոշման համաձայն, Դիւանը բանաձեւ մը բերած էր՝ հաշտեցնելու համար այն տարակարծութիւնները, որոնք գոյութիւն առած էին՝ Տիրեքիւններու Սահմանման Յանձնաժողովին բերած առաջարկութեանց առաջինին նկատմամբ, որ կը պատկանէր Պատուիրակութեան տեւողութեան խնդրին, եւ որու մասին Յանձնաժողովին կողմէ ալ չորս տարբեր կարծիքներ յայտնուած էին:

Դիւանի բանաձեւին ընթերցումէն առաջ խօսք առաւ

Տիար Վահան Թեքեան. Այն վայրկեանին, երբ չէինք գիտեր, թէ ի՞նչ պիտի ըլլայ Պատուիրակութիւնը, քանի որ այդ մասին ամեն բան Փաշային կամքէն կախում ունի, ի՞նչ պետք կայ տիրեքիւններով զբաղելու:

Վսեմ. Տիար Գ. Նորատունկեան. Ժողովը արդէն որոշած էր, որ նախ տիրեքիւնները սահմանէ եւ յետոյ զբաղի Պատուիրակութեան վերակազմութեան խնդրով: Այդ խնդիրը նախորդ նիստին ալ կար, բայց անկէ առաջ՝ ժողովը տիրեքիւններու քննութեան ձեռնարկեց:

Դիւանի բանաձեւին ընթերցումէն վերջ՝ Տիրեքիւններու Յանձնաժողովի անդամներէն Տիարը Թեքիպաշեան եւ Տէր-Ստեփանեան պատճառաբանեցին իրենց տեսակէտը՝ պահանջելով, որ տիրեքիւններուն մէջ Պատուիրակութեան իրաւասութիւն տրուի նաեւ նոր Համագումար իրաւորելու, երբ տանկահայ դատին համար անհրաժեշտ ըլլայ ատիկա:

Կարծեալ Տիրեքիւններու Յանձնաժողովին անդամներէն Տիար Բարսեղեան յայտարարեց, թէ ինք սկզբունքով կը հակառակի ատոր, որովհետեւ Ազգ. Պատուիրակութեան դերը կը լրանայ դաշնագրին ստորագրութենէն ետք, եւ անկէ անդին տեղի ունենալիք գործերը այլեւս իր իրաւասութենէն դուրս են, կը պատկանին ժողովուրդին: Տիար Բարսեղեան աւելցուց, որ ինք դաշնագրին ստորագրութենէն վերջ Ազգ. Պատուիրակութեան գոյութեան բնաւ պետք չի տեսներ:

Նախագահ Վսեմ. Տիար Գ. Նորատունկեան դիտել տուաւ թէ դաշնագրին ստորագրութենէն վերջ կրճար ծագիլ այն տեսակ պատահականութիւններ, որոնց հանդէպ նոյնիսկ Հանրապետութեան կառավարութիւնը թերեւս փափաքի առանձին Պատուիրակութեան մը գոյութիւնը: Հետեւաբար, յարեց Ն. Վսեմութիւնը, պետք է այդ պատահականութիւնները նախատեսուին տիրեքիւններու խմբագրութեան միջոցին:

Տիար Արտաւազը Հանրմեան. Ի՞նչ պետք ունինք տիրեքիւններուն մէջ անպատճառ գրելու, որ Պատուիրակութիւնը նոր Համագումար իրաւորելու իրաւասութիւն ունի: Պատուիրակութիւնը եթէ պետք տեսնէ, թո՛ղ առաջիկային իրաւոր ուղղէ ինք իր նախաձեռնութեամբ, ինչպէս արդէն անգամ մը ըրաւ:

Տիար Վահան Թեքեան. Ես հակառակ եմ Տիարը Բարսեղեանի եւ Հանրմեանի խօսքերուն մեզ դիտող այն ոգիին, որով չեն ուզեր Պատուիրակութեան ռեւէ իրաւունք ճանչնալ դաշնագրին ստորագրութենէն ետք ծագելիք հաւանականութեանց մասին:

Ամեն. Դուրեան Արքեպիսկոպոս. Նոր Համագումար մը ընտրելու համար նախ մենք պետք է ինքզինքնիս լուծենք: Բայց այդ բանը ընելու իրաւունքը տրուած չէ մեզի: Մենք չենք կրճար այս Համագումարին գոյութեան վերջ տալ, մինչեւ որ մեր կատարած պաշտօնին մասին կարեւոր տեղեկատուութիւնը չընենք անոնց, որոնք մեզ ընտրեցին: Ուրեմն, իրաւական տեսակէտով՝ մենք չենք կրճար մեզ լուծել: Պատուիրակութիւնը կը

մնայ առաջիկային համար նոր Համագումար մը կազմելու պետքին առջեւ՝ դիմում ընել կեդրոններուն եւ գաղութներուն:

Տիար Թեքիպաշեան. Մենք որոշ յանձնառութեամբ եկած էինք, բայց մեր ընկերներէն ոմանք չեկան եւ այս ժողովը տկարացաւ այնքան, որ այսօր դժուարութիւն կը քաշենք որոշում մը տալու համար: Մենք փոխանակ մեզ լուծելու, կ'ընենք մեզ ընտրող ազգին, որ մենք կը քաշուինք, կը ցրուինք, բայց մեր գործը չլրացած՝ ընտրէ՛ ուրիշ մարմին մը, աւելի զօրեղ: Ահա թէ ինչո՞ւ կը պահանջենք նոր Համագումարի մը կազմութիւնը: Մեր դիրքը կարելի է նմանցնել խորհրդարաններու. երբ խորհրդարան. մը դադրի՝ ինքզինքը չի լուծեր, այլ գործադիր մարմնին իրահանգ կու տայ ուրիշ մը ընտրելու:

Դիւանը առաջարկեց քուէի դնել տիրեքիւններու մէջ նոր Համագումար մը իրաւորելու մասին Պատուիրակութեան իրաւասութիւն տալու սկզբունքը: Ժողովին հաւանութեան վրայ՝ քուէարկութիւն կատարուեցաւ ներկայ 14 պատգամաւորներու մասնակցութեամբ, եւ այդ սկզբունքը ընդունուեցաւ 3-ի դէմ 8 ձայնի մեծամասնութեամբ:

Տիար Հանրմեան, որ հակառակ քուէ տուած էր, յայտարարեց, թէ իւր քուէն չի նշանակեր, որ Համագումարի մը իրաւորման կը հակառակի, միայն թէ, յարեց, չուզէր, որ այդ մասին որոշ իրաւասութիւն դրուի տիրեքիւններու մէջ:

Այս քուէարկութեան վրայ՝ Տիար Բարսեղեան դիտել տուաւ, որ Ներքին Կանոնագրին համաձայն, կենսական խնդրի մը քուէարկութեան համար անհրաժեշտ է բացարձակ մեծամասնութիւն, ընդհանուր անդամներու ամբողջական թուին կէսէն մէկ աւելիով: Հետեւաբար, պահանջեց, որ այս քուէարկութիւնը օրինական չնկատուի:

Տիար Տէր-Ստեփանեան. Այս տեսակ պահանջ մը դնել՝ կը նշանակէ Համագումարը բոլորովին անգործութեան դատապարտել, եւ արդէն այս է Տիար Բարսեղեանի ու իր համախոհներուն նպատակը: Եթէ բացարձակ մեծամասնութիւն փնտռենք, չպիտի կրճարեմք ո՛չ մէկ խնդիր վճռել՝ նկատի ունենալով Համագումարին անդամներուն արդի թիւը: Այդ պարագային մեզի կը մնայ զխարկներս դնել եւ Համագումարը լուծուած հռչակելով ելլել երթալ առանց ռեւէ գործ տեսնելու: Ես կ'առաջարկեմ, որ ջնջենք Ներքին Կանոնագրին 19-րդ, 20-րդ եւ 23-րդ յօդուածները: Ասիկա կրճարեմք ընել նոյնիսկ մեր այսօրուան յարաբերական մեծամասնութեամբ, քանի որ Ներքին Կանոնագրին ալ նախորդ տարի քուէարկուեցաւ յարաբերական մեծամասնութեամբ:

Տիար Բարսեղեան. Ես կը հակառակիմ այս առաջարկութեան: Ներքին Կանոնագիրը նախորդ տարի կրճար անցած ըլլալ պարզ մեծամասնութեամբ, բայց չենք կրճար պարզ մեծամասնութեամբ փոխել զայն: Եւ յետոյ՝ տեսնուած չէ, որ նստաշրջանի մը վերջը՝ Ներքին Կանոնագիր փոխուի: Եթէ այդ փոփոխութիւնը պետք էր, պարտաւոր էինք զայն ընել նստաշրջանին սկիզբը: Այս Համագումարը նախորդին շարունակութիւնն է: Առջի տարի մեր թիւը 38 էր, եւ մեծամասնութիւնը կը կազմէր 20 թիւը: Եթէ 20-է աւելի անդամ չունենայինք, այս անգամ չպիտի կրճարեմք գումարուիլ: Նախորդ նիստին մէջ խնդիր ըրի մեր մեծամասնութեան հարցը եւ ժողովը որոշեց Համագումարի իրաւոր անպատասխանի թողող պատգամաւորները մեծամասնութեան համար նկատի չառնելով՝ պատգամաւորներու ընդհանուր թիւ ընդունիլ 22-ը: Հիմա՛ այդ կարգադրութեան համեմատ մեծամասնութիւն համարուող 12 թիւն ալ չենք փնտռեր եւ կը գոհանանք պարզ մեծամասնութեամբ: Կը հարցնեմ, թէ այս պայմաններուն մէջ ի՞նչ արժէք պիտի ունենան մեր տուած տիրեքիւնները:

Տիար Տէր-Ստեփանեան պնդեց իր տեսակէտին վրայ եւ Դիւանին ներկայացուց հետեւեալ առաջարկութիւնը.

«Համագումարը կը ջնջէ իր Ներքին Կանոնագրին 19, 20 եւ 23-րդ յօդուածները: Ն. Տէր-Ստեփանեան»:

Համագումարը պետք տեսաւ նախ որ կարդացուին այդ յօդուածները:

«Յօդուած 19.- Կենսական կարելորութիւն ունեցող հարցերու առթիւ տրուելիք որոշումները ոյժ ունին միայն այն ատեն, երբ քուէարկուած կ'ըլլան անդամներու ամբողջական թիւին կէսէն աւելի ձայներով, բացարձակ մեծամասնութեամբ:

Յօդուած 20.- Կենսական կը նկատուին այն հարցերը, որոնք իբր այդ կը նկատուին բաժնուած եօթ անդամներու կողմէ, այս մասին իրենց նկատումը բերելով ժողովին, քուէարկութեան ձեռնարկելէ առաջ:

Յօդուած 23.- Պատուիրակութեան իւրաքանչիւր գործ ժողովին կողմէ քննելու պարագային, քուէարկութեան համար կը պահանջուի բացարձակ մեծամասնութիւն (յօդ. 19)»:

Քուէարկութեան դրուեցաւ Տիար Տէր-Ստեփանեանի առաջարկութիւնը, 14 պատգամաւորներու ներկայութեան եւ մերժուեցաւ՝ միայն 4 քուէ ստանալով:

Տիար Տոքթ. Բարսեղեան առաջարկեց, որ տիրէթիւներու սահմանումը «կենսական խնդիր» նկատուի 19-րդ յօդուածին համաձայն, որով անհրաժեշտ պիտի ըլլար, որ անոնք անցնէին բացարձակ մեծամասնութեամբ:

Համագումարը չընդունեց այս տեսակետը, այն առարկութեամբ, թէ խնդիր մը «կենսական» հռչակելու համար, 20-րդ յօդուածին համաձայն, անհրաժեշտ է, որ առնուազն եօթ անդամներ քուէարկութենէն անմիջապէս առաջ առաջարկ բերեն այդ մասին, ինչ որ չէ եղած: Հետեւեալ Գումարը որոշեց գոհանալ պարզ մեծամասնութեամբ:

Քուէարկութեան դրուեցաւ Պատուիրակութեան տեւողութեան մասին՝ Դիւանին կողմէ ներկայացուած եւ վիճաբանութեան ընթացքին բարեփոխուած բանաձեւին առաջին հատուածը.

«Ազգ. Համագումարը, որոշելով հանդերձ որ Ազգ. Պատուիրակութիւնը պէտք է վերջ գտնէ թուրքիոյ հետ խաղաղութեան դաշնագրին ստորագրութեամբ, ի յուշ կ'ածէ սակայն, որ կրնան պատահիլ բացառիկ պարագաներ, որոնք անհրաժեշտ կը դարձնեն անոր տակաւին ժամանակ մը եւս պաշտօնավարութիւնը, այդ պարագային Պատուիրակութիւնը կը բանաձեւէ Պոլսոյ եւ գլխաւոր գաղութներու ազգ. կեդրոնական մարմիններուն, ինչպէս նաեւ Հայ Հանրապետութեան կառավարութեան հետ եւ ստանալիք յանձնարարութեանց վրայ կը տնօրինէ կարելորդ»:

14 պատգամաւորներու ներկայութեան՝ այս հատուածը ընդունուեցաւ 2-ի դէմ 11 քուէով:

Քուէարկութեան դրուեցաւ նաեւ նոյն բանաձեւին երկրորդ հատուածը.

«Միեւնոյն պարագաներու մէջ՝ Պատուիրակութիւնը կրնայ նոյնիսկ թրքահպատակ հայոց Համագումարի մը իրաւիրման նախաձեռնութիւնը առնել, վերոյիշեալ մարմիններուն հետ խորհրդակցելէ ետք»:

Այս հատուածն ալ 14 քուէարկուներու ներկայութեան, ընդունուեցաւ 2-ի դէմ 8 քուէով:

Կարդացուեցաւ Յանձնաժողովին բերած երկրորդ առաջարկութիւնը, որ կը պատկանէր դաշնագրին ստորագրութեան խնդրին.

«Դաշնագրի ստորագրութիւն. Յանձնաժողովը կը կարծէ, որ Ազգ. Պատուիրակութեան համար ստորագրութեան հարց չկայ եւ չի կրնար ծագիլ:

Պ. Տէր-Ստեփանեան չի բաժնէր այս կարծիքը եւ կ'առաջարկէ, որ նախատեսուին զանազան կարելիութիւններ եւ ըստ այնմ ստորագրելու կամ չստորագրելու իրահանգ տրուի:

Գալով Հանրապետութեան կառավարութեան կողմէ ստորագրելու խնդրին, Յանձնաժողովը կը կարծէ, որ առիկա Պողոս Նուպար Փաշայի անձնական գործն է:

Պ. Թերզիպաշեան կը կարծէ, որ ստորագրութեան հարց պէտք չէ ըլլայ ուղեգիծին մէջ»:

Տիար Բոֆ. Թումայեան պաշտպանեց այն տեսակետը, թէ Ազգ. Պատուիրակութեան Նախագահը պէտք է անպատճառ ստորագրէ դաշնագիրը,

թրքահայոց անունով, որպէսզի այդ կերպով հռչակուած ըլլայ, թէ հայերը իրաւունք մը կը ստանան թուրքերուն վրայ իբր հաւասար հաւասարի դաշինք կնքելու անոր հետ: Տիար Թումայեան առաջարկեց, որ եթէ նոյնիսկ կարելի չըլլայ ուղղակի թրքահայոց կողմէ դաշնագիրը ստորագրելու իրաւունքը ապահովել Պատուիրակութեան Նախագահին, աշխատուի որ գոնէ Հանր. կառավարութիւնը արտօնէ զայն, որ իր անունով, բայց իբր թրքահայոց ներկայացուցիչ ստորագրէ դաշնագիրը:

«Ստորագրութիւնը, յարեց Տիար Թումայեան, անպատճառ չի նշանակեր համակերպիլ թրքահայաստանի մասին եղած կարգադրութեանց: Մենք այսօր ունինք կացութիւնը այն մարդուն, որուն ամբողջ նկանակ մը խոստացուած է եւ որուն սակայն կէս նկանակ միայն կ'ու տան: Ամբողջ ստացած չըլլալուն համար պէ՛տք է, որ նետ իրեն տրուած այդ կէտ ալ. ընդհակառակը, պէտք է պահէ այդ կէսն եւ աշխատի միւս կէսն ալ ստանալու»:

Յանձնաժողովին անդամներէն Տիար Արշակ Չօպանեան՝ դաշնագրին թրքահայոց կողմէ ստորագրուելուն կարելորութիւնը շեշտելով, հետեւեալ երկու առաջարկութիւնները ներկայացուց.

Ա.- Կ'առաջարկեմ Համագումարին կողմէ մանտա տալ Պատուիրակութեան՝ որպէսզի թրքահայոց կողմէ ստորագրէ դաշնագիրը:

Բ.- Կ'առաջարկեմ Տիար Ահարոնեանէն խնդրել, որ միջնորդէ Հանր. կառավարութեան մօտ, որպէսզի Փաշան ալ ստորագրէ դաշնագիրը, Հանր. կառավարութեան անունով, իբր թրքահայոց ներկայացուցիչ:

/ստ./ Ա. Չօպանեան

Առաջին առաջարկութեան մասին Նախագահ Վսեմ. Տիար Գ. Նորատունկեան ըսաւ, թէ օրինական ռեւէ հիմ չունի, ո՛չ ալ կրնայ դրական հետեւանք մը ունենալ, քանի որ դաշնագիրը ստորագրելու իրաւունքը տրուած է լոկ Հայկ. Հանրապետութեան լիազօրին:

Տիար Չօպանեանի առաջին առաջարկութիւնը քուէի դրուեցաւ 14 պատգամաւորներու ներկայութեան եւ մերժուեցաւ՝ միայն 2 քուէ ստանալով:

Երկրորդ առաջարկութեան քննութեան առթիւ Տիար Չօպանեան յայտարարեց, որ չի կրնար երեսակայել, թէ Հանրապետութեան կողմէ կրնայ մերժուիլ, քանի որ Հանրապետութեան պաշտօնական կառավարութիւնը տակաւին քիչ ժամանակ առաջ կ'առաջարկէր, որ Փաշան ընդունի Միացեալ Պատուիրակութեան նախագահութիւնը:

Քուէարկութեան դրուեցաւ Տիար Չօպանեանի նաեւ երկրորդ առաջարկութիւնը, 14 պատգամաւորներու ներկայութեան եւ մերժուեցաւ միայն 5 քուէ ստանալով:

Յետոյ քուէարկութեան դրուեցաւ Յանձնաժողովին առաջարկութիւնը, թէ տիրէթիւներուն մէջ պէտք է յիշատակուի, որ Հանրապետութեան կառավարութեան կողմէ դաշնագիրը ստորագրելու խնդիրը Վսեմ. Պողոս Փաշայի անձնական գործն է: Այս առաջարկութիւնն ալ, 14 պատգամաւորներու ներկայութեան՝ մերժուեցաւ միայն 6 քուէ ստանալով:

Յանձնաժողովի անդամներէն Տիար Թերզիպաշեան ալ պահանջեց, որ նոյնպէս քուէարկութեան դրուի իր առաջարկը, թէ տիրէթիւներու մէջ պէտք չէ դաշնագրին ստորագրութեան հարց ըլլայ:

Տիար Պապաջանեան, որուն կարծիքը ուզուեցաւ, յայտնեց թէ սկիզբէն հետեւած չըլլալով խնդրին իրեն համար դժուար է կարծիք յայտնել: Ամեն պարագայի մէջ, աւելցուց, Համագումարը պէտք չէ իր ներկայացուցիչին ձեռքերը կապէ այդ մասին որոշում տալով, պէտք է թողու, որ Միացեալ Պատուիրակութիւնները, ինչպէս անցեալին մէջ ըրեր են, այդ խնդրին համար ալ ընեն ինչ որ յարմար կը դատեն:

Տիար Թերզիպաշեանի առաջարկութիւնն ալ քուէի դրուեցաւ 14 պատգամաւորներու ներկայութեան եւ մերժուեցաւ միայն 2 քուէ ստանալով: Եւ սակայն՝ թէ՛ Յանձնաժողովին եւ թէ՛ պատգամաւորներուն կողմէ եղած ռեւէ

առաջարկություն մեծամասնություն գտած չըլլալով, դաշնագրի ստորագրութեան այս հարցը դուրս մնաց տիրեքթիւներէն:

Կարդացուեցաւ Յանձնաժողովին բերած երկրորդ առաջարկութիւնը՝ Դաշնագրին Քննութեան Յանձնաժողովին կողմէ պատրաստուած Յիշատակագրին նկատմամբ:

«Դաշնագիր. Դաշնագրին սրբագրութեան համար կազմուած Յանձնաժողովին կողմէ Հանագումարին բերուած եւ անկէ վաւերացուած Յիշատակագրին տրամադրութիւնները պէտք է նկատուին դաշինքի մաս»:

Այս առաջարկութիւնը քուէի դրուելով, միաձայնութեամբ ընդունուեցաւ ներկայ 12 պատգամաւորներուն կողմէ:

Կարդացուեցաւ Յանձնաժողովին բերած չորրորդ առաջարկութիւնը:

«Կիլիկիա. Պատուիրակութիւնը պէտք է հետապնդէ, օգտագործելով ամեն միջոց եւ ամեն նոր կարելիութիւն, ինքնավար ռեժիմ մը կիլիկիոյ եւ Խարբերդի հայկական շրջաններուն համար»:

Տիար Տէրպետեան առաջարկեց, որ «Խարբերդ» անունի տեղ անկէ ընդարձակ տարածութեան մը ակնարկուի, եւ Յանձնաժողովին առաջարկութիւնը բարեփոխուեցաւ հետեւեալ ձեւով:

«Կիլիկիա. Պատուիրակութիւնը պէտք է հետապնդէ, օգտագործելով ամեն միջոց եւ ամեն նոր կարելիութիւն, ինքնավար ռեժիմ մը կիլիկիոյ եւ այլ հայկական շրջաններու համար»:

Այս ձեւով՝ 11 պատգամաւորներու ներկայութեան, ընդունուեցաւ միաձայնութեամբ:

Կարդացուեցաւ Յանձնաժողովին բերած 5-րդ առաջարկութիւնը:

«Վնասուց հատուցում. Պատուիրակութիւնը պէտք է հետապնդէ ամեն միջոցով, մասնաւորապէս զօրաւոր բրոքականտ մղելով, վնասուց հատուցման գործը, հիմնուելով մեր բարոյական իրաւունքին վրայ՝ հանդէպ Թուրքիոյ, Գերմանիոյ եւ Դաշնակիցներուն»:

Տիար Պապաջանեան յայտնեց, թէ «բարոյական իրաւունք» ասութիւնը, որ գործածուած է այս առաջարկութեան մէջ, անբաւական է. անեցուց նաեւ, թէ Պ. Մանտէլշթամ ալ, որուն հետ տեսնուած է այս մասին եւ որուն համակարծիք է անձնապէս, հաստատելով հանդերձ, որ միջազգային իրաւունք չունինք հատուցման համար, կ'ընդունի, թէ ունինք քաղաքացիական անվիճելի իրաւունք, որ կրնայ հիմ դառնալ մեր պահանջմանց: Տիար Պապաջանեանի այս դիտողութեան վրայ առաջարկութիւնը բարեփոխուեցաւ հետեւեալ ձեւով:

«Վնասուց հատուցում. Պատուիրակութիւնը պէտք է հետապնդէ ամեն միջոցով, մասնաւորապէս զօրաւոր բրոքականտ մղելով, վնասուց հատուցման գործը, հիմնուելով մեր իրաւունքին վրայ՝ հանդէպ Թուրքիոյ, Գերմանիոյ եւ Դաշնակիցներուն»:

Այս ձեւով՝ 11 պատգամաւորներու ներկայութեան, ընդունուեցաւ միաձայնութեամբ:

Կարդացուեցաւ Յանձնաժողովին բերած վեցերորդ առաջարկութիւնը:

«Մանտա. Պատուիրակութիւնը պէտք է շարունակէ «մանդաթէր» պետութիւն մը գտնելու իր ցարդ ըրած քաղաքականութիւնը, ջանալով, որ «մանտա»ն Հայաստանի անկախութիւնը վտանգելու խնդիր չունենայ»:

Այս առաջարկութիւնը քուէի դրուելով, 11 պատգամաւորներու ներկայութեան ընդունուեցաւ 7 քուէի մեծամասնութեամբ:

Նիստը փակուեցաւ ժամը 7-ին:

ՀԱԱ, ֆ. -430, ց. 1, գ. 66, թթ. 22-37: Ձեռագիր: Բնագիր:

## Նիստ ԻԳ

26 Յունիս 1920, ժամը 2 ½ -ին,  
նախագահութեամբ Վսեմ. Տիար Գ. Նորատունկեանի:

Ներկայ էին 15 պատգամաւոր՝  
Ամեն. Եղիշէ Արքեպիսկոպոս Դուրեան, Բարսեղեան, Դաւիթ-Բէկ, Թէրզիպաշեան, Թէքէեան, Թումայեան, Մսրըլը Պէյ, Վսեմ. Գ. Նորատունկեան, Չօպանեան, Պզտիկեան, Սինապեան, Տէրպետեան, Տէր-Ստեփանեան, Որբերեան, Մալքուն:

## Օրակարգ

1. Վերակազմութիւն Ազգ. Պատուիրակութեան

## ԱՏԵՆԱՎԱՆ ԳՈՐԾՈՂՈՒԹԻՒՆՆԵՐ

1. Ընթերցում ատենագրութեան

Կարդացուեցաւ եւ վաւերացուեցաւ Յունիս 24-ի նիստին ատենագրութիւնը:

2. Ներկայութիւն Հապէշիսթանի հայ գաղութին պատգամաւոր Տիար Ռուբէն Որբերեանի

Նախագահ Վսեմ. Տիար Գ. Նորատունկեան ուրախութիւն յայտնեց, որ Եթովպիոյ հայ գաղութին պատգամաւոր Տիար Ռուբէն Որբերեան ներկայ է այսօրուան նիստին: Ն. Վսեմութիւնն այդ առթիւ յիշատակեց այն խանդավառ աջակցութիւնը, զոր Տիար Որբերեան հեռուէն նուիրած է միշտ թէ՛ ազգ. դատին եւ թէ՛ Ազգ. Պատուիրակութեան:

3. Ներկայութիւն Տիար Ե. Մալքունի

Նախագահ Վսեմ. Տիար Գ. Նորատունկեան ուրախութիւն յայտնեց նաեւ Տիար Ե. Մալքունի ներկայութեան համար: Ն. Վսեմութիւնը յիշեցուց ժողովին, որ Տիար Մալքուն պաշտօնական գործերուն բերմունքով ստիպուած էր բացակայիլ, եւ յոյս յայտնեց, որ մինչեւ նստաշրջանին վախճանը կը մասնակցի Հանագումարին աշխատութեանց:

4. Նամակ Ազգ. Պատուիրակութեան Նախագահ Վսեմ. Պօղոս Փաշա Նուպարի, իր հրաժարականի խնդրին նկատմամբ

Կարդացուեցաւ Ազգ. Պատուիրակութեան Նախագահ Վսեմ. Պօղոս Փաշա Նուպարի կողմէ Հանագումարի Վսեմ. Նախագահին ուղղուած եւ նիստին բացման պահուն Դիւանին յանձնուած հետեւեալ նամակը իր հրաժարականի խնդրին նկատմամբ:

Փարիզ, 24 Յունիս 1920.

Վսեմ. Գաբրիէլ Էֆենտի Նորատունկեան,

Նախագահ Ազգ. Պատուիրակութեան.

Տիար Նախագահ,

Ստացայ այն նամակը, որով Ձեր Վսեմութիւնը կը յայտարարէ, թէ չի հաւանիր անդամակցիլ նոր Պատուիրակութեան, զոր Հանագումարը պիտի ընտրէ նախորդ հրաժարեալ Պատուիրակութեան տեղ: Ձեր նամակը կարդացուած ըլլալով Հանագումարին մէջ՝ շնորհապարտ պիտի մնամ Ձեզի, եթէ նոյնպէս քարտուղարին միջոցով կարողալ տաք նաեւ այս պատասխանը:

Խոր գարնացմամբ մը կը տեսնեմ, որ Ձերդ Վսեմութիւնը անգիտանալ կը թուի այն պատճառները, որոնք զիս հարկադրեցին քաշուելու: Նամակին մէջ՝ ո՛չ իսկ ակնարկութիւն կայ այդ մասին: Եւ սակայն՝ այն նամակով, զոր պատիւը ունեցայ

Համագումարին անունով Ձեզի ղրկելու, որոշապես յայտարարած եմ, թե առողջական վիճակս ինձի անհնար կը դարձնէր գործուն դեր մը ունենալ, եւ ինձի կը պարտադրէր բացարձակ հանգիստ մը, աշխատութեան այն եօթ տարիներէն վերջ, որոնք այնքան ծանր փորձի մը ենթարկեցին իմ ոյժերս: Այս մասին Համագումարին եւ Ձեր Վսեմութեան մտքին մէջ ծագում առնելիք ամեն կասկած փարատելու համար, ինքզինքս քննել տուի իմ բժիշկիս՝ Տոքթ. Գիւտէլոյին, որ բացարձակ կերպով հաստատեց եւ ինձի տուաւ յայտարարութիւն մը, զոր ներեցէ՛ք, որ Ձեզի ղրկեմ, Համագումարին հաղորդելու համար: Պիտի տեսնէք այնտեղ, թե Տոքթորը ո՛չ միայն երկարատեւ հանգիստ մը անհրաժեշտ կը նկատէ ինձի համար, այլ, նոյնիսկ,- եւ ինձի համար շատ տաժանելի է ատիկա հաստատելը. կը յայտարարէ, թե լուրջ եւ թերեւս ծանր պատահականութեանց սպառնալիքին ենթակայ եմ:

Կը յուսամ, որ Տոքթ. Գիւտէլոյի քիչ մը բուռն անկեղծութիւնը պիտի համոզէ Ձերդ Վսեմութիւնը, որ, այդ պարագայուն մէջ, նոյնիսկ հաւանելով ինձի մնացած ոյժերուն համեմատական աշխատութիւն պահանջող չափով մը միայն նոր Պատուիրակութեան մասնակցիլ, բացարձակապէս նկատի չեմ առնէր իմ անձիս օգուտը եւ ասիկա համատեղելու համար Համագումարին կողմէ յայտնուած այն կարծիքին, թէ իմ անունս անհրաժեշտ էր Պատուիրակութեան մէջ:

Կը մերժէ մտնել նոր Պատուիրակութեան մէջ, այն պատճառով՝ ինչպէս կ'ըսէք՝ թէ Ձեր կէս պաշտօնական աջակցութիւնը աւելի օգտակար պիտի ըլլայ: Այս մասին բնաւ համամիտ չեմ, մինչդէռ ո՛չ ոք պիտի կրնայ ժխտել այն պատճառները, զորս մէջ բերի, եւ կարծել թէ քաշուելով՝ կ'ուզեմ խուսափիլ պատասխանատուութիւններէ, զորս չվստահեցուց ստանձնել աւելի քան հինգ տարիէ ի վեր:

Ձեր Վսեմութիւնը կը յայտարարէ, թէ առանց ինձի՝ Պատուիրակութիւնը գոյութեան իրաւունք չունի: Այս դատաստանը, իմ կարծիքովս, անարդար է հանդէպ Համագումարի մեր պաշտօնակիցներուն եւ հանդէպ Ձեզի, եւ ես անոր մէջ ուրիշ բան չեմ տեսներ՝ այլ միայն փաստ մը աւելի՝ Ձեզ համոզելու համար, որ ընդունիք նոր Պատուիրակութեան նախագահութիւնը: Ձեր հաւաստումը, թէ առանց իմ գործուն նախագահութեանս՝ Պատուիրակութիւն մը բացարձակապէս գոյութեան իրաւունք չպիտի ունենար՝ եւ չի կրնար մնալ, առ այժմ շատ արմատական չի թուիր ինձի, եւ չեմ գիտեր, թէ մեր հայրենակիցները ի՞նչ պիտի մտածեն այդ մասին: Ամեն պարագայի մէջ ո՛չ ոք պիտի կրնայ զիս պատասխանատու նկատել այն շփոթութեան մասին, որուն կ'ենթարկէ մեզ Ձեր Վսեմութեան ընդդիմութիւնը իր պաշտօնական աջակցութիւնը ընծայելու մասին, եւ այս կերպով անհնար դարձնելով այն լուծումները, զորս, համաձայնութեան ոգուով մը, առաջարկած էի, թուրքոյ մեր հայրենակիցներու շահերուն փրկութեան համար:

Գալով ինձի, չկրնալով անտարբեր մնալ մեր ազգային դատին նկատմամբ, որ իր ամենէն վճռական պահը անցընելու վրայ է, եւ նկատի առնելով վստահութեան բանաձեւը, զոր Համագումարը բարեհաճած է ուղղել ինձի, ինչպէս նաեւ Պոլսէն ստացած հեռագիրներս, որոնց մէջ Ամեն. Ս. Պատրիարքը՝ Քաղաքական ու Խառն ժողովներուն հետ՝ կոչում կ'ընեն իմ զոհողութեան ոգիիս, ինձի ուրիշ բան չի մնար ընել, այլ միայն արձանագրել Ձեր մերժումը եւ Համագումարի իմ բարեկամներուն հետ, փորձ մը ընել գտնելու կարգադրութիւն մը, որ ինձի թոյլատրէ, իմ միջոցներուն ներած չափով, աշխատակցիլ ապագայ Ազգ. Պատուիրակութեան:

Անգամ մըն ալ իմ ցաւս յայտնելով, կը խնդրեն, որ ընդունիք, Տիար Նախագահ, իմ անձնուէր զգացումներուս նոր հաւաստիքը:

Պօղոս Նուպար

Գ. Գ.- Յարակից՝ պատճենները Ամեն. Ս. Պատրիարքին, Խառն ու Քաղաքական ժողովներու հեռագիրներուն, ինչպէս նաեւ Տոքթ. Գիւտէլոյի վկայագիրը:

Պ. Ն.

Նամակ Վսեմ. Պօղոս Փաշային

Ն. Վսեմ. Պօղոս Փաշա Նուպար այս նամակին յարակից Դիւանին ղրկած էր նաեւ Փարիզի հիւանդանոցներու սպասարկութեան պետ Տոքթ. Գիւտէլոյի ստորագրութիւնը կրող բժշկական նկարագրի մը բնագիրը եւ Պոլսէն իր հասցէին ուղղուած երկու հեռագիրներ, որոնք նոյնպէս կարդացուեցան:

Ա. վկայագիր Տոքթ. Գիւտէլոյի

Paris, 24 Jule 1920.

Je soussigné, médecin chef de service des Hopitaux de Paris; certifie que S. E. Nubar présente un état marqué d'hypertension artérielle qui nécessite un repos physique et moral immédiat, et une cure prolongée hydro-minérale à Evian; cet état, resultat d'une période prolongée de sormenage, met le malade en raison particulièrement de son âge, dans l'imminence d'accidents cérébraux qui pourraient être sérieux, peut-être graves.

Hudelo.

Բ. Գեռագիր Ամեն. Զաւէն Պատրիարքի

Վսեմ. Պօղոս Փաշա Նուպար, Փարիզ.

Կ. Պոլիս, 18 Յունիս (ստացուած 20 Յունիսին).- Քաղաքական ժողովը, բուռն կերպով տպաւորուած ձեր հրաժարած ըլլալու լուրէն, կը փութայ՝ յանուն ազգին գերագոյն շահուն կոչում ընել Ձեր զոհողութեան ոգիին եւ թախանձագին կը խնդրէ, որ շարունակէք այնքան անձնուրութեամբ դէպի լաւը տարուած Ձեր գործը:

Զաւէն Պատրիարք

Գ. Գեռագիր Պոլսոյ Համագային ժողովին.

Վսեմ. Պօղոս Փաշա Նուպար, Փարիզ.

Կ. Պոլիս, 19 Յունիս (ստացուած 21 Յունիսին).- Երեք հայ յարանուանութեանց Համագային Խորհուրդն սրտաբէկ ձեր հրաժարականին եւ մեծապէս գնահատելով այն հայրենասիրական անձնուրութիւնը, որով եօթ տարիէ ի վեր հազուադէպ արժանաւորութեամբ եւ անխոնջ կերպով կը հետապնդէք ազգային դատը, կոչում կ'ընէ ձեր ազնիւ զգացումներուն, որպէսզի ներկայ վճռական վայրկեաններուն միշտ նոյն կերպով շարունակէք ազգին գերագոյն շահերուն պաշտպանութիւնը՝ ապահով ըլլալով ազգին միահամուռ երախտագիտութեան մասին:

Զաւէն (Պատրիարք Հայոց)

Սայիլեան (Պատր. Կաթողիկէ Հայոց)

Պէզճեան (Ազգապետ Բողոքականաց)

Նախ. Վսեմ. Տիար Գ. Նորատունկեան գոհունակութիւն յայտնեց, որ Ն. Վսեմութիւն Փաշային այս նամակով վերջ կը գտնէ հրաժարականի խնդիրը, որ այնքան ծանր մտահոգութեան մը մատնած էր Համագումարը:

Տիար Արշակ Զօպանեան. Կ'առաջարկեմ, որ Համագումարը պատուիրակութիւն մը կազմելով ղրկէ Փաշային մօտ, թէ՛ ժողովին ուրախութիւնն ու շնորհակալութիւնը յայտնելու եւ թէ՛ Պատուիրակութեան վերականգնութեան մասին Ն. Վսեմութեան հետ խորհրդակցելու համար, ըստ իր նամակին:

Տիար Թումայեան. Արդեօք կարելի չէ՞ միջոց մը գտնել, որպէսզի Վսեմ. Փաշան ալ ստորագրէ դաշնագիրը, ինչ որ քաջալերութիւն մը պիտի ըլլայ իրեն եւ նոյն ատեն պսակունը այն անձնուէր աշխատութեան, զոր կը կատարէ այսքան տարիէ ի վեր:

Վսեմ. Տիար Գ. Նորատունկեան. Այդ մասին վերստին կը խօսինք Տիար Ահարոնեանի: Գալով Վսեմ. Փաշային մօտ մասնաւոր պատգամաւորութիւն մը դրկելու խնդրին, թէւ Ն. Վսեմութեան նամակը ատոր հարկ չի թողուր, բայց եթէ Համագումարը փափաքի՝ կրնանք դրկել:

Տիար Վ. Թէքեան. Համագումարի անդամներուն ուշադրութեան կը ներկայացնեն սա պարագան, թէ երբ այսքան կարելոր խնդրի մը մէջ, գլուխնիս այնքան քարերու զարնելէ ետք վերջապէս լուծման ճամբայ մը գտանք, երբ Փաշան հակառակ այն բժշկական վկայագրին, որ կարդացուեցաւ, կ'ըսէ, թէ պատրաստ է նոր զոհողութիւն մըն ալ ընելու, չենք կրնար անտարբեր մնալ եւ սպասել, որ ինք միայնակ կարգադրութիւն մը ընէ, անտարբեր մնալով՝ ո'չ յարգանքի զգացում մը յայտնած, ո'չ ալ մեր պաշտօնին գիտակցութեան ապացոյց մը տուած կ'ըլլանք: Պէտք է որ կա՛մ ինչպէս առաջարկուեցաւ, պատգամաւորութիւն մը կազմելով եւ կա՛մ նամակով Համագումարը յայտնէ իր խնդակցութիւնը, ինչպէս նաեւ իր պատրաստակամութիւնը՝ Պատուիրակութեան վերակազմութեան համար իրեն հետ խորհրդակցելու եւ պէտք եղած լուծումը ձեռք բերելու մտքով:

Տիար Բարսեղեան. Ինծի այնպէս կը թուի, թէ Փաշան չուզէր ժողովին մէջ պաշտօնապէս զբաղիլ այս խնդրով, այլ՝ ժողովէն դուրս, մասնաւոր բանակցութեամբ: Այս պատճառաւ, կը կարծեմ, որ աւելորդ է մասնաւոր պատգամաւորութիւն մը դրկել: Կրնանք մասնաւոր նամակով մը շնորհակալութիւն յայտնել Փաշային, եւ այդ ալ Դիւանը կրնայ ընել Համագումարին անունով:

Տիար Զօպանեան. Կը կրկնեն իմ առաջարկը, թէ պէտք է մասնաւոր պատգամաւորութիւն մը դրկել Վսեմ. Փաշային մօտ: Ասիկա ո'չ միայն յարգանքի նշան մը պիտի ըլլայ ժողովին կողմէ, այլ նաեւ շատ կանոնաւոր եւ շատ սահմանադրական ընթացք մը: Փաշային ցոյց տուած անձնուիրութիւնը պէտք է ըմբռնենք ու գնահատենք, եւ այս գնահատութիւնը տարբեր կերպով մը չենք կրնար արտայայտել: Եթէ Փաշան պէտք տեսնէ, ուրիշ անձեր ալ կ'երթան Պատուիրակութեան խնդրին նկատմամբ խորհրդակցելու:

Ի վերջոյ, Համագումարը որոշեց մասնաւոր պատգամաւորութիւն մը դրկել, եւ յանձնարարեց Դիւանին, որ նամակով մը Պատուիրակութեան Նախագահին յայտնէ ժողովին ուրախութիւնն ու շնորհակալութիւնը՝ Ն. Վսեմութեան ցոյց տուած զոհողութեան եւ հայրենասիրութեան այս նոր ապացոյցին համար:

### Օրակարգ

Վերակազմութիւն Ազգ. Պատուիրակութեան

Տիրէքիւներու Յանձնաժողովին առաջարկութեանց քննութեան անցնելէ առաջ, Դիւանին յանձնուեցաւ հետեւեալ առաջարկութիւնը, զոր ստորագրած էին եօթ պատգամաւորներ.

Ստորագրեալներս, իբր տիրէքիւ կ'ընդունինք Թուրքիոյ տրուած դաշնագրին առթիւ պատրաստուած նոր Յիշատակագրին մէջ նկատի առնուած կէտերը միայն, քանի որ Ազգ. Պատուիրակութեան պաշտօնավարութեան շրջանը կ'աւարտուի Դաշնագրին ստորագրութեամբ:

Համագումարը իւր երկրորդ նստաշրջանի մասին ընդհանուր տեղեկատուութիւն մը կը պատրաստէ եւ անմիջապէս կը դրկէ պատգամաւոր ունեցող կեդրոններուն, որմէ ետքը վերջիններուն կ'իյնայ որոշել իրենց ընկիւղը:

26 Յունիս 1920.

Եղիշէ Արքեպ. Դուրեան

Մ. Ս. Դաւիթ-Բէկ  
Ա. Հանըմեան  
Գ. Սիմապեան  
Մ. Տերպետրեան  
Չ. Պզտիկեան  
Տոքթ. Բարսեղեան

Տիար Ե. Մալքով. Հայաստան այս տեսակ բաներով չի փրկուիր: Ինչո՞ւ կը զբաղիք այս բաներով, ի՞նչ է ասոնց օգուտը:

Վսեմ. Տիար Գ. Նորատունկեան. Կարծեմ բացատրութեան կարօտ է այս առաջարկութիւնը:

Տիար Ա. Զօպանեան. Արդէն կը հակասէ նախորդ նիստին մէջ տրուած որոշման: Ամեն Դուրեան Արքեպիսկ. Մեր առաջարկը չի հակասեր նախորդ նիստին մէջ տրուած որոշման: Նախ՝ անոր առաջին մասը արդէն իսկ քուէարկուած է Համագումարին, այսինքն թէ Պատուիրակութիւնը մինչեւ դաշնագրին ստորագրութիւնը իր գործը կ'աւարտէ: Եւ որովհետեւ նախատեսուած կէտեր կային, որոնց համեմատ Պատուիրակութիւնը պիտի կրնար տակաւին ժամանակ մը եւս մնալ, այդ կէտը անհրաժեշտ չնկատեցինք շօշափել, վերջնականապէս որոշուած համարելով: Գալով երկրորդ մասին, մենք այս շրջանին եկանք իբր համարառու մարմին, աղէկ կամ գէշ արդիւնք մը տեսանք: Մեզի կը մնայ դառնալ մեր ընտրողներուն ըսել, թէ մեր գործը աւարտած է եւ թէ Պատուիրակութիւնը կը մնայ մինչեւ դաշնագրին ստորագրութիւնը: Եթէ անոնք ուզեն ներքին յարաբերութիւն մը պահել Պատուիրակութեան հետ, թող ուղղակի բանակցին անոր հետ:

Տիար Ե. Մալքով. Շատ սխալ, շատ սխալ:

Տիար Ա. Զօպանեան. Այս առաջարկութեամբ՝ Պատուիրակութեան գործունէութիւնը սահմանափակ կրնայ ըլլալ: Պատուիրակութիւնը եթէ պիտի մնայ, պէտք է, որ անիկա ընէ ամեն ինչ որ անհրաժեշտ է եւ կամ պէտք է բնաւ գոյութիւն չունենայ: Օրինակի համար՝ դաշնագրին առթիւ տրուած Յիշատակագրին մէջ՝ մանտայի խնդիրը չէ չիշուած, մինչդէռ՝ Ազգ. Պատուիրակութեան համար անհրաժեշտ պարտք կայ, բնականաբար՝ Հանր. Պատուիրակութեան հետ համախոհաբար, ինչպէս ամեն բանի մէջ, այդ էական խնդրով զբաղիլ: Պատուիրակութիւնը պէտք է այսպէս լայն եւ լիակատար գործունէութիւն ունենայ, մինչեւ այն ժամանակը, որ որոշուած է: Անկից յետոյ, Պոլսոյ Պատրիարքին եւ Համագոյային ժողովին, ինչպէս եւ ուրիշ պաշտօնական մարմիններու հետ խորհրդակցելէ ետքն է որ կ'որոշուի, թէ պէ՞տք է մնայ Պատուիրակութիւնը, կամ պէ՞տք է հրաւիրուի երկրորդ համագումար մը, թէ՞ ոչ, փրկուող հայոց գործերը վարելու համար նո՞ր Պատուիրակութիւն մը պէտք է ընտրել կամ այդ գործը պէտք է թողուլ ուղղակի Պատրիարքաբանին:

Ամեն. Դուրեան Արքեպ. Մեր բերած առաջարկութեամբ՝ Պատուիրակութեան գործունէութիւնը ո'չ կը խափանուի, ո'չ ալ կը սահմանափակուի: Մենք մեզ ընտրողներուն պիտի ըսենք. Պատուիրակութիւնը գործի վրայ է, խորհեցէ՛ք լաւ մը, թէ ի՞նչ կապեր կ'ուզէք պահել անոր հետ, եւ ըստ այնմ ըրէք պէտք եղածը: Այս իմաստով տեղեկագիր մը պիտի տրուի բոլոր պատգամաւոր ունեցող կեդրոններուն կամ գաղութներուն, իրենց պատգամաւորները ներկայ եղած ըլլան կամ ոչ:

Տիար Ա. Զօպանեան. Համագումարը այդպիսով ինք իր հեղինակութիւնը կը ջնջէ, որովհետեւ ի՞նչ կը մնայ իր արժէքէն, երբ իր գործը չլրացուցած՝ իր ընտրողներուն կարծիքը հարցնէ:

Ամեն. Դուրեան Արքեպ. Բայց Համագումարին անդամները չեն գիտեր, թէ իրենց ընտրողները ի՞նչ կը խորհին այսօր:

Տիար Տէր-Ստեփանեան. Եթէ կ'ուզէիք ատիկա գիտնալ, թող մանտա ընէիք միասին:

Ամեն. Դուրեան Արքեպ. Մանտա ուզեցինք, բայց կարեւորութիւն չտուիր: Ինչ որ Տիար Բարսեղեան կարդաց անցեալ նիստի մը մէջ՝ իբր Պոլսոյ պաշտօնական մարմիններուն կողմէ եղած արտայայտութիւն, մանտա մըն էր:

Տիար Գ. Սինապեան. Ժողովին ուշադրութիւնը կ'ուզեմ հրաւիրել մեր բերած առաջարկին երկրորդ մասին վրայ: Անոր մէջ ցոյց տրուած է տեղեկագիր մը ղրկել ընտրողներուն: Տեղեկագիրն ձեռն Զամագումարին կամքէն կախուած է. կա՛մ ամբողջ ատենագրութեանց մէկ օրինակը կը ղրկուի, եւ կա՛մ ամփոփում մը, որուն մէջ պէտք է ըսել, թէ մեր որոշմամբ, Պատուիրակութիւնը կը դադրի դաշնագրին ստորագրութենէն վերջ եւ իրենց կը մնայ մինչեւ այն ատեն որոշիլ, թէ ի՞նչ դիրք պիտի բռնեն անոր հանդէպ, կամ ի՞նչ տեսակ յարաբերութիւններ պիտի հաստատեն անոր հետ:

Չայներ. Նախորդ նիստին որոշեցինք, որ Պատուիրակութիւնը դաշնագրին ստորագրութենէն ետք տակաւին ատին մը պիտի շարունակէ իր պաշտօնավարութիւնը:

Տիար Գ. Սինապեան. Այդ կետը խնդրի առարկայ չէ: Կը կարծեմ, որ դաշնագրին ստորագրութեան համար առնուազն երկու ամիս պէտք պիտի ըլլայ, մինչդեռ մէկ ամիսը կը բաւէ որպէսզի ամեն ընտրող ստանայ մեր տալիք տեղեկութիւնը եւ իր ընելիքը որոշէ: Ընտրողները թերեւ կը պահեն Պատուիրակութիւնը, թերեւ նոր մը ընտրելու պէտք կը տեսնեն, կամ նոյնիսկ ուղղակի տիրէքիւններ կու տան, որոնք անշուշտ աւելի զօրաւոր պիտի ըլլան, քան այստեղ 6-7 քուէով սահմանուած տիրէքիւնները: Իմ կարծիքով՝ նոր տիրէքիւ կազմելու կամ նոր Զամագումարի հրաւիրման որոշում տալու իրաւունք չունինք մեր այսօրուան թուով: Լաւագոյն է, որ այս խնդիրներուն մասին խօսքը թողունք ընտրողներուն, համառօտ տեղեկագրով մը անմիջապէս անոնց ծանուցանելով կացութիւնը:

Տիար Ա. Թերզիպաշեան. Ես, ընդհակառակը, ատոր մէջ որոշ քանք մը կը տեսնեմ ամեն բան կազմալուծելու: Որովհետեւ եթէ ընդունինք այդ առաջարկութիւնը, պարզապէս հիմնաւորընէ խաղալիք դարձուցած պիտի ըլլանք Պատուիրակութիւնը: Կը զարմանամ, որ Տիար Սինապեանի պէս անձ մը, որ հմուտ է խորհրդարանական կանոններու, ստորագրեր է այդ առաջարկութիւնը: Խորհրդարան մը գործադիր իշխանութեան մը գործունէութիւնը կը սահմանաւորէ կա՛մ իր, կա՛մ նոր ընտրուելիք խորհրդարանի մը միջոցաւ: Լսուած բան չէ, որ խորհրդարան մը լուծուելէ վերջ՝ նոր օրինատէր իշխանութիւնը թողու զանազան շրջաններու կամայականութեան: Ասիկա իշխանութեան կազմալուծում մը կը նշանակէ:

Ամեն. Դուրեան Արքեպ. Մենք այդպէս չմտածեցինք, երբ դուք խօսեցաք Պատուիրակութեան մասին:

Տիար Ա. Թերզիպաշեան. Ես պարզապէս կատարեցի քննադատութեան իմ պարտականութիւնս, եւ պատրաստ եմ կրկնելու ինչ որ ըսի: Ինչո՞ւ, ուրեմն, եկած պիտի ըլլայի՝ եթէ այդ քննադատութեան պարտականութիւնը պիտի անտեսուի:

Տիար Սինապեան. Բայց սխալ է ինչ որ կ'ենթադրէք մեր առաջարկութեան մասին:

Տիար Տէր-Ստեփանեան. Այս առաջարկն անընդունելի է շատ մը տեսակետներով: Իր իմաստը, ինչպէս իր ձեւը, որոշ ձգտում մը ունին, եւ պէտք չկայ յայտնելու, թէ ի՞նչ է այդ ձգտումը: Զամագումարը որոշեց նախապէս, որ Պատուիրակութիւնը մնայ մինչեւ դաշնագրին ստորագրութիւնը՝ եթէ դաշնագրով գոհացուցիչ արդիւնք մը ձեռք բերուի: Զակառակ պարագային համար ալ Զամագումարը որոշեց, որ Պատուիրակութիւնը մնայ տակաւին ժամանակ մըն ալ, թրքահայութեան ճակատագրին նկատմամբ անհրաժեշտ եղող ձեռնարկներուն կատարման համար: Տիրէքիւնները, որոնք պիտի տրուին՝ այդ նպատակին կը ձգտին: Հիմա այս առաջարկը ընողները, հակառակ տրուած որոշման, Պատուիրակութեան գոյութեան անպատճառ վերջ տալ կ'ուզեն, առանց իսկ սպասելու դաշնագրին արդիւնքին: Յետոյ, անհասկնալի է իբր տիրէքիւ նկատել միայն դաշնագրին

սրբագրութեան համար պատրաստուած Յիշատակագրին տրամադրութիւնները: Այս ալ անշուշտ նոյն որոշ ձգտումին մէկ արտայայտութիւնն է:

Երկրորդ հարց մը: Այս առաջարկը ստորագրողները ապացոյց կու տան, որ եկած են առանց մանտայի, եւ այդ իսկ պատճառով, չուզելով ռեւ պատասխանատուութիւն առնել ապագային մասին, կ'ուզեն զիրենք ընտրողներուն ձգել ռեւէ որոշում ապագայի նկատմամբ: Անոնք չեն զգար, թէ այդպէսով անիշխանութիւն առաջ կու գայ, տաճկահայ դատը կրնայ մնալ առանց պաշտպանի, որով կանխաւ արհամարհուած կ'ըլլան այն բազմաթիւ նպատակներ կարելիութիւնները, որոնք կրնան ծնունդ առնել քաղաքական դրութեան փոփոխմամբ, փոփոխում, որ հաւանական ալ է, տրուած ըլլալով, թէ տաճկական այս դաշնագիրը, որուն սրբագրութեան կ'ուզուի կապել Պատուիրակութեան ամբողջ գործը, կրնայ չեղեալ նկատուիլ՝ թուրքերու ընդդիմութեան եւ մէջ առնուած որոշումներուն հետեւանքով:

Ամեն. Դուրեան Արքեպ. Կը կրկնեմ, որ մանտա ունինք:

Տիար Տէր-Ստեփանեան. Ուրեմն, այդ մանտան ձեզի իրաւունք կու տայ, որ Պատուիրակութեան եւ Զամագումարին վե՞րջ տանք՝ նոյնիսկ եթէ ոչ մէկ գոհացում գտած ըլլան թրքահայերը:

Տիար Գ. Սալքուլ. Ես այն գիտեմ, որ մեր անգլիացի բարեկամները պիտի հակառակին այս տեսակ բանի մը: Անոնք կը փափաքին, որ այս Պատուիրակութիւնը մնայ մէկ-երկու տարի:

Տիար Տէր-Ստեփանեան. Բերուած առաջարկին անկեղծ չըլլալուն ամենէն մեծ ապացոյցը սա է, որ անոր մէջ տիրէքիւի համարժեք կը նկատուին այն կետերը միայն, որոնք դաշնագրին սրբագրութեան կը վերաբերին եւ որոնք կը գտնուին Յիշատակագրին մէջ: Բայց ո՞վ որոշեց այդ կետերը: Չէ՞ որ անոնք ալ այս Զամագումարին կողմէ սահմանուեցան: Ուրեմն, ինչպէ՞ս կ'ըլլայ, որ Զամագումարին որոշումներէն մաս մը արժէ կ'ունենայ եւ ուրիշ մաս մը՝ ոչ: Եթէ իր տուած տիրէքիւնները արժէ չունին, ուրեմն արժէ չունի նաեւ Յիշատակագիրը: Ո՛չ մէկ ներկայացուցչական մարմին կրնայ ըսել, որ ինք գոյութիւն չունի այլեւս, առանց ապագային մասին ռեւէ տնօրինութիւն ընելու: Ընտրողներուն ձգող ապագան անիշխանութիւն ստեղծելն է, քանի որ ընտրողը իւր կամքը արտայայտելու ո՛չ մէկ օրինաւոր միջոց ունի, բացի նոր ներկայացուցչութիւն մը ընտրելէ: Եւ մենք ալ տարբեր բան չենք պահանջեր, նկատի առնելով նոր Զամագումարի մը կարելիութիւնը: Եւ յետոյ, գաղութներու կամ կեդրոններու առաջարկներն ո՞վ պիտի կեդրոնացնէ եւ զանոնք զնահատելով որոշում մը պիտի առնէ՝ եթէ Պատուիրակութիւնը գոյութիւն չունենայ:

Տիար Թերզիպաշեան. Գործադիր մարմինն իր ոյժը կը ստանայ այն օրէնսդիր մարմնէն, որմէ բղխած է: Արդ, Զամագումարը, գործունէութեան որոշ իրաւատութիւն տալով Պատուիրակութեան՝ մինչեւ նոր Զամագումարի հրաւիրումը, Պատուիրակութիւնը գիտէ թէ ի՞նչ է իր գործունէութեան շրջանը եւ նպատակը: Իսկ այսօր, եթէ գաղութներուն գրեմք եւ անոնց կարծիքին ենթարկենք Պատուիրակութեան ոյժը, ես չեմ գիտեր, թէ Պատուիրակութիւնը ի՞նչ հեղինակութիւն պիտի կրնայ պահել: Ենթադրենք, թէ գաղութներէն մաս մը թեր եւ ուրիշ մաս մը դէմ կարծիք յայտնէ: Պատուիրակութիւնը որո՞ւն հպատակելու պարտաւոր պիտի զգայ ինքզինքը: Արդիւնքը ուրիշ բան չպիտի ըլլայ եթէ ոչ անիշխանութիւն:

Տիար Ա. Բարսեղեան. Մեր առաջարկութիւնը բնաւ հակառակ չէ անցեալ նիստին մէջ քուէարկուած որոշումներուն: Զամագումարը յանձնաժողով մը ընտրեց, որպէսզի համաձայնութիւն գոյանայ տիրէքիւններու մասին: Այդ համաձայնութիւնը չգոյացաւ: Յանձնաժողովին անդամները համակարծիք գտնուեցան միայն այն կետերու մասին, որոնք կը գտնուին Յիշատակագրին մէջ: Եւ արդէն Յանձնաժողովը կազմուեցաւ Յիշատակագրին կարդացուելէն առաջ, եւ տիրէքիւններու համար



նկատառուած խորհրդակցութիւններն ալ ատկէ առաջ տեղի ունեցած են: Այն խնդիրները, որոնք տիրէքսիւններուն մէջ միաձայնութեամբ անցած են՝ կան արդէն Յիշատակագրին մէջ: Հետեւաբար, աւելորդ է զանոնք նորէն, իբր առանձին տիրէքսիւ, Պատուիրակութեան պարտադրել: Միւս կողմէ՝ փորձ մը կայ այստեղ՝ անհամաձայնութեան առարկայ դարձած կէտերը անցընելու անպատճառ յարաբերական մեծամասնութեամբ մը, մինչդէռ անցեալ տարի՝ տիրէքսիւներու պատկանող ամեն հարցի համար փնտռուեցաւ բացարձակ մեծամասնութիւնը: Արդեօք այս համագումարը կրնայ աւելի յաւակնութիւններ ունենալ քան նախորդը, որ նոյնիսկ կարելոր հարցերու մէջ այսպէս 6-7 քուէն բաւական կը նկատուի որոշում տալու համար: Մեր ուզածն է այս տեսակ մը ապօրինութեան վերջ տալ:

Նախագահ Վսեմ. Տիար Գ. Նորատունկեան դիտել տուաւ, որ ժողովն արդէն անգամ մը սկսած էր Տիրէքսիւներու Սահմանման Յանձնաժողովին բերած առաջարկութիւններով զբաղիլ, եւ պատրաստ էր լրացնել անոնց քննութիւնը:

Միւս կողմէ, Ն. Վսեմութիւնը խոստացաւ, որ անմիջապէս երբ այդ քննութիւնը աւարտի, Դիւանը ժողովին պիտի բերէ Համագումարի այս Բ. նստաշրջանին գործունէութիւնը պատկերացնող համառօտ տեղեկագիր մը, որպէսզի վաւերացուելով տարուի եւ, ինչպէս անցեալ տարի եղաւ, դրկուի բոլոր պատգամաւոր ունեցող կեդրոններու կամ գաղութներու:

Դիւանին առաջարկութեան վրայ, Համագումարը որոշեց նախապէս շարունակել Տիրէքսիւներու Սահմանման Յանձնաժողովին տեղեկագրին քննութիւնը եւ յետոյ նկատի առնել ներկայացուած առաջարկը:

Կարդացուեցաւ Յանձնաժողովին բերած եօթներորդ առաջարկութիւնը.

«7. Թուրքերու հետ համաձայնութեան հարց. Պատուիրակութիւնը իրաւասութիւն ունի ի հարկին, եւ եթէ կարելի ըլլայ, թուրքերու հետ համաձայնութեամբ, ապահովել Տաճկահայաստանի գէթ մէկ մասին ազատագրումը»:

Վսեմ. Տիար Գ. Նորատունկեան. ժողովն անշուշտ ազատ է ընդունելու կամ մերժելու այս առաջարկութիւնը: Բայց եթէ պիտի ընդունի, պէտք է ըսել անոր մէջ, որ թուրքերու հետ բանակցութիւնները պիտի կատարուին Դաշնակից պետութեանց հետ համաձայնութեամբ:

Տիար Ա. Չօպանեան. Կը կարծեմ, թէ շատ փափուկ հարց մըն է ասիկա, եւ անոր մասին զրաւոր տիրէքսիւ տալը խոհեմութիւն չէ: Պատուիրակութիւնը կա՛մ պէտք չէ գոյութիւն ունենայ եւ կա՛մ եթէ գոյութիւն պիտի ունենայ, պէտք է որ լայն իրաւասութիւն տրուի իրեն: Որովհետեւ ո՛չ մէկ կառավարութիւն չի կրնար գործի գլուխ անցնիլ, եթէ առաջուց բացարձակապէս կաշկանդեն իւր ձեռքերը: Կարծեմ, թէ պէտք է բաւականամանց ատենագրութեանց մէջ ատենագրելով այդ բաղձանքը, թէեւ ես իմ մասիս մեծ յոյս մը չունիմ, որ թուրքերու հետ համաձայնութեամբ կարելի է ռեւէ արդիւնք ձեռք բերել, եթէ Դաշնակիցներու կողմէ ճնշում մը չըլլայ:

Տիար Ա. Բարսեղեան. Ես եւս այս կէտին ալ համամիտ գտնուած էի Յանձնաժողովին մէջ, բայց, ինչպէս ըսի արդէն, այդ միջոցին տակաւին ծանօթացած չիմք Յիշատակագրին, որուն տեղեկամալէ վերջ այլեւս աւելորդ կը նկատեն այս առաջարկութիւնը:

Տիար Ա. Չօպանեան. Օրինակ մը տամ այս մասին: Անցեալ տարի՝ տիրէքսիւներուն մէջ տրուած չէր հայ-քրտական համաձայնութեան մասին ռեւէ յանձնարարութիւն, եւ ժողովին մէջ ալ կարծիք յայտնուած էր, որ պէտք չէ քաջալերել անկախ Քիւրտիստանի մը կազմութիւնը: Բայց Պատուիրակութիւնը արտաքոյ կարգի պարագաներու առջեւ գտնուեցաւ եւ անհրաժեշտ նկատեց այդպիսի կարգադրութիւն մը ընել ո՛չ միայն Դաշնակից պետութեանց, այլ նաեւ շատ մը հայ կարելոր անձնաւորութեանց խորհուրդով: Այս տարի ալ կրնան պատահիլ արտասովոր պարագաներ եւ Պատուիրակութիւնը ստիպուի որոշ չափով անդին անցնիլ իրեն

տրուած տիրէքսիւներէն: Եականը սա է, որ Պատուիրակութեան վրայ վստահութիւն ըլլայ:

Քուէարկութիւն կատարուելով, 14 պատգամաւորներու ներկայութեան 2-ի դէմ 12 քուէով որոշուեցաւ տիրէքսիւներուն մէջ չընել այդ կէտը, այլ միայն, Տիար Չօպանեանի առաջարկին համաձայն, ատենագրութեանց մէջ ատենագրել, թէ Պատուիրակութիւնը իրաւասութիւն ունի այդ մասին յարմար դատածը ընելու, Դաշնակից պետութեանց հետ համաձայնութեամբ:

Տիար Վահան Թէքեան. Կը զարմանամ, թէ անոնք իսկ, որոնք ստորագրած էին պահ մը առաջ կարդացուած այն բանաձեւը, որով չէին ուզեր ռեւէ իրաւասութիւն տալ Պատուիրակութեան, հիմա կը քուէարկեն այն տեսակ որոշում մը, որ լայն ու պատասխանատու գործունէութեան իրաւասութիւն մը կու տայ Պատուիրակութեան: Պարզապէս կը հաստատեն այն հակասութիւնը, որուն մէջ կ'իյնան եւ զոր կրնանք նշան մը նկատել իրենց անկեղծութեան:

Կարդացուեցաւ Տիրէքսիւներու Սահմանման Յանձնաժողովին բերած 8-րդ առաջարկութիւնը.

«8. Բրոքականտ. Ազգ. Պատուիրակութիւնը պէտք է շարունակէ բրոքականտի գործը, նախապատուութիւն տալով հետեւեալ երկու միջոցներուն, եւ իրագործելով անոնցմէ առնուազն մէկը: 1. Հրատարակել մեծ tirage-ով թերթ մը, շաբաթաթերթ կամ առ առաւելն կիսամսեայ, ուր ուժգին կերպով պաշտպանուին հայութեան շահերը եւ, մասնաւորապէս, անոր անկախութեան ու վնասուց հատուցման իրաւունքները: 2. Նոյն նպատակով յօդուածներ հրատարակել տալ անգլերէն եւ ֆրանսերէն առնուազն մէկ մէկ թերթերու մէջ, դրամական օժանդակութեան փոխարէն»:

Տիար Ա. Չօպանեան. Որպէսզի այս տիրէքսիւնը նշանակութիւն մը ունենայ, պէտք է նաեւ, որ Համագումարը կարգադրութիւն մը ընէ նիւթական միջոցներ ապահովելու համար:

Տիար Զ. Պատկեան. Մինչեւ հիմա եղած հրատարակութիւններէն ի՞նչ խէր տեսանք, որ ասկէ վերջն ալ շարունակենք: Օրուան լուրերը եւրոպական թերթերէն 15-20 օր վերջ տալու համար հրատարակուելիք թերթ մը չեմ կարծեր, որ ռեւէ օգուտ ունենայ մեր դատին: Ըստ իս՝ այս տեսակ ձեռնարկ մը աւելորդ է եւ ի զուր անոր համար պիտի ծախսուի դրամ մը, որ կրնար այլապէս օգտակար ըլլալ: Բայց համաձայն եմ, որ եւրոպական թերթերու միջոցով բրոքականտը շարունակուի:

Տիար Ա. Չօպանեան. Մեր հայրենակիցներէն ո՞մանք բրոքականտը անօգուտ կը նկատեն: Միայն է ասիկա: Օրինակը տաճիկներէն առնենք: Անոնք այս միջոցին ահագին ծախք կ'ընեն եւ ամեն ճիգ կը թափեն բրոքականտ ընելու համար ճիշդ այն ձեւով, որով մենք ըրինք, այսինքն՝ միթիկներ եւ քոնֆերանսներ սարքել, պրօշիւր կամ թերթ հրատարակել: Մենք անշուշտ չունինք անոնց ունեցած միջոցները՝ շատ աւելի տարածուն եւ ազդու դարձնելու համար մեր բրոքականտը: Բայց մտածել, թէ ինչ որ ըրինք անօգուտ էր՝ ճիշդ չէ: Տաճիկներուն ըրած բրոքականտը պատասխան մըն էր հայկական բրոքականտի դէմ: Եթէ առիթ ունենաք տեսնելու Echo de l'Islam թերթը, պիտի տեսնէք, թէ բոլոր յօդուածներն ալ մեր կողմէ եղած հրատարակութիւններու դէմ գրուած են: Մեր բրոքականտը պէտք է շարունակուի, բայց դրամ պէտք է, որպէսզի աւելի ազդեցիկ ըլլայ:

Տիար Տէր-Ստեփանեան. Յանձնաժողովին առաջարկած թերթը Bulletin-ը կամ անոր նման հրատարակութիւն մը չէ: Bulletin-ը, տրուած ըլլալով իւր կազմութիւնը, չի կրնար կատարել այն դերը, զոր մենք կ'ակնկալենք մեր առաջարկած թերթին հրատարակութենէն: Մենք կը վախճանք, որ այդ հրատարակութիւնը արտաքին աշխարհին առջեւ պարզէ մեր դատը, մեր պահանջները, կորովով, լուրջ ու խորունկ ուսումնասիրութիւններով: Ապացուցանելու համար, թէ այս տեսակ հրատարակութիւն մը այնքան օգտակար կրնայ ըլլայ, յիշեմ միայն իտալացի նախորդ նախարար Պ. Մետայի այն խօսքը, զոր ինձի ըրաւ օր մը, ըսելով, թէ այլեւս չի կրնար յօդուած գրել

Հայկական ԽՆՊԻԻՆ վրայ, որովհետև Armenia չի հրատարակուի: Պ. Մետա՝ այդ թերթին կ'առնէր իր նիւթերը՝ Հայկական Դատին պաշտպանութեան համար: Թուրքերուն հրատարակած Echo de l'Islamը այդ ուղղութեամբ խմբագրուած թերթ մըն է, եւ կը հաւատամ, որ շատ ազդեցութիւն կը գործէ: Մենք պէտք չէ անտարբեր մնանք: Այդ թերթը պէտք է հիմնուի եւ կրնայ մնալ նոյնիսկ Պատուիրակութեան պաշտօնին լրանալէն ետքն ալ, իբր աշխարհի հանրային կարծիքին առջև ընդհանուր հայութեան իրաւանց պաշտպանութեան նուիրուած օրկան մը: Զեխօ-սլովաքները եւ ուրիշ ազգեր, որոնք այլեւս գործ չունին Վեհաժողովին հետ, քանի որ իրենց բախտը վճռուած է, միշտ կը շարունակեն այստեղ՝ Փարիզի մէջ, հրատարակել իրենց դատին պաշտպանութեան նուիրուած օրկաններ:

Յանձնաժողովին առաջարկութիւնը քուէարկութեան դրուելով՝ 14 պատգամաւորներու ներկայութեան ընդունուեցաւ 13 քուէով: Չեռնպահ մնաց Տիար Զաքարիա Պզտիկեան, առաջարկութեան առաջին մասին համաձայն չըլլալով:

Համագումարը յառաջիկայ նիստին յետաձգեց Տիրէքիւններու Սահմանման Յանձնաժողովին 9-րդ առաջարկութեան քննութիւնը եւ յաջորդ առաջարկութեանց անցաւ:

Կարդացուեցաւ Յանձնաժողովին 10-րդ առաջարկութիւնը.-  
«10. Կամաւորական բանակ. Պատուիրակութիւնը պէտք է դիմէ Դաշնակից կառավարութիւններուն կամ անոնցմէ մէկուն, խնդրելով, որ իրեն օժանդակեն արեւմտահայ կամաւորական բանակ մը կազմելու՝ Տաճկահայաստանի գրաւման գործածուելու համար: Բանակը կը հաւաքուի եւ կը մարզուի ռեւէ base-ի մը մէջ, ու երբ պատրաստ ըլլայ, կը գործածուի՝ ըստ Հանրապետութեան գրաւման բանակի սպայակոյտի հրահանգներուն»:

Յանձնաժողովի անդամներէն Տիար Տոքթ. Ա. Բարսեղեան յայտարարեց, թէ ինք համաձայն չէ այս առաջարկութեան ամբողջութեան:

Տիար Զ. Պզտիկեան. Ես հակառակ եմ, որ Կիլիկիոյ մէջ ըլլալիք կամաւորական կազմակերպութիւնը Հանր. կառավարութեան հրամանին ենթարկուի, քանի որ Կիլիկիա ֆրանսական ազդեցութեան շրջանակին մէջ է եւ այնտեղ ըլլալիք կարգադրութիւնները պէտք է ենթակայ մնան ֆրանսական իշխանութեանց հաւանութեան: Եթէ պարագաները նպաստաւոր ըլլան, որ ֆրանսացիք հաւանին կամաւորական կազմակերպութիւն մը, այդ պարագային պէտք է հրամանատարութիւնը իրենց մնայ:

Առաջարկութիւնը քուէարկութեան դրուեցաւ 14 պատգամաւորներու ներկայութեան եւ ընդունուեցաւ 9 ձայնի մեծամասնութեամբ:

Կարդացուեցաւ Տիրէքիւններու Սահմանման Յանձնաժողովին 11-րդ եւ վերջին առաջարկութիւնը.

«11. Ամերիկահայ գաղութ. Պատուիրակութիւնը, կարելիօրէն Հանրապետութեան Պատուիրակութեան գործակցութեամբ, պէտք է ջանայ վերջ մը տալու Ամերիկայի հայ գաղութին եւ հոն ուղարկուած առաքելութեան պառակտման, վերականգնելով Ամերիկահայ Ազգային Միութիւնը»:

Յանձնաժողովին անդամներէն Տիար Տոքթ. Բարսեղեան յայտարարեց, թէ ինք համաձայն չէ առաջարկութեան այս ձեւով խմբագրութեան:

Տիար Զաքարիա Պզտիկեանի առաջարկութեան վրայ, որոշուեցաւ ուրիշ գաղութներու մասին ալ նոյն յանձնարարութիւնը ընել, որով՝ առաջարկութիւնը բարեփոխուեցաւ հետեւեալ ձեւով.

«11. Ամերիկայի եւ ուրիշ վայրերու հայ գաղութները. Պատուիրակութիւնը, կարելիօրէն Հանրապետութեան Պատուիրակութեան գործակցութեամբ, պէտք է ջանայ վերջ մը տալու Ամերիկայի եւ ուրիշ վայրերու հայ գաղութներուն, ինչպէս նաեւ Ամերիկա ուղարկուած առաքելութեանց պառակտման, վերականգնելով Ամերիկահայ Ազգային Միութիւնը»:

Այս ձեւով քուէարկութեան դնելով, առաջարկութիւնը՝ 14 պատգամաւորներու ներկայութեան ընդունուեցաւ 11 քուէով: Տիար Բարսեղեան ձեռնպահ մնաց:

Տիար Արշակ Զօպանեան առաջարկեց, որ Համագումարը պիտուէի յանձնաժողով մը կազմել, եւ այդ առթիւ յայտարարեց, թէ Պատուիրակութեան ձեռքը դրամական միջոցներ չկան գործերու հետապնդութեան համար:

Տիար Գ. Մալքում. Անցեալ տարի ըսի, որ խոշոր հատուցում չպահանջէք, մտիկ չըրիք, միլիամետր պահանջեցիք: Եթէ համեստ պահանջում մը ըրած ըլլայիք, հաւանական է, որ այսօր տրուած ըլլար:

Տիար Ռուբէն Որբերեան. Նախ իմ խորին շնորհակալութիւններս կը յայտնեմ, որ ի յարգանս Եթովպիոյ հայ գաղութին՝ ընդունեցիք զիս իբր իրենց պատգամաւոր: Եթովպիոյ հայերը, որքան ալ անջատուած եւ հեռու կ'ապրին, միշտ ամենաբուռն կերպով հետաքրքրուած են ազգային դատով: Առաջին առթիւ իրենց պիտի ներկայացնեմ Ազգ. Պատուիրակութեան երկու տարուան գործունէութիւնը: Շնորհակալ պիտի ըլլամ Դիւանին, եթէ այդ մասին տեղեկութիւններ տայ ինձի: Քիչ մը առաջ դրամի խօսք եղաւ, ըսուեցաւ, թէ Պատուիրակութիւնը նիւթական շատ անձուկ դրութեան մը մէջ կը գտնուի: Կրնաք վստահ ըլլալ, որ եթէ երբեք Եթովպիոյ հայերն համոզուին, թէ Պատուիրակութիւնը իսկապէս արդիւնք մը կու տայ, սիրով պիտի ընծայեն նիւթական շատ մեծ աջակցութիւն մը, ինչպէս ըսին ինձի՝ մեկնած միջոցիս: Բայց ասոր համար՝ անհրաժեշտ է, որ գիտնան, թէ ի՞նչ կ'ընէ Պատուիրակութիւնը: Զննարատութեան համար չէ, որ կ'ուզեն գիտնալ, այլ՝ պարզապէս, տեղեկութիւն ունենալու համար: Անոնք կը խնդրեն, որ զիրենք ազգին անհարազատ գաւակները չնկատէք: Անոնք հաւասարապէս հայ են որքան ամեն տեղ ցրուած հայերը, եւ կը փափաքին չմոռցուիլ: Նիւթական աջակցութեան մասին իրենց պատրաստակամութիւնը անոնք յայտնած են երկու տարի առաջ, եւ նոյնիսկ գրած ալ են Պատուիրակութեան, բայց իրենց խօսք մը ըսող չէ եղած: Անկէ ի վեր՝ ազգային պէտքերու համար տասնեակ հազարաւոր լիրաներ տուին եւ միշտ պատրաստ են տալու, եթէ աւելի սերտ եւ աւելի տաք յարաբերութիւն մը պահուի իրենց հետ: Դարձեալ իրենց փափաքն է, որ ամեն բան չլիսցուի ազգ. համերաշխութիւն մը ստեղծելու համար: Խնդրեցին ինձմէ, որ այս մասին քախանձագին կոչում ընեմ ամենուր: Կը հաւատամ, որ դրամը ցիղն է մեր դատին, եւ անգամ մըն ալ կը կրկնեմ, որ մեր գաղութը սիրով պիտի տայ պէտք եղածը: Բայց եթէ միութիւն չըլլայ, այս բոլորը զուր կը ծրագրէք, թուղթի վրայ պիտի մնան, որովհետև չեմ կարծեր, որ ռեւէ մէկը դրամ տայ այս պայմաններուն մէջ: Քանի որ դրօշակ մը ունինք այսօր եւ այս դրօշակը բարձրացրէք է Արարատի վրայ, խմբուինք անոր շուրջը եւ աշխատինք զօրացնելու այն պետութիւնը, որ կազմուեցաւ: Աս ալ մէկն է այն տիրական բաղձանքներէն, որոնցմով տոգորուած է Եթովպիոյ հայ գաղութը:

(Ծափահարութիւններ)

Տիար Արշակ Զօպանեան. Ազգ. Պատուիրակութիւնը արդէն երբեք իր գործունէութիւնը չէ սահմանափակած լոկ թրքահայ խնդիրներու մէջ, անիկա միշտ ձեռք-ձեռքի եւ նոյնքան կորովով դիմուններ ըրած է, Հանր. Պատուիրակութեան հետ, այնքան Դարաբաղի, որքան նաեւ Կիլիկիայի համար: Հանրապետութեան տրուած ամերիկեան ալիւրի գործին մէջ ալ գլխաւոր դերն Ազգ. Պատուիրակութիւնը կատարեց: Տարակոյս չկայ, որ այս ոգին պիտի տիրապետէ նաեւ իր յառաջիկայ գործունէութեան մէջ:

Նիստը փակուեցաւ ժամը 5 ½ -ին:

ՀԱԱ, ֆ. -430, ց. 1, գ. 66, թթ. 38-60: Չեռագիր: Բնագիր:

## Նիստ ԻԴ

28 Յունիս 1920, ժամը 4 ½-ին  
Նախագահութեամբ Վսեմ. Տիար Գ. Նորատունկեանի.

Ներկայ էին 17 պատգամաւոր՝  
Ամեն. Եղիշէ Արքեպիսկոպոս Դուրեան, Բարսեղեան, Դաւիթ-Բէկ,  
Թէրզիպաշեան, Թէքեան, Թումայեան, Մալքուն, Մսրըլը Պէյ, Տոքթ. Ներուզ, Վսեմ. Գ.  
Նորատունկեան, Որբերեան, Չօպանեան, Պապաջանեան, Պզտիկեան, Սինապեան,  
Տէրպետրեան, Տէր-Ստեփանեան:

### Օրակարգ

1. Վերակազմութիւն Ազգ. Պատուիրակութեան

### ԱՏԵՆԱԿԱՆ ԳՈՐԾՈՂՈՒԹԻՒՆՆԵՐ

1. Ընթերցում ատենագրութեան

Կարդացուեցաւ եւ վաւերացուեցաւ Յունիս 26-ի նիստին ատենագրութիւնը:

2. Նամակ Նախագահ Վսեմ. Տիար Գ. Նորատունկեանի առ Վսեմ. Պօղոս Փաշա Նուպար

Կարդացուեցաւ հետեւեալ նամակը, զոր Նախագահ Վսեմ. Տիար Գ. Նորատունկեան, Համագումարի նախորդ նիստին որոշման համաձայն, յանուն ժողովին ուղղած էր Ազգ. Պատուիրակութեան Վսեմ. Նախագահին՝ գոհունակութիւն ու շնորհակալութիւն յայտնելու համար իր պաշտօնը շարունակելու մասին ցոյց տուած պատրաստակամութեան նկատմամբ:

Փարիզ, 27 Յունիս, 1920.

Վսեմաշուք Պօղոս Փաշա Նուպար,

Տիար Նախագահ,

Ինչպէս արդէն առիթ ունեցայ Ձեր Վսեմութեան հաղորդելու, Համագումարը՝ որուն կարդացի Ձեր վերջին նամակը եւ անոր կցուած գիրերը, ինձի յանձնարարեց Ձեզի յայտնել իւր գոհունակութիւնն ու շնորհակալութիւններն այն խոստումին նկատմամբ, զոր Ձեր Վսեմութիւնը կ'ընէ, գտնելու համար այն տեսակ կարգադրութիւն մը, որ իրեն թոյլ տայ, իր միջոցներուն ներած չափով, գործակցիլ ապագայ Ազգ. Պատուիրակութեան:

Կը ձայնակցիմ մեր ընկերակիցներուն, խնդրելու համար Ձերդ Վսեմութենէն, որ հակառակ մեզի այնքան թանկագին եղող իր առողջական վիճակին, կարելի ընէ, որպէսզի այս խնդիրը, որչափ հնարաւոր ըլլայ, շուտով իւր պատշաճ լուծումը ստանայ յօգուտ ազգային շահուց, եւ Համագումարն ալ, մեր ամենուս բաղձանքին համեմատ, կարենայ փակել իր նստաշրջանը:

Հաճեցէ՛ք ընդունիլ, Տիար Նախագահ, մեր լաւագոյն զգացմանց հաւաստիքը:  
Գաբրիէլ Նորատունկեան  
Նախագահ  
Ազգ. Համագումարի

Վսեմ. Տիար Գ. Նորատունկեան. Վսեմ. Փաշան պիտի գայ քիչ մը վերջը, եւ իւր ներկայութեան կը խորհրդակցինք այս խնդրին վերջնական կարգադրութեան մասին: Ն. Վսեմութիւնը անշուշտ իր առաջարկը պիտի բերէ:

3. Հեռագիր Պոլսոյ Համազգային Խորհուրդին:

Կարդացուեցաւ Պոլսոյ Համազգային Խորհուրդին կողմէ Պատուիրակութեան Վսեմ. Նախագահին հրաժարականին առթիւ Դիւանին ուղղուած հետեւեալ հեռագիրը.

Վսեմ. Գաբրիէլ Էֆենտի Նորատունկեան  
12, Avenue de President Wilson  
Paris

4. Պոլիս, 24 Յունիս 1920, via Malta.

Երեք հայ յարանուանութեանց ընդհանուր ժողովը, ամբողջական նստի մը մէջ, մեծապէս զնահատելով Պօղոս Փաշայի մատուցած թանկագին ծառայութիւնները, իր խոր ցաւը կը յայտնէ անոր հրաժարականի նկատմամբ, եւ թախանձագին կը խնդրէ Ձեզմէ կարելի ընել՝ Ն. Վսեմութիւնը համոզելու համար, որ շարունակէ իր բարձր պաշտօնը: Անձկութեամբ կը սպասենք պատասխանի:

Ջաւեն (Պատրիարք Կ. Պոլսոյ)  
Սայիլեան (Պատրիարք Կաթողիկէ Հայոց)  
Պէզճեան (Ազգապետ Բողոքական Հայոց)

Վսեմ. Տիար Գ. Նորատունկեան. Նիստն վերջ կը հեռագրենք, թէ հրաժարականի խնդիրը կարգադրուած է:

Յայտարարութիւն Տիար Գ. Սինապեանի:

Տիար Գ. Սինապեան, որ Պատուիրակութեան Վսեմ Նախագահին հետ տեսնուած էր, յայտարարեց, թէ Ն. Վսեմութիւնը պաշտօն յանձնեց իրեն՝ իր շնորհակալութիւնները յայտնելու Համագումարի Դիւանին կողմէ անցեալ օր ղրկուած նամակին համար: Ն. Վսեմութիւնը, յայտնեց Գ. Սինապեան, կը փափաքէր անձամբ գալ այսօրուան նիստին, խորհրդակցելու համար Պատուիրակութեան կազմութեան մասին, բայց, իր իսկ բառերով, «Տիար Ահարոնեանի հետ ունեցած բանակցութիւններս տակաւին ելքի մը յանգած չըլլալով», վաղը միայն պիտի կրնայ գալ:

### Օրակարգ

1. Վերակազմութիւն Ազգ. Պատուիրակութեան

Կարդացուեցաւ Տիար Գաբրիէլի Սահմանման Յանձնաժողովին 9-րդ առաջարկութիւնը, որուն նկատառումը յետաձգուած էր նախորդ նիստին մէջ, եւ որ Յանձնաժողովին տեղեկագրին մէջ ներկայացուած էր հետեւեալ ձեւով.

«9. Այս հարցի մասին Յանձնաժողովին մէջ յայտնուեցան հետեւեալ կարծիքները.

Ա. Պ. Պ. Թէրզիպաշեան եւ Տէր-Ստեփանեան կը կարծեն, որ Պատուիրակութիւնը պէտք է դիմէ Երեւանի կառավարութեան, առաջարկելով անոր՝ միացումը կատարել դաշնագրին ստորագրութենէն անմիջապէս վերջ, եւ եթէ դաշնագիրը նուազագոյն գոհացում մը տայ արեւմտահայերուն, այդ միացումը ըլլայ Պ. Խատիսեանի առաջարկութեան հիման վրայ: Մերժումի պարագային,

Պատուիրակութիւնը պէտք է շուրջ 50 անդամէ բաղկացած արեւմտահայ Յանագումարի մը ընտրութեան ձեռնարկէ, զայն գումարելով Երեւան եւ անոր յանձնելով միացման եւ ուրիշ արեւմտահայ հարցերը: Այդ Յանագումարը կրնայ, համաձայնութեան պարագային, ինքզինքը արեւմտահայ խորհրդարան նկատել եւ ձուլուելով Երեւանի խորհրդարանին հետ՝ կազմել Սիացեալ խորհրդարան:

Բ. Պ. Սիւնապեան կը կարծէ, որ այս մասին ալ Յանագումարը ռեւէ որոշում չառնելով, պէտք է միայն հաղորդէ դրութիւնը իւր մէջ ներկայացուցիչ ունեցող ամեն մարմիններուն, անոնց թողլով ռեւէ որոշում:

Գ. Պ. Բարսեղեան կը կարծէ, որ Պատուիրակութիւնը պէտք է անմիջապէս առաջարկէ Երեւանի կառավարութեան միացում մը գոյացնել Պ. Խատիսեանի նամակին՝ խորհրդարանի ու կառավարութեան վերաբերող մասերու հիման վրայ: Գալով Պատուիրակութիւններու հարցին, կը կարծէ, որ Յանագումարը պէտք է ընտրէ չորս անձնաւորութիւններ, որոնցմէ երկուքը Երեւանի կառավարութեան կողմէ Յանրապետութեան Պատուիրակութեան անդամ նշանակուին, ու այդպիսով կազմուի Սիացեալ Պատուիրակութիւնը»:

Տիար Վահան Թէքեան յայտնեց, թէ Յանձնաժողովին այս առաջարկութիւնը կը շօշափէ միացման համար եղած վերջին ձեռնարկը եւ այն առաքելութիւնը, որ այդ առթիւ դրկուեցաւ Կովկաս: Հետեւաբար, իբր անդամ նոյն առաքելութեան, պատրաստակամութիւն ցոյց տուաւ լիակատար ծանօթութիւն տալու բանակցութեանց մասին, նկատելով, որ այդ խնդրին նկատմամբ արդէն անգամ մը խօսուեցաւ Պատուիրակութեան համարատուութեան ընթացքին եւ նկատառումը վերապահուեցաւ: Տիար Թէքեան ակնարկեց, թէ այդ տեղեկատուութիւնը անհրաժեշտաբար պէտք է հիմնուի տօքիմաններու վրայ, որոնցմէ մաս մը Պատուիրակութեան մօտն են, եւ առաջարկեց, որ եթէ ժողովը փափաքի, յաջորդ նիստին բերուին, կարդացուին եւ իր տալիք տեղեկութեանց հետ անցնին ատենագրութեանց մէջ:

Նոյնպէս Կովկաս դրկուած առաքելութեանց անդամ Տիար Տէր-Ստեփանեան պաշտպանեց այս տեսակետը, իւր կարգին պահանջելով, որ բոլոր տօքիմանները ատենագրուին ատենագրութեանց մէջ:

Տիար Արշակ Չօպանեան ալ համամտութիւն յայտնեց այդ մասին, եւ պէտք ցոյց տուաւ, որ Յանագումարը տեղեկանայ այդ խնդրին բոլոր մանրամասնութիւններուն, քանի որ խնդիրը ինքնին ազգ. ժամանակակից պատմութեան կարեւոր էջերէն մէկը կը կազմէ: «Ես կը կարծեմ, թէ,-յարեց,-այս իրիկուն աճապարանքով լուծելիք հարց մը չէ ասիկա: Պ. Խատիսեան քանի մը օրէն Փարիզ կու գայ եւ անշուշտ իւր խորհուրդներն ալ այս մասին կրնան օգտակար դառնալ, քանի որ համաձայնութեան հիմ ցոյց կը տրուին իւր կողմէ եղած վերջին առաջարկները: Պատուիրակութեան կազմութեան միջոցին Յանագումարը պէտք է նկատի առնէ, թէ ինչ պիտի ըլլան իւր յարաբերութիւնները միւս Պատուիրակութեան հետ: Բայց միացման խնդիրը պէտք չէ թողուի դաշնագրի ստորագրութենէն ետքը: Տաճկահայաստանէն նոյնիսկ եթէ երկու թիզ հող միացուի Յանրապետութեան, ամէնքն ալ՝ թրքահայ, ռուսահայ, պարսկահայ, պէտք է ներկայացուցիչ ունենան հայ տէրութեան կառավարութեան մէջ:

15 պատգամաւորներու ներկայութեան քուէարկութիւն կատարելով, 8 ձայնի մեծամասնութեամբ որոշուեցաւ յաջորդ նիստին լսել Տիար Թէքեանի տալիք բացատրութիւնները:

Տիար Բարսեղեանի մէկ հարցման վրայ Տիար Թէքեան յայտնեց, թէ առաքելութեան նկատմամբ գրաւոր զեկուցում չէ եղած Պատուիրակութեան, եւ այդ մասին հետեւեալ բացատրութիւնը տուաւ.

Տիար Վահան Թէքեան. Մեզի պաշտօն մը յանձնուեցաւ, ստանձնեցինք ու ելանք զացինք: Պաշտօնը դիւրին չէր, բայց ըրինք՝ ինչ որ կարելի էր: Թերեւս մեզի

տրուած իրաւասութիւններէն ակնի զիջումներ ալ ըրինք՝ անպատճառ յաջողցնելու համար մեր պաշտօնը: Բայց նորէն օգուտ չըրաւ եւ ստիպուեցանք ընդհատել բանակցութիւնները ու մեկնիլ: Վերադարձիս ամիս մը Պոլիս մնացի: Այդ միջոցին լսեցի, թէ Փաշան հեռագրով յայտնած է, թէ կ'ընդունի այն պայմանները, զորս Տիար Խատիսեան ներկայացուցած էր իբր հակառաջարկներ: Ստածեցի, թէ պատգամաւորներու ստիպման տակ այնպէս վարուէր է, եւ այլեւ գրաւոր տեղեկատուութիւն մը չպատրաստեցի: Երբ Փարիզ դարձայ, Փաշան ալ ատանկ բան մը չուզեց, բայց Պատուիրակութիւնը անտեղեկ չմնաց, որովհետեւ ընկերս՝ Տիար Տէր-Ստեփանեան, իսկոյն Փարիզ անցած եւ բերանացի տեղեկութիւն տուած էր իրեն:

Տիար Բարսեղեան պահանջեց, որ գրաւոր ըլլայ Տիար Թէքեանի տեղեկատուութիւնը, բայց ժողովը ռեւէ պայման չորոշեց այդ մասին:

Սիստը փակուեցաւ ժամը 5 ½ -ին:

ՀԱԱ, ֆ. -430, ց. 1, գ. 66, թթ. 61-68: Չեռագիր: Բնագիր:

### Նիստ ԻԵ

29 Յունիս 1920, ժամը 4-ին,  
նախագահութեամբ Վսեմ. Տիար Գ. Նորատուկեանի.

Ներկայ էին 15 պատգամաւոր՝

Ամեն. Դուրեան Արքեպիսկ., Բարսեղեան, Դաւիթ-Բէկ, Թէրզիպաշեան, Թէքեան, Թումայեան, Սարգիս Պէյ, Վսեմ. Գ. Նորատուկեան, Որբերեան, Չօպանեան, Պապաջանեան, Պոտիկեան, Սիւնապեան, Տէրպետեան, Տէր-Ստեփանեան:

### Օրակարգ

#### 1. Վերակազմութիւն Ազգ. Պատուիրակութեան

#### ԱՏԵՆԱՎԱՆ ԳՈՐԾՈՂՈՒԹԻՒՆՆԵՐ

#### 1. Ընթերցում ատենագրութեան

Կարդացուեցաւ եւ վաւերացուեցաւ Յունիս 28-ի նիստին ատենագրութիւնը:

### Օրակարգ

#### 1. Վերակազմութիւն Ազգ. Պատուիրակութեան

Յանագումարի նախորդ նիստի որոշման համաձայն, Կովկասի առաքելութեան անդամ Տիար Վահան Թէքեան պարզեց միացման խնդրին համար Երեւանի մէջ Յանրապետութեան ներկայացուցիչներուն հետ կատարուած բանակցութիւնները եւ անոնց **խնդիրներն** պատճառները:

Տիար Վ. Թէքեանի խօսք առնելէն առաջ, Տիար Թէրզիպաշեան առաջարկեց, որ փիճաբանութիւն չմնայ այն խնդրին նկատմամբ, այլ ժողովը լսէ տրուած տեղեկութիւնները իբր յետահայաց ակնարկ մը միացման խնդրին նկատմամբ:

Տիար Չօպանեան կրկնեց այս առաջարկութիւնը, ակնցնելով, որ «ինչ որ է այլեւս պատմութեան կը վերաբերի: Անոնց անդրադառնալը ժամանակի կորուստ պիտի ըլլայ. ընդհակառակը, պէտք է օգտուինք անոնցմէ՝ ասկէ ետք ըլլալիքներուն համար»:

Տիար Վ. Թէքէեան. Անցեալ տարի Համագումարը բազմաթիւ նիստերու մէջ եւ մասնաւոր յանձնաժողովի մը միջոցաւ քննեց Երեւանի Հանրապետութեան եւ թրքահայոց ներկայացուցիչ Ազգ. Պատուիրակութեան միջեւ հասկացողութիւն մը առաջ բերելու եւ միացեալ կառավարութիւն, խորհրդարան ու Պատուիրակութիւն կազմելու հարցը: Համագումարը չկրցաւ վերջնական որոշման մը յանգիլ, եւ տիրեթիւններուն մէջ յանձնարարեց Պատուիրակութեան, որ ինք ջանայ իրականացնել այդ նպատակը: Թէ ի՞նչ էր Համագումարին մեծամասնութեան տեսակէտը այս խնդրին նկատմամբ՝ ծանօթ է անշուշտ ձեզի: Մէկ կողմէ կար գոյութիւն առած, բայց տակաւին անհասարեւ քաղաքականապէս չճանչցուած պետութեան մը դատը, եւ միւս կողմէ՝ տակաւին գոյութիւն չառած, բայց քաղաքականապէս աւելի հաստատ ու ծանօթ տարութիւն ունէին, անպատեհ նկատեց երկու դատերը անմիջապէս իրարու խառնել եւ յանձնարարեց Պատուիրակութեան, որ յարմար ժամանակին եւ յարմար միջոցներով աշխատի այդ միութիւնը ձեռք բերելու: Անտարակոյս, ո՛չ ոք հակառակ էր այս միացման, ո՛չ ոք մտքէն կ'անցընէր, որ երկու առանձին Հայաստաններ պէտք է գոյութիւն առնեն:

Պատուիրակութիւնն իր պաշտօնը սկսաւ 1919 Ապրիլի սկիզբները եւ մինչեւ Մայիսի վերջերը տակաւին ձեռնարկ մը չէր ըրած այդ մասին, սա պատճառաւ, որ Համագումարին մէջ յայտնուած մտահոգութիւնները գոյութիւն ունէին միշտ, եւ չէր կրցած միջոց մը գտնել: Բայց Պատուիրակութեան անդամներէն մէկը, Տիար Փաստրմաճեան Մայիս 20-ի նիստին մէջ մէջտեղ դրաւ միացման խնդիրը, պահանջելով, որ Պատ.-թիւնն իսկոյն անոր իրականացման ձեռնարկէ: Պատուիրակութեան միւս անդամները համամտութիւն յայտնեցին այդ մասին. բայց առարկեցին, թէ ի՞նչ նոր ձեւով մը պէտք էր կատարել այդ ձեռնարկը, առանց շեղուելու Համագումարին մէջ յայտնուած մեծամասնութեան կարծիքին ոգիէն: Տիար Փաստրմաճեան, ինչպէս արդէն ըրած էին Համագումարին մէջ ինք եւ իր համախոհները, առաջարկեց Երեւանի կառավարութիւնն ընդունիլ իբր ընդհանուր հայ կառավարութիւն: Պատ.-թիւնն իր մէջէն յանձնախումբ մը ընտրեց՝ երկու կողմին մտահոգութիւնները նկատի առնելով յարմար լուծում մը գտնելու համար: Այդ յանձնախումբն ամբողջ շաբաթներ նիստեր գումարեց, եւ չէր կրցած տակաւին վերջնական որոշման մը յանգիլ, երբ յանկարծ Մայիս 28-ին, Հանրապետութեան հաստատութեան տարեդարձի օրը Երեւանի մէջ կատարուած ակտին լուրը առնուեցաւ: Այդ օրը, Երեւանի կառավարութիւնը ո՛չ միայն հռչակեր էր երկու Հայաստաններու միացումը, բա՛ն մը, որուն նախաքայլն առած էր արդէն Ազգ. Պատուիրակութիւնը նախորդ տարուան Նոյեմբեր 30-ին ըրած Անկախութեան յայտարարութեան առթիւ, այլ՝ ինքզինքն հռչակած էր իբր Միացեալ Հայաստանի կառավարութիւն, առանց այդ մասին թրքահայ ժողովուրդին ներկայացուցիչը եղող Համագումարին ընտրուած Ազգ. Պատուիրակութեան կարծիքը կանխաւ հարցնելու եւ ստանալու: Այսպիսով, Պատ.-թիւնը կատարուած իրողութեան մը առջեւ կը գտնուէր: Անիկա, առաջին վայրկեանից իսկ մտածեց բողոքել, որովհետեւ այդ ակտը ոտնակոխ կ'ընէր թէ՛ քաղաքական այն լուրջ նկատումները, որոնք յայտնուած էին Համագումարին մէջ եւ թէ՛ այն իրաւասութիւնը, զոր Համագումարը տուած էր Պատուիրակութեան: Այդ բողոքը, սակայն, անմիջապէս տեղի չունեցաւ, եւ վերջէն ալ չկատարուեցաւ այն ձեւով, որով կը մտածուէր ընել: Պատուիրակութեան անդամներէն Տիար Տոքթ. Ներսիս երկիւր յայտնեց, թէ այդ կարգի բողոք մը խոշոր պառակտումներ առաջ բերէ, եւ պէտքը շեշտեց Հանրապետութեան Պատուիրակութեան հետ հասկացողութեան մը գալու: Այս մտքով բանակցութիւններ սկսան Հանր. Պատուիրակութեան հետ, բայց այդ բանակցութիւնները արդիւնքի մը չյանգեցան, եւ անհամաձայնութիւնը կը տեւէր, երբ Փարիզ ժամանեց Համագումարի Վսեմ. Նախագահը՝ Տիար Նորատունկեան, որուն միջամտութեամբ որոշուեցաւ Երեւանի

կառավարութեան ուղղել բողոքի հեռագիր մը Մայիս 28-ի ակտին դէմ, ստորագրուած երկու Պատուիրակութեանց նախագահներէն: Այդ հեռագրով, Տիար Ահարոնեան կը յայտնէր, թէ Ազգ. Պատ.-թիւնը ընտրուած բոլոր թրքահայերու ներկայացուցիչ Ազգ. Համագումարին, անընդունելի գտած էր այն պայմանները, որոնց մէջ իրատարակուած էր Մայիս 28-ի յայտարարութիւնը, աւելցնելով, թէ զայն դարմանելու համար Ազգ. Պատ.-թիւնը առաջարկներ ներկայացուած է եւ թէ առաքելութիւն մը պիտի դրկուի Երեւան: Մինչեւ տոյն ատեն՝ կը խնդրէր յետաձգել խորհրդարանին կողմէ այդ յայտարարութեան վաւերացումը: Իսկ Ազգ. Պատուիրակութեան Նախագահ Նուպար Փաշա այդ հեռագրին ներքեւ յայտնած էր, թէ Ազգ. Պատ.-թիւնը կը հաստատէ հեռագրին պարունակութիւնը:

Տիար Չօպանեան. Այդ հեռագրով Տիար Ահարոնեան կը հաստատէր Ազգ. Պատ. թեան՝ թրքահայոց ներկայացուցիչ մարմինն եղած ըլլալը:

Տիար Թէքէեան. Ատկէ առաջ արդէն Պատուիրակութիւնը տեղեկացած էր, թէ Երեւանի կառավարութիւնը խորհրդարանի նոր ընտրութեանց մասնակցելու համար հրաւեր ուղղած է թրքահայոց, մասնաւորապէս Պոլիս՝ Պատրիարքարանի շրջանակներուն, որուն վրայ, Պատուիրակութեան Նախագահը հեռագրով յանձնարարած էր, թէ՛ Պոլիս՝ Պատրիարքարանին եւ թէ՛ Էջմիածին՝ Վեհ. Կաթողիկոսին միջոցով, որ թրքահայերը, մինչեւ քաղաքական կացութեան պարզուիլը, ձեռնպահ մնան:

Մայիս 28-ի ակտին դէմ բողոքող վերոյիշեալ հեռագրին առաքումէն վերջ, երկու Պատուիրակութիւնները այստեղ փորձեցին համաձայնութեան մը գալ այն միջոցներուն նկատմամբ, որոնցմով կարելի պիտի ըլլար դարմանել այդ ակտը: Բանակցութիւնները տեւեցին շաբաթներ, բայց, դժբախտաբար, լիակատար արդիւնք մը չունեցան: Չորս խնդիր կար մէջտեղը, 1. Միացեալ կառավարութեան խնդիր, 2. Միացեալ խորհրդարանի խնդիր, 3. Միացեալ Պատուիրակութեան խնդիր, եւ 4. Միացման ակտի հռչակման խնդիր: Ասոնցմէ միմիայն Միացեալ Պատուիրակութեան կազմութեան մասին համամտութիւն Երեւան եկաւ բանակցութեանց ընթացքին: Քանի որ կարելի չէր միւս կէտերու մասին հասկացողութեան մը գալ, որոշուեցաւ Երեւան դրկել այն առաքելութիւնը, որ արդէն ծանուցուած էր հեռագրաւ, Երեւանի մէջ իսկ այդ համաձայնութիւնը առաջ բերելու համար, նկատի առնելով նաեւ սա պարագան, թէ Տիար Ահարոնեան այդ խնդիրներուն նկատմամբ վերջնական բան մը ըսելու մասին իրաւասութիւնը չունենալը կը յայտնէր եւ կ'աւելցնէր, թէ Երեւանի կառավարութիւնը շատ աւելի դիրութեամբ կրնայ վերջնական համաձայնութիւն մը գոյացնել: Առաքելութեան մեկնումէն առաջ, այստեղ երկու Պատուիրակութեանց միջեւ անհամաձայնութեան գլխաւոր կէտն էր Միացեալ առժամեայ կառ.-թեան կազմութեան հարցը: Ազգ. Պատ.-թիւնը կը նկատէր, թէ՛ միացման պարագային պէտք է զօրաւորապէս շեշտուած ըլլայ կառավարութեան մէջ թրքահայ դատին գերակշռութիւնը, որուն համար, ըստ իրեն, անհրաժեշտ էր, որ կառ.-թեան գլուխը գտնուի թրքահայ մը, եւ այդ թրքահայն ալ ըլլայ տարիներէ ի վեր արդէն թրքահայոց դատը հետապնդող անձը, այսինքն՝ Ազգ. Պատուիրակութեան Նախագահ Պօղոս Նուպար Փաշան: Ազգ. Պատուիրակութեան Նախագահին, անշուշտ անոր համար, որ իր անձը խնդրոյ առարկայ էր, ընդունելով հանդերձ, որ Երեւանի կառ.-թեան գլուխը պէտք է թրքահայ մը գտնուի, չէր պնդէր իրեն տրուած նախընտրութեան վրայ: Բայց Ազգ. Պատուիրակութեան միւս անդամները, բացի Տիար Տոքթ. Ներսիսէն, համաձայն էին, որ անպատճառ պէտք է պնդել այդ տեսակէտին վրայ՝ քաղաքական նկատումներով:

Տիար Չօպանեան. Տիար Ներսիսի կարծիքը nuance-ով մը կը տարբերէր Պատուիրակութեան միւս անդամներուն կարծիքէն: Այսինքն, կը փափաքէր, որ Փաշան ըլլայ ո՛չ թէ կառավարութեան պետ, այլ՝ արտաքին գործոց նախարար: Այս կարծիքը ինծի առաջին անգամ յայտնած է Պատուիրակութեան մէջ:

Տիար Վահան Թեքեան. Բացի կառավարութեան պետի տեսակետէն, Ազգ. Պատուիրակութիւնը նկատի առաւ նաեւ կառավարութեան կազմութեան խնդիրը: Ազգ. Պատուիրակութիւնը կ'ուզէր, որ կառավարութիւնը կէս առ կէս տաճկահայ եւ ռուսահայ տարրերէ կազմուած ըլլայ, այսինքն՝ 4 թրքահայ նախարար եւ չորս ռուսահայ նախարար, որոնցմէ զատ պատերազմական նախարար պիտի անուանուէր ռուսահայ բարձրաստիճան սպայ մը: Ազգ. Պատուիրակութիւնը, բացի կառավարութեան այս հատուածական կազմութեան տեսակետէն, նկատի առաւ նաեւ կառավարութեան կուսակցական կազմութեան տեսակետը: Մայիս 28-ի ակտին հրատարակութենէն անմիջապէս վերջ երեւանի կառավարութիւնը, որ նախապէս խառն կառավարութիւն մըն էր, այդ ակտին դէմ իբր բողոք, ժողովրդական Կուսակցութեան անդամ նախարարներուն հրաժարելովը վերածուած էր ամբողջովին միատարր Ղաշնակցական կառավարութեան մը: Ազգ. Պատուիրակութիւնը, միացման մասին մտածած պահուն՝ պարտաւոր էր նկատի առնել նաեւ կազմուելիք կառավարութեան մասնակցութիւնը ոչ-Ղաշնակցական կուսակցութեանց, մասնաւորապէս Կովկասի ժողովրդական Կուսակցութեան, որ նախորդ խառն դահլիճին մէջ կէս առ կէս համեմատութեամբ մասնակցութիւն ունէր եւ քաջուած էր ճիշդ արեւմտահայոց իրաւունքներուն Մայիս 28-ի ակտով ոտնակոխ ըլլալուն պատճառաւ: Ազգ. Պատ.-թիւնը Զանր. Պատուիրակութեան հետ իր բանակցութեանց միջոցին արդէն յայտնած էւ, ըստ Տոքթ. Նելրուզի վկայութեան, Պ. Ահարոնեան եւս ընդունած էր, որ կազմուելիք 9 անդամով դահլիճին 2 ռուսահայ եւ թրքահայ անդամները ըլլան Ղաշնակցական, մնացեալ հինգ անդամներէն 2-ը ըլլան ռուսահայ ժողովրդական, 2-ը թրքահայ եւ ոչ-Ղաշնակցական, իսկ պատերազմական նախարարը, երկու կողմերու հաւանութեամբ նշանակուելիք՝ անկուսակցական զօրավար մը: Այս վերջին կարգադրութիւնը պիտի ըլլար այն մտածմամբ, որ ազգը տակաւին ամբողջութեամբ իր կամքը յայտնած չէր, թէ անպատճառ կը նախընտրէ սա կամ նա կուսակցութիւնը: Իսկ պատերազմական նախարարին անկուսակցական ըլլալու պայմանն ալ դրուեցաւ այն կանխատեսութեամբ, որ Զայաստանի բանակը կուսակցական վէճերու թատր չդառնայ եւ նուիրուի զուտ Զայրենիքի պաշտպանութեան: Արդէն պատերազմական նախարարը, նախորդ խառն դահլիճին մէջ ալ նոյն նկատուով անկուսակցական զինուորական մըն էր: Վերջին պահուն, մեր մեկնելէն առաջ, Ազգ. Պատուիրակութեան մէջ մտածուեցաւ, թէ քանի որ դահլիճին անդամներուն բոլոր մնացեալ մասը կուսակցականներէ պիտի բաղկանայ, թրքահայ ոչ-Ղաշնակցական երկու նախարարներն ալ, որ լաւագոյն է որ ըլլան ժողովրդական Կուսակցութեան անդամ նախարարներու նման, նոյն հոսանքին մօտ, այսինքն ոչ-ընկերավարական եւ ազգայնական ուղղութեամբ կուսակցականներ: Այս ուղղութեամբ գործող թրքահայ երկու կուսակցութիւններ գոյութիւն ունէին, մէկը՝ Վերակազմեալ Զնչակեանները եւ միւրը Ռամկավարները:

Նկատելով, որ Վեր. Զնչակեանները յայտնի ոյժեր չունէին ո՛չ այստեղ եւ ո՛չ ալ Կովկաս, որոշուեցաւ վերոյիշեալ առժամեայ խառն դահլիճին թրքահայ ոչ-Ղաշնակցական անդամները առաջարկել Ռամկավար Կուսակցութենէ:

Տիար Թերզիպաշեան. Ես կը կարծեմ, որ Տիար Թեքեան փոքրիկ շեղում մը կ'ընէ: Ռամկավարներու անունով չէր կրնար կտրուկ պայման մը եղած ըլլալ, քանի որ վերջէն իմացանք, թէ նախարարական պաշտօնի համար առաջարկ եղած է Տիար Նորատունկեանի եւ Տիար Ոսկան Մարտիկեանի նման անձնաւորութեանց, որոնք չեն պատկանիր Ռամկավար Կուսակցութեան:

Տիար Վահան Թեքեան. Ասիկա հարկադրիչ պայման մը չէր: Նկատելով, որ նախարարներուն մնացեալ կէսը կուսակցական տիսիբլիսի տակ գտնուող անձերէ պիտի բաղկանար, մեր մեկնելէն առաջ Պ. Պապաջանեանի ներկայութեան զուարուած Պատուիրակութեան վերջին միտին մէջ յարմար նկատուեցաւ, որ մեր ներկայացնելի նախնական պայմաններուն մէջ ոչ-Ղաշնակցական տաճկահայ

անդամները նոյնպէս կուսակցական տիսիբլիսի ենթակայ եղող Ռամկավարներ ըլլային: Մասնաւոր թէ խառն դահլիճին նպատակներէն մէկն ալ կուսակցական համերաշխութիւն եւ գործակցութիւն ստեղծելն էր: Արդէն, ինչպէս պիտի տեսնուի մեր գրաւոր առաջարկներուն ընթերցումէն, միայն մեկ անգամ գործածուած է «Ռամկավար» անունը տաճկահայ ոչ-Ղաշնակցական նախարարներու համար, եւ անկէ վերջ յիշուած է «թրքահայ ոչ-Ղաշնակցական» բացատրութիւնը: Այս կէտը վերջէն շեշտուած է նաեւ բանակցութեանց արդէն պատրաստուած ատենագրութիւններու մէջ, ի պատասխան Ղաշնակցական բանակցողներու այն առարկութեան, թէ մեր բանակցութիւնները կ'ուզէինք կուսակցական հողի վրայ կատարել:

Տիար Տէր-Ստեփանեան. Այս մասին երեւանի մէջ ալ Պ. Թեքեանի անհամաձայն էի եւ կ'ուզեմ պարզել թէ ինչո՞ւ: Պատուիրակութեան որոշումը՝ միացեալ կառավարութեան տաճկահայ անդամներու մասին, այսինքն 2 Ղաշնակցական եւ 2 ոչ-Ղաշնակցական ըլլալն այնքան ճիշդ է, որ մեր հրահանգներուն մէջ ալ ատիկա որոշապէս գրուած էր: Իրաւ է, որ մեր երեւան մեկնելէն մէկ-երկու օր առաջ, միտին մը մէջ, որուն ես ալ ներկայ էի, մէկ հոգիի կողմէ կարծիք յայտնուեցաւ, որ ոչ-Ղաշնակցականները պէտք էր նմանապէս կուսակցական տիսիբլիսի ենթակայ անձեր ըլլային, բայց ռեւէ որոշում չառնուեցաւ: Ուրիշ ապացոյց մըն ալ այն հանգամանքն է, որ երբ Պատ.-թիւնը ստացած է երեւանի մեր ուղղած հեռագիրը՝ կառավարութեան ոչ-Ղաշնակցական անդամներուն նշանակումը փութացնելու մասին, դիմած է Պատրիարքարան, որպէսզի Պոլսէն երկու ձեռնհաս անձերու դիմում ըլլայ այդ նպատակով:

Տիար Ա. Զօպանեան. Ես ներկայ չեմ գտնուած Ազգ. Պատուիրակութեան այն նիստին, որուն մէջ որոշուէր է «ոչ-Ղաշնակցականի» տեղ «Ռամկավար» բառը դնել: Եթէ ներկայ եղած ըլլայի՝ ատոր համաձայն չպիտի ըլլայի:

Տիար Վ. Թեքեան. Երեւան հասնելով՝ ներկայացանք, ինչպէս մեր պաշտօնն էր, նախարարապետ Պ. Խատիսեանին, որ ըսաւ, թէ ինք ձեռքէ եկածը պիտի ընէ անպատճառ համաձայնութեան մը գալու համար, եւ թէ չի կարծեր, որ էական տարբերութիւններ գոյութիւն ունենան մեր եւ իրենց տեսակետներուն միջեւ: Այդ առաջին տեսակցութեան մէջ բերանացի եւ համառօտ կերպով յայտնեցինք մեր պահանջներուն գլխաւոր գիծերը: Պ. Խատիսեան առարկութիւն ըրաւ միայն կառավարութեան գլուխը Ազգ. Պատուիրակութեան Նախագահը դնելու առաջարկին դէմ, յայտնելով, որ ատիկա անկարելի պիտի ըլլայ ընդունիլ տալ: Ասիկա զիտցանք առաջին վարկեանին: Պ. Խատիսեան նոյն ատեն կարծիք յայտնեց, թէ փոխանակ վարչապետի տիտղոսին, կարելի էր Պօղոս Փաշա Նուպարը Զանրապետութեան նախագահ կամ Զանր. գերագոյն ներկայացուցիչ անուանել, ինչպէս Պ. Ժորդանիա՝ «Վրաստանի Զանրապետութեան գերագոյն ներկայացուցիչ» տիտղոսը կը կրէր: Պ. Խատիսեան յայտնեց նոյնպէս, թէ մեզի հետ բանակցելու համար Ղաշնակցութեան նոյն միջոցին զուարուած Ընդհանուր Պատգմ. ժողովը պիտի նշանակէր իր ներկայացուցիչները: Պատասխանեցինք, որ մենք եկած ենք կառավարութեան իրաւէրին եւ նոյն ինքն Պ. Խատիսեանի հեռագրին համաձայն՝ կառավարութեան հետ բանակցելու, որով եթէ կուսակցութիւնն ան ընտրէր բանագնացները, զանոնք պիտի նկատէինք ներկայացուցիչները կառավարութեան, որ անշուշտ ուղղակի իր անդամներէն ալ բանագնացներ պիտի կարգէր: Այս կէտը նոյն պահուն առկախ մնաց: Յետոյ դահլիճը ամբողջական միստ մը զուարեց, որուն առջեւ հրաւիրուեցանք պարզելու Ազգ. Պատուիրակութեան պայմանները: Այդտեղ միայն լուսաբանութիւններ խնդրուեցան մեզմէ, զոր տուիմք առանց եւթեան մասին վիճաբանութեան մտնելու: Մինչեւ բանագնացներուն նշանակումը՝ երկու շաբաթ ժամանակ անցաւ, եւ մենք երկիցս բերանացի ու գրաւոր խնդրեցինք Պ. Խատիսեանէ, որ փութայ մեզ յարաբերութեան դնել իրենց բանագնացներուն հետ: Վերջէն հասկցանք, թէ ի՞նչ էր այս յապաղման պատճառը: Փարիզէն մեկնելէն շաբաթ մը վերջ՝ Պ. Ահարոնեան երեւան

դրկած էր Պ. Բրոֆ. Խաչատրեանը, անդամ Ազգ. Համագումարի: Բրոֆեսորին հանդիպեցանք Պոլիս, մեր մեկնած օրը, եւ միասին ճանապարհեցինք մինեւ թիֆլիս: Ինք, ընտանեկան պատճառներով մնաց այնտեղ 10-12 օր: Պ. Ահարոնեանի կողմէ իրեն տրուած նամակ մը հասցուցած էր Երեւան, մեր ժամանումէն քիչ վերջ, բայց կը սպասէին նաեւ իր Երեւան ժամանման, լսելու համար իր բերանացի տալիք հրահանգները եւս: Այս էր պատճառը, որ բանակցութեանց բացումը ուշացաւ: Ի վերջոյ՝ Պ. Խատիսեան մեզ հրաւիրեց եւ ծանոյց, թէ Դաշնակցութեան Ընդհ. Պատգւ. Ժողովը ընտրած է երեք բանագնացներ՝ Պ. Պ. Սիմոն Վրացեան, Մարտիրոս Յարութիւնեան եւ Պոլսոյ «Ճակատամարտ» թերթի խմբագիր Շաւարշ Միսաքեան: Պ. Խատիսեան խնդրեց մեզմէ, որ չպնդենք բանագնացներուն ուղղակի կառավարութեան ներկայացուցիչ համարուելու հանգամանքին վրայ, աւետելով, թէ ինք պիտի նախագահէ առաջին նիստին եւ պիտի յայտնէ, որ մեր կնքելիք համաձայնութիւնը կառավարութիւնը իրեն համար պարտադրիչ կը նկատէ եւ կը վստահեցնէ, թէ խորհրդարանն ալ պիտի վաւերացնէ զայն: Միւս կողմէ, այդ բանագնացներն ալ, Պ. Խատիսեանի տուած հաւաստիքին համաձայն, երբեք խնդրոյ առարկայ չպիտի ընդին Ազգ. Պատուիրակութեան՝ թրքահայոց ներկայացուցիչ ըլլալու հանգամանքը, ինչպէս նաեւ մեր՝ Ազգ. Պատուիրակութեան հարազատ ներկայացուցիչը եւ բանագնացները ըլլալու հանգամանքը: Այստեղ պէտք է յայտնեմ, թէ Ազգ. Պատ. - փիւնը երբ Պ. Տէր-Ստեփանեանը եւ զիս Պատուիրակ նշանակեց, խորհեցաւ իբրեւ երրորդ անդամ Կովկասի մէջ առաքելութեան աւելցնել Պ. Սամսոն Յարութիւնեանը: Այս որոշման տեղի տուող նկատումը սա էր, որ Պ. Սամսոն Յարութիւնեան ո՛չ միայն ծանօթ էր տեղական պայմաններուն, այլ եւ վարիչներէն մէկն էր ժողովրդական Կուսակցութեան որ կատարուելիք բանակցութեանց հետեւանքով անդամներ պիտի տար կազմուելիք խառն դահլիճին, ինչպէս արդէն Մայիս 28-էն առաջ կէս առ կէս համեմատութեամբ կը մասնակցէր դահլիճին եւ Պ. Սամսոն Յարութիւնեան եւս նախարարական պաշտօն մը ունէր նոյն դահլիճին մէջ: Պ. Սամսոն Յարութիւնեանի հաւանութիւնը ստանալէ վերջ, յայտնեցինք մեր առաքելութեան իր անդամակցութիւնը Պ. Խատիսեանի, որ ռեւ առարկութիւն չըրաւ: Ասոնք կ'ըսեմ, որովհետեւ մասնակի մէջ՝ խորհրդարանի անդամ թրքահայ Դաշնակցականի մը կողմէ խիստ դիտողութիւններ հրատարակուեցան թէ՛ Ազգ. Պատուիրակութեան՝ ամբողջ թրքահայոց ներկայացուցիչը ըլլալու եւ թէ՛ մեր երեք հոգիէ բաղկացած առաքելութեան՝ Ազգ. Պատուիրակութեան հարազատ ներկայացուցիչը ըլլալու հանգամանքին դէմ: Պ. Խատիսեանի տուած հաւաստիքը, թէ Դաշնակցական բանագնացները բանակցութեանց ընթացքին պիտի չանդրադառնան այս կէտերու մասին, մեզի տրուած երաշխաւորութիւն մըն էր ընդդէմ վերոյիշեալ առարկութիւններուն: Բայց, քիչ մը վերջ՝ ընելիք ընթերցումներնէս պիտի տեսնուի, որ տրուած այս պայմանը չյարգուեցաւ նոյն ինքն բանագնացներուն կողմէ, երբ բանակցութիւնները յանգեցան այնպիսի կէտի մը, ուրկէ անդին նոր զիջումներով հասկացողութեան մը գալ անկարելի կ'երեւար: Ինչպէս կ'երեւայ երկու կողմի բանագնացներու կազմութենէն, մեր առաքելութեան երեք անդամներէն մէկը ռուսահայ մըն էր եւ միւս կողմի երեք բանագնացներէն մէկն ալ՝ թրքահայ մը:

Ահաւասիկ հիմա այն նախնական առաջարկներուն ծրագիրը, զոր դահլիճին փափաքին համաձայն, մեր առաջին տեսակցութիւններէն վերջ՝ զրաւոր դրկեցինք, եւ զոր դահլիճն ալ յանձնած էր նախ Դաշնակցութեան Ընդհ. Պատգւամատրական Ժողովին, որ, իր կարգին, յանձնեց էր զայն իր նշանակած բանագնացներուն: Մեր բանակցութիւնները սկսան կատարուիլ այս նախնական պայմաններու ծրագրին վրայ:

### Ծրագիր N 1

Տիար Վ. Թէքեան. Մեր առաջին նիստին մէջ, ըստ Պ. Խատիսեանի նախապէս տուած խոստման, ինքը՝ Պ. Խատիսեան, իբրեւ նախագահ ըրաւ հետեւեալ

յայտարարութիւնը, զոր նոյնութեամբ կը կարդամ այդ առաջին նիստի ատենագրութենէն:

### Ատենագրութիւն N 2 «Վարչապետը նիստը բացեց»

Տիար Վ. Թէքեան. Ասիկա միանկ առաջին նիստին ատենագրութիւնն է: Եթէ ժողովը փափաքի՝ կարդամ նաեւ միւս ութ նիստերուն մասին ալ կազմուած ատենագրութիւնները:

Հայներ. Հարկ չկայ. միայն պատմեցէ՛ք իրողութիւնները:

Տիար Վ. Թէքեան. Մեր առաջարկներուն բոլոր կէտերուն վրայ երկար վիճաբանութիւններ եւ մեր կողմէ եղած կարեւոր զիջումներ վերջ, հասանք այնպիսի կացութեան մը, ուրկէ անդին այլեւս բանակցութիւնները կարելի չէր առաջ մղել: Այդ նիստին մէջ, որ կացութիւնը այս կէտին հասաւ՝ կը բացակայէր Պ. Վրացեան: Երկրորդ բանագնաց Պ. Մարտիրոս Յարութիւնեան խօսք առաւ եւ ըրաւ այնպիսի յայտարարութիւններ, որոնք ո՛չ միայն իրենց վերջնական պայմանները կը ներկայացնեն, այլեւ անոնց ընդունելութիւնը մեզի հարկադրելու դիտումով խնդրոյ առարկայ կը դարձնէին Ազգ. Պատուիրակութեան եւ մեր առաքելութեան իրաւասութիւնները, հակառակ Պ. Խատիսեանի կանխաւ այդ մասին մեզի տուած բացարձակ հաւաստիքին: Պահանջեցինք, որ այդ առաջարկները եւ դիտողութիւնները զրաւոր յանձնուին մեզի, որպէսզի կարենայինք բանակցութիւնները շարունակել: Ահաւասիկ այդ գիրը՝ ստորագրուած երեք բանագնացներուն կողմէ.

### N 3

#### Վրացեան-Յարութիւնեան-Միսաքեան

Տիար Վ. Թէքեան. Թէ՛ այս նիստին զումարուած միջոցին, եւ թէ՛ վերոյիշեալ գրութեան մեզի յանձնուած օրը վարչապետ Պ. Խատիսեան բացակայ էր Երեւանէն՝ իր պաշտօնին բերումով: Երբ վերոյիշեալ գրութիւնը ստացանք՝ իսկոյն պատրաստեցինք մեր պատասխանը, զոր նոյնպէս դրկեցինք զրաւոր Պ. Խատիսեանի, անմիջապէս երբ Երեւան դարձաւ, իրեն ուղղուած նամակով մը որուն մէջ կը յայտնէինք մեր զարմանքը՝ յարուցուած միջադէպին մասին, եւ այն անել դրութիւնը, որուն մատնուած էին բանակցութիւնները՝ այդ միջադէպին պատճառաւ: Ահաւասիկ Տիար Խատիսեանի դրկուած մեր պատասխանագիրը.

### N 4

#### Թէքեան-Յարութիւնեան-Տէր-Ստեփանեան

Տիար Վ. Թէքեան. Այս նամակին իր առաջին արդիւնք՝ Պ. Խատիսեան Երեւան դառնալուն պէս հրաւիրեց մեզ իր մօտ եւ յայտնեց, թէ շատ չնչին տարբերութիւն մը միայն պատճառ եղած է մեր բանակցութեանց ընդհատման եւ թէ ինք կը յուսայ, որ փոխադարձ զիջողութեամբ կարելի պիտի ըլլայ հարթել այդ անհամաձայնութիւնը, ինչպէս որ նոյն մտքով արդէն խօսած է Պ. Վրացեանի: Գալով յարուցուած իրաւասութեան վեճին, ցաւ յայտնեց, որ հակառակ իր բացարձակ յայտարարութեան ու խոստումին, այդ կարգի միջադէպ մը ստեղծուած էր, եւ նոյնպէս ծանոյց, թէ այդ մասին եւս ինք պէտք եղածը կարգադրելու ? է: Պ. Խատիսեան աւելցուց, թէ մէկ-երկու օրէն իր նախագահութեամբ նիստին պիտի հրաւիրէ երկու կողմերը: Մինչ այդ՝ ստացանք Պ. Վրացեանի հետեւեալ պատասխանագիրը մեր ուղղած նամակին, զոր Տիար Խատիսեան իրենց հաղորդած էր.

**N 5  
Վրացեանի նամակը**

Տիար Վ. Թէքէան. Երբ Պ. Խատիսեանի խոստման համաձայն՝ իրեն հետ մեր տեսակցութենէն յաջորդ օրն իսկ գումարուեցանք, դժբախտաբար Պ. Խատիսեան միայն մենք պահանջեց զիջողութեան, հակառակ որ մինչեւ այն ատեն արդէն բոլոր զիջողութիւնները մեր կողմէ միայն կատարուած էին: Կը պահանջէին մասնաւորաբար, որ կառավարութիւնը կազմուի 9 կամ 11 անդամի վրայ, 5 կամ 6 Դաշնակցական նախարարներով: Պորտֆելներու մասին կը պահանջէին, բացի նախարարապետէն, ներքին գործոց, աշխատանքի ու երկրագործութեան նախարարները, որ պատերազմական նախարարն ալ իրենց կողմէ ներկայացուի եւ ըլլայ ի հարկին նոյնիսկ ոչ-զինուորական մը: Գալով արտաքին գործոց նախարարին, թեւ ընդունած էին, որ Պօղոս Փաշան՝ իբր Պատ.-եան Նախագահ ունենայ նաեւ արտաքին գործոց նախարարի հանգամանքը: Բայց երբ հարցուցինք, թէ Երեւանի դահլիճին մէջ աթոռ ունենալիք իր փոխանորդը կ'ընդունի՞ն որ ոչ-Դաշնակցական մը ըլլայ, միակ պատասխանը որ ստացանք՝ Պ. Մարտիրոս Յարութեանի պատասխանն էր. «Ո՛չ, արտաքին գործոց նախարարի փոխանորդն ալ կ'ուզենք, որ մեր կողմէ ներկայացուի»: Իրաւ է, թէ յաջորդ եւ վերջին նիստին՝ այդ նիստին ատենագրութեան ընթացման պահուն Պ. Վրացեան ըսաւ, թէ ատիկա Պ. Մարտիրոս Յարութեանի անձնական կարծիքն է եւ թէ կրնայ մտածուիլ այդ մասին, բայց այդ վերջին պահուն իսկ, հակառակ մեր պնդումին, չյայտարարեցին, թէ կ'ընդունին արտաքին գործոց նախարարի իրական պաշտօնը վարելու կոչուած, Երեւան մնացող փոխանորդին ոչ-Դաշնակցական մը ըլլալը: Պատուիրակութեան կազմին նկատմամբ անհամաձայնութիւն չկար, քանի որ կ'ընդունէին Պօղոս Փաշա Նուպարի նախագահութիւնը եւ անդամներու հատուածական ու կուսակցական համեմատութեան վերաբերող մեր պայմանները: Բայց, այս համամտութիւնը ռեւէ լուրջ երաշխիք մը չէր ներշնչեր, քանի որ իրենց պահանջմամբ Պատ.-թիւնը ամեն կերպով ենթակայ կը մնար կառավարութեան եւ խորհրդարանին որոշմանց, որոնք կրնային առ նուազն այնպիսի հրահանգներ տալ, զորս կարելի չըլլալով գործադրել, Պատ.-թիւնը պիտի ստիպուէր հրաժարի: Մեր սկզբնական պահանջն էր Պատուիրակութեան ապահովել գործունէութեան որոշ անկախութիւն մը, իբրեւ աւելի մօտէն տեղեակ Խաղաղութեան Համաժողովին աշխատութեանց եւ քաղաքական կազմութեան: Բայց այդ պայմանը երբեք կարելի չէղաւ ընդունիլ տալ: Գալով խորհրդարանին, մինչեւ անոր ամբողջացումը դադար տալու առաջարկը, զոր ըրած էինք՝ ընդունուեցաւ անոնց կողմէ, կարգ մը առարկութիւններով, որոնց պատասխանները մեր վերջնական պայմանները պարունակող գրութեան մէջ քիչ վերջը պիտի տեսնէք:

Միացման յայտարարութեան մասին եւս կատարեալ համաձայնութիւն չգոյացաւ, ըստ որում՝ Փարիզէն մեզի տրուած վճռական հրահանգին համաձայն, պայման կը դնէինք, որ թրքական Հայաստանը իր անկախութիւնը հռչակած եւ իր կառավարութիւնը կազմած նկատուելէն վերջ, ռուսական Հայաստանը իր կառավարութեամբ միացած հռչակուի անոր: Այդ նիստին պահանջեցին մենք, որ Պ. Պ. Վրացեանի, Մար. Յարութեանի եւ Միսաքեանի ստորագրութեամբ նախապէս մեզի ուղղուած Նոյեմբեր 4 թուակիր նամակին պայմաններուն նկատմամբ մեր վերջնական պատասխանը գրաւոր հաղորդենք: Այդպէս ալ ըրինք եւ իրենց ուղղեցինք հետեւեալ նամակը, որ կը պարունակէր մեր վերջնական պայմանները, եւ, ինչպէս պիտի տեսնուի, շատ մեծ զիջողութիւններ կ'ընէր մեր ներկայալուցած սկզբնական առաջարկներուն վրայ:

**N 6  
Թէքէան-Ստեփանեան-Յարութեան**

Տիար Վ. Թէքէան. Այս նամակը դրկելէ ետք, գումարուեցաւ վերջին նիստը, որուն մէջ յայտարարեցինք, թէ կը ցաւինք, որ հակառակ մեր բովանդակ բարեկամեցողութեան եւ զիջումներուն, անկարելի եղաւ համաձայնութեան մը գալ եւ թէ մեր պաշտօնը լրացած նկատուով՝ կը վերադառնանք Փարիզ՝ համար տալու Ազգ. Պատուիրակութեան, որուն կը մնայ վերջին խօսքը ըսել: Այդ նիստին մէջ որոշուեցաւ, որ բանակցութիւնները վերջնականապէս խզուած չնկատուի, այդ մասին լրագրական թեր եւ դէմ հրատարակութիւններ չընել: Այդ պայմանը դժբախտաբար չյարգեցին ո՛չ Թիֆլիսի մէջ եւ ո՛չ ալ Պոլիս, ինչ որ ստիպեց մեզ ալ, հրապարակաւ կարգ մը ճշդումներ ընելու:

Տիար Բրօֆ. Թումայեան. Քիչ առաջ կարդացուած ձեր վերջնական պայմաններուն մէջ ըսուած է, թէ ընկերային բարենորոգումներու վերաբերող որոշումները 2/3-ի մեծամասնութեամբ պէտք է կայացուին: Արդեօք Տիար Թէքէան կրնա՞յ ըսել, թէ ի՞նչ ընկերային բարենորոգումներ կատարուած են արդէն կամ կատարելու դիտում ունի կառավարութիւնը:

Տիար Թէքէան. Օրինակի համար՝ կառավարութիւնը խորհրդարանին քուէարկել տուած է եղեր արդէն հողային գրամանց վերաբերող օրենք մը: Մեր այնտեղ գտնուած միջոցին օր մը՝ Դաշնակցական երեսփոխան մը հարցապնդում ըրաւ կառավարութեան, թէ ինչո՞ւ այդ օրենքը գործադրութեան չէ դրուած էջմիածնի հողերուն համար: Նախարարը ի պատասխան կարդաց ցուցակ մը 30-է աւելի հողի գրամանց, որոնց մէջ մէկ կտոր ալ էջմիածնայ հողերն է: Բայց հարցապնդող երեսփոխանը, յայտնելով, թէ էջմիածնի սեփական ուրիշ բազմաթիւ հողեր գրաւուած չեն տակաւին, պահանջեց, որ անոնք ալ գրաւուին: Նախարարը ըսաւ, թէ գյուղացիները իրենց սեփականութիւնը եղող հողերն իսկ չեն կրցած մշակել՝ սերմնացու չունին աշնան համար, ինչ որ ինծի թոյլ կու տայ հետեւցնելու, թէ կառավարութեան քով պատրաստականութիւնը չպիտի պակսի այդ օրենքը գործադրելու:

Տիար Թումայեան. Անշուշտ էջմիածնայ սեփական հողերն ալ այդ օրենքին ենթակայ են միւսներուն պէս:

Տիար Թէքէան. Անշուշտ:

Տիար Թումայեան. Էջմիածին ի՞նչ կը խորհի այդ մասին:

Տիար Թէքէան. Որչափ որ գիտեմ՝ էջմիածնայ մէջ դժգոհ են այդ մասին: Ահա այս կարգի երեսոյթներու առջեւ է, որ ընկերային բարենորոգմանց մասին տրուելիք որոշումները ուզեցինք, որ կառավարութիւնը իր Դաշնակցական մեծամասնութեամբ միայն չկարողանայ ի գլուխ հանել եւ պայման դրինք 2/3-ի մեծամասնութեան անհրաժեշտութիւնը այդպիսի պարագաներու համար:

Մեր մեկնելէն վերջն է որ Պ. Խատիսեան Ազգ. Պատուիրակութեան Նախագահին ուղղած նամակով յայտնած է կառավարութեան վերջնական պայմանները, որոնք նոյնն են ինչ որ մեր բանակցութեանց վերջնապէս մեզի ծանօթ էին. Ահաւասիկ այդ նամակը.

**N 7  
Խատիսեանի նամակը**

Տիար Վ. Թէքէան. Ազգ. Պատ.-թիւնը այս նամակը ստացած էր իմ Փարիզ հասնելէն առաջ, եւ ինչպէս անցեալներս առիթ ունենայ ըսել, որ Խաղաղութեան Համաժողովին կողմէ Թուրքիոյ դաշնագրին մօտալուտ յանձնումին պահուն միակ Պատուիրակութեան մը գոյութեան անհրաժեշտութիւնը նկատուի ունենալով, ու միւս կողմէ՝ անգլիական պատուիրակութեան ծանօթ մէկ անդամին կողմէ այդ նպատակով



եղած կոչին առջեւ, որոշած է ընդունիլ Տիար Խատիսեանի նամակով առաջարկուած պայմանները, եւ ըստ այնմ՝ Պատուիրակութեան Նախագահ Պօղոս Փաշա Նուպար հետեւեալ հեռագիրը դրկած է Տիար Խատիսեանի.

**N 8**  
**Հեռագիր Պօղոս Փաշայի**

Տիար Վ. Թէքեան. Նոյնիմաստ հեռագիր մըն ալ Ազգ. Պատ.-թիւնը դրկած է Պ. Սամսոն Յարութիւնեանի, զինքը եւ Պ. Արշալոյս Մխիթարեանը իր կողմէ ներկայացուցիչ կարգելով միացման գործին համար: Պ. Խատիսեանի տրուած հեռագրին պատասխան ստացուած չէ մինչեւ այսօր: Այս մասին կ'արժէ բացատրութիւն մը տալ: Ասկէ առաջ ըսի արդէն, թէ մեր Երեւան մեկնելէն շաբաթ մը վերջ Յանր. Պատ.-թիւնը հարկ համարած էր դէպի Երեւան ճամբայ հանել նաեւ Բոսֆ. Խաչատուրեանը, որոշ հրահանգներով: Բայց Բոսֆ. Խաչատուրեանէ գատ Փարիզէն Երեւան եկաւ նաեւ, երբ մենք այնտեղ էինք տակաւին, Տոքթ. Մանդինեան, որ զեկոյցներ տուած էր, ինչպէս լսեցինք, կառավարութեան, Դաշնակցական Ընդհ. Պատգմ. Ժողովին եւ էջմիածնի Միաբանութեան: Այս զեկոյցները մեր բանակցութեանց ընթացքին վրայ աննպաստ ազդեցութիւն մը գործեցին: Այս մասին անելի ստոյգ տեղեկութիւն մը ստացանք մեր մեկնումէն օր մը առաջ, Երեւանի Առաջնորդ Խորէն Եպիսկոպոսի՝ մեզի ի պատիւ տուած հաջկերոյթի մը միջոցին, որուն ներկայ էր նաեւ Տոքթ. Մանդինեան: Խորէն Եպիսկոպոս սեղանին վրայ, ակնարկելով մեր առաքելութեան ձախողանքին, խօսքն ուղղեց Տոքթ. Մանդինեանի եւ ըսաւ. «Բժիշկ, դո՛ւն պատճառ եղած ես այս բանակցութեանց ձախողանքին»: Բժիշկը պատասխանեց. «Լո՞ւրջ կ'ըսէք կոր»: «Այո՛, յարեց Եպիսկոպոսը, - քու հաղորդած զեկոյցներու զուր պատճառաւ»: Ատոր վրայ՝ Տոքթ. Մանդինեան ըսաւ, թէ ինք անձնապէս իր խօսքերովը չէր կրնար այդպիսի արդիւնք մը առաջ բերած ըլլալ, բայց հաւանական է, որ Պ. Ահարոնեանի կողմէ իրեն տրուած եւ իր Երեւան բերած թղթածրարը որոշ դեր մը խաղցած ըլլայ այդ ուղղութեամբ, որովհետեւ, անլցուց, «իմ մեկնած օրերուս» միացման խնդրի մասին տրամադրութիւնները փոխուած էին Յանր. Պատուիրակութեան մէջ»:

Ինչպէս կը տեսնուի՝ Երեւանի մէջ մեր ունեցած բանակցութեանց ելքին անյաջողութեան պատճառը պէտք է փնտռել այստեղ: Նոյնպէս՝ եթէ Պ. Խատիսեան կամ Յանր.-թեան կառ.-թիւնը անպատասխանի թողուցին իրենց իսկ ներկայացուցած առաջարկներուն հիման վրայ Ազգ. Պատուիրակութեան հետ միութեան կնքումը, պատճառը հետեւեալն է: Պ. Ահարոնեան երբ տեղեկութիւն ունեցած է Ազգ. Պատ.-փեան հեռագրէն, իսկոյն հեռագրած է Երեւան, թէ Պ. Օհանջանեան ճամբայ կ'ելլէ Փարիզէն եւ յանձնարարած է, որ մինչեւ անոր Երեւան հասնիլը ռեւէ ձեռնարկ չընեն: Ասիկա ցոյց կու տայ, որ ինչպէս մեր կատարած բանակցութիւններուն ընթացքին, նոյնպէս այստեղէն դրկուած վերջին հաւանութեան հեռագրին ընդունելութեան առթիւ, դժուարութիւնը յարուցուած է Փարիզէն: Համագումարը պէտք է գիտնար, թէ ինչո՞ւ եւ ինչպէ՞ս մինչեւ այսօր կը շարունակեն երկու անջատ Պատ.-թիւններ գոյութիւն ունենալ:

Տիար Տէր-Ստեփանեան. Քանի որ Պ. Օհանջանեանի մեկնման նպատակին մասին խօսք եղաւ, օգտակար կը նկատեն յայտնել, թէ ի՞նչ անցաւ Միացեալ Պատուիրակութեան այն միտման մէջ, որ Ազգ. Պատ.-թիւնը հաղորդեց Յանր. Պատուիրակութեան՝ Պ. Խատիսեանի առաջարկները ընդունած ըլլալը: Պ. Ահարոնեան, որ տարի է մը ի վեր միացման առաքեալ եղած էր այստեղ, կը սպասէինք, որ ուրախանայ, բայց պար ու շփոթ պատասխան մը տուաւ եւ, ի միջի այլոց, ըսաւ, որ անշուշտ դուք զանազան ժողովներ ըրած էք այսպիսի որոշում մը տալու համար, հետեւաբար, պէտք է որ ես ալ մեր պատգամաւորները հաւաքեն, որպէսզի որոշենք

մեր տեսակէտը: Ինչ որ ցոյց կու տայ թէ Պ. Ահարոնեան ինքզինքը առնուազն կառ.-թեան համագործ մարմինի մը գլուխ կը կարծէր: Ժողովին վերջն ալ երբ ոտքի ելէր էինք, ըսաւ, որ Երեւանի մէջ միայն կառավարութեան կազմութեան տեսակէտը նկատի առնուել է, եւ Պատուիրակութեան մասին հոգ չէ տարուել: Ասով ըսել կ'ուզէր, թէ Դաշնակցական մեծամասնութիւնը կառ.-թեան մէջ ապահովուած էր, մինչդեռ Պատուիրակութեան մէջ ոչ:

Տիար Տոքթ. Բարսեղեան. Ես սկիզբէն ներկայ չէի, բայց գալէս ի վեր քանի մը նօթեր առի եւ կ'ուզեմ մէկ-երկու դիտողութիւն ընել: Մէկը փաստացի բան մըն էր, կ'ուզէի որ ճշդուէր: Պ. Տէր-Ստեփանեան յայտարարել էր Երեւանի բանակցութեանց ընթացքին, թէ Համագումարը, միաձայնութեամբ Պատուիրակութեան նախագահ ընտրած է Փաշան: Մինչդեռ Համագումարը Փաշան ընտրած էր Պատուիրակութեան անդամ, եւ ոչ նախագահ: Ապահովաբար՝ այդ կերպ յայտարարուել էր, որոշ ազդեցութիւն գործելու համար:

Տիար Տէր-Ստեփանեան. Նախ՝ Երեւանի մեր բանակցութեանց ատենագրութիւնները թերի են. եւ յետոյ՝ իմ ըսածիս մէջ հիմնական սխալ մը չկայ, որովհետեւ՝ Պատուիրակութեան ընտրութեան միջոցին ամեն մարդ գիտէր Համագումարին մէջ Փաշան պիտի ըլլայ նախագահը:

Տիար Տոքթ. Բարսեղեան. Ուրիշ դիտողութիւն մը: Այստեղէն զացող առաքելութեան անդամները բանակցութեանց ընթացքին շատ անելի խիստ ոգի ցոյց տուած են, քան այնտեղիները: Եւ յետոյ՝ գերագոյն ներկայացուցչութեան հանգամանքը յատկապէս Փաշային անձին վրայ կեդրոնացնելու մտայնութիւնը չի պատշաճիր բնաւ այն ոգին, որ պէտք է տիրել բանակցութեանց մէջ: Միւս կողմէ՝ վստահութեան պակասը Տիար Թէքեանի ենթադրածին չափ փոխադարձ չէ եղած: Հասկնալի է, թէ Պ. Խատիսեան լոկ քաղաքավարութեան համար գործածած է «փոխադարձ» բառը. մինչդեռ ամեն բան ցոյց կու տայ, թէ զացողներն են, որ վստահութեան պակաս ունեցած են: Այստեղ՝ առաքելութեան անդամներուն, մասնաւորաբար Պ. Թէքեանի կողմէ եղած լրագրական հրատարակութիւնները պատճառ եղան, որ պատասխան չտրուի: Որովհետեւ Պ. Թէքեան ինքզինքին ներած էր գրելու Պոլսոյ մէջ, Երեւանէ վերադարձին, թէ «ինքզինքին հանդէպ յարգանք ունեցող կառ.-թիւն մը ինքը պէտք է բանակցելու եւ ոչ թէ ցոյց տար կուսակցութեան մը դուռը»:

Տիար Թէքեան. Իմ այդ յօդուածս գրուած է Պ. Շաւարշ Միսաքեանի՝ «Ճակատամարտ»-ի մէջ ըրած այն յայտարարութենէն ետք, թէ «ստիպ եւ յաւակնոտ առաջարկներով դարձուցած ենք միութեան յաջողութիւնը»:

Կարդացուեցաւ Տիար Թէքեանի Սահմանման Յանձնաժողովին 9-րդ առաջարկութիւնը՝ միացեալ կառավարութեան խնդրի մասին, որու նկատմամբ Յանձնաժողովին կողմէ չորս տարբեր կարծիքներ բերուած էին:

Տիար Արշակ Զօպանեան. Փաշան եւ Պ. Ահարոնեան այս միջոցիս խօսակցութեան մը մէջ են. տարակոյս չկայ, որ այս խօսակցութիւնը կը դառնայ երկու Պատուիրակութեանց յարաբերութեանց շուրջ: Այնպէս կը կարծեն, թէ բանաւոր է, որ իրենք ալ տեղեկութիւն ունենան, թէ այս տեսակ առաջարկութիւններ եղած են Համագումարին կողմէ, եւ այս տեղեկութիւնը պէտք է Փաշային տալ քուէարկել առաջ, որպէսզի գիտնայ, թէ ի՞նչ կը խորհի Համագումարը եւ ըստ այնմ իր կարծիքը յայտնէ: Միւս կողմէ՝ Համագումարն ալ պէտք է գիտնայ, թէ ի՞նչ կ'ընեն այդ բանակցութեանց մէջ: Կայ նաեւ սա պարագան: Պ. Խատիսեան Փարիզ գալու վրայ է. հետեւաբար՝ պէտք չունինք աճապարելու, եթէ կարելի ըլլար՝ լաւագոյն էր անոր ժամանման սպասել:

Տիար Հանրմեան. Դեռ Պոլիս անգամ հասած չէ:

Տիար Վ. Թէքեան. Եւ իբր վարչապետ ալ չի գար կոր: Լաւագոյն է քուէարկել այս առաջարկութիւնները: Տիար Բարսեղեանի եւ միւս կողմէ՝ Տիար Թեղապաշեանի

ու Տեր-Ստեփանեանի առաջարկութիւնները միայն Պատուիրակութեան մասին իրարմէ կը հեռանան, մինչդէռ կառավարութեան մասին համաձայն են իրարու: Ուրեմն, քուէարկութեան հիմնը կայ:

Տիար Բարսեղեան. Ես իմ առաջարկս իբր ամբողջութիւն մը կը նկատեմ. եթէ մէկ մասը չընդունուի՝ համամիտ չեն, որ միւս մասը քուէի դրուի:

Տիար Տեր-Ստեփանեան. Մենք ալ այդպէս:

Տիար Բարսեղեան. Միւս կողմէ՝ պէտք չեն տեսներ նախապէս Փաշային հաւանութեան ընթերցելու այս առաջարկութիւնը: Կա՛մ պէտք է քուէարկել, եւ կա՛մ՝ եթէ Փաշային պիտի դրկուի, պէտք է դրկել նաեւ Յանձնաժողովին միւս առաջարկութիւնները, որոնք քուէարկուեցան, բնականաբար՝ չեղեալ նկատելով քուէարկութիւնները:

Տիար Վ. Թէքեան. Համագումարը միաձայնութեամբ Փաշան ազատ թողած է, որ Պատ.-թիւնը կազմէ. հիմա ինչպէ՞ս կրնանք այդ ազատութիւնը ետ առնել՝ պարտադիր առաջարկութիւն մը ներկայացնելով:

Վսեմ. Տիար Գ. Նորատունկեան. Եթէ ժողովը ուզէ, թերես կարելի ըլլայ միաձայնութեամբ Պատուիրակութեան իրաւասութիւն տալ այս մասին, եւ խնդիրը կը փակուի:

Տիար Վ. Թէքեան. Կարծեմ ատով Համագումարը նուազեցուցած կ'ըլլայ իր հեղինակութիւնը:

Համագումարը ի վերջոյ որոշեց Փաշային ներկայութեան շարունակել Տիրէքթիւններու Յանձնաժողովին այս 9-րդ առաջարկութեան նկատառումը:

Տիար Արշակ Չօպանեան՝ հիմնուելով Վսեմ. Պօղոս Փաշա Նուպարի վերջին ցանկին այն պարբերութեան վրայ, որով կը յայտներ, թէ Պատուիրակութեան կազմութեան մասին կարգադրութիւն մը ընելու համար պիտի խորհրդակցի Համագումարի իր բարեկամներուն հետ, կրկնեց նախապէս ըրած առաջարկը, թէ Համագումարը, այդ ցանկով յայտնուած փափաքին համեմատ, իր մէջէն պէտք է պատգամաւորութիւն մը կազմէ՝ Փաշային հետ բանակցելու համար: Համագումարը անհետեւանք թողուց այս առաջարկը:

Նիստը փակուցաւ ժամը 7-ին:

ՀԱԱ, ֆ. -430, ց. 1, գ. 67, թթ. 1-24: Ձեռագիր: Բնագիր:

### Նիստ ԻԶ

30 Յունիս 1920, ժամը 4-ին,  
Նախագահութեամբ Վսեմ. Տիար Գ. Նորատունկեանի  
եւ Տիար Գ. Սինապեանի.

Ներկայ էին 18 պատգամաւոր՝

Ամեն. Դուրեան Արքեպիսկ., Բարսեղեան, Դաւիթ-Բէկ, Թէրզիպաշեան, Թէքեան, Բրօֆ. Թունայեան, Հանըմեան, Մալքոլմ, Սսըրլը Պէյ, Տոքթ. Ներուզ, Վսեմ. Գ. Նորատունկեան, Վսեմ. Պօղոս Փաշա Նուպար, Ռ. Որբերեան, Չօպանեան, Պզտիկեան, Սինապեան, Տէրպետրեան, Տեր-Ստեփանեան:

Նիստին ներկայ էր նաեւ Կիլիկիոյ Վեհ. Տ. Սահակ Կաթողիկոսը:

### Օրակարգ

#### 1. Վերակազմութիւն Ազգ. Պատուիրակութեան

#### ԱՏԵՆԱՎԱՆ ԳՈՐԾՈՂՈՒԹԻՒՆՆԵՐ

#### 1. Կիլիկիոյ կացութիւնը

Կարդացուեցան Որբախնամ Ընկերութեան Աղեքսանդրիոյ հատուածին Մայիս 12 եւ 14 թուակիր երկու ցանակները ուղղուած Ազգ. Պատուիրակութեան Վսեմ. Նախագահին եւ անոնց յարակից՝ Տիկին Ջապէլ Եսայեանի կողմէ, Ապրիլ 24-ին ու 25-ին Որբախնամ Ընկերութեան նոյն հատուածին ղրկուած երկու տեղեկագրերու պատճեններ, որոնցմով տեղեկութիւններ կու տար Կիլիկիոյ որբերու թիւին, դրութեան, փոխադրութեան եւ վտանգի ռուպէին Կիլիկիա մնացող որբերու պաշտպանութեան համար ձեռք առնուած միջոցներուն նկատմամբ: Կարդացուեցաւ նաեւ Տիկին Ջապէլ Եսայեանի կողմէ Մերսինէն Յունիս 1 թուականով Ազգ. Պատուիրակութեան Վսեմ. Նախագահին ուղղուած ցանակ մը, որուն մէջ մասնաւորաբար ծանուցանելով, որ եթէ դաշնագրին հիման վրայ Կիլիկիա թողուի թողուի եւ թուրք վարչութիւնը վերահաստատուի, իրեն համար այլեւս անկարելի պիտի ըլլայ իր պաշտօնին շարունակութիւնը, կը խնդրէ Ազգ. Պատ.-թեմէն, որ այն պարագային՝ իրեն տեղ՝ թուրք պաշտօնատարներու հետ յարաբերութեան մէջ մնալու կարող անձ մը նշանակէ:

Վսեմ. Պօղոս Փաշա Նուպար ժողովին հաղորդեց հետեւեալ հեռագիրը, զոր ամտուն և ստացած էր Փարիզի հեղինակներէն դեսպանատան միջոցաւ: Հեռագիրը Պատուիրակութեան ուղղուած էր Հանրապետութեան Պոլսոյ դիւանագիտական ներկայացուցիչ Տիար Թահթաճեանի կողմէ, եւ խմբագրուած էր Տիկին Ջապէլ Եսայեանի տուած տեղեկութեանց վրայ.

Կ. Պոլիս, 14/27 Յունիս 1920.

Կ'ուղղեմք հետեւեալ հեռագիրը /խնդրելով որ/ Հեղինակ դեսպանատուն, Փարիզ Ձեզի հետ Պատուիրակութեան /հաղորդէ/:

Տիկին Եսայեանի խնդրանքով կը հաղորդեմ հետեւեալը: Կը հաստատեմ ցանակները եւ հեռագիրները: Տամատեան ղրկեց տեղեկագրիները եւ վաւերաթուղթեր: Կացութիւնը հրատապ: Կիլիկիա գրաւուած քեմալիստներու կողմէ: Բոլոր դիրքերը առնուած կամ պարպուած են: Քրիստոնեայ ժողովուրդները եւ ֆրանսական ոյժերը կեղծոնացած են դաշտի երեք քաղաքներու մէջ՝ Մերսին յարձակման ենթարկուեցաւ, թշնամին ետ մղուեցաւ գրահաւորներու կրակով: Թարսուսի Ամերիկեան Միսիոնին պետը առեւանգուեցաւ իր կնոջ հետ: Կատարեալ համաձայնութիւն ֆրանսացուց եւ հայոց միջեւ Ամանոսի շրջանակին մէջ, որ միշտ պաշտպանողականի վրայ է: Հայկական ոյժերը յաջողութեամբ կը դիմագրաւեն կացութեան: Ատանայի մօտերը կռիւ տեղի կ'ունենայ: Քրիստոնեաները վրդովուած են Գերագոյն Խորհուրդին կողմէ պարպելու մասին տրուած որոշումէն: Անկարելի է համաձայնութեան գետին մը գտնել հայոց եւ թուրքերուն միջեւ: Փարիզէն լուր եւ հրահանգ չունենալով՝ դէպքերը յանկարծակիի բերին մեզ:

Հայ ժողովուրդին տրամադրութիւնները կռուելու կողմն են, բնաւ երբե՛ք համաձայնութեան գալու կողմը: Նախորդ ծանր դէպքերու հետեւանքով ո՛չ մէկ յոյս, ո՛չ մէկ վստահութիւն կայ քեմալիստներու մասին: Անել կացութիւն եթէ զինուորական օգնութեան չապահովուի: Անկարելի է ուրիշ միջոցով երաշխաւորել ապահովութիւնը: Դաշնագրին գործադրութիւնը անհնար է՝ առանց երրորդ տարրին՝ հայոց հետ համաձայնութեան: Կացութեան տէր չենք: Հայերը պատրաստ են յուսահատական որոշման մը դիմելու, եթէ անմիջական միջամտութիւն չըլլայ: Թահթաճեան հեռագրած էր արդէն Լառնաքայի օգնութեան կոչը: Յանկարծակիի եկած են եւ ընկճուած տիրէքթիւններէ ու հրահանգներէ զուրկ ըլլալուս: Շատ մեծ պատասխանատուութիւն մը կը ծանրանայ ամենուս ալ վրայ: Խնդրած էի Տամատեանէն, որ մեզի տեղեկացնէ

\* Մերսին, Թարսուս, Ատանա /վերջին առնուած տեղեկութեանց համեմատ/: Ծան. ընդօրինակողի:

անցումը: Ամհամբերութեամբ ձեր հեռագիրներուն կը սպասէր Կիլիկիա հաղորդելու համար: Կիլիկիոյ մասնաւոր Պատուիրակութիւնը կը ներկայացնէ նաեւ յոյն հասարակութիւնը: Շատ օգտակար պիտի ըլլար, եթէ դիմէիք նաեւ Պ. Վեհիգելոսի: Թահթաճեան»:

Տիար Զ. Պատուիրակութեան. Երկ տեսակցութիւն մը ունեցանք զնոյապետ Նորմանի հետ որ, ինչպէս ծանօթ է ձեզի, Կիլիկիայէն կու գայ եւ մօտէն տեղեակ է այնտեղի անցումը: Մեր տեսակցութեան ընթացքին յայտնի եղաւ, թէ Արտաքին գործոց Նախարարութեան մէջ այս միջոցիս տիրապետող կարծիքը սա է, որ պիտի ստիպուին պարպել Ատանան: Ֆրանս. կառավարութիւնը ոյժերու կեդրոնացում մը անհրաժեշտ կը դատէ, եւ այդ կեդրոնացումը պիտի ըլլայ Սուրիոյ մէջ: Ըսի իրեն, թէ ֆրանսական իշխանութիւնները ինչպէ՞ս կրնան քաշուիլ, երբ գիտեն, թէ այդ պատճառաւ հայ ժողովուրդը պիտի մնայ թուրքերուն ձեռքը, ինչ որ կրնայ շատ ծանր ու աղիտալի հետեւանքներ ունենալ: Գնդապետը պատասխանեց, թէ վերջը դարձեալ պիտի գան: Բայց մինչեւ ձեր վերադարձը հայ մնացած կ'ըլլա՞յ, հարցուցի: Ատոր վրայ՝ Գնդապետ Նորման յայտնեց, թէ ֆրանսական ոյժերը պիտի քաշուին՝ թուրքերուն լաւ դաս մը տալէ վերջ միայն: Կ'ուզենք, ըսաւ, նախ մեծ յաղթանակ մը տանիլ իրենց վրայ՝ մեր բարոյական ազդեցութիւնը հաստատելու համար Սիսին մէջ, որպէսզի թուրք տարրը այլեւս չփորձէ դիմադրել, երբ վերադառնանք Կիլիկիա: Գնդապետը յայտնեց նաեւ, թէ վերջին խօսքը Զօրավար Կուրոյի թողուած է եւ թէ Զօրավարը պիտի որոշէ Կիլիկիան պարպելու կամ չպարպելու հարցը: Ամեն պարագայի մէջ՝ Գնդապետը կրկնեց, որ եթէ պարպելու պէտք ըլլայ, ֆրանսական դրօշին պատիւը բարձր պահելու համար, փայլուն յաղթանակ մը ետք միայն տեղի պիտի ունենայ պարպումը: Մեր տեսակցութեան միջոցին խօսք դարձաւ նաեւ Պատերազմական Նախարարութեան այն լայն զեկոյցին վրայ, որով ծանուցուած էր, թէ Ուրֆայի պարպումին ժամանակ տեղոյն հայերը թուրքերուն միացեր են եւ թէ կտրեր են ֆրանսական բանակին տրուած պարէնը: Գնդապետ Նորման ըսաւ, թէ բացարձակապէս սխալ է այս լուրը, եւ ցաւ յայտնեց այդ իմաստով եղած հրատարակութեանց մասին: Ես միայն, ըսաւ, կրնայի գիտնալ, թէ ինչ անցած-դարձած է իրօք, որովհետեւ գործողութիւնները ես վերջի: Զայեքը ո'չ միայն թուրքերուն չմիացան, այլ ընդհակառակը՝ շատ թանկագին աջակցութիւն մը ընծայեցին մեզի: Նոյնիսկ Զարիւրապետ Օժէ խորհուրդ տուաւ անոնց, որ ի զուր ինքզինքնին չվտանգեն, եւ չըլլայ որ այդ պատճառաւ, իրենց քաշուելէն ետք, թուրքերը վրիժառութեան համար կոտորած մը սարքեն: Բայց նորէն հայերը մտիկ չըրին: Իրենց ընթացքը Ուրֆայի մէջ ալ՝ շատ սիրալիր եղաւ մեր մասին, ու կը զարմանած, թէ ինչպէ՞ս Պատերազմական Նախարարութիւնը, առանց խնդիրը աղբիւրէն ստուգելու, այդ իմաստով զեկոյց մը հրատարակութեան տուեր է:

Տիար Ա. Զօպանեան. Զեն կարծեր, որ քիչ մը առաջ կարդացուած հեռագրին մէջ ամեն բան Տիկին Եսայեանի կողմէ գրուած ըլլայ, որովհետեւ ինք չէր կրնար ըսել թէ ո'չ հրահանգ, ո'չ ալ տեղեկութիւն ստացած է: Պատուիրակութիւնը օրը օրին տեղեկութիւն տուած է թէ՛ Պ. Տամատեանի եւ թէ՛ Տիկին Եսայեանի, նախատեսելով նաեւ դաշնագրին տրամադրութեանց համաձայն՝ Կիլիկիոյ՝ թուրքերուն թողուիլը: Որոշ հրահանգ տրուած է իրենց, թէ ֆրանսացուց մեկնած միջոցին ի՞նչ պէտք է ընել եւ մնացած ատեննին՝ ի՞նչ: Որբերու տեղափոխութեան մասին ալ պէտք եղածը հեռագրուած է իրենց եւ մեր միջեւ որոշուած կարգախօսով. այդ հեռագիրը ընդունած են եւ ընդունած ըլլալուն ալ իմացուցած: Իրենց գրած ենք նաեւ, թէ նոյնիսկ նախատեսած ենք ամենայնոք պիտի կացութիւնը եւ անըլ. կառավարութեան մօտ դիմումներ ըրած ենք, որ այդ պարագային աջակցութիւն ընծայէ՝ ի հարկին Կիլիկիոյ ամբողջ ժողովուրդին տեղափոխութիւնը ապահովելու համար:

Տիար Ռ. Որբերեան. Կ'ուզէի գիտնալ, թէ ի՞նչ դիմումներ եղած են մինչեւ այսօր Կիլիկիոյ մասին, եւ թէ դիմում ընելու տեղ մնացա՞ծ է:

Տիար Ա. Զօպանեան. Մինակ մենք չէ, Վեհ. Կաթողիկոսն ալ դուռ չմնաց, որ չգարնէ:

Վսեմ. Պօղոս Փաշա Նուպար. Բոլոր դիմումները որոնք կարելի էին՝ եղած են: Ամեն անգամ, որ գէշ լուր մը հասներ Կիլիկիայէն, իսկոյն կը հաղորդէիք անգլիական եւ ֆրանսական կառավարութեանց, միշտ պահանջելով, որ ժողովուրդին օգնութեան հասնին: Նոյնիսկ խնդրեցիք իրենցմէ, որ եթէ իրօք պիտի պարպեն Կիլիկիան, պարպեն նաեւ հայ ժողովուրդը, քանի որ բացայայտ է, թէ այս տեսակ պարագայի մը մէջ ի՞նչ կացութեան կը մատնուէր հայ ժողովուրդը եթէ նորէն թուրքերուն հետ գլուխ գլխի մնար: Տարակոյս չկայ, որ թեւերնիս ծալած չենք մնար: Այս հեռագիրն ալ պիտի հաղորդենք եւ պիտի կրկնենք ինչ որ կարելի է ըսել, պիտի պահանջենք ինչ որ կրնանք պահանջել: Բայց կրնա՞նք ըսել իրենց, որ չպարպեն Կիլիկիան: Դեռ քանի մը օր առաջ Պ. Միլլըրան երեսփոխ. ժողովին մէջ յայտարարեց բացէ ի բաց, թէ չպիտի մնան, որոշած են մեկնիլ: Յայտնի է, թէ որոշ քաղաքականութիւն մը ունին այդ մասին: Նոյնիսկ մեր բարեկամները, ինչպէս օրինակի համար Պ. Վիքթոր Պեռար՝ համամիտ չեն, որ մնան: Բայց մէջտեղը քրիստոնեայ բնակչութիւնը պաշտպանելու անհրաժեշտութիւն մը կայ, զոր ո'չ ոք կ'ուրանայ: Այդ հիման վրայ է, որ դիմում կրնանք ընել:

Տիար Թումայեան. Վեհ. Կաթողիկոսը արդեօք կը հաճի՞ յայտնել, թէ ի՞նչ պատասխան կու տային իր դիմումներուն:

Տիար Տ. Սահակ Կաթողիկոս. Եթէ իրենց պատասխաններուն նայինք՝ բոլորովին շփոթութեան մէջ կը մնանք: Որովհետեւ որոշ բան չեն ըսեր: 4-5 օր առաջ Պ. Քամերէի մօտն էի, ըսաւ որ առ այժմ չպիտի պարպեն Ատանան, քաղաքական պատճառներով: Զարցուցի, թէ այդ պատճառները միշտ գոյութիւն պիտի ունենան: Պատասխանեց, որ ինք ալ բան չգիտեր: Երկ՝ ինչպէս Տիար Պատուիրակութեան պատմեց, Գնդապետ Նորման յայտնեց, թէ Ատանան պարպելու որոշում տրուած է: Սովորաբար՝ այսպէս հակասական բաներ են մեզի տրուած պատասխանները:

Վսեմ. Տիար Գաբրիէլ Նորատունկեան. Դեռ մօտերս Կիլիկիան պարպելու մտածում չունէին: Վերջին անգամ երբ Պ. Պեռարի գացիք Պ. Պ. Ահարոնեանի, Ֆետուլեանի եւ Սիմապեանի հետ, - Փաշան անհամազօտ էր այդ օրը, - Պ. Պեռար ըսաւ մեզի, թէ իր հարցման վրայ Պ. Միլլըրան բացարձակ պատասխան տուած էր, որ չպիտի ելլեն Կիլիկիայէն:

Տիար Ռ. Որբերեան. Յայտնի եղաւ, որ ֆրանսական կառավարութեան մօտ դիմումներ եղեր են թէ՛ Պատուիրակութեան եւ թէ՛ Վեհ. Կաթողիկոսին կողմէ: Նոյն դիմումները եղեր են նաեւ անգլիական կառավարութեան մօտ: Արդիւնքը մէջտեղն է, ինչ որ կ'ենթադրէ, թէ Դաշնակիցներէն խէր չկայ: Բայց այդեօք եւրոպայի երկնքին տակ չկա՞յ ուրիշ պետութիւն մը, որուն կարելի ըլլայ դիմել: Իբր օրինակ կը յիշեմ Սպանիան: Գիտե՞ք անշուշտ, որ պատերազմի միջոցին՝ գերիներու մասին այնքան կոչեր եւ դիմումներ եղան Սպանիոյ թագաւորին: Ն. Վեհափառութիւնը միշտ միջոցը գտաւ զանոնք պաշտպանելու: Կարելի չէ՞, որ Կիլիկիոյ մասին ալ դիմում ընենք Սպանիոյ թագաւորին:

Տիար Ա. Զօպանեան. Զամաձայն եմ այս առաջարկին. ո'չ միայն Սպանիոյ, այլ բոլոր չէզոք պետութեանց մօտ դիմումներ պէտք է ընել. նաեւ Ս. Պապին ալ, որքան ալ անյոյս ըլլանք այս մասին: Որովհետեւ, դժբախտաբար, չենք կրնար խոշոր ակնկալութիւններ դնել այդ դիմումներուն վրայ: Օրինակ մը յիշեմ: Պատերազմին սկիզբը՝ երբ լուր առնուեցան, թէ թուրք կառավարութիւնը արտրեր է հայ մտաւորականները, Պօղոս Փաշան իսկոյն դիմեց Սպանիոյ թագաւորին, որպէսզի միջամտէ անոնց Պոլիս վերադառնալուն համար: Ն. Վեհափառութիւնը ապահովիչ պատասխան մը տուաւ, բայց արդիւնքը յայտնի է: Բացի մէկ քանիէն, բոլոր աքսորուած մտաւորականները սպանուեցան զարհուրելի պայմաններու մէջ:

Տիար Ռ. Որբերեան. Ուրեմն, մեզի կը մնայ ազգովին անարշիսթ ըլլալ:

Տիար Տեր-Ստեփանեան. Պատուիրակութեան թողունք, որ իւր սովորական դիմումները ընէ: Բայց, միւս կողմէ, պէտք է խնդրենք Վեհ. Կաթողիկոսէն, որ համդիսաւոր կոչ մը ուղղէ ֆրանսական ժողովուրդին, եւ Պատուիրակութիւնն ալ պէտք է իր միջոցները դնէ Ն. Վեհափառութեան տրամադրութեան տակ որպէսզի այդ կոչը կարելի մտնագոյն տարածուի ունենայ թէ՛ կառավարութեան, թէ՛ մանուկին եւ թէ՛ ժողովուրդին մէջ: Միւս կողմէ, ինձի կը թուի, որ կատարուելիք օգտակար գործ կայ այս միջոցիս շնորհ: Ամենուս ծանօթ են իտալական կառավարութեան յարաբերութիւնները քեմալիսթներու հետ. գիտենք, որ անոնց վրայ մեծ ազդեցութիւն ունի, եւ ասիկա ապահովաբար պիտի շարունակուի՝ քանի խաղաղութիւնը չէ կնքուած: Արդ, կրնանք՝ օգտուելով Պ. Վարանդեանի շնորհներէն, դիմել իտալական կառավարութեան եւ խնդրել, որ իր ազդեցութիւնը կենթարկէ հայերու ֆիզիկական գոյութիւնը պահպանելու համար: Այս դիմումը միեւնոյն ատեն կրնար ըլլալ նաեւ Վատիկանի մօտ, որ կառավարութեան յեռապատկերէն մէկը եղող ժողովրդական Կուսակցութեան հետ ունեցած սերտ յարաբերութեանց շնորհիւ կրնայ օժանդակել այս գործին, բացի իր կատարելիք ուղղակի միջամտութենէ:

Տիար Որբերեան. Վեհ. Կաթողիկոսն ալ արդեօք չի՞ կրնար շնորհէն անցնելով դիմել Ս. Պապին:

Վեհ. Տ. Սահակ Կաթողիկոս. Դժուարութիւններ կան ճամբաս փոխելու համար: Արդէն թերզեան Կաթողիկոս եւ Նազլեան Գերապայծառ շնորհ են եւ աւելի օգտակարապէս կ'աշխատին հոն: Ես, ընդհակառակը, կ'աճապարեմ Ձօրավար Կուրոյի մօտ երթալու, որովհետեւ խնդրին բանալին, ինչպէս Գնդապետ Նորման յայտնեց, անոր մօտն է: Եզիպտոսէն անցած միջոցիս ալ պիտի տեսնեն Սարաջախտ Ալէնպին, եւ կը յուսամ, որ բոլորովին ապարդիւն չի մնար անոր մօտ կատարելիք դիմումս, քանի որ ծանօթ են իւր բարեացական տրամադրութիւնները հայ ազգին նկատմամբ:

Տիար Վահան Թէքեան առաջարկեց, որ ինչպէս Սուլթան Յամիտի օրով՝ քաղաքական տեսակետներէ անկախ դիմումներ կ'ըլլային Եւրոպայի հանրային կարծիքին, եւրոպական խորհրդարաններու անդամներուն, հայ ժողովուրդին պաշտպանութեան համար, նոյնիմաստ դիմումներ ըլլան նաեւ, ի հարկին լոկ Վեհ. Կաթողիկոսին կողմէ, Ծերակոյտի եւ Երեսփ. ժողովի անդամներուն մօտ, հիմնուելով այն սպառնալիքներուն վրայ, զորս Գերագոյն խորհուրդը ըրած էր թուրքիոյ՝ նոր անկարգութիւններ ծագելու պարագային դաշնագրին տրամադրութիւնները պիտի խորացուին ըսելով:

Տիար Տերպետեան. Ինչո՞ւ լոկ խորհրդարանի անդամներուն դիմում ըլլայ եւ ոչ խորհրդարաններուն:

Տիար Թէքեան. Որովհետեւ ֆրանսացիներուն իրաւունքն է միայն դիմում ընել խորհրդարանին:

Տիար Տեր-Ստեփանեան ցաւ յայտնեց, որ մինչեւ այսօր, թէ՛ ծերակուսականներու եւ թէ՛ Երեսփ. ժողովի անդամներուն մօտ պէտք եղածին պէտ տարածուն կերպով մը դիմումներ չեն եղած:

Առաջարկուեցաւ մասնաւոր յանձնաժողով մը կազմել Կիլիկիոյ հարցերով զբաղելու համար:

Տիար Թերզեան պաշտպանեց այս առաջարկը, ըսելով, որ պէտք էր Յանձնաժողով իւր մէջէն երեք անդամներ ընտրելով կազմէ այդ յանձնաժողովը, որ Պատուիրակութեան պիտի աշխատակցի խորհրդակցական հանգամանքով: Այդ առթիւ յիշատակեց Ամանուսի հայ հանրապետութեան հաստատութեան մասին տարածուած գրոյցը եւ ըսաւ, որ եթէ այս լուրը ստուգուի, կարելի է դիմել ֆրանս. կառավարութեան, եւ անոր առաջարկին ամեն գործակցութիւն Կիլիկիոյ մէջ հետապնդած իր տնտեսական նպատակներուն յաջողութեան համար, պայմանաւ, որ Կիլիկիոյ մէջ նախապատուութիւն տայ հայ տարրին:

Տիար Վահան Թէքեան. Ամանուսի հանրապետութեան մասին Տիար Զօպանեան դիմում ըրաւ Արտաքին Գործոց Նախարարութեան մօտ, պատասխանեցին թէ լուր չունին: Եթէ այնտեղ հայերուն եւ ֆրանսացուց միջեւ հասկացողութիւն մը գոյացած ըլլար, ֆրանսացիք իրենք պիտի փութային հայոց հետ համաձայնութեան մը գալ:

Վսեմ. Տիար Գ. Նորատունկեան. Եթէ Յանձնաժողովը տեսէր՝ բնականաբար յանձնաժողով մը կ'ընտրէր այս խնդրով զբաղելու համար: Բայց Յանձնաժողովը հազիւ 1-2 միստ ալ գումարելէ ետք՝ պիտի ցրուի եւ բոլոր առկա գործերը պիտի անցնին Պատուիրակութեան: Մենք խորհող մարմինն ենք. գործադիր մարմինն կ'ելնայ մեր որոշումները գործադրել: Վիճաբանութեան ընթացքին պէտք տեսնուեցան նոր դիմումներու՝ ո՛չ միայն ֆրանսական, այլ նաեւ ուրիշ Դաշնակից եւ չէզոք պետութեանց մօտ: Պէտք տեսնուեցան նաեւ խորհրդարանի անդամներու մօտ ալ դիմումներ կատարելու: Թէ՛ այս դիմումներուն եւ թէ՛ մասնաւոր յանձնաժողովի մը կազմութեան մասին յանձնարարութիւն կ'ընենք Պատուիրակութեան:

Տիար Վ. Թէքեան. Յանձնաժողովը եթէ պիտի ցրուի, կրնայ զոնէ ընտրել իր անդամներէն երեք հոգի, որոնք Փարիզ պիտի մնան: Այս երեք հոգին կը կազմեն Կիլիկիոյ յանձնաժողովը՝ եւ անոնց պաշտօնավարութեան տեսողութիւնն ալ չորոշուի առաջուց: Պատուիրակութիւնը կ'իրացնէ այդ յանձնաժողովը, որ խորհրդակցական աշխատութեամբ մը կը կապուի իրեն:

Յանձնաժողովը անհետեանք թողուց Կիլիկիոյ համար մասնաւոր յանձնաժողով մը ստեղծելու առաջարկութիւնը:

## Օրակարգ 1. Վերակազմութիւն Ազգ. Պատուիրակութեան

Նախագահ Վսեմ. Տիար Գ. Նորատունկեան քիչ մը անհանգիստ զգալով ինքզինքը, նախագահութիւնը վարեց դեր-նախագահ Տիար Գ. Սինապեան:

Վսեմ. Պօղոս Փաշա Նուպար. Ինձի առաջին պարտականութիւն կը նկատեն շնորհակալութիւն յայտնել Յանձնաժողովի Դիւանին կողմէ ամենուրեք անուրից գրուած Յունիս 27 թուակիր նամակին համար: Խորապէս զգացուած եմ համակիր գնահատութեան այս նոր ցոյցին եւ երախտապարտ եմ ձեզի, որ ուզեցիք նկատի առնել իմ առողջական վիճակս: Յանձնաժողովի պնդումներուն վրայ, խոստացած էի ոյժերուս ներած չափով տակաւին ժամանակ մըն ալ աշխատիլ, եթէ երբեք կարելի ըլլար կարգադրութիւն մը գտնել Պատուիրակութեան զօրացման համար, քանի որ, ինչպէս արդէն յայտնի է ժողովիդ, առողջական վիճակս չի թոյլատրեր ինձի այլեւս տալ ամբողջ կարելին, որ անհրաժեշտ է մեր դատին հետապնդութեան: Այս մասին որոշում մը տալէ առաջ՝ ուզեցի գիտնալ, թէ ի՞նչ պիտի ըլլան մեր յարաբերութիւնները Յանրապետութեան Պատուիրակութեան հետ եւ թէ ի՞նչ պայմաններու մէջ պիտի կրնանք շարունակել մեր համերաշխ գործակցութիւնը, ինչպէս կ'ըլլար անցեալին մէջ: Այս նպատակով՝ բազմաթիւ տեսակցութիւններ ունեցայ թէ՛ Տիար Սիարոնեանի եւ թէ՛ բարեկամներու հետ, եւ միասին խորհրդակցեցանք այն միջոցներուն վրայ, որոնցմով կարելի պիտի ըլլար որակաւ եւ կատարեալ աշխատակցութիւն մը հաստատել: Ի վերջոյ համաձայնութեան հիմ մը գտանք եւ այդ համաձայնութեան պայմանները պարզուած են այն գիրին մէջ, որ պիտի կարդացուի հիմա Դիւանին կողմէ:

Կարդացուեցաւ Վսեմ. Պօղոս Փաշա Նուպարի կողմէ Դիւանին յանձնուած հետեւեալ գրութիւնը.

«1. Երկու Պատուիրակութիւնները միասին պիտի քննեն ամեն խնդիր, եւ բոլոր խնդիրները պիտի ենթարկուին երկու միացեալ Պատուիրակութեանց. երկու Պատուիրակութիւններէն ո՛չ մէկը չպիտի կրնայ առանձին որոշում մը տալ:

երկու Միացեալ Պատուիրակութեանց պիտի նախագահէ և Վսեմութիւն Պօղոս Նուպար Փաշա եւ, իր բացակայութեան, Տիար Ահարոնեան:

«2. Ազգ. Պատուիրակութիւնը պիտի ունենայ չորս անդամ, երեքը՝ ոչ-Պաշնակցական եւ մէկը Պաշնակցական:

«3. Ամեն ծանուցագիր եւ ամեն պաշտօնագիր, որոնք երկու կողմերուն յատուկ են ու կը հետաքրքրեն Միացեալ Հայաստանը, եւ որոնք պիտի ուղղուին պետութեանց ու խաղաղութեան Վեհաժողովին, պիտի ստորագրուին՝ ինչպէս անցեալին մէջ՝ երկու Նախագահներուն կողմէ: Սակայն՝ Պ. Ահարոնեան մինակը պիտի ստորագրէ այն նամակները եւ պաշտօնագրերը, որոնք լոկ Հանրապետութեան կառավարութիւնը կը հետաքրքրեն, եւ Վսեմ. Պօղոս Փաշա Նուպար նոյնպէս մինակը պիտի ստորագրէ այն նամակները, որոնք պիտի ուղղուին Թուրքիոյ բոլոր հայերուն պատրիարքական իշխանութեանց»:

Վսեմ. Պօղոս Փաշա Նուպար. Ինչպէս կը տեսնէք, ասիկա հիմ մըն է, որ աւելի սերտ աշխատակցութիւն մը կ'ապահովէ, քան անցեալին մէջ եղածը, եւ մեծ յոյս ունիմ, որ այլեւս կը դադիրն այն տարակարծութիւնները, որոնց, դժբախտաբար, բոլորովին կարելի չէր: Եւ առաջը առնել եւ որոնք պէտք է վերջ գտնեն այլեւս: Իմ կարծիքով՝ այս համաձայնութիւնը շատ մեծ յաջողութիւն մըն է այդ տեսակետով եւ երկու Պատուիրակութեանց փոխադարձ յարաբերութեանց բարոյսման գրաւական մը, որմէ զուրկ էինք անցեալին մէջ: Կայ կէտ մը, որ ինձի համար մեծ կարեւորութիւն ունէր, այսինքն՝ Պատուիրակութեան անդամներու թիւին խնդիրը: Նկատի առնելով կատարուելիք գործերուն բազմապահանջութիւնը, իմ փափաքս էր՝ եթէ ոչ աւելցնել՝ զոնէ անփոփոխ պահել Պատուիրակութեան անդամներուն թիւը: Այս մասին շատ պնդեցի, բայց, դժբախտաբար, կարելի չէր: Տեղի տուի չեղաւ: Տեղի տուի իրաւանոյ այն առարկութեան առջեւ, թէ Հանր.-թեան Պատուիրակութիւնը միայն երկու անդամ պիտի ունենար՝ Տիարը Ահարոնեանը եւ Խատիսեանը, որ Փարիզ գալու վրայ է այս միջոցիս: Նկատողութեան արժանի ուրիշ կէտ մը՝ պաշտօնագիրներու ստորագրութեան հարցն էր: Իմ փափաքս էր, որ բոլոր պաշտօնագրերը, ըստ առաջնոյն, կրեն երկու Նախագահներուն ստորագրութիւնը: Տիար Ահարոնեան դիտել տուաւ, թէ Հանր. կառավարութեան պատկանող եւ ուղղակի զայն շահագրգռող պաշտօնագիրներ կային՝ զորս պէտք էր որ ինք մինակը ստորագրէր իբր ներկայացուցիչ Հանրապետութեան: Անարդար պիտի ըլլար սակայն, որ ինք իրաւունք ունենար մինակը ստորագրելու թուղթեր, որոնք կը վերաբերէին իր ներկայացուցչական իրաւասութեան, եւ ես չունենայի նոյն իրաւունքը այն տեսակ թուղթերու մասին, որոնք կը վերաբերէին իմ ներկայացուցչական իրաւասութեանս, քանի որ նոյնքան ակնբեր էր, որ ես ալ ներկայացուցիչն էի թրքահայ ժողովուրդին: Այսպէս՝ այն իրաւունքը, զոր ինք կը պահանջէր Հանրապետութեան կառավարութեան պատկանող գիրերու ստորագրութեան մասին, ես ալ պահանջեցի թրքահայ ժողովուրդին հեղինակաւոր հաստատութեանց՝ օրինակի համար՝ Պատրիարքարանին պատկանող գիրերու ստորագրութեան մասին: Պ. Ահարոնեան ընդունեց եւ, այս կերպով, իրաւանց հաւասարակշռութիւն մը հաստատուեցաւ երկու Պատուիրակութեանց միջեւ:

Տիար Տէր-Ստեփանեան. Անշուշտ մինակ ստորագրուելիք թուղթերը կը պատկանին ներքին խնդիրներու: Իսկ արտաքին դիմումներու համար՝ դարձեալ երկու Նախագահները միասին պիտի ստորագրեն:

Տիար Գ. Սինապեան. Տարակոյս չկայ, որ այս տեսակ ֆորմիւլի մը մէջ կարելի չէ ամեն բան մանրամասնել առաջուց: Վերջին երկու կողմերը իրենք իրենց միջեւ կ'որոշեն այդ մանրամասնութիւնները:

Տիար Տոթթ. Ներուզ. Պէտք է ճշդել այս կէտը եւ ասիկա պիտի ընեն մէկ-երկու բառով, քանի որ ես ալ մասնակցեցայ բանակցութեանց: Այն գիրերը, զորս Տիար Ահարոնեան մինակը պիտի ստորագրէ՝ միայն անոնք չեն, որոնք ուղղուած պիտի ըլլան իր կառավարութեան, այլ նաեւ՝ խաղաղութեան Վեհաժողովին եւ պետութեանց

ուղղուած այն տեսակ գիրեր, որոնց մէջ յուզուած խնդիրն համար ինք միայն իրաւասու է դիմում ընելու իբր հայկական պետութեան ներկայացուցիչ:

Տիար Վ. Թէքեան. Բայց այս խնդիրներուն պատկանող խորհրդակցութեանց պիտի մասնակցին երկու Նախագահներն ալ:

Տիարը Սինապեան եւ Ներուզ. Անշուշտ, բայց ամեն մէկը պիտի ստորագրէ:

Տիար Տէր-Ստեփանեան. Եթէ սակայն Հանր. կառավարութիւնը ռեւէ կարեւոր հրահանգ մը տայ, զոր օրինակ՝ ըսէ, թէ իրենք մանտա չեն ուզեր, այս պարագային՝ Ազգ. Պատուիրակութիւնը ձայն պիտի ունենա՞, որովհետեւ մանտայի խնդիրը այն տեսակ խնդիր մըն է, որ թրքահայերն ալ, հետեւաբար՝ Ազգ. Պատուիրակութիւնն ալ կը հետաքրքրէ:

Տիար Տոթթ. Ներուզ. Այդ պարագային՝ Միացեալ Պատուիրակութիւնը պիտի խորհրդակցի, եւ եթէ համաձայնութեան չգայ՝ խնդիրը պիտի տեղեկագրէ կառավարութեան:

Տիար Գ. Սինապեան. Այսինքն կ'ուզուի նախատեսել սա պարագան՝ թէ կառավարութիւնը կրնայ վճռական հրահանգ մը տալ Տիար Ահարոնեանի եւ Միացեալ Պատուիրակութիւնը համաձայն չըլլար այդ հրահանգին նկատմամբ: Անշուշտ կրնան ծագիլ այս եւ ասոր նման անհամաձայնութիւններ, բայց կարելի չէ առաջուց լուծում մը գտնել անոնց մասին: Երկու կողմերու իմաստութեան պէտք է թողուլ այդ անհամաձայնութեանց լուծումը:

Վսեմ. Պօղոս Նուպար. Կառավարութիւն մը կայ՝ որուն գոյութիւնը չենք կրնար անտեսել. նոյնիսկ երջանիկ ենք որ գոյութիւն ունի: Այդ կառավարութեան իրաւունքն է անշուշտ դիմումներ ընել, ինչպէս ըրած է անցեալին մէջ: Կրնայ պատահիլ, որ բոլորովին համաձայն չըլլանք այդ ամեն դիմումներուն, բայց չենք կրնար արգիլել զինքը: Եսկանը սա է, որ մեր համամտութենէն դուրս կատարուած դիմումներուն պատասխանատուութիւնը ինք ստանձնէ:

Վսեմ. Տիար Գաբրիէլ Նորատուցեան. Կ'առաջարկեմ, որ այլեւս չլիճաբանիք այս խնդիրն նկատմամբ, եւ անմիջապէս քուէարկենք ներկայացուած գիրը: Տարակոյս չկայ, թէ ամենքս ալ ուրախ ենք, որ ելքի մը յանգեցաւ վերջապէս այս խնդիրը:

Տիար Վ. Թէքեան. Այստեղ կը նախատեսուի կոր պարագայ մը, որ Հանր. Պատուիրակութիւնը պիտի կրնայ առանձին ստորագրել, կամ դիմում ընել, անշուշտ՝ Միացեալ Պատուիրակութեան խորհրդակցութեամբ, նոյնիսկ այն առիթներուն մէջ, ուր Ազգ. Պատուիրակութիւնը համամիտ չըլլայ իրեն: Կ'ուզեի գիտնալ, թէ արդեօք Ազգ. Պատ.-թիւնն ալ, Պատրիարքարանին հետ իր ունենալիք յարաբերութենէն անկախաբար, պիտի կրնա՞յ առանձին դիմում ընել թրքահայոց անունով. եւ եթէ միւս Պատ.-թիւնը համաձայն չըլլայ այդ դիմումին՝ Ազգ. Պատուիրակութիւնը իրաւունք պիտի ունենա՞յ միշտ ընելու իր հարկ դատած դիմումը, միւս Պատուիրակութիւնը անհամաձայն ըլլալը միայն արձանագրելով, ինչպէս Հանր. Պատուիրակութիւնը իրաւունք ունի:

Տիար Տէր-Ստեփանեան. Չեւը խնդիր չէ ինձի համար. մէկը կը ստորագրէ, միւսը կը ստորագրէ, կարեւորութիւն չունի, այլ՝ եռթիւնը: Արտաքին հարցերու մասին՝ Հանր. Պատուիրակութեան գործը կարելի է երկուքի բաժնել, մէկ մը դէսպանական գործը, մէկ մըն ալ խաղաղութեան Վեհաժողովին մօտ կատարուելիք գործը: Դէսպանական գործերը կրնայ ընել մինակը: Ո՛չ որ տարակարծիք է այս մասին: Ինչ որ զիս կը հետաքրքրէ՝ խաղաղութեան Վեհաժողովին մօտ ընելիք դիմումներն են: Եթէ այդ մասին երեւակի կառավարութիւնը որոշում մը տայ եւ Ազգ. Պատ.-թիւնը համաձայն չըլլայ, ի՞նչ պիտի ընէ Հանր. Պատ.-թիւնը: Երկու լուծում կայ այս մասին. կա՛մ Հանր. Պատուիրակութիւնը առանց Ազգ. Պատուիրակութեան հետ համաձայնելու ռեւէ քայլ չառնէր, եւ կա՛մ ընթացք կու տայ իր ստացած հրահանգին, նոյնիսկ առանց համաձայնութեան: Առաջին պարագային՝ խնդիր չի մնար: Իսկ երկրորդ պարագային՝ ես կը կարծեմ, որ Ազգ. Պատ.-թիւնը ճիշդ նոյնքան մասնաւոր իրաւունքներ պէտք է

ունենալ՝ իբր տաճկահայոց ներկայացուցիչ, որքան Չանր. Պատ.-ֆիւնը պիտի ունենալ իբր հայկական կառավարութեան ներկայացուցիչ:

Տիար Տոթթ. Ներուզ. Պետք չէ ներքին հարցերը շփոթել արտաքին հարցերուն հետ: Ներքին հարցերու մէջ՝ Ազգ. Պատուիրակութեան համար կրնայ պետք ծագիլ առանձին ստորագրելու: Բայց արտաքին հարցերու մէջ՝ չեն կարծեր, որ այդ պետքը ծագի: Ինչ որ Ամբողջական Հայաստանի, հետեւաբար նաեւ թրքահայոց կը պատկանի, խորհրդակցութեան առարկայ պիտի դառնայ Միացեալ Պատուիրակութեան մէջ, ու պիտի ստորագրուի երկու Նախագահներուն կողմէ: Ուրեմն, մինակ դիմում ընելու պետք չի մնար Ազգ. Պատուիրակութեան: Իրաւունքը հաւասարակշռութիւնը երկու Պատուիրակութեանց միջեւ՝ փնտռել պետք է լոկ ներքին հարցերու համար. արտաքին հարցերու համար պետք չկայ: Խնդիրներ կան, որոնք կը հետաքրքրեն լոկ Հայկ. պետութեանը, եւ որոնց մասին կատարուելիք դիմումները պետք է ընէ միմիայն պետութեան ներկայացուցիչը. նոյնիսկ Ազգ. Պատ.-ֆիւնը պիտի փափաքէր, որ այդ կարգի խնդիրները լոկ Չանր. Պատուիրակութեան պատկանին: Գալով այն անհամաձայնութեանց, որոնք կրնան ծագիլ, պիտի աշխատուի անշուշտ որ բնաւ չծագին, եւ եթէ երբեք ծագին ու կարելի չըլլայ զանոնք բառնալ այստեղ, Պատուիրակութեանց կը մնայ դիմել հայկական կառավարութեան եւ անոր ներկայացնել իրողութիւնը:

Տիար Վ. Թէքեան. Այդ պարագային՝ պետք է, որ Պատրիարքարանին ալ ներկայացուի իրողութիւնը՝ Ազգ. Պատուիրակութեան միջոցաւ:

Ամեն. Դուրեան Արքեպիսկոպոս. Կարծեմ, թէ այդ կերպով աւելի դժուար կը դառնայ լուծումը:

Տիար Ա. Զօպանեան. Պատուիրակութեանց անհամաձայնութեանց մասին խօսուեցաւ, քանի մը բառ ալ ես պիտի ըսեմ այդ մասին: Վերջին տարուան ընթացքին երկու Պատուիրակութիւնները անշուշտ համաձայն չգտնուեցան ամեն տեսակետով՝ ներքին եւ արտաքին խնդիրներու մէջ, բայց Խաղաղութեան Վեհաժողովին մօտ ըլլալիք դիմումներու մասին անոնք միշտ համերաշխ մնացին: Կրնամ վստահեցնել ժողովիդ, թէ եղան նոյնիսկ պարագաներ, որոնց ընթացքին Չանր. Պատ.-ֆիւնը փոխեց իր կառավարութեան ստացած իրաւանգները, ինչ որ կ'ենթադրէ, թէ կառավարութիւնը լայն իրաւասութիւններ տուած էր իրեն: Կը հաւատամ, որ ասկէ վերջն ալ տարբեր չըլլար: Հետեւաբար, լաւագոյն է, որ վերջ տանք այս վիճաբանութեան:

Տիար Ռ. Որբերեան. Ներկայ կացութիւնը կը պահանջէ, որ թշնամիին դէմ մէկ ճակատ կազմենք եւ ձեռք-ձեռքի աշխատինք: Այս մասին՝ ամէնէն անհրաժեշտ քայլն է, որ առնուեր է: Գալիք գործողութեանց համերաշխութեան խնդիրը երկու Նախագահներուն իմաստութեան թողունք եւ, ինչպէս Տիար Զօպանեան ըսաւ, վիճաբանութեան վերջ տալով՝ անցնինք քուէարկութեան:

Տոթթ. Բարսեղեան. Այս թուղթը կա՛մ պետք չէր գար ժողովին եւ կա՛մ գալէ վերջ, պետք է անանկ ձեւ մը առնէ, որ անպատեհութեանց ծնունդ չտայ: Որովհետեւ անոր բովանդակութիւնը պարզ չէ, եւ կը վախճան, որ վաղուրէն սկսեալ անպատեհութիւններ ծագին: Պարզ չէ՝ որովհետեւ Խաղաղութեան Վեհաժողովը իր պաշտօնագիրները կ'ուղղէ միայն Չանր, Պատուիրակութեան. չեն հասկնար թէ Չանր. Պատ.-ֆիւնը ինչպէ՛ս կրնայ թոյլատրել, որ ուրիշ Պատուիրակութեան մըն ալ պետք՝ որ կառավարութեան մը ներկայացուցիչը չէ, իրեն հետ ստորագրէ Խաղաղութեան Վեհաժողովին ուղղուելիք պաշտօնագրեր: Ասիկա անիմաստ է, որովհետեւ չկայ ուրիշ օրինակ մը. Խաղաղութեան Վեհաժողովին մօտ կա՞յ ժողովուրդ մըն ալ, որուն անունով երկու ամձ խօսին:

Տիար Զօպանեան. Մինչեւ հիմա այսպէս եղած է:

Տոթթ. Բարսեղեան. Մինչեւ հիմա պարագաները տարբեր էին. իսկ այժմ, Թուրքիոյ դաշնագիրը ներկայացուելէն ի վեր՝ ինչ որ Հայկ. պետութեան իրաւական ճանաչումը կը հռչակէ, բանակցութիւնները պետք է ըլլան պետական հողի վրայ, եւ

այդ դրութիւնը, զոր կ'ուզուի նուիրագործել, պետութիւն ընթռնումն իսկ կը քանդէ: Կը կրկնեն, որ անիմաստ են այդ թուղթերը, եւ կ'առաջարկեն, որ այն բոլոր դիմումները, որոնք պիտի կատարուին յանուն Հայաստանի Հանրապետութեան, պետք է ստորագրուին միմիայն Չանր. Պատուիրակութեան Նախագահին կողմէ:

Վսեմ. Պօղոս Փաշա Նուպար. Չեն հասկնար, թէ ինչո՞ւ կը վիճաբանիք այս խնդիրն վրայ, երբ Տիար Ահարոնեան ու ես համաձայն ենք անոր մասին, ինչպէս կը վկայէ բերուած ու կարդացուած թուղթը:

Տոթթ. Բարսեղեան. Ասիկա համաձայնութիւն մը չէ. ստորագրուած ալ չէ:

Տիար Տոթթ. Ներուզ. Եթէ համաձայնութիւն մը չըլլար՝ չէինք բերեր այս ժողովին:

Տիար Սինապեանն ալ, որ Տիար Տոթթ. Ներուզի հետ մասնակցած էր բանակցութեանց, նոյնը հաստատեց:

Վսեմ. Պօղոս Փաշա Նուպար. Քանի որ Տիար Ահարոնեան խնդիր չընէր, կ'ընդունի եւ ես ալ կ'ընդունիմ, այլեւս ի՞նչ տեղի կը մնայ վիճաբանութեան: Ես այս գործը ա՛յս պայմաններով միայն կրնամ շարունակել. ազատ էի մերժելու այդ պայմանները, բայց պետք է, որ զիս ալ ազատ թողուի:

Տիար Տէր-Ստեփանեան. Պատուիրակութեան վերակազմութեան խնդիրն մէջ Տիար Ահարոնեան միջամտեր է Համագումարի գործին, սահմանելով Պատուիրակութեան անդամներուն թիւը եւ անոնց կուսակցական հանգամանքը: Այս ոտնձգութիւնը անընդունելի է: Հետեւաբար՝ պետք է երկու մասի բաժնել այս համաձայնութեան գիրը եւ ըստ այնմ քուէարկել:

Տիար Տոթթ. Ներուզ. Տիար Ահարոնեան երբեք միջամտած չէ Համագումարի գործերուն. մտքէն անցած չէ անցած այս տեսակ բան մը, եւ եթէ ուզէ՝ այսօր ինքզինքը բոլորովին ազատ կը զգայ նոյնիսկ այս համաձայնութիւնը չեղեալ նկատելու:

Տիար Տէր-Ստեփանեան. Պատուիրակութեան անդամներուն թիւը եւ անոնց կուսակցական հանգամանքը պետք էր դուրս մնային այս խնդրէն, քանի որ Համագումարին կը պատկանի անոնց մասին որոշում մը տալու իրաւունքը:

Տիար Տոթթ. Ներուզ. Եղածը համաձայնութեան մը արդիւնքն է, եւ Տիար Ահարոնեանը չէր, որ այդ համաձայնութիւնը փնտռեց, ոչ ալ ինք պատրաստեց զայն:

Վսեմ. Պօղոս Փաշա Նուպար. Կը պահանջեն, որ կա՛մ ամբողջութեամբ քուէարկուի եւ ընդունուի այդ համաձայնութիւնը եւ կա՛մ բնաւ չընդունուի: Ըսի արդէն, թէ Պատուիրակութեան անդամներու թիւին 4-ի վերածումը իմ ստածումս չէր. ընդհակառակը՝ անբնական եւ անյարմար կը նկատեմ զայն, նկատի առնելով կատարուելիք գործերու ծանրութիւնը: Բայց վերջապէս ստիպուեցայ համաձայնութիւնը: Եւ իմ կողմէս եղած այս զոհողութիւնը ինքնին ցոյց կու տայ, թէ որքան կը փափաքէի այս համաձայնութեան գոյանալուն:

Տիար Տէրպետեան. Տիար Ահարոնեան ինք չմիջամտե՞ց այս մասին:

Վսեմ. Պօղոս Փաշա Նուպար. Չեն ծածկեր, որ ես դիմեցի իրեն: Ես իրեն զացի եւ ամենայն անկեղծութեամբ ըսի, որ չպիտի կրնամ Ազգ. Պատուիրակութեան Նախագահութիւնը ստանձնել՝ եթէ ապահով չըլլամ, որ միասին պիտի քալենք: Հարցուցի իրեն, թէ կարելի պիտի ըլլա՞ր, որ անցեալ տարուրէն աւելի սերտ կերպով մը գործակցինք: Տիար Ահարոնեան նոյնպէս համամիտ էր այս համագործակցութեան տեսակետին: Խօսեցանք, եւ վերջապէս յանգեցանք համաձայնութեան մը: Այդ համաձայնութիւնը կարդացուեցաւ: Կա՛մ կ'ընդունիք անոր ամբողջութիւնը եւ կա՛մ կը մերժէք: Կը կրկնեն, որ ուրիշ ռեւէ կարգադրութեան առջեւ պիտի ստիպուին քաշուիլ վերջնակամապէս: Այնքան խարխափուններէ ետք, երբ վերջապէս համաձայնութեան գետին մը գտանք, չեն հասկնար, թէ ինչո՞ւ կը փորձէք զայն քանդել, դուք որ ամէնէն աւելի պետք է բաղձաք այդ տեսակ համաձայնութեան մը գոյացումը: Եւ արդէն այս չէ՞ նաեւ ընդհանուր ազգին բաղձանքը:

Տոքթ. Բարսեղեան. Այս համաձայնութիւնը եղեր է երկու Պատուիրակութեանց Նախագահներուն միջեւ, մինչդեռ անցեալ օր այստեղ կարդացուեցաւ Փաշային մէկ նամակը, որուն մէջ կ'ըսէր, թէ Պատուիրակութեան վերակազմութեան մասին անհրաժեշտ կարգադրութիւնները պիտի ընէ Համագումարի իր բարեկամներուն հետ խորհրդակցելով: Մենք այնպէս կարծեցինք, թէ այդ կերպով կ'անարկէ ամբողջ Համագումարին, մինչդեռ կը տեսնուի, որ Համագումարը անտեղեակ մնացած է կատարուած բանակցութիւններէն: Կարծեմ այս է իրականութիւնը, ինչ որ սակայն այնքան անհամապատասխան է մեր հասկացողութեան:

Վսեմ. Պօղոս Փաշա Նուպար. Նամակիս իմաստը սխալ մեկնուեր է: Չէի կրնար ենթադրել, որ ամբողջ Համագումարը ինձի համամիտ է եւ կրնայ ըլլալ: Իմ նամակիս մէջ ես կ'ակնարկէի Համագումարի այն անդամներուն միայն, որոնք բարեացակամ էին իմ մասիս եւ զօրավիզ եղան ինձի:

Առաջարկուեցաւ վերջ տալ վիճաբանութեան եւ քուէարկել համաձայնութեան գիրը իր ամբողջութեամբ, ինչպէս պահանջած էր Պատուիրակութեան Վսեմ. Նախագահը:

Տոքթ. Բարսեղեան. Ես կը հակառակիմ այս գիրն ամբողջութեամբ քուէարկելուն, որովհետեւ տակաւին ըսելիքներ ունիմ անոր երկրորդ մասին նկատմամբ:

Ձայներ. Ըսէ՛ք, ըսէ՛ք ու վերջանայ:

Տոքթ. Բարսեղեան. Այն չորս թիւը, որ որոշուեր է Պատուիրակութեան անդամներուն համար՝ պարզապէս կամայականութիւն մըն է: Պատուիրակութիւնը անցեալ տարի վեց անդամ ունէր. այս տարի շատ աւելի նուազ գործեր կան ընելիք, եւ բնական կը գտնեն, որ Պատուիրակութեան անդամներուն թիւն ալ նուազ ըլլայ: Բայց աւելի բանաւոր պիտի ըլլար, որ փոխանակ 4-ի, 3-ի վերածուեր այդ թիւը: Հանր.-թեան Պատ.-թիւնը երբեք երկու հոգիէ աւելի չէ եղած. արդեօ՞ք իր գործերը նուազ ծանր են, քան Ազգ. Պատուիրակութեան գործերը: Նախորդ տարի, հակառակ անոր որ, աւելի բազմապահանջ աշխատութիւն մը անհրաժեշտ էր, Պատ.-թիւնը կրցաւ իր անդամներէն երկուքը Ամերիկա դրկել. վերջէն ալ ուրիշ անդամ մը Կովկաս գնաց, եւ Պատուիրակութիւնը կրցաւ շարունակել իր գործը երեք անդամով: Այս տարի, երբ աշխատութիւնները նոյնքան բազմապահանջ չեն, կրնայ նոյնպէս երեք անդամով բաւականանալ:

Վսեմ. Պօղոս Փաշա Նուպար. Ես հիւանդ եմ, զիս մի հաշուէք:

15 պատգամաւորներու ներկայութեան քուէի դրուեցաւ Համաձայնագիրը եւ ընդունուեցաւ 12 ծայնի մեծամասնութեամբ:

Տիար Տերպետեան. Կ'առաջարկեմ, որ Փաշան ինք անուանէ Պատուիրակութեան անդամները եւ այլեւս այս խնդիրը փակուի:

Վսեմ. Պօղոս Փաշա Նուպար. Կը խնդրեմ, որ չպնդէք այդ մասին: Շատ-շատ՝ կրնամ անձեր առաջարկել, ինչպէս պիտի առաջարկեմ Տիար Լեւոն Սկրտչեանը, որ կարող, գործունէ, բազմակողմանի հմտութեան տէր անձնաւորութիւն մըն է եւ որուն համար վստահ եմ, թէ պիտի կրնայ իմ վրաս ծանրացող գործին մէկ մասը ստանձնել: Իրեն հեռագրեցի այս մասին եւ տակաւին չեմ գիտեր, թէ պիտի ընդունի՞: Ամեն պարագայի մէջ՝ իմ կողմէ ներկայացուելիք անձերուն նկատմամբ վերջին խօսքը ժողովիդ կը պատկանի:

Նիստը փակուեցաւ ժամը 7 1/2-ին:

ՀԱԱ, ֆ. -430, ց. 1, գ. 67, թթ. 25-45: Ձեռագիր: Բնագիր:

## Նիստ ԻԷ

3 Յուլիս, 1920, ժամը 4 1/2-ին,

Նախագահութեամբ  
Վսեմ. Տիար Գ. Նորատունկեանի

Ներկայ էին 17 պատգամաւոր՝

Ամեն. Դուրեան Արքեպիսկոպոս, Բարսեղեան, Թերզիպաշեան, Թունայեան, Թէքեան, Հանըմեան, Մալքում, Տոքթ. Ներսիս, Վսեմ. Գ. Նորատունկեան, Վսեմ. Պօղոս Փաշա Նուպար, Որբերեան, Չօպանեան, Պզտիկեան, Սինապեան, Տերպետեան, Տեր-Ստեփանեան, Քելէկեան Խան:

## Օրակարգ

### 1. Վերակազմութիւն Ազգ. Պատուիրակութեան

Համագումարը ձեռնարկեց Ազգ. Պատուիրակութեան ընտրութեան:

Վսեմ. Պօղոս Փաշա Նուպար կրկնեց նախորդ՝ Յունիս 30-ի նիստին մէջ ըրած յայտարարութիւնը՝ թէ որքան ալ ինք փափաքած էր պահել Պատուիրակութեան անդամներուն նախորդ թիւը, բայց ատիկա անկարելի եղած էր: Ն. Վսեմութիւնը յայտնեց, թէ Հանր. Պատուիրակութեան հետ իր ունեցած բանակցութեանց ընթացքին թէւ այդ թիւը չպարտադրուեցաւ իրեն, բայց վերջապէս անհրաժեշտութիւն մը դարձաւ բանակցութեանց յաջողութեանց եւ երկու Պատուիրակութեանց ապագայ սերտ համագործակցութեան համար, ինչ որ զինքը ստիպեց համակերպիլ: Ն. Վսեմութիւնը Պատուիրակութեան կազմութեան գործը ժողովին թողլով հանդերձ, յայտնեց, թէ ինք ինչ կը խորհի այդ մասին:

Վսեմ. Պօղոս Փաշա Նուպար. Նախորդ նիստին ըսի արդէն, թէ ինձի համար փափաքելի պիտի ըլլար աշխատակից ունենալ Տիար Լեւոն Սկրտչեանը: Մեծ յատկութեանց տէր, ողջամիտ անձնաւորութիւն մըն է, խորապէս ծանօթ երեք լեզուներու, եւ կը հաւատամ, որ շատ օգտակար պիտի դառնայ Պատուիրակութեան մէջ մտնելով: Ինչպէս ծանուցի արդէն, հեռագրով հարցուցած էի իրեն, որ, ընտրութեան պարագային, պիտի կրնա՞յ Փարիզ գալ: Պատասխան ստացայ, որ կու գայ՝ պայմանաւ, որ Պատուիրակութեան նախագահութեան պաշտօնը շարունակեմ պահել: Սիւս կողմէ՝ քանի ատեն է արդէն Համագումարն ալ կը լսէ, որ խօսք կը դառնայ Տիար Սինապեանի մասին, եւ ես կը հաւատամ նոյնպէս, որ Պատուիրակութեան մէջ մտնելով՝ Տիար Սինապեան մեծ օգտակարութիւն պիտի ունենայ եւ թանկագին օժանդակ մը պիտի ըլլայ ինձի: Գալով չորրորդ անդամին, որ մեր համաձայնութեան համեմատ՝ պէտք է Դաշնակցական մը ըլլայ, արդէն իսկ նշանակուած կրնանք նկատել Տիար Տոքթ. Ներսիսը, որուն հետ կ'աշխատինք նախորդ տարուրէն ի վեր: Տարակոյս չկայ, որ Պատուիրակութիւնը պիտի ունենայ նաեւ կարգ մը խորհրդակցանքեր, որոնցմէ ոմանք գործօն աշխատակցութիւն մը պիտի նուիրեն, մասնակցելու համար այն աշխատութեանց, որոնք կը ծանրանան մեր վրայ:

Քուէարկութեան անցնելէ առաջ՝ Տիար Տոքթ. Բարսեղեան առաջարկեց ատենագրութեանց մէջ չանցնել նախորդ նիստին այն մասը, որ կը վերաբերէր երկու Պատուիրակութեանց Նախագահներուն միջեւ զոյացած եւ Համագումարին կողմէ քուէարկուած համաձայնութեան, նկատելով, որ այդ խնդիրը թւորմացութեամբ մը բերուած է ժողովին:

Տիար Տեր-Ստեփանեան՝ յիշեցնելէ ետք, թէ նախորդ նիստին ինք քուէարկեց այդ համաձայնագիրը, ըսաւ, թէ քանի որ չեղեալ պիտի նկատուի, ինչպէ՞ս կարելի է Պատուիրակութեան անդամներուն համար առաջարկուած չորս թիւն ընդունիլ: Տիար Տեր-Ստեփանեան աւելցուց, թէ ժողովը այդ քուէարկութիւնն ըրաւ անոր համար, որ կը կարծէր, թէ Փաշային եւ Տիար Ահարոնեանի միջեւ համաձայնութիւն մը կար: Եթէ այդ

տեսակ համաձայնությունն ընդ չկայ՝ ուրեմն ժողովը ինք պետք է որոշէ, թե ի՞նչ թիւ պիտի ունենայ Պատուիրակութիւնը, չո՞րս թէ վեց:

Վսեմ. Պօղոս Փաշա Նուպար. Ես առարկութիւն ընդ չունիմ Տիար Բարսեղեանի առաջարկութեան դէմ: Ժողովը եթէ ուզէ՝ կրնայ ջնջել ատենագրութեանց այդ մասը: Արդէն այդ խնդիրը առնչութիւն չունի Չամազունարին հետ, եւ ես զայն հաղորդեցի իբր բարի լուր մը, որ մեծ յոյս կը ներշնչէր երկու Պատուիրակութեանց համագործակցութեան մասին:

Տիարք Թերզիպաշեան, Թէքեան եւ Չօպանեան պահանջեցին, որ ատենագրութիւնը մնայ նոյնութեամբ:

Ի վերջոյ քուէի տրուեցաւ Տիար Բարսեղեանի առաջարկութիւնը եւ ստացաւ եօթ քուէ:

Քուէի դրուեցաւ նաեւ նախորդ նիստին ատենագրութիւնը անեղծ պահելու առաջարկութիւնը եւ ստացաւ 5 քուէ:

Քուէարկութեանց միջոցին ներկայ եղող պատգամաւորներու թիւը 16 ըլլալով, երկու առաջարկութիւններն ալ մեծամասնութիւն չստացան եւ խնդիրը մնաց այնպէս, ինչպէս որ էր:

Տիար Արտաւազը Չամբմեան. Պատուիրակութեանց անդամներուն քուէարկութեան սկսելէ առաջ՝ ժողովիդ ուշադրութիւնը կը հրաւիրեմ հետեւեալ երեք կէտերուն վրայ: Նախ՝ Չամազունարին արժանապատուութիւնը որոշ չափով պահելու համար՝ Պատուիրակութեան անդամները ընտրելէ առաջ պետք է քուէի ենթարկենք սա կէտը, թէ կ'ընդունի՞մք, որ Պատուիրակութիւնը վեցի տեղ չորս անդամ պիտի ունենայ: Երկրորդ՝ ատենագրութեանց մէջ արձանագրուած է, որ երկու անգամ այս Չամազունարը մերժեց Պատուիրակութեան հրաժարականը: Պէտք է ընդունի՞մք, ուրեմն, նախորդ Պատուիրակութեան հաւաքական հրաժարականը եւ վերջը ձեռնարկենք նոր Պատուիրակութիւն ընտրելու:

Տիար Տերպետերեան. Զապա Բրօֆ. Տէր-Յակոբեան՞ընդ:

Տիար Չամբմեան. Ան բնաւ տեղեկութիւն չունի եղածին:

Վսեմ. Տիար Գ. Նորատունկեան. Բայց Պատուիրակութեան հրաժարականին մերժումէն վերջ նոր իրողութիւն մը տեղի ունեցաւ: Վսեմ. Փաշան, իր վերջին նամակին մէջ ըսած է, թէ ժողովիդ այնդամներուն վրայ ետ կ'առնէ իր հրաժարականը եւ թէ նոր Պատուիրակութեան կազմութեան պիտի աշխատի: Այս նամակը կարդացուեցաւ այստեղ եւ ժողովն ալ պաշտօն յանձնեց Դիւանին, որ այդ մասին գոհունակութեան ու շնորհակալութեան գիր մը ուղղէ Ն. Վսեմութեան, ինչ որ եղաւ: Ուրեմն, այդ կերպով, Չամազունարը իրաւունք տուաւ Փաշային՝ նոր Պատուիրակութիւն մը նշանակելու:

Տիար Ա. Չամբմեան. Երրորդ կէտը՝ որուն վրայ ժողովիդ ուշադրութիւնը պիտի հրաւիրեմ՝ սա է: Այս գործին մէջէն անելի արժանի կերպով մը ելլելու համար՝ լաւագոյն պիտի ըլլար, որ Չամազունարը միայն մէկ անձ ընտրէր իբր Պատուիրակութեան նախագահ եւ անոր թողուր Պատուիրակութեան միւս անդամներուն ընտրութիւնը:

Չամազունարը որոշեց Տիար Չամբմեանի առաջարկութիւններէն քուէի ենթարկել միայն առաջինը, որ կը վերաբերէր Պատուիրակութեան անդամներուն թիւին վեցէն չորսի վերածուելուն:

Տիար Տէր-Ստեփանեան յայտարարեց, թէ բացարձակապէս կը հակառակի այս որոշման, առարկելով, որ Պատուիրակութեան առջեւ ահագին գործ կայ ընելիք եւ թէ չորս անդամներ անբաւական են այդ մեծ աշխատութիւնը տանելու: Տիար Տէր-Ստեփանեան անելցուց, թէ կը բողոքէ ու չի մասնակցիր քուէարկութեան եւ առաջարկեց նոյն ատեն, որ նախորդ Պատուիրակութիւնը վերընտրուի՝ անոր անելցնելով Տիար Լեւոն Սկրտչեանը:

Տիար Տոքթ. Բարսեղեան ալ առաջարկեց, որ Պատուիրակութեան անդամներուն թիւը 4-էն 3-ի իջեցուի:

Տիար Չամբմեանի առաջին առաջարկութիւնը թէ՛ «Չամազունարը համամիտ է, որ Ազգ. Պատուիրակութեան անդամներուն թիւը 6-էն 4-ի վերածուի»,

16 պատգամաւորներու ներկայութեան քուէի դրուելով՝ ընդունուեցաւ 14 քուէով:

Յետոյ Չամազունարը ձեռնարկեց Պատուիրակութեան ընտրութեան, ի ներկայութեան 17 պատգամաւորներու, որոնցմէ Տիար Չօպանեան յայտարարեց, թէ ձեռնպահ կը մնայ:

Առաջին քուէարկութեան արդիւնքը եղաւ հետեւեալը.

Վսեմ. Պօղոս Փաշա Նուպար	12 քուէ
Տիար Լեւոն Սկրտչեան	9
Տիար Տոքթ. Ներուզ	8
Տիար Սիմապեան	8
Տիար Չօպանեան	6
Վսեմ. Նորատունկեան	1
Տիար Թերզիպաշեան	1
Տիար Թէքեան	1
Սպիտակ	3

Մեծամասնութեամբ ընտրուած հռչակուեցան՝ Վսեմ. Պօղոս Փաշա Նուպար, Տիար Լեւոն Սկրտչեան: Զամեմատականի մնացին Տիարք Ներուզ եւ Սիմապեան:

Զամեմատական քուէարկութենէն առաջ՝ Դիւանին ներկայացուեցաւ հետեւեալ առաջարկութիւնը.

«Կ'առաջարկենք Պատուիրակութեան ընտրութիւնը նկատել կենսական հարց:

- Տոքթ. Ա. Բարսեղեան
- Ա. Չամբմեան
- Տոքթ. Ներուզ
- Մ. Տերպետերեան

Սկստի առնելով, որ ըստ Ներքին Կանոնագրին 19-րդ յօդուածին, այս տեսակ առաջարկութիւն մը պէտք է եօթ պատգամաւորներու ստորագրութիւնը կրէ, անհետեւանք թողուեցաւ այս առաջարկութիւնը:

Զամեմատականի քուէարկութիւն կատարուելով, Տիարք Ներուզ եւ Սիմապեան ընտրուեցան 10-ական քուէ ստանալով, որով Ազգ. Պատուիրակութիւնը կազմուեցաւ հետեւեալ կերպով.

- Վսեմ. Պօղոս Փաշա Նուպար
- Տիար Լեւոն Սկրտչեան
- Տոքթ. Ներուզ
- Տիար Գ. Սիմապեան

Պատգամաւորները շնորհաւորեցին նորընտիր Պատուիրակութեան այն անդամները, որոնք ներկայ էին ժողովին:

Նորընտիր Պատուիրակութեան անդամ Տիար Գ. Սիմապեան շնորհակալութիւն յայտնեց ժողովին կողմէ իր մասին եղած գնահատութեան ցոյցին համար եւ ըսաւ, թէ որքան ատեն, որ Փարիզ գտնուի, սիրով ու անձնուիրութեամբ պիտի մասնակցի Պատուիրակութեան աշխատութեանց. միայն թէ ինք Փարիզ չի բնակիր, կրնայ ըլլալ, որ ստիպուի մեկնիլ ժամանակ մը վերջ՝ Պատուիրակութեան գործը չլրացած: Հետեւաբար, առաջարկեց, որ Չամազունարը, իր նիստերը դադարեցնելէ առաջ, նախատեսէ այս պարագան եւ հիմակուց որոշում մը խորհի ու քուէարկէ, որպէսզի յառաջիկային՝ բացակայութեան մը կամ հրաժարման մը պարագային Պատուիրակութիւնն իրաւասութիւն ունենայ պակսածին տեղ նոր անդամ մը ընտրելու:

Տիար Բրօֆ. Թունայեան. Ես ալ համամիտ եմ այս առաջարկին:



Տիար Տէր-Ստեփանեան. Համամիտ են նոյնպէս, սա պայմանաւ, որ պակսած անդամներու տեղ նորերու ընտրութեան իրաւասութիւնը թողունք Փաշային, քանի որ արդէն ամբողջ այս խնդրին մէջ մեր կամքն ու իրաւասութիւնները ենթարկեցինք անոր:

Տիար Պօտիկեան. Կը ծայնակցիմ:

Տիար Ներուզ. Չե՞ք մտածեր, թէ ատանկ պարագայի մը՝ Պատուիրակութեան միւս անդամները պիտի ուզե՞ն, որ Փաշան մինակը կատարէ ընտրութիւնը: Տրամաբանական պիտի ըլլար այս տեսակ որոշում մը՝ եթէ երբեք Համագումարը ընդունած ըլլար Տիար Հանրմեանի այն առաջարկութիւնը, որով պահ մը առաջ կը յանձնարարէր միայն նախագահ մը ընտրել եւ անոր թողուլ ամբողջ Պատուիրակութիւնը ընտրելու գործը: Քանի որ այս առաջարկութիւնը մերժուեցաւ եւ ընտրութիւն կատարուեցաւ, պէտք է, որ յառաջիկային պակսած անդամի մը ընտրութեան իրաւասութիւնն ալ չթողուի լոկ Փաշային, եւ ընտրութիւնը կատարուի ամբողջ Պատուիրակութեան կողմէ:

Տոքթ. Բարսեղեան. Այստեղ Փաշային առաջարկուեցաւ, որ ինք կատարէ Պատուիրակութեան անդամներուն ընտրութիւնը, բայց մերժեց, լաւագոյն սեպեց, որ քուէարկութեամբ կատարուի: Հետեւաբար՝ պէտք է ամբողջ Պատուիրակութեան թողուլ պակսած անդամի մը տեղ նորի մը ընտրութեան իրաւասութիւնը եւ ո՛չ թէ միայն իրեն, ինչ որ իր բաղձանքին ալ համաձայն պիտի ըլլար:

Տիար Սինապեան. Կրնայ ըլլալ, որ նոյն ինքն Փաշան, նկատի առնելով իր առողջական վիճակը, ստիպուի քաշուիլ: Պէտք է հիմնակուց որոշուի, թէ ի՞նչ պէտք է ընել այդ պարագային:

Տիար Հանրմեան. Պատուիրակութիւնը եթէ ինքզինքը պիտի կրնայ լրացնել, պէտք չէ, որ այդ իրաւունքը միայն մէկ անդամի տրուի, այլ՝ ամբողջ Պատուիրակութեան տրուելու է: Քիչ մը առաջ առաջարկեցի, որ Փաշան նախագահ ընտրենք եւ անոր թողունք ամբողջ Պատ.-թիւնը ընտրելու հոգը. ժողովը մերժեց: Հիմա ինչպէ՞ս մինակ Փաշային կրնայ թողուլ պակսած անդամ մը ընտրելու իրաւասութիւնը: Ես կ'առաջարկեմ, որ Համագումարը, առ ի նախատեսութիւն, ընտրէ մէկ քանի փոխ-անդամներ, որոնք՝ երբ Պատուիրակութեանը անդամներ պակսին, առաւելագոյն քուէ կարգով կու գան պակսածներուն տեղը բռնելու:

Տիար Թէրզիպաշեան. Եթէ Պատուիրակութեան կազմութեան գործը Փաշային չթողուցինք, պատճառը սա էր, որ մերժեց: Ռեւէ մարմին իրաւունք ունի միշտ իր պակսած անդամներուն տեղ նորեր նշանակելու: Քանի որ ամէնքս ալ վստահութիւն ունինք Փաշային վրայ, եւ եթէ ինք արգելք չըլլար՝ առանց առարկութեան իրեն պիտի թողէինք Պատուիրակութեան կազմութիւնը, ուրեմն՝ կրնանք նոյն վստահութեամբ իրեն թողուլ նաեւ պակսած անդամի մը յաջորդին ընտրութիւնը:

Տիար Վահան Թէրզեան. Ես ալ կ'առաջարկեմ, որ եթէ անդամ մը պակսի, Պատուիրակութեան միւս անդամները իրենց գործը շարունակեն առանց նոր մը ընտրելու:

Համագումարը որոշեց քուէի ենթարկել այս խնդրին նկատմամբ եղած հետեւեալ չորս առաջարկութիւնները.

Ա. Առաջարկ Տիար Տէր-Ստեփանեանի.

«Եթէ յառաջիկային Պատուիրակութեան մէկ անդամը պակսի, Նախագահ Վսեն. Պօղոս Փաշա Նուպար յարմար անձ մը կ'ընտրէ անոր տեղը»:

Բ. Առաջարկ Տիար Տոքթ. Ներուզի.

«Եթէ յառաջիկային Պատուիրակութեան մէկ անդամը պակսի, միւս անդամները յարմար անձ մը կ'ընտրեն անոր տեղը»:

Գ. Առաջարկ Տիար Ա. Հանրմեանի.

«Համագումարը հիմնակուց փոխ-անդամներ պէտք է ընտրէ, որոնք՝ առաւելագոյն քուէի կարգով պէտք է կոչուին Պատուիրակութեան պակսած մէկ անդամին յաջորդելու»:

Դ. Առաջարկ Տիար Վ. Թէրզեանի.

«Եթէ յառաջիկային Պատուիրակութեան մէկ անդամը պակսի, միւս անդամներն իրենց գործը կը շարունակեն՝ առանց պակսածին տեղ նոր անդամ մը ընտրելու»:

Քուէարկութեան ընթացքին Տիար Տոքթ. Ներուզ ետ առաւ իր առաջարկութիւնը: Նոյնպէս Տիար Հանրմեան ալ ետ առաւ իր առաջարկութիւնը, յայտնելով, թէ կը միանայ Տիար Վ. Թէրզեանի առաջարկութեան:

Քուէի դրուեցան Տիար Տէր-Ստեփանեանի եւ Տիար Թէրզեանի առաջարկութիւնները:

Տիար Տէր Ստեփանեանի առաջարկութիւնը ստացաւ ութ քուէ:

Տիար Վահան Թէրզեանի առաջարկութիւնը ստացաւ եօթ քուէ:

Քուէարկուներու թիւը 15 ըլլալով, Տիար Տէր-Ստեփանեանի առաջարկութիւնը, որ մեծամասնութիւն ստացած էր, ընդունուեցաւ:

Հարցում եղաւ այս առթիւ, թէ Պատուիրակութեան պակսած անդամին տեղ ընտրուելիք անձնաւորութիւնը պէ՞տք է, որ անպատճառ Համագումարի անդամ ըլլայ:

Տիար Թումայեան. Ես կը կարծեմ, որ այս մասին անպատճառ պարտադիր պայման դնելու պէտք չկայ: Փաշան կ'ընտրէ իրեն յարմար դատած արժանաւորագոյն անձը:

Ամեն. Դուրեան. Մանաւանդ, որ Համագումարին դերն ալ կը լրանայ արդէն, որով Համագումարի անդամ ալ չի մնար:

Տիար Որբերեան. Դիրքը, հանգամանքը, աւելի արժանաւորութիւնն է, որ պէտք է փնտռուին: Վսեն. Փաշան ազատ թողելու է, որպէսզի պէտք եղած պահուն կարենայ յարմարագոյն անձը կոչել գործի գլուխ: Յաւակնութիւն մը պիտի ըլլայ մեր կողմէ խորհիլ, որ այս Համագումարէն դուրս արժանաւոր անձ չկայ:

Տիար Թէրզիպաշեան. Այդ չէր առաջարկութեան բուն իմաստը: Սեկնութիւնը սխալ է:

Տիար Որբերեան. Ամեն պարագայի մէջ՝ լաւագոյնը Փաշան ազատ թողելու է կարծեմ: Հետեւաբար՝ այդ իմաստով բարեփոխման մը պէտք է ենթարկել Տիար Տէր-Ստեփանեանի առաջարկութիւնը, զոր հիմա քուէարկեցինք:

Բրօֆ. Թումայեան. Համամիտ են: Եւ արդէն ամենէն գործնական եղանակն է ասիկա:

Ժողովը որոշեց, որ Փաշան եթէ ուզէ՝ կրնայ Համագումարի անդամ չեղող անձնաւորութիւն մըն ալ ընտրել: Այս որոշման վրայ՝ Տիար Տէր-Ստեփանեանի առաջարկութիւնը, բարեփոխուելով, ստացաւ հետեւեալ ձեւը.

«Եթէ յառաջիկային Պատուիրակութեան մէկ անդամը պակսի, Նախագահ Վսեն. Պօղոս Փաշա Նուպար յարմար անձ մը կ'ընտրէ անոր տեղը, կա՛մ Համագումարի անդամներէն եւ կա՛մ դուրսէն»:

Այս ձեւով քուէի դրուելով, առաջարկութիւնը ընդունուեցաւ 14-ի վրայ 9 ձայնի մեծամասնութեամբ:

Նիստը փակուեցաւ ժամը 6-ին:

ՀԱՍ, ֆ. -430, ց. 1, գ. 67, թթ. 46-55: Ձեռագիր: Բնագիր:

## Նիստ ԻԸ

5 Յուլիս, 1920, ժամը 4 1/2-ին,  
Նախագահութեամբ  
Վսեն. Տիար Գ. Նորատունկեանի.

Ներկայ էին 13 պատգամաւոր՝

Բարսեղեան, Դալիթ-Բէկ, Թերզիպաշեան, Թէքեան, Թումայեան, Վսեմ. Գ. Նորատունկեան, Վսեմ. Պօղոս Փաշա Նուպար, Որբերեան, Զօպանեան, Պզտիկեան, Սինապեան, Տէրպետերեան, Տէր-Ստեփանեան:

## Օրակարգ

### 1. Վերակազմութիւն Ազգ. Պատուիրակութեան

#### ԱՏԵՆԱՎԱՆ ԳՈՐԾՈՂՈՒԹԻՒՆՆԵՐ

##### 1. Ընթերցում ատենագրութեան

Կարդացուեցան եւ վաւերացուեցան Յունիս 30-ի եւ Յուլիս 3-ի ճիստերուն ատենագրութիւնները:

Հարցում Տիար Վահան Թէքեանի /տես վերջը/ «մանտա»յի խնդրին նկատմամբ Ամերիկայի մէջ եղած յայտարարութեան մասին: Որոշուեցաւ այս խնդիրը օրակարգ անցընել եւ առանց վիճաբանութեան լսել ու արձանագրել Պատուիրակութեան բացատրութիւնները:

## Օրակարգ

### 1. Վերակազմութիւն Ազգ. Պատուիրակութեան

Կարդացուեցաւ Տիբեթիներու Սահմանման Յանձնաժողովին 9-րդ առաջարկութիւնը, որ կը վերաբերէր Միացեալ կառավարութեան խնդրին, առաջարկութիւն՝ որու մասին երեք տարբեր կարծիք յայտնուած էր Յանձնաժողովի անդամներուն կողմէ եւ որուն նկատառումը թողուած էր վերջին:

Յանձնաժողովի անդամներէն Տիարը Թերզիպաշեան եւ Տէր-Ստեփանեան կարծիք յայտնած էին, թէ Պատուիրակութիւնը պէտք է դիմէ Երեւանի կառավարութեան, առաջարկելով անոր՝ միացումը կատարել դաշնագրին ստորագրութենէն անմիջապէս վերջ, եւ եթէ դաշնագիրը նուազագոյն գոհացում մը տայ արեւմտահայոց, միացման համար իմ ընդունիլ Պ. Խատիսեանի կողմէ եղած առաջարկութիւնները: Մերժումի պարագային՝ Տիարը Թերզիպաշեան եւ Տէր-Ստեփանեան կարծիք յայտնած էին, որ Ազգ. Պատուիրակութիւնը պէտք է շուրջ 50 անդամէ բաղկացած արեւմտահայ համագումարի մը ընտրութեան ձեռնարկէ, զայն գումարելով Երեւան եւ անոր յանձնելով միացման եւ ուրիշ արեւմտահայ հարցերը: Այս համագումարը համաձայնութեան պարագային պիտի կրնար ինքզինքը արեւմտահայ խորհրդարան նկատել, եւ ձուլուելով Երեւանի խորհրդարանին հետ՝ կազմել Միացեալ խորհրդարան:

Յանձնաժողովի անդամներէն Տիար Գ. Սինապեան կարծիք յայտնած էր, որ Համագումարը այս մասին ալ ռեւէ որոշում չառնելով՝ պէտք է միայն դրութիւնը հաղորդէ իր մէջ ներկայացուցիչ ունեցող անեն մարմիններուն, անոնց թողլով ռեւէ որոշում:

Դարձեալ Յանձնաժողովի անդամներէն Տիար Բարսեղեան կարծիք յայտնած էր, որ Ազգ. Պատուիրակութիւնը պէտք է անմիջապէս առաջարկէ Երեւանի կառավարութեան՝ միացումը գոյացնել Պ. Խատիսեանի նամակին խորհրդարանի ու կառավարութեան վերաբերող մասերու հիման վրայ: Գալով Պատուիրակութեանց հարցին, Տիար Բարսեղեան կարծիք յայտնած էր, որ Համագումարը պէտք է ընտրէ չորս անձնաւորութիւններ, որոնցմէ երկուքը՝ Երեւանի կառավարութեան կողմէ պիտի

նշանակուին Պատուիրակութեան անդամ, եւ այսպիսով պիտի կազմուի Միացեալ Պատուիրակութիւնը:

Վիճաբանութիւն ձեռնարկելով՝ խօսք առաւ

Տիար Բարսեղեան. Կը կարծեմ, թէ պէտք է իմ ամբողջ առաջարկութիւնս վերցնել այլեւս: Ինչպէս արդէն ըսի քանիցս, անոր ամբողջութիւնը միայն կարելիութիւն ունի: Եթէ իբր ամբողջութիւն ընդունուի՝ կը հաւանիմ, որ քուէի դրուի: Մասնակի քուէարկուելու կը հակառակիմ: Ես անմիջապէս միացման միջոց մը ցոյց տուած էի երկու Պատուիրակութեանց համար: Քանի որ ատիկա եղաւ, կարծեմ, թէ այլեւս պէտք չի մնար այս առաջարկութեան:

Տիար Թերզիպաշեան. Այս դիտողութիւնը կարելի է ընել առաջարկութեան երկրորդ կէտին՝ Պատուիրակութեանց միացման մասին, բայց առաջին կէտը՝ Միացեալ կառավարութեան հարցը կը մնայ:

Տոքթ. Բարսեղեան. Կը կրկնեմ, որ իմ առաջարկութեանս ամբողջութիւնը միայն կարելիութիւն ունէր իմ աչքիս:

Տիար Թէքեան. Ուրեմն, ինչպէ՞ս պէտք է լուծուին Միացեալ կառավարութեան ու խորհրդարանի հարցերը:

Տոքթ. Բարսեղեան. Միացման մասին կարծիք չունիմ: Կեանքը կ'որոշէ ինչ որ պէտք է ըլլայ այդ ուղղութեամբ:

Տիար Տէր-Ստեփանեան. Մեզի համար լաւագոյն է անշուշտ, որ Տիար Բարսեղեան ետ առնէ իր առաջարկութիւնը, բայց չեմ հասկնար, թէ ի՞նչ պէտք կայ ատոր, քանի որ իր ուզածին պէս ալ եղաւ: Ինք առաջարկած էր, որ չորս անձեր նշանակուին եւ Երեւանի կառավարութիւնը անոնցմէ երկուքը անդամ անուանէ Միացեալ Պատուիրակութեան: Այդպէս ալ՝ չորս անձեր նշանակուեցան: Թող Երեւանի կառավարութիւնը երկու հոգի ընտրէ ատոնցմէ եւ խնդիրը կը վերջանայ:

Վսեմ. Պօղոս Փաշա Նուպար. Քանի մը դիտողութիւններ պիտի ընեն Տիարը Թերզիպաշեանի եւ Տէր-Ստեփանեանի առաջարկութեան մասին: Նախ՝ չափազանց խնդրական բան մըն է հայկական պահանջներու «նուազագոյն» չափով մը գոհացում գտնելու նախատեսութիւնը, որ եղած է այդ առաջարկութեան մէջ, քանի որ կարելի չէ դրապէս ըսել, թէ ուր կը սկսի այդ «նուազագոյն գոհացում»ը եւ ուր կը վերջանայ: Միացման խնդրին համար ալ դիտել կու տայ, որ Ազգ. Պատուիրակութեան կողմէ ռեւէ մոր փորձ կատարելու հնարաւորութիւն չկայ, քանի որ յայտնի է, թէ այդ մասին ի՞նչ ընթացք ցոյց տրուեցաւ Հանր. կառավարութեան կողմէ: Կառավարութիւնը ո՛չ իսկ պատասխանեց մեր այն հեռագրին, որով կը յայտնէինք, թէ կ'ընունինք Տիար Խատիսեանի կողմէ յանուն կառավարութեան եղած փոխ-առաջարկները: Հիմա ի՞նչ ըսելով մորէն դիմում պիտի ընենք: Անշուշտ նախաձեռնութիւնը պէտք է ուղղակի կառավարութենէն գայ, որպէսզի կարելի ըլլայ վերստին բանակցութեան մտնել: Հաւանական է, որ Տիար Խատիսեան քիչ ատենէ Փարիզ հասնի եւ ուղղակի խօսինք իրեն հետ այս խնդրին նկատմամբ:

Բոսֆ. Թումայեան. Չէ՞ք կարծեր, որ Տիար Խատիսեանի ժամանումը առնչութիւն ունենայ այս խնդրին հետ:

Վսեմ. Պօղոս Փաշա Նուպար. Ապահով չեմ, գոնէ բան մը չէ ըսուած մեզի այդ տեսակ ապահովութիւն մը ներշնչող:

Տիար Տէրպետերեան. Անշուշտ այս մասին ալ հրահանգ պէտք է ունենայ, քանի որ ինք էր խնդրին ձեռնարկողը:

Վսեմ. Պօղոս Փաշա Նուպար. Ամեն պարագային մէջ, երբ Փարիզ հասնի, կը խորհրդակցինք իրեն հետ, տեսնելու համար, թէ բան մը կա՞ր ընելիք դիտողութիւն մը նաեւ առաջարկութեան մէջ գործածուած «դաշնագրին ստորագրութենէն ետք» բացատրութեան մասին: Այդ բացատրութիւնը չի համապատասխաներ այսօրուան կացութեան, նկատելով, որ դաշնագրին ստորագրութեամբ յայտնի չպիտի ըլլայ հայկական պահանջներու ինչ չափով գոհացում գտած ըլլալը: Որովհետեւ, թէեւ

դաշնագիրը այն տպաւորութիւնը կը թողուր, թէ նախագահ Ուիլսոնի իրաւարարութիւնը տեղի պիտի ունենայ ստորագրութենէն առաջ, բայց այսօր այլեւս տարակոյս չկայ, թէ այդ իրաւարարութիւնը պիտի կատարուի ստորագրութենէն վերջ միայն. հետեւեալքար՝ լաւագոյն պիտի ըլլար նախատեսուած կարգադրութիւնները թողուլ իրաւարարութեան կատարումէն ետք, երբ այլեւս պիտի յայտնուի, թէ ի՞նչ համեմատութեամբ գոհացում գտած են մեր պահանջները Ամբողջական, Միացեալ Չայնաստանի մասին: Կարծեմ՝ նկատի առնելով այսօրուան դրութիւնը՝ տրամաբանականն ալ աս է այդ խնդրին նկատմամբ եղած բոլոր առաջարկութեանց մէջ:

Տիար Տեր-Ստեփանեան. Մեր առաջարկութիւնը հիմն մըն է, կը բաւէ որ սկզբունքը ընդունուի եւ հիմը դրուի՝ անկէ անդին՝ Պատուիրակութեան կը մնայ յարմարագոյն ատենին եւ յարմարագոյն եղանակով զինքը կառուցանել այդ հիման վրայ: Կը գարմանամ, որ Տիար Բարսեղեան այսօր կ'ուզէ այս խնդիրը քանդել:

Տոքթ. Բարսեղեան. Չըսի, թէ քանդել կ'ուզեն: Եթէ իմ առաջարկութիւնս ընդունուի իր ամբողջութեան մէջ, կը մասնակցիմ ես ալ:

Տիար Թէքեան. Բայց կ'ըսէիք, թէ կարծիք չունէիք միացման մասին, ինչ որ ժխտում մըն էր միացման խնդրին անհրաժեշտութեան:

Տոքթ. Բարսեղեան. Աւելցուցիք նաեւ, թէ կեանքը կ'որոշէ այդ ուղղութեամբ ըլլալիքը:

Տիար Տեր-Ստեփանեան. Կեանքը տակաւին շատ բան պիտի որոշէ, եթէ մինչեւ այսօր որոշածները չեն բաւեր: Ձերը պարզապէս քանդման գործ մըն է եւ ոչ ուրիշ բան: Մենք տակաւին կը պնդենք մեր առաջարկութեան վրայ: Կարելի չէ նախատեսել Պատուիրակութեան համար ապագայ ռեւէ գործունէութիւն առանց այս հիման:

Տիար Թերզիպաշեան. Եթէ դաշնագիրը գոհացում տայ հայկական պահանջներուն եւ Թրքահայաստանէն մաս մը միանայ Չանրապետութեան, այդ պարագային աւելի դրական կը դառնայ թրքահայոց իրաւունքը՝ հայկական կառավարութեան ու խորհրդարանին մասնակցելու: Բայց եթէ կառավարութիւնը մերժէ, այդ պարագային՝ Պատուիրակութիւնը, որ թրքահայ ժողովուրդը ներկայացնող Չանագումարէն բոլխած մարմին մըն է, պարտաւոր է խնդիրը եմթարկել նոյն ինքն թրքահայ ժողովուրդին, հրաւիրելով նոր համագումար մը, որուն կը մնայ որոշել, թէ ի՞նչ ընթացք պէտք է բռնել թրքահայոց իրաւանց պաշտպանութեան համար: Այդ համագումարին է, որ կը մնայ վերջին խօսքը: Այս անբնական պայմաններուն մէջ, երբ թրքահայութիւնը ցրուած վիճակ մը ունի. հարկաւոր է, որ ռեւէ մարմին նախաձեռնութիւնը ստանձնէ թրքահայութեան ցրուած կամքերը իրար բերելու եւ Թրքահայաստանի վերաշինութեան ու թրքահայերու ներգաղթին առթիւ անոնց շահերը պաշտպանելու եւ առհասարակ կառավարութեան մօտ զիրենք ներկայացնելու գործին մէջ: Արդ, ո՛չ մեկ մարմնին կը պատշաճի այս նախաձեռնութիւնը, եթէ ոչ Չայկական Չարցի առիթով ընտրուած Չանագումարէն բոլխող Պատուիրակութեան:

Վսեմ. Պօղոս Նուկար Փաշա համամտութիւն յայտնեց առաջարկութեան այս կերպ մեկնութեան:

Տիար Տոքթ. Բարսեղեան. Այս առաջարկը պարզելու համար՝ պէտք է հասկնալ, թէ նախատեսուած համագումարին պիտի մասնակցին միայն ա՞յն արեւմտահայերը, որոնք կը գտնուին Չայնաստանի սահմաններուն մէջ եւ կան բնիկներն են կցուած նահանգներուն, թէ՞ պիտի մասնակցին գաղութներու հայերն ալ: Առաջին պարագային՝ նախաձեռնութիւնը չի՛ կրնար պատկանիլ Ազգ. Պատուիրակութեան, քանի որ տարիներէ ի վեր Չայնաստան ապաստանած արեւմտահայութիւնը իր ներկայացուցիչներն ունի, թուով 13, խորհրդարանին մէջ: Երկրորդ պարագային՝ այս առաջարկին գործադրութիւնը շատ աւելի կը դժուարանայ, որովհետեւ աշխարհի չորս կողմը ցրուած հայութիւնը անկարելի է խմբել Ազգ. Պատուիրակութենէն բոլխող

հրաւերի մը շուրջը: Չետեւաբար՝ Ազգ. Պատ. - քիւնը չի՛ կրնար այս տեսակ ձեռնարկի մը գլուխ կենալ: Ուրիշ բան է՝ եթէ զանազան կեդրոններէ դիմումներ ըլլան Չայնաստանի կառավարութեան, որ ապահովաբար ընթացք կու տայ քաղաքացիութեան փափաքներուն:

Տիար Թերզիպաշեան. Որ Մայիս 28-ին պետական հարուածի հետեւանքով քանի մը արեւմտահայերու՝ բարլամենտին մասնակցութիւնը Կովկասի փախստականութեան դիրքը չէ փոխած՝ յայտնի է այն հանգամանքէն, որ թրքահայերու համագումար մը այսօր գոյութիւն ունի եւ կը գործէ այստեղ:

Ի վերջոյ, որոշուեցաւ Տիրէքիւններու Սահմանման Յանձնաժողովին բոլոր առաջարկութիւնները, որոնք քուէարկուած էին Պատուիրակութեան հրաժարած միջոցին, եւ այս 9-րդ առաջարկութիւնն ալ յանձնել նորընտիր Պատուիրակութեան, որպէսզի ժողովին բերէ իր կարծիքը անոնց մասին:

Տիար Բարսեղեան պահանջ դրաւ դարձեալ, որ Տիրէքիւններու Յանձնաժողովին առաջարկութիւնները, որոնք ընդհանուր պատգամաւորներու թիւին կէտէն մէկ աւելի բացարձակ մեծամասնութեամբ չեն անցած, տիրէքիւն չնկատուին, այլ՝ պարզ թելադրութիւն:

Ժողովն անհետեւանք թողուց այս պահանջումը:

#### Չարցուն Տիար Վահան Թէքեանի

Տիար Վահան Թէքեան. Ասկէ առաջ ժողովին մէջ խնդիր եղաւ, թէ Խորէն Եպիսկոպոս եւ Տիարք Փաստրմաճեան ու Գարտաշեան Ուաշինկթոն՝ Ծերակոյտի Արտաքին գործոց Յանձնաժողովին յայտարարած էին, որ հայերը մանտա չեն ուզեր: Ինչպէս կը յիշուի, Փաշան այս մասին հեռագիր մը ուղղեց Տիար Ավազլըի, որմէ ստացուած պատասխանը նոյնպէս կարդացուեցաւ այս ժողովին մէջ: Այդ թրքակցութիւնները այն տպաւորութիւնը թողուցին, թէ խնդիրը սխալ ներկայացուած էր, եւ ժողովը դժգոհութիւն յայտնեց, որ Տիար Ավազլը սխալ տեղեկութիւն մը հաղորդեր է՝ առանց լրջօրէն խնդիրը քննելու: Կը լսենք, թէ անկէ ի վեր Պատուիրակութեանը նոր տեղեկութիւններ հասած են այս խնդրին նկատմամբ: Չետեւաբար, կը խնդրեմ Պատուիրակութեանէն, որ Չանագումարի յառաջիկայ նիստին բերէ այդ տեղեկութիւնները, որպէսզի խնդիրը պարզուի վերջնականապէս:

Տիար Թերզիպաշեան. Արդէն առաջին օրէն, երբ այս խնդիրը ժողովին եկաւ, ըսի, թէ Տիար Ավազլըի տուած տեղեկութիւնը չի՛ կրնար սխալ ըլլալ, քանի որ ծանօթ են Չանր. կառավարութիւնը ձեռք առած մարդոց տրամադրութիւնները «մանտա»-յի խնդրին նկատմամբ: Որչափ որ իմացանք՝ Պատուիրակութեանը հասած լիակատար տեղեկութիւնները, որոնց ճշդութիւնը կարելի չէ բնաւ տարակոյսի ենթարկել, հիմնովին կը հաստատեն ասիկա: Ժողովին համար խղճի պարտք է ուղղել այս մասին իր նախապէս ըրած յայտարարութիւնը, որ համաձայն չէր իրականութեան:

Նիստը փակուեցաւ ժամը 6-ին:

ՉԱԱ, ֆ. -430, ց. 1, գ. 67, թթ. 56-63: Ձեռագիր: Բնագիր:

#### Նիստ ԻԹ

9 Յուլիս 1920, ժամը 4-ին,

Նախագահութեամբ Գաբրիէլ Էֆ. Նորատունկեանի

Ներկայ էին 12 պատգամաւորներ՝

Եղիշ՝ Արքեպ. Դուրեան, Պ. Պ. Դավիթ-Բէկ, Ա. Թերզիպաշեան, Վ. Թքէեան, Գ. Նորատունկեան, Ռ. Որբերեան, Ա. Չօպանեան, Մ. Պապաջանեան, Զ. Պզտիկեան, Գ. Սինապեան, Մ. Տերպետրեան, Ն. Տեր-Ստեփանեան:

**ՕՐԱԿԱՐԳ**

**1. Վերակազմութիւն Ազգ. Պատուիրակութեան**

Նորատունկեան Էֆենտիի յայտարարութիւնները ֆրանսական հոգատարութեան խնդրին նկատմամբ:

**ՕՐԱԿԱՐԳ**

**1. Վերակազմութիւն Ազգ. Պատուիրակութեան**

Նորատունկեան /Գ. Էֆ./: Քանի որ է չկրցանք գումարուիլ երկու պատճառներով: Նախ՝ դաշնագրին սրբագրութեան եւ պարզելու կարօտ կէտերուն նկատմամբ Գերագոյն Խորհուրդին մատուցուելիք Յիշատակագրին խնդիրը կար, որ բաւական լուրջ զբաղում մը եղաւ մեզի, եւ երկրորդ՝ Հայաստանէն Միջազգային Համաժողովին գումարունը: Այս Համաժողովին աշխատութեանց վերաբերող պարագայ մը կայ, զոր պարտք կը զգամ հաղորդել ժողովիդ: Համաժողովը Գերագոյն Խորհուրդին ուղերձ մը պիտի տար՝ գլխաւորաբար հայոց համար օգնութիւն հայցելով: Խնդրեցի իրենցմէ, որ հայոց համար եղած խնդրանքներուն աւելցուի նաեւ Գերմանիոյ կողմէ ըլլալիք ընդհանուր հատուցումէն պզտիկ բաժին մըն ալ, ամբողջական գումարին վրայ գոնէ 1/2 % համեմատութեամբ մաս մը մեզի տրուելու առաջարկութիւնը: Բնական է՝ այս խնդիրքը ըրած ատենս ապահով չէի կրնար ըլլալ, որ Դաշնակիցները անպատճառ պիտի ընդունին զայն, բայց ասիկա պարտականութիւն համարեցի ընել: Պէտք էինք մեր ձեռքէն եկած ամեն բան փորձել այս մասին, նոյնիսկ եթէ թերահաւատ ըլլայինք արդիւնքին նկատմամբ: Սնաց որ՝ բոլորովին անյուսալի ալ չէր, ինչպէս յայտնեցի Պ. Վիքթոր Պեռարի, որ ղեկավարեց Համաժողովին աշխատութիւնները: Պ. Պեռար նախապէս համամիտ գտնուեցաւ ինձի եւ խոստացաւ ուղերձին մէջ աւելցնել այս կէտը: Հետեւեալ առաւօտեան՝ դաշնագրի սրբագրութեան Յիշատակագրին խմբագրութեամբ զբաղած ըլլալով՝ ուշ միայն գացի Համաժողովին: Փափաքեցայ տեսնել պատրաստուած ուղերձը, գիտնալու համար, թէ ի՞նչ ձեւով ըրած էին խնդրանքը: Զարմացմամբ տեսայ, որ բոլորովին մոռցուած էր այդ մասին յիշատակութիւն ընել: Խնդրեցի թէ՛ Պ. Պեռարէն եւ թէ՛ Համաժողովին գլխաւոր անդամներէն, որ այդ կէտը աւելցուի ուղերձին, մեր պահանջունը 1/2 % ցոյց տրուելով, որպէսզի այս համեստ պահանջունը, որ 4-500 միլիոն ֆրանքի շուրջ կը դառնայ, չմերժուի:՝ Պ. Պեռար խնդրեց, որ չպնդեմ, ըսաւ թէ արդի պարագաներուն մէջ այդ տեսակ պահանջուն մը գէշ տպաւորութիւն պիտի ընէ տերութեանց վրայ, որոնք արդէն իրենց որոշումները տուած են: Հասկցայ, որ նախորդ օրուան իր տրամադրութիւնը փոխուեր էր: Անշուշտ, կարելի չէր Համաժողովին մէջ վիճարանիլ: Զայն չհանեցի, բայց քիչ մը վերջը, երբ Պ. Պեռարի հետ միմակ էինք, վերստին արծարծեցի խնդիրը եւ կրկնեցի պահանջունս: Պ. Պեռար, ըսաւ թէ չի կարծեր, որ կարելի ըլլայ այդ մասին բան մը ընել, որովհետեւ առտուն Օտրապոյտին մէջ իմացած էր, թէ ութ օր է վեր ամեն բան որոշուած էր հատուցման բաժիններուն նկատմամբ, թէ յետին սամթիւնը

\* Նորատունկեան Էֆ. ըսաւ նաեւ.«...Յայտնեցի իրենց, թէ նախապէս 20 միլիոն ֆր.-ի պահանջ մը ըրած էինք և նկատողութեան չէին առած»: Նորատունկեան Էֆ. ջնջեց այս տողերը:

տերութեանց մէջ արդէն բաժնուած ըլլալով, հնարաւորութիւն չկար հայոց ալ բաժին մը ապահովելու: Պատասխանեցի, թէ մեր պահանջածը centimes additionales է, զորս, ի հարկին, տէրութիւնները կրնան տալ իրենց ինկած բաժնէն: Պ. Պեռար տեղի տուաւ, միասին վերադարձանք Համաժողովին զուիցերիացի անդամներուն մօտ, եւ այդ կէտը աւելցնել տուի ուղերձին: Փափաքելի է անշուշտ, որ Պատուիրակութեանց այժմ Սբա գտնուող անդամները ամձամբ ալ դիմում ընեն այս մասին՝ երբ Գերմանիայէն ստացուելիք հատուցման խնդիրը պիտի քննուի: Որովհետեւ՝ ընդհանուր հատուցմանց մէջ, զորս Դաշնակիցները կը պահանջեն, ամենէն առաջ գերմանականն է, որ ստացուելու յոյս կը ներշնչէ: Թուրքիոյ տալիք հատուցումէն պահանջելը նշանակութիւն չպիտի ունենար, քանի որ իրականութեան մէջ մեծ բան մը չարժէր թրքական հատուցումը. բայց գերմանականն յոյս կար: 1/2% բաժինը, զոր կը պահանջենք, կարծեմ՝ ինչպէս ըսի՝ վեր ի վերոյ հաշուով մը 500.000.000 ֆրանք կ'ընէ. ենթադրելով, որ ատկէ պակաս ալ տան, մեծ բան է մեզի համար, որովհետեւ տարակոյս չկայ, թէ մեր պետութիւնը այդքան գումար մը ուրիշ միջոցներով շատ դժուարութեամբ պիտի կրնայ գտնել, գոնէ առաջին տարիներու ընթացքին: Քանի որ դեռ չունինք հոգատար պետութիւն մը, որուն միջոցներէն օգտուինք, եթէ աս ալ չըլլայ, չպիտի կրնանք ոՐՀ մեր հարիւր հազարաւոր զաղթականները տեղաւորել, ոՐՀ ալ մեր պետութեան ելեւնուլոյցն հաւասարակշռել: Կարծեմ գէշ չըլլար, եթէ այս մասին յանձնարարութիւն մը ընենք Պատուիրակութեան Սբա գտնուող անդամներուն:

Պ. Ռ. Որբերեան. Պատուիրակութիւնը իր բոլոր խորհրդականներով Սբա գացեր է, կ'ըսեն, ինչպէս գացեր են նաեւ Հանրապետութեան Պատուիրակութիւնը եւ իր խորհրդականները: Բայց կը ցաւիմ հաստատելու, թէ այդ բազմութեան մէջ մէկ հատիկ դիւանագետ մը չկայ: Միակ դիւանագետը, որ ունինք՝ մեր Նախագահն է. Գացողները՝ ամենը մէկ՝ չեն կրնար անոր գործը կատարել: Կարծեմ ամբողջ ժողովին թարգմանը եղած պիտի ըլլամ, փափաք յայտնելով որ Նորատունկեան Էֆենտին ալ Սբա երթայ այս վճռական օրերուն:

Պ. Ա. Չօպանեան. Գերագոյն ձեռնարկն է, որ այս պահուս Սբայի մէջ տեղի պիտի ունենայ Հայկական Հարցին համար: ՈՐՀ միայն Նորատունկեան Էֆենտի, այլ նաեւ Պ. Սինապեան եւ միւս բոլոր խորհրդականները պէտք է Սբա գտնուելին հիմա: Հանրապետութեան Պատուիրակութիւնը 8-10 խորհրդականներ ունի. անոնք ալ պէտք էր հոն գտնուէին: Ինչպէս կ'իմանանք՝ բոլոր ազգերը մեծ թուով պատուիրակութիւններ դրկեր են Սբա: Պէտք է, որ մենք ալ այդպէս ընենք, որովհետեւ, ինչպէս ըսի, Սբայի մէջ վերջնական գերագոյն կարգադրութիւնները պիտի ըլլան Արեւելեան Խնդրին նկատմամբ:

Նորատունկեան Էֆենտի. Մեր Պատուիրակութիւնները քիչ մը ուշ արթնցան այս խնդրին մէջ: Հէին գիտեր, թէ Սբայի մէջ թրքական հարցն ալ պիտի քննուի: Վերջէն, յանկարծակի իմացեր են, եւ կը վախճան, որ դաշնագրին սրբագրելի կէտերուն նկատմամբ պատրաստուած Յիշատակագիրը չհասնի յարմար ատենին: Այդ Յիշատակագրին պատրաստութիւնը անցաւ կարգ մը գործողութիւններէ, որոնց ծանօթացումը ժողովիդ՝ թերեւ աւելորդ չըլլայ: Ինչպէս յայտնի է, յանձնաժողովի մը մէջ պատրաստեցինք այդ Յիշատակագրին նախնական օրինակը, որ կարդացուեցաւ այստեղ: Այդ օրինակին մէջ մեր կողմէ շնորհակալութիւն յայտնուած էր պետութեանց, որ նկատի առած են մեր իրաւունքները եւ հայկական պետութիւն մը կազմած, ու միւս կողմէ ալ պետութեանց ուշադրութեան ներկայացուած էին կարգ մը կէտեր, որոնք կարօտ էին սրբագրութեան կամ լրացման: Այսպէս՝ վնասուց հատուցման, Թուրքիոյ հանրային պարտուց մեր պետութեան իյնալիք բաժնին, հողային պահանջմանց, մասնաւորներու ըլլալիք փոխարինութեանց, Քիւրտիստանի եւ կարգ մը ուրիշ խնդիրներու վերաբերող կէտերը, որոնք յայտնի են արդէն ժողովիդ: Այս ձեւով՝ Յիշատակագիրը պատրաստ էր եւ պիտի ներկայացուէր Գերագոյն Խորհուրդին, երբ թուրքերը դաշնագրին նկատմամբ իրենց պատասխանը տուին: Ատոր վրայ օգտակար

դատուեցաւ վերահասու ըլլալ անոր պարունակութեանը եւ որոշուեցաւ ըստ այդմ մեր Յիշատակագիրը բարեփոխել խորհրդակցութեամբ Պ. Մանտելշթամի, որ թէ՛ կարող օրէնսգետ մըն է եւ թէ՛ մեր ազգին նկատմամբ բարեացակամ անձնաւորութիւն մը: Թուրքերու տուած պատասխանէն միայն մէկ օրինակ տրամադրուած էր եւ այդ մէկ օրինակն ալ կը գտնուէր Պ. Մանտելշթամի մօտ: Հետեւաբար՝ ո՞րքա՞ Պ. Սինապեան, ո՞րքա՞ ալ եւ չկրցանք ատենին աչքի առջեւ ունենալ զայն: Իրաւաբանները սովորութիւն մը ունին՝ մինչեւ տեքստը մը աչքի առջեւ չունենան՝ անոր մասին վերջնական կարծիք չեն յայտնէր: Եւ ասիկա անհրաժեշտ է, որպէսզի ոչինչ վրիպի ուշադրութենէ: Ստիպուեցանք սպասել: Երբ Պ. Մանտելշթամ իր աշխատութիւնը աւարտեց, այն ատեն միայն տեսանք, որ թուրքերու պատասխանէն նկատի առած էր միմիայն հատուցման խնդիրը. իսկ մեր հողային պահանջմանց մասին թուրքերու կողմէ եղած առարկութեանց բնաւ չէր ակնարկած: Եւ որովհետեւ կարելի չէր Յիշատակագիրը ներկայացնել առանց այդ կարեւոր կէտին նկատմամբ մեր տեսութիւնը պարզելու, փութացինք իսկոյն պատասխանագրին պատրաստութեան:

Պ. Գ. Սինապեան. Մեր Պատուիրակութեանց նախագահները չէին գիտեր անգամ, որ Սբայի մէջ այս խնդրով պիտի զբաղին, երբ այդ մասին լուր առնուեցաւ եւ հարկ եղաւ, որ Սբա մեկնին փութով: Յիշատակագիրը որուն կարգ մը կէտերը անկատար էին, առին միասին տարին: Ատոր վրայ՝ մենք ջանացինք ամբողջացնել այստեղ եւ ետեւումն հասցնել:

Նորատունկեան էֆենտի. Եւ ատոր համար ստիպուեցանք զիջելը ցերեկին, ցերեկը գիշերին խառնել, ամբողջը աչքէ անցուցինք եւ յաւելուածներով, որոնք անհրաժեշտ էին, դրկեցինք փութով: Յիշատակագիրը կը պարունակէ երեք մասեր, որոնք իրար կը լրացնեն, ինչպէս պիտի տեսնուի ընթերցումէն:

Կարդացուեցաւ Յիշատակագիրը իր յարակից մասերով, որոնց կցուած էր նաեւ Միացեալ Պատուիրակութեան կողմէ անցեալ տարի պետութեանց ներկայացուած այն տետրակը, որուն մէջ, մերձաւոր հաշուով, ցոյց տրուած են պատերազմին, տեղահանութեանց ու ջարդերուն հետեւանքով հայ ժողովուրդին կրած վնասները:

Նորատունկեան էֆենտի. Ինչպէս ըսի արդէն, հողային պահանջմանց վերաբերող վերջին յարակից գլուխը Պատուիրակութեան անդամներուն մեկնելէն ետք պատրաստուեցաւ այստեղ: Եւ որպէսզի անդին՝ Սբայի մէջ՝ հապճեպով պակասաւոր բան մը չներկայացուի Գերագոյն խորհուրդին, իսկոյն իրենց դրկեցինք հետեւեալ հեռագիրը.

«Հայկական Պատուիրակութիւն  
Սբա /Պելճիքա/».

«Ամբողջական Հայաստանի մասին՝ Ազգ. Համագումարը կը խնդրէ, որ պնդէր դաշնագրին 89-րդ յօդուածին մէջ մտցնելու «եւ Խարբերդի սահմանակից շրջանակները» պարբերութիւնը: Այսօր յանձնարարեալ ծրարով Ձեզի կը դրկենք Յիշատակագիրը իր վերջնական ձեւին մէջ, յարակից յաւելուածներով, Վեհաժողովին մատուցելու համար:

Նորատունկեան.

Փարիզ, 8 Յուլիս 1920»:

Պ. Ա. Չօպանեան. Կը կրկնեմ, որ պէտք չէ Պատուիրակութեան անդամները մինակ թողնել Սբայի մէջ: Լոնտոնի Վեհաժողովին համար ալ ըսին նախապէս, թէ ուր օր միայն պիտի տեսէ, բայց երկու ամիս տեսց: Եթէ Պ. Որբերեան առաջարկած չըլլար Նորատունկեան էֆենտիի համար, ես ինքս պիտի առաջարկէի: Ո՛չ միայն Նորատունկեան էֆենտի, այլ նաեւ Ազգ. Պատուիրակութեան բոլոր խորհրդակցանները, մանաւանդ Պատուիրակութեան նորընտիր անդամ Պ. Սինապեան այնտեղ պէտք է գտնուին այս վճռական օրերուն: Նաեւ՝ Հանրապետութեան Պատուիրակութեան խորհրդակցանները՝ Պ.Պ.Ասատուրեան, Պերպէրեան, Էնֆիաճեան:

Նորատունկեան էֆենտի. Ըստ երեւոյթի՝ աւելի հաւանական է, որ շուտով աւարտի Գերագոյն խորհուրդին գործը Սբայի մէջ: Ինչ որ կ'ընենք՝ աւելի մեր պարտականութիւնը լիովին կատարած ըլլալու եւ խղճով հանգիստ մնալու համար է: Պատուիրակութիւնը ուշ մնացած է այժմ: Եթէ հայ ազգը, տարբեր քաղաքականութեամբ, զինադադարէն անմիջապէս յետոյ տէր եղած ըլլար իր երկրին, գաղթականներն ու փախստականները տեղաւորած կ'ըլլայինք ցարդ եւ հայկական պետութիւնը շատ աւելի կանուխ ճանչցուած դիրք կ'ունենար իրաւապէս: Ասոր մէջ ամբողջ յանցանքը մերիններունը չէ. եւրոպական տերութիւններն ալ իրենց յանցանքի բաժինն ունին, եւ Ամերիկան ալ: Չեն ըսեր, թէ չարամտութեամբ ըրին, բայց, վերջապէս, շատ պարտքեր ունին մեր ազգին հանդէպ, եւ պարագաներու դժբախտ բերումով կարելի չէրաւ, որ այդ պարտքերուն գոնէ ամենէն կենսականներուն հատուցումը գտնէինք իրենցմէ: Ահա՛ այս պայմաններուն մէջ յապաղեցաւ Հայկական Խնդրին լուծումը, եւ այս յապաղումը միլիոններ արժեք ազգին: Եթէ յիշենք նաեւ զինադադարէն վերջ մեր ունեցած մարդկային կորուստները, որոնք 200.000-ը կ'անցնին, մեր վնասները կը հասնին ահաւոր համեմատութեան մը: Եթէ այս յապաղումը չըլլար, Կիլիկիոյ կորուստներն ալ չպիտի ունենայինք հաւանաբար, եւ մեր ժողովուրդը ազատած պիտի ըլլար այն թշուառութենէն ու համաճարակներէն, որոնց մէջ կը տուայտի այսօր: Կամ գոնէ՝ եթէ հոգատար պետութիւն մը ունեցած ըլլայինք, երբ տակաւին Վերսայլի Դաշնագրին 22-րդ յօդուածը գոյութիւն չունէր: Բայց զգուշանանք դատաստան մը ընելէ. ո՛չ ոք մեղադրենք: Թերեւս բախտին մէկ բերումընք է այս ամենը:

Պ. Ա. Չօպանեան. Պ. Ն. Տէր-Ստեփանեան, ես ֆաթալիսք չեմ. անցեալին մէջ ահագին սխալներ ըրինք, հիմա ալ կը շարունակենք ընել: Այս ժողովը նոր-նոր ինքզինքը սպաննեց, իր հեղինակութիւնը ոտքի տակ առաւ եւ իբր թէ ընտրեց Պատուիրակութիւն մը, որ նոյնպէս հեղինակութիւն չունի: Եւ այս ամենն ըրաւ պարզապէս, որովհետեւ իր անդամներուն մեծամասնութիւնը, ամենուն հետ բարեկամ մնալու գերագոյն մտահոգութեամբ, չունեցաւ ոեւէ կարծիք եւ չստանձնեց ոեւէ պատասխանատուութիւն: Պատասխանատուութենէ վախճալու հայկական չքմաղ ձեւն է այս, այսինքն՝ չառնել ոեւէ նախաձեռնութիւն եւ չկատարել ոեւէ որոշ գործ յանուն պատասխանատուութեան զգացումին:

Տէրութեանց եւ մանաւանդ Ամերիկայի համար՝ յանցանք բառը գործածել սխալ է - եթէ յանցանք կայ՝ մերն է: Այն ատենին, որուն ակնարկեց Պ. Նախագահը, մեզի համար կարելի էր գտնել հոգատար պետութիւն մը, եւ Դաշնակիցներուն մէջ կային պետութիւններ, որ կ'ուզէին Հայաստանի հոգատարութիւնն ստանձնել. բայց մենք ենք, որ անոնց կրնակ դարձուցինք: Ամերիկեան հոգատարութեան մեր երազն է, որ իրապէս եւ անմիջականապէս հնարաւոր լուծումները վիժեցուց եւ մէկ ու կէս տարիէ ի վեր մեր ունեցած այնքան կորուստներուն եւ մանաւանդ Թրքական Հայաստանի մինչեւ հիմա գրաւուած չըլլալուն զխաւոր պատճառն եղաւ: Ասիկա կ'ըսեն, որովհետեւ տակաւին մինչեւ այսօր ամերիկեան հոգատարութեան հաւատացողներ կան: Անցեալ տարի՝ Համագումարէն առաջ, քանի մը հոգի միայն՝ Նորատունկեան էֆենտի, Պ. Պ. Մալքոյն, Մոստիչեան, զգացած են հոգատարութեան համար Ֆրանսայի դիմելու պէտքը: Ես ալ իրենց պէս մտածած եմ: Դժբախտաբար՝ անոնց ձայնը չլսուեցաւ:

Նորատունկեան էֆենտի. Անկէ ի վեր քանի եղան առիթներ, զորս փախուցինք: Պ. Ա. Չօպանեան. Ֆրանսայի հետ մենք արդէն գործ մը սկսած էինք Հայկական Լեզունի կազմութեամբ եւ Կիլիկիոյ ու շրջակայ նահանգներու մասին եղած համաձայնութեամբ: Այդ ժամբուն մէջ կարելի էր շարունակել: Իսկ Պ. Մալքոյն, որ Անգլիայէն կու գար եւ անգլիական կառավարութեան տրամադրութիւնները մօտէն գիտէր, կը հաւաստէր, թէ անգլիական կառավարութիւնը չպիտի հակառակի Ամբողջական Հայաստանի հոգատարութեան Ֆրանսայի տրուելուն, որոշ

այայնմաներով անշուշտ: Սակայն, մեր մեջ ընդհանուր հոսանք մը ստեղծուած էր, ամերիկեան զօրութենէն շլացած եւ Ֆրանսայի հանդէպ արհամարհոտ: Ամեն տեղ բաց է ի բաց կ'ըսէին, թէ Ֆրանսա այլատերած է, մեզի անկախութիւն չի տար, Չայաստանը գաղթավայր պիտի դարձնէ, եւ այլն: Պէտք էր այն միջոցին ըմբռնել, թէ Ամերիկա, ինչ վերջնական պատասխան տալու համար, ստիպուած էր հարցը բռնկելին ղեկ, ինչ որ երկար ամիսներու կարօտ էր. այդ միջոցին՝ ամենաթանկագին ժամանակ մըն է, որ կը կորսուէր, կացութիւնը եւ տրամադրութիւնները կը փոխուէին ամեն տեղ, եւ ոչինչ կ'ապահովէր, թէ այդքան սպասուէ վերջ Ամերիկայի պատասխանը պիտի ըլլար հաստատական: Ընդհակառակը, Ամերիկան մօտէն ճանչցողներ որոշապէս կը յայտարարէին, թէ ամերիկեան ժողովուրդը, իր ստուար մեծամասնութեամբ. Չայոց դատին համակրութիւն ունենալով հանդերձ, ինչ որ հոգաւորութիւն ընդունելու, արեւելեան թմոկիւն մէջ խառնուելու բնաւ տրամադրութիւն չունէր: Պատուիրակութեան մէջ մտնելու յետոյ առիթ ունեցայ մէկ քանի անգամ տեսնել համբաւաւոր հայասեր հրապարակագիր Տելլօնը, որ նոր կու գար Ամերիկայէն, ինչպէս նաեւ ամերիկացի ժամօթ անձնաւորութիւն մը՝ Բոֆօտեր Պոլտոիէնը, որոնք սովորապէս հաստատեցին, թէ հայկական հոգատարութեան Ամերիկայի կողմէ ստանձնուիլը բոլորովին անհնար բան մը կը նկատեն: Սակայն, այսպիսի կարծիքներու կարեւորութիւն տուող չկար: Այսօր կացութիւնը բոլորովին փոխուած է, եւ անանկ ատեն մը, ուր պօլշէիկ վտանգը մօտեցած է Չայաստանի, ո՛չ Ֆրանսա, ո՛չ ալ ուրիշ ինչ եւրոպական մեծ տէրութիւն մը կ'ուզէ ընդունիլ Չայաստանի հոգատարութիւնը: Աս ըսել չէ, ի հարկէ, որ պէտք է յուսահատիմք եւ իր բախտին թողուք մեր Չայաստանութիւնը: Եթէ այլեւս յուսալի չէ, որ մեծ ազգերէն մէկը ընդունի Չայաստանի հոգատարութիւնը, պէտք է ամեն կերպով ջանանք փոխեանք ճիշդերով, որ փոքր չէզոք ազգ մը կամ ազգերու խումբ մը գտնենք, որոնք կատարեն այդ օգնականի դերը: Չայաստաններու վերջին համաժողովին մէջ՝ Տանըմարքացի Չայաստաններու Բոմիթիւն նախագահ Պ. Պենտիթթէն, որ քանի մը անգամ Չայաստան ճամբորդած է, յայտարարեց, թէ սքանտինաւեան երկիրներուն եւ մանաւանդ իր երկրին մէջ մեծ համակրութիւն կայ Չայաստանի համար, եւ անյուսալի չէ, որ եթէ Ազգերու Ընկերութիւնը առաջարկէ Տանըմարքացի կամ ուրիշ սքանտինաւեան երկիրներու, այս վերջինները ընդունին Չայաստանի օգնականութիւնը: Միւս կողմէ՝ անդին՝ Միջերկրականի եզերքը, Ամանոսի շրջանին մէջ նոր յոյս մը կը ծագի, եւ մեզի հասած լուրերուն համեմատ, հոն հայկական շրջանակ մը ստեղծուած է ֆրանսական հովանաւորութեան տակ: Պէտք է ջանանք ատիկա զօրացնել եւ ընդարձակել: Ամէնքս ալ գիտենք, որ Կիլիկիոյ մէջ ամենատխտուր դեպքեր պատահեցան, ուր ֆրանսացիք ալ, մենք ալ սխալներ գործեցինք. պէտք է սակայն երբեք չնոռնալ, որ Ֆրանսա Կիլիկիա մտած ատենը համակիր էր մեզի եւ զայն հայ երկիր կը նկատէր: Նոյնիսկ Պ. Ժօրժ Բիքօ այնտեղ կ'երթար «Սուրիոյ եւ Չայաստանի Բարձր Բոմիթիւն» տիտղոսով. մեր սխալ ընթացքով՝ Ֆրանսան մեզի դէմ դարձուցինք եւ մղեցինք զայն թուրքերուն կռիւններու: Բաց է ի բաց, ամեն տեղ, Չայաստանին մէջ, գաղութներուն մէջ, Կիլիկիոյ մէջ, լրագիրներուն մէջ՝ «Ֆրանսան չէ՞նք ուզեր, Ամերիկա՛ն կ'ուզենք» կը պոռայինք: Պէտք է այս սխալը դարձանենք, եւ սկսած ենք արդէն դարձանել. Պատուիրակութիւնը աւելի քան վեց ամիսէ ի վեր Ֆրանսայի պաշտպանութիւնը կ'ուզէ Կիլիկիոյ եւ շրջակայ հողամասերու համար: Վերջերս, Կիլիկիոյ քրիստոնէայ ազգաբնակչութեանց կողմէ դաշնակիցներուն ուղղուած եւ Ֆրանսայի հովանաւորութիւնը պահանջող հեռագիրը կարդացուեցաւ այստեղ. եւ անկէ վերջն է որ, եւ հաւանօրէն ամոր ազդեցութեան տակ, ֆրանսացիք թոյլ տուած են, որ Ամանոսի մէջ հայկական շրջանակ մը կազմուի: Պէտք է ջանանք, որ ատիկա զօրանայ ու տարածուի: Պէտք է ամեն կերպ օգնութիւն հասցնել անոնց, դրամ, կամաւոր, զէնք, եւ այլն: Բայց պայմանաւ, որ միշտ Ֆրանսայի հաւանութեամբ եւ աջակցութեամբ գործենք: Եթէ նորէն փոփոխական եւ հակասական

քաղաքականութեան մը հետեւիմք, նորէն ամեն բան կը կորսնցնենք: Միտքէս չեմ անցնէր երբեք, թէ Ամերիկայէն ոչինչ յուսալու չենք. անկից կրնանք ստանալ, մեր անկախ Չայաստանութեան համար միւսական եւ բարոյական մեծ աջակցութիւններ, եւ ատիկա ստանալու համար պէտք է միշտ աշխատիմք: Բայց կը շեշտեմ, որ Փոքր Չայքի եւ Կիլիկիոյ համար Ֆրանսայի հետ միայն գործ ունենալու ենք:

Պ. Կ. Թեթեան. Կիլիկիոյ մասին մինչեւ այսօր յուսատու ի՞նչ ըրիմք: Կարծեմ Չայաստանի անդամները համաձայն են ինձի, թէ բան մըն ալ չըրիմք: Չիմա որ Ամանոսի Չայաստանութեան փոքր ճառագայթը ծագած է, ատիկա պարտք կը դնէ Չայաստանին վրայ, որ գոնէ այդ մասին իրեն ինչպէս պարտականութիւնները լիովին կատարէ: Կիլիկիոյ կացութիւնը այսօր այն աստիճան կը հետաքրքրէ մեր ազգը, որ այս Չայաստանին դուրս, եւ Պատուիրակութենէն ալ դուրս, որոշ շրջանակ մը անով կը զբաղի եւ կը մտածէ մնայուն մարմին մը ընտրել յատկապէս Կիլիկիոյ ճակատագրին նուիրուած ձեռնարկներու գլուխ կանգնելու համար: Գիտենք, որ Պատուիրակութիւնը անբաւական է այս տեսակ գործով մը զբաղելու: Չետեալքար, Չայաստանը պէտք է արտայայտուի այդ տեսակ ձեռնարկի մը ի նպաստ: Այս անջատ մարմինը Պատուիրակութեան դէմ խափանարար ընթացք չը չպիտի ունենայ անշուշտ: Ընդհակառակը, Պատուիրակութեան պիտի գործակցի խորհրդակցաբար: Բայց եթէ պատահի, որ Պատուիրակութիւնը թեանայ Կիլիկիոյ մասին իր ունեցած պարտականութեան մէջ, այդ պարագային նոյնիսկ պիտի գործէ Պատուիրակութեան հակառակ:

Պ. Ն. Տեր-Ստեփանեան. Պ. Զօպանեան խօսքը ըրաւ Զօրացեալ Պատուիրակութեան մը. բայց Զօրացեալ Պատուիրակութիւնը որուն ակնարկեց, մնայուն կազմ բնաւ չէ ունեցած, այլ՝ Պատուիրակութիւն է այն շրջանին, որ կ'երթայ ինչ որ Պատուիրակութենէն մինչեւ Չայաստանի հաւաքումը, երբ հետզհետէ պատգամաւորներ կը հասնէին: Այդ Զօրացեալ անուանուած Պատուիրակութիւնը Ֆրանսայի հանդէպ նկարագրուած քաղաքականութիւնը ընդգրկելու որոշումը տուած է, երբ կազմուած էր հետեւեալ անձերէն՝ Նուպար Փաշա, Նորատուկեան Էֆենտի, Պ. Պ. Սաւեհեան Խան, Վարանդեան, Շանթ, Տոթթ. Ներուզ, Գ. Յակոբեան եւ ճեյմս Մալքոլմ: Կիլիկիոյ մէջ ֆրանսայի հովանաւորութեամբ անկախ պետութիւն մը ունենալու քաղաքականութիւնը ես կը կարծեմ, որ պէտք է ընենք համարձակօրէն, առանց մտահոգուելու ամերիկեան հոգատարութեան հարցով, քանի որ այդ հոգատարութիւնը պիտի վերաբերի այն Չայաստանին, որ պիտի բխէր նախագահ Ուիլսոնի իրաւարարութենէն, եւ որ ո՛չ միայն Կիլիկիան չի պարունակէր, այլ ամոր սահմանակից ալ չէ: Աքանտինաւեան հոգատարութիւնն ալ ամերիկեանին պէս բան մը կրնայ դառնալ՝ եթէ մենք ծայրայեղ զգուշութեամբ չվարուինք: Պ. Պենտիթթէն շատ բարի եւ ազնիւ մարդ մըն է, բայց ոչինչ կը ներկայացնէ, եւ ինքն իսկ այնքան ալ դիւրին բան մը չի նկատէր այդ հոգատարութիւնը: Բան մը, սակայն, որ օգտակար է եւ զոր պէտք է ընել՝ այն նախապատրաստական աշխատութիւնն է, զոր պէտք է կատարել սքանտինաւեան երկիրներու մէջ, ընդհանուր բողոքականի ձեռով, առանց ոչինչ կանխորոշելու: Իսկ թէ որչա՞փ կարելի է Կիլիկեան անկախութիւն մը ֆրանսական հովանաւորութեան տակ՝ ես ալ այդ մասին լաւատես եմ հետեւեալ պատճառով: Ֆրանսա ունեցաւ իր որոշ քաղաքականութիւնը թուրքիոյ հանդէպ, քաղաքականութիւն, որ կը միտէր պահպանել զօրաւոր թուրքիա մը, ընդդէմ անգլիական քաղաքականութեան, որ հակառակ ձգտումը ունէր եւ որ ձեւական յաջողութիւն մը ստացած էր ցարդ դաշնագրին մէջ: Բայց այս ձեւական յաջողութիւնը իրականի վերածուելու մեծ հաւանականութիւն ունի, մանաւանդ յունական միջամտութենէն վերջ, եւ եթէ այսպէս ըլլայ, Ֆրանսա իր թրջասիրական քաղաքականութեան վիժման առջեւ պիտի ուզէ ձեւ մը գտնել ետ առնելու համար ինչ որ յանուն այդ քաղաքականութեան ինքնաբերաբար զոհած էր, այսինքն՝ Կիլիկիոյ այն կարեւորագոյն մասը, որ դաշնագրով թուրքիոյ ձգուած է: Այս բանը ընելու համար

Ֆրանսա մէկ միջոց ունի, եւ այդ միջոցն է յենուկ հայ ժողովուրդին պահանջներուն վրայ, պահանջներ, որոնք զգացողական եւ պատմական չեն միայն, քանի որ մենք Կիլիկիոյ մէջ ունինք մեծ թուով հայութիւն եւ մօտ ատենէն կրնանք հոն գոյացնել հայկական բացարձակ մեծամասնութիւն: Ասկէ զատ, ես կը կարծեմ, որ Կիլիկիոյ այն մասին մէջ ալ, որ Ֆրանսայի թողուած է եւ որուն մէջ հիմնուած է հայկական Ամանոսի Յանրապետութիւնը, Ֆրանսա շահ ունի հայասեր քաղաքականութիւն մը ընելու, տրուած ըլլալով, որ սուրիացիները գորս անցեալ տարի անկկա կը նկատուի հայոցմէ շատ աւելի վստահելի տարր մը, եւ այդ պատճառով կերպով մը Կիլիկիոյ կարեւորագոյն մասը Սուրիոյ մաս կը հռչակէ, այսօր կը խուսափին իր ձեռքէն:

Վերջացուցի. բայց կ'ուզեմ հարցում մը ընել միջադէպի մը մասին, որ իբր կը հաւաստուի, թէ տեղի ունեցած է Հայաստանի Յանրապետութիւնը մէջ: Երբ Պ. Պեռար ամառացիներ է ուղերձ մը ուղղել Ֆրանսական կառավարութեան՝ շնորհաւորելով զայն Ամանոսի Յանրապետութեան կազմութեան առթիւ եւ այդ մասին յանձնարարութիւններ ընելու համար, Պ. Ահարոնեան պէտք զգացեր է ըսելու, թէ այդպիսի Յանրապետութեան մը գոյութեան մասին ոչ մէկ հաստատ լուր իբր թէ չըլլալով, պէտք չէ ունէլ յիշատակութիւն ընել: Ատոր վրայ՝ Պ. Պեռար ըսեր է, թէ ատիկա իրողութիւն մըն է: Պ. Ահարոնեան պնդեր է, թէ հաստատ բան մը չկայ եւ թէ ճանչցուած չէ այդ Յանրապետութիւնը, ինչպէս ճանչցուած է Երեւանի Յանրապետութիւնը: Վիճաբանութիւնը շարունակուեր է հետեւեալ կերպով. «Ես Ձեզի կ'ըսեմ, որ իրողութիւն մըն է,- կրկներ է անգամ մըն ալ Պ. Պեռար,- քանի որ այդ մասին հարցում եղաւ Օերակոյտին մէջ եւ կառավարութիւնը չհերքեց»: Իսկ երբ Պ. Ահարոնեան յանձնար է նորէն պնդել, այն ատեն Պ. Պեռար ըսեր է. «Երբ ես Ձեզի կ'ըսեմ, որ ատիկա իրականութիւն է, մի՛ ստիպէ զիս ըսելու նաեւ, որ Օերակոյտին Արտաքին գործոց Յանձնաժողովին մէջ այդ մասին խնդիր եղած է արդէն»:

Պ. Մ. Տերպետերեան. Նոյնիսկ եթէ Պ. Ահարոնեան տարակոյս ալ յայտնած ըլլայ, ինչո՞ւ գէշ կը մեկնէք:

Պ. Ն. Տեր-Ստեփանեան. Ես գէշ չեմ մեկնէր. միայն դիտել կու տամ, որ այսպիսի տարակոյսներ ունենալը մեր մէկ որոշ հոսանքին լեզուով որուն գլուխներէն մէկն է Պ. Ահարոնեան, «դաւաճանութիւն» կը կոչուի: Միջադէպը՝ ինչպէս որ ինծի հաղորդուեցաւ, պատմեցի նոյնութեամբ: Կը հարցնեմ հիմա Պ. Սինապեանի, թէ ճի՞շդ է այս պատմութիւնը:

Պ. Գ. Սինապեան. Չեմ կրնար պատասխան տալ, որովհետեւ ներկայ չի:

Պ. Ա. Չօպանեան. Համաժողովին առաջին օրն էր, որ տեղի ունեցաւ այդ միջադէպը, զոր նոյնութեամբ՝ ինչպէս պատմուեցաւ՝ կը հաստատեն:

Նորատուկեան էֆենտի. Ես չլսեցի: Կիլիկիոյ այն մասերը, որոնք դաշնագրին ընկերացող քարտէսին մէջ ցոյց տրուած են իբր Սուրիոյ մաս, օրինակի համար՝ Հասան Պէլի, Տէօրթ Եօլ եւ այլն, բնական կերպով անջատուած են արդէն: Հասկնալի է, թէ Ֆրանսական կառավարութիւնը, ինչպէս Լիբանանի համար, այնպէս ալ Կիլիկիոյ այդ մասին համար կրնայ չուզել, որ ուղղակի Սուրիական Պետութեան տակ ինձան: Ֆրանսա կը փափաքի թերեւս, որ դաշնակցական կազմ մը ունենայ Սուրիոյ Պետութիւնը, որպէսզի կարելի ըլլայ Սուրիոյ զանազան մասերը զերծ պահել էմիր Ֆայսալի ոտնձգութիւններէն: Այդ նպատակաւ՝ Ֆրանսայի գործին պիտի յարմարի, որ Ամանոսի այդ շրջանակին հայերը մասնաւոր կազմակերպութիւն մը ունենան: Ֆրանսա նախապէս կը յուսար, որ էմիր Ֆայսալ պիտի ենթարկուի իր թեւարկութեան, եւ Սուրիա՝ Թունուզի կամ Մարոքի պէս ձեւ մը պիտի ստանայ: Բայց ինչպէս յայտնի է, էմիր Ֆայսալ անկախութեան որոշ պարզեց նոյն ինքն Ֆրանսայի դէմ, եւ այսօր յայտնի եղաւ, թէ Ֆայսալ չուզեր Ֆրանսան ընդունիլ իբր հոգատար, այլ՝ իբր պարզ օգնական պետութիւն: Այս կացութեան հանդէպ Ֆրանսացիք կը խորհին անշուշտ, թէ ինչո՞ւ Կիլիկիոյ այդ անջատեալ մասը թողուն Սուրիոյ: Այդ մասին մէջ կարելի է ընդգրկել նաեւ Իսկենտէրունը. եւ Ֆրանսացիք կը տեսնեն բնականաբար, որ եթէ

նոյնիսկ Սուրիական Պետութիւնը խուսափի իրենցմէ, զոնէ այդ նաւահանգիստը իրենց կապուելու է, քանի որ Սուրիոյ ամբողջ առեւտուրը գլխաւորաբար Իսկենտէրունի ճամբով պիտի կատարուի: Ահա՛ թէ ինչու Ֆրանսացիք շահ ունին փափաքելու, որ Կիլիկիոյ այդ մասին մէջ իրենց հովանավորութեան ու վարչութեան ենթակա մասնաւոր կազմակերպութիւն մը գոյանայ, մասնաւոր եթէ մենք գիտնանք օգտուիլ ասկէ, խոսեմ ու պատշաճ վարմունք մը ունենալով իրենց հետ: Դուրսէն Յանձնաժողովի մը կազմութեան մասին խօսք եղաւ. բայց Պատուիրակութիւնն ալ պէտք է մշտապէս շփման մէջ մնայ Քէ տ'Օրսէի հետ եւ աշխատի, որ Ֆրանսական աջակցութիւնը նոյն շրջանակի հայ ժողովուրդին՝ հետզհետէ աւելի դրական եւ աւելի հիմնաւոր դառնայ:

Պ. Վ. Թէքեան. Թերեւս մտածուի, որ եթէ Պ. Ահարոնեան գիտնար այդ ամենը, ծանօթ միջադէպը տեղի չէր ունենար. բայց եթէ նոյնիսկ գիտնար՝ չեմ կարծեր, որ տարբեր վարուեր, որովհետեւ փափաքը կը պակսի իր մօտ:

Պ. Զ. Պոտիկեան. Կարծեմ լաւագոյն բանը, որ կրնանք ընել Կիլիկիոյ համար, այնտեղ սկսած կամաւորական շարժման ոյժ տալն է: Կիլիկեցոց քաղաքական ճակատագրին նկատմամբ վճռական քայլեր առնելու իրաւունքը ամենէն առաջ իրենց կը պատկանի: Ատով չեմ ուզեր ուրանալ ո՛չ Պատուիրակութեան կատարելիք դերը, ո՛չ ալ Պատուիրակութեան իբր օժանդակ գործելու առաջադրութեամբ կազմուելիք յանձնաժողովի մը կարեւորութիւնը: Բայց այս վերջինը եւ Պատուիրակութիւնը Կիլիկիոյ ժողովուրդին հետ մշտապէս շփման մէջ մնալու են, որպէսզի այնտեղ եւ այստեղ եղած ջանքերը ներդաշնակ մնան, իրար չխաչաձեւեն: Դժբախտաբար, Քէ տ'Օրսէի մէջ տեսակ մը կողմնակալ հակառակութիւն գոյութիւն առած է կիլիկեցոց նկատմամբ: Ասիկա տեսանք միշտ ամեն անգամ, որ Կիլիկիոյ համար դիմում ըրինք: Պատճառը պարզ է անշուշտ: Քէ տ'Օրսէի մէջ Կիլիկիոյ նկատմամբ լիակատար տեղեկութիւններ չունին, այլ կ'առաջնորդուին այնտեղէն եկող տեղեկագիրներէ, որոնք ընդհանուր կերպով աննպաստ են մերիններուն: Այս սխալ հասկացողութիւնը պէտք է դարձնուել. եւ յետոյ՝ միշտ ամենէն կարեւորը, պէտք է զօրացնել տեղոյն մէջ առաջ եկած կամաւորական շարժումը, անոր ընծայելով թէ՛ նիւթական ոյժ եւ թէ՛ բարոյական, եթէ կ'ուզէք՝ դիւանագիտական ոյժ:

Պ. Դաւիթ-Բէկ. Համաձայն եմ Պ. Թէքեանի ըսածին:

Պ. Ա. Չօպանեան. Ես անգամ մըն ալ կը վերադառնամ առաջարկութեան մը, զոր ըրած եմ ասկէ առաջ: Պէտք է, որ այս Համագումարը նշանակալից կերպով մը արտայայտուի մասնաւորաբար Ամանոսի մէջ գոյութիւն առած Հանրապետութեան նկատմամբ: Մենք տեսանք, որ Հայաստանի Յանրապետութիւնը մաս կազմող օտարներ որոնք Փարիզ հաւաքուած էին, այդ մասին ուղերձ մը ուղղեցին պետութեանց: Երբ օտարները այս տեսակ արտայայտութեան մը օգտակարութիւնը կը զգան, զարմանալի չէ՞, որ Պատուիրակութիւնն եւ Համագումար անտարբեր մնան: Կ'առաջարկեմ, որ Համագումարն իր կարգին ուղերձ մը դրկէ պետութեանց, Ամանոսի նորակազմ Հանրապետութեան եւ առհասարակ Կիլիկիոյ ամբողջութեան համար պահանջելով ինքնավար ռեժիմ մը՝ Ֆրանսայի հովանավորութեան տակ: Համագումարը պէտք է քաջալերէ նաեւ Ամերիկայի մէջ եղած ձեռնարկները Կիլիկիոյ կամաւորական շարժման զօրացման մասին: Երբ ինքնապաշտպանութեան գործին համար Պատուիրակութիւնը եւ Ս. Պատրիարքը Լոնտոնէն հեռագիր ուղղեցին Ամերիկա, մեծ խանդավառութիւն առաջ եկաւ եւ հարիւր հազարներով տուար դրկուեցաւ:

Պ. Ա. Թէրզիպաշեան. Յայտնի կ'ըլլայ, որ Ֆրանսա զինուորական գործողութեան մը պիտի ձեռնարկէ Սուրիոյ մէջ, եւ իր ալ փափաքն է հիմա, որ Կիլիկիոյ որոշ մէկ շրջանակին նկատմամբ ապահով ըլլայ: Այդ շրջանակը Ամանոսն է. կրնանք ասկէ օգտուիլ:

Պ. Մ. Տերպետրեան. Ես պիտի խնդրի մեր Նախագահէն, որ մանրամասն կերպով պատմէր այստեղ, թէ Զօրացեալ Պատուիրակութեան օրով՝ երբ ինքը այնքան հեռատես ու ողջամիտ կարծիք մը յայտնած էր Հայկական Խնդրին մասին, ի՞նչ հիման վրայ իրեն դէմ արտայայտուեցան: Ընդհանուր կարծիքն այն է, որ մենք այդ միջոցին մեր բերնին ոսկորը ձգելով շուքին ետեւէն վագեցինք եւ մեր բերնին ոսկորն ալ վրայ տուիքք: Պատմութեան համար զոնէ պէտք է արձանագրուին այս խնդրին մանրամասնութիւնները:

Համագումարին ներկայ անդամները ամբողջովին համամիտ գտնուեցան Պ. Տերպետրեանի, եւ կրկնեցին անոր ըրած առաջարկութիւնը :

Նորատունկեան էֆենտի. Թեւ ժամանակը չէ այս խնդրով զբաղուելու, բայց ժողովիդ զոհացուն տալու համար համառօտ ըսեմ, թէ ազգին քաղաքականութիւնը ծագում առաւ հետեւեալ պարագաներուն մէջ: Երբ 1918 Հոկտեմբերին զինադադար կնքուեցաւ եւ սկսան Փարիզ ժամանել զանազան պետութեանց եւ ազգերու Պատուիրակութիւններ, պէտք կար, որ Հայկական Պատուիրակութիւնն ալ ուժովմար: Ինչպէս կը յիշէք արդէն Պատուիրակութեան Շրջաբերականն ալ Համագումարի հրաւիրման մասին, կ'ըսէր թէ Համագումարը սահմանուած է Ազգ. Պատուիրակութիւնը զօրացնելու: Երբ Զուեցերիայէն իբր պատգամաւոր Փարիզ եկայ, Փաշային հետ կը զործէին միայն Տիարք Մասեհեան Խան, Վարանդեան եւ Շանթ. քանի մը օր յետոյ եկան նաեւ Տիարք Տոքթ. Ներուզ՝ Եգիպտոսէն, Գ. Յակոբեան՝ Մանչեսթրէն, Ճէյմս Մալքոլմ Լոնտոնէն եւ որիշներ հետզհետէ: Իսկ Տիար Արտաւազդ Հանըմեան եղաւ ընդհանուր քարտուղար Պատուիրակութեան: Ես այն ատեն ըսի, որ էն առաջ պէտք է ծրագիր մը հաստատուի, թէ ի՞նչ կերպով առաջ պէտք է տարուի մեր ազգին դատը, եւ թէ ո՞ր պետութեան պիտի ապաւինինք մեր դատը յաջողցնելու համար: Որովհետեւ քիչ ետքը պիտի գումարուէր խաղաղութեան Վեհաժողովը, պէտք էր որ անուր դիրք մը ստեղծէինք մեզի համար, որպէսզի կարենայինք մենք ալ աթոռ մը գրաւել Վեհաժողովին մէջ ու մեր պահանջումները ընդունիլ տալ պետութեանց: Եւ ասիկա անհնար պիտի դառնար մեզի՝ եթէ երբեք պաշտպան պետութիւն մը չունենայինք: Իմ գալէս առաջ՝ Պատուիրակութիւնը յիշատակագիր մը տուած էր արդէն պետութեանց, որուն մէջ ցոյց տրուած էին նաեւ այն սահմանները, զորս պէտք է ունենար Հայկական Պետութիւնը: Այդ սահմանները կը տարածուէին Սեւ Ծովէն մինչեւ Միջերկրական եւ կը պարունակէին այն երկրամասերը, որոնք վերջէն ստացան «Ամբողջական Հայաստան» ընդհանուր անունը: Ըսի թէ քանի որ այսքան ընդարձակ երկիր մը կը պահանջէք, անհրաժեշտ է, որ մեզի սրտակից օգնական պետութիւն մը ունենանք, եւ պէտք է հիմնակուց խորհիւնք, թէ ո՞ր պետութիւնը կրնայ յարմարիլ մեզի: Ես խորհուրդ տուի, որ այս մասին ուշադրութեան առնենք նախ եւ առաջ Անգլիոյ, Ֆրանսայի եւ Ռուսիոյ միջեւ 1916-ին կնքուած համաձայնութիւնը, որուն վերջէն համակերպած էր նաեւ Իտալիա, քանի որ այս համաձայնութիւնը այդ տէրութեանց՝ Թուրքիոյ մէջ ունեցած բաժինները ճշդած էր եւ կրնար ուղղակի կերպով հետաքրքրել մեզ՝ մեր ցանկութեանց իրականացման տեսակետով: Այդ համաձայնութեան համեմատ, այն Ամբողջական Հայաստանը, զոր կը պահանջէինք, բաժնուած էր երկու մասի. Կիլիկիա եւ յարակից քանի մը նահանգներ՝ ինչպէս Սեբաստիա, Խարբերդ, Տիարպէթի, կը մնային Ֆրանսայի ազդեցութեան շրջանակին մէջ, իսկ Վերին Հայաստանը, այն է՝ Երզրում, Վան, Պիթիս կ'ենթարկուէր Ռուսիոյ ազդեցութեան շրջանակին: Արդ, Ռուսիա վերջէն իր ստացած քաղաքական դիրքին բերումով այլեւս դեր չունէր խաղաղութեան դաշնագրին կազմութեան մէջ, որով՝ Վերին Հայաստանի համար ամեն տեսակ կարգադրութիւն կարելի դարձած էր: Եւ որովհետեւ այսպիսով Կիլիկիա եւ միւս յարակից նահանգները կը մնային Ֆրանսայի ձեռքը, որ կարգ մը խոստումներ ըրած էր Պատուիրակութեան, ուրեմն, անոր հետ համաձայնելու առաջարկ ըրի Ամբողջական Հայաստանի կազմութեան համար: Մեր այս խորհրդակցութեան ընթացքին ըսողներ եղան, թէ Վերին Հայաստանի ամբողջ շրջանակին մէջ Անգլիա պիտի խաղայ մեծազոյն

դերը եւ թէ անոր հետ ալ պէտք է համաձայնիլ: Առարկեցի, որ եթէ, երկու Հայաստան կ'ուզենք՝ ի դէպ է անոր հետ բանակցիլ. բայց եթէ միակ Հայաստան մըն է մեր ուզածը, անհրաժեշտ պէտք է, որ բացարձակապէս եւ նախապէս համաձայնիք Ֆրանսայի հետ՝ խնդրին էական կետերուն մասին: Առաջարկեցի նաեւ օրինակ առնել այն ազգերը, որոնք մեզի հետ նոյն կացութեան մէջ կը գտնուէին: Չէսո-սլովաքներու պարագան գրեթէ նոյնն էր մերինին հետ, եւ անոնք ճանչցուած էին իբր պետութիւն: Նոյնիսկ օտար հողի վրայ, Փարիզի մէջ կազմուած էր չէսո-սլովաք դաիլիճ մը, որ երկիր երթալու համար կը սպասէր պետութեան ազատագրութեան: Նոյնը կարելի էր ըսել Բուլղոյի համար ալ: Այս օրինակներուն վրայ յենուելով, Ֆրանսացի մէկ քանի քաղաքական անձնաւորութիւններ ալ խորհուրդ կու տային մեզի, որ մենք ալ չէսո-սլովաքներուն պէս Հայաստանի կառավարութիւն մը կազմենք այստեղ: Խորհուեցաւ թէ արդեօք կարելի չէ՞ր այդ մտածումը իրականութեան դնել: Արդէն 1918 Նոյեմբեր 18-ին Ֆրանս-Արմենի Ընկերակցութեան նախագահ Պ. Կեռնիէի միջոցով ունկնդրութիւն մը ունեցած էինք արտաքին գործոց պաշտօնատան մէջ նախարար Պ. Բիշոնէն, զոր շահեկան է վերյուշել: Այդ ունկնդրութեան ներկայ գտնուեցան տասնչորս անձեր, ընդ որս՝ Պ. Կեռնիէ, Պ. Կու, Պ. Ֆրանքլին-Պոյետն, Ֆրանս-Արմենի Ընկերակցութեան կարեւոր անդամներէն մեկ քանին, ինչպէս Զօրավար Պայեյու, Պ. Պ. Օնօրա, Ֆերտինանտ Դերլու, Հանրի Քուլոն, Էսքոֆիէ, Պեռլ, Մաքլէր եւ այլն, Պօլոս Փաշան, Յովհաննէս Խան Մասեհեան, Պ. Վարանդեան եւ եւ: Պ. Կեռնիէ, թուելով հայոց կողմէ պատերազմին ընթացքին Կովկասի, Պաղեստինի եւ ուրիշ ճակատներու վրայ Դաշնակիցներուն ընծայուած զինուորական աջակցութիւնը, ինչպէս նաեւ Օտար Լեզնի հայ կամաւորներուն գործունէութիւնը, յանուն Ֆրանս-Արմենի Ընկերակցութեան խնդրէ նախարարէն, որպէսզի հայ ժողովուրդը, որ իր այդ աջակցութեամբ արդէն գոյապէս /de facto/ պատերազմիկ ժողովուրդ դարձած էր, իրաւապէս /de juris/ նաեւ պատերազմիկ ճանչցուի, որպէսզի կարենայ խաղաղութեան Վեհաժողովին մէջ աթոռ ունենալ եւ պաշտպանել իր իրաւունքները: Պ. Բիշոն պատասխանեց, թէ Ֆրանսայի համակրութիւնը ամբողջովին հայոց կողմն է եւ ինք անձնապէս կատարեալ պատերազմիկ ժողովուրդ կը նկատէ հայերը: Աւելցուց, որ Վերսայլի վերջին Միջդաշնակցային Խորհրդաժողովին մէջ ինք պաշտպանեց հայերը պատերազմիկ ճանչնալու տեսակէտը, բայց Դաշնակից պատուիրակները, նկատելով որ զինադադարը կնքուած է, յարմար դատեցին ընթացք չտալ խնդրին: Պ. Բիշոն վստահեցուց նոյն ատեն, թէ Ֆրանսա պիտի պնդէ, որ հայերը աթոռ ունենան խաղաղութեան Վեհաժողովին մէջ, եւ խնդրեց, որ Ազգ. Պատուիրակութիւնը առ այդ հայոց իրաւունքները հաստատող ժամօթագիր մը ներկայացնէ իրեն՝: Այս

\* Նորատունկեան էֆենտի ջնջեց հետեւեալ տողերը, զորս արտասանած էր այս խօսքերէն ետք. «... Փաշան այդ առթիւ յիշեցուց այն պայմանները, որոնց մէջ կազմուած էին հայ կամաւոր խումբերը, որոնք Ֆրանսացուց հետ կողք-կողքի կուռեցան Պաղեստինի ճակատին վրայ. յիշեցուց նաև այն ատեն եղած խոստումը, թէ լայն ինքնավարութիւն մը պիտի տրուէր հայոց Կիլիկիոյ և սահմանակից նահանգներուն մէջ, ու գարմանք յայտնեց, թէ հիմա ինչպէ՞ս կը ժխտուի հայոց պատերազմիկ ժողովուրդի հանգամանքը: Պ. Բիշոն անգամ մըն ալ կրկնեց, որ եթէ հայերը պատերազմիկ ժողովուրդ չեն հռչակուած և այդ մասին Ազգ. Պատուիրակութեան կողմէ Վերսայլի Միջդաշնակցային Խորհուրդին յղած խնդրանքը չէ ընդունուած, ատոր մէջ Ֆրանսա դեր չունի, և թէ ինք աշխատած է ու պիտի աշխատի դարձեալ, որ այդ արդարութեան հատուցումն ըլլայ հայոց: Ունկնդրութեան ընթացքին խօսք դարձաւ նաեւ Կովկասի մէջ տեղի ունեցած վերջին ջարդերու մասին, որոնց համար Փաշան ըսաւ, թէ թուրքերու դրդումով եղած են: Պ. Բիշոն, որ նոյնպէս այդ կարծիքն ունէր, հաստատեց, թէ դժբախտաբար ջարդերը ատելի մեծ ծաւալ ունեցած են, քան ինչ որ ծանուցած էին թերթերը, եւ ավելցուց, որ Ֆրանսա, անգլիական կառավարութեան հետ համախորհուրդ, որոշած է խիստ միջոցներ ձեռք առնել թուրքերուն



ունկնդրութենէն ետք, թէ՛ չեխօսվովաքներու նման կառավարութիւն կազմելու եւ թէ՛ յարակից խնդիրներու համար պէտք տեսանք իրաւագիտական խորհրդակցութիւն մը ունենալ, եւ Փաշան այդ նպատակով հրավիրեց պելճիքացի ծանօթ իրաւագետ Պ. Օթլէթը, որ զանազան տեսակետներ պարզեց մեր մտահոգութեանց առարկայ եղող օրինակներու հարցերու մասին, ու գրաւոր ալ յանձնեց իր խորհրդատուութիւնը:

Պ. Ս. Տէրպետերեան. Հայաստանի Հանրապետութիւնը գոյութիւն ունէ՞ր այդ միջոցին:

Նորատունկեան Էֆենտի. Տեղեկութիւն չունեմք. ոեւէ յարաբերութիւն եւ թղթակցութիւն չկար Կովկասի հետ:

Պ. Վ. Ընթեան. Քէրէնսքիի ի պատիւ Լոնտոն տրուած ճաշկերոյթին մէջ նոյնիսկ Պ. Վարանդեան բաղձանք յայտնած էր, որ Կովկասեան Հայաստանը ռուսական դաշնակցային պետութեան մաս կազմէ:

Նորատունկեան Էֆենտի. Պ. Օթլէթի խորհրդատուութեան հետ զուգընթացաբար, յարմար դատեցինք նաեւ տեսակցութիւն մը ունենալ չեխօսվովաքներու Փարիզ կազմած դահլիճին մէջ արտաքին գործոց վարիչ Պ. Պենէշի հետ: Այս տեսակցութիւնը, որքան որ կը յիշեմ, տեղի ունեցաւ Նոյեմբեր 28-ին, եւ ներկայ էին Պօղոս Փաշա, Մասեհեան Խան, Պ. Վարանդեան եւ ես: Պ. Պենէշ յայտնեց, որ եթէ իրենք յաջողեցան պատերազմիկ ճանչցուիլ եւ աթոռի իրաւունք ստանալ յառաջիկային գումարուելիք Վեհաժողովին մէջ, ասիկա կը պարտին լոկ Ֆրանսայի ազդու պաշտպանութեան: Պ. Պենէշ մեզի նկարագրեց իրենց գործունեութիւնը, պարզեց պետութեանց հետ իրենց ունեցած յարաբերութեանց եղանակները եւ աւելցուց, որ եթէ մենք ալ Ֆրանսայի ապաւինինք՝ մեր բաղձանքները դիւրութեամբ կրնան պսակուիլ: Իսկ առժամեայ կառավարութիւն կազմելու խորհուրդը չտուաւ, ըսելով, որ ասիկա կրնար օրինական առարկութեանց տեղի տալ, քանի որ պատերազմական վիճակը այլեւս վերջ գտած էր, քանի որ մանաւանդ մենք պիտի ստիպուէինք այդ պարագային Ռուսական Հայաստանն ալ հաշտի առնել, մինչդեռ Դաշնակիցները որոշած էին անեղծ պահել Ռուսիոյ ամբողջութիւնը:

Այդ օրերը տեսակցութիւն մը ունեցանք նաեւ Արտաքին Գործոց Նախարարութեան Արեւելեան Բաժնի տնօրէն Պ. Կուի հետ, հասկնալու համար, թէ ի՞նչ կրնար ըլլալ ֆրանսական տեսակետը՝ Ֆրանսայի հոգատարութեամբ Ամբողջական Հայաստանի մը կազմութեան մասին: Տեսակցութեան ներկայ էին Փաշան, Յովհաննէս Խան Մասեհեան, Պ. Շանթ եւ ես: Պ. Կու այդ հարցին նկատմամբ ըսաւ, թէ ոեւէ հրահանգ չունի իր նախարարութենէն, բայց իր անձնական մտածումը սա է, թէ կարելի եղածին չափ ընդարձակ Հայաստան մը պէտք է պահանջենք, այսինքն՝ Կիլիկիան ամբողջ, Մարաշի Սանճագն ու Սվազի, Խարբերդի, Տիարպէքիի վիլայեթներուն

դէմ, վերջ տալու համար կոտորածներուն : Իր խօսքերէն առաջին անգամ այդ օրը յայտնի եղաւ, որ ֆրանսական եւ անգլիական կառավարութիւնները, թուրքերուն վրայ ճնշում բանեցնելու եւ զանազան զգաստութեան բերելու համար, որոշած են Կ. Պոլիսը գրաւել: Փաշային կողմէ եղած պահանջման մը վրայ, որուն համաձայն գտնուեցան թէ՛ Պ. Բիշոն եւ թէ՛ Պ. Կու, նախարարը խոստացաւ «Հայկական Լեզնոն» անունը տալ ֆրանսական դրօշի տակ ծառայող հայ կամաւորներուն, որոնք կը գործէին «Արեւելեան Լեզնոն» ամունին տակ, ինչպէս Փաշան ինքն իսկ պահանջած էր անոնց կազմութեան միջոցին, զգուշութեան համար, որպէսզի թուրք վարիչները բոլորովին չգրգռուին հայոց դէմ : Պ. Բիշոն խոստացաւ նաեւ, որ այդ Լեզնոն ի հարկին պիտի արտօնուի Հայաստան երթալու, հայրենի հողին պաշտպանութեան համար: Ունկնդրութեան միջոցին խօսք դարձաւ նաեւ յարակից ուրիշ հարցերու մասին: Մասնաւորաբար Պ. Կու փափաքեցաւ վիճակագրական տեղեկութիւններ ունենալ Թուրքիոյ ընդհանուր բնակչութեան մասին: Յայտնեցի այս գործին դժուարութիւնը, այդ առթիւ երկար բացատրութիւններ տալով այն եղանակին նկատմամբ, որով վիճակագրութիւնները կը պատրաստուին Թուրքիոյ մէջ» :

մեծագոյն մասերը, Արդընիի հանքերն ալ մէջը ըլլալով: Բայց այսպէսով կազմուելիք Հայաստանին համար խորհուրդ տուաւ, որ ընդունինք Ձուիցերիոյ նման դաշնակցային կազմութեան մը ձեւը, աշխատելով, որ դաշնակցային կեդրոնական խորհուրդին մէջ հայերը կազմեն մեծամասնութիւնը: Երկրին զանազան մասերուն մէջ, տեղ-տեղ, մեծամասնութիւնը կրնայ մնալ միւս տարրերուն, օրինակ՝ քիւրտերուն, ըսաւ, կը բաւէ որ կեդրոնական խորհուրդին մեծամասնութիւնը ձեր ձեռքը ըլլայ. 40-50 տարիէն քիւրտերը եւ այլ տարրերը կը տկարանան՝ իբր յետանագ ժողովուրդ, կը կորսնցնեն իրենց ոյժը, եւ դուք կը մնաք երկրին տէրը. ձեր մշակոյթը, ձեր յատկութիւնները երաշխիք են այս մասին: Գալով Ֆրանսայի աջակցութեան մանրամասնութեանց, Պ. Կու ըսաւ, թէ ֆրանսական կառավարութիւնը Հայաստան կրնայ դրկել բարձր-քոմիսէր մը, ժամտարմըրիի պետ մը եւ սպաներ, հանրային կրթութեան, ելեւմտից եւ այլ ճիւղերու պէտք եղած քննիչներ ու մարզիչներ: Ըստ Պ. Կուի, այս դրութիւնը պէտք է տեւեր մինչեւ այն ատեն, ուր Հայաստան ի վիճակի ըլլար մինակը կառավարելու ինքզինքը: Հայաստանի կառավարութեան ձեւը ազգը պիտի որոշէր եւ հայկական կառավարութիւնը օրէնսդրական իրաւունք պիտի ունենար լիովին: Պ. Կու ըսաւ նաեւ, թէ նոյնիսկ Ռուսական Հայաստանը կրնար մաս կազմել անոր, բայց աւելցուց, որ ասիկա լոկ իր անձնական կարծիքն է:

Այն պետական կազմակերպութիւնը, զոր Պ. Կու կ'առաջարկէր մեզ, ներշնչուած էր հաւանաբար Սուրիոյ նկատմամբ պատրաստուած օրինագծէ մը, զոր ի ձեռքն ունեցանք եւ որ Ֆրանսայի հաւանութեան ենթարկուած էր Սուրիական Կեդրոնական Քոմիսիոն կողմէ: Բայց դաշնակցային դրութիւնը մեզի յարմար չերեւաց եւ ինչ-ինչ խորհրդածութիւններ ըրինք: Պ, Կու դիտել տուաւ, թէ հայ ժողովուրդին թիւը շատ ստուար չէ բաղդատմամբ Հայաստանի մեծ տարածութեան եւ միւս տարրերու թիւին: Մասեհեան Խան ըսաւ, թէ մենք Հայաստան գոյացնել կ'ուզենք եւ ոչ թէ խառն երկիր մը: Ատոր վրայ՝ խօսքը դարձաւ ազտիկ Հայաստանի մը կազմութեան մասին, եւ խօսակցութիւնը ստացաւ ոչ տաք համագամանք մը: Մասեհեան Խան հարցուց, որ եթէ Ֆրանսա ստանձնէ հոգատարութիւնը, ի՞նչ ընթացք պիտի բռնէ Հայաստանի մէջ, ի՞նչ կերպով պիտի կառավարէ զայն:

- Ոչ ի՞նչպէս մը կրնանք տալ, ոչ ալ թագաւոր մը,- ըսաւ Պ. Կու, այլ լոկ ընդհանուր քոմիսէր մը:

Մասեհեան Խան պատասխանեց.

- Այո՛, ինչպէս Թունուզի տուած էք. ուրեմն գաղութի՞ պիտի վերածէք Հայաստանը:

Շատ հաճելի կերպով մը չբաժնուեցանք այդ օրը:

Նոյն իրիկունը Փաշային տունն էինք, նորէն կը կրկնէին, թէ Պ. Կուի ծրագիրը պարզապէս Հայաստանը կ'լլելու կը միտի: Մասեհեան Խան փափաքեցաւ վերստին լսել իմ կարծիքս որոշապէս: Ըսի, որ առանց Կիլիկիոյ եւ Խարբերդի նահանգին՝ էապէս հայկական պետութիւնը կատարեալ չպիտի ըլլար, եւ իրաց վիճակը կը պահանջէ Ֆրանսայի հետ բանակցիլ եւ ընդունիլ տալ Հայաստանի պաշտպանութիւնը, որոշ պայմաններով: Աւելցուցի նաեւ, թէ ասիկա ուսումնասիրութեան կարօտ հարց մըն է, ի հարկէ պէտք է աշխատինք, որ Եգիպտոսի պէս բան մը չըլլայ Հայաստան, բայց վերջապէս կարելի է յաջողիլ յարատեւ ջանքերով, կը բաւէ որ սկզբունքն ընդունինք անգամ մը եւ աշխատինք պատշաճագոյն ձեւը գտնելու: Պ. Կուի կարծիքը վերջնական չի կրնար ըլլալ, յարեցի, անկէ բարձր պաշտօնատարներ կան, որոնք համակիր ալ են մեր ազգին, կրնանք բանակցութեան մտնել անոնց հետ. այսպէս՝ օրինակի համար Պ. Բիշոնը, Պ. Քամպոնը, նոյնիսկ Պ. Քլէմանսօն, որ հայոց բարեացակամ է եւ որ սերտ յարաբերութիւն կը թուի ունենալ Պօղոս Փաշայի հետ: Եւ որովհետեւ Պ. Քլէմանսօ ամենագորեղ դիրք մը ունէր, անձնապէս յոյս յայտնեցի, որ կարելի էր մեր բանակցութեանց մէջ յաջողիլ, ի հարկին օգտուելով նաեւ Քէ տ'Օրսէի մէջ մեր ունեցած

բարեկամներուն աջակցութենէն\*։ Պատուիրակութեան անդամները կը կարծէին, թէ կարելի պիտի ըլլայ Կիլիկիան ունենալ առանց Ֆրանսայի, եւ նոյնիսկ՝ հակառակ Ֆրանսայի, ուրիշ պետութեան մը, զոր օրինակ՝ Ամերիկայի միջոցաւ, ինչպէս կը յուսային։ Իմ կարծիքս տարբեր էր, մանաւանդ սա տեսակետով, որ Վեհաժողովին մէջ աթոռ մը չունենալով, միջոց չպիտի գտնէինք մեր իրաւունքները պաշտպանելու։ Վերջապէս՝ համաձայնութիւն չգոյացաւ մեր միջեւ, եւ միայն որոշուեցաւ կատարել Յայաստանի անկախութեան յայտարարութիւնը, որուն նկատմամբ հարկ դատեցինք հասկնալ, թէ Պ. Բլեմանսոյի տրամադրութիւնները ի՞նչ պիտի ըլլան։ Քիչ ետքը Փաշան հաղորդեց, թէ անձի մը միջոցաւ, որուն անունը չի կրնար տալ, ստացած է Պ. Բլեմանսոյի պատասխանը սապէս թէ՛ ինձի անձնապէս խորհուրդ չի տար, որ հայերը անկախութիւն յայտարարեն, բայց եթէ ընելու ըլլան՝ չպիտի հակառակի։ Այս պատասխանին մէջ հակառակելու տրամադրութիւն չըլլալուն, Նոյեմբեր 30-ին Յայաստանի անկախութեան հռչակման ծանօթ գիրը ղրկուեցաւ պետութեանց։ Իսկ առժամայ դահլիճ կազմելու գաղափարը, տրուած հանգամանքներուն մէջ, բոլորովին մէկդի թողուցաւ։

Պ. Ն. Տէր-Ստեփանեան. Երանի թէ կազմած ըլլայիք։

Նորատունկեան էֆենտի. Անկախութեան յայտարարութիւնը յատուկ անձի մը միջոցաւ ղրկուեցաւ Լոնտոն։ Անգլիական կառավարութիւնը գրաւորապէս պատասխանեց, թէ «ստացանք ու կ'արձանագրենք» /Nous en prenons note/, ինչ որ չհակառակելու նշան է, բայց ոչ բացարձակ հաւանութեան, որովհետեւ այս վերջին պարագային պետք էր ըսուած ըլլար՝ «նկատողութեան կ'առնենք» /Nous en prenons acte/: Իսկ Ֆրանսա եւ Իտալիա պատասխան չտուին։ Միայն՝ իտալական խորհրդարանին մէջ Յայաստանի իրաւունքները հռչակուեցան ծափահարութիւններով։

Պ. Վ. Թէքեան. Այդ միջոցին Պ. Տամատեան Իտալիա կը գտնուէր, բայց իրեն լուր տրուած չէր, թէ այդ տեսակ գիր մը ուղղուած է իտալական կառավարութեան։ Շատ նեղացած էր ասոր համար, ու վերջէն ըսաւ, որ եթէ տեղեկութիւն ունեցած ըլլար, տեղին վրայ կ'աշխատէր պատասխան մը ստանալու եւ կը յաջողէր ալ։ Չեմ գիտեր, թէ Փաշան ի՞նչ դիմում ըրաւ յայտեղ անձնապէս։

Նորատունկեան էֆենտի. Այդ միջոցին բոլոր տեսակցութիւնները Փաշային կողմէ կ'ըլլային՝ իբր Պատուիրակութեան Նախագահ. երբեմն Մասեհեան Խան միասին կ'երթար։ Դեկտեմբեր 10-ին Ազգ. Պատուիրակութիւնը նիստ մը ունեցաւ, որուն ներկայ էինք՝ Փաշան, Յովհաննէս Խան Մասեհեան, Տոքթ. Ներուզ, Պ. Շանթ, Պ. Վարանդեան եւ ես։ Փաշան, որ կը նախագահէր, կարդաց Պ. Սվազլի կողմէ իրեն հասած նամակ մը, որմէ կը հասկցուէր թէ Տոքթ. Պարթընի դիմումին վրայ՝ արտաքին գործոց նախարար Պ. Լանսինկ բացորոշապէս յայտարարած է, թէ ամերիկեան կառավարութիւնը երբեք չի կրնար ընդունիլ Յայաստանի հոգատարութիւնը։ Փաշան՝ աւելցնելով, թէ Պ. Բլեմանսո ալ զգացուցած էր ատիկա իրեն, յիշեցուց, թէ նախագահ Ուիլսոն երբք օրէն Փարիզ կը ժամանէ եւ թէ անհրաժեշտ է, որ կարելի եղածին չափ շուտով որոշում մը տրուի այս հոգատարութեան խնդրին նկատմամբ։ Նկատի առնելով Պ. Լանսինկի մերժումը, Փաշան այն գաղափարը յայտնեց, թէ Կիլիկիոյ եւ սահմանակից վիլայէթներու մասին պետք է վերադառնալ 1916-ին Ֆրանսայի ստանձնած յանձնառութեան եւ անոնց համար խնդրել Ֆրանսայի հոգատարութիւնը, բայց ո՛չ թէ Պ. Կուի կողմէ արտայայտուած գիծերով, որոնց գործադրութիւնը կցման համարժեք կը նկատուէր։ Պօղոս Փաշա կ'առաջարկէր նամակով մը մերժել այդ ծրագիրը եւ յանձնառութիւն յայտնել ընդունելու աջակցութեան շատ թեթեւ ձեւ մը, որուն մեծ

գիծերը կրնայինք սահմանել՝ եթէ երբեք ֆրանսական կառավարութիւնը սկզբունքով ընդունէր այդ ձեւը\*։ Իսկ Վերին եւ Կովկասեան Յայաստանի համար՝ Փաշան առաջարկեց Անգլիոյ աջակցութիւնը փնտռել։ Իր ծրագրին համեմատ՝ Ամբողջական Յայաստանի հոգատարութիւնը պիտի կատարուէր՝ արեւմտեան մասին համար Անգլիոյ կողմէ անջատաբար։ Փաշային ծրագիրը երկու անգամ Յայաստաններու մասին՝ զիս չէր խանդակուէր. բայց համամիտ էի ազգին դիրքը ճշդելու եւ ժամ առաջ ծրագիր մը ընտրելու մեր ունենալիք քաղաքականութեան մասին։ Երբ իմ կարծիքս ուզուեցաւ, չժածկեցի, թէ Ֆրանսան կը նախընտրեն իբր աջակից պետութիւն Ամբողջական Յայաստանի, եւ բացատրելով իմ նախընտրութեանս պատճառները, տրամադրութիւն յայտնեցի առ այդ ծրագիր մը բերել՝ եթէ Պատուիրակութեան անդամները սկզբունքով համամիտ ըլլային։ Այս առաջարկութիւնն ընդունուեցաւ, եւ յաջորդ նիստին բերի ծրագրի նախագիծ մը, որուն մէջ պայմաններ ցոյց տուած էի աջակից պետութեան կողմէ՝ որ Ֆրանսան պիտի ըլլար՝ Յայաստանի տրուելիք աջակցութեան։ Իմ ծրագրիս համեմատ՝ Ամբողջական Յայաստանը /Թուրքիոյ հայկական նահանգները, Ռուսական Յայաստանը, Կիլիկիան, Եսայլը/ պիտի ճանչցուէր ազատ ու անկախ պետութիւն, Ազգերու Ընկերութեան երաշխաւորութեամբ, եւ Ընկերութեան մասնաւոր «մանտա»-ով՝ Ֆրանսա պիտի ստանձնէր ժամանակաւոր աջակցութիւն մը, որուն տեւողութիւնը պիտի որոշէր Խաղաղութեան Վեհաժողովը։ Չեմ մտներ մանրամասնութեանց մէջ. բայց քանի մը բառով ըսեմ, որ իմ մտածումս եղած էր թէ՛ Ամբողջական Յայաստանի պետութեան հաստատութիւնն ու ճանաչումը եւ թէ՛ Ֆրանսայի բարոյական ու նիւթական օգնութիւնը ապահովել։ Ես կ'ուզէի, որ ժամանակի մը համար, զոր օրինակ՝ հինգ կամ տասը տարի, ֆրանսացի մը կառավարէ մեր երկիրը, եւ այդ ֆրանսացին մենք ընտրենք եռամսու ցանկի մը վրայէն, որ մեզի տրուի ֆրանսական կառավարութեան կողմէ, իբր նախագահ, բարձր-քումիւտ, կամ ուրիշ ռեւէ անունով մը։

Պ. Վ. Թէքեան. Կը յիշեմ, որ ձեր մտածումն էր առաջարկել Պ. Ժոնառը՝ Ալճերիոյ նախորդ ընդհանուր կուսակալը, որ այնքան մեծ անուն մը թողուց։

Նորատունկեան էֆենտի. Ամեն պարագայի մէջ՝ ընտրութիւնը մենք պիտի ընէինք։ Ես կը խորհէի, թէ ֆրանսական ազգը, նկատի առնելով իր ասպետական տրամադրութիւնները, ամենայն սիրով պիտի աջակցէր մեր պետութեան բարգաւաճման ու զօրացման, եթէ երբեք ֆրանսացի մը ըլլար Յայաստանի գլուխը։ Իմ ծրագրիս համաձայն՝ երկրին պետական լեզուն եւ դրօշը, ինչպէս նաեւ դրամները հայկական պիտի ըլլային, Դաշնակից պետութիւնները իսկոյն գրաւման պիտի ենթարկէին հայկական հողերը, անոնցմէ հեռացնելով ո՛չ միայն թուրք զօրքերը, այլ նաեւ՝ անդորրութիւնը վրդովող տարրերը։ Ֆրանսա դրամ փոխ պիտի տար երկրին մէջ տիրող թշուառութիւնը բառնալու համար, երկրին վերականգնութեան պիտի

\* Իրականութեան մէջ՝ Փաշան այդ նամակը գրած էր արդէն Նոյեմբեր 30-ին, Պ. Կուի հետ Քէ տ'Օրսէի մէջ տեղի ունեցած տեսակցութենէն երկու օր վերջ, բնական է՝ Յովհաննէս Խան Մասեհեանի եւ Պ. Լևոն Շանթի ազդեցութեան տակ, եւ այն տեսակ կտրուկ ձևով մը, որ նոր բանակցութեանց պետքին անհարկելով հանդերձ՝ յետագայ բանակցութեանց դռները կը զոցէր։ Դեկտեմբեր 10-ին, այսինքն՝ նամակին ղրկելէն 10 օր վերջ երբ ժողովին մէջ այս կարգի նամակ մը ղրկելու անհրաժեշտութիւնը կը զգացներ Նորատունկեան էֆենտիի եւ միւս ժողովականներուն, որոնք տեղեկութիւն չունէին նամակին ղրկուած ըլլալէն, Փաշան պարզապէս կատարուած իրողութիւն մը վաւերացնել տալու, ինքնագլուխ՝ կամ մէկ-երկու ժողովականներու միայն գիտակցութեամբ և թիչ մը չափազանց հապճեպով տեղի ունեցած շատ ծանրակշիռ արարքի մը պատասխանատուութիւնը միանգամայն բոլոր ժողովականներուն բաժնել տալու փորձ մըն էր որ կ'ընէր, այս մասին լռելի համամտութիւնը ունենալով Մասեհեան Խանի եւ Պ. Շանթի, որոնք գիտէին նամակին ղրկուած ըլլալը։ Ա. Ա.

\* Նորատունկեան էֆ. ըսաւ նաև. «Մերժեցին իմ կարծիքս, եւ նորէն «կլլել» բայը խոնարհուեցաւ թէ՛ Փաշային, թէ՛ Պ. Շանթի եւ թէ՛ Մասեհեան Խանի կողմէ»։ Վերջէն վերցուց այս պարբերութիւնը, իր յայտնութիւնները թեթեւցնելու համար։

ծեռնարկեր՝ հայթայթելով ո՛չ միայն անհրաժեշտ գումարները, այլ նաեւ՝ պաշտօնեաներն ու մասնագետները, պիտի կազմեր ու մարզեր բանակը, Հայաստանի բնական հարստութիւնները պիտի օգտագործեր ի նպաստ պետութեան ու ժողովուրդին, պետութեան անհրաժեշտ փոխառութիւնները պիտի երաշխաւորեր, եւ խաղաղութեան Վեիաժողովին մէջ ոյժ պիտի տար մեր հատուցման իրաւունքին, ինչպէս նաեւ հայկական ջարդերու եւ տեղահանութեանց հեղինակները պատժելու պահանջման: Երբ այս ծրագիրս կարդացուեցաւ, Փաշան ըսաւ, որ «Բնաւ չեմ հաւանիր այս տեսակ ծրագրի մը. կատարելապէս միակողմանի /unilateral/ է, եւ Ֆրանսա երբեք չպիտի ընդունի զայն»: Այսինքն՝ ըսել ուզեց, որ իմ ծրագիրս մեզի համար շատ նպաստաւոր էր, բայց Ֆրանսա չէր կարող ընդունիլ զայն: Պատուիրակութեան անդամներէն մէկը ըսաւ, թէ ինչպէ՞ս օտար մը կրնանք դնել Հայաստանի գլուխը: Պատասխանեցի, թէ ատիկա առժամանակեայ բան մըն է, թէ մենք մեր ուզածը ընտրելու ազատ պիտի ըլլանք, ու նոյն ատեն յիշեցուցի օրինակը շատ մը երկիրներու որոնք իրենց գլուխը օտարներ ունենալով սկսան, եւ որոնք անկախ ու զօրեղ պետութիւններ դարձան, ինչպէս Յունաստան, Պուլկարիա, եւ այլն: Անկեղծօրէն ըսելով, նոյն օրը ծրագիրս խորապէս չքննուեցաւ\*: Եւ որովհետեւ Փաշան համակարծիք չէր ինձի, առաջարկեցի իրեն, որ ինք ալ ծրագիր մը բերէ ու ենթարկէ խորհրդակցութեան: Յետագայ նիստերուն մէջ Փաշան ծրագիր մը բերաւ, որ նոյնպէս հաւանութիւն չգտաւ\*: Պատուիրակութեան անդամներէն ոմանք, ընդ որս Պ. Շանթ, արտայայտուեցան տարբեր ուղղութեամբ, այսինքն՝ գոհանալ Ամբողջական Հայաստանի անկախութեան յայտարարութեամբ որ եղած էր Նոյեմբեր 30-ին, այդ Յայտարարութեան իրականացման գործն ու կազմուելիք հայկական պետութիւնը ենթարկելով ընդհանուր Դաշնակիցներու պաշտպանութեան:

Այս տարակարծութիւնները տեսցի՞ն տակաւին քանի մը նիստ, ու կարելի չէրաւ վերջնական որոշման գալ, որով խնդիրը այդպէս անլոյծ մնաց, հակառակ իմ պնդումներուս, թէ ժամանակը անգին է եւ գործը՝ ստիպողական: Գիտե՞ք անշուշտ, թէ ի՞նչ հետեւեանք ունեցան այս առաջարկներս, քանի որ իրողութիւնը արծազանգ գտաւ մինչեւ Համագումարին մէջ\*\*:

Պ. Ն. Տեր-Ստեփանեան. Այո՛, ո՛չ միայն հակառակեցան ձեզի, ըսին թէ ֆրանսամոլ էք, այլ նաեւ ձեզ նախատելու, զրպարտելու չափ առաջ գացին: Կը յիշեմ մասնաւորաբար միջադէպ մը, որ տեղի ունեցաւ ճիշդ Փարիզ հասած օրս, այսինքն՝ 1918 Դեկտեմբեր 30-ին, միջադէպ, որ ցոյց կու տայ, թէ ի՞նչ մտայնութիւն կը տիրէր այն ատենուան Պատուիրակութեան մէջ: Ասիկա առաջին տպաւորութիւնն է, զոր կրեցի Փարիզի մէջ մեր ներկայացուցիչներէն, եւ որուն որչափ շինիչ ըլլալը ձեզի կը թողում դատել: Յանկարծ Պ. Վարանդեան ամբաստանող ծայրով մը եւ կիրքով յայտարարեց, որ Պատուիրակութեան մէջ ամեն խօսուած թէ տ՛Օրսէն կը գիտցուի, եւ հետեւաբար, Պատուիրակութեան մէջ գտնուող անձերու միջոցաւ է, որ կ'ըլլայ այս

\* Ճիշդ ու ճիշդ ըսաւ. «Անկեղծօրէն ըսելով՝ վշտացայ, որ առանց ծրագիրս խորապէս քննելու, այդքան փութութիւն կարծիք մը յայտնուեցաւ Փաշային կողմէ»: Վերջէն թեթևցուց այս պարբերութիւնը՝ վերի ձևով:

\*\* Նորատունկեան էֆ. ըսաւ նաեւ. «Փաշային ծրագիրը հիմնուած էր երկու տարբեր հոգատարութեամբ երկու անջատ Հայաստաններու կազմութեան վրայ»: Վերջէն ջնջեց այս տողերը:

\*\*\* Նորատունկեան էֆ. բառ առ բառ հետևեալն ըսաւ այս մասին. «Հասկցուցի իրենց, թէ շատ սխալ կը մտածեն, որուն վրայ՝ բոլորովին սրեցաւ իրենց հակառակութիւնը ինձի դէմ, ըսին թէ ֆրանսամոլ եմ, և այսքանով ալ չբաւականացան, մինչև իսկ զիս նախատելու չափ առաջ գացին, զրպարտեցին ալ, վերջապէս ծանօթ է ձեզի մնացածը, որ իր արծազանգը ունեցաւ նաև Համագումարին մէջ»: Վերջէն թեթևցուց այս պարբերութիւնը՝ վերը արձանագրուած կերպով:

բանը: Ես անմիջապէս հասկցայ, որ ամբաստանութիւնը ուղղուած էր Պ.Նորատունկեանի եւ Պ. Մալքունի, որոնք լաւագոյն նկատեցին լռել: Քիչ ետքը սակայն՝ Պօղոս Փաշա, խօսքն ուղղելով Պ. Նորատունկեանի, ըսաւ. «Excellence! Եթէ կ'ուզէք Պատուիրակութեան նախագահութիւնը ստանձնել, ահաւասիկ իմ աթոռս. գրաւեցէ՛ք զայն»: Պ. Նորատունկեան մէկ խօսք միայն ըրաւ, որ հետեւեալն էր. «Excellence! Ի զուր մի՛ բարկանաք, Ձեր առողջութիւնը չափազանց թանկագին է ազգին համար»: Նուպար Փաշայի այդ խօսքերը կ'ապացուցեն, թէ իր մէջ գոյացուցեր էին այն համոզումը,- աւելորդ է ըսել որո՞նք,- որ իբր թէ Պ. Նորատունկեան կ'ուզէր Քէ տ՛Օրսէի միջոցաւ զինքը տապալել եւ իր տեղը գրաւել: Իսկ Պ. Վարանդեանի ամբաստանութեանց լրջութիւնը կարելի է դատել այն միւս միջադէպէն, որ երկու ամիս վերջ պատահեցաւ Համագումարին մէջ եւ զոր կը յիշէք անշուշտ: Օր մը Պ. Վարանդեան ձեռքը բռնած «Լա Ֆրանս Էքսփրէիտը» լրագրին մէկ թիւը, եւ ակնյայտնի կերպով ակնարկելով Համագումարի Նախագահ Պ. Նորատունկեանի, կ'ուզէր հաստատել, թէ այդ թերթին մէջ հրատարակուած յօդուածի մը ներշնչումը բոլորած է Համագումարի մէկ անդամէն: Ինչպէս կը յիշէք, այդ միջադէպին յաջորդ օրն իսկ նոյն թերթին մէջ հրատարակուած յօդուած մը, որ «Les Hommes de Plâtre» /Գաճէ Մարդիկը/ վերնագիրը կը կրէր, այդ յորջորջման տակ կը նոյնացներ Պօղոս Փաշան եւ Պ.Նորատունկեանը, երկուքն ալ ամբաստանելով իբր հեղինակ հայոց հակաֆրանսական քաղաքականութեան:

Նորատունկեան էֆենտի. ամերիկեան հոգատարութեան խնդիրը այս անցուղարձերէն ետքն է, որ ծագում առաւ:

Պ. Գ. Սիմապեան. Անկէ վերջ դարձեալ տեսակցութիւն ունեցա՞ք նախարարներու կամ ուրիշ պաշտօնական անձնաւորութեանց հետ:

Նորատունկեան էֆենտի. Ոչ. բնաւ մէկուն չգացի:

Պ. Ա. Թերզիպաշեան. Իսկ ամերիկեան հոգատարութեան մասին ի՞նչ կը խորհէք:

Նորատունկեան էֆենտի. Ըսի, թէ տար Աստուած, որ չխաբուէինք: Մէկ կողմէ՛ ինձի դժուար կը թուէր, որ Ֆրանսա համակերպի Ամերիկայի թողուլ Կիլիկիան, միւս կողմէ՛ կը յիշէր, որ Ամերիկա Մոնրոյի վարդապետութիւնն ունի, ամերիկացիք կրթուած են այդ վարդապետութեան ոգուով, եւ անհաւանական էր, որ յօժարութիւն ունենան Ամերիկայի սահմաններէն դուրս գտնուող կնճռոտութեանց խառնուելու եւ հոգատարութիւն ընդունելու: Իմ անխախտ համոզումս էր ասիկա: Բայց եթէ այս համոզմանս անունով պայքարէի, աշխատէի, մեր մէջ առաջ պիտի գար շատ վնասակար պառակտում մը, անանկ ատեն մը, երբ մեր ազգին համար միութիւնը առաջին անհրաժեշտ բանն էր: Այս ազգային գերագոյն շահուն սիրոյն նախընտրեցի լռել, եւ բոլորովին քաշուեցայ:

Պ. Դաւիթ-Բէկ. Այնքան որ ատիկա նոյնիսկ օտարներուն աչքին զարկաւ: Փաշան օր մը ինձի ըսաւ, թէ Պ. Կու հարցուցած էր, որ ինչո՞ւ այլեւս առիթ չունենար Պ. Նորատունկեանը տեսնելու:

Նորատունկեան էֆենտի. Ամերիկեան հոգատարութեան մասին կարելի էր խորհիլ զինադադարէն առաջ, պայմանաւ, որ հնարաւոր ըլլար Ամերիկայի պարտադրել այդ տեսակ յանձնառութիւն մը: Այս մասին պարագայ մը կայ, զոր առիթ է յայտնելու ժողովիդ: Ձինադադարէն 5-6 ամիս առաջ Ձուեցերիա եկան ֆրանսական եւ անգլիական առաքելութիւններ: Ինձի ալ այցելեցին, հարցուցին, թէ ի՞նչ կը մտածէի Թուրքիոյ հետ հաշտութեան մը եւ ընդհանուր առմամբ՝ Հայաստանի ապագային նկատմամբ: Թուրքերու նկատմամբ մտածածս ըսելէ յետոյ, իրենց խնդրանքին վրայ՝ գրաւոր՝ թէն առանց ստորագրութեան, տուի իմ խորհուրդս, թէ ցանկալի էր, որ Ֆրանսա եւ Անգլիա համաձայնին Ամերիկայի առաջակից եւ ընդունիլ տան Հայաստանի հոգատարութիւնը: Այդ գրութեան մէջ պատճառաբանած էի, թէ ինչո՞ւ

Ֆրանսա եւ Անգլիա պետք էր նոյնիսկ պատերազմի միջոցին ընդունիլ տային Ամերիկայի՝ Հայաստանի հոգատարութիւնը: Ըսել կ'ուզեմ, որ անհատապէս ամերիկեան հոգատարութեան դէմ չէի, եթէ կանխաւ, առաջին օրէն, ընդունած ըլլար, եւ պարտադրիչ եղանակով մը: Ժամանակ ետքը՝ երբ Փարիզ եկանք, Պ. Փաստրմաճեան նոր դարձած էր Ամերիկայէն եւ, ինչպէս անկէ ալ գրած էր նախապէս, միշտ այն համոզումն ունէր, թէ Ամերիկա չպիտի ընդունի Հայաստանի հոգատարութիւնը: Ուրիշ անձնաւորութիւններ ալ, թէ՛ եւրոպացի եւ թէ՛ ամերիկացի, այդ համոզումը ունէին: Տոքթ. Պարթըն եւ Սր. Մորկընթաւս կը պաշտպանէին ուրիշ կարգադրութիւն մը, որուն համաձայն՝ Ամերիկա պետք էր ստանձնէր ո՛չ թէ լոկ Հայաստանի, այլ՝ ընդհանուր թուրքիոյ հոգատարութիւնը: Ո՛չ մէկը կ'ապահովցնէր, թէ Ամերիկա պիտի կրնայ ընդունիլ առանձին Հայաստանի հոգատարութիւնը: Անգլիայէն ալ այդ միջոցին Փարիզ հասած էր «Թայմզ»-ի խմբագիր Սր. Սթետ, որուն հետ տեսնուեցանք: Ան ալ թերահաւատ էր այդ մասին, ինչպէս մեր լաւագոյն անգլիացի բարեկամը՝ Լորտ Պրայս: Երկուքն ալ խորհուրդ կու տային, որ Ֆրանսայի մօտենանք: Տակաւին ուրիշ շատեր ալ կային: Երբ մենք, Ջօրաքեալ Պատուիրակութեան մէջ, այս խնդիրն սկսանք քննել, այս բոլորը սեղանի վրայ էին: Ըսի, որ ես ալ կը նախընտրէի Ամերիկան, ինչպէս էն առաջ խորհած էի անոր մասին, բայց այլեւս շատ տարակուսելի էր, թէ կ'ընդունին: Մասնաւոր, որ Ամերիկայի ընդունիլը շատ երկար ամիսներու կարօտ էր, մինչդեռ Հայաստանի պետք էր ամենամիջակաւ օժանդակութիւն: Յետոյ կար 1916-ի Համաձայնութիւնը, որ ի սկզբանէ ինձի անյայտ էր, եւ որ Ֆրանսայի վճռական դեր մը կու տար Կիլիկիոյ եւ շրջակայ հողանաստերուն մէջ: Եւ Լորտ Պրայս՝ անելի այդ նկատումով մեզի խորհուրդ կու տար, որ անգլիական հոգատարութեան վրայ չխորհիմք ու Ֆրանսան նայվորտենք:

Պ. Ռ. Որբերեան. Հապէշիսթանի եւ Գիպուսիի հայ գաղութն ալ զինադադարէն ետք գիր մը ուղղեց թէ՛ նախագահ Ուիլսոնի, թէ՛ Պ. Պ. Քլէմանտոյի, Լյոյտ ճորճի, Օրլանտոյի, եւ Պապին ալ, խնդրելով, որ Ամբողջական Հայաստանը կազմուի իր պատմական սահմաններուն մէջ: Իտալական կառավարութեան պատասխանը շատ լաւ էր եւ կը խոստանար բոլոր կարելին ընել այդ նպատակով: Ֆրանսա իր պատասխանին մէջ կ'ըսէր, թէ վերջ պիտի տան հայոց դէմ կիրարկուած հարստահարութեան դրութեան, բայց անկախութեան խօսք չէր ըներ բնաւ: Պատասխան տուաւ նաեւ Անգլիան:

Նորատունկեան Էֆենտի. Ի՞նչ ձեւով պատասխանեց անգլիական կառավարութիւնը:

Պ. Ռ. Որբերեան. Ընդունած ըլլալը ծանուցած էր, անելցնելով, թէ «Բովանդակութիւնը արձանագրուած է» /Le contenu est noté/:

Պ. Ա. Չօպանեան. Նախկին Ջօրաքեալ Պատուիրակութեան այդ համբաւաւոր նիստին, ուր Պօղոս Փաշայի, Նորատունկեան Էֆենտիի եւ Դաշնակցականներու ծրագիրները ներկայացուեցան, ես ներկայ չէի, որովհետեւ այդ միջոցին Պատուիրակութեան անդամ չէի: Ինձի պատմող ալ չէր եղած անկէ ի վեր: Բայց մեր Պատուիրակութեան նիստերէն մէկուն մէջ, ասկէ 5-6 ամիս առաջ, օր մը, Փաշան բերաւ եւ կարդաց այդ երեք գրութիւնները: Նորատունկեան Էֆենտիի առաջարկութեան մասին կ'երեւայ, թէ այդ նիստին մէջ հեզոնողներ եղեր են, թէ ֆրանսացիներ անելի ֆրանսացի կ'ըլլայ, քանի որ Ամբողջական Հայաստանի Հանարապետութեան համար ֆրանսացի նախագահ կ'ուզէ: Նորատունկեան Էֆենտիի ծրագիրը սակայն՝ ֆրանսական հոգատարութեամբ Ամբողջական Հայաստան մը կազմելու մասին, շատ կարելի բան մըն էր քանի որ, ըստ Պ. Մալթումի, անգլիացիք ալ չպիտի հակառակէին ատոր՝ որոշ պայմաններով: Միւս կողմէ, բարձր-քոմիսէրին ֆրանսացի մը ըլլալը առաջին շրջանին համար անպատեհութիւն մն չէր ներկայացներ, քանի որ այդ անձնաւորութիւնը, ըստ Նորատունկեան Էֆենտիի ծրագրին, հայոցմէ պիտի ընտրուէր:

Եւ արդէն, եթէ Ամերիկա ընդունէր Հայաստանի հոգատարութիւնը, միթէ՞ չպիտի՞ ըշանակէր բարձր-քոմիսէր մը, որ ապահովապէս պիտի ըլլար ամերիկացի մը:

Նորատունկեան Էֆենտի. Չմոռնան ըսելու, որ այդ ծրագիրը պատրաստելէ առաջ, անձնապէս առիթ ունեցած էի իմանալու կարգ մը ֆրանսացի եւ ականաւոր անձերու կարծիքը: Ոմանք վաղուց ծանօթներս էին, ինչպէս Երեսփոխանական ժողովոյ նախագահ Պ. Տէշանէլ, նախկին նախարարապետ Պ. Վիլիամի, նախկին նախարար Պ. Բէնըլվէ, եւայլն: Տեսած ֆրանսացիներէս ո՛չ մէկը հակառակած էր այդ գաղափարին: Պատուիրակութեան ծանօթ գումարումէն վերջն ալ, որուն ընթացքին այդ ծրագիրը բերած էի, գացի Պ. Վիքթոր Պեռարի եւ ծրագիրը ներկայացնելով հարցուցի, թէ ի՞նչ էր իր կարծիքը այդ մասին: Ըսաւ, թէ ատիկա պատուական կամուրջ մըն է, որուն վրայէն Ֆրանսա հայոց եւ հայերը Ֆրանսայի կրնան ձեռք տալ, իրարու մեծապէս մերժենալով: Չմոռնանք, որ Պ. Պեռար սկզբունքով հակառակ էր ֆրանսական միջամտութեան Արեւելքի մէջ ծաւալման. բայց նորէն ծրագիրը անգործնական չգտաւ, մասնաւոր երբ իրեն հասկցուցի, թէ մենք դժուար թէ կարենանք մեր անկախութիւնը իրականացնել առանց օգնական պետութեան մը, եւ թէ այդ օգնական պետութիւնը կրնայ ըլլալ Ֆրանսան, որուն մշակոյթը այնքան ընտանի է մեզի, զոր վարժուած ենք սիրելու, եւ որ արդէն մեզի հանդէպ յամենառութիւն մը ստանձնած էր 1916-ի Համաձայնութեան կնքման առթիւ:

Պ. Ա. Չօպանեան. Պօղոս Փաշայի ծրագիրն ալ գործնական էր, ու նոյնիսկ անելի գործնական էր թերեւս, թէպէտ Ամբողջական Հայաստանը երկու մասի բաժնուած կ'ըլլար ատով: Խնդիր է արդէն, թէ օր մը պատմութիւնը չպիտի՞ մեղադրուէ մեզ այս Ամբողջական Հայաստանի չափազանց զեղեցիկ գաղափարին համար, որուն երեսէն հայ ժողովուրդը այնքան մեծ կորուստ մը ունեցաւ: Պօղոս Փաշան տամամիտ էր անոնց, որոնք կ'ուզէին օգտուիլ բնավայրին այս կամ այն մասերուն մէջ արդէն իսկ գոյութիւն ունեցող եւ անմիջական շահ ունեցող տէրութիւններէն, ձգտելով ստանալ Անգլիոյ հոգատարութիւնը Մեծ Հայաստանի համար եւ Ֆրանսայինը՝ Փոքր Հայաստանի համար: Իսկ Դաշնակցականները կ'ըսէին, թէ ֆրանսա տկարացած ազգ մըն է, միւսիւմանական ուղղութեան կը հետեւի, մերթիւնք է, թէ իրական անկախութիւն չպիտի տայ, այլ՝ Հայաստանը պիտի վերածէ թունուղի պէս գաղութի մը, եւ խորհուրդ կու տային չաճապարել Ֆրանսայի հետ կապուելու, եւ Ամբողջական Հայաստանի հոգատարութիւնը տալ կա՛մ Ամերիկայի եւ կա՛մ Անգլիոյ: Վերջնական որոշում մը տալէ առաջ կը յանձնարարէին սպասել բոլոր Դաշնակից Պատուիրակութեանց Փարիզ հասնելուն, մասնաւորապէս ամերիկեանին եւ անգլիականին, որպէսզի անոնց հետ խորհրդակցելէ ետքը տրուէր այդ որոշումը: Արդ, ինչպէս յայտնի է, անոնց ալ հասնելէն ետքը, որոշումը որ տրուեցաւ Դաշնակցականներուն եւ, պետք է խոստովանիլ, ազգին ալ մեծամասնութեան նախասիրութեանց ճնշման տակ, ամերիկեան հոգատարութիւնն ուզելը եղաւ Ամբողջական Հայաստանի համար: Արդ, թէ՛ Դաշնակցականները եւ թէ՛ ազգին ստուար զանգուածը կը մոռնային, թէ Կովկասի մէջ Մեծ Հայաստանի վրայ վճռական դեր կատարելու կարող անգլիական զօրութիւնը կար, եւ Փոքր Հայաստանի ու մասնաւոր Կիլիկիոյ մէջ 1916-ի Համաձայնութեան հետեւանքով Ֆրանսան կար, եւ անոր հետ մեր Ազգ. Պատուիրակութեան ունեցած բանակցութիւնները կային: Կային տակաւին մեր հազարաւոր կամաւորները ֆրանսական դրօշի տակ, կար Կիլիկիոյ ինքնավարութիւն մը տալու խոստումը ֆրանսական կառավարութեան կողմէ, եւ այս բոլորը շօշափելի իրողութիւններ էին, զորս պէտք էր հաշուի առնել: Կ'ընդունիմ, թէ Պ. Կու, որ խօսելու չոր եւ քիչ սրտայնդիչ եղանակ մը ունի սովորաբար, կրնայ այնպէս մը արտայայտուած ըլլալ, որ վարանման մղած ըլլայ մեր ներկայացուցիչներէն ոմանք: Բայց Պ. Կուի, ինչպէս եւ Պ. Բիշոնի հետ միակ տեսակցութիւն մը բաւական չէր անշուշտ այդպիսի ծանր հարցի մը մասին վերջնական որոշում մը տալու համար: Պ. Կու եւ նոյն ինքն Պ. Բիշոն ամբողջ Ֆրանսան չէին. անոնցմէ դուրս կային բազմաթիւ

ականաւոր ազդեցիկ անձնաւորութիւններ, հայոց բարեկամ, կար Ֆրանսայի Յանրապետութեան զօրեղ նախագահը՝ Պ. Բուանքարէն, որուն հետ պէտք էր խօսիլ, կար մանաւանդ ամենէն վեր՝ մեծագոր Քլեմանսօն, Յայկական Դատին հին բարեկամը, Նուպարենց տան վաղեմի մտերինը, որ յաղթանակը վաստակող մեծ ֆրանսացին ըլլալէ զատ, խաղաղութեան Վեհաժողովին նախագահն էր, եւ որ յաղթանակէն քիչ առաջ ըսած էր Պօղոս Փաշային. «Արեւը, լուսինը եւ աստղերը կ'ուզէ Յայաստանի համար՝ պիտի ունենայք»: Ասիկա կատակ մըն էր անշուշտ, բայց դէպի հայերը շատ լաւ տրամադրութիւն մը ցոյց կու տար: Այդ օրերուն, կը յիշեմ, որ քանի մը անգամ «Բլաժա» պանդոկին մէջ Նորատունկեան Էֆենտիի եւ Պ. Մալքումի հետ այս խնդրին նկատմամբ երկար խօսակցութիւններ ունեցած եմ եւ յայտնած եմ, որ լիովին համաձայն եմ իրենց հետ, թէ լաւագոյն լուծումն էր Անգլիոյ համաձայնութեամբ Ֆրանսայի հոգատարութիւնը ստանալ՝ եթէ կարելի է՝ Ամբողջական Յայաստանի համար, իսկ եթէ կարելի չէր՝ Մեծ Յայաստանի համար անգլիական հոգատարութիւն մը, եւ Փոքր Յայքի ու Կիլիկիոյ համար՝ ֆրանսական պաշտպանութեամբ ինքնավարութիւն մը, այս վերջինն ըլլալով այդ միջոցին ամենէն անմիջական կերպով ապահովը եւ իրագործելին, եթէ մենք ուզէինք: Կը յիշեմ, որ նոյն օրերուն ընդարձակ վիճաբանութիւն մըն ալ ունեցած եմ Պ. Վարանդեանի եւ Պ. Շանթի հետ, որոնք ամերիկեան հոգատարութեան գաղափարին յարած էին: Ամերիկեան հոգատարութիւնը ինձի անորոշ ու հեռաւոր՝ թէպէտ եւ հրապուրիչ, բայց անստոյգ խոշոր երազ մը կը թուէր, մինչդեռ անգլո-ֆրանսական կարգադրութեամբ մը կրնայինք մեր հարցը անմիջապէս լուծել դրական կերպով մը: Ատկից զատ, դիտել կու տայի նաեւ, որ Ամերիկայի ետեւէն վազելով, առանց վստահ ըլլալու անոր հոգատարութիւնը ստանալու, ապահովապէս Ֆրանսան պիտի նեղացնէինք եւ մեզի թշնամի դարձնէինք, ինչպէս ալ եղաւ: Որովհետեւ նոյնիսկ ամերիկեան հոգատարութիւնը հետապնդելու ատեննիս եւ ո՛չ իսկ ամենադոյզն նրբավարութիւն ցոյց տուինք, զոնէ Ֆրանսայի դիրքագրութիւնները յարգած ըլլալու համար: Յանկարծակի, հայերը կռնակ դարձուցին Ֆրանսայի: Ամեն տեղ բաց է ի բաց անոր հակառակ կ'արտայայտուէին: Օր մը, բարեկամ ընտանիքի մը մէջ Պ. Մասեհեան հետեւեալն ըսաւ նոյնիսկ 15 հոգիի ներկայութեան. «Այս ֆրանսացիք կ'ուզեն կոր մեր երկիրը գաղութ մը դարձնել: Ես Պ. Կուի ըսի. «Մենք մինչեւ հիմա կը պաշտէինք Ֆրանսան, բայց եթէ շարունակէ այսպէս տիրամուկական ձգտումներ ցոյց տալ, պիտի ստիպուինք ատել Ֆրանսան»: Քիչ օր յետոյ, «Բլաժա» պանդոկին առջեւ հանդիպեցայ Պ. Մասեհեանի եւ յայտնեցի իրեն, թէ ինչքան վտանգաւոր կը գտնէի Ֆրանսայի հետ սկսուած որոշ գործ մը այսպէս յանկարծ լքելով ամերիկեան հոգատարութեան երազին յանձնուիլը: Պ. Մասեհեան ինձի պատասխանեց. «Ես վստահ եմ, որ Ամերիկա պիտի ընդունի հոգատարութիւնը եւ կարելի բան չէ կապուած մնալ Ֆրանսայի՝ երբ այդպիսի հզօր աջակցութեամբ մը Ամբողջական Յայաստան մը կազմելու հնարաւորութիւն կայ. պատմութեան առջեւ ես կը ստանձնեմ ասոր պատասխանատուութիւնը»: Ոմանք ալ կը կարծեն, որ արդէն Ֆրանսա չպիտի ընդունէր, եթէ նոյնիսկ մենք պնդած ըլլայինք Ամբողջական Յայաստանի հոգատարութիւնը: Արդ, ես առիթ ունեցայ ասկից 6-7 ամիս առաջ տեսակցութիւն մը ունենալու Պ. Կեռնիէի հետ, որ իբր Ֆրանս-Արմենի Ընկերակցութեան նախագահ՝ 1917-18 շրջանին սերտ յարաբերութիւններ ուներ Ազգ. Պատուիրակութեան հետ եւ գլխաւոր միջնորդներէն մէկն էր այս վերջինին եւ Քէ տ'Օրսէի միջեւ: Պ. Կեռնիէ մեծ դաճմութեամբ խօսեցաւ, յիշելով այդ օրերուն անցած դարձածը, եւ ըսաւ. «Այդ միջոցին դուք մեծ առիթ մը փակցուցիք. ես գիտեմ, որ ֆրանսական կառավարութիւնը տրամադիր էր ընդունելու Ամբողջական Յայաստանի հոգատարութիւնը, եթէ հայերը որոշապէս խնդրէին զայն Վեհաժողովին բացուելէն առաջ: Քէ տ'Օրսէի պաշտօնատարները կրնան աւելի կամ քիչ վերապահ լեզու մը բանեցնել, պէտք չէր անոնցմէ խրտչիլ, եւ գիտէի մեր կառավարութեան բուն տրամադրութիւնները եւ ասոր

համար խնդրեցի, որ Ազգ. Պատուիրակութիւնը այդ խնդրանքը ընէ. բայց հայերը, ատեն մը ինձի հետ գործակցելէ յետոյ, յանկարծ զիս մէջտեղ ձգեցին»: Իսկ Պ. Մալքում նոյնպէս ինձի պատմած էր հետեւեալը. անցեալ տարի, մեր Յանագումարին բացումէն քիչ առաջ, տեսակցութիւն մը ունեցեր է Ֆրանսայի Երեսփոխանական Ժողովին Արտաքին գործոց Յանձնաժողովին Նախագահ Պ. Ֆրանքլին-Պուլտենի հետ եւ խնդրեր է անկից հարցնել Յանձնաժողովին, թէ համաձայն են, որ Ֆրանսա ստանձնէ Ամբողջական Յայաստանի հոգատարութիւնը: Քանի մը օր յետոյ Պ. Ֆրանքլին-Պուլտեն յայտներ է Պ. Մալքումի, թէ այդ հարցը դրեր է Յանձնաժողովին առջեւ եւ թէ Յանձնաժողովը գրեթէ ամբողջութեամբ իր համամտութիւնը յայտներ է:

Պ. Ն. Տէր-Ստեփանեան. Գի՞շդ է ասիկա, Պ. Նախագահ:

Նորատունկեան Էֆենտի. Այո՛: Նոյնիսկ Պ. Մալքումին ալ ըսի, որ ես Պատուիրակութեան հետ յարաբերութեան մէջ չեմ, գացէ՛ք եւ այդ լուրը հաղորդեցէ՛ք Փաշային:

Պ. Ա. Չօպանեան. Պէտք էր, որ թէ՛ Նորատունկեան Էֆենտի եւ թէ՛ Պ. Մալքում Յանագումարի առաջին նստաշրջանին այս հարցն իր ամբողջ լայնութեամբ դնէին Յանագումարին առջեւ: Գիշդ է, որ մինչեւ այն ատեն՝ ո՛չ միայն Պատուիրակութիւնը, այլ՝ ազգն ամբողջ դէք բռնած էին Ամերիկայի հոգատարութեան նկատմամբ եւ քիչ ցաւանականութիւն կար, որ կարելի ըլլար այդ հոսանքին դէմ երթալ. բայց պէտք էր այդ փորձը ընել զոնէ պատմութեան համար:

Պ. Մ. Պապաջանեան. Իբր ռուսահայ՝ դժբախտաբար շատ քիչ ծանօթ եմ արեւմտահայոց վերաբերող հարցերու. միւս կողմէ, բացակայելու ստիպուած ըլլալով, չկրցայ սկիզբէն հետեւիլ վիճաբանութեան ենթարկուած խնդիրներուն, որով դժուար է ինձի կարծիք յայտնել անոնց մասին: Բայց չեմ կրնար ժողովիդ չյիշեցնել, թէ Յայաստան եւ երեք վիլայէթները որոնք անոր պիտի կցուին, մեծ վտանգի ենթակա են: Այս վտանգը կու գայ մէկ կողմէ պլշեւիկերէն ու միւս կողմէ՝ Սուլթաֆա Քեմալէն: Մէկն ու միւսը հաւասարապէս սպառնալից են այս միջոցիս: Ծանօթ եմ Սուլթաֆա Քեմալի հետապնդած նպատակները: Անիկա չուզեր, որ նոյնիսկ թիզ մը հող տրուի Յայաստանի՝ հարեան թուրքիայէն: Իսկ պլշեւիկերը մեծ իմբէրիալիսթներ են, կը ցանկան տարածուիլ ո՛չ միայն դէպի Անատոլու, այլ մինչեւ Պոլիս, ու միւս կողմէ ալ՝ մինչեւ Իսկտէրուն: Այս պայմանները աչքի առջեւ ունենալուս համար մանաւանդ՝ ամբողջ սրտովս կը բաղձամ, որ հայերը ազատութեան ու անկախութեան տիրանան Կիլիկիոյ մէջ: Անկախ Կիլիկիա մը նոյնիսկ երեսանի ազատութեան աղբիւր կրնայ դառնալ օր մը, եթէ երբեք պարագաները ջնջեն այսօրուան Յանրապետութիւնը: 1918 Նոյեմբերին՝ երբ անդին Յանրապետութիւնը կար, այսօրուան պէս մտահոգ էինք անոր տեսականութեան նկատմամբ: Այդ մտահոգութեան մէջ երբ լսեցինք, թէ այստեղ, Փարիզի մէջ, Ազգ. Պատուիրակութիւնը յայտարարեր է Յայաստանի անկախութիւնը, չափազանց ուրախացանք, եւ Պաշնակցականները մեզի հետ ու մեզի չափ ուրախացան, մտածելով, որ եթէ դուք այդ յայտարարութիւնը կ'ընէք, ձեզի համամիտ ունիք Անգլիան ու Ֆրանսան: Արեւելեան հայերս սովորաբար շատ տեղեակ չենք երոպական իրերուն, հետեւաբար պէտք չէ մեզ մեղադրել այս մտածման համար: Այսօր, ինչպէս այն ատեն, վտանգը նոյնն է Յանրապետութեան համար. հետեւաբար, ցանկալի պիտի ըլլար Կիլիկիոյ մէջ անկախ հայութեան մը գոյութիւնը, որպէսզի եթէ այս կողմի անկախութիւնը վրայ տայինք, Կիլիկիոյ կորիզին շնորհիւ օր մը կարենայինք վերստին ձեռք անցնել մեր կորսնցուցածը:

Պ. Պապաջանեան այս առիթի ներկայացուցիւ հետեւեալ առաջարկութիւնը.

«Նկատելով Կիլիկիոյ քաղաքական նոր պայմանները, Յանագումարը անհրաժեշտ կը գտնէ հետապնդել Կիլիկիոյ մէջ ինքնավար, եւ եթէ կարելի է՝ անկախ Յայաստան ստեղծելու քաղաքականութիւնը՝ Ֆրանսայի հովանաւորութեան տակ»:

Ս. Պապաջանեան

Այս առաջարկութեան միացան նաեւ Պ. Պ. Ա. Չօպանեան եւ Ա. Թեղիպաշեան:

Ի վերջոյ, կարգ մը բարեփոխութեանց ենթարկուելով, այս առաջարկութիւնը ստացաւ հետեւեալ վերջնական ձեւը.

«Նկատելով Կիլիկիոյ քաղաքական նոր պայմանները, Համագումարը անհրաժեշտ կը գտնէ հետապնդել Կիլիկիոյ եւ, հնարաւորութեան պարագային՝ շրջակայ հայ հողամասերու մէջ ինքնավար, եւ եթէ կարելի է՝ անկախ իշխանութիւն հաստատելու քաղաքականութիւնը՝ Ֆրասայի հովանաւորութեան տակ»:

Այս ձեւով քուէարկութեան դրուելով, առաջարկութիւնը, 12 պատգամաւորներու ներկայութեան, ընդունուեցաւ միաձայնութեամբ:

Պ. Պապաջանեան, նկատի առնելով, որ օրուան քաղաքական պահանջներուն բաղդատմամբ Պատուիրակութեան անդամներուն թիւը անբաւական է, առաջարկեց իրաւունք տալ Պատուիրակութեան Նախագահին, որ պէտք տեսած ատենը cooptation-ի դրութեամբ աւելցնէ Պատուիրակութեան անդամներուն թիւը:

Համագումարը որոշեց այս խնդիրը նկատողութեան առնել Պատուիրակութեան Նախագահ Պօղոս Նուպար Փաշայի ներկայութեան:

Կարդացուեցաւ Տիրեքիւններու Սահմանման Յանձնաժողովին 9-րդ առաջարկութիւնը, որու մասին երեք կարծիք բերուած էին Յանձնաժողովին կողմէ: Նախորդ նիստին՝ Պ. Բարսեղեան ետ առած էր իր առաջարկութիւնը: Այս անգամ ալ Պ. Սինապեան, նկատելով, որ Պատուիրակութեան անդամ ընտրուած է, ետ առաւ իր առաջարկութիւնը, որով մնաց միայն Թերզիպաշեան-Տէր-Ստեփանեան առաջարկութիւնը:

Համագումարը որոշեց անմիջապէս քուէի ենթարկել այս առաջարկութիւնը:

Պ. Ս. Տէրպետրեան. Ես հակառակ եմ այդ բանաձեւին ամբողջութեան, որովհետեւ այնտեղ կը շօշափուին երկու հարցեր: Առաջին՝ Հայաստաններու միութեան ակտ, եւ երկրորդ՝ Միացեալ նախարարութեան կազմութիւն, թրքահայերէ եւ ռուսահայերէ բաղկացած: Արդ, եթէ երկու Հայաստաններու միացման համար դիւանագիտական ակտ մը անհրաժեշտ է, ունինք երեք որոշ յայտարարութիւններ. առաջին՝ Նուպար Փաշայի 1918 Նոյեմբերի Յայտարարութիւնը. երկրորդ՝ Հայկական Պետութեան 1919 Մայիսի ակտը, եւ երրորդ՝ Թուրքիոյ ներկայացուած դաշնագրով Մեծ Տէրութեանց նուիրագործած ակտը, որով Հայկական Պետութեան սահմանները կ'ընդարձակուին Վանայ, Պիթլիսի, Կարնոյ եւ Տրապիզոնի նահանգներուն ամբողջութեամբ կամ մասերով: Իբր դիւանագիտական ակտեր՝ ասոնք բաւական են, թէւ չեն գիտեր, որ եթէ երբեւիցէ կազմակերպուած Ռուսաստան մը, ըլլայ պոլշեիկ, ցարական կամ սահմանադրական, ուզէ գրաւել Հայաստանն ու Միջերկրական հասնիլ, որչա՞փ պիտի ազդուի այդ ակտերէն, եւ թէ անոնք որչա՞փ պիտի զօրեն կասեցնելու արշաւող քաղաքներու յառաջացումը: Ներքնապէս՝ ես երբեք պէտք չեմ տեսներ միացման ունէլ ակտի: Հայերու հատուածական բաժանումները բռնադատուած են իրենց կամքին հակառակ եւ անկախ պատճառներով: Հայութիւնը միշտ պահած է իր բարոյական միութիւնը: Երբեք հայութիւնը յայտարարած չէ, թէ կը բաժնուի իր այսինչ հատուածէն, որպէսզի այսօր ալ ստիպուի յայտարարել, թէ վերստին կը միանայ ամոր: Գալով նախարարական կազմին մէջ տարբեր հատուածներու ներկայութեան, այդպիսի պահանջ մը թրեւս կարենար պաշտպաններ ունենալ, եթէ միութիւնը իրականանար դաշնագրին ստորագրութիւնէն առաջ: Բայց այսուհետեւ այլեւս արտառոց կը գտնեն այդպիսի պահանջ մը: Իմ միակ պահանջս այն է, որ հայկական նախարարութիւնը կազմուի իրենց պաշտօնին բարձրութեան վրայ գտնուող հայ քաղաքացիներէ, ըլլան անոնք թրքահայ թէ հնդկահայ, պարսկահայ թէ ռումանահայ: Եթէ պատահի, որ Աւստրո-հունգարական նախկին կայսրութեան նախարարապետ հայազգի Լուգաշը երկիր վերադառնայ եւ ուզէ նախարարութեան մէջ մտնել, միթէ՞ պիտի մերժենք, որովհետեւ Իգդիր, Էրզրում կամ Երեւան չէ ծնած: Թերեւս յառաջիկային եւզտի, թաթար կամ քիւրտ նախարարներ ալ պիտի ունենանք՝ ժամանակին պահանջմանց համաձայն: Ինչպէ՞ս կարելի է

պահանջել, որ անպատճառ նախարարներէն այսչափը թրքահայ ըլլան եւ այսչափ ռուսահայ:

12 պատգամաւորներու ներկայութեան քուէի դրուեցաւ Պ. Պ. Թերզիպաշեանի եւ Տէր-Ստեփանեանի առաջարկութիւնը, բայց միայն 5 քուէ ստացած ըլլալուն, որոշուեցաւ այդ առաջարկութիւնը նոյնութեամբ, բայց ոչ իբր որոշում հաղորդել Պատուիրակութեան:

Կարդացուեցաւ Յունիս 26-ի նիստին մէջ Դուրեան Արքեպիսկոպոսի եւ Պ. Պ. Սինապեանի, Հանըմեանի, Բարսեղեանի, Դաւիթ-Բէկի, Պզտիկեանի ու Տէրպետրեանի ստորագրութեամբ ներկայացուած բանաձեւը:

Համագումարը որոշեց քուէի ենթարկել զայն:

12 պատգամաւորներու ներկայութեան քուէի դրուելով, բանաձեւը 9-ի դէմ 3 քուէ ստանալով՝ մերժուեցաւ:

Նիստը փակուեցաւ ժամը 6 1/2-ին:

ՀԱԱ, ֆ. -430, ց. 1, գ. 67, թթ. 64-81: Ձեռագիր: Բնագիր:

**Նիստ Լ**

9 Յունիս 1920, ժամը 4-ին  
Նախագահութեամբ Գաբրիէլ Էֆ. Նորատունկեանի:

Ներկայ էին 10 պատգամաւոր՝  
Եղիշէ Արքեպ. Դուրեան, Պ. Պ. Դաւիթ-Բէկ, Ա. Թերզիպաշեան, Վ. Թէքեան, Գ.Նորատունկեան, Ռ. Որբերեան, Ա. Չօպանեան, Գ. Սինապեան, Մ. Տէրպետրեան, Ն.Տէր-Ստեփանեան:

**Օրակարգ**

- 1. Վերակազմութիւն Ազգ. Պատուիրակութեան:
- 2. Հարցում Պ. Վահան Թէքեանի՝ Ամերիկայի մէջ հոգատարութեան խնդրին նկատմամբ եղած յայտարարութեան մասին

**ԱՏԵՆԱԿԱՆ ԳՈՐԾՈՂՈՒԹԻՒՆՆԵՐ**

- 1. Ընթերցում ատենագրութեան

Կարդացուեցաւ եւ վաւերացուեցաւ Յունիս 5-ի նիստին ատենագրութիւնը:

**Օրակարգ**

- 1. Վերակազմութիւն Ազգ. Պատուիրակութեան

Կարդացուեցաւ Պ. Ն. Տէր-Ստեփանեանի հետեւեալ առաջարկութիւնը Կիլիկիոյ Բժշկական Առաքելութեան մասին.

«Համագումարը, նկատելով որ Կիլիկիոյ Բժշկական Առաքելութիւնը կազմելու եւ վարելու համար Ազգ. Պատուիրակութեան կողմէ նշանակուած յանձնախումբը անկարող եղած է գործը ղեկելու կանոնաւոր հիման վրայ, կ'որոշէ, որ այդ Առաքելութեան ղեկավարութիւնն ու վարչութիւնը ամբողջովին եւ անմիջապէս յանձնուին Պատրիարքարանին:

Ն. Տէր-Ստեփանեան

ախումբի տեղեկագրին ընթերցման միջոցին հարցում ըրի, թէ Կիլիկիոյ Բժշկական Առաքելութեան անդամները կը շարունակե՞ն իրենց պաշտօնը:

Պատասխանուեցաւ, թէ կը շարունակեն: Բայց անկէ ի վեր նոր տեղեկութիւններ հասան, եւ այսօր զարմացմամբ կը լսենք, որ անոնք մեծ մասամբ մեկներ են Կիլիկիայէն: Տոթթ. Տամլամանեան, որ Առաքելութեան կարողագոյն անդամը կը նկատուէր, հոն չէ. ուրիշներ Եւրոպա դարձած են: Դրկուած հիւանդապահուիներու կարողագոյններն ալ մեկներ են նոյնպէս:

Նորատունկեան էֆենտի. Ես ալ տեսայ անոնցմէ երկուքը, որոնք կարծեմ Սիլեան ընտանիքին կը պատկանին, երկուքն ալ շատ լաւ բաներ չըսին Առաքելութեան արդի վիճակին մասին:

Պ. Վ. Թէքեան. Եւ Տոթթ. Ղազարոսեանի վկայութեան համաձայն, այդ երկուքը լաւագոյններն էին: Յետոյ Տիկին Զանըմեանն ալ, որ իբր հիւանդապահուի գացած էր, մեկներ է եւ Իզմիր կը գտնուի այսօր:

Պ. Ա. Չօպանեան. Պատուիրակութիւնն ընդհանրապէս անտեղեակ մնաց Կիլիկիոյ Բժշկական Առաքելութեան գործունէութենէն, որովհետեւ ո՛չ միայն Առաքելութիւնը, այլ նաեւ Պ. Տամասեան ալ բան մը չէին գրեր, հակառակ անոր, որ շարունակ տեղեկութիւն կը խնդրուէր իրենցմէ: Իսկ այստեղ՝ Բժշկական Յանձնախումբը միշտ լաւ վկայութիւն կու տար Առաքելութեան անդամներու մասին, եւ տեղեկութիւն չհասնիլը կը բացատրէր՝ ըսելով, որ դրկուած նամակները կրնան կորսուած ըլլալ: Ես եթէ պահանջեցի, որ Բժշկական Առաքելութեան գործը փոխանցուի Պոլսոյ Պատրիարքարանին, երկու պատճառ ունէի: Նախ սա՛ թէ Պատրիարքարանը Կիլիկիոյ հետ աւելի մերձաւոր ու շարունակական յարաբերութիւններ ունէր, հետեւաբար կրնար լաւագոյն կերպով մը հաղորդակցութեան մէջ մնալ Առաքելութեան հետ, քան մենք այստեղէն: Երկրորդ պատճառն էր Ազգ. Պատուիրակութեան դրամական կացութիւնը: Պատուիրակութիւնը՝ քանի մը ամիս առաջ նոյնիսկ այս շէնքը պիտի գոցէր, այնքան անձուկ էր պիտոճէն: Կիլիկիա մարդ դրկելու պէտք տեսնուեցաւ. Պ. Գուրգէն Թահմազեանը համոզեցինք, պատճառ եղանք, որ պաշտօնը թողու, բայց ճիշդ այն պահուն, որ պիտի մեկնէր՝ չկրցանք քանի մը հազար ֆրանք գտնել զինքը դրկելու համար:

Նորատունկեան էֆենտի. Ինչ որ անգամ մըն ալ կ'ապացուցէ, թէ մեթոդը պակսեր է:

Պ. Ա. Չօպանեան. Կը մաղթեմ, որ այս Զամագումարէն բղխած նոր Պատուիրակութիւնը աւելի մեթոդ ունենար:

Նորատունկեան էֆենտի. Ես անձի ակնարկութիւն չըրի, այլ հաստատեցի իրողութիւն մը, որուն առաջին ապացոյցը ձեր խօսքերն էին:

Ամեն. Դուրեան Արքեպ. Կիլիկիոյ Բժշկական Առաքելութեան համար անհրաժեշտ անսականը՝ 25-30 հազար ֆրանք, պատրաստ գումարէ՞ մը կը տրուէր:

Պ. Ա. Չօպանեան. Ո՛չ, պատրաստ դրամ չկար այդ նպատակով, հանգանակութիւններէ գոյացած դրամէն կը տրուէր: Այդ հանգանակութիւնները ժամանակէ ի վեր դադրած են գրեթէ, եւ ասոր մեծագոյն պատճառն էր Առաքելութեան Անդրանիկ, որ Ամերիկա գնաց, բայց ըրած հանգանակութիւնը ինքն իր գլխուն տնտեսելու կը յամառի, առանց Պատուիրակութեան բան մը իմացնելու: Մանչեսթր եւ ուրիշ գաղութներ ալ գատ-գատ նպատակներու յատկացուցին իրենց նուէրները, որով Պատուիրակութեան աղբիւրները զոցուեցան: Բժշկական Առաքելութեան ծախքերը մասամբ առնուած են պատրաստ գումարներէ, մաս մըն ալ Պատուիրակութեան Նախագահը եւ իր քոյրը, ինչպէս նաեւ տիկին Էգնայեան նուիրեցին: Իսկ վերջին ատենները երբ անձկութիւնը մեծ էր, գրեցինք Անդրանիկի, որ մաս մը դրամ Կիլիկիա դրկէ Ատանայի հիւանդանոցին համար, ու որչափ որ գիտեն, պզտիկ գումար մը դրկեց:

Ամեն. Դուրեան Արքեպ. Կարծեմ շատ յարմար չէ այս գործը Պատրիարքարանին յանձնելը: Պատրիարքարանը չի կրնար որբերուն դրամ հասցնել: Ինչ որ կը հանգանակուի այդ անունով՝ անբաւական է ընդհանուր պետքը հոգալու, մէկ

մըն ալ Ատանայի հիւանդանոցի հոգը բեռցնել իր վրայ՝ չեմ գիտեր, թէ որքան խելացութիւն կրնայ ըլլալ:<sup>1</sup>

Պ. Ա. Չօպանեան. Պատրիարքարանը կրնայ Զօրավար Անդրանիկի դիմել եւ պահանջել, որ իր կատարած հանգանակութենէն մաս մը տայ Ատանայի հիւանդանոցին համար:

Ամեն. Դուրեան Արքեպ. Այդ տեսակ յարաբերութիւններ դժուար է ընել:

Պ. Ն. Տէր-Ստեփանեան. Եթէ Պատուիրակութիւնը միլիոններ ալ ունենար իր տրամադրութեան տակ, եւ դարձեալ պիտի պահանջէի, որ այս գործը առնուէր իրմէ եւ տրուէր ուրիշ մարմնի մը: Մինչեւ այսօր կատարեալ անիշխանութիւն մը տիրեր է թէ՛ այստեղ՝ Բժշկական Յանձնախումբին, եւ թէ՛ Կիլիկիա՝ Առաքելութեան մէջ: Եթէ մէկուն ու միւսին գործունէութիւնը աչքի առջեւ բերենք, պիտի տեսնենք, որ եղածը կատարեալ խայտառակութիւն մըն է:

Պ. Վ. Թէքեան. Եւ արդէն՝ Կիլիկիոյ մէջ Առաքելութեան անդամները իրարու գլուխ պատռեր են եւ տեղի տուէր են այն տեսակ ամօթալի դէպքերու, զորս դժուար է պատմել:

Պ. Ն. Տէր-Ստեփանեան. Իսկ այստեղ՝ Տոթթ. Ներուզ մինակը վարեր է Յանձնախումբը, բռներ առանց վկայականի մարդիկ դրկեր է հոն, ինչպէս կ'ընուի, կարգադրութիւններ ըրեր է միշտ մինակը, եւ Պատուիրակութեան ըսեր է, թէ Յանձնախումբը որոշեց, Յանձնախումբը դրկեց: Այս անիշխանութեան պէտք է վերջ տալ, որովհետեւ այլեւս ամօթ մըն է անոր շարունակուիլը: Մանաւանդ, որ Տոթթ. Ներուզը դուք հլուօրէն, առանց հանդուսի, Պատուիրակութեան անդամ ընտրեցիք, երբ Պ. Չօպանեանի եւ Պ. Թէքեանի պէս անձնաւորութիւններ դուրս կը ձգէիք, հպատակելով Պ. Ահարոնեանի ճշումին: Պատրիարքարանը իր դրամէն չպիտի հոգայ Առաքելութիւնը, Ամերիկայի հանգանակութիւններէն կարելի է հայթայթել անհրաժեշտ գումարը: Ամեն պարագայի մէջ՝ լաւագոյն է, որ Պատրիարքարանը ստանձնէ այդ գործին քննարկը:

Պ. Ռ. Որբերեան. Բայց ատիկա մէկ փոսէն համել եւ միւս փոսը ձգել պիտի նշանակէ, որովհետեւ Պատրիարքարանն ալ տիպար հաստատութիւն մը չէ այդ տեսակէտով: Դեռ անցեալներս Իզմիրէն 2000 ոսկի դրկուած էր Պատրիարքարան որպէսզի խարբերդ հասցնեն, բայց դրամը չհասաւ. ո՛չ միայն չհասաւ, այլ նոյնիսկ հետքն ալ չգտնուեցաւ Պատրիարքարանին մէջ:

Պ. Ա. Չօպանեան. Դոս ալ դրամ չկայ, շատ հաւանական է, որ մինչեւ ամիս մը Պատուիրակութիւնը նոյնպէս չկարենայ վճարել Առաքելութեան ծախքերը:

Պ. Վ. Թէքեան. Եթէ Ամերիկա կատարուած հանգանակութենէն Կիլիկիոյ հիւանդանոցին համար մաս մը դրկուի, ամերիկացիք իրենց կողմէ պիտի կրկնապատկեն դրկուած գումարը, ինչպէս կ'ընեն արդէն, որով ծախքը իրենք վճարած պիտի ըլլան:

Պ. Գ. Սինապեան. Բայց եթէ Պատուիրակութիւնը չընդունի՝ ի՞նչ պիտի ընէք:

Պ. Ն. Տէր-Ստեփանեան. Այդ պարագային կա՛մ Պատուիրակութիւնը «լիքիտ» կ'ընէ գործը եւ կա՛մ զայն կը յանձնէ Կիլիկիոյ տեղական մարմիններուն:

Պ. Մ. Տէրպետեան. Ես համամիտ չեմ Պ. Տէր-Ստեփանեանի առաջարկութեան առաջին մասին: Եթէ այդ մասը փոխուի, սիրով կը քուէարկեմ: Որովհետեւ այստեղ Բժշկական Յանձնախումբին նկատմամբ այնքան ծանր ամբաստանութիւններ չեն եղած, որպէսզի կարելի ըլլայ արդարացնել այդ տեսակ բանաձեւ մը: Մնաց որ, Տոթթ. Ներուզ ալ այստեղ չէ, որպէսզի կարենար ինքզինքը արդարացնել:

<sup>1</sup> Ծիշդ և ճիշդ ըսաւ. «Երբ Պատուիրակութիւնը չի կրնար՝ Պատրիարքարանը ինչպէ՞ս պիտի կրնայ խօսք հասկնել Զօրավարին»: Վերջէն սրբագրեց՝ վերի ձևով:

Պ. Ն. Տեր-Ստեփանյան. Տոքթ. Ներուզ երբեք չուզեց, որ ճշմարտությունը յայտնուի այս խնդրին նկատմամբ: Ինք ամեն ճիգ թափեց, որ Տոքթ. Ղազարոսեան չգայ անձամբ բացատրություն տալու Համագումարին առջև: Գալով իր բացակայության, Տոքթ. Ներուզ, Պատուիրակության անդամ ըլլալով հանդերձ, միշտ արհամարհեց այս Համագումարը, դուրսն ալ յայտարարելով, որ իր արժանապատուությունը չի ներեր իրեն անոր մասնակցի: Եւ արդեն, ինչպէս գիտեք, իր ներկայութեան խօսելու պատիւը չէինք կրնար ունենալ, քանի որ կանոնաւոր կերպով միշտ բացակայած է Համագումարէն, այն օրէն երբ Բժշկական Յանձնախումբին գործին նկատմամբ Համագումարը բարենիշներ տալու բոլորովին հակառակ տրամադրութիւն մը ցոյց տուաւ:

Պ. Ն. Տեր-Ստեփանյանի առաջարկութիւնը, կարգ մը բարեփոխութեանց ենթարկուելով, ստացաւ հետեւեալ վերջնական ձեւը.

«Համագումարը Կիլիկիոյ Բժշկական Առաքելութեան մասին կ'որոշէ, որ այդ Առաքելութեան ղեկավարութիւնն ու վարչութիւնը ամբողջովին եւ անմիջապէս յանձնուին Պատրիարքարանին, որպէսզի կա'մ ինք ղեկավարէ եւ կա'մ իր հսկողութեամբ յանձնէ Կիլիկիոյ ազգ. պատասխանատու մարմիններուն»:

Այս ձեւով՝ առաջարկութիւնը քուէի դրուեցաւ 10 պատգամաւորներու ներկայութեան եւ ընդունուեցաւ միաձայնութեամբ:

Կարդացուեցաւ Պ. Աւետիս Թերզիպաշեանի հետեւեալ առաջարկութիւնը.

«Հայ Ազգային Համագումարին.

Տիար Նախագահ,

Որպէս ներկայացուցիչ Կովկասի մէջ ապաստանած թրքահայութեան, ես ինձի պարտք կը համարեն Արեւմտահայ Համագումարին ներկայացնելու իմ ներկայացուցած ժողովուրդիս օրհասական վիճակը:

Թրքահայ փախստականութիւնը 1914 եւ 1915-ի նահանջներէն վերջ, իր սեփական տնտեսութենէն զրկուելէն յետոյ, 1916 թուականին անոր երկրագործ մասը՝ թուով 120 000, չորս բարեգործական հաստատութեանց, այսինքն Հայաստանի Վերաշինութեան Յանձնաժողովի, Կովկասի Հայ Բարեգործական Ընկերութեան, Համառուսական Քաղաքներու Միութեան եւ Հայ Գիւղատնտեսական Ընկերութեան նախաձեռնութեանց շնորհիւ, ռուս կառավարութեան յատկացուցած վարկերով, հնարաւորութիւն գտած էր ունենալ իր սեփական լծկանը, երկրագործական գործիքը եւ սերմնցուն: 1917 թուականին փախստականներու այդ մասը ո'չ միայն իր սեփական աշխատութեամբ ապրուստը ապահոված էր, այլ նաեւ պարենաւորման գործին մեծ ծառայութիւն մը կը մատուցանէր, իր սպասելիքէն աւելին արտադրելով: 1918-ի գարնան նահանջը անգամ մը եւս իւրեք փախստականութեան ձեռքէն իր տնտեսութեան սեփական միջոցները, եւ անկէ վերջ այլեւս փորձ չեղաւ փախստականներու տնտեսութիւնը միեւնոյն եղանակաւ ապահովելու: Եղած օգնութիւնները կատարուեցան ողորմութեան ձեւով եւ խիստ անբաւական քանակութեամբ, որով արդէն հալունաշ եղած փախստականութիւնը, իր ենթարկուած հոգեկան թշուառութեան եւ ֆիզիկական զրկանքներուն չկրնալով դիմանալ, այս վերջին երեսուն ամիսներուն ընթացքին կորսնցուց, առանց չափազանցութեան, իր թիւին գրեթէ 100-ին 40-ը: Ու եթէ արագ դարման մը չտրուի, թրքահայ փախստականութիւնը՝ այն անհամեմատ տուրքով, զոր կը վճարէ ամեն տարի մահացութեան, դատապարտուած է բնաջնջուելու: Երկու-երեք տարի ալ, եւ ահա ոչ եւս է թրքահայ գիւղացիութիւնը:

Ես կը կարծեմ, որ թրքահայ դատը, այս ընթացքին, բնաջնջուելու վտանգի առջև գտնուած հայ գիւղացիութեան փրկութիւնն է, եւ այդ փրկութիւնը՝ անոր իր սեփական աշխատութեամբ ապրուստը հայթայթելու հնարաւորութիւն տալուն մէջ կը կայանայ: Եթէ ռուս կառավարութեան օգնութեամբ 1916-ին հնար եղաւ այդ դժբախտ

ժողովուրդին տնտեսութեան միջոցները հայթայթել, Ամերիկա, Անգլիա, Ֆրանսա չպիտի մերժեն անշուշտ նմանօրինակ օգնութիւն մը, որ մէկ երկու միլիոն անգլիական ոսկիի մէջ կը կայանայ: Նախաձեռնութիւնն է, որ կը պակսի: Այս օգնութիւնը վաղուան վերաշինութեան առթիւ արդէն պիտի ըլլայ, բայց վաղը որ բաւական անստոյգ է, ուշ է:

Այս համառօտ տեղեկութեամբ պատկերացնելով թրքահայ գիւղացիութեան դրութիւնը, եւ կ'առաջարկեմ քննութեան ենթարկել այս հարցը, ինչպէս նաեւ այն մտքերը, զորս ես համառօտակալ պարզեցի, եւ որոնց մէջ ցոյց տրուած գումարը հիմնուած է մասնաւոր նախահաշուի մը վրայ: Անհրաժեշտ է արագ դարման մը խորհիլ կորսուելու դատապարտուած թրքահայ գիւղացիութեան մասին, որուն գոյութիւնը, ինչպէս ըսի ու կը կրկնեմ, այս ընթացքին թրքահայ դատն իսկ է»:

Անդամ Համագումարի

Ա. Թերզիպաշեան

1920, Յունիս 20.

Պ. Ա. Թերզիպաշեան. Կ'ուզեմ քանի մը խօսք աւելցնել այս գրաւոր յայտարարութեան: Մեր մէջ չկայ մէկը, որ տարակարծիք ըլլայ, թէ Թրքահայաստանի հարցին վերջնական կարգադրութիւնը կապուած կը մնայ Ամերիկայի նախագահական ընտրութեան հետ, իսկ գործադրութիւնը առաւել քան երբեք անորոշ է, տրուած ըլլալով, որ հոգատար պետութիւն մը ունենալու հաւանականութիւնը օր ըստ օրէ կը նուազի եւ պոլշեիզմի խուժումը դէպի Հայաստանի սահմանները, քառսային վիճակ մը ստեղծած է Կովկասի մէջ: Այդ իսկ պատճառներով, մենք պէտք է աչքի առաջ ունենանք, որ թրքահայ փախստականները նուազագոյն հաշուով երկու տարիէն առաջ չեն կրնար մտնել Թրքահայաստան: Այս պայմաններուն մէջ հարկ է այժմէն խորհիլ այդ փախստականներու գիւղացի դասակարգը հանրակացարանի վիճակէն հանելու միջոցներուն վրայ: Պէտք է վարելահող, երկրագործութեան անհրաժեշտ լծկան ու գործիք, ինչպէս նաեւ սերմնացու հայթայթել անոնց որպէսզի իրենց սեփական տնտեսութեամբ ապրելու հնարաւորութիւն ունենան: Մենք հետզհետէ պիտի իմանանք, թէ ինչքան կարիք ունինք դրամի եւ թէ ինչքան սխալած ենք կարծելով, որ առանց մեր հատուցման իրաւունքը ստանալու՝ կրնանք Հայաստանը վերականգնել: Ես չեմ ուզեր կրկնել այս մասին ըրած նախկին նկատողութիւններս: Ես կը կրկնեմ միայն, որ Կովկասի փախստականները չեն կրնար ապրիլ իրենց ներկայ մուրացկանի վիճակով, այս դրութիւնը թէ՛ ֆիզիկապէս եւ թէ՛ հոգեպէս կը մաշեցնէ զիրենք: Պէտք է վերականգնել գիւղացիին սեփական տնտեսութիւնը, այդ մէկ հատիկ միջոցով է, որ կարելի պիտի ըլլայ դարմանել մէկ կողմէն պարենաւորման ճգնաժամը եւ միւս կողմէ՝ թրքահայ գիւղացիութեան օրհասական վիճակը: Մէկ միլիոն անգլիական ոսկիի կը կարօտի այս գործը, եւ ասիկա ձեռք չբերուելիք գումար մը չէ: Լոնտոնի մէջ 10 միլիոնի փոխատուութեան խօսքեր եղած են: Տրամադրութիւնը չէ, որ կը պակսի: Պէտք է նախաձեռնութիւնը վերցնել եւ արագ կերպով օգնութեան հասնիլ, եթէ կ'ուզենք, որ մերգաղթի օրը Հայաստան տանելիք թրքահայ ժողովուրդ ունենանք: Որպէսզի Համագումարին յայտնի ըլլայ, թէ Հայ Հանրապետութեան կառավարութիւնը որ մինչեւ օրս կը մերժէ «քուլիսիոն» կառավարութիւն կազմելու առաջարկները, ի՞նչ տնտեսական քաղաքականութեամբ է, որ կը վարէ երկիրը, մէջ կը բերեն օրինակ մը: Երկու տարի առաջ՝ կառավարութիւնը կարծելով, թէ բանալիի մթերքը առետրական դասակարգին ձեռքը կը գտնուի, այդ դասակարգին ստացումը պետութեան եկամուտ մը ապահովելու համար բանալիի պետական մեմաշնորհի օրէնք մը հրատարակեց եւ իւրաքանչիւր փուտին /=16 քիօ/ 49½ ռուպլի գին նշանակելով՝ բանալիի մթերքը «րեքիզիսիոն»-ի ենթարկեց. քանէն դուրս եկաւ, որ բանալիի մթերքին 10%-ը միայն առետրականներու ձեռքն էր, իսկ մնացեալ 90-ը՝ արդիւնաբերող գիւղացի դասակարգին ձեռքը կը գտնուէր: Արդ, օրէնքին հրատարակութենէն ետք՝ ռուպլիին գինը հետզհետէ անկում կրելով այն աստիճանին



հասաւ, որ 49% ռուպլին գրեթէ հաւասար էր մէկ փուտ բամպակ փոխադրելու եւ կառավարութեան յանձնելու ծախքերուն. նաեւ՝ աւելի աժան, քան կենդանիներու կերը, քան նոյնիսկ վառելիքը. այնպէս որ՝ գիւղացիք նախընտրեցին կենդանիներու կերցնել կամ վառել, քան տանիլ ծախել առանց փոխարինութեան. այդպիսով, գոնէ յոգնութիւնը կը խնայէին: Ահա այսպէս՝ կառավարութիւնը շատ քիչ քանակութիւն մը միայն կրցաւ ձեռք անցընել այդ թանկագին ապրանքէն, որուն փուտը Պաթումի մէջ կ'արժէր 5000 ռուպլի: Բայց դեռ ամբողջ վնասը այս չէ: Գիւղացին, տեսնելով այդ ամենը, այլեւս չցանցեց յաջորդ տարին, այնպէս որ՝ 600 000 փուտ բամպակ արտադրող Արարատեան դաշտը 1919-ին 600 փուտ բամպակ միայն արտադրեց: Այս տխուր համեմատութեան թիւերը քաղած են նոյն ինքն կառավարութեան օրկանը եղող «Յառաջ» թերթի մէկ խմբագրականէն: Չեն գիտեր, թէ որքան ժամանակ պէտք է գիւղացիին վստահութիւնը ներշնչելու համար, որ իր արդար վստահը այդքան անարդար օրէնքի մը քննադատութիւնը չպիտի ենթարկուի այլեւս: Ահա թէ ի՞նչ արժեքն է Յայ Զանրապետութեան կառավարութեան այս ընկերային-տնտեսական փորձարկութիւնը միանգամայն թէ՛ ժողովուրդին եւ թէ՛ կառավարութեան: Նոյնքան վնասակար բան մը եղաւ Պողային հարցին նկատմամբ բռնուած ուղղութիւնը: Ներկայ պայմաններուն մէջ հայ Պետութեան միակ հարստութիւնը Թրքահայաստանի այն ընդարձակ հողերն են, որոնք, դժբախտաբար, մնացած են առանց հերկողի: Աւելորդ է ըսել, թէ սեփականատիրութեան տենչով մինչեւ հեռաւոր Քալիֆորնիա գացող հայը Յայաստան կու գայ նորէն սեփականատիր ըլլալու, իրեն յատուկ հողն ու ազարակը ունենալու տենչով: Այդ տենչանքը մէկ կողմէն առիթ կրնայ դառնալ, որ հայութիւնը Յայաստանի մէջ համախմբուի, եւ միւս կողմէն ալ պետութեան կրնայ ապահովել հասոյթի եւ հարստութեան արջիւրդ մը: Դժբախտաբար, ներկայ կառավարութիւնը, առաջնորդուած կուսակցական շահերէ, հողերու համայնացման սկզբունքը նուիրագործած է, եւ այդպէսով պետութիւնը զրկուած է այդ ընդարձակ հողերու հարստութիւնը շահագործելու պատեհութենէն, միւս կողմէ՝ այդ դրութիւնը մտքի շփոթութիւն ու վարանում պատճառած է անոնց, որոնք Յայաստան մտնելու, հողատէր դառնալու, աշխատելու եւ արդիւնաբերելու մտադրութիւն ունին:

Նորատունկեան էֆենտի. Զայկական պետութեան արդի դժուարութեանց մէջ մեծագոյններէն մէկն ալ ելեւնտական անձկութիւնն է: Զանրապետութիւնը այսօր տարեկան մէկ միլիոն անգլիական ոսկիի ծախք մը ունի. ասոր փոխարէն՝ հասոյթները շատ աննշան են, կ'ենթադրեն, թէ հազիւ տարին 100 000 ոսկի կը հասնին: Կառավարութիւնը, այս խոշոր բացը գոցելու համար, թղթադրամ շրջաբերութեան հանելէ զատ ուրիշ միջոց չէ ունեցած մինչեւ այսօր. եւ թղթադրամն ալ դժբախտաբար շատ ինկած է արժեքով:

Պ. Մ. Տերպետեան. 50 ռուպլիանոց թուղթ մը 25 սանթիմ կ'արժէ, այսինքն՝ աւելի քիչ, քան թուղթին տպագրական ծախքը:

Նորատունկեան էֆենտի. Միւս կողմէ՝ պետութիւնը մեծ ծախքեր ունի, որոնց մէջ գլխաւոր տեղը կը բռնեն բանակին համար ըլլալիքները: Գրաւեալ եւ գրաւուելիք հողամասերու մէջ վնասակար տարրեր կան, որոնք զբաղմունք պիտի պատճառեն եւ դժուարութիւններ պիտի յարուցանեն խաղաղութեան եւ ապահովութեան հաստատման համար: Սահմանները նոյնպէս պահպանուելու պէտք ունին, որովհետեւ երկիրը շրջապատուած է թշնամի տարրերով: Անշուշտ ներքին ապահովութեան համար ալ ոյժ պէտք է: Անհրաժեշտ պէտք կայ, ուրեմն, քիչ-շատ զօրեղ բանակի մը, որ տակաւին գոյութիւն չունի: Զանրապետութեան բանակը այսօր մօտաւորապէս 15-20 000 զօրք ունի: Ասիկա անբուսական է: Տէրութեանց կողմէ խոստում եղած է ռազմամթերք եւայլն տալու, որպէսզի հայկական պետութիւնը կարենայ 30 կամ 40 հազար հոգիանոց կատարեալ բանակ մը կազմել: Բայց ասիկա, առանց նիւթական միջոցներու, անկարելի է: Եւ պետութեան արդի ելեւնտական վիճակը կարելի չի դարձնէր այդ տեսակ զինուորական ոյժի մը գոյացումը: Այսպէս ուրեմն՝ դրամական

մեծ վիճակ մը կայ, որ սակայն կրնայ լեցուիլ, եթէ ազգը ամբողջ ձեռք-ձեռքի տայ եւ նոյն անձնուիրութեամբ ու զուրգուրանքով բոլորուի մեր նորակազմ պետութեան շուրջը: Այս տեսակետով հաւասարապէս պարտք կը ծանրանայ թէ՛ պետութեան եւ թէ՛ ժողովուրդին վրայ: Ժողովուրդը կրնայ բարձր բռնել տալ պետութեան հաճած թղթադրամը, բայց ասոր համար պէտք է վստահ ըլլալ, թէ ազգին բարգաւաճման արգելք եղող օրէնքներ չպիտի հրատարակուին, ինչպէս, օրինակի համար, եղեր է բամպակի վաճառման համար: Յետոյ, կառավարութեան ընծայելիք մեծագոյն երաշխաւորութիւնը երկրին հողային հարստութիւնն է: Այդ տեսակետով ալ՝ աւելի ապահովութիւնը ներշնչող, հողերու արդիւնաբերութիւնը չարգիլող, ընդհակառակը՝ անոնց շահագործումը դիրացնող օրէնքներ պէտք են: Ազգը քանի՛ հարուստ ըլլայ, այնքան կը դիրանայ նաեւ պետութեան ելեւնտքին հաւասարակշռութիւնը: Զետեւաբար, պետութեան առաջին պարտականութիւնը պէտք է ըլլայ ազգին հարստացումը դիրացնող օրէնքներու հաստատումը: Բնականաբար, այս ամենէն վեր է միաբանութեան, համերաշխութեան եւ գործունեայ աշխատութեան պահանջը: Ասիկա չեղաւ մինչեւ այսօր, եւ եթէ իրերու խորը փնտռենք, մեր ծախսողութեանց մեծագոյն պատճառը աս է: Պէտք է դարման գտնել ասոր, եւ այս դարմանը՝ ըստ իս՝ ամենէն աւելի պիտի կրնայ գալ օժանդակ պետութեան մը սահմանումէն: Մենք մեզի մնալով՝ չպիտի կրնանք մեծ ու որոշ բան մը ընել այդ տեսակետով, կամ չպիտի կրնանք ընել այնքան, որքան պիտի կրնար օժանդակ պետութիւնը իրականացնել իր երկար փորձառութեամբ, էն առաջ իր դրամական վարկովը մեզի օգնելով եւ մասնագետներու միջոցաւ դիրացնելով պետութեան արագ եւ կատարելագոյն ձեւով վերակազմութիւնը: Յետոյ անկախ տեսակ մը առանցք պիտի ըլլար, որ իր շուրջը պիտի համախմբէր ազգին զանազան ոյժերը, կարծիքները, հատուածները, եւ բոլորը մէկ պիտի կրնար գործածել նոյն միակ նպատակին համար, այսինքն՝ պետութեան բարգաւաճման ու զօրացման համար: Բախտաւոր պիտի ըլլանք իրապէս, եթէ կարենանք այս տեսակ օժանդակ պետութիւն մը գտնել: Մենք մեր գլխուն մնալով, ինչպէս ըսի, երկար ժամանակի պէտք պիտի ունենանք իտեալ վիճակ մը ապահովելու համար մեր պետութեան:

Պատգամաւորները ո՞նքան առաջարկեցին Դիւանին՝ Զամագումարի յառաջիկայ նիստին հրաւիրել Յայաստանի նախկին վարչապետ Պ. Խատիսեանը, որ օր մը ետք Փարիզ պիտի հասնէր, եւ որ պիտի կրնար տեղեկութիւններ տալ Զանրապետութեան իրական կացութեան նկատմամբ:

Նախագահ Նորատունկեան էֆենտի խոստացաւ այս մասին պէտք եղածը ընել անձամբ:

Կարդացուեցաւ հետեւեալ բանաձեւը, զոր Պ. Արշակ Զօպանեան խմբագրած էր Պ. Թերզիպաշեանի առաջարկութեան մասին.

«Նկատի ունենալով Յայ Զանրապետութեան մէջ տիրող տնտեսական ահաւոր տազնապը, որուն հետեւանքով մասնաւորաբար արեւմտահայ փախստականութիւնը վնասիչ ըլլալու վտանգին մէջ է, Զամագումարը պարտք կը դնէ Պատուիրակութեան կրայ, իսկոյն ամենակրողի դիմում մը ընել ամերիկեան կառավարութեան եւ ժողովուրդին, խնդրելով նիւթական շուտափոյթ եւ կարեւոր նպաստ, կամ այս նպատակով ազգային հանգանակութիւն բանալով, որպէսզի, սպասելով որ ծննդավայր վերադարձի թուրքի հասնի, արեւմտահայ գիւղացիութեան եւ փախստականութեան համար սեփական տնտեսութիւն ապահովուի: Նոյն ատեն, Զամագումարը կը յանձնարարէ Պատուիրակութեան՝ ամեն ջանք ընել նպաստելու համար Զանրապետութեան մէջ արեւելահայ բոլոր կուսակցութիւններէն ներկայացուցիչ ունենայ նաեւ արեւմտահայ փախստականութիւնը»:

Ա. Զօպանեան

Պ. Թերզիպաշեան համամիտ չգտնուեցաւ Պ. Չօպանեանի երկու առաջարկութեանց միացման. ըսաւ որ պէտք է սեփական տնտեսութեան միջոց ընծայել արեւմտահայ գիւղացիութեան եւ փախստականներուն, եւ ո՛չ թէ նպաստ, որպէսզի միանգամընդմիջտ ապահովուի անոնց գոյութիւնը, եւ առաջարկեց որ Համագումարը mandat imperatif տայ Ազգ. Պատուիրակութեան այդ մասին անհրաժեշտ մէկ միլիոն անգլիական ոսկին ճարելու համար:

Ի վերջոյ Պ. Չօպանեանի առաջարկութեանց առաջին մասը, կարգ մը բարեփոխութեանց ենթարկուելով, ստացաւ հետեւեալ վերջնական ձեւը.

«Նկատի ունենալով Հայ Հանրապետութեան մէջ տիրող տնտեսական ահաւոր տագնապը, որուն հետեւանքով մասնաւորապէս արեւմտահայ փախստականութիւնը բնաջինջ ըլլալու վտանգին մէջ է, Համագումարը պարտք կը դնէ Պատուիրակութեան վրայ, որ աջակցութեամբ Հանրապետութեան Պատուիրակութեան՝ իսկոյն ամենակորովի դիմում ընէ Դաշնակից եւ մասնաւորաբար ամերիկեան կառավարութեանց ու ժողովուրդին մօտ, խնդրելով նիւթական շուտափոյթ եւ կարելոր նպաստ, կամ այս նպատակով ազգային հանգանակութիւն բանալ, որպէսզի, սպասելով որ ծննդավայր վերադարձի ընդհանրապէս, արեւմտահայ գիւղացի փախստականներու համար սեփական տնտեսութիւն ապահովուի, անոնց տրուելով վարելահող, լծկան անասուններ եւ սերմնացոյն»:

Այս ձեւով առաջարկութիւնը քուէի դրուեցաւ 10 պատգամաւորներու ներկայութեան եւ ընդունուեցաւ միաձայնութեամբ:

Իսկ Պ. Չօպանեանի առաջարկութեանց երկրորդ մասը, որ Հայաստանի կառավարութեան կազմութեան կ'ակնարկէր, անհետեւանք թողուեցաւ:

Պ. Ա. Չօպանեան. Համագումարի Նախագահը հոգատարութեան հարցին ակնարկեց պահ մը առաջ: Ինչպէս յայտնի է, այս մասին խնդիր մը ծագեցաւ Ամերիկայի մէջ, զոր պէտք է լուսաբանել: Պօղոս Փաշա այստեղ կարողաց Պ. Սվազլըի մէկ հեռագիրը, որուն համեմատ՝ Պ. Փաստրմաճեան իրեն ըսած էր, թէ հոգատարութեան հակառակ ռեւէ յայտարարութիւն չէ ըրած: Համագումարը այս միայն գիտէ: Բայց անկից ի վեր Պ. Սվազլը ընդարձակ հեռագիր մը ղրկած է Պօղոս Փաշային, որով իր նախկին ըսածը կը հաստատէ՝ ծանօթ ծերակուտականներու վկայութեան յենելով: Սիւննոյն բանը կը հաստատէ Բրոֆ. Տէր-Յակոբեան Փաշային ուղղուած երկու ընդարձակ նամակներով: Խորէն Եպիսկոպոս անշուշտ պատասխանատու չէ եղածին: Ինք անգլերէն չի գիտեր: Կ'ըսուի, թէ Պ. Գարտաշեան, որ արդէն հոգատարութեան հակառակ եղած է, իր ուզած կերպով պէտք է թարգմանած ըլլայ անոր խօսքերը: Միւս կողմէ՝ կայ ուրիշ կարելոր հարց մը, որուն վրայ կ'ուզեն ձեր ուշադրութիւնը հրաւիրել: Ամերիկայի «Պահակ» թերթը, որ վերակազմեալ Հնչակեան Կուսակցութեան օրկանն է, հրատարակած է Պ. Վենիզելոսի՝ ամերիկեան թերթի մը թղթակցին հետ ունեցած տեսակցութիւնը, որուն մէջ յոյն մեծամուն պետական մարդը կ'ըսէ, թէ քեմալիսթներու զօրութիւնը կարծուածէն շատ նուազ լուրջ բան մըն է եւ թէ Հայաստանի հոգատարութիւնը իրագործելու համար պէտք չկայ մեծ ոյժերու, բաւական է 20 000 զօրք: Ասիկա յիշել էտք, «Պահակ» խմբագրական մը նուիրած է հոգատարութեան հարցին, առաջարկելով, որ հայերը խնդրեն Պ. Վենիզելոսէն, որ Դաշնակիցներուն այս պահուս իրեն յանձնած գործը լրացնելէն յետոյ՝ Յունաստան ստանձնէ Հայաստանի հոգատարութիւնը եւ մաս մը յունական զօրքեր Տրապիզոնէն յառաջանան դէպի Երզրում, ձեռք տալու համար հակառակ ուղղութեամբ նոյնպէս դէպի Երզրում յառաջանալիք Երեւանեան բանակին, միւս կողմէ, ուրիշ խումբ մը յոյն զօրքեր երթան օգնել մեր Կիլիկեան քաջերուն: Այս գաղափարը, զոր «Պահակ» մեջտեղ կը դնէ, արժանի է լուրջ նկատառութեան: Մենք կրնանք այս առթիւ, Պոնտոսի յունաց ծրագրին ալ իրականացման կարելիութիւնը ցոյց տալով եւ ատոր մեր բարոյական ամեն կերպ աջակցութիւնը խոստանալով, հրաւիրել յոյն կառավարութիւնը, որ Թրքահայաստանի գրաւման ու Կիլիկիոյ ազատագրման

անմիջականօրէն անհրաժեշտ գործին մէջ օգնէ մեզի: Ես կ'առաջարկեմ Նորատունկեան Էֆենտիի, որ, իբր նախագահ Համագումարի, այս հարցը դնէ նորընտիր Ազգ. Պատուիրակութեան առջեւ, եւ Ազգ. Պատուիրակութեան Նախագահը, Հանրապետութեան Պատուիրակութեան Նախագահ Պ. Ահարոնեանի եւ Նորատունկեան Էֆենտիի հետ միասին, Պ. Վենիզելոսի դառնալէն անմիջապէս յետոյ երթան այս առաջարկը բացորոշ կերպով անոր ներկայացնեն: Կը խնդրեն Համագումարէն ալ, որ այս մասին արտայայտուի որոշ կերպով:

Թեր ու դէն կարճատե կարծիքներու փոխանակութենէ մը վերջ, Համագումարը համամիտ չգտնուեցաւ Պ. Չօպանեանի այս առաջարկութեան, եւ անհետեւանք թողուց գայն:

Կարդացուեցաւ Պ. Ա. Թերզիպաշեանի հետեւեալ բանածելը, զոր կ'առաջարկէր քուէի ենթարկել Տիրքթիւներու Սահմանման Յանձնաժողովին 9-րդ առաջարկութեան տեղ, որ նախորդ նիստին 5 քուէ միայն ստացած ըլլալով, իբր «յանձնարարութիւն» պիտի մատուցուէր Ազգ. Պատուիրակութեան.

«Պատուիրակութիւնը պէտք է իր առաջին գործերէն մէկը ընէ դիմել Հայաստանի կառավարութեան, առաջարկելով անոր անմիջապէս ստեղծել միացեալ բազմատարր կառավարութիւն Պ. Խատիսեանի վերջին առաջարկին համաձայն: Այս դիմումին մերժման պարագային, եթէ ստորագրուելիք դաշնագիրը նուազագոյն գոհացում տայ արեւմտահայերուն, Պատուիրակութիւնը պարտաւոր է նոր Համագումարի մը ընտրութեան նախաձեռնութիւնը առնել եւ անոր որոշման ենթարկել արեւմտահայերու մասնաւոր իրաւանց պաշտպանութեան գործը»:

Ա. Թերզիպաշեան

Տասը պատգամաւորներու ներկայութեան քուէի դրուելով, այս առաջարկութիւնը ընդունուեցաւ միաձայնութեամբ:

Պ. Տէրպետիբեան յայտարարեց, թէ կը քուէարկէ առաջարկութիւնը, բայց կը փափաքի, որ արձանագրուի, թէ համաձայն չէ անոր երկրորդ մասին:

Համագումարը որոշեց նաեւ, որ իր թէ՛ նախորդ եւ թէ՛ այս երկրորդ նստաշրջանին ատենագրութիւնները պէտք է պատրաստուին երկուքական օրինակ մէկ օրինակը՝ Հայկական կառավարութեան եւ միւս օրինակն ալ Պոլսոյ Ազգ. Պատրիարքարանին տրուելու համար:

Նախագահ Գաբրիէլ Էֆենտի Նորատունկեան դիտել տուաւ, թէ նախորդ նստաշրջանի ատենագրութիւնները պէտք ունին կարգ մը լեզուական եւ ձեւական սրբագրութեանց, եւ յայտնեց, որ Դիւանը յօժար է կատարելու այդ սրբագրութիւնները:

Համագումարը համամիտ գտնուեցաւ:

Պ. Չօպանեան առաջարկեց, որ ներկայ նստաշրջանին ատենագրութիւնները, որոնք խղճամիտ հարազատութեամբ մը պատրաստուեցան Պ. Արամ Անտոնեանի կողմէ, անփոփոխ մնան այնպէս՝ ինչպէս կարդացուեցան եւ վաւերացուեցան:

Համագումարը համամիտ գտնուեցաւ նաեւ այս առաջարկութեան:

Նիստը փակուեցաւ ժամը 7-ին:

ՀԱԱ, ֆ. -430, ց. 1, գ. 68, թթ. 1-8: Չեռագիր: Բնագիր:

**Նիստ LU**

/փակման նիստ/

13 Յունիս 1920, ժամը 4-ին

Նախագահութեամբ Գաբրիէլ Էֆ. Նորատունկեանի:

Ներկայ էին 13 պատգամաւորներ՝

Եղիշէ Արքեպ. Դուրեան, Պ. Պ. Դաւիթ-Բէկ, Ա. Թերզիպաշեան, Վ. Թէքեան, Ա. Զանըմեան, Տոքթ. Ներուզ, Գ. Նորատունկեան, Պօղոս Փաշա Նուպար, Ռ. Որբերեան, Ա. Չօպանեան, Գ. Սինապեան, Մ. Տէրպետերեան, Ն. Տէր-Ստեփանեան:

**Օրակարգ**

1. Կերակզմութիւն Ազգ. Պատուիրակութեան
2. Հարցում Պ. Վահան Թէքեանի՝ Ամերիկայի մէջ հոգատարութեան խնդրին նկատմամբ եղած յայտարարութեան մասին
3. Փակում Ազգ. Համագումարի երկրորդ նստաշրջանին

**ԱՏԵՆԱԿԱՆ ԳՈՐԾՈՂՈՒԹԻՒՆՆԵՐ**

**1. Ընթերցում ատենագրութեան**

Կարդացուեցաւ եւ վաւերացուեցաւ Յուլիս 9-ի նիստին ատենագրութիւնը:

**2. Անձնական բացատրութիւն Տոքթ. Ներուզի՝ Բժշկական Յանձնաժողովի խնդրին նկատմամբ**

Ատենագրութեան ընթերցումէն ետք՝ խօսք ուզեց Տոքթ. Ներուզ՝ Բժշկական Յանձնաժողովի խնդրին նկատմամբ անձնական բացատրութեան մը համար:

Տոքթ. Ներուզ. Համագումարի նախորդ նիստին մէջ, որուն ներկայ չէի Սբա մեկնած ըլլալուս պատճառաւ, վերստին արծարծուեալ է Բժշկական Առաքելութեան խնդիրը, եւ այդ առթիւ մեր անդամակիցներէն Պ. Պ. Թէքեան եւ Տէր-Ստեփանեան իմ անձիս նկատմամբ ըրեր են կարգ մը ամբաստանութիւններ, որոնք զուտ զրպարտութիւններ են եւ որոնց պիտի պատասխանենք քանի մը խօսքով:

Բժշկական Առաքելութեան այդ խնդիրը ժողովին կողմէ քննութեան առարկայ դարձաւ, երբ տակաւին Համագումարի անդամներուն մեծ մասը ներկայ էր: Այն ատեն, ինչպէս կը յիշէք, բոլոր բացատրութիւնները որ ուզուեցան՝ տուի այստեղ: Ժողովէն դուրս ալ, ատեն անգամ, որ Համագումարի անդամներէն մէկուն կողմէ մանրամասնութիւն մը ուզուեցաւ, սիրով պատասխանեցի: Կը յիշեմ մասնաւորաբար Պ. Տօվլէթեանը, որ անձամբ եկաւ գտաւ զիս եւ ուզեց ունենալ թէ՛ Կիլիկիոյ Բժշկական Առաքելութեան եւ թէ՛ Բժշկական Յանձնաժողովին գործունէութեան պատկանող ամեն տեսակ տեղեկութիւններ եւ «տօքիւնաններ»: Այդ քննութեանէն ետք՝ Պ. Տօվլէթեան համոզուեցաւ, թէ Բժշկական Յանձնաժողովը բոլոր կարելի ըրեր է Առաքելութեան արդիւնաւորութեան համար. համոզուեցաւ մասնաւորաբար, թէ ես բնաւ ինքնագլուխ չեմ գործած, ինչպէս ըսեր էին իրեն, այլ՝ Յանձնաժողովին որոշումները տրուած էին բոլոր անդամներու խորհրդակցութեամբ: Բժշկական Յանձնաժողովը կը բաղկանար Պ. Պ. Տոքթ. Օհանջանեանէ, Լաքրուայէ, Հանըմեանէ, Տիկին Տոքթ. Բօպէրէ եւ ինձմէ: Պաշտօնական ատենագրութիւնները կան, որոնք կ'ապացուցեն, թէ բոլորն ալ մասնակցած են խորհրդակցութեանց, եւ որոշումները առնուած են ամէնուն ալ գիտութեամբ: Կը զարմանամ, որ Պ. Տէր-Ստեփանեան, մինակ «կ'ըստի»-ներու վրայ յենելով՝ զիս կը դատապարտէ: Ան նոյնիսկ առաջ կ'երթայ ըսելու, որ եթէ Պատուիրակութիւնը միլիոններ ալ ունենար իր տրամադրութեան տակ, պէտք էր Բժշկական Առաքելութեան գործը առնել իրմէ եւ յանձնել Պատրիարքարանին, քանի որ թէ՛ այդ գործը եւ թէ՛ Բժշկական Յանձնաժողովը կը գտնուին եղեր այն տեսակ պայմաններու մէջ, որ դարձեր են, իր բառերով, «կատարեալ խայտառակութիւն»: Կը զարմանամ, որ Պ. Տէր-Ստեփանեանի պէս զարգացեալ երիտասարդ մը, որ երկար ատեն Երոպա ապրած է, այդքան ծանր բառ մը կը գործածէ, շեղելով նոյնիսկ ատենատարական քաղաքավարութեան

կանոններէն: Ո՛չ խայտառակութիւն կայ մէջտեղը, ո՛չ նոյնիսկ անիշխանութիւն: Ասկէ առաջ՝ համոզիչ փաստեր տուի արդէն այդ մասին. եթէ ատոնք անբաւական նկատուին, Համագումարիդ տրամադրութեան տակ եմ. պատրաստ եմ ամեն տեղեկութիւն տալու: Եւ արդէն Պատուիրակութեան Նախագահը, որ ներկայ է այստեղ, ի հարկին կրնայ վկայել, թէ ամեն բան եղած է Յանձնաժողովին եւ իր հաւանութեամբ:

Գալով Պ. Թէքեանի այն դիտողութեան, թէ ամօթալի դէպքեր տեղի ունեցեր են Կիլիկիոյ մէջ, չեմ հասկնար, թէ ատիկա ինչպէ՞ս առթի մը կրնայ դառնալ Բժշկական Յանձնաժողովը դատապարտելու: Երկու հիւանդապահուի իրարու զլուխ պատռեր են. ասոր մէջ Յանձնաժողովը ի՞նչ յանցանք ունի: Ամեն գործի մէջ կրնան պատահիլ այս տեսակ դէպքեր: Յանձնաժողովը նոյնքան ցաւեցաւ այդ մասին որքան ուրիշ ամեն մարդ, եւ նոյնիսկ գրեցինք Պ. Տամատեանի, որ քննութիւն կատարէ եւ պատժէ այդ գայթակղութեան հեղինակները. նամակները կեցած են:

Իսկ այն ակնարկութեան, թէ Համագումարը զիս Պատուիրակութեան անդամ ընտրեր է Պ. Ահարոնեանի ճնշումին վրայ, կը ցաւիմ, որ Համագումարի անդամները ինչպէ՞ս չեն բողոքեր ատոր դէմ: Ինչպէս ըսի անգամ մը, ինչպէս այստեղ ամեն ոք գիտէ, Պ. Ահարոնեան կապ չունի Պատուիրակութեան ընտրութեան խնդրին հետ՝ այն կերպով ինչպէս ցոյց կու տայ Պ. Տէր-Ստեփանեան: Պ. Ահարոնեան երբեք անձի խնդիր չէ յուզած, «սա առէք, միւսը թողուցէք» չէ ըսած: Ինք պահանջած է միայն, որ Պատուիրակութիւնը երեք անդամ ունենայ, որպէսզի կարելի ըլլայ ձեռք-ձեռքի աշխատիլ հաւասար ոյժերով: Եղածը այս է միայն, ու լաւագոյն է, որ այլեւս բնաւ չյուզենք այս խնդիրը: Դարձեալ Պ. Տէր-Ստեփանեան ըսեր է, թէ ես արգելք եղայ մշարտութեան յայտնուելուն: Այս ամբաստանութիւնը նոյնքան անհիմն է՝ որքան էին միւս ըսուածները: Պ. Տօվլէթեան ալ այդ մտածումն ունէր, բայց երբ եկաւ եւ անձամբ տեղեկութիւն ուզեց, հետտի կըրցայ զինքը համոզել, թէ սխալած է: Եւ արդէն Յանձնաժողովին ատենագրութիւնները մէջտեղն են. ուզողը կրնայ կարդալ: Եթէ տեղեկութիւն չենք կըրցած տալ, պատճառը սա է որ, ինչպէս արդէն բազմիցս ըսուեցաւ, դրկուած տեղեկագիրը կորսուեր էր: Անշուշտ մեղադրելի են, որ ուրիշ մը չեն դրկած: Մեղադրելի է նաեւ Պ. Տամատեան: Բայց վերջապէս պէտք է նկատի առնել նաեւ այն պայմանները, որոնց մէջ կը գտնուին այսօր: Անոնց տեղը եղէք անգամ մը: Ով գիտէ ի՞նչ դրութեան մէջ կը գտնուին: Ինձի դէմ մեղադրանք մը դարձուցեր են նաեւ Տոքթ. Տամլամանեանի եւ ուրիշներու մեկնումը: Բայց ասոնք նոր պատահած իրողութիւններ են, որոնց մասին տեղեկութիւն անգամ չենք ստացած:

Քանի մը խօսք ալ քուէարկուած առաջարկութեան մասին պիտի ընեն: Երբ տակաւին Տոքթ. Օհանջանեան այստեղ էր, Բժշկական Յանձնաժողովը այն մտածումն ունէր, թէ այդ գործը պէտք է տակաւ առ տակաւ վերածել անանկ կացութեան մը, որ տեղական մարմինները իւրացնեն զայն: Այս մտքով արդէն Յանձնաժողովը գրած էր Պ. Տամատեանի, որ հիւանդանոցի հոգաբարձութիւն մը կազմէ եւ տեսուչ ընտրէ բժիշկ չեղող անձնաւորութիւն մը, որպէսզի ներքին մրցակցութեան եւ նախանձի դէպքեր չծագին: Իսկ Պատրիարքարանի յանձնուելուն նոյնպէս համամիտ եմ, ինչպէս կրնայ վկայել Պ. Չօպանեան:

Ահա՛ եղած քննադատութիւնները եւ անոնց արժէքը: Բայց իրապէս քննադատութեան համար չեն եղած այս խօսքերը, անոնց մէջ աւելի թոյն կայ, քան քննադատութեան ոգի: Այդ թոյնը նոյնութեամբ իրենց կը վերադարձնեն:

Պ. Տէր-Ստեփանեան. Խօսք կ'ուզեմ:  
Նորատունկեան էֆենտի. Վիճաբանութեան պէտք չկայ այլեւս այս խնդրին նկատմամբ:

Պ. Տէր-Ստեփանեան. Քանի մը խօսք միայն պիտի ընեն ապացուցանելու համար, որ մեր քննադատութիւնները անտեղի փաստերու վրայ չէին հիմնուած, այլ նոյնիսկ այստեղ տեղի ունեցած դէպքերու վրայ: Կը խնդրեն, որ խօսք տաք, քանի որ իրեն խօսք տուիք:

Նորատունկեան էֆենտի. Տոքթորը անձնական բացատրութիւն մը տալու իրաւունք ունէր:

Պ. Տէր-Ստեփանեան. Ես փաստեր պիտի տայի, որոնք կ'ապացուցեն ըսածներս եւ զորս կարելի էր վարկեանին ճշդել: Կը բողոքեմ այս անիրաւութեան դէմ:

Պօղոս Նուպար Փաշա. Լաւ չհասկցայ Տոքթ. Ներուզի խօսքերուն այն մասը, որ կը վերաբերի Պատուիրակութեան վերակազմութեան: Ամեն պարագայի մէջ՝ կը կրկնեմ այն յայտարարութիւնը, որ նախապէս ըրի արդէն: Մեր համաձայնութեան առթիւ՝ Պ. Ահարոնեանի պահանջումը երեք հոգիի համար էր, բայց եթէ այդպէս մնար եւ չորսը չընդունուէր, չպիտի համաձայնէի: Յայտնեցի արդէն, թէ այս աստիճան փափուկ ատեն մը չորսի զիջում ընելս մեծ գոհողութիւն մըն էր ինծի համար: Մնաց որ այսօր մեծապէս կը ցաւիմ, որ վեց չենք Պատուիրակութեան մէջ:

Նորատունկեան էֆենտի. Նախորդ նիստին մէջ Պ. Պապաջանեան առաջարկեց, որ Համագումարը ձեզի իրաւունք տայ, որ եթէ պէտք տեսնէք՝ cooptation-ի դրութեամբ անելցնէք Պատուիրակութեան անդամներուն թիւը:

Պօղոս Նուպար Փաշա. Եւ Համագումարը մերժե՞ց:

Պ. Ա. Թերզիպաշեան. Ո՛չ, պիտի վերադառնանք այդ խնդրին:

Պօղոս Նուպար Փաշա. Լա՛ւ:

### 3. Խնդիր ներկայութեան Պ. Ա. Խատիսեանի

Նորատունկեան էֆենտի. Համագումարին նախորդ նիստին մէջ յայտնուած բաղձանքին համաձայն՝ տեսնուեցայ Պ. Ալ. Խատիսեանի հետ: Պ. Խատիսեան խոստացաւ ներկայ գտնուիլ մեր այսօրուան նիստին եւ զեկոյց մը ընել: Միջանկեալ յայտնեմ, թէ Պ. Խատիսեան անձնապէս կողմնակից է միշտ միացման խնդրին եւ ատոր օրինաւոր կերպով գործադրութիւնը կարելի կը նկատէ, ինչպէս ինքն իսկ պիտի յայտարարէ այստեղ: Ինք լոկ փոխառութեան խնդրին համար եկած է Երեւանէն, նոյնիսկ Փարիզ գալու մտադիր ալ չէ եղեր, այլ պիտի երթայ եղեր Եգիպտոս, բայց Պ. Ահարոնեանէ հրաւեր ստացած ըլլալովը Փարիզ գալու եւ մօտէն տեղեկանալու քաղաքական անցուղարձերուն, ճամբան փոխեր է ժամանակի մը համար:

Պ. Ա. Չօպանեան. Մինակ փոխառութեան խնդրին համար չէ եկած, այլ՝ հաւանօրէն միացման խնդրին համար ալ բան մը պիտի ընէ, քանի որ կայարանը իրեն ընդառաջ գացողներուն երկու խօսք ըսելով՝ միութեան պէտքը շեշտեց: Վերջէն սակայն, իրեն տուած այցելութեան միջոցին ինծի այնպէս ըսաւ, որ միացեալ կառավարութեան եւ միացման խնդիրները կրնան կարգադրուիլ դաշնագրին ստորագրութենէն անմիջապէս ետք:

Նիստը վերջանալուն մօտ ստացուեցաւ Պ. Ալ. Խատիսեանի հետեւեալ ցամակը, որ կարդացուեցաւ.

«Ն. Վսեմութիւն Տիար Նորատունկեան,

Մեծապատիւ պարոն,

Ես արդէն պատրաստուած էի գնալ Ձեզ մօտ զեկուցում տալու համար, երբ ինձ հրաւիրեցին մի շատ կարեւոր եւ անյետաձգելի պաշտօնական դիւանագիտական տեսակցութեան համար: Ես ստիպուած եմ գնալ այնտեղ, ուստի ներողութիւն եմ խնդրում Ձեզանից, որ այսօրուայ զեկուցումը չպիտի կարողանամ անել, եւ այն ինչ որ պէտք է ասելի՝ ես կ'աշխատեմ այս շաբաթուայ ընթացքում մի առանձին զեկուցումով անել: Նորից խնդրում եմ ներողութիւն յարգելի պարոններից, որոնց հետ ես էլ կ'ուզեմայի տեսնուել:

Ձեզ յարգող  
Ալ. Խատիսեան»

### 4. Ձեկուցում Ազգ. Պատուիրակութեան Նախագահ Պօղոս Նուպար Փաշայի՝ Սբայի մէջ ունեցած գործունէութեան մասին

Նախագահ Նորատունկեան էֆենտի խնդրեց Ազգ. Պատուիրակութեան Նախագահէն, որ տեղեկութիւն տայ ժողովին՝ Պատուիրակութեան անդամներուն Սբայի մէջ ունեցած գործունէութեան մասին:

Պօղոս Նուպար Փաշա. Ինչպէս ծանօթ է, Սբա մեկնելու որոշումը տուինք եւ անմիջապէս մեկնեցանք, երբ յայտնի եղաւ, թէ Գերագոյն Խորհուրդը այնտեղ պիտի քննէ նաեւ թուրքերուն կողմէ ներկայացուած հակաառաջարկները: Երբ Սբա հասանք, իմ առաջին հոգաւ եղաւ տեսնել Պ. Վենիզելոսը, որ անշուշտ կրնար լաւագոյն տեղեկութիւններ տալ, քանի որ յայտնի է, թէ այդ բանակցութեանց մեծագոյն դերակատարներէն մէկը պիտի ըլլար՝ Յունաստանի կողմէ վերջերս թուրքիոյ մէջ ստանձնուած գործօն դերին բերումով: Պ. Ահարոնեան ալ ինծի համակարծիք եղաւ եւ միասին զացինք Պ. Վենիզելոսի մօտ: Պ. Վենիզելոս յայտնեց, թէ Գերագոյն Խորհուրդը նախորդ օրուան նիստին մէջ որոշած էր իր տալիք պատասխանը թուրքերուն, եւ թէ այդ պատասխանը պարզապէս կը մերժէր թուրքերու կողմէ առաջարկուած բոլոր փոփոխութիւնները, բացի քանի մը աննշան կէտերէ, որոնք չէին շրջեր դաշնագրին ոգին, ինչպէս, օրինակի համար, նեղուցներուն հսկողութեան Միջդաշնակցային Յանձնաժողովին մէջ թուրք ներկայացուցչի մը գոյութիւնը, եւ այլն: Մասնաւորաբար Հայաստանի վերաբերող մասին համար Պ. Վենիզելոս ըսաւ, թէ Գերագոյն Խորհուրդը նոյնութեամբ անփոփոխ պահած է զայն: Մեր տեսակցութիւնը տեղի ունեցաւ Հինգշաբթի օր: Իսկ Գերագոյն Խորհուրդը իր պատասխանը պարունակող ծանուցագիրը թուրքերուն պիտի յանձնէր Շաբաթ օր: Ուրեմն, երկու օր ունէինք, եւ այդ միջոցին կրնայինք յանձնել մեր Յիշատակագիրը: Պ. Ահարոնեան եւ ես զացինք Պ. Պերթլոյի եւ մեզի համար բախտ մը եղաւ, որ այս այցելութիւնը ըրած ատեննիս՝ Դաշնակից տերութեանց կողմէ թուրքերուն տրուելիք ծանուցագիրը պատրաստ էր: Պ. Պերթլօ ո՛չ միայն սիրալիկ եւ յուսադրիչ ընդունելութիւն մը ըրաւ մեզի, այլ նոյնիսկ բարեացակամութիւնը ունեցաւ կարողալու ծանուցագրին այն կէտերը, որոնք մեզի կը պատկանէին: Շատ կորովով գրուած էր եւ տեղ-տեղ հիմնուած էր այն համբաւաւոր նամակին վրայ, զոր Պ. Քլէմանսօ երբեմն ուղղած էր թուրք առաջին պատուիրակութեան: Ծանուցագիրը մասնաւորաբար կը ժխտէր թուրքերուն կողմէ եղած այն առարկութիւնը, թէ հայերը պետութեան դէմ ապստամբած ըլլալուն համար ենթարկուած էին ծանօթ խստութեանց, եւ կը յիշեցնէր թուրքերուն, թէ ջարդերը, թուրքիոյ մէջ, լոկ այս պատերազմին տարիներուն յատուկ բաներ չէին, թէ անկէ առաջ ալ տեղի ունեցած էին բոլոր հպատակ ազգութեանց դէմ, շատ հեռաւոր ժամանակներէ սկսեալ: Ծանուցագիրը կը յայտնէր նոյն ատեն, թէ Գերագոյն Խորհուրդը չի հաւանիր ո՛չ մէկ եական մաս փոխել դաշնագրէն, եւ թէ թուրքերուն 10 օր պայմանաժամ կու տայ իրենց հաւանութիւնը յայտնելու:

Պ. Վենիզելոսի հետ մեր տեսակցութեան միջոցին այն տպաւորութիւնը կրած էինք, թէ 10 օրուան այդ պայմանաժամը պիտի տրուի ստորագրելու համար, բայց երբ Պ. Պերթլօն տեսանք, հասկցանք, թէ լոկ իրենց հաւանութիւնը յայտնելու համար էր այդ պայմանաժամը: Թուրքերը ծանուցագիրը ստանալէն ետք, 10 օր միջոց ունէին այդ կամ ոչ ըսելու համար: Իսկ ստորագրութիւնը, որ անշուշտ խել մը ձեւակերպութեանց կարօտ է, կը մնար անելի ետք: Պ. Ահարոնեանի հետ տեսակցեցանք Դաշնակից երկիրներու կարգ մը պատուիրակներուն հետ: Այս բոլոր տեսակցութեանց ընթացքին մեր առաջին հոգը եղաւ հասկնալ, թէ պատրաստուած Յիշատակագիրը կարելի՞ էր Գերագոյն Խորհուրդին տալ՝ արդիւնաւոր ելքի մը ապահովութեամբ: Պարզեցինք իրենց, թէ դաշնագիրը շատ կէտերու մէջ չէր գոհացնէր մեզ, թէ պէտք կար անհրաժեշտ սրբագրութիւններու, քանի որ նախապէս ո՛չ մէկ մասնակցութիւն ունեցած էինք անոր խմբագրութեան: Բոլորն ալ ըսին, թէ անկարելի է

բան մը փոխել տալ, եւ նոյնիսկ խորհուրդ տուին, որ Յիշատակագիրը չներկայացնենք Գերագոյն խորհուրդին: Աւելցուցին նաեւ, որ աստիկ վատ տպաւորութիւն պիտի ընէ: Այդ միջոցին ստացանք Նորատունկեան էֆենտիի հեռագիրը, որ հողային պահանջմանց մասին սրբագրութիւն մը ընել կը յանձնարարէ՝ «Խարբերդի սահմանակից հողամասերու» պարբերութեան յաւելմամբ, ծանուցանելով նոյն ատեն, թէ Յիշատակագրին մէկ լրացեալ օրինակը օրինակը յանձնուած է փոսթին: Եղած փոփոխութիւնները եւ յաւելումները շատ լաւ էին. խնդիրը ներկայացուած էր ասելի ամբողջական կերպով մը: Բայց, ինչպէս ըսի, վարանումի մէջ էինք այնտեղ. պէ՞տք էր տալ Յիշատակագիրը, թէ՞ ոչ: Ի վերջոյ, Պ. Ահարոնեան, Տոբթ. Ներուզ, Զօրավար Կորկանօֆ եւ ես պզտիկ խորհուրդ մը ըրինք, որուն ներկայ գտնուեցաւ նաեւ Պ. Զանըմեան, եւ որոշեցինք չտալ, քանի որ մեր տեսած բոլոր անձնաւորութիւններն ալ այն կարծիքը յայտնած էին, թէ աստիկայ յոռի տպաւորութիւն մը պիտի գործէ Դաշնակիցներուն վրայ:

Շաբաթ օրը եւս մեկնեցայ, եւ Փարիզ դարձիս իմացայ, որ թուրքերը նոր ծանուցագիր մը տուեր են. թերթերն ալ հրատարակեցին, թէ դաշնագիրը պիտի ենթարկուի կարգ մը փոփոխութեանց: Անձնապէս չեմ կարծեր, որ այդ փոփոխութիւնները հիմնական բաներ ըլլան, անշուշտ անոնք են, որոնց մասին Պ. Վենիզելոս խօսած էր մեզի եւ որոնք չեն հետաքրքրեր մեզ:

Ահա այս կացութեան մէջ եմք այսօր: Թուրքերը 10 օր պիտի ունենան պատասխանելու՝ երբ ծանուցագիրը ստանան: Եթէ ընդունին՝ բան մը չենք կրնար ընել եւ կամ միակ դուռ մը միայն բաց կը մնայ այլեւս մեր առջեւ, այն է՝ դաշնագրին տրամադրութեանց մեկնութեան ապաւինիլ, խնդրելով որ այս կամ այն տրամադրութիւնները մեզի ի նպաստ մեկնուի: Այդ պարագային՝ տարակոյս չկայ, որ պատրաստուած Յիշատակագիրը կրնայ իր օգուտն ունենալ: Իսկ եթէ թուրքերը մերժեն, այն ատեն Արեւելքի հարցը նոյնութեամբ սեղանի վրայ կը դրուի, եւ կրնանք ամեն յոյս ունենալ, թէ մենք ալ կը յաջողինք ի նպաստ մեզի փոփոխութիւններ մտցնել դաշնագրին մէջ: Այնպէս կը թուի, թէ թուրքերը պիտի մերժեն ստորագրել:

Փարիզ վերադարձիս իմացայ, որ բացակայութեանս միջոցին Պ. Ռուպէր տը Բէ քլէֆօն ըրեր եւ ուզեր է գիտ տեսնել, յանձնարարելով, որ դարձիս անպատճառ լուր տան ինձի: Անցեալ ձմեռուընէ ի վեր չէի տեսած զինքը: Երկար տեսակցութիւն մը ունեցայ իրեն հետ, եւ այդ տեսակցութեան միջոցին Պ. Ռուպէր տը Բէ յայտնեց, թէ ինք համոզուած է, որ թուրքերը չպիտի ստորագրեն դաշնագիրը: Գիտե՞ք, որ անձամբ տեսնուած ըլլալով Մուսթաֆա Բէմալի հետ, Պ. տը Բէ կրնար շատ լաւատեղեակ ըլլալ այս մասին: Մեր տեսակցութեան միջոցին Պ. տը Բէ յայտնեց նաեւ, թէ ֆրանսացիք ունէր զաղտնի դաշնագիր կամ համաձայնութիւն չեն կնքած թուրքերուն հետ, թէ ամբողջ եղածը այն զինադադարի պայմանագրութիւնն է, որ ծանուցուեցաւ եւ որ արդէն ամեն ոյժ կորսնցուցած է այսօր: Իսկ Կիլիկիան պարպելու հարցին նկատմամբ ըսաւ, թէ առ այժմ Ֆրանսա միտում չունի լքելու այն կետերը, որոնց մէջ համախմբած է իր ոյժերը:

Նորատունկեան էֆենտի. Ամանոսի խնդրին վրայ ալ խօսեցա՞ք:

Պօղոս Նուպար Փաշա. Այո՛, բայց Պ. տը Բէ, որ երկար ատենէ ի վեր մեկնած է, շատ ստոյգ տեղեկութիւններ չունէր: Չի կարծեր, որ մեծ բան մը ըլլայ. ըսաւ թէ թերեւս մաս մը հայեր այդտեղ իրենք իրենց գլխուն անկախութիւն յայտարարած ըլլան: Զարցուցի, թէ Ֆրանսա չի՞ հովանավորեր այդ շարժումը, քանի որ վերջերս մտադիր էր սուրիական դաշնակցային վարչութիւն մը հաստատել, վարչութիւն որուն մէջ ինչպէս արարք, այնպէս ալ հայ շրջանակ մը կրնայ գոյութիւն առնել: Պ. տը Բէ սկեպտիկ է. մանաւանդ որ կը կարծէ, թէ այդ շարժումը սկսած է Իսկենտերունի հարաւային կողմը՝ ճեպէլ Մուսայի մէջ, որ դժուար թէ հայկական շրջանակ մը դառնայ:

Ձայներ. Սիսալ է:

Պօղոս Նուպար Փաշա. Ամեն պարագայի մէջ՝ Պ. տը Բէ տեղեկութիւն չունէր եւ չի կարծեր, որ ֆրանսական հովանաւորութեամբ սկսուած շարժում մը ըլլայ եղածը:

Պ. Ա. Զօպանեան. Թեղեան Կաթողիկոսի դիմումը գոր թերթերը ծանուցեր էին, ի՞նչ պայմաններու մէջ եղաւ:

Պօղոս Նուպար Փաշա. Տարօրինակ եւ անակնկալ բան մըն էր որ եղաւ: Նոյնիսկ լուր ելաւ, թէ միասին դիմում ըրեր ենք, բայց մենք տեղեկութիւն անգամ չունէինք: Սբա գտնուած ամբողջ ատեննիս զինքը բնաւ չտեսանք: Վերջին օրը՝ ցերեկուան մօտ՝ երբ Գերագոյն խորհուրդը գումարուելու վրայ էր, ընդհանուր քարտուղար Պ. Ռոմենժաքմենի քովն էի, երբ յանկարծ կարմիր տարագով եկեղեցական մը ներս մտաւ: Տեսայ, որ Թեղեան Կաթողիկոսն է: Իսկոյն իմ մօտս եկաւ, ըսաւ, թէ քանի օր է Սբա կը գտնուէր, բայց հասցէս չգիտնալուն չէր կրցած ինձի լուր տալ: Մինչդէռ ամենէն դիւրին բանն էր մեր հասցէն գտնելը: Կաթողիկոսն ասելցուց, թէ եկած է կարգ մը անձնաւորութիւններ տեսնելու եւ Կիլիկիոյ խնդիրը հետապնդելու: Չմոռնամ ըսելու, որ ինքզինքը կը ներկայացնէր իբր Կիլիկիոյ հայոց կաթողիկոս: Պզտիկ ծանուցագիր մըն ալ պատրաստած էր Գերագոյն խորհուրդին տրուելու համար. մէկ օրինակն ալ ինձի յանձնեց: Ասոր մէջ պարզապէս կը խնդրէ, որ Կիլիկիոյ ժողովուրդին գոյութիւնը ապահովուի Ֆրանսայի պաշտպանութեամբ:

Նորատունկեան էֆենտի. Պատրաստուած Յիշատակագիրը կրնայ իր օգտակարութիւնը ունենալ յառաջիկային, որովհետեւ կան երեք պարագաներ, որոնցմէ կրնանք յուսալ մեզի նպաստաւոր փոփոխութիւններ դաշնագրին տրամադրութեանց նկատմամբ: Առաջինը՝ դաշնագրին գործադրութեան դրուելու բրոթըրլին պատրաստութեան միջոցին: Եթէ նոյնիսկ թուրքերը հաւանին ստորագրելու, բնականաբար գործադրութեան եղանակ մը պիտի որոշուի, եւ այդ առթիւ կրնայ ստորագրել protocole d'execution մը, որ առիթ կու տայ մեր այս կարգի պահանջմանց նկատառման: Երկրորդ առիթն է, ըստ այս դաշնագրութեան մէկ յօդուածին, յաւելուածական դաշնագրութիւններ կազմելու իրաւունքը: Իսկ երրորդ առիթ մը՝ Դաշնագրին ինչ-ինչ տրամադրութեանց մասին Գերագոյն խորհուրդին կողմէ տրուելիք մեկնութիւնն է, որմէ կարելի է օգտուիլ, եւ եթէ Գերագոյն խորհուրդը ուզէ, կրնայ, առանց նոյնիսկ թուրքերուն բան մը հարցնելու, մեր պահանջմանց նպաստաւոր մեկնութիւն մը տալ այդ տրամադրութեանց: Ասոնցմէ դուրս չորրորդ հաւանականութիւն մըն ալ կը ներկայանայ մտքիս: Գտնելու եղանակ մը, որ փութացնէ նախագահ Ուիլսոնի իրաւարարութեան վճիռը, նկատի առնելով, որ ձմեռը վրայ պիտի գայ, եւ եթէ իրաւարարութիւնը շուտով չըլլայ, երկար ամիսներու կորուստը շատ սուղի պիտի ստի մեր ժողովուրդին, որ արդէն իսկ ծանրագոյն թշուառութեան մը մատնուած է: [Արդեօք կարելի չէ՞ միջոց մը խորհիլ, որ շուտ կատարուի իրաւարարութիւնը: Դաշնագրին 89-րդ յօդուածը կ'ըսէ, թէ Թուրքիա եւ Զայաստան նախագահ Ուիլսոնի իրաւարարութեան կ'ենթարկեն ծանօթ չորս նահանգներուն մէջ Զայաստանի եւ Թուրքիոյ սահմաններուն որոշումը, ինչ որ կ'ենթադրէ թէ որքան հայոց, այնքան նաեւ թուրքերուն հաւանութիւնը անհրաժեշտ է որպէսզի նախագահ Ուիլսոն տայ իր վճիռը: Արդ, եթէ կարելի ըլլայ դաշնագրին այդ յօդուածէն Թուրքիոյ անունը հանել, այն ատեն այլեւս թուրքերու հաւանութեան խնդիր չի մնար եւ նախագահ Ուիլսոն կրնայ առանց անելի երկարածեալու յայտնել իր վճիռը: Չեմ ըսեր, թէ ասիկա դիւրին բան մըն է, որովհետեւ տարակոյս չկայ, որ այս տեսակ փոփոխութիւն մը կատարել տալու համար անհրաժեշտ է ունենալ բոլոր Դաշնակից պետութեանց հաւանութիւնը: Բայց կը խորհիմ, թէ արդեօք կարելի չէ՞ գոնէ փորձ մը ընել այս ուղիւրէսովը]:<sup>1</sup>

<sup>1</sup> Քառակուսի չակերտներու մէջ առնուած հատուածները, այս Ա յետագայ էջերուն մէջ, վերջէն ջնջեց Նորատունկեան էֆենտի:

Պօղոս Նուպար Փաշա. Որոշ կ'երեւայ այսօր, թէ Դաշնակիցները համաձայն են կէտի մը մասին. այսինքն թէ՛ նախագահ Ուիլսոնի իրաւարարութիւնը պէտք է տեղի ունենայ դաշնագրին ստորագրութենէն ետք: Դեռեւաբար, հարկ պիտի ըլլայ սպասել մինչեւ ստորագրութիւնը, որով ոչինչ կարելի է ընել Չոր առաջարկած ուղղութեամբ: Բայց եթէ թուրքերը մերժեն դաշնագիրը ստորագրել, անշուշտ այդ պարագային կարելի է աշխատիլ այդ փոփոխութիւնը ընելու համար:

Նորատունկեան էֆենտի. Քիչ մը առաջ, սակայն ըսիք թէ Գերագոյն խորհուրդը կարգ մը փոփոխութեանց պիտի ենթարկէ դաշնագիրը:

Պօղոս Նուպար Փաշա. Այո՛, բայց այդ փոփոխութիւնները պիտի ըլլան թուրքերու կողմէ եղած առաջարկութեանց հետեւանքով: Գալով մեզի, ինչպէս Սբայի մէջ մեր տեսած բոլոր անձնաւորութիւններն ըսին, չենք կրնար փոփոխութեան առաջարկ ընել հիմա, քանի որ դաշնագիրը թուրքերուն պարտադրող կողմերէն մէկն ենք: Ուրիշ կէտ մը կայ նկատառութեան արժանի: Դաշնակիցները Սան Ռեմոյի մէջ որոշեցին նախագահ Ուիլսոնի իրաւարարութեան յանձնել ծանօթ նահանգներուն մէջ սահմաններու որոշումը: Անշուշտ այդ միջոցին թուրքերուն հաւանութեան պէտք չտեսան: Դիմա ալ կարելի ըլլայ թերեւս իրաւարարութիւնը ընել եւ թուրքերուն ըսել, որ եղաւ:

Նորատունկեան էֆենտի. Դժբախտաբար, Դաշնակիցները համամիտ չեն այդ մասին:

Պօղոս Նուպար Փաշա. Այո՛, իրաւունք ունիք:

Նորատունկեան էֆենտի. [Այս օրուան կացութիւնը սա է, որ թուրքերը կը մերժեն սկզբունքով իրաւարարութիւնը, քանի որ Ռուսական Դաշնաստանէն դուրս Դաշնաստան ճանչնալ չեն ուզեր: Եթէ կարելի ըլլայ 89-րդ յօդուածին մէջէն ջնջել Թուրքիոյ անունը, այն ատեն կարելի է իրաւարարութիւնը ընել տալ: Այս տեսակ լուծում մը անհրաժեշտ է, որպէսզի ժամ առաջ կատարուի իրաւարարութիւնը: Յետաձգում մը աղէտ մըն է մեր ժողովուրդին համար. պէտք է որ ժողովուրդը օր առաջ իր հողին վրայ ըլլայ, գաղթականները ազատին թափառական կենցաղէն, կարենան հաստատուիլ, ի վիճակի ըլլան աշխատելու, արդիւնաբերելու]:

Պօղոս Նուպար Փաշա. Եթէ թուրքերը մերժեն ստորագրել, ինչպէս Պ. տը Քէ կը կարծէ, թէ պիտի մերժեն, այն ատեն կարելի է ատոր վրայ խորհիլ:

Նորատունկեան էֆենտի. Դժբախտաբար՝ ժամանակը կ'անցնի:

Պօղոս Նուպար Փաշա. Ի՞նչ կրնանք ընել:

Պ. Ա. Զօպանեան. Նախորդ նիստին, «Պահակ»-ի մէկ յօդուածին առջիւ առաջարկ մը ըրի, որ դիմում ըլլայ Պ. Վենիզելոսի՝ Թրքահայաստանի գրաւման համար: Այսօր ատենագրութեան ընթերցումէն հասկցայ, որ ժողովը մերժեր է այս առաջարկը, Մինչդեռ այդ տպաւորութիւնը չէի ունեցած նախորդ նիստին: Ամեն պարագայի մէջ, կը կրկնեմ այդ առաջարկութիւնս: Դետաքրքրական պիտի ըլլար անշուշտ գիտնալ, թէ Պատուիրակութեան Նախագահը ի՞նչ կը խորհի այդ մասին:

Պօղոս Նուպար Փաշա. Սբայի մէջ Պ. Վենիզելոսի հետ շատ անելի երկար խօսեցանք այն բոլոր հաւանականութեանց մասին, որոնք կրնային ծագիլ: Յունական բանակներու յաջողութիւնը շնորհաւորելով, մարդեցի, որ շուտով տարածուին մինչեւ Էնկիւրի: Պ. Վենիզելոս ըսաւ, թէ այդքան հեռու չպիտի երթան, որովհետեւ բաւարար ոյժ չունին: Թերեւս մինչեւ Պրուսա յառաջանանք, ըսաւ, եւ անկէ ի վեր իմացանք, որ մտեր են արդէն Պրուսա: Պ. Վենիզելոս յիշեցուց, թէ Թրակիոյ մէջ ալ գործ ունին, եւ թէ քանի որ Գերագոյն խորհուրդը 10 օրուան պայմանաժամ տուած է թուրքերուն, այդ 10 օրերէն պիտի օգտուին յոյները՝ Թրակիոյ մէջ ալ իրենց գործը լրացնելու համար: Դարցուցի, թէ ի՞նչ պիտի ընեն, եթէ թուրքերը մերժեն ստորագրել: Այն ատեն, ըսաւ, թերեւս պէտք ըլլայ որ յառաջանանք, եւ ատոր համար անհրաժեշտութիւն պիտի ծագի նոր ոյժեր ղրկելու, թերեւս 3-4 զօրաբաժին, այսինքն՝ մօտաւորապէս 60 000 զօրք: Դարցուցի նաեւ, թէ Կիլիկիա ալ պիտի երթա՞ն: Ո՛չ, պատասխանեց, բայց թերեւս

յառաջանանք մինչեւ Էնկիւրի: Դարցուցի նաեւ, թէ մտադի՞ր են զոնէ Տրապիզոնէն զինուոր ցամաք հանել, եթէ դէպքերը անհրաժեշտ դարձնեն այդ կողմէն կատարուելիք գործողութիւն մը: Այս մասին հաստատական պատասխան տուաւ, յարելով, թէ ինք բնաւ յաւակնութիւն չունի Տրապիզոնի մասին, զոր երբեմն սիրով Դաշնաստանի թողուց, վստահ ըլլալով, թէ հայերը պիտի գիտնան զնահատել այս զոհողութիւնը: Ապահովուցի զինքը, թէ մենք բնաւ ցանկութիւն չենք յայտնած Տրապիզոնը անպատճառ ունենալու, եւ թէ Ռիզէն ու Աթենէն կը բաւեն մեզի Սեւ Ծովուն վրայ:

Տոքթ. Ներուզ. Պ. Վենիզելոս Պ. Ահարոնեանի ըսաւ, որ եթէ Տրապիզոն զինուոր հանելու պէտք ծագի, ինք միմակը չի կրնար այդ արշաւանքին ձեռնարկել, եթէ հայկական բանակն ալ չչարժի դէպի Էրզրում, եւ հարցուց, թէ հայերը զոնէ մէկ զօրաբաժին կրնա՞ն տրամադրել: Պ. Ահարոնեան պատասխանեց, թէ հայկական պետութիւնը կրնայ անելիս ալ տրամադրել: Զօրավար Կորկանօֆ անելցուց, թէ Դաշնաստան կրնայ ի հարկին 40-50 000 զինուոր տալ:

Նորատունկեան էֆենտի. Անգլիոյ կողմէն ղրկուելիք ռազմամիւթն ու զէնքերը գացի՞ն:

Տոքթ. Ներուզ. Պ. Ահարոնեան հարցուց նաեւ, թէ կարելի չէ՞, որ Յունաստանի կառավարութիւնն ալ մաս մը ռազմամիւթ եւ զէնք տայ հայոց: Պ. Վենիզելոս պատասխանեց, թէ ատիկա չի կրնար, որովհետեւ իրենք ալ պէտք ունին: Անելցուց նաեւ, թէ Դաշնակիցները յիմարութիւն կ'ընեն ոչնչացնելով Գերմանիոյ զէնքերն ու ռազմամիւթերը, մինչդեռ կրնային առնել եւ պէտք ունեցող Դաշնակից փոքր պետութեանց տալ:

## ՕՐԱԿԱՐԳ

1. Դարցում Պ. Վ. Թէքեանի՝ Ամերիկայի մէջ հոգատարութեան խնդրին նկատմամբ եղած յայտարարութեան մասին

Ազգ. Պատուիրակութեան Նախագահ Պօղոս Նուպար Փաշա հակիրճ կերպով մը պատասխանեց այն հարցման, զոր Պ. Վ. Թէքեան Պատուիրակութեան ուղղած էր Դաշնագումարի Յուլիս 5-ի նիստին մէջ՝ հոգատարութեան հարցին նկատմամբ Դաշնապետութեան Ամերիկայի ներկայացուցչին կողմէ եղած յայտարարութեան մասին:

Պօղոս Նուպար Փաշա. Ժողովիդ յայտնած էի արդէն, թէ երբ Պ. Սվազլըի մէկ հեռագրէն իմացանք, որ խորէն Եպիսկոպոս եւ Պ. Փաստրմաճեան, Պ. Գարտաշեանի հետ ծանօթ յայտարարութիւնը ըրած են Ամերիկայի ծերակուտականներու, իսկոյն Միացեալ Պատուիրակութեանց մէկ նիստին մէջ որոշեցինք հերքել եղած յայտարարութիւնը: Նոյն ատեն՝ Ազգ. Պատուիրակութեան Ամերիկայի ներկայացուցչէն հեռագրով խնդրեցի մանրամասնութիւններ, եւ Պ. Սվազլը ի պատասխան ղրկեց հեռագիր մը, որ կարդացուեցաւ այստեղ: Այդ հեռագրին մէջ Պ. Սվազլը կը հաղորդէր, թէ Պ. Փաստրմաճեան կը հերքէ ըսուածը: Ատոր վրայ հեռագրեցի Պ. Սվազլըի, թէ ինչպէ՞ս առանց խնդիր խորապէս քննելու, այս աստիճան ծանրակշիռ լուր մը հաղորդած է: Ատոր վրայ Պ. Սվազլը պատասխանեց, թէ ինք թեթեւօրէն չէ հեռագրած, այլ հեռագիրը գրած է այն ատեն միայն, երբ ամերիկացի ծերակուտականներ, մասնաւորաբար Պ. Սմիթ, հաւաստած են իրեն, թէ Պ. Փաստրմաճեան իրապէս յայտարարած է, որ հայերը ամերիկեան հոգատարութիւնը չեն ուզեր, որուն վրայ իրենք ալ, Ծերակոյտին մէջ, նոյնը կրկնած են: Իրողութիւնը այս է: Պ. Փաստրմաճեան հիմա կը պնդէ, թէ ճիշդ չէ ծերակուտականներուն ըսածը, թէ ինք՝ նկատելով որ Դաշնաստանի հոգատարութիւնը չպիտի ընդունուի, Ամերիկայի օգնութիւնը ուզած էր հայկական պետութեան համար:

## 2. Վերակազմութիւն Ազգ. Պատուիրակութեան

Ազգ. Պատուիրակութեան Նախագահ Պօղոս Նուպար Փաշա պարզեց Պատուիրակութեան տեսակետները Տիրէքթիւներու Յանձնաժողովին այն առաջարկութեանց մասին, զորս ժողովը քուէարկած էր, ինչպէս նաեւ այն միւս առաջարկութեանց նկատմամբ, զորս ժողովն ընդունած էր նախորդ նիստերու ընթացքին:

Պօղոս Փաշա Տիրէքթիւներու Յանձնաժողովին 9-րդ առաջարկութեան մասին անգամ մըն ալ կրկնեց, թէ Պատուիրակութեան համար անկարելի է ուղղակի բանակցութիւն կատարել երեւանի կառավարութեան հետ, քանի որ կառավարութիւնը չէր իսկ պատասխանած Պատուիրակութեան երբ այս վերջինը ծանուցած էր, թէ կ'ընդունի իր առաջարկութիւնները:

Ժողովը որոշեց այս մասին ազատ թողուլ Պատուիրակութիւնը, որ յարմար առիթ մը ներկայացած միջոցին, կամ ըստ իրեն պատշաճ նկատուող ռեւէ միջոցով աշխատի դարձեալ այդ միութիւնը գոյացնելու: Այս մտածմամբ՝ կարգ մը բարեփոխութեանց ենթարկուեցաւ Տիրէքթիւներու Յանձնաժողովին 9-րդ առաջարկութիւնը եւ ստացաւ հետեւեալ վերջնական ձեւը.

«7-րդ. Միացեալ կառավարութիւն. Այն պարագային, որ Հայկական կառավարութիւնը, մինչեւ դաշնագրին ստորագրութիւնը ետ չառնէ իր մերժումը՝ Պ. Խատիսեանի Յունուար 25-ին ստացուած նամակին առաջարկութեանց հիման վրայ Միացեալ կառավարութիւն կազմելու մասին, Ազգային Պատուիրակութիւնը պիտի կրնայ ձեռնարկել Արեւմտահայ նոր Համագումարի մը ընտրութեան, որ ձեռք պիտի առնէ անհրաժեշտ միջոցները՝ արեւմտեան հայոց շահերուն պաշտպանութեան համար»:

Այս ձեւով քուէարկութեան դրուելով, 13 պատգամաւորներու ներկայութեան, առաջարկութիւնը ընդունուեցաւ միաձայնութեամբ:

Պօղոս Նուպար Փաշայի առաջարկութեան վրայ, բարեփոխութեան ենթարկուեցաւ նաեւ Տիրէքթիւներու Յանձնաժողովին 8-րդ առաջարկութիւնը եւ ստացաւ հետեւեալ վերջնական ձեւը.

«8-րդ. Կամաւորական բանակ. Պատուիրակութիւնը պէտք է դիմէ Դաշնակից կառավարութիւններուն կամ անոնցմէ մէկուն, խնդրելով, որ իրեն օժանդակեն արեւմտահայ կամաւորական զօրամասեր կազմելու, Տաճկահայաստանի գրաւման գործածուելու համար: Այս զօրամասերը կը հաւաքուին ու կը մարզուին ռեւէ base-ի մը մէջ, ու երբ պատրաստ ըլլան, կը գործածուին ըստ Հանրապետութեան բանակին Սպայակոյտի հրահանգներուն»:

Այս ձեւով քուէարկութեան դրուելով, 13 պատգամաւորներու ներկայութեան, առաջարկութիւնը ընդունուեցաւ միաձայնութեամբ:

Թէ՛ Տիրէքթիւներու Յանձնաժողովին մնացեալ առաջարկութեանց եւ թէ՛ Համագումարին կողմէ քուէարկուած միւս առաջարկութեանց մասին Պօղոս Նուպար Փաշա յայտնեց, թէ կը յարմարին Պատուիրակութեան տեսակետներուն:

Կովկաս գտնուող արեւմտահայ փախստականներու համար կատարուելիք փոխառութեան հարցն ալ, որու մասին Համագումարն իր Յուլիս 9-ի նիստին մէջ քուէարկած էր Պ. Չօպանեանի մէկ առաջարկութիւնը, քննուեցաւ նոյն կերպով, եւ Պատուիրակութեան Նախագահ Պօղոս Նուպար Փաշա խոստացաւ գործադրել զայն, երբ նպաստաւոր առիթ մը ծագէր: Այդ առթիւ, Պօղոս Փաշա յայտնեց, թէ քանի մը օր առաջ այցելութիւնն ընդունեց Մերձաւոր Արեւելքի Նպաստամատոյց Յանձնախումբին ընդհանուր քարտուղար Մր. Վեքրէի: Մր. Վեքրէ, որ աջ բազուկն է նոյն Յանձնախումբի նախագահ Տոքթ. Պարթընի, երեւան երթալու համար ամմիջապէս մեկնելու ստիպուած, խնդրեւ է իրմէ, որ մինչեւ կայարան իրեն ընկերանայ: Գամբան, յարեց Պօղոս Փաշա, Մր. Վեքրէ յայտնեց, թէ Մերձաւոր Արեւելքի անունով հաւաքուած

նպաստի գումարը հասած է 50 միլիոն տոլարի, որուն կարելորագոյն մասը պիտի յատկացուի հայ ժողովուրդին պէտքերուն, եւ թէ ինք երեւան կը մեկնի այդ գումարին գործածութեան պայմանները ուսումնասիրելու համար: Մր. Վեքրէ շատ համակրութեամբ խօսէր է հայոց մասին, սրտապնդելով Պօղոս Փաշան, եւ յայտնելով, թէ մինչեւ Սեպտեմբեր պիտի վերադառնայ, գործնական ճամբու մը մէջ դնելու համար ամերիկեան նպաստի գործը:

Ներկայ պատգամաւորները միաձայնութեամբ պաշտօն յանձնեցին Դիւանին, որ յանուն Համագումարին, մասնաւոր հեռագրով մը երախտագիտութիւն յայտնէ Մերձաւոր Արեւելքի Նպաստամատոյց Յանձնախումբի Նախագահ Տոքթ. Պարթընի եւ, անոր միջոցաւ, բովանդակ ամերիկեան ժողովուրդին:

Համագումարը կարծիքներու փոխանակութիւն մը ունեցաւ Ազգ. Պատուիրակութեան յառաջիկայ գործունէութեան համարատուութեան մասին, եւ ի վերջոյ, միաձայնութեամբ ընդունեց հետեւեալ որոշումը.

«Համարատուութիւն.- Ազգ. Պատուիրակութիւնն իր համարատուութիւնը պիտի ընէ Հայաստանի Միացեալ կառավարութեան, եթէ կազմուած ըլլայ. իսկ եթէ կազմուած չըլլայ եւ պէտք ծագի նոր Համագումար հրաւիրելու, համարատուութիւնը պիտի ընէ այդ նոր Համագումարին»:

Դուրեան Արքեպիսկոպոս այս առթիւ փափաք յայտնեց, որ Պատուիրակութիւնը ասկէ ետք քիչ մը աւելի տեղեակ պահէ հեռաւոր վայրեր գտնուող հայերը, ինչպէս, օրինակի համար, Պոլսոյ հայութիւնը, օրուան քաղաքական անցուդարձերուն, որոնց մասին ամեն հայ միշտ անձկութեամբ կը սպասէ մանրամասնութեանց:

Պօղոս Նուպար Փաշա խոստացաւ գոհացում տալ այս բաղձանքին. եւ արդէն, ըսաւ, Ս. Պատրիարքին մեկնելէն վերջ շաբաթը անգամ մը կանոնաւոր կերպով տեղեկութիւն կու տամ իրեն:

Համագումարը, 12 պատգամաւորներու ներկայութեան, միաձայնութեամբ հետեւեալ որոշումը անցուց այս առաջարկութեան մասին.

«Յարաբերութիւն ժողովուրդին հետ.- Ազգ. Պատուիրակութիւնը, կարելիութեան սահմանին մէջ, կանոնաւոր կերպով տեղեկութիւն կու տայ քաղաքական անցուդարձերու մասին, հայ գաղութներու կեդրոնական պատասխանատու մարմիններուն»:

Պ. Ա. Թերզիպաշեան. Բաժնուելէ առաջ՝ պիտի առաջարկէի, որ Համագումարը, ընդհանուր արեւմտահայոց ներկայացուցիչը եղող Ազգ. Պատուիրակութեան Նախագահին իրաւունք տար յանուն Թուրքիոյ հայոց ստորագրելու դաշնագիրը:

Պ. Ա. Չօպանեան. Ուրախ եմ, որ Պ. Թերզիպաշեան կը վերադառնայ այս հարցին, զոր ես ինքս դրի Համագումարին առջեւ եւ զոր շեշտեցի մէկ քանի անգամ: Անհրաժեշտ է արդարեւ, որ ինչքան ալ ըլլայ Թրքահայաստանէն հայ պետութեան կցուելիք մասը, թրքահայութեան ներկայացուցիչը ստորագրէ դաշնագիրը, որպէսզի որոշ ըլլայ, թէ Թրքահայաստանի մէկ մասին Ռուսահայաստանի կցումը չէ, որ տեղի կ'ունենայ, այլ՝ Դաշնակիցներու կողմէն անկախութիւն կը տրուի ուղղակի Տաճկահայաստանին, թէպէտ մասամբ, ինչպէս Ռուսահայաստանին, եւ թէ Միացեալ Հայաստանի մը այդ կերպով կազմուելուն թրքահայութիւնն ու ռուսահայութիւնը իրենց ներկայացուցիչներով անգամ մը եւս այդ միացման համար իրենց կամքը յայտնած են:

Նորատունկեան էֆենտի. Այս խնդիրը արդէն անգամ մը եկաւ ժողովին: Ըսի, որ Համագումարին կողմէ Պատուիրակութեան թուղթ տրուելով խնդիրը չի լմնար, որովհետեւ, օրինական տեսակետով, պետութիւնները չեն կրնար ընդունիլ: Դաշնագրի ստորագրութիւնը կ'ըլլայ պետութեան մը անունով եւ պետութեան մը կողմէ տրուած իրաւասութեան գրով: Ո՛չ Համագումարը, ո՛չ ալ Պոլսոյ Համագոյնի ժողովը

պետութիւններ չեն, որոնց տալիք իրաւասութեան գիրը օրինապէս ընդունուեր: Արդէն դաշնագիրն ալ շատ որոշ է այս մասին: Սկիզբը դրուած է ստորագրող կողմերու անունը: Հայոց համար՝ այդ իրաւունքը տրուած է Հայկական Հանրապետութեան, որուն կողմէ իրաւասութեան գիր պիտի ունենան այն անձերը, որոնք պիտի ստորագրեն դաշնագիրը:

Պօղոս Նուպար Փաշա. Ասոր մէջ անձի խնդիրը պէտք է ի բաց թողուլ եւ նկատի առնել լոկ սկզբունքի տեսակետը: Եթէ Համագումարը հոգ չընէր, որ թրքահայերուն ալ անունով ստորագրուի դաշնագիրը, լա՛ւ: Բայց կը կարծեն, թէ թրքահայերուն ալ անունով ստորագրուիլը անհրաժեշտութիւն մըն է, որուն համար ամեն բան պէտք է փորձել: Մեր խնդիրը շատ անբնական, բոլորովին բացառիկ պայմաններու մէջ հետապնդուեցաւ: Մինչեւ այսօր ունեցանք երկու ներկայացուցչութիւն, մէկը՝ Թուրքիոյ հայոց, միւսն ալ՝ Հանրապետութեան անունով: Այս բացառիկ դրութիւնը ընդունեցին պետութիւնները, անանկ որ կարելի եղաւ դիմումներ ընել, գիրեր գրել, խօսակցութիւններ ունենալ այդ երկուութեամբ: Թրքահայոց շահը կը պահանջէ, որ այս զանազանութիւնը երեսայ եւ նուիրագործուի նաեւ դաշնագրին մէջ, ստորագրութեան առթիւ: Ասիկա նախագուշակական միջոց մըն է թրքահայերուն համար: Եթէ հիմնական իրենց դատին առանձնայատկութիւնը հռչակուի, վաղը միւս օր, երբ պարագաները այնպէս բերեն, որ վերստին աշխատելու պէտք ծագի իրենց փրկութեան համար, իրենց ներկայացուցիչները իրաւունքի հիմ մը ունենան: Կը կրկնեն, որ պարզ գուշակական միջոց մըն է ասիկա, չենք գիտեր, թէ պիտի ընդունուի՞ արդեօք տերութեանց կողմէ: Բայց վերջապէս կրնանք փորձել:

Պ. Ա. Զօպանեան. Եթէ ասիկա չընենք, Պ. Ահարոնեան պիտի ստորագրէ միանակը, ինչ որ պիտի նշանակէր, թէ Ռուսիոյ հայերը իրենց կը միացնեն Թուրքիոյ հայերը, մինչդէռ, ընդհակառակը, այս վերջիններն են, որ կը միանան Հանրապետութեան:

Նորատունկեան էֆենտի. Մինչեւ այսօր գոյութիւն ունեցող անբնական ու բացառիկ դրութիւնը կը դադրի գոյութիւն ունենալէ՝ դաշնագրին ստորագրութեան օրը: Կը զարմանամ, որ ստորագրութեան այս խնդիրը կը շփոթուի Հայկական Դատին հետապնդութեան խնդրին հետ: Երկուքը իրարմէ բոլորովին տարբեր բաներ են: Մինչեւ ստորագրութիւնը կարելի է նոյնիսկ ամենէն անբնական եղանակներով հետապնդել մեր Դատը, բայց դաշնագրի ստորագրութիւնը տեղի կ'ունենայ որոշ բրոքբրոյի մը համաձայն, որ իր անխախտ կանոններն ունի եւ որոնք պէտք է տառապէս յարգուին ստորագրութեան միջոցին: Եթէ դաշնագիրը ստորագրելու համար իրաւասութեան գիր մը տանք Համագումարին կողմէ, կրնայ հարցուիլ, թէ Համագումարը ինք ի՞նչ իրաւասութիւններ ունի առ այդ, քանի որ պետութիւն մը չէ եւ իր կազմութիւնը թերի է: Գիտնալով, թէ ըստ միջազգային օրէնքներու, ի՞նչ են «բրոքբրոյէն» կանոնները եւ թէ տարբերութեանց մէջ չկայ նախընթաց օրինակը, ես չեմ կրնար այս տեսակ թուղթ մը ստորագրելու հաւանիլ: Եթէ անպատճառ կը փափաքիք, որ այդ թուղթը տրուի Պատուիրակութեան, ուրիշ մը ստորագրելու է գայն, որովհետեւ չեմ ուզեր, որ ըսեն, թէ ինչպէ՛ս Նորատունկեան ալ, որ գիտեր այս մասին գոյութիւն ունեցող բոլոր իրաւական կանոնները, ինքզինքին ներքէ է այդ թուղթը ստորագրելու: Այս տեսակ իրաւունք մը Փաշային կրնայ տալ լոկ Հայկական կառավարութիւնը:

Պօղոս Նուպար Փաշա. Դաշնագրին յանձնման արարողութեան հրաւերին առթիւ սակայն կարելի եղաւ արժեցնել թրքահայոց անունով առանձին ներկայացուցչութիւն մը: Արդէն անգամ մը այս ժողովին մէջ պատմած եմ, թէ ինչպէ՛ս եղաւ այդ հրաւերը: Արտաքին Գործոց Նախարարութենէն թէլէֆօն եղած էր ինձի, թէ

\* Այստեղ ըսաւ նաև. «... պարզապէս ծիծաղելի կը դառնանք»: Վերջէն ջնջել տուաւ այս բառերը:

հրաւերը ստացա՞ք: Զի գիտեր խնդիրը, ելայ գացի Քէ տ'Օրս: Այնտեղ յայտնուեցաւ, թէ հրաւեր մը դրկուած է դաշնագրին յանձնման ներկայ գտնուելու համար, բայց այդ հրաւերը գացեր է լոկ Պ. Ահարոնեանի: Ատոր վրայ՝ իրենց բացատրեցի, թէ Հանրապետութեան դատէն անկախաբար գոյութիւն ունի թրքահայ դատ մը, թէ ես այդ դատը կը հետապնդեմ եօթ տարիէ ի վեր, պետութեանց հաւանութեամբ, եւ առ այդ իրաւասութեան գիրեր ալ ունիմ, որոնք նոյնպէս ծանօթ են պետութեանց եւ ընդունուած են անոնց կողմէ: Այդ գիրերուն ներկայացումն իսկ բաւեց, որ իսկոյն հրաւեր մըն ալ ինձի ուղղէ:

Պ. Ա. Թերզիպաշեան. Պէտք է վերջապէս պատմական ակտ մը ունենանք ձեռքերնիս, որպէսզի կարենանք ըսել, թէ բան մը ըրինք թրքահայոց համար: Եւ այդ ակտը ուրիշ բան չի կրնար ըլլալ, եթէ ոչ դաշնագրին ստորագրութիւնը թրքահայոց անունով:

Նորատունկեան էֆենտի. Դաշնագրին յանձնման արարողութեան հրաւերը եւ դաշնագրին ստորագրութիւնը տարբեր բաներ են եւ տարբեր կանոններու ենթակայ: Կը կրկնեն, որ ստորագրութեան միջոցին անհրաժեշտ է Հանրապետութեան կառավարութենէն իրաւասութեան գիր մը ունենալ, քանի որ անոր անունով է միայն, որ պիտի ստորագրուի: Միացեալ Պատուիրակութեան մէկ նիստին մէջ, որուն ներկայ էր նաեւ Պ. Աճէմօֆ, Պ. Ահարոնեան տրամադրութիւն յայտնեց, նոյնիսկ ինքնաբերաբար, գրելու այդ մասին Հանրապետութեան կառավարութեան, եւ ես ալ շնորհաւորեցի զինքը. Փաշան ալ համակերպեցաւ այդ օրը: Դարձեալ այս ժամով պէտք է գիր մը բերել տանք Փաշային համար, որպէսզի իրապէս կարենայ ստորագրել դաշնագիրը:

Պօղոս Նուպար Փաշա. Պէտք չկայ կարծեմ ըսելու, թէ ի՞նչ պիտի ըլլայ արդիւնքը: Այդ՝ պիտի ըսեն եւ բան մըն ալ չպիտի ընեն: Փորձով գիտենք ասիկա: Մնաց որ՝ եթէ Միացեալ կառավարութիւնը կազմուած չըլլայ, չեմ ուզեր դաշնագիրը ստորագրել Հանրապետութեան անունով: Ես կը ներկայացնեմ թրքահայերը, եւ մինչեւ որ Միացեալ կառավարութիւնը չկազմուի, չեմ կրնար թրքահայոց դատը կապել Հանրապետութեան:

Նորատունկեան էֆենտի. Մեր մեկնակետը այս խնդրին մէջ՝ պարզ է: Աճէմօս ալ կը փափաքիք, որ Փաշան ստորագրէ դաշնագիրը յանուն թրքահայոց: Բայց պէտք չէ մոռնանք, որ այսօր չենք գտնուիր այն դիրքին մէջ, ուր կը գտնուէինք դեռ քիչ առաջ: Այսօր Հայկական Պետութիւն մը կայ, իրաւապէս ճանչցուած, պետութիւն մը, որ պաշտօնապէս պիտի հրաւիրուի դաշնագիրը ստորագրելու: Ինչպէ՛ս կրնանք այդ պետութեան պաշտօնական ներկայացուցիչն ըսել ինչու ուրիշ ներկայացուցիչ մը՝ իրելու երկրորդ Հայկական Պետութիւն: Երեք հաւանականութիւններ կան, որոնք կրնան ծագիլ այս պայմաններուն մէջ, եւ զորս պէտք է նկատի առնենք որոշում մը տալէ առաջ: Նախ՝ թուրքերը կրնան մերժել: Երկրորդ՝ նոյն ինքն Հանրապետութեան կառավարութիւնը կրնայ առարկութիւն ընել: Եւ երրորդ՝ Տերութիւնները կրնան խնդիր հանել, թէ թրքահայոց անունով կազմուած պետութիւն մը չկայ, որպէսզի անոնց ներկայացուցիչը իրաւունք ունենայ դաշնագիրը ստորագրելու: Այս երեք հաւանականութեանց առջեւ ալ հաւասարապէս անզօր ենք: Կարծեմ աւելի խոհականութեամբ վարուած կ'ըլլանք Փաշային յանձնարարելով, որ այս մասին իրաւաբաններու կարծիքին դիմէ եւ անոնց թելադրութեանց համեմատ շարժի: Իմ

\* Այստեղ աւելցուց նաեւ. «...մենք որ չունինք այն պաշտօնական հանգամանքը, զոր ունի Հայկական Պետութիւնը, և որ բացարձակապէս անհրաժեշտ է որպէսզի մեր ներկայացուցիչն իրաւունք ունենայ դաշնագիրը ստորագրելու»: Վերջէն ջնջեց:

\*\* Այստեղ ըսաւ նաեւ հետեւեալը. «...ըսի արդէն, որ եթէ ուզէք, բայց ես չեմ ստորագրեր, մինչեւ որ Հանրապետութեան կառավարութիւնը չհաւանի»: Վերջէն ջնջեց այս մասը:



մասիս, վստահ եմ, թե բոլորն ալ պիտի ըսեն, որ անկարելի է: Բայց վերջապէս փորձ մըն է, թող ըլլայ: Գալով ստորագրութեան համար Փաշային պաշտօն տալու խնդրին, ըսի արդէն, թէ Զայ Զանրապետութեան գործակցութիւնն անհրաժեշտ է:

Պօղոս Նուպար Փաշա. Այդ պայմանով չեմ ստորագրեր, եւ պարզեցի արդէն պատճառը: Թող պատասխանատուութիւնը առնեն անոնք, որ կը հակառակին՝:

Պ. Ա. Չօպանեան. Այս Զանրապետը մշտապէս Պ. Ահարոնեանի սարսափին տա՞կ պիտի մնայ:

Տոքթ. Ներուզ. Քանի որ Պ. Ահարոնեանի անունը մէջտեղ դրուեցաւ, ըսեմ թէ ինչ կը մտածէ ինք անձնապէս: Պ. Ահարոնեան, իր խոստումին համաձայն, կառավարութեան պիտի հեռագրեր, որ Պօղոս Փաշան արտօնեն դաշնագիրը ստորագրելու, բայց այդ օրերուն պուշեկովի վտանգը շատ մեծ էր, լուր չկար Կովկասէն, յայտնի չէր, թէ դէպքերը ի՞նչ ընթացք պիտի առնէին, եւ ետ կեցաւ: Նոյնիսկ Պ. Աճեմօֆ եւ ուրիշ անձնաւորութիւններ խորհուրդ տուին, որ այդ անորոշ կացութեան մէջ ետ կենայ ռեւէ ձեռնարկ ընել: Բայց անձնապէս Պ. Ահարոնեան այն կարծիքը յայտնեց, թէ Կաթողիկոսին եւ Կ. Պոլսոյ Զանազգային Խորհուրդին կողմէ Փաշային տրուած իրաւասութեան գիրերը այնքան վաւերական չեն, որքան պիտի կրնար ըլլալ Զանազգային կողմէ տրուելիք իրաւասութեան գիր մը: Պատճառ մը չկայ, ուրեմն, որ այդ տեսակ գիր մը չտանք Փաշային:

Նորատունկեան էֆենտի. Կը հաւանիմ մէկ պայմանով: Գիրը պատրաստ կ'ըլլայ, Փաշան դիմում կ'ընէ Գերագոյն Խորհուրդին մօտ, եւ երբ ապահովութիւն ստանայ, թէ Զանազգային իրաւասութեան գրով իրեն իրաւունք պիտի տան դաշնագիրը ստորագրելու թրքահայոց անունով, այդ պարագային կը ստորագրեն:

Թէ՛ Ազգ. Պատուիրակութեան Նախագահը եւ թէ՛ Զանազգային համամիտ գտնուեցան Նորատունկեան էֆենտիի:

Պ. Տէր-Ստեփանեան այդ մասին կարողաց հետեւեալ առաջարկութիւնը. «Ազգ. Զանազգային «մանտա» կու տայ Ազգ. Պատուիրակութեան Նախագահին որպէսզի այն պարագային, երբ դաշնագիրը նուազագոյն չափով զոհացում տայ արեւմտահայոց պահանջներուն, անհրաժեշտ դիմումներն ընէ իրաւունք ստանալու համար դաշնագիրը ստորագրելու յանուն Թուրքիոյ հայոց ներկայացուցիչ Զանազգայինը:

Միւս կողմէ Զանազգայինը «մանտա» կու տայ իր Նախագահին, որ այդ նպատակով իրաւասութեան գիր մը յանձնէ, երբ Պատուիրակութեան Նախագահը յաջողի Դաշնագիրը ստորագրելու իրաւունքը ստանալ:

Ն. Տէր-Ստեփանեան»:

Այս առաջարկութիւնը քուէի դրուեցաւ 11 պատգամաւորներու ներկայութեան եւ ընդունուեցաւ միաձայնութեամբ:

Զանազգայինը կարծիքներու փոխանակութիւն մը ունեցաւ Պ. Մ. Պապաջանեանի կողմէ Յուլիս 9-ի նիստին մէջ բերանացի եղած այն առաջարկութեան մասին, որով անբաւական կը նկատուի Ազգ. Պատուիրակութեան անդամներուն թիւը եւ կը յանձնարարէր իրաւասութիւն տալ Պօղոս Նուպար Փաշայի՝ որպէսզի երբ պարագաները անհրաժեշտ դարձնեն, cooptation-ի դրութեամբ նոր անդամներ աւելցնէ Պատուիրակութեան:

Պօղոս Նուպար Փաշա. Կը հաւանիմ այս յանձնարարութիւնը՝ եթէ առանց պայմանի տրուի: Ըսի արդէն, թէ մեծ զոհողութիւն մը ըրի՝ հաւանելով, որ Պատուիրակութեան անդամներուն թիւը 4-ի իջնէ: Զէի կրնար ուրիշ կերպ ընել, որովհետեւ այլապէս անհնար պիտի դառնար ռեւէ համաձայնութիւն

\*\*\* Փաշան աւելցուց նաեւ՝ ակնարկելով Նորատունկեան էֆենտիի. «Ինք չուզեր, որ ես ստորագրեմ»: Նորատունկեան էֆենտի պատասխան չտուաւ և չուզեց, որ այդ խօսքը արձանագրուի:

Զանրապետութեան Պատուիրակութեան հետ: Զանազգային յանձնարարութիւնը կը գործադրենք երբ պէտք ծագի, երբ մանաւանդ նոր անպատեհութիւններ չյայտնուին այդ պատճառաւ:

Պ. Մ. Տէրպետեան. Պատուիրակութեան անդամներուն թիւը չորս ըլլալը բնական կը գտնեն: Կ'առաջարկեմ, որ այդ թիւն անփոփոխ մնայ: Պատուիրակութիւնը կրնայ ուզածին չափ մարդ աւելցնել իրեն, պայմանաւ որ խորհրդակցանի համագամանք միայն ունենան:

Պ. Ռ. Որբերեան. Ես այդ կարծիքին չեմ. որչափ անդամ կ'ուզեն թող աւելցնեն՝ եթէ պիտե՞ն կը ներէ:

Պօղոս Նուպար Փաշա. Կը խնդրեմ, որ այդ մանրամասնութիւնները Պատուիրակութեան թողուք: Կը բաւէ, որ Պատուիրակութեան իրաւունք ճանչցուի նոր անդամներ առնելու, եւ Պատուիրակութիւնը պարագաներուն ներած չափով կը գործադրէ այդ իրաւունքը:

Դուրեան Արքեպ. Անշուշտ երկու անդամէ աւելի չառնելու պայմանաւ:

Պօղոս Նուպար Փաշա. Անշուշտ:

Դուրեան Արքեպ. Եւ կարծեմ արդարութիւն եղած կ'ըլլայ՝ եթէ այդ երկու անդամները ըլլան անոնք, որոնք նախապէս Պատուիրակութեան կ'անդամակցէին եւ այս նոր կարգադրութեան հետեւանքով դուրսը մնացին:

Տոքթ. Ներուզ. Զեմ հասկնար, թէ երբ Զանրապետութեան Պատուիրակութիւնը լոկ խորհրդակցանքով կ'աշխատի, ինչո՞ւ մեր Պատուիրակութիւնը չորսէն աւելի անդամ ունենայ: Խորհրդակցանք կը հասկնամ. ուզուածին չափ կարելի է աւելցնել. բայց նոր անդամ աւելցնելով՝ դարձեալ խնդիր պիտի ծագի երկու Պատուիրակութեան միջեւ: Մանաւանդ որ որոշուած էր նոյնիսկ խորհրդակցանքն ընտրել երկու կողմերու համաձայնութեամբ:

Պօղոս Նուպար Փաշա. Ամենեւի՛ն, ամենեւի՛ն, բնա՛ւ այդ տեսակ բանի մը չեմ հաւանած: Ինչպէս որ իրենք իրենց խորհրդակցանքերը կ'ընտրեն առանց մեզի բան մը հարցնելու, այնպէս ալ մենք իրաւունք ունինք մեր խորհրդակցանքերը ընտրելու առանց իրենց հարցնելու: Ես արդէն մեծ զոհողութիւն մը ըրի միայն երեք աշխատակից ունենալու հաւանելով. բայց խորհրդակցանքն ընտրութիւնն ալ անոնց հաւանութեան ենթարկել, օ՛հ, ո՛չ:

Պ. Ն. Տէր-Ստեփանեան. Դիտել կու տամ, որ Տոքթ. Ներուզ մինչդեռ իմ քննադատութիւններուս պատասխանած ատենը ըսաւ, թէ Պ. Ահարոնեան ռեւէ դեր չէ կատարած մեր Պատուիրակութեան անդամներուն եւ անոնց թիւին սահմանման մէջ, հիմա կ'ըսէ, թէ cooptation-ով Պատուիրակութեան անդամներուն յաւելումը նոր դժուարութիւններ առաջ պիտի բերէ Զանրապետութեան Պատուիրակութեան հետ:

Պ. Ա. Չօպանեան. Նոր Պատուիրակութեան կազմութենէն անմիջապէս յետոյ առիթ ունեցայ տեսնելու Պ. Ահարոնեանը: Պատուիրակութեան մէջ չըլլալուս համար խնդալով կատակ մը ըրաւ: Ես ալ իրեն ըսի, որ կ'երեւայ թէ Զանրապետութեան ապահովութեան համար ատիկա անհրաժեշտ է եղեր: Ասոր վրայ Պ. Ահարոնեան խնդալէ դարբեցաւ եւ հաւաստեց, թէ ինք ո՛չ ամծի եւ ո՛չ թիւի մասին պահանջ չէ դրած. ինչպէս անցեալ տարի, այնպէս ալ այս տարի կարծիք մը միայն յայտնած է, թէ Ազգ. Պատուիրակութիւնը երեք անդամ պէտք է ունենայ: Պ. Ահարոնեան աւելցուց, որ ինչպէս անցեալ տարի, Զանազգայինը չընդունեց իր տեսակէտը եւ երեքի տեղ վեց անդամով Պատուիրակութիւն մը ընտրեց, ու ինք ալ շարունակեց անոր գործակցիլ, Զանազգայինը այս տարի ալ կրնար ուզածին չափ անդամով ընտրել Պատուիրակութիւնը. ինք իրաւունք չունէր ճնշում մը ընելու: Ասիկա կը պատմեմ պարզապէս ըսելու համար, թէ ամբողջ այս պատմութիւնը ինձի անհասկնալի կը թուի կոր: Ի՞նչ տեսակ համաձայնութիւն է աս, որու մասին ամեն մարդ մէկ մէկ պատմութիւն ունի:

Պօղոս Նուպար Փաշա. Լուծում մը միայն կայ ձեզի համար, սիրելի Պ. Զօպանեան. Դաշնակցական եղէք, եւ ամեն բան կը կարգադրուի:

Ի վերջոյ ներկայացուեցաւ հետեւեալ առաջարկութիւնը.

«Պատուիրակութեան քիւր.- Զամագումարը իրաւունք կու տայ Պատուիրակութեան Նախագահին՝ cooptation-ի դրութեամբ երկու նոր անդամներ աւելցնել Պատուիրակութեան, երբ պարագաները անհրաժեշտ դարձնեն այդ յաւելումը»:

Այս առաջարկութիւնը քուէի դրուեցաւ 12 պատգամաւորներու ներկայութեան, եւ ընդունուեցաւ 5-ի դէմ 7 ձայնով:

### 3. Փակում Ազգ. Զամագումարի

Կարդացուեցաւ Պ. Ռուբէն Որբերեանի հետեւեալ առաջարկութիւնը.

«Զամագումարի վերջին ժողովին, թոյլ տուէք որ առաջարկ բերեմ, իբր ցոյց յարգանքի, որոշել մի օր, երբ Փարիզի պանդուխտ հայեր, զնացին ուխտի այն մենաւոր ու գրեթէ մոռցուած գերեզմանին, ուր կը հանգչի աքսորական մեծ հայրենասէր Գրիգոր Օտեան: Բեռ Լաշեզի այդ շիրմին շուրջ հաւաքուելով, պիտի յիշուին միասնաբար, բոլոր այն միտքի հսկաներն ու քնարի վարպետները, Զօհրապէն մինչեւ Սիամանթօ, Զարդարեանէն մինչեւ Վարուժան, որ ինկան պարտականութեան փշալից ճամբուն վրայ, աչքերնին կիսաբաց, կարօտովն հայրենի ազատութեանց: Ու Զամագումարի կողմէն պսակ մը, եթէ կը զգան հոգիներ, ինչպէս կը հաւատար Օտեան, զերագոյն հրճուանքը պիտի առթէր իր անմխիթար ստուերին, բերելով հաւաստիքը, թէ վերածնած հայրենիքը պիտի չմոռնայ երբեք իր մեծ զաւակները, որ կեանքերնին զոհեցին ազատութեան բազիմին վրան:

Ռ. Որբերեան»:

Նախագահ Գաբրիէլ Էֆենտի Նորատունկեան յուզումով ոգեկոչեց այս առթիւ մեծամուն ազգային գործիչին, ինչպէս նաեւ անոր ժամանակակից ու գործակից ազգային մեծ դէմքերուն յիշատակը: Այս պատեհութեամբ յիշեց, թէ ասկէ առաջ երկու անգամ այցելած էր Օտեանի շիրմին: Առաջին անգամուն շատ անխնամ գտած էր զայն. երկրորդ անգամուն միայն տեսած էր որ քիչ մը խնամք տարուած է:

Պ. Զօպանեան յայտնեց, թէ Օտեանի շիրմը խնամուած էր Պ. Սինաս Զերազի շնորհիւ:

Նախագահ Գաբրիէլ Էֆ. Նորատունկեան առաջարկեց, որ Փարիզի հայ գաղութին ալ հրաւեր ուղղուի այս յարգանքի ուխտագնացութեան համար:

Զամագումարին ներկայ անդամները միաձայնութեամբ համամիտ գտնուեցան թէ՛ Պ. Որբերեանի եւ թէ՛ Նորատունկեան Էֆենտիի առաջարկութեանց, եւ որոշեցին մերձաւոր օր մը խմբովին Բեռ Լաշեզի գերեզմանատունը՝ Գրիգոր Օտեանի շիրմին շուրջ գտնուիլ:

Կարդացուեցաւ Պ. Դաւիթ-Բէկի հետեւեալ առաջարկութիւնը.

«Զամագումարը, իր նիստերը փակելէ առաջ պարտք կը համարէ յայտնել իր խորին շնորհակալութիւններն ու երախտագիտութիւնը Անկախ Զայ Պետութեան նեցուկ Զայկական Բանակին սպաներուն եւ զինուորներուն եւ իր հիացումի զգացումները Արեւմտեան Զայաստանի /Կիլիկիոյ/ պանծալի ռազմիկներուն:

Մ. Ս. Դաւիթ-Բէկ»:

Ներկայ 11 պատգամաւորները ծափահարութիւններով համատնութիւն յայտնեցին այս առաջարկութեան:

Զամագումարը որոշեց, որ նոյն առթիւ համակրութիւն յայտնուի նաեւ Զանրապետութեան կառավարութեան, եւ այդ մասին ուղերձի մը խմբագրութիւնն ու առաքումը յանձնարարեց Դիւանին:

Դարձեալ Զամագումարը պաշտօն յանձնեց Դիւանին՝ համակրութեան ուղերձ մը դրկել Կիլիկիոյ հայ ժողովուրդին:

Ի վերջոյ նախագահ Գաբրիէլ Էֆենտի Նորատունկեան ծանոյց, թէ ներկայ նիստով կը փակուի Զամագումարին երկրորդ նստաշրջանը, եւ ըսաւ.

Նորատունկեան Էֆենտի. Զամագումարի այս երկրորդ նստաշրջանին աշխատութիւնները պատկերացնող ամփոփումը, որուն գլխաւոր մասերը կարդացուեցան այստեղ եւ վաւերացուեցան, լրացուելով պիտի իրատարակուի եւ պիտի տրուի ամենուր, հաղորդելու համար ձեզ ընտրող մարմիններուն կամ շրջանակներուն: Զամագումարն իր առաջին նստաշրջանին ըրաւ ինչ որ կրնար: Իր աշխատութեանց մէկ մասը կը պատկանէր անմիջական կարգադրութեան կարօտ խնդիրներու. մաս մըն ալ ապագայ կարգադրութեանց պէտք ունեցող խնդիրներու: Այս երկրորդ նստաշրջանին Զամագումարը տեսաւ, թէ ի՞նչ ձեւով աշխատուեր է այդ վերջին խնդիրներուն հետապնդութեան եւ ի՞նչ արդիւնք գոյացեր է: Այդ մասին Զամագումարը կարծիքի փոխանակութիւններ ունեցաւ եւ տուաւ այն բոլոր որոշումները, որոնք կը պատշաճէին անոնցմէ իւրաքանչիւրին: Աշխատութեան շատ մեծ հարկ մը կը ծանրանար այս երկրորդ նստաշրջանին Զամագումարին վրայ, այն է՝ ազգային համերաշխութեան հարկը: Պէտք էր ներքին համերաշխութիւն ժողովին անդամներուն միջեւ, ինչպէս պէտք էր նաեւ համերաշխութիւն ընդհանուր ժողովուրդին զանազան հատուածներուն միջեւ: Զամագումարը չէր կրնար առ այդ ռեւէ կոչում ընել ժողովուրդին եթէ ինք իր մէջ համերաշխ չըլլար: Ուրախ եմ հաստատելու, թէ ներքին անհամաձայնութիւնները որոնք գոյութիւն ունէին, կրցաւ հարթել փոխադարձ զիջողութեամբ, եւ վերջ ի վերջոյ յանգեցաւ միաբանութեան մը, որ անշուշտ արժանի է ամեն շնորհաւորութեան ու խնդակցութեան: Ազգին ներկայ դրութեան մէջ շատ վնասակար բան մը պիտի ըլլար՝ եթէ երբեք այս ժողովը ցրուէր անհամերաշխութեան մէջ: Որովհետեւ, իր օրինակին վրայ, ժողովուրդը աւելի պիտի պառակտուէր, միջնորդ այսօր իր մէջ տիրող միաբանութիւնը թերեւս գրգռե մը դառնայ,- եւ սրտանց կը մաղթենք ասիկա,- որ ժողովուրդն ալ համերաշխութեան նոյն ոգուով հարթէ իր մէջ գոյութիւն ունեցող անհամաձայնութիւնները եւ միաբան ու միակամ բոլորուի մեր մանուկ պետութեան շուրջ: Առանց մեր ամենուս գործակցութեան եւ ձեռք-ձեռքի աշխատութեան՝ դժուար թէ կարենանք կենսունակ ու զօրաւոր վիճակ մը ապահովել այդ պետութեան: Չեմ ըսեր, որ համերաշխութիւնը ամեն խնդրի մասին դիւրին է, բայց ինչպէս որ այս ժողովին մէջ նոյնիսկ շատ խոր անհամաձայնութիւններ կարելի եղաւ հարթել՝ ազգին զերագոյն շահերուն համար փոխադարձաբար եղած զիջողութիւններով, պէտք է որ Զամագումարի իւրաքանչիւր անդամ իր շրջանակին մէջ աշխատի նոյն ոգին ներշնչելու ժողովուրդին. այդ պարագային՝ ինչ որ անկարելի կը թուէր, դիւրաւ կը հարթուի, ինչպէս արդէն փորձով տեսանք այստեղ: Զամագումարն այլեւս ուրիշ դեր չունի: Բաժնուելէ առաջ կրնանք ակնարկ մը նետել այն խնդիրներուն վրայ, որոնց լուծման կը սպասէ հայութիւնը:

- Նախ՝ ազգին նիւթական բարւոքման հարցը կայ: Պէտք է ամեն ջանք ընել, որ զանազան անկիւններ ցրուած եւ ընդհանրապէս նիւթական ու բարոյական շատ աննպաստ կացութեան մը մատնուած տարագիրները փութով վերադառնան հայրենիք, տեղաւորուին, հաստատուին, ունենան իրենց շէնքերը եւ օժտուին ապրուստի անհրաժեշտ միջոցներով: Դժուար խնդիր: Բայց դարձեալ ազգին ընդհանուր ձեռնտուութիւնը եւ միաբան գործակցութիւնը պիտի կրնան իրականացնել զայն: Ասիկա խնդիր մըն է, որուն վրայ պէտք է խորհինք ամէնէն աւելի, որովհետեւ առանց ժողովուրդին արդի տխուր վիճակին բարւոքման կարելի չէ, որ բարւոքի մեր պետութեան վիճակը:
- Երկրորդ խնդիր մը օժանդակ պետութիւն մը գտնելու անհրաժեշտութիւնն է: Մենք հաւատք ունինք, թէ Պատուիրակութիւնն այս հարցը յարմարագոյն կերպով մը լուծելու համար բոլոր կարելիին պիտի ընէ: Օժանդակ պետութեան մեծ կամ

փոքր ըլլալուն նայելու չէ. կը բաւէ որ անկեղծ համակրութիւն մը ունենայ մեր ժողովուրդին նկատմամբ եւ մեր պետութեան օժանդակ դառնայ ո՛չ թէ իր սեփական շահուն համար, այլ առաւելապէս մարդասիրական, կարելի է ըսել՝ հայասիրական զգացումներէ թելադրուելով:

- Ուրիշ կարեւոր խնդիր մը միացման հարցն է: Պէտք է, որ վերջ գտնէ արեւելեան եւ արեւմտեան հայոց միջեւ գոյութիւն առած երկուութիւնը, որ այնքան աղիտաբեր եղաւ մեր ազգին, անցեալին մէջ, եւ որ ա՛լ աւելի աղիտաբեր կրնայ դառնալ նաեւ յառաջիկային: Չմոռնանք, որ մեր պետութեան բարգաւաճման ու զօրացման մեծագոյն միջոցներէն մէկն ալ այդ միութիւնն է: Երբ այս տեսակետով խորհիմք միութեան խնդիրն վրայ, իսկոյն պիտի հասկնանք մեծութիւնն ու նուիրականութիւնը այն պարտականութեան, որ մեզմէ իւրաքանչիւրին վրայ կը ծանրանայ այդ խնդիրը անպատճառ բարեյաջող լուծման մը հասցնելու համար: Կը կարծեմ, որ եթէ ամեն մէկ պատգամաւոր իր շրջանակին մէջ աշխատի ազդելու հանրային կարծիքին ու մանուկին վրայ, այս գործն ալ կ'իրականանայ:
- Հայաստանի վերջնական կազմութեան համար պիտի սպասենք նախագահ Ուիլսոնի իրաւարարութեան: Այս գործը պիտի կատարուի մեզմէ անկախաբար եւ պիտի ստիպուինք սպասել արդիւնքին: Բայց ատոր սպասելով մէկտեղ, պէտք է մենք ալ մեր ձեռքէն եկած ամեն բան ընենք որպէսզի Միացեալ Հայաստանը վերջնականապէս կազմուած օրը կարենանք զայն օժտել միացեալ ժողովուրդով մը, ինչ որ գլխաւոր հիմն է իր մեծութեան: Պէտք է այս կերպով պատրաստենք ժողովուրդը այդ մեծ օրուան, զոր ամբողջ հայութիւնը պէտք է ողջունէ միատարր ու միաբան: Ազգն ամբողջ կարենալու է ըսել այդ օրը, թէ իր հոգին, զգացումները, մտածումները մէկ են եւ կը ձգտին միակ նպատակի մը, պետութեան ու ժողովուրդին մեծութեան:
- Այդ յոյսով կը վերջացնեն այս մէկ քանի խօսքերը եւ կը յուսան Ձեր ամենուր զգացմանց թարգմանը ըլլալ՝ գոչելով. կեցցէ՛ Հայաստան, կեցցէ՛ մեր ամենուս Հայրենիքը:

Բոլոր պատգամաւորները երկարատեւ ծափահարութիւններով ձայնակցեցան Գաբրիէլ Էֆենտի Նորատունկեանի:

Պօղոս Նուպար Փաշա. Բաժնուելէ առաջ անգամ մըն ալ Համագումարիդ կը յայտնեն իմ երախտագիտութիւնս՝ վստահութեան եւ համակրութեան այն ցոյցին համար, որուն արժանի նկատեցիք զիս:

Ժողովիդ ծանօթ են այն պատճառները, որոնք զիս հարկադրեցին քաշուիլ: Հանգիստի պէտքը տիրական էր ինծի համար. չէի կրնար այլեւս աշխատիլ այնպէս, ինչպէս աշխատեի էի անցեալին մէջ: Բայց հակառակ ասոր, ստիպուեցայ զիջիլ եւ վերստանձնել այս ծանր գործը, որովհետեւ տեսայ, թէ ուրիշ միջոց չկար եւ թէ չէի կրնար խուսափիլ այս հայրենասիրական պարտականութենէն: Կը յուսամ, որ պիտի կրնամ այդ պարտականութեան բարձրութեան վրայ մնալ մինչեւ դաշնագրին ստորագրութիւնը: Դեռ երէկ, այդ ստորագրութիւնը մօտալուտ կը թուէր. բայց այսօր ամեն բան ցոյց կու տայ, որ շուտով տեղի չպիտի ունենայ, պիտի երկարաձուլի, ինչպէս երկարաձուլեցան ուրիշ շատ մը հարցեր, որոնց լուծումը երբեմն օրերու խնդիր մը կը նկատուին եւ որոնցմէ ոմանք անլոյծ կը մնան տակաւին մինչեւ այսօր: Գործը որ յանձնեցիք մեզի, չափազանց ծանր է ու դժուար: Յոյս ունիմ, որ զիս չէք մեղադրեր՝ եթէ հիմակուց զգացնեմ, թէ կրնան պատահիլ վայրկեաններ, որոնց ընթացքին թերեւս ինծի դժուար ըլլայ պէտք եղած կորովով մնալ պատճէշին վրայ, նկատի առնելով առողջական վիճակս եւ այն արտակարգ յոգնութիւնը, որուն ենթարկուած էի մինչեւ այսօր:

Նորատունկեան Էֆենտի. Թոյլ տուէք, որ անգամ մըն ալ Ձեզ սրտապնդեմ: Ես այն խոր հաւատքն ունիմ, թէ մինակ չէք մնար Ձեր դժուարին աշխատութեան մէջ եւ բոլոր անոնք, որոնք կրնան ոեւէ կերպով օժանդակել այդ մասին, սիրով կը

բոլորուն Ձեր շուրջը: Իմ մասիս, ինչպէս անցեալին մէջ երբեք չեմ մերժած, միշտ պատրաստ պիտի ըլլամ առաջին կոչին Ձեր մօտ փութալու, եթէ երբեք ատիկա անհրաժեշտ դատեք, եւ աշխատելու այնպէս, ինչպէս աշխատեցայ մինչեւ այսօր, ամեն անգամ որ պէտք տեսնուեցաւ: Կը հասկնամ գործին բովանդակ դժուարութիւնը. գիտեմ, եւ փորձով տեսայ, թէ կարգ մը պահերու մէջ չափազանց ծանր է Պատուիրակութեան Նախագահի պաշտօնը: Սակայն, կը յուսամ, թէ այս անգամ այլեւս մօտն ենք ելլին: Եթէ թուրքերը ստորագրեն մինչեւ քանի մը օր, այն ատեն մեծ աշխատութեան հարկ չի մնար: Բայց եթէ, հակառակ ամեն ակնկալութեան, թուրքերը մերժեն ստորագրել, այն ատեն կը հասկնամ, որ ամեն բան կ'ընճուի: Ո՛վ գիտէ, թերեւս այդ պարագային Թուրքիոյ բաժանման հարց ծագի եւ մեր դատին հետապնդութեան, ինչպէս նաեւ Կիլիկիոյ ապագային սահմանման համար անհրաժեշտ դառնայ շատ դժուարին աշխատութիւն մը, եւ հարկ ըլլայ մեր Համագումար մը հրաւիրել: Կովկաս ալ շատ վտանգի ենթակայ է այս միջոցին: Մեր պետութիւնը յաջողեցաւ պոլշեիկ շարժումի մը առաջը առնել այս անգամ. չենք կրնար որոշապէս ըսել, թէ կրկնութեան պարագային պիտի կրնա՞յ մոյս յաջողութիւնը ունենալ, եթէ Սոսկուայի ազդեցութիւնն ու զօրութիւնը հետզհետէ աւելի ծաւալին Կովկասի մէջ: Ատրպատական, որ բոլորովին պոլշեիկ դարձաւ, յուսադրիչ օրինակ մը չէ այս տեսակետով:

Պօղոս Նուպար Փաշա. Այս ամենը ցոյց կու տան, թէ որքան ծանր գործ կայ ընելիք: Այս առտու՝ Արտաքին Գործոց Նախարարութեան պաշտօնատունն էի. ընդհանրապէս այն կարծիքին եմ, թէ թուրքերը չպիտի ստորագրեն: Ամեն բան տակն ու վրայ պիտի ըլլայ այդ պարագային: Եթէ մոյսիս ստորագրեն՝ դարձեալ ոչինչ լմնցած պիտի ըլլայ, որովհետեւ կայ գործադրութեան խնդիրը, որ տարակոյս չկայ, թէ մեծ մտահոգութեանց դուռ պիտի բանայ: Ծայրաստիճան խառնակ դրութեան մը հանդէպ կը գտնուինք: Ամեն պարագայի մէջ՝ բոլոր կարելին պիտի ընենք այս ծանր պարտականութիւնը մինչեւ վերջը տանելու համար: Դժբախտաբար, կազմութեան լուծումը մեր ձեռքը չէ եւ ամեն բան մեր աշխատութենէն կախուած չէ, քանի որ դէպքերուն ենթակայ ենք եւ այդպէս ալ պիտի մնանք: Բայց կը բաւէ, որ մեր խիղճը հանդարտ մնայ եւ կարենանք ըսել, թէ ըրինք ինչ որ կրնայինք ընել: Այդ պիտի ըլլայ մեր տքնութեանց եւ աշխատութեան պսակումը եւ մեր ամբողջ վարձատրութիւնը:

Նորատունկեան Էֆենտի. Եւ անշուշտ Ամենապատիւ Դուրեան Արքեպիսկոպոս, ինչպէս բոլոր պատուարժան պատգամաւորները, իրենց պարտականութիւն պիտի նկատեն արձագանգ ըլլալ Համագումարիս բաղձանքներուն եւ իղծերուն, իրենց շրջանակներու ժողովուրդին մօտ:

Պ. Աւետիս Թերզիպաշեանի առաջարկութեան վրայ, ներկայ բոլոր պատգամաւորները ծափահարութիւններով շնորհակալութիւն յայտնեցին Գաբրիէլ Էֆենտի Նորատունկեանին, թէ՛ Համագումարին նախագահութեան պաշտօնը այնքան արժանեօք ու անկողմնակալութեամբ վարած ըլլալուն եւ թէ՛ Ազգ.Պատուիրակութեան յառաջիկայ աշխատութեանց ալ գործակցելու մասին տուած խոստումին համար:

Համագումարի երկրորդ նստաշրջանին այս փակման միտքը լրացաւ ժամը 7-ին:

ՀԱԱ, ֆ. 430, ց. 1, գ. 68, թթ. 9-23: Ձեռագիր: Բնագիր:

**ԲՈՎԱՆԴԱԿՈՒԹՅՈՒՆ**

Հայոց ազգային բյուրո .....	9
Հայկական համագումար Պետրոգրադում .....	119
Ազգային համախորհրդակցություն .....	160
Արևմտահայերի համագումարներ .....	291
Արտակարգ խորհրդակցություն .....	313
Հայ ազգային համագումարներ .....	339

**ՀԱՄԱՀԱՅԿԱԿԱՆ ԽՈՐՀՐԴԱԿՑՈՒԹՅՈՒՆՆԵՐ  
(1912-1920թթ.)**

**Փաստաթղթերի և նյութերի ժողովածու**

**ВСЕАРМЯНСКИЕ СОВЕЩАНИЯ  
(1912-1920.)**

**Сборник документов и материалов**

Ստորագրված է տպագրության 2004թ. հունիսի 15-ին:  
Չափսը 60x84 <sup>1</sup>/<sub>16</sub>: Ծավալը 49,5 մամուլ:  
Թուղթը՝ օֆսեթ: Տպաքանակը 350:

---

«Լուսաս» ՍՊԸ տպարան: Երևան, Վ.Վաղարշյան 12ա: